











ANTONII FABRI I. C. SEBVSIANI

SERENISSIMI SABAVDIÆ

DVCIS CONSILIARII AB INTIMIS

& in supremo Sabaudia Sena-
tu Præsidis primatij,



DE ERRORIBVS PRAGMATICORVM ET INTERPRETVM IVRIS,

CHILIAS ABSOLVTA.

SEV

QVARTA ET POSTREMA PARS

In viginti quinque Decades, vt superiores distincta.

*In quibus noua pleraque potissimum circa actiones penales, rei persecutorias, mixtas, conditiones cer-
ti, incerti, suntuam, iusticiariam, rerum amotarum, & omnes ferè arbitrarías. Nèquæ circa lau-
dimiales quæstiones: Omnia aduersus receptas veterum & recentiorum interpretum traditiones.*

Ad Serenissimum atque Inuictissimum D. Carolum Emanuelem Sabaudia
Ducem, Subalpinorum Principem, &c.

Caroli Emanuelem Sabaudia Ducem, Subalpinorum Principem, &c.



ex hys. 2.

COLONIAE ALLOBROGVM,

Sumptibus Samuelis Crispini:

M. DCXV.

13 12 C

THE UNIVERSITY OF CHICAGO

LIBRARY OF THE UNIVERSITY OF CHICAGO
540 EAST 57TH STREET
CHICAGO, ILL. 60637

THE UNIVERSITY OF CHICAGO
LIBRARY OF THE UNIVERSITY OF CHICAGO
540 EAST 57TH STREET
CHICAGO, ILL. 60637

THE UNIVERSITY OF CHICAGO

LIBRARY OF THE UNIVERSITY OF CHICAGO
540 EAST 57TH STREET
CHICAGO, ILL. 60637

THE UNIVERSITY OF CHICAGO
LIBRARY OF THE UNIVERSITY OF CHICAGO
540 EAST 57TH STREET
CHICAGO, ILL. 60637

THE UNIVERSITY OF CHICAGO
LIBRARY OF THE UNIVERSITY OF CHICAGO
540 EAST 57TH STREET
CHICAGO, ILL. 60637

THE UNIVERSITY OF CHICAGO
LIBRARY OF THE UNIVERSITY OF CHICAGO
540 EAST 57TH STREET
CHICAGO, ILL. 60637

THE UNIVERSITY OF CHICAGO
LIBRARY OF THE UNIVERSITY OF CHICAGO
540 EAST 57TH STREET
CHICAGO, ILL. 60637

THE UNIVERSITY OF CHICAGO
LIBRARY OF THE UNIVERSITY OF CHICAGO
540 EAST 57TH STREET
CHICAGO, ILL. 60637

INDEX ERRORVM.

DECADIS LXXX.

- De actione rerum amotarum an in solidum danda sit contra heredem an non. Ad l. vlt. C. rer. amot. 1. 145
- De iureiurando in litem in actione rerum amotarum, quando secum habeat contra mulierem aut eius heredem. Et ad l. 6. §. item heres. & l. pen. D. rer. amot. 11. 149
- De sententia & ratione l. in conditione 9. D. de condit. furt. l. vnic. C. ex delict. de-
functor. & leg. 7. D. de alien. iud. mut. caus. fact. 111. 153
- Quantum intersit an conueniatur heres ex hereditaria actione arbitraria, an ex
stricta: & an primus heres sit, an secundus 1111. 157
- De Cuiacii interpretatione ad d. l. in conditione 9. D. de condit. furt. & ad l. 7. §. 1.
Depos. l. 2. §. vlt. De praeor. stipul. v. 160
- De sententia & ratione l. in depositi 9. l. si duo 22. & l. 1. §. si apud duos D. de positi l.
cum ex causa 139. De verb. oblig. v. 1. 165
- Quantum dislet inter plures heredes venditoris conuentos de euictione & plures
heredes depositary dolosos. Et resolutus Accursius ad d. l. si duo 22. D. de pos. vii.
169
- De aliis Cuiacii & aliorum interpretationibus. Ad d. l. 9. D. de cond. furt. vii. 173
- De conditione furtiua & actione rerum amotarum, quod nullo modo sint famose,
neque penales. 1x. 178
- Consultatio aliorum argumentorum Cuiacii, & de asimatione Quanti plurimi in con-
ditione furtiua. x. 183

DECADIS LXXXI.

- De duplici conditione furtiua certi & incerti quam interpretes quidam induxe-
runt Ad l. si ignore 22. D. de pignor. act. 1. 186
- Ad posteriorem partem distinctionis quam ponit Vlpianus in d. l. si ignore 22. De
pignor. act. 11. 190
- De conditione incerti, quae datur creditori subrepto pignore per debitorem 111. 192
- Quid probare debeas qui agi conditione incerti de subrepto pignore contra debito-
rem. Et quid si subreptum pignus fuerit per extraneum 1111. 196
- Conditionem furtiuam incerti nullam esse ostenditur & de certi conditione genera-
li. v. 199
- De conditione possessionis. De conditione incerti. v. 1. 204
- De sententia & emendatione l. heres 23. D. ad Sc. Trebell. vii. 206
- De sententia & emendatione l. 2. C. rer. amot. & cur actio rerum amotarum con-
stante matrimonio non competat, Et ad l. vlt. §. vlt. C. de furt. vii. 210
- De actione damni in factum, de qua in d. l. 2. C. rer. amot. & in l. vlt. D. de seruo cor-
rupt. & ad l. si quis uxori 52. D. de furt. 1x. 214
- De actionibus quae constante matrimonio inter coniuges dantur ab interpretibus. Ad
l. si extraneus 33. D. de iur. dos. l. 3. C. eo. l. 5. §. si donationis, & §. seq. l. si pradia 58.
§. vlt. D. de donat. in. & vxor. l. etsi de tua 9. Cod. eo. l. hac actio 65. D. de solut.
matr. x. 219

DECADIS LXXXII.

De penalis aut turpibus actionibus inter coniuges etiam manente matrimonio

INDEX ERRORVM.

<i>dandis. Ad l. 3. §. 1. D. rer. amot. si seruus seruum</i>	<i>27. §. si cum maritus D. ad leg.</i>	
<i>Aquil. l. ult. D. de seruo corrupti.</i>	<i>1.</i>	226
<i>De actione serui corrupti an deur inter coniuges etiam conitante matrimonio. Ad l.</i>	<i>ult. D. de seruo corrupti. Et ad l. si ego 9. §. ult. D. de iur. dot. 11.</i>	230
<i>De sublati per l. iulianum retentione ob res amotas, & ob impensas. Et an bodie</i>	<i>ullus possit esse visus a ditione rerum amotarum. l. 11.</i>	234
<i>De sublati retentione dotis ob impensas in l. unic. §. sed nec ob impensas C. de rei v.</i>	<i>xor. att. l. 111.</i>	236
<i>Retractata interpretatio l. si quis qui Stichum 56. §. quod dicitur D. de iur. dot. & de iur.</i>	<i>dicio De moribus, & de compensatione obscienda actioni Rerum amotarum. Ad</i>	
<i>l. 1. C. rer. amot. v.</i>		238
<i>De vili actione furti inter patrem & filium militem habentem peculium castrense.</i>	<i>Ad l. si quis uxori 52. §. sed si filius meus, D. de furt. v. 11.</i>	240
<i>De patre qui subtraxit rem peculij castrensis. Ad d. l. si quis uxori 52. §. an autem</i>	<i>pater filio D. de furt. v. 11.</i>	242
<i>De actione Rerum amotarum quam dat Vlp. contra uxorem que furti operiuit. Et</i>	<i>de danda filio in patrem actione furti de castrensi peculio, aut si filius fuerit e-</i>	
<i>mancipatus. v. 111.</i>		247
<i>De temperamento Tribonianee in specie litem si cum 14. §. sed & si quis D. quod</i>	<i>met. caus. 1x.</i>	251
<i>Ad l. metum 9. §. licet eod. tit. & ad l. si pignora 22. §. idem Papinianus D. de pignor.</i>	<i>att. Et ad d. §. sed & si quis l. 14. D. quod met. caus. x.</i>	255

DECADIS LXXXIII.

<i>De conditione triticaria, Et de certi conditione generali cur sic utraque dicta i.</i>		258
<i>Quomodo petatur triticum per conditionem certi, & cur non etiam pecunia mutue-</i>	<i>rata per triticariam. 11.</i>	262
<i>De certi conditione speciali ex mutuo. 111.</i>		269
<i>De conditione certi, quam dant interpretes ad id quod interest 1111.</i>		268
<i>De sententia l. si dominus 8. D. de prescr. verb. & l. pen. D. de condit. caus. dat. v.</i>		274
<i>De conciliatione Pomponij in l. pen. De condit. caus. dat. cum Papiniano in d. l. si do-</i>	<i>minus 8. D. de prescr. verb. v. 1.</i>	278
<i>De emendatione d. l. si dominus 8. D. de prescr. verb. v. 11.</i>		282
<i>De actione incerti Prescriptis verbis, ad certam quantitatem pecunia v. 111.</i>		288
<i>De Bartoli & Cuiacy ad supradictam Papiniani legem interpretationibus</i>		1x.
<i>290</i>		
<i>De aliis Cuiacy erroribus ad eandem Papiniani legem x.</i>		294

DECADIS LXXXIII.

<i>De certi conditione quam dant interpretes ex obligationibus faciendi. i.</i>	300
<i>De incerto quod sit certum per taxationem indicis. 11.</i>	303
<i>De necessitate vel visitate certi conditionis generalis. 111.</i>	306
<i>De diffinitione & usu conditionis triticaria. 1111.</i>	311
<i>De differentia conditionis certi ex mutuo & conditionis certi ex stipulatione cum</i>	<i>locus</i>



SERENISSIMO ATQVE

INVICTISSIMO D. CAROLO EMANVELI,
SABAVDIAE DVCI, SVBALPINORVM
Principi, &c.

ANTONIUS FABER

•S. & F.P.



OSTVLABAT iampridem
ingentium meritorum er-
ga me tuorum magnitudo,
Dux inuictissime, vt meam
De Erroribus pragmatico-
rum, & interpretum iuris
Chiliadem ante tot annos
inchoatam feliciter, tuisq;
auspiciis dicatam absoluerem
pergerem, Non solum vt
extaret publicè quaecunque hoc & obseruantia, & gra-
titudinis in te meae monumentum, nec longiore mora vr-
gentis officij gratiam labare sinerem, sed etiam, quod ad
nominis mei tuendam, si qua est, existimationem pertine-
re maximè videbatur, ne si in liberanda fide cunctarer diu-
tius, non modò iuris studiosorum omnium, sed tuam
quoque expectationem dolo malo fefellisse viderer, aut,
quod paris si non perfidia, saltem auerentia & temeritatis
fuisse, longè plura maioraque vltro praestanda recepisse,

EPISTOLA.

quàm præstare tãdem potuisse. Nec sanè fuisset mihi quicquam aut optabilius, aut antiquius, quàm vt & votis meis, & aliorum flagitationibus, in re. præsertim adeò dulci & honesta, quàm citissimè, ac cumulativissimè satisfacerem, si quantum materiæ ad scribendum Errores interpretum offerebant, & indefatigabile meum de Iurisprudencia bene merendi studium suggererat alacritatis, & animi, Tantum ocij à publicis meæ dignitatis functionibus, inter medias conclamata propemodum valetudinis anxietates, aut impetrare, aut subtrahere licuisset: A quo potissimum tempore, tu, Princeps Serenissime, ad præcellum hoc supremi in tanto Senatu honoris fastigium, me nihil minùs cogitatem vltro euehere ante quadriennium, ac promouere voluisti. Quid enim mihi, si non honorificentius, certè maius accidere poterat, & ad grati animi stimulos, quos optimo cuique natura indidit, excitandos efficacius, quàm à tanto Principe tãtum accepisse beneficium, priùs quàm meruisse? Quod si ad æstimandam beneficij, etiam quod à summi Principis liberalitate profectum sit, magnitudinem multum referre solet, *Quis, Cui, Quid, Quando, & Quomodo* dederit, Ea verò vniuersa & singula in hanc vnã veluti collimationem magis ac magis ornandi mei sic concurrisse animaduerto, vt non facilè possim dicere, an munificentia tuæ magnitudinem tenuitas mea clariorem fecerit, & illustriorem, an potiùs tenuitatis meæ pudorem subrusticum, munificentia tuæ amplitudo validior profligarit. Et enim si tanti Ducis maiestatem intueor, quis inter Christianos Principes & splendore generis, & maiorum siue antiquitate, & supra sexcentos annos continuata serie, siue claritate nobilior? *Quis* tam numerosa, & ad omnem pietatis ac virtutis laudè felicissimè progenita & educata prole generosissima vnquã beator? *Quis* tam constanti perpetuâque populorum fide, amore, ac pietate securior? *Quis* belli pacisque

EPISTOLA.

pacisq; artibus instructior, exercitatio? & rerum domi foris-
 que præclare gestarum gloria excelsior? Adderem libentissi-
 mè nec minùs verè, si quid etià hoc ad rem pertineret, AC
 IN CÆTERIS QVOQVE OMNIBVS FELICIOR, si in meliora
 tempora virtus tua, cui hoc vnum fortassis defuit, incidisset.
 Sin ad meam condicionem, totque clarissimorum virorum
 præstantiam respicio, quibus etià tacentibus, nihilque tale
 ambientibus tantò iustus ac propèsius deferri honor hic de-
 buisset, Quis non ex tam multis, quos hæc tua tibi exhibebat
 Sabaudia, me vno longè dignior, cui & tanta dignitas, &
 cum dignitate simul ipsa propemodù summa rerum com-
 mitteretur? Illis maximè tēporibus sanè quàm periculosis-
 simis, quibus ex Christianissimi, rēq; maximi Galliarū Re-
 gis Henrici quarti horrenda nece, tanta imminabat toti Eu-
 ropæ rerum omnium perturbatio, vt non alijs deferenda tum
 hæc cura videretur, quàm ei qui non tantum doctrina præ-
 celleret, ac eruditione, [Cuius nescio qua literarum infelici-
 tate nullus ad rempublicam bene gerendā vsus, aut non nisi
 perexiguus esse creditur] sed, quod in rebus agendis est præ-
 cipuum, longis tractandarum rerū experimentis gubernandi
 peritissimus, hac etià parte cæteris omnibus anteciret. Si de-
 nique, quàm facili, ac propensa liberalitate, quod in benefi-
 ciis amplificandis caput est, hæc mihi dignitas per tuam Cel-
 situdinem decreta sit, qua maior alia mea ambitioni, si qua
 vnquā fuit, reliqua esse nulla possit: Facere certè non possum
 quin glorier simul, & exclamem, Id omnium præclarissimè
 atque honorificentissimè mihi contigisse, quod neque meis
 vllis, aut amicorum meorū victus precibus, neque aulici cu-
 iusquam præpotentis fatigatus importunis postulationibus,
 sed sola iudicij de me tui propensione, vt primum de mei de-
 cessoris, Deus bone quanti viri! quanti Præsidis! obitu ad te
 allatum est, hæc mihi prouinciam continuò decreuisti, nul-
 lo gratiæ, aut ambitioni, nullo sordibus & largitionibus, aut

EPISTOLA.

quàm præstare tãdem potuisse. Nec sanè fuisset mihi quicquam aut optabilius, aut antiquius, quàm vt & votis meis, & aliorum flagitationibus, in re. præsertim ad eò dulci & honesta, quàm citissimè, ac cumulatissimè satisfacerem, si quantum materiæ ad scribendum Errores interpretum offerebant, & indefatigabile meum de Iurisprudencia bene merendi studium suggererebat alacritatis, & animi, Tantum ocij à publicis meæ dignitatis functionibus, inter medias conclamata propemodum valetudinis anxietates, aut impetrare, aut subtrahere licuisset: A quo potissimum tempore, tu, Princeps Serenissime, ad præcellum hoc supremi in tanto Senatu honoris fastigium, me nihil minùs cogitatem vltro euehere ante quadriennium, ac promouere voluisti. Quid enim mihi, si non honorificentius, certè maius accidere poterat, & ad grati animi stimulos, quos optimo cuique natura indidit, excitandos efficacius, quàm à tanto Principe tãtum accepisse beneficium, priùs quàm meruisse? Quod si ad æstimandam beneficij, etiam quod à summi Principis liberalitate profectum sit, magnitudinem multum referre solet, *Quis, Cui, Quid, Quando, & Quomodo* dederit, Ea verò vniuersa & singula in hanc vnã veluti collimationem magis ac magis ornandi mei sic concurrisse animaduerto, vt non facile possim dicere, an munificentia tuæ magnitudinem tenuitas mea clariorem fecerit, & illustriorem, an potius tenuitatis meæ pudorem subrusticum, munificentia tuæ amplitudo validior profligarit. Et enim si tanti Ducis maiestatem intueor, quis inter Christianos Principes & splendore generis, & maiorum siue antiquitate, & supra sexcentos annos continuata serie, siue claritate nobilior? *Quis* tam numerosa, & ad omnem pietatis ac virtutis laudè felicissimè progenita & educata prole generosissima vnquã beatior? *Quis* tam constanti perpetuaque populorum fide, amore, ac pietate securior? *Quis* belli pacisque

pacisq; artibus instructior, exercitior? & rerum domi foris-
 que præclare gestarum gloria excelsior? Adderem libentissi-
 mè nec minùs verè, si quid etiàm hoc ad rem pertineret, AC
 IN CÆTERIS QVOQVE OMNIBVS FELICIOR, si in meliora
 tempora virtus tua, cui hoc vnum fortassis defuit, incidisset.
 Sin ad meam condicionem, tótque clarissimòrum virorum
 præstantiam respicio, quibus etiàm tacentibus, nihilque tale
 ambientibus. tantò iustius ac propèsius deferri honor hic de-
 buisset, Quis non ex tam multis, quos hæc tuatibj exhibebat
 Sabaudia, me vno longè dignior, cui & tanta dignitas, &
 cum dignitate simul ipsa propemodù summa rerum com-
 mitteretur? Illis maximè tēporibus sanè quàm periculosissi-
 mis, quibus ex Christianissimi, tēq; maximi Galliarū Re-
 gis Henrici quarti horrenda nece, tanta imminebat toti Eu-
 ropæ rerum omnium perturbatio, vt non alij deferenda tum
 hæc cura videretur, quàm ei qui non tantum doctrina præ-
 celleret, ac eruditione, [Cuius nescio qua literarum infelici-
 rate nullus ad rempublicam bene gerendā vñsus, aut non nisi
 perexiguus esse creditur] sed, quod in rebus agendis est præ-
 cipuum, longis tractandarum rerū experimentis gubernandi
 peritissimus, hæc etiàm parte cæteris omnibus anteciret. Si de-
 nique, quàm facili, ac propensa liberalitate, quod in benefi-
 ciis amplificandis caput est, hæc mihi dignitas per tuam Cel-
 situdinem decreta sit, qua maior alia meæ ambitioni, si qua
 vnquā fuit, reliqua esse nulla possit: Facere certè non possum
 quin glorier simul, & exclamem, Id omnium præclarissimè
 atque honorificentissimè mihi contigisse, quod neque meis
 vllis, aut amicorum meorū victus precibus, neque aulici cu-
 iusquam præpotentis fatigatus importunis postulationibus,
 sed sola iudicij de me tui propensione, vt primum de mei de-
 cessoris, Deus bone quanti viri! quanti Præsidis! obitu ad te
 allatum est; hæc mihi prouinciam continuò decreuisti, nul-
 lo gratiæ, aut ambitioni, nullo sordibus & largitionibus, aut

EPISTOLA.

etiam fumi venditoribus relicto loco, si quis fortè tam malis artibus, quod à plerisque fit, aditum sibi ad tātum honorem per infamiam struere voluisset: In summa tam subitò, tamq; festinanter, vt apud imbecillitatis meæ conscios, ni constātis & exploratæ prudentiæ tuæ rationibus vincerentur, hoc vñ fortasse dubitandi ansam præbere potuerit, an certo, maturòque iudicio abs te factum esset, quod tam citò fecisses. Nec tanto contentus dato munere, Renatum quoq; meum in Senatorium ordinē eodem liberalitatis impetu cooptasti, vt quem non nisi Senatoriæ dignitatis meæ successorem post meos cinerēs, te iam tū ita indulgēte, sperauerā, nouo plane, ac ante diem illum inaudito exemplo, haberem viuus laborum meorum etiam testem & comitem, neq; Ordini amplissimo Faber Senator subtraheretur, sed Præses Faber adderetur. Sum ego, vt vides, Dux Serenissime, in acceptis beneficiis commemorandis tantò longior, quantò tu expeditior in conferendis, & promptior extitisti: Non ob id solum, vt tātò suauior sit oblectatio, quam ex eorum cōmemoratione percipio, [nec etiam grato animo recordatio sufficere nuda potest] sed etiam vt facili tibi persuadeas, Tamen si cætera, quæ tam multa suppetunt, vrgēda meæ ad Chiliadem absoluentiam diligentię incitamentā defuissent: His tamen moueri me debuisse, vt nihil prætermittē, quod ad ostentādā meam cum fide diligentiam facere videretur, siue quòd explendæ fidei ratio illa mihi semper visa sit omnium optima, quæ celerissima: siue quòd manca remunerandi spe, quam immensitas beneficij anteuertat, eo minùs tardam gratiarum actionem esse deceat, vel ob hoc ipsum, vt quod exhibēda gratitudinis dignitati deest, exhibendi celeritate compensetur. Enimuerò, ne hoc quoque, quod in volentis cuiuslibet arbitrio positū esse videtur, in mea fuerit potestate, præter quotidiani muneris mei continuam, ac ne vno quidē ferè die intermissam exercitationem, fecerunt etiam repentinæ pleraque,

que, ac in singula penè momenta emergentes publicorum casuum occasiones, quæ auidum, & sua sponte incitatum calamū ab inchoato, nec mihi vnquam molesto scribendi cursu reuocarūt. Tacco quod in ipso ineundæ administrationis meæ primordio, ac per annum subinde propè integrum, is rerum nostrarum status fuit, vt etiam de conscribendo penè exercitu, & quod erat consequens de parandæ militaris annonæ, cura suscipienda. Denique de cæteris quoq; omnibus ad militares functiones pertinentibus, hoc solo excepto, ne manu confertum irem, cogitare me assiduè, nō minùs quàm de forensibus negotiis oporteret. Aded mihi videbar, reluctante licet genio, veterum illorum Præsidum, qui olim prouincias Cæsaris regebant, imaginem quandam referre: Quorum sicuti prima post Principem in ea prouincia potestas erat in omnibus, ita & suprema illa authoritas, vt ad eos solos absente Cæsare, de vniuersis belli pacisq; consiliis vice Principis referretur: Sileo tot mihi ab inde constatas ex dignitate inuidias, tot contracta immerenter odia, tot vndiq; excitationes vltrò ne dicam gratis calumnias, quibus innocentiam meam onerare ac premere obtrectatores & æmuli non destiterunt, in id vsque tempus, quo te vnum, Princeps Serenissime, non minùs iudicij tui, quàm innocentia meæ constantissimum, & acerrimum propugnatorem experti, omnē opprimendi & nocendi animum, conatūq; desperatione victoriæ abiecerunt. Nam quemadmodum inuidia non solum minoris, vt ille dicebat, sed etiam peioris, semper est, ita facile tandem fecit me ipsa rerum veritas superiorem, patientiam triumphantem. Etsi verò in hoc obeundo quantumuis periculoso certamine, neque temporis, neq; operæ quicquam consumpsi, sic planè persuasus, quod & euentus ipse comprobauit, satis mihi & in mea cōscientia, & in Dei Opt. Max. tuæque protectione fore præsidij: Non possum tamen dissimulare, quin quātum & animi & ingenij viribus adiecit ista

EPISTOLÆ

contentio, tantum de mei ad scribendum ocij festinatione ac dulcedine plerunq; detraxerit. Prætereo quàm plurimas pro externis maximisque Principibus ab eo tempore, tuo etiam iussu & imperio, habitas, susceptasque Consultationes: Quæ si quando erunt in publicum editæ, quod amici plerique iam urgent, nostram si non eruditionem, certè diligentiam testabuntur, ut appareat nihil minùs fuisse nos quàm ociosos, tùm quoque cùm nihil agere, nihil scribere videbamus: Ne quid addam de Consultationibus cæteris, quæ licet minoris momenti, Attamen ut frequentiores, ita importuniores, quicquid tēporis subcisiui superfuit, à nobis aut volentibus impetrarunt, aut inuitis extorserunt. Sed liceat mihi, quæso, per tuam Celsitudinē, Dux inuictissime, id vnum non tacere, quod tibi, ut spero, non iniucundum, Mihi verò, meisque posteris perhonorificum etiam apud exteras gentes futurū est, Quod anno superiore, cùm in eo res esset, ut grauiissimæ istæ de Montisferrati Ducatu contentiones priuata ac familiari decertatione componi posse crederentur, Meam tibi operam in eam rem non inutilem fore ratus, ut quid mihi de iure tuo videretur amplissimè scriberem, imperasti, Quasi crederes posse industriā meam aliquid iis addere, quæ nobilissimi totius Italiæ, plerique etiam Galliæ Iureconsulti ante multos annos in eandem litem elaborarāt: Cùm tamen essent ab iis tam accuratè exactèque tractata omnia, ut amplissimis eorum responsis, in volumina plura excrescentibus, neque detrahi debere, neque addi posse quicquam putaretur. Quid? quod etiam difficillimo brumæ tempore per medias niuium & procellarum tempestates, altæque montium præcipitia, Tu penè inuitus, &, quæ singularis tua fuit humanitas, de mea salute, ne quid fortè periclitaretur, sollicitus, me tamen ut ad Celsitudinem tuam venirem, Taurinum euocasti, non solum, ut visis instrumētorum tabulis authenticis, quantum in ipsis collocandum esset ponderis ac mo-

menti

menti certiore iudicio perpēderem, Verū etiam, vt si Mediolanum tandem proficiscendum esset ad causam, vt sperabatur, coram & ex ore apud conuentos arbitros disceptandam, hic mihi aliisque viris clarissimis, quos ex Pedemontano Senatu præstantissimos selegeras, præcipuus honor deferretur. In quo etsi neque votis tuis, neque expectationi meæ successus omnino respondit, propter contumacem illorum peruiaciā, qui sub ipsum protectionis & congressionis tempus, suspectum Mediolani locum, suspectos arbitros, suspecta denique dixerunt tempora, qui suspectas potius leges dicere debuissent, Attamen quemadmodū tibi, Dux inuictissime, cessit feliciter, quod singularis tuæ ad pacem-propensionis testem habuisti sacrosanctum Pontificem Max. Potentissimos Europæ Reges, totam Italiam, Europam denique vniuersam: atque ita totius belli, quod non potest iustum non esse, cū est necessarium, inuidiam omnem, & iniuriam in aduersariorum caput rerudisti: Ita & mihi gloriose, quod post tot egregios scriptores, qui nihil intactum reliquisse videbantur, Feci tamen animi magis, quā ingenij fiduciā, nec tam doctrinæ quā obsequij & obseruantix quadam abundantia, vt nouas quā plurimas facti, circumstantias, & quæ ex facto nascuntur, iuris rationes certissimas, necdum ab alio antea obseruatas adinuenerim, quæ, cū ita iubente te lucem accipient, palam facient, non magis Tribonianos tibi, ne dicam Papinianos ad disceptandum, quā Bellisarios, & Narsetes ad bellandum, vincendumque defuisse. Possent ista sufficere vt diuturniorem meam cessationem, nec ab officij mei obliuione aliqua, nec à crassiore vlla negligentia profectam esse intelligeres, sed à iustissimis aliis plerisque causis, quarum neque suspecta tibi fides, & veritas esse potest, neque vlla mihi culpæ suspicio ex iis metuenda: Verū placeat etiam addere, ne quid celem, quod ad vitæ meæ rationes tibi vni explicandas spectet, superiore toto ferè quadriennio

EPISTOLA.

quotidianā à me diligentiam in filiis meis iunioribus ad hāc Papinianæ Iurisprudentiæ scientiam erudiendis impensam esse: Cū & paternæ adfectioni, & tibi, & Reipublicæ hoc me debere crederem, & ipsi quoque Iurisprudentiæ; ut quoniam neque labantis & ingrauescentis ætatis meæ ratio, neque lubricum & incertum nutantis valetudinis ullum ferè spei locum relinquit de absoluendis Rationalibus, aut de Papiniana Iurisprudentia perficienda, Facerem saltem ne deessent, qui meis cineribus hanc operam vicariam præstarent, parique at fortassis etiam maiore felicitate, id omne quod à me in iuris studiorum gratiam inchoatū esse viderent, hereditario quodam iure ad optatum finem perducerent. Neque tamen auiditati meæ moras iniicere omnia ista potuerunt, quin præter auctum quarta Editione plus quàm quintæ Senatuscōsultis Codicem, etiam Rationalia in secundam Pandectarum partem prosequerer: Quæ propemodum quoque absoluta, sicuti iam ferè typographos interpellant, Ita cū erunt edita, quid nos circa cæteras tanti operis partes præstare possemus, si longiorem & lucis & ocij vsuram Deus Opt. Max. daret, præclariùs indicabunt. Habes, Dux inuictissime, & ocij & dignitatis meæ rationes non in folle, quod aiunt, sed in specie singulorum penè temporum causarumque enumeratione bona omnino fide explicatas subductasque. Tuæ iam est æquitatis, & benevolentiæ æstimare an culpandus sim magis, quod tardiùs de promissa Chiliade fidem libero, An laudandus potiùs, quod inter tot importuna variorum impedimentorum diuerticula, rectum propositi mei cursum nihilominùs constanter tenuerim, nec peragenda Chiliadis institutum aut abiecerim vnquam, aut intermiserim. En igitur tibi, Princeps Serenissime, totique Iurisprudentiæ Chiliadem absolutam, nec infeliciter, si nō mihi nimis blandior. Sic enim omnibus persuasum, testatūque esse cupio; In priores huius operis partes ea tantum me

contu-

contulisse, quæ ab interpretibus & pragmaticis ignorata credidi: In hanc verò ultimam, nihil ferè nisi ea, quæ ipse ego antea ignoravi: Ne dubitare quisquam debeat, quin potuerit hoc opus in immensum excrecere, ut sunt infinita propemodum ea, quæ non minùs à me quàm à cæteris omnibus in hunc usque diem ignorata fuerunt, nisi me ipsa operis inscriptio intra ceterisimæ Decadis cancellos inuitum cohibuisset, Ingens planè ac magnum opus, quidni enim iam perfectum laudem? & dignum prorsus quod aduersus obrectatorum, si qui adhuc supererunt accusationes & calumnias, augustissimi nominis tui patrocinio fulciatur, Vt si fortè, quod assequi tentauimus, nobilissimam scientiam tot scatentem & fœdatam erroribus à barbarorum spurcitiæ hoc nostro labore aliqua ex parte vindicatam & pristinæ dignitati suæ restitutam fuisse credet posteritas, nonihni mihi debere se agnoscat, Omnia verò tibi. Quàm enim præclare de me scriptisque meis sentias, non certioribus aut grauioribus rerum argumentis probare possis, quàm quod & amandi & ornandi mei finem hucusq; nullum facis: Testata etiam publicè non semel constantis huius voluntatis tuæ causa, quæ si vera est, perpetuam utique mihi beneuolentiam tuam pollicetur, Quod inter tam multos qui hac ætate iurisprudentiam nostram vigiliis suis illustrarunt, non postremam & laboris & ingenij laudem mihi debitam esse arbitreris. Sed sentient quidem posteri ut volent, volent autem, si ex præteritorum cognitione de futuris bene ominor, ut debebunt. Mihi amplissima tot lucubrationum merces illa fuerit, si primùm Deo Opt. Max. qui & velle dedit & perficere, non ingratum obsequium præstitero, & tuæ Celsitudini quantulamcunque gratissimi erga te animi mei significationem: Non ut pro tot beneficiis quibus me obstrictum tenes, aliquid tibi à me vicissim rependatur, quod neque verecundia mea sperare debuit, neque beneficentia tua expectare, sed ut intelligas

EPISTOLA.

neque maius, neque dignius quicquam præstari à me in hoc scribendi genere potuisse. Benè vale Dux inuictissime, & Serenissime, mihi que & tuis omnibus diutissime tot tantorumque Principum, Felix nepos, Felix pater, Felix viue. Dat. Camberij 4. Id. Decembr. 1614.



AD LECTOREM.

In laudem & commendationem operis.

*Qui decies denos decies demonstrat in usu
Errores, Themidis pandit & antra sacra,
Is decies decimam decies persoluit alumnis,
Juris & errantis navis adaequat iter.
Dic mihi qua tanti sint premia digna laboris?
Anni mille parum; sacula mille satis.*

INDEX





INDEX CAPITVM SEV ERRORVM.

Prior numerus Errorem, posterior verò paginam huius
editionis demonstrat.

DECADIS LXXVI.

<i>De triplici culpa lata, leui, & lenissima Err. 1.</i>	<i>pag. 1</i>
<i>De lectione & sententia l. quod Nernā 32. D. de posu. 11.</i>	<i>5</i>
<i>De in litem surando ob latam culpam. Ad l. 2. Cod. de in lit. iur. & de lata culpa in causis criminalibus vindicanda 111.</i>	<i>8</i>
<i>De insciia Triboniani in §. aliquando. Instit. de perpet. & temp. aē. Et ad l. de co. 18. D. de posu. 1111.</i>	<i>11</i>
<i>De actione ex testamento qua datur ad duplum pro relictis piis v.</i>	<i>15</i>
<i>De actionibus ex maleficio qua habent rei persecutionem v 1.</i>	<i>18</i>
<i>De actione que contra falsum mensorem datur, & De tributoria. Ad l. 7. §. si cuius, & l. 8. De tribut. aē. Et ad l. 1. §. hac verba D. ne vis fiat ei. Et de actione in fa- lsum ex causa interditi Vnde vi, & de emendatione l. 3. §. 1. ill. tit. vnd. vi. v 11.</i>	<i>21</i>
<i>De actione legis Aquiliae cur non detur in heredem. Ad §. at ne is quidem. infr. ad leg. Aquil. Itemque ad l. 3. §. pen. & ultim. & l. 4. D. si mens. fals. mod. dixer. Et de actione qua ex precario competit cur non detur in solidum aduersus heredem v 111.</i>	<i>24</i>
<i>De eadem actione qua pro precario datur an & quo casu transeat in heredem. Et de conciliatione Papiniani cum Paulo & Ulpiano Ad l. questum 8. §. ultim.</i>	<i>28</i>
<i>De precar. & l. cum heres 13. De diuers. temp. prescri. 1 x.</i>	<i>33</i>
<i>De emendatione l. cum heres 11. D. de diuers. tempor. prescript. x.</i>	<i>33</i>

DECADIS LXXVII.

<i>De precarij reuocatione 1.</i>	<i>39</i>
<i>De precario ad certum tempus constituto 11.</i>	<i>42</i>
<i>De sententia l. cum precario 12. D. de precar. 111.</i>	<i>46</i>
<i>De exceptionibus qua dantur aduersus interdillum Quod vi aut clam. Ad l. 3. §. sed si permiserit. l. 1. §. denique l. si alius 7. §. bellissima. D. quod vi aut clam 1111.</i>	<i>51</i>
<i>De distinctione posita in l. si alius 7. §. est & alia exceptio cod. tit. Quod vi aut clam, & de illius loci emendatione v.</i>	<i>55</i>
<i>De actione prescriptis verbis ei competens qui rem aliquam concessit precario</i>	

INDEX ERRORVM.

v 1.	59
De habitationis gratuita precario & commodato v 1.	65
De sententia & ratione l. Aquilius 27. D. de donat. & retractata interpretatio & emendatio l. Lucius 32. eod. v 111.	69
De emendatione d. l. Aquilius in versis. quod si expulsus 1x.	73
De interdicto quod superficiario proponitur, De quo in d. l. Aquilius 1.	76

DECADIS LXXVIII.

De conditione furtiva contra heredem furum, an in solidum, an de cotantiem quod ad ipsum pervenerit danda 1.	79
Ad l. sed non dantur 10. D. de tutel. & ratione distrab. Et de sententia ac emendatione l. 5. D. de condit. furt. 11.	81
De actione, de peculio, qua datur contra patrem vel dominum ex furto filij vel servi in l. 3. §. ex furtiva pen. D. de pecul. 111.	85
De sententia lex penalibus 58. De regul. iur. & de conditione ex non iusta causa, & ex iure gentium. Ad l. rerum 55. D. rer. amot. 1111.	89
De differentia conditionis furtiva & actionis rerum amotarum in questione d. l. 3. §. ex furtiva D. de pecul. & l. 3. §. ult. D. rer. amot. v.	92
An & qualiter actiones rerum amotarum detur ex contractu Ad leg. si rerum 57. D. de re iudic. v 1.	94
De utili actione De peculio danda contra patrem ex causa rerum amotarum vna filia. Ad l. 5. D. rer. amot. v 11.	97
De actione qua ob res amotas contra patrem competis supra quam su in peculio Ad l. vna 5. D. rer. amot. v 111.	100
De actione rerum amotarum danda in patrem mortua filia de eo quod ad patrem pervenit Ad l. 3. §. ult. in fin. D. rer. amot. 1x.	103
De variis actionibus, qua competunt contra patrem ob res amotas per filiam familiam. Et ad l. contra 6. in princ. & §. quoties D. rer. amot. 2.	106. & 107

DECADIS LXXIX.

De conditione furtiva contra eam qua vxor est vel fuit. Ad l. 3. §. 1. D. rer. amot. 1.	111.
De conditione furtiva quam dant interpretes contra vxorem cuius servus furtum marito fecit, aut ex contrahatione quam ipsa feceris ante matrimonium. Et ad l. si quis vxoris 52. in princ. D. de furt. 11.	114
De sententia & emendatione l. si concubina 17. in princ. D. rer. amot. 111.	117
De donationibus inter eos factis qui iniunctas nuptias & adversus mandata contraxerunt. Ad l. cum hic status 32. §. ult. D. de donat. int. vir. & vxor. 1111.	120
Ad l. si ex volumas 7. C. de donat. int. vir. & vxor. v.	124
Ad §. si quis sponsam pen. l. cum hic status 32. & ad l. quod vir. 65. De donat. int. vir. & vxor. & ad l. 2. §. 1. De his qua ut indign. v 1.	125
De actione rerum amotarum an sit conductio, necne. Ad l. 26. D. rer. amot. v 11.	129
De sententia l. rerum quidem 25. D. rer. amot. v 111.	134
De sententia & ratione l. penult. De condit. furt. 1x.	139
De prudentem veterum diffensione in hac questione leg. penult. De condit. furt. & de media quadam Papiniani sententia in leg. 5. D. rer. amot. 2.	141

DECA-

INDEX ERRORVM.

8

locum adiectus est, Ad l. vinum 22. De reb. cred. & l. vlt. De condiction. tritic. l. aut
 minus 6. D. de eo quod cert. loc. v. 326
 Quid in triticaria si triticum quod certo loco dari debuit alibi petatur. Et ad l. si be-
 res 5. D. de eo quod cert. loc. v. 319
 De conciliatione l. 3. & l. vlt. D. de condiction. tritic. v. 11. 323
 De inuenda estimatione rei petita per condictionem triticariam v. 11. 326
 Cur non ipsa merx, aut alia res debita & petita in condemnationem deducatur ma-
 xime in iudicio bonae fidei. 1 x. 328
 Cur in iudicio bona fidei in re aestimanda non inspicitur tempus litis contestate. x.
 330

DECADIS LXXXV.

De sententia l. 3. D. de condiction. tritic. Et ad l. 4. §. ait Prator. D. de re indicat. 1. 333
 De necessitate concipienda condemnationis in pecunia ad executionem indicat. Ad
 d. l. C. si in caus. iudic. pign. capt. §. l. vlt. C. de usur. rei iudic. l. dominus 36. D. de
 liber. caus. 11. 337
 De sententia l. vlt. C. de usur. rei iudic. 111. 340
 De venditore conuenso precise ad hoc ut rem tradat emptori. 1111. 343
 De sententia l. si quis alienam 46. D. de action. empt. & ad Paulum lib. 1. Sentent.
 Tit. 13. De indicat. v. 11. 347
 De eo qui ad dandum obligatus est an precise urgeri possit ad dandum. v. 1. 351
 Etiam in actionibus qua competunt ad dandum item aestimari per sententiam. Et
 cur non praestetur estimatio qua crenis post condemnationem. v. 11. 354
 De secundo emptore cui priori fuit traditae res quam sciuit venditam alydum fuisse.
 Et de renocatoria quam interpretes priori emptori accommodant. v. 111. 357
 Si res uni vendita postmodum alteri donata & tradita sit 1 x. 363
 De eadem rem pluribus separatim donata & posteriori donatario tradita. Ad postre-
 mam partem d. l. quoties 15. C. de rei vindic. x. 367

DECADIS LXXXVI.

De sententia & variis interpretationibus l. quoties 15. C. de rei vindic. 1. 370
 Ad l. qui sibi 6. C. de hered. vel act. vend. l. siue autem 9. §. si duobus. De Public. in
 rem act. 11. 373
 De interpretatione Cuiacii ad d. l. quoties, & ad l. si a Titio 72. D. de rei vindic. 111.
 376
 De emendatione d. l. quoties. 1111. 380
 De differentia vindicationis & Publiciana circa precij solutionem. v. 383
 Alia emendatio in postremis verbis d. l. quoties. Et ad versic. Et si sanè. v. 1. 386
 Si eadem res pluribus vendita & tradita sit siue ab eodem non domino, siue à diuer-
 sis non dominis, Et de emendatione l. si ea res 31. §. vltim. D. de action. empt. v. 11.
 389
 De re duobus vendita & tradita à diuersis non dominis contra Iulianum & Vlpia-
 num pro Neratio in d. l. si ea res 31. §. vlt. De act. empt. v. 111. 393
 Si idem dominus vel non dominus eandem rem duobus pignerauerit & alteri qui
 posterior contraxerat priori tradiderit 1 x. 397
 De re quam plures ab eodem locatore in solidum conduxerint separatim. Ad Lino-
 peris 26. D. locat. & ad l. ne cui 32. C. cod. x. 401

INDEX ERRORVM

DECADIS LXXXVII.

<i>Si venditor promittat eam rem alteri non vendere, ex eaque causa obliget bona sua generaliter, vel ipsam rem venditam specialiter, quam postea vendat & tradat alteri. 1.</i>	
<i>De sententia & emendatione l. si creditor 7. §. vlt. D. de distract. pignor. 11.</i>	404.
<i>De conuentione Ne liceat debitori vel creditori pignus aut hypothecam vendere. 111.</i>	410.
<i>Ad l. si conuenit 4. D. de pignorat. act. Tribonianismus obseruatus in d. l. si creditor 7. §. vlt. de distr. pign. 1111.</i>	414.
<i>De pacto de non alienando, quod quis adhibuerit in traditione rei sua. Ad l. si ita quis 135. §. ea lege De verb. obligat. v.</i>	417.
<i>De sententia & ratione l. ea quidem 5. C. mancip. ita fuer. alien. v1.</i>	420.
<i>De sententia & ratione l. ea lege 3. C. de condit. ob caus. dator. v11.</i>	423.
<i>Si vnus tantum ex donataris fidem frgerit in specie d. l. 3. Et an potentior sit hominis prohibitio in contractu facta, an legis. v111.</i>	426.
<i>De alienatione dominij prohibita per legem. 1x.</i>	430.
<i>De alienationis prohibitione facta per testatorem, an impediat dominij translationem. x.</i>	432.
	435.

DECADIS LXXXVIII.

<i>De prohibitione legis expressa & hominis tacita in alienatione rerum fideicommissi. Ad l. vlt. §. sed quia. C. commun. de legat. 1.</i>	440.
<i>De iure veteri quo valebat alienatio rerum fideicommissio subieclarum ita ut reuocari non posset ne quidem facta hereditatis restitutione. Ad l. si heres 70. §. si ha. res. D. ad SC. Tribell. 11.</i>	444.
<i>De legatis in diem certum vel sub conditione relictis: Ad d. l. fin. §. penult. & ad l. 1. cod. ut. C. commun. de legat. 11x.</i>	448.
<i>De legatis in diem certum relictis. Et ad l. 1. Cod. commun. de legat. & fideic. 1111.</i>	451.
<i>De rerum fideicommissio subieclarum acquisitione per usucapionem, & longi temporis possessionem. v.</i>	454.
<i>De differentia quam ponunt interpretes inter mobiliū, & immobiliū rerum usucapionem. Ad l. mora 26. C. de rei vindic. & ad l. vnic. C. de transform. usucap. v1.</i>	457.
<i>Si res subiecta fideicommissio alienata sit à persona non prohibita, & possessa per longum tempus bona fide ante euentum dies, vel conditionis. v11.</i>	460.
<i>De prescriptione contra fideicommissarium currente antequam p'sit i' e de fideicommissio agere. v111.</i>	463.
<i>Rursum ad l. 3. de condit. tritic. si homo petitus per triticariam decesserit ante condemnationem. 1x.</i>	466.
<i>Cur in conditione triticaria res que petiit ante condemnationem affinetur ex tempore mortis non condemnationis. x.</i>	470.

DECADIS LXXXIX.

<i>De eo quod scriptum est in dist. l. 3. de condit. tritic. spectandum tempus mortis</i>	et malae
---	----------

INDEX ERRORVM.

<i>De re facta deteriore post moram. l.</i>	474
<i>De sententia l. hominem 37. D. mandati in l. resp. 11.</i>	478
<i>De differentia quam nonnulli ponunt inter speciem & merem debitam in conditione triticaria. 111.</i>	481
<i>De actionibus arbitariis. 1111.</i>	483
<i>De actionum arbitrariorum definitione. Ad §. preterea 31. Instit. de action. v.</i>	487
<i>De necessitate clausule Arbitrio tuo inferenda in formula actionis arbitrarie & componenda formula ex verbis editi Prætoris. v1.</i>	491
<i>De ratione & sententia l. penult. D. de confess. v11.</i>	493
<i>De potestate arbitrij in actionibus arbitariis, Et ex quo arbitrio sint estimandæ actiones arbitrarie. v111.</i>	496
<i>De eo quod quidam putant in actionibus arbitariis tractari omnia mitius. 1x.</i>	498
<i>De inducendis ad prærendum indicato vel arbitrio dandis. Et quantum intersit an indicati executio facienda sit, an arbitry. x.</i>	501

DECADIS XC.

<i>De arbitrio iudicis in actione De eo quod certo loco. l.</i>	503
<i>De eo quod Africanus scribit in l. centum 8. De eo quod cert. loc. rationem estimationis arbitrio iudicis committit. 11.</i>	505
<i>De formula quam adstruunt actionis arbitrarie De eo quod certo loco. 111.</i>	509
<i>Quomodo concipienda sit formula actionis arbitrarie De eo quod certo loco. Et cur per emphasim dicatur arbitrarie. 1111.</i>	511
<i>De causis ex quibus datur arbitrarie De eo quod certo loco. v.</i>	513
<i>Que postrema fuerit ratio inducendæ actionis arbitrarie De eo quod certo loco. Et ad l. heres absens 19. §. vlt. D. de indic. v1.</i>	515
<i>De actione arbitrarie, an ubique, an ubique exercenda. Et ad l. si quis legationis 8. D. de indic. l. §. vlt. De constit. pecun. v11.</i>	517
<i>De sententia l. heres absens 19. in princip. & l. eum qui insulam 43. D. de indic. v111.</i>	519
<i>De nostrorum interpretationibus ad l. heres absens 19. §. vlt. D. de indic. l. 1. & vlt. C. de sent. que fin. cert. quant. profer. 1x.</i>	522
<i>De sententia l. vlt. C. de sentent. que fin. cert. quant. profer. Et de tribus casibus distinguendis cum quaritur, ubi solutio fieri debeat. x.</i>	524

DECADIS XCL

<i>De arbitrarie que datur pro pecunia mutua certo loco soluenda. Ad l. aut mutua 6. D. de eo quod cert. loc. & ad l. qui Roma 122. in princip. de verb. oblig. 1.</i>	527
<i>Alia differentia inter mutuum & stipulationem pecunia certo loco soluenda. 11.</i>	530
<i>De actione arbitrarie, Ex testamento. Ad l. si heres §. 5. De eo quo cert. loc. & de differentia legatorum vindicationis, & damnationis hæc parte. 111.</i>	532
<i>Quantum interis quomodo conceptum su legatum certo loco dandum.</i>	535

INDEX ERRORVM.

<i>Est an per vindicationem an per damnationem legatum sit. Ad l. quod legatur 38.</i>	
<i>D. de iudic. l. cum res 47. in princ. De legat. 1. 1111.</i>	534
<i>De actione arbitraria ex aliis contrahibus strictis. Et an stricti iuris actiones ex strictis fiant arbitrariae. Ad l. 1. D. de eo quod cert. loc. 4.</i>	536
<i>De actione quam dicunt arbitrariam ex consuetudo. Ad l. si duo 16. §. 1. D. de pecun. consu. 41.</i>	540
<i>De rei vindicatione directa sine arbitraria. 411.</i>	541
<i>De iudicis absolutoris. Et de litiis affirmatione facienda in arbitrariis. 411.</i>	547
<i>De pronuntiatione iudicis declarantis in directa vindicationis iudicio rem petitam esse petitoris. 12.</i>	552
<i>De potestate formula quam Prator dabat in iudicio directa vindicationis. 2.</i>	556

DECADIS XCII.

<i>Cur in aliis actionibus quam arbitrariis nulla precedat pronuntiatione, nullumque arbitrium ante condemnationem. 1.</i>	560
<i>De restitutione & solutione qua fit in iudiciis bona fidei & strictis ante condemnationem. 11.</i>	565
<i>An arbitrium iudicis aliquod sit, quod primam pronuntiationem precedat in arbitrariis. 111.</i>	569
<i>De restitutione per manum militarem facienda in actione quod metus causa. 1111.</i>	574
<i>De actione Ad exhibendum. 4.</i>	580
<i>De nominalibus actionibus, Nullas esse arbitrarias. Ad l. miles 6. §. 1. D. de re iudic. 41.</i>	585
<i>De actionibus arbitrariis qua contra dominum ex noxali causa instituntur. 411.</i>	589
<i>De actione rerum amotarum an sit arbitraria. 4111.</i>	593
<i>De actione hypothecaria. Ad l. si fundus §. in vindicatione D. de pignor. 12.</i>	599
<i>De differentiis actionis hypothecariae & vindicationis domini circa condemnationem & litiis affirmationem. 2.</i>	603

DECADIS XCIII.

<i>De fructibus in hypothecaria actione adiudicandis. 1.</i>	607
<i>De distinctione fructuum extantium & consumptorum in hypothecaria. Ad l. 1. §. cum pradium. D. de pignor. 11.</i>	612
<i>De emendatione d. §. cum pradium & l. 4. §. lana. D. de usucap. l. quastum 40. De acquir. ver. domin. l. 5. D. de damn. infest. 111.</i>	616
<i>De vindicatione aut conditione fructuum à mala fidei possessore perceptorum ex fundo pignorat. & pignoratiorum. Ad d. §. cum pradium. 1111.</i>	619
<i>De actione Pauliana. 4.</i>	623
<i>De actionibus Fauiana & Calvisiana. 41.</i>	627
<i>De actione aquae pluuiarum arcendae. 411.</i>	632
<i>De sententia & emendatione l. Ansaus 14. D. de aqua & aqua pluuiarum arcendae. 4111.</i>	637
<i>De actione De dolo quam dat Paulus in d. l. Ansaus. 12.</i>	640
<i>De lectione & emendatione l. quamquam 4. §. 1. & l. supra iter 11. §. Cassius. D. de aqua & aqua pluuiarum arcendae. 2.</i>	644

INDEX ERRORVM. DECADIS XCIII.

<i>De actione Finium regundorum, quod sit arbitraria. 1.</i>	650
<i>De in litem iurando in actione Finium regundorum, & quid in ea sit immutatum per l. 3. & 4. C. ill. si. Et quamam hodie sit natura arbitrariorum actionum. 11.</i>	654
<i>De mixtis actionibus qua in rem & in personam simul esse creditur. 111.</i>	658
<i>De actionibus familia eriscunda & communi diuidundo, Non esse illas in rem & l. modo, & cur ex quasi contractu nasci dicantur. 1111.</i>	661
<i>De differentiis qua sunt inter Actionem Finium regundorum, & actiones Familiae eriscunda, & Communi diuidundo. v.</i>	665
<i>De actionibus Adilitis Redibitoria & Estimatoria, siue Quanto minoris, an sint arbitraria. v1.</i>	670
<i>De actionibus Confessoria & Negatoria quod sint arbitraria. Et ad l. Dinus 7. in fin. D. de iur. patron. v11.</i>	674
<i>De formula sententia ferenda in actione confessoria. Ad l. harum 7. D. si seruit. vindic. v111.</i>	678
<i>De formula civilis vindicationis apud Ciceronem Orat. 4. in Verrem, & de vera illius loci interpretatione. 1 x.</i>	681
<i>De differentia arbitrij compromissarij & eius quod consilium actionem arbitriam, x.</i>	686

DECADIS XCV.

<i>De laudimio ex contractu nullo petitis, & ex subastatione facta nulliter. Ac de variis causis quas adferant interpretes ob quas laudimia debeantur. 1.</i>	689
<i>Vera ratio praestandorum laudimiorum, & de effectu subastationum nulliter factarum, ut ex his laudimia debeantur, etiam citra interpositionem decreti. 11.</i>	692
<i>De laudimio ex simplici alienationis contractu etiam valido petitis. 111.</i>	697
<i>Si venditor ex cuius contractu laudimium petitur, nolit rem iradere. 1111.</i>	702
<i>De differentia commissi & laudimij ex simplici venditione. v.</i>	706
<i>De laudimio petitis ex simplici venditione a qua contrahentes re integra receperunt. v1.</i>	711
<i>De venditionis resolutione facta rebus integris ex intervallo aut in continenti cum de laudimio disputatur. v11.</i>	716
<i>Quando integra dicantur omnia in emptione & venditione cum tractatur de laudimio. v111.</i>	720
<i>Si ex una tantum parte secutum sit implementum prioris contractus. Ad l. ab emptione 58. D. de pact. 1 x.</i>	725
<i>Quid intersit an res secuta sit ex parte venditoris tantum, an ex parte emptoris, cum de laudimio disputatur. x.</i>	731

DECADIS XCVI.

<i>An ex resolutio contractu laudimium debeat, & an simplex an duplex. 1.</i>	737
<i>Si venditor nolit recipere rem venditam oblatam ab emptore ex pacto resolutivo. 11.</i>	741

INDEX ERRORVM.

De interpretatione l. 1. C. quando liceat ab empt. disced. 111.	746
De arrharum repetitione & quam actionem repetantur. Ad l. 2. cod. tit. C. quando lic. ab empt. disced. & ad l. ex empto 11. §. u. qui vna D. de action. empt. 111.	752
De pacto arrali. Ad l. 3. C. de all. empt. v.	757
De contractu dationis arrarum. Ad constitutionem Iustiniani in l. contractus 17. C. de fid. instrum. v l.	761
Si emptio sine scriptis facta sit, & arra data sine sue ante, sine post. perfectam venditionem. Ad eandem l. contractus 17. C. de fid. instrum. v l l.	767
De arris datis post perfectam emptionem. Et quid si connexerit ut si emptorem pœniteat si venditoris. v l l l.	771
De replicatione doli quam emptori dat Accursius in posteriore specie l. 2. C. quando lic. ab empt. disced. 1 x.	776
De resolucenda venditione ex qua sit secuta traditio vel retrotraditio si sit per clausulam constituti. x.	780

DECADIS XCVII.

De contractu renouato, & an ex eo laudimia debeantur. 1.	786
De sententia & ratione l. non ad ea 89. D. de condit. & demonstr. 11.	789
De differentiis institutionis & legati in specie d. l. non ad ea, Et si sit testis 27. D. de hered. instit. 111.	793
De Bartoli distinctione circa contractum renouatum Ad l. iuris gentium 7. §. ad eo autem D. de pact. 11 11.	797
De amico per emptorem electo, & an ex eiusmodi electione laudimium debeat. v. 801	805
Si alienatio facta sit durante conductione & petita inuestitura post tempus conductionis, cui laudimia debeantur. v l.	809
De pœna irrogata ex delicto cui ex diuersorum temporum conductoribus aut dominis debeat. An ei qui tempore delicti fuerit, an qui tempore condemnationis. v l l.	813
De illa distinctione interpretum An pœna irrogetur ex delicto ipso iure. An tantum per sententiam, & de differentia multa & pœna. Ad l. aliud fraus est 131. & l. antep. De verb. sign. v l l l.	817
De alia distinctione interpretum, An pœna irrogetur ex delicto, An ex causa iuris feudalis vel emphyteutici. 1 x.	820
De sententia declaratoria quam exigunt pragmatici in pœna caducitatis iam commissa. x.	

DECADIS XCVIII.

De actione qua competit domino ad petenda laudimia & commissa etiam qua durante conductione obtulerunt. 1.	826
Si filius heres post abstensionem bona paterna vendiderit, An laudimia debeantur. 11. 829	833
De laudimio ex alienatione necessaria petito. 111.	836
Si laudimium ex diuisione inter coheredes vel alios condiniferos facta petatur. 1111.	839
De diuisione per licitationem facta. v.	Si diui-

- Si dimisso facta sit ut unus totam rem feudalem vel emphyteuticam habeat, alius vero totam allodiam.* v. 1. 843
De dominio per sententiam felam transferendo. vii. 848
De distinctionibus variis quas adferunt interpretes cum tractant de dominio per sententiam transferendo. Et ad l. vii. C. de fideic. lib. i. v. 111. 852
De iisdem distinctionibus Bartoli & aliorum interpretum. Et ad l. 3. §. item quari potest. D. de reb. cor. qui sub tuel. ix. 856
De sententia & lectione l. statuliberi à ceteris 29. §. Quintus D. de statulib. x. 862

DECADIS XCIX.

- De laudimio ex datione in dotem debitis.* i. 871
De fundo dotali aestimato vel in aestimato. ii. 875
Si dos sue per patrem, siue per extraneum constituta sit, & tradita marito, siue aestimata, siue in aestimata. Et ad l. unic. C. de inoffic. dotib. i. 111. 879
Si aliqua bona sint allodialia, ex quibus constiti dos potuerit qua constituta sunt ex feudalibus aut fideicommissis. i. 111. 883
Si domino ignorante maritus pactus sit de lucranda dote qua fueris constituta ex bonis feudalibus vel emphyteuticis. Et de augmento dotali consuetudinario. v. 887
De laudimio ex permutatione debito. Ad l. vii. C. de iur. emphyt. v. 1. 892
Sires feudalis vel emphyteuticaria permutata sit cum allodiali vel feudali cum emphyteuticaria. v. 11. 899
Si permutatio rei feudalis vel emphyteutica fuerit simulata. Ad l. si filia §. D. de diuort. & ad l. filie meae §. D. solut. matrim. v. 111. 904
*De Tribonian manu & insecuta obseruata in l. pater 71. D. de encl. i. x. 909
 De tertia venditione ex permutatione in qua vel pecunia interuenit, vel donatio, & quid si fundus permutatus sit cum speciebus recipientibus functionem in suo genere.* x. 915

DECADIS C.

- De laudimio petito ex donatione.* i. 912
De pluribus qui eandem rem emphyteuticariam diuersis temporibus emerunt, quorum posterior inuestituram prior accepit. i. 11. 917
De laudimio petito ex legato vel ex heredis institutione. i. 111. 931
An ex pignore laudimium debeat. i. 111. 935
De locatione ad longum tempus, & an laudimium ex ea debeat. v. 939
De moderatione laudimij ex locatione ad longum tempus facta debiti. Et de venditione fructuum & de constitutione vsu fructus. v. 1. 943
Si data sit in solutum res qua postea fuerit euicta, An contingat liberatio vi prima actione amplius agi non possit, An sola superflui utilis ex empto. v. 11. 947
De sententia l. si pradium 4. Cod. de encl. & l. eleganter 24. D. de pignor. act. v. 111. 956

INDEX ERRORVM.

*An enitlo pignore quod datum fuerat in solutum reſſuſcitur pignora. Es quid ſi
per translationem datio in ſolutum facta ſit. 1 x. 965*
*Retraſſata quaſtio De ratione iuris adreſcendi. Ad l. qui patri 59. D. de acquir.
hered. Es de conſultatione l. triplici 142. De verb. ſignif. cum litem quod Sabinus
17. §. unde idem traſlat. D. de hered. inſtit. x. 979*





ANTONII FABRI

I. C. SEBVSIANI SERENISS.

SABAVDIÆ DVCIS CONSILIARII

AB. INTIMIS, ET IN SVPREMO

Sabaudia: Senatu Præsidis

primarij,

DE ERRORIBVS PRAGMATICORVM

ET INTERPRETVM IVRIS,

DECAS LXXVI.

ERROR I.

De triplici culpa lata, leui, & leuissima.



VM tam frequens in libris nostris mentio fiat triplicis generis culpæ, latæ, leui, & leuissimæ: Mirum est nondum constare inter iuris nostri interpretes quænam sit lata culpa, quænam leui, & quæ leuissima. Nam si consulas vetustiores distinguebant illi quinque species culpæ, latissimam, latiore, latam, leuem & leuissimam, Moti vt videtur ex eo, quod sicuti latam culpam passim Iureconsulti dixerunt, ita latiore dixit Nerua quem Celsus probat *in l. quod Nerua* 32. *D. de positi*. Quod si aliqua latior est quàm ea quæ sit lata, consequens est vt sit

etiam aliqua latissima, Ne vbi adest comparatiuus desit superlatiuus. Sed hanc sententiam bene iam ante nos refutauit Zasius, ex eo quod plus & minus non constituent diuersas species, nec faciant differre specie, vt loquuntur philosophi: Neque verò dubitandum est Neruam dixisse olim latiore culpâ, pro lata, sumpto per elegantiam comparatiuo pro positiuo, vt aliâ passim inter bonos latinitatis auctores: Non quasi sit illa in media culpa inter latam & latissimam. Si quæ enim esset latissima culpa, esset illa haud dubiè cum quis ignorasse se diceret id quod omnes sciunt: Si quidem hic finis est latæ culpæ, vt loquitur Iurec. *in l. lata culpa* 22. iunct. *l. credere* 213. §. *ult.* *De verb. signific.* id est vt ego interpretor, non potest lata culpa quantacunque extendi latius aut longius quàm ad eum vsque

A

negligentiz & ignorantiz gradum, ut quis non intelligat id quod omnes intel-
ligunt, & tamen culpam illam latam lex vocat non latissimam. Nulla igitur cul-
pa est tam lata quæ latissima dici possit aut debeat ad differentiam latæ. Est fa-
tendum est huius ipsius latæ culpæ varios esse gradus, sed quorum tamen varie-
tas nullam iuris varietatem inducere queat: Nisi quod non omnis lata culpa
dici potest dolo proxima, licet è contrario non possit culpa dolo proxima esse,
quin sit lata: quod tamen pauci observant. Cum enim culpa non tam ex neglig-
entia proficiscitur quam ex crassa illa, supina, & intolerabili ignorantia quæ necit
etiam ea, quæ omnes sciunt, tantum abest ut sit dolus, vel ad dolum proximè ac-
cedat, ut neque doli capaces esse videantur ij quibus huiusmodi culpa imputari
potest. A deo distat à dolo stoliditas & ignorantia, non etiam summa neglig-
entia, quæ contemtem semper habet sciontiam, Alioqui nec negligentia dici posse
videretur; Quare nec prudentes nostri semper ista confundunt, culpam scilicet
latam, & culpam dolo proximam, sed aliquando latam culpam dicunt, iis nimi-
rum casibus quibus nihil interest qualis ea culpa lata sit, & unde causam habeat.
Aliquando verò exigunt nominatim, ut ea culpa sit dolo proxima, *ut in l. 4. de
magistr. conuen. l. 1. §. non alias. D. si is qui test. lib. ess. iuss. l. 1. §. hac actio si mens. fals.
mod. dixer. l. 1. §. is quoque in fin. D. de oblig. & action. l. si fideiussor. 29. circ. princip.
D. mandat. l. impuberibus 7. §. si frau. De suspect. tuto. l. quæsum 8. §. illud adnota-
tur D. de precar.* Quoties videlicet ex sola doli adfinitate, & proximitate nasci-
tur odium culpæ latæ, propter quod ea puniri debeat. Sunt igitur tres tantum
culpæ species, lata, levis, & leuissima, licet cum quæritur de lata distinctiones
quædam adhibendæ sint, ut sciri possit unde proficiscatur, quod & ex sequenti-
bus apertius intelligitur. At contrarius Corasij & quorundam recentiorum
error fuit, qui licet perinde tres tantum culpæ species agnoscant, diuidunt tamē
culpam in leuem, leuiorem, & leuissimam, nec latæ magis quam latioris aut la-
tissimæ vllomodo meminerunt, Quasi prudentiores prudentibus nostris, qui de
lata culpa tam sæpe locuti sunt, de latiore verò etiam aliquando. De leui autem
& leuissima quas nos etiam admittimus locuti quidem illi sunt, sed de leuiore
nunquam. Videtur porro hæc opinio in se tam alioqui trita & clara diuer-
sas ex eo profluxisse, quod quænam lata culpa sit, quænam levis, & leuissima
non omnes intellexerunt. Latam enim culpam sunt qui ex eo solo æstimant
quod dolo proxima sit, quos iam refutauimus *ex d. l. lata.* Alij ex summa negli-
gentia moti *ex l. magna eod. tit. de verb. signifi.* Quasi verò non possit esse lata cul-
pa ubi est aliqua diligentia eo casu quo lata culpa causam habet à negligentia:
quod tamen aperte falsum est, & à Celso refutatum *in d. l. quod Nerva,* ubi ait,
Etiam si quis ad eum modum quem hominum natura desiderat diligens sit, si
tamen non ad suum modum curam in deposito seruando adhibeat, non tantum
latæ culpæ conscium eum esse, sed etiam fraude non carere. Alij denique de la-
tæ culpa sic sentiunt ut dicant eam duobus indicijis deprehendi, quorum vnum
sit, si quis non ad eum modum quem hominum natura desiderat diligens sit.
Alterum si non ad suum modum curam in rebus alienis adhibeat, sed minorem
quàm in suis. *Ex dist. l. quod Nerva.* In quo haud dubie falluntur. Nec enim
hominum natura desiderat tantam diligentiam, ut lata culpa sit si quis mino-
rem præstet. Contenta enim est natura mediocribus, nec nisi mediocrem à no-
bis diligentiam requirit, quam ubi quis præstitit, naturæ vique satisfecit, sed
non semper officio, siue maiorem in rebus suis diligentiam adhibere solitus
probetur, siue talis casus sit in quo non sufficiat tantam eum adhibuisse in rebus
alienis.

alienis, quantam in suis solet, si modò alius diligentior paterfamilias maiorem adhibere potuit atque ita rem seruare, *ut in §. ut si cui. vers. at qui utendum. Instit. quib. mod. re contr. oblig.* Nam & sic Seneca in *lib. De ira*, Quàm inquit, angusta innocentia est, ad legem bonum esse, id est ad eum vsque duntaxat modum quem lex requirit. Imitatur enim lex naturam quantum potest, ut in cæteris omnibus ita in hoc quod mediocrem in ciuib. bonitatem exigit, ut natura mediocrem in omnibus hominibus, diligentiam. Dicamus igitur exemplo Senecæ Angustam esse diligentiam, ad naturam esse diligentem, id est ut Celsus noster loquitur ad eum modum quem hominum natura desiderat. Neq; pugnat quod scriptum est in *d. l. quod Nerva.* vbi manifestè abundat negatio quæ istos scellit, ut sequenti capite dicemus; Si enim verum esset quod illi vtrunque supponunt, Et latam culpam esse, quoties quis non ad eum modum quem natura hominum desiderat diligens est, Et diligentiam quam natura hominum desiderat esse maximam, Consequens esset, ut qui minorem in alienis quàm in suis rebus diligentiam præstiuisset, latam culpam admisisse dici deberet, non quia minùs diligens fuisset in rebus alienis quàm in suis, sed quia non ad eum modum diligens fuisset, quem hominù natura desiderat. Quæ res faceret ut nihil ei prodesse deberet ad latam culpam euitandam, quod tantam in alienis rebus seruandis quantam in suis diligentiam præstiuisset, si neque in suis, neque in alienis ad eum vsque modum quem natura exigit, diligens fuisset, id est ut isti interpretætor si nõ exactam diligentiam adhibuisset, Exactam, inquam, id est cui nihil deest, ac proinde inter quam & exactissimam diligentiam nihil penitus interfit. Nec enim exacta esset diligentia quæ aliam exactiorem admitteret. Atqui hoc euidenter falsum est, maximè in deposito, de quo in *d. l. quod Nerva*; Si enim depositarius in rebus suis sit negligentissimus, non potest ei imputari quod in deposito seruandò nec mediocriter quidem fuerit diligens, sed imputare potius sibi debet is qui deposuit, cur tam negligenti amico rem suam custodiendam dederit, ut scriptum est in *§. is quoque. Instit. quib. mod. re contr. oblig. & in l. §. is quoque De oblig. & action.* Sed & in eo falli mihi videntur quod culpam omnem ex negligentia æstimant ut vbicunque negligentia est saltem magna, ibi etiam culpa sit, quod tamen non ita est. Permittitur enim cuiuslibet in rebus suis esse negligentem, ita ut non idcirco in culpa aliqua esse videatur, Quis enim culpâ ei obiiiceret? Sed quæ in propriis rebus negligentia, ea in alienis culpa est, quia non debet esse impunita negligentia eius qui præstare diligentiam circa res alienas debuit: Quemadmodum dicere solemus scruitiam domini quæ in propriis seruis culpanda est in alienis esse coercendam *l. si constante 24. §. si maritus D. solut. matrim.* Et ita debet accipi quod scriptum est in *d. l. magna De verb. sign.* Magnam negligentiam culpam esse, in rebus scilicet alienis non etiam in rebus negligentis. Nam & statim sequitur *Magna culpa dolus est*, ut intelligamus magnâ negligentia eo ipso casu culpâ esse quo magna culpa dolus sit: Atqui nemo sibi ipsi dolum inferre pot, sed tantum alteri: Ergo neq; culpâ. Et quod dicimus culpâ æstimari ex defectu diligentie quoties id quod à diligente paterfamilias prævideri ac prouideri potuit, neq; præuisum neq; prouisum est *l. si putator 31. ad l. Aqu. ita sèper accipiendū est*, ut ea negligentia circa personas alias, & circa res alienas versetur, nõ circa rem aut personam ipsius negligentis. Dicendū igitur est latâ culpâ aliquâ ex sūma & crassissima ignoratiâ deprehendi cum quis ignorat id quod omnes sciūt, qui finis est latæ culpæ, ut diximus. Aliquândo aut ex negligentia, quæ nõ minùs quàm diligentia sèper scientiâ præsupponit. Cū aut ex negligentia æstima-

tur,tribus cā iudiciis deprehēdi, si quis nullā penitus in alienis reb.diligentiam præstiterit:Aut si aliquam quidem sed minimā in ea re expedienda quæ maiorē exigebat, Aut denique si magnam quoque, sed tamen minorem quā in rebus suis *d.l. quod Nerva.* Qui postremus casus sanē notandus est, in quo lata culpa concurrere pot. est etiam cum magna diligentia, & in quo tamen lata culpa non tantum accedit proximē ad dolum, sed etiam dolus semper est, Cum in cæteris casibus in quibus lata culpa ex minima nullāve negligentia, aut ex crassissima ignorantia æstimatur non solum non sit dolus sed neque dolo semper comparetur. De leui culpa minor dubitatio est, Fatentur enim vulgo, leuē culpam esse quoties tantam diligentiam quis in rebus alienis adhibet quantam in suis adhibere solet, Quæ tamen distinctio si propius inspicias non est bona. Quid enim si de eo tractemus qui in rebus suis diligens sit ad eum saltē modum quem natura hominum desiderat, id est saltem mediocriter? Cur dicamus esse illum in leui culpa si ad eundem vsque modū diligens sit in rebus alienis? Itaque cum ad constituendam culpam etiam leuem necessariō supponenda sit negligentia, Rectius quis definirēt leuem culpam esse quoties is qui in rebus suis alioqui negligens est, non magis tamen in alienis rebus est negligens quā in suis. Nā & illa levis negligentia dicitur quantacumq; sit illius cui est illa in rebus suis consueta, sūntq; ista synonyma Levis, & Rebus suis consueta negligentia, vt scripsimus in *Error. 1. Decad. 7. ex l. mulier 22. §. sed etiam D. ad S. C. Trebell.* Nā quod quidā putant leuem culpā esse in suis rebus diligentiam, in alienis negligentia, non potest iudicio meo defendi cum sit illud exemplum non tantum latioris culpæ, sed etiam doli *d.l. quod Nerva.* de qua pluribus sequenti capite dicemus. Quænā igitur erit culpa leuissima? Nā de hac sola nobis dicendū superest. Pleriq; putant eam solā esse, quæ nascatur ex imperitia, dum ne affectata vel ex infirmitate sexus aut ætatis vel etiā ex rusticitate. Sed parū subtiliter meo iudicio: Nā & imperitia & sexui & ætati & rusticitati vt plurimum parciunt, *l. si id quod 7. §. 1. D. de iurisdic.* At nos tractamus de culpa leuissima quæ pœnā mereatur, eo nimirū casu quo etiā leuissima culpa sit præstata, puta si de comodatario agatur qui per culpā leuissimā amiserit rem sibi commodatam. Cum enim solius comodatarij gratia comodatum fiat, æquum est teneri comodatariū non modò de lata culpa, & de leui, sed etiam de leuissima, & quidem ita vt neq; imperitiæ neq; sexus, neq; ætatis, neq; rusticitatis obtrectu vllō possit se excusare. Nec enim tanta illa imperitia etiā quæ per ætatem contingit cuiquā captiosa esse debet, licet sit ea omnium minimē suspecta *l. qui autem 6. §. si quid cum pupillo D. qua in fraud. credit.* Dicendum igitur est leuissimā culpā esse cum quis in alienis rebus conseruans adhibet diligentiam, non solum tantam quā in rebus suis adhibere solet, sed etiam maiorem, at minorē tamē quā adhiberi potuerit à paterfamilias diligentiore. Nam ei qui exactam diligentiam præstare debet & cui diligentia nihil desit, parū prodest tantā adhibuisse quam in rebus suis solet, adeoq; nec longē maiorē si modò aliquis diligentior paterfamilias reperiri possit, qui rem alienam custodire melius potuerit, vt disertè Iustinianus scribit in *d. §. si autem cui. Inst. quib. mod. re contr. obligat.* vbi quāuis hoc tantum dicat, Non sufficere comodatario, tantam in re comodata custodienda diligentiam adhibuisse, quā in suis adhibere solitus sit, Cum tamen subiiciat illud vnū intueundum esse, an diligentior aliquis paterfamilias reperiri potuerit, qui rem commodatam melius custodisset, Satis apertē indicat parū referre an commodatarius parens, atque in rebus suis diligentiam præstiterit an maiorem dum ne penitus exactus,

Omnis enim diligentia quantacunque sit intra fines exactæ diligentie, minor est, quàm quæ à commodatario præstari debet, quam necesse est exactam esse, id est quomodo supra interpretati sumus, tantam quantà maior & exactior adferri nulla potuerit, ac proinde quæ sit exactissima quomodo eam vocat Vlp. in l. 1. §. is verò *De obligat. & action.* Vnde sit ut nunquam probare poterim quod Tribon. scribit in §. ult. quib. mod. re contr. oblig. debere creditorem in custodiendo pignore exactam diligentiam adhibere. Nec illam rursus rationem quæ mouetur quod pignus utriusque contrahentis gratia detur. Nam hæc ratio facit omnino, ut dicendum potius sit creditorem non magis teneri de culpa leuissima quàm de casu fortuito, si bona est ratiocinatio Vlpiani in l. 5. §. nunc videndum 2. *D. commod.* Vbi disertè scribit in pignore solum dolum & culpam præstari. Ad differentiam commodatarij qui etiam diligentiam præstare debet, id est culpam leuissimam, quia solius commodatarij gratia sit commodatum. Diligentiam enim præstari dicit Iureconsulti pro eo quod est præstari culpam leuissimam d. l. contractum 23. de reg. iur. illis verbis in his quidam & diligentiam. Itaq; quod contra scriptum est in d. §. ultim. incutiam Triboniani prodiit qui & fallam propositionem ex nullo Pandectarum aut Codicis loco desumptam nobis tradidit, & mala ratione licet non falsa suppositione eam confirmauit, nisi malit legere minus exactam & casum fortuitum intelligere quem exactissima diligentia potuerit impedire: Ad differentiam scilicet; commodatarij quem quoniã de culpa etiã leuissima tenetur, placet teneri de casu quoq; fortuito, quæ si fuisset diligentior euitare potuisset d. l. §. ita is cui. vers. ac is qui utendū quib. mod. re contr. oblig.

ERROR SECVNDVS.

De lesione & sententia l. quod Nerva 32. D. de posu.

REFERT Cellus in l. quod Nerva 32. *D. de posu.* solum Nervam dicere latiore culpam dolum esse. Hoc verò displicuisse Proculo, quippe qui putabat culpam siue latam, siue quod idem est latiore aut latissimam lubeat dicere, nunquam dolum esse, sed tantum vel dolo proximam, vel dolo æquiparandam dici debere. Nam & sic alij ferè omnes Iureconsulti locuti sunt si Paulū excipias qui scripsit in l. magna rephigentia 226. *De verb. sign.* nō solum magnam negligentiam culpam esse, sed etiam magnā culpā, id est latam dolum esse. Alij verò tum etiam cum eandē rationem constituunt doli & latæ culpæ, non ideo tamen latam culpam dicunt esse dolum, sed vel prope dolum ut ait, l. si fideiussores 29. *mandat. l. impuberib.* 7. §. 1. *de suspens. tutor.* vel dolo proximā ut in l. 4. in fi. *De magistr. conuen. l. quesitum* 8. §. illud de precar. vel dolo cōparari ut in leg. 1. §. hæc actio si mens. sol. mod. dixer. vel dolum repræsentare, l. 2. §. non alias si is qui testam. lib. ess. iuss. vel in doli crimine cadere, leg. 1. §. is quoque in fi. *De oblig. & action.* Denique latam culpam à dolo ita separant ut faciliè appareat, dolum eos à lata culpa perpetuò separasse. Quod quod nec passim semperque verū est, latam culpā dolo cōparari? Putā in lege Cornelia de sicariis in qua dolum pro facto accipitur, id est pro eo dolo qui reuera & facto ipso admissus sit, nō pro culpa lata, quæ licet dolo malo interdū comparatur, præsumptionem tantum doli inducit, non dolum verū qui pro facto accipi possit, §. in lege *D. ad leg. Cornel. De sicar.* Quo exēplo etiā generaliter placet interpretibus in causis criminalib. quoties de corporali pœna infligenda tractatur, latā culpā non modò non esse dolum, sed neq; dolo æquiparari. Quinimò disputant utrū in ciuilibus quoq; causis idē obtineat, puta cum agitur de in litem iurando, Nec desunt qui

potent ob latam culpam non iurari in litem nō magis quā ob leuē, sed ob doli tantū, licet cōtraria sentētia tandē obtinuerit, Et rectē *ex l. 2. C. de in litaur.* vbi disertē scriptū est, Etia contra heredē tutoris posse in liē iurari si vel dolus ipsius vel lata culpa, vel fraus interuenerit in occultandis & nō exhibendis instrumentis pupillaribus. De quo tamen dicēdum latiūs erit, c. seq. Est. n. locus ille, meo iudicio, obscurus, & ni fallor, mendosus. Illud ergo mirum sanē est, quōd Nerua dicebat latā culpā doli esse. Neq; quod delatiore nō de lata loquebatur, mirādi causam tollere potest, cū nihil penitus intersit inter latā culpā latiore & latissimā, quemadmodū superiore capitū ostendimus. Nec proinde immeritō displicebat ea sententia Proculo, vt idē Celsus refert, qui tamen subiicit eam se verissimā putare. Rationē verō adferri, *Nam & si quis*, inquit, *non ad eum modum quem hominum natura desiderat diligens est, nisi tamen ad suū modum curam in deposito præstat fraude non caret.* In qua ratione illud primum explicare non possum quod dicitur de eo qui non ad eum modum diligens est, quem hominum natura desiderat. Siue enim sic intelligas, vt hominum natura desideret, ab vnoquoque exactissimā diligentiam, ac proinde, vt in lata culpa sit, quisquis non ad eum modum diligens est, quod tamen nos supra refutauimus, quid attinebat subiicere, Nisi tamen ad suū modum curam in deposito præster, fraude eum non carere. Quid enim depositario prodesse deberet quod ad suū modum curam in deposito seruando præstitisset, si non eo minū culpā latam contraxisset dicendus esset, ob id quod non ad eum modum quem hominum natura desiderat, id est non exactissimē diligens fuisset? Siue sic intelligas quomodo sanē intelligi Celsus debet, vt non nisi mediocrem diligentiam à nobis natura desideret, Depositarius verō talis sit, qui suis in rebus conseruandis exactissimā præstare soleat. Quis dubitat depositariorū in lata culpa esse quem ponimus, nec ad eum quidem modum quem hominum natura desiderat diligentem fuisse, id est ne quidem mediocriter in deposita re custodiēda, si ad euitandā latæ culpæ reprehensionem nec illud sufficit vt mediocrem diligentiam in deposito præstet qui in suis præstet exactissimā? Itaque vt dubitandi ratio aliqua sit, quam exprimere Celsus voluit iis verbis, *nam etsi quis* fatendum est meo iudicio expungendam esse negationem, quæ statim sequitur in illis verbis *non ad eum modum*, Quæ sublata sensus erit & elegans & apertus. Non satis esse depositario qui in seruandis rebus suis mediocri diligentia contentus non est, sed maiorem adhibere solet quā vulgus hominum adhibere passim soleat si in deposito custodiendo mediocrem adhibeat, & qualem hominum natura desiderat quæ mediocribus ferē semper & in omnibus contenta est, Sed ad declinandā latæ culpæ adeoque doli inuidiam illud præterea exigī, vt maiorem illam diligentiam quæ supra mediocrem est & quam in suis rebus adhibere solet, adhibeat etiam in deposito seruando, Alioqui non videatur carere fraude. *Nec enim* vt subiicitur *salua fide minore alio rebus*, id est depositis *quā suis diligentiam præstabit.* Cui consequens est vt si in suis rebus sit negligentissimus, non possit ei ad latā culpā imputari quod in seruando deposito nec mediocriter diligens fuerit, quia sibi potius debet imputare quē deposuit cur negligentī amico rem suā custodiendam dederit *dist. leg. 1. §. in quoque. de obligat. & actio. §. si quoque in si. quibus mod. re. contr. oblig.* Ex quo apparet præcedentem illā clausulam quam sublata negatione sic legimus, *Nam etsi quis ad eum modum quem hominum natura desiderat diligens est*, non ita esse accipien-

accipien-

accipiendam ut de eo depositario intelligatur, qui absolute ac in omnibus sit tam diligens quam hominum natura desideret, id est mediocriter, sed ut de eo qui cum in rebus suis sit longe diligentior & supra mediocritatem, in depositis tamen rebus seruandis mediocri diligentia contentus est, Axi Celsus scripserit, *Nametsiquis ad eum modum quem hominum natura desiderat diligens est in seruando deposito*, ut constat ex illis sequentibus *curam in deposito praestet*. Itē ex eo quod subiicitur *minorem ut quam suis rebus*. Qui enim natura sua non magis esset diligens quam hominum natura desiderat, quomodo posset in rebus suis maiorem quam mediocrem diligentiam praestare? Aut quomodo teneri de lata culpa ob non adhibitam in depositis rebus seruandis maiorem quam mediocrem diligentiam, si nec in suis rebus eam adhibere posset? Planē non idem erit ex contrario. Nam & qui infra mediocritatem diligens fuit in custodiendis rebus suis, id est qui absolute ac in omnibus negligentior est quam hominum natura patitur, non eo minus in lata culpa fuerit, si adhuc minorem diligentiam praestet in depositis rebus tuendis quam in suis. Non quia minus diligens fuerit quam hominum natura desideret, sed quia negligentior in seruando deposito quam in suis rebus: quod sine fraude & salua fide fieri nunquam potest; Nec probē possit obici, Esse imputandum ei qui deposuit cur tam negligenti amico rem suam custodiendam dederit. Facit enim haec ratio nihil aliud nisi ut non maiorem debeat, à depositario diligentiam exigere quam solitus ille sit rebus suis adhibere. Non etiam ut impune debeat ferre depositarius si in re deposita seruanda praestiterit minorem. Itaque cum quaeritur, An depositarius sit in lata culpa quae non tantum dolo aequiparari, sed etiam dolo dici possit, Non illud inspicendum est, An ad eum modum quem hominum natura desiderat diligens sit, an non ad eum modum siue in rebus suis, siue in depositis custodiendis, Sed hoc tantum, An minorem in depositis quam in suis seruandis diligentiam adhibuerit siue diligentissimus fuerit in rebus suis, siue negligentissimus. Dicit aliquis, ita ergo futurum ut parum intersit an negationem quam tollimus retineamus. Imò inquam interest, quoniam hic postrenus casus longē minorem minusque elegantem habet dubitationem, Cum nemo non videat minus fauorabilem esse depositarium qui in deposito seruando nō irodō leuiorem quam in re sua diligentiam adhibuit, sed etiam minorem quam hominum natura desideret. Longē verò fauorabiliorem eum esse, qui si non tantam in depositis rebus adhibuit, quantum in suis, non minorem tamen adhibuit quam quae ab hominum natura desideretur. Si enim quantacumque depositarij negligentia excusata esse solet, quanto magis ea quae mediocrem diligentiam non excludat? Et sanē ita esset si non illa mediocris diligentia in dolum & fraudem manifestē degeneraret ex comparatione alterius maiorisque diligentiae quam in rebus suis adhibere solitus probetur. Quae tota sententię Celsi & Neruz ratio est. Ex qua porro intelligimus, ut superioribus obiectionibus satisfaciamus; Non adeo generaliter dictum Neruz accipi oportere quasi is seuserit, Omni casu omnem culpam latam esse dolum, Sed coangustandam esse ad actionem depositi de qua tractabat, & alias similes in quibus agitur de fide rupta, ut loquitur Vlpianus *in leg. ei qui. §. D. depositi*. Nam sicuti non potest negari quin non tantum lata culpa, sed etiam dolo sit fidem fallere, Ita neque dubitari quin fidem fallat depositarius, qui minorem in rebus depositis

custodiendis quàm in suis diligentiam adhibet. Quod apertè & appositè Celsus exprimit, cum ait, *Nec enim salua fide minorem iis quam suis rebus diligentiam praeſtabit*: Vt intelligamus aliud responſurum Celsum fuiſſe, itèmq; Neruam, ſi ſalua fide poſſet fieri, vt depoſitarius minorem alienis quàm rebus ſuis diligentia præſtaret: Atqui non quoties agitur de lata culpa etià agitur de fide culpa, Vt puta ſi quæramus de lata culpa magiſtratus qui vel nullum fideiuſſorem vel euidentem inopem exegit ab eo quem tutorem pupillo dedit, vt *in leg. 4. de magiſtr. cornen.* Aut de lata culpa heredum tutoris, contra quos ex ea cauſa velit adultus iurare in litem, vt *in d. l. 2. C. de in lit. iur.* Aut denique ne tam multos caſus qui paſſim occurrunt congeramus, quoties agitur de lata culpa quæ ex craſſiſſima ignorantia proficiſcitur cum quis id ignorat, quod omnes intelligunt vt *in l. lata culpa 223. §. l. cadere diem 213. §. ult. De verb. ſignif.* Prioribus enim duobus caſibus, & aliis ſimilibus, nihil eſt quod de fide rupta tractari poſſit, cum neque magiſtratus fidem vllam dederit pupillo, neque heres tutoris, Quamuis proponas magiſtratum eum eſſe qui non niſi acceptis idoneis fideiuſſoribus pecunias ſuas collocare ſolitus ſit, aut tutoris heredem illum, qui diligentior ſit in rebus ſuis quàm in pupillaribus adminiſtrandis; Et ideo eo quantumuis lata culpa illa magiſtratum aut heredum tutoris dolus eſſe nunquam poteſt, ſed tantum dolo proxima *d. l. 4.* Hoc ipſum verò non ex comparatione maioris diligentia, quam vel magiſtratus vel tutoris heres in rebus ſuis adhibere ſolitus ſit, ſed ex comparatione minimæ diligentia, ſuamq; negligentiæ, cui ex diametro lata culpa opponitur, Sicut & culpa leuiſſima exactiſſimæ diligentia *§. item iſtius inſt. quib. mod. re. contr. oblig.* Vltimo autè caſu cum lata culpa, nõ tam ex ſumma negligentia quàm ex craſſa & ſupina ignorantia proficiſcitur, multo minùs poſſit quis dicere latam culpam dolum eſſe in perſona eius qui tã ſit ſtolidus & rerum humanarum imperitus vt neq; doli capax eſſe videatur. Ergo neq; dictum Nerui & Celfi perpetuò verum eſt, neque Proculi reprehenſio ſemper iuſta, Et conſequenter errauerit meo iudicio quiſquis generaliter aut affirmare voluerit latam culpam dolum eſſe, aut negare.

ERROR TERTIVS.

De in litem iurando ob latam culpam Ad l. 2. C. de in lit. iur. & de lata culpa in cauſis criminalibus vindicanda.

IVERUNT ex veteribus gloſſatoribus pleriq; quibus viſum eſt, Non poſſe iurari in litem ob latam culpam, Ex *l. videamus 4. §. ult. & in actionibus §. D. de in lit. iur.* vbi diſcretè ſcriptum eſt ob ſolum dolum iurari in litem non etiam ob culpam. Item ex eo quod iuriſiurandum in litem pœna quædã ſit aduerſus eos conſtituta qui ſunt cõtumaces in aliena re reſtituenda, vt eorundem cõtumacia æſtimetur ultra rei preciũ, quomodo ſcriptum eſt *in l. 1. eo tit.* In pœnalibus autem in quibus ſollet prohibita eſſe extenſio, non putant fieri debere vt lata culpa pro dolo accipiat *arg. l. in hac l. 7. D. ad leg. Corneli. de ſicar.* Contraria tamen ſententia prior eſt magiſq; tandem obtinuit, vt monuimus in præcedentibus. Ex *l. 2. C. de in lit. iur.* vbi diſcretè ſcriptum eſt cõtra tutoris heredem, ita demum æſtimandã eſſe litem à iudice citra vllũ iuriſiurandum, ſi neq; dolus neq; lata culpa neq; fraus heredis vlla interuenerit: Ne dubitare poſſimus iuramento in litẽ locũ fore ſi lata culpa nõ minùs quàm ſi vel dolus, vel fraus heredis interueniſſet. Nã quin aduerſus heredem tutoris ex proprio dolo iuretur, nõ dubitatur *l. c. iſt. d. videamus 4. D. de fideiuſ. tutor.*

CHRAT.

& curat. Neq; pugnat quod totj locis scriptū est, Ob solū doli iurari in litē *d.l. in actionib.* etiā cōtra tutorē ipsum quē tamē cōstat durius teneri quā heredem ipsius. *l.alio iure 3. C. de in lit. iur.* Nec. n. doli actio etiā restrictiuis verbis facta lata culpā vnquā excludit, quippe quæ etiā non semper doli est semper tamen dolo proxima est doloq; cōparatur, Imò & doli repræsentat vt scriptū est in *l. 4. de magistr. conuen. l. quasi 8 §. illud Dideprecar. l. 1. §. hac actio. D. si mens. f. f. mod. d. xer. l. 1. §. non alius. D. si is qui testam. lib. f. iuss. est. nisi cūm non tam ex negligētia quā ex summa & crassissima ignotiā profici sciatur. Multo minus verò illud obstat quod additur in *d. l. 4. & 5.* Nō iurari in litē ob culpā sed æstima- ri eā à iudice debere. Id. n. de leui culpa intelligēdum est nō de lata, vt & cines ferē iuris loci qui de culpa simpliciter loquūtur, Vt cōstat ex supradictis legib. & ex *l. contraflus 23. de reg. iur.* quod propius accedat lata culpa ad doli, quā ad culpā leuē. Adeo vt in crimen quoq; incidere dicatur *l. 1. §. is quoq; in fi. D. de obl. & act.* Crimē potrò à culpa separātū esse certū est, tāquā mai⁹ quiddā & graui⁹. Cūm nō quēadmodū crimē sine culpa nō cōrahitur, Ita & culpa omnis admix- tā criminis causam habeat. Illud tamē interpretib. ferē omnib. durū & difficile videtur, quod scriptū est in *d. l. 2. C. de in lit. iur.* etiā cōtra heredē tutoris ex lata ipsius culpa in litē iurari posse. Quoniā ita posito iure vix dici possit in quo me- lior futura sit cōditio heredis quā ipsius tutoris, contra quem nihil hac parte grauius cōstitui pōt, quā vt oblatā culpā perinde atq; ob doli eius in litē iura- re liceat. Cūm tamē certū iuris sit alio & deteriore iure censi tutorem ipsum quā tutoris heredē, Vel ob id quod grauius peccauit tutor qui tutelā nō ad- ministravit ex bona fide, quā tutoris heres qui nec vllā pupillo fidē de disse vi- deri potest *d. l. alio iure & l. ult. eod. tit.* Nec defunt ex interpretib. quib. hac ob- iectio tāti esse momenti videatur vt nō dubitēt adfirmare diuersam & deterio- rē tutoris cōditionē in eo esse debere, vt cōtra eū ex leui quoq; culpa ipsius in litē iuretur nō etiā contra eius heredē. Quod certē falsum est; Et si. n. non ambi- gitur quin tutor non tantūm de dolo & lata culpa, sed etiā de leui teneatur *d. l. contraflus*, Heres verò tutoris nō inodò ex leui culpa defuncti nō teneatur *l. 1. C. de hered. tutor. d. l. 4. D. eod.* Sed neq; ex propria *d. l. cum q. tendimus 4. §. 1. de si- deiuss. tutor.* Illud tamē æquē cōstat, nō idcirco aduersus tutoreē ipsum iurari pos- se ex leui eius culpa, sed tantū eo casu quo vel doli vel lata culpa, vel saltē fraus ipsius interuenerit, Ne alioqui dicēdū sit tutoreē qui de leui culpa sic tenetur, vt tamē nō teneatur etiā de leuissima, deterioris tamē hac parte conditionis esse, quā sint ij qui de leuissima quoq; culpa tenētur, cōtra quos ob culpā leuissimā iurari in litē nuspiā scriptū legimus. Imò verò ex cōtrario generaliter ob culpā nunquā iurari, sed à iudice æstimaari eā oportere. In quo igitur erit durior causa tutoris vel curatoris quod pertinet ad iusiurandum in litē? Nimirum in hoc vno, quod cūm aduersus tutorem ipsum ex proprio eius dolo iuretur aut ex propria eius lata culpa, Tamen contra ipsius heredem nunquam ex tutoris do- lo vel lata ipsius culpa iuratur, sed eo demū casu quo heres ipse vel dolum, vel latam culpam, vel fraudem admisisse conuincatur. Est enim perevidens ratio differentię inter tutorem qui in dolo vel lata culpa fuit, & tutoris heredem in- noxium cui nihil aliud imputari potest, nisi quod mali & perfidi tutoris here- ditarem adierit, Quæ tamen res non facit eum perfidie successorē. At cūm tutoris heres ex proprio dolo propriæ culpa lata conuenitur, nihil causæ est cur melioris conditionis esse debeat quā tutor quominus contra eum quoq; perinde in litē iurari oporteat. Satisq; ei esse debet, quod ex propria leui culpa nō teneatur, ex qua tutor ipse teneretur, Népe quia licet tutelæ actio & directā*

& cōtraria in eum denoluitur, tutela tamē ipsa non transit *l. tutela 16. §. 1. D. de iur. quæ sola illa est propter quam exigimur à tutore diligentiam eandem circa administrationem rerum pupillarum quam bonus & diligens paterfamilias gebus suis ex bona fide præstare debet l. à tutoribus 33. in princip. D. de admin. tutor. Et hoc nullam meo iudicio dubitationem habet nisi apud Iacobum Cuiacium qui primus defendere ausus est, heredem tutoris ex leui quoque tutoris culpa teneri contra quàm disertè scriptum sit in *libr. 1. C. de hered. tutor. l. 2. C. de magistr. conuen. quas ideo putauit ille emendandas. Sed malè vt ostendimus libr. 1. C. comest. cap. 12. ex dist. l. 4. & 6. de magistr. conuen. Abhorretque sanè à sensu communi quod vult vir doctissimus, Ex dolo aut lata culpa defuncti tutoris heredem non teneri, Ex leui tamen ipsius culpa teneri cū & facilius & æquius sit vt ex dolo & lata culpa defuncti, quàm vt ex leui, heres obligetur, l. 1. §. 1. l. si heres 7. §. 1. l. de eo 18. D. de posu. At difficilior apud me illud est, quod in d. l. 2. C. de in lit. iur. imp. Antoninus cū ait etiam contra tutoris heredem posse iurari in litem, loquitur disertè de eo herede qui sit heres per longam successionem, id est vt Accursius ceteriq; omnes interpretatur qui sit heres heredis. Quali verò contra primū & proximum tutoris heredem iurari minùs possit, què tamen cōstat tanto magis ad tutoris personā causamq; accedere quāto propior ei & proximior heres sit, licet dici soleat quod & verissimum est heredē heredis perinde heredē esse testatoris *l. ult. C. de hered. inst. l. si quis filiumfamilias 7. §. ult. D. de acquir. hered. Aug. verò dubitationem quod rescripti verba sunt præcisa, & vt loquimur restricti, sic enim habent sed volens ita domum audiendus est si heres per longā successionem tutoris instrumēta pupillaria dolo vel circūueniendū pupillaria exhibere nō vult. Quibus verbis aperitissimè significatur, Nō aliū ergo tutoris heredē posse ex iureiurādo in litē cōdēnari quàm qui sit heres per lōgā successionē: Et tamē nemo est ex interpretibus qui nō fateatur & agnoscat nō meliorē primi quàm secundū aut tertij heredis cōditionē esse debere, cū rationem diuersitatis nullā videre possint. Ego verò cōtrā sic sentio, Aduersus primum & proximū dūtaxat heredē tutoris in litē iurari nō etiā aduersus secundū aut tertij, & ideo videtur mihi rescriptū illud corruptū esse additāq; negatione sic legēdū *si heres non per longā successionē tutoris*, vt sensus sit non aduersus quēlibet tutoris heredē iurari, sed aduersus eū totum qui sit heres nō per lōgā suecessionē, id est inter quē & tutorē nō plures nec longioris temporis heredes intercesserint. An quia remotioris heredis dolus sit fauorabilior, aut vt melius dicā, minùs odiosus? Minimè verò. Sed quia nec aliter nec priùs de dolo heredis querēdum est, quàm appareat reperta fuisse in hereditate tutoris instrumēta pupillaria quorū exhibitio postulatur, vt cōstat *ex d. l. pen. eo. tit.* Atqui facili fieri pōt vt in tutoris hereditate reperta fuerint ea instrumēta pupillaria, neq; tamē ad secundū aut tertij heredem peruenierint, fortassis à primo herede dolo malo intercepta aut per incuriā & socordiā nimīā deperdita. Quidni enim præsumptio fortior vegat cōtrā primū heredē qui & probatur reperisse instrumēta illa in hereditate tutoris, & ex iis primus cōueniri potuisset, si in reddēdis iis diligēter fuisset? Neque verò negare primus heres probè potest, quin habuerit in sua potestate quicquid in tutoris hereditate repertū esse cōstat, quod tamē nō similiter secundū vel tertio heredi obiici potest ad quem sanè minus peruenire potuit *l. videamus 7. D. quod met. caus.* Planè si ponerēs etiā in secundū vel tertij aut etiā quarti heredis quod facili cōtingat hereditate inuēta fuisse instrumēta eadē pupillaria, deq; eo cōstare liquidò, nō dubitarē quin etiam in quinto & alio quolibet vltiore herede***

rede idē iuris quod in primo cōstitui deberet. Nam & in extraneo quolibet qui pupillaria instrumēta penes se haberet, nec exhibere vellet, idē statui oporteret. Eadē sc. iuris & æquitatis ratione in omnibus locū habente. Sed extra hunc casū nego posse secūdū vel tertiū heredē suspectum fieri de dolo. Ex eo tātū quod nō exhibeat instrumēta quæ in defuncti tutoris hereditate reperta fuisse probatur: Ob idque nec quasi sit in dolo saltē præsūpto iurari in litē cōtra eum posse puto, Nisi probetur ea penes se habere, nec iustā vllā causā recusādæ exhibitionis adferat. Quare nec distinguo, an ea heredū mutatio & successio breui tēpore an lōgo facta sit, Cū nemo nesciat quā facile sit & quotidianum expilari hereditates, vt quod in patrimonio morietis fuit, in eiusedē hereditate postea nō reperitur, nec succedat heres in possessionem rerum omnium quæ in defuncti potestate fuerunt, licet in omnia ipsius iura succedat. Sanē quāto plures fuerint heredes per quorū personas ambulauerit hereditas, aut quāto lōgiore tempore durauerit primus heres, tāto maior erit præsūptio, Amissa fuisse, aut intercepta medio tēpore instrumēta pupillaria quæ reperta fuerāt in hereditate tutoris. Proindeq; tāto minor ratio erit ob quā cōtra heredē vltiorē qui nūc est cuiuscūq; gradus ille sit, iurari in litē oporteat, si nō aliunde ipsius doli probetur. Sed neq; rursū illud probo quod interpretibus nostris passim placere video post Bart. ad d. l. si quis testam. l. i. est. in §. est in causis criminalibus ex quibus corporalis pœna infligitur latā culpā dolo nō cōparari ex d. l. in hac lege De l. Cornel. de fisco. Nā quod Iurec. ait, In hac lege Cornelia de ficiariis latā culpā nō accipi pro dolo. An nō ostēdit apertissimē in aliis legib⁹ etiā publicorū iudiciorum aliud esse tameris & doli exigat, & ferē omnes capitālē irrogent cōdēnationē? Quidni verō cū etiā in deposito aliisq; causis ciuilib⁹ lata culpa in crimē cadere dicatur? d. l. i. §. si quis in fide obl. & alii. Ergo & tāquā crimē puniri eā oportet, nec miti⁹ quā doli, quia nec aliud crimē vnquā est quā doli, cū inter doli & latā culpā dolo proximā neq; crimē aliud, neq; mediū vllū sit. Semper autē obseruādū est loqui me de culpa illa lata quæ sit dolo proxima, id est quæ nō tā ex nimia ignorātia quā ex nimia negligētia prōficiscatur, Negligētia inquam illa quæ comitem necessariō habeat scientiā. Nam & cū quis ignorat id quod omnes intelligūt, vix quidē est vt non sit etiam negligens qui diligēti⁹ vtique esse debuit in addiscēdis saltē iis quæ omnes sciunt, (Vnde & hæc negligētia appellatur in l. regula 9. §. sed factū de iur. o. fact. ignor. & in d. l. de dei. dic. 23. §. vlt. De verb. signific.) Sed tamē nō accedit negligētia huiusmodi ad doli à quo ceriē distat tāto longius quāto crassior est ignorātia doli affectata, vt suprà diximus.

*Adhuc Bartol.
fac. d. p. 2.
rhet. 14.*

ERROR QVARTVS.

*De inscitia Triboniani in §. aliquando. Inst. de perpet. & temp. act.
Et ad l. de eo 18. D. deposit.*



IDERE nunquā potui, qua ratione aut quonam demum casu verum sit, quod Tribonianus scribit in §. aliquando Inst. de perpet. & temp. act. Aliquando accidere vt etiam ex contractu actio in heredem non cōpetat. Veluti, inquit, cū testator dolo sē versatus est & ad heredem eius nihil ex eo dolo peruenit. Repugnat enim certissima iuris regula quæ habet In cōtractibus successores ex dolo eorum quibus successerunt non tantū in id quod peruenit verum etiam in solidum teneri, hoc est vnumquēque pro ea parte qua heres est, l. ad ea 157. §. vlt. De regul. iur. Cui non dissimiliter Pomponius in l. ex depositi. 12. De oblig. & action. ait ex causa depositi & commodati

& mandati & tutelæ & negotiorum gestorum ob dolum malum defuncti herede in solidum teneri. & Paulus generalius in *lex contra lib. 49. eod. tit.* scribit ex contrahibus venientes actiones in heredes dari, licet delictum quoque versetur: veluti cum tutor in tutela gerenda dolo fecerit aut is apud quem depositum est. Quo casu, inquit, etiam cum filiusfamilias aut servus tale quid admisit, servus scilicet in causa depositi, (nec enim potest ille tutor esse) aut filiusfamilias etiam in causa tutelæ, de peculio actio danda est tam contra patrem quam contra dominum, non etiam noxalis scilicet contra dominum, quia contra patrem nunquam datur ex maleficio filij: quippe quæ cum sit liber pro noxa dedi non potest: & ita locus ille Pauli intelligendus est. Sed omnium apertissimus & accommodatissimus in hanc rem textus ille est qui ex Vlpiano proponitur in *l. si hominem 7. §. 1. de pos. vbi* postquam dixit, dari actionem depositi in solidum aduersus heredem ex dolo defuncti, subiicit statim rationem dubitandi ob quam aliter dicendum videbatur, tunc rationem decidendi quæ hoc ius induxit. Ait verò *Quamquam enim aliàs ex dolo defuncti non solemus teneri nisi pro ea parte qua ad nos pervenit, tamen hic dolum ex contractu rei que persecutione descendit. Ideoque in solidum unus heres tenetur, plures verò pro ea quisque parte qua heres est.* Quæ sententia ipsis etiam verbis edicti expressa est relatis ab eodem Vlp. in *l. 1. §. 1. eod. tit.* Prætor ait *Quod neque tumultus neque incendijs, neque ruina, neque naufragij causa depositum sit, in simplum, ex earum autem rerum quæ supra comprehensa sunt in ipsum in duplum, In heredem eius quod dolo malo eius factum esse dicetur qui mortuus sit in simplum, quod ipsius in duplum, iudicium dabo.* Ex quibus verbis apparet actionem illam prætoriam licet non merè sit rei persecutoria, sed mixta, quoniam ad simplum usque rei persecutionem continet, supra simplum verò pœnalis est, Tamen ex dolo defuncti competere in solidum contra heredem usque ad simplum, licet nihil ex eo dolo ad ipsum heredem pervenerit, Nimirum quoniam nascitur ex contractu depositi, qui non minus depositarij heredem quam depositarium obligatum habet, Nisi quod hoc casu durius agitur cum depositario, qua parte actio pœnalis est quia ex proprio dolo convenitur, quam cum herede qui non nisi ex dolo defuncti. Et tamen sunt qui putent verius esse generaliter quod scriptum est in *dist. 5. aliquando*, Non dari actionem in solidum contra heredem ex defuncti dolo, sed in id tantum quod ad eum pervenit licet actio ex contractu descendat. Quam sententiam mordicus defendit vir doctissimus Iacobus Cuiacius *lib. 2. Obser. cap. 39.* Contendens ob hanc causam non teneri tutoris heredem ex dolo tutoris, nec proinde ex lata ipsius culpa, quamvis velit ex levi tutoris culpa eum teneri, Vtrumque contra quam aperte scriptum sit in *l. 1. C. de hered. tutor. & l. 2. C. de magistr. conveni. non similiter 4. D. eod. tit.* & supradictis omnibus iuris locis ad quos nihil ille respondet nisi quod duas illas leges Codicis emendat, detrahens ex utraque negationem quæ in utraque reperitur, Perverfa planè iurisprudencia, quasi facillius aut æquius sit ut tutoris heres ex levi culpa defuncti quam ex lata doloque eiusdem teneatur. Quod quoniam satis superque refutavimus *lib. 2. Coniect. cap. 12.* hic non repetemus, Sed addepius tantum quod nondum eo tēpore bene percepisse nos nūc nobis videtur, quia respondendum sit ad *d. 5. aliquando*, qui virum doctissimum fefellit. Putabamus enim cū recentioribus doctissimis plerisque abundare in eo sed dictionem *veluti* quam & in multis exemplaribus deesse non pauci testantur, ea verò sublata sensu illius loci hūc ipsū fore quæ nos aliarū legū esse probavimus

vt re-

vt regulariter actiones ex contractu etiam in quibus delictū & dolus versetur cōpetant denturve in solidū contra heredem, aliquando tamen non competant nec dētur, sed in id tantum quod ad heredem peruenit. Secundū quam lectionē & emendationem tota vis & potestas obiectionis dissolvitur, sed difficultas illa nascitur, quisnā demū ille casus sit quo possit ea exceptio locū habere. Nos eum probabamus qui ab interpreibus adduci solet post Theophilum *ex d.l. de eo 18. Depositi*. scilicet de actione cōpetēte ex deposito facto tumultus vel incendij, vel ruius, vel naufragij causa, quod ea actio detur quidē ex contractu & propter dolum depositarij, nec tamen detur contra depositarij heredē supra simplū, quia quod simplū excedit cūm mera pœna sit, ad heredē non peruenit. At ne idem nunc sentire possimus re melius perspecta, illud facit quod in hoc ipso casu falsum est heredē non in solidū teneri, sed in id tantum quod ad eum peruenit, siquidem apertē scriptum est in *d.l. de eo*, teneri eum in solidū ad simplū vsque, quod haud dubiē nō aliter accipi potest quā ita vt ad illud simplū teneatur omnimodo licet ex dolo defuncti nihil penitus ad eum peruenierit. Constituit enim ea lex antithesim in tribus, collato depositario cū ipsius heredib. Atque depositarij heredes teneri pro sua quemq; portione hereditaria, & ad simplū, & intra annū quoq; Depositarium verō ipsum in solidū & ad duplū, & in perpetuum. Dices iis verbis potius exprimi, aut saltem significari: Nō ergo depositarij heredes in solidum teneri quomodo depositarius teneretur, Ne aliqui nulla supersit inter depositarium & eius heredes differentia, & hoc sanē videtur esse quod interpretes decepit, qui obseruare debuerunt; Non in eo antithesim esse vt depositarius in solidum quidem teneatur; Heres verō non in solidū sed in id tantum quod ad ipsum peruenierit ex deposito & ex dolo defuncti. At in eo potius vt depositarius ipse in solidū solus teneatur: Heredes verō ipsius cūm plures sunt, non singuli in solidū teneantur, quomodo defunctus tenebatur, sed pro sua quisq; portione hereditaria. Sed hoc ipsum tamen etiamsi nihil aut minus ad quemq; peruenierit, vt intelligamus nō dubitare I.C. quin depositarij heredes ad simplū vsque hac actione teneri omnimodo debeant, id est non adhibita illa distinctione, An ex dolo aliquid ad eos aut nihil aut minus peruenierit, Sed tamen nullo casu teneri singulos eos pro maiori parte quā pro qua quisque heres sit, quantiuis pro ea parte singuli teneantur etiamsi vel nihil ad eos peruenierit, vel minus. Nempe quia non tenentur nisi ad simplum vsque ve lex subiicit, intra simplum verō nō pœnalis sed merē rei persecutoria actio est. Ergo si vnus tantum heres esset, solus ille haud dubiē non secus ac depositarius ipse in solidum teneretur, etiamsi nihil ad eum peruenisset, quia non posset in eum cadere distinctio pro qua parte heres esset, qui in solidum esse probatur. Quomodo & de conditione ex causa furtiua scriptum est in *l.in conditione 9. de condit. furt.* In conditione ex causa furtiua in solidum teneri eum qui solus heres est, Pro parte verō heredem pro ea tantū in parte qua heres est, conueniri. Propter quam causam nec dubitandum est quin ad simplum vsque detur in heredē etiam post annum in specie *d. l. de eo*, vbi quod dicitur *intra annum quoque* hunc sensum habet vt contra heredes depositarij non detur ea actio in duplū, ne quidem intra annum, Quod monere fuisset ineptum si nec in simplum daretur post annum. Iuris quippe prætōrij regula est honorarias actiones, quæ sunt rei persecutoria; sicuti ob eam causam dantur etiam in heredem ita & post annum dari *leg. in honoraria 35. De obligat. & action.* Etsi autem verum est actionem hanc si per se sumpta & absolutē denominetur pœnalem dicendam esse:

potius quàm rei persecutoriam, cum ad simplum detur sed ad duplum, Adeoque nec tam ex contractu competere quàm ex dolo depositarij, quandoquidem depositum quod re contrahitur non ad plus obligare depositarium potest quàm reuera depositum sit. *l. cum ultra §. C. de non numer. pecun. l. i. §. in quoque D. de oblig. & act.* Inde tamen nihil fit, nisi ut supra simplum non possit dari in heredem ne quidem intra annum, Sed non ut vsque ad simplum danda non sit etiam contra heredem & in solidum iuramentum post annum, quis vsque ad eam quo tam rei persecutoria est *ex reg. d. l. in honor. aris.* Quanquàm non sufficeret esse rei persecutoria & mixta ex pœnali, ut daretur contra heredem in solidum & post annum ad simplum vsq; ut cõstat ex legis Aquiliæ actione *§. his autem verbis Inst. de leg. Aquil.* si non etiã illud concurreret quod competit ex contractu *d. l. si hominem §. i. D. de posu.* Nā quæ cõpetunt ex delicto siue merè pœnales sint, siue mixtæ, quod etiã rei persecutione continenti, nunquàm dantur in heredem nisi de eo quod peruenit *l. 2. §. ult. D. cui honor. rapt.* ubi tamen addit Vlpianus ab huiusmodi exceptione excipiedam actionem illam Vi bonorũ raptorũ, quã prætor ne in id quiddẽ quo locupletiores heredes facti sint polliceri in eos voluit, Ratione illa prorsus singulari, quia putauit sufficere cõditionem furtiuam quæ non minùs cõtra raptorem competit qui fur improbius est quàm contra furem. Non est igitur exemplum quod assertur *ex d. l. de eo, accommodatum ad id quod scriptum est in d. §. aliquando.* Aliquando etiã ex cõtractu actionem non competere contra heredem, cum testator dolose versatus est & nihil ad heredem ex eo dolo peruenit. Nam quemadmodum neq; ex cõtractu depositi, siue necessariam, siue voluntariã causam habentis, neque ex dolo depositarij, quicquam ad heredem peruenire vñquã potest supra id quod depositum probatur, quia crescente licet perfidia depositũ tamen ipsum nõ crescit. Ita nec fieri vñlo casu potest ut non ad eũ vsq; modum teneatur heres depositarij, licet nihil penitus ex re deposita ad eũ peruenerit, Illudquẽ duntaxat verum est quod nemo negat & à proposita quæstione prorsus alienum est hanc actionem licet ex contractu sit, non tamen dari contra heredem depositarij eo modo quo contra depositarium, scilicet supra simplũ, quia nimirum quod excedit, pœna non rei persecutio est. Quamuis totum depositum ad heredem per causam hereditariam peruenerit. Ex quo intelligimus non magis quicquam eos proficere, qui eodem allato exemplo putant locum illum Triboniani accipiendum esse de actionibus ex contractu pœnalibus, Quasi regula quæ habet Actiones ex contractu descendentes dari in solidum contra heredem tametsi doli in iis versetur, accipienda sit de actionibus nõ pœnalibus. Exceptio verò quæ ad regulã illam subintellectam expressim ponitur *in d. §. aliquando,* de actionibus ex contractu pœnalibus. Nam præter id quod regula quæ præcedit disertè cõcepta est de actionibus pœnalibus quæ ex maleficio nascuntur, Ad differentiam actionum quæ ex contractu descendunt, quæ vix est ut pœnales sint, ut & *in l. pupillum in. §. de regul. iur.* & consequenter antithesis quæ sequitur *in d. §. aliquando* de iis potius actionibus intelligi debet, quæ neque ex maleficio nascuntur sed ex contractu, neque pœnales sunt sed rei persecutoria. Illud etiam fatendum est Triboniani verba esse generalia de actionibus ex contractu descendentibus. De quibus similiter necessariò intelligenda est tacita illa regula ad quam volunt isti additã exceptionem, nõ de solis pœnalibus, Ac proinde prorsus improbabilem & commentitiã esse illam interpretationem aut veriũs suppositionem, quæ ad solas pœnales generaliatem & tacitè propositionis, & expressè exceptionis restringit. Deinde cum isti retineant

ditionem *veluti* quam alij tollunt, negare certè non possint quin illud ipsum quod sequitur exemplum sit imò tota substantia exceptionis, quam Tribonianus subnectere voluit ad regulam illam tacitam & subintellectà de actionibus ex contractu descendentes, & vt isti addunt pœnalis quæ regulariter cõpètur in heredem. Porro ergo prodesset dare casum si quis reperiri posset in quo pœnalis actio descendens ex contractu non daretur contra heredem, si non probaretur generaliter veram esse exceptionem quæ hoc vnum disertè habet reienta dictione *veluti*, Nunquam dari actionem ex contractu pœnalem contra heredem quoties testator dolosè versatus est & nihil ad heredem ex eo dolo peruenit. Atqui tantum abest vt ea exceptio generaliter vera sit, vt nec defendi possit in illo vnico casu quem isti adferunt de actione depositi ex causa tumultus, vel incendij, vel ruinæ, vel naufragij, Quia licet ea actio non minus sit pœnalis quàm ex contractu, datur tamen contra heredem depositarij etiam in solidum vsque ad simplum, vt probauimus, licet nihil prorsus ex dolo depositarij ad heredem peruenit totumque depositum viuo adhuc depositario perierit. Ergo aliud exemplum querendum est, in quo pœnalis actio descendens ex contractu non datur in heredem in solidum, sed de eo tantum quod peruenit. Et quamuis alia & mille si voles exempla suppeteret tam falsæ propositionis, Nunquam tamen assequeretur isti vt vera esset generalis illa exceptio quam Tribonianus posuit pro verâ; quippe quæ saltem in hoc ipso casu de quo nunc tractamus falsâ inueniretur. Nam quod ea pœnalis actio depositi non datur in duplum solidum aduersus heredem, quomodo daretur aduersus depositarium, ad rem nullomodo pertinet, quis ratione eius quod excedit simplum, neque de solido, neque de eo quod peruenit tractari potest, cum totum illud pœna sit, vt diximus, nec tam ex contractu, quàm ex maleficio, & ex edicto prætoris proficiscatur. Actio siquidem ex contractu depositi quæ civilis est non vltra porrigi vnquam potest quàm reuera depositum sit, siue voluntariam siue necessariam causam depositi contractus habuisse probetur. *arg. d. l. cum vltra 9. C. de non numer. pecun. l. rogasti 11. §. sibi De pati.*

ERROR V.

De actione ex testamento qua datur ad duplum pro relictis piis.



ADERVNT etiam, vt audio, iidem isti contra quos nunc disputamus aliud exemplum de legato relicto ad pias causas, De quo in §. item missa est actio & §. in duplum agitur in fin. Inst. de action. vbi dicitur, In eum qui relicta sacrosanctis ecclesiis vel aliis venerabilibus locis legati vel fideicommissi nomine dare distulerit vsque adeò vt ex ea causa se in ius vocari passus sit, Actio nem competere per quam non solum ipsam rem vel pecuniam quæ relicta est, sed etiam aliud tantum pro pœna dare cogatur. Ita vt in duplum relictum fiat condemnatio. Sed præter id quod hæc actio non est ex earum numero quæ descendunt ex contractibus, de quibus solis nunc disputamus, cum ex testamento vel alia qualibet vltimæ voluntatis specie inducatur, Non video cur ex ea exemplum sumere isti debuerint potius quàm

ex cæteris actionibus quæ in duplum datur aut quæ per inficiationem crescunt quæ tamen ferè omnes ex maleficio nascuntur, vix vlla ex contractu præter illà depositi de qua iam diximus. Deinde non negat Iustinianus supradictis locis quin actio illa quæ in duplum datur contra eum qui relicta ecclesiis dare distulit ad litem usque, dari etiam debeat contra eius heredem saltem ad simplum; etiamsi res fortè quæ dari debuit, viuo primo herede perierit, vt proinde nihil ex ea neque ex dolo heredis primi ad secundum heredem peruenerit, Quemadmodum & in specie *d. l. de eo 18. D. de positi*. Nā sicuti heredem secundum ex primi dolo in duplum teneri & pœnam præstare iniquum esset, Ita nec æquū est, ob id solūm quod actio illa pœnalis est ad eū illum liberari, vt nec simplum quidem præstare teneatur: Ita enim fieret vt voluntas testatoris intercideret morte doloque primi heredis, quod esset absurdissimum. At neque irasci potest hoc casu de eo quod ad heredis heredem peruenerit, quomodo tractandum necessariò est quoties quærimus, An heres doli tenetur in solidum actione pœnali ex contractu descendente an de eo tantum quod peruenit, vt in *d. g. aliquando*. Cur enim tenetur primus heres ad præstationem legati vel fideicommissi à se relicti? An fortè quod ex re legatarij vel fideicommissarij aut etiam ex dolo suo aliquid ad eum peruenerit? vt contingit in actione depositi & alijs quæ ex contractu ratione doli datur? Minimè. Sed quia hereditas ad eum peruenit. Hereditas enim illa est quæ ipsum obligat *l. sine à certis 17. D. de duobus reis. Nou. 1. de hered. & falcid. Auth. hoc amplius C. de fideic.* Est enim heres qui legata vel fideicommissa retinet quæ præstare debuit agit quantum potest vt ex dāno legatarij vel fideicommissarij locupletior fiat, Tamen non tam ab ipso aliquid habere quàm hereditatem tanto locupletiores consecutus esse videtur, quippe qui hereditatem illibatam retineat, ex qua delibari legatum vel fideicommissum debuisset *l. legatum est delibatio 116. de leg. 1.* Ergo nec ad secundum heredem quicquam ex dolo defuncti hoc casu peruenisse dici potest, sed tantum eadem illa hereditas tanto locupletior. Quæ sicut primum heredem obligabat præstationi legatorum & fideicommissorum omnium, etiam quæ non in piam causam relicta essent, Ita & secundum & deinceps alios omnes sequentes obligat vt eadem legata & fideicommissa præstent, & consequenter sub eadem pœna sub qua defunctus tenebatur, præstandi scilicet dupli si moram quoque ipse contrahat litemque secum eo nomine contestari patiatur. Sic fit vt eadem in omnibus ratio esse debeat secundi, quæ primi heredis, Hac sola differentia quod ex mora & dolo primi heredis non potest secundus conveniri ad duplum sed ad simplum duntaxat, ne alioqui sit successor pœnæ. Caterum si ad simplum ex propria etiam persona conuentus, tanquam qui per mediam primi heredis personā factus sit heres testatoris, propriam quoque moram ipse contrahat, ratio nulla est cur non & ad duplum ipse quoque teneri debeat, quia eandem culpam admittit quam primus heres admisit, & quā ipse admitteret si primus heres esset. Nam & idem cuenit in herede depositarij vt ex proprio suo dolo etiam in duplum teneatur *d. g. rei persequenda vers. plane in fin. Quamquam in depositarij herede diuersum illud est, quod non perinde is depositarius dici potest cum ipsius fides electa non fuerit. At heres heredis heres est primi testatoris, vt iam diximus *l. vlt. C. de hered. inst. l. qui liberis 8. §. vlt. de vulg. & pup. subst. l. si quis 7. §. vlt. De acquir. hered.* Ideoque cum ad legatū vel fideicommissa præstanda conuenitur quæ primus heres ex sui testatoris voluntate præstare debuerat, non tam eueniri videtur ex persona primi heredis quàm ex propria*

id est

id est tanquam heres & successor primi testatoris, Ut proinde eadem ratio & constitutio iuris locum habere debeat in secundo herede quæ in primo, Vnde fortassis factum est ut de secundo herede nihil dixerit Iustinianus in *dist. 5. item missa*, quomodo locutus est de herede depositarij in *dist. vers. planè in fin.* Sed & alia ratio est propter quam non potest videri exemplum hoc accommodatum esse ad id de quo quarimus. Nam nec primus heres aliter tenetur ad duplum ob non præstita legata vel fideicommissa, quàm si non solum in ius sed etiam in iudicium ex ea causa vocari se passus sit, quomodo loquitur Iustin. supradicto loco. Id est quàm lis fuerit cum eo contestata. Neque enim aliud est in libris nostris iudicij accipiendi vel accepti tempus quàm litis contestatæ *leg. 2. §. quæsitum. vers. conditio autem D. de prius. delict. & alibi pass.* Atqui lite cum defuncto contestata etiam pœnales actiones transeunt in solidum contra heredem *dist. 5. aliquando vers. pœnales, leg. unic. Cod. ex delict. defuncti. leg. constitutionibus 33. D. de obligat. & action.* Quanto magis igitur in proposito dicendum est, Etiam si actio ex testamento talis esset quæ propter dolum heredis primi non deberet transire in secundum, eam tamen de qua agimus transiuram, si non pro pœna, saltem ad legatum ipsum vel fideicommissum quod relictum fuit, consequendum: Nam si quis replicet quod verum est Iustinianum supradicto loco non de ea contestatione sentire quæ facta sit super actione pœnali, sed de ea tantum quæ super actione ex testamento, Nihil tamen aliud inde possit inferre nisi quod nos libenter admittimus, Non ideo tamen futurum ut actio illa pœnalis ad duplum transmittatur contra heredem. At nos non de duplo nunc agimus, sed de simplo de quo ponimus litem ex testamento motam fuisse & contestatam. Quis ergo dubitare possit, quin hoc casu saltem ad simplicum vsque teneri debeat heredis heres, tamen si casus dari posset in quo nihil ad eum ex primi heredis mora doloque pervenisset? Quid ergo superest quod melius dici possit? Hoc vnum quod nos cum priores illas nostras Coniecturas in scholis scriberemus, iam quidem subodorati sumus, sed nondum tamen libere pronunciare nondum audebamus, Miram hæc parte, ut & in aliis plerisque Tribonianis nostris, in se itiam & iuris imperitiam deprehendi, qui cum semel Iureconsultus tantum esset, Id quidem sciebat quod nemo ignorat, Actionem quæ ex dolo defuncti veniat non dari aduersus heredem in solidum sed de eo tantum quod peruenit, Ignorabat verò quod prudentes omnes pro certissimo & competissimo iure semper habuerunt, Falsam esse indistinctè ac sine exceptione vlla eam propositionem, quoribus actio ex contractu venit licet in ea delictum & dolus versetur. *d. l. si hominem 7. §. datur D. de posit.* ubi observandum est quod Vlpianus sic loquitur ut ista coniungat *ex contractu rei que persecutione*, Ita significans transmissibilem fieri actionem non ob id tantum quod ex contractu descendat, sed ob id etiam quod ex rei persecutione, Ut intelligamus si quando talis actio sit quæ ex contractu quidem descendat, sed tamen admixta pœna habet qualis illa est de qua in *dist. l. de eo 18. Depos.* [nam ut aliqua actio & ex contractu descendat & merè pœnalis sit, fieri certè nullo modo nulloque casu potest] Non ideo transmitti eam debere in solidum contra heredem, qualis contra defunctum ipsum competeat, id est etiam pœnæ nomine, sed eatenus tantum quatenus rei persecutionem continet, id est vsque ad simplicum, Porro ad simplicum vique competet, licet defuncti dolus in ea versetur, tamen si nihil prorsus ex eo dolo ad heredem pervenerit, Nec casus vltus excogitari potest in quo aliud iuris obtineat.

ERROR SEPTIMVS.

De actionibus ex maleficio quæ habent rei persecutionem.



ERPLEXVM & difficilem quæstionis huius exitum fecerunt apud nostros varij iuris loci, qui in speciem pugnare inuicem videantur. Aliquando enim sic locutos prudentes videas, vt dixerint Actionem nunc hanc, nunc illam dari contra heredem in solidum, quia licet sit ex delicto, tamen rei persecutionem continet, Vt cum tractant de conditione furtiua in leg. si pro fure 7. §. 1. & 2. cum duobus legib. segg. D. de condit. furt. iunct. leg. si ambo 10. §. quoties. D. de compensatio. Et generalius in leg. in honorariis 35. De obligat. & action. Omnes actiones etiam honorarias quæ rei persecutionem habent, & post annum & in heredem dari in solidum, Alias verò hæcenus tantum vt lucrum heredi extorqueatur. Quod etiam pertinet quod Iustinianus scribit in §. non autem omnes Instit. de perpet. & temp. action. Certissimam esse iuris regulam, Ex maleficiis pœnales actiones in heredem non dari, scilicet in solidum, Nam quin dari debeant de eo quod peruenit ad heredem nemo dubitat, vt turpe lucrum ei extorqueatur dist. leg. in honorariis l. in heredem 5. De calumn. leg. 1. §. ultim. & l. 2. D. unde vi. & alibi pass. Excepta sola actione Vi bonorum raptorum, cuius singulare ius est vt contra heredem nullomodo detur, ne quidem in id quo locupletior factus est, quia putauit Prætor sufficere conditionem, vt superiore capite dicebamus ex leg. 2. §. ultim. Vi bonor. rapt. Quorsum verò loqueretur Iustinianus de actionibus ex maleficio pœnalibus si non aliud iuris esset in actionibus quæ ex maleficio quidem perinde nascuntur, sed tamen rei persecutionem continent? In quo autem potest constitui differentia, nisi in eo, vt illæ quæ pœnales sunt, non dentur nisi in id quod ad heredem peruenit, hæc verò dentur in solidum? Nec dissimile est quod idem Iustinianus scribit in §. his autem verbis Instit. de leg. Aquil. actionem legis Aquiliæ non transire in heredem, ideo quod pœnalis sit, cum non solum tantum quisque obligetur quanti damnum dederit, sed aliquando longè pluris, quæ transitura fuisset, inquit, si nunquam ultra damnum lis estimaretur, Transitura, inquam in solidum. Nam de eo quod peruenit transire nullomodo posset, cum ex facto eius qui dolo malo seruum alienum occidit nihil aut ad occisorem, aut ad eius heredem peruenire possit. Siquidem ex damno quod infert occisor nullum ille aut sibi aut futuro heredi suo lucrum acquirat, Atqui etiam si poneret ita comparatam esse actionem legis Aquiliæ vt ex ea nunquam lis ultra damnum estimaretur, non eo minùs tamen verum esset actionem legis Aquiliæ nasci ex maleficio. Ex eo igitur apparet, quoties quærimus, An actio quæ ex maleficio nascitur transeat in solidum aduersus heredem, illud vnum inspicere debere an sit pœnalis, an rei persecutoria, vt hoc posteriore casu non minùs transeat licet ex maleficio nascatur, quam si ex contractu nasceretur, dummodò non sit pœnalis mera, neque mixta ex pœnali. Videas tamen aliquando etiam prudentes in hac quæstione ita loqui vt negent actionem transire contra heredem, Ratione illa redditæ quod quamvis actio rei persecutionem contineat, tamen ex maleficio nascatur, vt in leg. 4. §. ultim. cum tribus sequent. De alienat. indic. mut. caus. fact. dist. leg. in heredem 5. De calumniat. leg. quod diximus 16. §. ultim. D. quod met. caus. leg. si plures 16. §. ultim.

ultim. & leg. seq. leg. in heredem 26. & seq. D. de dolo. leg. 1. §. ultim. De eo per quem fact. erit. leg. 1. §. ultim. D. ne vis fiat ei qui in poss. miss. aff. lunc. §. hac verba eiusd. leg. leg. 1. §. ultim. & leg. 2. D. de vi & vi armat. iunct. 1. si plures 9. eod. leg. 3. §. penultim. D. si mors fals. mod. dixer. leg. illud quoque 7. §. ultim. cum leg. sequen. D. de tributi. act. leg. questum 8. §. ultim. D. de precar. l. ultim. in fin. C. ex delict. defuncti. leg. fin. C. rer. amot. quibus in locis omnibus negari non potest quin tractetur de iis actionibus quæ rei persecutionem continent, & per quas actor persequatur id quod sibi abest, & tamen negant prudentes, negant Imperatores dari eas actiones contra heredem in solidum, & suprâ quàm ad eum ex defuncti dolo pervenerit, Quamvis fateantur ex iis quasdam dari in perpetuum, id est etiam post annum contra eum, qui ipse dolum admisit. Quod ut magis mirum videri debeat, facit ea iuris prætorij regula quæ ex Paulo proponitur in leg. in honorariis 35. De regul. iur. Actiones honorarias quæ rei persecutionem habent etiam post annum & in heredem dari, Cæteras nec post annum, nec in heredem nisi de eo quod ad ipsum pervenit, sed intra annum duntaxat in eum ipsum contra quem directò propositz sunt & comparatz. Quid ergo ad tot leges respondebimus quibus non obui posse crediderunt ij qui sententiam illam nostram impugnarunt, qua nos contra Iacobum Cuiacium iam pridem defendimus, Condiotionem furtivam licet ex delicto detur, quia tamen rei persecutionem continet, competere in solidum aduersus furis heredem, licet nihil ex furto per viam hereditatis ad eum pervenerit. Sic enim disputauimus lib. 4. Coniect. cap. 1. Verum iam tum respondimus quod ipsum nunc, sed paullo fusiùs & apertius respondendum arbitramur, Actiones rei persecutorias non omnes eodem modo appellari, nec proinde eodem in omnibus iure censi posse. Quædam enim sunt ita rei persecutoriz, ut non ad aliud comparatz dici possint quàm ad indemnitatem actori præstandam persequenti ex iis id tantum quod sibi abest sine vlla pænæ commissione, & ut dicam breuius, quibus actoris suorum solus casus dedit, non necessitas aut æquitas vindicandi doli quem reus admiserit. Aliæ sunt rei quidem persecutoriz, sed non tam ex natura sua quàm arbitrio iudicis non condemnantis reum ad rem quæ petitur restituendam, sed arbitrantis primum debere rem restitui, mox si arbitrio non pareatur, neque res restituatur, condemnantis reum ex bono & æquo, Quæ actionum omnium arbitrariorum natura & condicio est, præterea Inst. de actionib. Aliæ denique sunt eiusmodi, quibus actor rem suam quidem persequatur, id est id omne quod sibi abest, sed quæ tamen siue à iure civili siue à prætore non tam actoris favore comparatz sint, quàm in odium & pœnam rei, ac ut factum quod malo more admisit, dolusque ipsius puniatur. Quæ sunt prioris generis verè ac merè sunt rei persecutoriz, danisq; semper non modò aduersus reum in perpetuum, id est etiam post annum, sed etiam contra heredem in solidum, Nec exemplum adferri potest actionis vllius, quæ sit huius generis, & quæ vel non post annum competat, vel non nisi de eo quod pervenerit ad heredem. Secundi verò generis actiones, licet nulla ex parte sint pœnales, quia non nisi actoris favorem respiciunt, non tamen sunt adeò simpliciter & absolutè rei persecutoriz, quia non tam per se & sui natura persecutionem rei continent, quàm arbitrio iudicis inter litigatores cognoscendis, & has certum est si prætoriz sint, neque dari post annum [civiles enim semper & sui natura perpetuæ sunt] neque in heredem nã

de eo quod ad ipsum peruenit, Non post annum, quia cum non nisi arbitrio iudicis persecutio nem rei contineant, Arbitrium autem iudicis nullum esse possit antequam datus sit, Consequens est ut si ante annum neque petitus neque datus sit, actio moueri postea non possit, tanquam quæ nunquam talis fuerit ut rei persecutoria dici potuerit: Non in heredem in solidum, sed de eo tantum quod peruenit, Quia nunquam arbitrium iudicis tale esse potest aut debet ut is qui conuenitur inbestur restituere id quod neque ipse habeat, neque dolo desierit habere, nisi cum apparet id aliquando eum habuisse. *argum. l. mulier 22. §. sed enim D. ad SC. Trebell.* Sufficeret enim vel vno primoque momento peruenisse ad heredem ut in perpetuum teneretur, licet nullo suo dolo postmodum habere desisset. *l. videamus 17. D. quod met. caus. leg. cum prator 127. De reg. iur.* Et verò cum in actionibus arbitrariis perpetuum illud sit ut nulla ex iis possit ex bono & æquo sequi condemnatio, nisi tum demum cum arbitrio parere reus noluit, hoc est eam rem restituere quam restitui debere iudex arbitratus est. *dist. §. praterea.* Quis æquum putet condemnari heredem huiusmodi actione ob id solum quod non reddat eam rem quam non possit reddere, ideo quia nunquam eam habuerit? Prius enim est, ut restituendi facultatem reus habeat, quam ut restituere iubeatur. *leg. officium 9. D. de rei vindic.* Tantum abest ut contra eum iurari possit, aut debeat in litem quasi in poenam contumacie ob id quod non restituerit eam rem quam restituere nunquam potuerit. Quam tamen poena solet puniri contumacia illius qui rem petitam restituere iussus noluit parere arbitrio iudicis. *leg. 1. & pass. D. de in lit. iur.* Scilicet cum actor se dicit probatque dominum rei petite: Ne aliqui iusto pretio rem suam cogatur vendere quod iniquissimum esset. *leg. non enim 9. D. si ver. amot. l. si filio familiaris 25. §. 1. D. solut. matr. l. nec quasi 70. D. de rei vind.* Proinde mirum non est huiusmodi actiones arbitrarias licet fauoræ actoris primum & per se respiciant: & contra eum dentur, qui nullo dignus odio esse incipiat, nisi ex quo tempore arbitrio iudicis parere & rem restituere, recusauit, non tamē dari contra heredem nisi de eo quod ad illū peruenit, licet contra defunctū cōspicerint in solidū, quippe qui rei in solidū restituendæ facultatem habuerat saltē aliquando, licet postea fortassis habere desisset etiā sine dolo, Cum possit ei in perpetuum imputari cur id fecerit propter quod equū fuerit contra eum dari huiusmodi actionē. Differētia. n. semper illa est inter defunctum & heredem quod ille per istas actiones cōuenitur ad reddendū id quod ipse aliquādo habuit, adeoque ex suo facto, Heres vero plerūque de eo quod neque habet nunc, neque vnquam habuit, & semper ex alieno facto. Quidni ergo melior cōditio esse debeat heredis quam defuncti? Aut cur bonus iudex arbitretur debere heredem restituere id quod nec habet nec dolo habere vnquā desierit, tamen si defunctus ipse habuerit aliquādo? Nā si respōdeas, Etiam ex defuncti facto perinde teneri heredem atque ex suo proprio, Replicabo id non habere locū in actionib. arbitrariis, ex quib. neque alius conueniri potest quam qui ex arbitrio iudicis restituendæ rei habeat ipse facultatem, neque alius condemnari ex bono & æquo, quam cuius propria fuerit cōtumacia in nō parēdo arbitrio iudicis, Vnde est quod ex dolo defuncti nūquā aduersus heredem iuratur in litem ne quidem aduersus heredem tutoris. *l. 2. l. pen. & vlt. C. de in lit. iur.* quia nec doli alieni successor quisquam est, aut esse potest. Quæ verò sunt tertij generis actiones, tamen si ex parte actoris habeant rei persecutionem non poenæ, ob idque semper & indistinctē etiam heredi dentur [quod in iis actionibus quæ ex actoris quoque parte poenales sunt diuersum est] verē tamē & inspecta ipsarū

origine

origine & causa sunt pœnales, Quoniam in eum præcipue finem comparatæ sūt vt factum puniant eius qui convenitur, & in dolum ipsius concipiantur, Quomodo eleganter loquitur Iureconsultus in l. huius §. 1. *D. quod fals. tutor. au-
thor.* qui locus omnium præfissimus & accommodatissimus est ad hoc ipsum quod volumus exprimendum. Sunt igitur hæ actiones mixtæ, Partim rei persecutoriæ ex parte nimirum actoris, & partim pœnales, scilicet ex parte rei, Magis tamen pœnales dici & censeri debent, quàm rei persecutoriæ non solum ex natura mixtarum omnium actionum, quæ pœnali iure potiùs censentur ita vt in heredem non transeant, ne quidem quatenus rei & simpli persecutionem continent, vt constat ex actionibus legis Aquiliæ & vi bonorum raptorum §. *his autem verbis Inst. ad leg. Aquil. & §. vi bonorum raptorum Inst. de action.* Si eas excipias quæ ex contractu vel ex testamento profisciscantur, de quibus suprà diximus, Sed etiam quia non tam ad id quod comparata sunt vt actori prospiceretur, quàm vt factum & dolus rei puniretur: quæ res facit earum causam & originem prorsus pœnalem l. 1. §. *hæc verba & §. vl. D. ne vis fiat ei qui in poss. mixt. est.* Proinde inritum non est huiusmodi actiones tanquam pœnales nec post annum dari nec in heredem nisi de eo quod ad illum pervenerit. Ad primi generis actiones pertinet exemplum conditionis furtivæ, de qua separatim dicemus in sequentibus. Ad secundi verò generis actiones pertinent omnes supradicti iuris loci qui loquuntur de actionibus arbitrariis, puta *De actione quod metus causa, De dolo malo, De actione in factum ex edicto, De alienat. iudic. mut. caus. fact. Re- rum amotarum,* & si quæ aliz similes sunt. Omnes enim istæ sunt arbitrariæ cum iis omnibus conveniat definitio arbitrariarum posita in d. §. *præterea.* Ideoque fieri non potest vt contra heredem competant vel dentur, nisi in id quod pervenerit, quia nec aliud reddere iuberi heres potest, nisi quod ad eum pervenerit, vt supra diximus. Deniq; ad tertij generis actiones pertinent cæteri omnes loci qui neque sunt de merè persecutoriis neque de arbitrariis: Si modò excipias actionem in factum quam dat Prætor ex edicto De calumniatoribus, quæ non tantum ex parte rei pœnalis est sed etiam ex parte actoris, nec villo modo rei persecutionem continet, ideoque nec heredi datur, quomodo dantur ex quæ sunt persecutoriæ ex parte actoris l. 4. §. *vt. de calumniat.*

ERROR SEPTIMVS.

De actione qua contra falsum mensorem datur, & De tributoria. Ad l. 7. §. si cuius & l. 8. De tribut. act. Et ad l. 1. §. hæc verba. D. ne vis fiat ei. Et de actione in factum ex causa interdicti Vnde vi, & de emendatione l. 3. §. 1. §. h. tit. und. vi.



CTIO quæ contra falsum mensorem datur licet ad id quod interest actoris, pœnalis tamen est, quia concipitur in dolum mensoris eumque punit d. l. 1. §. *hæc actio si mens. fals. mod. dixer.* Similiter actio tributoria quæ datur contra dominum qui dolo malo versatus est in distribuendo peculio serui d. l. *istud quoque* 7. §. *si cuius D. de tribut. act.* vbi dicitur actione ista coerceri dolum domini, ob idque nec ea teneri dominum etiam qui vel ni-

B iij.



hil vel minus quàm oporteret distribuit, si non fecerit dolo malo. Nec est contrarium quod ex Iuliano subiicitur *in l. seq.* non de dolo esse hanc actionem, sed rei persecutionem continere. Sensus enim non ille est ut hæc actio nõ detur ob dolum nec ad dolum puniendum, quod utrumque falsum esset, sed ut non ideo sit actio De dolo, quia si esset actio de dolo non esset perpetua, sed annalis inspecto iure Pandectarum, aut saltem biennalis ex iure nouo post *l. vl. C. de dolo.* Nam cum in *§. vlt. leg. praced.* scriptum esset actionem tributariam & perpetuam esse, & in heredem dari de eo quod peruenit, subiicere Tribonianus rationem ex Iuliano voluit non vtriusque partis *dist. §. vltim.* quod diligenter obseruandum est, sed prioris tantum, Eius scilicet quod Vlpianus dixerat tributariam esse perpetuam, quia si rei persecutoria non esset nec perpetua esse posset, ne quidem contra dominum dolum. Cæterum hæc ipsa ratio quod ea actio persecutionem rei contineat, si accommodaretur ad alteram sententiæ Vlpiani partem quæ habet non dari actionem istam in heredem nisi de eo duntaxat quod ad ipsum peruenit, contrarium potius suaderet, *Ex reg. dist. l. in honorariis.* Nisi quod responderi posset, ut modò diximus esse quidem illam rei persecutoriam ex parte actoris, sed esse tamen pœnalem non tantum ex parte rei, sed etiam inspecta ipsius origine & causa quia datur potissimum in eum finem ut domini dolus coerceatur. Propter quam causam nec ab actione ipsa, De dolo quæ nunquam perpetua est, valde distare videbatur, Idque apparet manifestius ex eo quod sequitur in eadem lege, Etiam mortuo seruo dominum heredemque eius perpetuo teneri debere propter factum defuncti, quamuis, inquit, non aliter quàm interueniente dolo competat. Quibus verbis ostendit Iulianus non id esse agere, ut probet cur actio tributaria non detur in solidum contra heredem domini, sed cur perpetuò detur. Nam ut probaret dari eam contra heredem in solidum non debere, ratio illa erat afferenda, quod licet rei persecutionem contineat ex parte actoris, pœnalistamen sit, supradicta verò iuris prætorij regula quæ extat *in dist. l. in honorariis.* de iis solis actionibus intelligi debeat quæ sui natura & directò merèque sunt rei persecutoria, non de iis quæ ita rei persecutionem continent ex parte actoris, ut tamen alio quolibet respectu possint dici pœnales, Non magis quàm ad eas quæ non nisi arbitrio iudicis pertinent ad rei persecutionem. Tributariæ similis actio illa est quam Prætor dat aduersus eum qui dolo malo impedit aliquid iudicio sisti. Et si enim datur illa actio in id quod actoris interest sisti, non alio tamen fine datur, quàm ut dolus coerceatur eius qui sisti impedit: Et ideo heredi quidem datur, sed non in heredem nisi hætenus ne is ex dolo defuncti quicquam locretur *l. i. in princip. & §. vltim. iunct. l. 3. in princip. De eo per quem fact. erit.* Eiusdem generis est actio quæ datur ex edicto illo *Ne vis fiat ei, qui in possession. miss. est.* Et si enim non datur nisi quanti ea res est ob quam in possessionem quis missus erit, idè quæ dicitur continere utilitatem creditoris, ut quanti eius interest possessionem habere, ei tantum condemnnetur is qui prohibuit, Adeò ut si ob falsum creditum, vel ob falsam petitionem missus sit in possessionem, vel si exceptione summuoveri potuit, nihil ei debeat hoc edictum prodesse, quia propter nullam causam in possessionem missus fuit *l. 1. §. hæc verba ill. iul. Ne vis fiat ei.* Certum tamen est pœnalem eam esse *dist. leg. 1. §. vltim.* cum expressè concepta sit in dolum *dist. l. i.*

dict. leg. 1. in princip. siue dominus, siue alij prohibuerint : quomodo legendum est *in dict. leg. 1. §. 1. in fin.* pro eo quod vulgo *siue doli, siue aliter prohibuerint.* Quare mirum non est, si neque post annum, neque in heredem detur nisi de eo quod peruenit, Ipsi tamen heredi cæterisque successoribus accommodetur. Obscurius illud videatur quod Vlpianus ait, de actione in factum competente ex causa interdicti, Vnde vi, quam cum negasset *in leg. 1. §. ultim. ill. titu. unde vi,* competere aduersus heredes nisi in id quod ad eos peruenit doloque male ipsorum factum est quominus perueniret, postea tamen subiicit *in leg. 3. §. 1. eod.* hanc actionem quæ aduersus heredem cæterisque successores pertinet perpetuo competere, quia inquit, in ea rei persecutio continetur. Quid enim commune habet ratio illa cum dicto? Quandoquidem etiam pœnales actiones dantur in heredem de eo quod ad ipsum peruenit vt turpe lucrum ei extorqueatur, vt toties diximus, & constat inter omnes ex *l. sciens 38. de reg. iur.* aliisque innumeris iuris locis. Nec dici potest quod notare quosdam videri respexisse Vlpianum hoc loco ad regulam illam *dict. leg. in honorariis,* quæ vult perpetuas esse actiones omnes quæ rei sunt persecutoriz. Nam eas ipsas actiones quas perpetuas esse lex ait ob id quod rei persecutionem contineant, vult etiam dari aduersus heredem, & quidem in solidum, quod tamen in proposito casu nostro ita esse idem Vlpian. noster negat. Er ueritò, quoniam actio hæc in factum pœnalis est, cum factum & dolum puniat eius qui vim fecit, Et quidem ita vt neque liberto in patronum, neque liberis in parentes dandum sit interdictum illud, quia in se habet atrocitatem facinoris, vt ait *leg. 1. §. interdictum hoc 43. eod. iur.* Nec rursus dici potest etiam pœnales actiones esse rei persecutorias quatenus ad heredem peruenit, Ex quidem ex parte rei cum possit heres eatenus reddere id quod habet. Id enim perinde dici posset de omnibus actionibus pœnalibus & ex maleficio proficiscentibus quas placuit non eo minùs dari debere contra heredem de eo quod peruenit. Omnes siquidem perinde rei persecutionem continent. Quæ tamen ratio longè aptior esset ad probandum dari eas in solidum aduersus heredem etiam ad quem nihil peruenisset, quàm ad obligandum heredem de eo quod peruenit, Veràque ratio propter quam heredes tenentur etiam pœnalibus actionibus in quantum ad eos peruenit, non illa est quòd in tantum rei persecutionem contineant, Sed quia lucra turpia heredibus extorquenda sunt *dict. leg. 5. de calumniat.* sufficique non in lucro versari heredem, nec præterea damnum eum subire æquum est, vt idem Vlpian. ratiocinatur *in dict. leg. 3. in princip. Vnde vi.* Rationem scilicet reddens propter quam ex facinoribus defunctorum heredes teneantur quidem de eo quod ad ipsos peruenit, in solidum tamen non teneantur. Quod nò satis benè obseruatum à nobis antehac fuit cum textus illius verba inuersa esse alicubi scripsimus. Fatendum igitur est, meo iudicio, corruptum esse Vlpiani textum *in dict. leg. 3. §. 1.* & intelligendum non de actione quæ aduersus heredem ex dicto illo competit, sed de illa quæ heredi. Est enim ea ratio, & optima, & germana propter quam actiones omnes etiam quæ ex parte rei sunt pœnales, heredi tamen dandæ sūt, Si ex parte actoris rei persecutionem contineant, vt ex cæterarum omnium, de quibus iam diximus, exemplis liquiddò apparet. Ita verò Vlpianum nostrum non modò sensisse, sed etiam scripsisse assequemur facildè, si dictionem *aduersus* emendemus, & pro ea legamus *ad,* sola prima dictionis syllaba, retenta, quam imperitus, siue interpres, siue librarius non intelligens, putabat

mutam esse dictionem, sensumque manentem si non pro ad reponeret aduersum. Nam p[ro]seuans quod sequitur verbum *pertinet* quod ille per maiorem imperitiam accepit pro *competit*. Omnino absurdè. Nec enim dicimus actionem pertinere aduersus heredem quæ contra heredem datur sed competere. At è contrario pereleganter dicimus pertinere ad heredem eam actionem quæ heredi danda sit. Voluit ergo Vlpianus monere non quemadmodum actio hæc denegatur contra heredem nisi de eo quod ad ipsum peruenit. Ita nec heredi actio non nisi intra annum dandam esse. Nimirum quia cum rei persecutionem habeat, & ad heredem pertinet, & perpetuo competit. Et verò cum iam monuisset Vlp. actionem hanc non dari aduersus heredem, cõsequens erat vt moneret dari tamen eam heredibus in perpetuum, id est etiam post annum, ne quis forte cõtra putaret deceptus ex *reg. d. l. in honorariis*. Neque tamen ita scribit vt dicat & ponat hanc actionem pertinere ad heredes, ceterosque successores, Sed hoc ipsum quasi iam eorum & exploratum præsupponit cum sic ait: *Hæc actio quæ ad heredem ceterosque successores pertinet*. Scilicet quia hoc ipsum iam disertis verbis expresserat in *d. l. 1. §. hoc interdum q. q. eod. tit.* id est quæ repetendum ex professio fuit, Sed illud duntaxat monendum quod nondum dixerat, perpetuo eam dari: Subiecta etiam ratione quæ vtrumque probaret, Id est & ad heredem ceterosque successores actionem illam pertinere vt iis detur perinde ac ci qui per vim expulsus est, Et perpetuo dari, Neque quia rei persecutionem contingat. Quæ enim necram rei amissæ persecutionem habent, licet ex parte actoris tantum, vtroque illo iure semper censentur, vt & heredibus competant & in perpetuum, Si modò persecutionem illam rei contineant directè & sui natura ex parte actoris. Hoc enim addendum necessariè est vt eas excludamus quæ arbitrio tantum iudicis ad rei persecutionem pertinent quas supra diximus non magis post annum quàm in heredem dari, si intra annum iudex acceptus non sit, cuius arbitrio fieri possit vt peremptoria esse incipiant *d. l. 4. §. vlt. & legib. segg. D. de alienat. in dic. mut. caus. fact.* Excludendæ sunt etiam illæ quæ ex parte actoris id eo persecutionem rei continere dicuntur quia denuntur ad id omne quod interest: Nam cum in eo contineatur etiam quod lucrari actor potuit, *l. si commissæ 13. rat. rem hab.* videatur habere aliquod pœnale etiam ex parte actoris vt in *l. 1. §. vlt. D. ne vis fiat ei qui in poss.*

ERROR OCTAVVS.

De actione legis Aquiliæ cur non detur in heredem, Ad §. at ne is quidem. infr. ad leg. Aquil. itemque ad l. 3. §. pen. & vlt. & l. 4. D. si me is fals. mod. dixer.

Et de actione quæ ex precario competit cur non detur in solidum aduersus heredem.



X quo intelligimus quemadmodum facilius est vt pœnalis actio datur heredi quàm in heredem etiam de eo quod peruenit, vt videre est in actione Vi bonorum raptorum *leg. 1. §. vltim. Vi bonor. rapt.* Ita & facilius dari eam perpetuo etiam in heredem, quàm vt in solidum contra heredem villo casu detur, Nec si mista esse proponatur, Mista inquam, siue quod & pœnam & rei persecutionem contineat ex parte rei vt illa eadem Vi bonorum raptorum, & actio legis Aquiliæ

non

non solum si aduersus inficiantem in duplum agatur, sed et si in simplū quisque agat, veluti si quis hominem claudum, aut luscum occiderit qui in eo anno integer, & magni precij fuerit *§. vi. bonorum raptorum* 19. *Inst. de action.* Sive quod persecutionem rei contineat, ex parte actoris, pœnam verò ex parte rei ut illar de quibus modo diximus. Nulla enim ex nullius datur verquam in solidum aduersus heredem. Ne quidem quod magis misere, eo casu quod datur ad solā rei persecutionem. Puta si quis agat ex lege Aquilia de homine occiso qui pluri fuerit eo tempore quo fuit occisus, quam toto illo anno retrorsum computato: In qua specie dubitari non oportet quin solius simpli persecutio veniat in hanc actionem, nec lis ultra damnum astringatur. Et tamen nō eo minus actio sit pœnalis, scilicet ex sui natura, & si non ipso actu facte habuit: quod sufficit ut nec hoc quoque casu dari possit in heredem. Quia quod nullam hoc casu pœnā sed simplū dātatur actor cōsequatur, nō tā iure sit quam occasione, ut loqui soléo post Paulū in *l. 2. De reuic.* Eāq; vera ratio tenet est cur neq; hoc casu cōpetat contra heredē. Miror verò ingenia multorum qui scripserūt sine lege & cōtra Iustin. textū in *d. §. his autē verbis* actionē legis Aquil. transire in heredē: Allata quoq; ratione illa, quod in actionē legis Aquil. veniat culpa etiā leuissima ad enim neq; verū est, neque etiam si verū esset, inferri tamē quicquā ex eo posset: Nego verū esse quia quod plerisq; iuris nostri locis scriptū est in huiusmodi actione culpā quoq; astringi, ut in *litem si obliuiscit* 9. *§. ult. cum duab. legib. seqq. D. ad l. Aquil. §. at ne is quidem* 1. *§. seq. Inst. de del. de solo leui culpa accipiendū est* ut & ceteri omnes loci qui de culpa loquuntur nō de leuissima *l. contra alius* 23. *De reg. iur. l. si certo §. si nunc videndum. D. de mod. Culpam enim leuissimam solemus prędentes exprimere nomine diligentię, scilicet exquisitę nec pręstitę, leuē verò culpam nomine desidie & negligentię, ut in superioribus docuimus ex *dist. l. contrarius* in illis verbis *in his quidam & diligentiam & d. §. nunc videndum vers. commendatum autem in fin.* ubi diligentia ponitur tanquam medium quid inter dolum & culpam. Nego etiam ex suprädicta propositione tamen si esset tam verā quam falsa est, inferri tamen quicquam posse, Nam & pleręque actiones sunt etiam rei persecutorię quę dantur contra reum etiam ex culpa leui, quę tamen non transeunt contra heredē nisi hætenus ut teneatur illo ex dolo defuncti, aut ex ea demum culpa quę sit dolo proxima ut apparet ex actione tutelę quę contra tutorem datur ex culpa etiam leuissima *l. a tutoribus* 33. *in prinip. de admin. tut. & d. l. contrarius*, quia licet tutelę administratio ad solius pupilli utilitatem pertineat, incidit tamen pupillus in tutorem *l. ultim. D. de pup. solu. fore.* Et tamen non transit actio illa contra heredem nisi quatenus in dolo vel in lata culpa dolo proxima tutor fuit. Quod & in actione illa subsidiaria obtinet quę contra magistratum datur ex *tit. de magistr. conuen. & contra ipsius heredem l. l. C. de hered. tutor. l. 2. C. de magistr. conuen. l. non similiter* 4. *D. eod.* Obseruari tamen vqlo quando in hunc tractatum incidi, subesse mendum non obsecurum in *d. §. at ne is quidem Inst. de leg. Aquil.* ubi ordine inuerso scriptum est, *nam aliquis nō minus ex dolo quam ex culpa quisque hac lege tenetur pro eo quod legendum est non minus ex culpa quam ex dolo ut nemo non videt.* Quod si a. Etia multa sit, non quia partim pœnalis & partim rei persecutoria, ut actiones *Vi bonorum raptorum* & legis Aquil. sed quia ex parte actoris meram solamque rei persecutionem contineat, ex parte verò rei sit pœnalis nemquam datur illa in solidum contra heredem. Exemplum illustre est ad confirmandam propositionem nostram in actione illa pratoria quę aduersus falsum*

menforem ex edicto datur. Nam cum non competat nisi ei cuius interfuit falsum modum renunciatum non esse *l. 3. §. 1. ill. sit. si mens. fals. mod. dixer.* apparet esse illam rei persecutionem ex parte actoris, Nec eo minus tamen verum est poenalem illam esse ex parte rei cum sit concepta in dolum, cuiusque factum puniit *l. 1. in princip. §. 1. eod.* Ideoque non datur in heredem similesque personas *d. l. 3. §. penultim.* nec proinde in dominum de peculio ex facto serui, sed noxalis tantum ut subiicitur *in §. ult. eiusd. legis.* quamvis, ut lex ait, civilis actio quæ ex contractu nascitur soleat contra dominum ex contractu serui competere non noxalis sed de peculio licet delictum quoque versetur *l. ex contractu §. 9. in fin. D. de obli. & actio.* Nempe quia hæc actio non ex contractu nascitur, sed ex maleficio & dolo. Ex tamen datur non solum heredi sicut & cæteræ quæ ex parte solius actoris meram rei persecutionem continent, *di. l. §. penult.* verum etiam contra menforem perpetuò, id est etiam post annum *l. 4. eod. tit.* ubi rationem adfert Paulus quoniam in initio inspecto quod semper inspiciendum est, non à circumscriptioe & dolo, sed à negotio suscepto accipit originem. Propter quam causam magis mirum videri posset quare non detur in heredem, & in dominum etiam de peculio, Quasi ex contractu magis quam ex delicto proficisci videatur, quamvis in ea delictum quoque versetur. Sed aliud est, Accipere illam originem ex contractu, Aliud verò ex suscepto negotio, Nec enim quisquis negotium suscipit statim contrahit, licet quisquis contrahit hoc ipso negotium gerat. Et ideo dicimus dari hanc actionem contra eum qui civiliter obligatus non est, quemque idcirco de solo dolo teneri debere visum est, ut ratiocinatur Vlp. *in l. 1. §. 1. ad ed. ut nec nisi subsidiaria sit actio, quam non aliter Prætor dare solet quam si alia civilis actio nulla sit per quam actor indemnitatem suam consequi possit ab alio, quam à falso menfore di. l. 3. §. Pomponius & seq. eod.* Cur verò Vlpianus cum dixit non dari eam in heredem *d. l. 3. §. penult.* non addidit, quomodo in cæteris addit solet, Nisi de eo quod ad heredem pertinet? Suprà enim diximus Esse hoc ius singulare actionis Vi bonorum raptorum, ut contra heredes raptoris, non detur ne quidem in id quo locupletiores facti sunt, quia putavit prætor sufficere conditionem in ut scriptum est *in leg. 2. §. ult. Vi bonorum rapt.* An ergo actio de qua tractamus quæ ex edicto prætoris contra falsum menforem datur, similis hac parte fuerit actioni Vi bonorum raptorum? Monuere. Nulla enim alia superest actio ei qui per falsi modi renunciationem deceptus fuit, per quam consequi indemnitatem possit: Quæ si aliqua superesset, ne quidem hanc prætor, ut diximus, daret. Est igitur potius similis actioni legis Aquiliæ, quā monuimus, nullomodo in heredem dari, quia nec fieri facile potest ut ex facto eius qui alienum hominem occidit, aut vulneravit quicquid lucra ad heredem ipsius perveniat, Vnde & actio dāni iniuriæ appellatur, utpote per quam damnū duntaxat infligatur, non etiam lucrum caperetur [Quamquam si aliter quandoque eueniat, non est permittendum, ut ex alterius damno heres locupletior fiat *l. unde Neratius 23. §. hanc actionem D. ad leg. Aqu.*] Quod in aliis ferè omnibus actionibus etiam quæ ex maleficio nascuntur, planè diuersum est, Excepta ea de qua tractamus. Nam neque ex falsa mensuris renunciatione lucrum aliquod menfori acquiri solet, quod eius heredi postea extorqueri possit & debeat, sed damnū tantummodò ei cui falsa renunciatio nocet, irrogatur. Difficilius illud videtur, quod de precario scriptū est *in l. quæsum 8. §. ult. ill. sit. Deprecar.* Eo interdicto teneri quidē heredem eius qui precariū rogauit, quæ admodū & ipse qui rogauit tenetur, Ut siue rē precariū datā habeat siue dolo fecerit

cerit quominus haberet, teneatur, Sed tamē ex defectu dolo qui solus in illo interdīto prāstāndus est, nō teneatur nisi hactenus quatenus ad eum peruenit. Nā cū negari nō possit quin siue per interdīctū De precario, siue per actiōē vtilē & extraordinariā quae hodie in locū interdīcti substituta est, actor tē suā persequatur non etiā pōnā vllā, id est aliquid quod sit vltra rē, proximēq; accedat precariū ad cōmodatū, nec possit videri pōnalis hae persecutio ex parte rei nō magis quā ex parte actoris, Mirū sanē est cur aduersus heredē illius qui precario rogauit, nō detur in solidū, sed tātū de eo quod peruenit. Videretur enim hoc cōsequens ei quod supra diximus generaliter verū esse in actiōib. omnib. quae merā rei persecutiōē cōrinent tā ex parte rei quā ex parte actoris, vt cōtra heredē in solidū dentur, licet nihil ad eū peruenierit tū quoq; cū ex maleficio dantur. Quidni ergo multo magis ex causa precarij? Sed respondendū est cū Paulo nostro in *Interdictū l. q. eod. tit. De precar.* precarij conditionē ad donationis & beneficij magis quā ad vllius negotij cōtractū causam spectare. Sunt enim ista opposita, negotiū aliquod gestū esse, Et donationem interuenisse *l. si pradia 38. D. de don. in. vir. & v. x.* Ideoq; interdīctū De precariis merito à Prætorē introductū esse cū nulla eo nomine iuris ciuilib. actiō esset quae haud dubiē nō defuisset si precariū iure cōtractū cēleri posset. Indēq; illud etiā est quod qui precariū rogauit non tenetur nisi de dolo, latēq; culpa quae dolo æquiparari possit: qui tamē exēplo cōmodatarij etiā de leuissima culpa teneri deberet si ex cōtractū cōueniretur. Cū in cōtractib. perpetua sit illa iuris regula, vt si quis factus sit in gratiā eius solū qui cōuenitur, p̄stari ex eo debeat nō solūm dolo & levis culpa, sed etiā diligētiā, id est culpa quoq; leuissima, vt euenit in cōmodatario *d. l. 5. nunc videndū in si. D. commod. d. 5. si verō cui versat is qui. Inst. quib. mod. re contr. oblig.* Nā nec precariū sit in gratiam eius qui precariū cōcedit, sed semper in fauorē illius tantū qui rogauit nō minū quā cōmodatū. At quia precariū non sicuti cōmodatū, cōtractus est, totūq; ex liberalitate descendit eius qui precariū cōcessit, ideo satis est doli malū ab eo p̄stari qui precariū acceperit, eāq; culpā quae dolo proxima sit, quomodo ratiocinatur *Vlp. in l. quasi 8. §. illud adnotatur D. de precar.* Quid? An nō etiā cōmodatū descendit ex mera liberalitate cōmodatū? Ita sanē est si originē & initiū inspicias. Gratuitū enim esse debet, Alioqui nō cōmodatū erit sed locatio, vel quod aliud genus cōtractus *d. versat is qui in si.* Sed tamē in eo differt à precario, quod cōtractus est. Ex quo illud etiā fit, vt ex cōmodato nō tantū is qui accipit obligetur ad rei cōmodatæ restitutionē, sed etiā is, qui cōmodauit, Hactenus nimirū ne cōmodatū reuocare possit ante tēpus atq; in tēpestiuē vsum cōmodatæ rei auferre *l. in cōmodato 17. §. sicut autē D. commod.* vbi scribitur nō tantū officii impedire ne id facere cōmodatario licere debeat, quoniā adiuuari nos beneficiū non decipi oportet, sed & susceptam obligationem inter dandum accipiendūque. Geritur enim negotium inuicem, & ideo propositæ sunt inuicem actiōes, vt appareat, id quod principiū beneficij ac nudæ voluntatis fuerat, conuerti postea in mutuas prāstationes actiōēsq; ciuiles. *l. sicut 5. C. de oblig. & act.* Proinde verū est commodatum ab initio quidem perinde ac precarium ex liberalitate descendere, sed non ex mera concedentiis voluntate & liberalitate continuari, quomodo continuatur precarium quod pro arbitrio eius qui dedit reuocari quandoque potest. Quis ergo miretur non teneri de precario heredem accipientis ex dolo defuncti, nisi de eo quod ad ipsum peruenit? Est enim generale illud & perpetuum, vt ex defuncti dolo nūquam teneatur heres in solidum

nisi cūm ex contractu actio venit dicitur. *Lex contrahibus 49. d. ex deposit. 12. De oblig. & act. l. si hominem 7. §. datur D. deposit.* Nam extra hunc casum farendum est actionē quæ datur ex dolo defuncti esse ex maleficio, Ideoque nec in solidū dari debere, nisi ex sua natura & ex utraque parte tam eius qui convenitur, quā a-
ctoris, habeat rei persecutionē. Vt mirer in *d. l. contrahibus 23. De reg. iur.* additam
mentionem precarij cum tota illa lege nō nisi de contractibus agatur aut quasi
contractibus, Precarium autem neque contractus sit, neque quasi contractus:
Nisi quod aliqui proximē videtur accedere ad commodatum.

ERROR NONVS.

*De eadem actione quæ pro precario datur an & quo casu transeat in heredem. Et de
conciliatōne Papiniani cum Paulo & Vlpiano Ad l. quæsitum 8. §.
vlt. De precar. & l. cūm heres 13. De diuers. temp. præscr.*

SE D & illud magis miror quod scriptum est in *d. l. quæsitum 8. §.
vlt. D. de precar.* Interdictum de precario transire contra here-
dem, Cūm certissimi iuris sit non transire precarium in heredem
illius qui accepit, licet cum hereditate rei quoque precariō con-
cessæ possessio in eum transferat, si modo possessionem illam ut &
cæterarum rerum hereditariarum adprehenderit *l. cūm heredes 23. D. de acquir.
pōss.* Finitur enim precarium mortē accipientis, Quippe ipsi duntaxat nō etiam
heredi eius concessa possessio est, inquit Celsus in *l. cūm precario. 12. §. 1. De pre-
car.* Ideoque nimirum negat Papinianus in *l. cūm heres de diuers. temp. præscr.*
heredem illius qui precariō accepit, rectē conveniri interdicto. Quomodo igitur
defendi potest, quod Vlpianus ait in *d. l. quæsitum 8. §. vlt.* Si rem illam heres
habeat aut dolo fecerit quominus haberet perinde illum teneri interdicto at-
que defunctus ipse tenebatur, id est ex proprio suo dolo vel lata culpa in soli-
dum, Quamvis ex dolo defuncti non nisi de eo quod peruenit. An non videtur
in eo Vlpianus à Papiniano apertissimē dissentire? Itēque Imperatores in *l. 2.
C. eo.* ubi rescribunt habitantis precario heredes ad restituendum habitaculum
teneri proposito contra eos interdicto. Sed & Paulus, noster *lib. 5. sentent. tit. De
interd.* ubi hanc ipsam quæstionem tractat, et si sententiam suam exprimit iis
verbis quæ cum Papiniani sententia consentire videantur, effectu tamen ipso
non minus Papiniano quā Vlpiano aduersatur, ni fallor, cūm ait Heredem e-
ius qui precariam possessionem tenebat si in ea manserit, magis dicendum esse
Clam videri possidere, nullē enim, inquit, preces eius videntur adhibitæ, & ideo
persecutionem rei semper manere, nec interdicto locum esse. Nam si heres il-
lius qui precariō acceperat clam possidere intelligitur, ut ait Paulus, quidni te-
neatur interdicto Quod vi aut clam? Non min⁹ enim locum habet interdictū
illud cūm agitur de clandestina possessione, quā interdictum de precario cūm
agitur de precaria *l. communi 7. §. Julianus 5. & §. præced. D. commun. diuid.* Ex quo
apparet quod Paulus supradictō loco scribit heredem non teneri interdicto,
non de quolibet interdicto generaliter intelligendum esse, sed restringendum
necessariō ad interdictum de precario quod & Cuiacius ad Papinianum fatetur.
Sed quod Papinianus in *d. l. cūm heres*, exprimit heredem non rectē interdicto
conueniri licet iisdē penē verbis quibus Paulus vtitur, non tamē eadē interpre-
tatione donari potest. Sētit. n. haud dubiē Papinianus generaliter de interdicto
quolibet,

quolibet, nec minùs de interdicto Quod vi aut clâ, quàm de interdicto De precario, quâvis Cuiacius reluctetur. Nam cum disertè loquatur Papinianus de herede ignorâte precarium, qui fieri obsecro potest ut possit conveniri interdicto Quod vi aut clâ is qui de precario nihil in quâ scivit? Itaque si aliud nihil obstat facile posset Papinianus conciliari cû Paulo. Dicendû enim esset loqui Papinianû de herede ignorâte, Paulû verò de scienti: quod apertè probât verba illa *heres eum qui precariâ possessionem tenebat, hunc ea manserit*. Nec enim posset manere in possessione precaria qui ignoraret precariû. At difficultas in eo est quod Papinianus generaliter de interdicto quolibet, ut diximus intelligatur, in ea videbitur fuisse sententia ut heredem illius qui precariò negauerat, crediderit teneri etiam de precario à contrario sensu si ponas heredem hûc scientem nò ignorantem. Nam & ratio quâ movetur ne putet hûc heredem teneri interdicto saltem de precario, non aliâ est, quàm quia precarium ignorâtem nò teneat. Quibus verbis an non aperte significat heredem scientem teneri ex precario defuncti? Quo admissio quâ impedit, quominus ergo precario teneatur interdicto De precario? Id enim per se consequens videtur si bona & recta Papiniani ratio est. Et tamen certum est scientiam heredis non posse facere ut eo magis vllx ipsius preces adhibita intelligantur. Qua vna ratione eâque sanè fortissimâ movetur Paulus itemque Celsus in d.l. cum precario §. 1. ut negent teneri heredem interdicto De precario. Ergo vel in hoc saltem disenserunt à Papiniano quod illam scientiæ & ignorantiz distinctionem non admittunt quâ Papinianus admisit. Qua de causa ut puto, & conciliationis gratia visum est doctissimo viro Jacobo Cuiacio, locutum esse Papinianum de herede ignorante non ad differentiam scientiæ, quasi eadem viri utque ratio esse debeat, ut ex precario defuncti neuter teneatur, sed quia inquis de solo ignorante herede quæstio erat, & esse poterat, an ei scientia defuncti noceret quominus usufructu rem posset, cum in sciente nihil tale tractandum esset, cui si non defuncti, certè propria saltem scientia noceret. Itaque vult Cuiacius siue sciens, siue ignorans heres fuerit, nunquam teneri eum ex precario defuncti, nec proinde interdicto De precario posse vllq casu conveniri, sed tamen omni casu malam fidem defuncti transire in heredem quantumvis ignorantem atque ita impedire ne possit vlllo tempore usufructu aut longa possessione sibi acquirere eam rem quam defunctus usufructu ideo non poterat, quod eum precariò possideret l. ultim. Cod. commun. de usufructu. Ego verò non possum mihi persuadere Papinianum aliâ ob causam locutum fuisse de herede ignorante, quàm ut ostenderet aliud se existimare in sciente. Nec rursus video quomodo generaliter definiri possit, Precarium nunquam tenere heredem ne quidem scientem, Nec interdicto de precario contra eum vlllo casu locum esse posse, quin repugnet evidenter Vlpian. in d.l. quæstionum 8. §. ultimum. De precar. cum scribit eo interdicto teneri heredem eius qui precariò rogauerat, & addit quod magis est *quemadmodum ipse*. Quibus verbis videtur excludere illam scientiæ & ignorantiz distinctionem, quam nemo dixerit cadere posse in eum ipsum qui precariò rogavit, qui utique facti proprii obviendere ignorantiam non potest, ut ait l. quanquam 7. D. ad SC. Velleian. Neque tamen hoc eò pertinet ut credi possit Vlpianum cum Papiniano consentire qui putavit scientem heredem teneri de precario, sed potius ut intelligamus dissentire illum à Papiniano, quæ ex parte credidit Papinianus ignorantem heredem non teneri precario, neque interdicto De precario, Apertius autem à Paulo, quatenus negavit ille teneri eo interdicto heredem.

etiam scientem. Rector namque cum defuncto comparatio est heredis scientis quàm ignorantis. Neque verò aliud requirit Vlpianus ad obstringendum heredem interdicto De precario, nisi ut heres habeat penes se rem precariam, vel dolo fecerit quominus haberet, aut ad se perueniret. Quæ postrema Vlpiani verba ostendunt, non tantùm ex defuncti persona teneri heredem, sed etiam ex propria secundum Vlpiani sententiam, Eo nimirum casu quo dolo ipsius aliquis interuenerit, ne res precario concessa defuncto ad se perueniret, Libuit verò id obseruare ut resellerem Cuiacii interpretationem qui non aliter pugnantes istos iuris locos conciliat quàm ut dicat heredem eius qui precario rogatur, non quidè teneri interdicto De precario ex propria persona, sed teneri tamè ex persona defuncti. Quæ interpretatio fuit Vlpiano nõ conuenit, ut ostēdimus, ira neq; Paulo, neq; Papiniano. Cùm enim dimittūt illi, Nõ teneri heredem interdictum De precario, ideo quod precarium tantum non transeat, quid aliud quæso sibi voluit, quàm quod Cuiacius negat, teneri non posse heredem interdicto illo quo defunctus tenebatur, ne quidè ex defuncti persona etiam si rem precario concessam teneat, dummodò ignorans, si Papiniano credimus, aut si Paulo, nec si sciens. Deniq; si verum est quod Paulus & Papinianus volunt nõ transire precarium in heredem, fieri sanè nullomodo potest vt interdictum De precario possit eo casu esse hereditarium vt ex persona defuncti aduersus heredem proponi possit. Neque rursus dici potest quis huius distinctionis effectus fururus sit si ponas rem quæ defuncto concessa precario fuerat, in solidum ad heredem peruenisse. Quid enim hoc casu refert an interdicto conueniatur heres ex persona defuncti, an ex propria? cùm utroq; casu tantundè præstet? Sanè cùm ad eum minùs peruenit ex precario quàm fuerit penes defunctum, probabiliter tentari posset, debuisse ita ius constitui vt in solidum teneretur & supra quàm ad ipsum peruenisset, tamen si nullus ipsius dolo interuenisse proponeretur. Quandoquidem & defunctus ipse in solidum tenebatur. Hereditariæ autem actiones quæ contra heredem transeunt tales transire solent quales contra defunctum ipsum competeant. Nec quod aliis plerisque casibus euenit vt illius qui in solidum tenebatur heres de eo tantum cõueniri possit quod ad eum peruenit, vel quod dolo eius malo factum est ne perueniret, Aliud proficiscitur, quàm quod actiones illæ tales sint quæ sui natura non possunt transire in heredem, vt in iis omnibus cernere est quæ ex delicto dantur ad pœnam, Et quas tamen extendi placuit contra heredem, vt ex iis scilicet teneatur heres non tanquam ex persona defuncti, sed ex propria, Nimirum vt improbum lucrù ei extorqueatur, & ne alieno scelere ditetur: quæ ratio personam ipsius solam respicit non personam defuncti, qui si viveret & in solidum teneretur, & ex causa proprii sceleris, non alieni. Ergo quod Vlpianus scribit in *d. l. quæsumus §. vlt.* Hoc interdicto De precario teneri heredem eius qui precario rogauerat, quemadmodum ipse, vt siue habeat, siue dolo fecerit quominus haberet, vel ad se perueniret, teneatur, Ex dolo autem defuncti hætenus quatenus ad eum peruenit. Ostendit potius in ea Vlpianum esse sententia vt putet rogantis heredem teneri ex propria persona, quàm vt ex persona defuncti teneatur. Et verò cùm id quod Vlpianus scribit hoc interdicto teneri heredem illius qui precario rogauerat, quemadmodum ipse tenebatur, non ita possit accipi vt ad ipsum teneatur ad quod rogans ipse si viveret, teneretur, Omnino relinquitur, vt ita accipi debeat, periade vt teneatur heres rogantis interdicto de precario ex propria persona, atque rogans ipse tenebatur, licet non ad illud ipsum. Sicut & quod Paulus scribit heres-

bit heredem hunc qui sciens mansit in precaria defuncti possessione, videri clam possidere, ac proinde quod omnino consequens est, teneri interdicto Quod vi aut clam, non alium sensum habere potest, quàm ut eo interdicto ex propria persona conveniatur. Quomodo enim conveniretur ex persona defuncti, cum defunctus non clam possederit, sed precario, Heres autem primus ille fuerit qui cœpit clam possidere. Similiter igitur dicendum est si quo casu rogantis heres teneatur interdicto De precario, siue ex Vlpiani, siue ex Papiniani sententia, non nisi ex propria persona teneri eum posse; Quan vis hoc sit dissimile quod interdictum De precario contra defunctum proponi potuit, contra quem interdictum Quod vi aut clam exerceri non potuisset. Denique si Papinianum sic intelligas cū Cuiacio ut de solo interdicto De precario sentierit, tantò magis eum facies dissentientem à Paulo. Retenta enim distinctione illa quam Papinianus probavit, De sciente vel ignorante herede; satendum erit Papinianum dare contra scientem heredem rogantis interdictum de precario in eo ipso casu quo Paulus dat interdictum Quod vi aut clam, quippe quod eum interdicto De precario concurrere nunquam potest, Non magis, quàm illud fieri ut quis eandem rem & clam & precario simul possideat. Nam præter id quod clam possidet is demum qui adversario ignorante possidet, Precario autem qui ab ipso domino volente & scienter liberalitatem exercent; Illud etiam constat, quod ex hac differentia prorsus nascitur, Clandestinam possessionem semper esse iniustam, Precariam verò iustam leg. quæcumque 13. §. 1. De publician. in rem act. dist. leg. 7. §. Julianus D. com. dist. quia domini voluntatem habet leg. de eo 63. D. de donation. int. vir. & vxor. Quare difficile certe est ut negare quis possit in questione ista Iureconsultos dissensisse. Nam quas Accursius tam multas adfert conciliationis rationes & responsiones, iam satis superque ex iis quæ diximus consultas esse arbitramur. Puto tamen si qua ratione conciliari queant, non posse id commodius fieri quàm ut dicamus, Adhibendam primùm distinctionem illam quam Papinianus expressum adhibet, An de rogantis herede sciente loquamur, an de ignorante, Ut ignorantem nullo casu precarium teneat, quemadmodum Papinianus ait, & consequenter non rectè interdicto conveniatur. Quod quemadmodum generaliter à Papiniano scriptum est, ita ego generaliter intelligo, id est non tantùm de interdicto De precario, sed etiam de interdicto Quod vi aut clam; De quo longè minùs dubitari poterat quin contra ignorantem dari non posset, cum clandestina possessio nunquam sit sine scientia, adeoque nec sine dolo. In herede autem sciente aliud observandum sit non ut omnimodo & omni casu teneatur interdicto De precario, Sed ut aliquo tamen casu. Itaque subdistinguendum necessarium est, An heres ita sciat precarium quod defuncto concessum fuerat, ut tamen is qui concesserat nondum sciat defunctum esse rogantem, An verò ex utraque parte interueniat scientia, Ex parte quidem heredis quod nisi ex causa precarij defunctus rem tenuerit, Ex parte verò concedentis, quod rogans decesserit, & possessio quæ penes rogantem precaria fuerat, ad ipsius heredem pervenerit. Priore casu non potest dici locum esse interdicto De precario, cum neque villa possit videri in concedente voluntas esse exercendæ liberalitatis in rogantis heredem quem heredem esse nescit, Neque in persona heredis animus sit continuandi precarij, cum nec expressas, nec tacitas viles preces adhibeat, ut sibi precaria possessio relinquatur, Quan ex

vindicationem quam habet perpetuam is qui concessit aduersus rogantis heredem, qui propter malam fidem defuncti cuius ipse etiam ignorans successor est, neque vsucapere rem potest, neque longa vlla quanticumque temporis possessione vllam sibi acquirere, vt Papinianus ratiocinatur in *d. l. cum heres 11. de diuers. tempor. prescript.* De cuius sententia etsi quæ hoc capite diximus sufficere possent, quia tamen visa est Iacobo Cuiacio aliqua egere emendatione, & certè indiget, de ipsius quoque emendatione subiiciendum nobis aliquid est.

ERROR DECIMVS.

De emendatione l. cum heres 11. D. de diuers. tempor. prescript.



ON fuit difficile præsertim viro doctissimo, & in emendandis legibus perspicacissimo Iacobo Cuiacio mendum illud obseruare quod subest in *leg. cum heres 11. D. de diuers. tempor. prescript.* de cuius sententia superiore capite scripsimus. Nam siue vulgaram lectionem sequare quæ habet *velut cum sciens alienum illum illo vel precario possedit*, quis obsecro sensus esse potest eorum verborum *illum illo*? Siue magis probes Florentinam quæ pro *illo* habet *ille*, quænam obsecro vis erit disiunctiui articuli *vel* vno tantum illo casu expresso quo defunctus rem alienam precario rogauerit? Nam qui præcedentibus verbis casus significatur *Cum sciens alienum illum* non tam alius est quam idem ille qui exprimitur in sequentibus, nisi quod generalior est. Nam quisquis rem aliquam ab alio possidet precario, vtique possidet sciens alienam cum rei propriæ precarium nõ consistat *l. neq. pignus 45. De reg. iur. l. 4. §. item si rem meam D. de prec.* quamuis non è contrario consequens sit, vt quisquis rem alienam sciens possidet, eandem precario possideat. Proinde non minus inepta & Papiniano indigna est locutio illa, *Cum sciens alienum illum ille vel precario possedit*, quam si quis diceret, Stichum esse animal aut hominem, Quasi non sit animal, quisquis homo est, Idemque absurdum eueniet quoties disiunctio ponetur inter genus & speciem, Propter quam causam solent nostri dicere ad *leg. sape 53. De verbor. signific.* Disiunctiuam, vt loquuntur, positam inter genus, & speciem, accipiendam esse pro coniunctiua, Quod tamen an perpetuo verum sit, alio commodiore loco disquirendum erit. At neque dici potest quis in superioribus verbis sensus sit dictionis *illum* quam habet vtraque lectio & vulgaris & Florentina, Siquidem in præcedentibus neque fundi mentio vlla facta est, neque alterius rei vllius, ad quam possis referre pronomen hoc demonstratiuum *illum*. Largiamur ergo Cuiacio, & fateamur id quod res est locum esse corruptum, & emendatione aliqua indigere. Sed quomodo emendandus sit videamus. Potat vir doctissimus expeditam esse emendationis rationem si sic legamus *cum sciens alienum vel vi vel precario possedit*, vt his verbis duo exempla adferre Papinianus voluerit iniustæ possessionis, violentæ scilicet, & precariæ. Nec sanè aut rectior, aut accommodatior emendatio querenda esset, si hoc tantum ageremus, vt absurda illa quæ retulimus evitarentur, ex quibus inducitur necessitas emendandi, Nisi quod falsum est precariam posses-

sionem esse iniustam, Est enim iusta licet talis quæ non pergat ad iudicij vigorem *leg. communis 7. §. inter pradones D. commun. diuid. leg. quæcunque 13. §. 1. De publican. in rem action.* Sed cum in omnibus, præcipue verò cum de legum emendatione tractatur, cauendum summo opere sit ne quid aduersus veram meramque iuris rationem in Papiniani potissimum scriptis admittatur, Miror Cuiacium hanc emendationem probare potuisse, nec animaduertisse, dum in iuris notis male, vt ipse loquitur, explanatis rectius explanandis totus est, magnam se Papiniano iniuriam facere, quem fatendum sit huiusmodi admissa emendatione contra iuris certissimi, & apertissimi rationem respondisse. Quis enim nescit iam ipsis Papiniani temporibus itaui fuisse vt rem quæ ab initio vi possessa fuisset, vsucapere nemo posset, ne is quidem qui neque vim fecisset, neque factam ab alio vim vnquam sciuisset? Ita nimirum inducto iure per legem Iuliam Plautiam vt violentiæ vicium rem ipsam afficeret, atque ita vsucapionem in cuiuscunque etiam bonæ fidei hereditis persona impediret, quouique purgatum esset reuera re in domini potestatem, sicut & iam antea ex legibus duodecim tabularum, & ex lege Atinia erat prohibita vsucapio rei furtiuæ, cuius possessio non prius in potestatem domini ad purgandum vicium rediisset *§. furtiuæ quoque res. Instit. de vsucap. leg. non solum 33. in princip. & §. si dominus. leg. quam rem 38. D. eodem. leg. si partem 5. Cod. de vsucap. pro empt.* Proinde cum Papinianus non de rei vicio tractaret quod rem ipsam perpetuò comitatur ad quemcunque iuerit illa possessorem, sed de personali vicio defuncti, quod in solum heredem transire possit, tanquam in eum qui non rei singularis, sed vniuersi iuris successor sit, non erat conueniens vt exemplum adferret de re quam defunctus vi possedisset, Quia licet violenta possessio id simile habeat cum clandestina & precaria, quod malam fidem adnexam habet quæ omnimodo impedit vsucapionem, hoc tamen habet dissimile & odiosius, quod rem ipsam afficit & inficit, non etiam precaria vel clandestina. Itaque si quis quæreret de hoc ipso de quo Papinian. quærit, Cur heres illius qui rem vi possedisset eam vsucapere non posset, Incepta esset responsio quæ ex Papiniana ratione sumeretur, quod heres in omne ius defuncti succedat. Quando non aliud iuris obtineret etiam si non de herede, sed de singulari aliquo successore quæstio conciperetur. Equè enim vsucapionem impediret lex Iulia Plautia propter vicium reale quod subest in re vi possessa. At cum de clandestina vel precaria possessione agitur accommodatissima & germana ratio illa est: ob quam heres vsucapere non possit, tamen si vicium ignoret possessionis defuncti, quod succedat in omnia defuncti iura, ac proinde non minus in vicia malamque fidem ipsius, quam in bonam fidem cum defunctus bona fide possedit & cepit vsucapere rem quam heres sciat alienam esse *leg. heres eius 45. D. de vsucap.* Nec alia ratio vlla est quæ adferri possit. Cum si de singulari aliquo successore tractaretur, nihil obesser vicium auctoris quominus vsucapi res posset ab emptore fortassis, quam venditor propter suam malam fidem vsucapere non potuisset *leg. an vicium 8. in princip. D. de dinors. tempor. præscript.* Fuit ergo non solum conuenientius, sed etiam omnino faciendum vt Papinianus adferret exempla de possessione clandestina, vel precaria, non de violenta. Maxime verò cum precaria possessio de qua

qua

qua specialius tractat, degeneret facilius in clandestinam quam in violentam in persona scilicet heredis, ut ex illo Pauli loco manifestissime constat, quem nos in superiorem Errorem explicauimus. Quomodo igitur Papinianum emendabimus? Multò probabilius sanè quàm Cuiacius fecerit, si pro *illum* reponamus *clam*, & pro *illo* retineamus *ille*, ex lectione Florentina. Loquitur enim Papinianus de defuncto qui sciens alienum, id scilicet quod possidebat [nam & in sequentibus loquitur in neutro genere, cum ait *tamen vsucapere non poterit, quod defunctus non potuit*,] clam vel precario possedit: Nec sufficiebat locutum esse Papinianum de eo qui sciens alienum possedisset. Nam & qui vi possidet, scit utriusque rei alienam esse, nec tamen de tali possessione loqui poterat Papinianus, ut diximus, cum de iis viciis possessionis tractaret quæ essent personalia, tantum, non item de iis quæ essent realia. Aliud quoque mendum, sed multò leuius subesse arbitror in *dist. leg. cum heres*, in postremis illis verbis *cum exordium ei bonæ fidei ratio non teneatur*. Vulgata editio habet *rei pro ei*. Non satis benè. Cum enim quaeritur de vsucapione aut longa possessione, & an heres possit vsucapere, aut longa possessione sibi retinere, quod defunctus non potuit, non tam initium rei, id est negotij gesti & contractus initi inspicendum est, quàm exordium possessionis, id est tempus traditionis, Siquidem à traditione incipit possessio, Nec aliud quicquam est traditio, quàm datio possessionis *leg. 3. De action. empt. leg. traditio 20. De acquirend. rerum domin.* Et idè heres eius, qui bona fide rem aliquam emit, vsu non capiet, sciens alienam si modò ipsi possessio tradita sit, quæ nondum fuerat tradita defuncto: At è contrario vsucapionis à defuncto cæptæ continuatio non impeditur per heredis scientiam *dist. leg. heres eius 43. de vsucapion.* Idquæ est quod Vlpianus ait in *leg. si aliena 10. eod. titul.* Si aliena res bona fide emptæ sit exigi bonam fidem in emptore, ut vsucapio currat, sed inspecto initio non emptionis at traditionis: Nec aliud in longa possessione iuris est, quam constet non aliter locum habere posse, quàm si ab initio interueniat bona fides, eaque perpetuò duret, *leg. 1. leg. 2. leg. emptor. 9. Codic. de prescription. long. tempor. leg. mora litis 26. Codic. de rei vindicat.* Dices, Quid ergo attinebat Papinianum postquàm de vsucapione locutus fuerat, hoc etiam addere de longa possessione? Quasi verò potuisset quis alioquin credere, favorabiliorem esse hac parte longi temporis possessionem, quæ tamen ferè in omnibus minùs favorabilis est, longèque minora habet priuilegia. Respondeo de longa possessione idèd dubitari magis potuisse, non quòd sit favorabilior, sed quia cum ius vetus tale esset ut per longi temporis possessionem non rei possesse dominium acquireretur, sed tantum præscriptio & exceptio aduersus dominum vindicantem acquireretur, quemadmodum aliis plerisque locis disputauimus & probauimus, facilius videbatur, ut non obstante mala fide defuncti, danda esset heredi exceptio qui semper in bona fide fuisset, quàm ut daretur ei actio & vindicatio dominij, quæ maioris est momenti. Favorabilior enim semper esse solet retentio quàm persecutio, ut cui persecutio & actio dari non posset, retentio tamen interdum detur.

leg. 1. D. de pignor. leg. si in area 33. D. de condition. indeb. leg. heres 21. D. ad SC. Trebellian. Ideoque valde appositè & propriè suo more sic loquitur Papinianus *neque enim rectè defendetur*, ut significet per longam possessionem acquiri duntaxat defensionem & exceptionem, non etiam dominium aut actionem. Cur verò non rectè defendetur heres qui & longo tempore & bona semper fide possedit, si non de usucapione, sed tantùm de longa possessione quaratur? Nempe quia exordium possessionis bonæ fidei ratio non tueatur. Legendum igitur est *eum non et*, ut dictio illa *eius* referatur ad longam possessionem, non ad personam heredis, ex qua certè sumi ratio nulla posset quæ longæ possessionis defensionem ei auferre deberet, si exordium possessionis ob malam fidem defuncti viciosum non fuisset. Illud verò mirari quis possit, Cur alio iure censeatur heres illius qui precario rogavit, alio autem heres eius qui precario concessit. Non in hoc solum ut cum precarium non transeat in heredem rogantis, transeat tamen ad heredem eius qui concessit etiam ignorantem. *dist. leg. cum precario 12. §. primo, De precar.* Sed in eo quoque ut heredi concedentis non obstat quod heredem illum esse is qui rogavit, ignoret: Cum tamen aduersus heredem rogantis non aliter interdicto uti possit is qui concessit quàm si heredem illum esse sciat, ut docuimus in præcedentibus. Sic enim Ulpianus scribit in *dist. leg. quasitum 8. §. 1. de precar.* Quod à Titio quis precario rogavit, id & ab herede eius precario habere videri. Et adiecit ex Labeone, Etiam si is qui precario rogavit ignoret heredem, Siue quòd putet eum qui concesserat adhuc vivere, Siue quòd nondum sciat quis heres sit, adhuc tamen videri eum ab herede precariò habere. Dubitandi autem causa ex eo proficiscitur, quod ut mihi interdictum De precario contra te competat non sufficit te precario habere, nisi etiam illud concorrat ut à me habeas, quomodo idem Ulpianus rationatur in *dist. leg. quasitum in princip.* Atqui non magis fieri potest ut quis precariò habere videatur ab herede quem heredem esse ignorat, quàm ut quis precariò concesserat videatur heredi rogantis concedere quem heredem esse nesciat. Semper enim utriusque voluntas necessaria est, & consequenter scientia, siue expressim, siue tacitè precarium constituitur. Alioqui nullus ignorantis consensus aut expressus intervenire, aut tacitus subintelligi potest, Rursus quemadmodum in *dist. leg. cum precario 12. §. primo, D. de precar.* Celsus scribit, Ideo precarium non transire in heredem rogantis, quod non heredi ipsi, sed defuncto concessa possessio fuerat, Ita & videatur dici posse, In heredem concedentis non transire precarium, quia non ab ipso, sed defuncto concessa possessio est. Augetur dubitatio ex eo quod Pomponius scribit in *leg. si adopta vero 16. eodem titul.* Si adopta vero eum qui precario rogaverit, me quoque precario possidere. Nam si precarium transit in adrogatorem, quidni multò magis in heredem accipientis cuius persona longè veriùs censeatur eadem esse cum persona defuncti, quàm persona adrogatoris cum persona adrogati? Quamquam si aliud nihil urgeret, responderi commodè posset quod Accursius ad eum locum respondet, meliorem esse conditionem adrogatoris quàm heredis, eo demum casu quo adrogatus viuat, qui ipse precario rogavit. Non enim sicut viventis adrogati pater adrogator, ita hominis

vivi

viui heres quisquam esse potest *leg. i. D. pro hered. leg. i. D. de hered. vel aff. vendit.* Nec nouum est vt ex persona filij viuentis pater ius aliquod habeat, quod mortuo filio non haberet, Vt euenit in specie *leg. & heredit. D. de pact.* Et si plus puto, Etiam mortuo filio adrogato qui precario rogauerat, durare tamen precarium in persona adrogatoris, in qua semel consistere cœpit viuo filio. Cur enim filij morte finiatur, quod iam in adrogatorem transiit? Difficilius illud esset, vt quis tentare vellet, *ex dict. leg. & heredit.* Etiam mortuo adrogatore durare precarium in persona heredis si modò filius viueret. Nam si precarium est quid ad eò personale, quod non possit transire in heredem ne quidem ab eo, qui ipse rogauit, Quamto minùs adinitti potest vt transeat ab eo qui non nisi per mediam filij personam precariò rem habere intelligitur? Quod in pactis diuersum est, quæ licet personalia transeunt tamen ad heredem paciscentis, qui paciscendo sibi etiam suis heredibus pactus esse creditur *leg. si pactum 9. D. de probat.* Qui autem precario rogat sibi quidem suisque rogasse credendus est, etiam si nihil de suis dixerit, at non suis heredibus, sed iis demum quos in domo, & familia sua viuus habet. Quæ sententia est *leg. penultim. D. de precar.* Caterùm neque adrogator videri potest habere precario rem quæ adrogato fuerat concessa, nisi etiam illud concurrat vt & factam adrogationem, & adrogatorem eum esse sciat is qui precario dedit. Quomodo enim alioqui aut ignorans, aut ab ignorante habere quis precario videretur? Illa siquidem concedentis scientia & patientia nouum quodammodo precarium inducit in persona adrogatoris, quod proinde non ipsius filij adrogati, sed solius adrogatoris morte finire fatendum est. Hoc verò cum ita sit, eò tandem res paulatim recidet vt nihil intersit inter adrogatorem & heredem. Nam & rogantis heres precariò habere videtur, si is qui precario concesserat defuncto, heredem quoque possessionem illam retinere sciat & pariat. Neque id Accursius ignorauit, Nisi quod addere debuit, In hoc tamen differentiam manere inter adrogatorem & heredem, quod adrogator etiam si ignorante illo qui concesserat manserit in possessione rei quam filius adoptatus acceperit, non ideo tamen clam possidere intelligitur quandiu filius viuit, cum suo iure id faciat tanquam translatis in eum iuribus omnibus & dominij & possessionis, quæ fuerat penes adrogatum *leg. qui liberis 11. §. testamento D. de bonor. poss. secund. tabul.* Nam & precatia possessio nobis acquiri potest per eos quos habemus in potestate cum ipsi rogauerunt. Adeo vt hoc casu non is qui rogauit conveniri possit de precario, sed is solus qui eum in potestate habet *leg. in rebus 4. §. tenetur D. de precar.* Scilicet si eo mandante vel ratum habente filius aut seruus rogauerit eius nomine non etiam si eo ignorante *leg. si seruus tuus 13. eod.* Nec possit eadem possessio manente precario & precaria esse & clandestina ex parte concedentis, Siquidem precaria per se iusta est, Clandestina verò iniusta: At heres qui manserit in possessione defuncti precaria, ignorante illo qui concesserat, hoc ipso incipit clam possidere, cum nulla super sit possessio precaria, defuncto iam eo, qui precarium acceperat vt Paulus ait *lib. 5. sentent. iuu. De interd. ill.* Illa igitur duntaxat superest dubitatio, Cur facilius transeat precarium ad heredem concedentis quam ad heredem accipientis, cum sicut heres accipientis nullas preces adhibuisse dici potest, ita neque concedentis heres rogatus vnquam fuisset. Respondendum est meo iudicio, fauorabiliorem esse hac parte causam illius qui heres est concedentis, quia quod ad eum transeat precarium nemi-

nem damno adficit, quandoquidem etiam si aliter ius constitutum esset, non ideo tamen res precaria cederet lucro accipientis, qui semper ad eius restitutionem si non personali aliqua actione, saltem vindicatione teneretur. At non similiter posset ita ius constitui, ut ad heredem accipientis precarium transfiret, quin fieret iniuria concedenti qui liberalitatem suam in eum solum qui rogavit, conferre voluit, non etiam ad heredem eius extendere: Mirumque videri non debet ex sola concedentis voluntate sumi interpretationem eius iuris quod ex sola ipsius liberalitate proficiatur. Non valde dissimile est, quod in precedentibus dixi Actiones illas quæ ex delicto proficiuntur, & poenales sunt ex parte delinquentis, si tamen ex parte actoris persecutionem rei contineant, transire ad heredem actoris, non etiam in heredem delinquentis. Item quod quamvis persona heredis instituti Trebelliano senatusconsulto contineatur, hoc tamen iure utimur ut heredis successor quilibet fideicommissam hereditatem recte ex eo Senatusconsulto restituat: quæ non similiter bene restitueretur heredi fideicommissarii si fideicommissarius ante agnitum fideicommissum decessisset, Quasi eo casu futurum esset ut non restitueretur hereditas sicuti testator voluerat: quæ res impedit sane restitutionem & translationem actionum quæ non aliter fieri potest quam ex Trebelliano *leg. sed etsi alio 9. §. vltim. cum l. sequ. leg. apud Iulianum. 11. §. vtrum autem. eod. titul. leg. si mulier 59. §. ex offe D. de iur. dot.* De quo fusè scripsimus in secunda Chiliadis huius parte. Sic denique solemus in praxi literas præcisas, & ut pragmatice vocant, executorias, concedere heredibus creditoris inaudito etiam debitore, quas tamen perinde aduersus debitoris heredes inauditos non concedemus. Fieret namque iniuria heredibus debitoris, hoc posteriore casu, quæ nulla debitori sit in priore, ut tractat *Boer. quest. 10.* & nos in Codice nostro non prætermisimus. Quid enim si ij qui tanquam debitoris heredes conveniuntur negare velint se esse heredes? An non esset iniquissimum interim urgeri eos ad solutionem tanquam heredes? At debitorem etiam inauditum urgeri ad solutionem ex instrumento authentico & guaranteegiato, quod

sententiæ vim obtineat, iniuriosum non est, si modò illi qui

urgent tanquam heredes creditoris, tales sint, qui

si velint heredes fieri possint, puta si sint

liberi, aut non extantibus liberis

vel abstinentibus, agnati

vel cognati.

ANTO



ANTONII FABRI
I. C. SEBVSIANI IN SVPREMO
SABAVDIE SENATV PRÆSIDIS
PRIMARIJ,

DE ERROR. PRAGMAT. ET
INTERPR. IVR.

DECAS LXXVII.

ERROR I.

De precarij reuocatione.



VM certissimi iuris sit quod superiore Decade diximus, ex Cello in *l. cum precario 12. §. 1. D. de precar.* precarium transire ad heredem concedentis etiam ignorantis, Et precarij cuiuslibet eam esse conditionem vt ad nutum, & voluntatem concedentis reuocari possit, Mirum certe est tam multa de precarij reuocatione ab interpretibus nostris disputata esse, quasi de re valde difficili & controuersa. Illud verò imprimis quod Accursius noster scripsit ad *l. questum 3. §. quod à Titio cod. de iur. Sola* morte concedentis reuocatum intelligi precarium, quali finita per mortē ipsius voluntate, Ita vt nouum precarium eius videatur quod ab herede habet is qui defunctum rogauerat. Id enim si ita esset, non transiret precarium ad heredē concedentis: quomodo loquitur Celsus in *d. §. 1.* quippe quod morte concedentis finitum esset, quemadmodum dicimus ad heredē non transire actiones, quæ illius cuius competebant, morte finiuntur *l. aiam 29. D. de nouat. iun. & l. con- futionib. 33. D. de oblig. & act.* Rursus non esset verum quod diximus, ignorantiam heredis non facere quominus ad eum transiret precarium, adeoque nec ignorantiam rogantis qui fortē nondū sciat aliquem esse concedentis heredem aut quis ille sit: Quod tamen ita esse scriptum est in *d. l. §. quod à Titio.* Quomodo enim nouum precarium aut ab ignorante, aut ignorantem constitui posset? Ratio autem, qua bonus Accursius mouetur, euidenter mala est. Ait namque, Precarium earenus duntaxat durare quatenus durat voluntas concedentis *l. 2. §. 1. cod. voluntatem verò finire morte: quam in rem adferri solet, quamuis ipse non adferat, quod scriptum est in leg. 4. D. locat.* Locationem precarijve rogationem sic factam, Quoad is qui locasset dedissetve vellet, morte eius tolli qui

sic conuenisset, Non alia utique de causa, inquit nostri, quàm quòd voluntas hominis morte finitur, Quasi verò ad tollendum precarium quod non eo modo quo in *dist. leg. 4.* simpliciter constitutum fuit non requiratur expressa reuocatio & mutatio voluntatis, sufficiatque finiri quoquomodo, id est etiam sola morte voluntatem; Quod certè non ita est. Nam in ea ipsa *leg. 2. de precar.* qua mouetur Accursius, diseretè scriptum est Precarium interdictum ei demum competere qui precarium reuocare velit: & rationem Vlpianus reddit, quòd natura æquum sit tamdiu te mea liberalitate vti quândiu velim. Quæ postrema verba sic haud dubiè accipienda sunt, ac si scriptum esset *quisque nolum* etsi non ignoro aliud esse nolle, aliud verò non velle: statim namque sequitur *et ut possum reuocare cum mutauero voluntatem.* Ne dubitari possit, Precarium simpliciter constitutum non aliter finiri posse quàm si reuocetur, nec aliter reuocari quàm si expressa voluntatis mutatio intercedat. Atqui nemo dixerit sola concedentis morte mutari voluntatem, quamuis finitur. Aliud enim est mutari voluntatem, aliud finiri. Finitur omnis voluntas quæ mutatur, sed non è conuerso mutatur omnis quæ finitur. Ergo quamuis voluntas ipsa finitur morte, non ideo tamen consequens est ut precarium simpliciter constitutum quod non nisi expressa reuocatione tollitur, sola concedentis morte finitur. Ideo autem loquor de precario simpliciter constituto, ut excludam precarij speciem illam, de qua in *dist. leg. 4. locat.* cum quis precario rem aliquam dedit cum huiusmodi adiectione *quoad is qui dedisset, vellet.* Hoc enim casu apparet ex ineundæ conventionis ratione quæ semper spectanda est, eam precario naturam ab initio esse inditam, ut quodocunque & quomodocunque voluntatem finiri contingeret, ipsum quoque precarium finiretur, nec vlla in eam rem reuocatio & mutatio voluntatis exigeretur: & ideo tale precarium sola concedentis morte finiri tollique mirum non est: nec transire ad heredem, licet reuocatio nulla interuenerit. Quare non immeritò Accursius à cæteris penè omnibus hoc in re notatus, & reprehensus fuit: ut testatur Didac. Couart. *lib. 3. variar. resolut. cap. 15. numer. 1.* Idem tamen *ibidem numer. 4. ad fin.* parùm subtiliter meo iudicio distinguit, An lex ipsa dicat precarium monere firmum ad voluntatem concedentis, & donec ipse noluerit, An id expressim à concedente additum concessioni fuerit, ut priore casu precarium morte concedentis minimè finitum sit, Posteriore verò casu absque vlla reuocatione heredis sola constituentis morte pereat. Credo ut conciliaret *dist. leg. 2. §. 1. de precar.* in illis verbis *tamdiu te liberalitate mea vti quândiu ego velim* cum *dist. leg. 4. locat.* Non animaduertens Vlpianum in *dist. leg. 2.* non sic scribere ut dicat negatiuè, Non debere te mea liberalitate vti, nisi quândiu velim, & donec ego vulerim, sed affirmatiuè, Natura æquum esse tamdiu te liberalitate mea vti quândiu ego velim: Quæ oratio sicuti verissima est, ita nihil prorsus habet absurdi aut incommodi. Nisi quatenus ex ea inferre à contrario sensu quis velit, quod inferri posse supposuit Didacus. Non igitur natura æquum esse ut liberalitate mea utaris, nisi donec ego velim. Et tamen quasi hoc præsentiens Vlpianus ac ne quis ita inferret, non contentus dixisse paullo antè, Interdictum de precario non competere nisi volenti reuocare precarium, subiicit statim *et ut possum reuocare cum mutauero voluntatem.* Ita significans natura æquum esse ut duret precarium, non quândiu dumtaxat voluntas durat, sed quòusque reuocatum sit: non tamen

tamen post reuocationem. Cæterùm si qua lex esset, quæ diceret Precarium simpliciter constitutum ita accipiendum esse vt *quoad concedens vellet constitutum intelligeretur*, non aliam sanè interpretationem posset lex illa recipere, quàm vt finita quoquomodo voluntate, quod per mortem contingit, precarium quoque finitum esse diceretur, Eundemque necessariò esset in sententiam Accurij quam refusiuius, indistinctè defendentis morte illius qui precario concessit, precarium finiri. Nec illa rursum subtilior aut verior nostrorum distinctio est, An precarium ab initio validum sit & perfectum, An verò condicionem eam habeat vt perseueret ad libitum & voluntatem concedentis & donec ipse voluerit. Quam distinctionē idem Didac. refert & probat *nu. 3.* Nā hoc posteriore casu non minùs validum ab initio & perfectū precarium est quàm priore, Nec condicione vlla suspensum intelligi potest, sed eius finis tantum collatus in finem voluntatis eius qui concessit, vt eo demum casu & tempore finiat, quo voluntas ipsa finietur, ne alioqui precarium certo fine determinatum, vltius contra sententiam & voluntatem concedentis porrigatur. Exemplo eius quod Papinianus in alia licet specie scribit *in l. Imperator. 8. in fi. D. de postul.* Illa igitur sola distinctio admittenda est, An precarium simpliciter constitutum sit, nulla neque voluntatis neque reuocationis mentione facta, An verò ita vt eius constitutio & duratio expressim, relata sit ad durationem voluntatis. Priore casu id obtinet quod diximus, Necessariam esse reuocationem & mutationem voluntatis expressam ad finiendum precarium, Posteriore verò sufficit in eam rem sola mors concedentis. An verò etiam furor vel amentia? Minimè. His enim modis voluntas non tam finitur quàm sopitur ne mutari possit, idèoque potius confirmatur, quàm extinguitur *cap. maiores §. vltim. extr. de baptis. leg. si is qui animo 27. D. de acqu. r. post. leg. numquam 31. §. si feruus D. de vsucap.* Nec tamen confirmatur irreuocabiliter, quia quandiu amens vel furiosus viuìt potest fieri vt respiscat, & voluntatem, vt ita dicam, recuperet, quàm per amentiam & furorem amisisse videbatur. Cùm tamen à morte ad vitam, id est à priuatione ad habitum non sit regressus, ne spe quidem. Obstat tamen videtur, quod Vlpianus hos casus furoris & mortis æquiparat, tùm quoque cùm tractat de precario *in leg. error 6. in princip. iunct. l. preced. ill. tit. De precar. vbi ex Marcello scribit, Si is qui precario ad tempus certum rogauerat, præterita iam die iterum roget, propius quidem esse, vt soluta iam causa precarij non redintegretur, sed noua constituatur, quemadmodum Pomponius in præcedente lege scripserat, sed tamen si dominus interim furere cœperit, vel decesserit, fieri non posse vt precarium redintegretur. Nihil igitur distare Vlpianus aut Marcellus credidit, an is qui precario rem aliquam concesserat, furere cœperit, an decesserit. Et sanè ita est in ea specie quam Vlpianus eo loco tractat, id est cùm de redintegrando precario agitur, quod constitutum ad tempus, finito tempore finitum sit. Nam cùm redintegrari non possit sine noua voluntate, nec magis furiosi vel amentis quàm mortui voluntas vlla sit, adeo vt nec sentiire intelligatur, quod hominis verè mortui proprium est *leg. si ubi 8. §. vnius hominis De opt. locat.* fieri certè nequit vt ab amente vel furioso non magis quàm à mortuo redintegretur precarium quod semel quoquomodo finitum est. At si agatur non de redintegrando, sed de finiendo precario quod ex fine voluntatis finem accipere debeat, non eadem furiosi vel amentis quæ mortui ratio esse poterit. Furiosus enim est amens quandiu viuìt voluntatem semper retinet, licet vsum eius nullum habeat, quan-*

diu furor vel amentia durat, habiturustamen si quando resipiscere eum continget, quod tamen si in dubio euentu positum sit, sperari tamen potest. Idcirco superueniens furor non potest extinguere precarium, Non solum quod ab initio sic constitutum est simpliciter vt reuocatione ac mutatione voluntatis opus sit ad illud finiendum, sed etiam si ponas ita constitutum, vt precario res haberetur quoad vellet is qui dedisset, vt in *dict. leg. 4. D. locat.* quia non definit velle qui sit amens vel furiosus: Quinimo tanto magis adhuc velle dicendus est, quod nondum potest nolle, cum tamen fieri adhuc possit vt vel nolit postea vel expressim velit, Scilicet in casum resipiscenz quorum neutrum de homine iam mortuo dici potest. Atqui, inquit, tractat Vlpianus in *dict. leg. certè*, de eo qui furere coeperit ante finitum precarium. Quis ergo locus relinquebatur questioni de redintegrando precario si iustale est, quæle diximus, vt constitutum necdum finitum ante furorem precarium, finiri postea durante furore non possit. Respondeo tractare Vlpianum de precario ad certum tempus constituto, quod proinde finem accipere poterit & debuerit à solo lapsu temporis, non etiam à fine voluntatis. Ob idque verissimum esse vtrunque quod Vlpianus ait, & finiri precarium huiusmodi, etiam durante furore. Et tamen non eo magis redintegrari posse, quia vt finiatur solo tempore nulla siue continuatio, siue mutatio voluntatis requiritur, quæ tamen omnino necessaria est vt finitum etiam solo tempore precarium redintegraretur.

ERROR SECVNDVS.

De precario ad certum tempus constituto.



MOVENT nos quæ proximè diximus, vt de precario ad certum tempus constituto aliquid subiiciamus. Est enim tractatus satis difficilis, nec ab Interpretibus nostris duntaxat, sed ab ipso etiam Triboniano, vt docebimus, malè acceptus. Sunt qui putent in eo maximsè differre precarium à commodato, quod commodatum fiat ad certum usum & ad certum tempus, Precarium verò nec ad certum usum, nec ad certum tempus, Indèque fieri vt ante tempus præstitutum reuocari commodatum non possit, Precarium autem liberè, ac pro concedentis arbitrio possit. Quam sententiam primus Bartolus induxit ad *leg. in commodato 17. §. sius autem D. commodat.* Apertissimè contra omnes illos iuris nostri locos qui tractant de precario ad certum tempus constituto *leg. in rebus 4. §. vltim. leg. 5. & 6. in princip. leg. questum 8. §. penult. leg. cum precario 12. in princip. D. de precar.* Etsi autem hanc Bartoli sententiam euidenter falsam interpretes ceteri obseruarunt, inter quos Panorm. & Imol. ad *cap. vltim. De peccar.* quos refert & sequitur Didacus Cournart. lib. 3. *Var. resolut. cap. 15. numer. 7.* Nihilotamen melius illi differentiam inter commodatum & precarium in eo constituunt, quod commodatum detur ad certum & determinatum usum, qui quidem usus expressè vel tacitè habeat certum tempus intra quod reuocari commodatum non possit. Precarium autem detur ad usum indefinitum, & indeterminatum, ita quidem

dem ut licet detur ad certum usum, is tamen indeterminatus & incertus censetur ex eo, quod nec tacite nec expressim habeat tempus certum. Verba sunt Didaci loco supradicto. *Ex leg. 2. Cod. de commod. & ex dist. 9. sicut cum ubi notat.* Nam quod ad commodatum pertinet, equidem verum est fieri id debere, vel ad certum usum & determinatum, qui vel expressè vel tacite certum tempus admixtum habeat, vel ad certum tempus expressum. Sed non, ut isti putant, ad certum & determinatum usum. Quid enim vetat me tibi commodare equum, ad certum usque tempus, nullo tamen certo usu præscripto? An eo minus erit commodatum quod non adiecerim, commodatum tibi à me equum ut Romam ires? Imò perinde commodatum erit, acsi hoc ipsum expressissem in commodato ut Romam ires, nullo adiecto tempore. Sicut enim sufficit inesse commodato certum usum, ex quo possit colligi certum tempus quod eidem commodato inesse debeat, quemadmodum evenit cum quis certo loco soluturum se promisit, nec tempus vllum adiecit *leg. continuum 337. §. cum ita. De verbor. obligat. leg. 2. §. 1. D. de eo quod cert. loc.* Ita & sufficit expressum esse in commodato certum tempus etiam nullo usu expresso, ut tanto laxiorem habeat commodatarius potestatem utendi re commodata. Est namque hoc genus commodati multò utilius commodatario, qui etiam postquam re commodata ad aliquid usus est, eam tamen adhuc retinere potest, & ad alios usus quandiu tempora commodato præstituta largiantur. Cum è contrario si ad certum & determinatum usum accepisset commodatum, nullo præfixo tempore, cogendus esset statim finito usu rem restituere, nec ad alios usus commodatum retinere posset, quin hoc ipso factum fecisse diceretur *leg. qui iumenta 40. D. de furt. §. furtum autem iniuriat. de obligat. qua ex delict. nascunt.* Quomodo evenit & in eo qui siue contra, siue præter domini voluntatem viitur re deposita, vel oppignerata *leg. 3. Cod. de pos. leg. si pignore 54. D. de furt.* Quod verò ad precarium spectat, Non possum videre unde nostri colligant non posse illud fieri ad certum usum & determinatum. Nam si me precario rogaveris ut per fundum meum ire vel agere tibi liceat velut in rectum, vel in aream ædium mearum stillicidium vel tignum in parietem immisissum habeas, An non certus & determinatus usus est precarii? Et tamen valere precarium huiusmodi scriptum est in *leg. 3. D. de precar.* Quemadmodum valeret etiam haud dubie si precario darem tibi equum ut Romam ires, Alioqui quid dicemus, An commodatum hoc esse quod uterque nostrum voluit esse precarium? An potius nihil actum esse, ut impediatur mea liberalitas ob hoc solum quod ad nutum meum sit reuocabilis, quamvis fieri potuerit, ut non nisi post longum tempus à me reuocaretur. Atqui stultum esset hoc dicere. Non enim liberalitatem ab initio inutilem facere illud debet quod aliquo casu possit ex eventu esse inutilis, si modò casum aliquem vtilem habere possit *leg. heres 21. §. penultim. D. de fideiussor. leg. Stichus 39. in fin. D. de manumiss. testamens.* Nec eo minus tamen liberum mihi esset precarium hoc quodcumque reuocare, priùs etiam quam iter confecisses, Et quidem citra fraudem & iniuriam, cum tu ea lege precarium non modò accepisses, verùm etiam rogasses à me, qui non aliter fui concessurus. In quo non possum facere quin vos reprehendam, qui cum fateantur precarii naturam & condicionem illam esse ut liberè reuocari quodcumque possit, nolunt tamen eam reuocationem posse tam citò & ita promptè

fieri ut prorsus omni usu & commodo priuet illum cui precarium concessum est, imò potius damno eum afficiat, Quasi ob stare hoc casu debeat exceptio doli aduersus reuocantem, quod ea concessio, inquit, beneficium sit, quo iuari accipientem non decipi oporteat *dist. 1. in commodato §. sicut D. commod.* Ex quo inferunt, Inesse omni precario spatium aliquod vtēdi re precario concessa, eamque reddendi arbitrio iudicis, qui non nisi ex iusta causa statim eam reuocationem permissam esse censere debeat, ut post Panormit. Alex. Purpur. Curt. iunior. & alios tractat Didac. *dist. cap. 15. num. 6.* Sanè quàm improbabili- ter. Exsi enim vtrumque verum est, & precarium esse beneficium tūm ad cau- sam donationis proximè accedat *leg. interdictum 14. D. de precar.* Et beneficio iuari eum qui accipit, non decipi oportere *dist. §. sicut*, Non tamē deceptus dici potest quia lege beneficium rogauit ab eo, à quo non aliter fuerat impe- traturus. Quotus enim quisque est, qui precario rogare velit eam rem quam ex commodato si mallet habere posset? Itaque à seipso potius quàm ab alio decipitur, qui precario rogat rem quam suspicari possit aut debeat protinùs re- petiturum eum, qui concessit, Proinde non tam de concedente quàm de seipso queri debet *arg. leg. nam si auctor 26. D. de rei vindicat.* quia hoc evenire posse de- buit prospicere *leg. si quis domum 9. §. inde quarunt D. locat.* Vt nec ferè alio il- lo casu potest is qui rem accepit ex liberalitate dicere se deceptum à donante *leg. ad res donatas 62. de adlit. edit.* Nisi eūm donator alienam rem quasi suam dolo malo donauit *leg. 1. Cod. de iur. dot.* Aut inuito aliter fraudis consilio, ut in *d. l. ad res donatas in fin.* Est quē id multò tolerabilius in persona accipientis qui potest aliquid imputari, quàm si ea fieret iniuria concedenti vt inuito eotem posset retinere is qui accepisset. Nihil enim est quod possis imputare con- cedenti, Ne hoc quidem cur roganti concesserit eūm possit respondere, se qui- dem concessisse, sed precario, vt accipiens intelligeret saluam manere conce- denti, & liberam reuocandi pro arbitrio quandocūque precarij facultatem. Hoc enim est quod ait Vlp. in *l. 2. §. 1. D. de precar.* Natura æquum esse vt & tu liberalitate mea utaris quandiu velim, & vt possim reuocare eūm mutuo lo- vultatem. Itemque quod scriptum est in *dist. leg. cum precario 12. cod.* Nul- lam esse vim huius conuentionis vt rem alienam inuito domino liceat possi- dere. Longēque alia ratio est commodati propter mutuas præstationes quæ ex eo nascuntur, & quæ faciunt vt quod ab initio fuit meræ liberalitatis transeat in necessitate obligationis *dist. §. sicut*. Cū tamen precarium etiam post- eā quàm simpliciter constitutum est pendeat ex nuda continuāque liberalitate concedentis *dist. 1. 2. §. 1. leg. quasitum 8. §. eum quoque. De precar.* Nec simile est quod adducit Didacus ex Bartolo *ad leg. si pœnam. De verbor. oblig.* Mutuum a- llicui præstitum nullo definito tempore reddendi non posse statim peti, sed tantū n post tempus aliquod arbitrio boni viri æstimandum. In mutuo enim ita ius est, non tantū quia mutuum contractus est, sicut & commodatum, non item precarium, Sed etiam quia eūm mutuum ex eo dictum sit quod de meo fiat tuum *leg. 2. §. appella D. de reb. credit.* certum esset non alienari dici posse nummos qui sic darentur, vt statim reciperentur *leg. qui sic soluit 55. D. de solut.* Quod si tum quoque alienari censeretur, hoc ipso cessaret in iis rario quæ libe- ram concedenti relinquit precarij reuocandi facultatem, Nimirū quod æ- quum non sit te vti mea liberalitate postquā reuocauero eam, & mutauero vultatem. Qui enim mutuum pecuniam retinet etiam eo tempore quo eam reddere iam debeat, non alienam, sed suam retinet, ideoque nullam domino facit

facit iniuriam, cum dominus ipse sit. Iam verò quod iidem interpretes nostri volunt, Precarium non alia de causa liberè posse reuocari, quàm quia licet detur ad certum vsum, is tamen vsum indeterminatus & incertus censetur ex eo quod nec tacitè nec expressim habeat tempus certum, Ego planè cuiusmodi sit, aut quam rationem habeat non possum intelligere. Nā prater id quod nihil vetat, vt iam diximus, dare me tibi precario equum, vt Roman eas, Largiamur interpretibus quod volunt, ita constitui precarium non posse, Dummodo vicissim illi nobis hoc donent, vt ex hypothesi & suppositione fingamus saltem id fieri posse, quomodo etiam à philosophis inter disputandum fingitur passim impossibilia & supponuntur. Quæro an eo casu futurum sit vt ob certum illud tempus quod inerit precario constituto ad certum & determinatum vsum, reuocari precarium non possit. Si admittent, quod admittendum necessariò est, non eo minùs mansurum reuocabile, Fateantur ergo necesse est bonam non esse rationem illam, propter quam volunt precarium liberè posse reuocari quod nullum tempus certum expressè vel tacitè adnexum habeat ex certo & determinato vfu, quomodo habet commodatum. Sin negabunt, Quæro ab iis cur maiorem vim esse velint taciti illius temporis quod ponimus inesse precario, quàm eius quod expressim adiectum proponeretur? Iam enim euicimus vel ex ipsorum confessione, totque legibus suprà citatis, Possè precarium constitui ad certum tempus, nec ob id tamen prohiberi eum qui concessit quominùs reuocet pro arbitrio etiam priùs quàm præterierit tempus. Nō nego pletunque contingere vt par sit vis taciti & expressi, sed vt maior esse debeat, non puto dici, aut admitti posse. Cum igitur pro certo habeamus adiectionem certi temporis non impedire quominùs precarium etiam intra illud tempus sit reuocabile. Quid, obsecro, attinet querere, An vsum ille certus & determinatus ad quem constitutum est precarium habeat tacitè vel expressim tempus aliquod certum, an non habeat? Aut quomodo potest ex tacito illo tempore sumi ratio quæ faciat vt precariū quodlibet sit reuocabile pro arbitrio concedentis? Dicendum igitur est totam differentiam quanta est inter commodatum & precarium ex eo proficisci quòd commodatum contractus est, & quidem vltro citroque obligatorius *di. §. siue*. Precarium verò nihil nisi liberalitas est, propriūque accedit ad donationis quàm ad negotij contractus causam. *di. l. i. interdictum. 14. D. de precar.* Inde namque fit, vt commodatum non nisi cetera lege certòque tempore reuocari possit, Scilicet impediente reuocationem obligatione quæ ex commodantis parte contracta est non minus quàm ex parte commodatarij. Precarium autem pro concedentis arbitrio reuocari possit, siue simpliciter factum sit, siue ad rēpus aut certum, aut incertum, quia is qui precario concedit, nullatenus obligatur. Eset verò alicuius obligationis in necessarium antecedens præuia effectus ille, vt precarij reuocatio ante certum tempus impediretur. Quod cum ita sit illud rariū explicandū superest quod nemo explicat, Quid ergo prefit adici precario certū tempus si non potest facere adiectio temporis, quin possit precarium etiam priùs quàm tempus illud præterierit pro concedentis arbitrio reuocari? Alterutrum enim necessariò admittendum esse videtur, vt vel inuilis sit adiectio illa temporis quod tamen dici certè non potest, Vel effectum illum habere debeat, vt ante tempus illud elapsum impediatur precarij reuocationem. Sed respondendum est quod ex iis quæ iam diximus satis intelligitur, Nō impediri precarij reuocationem huiusmodi adiectione temporis, quia non in suorem accipientis, sed in gratiam solius concedentis adiectum intelligitur, Nimirum

ut eo saltem tempore finitur ipso iure ipsoque facto precarium, ita ut nulla sit opus reuocatione ac voluntatis mutatione quæ alioqui esset omnino necessaria, Non etiam ut prohibeatur is qui concessit, reuocare si malit eo modo finiri precarium quam expectato tempore quo alioqui finiretur citra reuocationem. Nam cum is qui precario dedit nullomodo ex sua concessione & liberalitate obligetur, non potest adiectio temporis ei nocere, sed prodesse potius, ut ab initio is qui rogat, intelligat ita constitui precarium, ut ad illud finitendum non sit futura necessaria reuocatio, Si non ante tempus illud reuocare concedens volet, Utque prouideat futurum ut elapso eo tempore noua indigeat concessione ad redintegrandum precarium si non ante præteritum tempus fuerit prorogatum *dist. leg. 4. §. vltim. & leg. 5. D. de precar.* In commodato diuersa sunt omnia. Nam tempus quod in eo adicitur, etsi ipsius quoque commodantis gratia adiectum videri debet, ut post tempus illud possit agere commodati adurgendam rei commodatæ restitutionem, Attamen commodatarij quoque causa proculdubio adicitur, ne interim vrgeri & inquietari possit, quia ex commodato, cum sit contractus, vltro citroque obligatorius, ut diximus, præstationes & obligationes mutæ nascuntur, non item ex precario. Inde est quod si is qui rem aliquam ad certum tempus precario concesserat, ante tempus illud furere cœperit, perinde tamen finitur precarium tempore, nec furor in eam rem impedimento est, qui tamen impedit ne aliter finiri precarium possit, hoc est per reuocationem & mutationem expressam voluntatis. Quomodo impedit etiam ne finitum tempore precarium postea durante furore redintegretur, *dist. leg. certè 6. in princip. eod. tit.*

ERROR TERTIVS.

De sententia l. cum precario 12. D. de precar.

His tamen quæ modò diximus, valde ob stare videtur, quod scriptum legimus ex Celso in *dist. leg. c. m. precario 12. in princip. D. de precar.* Cum precario aliquid datur si conuenierit, ut in Calendas Iulias precario possideat, & queratur an exceptione adiuvandus sit ne ante possessio ei auferatur, Nullam esse vim huius conuentionis, ut rem alienam inuito domino possidere liceat. Quid enim scribi apertius potuit, ut intelligeremus Precario ad certum tempus constituto non aliam esse potestatem huius conuentionis, quàm uti ne ante illud tempus possit reuocari precarium, ob idque nullius momenti esse talem conuentionem. Atqui nos vtrumque negamus qui defendimus & valere huiusmodi conuentionem, & ea subsistente nihilominus manere precarium reuocabile, quòd solius concedentis non etiam rogantis & accipientis gratia tempus precario adiectum intelligatur. Nec sanè dissimulo quin locus ille Celsi semper mihi suspectus visus sit, siue verba textus perpèdamus, siue loquendi formulam, siue denique sententiam & rationem sententiæ ea formula expressè. Nam quod ad verba pertinet, illud omnino inconcinnum est, quod textus loquitur in tertia persona de eo qui precario possideat, & an exceptione adiuvandus sit, cum tamen in præcedentibus nihil sit quod ad tertiam magis quàm ad primam, aut ad secundam

eundam personam referri possit, Quamquam hoc parum est. Si enim aliud nihil vrgeret, dicerem, quod certè dicendum arbitror subesse mendum in primis illis verbis *cum precario aliquid datur*, legendumque esse *cum precario alicui quid datur*. Nato errore ex eo quod librarij Florentini mos est scribere *Qui aut Quos pro cui*, & similiter *ali Qui* aut *ali Quos* pro *alicui*. Licetque sen. el tantum scribere & explanare literas quæ sunt repetendæ, siue ad eandem dictionem pertineant, siue ad subsequenter: Quomodo in proposito *ali Qui Datur* scribi potuit pro eo quod pluribus literis explanari poterat in hunc modum *alicui quid datur*, Quo admissio conveniunt optimè quæ sequuntur in tertia persona eius qui accepit precario, *si convenit ut in Calendas Iulias precario possideat*, Ille scilicet cui aliquid precario datum fuisse diximus: Deinde quod additur *numquid exceptione adiuvandus est*, Et rursum *ne ante possessio ei auferatur*. Sed magis me turbat, quod post propositam speciem illam de precario in Calendas Iulias dato, quæstionem ita conceptam video, Numquid exceptione sit adiuvandus is qui precario rem accepit, ne possessio ei prius auferatur quàm Calendæ Iuliz & venerint & præterierint. Quæstio enim hæc supponit pro vero quod falsissimum est, Cùm precario tempus aliquod certum adicitur, fieri adiectionem illam in favorem accipientis, quæ tamen, ut probavimus in præcedentibus, sit in gratiam solius concedentis. Nam si ponas Celsum non ignorasse quod prudentes cæteri omnes sciebant, nullam ex precarij concessione obligationem nasci aduersus concedentem, idèoque non quemadmodum in commodato, ita & in precario intelligi posse adiectum tempus favore accipientis, Quznam obsecro dubitandi causa esse poterat pro eo, qui rem precario in certum usque tempus accepisset, An exceptione pacti & temporis adiuvandus esset, ne precarium interitum reuocari posset? Inauditum siquidem est ut propter temporis adiectionem detur pacti exceptio alij, quàm ei cuius gratia tempus adiectum fuit: Quod vnum semper inspicere prudentes solent quoties disputant de adiecti certi temporis potestate ac interpretatione, Ut in *leg. 3. in §. cum Pollydus. D. de usur. leg. si ita relictum 43. §. Pegasus de legat. 2. leg. stipulatio ista 38. §. inter incertam D. de verbor. obligation. leg. quod certa die 70. D. de solut. leg. laulenus 15. aliàs leg. eum qui De ann. leg.* Et rursus, Pacti exceptio præsupponit aliquam obligationem præcedentem quæ per adiectionem temporis ipso iure finiri non potuerit *leg. obligationum fere 44. §. placet D. de obligat. & action.* Iam autem diximus id, de quo nemo dubitat, obligationem nullam ex precario nasci ex parte concedentis, Addebam aliquando rationem aliam ex eo sumptam, quòd cùm inspecto iure vetere interdicta non per formulas & actiones, sed cognitione prætoris expedirentur, Prætoris ipso interdicente, & de iure possessionis inter litigatores cognoscente, inconueniens videbatur tractare de exceptione aliqua aduersus inierdictum danda, siquidem exceptionum vsus præcipuus erat in formulis ad elidendam actionem si condicio quæ nihil aliud erat, quàm exceptio posita in formula, ex facto probaretur. Verùm ne ratio hæc mihi nunc probari possit, illud facio quod video interdicta omnia si effectum rei magis quàm experiendi ritum & formam inspicias, proximè accedere ad actiones, Adeo ut etiam actionis nomine generalius sumpto contineantur *d. actionis 37. eod. tit. De oblig. & action.* Quidni ergo etiam aduersus eum qui interdicto experitur locus erit exceptioni si quæ sit quæ ex æquitate competere debeat? Non quidem ut concedatur per viam formulæ, sed ut apud cognitionem Prætoris profuit excipienti ad impediendam

li. Bachon.
r. ac. Dip. i.
li. 27. i. l.

vim & potestatem interdicti. Vt in *leg. 3. §. sed si permiserit & seq. leg. si alius 7. §. bellissimè & §. est & alia exceptio. D. quod vi aut clam*. Differentia tantum in eo est, ni fallor, inter exceptiones quæ aduersus actionem, & eas quæ contra interdictum obijciuntur, quod contra interdictum opponuntur tantum ab eo qui conuenitur, Nec dicuntur poni quomodo illæ quæ contra actiones proponuntur, quæ scilicet ponuntur à Prætorè in formula dictandæ actionis, Vnde est quod iuris anthores ita sæpe loquuntur, non solum vt dicant oppositam esse doli exceptionem, sed vt dicant positam esse, vt in *leg. aut si ante 30. D. de rei vindic.* vbi latius hoc explicauimus in Rationalibus. Cum enim nullus in exercendis interdictis formularum usus sit, vtiq; nihil est in quo possit Prætor exceptionem ponere, Sed tamen sicut ipse de facto & iure possessionis cognoscit, ita & oppositam ab eo qui conuenitur exceptionem admittit, si talem esse videat, quam ex requirata admittendam putet, Neque tantum hoc nomine inter se differunt istæ exceptiones, sed etiam effectu ipso & potestate. Siquidem exceptiones quæ actionibus obijciuntur non eum habent effectum vt actio quæ per exceptionem eliditur, nunquam competiisse existimetur: Quinimò supponit exceptionem competentem actionem cum nihil aliud sit quàm actionis exclusio *l. 2. D. de except.* Actionis nimirum competentis. Quæ enim nullomodo competit, ea excludi nullomodo potest, Cum non entis neque potentia vllæ sint, neque qualitates. Longèque aliud est si quis agat sine actione quod iuris ratio non patitur *l. si pupill. 6. §. vlt. De negot. gest. leg. quoties 9. §. & generaliter D. de admittuntur*. Aliud verò si quis ab actione propolita & competente summoveatur per exceptionem. Primo enim casu vincit reus per non ius actoris licet nihil ipse præstiterit, vt in *leg. 4. C. de edend. leg. vlt. C. de rei vindic.* Posteriori verò vincit reus tunc suo & proprio qui condemnandus fuisset si exceptionem nullam habuisset *l. qui liberis 11. §. testamento in fin. D. de bonor. poss. secund. tabul.* Quamuis inspecto commodo & euolumento parum intersit an quis nullam actionem ipso iure habeat, an verò eam habeat, quæ per exceptionem elidi possit, vt habet iuris regula, de qua in *l. nihil interest 17. de reg. iur.* Hoc enim casu actio quamvis competens sit inutilis propter exceptionem, Sicut & aliquando propter debitoris etiam condemnati aut condemnandi egestatem *l. nam is nullam 6. D. de dolo*. At exceptiones quæ contra interdictum opponuntur quoties tam iustæ sunt, vt admitti debeant, vim & potestatem illam habent, vt faciant ne interdictio locus vllus esse videatur. Quasi contra sensum & mentem Prætoris atque edicti perpetui futurum illud esset, vt in ea specie quæ talem exceptionem admittit, interdictum exerceretur. Quæ admodum enim solemus dicere cum de actionum formulis ex veteri iudiciorum ritu disputamus, Doli exceptiones inesse ipso iure bonæ fidei iudiciis propter verba illa quæ addi solebant in formula *ex bona fide* tamen: si nullam exceptionem Prætor in formula posuisset, Nempe quod sufficeret factam à Prætorè potestatem iudici cognoscendi & pronunciandi ex bono & æquo, ita & in causa interdictorum de quibus Prætor solus cognoscit, & pronunciat, nihil aliud inquirere Prætorè aut pronunciarè oportet, nisi an locus sit interdicto necne: Quod ipsum æstimat ille vt debet ex iis quæ à litigatoribus in vtranque partem disputantur, nec minùs ex iis quæ ab eo qui conuenitur, quàm ex iis quæ ab actore adferuntur, si actor ille propriè dici potest qui interdicto experitur. Quid enim esset stultius quàm interdictum dare actori quem subinde ob exceptionem ab aduersario oppositam debeat Prætor repellere? Quod in actionibus & formulis longè diuersum est, in quibus alius est qui dat actionem

nem

nem & formulam, is est Prætor, Alius verò qui actorem summonet & repellit, Is est iudex datus. Ex his porro differentiis rursum moueor, vt Tribonianus manu & inscitiam mihi videar agnoscere in d.l. cum precario in illis verbis *nūquid exceptione adiunctus est*. A quo enim adiuuari posset nisi à Prætoris hic qui precario rem accepit? Quomodo autem iuuabit eum prætor nisi data ei exceptione. Sic enim dicimus in exceptionibus quæ aduersus actiones opponuntur adiuuari per eas reum vt actio elidatur ex qua reus alioquin condemnaretur. Atqui diximus exceptiones aduersus interdicta non dari à Prætoris sed admitti: Non igitur Celsi potest esse quod scriptum est in d.l. cum precario, Exceptione adiuuandum esse eum qui precario accepit: Proinde adscribendum necessarium est Triboniano, vt & alia quæ scripta sunt in d.l. leg. 7. §. bellissime & §. seq. quod vi aut clam, quemadmodum sequenti capite docebimus. Sed & Tribonianus manum illud prodit, quod vt opinioni suæ viam patefaciat proponit quæstionem per interrogationem, Et quidem per dictionem *nūquid*, quæ loquendi formula familiarior certè est Triboniano quàm prudentibus. Sed eiusdem inscitiam illud omnium apertissimè detegit quod ad propositam quæstionem respondet his verbis *sed nulla vis est huius conuentionis vt rem alienam inuito domino possidere liceat*. Primum enim falsum illud est non valere conuentionem de qua in dicta lege quæritur, Vt in Calendas Iulias res concessa precario possideatur, Valet siquidem, vt probant supradicti omnes iuris loci qui volunt precarium ad certum tempus concedi posse. Deinde falsum etiam est huius conuentionis eam esse vim vt qui precario rem accepit in certum vsque tempus possit illam inuito domino possidere & retinere quousque tempus illud præterierit. Tantum enim abest vt ea conuentio fiat fauore accipientis, vt è contrario non respiciat nisi fauorem concedentis: Vt intelligat is qui precario rogat non nisi ad illud vsque tempus precarium duraturum, & postea fore vt noua indigeat, siue expressa, siue tacita concedentis voluntate, vt precarium vel prorogetur vel redintegretur leg. 4. §. vltim. leg. 5. & 6. in princip. eodem titul. Debuerat igitur quisquis ille fuit qui supradicta verba adscripsit, ita scribere potius *sed non illa vis est*, non quomodo scriptum legimus *sed nulla vis est*, aique ita legendum ibi esse arbitramur. Nam etiam si maxime verum hoc esset nullam esse vim huius conuentionis per quam fiat vt possit quis inuito domino rem aliquam retinere, Non ideo tamen consequens esset, minimè valere conuentionem per quam res aliqua in certum vsque tempus precario concessa esset, Quippe quæ longè aliam haberet interpretatiorem. Eam nimirum, quam proximè diximus: Quid? quod nec verba illa rectum sensum habent *vt rem alienam inuito domino possidere liceat*. Nam cum tractemus de precario, nec necesse sit dominum eum esse qui precario concedit, debuerat siue Celsus, siue Tribonianus scribere *inuito concedente*, non autem *inuito domino*. Certum enim est posse concedi precarium etiam à non domino, dum ne ipsi domino concedatur leg. sed & si eam rem 7. leg. vltim. in fine principij D. eodem. quod & Accurs. noster bene vidit, sed quod habent legis verba de domino, intelligit ille valde improprie de concedente quolibet etiam qui dominus non sit: Quia tamen loquendi formula ad eum impropria vsum fuisse Celsum tam incredibile est, quàm illud probabile vsum esse Tribonianum. Denique nec illud simpliciter verum est nullam esse vim huius conuentionis vt rem alienam inuito domino possidere liceat. Nam in commodato quod omnino simillimum est precario, In eo præsertim quod

qui rem commodat non in hoc commodat ut eam faciat accipientis, sed tantum ut ei re commodata uti permittat *leg. 1. §. ultim. eodem tituli* id ipsum tamen evenit ut invito domino si dominus commodator fuit, rem comino datam retineat commodatarius in id usque tempus, quod reddendo commodato fuerat præstitutum *leg. in commodato 17. §. sicut D. commod.* Nempe quia commodarii obligatio ea lege contracta est, Nec prius furtum facere intelligitur commodatarius, licet rem commodatam invito domino contrahat ac retineat, quam commodatum vel tempore vel usu finitum sit. Sicuri è contrario si post tempus illud rem commodatam retineat, furtum facit, non solum si dominus aut alius quisque ille est qui commodavit expressim contradicat, sed etiam si taceat dum ne nova ipsius voluntas interveniat *§. furtum autem fit Institut. de obligat. qua ex delict. nascunt. leg. qui iumenta 40. D. de furt.* Adde ut si ex ea causa condemnari se patiarur fiat infamis, tanquam si ex alterius cuiuslibet furti causa fuisset condemnatus, quia in iudicio directo commodari agitur de perfidia & fide rupta. In quo differunt iudicia directa à contrariis *leg. furti 6. §. ultim. De his qui notant. infam. lunct. leg. ei apud quem §. D. de pos. leg. qui depositum 10. Cod. eodem.* Quod addere libuit ut refellerem quod sentit Didac. *diss. cap. 15. lib. 3. var. resolut. ad fin.* post Ioannem Fabrum ad *leg. 1. Cod. de pigorat. allian.* non committi furtum à commodatario, vel depositario, vel creditore etiam si re commodata vel deposita, vel pignoriata utatur aliter quam ex conventionem uti debuit, dum ne ex eo usu res deterior fiat, & dummodo ad eum usum res applicata sit, cui proprie res ipsa destinatur, & ad quem dominus huiusmodi solebat, Quasi credendum sit istis concurrentibus dominum permissurum fuisse. Pugnat enim hæc sententia evidenter cum supradictis legibus, Ex quibus apparet idem furtum hoc casu admitti, & ex furti condemnatione infamiam sequi, non quod agatur de damno dato, sed quod de fide rupta, & de perfidia: quam hac pœna coerceri non modò rigori iuris, sed etiam æquitati omnino consentaneum est. Illud verò non tantum audacius, sed etiam longè improbabilius est, quod addit Didacus, Etiam illo casu quod credendum non sit dominum fuisse permissurum, adhuc initium agendum esse, ita tamen ut dominus indemnis servetur, Non quod hoc casu furtum factum esse negari possit, Sed quia, inquit, furtum hoc non omnino inhonestum sit, nec computari debeat inter ea furti quæ legibus & reipublicæ institutis prava & perniciose censentur, Ex quo etiam inferit, eum qui ex hac causa condemnatus sit non solum per sententiam iudicis ab infamia liberandum esse, Sed et si à iudice id ommissum sit, sententiam tamen, quod cerè magis mirum est, sic accipi debere ut minime habeatur infamis qui per eam hac ratione furti condemnatus fuerit. Quæ tamen omnia scribit ille quemadmodum non modò sine lege, verum etiam contra leges, ita & sine ratione quamvis adferat auctoritatem Philippi Cornei *consil. 274. libr. 3. versic. 9. possimè.* Nam si furti cætera quæ ille gravis & reipublicæ perniciose vocat ex sola rei alienæ contrectatione quæ invito domino facta sit æstimentur, Et invito ille dicitur non qui expressim dissenserit sed qui non consenserit, Quantò gravius illud est quod præter contrectationem habet admixtam quoque perfidiam? Illud sanè omnino requiritur ut commodatarius vel depositarius intelligat se non ex voluntate domini ea re uti: Alioquin si putet dominum consensurum non potest videri furtum facere qui affectum & animum furandi non habet *leg. inter omnes 46. §. restit. D. de furt. §. placuit Institut. de obligat. qua ex delict. nascunt.*

transcunt. Sed ea opinio siue vera, siue falsa sit probanda necessarium est, ut credi possit non habuisse animum furandi eum qui accepto commodato ad certum tempus vel ad certum usum, hoc ipso scire potuit & debuit finito illo usu vel tempore finitum quoque fuisse commodatum, Siquidem omnia quæ ad certum tempus vel usum limitatum concessa sunt, post tempus illud, eumque usum prohibita censentur *leg. Imperator 8. in fin. D. de his qui nos. infam. l. Thais 41. §. intra certa tempora D. de fideicom. libert.* Cum verò Didacus de illo etiam loquatur qui nulla opinione motus rem sibi commodatam vel apud se depositam retinuit eaque usus est, quamvis sciret dominum non fuisse permittitur, apparet hanc Didaci sententiam defendi nullo modo posse: neque distinctionem illam, Vtrum ex eo usu commodatarij res facta sit deterior necne, Cum etiam si res furtiva facta esset preciorum penes furem, non eo magis tamen fur liberaretur, Sicuti nec usufructuario permittitur ut rei cuius usufructum habet speciem imminuat, tamen si rem faciat preciosorem *leg. quamuis 8. iunct. §. ultim. leg. preced. D. de usufruct.* Frustra enim est querere an res preciorum, vel melior, an deterior, aut vilior facta sit, nisi in iis actionibus quæ ob damnum datum conceduntur, & in quibus de indemnitate tantum præstanda queritur non de crimine vindicando, aut de re ipsa repetenda. Ex quibus intelligimus, Eandem hac parte rationem esse precarij & commodati. Hactenus scilicet, ut qui re precaria in certum usque tempus concessa post tempus illud vitur, perinde furtum facere dicendus sit atque is qui post tempus vitur re commodata: Diversam tamen & dissimilem in eo quod commodatarius non prius furtum facere potest quam tempus præterierit in quod accepit commodatum, quia nec prius reuocari commodatum potest. At is qui precario in certum tempus rogauit, potest etiam ante illud tempus furtum facere, Nimirum si ante tempus interueniat precarij reuocatio quæ temporis illius adiectione, ut diximus, non impeditur. At è contrario melior in eo est condicio precarij nullo tempore limitati quam commodati, quod is qui precario rogauit quancumque tempore rem retineat, nunquam facit furtum, quousque precarium expressim reuocatum sit, & reuocationem factam esse ipse sciuerit.

ERROR QVARTVS.

De exceptionibus que dantur aduersus interdictum Quod vi aut clam. Ad l. 3. §. sed si permiserit l. 1. §. denique l. si alius 7. §. bellissime.
D. quod vi aut clam.

OCIMVS interserere hunc tractatum ut diluamus obiectionem, quam aduersus ea quæ proximo capite scripsimus, mouere quis possit, ex dict. l. si alius 7. §. bellissime & seq. l. 1. §. denique l. ultim. §. si ad ianuam. *D. quod vi aut clam.* In quibus locis aperte mentio sit exceptionis non tantum obiciendæ, sed etiam dandæ aduersus eum qui interdicto illo vitur, Cum tamen dixerimus exceptiones quæ aduersus interdicta proponuntur obici tantum à litigatore qui convenitur, sed à Prætoris admitti verius quam dari. Tractat Vlpianus ex Iuliano in dict. §. bellissime, An agenti interdicto Quod vi aut clam, noceat exceptio *Quod non in vi aut clam feceris*, Et addit, Ut puta, Vtor aduersus te interdicto Quod vi aut clam, An

in d. §. denique, negat supradictæ exceptioni locum esse, quoniam, inquit, aduersus quod vi aut clam factum est [sic enim lego non vt vulgò, *aduersus vim aut quod clam factum est*] nulla iusta exceptione tueri se quis potest. Quamquam Accursius noster ad illum locum notat, Vlpiani sententiam quantumlibet generalem restringendam esse ad exceptionem iuris; de qua agitur *in eod. §.* Cùm aduersus interdictum illud, Quod vi aut clā, quatuor, inquit, exceptiones admittantur. Prima illa de qua *in d. l. 3. §. sed si permiserit & seq. eod. tit.* Secunda de qua *in d. §. bellissime & in d. l. vlt. §. si ad satum eod.* Tertia de qua *in d. §. est & alia.* Quarta de qua *in l. semper 15. §. hoc interdictum eod. titu.* vbi dicitur interdictum hoc anno finire: ex quo infert ille annalem exceptionem huic interdicto obstare, sed quantum ad hanc vltimam exceptionē parum subtiliter. Aliud enim est dicere Annalem exceptionem huic obstare interdicto, Aliud verò, Post annum interdictum hoc non dari. Nulla enim exceptio aut necessaria aut utilis esse potest aduersus interdictum: quod nec competit nec datur. Et annalis exceptio præsupponit ius aliquod competere quod per eam elidi possit & debeat, vt & cæteræ exceptiones omnes. Quod verò ad primam exceptionem pertinet, de qua *in d. §. sed si permiserit*, vt hoc quoque interferamus, cauendum etiam est ne malè accipiamus quod eo loco scribit Vlpianus, si is cui permittendi ius fuit, permiserit opus illud fieri quod vi aut clam factum esse postea dicitur, necessariam esse exceptionem. Quomodo enim potest esse necessaria, cùm neque vi, neque clam factum dici possit quod factum est permittente eo cui ius fuit permittendi? Aut quomodo potest interdictum, Quod vi aut clam competere aduersus eum qui neque vi neque dolo quicquam fecit? Est igitur locus ille explicandus ex §. præced. Vbi scriptum est non omnibus momenti vim esse faciendam vt interdicto illi locus sit, sed inter initia factam postea perseverare. Quid enim si ab initio aliquis vi aut clam secerit, puta cœperit ædificare, postea verò is quo primum prohibente vel celato secerat permiserit ei vt pergeret ædificare? Competit quidem summo iure interdictum, Quod vi aut clam, nec à prætore denegari potest ei qui prohibuit, vel celatus fuit, quia nec potest negari quin aliquid vi aut clam factum sit, Sed tamen exceptio competit, quoniam vicium illud quod prius contractum fuerat violentiæ aut clandestinitatis, vt loquuntur, purgatum fuit per subsequentem permissionem, Quo casu non potest habere locum quod dictum est sufficere quod ab initio vis facta sit vt facta perseveret, Siquidem perseverare non potest quæ purgata est, Et tamen cùm ea purgatio nequeat facere quin competat interdictum, non magis quàm vt falsum sit vim ab initio factam esse quæ reuera facta fuit, necessaria exceptio est ad elidendam vim & potestatem interdicti. Estque is sanè singularis casus in quo aduersus id quod vi aut clam factum est, se tueri quis iusta exceptione potest. Dummodò is qui ex post facto permisit, ius habuerit permittendi, puta si dominus fuerit, vel tutor, vel curator, pupilli, furiosi, prodigi vel adolescentis, Non etiam si curator reipublicæ: quippe cui locorum publicorum procurator quidè & administratio data est, sed concessio data non est, vt sequitur apud Vlpianum. At alia exceptio illa de qua nunc tractamus *ex d. §. bellissime*, in eo dissimilis est quod non necessaria, sed utilis tantum dici potest. Cur verò nō necessaria? Quoniā si demolitus fuero vi aut clā illud ipsum quod tu vi, aut clā ædificaveras, & tu aduersus me experiaris interdicto Quod vi aut clam, Possum ego vicissim eod. interdicto contra te experiri, atq; ita assequi vt nisi remittas mihi vt absoluar, cōdēneris in omne id quod mea interest quasi tu rē

non restituas quæ ex verbis interdicti restitui omnino debet *d. l. vlt. §. si ad in-
nuam eod. tit.* Cur ergo vilis dandâq; hæc exceptio, si nō sit necessaria? Nā quæ-
admodum de bello quidam scriptit, Neq; pium, neque iustum bellum esse posse
nisi quod sit necessarium: Ita neque videtur vlla exceptio esse iusta aduersus id
quod vi aut clam factum est, nisi si quando necessaria sit, vt in *d. §. sed si permise-
rit*, id est cū ex postfacto permissum est id fieri quod ab initio fuerat vi aut
clam factum. Respondeo, Cui damus actionem aut interdictū, multò magis dā-
dam esse exceptionem, siue aduersus actionem, siue aduersus interdictū, si aut
actione aut interdicto conueniatur, quemadmodum idem Vlp. noster ratioci-
natur in *l. t. §. si autem De superfic.* iuncta regula iuris. Proinde fieri non posse vt
iusta non sit exceptio quæ datur ei cui etiam actio aut interdictū si peteret, ac-
commodari posset & deberet, Nec quicquam interest aduersarij an actionis vel
interdicti potestate, an exceptionis appolitz æquitate condemnnetur, cū om-
nino modo sit condemnandus. Cæterum illud semperteneudum est quod initio
præfati sumus, obijci hanc exceptionem debere ab eo qui conuenitur, non autē
poni à prætore in formula interdicti, Vt neque verbis edicti vlla proposita est.
Idq; he verba etiam ipsa demonstrant quibus exceptionem hanc concipit Vlp-
ianus in *dist. §. bellisimè, Quod non tu vi aut clam feceris*, itēque Venuleius in
dist. §. si ad innuam si non vi nec clam nec precario feceris. Nam cū verba edicti
& interdicti sint directa in personam eius qui vi aut clam fecisse dicitur [aire-
nium Prætor *Quod vi aut clam factum est qua de re agitur*, id cū experiundi po-
teestas est, restitui *l. i. in princip. eod.*] debuisset exceptio à Prætore concipi in ter-
tiam personam eius qui interdicto experietur, Qua de causa magis miror quod
apud Vlp. in *d. §. bellisimè* postquā dixit exceptionem hanc aduersus interdictū,
Quod vi aut clam profuturam, additum video in hæc verba *quod nō aliter
procedere debet nisi ex magna & satis necessaria causa, Alioquin hac omnia officio
iudicis celebrari oportet*. Nā si huiusmodi exceptionis dāda ratio illa & æquitas
subest, quod is cui datur etiā interdicto experiri ipse posset si mallet, nihil certē
causæ est cur in ea admittenda tardior esse prætor debeat, qui nec interdictum
ipsum denegare posset aduersus eum, qui primus vi aut clā fecisset, *d. §. si ad in-
nuam*. Si enim dicas hunc qui posterior vi aut clā fecit debuisse ius suum exequi
per interdictū nō iniuriā cōminisci faciēdo propria autoritate vi aut clā quod
per Prætorē ipsum facere debuit, Replicabit ille idem posse obijci ac multò ius-
tius ei qui nulla laceratus iniuria, primus fecit vi aut clā. Is. n. etiāsi ius faciendi
habuisset, ius illud suum tueri debuit, non iniuriā cōminisci, vt scripsi est in *d. l.
x. §. t. eod.* Itaq; vel neutri dandū est interdictū, vel neutri denegandū. In quo sa-
nè hoc interdictū differt ab interdicto Vnde vi, vt benè Accurs. sentit ex *l. 3. §.
enim igitur, & l. qui possessionem 17. D. ill. tit. Vnde vi l. si quis ad se fundum 7. C. eod.*
à Bartolo malè notatus, Nempe quia interdictum illud non ad quamlibet vim
pertinet, sed à latrocem tantū, quæ maioris tumultus occasionem præbere
posset, & quam ideo prorsus vindicari reipublicæ interest. Quod non similiter
de interdicto Quod vi aut clam dici potest. Quod si omnino dandum est inter-
dictum ei qui posterior vi aut clam fecit aduersus eum qui primus eandem ini-
uriā commentus est, quidni etiam omni casu licebit ei exceptionem obijci-
re? Aut cur non idem adhibebimus temperamentum si interdicto experiri ma-
lit is qui conuenitur, quā ope exceptionis. Vt scilicet non nisi ex magna & sa-
tis necessaria causa permittatur ei impetrare interdictū. Si enim iure suo ce-
cidisse videri debet ob id quia per seipsum fecerit, quod per iudicem facien-
dum.

dum fuit, non magis ei permittendum est ut interdicto uti possit quàm ut exceptione. Imò tantò minùs, quantò facilius est, ut exceptiones petentibus dentur, quàm ut actiones vel interdicta. Ideoque nimirum neutro casu temperamentum hoc adhibet Venuleius in *dist. 9. si ad ianuam*. sed electionem liberam dat conuento, ut vel interdictum exerceat vel obiciat exceptionem. Et sanè quisquis in Tribonianis observandis vel mediocriter fuerit versatus, facilè in supradicta clausula inanimè agnosceret Triboniani, Maxime verò in verbis illis, *Nisi ex magna & satis necessaria causa*. Item in illis, *Officio iudicis*. Est enim solenne Triboniano pro Pratore aliòve maiore magistratu quolibet substituere nomen *iudicis*: respicienti nimirum ad ius novum quod Dioclet. & Maximian. induxerunt in *leg. 2. de pedan. iudic.* ut magistratus ipsi de quibus causis antè iudices dabant, cogantur ipsi per se cognoscere nec iudices dare possint. Cùm tamen prudentes nostri solerent ius dicentes à iudicantibus & iudicibus distinguere, nec sub iudicum appellatione alios intelligere quàm pedaneos à Pratore aut alio magistratu datos, Ut constat ex *tot. tit. De iudic.* & à nobis iam sæpius observatum est. Sed fiet apertior, & incisiva, & manius Triboniani ex iis quæ sequenti capite dicenda supersunt circa aliam exceptionem, de qua in *dist. leg. si alius. 7. §. est & alia exceptio eodem tit. Quod vi aut clam.*

ERROR QUINTVS.

De distinctione posita in l. si alius 7. §. est & alia exceptio eod. tit. Quod vi aut clam, & de illius loci emendatione.

NAE e una est ex quatuor illis exceptionibus, quas Accursius noster, ut suprà retulimus, contra interdictum Quod vi aut clā, obici posse adnotavit: Nec immeritò, ut videtur, cùm hoc ipsum diserte scriptū sit in *d. l. si alius 7. §. est & alia exceptio eod. tit. Quod vi aut clam.* Vbi Vlpianus postquàm ex Iuliano scripsit in §. præcedente, Aduersus interdictum Quod vi aut clam posse exceptionē illam prodesse *Si non tu vi aut clā feceris*, subiungit esse & aliam exceptionē de qua Celsus dubitat an sit obicienda, Ut puta si arcendi incendij causa vicini ædes interciderint, & Quod vi aut clam mecum agatur, aut damni iniuria. Celsus enim [sic lego ex præcedentibus non ut vulgo Gallus] dubitat inquit Vlpianus an excipi oporteret [ita namque legendum est non ut Florent. effici.] *Quod incendij defendendi causa factum non sit.* Respondet verò ad illam siue Celsi, siue Galli dubitationem, non ex Cello aut ex Gallo, sed ex Servio, adhibita huiusmodi distinctione, Si magistratus hoc fecisset, dandam ei exceptionem, Sed privato non esse idem concedendum. Quæ tamen distinctio, cuiuscunque tandem illa sit, non videtur mihi posse subsistere. Prior siquidem eius pars supponit posse fieri ut magistratus qui arcendi incendij causa ædes alienas, siue prohibitus à domino, siue ante denunciationem ei factam intercidit, conveniri ex ea causa possit interdicto Quod vi aut clam. Alioqui quomodo posset ei competere, vel dari exceptio, qui non prius conveniretur? Idque ipsa etiam quæstionis verba probant, quæ sic habent & *Quod vi aut clam mecum agatur.* Atqui falsissimum illud est, nec villo casu potest evenire, ut concurrat utrumque in persona

aut clam, neque Aquilia lege de damno iniuria dato conveniri possit, ob id quod alienas ædes incendiij arcendi causa interciderit, si iure potestatis non iniuriæ inferendæ animo id fecerit, Vel convenus siue interdicto illo, siue actione legis Aquiliæ damni iniuriæ, ob id quod suo magistratu abusi voluerit ad comminiscendam iniuriam, non alia exceptione sit adiuvandus, quàm quæ privatio concederetur, Vt verò in eadem facti specie & interdicto teneatur, & exceptione illa adiuvetur, *Quod arcendi incendiij causa factum non sit*, nullo modo, nullòque casu fieri cerie potest. Quid ergo sibi vult Vlpianus aut Servius cum sua illa distinctione? Nihil planè, quod ad iuris siue civilis, siue prætorij rationem accommodari possit. Ob idque cogor dicere Triboniano potius quàm Vlpiano aut Servio adscribi oportere, non quidem distinctionem illam quæ si per se accipiat, verissima sanè & æquissima est, sed quod distinctio illa accommodata sit ad propositam quæstionem, quod nisi per absurdum & inconcinne fieri non potuit. Quæsitum erat, ut suspicor, apud Servium, An incendiij arcendi causa liceret vicinas ædes demoliri, Nihil verò additum aut De interdicto Quod vi aut clam, aut de exceptione adversus interdictum illud danda. Responderat autem Servius & rectè, Adhibendam esse distinctionem, An magistratus id fecisset, an privatus, Magistratui permittendum id esse quem iure potestatis non ad iniuriam id facturum esse credibile sit, Privato non idem esse concedendum, ne occasio maioris tumultus detur si concedatur singulis id facere quod potius per magistratum fieri publicè possit & debeat *leg. non est singulis 176. de reg. iur.* Cum verò ita scripsisset Servius, putavi bonus noster Tribonianus, posse ex ea distinctione sumi occasionem novæ quæstionis proponendæ, & distinctionis veteris ad novam quæstionem aptandæ: qui mos ei familiarissimus est. Itaque proposita quæstione, An adversus interdictum Quod vi aut clam, aut actionem damni iniuriæ obici possit exceptio illa. *Quod arcendi incendiij causa factum non sit*, respondet adhibita supradicta distinctione, Nec animadvertis locum distinctioni esse non posse, ad causam exceptionis, sed tantum ad causam actionis, Id est si queratur an possit quis ob id conveniri, quod incendiij arcendi causa ædes alienas interciderit, Non etiam si queratur, quomodo in proposita specie queritur, An ex ea causa conuenio exceptio danda sit. Exceptio enim præsupponit actionem aut interdicti speciem aliquam competentem, quam tamen defensionis æquitate infringi & elidi iustum sit. Atqui in persona magistratus nihil tale potest occurrere, quia vel actio contra eum nulla competit, nullumque interdictum, Vel æquitas nulla subest quæ illi favendum suadeat nisi quomodo etiam privato faueretur. Planè in privato quoque distinctio aliqua adhibenda est, nec omnimodo condemnandus ille si arcendi incendiij gratia ædes vicini propria autoritate interciderit. Distingvendum enim est, ut sequitur apud Vlpianum, An is qui sic fecit, & quidem vi aut clam [alioqui de interdicto illo tractandum nihil esset] id fecerit arcendi eius incendiij causa quod ad ædes usque intercisas non peruenerit, An verò eius arcendi quod eò usque pervenerit. Priore casu placet simpli æstimandam esse licentiam, quia parcendum est aliquatenus ei qui iusto metu perculsus non per iniuriam fecit: Nō tamē ut omnino absolvaatur, quia damnum ab eo datum esse negari non pōt. Posteriore verò absolvi reū oportere ait Vlp. ex Servio, & hoc quoque rectè. Nā vi subiicitur nullā iniuriam aut damnum dedisse hic videtur æquè perituris ædibus. Quid enim domini

interest an incendio peritura fuerint, an ob id perierint, quod sint interdicta? *l. 4. §. 1. de incend. ruin. naufr. l. ultim. §. si ea ad leg. Rhod. de iact.* Sed hic quoque mihi rursus suspectus est Tribonianus, ob vericulum illum interdictum, *Idem ait esse si damni iniuria actum fuerit*, Nam præter id quod de actione damni iniuria non minus quam de interdicto Quod vi aut clam, proposita quaestio erat iis verbis, & quod vi aut clam mecum agatur, aut damni iniuria, Vt proinde adhibita in responsione distinctio ad utramque quaestionis partem referri debuerit, Apparet etiam ex ipsis verbis distinctionis, magis eam pertinere ad actionem damni iniuriae, quam ad interdictum Quod vi aut clam. Quorsum enim verba illa *simplici litem aestimandam* nisi ad excludendam dupli condemnationem? Quis verò nunquam dixit vel audire, Ex causa interdicti Quod vi aut clam teneri quem in duplum? Imò verò interdicti verba non loquuntur nisi de opere restituendo quod vi aut clam factum sit *d. l. 1. in princip.* quorum verborum effectus & sensus ille est, ut si opus non restituatur, præstandum sit auctori quanti eius interest *l. 1. qui in puteum 11. §. si fundus l. ultim. §. si ad iannam, & pass. eod. tit. l. si vi me deieceris 15. D. unde vi.* Eius autem quod interest appellatione, duplum contineri nemo dixerit, sed simplum duntaxat *leg. 1. D. de action. empt. leg. in interdicto 6. D. unde vi.* At damni iniuriae actio, quæ legis Aquiliæ actio esse regulariter & sui iura datur ad duplum, nisi si quando æquitas faciat vt simplo contenta esse debeat, *§. in duplum agimus Institut. de action.* Et cum quoque cum non in duplum datur, sed quanti plurimum eo anno res fuerit, plerumque tamen ultra damnum lis æstimatur, Vnde fit vt non transeat contra heredem, tanquam quæ pœnalis censeatur *§. his autem verbis. Institut. de leg. Aquil.* Dices, Neque interdictum Quod vi aut clam, dari contra heredem ceterosque successores, nisi de eo quod ad ipsos peruenit *leg. semper 15. §. hoc interdictum D. quod vi aut clam.* Ergo habendum etiam illud esse pro pœnali, nec proinde quicquam inter actionem legis Aquiliæ & hoc interdictum interesse. Sed facilis responsio est, Esse quidem hoc interdictum pœnale, at non ex parte auctoris cum sit reparatorium nec nisi rei restitutionem, & eius quod reuera interest persecutionem contineat *dist. leg. 1. in princip.* Sed ex parte illius qui vi aut clam fecisse probatur, quia propositum fuit vt occurreretur eorum calliditati qui cum ius suum tueri tantum deberent, maluerunt iniuriam comminisci *dist. leg. 1. §. 1.* Itaque cum factum puniat, & in dolum aduersarij concipiatur, non potest dari contra heredem eo modo quo contra defunctum dari potuisset, Ex *reg. leg. huius 9. §. 1. D. quod fals. tutor. auctor.* At legis Aquiliæ actio pœnalis est etiam ex parte auctoris, quoniam in ea plerumque, vt diximus, lis ultra damnum æstimatur, id est ultra simplum, quod in interdicto Quod vi aut clam nunquam contingit. Proinde satendum est non tam ad interdictum illud quam ad actionem damni iniuriae referendum esse quod Seruius dicebat. Si quid vi aut clam factum fuisset ab eo qui alienas ædes incendij arcendi causa intercidisset, nec ignis usque eo peruenisset simpli tantum æstimandam litem esse, Et consequenter non tantum supervacue, sed etiam ineptè subiectum fuisse vericulum illum quem nos tollimus, *Idem ait esse si damni iniuria actum sit.* Enimverò quid Tribonianum mouere potuit, vt verba illa adderet? Vnum illud, vt puto, quod in ratione subiecta ex Servio & damni fit mentio & iniuriae: Quasi in interdicto Quod vi aut clam, neque de damno, neque de iniuria quaeratur, In quo si Tribonianus ita sensit, turpiter hallucinatus est. Non enim datur interdictum illud alij quam ei qui damnum passus sit, nec sufficit vi aut clam factum esse

esse dict. l. si alius §. plane, ubi dicitur, Si quid agri colendi causa factum sit, interdictum Quod vi aut clam locum non habere si melior causa facta sit agri, quamvis prohibitus quis vi aut clam fecerit. De iniuria verò iam sæpius diximus, animum comminiscendæ iniuriæ necessarîo intervenire debere, ut interdicto locus esse possit, Ex dict. l. i. §. i. eod. Qui porro animus in eo non est qui arcendi tantum incendij causa ædes vicini intercidit: Quamvis non eo minus damnum faciat si non eò usque ignis pervenerit, & quidem per iniuriam cum iniuria sit quicquid non iure sit licet affectus iniuriandi desit. In eoque iniuria differt à furto quod sine affectu furandi non committitur. Itaque vix est ut interdicto Quod vi aut clam teneatur etiam priuatus qui nullo animo inferendæ iniuriæ intercidit ædes vicini ut à suis ignem arceret, Vel saltem hic singularis casus est, quo interdictum habeat locum aduersus eum qui iniuriam comminisci noluerit. Nihil ergo est quod Triboniani factum, & infcitiam excusare queat. Nec proinde est quod quis ex eo loco nobis obiciat exceptiones quæ aduersus interdictum opponuntur, dari à Prætorè ob id quod scriptum sit *dandam exceptionem esse* cum Triboniani sit nō Vlpiani quicquid in eo §. scriptum est. Quod & prima illa verba indicat *Est & alia exceptio de qua Celsus dubitat an sit obicienda*. Ita namque scripsit Tribonianus valde inproprie, dixitque obiciendam exceptionem pro eo quod dicere voluit obici eam posse. Non enim positum est in necessitate, sed in facultate & voluntate eius cui exceptio competit an ea uti velit necne *l. penult. Cod. de pact.* Qui autem dicit obiciendam esse exceptionem, demonstrat necessitatem quandam potius quàm facultatem & potestatem eius obiciendæ: Eademque improprietas est in sequentibus, illis verbis *an excipi oporteret*, pro eo quod Vlpianus haud dubiè scripsisset *an excipi posset ut in dict. l. i. §. denique eod.* Sanè quod sequitur in eo §. verissimum est, nec ullam dubitationem habet. Si nullo incendio vicini ædes demolitus sis, & postea incendium exortum fuerit, non idem esse dicendum quod in præcedente casu, Ut absolui te oporteat si ad eas usque ædes ignis pervenerit, Quasi perinde hoc casu nullum damnum dedisse videaris æque perituris ædibus. Nam ut rectè Labeo dicebat, non ex postfacto, sed ex præseni statu inspicere oportet an factum sit damnum necne, Sufficitque ad condemnandum te ex causa interdicti ut culpa tua præcesserit, & quidem eo tempore, quo ex illa culpa damnum vicino illatum sit *d. l. si vi me deieceris* 15. *D. unde vi*, nec superveniens casus culpam præcedentem delere potest aut excusare. Accursius Tribonianus inosistens non observavit, nec difficultates illas quæ ex iis nascuntur, Aut si vidit, certè dissimulavit: Sicut & Bartolus cæterique omnes qui ad hunc §. scripserunt.

ERROR SEXTVS.

De actione præscriptis verbis ei competere qui rem aliquam concessit precario.



Von Paulus scripsit in *l. interdictum* 14. *D. de præc.* Interdictum de precariis merito introductum esse, quia nulla eo nomine civilis actio esset, magisque ad donationis & beneficii quàm ad negotij contracti causam spectet precarij conditio, Pugnare videtur cum eo quod Vlp.

scriptum esset nullam precarij causa actionem iure civili comparatam esse, Ergo neque innominatam, neque nominatam. Id verò fit euidentiùs si Pauli sententiam & mentem inspiciamus. Voluit enim rationem reddere cur interdìctum De precariis à Prætore introductum sit. Et rationem petere ex necessitate, quemadmodum & ab Ulpiano factum est *in dist. leg. cum quis* 11 14. §. *si qui precario D. de furt.* Atqui nulla suberat necessitas introducendi ex hac causa interdìcti, si qua civilis actio iam eo nomine competeat, etiam si nomen aliquod non haberet. Cùm actiones præscriptis verbis quas innominatas nostri nominant, non minoris sint potestatis ad eliciendam condemnationem, & consequendam indemnitàtem, quàm quæ proprium nomen habent. Ac sicuti solemus dicere nihil interesse, an directa quis, an utili actione conueniatur, cùm utraque actio eiusdem potestatis sit, eundemque habeat effectum, ut scriptum est, *in leg. actio* 47. *D. de negot. gest.* Ita nec quicquam interesse potest an quis nominatam actionem exerceat, an verò innominatam, sed quæ non minùs efficax sit, quàm si esset nominata. Sed neque possum videre unde Accursius & cæteri hanc distinctionem actionum hauserint, ut earum alix nominatæ sint, alix innominatæ. Scio non omnes contractus esse nominatos, sed plerosque innominatos, qui ferè omnes ad summa quatuor illa genera referuntur, Do ut des, Do ut facias, Facio ut des, Facio ut facias, De quibus *in leg. naturalis* 5. §. 1. *D. de præscrip. verb.* Nempe quoniam plura sunt negotia quàm vocabula, ut scriptum est *in leg. 4. eod.* Sed actiones aliquas innominatas esse, nunquam legi. An non eundem nomen certum habent & quidem elegans quæ vel præscriptis verbis, vel in factum appellantur? Fateor non habere illas nomen proprium & specificum per quod alix ab aliis invicem distinguantur. Sunt enim ista nomina omnium earum actionum communia, quæ proprium nomen non habent. Sed iam aliud est, Proprium nomen non habere, Aliud verò nullum habere, Nec quod commune nomen est facit ut eo minùs certum sit, & verum, adeòque specificum & distinctum, per quod scilicet actiones istæ ab aliis quas nominatas vocant, distinguantur. Ex quo apparet, quàm diversa ratio sit huiusmodi actionum & contractuum innominatorum. Nam contractus innominati nullum penitus nomen habent, ne quidem quod sit commune, Nisi quòd generali nomine etiam contractus appellantur. Illa siquidem nomina, quæ retulimus, Do ut des, Do ut facias, Facio ut des, Facio ut facias, non tam contractuum nomina sunt quàm negotiorum. Quemadmodum nemo dixerit, *Do quia dedisti* permutationis nomen esse, sed potius modum contrahendi eius negotij quod nos permutationem appellamus. At actiones quæ ex contractibus innominatis profisciscuntur, non solum generale illud nomen actionum retinent sibi cum aliis commune, sed speciali etiam nomine Actiones aut Præscriptis verbis, aut in factum dicuntur, ne quis possit existimare nasci eas ex contractibus nominatis. Denique cùm actiones istæ quas nostri innominatas vocant, non alia de causa proprium nomen nullum habeant, quàm quia nascuntur ex contractibus innominatis, & ex negotiis, quæ nec ipsa proprium ullum nomen habent, Nulla ratio est propter quam dici debeat actionem si qua iure civili nascatur ex precario, innominatam esse, cùm precarium ex quo nascitur tam elegans & proprium habeat nomen, à quo etiam interdìctum De precario nomen sumpsit. Cur non enim perinde licuerit dicere Actionem precarij, aut De precario, quomodo & interdìctum De pro-

cario dicimus, & actionem commodati? Aur cur non saltem actionem præscriptis verbis De precario dicimus quemadmodum solemus dicere Actionem æstimatoriam, aut De æstimato quæ & ipsa præscriptis verbis actio est, *leg. 1. D. de æstim. act.* & actionem præscriptis verbis ex permutacione, De qua *in leg. cum precibus 4. C. de rer. permut.* Nam & hæc duæ Præscriptis verbis actiones in eo differunt à cæteris quæ nullum nisi commune & generale nomen idem habent, Non solum quod habent nomen specialius ex ipsius negotij à quo proficiscuntur nomine constitutum, sed etiam quod bonæ fidei sunt, quia dantur ex negotio civili gesto bona fide, ut scriptum est *in dist. leg. 1. in fin. De æstimat. action.* Cùm tamen cæteræ omnes præscriptis verbis actiones stricti iuris sint, ut apparet ex actionum bonæ fidei enumeratione à Iustiniano facta *in §. actionum. Inst. de action.* ubi inter actiones bonæ fidei, solæ illæ Præscriptis verbis actiones, quas modò retulimus enumerantur. Prætermissa, quod mirum est, hæc ipsa de qua nunc agimus, quæ ob precarium datur: quam tamen bonæ fidei esse, negari nunc iudicio non potest, quod & Accursius noster sensit post Azonem *ad dist. leg. 2. §. penult. de precar.* cùm ex bona fide oriatur, ut eo loco Vlpian. scribit, quod vnum inspicendum est ut sciatur an bonæ fidei sit actio necne, quemadmodum idem Vlpian. ratiocinatur *in dist. leg. 1. in fin. D. de æstimat. act.* Nulla igitur ex tribus Accursij solutionibus & reiponsonibus defendi potest. Videamus verò an subtilius sit & probabilius, quod vir doctissimus Iacobus Cuiacius docuit *libr. 4. Obser. cap. 7.* Actionem hanc præscriptis verbis ei competentem qui precario concessit, non equidem nasci ex negotio gesto, sed tamen nasci ex æquitate, & ex tacito quodam negotio, ut conditiones omnes. *leg. indebiti 15. leg. hac conditio 66. D. de condit. indeb. leg. si & me & Titium 32. in fin. D. de reb. credit.* Quam in sententiam videtur fuisse motus ex eo quod hæc actio præscriptis verbis quæ ex causa precarij competit, conditio appellatur *in dist. leg. duo in solidum 20. in fin. D. de precar.* Sed quod pace tanti viri dictum sit, videtur ille ludere in ambigua conditionis appellatione. Cùm enim eo nomine generaliter sumpto actiones, omnes personales significantur, etiam illes, quibus rem suam plerumque dominus persequitur, ut puta ex causa depositi, commodati, pignoris, & aliarum similes, Specialius verò, ac magis propriè hoc nomine demonstrantur ex actiones quibus repetimus id quod nostrum fuit, nostrum tamen esse summo iure desiit, sed ita ut nobis reddi æquum sit, ut in titulis illis qui sunt, *De variis conditionibus libr. 12. Pandectarum,* De quibus etiam *in leg. videamus 38. in princip. D. de iurr.* Certum est hoc solo posteriore sensu posse dici conditiones esse ex bona fide, Alioquin & ex stipulatu & ex mutuo actiones quas non minus conditiones dici quam personales esse constat, bonæ fidei essent, quas tamen stricti iuris esse nemo negat. Sed neque verum est conditiones quæ sunt repetitiones nasci ex bona fide, cùm in iis nunquam de fide agatur, adeoque competant illæ interdum etiam contra eum cum quo nihil penitus gestum est, ut *in dist. 1. si & me & Titium,* Illud certè verum est dari conditiones istas omnes ex æquitate. Sed non bene ex eo inferas: Dari ergo illas ex bona fide. Latius enim patet æquitatis, quam bonæ fidei nomen. Quicquid ex bona fide est, idem æquum quoque est: At non è converso, quicquid æquum est, idem ex bona fide esse dici potest, siquidem de bona fide vel de perfidia tractari non potest nisi inter consentientes, & quorum uterque vel alter saltem alteri aliquid promiserit, De æqui-

tate verò etiam contra ignoratē nullòque penitus gesto negotio, vt in *d. l. si & me & Titium*, Atquin Vlpianus in *dist. l. 2. §. 1. de precar.* non ait actionem præscriptis verbis quæ datur ex causa precarij nasci ex æquitate sed ex bona fide. Nō igitur accommodata & sufficiens est illa Cuiacij interpretatio, vt perinde sit, ac si scriptum esset nasci eam ex æquitate, & tacito negotio potius quàm ex negotio gesto, Exemplo conditionum quarum nulla nascitur ex bona fide, licet omnes nascantur ex æquitate. Illud verò longè absurdus fuerit, si quis paret hanc præscriptis verbis actionem dictam fuisse à Iuliano conditionem in *d. l. duo in solidum in fin.* eo sensu quasi sit repetitio, & eodem iure censenda quo cæteræ conditiones quæ sunt repetitiones. Cum enim is qui rem suam precario concessit remaneat dominus, Certum est neminem posse hoc sensu rem suam condicere nisi à fure *l. ult. in fin. D. usufr. quemad. caueat. §. sic itaque. Inst. de action.* Quid si dicas non valde differre à fure illum qui rem alienam sibi precario concessam nolit restituere, cum furtum faciat à quo instanti eam incipit contrahere inuito domino, non minùs quàm si ex causa commodati eam teneret, quemadmodum in præcedentibus disputauimus, Replicabo, Fore igitur hanc conditionem furtiuam non præscriptis verbis, Cum tamen Iulianus apertè loquatur de ea conditione non quæ sit furtiua, sed quæ possit etiam dici præscriptis verbis, Quo tamen nomine furtiuam conditionem nemo vnquam vocauit. Sed & de incerti conditione nominatim loquitur Iulianus, Ergo non de conditione furtiua, quæ semper certi conditio est *leg. certi conditio §. 1. D. de reb. credit.* Sicut & alia conditio quælibet certi conditio esset, per quam certa res precario concessa repeteretur *dist. l. certi conditio in princ.* Cum igitur de incerti tantum conditione Iulianus senserit, non potest de ea conditione intelligi per quam res ipsa precario concessa petatur & repetatur. Imò verò dicendum potius est, Incerti conditionem ideò dictam à Iuliano quòd non detur nisi ad id quod interest concedentis, Quod ipsum semper incertum est, quia quatenus cuiusque intersit in facto, non in iure consistit, vt habet iuris regula *leg. quatenus 24. de reg. iur. leg. ult. D. de prætor. stipulat.* Indeque nimirum petenda est, ni fallor, conciliatio quam nos querimus Pauli, cum Vlpiano. Nam quod Paulus scribit ideò fuisse propositum à Prætorè interdictum De precario, quòd nulla iure ciuili actio esset eo nomine, ita sanè accipi debet, vt actio nulla sit iure ciuili comparata ad eum ipsum finem, ad quem comparatum est interdictum De precario, id est ad auocandam rei precariæ possessionem. Nam quæ datur præscriptis verbis actio, non ad rei ipsius precario concessæ, sed ad eius quod interest persecutionem respicit, ideòque incerti conditio dicitur non certi, Potest autem fieri vt qui rem precario concessit, eam habere malit, quàm quod sua interest consequi: Æquissimum igitur fuit adeoque necessarium dare illi interdictum quod eiusmodi actionis deficientis vice esset. Exemplo eius quod scriptum est in *leg. 1. D. commun. diuid.* fuisse necessariam actionem Comuni diuidendo etiam inter socios, quòd actio Pro socio magis ad præstationes personales comparata sit, quàm ad rerum communium diuisionem. Dices, competiisse ex ea causa vindicationem ei qui precario dedisset, tanquam alij domino cuiilibet, quod & alius ille Pauli seneniarum locus probat, sumptus ex *lib. 5. Tit. 6.* quem nos in superioribus explicauimus, Per quam actionis speciem perinde auocatur possessio atque per interdictum, Hac solà differentia quod auocatur iure dominiij *leg. qui petitorio §8. D. de*

rei vindic. Sed nemo nescit quàm incommoda sit rei vindicatio quæ scilicet exigat certam & concludentem dominij probationem, Ea verò difficillima plenique est *l. i. qui destituit 24. eod. §. commodum Inst. de interd.* Deinde quid si rem alienam precario quis concesserit? Nam & hoc fieri posse docuimus in precedentibus, *Ex l. sed et si 7. D. de precar.* Nemo utique dixerit competere hoc casu vindicationem, Nec eo minus tamen interesse illius qui dedit, ut rem ipsam recuperet potius quàm pecuniam pro taxatione eius quod sua interest, Vel ob hoc saltem ut ipsam quoque rem possit restituere domino à quo fortè illam habet. Non igitur potuit sufficere vindicatio ei qui siue suam, siue alienam rem precario dedisset, Non magis quàm actio præscriptis verbis, quæ non datur nisi ad id quod interest. Proinde necessarium fuit interdictum De precariis quod actionis civilis defectum suppleret, ad rem ipsam recuperandam, & cuius beneficio tantundem consequeretur actor, quantum commodator à commodatario per actionem commodati: Ex quo etiam moveor ut addam quod nescio an adhuc quisquam dixerit, In hoc interdicto De precario, si res non restitutor permittendum ei esse qui precario dedit ut iuret in litem, Perinde atque permittitur iurare in actione commodati & depositi & similibus bonæ fidei iudiciis, quoties ab eo, qui rei dominus est exercentur *leg. 3. §. in hac D. commod. l. in actionibus 5. D. de in lit. iur. l. 1. §. in depositi 26. & l. ei apud quem 5. D. depositi.* Nempe quia licet in cæteris interdictis generaliter verum sit, in litem nunquam iurari, ut nos pluribus ostendimus, aduersus omnium interpretum & ipsius quoque Triboniani sententiam *lib. 16. Coniectur. cap. ultim.* hoc tamen interdictum de precario specialem quandam naturam habere videtur, tam differentem à cæteris, quàm similis illa est actioni commodati, perinde atque precarium commodato simile est *l. 1. D. de prec.* Nam ut in actione commodati, sic & in hoc interdicto De precario agitur de fide rupta, Et quemadmodum qui rem suam commodauit si agat commodati rem suam persequitur licet actione in personam, Ita & qui experiatur interdicto de precatio, Nec magis æquum est ut qui precario rem suam dedit cogatur eam iusto precio vendere, quod tamen eueniret, si pro re cogereetur accipere in pecunia quanti sua interesset, quàm ut is qui rem suam vel commodauit, vel deposuit, Scilicet cum dolus interuenit, aut saltem lata culpa eius qui conuenitur, Quomodo necesse est alterutrum interuenire ut fieri possit locus interdicto De precario *l. quasitum 8. §. illud adnotatur & §. v. generaliter eod. tit. De precar.* Hæc verò omnia sunt quæ necessaria existimantur ut iusiurandum in litem deferri possit, & debeat *d. l. in actionibus 5. de in lit. iur. d. l. ei apud quem 5. Deposit. l. non enim 9. D. rer. amot. l. nec quasi 70. cum duabus preced. iunct. l. seq. D. de rei vindic.* Quidni ergo in hoc interdicto De precario perinde iurabitur in litem, atque in actione commodati? Aut cur deterior eius condicio erit qui rem suam precario dedit quàm qui commodauit, cum maiore usus sit liberalitate? Aut cur inelior causa illius, qui dolo malo recusat rem acceptam precario reddere, quàm si commodato accepisset? Cæterorum interdictorum longè dissimilis ratio est, In quibus scilicet nunquam agitur de fide rupta, adeoque nec de re ipsa, sed de sola possessione, & de eo quod actoris interesse potest ratione possessionis tantum: Deducto in condemnationem non quanti res ipsa est, sed quanti possessio sola rei, ut probauimus in *d. c. ult. ex l. 3. §. ult. D. uti possidet. l. in interd. Ho 6. D. unde vi.* Planè in actione Præscriptis verbis quæ ex precarij causa datur, licet ex bona fide oriatur, & contra eum competat qui fidem rupit, Nemo tamen dixerit iurari debere in litem, quia per eam actor non rei suæ restitu-

stitutio-

stitutionem persequitur, sed rectè & immediatè quanti sua interest, Quod quoniam semper æstimatur pecunia in quam non cadit adfectio, nec iurari eo nomine in litem potest l. 3. *D. de in litem iur.*

ERROR SEPTIMVS.

De habitationis gratuita precario & commodato.



OMPONIUS scribit in l. 6. *habet* 15. §. 1. *D. de precar.* Hospites & eos qui gratuitam habitationem accipiunt, non intelligi precario habitare. Quod tamen quem sensum quàmve rationem habeat nō facile est ex interpretum commentariis intelligere. Accursius enim quem Bartolus & ceteri omnes sequuntur, ut solent, quoniam nec ferè vaquam melius aliquid habent quod dicant, hospitem appellatione duo genera hominum significari ait: Vnum eorum qui in aliena domo habitant titulo conducti, qui & *inquilini* magis proprio & speciali nomine vocantur, Alterum eorum qui ad cauponā diuertunt, & à cauponibus recipiuntur, gratuito quidem, quantum ad habitationem, inquit, sed interueniente pecunia pro comestibilibus & lecto. Vtroque porro sensu negat Accursius hospites precario habitare, Inquilinos quidem, quoniam possident ex titulo conductio- nis, qui multum distat à precario, cum nisi pecunia & mercede interveniente conductio nulla sit, Precarium verò gratuitū esse debeat, Eos verò qui in caupona recipiuntur, quia licet nihil pro habitatione pendere intelligatur, ut proinde videri quodammodo possint gratuitam eam habere, non tamen idè recipiuntur ut in ea habitent, sed potius ut victum & somnum capiant, magisque in domo detineri, quàm domum detinere credendi sunt. Eos verò quibus habitatio gratuita expressim concessa sit, qui hospitem appellatione neutro sensu continentur, & quorum tamen æquè mentio fit à Pomponio, ut nō magis quàm hospites precario habitare videantur, Idem Accursius ait, idè non habere precariam habitationem, quod commodati potius titulo habitationem teneat, ob idque commodati etiam actione teneantur, ex l. 1. §. 1. *in fin. D. commod.* vbi tamen nihil aliud scriptum est nisi quod Vlpianus refert Viuium scripsisse, non tantum res soli & immobiles perinde ac mobiles, sed etiam habitationem commodari posse. Ex quo sanè, ut expediatur, non possum videre qua ratione Accursius inferat quod probare vult, Habitationem gratuitam precario dari nō posse, Alioqui eodem argumentandi genere probaverit, neque res mobiles, neque soli precario dari posse, quia tam has quàm illas commodari posse, eodem loco Vlpianus scribit. Quasi verò aliquid obstat quon inus ea quæ commodari possunt, etiam precario dari queant: Cum tamen in cæteris ferè omnibus precarium sit simile commodato leg. 1. *D. de precar.* Plus puto, latius patere precarij quàm commodari causam, ita ut quicquid commodari potest, idem & precario dari possit, at non è conuerso commodari possint omnia quæ precario concedi possunt. Nam & ea quæ in iure consistunt precario dari posse constat d. l. 6. *habet* 15. §. *precario.* Cum precario habere videatur quisquis possessionem alicuius siue corporis, siue iuris adeptus est ex hac solummodò causâ, quod preces adhibuerit, & impetrauerit ut sibi possidere, aut uti liceret, Veluti si me precario rogaueris ut per fundum meum ire vel agere tibi liceat, Vel ut in tectam aut in

aream ædium mearum stillicidium, vel tignum in parietem immissum habeas *l.2. §. ult. c. l.3. eod.* Quæ tamē omnia nullibi scriptum reperias commodari posse: Cūmq; inter ipsos quoque veteres prudētes dubitatum sit, An commodari possint res soli, Labeone id negante, Cassio verò cuius sententia prævaluit, cōtrā adfirmante *dist. l.1. §.1. commod.* Quis credat consensisse omnes illos in eo, ut etiam iura commodari possint? In quibus nimirum longē maior ratio quā in rebus soli & immobilibus facere videbatur ne commodari possint. Cū enim commodatum ex eo sit genere cōtractuum qui re perficiuntur *l.1. §. is quoque cui D. de oblig. & action.* id est rei traditione, tradi autem iura & res incorporales non possunt quia nec tangi possunt *l.1. §. ult. D. de rer. diuis.* consequens certē est ut in iis quæ consistunt in iure, consistere commodatum non possit, Præsertim verò si de iis agamus quæ per concessionem ita incipiant iure subsistere, ut antea nullomodo essent in rerum natura, Quemadmodum evenit in exemplis illis quæ retulimus ex *leg.3. De precar.* Nam cū tibi concedo ut per fundum meum ire agere tibi liceat non animo constituendæ servitutis, sed temporariæ liberalitatis erga te exercendæ gratia, Aut ut stillicidium in tectum, vel in aream ædium mearum, aut tignum tuum in parietem meum immissum habeas, Sunt hæc omnia eiusmodi ut tamdiu duntaxat iure subsistant, quādiu durat concessio, Et sicuti ante concessionem non erant in rerum natura, Ita & reuocata vel finita concessione in rerum natura esse desinant, Finito quippe iure cuius solius potestate subsistebant. Quomodo igitur fieri potest ut commodari possint? Siquidem commodati natura & condicio præcipua illa est ut finito comodato eam ipsam rem quæ commodata fuit, restitui oporteat *dist. §. is quoque cui*, Itēque ut durante comodato & possessionem & proprietatem rei commodatæ retineat is, qui commodavit *leg. rei commodata 6. D. commod.* Quomodo autem fieri potest ut commodatori reddatur id quod ipse ante commodatum nunquam habuerit? Aut ut penes commodatorem remaneat & proprietas & possessio illius iuris quod ante concessionem nullum fuerit, quodque tale sit ut concessione finita rursus necesse sit evanescere? At precariū dari hæc omnia possunt, quia ad precarij constitutionem nihil aliud requiritur, nisi ut ex parte accipientis, preces interueniant, Ex parte verò concedentis ut liberalitatem aliquam exercere velit in accipientem, tamdiu duraturam quādiu non fuerit reuocata *dist. l.2. §. ultim.* Quid verò interest, quantum ad liberalitatem exercendam pertinet, an concedam tibi uti ea re quæ iam antea fuerit mea, An eo iure quod nec meum adhuc fuerit, nec tuum? & quod reuocata liberalitate nec tuum, nec meum futurum sit? Sufficit verò ad constituendum precarium, ut utilitatem aliquam & commodum adferre possit accipienti, siue usus, siue possessionis alicuius: nec aliud quicquam exigitur, In quo manifestè differt à comodato. Sicut & in eo quod cū nullomodo possideat commodatarius, si de vera possessione intelligas quæ distincta sit ab aliena, ut vocant, detentatione *l. officium 9. in fin. D. de rei vindicat.* Is tamen qui precariū rogauit, verè possidet si modò rogauit ut non ut in possessione tantum esset, aut moraretur, sed ut possideret, Siquidem id ipsum ei concessum intelligitur, quod rogauit sibi concedi *leg. si quis ante 10. §.1. D. de acquir. poss. iunct. leg. 4. §.1. leg. certē 6. §. is qui rogauit, & dist. l. & habet 15. §. eum qui D. de precar.* Quod etiam pertinet videtur, quod saulenus in *l. interdum 21. D. de acquir. poss.* postquam dixit, Interdum eius rei possessionem cuius ipsi non habemus alij tradere nos posse, subiicit enim exemplum, non in comodato, de quo tamen solo

lege præcedenti actum fuerat, sed in precario *veluti*, inquit, *cum à qui pro herede rem possidebat antequàm dominus fieret, precario ab herede eam rogavit.* Nec enim idem exemplum ad rem commodatam aptari posset, quia cuius rei possessionem non habeo, eam rem tibi commodare, & ex ea causa tradere non possum. Heredem porro certum est; non prius possidere res hereditarias, quàm corporalem earum possessionem nactus sit. *Cum heredes 23 eod. tit.* At precario concedere quis potest etiam id quod non habeat, penes se, si modò tale sit, cuius possessionem adprehendere possit si id mallet, Adeoque id quod nec habeat ipse nec habere vnquam possit, si modò ex eius voluntate commodum ex eo aliquod accipienti acquiri possit, vt in exemplis illis quæ attulimus, de seruitute precario constituta. Nemo enim rei suæ seruitutem aut habet aut habere potest, cum nemini res sua seruiat, nec seruire possit *in re communis 26. D. urban. præd. l. vii frui 5. D. si usus fr. pot.* Indèq; videtur dubitandi causa prudètib; antiquis nata fuisse, cur non omnes consenserint vt habitatio commodari posset: Cum habitationem pro seruitute personali haberent, quæ vsui esset *si. illi. ma l. si quis vnus 32. D. de usufr. l. si habitatio 10. D. de usu & habu.* Certum autem esset alias seruitutes neque commodari si iam constitutæ sint, neque comodato constitui posse quamuis possint precario constitui, non etiam quæ iam constitutæ sunt, dari precario, Vt disputauimus *lib. 19. Coniect. c. 7.* Et verò quamuis Viuianus in ea fuerit sententia vt credere habitationem commodari posse, ad id fortasse respiciens, quòd habitatio in facto magis quàm in iure consistere videatur, vt scriptum est *in l. penult. D. de capir. minui.* Eam tamen sententiam non omnibus prudentibus placuisse ex eodem ipso Vlpiano intelligimus, qui licet supradictam Viuiani opinionem referat *in dist. l. i. §. s. commod. & in l. si gratuitam 17. in princip. D. de præscr. verb.* quæ sumpta est ex eodem Vlpiani libro 28. ad Sabinum, Non tamen probat quod idem Viuianus putabat, Vt qui habitationem gratuitam alicui dedit, commodari eo nomine agere possit, Sed tutius esse ait vt præscriptis verbis hoc casu agatur *in dist. l. si gratuitam,* Ad effugiendum scilicet periculum malè institutæ, et cæquæ actionis, Cum non constaret inter prudentes an habitatio esset ex earum rerum genere, quæ commodari possent: Verum enim illud est nec ab Vlpiano, aut alio vllò improbatum quod Labeo dicebat, Inter vtendum datum, & commodatum tantum interesse quantum inter genus, & speciem, Vt non quicquid vtendum dari potest, idèd commodari possit, quamuis è contrario quicquid commodari hoc ipso vtendum deur: Quo exemplo si quis dixerit Inter vtendum datum & precarium tantundem interesse, is certè, iudicio meo non errauerit: Latiùs siquidem patet vtendum datum tanquam genus, quàm precarium, cum veluti suas species & precarium contineat, & commodatum. Sed non inde tamen fit, quin precarium latiùs quàm commodatum pateat, cum multa dari possint precario quæ commodari non possunt. In quorum numero si Labeonem consuleres, poneret ille omnes res immobiles & soli: Quanquam malè, si Vlpiano cæterisque prudentibus credamus, à quibus ea sententia iam pridem explosa fuit. Sed cum de cæteris rebus quæ in iure consistunt nuppiam scriptum legamus, quòd commodari possint, nihil causæ est cur hac parte à Labeonis traditione discedamus, distinguentis Vtendū datū à comodato, tanquā genus à specie, Dū ne ex eo inferamus quod ille malè inferebat, Res ergo immobiles commodari non posse, quamuis vtendæ dari possint. Hoc verò cum ita sit vt latiùs pateat

precarium quàm commodatum, nec tamen defuerint ex prudentibus, qui habitationem quoque gratuitam commodato dari posse dixerint, illa semper dubitatio manet, Cur non ergo longè magis dari precario possit. Nā si quis pro Accursio dicat, Supposita Viuiani sententia pro vera, non posse gratuitam habitationem alicui concedi, quin hoc ipso commodata videri debeat, is vtique multò magis errauerit. Non enim sola vtendi concessio gratuita commodatum facit, sed ea demùm quæ certo vsu & tempore sic concluditur, vt ante tempus illud reuocari commodatum non possit. Alioqui si concessio illa gratuita nullo tempore coarctata sit, sed tota pendeat ex voluntate, & liberalitate cōcedentis, non commodatum erit sed precarium. Nam nec si aliam rē quamlibet, siue mobilem, siue soli ad certum tempus gratuitò concessam poneret, precarium tamē esset sed commodatum. Vt ergo differētia aliqua sit inter gratuitam habitationem, & cæteras res de quibus non ambigitur, quin precatio dari possint, Necessariò accipienda est Pomponij sententia quæ extat *in d.l. c. habet s. t.* de illo casu quo habitatio gratuita concessa sit non ad certum vsque tempus, sed ad voluntatem & arbitrium concedentis, Ita vt nec tunc ipsis qui habitationem commodari posse putant possit videri commodata. Latet igitur hīc nescio quid occultæ rationis, quod nemo hucusque introspicere potuit, nemo certè explicauit. Videtur autem non modò Pomponius, sed tota etiam Iurisprudētia [non enim ex aliorum minis quàm ex sua sentētia sic Pomponius scripsit] ita ius cōstituisse, vt habitatio gratuita precariò concedi nequeat, Proptereā quòd cūm precarium non aliter constitui possit, quàm si eius non tantum cōcessio, verum etiam duratio tota pendeat ex concedentis volūtate, Absurdum sanè visum sit adeòque alienū à publica vtilitate, vt in arbitrio & potestate alterius sit in singula momenta cogere habitatorem gratuitum, vt aliam sibi habitationem querat si forte vno aut altero post concessionem die, vel etiam vna aut altera hora velit concedens liberalitatem suam reuocare, quod vtique pro suo iure facere posset, etiā si maxime precarium valeret. Hancque sententiam & rationem cōtextus ipse verborum Pomponij suadere videtur. Nam postquàm p̄fatus est Interdictum hoc de precario habere summam æquitatem, vt eatenus quisque nostro vtator quatenus ei tribuere volumus, statim subicit veluti cuiusdā illationis loco, Hospites, & eos, qui gratuitam habitationem accipiunt non intelligi precariò habitare, Quo hospitum nomine certè intelligit non inquilinos, aut habitationis commodatarios, sed omnes eos qui in domo amicè & gratuitò recipiuntur, cum domino ædium per aliquot dies commoraturi, quod fieri inter amicos solet, magisque distat à commodato habitationis quàm si habitatio alicui & gratuita, & separata concedatur. Quamvis non magis hoc quàm illo casu precarium aliquod constitutum videri possit, Est enim potius donatio cūm quis in alienis ædibus gratis habitat, Etiam si ad certum tempus ea cōcessio facta sit *l. in adibus 9. D. de donat.* vbi additur huius donationis commodum in eo totū consistere quod mercedem nullam habitator præstat p̄ habitatione. Quibus verbis Pomponius ostendit hūc habitatorem similiorem esse cōductori, quàm commodatario, licet gratuita habitatio ad certum tempus ei concessa sit. Quod necessariò ponendum est, Alioqui nec inquilino similis esset, cūm non nisi pro certo tempore & locatio fieri, & merces deberi possit. Nam cūm habitatio cuique tam necessaria sit penè ad vitam quàm victus ipse aut vestitus, ita vt vitæ pars aliqua in habitando consistere videatur, serè esset vt vitam ipsam ab alio habere.

habere precariò dicendus esset, quisquis habitationem eo iure haberet, nullò-
que certo tempore limitatà. Longè magis quàm si victus & vestitus alicui pre-
cario concessus proponeretur. Victum enim & vestitum in singulos penè dies
conquirere minùs incommodum minùsque molestum esset, quàm habitatio-
nem quotidie mutare, cuius non solùm perquisitio, sed & mutatio ipsa per se
incommoda & damnosa esse solet: Quamquam habitationis exemplo illud quo-
que recipienda esse non dubito, quatinus nullo quod sciam iuris loco scriptù
sit, vt vestimenta nò possim sibi precario dare, aut mecum hodie prandendi vel
cœnandi potestatem precarià facere, Ne in meà potestate futurù sit reuocato sta-
tim precario nuditati te reddere; aut inter medias epulas à reliquo prandio te
arce: quod & ridiculù esset & inhumanù. Denique solus Deus ille est à quo
precariam vitam & precarium spiritù habere nos profiteri debeamus, Nec si-
milis tantàque vlli homini in alium hominem potestas danda est. Ex quo in-
telligimus quàm verum sit quod nos in superioribus disputauimus contra Di-
dacum Couarr. *lib. 3. Varr. resolut. c. 15.* Liberam esse cuiuslibet precarij reuoca-
tionem ad nutum concedentis, nec intempestiuè factam dici posse, licet fiat sta-
tim & antequàm vllum ex precario commodum senserit is qui accepit, adeo-
que licet damnum potius ex eo sensurus sit ob importunam reuocationem.
Nam si aliter iuris ratio ferret, Nihil certè causæ esset cur non & alimèta vnus
horæ & vestimenta precariò dari possent, & ipsa quoque habitatio. Sic enim
accipi precarium oportere vt non priùs esset reuocabile, quàm alimentorum
& vestimentorum, & habitationis commodum aliquod rogans accepisset.

ERROR OCTAVVS.

*De sententia & ratione l. Aquilini 27. De donat. & retractata inter-
pretatio & emendatio l. Lucius 32. eod.*

DROFESSVS sum aliquando, numquam me vel faciliùs errare, vel in-
feliciùs, quàm cum erroneas interpretum opiniones à nemine ad-
huc retatas, habeo pro veris. Id verò mihi accidit manifestè, in dua-
bus his legibus explicandis, quas ob eam causam cogor nunc, neq;
pudet retractare. Nam eùm viderem ex interpretibus nostris dubitare neminè,
quin sicut cæterarum ferè omnium rerum, etiam illarum, quæ commodari non
possunt, ita etiam habitationis gratuitæ precarium possit consistere, necdum
aduertissem animum ad id quod nos proxime disputauimus ex Pomponio *in l.*
& habet 15. §. 1. D. de precar. Neque hospites, neq; illos qui gratuitam habitatio-
nem accipiunt, precariò habitare, Putabam responsum Scæuolæ quod exiit *in l.*
Lucius 32. D. de donat. quemadmodù ad gratuità habitatiònè pertinet, vt constet
ex verbis illis epistolæ *Hospitio illo, quandiu volueris, iuris superioribus dicitis*
omnibus gratuitò, Ita nec de alia gratuita habitatione posse intelligi quàm quæ
precariò concessa esset: quæ cæterorù interpretù omniù sententià & interpretatio
est, Collecta ex eo quod ponit Scæuola fuisse in epistola adiectù *Idque te ex vo-*
luntate mea facere, hac epistola notui tibi facio, Quasi ex iis verbis appareat conce-
dentis illà fuisse mentè, vt ex sua voluntate concessio pendèret: quod si nò vni-
cù, certè præcipuù est ex quo precariù æstimatur, Idcoque nimitù defendebam
esse aliquid emendandù in responsa illo Scæuolæ, & pro eo quod scriptù legi-
mus *quandiu volueris* legendum potius *quandiu voluerim* quæ vulgaris forma
la precarij est, vt in eius qui concedit non in illius qui rogat voluntatem & ar-

bitrium conferatur, Et inde quoque petendam esse dicebamus rationem eius quod Scauola respondet concedentis heredes mutare posse voluntatem, quippe quam & ipse concedens mutare potuisset, quomodo & Accursius, & post eum Accursiani omnes ratiocinantur: A quibus in eo solo dissentiebamus, quòd cum illi precarium inducant ex postremis illis epistolæ verbis *idque se ex voluntate mea facere hac epistola notum tibi facio*, nobis magis placebat ut induceretur ex formula illa *quandiu voluerim*, Sine quod longè aliud sit te quid facere ex inea voluntate, Aliud verò ad arbitrium & nutum meæ voluntatis, quod ex ipsis quoque interpretibus nonnulli obseruarunt quos refert & probat Didac. Couarr. *lib. 3. var. resolut. c. 15.* Siue quod à precarii natura prorsus alienū sit, ut permittat te uti re precario concessa quandiu volueris, cum alioqui non posses ex voluntate concedentis pendere, quod in accipientis arbitrium & voluntatem expressim collatum esset: Itaque non dubitabam quin & habitationis gratuitæ precarium in ea specie confisteret, Et aliud responderi à Scauola debuisset, si precarium contractum non fuisset. Quod & Bartolus sensit ad *l. Aquilij Regulus 27. eod. tit.* ubi contrariam, quod prima facie videtur, sententiam Papiniani cum Scauolæ responso sic conciliat, ut dicat apud Papinianum tractari de donatione, apud Scauolam verò non de donatione sed de precario, Et ob id mirum non esse quod Papinianus negat habitationis controuerfiam iure factam Nicostrato ab heredibus Reguli: Scauola verò contrà adfirmat concedentis heredes mutare voluntatem posse. Aliud, inquit, haud dubiè responsurus, si in ea specie fuisset donatio. Iam verò longè aliud mihi iudicium est, qui video de habitatione gratuita precario concessa tractare Scauolam idè non potuisse, quia nec tale precarium vllum esse potest. Ut proinde frustra sit disceptare, Ex quibusnam epistolæ verbis inducendum sit precarium, An ex iis quæ interpretes nostri in hanc rem vulgo ponderant *ex voluntate mea*, an potius ex illis quæ nostra reponit emendatio *quandiu voluerim* pro iis quæ habet vulgata editio *quandiu volueris*. Cum enim habitationis gratuitæ precarium nullum esse possit, consequens omnino est ut tam falsa sit nostrorum interpretatio quàm improbabilis nostra emendatio, Ac proinde, ut fatendum sit apud Scauolam non minùs quàm apud Papinianum tractari de donatione, Nam in Papiniani specie factam fuisse donationem apparet euidentissimè ex verbis illis epistolæ Aquilij Reguli ad Nicostratum *Dono & permitto tibi habitare in illo conaculo: & ex illis sequentibus idè quæ non videri donationem sequentis temporis irritam esse*. Neque verò dubitandum est, quin habitatio donari possit, ut & alia res quælibet, Cum donari dicatur quicquid nullo iure cogente cõceditur, ut habet vulgata iuris regula, Hactenus nimirum, ut mercedis remissio per donationem facta intelligatur *l. in adibus 9. in princip. eod. tit.* An ergo admittemus dissensisse Scauolam à Papiniano? Nihil minus. Ex eo namque quod nunc defendimus nullum fuisse precarium in ea specie de qua respondit Scauola, nihil aliud inferre possis, nisi quod nos libenter admittimus, Tractare igitur Scauolam de donatione. Sed illa tamen differentia inter Papiniani & Scauolæ speciem superest quod Scauola respondet de simplici donatione, Papinianus verò de remuneratoria. Sic enim scribit, Non meram esse donationem, sed officium magistri quadam veluti mercede remuneratum Regulum: Ita innuens non obscure, futurum ut Reguli heredes donationem reuocare possent si pura & simplex non remuneratoria esset donatio: Hoc verò illud ipsam est quod Scauola respon-

dit,

dit, Tantum abest vt Papinianus à Scæuola diffenferit. Illa igitur duntaxat quæstio superest, Quæ ratione motus vterque respondere potuerit donationem simplicem & inter viuos factam à donatoris heredibus reuocari posse. Id enim est quod neque Accursius, neque Bartolus, neque alius quifquam ex interpretibus docuit, Et cuius ignoratione coacti sunt omnes dicere, non agi apud Scæuolam de donatione, siue simplici, siue remuneratoria, sed de concessione tantum precaria, Non animaduertentes in ea specie de qua Papinianus respondit, nihil esse propter quod dici possit, si donatio remuneratoria non fuisset, eò magis futurum vt concessionem pro precaria haberi oporteret, quæ facta esset expresso, vt dixi nomine donationis, quod etiam si non esset expressum, non eo minus tamen donatio esset *d. lin adibus*. Nec tamen Papinianum dubitare quin eo casu reuocari à donatoris heredibus posset: An quasi facta rectori & ei cui magna reuerentia debeat, vt ridiculè Accurs. putat *ex leg. 1. §. prouincias Cod. de contr. indic.* Aut quasi non insinuata cum excederet summam quingentorum aureorum, vt idem Accurs. subiicit? Sed sunt ista omnia perabsurda licet à cæteris vulgaribus interpretibus probata. Quid enim simile habet præceptor studiorum liberalium cum rectore prouinciæ vt donationem accipere nullam possit? Aut quomodo potuit Papinianus respicere ad sollemnitatem insinuationis, quæ à posterioribus tantum Imperatoribus fuit introducta? Neque verò nos melius cum in Coniecturis nostris scripsimus dubitandi rationem ex eo petendam esse, quòd donatio facta fuisset à Nicosttrato iuvene, id est vt interpretabamur minore. Iacobus Cuiacius dubitationis difficultatem benè vidit, sed malè dissoluit. Refert enim totum hoc ad legem Cinciam quæ de donationibus lata est, earumque licentiam restrinxit, & cuius potestate factum esse vult vir doctissimus, vt donatio ab aliquo facta ipsum solum donantem obliget, non etiam illius heredes, quominus reuocare donationem possint si de iis nihil in contrarium dictum vel actum sit. Quod tamen totum, ni fallor, commercium est. Lex namque illa, cuius vix vlla vsquam mentio in libris nostris, sed tantum in Caij Institutionibus, modum quidem donationibus imposuit, vtille refert, sed circa quantitatem duntaxat ne vltra certam summam fieri possent, vt effrenata multorum liberalitas coerceretur, Non etiam vt quod ritè rectèque donatum esset, reuocari posset per heredes donatoris. Quidni enim ex donatione per defunctum facta sicut ex alio quolibet ipsius facto heredes teneantur? Aut cur iis perinittatur ex hac causa potius quàm ex alia vlla venire contra factum eius, cuius personam ipsi repræsentent? Scio quibusdam placere donationem etiam inter viuos factam redire ad donatorem si viuo eo donatarius decesserit, Nisi heredibus quoque donatum proponatur. Sed præter id quod non caret ea res dubitatione, de qua tamen hic tractare nihil atinet, longè difficilius est, vt donatio alicui facta ipsius heredes non obliget, quàm vt redeat ad donatorem præmortuo donatario. Nam cum donationes siue remunerandi gratia, siue simpliciter factæ non aliam causam habere soleant, quàm fauorem personæ cui liberalitas acquiritur, nec fauor vilius esse possit heredis cuius persona semper incerta est *l. sciendū est 79. De verb. sign.* facilius potest illud admitti vt donatarij heres de quo nihil in donatione dictum sit, non succedat donatario in re donata, cum donatarius decessit viuo donatore. At vt donatio ab eo facta qui ius donandi habuit, ipsius heredes non obliget, difficilius certè est, & à mera veræque iuris ratione alienius. Cum

ex qua persona lucrum quis sentit eius factum præstare debeat vulg. *leg. ex qua persona* 149. *De regul. iur.* nec magis contra factum defuncti, quam contra proprium venire cuiquâ concedatur, *l. eum à maire* 14. *C. de rei vind.* Puto itaq; probabilius dici posse quod nemo adhuc dixit, Ideò permissum esse heredibus donatoris mutare voluntatem in specie *d. l. Lucius*, & permittendum etiam fuisse in specie per Papinianum tractata *in d. l. Aquilius*, si donatio simplex non remuneratoria fuisset, quia eius rei donatio facta proponebatur, cuius dominium non in donatarium translatum fuerat, sed manserat penes donatorem. Nec enim ædium proprietatem donatam voluerat Aquilius Regulus, quod si factum esset certè voluntatem mutare non possent heredes donatoris quamvis non fuisset remuneratoria donatio, sed usum duptaxat cœnaculi, Nec dominiū hospitij Lucius ille apud Scæuolam, sed usum gratuitū superiorum dîctarum, Quibus casibus certum est non solum proprietatis & dominiij causam donatione non contineri, quod pertinet ad ædes quæ donatæ non sunt: Sed neque quod ad cœnaculum ipsam & superiores domus dîctas quarū habitatio gratuita donata est, Quia cùm & naturali & civili ratione superficies cedat solo *l. 2. D. de superfic. nō* est in potestate donatoris facere, nec si cœnaculum ipsum & superiores domus suæ dîctas donaret, ut dominium vllum transfiret ad donatarium, Multò minùs si non cœnaculū nec superiores dîctas, sed usum solum vel cœnaculi vel superiorum dîctarum donauerit, ut in legibus quas nunc retractamus. Quo casu nihil aliud donatione contineri intelligitur, nisi merces illa quæ alioqui ab habitatore tanquam ab inquilino præstanda esset *d. l. in adibus* 9. *D. de donat.* Proinde mirū videri non debet passum fuisse Nicostratum controuersiam habitationis ab heredibus Reguli apud Papinianum: Nec quod Scæuola respondit posse heredes donatoris prohibere, ne superiorum dîctarū habitatione gratuita donatarium vteretur post mortem donatoris, etiam si in donatarij voluntatem collata esset duratio donationis, iis verbis donationi insertis *quandiu volueris*, Cùm in vtraque specie ita facere heredes potuerint iure dominiij, quod nec donator ipse per donationem amiserat. *d. l. 2. & l. 1. D. de superfic.* Dominium enim quod ad hæredem transit, non potest ab inuito eo discedere ne quidem ex contractu defuncti *l. si ego* 9. *§. si res*, vbi est textus elegans *D. de sur. dot.* Id quæ adde verum est ut si supra ædes quas possideo cœnaculum sit in quo alius quasi dominus moretur: Interdictum, Vti possideris mihi dandum sit, non ei qui moratur in cœnaculo, *l. 3. §. sed si supra* *D. vti possid.* vbi rationem Ulpianus ex Labeone reddit, quod semper verum sit superficiem solo cedere. Quæ de causa illud potissimum difficile in Papiniani specie videbatur, quoniam remedio succurri posset Nicostrato aduersus Aquilij heredes à quibus controuersiam habitationis patiebatur, cùm donatio fuisset remuneratoria. Quasi absurdum foret ei dare interdictum contra proprietarios, quibus potiùs dandum esset si quis alius controuersiam possessionis facere vellet. Quo enim iure possis interdictum quod non nisi de possessione datur, ei accommodare qui non possideat, & aduersus eum ipsum, qui possidet? Quomodo in Publiciana solemus dicere, Quia possessori quasi domino datur, non posse illum dari contra dominum *leg. pen. D. de Public. in rem act.* Sed tamen concludit Papinianus, Nicostratum si expulsum ad iudicem veniat, defendendum esse ad exemplum interdicti quod fructuario proponitur: quasi loco possessoris constitutus sit qui usum cœnaculi accepit. Cuius rationis non illam vim esse credendum est ut Papinian. probare vellet:

velit in ea specie valere donationem; Nam etsi iure vetere non aliter valere donatio poterat quàm si vel traditio vel stipulatio interuenisset; quarum neutra hic interuenerat, Non stipulatio quæ scilicet per epistolam & inter absentes fieri non potest, Donatio autem per epistolam facta proponebatur: Non traditio, quia nec per epistolam traditio fieri poterat, nec tradi poterat habitatio & usus cœnaculi, tanquam tale quid quod neq; in iure, neque in corpore consistat. In proposito tamen non est quod traditionem requiramus, cum donatio non corporis facta sit, adeoque nec iuris alicuius [quo casu patientia & usus iuris esset pro traditione, ideoque & interdicta velut possessoria constituta sunt, ut contra Labeonem disputat Iavolenus in *l. ult. D. de ser. ut. l. 3. in princip. D. de usufruct.*] sed tantum mercedis quæ alioqui pro habitatione præstanda esset *d. l. in edibus 9. D. de donat.* Igitur cō tantum hæc Papiniani ratio pertinet, Ut sciamus interdictum, aut potius exemplum interdicti hoc casu accommodandum esse Nicostrato etiam aduersus heredes donatoris, Non quasi magis aut verius ille possideat quàm heredes, qui sanè vniuersarum ædium ut domini sic & possessores sunt, Sed quia cum esset factus quasi possessor accepto usu cœnaculi, & quidem ex causa non temporali, sed perpetua quandiu ipse viueret, scilicet donationis remuneratoriæ, non debuit permitti heredibus donatoris, ut controuersiam ei facerent possessionis aut potius quasi possessionis quam ab ipso donatore accepisset, Sicut nec in specie *dist. l. Lucius* possent heredes donatoris prohibere donatarius donatione, si hospitij proprietatem non sola habitatio gratuita donata fuisset, aut si sola quidem habitatio, sed ex causa remunerationis.

ERROR NONVS.

De emendatione d. l. Aquilini in versic. quod si expulsus.



T difficile videtur intelligere quid sibi Papinianus velit iis verbis *ad exemplum interdicti quod fructuario proponitur*. Quodnam enim, obsecro, interdictum illud est fructuario propositum, id est quod sit proprium fructuarij, & quo possit uti Nicostratus ad retinendam possessionem? An fortè interdictum *Ut possidetis*? Minimè. Est enim illud commune omnium qui possident rem soli, Et quamuis inter fructuarios quoque reddendum sit siue alter usumfructum aut vltusfructus possessionem, alter verò possessionem soli sibi defendat, Siue alter usum, alter fructum soli sibi tueatur, ut scriptum est in *l. ult. D. ut possid.* quoniā naturaliter videtur solum possidere is qui soli usumfructum habet *l. naturaliter 12. in prim. D. de acq. poss.* Fructuario tamen non cōpetit interdictum illud contra proprietarium, quia non magis potest fructuarius negare proprietarium possidere, quàm intendere ius ei non esse in fundo fructuario ædificare, aut aliud quicquam facere, quamuis contra vicinum & extraneum possit *l. 2. D. de oper. noui nunciat.* Itaque solum ei remedium superest ut usumfructum petat & vindicet *d. l. 2. & l. 1. D. si usufr. pet.* Proinde debuisset potius Papinianus scribere succurrendum esse Nicostrato ut in sua quasi possessione retineretur, ad exemplum interdicti, non quod fructuario sed quod superficiario proponitur, id est *De superficiebus* quod superficiarij propriū esse ait Vlp. in *d.*

§. sed si supra. Proximè namque accedit ad superficiarium is, qui ex donatione habet usum cœnaculi in ædibus alienis, licet non sit verè superficiarius, quia superficiem ipsam neque conduxit, neque emit, neque ex donatione aut alio titulo accepit, sed superficiæ usum duntaxat, eumque non à superficiario ipso, sed ab ædium domino constitutum, Ex qua causa certum est neque actionem in re, quam Prætor dat de superficie, neque interdictum De superficiebus competere posse, Neutri enim locus est nisi in fauorem superficiarij, aut illius qui ius habet à superficiario, Nec sanè dubito quin ita fuerit responsurus Papinianus, si Nicostratus de retinenda tantum sua quasi possessione contendisset: At quia tractat eum casum quo fuerit expulsus, Sicuri de interdicto Vti possidetis intelligi non potest, ita neque intelligi posse videtur de interdicto de superficiebus quod superficiario proponitur ad exemplum interdicti Vti possidetis: An ergo de interdicto Vnde vi quod non solum vtile est fructuario, sed etiam necessarium quoties is siue à proprietario ipso siue ab alio deiectus est *l. 3. §. vnde vi & segg. usque ad fin. si plures 9. §. 1. D. vnde vi.* Sic Accursius noster credidit, Nisi quod vtile vult esse interdictum illud Vnde vi quod competit fructuario etiam contra proprietarium, quod tamen verius est directum esse, Quandoquidem directum illud competit omnibus, qui deiecti sunt *l. 1. §. deiecitur & pass. eod. tit.* In quo numero est fructuarius quem constat, vt diximus, naturaliter possidere, Sed ne interdictum illud accommodari possit Nicostrato, illud obstat quod competit ei duntaxat cui vel ususfructus vel usus ex quacunque causa constitutus est, vt ait *d. l. 3. §. item si non usufructus.* Nos autem de illo agimus, cui neque ususfructus, neque usus ædium constitutus sit, sed cui tantum donata habitatio gratuita, citra constitutionem vllam seruitutis personalis. Non enim ob id solum quod permittam tibi vt re aliqua mea vtaris, continuè seruitutem usus constitutam fuisse putandum est, Scilicet quia usus cum sit seruitus ius est, Vti verò, est facti, *l. 1. D. quand. dies usufr. legat. ced.* Et qui ex domini permissione in alienis ædibus habitat, isque vtitur, non ita seruitutē usus quam mercedis remissionem ex donatione accipere intelligitur, Hoc enim solum capere videtur, quod mercedem pro habitatione nullam soluit, quam soluere utique deberet si inquilinus esset *d. l. in ædibus 9. D. de donat.* Vt proinde non magis vsuarius dici possit ille cui permisi habitare in meo cœnaculo eoque vti, vt in *d. l. Aquilius*, quam si inquilinus meus esset, quod interpretes quoque nostri post Accursium omnes admittunt. Cum igitur interdictum illud Vnde vi accommodari Nicostrato non possit, neque directum, neque vtile, An dicemus actione ordinaria debere illum experiri ad recuperandam possessionem à qua fuerit expulsus? Atqui non de possessione perinde ac de proprietate actiones ordinariæ exerceri possunt, id est solito iudiciorum more, & accepto iudice à Prætore, Nec si interdicti auxilium deficiat, Alioqui usus interdictorum necessarius non fuisset, Nec ad rem facit, quod non de Prætore Papinianus loqui videtur, sed de iudice dato, illis verbis *Quod si expulsus Nicostratus veniat ad iudicem*, Non enim debent accipi de iudice quem Prætor dederit, prout dare olim solebat in causis omnibus quæ iure ordinario expediebantur *leg. 2. Cod. de pedan. iudic.* Sed de Prætore ipso, vt infra dicemus. Porro non illam esse Papiniani sententiam veputet in hac specie locum esse interdicto Vnde vi aut actioni vlli quæ dari debeat Nicostrato, ad recuperandam possessionem. Apparet ex eo quod non ait expulsum Nicostratum esse restituendum [quod proprium verbum est interdicti Vnde vi propositi fructuario & alijs expulsis ac deiectis omnibus] Sed esse

esse defendendum, scilicet tanquam in reum, cui controuersiam faciebant heredes donatoris quasi donatio irrita esset, sequentis temporis, id est pro toto eo tempore quod Reguli mortem secutum fuisset. At in quo defendendum? An in sua possessione, Verum ineptum hoc videtur cum ponamus amissam fuisse à Nicostrato possessionem à qua fuerit expulsus? Essetque in possessionem suam restituendus hoc sensu, non defendendus, An potius in eo iure, quod fuit ei quaesitum per donationem, Vt nimirum iudex à Praetore datus aut Praetor pronunciet validam esse donationem, nec magis ab heredibus Reguli quam ab ipso Regulo reuocari potuisse: Hac enim pronuntiatione illud etiam per consequentias continebitur, vt perinde liceat Nicostrato habitare in illo coenaculo post mortem Reguli, atque antea habitabat. Et ita licet nihil de possessione restituenda pronuncietur, sua tamen quasi possessio ei restituatur, in executione iudicati, quemadmodum eueniret si quis alius cui interdictum restitutorium competeret ad possessionem recuperandam, mallet agere de proprietate & dominio, proposita rei vindicatione. Nam & per vindicationem non minus quam per interdictum actor consequitur, licet alia via vt sibi res restitatur, *l. qui restituere* 68. *D. de rei vindicat.* Et quidem cum omni causa, id est cum fructibus post litem contestatam perceptis, Vt proinde parum interesse videatur an qui expulsus est vincat interdicto, an rei vindicatione, Nisi quod in interdicto Vnde vi fructuum ratio habetur ex quo quis deiectus est *leg. 1. §. ex die 40. D. vnde vi*, At in rei vindicatione ex die tantum litis contestatae *l. praeterea 20. De rei vindic.* Verum huic interpretationi illud obstat, quod Papinianus vult defendendum esse Nicostratum tanquam possessorem constitutum: & ad exemplum interdicti, cum quo tamen nihil commune habet quaestio iuris & proprietatis *vulg. l. naturaliter 12. §. nihil commune D. de acquir. poss.* Ad quid enim prodesse querere an Nicostratus quasi possessor factus sit accepto vsu coenaculi, si neque restituendus sit, quasi expulsus à possessione, neque defendendus quasi possessor? An quia, vt iam attigimus, nulla interueniente stipulatione quae nec fieri per epistolam potest, non aliter valeat donatio quam si traditio intercedat aut aliquid quod sit vice traditionis? Atqui de corporum donationibus id intelligi debet, aut etiam turium, quorum illa quidem verè tradi possunt, hæc vero quasi tradi vt supra diximus. At donatio, quæ ex gratuita ædium alienarum habitatione conceditur non est huius generis, cum neque corporis neque iuris alicuius translatio sit, sed tantum remissio mercedis, quam aliqui habitator pendere tanquam inquilinus deberet, quemadmodum scribit Pomponius *in dist. leg. in edibus*, ubi ad hanc ipsam obiectionem tacitè respondere videtur iis verbis *Potesi enim q. extra corporis donationem valere donatio*, Addito etiam exemplo *veluti*, inquit *si donationis causa cum debitore meo paciscar ne ante certum tempus ab eo petam*. Quo tamen exemplo etiam significat, donationem hanc valere quidem, sed ita tamen vt ea non possit competere actio, sed sola retentio, quia certum est pactum de non petendo ad actionem non prodesse sed tantum ad exceptionem. Nā neq; ex donatione perfecta per traditionem absq; stipulatione actio vlla donatario acquiritur, cum iam possessor factus sit, sed tantum retentio ne ab alio inquietari possit. Quāvis hoc amplius iuris habeat, quod si post acquisitū dominū possessionē amitteret utiq; rei vindicandæ ius tāquā dominus haberet; quod habere nō pōt is qui per donationē dominus factus nō est. At hic de quo agimus Nicostratus nō potuit fieri dominus ex gratuita habitationis donatione, quia neq; id inter eū & Regulū agebatur. Actionē igitur nullā habere:

potest nec de proprietate nec de possessione, quâvis fuerit expulsus, Ac proinde necesse est ut ei succurratur tâquâ reo, & iure defensionis, non aut iure actionis. & ob hâc solâ causam disputationē illâ institui an fact⁹ sit possessor necne, quia nō alij quàm possidēti dari potest retentio. *l. heres 21. ad SC. Treb. l. 1. D. de pign.* Hoc verò est quod explicatu sanē difficillimū videtur in responso Papin. Quomodo aut quo iure possit defendi, cū per viâ retētionis ei cōsuli nō possit qui possessor esse desiit. Augetur dubitatio ex postremis illis respōsi verbis *quasi loco possessoris cōstitutus, qui vsum cœnaculi acceperit.* Quib. innuit Papinianus defendendū esse Nicōstratū nō ex ea causâ quod aliquādo fuerit possessor, nunc verò nō sit, sed eo iure quo succurri soleat ei qui possidet ad suâ possessionē retinendâ. Quasi etiâ post expulsionē adiuvandus adhuc sit remedio aliquo retinendæ possessionis, perinde ac si adhuc possideret. Atqui certū est inutile esse in eam rē interdictū Vnde vi, & aliud quodlibet remediū, quod velit quis inducere ad exemplū illius interdicti, Per quod sc. solis deiectis succurritur, nec tâquâ possessorib. sed tâquam deiectis, & qui desierint possidere. Ergo necesse est ut de alio interdicto Papinianus senserit quàm de interdicto Vnde vi, siue directum illud interpretari velis siue vtile. De alio, in quâ, interdicto, quod etiâ post expulsionē possit pdesse expulso Nicōstrato ut in sua quasi possessione retineatur: & cōsequēter quod ei accommodādū sit, nō solūm tâquâ actori, sed etiâ quod magis mirū est, tâquâ possessori. Vbinâ verò gētiū tale aliquod, siue interdictū, siue remediū inueniemus? Non aliud certē quàm illud ipsum de quo iā aliquid attingimus quod Prætor proposuit De superficieb. Nā cū sit illud introductū exēplo interdicti Vti possidetis, nemo dubitat quin & ad retinēde possessionis causâ pertineat, & in eorū numero sit quæ duplicia appellātur, idēd quod in ipsis vterque ex litigatoribus & actor sit & reus *d. l. 1. §. proponitur De superfic.* Vbi addit Vlp. Prætorē eo interdicto tueri eū qui superficiē petiit. Vtut verbo tuēdi ut significet eo interdicto nō aliud agere Prætorē, quàm ut superficiarium defendat in sua possessione, Et vtitur tamen verbo *petendi*, ut ostēdat nō eo minùs interdictū illud cōpetere superficiario etiâ ad agēdū, ut in sua possessione defendatur, licet expulsus sit à proprietario. Nō enim fieri potest ut non vincatur eo interdicto proprietarius qui superficiariū expulit, siue vi, siue clam expulerit, cū edicti verba illa sint *Vt ex lege locationis, siue cōductionis superficie qua de agitur, nec vi nec clā ne: precario aliter ab altero fruamini, quominus fruamini vim fieri veto.* Ita fit ut qui expulsus est vincat, & tanquâ actor, & tanquâ reus, Quasi vicissim ipse cōueniatur ab eo, qui expulit, & quē idēd succumbere necesse est, quod licet possideat vi tamē aut clam possidet, Et quidem ab aduersario, cui proinde possessio illa nocere nullomodo potest, cū non sit iusta, licet sit vera *l. 1. §. ult. §. l. 2. D. vii possid.* Concludendum igitur est magnum subesse mendum in responso illo Papiniani, & pro *fructuario* legendum omnino esse *superficiario*.

ERROR DECIMVS.

De interdicto quod superficiario proponitur, De quo in d. l. Aquilius.



Vt sententiæ & emēdationi nostræ cōsequens est, non de interdicto Vnde vi, aut Vti possidetis quod utrūq; fructuario cōpetit, sēd de interdicto De superficieb. quod superficiario specialiter propositū est, Nō quomodo interdictū Vnde vi omnib. qui de

qui de possessione sua deiectioni sunt, aut interdictum Vti possidetis omnibus qui solum possident. Vnde est quod idē Vlp. ait *in d. l. 3. §. sed si supra Vti possidet. Superficiarios si quando possessionē suā uerū velint vti proprio interdicto*, Quod de fructuario nō perinde scriptū est vllō iuris loco, nec scribi potuit, Et si n. superiora ita illa interdicta Vnde vi & Vti possidetis, fructuario quoq; cōpetūt, nō sunt tamen fructuarij proprii, nec ei proposita, sed communia, vt dixi, omnibus qui vel deiectioni sunt, vt restituantur, Vel qui rem soli possident: In quo numero non sunt superficiarij qui solam superficiem possident iure suo, Multo minūs verō Nicostratus ille Papinianus, quem constabat minus iuris habere quam superficiarium, cū ei permissum duntaxat esset vii superficie & cōtracto iure donationis concessa ei gratuita habitatione. Replicabis fortasse nostram & commendationem & interpretationem fore ad attendandam si de superficiario Papinianus ageret, ac de eo cui interdictum De superficiebus dari posset. At loqui Papinianum de illo qui non possit experiri interdicto, ac proinde quem necesse sit quasi actorem venire ad iudicem. Ergo proposita potiūs actione De quasi superficie, Quæ licet eodem edicto inducta sit, quo interdictum ipsum De superficiebus, in hoc tamen differt videtur ab interdicto, quōd non sicut interdictum, ita & actio De superficie duplex est: Non quod non sint etiam actiōnes quædā duplices, & iudicia duplicia, in quibus vterque ex litigatoribus & actor est & reus *l. actionis 37. D. de oblig. & act. l. an tribus 13. D. de iudic.* Sed quia actio de superficie non est ex numero eiusmodi actionum, cū non deur nisi causa cognita in quo differt ab interdicto *d. l. 1. in princip. & §. quod ait prator De superf.* Respondeo, Eam nimirum ob causam Papinianum respondere defendendum esse Nicostratum, si ad iudicem veniat, Non ad exemplum actionis de superficie, sed ad exemplum interdicti quod superficiario proponitur, Quia causæ cognitio quam Prætor adhibet in danda actione De superficie, tota in conuersatur vt nec alij quā superficiario deur, nec rursum cuiuslibet superficiario, sed ei soli qui superficiem ad longum tempus conduxerit *d. §. quod ait Prætor*. Itaque propius erat & conuenientius, minūque alienum à proposito Prætoris, vt Nicostrato succurreretur ad exemplum interdicti quod superficiario proponitur, quā ad exemplum actionis De superficie, Præsertim cū fieri non posset vt actionem vllam haberet ex ea donatione quæ nec per stipulationem facta fuisset, nec per talem traditionem aut quasi traditionem, ex qua tras statum fuisset dominium, ad producendam rei vindicationem. At cū non habeat interdictum, inquires, an non prorsus necesse est vt proponat actionem aliquam & quidē quæ sit simplex neque duplex vllomodo esse possit? Quo admissio qui fieri potest, vt defendatur tanquam reus qui post expulsionem non modò actoris partibus fungi, sed & verè actor esse cogitur? Respondendum est quod nemo obseruat, nō magis actione vlla quā interdicto egere Nicostratum, vt aduersus donatoris heredes ius suum tueatur. Nam cū sit verissimum quod prima huius responsi Papiniani parte continetur, non meram esse donationē quā Regulus in Nicostratum contulisset, sed officium magistrī eiusdemque Rhetoris quadam veluti mercede remuneratum Regulum quasi cōpensatione facta mercedis quæ pro habitatione alioqui fuisset debita, cum mercede quæ Nicostrato debebatur, quōd is doctrina & eloquentia sua meliorem Regulum fecisset, consequens omnino est vt expulsus Nicostratus, neque interdicto, neque actione vlla indigeat, sed cognitionem Prætoris extraordinariā implorare possit, cui scilicet locus est quoties agitur de mercede præstata præceptoribus stu-

diorum liberalium, in quo numero Rhetores primi continentur *l. i. in princip. D. de extrao'd. cognit.* Et ob id eleganter dixit Papinianus *si Nicostratus expul-
sus veniat ad iudicem*, quia non quemadmodum in ordinariis iudiciis differen-
tia magna est inter ius dicentem & iudicem, cum ius dicens sit magistratus qui
dat iudicem *l. i. D. de iuris d.* iudex verò ille sit qui à magistratu datus est ad co-
gnoscendum de facto, & ad pronunciandum, Ita in extraordinariis cognitio-
nibus separatur iudex à ius dicente. Cognoscit enim ille ipse, qui ius dicit, &
hoc ipso ius dicit, quod cognoscit. Sicut euenit etiam in interdictis, quæ cog-
nitione prætoris, non iure ordinario expediuntur: Quæ res facit ut minùs videri
mirum debeat, quod ait Papinianus, succurrendum esse Nicostrato ad exèplum
interdicti quod superficiario proponitur. Succurritur. n. utroq; casu per Prætore
qui ipse cognoscit, & quem eadè æquitas mouere debet ut quasi superficiarium
defendat qui constitutus sit, quasi possessor, quæ moueret ut verù superficiariù
defenderet, si possessionis suæ controuersia, aut ab ipso proprietario, aut à quo-
libet extraneo pateretur: Quid ergo si donationis controuersia Nicostrato fuis-
set facta priusquàm vsum cœnaculi accepisset? Non esset querèdù de eo in pos-
sessione sua defendendo, quam nūquam habuisset: Neque rursus actionem vl-
lam habere posset ex donatione, quæ nec per stipulationem, nec per traditionē
aut quasi traditionē perfecta esset. Solum igitur auxilium illud ei superesset, ut
cognitionem Prætoris imploraret ad solutionem mercedis sibi debitæ ab here-
dibus Reguli extorquendam, vel eam habitationem accipiendo, quam *Regulus*
ei gratuitam animo remunerandi dedisset, vel in pecunia si commodius id vi-
deretur. Hæc verò omnia malè Accursiani explicant qui de interdicto, Vnde vñ
Papinianum intelligunt. Malè etiam in eo quod distinguunt cum Bartolo an
Nicostratus factus fuerit fructuarius ad possidendum cœnaculum naturaliter,
an non, Ut priore casu succurratur ei per interdictum, Posteriore verò per offi-
cium iudicis, Locus sanè perdifficilis est & perobscurus, necdum à quoquam
benè explicatus, quia nec quisquam ante nos vidit mendum quod suberat,
Ex cuius tamen obseruatione petenda omnino fuit vera legis
interpretatio. Nec veriore aut elegantiore vllam
emendationem à nobis vnquam tra-
ditam fuisse arbitra-
mur.

ANTO-



ANTONII FABRI

I. C. SEBVSIANI IN SVPREMO

SABAVDIÆ SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DECAS LXXVIII.

ERROR I.

*De conditione furtiva contra heredem furis, an in solidum an de eo tantum
quod ad ipsum perveneris, danda.*

REDITVS ad tractatum De actionibus ex maleficio quæ habent rei persecutionem, Quem inchoatum iam inde ab *Error. 4. Decad. 76.* interrompi necesse fuit, nobis penè inuisit ob interiectum tractatum De precario. Quoniam autem huic quæstioni potissimum causam dedit conditio furtiva, quam nos contra Iacobum Cuiacium defendimus iampridem in solidum dādam esse aduersus heredem, Ex apertissimis verbis Vlpiani *in l. in conditione 9. D. de condit. furt.* æquum est vt & de conditione ista, & de supradictæ legis sententia latius disputemus, iisque omnibus quæ pro tuenda Cuiacij contra nos, imò contra Vlpianum sententia adferuntur, respondeamus. Primum autem præfari cogor, Mirum videri mihi, quod qui contra nos scripserunt, obiciunt moueri nos paucis rationibus, & lege vna, Cuiacium verò & melioribus rationibus, nec lege vna. Quidni enim sufficere nobis ad victoriam debeat vna lex quæ tam aperta sit, vt ad eam nihil responderi possit? Et vna quoque iuris ratio, quæ nec multiplex esse potest, non magis quàm veritas cùm ex Principiis iuris proficiscitur? Ita sanè est: Vno illo Vlpiani loco niti volumus, Et vnica illa ratione, quod actiones quæ rei persecutionem continent ex vtraque parte tam rei, quàm actoris, licet ex delicto nascantur, aduersus heredem tamen in solidum dentur, vt à nobis iam probatū est *in dist. Decad. 76.* At pro viro doctissimo quam illi legē nobis proferunt ex tam multis? & quam bonā rationem ex tot melioribus? Nullā certè legem quæ aut disertis verbis, aut æquipollentibus dicat, Conditionē furtivam non dari in solidum contra heredē: Nullam quoque rationem iuris, quæ id ipsum possit vel à volente euincere. Et quod consequens est nihil habēt iidem illi, quod ad Vlpianum, nihil quod ad rationem, nostram respondeant, quod vel minimo leguleio facere possit satis. Imò verò in eas se angustias vltro coniciunt, vt iuris principia violare cogantur, ne nihil respondere videantur. Ac priusquàm de noua quam ad Vlpianum afferunt interpretatione dicamus, & vt tantò clariùs appareat, quàm ridicula illa sit, de ipsa primùm ratione dispi-

ciamus. Non possunt isti negare quin verissimum sit, quod aperte scriptum est in *l. si pro fure 7. §. 1. & 2. eodem tit. De condic. furti*. CondiCTIONem furtiuam non pœnam petere sed rem ipsam, rei que persecutionem habere. Sed aiunt nihil aliud hoc esse quàm si quis diceret, CondiCTIONem furtiuam nō delicti rei persecutione sed eam continere. Quæ phrasis, inquit, tantum abest vt pœnalem esse neget, vt vel inuix satis, non esse condiCTIONem hanc rei merè persecutoriam. Quali quod dicimus huiusmodi condiCTIONe rem contineri, præsupponat aliquid esse cū quo sub vna actione persecutio cōtineatur. Et addit, *si non cū pœna sit cū delicto*. Ita fit, vt duo dicat nō modo falsa & absurda singula, sed etiā inuicē pugnantia. Illud primum, quod ante illos nemo vnquā dixit, nec Cuiacius ipse quē defendit, iniquo dicere ausus est. CondiCTIONē furtiuā esse pœnalem: Alterū verò, Pœnales actionē nō ex eo solo æstinari quod pœna vel solā, vel cū re ipsa persequatur, sed etiā ex eo quod admixtā habeat causam delicti. Quod si ita est, Omnes ergo actiones erūt pœnales quæ ex delicto proficiscuntur, Et consequenter male Iustinian. regulā illā inisquā certissimā esse ait in *§. nō autē. Inst. de perpet. & tēpor. act.* cōcepit de actionib. ex maleficio pœnalibus, si omnes quæ ex maleficio dantur sunt pœnales. Et sanē si condiCTIONio furtiuā ob id solum pœnalis est quod detur ex delicto, fieri non potest vt exemplum aliquod proferatur actionis vllius ex delicto proficiscentis quæ nō sit pœnalis. Siquidē nulla prorsus est quæ aut magis rei persecutionē cōtineat, aut minus accedat ad pœnalem. Quod si tam certum esset quod isti voluit, esse illā pœnalem quàm certum est quod nos admittimus nasci eā ex delicto *l. si ambo 10. §. quoties. D. de cōpēsat.* fatēdum esset ex supradicta illa certissima iuris regulā, Nō igitur dari eam debere cōtra furis heredem, quod tamen disertē negat idem Vlpianus noster in *d. l. si pro fure 7. §. vlt. de condic. furti*. vbi nec aliam adfert huius sententiæ rationē, quàm quod condiCTIONio rei furtiue habeat rei persecutionem. Quod etiam si nemo diceret ipsum tamen condiCTIONis huius nomen idipsum doceret. Non enim condiCTIONio tantū a furtina dicitur, sed & condiCTIONio rei furtiue, vt appareat & ex furto nasci eā & non furti pœnam persequi, sed rem ipsam furtiuam. Nec dissimiliter Paulus in *l. ex furtina 5. eod. tit.* Nunquam ea condiCTIONe alium teneri quàm eum ipsum qui furtum fecit aut heredem eius. Et Iustinianus in *§. vlt. De oblig. quæ ex delict. nascunt.* furti actionem ait, siue dupli sit, siue quadrupli tantū ad pœnæ persecutionem pertinere. Nam ipse, inquit, rei persecutionem extrinsecus habet dominus, quā vt vindicando, aut condicendo potest auferre. Quibus verbis cū vindicationem condiCTIONi hac parte comparet, an non aperte ostēdit condiCTIONem furtiuā nō minūs esse rei persecutoriam, nec magis pœnalem quàm vindicationem? Sed multo apertius cū subiicit hanc tamen esse differentiam inter vindicationem rei furtiue & condiCTIONem furtiuā, quod rei quidem vindicatio aduersus possessorem est, siue fur ipse possideat, siue alius quilibet, condiCTIONio autem aduersus furem heredēve eius licet nō possideat, competit. Quod totum sumpsit ex Vlpiano in *d. l. si pro fure §. vltim.* vbi rem hanc latius, & diluculius explicans, postquā dixit condiCTIONem rei furtiue, quia rei persecutionem habet, heredem quoque furis obligare, subiicit nec tān si vinctus seruus furtiuus, sed etiam si decesserit. Mox addit, *Sed etsi apud furis heredē diem suum obierit seruus furtiuus, vel non apud ipsum, post mortem tamen furis, dicendum est condiCTIONem aduersus heredem durare.* Quæ posterior clausula probat necessariū sic accipiendum esse quod scriptum est in priorē *sed etiam si decesserit*, ac si additum esset quod nos omini modo supplendum esse dicimus *si non adhuc furē*. Subiiciuntur

iliciuntur namque in verbis sequentibus quasi noui & diuersi casus ij omnes
 quibus post mortē furis mortuus sit seruus furtiuus: Cū necesse sit mortuum
 eum esse vel apud heredem, vel non apud ipsum, vt Vlpianus loquitur, quæ nō
 tam contraria, quā contradictoria sunt. Et quidem de illo casu quo apud he-
 redem decessisset, dubitari non poterat cū viuētis, neq; heres, neque heredi-
 tas esse possit *l. i. D. pro hered. l. i. D. de hered. vel act. vendit.* Sed de alio casu cō-
 tradictorio quo defunctus esset furtiuus seruus non apud heredem furis, dubi-
 tati poterat, an ponendum esset decessisse seruum furtiuum uiuo adhuc fure, an
 eo iam mortuo, si non addidisset Vlpianus quod hanc ob causam expresse ad-
 didit *post mortem tamen furis*: Ne dubitare quisquam posset quin priore clausula
 is nominatim casus comprehenderetur quo seruus furtiuus uiuo adhuc fure de-
 cessisset. Hoc autem admissio, quis non videt conditionem furtiuam non so-
 lum esse rei merē persecutoriam, sed etiam tanquam talem dari contra furis
 heredem, non de eo tantum quod ad eum peruenit, sed & in solidum, quamuis
 ad eum nihil prorsus peruenerit? Quid enim peruenire potuit, furtiuo seruo an-
 te furis mortem defuncto? Nisi forte adhuc subtilius agere uolent reprehēso-
 res nostri, & ex hoc ipso quod Vlpianus & Iustinianus scribunt dari conditio-
 nem furtiuam aduersus furis heredem etiamsi nihil possideat, inferre potius.
 Esse igitur illam pœnalem, Quasi non possit esse rei persecutoria contra eum,
 qui nec rem possideat nec dolo deserit possidere. Atqui si sic argumentari vo-
 lent, implicabunt certē contradictionem. Nam si pœnalis ideo est quod detur
 contra heredem, qui neque furti successor, neque rei furtiue possessor est, Con-
 sequens fiet, vt ob hoc ipsum non debeat dari, quoniam pœnalis est, Rursus si
 dicamus dari eam non debere contra heredem, fiet vt nihil in ea sit, ob quod
 pœnalis dici debeat, Ac proinde vt ob hoc ipsum danda sit aduersus heredem
 furis & quidem in solidum quodd pœnalis non sit, Eritque hoc ex genere illo
 perplexorum & *ἄντιστοιχος* de quibus tractat Africanus in *l. qui quadringenta* 83.
ad leg. Falcid. Nam quicquid cōstitueris verum esse id falsum statim apparebit,
 Melius igitur Vlpianus & Iustinianus, Non ideo pœnalem esse conditionem
 furtiuam quodd detur contra heredem etiamsi neque possideat, neque ad eum
 ex furto quicquam peruenerit, Sed è contrario, Transire idcirco contra heredē
 etiam ad quem nihil peruenerit, quodd non pœnalis actio sit, aut in totum, aut
 ex parte, sed tota rei persecutionem contineat. Hinc apparet non vna lege nos
 niti, sed pluribus, & ad quas respondere aduersarij nihil possint, Nam illi ipsi
 qui tentant, frustra licet, eludere tam aperta Vlpiani verba quæ extant in *d. l. in*
conditioe 9. *De condit. furt.* nihil tamen respondent ad supradictos Vlpiani &
 Iustiniani textus, Nisi quod quasi nō videant defendūt apertissimē cōtrā quā
 in iis scriptum sit, Et pœnalē esse conditionem furtiuam eo prætēxtu quodd in
 ipsa spectetur æstimatio temporis quo plurimi vnquam res fuit *l. in re furtiua* 8.
§. i. eod. tit. Et morte furis eam interire, Adeo vt non eos pudeat adfirmare, Fur-
 tiua re ante furis mortem sic perempta, vt nihil ad heredē peruenire poterit,
 heredem non teneri, Dēque ea re duos esse textus expressos, Vnum in *d. l. si pro*
fure 9. *vl.* ubi tamen contrarium disertissimis verbis probari iam ostendimus,
 Alterum in *l. sed non dantur* 10. *D. de tutel. & rat. distr.* de cuius sententia postea
 dicemus, Itaque quod vident nec possunt dissimulare, tot alijs locis scriptum es-
 se, Hæ conditione teneri heredem, siue possideat, siue non possideat, Cogun-
 tur miseri sic interpretari, ac si scriptum esset, Siue post mortē furis vel monē-
 to vno res furtiua cum effectu ad eum peruenerit ex *l. cum Prætor* 127. *de reg. iur.*

aut condicio eius semel auctior facta fuerit *l. videamus 17. & seq. D. quod met. caus.* & postea siue dolo malo, siue absque dolo desierit possidere *l. qui furtum 16. De condit. furt.* Siue peruenerit non cum effectu sed actione tantum ei delata, ut in *l. 4. §. 1. De solut. matr. l. virum autem 23. D. de hered. peti. l. 2. §. 3. D. de hered. vel act. vendit.* Atque ita excludunt casum illum quo res furtiua viuo adhuc fure in totum perierit, qui tamen primus, & praeipuus casus est quem Vlpianus complexus est in *d. l. si profure §. vltim.* Eiusdem ingenij & subtilitatis illud est, quod cum videant nec possint negare Conditionem furtiuam esse perpetuam ex *l. si mulier 21. §. pen. D. rer. amot.* Admittunt quidem ita esse, sed hoc sensu ut non sit annalis, & ut perpetuò non solum furtum passo, sed & heredi eius similibusque personis competat, sed & contra furem ipsum perpetuò eiusque heredem quatenus ad eum peruenerit aliquid ex re furtiua. Certè parum acutè. Cum enim tractamus de actione perpetua quæ transeat etiam contra heredem, Ita semper intelligimus vt perpetuò detur & in solidum non minus aduersus heredem, quam aduersus defunctum, non autem de eo tantum quod ad heredem peruenerit. Nam & actiones ipsæ pœnales quas & anno finire & morte extinguì constat, non eo minus tamen durant, & extenduntur contra heredem si quid ex delicto defuncti ad eum peruenerit, vt turpe lucrum ei extorqueatur *l. in heredem §. D. de calumniat. l. quod diximus 16. §. vlt. D. quod met. caus. & alius: sexcentis.* Sola excipitur actio Vi bonorum raptorum quam prætor noluit polliceri contra heredem raptoris, Ne quidem de eo quod ad heredem ipsum peruenerit *l. 2. §. vlt. D. vi bonor. rapt.* vbi elegantem huius tam singularis exceptionis rationem hanc reddit quæ ad sententiæ nostræ confirmationem valde pertinet *quia putauit sufficere conditionem.* Sensus enim est nihil edixisse Prætozem de actione Vi bonorum raptorum danda cõtra raptoris heredem etiam de eo quod ad ipsum peruenerisset, quia non modò superuacuum, sed etiam absurdum fuisset prætoriam actionem ei dare cui ciuilis competeret, quæ esset plenior, maiorisque effectus *l. 1. D. de Public. in rem act.* Nam qui potest per conditionem furtiuam solidum consequi ab herede raptoris, an non stulius esset si mallet agere prætoriam actione De eo tantum quod ad heredem peruenerisset? Atqui mala esset ratio si conditio furtiua non daretur in heredem nisi de eo quod peruenerit. Si quidem cæteris paribus, quæ ita essent paria, longè commodius esset rapinam passo, agere Vi bonorum raptorum quam conditione furtiua: Cum ad inducendam actionem illam prætoriam sufficiat probari rapinam, Ad causam verò conditionis furtiue necesse præterea sit etiam dominium probari, quando nec alij quam domino competit hæc conditio *l. 1. D. de condit. furt. l. vlt. D. usufr. quemad. caueat.* quæ domini probatio plerumque difficillima ac penè impossibilis est *§. commodum. Inst. de interd.* Quod cum à nobis tam apertè tractatum sit in Coniecturis, miror à nostris reprehensoribus sic fuisse prætermissum, vt putares eos non legisse.

ERROR SECVNDVS.

Ad l. sed non dantur 10. D. de tutel. & Ration. distrab. Et de sententia ac emendatione l. 5. D. de condit. furt.



AM verò quod post Cuiacium afferunt ex *d. l. sed non dantur 10. D. de tutel. & ration. distr.* vt probent conditionem furtiuam morte furis interire, an non apertè commentitium est? Nam vt in Coniecturis docuimus. verba illa. Pauli *quamuis morte tutoris intereat.* non ad alias actiones

actiones referri possunt quàm ad eas quæ sui natura tales sunt ut morte extinguantur, Cuiusmodi sunt actiones furti & damni iniuriæ de quibus in præcedente lege Vlp. locutus fuerat, non etiam conditio furtiua. Nec quod de furtiua quoque condictione idem Vlpianus egerat, cum dixerat cæteras actiones præterquam tutelæ aduersus tutorem competere, etsi adhuc tutelam administrant, potest facere ut lex sequens quæ alterius Iureconsulti est, recipiat ex alia interpretatione: nisi eam quæ cõueniat iuris rationi. Et sibi nimis euidenter blâdiunior, qui ut cõtra nos sentiant, obiciunt particulam *hæ* quasi Paulus scripserit *sed hæ non dantur* quod non ita est. In omnibus. n. codicibus prima legis verba hæc sunt *sed non dantur*. Et quamuis utraq; lex Pauli esset aut Vlpiani, & vni- co contextu scripta, non idem tamen consequens fieret, ut tam ineptæ & stultæ interpretationi locus esse deberet. Sunt. n. semper supponendi termini habiles ut ipsi quoq; pragmatici iactare solent & verè. Atq; ita verba illa, *quauis enim morte tutoris intereat* nõ ad omnes actiones referri deberent, de quibus antea dictum esset, sed ad solas illas, quæ eius naturæ & conditionis sunt ut morte intereat, Ac si scriptum esset, actiones illas de quibus in §. *vl. l. præced.* nõ dari pupillo aduersus tutorem dū is tutelam gerit ne quidẽ eas quæ morte tutoris interiuræ sunt, de quibus tamẽ maior cerẽ suberat ratio dubitandi quod secundum eam sententiã magis periclitari pupillus videretur. Eiusmodi verò sunt actiones furti & dani iniuriæ quia pœnales sunt, non etiã conditio furtiua, quæ, si qua usquã alia, merè rei persecutoria est. Tãtòq; magis admittenda est hæc interpretatio quãto certius nobis cõstat ex aliis Vlpiani & Pauli locis neutrum ex ipsiis dubitasse quin cõditio furtiua & rei persecutoria esset & perpetua, & idẽ in herede quoque in solidum danda *d. l. lex furtiua & d. l. si pro fure 7. §. vl. & l. d. l. 9. D. de cõd. furt. l. contra 6. §. si post l. si mulier 22. §. hæc actio D. ver. amot.* Et verò quid absurdius, quàm rationẽ eandẽ facere condictionis furtiux quæ haud dubiẽ rei persecutoria est, & actionũ furti & dani iniuriæ quas nemo dubitat esse pœnales *d. l. si pro fure 7. §. 1. D. de cõd. furt. §. his autem verbis Insti. de leg. Aquil.* & tamen non eo minus dari in heredem de eo quod ad ipsum peruenierit *l. inde Neratius 23. §. hanc actionem D. ad leg. Aquil.* Quid rursus alienius à principiis iuris, quàm dicere, In quæstione illa De actionibus ex delicto & maleficio descendentibus an in solidum dari debeant contra heredem, illud tantum inspiciendum esse quod sint ex delicto, neque adhibendam distinctionem, An persecutionem rei contineant, an verò sint pœnales: Quanquam ut scopulum istum aduersarij effugiant in alium incidunt, affirmantque condictionem furtiuam & pœnalem esse & famosam. Nisi quod minus audenter Cuiacius ait esse quasi pœnalem, & quasi famosam. Ad libr. ii. quæst. Papin. in §. *D. ver. amot.* Quod quia vult ille probare quatuor rationibus ex professo in eam rem adductis, quibus alij quintam addunt, dicendum nobis de eo erit latius & separatim in sequentiib. Itẽmq; de actione rerũ amotarũ, quæ præcipuam errandi ansam iis præbuit, quod videant simile illã esse ferẽ in omnibus condictioni furtiux, nec tamẽ dari eã in heredẽ nisi de eo quod peruenit *l. vl. C. rer. amot.* Illud tantum hĩc addẽdũ superest malè Cuiaciu, & eius exẽplo cæteros nobis obicere quod scriptum est de patre, Non teneri eũ ex furto filiis familias nisi de eo quod ad se peruenit *l. 3. §. pe. D. de pec. l. 3. §. vl. rer. amot.* Quasi eadẽ heredis cõditio esse debeat quæ patris: quod certè non ita est. Nã ut ostendimus in Cõiecturis ex furto filiis familias pater nõ tenetur cõdictione furtiua, quomodo heres tenetur, quoniã ea cõdictione nũquã alius tenetur, quàm qui furtũ fecit aut heres eius, inquit Paulus in *l. lex furtiua 5. D. de cõd. fur.*

Vbi quod dicitur, Ex furtiua causa filiofamilias condici posse, huc proculdubio sensum habet vt soli filiofamilias ex hac causa condici possit, non etiam patri, Alioqui non esset bona ratio quæ subicitur, Quippe quæ non tam probat cur ipsi filiofamilias condici possit patri, quàm cur non patri æquè possit. Idemque apparet ex coniunctione illius legis cum præcedente, In qua tractans Vlpianus de seruo qui furtum fecerit, ait condicendum esse domino id quod ad eum peruenit, In residuum autem noxæ seruum dedi posse, Vt intelligamus differentiam esse hac parte, vt & in aliis plerisque inter patrem & dominum, sicque inter filiūfamilias & seruum, quia si filiusfamilias furtum fecerit ipsi soli condicendum est, non patri, Si verò seruus condicendum est domino non seruo, Nimirum quia cum seruo nulla actio esse potest, vt habet iuris regula. Quam differentiam non animaduertens malus quidam interpretes addidit in l. 4. verba illa *vel filiofamilias* omnino certè delenda tanquam irreptitia, cum cætera quæ sequuntur in ea lege non de patre sint, sed de domino, nec proinde ad eum casum aptari possint quo filiusfamilias furtum fecerit, sed ad illum, quo seruus. An quia nullo modo pater teneatur ex furto filij etiam si res furtiua, vel in totum, vel pro parte ad eum peruenierit? Imò verò tenetur, sed actione tantum de peculio, nec quatenus est in peculio, sed quatenus tantum ad eum peruenit, si minus peruenierit, quàm sit in peculio d. l. 3. §. penult. D. de pecul. Quo sensu accipiendum est quod Iulianus dicebat, vt Paulus refert in l. pen. De condit. furt. Ex persona filij quæ res amouit dandam in patrem conditionem in peculium: Conditionem enim in peculium dixit Iulianus, non vt significaret conditionem furtiuam quam certum est ob res amotas non competere, aut actionem rerum amotarum, quæ conditio non est, vt probabimus in sequentibus, Sed pro actione De peculio vt constat ex d. l. 3. §. penultim. Et ex l. 3. §. vlt. D. rer. amot. vbi Paulus noster scribit, Si filiafamilias res amouerit, Melam & Fulcinium dedisse in patrem actionem de peculio, quia displicuit eam furti obligari, vel dari in ipsam ob res amotas actionem. Postea subiicit ex Proculo, Mortua filia in patrem rerum amotarum actionem dari non oportere, Et quod addit exceptionis loco *nisi quatenus ex ea re pater locupletior sit* haud dubiè sic accipi debet vt eo casu teneatur pater non directa actione rerum amotarum qua heres teneretur, sed vtili, quemadmodum si viua filia pater de eo quod ad se ex rebus amotis peruenisset, conueniretur l. viua quoque filia §. eod. Nam & aliis plerisque casibus vili iudicio rerum amotarum locus est cessante directo l. si mulier 21. in princip. eod. tit. Effetque longè probabilius defendere quod nos in Coniecturis diximus, Mortua filia quæ res amouit, nullam superesse actionem in patrem nisi de peculio in id quod ad eum peruenit, Quàm quod reprehensores nostri audent dicere, teneri patrem actione directa rerum amotarum. Quomodo enim teneretur aut quo iure cum neq; ipse res amouerit, neq; sit heres filij quæ amouit? Alioqui durior erit actio rerum amotarum conditione furtiua quæ nunquam datur nisi in futurum ipsum aut in furis heredem, Nec si talis sit ille qui conuenitur vt furti quoque teneatur, Vt cernere est in eo cuius ope & consilio furtum factum est, d. l. 5. §. seq. D. de condit. furt. Et tamen constat actionem rerum amotarum in plerisque melioris esse conditionis, quàm conditionem furtiuam, Deterioris numquam, cum idè sit comparata vt lenius mulier coerceatur in honorem scilicet: matrimonij l. 2. §. penultim. & pass. eod. Sed neque vlla erit differentia inter filiamfamilias quæ res amouit, & seruum qui furtum fecit, si dicamus teneri patrem actione rerum amotarum directa ob res per filiam amotas, licet non nisi de eo quod

quod ad ipsum pervenit, Quandoquidem nec furtiva condictione tenetur dominus ex furto servi nisi quatenus ad eum pervenit *l. 4. de condit. furt.* nisi quod pro residuo servum noxæ dedere potest & debet ut eadem lex ait, Nec tamen negari potest quin differentia illa sit inter dominum & patrem, quod dominus tenetur condictione furtiva ex furto servi, cum servus ipse conveniri non possit, Pater verò nunquam tenetur condictione furtiva sed solus filiusfamilias cui & codici potest *d. l. 5.* Cur ergo admittamus ut ex facto filiifamilias pater directæ actione rerum amotarum villo casu teneatur? Nam & cum viua filia pater agat de dote adiuncta filii persona, non ad aliud tamē se obligat, quàm ut filiam rerum amotarum iudicio in solidum, & cum satisfatione defendat, ut scribit Paulus in *d. l. 3. §. ult.* qui tamen seipsum defendere hoc casu si quo vnquam alio deberet, si ita ius esset ut ob res per filiam amotas directæ rerum amotarum actione conveniri posset: Neque enim admitti potest quod cōtradictores obiciunt, Patrem mortua filia esse quasi eius heredē in eo quod ad ipsum ex rebus amotis pervenit *argu. l. 3. §. Pomponius adicit. D. de minor.* Cum filiusfamilias iure Pandectarum nec heredem habere poterit, nec quasi heredem, ne quidem in peculio castrensi de quo testatus non fuisset *l. 1. & 2. D. de castrenf. pecul.* Longēque alia sententia est *d. §. Pomponius*, De cuius emendatione & interpretatione videnda omnino sunt quæ scripsimus in Rationalibus ad eum locum & *lib. 4. Coniectur. c. 5.* Sed reliqua iam persequamur quæ plus habent sanè difficultatis.

ERROR TERTIVS.

De actione, de peculio, quæ datur contra patrem vel dominum ex furto filij vel servi in l. 3. §. ex furtiva pen. D. de pecul.



NTæ hūc diem non observaveram mirabilem audaciam & inscientiam Triboniani in quæstione *l. 3. §. ex furtiva causa D. de pecul.* quæ tamen nisi me Triboniani odium fallit, utraq; apertissima est. Scripserat Vlpianus hoc vnum, puto, quod initio eius §. scriptum legimus, Ex furtiva causa filiusfamilias condici posse. Id est condictione furtiva cōveniri posse filiumfamilias qui ipse furtum fecerit. Quod certè verissimum est, ut & Paulus fatetur in *l. ex furtiva §. D. de condit. furt.* Et adeo verum, ut id constiterit inter Iureconsultos, quomodo Vlpianus supradictō loco loquitur, id est nullam prorsus habuerit dubitationem. Quidni enim ea condictione filiusfamilias teneatur, cum & personam integram habeat, & ex omnibus causis nec minùs ex delictis quàm ex contractibus & obligetur, & conveniatur *l. tam ex contractibus §. D. de iudic. l. filiusfamilias 39. D. de oblig. & act.* ubi additur & tanquam patremfamilias obligari eum, & cum ipso tanquam cum patrefamilias agi posse. Cum verò ita Vlpianus simpliciter & verissimè scripserisset, Tribonianus de suo ingenio quæstionem novam & si Diis placer subtilem addiciendam putavit: Cui ut locum faceret, primū inter media Vlpiani verba interiecit dictionem illam *quidem*, qua nihil habet familiaris: Deinde addidit *An verò in patrem vel in dominum de peculio danda est queritur.* Quasi fuerit inter Iureconsultos controversum id de quo nemo vnquam dubitavit. Si quid enim toto in iure certum illud sanè certissimum est, Ex furtiva causa, siue filiusfamilias, siue servus furtum fecerit non dari actionem de peculio in patrem vel

in dominum, Obstante nimirum iuris regula quæ non patitur, ut ex pœnalibus causis actio de peculio in patrem præsertim detur *l. ex pœnalibus* 58. *De reg. iur.* sed tunc tantum cum ex contractu actio venit *l. i. §. si filiusfamilias D. de his qui de rec. vel effud.* Non enim pater, qui filio peculium concedit, idem concedere intelligitur ut filius inde sumat occasionem & materiam delinquendi, Propter quod ex filij delictis debeat teneri de peculio *arg. leg. filiusfamilias. 7. D. de donat.* quod nec mandato vlllo quantumlibet generali concessum intelligitur *l. creditor 60. §. penult. D. mandat.* Siquidem delinquere plus quam perdere est. Idemque in domino iuris est, quia licet seruus qui delictum admisit nõ possit ipse quandiu seruus est ex delicto conveniri, competit tamen eo nomine contra dominum actio noxalis, quæ cum actione de peculio concurrere non solet *l. ex contractibus 49. in fin. D. de oblig. & act.* Denique inauditum est ut ex filij vel serui delicto pater aut dominus teneatur de peculio. Et tamen ait Tribonianus quæri inter Iureconsultos, id est non æquè de eo constare an in patrem vel in dominum danda sit actio de peculio ex causa furtiva si filiusfamilias vel seruus furtum fecerit. In quo etiam mirus est Tribonianus qui post propositam Vlpiani sententiam illam verissimam Filiofamilias ex furtiva causa condici posse, Nulla scilicet facta serui mentione, quia nec verum est seruo posse condici, quando nulla cum seruo actio esse potest, *leg. cum seruo 107. De regul. iur.* Quæstionem tamen concepit non minus de domino quam de patre, An scilicet in patrem vel indominum actio de peculio danda sit, Acti in præcedentibus scripssisset, Etiam servuum teneri condictione furtiva. Sed illud magis mirum est, & ad manum Triboniani detegendam aptius, quod ad quæstionem conceptam de patre & domino quæ de solo patre concipi debuerat, nihil tamen respondet, quod ad patrem sed tantum quod ad dominum pertinet. Ait enim *et est verius, in quantum locupletior dominus factus esset ex furto facto actionem de peculio dandam.* Non est ausus eò usque progredi audaciz ut diceret esse verius dandam actionem de peculio contra patrem ex furto filij in quantum locupletior pater ex eo furto factus esset, quia vidit alienius id fore à iuris ratione, ut pater ex delicto filij, quam ut dominus ex delicto serui teneretur actione de peculio, cum filiusfamilias qui furtum fecit possit ipse conveniri. Nam & ob eam causam ita comparatum esse videmus ut ob furtum quod filiusfamilias fecerit, non possit pater conveniri actione furti, quomodo conveniri potest dominus ex furto serui, quamvis ita ut noxæ deditione liberetur si malit ille servum dedere quam furti pœnam legitimam præstare *leg. si quis perferendum 35. §. 1. leg. si quis ex bonis 83. §. 1. D. de furt.* Atque ita sine dubio intelligi debet quod scriptum est in *leg. si quis 41. §. quando cod. tit.* si is qui furtum fecit, alieni iuris esse cœperit actionem furti cum eo esse cuius potestati subiectus est. Ut nimirum de eo accipiat qui cum furti tempore sui iuris esset postea servus factus sit, non de eo quem contigerit filiumfamilias fieri per adrogationem. Quid enim necesse est transire in alium actionem furti quæ contra eum ipsum qui alieno iuri subiectus esse cœpit, salua esse possit? Nam nec de alia furti actione Vlpianus eo loco loquitur, quam quæ viuo etiam fure peritura esset si non in alium transfret, ut & initium illius §. ostendit & ratiocinatio qua Vlpian. vitur ut probet, quod dixerat, quandiu vivit is qui furtum fecit, non perire furti actionem, quæ sanè periret redacto in servitutem eo qui paterfamilias furtum fecerat si in novum dominum non transfret. Ideoque bene subiicit Vlpianus hoc esse quod dici solet

solet; *Noxam caput sequi*, quod tamen de solis seruis qui deliquerunt non etiam de filiisfamilias dictum à prudentibus fuit, quia & ad noxales actiones ea res pertinet quæ non ex filiorumfamilias, sed tantummodo ex seruorum delictis dantur *leg. si seruus communis 61. in princip. cod. tit. 1. tot tit. De noxal. act. leg. 2. §. quasi sum D. de priuat. delict. §. omnis autem. Inst. de noxal. act.* Ergo quemadmodum facilius est ut actio furti ex furto serui detur contra dominum, quàm ut ex furto filijfamilias contra patrem, Ita & fatendum illud est, alienius esse à ratione iuris, ut dicamus teneri patrem de peculio ex furto filij, quàm ut dominum ex furto serui: & ob eam causam paulò timidiùs egisse Tribonianum ne ausus sit ad quæstionem malè propositam de patre & domino, respondere de utroque, sed de domino solo. Quamuis non magis vera sit responsio in domino quàm in patre. Et quia præuidit Tribonianus fore ut ea sententia vix inquam probaretur, addidit, ut solet, auctoritatem Labeonis, Idque ab eo probatum esse adfirmat, nullo tamen citato loco ne manifesti mendacij reus fieret. Sed mendacij probationem apertissimam statim profert cum addit rationem, qua motus fuerit Labeo, prorsus falsam & Labeonis ingenio atque acumine indignam *quia iniquissimum est*, inquit, *ex furto serui dominum locupletari impunè*. Quasi verò consequens id statim fuerit ut ex furto serui locupletetur impunè dominus, si negemus ex illa causa teneri eum de peculio. Atqui non ita est. Cum enim admittamus etiam furtiua conditione teneri dominum ex furto serui, quamuis neque fur ipse sit neque heres furis, *dist. leg. si seruus 4. D. de condit. furti*, fieri certè nullo casu potest ut ex serui furto dominus impunè locupletetur, tametsi nullam de peculio actionem aduersus dominum ex ea causa concedamus. Siquidem longè plenior est conditio furtiua quam nos cum Vlpiano *in dist. leg. 4.* damus ex iuris ratione contra dominum, quàm actio illa de peculio quæ à Triboniano inducta est aduersus regulas iuris: Non enim dat eam Tribonianus, nisi in quantum ex furto serui locupletior dominus factus fuit, Nec æquitatis prætextus ille quo mouetur suadet ad quid amplius dari de peculio actionem. At conditio furtiua quæ ex furto serui contra dominum datur, non de eo solo competit quod ad dominum peruenit, sed, quæ natura est conditionis furtiua, in solidum, id est supra etiam quàm ad eum peruenit, adeoque supra etiam quàm sit in peculio in quo fortasse plus sit quàm ipso lucro quod ex serui furto dominus senserit, Nisi quod ratione residui hoc est eius quod excedit lucrum, liberatur dominus si seruus noxæ dedere paratus sit, Cui tamen nihil prodesset noxæ deditio quantum ad eam furti partem quæ ad ipsum peruenisset. Quæ vera & aperta sententia est *d. l. si seruus*, cuius verba illa *condicendum est domino*, non de alia conditione accipi possunt quàm de conditione furtiua, ut & titulus ipse & sequens lex ostendit. Etsi non defunt qui putent accipienda esse de actione de peculio *ex dist. leg. 3. §. penultim. De pecul.* exemplo eius quod conditionem in peculium pro actione de peculio dixisse videtur Paulus ex Iuliano *in leg. penultim. cod. titu.* Moti ex eo quod idem Paulus scripsit generaliter *in l. ex furtiua 5. cod.* Numquam ea conditione furtiua teneri alium quàm eum ipsum, qui furtum fecit aut heredem eius, Nec animaduertentes tractari eo loco de filiosfamilias qui furtum fecerit, & rationem illam non pertinere, nisi ad eum casum quo persona libera furtum admiserit quæ & ipsa conueniri possit, & habere heredem: quorum neutrum seruo conuenit. Voluit enim Paulus ea ratione docere, Cur ipsi filiosfamilias furi condicendum sit non patri, Quæ tamen non possit uti quin abutaris,

si ex ea perinde probare velis conditionem furtiuam non dari contra dominum. Nisi simul etiam illud inducere velis, ut seruus ipse qui furtum fecit, conditione furtiua teneatur, quod multò adhuc absurdius fuerit, Nec melius illi qui legem illam Vlpiani sic intelligunt, ut duplex actio contra dominum danda sit, Vna de peculio, de eo tantùm quod peruenit, Altera noxalis quæ sit de residuo. Vnius enim solummodò actionis Vlp. meminit, id est cõditionis furtiue, sed quæ tamen duas partes habeat diuersis respectibus comparatas, Quippe, quæ licet in solidum competat contra dominum, aliter tamen competit de eo quod ad dominum peruenit, aliter autem de residuo. Nam de eo quod ad dominum peruenerit, datur præcisè & absolutè, nulla electione salua domino ut seruum noxæ dedendo condemnationem illam euitare possit. Quid enim si quod ad eum peruenit ex furto serui pluris sit, quàm quanti seruus ipse est? Cur permittatur domino lucrari quod plus est in furto, quàm in serui æstimatione? Non enim noxales actiones idèò comparatæ sunt, ut locupletentur domini ex delictis seruorum, sed ne alioqui seruorum nequitia ultra ipsorũ corpora dominis esset damnosa, ut ait Iustinianus *in tit. De noxal. action.* At de residuo, id est quod in furti æstimatione amplius est quàm ad dominum peruenerit, sic competit furtiua cõdictio aduersus dominum, ut tamen si malit seruum noxæ dedere quàm solidi furti æstimationem præstare, audiri debeat, quoniam aliter posito iure fieret, ut ex facto serui damnum sentiret dominus suprà quàm quanti seruus esset, In summa, nihil aliud ex eo inferre possis nisi quod nos libenter admittimus: Conditionem illam furtiuam quæ ex furto serui contra dominum datur, partim esse non noxalem, partim noxalem. Non noxalem de eo quod ad dominum peruenit, Noxalem verò de residuo, cuiusmodi sunt cæteræ actiones omnes quæ ex delictis seruorum contra dominos dantur, vltra id quod ad dominos peruenerit. Nec enim proprium hoc nomen est vllius actionis quæ specialiter dicatur noxalis, sed qualitas illa est cæterarum actionum omnium speciale ac proprium nomen habentiũ, quoties ex noxa & delicto serui facti dantur cõtra dominum, ut tamen ab iis per noxæ deditionem dominus liberetur *g. sunt autem constituta Inst. de noxal. action. d. l. si seruus 61. vers. his etiam D. de furt. vbi dicitur creditorem cui seruus pignori datus furtum fecerit, agendo pignoratitia consecuturũ, ut vel damnum decedat debitor, vel pro noxæ deditione hominẽ relinquat.* Quod generalius exprimit Vlpianus noster *in d. g. quasi l. 2. De primat. delict.* in illis verbis *sed si seruus sit qui hæc admisit, quacunq; actione noxa fuerit deditus perempta est altera actio.* Et hoc est, quod idem Vlp. ait *in l. miles 6. §. 1. De re iudic.* iudicium solius noxæ deditionis nullum esse sed pecuniariam cõdemnationẽ sequi, quia nec in condemnatione est noxæ deditio, sed in solutione, tanquam quæ à lege non à iudice tribuatur. Cui convenienter scriptum est *in d. l. 4. de cõdict. furt. in residuum, noxæ seruum dominus dedere potest,* ut intelligamus non vi condemnationis fieri deditionẽ, sed ex sola voluntate & electione domini, malentis ita facere quàm furti à seruo facti quod longè pluris sit solidã æstimationẽ præstare, Ad quam tamen præstandã omnimodo cogeretur ex vi & potestate propositæ conditionis, si noxæ deditionẽ non offerret. Illa namq; verba *in residuum* sicuti non de alia quãtitate accipi possunt quàm quæ excedat id quod ex furto serui ad dominũ peruenit, Ita nec de alio residuo, quàm quod deductũ sit in petitionẽ & cõditionẽ vltra lucrum quod ex serui furto dominus fenserit. Ex quo apparet tantò manifestiũs quàm verũ sit quod supra diximus Vlpianũ eo loco de actione De peculio intelligi nullomodo posse, Nèpe:

quæ

quæ propriam illam & specialem naturam habet à cæteris omnibus distinctam, quod nunquã noxalis est, nec proinde per noxæ deditionẽ vnquã extinguitur, & idcirco solet opponi tanquã contraria noxali actioni *d.l. ex contrahibus 49. in fin. De oblig. & act. l. vlt. §. i. vbi est text. elegans D. de aleator. & alibi passim, Maxime in Titulis De noxal. act. & De pecul. Igitur nullomodo defendi pòt quod sub Vlpiani nomine Tribonianus scripsit in *d.l. 3. §. pen. De pecul.* Teneri dominum de peculio quatenus locupletior factus est ex furto serui. Tantum abest, vt verum esse possit quod eo argumẽto probare voluit, Etiam patrem ex furto filii familias actione De peculio conueniri posse, quamuis non æquẽ id apertẽ scribere ac profiteri ausus sit, vt diximus. Et tamen solus ille locus certẽ est qui siue Tribonianum ipsum, siue malum nec Triboniano meliorem interpretem mouit, vt Vlpianum quoque corrumperet, additis in *d.l. 4.* verbis illis *vel filiusfamilias* quasi nulla inter filiumfamilias & seruum differentia sit, nulla inter patrem & dominum, siue de conditione furtiua quærat, siue de danda actione De peculio propter furtum filii familias vel serui.*

ERROR QVARTVS.

De sententia l. ex pœnalibus 38. De regul. iur. & de conditione ex non iusta causa, & ex iure gentium Ad l. rerum 25. D. rer. amot.



ICAT aliquis nec insubtiliter, Eam ipsam rationem qua mouemur, vt negemus dandam esse ex furto serui actionẽ de peculio in dominum, ne quidem in quantum locupletior ex eo factus est dominus, Scilicet quòd possit lucrũ illud adeoque seruus ipse per noxæ deditionem eripi domino proposita in domipũ conditione furtiua, Suadere potiùs vt aliud dicendũ sit in patre, id est vt in patrem tanto æquius danda sit actio De peculio, Ne ex furto filij locupletetur impune, Cũ non perinde possit ille furtiua conditione teneri, ne quidem de eo quod ad ipsum peruenit. Nõ esse igitur mirandũ aut reprehendendum quod Tribonianus senserit, Ex furto filii familias dandam actionem de peculio in patrem, Præsertim cũ etiam si aduersus filiumfamilias ipsum actũ sit conditione furtiua viuo patre, tam sine effectu futura sit condẽnatio, nulla filio habente bona, in quæ fieri executio possit *l. si dubitet 10. §. vlt. aliàs l. filiusfamilias D. de fideiuss. Reli. õdeo*, Imò verò hanc rationem probare cõcludenter, Nil esse necesse violari regulam iuris, vt ob furtum quod filiusfamilias fecerit, demus in patrem actionẽ de peculio, quia sufficit filium ipsum ex ea causa & conueniri & condemnari posse, Cũ illo condemnato futurum sit vt pater quoq; eo nomine non tantũ de eo quod peruenit, sed etiam de toto peculio conueniri possit, idq; non iure aliquo singulari, sed iure communi, quãvis filius ex pœnali causa & ob delictum fuerit primũ cõdemnatus *l. eisi condemnatus 35. iunct. l. præced. D. de noxal. act.* quasi conuersa pœnali causa in causam quasi contractus ex nouatione illa quæ sit per iudicatum *d.l. 3. §. idem scribit D. de pecul.* Vbi ob hanc rationem Vlp. ex Marcello scribit Iudicati & condemnati filij patrem teneri actione de peculio, etiam eius actionis nomine ex qua non poterat antea pater actionẽ de peculio pati, quòd sicut stipulatione, ita & iudicio cũ filio contrahatur, Neque verò de eius sententiæ aliud exemplũ accõmodatius adferri meo iudicio potest, quàm quod in manibus habemus, de filiofamilias qui furtũ fecerit, & ex hac causa, siue furti

actione, siue furtiua conditione condemnatus sit. Nā utrumque verum est, neque cogendum patrem ex hac causa pati actionem de peculio, prius quam filius sit condemnatus, neque audiendum si velit recusare actionem de peculio post filij condemnationem. Et ad hoc fortasse respiciens Vlpianus in *d. l. ex pœnalibus*, regulam iuris sic concepit, Ex pœnalibus causis actionem de peculio in patrem dari non solere. Non dixit nunquam dari, sed quo modo regulę cōcipi solent, Non solere dari, Ut doceret dari tamen aliquando, At non illo casu, quo peculium locupletius factum sit ex furto filii familias, ut plerisque viros doctos interpretari video, Sed vno illo quo filius ex pœnali causa fuerit iam cōdemnatus. Ideoq; nimirum de patre solo non etiam de domino Vlpianus ita concepit regulā, quia nō eodem modo concipienda esset si de domino tractaretur. Cum ex pœnali causa nunquam possit dari actio de peculio in dominum ob delictum serui, quia nec seruus ipse ex delicto suo condemnari vnquam potest, ne tum quidem cum à nemine defenditur. Siquidem, ut sepius inculcauimus, nulla cum seruo actio esse potest. Ex eoque magis intelligimus, non posse ita Vlpianū accipi ut ex pœnalibus causis danda sit in patrē actio de peculio in id quod ad patrem peruenit. Nam quemadmodum filio condemnato danda est contra patrem vel ex ipsis regulis iuris actio de peculio in solidum, id est ad concurrentem vsque furti & peculij quantitatem, etiamsi multò minùs ex furto ad patrem peruenierit quàm sit in peculio, Ita & ante filij condemnationem fatendum est nullo modo teneri posse patrem de peculio, id est ne quidem de eo quod peruenit. Effet enim illa noua formula actionis de peculio, & prudentibus ipsis incognita, qui duplicem tantum eius actionis formulam agnouerunt, Vulgarem vnam sic à Paulo dictam in *l. si seruus nauem 42. D. de furt.* in qua sit mentio duntaxat peculij, sine alia vlla adiectione: Aliam non vulgarem, in qua etiam aliud quidpiam adiiciatur, puta De eo quod in rem domini versum sit, aut De noxx deditioe, *§. praterea* versic. licet enim *Inst. quod cum eo qui in alien. potest.* Itaque cum de actione De peculio simpliciter prudentes loquuntur non de alia loquuntur quàm de ea quæ vulgarem habeat formulam, & in qua proinde nihil aliud inspicendum sit ad faciendam condemnationem, quàm quid & quantum sit in peculio, si quod petitur quantitatem peculij vel æquet, vel excedat. Quid ergo si vel peculium nullum filius habeat qui furtum fecit, vel tam insignie furtum fecerit, ut plus sit in furti æstimatione, quàm in peculio? His casibus nemo dixerit, per actionem De peculio posse consultū esse illi cui furtū factū est, Non priore, quia vbi peculium nullum est, nec actio de peculio vlla esse potest, Non posteriore quoniam actio de peculio non ultra extendi potest quàm in peculio sit, Nisi forte id quod excedit in rem patris vel domini versum sit *d. §. praterea*. Dices hanc exceptionem facere, ut possit igitur dari actio de peculio in patrem etiā supra quàm sit in peculio, si ad eum ex filij furto plus peruenierit, quasi negari nequeat quin versum sit in rē patris quicquid ex furto filij ad patrē peruenit, Sed non ita est. Nec. n. quemadmodum ad patrem vel dominum peruenisse verum est, quicquid in rē eius versum fuit, Ita ē contrario dici potest versum esse in rē patris aut domini quicquid ex furto filij aut serui ad patrē vel ad dominū peruenit, Præsertim verò ad effectū illū inducendæ actionis de in rē versos: Quæ cum sit pars actionis de peculio, adeoque ipsa actio De peculio nisi quod propriā nec vulgare habet formulā, nō aliis casibus potest cōpetere, quàm quibus cōpeteret actio de peculio ad finē peculij si nihil in rē versum esset. Proinde sicuti nō datur actio de peculio in patrē ex pœnalib. causis nisi cōdenatione demum

demū secuta, ne quidē de eo quod peruenit, vt probauimus, Ita neq; actio de in
rē verso dari potest, sed ex iis tantū causis quæ vel ex contractu veniunt, vel ex
quasi cōtractu, puta ex iudicato. An igitur impunē locupletior fiet pater ex fur-
to filij, cūm ex filij persona & delicto, neq; furti cōueniri possit, neq; cōdictio-
ne furtiua, neq; de peculio, neq; de in rē verso? Et nō puto, sed dādā potius cō-
tra eum condictionē quæ dicitur, nō ex iusta causa, quæ sicut generalior est cæ-
teris omnibus cōditionib. quas omnes tanquā species suo velut ambitu cōple-
ctitur, ita & cōcurrit facilē cum aliis actionib. si quæ cōpetāt, vt in *l. contra nurū*
6. §. sed si morte D. rer. amot. & cōpetit proprio quodā iure cūm ceteræ omnes de-
ficiunt, vt in specie *l. rerū quidē 25. eod.* vbi Marcianus ait, Si in matrimonio vxor
marito res subtraxerit cessare quidē rerū amotarū actionem, Sed tamen posse
maritū res ipsas cōdicere, Et addit rationē perelegantē & generalem quod iure
gentiū cōdici res possint ab his qui nō ex iusta causa possidēt, In quibus postre-
mis verbis obseruari vellē quod nō sic Marcianus loquitur vt dicat cōdici pos-
se ab iis qui ex iniusta causa possident, sed ab iis qui nō ex iusta causa, vt latior
sit propositio, nec minū cōprehēdat condictionē sine causa quā condictionē
ob turpē vel iniustā causam, quæ omnes sunt species cōditionis vt inter se dif-
ferentes, ita quæ sub condictione non ex iusta causa comprehenduntur. Quem-
admodum enim aliud est possidere quid sine causa, Aliud verō possidere ex in-
iusta causa, quia iniusta causa licet iniusta sit, tamen aliqua causa est, Ita & con-
dictio sine causa differt à condictione ob turpem vel iniustam causam, *l. vltim.*
in princip. & §. 1. De cond. sin. caus. At æquē non ex iusta causa possidet qui ali-
quid sine causa possidet, atque si ex iniusta causa possideret, quia nec iusta causa
esse potest quæ nulla est, Et semper æquum est mihi ab te reddi quicquid ad
te ex meo sine causa peruenit *l. si & me & Titium 32. in fin. de reb. cred.* qui lo-
cus non est de condictione ob iniustam causam, de qua in *l. perpetuo 6. D. de con-
dict. ob turp. vel iniust. caus.* vt malē Cuiacius interpretatur in *lib. 11. quæst. Papin.*
ad l. 5. D. rer. amot. sed de condictione sine causa. Quam proinde meliūs refer-
re possis ad id quod Vlpian. scribit multò generalius in *l. 1. §. vltim. De condit.*
sin. caus. Id demum posse alicui condici quod vel non ex iusta causa ad eum per-
uenit, vel redit ad non iustam causam. Cæterum condictio hæc quam dicimus
dari iure gentium contra omnes qui non possident non ex iusta causa, licet in
multis differat à condictione furtiua, in eo tamen similis est quod datur etiam
domino vt apparet *ex d. l. 6. §. sed si morte & dist. l. 25. D. rer. amot.* In eo autem
dissimilis quod æquē datur non domino, & ei qui per traditionem rei suæ à sei-
pso factam dominus esse desiit, vt in *dist. l. si & me*, Condictio autem furtiua so-
li domino competit *l. 1. D. de condit. furt.* Item in eo quod condictio furtiua
commentum est iuris ciuilis solo furum odio comparatum *§. sic itaque. Inst. de*
actio. Condictio autem illa contra possidentes non ex iusta causa proficiscitur
à iure gentium *dist. l. 25. in fin.* Condictio furtiua datur contra solum furem aut
furis heredem *dist. l. 5. de condit. furt.* Illa verò etiam contra non furem. Furti-
ua contra eum quoque qui non possideat si modò vel fur sit, vel furis heres *§. si.*
Inst. de obli. qua ex malef. nascunt. Illa verò contra solū possidentē. Furtiua etiam
ad æstimationē & quidē quāti plurimī si fortē res perierit, siue viuo adhuc, siue
iam mortuo fure, quia moram fur perpetuò in re furtiua facere intelligitur *l. in*
re furtiua 8. §. 1. de condit. furt. Illa verò nō nisi ad rē ipsam, Vt proinde nō pos-
sit dici superuacuò cōparatam fuisse condictionē furtiua iure ciuili, in fauorem
domini, cui cōdictio illa generalior iure gentiū iam cōpetebat, Cūm ex iis quæ

modò diximus appareat conditionis furtiuæ multò pleniore & vberiores esse præstationes, ita vt vix vllus commodus generalioris cōditionis vltus esse possit, nisi velut in subsidium & cæteris omnibus deficientibus, vt in specie *d. l. 25.* & in ea quā nunc tractamus, De patre qui locupletior factus sit ex furto filij familias vel nullum peculium habentis, vel tam exiguū vt non æquet æstimationem rei furtiuæ, quæ ad patrē peruenit. Sed ad Tribonianū nostrum redeamus. Nōdū enim ipsius insciū in *d. l. 3. §. pen. De pecul.* adhuc omni ex parte deteximus, nec prius detexerimus, quā de totius illius §. sententia dicere absoluerimus.

ERROR QVINTVS.

De differentia conditionis furtiuæ & actionis rerum amotarum in questione d. l. 3. §. ex furtiuā D. de pecul. & l. 3. §. vlt. D. rer. amot.



IDIT Tribonianus cū sub Vlpiani nomine nouam illam iurisprudentiam inducere vellet, De danda contra patrem actione de peculio ex furto filij, saltem de eo quod ad patrem peruenit, parum se proficisse allato exemplo actionis de peculio quæ contra dominum danda sit ex furto serui in quantum locupletius peculium factum est, & stabilita per mēdaciū quasi vera ex auctoritate Labeonis illa propositione, si non adderet rationem aliquam quæ propiūs accederet ad institutam de patre potissimū disputationem, Cū nemo nesciat patris & domini, itēque filij familias & serui conditionem, licet in multis iuris partibus sit par & æqualis, in pluribus tamen dissimile esse. Ob eam nimirū causam adiecit ille in *d. §. ex furtiuā. Nā & circa rerum amotarum actionem filij familias nomine in id quod ad patrem peruenit competit actio de peculio.* Quæ sententia sanè vera est, non sicut superior falsa. Idem enim Melz & Fulcinio antiquis & præcipui nominis prudentibus visum fuisse iestatur Paulus, & ipse quoque probat in *leg. 3. §. vltim. D. rer. amot.* Sed non idē consequens est vt bona sit collectio & ratiocinatio qua Tribonianus vtitur, Adēdū illi familiare est, sicut interdum vera ex falsis, ita & falsa plerumq; ex falsis, nonnumquam etiam ex veris colligere. Imposuit tamen hæc ratio & argumentatio magnis plerisque viris, etiam ex recentioribus iisque doctioribus, qui adfirmare ausi sunt nullam diuersitatis rationem satis commodam reddi posse hac parte inter conditionem furtiuam & actionem rerum amotarum, Indēque cōperunt non dubitare, quin sicut actio de peculio danda est in patrem ob res per filiam amotas, quatenus ad patrem peruenerunt, licet filia ipsa directo rerum amotarum iudicio teneatur. Ita & danda sit ex furto quod filius vel filia familias fecerit, in quantum scilicet locupletius peculium factum est, quamuis non pater, sed solus filius qui furtum fecit aut sola filia familias conditione furtiuā teneatur. Cur enim distinguamus, inquiunt, causam conditionis furtiuæ à causa actionis rerum amotarum, Cū non minùs furtum faciat vxor quæ diuortij consilio res amouit, si postea secutum sit diuortium, quā alius fur quilibet, nec nisi ad temperandam nominis asperitatem inductum sit iudicium singulare rerum amotarum, Denegata actione furti constituto iure, in honorem scilicet matrimonij, vt scriptum est in *l. 1. & 2. pass. D. rer. amot.* Nos verò longè aliter, Conditionem furtiuam cū in aliis multis differre ab actione rerū amotarū de quibus dicemus in sequentibus, tū in hoc maximè, quod

quod ex causa furtiua quæ conditionem furtiuam parit, neque in patrem, neque in dominum dari actio de peculio potest, ne quidem de eo quod ad ipsos peruenit, ut superiore capite probauimus, At ex causa rerum amotarum danda est actio de peculio non contra dominum, in quem huiusmodi quæstio cadere non potest, cum persona quæ seruilis conditionis est non magis amouere diuortij causa quicquam possit, quam nuptias contrahere, Sed contra patrem, ut Mela & Fulcinus dixerunt quos refert Paulus in d.l.3. §. ult. rer. amot. itemque Iulianus ab eodem Paulo relatus in l. penult. D. de condic. furs. Diverſitatis ratio est, quia causa furtiua [causam dico non conditionem] pœnalis est, ut nemo non videt, Cum pariat furti actionem quæ nihil nisi pœnam persequitur legitimam l. si pro fure 7. §. 1. D. de condic. furs. Proinde succedit regula iuris quæ non patitur ut ex pœnalibus causis detur in patrem actio de peculio, nisi filio demum condemnato l. ex pœnalibus 58. de reg. iur. d. l. 3. §. idem scribit D. de pecul. l. etsi condemnatus 35. D. de noxal. act. Causa verò rerum amotarum pœnalis non est, quia displicuit coniugem qui res amouerit, furti obligari, licet placeat eo quoque casu furtum verè committi d. l. 1. §. 2. rer. amot. Et hanc rationem expressim adduxerunt Mela & Fulcinus si Paulo credimus in d. l. 3. §. ult. rer. amot. quæ cum verius aut apertius dici nihil possit, mirum est non fuisse tamen eam perceptam à magnò illo Iureconsulto, qui quasi nullius ea sensus esset, putauit malè ac inuerso ordine collocatam apud Paulum in d. §. ult. Et pro eo quod in exemplaribus omnibus & latinis & græcis ita legitur, *Mela, Fulcinus aiunt de peculio dandam actionem quia displicuit eam furti obligari, vel in ipsam ob res amotas dari actionem*, sic potius legendum esse *de peculio dandam actionem, vel in ipsam ob res amotas, quia displicuit eam furti obligari*. Aut etiam ita *de peculio dandam actionem, vel quia displicuit eam furti obligari, in ipsam ob res amotas*. Quomodo tamen si legere mus, nihil aliud assequeremur, nisi ut nulla esset allata ratio ad confirmandam Melæ & Fulcini sententiam ex ea parte, quæ maximè egebat confirmatione: Esset autem allata ad confirmandam eam partem de qua nemo dubitabat. Nam certum erat in filiis familias quæ diuortij còsilio mariti res an ouerit comparatâ esse iure singulari actionem rerum amotarum, id quæ iam idem Paulus si ripserat in l. 1. eo. tutu. quæ sumpta est ex eodem Pauli libro, septimo scilicet ad Sabinum, Addita etiam ratione quòd hoc casu non sit actio furti constituto iure, Itemque ex Caio in l. 2. eo. quòd in honorem matrimonij turpis actio aduersus uxorem denegetur. Proinde superuacuum & stultum fuisset iuris apertissimi rationem illam adferre quæ etiam allata esset & unicuique eua. Sed quod Mela & Fulcinus priuò n dixerant dandam in patrem hoc casu de peculio actionem, id verò erat, quod sicut maximam habebat dubitationem, ita & ratione aliqua fuerat confirmandum. Illa enim dubitandi causa valde in contrarium urgebat, quòd actio rerum amotarum non minùs ex furto & delicto pèdet, quàm condicção furtiua, licet non pœnæ sed rei habeat persecutionem, ut & furtiua condicção l. si mulier. 21. §. penult. & ult. eo. tit. Quid ergo interesse potest an ex causa furtiua velit quis agere de peculio contra patrem an ex causa rerum amotarum? Sed ratio decidendi quam Mela & Fulcinus probarunt, illa est quod ex causa furtiua competit actio furti, ut proinde non possit negari quin sit pœnalis, Ex causa verò rerum amotarum non competit, quia displicuit coniugem coniugi ea actione quæ pœnalis & famosa sit obligari, & ideo cum actio rerum amotarum pœnalem habere causam dici nequeat, non obstat iuris regula quominus ex ea causa in patrè actio De peculio dari possit. Quæquâ possit quis adhuc

replicare, Imò etiam hoc admissio nihilominus iuris regulam obstare, non illam quidem quæ extat in *d. l. ex pœnalibus*. Sed aliam quæ à nobis prætermissa non est in præcedentibus, quod actio de peculio non detur, nisi cum ex contractu actio venit *l. si filiusfamilias D. de his qui effud. vel dicec. l. si cum impubere l. 3. si idem scribis & pass. D. de pecul.* Atqui negari non potest quin actio rerum amotarum licet pœnalis non sit, ex contractu tamen non veniat, cum nascatur ex delicto, ut diximus. Sunt enim ista prorsus opposita & incompatibilia ut eadem actio nascatur ex contractu & ex delicto, quamvis fieri facile possit, ut in iis quoque actionibus quæ ex contractu proficiuntur, delictum versetur *l. si hominem 7. §. datur D. de posu. l. ex contractibus 49. D. de oblig. & act.* Alioqui si ad dandam actionem de peculio contra patrem, sufficeret conveniri filiumfamilias ea actione, quæ nec pœnalis nec famosa esset, Admittere cogeremur, Filiosfamilias qui furtum fecerit conueto per conditionem furtivam, permittendum esse illi cui furtum factum esset, agere contra patrem de peculio, quia nec magis conditio furtiva vel pœnalis vel famosa est quam actio rerum amotarum, ut iam sæpius diximus in præcedentibus, & latius in sequentibus ostendimus, sicut è contrario non minus ex delicto nascitur actio rerum amotarum quam conditio furtiva. Cum igitur ratio alia non sit propter quam ex causa conditionis furtivæ deneganda sit in patrem actio de peculio, nisi quia conditio furtiva non venit ex contractu, sed ex delicto, quamvis neque pœnalis, neque famosa sit. Cur in rerum amotarum actione diuersum admittimus? Nodus sanè perplexus est & quem non videas ab ullo interprete dissolutum. Omnes enim ut actionem de peculio contra patrem vel concedant vel denegent, illud tantum inuentur an actio quæ contra filiumfamilias competit, sit pœnalis necne, ex *d. l. ex pœnalibus*. Cum tamen illud quoque inspiciendum sit an ex delicto veniat, an ex contractu *d. si filiusfamilias*.

ERROR SEXTVS.

An & qualiter actio rerum amotarum detur ex contractu Ad leg. firerum 52. D. de re iudic.



Nergo cogemur defendere actionem rerum amotarum oriri non tantum ex delicto sed etiam ex contractu? Scilicet matrimonij, sine quo nec furtum viro facere posset mulier consilio diuortij, quod ad inducendam rerum amotarum actionem necessario requiritur *l. rerum quidem 25. D. rer. amot.* Nec si furtum fecisset, actione tamen rerum amotarum conveniretur de actione furti, & conditione furtiva, sicut alia persona quælibet. Ita verò sensisse videtur Tryphoninus in *l. firerum 52. D. de re iudic.* ubi ait, si rerum amotarum cum viro agitur, quâquam videatur ea quoque actio præcedentis societatis vitæ causam habuisse, in solidum tamen cōlennari eum debere, quoniam, inquit, ex malè contractu, aut si mauis ex malo contractu & delicto oritur. Sensus est nasci quidem illam immediatè ex delicto non ex matrimonio, quandoquidem nō modò contrahi matrimonium, sed etiam dissolui per diuortium potest, nullis rebus amotis, Sed tamen si causam primam & originem actionis inspicias referendam eam esse necessariò ad matrimonium, & ad societatem illam vitæ quæ inter coniuges per matrimonium inducitur, & quæ sola fecit, ut æquum visum sit, singulare hoc

lare hoc iudicium rerum amotarum comparari aduersus eam personam quæ cõ-
iux fuit. Nasceitur ergo etiam ex contractu, sed ex malè contractu, vt Tryphoni-
nus loquitur, addita dictione illa *malè* vt intelligamus parum aut nihil offer-
re malè contractum illum à delicto, possèque illa coniungi tanquã hac parte sy-
nonima, Non quodd omne delictũ sit malè contractus, sed quia omnis malè con-
tractus delictũ est. Hoc ipsum verò de cõdictione furtiua perinde dicere nemo
possit. Nasceitur enim illa ex furto solo tãquam à causa nõ rãtũ proxima & im-
mediata, sed etiam vnica, Nisi furtum ipsum referre velis ad animum & propo-
situm delinquendi: quæ delictorũ omnium generalis & communis causa est. Cæ-
terũ nemo dixerit conditionem furtiua quæ ex furto & delicto nasceitur, na-
sci etiam ex malè contractu, Sed tantũ ex malè contractu & mala cõtrẽctatio-
ne rei alienæ animo furandi facta. Mirum igitur non est alio iure censi in hac in-
re conditionem furtiua, alio verò actionẽ rerũ amotarũ, vt ex hac causa non
item ex illa detur actio de peculio in patrem. Vel ob id etiã quod consentiendo
ille filij vel filię nuptiis, quæ alioqui iure contrahi non potuissent *l. 2. D. de rit.
nups.* videtur ille ex suo quodammodo consensu factũq; conueniri cũ ex cau-
sa rerum amotarũ conuenitur, quæ ipsa non aliam quã præcedentis societatis
vitæ causam habere intelligitur. Propter quod videbatur maritum qui rerum a-
motarum iudicio ab vxore conueniretur, non in solidum esse damnandum, sed
quatenus tantũ facere posset, In honorẽ scilicet præteriti matrimonij, ex quo
priuilegium illud mariti descendit: Et sanè ita esset si ex solo cõtractu ea actio
nasceretur, non etiã ex delicto, & ex malè contractu, Cũ planè villo fauere in-
dignus sit qui ipse deliquit, & qui ob hoc ipsum conuenitur quod deliquit *l. Pa-
pinianus 20. D. ex quib. caus. maior. l. rescriptum 6. D. de his qua vt indign.* At in pa-
tre qui nec ipse deliquit nec filio aut filię mandauit vt delinqueret, sed tantum
in matrimonij contractum & societatem illam vitæ consensit, non causam illam
proximam & immediatam delicti inspicere possumus, sed primam licet remo-
torem quæ tota pendet ex contractu matrimonij & ex ea vitæ societate, quæ si
per matrimonium contracta non fuisset, numquam de actione rerum amota-
rum tractari posset, sed tantum de actione furti vel de conditione ex causa fur-
tiua, Quo casu pater nullomodo actione de peculio teneretur. Illud verò notifi-
simum est in iure nostro, quoties de actione aliqua vel concedenda vel denegã-
da quæritur, vel de ipso etiam actionis nomine causam & originem negotij po-
tissimum inspicere oportere, nec tam proximam & immediatam causam quã
primam & remotam *l. 1. §. idem Pomponius 13. & §. si seruum deposuit 30. D. deposi-
t. si procuratorem 8. in princip. D. mandas.* Sicut & in proposita quæstione non tam
qualitas & risus actionis quæ contra filium familias exercetur vel competit in-
spicienda est, quã causa, quomodo loquitur Tryphoninus in *l. tutor datus 69. D.
de fideiuss.* Vt si actionis causa pœnalis sit & famosa, licet actio ipsa non sit, pater
de peculio cõueniri nõ possit: Ob quã rẽ *Vlp. in d. l. ex pœnalib. nõ ait ex pœnalib.
actionib.* quod summo pere notandũ est, sed *ex pœnalibus causis.* Nec melior alia
ratio quærẽda est cur ex causa cõdictionis furtiua nõ detur actio de peculio ad-
uersus patrẽ, Nimirũ quia licet cõdictio furtiua, neq; pœnalis, neq; famosa sit,
causam tamen habet pœnalẽ, cũ nõ aliã causam habeat quã furtũ: Furti autẽ
causa omnimodo pœnalis sit, Nõ quia nullã actionem nisi pœnalẽ parere possit
[parit enim furtiua cõditionem, quæ, vt diximus, pœnalis non est] sed quia
proximè & immediatè parit actionem furti quæ tota pœnalis est, Condi-
ctio enim furtiua etĩ immediatè quoque ex furto nasceitur, tamen non tam

ex necessitate ad puniendum furtum inducta est, quàm ex abundanti & solo furum odio vt pluribus etiam contrariis actionibus teneretur *§. sic uaque Inst. de action.* Ideoque cum querimus an furti causa sit pœnalis necne, si quis tamen tam stultus esset vt de eo dubitaret, non ex conditione furtiua id æstimare debemus, quæ pœnalis non est, sed ex furti actione quæ nihil nisi pœnam, & vindictam publicam persequitur. Ergo semper vera & bona est ratio illa qua Fulcinius & Mela mouebantur, vt ex causa rerum per filiamfamilias amotarum darent in patrem actionem De peculio, quod displicuerit filiamfamilias quæ res amouit furti obligari. Nam rerum amotio etsi re ipsa furtum est *d. l. 1. & l. pen. rer. amot.* quia tamen, neque furii actionem, neq; aliam vllam parit, quæ sit pœnalis, in earum causarum numero, quæ pœnales sunt, poni non potest. In eoque differt maximè à conditione furtiua quæ licet pœnalis ipsa non sit, originem tamen habet à causa pœnali, hoc est à furto. Vnde fit necessariò vt non patiatur patrem filij conuenti per conditionem furtiuam, teneri de peculio. Hæc verò omnia si non prorsus maiè, saltem minis plenè explicauit Iacobus Cuiacius in *lib. II. qu. Papin. ad d. l. 5. rer. amot.* vbi quamuis benè viderit optimam esse rationem illam Melæ & Fulcinij, nec in ea quicquam immutandum esse, In eo tamen errauit, quod eius rationis vim totam posuit in qualitate & natura actionis rerum amotarum quæ pœnalis non est, nec ad id respexit quod maximè respiciendum esse diximus, quod neque causa illius actionis pœnalis est. Ex quo factum fuit vt neque differentiam, neque differentiarum rationem inter conditionem furtiuam & actionem rerum amotarum vllam obseruauerit, tandemque coactus sit admittere ex causa conditionis furtiue perinde ac rerum amotarum dandam esse in patrem actionem de peculio, nisi quod addit, In id quod ex furto peruenit ad patrem: Quasi media hæc sit sententia, & idcirco complectenda inter duas illas quarum vna vellet dari actionem de solido peculio contra patrem ex furto filiifamilias conuenti per conditionem furtiuam, Altera verò eam de peculio actionem in totum denegaret. Decepit virum doctissimum, & quem non decipere? Tribonianus noster in *d. l. 3. §. ult. De condit. furt.* qui etiam locus Petrum Fabrum fefellit, vt receptissimam lectionem emendandam putauerit. Credidit enim malam & falsam esse rationem illam vt in patremfamilias quæ res amouit idèò danda sit actio de peculio quod displicuerit eam furti obligari, Et ita credendi causam hanc vnâ habuit quod si bona esset ratio, consequens fieret, vt si filiamfamilias furtum tale fecisset, cuius nomine furti actione posset conueniri, & idèò conditione furtiua conueniretur, non esset danda in patrem actio De peculio, quod eo casu filiamfamilias furti obligaretur. Quod tamen pugnaret cum *d. l. 3. §. pen. De pecul.* vbi non minùs ex causa conditionis furtiue quàm ex causa rerum amotarum, datur actio de peculio in patrem. Neque verò huic obiectioni vllomodo satisfacit Cuiacius, Non solùm quia non explicat, Cur actio rerum amotarum pœnalem causam non habeat cum nascatur ex delicto, Sed etiam quia tametsi benè explicaret rationem illam propter quam Mela & Fulcinius actionem de peculio ex causa rerum amotarum in patrem dandam putauerunt, Nempe quod displicuerit eam furti obligari, Non tamen explicat quod potissimum erat explicandum, Cur ergo perinde demus actionem de peculio contra patrem conuentu filio ex causa conditionis furtiue, cum ex ea causa furti quoque filius obligetur. Cuius sententiarum si rationem nullam possis reddere, non est quod Petro Fabro succenseas, aut nobis qui à Petro Fabro sic dissentimus, vt non eo magis tamen cum Cuiacio sentiamus: Quin & longè grauior-

grauiores Cuiacij lapsus in eo esse arbitramur quod vult tam actionem rerum amotarum quam conditionem furtiuam esse quodammodo pœnalem, vt ipse loquitur, & quodammodo famosam, id est quasi pœnalem, & quasi famosam. Quo admissio esset multò difficilior rationem reddere, Cur ex vtraque illa causa daretur in patrem actio de peculio. Obstaret enim non illa tantum iuris regula, de qua diximus, quæ non aliter dat in patrem vel in dominum actionem de peculio, quam si veniat ex contractu, *dist. leg. 1. §. si filiusfamilias De his qui effid. vel eiec.* Sed illa quoque de qua in *dist. leg. ex pœnalibus §8. De reg. iur.* Quid enim refert an actio sit verè pœnalis, an quasi pœnalis, præsertim si verum esset, quod vult idem Cuiacius, tanti esse momenti quod hæ actiones sint quasi pœnales, vt ob id non minùs denegentur in solidum contra heredem, quam si verè pœnales essent: quod vtrumque tamen nos postea refutabimus. Vterque verò in eo errat, sed authore & duce eodem Triboniano in *dist. leg. 3. §. penultim. de pecul.* quod putant actionem de peculio contra patrem ex causa rerum amotarum dari de eo tantum quod ad patrem peruenit. Quod quoniam abhorret à vulgari formula & potestate actionis de peculio quæ in solidum peculium dari solet, Ideo nimirum Cuiacius sateri cogitur non de directa actione de peculio Melam, & Fulcinium sensisse, sed de vtili, De qua & Papin. in *dist. leg. 5. rer. amot.* Nos verò sicui iam ostendimus actionem de peculio ex causa conditionis furtiæ non dari contra patrem, ne quidem de eo quod ad patrem peruenit, Ita quam falsò hæc omnia dicantur in actione rerum amotarum, sequenti capite ostendamus, probemusque teneri ex ea causa patrem non vtili actione sed directâ, nec tantum de eo quod peruenit, sed etiam in solidum, & ad finem vsque peculij.

ERROR SEPTIMVS.

De vtili actione De peculio danda contra patrem ex causa rerum amotarum vna filia Ad l. 5. D. rer. amot.



INERET me interpretum nostrorum & veterum & recentiorum, quoties eos video explorare & æstimare iuris rationem ex iis locis de quorum interpretatione laborant, non ipsos iuris locos ex ratione. Inde namque semper euenire video vt offendant in Principia iuris, dum nihil aliud agunt, quam vt legum verba capiant, & eludant. Id verò in proposita questione accidisse comperio doctissimo viro & præcipuo ætate nostra iuris magistro, Iacobo Cuiacio, qui cum scriptum legeret in *leg. 3. §. ultim. D. rer. amot.* Ex causa rerum per filiamfamil. amotarum actionem de peculio in patrem, dandam esse, Ac rursus in *leg. 3. §. penultim. D. de pecul.* actionem illam de peculio non simpliciter dandam esse, sed de eo tantum quod peruenit, Non aliter scè ex ea difficultate euoluere potuit, & locos illos, qui pugnare videbantur, conciliare, quam inducta distinctione duplicis actionis De peculio, Vnius quæ sit directâ, Alterius quæ sit vtilis. Directam saterur dari in solidum peculium, At vtilem non nisi de eo quod ad patrem vel ad dominum peruenit. Itaque quod Melam & Fulcinium dicebant dandam in patrem ex causa rerum amotarum actionem de peculio, negat accipiendum esse de directâ, sed de vtili, Ex Papiniano in l.

viua 5. D. rer. amot. ubi ait viua quoque filia quod ad patrem ex rebus amotis peruenit, vili actione petendum esse, Ergo in his omnibus à Cuiacio dissentio. Primum quia nusquam apud prudentes nostros in hunc vsque diem reperi factam mentionem actionis vtilis De peculio. Neque sanè fieri potest vt vlla sit: Non solum quod actio de peculio sit pratoria, Actiones autem proriæ quæ omnes ex æquitate sola dantur, & publicæ utilitatis causæ, rariùs illam distinctionem admittant vt quædam sint directæ, quædam viles, quomodo solemus distinguere cum de ciuilibus actionibus tractamus, [et in negotiorum gestorum actione quæ pratoria quoque est hanc distinctionem Tribonianus admisit in *leg. actio 47. D. de negot. gest.*] Sed etiam quia edicti verba tam generalia sunt vt omnes casus comprehendant, in quibus actio De peculio dari potest, nec vllius vilis actionis inducende, cuius nec vlla mentio fit in libris nostris quod meminerim, necessitatem relinquant. Ait namque Prætor *Quod cum eo qui in alterius potestate est, negotium gestum erit. leg. 1. §. verba autem. D. de pecul.* quibus verbis nihil generalius dici potuit, Nisi si eas quoque causas comprehendere Prætor voluisset quæ ex delicto non ex negotio gesto profisciscuntur, Quarum tamen nomine certissimum est actionem De peculio competere nunquam posse *dict. leg. 1. §. si filius familias D. de his qui effud. vel deiecit.* Vtiles autem actiones non aliæ esse possunt quàm quæ deficientibus verbis legis aut edicti per solam interpretationem ex æquitate inducuntur. Deinde vt maximè admittendum esset aliquam esse actionem vilem De peculio, nego tamen debere illam minùs plenam esse quàm si directæ esset. Nam & Tribonianus qui contra iuris rationem primus distinctionem illam prætoriarum actionum directarum & vtilium induxisse videtur in *dict. leg. actio*, disertè scribit nihil referre directæ quis an vtili actione agat, vel conueniatur, cum vtraque actio, inquit, eiusdem potestatis sit eundemque habeat effectum. Non est igitur quod vilem actionem De peculio pro directâ inducamus, vt ob eam causam patri minorem irrogemus condemnationem, quàm si directâ conueniretur. Tertiò falsum est Papinianum in *dict. leg. 5. rer. amot.* loqui de vili actione De peculio. Nam siue legem illam cum præcedentibus iungas, siue cum sequentibus, apparet non de alio quàm de rerum amotarum vtili iudicio intelligi eam posse. Multum verò refert an dicas teneri patrem ex causa rerum amotarum vtili actione De peculio, an verò vili actione rerum amotarum, Nisi fortè absurdum quoque illud admittere volumus, vt inter actionem rerum amotarum ex persona filii familias contra patrem dandam, & actionem De peculio quæ aduersus patrem ex eadem causa competat, nihil interfit. Quod tamen nemo hucusque dixit. Quid enim commune aut simile habet actio rerum amotarum cum actione De peculio nisi quod vtraque est pratoria? *leg. 2. C. rer. amot.* Aut quid pertinet ad actionem rerum amotarum an peculium aliquod sit necne, vt eo magis vel minùs dari debeat? Quomodo tamen in actione De peculio distinguendum & inquirendum necessariò est, cum actio illa non aliter tenere possit, quàm si peculium aliquod sit saltem rei iudicandæ tempore *leg. quasum 30. in princip. D. de pecul.* Quartò, Nec illud etiam verum est median esse illam sententiam & temperatorem vt ex causa rerum amotarum teneatur pater vili actione de peculio in id tantum quod ad ipsum peruenit. Nam quemadmodum plus esse potest in peculio, quàm in eo quod peruenit, ita & minùs. Quo casu cum minùs est in peculio, euenire necesse est vt plenior futura sit actio vtilis de peculio quæ

quæ

quæ dabitur in id omne quod ad patrem peruenit ex rebus amotis, quàm directæ, quæ supra peculij quantitatem numquam competit. An non verò hoc quoque perabsurdum fuerit, ut actionis utilis maior potestas sit, quàm directæ? & ut durius teneatur pater conuentus ex p[er]sona filiz utili actione De peculio, quàm si directæ conueniretur? Quintò illa quoque ratio falsa est, quam adducit Cuiacius quare non possit actio directæ de peculio competere aduersus patrem ex causa rerum per filiamfamilias amotarum, quòd actio rerum amotarum detur ex delicto, De peculio autem si directæ & summo iure agatur, non possit agi nisi ex contractu, & negotio gesto. Nam præter id quod actionis rerum amotarum singulare ius illud est ut quamuis ex furto pendeat *leg. si mulier 21. §. ult. rer. amot.* tamen ex contractu quoque oriatur sed ex malè contractu, quia præcedentis societatis vitæ causam habet, ut eleganter scribit Tryphoninus *in l. si rerum 52. D. de re iudic.* quod ante nos nemo, ut arbitror, obseruauit, Probatet potius hæc ratio, Vel nullam penitus actionem de peculio dandam esse in patrem, id est non magis utilem quàm directam cum ex solo delicto actio venit, quod sane verissimum est, Vel dandam esse utilem omni casu, id est etiam si ex solo delicto veniat actio quod contingit in conditione furtiua ceterisque omnibus actionibus p[er]nalibus, quæ scilicet quo magis nascuntur, ut ita dixerim ex delicto, aut ut melius dicam, ex grauiore delicto, eo magis sunt p[er]nales. Atqui falsum est dari actionem de peculio ex p[er]nalibus causis *d. l. ex p[er]nalibus 58. De regulis iur.* non solum si actio quæ contra filium instituitur sit merè p[er]nalis ex utraque parte & actoris & rei, Sed etiam si sit mixta partim p[er]nalis, & partim rei persecutoria, P[er]nalis ex parte illius qui conuenitur, Persecutoria verò rei ex parte actoris, Adeòque licet nullomodo sit p[er]nalis, meramq; rei persecutionem contineat ut conditio furtiua: Est enim generalis sententia *d. l. ex p[er]nalibus*, nec vllam admittens exceptionem, nisi quam nos adhibuimus in superioribus, si filiusfamilias condemnatus sit, ut p[er]nalis causa conuersa sit in causam iudicati *ex l. et si condemnatus 35. D. de noxal. act. l. 3. §. idem scribit D. de pecul.* Neque rursus de utili actione minus quàm de directæ intelligi ea regula debet, ne alioqui futura sit sine effectu si actionem directam de peculio in patrem ita quis deneget, ut tamen utilem concedat. Nemo autem nescit regulas iuris sic esse accipiendas, ut non tam ad subtilitatem iuris, quàm ad rei effectum referantur. Sextò falsum etiam illud est, Dari vnquam actionem de peculio in id quod ad patrem vel dominum peruenit, si detur illa secundum vulgarem formulam, quomodo loquitur Paulus *in l. si seruus nauem 42. D. de furi.* Hoc enim addendum est ut excipiam eum casum quo agitur de in rem verso: quæ species quidem est actionis de peculio, sed habens propriam & à vulgari separatam formulam, ut in præcedentibus explicauimus, & cui proinde locus nullus esse potest nisi iis ipsis casib. quibus actio de peculio locum habere possit. Fatendū igitur est, quod Mela & Fulcinius dixerunt, si filiafamilias res amouerit dandam esse in patrem actionem de peculio, ita accipi oportere ut non de eo quod peruenit actio illa detur siue plus siue minus, quàm in peculio est, peruenierit, sed ad concurrentem vsque peculij & furti quantitatem, etiam si vel nihil vel minus ex rebus amotis peruenierit ad patrem, Nō in plus, licet ad patrem plus peruenierit, quàm sit in peculio. Residuum enim sicut in actione de peculio venire cum effectu non potest, ita ne apud patrem impunè remaneat, alia actione petendum necessarium est. Hancque interpretationem non illud solum probat quòd Paulus *in d. l. 3. §. ult. rer. amot.* distinguit casum illum quo pater teneatur de peculio ex causa rerum amotarum, & il-

lum, quo teneatur de eo quod ad ipsum peruenit : Quod & duarum legum sequentium connexio demonstrat : Sed illa etiam Iuliani sententia quam Paulus refert & probat in *leg. penultim. D. de condiction. furt.* Ex persona filiarum familias quæ res amouit dandam esse in patrem conditionem in peculium : quo nomine certum est non aliam quam de peculio actionem significari, quæ & ipsa conditio rectè appellatur, generali eo nomine quod actionibus omnibus personalibus commune est. Et si enim conditionem simpliciter cum nostri prudentes dicunt, alio sensu intelligere solent, id est de ea conditione quæ sit quidem in personam, sed per quam intendamus dari nobis oportere, ut constat ex *l. si quis in Asia 12. §. ult. D. de posu. & aliis* penè innumeris quæ sunt sub titulis De conditionibus, De furtis, & alibi passim. In proposito tamen cum Paulus ex Iuliano tractet de conditione in peculium, apparet neque de conditione furtiua posse illum accipi quam omnes fatentur non magis contra patrem quam contra ipsam filiarum familias quæ res amouit posse competere : neque de actione rerum amotarum, quæ conditio dici proprio & speciali hoc sensu nullomodo potest, ut postea probabimus, sed tantum de actione de peculio, propter adiectionem illam in *peculium*. Nam nec conditio furtiua, nec actio rerum amotarum datur unquam in peculium, quia prius esset ut dari deberet contra patrem, contra quem sola competit actio de peculio ab iis conditionibus distincta omnino & separata : Errauit itaque Tribonianus, cum sub Vlpiani nomine scripsit in *d. l. 3. §. pen. De pecul.* Circa rerum amotarum actionem nomine filiarum familias quæ res amouit actionem de peculio dandam esse contra patrem in id quod peruenit. Nisi fuit ille prudentior Mela, Fulcinio & Iuliano qui actionem de peculio sine ulla vel exceptione, vel adiectione contra patrem hoc casu dari debere scripserunt. Sed & manum infcitiamque Triboniani produunt verba illa *filiarum familias nomine* quibus usus ille est pro eo quod dicere debuerat post Paulum & Iulianum *ex persona filiarum familias*. Nam cum pater conuenitur de peculio ob res per filiam amotas, aut ex quauis alia causa quæ actionem de peculio possit inducere, conuenitur quidem ex persona filiarum, non tamen filiarum nomine sed suo, Alioqui non de peculio sed in solidum conueniendus esset, quemadmodum & illa conueniretur *l. si quis cum filiofamilias 44. D. eod. tit. De pecul.*

ERROR OCTAVVS.

De actione qua ob res amotas contra patrem competit suprâ quàm sit in peculio Ad l. vna §. D. rer. amot.



T cum suprâ dixerimus, Teneri debere patrem de eo quod ex rebus amotis ad se peruenit suprâ quàm sit in peculio, sed alia actione quàm de peculio, cum non possit de peculio actio extendi ultra quàm in peculio est, Quæri adhuc potest quænam illa actio sit quæ in hanc rem competat. An conditio quam suprâ diximus dari in patrem ad quem aliquid peruenit ex furto filij, vel nullum, vel exiguius peculium habentis? Conditio inquam non furtiua sed quam generali nomine diximus appellari *non ex iusta causa*, de qua in *leg. contra 6. §. sed.*

§. sed si morte & in rerum quidem 25. D. rer. amot. Ita sanè puto, cùm perpetuò & generaliter verum sit quod ait *d. l. 25.* iure gètium còdici posse res ab his qui nò ex iusta causa possident. Sed tamen illud etià dicendum arbitror, competere ex hac causa vtilem actionè rerù amotarum pro residuo illo quod excedit quàtitatè peculij, quemadmodù competeret si filia peculium nullù haberet, Quo casu nemo diceret posse ex eius persona conveniri patrè actione De peculio, Vel ob id magis admittendù esse vt ex delicto filiz pater impunè locupletaretur, Et ad hos nimirù duos casus puto restringendù esse quod ex Papiniano scriptù legimus in *d. l. vna §. eod. tit.* Viua quoq; filia quod ad patrè ex rebus amotis pervenit utili iudicio petendù esse, scilicet cùm vel peculium filiz nullù est, vel minus est in peculio quàm in rerù amotarum aestimatione. Nā cùm utile iudicium rerù amotarum non nisi ex necessitate induci debeat contra patrem, qui nihil ipse amovit, neq; amovendi consiliù dedit, nulla certè ratio est vt admittamus, posse utile iudicium rerù amotarum concurrere cum actione De peculio, quæ per se sufficiens est ad indénitatem coniugi præstandà quatenus in peculio est, Sed ad illud tunc recurrendù est, cùm actio de peculio, vel deficit omnino, vel manca est, ne plenā indemnitatè adferre possit. Atq; ita Melæ & Fulcinij sententia quæ ex causa rerù per filiā familias amotarù dat in patrè actionem de peculio, non sic temperanda est ex Papiniani lege vt de eo tantum quod ad patrem pervenit dari debeat, quomodo Cuiacius existimat, sed de alio casu intelligèda quàm de quo Papinianus senserit. Quemadmodum enim non potuerunt Mela & Fulcinius actionè illam de peculio dare nisi eo casu quo aliquod filiz peculium esset, Ita neque Papinianus utile iudicium rerù amotarum contra patrem inducere, nisi eo casu quo actio de peculio vel nulla còpeteret, vel quæ competeret sufficere non posset ad totù turpe lucrum patri extorquendù. Dices, Neq; his casibus necessitate illam subesse inducendi contra patrem utilis iudicij rerum amotarù, si verum est quod modò diximus etiam conditionem generalem competere aduersus patrè qui res per filiam amotas non ex iusta causa possidet: Quàvis enim conditio illa còcurrere possit nò modò cum cæteris actionibus *d. §. sed si morte*, sed etiam cum actione ipsa directà rerum amotarum *l. ob res amotas 24. eod. tit.* Ipsum tamen iudicium utile rerum amotarù non magis cum illa conditione generali concurrere potest, quàm cū alia vlla actione. Quippe quod nec utile dici possit, nisi cùm est necessarium. Sed respondeo Concursum generalis illius actionis non facere quominùs utile ac necessariù esse possit iudicium rerù amotarum, Non ob id solùm quòd conditio illa nihil nisi res ipsas & corpora persequitur exemplo vindicationis *d. l. ob res amotas & seq.* fieri autem facile potest vt res per filiam familias amotæ extare deserint, aut fortassis vendite sint, & ex earù tamen precio pater locupletior factus sit, aliis puta rebus in earù locum & ex eo precio comparatis, sed etiam quia rerù amotarum actio pleniores habet præstationes siue directæ, siue utilis sit quàm conditio, Vel ob id maxime quòd in ea non etiam in conditione, iuratur in litè *l. si eum dos 8. §. ultim. cum l. seq. eod. tit.* & omnium còmodorum quæ amotis rebus vir amisit, ratio habetur in iudicio rerù amotarum *l. si mulier 21. §. eodemodi eod.* non autè in conditione, quæ ipsarù tantùm rerum est, vt loquitur *d. l. rerum quidem 25.* non etià accessio-nù præsertim quæ non sint naturales, sed civiles puta usuræ, quæ nec in alias cò-dictiones vnquā veniunt, licet fructus ipsi veniant *l. indebiti 15. D. de condit. in-deb. l. videamus 38. D. de usur.* Adde quòd actio rerù amotarum quoties còpetit, ita competit vt còtra eam quoque personam detur ad quam res amotæ nò per-

uenerunt *leg. sed et si 19. in fin. D. rer. amot.* Nec minùs utilis quàm directio, Vt puta in specie *d. l. si mulier 21. in princ. eod.* Condictio autè de qua agimus nūquam datur nisi aduersus eum qui possidet *d. l. verum quidem.* Sed postrema hæc ratio non est ad rē nostram accommodata, Cūm fateamur patrem vtili iudicio illorum amotarum non in aliud teneri quàm in id quod ad ipsum peruenit, Ergo nec aliter, quàm si res amotæ ad eum peruenerint vel in totum, vel ex parte. Nō quodd vtile iudicium minùs plenum hac parte esse debeat quàm directio, si contra mulierē ipsam exerceatur quæ amouit, vt *in d. l. 19. et 21.* Sed quia cūm vtile iudicium non detur nisi ex æquitate, perinde ac ex necessitate, nemo vtiq; dixerit æquum esse vt eo iudicio teneatur pater ex persona filiz, si nihil ad eum ex rebus amotis peruenerit, aut suprà quàm peruenerit, cūm neq; ipse amouerit, neque heres sit filiz quæ amouit: Satisq; durè cum eo agitur quod vtili rerū amotarum iudicio nihilominùs conueniatur, qui non similiter ex furto filiz cōueniri vnquam posset conductione furtiua, nec magis vtili quàm directio, ne quidem de eo quod ad ipsum peruenisset. Inauditum. n. est apud nostros nomen vtilis conductionis furtiuz, In quo rursus alia differentia perelegans est, quam tamen nemo obseruat inter actionē rerum amotarum & conductionem furtiuam. Et ratio differentiz non aliunde petenda est quàm vnde illam petimus, quæ in superioribus allata fuit, quod ex causa rerum amotarum potest conueniri pater de peculio, Ex causa verò conductionis furtiuz non potest. Nempe quodd cōdictio furtiua ex solo delicto furtiq; nascatur, Actio autem rerum amotarum licet ex furto pendeat, oriatur tamen ex malè contractu & ex præcedente illa societate vitæ quæ per matrimonium contrahitur *d. l. si rerum 52. De re iudic.* Inde namq; fit vt minùs conqueri possit pater qui ex persona filiz cuius nuptiis cōsensit vtili actione rerū amotarum conuenitur, tamen si rerum amotioni non consenserit, quàm si vtili conductione furtiua conueniretur ex filiz furto cuius cōmittendi neq; consilium, neque causam vel occasionem vllò vnquam tēpore præbuisset. Sed supersunt adhuc explicanda aliqua quæ interpretes nostros malè torquent *in d. l. 3. §. vlt. rer. amot.* de quibus mox videamus.

ERROR NONVS.

De actione rerum amotarum danda in patrem mortua filia de eo quod ad patrem peruenit Ad l. 3. §. vlt. in fin. D. rer. amot.

POST QUAM dixit Paulus *in l. 3. §. vlt. in princ. D. rer. amot.* ex Melz & Fulcinij sententia dandam esse actionem de peculio in patrē filiz quæ res amouit, quia displicuit eam furti obligari, Vel in ipsam filiam ob res amotas dari actionem, quod nos huculq; explicauimus, Subiicit in hæc verba, *Sed si pater adiuncta filia de dote agat, non aliter ei dandam actionem, quàm si filiam rerum amotarum iudicio in solidum & cum satisfactione defendas.* Quorum verborum sensus neq; difficilem interpretationē habet, neq; obscurā rationē. Cūm. n. soluto per diuortium matrimonio dos sit cōmunis patri & filie *l. 2. §. 1. D. solut. matr.* ideoq; nec filia possit dotē repetere, nec pater nisi adiuncta persona filiz, Cōueniens sanè est, nec minùs rationi iuris quàm æquitati cōsentaneum vt nō aliter patri permittatur agere de dote quàm si filiam defendat in solidum iudicio rerum amotarum, adeoq; cum satisfactione, Ex regula illa iuris quæ non patitur vt quisquā licet locupletissimus ad defensionē alterius sine satisfactione admittatur *l. qui proprio 46. §. qui alium D. de procurat.* quoniam qui alicuiam

alienam rem defendit nunquā locuples habetur *l. qui rem alienā 66. De reg. iur.* In quo tamen dubitandi ratio illa occurrebat, quod quāvis dos sit cōmunis patris & filiz, itēmque actio de dote, Exercitium tamen actionis solius est patris *d. l. 2. §. 1. solus. matrim.* Proinde videbatur agenti patri de dote nō debere ob stare, quod filia rerum amotarū iudicio conueniretur, cū nō in ipsū sed in filiā iudicium rerum amotarum detur, Non autē filia illa sit quæ de dote agit, sed pater. Sicuti solemus dicere, Eius quod alij debetur compensationem alij obici non posse *l. eius §. c. de compensat.* Adde quod nihil cōmune habet actio de dote cum actione rerum amotarum, quippe quæ competit etiā si dos nulla sit *l. si cū dos 8. D. rer. amot.* Sed ratio decidēdi ex eo petēda est, quod effectus rei potissimū in spiciendus sit, Per actionē verō de dote etiam quam solus pater exerceat, cōmodum dotis filiz acquiratur, Ita ut etiā post litem contestatam mortuo patre aliis heredibus relictis dos ad solā filiam pertineat, nec si à patre sit exacta, minui tamē ab eo possit, nisi diminutis ipsius patris facultatibus *l. vnic. §. q. hoc ex rei vxoria actione. iunct. Auth. sed quamvis C. de rei vxor. act. §. quia verō Nouell. 97. De equal. dot.* Non magis igitur permittendū est patri ut adiuncta filiz persona de dote agat si non & in solidum & cum satisfatione filiam defendat iudicio rerum amotarum, quā ut agat non adiuncta filiz persona. Itaque nocet patri non quod de dote agat, sed quod agat coniuncta filiz persona, qui aliter agere nullomodo posset, Rei scilicet vxoriz actione. Nam si ageret ex stipulatione cū fortē dotem dando sibi eam reddi stipulatus esset, aliud certē iuris obinere, quia actionem illam exercere posset non expectato filiz consensu, Ideoque nec filiam iudicio rerum amotarum defendere in solidum teneretur. Iure nimirum vetere inspecto quod Pauli temporibus obtinebat. Hodie enim hoc à Iustin. immutatum est transfusa hac parte in naturam actionis rei vxoriz natura actionis ex stipulatu *d. §. q. hoc.* An igitur hodie generaliter & indistinctē dicendum erit quod Paulus dicere non potuit, Cogendum patrem defendere filiam in solidum iudicio rerum amotarum quoties dotem repetere quacunque actione velit? Ita certē consequens esset supradictæ Iustiniani cōstitutioni si nihil aliud noui Iustinianus induxisset. At cum eādem ipsa cōstitutione induxerit, ut fileat hodie ob res amotas retentio quæ olim dotis repetitionem impediebat, *d. l. vnic. §. taceat. vers. sed nec retentio,* Consequens potius est ut è contrario dicamus, Nullo casu debere hodie nocere patri, quod adiuncta personæ filia de dote agat, etiam si filiam iudicio rerum amotarum in solidum defendere recuset, quia nec ipsi filiz si sola dotem repeteret, nocere tamen posset quod res mariti amouisse diceretur. Nec enim fieri potest ut patri agenti adiuncta filiz persona nocere debeat, quod ipsi filiz non noceret. Sed quod filiz nocet, id verō etiam patri nocere æquū est quoties agit adiuncta filiz persona. Idēque siue peculium aliquod filia habeat, siue nullū, id est siue in patrē cōpetat ex causa rerū amotarū actio de peculio, siue ideo non cōpetat, quod filiz peculium nullū sit, Sed cum hac tamen differentia, quod cū filia peculium nullum habet, quæ mariti res amouisse dicitur, nullomodo potest pater eo nomine per actionem conueniri, si nihil ad eum ex rebus amotis peruenerit, quia nec causa vlla subest dandæ hoc casu actionis in patrem: Solūmque superest auxilium marito contra quem pater cum filia de dote agit, ut de rebus amotis excipiat, & eius exceptionis beneficio actionem de dote elidat, si non sit paratus pater in iudicio rerum amotarum filiam suam & in solidum, & cum satisfatione defendere, quomodo & aliās plerumque euenit ut per exceptionem quis in solidum retineat id quod

per actionem consequi solidum non posset *l. si cum filiofamilias 9. in princ. D. de compens. l. si servus 57. D. de edict. edict. l. cum fundus 31. § 2. De rob. cred.* At cum filia peculium habet, evenit ut non ipsa tantum conveniri possit rerum amotarum iudicio in solidum, sed etiam pater, licet cum hac adiectione peculio tenus, & quatenus in eo est non ultra vires peculij: Hoc enim est quod dicere solemus De peculio non esse proprium nomen actionis, sed qualitatem tantum immunitivam, ut ita dicam, eius ipsius actionis quæ contra filiumfamilias qui in potestate est, in solidum exercetur, Sicut in præcedentibus diximus de actione noxali ex § sunt autem. *Inst. de noxal. action. iunct. l. 3. §. cui congruit* in illis verbis non de in rem verso, sed de peculio actione mandati præstaturum *D. de pecul. l. 1. Cod. quod cum eo qui in alien. potest.* Nempe quia quisquis contrahit cum filiofamilias sicuti ex eodem contractu duos habet obligatos, filiumfamilias in solidum, patrem verò de peculio *l. si quis cum filiofamilias 45. eod. tit.* Ita & eandem contra utrumque actionem habet, eam nimirum quæ oritur ex negotio gesto. Proinde cum dicimus ex causa rerum amotarum per filiamfamilias teneri patrem de peculio, hoc vnum significamus, Eam ipsam actionem rerum amotarum quæ ob res amotas datur contra filiam dari etiam contra patrem, cum hoc tamen discernimine, quòd in solidum datur contra filiam, In patrem verò non nisi de peculio §. actiones autem. *Inst. de action.* Cæterum eadem actio est, ob idque mirum videri minus debet, quod hoc casu teneatur pater filiam non modò ad finem peculij defendere, sed etiam in solidum iudicio rerum amotarum, si velit ille adiuncta filia persona de dote experiri, cum ipse quoque perinde ac filia iudicio rerum amotarum conveniatur, tum etiam cum non nisi ad concurrentem usque peculij quantitatem convenitur. Itaque de illo solo deliberari hoc casu potest, non an actio rerum amotarum danda sit in patrem, sed an danda sit simpliciter & in solidum, quomodo contra filiam ipsam datur, an verò cum adiectione illa De peculio, Cui tamen distinctioni locus esse non potest cum filia peculium nullum est. Tunc enim nullomodo conveniri pater possit iudicio rerum amotarum, Neque in solidum quia ipse non amovit, neque de peculio, quod non est. Cessante videlicet hoc casu non modò summi iuris potestate quæ non patitur vi ex contractu filij pater teneatur, tot. titul. *Cod. ne filius pro patr. & ne pat. pro fil. conven.* sed ipsa etiam iuris prætorij æquitate, de qua *ind. §. actiones autem. Inst. de action.* Ex quo tamen loco apparet, id quod diximus, Actionem quæ de peculio datur contra patrem, eandem illam esse quæ contra filium aut filiamfamilias in solidum competit, Accipi sic oportere, ut eadem sit nomine & genere potius quàm ita ut eadem sit numero & specie. Quomodo enim posset eadem esse & numero & specie, cum ea quæ competit aduersus filiumfam. ex contractu sit civilis, Quæ verò contra patrem de peculio sit prætoria? Etsi verò dici hoc non potest in actione rerum amotarum, quæ quia non ex contractu proximè ac immediatè, sed ex delicto nascitur, prætoria est non civilis *l. 2. C. rer. amot.* Non enim minus tamen verum est actionem de peculio quæ ex causa rerum amotarum datur contra patrem esse alià numero & specie quàm quæ datur contra filiamfamilias quæ res amovit. Hæc enim directa est & competit ex verbis edicti contra filiam quæ amovit, quia ex ipsius delicto nascitur. Actio autem rerum amotarum quam Mela & Fulcinius dabant contra patrem peculio tenus, non potest directà esse cum pater nihil deliquerit, sed utilis tantum est, quia ex sola æquitate comparata est aduersus summam strictamque iuris rationem, licet cõpetat ex ipsis verbis edicti De peculio *d. §. actiones. iunct. l. 1. §. verba autem D. de pecul.* Quod ergo

Paulus

Paulus scribit *in d. l. 3. §. ult. rer. amot.* Si pater adiuncta filia de dote agat, nō aliter ei dandā actionē quā si filiam rerū amotarum iudicio in solidū defendat, non aliū sensum habet, quā ut hoc casu non sit audiendus pater etiā si totū id offerat quod in peculio est, quemadmodū esset audiendus si iudicio rerū amotarū ex persona filiafamilias conveniretur. Opponitur. n. ista tanquam cōtraria. Teneri patrē ex filiz persona De peculio, & Teneri in solidū *d. l. si servus 57. De adlit. edict. d. l. si cū filiofamilias 9. De compens.* Et cōsequenter significat Paulus eū se casū tractare quo filiafamilias quæ res amovit peculium habuerit, Nā & de eo ipso casu tractaverat initio §. cū dixerat, Dandā in patrem de peculio actionē ex causa rerū per filiamfamilias amotarū, Quid tamen si filia peculium nullū habeat? Iā diximus non eo minū teneri patrē defendere filiā in solidū iudicio rerū amotarū, si ipse adiuncta filiz persona de dote agat. Quod. n. filia peculium habet, facere debet ut eo magis teneatur pater saltē de peculio qui alioquin ex facto filiz nullomodo teneretur, Nō etiam vt teneatur in solidū, Ac proinde si quādo peculium non habeat, facere hoc ē cōtrario non potest ut ob id minū teneatur filiā in solidū defendere illo casu, quo si peculium aliquod esset, ipsam in solidū defendere cogeretur. Sequitur apud Paulū *sed mortuā filiā, in patrē rerum amotarū actionem dari non oportere* Proculus ait, nisi quatenus ex ea re pater locupletior sit. Hæc verō verba sunt quæ difficiliorē habere videtur interpretatiōe. Dubitari. n. potest an eum casum persequatur Paulus, quē hucusq; tractavit, De filia quæ vivens & peculium habuerit, & rerū amotarum iudicio connēta sit, An verō de filia quæ vel peculium nullum habuerit, vel prius decesserit quā iudicio rerū amotarū cōveniretur. Itē an de patre qui dorē petere incipiat post mortē filiz, An de illo potius quem tamen si dorē nullam petat adhuc tamē ex persona filia iudicio rerū amotarū inquietare maritus velit: Deniq; an quod à contrario sensu Paulus non obscurē admittit, Mortua filia quæ res amoverat dandā esse in patrē actionem rerum amotarum quatenus ex rebus amotis ad patrē peruenit, aut dolo eius factū est quominus perueniret, de directā rerum amotarū actione accipiendum sit, an de vili, de qua *in l. 1. cod.* Alij enim aliter atq; aliter interpretantur: Et videntur casus omnes supradicti sicut diversi sunt, ita & diversam habere iuris rationē. Verius tamen est nullo penitus casu dandā esse actionem rerū amotarum in patrem post mortē filiz, Neq; tanquam contra heredē, cū nullo casu filiafamilias olim heredē habere siue ex testamento, siue ab intestato potuerit, Neq; tanquā contra patrē De peculio, quoniam siue peculium nullum habuit filia, de peculio actio cōpetere nulla potest, siue habuit, certum tamē est decessisse illud esse peculium ab eo instanti quo filia mortua est *l. 1. D. quād. de pecul. act. est annal. l. certū 13. C. fam. ereisc.* Nā vt eleganter Papirius Frōto dicebat, Peculium homini simile est, Nascitur, Crescit, Decrescit, Moritur. *l. peculium 40. D. de pecul.* Moritur autē non solū si ademptū sit vt ea lex ait, Sed etsi mortua sit ea persona quæ peculium habuit, Adeoq; licet mortua non sit, sed tamen statim mutaverit, puta si is qui filiusfamilias fuit factus sit paterfamilias morte patris *d. l. certū est 13. C. fam. ereisc.* Dices, Etiam mortuo filiofamilias, atque ita extincto peculio, nō eo minū superesse actionē de peculio intra annū, perinde ac si emancipationē exiisset de potestate, Ex *d. l. 1. §. tot. ti. Quand. act. de pecul. est annal.* Debuisse igitur hunc (saltem casum) à Paulo excipi, permittā marito actione rerū amotarū etiam mortua filia, saltē de peculio & intra annū contra patrem. Respondeo posse non incōmodē Paulū sic accipi vt denegat mortua filia actionē rerum amotarum de peculio aduersus patrem post annū, at non etiam intra

annum. Nec enim hæc interpretatio tollit antithesim illā quā Paulus ponit inter eos casus duos, si viua filia De peculio pater cōueniatur, & si rerum amotarum actione post mortem filiz, siquidē actio De peculio quæ viua filia exerceatur perpetua est, nō vt ea quæ post filij mortē, annalis *d. l. 1. §. 1. l. 2. §. 3. D. quādo act. de pecul. est annal.* Sed tamē probabilius videtur, vt supradictis verbis Paulus ex Proculi sentētia excludere voluerit tam actionem rerum amotarum, quæ in solidum contra patrem post obitum filiz danda videbatur, quā actionem De peculio, De qua sicut dubitari vix poterat quin salua esset intra annū, Ita nec de illo, quin extincta esset post annum. Id enim cōuenientius est ei quod proximē dictum fuerat De filia per patrem in solidum defendēda iudicio rerum amotarum, si pater adiuncta filia de dote agere vellet. Et ob hoc ipsū benē Paulus subiicit aduersariū *sed mortua filia in patrem rerum amotarū actionē dari nō oportere* cūm dubitari alioquin perelegāter potuisset an nō perinde hoc casu dāda esset rerum amotarū actio in solidum contra patrem, atq; si pater de dote ageret cōiuncta filiz persona. Siquidem non minus consequitur pater ad quē tota dos redit mortua filia, quā si ea viuēte, & adiuncta ipsius persona dotem repetiisset. Imō tantō plus, quōd sibi dotē totā hoc casu retinet, quā viuēti filiz ad causam secundariū nuptiarū seruare cogetur. Cur ergo melior ipsius condicio esse debebit, quā si coniuncta filia dotē reposcerei? Ratio tamen adferri nō inelegāter illa potest, quōd cūm ob mortē filiz tota dos redit ad patrē, aut actio de dote in persona patris, vt loquūtur nostri tota cōsolidatur, nō idcō acquirit quietam pater ex persona filiz, aut per eius occasionē, sed amouetur tantū obstaculū quod erat impedimento ne viua filia dotē repetere pater solus posset. Mutatūq; in melius causa patris per mortē filiz, vt qui eā viuā non nisi partiz potestatis iure dotem repetere poterat, eādē mortua totā dotem solus habere debeat ratione miserationis, *l. iure succentsum 6. D. de iur. dot.* Nulla igitur ratio est cur ob eam causam debeat pati iudiciū rerū amotarū, cūm filiz nō solum hetes non sit, sed neq; successor ne quidem in dote. An ergo actione rerum amotarū conueniri nullomodo poterit? Inō poterit, sed neq; in solidum, neq; directa actione; At de eo tantum quod ad ipsum peruenerit ex rebus amotis, Id est non peculio tenus & actione de peculio si plus ad patrem peruenerit, quā in peculio sit, sed supra peculīū & actione De in rē verso, quæ semper cōpetit de eo quod peruenerit, & ex omni causa ex qua competit actio de peculio, Adeōq; interdum etiam si actio de peculio in effectu nulla sit ob annalē exceptionē, vt in specie *l. 2. D. quādo act. de pecul. est annal.* Formula enim actionis de in rē verso semper actionem perpetuam facit. Itaque sicut in secunda specie quam Paulus tractat *is d. l. 3. §. 1. l. de patre dotem repetente cū filia*, vult ille teneri patrem vt in iudicio rerum amotarum defendat filiam in solidum, ad differentiam præcedentis speciei, in qua dixerat ex Melæ & Fulcinij sententia dandam contra patrem dūtaxat actionem De peculio, sic & in tertio casu de patre dotem repetente post mortem filiz, cūm negat Paulus teneri patrem iudicio rerum amotarum nisi in quantum locupletior factus est, Excludit tantū condemnationem solidi, non etiam actionem de peculio quæ sit de in rem verso.

ERROR DECIMVS.

De viuis actionibus, quæ competunt contra patrem ob res amotas per filiam familiarem.

liis. Et ad l. contra 6. in princ. & §. quoties D. rer. amot.



AT quid si plus sit in peculio filix defunctæ, quàm in rem patris versum fuerit? Vt plenior hoc casu futura sit De peculio actio quàm de in re verso. Nō erit hoc casu exclusa de peculio actio, dummodò intra annū à die mortis filix proponatur. Eadē nāque subest æquitas & iuris prætorij ratio, ad dandā cōtra patrē de peculio actionē supra quàm in re patris versum sit, cum p^r est in peculio quàm in eo quod in re versum est, quę subest ad dandā actionē de in rem verso, cum plus in rem versū est quàm sit in peculio. Nec differētia inter hos casus vlla est, nisi quod priore casu actio de peculio est annalis, Posteriorē verò est perpetua: Ceterūm vtraq; actio præsupponit aliquod fuisse viuentis adhuc filix peculium, Alioqui nō magis de in re verso actio post annum cōtra patrē superesse potest præmortua filia, quàm simplex intra annum actio de peculio, cum vbi peculium nullum est nec de peculio nec de in rem verso agi possit, vt sapiūs diximus. Quid ergo si peculium quidem viuentis filix aliquod fuit, sed annus tamen præterierit intra quem de peculio agi debuit? Sola supererit actio De in rem verso, cui nunquam obest quòd simplex & annalis actio De peculio extincta sit *dist. leg. 2. de in rem vers.* Quid si peculium nullum fuerit, & tamen ex rebus amotis aliquid ad patrē peruenierit? Non magis de in rem verso quàm de peculio actio salua erit, quia neutra competit sine peculio. Ergōne locupletabitur impunē pater ex delicto filix? Quando nec directo rerum amotarum iudicio conueniri potest, nec simplici actione de peculio, nec de in rem verso. Verūm cessantibus his omnibus, alio tamen remedio adhuc succurri marito potest contra patrē, Dato scilicet aduersus eum vtili rerum amotarum iudicio, Nam si verum est quod ex Papiniano subiicitur *in leg. 5. co. tit.* Viua quoque filia quod ex rebus amotis ad patrē peruenit vtili rerum amotarum iudicio petendū esse, quidni etiam mortua filia idem admitteremus? Au non eadem æquitas est dandæ vtroque casu actionis vtilis, ne pater ex aliena iactura impunē locupletetur? Præsertim verò cum facilius sit, vt viua filia succurratur alio remedio contra patrē, Scilicet per actiones illas, quas diximus, aut de peculio, aut de in rem verso si peculium aliquod sit. Est enim facilius vt viuentis filix peculium sit, quod mortuæ nullum esse potest, ac proinde vt de peculio sit actio & quidem perpetua, quandiu filia viuit, dum ne sit emancipata, quàm vt post mortem filix: quo tempore non nisi annalis esse potest. Nec sanē dubitandum arbitror quin id quod Papinian. scripsit *in d. l. 5. de dando vtili iudicio rerum amotarum in patrē viua quoque filia de eo quod ad patrē peruenit, ad eum casum referri debeat, quæ filia nullum peculū habuerit.* Quid enim necesse esset inducere vtilem actionem rerum amotarum, sufficiente ordinaria actione de peculio, aut De in rem verso? Nisi fortē probabilius quis putet Papinianum Iuliani hac parte sententiā secutum, vt alijs ferē solet, nō admisisse quod Mela & Fulcinus volebant, dandam esse in patrē actionem De peculio ex causa rerum amotarum, vt neque ex alia vlla causa quæ ex delicto proficisceretur, Nec eo magis tamen dedisse cum Iuliano conditionem aduersus patrē in peculium, vt *in leg. penultim. D. de condict. furt.* quòd conditio illa quamuis non ex delicto nascatur, sed potius ex eo quòd rerum amotarum possessio penes filiam sit non ex iusta causa, non tamen competat ex contractu: quod ad inducendam actionem De peculio regulariter exigitur.

induxisse vt ex ea causa teneatur pater iudicio ipso rerum amotarum, at non directo, cum nihil ipse deliquerit, sed vtili, Neque in peculium, id est ad quantitatem vsque peculij si plus sit in peculio quam ad patrem ex rebus amotis peruenit, Sed tantum De eo, quod ad patrem peruenit, siue plus peruenierit, siue minus: Quæ tertia ac veluti media inter Iuliani & aliorum opiniones sententia est; tantoque probabilior quanto minus recedit à regulis iuris. Rursusque tanto magis recipienda, cum post mortem filix agitur aduersus patrem qui eo tempore de peculio conueniri nullomodo possit neque de in rem verso, quod viues filix nullum peculium habuerit. Solet enim utilis actio contra patrem vel dominum tunc dari cum actio de peculio deficit *l. ex falso 52. in fine prime. D. de pecul.* Nec audiendi sunt qui in contrarium sic arguuntur ex Paulo in *d. l. 3. §. ult.* vt quia denegar mortua filia directam actionem rerum amotarum in patre sub illa exceptione *Nisi quatenus pater ex eare locupletior sit*, hoc ipso videatur concedere directam in casu exceptionis, hoc est, cum ex rebus amotis pater locupletior factus est. Nihil enim vetat denegari actionem directam rerum amotarum in patrem omni casu, Vtilem tamen aduersus eum concedi ex æquitate & necessitate vt quod ex rebus amotis ad eum illicitè peruenit, ei extorqueatur. Neque verò directam duntaxat actionem Paulus in patrem denegat iis verbis *sed mortua filia in patrem rerum amotarum actionem dari non oportere*, sed omnem penitus, id est etiam utilem extra casum exceptionis. Nihil ergo aliud inferre ex eo possis, Nisi quod in casu exceptionis actionem aliquam, & quidem rerum amotarum contra patrem dari oporteat. Datur porro aliqua cum utilis conceditur, licet directa denegetur. Quæ si contra patrem non competit visa filia, ne quidem de eo quod ad ipsum peruenit, multò minus potest competere post mortem filix cuius scilicet defunctæ non magis heres aut successor pater est quam viuens. Si enim vel heres, vel heredis loco esset, vtiq; directæ actione teneretur non minùs quam heres furis directæ conditione furtiua *l. contra 6. §. item heres mulieris eod. tit. rer. amot.* An verò futurum idem esset vt in solidum teneri deberet ac suprà quàm ad ipsum peruenisset, quomodo evenit in causa conditionis furtiua, alia inspectio est, de qua tractandum erit in sequentibus. Non idem tractatus erit si queratur, An ob res à muliere amotas filiofamilias cui dos data sit competat socero actio rerum amotarum aduersus mulierem. Certum enim est competere, & quidem directam, id est illam ipsam quæ filiofamilias cui res amotæ sunt, competeret, si per filium patri quaesita non esset, ita vt ne momento quidem temporis in persona filij substituisse dici possit *l. placet 79. D. de acquir. hered. l. 1. D. si à parent. quis manum. sit l. filiofamilias 9. D. de oblig. & act.* Et hoc est quod ait Paulus in *d. l. contra* ex Attilicini & Fulcinij sententia, Contra nurum quoque hoc iudicium socero dari. Non enim de vtili iudicio id accipiendum est, de quo solo actum fuerat in *l. prox. preced.* quæ non Pauli sed Papiniani est, & ad casum longè diuersum pertinens, sed de directo, de quo potissimum locutus fuerat Paulus in *l. 3. sumpta* ex eodem Pauli libro septimo ad Sabinum. Idque subiecta etiam Pauli ratio demonstrat, quod quoties filiofamilias non ipsi patri dos data est, socer ob res diuortij causa amotas furti agere non possit, quomodo agere posset, si non filiofamilias sed ipsi patri dos data fuisset. Nec enim quod patris & filij persona iure ciuili eadem propinodum esse existimatur ob vinculum patriæ potestatis, facere potest vt idcirco vxor filij etiam vxor patris existimetur, quæ nec reuera talis est, nec fieri vnquam potest: Quia tamen non tam filij quam patris periculum in eo agitur, qui solus de dote restituenda

tenetur

teneretur *l. si cum dotem 22. §. transgre diomur D. solut. matrim.* Soli patri actio quæritur licet nomine filij, & eadem illa quam haberet filius si sui iuris esset, vt & in *l. patri 27. D. de immor.* Quæ porro actio cum furti esse non possit, quia competit ex persona filij, qui si ipse sui iuris esset furti agere non posset contra eam quæ vxor fuisset *l. nihil 15. §. 1. eod.* necesse est vt sit Rerum amotarum & quidem directæ non vitis. Atque ita explicandus est *versic. quoties d. l. contra*, vt non distinctam sententiam faciat, & distinctum §. quemadmodum vulgo accipitur, sed vt rationem contineat præcedentis sententiæ quam ex Attulicino & Fulcinio Paulus proposuerat, & à quibus eam rationē allatam fuisse ex eo intelligimus, quod tota illa periodus *Quoties filiosfamilias dos data est, socerum ob res diuortij causa amotas furti agere non posse*, si terminetur per verbum hoc infinitiui modi, nullum ex se perfectum sensum habitura sit, ideoque regi necessariò debeat à verbo *aiunt* quod in fine præcedentis clausulæ positum ad hanc quoque referri commodissimè potest. Quæ ob causam valde probarem vt sic potius legeremus *quoties enim filiosfamilias dos data est*, aut interposita particula *nam* ante dictionem *quoties*, vt in *l. 2. D. quemadmodum. seruit. amitt.* cum aliter benè cõstrui textus nõ possit. Et si non ignoro aliis plerisque iuris nostri locis euenire, vt prudentes sententiæ suæ rationem exprimant, non expressa tamen figura rationis, Cuius rei accommodatissimum exemplum est, & huic nostro simillimum in *leg. in fideicommissaria 18. D. ad SC. Trebell.* vbi posteaquàm scripsit Vlpianus, In fideicommissaria hereditatis restitutione non venire fructus nisi ex mora [nam quod additur *facta est* superuacuum certè est] aut cum quis specialiter fuerit rogatus & fructus restituere: quamuis fructus in quartam imputentur, subiungit rationem elegantissimè syllogismo conclusam in *vers. quoties*, qui similiter vulgo malè accipitur pro distincto §. *Quoties quis rogatur*, inquit, *hereditatem restituere id videtur rogatus reddere quod fuit hereditatis, Fructus autem non hereditatis sed rebus ipsis accepto feruntur. Quid enim huic syllogismo deest nisi conclusio illa ex initio legis repetenda, Ergo in fideicommissaria hereditatis restitutione fructus non veniunt.* Sed non quemadmodum locus hic quem nunc tractamus, ita & ille enicandus est. Habet enim perfectam ex se sententiam non addita dictione *enim* quia conceptus est per verbum indicatiui modi *id videtur rogatus reddere* à quo tota clausula regi & cõstructionem recipere potest quod in hoc loco diuersum est. Hoc verò nec ab Accursio, nec ab Interpretibus aliis benè intellectum fecit vt Pauli sententiam in *d. l. contra 6. & dist. vers. quoties*, non rectè perceperint. Negant enim ob res diuortij causa amotas quæ filiosfamilias in dotem datæ fuerant, dandam esse socero contra nurum actionem rerum amotarum, siue directam siue vitalem, neque alio præterea villo casu, nisi cum res quas mulier amouit ad socerum ipsum spectant iure dominij, nec filius fuit emancipatus. Quasi verò non spectent ad socerum res dotales tum quoque cum filiosfamilias dos data fuit: & quidem iure dominij bonitarij quod ipsi filio si sui iuris esset, vt & alij marito cuiuslibet, acquireretur *l. quamuis 75. D. de iur. dot.* & quod per mediâ filij personam patri volenti sibi acquiri, omnino & immediatè acquiritur *d. l. placeat 79. de acquir. hered. d. l. 1. §. quis à parent. manum. sit.* Sed & si nihil iuris haberet pater in bonis dotalibus filio traditis, Non tamen esset bona consecutio vt eo minus actio rerum amotarum adeoque directæ competere patri deberet, Ex persona scilicet filij, per quam actiones non minus quàm rerum dominia ceteraque omnia quæ in iure non in facto consistunt patri acquiruntur *l. 1. C. per quas person. nob. acquir.* & apud Iustin. sit. per quas person. nob. oblig. acquir. lib. 3. Et tit. Per quas

pers. cuique acquir. lib. 2. Perperam igitur Accurs. Bart. & ceteri Paulum sic intelligunt *in disl. vers. quoties*, vt locero denegent rerum amotarum actionem ob res diuortij causa amotas, cum filiofamilias dos data fuit, ob id solum quod eo casu denegat illi Paulus actionem furti. Nam quod furti agere non potest, tãrò magis inducit actionem rerum amotarum, quam vtique furti actio excluderet, si competere posset. Vnus tantum casus explicandus superest ne quid huic tractationi desit, & qui tamen non alienus est ab iis quæ tractauimus ex Paulo nostro *in d. l. 3 §. ult.* Si filiofamilias quæ mariti res amouit cõuenta sit directo iudicio rerum amotarum & post licem contestatam decesserit superstitie patre, An in patrem transferendum sit iudicium rerum amotarum quod in filiam ipsam dum viveret exercebatur. Ad hunc enim casum respexisse videtur, & respondisse Paulus cum posteaquam scripsit, Si pater adiuncta filia de dote agat non aliter ei dandam actionem quam si filiam rerum amotarum iudicio in solidum defendat & cum satisfactione, subiicit *sed mortua filia in patrem rerum amotarum actionem dari non oportere Peculius ait*, Verum probabilius est denegari à Paulo actionem rerum amotarum contra patrem mortua filia, eo casu quo vel nõdum fuerit acceptum iudicium cum ipsa filia, vel peculium nullum filiam viuens habuerit. Nam si filia & iudicium accepit de rebus amotis & peculium aliquod habuit, Certum est ita ius esse, vt ea post litis contestationem defuncta transferendum sit iudicium in patrem, non quidem in solidum, sed duntaxat de peculio & de eo quod in rem patris versum est *l. tam ex contractibus §. 7. D. de iudic.* vbi hoc ipsum disertè scriptum est, non tantum si ex contractu aliquo filiofamilias conuentus sit, sed etiam si ex delicto cõuersa scilicet causa delicti in causam iudicij & quasi contractus *l. 3. §. idem scribit D. de pecul.* Sicuti neque distinguendum illud est an dotè aliquam filiofamilias habuerit, an nullam, quia vt supra diximus non ob id quod dos nulla sit, actio rerum amotarum minus competit *l. si cum dos 8. D. rer. amot.* At quia iudicium rerum amotarum acceptum cum filia non potest transferri in patrem nisi de peculio & de in rem verso, Consequens est vt si filix peculium nullum fuerit, nulla quoque in patrem iudicij translatio fieri possit, etiam si ex rebus amotis aliquid ad eum perueniret, idèòque necesse sit hoc casu ad vtilem actionem rerum amotarum recurrere, quam Papinianus viua quoque filia in patrem dabat de eo quod ad ipsum peruenisset, Multòque magis post mortem filix quoties alia actio deficeret, siue de peculio, siue de in rem verso, vt supra explicauimus. Prudenter itaque & caute Paulus noster tractans de actione danda omnimodo contra patrem post mortem filix de omni eo quod ad patrem perueniret, nullum exprimit actionis nomen, Vt intelligeremus non tantum pro casuum diuersitate aliam atque aliam actionem eo nomine competere, sed etiam pro variis prudentem sententiis, quæ in eodem etiam casu non modò varix sed etiam pugnantes fuerunt, Cum tamen omnes in eo consenserint, vt quod ex furto filix ad patrem improbè peruenisset, omnimodo eripi ei & extorqueri oporteret.

*

ANTO-



ANTONII FABRI

I.C. SEBVSIANI IN SVPREMO

SABAVDIÆ SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DECAS LXXIX.

ERROR I.

De conditione furtiva contra eam qua vxor est vel fuit. Ad l.3.

§.1. D. rer. amot.



ALDE nouum est & inauditum quod ex Paulo scriptum legimus in *leg. 3. §. 1. D. rer. amot.* Possibile esse vt maritus furti agat cum ea, quam vxorem habet, Scilicet si ei cui heredes sumus furtum illa fecerit, Vel nobis antequam nuberet. Et si enim post multas veterum interpretum dissensiones tandem obtinuit vxorem perinde furtum facere marito, vt filium vel filiam patri, Displacuit tamen eam furti obligari, & non tantum recepto ac commentitio, vt nostri loquuntur, sed etiam constituto

iure inductum fuit vt cum ea furti agi nullomodo possit: Ob eamque causam necesse fuit induci à prætorè singulari quodam iure actionem rerum amotarum qua experiri maritus posset, at nō cōtra eam quæ vxor adhuc esset, sed aduersus illā quæ vxor antea fuisset. Adeo æquū, & conueniens visum est in honorē matrimonij turpē actionem aduersus vxorē denegari, vt idem Paulus & Caius ratiocinantur in *l. 1. c. 2. eod. tit.* Actionem enim furti non modò turpē, famosam & pœnalem esse constat, sed turpius famosum & pœnalius omnium turpissimam, famosissimam, & pœnalissimam *l. furti 6. & pass. D. de his qui not. infam. l. infamem 7. D. de publ. ind. l. si pro fure 7. §. 1. D. de condi. furt.* Proinde nihil potest interesse an ei cui heredes sumus furtum mulier fecerit, an nobis, Nec rursum si nobis, an priusquā nobis nuberet an postea. Nullo. n. istorum casuum possibile est vt legis verbo vtar, furti agere maritū cum vxore, Præsertim verò constante matrimonio. Esset enim longè tolerabilius hanc actionem marito post diuortium permittere earum rerum nomine quas vxor cōstāte matrimonio amouisset quā tempore matrimonij, ob eas res quarum vxor vel alij quā

marito, vel ipsi marito ante contractas nuptias furtum fecisset, Est namque maiore honore digna mulier quæ adhuc vxor est, præsensque fouet matrimonium, quàm quæ vxor fuit, nec nisi memoriam ostentare potest malè ac infelicitèr transacti matrimonij. Quare nec in hoc Paulus conqueskit in *dist. l. 3. §. 1.* vt dicat, Possè maritum his duobus casibus agere furti contra vxorem duranre adhuc matrimonio, sed quali seipsum corrigens adhibet temperamentum, subiiciens in hæc verba *Tamen propter reuerentiam personarum in utraque casu furtiuam tantum conditionem competere non etiam furti actionem dicimus.* Temperamentum hoc sanè aliquod esse videtur, quia non sicut furti actio, ita & conditio furtiua vel pœnalis est, vel famosa. Non pœnalis quia non pœnam legitimam, sed rem ipsam persequitur & corpus rei furtiue *d. l. si pro fure 7. §. 1. & leg. seq. D. de cond. et. furt.* Non famosa quoniam generale illud ius est conditionum omnium vt cesset in iis ignominia quamuis ex famosis causis pendeant *l. cessat 36. D. de oblig. & act.* Et tamè si propius & subtilius inueiare, non minù nouum est & inauditum dari conditionem furtiuam quàm actionem furti aduersus vxorem etiam soluto matrimonio, Quanto magis cõ adhuc durat? Alioqui nulla certè suberat necessitas inducendæ per Prætorin actionis rerum amotarum, nuptiis per diuortium solutis si conditio furtiua dari eo casu potuisset, Quippe quæ actori longè fauorabilior est quàm actio rerum amotarum, habetque pleniores præstationes, Vel in hoc saltè quod semper datur in solidum nec minùs contra heredem & successorem furis quàm cõtra furem ipsum *d. l. si pro fure §. 1. in conditione 9. D. de cond. et. furt.* Cùm tamen actio rerum amotarum plerumque detur de eo tantùm quod peruenit, vt puta contra patrem qui ex rebus per filiam familias amotis locupletior factus est *d. l. 3. §. 1. & l. 5. D. rer. amot.* adeoque contra heredem ipsum *l. ult. C. eod.* de cuius interpretatione ac ratione noua in sequentibus dicemus. Cur verò etiam conditio furtiua denegatur aduersus non eam solùm quæ nunc vxor sit, sed illam etiam quæ antea fuerit, & esse delicti? Si verù est quod diximus & omnes fatentur ingenuè si Cuiacium hæsitantem ac fluctuantem excipias, neque pœnalem esse, neq; famosam? Neimpe quia licet neque pœnalis, neque famosa sit, turpistatè est: hoc ipsum autem non ideo tantùm quod turpem & famosam causam habeat [idem enim dici posset de actione rerum amotarum, quæ similiter pendet ex futo *leg. si mulier 21. §. 1. ult. rer. amot.*] sed etiã quia furri nomē & exprobrationē præfert, cùm nō conditio simpliciter dicatur, sed adiecto perpetuo illo, turpique epitheto *furtiua.* Nec abs re, cùm habeat pleraque singularia quæ non habent conditiones ceteræ solò que furum odio comparata, quale inter cetera illud est, ne singula nūc recenscamus, quòd & soli domino competit, & contra solum furem furisve heredem *l. 1. l. ex furtius 5. D. de cond. et. furt.* Itaque quisquis agit conditione furtiua, hoc ipso adfirmat contenditque aduersarium furem esse vel heredem furis, quod fieri certè non potest, quin turpitudine ei qui conuenitur obiiciatur, tantòque maior cùm is contra quem proponitur, furis heres nō est. Illud enim vnum relinquitur vt fur ipse adfirmetur. Et ideo bene Cuius in *d. leg. 2. rer. amot.* cùm rationem reddit actionis rerum amotarum inductæ aded singulari iure cõtra vxorem quæ furtū reuera fecit, denegata furri actione vt lenius illa coerceretur, Non sic eam cõcipit vt dicat famosam aut pœnalem actionem viro aduersus vxorem denegari debuisse, sed turpis tantùm actionis meminit, vt cùm actione furti excluderet etiam furtiuam conditionem, quæ quāquam nec pœnalis nec famosa, turpis tamen est, haud secus ac si maritus cõtra vxorem agens, furem

furtū illam esse apertioribus verbis adseueraret. Quid, quod in cæteris personis facilius est ut ipsa quoq; furti actio detur etiam contra non furē, quā condictione furtiua? Exemplū illustre est ac propemodum singulare in eo cuius ope consilio furtū alieni factum esse dicatur, Is enim quoniā reuera fur non est condictione furtiua nullomodo tenetur, quod ego sic intelligo, Nec si rē furtiuam possideat, siquidem ad causam condictionis furtiue nihil refert an is qui cōueniatur possideat necne *g. ult. Inst. de oblig. qua ex delict.* Et tamen perinde tenetur actione furti, sic constituto per legem duodecim tabularum iure, ac si furtū fecisset *l. proinde 6. cod. tit.* Quis igitur ferat, ut vxor in iis ipsis casibus in quibus actione furti conueniri non potest, propter reuerentiā personarū, ut lex ait, condictione tamen furtiua conueniatur? Neque verò interpretes nostri negare aut dissimulare possunt, esse hoc alienū à principiis iuris, postquā placuit iure cōstituto neq; furti, neq; alia vlla turpi actione cōueniri posse illam quæ vxor vel est, vel fuit. Sed dicunt esse singulares & speciales casus illos, qui ponuntur in *d. g. i. l. 3. rer. amot.* A qua sententiā nec abhorret vir doctissimus Iacob. Cuiac. ad Papinianum in *l. vna quoque 5. cod. tit.* nullam tamen adferens specialitatis & tam singularis iuris rationem, quam nec alius vllus ex interpresibus adfert, nec Papinianus ipse ut puto si viveret adferre posset. Fateamur ergo quod res est, non Pauli nostri sed Tribonianī merā esse duplicemq; inscitiam illam, Et quod ait possibile esse ut contra vxorē furti agatur constante matrimonio, Et quod concludit tanquam melius, & mollius quiddam, Cōditionem furtiuam contra vxorem dari debere. Quid verò esse potest, quod Tribonianū in iure tam apertio fecerit? Vnū illud, ut puto, quod initio *d. g. i.* scriptum vidit, & verè, si seruus vxoris meo furtum mihi fecerit posse me cum ea furti agere, & quidem constante quoq; matrimonio. Sic. n. sententiam illam accipiendā esse constat, Quamuis in alia specie quæ initio legis posita est, de muliere quæ post diuortium contrectauit res mariti, quas constante matrimonio amouerat, nō eadem interpretatio capi possit. Nam ex cōrectatione quæ post diuortiū facta sit, potest quidē nasci actio furti, sed non durante matrimonio, Nisi poneres redintegratū matrimonium, Quo tamen casu non solum furti agi non posset, sed neq; rerum amotarū si non iterum diuortium secutū esset *l. redintegrato 23. & l. ult. D. cod. rer. amot.* Credidit autē Tribonianus aut finxit primum se credere casum illum quo seruus vxoris furtū marito fecerit, similē esse duobus sequentib. Si vxor ei furtū fecerit cuius heres maritus est, aut si marito ipsi priusquā nuberet ut nō magis duobus his postteriorib. casibus quā priore absurdū sit furti actione vxorē cōueniri etiam quæ adhuc sit vxor. In quo tamē euidentissimè per imperitiā iuris lapsus est. Nā priore illo casu nihil impedit quominus vxor ex furto serui sui & cōueniatur & condēnetur actione furti etiā cōstante matrimonio, Ratione illa quod neq; famosa aut pœnalis, neq; turpis sit actio quæ ex furto serui cōtra dominū noxalis cōpetit, Per quā scilicet non ipsius domini sed serui factum dolusq; designatur, Et quæ licet per se & sui natura pœnalis sit, evitatur tamen facillimè per noxæ deditionē etiā quæ post condēnationē offeratur, quia facultas illa dedēdi noxæ condēnato quoq; datur ex legibus *l. miles 6. §. i. D. de re iudic.* Deniq; nec famosa, nec turpis est actio furti nisi cū aduersus eū instituitur qui suo nomine cōuenitur nō si aduersus eū qui alieno *d. l. furti 6. §. si quis alieno D. de his qui not. infam. l. seruus 14. eo. tit.* ubi elegāter Paulus scribit, Si dominus seruum cuius nomine iudiciū noxale acceperat, postea liberū & heredem instituerit, deinde seruus ipse liber iam factus ex eodē iudicio damnatus sit, non

fieri eum infanem quamvis idē ille sit qui & furtum fecit, & ex causa eius furti damnatus est, quia, inquit Paulus, non suo nomine condemnatur, Quippe cū initio lis in eum contestata nō sit, sed in dominum, quoniam nec cū seruo fieri litis contestatio potuit. At posterioribus illis duobus casibus quos de suo ingenio tanquam similes addidit Tribonianus in d. l. 3. §. 1. id est si maritus heres extiterit ei cui mulier furtum fecit siue ante, siue post contractas nuptias, Aut si marito ipsi furtum fecerit mulier antequā nuberet, Non potest mulier conueniri & condemnari actione furti, quin hoc ipso fiat infamis, quia vtroque casu conuenitur, & condemnatur suo nomine cū idē condemnatur, quod illa ipsa sit quę furtum fecit. Quanam igitur ratione possibile est, si Triboniani verbo contra Tribonianū vti liceat, vt furti actio ex his causis dāda sit contra mulierem etiam post diuortium? Quāto min⁹ autem constāte adhuc matrimonio? Et hoc Tribonianus quoq; tandem & ipse vidit: cū ad sententiam adē ineptam corrigendam addidit temperamentum illud de furti actione propter reuerentiam personarum his casibus contra vxorem deneganda, sic tamen vt furtiua conditione aduersus eam agere permittatur. Quod tamen æquē ineptum, nec min⁹ falsum esse suprā probauimus.

ERROR SECVNDVS.

De conditione furtiua quam dant interpretes contra vxorem cuius seruus furtum marito fecit, aut ex contrectatione quam ipsa fecerit ante matrimonium, Et ad l. si quā vxori §. 2. in princ. D. de furt.

SVAVES verò mehercule sunt interpretes, qui Triboniani errore nō contenti dant marito conditionem furtiuam aduersus vxorem, non modò duobus illis casibus, sed etiam tertio, quem lex primo loco ponit, Cū seruus vxoris furtum marito fecit. Et si enim verū est, Quoties seruus furtum commiserit, conditionem furtiuam aduersus dominum cōpetere, quæ contra seruum ipsum exerceri non potest l. si seruus 4. D. de condit. furti. Habet tamen ea conditio naturam propriam, & longē dissimilem ab illa quæ est cuiuslibet alterius conditionis furtiue non nisi aduersus furem ipsum, furisve heredem competentiis. Hoc siquidem casu sic datur conditio furtiua contra dominum, vt tamen non possit condemnari præcisē ad dandum nisi id quod ad ipsum peruenit, In residuum autem noxæ seruum dedere possit, dedēdoq; liberari d. l. 4. Est quæ huius actionis ius valde singulare quod ex parte noxalis actio est, ex parte verò non noxalis, vt explicauimus in præcedentibus. Idēque non solūm famosa vel pœnalis non est, sed neq; turpis, cū aduersus dominum non ex domini, sed ex serui delicto exerceatur. Quæ ex causa nec furti actio quæ tamen turpior est turpis esset. Nā quo casu actio furti proposita famosa non esset, eo casu neque conditio furtiua turpis esse potest, sicut ē contrariò quibus casibus conditio furtiua turpis est, iisdem actio quoq; furti non modò turpis, sed etiam famosa vt sit necesse est, Et verò quānam turpitudine in eum cadere potest qui non ex suo sed ex serui sui facto, nec nisi ex necessitate iuris conueniatur? At duobus illis posterioribus casibus in quibus iam ostendimus furti actionem dari contra mulierem non posse, neque constante, neq; soluto matrimonio, si conditio furtiua contra eam daretur, non posset nō esse turpis actio quæ & in solidum, & ob proprium ipsius delictum exerceatur. Separandi ergo sunt posteriores illi casus à priore, non min⁹ cū de conditione furtiua quæ-

ritur.

ritur, quàm cùm de actione furti. Nec illud quoq; ferre possum quod ab interpretibus apud Accursium controuerti video, An mulier eo casu quo res diuortij causa amotas post diuortium quoq; contrectauerit, conditione furtiua teneatur. Nam si verùm est quod Paulus ait, teneri eam actione furti quæ non tantùm turpis, sed etiam famosa & pœnalis est, Quidni etiam cõditione furtiua teneri debeat, quæ licet turpis sit, attamē nec famosa est, nec pœnalis. Aut si quis negaret dandā hoc casu conditionē furtiua soluto quoq; matrimonio, q̃ turpis actio sit ex ratione posita in *d. l. 2. eod. tit.* quo tandē colore posset defendere nihilominus actionē furti dandam esse? Nimirū quod dicimus in honorem matrimonij denegandā esse turpem actionē aduersus eam quæ vxor fuit, tunc demū obinet cùm agitur ex causa eius furti quod cõstante matrimonio factū sit. Quamuis, n. non minùs verè furtum illud sit, quàm si extra tempus matrimonij factū esset, leniùs tamen coerendū est quia societatē illam vitæ quæ per matrimoniu contrahitur, quodammodo pro causa habet *l. 1. & penult. eod. l. si verum 52. D. de re iudic.* At cùm furtum factum est antè matrimonium contractū vel post diuortiu, non potest facere honor & memoria transacti matrimonij vt eo minùs conueniri mulier possit actione furti, quamuis futurum sit vt ex ea condemnatione infamis fiat, quia prætextus societatis vitæ neque causam neq; colorem huic furto dare potuit. In eoque melioris conditionis est mulier, quæ adhuc vxor est, quàm illa quæ fuit & esse desit. Quæ enim vxor adhuc est etiam si furtum fecerit ante nuptias & eo tempore quo vxor nondum erat, non magis tamen conueniri potest aut furti actione aut conditione furtiua, quàm si contracto iam & adhuc constante matrimonio furtum fecisset. Ita scilicet ferente honore matrimonij qui sanè violaretur si turpis tantummodò nedom famosa actio per maritū aduersus vxorem institueretur eo tempore, quo vniuersalis illa vitæ societas, coniuges arctiùs in honore coniungit, quàm in dominio bonorum *§. patitur autem. Inst. de iniur.* Proinde cùm de actione furti & conditione furtiua coniugi aduersus coniugem danda, vel deneganda disputamus, non est adhibenda distinctio. Quoniam tempore furtum factum sit quæ tamen adhibenda necessariò est cùm de alterutra huiusmodi actionum queritur soluto iam matrimonio. Nam ob furtum factum siue ante contractum, siue post dissolutū matrimonium etiam furti agi potest, vt diximus *ex d. l. 3. in princip.* multò magis igitur conditione furtiua, quæ paullo lenior est. Ob id verò furtum quod constante matrimonio factum sit nec furti agi potest nec furtiua conditione vllò casu sed tantū actione Rerum amotarum, Neque tamen hoc perpetuò, sed ita demū si diuortij causa & consilio res amotæ proponantur, vt postea dicemus. Aded autem verum est quod volumus, conditionem furtiua, quia semper turpis est, nisi cùm ex serui furto competit, aduersus eam quæ adhuc vxor sit dandam non esse, tametsi furtum extra nuptias & societatem illam vitæ admisum esse dicatur, vt si post res diuortij causa amotas redintegratū sit matrimonium, non aliter tamen salua maneat rerum amorum actio quàm si nouum diuortium fiat *d. l. leg. redintegrato. iun. l. leg. vltim. eod. tit.* quod vtique non esset necesse si ad dandam actionem furti vel conditionem furtiua in vxorem, sufficeret quod furtum alio quàm matrimonij tempore factum probaretur. Præsertim cùm actio rerum amotarum, quæ non magis turpis quàm famosa est, faciliùs concedenda fuerit quàm cæteræ, Maximè autem eo casu quo negari non possit quin iam aliquando competierit, vt in *d. l. 1. redintegrato. & d. l. vlt.* Hoc enim addendum est, ne quis fortè nos putet aded incautos, vt omni

casu quo & actio furti & condictio furtiua inter coniuges potest competere, actionem quoque rerum amotarum dari posse arbitremur, quam è contrario scimus nunquam posse cum actione furti vel cum furtiua conductione concurrere, idque est quod sibi vult Paulus noster *in d. l. 3. in princip.* cum ex iis quæ dixerat *in l. 1.* sic infert qd idè *si post diuortium easdem res condictio etiam furti tenebitur.* Nempe vt perinde excludat actionem rerum amotarum eo casu quo nouum furtum factum sit post diuortium, atque excluderat prius actionem furti eo casu quo factum fuerit constante matrimonio. Nec dictio illa implicatiua *etiam* sic accipienda est vt actionem rerum amotarum includat, quasi scriptum sit non modò actionem furti, sed etiam actionem rerum amotarum eo casu competere, quod falsissimum est, sed per exaggerationem, & vt nostri loquuntur augmentatiuè, hoc sensu, Vt ob nouam cõrectationem post diuortium factam non iam actione rerum amotarum quæ mitior & lenior est, sed ipsa etiam furti actione, quantuvis famosa & pœnalis illa sit, mulier teneatur. Quo magis mirandi sunt interpretes illi quos Accursius refert & refellit, qui quod de furtiua conductione scripsit Tribonianus *in d. l. 3. §. 1.* ausi sunt interpretari de actione rerum amotarum. Eriam, benè viderunt non posse defendi quod scriptum est *in d. §. 1.* Conductione furtiuam duobus illis casibus dandam esse aduersus vxorem constante licet matrimonio, in eoque rectius senserunt quàm qui Pauli nomine & autoritate decepti rationem iuris tã manifestè hac parte violari patiuntur, Errant tamen & ipsi nō minùs grauiter, qui ad eò improprie ac ineptè Paulū locutū esse sibi persuadent, vt cõductionem furtiuam dicere potuerit pro actione rerum amotarum, q̃ nec cõdictio est, vt infra videbim⁹, nec furti mentionē aut exprobrationē vllā cõtinet. Præter id quod vt Accurs. cõtra eos ratiocinatur actio rerum amotarum neq; cõstare matrimonio competit *l. 2. C. eod.* neq; aliis rebus quàm quæ causa diuortij amotæ sint diuortio postmodū secuto *l. 1. verū quidem 25. D. eo.* Ad eò vt etiā si mulier cum de viri vita desperasset subreptis quibusdā rebus diuerterit, postea verò vir cõualuerit nō directā rerum amotarum actio competat sed vtilis tantum dāda sit *l. si mulier 21. in princ. eod.* qd hoc casu non tã diuortij quàm mortis causa res amotæ esse videātur. Nec p Accursij aut potiùs Triboniani errore tuendo quicquā facit, quod adfert idè Accurs. *ex l. cum quis 38. §. 1. D. de solut.* vbi Africanus & cõditione & actione furti dat marito post diuortiū de eo quod à muliere subreptū fuerat cõstante matrimonio, Nā quod ad conditionē attinet de qua illo loco Africanus, nō furtiua cõdictio illa est, sed ea quæ cõpetit ei ex cõiugibus qui durāte matrimonio donationē cõtulit in coniugē illicitè & cõtra quàm phibitū sit moribus populi Romani, quoties id quod donatū est extare defuit, & cõsumptū fuit *l. 1. 2. §. 1. tot. si. De donat. int. vir. & vxor.* & de qua *in l. si sponsus §. alius l. si mulier in fi. cū l. seq. vxor 58. & poss. ill. iij.* Quod verò additur de actione furti in proposito dāda necessariò referendū est ad priorē illius §. speciē q̃ Africano proposita fuerat, & de qua cõsultus eo loco respōdet, nō ad posteriorē, quā sibi fingit ille vt argumēto inde sumpto cõfirmet id, quod circa priorē speciē responderat, De quo nemo dubitare nisi Odofredū interpretē & alios omnes decessissent ea verba *post diuortium* quæ haud dubiè delenda sunt, & malo interpreti adscribenda, Vt pluribus ex professo docui *lib. 3. Coniect. cap. 19.* Ceterum neque actionem furti, neque conductionem furtiuam dari posse aduersus vxorem, ne quidem soluto matrimonio, præter ea tam multa quæ iam attulimus apparet eleganter ex Vlpiano *in leg. si quis vxori 52. in principa. D. de furti.* vbi ait ille, Si quis vxori res mariti subrahenti opem consiliūve accommodauerit, furti cum teneri, quemadmodum et si furtum cum ea fecerit,

fecerit,

fecerit, quamuis ipsa furti non teneatur. Deinde addebat, Ipsam quoque si opem furi tulerit, furti non teneri, sed rerum amotarum. Postremò addit, nò esse ambigendum quin serui sui nomine furti teneatur, Nempe quia, ut suprà diximus, neque pœnalis, neque famosa, neque turpis actio illa est quæ ex furto aut alio delicto serui contra dominum instituitur. Illud verò præcipua obseruatione dignum videtur apud Vlpianum, quod ait, Mulierem quæ opem furi tulit mariti res subrahenti, iudicio rerum amotarum teneri, Nouum. n. hoc videtur, cum is qui furi opem tulit aut consiliu[m] dedit non idèò fur sit aut furtum fecisse dici possit, quamuis per legem 12. tab. nihilominus furti obligetur *§. interdum quoq; Instit. de oblig. quæ ex delict. nascuntur*. Propter quam causam placuit nec furtiua cõditione hunc teneri cuius ope consilio furtum factum est licet furti teneatur, Nimirum quia numquam cõditione furtiua tenetur alius quàm qui furtum ipse fecit, aut heres eius *l. proinde 6. cum l. præced. D. de cõdict. furt.* Cur ergo vult Vlpianus, teneri tamen hanc mulierem actione rerum amotarum? An ut durius coerceatur quàm ceteri qui ex simili causa cõditione non tenerentur? Imò quia rerum amotarum actio quo lenior & mitior est quàm cõdictio furtiua, eo facilius cõcedenda est, Vt vel ex hoc maxime appareat actionem rerum cõditionem non esse, ut vulgò creditur, Tantum abest ut cõditionis furtiue in omnibus similis sit, quomodo Iacobus Cuiacius existimauit. Sed de eo plura & ex proposito in sequentibus. Hoc prætermittere non possum, sicut ex iis quæ hoc capite disputauimus infcitia Triboniani manifestè detegitur, ita & manu[m] ipsius non obscurè agnosci in illis verbis *sed & cum vxore furti agere possibile est*, itémque in iis sequentibus *propter reuerentiam personarum*. Simili enim prope modum locutione vsum eum video ad Pauli sententiam corrumpendam in *leg. Caius 45. solut. matr.* in postremis illis verbis *& maxime propter adfectionem personarum ad hoc decurrendum est*, ut scripsi in posterioribus libris Coniecturarum. Sed multò ineptius in *d. l. 3. §. 1. ver. amot.* vbi propter reuerentiam istam personarum dat cõditionem furtiuam inter coniuges, quasi salua reuerentia fieri possit ut tam turpis actio nec nisi contra furem aut furis heredem competere solita, inter eos exerceatur.

ERROR TERTIVS.

De sententia & emendatione l. si concubina 17. in princip. D. ver. amot.



QUM inter vxorem & concubinam dignitate magis quàm adfectio-
ne inter sit *litem legato 49. §. parui autem refert de leg. 3. l. cum tabulis 16. §. 1. D. de his quæ ut in dñg.* Mirum non est aliud iuris esse in actione rerum amotarum si agatur de vxore quæ furtum marito fecerit, Aliud verò si agatur de concubina: Quandoquidem actio rerum amotarum nò ob adfectionem coniugalem comparata fuit, quæ adfectio nulla certè est post diuortium, & eo tempore quo ij qui antea fuerunt coniuges inimici existimantur *l. cum in fundo 78. §. quod si mulier in final.* illis verbis *quàm relinquere apud inimicum. D. de iur. dat. l. Cicero 39. D. de pœn.* Sed ob honorem & dignitatem maritalem & in memoriam transacti matrimonij *l. 2. D. ver. amot.* Itaque quamuis dici soleat parui referre an vxori tuæ, an concubinæ legaueris quæ eius causa parata sunt *d. §. parui*, quoniã legata non nisi adfectionis causa relinquuntur,

l. nec alicui 9. D. pro socio. Multum tamen interest an vera vxor tua an cōcubina res tuas subtraxerit. Nā si vxor fuit, licet verè furtū tibi fecerit, furti tamē agere cū ea nō potes, sed tantūmodò actione rerū amotarum, cūm præcedētis vitæ societas nō patiatur, vt ob furtū in matrimonio factū possit illa furti conueniri, sed suadeat potius vt lenius illa & leuius puniatur *d. l. i. & l. pen. ver. amos.* Ad eò vt neq; vllō casu permittendū sit vt cōtra eam detur cōdictio furtiua, quēmadmodū superiore capite aduersus Tribonianū disputauius. Sed si cōcubina tuā res tuas amouerit & subtraxerit, hoc iure vtimur, & extra omnē penitus cōtrouersiam est vt furti teneatur, *l. si concubina 17. in princ. eod.* Vbi addit generaliter Vlpianus, Cōsequenter dicendū esse, Vbiq; cessat matrimoniū, vt puta in ea, quæ tutori suo nupsit, vel cōtra mādāta cōuenit, vel sicubi alibi cessat matrimoniū, cessare quoq; rerum amotarū actionē, Mox adfert rationem quia, inquit, cōpetit *diuortij causa*. Quæ tamen ratio quomodo explicanda sit vt vera esse possit, difficile videtur dicere, Ego certè non intelligo. Quamquam, n. video Accursiū cæterosq; interpretes vulgò sic explicare quasi Vlpianus ita ratiocinetur, vt actio rerū amotarum non cōpetat nisi causa diuortij: Nullū autē diuortium esse possit vbi nullum est matrimonium, Et consequenter neque actio rerum amotarum competere queat iis casibus quibus matrimonium nullū est, Nemo tamē rationē adfert quæ probare possit verum esse quod ex Vlpiani verbis interpretes omnes præsupponunt, actionem rerū amotarum competere diuortij causa: Quod ego contrā puto esse falsissimum. Scio rerū amotarum iudiciū non aliter locū habere, quā si diuortij consilio res amotæ fuerint, & securum diuortium sit, vt loquitur Marcianus *in l. rerum quidem 25. eod. tit.* Idq; esse quod alijs locis scriptum est *diuortij causa*, vt in *l. si rem 20. & l. seq. §. 1.* id est animo & consilio diuertendi, Ad excludendū casum illū quo mortis causa res amotæ fuerint, quo casu si postea mortuus sit maritus antequā diuortium vllū sequeretur, nō actione rerū amotarum, sed vel hereditatis petitione vel actione ad exhibendū agere debet heres mariti, vt cōsequatur id quod amotū est *l. si propter 22. §. 1. eod.* Dixi *antequā diuortium vllū sequeretur*, quia si mulier cū de viri vita desperasset subreptis quibusdā rebus diuertisset, deinde vir cōualuisset, vtilis rerū amotarū actio ei cōtra mulierē danda esset *l. si mulier 21. in princ.* Cessante nimirū directā ob id quod nō diuortij cōsilio sed mortis speratæ causa res amotæ proponebātur. Ceterū cū actio vtilis soleat eiusdē esse potestatis cuius & directā, eundēq; habeat effectū *l. actio 47. D. de negot. gest.* Cōsequēs est vt si ad effectū rei respiciamus, non tā necesse sit res diuortij causa amotas esse, quā diuortiū esse securū. Nullo, n. secuto diuortio, inauditū est vt actio rerū amotarū siue directā, siue vtilis vnquā detur, cū tamen danda sit vtilis etiā si mortis nō diuortij causa res amotæ sint si modò diuortiū postea sequatur, Enimuerò tū quoq; cū diuortij causa res amotas fuisse cōstat, nemo tamē bene dixerit, Rerū amotarū actionē cōpetere diuortij causa. Sunt, n. ista longē differentia, Cōpetere actionē rerū amotarum ob res amotas diuortij causa, Et cōpetere diuortij causa, Prius verū, at posterius falsum est, cū n. diuortij causa non ad rerū amotarum actionē referēda sit, sed ad rerū amotionem ipsam quæ actionis materia est, non forma. Nec rursus diuortij, sed furti puniendi gratia rerum amotarū actio comparata est, vt cessante furti actione furtū tamen mulieris hoc vno quamuis leniore remedio coerceretur *d. l. pen. ver. amot.* Ergo apud Vlpianū *in d. l. si concubina* tollēda omnino sunt verba illa *diuortij causa* ne falsa sit ea ratio quia cōpetit *diuortij causa*, Sed non ideo tamen delēda: at potius reponenda *in §. seq. cuius*

initium

initium tale sit *Diuortij causae res amotas dicimus*, &c. Nā cum actio rerum amotarum detur non ob res amotas quaslibet, sed ob eas tantum quae causa diuortij amotae sint, Explicandū sanē fuit quānam res diuortij causa amotae dici possent, An et tantum quae diuortij consilio amotae essent, ut Marcianus loquitur in *d. l. rerum quidem 25. eod.* An verò etiā aliae, puta quas nupta mulier necdum de diuortio cogitans amouisset si cum discederet eas celasset. Quod Vlpianus magis probat, Et rectē quia licet amotae sint priusquam diuertendi consiliū susciperetur, ac proinde nō diuortij causa, secuto tamen postea diuortio iisdemque rebus celatis, coepit mutari causa amotionis, & in diuortij causam transire consilium quod ab initio aliā causam habuerat quasi ex noua contrectatione & amotione. Itaq; hoc casu directā rerū amotarum actio competet non utilis, tanquā rebus amotis diuortij causa, licet diuertendi consilium ab initio nullum interuenerit, Nec rarō similia errata in libris nostris occurrunt, ut verba quae in fine praecedentis alicuius §. leguntur, ad initium §. sequentis referenda sunt, Aut contrā, Vt quae initium §. sequentis constituunt, ad finem praecedentis reuocari debeant, ut in *l. fili & familiae 114. §. ut quis heredem*, In cuius fine verba illa *secundum vulgarem formam iuris* malē in vulgatis & antiquis codicibus initium praebet §. sequentis. Verū statim occurrit quod quis obiciat nobis, Si ea verba *diuortij causa* tollantur ab initio legis ut ad §. 1. referatur mancā & mutilam nulliusque sensus futuram esse rationem illā quam adferre Vlpianus voluit, ut ostenderet cessante matrimonio, cessare quoque actionem rerū amotarum. Illa enim tantum supererunt *quia competit*, quae si ad actionem rerū amotarum reuocentur de qua sola proximē locutus fuerat Vlpianus, falsam & ineptam efficient totā Vlpiani sententiam, his verbis expressam *cessare rerum amotarum actionem, quia competit*. Quomodo enim cessat si competit? Aut quānam ratio haec est ut idē cesset quia competit? Grauius igitur mendum hic subesse satendum est, propter sublatam actionem *furti* quae omnimodo restituenda est, & quae restituta suam Vlpiano elegantiam restituit ut optima, & accommodatissima ratione vsum eum esse intelligamus. Non enim alia vel melior, vel accommodatior ratio reddi potest propter quam inter personas quae matrimonium iustum contrahere non possunt, cesset actio rerum amotarum, quā quia inter easdem personas furti actio competit. Idque est quod in ipso legis initio Vlpianus postquam scripsit, si concubina res amouerit, hoc iure nos uti ut furti teneatur, subiicit, & consequenter dicemus, *ubicunque cessat matrimonium, cessare rerum amotarum actionem*, Vt intelligamus bonam esse consecutionem, Vt quoties actio furti competit cessare debeat rerum amotarum actio. Quippe quae non nisi singulari iure introducta sit & contra iuris communes regulas ac quodammodo in subsidium deficientis actionis furti & conditionis furtiuae. Verisimile autem est sublatam ab imperito aliquo interprete dictionē illam *furti* quam nos restituiamus, quasi esset illa non modō superuacua, sed etiā absurdē addita, cum iam per eiusdem aut alterius librarij imperitiam accidisset, ut ea verba *diuortij causa* quae nos in §. seg. relegamus, suo loco mota essent, & ad hoc legis initium malē applicata, Nisi forē probabilius quis putet tollenda esse verba illa *quia competit* tanquam irreptitia & ab eo interprete addita, qui cum sequentia *diuortij causa* iam transposita videret & in hunc §. deducta, nullā satis cōmodam recipere interpretationē, putauit locum mancum esse supplendūmq; additis in specie rationis duobus illis *quia cōpetit*, ut iuncta cū sequentibus rationem plenā facerent propter quam rerū amotarum actio in illis casib. cessare deberet.

ditatem. Postremò adfert Accursius, quod scriptum est in *l. si uxor uers. planè D. ad leg. Jul. de adult.* Siue iusta, siue iniusta uxor fuerit posse virum iniuui e accusacionem ex lege Iulia, propterea quòd illa lex ad omnia matrimonia pertineat tam iniusta, quàm iusta, id est ad ea quoque matrimonia, quæ verè nō sunt matrimonia. Ego tamen etsi non improbo, quod ait Accurs. non magis valere donationes factas in prohibitis nuptiis quàm si in licitis & iustis factæ essent, ne melior sit condicio eorum qui deliquerunt, ut Vlp. ratiocinatur in *l. 3. §. 1. D. de donat. int. vir. & uxor.* Non possum tamen probare quod sub eiusdem Vlpiani nomine scriptum video in *d. l. cum hic statum §. ultim.* Ea quæ malè & contra leges donata sunt auferenda esse donatario, & fisco vindicanda. Nam si verum est, ut est, donationes huiusmodi ratas esse non posse, non video certè qua ratione fieri possit ut quod ab iniusto coniuge donatum est iniusto coniugi, auferatur ei tanquam indigno, & fisco vindicetur. Si quidem prius est ut acquisitio consistat in persona indigni, quàm ut ei quicquam auferri possit: Ne alioqui eueniat ut non tam illi qui indignus dicitur, lucrum eripiat quod nunquam habuit, quàm ei qui non deliquit, si quod in ipsius bonis mansit ab eo auferatur, ut fisco applicetur. Atqui certum est ex donationibus factis inter coniuges siue veros, siue prohibitos nullum transferri dominium, Obstante videlicet iuris constituti potestate quæ donationes has valere non patitur siue per traditionem, siue per stipulationem fiant *l. l. 2. & pass. ill. tit.* Constat autem nunquam ex nuda traditione transferri dominium, sed ex ea tantum quæ iustam causam habeat, id est iure ciuili cognitâ & adprobata *l. nūquam nuda §. 1. D. de acquir. rer. domin.* Vnde fit ut in huiusmodi donationibus iure ciuili impeditis, sic reuocetur donum ab eo eâve cui donatum est, ut si quidem res donata extet vindicari possit, si consumpta sit condicatur hæcenus, quatenus locupletior quis eorum factus est, ut idem Vlpianus scribit in *l. si sponsus §. aliis l. si mulier in fi. D. de donat. int. vir. & uxor.* Cui iungenda est lex sequens, ubi ex Cajo redditur ratio, quia quod ex non concessa donatione retinetur, id aut sine causa aut ex iniusta causa retineri intelligitur, ex quibus causis conditio nasci solet. Quod cum ita sit, consequens est ut ex ea causa nihil vindicari fisco possit: Nec si millies indignus sit is in quem liberalitas illicitè collata est. Cum enim id quod donatum est non possit acquiri donatario propter legis prohibitionem, quæ donationi resistit, necesse est ut eius dominium remaneat penes donantem *l. sine emancipatio 17. C. de donat. l. si quidem 11. & pass. C. de præd. minor. l. vlt. Cod. de reb. alien. non alien. ac* proinde ut si quid fisco vindicetur, totum id eripiat donanti non donatario: Quod tamen nō modò ridiculum fuerit, sed etiam iniuriosum. Nemo enim idèd fit indignus quòd malè donet, ac contra leges, sed ex eo tantum quòd malè & contra leges accipiat, Neque rursus ex eo solo. quòd malè & contra leges accipiat, nisi etiâ illud cōcurrat ut accipiendo sibi acquirat, Indignū namq; hoc in tractatu eū intelligimus non qui dignus nō sit cui liberalitas acquiratur, sed qui dignus nō sit, ut liberalitatē acquisitam retineat. Et idèd quoties querimus An aliquid tanquā indigno auferendū sit nō de illo disputamus, An possit ille sibi acquirere, sed de hoc dūtaxat, An possit sibi retinere, ut cōstat ex *d. l. 2. §. 1. l. rescriptū 6. l. in fraude 10. §. 1. l. heres 11. l. vlt. & pass. D. de his qui ut indigni.* Ergo quod ex cōiugib. qui aduersus leges coterūt alter alteri donauit, sicut acquiri non potest donatario, non magis quàm si matrimoniū iustū & secundū leges contractū esset, ita neq; auferri ei potest ut fisco acquiratur: Implicatq; cōtradictionem ut donatio nō valeat, & tamen id quod donatū est fisco vindicetur,

perinde ac si quis diceret, Donationē non valere, Et nihilominus id quod donatum esset acquisitum donatario fuisse, cum ius fisci ex persona indigni nullū esse possit, nisi in bonis ipsi indigno iam acquisitis. *d. l. 2. §. 1. de his que vt indign. in illis verbis quod ei ex testamento vxoris acquisitum est & l. heredes 4. C. eod.* illo loco merito eius portio non iure ad alium translata, fisco vindicata est. *l. cum fratrem 9. & pass. eod. tit.* Quid ergo sibi vult Vlpianus in *d. l. cum hic statim 32. §. ult. de donat. int. vir. & vxor.* cum ait, Ea quæ contractis iniustis nuptiis donata sunt quasi ab indignis ablata fisco vindicari oportere? An fortasse id scit Vlpianus vt quæ malè donata sunt auferenda sint non quidem donatario cui numquam fuerint acquisita, sed donanti in cuius dominio manserunt, vt eo modo factum ipsius puniatur, non tam in eo, quod cōtra leges donationem acceperit [est enim hoc inculpatum & extra pœnam omnem, quia donare leges prohibent non accipere] quàm ob id potius quod contra leges & illicitè nuptias contraxerit? Atqui nulla prohibitarum nuptiarum pœna talis fuit olim, primūsq; Iustinianus in *Novell. 12. De incest. nupt.* vnde sumpta est *Auth. incestus C. eod.* confiscationem bonorum infl. xit, nec omnibus illicitas nuptias contrahētib; sed iis tantum qui incestas, quarū lōgè grauior & odiosior culpa est. Nulla igitur causa est cur donanti auferendum sit & fisco vindicandum quod ille perperā & cōtra leges donauerit ei personæ cum qua similiter perperam & contra leges matrimonium contraxerit. Alioquin hoc etiam admissio dicendum esset fisco locum fieri non propter illicitam donationem, sed propter iniustas nuptias: quod tamen ab Vlpiani mente alienū esset, qui non donantis aut vtriusque coniugis bona omnia fisco vindicanda esse ait, sed ea tantum quæ donata sunt, Ne possimus dubitare quin de bonis non donatis aliter ipse senserit, Quænam igitur ratio tam improbabilis sententiæ excogitari poterit? Frustra meo iudicio se torquet quisquis in ea inuestiganda diutius labore: Cum nihil facilius sit quàm videre non solum postrema illa verba, sed integram totius §. sententiam Triboniano nō Vlpiano adscribi oportere, Siue verborum inelegantiam attēdas, præsertim illorum *qui matrimonium copulare prohibetur*, itēque sequentium inuolutionem & quasi ab indignis ea quæ donata sunt ablata, Siue quæstionis propositæ ineptitudinem nō parum, sed responsionis longè maiorem. Quæstionis materiā sumpsit Tribonianus, ex ea quæ proposita fuit in §. præcedente, Si quis sponsam habuerit, deinde vxorem eam duxerit cum non liceret, an donationes quasi in spōsalibus factæ valeant. Quam quæstionem ait Vlpianus à Iuliano tractatam fuisse in minore duodecim annis, si in domum quasi mariti immatura sit deducta. Hanc enim sponsam esse certum est, tamen si vxor non sit. Et cōcludit verius esse quod & Labconi & Papiniano visum est, Vt si quidem præcesserint sponsalia durent, quāuis iam vxorē esse putet qui duxit, Si verò non præcesserint, neq; sponsalia sint quia nō fuerunt, neq; nuptiæ, quod nuptiæ esse nō potuerunt. Ad propositā verò dubitationē de validitate donationis respondet, si spōsalia antecesserint valere donationē, Si minùs nullā esse, quia, inquit, non quasi ad extraneā sed quasi ad vxorē fecit, & idē nec oratio locū habebit. Inde verò quæritur & subiicitur in §. ult. eiusd. legis, quasi non dissimile quidpiam, licet factis, & personarum circumstantiis diuersum, Si Senator libertinam desponderit, vel tutor pupillam, vel quis alius ex his qui matrimonium copulare prohibetur, & duxerit, an donatio valeat quasi in sponsalibus facta. Hanc ego quæstionē primū ineptrā esse dico, Suppōnit enim pro certo valere spōsalia inter personas istas, At nuptias nō valere. Alioqui si nō magis valēt sponsalia quàm nuptiæ, quis obsecro esset color dubitandi

dubitandi an valeret donatio tanquā facta in sponsalibus, quam certū esset non valere si sic acciperetur quasi in nuptiis facta. Atqui certissimū est sponsalia hoc casu non magis valere quā nuptias, quia oratio Imperatorū Antonini & Cōmodi, quæ nuptias quasdā in Senatorū personis prohibuit, licet de sponsalibus nihil locuta sit, rectē tamē à prudētibus omnibus sic accepta est vt spōsalia quoque in his casibus nullius sint momenti, vt interpretatione suppleatur quod orationi deest, inquit idem Vlp. noster in *L. oratio 16. D. de sponsal.* Nihil ergo simile habet hæc species cū illa quæ ex Labeone, Iuliano & Papinianō tractata fuerat in §. præcedente, in qua non erat eadem ratio sponsaliorum & nuptiarum, Sponsalia enim contrahi possunt cum puella minore 12. annis, dummodò septennium excederit, Nuptiæ non possunt. Multū proinde referebat in ea specie an donatio facta esset quasi in sponsalibus, an quasi in nuptiis, Cū tamen nihil penitus intersit quoties sponsalia non magis valere possunt quā nuptiæ. Quod verò ad propositam dubitationem respondetur iis verbis *& putem etiam sponsalia improbanda* adhuc ineptius est. Non enim de illo erat dubitatio. An sponsalia valerent necne, vt de hoc respōderi quicquam debuerit, Sed supponebat pro vero, quod Tribonianus hoc respōditur fateri falsissimū, Sponsalia valere, Vt proinde fatendum etiam illud sit quod modò dicebamus, ineptam fuisse dubitationē. Sed & omnino absurdē sic concepta responsio est *& putem etiam sponsalia improbanda* quasi non de eo ius certum esset, ac de quo inter prudentes omnes iā ante Vlpianum constitisset, Aut quasi nō essent ea sponsalia iam tum improbanda: Nā si erant improbanda, quid attingebat dicere *Esse improbanda*? Debeuerat ergo Tribonianus sic potius scribere, *Et putem quia etiam sponsalia sunt improbanda, quæ ab indignis ea quæ donata sunt, ablata fisco vindicari.* Sed neq; bonum sensum habuisset ea ratio. Ex eo namque quod inter Senatorum & libertinam, itēque inter tutorem & pupillam improbanda sunt sponsalia non minū quam nuptiæ. Inferendum potius erat non valere donationem, quæ non quasi in extraneam, sed quasi in sponsam collata esset, si bona est ratio posita in §. præcedente. Aut si quis putet ob id quod sponsalia improbanda sunt, tantū magis valere donationem siue tanquam collatam in personam extraneam, quo casu ab initio quoque omnimodō & irrevocabiliter valeret, siue hæctenus saltem, vt ex oratione Diui Marci & ex Senatusconsulto quod ad eam factum est, morte ac silentio donātis confirmetur, Tantū minū vera & accommodata esse poterit ratio illa, ad probandum quod sequitur & concluditur ea quæ donata sunt tanquā ab indignis ablata fisco vindicari oportere. Ad quid enim prodesset dicere donationē aut ab initio valere, aut confirmari morte, si non ad aliū finem valeret aut confirmaretur, quā vt hoc ipso id quod donatū esset eriperetur donatario, & fisco vindicaretur? Ergo siue dicamus valere donationem hanc, siue non valere, fieri nullo casu potest vt vindicetur fisco, neq; eius sententiæ ratio vlla reddi potest. Differentia tantū in eo est an donatio valeat necne, quod cū donatio non valet, cōpetit donanti vindicatio directā rerum donatarū si exierint, aut si consumptæ sint, directā quoque earundem conditio *leg. si sponsus 5. alias l. si mulier in fin. iunct. leg. seq. eod. tit. D. de donat. int. vir. & vxor.* At cū donatio valet ipso iure, nec tamen æquitas patitur valere illā cū effectu vt in proposita specie perinde quidem vindicatio & cōditio donanti concedenda est, sed vtilis non directā *l. si ex voluntate 7. C. eo. tit. vbi* extat rescriptū in hanc rē perelegans Alexandri Severi, quo rescripto hæc tota questio nō solū deciditur sed etiā aptissimē explicatur.

ERROR QVINTVS.

Ad l. si ex voluntate 7. C. de donat. int. vir. & vxor.



VERBA legis hæc sunt, Si ex voluntate patris tui, filio tutoris nupta es, collata in maritum donatio ipso iure irrita est. Sed si matrimonium iure non valuit, licet donatio ipso iure tenuerit, quia tamen indigna persona eius fuit, qui nec maritus dici potest, utiles actiones super renouandis his tibi competunt.

Prioris partis responsi nulla in textu ratio adferitur. Sed tamen colligitur non obscure ex eo quod sequitur in secunda parte. Cum enim ex voluntate patris filia nubuit filio eius qui tutor fuit, valent sine dubio nuptiæ leg. si patris 6. C. de interd. matr. m. ius. pupil. & tutor. eius l. non est matrimonium 66. D. de rit. nupt. Et consequenter non valet donatio, quippe quæ moribus populi romani districtè prohibita est inter veros coniuges, nisi quantum ad hoc ut donantis morte confirmari possit. At cum patris voluntas non interuenit, matrimonium interdictum est, Proinde ipso iure tenet donatio, quæ scilicet non nisi inter coniuges prohibita est, Coniuges autem non sunt qui aduersus leges vel mandata Principum cõuenerunt §. si aduersus. Inst. de nupt. Sed quoniam absurdum est meliorem esse illius condicionem, qui deliquit, quàm futura esset si non deliquisset d. l. 3. §. 1. D. de donat. int. vir. & vxor. l. non solum 13. D. de noxal. act. l. Serenus 4. D. quod vi aut clam, indignus sanè est hic tutoris filius qui nec maritus dici potest, ut donationem sibi possit acquirere, quam non posset si verè maritus esset. Ex ideò æquum est teneri eum vel vindicatione si res donate extant, vel conditione si cõsumptæ sint, & ita tamen consumptæ ut donatarius ex iis locupletior factus sit. Sed erunt hæ actiones utiles non directæ, quia licet non contra iuris rationem deficiente tamen iure dantur ex sola æquitate: Dantur autem non fisco, ut Tribonianus scripsit in d. l. cum hic status. §. ult. Sed ut lex ait, mulieri quæ donauit, quamuis fateatur Imperator, quod summo opere notandum est, personam illius cui tãquam marito donatum fuerat indignam fuisse. Indignam enim debemus intelligere non ad retinendum, sed ad acquirendum: quæ res non facit locum fisco, ut suprà diximus. Iis enim solis auferret fiscus tãquam indignis, qui indigni sunt, ut permittatur iis retinere quod illicitè sibi quæsiuerunt. Sed iis qui indigni sunt ut acquirere ipsis permittatur, nihil auferret fiscus, quoniam nec habent quicquã illi quod iis auferri possit. Pugnat igitur ex diametro rescriptum illud Imperatoris Alexandri, quæ refert Lampridius Vlpiani potissimum consilio vsum fuisse, cum ea Triboniani sententia quæ sub Vlpiani nomine proposita est in d. l. cum hic status §. ult. Nec habet Accursius quod pro conciliatione adferat, Nisi ut dicat, in ea specie ad quam rescriptis Imperator putauisse donantem, quod valeret donatio. Apud Vlpianum verò sciuisse quod non valeret. Quasi durius agi debeat cum donatore qui sciuit donare se illicitè, quàm cum eo qui irrogauit. Quod tamen si ad factum respicias, planè commentitium & diuinatorium est, Sin ad ius, ineptum prorsus & impertinens. Quemadmodum enim falsa opinio donatoris existimantis donationem valere quæ iure non valeat, rationem iuris non immutat, nec eo magis facit ut valeat donatio, Ita neque scientia donatoris cum iure consentiens, validam facere donationem, quam & ipse scit, & leges volunt esse inuolidam. Quid enim hic peccat, qui scit quod leges sciunt, nec aliud vult quàm quod leges volunt? Aut quis vnquam ad ius illud constitutum & certissimum

tiſſimum De donationibus inter virum & uxorem improbandis, exceptionē illam addidit, Niſi donationem non valere donator ſciat? An non verò præſumendus eſt quilibet id ſcire quod ſit iuris & certiffimi & notiſſimi, atq; ex ipſis populi Romani morib. inducitur? Cū nec Principū cōſtitutiones ignorare quēquā aut diſſimulare permittatur? *pen. C. de iur. & ſact. ignor.* Dices, Nullā ei iniuriā fieri qui rem ſuam contra leges donatam voluit, ſciens non valituram donationem, parūque referre an ſciſus, an verò donatarius eam rem habeat quam donator omnimodo à ſe abdicatam & in alium tranſlatam voluerit. In d., inquam, noluit abdicare à ſe, & in alium tranſferre id quod donauit, cū ſciuerit donationem non valere, Ex donatione autem inualida tranſferri dominiū non poſſe, Porūſque dicendum eſſet voluiſſe illum facere actum illuſorium, & inanē, qui licet tantò magis contra leges factus videri debeat, quòd factus ſit à ſciente, tantò minùs tamen ex legibus accipere vires poteſt, vt non ſolū aduerſus leges, ſed etiam contra voluntatē facientis, effectum ſortiat. Sed & ſi bona eſſet obiectio, ſequeretur non donatario ſed donatori auferenda eſſe per ſiſcum bona quæ donata eſſent contra leges, cū donatario nunquā fuerint acquiſita, nec poſſit ei auferri, quod ipſe nūquam habuit. Atqui nec Tribonianus ipſe hoc diceret, qui vult ea vindicari ſiſco ablata à donatario tanquam ab indigno. Indignus enim eſt donatarius, Non quia donationem contra leges vel bonos mores acceperit, Sed quia matrimoniū iniit cōtra leges, ita vt nec coniugis nomē mereatur *d. ſi ex voluntate*. Qui verò donauit, licet in eadem culpa ſit, quod cōtra leges nuptias contraxerit, nec magis dignus ſit coniugis nomine, indignus tamen dici non poteſt, neque ad acquirendum, neque ad retinendum, quia nec de acquirendo certat nec de retinēdo. Proinde nihil eſt quod ei auferre ſiſcus poſſit tanquam indigno, quia nec indignus eſt, Aut ſi dicas indignum eū eſſe ob nuptias illicitē contractas, vt nec bona ſua retinere poſſit, cōſequens fiet vt nulla quoque per eum facta donatione, omnia tamē ei auferre ſiſcus debeat & vindicare, cū ſecuta donatio neq; augeat nuptiarum crimen, neq; minuat. At neque verum generaliter eſſe poteſt quod nimis generalibus illis verbis Tribonianus complexus eſt, *vel quis alius ex his qui matrimonium copulare prohibetur*. Nam qui officium in prouincia aliqua adminiſtrat licet inde oriundum vel ibi domicilium habentem ducere non poſſit, ſponſam tamen accipere non prohibetur *l. ſi q. ſi officium 38. D. de rit. nupt.* Itaque non poteſt in eius perſona verum eſſe quod ſequitur apud Tribonianum *etiam ſponſalia eſſe improbanda*. Nec enim bona ſemper conſecutio eſt vt qui matrimonium contrahere prohibetur, etiam ſponſalia contrahere prohibeatur. Agnoſcendus igitur eſt hac quoque parte inſignis Triboniani lapſus, qui non aq̃uē Vlpiano contigiſſet.

ERROR SEXTVS.

Ad 5. ſi quis ſponſam pen. l. cū hic ſtatut 32. & ad l. quod vir 65. De donat. int. vir. & vxor. & ad l. 2. §. 1. De his quæ vt indign.



Vt verò ex his quæ hucusque diximus maniſeſtiſſimum ſit Triboniani eſſe quicquid ſub Vlpiani nomine ſcriptum eſt in *d. ſ. ult.* ab iſtis verbis *ſed ſi Senator*, quæ omnino connexa ſunt præcedentibus, Facile mihi perſuadeo euſdem Triboniani eſſe quicquid eſt in *§. præcedēte*,

à primis illis verbis, si quis sponsam, usque ad finem. Cum ob alia multa quæ in hanc rem tractari possent, nisi iam longior esset hic tractatus, & quæ commodius referri poterunt in Rationalia, Tum ob id maxime quod non puro defendi posset distinctionem eo loco positam, ut si sponsalia præcesserint nuptias puellæ nondum viripotens, & in quam tamen sponsus donationem contulerit, valeat donatio, Si verò nulla præcesserint, nullius quoque momenti donatio sit. Repugnat enim Labeo in *Liquid vir 65 eo. tit.* Vbi discretè scribit, Quod vir ea quæ nondum viripotens nupsit, donauerit, ratum esse oportere, Nisi cum Accursio velis comminisci de eo casu Labeonem sensisse, quo sponsalia præcesserint, Quod tamen nullo modo colligi potest ex verbis Labeonis, quamvis eius auctoritatem obtendat Tribonianus, itemque Papiniani in *d. s. penult. ut & in leg. quasitum 9. D. de sponsal.* ad confutandam Iuliani sententiam qui contra putabat puellam quæ in domum quasi mariti immatura deducta sit, hoc ipso sponsam esse licet non sit vxor, Ratio autem quæ mouetur Tribonianus ut nullam faciat donationem quæ collata sit in puellam inminutam nuptiam cum sponsalia nulla præcesserint, nec aptè concepta est nec satis vera. Aitenim *quia non quasi ad extraneam, sed quasi ad uxorem fecit.* Nam neque latine dicimus Donationem facere ad aliquem, Neque ob id quod nec sponsa sit ea, quam donator etiam uxorem esse credidit, minus valere debet donatio, quam ille contulit quasi in uxorem, cum non verè vxor non fuerit. Imò tantò magis quod quæ nec sponsa nec vxor est, propius accedit ad extraneam. Extraneæ autem donari posse si aliud nihil impediat, certum est. Aut cur præcedentibus sponsalibus donationem valere volumus quæ nec quasi in sponsam collata fuit, sed quasi in uxorem? Sicut enim quæ iam sponsa est, dici penitus extranea non potest, Ita neque vxor, quæ non solum vxor nondum est, sed nec adhuc esse potest. Proinde non eo magis valere potest donatio, quæ in eam collata fuit non quasi in sponsam, sed quasi in uxorem, licet fuerit verè sponsa, si hoc vnum inspiciendum est quod quasi in uxorem collata donatio fuerit. Denique mala idèò ratio est, quia cum Titius donat Mæuig, nondum viripotenti quam tamen uxorem suam esse putat, non tam ad nomen vxoris respicit quàm ad personam ipsius puellæ, quæ non eo minus illa ipsa puella est cui bene vult facere, quod neq; extranea penitus sit neque verè vxor. Magis ergo prodesse debet ad validandam donationem, quod illa vxor nondum sit, quàm nocere quod nec sit penitus extranea. Quod verò sequitur & idèò *ne oratio locum habebit* valde indiget explanatione. Nam quemadmodum cum ab initio valet donatio, non est tractandum de oratione Diui Severi, ut donatoris morte confirmetur, quia ex solummodo confirmantur ex oratione donationes quæ moribus & iure civili impediuntur *di. l. leg. cum hic statum. s. siue autem*, Ita & omnes illæ, quæ ne valeant impediuntur ob matrimonium, valent ex oratione *de d. s. siue autem*. Sed quæ ex alia quàm matrimonij causa impediuntur, id est quæ inter alias etiam personas quàm inter coniuges factæ non valerent, ex adorationem Severi non pertinent, Ut puta si inter virum & uxorem societas vel emptio contracta sit donationis causa: quia cum nulla societas nullæque emptio sit quæ donationis causa interponitur, nec inter ceteros, Propter hoc nec inter virum & uxorem valere potest, etiam subducta causa matrimonij ut Vlp. *rationatur in d. cum hic statum s. si inter virum & uxorem & seq.* Vbi addit, Si tamen res minoris venierit donationis causa, vel postea præciū sit remissum, admittendam esse donationem ad Senatusconsultū, id est hætenus non ut valeat ipso iure inter virum & uxorem, sed ut ex Severi oratione & Senatusconsulto quod ad eam factum

factum est confirmetur. Ex quo intelligimus separandam esse donationem quæ iure civili impeditur, ab ea quæ nulla sit. Quæ impeditur aliqua est licet inuolida propter iuris prohibitionem, At quæ nulla est cum nihil sit, confirmari nullo modo potest. Et ad hoc Tribonianus respexisse videbitur, cum ita scripsit *si minus, nulla est, & ideo nec oratio locum habebit*. Non dixit, Nullis præcedentibus sponsalibus non valere donationem. Inepta enim fuisset consecutio illa & ideo nec oratio locum habebit. Sed scripsit donationem nullam esse, id est non modò inuolidam, sed etiam pro non facta habendam: Vt inferat, Non modò simpliciter non valere, sed nec quod ad orationem & Senatusconsultum, Id est ne quidem donatoris morte ac silentio confirmari eam posse. In quo ipso tamen vereor ne rursus Tribonianus errauerit. Etenim constat matrimoniū quod cū puella nōdū viripotente contractū est licet non sit matrimoniū, antequā illa duodecimū annū impleuerit, tamen legitimū fieri eāq; vxorem legitimam solo temporis lapsu postquā illa duodecim annos apud virum expleuerit, neq; nouo in eam rem consensu opus esse *l. minorem 4. D. de rit. nupt.* Quidni ergo etiam donatio valere incipiet, hætenus saltem, vt ex oratione cōfirmari possit defuncto quodcumque postea donatore non mutata voluntate, si aliud nihil impediebat effectum orationis quā quod donatio non quasi in extraneam collata esset, sed quasi in vxorem quæ tū vxor non erat? Verū lōgè probabilior Labbeonis sententia est in *d. l. quod vir*, vt etiam si nulla sponsalia præcesserint valeat tamen donatio in puellam nondum viripotentem post immaturas nuptias collata, ita vt nec vlla indigeat confirmatione, tanquam collata vel in sponsam si cū Iuliano immaturas illas nuptias pro sponsalibus habeas, vel in extraneam si cum Labbone & Papiniano putes nuptias huiusmodi præmaturas ne quidē pro sponsalibus haberi debere. Non enim qua adfectione sed cui personæ donatū sit inspicere oportet, Alioqui eo tandē absurditatis paulatim decurrendū erit, vt dicamus valituras esse quasq; inter virum & vxorem donationes si modò is qui donat, protestetur donatū se velle coniungi non tanquam coniugi sed tanquam alteri cuilibet personæ. Quod tamen dicere stultū fuerit, & ad fraudem legibus faciendam accommodatissimum. In summa non potest ratio iuris immutari ex sola donantis opinione, non solū si per iuris imperitiū putauerit valere donationem quæ reuera non valeat, vt suprà diximus, Sed etiam si eam cui donauit, iustam esse sibi vxorem putauerit cum non esset. Nec probè potest dicere non fuisse se donaturum, si eam vxorem non esse sciuiisset; Nam præter id quod nimis crassa supervaque est tam aperti iuris ignoratio, potestq; meritiò ei obici si cui vnquam alij, quod regula iuris habet, Eum qui cum alio contrahit non debere ignarum esse condicionis eius cum quo contrahit, An nō ridiculus est, qui dicat, non alij quā iustæ vxori donaturum se fuisse, cū si iusta vxor illa fuisset, tanidē minùs valere donatio potuisset, Quam è contrario valere nihil prohibet cū facta est in non vxorem, siue sponsa fuerit, siue penitus extranea illa quæ vxor esse putabatur. Fatendum sanè est fuisse Tribonianum hac parte non modò parum acutum Iureconsultum, sed etiam plus æquo & solito puellis ante legitimam ætatem nuptis iniuriosum. Quibus tamen prudentes quoque favendum esse etiam puberibus existimarunt, quasi quas deceptas esse credibile sit tū quoque cū de prohibitis nuptiis tractarunt, vi in *leg. ultim. de legat. 1. dict. leg. 2. §. per contrarium. D. de his que vt indign.* Quid enim possis imputare puellæ quam nondum viripotentem fortassis pater ipse aut mater viro collocarit? Aut cur tam inhumaniter cum ea agas, vt donationem quæ in eam licet, quasi

in uxorem à marito collata est neque ab initio valere, neque ex silentio confir-
mari patiaris? Sed hæc sufficiant ad *d. §. si quis sponsam*. Reliquum est ut monea-
mus quod pertinet ad *§. ult.* quem totum Tribonianum esse docuimus, non aliunde
Tribonianum errandi causam & materiam sumpsisse, quàm ex eo quod scrip-
tum vidit in *d. l. 2. §. 1. De his que videntur*. Siue cõtra mandata uxorem quis du-
xerit ex ea prouincia in qua officium aliquod gerit, Siue tutor pupillam suam
contra decretum amplissimi ordinis uxorem duxerit non posse illum retinere
quod ei ex testamento uxoris acquisitum est, Sed vtroque casu etsi ex asse insti-
tutus hereditatem adierit, fisco locum fieri, & quasi indigno hereditatem auf-
ferri. Non enim animaduertit vir bonus, quàm diuersa sit hac parte causa dona-
tionis inter viuos, & institutionis hereditariæ aut alterius cuiuslibet vltimæ vo-
luntatis. Ex donatione inter viuos nihil potest acquiri iniusto coniugi, eo casu
quo nec si iustus esset acquiri tamen ei quicquam posset ne aliqui melior sit
condicio eorum qui deliquerunt, vt diximus. At ex testamento & qualibet vlti-
ma voluntate acquiri quidlibet potest, quia etiamsi iustum matrimonium esset,
nihil tamen acquisitionem impediret. Delictum enim quod in prohibitis nu-
ptiis contrahendis admissum est, non in eo punitur vt per se acquisitionem im-
pediat, sed hætenus tantum obest quod pertinet ad acquirendum, ne melior sit
delinquentis condicio quàm si non deliquisset, non etiam vt deterior esse de-
beat. Inde fit vt ea quæ iniusto coniugi donata sunt cum ipsi acquiri non pos-
sint remaneant in dominio donatoris, atque ita vindicari ab eo possint si extet,
aut condici si extare desierint & ex iis locupletior donatarius factus sit. At quæ
iniusto coniugi testamento iusto relicta sunt, ea verò perinde acquiri ei possunt
acsi cuiuslibet alij extraneo essent relicta, neque in hoc differentia vlla est inter
coniugem iniustum & extraneum, id est in acquirendo. In quo igitur? Nemo e-
nim non videt differentiam aliquam esse oportere inter extraneum heredem in-
stitutum qui nihil deliquit, & iniustum coniugem qui contra leges matrimo-
nium illicitum contraxit. Nimirum different in retinendo, quia quod extraneus
licite quæsierit, licite quoque retinebit, Qui verò iniustas nuptias cõtraxit quod
ex iniusti coniugis testamento quæsiuit, licet iusto titulo nullaque prohibente
lege quæsiuerit, quia tamen occasione nuptiarum quæsiuisse credendus est, qua-
si non fuerit uxorem institutura si maritum non putasset, cumve pro marito nõ
habuisset, Indignus sanè est qui hereditatem sibi quæsitam retineat, Ideoq; auf-
ferenda ei hereditas est tanquam indigno, & fisco vindicanda. Et ita debet ac-
cipi quod scriptum est in *d. l. ult. de legat. 1.* tutorem ex testamento pupillæ quam
uxorem duxerit capere nihil posse, Vt non prima ratione id intelligatur, sed cū
effectu, quomodo loquitur Vlp. in *l. 2. §. peruenisse D. de hered. vel al. vendit.* id
est vt acquisitio non impediatur, sed retentio, Bonis fisco vindicatis *d. l. 2. §. 1. D. de his que videntur*. Iuncto. *l. aliud est capere 71. De verb. sign.* Præsertim cum nulla
in eo fiat iniuria, neque testatrici cui potest imputari cur indignum heredem
elegerit, & cuius tamen voluntati satisfactum est in eo quod heredem habuit
illum quem voluit, Aded vt nec heres esse desinat posteaquàm fisco bona vin-
dicauit *l. ex fisco 43. §. ult. D. de vulg. & pupill. subst.* Neque legitimis successoribus,
quos testatrix exclusos voluit per testamentum: Nec denique illi ipsi cui auf-
fertur quia omnino indignus est. Ex quo magis intelligimus, quàm falsa sit ra-
tio illa quæ tantopere à nobis iam exagitata est in *d. §. si quis sponsam in fin. quia
non quasi a* *extraneum sed quasi ad uxorem fecit.* Eadem enim ratione dicendum
esset, non magis posse valere institutionem si mulier cum instituerit heredem
tanquam

tanquam maritum qui tamen maritus esse non possit, quia contra leges cōtra-
xit. Siquidem perinde dici posset non fuisse illum institutum quasi extraneum
sed quasi maritum. Sed ea res non impedit validitatem dispositionis, aut acqui-
sitionem, Nec si constet testatorem non fuisse instituturam virum si eum virū
non putasset, At potius aperit locū fisco ut ei qui sub falsa illa opinione insti-
tutus est, hereditas quasi indigno offeratur *l. si pater tuus 4. C. de hered. inst.* Idē
ergo & in donatione collata quasi in uxorem quæ uxor esse non potuit, dicen-
dū est, ut quomais non quasi in extraneum sed quasi in uxorem facta sit, non eo
minus tamen valere debeat non solum ipso iure sed etiam cum effectu, si modō
collata sit in personam non indignam puta in puellam quæ in mariti domū de-
ducta fuerit ante duodecim annos impletos; Im ut nullo Senatusconsulti vel or-
rationis auxilio indigeat ut donantis morte confirmetur. Quod si in personam
indignam collata sit, id est in eam quæ aduersus mandata Principū aut amplissi-
mi ordinis decreta nuptias contraxerit, tunc quoq; valere quidem debeat ipso
iure donatio tanquam inter non coniuges facta, Sed tamen reuocanda sit pro-
pter indignitatem donatarij. Reuocanda verō per viles actiones donatori ipsi
dandas non fisco *d. l. si ex voluntate 7. C. de donat. int. vir. & uxor.* Ne alioqui fiat
iniuria donatori si quod propter legis prohibitionem alienare non potuit, de-
uolueatur ad fiscum ex persona indigni cui nunquam fuit quæsitum & tanquam
ablatum ab eo qui nunquam habuit. Ceterum illud etiam observatione dignū
est, quod in donationibus inter coniuges iniustus factis, Ortio Dial. Severi lo-
cum nunquam habet. Nam vel donatio valet ab initio & cum effectu ut quæ in
puellam minorē duodecim annis post immaturas nuptias collata est; nec proin-
de indiget confirmatione *d. l. quod vir 65. D. de donat. int. vir. & uxor.* Vel valet
quidem ipso iure, sed ita ut quod donatum est acquiri non possit donatario tan-
quam indigno, Et tunc frustra de confirmatione queratur, quoniam quæ indi-
gnitatis ratio facit, ne ab initio possit quicquam sibi acquirere donatarius ex
eiusmodi donatione quamuis valida ipso iure, eadem ipsa impedit confirmationem,
cuius potestate fieret ut acquireretur.

ERROR SEPTIMVS.

*De actione rerum amotarum an sit conditio, necne. Ad
l. 26. D. rer. amot.*

RERVM amotarum actionem conditionem esse disertis verbis scri-
ptum est ex Caio in *l. rerum amotarum 26. D. rer. amot.* & tam aperte
ut nec de eo quisquam dubitauerit ante nos, nec nos ipsi quoq; cum
de furtiua conditione aduersus heredem furis in solidum danda
disputauimus contra Cuiacium *lib. 4. Coniect. cap. 1.* Nam cum inter cætera argu-
menta quibus motum se profiteretur ut conditionem furtiuam aduersus here-
dem in solidum dari neget, potissimum illud sit, quod sumpsit ex similitudine
actionis rerum amotarum, quod non minus quam conditio furtiua, conditio
quoque illa sit & rei habeat non pœnæ persecutionem, nec eo magis tamen in
solidum contra heredem detur, sed in quantum duntaxat ad heredes peruenit
l. ultim. Cod. ill. lit. Rer. amot. Nos tam facile admisimus pro veto, quod nunc fil-
sum esse ostendemus, Actionem rerum amotarum esse conditionem, Quam

quod apud omnes in confesso est, præterquam apud Calacium & Cuiacianon. Nihil eam nisi meram res persecutionem continere. Accursius verò & cum secutus Bartolus eam bene scivit actionem rerum amotarum non posse dici conditionem eo sensu quo fortiusm conditionem appellamus, cum tamen verbis Caij tam apertis conditum negare non posset esse conditionem, coactus fuit dicere, Conditionem quidem illam esse, sed eo sensu ut sit actio in personam, quia omnes in personam actiones conditiones appellamus *§. appellationis Instit. de action. l. a. Cod. de donat. quæ sub mod.* Quamquam quod fortè duriusculam esse hanc interpretationem videret, aliam subiicit non multò probabiliorum. Ait enim rerum amotarum actionem dici conditionem, non tam quod conditio sit, quam quod similis conditioni in eo quod non infamat, sicut nec exteræ conditiones, licet ex famosis causis pendeant. *Le cessat ignominia 36. D. de obligat. & action.* At Cuiacius verbis Caij prædictis inbarens defendit tam esse conditionem illam verè, quam illa est, quæ furtiva appellatur, indeque factum audentior concludit tandem esse illam ut in nomine generis ita in cæteris omnibus persimilem conditioni furtivæ. Aded vñq; dubitet quin quodammodo & quasi pœnalis famosaque sit, quoniam & conditionem furtivam quodammodo pœnalem & quasi famosam esse contendit. Ego, sicut neutram ex Accursij interpretationibus probo, ita neque possum mihi cum Cuiacio persuadere, vel conditionem eam esse, vel à Caio aliq; vñquam Iureconsulto sic dictam fuisse. Adde Accursij, quidem interpretationibus præmum videamus, Prior manifestè erronea in eo est, quod supponit actiones omnes personales, vno eoque generali nomine conditiones appellari, quod verum non est. Ita quidem olim fuit, quoviam in omnibus actionibus personalibus, quibus impositor dare aduersarium, vel facere oportere, præcedebant denunciationes quæ prisca lingua conditiones dicebantur. Sed postquam denunciationes istæ in usu esse desierunt, quemadmodum non nisi valde improprie, & abusive conditionis nomen ex vetere ritu mansit. Ita & alium sensum habere cepit quem olim haberet. Coarctatum enim fuit ad eas solas in personam actiones quibus actor intendit dari sibi oportere, ut expressim Iustinianus docet *in d. §. appellationis.* Cumque dare nihil aliud sit quam dominium transferre *l. ubi autem 7. §. 1. vlt. D. de verb. oblig.* res autem quæ iam actoris est, magis eius fieri non possit. *l. non ut ex pluribus 159. De regul. iur.* Illud quoq; per consequentias immutari necesse fuit, ut rem suam condicere nemini liceret, quod olim licebat, quemadmodum idem Iustin. ratiocinatur *in §. sic itaque de action.* Sola excipitur conditio furtiva, quam placuit, speciali quodâ iure non solum domino dari contraforem, vel furis heredem, sed etiam quod magis mirum est, soli domino, cui res furto subtracta sit *l. a. D. de condit. furt. l. vlt. in f. D. usufr. quem. causat. vel vi abrepta. l. 1. §. vlt. D. de cond. tritic.* Hoc enim addendum est, quoniam qui bona immobilia vi rapuit fur improbius est, licet rei immobilis furtum fieri non possit *l. item si cum exceptione 14. §. qui vim intulit D. quod met. caus. l. 2. §. damni rem ceterum & §. pen. & vlt. D. vi honor. raptor.* Ex quibus locis, iuncta. *l. quam rem 38. D. de uscap. §. quod autem. vers. abolita est enim, l. vlt. eod. tit.* apparet, ut hoc obiter monemus ne fortassis excidat, corruptum esse Vlpiani contextum *in d. l. 1. §. vlt. De condit. tritic.* in postremis illis verbis *vel vi mobili abrepta.* Legendum enim, est *immobili non mobili;* Errorè nato ex more librarij Florentini, solius repetendas litteras semel tantum sed maiusculò caractere notare quod hic fieri potuit.

& debuit in literis I. M. Idem autem placuit conditionem furtivā domino dari, non quod egeat translatione vlla dominij, cum per furtum nemo dominus esse definat, Nec quod desit actio per quā persequi dominus se suā possit, cum habeat vindicationē, Nec denique quod commodior sit ad agendū cōdictio quā vindicatio, cum vtrāque perinde probationē dominij exigat quæ semper & omni casu æquē difficilis est, sed solo furis odio, ut nō modō pluribus, sed etiā cōtrariis actionibus teneretur, ut scriptū est in *d. §. sic itaque*. Ergo cum nū aliæ in personā actiones hodie cōditiones dicantur, quā quibus dari oportere intenditur. Nō potest illa interpretatio admitti ut actio rerū amotarū ob id solum dicatur cōdictio, quod sit in personā: cum per eā nō intēdatur dari quicquid, sed tantum restitui & reddi oportere *l. si cum de 8. §. a. D. rer. amot.* siue rerū amotarū dominus ille sit qui eam actionē exercet, siue nō sit. Nā & p*ro* iis rebus quas pignori datas viro mulier amouerit, ac proinde quæ alienæ sint cōstat rerū amotarum actionem cōpetere *l. si cōcubina 17. §. vlt. D. rer. amot.* p*ro* quibus tamē nemo diceret cōditionē furtivā dari posse eum ea soli domino, ut diximus, cōpetat. Quæ vix est eaq*ue*; præcipua ex tā multis differentiis quas postea cōgeremus aduersus Cuiaciū, inter actionē rerū amotarū, & cōditionē furtivā. Nec quod etiā domino rerū amotarū actio datur, facere p*oss*et ut in eo dici debeat similis cōditioni furtivæ. Alioqui erūt perinde similes actiones cæteræ omnes personales; ut puta depositi, commodati, locati, empti & similes, quoties à domino rei exercebuntur: quod tamē nō ita est quia scilicet per eas nō intēdit actor sibi rem dari, sed tantum restitui oportere; Quia ob causam bene Paulus scribit in *d. si quis inficiatus sit 13. §. a. D. depositi*. Cōpetere quidē cōditionē etiā rei depositæ nō vix sed non antequā quid dolo admissum sit. Nō n*on*. n*on*. quisquā hoc ipso, inquit, quod depositū accepit cōditionē obligatur, verū quod dolo malum admiserit, id est quod rei depositæ furtū fecerit. Furtū. n*on*. fieri incipit statim atq*ue*; depositarius incipit re depositā cōrrectare invito domino *§. furtū autē sit. Inst. de oblig. quæ ex delict. nascuntur*. Ut apparet nō de alia cōditione quā de furtiva sentire Paulū, eo loco quod & apertius cōstat ex P*ro*ponio in *l. qui fur: um 16. de condic. furt.* Igitur neq*ue*; actio rerū amotarum licet in personā sit, idē tamen cōdictio dici potest, quia per eam non intēdatur dari res amotas, sed restitui tantum debere. Nec quod res amotæ sint perinde furtivæ, atq*ue*; si à quolibet alio, quā cōiuge subreptæ essēt, facere potest, ut eo magis cōdictio dici debeat, exemplo cōditionis furtivæ. Non enim odio furti cōparata est iure civili cōdictio furtivæ, sed, ut diximus, odio furis *d. §. sic itaque*. Is pot*est* ex coniugibus qui alterius res amouet diuortij causa et si furtum verē facit, fur tamen nec verē est nec esse dicitur: propter societatem illam vix quæ per matrimonium inter coniuges contrahitur *l. i. C. pen. D. rer. amot.* alioqui haud dubiē teneretur etiam actionē furti qua fures omnes tenerentur, adeo quæ interdum etiam ille qui fur tamen nō est, & qui nec furtiva cōditione idcirco teneretur. Puta is qui opem & consilium furi dedit *leg. proinde 6. cum l. præcad. D. de condic. furt.* Cum itaq*ue* nec iuris ratio patiatur, nec odium vllū coniugis, qui rerū amotarū actionē cōueniunt inducat, ut possit ille cōditione obligari, consequenter sciendū est rerū amotarum actionē dici cōditionē nullo modo posse, Nō magis quā personales actiones cæteras, quæ non ad trāslationem dominij pertinent, sed ad restitutionem, Nec me mouent verba illa *d. l. C. de donat. quæ sub mod. condic. quidē in hoc casu, id est in personā actio tibi iure procedit*. Est enim illa interpretatio haud dubiē mali interpretis ut pluribus docui in *Error. vlt. Decad. 44.* cum cerissimū iuris sit cōditionis

nomine non de alia actione sensisse Imperatores quàm de ea quæ condictionis actio dicitur in *leg. 3. eod. & de qua in tit. De condit. ob caus. dat. caus. non secut. ac* proinde quæ cum sit repetitio dominiij numquam domino dari potest nisi contra furem *d. 9. sic itaque*. Posterior verò Accursij interpretatio, quæ vult actionem rerum amotarum dictam esse à Caio condictionem, non tam quòd sit cōdictio, quàm quia sit similis condictionibus cæteris in eo quod non infamat, prorsus improbabilis est. Alioquin nihil prohibebit quominus etiam vindicationem dicamus esse condictionem, quia nec vindicatio famosa est, neque rursum interdita *leg. neque vnde vi 13. D. vnde vi*, quæ tamen nemo vnquam dixit condictionis appellatione contineri, licet actionis contineantur *leg. actionis 37. De oblig. & action.* Sed neque verum est actionem rerum amotarum esse omnino hac etiam parte similem condictioni furtivæ, quia tamen si neutra sit famosa, Condicio tamen furtiva turpis est, quòd furti mentionem & exprobrationem contineat, vt docuimus in præcedentibus. At rerum amotarum actio non solum famosa non est, sed neq; turpis, Alioqui non magis daretur aduersus eam quæ vxor fuisset, quàm si famosa esset, Honore scilicet matrimonij hoc non permittere *l. 2. D. rer. amot.* Atque hæc quidem aduersus Accursij interpretationes sufficiant. Quod verò Cuiusmodi tam pertinaciter defendit actionem rerum amotarum verè condictionem esse, adeòq; per omnia similem cōditioni furtivæ multò improbabilius est. Nā præter ea quæ iam disputauiamus, quis nescit actionem rerum amotarum prætoriam esse, & ex perpetuo Prætoris edicto descendere? *l. 2. C. eod.* Quis autem vnquam dixit vel audire condictionem vllam esse prætoriam? An non sunt omnes iuris ciuilibus, vt & vniuersæ actiones cæteræ, etiam quæ causam & originem habent à iure gentium, nisi quas vel Prætorum vel Ædilium iurisdicctio introduxit? *l. 2. §. deinde ex his legib. De orig. iur. §. sed ista quidem. Inst. de alion.* Rursum, nemo est, qui non fateatur condictiones omnes stricti iuris esse, ob idque numquam in iis fieri condemnationem ex bono & æquo vt in bonæ fidei actionibus & arbitrariis *§. in bonæ fidei 30. & seq. eod. titul.* sed summo & stricto iure, Nisi quod etiam fructus veniunt in condictionem tanquam accessiones naturales, cum condictio naturalis est, & habet æquitatem naturalem *leg. indebiti 19. D. de condit. indeb. l. videamus 38. D. de vsur.* At non vsur quia sunt ciuiles accessiones non naturales, nec tam natura quàm iure percipiuntur vt Papinianus loquitur in *l. si nauis 62. D. de rei vindic.* quam ob causam nec in condictionibus iuratur vnquam in litem ne quidem in condictione furtiva quauis iaretur in actione furti, vt ostendimus *lib. 16. C. de iur.* Atqui actio rerum amotarum arbitraria est, Conuenit enim ei definitio actionis arbitrariæ proposita in *§. præterea Inst. de action.* cum ex arbitrio iudicis pendeat, quoniam si arbitrio iudicis non satisfaciatur persona quæ conuenitur, vt puta si res amotas nō restituat, condemnatio faciendā est ex bono & æquo; Ita vt etiam in litem iurari ex hac causa possit & debeat *l. si cum dos 8. §. 1. & l. seq. D. rer. amot.* Actio igitur rerum amotarum condictio dici non potest. Nec enim qui eam exercet intendit dari sibi rem aliquam oportere, vt in condictionibus omnibus adeòq; in condictione etiā furtivæ tamen si ea soli domino cōpetat *d. 9. sic itaque. Inst. de action.* sed reddi sibi & restitui *d. l. si cum dos §. 1.* quod arbitrariarum actionum propriū est. Vnde fit vt etiā rerum illarum nomine quarum dominium neq; penes maritū fuerit cui amotæ sunt, neq; penes mulierē hodie sit quæ amouit, actio rerum amotarum cōpetat, puta si res illæ fuerant viro pignori datæ *d. l. si concubina 17. §. vlt. eod.* quas tamen non nisi frustra & ineptè posset vir intendere dari sibi oportere, quandoquidem fieri i

nequeat

inequeat ut det ac dominium transferat is qui non habet: aut ut per rerum amotarum actionem plus iuris nanciscatur actor cui res amotæ sunt, quam esset habiturus si amotæ res non fuissent. Est enim actio illa comparata ut damnum representet, quod ex amotione illatum est, etiam si postea dotis exactio competat, *l. si mulier 21. §. rerum amotarum eod.* non etiam ut lucrum actori adferat, quamvis commodi quoque quod rebus amotis vir amiserit habenda ratio sit, ut ibidem subiicitur, quia totum id in damno, non in lucro est. Observandum verò est quod post illam Vlpiani sententiam quæ extat *in d. l. si concubina §. ult. & quæ habet, Mulieræ quæ res viro suo pignori datas amoverit eo indicio teneri, subiicitur statim ex Paulo in l. seq.* Sed & domino conditionem competere, ita tamen ut non utriq; sed alterutri tantum agere permittendum sit. Quibus verbis an non aperte significatur actionem rerum amotarum conditionem non esse, cum ei conditio opponatur? nec utramq; simul exerceri quamvis à diversis personis ratio iuris patiatur? Etsi enim de conditione furtiva Paulum loqui constat, quippe qua conveniri etiam illam quæ vxor fuerit absurdum non est, dum ne à marito, sed ab extraneo conveniatur, hoc ipso tamen quod actio rerum amotarum non conditioni furtivæ nominatim, sed conditioni simpliciter opponitur, intelligimus non habuisse illam prudentes neq; pro conditione furtivæ, neq; pro alia vlla specie conditionis. Quod & manifestius docet Vlpianus *in d. l. si concubina 17. §. pen. eod.* ubi posteaquam dixit, Non solum eas res quæ extant in rerum amotarum iudicium venire, verum etiam eas, quæ in rerum natura esse desierunt, subiungit, *simili modo etiam certi condici eas posse.* Quid enim potuit aut Vlpianus aut Iulianus cuius ille sententiam refert, apertius dicere ut ostenderet actionem rerum amotarum conditionem non esse, nec sub certi conditione quantumvis generali comprehendit? Si qua enim species conditionis esset utique sub certi conditione generali contineretur, sub qua furtivam quoque conditionem contineri certum est *d. l. §. ult. D. de condic. tritic. l. certis condicio 9. §. 1. D. de reb. credit.* Atqui duplex actio est quæ marito competit ob res amotas quæ extare desierunt, Rerum scilicet amotarum actio & certi conditio si Iuliano credimus & Vlpiano. Ergo rerum amotarum actio nullius generis conditio est. Quid etiam pertinet quod ex eodem Vlpiano scriptum legimus *in l. ob res amotas 24. eo. tit.* Ob res amotas quæ vel viri propriæ sint, vel etiam dotales tam vindicationem quam conditionem viro aduersus mulierem competere. Sensus enim est non tantum actionem rerum amotarum mulieri competere ex hac causa de quo dubitare nemo poterat, sed etiam vindicationem & conditionem, Quod ego sic intelligo *ex d. l. si concubina §. pen. ut earum quidem rerum, quæ extant, vindicatio competat, Earum verò nomine quæ extare desierint, conditio:* Non etiam ut earundem rerum nomine quæ amotæ sint, & vindicatio simul & conditio exerceri possit. Nunquam enim id contingit extra causam conditionis furtivæ quæ proprium ius illud habet, solo non tam furti quam furis odio, ut supra diximus *ex d. §. scitæque. Infi. de action. iuris* verò est ordinarij ut quæ res quandiu extant vindicari possunt, eadem si extare desierint condici debeant, quia nec vindicari amplius possunt. *l. rogasti. §. ult. & legib. segg. D. de reb. credit. l. si sponsus §. alias l. si mulier in fin. l. vxor 55. & pass. D. de donat. int. vir. & vxor.* Proinde quod sequitur *in d. l. ob res amotas, & in potestate est qua velis actione vii,* sic accipiendum puto non ut in potestate viri sit cui res amotæ sunt vel propriæ vel dotales an earum nomine malit agere vindicatione an conditione, Sed an actione rerum amotarum an vindicatione si res

extant, Aut si extare desierint, an actione rerum amotarū, an conditione. Con-
 currit enim actio rerum amotarum his duobus casibus cum vindicatione si res
 extant, aut cum conditione si extare desierint, *d. l. si concubina §. penult.* At cum
 utrāque numquam, quia nec fieri id posset quin vindicatio & conditio simul
 in eodem casu concurrerent, quod fieri nunquam potest nisi contra furem.
 Quod si res amotæ nec propriæ viri sint, nec dotales, quemadmodum certum
 est neque vindicationem eo casu competere tamen si res extant, quia non nisi
 domino competit *l. in rem 23. D. de rei vindic.* neque conditionem etiam si ex-
 tare desierint, quoniam conditio non aliis casibus competit re pereinpta, quam
 quibus competeret vindicatio si res extaret, Ita dubitari non potest quin actio
 rerum amotarum omnimodo competat, quam competere certū est ob res amo-
 tas quaslibet dummodo & diuortij causa sint amotæ, & diuortium postea secu-
 tū sit *l. rerum quidem 25. eod.* quippe quæ nihil commune habet cum causa do-
 minij, vel proprietatis, quia nec per eam intenditur dari quid sed tantum reddi
 vel restitui oportere *d. l. si cum dos §. 1.* Nemo autem negauerit æquum esse res
 omnes quæ viro amotæ sint ei reddi etiam quātū nec proprietatem nec domi-
 niū habebat, puta quas vel pignoris, vel depositi, vel cōmodati aliōve simili ti-
 tulo ab alio tenebat *d. l. si concubina §. ult.* Separo dominium à proprietate, quo-
 modo & Vlpianus in *d. l. ob res amotas*, in illis verbis *vel proprias viri vel etiam*
dotales, quia latius patet dominij causa quam proprietatis, vt cernere est in reb.
 dotalibus, quæ licet sint propriæ mulieris, sunt tamen in bonis, & dominio boni-
 tati o mariti *l. quamuis 75. D. de iur. dot. l. rē in bonis §. 1. D. de acquir. rer. domini.*
 Ideoq; dicuntur alienæ quod ad maritum pertinet in *l. si constat 24. §. si maritus*
D. solut. matrim. Dominium. n. duplex est Bonitarium, & quiritariū, At proprie-
 tas bonitaria nulla est, nec in iure viro loco dicitur esse dotis proprietari-
 us. Et interpretes quoq; nostri qui absurdā illam duplicis dominij dirēcti &
 vtilis distinctionem induxerunt, vtilē tamen proprietatem nullam agnoscunt.
 Porro qui neq; dominium, neq; proprietatem habet, is vindicare non potest res
 extantes, nec similiter consumptas eas cōdicere, quia dominū quod numquam
 habuit numquam amisit. Est igitur actio rerum amotarū generalior vindicatio
 ne, & cōditione, & sicuti cōpetit tum quoq; cū nec vindicatio nec cōditio
 dari potest, Ita sciendū est si quando cōpetat eo casu quo etiam vindicatio, aut
 conditio dari possit, differre tamen illam à conditione perinde atque à vindi-
 catione, nec magis dici posse conditionem, quam vindicationem.

ERROR. OCTAVVS.

De sententia l. rerum quidem 25. D. rer. amot.



ADDAMVS quod ex Marciano sequitur in *l. rerum quidem 25. eod.*
 Si in matrimonio vxor marito res subtraxerit cessare quidem rerū
 amotarum actionem quæ scilicet non aliter habere locum potest
 quam si diuortij consilio res amotæ fuerint, & secutum diuortium
 fuerit, Sed tamen posse maritum ipsas res condicere, quia iure gen-
 tium possint condici res ab his qui non ex iusta causa possident. Quibus verbis.
 docet Marcianus, Non solum id quod volumus Actionem rerum amotarū con-
 ditionem non esse, sed etiam ita comparatum esse ius actionis rerum amota-
 rum, vt iniūsus latē pateat quā certi conditio illa generalis non ex iusta causa,
 do quā

de qua Marcianus eo loco, & quæ licet possit concurrere cum actione rerum amotarum, ut cum alia qualibet *d.l. contra nulum 6. §. sed si morte*, tamen etiam in subsidium competit ob res amotas, & eo quoque casu quo singulare illud iudicium quod Prator ex hac causa introduxit exerceri nullo modo potest, cum non eo magis æquum sit res amotas impunè remanere penes eam personam quæ amovit, Quod in proposito casu contingeret si poneretur constante matrimonio amotas fuisse res quæ nec propriæ fuerint viri nec dotales, Earum namque rerum nomine cum nec vindicatio competere viro possit etiam si extant, nec conditio tamen si extare desierint, ut proximè diximus, nec denique actio rerum amotarum, quia non diuortij consilio amotæ sunt, cōsequens esset ut penes mulierē remanere deberēt, nec ab ea vllō actionis genere auocari possent, nisi generalis illa conditio subsidio esset, quæ ex iure gentium idèō profecta dicitur, quodd ex naturali illa æquitate omnino pendeat, quæ non patitur ut quis ex aliena iactura locupletetur *vulg. d. nam hoc natura 14. & l. seg. D. de condit. indeb. l. si & me & Titium 31. in fin. D. de reb. cred. l. perpetuo 6. D. de condit. cons. dat. l. 1. §. ult. De condit. fin. caus.* Hic verò casus est quem videtur tractare Marcianus in *d. l. 25.* in quo scilicet, neque vindicatio, neque conditio domini rerum amotarum possit competere, id est quo mulier eas res amouerit, quæ nec viri propriæ fuerint, nec dotales: Alio qui minùs necessarium esset recurrere ad conditionē illam generalem cum posset sufficere vindicatio aut conditio certi specialis, ut in *l. præd.* Quamquam ea distinctio, An amotæ res propriæ viri fuerint aut dotales, non est necessaria cum tractatur de conditione illa generali *non ex iusta causa*, sed tunc tantum cum tractatur de speciali conditione aut de certi conditione generali quæ & ipsa specialis est si cum ea de qua nunc agimus comparatur quæ multò generalior est. Nam ut quis rem suam condicat à non fure, impossibile est non minùs in generali conditione certi quàm in speciali *dist. leg. 1. §. ultim. D. de condit. tritic.* Scilicet cum res ipsa extat quæ condicatur. Nam cum extare desit iam dominus non est, qui condicit, licet antea fuerit. Numquam verò ob id solùm quodd dominus aliquis fuerit conditionem ei denegamus, sed illi demum qui dominus adhuc est eo tempore quo condicit. Tamen enim necessarium est ut dominus aliquando fuerit actor & dominium amiserit ad hoc ut possit certi condicere, quàm impossibile est conditionem illam ei competere qui dominus adhuc sit. Nam qui nec hodie dominus est, nec antea immediate fuit, is condicere certi numquam potest. Nimirum si de domini, non etiam de solius possessionis conditione quæramus. Est namque etiam possessionis conditio quæ ad hoc solùm competit ut rei possessio redatur, & quidem etiam ei qui dominum numquam amiserit quod numquam habuit si modò nec eo tempore habeat quo instituit conditionem, Ut puta si quis alienos nummos indebitè soluisse proponatur quemadmodum in specie *d. l. indebiti §. 1. D. de condit. indeb.* aut si non dominus vi deiectus de possessione fundi, possessionem condicat, ut in *l. 2. D. de condit. tritic.* Et errant sane, qui putant etiam domino permittendam esse certi conditionem, dum ne dominum ipsum condicat, sed possessionem solam quæ facta sit aliena. Numquam enim domino nisi contra furem datur ea conditio ne quidem possessionis, aut contra raptorem, ut in *dist. leg. 2.* Et quamvis conditionum omnium, excepta furtiua, ius illud commune esse videatur, ut neque domino competant, neque contra alium quàm contra dominum, quia nec alius quàm qui dominus sit, dare hoc est dominium transferrere potest, Longè tamen facilius est, ut

contra non dominum quàm ut domino dentur, quia domino semper cōsultum esse potest actione aliqua saltem vindicatione, aut ad exhibendum, At cōtra nō dominum fieri facile posset ut nulla actio competeret siue ei qui dominus aliquando fuisse, siue ei qui nunquam, si conditio non daretur. Nam & qui rem meam indebitè acceptam consumpsit, atque ita vindicandæ eius facultatem mihi præripuit, non magis dominus sit rei meæ consumptæ, quàm sum ego qui antea dominus fui, quoniam, ut alibi scripsimus, Consumptio modus est amittendi dominij non acquirendi. Sicut & illi errant qui possessionis conditionem, incerti conditionem vocant, Neque enim fieri potest ut certæ rei possessio incerti conditione petatur, ut in sequentibus ostendemus, cum de incerti conditione furtiva tractabimus. Porro Marcianum in d. l. verum quidem 25. D. rer. amot. loqui de conditione rei extantis, coniici potest non solum ex illis verbis tamen ipsas res maritus condicere potest si emphasim consideremus, quæ est in dictione illa ipsas [Nam & res quæ extare desierunt dicuntur condici, & quidem conditione certi, licet non res ipsæ petantur, sed earum æstimatio quæ per rerum naturam semper certa est d. l. si concubina §. pen.] Verum etiam ex ratione quam subiicit Marcianus, quod iure gentium condici possint res ab his qui non ex iusta causa possident. Nec enim aut ex iusta aut non ex iusta causa possideri potest id quod extare desit. Faciendum igitur est si Marcianum de certi conditione siue generali, siue speciali intelligas eum casum à Marciano tractari quo amotæ res neque mariti propriæ fuerint, neque dotales, ita ut de sola earum possessione condicenda agere maritus possit. Non enim idem minùs res ipsa condici dicitur, licet ad hoc tantum detur conditio, ut possessio reddatur d. l. indebiti §. 1. iun. & d. l. 2. De cond. et. ritie. Quemadmodum etiam res quæ extare desierunt condici dicuntur, adeoque conditione certi licet earum æstimatio sola veniat in conditionem d. l. si concubina §. pen. Cum tamen magis distet æstimatio rei quàm possessio à re ipsa. Si quid aliud est res, aliud rei æstimatio l. si alij 42. §. 1. D. de usufr. At possessio est quodammodo pars rei, & ut Seneca conqueritur, possessionem à proprietate nō tam natura quàm cæca hominum cupiditas seiunxit, Ita ut possessionē pro fundo ipso plerumque in legibus nostris dici videas, ut à nobis alio loco obseruatum est. Quod si quis velit Marcianum generalius intelligere de rebus amotis quibuslibet, siue mariti propriæ sint aut dotales, siue non sint, ego quidem nō valde repugnabo [nec enim soleo probare interpretationes istas quæ generalia legis verba restringunt, nisi cum aliud nihil est quod melius dici possit] sed contendam intelligendum esse de iis rebus quæ extare desierint, & quas idem certi condici necesse sit quod vindicari amplius non possint, Ut eadem conditio sit de qua Marcianus in d. l. 25. & illa de qua Ulpianus in d. l. obres amotas, & in d. l. si concubina §. penult. cuius postrema illa verba simili modo etiam certi condici esse posse ait, non puto referenda esse generaliter ad res amotas quaslibet, ut etiam illæ quæ extant comprehendantur, nec si restringas eam conditionem ad causam possessionis, ut diximus, sed ad eas solas de quibus proximè dictum fuerat, id est quæ extare desierunt, In quas distinctio non cadit an mariti propriæ aut dotales fuerint, necne, quia hoc ipso quod extare desierunt, etiam propriæ dotalesve esse desierunt, nec eo minùs tamē verum est & amotas esse & reddi debere quamuis extare desierint, quia quod perierunt, non viri periculo esse debet, sed mulieris, quæ amovit & quæ in rebus amotis non minùs quàm fur in re furtiva morā perpetuò facere intelligitur sicut & furum reuera fecit l. pen. D. de d.

D. eod. ubi hanc ob causam scriptum est, Rerum quidem amotarum æstimationem ad tempus quo amotæ sunt referri debere, Sed tamen si pluris factæ non restituatur, crescere æstimationem ut in conditione rei furtivæ. Nisi quod in conditione furtiva præstanda est æstimatio quanti plurimi *l. in re furtiva §. 1. de condit. furt.* non etiam in actione rerum amotarum, quomodo contra Bartolum disputavimus *lib. 16. Coniect. c. 11.* Itaque in rebus amotis quæ extare desierunt si quæramus an earum nomine actio rerum amotarum competat, nihil aliud inspicendum est nisi quod inspicere oporteret si extarent, id est an diuortij consilio amotæ fuerint, & diuortium postea secutum sit, an non, Nec illud præterea inquirendum est an extant necne. Sed si quæramus an vindicari quoque possint vel certi cōdici, necessarium omnino est illa distinctio, An mariti propriæ fuerint vel dotales necne, Et rursus si propriæ vel dotales fuerint subdistinctione adhibenda est, an extet adhuc an verò extare desierint quoniam extantes vindicari possunt, cōsumptæ verò non nisi condici. At si neque mariti propriæ fuerint, neque dotales nullus subdistinctioni supradictæ locus relinquitur: quia quæadmodum nullo casu vindicationem habere vir potest, id est nec si extet, quoniam dominus non est, Ita omni casu habet certi cōditionem, siue res extet, siue extare desierint, sed diverso fine, Nimirum ad hoc ut possessio reddatur si extet, ut in *d. l. indebiti §. 1. & d. l. 2. de condit. trit.* aut ut earum æstimatio præstetur si desierint extare: *d. l. si cōcubina §. pen. & ult.* Et ita intelligi Marcianum debere in *d. l. 25.* vel ex eo maxime apparet, quod si de iis rebus amotis loqueretur, quæ viri propriæ vel dotales fuissent, & quæ tamen extaret, non minus debuerat meminisse vindicationis quam cōditionis. Quinetiam si de his solis ageret, solius vindicationis mentio facienda erat, cum extra causam cōditionis furtivæ nunquam sit danda cōdictio certi domino ne quidem ad solam possessionem auocandam, quævis è contrario detur cōdictio furtiva etiam non domino dum ne aliud quam possessionem condicat *d. l. 2. de condit. trit.* Simile est quod Paulus scribit in *l. contra nuntum 6. sed si morte eod. sit.* Si morte mariti solutum sit matrimonium, ex eaque causa mulier res amoverit, heredem mariti vel hereditatis petitione vel ad exhibendum actione quæ vindicationis præparatoria est, & cōsequenter multò magis directa rei vindicatione si exhibeantur, & fuerint in dominio mariti, cōsequi eas posse, sed præterea etiam cōdici mulieri eas res posse quia ex iniusta causa apud eam essent. Quæ ratio cum non multum differat ab illa, qua vitur Marcianus in *d. l. 25.* quod iure gentium condici possint res eis qui non ex iusta causa possident, non obscure innuit de eadem cōditionis specie utrumque locum intelligendum esse, Præsertim cum utroque etiam loco ea species proponatur, in qua rerum amotarum actio exerceri non possit: Eadem ergo utriusque loci interpretatio facienda est, Et illud etiam ex ea lege notandum quod iam adnotavimus ex *d. l. 25.* actionem rerum amotarum non esse cōditionem, cum utraque lex dicat posse cōdici eo quoque casu quo tamen non possit agi rerum amotarum. Etsi non ignoro responsuros eos qui actionem rerum amotarum cōditionem esse volunt, latius patere appellationem cōditionis, quam actionis rerum amotarum, propterea quod cōdictio sit genus, Et actionem quidem omnem rerum amotarum esse cōditionem, sed non è conuerso cōditionem quamlibet posse dici actionem rerum amotarum: Sed quanquam ex hypothese bona esset responsio, negare tamen non possunt quin supradictis locis quibus actio rerum amotarum sic denegatur ut tamen cōdictio detur, aperte probetur actionem istam rerum amotarum cōditionem non esse, Obscurum tamen & difficile videtur dicere, Cur

tam Marcianus in d.l. 25. quàm Paulus in d.l. 6. §. *sed si morte*, adeò simpliciter, & generaliter dent cōditionem potius quàm vindicationem, Ratio fortassis petenda est ex eo quod iam diximus, Vindicationem rerū siue diuortij, siue mortis causa, siue denique constante matrimonio amotarum, non aliter posse competere quàm si duo illa concurrant, vt & mariti propriæ vel dotales fuerint res quæ amotæ sunt & extent. Cōditionem verò competere omni casu præterquam vno illo, quo res amotæ propriæ fuerint viri vel dotales & adhuc extent perinde atque omni casu & indistinctè competeret actio rerum amotarum, si diuortij postea secuti causa res amotæ probarentur. Perpetuò enim verum est, quod toties inculcauimus certi cōditionem nullam siue generalem siue specialem ei dari posse qui sit dominus extra causam cōditionis furtiua. Et ob id nimirum necessarius est vsus cōditionis illius generalis, de qua suprà diximus, quæ latius patet quàm non solùm actio rerum amotarum, sed etiam cæteræ cōditiones omnes. Sicut enim nihil refert an res amotæ propriæ fuerint mariti vel dotales, an penitus alienæ ad hoc vt rerum amotarum actio competat, sufficitque in.rito vt probei amotas fuisse diuortij causa, Ita & cessante iudicio rerū amotarum sufficit ad causam cōditionis illius generalis siue ob solam possessionem auocandam rerum extantium, siue ob consequendam æstimationem earum quæ extæ & defierunt, vt probei maritus amotas quoquomodo eas fuisse & subtractas, siue cōstante matrimonio, siue mortis adeoque diuortij etiam causa, Cùm omni casu hoc ipso quod probantur amotæ, probentur etiam penes mulierem esse non ex iusta causa: quod vnum exigitur, vt cōditioni illi generali locus fiat. Et quamvis mulier quæ cōditione illa cōuenitur probare ipsa vel, let res quæ amotæ dicuntur vel proprias viri fuisse vel dotales: Non tamen assuequeur vt cōditionem nullo iure institutam fuisse appareret, Nec si res adhuc extarēt quæ vindicari commodè potuissent, aut alia actione peti, puta hereditatis petitione, vt in d. §. *sed si morte* & §. *seq.* Nam præter id quod absurdum videtur si quis dicat cogi posse maritum vt hanc de causa dominij disputationem suscipiat si non tanquam dominus, sed tanquam maritus cui res amotæ sunt, actionē instituire velit, Illud etiam certum est cōditioni huic generali non posse mulierem obiciere exceptionem dominij, Cùm probatō dominio mariti tantò magis futurum sit vt appareat ex iniusta causa penes ipsam esse res quas amouit, & consequenter non posse illam recusare quominus teneatur hac generali cōditione, quæ scilicet non tam ex agentis quàm ex rei cōuenti persona æstimatur, id est non tam ex dominio vel non dominio actoris, quàm ex nō iusta possidendi causa ex parte iniusti possessoris. Atque hoc sensu poterit generalius intelligi id est de cōditione illa generaliore, quod scriptum est in d.l. 6. §. *pen. & d. leg. 25.* si cui supradictæ interpretationes nostræ minus probabuntur, quas attulimus circa cōditionem certæ siue specialem siue generalem. Obseruamus enim duplicem cōditionem generalem: Vnam quæ certi cōdictio dicitur quam solā Accurs. obseruauit, & de qua Vlpianus in d.l. *certi cōdictio* 9. D. de reb. cred. per quam actor intendit sibi dari tantū oportere, Generaliorē alteram nō certi, vt diximus, nec triticariam, de qua in l. 1. & tit. De cōd. tritic. [sunt enim illæ quidem generales sed per quas tamen nihil nisi dari oportere intenditur d. l. in prim. p. §. ult. de cōd. tritic.] nec eam quæ sine causa dicitur, quæ species non genus cōditionis est, plures quidem casus sub se complectens, sed non plures cōditionis species, Vt & illa quæ ob turpem vel iniustam causam, vel ex indebiti causa datur, sed eam quæ cæteras cōditiones omnes tā generales quàm speciales

speciales sub se continet quam diximus appellari *non ex iusta causa*, Per quam intendit actor non præcisè dari, sed aut dari sibi quid aut fieri oportere, quæ fuit olim definitio, & natura omnium condictionum, *dist. 5. appellamus*: Vnde fit vt vindictio quamvis non possit concurrere cum certi conditione, siue generaliter, siue specialiter sumpta quandoquidem is qui iam dominus est, magis dominus fieri non potest, Possit tamen concurrere cum illa conditione generaliore, quæ non tam ex iure & dominio actoris, quam ex non iusta rei conuenti possessione, vt diximus, æstimanda est. Nam & qui vindicat licet hoc potissimum intendat, rem suam esse, hoc tamen quoque per consequentias saltem intendit, Restitui sibi rem oportere. Hoc verò non repugnat conditioni generali quæ non minus ad faciendum competit quam ad dandum: Ac proinde æquum est accommodari eam actori cuiuslibet siue dominus ille sit, siue non sit, dummodo amiserit ipse possessionem rei quæ penes alium esse cœperit non ex iusta causa. Oportet enim amissum aliquid esse vt conditio hæc generalis possit competere. Amissum autem nihil esse potest, nisi quod vel dominum sit vel possessio. Ceterum quocunque tandem sensu velis intelligere quod de conditione ex causa rerum amotarum danda scriptum est in *d. l. 6. §. sed si morte d. l. 17. §. pen. & d. leg. 24. & 25. rer. amot.* [parum enim refert, quod ad disputationem nostram attinet dum ne intelligas cum Accursio de conditione furtiua] Semper verum erit probari ex omnibus iis locis actionem rerum amotarum non esse conditionem. Tantum abest vt possit dici similis conditioni furtiue, A qua etiã in eo differt quod cum is qui opem furi tulit non teneatur conditione furtiua quia fur non est, licet furti actione conveniri possit *l. proinde 6. D. de cond. furt.* teneatur tamẽ actione rerum amotarum si modo diuortij postea secuti causa id fecerit *leg. si rem 20. D. rer. amot. iun. & §. j. l. seg. eod.* Quod cum ita sit, quis credat Tribonianum voluisse post tot aliorum prudentum sententias subiungere ex Caio in *d. leg. rerum 26. eod. tit.* Rerum amotarum actionem conditionem esse? Fateamur ergo potius scripsisse Caium, quomodo ex iuris ratione scribere omnino debuit addita negatione *Rerum amotarum actio conditio non est*. Nam nec alius iuris locus est quo vel in argumentum probari possit actionem illam aut conditionem esse, aut à prudentibus pro conditione habitam fuisse, si vnum Pauli vel potius Iuliani locum excipias in *l. pen. D. de cond. furt.* De cuius quoque sententia quia, diu malè me habuit, & pessimè ab interpretibus omnibus, ni fallor, accepta fuit, subiiciendum separatim aliquid est in *c. seg.* in quo erimus tantò breuiores quãtò longiores hîc fuimus, ad tot leges explicandas, de quarum interpretatione nihil apud Accursium aut Bartolum reperire possis quod vel cum earum verbis vel cum iuris ratione consentiat.

ERROR NONVS.

De sententia & ratione l. penult. D. de cond. furt.



ILE VNUS LOCUS est quo maximè videatur probari posse, & ex quo vir doctissimus Iacob. Cuiacius probare nititur, Actionem rerum amotarum esse conditionem. Scribit enim Paulus ex Iuliano, Ex persona filie quæ res amouit danda in patre conditionem in peculium Iulianus respondit. Quæ verba necessario sic accipienda esse videtur, vt vel de conditione furtiua, vel saltè de rerum amotarum actione intelligatur. Prior interpretatio vulgaribus interpre-

tibus communiter magis placet, Posterior autem Cuiacio. Nos neutram probare possumus. Prior ratio illa iuris refellit, qd fieri nullo modo, nullôq; casu potest ut pater ex persona filij filizve familias conditione furtiva teneatur, cum possit ea actio contra filium ipsum aut filiam familias exerceri, quandoquidē ex omnib. causis, siue ex cōtractibus siue ex delictis, sed multo magis ex delictis filium familias perinde ac patrem familias & obligari & conveniri posse constat *l. filius familias 49. D. de oblig. & act. l. tam ex contractu 17. D. de iudic.* Id enim est quod idem Paulus noster scribit in *l. ex furtiva 5. De condic. furt.* Ex furtiva causa filio familias condici posse: Acsi esset adiectum, quod necessariò supplendum est *non etiam patri.* Quis enim dubitare poterat quin ipsi filio qui furtū fecisset cōdici posset? Et ob id rationē illam statim Paulus subiungit non quæ probet condici posse filio familias, sed quæ probet Condici nō posse patri. Nunquam enim ea cōdictione, inquit, aliis quā qui fecit tenetur aut heres eius. Pater autē filij familias qui furtum fecerit, neque fur ipse est, neq; heres furis, ne quidē mortuo filio, ac multo minùs eo viuo, ut docuimus iam olim *lib. 4. Coniect. cap. 1. vbi* etiam observauimus differentiam perelegantem inter filium familias & seruū, & consequenter inter patrem & dominum. Nam si seruus furtum commiserit, conditione furtiva necessariò agendum est non cum seruo cū quo nulla actio est ut habet iuris regula *l. cum seruo 107. De regul. iur.* sed cum domino, Et quidem præcisē & sine vlla exceptione quātum ad id quod ad eum peruenit, In residuum verò hactenus ut tamen seruum noxæ dedere dominus possit, ut scriptū est in *l. si seruus. 4. eod. vbi* quod post prima illa verba legis additur, *vel filius familias* quasi eadem sit hac parte ratio filij familias & serui, proculdubio irreptitium est & ex glossa inepti alicuius interpretis, quem vel hic Pauli & Iuliani locus sefellerit, Vel alius ille Triboniani sub Vlpiani nomine in *l. 3 §. penultim. D. de pecul.* ut docuimus in *Error. 2. Decadis superioris.* Nullo igitur casu verum esse potest quod interpretes volunt teneri patrē conditione furtiva ex persona filij familias furis, At multo minùs ex persona filiz familias, quæ mariti res amouerit, cum nec filia ipsa possit huiusmodi conditione conveniri quia turpis actio est quæ ob honorem matrimonij deneganda est *l. 2. D. rer. amot.* aut ut loquitur *l. vl. C. de furt. ad fin.* ob pudorem transacti matrimonij. Nec probabilior fieri hæc sententia potest ob illam adiectionem in *peculium* quasi absurdum non sit teneri conditione furtiva peculio tenus dum ne in solidum teneatur, ut hæc differentia superfit inter furem aut furis heredem & furis patrem, Quod & fur & furis heres in solidum condemnandus sit ex causa conditionis furtivæ *leg. in conditione 9. eod. tit.* Pater verò non nisi quatenus est in peculio. Nā quod Paulus scribit in *d. l. 5.* Nunquam ea conditione alium teneri quā eum qui furtū fecit, aut heredem eius sicut per generalem negationem conceptum est: Ita generaliter debet intelligi ut nullo modo pater conditione ita teneri possit, neque in solidum, neque de peculio, quia adiectio illa de *peculio* nō immutat qualitatem actionis principalis quæ contra patrem competit, & quæ non alia est quā qua filius ipse tenetur *l. 3. §. cui congruit D. de pecul. l. 1. C. quod cum eo qui in alien. pot.* Ex absurdum sanē adeoque iniquum est conditione furtiva, quæ nō nisi furis odio contra iuris regulas inducta est, teneri patrē qui neque fur sit, neque heres furis, Ne quidem de eo quod ad ipsum peruenit ex furto filij, cum id si extet vindicari possit, Vindicatio autem nūquam nisi contra furem vel furis heredem possit cum conditione concurrere *§. sic itaque. Inst. de action.* Denique facilius est ut quis alius quā fur, aut furis heres teneatur actione furri quā conditione

condictione furtiva, Vt videre est in eo cuius ope consilio furtum factum fuit quem certum est furti actione teneri, at condictione furtiva non teneri *l. proinde 6. D. de condit. furt.* Quis ergo in patre contrarium possit admittere, vt cum furti actione nullatenus nullóque casu teneatur, condictione tamen furtiva cōpeniri possit ad finē peculij? Sed & ratio illa pro patre omnino facit, quòd actio de peculio numquam datur cōtra patrem cum ex delicto venit actio, sed ita demum si ex contractu *l. 1. §. si filiusfamilias D. de his qui effud. vel deiecit. l. ex pœnali-bus §8. De regul. iur. l. vlt. §. 3. D. de aleat.* Condicio autem furtiva nō solum ex delicto venit non ex cōtractu, sed etiam ex causa pœnali, quia pro causa furtum habet, quod pœnale est. Non potest igitur ea Iuliani sententia, quam Paulus refert & probat in *d. l. penult.* referri ad conditionem furtivam, Ergone ad actionem rerum amotarum? quomodo putat Cuiacius vt inferat esse illam cōditionem? Ita certè videri possit si pro vero habeamus, quod ex Vlpiano scriptū legitur in *d. l. 3. §. pen. De pecul.* Circa rerum amotarū actionem filiafamilias nomine in id quod ad patrem peruenit competere actionem de peculio. Itemque quod Mela & Fulcinius sensisse idem Paulus refert in *l. 3. §. vlt. D. rer. amot.* vt si filiafamilias res mariti amouerit danda sit in patrem ex ea causa actio de peculio, quæ ipsa nihil aliud est quàm actio rerum amotarum de peculio. Quomodo de actione tutelæ & negotiorum gestorū scriptum est in *d. l. 1. C. quod cum eo,* & de actione mandati in *d. l. 3. §. cui congruit de pecul.* Hoc verò si ita est vt de eadem actione Iulianus, Mela, Fulcinius, Vlpianus, & Paulus senserint, negari certè vix potest quin actionem rerum amotarum Iulianus & Paulus condictionē esse putauerint. At cum huic sententiæ tot aliæ leges repugnent, totque iuris rationes quas proximo capite explicauimus, Non possum mihi persuadere tam improprie locutum fuisse Iulianum vt condictionē dixerit pro actione rerū amotarum. Credam potius dissensisse illum à cæteris Iureconsultis non in eo, quòd actionem rerum amotarum pro condictione habuerit, quam alij nūquam in eo numero habuerunt, sed in eo tantum, quòd non credidit ex causa rerum amotarum dandum esse in patrem actionem de peculio, quam alij dandam putauerūt. Ideò fortasse quòd actio rerum amotarum non minùs quàm condicio furtiva ex furto pendeat *l. si mulier 21. §. vlt. D. rer. amot. iunct. l. si ambo 10. §. quoties D. de compensat.* proindeque non magis ratio iuris ferat vt ex causa rerum amotarum quàm vt ex causa condictionis furtivæ pater de peculio teneatur. Alij verò Iureconsulti, Mela nimirū & Fulcinius ad id magis respexerunt, quòd licet actio ista rerum amotarum ex delicto pendeat, causam tamen primam & originem suam trahit, à societate illa quæ inter coniuges per matrimonium inducitur, ita vt etiam ex contractu quodammodo descendere videatur, saltem ex malè contractu, vt Triphoninus loquitur in *l. si verum §2. Dere iudic.* & ex negotio quodam gesto vt actio illa de qua in *l. vlt. §. 3. D. de aleat.* Itaque minùs absurdi est dari ex hac causa actionem de peculio in patrem quàm ex causa condictionis furtivæ, quia minùs abhorret à regulis iuris.

ERROR DECIMVS.

Dependens veterum dissensione in hac questione leg. penult. De condit. furt. & de media quadam Papijani sententia in leg. §. D. rer. amot.



VISSA hanc quæstionem inter veteres prudentes controuersam
 non obscurè, meo iudicio, innuit Paulus in *d. l. 3. §. ult.* cùm de ea
 non tam suam quàm aliorum sententiam refert, Mela tñmũ &
 Fulcinij quorum autoritas inter prudentes nō parua fuit. Sed &
 suspicione dissensionis apud me non parum illud auget, quod
 video Papinianum mediani quandam opinionem induxisse, vt pater ob res per
 filiam amotas neque condictione furtiua teneatur, quæ nec contra filiam ipsam
 competeret, neque actione de peculio, quoniam negari non possit rerum amo-
 tarum actionem pendere ex delicto, sed teneatur utili actione rerum amotarũ,
 & quidem de eo tantũ quod ad ipsum peruenit *l. vna quousq; §. cod. l. i. r. r. amot.*
 quomodo & aliis plerisq; casibus deficiente actione de peculio utilis actio dari
 solet, *l. g. ex facto §. 2. versic. quid ergo est. D. de pecul.* nec nisi de eo quod peruenit,
 quia utilitas, id est æquitas non patitur, vt ex delicto filij pater in plus teneatur,
 sicut nec vt dominus ex facto serui, cùm actio noxalis esse non potest, vt in *d. l.*
ult. §. 1. D. de aleator. Ceterũ cùm Iulianus apud Paulum in *d. l. penult.* non de
 actionem rerum amotarum de peculio in patrem quam Mela & Fulcinij dede-
 derunt, nec utile illud iudiciũ quod Papinianus dandum credidit, sed condi-
 ctionem in peculium. Neque tamen de condictione furtiua intelligi vllomodo
 possit vt probauimus, Illa semper dubitatio superest, De qua ergo condictione
 Iulianus senserit, An fortè cōditionē dixit pro actione in personam, quomo-
 do interpretatur Accursius ad *l. rerum 26. D. r. r. amot.* At nos iam hoc refutauimus
 in præcedentibus, & ostendimus, numquam adeo improprie loqui iureconsulto-
 tos, vt actionem quamlibet in personam vocent condictionem, nisi per quam
 intendit actor dari sibi oportere, scilicet cùm de certi condictione siue generali
 siue speciali loquuntur. Et idèõ nunquam condictionem dant domino, Excepta
 condictione sola furtiua: Nec est quod cum Cuiacio quis excipiat etiam condi-
 ctionem, vt ille loquitur, rerũ amotarũ. Nam vel ex hoc ipso maxime intelligi-
 mus actionem rerum amotarũ non posse condictionē dici quod comperat viro
 etiam ob eas res quæ ipsius propriæ aut dotales fuerunt, quarum tamen nomine
 certi condictionem competere nō posse certum est. Hoc vnũ ergo relinquitur,
 vt dicamus de ea cōditione Iulianum sensisse quæ extra causam rei furtiua domi-
 nio dari possit. Ea verò alia non est quàm de qua proximo capite diximus, quæ
 generalior est cæteris omnibus, & per quam repetimus quicquid alius nō ex ista
 causa possidet, quod reddi nobis & restitui æquum sit. Deniq; per quā inten-
 dimus nō præcisè dari quid nobis, sed vel dari vel fieri oportere, Quæ fuit olim
 generalis & communis natura omnium condictionum. Nec enim dubitadũ est
 quin cū actione rerum amotarum etiã cōdictio hæc possit cōcurrere, vt & cum
 aliis actionibus quibuslibet, vt suprà ostendimus *ex l. contra nuntium 6. §. pen. & l.*
rerũ quidem 25. D. r. r. amot. Voluit ergo Iulianus, si filias familias mariti res amo-
 uerit, ex eius persona conueniri posse patre non actione directa rerũ amotarum
 de peculio, neq; actione utili, sed cōditione illa generali, quæ non ex ista causa
 appellatur, & in qua nūquam de delicto quæritur, licet possessio iniusta non aliã
 causam, quàm delictum habuerit, sed tantũ de eo; An cū actor habeat iustã
 causam repetendi, reus vicissim qui cōuenitur nullã habeat iustã causam possidē-
 di: Quã certè nullã habet is, qui rē alienã sine causa detinet, vt neq; de illo quæ-
 rendũ sit, an res amota sint necne, dūmodò probet actor sua interesse ex iusta
 causa, siue quod res illæ quas cōdicit ad ipsum pertinẽat iure dominij, siue quod
 eas ex qua alia iusta causa possideret, aut quod ad earum possessionem alteri re-

stituendam

stimendam teneretur, Vt contingeret si ea res amota viro essent, quas vir ab alio pignori accepisset *l. si concubina 17. §. ultim. D. rer. amos.* In summa sicut actio rerum amotarum competit viro ob res amotas quaslibet etiā quæ sint propriæ viri, sic tamen vt de dominio neque probandum neque tractandum quicquid sit, sed tantum de illo disputandū, An diuortij, postea secuti causa amota sint, necne. Ita & propter res amotas competit generalis illa conditio aduersus mulierem quæ amouit, siue dominus earum rerum sit maritus, siue non sit, nisi quod nec amotas fuisse res dicere necesse est, quo nomine delictū significaretur, sed sufficit dicere & probare res illas non ex iusta causa à muliere possideri. Quod ipsum probatur hoc solo, quod mulier nullam possessionis suæ iustam causam probare potest. Quam enim habere posset ea quæ res amouit? Mirum igitur nō est dari ex hac causa condictionem non modò aduersus mulierem quæ amouit, sed etiam ex persona ipsius si filiafamilias fuit contra patrem, sed in peculio, quia licet conditio hæc non veniat ex contractu, ex qua potissimum causa sollet dari actio de peculio *d. l. 1. §. si filiusfamilias D. de his qui deiec. vel effud.* Tamen neque ex delicto pendet vt actio rerum amotarum, Sed ex eo solo quod nullam iustam causam habeat filiafamilias id possidendi quod maritus antea iuste possidebat. Verum hæc adhuc scrupulus illo superest, quod cum ea conditio non solus ex contractu nullo descendat, sed neque ex negotio aliquo quod inter coniuges gestum sit. [quæ res posset sufficere vt actio de peculio in patrem dari deberet, quomodo datur in dominum in specie *dist. leg. ultim. §. 1. D. de aleator.*] vix ratio vlla reddi potest, Cur de eo quod ex non iusta causa penes filiamfamilias sit, actio de peculio in patrem dari debeat. Neque enim pater dando peculium filizfamilias, hoc etiam ei mandasse aut permisisse videtur vt mariti res amoueret, aut vt res alienas non ex iusta causa inciperet possidere. Hac primū ratione victus cogor dicere, non eam Iuliani sententiam fuisse vt ob res mariti à filiafamilias non ex iusta causa possessas possit pater conueniri de peculio, si nihil ipse possideat, sed hanc potius, vt quod ipse ex rebus per filiam amotis sine causa possidet in causam peculij, id est quod ex rebus amotis in peculio est, illud dēum possit ei condici ea ipsa conditione qua filiafamilias ipsa tenetur, Hac sola differentia quod tenetur illa in solidum, pater vero nec in solidum nec de peculio, sed quatenus ex facto & delicto filiz in peculio est, quomodo loquitur idem Paulus in *dist. leg. ultim. §. 1. in fin. D. de aleator.* Ideo quæ puto sic Iulianum locutum esse vt diceret *dandum in patrem condictionem in peculium* non autem *de peculio*: Ita significans non tam teneri hoc casu personam patris propria actione de peculio, quam ipsum peculium, hæcenus scilicet quatenus peculium locupletius factum est. Quasi per actionem hanc repetatur non quod amotum est, aut quod non ex iusta causa penes filiam ipsam reperitur: quæ scilicet tenetur rerum amotarum de omni eo quod ipsa amouit licet nihil ad eam peruenerit, *l. sed et si 19. D. rer. amos.* Sed quod non ex iusta causa penes patrem ipsum est, Penes quem potius id omne esse intelligitur quod ex rebus amotis est in peculio, quia licet peculium propriè sit filiz, magistatienus est patris *leg. patri 27. D. de minor.* Atque ita Accursius quoque noster intelligit, Errans tamen in eo quod Iulianum de conditione furtiua sensisse purat, de qua fieri nequit vt senserit, eum nec filia ipsa quæ amouit, & deliquit eiusmodi conditione teneatur, & absurdū sit duriorē actionē & turpiorē teneri patrē ex persona filiz qui nihil ipse deliquit quàm filiam quæ deliquit. Sed errat grauius Bart. qui Iulianum sic intelligit vt conditio furtiua datur etiam contra patrē cū

adiectiōe illa De peculio Quasi nihil inter sit an ex causa conditionis furtive ob furtum quod filia fecerit conveniatur pater de peculio, An verò ex aliquo filie contractu, Cum tamen hactenus inter sit etiam circa rerum amotarum actionem quòd si ex contractu conveniretur, velque in solidum peculium teneretur, id est ad finem usque peculij, tamen si vel nihil vel minus ex rebus amotis in peculium pervenisset. Ex causa verò rerum amotarum non tenetur nisi quatenus ex rebus amotis in peculio est, idque ita demum si non sectione rerum amotarum de peculio, sed conditione non ex iusta causa conveniatur, ac proinde nullatenus si locupletius peculium ex iis rebus factum non sit, Ex causa verò conditionis furtive nullomodo, id est ne quidem de eo quod ad peculium pervenerit. Sed hæc quidem ex Juliani sententia & ex iuris ratione verissime dicuntur. Nam si Melæ & Fulcinij opinionem sequamur dicendum erit posse patrem ex persona filie conveniri actione rerum amotarum de peculio solido quatenus non sit locupletatum peculium ex rebus amotis, neque necessarium erit recurrere ad auxilium conditionis illius generalis non ex iusta causa quæ plenior contra patrem nullo casu esse potest quam actio de peculio, at minus plena esse potest. Si verò Papiniano credimus, neque actio rerum amotarum directa de solidum peculio contra patrem competet, neque conditio non ex iusta causa in peculium, Sed actio utilis rerum amotarum danda erit de eo tamen quod ad patrem pervenerit, etiam si nullum fortassis filie peculium sit, quo casu manet sane effectus Juliani sententia, quæ nullum auxilium marito tribuit contra patrem ne ex delicto filie impune locupletetur: At si Triboniano magis quam prudentibus credimus, dicendum est tam ex causa conditionis furtive quam ex causa rerum amotarum dandam esse contra patrem actionem de peculio, non tamen solido, sed quatenus ex furto filie locupletior pater factus est. Ita enim apertissime sub Vlpiani nomine scriptum est in *dist. l. 3. §. pen. D. de pecul.* quem tamen locupletum esse totum Tribonianum, & à vera rectaque iuris ratione non minus quam à prudentum traditionibus alienum

ostendimus in precedentibus, tam aperte

ut nulla de eo dubitandi causa

supereffe videatur.

ANTO:



ANTONII FABRI

I. C. SEBVSIANI IN SVPREMO

SABAVDIE SENATV PRÆSIDIS

PRIMARI,

DE ERROR. PRAGMAT. ET
INTERPR. IVR.

DECAS LXXX.

ERROR I.

*De actione rerarū amotarum an in solidum danda sit contra heredem
an non, Ad l. ult. C. rer. amot.*



VANDO iam de actione rerum amotarum tam multa scripsimus, operæ precium est hanc quæstionem subiicere quæ in toto illo tractatu præcipua est, An actio illa in solidum danda sit aduersus heredem exemplo eius quod de conditione furtiua scriptum est in l. in conditione 9. D. de condit. furt. An verò quatenus duntaxat ad heredem peruenit, quomodo scriptum videtur in l. ult. C. rer. amot. Nos priorem opinionem olim defendebamus contra Iacobum Cuiacium, & cæteros omnes interpretes, Moti

ex eo potissimum quod scriptum videbamus in l. contra nuntium 6. §. item heres D. eod. tit. heredem mulieris teneri ex causa rerum amotarum, sicut conditionis nomine ex causa furtiua. Neque enim vnquam dubitauimus quin ius conditionis furtiue illud sit ut aduersus heredem non minus quam contra furem ipsum in solidum detur, quomodo disertè scriptum est in dicit. l. 9. D. de condit. furt. Item ex eo quod nullâ differentie rationem videre poteramus inter conditionem furtiuam & actionem rerum amotarum, cum Cuiacij errorè secuti, aut potiùs Caij verbis decepti in l. rerum 26. D. rer. amot. utramque actionem putaremus esse conditionem, Sicut & utramque faterentur omnes, & rei persecutoria esse, & descendere tamè ex delicto. Quibus ipsis rationibus in contrariu errorem prolapsus Cuiacius non minus pertinaciter defendit conditionem furtiuam non dari in solidum contra heredem, sed de eo tantum quod peruenit, Apertè contra non modò iuris rationem manifestâ, sed expressa etiam verba d. l. in conditione, ad quâ nihil habere se professus primùm quod posset respondere, tandem aliquid respondit, sed tale quid quod prorsus nihil est, ut in sequentibus ostendemus. Nec tantè multò nos

K

melius aut felicius ad *d.l.vlt.C.ver.amot.* quæ vna certè virum doctissimum de-
cepit, & quotquot eius sententiam contra nos sequuntur. Omnes verò decepti
sumus ignoratione eorum quæ ad qualitatem & naturam actionis rerum amota-
rum pertinent, & ex quibus petenda est ratio eius diuersitatis quam nunc pri-
mùm agnoscere cogimur inter actionem rerum amotarum, & conditionem
furtiuam: Quæ tamen ex iis quæ hucusque circa vtramque actionem diximus,
intelligi facile potest. Condicio enim furtiua exemplo cæterarum conditionum
omnium stricta actio est, meramque rei persecutionem sui natura continet, Ideo-
que licet nascatur ex delicto in heredem furis, cõpetit in solidum, etiam si vel ni-
hil, vel minùs ad eum peruenit. Ad actio rerum amotarum quocumque modum con-
dicio non est, ita neque actio stricta dici potest, nec rursus bonæ fidei, cum nõ
nascatur ex negotio villo bona fide gesto, sed potius ex male contractu & ex de-
licto, ut loquitur Tryphonius in *l.si verum 52.D.de re iudic.* Est igitur actio ar-
bitraria, licet à Triboniano per incuriã prætermissa in *§. præterea*, ubi inter cæ-
teras enumerari debuerat *Inst. de action.* Ei namque cõuenit optimè definitio ar-
bitrariarum actionum quæ illa est, ut arbitrariæ ex sint dicendæ in quibus nisi a-
ctori arbitrio iudicis satisfiat, ex bono & æquo condemnatio fit. Nam in actio-
ne rerum amotarum præcedit arbitrium iudicis iubentis res amotas restitui &
reddi ei cui amotæ sunt. Quis non enim id æquum putet siue fuerint res illæ
proprie coniugis, cui sunt amotæ, siue alienæ, ut in *leg. si concubina 17. §. vltim. &
l. seq. D. ver. amot.* & siue ad coniugem qui amouit fortassis per alios, res illæ per-
uenerint, siue non peruenerint? *leg. sed eius 19. in fin. eod.* Quod si eas reddere &
restituere iussa mulier nolit arbitrio parere, tùm verò condemnatio fit non
quanti plurimi res vnquam fuerint quæ amotæ sunt, ut contingit ex rigore
iuris in conditione furtiua, quia quolibet instanti nouam moram facere fur
intelligitur *leg. in re furtiua 8. §. vltim. & l. vltim. D. de condi. furt.* sed ex bono
& æquo, quanti actor in litem iurauerit sua interesse, quod æquum non sit ut
cogatur inuitus res suas iusto precio vendere *leg. si cum dos 8. §. 1. & leg. seq. eod.*
tit. iun. & l. si filiofamilias 25. §. 1. D. solut. matrim. leg. nec quasi 70. D. de res vindic.
In quo ut in cæteris plerisque visum est mitius tractari debere coniugis per-
sonam etiam quæ furtum fecerit, quàm alium furem quemlibet, Hæcenus sci-
licet, ut reddendo res quas amouit, evitet condemnationem, nec aliam pœnam
subire villam compellatur, cum furti actione quæ tota pœnalis est conueniri nõ
possit. Dices, Imò duriorem esse conditionem actionis rerum amotarum in eo
quod ex ipsa condemnatio fit quanti actor in litem iurauerit, quàm sit furtium
conditionis, in qua non fit condēnatio nisi quanti plurimi res fuit ex die furti,
cum multò grauior sit & amplior æstimatio quæ fit & crescit per iussurandum,
quàm quæ plurimi vnquam fuit, & quæ ex rei veritate constituitur, non ex agē-
tis adfectione *l. 1. D. de in lū. iur. l. vlt. D. de fideiuss.* Verùm facilis responsio est,
Non idèò duriorem esse actionem rerum amotarum, quòd in ea iuretur in li-
tem, cum non iuretur nisi in casum quo persona quæ conuenitur nolit arbitrio
iudicis parere, ac res amotas reddere, quod ut faciat in ipsius potestate est, nisi
ponas ipsius dolo præcedente factum esse ne amplius esset in potestate. Sic. n. &
Ulpianus noster argumētatur in *litem si cū 14. §. in hac actione, vers. nec cuiquam
iniquum videatur D. quod mor. caus.* Sed & obseruandum est, Contra furem non
minùs quàm contra coniugem ex causa rerum amotarum iurari in litem non
quidem in conditione furtiua, licet vulgò interpretes & pragmatici aliter &
malè sentiant, sed in actione furti *l. cum furti 9. D. de in lū. iur.* ut scilicet pœna

dupli vel quadrupli lege 12. tab. constituta possit certa fieri ex cōparatione sim-
pli, vt nos in prima huius Chiliadis parte explicauimus: Actionem porrò re-
rum amotarum singulari quodam iure inter coniuges esse comparatam, vt esset
loco non tam condictionis furtiuz, [quz per mediam iurispudentiam mero
furum odio introducta est] quàm actionis furti quz iam per legem duodecim
tabularum fuerat introducta: Aut saltem vt esset loco vtriusque cū neutra inter
coniuges habere locum possit. Est igitur semper longē durior condicio fur-
ris, quippe contra quem omnimodo iuratur in litē quoties pœnali actione furti
conuenitur, ita vt nihil ei prosit ad impediendū iusiurandum in litem quod pa-
ratus sit rem furtiuam reddere, non magis quàm ad legitimam pœnam euitan-
dam. Qua etiam præstita nihilominus tenetur adhuc condictione furtiua vt det
rem furtiuam, vel præstet quanti plurimi res vnquam fuit, Vt in sequentibus di-
cemus ex *l. qui v. as 48. in prinē. l. si pignore 54. §. cum furti l. qui v. 76. in fin. D. de
furt.* Hoc itaq; supposito quod negari certē non potest, vt actio rerum amotarū
sit omnino & verē arbitraria, Intelligimus non dari eam præcisē & sui natura
ad rerum amotarum restitutionem, quomodo diximus dari condictionem fur-
tiuam ad hoc præcisē vt res furtiua si extet restituatur aut quanti plurimi vn-
quam res fuit, sed ad id quod interest agentis, & ita demum si arbitrio iudicis
non pareatur, neque res amotz restituantur. Arbitrium igitur iudicis dati præ-
cedere necesse est, De rebus amotis restituendis, priusquàm ad condemnationem
vllam ex vi & potestate huius actionis perueniri possit. Atqui mortua per-
sona ipsa quz res amouit, non potest arbitrium iudicis aut viri boni contra he-
redem tale esse vt iubeatur ille reddere suprā quàm ex rebus amotis ad ipsum
peruenerit, aut dolo eius malo factum sit quominus perueniret. Neque enim a-
litter vir bonus arbitrareretur, cū nemo arctandus sit ad præstandum id quod
præstare nullomodo possit, si modò nihil sit quod ei possis imputare, *l. mulier
22. §. sed enim in illis verbis placet non cogi eum reddere quod non habet D. ad SC.
Trebellian.* Inde igitur fieri dico vt actio rerum amotarum licet meram rei
persecutionem nec aliud prætereā quicquam contineat, quia tamen eam ipsam
non nisi arbitrio iudicis continet, non sit danda in heredem nisi de eo quod ad
ipsum peruenerit, aut quod ne peruenerit dolo eius malo factum sit: Idem nam-
que euenit in cæteris actionibus arbitrariis omnibus, id est quz iudicis tantum
arbitrio rei persecutionem continent, vt in heredem non dentur suprā quàm
ad eum peruenerit *leg. 4. §. ultim. cum duab. seqq. D. de alien. iudic. mut. caus. §. ult.*
*iunct. l. qui seruum 20. §. in iure interrogatus D. de interrog. in iur. fac. l. si fundus 16.
§. in condemnatione D. de pignor.* Et hanc dico esse sententiā & rationē legis vlti-
mæ *C. rer. amot.* vbi scriptū est, De rebus quas diuortij causa vxor marito abstu-
lit, cōtra successores mulieris nō in solidū, sed in quātum ad eos peruenerit, agere
maritū debere. Quod si res extēt etiā dominij vindicatione vti eū nō prohibe-
ri. Nec possū facere, quin alias ad eū locū interpretationes, quas in Coniecturis
nostris attulimus, nūc improbem, licet malē cōfutatas ab iis qui cōtra nos scri-
pserūt, quicquid melius quod adferret habuerūt, quia id ipsū quod dicendū fuit,
hoc est quod nūc dicimus, nūquā scīuerūt: Quo semoto certē in priore sententiā
& interpretatione nostra perstare cogeremur. Verū hīc illa insurgit noua cō-
tra nos dubitatio, quod actio hæc rerū amotarū nō minūs arbitraria est, cū ad-
uersus ipsam mulierē quz amouit, quàm cū aduersus heredē ipsius exercetur.
Perinde enim necesse est vt præcedat arbitriū iudicis de rebus amotis per mu-
lierē ipsam restituēdis, antequàm possit perueniri ad cōdemnationē, quæ scilicet

in hoc iudicio fit non tam ob id quòd res amotæ sint, quàm ob id potiùs quòd quæ amotæ sunt, & quæ arbitrio iudicis reddi debuerunt, non fuerint redditæ. Idquæ per contumaciam eius personæ quæ amouit *d.l. si c. m. dos 8. §. 1. & l. sequi. D. rer. amot.* Neq; tamen ex eo fit quin actio rerum amotarû contra mulierem quæ amouit in solidû detur, Adeoq; quod magis mirû est etiã nihil fortè ad eâ ex rebus amotis peruenierit *d.l. sed etsi 19. an si. eod. tit.* Non est igitur bona hæc nostra collectio, vt ob id quod actio rerû amotarû arbitraria est, minùs dàda sit in solidû cõtra heredẽ. Respõdeo apertè diuersam esse hac parte rationẽ mulieris quæ res amouit, & heredû ipsius, Nã quæ amouit cùm reuera furtum fecerit non potest carere dolo, nec videri dolo non fecisse quominùs ad eam res amotæ peruenirent si non peruenierint, & idcirco non potest recusare quominùs arbitrio iudicis reddere iubeatur quicquid amouit, etiã quod ipsa non possideat. Dolo. n. pro possessione est vt habet iuris regula, nec quicquã inter est vlla iuris parte an quis possideat, an dolo defuerit possidere, an denique dolo male fecerit vt nõ inciperet possidere, ne quãdoq; dici posset defuisse dolo malo possidere, *l. 4. eod. tit. l. 2. §. sed etsi quid D. de hered. vel act. vendit. l. quis sum 8. §. ult. D. de precar.* Proinde non distinguimus in persona mulieris quæ per aliû vt furti contendi gratia fieri solet, mariti res amouit, an amotæ res ad eâ peruenierint, necne. At in herede mulieris hæc distinctio necessaria est quia non sit successor doli defunctæ vt habẽdus sit pro possessore si nõ possideat, aut vt perinde cõdẽnandus sit ac si res amotæ ad eû peruenissent si fortè ex rebus amotis vel nihil vel minùs ad eû peruenierit. Itaq; nõ debet arbitrari iudex qui in huiusmodi actione datus est, vt heres mulieris reddat marito res amotas suprà quàm ex iis ad heredẽ ipsum peruenierit, Alioquin esset arbitriû iniquum & bono viro indignû *d. §. sed enim l. 22. ad SC. Trebell.* Et cõsequenter verû est quod ait *d.l. ult. C. rer. amot.* nõ posse heredẽ ex ea causa cõdẽnari, nisi in quantum ad eû peruenit, Neq; hac parte distinctio illa adhibẽda est quam olim adhibebamus, an vnus tantû heres sit mulieris an plures, vt is quidẽ qui solus est cõdemnetur in solidum: si verò plures sint non teneantur singuli nisi in quantum ex hereditate ad eos peruenierit, aut etiã ex rebus ipsis amotis dum tamen omnes per viam hereditatis ad heredes omnes peruenierint. Nam iùm quoquẽ cùm plures non sunt heredes, sed vnus solus, negamus teneri eum in solidum si vel nihil, vel minùs ad eum peruenierit. Cùm verò plures sint, etiã si res amotæ non omnes ad eos peruenierint, dicimus tamen perinde verum esse quod scriptum est in *dist. l. ultim.* teneri singulos in quantum ad eos peruenit, Nullo denique casu heredem mulieris aut heredes teneri in solidum, nisi cùm res amotæ ad eos in solidum peruenierint, aut cùm ex rebus amotis, postea fortè distractis & venditis locupletiores in solidum facti sunt. Hæc enim separo quasi distincta, quia cùm dicimus res amotas peruenisse ad heredes in solidum, ponimus eas adhuc extare, quo casu possunt heredes mulieris non tantûm actione rerum amotarum, sed etiã directâ rei vindicatione pro qua quisque partẽ illas possidet cõueniri: Cùm verò dicimus in quantum ex rebus amotis ad heredes peruenit significamus potiùs Defuisse res amotas extare, nec proinde ipsas ad heredes peruenisse, sed tamẽ aliquatenus locupletiores exiis, id est ex earû precio factos heredes fuisse. Idq; non obscurè demonstrat antithesis quæ in *d.l. ult.* posita est inter actionẽ rerum amotarum & vindicationem, Itẽq; inter res amotas extantes, & eas ex quibus aliquid ad successores peruenit. Cui nõ dissimiliter Iulianus in *litem autem 32. D. de rei vindicatione* scribit, Cùm possessor antelitem contestatam, dolo

dolo malo desit possidere fundum cuius nomine in rem conueniebatur, heredes eius in rem quidem actionem suscipere cogendos non esse, sed in factum actionem quæ vindicationis subsidiaria esse solet, aduersus eos reddi debere per quam restituere cogantur quantum locupletes ex ea re facti fuerint. Ex quo intelligimus neque dolum defuncti transire in heredes nisi post litē cum defuncto contestatam, quæ contestatio pro contractu habetur l. 3. §. *idem scribit D. de pecul. l. delegare 11. §. 1. l. aliam 29. D. de nonat. & deleg.* Neque eandem semper actionem contra heredes competere, quæ aduersus defunctum competebat, nec si iam cum defuncto fuerat instituta, sed plerumque minus plenam, Interdum tamen etiam pleniorē, ut in l. 4. §. *soli autem filio D. quod cum eo qui in alien. potest. l. verum 63. §. patri D. pro socio. l. si per imprudentiam 51. §. pen. D. de eue.* At in proposito minus plenam: Defunctus enim qui viuens possidebat aut dolo desierat possidere fundum alienum, inre conueniebatur directa rei vindicatione ut eum restituere iuberetur: At heredes eius, qui nec verē possident nec dolo desierunt possidere, licet ex eo fundo locupliores facti sint, forte quod precium ex eius distractione redactum postea factum hereditarium ad eos peruenit, non eō magis directa vindicatione conueniri possunt, quæ non competit nisi contra verum possessorem, eūque qui propter dolum suum proprium, habendus sit pro possessore. Sed necessaria est aduersus eos subsidiaria in factum actio per quam cogantur reddere non solidam fundi æstimationem sed in quantum duntaxat locupliorem & opulentiorem hereditatem eius fundi occasione nacti sunt. In quo elegans differentia obseruanda est inter vindicationem & actionem rerum amotarum, de qua nunc tractamus, quæ eū sit actio in personam non minus contra heredes mulieris competit, de eō quod ad ipsos peruenit, etiam si non possideant res amotas quæ extare desierint, quā cōtra mulierem ipsam quæ amouit, Nec vlla indiget subsidiaria in factū actione ad improbum illud lucrum heredibus extorquendum: Quomodo indiget vindicatio quæ cum in rem sit non nisi contra verum factūque rei possessorem exerceri vnam potest.

ERROR SECVNDVS.

De inre iurando in litem in actione rerum amotarum, quando locum habeat contra mulierem aut eius heredem. Et ad l. 6. §. item heres & l. pen.

D. rer. amot.

ILLVD non minus obseruatione dignum est, aliam longēque differentem esse rationem actionis illius rerum amotarum contra heredes competētis, Aliam verō illius quæ contra mulierem ipsam si viueret, exerceri posset, Non in eo solum, quod ut iam diximus, non competit ea actio contra heredes nisi in quantum ex rebus amotis ad eos peruenit, quæ aduersus mulierem ipsam competeret in solidum, Sed etiam in eo quod cum iuratur in litem aduersus mulierem si res amotas nolit reddere, attamen cōtra ipsius heredes numquam iuratur, nec si contumaces sint in reddendo eo quod ad ipsos peruenit, quia licet ea contumacia proprius ipsorum dolus sit, quem vindicari æquum est, præsertim verō in actione arbitraria, Non tamen quilibet dolus rei conuenti etiam in actionibus arbitrariis inducit æquitatem iuris iurandi in litem, cui scilicet non aliter locus est, quā si per cōtumaciam eius fiat ut actor cogatur carere re sua: quæ sola ratio est quam adferunt Iureconsulti eū

de iureiurando in litē disputant *d. l. non enim 9. D. rer. amot. l. si filiofamilias 25. §. i. D. solut. matr. l. nec quasi 70. cum l. seg. D. de rei vind. l. auctor. 8. D. de in lit. iurand.* Quod aut ex rebus amotis puta distractis à muliere peruenit ad heredes precij nomine, mariti nō est, quia precij nō ex re sed ex negotiatione percipitur *l. vēditor 21. D. de hered. vel auct. vēdit. Aq;* ita accipio quod scriptū est in *l. 2. in princ. eo. l. tit. iurari* in litē siue quid nostrū petamus, siue ad exhibendū agatur, Scilicet cūm ad exhibendū agimus p re nostra vindicanda, vt solet actio illa p ratoria esse vindicationis cuius gratia potissimū est inducta *l. 1. D. ad exhib.* Licet cōpetat etiā ex aliis multis causis, si modō intersit agētis *l. 3. §. sciendū eod. tit.* Nā cūm ex alia quā dominij causa interest agētis, actio quidē ad exhibendū cōpetit, sed in ea tamē non iurabitur in litē, nec si dolus malus nō exhibētis interuenire proponatur, quomodo etiā circa furti actiōē distinguit Papinianus in *l. si vendidero 80. in princ. & §. 1. D. de furt.* Quare nec cōtra mulierē ipsam quæ rerū amotarū iudicio cōuenitur semper iurabitur in litē, sed eo tantūm casu quo amotæ fuerint res quæ propriæ sint viri, nō quas vir ab alio habebat fortasse pignoris iure aut titulo depositi vel cōmodati, quarū tamen nomine rerū amotarū iudicio perinde agi potest *l. si concubina 17. §. vlt. D. rer. amot.* Adcōd vt nec aliud dicendū putē si res dotales amotæ fuerint. Et si. n. sunt illæ in bonis viri, ita vt earum nomine non minū vindicationem habeat si extant, aut conditionem si extare desierint quā si propriæ eius fuissent *l. ob res amotas 24. eod. tit. l. doce 9. C. de rei vindic.* Verum tamen est non esse illas proprias mariti *d. l. ob res*, vbi dotales res iis opponuntur quæ propriæ sunt mariti, *l. quamuis 75. D. de iur. dot. l. si constante 24. §. si maritus in fin. D. solut. matr.* Et consequenter in rebus dotalibus rationem illam deficere, quæ potissimū facit vt aduersus contumacem iurari in litem oporteat. Nam & cūm per occasionem rerū dotalium aliquid lucri peruenit ad maritū, cogitur soluto matrimonio id ipsum mulieri reddere, tum quoque cūm in dotem accepit res æstimas quarum ille per æstimationē factus sit plenē ac verē dominus *l. quoties 16. D. de iur. dot.* vbi elegans ratio redditur, *quia non simplex venditio sit sed dōtis causa, nec debeat maritus lucrari ex damno mulieris. Sufficit enim maritum indemnem præstari, non etiam lucrū sentire.* Porro cūm iuratur in litem de æstimatione rei quam non vult possessor reddere, res non fit pluris per hoc, sed contumacia æstimatur vltra rei precium *l. 1. D. de in lit. iur.* Itaque quod amplius est in iurata quantitate, quā in iusto rei precio verum iurantis lucrum est, cuius adfectioni hactenus indulgetur. Non ergo permittendum est marito, vt ob res dotales per vxorem amotas iuret in litem, Non tamen quasi esset cognēdus maritus actiōe de dote idipsum mulieri reddere, quod ab ea per iusiurandum in litem extorsisset [poena enim est si quis condemnatur quanti aduersarius in litem iurauerit, cūm eo modo contumacia puniatur *dist. l. 1. poenæ autem depenx repeti non solent l. pena 42. De condit. indeb.* idēque nec debitori cogitur restituere creditori pignoratitius, quod ipse ex furti actiōe præstiterit *l. si pignore 22. D. de pignor. act.*] Nec rursus, quod prohibeatur maritus iudicio rerum amotarum idipsum persequi, quod postea iudicio de dote sit mulieri redditurus [illa enim actiō damnum repræsentat licet postea dotis exactio competat, *dist. l. si mulier 21. §. rerum amotarum D. rer. amot.*] Sed quoniam nullum mariti damnum est, si modō iustam rerum amotarum æstimationem consequatur citra iusiurandum in litem, cūm non amplius cogatur iudicio de dote reddere, Actiō autem rerum amotarum quæ pro rebus dotalibus competit, damnum duntaxat repræsentat, non etiam

lucrum

lucrū aliquod marito defert. *d. §. rerū*, ubi nō de qualibet actione rerum amotarū Paulus loquitur, sed de ea sola quæ cōperit ob res dotales, ut probāt verba illa *etiamsi postea dotis ex actione competas*. Extra quam causam si neque dotales, neque omnino alienæ fuerint res quæ amotæ sunt, sed propriæ viri, plenior est actio rerum amotarum, ut non tantum seruet eum indemnem, sed etiam lucrum ei adferat per iusiurandum in litem: Neque hoc casu repræsentat actio vel damnum, vel lucrum, quia ex eo quod maritus percipit, siue ut indēnitatem solam, siue ut etiam lucrum sentiat, nihil penitus restituit: quæ tamē restituendi necessitas verbo illo repræsentandi significatur. Ad quid ergo condemnabitur mulier quæ res dotales diuortij causā amouit? An ad solam verāmq; ipsarum æstimationē? Ita est, quemadmodum si res omnino alienæ mulier amouisset. *d. l. si concubina 17. §. ult. cod.* quemadmodum & ex pœnalis actionibus quæ alioqui dantur ad duplū mulier non nisi in simplum condēnatur. *l. ult. D. de seru. corrupt.* At non ad eam tantum æstimationē quæ fuit illo tempore quo res amotæ sunt, sed etiam ad præsentem, si res illæ pluris factę non restituantur, ut evenit in cōditione rei furtiuz, inquit Tryphon. *in l. penul. eo.* quia cū mulier quæ res amouet, veritate fortum faciat ut eadem lex ait, non minus in re amota, quā si fur quilibet in alia re furtiua singulis momentis facere moram intelligitur. *d. l. in re furtiua 8 in §. 9. l. ult. D. de condit. furt.* In eōq; bona comparatio est actionis rerū amotarum & conditionis furtiuz, illis scilicet casibus, quibus non magis in litē iuratur in actione rerum amotarū quā in conditione furtiua, id est cū res amotæ, nō viri propriæ sed vel dotales, vel penitus alienę fuerunt. Nā cū in litē iuratur, nō inquirimus ad quod tēpus referatur æstimatio, an ad præteritū, an ad præsens, quia nec verū precium quæri mus sed quod iurātū est, nisi quando furti agitur, quo casu iurandū est, tanti rem fuisse non autē tanti nunc esse. *l. cum furti 9. D. de in lit. iur.* nepe quia necessariō referēda æstimatio est ad tēpus quo furtū factū fuit, ut legitima pœna dupli vel quadrupli certa constituatur. *l. in furti 50. l. inficiando 67. §. infans D. de furt.* Porro quemadmodū actio rerū amotarū similis est cōditioni furtiuz quod ad ineundā rei amotæ æstimationē pertinet, illis quoq; casibus, in quibus nō iuratur in litem, ita similis est actioni furti, cū datur ob res proprias mariti, hæcenus nimirum ut in ea hoc casu in litē iuretur, Dissimilis tamē in eo, quod nō ad certū tēpus refertur æstimatio, ut in actione furti, sed arbitrio & adfectioni iurātis relinquitur, quia nō ob taxandā pœnā aliquā iuratur in actione rerū amotarū, quæ scilicet pœnalis nō est, sed ob hoc tantum ut in ea actione cōdēnatio certa fiat, & quidē tāquā in actione arbitraria, in qua quoties iuratur, nō aliā ob causam iuratur quā ad puniendā eius cōtumaciā qui arbitrio iudicis reddere iussus, noluit parēre, & ideo cōtumaciæ tēpus inspiciendū esset, potius quā illud quo res amotæ sunt, si iurādū esset relata ad certū tēpus æstimatione. Itaq; quod *in d. l. pen.* scriptū est de inspiciendo tempore quo res amotæ sunt, vel quo agitur si æstimatio creuerit, i. quāti plurimi res vnquā fuit ut in cōditione furtiuz, itēq; in actione furti *d. l. inficiando 67. §. infans de furt.* licet omni casu verū sit, quia nihil verat æstimationē quāti plurimi cū iureiurādo in litē cōcurrere, *d. §. infans*, tamen magis pertinet ad eum casum quo in litē iurari ob res amotas non possit, hoc est quo non fuerint illæ agentis propriæ: Quo casu de sola & vera earum æstimatione tractandum est quæ aliter probanda sit, quā per actoris iusiurandum in litē: An quōd hoc casu actio rerum amotarum non sit æquē arbitraria? Imō semper & omni casu arbitraria est. Non enim ex eo æstimantur arbitrariæ actiones quod reo non parente arbitriq; iudicis condemnatio tanti facienda sit, quanti actor in litem iurauerit,

quod malè sensisse videtur Accurs. ad d. l. *si cum dos* §. 1. cùm ait hanc actionem sortiri naturam arbitrariz, Quasi & in omnibus arbitrariis iuretur, & non in aliis quàm in arbitrariis, quod vtrumque falsum est: Sed ex eo quod si arbitrio iudicis non pareatur, ex bono & æquo condemnationem fieri oporteat d. §. *preterea. In l. de actione*. Non autem semper bonum & æquum est contumaciam eius qui arbitrio parere non vult, coerceri iureiurando in litem, sed iis tantùm casibus quibus alioqui futurum esset, vt actor rem suam iusto precio vendere cogeretur: quod tunc euenit, cùm quis agit ad suam rem consequendam. Aliis calibus aliter atque aliter condemnatio fit, prout æquitas suggerere videtur. Interdum enim fit condemnatio ad id quod interest actoris, vt in hypothecaria, & in plerisque interdictis *leg. si inter* 21. §. *ultim. D. de pignor. l. in interdicto* 6. *D. unde vi* 13. §. *ultim. D. de rei pssid.* In quibus idèd non iuratur in litem, vt probauimus *lib. 16. Coniectur.* Interdum verò sufficit condemnationem fieri ad veram rei æstimationem siue inspecto præcisè certo tempore, siue quanti plurimi vquam res fuit vt in actione rerum amotarum exemplo conditionis furtiuz d. l. *penult. D. rer. amot.* Aut ad pœnam aliquam, diuersam tamen à iureiurando in litem puta ad quadruplum, vt in actione Quod metus causa *litem si cum* 14. §. *in hac actione* & *seq. D. quod met. caus.* Apparet igitur ex superioribus meliorem esse conditionem heredù mulieris quæ res amouit, quàm sit ipsius mulieris, Non in eo solùm, quòd arbitrio iudicis non iubentur res amotas in solidum reddere sed quatenus duntaxat ex iis rebus ad ipsos peruenit, d. l. *ult. C. rer. amot.* cùm tamen iubeatur mulier omnia reddere quæ amouit, licèt nihil ad ipsam peruenerit d. l. *sed et si* 19. *in fin. D. eod.* Sed in eo quoque quod cùm aduersus mulierem quæ mariti res amouit, iuretur in litem si arbitrio iudicis parere easque restituere nolit d. l. *si cum dos* 8. §. 1. & l. *seq. eod.* tamen contra ipsius heredes numquam iuratur ex dolo defunctæ, vt neque contra heredem tutoris ex dolo defuncti l. *pen. Cod. de in lit. iurand.* Nec si heredes mulieris nolint reddere id quod ex rebus amotis ad eos peruenit, dum ne sint res ipsæ amotæ quæ adhuc extant, quia si fortè sint venditæ quod ex earum precio redactum est, non dominij sed actionis tantùm personalis iure ad maritum pertinet, Ex qua causa, vt diximus, iurari in litem non solet, nisi cùm alia ratio nulla superest rei æstimationis, vt in l. *in actionibus* 5. *versic. planè De in lit. iur.* Eodémque sensu accipiendum puto quod scriptum est in d. l. *pen. C. de in lit. iur.* etiam contra heredes tutoris ex proprio eorù dolo iurari: Nempe si dolum admiserint non in eo quod reddere noluerint eas, quæ ex dolo defuncti ad ipsos peruenerunt, sed in eo quod recusent exhibere instrumenta pupillaria vel ipsa etiam pupilli bona quæ penes se teneant & quorù exhibendorù habeant facultatem, Non etiam si dolo malo differant restitutionem eius quantitatis ex qua locupletiores facti sint propter dolum defuncti. Id enim esset iurare in litem pro pecunia, quod numquàm permittitur, quia nummorum certa semper est eadèmq; æstimatio l. 3. *D. eod.* Supradictis verò nõ obstat vnus ille locus qui & nos ipsos & aduersarios nostros deiecit vt eandè hæc parte rationem constituerimus actionis rerù amotarum & conditionis furtiuz, in d. l. *contra murum* 6. §. *si membra mulieris D. rer. amot.* vbi dicitur heredem mulieris teneri ex causa rerum amotarum sicut ex causa conditionis furtiuz. Ex quo sicut aduersarij nostri inferunt, Nõ esse igitur dandà in heredem conditionem furtiuz in solidum sed de eo tantùm quod ad ipsum peruenit, quia & in actione rerù amotarù idem obseruetur, ex d. l. *ult. C. eod.* Ita nos cõtrario errore inferebamus, Condemnari debere mulieris heredem ex causa rerù amotarù non de eo quod

eo quod ad ipsum peruenit sed in solidū, quoniam in cōdictione furtiua ita siue cōstitutū, siue receptū sit *d. l. in cōdictione 9. D. de cōditi. furt.* Respōdendū. n. est, hoc tātū sibi velle Paulū in *d. §. i. ē heres*, nō quod vulgō creditur, Ad eundem modū teneri heredē in vtraq; actione quod falsissimū est, sed actionem rerū amotarū licet singulari iure introducta sit nō minū in locū actionis furti quā in locū cōdictionis furtiue, Nō tamē extingui morte mulieris quomodo actio furti extingueretur, sed etiā post mortē durare exēplo furtiue cōdictionis quā cōtra heredē quoq; competit, etiam furtiua re perempta *l. si profure 7. §. 1. d. l. in cōdictione 9. & pass. ill. tit.* Dices fortasse, Nullā tamē fore differentiā inter actionē rerū amotarū & actionē furti, si dicamus, non dari actionē rerū amotarū aduersus heredē nisi de eo quod ad ipsum peruenit, Cū pœnales quoq; actiones etiā cōtra heredes hactenus trāseant vt lucra turpia eis extorqueatur *§. 1. Inst. de perpet. & tempor. action. l. in heredē 5. D. de calūniat. l. vnic. C. ex delict. defunct.* At respondeo licet in plerisq; actionibus pœnalibus id verū sit, non tamen esse in omnibus, Inter ceteras autem excipi actiones furti & Vi bonorum raptorū quę contra heredes numquam dantur, ne quidem de eo quod ad ipsos peruenit, Nō quod furis aut raptoris heredē æquū sit impunē ditari ex scelere defuncti, sed quia sufficit ad indemnitatē eius cui furtum factum est, aut cuius bona vi rapta sunt vt cōtra furis vel raptoris heredem saluam habeat non modō vindicationem si res extant, sed etiam actionem ad exhibendum & cōdictionem *l. 1. D. de priuat. delict. l. 2. §. pen. & ult. D. vi bonor. rapt. l. furti 15 C. de furt.* Quid enim furti actione indiget is qui furtum passus est, vt improbum lucrum furis heredē extorqueat, & id omne quod ad heredē peruenit, cū per alias actiones possit solidū cōsequi, præsertim verō per cōdictionē furtiuam suprà etiam quā ad furis heredem peruenierit? Ex quo intelligimus verba illa quę apud Vlpianum leguntur in *l. furti 6. §. qui alieno De his qui nos. infam. vel heres* euidenter esse irreptitia, Cū heres furis numquam possit furti actione conueniri, Nisi in casu singulari *l. seruus 14. eod. ill. tit.* id est in furti actione non pœnali, sed noxali.

ERROR TERTIVS.

De sententia & ratione l. in cōdictione 9. D. de cōditi. furt. l. vnic. Cod. ex delict. defunctor. & leg. 7. D. de alien. indic. mul. caus. fall.

H V I V S legis non tam sententia & interpretatio quā ratio visa est obscura, iis qui defendunt non minū contra Vlpianum quā contra nos, Cōdictionem furtiuam non in solidum aduersus heredē, sed in id tantū quod ad ipsum peruenit, dari oportere. Nam cū negare non possint quod tam apertis verbis Vlpianus expressit, In cōdictione ex causa furtiua non pro parte quę peruenit, sed in solidum nos teneri dum soli heredes sumus, Rationem tamen nullam reperiunt propter quam ita sentire ac scribere Vlpianus debuerit, nec dubitant adfirmare, si ea lex non esset, non fore ex prudentibus aut iuris interpretibus omnibus, qui non aliter responderet, Putant enim actionibus omnibus ex delicto descendētib; commune illud esse in heredem dari non debeant nisi in quantum ad eum peruenit nec minū si nudam merāque rei persecutionem contineant vt cōdictio furtiua,

quàm si vel in totum vel ex parte sint pœnales, Quam sententiam ex proposito contra nos defendit And. Fachineus *lib. 9. Controuers. iur. cap. 5.* motus præcipuè ex *homic. C. ex delict. defuncti.* quæ tamen de pœnalibus solum actionibus loquitur, vt probant exempla illa *qui vim fecit, vel concussione intulit.* Ex quibus explicandum est quod sequitur *vel aliquid deliquit,* vt scilicet ad similia referatur, nec de actionibus omnibus quæ ex delicto nascuntur, sed de iis solis in quibus de ipso delicto agitur, ac proinde quæ ad pœnam & vindictam pertinent, intelligatur. Aliud enim est agi tantum de delicto, aliud verò agi de rei persecutione ob delictum aliquod, licet ea actio instituaturs quæ ex delicto pendeat: Aliud quoque agi de delicto, aliud autem agi ex delicto, aut quod idem est occasione delicti. Nam vtrum dicamus actionem ex delicto nasci, an verò delicti occasione nihil certè interest. Omnes actiones quæ de delicto instituuntur, sunt pœnales, cum non alio fine instituuntur, quàm vt delictum puniatur. At non omnes quæ ex delicto nascuntur sunt pœnales, cum fieri possit vt meram rei persecutionem contineant, vel per se & sui natura vt conditio furtiua, Vel arbitrio iudicis vt actio rerum amotarum *l. si cum dos 8. §. 1. v. l. seq. iunct. l. si mulier 21. §. hac actio D. rer. amot.* & actio in factum quæ competit ex edicto De alienatione iudicij mutandi causa facta *leg. 5. §. vlt. cum duab. legib. seqq. D. ill. sit. De alien. iudic. mut. caus. facti.* Quare non est quod Fachineus nobis obiciat leges illas, quæ de actione rerum amotarum, & de illa in factum actione loquuntur, quas iam diximus propriam ac separatam habere naturam, omnino differentem à conditione furtiua. Nam cum sint arbitrarie, non continent rei persecutionem nisi arbitrio iudicis, id est nisi hætenus, vt ante sententiam iudex datus arbitretur rem reddi & restitui oportere, Non autem vt per sententiam condemnetur res vi & potestate actionis ad rei restitutionem, quomodo in conditione furtiua condemnatur. Nunquam enim arbitrium, & condemnatio in actionibus arbitariis de eadem re sunt, sed quod iudex fieri per suum arbitrium iussit, si non fiat, tunc ad aliam condemnationem ex bono & æquo faciendam decurritur *§. præterea Inst. de action.* Porro cum actiones illæ arbitrarie nascuntur ex delicto, vt ex, de quibus nunc agimus, necesse est, vt monuimus in præcedentibus, aliter concipi arbitrium boni viri in personam eius qui deliquit, aliter verò in personam heredum ipsius. In personam quidem eius qui deliquit, vt iubeatur solidum reddere, licet solidi reddendi non habeat facultatem, fortè quoddam res ad eum vel nulla ex parte, vel non in solidum peruenierit *leg. sed etsi 19. in fin. D. rer. amot.* Nempe quod fieri nequeat vt non eius dolo factum sit ne res ad eum perueniret cum ipse deliquerit. In personam verò heredum ipsius, ita vt non iubeantur reddere nisi in quantum ex defuncti dolo & delicto ad eos peruenit, Ne alioqui constituantur successores delictorum defuncti: quæ res faceret vt iisdem etiam pœnis illos subiaci oporteret, Quod non modò absurdum & iniquum esset, verum etiam inhumanum. Nec simile est quod isactari solet heredem quemlibet sicut in omne ius quod defunctus habuit, ita & in ipsius vitia succedere, adeò vt nec sua ignoratione excludat illa, vt loquitur Papinianus *in leg. cum heres 11. D. de diuers. tempor. præscr.* Intelligi namque id debet de possessionis vitiis quæ possessionem ipsam perpetuò concomitantur, *l. vitia possessionum 11. C. de acquir. poss.* & quæ licet iure communi non transferatur in heredem ex causa hereditaria priusquam corporaliter adprehensa sit, *l. cum heres 23. in princip. D. de acquir. poss. leg. 1. §. Scauola D. si is qui testam. lib. est. iuss.* adprehensa tamen transit in heredem cum suis omnibus viciis, tanquam in vniuersalē successorem.

successorem. Sed delictorum alia ratio est, quippe quæ non cohererent possessioni, quamvis interdum ipsam quoque rem & possessionem vicio reali adficiant, ut evenit in rebus furtivis & amotis *leg. penult. D. rer. amot.* sed insunt personæ à qua separari nullomodo possunt, *leg. si pœna 20. D. de pœn. leg. sancimus 22. Cod. eod.* Proinde quoties convenitur heres actione aliqua arbitraria quæ ex defuncti delicto proficiscitur, licet illa rei persecutionem arbitrio iudicis contineat, numquam tamen fieri potest ut in solidum teneatur si non solida res ad eum pervenerit: Quia quod suprà quàm ad eum pervenisset, reddere iubetur, non res esset, sed pœna, non quidem ex parte actoris, sed ex parte heredis, atque ita fieret heres successor delicti & pœnæ; quorum neutrum admitti potest. Rursum quemadmodum quodvis arbitrium contra heredem latius patere non potest, quàm ut iubeatur id solùm reddere quod ad eum pervenit, ita si contingat ut arbitrio parere nolit, ideòque ex bono & æquo condemnandus sit, non idcirco in tantum augeri condemnationem oportebit, ut in solidum condemnnetur, sed in id solùm condemnandus erit, quod actor sua interesse docebit arbitrio iudicis paritum fuisse. Quæ condemnatio interdum egreditur iustam eius quod pervenit æstimationem si fortè appareat pluri interesse actoris: etià citra iusiurandum in litem, ut in *l. in interdicto 6. D. unde vi. l. si inter 21. D. de pignor. l. arbitrio 18.* iunctis iis quæ ad locum illum scripti in Rationalibus *D. de dolo.* Semper verò egreditur, quoties talis erit casus in quo etiam contra heredem ipsum iurari in litem possit, hoc est cùm de vindicando proprio ipsius heredis dolo agetur, & de reddenda ea re quæ sit propria ageris: quæ duo suprà diximus concurrere necessariò debere, ut iusiurandum in litem deferatur ad puniendam rei conventi contumaciam, nisi cùm ex necessitate deferretur. Cur ergo dicimus, iuquies, actiones huiusmodi arbitrarias non dari in heredem nisi in quantum ad eum pervenit, cùm vix sit ut non omni casu, in quid aliud, adeòque in plus fiat condemnatio? Respondeo ita factum esse, quoniam actiones arbitrarie sicut denominationem, ita & potestatem naturamque suam ex iudicis arbitrio sumunt, non ex condemnatione, siue quod aliis actionibus omnibus perinde commune illud sit ut ex iis aliqua sequatur condemnatio, & quidem ex bono & æquo si de bonæ fidei iudiciis non de strictis intelligas *§. in bonæ fidei. Inst. de action.* Siue potius, quòd actio arbitraria nulla sine arbitrio esse potest, quippe quod præcedere semper necesse est ut condemnatio sequi possit, At sine condemnatione esse potest, quam scilicet nil necesse est sequi, ne quidem cùm arbitrium præcessit, Nimirum si arbitrio pareatur: cui arbitrio in cæteris actionibus non arbitrariis nūquam locus esse potest, Vnde fit ut arbitrium iudicis semper mitius sit, condemnatione, & actiones arbitrarie minus onerosæ reo, qui arbitrio parere sit paratus: Condemnatio autem in ipsis maximè arbitrariis tantò gravior, quantò magis imputari ei potest, qui maluit contumax esse quàm parere arbitrio, cùm posset ille parèdò effugere condemnationem *litem si cùm 14. §. in hac actione vers. nec iniquum & seq. D. quod met. caus.* Atq; ex his petenda interpretatio est eius rationis, quã adfert Caius cùm loquitur de supradicta in factum actione quæ cõpetit ex dicto De alienatione iudicij: mutadi causa facta in *l. quia pertinet 7. D. si lat. Curatio illa neque in heredem competat scilicet in solidum, & suprà quàm ad eum pervenerit, neque post annum quia pertinet quidem ad rei persecutionem, inquit, videtur autem ex delicto dari. Sensus enim non ille est quem & Fachineus post Cuiacium & alij vulgo putant, ut cùm quaeritur an actio aliqua quæ & ex delicto proficiscitur, & rei*

persecutionem continet, danda sit in solidum aduersus heredem, magis inspicendum sit quod ex delicto detur, quàm quod rei persecutionem contineat [id enim solum esse apparet ex eo iure quod in cōdictione furtiua obtinet, quæ licet nascatur ex delicto, quia tamen per se & sui natura miram rei persecutionem continet datur in solidum etiam cōtra heredem *d.l. si pro fure 7. §. 1. d.l. in condictione 9. D. de cond. f. furt.*] Sed hoc sibi vult Caius, Eam actionem de qua tractat in *d.l. 7.* esse quidem non pœnalem sed rei persecutoriam, videlicet arbitrio iudicis vt ex Vlpiano scriptum est in *§. vltim. l. 5. cod. tit.* at non eo magis dari posse contra heredem suprà quàm ad eum peruenerit, & in solidum, quia ex delicto datur, non ex contractu. Nam si ex contractu daretur quātumuis esset pœnalis, daretur tamen in solidum contra heredem *l. si hominem 7. §. 1. D. de posu.* At quæ nascuntur ex delicto, licet non sint pœnales sed rei persecutionem contineant, vel ob hoc ipsum dari non debent in solidum contra heredem, quod eo modo fierent pœnales, quatenus darētur suprà quàm peruenerisset, cū id omne quod excedit, pœna vt diximus non rei persecutio sit, Nimirū quoties actio talis est quæ non sui natura sed arbitrio tantum iudicis rei persecutionem contineat, Quoniam enim vel iuris vel æquitatis colore possit iudex arbitrari, vt plus reddere debeat heres quàm ex defuncti dolo ad eum peruenerit, si non id faciat in pœnam sceleris à defuncto perpetrati *l. mulier 22. §. sed enim D. ad SC. Trebell.* Cū autem actio nec pœnalis esset vlla ex parte, nec arbitrio iudicis, sed sui natura & per se rei persecutionem continet, cuiusmodi est cōdictio furtiua, quæ sicut non arbitraria ita neque bonæ fidei sed stricta & stricti iuris est, arbitrium iudicis præcedere nullum potest, nec proinde ex æquitate vlla decernendū est quid & quātum aut reus primus, aut ipsius heres præstare debeat, sed ex natura actionis, quæ cū directò rei persecutionem contineat, vt rectà quoque & nullo intercedente circuitu extorqueat cōdemnationem, non ad aliud dari potest quàm ad hoc vt in solidum condemnnetur is qui conuenitur, nec minùs heres quàm defunctus, si modò nulla ex parte actio sit pœnalis, licet pendeat ex delicto. Non enim quod exigitur suprà quàm ad reum peruenerit, ided pœna videri potest, cū actionis vi & potestate id fiat, siue contra furem, siue contra furis heredem agatur. Neque ex persona quæ minùs odiosa sit heredis, condicionem actionis immutari oportet *l. 2. §. ex his D. de verbor. obligat. l. 2. §. 1. D. de prator. stipulat.* Quæ nec certè immutatur in actione rerum amotarū aliisque eiusmodi actionibus arbitrariis, in quibus punitur mitiùs heres quàm defunctus. Id enim fit non quod mutetur qualitas & natura actionis ob personam heredis, cū perpetuò maneat actio arbitraria, Sed ob arbitrij æquitatem quæ alia est cū aduersus eū qui deliquit, alia verò cum aduersus heredem eius actio exercetur. Æquum siquidē est eū qui deliquit reddere id omne quod amouerit, etiam si nunc non habeat neque dolo deserit habere, quia nec amouere ab initio debuit *leg. vltim. in fin. D. de cond. furt.* quod in persona heredis æquum non est, qui nihil deliquit, satisfique est vt tubeatur reddere quod ad ipsum peruenerit, ne ex defuncti scelere locupletetur. Itaq; hoc casu vt & aliis pleriq; arbitrium iudicis quod alioqui condemnationem adferre deberet adfert absolutionem, vt in *d. litem si cum §. aliquando D. quod met. caus.* Bona igitur & optima est ratiocinatio illa Vlpiani in *d. l. si pro fure 7. §. 1. cod. tit.* vt cōdictio furtiua non tantum furē sed etiam furis heredem obliget, id est in solidum, quia rei habet persecutionem licet nascatur ex delicto. Nec quod æquum videatur hac quoque in re mitiùs puniri heredem furis, quàm furem ipsum ad rem facit, cū in actione stricta nec nisi merā rei persecutionem

secutionē continente ex utraq; parte, nullus æquitati locus relinquatur, sed præcisè actionis natura intuenda & tuenda sit contra quemcunque, id est etiam contra heredem: cui licet delictum nullum imputari possit, imputari tamen debet, cur furis hereditatem adierit, ideoque nō debet recusare quominus eam ipsam actionem excipiat quam defunctus excipere cogebatur: Vnde est quod aduersus alium rei furtiue possessore, quàm qui furis heres sit, condictio furtiua numquam datur, contra ipsum verò heredem datur etiam si non possideat l. 5. eod. tit. §. ultim. Inst. de oblig. qua ex malefic. nascunt. Vt intelligamus huiusmodi actione conueniri heredem non tanquam possessorem sed tanquam heredem. Quod si tanquam heres & conuenitur & condemnatur, quid refert obsecro an solida res furtiua ad eum peruenerit, necne, dummodò in solidum sit heres?

ERROR QVARTVS.

Quantum intersit an conueniatur heres ex hereditaria actione arbitraria, an ea stricta: & an primus heres sit, an secundus.

DICES, Idem quoque in herede mulieris quæ res amouit tractari posse cum tanquam heres & conueniatur, & condemnatur. Hoc verò est quod nego, Nam in actione rerum amotarū, vt & in alia qualibet arbitraria conuenitur quidem heres & tenetur ea ipsa actione qua defunctus tenebatur, Nec alio quàm heredis iure, quippe qui non teneretur si heres non esset, Attamen non condemnatur tanquam heres, nec quia heres est si proximam & immediatam condemnationis causam respicias, sed ob propriam suam contumaciam quia noluit arbitrio iudicis obtemperare. Vnde sit vt in actionibus arbitrariis quæ in rem scriptæ sunt, qualis est De eo quod met. caus. possessor quilibet recusans eam rē reddere quæ per vim aut metum ablata fuit perinde in quadruplum condemnatur, ac si vim & metum ipse intulisset, quamuis reuera delictum non participauerit, nec heres sit eius, qui vim vel metū intulit, quia propria eius contumacia non alienius dolus puniatur d. litem si cum i. 4. §. in hac actione vers. nec euigam iniquum, & §. seq. D. quod met. caus. Ex quo apparet heredem in actione ista non tam quasi heredem quàm quasi extraneum possessorem quemlibet condemnari, & ob id neque condemnari ullomodo debere si nihil ad eum peruenerit, neq; supra quàm peruenit, si nō solidum peruenerit, quia priore casu arbitrium nullum præcedere potest quo iubeatur reddere id quod non habet, licet heres sit delinquentis: Posteriore verò casu non aliud arbitriū esse debet, quàm vt iubeatur reddere id quod ad ipsum peruenerit, nec quicquam amplius. Proinde mirum non est in hac actionum genere quas arbitrarias appellamus, & quæ ex delicto profiscuntur, aliter fieri condemnationem contra eum ipsum qui deliquit, aliter verò contra eius heredem qui non tam quasi heres quàm quasi alius quilibet ob propriam contumaciam condemnatur, quia arbitrium quod præcedit condemnationem, quodque solum causam præbet condemnationi aliter cōcipiendum est in personam delinquentis, aliter verò in personam heredis qui nil deliquit, Nam & cum arbitrium redditur in heredem non tanquam in heredem redditur, sed tanquam in extraneum quemlibet in quem reddi tale deberet, etiam si heres is non esset. Argumentum rei est, quod si non haberet restituendæ rei facultatē nullum contra

eum de re restituenda arbitrium reddi posset, quantumvis heres esset, vt verò dici possit quod tamen nescio an adhuc quisquam dixerit, Arbitrarias actiones numquam iure hereditario transire in heredem, in eoque differre à cæteris quæ siue bonæ fidei sint, siue stricti iuris aduersus heredem competant eo ipso modo quo contra defunctum ipsum competeabant, nec aliud quicquam adferre potest absolutionem quàm si heres qui obligationem hereditariam suscepit ei satisfaciât. Quo sensu iudicia omnia dicuntur absolutoria §. *ult. Insi. de perpet. et temp. act.* In quo tamen obseruandum est quod de herede dicimus de primo tantum non etiam de secundo, vel de vltiore herede intelligi oportere. Nam in primo herede exigimus vt aliquid ad eum peruenerit ex ea re cuius nomine defunctus poterat arbitraria actione conueniri, ad hoc vt possit ipse quoque non tam eadem & hereditaria, quàm simili & propria actione teneri. Aliquid enim esse oportet, quod arbitrio iudicis possit iuberi reddere. At in secundo herede aut alio vltiore, non similiter exigimus vt aliquid ad eum peruenerit, sed sufficit quod hereditariam obligationem suscepit, si modò aliquid ad primum heredem ex scelere defuncti peruenisse adprobetur *leg. videamus 16. D. quod met. caus.* Itaque tanquam heres condemnatur, non tanquam quilibet. Sed & primi heredis causa in eo deterior est, quàm condicio extranei cuiuslibet quod sufficit aliquid ex scelere defuncti etiam ad primum heredem vel momento vno peruenisse, ad hoc vt arbitrio iudicis possit iuberi reddere id quoque quod nunc non habeat, quia sufficit semel peruenisse ad proximum heredem, & perpetua actio esse coepit, licet heres primus id quod ad eum peruenerat consumpserit. Alioqui dicendum erit nec ipsum qui consumpsit quod ad eum peruenit teneri, quod absurdum esset, vt ratiocinatur Paulus in *dist. leg. videamus in fin.* Cum enim prætor in heredem dat actionem quatenus ad eum peruenit, sufficit si vel momento vno ad eum peruenerit ex dolo defuncti, quemadmodum idem Paulus ait in *leg. cum Prætor 127. De regul. iur.* At extraneus quilibet, id est qui non est heres delinquentis, numquam ob id solidum conueniri arbitraria actione potest quod aliquando rem de qua reddenda tractatur, possederit, cuiusque restituendæ habuerit antea facultatem si modò non habeat tempore litis contestatæ nec dolo malo fecerit quominus haberet, *dist. leg. item si cum 14. §. aliquando, D. quod met. caus.* Rursum in heredibus delinquentis illud etiam obseruatione dignum est, quod quamuis possit vnus ex iis solus iuberi reddere solidam rem pro qua poterat defunctus in solidum conueniri, si modò solida res illa ad vnum ex pluribus heredibus peruenierit, quia scilicet totius rei restituendæ facultatem habet, perinde ac alius possessor quilibet, nec tam quasi heres, vt diximus, quàm quasi possessor conuenitur. Si tamen ponamus litem cum defuncto fuisse contestatam, non erit conueniendus in solidum, sed tantum pro qua parte heres est, tamen si rem totam & in solidum solus possideat, *leg. 2. in fin. D. de prætor. stipulat.* Nempe quia litis contestatio fecit vt ab eo tempore defunctus non tam ex delicto quàm ex contractu teneri coeperit, *leg. 3. idem scribit. D. de pecul. leg. tam ex contractibus 57. D. de iudic.* Quæ autem ex contractu nascuntur actiones, eas certum est, si nihil aliud impediât transire in heredes pro hereditariis portionibus *leg. 1. 2. & pass. Cod. de hered. action.* non inspecto eo quis quantum possideat, quod tamen inspiciendum necessariò est, cum possessor qui actione in rem conueniri poterat, decessit pluribus heredibus relictis ante iudicium acceptum *l. si possessor 55. vbi hanc in rem*

in ſemponderanda ſunt verba illa *ante iudicium acceptum. D. de rei vind.* Ex eodémque fonte naſciur vt poſt litem conteſtatam aſtiones etiam penales & ex delicto descendentes tranſeant in heredem etiam ſi nihil ad eum peruenerit, & vt tranſeant in plures heredes pro hereditariis portionibus, quamuis ad vnum ex iis vel totum, vel plus quam ad ceteros peruenerit. Quia nimirum ex die litis conteſtaſe cœpit deſunctus ex contractu eſſe obligatus, & quidem ex contractu ſtriſto, id eſt quaſi ex ſtipulatione *d. §. idem ſcribit l. delegare 11. §. 1. D. de nouat.* ac proinde propria ſtriſtiſque iuris aſtione non arbitraria. Quæ cùm ita ſint quis iam miretur cōditionem furtiuam, ſui natura rei perfecutoriam, licet ex delicto pendeat, cùm tamen ſtriſta ſit vt ceteræ cōditiones omnes, nec vilius a biſuij æquitatem admittat, dari in ſolidum cōtra heredem furis non ſecus ac contra ſurem ipſum? Nam ſi dicas non maiore odio dignum eſſe furis heredem, quam heredem mulieris, quæ res amouit, cùm illa quoque furtum fecerit, nec magis deliquerit qui furis quam qui mulieris amouit hereditatem adierit, Fatebor equidem iſa eſſe, ſed negabo fieri ex odio heredum furis vt in ſolidum & ſupra quam ad eos peruenerit teneantur, cùm mera iuris ratio id ius euincat, quando ex aſtione ſtriſta & hereditaria conueniuntur, Non autem cùm aſtione arbitraria quomodo heres mulieris quæ res amouit: tunc enim non ad quid deſuncta mulier teneatur, inſpiciendum eſt, ſed quid heredem ipſius ex æquitate præſtare oportere iudex arbitrari tanquam vir bonus debeat. In quo numquam certè continebitur vt plus reddere heres iubendus ſit, tamen ſi ex aſſe heres proponatur, quam ex mulieris delicto ad eum peruenerit. In eoque ruſus grauiter meo iudicio errant illi qui cùm negare non poſſint quod tam aperte ſcriptum eſt in *d. leg. in cōditione 9. D. de cōdiſ. ſurt.* cōditionem ex cauſa furtiua non de eo quod peruenerit, ſed in ſolidum aduerſus heredem dari, Ne tamen iuris regulam violent, quam ipſi pro arbitrio ſuo ſibi fingunt: Reſpondent eſſe hoc ſpeciale in cōditione furtiua odio furis, vt & alia quæ hæc aſtio habet ſpecialia, teſte Iuſtiniano in *§. ſic itaque. Inſt. de aſtion.* Non enim, ait Iuſtinianus, aliud quicquam ſpecialiter conſtitutum eſſe vel receptum in cōditione furtiua odio furis niſi vt detur domino, & concurrat cum vindicatione. Repugnarent namque iuris regulæ, quæ non patiuntur dominum intendere dari ſibi oportere, cùm iſ qui iam dominus eſt, magis dominus fieri non poſſit, Niſi odium furis ius hoc euiciſſet, ad hoc vt non in odò pluribus, ſed etiam contrariis aſtionibus teneretur. Cæterum ex alijs omnibus quæ ad naturam huius cōditionis pertinent, nihil omnino eſt quod odio furis tribuere poſſimus, Si quid enim tale eſſet, vel illud maximè eſſe deberet quod in cōditione furtiua præſtatur æſtimatio quanti plurimi vniquam res fuit. Iure valde ſingulari cùm extra aſtione legis Aquiliæ nullo penitus cauſa æſtimatio quanti plurimi debeatur, ſed tamen non furis odio hoc fit, ſed ex mera iuris ratione illa, quod ſurperpetuò & ſingulis momentis non tantùm moram facere, ſed etiam furtum per continuam rei furtiua contræſtationem committere intelligatur *l. in re furtiua 8. §. 1. D. de cōdiſ. ſurt. l. inſiciendo 67. §. inſans. D. de ſurt.* Hoc verò ipſum quoque nec odio furis, ſed quia neque rem illam furari primùm, & auferre, & contræſtare inuito domino debuit *l. vlt. D. de cōdiſ. ſurt.* Item quod cōdictio furtiua datur ſolì domino, non ſit odio furis, quod facere potiùs deberet, vt etiam non domino dari ea aſtio contra ſurem deberet, ſed quia ſolus dominus dignus viſus eſt cuius gratia illud reciperetur, vt furis odio cōdictio furtiua contra ſurem daretur, ſufficiente alijs aſtione furti ad penam, & vindicationem ad rem

consequendam. Quod verò non datur contra tertium possessorem, non sit odio furis, sed ex illa iuris regula quæ domino denegat conditionem, per quam intendat dari sibi rem oportere, Quam regulam violari non oportet in necem eius qui nullo sit odio dignus. Similiter igitur dicamus, quod conditio furtiva datur in solidum contra furis heredem, perinde ac contra furem ipsum, non fieri odio furis, cum non in eo damnum furis aliquod sit, sed heredis qui porro nullo dignus est odio cum non deliquerit, alioquin etiam furti actione teneri deberet, si facilius succederet in odium, quam in delictum defuncti. Sed ex mera iuris ratione, quia hereditaria actio est, cuius onus in se suscepit heres furis hoc ipso, quo hereditatem illius adiit qui eiusmodi actione tenebatur. Non enim quod descendat actio illa ex delicto facere potest, ut eo minus transeat in heredem, cum neque famosa sit, neque poenalis, sed meram rei persecutionem & quidem sui natura, non ex æquitate & arbitrio iudicis contineat. Aliud enim est dari actionem contra heredem ex dolo defuncti, quod fieri potest tum quoque cum actio meram rei persecutionem continet, eamque ob causam contra heredem etiam in solidum datur, Aliud verò conveniri heredem propter dolum defuncti proximè & immediatè, Quo casu numquam cõvenitur nisi de eo quod peruenit *l. de libertatis 12. §. 1. D. si quis omiff. caus. testam.* de cuius quoque sententia & ratione in sequentibus dicendum aliquid erit.

ERROR QVINTVS.

De Cuiacj interpretatione ad d. l. in conditione 9. D. de condit. furt. & ad l. 7. §. 1. Depos. l. 2. §. ult. De prator. stipul.



Vnde se torquent ut ad Vlpianum respondeant, qui contra nos defendunt conditionem furtivam non dari in solidum contra furis heredem, sed solummodò in quantum locupletior factus sit heres ex dolo & delicto defuncti, Nec mirum. Quid enim aliud possit iis contingere qui tam apertam veritatem, non tantum Vlpiani autoritate, sed etiam iuris ratione subnixam vltro impugnant? In horum numero primus ac præcipue autoritatis Iacobus Cuiacius est qui ausus scribere ad Papinianum in *l. 5. D. rer. amos.* certo certius esse, quod falso falsius est, heredem furis non nisi ex sua persona & ex propria contrectatione teneri conditione furtiva vltra quam ad eum pervenerit. Cum initio professus esset ingenue ut decebat, nihil se habere quod ad Vlpianum respondere posset, Attamen postea tandem quasi seipso doctior factus tres responsiones attulit. Primam illam, intelligendum esse Vlpianum si lis contestata sit cum defuncto *Ex l. 2. in fi. D. de prator. stipul.* ex qua intelligi etiam vult quod idem Vlpianus scribit in *l. si hominem 7. §. 1. D. depos.* Ex dolo defuncti depositarij dari actionem depositi in solidum contra heredem, Alteram, Si res sit iudicata contra defunctum ex causa conditionis furtivæ, Tertiam si heres ipse furis rem furtivam contrectaverit, ut ex propria sua persona teneatur cõditione, atque ita in solidum, ac si primus ille fur esset, Quas interpretationes omnes etsi vno verbo refellere non esset difficile, quod prorsus commentitiæ sint, cum apud Vlpianum nulla penitus mentio fiat neque litis contestatæ, neque rei iudicatæ, nec denique contrectationis per heredem factæ, operæ tamen præciù eæ singulas propriis rationibus confu-

confutare. Ac primam quidem, quæ Vlpiani sententiam generalem restrin-
git ad eum casum quolis cum defuncto contestata sit, Quia si Vlpianum ita
sensisse volumus, fateamur necesse est nullam eum differentiam hac parte inter
conditionem furtivam & actionem furti agnovisse: Cùm vel ipso fatente
Cuiacio [quis verò negaret?] etiam pœnales & famosæ actiones transeant in
heredem post litem contestatam *l. omnes pœnales 26. l. constitutionibus 33. l. sci-
endum est 58. D. de oblig. & action. l. pœnales 26. 4. de regul. iur. & alius sexcentis*, Et ta-
men negari non potest quin primis illis Vlpiani verbis *in conditione ex causa
furtiva* significetur tale ius in conditione furtiva obtinere, quale in actioni-
bus famosis & pœnalibus certè non obtineret. Et verò quonam obsecro colo-
re idem iuris constituatur in ea actione quæ nullomodo sit famosa nec pœna-
lis, quod constituendum esset si vel pœnam vel infamiam irrogaret? Aut quo-
modo eiusdem Vlpiani ratiocinationem explicabimus cùm scribit ille *in l. si pro
furo 7. §. 1. ill. iur.* Conditionem rei furtivæ, quia rei habet persecutionem here-
dem quoque furis obligare, si ad eundem modum tenetur heres ex conditio-
ne furtiva, ad quem ex pœnali qualibet actione teneretur? Quod verò addit vir
doctissimus, Similiter interpretandum esse quod idem Vlpianus scribit *in l. si
hominem 7. §. 1. D. de pos.* Heredem depositarij teneri in solidum ex dolo defun-
cti, Vt scilicet ita verum illud sit, si lis cum depositario fuerit contestata, mul-
tò evidentius improbable absurdumque est, cùm eam suæ sententiæ ratio-
nem Vlpianus ibidem adferat, quòd quamquam aliàs ex dolo defuncti non so-
lemus teneri, nisi pro ea parte quæ ad nos pervenit, tamen hic dolus ex contra-
ctu rei quæ persecutione descendit, Idèoque in solidum inquit, vnus heres tene-
tur, plures verò pro ea parte pro qua heres quisque est. Quid enim aliud face-
re potest contestatio, nisi vt exinde videatur in contractum transire & ex con-
tractu descendere actio quæ antea tota erat ex delicto? *l. 3. idem scribit D. de pe-
cul. l. eam ex contractibus 57. D. de iudic.* Nam & inde est quod etiam pœnales
& famosæ actiones, vt modò dicebamus, lite contestata transeunt in here-
dem, tanquam quæ à die litis contestatæ non tam ex delicto, quàm ex nouo
contractu descendere videantur. Atqui ponimus iam fuisse defunctum ex
contractu depositi obligatum. Nihil ergo potest addere contestatio, vt eo
magis depositarij heres ex defuncti dolo in solidum teneatur. Tam enim for-
tis est obligatio & actio quæ ex vno contractu nascitur, ad hoc vt in here-
dem transire possit in solidum, quàm quæ ex pluribus, si tamen fieri potest
vt ex pluribus, præsertim variz speciei contractibus vna tantum eadèque
numero actio nascatur. Imò si verum amamus, longè plus potest contractus
depositi, aliùsve quilibet ad producendam actionem quæ sit transitoria in he-
redem, quàm litis contestatio, quæ non tam contractus veri, quàm quasi
contractus iure censenda est. Id enim est quod interpretes & pragmatici
vulgo iactitant, in iudiciis quasi contrahi, quamvis Vlpianus *in dist. 5. idem
scribit*, sic loquatur, vt dicat, Sicut in stipulatione contrahitur, ita & iudicio
contrahi. Quis autem putet, quasi contractum plus posse hac parte quàm
contractum verum? Igitur quod Vlpianus noster scripsit tam *in dist. 1. in con-
ditione 9. D. de condition. furt.* quàm *in dist. 1. 7. §. 1. de posui*, omnino sic ac-
cipiendum est, etiamsi cum defuncto lis contestata non fuerit. Neque verò
quicquam est *in l. 2. §. ultim. de prator. stipulat.* quo moveri Cuiacius debuerit
vt contrariam interpretationem sequeretur, Ibi enim tractat Paulus de stipu-
lationibus prætorjis, quæ incertam quantitatem continent, qualis est stipula-

tio Iudicatum solui, Rem ratam haberi, & Damni infecti & his similes, In quibus, inquit, respondetur scindi eas in personas heredum promissoris, Non quidem summo iure, quia iuris ratio suaderet potius vi ex persona heredum promissoris non posset descendens à defuncto stipulatio diuersam cuiusque conditione facere l. 2. §. ex his. D. de verb. oblig. cum stipulatoris inter sit in solidum, Sed ex æquitate prætoria ex qua omnes prætoriarum stipulationes æstimandæ sunt *in prætorio 9. ad tit. de prætor. stipulat.* quod parum videatur interesse stipulatoris, dummodo quicquid sua interest, à promissoris heredibus consequatur, quod cum in pecunia consistat, recipit commodā diuisionē, Sicut & cæteræ obligationes merè ciuiles quæ diuidi commodè possunt, diuiduntur inter heredes debitoris pro hereditariis portionibus l. heredes 25. §. an ea stipulatio D. famul. er. eis. l. 1. C. si ueri. per. l. 2. & pass. C. de hered. act. l. 1. & 2. C. si unus ex plurib. hered. debet. At in contrarium, inquit Paulus, summaratione fit non tantum, vi superiore casu, ex æquitate, ut uno ex heredibus stipulatoris vincente, in partem eius solam committatur stipulatio. Id enim faciunt verba ipsa stipulationis *Quāntum est* quæ in stipulationibus prætoriiis pro eo quod interest accipiuntur. Pluribus autē non potest interesse unus ex heredibus stipulatoris quā pro qua parte heres est. Tum subiicit Paulus ex Iuliano, Sed si unus ex heredibus promissoris totam rem possideat, cuius nomine stipulatio interposita fuerat à defuncto in solidum cum damnandum esse, Scilicet non quasi heredem promissoris, neque ex interposita stipulatione, sed tanquam possessorē. Ideo namq; subiungitur illa quæstio, In quantum ex stipulatione tam ipse heres qui totū possidet, quā fideiussores eius, an omnino non teneantur. Sic enim lego addita negatione quæ prætermissa fuit per inscitiam librarij non repetentis ex præcedente dictione *omnino* duas posteriores literas, quæ repeti superaddita linea debuerūt in hunc uerbum *omnino non*. Nam quod quidam putant legendum esse *an ex parte an omnino* additis tam multis non modo literis & syllabis, sed etiam dictionibus, præterquam quod hoc ipso longè minus probabile est, insulsum planè faciunt Paulum qui in duas partes scissa quæstione, ad neutram tamen earum responderit. Si enim sic erat concepta quæstio, an ex parte, an omnino teneatur promissoris heres, idēque solus possessor, & eius fideiussores ex stipulatione interposita cum defuncto. Alterutrum sanè respondendum erat, Vel ex parte vel omnino eos teneri. At contrā respondet Paulus omnino non teneri, id est nullo modo, ac ne quidem ex parte, cum ait videndum esse ne non committatur stipulatio. Fuerat igitur hoc ipsum positum in quæstione, An ex parte, an omnino non tenerentur, Et prior quidem pars quæstionis expressa iis verbis *in quantum* quæ & eleganter & concisè non illud tantum significat quod significarent illa *an ex parte*, sed hoc etiam *pro qua parte*, quæ alia persæpe quæstio est, ut in l. 3. §. heres D. commod. l. si plures 9. D. unde vi. Cur verd negat Paulus committi stipulationem, ita ut non solum fideiussores stipulationis prætoriarum non teneantur, sed neque heres ipse promissoris, tamen si in solidum ille sit condemnandus? Ratio est, quia condemnatur ut dixi tanquam possessor, perindeque condemnandus esset etiam si nulla stipulatio interposita proponeretur. In quo tamen dubitatio illa occurrit, quod stipulationes Ratam rem haberi & Damni infecti non modò prætoriarum sunt, sed ex earum prætoriarum numero, quæ cautionales appellatur, Quarum propria natura & condicio illa est, quod actionem priorem nouant, cuiusque naturam induunt & vicem repræsentant, ut pluribus ostendimus lib. 3. C. de l. c. 1. ex l. 1. §. cautionales. D. de prætor. stipulat. Quæ-

nam enim actio alia quàm ex stipulatione potest superesse, ex qua sequatur condemnatio post factam nouationem? Sed respondendum est, Tum quoque cum per stipulationem nouatio sit, numquam tamen aliter fieri nouationem, quàm si stipulatio committatur *l. si Stichum 8. §. si quis ita l. quous 14. D. de nouat.* Et consequenter quamdiu commissa stipulatio non est, tandiu quoque nec factam nouationem intelligi, & pristinam actionem durare, vt ex ea perinde possit sequi condemnatio ac si nulla stipulatio interposita esset. Quamquam dici etiam potest supradicta Pauli verba ad stipulationem Iudicatum solui quæ cautionalis non est, nec iudicati actionem nouat *dist. l. si Stichum §. idem Celsus*, non ad alias stipulationes De rato & de damno infecto referenda esse, Cum neque ex causa damni infecti possessor conueniri possit, si nulla stipulatio intercesserit neque soleat cauere de rato is qui possidet, sed vel is qui agit, vel qui possessorem defendit, Quæ omnia diuersa sunt in stipulatione Iudicatum solui: quàm constat aduersus reum eundemque possessorem interponi solere, licet etiam pro actione in personam locum habeat *l. si petitor 8. & l. cum quærebatur 13. in fin. principy & pass. D. rat. rem habet.* Sequitur apud Paulum *sed si lise contestata possessor decesserit, vnum ex heredibus non maiore ex parte damnandum licet totum fundum possideat quàm ex qua heres est.* Hic verò versiculus est quo abutitur vir doctissimus, vt probet id quod scriptum est in *dist. l. in condicione & in d. l. si hominem §. 1. de pos.* heredem furis vel depositarij teneri in solidum, sic accipi debere si lis cum defuncto contestata sit. Parum hercle subtiliter. Non enim Paulus requirit contestationem cum defuncto factam esse vt promissoris heres qui solus sit in solidum conueniatur: qui tamen casus est, quem nos in furis, & depositarij herede tractamus, Sed ad hoc vt qui pro tantum heres est, non nisi pro ea parte conueniri ex stipulatione possit, quamvis solus totum fundum possideat, qui tamen si lis cum defuncto contestata non fuisset in solidum quasi possessor teneretur, non ex stipulatione sed directa rei vindicatione, quæ verò domino contra possessorem quemlibet rectè competit *l. si possessor 55. D. de rei vindic.* vbi malè vulgo legitur *qui in solidum* pro eo quod legendum est *quin in solidum*. Simili errore illi quem proximè obseruauimus in *d. l. 2. §. ult. De prator. stipulat.* cum ex librarij Florētini more scriptum esset *quis N* pro *quin in*. Itaque apud Paulum in *d. §. ult.* litis contestatio cum defuncto facta, non quo magis sed quominus heres teneatur, efficit, Cum tamen velit Cuiacius è contrario facere illam, vt furis vel depositarij heres ex dolo & delicto defuncti teneatur in solidum, qui alioquin ex ipsius sententia non teneretur nisi de eo quod ad ipsum peruenisset. Voluit enim Paulus postremo illo versiculo *d. §. ult.* subicere exceptionem ad id quod paulò antè dixerat, Si vnus ex heredibus promissoris totam rem possideat, condemnandum eum esse in solidum, tamen si non sit heres nisi pro parte: Vt scilicet ita demum id obtineat si defunctus idemque possessor eum quo in rem agebatur, decesserit ante litem contestatam pluribus relictis heredibus, non etià si post iudiciū acceptū. Ergo litis contestatio facit vt non tamen noceat vni ex heredibus promissoris, eiusdemque possessoris, quod totum fundum possideat, quàm prodesse ipsi debet quod non nisi p. parte heres sit, vt non in solidum tamen possessor sed pro parte hereditaria tanquàm vnus ex heredibus teneatur, Nec tam quasi heres promissoris quatenus promissor, quàm quasi heres possessoris quatenus possessor fuit: Causa nimirum possessionis quæ vindicationi instituendæ locū dederat contra possessorem, in causam obligationis & quasi contractus transfusa per contestationem, quæ semel cum defuncto facta, iterum cum herede ipsius

siue vnus sit, siue plures, facienda non est, ne actum agi, atque ita vel priore vel posteriore iudicio nihil actum esse videatur: Quæ vera rectèque decidendi ratio est ad Paulum in *dist. 9. ultim.* Nihil igitur locus ille Pauli pro Cuiacio facit, Nec si, quod magis est, probare quis ex eo velit, Plures furis heredes non teneri singulos nisi pro hereditariis portionibus defuncto fure post litem contestatam. Nam & tunc quoque cum vnus ex pluribus furis heredibus solidam rem furtiuam possidet, non eo magis fit vt conditione furtiua in solidum conueniri possit, quia licet ea actio ipsorum corporum conditio sit, non æstimationis *li. iure furtiua 8. D. de condit. furt.* siquidem corpora ipsa furto subtracta sunt, non eorum æstimatio, Attamen competit aduersus furem, nec minus aduersus heredes eius etiam si non possideant *dist. l. si pro fure 7. §. 1. eod. v. §. ultim. Inst. de oblig. qua ex malefic. nascunt.* In eoque commodius plerumque domino est agere contra furem, furisve heredem conditione furtiua, quam rei vindicationes, quæ numquam datur nisi contra possidentem *l. i. qui de iur. iur. 24. l. qui petitor 36. D. de rei vindic.* Proinde frustra est querere an vnus ex furis heredibus totam rem furtiuam possideat necne, ad hoc vt sciatur an in solidum an pro parte conueniri possit. Nullo enim casu fieri potest, vt qui pro parte tantum heres furis est conueniatur in solidum, nec magis cum totam rem furtiuam possidet, quam si nihil penitus ex ea possideret, Rursusque non magis defuncto ante litem contestatam fure, quam si post contestationem decessisset. Tantum abest vt necesse sit litem cum defuncto contestatam fuisse, vt qui solus furis heres est conditione furtiua in solidum teneatur: Aut vt verum sit, quod vult Cuiacius non dari conditionem furtiuam in heredem furis nisi de eo quod ad ipsum peruenit. Nam si ita esset, consequens fieret, vt qui ex triente tantum heres esset, si ad eum dimidia pars rei furtiue peruenisset, non pro tertia, sed pro dimidia parte conueniri deberet, vt in *d. l. si plures 9. D. unde vi. l. ult. C. rer. amot.* Cum tamen pro parte heres non nisi pro parte hereditaria omnimodo teneatur, id est siue totum, siue supra partem hereditariam, siue nihil ad eum peruenit. Sic enim accipiendum est quod scribit Vlp. in postremis verbis *d. l. in conditione.* Porro quæ ratio iuris facit vt pro parte heres furis, nec nisi pro parte illa hereditaria, nec in quid minus vnquam teneatur, Eadem quoque efficit, vt qui furis heres est in solidum, etiam in solidum furtiua conditione omni casu obligetur siue rem furtiuam totam possideat, siue ex ea nihil, & siue ante, siue post litem contestatam fur decesserit. Dissimilis heredum depositarij ratio est. Est enim actio depositi tanquam descendens ex contractu, contra heredem depositarij etiam ex dolo defuncti competit in solidum, Contra plures verò & singulos heredes pro hereditariis portionibus *d. l. si hominem 7. §. 1. D. de posu.* Si tamen vnus ex pluribus illis heredibus totam rem depositam possideat, nec restituat, certum est condemnari eum in solidum debere, Non tam summo iure, & ex causa obligationis hereditariæ quæ per legem duodecim tabularum inter omnes coheredes, vt supra diximus, pro hereditariis portionibus diuiditur, quam ex æquitate iudicij quod bonæ fidei est. Exemplo eius quod de actione commodati Vlpianus scribit in *d. l. 3. §. heres eius D. commod.* Heredem quidem eius qui commodatum accepit pro ea diuataxat parte ex qua heres est conueniri, Sed si fortè habeat totius rei restituendæ facultatem nec restituat, tunc eum condemnari in solidum oportere, Quasi, inquit, hoc bonis iudicij arbitrio conueniat. Iisdem namque iuris regulis hac in re depositi & commodati actiones continentur *li. §. vlt. l. qui re sua 15. D. de posu.* quoniam utriusque iudicium bonæ fidei est, & ad rei restitutionem habendam

pertinet:

pertinet. Eadem igitur exceptio ad supradictam conclusionem adhibenda est, quæ adhibetur à Paulo in *d. l. 2. §. ult. De prætor. stipulas.* Nisi lis cum defuncto fuerit contestata, Vt eo casu si ex pluribus depositarij heredibus vnus rem depositam solus possideat, non eo magis in solidum conueniri possit, sed pro ea tantum parte pro qua heres est, Quasi ex noua obligatione teneatur, nec tam ex contractu qui bonæ fidei fuit, quàm ex litis contestatione, quæ stipulationi proprius accedit, ideòq; stricti contractus vicem obtinet *d. l. 3. §. idem scribit De pecul. l. delegare 11. §. 1. D. de nominat.* Nec aliud in pluribus commodatarij heredibus obtinere credendum est, vt eodem modo & sub eadem exceptione intelligatur, quod scriptum est in *d. l. 3. §. heres D. commod.*

ERROR SEXTVS.

*De sententia & ratione l. in depositi 9. l. si duo 22. & l. 1. §. si apud duos
D. de pos. l. cum ex causa 139. De verb. oblig.*

Ec ita si depositarij vel cōmodatarij heredes ex defuncti factio doloque conueniantur, non etiam si ex proprio. Nam cūm ex rei depositæ vel commodatæ interuersione dolo malo facta furtum committatur *§. furtum autem fit, Insti. de oblig. quæ ex malefic. nascunt.* & idcirco furtiua etiam conditione obligetur quisquis rei depositæ restitutionem facere dolo malo recusat *l. si quis inficiatur 13. §. 1. D. de pos.* Consequens est vt tum quoque cūm depositi agitur contra vnū ex heredibus depositarij ob proprium ipsius heredis non ob defuncti dolum, teneri debeat ille in solidū non pro parte, quia æstimatio referatur ad dolum, quem in solidū coheres ipse admisit, Ita vt aduersus coheredes eius si dolo careant, actio depositi minimè cōpetat, quæ admodū ex Paulo & Iuliano scriptū est in *l. in depositi 9. & seq. eod. tit.* Proinde si heredes omnes dolo fecerint, dicendū est singulos nō pro hereditariis portionibus, sed in solidū conueniri & condemnari debere, Alioqui dicendū esset, Nihil interesse an ex defuncti an ex proprio dolo tenerentur, quod absurdū esset *d. l. si hominū 7. §. 1. l. de eo 18. eod.* Qua de causa, mihi semper valde suspectū visum est quod ex Marcello scriptum video in *l. si duo 22. eod.* Si duo heredes rem apud defunctū depositā dolo interuenterint, quodam vtique casu in partem tantū eos teneri. Nam imò verò sciendum est nullo casu posse in partes teneri eos qui ex proprio dolo conueniuntur, cūm dolum eorū indiuisus sit, licet ea res in qua dolum admissus est cōmodat diuisionē recipiat. Itaq; si diuiserint decē quæ apud defunctū deposita fuerant, & quina singuli abstulerint, quantum vtroq; soluendo sit, non eo minùs in solidū singuli tenebuntur, quia singuli dolo malo in solidū fecerunt licet res deposita nō nisi pro parte ad singulos peruenerit. Dolus enim eo modo vindicandus est quo admissus fuit, Ergo in solidum, non pro parte. Et tamen contrā responsū est à Marcello si Triboniano credimus in *d. l. si duo*, Et mala quidem fallæque ratione, *Nec enim*, inquit, *amplius actoris interest.* Imò, inquam, interest actoris vt in solidū vindicetur dolum, ne in plures aduersarios, distringatur qui & cū vno contraxerit *l. & ancillarum 27. §. ult. D. de pecul.* Et ab vno dolum in solidum passus sit. Item quia partis solutio, magna habet incommoda *l. 3. D. famil. ereise.* nec fauore vllō dignus est is qui dolum in solidum admisit, vt ei ob personā coheredis qui soluendo est, per condensationis diuisionem

subueniatur *l. penult. in fin. D. ad leg. Falcid.* Non magis quàm si coheres vel soluendo non esset, vel dolum malum non admisisset, Quibus casibus nemo negaret in alium coheredem qui & dolo fecisset, & soluendo esset, depositi actione in solidum dandam esse, *l. nec aduersus 10. D. de pos. & d. l. si duo*, in illis verbis & uterque soluendo est à contr. sens. Quid enim referre potest ad faciendam meliorem condicionem doli coheredis, qui soluendo est, quod coheredem habeat æquè dolo sum, & æquè soluendo? An fortè dolo vnus per concurrentem alterius dolum minuitur? aut eo minùs puniendus est, quod alterius quoque dolo perinde sit puniendus? Nam etsi apud duos sit res deposita, & uterque dolo fecerit, constat aduersus vnumquemque eorum in solidum agi posse, Aded vt nec liberetur alter ob id solùm quòd cum altero actum sit, quia non electione sed solutione liberantur, inquit Vlpianus in *l. 1. §. si apud duos 43. cod. tit.* vbi addit, Proinde si ambo dolo fecerint, ita demùm non conueniendum esse alterum si alter conuentus præstitit solidum, quod intererat actoris, Exemplo duorum tutorum, in quibus ita ius est, vt ex communi dolo non solùm possit vnus in solidum conueniri, sed etiam hoc addito, vt neque mandanda sint ei actiones aduersus contutorem, neque danda utilis, quia proprii delicti poenam subit: Quæ res indignum cum facit & beneficio diuisionis & vt à contutore licet doli particeps quicquam cõsequatur, Nec enim societas vlla maleficiorum, vel communicatio iusta damni ex maleficio est, vt eleganter idem Vlpianus tractat in *l. 1. §. plane si ex dolo D. de tutel. & rat. distr. & in l. si ex duobus 15. cod. tit.* vbi ait, Si ex duobus tutoribus cum altero quis transgesset, quamvis ob dolum communem, transactionem tamen nil prodesse alteri, Nec immeritò, inquit, cum vnusquisque doli sui poenam sufficit. Quamquam si conuentus alter præstitisset, proficeret id quod præstitisset ei qui conuentus non esset. Licet enim, inquit, doli ambo rei sint, tamen sufficit vnum satisfacere. Et addit vt in duobus quibus res commodata est, vel deposita, quibusque mandatum est. Quòd si ea vis & potestas est communis doli, vt is quoque qui ab initio cum pluribus contraxit, contra singulos tamen in solidum agere possit, licet omnes soluendo sint [quævis in tutoribus qui ex sola negligentia ob non administratam tutelam conueniuntur, aliud sit, *l. si plures 38. D. de admn. tutor.*] Quanto magis idem obtinere debet aduersus depositarij vnus heredes plures qui & omnes & singuli dolo malo fecerint? Nam præter supradictam rationem, quæ ex proprio cuiusque dolo puniendò sumitur, illa etiam heredibus nocet, quòd obligatio defuncti quæ vnica & indiuidua fuit, actioque ex ea in solidum competitura cõtra defunctum, si quid ipse dolo malo fecisset, non debeat ex personis heredum diuersam cuiusque conditionem facere *d. l. 2. §. ex his. De verb. oblig. d. l. 2. §. ult. De prætor. stipulat.* Neque sanè ratio vnquam vlla est conueniendi heredes pro hereditariis portionibus, atque ita diuidi contra eos actionem quæ in solidum aduersus defunctum competebar, nisi cum ex causa hereditaria conueniuntur, id est, quomodo loquitur Paulus in *l. sine à certis 17. D. de duob. reis*, cum hereditas eos obligat, quæ ipsa per legem duodecim tabularum inter coheredes diuiditur *l. 1. C. si cert. pet. l. 1. §. 2. C. si vnus ex plurib. hered. debu.* Atqui cum ex proprio dolo conueniuntur, non obligat eos hereditas, sed proprius dolo, nec tãquam heredes, sed proprio nomine, ac tanquam doli conueniuntur. Non ergo pro hereditariis partibus aut conueniendi aut condemnandi sunt, sed in solidum. At multò absurdius illud est quod subiicitur ex Marcello in *d. l. si duo*. Si depositam lancem duo illi heredes confluxerint, aut ab alio confluxi passi sint alia, e. quæ species

species dolo eorum interuersa fuerit, in solidum quidem conveniri eos posse, ac si seruandam ipsi suscepissent, cum verum sit & in solidum quemque dolo fecisse, & nisi pro solido restitui rem non posse, sed tamen non absurdè sensurum eum, qui hoc putauerit. Planè id est omnino liberari non posse eum cum quo actum est, nisi integræ rei restitutione, sed nihilominus condemnandum, pro ea tantum parte pro qua heres exitit si res non restituatur. Hæc enim illius loci sententia est, Malè percepta sanè ab iis qui vulgatam lectionem secuti addito puncto post verbum *putauerit*, nouam sententiam inchoant à verbo *Planè* nulum satis perfectum sensum habituram destituto illo infinitiuo *posse* & sequenti participio futuri temporis *condemnandum tamen*, nec habente verbum à quo regitur. Quemadmodum & in versic. præcedente, *Nec tamen absurdè sentiet qui hoc putauerit* adseruatiua *tamen* nullum satis bonum sensum habet & potest si totus ille versiculus ad superioris sententiæ confirmationem adhibitus sit, non vt ei aduersetur. Poriusque debuerat Marcellus scribere *nec cerè, quàm nec tamen*: Maxime si vulgatam lectionem sequare in eo quoque quod habet *qui hoc putauerit* non quomodo Florentina *qui hoc* quod cerè multò rectius est. Referatur enim ad id quod mox sequitur & concluditur ab illis verbis *planè nisi* vsque ad finem legis, vnica constructione, ac si scriptum esset apertius, *nec tamen absurdè sentiet qui putauerit, non posse planè liberari eum cum quo actum est, nisi integræ rei restitutione* sed tamen si res non restituatur condemnandum pro qua parte heres exitit. Et verò etiam si deessent alia inuestigandi veri argumeta quæ ex Principiis iuris semper petenda sunt, vel vno hoc iudicio possemus assequi, vt non Marcelli qui terribilissimus fuit, & politissimus, sed Tribonianus manum & eloquentiam hac parte agnosceremus. Nam vti tota lex Triboniano adscribenda sit, non dubito, cum non possit adscribi Marcello quin is manifestissimè in seipsum iurisque imperitiæ arguatur. Quid enim absurdius quàm distinguere, an res deposita diuisibilis fuerit, an indiuisibilis, vt sciatur an singuli heredes in solidum teneri debeant, an pro partibus tantum hereditariis, cum per dolum communem & indiuisibilem singuli rem depositam in solidum contrectarunt interuertendæ possessionis gratia, id est animo furandi? Nam quod Accursius à Triboniano deceptus adfert huius distinctionis probandæ gratia ex Paulo in *l. in depositis* 9. eod. & ex Tryphonino in *l. tres tutores* 55. vers. *planè si pecunia*. De administratore. Omnino ad rem non pertinet, Etenim Paulus in *d. l. in depositis*, generaliter & indistinctè scribit, quod nos defendimus, Multum Interesse an aduersus vnum ex pluribus depositarij heredibus agatur depositi ex facto defuncti, An verò ex suo delicto, vt priore casu teneatur ille pro parte hereditaria, Posteriori autem in solidum quia æstimatio referenda sit ad dolum quem in solidum ipse heres admisit. Quamquam ibidem Accursius erroris sui memor, verba illa *pro parte non ago* misere destruit, notando *scilicet in solidum*, cum notare potius debuisset *sed in solidum*, Siquidem necesse est vt quisquis agit si pro parte non agat, in solidum agere debeat. Quod & subiecta illa ratio demonstrat *merito quia æstimatio refertur ad dolum quem in solidum ipse heres admisit*. Tryphoninus verò in *d. l. tres tutores*, negat quidem teneri in solidum tutores singulos inter quos numerata pecunia pupilli distributa fuit, sed iam tantum summam quam eorum quisque acceperit, At non loquitur de tutoribus qui pupillaris pecuniæ intercipiendæ gratia eam inter se diuiserint, sed qui eo tantum animo vt pecuniam illam pupillarem separatim administra-

rent. Nam de tutoribus qui rem pupillarem furati sint subinde tractat, neq; dubitat, quin ex ea actione quæ per legem duodecim tabularum aduersus tutorem specialiter in simpli proponitur singuli ex dolo communi in solidum teneantur, *d. l. 1. §. plane si ex dolo D. de tutel. & ration. distr.* Sed tantum negat postquam vnus solidum præstiterit nihilominus etiam alios tenerisquamuis in diuersis furibus qui tutores non essent ita contingeret, vt non esset propterea cæteris pecunæ deprecatio quod ea iam ab alio exacta esset. Diuersitatis enim ratio non obscura & perelegans illa est quam idem Tryphoninus adfert, quod tutores licet patrimonij pupillaris intercipiendi animum habeant, verè tamen fures non sunt, quia propter commissam administrationem [sic enim malo, quam vt vulgò *admissam*.] non tam inuito domino contrectare rem videntur, quam perfidè agere. Quæ ratio fuit inducendæ contra eos per legem duodecim tabularum specialis actionis illius quæ *Rationibus distrabendis* appellatur, de qua *in dist. Tit. De tutel. & Rat. distr.* cum furti actio competere non posse videretur. Cæterum in eo similes sunt plures tutores pluribus furibus, pluribusque depositariis communi dolo in re deposita versantibus, quod singuli in solidum & conueniendi sunt & condemnandi. Dissimiles autem furibus, non etiam depositariis in eo quod vno satisfaciente cæteri omnes liberantur *d. l. si ex duobus 15. eod. ill. tit. De tutel. & ration. distr.* Rursum quod additur *in dist. l. si duo, vers. quod silancem*, Possit in solidum conueniri singulos depositarij heredes cum deposita fuit species, quæ ipsorum dolo interueria sit, *ac si ipsi seruandam suscepissent*, Quidni etiam locum habeat deposita pecunia, vel qualibet aliare diuisibili? Etsi enim illa inter hos casus differentia est quam obseruat Accursius, quod qui seruandum depositum susceperunt, ipsi contraxerunt, Non etiam qui ob id solùm conueniuntur, quod depositario successerint heredesque exiuerint. Effectu tamen ipso verum est tam hos quam illos ex contractu teneri: hac sola differentia quod qui contraxerunt tenentur ex proprio contractu, Heredes verò ex contractu defuncti, Quæ differentia facere sanè debet vt non nisi pro partibus teneantur si quemadmodum ex defuncti contractu ita & ex ipsius dolo conueniantur *dist. l. si hominem 7. §. 1. eod. tit.* Sed cum ex proprio dolo conueniuntur, nulla turis aut æquitatis ratio facere potest vt melioris conditionis ob id tantum esse debeant quod non ipsi contraxerint, sed in defuncti contractum successerint quam si illi ipsi contraxissent. Quinimo tantò deterioris quantò facilius est vt in plures partes diuidatur actio ex contractu qui ab initio cum pluribus personis initus fuit, quam vt ob multiplicatas heredum personas scindatur actio nata ex eo contractu qui vnā tantum personam indiuiduo iure & in solidum ab initio tenuit obligatam. Cum ergo in pluribus, qui rem depositam seruandam susceperunt non distinguatur an res illa diuisibilis sit necne si vniuscuiusque fidem in solidum secutus est is, qui deposuit, vt *in l. eandem 9. D. de duobus reis*. Cur distinguemus in pluribus depositarij vnus heredibus? Aut quid verat etiam pecuniam numeratam deponi per modum, vt loquuntur, specieci, vt vnius rei, eiusdemque indiuiduæ iure censeatur, puta si deposita sit in cista vel in sacculo obsignato, vt *in l. 1. §. si cista l. si sacculum 29. eod. tit.* Denique an eo minùs verum est vnumquemque ex heredibus depositarij dolo in solidum fecisse, quod res deposita diuidi possit? Sed & ratio illa quæ sequitur *in d. l. si duo, & nisi pro solidis res non potest restitui*, præter id quod parum eleganter concepta est, an non perinde locum habet siue diuisibilis, siue indiuisibilis sit ea res quæ deposita fuit? Quis.n. dicat depositis centū aureis liberari depositarium pro di-

midia, si paratus sit reddere quinquaginta, nec velit is qui deposuit, accipere? Cur non dicamus cogendum depositarium integra centum reddere, perinde ac si speciem aliquam in depositum accepisset? Nam nec alia ratio est propter quam non liberatur depositarius aut commodatarius qui rem deteriore reddit, nisi quia non integram reddit sed ex parte diminutam l. 3. §. 1. *D. commod. l. 1. §. si res deposita* 16. *D. de pos.* Idque est quod vulgo dicitur contractus omnes individuos esse *l. cum ex causa* 139. *D. de verb. oblig. l. rem hereditariam* 65. *D. de enst. l. si ita stipulatio* 39. §. 1. *de oper. libert.* quia iis satisfaciendum est in totum ut liberatio aliqua vel ex parte possit contingere, Præsertim verò cum obligatus quis est ad faciendum *l. stipulationes non diuiduntur* 72. *D. de verb. obligat.* quomodo sunt obligati omnes illi, qui tenentur ad restituendum, In quo numero sunt depositarius, commodatarius, & similes.

ERROR SEPTIMVS.

Quantum distet inter plures heredes venditoris conuenos de emissione, & plures heredes depositary dolo, Et refutatus Accursius ad d. l. si duo 22. D. de pos.

LIVD verò suprà quàm dici possit, improbable adeoque ineptum est, quod in *d. l. si duo* Tribonianus subiicit non absurdum fore si quis putauerit, Tum quoque cum species aliqua individua deposita est, quæ pro solido præstari non possit, & quam tamen plures vnus depositarij heredes communi dolo malo interuerterint, Non aliter quidè liberari posse eum cū quo depositi actū est quàm si res integra restituator, sed tamen si ea restitutio rei integræ nō fiat, non esse condemnandū illum nisi pro qua parte heredes exitit. Nā præterquàm quòd videntur esse ista, & reuera sunt pugnancia, ut non possit liberari vnus ex heredibus nisi integræ rei restitutione, & tamen ob id non restitutam integram condemnandus tantum sit pro parte, Cū non debeat angustior esse cōdemnatio, quàm actio, nec actio quàm obligatio, Quæro quonam igitur casu fieri vnquam possit ut vnus ex pluribus depositarij heredibus in solidum teneatur, si ne tū quidem tenetor cum dolo malo in solidum admissio interuerit possessione rei depositæ, quæ nisi solida præstari & restitui non possit? Aut quid intererit an res deposita, in qua interuertenda dolo malo admissus fuit diuidua sit an individua, si vtroque casu non nisi pro hereditariis partibus singuli sunt condemnand? Nam si respondeas, Possè in eo esse differentiam quod cum res diuidi potest, in partes singuli tenentur, & cōueniendi sunt, Cū verò diuidi non potest, cōueniri possunt in solidum, licet non condemnari nisi pro parte: Replicabo differentiam hanc fore sine effectū, cū totus actionis effectus in cōdemnatione consistat: quemadmodū & effectus cōdemnationis in exactione. Fecellit Tribonianū quod vidit plerisque casibus ita contingere ut solidum quidem petatur, sed tamen partis solutio adferat liberationem, sicuti in *l. in executione* 85. *vers. in solidum D. de verb. oblig.* vbi exemplum adfertur, cū ex causa euictionis intendimus. Nam auctoris heredes, inquit lex, in solidum denunciandi sunt, omnēq; debent subsistere, & quolibet defugiente omnes tenebuntur, Sed vniciq; pro parte hereditaria præstatio iniungitur. Verū animaduertere Tribonianus debuit lōgè dissimile esse casum illum, de quo in *d. l. si duo*, id est de pluribus heredibus depositarij qui omnes dolo malo in solidum inter-

uerterint rem depositam, quos idcirco nō causa hereditaria, sed proprius dolus reddit obnoxios non minus condemnationi in solidum patiendæ, quā actioni in solidū excipiendæ. Tū verò in causa euictionis aliud petitur, aliud verò præstatur, & soluitur. Petitur enim ut auctoris heredes rem, quæ euincitur defendat *l. si plus 74. §. mota D. de euic.* quod cum facti sit, indiuiduum est: quia nō potest defendi res pro parte cum emptor non fuerit partem empturus *l. minor 47. D. de minor. l. si quis aliam 46. D. de solut. l. 4. §. vlt. in d. l. cum ex causa 139. D. de verb. oblig.* Præstatur verò id quod actoris interest, vel duplū ex stipulatione si res nō defendatur *l. si in venditione 60. euic. re 70. D. de euic.* ut in omnibus faciendi obligationibus *l. si quis ab alio 13. §. 1. D. de re indic.* Id verò cum in pecunia numeraria consistat, recipit commodam diuisionē, quam inter heredes fieri in ipsa etiam cōdemnatione nihil prohibet, cum nullus iis dolus nullāq; culpa impunitari possit. At in depositi actione, sicuti restitutio sola & solida rei depositæ est in petitione, & quidem in solidum, ita & in condemnatione esse debet solida æstimatio rei depositæ faciendæ etiam per iusiurandum in litem, ut contumacia & perfidia condemnati ultra iustum rei precium æstimeretur, *l. 1. §. in depositi & l. ei apud quem 5. D. de pos. l. 1. in actionibus 5. D. de iust. iur.* Ideoque supradiximus esse ista pugnantia quæ tamen quasi comparibilia ponuntur in *d. l. si duo*, ut is ex depositarij heredibus, cum quo solo depositi actum est in solidum, non liberetur, nisi integræ rei restitutione, & tamen non condemnatur, nisi pro sua parte ad rem restituendam. Quid enim si solus ille conueniatur, siue quod cum eligere actor maluerit, siue quod coheres eius nihil dolo fecerit, ut in *l. nec aduersus 10. D. de pos.* Quis aliam partem præstabit? Quam tamen omnino præstandam esse faretur Tribonianus, ut ei qui in solidum & conuentus est & conueniri potuit liberario contingere possit, etiam pro parte ipsius hereditaria. Enimvero non pugnant illa, ut ex pluribus venditoris heredibus singuli conueniantur in solidum ad rem defendendam, Et nihilominus pro sua tantum quisque parte hereditaria euictionem præstare condemnatur. Inid nec secum pugnat qui dixerit, singulos venditoris heredes & in solidum conueniendos ut rem defendant, Et tamen non nisi pro partibus hereditariis etiam ad rem differendam condemnandos: quia cum omnes & singuli in solidum denunciandi sint, & necessario conueniendi, Omnes quoque necessario condemnandi sunt, & quidem in solidam euictionis quantitatem ut actori in solidum satisfiat. Sed non ideo singuli in solidum condemnandi. Tam enim satisfiat actori omnibus in hereditarias portiones condemnatis, quā si singuli in solidum condemnarentur, cum æquē illo casu actor totum consequatur. Itaque solidum non à singulis sed ab omnibus & singulis petitur, non ut singuli in solidum rem defendere cogantur [alioqui sufficeret quosdam ex heredibus in solidum conueniri, ut euenit pluribus factis reis promittendi *l. 2. l. 3. §. 1. D. de duob. re* quod tamen non ita est] sed ut intelligant & posse se liberari si res in solidum defendatur ab omnibus simul, licet non à singulis nisi pro parte hereditaria. Er è contrario non posse se liberari ne quidem pro parte, nisi vel omnes in re solida defendenda consentiant, vel vno defugiente alius qui liberari vult, in solidum rem defendat. Deuique defensio rei venditæ indiuidua est ex persona actoris, cui solida indemnitas debetur, Sed non ex parte heredum venditoris, qui eam indemnitatem omnes quidem debent simul in solidum, sed non singuli separatim, quia obligatio hereditaria est, ideoque inter heredes pro hereditariis portionibus diuidenda, dum ne ex ea diuisione præiudicium vllum actori fiat quod

quod sanè nullum sit cùm rei defendendæ necessitas per condemnationem omnibus pro hereditaria cuique portione iniungitur, si modò omnibus iniungatur, ut hoc ipso in solidum iniunctam eam esse appareat. Quæ omnia in pluribus depositarij heredibus diuersa sunt. Neque enim omnes necessariò conueniendi sunt, nec si omnes dolo fecerint, sed est in potestate actoris quem ex pluribus dolosis conuenire velit, Aut si vnus tantùm dolo fecerit alius conueniri nullomodo potest. *d. l. 1. §. si apud duos d. l. in depositi 9. & seq. D. de pos.* quia non hereditaria est obligatio quæ per legem duodecim tabularum simul cum hereditate diuidi poterit, sed ex heredum dolo sine proprio, siue communi nata post constitutas à lege diuisasque portiones hereditarias. Proinde admiendum est in ea specie singulos heredes in solidum & conueniri posse & condemnari debere, tùm quoque cùm omnes simul conueniuntur, puta quòd omnes dolum admiserint, & contra omnes & singulos in solidum agere malit actor, quàm vnum ex pluribus eligere. Alioqui dolo in solidum admissus ab eo qui in solidum conuentus esset, non in solidum vindicaretur, possitque facile actoris damno res cedere, si fortè non omnes heredes dolum participasse probarentur. Cùm ex vnus dolo alterum conueniri non posse certum sit. Itaque si ratiocinatio bona est, qua Venuleius vtitur in *d. l. cum ex causâ*, cùm ait, Ideò vnique ex heredibus venditoris præstationem pro hereditaria parte incumbere, quod vno ex his defugiente omnes defugisse videantur, & ideo omnes teneantur, Consequens est Marcellum in *d. l. si duo*, sic in contrarium argumentari debuisse, ut si plures vnus depositarij heredes dolo fecerint in re deposita interuertèda, possit vnusquisque ex his in solidum & conueniri & condemnari, nõ autem pro hereditaria tantùm portione, quia ex vnus dolo cæteri non tenentur, nec proinde vnique pro parte hereditaria, præstatio & condemnatio interrogari potest, Quod cùm nemo sit, qui nõ cogatur fateri eo saltem casu, quo vnus tantùm ex depositarij heredibus dolum admiserit, *Ex d. L. nec aduersus 10. Depos.* Planè nõ video cur aliud dicendũ quis putet illo etiam casu quo heredes omnes dolo fecerint. Quasi verò ob id minùs in dolo sit vnus, quòd alius quoque in dolo sit. Ita namque foret ut alienus dolo in alienis atque dolosis præmium verteretur: quod absurdum esse ait Vlpian. in *litem si cum 14. §. aliquando in fin. D. quod met. caus.* Neque verò Tribonianus in *d. l. si duo*, negat vnumquemque ex heredibus depositarij dolo in solidum fecisse, imò adfirmat negari hoc non posse, illis verbis, *nam certè verum est in solidum quemque dolo fecisse*. Præsertim deposita re indiuidua, ut lance *l. 2. §. 1. D. de verb. obis.* Quinquã non eo minùs indiuisa est natura depositi quòd res deposita diuidua sit, ut suprà diximus cùm hanc Triboniani, & Accursij distinctionem relatuimus. Denique cùm nec Tribonianus ipse neget, eo saltem casu quo res indiuidua deposita sit penes defunctum, & ab ipsius heredibus dolo malo in solidum interuerfa perinde habendos depositarij heredes ac si rem illam ipsi ab initio seruandam accepissent. An non apertè falsum est quod tandem concludit, Non esse tamen condemnandum eum quo cum solo actum est, nisi pro qua parte heres extitit? Nam & in duobus depositariis qui correi debendi ex causa depositi facti essent, lulum id esset *d. l. 1. §. si apud duos D. de pos. l. eandem rem 9. D. de duob. reis.* Et si non ignoro Accursium in *d. §. si apud duos*, in ea esse hæresi, ut putet, Etiani plures depositarios teneri tantùm in viriles nisi contrà expressè actum sit, ut in solidum teneantur. Quod apertè pugnat cum dict. *§. si apud duos, & dict. l. eandem*, adeoque cur dict. lege *§. si duo*, in illo loco, *in solidum conueniri poterunt*

ac si ipsi seruandam suscepissent. Etenim quod Accursius respondet esse id casus² le, id est speciale in casu illius legis propterea quod res deposita interuersa dolo malo fuisset, omnino ad rem non pertinet, quia quod lex ponit interuersam rem depositam communi dolo malo heredum depositarij, facit quidem ut quamuis conueniantur actione depositi hereditaria, perinde tamen teneri & condemnari debeant, ac si rem seruandam illi ipsi proprio contractu suscepissent, id est in solidum qui non nisi pro parte quisque hereditaria conueniri possent si ex contractu doloque defuncti vgerentur: Sed non facit ut qui rem depositam ipsi susceperunt in solidum singuli teneantur, quoniam sufficit in eam rem natura depositi & qualitas obligationis, quæ individua est, nisi conuenerit ut in viriles singuli teneantur. Nec dolus alterutrius depositarij, multominus vtriusque necessarius est ut in solidum agi possit depositi, sed ad hoc tantum ut depositi agi possit, in quam actionem solus venit dolus, siue illius cum quo agitur, siue defuncti à quo ipse causam habeat: Proinde sufficit vel vnum fecisse dolo, ad hoc ut non modo actione depositi, sed etiam in solidum teneatur, Ne si non condemnatur nisi pro parte is qui solus condemnari potest, maneat in damno is qui deposuit, qui pro alia parte actionem habiturus sit contra neminem *d. §. si apud duos.* Quod verò idem Accursius pro ratione adfert, Illo quoque casu quo heredes illius qui depositum acceperat, siue omnes, siue non omnes dolum admiserint primæuā tamen, & ut ipse loquitur, primordiale causam inspiciendam esse quæ descendit ex contractu defuncti, parum subtile est. Non enim qui dolum admiserunt idem conueniuntur depositi, quod sint heredes depositarij, sed quod in re deposita male ac dolo malo versati fuerint, quippe qui etiam si heredes essent, nullatenus tamen tenerentur, si dolum nullum admisissent. Itaque tenentur immediate ex proprio dolo, licet per occasionem hereditatis, quæ si à depositario ad eos deuoluta non fuisset, dolum ipsi admittere in re deposita minime potuissent: ob idque indigni certè sunt quibus ex æquitate succurratur, cum deliquerint *l. i. §. plane si ex dolo l. si ex duobus 15. D. de iur. & rat. distr. l. penult. D. ad SC. Trebell.* Nec ferendum est quod addit idem Accursius, Esse illos leuius puniendos si ob proprium illum dolum actione depositi conueniantur, quam si furtiua condictione, ex qua non dubitat ille quin possint heredes singuli in solidum conueniri. Nihil enim hac parte potest interesse an hæc an illa actio contra ipsos instituat, cum vtraque dolum ipsorum pro causa habeat: Neque quod depositi actio trahat originem à contractu defuncti fauorabiliorem ipsorum causam facere potest, quam si ex defuncti furto delictoque nasceretur: Imò potius duriorem in eo quod si ex delicto nasceretur, non daretur contra heredem in solidum nec contra heredes pro hereditariis portionibus ob dolum defuncti, quomodo datur ob hoc ipsum quia nascitur ex contractu *l. si hominem 7. §. datur D. de pos.* Cum ergo furtiua conditio quæ ex delicto nascitur danda sit contra furis heredes singulos etiam in solidum, nec tantum pro hereditariis portionibus si non ex defuncti dolo sed ex proprio suo conueniantur, ut Accursius ipse faceret, & verè, quia negari non potest quin hoc casu singuli dolum fecerint, Cur potius dicamus depositarij heredes qui rem depositam adeoque indiuiduam dolo malo interuenterint, non teneri singulos in solidum sed tantum pro hereditaria quemque portionem? An ob id fortasse mitius cum iis agendum erit quod non sint furis heredes, cum ipsi tamen sint fures? An non verò è contrario melior esse deberet conditio heredum furis etiam si fures ipsi essent, quod non primi sed secundi fures dici deberent, nec tam fecisse furtum nouum quam illud ipsum continuasse quod à defuncto

defuncto factum fuerat? Nec enim noua contractatio nouum furtum facit, sed vnum tantummodò furtum esse intelligitur, *l. insciendo 67. §. insans D. de furt.* Denique cùm depositarij vnus heredes plures qui dolum malum in re deposita admisserunt teneantur & actione depositi descendente ex contractu defuncti, & ob proprium dolum, Cur non in solidum singuli conueniri & teneri debeant, multò magis quàm si vel ex dolo suo duntaxat citra cōtractum, Vel ex dolo suo & ex delicto defuncti non ex contractu ipsius conuenirentur? In summa cùm etiam rei depositæ nomine condictio furtiua competat, & cum actione depositi concurrat, siue depositarius ipse siue heredes eius dolo versati sint in re deposita *l. si quis 12. §. 1. D. de pos.* non potest melior esse condicio depositarij, aut heredum ipsius cùm actione depositi quàm cùm furtiua condictione conueniuntur, siue ex proprio siue ex alieno dolo, tamque facile & conueniens est vt singuli ex dolo proprio teneantur in solidū cōdictione furtiua, quàm vt actione depositi.

ERROR OCTAVVS.

De alijs Cuiacij & aliorum interpretationibus. Add. l. 9. D. de cond. furt.

IX tribus interpretationibus quas à viro doctissimo Iacobo Cuiacio adferri suprà diximus, vt suam illam sententiam De furtiua condictione non in solidum sed de eo tantum quod peruenit aduersus furis heredem danda tueatur inuito Vlpiano in *d. l. 9. D. de cond. furt.* primam duntaxat hucusque refutauimus quæ illa erat, vt Vlpianus ad eum casum restringeretur, quo lis cum fure defuncto contestata esset. Reliquas duas nunc refutabimus, Tantò facilius quantò sunt improbabiliores. Et illa primùm quæ habet, intelligendum esse Vlpianum de illo casu quo lis fuerit non solum contestata cum fure ipso, sed etiam aduersus ipsum iudicata. Nam præter id quod nulla rei iudicatæ mentio fit apud Vlpianum vt neque litis contestatæ, illud etiam certum est non maioris esse potestatis sententiam & condemnationem quàm litis contestationem ad transferendam in heredes actionem quæ alioqui morte esset peritura *l. omnes pœnales 27. l. constitutionibus 33. l. sciendum est 58. D. de oblig. & action. l. aliam 29. D. de nouat.* Contestatio enim illa est non condemnatio quæ contractus vim obtinet, facitque vt actiones etiam pœnales & ex mero delicto descendentes, quasi ex cōtractu descendere videantur à quo die lis contestata est, vt in superioribus docuimus ex *l. 3. §. idem scribis D. de pecul. l. iam ex contractibus 57. D. de iudic. l. delegare 11. §. 1. D. de nouat.* Quamquam fatendum est nec minorem potestatem esse condemnationis, quàm contestationis, ad obligandos heredes condemnati, Siquidem cōdemnatio nouat actionem ipsam quæ fuerat in iudicium deducta siue ex cōtractu siue ex delicto esset, trāsfunditque in seipsam *l. vlt. C. de usur. rei iudic. l. si fundus 16. §. si plures D. de pignor.* Nec quisquam dubitat quin ex sententia contra defunctum lata heredes obligentur, vt ex qualibet alia causa hereditaria. Idque idè certum est, vt ridiculum facturus sit Vlpianum quisquis cum Cuiacio dixerit nihil aliud monere illum voluisse in *d. l. in condictione 9. D. de cond. furt.* nisi quod fure iam conuento, & condemnato ex causa condictionis furtiue, heredes ipsius si solui sit, in solidū, si verò plures sint heredes, vnusquisque pro ea parte pro qua heres est teneatur. Quò tamē verbo cū nō aliud significetur, quàm

ut heres conveniri & condemnari possit, & quidem ex causa conditionis furtivæ, intelligimus, non de illo casu tractare Vlpianum, quo fur iam convenus fuerit & condemnatus, sed quo & conveniendus fuerit & condemnandus eo tempore, quo decessit. Alioqui cum per iudicatum fiat actionis novatio, ut diximus, non de illo querendum esset post mortem furis condemnati, An heredes furis & in quantum tenerentur ex causa conditionis furtivæ, sed an & in quantum ex iudicato, quia posteaquam iudicatum est, non amplius de causa quæ condemnationem extorlit tractandum est, sed de illo tantum, Quid iudicatum fuerit, & in condemnationem deductum. Quod verò ad postemam eiusdem Cuiacii interpretationem attinet, quæ ponit fuisse rem furtivam contractatam à furis heredibus post mortem ipsius, Non solum prorsus commentitia ea est, ut aliz duæ superiores, sed etiam pugnant evidenter cum eo quod idem Vlpianus scribit in *l. si pro fure 7. §. ultim. cod. sit.* Conditione furtiva quia rei habet persecutionem heredem quoque furis obligari, nec tantum si vivat servus furtivus sed etiam si decesserit siue vivo adhuc fure, siue eo iam mortuo, & siue apud heredem ipsum, siue non apud ipsum. His enim omnibus casibus conditionem durare adversus heredem: Quod haud dubie ita est accipiendum ut in solidum duret, non de eo tantum quod ad heredem pervenerit, Alioqui non esset bona ratio propter quam deberet durare adversus heredem, quod rei habeat illa persecutionem. Cum etiam pœnales actiones quæ solius pœnæ non rei persecutionem continent, attamen in heredes quoque dentur de eo quod ad ipsos pervenit, ut turpe lucrum ipsis extorqueatur, quemadmodum latius à nobis in præcedentibus disputandum est. Non ergo exigimus contractatam esse rem furtivam ab herede furis ut is conditione furtiva in solidum teneatur, Sed à defuncto contractatam esse sufficit ut ipsius heredes in solidum, & supra quam ad eos pervenerit, obligentur. Quomodo enim possent heredes contractasse servum furtivum qui iam vivo adhuc fure decessisset? Ideoque nimirum dicimus heredem furis teneri conditione furtiva, sicut & furem ipsum etiam si non possideat *§. ult. Inst. de oblig. quæ ex malefic. nascunt.* cum tamen fieri non possit ut furis heres contractaverit eam rem, quam ipse numquam possederit. Sed & verba illa Vlpiani dicendum est conditionem adversus heredem durare, an non aperte ostendunt talem superesse conditionem contra furis heredem, furtiva quoque re perempta, qualis contra defunctum competeat? Ergo in solidum: Alioqui non posset dici eadem durare conditio, quæ contra furis heredem minus plena minusque efficax inveniretur, tanquam quæ in eo in quo esset immixta, partim pereimpra videretur, Sicuti solemus dicere rem quæ deterior facta est, quodammodo ex parte perisse, ideoque non liberari eum qui rem debet reddere, si reddat deteriorem *l. 3. §. 1. D. commod. l. 1. §. si res deposita 16. D. deposit.* Rursum quod supradictis verbis adfirmat Vlpianus conditionem furtivam adversus furis heredem durare, convincit manifestissimè duas alias eiusdem Cuiacii interpretationes à nobis iam refutatas. Cum enim tam per litis contestationem quam per sententiam & condemnationem prior actio novetur quæ in iudicium deducta fuit, Malè vique Vlpianus adfirmaret durare contra heredem furis conditionem, quæ per contestationem aut condemnationem novata, per novationem verò extincta & perempta esset. Superest ut confutatis Cuiacii interpretationibus illos quoque refellamus, qui ut Cuiacio subtiliores videantur, novam ad Vlpianum interpretationem attulerunt, Existimantes hanc esse sententiam

tentiam *dicta l. 9. De condi. furt.* ut in conditione ex causa furtiva heredes furis non pro hereditatis parte quæ ad eos effectû peruenierit teneantur, siue soli sint siue plures, sed in solidum, id est pro illa etiam parte quæ non effectû ipso sed persecutione tenus duntaxat ad eos peruenierit. Ita tamen ut cum plures sunt heredes, pro ea quique tantum parte pro qua heres est teneatur, De eo scilicet non quod effectû sed quod persecutione tenus in hereditate repertum sit: Ve proinde si ex re furtiva, neque effectû, neque persecutione opulentior facta sit hereditas, consequens futurum sit, ut nullo modo teneatur furis heres, nec si solus heres sit, quem tamen in solidum teneri Vlpianus ait. Quo vel solo collectionis & consecutionis huius argumento intelligi potest quàm improbabilis sit hæc interpretatio, quæ tam evidenter Vlpiani verbis & menti repugnat, ut aliquo casu heredem furis in totum liberet, scilicet cum nihil ad eum neque re ipsa & effectû neque persecutione tenus peruenit, quem tamen omnimodo, & omni casu in solidum teneri Vlpianus dixit. Nam si falsum prorsus est, quod ex huiusmodi interpretatione sequitur, ipsam quoque interpretationem falsam esse necesse est. Sicut & illud falsum est quod illi ea verba Vlpiani *non pro parte quæ peruenit* de parte hereditatis interpretantur, Cum tamen apertissimum sit non de parte hereditatis intelligi posse, sed de parte quæ ex re furtiva ad heredem peruenit, ut probat hæc adiectio *quæ peruenit* quam latendum est superuacuum fore, si non ob id necessaria fuerit, ne quis huic nouæ interpretationi locus relinqueretur. An non enim prorsus absurda & insulsa esset questio, quæ sic conciperetur, *Verum pro parte hereditatis conditione furtiva teneri deberet is, qui furus heres solus et in solidum esset?* Nam quæ pars, obsecro, hereditatis illa esse potest, pro qua sola teneri possit, & debeat is qui heres solus est, & in solidum? Aut quomodo fieri potest, ut pars tantum hereditatis ad eum perueniat qui solus heres est, nec habet coheredem? Ad quem enim alium pars alia peruenire poterit, qui nullo modo heres sit? Respondebunt isti Posse fieri ut pars tantum hereditatis ad heredem perueniat cum effectû, alia verò pars non nisi persecutione tenus. Verba autem illa *quæ peruenit* cum effectû esse accipienda, ut in *l. 2. §. peruenisse D. de hered. vel act. vendit.* Et imputare sibi debere heredem eam hereditatem adierit, quàm scire potuit & debuit non nisi pro parte cum effectû ad se peruenturam, ut non eo minus teneatur in solidum conditione furtiva, cum alterius partis quæ non cum effectû ad eum peruenit saluam & integram habeat, minimèque dubiam persecutionem. Verùm si ita Vlpianus sensit, non debuit antithesim illam constituere quam constituit iis verbis *non pro parte quæ peruenit sed in solidum*, sed eam potius quam isti constituunt inter partem hereditatis quæ cum effectû peruenit, & partem quæ non peruenit nisi persecutione tenus. Quamquam ne hoc quidem fieri potuit. Pars enim nulla esse aut fingi potest, quæ persecutione tenus duntaxat peruenierit ad heredem qui solus heres sit ex asse, Cum totius hereditatis persecutionem ad eum solum pertinere necesse sit. Vnde est quod si ei absit vel minima res hereditaria quam alius possideat, totius hereditatis petitionem ex ea causa instituire rectè potest *l. licet minimam to. cum leg. præced. D. hered. petit.* Ut taceam, quod notissimum est, Non ob id minùs totam hereditatem etiam cum effectû ad heredem ex asse, peruenisse intelligi quod res aliqua hereditaria non ad eum peruenierit, quia cum hereditas sit nomen iuris, & habeat partes

homogeneas æquæ in iure consistentes, fieri certè nequit, vt in vna re hereditaria quantumcumque precij sit pars hereditatis vlla esse intelligatur *l. quamuis 14. D. si quis omiff. caus. testam. l. ex facto 35. D. de hered. instit. l. quoties 13. C. cod.* Nec proinde vt quisquis in solidum heres est, & pro herede habetur [vt eos excludat qui propter abstentionem, aut restitutionem in integrum petitam aduersus aditionem non nisi nudum heredis nomen gerunt, de quibus in *l. 2. §. adoptiuus & l. 1. §. si quis adita. D. ad SC. Terrell. l. si ex modica 6. §. 1. D. de bon. libert. l. ait prator 7. §. sed quod Papinianus D. de minor.] ad eum hereditas tota cum effectu non peruenerit, quamuis non omnes res hereditariæ ad eum peruenerint, Quando vniuersa hereditas, multò magis pars hereditatis quælibet etiam sine villo corpore intellectum iuris habet *l. hereditas 50. D. de hered. petiti.* Itaque ferri non potest vt dicat quis antithesim ab Vlpiano constitutà esse inter hereditatis partem quæ peruenerit cum effectu ad heredem, & hereditatē quæ solida quidem sed persecutione tenus duntaxat ad eundem peruenerit, Maximè verò quòd in antithesi constituendæ sint pares eadēque extremorum qualitates. Quod fiet si opponamus hereditatis partem quæ effectu peruenit, non cū hereditatis parte quæ persecutione tenus duntaxat peruenerit, cuiusmodi pars, vt diximus, nulla est, sed cum hereditate solida quæ effectu quoque ad heredem ex asse peruenerit, Peruenit autem tota hereditas non solum persecutione tenus, sed etiam cum effectu, si nemo sit qui hereditatis, siue totius, siue pro parte cōtrouersiam faciat, licet non omnia corpora hereditaria effectu peruenerint, sed tantum vt eorum persecutio esse possit. Enimuero neque antithesis ista est quæ ab Vlpiano constituitur in *d. l. 9.* Opponit enim non heredem pro parte, heredi in solidum: nec heredem pro parte quæ effectu tantum peruenerit, heredi ad quem solida hereditas persecutione tenus peruenerit, Sed heredem ad quem res furtiua non nisi pro parte peruenerit, heredi ad quem tota res illa peruenerit, & in solidum, siue heres ille ex toto asse, siue ex parte tantum esse proponatur. Itaq; tam verba illa *non pro parte quæ peruenit* quàm quæ sequuntur *sed in solidum* non ad hereditatem referenda sunt, quæ vel pro parte, vel in solidum, vel cum effectu, vel persecutione tenus peruenerit ad eum qui aut ex asse aut ex assis parte aliqua heres sit, sed ad rem furtiuam, quæ aut pro parte aut in solidum peruenerit ad heredem potuit, Pro parte quidem etiam ad heredem ex asse, In solidum verò etiam ad heredem ex parte, vt in *l. 3. §. heres D. commod. l. si plures 9. D. unde vi.* Ac si Vlpianus scripsisset apertius, Ex causa conditionis furtiue heredem furis, siue solus heres ille sit, siue habeat coheredem, non teneri, in quantum duntaxat furtiua res ad eum peruenerit, aut quod idem est, de eo quod ex parte peruenerit si vel nihil, ex ea, vel non tota ad ipsum peruenerit, Sed supra etiam quàm peruenerit; Non tamen solum in solidum, nisi solus heres sit; Pro portione autem hereditaria, si coheredem vnum habeat, pluresve. Alio namque sensu accipiuntur verba illa *pro parte* in ea clausula *non pro parte quæ peruenit.* Alio autem in sequenti & postrema legis clausula *pro qua parte heres est.* Prior clausula partem designat rei furtiue, quæ non tota sed ex parte duntaxat in hereditate reperta sit, Posterior verò partem hereditatis, diuisæ per legem in tot partes, quot sunt coheredes: Propter quam causam in priore clausula sunt adiecta ea verba *quæ peruenit* quæ adiecta non sunt in posteriore ne qua dubitandi aut cauillandi occasio, vel materia superesset. Quis enim crederet fore quemquam aded in cautum, qui verba illa *non pro parte quæ peruenit* non de eo quod ex re furtiua pro parte*

parte peruenisset, sed de hereditatis parte intelligeret? Aut cur non eadem siue imperitiâ, siue audaciâ mihi liceat quod in lege sequitur *pro qua parte heres est* sic interpretari *pro qua parte res furtiua ad heredem iure hereditario peruenit*. Atquin hoc dici non potest quoniam iis verbis *pro qua parte heres est*, pars hereditatis apertissimè significatur nec aliud præterea quicquam. Ergo nec illud. Finge itaque scripsisse Vlpianum quomodo isti interpretantur, *In conditione ex causa furtiua non pro parte hereditatis, qua peruenit cum effectu, sed pro qua parte quisque heres est tenetur*. Quin posset dici aut scribi absurdius? Quod si absurditatis huius tollendæ gratia adderes, quod isti de suo suppleant, *sed pro qua parte quisque heres est persecutione tenus* an non esset hoc longe ineptius? Deinde rogo si prima illa verba *non pro parte qua peruenit* de hereditatis parte intelligantur, quis erit sensus sequentium illorum *sed in solidum tenemur dum soli heredes sumus*. An non farendum necessariò est quod lex ait *in solidum* de solida re furtiua, non autem de solida hereditate intelligi debere? Ergo cum sint ista opposita *pro parte & in solidum*, non aliter explicari oppositio potest, quam ut dicamus, quemadmodum dixit Vlpianus *solidum* pro solida re furtiua, ita & partis appellatione non de hereditatis sed de rei furtivæ parte illum sensisse. Eset enim planè ridicula antithesis sic explicata, *non pro hereditatis parte qua peruenit, sed in solidum rem furtiuam tenemur dum soli heredes sumus*. Cum nihil vetet solidam rem furtiuam peruenire ad heredem ad quem pars tantum hereditatis cum effectu peruenit, Et contrà ad illū etiam ad quem nulla hereditatis pars cum effectu peruenit secundū istorum interpretationē, totam nihilominus re furtiuam, & in solidū peruenire. Sed nihil est quod nouam istā interpretationē tam manifestè confuter, quam quod contra Cuiacium proximè disputauimus *ex d. l. si pro fure 7. §. vlt. eod. tit.* conditione furtiua teneri in solidum heredem quemadmodū fur tenebatur, & eandē cōditionem quæ contra furem cōpetebat, etiam contra furis heredē durare, tametsi res furtiua viuo adhuc fure tota perierit. Eo nāq; casu quo periit, quomodo fieri potest ut ad furis heredē siue cū effectu, siue persecutione tenus dūtaxat res furtiua perueniat? Aut quid refert quætere, an cū effectu an persecutione tenus hereditas vel tota vel pro parte ad heredē peruenierit, si utroq; casu verū tamen sit re furtiuā nulla ex parte ad eum peruenisse. Ipsum verò nō nisi de eo quod peruenit teneri posse. Scio eisdē istos illum Vlpiani locū aliter interpretari. Quasi è contrario non aliter admittat Vlpianus heredē furis teneri cōditione furtiua, quàm si seruus furtiuus post furis mortē decesserit siue apud heredē, siue non apud ipsum. Sed hanc quoque interpretationē nos iam suprà refutauimus, cum ostēdimus furtiuam cōditionem neque furis morte, neq; rei furtivæ interitu extingui. Et quod Vlpianus eo loco scribit furtiuam conditionē durare non solum si uiuat seruus furtiuus sed etiam si decesserit, omnino ita accipiendū esse, *etiā si decesserit viuo fure*. Ne alioqui frustra & superuacuo sit adiectum quod subiicitur quasi diuersum *sed etsi apud heredem diem suum obiit seruus furtiuus vel non apud ipsum*. Nam quod rursus additor *post mortem tamen furis* non pertinet ad excludendam eo casu conditionem furtiuam, sed ad excludendum casum illum ab hac posteriore clausula, tanquam qui iam priore clausula comprehensus esset, adeoque solus. Quod quoniam in præcedentibus satis superque declarauimus, hinc non repeiemus. Sed hoc tantum addemus, Si verum esset quod isti volunt, Furis heredem teneri de eo solo quod peruenit pro qua parte heres est non cum effectu sed persecutione tenus duntaxat, Consequens fore ut ne quidem

de eo quod reuera ad ipsum peruenisset teneri præcisè deberet, sed, quod tamen nemo adhuc dixit, liberari potiùs præstando actiones quas haberet hereditatis persequendæ gratia. Est enim hoc generale ac perpetuum, vt quisquis ob id tenetur, quod aduersus alium habeat actionem, nullam aliam eo nomine condemnationem pati cogatur quàm vt eam actionem præstet. *l. quod debetur 31. in fin. D. de pecul. l. cum u 36. in fin. D. de fideiuss.* vbi legendum est reposita in suum locum dictione quia, *Et ideo, quia habes actiones, tenetur ad id ipsum, vt præstet actiones.*

ERROR NONVS.

De condictione furtiua & actione rerum amotarum, quòd nullo modo sint famosa, neque pœnales.



PURTIES iam à nobis dictum & ostensum est in superioribus, neque rerum amotarum actionem, neque condictionem furtiuam aut pœnalem, aut famosam esse, sed vtramque rei persecutoriam. Id enim de actione quidem rerum amotarum scriptum est in *l. 1. & 2. l. si mulier 21. §. pen. D. rer. amot. de condictione autem furtiua in l. si pro fure 7. §. 1. & pass. D. de condic. furt. §. sic itaque, Insist. de action. & iis scèrè omnibus iuris nostri locis in quibus de furtiua condictione tractatur. Sed tamen facit autoritas viri doctissimi Iacobi Cuiacii, vt quod hucusque fuit extra omnem omnino controuersiam latiùs tractandum sit, & comprobandum, tanquam tale quid quod magna non careat dubitatione: Nam cum aduersus manifestam iuris rationem expressique Vlpiani verba in *dist. l. 7. §. ultim. & l. 9. D. de condic. furt.* vellet defendere condictionem furtiuam morte furis interire, nec dari in solidum aduersus heredem, sed de eo tantùm quod peruenit, quæ famosarum & pœnalarum actionum natura & condicio est non earum quæ ineram rei persecutionem continent, neque tamen posset negare quin esset illa rei persecutoria, coactus fuit hoc veluti temperamentum conuincisci, vt non sit quidem omnino pœnalis, nec omnino famosa, sed sit tamen quodammodo pœnalis, & quodammodo famosa, aut, quod idem est, quasi pœnalis & quasi famosa. Id verò suscipit ille probandum ex professo ad Papinianum in *l. 5. D. rer. amot.* quatuor potissimùm argumentis: Quorum primum est quod furtiua condicio comparata sit odio furum, Et quod de ea dicitur, inquit, id etiam dicitur de condictione rerum amotarum §. sic itaque. *Insist. de action.* Quòd si odio, inquit, Ergo pœnæ causa. Si pœnæ causa, Ergo pœnalis aut veluti pœnalis est. Nam & ita exceptio Senatusconsulti Mæcedoniani comparata dicitur odio creditoris, id est in pœnam eius qui filiofamilias pecuniam credidit. *l. sed si paterfamilias 9. §. penultim. D. de SC. Mæcedon.* Secundum argumentum est quod vtraque hæc actio ex delicto nascatur, licet vtraque rei persecutionem continet, *l. si mulier 21. §. penultim. & ultim. D. rer. amot. l. si ambo 10. §. quæries D. de compensat. l. si rerum 52. D. de re indicat.* Quasi fieri non possit vt non aliquid pœnæ ob eam causam iis insit, cum vel hoc ipsum conueniri ex delicto pœnalis & vltio quædam, inquit Cuiacius. Tertium est, quòd hæc condictiones sic enim illæ semper loquuntur non dentur in solidum aduersus heredem, quomodo darentur nisi subesset in iis pœnæ, aut vindictæ ratio quædam. *l. vlt. D. rer. amot.**

l. 5. §.

l. 9. §. ult. & l. 10. D. de tutel. & rat. distr. Ideoque Paulus noster in *d. l. §. mulier §. pen.* postquam dixit actionē rerum amotarū licet ex delicto nascatur, tamen rei persecutionē continere. Infert quidē ex eo, Non sibi eam anno, vt neq; condictionis furtiua anno finitur. Præterea heredibus quoq; cōpetere, Sed non addit & in heredes quod tamen addere omnino debuisset si nullomodo pœnalis esset actio, & nullomodo famosa. Quartum argumentum est ex *l. §. pignore 22. in prin. D. de pignor. act.* vbi dicitur, si debitor mihi pignus subriperit quod crediti nomine dederat, posse me contra eum agere non modò furti actione pœnali in duplū aut quadruplū, sed etiam conditione, & quidē furtiua si Cuiacio credimus, Neutrò tamen casu cogendū me imputare debito quod ab ipso debitore sim consecutus, & quod ille mihi ex delicto suo præstiterit. Ergo, inquit vir doctissimus, quod conditione furtiua consecutus sum, pœna est. Nā si mea res esset, & salua manet debiti petitio, imputaretur debito, Cū & quicquid actione furti consecutus essem ab alio fure quā ab ipso debitore, id totum cogerer imputare, vt à Papiniano scriptū est initio eiusdē legis, *etiamsi culpa creditoris vt lex ait, furtiū factum sit*, Quo tamē casu longē probabilius videri poterat, Creditoris lucro debere pœnam cedere quā ex furti actione ab extraneo fure cōsecutus esset, Cuius itidem damno propter culpam propriam cessura erat amissio pignoris si fur deprehendi & pignus subtrahitū recuperari non potuisset. Tenetur enim creditor de culpa *§. ult. Inst. quib. mod. re contr. oblig. l. contr. actus 25. D. de reg. iur.* His quatuor argumentis à Cuiacio allatis, quintum addiderunt quidā Cuiaciani, quòd in cōdictione furtiua, & similiter in actione rerū amotarū æstimanda res sit quāti plurimū vnuā fuit *l. in re furtiua 8. §. 1. D. de condict. furt. l. pen. D. rer. amot.* Quasi æstimatō quāti plurimi pœna sit, nō res ipsa: Ideoq; nec aliis vllis casib. præstari solet, si excipias actionē legis Aquiliæ, quæ ipsa pœnalis est *§. his autē verbis Inst. De leg. Aquil.* ob eam potissimū causam quòd in æstimando seruo vel occiso vel vulnerato repetitio illa fiat triginta dierum *l. qui seruū 34. §. ult. D. de oblig. & act.* aliquando etiā totius anni *d. §. his autē verbis*. At nos vt cōtrā probemus neq; conditionē furtiua, neq; rerū amotarum actionē vllomodo pœnalē aut famosam esse, non tā multis egemus argumētis. Cū nō modò apertissimos textus illos habeamus, quos huius capituli initio retulimus, sed ipsos etiā serē cōsistentes aduersarios, qui nō minùs cū seipsis quā cū veteribus lurreconsultis pugnātes fatentur vel inuiri neutrā istarū actionū pœnalē omnino esse, neutrā omnino famosam. Cuius sententiæ nullus effectus alius fingi potest, quā vt neq; pœnaliū, neq; famosarū actionum naturam habeant, sed earum potiùs quæ continent rei persecutionem. Nam vt ex parte censeantur iure pœnaliū & famosarum actionū, ex parte verò non censeantur fieri certè nullomodo potest, nisi dicamus esse mixtas quales in præcedētib. multas esse diximus, partim persecutorias rei, partim pœnales in quarum tamē numero nec Cuiacius ipse actiones istas ponere ausus est, Cōstituens quartam & inauditam speciem actionū, quæ nec omnino pœnales & famosæ sint, nec omnino & absolute rei persecutoriæ, nec rursus mixtæ ex rei & ex pœnæ perfectione, sed quæ cū sui natura inerā rei persecutionē contineant, sint tamen aliquomodo pœnales, & aliquo modo famosæ. Quòd si ita esset, fieret igitur aliqua ex parte infamis ille qui aut ex causa cōdictionis furtiua, aut ex rerū amotarū actione condemnatus esset: quod tamen apertè falsum est. In conditione quidem furtiua quia cessat ignominia in conditionibus, quamvis ex famosis causis pendeant *l. cessat 36. D. de obligat. & action.* In actione verò rerum amotarum, non

quia sit etiā illa conditio vt malè Cuiacius putat, Sed q̄ singulari quodam iure ob hoc ipsum cōparata sit, ne pœnalis famosaq; actio daretur in eam personam quæ coniux antea fuisset *l. 1. 2. & pass. D. rer. amot.* Nec sanè status personæ qui indiuiduus est diuisionem hanc recipere potest, vt aliquomodo infamiam patiat, & aliquomodo nō pariat, sed aut omnino aut nullatenus infamē quem fieri necesse est. Fateor aliquando accidere vt aliquid sit in actione aut in exceptione quod suggillet existimationē apud bonos & grāues viros, vt cernere est in cōditione ipsa furtiua quæ quoniā furti mētionē facit, notāq; exprobrat, turpis sanè est minūsq; honesta, Itēque doli exceptio, de qua in *l. 4. §. aduersus D. de doli mal. except.* vbi legendū esse apud bonos viros, non vt vulgò apud bonos viros alibi monuimus, Et tamē nemo hucusq; dixit infamiā & ignominiā iuris irrogari, aut ex conditione furtiua *d. l. cessat*, aut ex doli exceptione, Cū infamē sola sentētia faciat *l. 1. l. furti 6. & pass. D. de his qui not. infam. l. si famem 7. D. de public. indic.* Sentētia autē & condēnatio nulla ferri possit vi exceptionis cōtra actōrē, sed tantū vi actionis contra reū Itaq; benè Vlpianus in *l. parens 5. §. vl. & l. licet 7. D. de obseq. parent. & par. pra.* separat famosas actiones ab iis quæ doli vel fraudis habent mentionē, nec tamen famosæ sunt, Non quasi hæ magis quā illæ dāz sint liberis & libertis aduersus parentes, patronosve, aut alias huiusmodi personas, quibus reuerentia debetur: Sed quia in effectu sentētiæ & cōdēnationis multūm reſerat, an actio famosa sit, an turpis tantūm & parūm honesta, q̄ priore tantūm nō etiam posteriore casu ignōminia ex sentētia & condēnatione irrogetur. Porro actionē rerū amotarum ad quam suū Cuiacius errorē extendit, nō modò famosam nō esse constat, sed neq; turpē, quia neq; furti neq; alterius delicti maculā præ sefert, vt cōdictio furtiua, Sed habet honestum nomē, cū possit amotio etiā callido, & maligno animo facta esse sine furto *l. si se quum 71. §. pen. & vl. D. de acq. hered. licet* reuera furtū faciat mulier quæ res alicui mouet cōsilio & causa diuortij postea secuti *l. rerū quidē 25. & l. pen. D. rer. amot.* Alioqui amotio idē esset quod furtū, nec minū actio rerū amotarū quā cōdictio furtiua, furti significationē & exprobrationē aliquā cōtineret, nō magis utiq; daretur cōtra eā, quæ vxor fuisset quā cōdictio furtiua, Quam dari nullo casu posse suprā docuimus in Error. 1. Decadis præcedētis: Nēpe quia in honorē transiit matrimonij nō solum ea actio denegāda est quæ vel pœnalis sit vel famosa, sed illa etiā quæ sit turpis *l. 2. eod. tit. l. vl. in fi. C. de furt.* Cōdictio autem furtiua licet neq; pœnalis, neq; famosa sit, turpis tamē est, In eoque grauior & durior, quā actio rerū amotarū, quæ cū inter eos tantum habeat locum qui coniuges fuerūt *l. si concubina 17. D. rer. amot.* vel ex hoc maxime apparet nō modò esse illā nullomodo famosam aut pœnalē, sed nec aliquomodo turpē, cū si vel minimū haberet turpitudinis etiā nudo verborū sonoytiq; inter cōiuges etiā post matrimoniū habere locū nullomodo posset. Itaq; qui defendūt conditionē furtiua esse quodāmodo famosam, & quodāmodo pœnalē, vt probabiliorem facerent tam nouam opinionem, debuerunt ab ea separare actionem rerum amotarum, & separassent haud dubiè, si non eo cōsilio paradoxum hoc induxissent, vt probarent, conditionem furtiuam non dari in solidum contra heredem. Quam in rem necesse fuit idem somnare illos & comminisci de actione rerum amotarum quam vident non dari aduersus heredem nisi de eo quod peruenit *d. d. vl. C. rer. amot.* quasi non alia de causa potuerit hoc ius ita esse vel constitutum vel receptum in actione rei persecutoria, quā quod habēda sit

da sit pro quodammodo pœnali & quodammodo famosa. Nec enim diuersitatibus rationem illam obseruauerunt quam nos in præcedentibus obseruauimus inter actionem rerum amotarum & furtiuam conditionem. Restat igitur ut ad Cuiacii & Cuiacianorum argumenta quæ retulimus, breuiter, & quod solemus quantum possumus, dilucidè respondeamus. Primum autem valde leue est quod probat ille conditionem furtiuam esse pœnalem, ex eo quodd odio furis comparata esse dicatur in *dist. 5. sic itaque. Inst. de action.* Et si enim quod odio alicuius comparatum dicitur, in ipsius pœnam comparatum videtur, non idè tamen statim consequens sit ut pœnale dici debeat. Pœnalem enim actionem eam solam intelligimus, non quæ in alicuius pœnam comparata sit, sed quæ ad pœnam consequendam, factumque illius puniendum cum quo agitur *§. ex maleficio & seqq. Inst. de action. l. huius actionis 9. §. 1. D. quod falsus tutor. auctor.* Sic dicimus, ne ab exemplo quod Cuiacius adfert recedamus, Exceptionem Macedoniani odio creditoris inductam esse, & in ipsius pœnam *dist. l. 9. §. ultim. ad Maced.* neque tamen idcirco quisquam dixerit esse illam pœnalem. Pœnales enim exceptiones ius nostrum nullas agnoscit, quia scilicet nunquam dantur ad pœnam, sed tantùm ad elidendam actionem, licet interdum non alia elidendæ actionis causa sit, quàm ut doli vel alterius improbi facti sui pœnam illam actor sentiat: Nec rursus pœnales actiones quis vnquam dixit eas in quibus iuratur in litem, Cùm tamen certum sit nunquam iurari nisi in pœnam contumaciæ *l. ultim. D. de fideiuss.* Et verò non ait Iustin. in *d. §. sic itaque.* Odio furis idè comparatam esse furtiuam conditionem quodd dignus ille visus sit qui pluribus actionibus pœnalibus teneretur, sed *quo magis pluribus actionibus teneatur.* Scilicet contrariis, cùm aduersus furem parata domino sit vindictio, cum qua nunquam ex iuris ratione potest concurrere conditio, per quam intendatur dari rem oportere, ut probant quæ apud Iustin. sequuntur. Ac ne quis Cuiacianæ siue interpretationi, siue dubitationi locus relinqueretur, addidit ille odio furum comparatam esse conditionem furtiuam, ut extra pœnam dupli aut quadrupli fures etiam illa actione recipiendæ rei nomine tenerentur: Ita adfirmans euidentissimè, rei persecutoriam illam esse, nullomodo pœnalem. Quod ex eo quoque intelligere licet, quod non fur ipse tantùm sed ipsius etiam hæres tum quoque cùm rem furtiuam possidet, ita ut eo nomine vindictio contra eum institui possit, nihilo minùs furtiua quoque conditione conueniri potest, atque ita directò contrariis planèque incompatibilibus actionibus teneri *§. ult. Inst. de oblig. qua ex delict. l. 4. D. de condit. furt.* Nimirum quia cùm succedat in ius vniuersum defuncti, succedit etiam in ipsius vicia *Leum heres 11. D. de diuers. tempor. præscr.* & consequenter in odium quod ex viciis suis defunctus contraxit. Et tamen non est successor pœnæ *l. si pater 20. D. de pœn. & l. vnic. Cod. ex delict. defuncti. & alibi pass.* Non est igitur bona consecutio si quis cum Cuiacio dicat, Conditionem furtiuam comparatam esse odio furis, Esse igitur pœnalem. Sed longè grauior & intolerabilior eiusdem viri doctissimi error ille est, quod in hoc quoque similem conditioni furtiux facit actionem rerum amotarum, Tanquam illa etiam in odium furis comparata dici possit, Quam tamen è contrario constat in fauorem & honorem transacti matrimonij comparatam fuisse, & veluti substitutam in locum duarum actionum quæ alioqui communi summiòque iure competere potuissent, ni fauor coniugij obstitisset, Forti scilicet & conditionis furtiux, quarum prior non solum pœnalis & turpis sed etiam famosa est. Posterior verò nec famosa quidè nec pœ-

nalis, sed turpis tamen. Quis ergo credere possit comparatam esse actionem rerum amotarum odio coniugis furis quo magis pluribus actionibus teneretur, ut verbis Iustiniani utar, quibus ille usus est in *d. §. sic itaque*, cum sola ea faciat ut duabus actionibus, & quidem multò durioribus exoneretur persona illa quæ rerum amotarum iudicio conuenitur? Nec quòd actio rerum amotarum perinde ac furtiua conditio cum vindicatione possit concurrere *l. ob res amotas 24. D. rer. amot.* Similem hac parte vtriusque actionis rationem facere potest. Non enim ratio illa iuris quam furis odium superauit in condictione furtiua inducenda, potuit obstare ne actio rerum amotarum induci posset alio colore quàm odio personæ quæ res amouit. Non enim qui agit rerum amotarum intendit dari quicquam sibi oportere, quomodo is qui condictione furtiua experitur, *d. §. sic itaque*. Sed hoc tantum contendit restitui sibi debere, quod malo more ac diuortij postea securi causa amotum fuit, ac ni restitueretur, præstari sibi omne id quod sua interest *l. si eum dos 8. §. 1. D. rer. amot.* Quæ formula cum sit arbitrarie actionis, non solum non pugnat cum vindicatione, sed etiam longè propius accedit ad vindicationem, quæ & ipsa arbitraria est *§. præterea. Inst. de acti.* quàm ad condictionem, quæ omnis stricta est, & ipsa quoque conditio furtiua non minùs quàm cæteræ. Ex quo potissimum docuimus in superioribus actionem rerum amotarum neque esse, neque dici posse condictionem, Multò minùs verò condictionem furtiuam aut furtiuæ similem, cum neque præsentis, neq; præteriti dominij probationem necessariò exigat *d. l. si concubina 17. §. ult. v. l. seq. D. rer. amot.* in eoque præcipue differat etiam à vindicatione, Vt sit non modò latior sed etiam commodior, tum quoque cum res amotæ propriæ sunt actoris, idq; propter summam probandi dominij difficultatem *§. commodum Institut. de inter d.* Dices, Negari non posse quin per actionem rerum amotarum puniatur furtum, tametsi mitiùs quàm si vel furti actione proposita vel condictione furtiua coerceretur *d. l. penult. D. rer. amot.* Ergo nec illud negari posse quin comparata sit odio furum, Ego verò non nego puniri per eam furtum quod reuera per amotionem factū est. Sed nego quod tu inferis pro Cuiacio, Esse igitur illam odio furum coniugum comparatam. Quid enim erat necesse induci cum sufficere possent actio furti, conditio furtiua, & aliæ actiones omnes aduersus fures cæteros qui non minùs odiosi sunt, comparatæ? Nisi fortè putamus coniuges esse odiosiores cæteris furibus, & idèd noua quoque & propria actione Rerū amotarum conueniri eos posse. Quod equidem verissimè diceretur si cæteris actionibus omnib; quæ cōtra fures omnes alios cōpetunt, hæc quoq; accederet. Sed cum inducta sit ut esset quodāmodo substituta in locū actionis furti & condictionis furtiuæ, Qua fronte quæso possis dicere cōparatam illam odio coniugum, per quam fiat ut & paucioribus & leuioribus nec ullomodo contrariis actionibus coniuges teneantur? Planè quia post denegatā iure constituto actionem furti, itēmq; condictionem furtiuam aduersus coniuges in honorem matrimonij, Sequeretur impunitum manere factum coniugis, qui res amouisset & nulla in earum locum alia substituta esset. Maximè verò si earū nomine vindicatio institui nulla posset, quòd vel non exarent, vel agentis propriæ non fuisset. Inducendum necessariò fuit singulare illud iudicium Rerū amotarum. At non odio cōiugū, sed quia licet fauore aliquo digni visi sint ob pudorē matrimonij, ut scriptū est in *d. l. ult. ad fi. C. de furt.* & fauore nuptiarū, ut ait *l. v. de seruo corrupto* vñq; tamen adeò lauendū iis fuit, ut rā improbiū delictū, quod reuera iustū est, maneret impunitum. Sunt verò ista longè diuersa, ut quis dicat, Tanto

odio

Odio dignos fuisse viſos coniuges vt actio Rerum amotarum ſingulari quodam iure inter ipſos induci debuerit, Aut vt quis dicat, Non tanto fauore dignos eſſe illos, quin actione aliqua teneri debuerint ad res amotas reſtituendas, aut vt loquar melius, ob res amotas non reſtitutas. Denique cū iudicium Rerum amotarum dicatur ſingularē in *d.l.1. eod.ull.tit.* quia non contra fures alios quā qui coniuges fuerunt, exerceri poteſt, Neceſſe eſt alterutrum fateri, Vel idē inductum fuiſſe quod non tantū odio, ſed etiam maiore odio digni ſint viſi cōiuges quā ceteri fures, quod tamen iam oſtendimus ſicut à nemine adhuc dictum fuit, ita neque dici ullomodo poſſe, Vel fauore potiùs coniugum quos diſplicuit furti obligari, & actionibus illis aut famoſis aut ſaltem turpibus conueniri, quibus fures ceteri conueniuntur. Et ſanè ita eſt.

ERROR DECIMVS.

Confutatio aliorum argumentorum Cuiacij, & de eſtimatione Quanti plurimi in conditione furtiua.



SECUNDVM Cuiacij argumentum eiufdem ponderis eſt & momentū Condiſtio furtiua, inquit, & actio rerū amotarum pendent ex delicto. Quis negat? Ergo ſunt quodāmodo pœnales, quoniā hoc ipſum Agere ex delicto vltio quēdā eſt, Pœna, conueniri. Neganda omnino eſt conſecutio. Non. n. pœnalē actionem origo eius facit & cauſa, ſed finis, quē eum eſſe oportet vt actio tendat ad pœnā *l.4. §. vlt. cum legib. ſeqq. D. de alienat. iudic. mut. cauſ. ſal.* Nec pœna vel vltio vlla in eo eſſe poteſt ſi quis ex delicto agat ad rē ſuā perſequendā, & recuperandā, ſed tūc tantū cū de delicto ipſo agit, ad eōq; ad hoc tantū vt debitū delicto pœnā conſequatur. Hoc verò neq; in condiſtione furtiua, neq; in actione rerū amotarū euenit, quæ nō ſolū ad pœnam non dantur, ſed ad rei perſecutionem, vt toties diximus, verū etiam ita ſunt compoſitæ vt in iis ne quidem tractetur de delicto, licet ex delicto proficiſcantur, & delicti veritatem in neceſſarium antecedens ſupponant. Tantum abeſt vt in iis agatur de delicto puniendo. Sed leuiſſimum omnium eſt terrium argumentum, quod ſumit vir doctiſſimus ex ſuppoſitione illa qua perſuaſum habet neque condiſtionem furtiuam, neque actionem rerum amotarum dari in ſolidū aduerſus heredē, Quæ darētur, inquit, ſi nullomodo pœnales eſſent hæ actiones, nullōq; modo famoſæ. Eſt enim verū eſt actionē rerum amotarum nō dari in ſolidū contra heredem, ſed inquantū duntaxat ad eum peruenit *d. l. vlt. C. rer. amot.* id tamen non rationem illam habet quod in ea ſit admixtum aliquid pœnæ vel infamiz, Sed quia eſt actio arbitraria, in qua non aliter æquum eſt condemnari heredem, quā ſi arbitrio iudicis non pareat, Nec rurfus arbitrium iudicis tale eſſe vt iubeatur heres reddere ſuprà quā ad eum peruenit, cū nihil ipſe deliquerit, vt in præcedentibus explicauimus, At in condiſtione furtiua falſiſſimum eſt quod Cuiacius ſupponit pro vero, non dari eam in ſolidū contra heredem, ſed in quantum duntaxat ex re furtiua ad eum peruenit, Vt conſtat ex *d. l.7. §. vlt. & l.9. D. de condiſt. furt.* Eſt igitur iſta petitio principij & circuitio quēdam planè intolerabilis. Nam cū non aliam rationem meliorem habeat vir doctiſſimus, qua tentare poſſit Condiſtionem furtiuam non eſſe dandā in ſolidū contra heredem ſoris, quā quod ſit illa quodammodo famoſa, & quodāmodo pœnalis, Rurſum hoc ipſum quod nos negamus, eſſe illam

aliquomodo famofam, & aliquomodo pœnalem, probare vult ex eo ipfo de quo potiffimum difputamus, quod non in folidum aduerfus heredem detur. Quod quid aliud eſt quàm probare non dicam obſcurum per obſcurius, ſed falſum per falſius, & improbable per improbabilius? Et ſateretur tamen vtramque actionem tam conditionem furtiuam quàm rerum amotarum dari heredibus, & perpetuam eſſe id eſt non anno finire, quod vtrūque Paulus diſerte ſcribit in *l. ſi mulier 21. §. pen. D. rer. amot.* quorum tamen neutrum verè dici poſſet de actione quæ eſſet aliquomodo pœnalis aut aliquomodo famoſa. Vel ex parte ſolius conuenti rei, quauis ex parte actoris perſecutionem rei cōtineret, vt apparet ex *l. vel poſt annum 6. §. l. ſeq. D. de alien. iudic. mut. cauſ. fact. l. 1. §. ult. D. ne vi fiat ei qui in poſſ. miſſ. eſt, l. in honorariis 35. D. de oblig. & act.* quæ licet de honorariis tam in actionibus loquatur in quarum numero furtiua conditio non eſt, quam conſtat merè civilem eſſe vt cæteras conditiones omnes, Attamen ad rerum amotarum actionē bene accomodari poteſt quæ non civilis ſed prætoria eſt *l. 2. C. rer. amot.* ac proinde quæ anno finiretur ſi vel ex parte illius qui cōueniretur poſſet aliquomodo dici pœnalis, vt illa quæ De alienatione iudicij mutadi cauſa facta proponitur, quæ punit alienationē illam dolo malo factam *l. 1. C. poſſ. ill. iur. D. de alien. iudic. mut. cauſ. fact.* Nā quæ ſunt huius generis cum ſint ex vna parte pœnales, ex altera rei perſecutoria, proculdubio ſunt mixta, & conſequenter pœnaliſſimè magis quàm rei perſecutoria ū iure cenſenda, nō quidē ex parte actoris quominus iplius quoq; heredibus dentur, Sed ex parte rei vt neq; in heredē eius cōpetant, neq; in eum ipſum poſt annū. Quod autem quarto & poſtremo loco idē Cuiacius obiicit, ex *l. ſi pignore 22. D. de pignor. act.* planè ad rem & quæſtionē noſtrā non pertinet. Nec. n. de conditione furtiua eo loci tractat Iurecōſultus ſed conditione incerti quæ ex Ariſtonis ſententiā à cæteris prudentibus nō improbata cōpetit creditori cui data res pignori ſubrepta fuit *l. & ideo 12. §. ult. D. de condiſ. furt.* Conditio. n. furtiua ſemper conditio certi eſt, nūquam incerti *l. certi conditio 2. poſt prin. D. de reb. cred.* Quamquā ſcio eundē virū doctiſſimum vt ſuam illā obiectionem ab hac noſtra reſponſione tueatur in alium errorē ferri, quo defendit duplicē eſſe conditionē furtiua, Certi vnā, Incerti alteram. Sed ea diſtinctio proſus cōmenticia eſt, & digna tamen de qua propter tanti Iureconſulti authoritatē quæ alios nec paucos nec ignobiles ſcriptores in eundem errorem pellexit, diligentius diſſeramus. Decade ſequenti ne quid huic pleniffimæ noſtræ De conditione furtiua tractationi deſit. Sed illa etiam prius nobis conſutanda eſt ratio quam ab aliis pro Cuiacio adferri diximus, vt probent Tam conditionē furtiuam, quàm actionem rerum amotarum aliquomodo pœnalem eſſe ex parte falſe illius perſonæ quæ conuenitur. Quod inquirunt, in viraque actione æſtimentur res furtiua & amota, quanti plurimi vnquam fuerunt *Ex l. in re furtiua 8. §. 1. D. de condiſ. furt. §. l. penultim. D. rer. amot.* Facilis autem reſponſio eſt, Non idcō poſſe actiones iſtas dici pœnales, Cū æſtimatio etiam quā plurimi non pœna ſit ſed res ipſa quæ in actionem venit, & quam necesse eſt venire in condemnationem quando corpus ipſum furtiuum vel amotum quia ſonē extare deſiit, præſtari amplius non poteſt *d. l. in re furtiua 8. in princip.* vbi Vlp. poſtquā dixit, Li re furtiua conditionem ipſorum corporum competere, ſubinde quærit, An hoc verum ſit tandiu duntaxat quādiu extant corpora, an verò tametiſi deſierint eſſe in rebus humanis, Et ait, ſiquidem fur obtulerit, nullam ſuperſore conditionem, Sed ſi non obtulerit durare conditionem, Non quidem corporum quæ ipſa præſtari ampli-

plus non possunt, sed æstimationis eorum: Quomodo etiam accipi debet, quod ad huius sententiæ confirmationem & amplificationem scriptum est *in l. ult. cod. tit.* Licet fur paratus fuerit excipere conditionem, & per me steterit, dum in rebus humanis res fuerat, eam condicere, postea autem res perempta est, Tamen durare conditionem ex consentiente veterum prudentum opinione, quia videtur, inquit Tryphoninus, qui primum inuito domino rem contrectauit, semper in restituenda ea quam nec debuit auferre, moram facere. Vt scilicet conditio non rei furtivæ sed æstimationis hoc casu duret, quæ æstimatio proinde qualiscunque tandem & quantacunque illa sit, non pœnæ sed ipsius rei furtivæ loco est. Nam quod maior aut minor sit æstimatio quæ præstanda est, non immutat substantiam aut qualitatem æstimationis, nec facit facit ut ea æstimatio habenda sit pro pœna furis potius, quam in vicem rei furtivæ: quia nec facit ut aliud sit quam æstimatio. Vt neque æstimatio illa quam necessitate cogente interdum fieri oportet ex animo & adfectione iurantis, etiam contra eum qui non sit in dolo, & quem idem nemo dixerit pœnam aliquam pati debere ut in specie *l. an actionibus §. 5. ultim. D. de in lit. iurand.* In eoque observanda est perelegans discretio, quam nescio an ullus adhuc observaverit inter æstimationem illam, Quanti plurimi quæ præstatur à fure aut furis herede ex causa conditionis furtivæ, & illam quæ ex lege Aquilia. Nam quæ ex lege Aquilia præstatur pœna est non simplum & simplex accedere dicitur *in l. qui servum §. 4. ultim. D. de oblig. & action.* Et idem dicitur illa actio mixta hoc casu, ut quoque cum ad simplum agitur *§. ex maleficiis Inst. de action.* Nempe quoniam in ea lege res æstimatur quanti plurimi fuit aut triginta diebus proximis præteritis, ex tertio capite, aut eo anno proximo retrosum computato ex eiusdem legis capite primo: Atque ita supra damnum quod datum fuit. Nec enim damnum pluri esse potest, quam quanti res est eo ipso tempore quo damnum sit *d. §. his autem verbis Inst. de leg. Aquil.* At æstimatio quanti plurimi, quæ venit in conditionem furtivam, non ex eo tempore computatur quod furtum præcesserit, sed ex eo demum, quod secutum sit litis contestationem, nec egreditur retrosum iudicij accipiendi tempus *l. 2. §. qui situm D. de privat. delict.* cum non aliam ob causam condēnatio fiat huius æstimationis, quam quia fur ab eo instanti, singulis morientis furtum novum aut saltem moram novam contrahere intelligatur *d. l. in re furtiva in fin.* Ad eoque à quo instanti furtum admisit *l. inficiando 67. §. infans D. de furt.* Sed eius moræ quæ litis contestationem præcessit, ratio nulla haberi potest in iudiciis strictis, ut docuimus in prima Chilianis parte. In quo numero utique conditio furtiva est. Et idcirco non potest ea æstimatio censerī loco pœnæ, Non magis quam si alius quilibet speciei debitor post moram admissam re perempta conveniatur ad eius æstimationem præstandam, cum res ipsa præstari amplius nequeat, licet placeat non eo minus perit adhuc eam debere, quasi adhuc extare videatur hoc ipso, quod post moram extare desierit *l. si servum 91. §. sequitur §. ult. D. de ver. b. oblig. iunct. d. l. in actionibus §. D. de in lit. iurand.* Admitto fieri odio furis ut vñ quoque momento novam moram facere videatur, ex continuatione furti novæque contractatione quamvis reuera vñ dūtaxat furtum sit *d. l. inficiando 67. §. infans D. de furt.* ac præterea ut teneatur præstare quanti plurimi ex die litis contestatæ res vñquam fuit. Sed quamvis ad odium furia vñ quam ad proximam & immediatam causam referatur ius illud quod in conditione furtiva obtinet ut quanti plurimi res vñquam fuit æstimari eam oporteat, Nego tamen statim consequens fieri,

ut poena illa dicenda sit. Multò minùs verò ut cōdictio furtiua pœnalis dici deberet, cùm sint ista lōgè differētia, ut in diluēdo primo Cuiacij argumēto demonstrauim⁹. Est igitur æstimatio quāti plurimi vice rei furtiue q̄ si extaret in cōdictionē veniret ipsa, nō ipsi⁹ æstimatio, Nec tā accessionis cuiusdā iure cēferi debet, extra causam legis Aquiliz, quā principalis debiti, Vnde fit ut ex pragmaticorum quoque sentētia tametsi accessionum accessiones numquam debeantur, *l. ult. C. de usur. æstimatio* tamen quanti plurimi vsuræ quoque præstande sint omnibus illis casibus quibus iidem pragmatici nostrorum interpretum errorem secuti, monstrum hoc æstimatiois quanti plurimi antiquis prudentibus incognitum extra causam legis Aquiliz & cōditionis furtiue inuenerunt. Ut ex Codice nostro videre est *Defin. 9. De usur.* Vnus tantum locus est quī Cuiacium fefellit, & quo probari apertissimè videatur actione rerum amotarum & famosam & pœnalem esse. Is est in *l. 2. C. rer. amot.* Sed de tota illius legis sententia & emendatione idèd latius dicendum erit Decad. seq.



ANTONII FABRI

I. C. SEBVSIANI IN SVPREMO

SABAVDIÆ SENATV PRÆSIDIS

PRIMARIJ,

DE ERROR. PRAGMAT. ET
INTERPR. IVR.

DECAS LXXXL
ERROR I.

De duplici cōditione furtiua certi & incerti quam interpretes quidam induxerunt. Ad l. si pignore 22. D. de pignor. act.



DUPLICEM quidem esse cōditionem Vnam certi, aliam incerti nemo est qui nesciat. Sed qui hāc distinctionem etiā cōditioni furtiue adaptauerit, quasi sit etiā illa duplex certi vna, incerti altera, nemo ut opinor ante Iacobum Cuiacium fuit, quē tamen ex recentioribus nonnulli sunt secuti. Illi verò præcipuē, qui cū eo defendunt, Cōditionem furtiuam quod sit quodammodo pœnalis, & quodammodo famosa non dari in solidum aduersus heredē. Primus enim & capitalis error ille est, qui viros alioquin doctissimos in nouum errorem hunc pellexit, Cū

Cum sibi viderentur posse argumentum huius rei non leve deducere, ex eo quod Vlpianus post Papinianum scribit de conditione *in l. si pignore 22. D. de pign. act.* si modo de furtiva conditione intelligeretur, cum tamen negare non possint quin de incerti conditione accipiendum omnino sit. Nos de illius legis sententia primum dicemus; Postea vero probabimus conditionem incerti furtivam esse nullam posse. Proponit Vlpianus quaestionem de creditore cui pignus subreptum est. Et quaerit, Non an furti agere possit [certum enim est posse cum eius inter sit ex honesta causa *l. creditoris 15. l. creditoris 87. D. de furt.* sed an cogatur imputare debito quicquid furti actione perceperit, Distinguit aut ex Papin. sententia, An extraneus sit qui pignus subripuit, an ipse debitor. Nam & debitor ipse furti rei suae hoc casu facere potest, non quidem proprietatis cuius nec furtum ullum unquam fit, sed possessionis, quae in creditorem transfertur dato pignore *l. eum & fortis 35. §. 1. eo. si. De pign. act.* adeo ut dicatur creditor verè ac propriè possidere quod ad omnia praeterquam quoad causam usucapionis *l. servus nomine 16. D. de usucap.* Ut proinde non possit negari quin creditoris inter sit, quia pignoris retentio commodior & expeditior semper est quam persecutio *l. 1. D. de pign.* Et priore quidem casu, id est cum extraneus furtum pignoris fecit, Placet totum quicquid creditor actione furti percepit imputare cum debito oportere. Atqui duplum ex ea causa percipitur vel quadruplum prout furtum vel manifestum fuit vel nec manifestum. In eoque duplo vel quadruplo simplum continetur, id est summa non debiti sed pignoris quantacunque sit *d. l. creditoris 87. D. de furt.* Solet autem pignus, & ut idoneum sit debet excedere debiti quantitate, Alioquin non esset idonee cautum creditori, Qui tamen finis est dandi pignoris & accipiendi *l. si mandatu 59. §. ult. D. mandat. l. 4. §. addis. D. de fideic. libert.* Ergo vix est ut actio vlla super sit creditori pro debito consequendo posteaquam furti egit, Nisi per inopiam furis factum sit ut non solum duplum aut quadruplum ab eo consequi non potuerit, sed neque summam ipsam pignoris quae debiti summae & quantitati respondeat. Nec tamen imputare debito cogitur id quod percipit, sed etiam actione pignoratitia tenetur, debitori ut omne id quod debitum excedit, ei restituat *d. l. creditoris.* In quo mirum est deterioris eum conditionis esse, quam locatoris, & commodatarii, quibus si res locata vel commodata furto subtrahita sit, non solum furti actio contra furem extraneum competit perinde ac creditori ad duplum vel quadruplum consequendum, sed cum eo quoque comodo ut quod furti actione perceperint, neque locatori neque commodatori restituere teneatur *l. in qui rem 6. D. locat. l. ult. §. sed cum in secunda C. de furt.* Quidni enim tantum iuris habeat creditor, qui hoc plus habet quam ceteri, quod verè possidet proprio nomine *d. l. servus cum tamè conductor & commodatarius non tam possideat quam sint in possessione nomine locatoris aut commodatoris qui reuera possidet l. si quis ante 10. §. servum mobilem 47. D. de acq. poss. l. male agitur 2. C. de prescript. 30. vel 40. amor.* Respondeo Accursius in *d. l. si pignore*, Conductor & commodatarius habuisse usum rei subreptae quo privati sunt per furtum, Creditorem verò non habuisse, quod si pignore usus fuisset furtum admisisset. *l. si pignore 54. D. de furt.* Sed cum furtum sit interversio non tantum visus verum etiam possessionis *l. 1. in §. eo. tit. l. 1. ad si. D. de distr. pign. l. 1. §. Scandola D. si quis qui testatur. lib. 2. §. iuss. est.* Vix dici potest creditorem ob id minus iuris habere cum furtum passus est, quod usum pignoris non habeat, cuius habet veram possessionem. Dicendum igitur potius est differre in eo conductorem & commodatarium à creditore, quod licet creditor verè possideat adeoque suo nomine extra causam usucapionis, non tamè pignus accepit vel aliquid ex eo lucrum perciperet, sed tantum quod sibi magis,

& melius cautum esset, Conductor vero & commodatarius non nisi lucri & cōmodi proprii causa contrahunt, quod in commodato nomen ipsum demonstrat. Itaque nihil sit aduersus mentem contrahentium, cum ex furto, quod cōductori vel commodatario factum est lucrum aliquod penes ipsos remanet; quomodo fieret sanè aduersus naturam pignoris si vel tantillum penes creditorem remaneret. Quamquam in conductore multò planius id procedit quàm in commodatario, Non quia contractus commodati minùs fiat in fauorem commodatarij quàm contractus locationis in fauorem conductoris [nam imò verò commodatum fit plerumque in gratiam & vtilitatem solius commodatarij, Locatio verò in gratiam vtriusque *l. si vtriusq. §. §. nunc videndum D. commod.* vbi dicitur ob hanc causam teneri commodatarium de culpa etiam leuissima, cum tamen conductor non nisi de leui teneatur,] Sed quia commodatum non aliam causam habet quàm liberalitatem commodantis, Cui proinde æquissimum esset commodatarium in vicem accepti beneficij gratiam illam & gratitudinem rependere, vti quod per occasionem furti à fure cōsecutus esset pœnæ nomine, hoc totum ei redderet, neque ex aliena liberalitate cōmodum illud captaret, de quo in commodatarium transferendo non fuerat cogitatum tempore commodati, Aique ita Papinianum aliquando sensisse Iustinianus refert in *d. l. ult. §. sed cum in secundam*, licet non exprimat, vtrum ea ratione moueretur Papinianus quàm nos attulimus, an alia meliore quàm nos certè nullam inuenimus. Sed tamen aliud postea eidem Papiniano visum est quem in hac quæstione vt & in alijs nonnullis variasse constat, tandemque illud magis probasse, vt quod cōmodatarius per actionem furti ab extraneo fure pœnæ nomine consecutus est non sit cogendus actione commodati reddere commodatori, Sed sibi retinere possit in vicem quodammodo & compensationem damni quod ex furto pati poterat si neque furem deprehendere, neque indemnitatem ab eo consequi potuisset. Id enim secundum naturam est cuiusque rei lucra & comoda eum sequi quem sequuntur incommoda, vti habet regula iuris. Quæ tamen ratio si recta est, vt est, quidnisi etiam facit, vt in creditore cui pignus subreptum est, idem iuris obtrineat quod in commodatario, Saltem eo casu quo per leuem culpam creditoris acciderit vt furtum pignoris factum sit, Cùm peræquè verum sit teneri creditorem de culpa leui, atque commodatarius teneretur de leuissima? *d. §. nunc videndum d. l. contractus 24. de reg. iur. §. ult. Inst. quib. mod. re contr. oblig.* Verùm aliud eiusdem Papiniani, aut saltem Vlpiani iudicium fuit, qui scribit in *d. l. si pignore*, Sententiam illam Papiniani quæ vult creditorem qui de pignore subrepto egit furti cogendum esse debito imputare totum quicquid percepit, Veram esse etiam si culpa creditoris furtum factum sit: quamuis eo casu periculum totum ad ipsum pertinuisset: quæ dubitandi ratio ad eum locum fuit. Sed fortior decidendi illa est quàm attulimus, quòd non quemadmodum in commodato id agitur vt commodum aliquod perueniat ad commodatarium. Ita in pignore id actum videri potest vt ex eo lucrum aliquod penes creditorem remaneret. Itaque licet commodati tempore non fuerit cogitatum de lucro illo quod per occasionem furti poterat accidere, præsertim cum ex furto damnum timeri certius quàm sperari lucrum possit: facilius tamen est vt qui lucrum aliquod sperare iuste potuit, maius aliud consequatur, quod non sperauerat, quàm vti vel tantillum lucri penes eum remaneat, qui nullum penitus ex suo cōtractu sperare licitè nec potuit, nec debuit. Quam ob causam nec furti actio danda creditori videbatur nisi in summam debiti, cum non plurius eius interesse credi posset. At contra tamen prudē-

tibus

tibus visum est, creditori actionem furti non in summam debiti sed in summam pignoris competere aduersus extraneum furem *d. l. creditoris 87. de furt.* Quia non credito tenus duntaxat eius interest sed in solidum, id est quanti pignus totum est *d. l. creditoris 15. eod.* non solum si per ipsius culpam furtum factum sit, qui casus nullam habet dubitationem, sed etiam si sine culpa: quippe cum totum pignus possideat & quidem ex debitoris eiusdem que domini voluntate, Quod fortiter ut ei quoque cuius ex alia quam dominij causa interest rem non subripi, actio furti accommodetur *l. si cuius interest 85. eod. tit.* Tantoque magis ipsi cautum sit quanto preciosius est pignus quod accepit. Planè ubi debitor ipse pignus subtrahit, contra probatur, ut in summam non pignoris sed pecuniæ debitor & usurarium eius, conueniatur furti. *d. l. creditoris.* An quia hoc casu non in plus interfit creditoris? Exemplo scilicet eius, quod scribit Ulpianus in *l. si inter 21. §. ult. D. de pignor.* Si pignoratæ res non restituatur, litem aduersus possessorem æstimandam esse, sed aliter aduersus ipsum debitorem, Aliter verò aduersus quævis aliū possessorem. Nam aduersus debitorem non plus quam quanti debet, quia non plus interest, Aduersus ceteros autem possessores citâ plus: & quod amplius debito consecutus fuerit creditor, debere illum restituere debitori pignoratitia actione. Ita certè est. Quanquam enim viroque casu interesse videtur creditoris habere totius pignoris possessionem quo magis sibi cautum habeat, ut supra diximus, Fatendum tamen est plus eius interesse aduersus extraneum siue furem siue possessorem quam aduersus debitorem ipsum: Quia contra tertium quemlibet tanti eius interest quâti est non solum quod ei debetur, sed etiam quod iudicio pignoratitia restituere debitori teneatur, cum possit ei imputari si ob id solum minus reddat, quod minus exegerit quando plus exigere pro suo iure & posset & deberet. Bonam enim fidem præstare cogitur in omnibus iis quæ ad causam pignoris pertinent, Nec tantum cum per actionem in rem pignus ipsum persequitur contra quemlibet possessorem, sed etiam cum de pignore subrepto agit furti, Siquidem nec aliam ob causam habet actionem furti quam quia rem tenuit ex domini voluntate *d. l. si cuius interest.* At contra debitorem ipsum non quam eius interest, nisi ad quantitatem usque debiti. Et quamuis id quod a debitore consecutus erit pænæ nomine per actionem furti, non solum reddere domino non teneatur sed neque debito imputare, ut mox dicemus *ex d. l. si pignore*, quæ res aliquam videtur inducere differentiam inter actionem furti de pignore & hypothecariam quæ nullo penitus casu lucrum adferre creditori potest, quia pænalis non est, sed rei solius persecutionem a iudicio iudicis continet *l. si furti 16. §. in vindicatione D. de pignor.* Non idèò tamen potest fieri ut tanto plus videatur interesse creditoris ad augendâ quantitatem simpli quæ duplandâ, vel quadruplandâ est, At potius tantò minoris, quantò maius lucrum sensurus est ex furti pænâ quam sibi totam & integram retinebit. Absurdum enim esset dicere ob id plus interesse creditoris contra debitorem ipsum quod ex eiusdem debitoris voluntate rem tenuerit, At non potius meliorem idcirco debere condicionem esse domini ex cuius potissimum voluntate sit, non ut creditoris interfit, sed ut creditori ob id quod eius interest actio furti danda sit. Non enim omnibus quorum ex quacunque causa interest actio illa accommodatur, sed iis tantum quorum interest vel ratione dominij vel ratione possessionis quam nacti sint ex domini voluntate, ut constat ex exemplis positis in *d. l. si cuius interest in fin.* Hactenus igitur danda est creditori actio furti contra debitorem quatenus interest creditoris seposita & insuper habita debitoris voluntate. Hoc verò

ad causam debiti & vsurarum eius restringitur: quia nō pendet ex debitoris voluntate an aut quantum debeat, postquam debere cœpit, & obligationis vinculo se adstrinxit. Ergo ad summam debiti & vsurarum restringendum erit simplum quod in actione furti duplandum vel quadruplandum est si debitor ipse rei suæ furtum fecerit.

ERROR SECVNDVS.

Ad posteriorem partem distinctionis quam ponit Vlpianus in d. l. si pignore 22. De pignor. act.

VENTAMVS iam ad aliam partē distinctionis quam Vlp. in d. l. si pignore, adhibet circa illam quæstionem, An quod actione furti cōsecutus est creditor pœnæ nomine ab ipso debitore qui pignus subtraxerit, cogendus sit pignoraticia actione restituere debitori. Et cōcludit Vlpianus, neq; debere hoc imputari debito, neq; restitui, & ita Papinianum quoque sensisse lib. 9. quæstionum, Cuius sententiā extat in l. si debitor 79. D. de fure. in hæc verba si debitor pignus subtrahat, quod actione furti soluit, nullomodo recipit. Nec valde dissimiliter Modestinus in l. id quod 74. D. de solut. Id quod pœnæ, inquit, nomine à debitore ex altum est lucro debet cedere creditoris. Ratio non obscura & in qua omnes consentiunt, illa est, quod pœnæ non solent repeti cum depensæ sunt, minuscque absurdum est vt per occasionem pignoris lucrum aliquod reuaneat penes creditorem, etiam cōtrā quā ferat natura pignoris, quā vt debitoris furtum & delictum sit impunitum, l. Sticium aut Pamphilum 95. in princip. versic. Sane quoniam eod. tit. In vniuersum enim & sine vlla exceptione sequenda est ea regula, vt dolus omnimodo puniri debeat, etiamsi non alicui sed illi ipsi qui eum admisit damnosus futurus sit, l. procurator 21. §. 1. D. de doli mal. excepti. Quanto igitur magis puniendus est dolus debitoris qui creditori adferat iacturam possessionis? Atqui non puniretur si quicquid à debitore creditor exegisset, totum id aut debito imputare, aut ipsi debitori restituere cogeretur. Eadēq; rationem habet quod ex eodem Papiniano sequitur apud Vlpianum in d. l. si pignore §. 1. Si meius causa creditor seruum pignoratū debitori tradiderit, quem bona fide pignori acceperat, & postea egerit ex edito Quod metus causa, atque ita quadruplum consecutus sit, neque restituere illum debere quicquam ex eo quod consecutus est, neque debito imputare, Etsi namque in quadruplo illo simplum continetur aded vt non nisi triplum in pœna esse videatur, l. item si cum exceptione 14. §. sed etsi quis & 9. quatenus D. quod met. caus. quadrupli tamen condemnatio vnica, & indiuidua est, ideoque tota per modum pœnæ irrogatur, licet non tota sit pœna. Vnde dubitatum olim fuit inter prudentes, Si quis per vim stipulatus cum acceptum non faceret fuerit in quadruplum condemnatus, An si postea ex stipulatu ageret, aduersus exceptionem Quod metus causa causa, replicatione doli adiuvari deberet. Nam Iulianus quidem putabat adiuvari eum debere quidd in quadruplo etiam simplum reus esset consecutus, Sed Labeo contrā dicebat etiam post quadrupli actionem nihilominus exceptione summouendum eum qui vim intulisset vt scriptum est in d. §. sed & si quis Vbi Tribonianus sub Vlpiani nomine duriorē existimans

stimans sententiam Labeonis, sic temperandam esse ait ut tam tripli condēnatione plectatur stipulator, quā acceptionem omnimodo facere compellatur. Ceterum si in condemnatione quę sit ex illa actione Quod metus causa, diuidēdum esset quadruplum in simplum & triplum, ut rei persecutio à pœna distingueretur, sicuti falsa euidenter fuisset planēque improbabilis opinio Labeonis, ita nec querere Iulianus debuisset de danda replicatione stipulatori, qui exceptionem Quod metus causa per simpli solutionem abundē exclusisse vidcri potuisset. At quia per modum pœnæ condemnatus fuerat ad totum quadruplum, idē placebat vel exceptione Quod metus causa adhuc repellendum eum si ex stipulatione per vim aut metum interposita agere pergeret, quæ Labeonis erat sententia, Vel saltem necessariam ei esse replicationem doli aduersus exceptionem, quod bis idem consequi reus vellet, quamuis diuersis in editis, ut in *l. si quis dolo su. in fin. D. de re iudic.* Nec sanē aliam rationem habere potest quod ex Papiniano Ulpianus scribit in *d. l. si pignora §. idem Papinianus*, Si metus causa tradiderit creditor debitori seruum pignoratū quem bona fide pignori acceperat, & per actionem Quod metus causa quadruplum consecutus sit nihil eum restituere debere ex eo quod consecutus est neque debito imputare, Quā quia quadrupli condemnatio tota per modum pœnæ interrogata est, licet simplum in ea contineatur. Non enim qui in ea actione cognoscit iudex pronunciat rem esse restituendam, nec condemnat rerum ad rei restitutionem aut ad simpli præstationem, primum, deinde ad triplum pro pœna, sed ob id quod non sit paritum arbitrio De re restituēda quod præcedere necesse est ut in actionibus arbitrariis omnibus, Condemnat rectā reum in quadruplum per modum pœnæ etiam quod ad simplum comprehensum in illo quadruplo, licet reuera simplum illud non sit pœna sed æstimatio rei per vim ablatæ. Alioqui non posset negari, salua Papiniani pace, & autoritate quin debito suo saltem imputare creditor deberet simplum illud quod per actionem De eo quod metus causa etiam à debitore ipso esset consecutus, Siue Iuliani sententiam illam sequi velimus quę extat in *d. §. sed & si quis*, siue Tribonianum temperamentum quod in effectu ad Iuliani sententiam propius accedit, ut scripsimus in Rationalibus ad eum locum: Nisi fortē in ea Iureconsultorum dissensione Papinianum à partibus Labeonis steterisse malimus, & in ea fuisse opinione ut etiam post quadrupli perceptionem pristina supersit actio quę competeret etiam si nulla quadrupli condemnatio facta esset. Quę sententia, mihi, si dicere liceat, quod scio, probabilior videtur. Neque enim per hanc quadrupli condemnationem restitutio vlla fit rei de qua contenditur, sed ob eam non restituitur & in pœnam contumaciæ quadrupli totius condemnatio irrogatur, ut eum pœna, & sub pœnæ nomine actor etiam indemnitate consequatur, Et utut sit semper verum est quod volumus, In actione Quod metus causa quadruplum per modum pœnæ in condemnationem deduci, Indēque fieri ut nihil ex quadruplo illo neq; restituatur, neque imputetur. Quāquam dici etiam fortasse posset, casum illū de quo Papinianus respondit, habere quid speciale. Nō enim ponit coactū esse creditorē debitum acceptum facere creditori, sed tantum ei pignus tradere, ex eaque causa ereditorem consecutum esse quadruplum, Æstimationis scilicet possessionis, quippe quæ sola hoc casu æstimanda est, non ut in actione furti aut debitum ipsum aut pignus pro debito datum. Æstimatur siquidem id solum quod restitui oportet, id est quod abest. Abest autem nuda possessio eum suis fructibus *l. si mulier 21. §. qui possessionem D. quod mori caus.* non etiam debitum ipsum,

quippe quod non haberet creditor etiam si pignus per vim tradere coactus non fuisset. Proinde mirum non est post huius quadrupli perceptionem integrā totius debiti petitionem superesse, cum neque debitum, neque pro debito quicquam creditor perceperit, sed tantum pro possessione pignoris. Aliter quam si creditor debitum ipsum accepit ferre coactus, agens postea ex edicto, Quod inetus causa quadruplum consecutus esset. Nam cum in quadruplo illo debitum ipsum quasi simplum contineretur, difficilior esset ut audiri deberet creditor, si præter quadruplum etiam debitum exigere vellet, quod iam per actionem quod metus causa licet non sub debiti nomine exegisset. At in casu Papiniani neque debitum exegisse videri potest creditor etiam si quadruplum consecutus sit, neque quicquam pro debito, sed tantum pro possessione pignoris, Cuius possessionis causa nihil cum debito commune habet. Sed hæc quidem circa actiones furti & Quod metus causa ad Ulpiani & Papiniani sententiam assequendam dixisse sufficiat. Superest ut de conditione cuius mentio fit in ead. l. si pignore aliquid subiiciamus, & de furtiva conditione intelligi non posse ostendamus. Qui quoniam alius, nec minoris momenti tractatus est, conferendus erit in Decadem sequentem, Si tamen prius monuerimus, Distinctionem illam quam supra in creditore adhibuimus, An ei pignus subreptum sit à debitore ipso, an ab extraneo, non similiter habere locum posse in commodatario vel conductore. Nec enim potest debitor rem suam cuius & dominium & veram possessionem retinet subripere commodatario, vel conductori, qui neque dominus est, neque possessor. Est autem habent isti vsum aliquem rei siue locatae, siue commodatae, furtum autem fit per interuersionem vsus non minus quam possessionis d. l. in fin. D. de furt. Non potest tamen ea res inducere ut locator conductori vel commodator commodatario furtum facere existimetur, quoniam ea demum interuersio solius vsus, furti materiam præbet, per quam fit ut qui alienam rem ad certum vsum accepit, alij eam vsui applicet, puta si commodatarius qui equum accepit commodato ad iter vnus diei eo vtatur per mensem, aut iumenta sibi commodata longius duxerit, ut in l. qui iumenta 40. eod. tit. Vel ut quis aliena re vtatur qua nullo modo uti potuerit ut evenit in depositario & creditore d. l. si pignore 54. eod. At cum dominus re sua utitur cuius non solum dominium sed etiam possessionem habet, fieri nequit ut furtum faciat, Non magis, quam ut re sua utatur l. uti frui 5. D. si usus fr. per. Facit quidem iniuriam conductori quem non patitur frui re conductæ, Et commodatario cui intercipit vsum rei commodatæ, & quem beneficio adiuuari non decipit oportuit l. in commodato 17. §. sicut D. commod. Sed nulla inde furti actio nasci potest nec alia vlla, nisi ex contractu, Scilicet conducti in fauorem conductoris, & commodati contraria in fauorem commodatarii, dist. §. sicut, l. ex conducto 15. in princip. D. locat.

ERROR TERTIVS.

De conditione incerti, qua datur creditori subrepto pignore per debitorem.



Act. r. Ulpianus duplicem mentionem conditionis quæ competit creditori subrepto pignore in l. si pignore 22. D. de pignor. action. quia & duos casus proponit in quibus locum habere conditio illa potest. Primus

Primus est si pignus creditori subreptum fuerit ab alio quàm à debitore. Alius est si à debitore ipso furtum pignoris factum sit. Vtroque casu certum est competere creditori non modò actionem furti, contra furem, quisquis ille sit, sed etiam conditionem, & quidem incerti ad id quod interest creditoris, licet aliter atque aliter æstimandum aduersus debitorem & aduersus extraneum. Neque est qui de hoc dubitet. Sic enim apertè ex Neratio & Ariftone scribit Vlpianus in l. q. ideo 12. §. *Nerarius D. de condic. furt.* Sed de illo tantum queritur & controuertitur, An ea conditio sit furtiua: Cuius controuersie gratia totus hic à nobis susceptus tractatus est. Querit autem Vlpianus in d. l. si pignore, An quod creditor à fure extraneo consecutus est per huiusmodi conditionem aut etiam à debitore ipso cogatur vel imputare debito vel debitori restituere pignoratitia actione. Respondet autem ad questionem, quod ad priorem duntaxat casum pertinet, non etiam quod ad posteriorem, Scilicet quod ab extraneo consecutus est creditor sine actione furti, siue incerti conditione, debito imputari oportere, sed multò magis quod conditione incerti quàm quod actione furti, Cum id quod consecutus est per actionem furti, pœna sit: Quod verò per conditionem, rei persecutio: Non autem æquum sit creditorem eandem summam bis persequi ut eam bis consequatur. Quod autem ad posteriorem casum pertinet, Nihil respondet Vlpianus nisi de actione furti: Nimirum id quod creditor à debitore ipso per eam furti actionem consecutus fuerit, neque imputandum esse debito, neque restituendum debitori tanquam quod pœnz nomine exactum sit. De conditione verò nihil respondet, totamque rem dubiam & indecisam relinquit. Inde porro magna inter iuris interpretes & contentionis & dissensionis materia, iam olim apud Accursium inter Azonem & Irnerium. Azo namque defendebat, neque imputare creditorem, neque restituere actione pignoratitia debere quod à debitore ipso per conditionem illam incerti fuisset consecutus, tanquam quod si non prorsus pœnz nomine, saltem quasi pœnz exactum esset, ob improbum factum debitoris. Irnerius contra contendebat & imputari oportere & restitui. Azonem quem Accursius quoque & veteres omnes secuti sunt, & ex recentioribus nominatim Cuiacius ad libr. 9. questionum Papiniani, illa potissimum ratio mouebat, quod si seruum bona fide sibi pignorum creditor debitori reddere per vim aut metum coactus, agens postea ex edicto Quod metus causa quadruplum à debitore consecutus fuisset, non eo minùs totum debitum petere adhuc posset, nec quicquam ex eo quadruplo aut in debitum suum imputare, aut creditori restituere cogeretur: Cum tamen negari non possit quin illo in quadruplo simplum contineatur, nec nisi triplum in pœna esse videatur. Ita enim diserte scriptum est ab eodem Vlpiano, aut saltem sub Vlpiani nomine in l. si enim exceptione 14. §. sed & si quis §. 9. quatenus D. quod met. caus. Cur ergo in illa etiam conditione incerti quæ creditori competit aduersus debitorem subrepto per debitorem pignore, non idem obseruabimus, ut quamuis rei persecutionem contineat, nihil tamen actione pignoratitia vel imputare debeat creditor vel restituere? Tanti verò momenti obiectionem hanc esse putauit bonus Irnerius, ut nihil aliud respondere potuerit, nisi quod creditor, qui per actionem Quod metus causa quadruplum consecutus est nihil quidem ex eo quadruplo in debitum suum imputare debeat, sed tamen cogendus sit pignoratitia iudicio reddere simplum il-

lud quod in qua triplo perceiverit. In quo tamen, ut bene Accursius obseruavit nec fuit valde difficile, aperte vim facit Irnerius Vlpiano, cuius illa sunt verba, si non potius Papinianus cuius sententiam eo loco Vlpianus refert, *Nam si egerit Quod metus causa factum est, & quadruplum sit consecutus, nihil neque restituet ex eo quod consecutus est, neque debito imputabitur.* Ego tamen facere non possum, quin aduersus Azonem & Cuiacium sentiam. Motus illa potissimum ratione quod condictio incerti quæ creditori contra furem pignoris accommodatur, non possit non esse rei persecutoria. Siquidem ob hoc ipsum dicitur incerti condictio quia competit ad id quod interest creditoris. Id autem quod interest semper incertum est, quia in facto non in iure consistit. *l. quatenus 24. De reg. iur. l. vltim. D. de prætor. stipulat.* Qui autem fieri potest ut quicquam adhuc interfit eius, qui iam id omne sit consecutus quod sua intererat? Aut ut ei cuius nihil amplius interfit, salva nihilominus supersit actio pecuniæ creditæ? Tritum enim est neque actionem, neque exceptionem saltem efficacem ei dandam esse cuius nihil interest, Cum & obligationes, & actiones, & exceptiones ad hoc tantum comparatæ sint ut unusquisque quod sua interest, vel acquirat vel consequatur *l. 3. §. 1. l. stipulatio ista 38. §. alteri De verbor. obligat.* Denique quis vnquam admittat quod contendit Cuiacius, CondiCTIONEM illam incerti per quam creditor consecutus sit quicquid sua intererat, pœnalem esse? Non disputo, An sit illa condictio furtius: quemadmodum vir doctissimus putat, quod mox negabo, Sed illo etiam præsupposito quod falsissimum est ut furtiua condictio dici posset & deberet. Quis tamen non videt pœnalem dici eam nullomodo posse cum non deur nisi ad id quod interest? Nec enim sicuti pœna plerumque substituitur in locum eius quod reuera interest siue ad taxandam eius quantitatem quæ alioqui esset incerta, ut in *dist. l. vltim. de prætor. stipulat.* siue ad nouandam quodammodo eius quod interest obligationem, ut in *l. obligationum ferè 44. §. vltim. D. de obligat. & actiōn.* Ita è contrario fieri, dicere vnquam potest id quod interest substitui loco pœnæ. Ergo siue initium rei, siue effectum respiciamus, non potest condictio incerti, quæ non datur nisi ad id quod interest, pœnalis existimari. Et consequenter cum sit rei persecutoria, nihil certè causæ est, cur non cogendus sit creditor debito imputare quod ab ipso debitore consecutus fuerit per condictionem. Ne alioqui absurdum illud sequatur, quod Cuiacius fateri cogitur, licet absurdum id esse neget, ut creditor eandem rem bis persequatur, & consequatur. Scilicet per condictionem incerti primum, deinde per actionem pecuniæ creditæ. Nec rursus dici potest ad corrigendam vel mollendam duplilis huius exactionis iniquitatem, Per incerti condictionem exigi rem sub nomine eius quod interest, Per actionem verò pecuniæ creditæ sub nomine debiti. Nec enim sola nominum diuersitas immutare potest rei substantiam, & facere ut pro diuersis haberi debeant ea, quæ effectui ipso vnum, & idem sunt. Atqui certum est quoties pignus à debitore ipso subreptum est creditori, nihil interesse creditoris nisi ratione debiti & usurarum eius *l. creditori 87. D. de furi.* Ergo quod consequitur creditor per condictionem incerti à debitore iure eius quod interest, illud ipsum est quod per actionem pecuniæ creditæ consequitur sub nomine debiti, Nec pro Cuiacio quicquam facit quod ipse allegat ex *l. id quod 74. D. de solut.* Id quod exegit creditor à debitore in proposita specie non debet restitui debitori. Loquitur enim Modestinus in *d. l. id quod*, non de omni eo quod creditor à debitore exegerit, sed de eo tantum quod exegerit pœnæ.

DOMINO.

in nomine. In quo id quod interest, ut diximus, numquam continetur. Priusque erat ut probaret Cuiacius pœna aliqua functū esse debitorem qui propter subreptum a se pignus præstiterit creditori quāti eius interfuit, quāti ut exclamaret quomodo exclamat in hæc verba, *Quis hoc audis, ut mihi ex posfacto restituatur pœna, quæ semel functus sum iure meritis?* Quā exclamarit ille impatiētius, nec tamen, ut puto, iustius, si hoc audiret quod nūc primū audemus dicere, In proposita specie, id est cū pignus non ab extraneo sed à debitore ipso subreptū est creditori nullam eo nomine conditionem incerti aduersus debitorem creditori dandā esse? Nam cū sit verissimum quod scriptum est in *d.l. creditoris*. Hactenus referre an extraneus, an verò debitor furtū pignoris fecerit creditori, quod aduersus extraneum furē æstimatur id quod interest creditoris non credito tenus dūtaxat, sed ad valorem usq; pignoris, Aduersus debitorem verò non nisi ad finem debiti & vsurarum eius, Facēdum est, omnino nihil interesse creditoris an agat cōditione incerti, an actiōne pecuniæ creditæ, nec aut plus, aut aliud vna actiōne quā alia contineri. Quod si ita est, illud quoq; fateri nos oportet conditionē incerti hoc casu competere nullā posse. Quemadmodum enim Philosophi dicunt, non esse multiplicanda entia sine necessitate, ita & in Iurisprudentia nostra propositio verissima est, Nō esse multiplicandas pro vna eadēmq; re actiones quarū vna nō plus quā alia sit vtilitatis allatura. Inductæ sunt. n. actiones omnes iure ciuili aut ex necessitate, aut ex aliqua saluē vtilitate, ut quod vna actiōne actor, vel nullomodo, vel minū cōmodē posset consequi, altera actiōne, vel plenius vel cōmodius consequeretur, *l. qui seruum 34. De obl. & act.* Tantū autem abest ut creditori cui pignus à debitore subreptum est vel necessaria sit, vel vtilis incerti cōdictiō aduersus debitore, ut incōmoda potiūs & dānosa ei futura sit. Cū. n. creditor ad debitū consequendum habeat actiōnē pecuniæ creditæ quæ ipsa nihil aliud quā certi cōdictiō est. Quid obsecro prodesse illi potest, quod habeat præterea conditionem incerti? An non multo certius, commodius & expeditius est agere certi conditione quā incerti? Qui enim condicit certi ad hoc solū adstringitur ut probet sibi deberi, non etiam quantum illud sit quod debetur, cū sit certum. At is qui condicit incerti ut consequatur id quod sua interest, non solū probare cogitur quod sua interfit, sed etiam quanti interfit. Quoniam vtrumque illud, An scilicet interfit, & quatenus interfit in facto non in iure consistit, ideoque incertam quantitatem continere dicitur, quia semper incertum est quod ex lubrico fidei testium pender, etiamsi tale quid sit quod in se ac per rerum naturam sit certissimum: Vnde fit ut quamvis maximē interfit actoris plerumque tamen inopiā probationum res & condemnatio ad exiguam summam deducatur *d.l. ult. D. de prat. stipul.* vbi hanc ob causam consilium dat Iureconsultus, ut stipulator in vicem eius quod interest pœnam & certam quantitatem stipuletur ne probandum habeat, An aut quatenus interfit, quia cū pœna in stipulationem deducta est non querimus an interfit, aut quanti, sed tantū quænam sit quantitas & condicio stipulationis *l. stipulatio ista 38. §. alteri D. de verb. obl.* Verū huic consilio in prætoris tantummodò stipulationibus locus est, quæ sui natura in id quod interest per verba illa *quantum res est* concipiuntur, Non etiam in casu nostro in quo agimus de conditione incerti quæ non ex conventionē aliqua, sed ex furto nascitur.

tur.

ERROR QVARTVS.

Quid probare debeat qui agit conditione incerti de subrepto pignore contra debitorem, Et quid si subreptum pignus fuerit per extraneum.

DICES nec esse necessarium in proposita specie vt qui agit conditione incerti probet quanti sua inter sit. Cum tanti eius interesse credatur, quantum ei debetur *d. L. creditorum 87. de furt.* id eoque nec verendum esse ne per inopiam probationum aliquod damnum sentiat, cum probationes quæ sunt necessariae in conditione certi ad condemnationem extorquendam, ex ipsa sufficere possint ad incerti conditionem peragendam. Respondeo, Satis esse nobis ad victoriam vt per conditionem illam incerti nullum cominodum ad actorem peruenire possit, licet neque damnum ex ea vllum sensurus sit. Cur enim patiamur actionem nouam induci, cuius neque necessitas, neque utilitas vlla proferatur? Sed tamen negari non posse quin creditori ea conditione agere volenti necessarium sit probare furtum à debitore factum, Haud secus acti contra eum agere furti vellet: quæ tamen probatio plerumque difficilis est, vt & cæterarum rerum omnium quæ in animo & voluntate consistunt, cum furtum sine animo & adfectu furandi non fiat. Proinde deo probanda creditor habet si aduersus debitorem conditione incerti agere velit, & furem eum esse & debitorem. Cum tamen ad conditionem certi rectè & cum effectu instituendam possit ei sufficere vt aduersarium probet debitorem, Quod non tantum per testes vt furtum, sed per chirographum, probari potest, aut ex aliis publicis priuatisve instrumentis. Denique vel ipse verborum sonus ostendit. Cæteris quoque paribus longè commodiorem esse & certiore conditionem certi quam incerti, Semper enim metuenda & periculosa est incerti allegatio & mentio in iudiciis, quorum euentus per se iam nimium dubius incertusque est *vulg. l. quod debetur 51. D. de pecul.* Quam ob causam ferè adsum adfirmare nullo iuris loco què legisse meminerim ita scriptum aut comparatum esse, vt pro vna eademque re certi conditio possit concurrere, cum incerti conditione, eisdemque personæ utraq; actio accommodetur. Sed solet semper conditio incerti esse subsidaria, & ei competere cui competere certi non posset, in qua quæ semper minus certa sit minus; utilis nec minus stricti iuris quam conditio certi. Sunt. n. conditiones omnes strictæ, siue certi sint, siue incerti, nūquā verò bonæ fidei vt aliz pleniores aliis possint habere præstationes. Nec est quod quis obiciat, Eadem ratione futurum vt probare quis possit, Non magis aduersus extraneum furē danda esse creditori conditionem incerti, cum perinde inutilis ei futura sit ea actio, quippe qui paratiore & certiore habeat conditionem certi contra debitorem. Longè namque diuersa horum casuum ratio est, Non ob id solum quod creditoris interest habere plures debitores vt quod forte à debitore ipso propter eius inopiam consequi non posset, consequatur ab extraneo fure, Sed etiā quia idipsum quod creditoris interest, aliter æstimatur aduersus extraneum, aliter verò aduersus debitorem. Cum aduersus debitorem non æstimetur nisi ad concurrentem usque debiti & usurarum eius quantitatem, Aduersus extraneum autem, ad summam usque & valorē pignoris, cuius æstimatio plerumque debiti quantitatem excedit, Vt proinde non possit dubitari quin plenior sit conditio illa incerti contra extraneum, quam conditio certi & pecuniæ creditæ contra debitorem. Replicabis fortasse, Nihil referre creditoris an id quod ipse interest æstimetur ex quantitate debiti,

debiti, an ex valore pignoris, cum id omne quod debitum excedit, & debiti v-
 furas, cogatur postmodum reddere debitori pignoratitia actione l. creditoris 15.
 D. de furt. Imò verò, inquam, maximè creditori interest, non modò propter
 repræsentationem damni, quomodo de actione rerum amotarum scribit Pau-
 lus in l. si mulier 21. §. hac actio D. rer. amot. per eam actionem repræsentari dam-
 num licet postea dotis exactio competat, Verùm etiam ne soluto quando cum
 debito teneatur ob hoc ipsum creditor debitori pignoratitia actione, Cui
 sanè teneretur si non ei redderet quicquid ab extraneo fure non solùm exegis-
 set, sed etiam exigere potuisset, & debuisset, quemadmodum eodem iudicio te-
 netur ille ad restitutionem fructuum non solùm quos percepit, sed etiam quos
 percipere potuit l. creditor qui pradium 3. C. de pign. act. Itaque non parvam ex il-
 la conditione incerti vtilitatem sentit creditor, exigèdo suprà quàm sibi & for-
 tis & usurarum nomine exbeat, quamvis superfluum postea restituere cogat-
 ur, quando ea ratione assequitur vt à periculo damnoque actionis pignoratitię
 se liberet: Cuius è contrario nullus subest metus si debitor ipse furtum fecerit.
 Qua enim fronte possit debitor imputare creditori cur conditione incerti vel
 furti actione aduersus debitorem ipsum non egisset argu. l. si extraneus 33. l. cum
 in fundo 78. §. quòd si mulier D. de iur. dot. At instantem adhuc te audio, Potuisse
 hanc incerti conditionem & debuisse induci quamvis inuilem futuram ad-
 uersus debitorem ipsum eundemque furem pignoris, vel solo furum odio quo
 magis pluribus actionibus teneretur, Sicuti circa conditionem furtiuam rati-
 ocinator Iustinianus in §. sic itaque Inst. de act. ex eaq̃ causa posse illud defen-
 di quod vult Cuiacius conditionem illam incerti furtiuam dici debere, quòd
 non nisi furis odio sit comparata. Ego verò neutrum admitti posse arbitror.
 Nūquam enim aut odium furis, aut aliud quidpiam extorquere potuit à ciuili
 legislatore actionem nouam quæ omni casu futura esset prorsus inutilis, Ne-
 que verò quòd ad conditionem furtiuam pertinet, furis odium in eo elucet
 quòd pluribus actionibus tenetur, sed quòd contrariis & incompatibilibus, Si-
 quidem extra causam furis inauditum est vt conditio concurrat cum vindica-
 tione, & qui iam dominus est, cum magis dominus fieri nequeat, intendat ta-
 men sibi rem suam dari oportere d. §. sic itaque & l. ult. in fin. D. usufr. quem ca-
 neat. Ceterum nemo dixerit idèd solum inductam esse conditionem furtiuam
 vt actionum numero fur obrueretur, Cum suas vtilitates habeat, casque non
 paucas quæ nec in vindicationem rei furtiuæ nec in actionem furti venire
 possent: Inter quas illa est, quòd datur contra furem furisque heredeni etiam si
 non possideat §. ult. Inst. de oblig. que ex delict. nascunt. l. si pro fure 7. §. ultim. D. de
 condit. furt. contra quem tamen non daretur vindicatio si non possideret, vt
 nec aduersus alium quemlibet l. is qui destituit 24. l. qui petitorio 36. D. de rei
 vindic. Item quòd in conditione furtiua æstimatur res quanti plurimi vnquam
 fuit à die litis contestatæ l. 2. §. questum D. de priuar. delict. l. in re furtiua 8. in fin.
 D. de condit. furt. Cum tamen neque in rei vindicatione, neque in alio vllò
 actionis genere si excipias actionem legis Aquiliæ, præstetur vnquam æstima-
 tio quanti plurimi. Denique quòd in conditione furtiua non distinguimus
 an furtiua res æquè apud dominum peritura fuerit an non, Quomodo distingui
 solet in vindicatione l. item si verberatum 15. §. 1. D. de rei vindic. Sed omnimo-
 do furem furisque heredem ad rei furtiuæ restitutionem si extet, aut si extare
 defuerit, ad æstimationis quanti plurimi præstationem condemnamus: nullo in
 eam rem adhibito iureiurando in litem, cui locus est in iudicio vindicationis

l. qui restituere 68. eod. tit. Ex eo igitur apparet neque inutilem esse conditionem furtiuam, neque ob id tantum comparatam ut fur pluribus actionibus teneretur, Sed etiam ut grauiore ac duriore actione coerceretur, Et consequenter non posse ex comparatione conditionis furtiuæ sumi argumentum ad inducendam pariter odio furis conditionem incerti aduersus debitorem, ex qua nullum creditor commodum sentire vlllo casu posset. Sed & admissio eo quod tamen numquam admitterem ut odio furis danda esset creditori pro subrepto pignore conditio incerti aduersus debitorem, Non idem tamen illud etiam admittendum putarem ut ea conditio dici furtiua deberet: Nisi forte putamus etiam vindicationem quæ contra furem competit si rem furtiuam possideat, speciali & ante hunc diem inaudito nomine, furtiuam vindicationem dicendam esse, Eo colore, quod post inductum ius conditionis furtiuæ soli domino dandæ, non minus odio furis fieri videatur, ut qui conditione tenetur etiam vindicatione teneatur, quàm è conuerso ut ab eo qui actione in rem conueniri potest, condici quoque possit: Vtrumque enim abhorret ab ea iuris regula quæ nullo casu patitur concurrere vindicationem cum conditione. Illud vnum nobis obstat, quod Vlpianus in *d. l. si pignore*, de ista incerti conditione aduersus ipsum quoque debitorem qui pignus subripuit, danda loquitur apertè iis verbis *sed quod ipse debitor furti actione præstiterit creditori, vel conditione*. Quid enim scribi potuit apertius, ut appareret etiam aduersus debitorem propter subreptum pignus incerti conditionem dari posse? Atqui ex ratione iuris defendi hoc non potest, ut iam ostendimus. Superest ergo ut dicamus irreperita esse verba illa & conditionem, additâq; ab imperito interprete non animaduertente quantum intersit hac parte, an ab extraneo, an à debitore ipso furtum pignoris factum sit. Alioquin quis sibi persuadeat, Vlpiano aut Papiniano excidere potuisse, ut proposita questione in duas partes diuisa ad alteram duntaxat responderetur? Est hoc nimitum familiare incitiæ Triboniani, non diligentiz Vlpiani, aut alterius cuiusquam ex prudentibus. Et verò cur de furti tantum actione locutus esset Vlpianus ex Papiniano in *d. l. si pignore* & Papinianus ipse in *l. si debitor 79. D. de furti*, si conditionem quoque incerti ex hac causa contra debitorem à creditore exerceri posse credidissent? Aut si non saltem aliud iuris constituendum putassent in eo quod creditor actione furti consecutus esset à debitore, Aliud verò in eo quod incerti conditione. In summa cum incerti conditio illa si contra debitorem competeret, non latius patere posset, quàm conditio certi de pecunia credita, ut probauimus, quis non videt quàm diuersa sit hac parte causa conditionis & actionis furti, neque posse in conditione sic concipi questionem, An quod creditor à debitore supra debiti quantitatem exegerit, restituere cogendus sit, cum superfluum nihil esse possit. Quamquam obseruo aliter ab Vlpiano propositam questionem, Aliter verò conceptam responsionem. Nam cum quaesitum esset, an quod ipse debitor furti actione præstiterit creditori, debito imputandum sit, Respondet ex Papiniano non oportere id restitui, quod diuersum est. Qua de causa si quis Triboniano tribuere vellet quod ego interpreti, non valde repugnarem. Neque enim stylum Vlpiani valde mihi sapere videntur verba illa initio legis posita *Papinianus constituit, & est verum* & quæ toto serè illius legis cōtextu sequuntur. Neq; in contrariū facit quod Paulus ex Neratio & Aristone generaliter scribit in *l. & ideo 12. §. vlt. D. de condit. furti*. Eū cui pignori res data est incerti conditione acturum si ea subrepta est. Recipit enim hæc generalis sententiâ interpretatione ex ratione iuris, Si pignus non à de-

bitoris

bitore ipso sed ab extraneo subreptum proponatur: qui casus tamen idèd fortasse non fuit nominatim exprimendus, quia usu frequentior est. Nā & similiter idem Paulus in *d. l. creditoris 15. De furt.* generaliter scribit, Creditoris cuius pignus subreptum est non credito tenus interesse, sed omnimodo in solidū furti agere eum posse, id est in duplū vel quadruplū, eius quod ipsius interest facta relatione non ad quantitatem debiti, sed ad summam pignoris: Cum tamen nō aliter id verū sit quān si pignus subreptum sit ab extraneo non etiam si à debitorē *l. creditoris 87. eod.* Ac ne dubitari queat eum solum casum quo debitor ipse pignus subripuerit, à Paulo tractari cōstat id manifestissimè ex sequentibus verbis *sed & pignoratitia actione id quod debitū excedit, debitori præstabit.* Pugnet enim ea sententia cū eo quod scriptū est in *d. l. creditoris, vñ d. l. si debitor. & in d. l. si pignore*, si de pignore per debitorē ipsum subrepto intelligeretur. Vt autē coniectura mea de verbis illis & conditione ab interprete additis probabilior mihi videatur, illud facit, quod alio eiusdē legis loco, id est in *§. si p. a. lo.* video eiusdē, vt credibile est, interpretis audacia factū esse, vt additis hodie sit versiculus ille *proderit igitur ei quod creditor bona fide possessor fuit*, cū ē contrario debuerit potius illationē sic concipere *nō proderit igitur*, quemadmodū alio loco docuimus. Etsi. n. cū prædo pignori rē dedit, cōpetit ei de fructibus quoq; pignoratitia actio, perinde ac alij creditori cui libet. Nihil tamē ei prodest quod ipsius creditor bonæ fidei possessor fuerit, vt eo magis fructus illos consequi possit, sibi, & lucrari. Quidō quidē vbi eos exegerit cogetur & quē reddere illos domino aut vindicanti si extant, aut cōdicenti si cōsumpti sint, ac si eos ipse per se non per creditorē percepisset, quæ illius loci semētia est. Sed & in *§. vlt. eiusd. legis*, vbi scriptum est *nam vsu hoc eueruat*, mallem legere *casus*, quān *vsu* vt in *l. posthumus 6. §. si quis ex his D. de inoff. te. l. am.* etsi non tā interpretis quān librarij error hic esse potest. Quōd si admitterē etiam illo casu, quo debitor ipse pignus subripuerit dandā creditori aduersus eum incerti conditionē, numquam tamē admittere possem, quod Azo & veteres voluerunt, illōsq; secutus Cuiacius, Nō esse cogēdū creditorē imputare debito, quod per eā cōditionē incerti cōsecutus esset, quoniā ita fieret vt bis idē cōsequeretur, duplici actione quē vtrāq; esset rei persecutoria. At quoniā id ipsum nobis obiicitur quod iam olim obiectū est Irnerio, & ad quod respondere Irnerius nō potuit, De quadruplo exacto per creditorē actione Quod metus causa, restat vt hanc quoque obiectionē diluamus, Sed postquā ostenderimus Conditionem furtiuam incerti nullam esse, vt de eo propositam & institutam à nobis disputationem concludamus.

ERROR QUINTVS.

Conditionem furtiuam incerti nullā esse ostenditur. & De certi cōditione generali.



AM multa inier disputandum nobis passim occurrunt, quæ nec præmitti, nec obiter tractari possunt, vt cogamur plerumque inchoatos tractatus interrumpere & disputationis propositæ definitionem non solum in aliud caput, sed in aliam quoque Decadē conferre. Quo tamen nomine tantū abest vt inuidiam & reprehensionē ab æquis lectorib. metuendā nobis esse arbitremur, vt gratiā potiūs aliquā speremus ab iis, quibus nō aliud propositū est, quān nobis, vt omnes si fieri posset iuris nostri difficultates tandem enodatas, vel nostro, vel alieno beneficio videamus. Hoc verò

in quaestione instituta contigit. Nā cū de illo primū tractaremus, An cōditiō furtiua sit aliquomodo famosa & aliquomodo pœnalis, quod primus adfirmavit Iacobus Cuiacius vt probaret non dari eam in solidū contra heredem. Illa emerfit intermedia quaestio, An furtiua cōditiō aliqua sit incerti, vt scribemus an bonum esset argumentum quod sumpsit vir doctissimus *ex l. si pignore 22. D. de pignor. act.* de cuius sententia, & interpretatione latius idē tractandū fuit. Cū verō iam probauerimus, cōditiōnē de qua eo loco Vlpianus loquitur, nō aliam esse quā incerti quæ cōpetit creditori cui pignus subtractum est ad id quod ipse interest, nec tamē desinat Cuiacius adfirmare, furtiua illā esse. Restat vt probemus quod iā in præcedētibus probandū suscepimus, Cōditiōnē furtiua incerti nullā esse posse: Quāquam nobis ad victoriam satis esset iam probasse, Nihil omnino esse pœnale in cōditiōne illa cuius supradicto loco meminit Vlpianus. Furtiuam cōditiōnē speciem esse cōditiōnis certi tam aperiē scriptum est *in l. certi cōditiō 9. D. de reb. credit.* vt mirum sit non modō tanti nominis Iureconsultum, sed alium quemlibet qui in prudentum numero poni velit, de eo dubitare potuisse. Nā posteaquā scripsit Vlpianus certi cōditiōnē competere ex omni causa, & ex omni obligatione ex qua certū petitur, siue ex certo contractu petatur, siue ex incerto, dūmodō præsens sit obligatio: Sed & cōpetere hanc actionem ex legati causa & ex lege Aquilia, Subiicit *sed q. ex causa furtiua per hanc actionem cōditiō ur.* Quod vtiq; nec verē nec accommodatē subiiceretur, si tam verum esset cōditiōnem furtiuam aliquā esse incerti, quā verum est aliquam certi esse. Neque verō fieri potest vt eadē cōditiōnis species & certi & incerti esse queat, non magis quā vt idem sit certum, & incertum. Idque in cōditiōne furtiua eo manifestius est, quod per eam non aliud actor persequitur, quā corpus ipsum quod furto subtractum est *l. in re furtiua 8. in prin. D. de cōdict. furt.* In re furtiua, inquit lex cōditiō ipsorum corporum competit. Atqui non potest corpus vllum incertum esse, vt neque furto subtrahi id quod incertum sit. Siquidem furtum nihil aliud est quā contrectatio rei alienæ, & interuersio possessionis inuito domino *l. i. §. vltim. & pass. D. de furt.* Contrectari autem nihil potest quod non sit certum, adeoq; nec digito demonstrari *l. certum 6. D. de reb. credit.* Multo mindus autem possideri, nec proinde possessio eius interueniri *l. locus certus 26 D. de acq. poss.* Ergo neque cōditiō rei furtiua incerta aut incerti vlla esse potest. Ex quamvis cōditiō furtiua non semper corporum ipsorum cōditiō sit, sed tamdiu duntaxat quādiu extant, Vbi verō extare desierunt si nō sit purgātū furtum per oblationem, duret quidē cōditiō sed æstimationis tantū, posteaquā corpus ipsum præstari amplius non potest *d. l. in re furtiua*, Nihilomagis existimandum est cōditiōnē per hoc fieri certi quæ antea fuerit incerti, Et cū dicat Vlpianus etiam post peremptā rem furtiuam durare cōditiōnem æstimationis, An nō eo durandi verbo apertissimē significat talem durare cōditiōnem qualis antea fuerat, Nec solū talem sed quod plus eandem ipsam numero, nedum specie, quæ antea fuit. Ergo certi semper, numquam incerti. Cur enim æstimatio præstanda in vicem corporis, quod præstari ipsum amplius non potest, faceret incerti cōditiōnem quæ antea certi fuisse? An fortē quod rerum precia incerta sint, & pro temporum ac locorum varietate, aliter atque aliter constituendū? *l. si feruum 33. D. ad leg. Aquil. l. precia 63. D. ad leg. Falcid.* Atqui vt in cæteris actionibus ex quibus rei petit æstimatio præstanda est id verē disiposset, quod

puto, Tamen in conditione furtiva de qua nunc agimus fallum esset, Ex qua scilicet singulari quodam iure non æstimatio quælibet condicitur, & quam in incerto vagari ius permittat, sed quanti plurimi vnquam res fuit à tempore litis contestata in diem vsque sententiæ & condemnationis *diēt. l. in re furtiua §. 1. l. 2. §. quasitum D. de priuat. delict. l. impiciendo 67. §. arsans D. de furt. Quæ æstimatio quanti plurimi non potest incerta esse per rerum naturam cum eam quantitatem contineat quæ principalem gradum habet valoris, Exemplo eius, quod scriptum est in *l. vbi arum 75. §. 1. vers. vsque adeo De verborum obligat.* cum qui ita stipulatus sit *Trines Africi boni modos centum aut Vini Campani boni amphoras centum* videri quidem incertum deduxisse in stipulationem, quia cum bono melius inueniri possit, boni appellatio nequeat esse certæ rei significatiua, Sed si triticum Africum optimum, aut vinum Campanum optimum stipulatus fuerit, id eum stipulationi intelligi cuius bonitas principalem gradum bonitatis habeat: quæ res efficit, inquit lex, vt ea appellatio certi significatiua sit. Similiter igitur dicendum est, Appellatione æstimationis quanti plurimi eam æstimationem significari quæ omnino certa est, Vt maximè alia quælibet æstimatio incerta dici posset, Præsertim cum non infinita & indefinita sit æstimatio quanti plurimi, quæ per conditionem furtiuam petitur, sed certi temporis finibus & terminis conclusa, quia non egreditur retrorsum iudicij accipiendi hoc est litis contestatæ tempus, In quo maximè differt ab æstimatione illa Quanti plurimi quæ in lege Aquilia præstatur siue ex primo eius legis capite *Quanti plurimi res fuit eo anno retrorsum compulsa* siue ex tertio *quanti plurimi res fuit in triginta diebus proximis diēt. l. 2. §. quasitum D. de priuat. delict.* At neque verum est rei certæ æstimationem vltimo casu incertam esse posse, quia licet multum distet inter rem ipsam & ipsius æstimationem *l. si alij 42. §. 1. D. de usufruct. l. vltim. Cod. de fideicommiss. libert.* Necesse tamen est æstimationem respondere rei cuius æstimatio est, vt iusta sit, & consequenter certam esse æstimationem quoties id quod æstimatur certum est. Quemadmodum è contrario rei incertæ æstimationem necessarium est incertam esse, puta si æstimandus sit iactus retis aut alea, quia & iactus ipse retis incertus est, & alea incerta *l. si iactum retis 12. D. de action. empt. l. periculi precium 5. D. de nautic. fœn.* Idem dici potest de incerto conditionis, de quo in *l. 1. Cod. de pact. l. de fideicommissio 11. Cod. de transact. l. si pater puella 12. Cod. de inoff. testaments.* Quamquam tunc quoque cum incerta res in stipulationem aut aliam conventionem deducta est, certam fieri æstimationem necesse est, vt de ea ferri sententia possit *diēt. l. si iactum*, in iis verbis *incertum eius rei æstimandum est.* Non enim valeret sententia quæ sine certa quantitate proferretur *l. hinc sententia 3. & sequent. Cod. de sentent. que fin. cert. quant. profer.* Et si quando contingat fieri condemnationem rei incertæ, puta eius quod interest, cuius quantitas idèò semper incerta est, quia quatenus cuiusque interfit in facto non in iure consistit *l. quatenus 24. de regul. iur. l. vltim. D. de prator. stipulat.* Condemnationis tamen fieri taxationem oportet, vt certum fiat quod præstari debet, quoniam quod incertum esset præstari non posset *l. si raditio 4. in fin. Cod. de action. empt. iunct. l. 1. D. eodem.* Vnde fieri etiam puro, vt quamvis certi conditio ei demum competere dicatur qui certam pecuniam numeratam petat *l. 1. D. de cond. et. tritic.* perinde tamen competat ea actio ad petendum vinum, triticum, olèum, fundum, & alias res omnes certas etiam quæ contineri non possint appellatione pecuniæ numeratæ *l. certum est 6. d. l. certis conditio 9. l. vltim.**

22. *l. si quis certum* 24. *et pass.* *D. de reb. cred. l. ult. D. de cōdīc. tritic.* que lex quāquā posita est sub tit. De cōdīcōne triticaria tamē nō nisi ad cōdīcōnem certi pertinet, vt ostēdemus cūm de cōdīcōne triticaria paulō pōst tractabimus. Nimirum quia quicquid petitur cōdīcōne certi quæ semper strīcta est, si non prætetur idipsum eo tempore quo petitur, id est quo litis contestatio sit, iudiciūque accipitur, postea in æstimatione præstandum necessariū est, cūm iudex litē æstimare cogatur, & quidem tanti quanti res fuit eo tempore litis contestatæ. Nec min⁹ si de homine aut alia specie quāvis si de merce agatur *d. l. vinum dīc. l. ultim. l. 3. §. in hac. D. commod. l. hominem* 37. *D. mandat.* Et consequenter in pecunia numerata, quandoquidem æstimari res nisi per pecuniam non potest *l. si sua fideiussores* 42. *D. de fideius.* *l. 1. D. de contr. empt. l. 1. D. de rer. permut.* Alioqui videretur præstari aliud pro alio & adiudicari si res ipsa petita in condemnationem deduceretur postquā vel maioris, vel minoris æstimationis facta esset quā contestationis tempore fuisset, cūm quale quid est cūm petitur, tale dari debeat *l. 2. D. de v. sur.* Tale autē non sit quod vel pluris vel minoris esse cœpit, licet illud ipsum sit siue in specie siue in genere *l. quorū* 59. *et seq. D. de verb. oblig.* Nec verendum est ne actori fiat iniuria si pro merce vel specie quæ petebatur, lis æstimeur in pecunia: Aut ne fatuus iudex videatur si pro re petita condemnet reum ad æstimationem, vt in *l. ultim. C. de fideic. libers.* Cūm ita ferat natura cōdīcōnis certi quæ nihil nisi pecuniam numeratam persequitur, & voluntas actoris, qui licet ab initio speciem aut mercedem petierit, dequæ ea litē contestatus sit, Attamen post litē contestatam accipiendo iudicem sub formula cōdīcōnis certi, quæ non de re ipsa quæ petita fuerat adiudicanda, sed de æstimanda lite *quanti res fuisset tempore litis contestatæ* concepta fuit, hoc ipso testatur est nolle se mercedem ipsam aut speciem amplius consequi, sed præcisam æstimationem quæ fuerit eo tempore quo iudiciū acciperetur, si non alio tempore dari res debuit aut alio loco, puta in diem certum, vel in alium locum promissa destinataque solutione *d. l. ult. de cōdīc. tritic. et d. l. vinum.* Si enim hoc agebat creditor, vt non æstimationem, sed rem ipsam sibi debitam consequeretur, non cōdīcōne certi agere debuerat sed triticaria, cuius ad hunc effectum nominatim vsus comparatus est, vt suo loco dicemus. Hoc enim obiter dictū sit de certi cōdīcōne generali, de qua in *dīc. l. certi cōdīcō.* Vt quivis intelligat, non eo min⁹ certi cōdīcōnem esse quod per eam petitur rei æstimatio quæ plerūque incerta est quousque per taxationem certa facta sit. Sufficit enim vt petatur habita relatione ad certum tempus, quale est tempus litis contestatæ, quod semper præcedit dationem formulę. Ideoque dicitur tempus accipiendi iudiciū non iam accepti *dīc. l. 2. §. quassimum. D. de privat. delict.* An ergo erit certi quoque cōdīcō, tamen si petatur id quod interest. Cūm etiam id quod interest, certam æstimationem recipiat per taxationem? vt iam diximus. Minimē verō. Est enim propriē illa cōdīcō incerti per quantū agitur, ad id quod interest, aut ad factum aliquod, Cuius quoque non potest non incerta esse æstimatio, cūm in locum obligationis faciendi succedat præstatio eius quod interest *l. si quis ab alio* 13. *§. ultim. De re iudicat. l. quoties quis alium* 81. *l. stipulationes non diuiduntur* 72. *De verb. oblig.* Ided autem cōdīcō illa dicitur *incerti*, quia per illam neque certa, neque rei certæ æstimatio petitur, sed id quod interest aut factum ipsum, Nec ad pecuniam ullam numeratam certam condemnatur reus, sed ad illud ipsum quod interest, aut ad hoc vt fiat id cuius faciendi nomine conuenitur. Atqui cōdīcō furriua

ex earum actionum numero non est, per quas agatur aut ad id quod interest, aut ad factū. Competit enim præcisè ad dādā rem ipsam furtivam, vel eius æstimationem *quantū plurimū*, in quo nihil penitus incerti est. Quoniam igitur casu, obsecro, fieri potest ut furtiva conditio aliqua sit incerti? Responderet Cuiacius, Conditionem furtivam certi eam esse, quæ soli domino competit adversus non dominum *l. 1. D. de condit. furt.* Consequens igitur esse ut conditio quæ datur etiam non domino, adeoque adversus dominum ipsum, qualis illa est, quæ competit creditori subrepto pignore, non possit dici conditio furtiva certi. Ergo incerti. Sic enim ratiocinatur vir doctissimus ad Papinianum *in d. l. si pignore*. Certè parum subtiliter, Prius enim probandum esset quod nos negamus, Conditionem illam incerti esse furtivam, quān̄ ut ex eo inferri possit, Conditionem aliquam furtivam esse incerti. Nam quod Cuiacius fatetur, & verum est, conditionem certi furtivam non dari nisi domino, & persecutionem esse ipsius corporis furtivi, Sicuti probat optimè Conditionem quæ datur creditori non esse conditionem furtivam certi, Ita probat etiam nec minùs bene, Conditionem illam non esse furtivam, cū non magis habeat qualitates conditionis furtivæ, quān̄ conditionis furtivæ certi. Nisi fortè cætera etiā omnia quæ de conditione furtiva generaliter scripta sunt, tam *in tit. De condit. furt.* quān̄ aliis iuris locis ad conditionem illam certi restringere volumus, Quasi sint omnia differentia in furtiva conditione incerti: Quod si ita est, dicamus igitur, Duplicem esse conditionem furtivam: Vnam quæ odio furum comparata sit, de qua *in d. l. si sit itaque. Inst. de action.* Aliam quæ non odio furum. Nec enim alia furum odio comparata est, quān̄ quæ contra iuris regulas datur domino ut intēdat rē suam dari sibi oportere: Cuiusmodi non est illa quæ creditori datur cui pignus subreptum fuit, cū detur non domino, nec concurrat cum vindicatione, quæ scilicet numquam accommodatur nisi ei qui dominium habeat vel iure gentium vel civili *l. in rem 23. v. pass. D. de rei vindic.* Dicamus rursum, duplicem esse conditionem furtivam, Vnam per quam consequitur actor æstimationem quanti plurimi nulla eius quod præterea interest, habita ratione. Alteram per quam consequitur id quod sua interest, relata condemnatione ad summam debiti vel pignoris, non ad æstimationem quanti plurimi. Item alio respectu duplicem, Vnam quæ furem furisque heredē obliget periculo rei furtivæ etiam si rem illam periri & extinguī contingat, Alteram, in qua nihil tractandum sit de periculo, quia id quod per eā petitur perire non possit, puta cū petitur id quod interest quod in pecunia numerata & in genere cōsistit, ideòq; perire nūquam potest. *l. incendium n. C. si cert. per.* Deniq; secundū hanc duplicis conditionis furtivæ cōmentitiā distinctionē dicendū erit, Omnia quæcūque scripta de certi cōditione furtiva legimus, de ea sola accipi debere, quæ sit certi, De alia verò quæ sit incerti, nihil tale penitus. Ita fiet ut cū semper latius patēat ea quæ incerta sunt quān̄ quæ certa. Debuerint prudētes nostri multò diligentiores esse in tradendis iis, quæ ad furtivā incerti cōditionē pertineat, quān̄ in explicandis iis quæ ad cōditionē certi. Et tamē nūspia proditū quicquā legimus de conditione incerti furtiva, si locū illū vnicum excipias de quo disputamus, *l. & ideo 12. §. Neratius D. de condit. furt.* qui locus etsi positus est sub tit. De cōditione furtiva, nō idē tamē cōsequēs est ut de cōditione furtiva intelligi debeat: Cū expressim Paul. ex Aristone & Neratio cōditionē incerti dixerit, nec melius aut apertius quān̄ eo nomine potuerit exprimere nō esse illā cōditionē furtivā: quippe quæ sēper est certā nō minùs quān̄ legis Aquiliæ & cōtra

occisorē datur ad æstimationem semper quanti plurimi, & tamen semper certi est conditio, numquam incerti *d.l. certi*, ubi in exemplis cōditionis certi proponendis, actio legis Aquiliæ & conditio furtiua iunguntur.

ERROR SEXTVS.

De conditione possessionis. De conditione incerti.

Sed quid esse potuit quod virum doctissimum mouerit vt tā improbabilem, & antea inauditam duplicis conditionis fortituz distinctionem cominisceretur? Puto ego huic commento causam dedisse primū pertinaciam, qua conatus ille est defendere alium errorem illum in quo persistit semper, Quod conditio furtiua sit quodammodo pœnalis, vt eo argumento probaret aliam probationem æquē falsam, Quod furtiua conditio non detur In solidum contra furis heredem sed tantū de eo quod peruenit: quemadmodū iam diximus. Sed tamen ex eo quoque errandi occasionem sumpsisse illum credibile est, quod vidit Per cōditionem furtiuam condici posse etiam possessionem. Sic namque scriptum est *in l. 2. D. de condic. tritic. & in l. verum est 25. D. de furt.* Existimat nimirum possessionē etiam rei certæ ac furtiuz esse quid incertum quia nec cerni oculis, nec digito tāgi possit, ideoque poni soleat inter eas res quas dicimus incorporales, de quibus *in l. 1. §. vlt. D. de rer. diuis.* Et consequenter certi eam condici non posse. In quo rursum, meo iudicio, valde fallitur. Neque enim fieri potest vt rei certæ possessio sit incerta, Cum possessio, siue à pedibus, siue à sedibus dictā velis, tota ferè corporis sit, & ex corpore æstimetur licet sit etiam iuris *l. possessio 44. §. 1. D. de acquir. poss.* Quod si quis incertam eam velit dicere, ob id solum quod iuris quoque sit ex parte, & plurimū ex iure mutuetur, vt loquitur Papin. *in d. l. possessio in prin. facies* vt multo magis, cuiusq; rei dominū incertū dici debeat, quia totū in iure cōsistit, & cerni oculis vel tangi multo minùs quàm possessio pōt, nec quicquā cōmune habet cū possessione, vulg. *l. naturaliter 12. §. nihil commune & l. pen. eo. tit.* Ita fiet vt certi conditio numquā competitura sit neque ratione dominij, neque ratione possessionis contra id quod Vlpianus scribit *in l. 2. ubi autem 75. §. vltim. D. de verb. oblig.* si ratiocinatio ista quam refellimus bona est. Verū nec bona sit illud facit, quod conditio certi non sic appellata est quod pro re certa competat vt vulgo creditur, sed quia semper competit ad pecuniam numeratam, quæ cum numerata sit, non pōtest non esse certa. *d. l. 1. in prin. De condic. tritic.* Qui sensus est Vlpiani *in d. l. certi conditio*, cum ait Certi conditionem ex quāni causa competere, & ex omni obligatione ex qua certum petitur, siue ex certo contractu petatur, siue ex incerto. Nam cum incerti contractus ij demum dicantur, in quos res incerta deducta est, vt ex iis constat quæ de certis & incertis stipulationibus tractantur *in l. stipulationum 74. & seq. De verb. oblig.* Apparet non posse dari conditionem certi ad rem certam ex contractu incerto, sed tantū ad rem incertam, Nisi quod non agitur ad rem ipsam incertam consequendam, sed ad ipsius præcij, quod semper certum est quia consistit præstandūque est in pecunia numerata. Itaque qui promisit triticum aut vinum in genere, aut etiam si voles triticum Africanū, aut vinum Campanum nō optimum, sed bonum, licet incertum quid promiserit, & eo contractu quem idcirco incertum

incertum esse negari non potest *d.l.vbi autem 75.in princip.& §.x.eod.* certi tamē conditione recte cōuenietur *d.l.vinum 22.D.de reb.cred.d.l.vlt.D.de condit. tritici* nimirum quia per eam actionem conuenitur, non vi præstet vinum & triticum, sed vt lis de vino & tritico ipso contestata tanti æstimetur quanti triticū vel vinum fuerit tempore contestationis. Enimverò possessionis furtiuæ conditionem non minùs certi conditionem esse, quàm si res ipsa furtiua condiceretur, apparet non obscure, vt puto ex *d.l.verum est 25.de furt.* vbi postquàm dixit Vlpianus, verum esse quod plerique probant, fundi nomine furti agi nō posse, Subinde quærit, si quis de fundo vi deiectus sit an condici ei possit qui deiecit, Quæ questio haud dubiè est de conditione furtiua quam concurrere certū est cum actione furti & Vi bonorum raptorum *d.l. §. sic itaque & §. ex maleficiis Inst. de act. l. si pro fure 7. §. 1. D. de condit. furt. l. 2. §. penult. & vlt. D. vi bonor. rapt.* Et ait, negasse quidem Labeonem cōditioni in hac specie locum esse. Sed Celsum rectius putare, posse condici possessionem, quemadmodum potest, inquit, re mobili subrepta. Cū verò eadem Celsi sententiā extet relata lauius ab eodem Vlpiano in *l. 2. De condit. tritici.* Sic intelligenda sanè est vt non tantū possessionem fundi cōdicere possit is qui vi deiectus est, sed etiam fundum ipsum, quod Sabinus primus aduersus Labeonem disputauit, Verū hoc ita si dominus sit qui deiectus condicatur. Nempe quia conditio furtiua de qua ibi agitur, vt & in *§. vlt. legis præcedentis* soli domino competit. Sed tamen ita vt quatenus competit lauius pareat, quàm actio furti, nec possit bona esse consecutio qua Labeo nitebatur, vt quia fundi nomine agi furti non potest, nec fundi nomine conditio dari debeat: quamuis difficile sit vt ea conditio furtiua dici debeat si fundus qui condicatur furtiuus dici non potest. Sed vtut sit est illa tamen furtiuæ proxima & simillima, ac sicuti furtiua, in odium raptoris, qui fur improbius dicitur, cōparata quò pluribus etiam contrariis & incompatibilibus actionibus teneatur *l. sine manifestus 10. §. 1. D. de condit. furt. l. 2. §. penult. & vltim. D. vi bonor. raptor.* Quid ergo si is qui de fundo vi deiectus est, dominus fundi non fuerit? Nullo modo poterit condicere, quia nec si res mobilis vi abrepta esset cuius furtū fieri posuisset, cōditionem tamen furtiuam habere posset, Dabitur tamen ei cōditio possessionis eius fundi, quia dominus possessionis fuit. Est enim quoddā possessionis dominium vt & aliarum rerum omnium, etiam incorporalium *d. l. 1. §. vlt. De rer. diuis.* quod dominium possessionis necesse est reperiri penes eum qui vi deiectus est, quoniam in interdctis, præsertim Vnde vi & Vt possidetis vera possessio probanda est, non ea quæ sit nuda, & vi vocant, a finina detectatio. *l. officium 9. D. de rei vindict.* Proinde si ponas vi deiectum esse de fundo eum qui antea non possidebat sed tantū erat in possessione, puta ex causa cōductionis, Negabo dandam ei cōditionem, ne quidem possessionis in qua erat, quia dominus possessionis dici non potest qui numquam verè possedit, licet fuerit in possessione, quod longè diuersum est *l. si quis ante 10. D. de acquir. poss.* Idēque est in creditoribus missis in possessionem rei tantū seruandæ causa. Nam nec hi possident licet in possessione sint, ita vt possessionis ipsius nō tam dominium quàm possessionem habere videantur *l. 3. §. creditores D. vti possid. & dist. l. si quis ante. l. cum legatorum 12. D. quib. ex caus. in poss. §. 1. 1.* Cæterum quæ conditionis species competit fundi domino qui vi deiectus est, scilicet ad fundum ipsum condicendum, Eadem illa sanè est quam Celsus putabat dandam non domino ad possessionem, Ergo vtraque cōditio certi. Nemo enim vnquam dixit certū fundum conditione incerti peti debere? Nec distinguebat Celsus cōditiones

sed tantum casus illos, An qui deiectus vi esset de fundo, antea dominus fuisset an non, ut priore casu posset etiam fundum condicere, posteriore verò non nisi possessionem. Idemque apparet evidentius ex *d.l. verum est*, Vbi Ulpianus, quod ad conditionem hanc pertinet, comparat fundi, ex quo quis vi deiectus sit, possessionem cum re mobili abrepta, id est cum possessione rei mobilis, cuius rei dominus non fuerit, sed possessor tantum is cui abrepta est. Ut nimirum utroque casu eadem conditio competat, quam tamen certum est non aliam esse posse quam conditionem & furtivam & certi, cum rei mobilis furtum verè ac propriè fiat, siue per vim abrepta sit, siue citra vim, licet conditio competat solius possessionis. Fatendum igitur est ex Celsi & Ulpiani sententia, Tum quoque cum fundi possessio raptori condicatur, esse illam certi non incerti conditionem: quia & eo casu æstimationis lis est in pecunia numerata, non minùs quàm si fundus ipse condiceretur. Nisi quod aliud est precium fundi, aliud possessionis *d. l. 3. §. ult. D. vis possid.* Quod si actor idèd condicat possessionem ut illam ipsam nò ut eius æstimationem habeat, Erit quidem illa conditio non certi sed triticaria *d. l. 1. §. ult. & l. 2. De condic. tritic.* at non quasi detur ad rem incertam ut male putat Cuiacius, sed quia non datur hoc casu ad pecuniam numeratam, quod in conditione certi omnino necessarium est *d. l. 1. in princip.* Et idèd non ob id magis dicenda erit conditio incerti, cum per eam nihil incertum petatur. Nò enim conditio incerti opponitur conditioni certi tanquam contradictoria, sed tanquam diuersa, ne dicam contraria, Cum bona non sit consecutio, si quis dicat Conditionem aliquam esse incerti ob id solum, quod non sit certi. Triticaria enim conditio est, & tamen neque certi, quia non datur ad pecunià, neque incerti cum datur ad rem certam: puta ad fundum Tusculanum, aut fundi possessionem. Quamquam non video cur conditionem illam incerti, quam prudentes dederunt creditori pro subrepto pignore, Cuiacius idèd incerti esse putet, quod sit conditio possessionis, Cum nulla possessionis mentio fiat iis locis quibus mentio fit huius conditionis, id est in *d. l. & idèd 12. §. Negatum. D. de condic. furt.* & in *d. l. si pignore 22. D. de pignor. act.* Nec dubiandum certè est, quin conditio incerti dicatur, quia non ad aliud datur, quàm ad id quod interest creditoris, quod semper incertum est. Idque ita esse intelligimus etiam ex eo, quod cum creditor cui pignus subreptum est, agit furti siue ad duplum, siue ad quadruplum, non æstimatio possessionis duplatur aut quadruplatur, sed id omne quod interest creditoris, facta relatione non tantum ad summam debiti & usurarum eius, sed ad valorè ipsius pignoris *l. creditoris 15. D. de furt.* Scilicet cum pignoris furtum non à debitore ipso, sed ab extraneo factum est *l. creditoris 87. eod.* Consequens enim est ut simplum quod in actione furti duplatur, aut quadruplatur, & quod tamen non per actionem furti, sed per propriam illam incerti conditionem petatur, non sit nuda possessio pignoris, aut æstimatio possessionis, sed quantum interest creditoris. Alioqui duplanda vel quadruplanda esset pignoris possessio sola, id est possessionis æstimatio, si in actionem quæ ad simplum competit, hoc est in illam conditionem incerti sola possessio venisset.

ERROR SEPTIMVS.

De sententia & emendatione l. heredes 22. D. ad Sc. Trebell.

SCRV.

S CRYPVLVS tamen vnus tollendus est, quem inducere fortasse quis velit ex Marciano in *l. qui exceptionem 40. §. si pars domus D. de cōd. et indeb.* vbi ait, si pars domus quæ in diem per fideicommissum relicta est, arserit ante diem fideicommissi eedentem, & heres sua impensa eam rescerit, deducendā quidē esse impensam ex fideicommissio, Sed si sine deductione domū tradiderit, posse incerti condici, quasi plus debito dederit, quod & scriptum est in *l. quod si nulla 60. de leg. 1.* Nā in hac specie non alterius rei quā possessionis conditionem competere, vulgo creditum est ex *l. heres 21. D. ad SC. Trebell.* vbi Pomponius tractans de herede qui debuerat quartam ex hereditate fideicommissaria retinere, & tamen totam restituerat, nec sibi cauerat stipulatione proposita edicto illo prætoris Si cui plus quā per leg. Falcid. scribit ex Aristonis sententia, similem nō esse illis qui retentiones quas solas habent omittunt, & quibus idcirco post amissam retinendi facultatem nullo alio modo prospici potest vt in specie *l. si in area 33. D. de cond. et indeb.* [sic enim legendum esse addita negatione aut mutata dictione eum in non sequentia omnino demonstrant.] Sed posse eum rerum hereditariorum possessionem repetere vel nancisci, & aduersus agentem doli mali exceptione uti: Posse eum & debitoribus hereditariis denūciare ne ab eis solueretur. Nam & sic quoq; postremam huius legis clausulam interpretandam arbitror. Ergo ex horum coniunctione locorum putare quis possit conditionem possessionis esse conditionem incerti, Sed respondendum est in duabus his speciebus, Non possessionis conditionem dari, sed vt Marcianus loquitur Conditionem incerti, sic dictā nō quia per eā possessio quasi quid incertū cōdicatur, licet verū sit ea conditione assequi heredē vt repetat possessionē traditā rerum fideicommissariarū. Sed quia per eā agitur ad factū, id est vt hereditas aut domus per heredē restituta, retrotradatur heredi ad hoc vt possit vel quartā partē hereditatis vel impensas in rē fideicommissariā factas iure deductionis aut retentionis seruare. Quemadmodū benè Accursius explicat ad *l. sed et si me 22. §. 1. per ill. text. D. de cond. et indeb.* vbi Pomponius scribit, Si cū iter excipere deberem, fundum liberum per errorem tradiderim, posse me incerti condicere vt iter mihi concedatur, id est vt retrotraditum mihi fundum non aliter postea cogar tibi tradere, quā vt me iter excipere patiaris. Retrotraditio enim sicut & traditio facti est *l. consilio 7. §. ult. D. de curat. furios.* Quicquid autē facti est tempore incertū est, & antequā fiat quia in pendenti est an fiet, & postquā certum esse cepit factum non esse, nec fieri amplius posse, quia eo tempore succedit præstatio eius quod interest cuius quantitas semper incerta est, vt iam toties diximus ex *l. si quis ab alio 13. §. 1. D. de re iudic. l. quoties quis alium 81. & l. stipulationes non diuid. 72. De verb. oblig.* Nec potest euenire hoc casu quod euenit in conditione certi vt his per sententiam æstimetur quāti res fuit tempore litis contestatæ, aut quāti exinde plurimi si conditio sit furtiua. Ipsum enim factum in sententiam & cōdemnationem deducendum est, non facti æstimatio, ne ad aliud condemnatur debitor quā ad illud ipsum quod promissit, quādiū scilicet purgari mora potest *l. si insulam 84. eod.* Nam cū purgari posse desit, atque ita iam succedit necessitas præstandi eius quod interest in pecunia numerata, certi conditio locum habere incipit, si appareat interesse, licet descendat ex contractu incerto, *dist. 1. cert. 9. D. de reb. credit.* Inauditū quidem est vt certi conditio detur ad factum, Sed non est nouum, vt qd non factum id quod fieri debuit, agatur certi conditione ad pecuniam numeratam, facta scilicet æstimatione

vel taxatione eius quod interest. Hoc enim addendum est, ne quis nos putet contra id quod supra scripsimus, existimare posse id quod interest vnquam peti per certi conditionem. Id enim ne fieri possit, illud semper impedimento est, quod nesciri certo potest non solum quatenus interfit, sed neque an interfit quicquid, donec actor probauerit sua interesse *d. l. ult. De prat. stipulat. d. l. quatenus 24. de reg. iur.* In quo valde differt æstimatione eius quod interest ab æstimatione rei alterius cuiuslibet non modò certæ sed etiam incertæ puta tritici, vini, obligationis, vñ usufructus. Et si enim vtrique æstimationi commune illud est quod consistit in pecunia numerata, istarum tamen rerum omnium quamuis incertarum aliquam re vera esse æstimationem certum est, licet quænam & quanta ea sit nesciatur ante factam taxationem: quia fieri nequit vt eius rei quam certum est aliquam esse nulla sit æstimatione: At eius quod interest non tantum nulla est certa æstimatione, sed neq; certum est an aliqua sit antequam actor probauerit sua interesse, quia nec certum est an quicquam interfit. Denique pendet id ex futuris probationibus quæ semper sunt incertæ, non etiam cuiusque rei valor, qui radices & fundamentum habet in re ipsa. Inde igitur fit vt quoriescumque vel ad factum agitur, vel ad id quod interest, necessaria sit conditio incerti *l. ob eam causam 9. & pass. De præscr. verb.* Quæ etiam ratio est eius quod Iulianus scribit in *l. 3. De condic. sin. caus.* eos qui sine causa obligati sunt nō aliter quàm per incerti conditionem assequi posse vt liberentur, Nēpe quia vt eadem lex ait, non aliter quàm per acceptilationem ea liberatio potest contingere, Acceptum autem ferre, facti est. Proinde agit ad factum, quisquis ad hoc agit, vt debitum accepto feratur. Alia causa est eius qui sic accepto liberatus est vt ex ea tamen causa conditione teneatur. Interdum enim conditio incerti ei necessaria est, Nimirum si velit agere ad id quod sua interest, vt in *l. ob eam causam*, Secundū quāputo accipiendum esse quod scriptum est, in *l. 4. D. de condic. caus. dat.* Interdum verò potest sufficere conditio certi, puta si malit condicere pecuniam, quæ debebatur, *l. si mulier 10. cod. ait*: vbi rationem lauolentus perelegantē reddit, quod nihil interfit vtrum ex numeratione pecunia ad aliquem sine causa, an per acceptilationem peruenerit. Cæterum si neque ad factum agatur, neque ad id quod interest, sed ad solam possessionem, conditio certi locum habet non incerti, Vt præter ea quæ iam disputauimus, constat apertissime ex *l. indebiti 15. §. 1. D. de condic. indeb.* Idq; etiam Accursius noster bene vidit, Quemadmodum & illud quod Cuiacius videre noluit, Conditionem de qua in *d. l. si pignore 22. D. de pignor. act.* furtiuam nō esse, sed conditionem incerti, qualis esse furtiua nūquam potest, quippe quæ nec ad faciendum, nec ad id quod interest vnquam competit, sed semper ad dandam rem ipsam præcisè aut eius æstimationem, ac proinde semper pro re certa, & ad rem certam. Hæc nos pauld aliter & minus benè explicauimus in *Err. ult. Decad. 26.* Decepti potissimum ex corrupta lectione Pomponij in *d. l. heres 21. D. ad SC. Trebell.* quæ habet, Heredem grauatum de restituenda hereditate qui cum posset quartam retinere, totam hereditatem per errorē facti restituit, nec cavit sibi proposita stipulatione Prætoria, Si cui plus quàm per leg. Falcid. similem esse illis qui retentiones quas solas habent, omittunt. Quod si verè diceretur, vtrique conditionem & repetitionem nullam haberet quam nec habent cæteri qui per solam retentionem prospicere sibi potuerunt, nec prospexerunt *d. l. si in area 33. D. de condic. indeb.* Atqui, falsum est non habere conditionem hunc heredem, cum idem Pomponius ex eiusdem Aristonis sententia quem prioris sententiæ authorem laudauerat, statim subiit

ciat, Posse illum rerum hereditariarum possessionem vel repetere vel nancisci, & aduersus agentem doli mali exceptione vti si agens non consentiat vt quarta retineatur. Illo enim verbo *posse* non dubito quin nō tam factum, quā ius significetur, quia nec posse quisquam creditur id quod iure non potest *l. si filius 15. D. de condic. inst.* Idque apparet manifestē, Non solum ex eo quod in sequenti & postrema legis clausula illa *Posse eum q̄ debitoribus denunciare ne solueretur* eodem sensu verbum *posse* necessariō accipiendum est, cū nullius momenti sit denunciatio ab eo facta, qui denunciandi ius nullum habuit *l. 2. C. de bus. vendis. pign. imped. non poss. l. tutor. vrgentibus 47 in princip. D. de minor.* Sed etiam ex duobus illis verbis alternatiuē & disiunctim positis rerum hereditariarum possessionem vel repetere vel nancisci. Verbum enim *repetere* ad ius refertur, *nancisci* aurem ad factum. Quando fieri possit vt quis nullo iure possessionem corporalem nanciscatur, vt verō repetat, non item. Actione enim aliqua vel saltem interdicto aliquo est opus ad repetendam possessionem. Nec sanē verum esse potest, quod Aristonem sensisse volunt, heredem hunc qui quartam quam retinere poterat ex hereditate restituenda non retinuit, similem esse illis qui retentiones quas solas habent, omittunt: Siquidem negari non potest quin etiam post restitutam hereditatem directas actiones retineat, quarum vi potest non solum denunciare debitoribus hereditariis ne soluant, vt scriptum est in *d. l. heres*, sed etiam ab ipsis exigere nisi se tueantur illi exceptione restitutæ hereditatis *l. ita tamen 27. §. qui ex Trebelliano eod. tit. l. si heres 70. in princip. eodem.* Quibus remediis potest vtiq̄ sibi prospicere si modō tantum sit in nominibus hereditariis quantum ad quartam satis esse possit. Idem quoque probat contextus verborum Pomponij per aduersatiuam illam dictionem conceptus, *sed posse eum &c.* quæ aduersatiua dissimilitudinem manifestam ostendit non similitudinem, vt & in *l. si pupillus 45. D. de admin. tuto.* in illis verbis *non ei similis est qui nihil habet, sed ei qui satisfecit.* Ergo cū sint ista contradictoria nec simul stare possint, vt heres qui potuerat quartam retinere, nec retinuit, similis sit illis qui retentiones quas solas habent, omittunt, Et vt possit rerum hereditariarum possessionem vel repetere vel nancisci & postmodum vti exceptione doli, Itēque vt possit debitoribus hereditariis denunciare ne soluant, cū tamen neque talibus, neque aliis vllis remediis prospici possit iis qui retentiones quas solas habebant omiserunt, Fatendum necessariō est quod ante hunc diem non obseruaueram corruptam esse sententiam Pomponij & Aristonis, conceptam affirmatiuē in verbis *similem eum esse Aristo ait*, at negatiuē potiùs concipiendam hoc modo *similem eum non esse*, aut quod fuerit probabilius mutata dictione *eum* negationem, quæ totidem non modō literis, sed etiam lineis constat. Et sanē dici non potest cur heredi qui domum fideicommissariam in quam impensas necessarias aut viles fecerat restituit sine vlla impensarum deductione, dari debeat conditio incerti ad hoc vt restituta domus retro restituatur, vt possit ille per oppositam doli exceptionem vti deductione *dicit. l. qui exceptionem 40. §. si pars D. de condic. indeb. d. l. quod si nulla 60. De legat. 1.* Heredi verō qui totam hereditatem fideicommissariam restituit nulla per errorem facti deducta quarta quam deducere & retinere poterat, nullāque de eo interposita stipulatione ex dicto, Si cui plusquā per leg. Falcid. eadem incerti conditio danda non sit ad hoc vt tota ipsa hereditas iam restituta retrorestituatur, & quarta tandem retineatur. Ponimus enim omisam quartæ retentionem ab herede non vt plenius obsequium & vberiore fidem præ-

flaret voluntati defuncti, quo certè casu non posset ex pœnitentia vllam quartæ retentionem implorare *l. debitorem 20. iunct. l. præced. D. que in fraud. credit. l. 5. §. si quis rogatus sit. D. de donat. in. vir. & vxor. l. 1. C. ad leg. Falcid.* Sed per errorem facti, cum fortè putaret, adhuc penes se remansurum aliquid quod ad quartam retinendam satis esset. In qua specie non minùs verum est plus debito soluisse illum videri, quàm si domum fideicommissariam in quam impendisset æquè per errorem restituisset sine vlla impensarum deductione *d. l. 1. C. ad leg. Falcid. l. regula 9. §. si quis ius ignorans D. de iur. & fact. ignor.* Sed et si verum amamus, longè maior ratio est vt heredi conditio incerti detur in specie *d. l. heres,* quàm in specie *d. §. si pars, & d. l. quod si nulla,* quia quod per errorem solum fuit indebitum ex causa fideicommissi, facit vt fideicommissum ipsum totum repeti possit *d. §. si quis ius ignorans.* Fideicommissum autem totius hereditatis restituitur cum sit quid vniuersale ac in iure cōsistens, multò incertius quiddam est quàm sit domus vna hereditaria fideicommissio subiecta. Multò igitur magis admittit conditionem incerti, cum totum ipsum fideicommissum cuius quantitas non potest incerta non esse restituendum sit, Quemadmodum è contrario si quid vel minimum ex fideicommissio restituendo desit quod restitutum non sit, totum fideicommissum peti potest ac si nihil adhuc restitutum esset *l. debitor 59. versic. neque fideicommissum quasi minus restituerit rectè petetur cod. tit. ad SC. Trebell. l. 5. §. si quis rogatus in fin. D. de donat. in. vir. & vxor.* Nam & hereditas tota petitur ab eo qui rem hereditariam vel minimam possidet *l. regulariter 9. & seq. D. de petit. hered.* Vt appareat quotiescunque hereditas siue directa, siue fideicommissaria petitur, incertum quid peti & vniuersale, Et consequenter cum repetitur incertum quid repeti, idcōque ex ea causa non certi conditionem sed incerti habere locum debere.

ERROR OCTAVVS.

De sententia & emendatione l. 2. C. rer. amot. & cur actio rerum amotarum constante matrimonio non competat, Et ad l. ult. §. ult. C. de furt.

DECEPIT Iacobum Cuiacium inter cætera vt putauerit actionem rerum amotarum saltem aliquomodo famosam & pœnalem esse, quod scriptum, & rescriptum ab Imperatoribus vidit in *l. 2. C. rer. amot.* Diuortij causa rebus vxoris à marito amotis, vel ab vxore mariti, rerum amotarum edicto perpetuo actionem permitteri aut vt Cuiacius legendum existimat & melius promissi. Constante etenim matrimonio, inquit lex, neutri eorum neque pœnalis, neque famosa actio competit, sed de damno in factum actio datur. Quam rationem sic accepit vir doctissimus post omnes cæteros, quasi eò pertineat vt sciamus per actio rerum amotarum non habeat locum inter coniuges constante matrimonio. Hoc autem admissio fatendum est, vel ineptam esse rationem, & quæ nihil cum dicto commune habeat, vel ex ea probari non malè quod vult Cuiacius etiam olim Accursius noster fateri coactus est, actionem rerum amotarum aut pœnalem, aut famosam esse: quorum tamen neutrum verè dici posse tam multis clarisque argumentis probauimus in præcedentibus, vt nec ab ipsis Imperatoribus contrariam

trariam sententiam nobis persuaderi facile passuri essemus, si contra nos illi pro Cuiacio decertarent, Itaque puto longè alio sensu eam rationem ab Imperatoribus allatam fuisse, Nimirum ut docerent, Non cur actio rerum amotarum non detur constante matrimonio, sed cur detur soluto: Aut quod idem est, Cur necesse fuerit edicto prætoris induci & permitti singulare iudicium rerum amotarum ob res diuortij causa amotas, & diuortio demum secuto, cum furti actio & conditio furtiua iure communi sufficere in hanc rem videretur. Ratio autem licet aliis verbis concepta, eiusdem tamen sensus est, cuius & illa quæ ex Cajo proponitur in l. 2. D. eod. quod in honorem matrimonij turpis actio denegetur. Vtriusque enim sensus ille est, Licet constante matrimonio furtum fiat coniugi à coniuge, non idè tamen furti actionem ex ea contractione nasci, quæ famosa & pœnalis esset actio, Et idcirco nec si diuortium postea secutum sit, agi tamen posse furti, cum actio quæ ex delicto nascitur, si non ab initio competat & ab eo primùm instanti quo delictum admissum est, postea competere nunquam possit, Consequenter necessariam fuisse in eam rem actionem rerum amotarum quam Prætor edicto suo pollicitus est, non vt constante adhuc matrimonio exerceri posset, sed vt eo tantùm soluto: quoniam alioqui nulla pro furto quod matrimonij tempore factum esset, actio competere, non modò ad vindictam, sed neque ad indemnitatem ei ex coniugibus præstandam qui furtum passus fuisset, Nisi quodd daretur ei vindictio concurrentibus his duobus, vt & coniux qui amouisset possideret, & is cui res amota fuisset dominum se probaret. Quæ probatio utraque valde difficilis plerumque est, Nec rursus fuit coangustandum auxilium iuris ad eum solum casum quo amotæ essent res, quæ fuissent in iure ac dominio coniugis, Cum non magis licere debeat coniugi alias res amouere quæ sint alienæ, præsertim si ex ea amotione futurum sit vt damnum aliquod coniux sentiat *l. si concubina 17. §. vltim. l. ob res amotas 24. D. rer. amot. l. vltim. §. vlt. C. de furt.* Fuit ergo in hanc rem necessaria singularis actio rerum amotarum, & singulare iudicium, vt vocat Iureconsultus in l. 1. ill. sit. Sic dictum quod cum actio furti & conditio furtiua contra furem quemlibet furisq; heredem competat, actio tamen rerum amotarum non inter alios datur, quàm qui coniuges fuerunt. Verùm illa semper dubitatio manet, Cur non igitur competat actio rerum amotarum etiam constante matrimonio si neque pœnalis, neque famosa illa est: Cum alioqui futurum sit vt furtum impunitum remaneat, & in damno moretur ille ex coniugibus cui res amotæ sunt, etiamsi probet amotas, nisi probet etiam diuortij consilio amotas fuisse: Adeoque tametsi probet amotas esse animo & consilio diuortij, nisi diuortium secutum quoque sit *l. rerum quidem 25. D. rer. amot.* Augetur dubitatio ex eo, quod serui corrupti nomine actio coniugi quoq; aduersus coniugem datur etiam constante matrimonio *l. vlt. D. de seru. corrupt.* quæ tamen actio sui natura & pœnalis est cum proponatur in duplum eius quod interest *l. si quis seruum 9. §. datur l. vlt. titium 14. in hac actione eo. tit.* & si non infamis, saltem turpis *l. nec quicquam 56. D. pro socio.* Habet enim causam valde proximam & similem ei quæ parit furti actionem *l. Neratius 11. §. quamquam D. de seru. corrupt.* Item ex eo quod pro damno dato inter coniuges actio legis Aquiliæ competit ex tercio saltem capite, Puta si cum maritus vxori margaritas extricatas & exaluminatas dedisset in usum, eas illa inuito vel inscio marito perforasset, vt iis pertusis vteretur. Hanc. n. Vlpianus scribit teneri lege Aquilia, nõ solum si diuerterit, sed etiã si nupta sit adhuc, in *l. si seruus seruū 27. §. si cum maritus 30. D.*

ad leg. Aquil. quam tamen actionē legis Aquilæ etiam ex tertio capite cōstat, licet famosi non sit, pœnalē esse propter repetitionē triginta dierum in æstimatione re in qua damnū datū est §. *illud palam iunct.* §. *hic autem verbis.* *Instit. de leg. Aquil. l. qui seruum* 34. *in fin. D. de oblig. & act.* Quidni ergo etiā cōstāre matrimonio detur actio rerum amotarum inter cōiuges quam nos defendimus & verissimē si quid in iure nostro verū est, neq; pœnalē vllomodo, neq; famosam esse? An fortē propter promiscuum vsum vt Castr. loquitur *ad d. l. vl. §. vl. C. de furt.* quæ habet mulier non earum duntaxat rerum quæ sunt in dominio mariti sed aliarū etiam quas maritus ipse habet in vfu? Ita credi possit, quasi mulier nō tā furādī animo, quā iure quodā familiaritatis & illius societatis quæ per matrimonium contrahitur, res mariti contrectare videatur quādiu in matrimonio manet, necdum de diuortio cogitat, Exemplo eius quod dicimus, cum qui rei communis partem habet si ea te vtatur, iure potius suo vi quā furti cōsiliū inite videri *l. meruō* 51. *D. pro socio.* Et creditorem qui rem sibi pignoratam aufert, non videri contrectare sed pignori suo incumbere *l. cum creditor* 55. *D. de furt.* Verū quāuis non negem in dubio præsumptionem illam capi posse ac debere vt delicti suspicio euitetur, Fieri tamen facile potest vt admissum contrariam voluntatem declaret, quemadmodum loquitur Vlpianus *in l. si quis extraneus* 21. *D. de acquir. hered.* puta si quod subripuit & expilauit mulier in domum alienam intulerit, aut etiam distraxerit, eiūsq; precium aut liberis ex alio matrimonio susceptis, aut alicui ex agnatis cognatisve aut invito aut saltem inscio marito dederit. Quibus casibus cū furandi & contrectandi animus non sit obscurus, nihil iure familiaritatis factum dici potest. Alioqui nec secuto diuortio competere posset actio rerum amotarum, si reuera furum constante matrimonio factum non esset, Nos autem querimus, Cur eo ipso casu quo actio rerum amotarum competit soluto per diuortium matrimonio, non competat etiam illo adhuc constante. Si casum illū excipias quem aduersus omnem iuris veteris rationē noua Iustiniani constitutio introduxit *in d. l. vl. §. vl. C. de furt.* vbi constituit, vt si rem marito cōmodatam vxor amouet, & maritus cōmodati actione constante matrimonio à domino conueniatur, possit ille vicissim agere aduersus vxorē rerum amotarū, Quod haud dubiē sic intellexisse Iustinianus videtur, vt etiam durāte matrimonio eā actio institui possit: Cū cetera omnia illius cōstitutionis capita nō ad alium casum referantur, quā quo cōstāte matrimonio agatur. Dat. n. Iustinianus domino cui res subrepta fuit, facultatē & electionē agēdi aut contra virū actione cōmodati, aut contra mulierē actione furti, Nimirū etiā si duret adhuc matrimoniū. Subiungit. n. exceptionē, Nisi maritus soluēdo sit, quo casu nō patitur vt furti actione mulier cōueniatur, Ne, inquit, ex huiusmodi occasione inter maritū & vxorē qui nō bene secū viuunt, aliqua machinatio oriaur & forsūā marito volente vxor eius extrahatur, & furti patiatur pœnalem condemnationem, Et quia in eo succurrit mulieri ne constante matrimonio furti conueniri ab extraneo possit, Subuenit etiam ex alia parte marito vt conuentus prior actione commodati, habeat vicissim contra vxorem rerum amotarum actionem per quam protinus indemnitari suæ consulat: quasi propter causā necessitatem, vt ipse loquitur, Non dissimiliter ac eisdem Tribonianī manu aliās scriptum monuimus *in l. si mulier* 19. §. *ex esse, D. de iur. dot. propter ius subtilitatem & casus necessitatem.* In quo tamen parum cautius siue Iustinianus, siue potius Tribonianus non videt, dum fauere vult mulieri & matrimonio contra ius vetus, se nouum inducere longē damno-

damnosius mulieri quàm erat vetus. Si quando enim contingebat olim ut rem alienam mulier amoueret, quæ marito vel pignoratæ vel commodatæ fuisset, non idè tamen actio furti competebat domino aduersus mulierem, quia ex furto quod vxor viro suo primum & immediatè fecisset, non magis poterat extraneus, quàm maritus ipse contra eam furti agere, Ne scilicet plus iuris haberet ex mariti persona, quàm maritus, Nisi quod conditionem furtiuam quæ soli domino datur, habere poterat, quia non ex mariti sed ex sua persona, habet ut sit dominus *l. sed & domino* 18. iunct. *§. vltim. l. preced. D. ver. amot.* Vbi tamen additur aliter iuri agere permittendum esse, id est vel domino ut cõdicat, vel marito ut agat rerum amotarum, Non autem vtrique aut mulier quæ amouit & actione rerum amotarum conueniatur à marito, & furtiua condictione à domino, quamuis aduersus ceteros fures etiam conditio furtiua possit cum actione furti concurrere. Tantiùm abest ut prudètes veteres vllò casu permitturi fuerint quod Iustinianus permisit *in d. §. vlt. agi* contra mulierem ab extraneo pro rebus quas illa non extraneo sed marito amouisset, siue constante siue soluto matrimonio de danda furti actione quæreretur. Nam & in rebus amotis erat illud speciale, Ut mariti bonis ex aliqua causa ad fiscum deuolutis, vxor rerum amotarum nomine in simplum duntaxat conueniretur, cum tamen ceteri fures omnes eo casu fisco in quadruplum condemnentur *l. ad fiscum* 16. *D. ver. amot.* Nimirum, quia omni casu æquum est puniri mulierem mitius, quæ licet amouendo furtum fecerit, non alij tamen quàm marito fecit, nec facere voluit. Sicut è contrario mulier quæ mariti res alij commodatas subripuit commodatario, tenetur furti extraneo, marito verò ne quidem rerum amotarum *l. antepen. cod. tit.* Nempe quia, ut benè Accurs. vidit, furtum eo casu à muliere factum est extraneo non marito licet res fuerint mariti. Quod si ex Tribonianæ iurisprudencia nihil absurdi est dari etiam constante matrimonio inter coniuges actionem rerum amotarum, saltem in specie *dist. l. vlt. §. vlt. C. de furt.* idè quod non sit atrox actio, id est quod neque pœnalis, neque famosa sit qualis est actio furti quam idè atrocem vocat ibidem Iustinianus, Aut quia causæ necessitas id exigere videatur, cum maritus idèque commodatarius constante matrimonio actione commodati vrgetur. Quæro cur non eadem si non casus necessitas saltem causa æquitas, induxit omni casu actionem rerum amotarum inter coniuges etiam constante matrimonio ad præstandam ei ex coniugibus indemnitate cui amotæ res essent? Præsertim cum dici soleat huius actionis proprium illud esse, ut damnum, quod ex amotione illatum est, re-præsentet? *l. si mulier* 21. *§. hac actio D. ver. amotar.* Quid enim æquius, quàm sarciri damnum illud præsentis actione, Non expectata matrimonij dissolutio-
ne. Multò minùs autem ea quæ per diuortium euentura sit, cuius euentum & casum expectare, mali certi ominis, planèque inhumanum esse videatur. Quamquam nec diuortium secutum esse sufficeret, ut rerum amotarum agi posset, si non etiam illud cõcurreret ut diuortij postea faciendi consilio res amotæ probarentur *leg. rerum quidem* 25. *cod. tit.* Quidni ergo ita ius comparatum est, ut actio rerum amotarum statim competere dareturque inter coniuges, quo-
modo & quoquo consilio amotis rebus? An fortè vno casu potius quàm alio æquum est coniugem cui res amotæ sunt in damno manere, Eum verò qui amouit, ex tam improbo facto suo lucrum sentire?

ERROR NONVS.

De actione damni in factum de qua in d. l. 2. C. rer. amot. & in l. vlt. D. de seruo corrupti. & ad l. si quis uxoris 52. D. de furt.

RVRVM si ratio aliqua reddi potest propter quam non sit permittendum coniugibus ut constante matrimonio agant inuicem rerum amotarum, Finge etiam si voles quod fingere multo facilius tibi fuerit, quam probare, Esse actionem rerum amotarum aliquo modo tamofam & aliquomodo poenalem, ob idque maxime dari eam non posse constante matrimonio, quod neutri eorum neque poenalis, neque famosa actio eo tempore cõpetat, ut scriptum est in d. l. 2. C. rer. amot. Cur non saltem de damno in factum actio dabitur etiam eo constante matrimonio, quam dant etiam Imperatores in d. l. 2. An non id multo iustius & tolerabilius esset quam quod certissimum est, Actionem de seruo corrupto, iurisque legis Aquilæ inter cõiuges quoque dari, videlicet in simplum & sine vlla poenæ cõmixtione? ex d. l. vlt. D. de seruo corrupti. & d. l. si seruus seruum 27. §. si cum maritus D. ad leg. Aquil. Itaque cum Accursio interpretari velis de actione in factum quod de actione rerum amotarum constante matrimonio inter cõiuges danda scriptum est in d. l. vlt. C. de furt. aut cum Castrensi & aliis promiscue de actione rerum amotarum vel in factum siue quasi nihil inter istas actiones effectui ipso intersit, Siue quasi tam improprie locutus sit Iustinianus ut actionem rerum amotarum dixerit eo loco pro actione in factum, Quomodo ac longe improbabilius vult Accursius locutum esse Vlpianum in l. si quis uxoris 52. in princ. iis verbis *furti non tenebuntur, sed rerum amotarum*. Illa semper se torquebit hæsitatio, Cur non hæc saltem in factum actio detur coniugi aduersus cõiugem durantibus quoque nuptiis pro rebus quoquomodo amotis, licet aut diuortij cõsilio amotæ non sint, aut eo quidem cõsilio amotæ fuerint, sed multum tamen adhuc diuortij secutum proponatur? Et tamen certum est ita ius vetus fuisse, ut nullo penitus casu aut actio rerum amotarum aut actio in factum constante matrimonio dari posset pro rebus amotis. Nam de actione quidem rerum amotarum id constat ex l. 1. D. rer. amot. vbi dicitur singulare iudicium rerum amotarum cõparatum fuisse aduersus eam non quæ vxor est, sed quæ vxor fuit: Itæ ex d. l. 2. C. de ea quæ omnes sic intellegunt, & recte, ut actio rerum amotarum non detur constante matrimonio, sed eo tantum soluto. Postremo & omnium apertissime ne in re tam aperta cõprobanda diutius immoremur, ex l. rerum quidam 25. D. eod. vbi Marcianus scribit rerum amotarum iudicium sic habere locum si diuortij cõsilio res amotæ fuerint, & diuortij secutum sit, Sed si in matrimonio, id est non eo tantum tempore quo matrimonium adhuc cõstet, sed nulla diuortij cogitatione mariti res vxor subtraxerit, cessare actionem rerum amotarum. De actione vero in factum de damno in simplum, quæ possit vice actionis rerum amotarum acquirere marito indēnitatem, quod nulla constante matrimonio cõpetat, Non solum ex eo apparet quod huius actionis nulla penitus mentio sit à prudentibus, qui tamen tam sæpe tractant & de rebus amotis, & de rerum amotarum actione, Verum etiam ex eo quod addit Marcianus in d. l. rerum quidam 25. Si in matrimonio res mariti vxor subtraxerit, cessare quidem rerum amotarum actionem, sed tamen posse maritum res amotas cõdicere. Quæ verò actio? An in factum de damno, ut loquitur *dist. l. 2.* Minimè, Sed conditione sine causa, ut iam alio loco in præcedentibus explicauimus, ex ratione quæ statim sequitur apud Marcianum, quod iure gentium condici possint res ab his, qui

non ex iusta causa possident. Civili ergo actione, non prætoria. Condi-
 ctiones enim omnes sunt civiles. Quibus competentibus nulla necessitas subest
 dandæ actionis in factum quæ siue civilis, siue prætoria sit, semper subsidaria
 est. Nec rursus datur conditio sine causa de damno, id est ad hoc ut damnum
 faciat, sed ad hoc ut quod ex nostro alius possidet, quod adhuc nostrum
 sit id ipsum nobis reddatur, ut eo facto indemnitate in consecutus actor nec de
 damno querendi multò minùs conquerendi materiam habeat. Et verò si qua
 in factum actio competere posset constante matrimonio ob res amotas, etiam
 nullo diuortij consilio suscepto, Quidni eadem multò magis competeret di-
 uortij causa amotis rebus, siue diuortium iam secutum esset, siue nondum
 secutum? Aut ad quid profuit induci rerum amotarum actionem tam nouo &
 singulari iure? An fortè ut pleniorẽ indemnitate actor consequeretur, per
 iururandum in litem cui locus est in actione rerum amotarum, in actionibus
 verò in factum numquam? At dici hoc non potest, quia nec priùs nec aliter
 iuari in litem permittitur, quàm si simplum damni arbitrio iudicis non præ-
 stet, aut ut dicam meliùs quàm res ipsæ amotæ arbitrio iudicis restituantur.
 Nec enim aut in actione rerum amotarum, aut in alia vlla arbitraria condem-
 natur vnquam præcisè reus ad rei qua de agitur restitutionem, sed si arbitrio
 iudicis ita iubentis res non reddatur, tum demum ex bono æquo condemna-
 tio sit, aut quanti actor in litem iurauerit, aut ad aliam litis æstimationem *g.*
præterea. Inst. de action. Atqui cùm in factum agitur de damno ad simplum,
 numquam potest reus evitare condemnationem simpli, quoniam in id præcisè
 agitur ut simplum præstetur, & ut simpli condemnatio fiat, Cuius nec diffi-
 cilis præstatio vnquam est, cùm fiat semper in pecunia numerata, quæ in iu-
 dicari executione ex quibuscunque condemnati bonis redigi & explicari facilè
 potest *l. 4. §. sit prætior. à Diuo Pio 15. per tot. D. de re indic.* Proinde fieri ne-
 quit ut soluto postea per diuortium matrimonio supersit aliqua utilitas nedum
 necessitas proponendæ actionis rerum amotarum, cùm nihil amplius peten-
 dum habeat si cui res amotæ sunt, posteaquam per actionem in factum de dam-
 no dato simplum iam consecutus est. Frustra igitur Prætores induxerunt singu-
 lare illud iudicium rerum amotarum si iam ita ius erat ut maritus ob res ab vxore
 amotas in factum agere contra vxorem etiam constante matrimonio posset, in
 distinctè, & omni casu, cùm è contrario rerum amotarum actio non in omnem
 euentum comparata sit, sed duntaxat in casum certum, Si duo illa concurrerent ut
 & meditatione diuortij res amotæ fuissent, & diuortium postea secutum esset, Sed
 & illud augeat dubitationem, quod videri possit, nullâ prorsus actionẽ inter con-
 iuges exerceri olim potuisse constante matrimonio, etiã quæ nec penalisset
 nec famosa, quod cùm actionum omnium instituedarum principium ab ea parte edicti
 proficiscatur, quod est de in ius vocatio, ut ait Iustin. in *g. omniũ Inst. de pen. temer. li-
 tig.* factum esset in necessariũ antecessus vocari in ius maritum ab vxore, & vxorẽ à
 marito potuisse: Quod tamẽ si ita esset, utiq; Prætor edicto suo De in ius vocatio
 nõ minùs coniugum quàm pariterũ utriusq; sexus & patronorum mentionẽ fecisset, ut
 nõ nisi petita venia in ius vocari possent, cùm negari nequeat mutuã sibi reue-
 rentiã eos debere, saltẽ vxorẽ marito. Generaliter autẽ verũ sit eas personas qui-
 bus reuerentiã debetur, nõ nisi petita venia in ius vocari posse *l. generaliter 13. D.*
de in ius vocat. Atqui nec in Tit. De in ius vocand. nec alia vlla iuris parte repe-
 rias quicquã scriptũ de hac venia vel petenda vel petita per coniugẽ acturũ contra
 coniugẽ, Et Accur. Iipse, quãuis nõ dubitet quin coniugi aduersus coniugẽ danda sit

actio constante quoq; matrimonio dū ne fœnalis sit vel famosa, Nihil tamen de coniugibus scribit ad *d.l. generaliter*. At contrā potius cōcludit, non ad alias personas referri posse quod scriptū est in *d.l. generaliter*, quā ad eas quæ Prætoris edicto nominatim cōprehensæ sunt, nisi quod addit socrerū & socerum: qui licet parentes non sint, parentū tamen de quibus Prætor locutus est appellatione idē cōtineri possunt, quia parentū locū obtinent *l. quia parentis* 16. *D. solut. matr.* Cū verō edictū prætoris De in ius vocādo sit prohibitoriū *l. 2. l. 4. §. 1. de in ius vocand.* Ne scilicet sine permissu Prætoris possint vocari in ius ex personarū quibus reuerentiā illā deberi Prætor credidit, Consequens est vt quisquis edicto illo specialiter prohibitus non est alium quælibet in ius vocare imponē possit: Quomodo in edicto De procuratorib. quod æquē prohibitoriū est, ratio cinatur Paulus in *l. maritus* 43. *§. 1. D. de procur.* Ergo impune vocari vir in ius ab vxore poterat, & vxor à viro, nullāque petita venia. Hoc verō quis credat? Aut quis Romanorū prudētiā in re tā honesta & quotidiana defuisse, sibi vnquā persuadeat? Si. n. nō patiebātur vt nuptæ fœminæ etiā cōtra alios per se litigarēt, ne obtrectatis in cōtumeliā pudoris matrimonialis irreuerēt, & cōuentib. virorū vel iudiciis interesse cogerētur, idēq; visum est permittēdū maritis vt citra mādātū in rebus vxorum cum sollēni satisfactione & alia obseruatione Intercedēdi liberā habeāt facultatē, vt Cōstantini lex habet in *l. maritus* 21. *C. de procur.* quāto minūserre potuissent, vt mulier obtorto collo etiā per aliū raperet in ius virū cōstāte quoq; matrimonio, nulla quoq; petita venia? Id. n. demū erat vocare in ius, scilicet aduersariū obtorto collo rapere ad Prætorē, habebātq; omnis vocatio vim quādā & impressiōnē, vt scriptum est tā sēp̄ in libris Cōiecturarū, & in Rational. *ad l. pleriq;* 19. *D. de in ius vocand.* Sed & cū nihil tā sollenne Romanis esset; quā vt ciues & ad matrimonia cōtrahenda inuitaretur, & in cōtractis matrimoniis retinerētur per cōcordiā, qua nihil in eā rem fortius, aut felicius est, adēdō vt neq; patriæ potestatis prætextu benē cōcordātia matrimonia turbari paterentur *l. 1. §. ult. D. de liber. exhib.* Quid contra potuit ad diffociādās coniugū mētes excogitari aptius, quā vt iis inuicē litigare permitteretur? Quis nescit quā faciles sint & pronæ litigatiū volūtates ad rixas, & à verbis ad verbera, tūm quoq; cū de re minima & leuissima cōtēditur? Indēq; nimirū cōstātū ingens illud odiū litium, quod intelligat ciuilis legislator nihil esse reipublicæ perniciosius ad cōcordiā ciuiū labefactādā, cuius solius vinculo tota populi salus cōtinetur? Præterea quānā, obsecro, litigij & actionis materia inter cōiuges olim esse potuit, cū eo tēpore libera essent diuortia, multōq; esset expeditius & honestius, sed & vtriq; cōiugū iurius diuertere cū bona gratia, nullāq; adhuc inchoata lite, quā inuicē litigare? Aut si diuertere maritus nolleret q; certæ pœnæ ei cōstitutz essent cuius culpa diuortiū accidisset *l. si stipulatio* 19. *D. de verb. oblig. & tor. lit. De diuort.* quid obstatat quominus maritus vxorē, quæ bonā fidē noller agnoscere, maritūmq; ad necessitatē agēdi mallet adigere, domi conueniret, vt loquuntur Imperatores in *l. ult. C. anseruus pro suo fact. post maritū miss. teneat* id est verberaret ipse, ac malē tractaret, remotis quantum fieri posset arbitris, vt ea via tāquā breuiore ac minū dispēdiāsa extorqueret ab vxore id ipsum quod per actionē nō nisi multō tardiū, & incōmodis consequi potuisset? Quāquam autē non eadē ratio facere poterat, vt vxori nil esset necesse aduersus maritū agere, cū tamē de coniugibus indistinctē loquamur, nec difficiilius interpretes dent actionē marito contra vxorē quā vxori cōtrā virum. Sufficit vt appareat in marito parum esse probabile, quod illi volunt in vtroque coniugē

soniuge verum fuisse. Taceo quod plerumque mulieris bon a sunt eiusmodi, vt nulla de iis materia litis superesse possit. Quid. n. si omnia sint dotalia? Vtique omnia erunt in bonis viri, nec alij quàm viro de iis agere licebit cōtra tertios. *l. doce 9. C. de rei vindic.* Quāto minùs posset de iplis mulier agere aduersus maritum? Aut cur maritus contra mulierem quæ iam omnia dederit in dotem & tradiderit? Quod si habeat illa etiam bona quædam paraphernalia, sicuti certissimum est nihil iuris habere illam in iis maritū prohibente muliere. *l. hac lege 8. C. de pact. conuent. tam sup. dot.* Ita nec dubitatur quin si ea viro vxor traderit vt haberet extra dotem, hoc ipso eorum administratio viro mandata esse censeatur. *l. vlt. eod.* Sic tamen, vt non possit mulier ea bona repetere à viro nisi soluto demū matrimonio, vt diserit scriptū est in *l. si ege 9. §. vlt. D. de iur. dot.* vbi additur nihil hac parte referre an bona hæc paraphernalia idcō tradita sint marito vt statim eius efficerentur, an vt potius in mariti custodia essent: Quo tamen posteriore casu, si maritus cōstante adhuc matrimonio petēti ea mulieri negaret in domum suam illata esse, Cur non esset permittendum mulieri agere eo nomine contra virū etiam constante matrimonio, si non ratio & pudor matrimonij omnē agendi viam ei præcluderet? Sic, n. scribit Vlp. in *d. §. vlt. sed magis vt certum sit in domum eius illata ne si quandoq; separatio fiat, negetur.* Ita significans impune futurum marito si constante adhuc matrimonio neget eas res se habere, id est non idcō futurum vt vel depositi vel mandati actione conueniatur, non magis quàm rerum amotarum, nisi matrimonio demū soluto. Quidni verò daretur etiam constante matrimonio si non actio rerum amotarum, saltem actio depositi, aut mandati pro eorum rerum restitutione in quibus maritus nullum planè ius habeat neque domini, neque possessionis? si quo vnquam casu mulieri contra maritum durante matrimonio agere tam facilè permittendum esset? Ea verò causa fuisse videtur, propter quam Iustiniano tandē placuit vt pro his quoque bonis paraphernalibus haberet mulier tacitam hypothecam non minùs quàm pro dotalibus. *d. l. vlt. & l. in rebus 30. in princip. C. de iur. dot.* Nimirum vt ei succurreretur, quæ ipsa sibi per actionem contra virum institutā succurrere non potuisset: Cuius auxilij æquitas, & necessitas sanè nulla suberat, si tale ius erat vt de iis saltem rebus posset mulier quodcumque agere etiam ante dissolutū matrimoniū. Quemadmodum nec hodie succurrimus mulieri quæ ius solum deterius fieri passa est etiam in dote ex quo potuit ob superuenientē inopiam mariti aduersus eum agere constante quoq; matrimonio. *d. l. in rebus §. vlt. & Nonell. 97. De equal. dot. c. 6. vnde sumpta est Auth. quod locum C. de collat.* Adde, quod plerūq; matrimōnia olim sic fiebāt vt mulier quæ nubebat conueneret in manū viri, atq; ita cōstitueretur in eius potestate fieretque ei sua heres: Præsertim si nō erat illa in potestate patris, vt Vlp. refert in Titulis. Quo casu nō tādum iuris cōstitutio; sed etiā natura ipsa impedimento erat ne vir cū vxore nō magis quàm cū seipso agere posset, vt de patre & filiofamil. scriptū est in *l. ne cū filiofamil. 16. de iur. furt.* Nulla verò facta in manū cōuentione et si nō trāsibat mulier in potestatem viri, nō ed minùs tamē arcta illa vitæ societas totiusq; diuini & humani iuris cōmunicatio quæ per iustas nuptias contrahabatur. *l. d. de rit. nups.* faciebat vt vtriusq; cōiugis vna fere & eadē persona esse cēsetur, nec quicquā esset tā personale, quod nō vtriq; cōmune esset. *l. 4. §. mulieri l. sed neq; 8. §. n. De vsu & habu.* Nā vt viri & vxoris eadē persona esse cēsetur sicut patris & filij, sit equidē per quādā iuris fictionē, sed quæ propius accedit ad rei & nature veritatē inter cōiuges, quàm inter patrē & filium. Quomodo igitur fieri poterat vt cōstante matrimonio inuicē agere cōiuges possen?

Sed quamquam hæc omnia non insubtiliter tractantur, vt dubitationem propositam augeant, fatendum tamen est quod plerisque iuris nostri locis probatur, coniugi aduersus coniugem & agere iam olim plerisque casibus licuisse & hodie licere, vt ex iis legibus constat, de quibus sequenti capite dicemus. Nisi forte ad omnes aliquis vno verbo respondeat, hæc eas intelligi debere vt actio inter eos non qui sunt, sed qui fuerunt coniuges exerceatur, & soluto demum per diuortium matrimonio: A quo tempore nullam illi mutuat sibi reuerentiam debent, cum ex die diuortij non modo coniuges esse desierint, sed etiam inimici existimentur inspecto eo quod vt plurimum euenire solet *l. cum in fundo 78. §. quod si mulier in fin. D. de iur. dot. l. Cicero 39. D. de pan.* Nam & eodem sensu paulum scriptum legimus in *Tur. Rer. amot.* agi ea actione à viro in uxorem vel à muliere in maritum, cum tamen fateantur omnes non dari actionem illam nisi inter eos qui coniuges fuerunt, & diuortio tantum secuto. Verum neque verbis illarum legum conuenit hæc interpretatio, vt ostendamus in sequentibus. Neque ea ipsa lex quam nunc in manibus habemus quæ secunda est *Tur. C. rer. amot.* vllum sanè aut huic, aut alij vlli responsioni locum relinquit, Cum verba illa *Constante etenim matrimonio neutri eorum neque pœnalis, neque famosa actio competat, sed de damno in factum datur actio*, apertissimè sonent, nec tantum à contrario sensu, sed directo, Actionem in factum de damno dari constante quoque matrimonio. Mihi certè videtur Cuiacius dixisse verissimè, esse legem illam crucem interpretum, nec quemquam esse qui in ea explicanda se nō torqueat, Si Bartolum & Baldum excipias & alios plerosque ex veteribus & melioris notæ interpretibus, qui ne se torquerent, maluerunt nihil ad eam scribere quasi difficultates quibus lex plena est, non viderint. Puto tamen quod pertinet ad actionem illam in factum de damno, de qua lex loquitur, & quam ait constante quoque matrimonio dandam esse, debere legem intelligi non de actione rerum amotarum, sed de actione vili legis Aquiliz quæ & damni iniuriæ actio appellatur, Ex *l. si seruus 27. §. si cum maritus D. ad leg. Aquil. & de seruo corrupto l. vlt. D. de seruo corrupto*. Nam datur quidem actio illa in factum & de damno, inter coniuges etiam constante matrimonio, sed actio rerum amotarum numquam nisi soluto. Hoc ipsum autem ideo, quia singulæ quodam iure, vt toties diximus, comparata est certis legibus & condicionibus, Inter quas præcipua hæc est, vt non tantum amotas res esse oporteat, sed etiam amotas diuortij causa, Nec hoc solum nisi etiam illud accedat, vt diuortium fuerit secutum. Et sicuti bene à Cicero quodam loco scriptum est non debere nos recusare quominus ea qua nati sumus lege & conditione viuamus, Ita nec mirum cuiquam videri debet actionem rerum amotarum iis legibus & regulis contineri quibus comparatam eam Prætores voluerunt, non aliter eam promissuri, Siue quod quandiu diuortium factum non est possit maritus uxorem domi conuenire, atque ita sibi suisque rebus consulere, Siue quod in persona mulieris, etiā quæ diuortij consilio res amouit locus pœnitentiæ relinqui debeat quandiu res integra est diuortio nondum secuto, Quod in actione legis Aquiliz aut De seruo corrupto diuersum est. Nulla enim arte fieri queat, vt damnum datum possit haberi pro non dato aut seruus corruptus pro non corrupto. Cum tamen res amotæ diuortij causa pro non amotis haberi debeant, si vel nullo vnquam secuto diuortio aut antequam sequatur, in domum coniugis vnde amotæ fuerant, reportentur. Porro si actio Rerum amotarum exigit secutum esse diuortium ad hoc vt competat, Consequens sanè est, vt exerceri constante matrimonio numquam

numquam possit, Non quòd generaliter dicendum sit coniugi aduersus coniugem dari constante matrimonio actionem nullam debere, Sed quia prius sit, vt actio aliqua competat quàm vt exerceri possit, *d.l. in rebus 30. C. de iur. dot.* Hæc autem non competit nisi secuto diuortio, quo demum tempore matrimonium amplius nullum est. Illa autem ratio quæ ponitur in *d.l. 2.* quod constante matrimonio neque pœnalis, neque famosa actio inter coniuges dari possit, non eò pertinet, vt sciamus cur actio rerum amotarum non detur constante matrimonio vt putant Cuiaciani qui ex hoc inferunt actionem istam & pœnalem & famosam esse quod est ridiculum, sed vt intelligamus cur eam Prætores tam singulari iure induxerint cùm iure civili furti actio iam esset cõparata, Nimirum quoniam furti actio & pœnalis & famosa est quam in honorem matrimonij denegandam esse placuit constituto iure. Atque ita omnes has difficultates à nobis alijsque cõtra nos propositas dissolui posse & dissolutas esse arbitramur. Cùm ergo actiones quædam sint quæ inter coniuges dari possunt etiam constante matrimonio, latius dicendum est quænam illæ sint, Ex iis etiam quæ pœnales sunt vel famosæ.

ERROR DECIMVS.

De actionibus quæ constante matrimonio inter coniuges dantur ab interpretibus. Ad l. si extraneus 33. D. de iur. dot. l. 1. C. eod. l. 5. §. si donationis & §. seq. l. si pradiæ 58. §. ult. D. de donat. int. vir. & vxor. l. si de tua 9. Cod. eod. l. hac alio 65. D. de solut. matrim.

LEVV primùm constat & apud omnes in confesso est, nec nòs negamus, quòd si mulier ipsa quæ nubit, dotem marito promiserit, obligatur illa haud dubiè ex eiusmodi promissione, Sicut & cæteræ omnes personæ cuiuscumque sexus & conditionis sint, promittèdo dotem obligantur *l. promittendo 41. in princip. & §. ult. D. de iur. dot.* quamvis in dote dicenda aliud iuris esset nec nisi certæ personæ dicendo dotem obligarentur vt Vlpianus in Titulis docet. Quin etiam constat mulierem dotem promittendo non alij posse obligari quàm marito *l. si mulier 59. in princip. D. de iur. dot.* Quidni ergo etiam constante matrimonio conveniri poterit, vt aliquis effectus sit promissionis & obligationis? Nec enim dos est nisi constante matrim. onio, & quæ matrimonij oneribus seruiat *l. si pater 76. in fin. eod. tit. D. de iur. dot. cum pater 11. D. de pact. dotat.* Quò pertinet quod Vlpianus tractat in *l. si extraneus 33. de iur. dot.* Siue pater mulieris, siue mulier ipsa dotem promiserit, dotis periculum non ad maritum sed ad mulierem pertinere. Nec enim quisquam iudex, inquit Vlpianus, propitiis auribus audiet mulierem dicentem cur patre, qui de suo dotem promissit non vserit ad exsolutionem, multò minùs cur ipsam non conuenerit, Quibus verbis significat non obscure, Esse igitur in potestate viri, vt si volet conueniat vxorem quæ dotem promissit, Nec sanè mirum est mulierem ex hac causa etiam constante matrimonio à marito conveniri siue dotem, siue dotis etiam vforas constante quoque matrimonio promiserit *l. si quis pro vxore 26. §. 1. D. de donat. int. vir. & vxor.* Cur non enim possit? cùm causas dissidij & repudij materiam non solùm non præbeat, sed etiam extudat?

Poterat enim mulier olim ex hac causa repudiari, si dotem quā promiserat non soluisset, Ad eò ut dubitaretur, an posset maritus eam quoque repudiare quam duxisset indotatam: Fuitque in hanc rem necessaria Iustiniani constitutio, Ne posset in *l. penult. §. 1. C. de repud. & Nouell. 22. De nupt. cap. 18. §. sed à nobis*. Melius autem fuit actionem ex ea causa inter coniuges permittere, quàm diuortij causam ex eo vel inducere vel retinere. Nec tantum marito contra vxorē pro dote promissa conceditur agere, sed etiam vxori contra maritum ad condicendam dotem etiam constante matrimonio, si quando sic foris dos constituta sit, siue per promissionem, siue per traditionem, aut filiofamilias aut seruo factam infcio patre vel domino, ut periculum dotis spectaturum sit ad mulierem ob non secutam paris vel domini ratihabitionem *l. quemadmodum 46. D. de iur. dot. vbi* Accursius notat, ita cautum esse iure valde speciali, & ex æquitate & necessitate illa, quòd alioqui futurum esset ut dos periret. litaretur: quod numquam ferendum est cum inter sit reipublicæ dotes mulieribus saluas esse *vulg. l. 1. D. solut. matr. l. interest 18. D. de reb. auct. indic. possid. alias 13. D. de priuileg. credit.* Non valde dissimile est quod rescribunt Imperatores in *l. 1. C. de iur. dot.* Euicta res, quæ fuerat in dotem data si pollicitatio vel promissio fuerit interposita, generum agere posse contra locerum, vel mulierem, seu heredes eorum aut conditione aut ex stipulatione. Si autem nulla pollicitatio, vel promissio intercesserit, post euictionem eius, siquidem res æstimata fuerit competere ex empto actionem, nec minus contra mulierem ipsam, quàm contra locerum si mulier ipsa res dederit in dotem æstimatas. Æstimatio enim facit emptionem *l. plerumque 10. §. penult. eod. l. 1. §. vltim. D. de æstim. auct.* Nisi conuenerit ut res ipsæ quæ æstimatæ fuerunt reddantur soluto matrimonio, Quo casu magis est ut summa declaretur, nò venditio contrahatur *l. cum post 69. §. cum res D. de iur. dot. l. si inter 21. C. eod.* Si verò neque pollicitatio, neque æstimatio facta sit, siquidem bona fide res illa in dotē data est, nullam mariti actionem competere, Dolo autem dāis interposito, de dolo actionem aduersus eum locum habere, Nisi à muliere ipsa dolus interpositus sit: Tunc enim ne famosa actio aduersus eam detur, in factum cum ea agendum esse. Quod ego sanè sic intelligo, ut actiones hæc omnes etiam contra mulierem competant constante quoque matrimonio *ex l. quoties 16. D. eod.* Nimirum ne alioquin eueniat, ut euicta re dotali, nullam dotem maritus habere existimetur, qui tamen indotatam vxorem ducturus non fuit. Quid enim refert an nullam dotem mulier dederit, quæ tamen dotem præmisit: An verò in dotem dederit eam rem quæ postea fuerit euicta? Potestas enim euictionis tollit intellectum traditionis, nec videtur traditum quod euictum quandoque fuit *l. si patris 55. §. vlt. D. ad SC. Trebell. l. quod emiscitur 190. de reg. iur.* Hinc ergo casibus æquum est marito dari actionem etiam manente matrimonio ne decipiatur maritus, quod fiet si dotem nullam habiturus sit *l. si donatus 9. §. 1. D. de condit. caus. dat. l. purè 5. §. penult. D. de doli mal. except.* & fructus dotis ab oneribus matrimonij separentur, *l. cum pater 11. D. de pact. dotal.* Ad has autem species referri commodè potest, quod Vlpianus scribit in *l. 5. §. si vxor. 7. D. de donat. in. vir. & vxor.* Si vxor vel maritus exceptione quadam donationis causa summoueri voluerint, facta postmodum à iudice absolutione, valere quidem sententiā, sed posse condici ei cui donatum est. Nam cum locus ille ut & totus tir, sit de donatione facta inter virum & vxorem constante matrimonio, nullus autem exceptioni locus esse vnumquam possit, nisi aduersus propositam actionem, consequens est ut senserit Vlpianus, Posse actionem & iudicium exerceri inter coniuges,

Nisi

Nisi fortè velis eam sententiam restringere ad casum illum quo ià antè nuptias acceptum fuisset inter eos iudicium, Quod sanè minùs durum esset. Præter id quod iudicium antè acceptū expirare solet quoties pervenit res ad eum casum à quo incipere iudicium non potuisset *l. si à me it. D. de iudic.* Ut euenit si mulier diuenerit, & iudicio de dote contestato rei cersa fuerit in matrimonium: Redintegrato namque matrimonio expirat iudicium & omnia in pristino statu retinentur *l. si mulier 19. D. solut. marr.* Non quia inter coniuges iudiciū non possit consistere, Sed quoniam redintegrato matrimonio dos que redintegratur de qua fuerat acceptum iudicium *l. post diuortium 64. D. de sur. dot.* Itaque aliud iuris erat si non iudicio rei vxoris, sed actione ex stipulatu dos petebatur, ut constat ex *l. si mulier post diuortium 13. eod. tit.* ex qua commodissimum exemplum sumi potest ad *d. si vxor.* Idemque iuris est in iudicio rerum amotarum, quòd in iudicio rei vxoris. Nam cum soluto matrimonio rerum amotarum iudicium contra mulierem instituitur, redintegrato rursus matrimonio iudiciū soluitur *l. ult. D. rer. amot.* Quanquam si post redintegratum matrimonium iterum fiat diuortium, placet ob res amotas prioris diuortij causa, itemque ob impensas & donationes priore matrimonio factas actionem superesse *l. redintegrato 24. eod.* Hæc omnia idèò, quia neque de dote restituenda, neque de rebus amotis agi potest constante matrimonio. Non igitur distinctio illa adhibenda est, An iudiciū acceptum sit ante vel post nuptias. Sed illa potius, An de ea re acceptum sit, de qua etiam durante matrimonio agi possit. Quid ergo si extra causam promissæ dotis aliqua viro contra vxorem actio competat, aut vxori contra maritum? An manente quoque matrimonio permittendum sis erit, ut inuicem agant? Finge donationem aliquam inter coniuges illicitè factam esse, quæ postea sit reuocata per pœnitentiam, Ex qua causa constat si res donatæ adhuc extant, vindicari eas posse, Si verò consumptæ sint, condici, hæcenus scilicet quatenus persona cui donatum fuit, locupletior facta est *l. 5. alias l. si mulier 9. ultim. D. donat. int. vir. & vxor.* An ergo dabimus donatori vindicationem aut conditionem durante quoque matrimonio? Et non putò, siue quòd donatorè quando viuere & matrimonium durat pœnitentia pœnitentia, Supremam enim pœnitentia semper spectanda est *l. cum hic status 32. §. pœnitentiam eod. tit.* eaque spes sanè probabilis est ut quæ adfectionis ratio donationem ab initio extorserat eadem reuocatam donationem rursus restituat, siue quod iniuste omnino sit, & quid diuortio proximum, si ex ea causa coniungi aduersus coniugem agere permittatur. Idque mihi videtur Vlpianus disertè scribere in *d. l. 5. §. si donationis eod. tit.* ubi ait, Si donationis causa vir vel vxor seruitute non utatur, amitti quidem seruitutem, verum post diuortium condici posse. Cur enim addidisset post diuortium si etiam ante diuortium condici donata seruitus possit? Scio Accusum sic intelligere ut omni tempore & ante diuortium quoque condictio competat, Nec diuortij mentio facta sit ab Vlpiano nisi quòd per diuortium intelligatur ipso facto reuocata donatio, etiam quæ reuocata antè non fuisset ex *l. a marito 18. C. eod. l. & idèò 62. §. 1. D. eod. tit.* Sed parum probabilis interpretatio est, cum possit reuocari donatio à coniuge priùs etiam quàm diuortium fiat, ut scriptum est in *d. l. à marito.* Possit etiam diuortium fieri non reuocata donatione, puta si fiat cum bona gratia *d. l. cum hic status 32. §. si diuortium & seq. & l. viricus 60. §. 1. & dual. legib. segg. eod. tit.* Longèque aliud est dicere, Reuocari donationem per diuortium, Aliud verò, id quod donatum est, condici post diuortium, quemodo Vlp. loquitur. Quò etiam pertinere arbitror, quod Iulianus scribit

in l. si mulier 37. D. eod. tit. Si mulier dolo fecerit ne res extaret sibi à marito donata, vel ad exhibendum, vel damni iniuriæ, id est lege Aquilia cum ea agi possit, Maxime, inquit, si post diuortium id conuulserit. Quæ adiectione significat, nihil quidem interesse an manente matrimonio, an post diuortium mulier dolum aduulserit, damnumque & iniuriam dederit, quod utroque casu perinde mulier teneatur, quod & scriptum est *in l. si seruus seruus 27. §. si cum maritus D. ad leg. Aquil.* sed tamen utroque casu non nisi post diuortium actionem dari, Alioqui esset aliqua inter hos casus differentia cum de dolo post diuortium admissio non possit agi nisi post diuortium, Satisque marito faueatur in eo quod tametsi mulier constante matrimonio dolum aduulserit, eius tamen nunc actionem habet diuortio quandoque postea secuto: quemadmodum euenit rebus amoris, aut si quo alio modo mulier in matrimonio deliquerit circa res mariti, Puta si vxor mariti res subtraxerit durante matrimonio nulla cogitatione diuortij, & tamen diuortium postea secutum sit. Tunc enim si cui cessante rerum amotarum actione datur marito condictio aduersus vxorem non ex iusta causa mariti res possidentem *l. rerum quidem 25. D. ver. amot.* Ita dicendum est non alio tempore permittendum esse marito, vt condicat, quam quo posset agere rerum amotarum si actio illa locum haberet. Neque enim melior condicio mariti esse potest ob id quod agere rerum amotarum non possit, at potius tantò deterior, Alioqui magis damnosa, quam utilis esset actio rerum amotarum, quam tamen Prætores singulari iure, ac summa æquitate induxerunt, vt ei succurrerent cui res amoris essent, Atqui rerum amotarum actio non competit nisi soluto matrimonio. Ergo neque condictio illa sine causa, quæ non nisi quodammodo in subsidium, & deficiente rerum amotarum actione datur. Atque ita intelligo quod scriptum est *in dicit. l. 25. ver. amot.* Itemque quod *in l. etsi de iura 9. C. de donat. int. vir & vxor.* Si de viri pecunia vxori mancipia comparata sunt & tradita eorum quidem dominium non ad maritum sed ad mulierem pertinere, sed tamen pecuniæ repetitionem habere maritum, siue negotium vxoris gerens numerationem fecerit, siue animo conferendæ in eam donationis quantitatem precij largitus sit, *Etenim vel in solidum*, inquit Imper. ad maritum, *vel quatenus locupletior facta est actione cum ea competenti experiri poteris*, Nimirum in solidum si agat maritus negotiorum gestorum. Quatenus autem locupletior mulier facta est si agatur condictione sine causa, quæ solet competere post reuocatam à coniuge factam coniugi donationem, quia quod ex non concessa donatione retinetur, id aut sine causa, aut ex iniusta causa retineri intelligitur: ex quibus causis condictio nasci solet, vt Caius ait *in l. quia quod 6. D. eod.* Cæterum neque actionem negotiorum gestorum, neque condictionem illam sine causa puto dandam esse marito contra vxorem nisi post diuortium. Cur enim daretur facilius constante adhuc matrimonio, quam condictio quæ datur in subsidium actionis rerum amotarum? An fortè quia sit maiore odio digna mulier, quæ ex illicita donatione possidet, quam quæ mariti res amouit? Imò longè suuorabilior est, quia licet possideat rem quam scit alienam ac proinde mala fide *l. si vxor 19. D. de iur. dot.* possidet tamen sciente ac volente viro *l. de eo 63. D. de don. int. vir. & vxor.* eique causam possidendi si non iustam certè aliquam præstitit donatio, *l. si donata 36. eod.* vbi hanc ob causam tractat Paulus, quod valde singulare est & à paucis obseruatum, Si res donatæ extent, vindicari quidem eas posse, sed nisi red-
dantur

dantur æstimationem faciendam esse iusto precio, quanti reuera sunt, caueri que possident debere de euictione simpli: quod in cæteris vindicationibus diuersum est, in quibus res quæ non restituitur æstimatur quâti actor in litem iurauerit, nec cauere petitor cogitur possessori *l. qui restituere 68. §. seq. D. de rei vindic.* Ex quo intelligimus non magis vindicationem rerum illicitè donatarum, quàm earum condictionem dandam esse constante matrimonio, quòd earum consumptio impunita esse debeat si fiat matrimonij tempore, dum ne locupletior facta sit mulier nec dolo fecerit, quominus res soluto postea matrimonio extarent *d. l. cum bis statim 32. §. quod aut oratio, lunct. d. l. si mulier. 37. eod.* Et ratio est, quia non amare nec tanquam inter infestos ius prohibet donationis tractandum est, sed vt inter coniunctos maximo affectu & solam inopiam timètes *l. si id quod 28. §. si quis eod.* Inopiam autem metuere non potest coniunx qui donauit, quandiu constat matrimonium, sed tum demum cum matrimonium soluitur, & sibi quisque res suas habere incipit, quod fit diuortio secuto. Et ita esse intelligitur ex illo etiã quod reuocata donatione quæ inter coniuges facta fuerat, in idem tempus incidit, vt quæri oporteat an res extent necne, Vt sciatur an vindicari debeant, an condici: Nam quo casu & tempore vindicari possunt res donatæ si extent, eodem possunt & condici si non extent. Is enim vnicus effectus est eius quod dicimus, Donationes inter virum & vxorem factas prohibitæ esse. *d. l. 5. aliàs l. si mulier in fin. eod. tit.* Atqui cum quæritur an aut quatenus locupletior facta sit persona cui donatum est, inspicimus illud præcisè tempus quo de dote agitur *l. si cum mulier 50. eod. tit.* in illis verbis *quæritur enim an mulier ex viri patrimonio locupletior sit eo tempore quo de dote agatur.* Sicque accipiendum est quod Vlpianus scribit *in l. quod autem 7. eod.* cum quæritur virum tempus spectandum sit an litis contestatæ, an rei iudicatæ vt sciatur an locupletior factus sit coniunx cui donatum fuit, litis contestatæ tempus spectari oportere, Tempus scilicet illud quo iudicium de dote contestatur, cui porro locus non est nisi soluto demum matrimonio. Ergo neque condicitiã actione experiri potest ille ex coniugibus qui donauit nisi post solutum matrimonium, licet ante donationem reuocauerit. Quomodo accipi etiam debere puto, quod Paulus respondet *in l. vxor marito 55. eod.* Si vxor marito suo pecuniam donauerit, & maritus ex pecunia sibi donata rem mobilem, vel soli comparauerit, nec soluendo sit, res tamen extent, mulierem si donationem reuocet, vtiliter condicitiã acturam, Nimirum suo tempore, ac post diuortium. Nec enim, inquit, negari potest quin locupletior factus sit maritus, licet soluendo non sit, quia non quærimus quid deducto ære alieno liberum habeat, sed quid ex re mulieris possideat. Possidet autem effectu ipso rem sibi donatam, cum possideat rem ex pecunia donata comparatã, perinde ac si res ipsa sue mobilis siue immobilis quæ ex bonis donatis comparata fuit, donata esset, Nisi quòd de eo casu haberet mulier directam rei donatæ vindicationem, tanquam quæ dominium retinisset. Et addit *nec eris deterior causa viri* [sic enim legendum esse *nec pro &* docuimus in Coniecturis] *si ei pecunia quatenus res valet, non vltra tamen id quod donatum est, condicatur, quam si dotis iudicio conueniatur.* Ita significans eodem tempore & actioni condicitiæ locum esse & iudicio de dote, Et vtroque in iudicio æquè fauendum esse marito qui soluendo non est, vt quamuis in solidum locupletior ex donatione factus sit, non tamen in solidum condemnari debeat, sed eatenus tantum quatenus facere potest, & deducto ne

egeat, id enim est quod Modestinus docet in *l. non tantum* 20. *D. de re iudic.* Non tantum dotis nomine maritum in quantum facere potest condemnandum esse, sed ex alijs quoque contractibus, ex quibus ab vxore iudicio conuentus sit. Eodem nimirum tempore quo & iudicio de dote conueniri potest, ac proinde post dissolutas nuptias, cum quandiu durat matrimonium non possit maritus egere quin & ipsa mulier egeat, cuius alendæ onus ad maritum pertinet, Nisi ponas ab initio conuenisse, vt mulier se suosque aleret, quod olim aliquando, quanquam rarissimè, fiebat. *l. si quis pro vxore* 21. *in fin. D. de donat. int. vir. & vxor.* Potest autem multis casibus contingere vt soluto matrimonio conueniendus sit maritus, non tantum iudicio de dote, sed ex alijs quoque causis & contractibus, puta actione depositi vel mandati, vt in specie *l. si ego* 9. *in fin. D. de iur. dot.* Aut ea actione quæ iam ante nuptias competebat, vt in casu quem Marcellus ex Iuliano tractat in *l. si pater* 44. §. 1. *ead. tit. de muliere* quæ debitore habens filium familias patri eius dotem ita promisit, *Quod mihi debes vel quod filius tuus mihi debet doti tibi erit.* Iulianus enim ait his verbis non obligari mulierem vt ab ea exigere maritus dotem ullam possit, sed effici duntaxat vt id quod actione de peculio secuari à patre poterat, in dote sit, Marcellus verò Iuliani sententiam probans, subiungit, *Sive igitur cum filio posthac sive cum patre agere institueris, exceptione pacti conuenti summonebitur: Actione autem de dote si experietur, consequetur quod in peculio fuisse apparuerit, eo tempore quo dos promittebatur.* Non ait actione autem de dote cum experietur, sed si experietur, vt intelligamus in idem tempus incidere vt possit mulier in ea specie eligere, an iudicio de dote, an pristina actione contra maritum experiri velit. Cui consequens est vt si cuti actione de dote experiri non potest nisi soluto matrimonio, ita neque pristinam actionem exercere contra maritum nisi eo tempore, quo maritus & vxor esse desierint. Sequitur autem apud Marcellum *utique si post nuptias promissa est, eius temporis peculium æstimari debet, quo nuptia fierent.* Qui versiculus certè mancus est, & omnino supplendus, vt hoc quoque obiter adnotemus, addita dictione *aliquin* ante verba illa *eius temporis.* Sensus enim est, multum referre an supradicta dotis promissio facta sit post nuptias, an verò antè. Vt priore casu æstimetur peculium quod fuit eo tempore quo dos promittebatur, cum antè illud tēpus nulla dos fuerit, Posteriori verò æstimetur peculium quod fuit nō promissionis tempore sed nuptiarum, quia dotis promissio quælibet sicuti tacitam condicionem illam habet si nuptiæ sequentur *l. stipulationem* 21. & *segg. eod.* Ita & in illud tempus dilata, relataque intelligitur quo nuptiæ fient, quoniam nec ante dos vlla esse potest cum non sit sine matrimonio *l. 3. l. promittendo* 41. *ead. tit.* Aliud fortasse iuris est in ea specie quæ apud Sequolam tractatur in *l. si pradi* 58. §. ult. *D. de donat. int. vir. & vxor.* de filio qui rebus matris interuenire solitus, ex pecunia matris consentiente ipsa, res plerasque & mancipia mercatus emptionum instrumēta suo nomine consecerat, deinde in patris potestate decesserat. Nam cum quæreretur, an mater cum marito suo experiri, & qua actione uti posset, Respondit Scauola cum distinctione, si mater obligatum filium in ea pecunia esse noluit, intra annum quàm filius familias decessit de peculio cum patre in cuius potestate filius fuisse proponitur, actionem habere illam, Sin donauit filio repeti posse, & condici, quod donatum est, quanto locupletior ex ea donatione pater factus fuit: Quo responso videtur Scauola utramque actionem dare vxori contra maritum etiam constante matrimonio, Nec tantum actionem annalem de peculio, sed etiam condictionem illam quæ nascitur ex reuocatione

tione

tionis donationis factæ inter virum & vxorem, Quam tamen actionem nos supra diximus non dari nisi soluto matrimonio, cum non detur nisi in quantum ille qui donationem accepit locupletior ex ea factus est. Quatenus autem locupletior factus sit, statui debeat inspecto eo tempore quo de dote agatur *l. si cum mulier 50. eod. tit.* Verùm dici meo iudicio non incommode potest, responsum hoc Scæuolæ propriam in vtraque actione & specialem habere iuris rationem. In actione quidem annali de peculio, Ne actio illa quæ anno concluditur mulieri pereat si non intra annum exerceatur. Quæ tamen ratio facere tantum posset, vt litem contestari actionis tantum conseruandæ & perpetuandæ gratia, nõ etiam vsque ad condemnationem perueniri oporteret *l. 1. §. ultim. D. de fer. In actione verò condictionis, quoniam donatio non in maritum ipsum sed in mariti filium collata proponebatur: Filius autem viuis parentibus defunctus, cuius obitu certum erat non modò extinctam donationem esse, verùm etiam ita extinctam vt amplius cõualescere postea nõquam posset *d. l. à marito 18. C. de don. int. vir. & vxor.* Non enim hoc casu inspicienda est persona patris cui donationis commodum & emolumentum acquireretur per filium si donatio valeret, sed persona ipsius filij in quem collata donatio est *l. cum hic status 32. §. si filiusfamilias 17. & seqq. vers. in hac autem donatione D. eod.* Sanè actio vna est de qua negari nõ potest quin constante matrimonio mulieri cõtra maritum competat. Cuius enim scriptum est in *l. hæc actio 65. D. solut. matr.* Sed quænam illa sit non faciliè dici potest cùm sumpta sit lex illa, ex Scæuolæ libro singulari Quæstionũ publicè tractatarum, sed tam concisè vt nesciri queat de qua actione Scæuola senserit. Neque verò interpretes consentiunt: Probabilius tamen videtur, & si non ad Scæuolæ, certè ad Triboniani mentè accommodatus, quod Cuiacius docuit ex cõiunctione legis præcedentis & ex *l. filius 14. §. vlt. ad leg. Corn. de falsi.* intelligendam esse de conditione ex lege Iulia quam lex illa dedit mulieri contra maritum, ad hoc vt cogatur vir reddere statim vxori quicquid ad eum ex manuifissione serui dotalis peruenerit. Scilicet quia post solum matrimonium id exigi iudicio de dote non posset cùm neque in dote fuerit, neque ex causa dotis ad maritum peruenerit *l. dotalem 61. D. solut. matr.* Atque hæc quidem videntur mihi nec falsò nec insubtiliter de supradictis actionibus inter virum & vxorem constante adhuc matrimonio vel concedendis vel denegandis ex vora iuris ratione disputari posse. Sed tamen nõ desunt leges, quibus probari posse videatur liquere, quousque maius mihi ocium suppetat inquirendis & examinandis legibus omnibus, quæ in vtramque partem adferri hac in quæstione possent. Est enim quæstio sanè perdifficilis, Vel ob id maxime quòd non desunt leges quibus probari possit, Etiam pœnales actiones plerasque, adeoque turpes, dum ne prorsus famosæ sint, constante quoque matrimonio dari posse. Qualis est actio furti de qua in specie *l. 3. §. 1. D. rer. amos. legis Aquiliæ* in specie *l. si seruus seruum 27. §. si cum maritus D. ad leg. Aquil.* aut serui corrupti in *l. vlt. D. de seru. corrupti.* Sed dignus tractatus est, qui separatim à nobis sequenti Decade instituitur.*



ANTONII FABRI
I. C. SEBVSIANI IN SVPREMO
SABAVDIE SENATV PRÆSIDIS
PRIMARI,

DE ERROR. PRAGMAT. ET
INTERPR. IVR.

DECAS LXXXII.

ERROR I.

De pœnalibus aut turpibus actionibus inter coniuges etiam manente matrimonio dandis. Ad l. 3. §. 1. D. rer. amot. l. si servus servum 27. §. si cum maritus D. ad leg. Aquil. l. ult. D. de servo corrupt.



VI vident scriptum esse in l. 2. Cod. rer. amot. constanter matrimonio neque pœnalem, neque famosam actionem inter coniuges competere, Sicuti non dubitant quin aliz omnes actiones competant, quæ nec pœnales sunt, nec famosæ, quamvis nullam possint rationem reddere, Cur non ergo competat etiam actio rerum amotarum durante quoque matrimonio quam certissimum est, nullomodo pœnalem esse nec famosam, Ita se torquent maximè, vt respondeant ad eos iuris locos, in quibus aperte contrà scriptum videtur, non modò pœnalem, quod facilius est, sed etiam famosam aut saltem turpem actionem cõiugi aduersus coniugē dandam esse. Nos verò tantò difficilius hoc admittimus, quod neq; post diuortium fieri posse arbitramur vt famosa vel turpis actio inter eos detur qui cõiuges fuerunt, In honorem scilicet transacti matrimonij, quomodo interpretamur quod scriptū est in l. 2. D. eod. Alioqui nō erat cur Prætor singulare iudicium induceret Rerum amotarum aduersus eam quæ vxor fuisset si præsentis tantum non etiam præteriti matrimonij pudor, vt Iustin. loquitur in l. ult. §. ult. C. de furt. actionem furti denegandam suasisset, Quando nec nisi soluto matrimonio competit actio Rerum amotarum vt omnes consentiunt ex l. 1. l. rerum 25. & pass. eo. tit. & d. l. 2. Cod. eod. Primus locus occurrit in l. 3. §. 1. D. eod. tit. ubi scriptum est si servus vxoris furtum fecerit marito, furti cum ea agi posse, Sed & cum vxore ipsa furti agere possibile esse, Nempe si ei cui heredes sumus furtum illa fecerit, vel nobis antequàm nuberet. Nemo enim nescit actionem furti licet non semper

per famosa sit, puta si ex furto alieno quis conueniatur *l. furti 6. §. si quis alieno & l. seruus 24. D. de his qui not. infam.* semper tamen esse pœnalem quia numquam nisi ad quadruplum datur si furtum fuit manifestum, aut ad duplum si fuit nec manifestum. Quia scilicet numquam persequitur nisi pœnam: Pœna autem dupli tantum est, vel quadrupli. Ergo si contra mulierem ex furto serui puta dotalis maritus agat furti, quod facere utique potest, famosa quidē non erit actio, sed pœnalis tamen erit, nec eo minus competitura, si nostris credimus, etiam constante matrimonio. Nam & *in l. si quis uxori 51. §. serui verò D. de furt.* Vlpianus disertè scribit nequaquam esse ambigendum, quin etiam vxor serui sui nomine furti teneatur. Aliis verò duobus casibus qui ponuntur *in d. l. 3. §. 1.* hoc est Siue mulier ei furtū fecerit, cui maritus heres extitit, siue marito ipsi antequam illa nuberet, non modò pœnalis erit furti actio quæ contra vxorem exercebitur ante diuortium, sed etiam famosa, quoniam his casibus non ex alterius persona, sed ex propria mulier condemnabitur. Nec difficultatem hanc sumimouet, quod pro temperamento subiicitur *in d. §. 1. in hæc verba tamen propter reuerentiam personarum in utroque casu furtiuam tantum conditionem competere, non etiam furti actionem dicimus.* Primum quia, ut disputauimus in præcedentibus Decadibus, Condictio furtiua licet neque pœnalis, neque famosa vllomodo sit, turpis tamen actio est, quia furti nomen præsefert & exprobrationem. Idèoque statentur omnes veteres post Accursium, & recētiore post Cuiacium, Esse speciale & contra iuris regulas, ut condictio furtiua iis casibus inter coniuges detur, neque extra duos illos casus dari eam posse inter coniuges, nec magis soluto quàm constante matrimonio, pro furto, quod durante matrimonio factū sit. In honorem verò transacti matrimonij non tantum famosa, sed etiam ea quæ turpis tantum sit actio inter eos qui coniuges fuerūt, denegatur *d. l. 2. eod.* Deinde, quia sic Paulus loquitur *in d. l. 3. §. 1.* non ut dicat Actionem furti iis casibus non competere, sed solam condictiōnem furtiuam, At è contrario ita ut dicat Possibile esse ut his casibus contra eam quæ vxor adhuc est, furti agatur. Quibus verbis agnoscit ingenue, furti actionem competere, Cum sit impossibile ut agatur actione non competente. Falsum ergo erit, quod scriptum legimus *in d. l. 2. C. rer. amot.* constante matrimonio neutri coniugum neque pœnalem actionem competere, neque famosam. Potiusque debuerant Imperatores rescribere, Ipso quidem iure & famosam & pœnalem actionem inter coniuges manente quoque matrimonio competere posse. Sed tamen in honorem matrimonij, & ob reuerentiam personarum dari eam non debere. Aliud enim est competere, aliud dari actionem, Sicut & aliud non competere, Aliud denegari, Quia fieri potest ut summo iure competat actio, quæ tamen ob causam aliquam deneganda sit, Et contrà ut detur per Prætores actio ei cui nulla stricto iure competit, Sed ut deneganda sit ea quæ nec competit, fieri numquam potest. Non habent sanè interpretes nostri quod comminisci possint ut se hinc euoluant. Nam quod dicunt, Esse istos casus speciales nulla tamen specialitatis allata ratione, nugatorium est. Quid enim refert, an furti conueniatur vxor à marito propter furtum quod ipsa fecerit, vel viro suo ante nuptias, vel alij post contractas nuptias cui maritus heres extiterit, An verò ex causa furti quod ipsa viro fecerit iam contracto matrimonio? An non his omnibus casibus infamis sit mulier adhuc vxor manens? Quòd si nimis durum & intolerabile illud creditur ut maritus infamem vxorem faciat, etiam ob furtum quod ipsa iam vxor facta admisit,

Quanto durius & intolerabilius est, ut agere marito infamis fiat propter furtum, quod illa vel alij quam marito, cui tamen maritus heres extiterit, vel ipsi quidem marito, sed ante nuptias fecerit? At nodum hunc facile dissoluet quisquis nobiscum sentiet. Docuimus namque in superioribus, id quod à Paulo scriptum est *in d. l. 3. §. 1. de danda furti actione contra mulierem ex furto serui*, sic esse accipiendum, ut tamen non nisi post solum matrimonium actio illa exerceatur, & eo tempore quo agi posset ac deberet Rerum amotarum, si mulier ipsa furtum fecisset. Senlus enim est Possse mulierem conueniri furti, post diuortium, non solum eo casu quo ipsa res ante diuortium amotas post diuortium quoque contractauerit, sed etiam si constante matrimonio seruus eius furtum fecerit: quod eo casu neque famosa, neque turpis actio futura sit, licet non possit non esse pœnalis. Quod verò ibidem ex Paulo subiicitur, Etiam cum ea quæ vxor adhuc sit posse agi furti si vel furtum illa viro fecerit antequam nuberet, vel alij cui maritus heres fuerit, Totum id non Pauli sed Triboniani esse ostendimus. Quemadmodum & temperamentum illud, ut pro actione furti danda sit potius utroque illo casu conditio furtiua. Itaque ex his tribus casibus, neque primus obstat sententia nostræ qua defendimus constante matrimonio nullam ex maleficio pœnalem & famosam actionem coniugi aduersus coniugem competere, nedum eam quæ quoquomodo vel pœnalis, vel famosa videri possit, Neque duo posteriores, nisi apud eos qui Tribonianeam iurisprudentiam habeant, pro Papiniane, quod à me certe nunquam impetrabunt. Secunda obiectio est ex *d. l. si seruus seruum 27. §. si cum maritus D. ad leg. Aquil.* ubi dicitur teneri mulierem lege Aquilia si cum maritus dedisset ei margaritas extricatas ut eas in usu haberet, illa inuito vel inscio viro eas perforauerit ut iis pertusis in linea vteretur, *sive diuerterit*, inquit, *sive nupta sit adhuc*. Si quidem in cõfesso est actionem legis Aquiliæ esse pœnalem, ob repetitionem illam quam continet vel anni retrorsum computati vel triginta dierum proximorum in re quanti plurimi fuerit æstimanda *l. qui seruum 34. in fin. D. de oblig. & action. §. hic autem verbum. Inst. de leg. Aquil.* ubi additur actionem illam hac de causa non dari contra heredem, quæ tamen dari deberet si pœnalis actio non esset, id est si supra damnum lis nunquam æstimaretur. Sed responsionem nostri Vlpianum *in d. §. si cum maritus*, non de lege Aquilia, vel ut dicam melius de legis Aquiliæ actione directa intelligi debere, sed de illa in factum cuius mentionem fieri vident *in d. l. 2. C. rer. amet.* id est quæ de solo damno sarciendo in simplum detur, ac proinde quæ non magis pœnalis vlla ex parte, quam famosa dici possit. Quæ tamen interpretatio si non esset necessaria, mihi paulò durior videretur: Cum apud Vlpianum verbum nullum sit de actione in factum, sed tantum de lege Aquilia, quam non solent prudentes nostri dicere nec actionem legis Aquiliæ pro actione in factum, ut nec è contrario actionem in factum pro actione legis Aquiliæ. Nā si ad eod sunt diligētes Iurecōsulti in distinguēdis casibus quib. cōpetit actio directa legis Aquiliæ, ab iis quibus datur tantum vtilis, quāuis soleant directæ & viles eiusdē esse potestatis eundēq; effectum habere ut ait *l. actio 47. D. de negor. gest.* Neque hoc cōtrēti, dederūt præterea operā ut inducerent actionem in factum subsidiariā, quæ iis casibus locū haberet quibus legis Aquiliæ actio prorsus deficeret, nec minus vtilis quā directā si quo casu dāni restitutionem fieri æquitas postularēt, ut Iustinianus noster tractat *in §. vlt. Inst. de leg. Aquil.* & larius prudentes nostri *in tit. Pandect. Ad leg. Aquil.* quis credat Vlpianum quo non alius diligētior aut felicior fuit in partitē loquēdo, vsque ad eod impropriam locutionem vltro affectasse, ut de legis Aquiliæ actione locutus sit cum

Et cum de sola in factum actione sentiret? Actionem enim siue legis Aquilæ, siue aliam cum simpliciter prudentes dicunt, semper directam intelligunt, uti verò nunquam, nisi cum discretè exprimunt. Et verò cum directa actio legis Aquilæ ita demum competat si quis corpore suo damnum dederit, Vtilis verò ita si alio modo quam corpore suo damnum intulerit, In factum autem subsidiaria non aliter, quam si neque corpore damnum daturum, neque corpus læsum fuerit *d. §. ult. Inst. de leg. Aquil.* quis non videt in ea specie quam Vlpianus tractat in *d. §. cum maritus*, neque actioni legis Aquilæ utili, neque actioni in factum posse locum esse, sed omnimodo directam legis Aquilæ actionem competere aduersus mulierem, quæ non solum dolo, sed etiã corpore suo margaritis quas à marito acceperat, damnum dedit. Videtur autè hæc eadem sententia & interpretatio probari multò apertius ex Iuliano in *l. si mulier 37. D. de donat. int. vir. & vxor.* ubi ait ille in specie non valde dissimili, id est, si mulier dolo fecerit ne res extaret sibi à marito donata, vel ad exhibendum, vel damni iniuriæ cū ea agi posset. Quid, n. aliud est actio damni iniuriæ quam actio legis Aquilæ de dāno iniuria dato? Id namque est, quod Iustin. scribit initio *d. tit. de leg. Aquil.* actionem damni iniuriæ per legem Aquiliam constitui, Nempe quia eadem lex Aquilia omnibus legibus quæ ante se de damno iniuria dato locutæ fuerant derogauit, vt testatur Vlp. in *l. 1. qod.* Cūque Iulianus in *d. l. si mulier*, non tantum actionem damni iniuriæ & legis Aquilæ det marito contra mulierem, sed etiam actionem ad exhibendum, de qua idè dubitari minùs poterat, quod iis præcipuè competat qui rem exhibitam vindicare postea possint, *l. t. & pass. D. ad exhib.* cur non æquè ac tam faciliè meminisset commentitiæ istius actionis in factum, si qua ratione competere illam existimasset? Ac ne dicas idem ei contigisse, quod Vlpiano vis imponere vt aliud scripserit, aliud senserit, subiungit Iulianus noster *maximè si post diuortium id commiserit.* Qua adiectione docet apertissimè iisdem actionibus teneri mulierem, quæ dolo fecit ne res extaret sibi donata, siue ante, siue post diuortium id fecerit, quamuis maior ratio sit vt ex eo quod post diuortium quam ex eo quod constante matrimonio fecit, teneatur, quasi liberior in rebus mariti durante quoque matrimonio grassandi potestatem habere debeat, ob indiuiduam illam vitæ, & totius diuini humanique iuris societatem, quàm ubi societas illa per diuortiū dissoluta est. Atqui si tale quid mulier post diuortium admisisset probaretur, nemo diceret conueniendam eam ex hac causa actione in factum, potiùs quam directæ legis Aquilæ. Quid enim obstaret quominus actione illa directâ teneretur, & post solutū matrimonium, & propter dolum quem æquè soluto iam matrimonio admisisset? Nec subesset necessitas vlla inducendæ huiusmodi actionis in factum subsidiariæ, quam neque nostri purant esse necessariam, nisi cū id agit maritus vt indemnitate ab vxore constante quoque matrimonio consequatur. Ergo nec si constante matrimonio damnum iniuria datum sit à muliere in specie *d. l. si mulier*, eoque nomine agere maritus volet, actioni tamè in factum Iulianus locum vllum daret. Alioqui debuisset distinguere casus illos quos coniungit, An mulier ante diuortium, an post fecisset dolo ne res sibi donata extaret, Vt priore casu teneretur actione in factum non legis Aquilæ, & damni iniuria dati, Posteriore verò actione damni iniuriæ & legis Aquilæ, non in factum. Hoc autem admissio vt legis Aquilæ actio & quidem directâ eo casu locum habeat, non possit dicere cum Accursio & Cuiacio dandam illam esse in simplum duntaxat, vt non sit

pœnalis. Inaudita namque est, & incognita prudentibus nostris actio legis Aquilæ: quæ non pœnalis sit, cum ab iuitio eam hinc actioni naturam lex Aquilia dederit ut pœnalis esset, ac proinde omnino necesse sit, vel nullomodo actionem dari legis Aquilæ, vel talein dari qualis per legem inducta & comparata est. Cui conuenit, quod Paulus scribit in *l. penultim. ad legem Aquil.* Mulierem si in rem viri damnum dederit, pro tenore legis Aquilæ conueniri. Quid enim aliud sibi volunt verba illa *pro tenore legis Aquilæ* quàm si scriptum esset *secundum eam formam quam lex Aquilia præscripsit*. Non ergo in simplicium, sed cum repetitione triginta dierum, vel anni proximi retrorsum computati, quæ res facit pœnalem actionem. Etsi video Accursium suæ illius interpretationis perpetuò memorem ad illum ipsum locum notare Actionem legis Aquilæ dixisse Paulum pro actione in factum, quod multò minùs ferre possum, cum Pauli verba supradicta repugnent apertius quàm Vlpiani. Quid ergo melius adferre possumus, quod respondeamus? Nos enim negamus actionem vllam pœnalem, præsertim quæ ex maleficio nascatur dari posse inter coniuges durante matrimonio, Ergo neque actionem legis Aquilæ, quippe quæ non tantum ex delicto nascatur, sed etiam sit pœnalis. Tentabam aliquando, an dici posset, Teneri quidem legis Aquilæ actione & quidem directâ mulierem, quæ damnum per iniuriam viro dedit, siue adhuc nupta, siue post diuortium dederit; & teneri iam ab eo ipso tempore quo damnum datum est, cum nascatur ea actio ex damno: Sed tamen non dari eam actionem marito statim ut possit eam exercere constante adhuc matrimonio, sed diuortio tantum secuto. Nec enim verbum vllum est in supradictis locis omnibus, ex quo possit colligi eam aut Vlpiani, aut Iuliani, aut Pauli sententiam fuisse, ut existimauerint legis Aquilæ actionem constante quoque matrimonio inter coniuges dandam esse. Quodd si hæc quoque interpretatio durior & supradictarum legum verbis minùs conueniens videbitur, Nihil certè relinquetur quod melius dicere possimus, quàm quod Accursiani volunt, esse illas necessariò intelligendas de actione illa in factum, de qua loquitur *dist. l. 2. Cod. de rer. amor.* & quam Imperatores eo loco scribunt dari etiam constante matrimonio: Tam apertè ut obiectionem hanc nemo possit effugere nisi qui legem totam negare velit. Cum qua etiam consentit quod ex Marciano scriptum legimus in *l. vltim. D. de seruo corrupt.* De cuius tamen sententia superest ut aliquid dicamus.

ERROR. SECVNDVS.

De actione serui corrupti an detur inter coniuges etiam constante matrimonio. Ad l. vlt. D. de seruo corrupt. Et ad l. si ego 9. §. vlt. D. de iur. dot.



SCRIBIT Marcianus in *l. vltim. D. de seruo corrupt.* Serui corrupti nomine etiam constante matrimonio marito in mulierem dari actionem, sed fauore nuptiarum in simplicium. Quæ verba & constante matrimonio nullum dubitationi locum relinquere videntur, quominus de actione illa Serui corrupti etiam constante matrimonio inter coniuges danda Marcianus senserit: Et tamen ne dari eo tempore debere videretur, duplex ratio impediēbat, Vna quòd sit actio illa sui natura pœnalis.

penalis, cum detur ad duplum eius quod reuera interest *l. i. l. si quis seruum 9. §. datur l. ut tantum 14. §. in hac actione eod. tit.* Altera quod licet non sit famosa, negari tamen non potest quin vel nomine ipso sit turpis *l. nec quicquam 56. D. pro socio*. Certum autem est in honorem etiam transacti & prateriti matrimonij turpem actionem inter eos qui coniuges fuerunt, denegari *l. i. l. 2. D. rer. amot.* Tantum abest ut constante adhuc matrimonio inter eos dari possit, Etsi autem prior dubitandi ratio tollitur ex eo quod Marcianus admittit fauore nuptiarum non esse dandam actionem illam nisi in simplicum, quæ res facit ut penalis dici hoc casu non possit, cum eius duntaxat quod reuera interest persecutionem contineat. Posterior tamen illa semper manet, quod actio De seruo corrupto, si non famosa, saltem sit turpis. Quod Accursius noster non intellexit qui ad *d. l. vltim.* notat, Actionem illam famosam non esse, probatque ex eo quod detur marito aduersus vxorem, etiam constante matrimonio. Propositionio quidem vera est quia serui corrupti actio non recensetur inter eas quæ ex Prætoris edicto infamiam irrogant condemnato, de quibus *in l. i. & tot. iun. D. de his qui not. infam. & in l. infamem 7. D. de public. iudic.* Sed illatio tamen & collectio falsa est, quia probari æquè posset, ne quidem turpem esse actionem, quando non tantum famosæ actiones, sed illæ etiam quæ tantum turpes sunt, denegantur inter coniuges, adeoque soluto etiã matrimonio *d. l. 2. D. rer. amot.* Quæ ratione docuimus in præcedentibus, Conditionem furtiuam licet famosa non sit, quia tamen turpis est non dari marito contra vxorem, nec vxori contra maritum, siue constante matrimonio, siue soluto. Atqui actionem serui corrupti turpem esse certissimum est *dist. l. nec quicquam*. Vnde illud etiam fit, quod scriptum est *in l. parens 5. §. vlt. & legib. seqq. D. de obseq. parent. & patron. præs.* Aduersus parentem, patronum, patronam, liberòsve aut parentes patroni patronæve non solum famosas actiones dandas non esse, sed nec illas quæ doli, vel fraudis habent mentionem licet famosæ non sint, Ideoque nec serui corrupti agi cum iis posse: Ut intelligamus actionem serui corrupti famosam quidem non esse, sed tamen turpem esse quod corruptionis mentionem habeat, quæ corruptio sine dolo malo esse non potest *d. l. i. l. 3. 4. & 5. & pass. De seruo corrupti*. Errantque in eo nostri interpretes quod infamiam & turpitudinem in designandis actionibus habent pro synonymis, cum tamè multò latius pateat turpitudine, quàm infamia. Omnis namque actio famosa hoc ipso turpis est, At non vicissim omnis actio turpis famosa est, ut in conditione furtiuæ manifestè apparet: Manifestius autè in exceptionibus, quæ turpes facillè esse possunt qualis est exceptio doli, & De eo quod vi metusve causa & si quæ sunt similes. At famosæ esse nunquàm possunt, quia infamiam adfert sola sententia & condemnatio, quæ porro nulla sequi potest exceptione, sed potius impeditur: nec eo minus tamè denegantur aduersus eas personas quibus debetur reuerentia, quod turpitudine quæ ipsis inest suggillet existimationem eorū quibus obijciuntur, saltè apud bonos & graues viros *l. 4. §. aduersus D. de doli mali & met. except.* Idemque etiã cernere est in plerisque interdictis, Puta Vnde vi, & Quod vi aut clam. Quamquàm enim neque Vnde vi, neque aliud vllū interdictū famosum est *l. neque vnde vi 13. D. vnde vi l. si Praefectus 30. D. de pan.* Turpe tamen est, quia violentiæ mentionem habet, quæ sine dolo esse non potest, non magis quàm corruptio, & atrocitatem facinoris in se continet, ut loquitur Vlp. *in l. i. §. interdictum hoc 43. D. vnde vi & de vi armat.* ubi hanc ob causam scribit verius esse nec liberto in patronum, nec liberis aduersus parentes interdictum illud dandum esse, meliusque esse ut in factum

actio his competat, nisi vis armata interuenisse proponatur. Quod & scriptum est in *l. licet 7. §. nec exceptiones D. de obseq. parent. & patr. præs.* illa igitur dubitatio semper manet. Cur actio serui corrupti quæ licet non famosa, turpis tamen est, detur marito contra vxorem etiam constante matrimonio. Nec quærenda ratio est ab Accursianis, aut aliis qui actionem turpem à famosa non distinguunt. Putant enim illi omnibus his obiectionibus satisfactum esse, cum à nobis impetrauerint, non esse famosam actionem, à Marciano autem non esse pœnalem quippe quæ in simplum duntaxat danda sit favore nuptiarum: Neque vident multò esse difficilius, ut actio, quæ nec pœnalis, nec famosa est detur inter coniuges manente matrimonio, si modò sit turpis, quàm ut ea quæ est pœnalis, dum ne famosa, vel turpis. Honor enim maritalis longè magis exigit ut parcatur famæ & existimationi coniugis, quàm ut pœna pecuniaria ei remittatur, quæ cum existimatione nihil commune habet ne quidem apud bonos & graues viros. Cuiacius verò etsi Accursianum errorem in eo imprudens sequitur, quòd turpem actionem à famosa non distinguit. In eo autem grauissimè peccat quàm Accursius quod actionem serui corrupti famosam esse admittit, quæ tantummodò turpis est, Accursius verò nec turpem eam esse videt. Respondet tamen ex *l. vlt. inquit C. de furt.* favore nuptiarum siue propter favorem nuptiarum in vxorem dari actionem serui corrupti, Et in simplum tantum, id est in id solummodò quod interest non pœnalem in duplum, ut ipsa lex ait, Et præterea sic, ut si intentetur constante matrimonio verbis temperanda sit in factum, detracta omni atrocitate & infamia verborum. Parum accommodatè meo iudicio. Non enim de actione serui corrupti loquitur Iustinianus in *d. l. vlt.* sed de actione furti: Quam negat quidem dari debere inter coniuges ob suam atrocitatem, sed malè addit *constante matrimonio*, quia nec soluto eo danda est ob furtum quod mulier in ipso matrimonio & ante diuortium admiserit: cum ob eam causam necesse fuerit induci à Prætoribus singulare iudicium Rerum amotarum cui nec nisi propter furtum matrimonio tempore factum, nec nisi soluto iam matrimonio locus esset, Sicuti nos in superioribus contra Tribonianum disputauimus, cuius tota illa iurisprudencia est. Itémque illa, quòd actionem rerum amotarum dat inter coniuges etiam constante matrimonio, quod ante ipsum nemo ex prudentibus vnquam dixerat, nec vllò casu admiserat. Melius igitur aliquid quærendum est quàm quod possit colligi ex peruersa illa Triboniani eruditione. Sed & in eo errat perpetuò Cuiacius, quòd non aliter vult actionem serui corrupti temperandam esse verbis in factum, quàm si constante matrimonio intentetur, Quasi nihil absurdi sit turpem & famosam actionem exerceri soluto matrimonio aduersus eam, quæ vxor fuit, Contrà quàm aperte scriptum est in *d. l. 1. & 2. D. rer. amot.* Ego verò non inficior quod ait Cuiacius téperandam esse verbis in factum actionem serui corrupti, ut & aliam quamlibet quæ propter atrocitatem, & infamiam verborum turpis videri possit, Sed dico adhibendum esse hoc temperamentum non modò si constante matrimonio, sed etiam si soluto eo talis actio exerceatur: ut nò minùs præteriti quàm præsentis matrimonij pudor ius hoc extorqueat. Cum hac tamen differentia quod constante matrimonio neq; turpis aut pœnalis, neque alia vlla actio permittenda est coniugi aduersus coniugem, siue delictum ex quo nascitur actio, nuptias præcesserit, siue subsecutum sit. Soluta autem matrimonio ita demum turpis actio aduersus eam quæ vxor fuit deneganda est si ex eo facto mulier conueniatur, quod ipsa constante adhuc matrimonio admiserit, &

eo tem-

eo tempore quo indiuidua illa vitæ societas, peccandi si non causam & rationem, saltem materiam, & occasionem præbuerit. Itaque ut tandem respondeamus ad *d. l. ult. D. de seru. corrupt.* dicendum sanè est, non dari eo loco actionem serui corrupti, aut, quod idem est, De seruo corrupto coniugi aduersus vxorẽ, sed illud tantum Marcianũ dicere, Serui corrupti nomine vxorem à viro conueniri posse: quod longè diuersum est. Nam illa verba *serui corrupti nomine* hoc tantum significat *ob seruum corruptum*. Fieri autem potest ut ex ea causa serui corrupti agatur alia actione quàm De seruo corrupto, puta actione in factum de damno dato, ut & Acursius & alij interpretantur ad *d. l. vlt. ex d. l. 2. C. rer. amot.* Sic enim dicimus Rerum amotarum nomine posse fiscum agere contra mulierem quæ res amouit, si quoque iure bona mariti fisco delata & vindicata sint *l. ad fiscum D. rer. amot.* Et tamen nemo dixerit fiscum in ea specie agere rerum amotarum, Est enim iudicium illud singulare inter eos duntaxat inductum qui coniuges fuerunt, Nisi quoddam etiam heredi coniugis datur in solidum aduersus coniugem superstitem, non similiter aduersus heredes nisi in quantum ad eos peruenit *l. si mulier 21. §. hac actio eod. iun. C. l. vlt. C. eod.* Postrema obiectio quæ diluenda nobis superest, ut generaliter verum maneat quod defendimus, Actionem inter coniuges famolam constante matrimonio neque competere, neque dari posse, Ex eo est, quoddam in vxorem datur actio depositi & mandati *l. si ego 9. §. vlt. D. de iur. dot.* quæ tamen sunt famolæ *l. 1. D. de his qui not. infam.* Respondet Cuiacius ita demum famosas esse actiones illas si agatur de perfidia depositarii & mandatarii, Ob id quæ si quando inter coniuges dentur sic esse temperandas ut non exprimaturs causa perfidiæ, aut violatæ fidei, sed illæsa existimatio mulieris conseruetur. Ego verò iam respondi in præcedentibus id quod scriptum est in *d. l. si ego §. vltim.* de danda depositi vel mandati actione viro contra mulierem, sic intelligendum esse ut detur soluto demum matrimonio. Id quæ probaui ex illis Vlpiani verbis *ne si quandoque separatio fiat, negetur*. Sed tamen quia non magis pati possum ut famosa, adeoque turpis tantum actio detur marito contra vxorem soluto matrimonio, quàm ut eo adhuc constante si modo nascatur actio ex eo quoddam durantibus nuptiis factum sit, Respondeo actionem depositi aut mandati non esse famolam aut turpem solo nomine, ut sunt illæ quæ doli vel fraudis mentionem habent, quia non supponit dolum in necessarium antecedens, licet dolum præcedere aliquem necesse sit ut sequi possit condemnatio, cum depositarius non nisi de dolo teneatur, *l. 1. §. vlt. D. de posu.* Actio enim depositi nascitur non ex eo primum & immediatè quod depositum dolo malo non reddatur, aut quoddam circa depositum aliquid dolo malo factum sit priusquam redderetur, Sed ex eo potiùs quoddam depositum re ipsa datum susceptumque sit. Id namque est quod Iulianus dicebat, ut refert Vlp. in *l. 1. §. est autem 22. D. de posu.* cum qui rem deposuit, statim actione depositi agere possit: id est non expectato eo ut dolum aliquem depositarius admiserit. Hoc enim ipso facere dolum, qui suscepit quod reposcenti rem non reddat, Quanquam nec semper videri potest dolo facere is qui reposcenti non reddit, ut Marcellus ad Iulianum notauit. Quid enim si in prouincia res sit vel in horreis, quorum aperiendorum condensationis tempore non sit facultas: Vel quid si condicio depositionis nondum extiterit? Et idcirco benè Paulus in *l. si quis inficiatus 13. §. 1. eod. tit.* ait cõpetere quidem conditionem etiam depositi rei nomine, sed tamen non antequàm dolo admissum sit, Non enim quemquam hoc ipso, quod depositum accepit conditione obligari, verum quod dolum malum admiserit, cum tamen certum sit obli-

gari quem depositi hoc ipso quod depositum accepit, quia depositi obligatio re contrahitur. Cum ergo sufficiat dolus præsens qui interueniat eo tempore quo agitur depositi, Apparet nihil ob stare quominus depositi actio desit soluto matrimonio contra eam quæ vxor fuit sine vilo verborum temperamento, quævis ex eo futurum sit vt condemnata mulier infamis notetur. Nempe quoniã ea ratione vindicatur dolus post solutum iam matrimoniũ admissus. Quo casu nullus matrimoniij præteriti fauor est qui eiusmodi actionem impedire possit aut debeat. Quemadmodum dicimus si ea quæ vxor fuit, marii quondam sui res contrectet, post diuortium etiam eas ipsas quas constante adhuc matrimonio iã amouerat, posse illam furti actione perinde eo nomine conueniri ac si nunquã vxor fuisset *d. l. 3. in princip. D. rer. amot.*

ERROR TERTIVS.

De sublata per Iustinianum retentione ob res amotas, & ob impensas, Et an hodie vñus possit esse vsus actionis rerum amotarum.

DICAM hoc etiam capite rem nouam, necquã ab vilo, quod scierim tentatam, sed quã non erit mihi difficile probare. Nullum hodie vñum esse posse actionis Rerum amotarum, Et consequenter retentionem illam ob res amotas quæ toto Pandectarum & Codicis iure obtinuit vsque ad Iustiniani constitutionem *in l. vñs. C. de rei vxor. act.* & quã Iustinianus ea constitutione sustulit prætextu actionis rerum amotarũ hodie retinendã esse, nec nisi valde iniquè tolli à Iustiniano vel olim potuisse. Vtrumque nouum certè est, sed vtrumque tamen verissimũ. Ac primum quidem illud quod dicimus, Actionis rerum amotarum nullum hodie vñum esse posse. Si enim iuris rationem, prudentiũque responsa quæ de huiusmodi actione extant, intuemur, nihil certius est, quã quod in superioribus nos sæpius inculcare necesse fuit, Actionem rerum amotarum non aliter locum habere vnquam potuisse, quã si consilio & cogitatione diuortij res amotæ probarentur & diuortium postea secutum esset. Quod cùm plerisq; locis iuris nostri traditum est præsertim verò *in tit. Rer. amot. D. & C.* vbi vix vnquam fieri videas mentionem Rerum amotarum quin adiectio illa *diuortij causa* præcedat, vel sequatur, Tum verò omnium apertissimè *in l. rerum quidem 25. D. eo. sumptã* ex Marciani libro tertio Regularũ, vbi quasi ex regula iuris traditur Rerũ amotarũ iudiciũ sic habere locũ si diuortij cõsilio res amotæ fuerint & diuortij secusũ sit, Ex quo infert Marcian⁹ si in matrimonio vxor res marito subtraxerit, cessare actionẽ Rerum amotarũ, Nec aliud superesse auxiliũ marito nisi vt ipsas res amotas mulieri cõdicat: Quod iure gentium condici possint res ab his qui non ex ista causa possident, Idque est quod toties diximus actionem rerum amotarum non dari constante matrimonio, sed eo demũ soluto, nec contra eam quæ vxor est, sed aduersus eam quæ vxor fuit *d. l. 2. C. eod. d. l. 1. D. eod.* Adeoque si soluto matrimonio rerum amotarum iudiciũ contra mulierem institutum sit, redintegrato rursus matrimonio solui iudiciũ *L. vñ. sed. iis.* Vt è contrario si redintegrato matrimonio diuortium iterum factum sit, placet manere actionem ob res amotas prioris diuortij causa, itẽ neque ob impensas & donationes priore matrimonio factas. *L. redintegrate 23. eod.* Vsque adẽ autem verum est non aliter posse locum esse iudicio rerum amotarum quã si cõsilio & cogitatione diuortij res amotæ sint, Vt si mulier cùm de viri vita desperasset, subreptis quibusdam rebus

rebus diuertisset, deinde vir conualuisset, non idē tamen directā rerum amotarum actio competere posset, sed tantū vtilis, quia cogitatione mortis mariti potius quā diuortij causa amotæ essent, licet diuortium postea secutum fuisset *l. si mulier 21. in princip. cod. sic.* Atqui nemo nescit Christianis moribus, & ex ipso diuinæ vocis oraculo sublata omnino esse diuortia, Ita vt si quando thori separatio permittenda sit puta ex causa adulterij, vel ob alios coniugum malos mores, nihilominus matrimonij vinculum maneat, tanquam inuolabile propter sacramenti religionem; & sanctitatem qua subnixum est. Rerum ergo amotarum iudicio locus hodie numquam esse potest. Nec si ponas fuisse res amotas consilio & cogitatione futuræ huiusmodi separationis thori, quæ veteris diuortij vel vmbra vel imaginem quandam videtur continere. Nam nec olim imago diuortij sufficere poterat vt rerum amotarum agi posset, Sed verum diuortium intercessisse oportebat: Quod porro non aliter intercessisse videbatur, quā si vel aliæ nuptiæ secutæ essent, vel tam longo tempore vidua fuisset; vt dobitum non foret alterum esse matrimonium, etiā si ad eundem virum postea vxor reuersa esset *l. vir mulieri 64. D. de donat. int. vir. & vxor.* Ceterū si quando contingebat utriusque vt mulier & maritus diu scorsum quidem habitarent, sed inuicem tamen matrimonij honorem habere, quod inter consulares quoque personis aliquando vsuuenisse proditum est, durare tamen nuptiæ intelligerentur, ob idque inter tales coniuges non min⁹ quā inter ceteros donationes prohiberentur, *l. c. in h. statui 32. §. si mulier. cod. tit. vbi rationem* Vlpianus adfert quod non eorum matrimonium faciat, sed maritalis affectio. Cur ergo admittamus separationem thori quæ moribus nostris permittitur cōparandam esse hac parte verō diuortio, cum maneat inter coniuges etiam inuitos & honor & nomen matrimonij, nec aliæ nuptiæ sequi vnquam possint, nec quantocūque tempore duren separatio thori, efficere vt quādo cūq; reuersa vxore ad virum alio matrimonium videri possit. Nam si sola illa thori separatio iam olim & quo tempore libera erant diuortia, non addo referebat imaginem diuortij, vt non potius matrimonij honorem conseruaret, Quanto min⁹ hodie comparanda erit diuortio, quod nec cum bona gratia, nec ex vtriusque coniugis consensu fieri possit? Quare neque ferre illud possum, vt saltem vtilis Rerum amotarum actio hāc hoc casu debeat, Tam enī nouum & inauditum est vt actio vtilis rerum amotarum, quā vt directā detur constante matrimonio, nec tempore differunt vtilis & directā, vt neque effectu sed tantū causa *d. l. si cum mulier & l. 5. D. rer. amot.* His consequens est, vt tantō magis necessaria hodie sit retentio ob res amotas, quæ olim tantopere fuit in vsu, Et quā tamē Iustinianus sustulit *in dist. l. vnic. §. tacet C. de rei vxor. aff.* equidem eā mente vt more suo dotibus plus æquo faueret, sed tamen non alio colore, quā quod marito posset sufficere actio Rerum amotarū. Quæ tamen ratio euidenter mala & manca est, Non ob id solum, quod cōmodius cuiq; sit prospicere sibi per retentionem & exceptionem quā per actionem *l. 1. D. de pign. quodq; perpetuū & sine exceptione verū sit,* Cui damus vltro actionē multo magis exceptionē si cōueniatur ei dandā esse *l. 1. §. is autem D. de superfic. §. cui damus l. 156. de reg. iur.* Sed etiā quia multo latius semper patuit retentio ob res amotas, quā actio rerū amotarū. Nō enim quod in dāda rerū amotarū actione inspiciedū esse diximus in consilio, & cogitatione diuortij res amotæ sint, idem in concedenda ob res amotas retentio obinet. Quocūq; anim cōsilio amotæ sint, siue diuortij causæ,

siue nullo pr̄meditato diuortio, dubitādum non est quin olim competierit eo nomine retentio ac veluti compēsaio quædam, tametsi actio rerum amotarum competere non posset, *l. i. Cod. rer. amot.* si ponderes verba illa *eo magis quod ea te persequi dicis, &c.* Quidni verò? Nam & amoris iis rebus quæ vel propriæ essent viri, vel dotales, certum est potuisse illas & vindicari & condici *l. ob res amotas. 24. D. rer. amot.* idque non adhibita ea distinctione an diuortij consilio amotæ essent necne, Quid enim habebat illud commune cum causa dominij, quæ sola vindicationem parit? An fortè ob id minus est dominus rerum amotarum maritus, quod vxor quæ amouit nihil cogitauerit de diuortio? An ob id quoque minus verum est iniuste possideri ab vxore res, quas illa tanquam in eodem matrimonio perpetuo mansura dolo malo amouerit? Quod si tunc quoque cum nullo diuortij consilio res amotæ sunt vindicationem nihilominus habet maritus & conditionem, Car non multò magis habeat retentionem dotis ob easdem res amotas si iudicio de dote conuepiatur? An non eadem omni casu subest æquitas concedendæ exceptionis, & retentionis marito, vt ipsius indemnitati ea via consulatur dummodò probet res sui iuris amotas esse vt loquitur *Imp. m. d. l. i. C. cod.* Non ergo debuit Tribonianus abuti nomine & autoritate Iustiniani vt exceptionem & retentionem ob res amotas tolleret eo prætextu quod competat hoc nomine actio rerum amotarum; Et quamuis Triboniano minus hac de re succensendum sit, quàm iis qui hodie Tribonianum secuti id ipsum sentiunt, propterea quòd eius temporibus adhuc permixta essent aliquibus casibus diuortia, quæ hodie sunt prorsus interdicta: Errorem tamen Triboniani grauiorem illud facit quòd iam tùm valde coarctata erat vetus illa diuortiorum libertas posteriorum Imperatorum constitutionibus, præsertim Theodosij *in l. consensu 8. C. de repud.* & ipsius etiam Iustiniani *in l. inbemus 11. cod.* per quas factum est vt non nisi ex certis & iustis causis iisquæ per paucis diuortia fieri possunt, quæ poterant olim fieri etiam sine causa, quamuis ea quæ sine causa fiebant, non essent impunita ex parte illius, qui hoc ipso, quod diuertenti causam nullam habuerat, diuortij causam præbuisse credebatur.

ERROR QVARTVS.

De sublata retentione dotis ob impensas in l. unic. §. sed nec ob impensas C. de rei vxor. action.

IDEM ferè ratio fuit quæ mouit Tribonianum vt eadē lege tolleretur eam quoque retentionem quæ ob impensas dari solebat, Nisi quòd puduit eum tollere retentionem ob impensas necessarias, quippe quæ minuant ipso iure dotē, vt eadē lex ait, Quamuis tantò magis verum sit posse illas peti per actionem aut mandati si ex voluntate mulieris expressa factæ sint, aut negotiorum gestorū, si voluntas & mandatum mulieris non intercessit, Vt proinde si bona est ratio, qua mouetur ille vt tollat retentionem ob impensas vtilēs, quod earum nomine competat actio vel mandati vel negotiorum gestorū, idem quoque iuris cōstituere debuerit, quod ad impensas necessarias. Quod verò circa vtilēs ratiocinatur, vt earum deductio ex dote, id est per dotis retentionem idèd inhibenda sit, quòd non aliter locum haberet quàm si expensæ factæ essent mulieris voluntate, quæ voluntas non

non tantum æquitatem exceptionis inducere poterat, sed etiam actionem mandari, adhuc ineptius est. An non enim favorabilior est maritus qui vires in pēsas fecit in rem dotalem ex voluntate expressa mulieris, vt tamen & vtiliorem faceret causam dotis, quam qui muliere vel iniuria vel ignorante impensas fecit, quantumlibet necessarias? Aut cur non multo magis retentionem habere debeat, cum possit eo nomine habere etiam actionem mandati? Incautior verò hac parte fuit idem Tribonianus quam credi possit, qui tollens retentionem dotis ob impensas vires etiam ex mulieris voluntate factas, dedit tamen marito contra mulierem ex hac causa actionem negotiorum gestorum, si mulieris voluntas in eam rem nulla intercessisse probaretur. Quod olim certè non ita fuit. Nec enim pro vtilibus expensis in dotem factis actio vlla marito aduersus mulierem competeat sed tantum retentio, quam si prudens & sciens omisisset, vtrique repetere non potuisset quod retinere noluisse, quasi qui eas impensas donasse videretur. Nam & impensarum, vt cæterarum quoque rerum donatio fieri potest, non quidem constante matrimonio *l. in voluntariis 11. §. 1. de impensarum reb. dotal. fact.* sed eo tempore quo matrimonium amplius nullum est, & quo de dote agitur, Neque id dissimulat Tribonianus cum dat marito actionē mandati quasi ex sola Iustiniani autoritate profectam. Quod si qua actio iam olim pro huiusmodi expensis vtilibus competiisset, non aliter tamen competere haud dubiè potuisset, quam si eæ ex voluntate mulieris factæ proponerentur, cum eo solo casu deductio ipsarum fieri posset *l. vtilium 8. D. eod.* vbi rationem Paulus reddit, quod iniquum esset mulierem compelli rem dotalem vendere, vt impensas in eam factas solueret, si aliunde solvere fortassis non posset. Quis enim credat faciliores & procliuiores fuisse prudentes ad dandam actionē quam ad concedendam retentionem & deductionem? Et tamen dat Tribonianus marito actionem negotiorum gestorum contra mulierem ad eas quoque impensas vires repetendas, quæ in rem dotalem etiam citra voluntatem mulieris factæ essent. Facit ergo deteriorem in eo condicionem dotis & mulieris quam esset antea, dum tamen id totus agit vt faciat meliorem. Nec sine magna dorum & mulierum iniuria cum sit longè æquius locupletari mulierem ex mariti iactura, cui potest imputari cur eas impensas fecerit in rem quam sciebat non esse sibi propriam, non explorata prius voluntate mulieris quæ nec vltro prohibendarum impensarum ius habebat, Quam eo incommodo adfici mulierem vt ob eas impensas faciendas cogatur rem suam vendere: quanquam vtrumque certè iniquum est & à naturali æquitate alienum, ideoque nec admittendum si quid esset quod melius æquius dici posset. Verum hic evenit vt & aliis plerisque casibus, quod habet iuris regula, vt quoties nihil sine catione inuestigari potest, id necessariò sequendum sit quod minus habeat iniquitatis *l. quoties nihil 200. De regul. iur.* Proinde saltem debuerat Tribonianus casum illum excipere, quo tam locuples esset mulier dotem repetens, vt ad restituendas impensas vtilis se insciente factas rem ipsam in quam factæ essent, vendere non cogeretur. Nam & eo casu prudentes veteres dedissent absque dubio impensarum eiusmodi deductionem, etiam quæ ignorante muliere factæ fuissent, vt & in aliis casibus in quibus alioquin eadem æquitatis ratio vtilium impensarum deductionē impediuisset, quemadmodum scripsimus pluribus in Rationalibus *ad l. in fundo 38. D. de rei vindic.* Sed non idcirco tamen potuisset Tribonianus æquè illo casu dare actionem negotiorum gestorum marito contra mulierē, quin faceret vim antiquis legibus, ex quibus talis actio nulla dabatur. Nō quòd deficeret æquitas,

quæ marito succurrendum esse suaderet, Sed quia imputare sibi maritus debuisse qui eo casu per retentionem, quod facere commodius & expeditius poterat suæ indeunitati non prospexisset. Idem namque omnibus accidit, qui retentiones quas solas habent omittunt, ut scilicet si eas omiserint, necesse sit morari illos in damno *l. si in area 33. in fin. D. de condit. indebl. heres 21. D. ad SC. Trebell.* Sed quod addit Tribonianus, *in d. §. taceat*, de voluptariis impensis, ut quamvis ex voluntate mulieris expressa factæ sint non ideo tamen retineri adeoque nec peti possint, sed tantum permittatur marito ut eas tollat, idque si sine rei in quâ factæ sunt, læsione fieri possit, certè multò absurdius, & iniquius est. Quid enim possit imputare marito, qui in rem dotalem impensis fecit, voluptarias quidem & superuacuas, sed tamē muliere ita mandante ac iubente? Quod si tam rigidè cum eo agere voles ut non ideo impensarum huiusmodi voluptariarum deductio per retentionem dotis ei permittenda sit, Quidni saltem adiuvandus erit ut Iustiniani verbis utar, actione mandati? Supposito scilicet ex Triboniana iurisprudencia, Non esse absurdum ut hæc de causa facilius alicui detur actio, quàm exceptio & retentio: quod tamen antiqui prudentes nostri si audirent, sane quàm riderent. Est autem tantò iniquius & indignius voluptariarum impensarum nomine quas maritus ex mulieris voluntate fecerit, neque deductionem per exceptionem doli, neque repetitionem per viam actionis competere, quòd potest fieri vno casu ut voluptariæ illæ impensæ euadant in vtilēs. Nempe si rem in quam factæ sunt, vendi postea contingat, ut scriptum est *in l. quod si heres 10. eod. tit. De imp. s. in reb. dotal. fact.* Cur nō enim hoc saltem casu voluptariarum quoque impensarum nomine si non deductionem tamen petitionem superesse Iustinianus voluit, eo præterea concurrente quòd ex voluntate mulieris factæ probentur? Sed hæc de retentione dotis ob impensas obiter tractasse sufficiat, ut tantò probabilius maneat, quàm peruersa sit ratio cinatio illa Triboniani tollētis retentionem ob res amotas, eo solo prætextu quòd marito competat actio rerum amotarum.

ERROR QUINTVS.

Retractata interpretatio l. si is qui Stichum 56. §. quod dicitur D. de iur. dot. & de iudicio De moribus, & de compensatione obscienda actionis Rerum amotarum Ad l. 1. C. rer. amot.

CÆTERA quæ pertinent ad dotis impensas præsertim necessarias, quæ ipso iure dotem minuunt, adeoque interdū ipsa in re, si dos cōsistat, in pecunia numerata, vel in corporibus æstimatis, Nos alibi iam explicauimus, Maximè verò *lib. 1. Coniect. cap. 2.* Nisi quod minùs benè ibi docuimus, reprehendi Scæuolam à Paulo *in l. si is qui Stichum 56. §. quod dicitur. D. de iur. dot.* in eo quòd Scæuola dicebat, Si in fundum dotalem impensum sit per partes quanti fundus est desinere fundum esse dotalem, Nisi mulier sponte marito intra annum impensas obtulerit, Hoc enim certè Paulus quoque probat, sed cum subiecisset aliam speciem, si pecunia & fundus in dote sint, & necessariæ impensæ in fundum factæ fuerint, in qua specie dicebat Nerua dotem pecuniariam minui, Quærit Paulus per occasionem, *Quid ergo si mulier impensas marito soluerit, utrum crescat dos, an ex integro data videbitur?* Nec tamen respondet ad propositam

positam quæstionem, Sed redeundo ad eum casum, quem prius ex Sczuola tractauerat, ait longè manifestiorem esse iniquitatem in fundo secundum Sczuolæ sententiam, si dicas totam dotē ex integro datam videri, quàm si quæstio in ca dote proponatur, quæ partim pecuniaria sit. Nam si destinat, inquit Paulus dotalis esse fundus vt Sczuola volebat, & rectè, Cōsequēs fiet vt possit alienari. Rursus vbi erit alienatus, quam demum arte dotalis iterum fieri poterit data pecunia? An iam pecunia in dote esse videbitur? Et tandem concludit magis esse vt ager in causam dotis reuertatur reddita pecunia, sed interim tamen alienatio fundi prohibeatur. Quod vtrumque omnino congruit opinioni Sczuolæ. Non enim posset ager in dotis causam reuerti si non delineret esse dotalis cū in eū fuit impensum per partes quanti fundus ipse est. Et tamen æquum est alienationem eius interim inhiberi, quia nec absolute & simpliciter volebat Sczuola designare fundum esse dotalem, sed sub ea veluti conditione, aut potius exceptione, Nisi mulier sponte marito intra annum impensas obtulerit. Itaque quandiu fundus in eo est vt reuerti in dotis causam possit, non est permittendum marito vt possit eum distrahere, quoniam sera esset oblatio pecuniæ posteaquàm dominium ad emptorem pertinere ccepisset. Nec enim quemadmodum plerique salua pignoris sui causa consentiunt alienationi rei obligatæ l. 4. §. 1. *D. quib. mod. pign. vel hypoth. soluit*. Ita fieri potest vt salua prioris dominij causa res alienetur, cū alienatio ipsa nihil aliud sit quàm translatio & mutatio dominij l. 1. C. de fund. dot. l. pignoris autem causa nihil commune habeat cum intentione dominij l. 1. §. cū pradium *D. de pignor. l. iusto errore 44. §. non mutat. D. de v. supac.* Atque ita locus ille accipi proculdubio debet. De retētionē quæ olim fiebat quintarum & sextarum dotis ob liberos, alibi etiam scripsimus. Superesset dicendum aliquid de retētionē ob res donatas, & ob mores, Sed longior tractatus est, & in opportuniorem locum relegandus. Illud tantum obseruari volumus, Ex his causis sicut & ob res amotas non modò retentionem competiisse, sed etiam actionem, Scilicet de rebus donatis duplicē Vindicationē si res donatæ extaret, & Cōditionē si res extare desissent, ita tamē si ex ea cōsumptione locupletior factus esset is ex cōiugibus qui donationē accepisset l. 5. *aliās l. si mulier in fin. D. de donat. int. vir. & vxor.* Itēque ad exhibendū & damni iniuriæ id est legis Aquiliæ si dolo fecisset mulier ne res extaret sibi à marito donata l. si mulier 37. *et. l. si vir 14. D. ad exhib.* De moribus verò siue grauioribus, qua appellatione sola adulteria significabantur, siue leuioribus, vt puta furtis, duplicem quoque actionem civilem & criminalem. Inter quas illa erat differentia quòd civilis admittebat exceptionem compensationis l. viro 39. *l. cū mulier 47. D. solut. matr.* Criminalis verò nō itē l. 2. *§. si publico l. si vxor. 13. §. index D. ad leg. lul. de adul. vt post Accursium nostrum Cuiacius explicat in d. l. viro.* De quo tamen nihil nūc adfirmamus, Non enim dubitatione aliqua res caret. Cæterum actionibus illis omnibus siue civilibus siue criminalibus commune illud fuit, vt nō nisi soluto demum matrimonio exercerentur, & eo tēpore quo poterat agi iudicio de dote, Erant enim quodāmodo portiones actionis Rei vxoris vt Cuiacius supradictō loco scribit. Nā nec in iudicio De moribus de alio quærebatur, quàm vter ex coniugibus ob malos suos mores diuortij causam præbuisset, quod Papinianus satis innuit in d. l. viro. In iudicio autē de rebus donatis in quantum locupletior ex donatione inueniretur donatarius eo tempore quo de dote agebatur l. si cū mulier 30. *D. de donat. int. vir. & vxor.* Sicut & in iudicio Rerum amotarum non de alio, quàm quid & quantum amotum esset diuortij postea secuti causa.

Locuti autem ideò sumus de actione rei vxoriz, quoniam actionis ex stipulatu ius erat potentius, vt nulla ei retentio posset obiici *d. §. taceat in fin.* quia vinculum stipulationis sui natura tam arctum est, vt stipulatione interposita nihil aliud querendum sit, nisi virum ea commissa sit, *l. stipulatio ista 38. §. alteri l. qui Roma 22. §. Agerius & pass. D. de verb. oblig.* Aded, vt si mulier post diuortium antequàm ex stipulatu ageret de dote ad eundem virum reuersa esset, dubitaretur, an saltem per doli exceptionem inefficax fieri deberet actio ex stipulatu quousque matrimonium duraret, vt Modestinus tractat *in l. si mulier post diuortium 23. D. de iur. dot.* vbi tamen concludit, Dici constantius, vtilem eo casu fore doli exceptionem, ad constituendam inefficacem actionem ex stipulatu quæ alioquin ipso iure competeret & teneret, etiam post redintegratum matrimonium, quod in actione rei vxoriz diuersum erat, etiam si iudicium de dote ante redintegrationem matrimonij contestatum iam fuisset *l. si mulier diuerteris 19. D. solut. matrim.* Potuit sanè olim etiam actioni ex stipulatu obiici compensatio rerum amotarum, vt constat ex *l. i. C. rer. amot.* at non per viam retentionis, sed eo iure quod inductum fuit rescripto Diui Marci, cui placuit vt etiam in stricti iuris iudiciis compensatio possit obiici opposita doli mali exceptione, vt Iustinianus refert *in §. in bona fides. In l. de action.* Non quasi doli exceptio iudicia bonæ fidei constituere possit, quod ab initio & sui natura strictum fuerat, vt Iacobus Cuiacius Dorotheum Græcum interpretem secutus malè existimat, quæ nos in Coniecturis refusauimus, Sed quia doli exceptionem iis omnibus nocere æquum est qui per occasionem iuris ciuilibus aliquid moluntur contra naturalem æquitatem *l. i. D. de doli mal. except.* Equitas autem compensationis naturali iure nititur, & pendet ex præcepto illo iuris nature gèriunt, & ciuilibus, Quod tibi fieri vis, alteri feceris. Huic porrò consequens est, vt quauis hodie sublata sit retentio ob res amotas, compensatio tamen rerum amotarum nomine sublata non sit. Nec enim plus iuris tribuit Iustinianus actioni rei vxoriz, quàm haberet olim actio ex stipulatu, Nec proinde sustulit exceptiones illas quæ obiici poterant actioni veteri ex stipulatu. Præsertim verò compensationem ob res amotas. Nam cum ob eas res non tantum retentio competeret olim, sed etiam actio rerum amotarum, dici potest compensationem hoc casu fieri nō tam dotis & rerum amotarum, quàm actionum De dote ex stipulatu, & Rerum amotarum, Maxime postquam placuit Iustiniano vt omnibus siue in rem, siue in personam, siue aliis quibuscumque actionibus obiici compensatio possit. Quam obseruandum est *in d. l. i. C. rer. amot.* non tam de compensatione tractari, cui nomen illud propriè conueniat, quàm de mutua petitione, quæ tamē vt notumne ita & iure differt in plerisque à compensatione. Non enim omnis mutua petitio compensatio est, cum possint multa venire in mutuam petitionem quæ non æquē in compensationem venire possent. At omnis compensatio mutua quædam petitio est *l. amplius 15. D. rat. rem haber.* Sed hoc quoque à nobis alibi iam explicatum est.

ERROR SEXTVS.

De utili actione furti inter patrem & filium militem habentem peculium castrense, Ad l. si quis uxori 52. §. sed si filius meus, D. de furt.

CUM reuerentia, quæ coniugi debetur à coniuge, ius illud iam olim extorserit, vt displicuerit vxorem viro, aut virum vxori furti obligari, licet reuera furtum alter alteri faciat, Idque non tam quod pœnalis actio sit quæ constante matrimonio neutri cōiugum potest competere, vt vulgo creditum est ex l. 2. *Cod. rer. amot.* quàm quod sit actio famosa nedum turpis, quæ saluo pudore transacti matrimonij nō potest inter eos exerceri qui coniuges fuerunt, licet esse desierint l. 1. & 2. *D. eod.* Intelligimus longè minus fieri posse, vt actio furti filio contra patrem detur, cui tantam reuerentiam debet, quanta maiorem alij debere nulli potest. Inde est quod generaliter placuit famosas actiones, aduersus parentes dandas non esse, adeoque nec aduersus patronos, aut patronorum vxorem & liberos quod iis quoque personis omnibus reuerentia debeatur l. si dolo 5. *C. de dolo l. non debet* 12. §. 1. *D. eod. l. parens* 5. §. 1. *D. de obsequ. parent. & patron. praest.* vbi additur nec eas quidem actiones quæ doli vel fraudis habent mentionem licet famosæ non sint, qualis est serui corrupti, condictio furtiua & si quæ sunt similes, dandas esse liberis aduersus parentes aut libertis aduersus patronos. Imò quod magis est nec doli exceptiones, aut De eo quod vi merisve causa, nec interdictum Vnde vi, vel Quod vi aut clam contra eiusmodi personas proponi posse, Nimirum quia licet infamia ex his causis non irrogetur, fama tamen & existimatio apud bonos & graues viros fuggillatur ex sola verborum atrocitate l. 4. §. aduersus *D. de doli mal. except.* l. 1. §. interdictum hoc 43. *D. de vi & vi armat.* Quid ergo si filius patri furtum fecerit? Facere enim posse cōstat l. 1. *D. rer. amot.* nec suitatis ius, vt loquuntur, impedimento esse, quia licet, efficiat, vt filius etiam viuo adhuc patre rerum omnium paternarum dominus quodanmodo esse existimetur l. in suis 11. *D. de liber. & posthum.* nemo tamen dixerit æque possessorem illum intelligi bonorum paternorum quandiu pater viuit, Alioqui nihil superesset quod amplius nancisci & consequi posset mortuo patre se immiscendo bonis paternis, Nec dubitandum est idem hac parte iam olim ius fuisse suorum heredum, & extraneorum, vt etiam heredes facti & domini rerum hereditariarum, nō prius tamen possessores facti intelligerentur quàm corporalem earum possessionem adprehendissent l. cum heredes 23. *D. de acquir. poss.* vt docuimus in Rationalibus ad l. cum miles 30. *D. quib. ex caus. maior.* Cum igitur ius suitatis non faciat, quin pater bonorum suorum omnium possessor maneat, Nec impedire etiam potest quin filius patri furtum facere possit, quod nihil aliud est quàm interuersio possessionis alienæ l. 1. §. ultim. *D. de furt.* Vnde fit vt hereditariæ rei furtum fieri nequeat l. hereditaria 68. *eod. tit.* Nempe quia hereditas nihil potest possidere l. 1. §. Scantola *D. si quis testam. lib. ess. inss.* An ergo filius qui furtum patri fecerit, furti actione à patre conueniatur? Non enim quemadmodum filius patri, sic vicissim pater filio reuerentiam aliquam debere videri potest, ob quam dicendum sit non esse permittendum patri vt contra filium famosam aliquam instituat actionem. Quamquam vt bona sit antithesis, tractandum esset in vtraque quæstione de filio qui non esset in patris potestate. Filius enim qui in potestate est, non tam reuerentiâ paternâ, quàm iure potestatis impeditur ne furti agere possit aliâve vlla actione contra patrem, quia lis nulla esse nobis potest cum eo quem in nostra potestate habemus, nisi ex causis castræsis peculij l. lis nulla 4. l. si à me 11. *D. de iudic.* Et cum dicimus, Non posse filium furti agere aduersus patrem de illo demum filio intelligimus, qui sit emancipatus, & cui sola verecundia ob stare possit ne famosa actione patrem la-

cessat. Quemadmodum & in edicto Prætoris, qua parte prohibitum est filio ne patrem in ius vocet nisi petita venia *L. ad optatum 8. D. de in ius vocand.* Itaque in emancipato filio fatendum est aliam filij rationem esse, aliam patris. Non posse patrem à filio conveniri actione furti aut alia vlla quæ sit famosa, Posse tamen filium à patre, quia honorè illum debet filius patri, non pater filio. Sed si de filio agamus qui in patris potestate sit, quemadmodum ratio propter quam non potest ille patrè furti convenire non tam ex paterna verecundia petenda est quam ex iure patriæ potestatis, Ita fatendum est ius commune esse patri & filio, ut non magis pater contra filium quam filius contra patrem furti agere possit: quoniam ex utraque parte ius potestatis id euincit. Et hoc est quod ait Paulus in *l. ne cum filiofamilias 16. D. de furt.* Ne cum filiofamilias furti agere pater possit, non iuris constitutionem, sed rei naturam impedimento esse, quod non magis cum iis quos in potestate habemus, quam nobiscum ipsi agere possimus. Quæ ratio cum euidenter cesset in filio emancipato, intelligimus neque constitutionem iuris aliquam, neque rei naturam impedimento esse quominus possit ille ut alia qualibet actione, ita & furti etiam conveniri. Quid autem si filiusfamilias miles sit, qui peculium castrense habeat? Hoc enim addendum est, quia non omnis miles filiusfamilias habet peculium castrense, licet quisque peculium castrense habet, eum necesse sit militem vel esse adhuc vel fuisse. An ob id magis conveniri poterit furti à patre? Si rationem iuris consulas, in promptu responsio est. Non magis hoc quam alio vlllo casu fieri posse ut filius à patre furti conveniatur. Nam cum neque militia, neque peculij castrensis acquisitio eximat filium à patria potestate: *§. filiusfamilias Inst. quib. mod. ius patr. potest. soluit.* apparet idem semper impedimentum subsistere, quod ex iure potestatis proficiscitur. Et tamen aliud ab Ulpiano responsum legimus in *l. si quis uxori 52. §. sed si filius meus D. de furt.* ubi quaerit, si filius meus qui peculium castrense habeat furtum mihi fecerit, An possim vili actione furti aduersus eum agere, cum habeat, inquit, unde satisfaciatur. Et respondet posse defendi agendum. Non alia ergo ratione quam illa, quod habeat filius hoc casu unde satisfaciatur. Quæ tamen ratio euidenter mala est. Non enim ideò pater impeditur, ne contra filium agere furti possit, quod non habeat filius unde possit satisfacere, sed quia ius potestatis facit ut patris & filij vna eademque persona esse censeatur: quod perinde verum est siue habeat filius unde satisfaciatur, siue non habeat. Alioqui & in filiofamilias pagano idem eveniet quod in milite ut possit etiam aliquo casu si non directa saltem vili actione furti conveniri, cum fieri possit ut aliqua habeat bona ex quibus satisfaciatur, Ut puta si qua ei sit delata hereditas vel bonorum possessio quam noluerit pater sibi per filium acquiri, ut in *specie l. nec is 13. §. ult. D. de acquir. hered. l. 1. Cod. qui admitt. ad bonor. possess. poss. l. cogi 16. §. si pater D. ad SC. Trebell.* Aut si inuito etiam patre fideicommissaria hereditas ei obuenerit, in qua nihil iuris habere possit pater quandiu filius vixerit, ut in *l. imperator 50. cod. ut.* His enim casibus iure quoque vetere inspecto habebat filius unde patri satisfacere posset. Hodie verò multò magis, cum ex Iustiniani constitutionibus in *l. cum opor. set 6. & l. ultim. C. de bon. quæ liber.* facti sint filiifamilias capaces acquisitionis ex quacumque causa etiam inuito patre nisi ex causa peculij profectitij. Proinde si bona esset ratio Ulpiani consequens esset dicere, & potuisse olim filiumfamilias quamvis paganum conveniri furti à patre saltem aliquo casu, & posse hodie multò facilius, quandoquidem vix est ut non habeat quisque filiusfamilias est, bona aliqua vel materna vel auita quorum proprietas ad ipsum non ad patrem

pertineat, Neque tamen villo siue Pandectarum, siue Codicis loco probare possis, Furti actionem vnquam competiisse patri aduersus pagani filium in patris potestate constitutum. Tantumque abest vt tale quid vspiam scriptum sit, vt idem Vlpianus in *dist. l. si quis uxori versadem in filiofamilias*, aperte scribat idem in filiofamilias milite obtinere, quod paullo antè dixerat de muliere nupta circa actionem furti, & rerum amotarum, Nempe quemadmodum non tenetur furti mulier quæ mariti res amouit, sed tantum actione rerum amotarum, Si autem seruus eius furtum in marito fecerit, potest illa serui nomine etiam furti conueniri, Sic & filiusfamilias miles qui seruum habet castrensis peculij si furtum ipse patri fecerit, furti tamen ei non tenetur, Serui autem sui castrensis nomine tenebitur, si seruus furtum patri fecerit. Et verò an habeat filiusfamilias, vel non habeat vnde satisfaciat, non tam ad actionis substantiam, quam ad exactiōis causam pertinet, quæ nihil cum actione commune habere solet. Alioquin dicendum esset nec ab alio quam à patre posse furti conueniri filiumfam. qui extraneo furtum fecisset: cum non magis habeat vnde extraneo, quam vnde patri satisfaciatur. Atqui certum est filiumfamilias ex omnibus causis & siue ex contractibus, siue ex delictis non solum tanquam patremfamilias obligari, sed etiam agi cum eo tanquam cum patrefamilias posse *l. filiusfamilias 39. D. de oblig. & act. tam ex contractibus 57. D. de iudic.* Nec enim quod viuo patre nulla bona habeat in quæ fieri possit executio iudicati, facere potest vt eo minis condemnari debeat etiam viuo patre *l. si dubites 10. §. filiusfamilias D. de fideiuss.* Quod cum ita sit videtur responsum illud Vlpiani de quo nunc agimus non tantum à iuris ratione sed etiā ab eiusdem quoque Vlpiani sententia dissentire. Nam quod ait si filius meus qui castrensē peculium habet furtum mihi fecerit posse me vtili actione furti contra eum experiri, an non pugnat euidenter cum eo ipso quod idē ille paullo antè scripserat, In filiofamilias milite qui peculium castrensē habeat, & inter cætera bona seruus castrensis peculij, sic obseruandum esse, vt serui quidem sui nomine, si is furtum patri fecerit, furti actione conueniri possit, ex propria verò persona si furtum ipse filius admisserit, patri non teneatur. Nisi forte sententias istas è diametro pugnantes sic conciliare velis, vt neget Vlpianus teneri filium patri directæ actione furti, Admittat tamen teneri eum vtili. Quasi in eo differat vtilis à directâ, quod directâ non modò pœnalis est, sed etiam famosa, Vtilis verò famosa non est, sed pœnalis tantum. Sic enim Cuiacius quoque nosser ratiocinatur ad Papin. in *l. §. D. rer. amot.* existimans absurdum esse vt inter patrem & filium famosa detur actio, non etiam vt detur pœnalis, Ex quo inferit magis hac parte faueri coniungi quam patri, cum non magis pœnalis quam famosa actio coniungi aduersus coniugem dari possit, saltem constante matrimonio *ex l. 2. C. rer. amot.* Sed distinctionem hanc & conciliationem neque iuris, neque æquitatis ratio vlla admittit. Non enim idcirco directam furti actionem patri contra filiumfamilias denegamus, quod actio sit famosa, cum reuerentiam nullam filio pater debeat, vt suprà docuimus, sed quia ipsius rei natura impedimento est, ne cum filio quem in potestate habet pater agere possit, non magis quam cum seipso, quia filius vna eademque persona cum patre esse existimetur. Atqui non magis per rerum naturam potest vt quis vtili quam vt directâ actione cum seipso experiat: Siquidem non minus in actione vtili quam in directâ necesse est aliam esse personam actoris, aliam rei, vt sciri possit quis agat & quis conueniatur, & quis actoris, quis rei, partes sustineat. Hoc enim saltem casu si quo vnquam alio verum est, impossibile esse,

quod Paulus in *l. si plures 9. D. de pact.* difficile esse ait, ut unus homo duorum vicem sustineat. Ergo non magis actio utilis furti, quam directa patri contra filium dari potest. Aut alia ratio adferenda erit, quam quæ adfertur à Paulo in *di. l. ne cum filiofamilias*, cur pater cum filiofamilias furti agere non possit. Quòd si quis Paulo nostro subtilior rationem petere ex eo volet quod non habeat filiumfamilias paganus unde patri satisfaciat, Præter id quod mala ratio est ut iam ostendimus, & quæ faceret ut non ininùs extraneo quam patri aduersus filiumfamilias paganum & furti actio & alia quælibet denegari deberet, Hunc fatcri oportebit, Eo igitur casu quo filiusfamilias habeat unde possit satisfacere, non vtilem tantùm sed etiam directam furti actionem patri competituram, Quod tamen nec Vlpianus dicere ausus est, qui solam vtilem hoc casu patri accommodat. Quare & hunc quoque locum inter eos recensendum esse puto, quos incitua Triboniani corripit. Mira enim illa, nimisque crassa incitua est, Putare idèd denegatam patri actionem furti contra filiumfamilias paganum quòd non habeat filius unde patri satisfaciat: Sed incitua illa crassior, Non videre si bona hæc ratio est, Dandam igitur patri directam non vtilem contra filiumfamilias, Neque posse solam vtilis actionis mentionem facere ut non pugnet hæc Triboniani opinio, cum eo quod statim antè Vlpianus dixerat filiumfamilias etiam militem & qui castrense peculium habeat, patri teneri actione non posse. Quod sine dubio ita accipiendum est ut iis verbis Vlpianus non ininùs vtilem, quam directam actionem exclusit. Quid enim proderat dicere filiumfamilias militem patri non teneri furti, hoc sensu ut directam quidem actionem non teneatur, sed vtili tamen teneatur. Cùm effectus ipso nihil intersit an directa quis an vtili actione conveniatur *Latitio 47. D. de negot. gest.* Sed neque in eimini alio vllò iuris loco fieri mentionem vtilis actionis furti. Nam cum actio furti sit legitima descendens ex lege duodecim tabularum, quæ in eam rem plenissimè prouidit, Certum est quòd si furti actio vel competere, vel dari potest, directam competere & dandam esse non vtilem, id est quotiescunque furtum factum esse constat, & ab ea persona quæ furti conueniri possit. Nam quemadmodum si furtum factum non sit, licet facinus aliquod admissum sit furto proximum quod puniri & vindicari oporteat, furti agi nullomodo potest neque directa, neque vtili actione, sed ad subsidiariam in factum actionem omnimodo recurrendum est quæ pœnalis esse nunquam potest, ut ostendimus in præcedentibus, velut in specie *di. l. si quis uxori §. si quis asinum in fin. l. in furti 50. in fin. l. si is qui 66. §. si tu Titium in fin. D. de furt. l. si heredis 48. de leg. 1. l. si heres 63. de leg. 2. §. interdum quoque 11. Instit. de oblig. quæ ex delict. nasc.* Ita si furtum quidem factum sit sed ab ea persona quæ furti actione conueniri non possit, vel ob implicitam aliquam contradictionem, ut euenire diximus in persona filiifamilias, qui furtum patri fecit, vel ob aliquam honestatis & æquitatis rationem, ut si coniux coniugi furtum fecerit, non magis vtilis quam directa furti actio, vel competere, vel dari potest. Sed vel nulla prorsus competit ut inter patrem & filiumfamilias, Vel actio in factum necessaria est, vel alia noua & singularis inducenda, qualis est actio Rerum amotarum, quam sanè prætores nunquam induxissent si quæ per interpretationem prudentum induci potuisset vtilis actio furti, præsertim quæ famosa non fuisset. An non enim erat id multò expeditius, quam propriam & specialem, anteaquæ inauditam actionem proponere, Maxime verò quæ non nisi soluto matrimonio exerceretur. Nemo enim absurdum esse unquam dixit dari pœnalè actionem

actionem inter coniuges post diuortium, sed eo tantum tempore quo adhuc conset matrimonium ut scriptum est in d. l. 2. *¶ Ver. amot.* fauore scilicet nuptiarum, ut ait l. ult. *D. de seru. corrupti.* At famosa ne quidem post diuortium dari potest l. 2. *D. ver. amot.* Si ergo utilis actio furti penalis tantum non etiam famosa est, ut vult Cuiacius, nihil certe cause erat, cur non posset illa sufficere ob res amotas, Et tamen eam sufficere non putauit prætor qui in eam rem quasi ex necessitate, cui sola honestas publica causam daret singulare iudicium Rerum amotarum introduxit. Fateamur ergo vtilem actionem furti nullam esse totumque illum versiculum de quo hic tractauimus, Tribonianus inscitæ potius quam Vlpiani elegantie adscribi oportere. Nam præter id quod pugnat euidenter cum versiculo præcedente quæquæ est de filiofamilias milite ac peculium castrense habente, ut ostendimus, verba ipsa Triboniani manum & stylum produunt. Quid enim attinebat subiicere quætionem illam, Si filius meus qui castrense peculium habet, furtum mihi fecerit, an possim actione vtili aduersus eum agere, Cum ad hanc ipsam quætionem, & in eadem penitus specie responsum proximè esset ab Vlpiano filium furti non teneri? Quid rursum addere verba illa *videndum est*, quæ soli Triboniano tantopere sunt familiaria, Nec abs re, quia nunquam ille satis videt. Adde rationem illam dubitandi ad eò ineptam & planè indignam quæ ex Vlpiani ore vel calamo prodierit *eum habeat unde satisfaciatur*, Sed quod sequitur *& potest defendi agendum*, euidentius Tribonianum est. Nihil enim ille vnquam audet adfirmare aut constanter dicere, ideoque ait, *potest defendi* & subiungit *agendum* cum scribere debuisset agi posse. Non enim quæstio erat, An patri agendum esset vtili actione furti contra filium, sed an agere posset. Responderi ergo debuit posse patrem agere non quomodo responsum est *agendum* quasi cogendus sit pater vel inuitus ut contra filium huiusmodi actione vtili experiatur. Fiet autem & manus & inscitia Triboniani manifestior ex his quæ subiiciemus *Error. seq.* circa quætionem aliam quæ apud Vlpianum immediate sequitur in §. *an autem pater filio.*

ERROR SEPTIMVS.

*De patre qui subtraxit rem peculij castrensis. Ad d. l. si quis uxori § 2.
§. an autem pater filio D. de furti.*

UM scripsisset Vlpianus in l. si quis uxori § 2. *vers. idem in filiofamilias, D. de furti.* In filiofamilias milite ita observandum esse, ut si patri furtum fecerit, non ideo furti teneatur, Si tamen seruum habeat in castrensi peculio qui rem aliquam patri subtraxerit, eius serui nonne possit à patre furti conueniri, Erat conueniens ut subinde quæreret, An vicissim pater furti actione teneatur filio cui rem aliquam peculij castrensis subtraxerit. Ea verò quæstio est quæ proponitur in dict. §. *an autem* in hæc verba, *An autem pater filio teneatur si rem eius castrensis peculij subtraxerit, videamus, Et putem teneri. Non tantum igitur furtum faciet filio, sed etiam furti tenebitur.* Vbi statim illud occurrit quod mirè, non quòd lex ait patrem hoc casu furtum facere filio, [quidni enim faceret subtrahendo rem ca-

strensis peculij in qua nullum ipse ius habeat neque dominij, neque possessio-
nis, & quæ ex Imperatorum constitutionibus pleno iure sit filij, quippe qui in
peculio castrensi patrisfamilias locum obtinet *l. 2. D. de SC. Maced.* Sed quod
addit patrem hoc casu furti teneri filio. Nam cum neque militia, neque peculij
castrensis acquisitio filium eximat à patria potestate, ut superiore capite dice-
bamus ex *§. filij familias similiter uer. Inst. quib. mod. ius patr. potest. soluit.* durum
certè videtur ut filio detur actio furti contra patrem in cuius sit & maneat po-
testate. Ita enim esto quantum uoles, ut ex constitutionibus filiusfamilias in
peculio castrensi pro patrefamilias habendus sit. Nihil aliud potest ea res face-
re, quam ut perinde aduersus patrem agere possis, acsi esset emancipatus. Nam
et illud est quod ait *l. 4. D. de iudic. litem nobis esse nullam posse cum iis quos*
in potestate habemus, præterquam ex causa castrensis peculij, Ut intelliga-
mus patris potestatis ius non ob stare quominus inter patrem & filium de ca-
strensi peculio lis moueri & actio exerceri possit. Sed tamen negari non po-
test quin semoto iure potestatis supersit vinculum pietatis & reuerentiæ pa-
tri debitæ, præsertim subsistente adhuc vinculo patris potestatis, ex quo etiam
vinculum pietatis estimatur *l. ultim. D. si à parent. quis manum. sit.* Quæ pietas
& reuerentia patri debita facere certè debet ut nou sit permittendum filio pa-
trem lacerare tam infami actione tamque atroci, ut loquitur Iustin. *in l. ultim.*
§. ultim. Cod. de furt. Nam nec emancipato filio id permitteretur *l. si supersit*
§. vers. sanè Cod. de dolo l. non debet 10. §. 1. D. eod. l. parens §. segg. D. de obseq.
parent. & patr. præst. cum tamen emancipatus non per fictionem iuris paterfa-
milias esse intelligatur, ut filiusfamilias in castrensi peculio, sed reuera pater-
familias sit, in eoque plus iuris, certè non minus quam filiusfamilias in re
peculij castrensis habere videatur. Ne alioqui contra vulgare nostro-
rum brocardicum, plus possit fictio in casu ficto quam veritas in casu vero.
Hæc nimirum de causa putat vir doctissimus Iacobus Cuiacius, id quod scri-
ptum est *in dist. §. an autem*, de danda furti actione filio contra patrem qui
rem castrensis peculij subtraxerit, non de directa furti actione intelligendum
esse, sed de utili & verbis in factum temperata: Quam actionem utilem vult
quidem esse pœnalem, & dari ut & quamlibet actionem furti ad duplum vel
quadruplum, prout furtum vel manifestum fuerit, vel nec manifestum, Sed
negat esse famosam, Absurdum esse existimans ut famosa actio ullo casu filio
contra patrem detur. Verùm non convenit Vlpiani verbis hæc interpretatio.
Primum quia non de utili actione furti loquitur, quomodo locutus de ea fuerat
Tribonianus in specie vñt. præcedentis, sed de furti actione simpliciter, quo
nomine ut iam monuimus, directa non utilis significatur. Deinde quia ut su-
periore capite ostendimus, furti actio utilis nulla est, Quæ si aliqua esset, aut
exerceri aliquo casu posset, utique multò magis dari deberet agente filio con-
trà patrem, quam agente patre contra filium, cum reuerentiam maximam fi-
lius patri debeat, pater autem filio nullam. Tertiò quoniam si quod Vlpia-
nus dixerat in filiosfamilias milite obseruandum esse ut quamuis furtum ipse
patri fecerit, furti tamen non teneatur, de directa furti actione intelligendum
est, ne pugnet quod statim subiicitur in vers. sequent. utilem furti actionem eo
casu patri contra filium dandam esse, Consequens necessariò est, ut quod in
contrario casu de patre qui filio furtum rei castrensis fecerit, contra respon-
det, teneri patrem furti non de alia actione quam de directa intelligi debeat.
Nantùmque abest, ut aliqua huiusmodi interpretatione verba sua temperari
hac

hac parte Vlpianus voluerit, ut è cōtrario quali rem exaggerans, & nescio quid valde nouum & mirabile respondens, clamet ac profiteatur apertissimè, Patrem hoc casu non modò furtum facere filio, sed etiam furti teneri. Quidni enim addidisset *ut ille tamen* aut quid simile ad moderandam huius sententiæ asperitatem, si qua moderatio adhiberi vel potuisset, vel debuisset? Illud verò longè improbabilius est, licet à Cuiacij sententia non valde abhorrete videatur, quod Barr. ait intelligendum esse Vlpianum non de furti actione siue directa, siue vili, sed de actione in factum: Facit enim apertè vim hæc interpretatio Vlpiani verbis quibus non modò expressum est, sed etiam bis repetitum, Patrem qui rem peculij castrensis filio subtraxerit, furti actione eo non in e teneri. Quo ineptius nihil ab Vlpiano scribi potuisset, si appellatione actionis furti actionem in factum significare voluisset: Cum prorsus diuersæ & dissimiles sint actiones non nudo tantum nomine, sed etiam rei effectu. Vel idè quòd actio furti & pœnalis est, & famosa, Actio verò in factum etiam quæ actionis furti subsidaria est, nec pœnalis, nec famosa, sed per quam simpliciter duntaxat actor persequitur pro sua indemnitate consequenda *d.l. si heres 63. De legat. 2.* Deinde quia ex cæteris omnibus quæ in ea lege præcedunt ab initio legis vsque ad hunc statuat clarissimè, id omnino agere Vlpianum, ut tractet, an & quando in iis casibus quos tractat furti actio verè competat. Incipit enim ab eo casu quo aliquis uxori subtrahenti res mariti opem consiliūve accommodauerit. Et ait furti eum teneri, Vera scilicet directaque furti actione, quia licet neque ipse furtum fecerit, neque ei personæ opem tulerit quæ furti conueniri possit, tulit tamen ei, quam negari non possit furtum admisisse. Quod tamen valde nouum & singulare ius est. Etsi enim lex ipsa duodecim tabularum furti actionem introduxit, non ita- tùm contra furem, sed etiam contra eum qui furi opem consiliūve dederit, quamuis fur ipse non sit, idèoque nec furtiua condictione teneatur. *proinde 6. D. de condic. furt.* Inauditum tamen est extra hunc casum, ut furti teneatur is qui opem & consilium accommodauerit ei qui ipse furti teneri non possit. Nec enim de hoc casu lex duodecim tabularum cōstituerat, ut neque de actione rerum amotarum quam post multa ab inde secula Prætores introduxerunt, cum furti actio per eam legem indistinctè ac generaliter constituta esset aduersus omnes qui furtum fecissent, Non excepta muliere de qua nondum erat constitutum ius quod postea constitutum fuit, ut quamuis furtum ipsa marito faceret, furti tamen eam obligari non placeret. Subiicit Vlpianus, *sed et si furtum cum ea fecerit furti tenebitur, cum ipsa non teneatur.* Quæ verba non possis de alia furti actione intelligere, quàm de directa, quia nec tam mirum est hoc casu quàm superiore teneri furti eum qui mulieri furanti opem cōsiliūve dederit, quamuis mulier ipsa furti non teneatur, Nempe quia fur ipse est qui cum muliere furtum fecit. Cum ergo verè fur sit, quidni etiam vera & directa actione furti teneatur?

ERROR OCTAVVS.

*De actione Rerum amotarum quam dat Vlp. contra uxorem quæ furi opem tulit.
Et de danda filio in patrem actione furti de castrensi peculio aut
si filius fuerit emancipatus.*

Q. iiii



DDIT Vlpianus, *Ipsa quoque si opem furū tulit, furti non tenebitur, sed rerum amotarum.* Cur non verò furti, cum ex lege duodecim tabularum furti actione teneatur, non ille solum qui furtum fecit, sed & qui furum faciendi opem tulit. Nimirum, quia nec si furtum ipsa fecisset, furti tamen conveniri posset, lure ita constituto quando displicuit eam furti obligari *d. l. i. D. rer. amot.* Atqui minùs delinquit is qui furi opem fert quàm qui ipse fur est, cum fur non sit, ob idque nec furti actione conveniri posset, sed actione in factum vel qua alia quæ in eam rem nominatim debuisset introduci, nisi de hoc quoque casu lex duodecim tabularum specialiter cauisset. Ergo multò magis de directa furti actione hic versiculum intelligi debet, ut directa furti actione mulier non teneatur, Adderem *neque vili* si quam vilem furti actionem esse existimarem. Non enim dubitandum est quin omnem omnino speciem furti actionis Vlpianus excluderet, Non ob id solum quod furti actionem absolutè & indistinctè denegat, sed etià quia dat contra mulierem actionem rerum amotarum, cui nūquam locus esse posset, si qua furti actio utilis in eam res esset. Cumq; actio rerum amotarum substituta sit in locum actionis furti quàm cōditionis furtivæ ut suo loco ostendimus, potuerat Vlpianus & debuerat, si contra morem suum proprietatem verborum tam parum curabat, scribere In hac specie mulierem teneri furti. Statim namq; interpretes nostri sic interpretati fuissent, ut furti actionem dixisset Vlpianus pro actione Rerum amotarum. Et quidem longè probabilius & tolerabilius, quàm quod iudicē interpretes duce Bartolo in hoc ipso loco actionem rerum amotarum interpretantur actionem in factum ob res amotas. Quid enim simile, aut commune habet actio rerum amotarum cum actione in factum siue vtriusq; actionis nomine, siue vini & effectum rei consideremus: Aut quid obstat, obsecro quominus in ea specie quam Vlpianus tractat detur actio, quæ verè sit Rerum amotarum? Scilicet suo tempore, id est soluto matrimonio. Id enim est quod Bartolo imposuit, ut putaverit non posse rerum amotarum actionem in illa specie cōpetere, quia credidit Vlpianum de ea actione sentire, quæ constante quoq; matrimonio exerceatur: quod in actionem rerum amotarum cadere nullomodo potest. Et idcirco adfert Bartolus quod scriptum est in *l. ult. §. vlt. C. de furt.* de danda actione rerum amotarum etiam inante matrimonio, ut ostendat non esse novum Actionem rerum amotarum dici actionem quæ sit in factum ob res amotas. Nec videt multò facilius admitti posse ut vel iuris veteris ignoracione, vel novæ Iurisprudentiæ inducendæ gratia Tribonianus crediderit absurdum fore, si etiam constante matrimonio Rerum amotarum actio concederetur, quàm ut actionem Rerum amotarum pro actione in factum interpretari vnuq; liceat. Et si verò mihi liquido constaret eo sensu sic Tribonianum scripsisse in *d. §. vlt.* nihilomagis tamen admitterem Vlpianum idem cōingere potuisse. Fuit enim ille affectator studiosissimus eius laudis ut propriè ac paritè, si quis alius post Papinianum, semper loqueretur. Sequitur apud Vlpianum *serui verà, si nomine eam furti teneri nequaquam ambigendum est.* Quam verò actione furti? Directa sanè non vili. Quantumvis enim directa sit, tamē nec famosa est etià si ex persona servi mulier condemnatur, nec pœnalis sed noxalis *l. furti §. si quis alie. c. l. servus l. 4. D. de hi qui not. in fam.* Cum igitur in omnibus his speciebus in quibus Vlpianus de actione furti siue concedenda, siue deneganda locutus est, non de alia senserit quàm quæ sit directa & propriè actio furti. Quis seriatim in eo versiculo de eundem interpretatione nunc tractamus, dixisse Vlpianum actionem furti pro actio-

ne in factum, cum patrem actione furti filio teneri bis scripsit? An ergo patiemur filium per famosam actionem agere contra patrem, cuius non minus existimationem, quantum in se est, quàm vitam illam servare, sanctamque habere debeat? Quis verò inquam hoc dixit? An non pugnant evidentiſſimè tot leges quas suprà allegauimus? Mihi videtur nodus hic sanè explicatu perdifficilis, & quem soluere vix quisquam possit, nisi nouum aliquid proferat, quod non puto à quoquam adhuc allatum esse. Dicendum igitur est meo iudicio longè aliam esse causam filij emancipati, & eius qui licet in patris potestate adhuc sit, habeat tamen aliquod castrense peculium ex quo pater quid subtraxerit. Nam filius emancipatus licet in patris potestate esse desierit, & ex instanti emancipationis pro extraneo haberi ceperit, vt scriptum est *in l. quinetiam 55. in fin. D. de rit. nupt.* Sicuti tamen naturaliter filius manet, Ita eandem pari obseruantiam debet, quam deberet si emancipatus non esset, cum eo beneficio tantò magis obstrictus sit patri qui & capacem eum fecit acquirendorum exinde bonorum etiam inuito patre *l. 1. D. si à parent. qui manum. sit.* & iure illo inextimabili patris potestatis vtrò se abdicauit, Ad quod faciendum nullo precio, nullisq; precibus cogi potuisset *l. si ius familias 114. §. sed si liberos De legat. 1. l. si cui legatum 92. D. de condit. & demonst.* Quis enim iudex propitiis auribus audiat filium qui tantum beneficium à patre acceptum patri ipsi onerosum esse velit, Aut qui imputare patri audeat, cur emancipando filium dederit ei contra se agendi potestatem? quomodo Paulus noster ratiocinatur *in l. filio 7. D. vt legat. seu fideic. seruand. caus. caueat.* Nimia certè, ac planè intolerabilis esset ingratitudo ista nec minùs digna quæ in filij emancipati quàm quæ in serui manumissi persona vindicaretur. Nā & hi casus tanquàm similes æquiparantur *in d. l. si à parent. qui manum. sit & in d. l. filio.* & aliis passim iuris nostri locis in quibus si emancipatus est, manumissus dicitur, & emancipatio manumissio appellatur, quauis non è conuerso quisquis manumissus est emancipatus dici possit nec manumissio quælibet etiam nomine vel iure emancipationis cèseri. At filiusfamilias miles habens castrense peculium, tamen si non eo minùs sit & maneat in patris sui potestate, perinde tamen habetur in iis omnibus, quæ ad castrense peculium pertinent ac si verè paterfamilias esset, nec patrem vllum haberet *l. 2. D. de SC. Maced.* Neq; hoc vlllo patris beneficio, sed ex Imperatorum constitutionibus quæ huiusmodi ius & priuilegium aliq; tā multa militibus concesserunt vt eo premio ciues Romani ad belli pericula tantò alacrius subeunda inuitaretur: Proinde nihil causæ est cur in re peculij castrensis aliquam reuerentiam filiusfamilias patri exhibeat, quia nec patrē hac parte vllum habere intelligitur. Nā si replices filium qui à patre vitam habeat hoc ipso habere à patre vt & miles esse, & per occasionem militiæ peculium castrense habere possit, Dicam, Habere quidem filium vitam à patre, sed eo lege ex ipsius patris voto, vt reipublicæ priusquam patri nasceretur *l. 1. §. generaliter 15. D. de ventr. in poss. mitt.* Vnde est quod iure ac obtentu patriæ potestatis nunquam potest pater resistere quominùs patriæ filius obsequatur *l. honor 14. §. plebey D. de muner. & honor.* Adcò vt non possit pater non amisisse filium quem reipublicæ amisit *l. postliminium 19. §. filius quoque familias D. de captiu. & postlim.* vbi ob hanc causam eleganter Paulus ait filiumfamilias transfugam postliminio reuerti non posse, ne quidem viuo patre, quia pater, inquit, sic illum amisit, quemadmodum patriæ: Sed addit aliam quoque rationem quæ ad sententiam nostram adiuuandam magis pertinet, quia *disciplina castrorum antiquior fuit ciuib; Romanis, quàm charitas liberorum.*

Nam si ita est ut disciplina ipsa castrorum antiquior fuerit & preciosior civibus romanis, quàm charitas liberorum, Cur non idipsum multo magis de militia ipsa dicere liceat, & de privilegiis militiae ad cuius dignitatem & utilitatem tota refertur, quanta est disciplina castrorum? Nihil ergo sit contra reuerentiam patri debitam non magis quàm contra vulgares iuris regulas, cum filios familias ob rem quam pater ex peculio castrensi animo furandi subtraxerit, actionem furti directam, quauis pœnalem adeoque famosam contra patrem accommodamus, perinde ac contra extraneum quemlibet, Nec habet pater hoc casu quod de filio conqueratur, quin prius impetret ut liceat sibi conqueri de legibus quæ maiorem in militia quàm paterni nominis rationem habuerunt, aut potius de seipso cur filium genuerit, quem scire debuit non posse nasci sibi, quin reipublicæ simul & præcipuo quodam iure nasceretur. Qua ratione putem etiam dici posse, quod nescio an adhuc quis dixerit, Edictum Prætoris De in ius vocando quo prohibiti sunt liberi ne nisi petita venia parentem in ius vocent ad emancipatos tantùm liberos pertinere, non etiam ad filios familias militum castrense peculium habentes, si qua ex causa patrem de re castrensis peculij conuenire velint, Quia neque in verbis neque in interpretatione edicti tale quid scriptum legimus. Neque potuisset prætor eam petendæ veniæ necessitatem imponere filio de re castrensis peculij aduersus patrem acturo, quin constitutionibus vim faceret, quæ filium familias in castrensi peculio patris familias vice in omnibus & per omnia fungi voluerunt. Certum autem est nihil prætoris aduersus Principum constitutiones, ut neque aduersus leges decernere aut edicere potuisse *Iuris gentium* 7. §. *ait Prætor D. de pact. l. nec non* 28. §. *quoadem D. ex quib. caus. maior.* nec filium in iis quæ ad ius publicum spectant, in quo numero ius militiae præcipue est & disciplina castrorum, sequi ius patriæ potestatis, nec proinde reuerentiæ illius paternæ cuius vinculum partim ex potestatis vinculo æstimatur *l. ult. D. si à parent. quis manum. sit.* Alioqui reprehendus esset magis quàm laudandus Q. ille Fabius Maximi filius, qui Consul venientem ad se ex equo patrem eundemque Consularem virum descendere iussit, nec nisi pedirem ad se accedere passus est ut debitum Consulari dignitati honorem tueretur, sui que magistratus auctoritatem paternæ obseruantie anteponendam esse testaretur. Nimirum in eo statu constitutus in quo reuerentiam ipsi debebat pater, nullam ipse patri. Quinquam dubitandum non est quin multò prudentius & ciuilius facturus sit filius familias miles habens castrense peculium ex quo aliquid pater subtraxerit, si à tam atroci famosâque actione furti ablineat, & in factum potius agat ut saluo patriæ potestatis & pietatis iure indemnitate consequatur: sed aliud est de iure, aliud de verecundia & molestia tractare, Aliud rursum de eo quod licet, Aliud de eo quod honestum est. Non enim omne quod licet, honestum est ut habet iuris regula *l. non omne* 144. *de reg. iur.* licet è contrario liceat omne quod honestum est nisi si quando lege aliqua ob utilitatem publicam, quod rarissimè potest contingere, prohibeatur. Non est contrarium, quod scriptum est in *l. 4. §. ult. D. de deli. mal. except.* parenti licere deteriorè liberorum conditionem facere in rebus peculiariis: idèque non posse exceptionem de metu obicere filium qui metum passus est à parente in cuius fuit potestate. Id enim ad eas res solas pertinet quæ sunt peculij profectitij, de quibus aliquando potest lis esse inter patrem & filium non quandiu filius est in potestate, sed post emancipationem puta si emancipatus sit non

non adempto peculio Et idcirco bene sic loquitur *Vlpian. in cuius suis potestate. At in rebus peculij castrensis certum est non posse patrem facere deteriore filij conditione, ne quidem eo tempore quo filius manet in potestate l. pater 12. D. de castr. pecul.*

• ERROR NONVS.

De temperamento Tribonianeo in specie l. item si cum 14. §. sed & si quis D. quod met. caus.

LONGIVS dilata hæc tractatio est, quàm sperauimus, cum eam attingimus in Decade superiore: Vbi iam cæpinus aliquid dicere de quæstione ac sententia *l. item si cum 14. §. sed & si quis D. quod met. caus.* Proponit eo loco Vlpianus nobilem quæstionem inter nobilissimos Iureconsultos Iulianum & Labeonem contrariis opinionibus agitatam, & de qua quid tandem ex ratione iuris decernendum sit, difficile videtur dicere. Quæstio illa est, Si quis per vim stipulatus cum acceptum facere nollet, fuerit in quadruplum condemnatus, postea verò agat ex stipulatu An aduersus exceptionem *Quod vi metusue causa* quæ haud dubiè agenti ei obstat, sit adiuvandus replicatione doli, an non. Iulianus putabat esse adiuvandum, Ratione illa quòd reus iam in quadruplo simplum sit consecutus, Atque ita futurum sit vt bi idem consequatur si conuentus actione ex stipulatu supradicta exceptione se teatur. Quæ res doli exceptionem aut replicationem parere solet *l. si quis dolo 51. in fin. D. de re indic.* vbi Paulus scribit improbum esse eum qui velit iterum consequi quod iam accepit: id est bis idem consequi & exigere quod contra bonam fidem est *l. bona fides 57. De regul. iur. l. qui seruum 34. vers. quoniam desit. D. de oblig. & act.* At Labeo contrà defendebat, Etiam post quadrupli exactionem nihilominus exceptione summouendum stipulatorem qui vim intulisset. Numquam enim permittendum cuiquam agere vtiliter, & cum effectu ex ea stipulatione, quæ per vim vel metum interposita, vel potius extorta proponatur cum perpetuo & sine vlla exceptione verum sit, Id quod vi metusue causa gestum sit ratum habere nullo tempore prætorem posse *l. si mulier 21. §. 1. D. quod met. caus.* Videtur quæstio in eo esse, An in quadruplo illo, quod præstatur ex edicto *Quod metus causa* simplum contineatur, ita vt is qui quadruplum consecutus est, hoc ipso simplum quoque consecutus dici possit. Nam si in quadruplo simplum non continetur, nulla Iuliani ratio, ac proinde falsa eius sententia est. Sin continetur, probabilis erit si non sententia Iuliani saltem dubitatio, An qui simplum iam præstitit in quadruplo, condemnari adhuc possit, & summoueri per eam exceptionem cuius acquitatem iam ipsa quadrupli præstatione profligasse quodammodo videatur. Etsi autem video scriptum esse non semel apud Vlpianum in *dist. l. item si cum.* Præsertim verò in *§. quatenus*, huic quadruplo simplum inesse, vt in condemnatione quadrupli res omnimodo contineatur, eiusque restitutio fiat, pœnæ autem vsque ad triplum

stetur, Non possum tamen mihi persuadere, ita esse, Comparata enim est actio. Quod metus causa in hoc solum ut quadrupli totius pœnam subeat is qui iussus à iudice reddere quod per vim aut metum extorserat, ipsius arbitrio parere noluerit. In pœnam scilicet contumaciæ, quæ fit in non parendo, quod summo opere notandum est, non autem in pœnam illati metus aut adhibiti violentiæ, Ut ex eo apparet quod in eiusdem legis §. 1. Vlpianus scribit, si quis non restituat, polliceri Prætorum aduersus eum iudicium in quadruplum, Adde satis clemens ter egisse cum eo Prætorum, qui dedit ei restituendi facultatem si velit pœnam euitare. Et apertius in §. *hæc autem actio*, Cum hæc actio arbitraria sit habere reum licentiam usque ad sententiam ab arbitro datam restitutionem rei facere, Quod si non fecerit, iure inquit meritoque quadrupli condemnationem patietur, Nec sanè fuit cur actio Quod metus causa, induceretur ad puniendam vim, quæ iam satis legibus Iulii De vi publicâ & priuata puniebatur. Porro si verum est, ut est, quadrupli pœnam non alia de causâ irrogari ei, qui rem per vim, aut metum ablatam restituere arbitrio iudicis poluit; Et restitutione rei per vim aut metum ablatæ quadrupli pœnam euitari. Certè consequens omnino est, ut in quadruplo illo rei restitutio non contineatur, licet illa ipsa res, quæ restituenda est, id est quanti agentis interest quadrupletur. *d.l. item si §. quadruplatur* & §. *Julianus*. Manifestam enim contradictionem implicaret, ut per quadrupli condemnationem reus & restitutionem rei omnimodo faceret ut scriptum est in *d. §. quantum*, & ob non factam restitutionem, pœnam tripli pateretur. Si enim restituit, cur pœnam aliquam patitur ob rem non restitutam? Si non restituit indeoque pœnam quadrupli pati debet, quomodo verum esse potest ut in quadruplo rei restitutio contineatur? Fateor enim, qui quadruplum consecutus est ob rem non restitutam petere postea non posse, ut sibi res sua restituatur. Contentus enim esse debet quod ipsius indemnitati satis superque consultum sit quadrupli præstatione. Et hoc nimirum est quod facit ut in quadruplo rei restitutio contineri videatur, quia post quadrupli exactionem rei persecutio nulla supersit. Atque hunc etiam nos errorem secuti sumus in Coniecturis decepti nomine & autoritate Vlpiani in *d. §. quantum*, de cuius sententia & corruptione scriptissimus in libris Coniect. Sed longè aliud est dicere Rei restitutionem in quadruplo contineri, Aliud verò, propter quadrupli exactionem restituendæ rei persecutionem amitti, Priore casu rem suam haberet actor qui quadruplū esset consecutus, quoniam in quadruplo simplum contineretur. Posteriore autem casu tantum abest ut rem suam actor habeat, ut è contrario ob hoc solum quia non habet, dignus Prætori visus sit qui quadruplum consequi deberet eius quod sua interesset. Amittit namque proculdubio rem suam & ea carere cogitur in perpetuum ex quo in pœnam contumaciæ quadruplum consecutus est: Neque tamen in eo vlla ipsi iniuria fieri intelligitur, qui tanto precio indemnitati suæ satisfecit. Sic dicimus eum qui agi Rei vindicatione, aut actione Rerum amotarum, aut qua denique alia huiusmodi actione arbitraria, si reus iussu & arbitrio iudicis rem non restituat, nihil aliud consequi posse, nisi quanti sua interesse in litem irauerit, Quo facto certum est nullum amplius ei ius rei suæ petendæ superesse, cuius scilicet dominium cœperit pertinere ad possessorem qui litis æstimationem præstitit, si modò res præsens fuit quasi transegisse cum ipso, & decidisse dominus videatur eo precio quod ipse constituit, ut Paulus noster ratiocinatur in *l. eius rei 46. & seq. D. de rei vindic.* Sed an idèò dicemus in illa qualitàte eius quod interest per actoris iusurandum taxata re ipsam quæ petebatur contineri,

contineri, vt eam consecutus dici possit ille qui consecutus est quanti sua interesse iurauit in litem? Minimè verò, Quin potius in contrarium, Idèò cōsecutum eum fuisse quanti in litem iurauerit, ob hoc ipsum, quia rem suam non habet, quòdque inuitus ob aduersarij contumaciam re sua carere cogitur. *l. nec quasi 70. eum l. preced. eod. tit. l. tutor 8. D. de in lit. iur. l. si filiofamilias 25. §. 1. D. solut. matrim. l. non enim 9. D. rer. auot.* quātamen carere dici non posset, si quia consecutus esset, quanti sua interesse iurauit, rem quoque suam consecutus intelligeretur. Nec separanda est hac parte res ipsa à rei æstimatione. Non enim magis rei suæ æstimationem, quàm rem ipsam consequitur qui vel quadruplum exigit vel iuratam quantitatem, sed pro re ipsa totum quadruplum, aut quantumcūque illud est quod iurauit, Vt mirum non sit si rem perere non possit etiam quam non habeat, cum pro re habeat plus quàm Quanti res est, quod habere non deberet si rem suam aut eius æstimationem haberet. Neque rursus ad rē facit quod simplum ipsum quadruplatur. Nam & in actione furti idem euenit vt simplum vel duplari vel quadruplari oporteat, Nisi quòd non id quod interest sed verum rei precium duplandum vel quadruplandum est. Ne diuersum probantibus faciliè statui quantitas non possit *l. in furti 30. l. inficiando 67. §. infans l. si vendidero 80. §. 1. D. de furti.* Scilicet cum furti agitur ratione dominiij, non solius utilitatis vt distinguit Papinianus *in d. §. 1.* Et tamen nemo dixerit eum qui à fure duplum vel quadruplum consecutus sit, ob id simplum quoque videri consecutum. Alioqui dicendum esset, neque vindicationem neque conditionem rei furtiuæ superfore, cum actiones illæ nihil nisi rei persecutionem contineant, Non sit autem ei permittendum qui iam rem ipsam quoquo modo semel cōsecutus est, vt iterum eam actione vlla persequatur *l. ei qui furti 9. §. 1. D. de furti.* vt ait Pomponius officio iudicis contineri vt non patiatur saluam esse conditionem ei qui rem suam à fure vindicauit. Nempe quia tam vindictio quàm cōdictio furtiuæ, nihil nisi rei ipsius persecutio *§. sic itaque Inst. de action. l. si pro fure 7. §. 1. D. de cōdict. furti.* Atqui certissimum est etiam post rei furtiuæ vindicationem & cōditionem, adhuc tamen saluam furti actionem superesse *l. si pigrore 54. §. cum furti D. de furti.* vbi Caius disertè scribit id ipsum ferè quod Vlpianus *in d. l. si pro fure §. 1.* Cum furti actio ad pœnæ persecutionem pertineat, cōdictio verò & vindictio ad rei recuperationem, Recepta re nihilominus saluam esse furti actionem, Vindicationem verò & conditionem tolli, Et ex diuerso post solutâ pœnam dupli aut quadrupli saluam esse vindicationem & conditionem: Vt intelligamus quod apertius exprimit Vlpianus *in l. qui vas 48. in princ. eod. tit. in actionem pœnalem non venire rem ipsam quæ subrepta est siue manifesti furti, siue nec manifesti agatur.* In quo agnoscimus ingenuè errasse nos aliàs turpiter cum scripsimus *lib. 16. Coniect. cap. 12.* quasi ex prudentum & interpretum omnium cōsensu, In duplo illo vel quadruplo, quod pro furti pœna exigitur, simplum utiq; id est rei furtiuæ æstimatione contineri. Cōtra quàm disertè scriptū sit *in dist. l. qui vas & d. §. cum furti.* Sed nos illud iūm decepit, quod videbamus duplari vel quadruplari simplum, Tanquam si ex eo inferri posset, simplū igitur duplo vel quadruplo inesse, Cum tamen longè aliud sit, ex simpli comparatione iniri rationem dupli aut quadrupli, Aliud verò simplum in duplo vel quadruplo contineri. Non enim idèò minùs totum duplū, aut quadruplum in pœna est quod necessariò tractandum sit de simplo vt dupli vel quadrupli pœna constitutatur, dum ne duplo illi vel quadruplo simplum insit. Idem verò error est, ni fallor, qui Tribonianū nostrum decepit cum de actione Quod metus causa tra-

Et ait in d. §. *quatenus*. Quia enim videbat quadruplari in ea actione quanti res est, ad est, quanti actoris interest, nec posse quadruplū illud constitui nisi ex simpli comparatione. Putavit omnino consequens esse vt simplum quadruplo inesse dicendum sit, ac proinde vt pœna non totius quadrupli sit sed tripli tantum. At longè aliter ac melius idem Tribonianus in *Inst. Tit. De actionibus*, cum de pœnalibus actionibus loquitur quarum alie in duplum, alie in triplum, alie denique in quadruplum nec ultra dantur, ponit actionem Quod metus causa inter eas quæ quadrupli pœnam persequuntur, Non minùs quàm actionem furti manifesti, Nulla alia inter huiusmodi actiones subiuncta differentia, Nisi vna illa quod per actionem furti manifesti omnimodo fur ad quadruplum condemnatur, Etiauis rei ipsam furtiuam aut restituerit, aut aliter ad dominum redire passus sit. In actione verò Quod metus causa non aliter in pœnam quadrupli condemnatur reus, quàm si rem qua de agitur restituere ex arbitrio iudicis noluerit. Nam & arbitrium ipsum iudicis in ea actione absolutionem aliquando inducit, vt scriptum est in §. *aliquando d. l. item si cum*, Quod in actione furti quæ semper stricta, numquam arbitraria est, contingere numquam potest. Quemadmodum igitur in actione furti totum quadruplum in pœna est, nec ei simplum vllum inest, licet non sine simpli comparatione quadruplum illud constitui possit, Ita & in actione quod metus causa dicendum est totum quadruplum in pœna esse nec ei simplum vllomodo inesse, Hac tamen differentia, quæ minùs benè intellecta errori sanè causam præbuit quod non sicuti post solutionem in actione furti pœnam quadrupli, salua manet rei persecutio. Ita & in actione quod metus causa obtinet vt qui quadruplum consecutus est, adhuc rem suam siue in specie siue in æstimatione persequatur. Cuius differentie ratio illa est, quod pœna furti non idèd præstatur quod res furtiua non reddatur, sed quia furtum factum sit. At pœna quadrupli in actione Quod vi metusve causa non propter vim factam aut illatum metum irrogatur, sed ob solam contumaciam secutam in non patendo arbitrio iudicis, & ob non factam rei petite restitutionem, vt diximus. Proinde mirum non est post exactum quadruplū nullam simpli persecutionem superesse, Non quasi simplum in sit quadruplo, vt vulgo creditum est, sed quia quadruplum exactum est pro simpli. Hæc cum ita sint, non possum facere quin cum Labeone contra Iulianum sentiam in questione d. *l. item si cum §. sed & si quis*. Nam cum is qui per vim aliquid stipulatus cum acceptum non faceret in quadruplum condemnatus fuit, nihilomagis ei permitrendum est vt agat ex stipulatione vtiliter & cum effectu, quam per vim fuisse interpositam constet. Cumque nulla ratione fieri queat, vt non possit agenti ei opponi exceptio Quod vi metusve causa, quia verum est adhibitam à stipulatore vim fuisse, Sic neque ratio vlla facere potest vt aduersus eam exceptionem vlla doli replicatione adiuuari debeat stipulator qui tam iusta exceptione repellitur. Illa enim ratio, quam adferebat Iulianus si Triboniano credimus, quod reus in quadruplo etiam simplum sit iam consecutus, præter id quod falsa est cum simplū non contineatur in quadruplo vt ostendimus, nihil aliud euincere posset etiam si vera esset, nisi vt reo qui iam quadrupli pœnam esset consecutus, nulla rei persecutio superesset, At non etiam vt exceptio ei deneganda sit, aut non nisi sub replicatione doli concedenda si postmodum ex stipulatione per vim aut metum interposita conueniatur. Nec enim verendum est ne ita eueniat, vt eiusdem facti duplicem pœnam sentiat, quod certè perini-quum esset. Quod enim quadruplum præstitit, in pœnam fuit non factæ accepti-

lationis,

lationis, quam iussu & arbitrio iudicis facere debuit. Quod autem nunc agens ex stipulatu exceptione summouetur, nec replicatione vlla adiuuatur, idè tantum fit quia per vim stipulatus fuit. Duplex igitur hic factum, duplexque delictum est, cuius proinde duplicem pœnam sentire stipulatorem, nihil absurdi est. Præsertim cum vnâ patiatur agente promissore qui vim passus est, aliâ verò non nisi opposita per eundem promissorem exceptione. Non enim præstatio quadrupli purgat vim quæ in stipulando adhibita proponitur, sed tantum contumaciam quæ in eo quod arbitrio iudicis paritum non est, interuenit. Et verò quemadmodum in toto iure nostro inauditum est, vt aduersus doli exceptionem replicatio doli vnquam detur, quia doli exceptio numquam dari potest ei qui ipse in dolo sit, ita neque fieri posse arbitror, vt contra exceptionem metus aut violentiæ, replicatio doli vllò casu concedenda sit, quandoquidem exceptio metus aut violentiæ doli quoque exceptionem implicitam habet, eum dolo carere non possit quisquis vim aut metum infert. Sicut & quodcunque vi atrocè sit id etiam metu fieri existimatur *l. l. eod. tit. Quod met. caus.* Nisi quòd exceptio metus vel violentiæ cum in rem concepta sit non in personam, in quo differt ab exceptione doli, *l. metum 9. §. vlt. eod. l. 4. §. penult. D. de doli mal. & met. except.* non semper dolum arguit eius cui obiiicitur, sed eo tantum casu quo illi ipsi obiiicitur qui vim fecit aut metum intulit. Hic porrò casus est quem nos tractamus, De illo scilicet stipulatore qui ipse vim adhibuit, & qui ex ea stipulatione per vim aut metum interposita, idè putat sibi agere permittendum quod in pœnam suæ contumaciæ & ob non factam acceptilationem quadruplum præstiterit.

ERROR DECIMVS.

Ad l. metum 9. §. licet eod. tit. & ad l. si pignore 22. §. idem Papinianus D. de pignor. act. Et ad d. §. sed & si quis l. 14. D. quod met. caus.

NEC est cōtrarium quod Vlpianus scribit in *d. l. metum §. licet tamē*, Licet in rem actio danda sit ei qui vim passus est, quia post rescriptam ex prætoris edicto alienationē quæ per vim aut metum extorta fuerat, res in bonis eius esse incipit qui vim passus fuit. Attamen non sine ratione dici posse, Si in quadruplum quis egerit finiri in rem actionem, vel contrà, Si rem recuperauerit, actionem in quadruplum nullam superesse. Etenim multò facilius est, vt quadrupli exactione finiatur in rem actio, quæ alioqui competeret, quàm vt finiatur exceptio quæ non potest non esse perpetua quandiu durat actio cui exceptio obiiicienda est. Id enim est quod dici solet, Ea quæ temporalia sunt ad agendum perpetua esse ad excipiendum *l. purè 5. §. vltim. D. de doli mal. except.* Nec tam difficile aut durum est dare promissori exceptionem metus aut violentiæ nulla replicatione elidendam, cum ex stipulatione per vim interposita conuenitur, quàm ei accommodare actionem in rem ad eam ipsam rem persequendam, pro qua iam quadruplum sit consecutus: quia longè difficilius est vt detur actio ei cui iam ad eò plenè satisfactum sit, & cuius nihil amplius interesse videatur, quàm vt detur exceptio ei qui conuenitur ex ea ipsa stipulatione in qua vim passus fuit. Atque hanc tandem Labeonis sententiam,

quam nos probamus, etiam Papinianus noster probasse videtur, quē Vlpianus refert in *l. si pignore* 22. §. *idem Papinianus De pign. act.* existimasse, Si metus causa creditor tradiderit debitori servum pignoraturn, quem bona fide pignori acceperat, & agendo Quod metus causa quadruplum consecutus sit, nihil tamē neque restituere ex eo quod consecutus est, neque debito imputare eum oportere. Nam si quadruplo simplum inesset, ut Iulianus vel potius Tribonianus putabat, nec nisi triplū in pœna esset, quidni cogendus esset creditor debito simplum imputare, & tripli pœna contentus esse. Non enim dici posset idē nō cogendum imputare, quod totum quadruplum ab ipso debitore non ab alio percepisset, Quasi absurdum futurum sit si ei reddatur quod ille ipse dederit: Nempe quia non omne quod creditor à debitore exegerit lucro cedere creditoris debet, sed id demum quod pœnæ nomine exactum est, ut Modestinus loquitur in *l. id quod pœna* 74. *D. de solut.* Pœnæ scilicet legalis, ut ita dicam, non conventionalis. Nam in conventionali quæ in vicem eius quod interest promittitur, & præstatur aliud est, semperque eam in sortem imputare creditor cogitur *liquid si ex stipulatu* 42. *D. pro socio.* Non ergo dubitavit Papinianus, quin quadruplum illud quod per actionem Quod metus causa exactum est, totum pœna sit, cum nullam ex eo partem aut debitori restitui aut debito imputari patiarur. Quod si sententiam Iuliani probasset, qui putabat actorem in quadruplo quod consecutus esset, simplum quoque consecutum videri, Vtique consequens esset ut ex eiusdem Iuliani sententia, doli exceptionem accommodaret debitori cōtra creditorem, qui iam quadruplum consecutus per actionem Quod metus causa, nihilominus totum petere debitum perseveraret, & id ageret quantum posset, ut his idem exigeret. Neque tamen potest sibi temperare Tribonianus in *d. §. sed & si quis*, quin se arbitrum interponat, & Labeonis sententiam nimis duram esse adfirmet, quæ post quadrupli quoque perceptionem, saluam adhuc relinquat ei, qui vim passus est, exceptionē. Et idē subiungit de suo subtiliter si Diis placeat, ita esse rem temperandam, ut tam tripli condemnatione stipulator plectatur, quàm acceptilationem omnimodo facere compellatur. Quod temperamentum sanē implicat manifestam illam contradictionem, quam suprà iam observauimus. Nam præter id quod in actione Quod metus causa non tripli pœna est, sed quadrupli, ut docuimus, certum est siue tripli ea sit, siue quadrupli nō alia de causa ipsam irrogari, quàm quod in proposita specie non sit pariter arbitrio iudicis iubentis fieri acceptilationem stipulationis: Cum si acceptilatio facta esset, nullus planē condemnationi pœnali siue tripli, siue quadrupli locus relinqueretur. Quomodo igitur fieri potest ut is qui vim fecit vel metum intulit, cogatur præcisē & omnimodo, ut Tribon. loqui solet, parēre arbitrio & acceptam ferre stipulationem, & præterea tripli condemnationem pari debeat, ob id solam quod non faciat acceptilationem? Nam si acceptum fort satisfacit arbitrio, & idē pœnam euitat, quæ non nisi in odium & contumaciam nolentis satisfacere irrogatur, Si verò perseverat nolle acceptum facere, non est cogendus ut inuitus acceptum ferat, quod nec fieri posset citra nimiam vim & impressionem, sed quia non paret arbitrio iudicis dignus omnino est cuius contumacia quadrupli condemnatione mulctetur. Neque sanē aut Vlpianum, aut alium vllum ex antiquis prudentibus aliter responsurum fuisse credendum est. Sed totum hoc sumpsit Tribonian. ex noua sua Iurisprudencia quæ contra totius iuris veteris rationem induxit primū, ut in omnibus arbitrariis actionibus cogendus sit reus parēre arbitrio iudicis, adeoque si opus sit, manu militari, Ut

constat

constat ex iis quæ nos latius scripsimus in Coniecturis *ad l. qui restituere* 68. D. *de rei vindic.* Quo factò consequens sanè est vt nulla condemnatio sequi possit, quæ non nisi in pœnam cõtumaciæ sequi deberet. Quod nec Tribonianus negare potest aut dissimulare in *d. l. qui restituere*, vbi posteaquàm dixit sub Vlpiani nomine, Eum qui rem restituere iussus iudici non paret, contendens non posse restituere siquidem habeat rem cogendum esse manu militari officio iudicis, vt ab eo possessio transferatur, subiicit fructuum duntaxat omnisque causæ nomine condemnationem fieri. Ita fit vt nullam contumaciæ suæ pœnam patiatur, Pœna enim si qua esset illa esse deberet, vt quantum aduersarius in litem sine vlla taxatione & in infinitum iurasset, tantum reus dampnaretur, sicut euenit etiam hodie quoties dolo malo possessoris factum est ne possit restituere *d. l. qui restituere §. si verò non potest.* Eodem igitur modo in actione Quod metus causa & in specie *d. §. sed v' si quis*, debuerat Tribonianus dicere si iurisprudentiæ suæ memor fuisset, cogendum quidem omnimodo stipulatorem qui promissionem à reo per vim extorsisset, vt stipulationem acceptam ferret, Sed eo factò nullam irrogari aliam condemnationem oportere, quia nec de fructibus aut alia causa tractari hic quicquam potest, cuius nomine sequi possit aut debeat condemnatio? Cùm tamen in contrarium scribat & cogendum stipulatorem acceptò ferre, & præterea tripli condemnationem plectendum. Sed & illud observare Tribonianus debuit longè dissimilem esse actionem, Quod metus causa in specie *d. §. sed v' si quis*, & rei vindicationem de qua in *d. l. qui restituere*. Nam cùm is qui rem petitam arbitrio iudicis restituere iussus est, patere non vult, facile potest remedium illud adferri; vt officio iudicis & manu militari possessio ab eo transferatur, quoniam in eo nihil per vim facere possessor cogitur, sed tantum pati. In quo minùs vtique absurditatis & violentiæ est, Impossibilitatis verò prorsus nihil. At cùm stipulatio per vim aut metum interposita acceptò ferenda est, nec tamen stipulator acceptum facere vult, non potest iudex quantumcùmque adhibeat manum militarem cogere stipulatorem vt pareat arbitrio, Quia in eam rē non tantum patientia opus est, sed etiam factò & verbis stipulatoris, cùm acceptilatio vt & alius contractus quilibet facti sit, nec nisi per stipulationem fieri possit. Cogendus igitur esset stipulator etiam inuitus non modò contrahere, quod aliquando fit saltem taciè per taciturnitatem, verùm etiam loqui, adeoque quod magis est sollemnia acceptilationis verba proferte *l. l. pluribus 6. & seq. l. & vno 18. §. 1. & pass. D. de acceptulat.* Atqui vt inuitus quis hæc faciat non magis manu militari cogi quis potest, quàm nudo iudicis præcepto. Nam nec seruus nisi vi verberum & tormentorum adigi ad id posset. Quo etiam casu si quid fallens pronunciaret, nihil ageret *l. qui in aliena 6. §. vlt. alias l. eum qui D. de acquir. hered.* Quid ergò faciat iudex, si etiam manu militari adhibita non possit extorquere à stipulatore nostro acceptilationem quam Tribonianus omnimodo faciendam esse ait? Hic sanè nihil facere iudex nec Tribonianus ipse posset; nisi vt ad ius vetus rediret, huiusque stipulatoris contumaciam irrogata quadrupli pœna coerceret. Concludamus ergo temperamentum illud Tribonianum non modò à ratione iuris illius quod Vlpiani temporibus obtinuit prorsus alienum esse, sed etiam absurdum, & tale quod propter eam quam implicat contradictionem effectum, & exitum habere nunquam potest. Et stipulatorem de quo agimùs si non pareat arbitrio ante sententiam, nec acceptum ferat, omnimodo condemnandum esse non vt acceptum ferat & hoc amplius tripli pœnam præstet, sed ad pœnam quadrupli ob-

non factam acceptilationem, Aded vt nec ei permittendum sit acceptum face-
re si velit ad euitandam pœnam post sententiam, Quia non habet reus licen-
tiam satisfaciendi arbitrio & purgandi contumaciam, nisi vsque ad sententiam.
Post sententiam verò sera est oblatio, nec vlla morz purgatio admitti exinde
potest *d. litem si cum g. hac autem alio d. quod. mes. caus.*



ANTONII FABRI

I. C. SEBVSIANI IN SVPREMO

SABAVDIÆ SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DECAS. LXXXIIE.

ERROR. I.

*De conditione triticaria, Et De certi conditione generali cur sit
utraque dicta.*



CAD non potest quanta sit vis in proprietate verbo-
rum iuris, ad ipsarum rerum quæ verbis significatur na-
turam, substantiamque exprimendam. Attuli ego ante
hac exempla huius rei non pauca, qui sicut omnia ex iu-
ris ratione quantum per ingenij mei tenuitatem facere
possum, æstimare soleo, ita & iuris ratione potissimum
ex vi, & proprietate verborum inuestigare. Aded fuit fa-
miliare & perpetuum antiquis prudentibus nostris stu-
dium illud vt res singulas tam propriis & accommoda-
tis verbis significarent, vt quisquis benè paritèque loquendi peritiam profes-
sus vim & proprietatem verborum intelligeret, rē ipsam ignorare vix vnquam
posset. Nullum tamen luculentius exemplum adferre possum, quàm quod nunc
proferā in tractatu quem adgredior De conditione triticaria, De qua et si iam
alibi scripsimus, præsertim cum de rei debitz æstimatione ineunda tractauimus.
lib. 16. Coniect. & in prima huius nostræ Chiliadis parte, Fatemur tamē & agno-
scimus ingenuè minis feliciter nos in eo tractatu versatos esse, quod eo tēpore.
quid conditio triticaria, & cur sic dicta esset, ignoraremus. Contenti ea crede-
re, quæ ab interpretibus & recentioribus vno serè consensu
tradita videbamus. Cōditionem triticariam à tritico dictam esse nemo nescit.
Sed cur à tritico potius quàm ab aliis rebus nomen acceperit cum per eam res
omnes petantur etiam immobiles, omnes denique præter pecuniam numera-
tam, vt scriptum est in *l. 1. D. de condit. tritic.* nemo aperit. Tritici enim appella-
tionem fortasse possit quis dicere generalem esse, vt cæteras merces omnes
compre-

Comprehendat, quodd omnium mercium præcipua illa sit, & ad vsum vitæ magis necessaria, Vt solent pleraque ex iis quæ pluribus speciebus ex æquo conveniunt, ab ea denominationem sumere quæ nobilior existimetur. Sed cum per hanc conditionem etiam fundus petatur, adeoque vusufructus & cæteræ res incorporales quæ quodd in iure consistant, hoc ipso digniores & nobiliores videri debeant, difficile est dicere cur à tritico dicta sit triticaria, potius quàm à fundo fundiaria, vel ab usufructu, usufructuaria. Erat enim multò aprius & convenientius, vt fundi vel usufructus appellatione triticum quod in fundi fructu est, quàm vt appellatione tritici fundus ipse vel usufructus significaretur. Rideo cum apud virum doctissimum Iacobum Cuiacium lego ex Stephano Græco interprete, sic dictam conditionem triticariam, quodd qui primus eam actionem dari sibi postulavit, fortè, inquit, ei res erat de æstimando tritico. Quasi verò casu potius quàm ratione aliqua Iureconsulti nomen hoc aut induxerint aut admiserint. Aut quasi in conditione triticaria tractetur de rei petitz æstimatione in condemnationem deducenda, quod noa infra refellemus. Sed rideo magis cum video Bartolum sive seriò ista tractantem, sive in re tam seria & obscura iocantem ludentemque scribere ad *dict. l. 1. De condit. triticar.* Posse fortassis dici quodd ille qui induxit hanc conditionem fuit frater minor & Franciscanus qui omnes alias res accipiebat, præter pecuniam numeratam: Ac quia videt pro ea scilicet, qua excelluit Romanæ & ecclesiasticæ historiz peritiz, conditionem triticariam multò antiquiorem esse ordine Franciscanorum, hoc ille sibi obiicit vt agnoscas non iocari eum, sed loqui seriò, At habet statim quodd respondeat, Si non fuit ille frater minor, qui triticariam induxit, fuisse saltem philosophum cuius condicio, & professio illa erat, vt pecuniam respueret. Quid verò dici obsecro potuit, vel stultius si iocari Bartolus voluit, vel ineptius si seriò agere? Quare nec ipse in hac sententia conquiescit, Sed addit putare seuerius, Conditionem triticariam fuisse introductam pro iis rebus quarum præcia pro temporum & locorum diuersitate valrianatur, In quarum rerum numero pecunia non est cuius vna eademque certa & perpetua æstimatio est *l. 3. D. de in lit. iur.* Quæ ratio bona quidem est si hoc tantum queratur, Cur conditio triticaria non detur ad pecuniam numeratam, vt ad res cæteras, Sed tamen non satisfacit propositæ nobis dubitationi, Cur à tritico dicta sit triticaria potius quàm ab aliis rebus quarum non minùs quàm tritici incerta est, & variabilis æstimatio. Augetur verò maxime dubitatio si addas quodd nos probabimus in sequentibus, In conditione triticaria numquam peti æstimationem, sed semper & præcisè rem ipsam quæ debetur. Hoc enim si ita est, quid attinebat conditioni nomen quærare ex iis rebus quarum incertus esset valor? Mihi tota res hæc paulò altius repetenda videtur, & quodd aiunt à capite, vt faciliior & apertior fiat. Actiones omnes sicut hominum gratia comparatz sunt, ita & ad cuiuscumque generis res petendas, quibus hominum vita, societas & commercium cõtinetur. Ex res duplicis sunt generis, aliz certæ, aliz incertæ, sed duplici quoque sensu. Aliquando enim & vulgò certas res illas dicimus, quarum species aut nomine suo, aut ea demonstratione quæ nominis vice fungatur, qualis & quanta sit, ostèditur, vt cum dicimus fundum Cornelianum aut quidd aliud ex corporib. vel mobiliib. vel immobiliib. *l. certum 6. D. de reb. cred. l. stipulationum 74. §. 1. iunct. l. seq. §. vl. D. de verb. obl.* Incertas verò eas tantum ex quarum denominatione certò sciri & intelligi nõ potest,

quid quale quantumque sit id de quo agitur, Puta si quis dicat triticum nec addat Africum aut quid aliud simile, & optimum. Qui enim triticum simpliciter dicit, aut Triticum Africum bonum, rem dicit non modò incertæ æstimationis, sed etiam quæ ipsa sit incerta ut ratio cinatur Vlp. in d. l. ubi autem 75. in princip. & §. 1. eod. Alias certum dicitur, quod vndeque, & omni ex parte certum est, id est non tantum quod ad ipsius designationem & demonstrationem attinet, sed etiam quantum ad æstimationem, Contrà verò incertum id omne quod licet speciem certam habeat, æstimationem tamen incertam habet, ac pro temporum & locorum varietate mutabilem. Hoc verò posteriore sensu sola pecunia numerata certa est, Cæteræ res omnes incertæ, quamvis alioqui naturam adeò certam habeant, ut si in stipulationem vel alium contractum deductæ sint, stipulationem certam faciant, certumque contractum dist. l. stipulationum 74. & seq. D. de verb. oblig. Hinc nimirum certi appellatio, tam strictè sumpta tamque propriè in illa edicti perpetui parte qua Prætor conditionem certi generalem proposuit iis verbis si certum petetur de qua in tit. D. de reb. credit. si cert. pet. Cuius tituli duæ proculdubio sunt partes, Prior generalis De rebus creditis, quæ causas illas & conditiones omnes de quibus agitur toto libr. 12. Pandectarum sub se complectitur, Non quasi aliqua sit generalis actio De rebus creditis [nec enim nomen illud est actionis vilius siue generalis siue specialis] sed quia & actio si certum petetur, & aliæ conditiones omnes de quibus tractant sequentes tituli ad res creditas pertinent : Quemadmodum tit. de recept. Qui arbit. recep. non de aliqua generali actione intelligi debet quæ dicatur, De receptis, sed continet tantum quid generale De receptis, ad quod duæ illæ speciales actiones referuntur, quarum una tractatur in eo ipso tit. De arbitris receptis, Altera in tit. seq. De eo quod nautæ caupones, stabularij ceperunt, ut recepta restituant, ut docui in Rationalibus ad tit. illum De receptis, contra eos qui scripserunt, Nullos esse in Pandectis titulos generales. Atque in hoc erravit Bartolus, qui tradidit verbis illis si certum petetur nullam actionem certam significari, nec esse proprium nomen actionis, Cùm è contrario apertè scribat Vlpian. in dist. l. 1. de cond. l. triticar. Eum qui certam pecuniam numeratam petit illa actione uti si certum petetur quæ non alia planè quàm certi conditio generalis est quæ ex omni causa competit & ex omni contractu siue certo, siue incerto, ut idem Vlpianus tractat in l. certi conditio 9. D. de reb. cred. Illud verò observandum est, Ut actioni Si certum petetur, id est conditioni certi locus sit, non sufficere ut quis pecuniam numeratam petat, sed illud præterea requiri ut certam pecuniam numeratam petat, quomodo loquitur Vlpian. in dist. l. 1. Non enim quantitas omnis certa est, sed ea tantum quæ certo numero concluditur, aut per relationem ad certum numerum demonstratur. Vnde est quod Paulus in d. l. certum 6. de reb. credit. certum definit non id solum cuius species, sed etiam cuius quantitas quæ in obligatione versatur aut nomine suo aut demonstratione quæ nominis vice fungitur, qualis quantitas sit ostenditur. Quantitatis enim certæ non aliud nomen est, aut alia demonstratio quàm nomen numeri, quo quantitas hæc potius quàm illa constituitur. Porro nihil interest an dicamus certam pecuniam numeratam, an verò certam quantitatem, quoniā pecunia numerata semper quantitatem significat, & in quantitate consistit. Alioqui pecuniæ appellatio generalior ambigua esset, nec minùs cæteras res omnes præter pecuniam numeratam, quàm pecuniam ipsam numeratam comprehenderet l. pecunia 178. De verb. sign. Proinde nō potuerūt siue prudentes nostri

noſtri ſive Prætores ex confilio prudentum elegantius aut certius aliud nomen dare conditioni certi, quàm vt certi conditionem vocarent iis edicti verbis propoſitam ſi *certum petatur*, vt hoc ipſum ſignificarent, ſolam pecuniam numeratam eandemque certam eiufmodi actione peti poſſit: cum præter certam pecuniam numeratam nihil omnino in rerum natura ſit quod abſolutè certum dici queat, id eſt quod omni ex parte tam certum ſit, vt nihil omnino incerti admixtum habeat. E contrario autem cum cæteræ res omnes alio actionis genere petendæ eſſent, tamquam incertæ, conueniens æquè fuit vt actionis nomen ſumeretur ex aliqua earum rerum quæ eſſent omnium incertiſſimæ, id eſt non tantum quod ad ſuam intrinſecam æſtimationem, ſed etiam quod ad propriam ſuam naturam & ſubſtantiam. Idcò nimirum dici non debuit *condictio fundiaria* à fundo, licèt fundus quoque per eam peti poſſit, quia fundus cum ſit ex earum rerum numero quæ in ſpecie non in genere conſiſtunt, ſicuti peti nunquam poteſt quin petatur in ſpecie, id eſt fundus Cornelianus aut Tuſculanus, aut Libonianus, non eſt quid omni ex parte incertum cum certam habeat naturam & demonſtrationem, ſed eo tantum reſpectu quod incertæ ſit æſtimationis. Fuit ergo conuenientius vt actioni nomē daret aliquid ex iis quæ in genere conſiſtunt non in ſpecie. Sunt enim iſta ſemper incerta nec nimirum quod ad propriam ſuam naturam & ſubſtantiam, quàm quod ad æſtimationem, Ex quo ſit vt nec perire poſſint, nec fieri deteriora quandiu in generis nomine & natura manent, nec tranſeunt in ſpeciem. Eiufmodi ſunt Triticum, vinum, oleum, hordeum, & aliæ ſimiles res omnes quæ mercis appellatione continentur: Benè igitur dicta eſt condictio triticaria à tritico, quia licèt per eam aliæ res omnes præter certam pecuniam numeratam petantur, non minus quàm triticum, poterunt tamen et res omnes tanquam incertæ ſignificari per triticum, cuius appellatione res omnino incerta ſignificatur, Tum quoque cum de tritico Africo actum eſt additumque *bono niſi dictum ſit optimo, d. l. ubi autem 75. §. 1. D. de verb. oblig.* Quidd ſi curioſius pergas quaerere, Cur non ergo dicta ſit condictio vinaria, vel olearia, cum & vinum, & oleum non minus quàm triticum in genere conſiſtant, incertamque habeant non modò æſtimationem ſed etiam naturam, Poſſem equidem, vt me expedirem, vno verbo reſpondere. Quia ſi condictio vinaria vel olearia dicta eſſet, æquè interrogares. Cur ita, potiùs quàm condictio triticaria, & ita ſatiſſeri tibi nunquam poſſet, Verum plucet curioſa interrogatio, vt curioſam nec inutilem tamen à me extorqueat reſponſionem. Dico Triticariam appellatam fuiſſe, & appellari debuiſſe, Nomine omnium conuenientiſſimo quod ex mercibus omnibus etiam quæ cum tritico ſimillimam naturam habent, nulla ſit ad hominis vitam & exhibitionem adeò neceſſaria, atque triticum eſt, ex quo nimirum panis ſit, ſine quo viuere nemo poſſet. Vinum namque, oleum, & alia huiufmodi, ſunt quidem talia ſine quibus humana vita æquè comòdè tranſigi non poſſit, ſed tamen non adeò ſunt abſolutè neceſſaria, vt non facilè iis abſtinere queat, quiſquis velit contentus eſſe neceſſariis. Non enim ſine vino, ſed ſine aqua homines ſiti necarentur, inquit Venuſleius in l. vlt. D. de iuriu. Quamquam non facilè hoc admitterent, quibus vinum ſine aqua bibere, ſollenne eſt. Itaque cum actiones omnes & hominum gratia & ex neceſſitate comparatæ ſint vt initio præfati ſumus, Quicquid autè petimus nobis dari, certum id eſſe vel non eſſe neceſſe ſit, aptiſſimè duobus hiſ actionum generibus data ſunt nomina ex iis rebus quæ omnium maximè ad humanæ vitæ uſum neceſſariæ ſunt, Pecunia ſcilicet ac tritico. Quis enim ſine pecunia &

pane possit vivere? Aut quis non cum pane, & pecunia? Nec mirum videri debet panis necessitatem hoc modo significatam fuisse appellatione tritici ex quo fit panis omnium exquisitissimus. Sicut & apud Hebræos panis nomine, ut audio, cæteræ res omnes significantur quæ in cibum cadunt, quodd ciborum omnium præcipuus magisque necessarius sit panis: quamvis rariores sint, nec nisi ditiores qui pane triticario utuntur. Hinc igitur nomina actionis si certum petetur, id est conditionis certi & conditionis triticariæ. Sed nondum plenè explicata est vis & potestas huius etymologiæ, ut quæ triticariæ conditionis natura sit, & in quo maxime à certi conditione differat benè intelligatur. Et si namque diximus certi conditione nihil peti nisi pecuniam numeratam, eamque certam, Per conditionem verò res omnes cæteras, Hoc ipsum tamen explicatu difficile videtur, cum dubitari meo iudicio non possit, nemo certè hucusque dubitavit, quin & triticum & vinum & oleum, aliæque huiusmodi quæ vel pondere, vel numero, vel mensura constant, & in quibus mutuum consistere dicitur, adeoque fundus homo & aliæ species per certi conditionem peti possint. Sic enim accipio quod scriptum est in *l. 2. §. mutui datio l. 3. l. vinum 22. l. si quis certum 24. l. cum fundus 31. §. pass. D. de reb. credit. ut scilicet non de triticaria sed de certi conditione loquantur. Alioqui non essent accommodatæ ad titulum sub quo collocatæ sunt, in quo certum est agi tantum de conditione certi, nusquam verò de triticaria.*

ERROR SECVNDVS.

Quomodo petatur triticum per conditionem certi, & cur non etiam pecunia numerata per triticariam.



HOC autem admissio duplex emergit difficultas, Prima illa, Quomodo igitur verum esse possit quod suprà diximus, Per conditionem certi nihil peti nisi pecuniam certam numeratam. Altera, In quo differat conditio certi à conditione triticaria, si per conditionem certi etiam triticum, & alia res quælibet peti potest, quæ posset per triticariam. Puto ego illud vnum posse ad utramque dubitationem responderi quod iam attigi in præcedentibus Decadibus cum de certi conditione generali aliquid cœpi dicere, Per certi conditionem posse quidem peti res quælibet, etiam quæ per triticariam, sed æstimandas tamen certo precio, ac proinde certa pecunia numerata, & quidem inspecto eo tempore quo petita res est apud Prætorem per litis contestationem, & quo iudicium acceptum fuit, quod numquam accipitur nisi lite demum contestata *dist. l. vinum l. ultim. D. de condit. triticar.* Ut proinde frustra interpretes possint Accursium & Bartolum se torqueant in inuestigando, Qua ratione fieri possit ut æstimatio petatur ex contractu, ex quo non æstimatio, sed res ipsa debeatur, cum nec aliud in petitione esse possit, quàm quod est in obligatione *l. si ferum 91. §. ultim. De verbor. obligat.* nec aliud in condemnationem referri debeat quàm quod fuit in petitione *l. ultim. Cod. de fideicom. libert.* Nam cum petitio illa demum sit quæ fit apud Prætorem per contestationem *l. amplius non petis. D. ut rem haber.* contestatio autem fiat priusquàm dicatur formula actionis & iudicii, consequens est ut qui per conditionem certi petere

petere vult triticum, quod mutuum dedit, non æstimationem tritici petat apud Prætorē, sed triticum ipsum quod in obligatione est: Ideoq; nec dubitandum est, quin liberetur debitor si eo tempore quo litis contestatio fit, triticum præstet dummodò æquè bonum, deniq; quale quantumque est illud quod debet. *l. cum quid 3. D. de reb. credit.* At quia quale quid est cum petitur tale dari debet. *l. 2. D. de vsur.* quandoquidem nouissimum illud instans est, quo satisfacere obligationi is qui conuenitur potest. *l. si Calendis 11. D. de re iudic.* tritici autem vt & cæterarū mercium æstimatione non in singulos tantū annos vt cæteræ res solent, sed in singulos dies, adeoq; in singula penè momenta variatur, Ea res facit vt cum triticū sit ex numero earū rerum, quæ recipiunt functionem in suo genere, triticū quod alterius precij est iam aliud factum esse videatur, Inde fit, vt qui triticū petit apud Prætorē vt impetret formulam conditionis certi si non eo ipso tēpore triticum quale quantumq; debetur, consequatur, exinde nō triticū simpliciter petiisse videatur, sed triticum æstimandum eo precio quod fuit accepti iudicii tempore. Siquidem nec liberaretur debitor si triticum vilioris precij factum quamuis eiusdē bonitatis & qualitatis vellet postea reddere. Atqui æstimatio certa fieri nō potest quin cōsistat in certa pecunia numerata, Pecunia. n. numerata illa est quæ res cæteras omnes æstimat, nec per eas æstimari potest. *l. si ita fideiussores 42. D. de fideiuss.* Ergo qui petit triticum ea mente vt tritici æstimationem obtineat, quæ fuerit tempore litis contestatæ, quod utique facere pro suo iure potest, si fortè vereatur ne postea decrescat tritici æstimationis, is proculdubio effectu ipso petit certā pecuniā numeratam quia licet ante factam æstimationem ignoretur quantitas & numerus pecuniæ ex ea causa debita, Ea tamen per rerum naturam certa est, cum præcisè ad præteritum idēque certum tempus referatur. Nam & certum illud est, quod per demonstrationem & relationem aliquam tale est. *d. l. certum.* In eamque rem accommodatur ei conditio certi, quam Prætor sicuti non dicit nisi petenti, nec nisi post litem contestatam, ita nec alij quàm ei cui iam quæ situm sit ius petendi precij in pecunia numerata, & qui voluntatem suam eam esse declarauerit, vt non triticum ipsum sed tritici æstimationem quæ accepti iudicii tempore fuisset, maior, consequi vellet. Secundum quod formulam actionis à Prætorē sic concipi oportet, vt debitor non ad præstandum triticum sed ad eam præcisè æstimationem quæ litis contestatæ tempore fuerit, condemnatur. In quo verendum non est ne stultus videatur iudex si pro tritico petito condemnet debitorem ad precium, cum obsequatur formulæ à qua nec volens recedere potest, Aut stultus Prætor, qui lite de tritico apud se contestata dederit actionem ad precium, cum ipse quoque in eo secutus sit iustam & rationi consentaneam creditoris voluntatem, quem non potuisset sine manifesta iniuria cogere, vt tritico cuius æstimatio post cōtestationē decreuisset, cōtētus esset. Tātūq; abest vt hoc casu debitor ad aliud pro alio præstandū cōdemnetur, vt è contrario fatēdū sit, fore vt creditor aliud pro alio inuitus accipere cogeretur, si audiendus esset debitor offerēs triticū vilioris precij pro tritico quod tēpore litis cōtestatæ pluris fuisset. Atq; ita creditoris fauore ius constitui necesse fuit, ne alioqui debitoris mora & frustratio ipsi debitori prodesset, creditoris verd noceret cui tamen imputari nihil posset. Quid ergo si ex diuerso accadat vt quod debetur triticū petatur per litis cōtestationē eo tēpore quo sit vilissimi precij nec dubitare creditor possit quin futurum sit vt subinde crescat eius æstimatio. An æquè dicemus cogēdū creditore vt ea æstimatione cōtētus sit, quæ fuerit tēpore litis cōtestatæ,

nec audiri debeat si eam ipsam tritici quantitatem quæ debetur habere malitius quam præteriti temporis æstimationem? Ita fortasse videri plerisque possit, vt inter debitorem & creditorem seruetur æqualitas, & ne aliquin obiici possit creditori non esse illum audiendum si id petat cuius contrarium non fuerat in contrarium euentum postulaturus *l. pen. C. de solut. l. si pater puella 12. C. de inoff. testam.* Sed tamen non ita est. Nec enim quæ ratio suadet fauendum esse creditori ne æstimationem tritici quæ decreuerit, pro tritico quod maioris precij fuit accipere cogatur, quoniam alioqui noceret ei mora debitoris, Eadem facere potest vt succurrendum sit debitori, ne pro tritico quod contestationis tempore vilius fuit, compellendus sit triticum soluere quod subinde maioris factum sit æstimationis. Siquidem hoc casu perinde accideret, vt non solum impunita esset mora debitoris, sed etiam nociua creditori, qui tamen in exigenda re sibi debita negligens non fuisset. Ergo vtroque casu eadem ratio facit, vt in creditoris arbitrio esse debeat, an ea æstimatione contentus esse malit, quæ fuit tempore litis contestatæ, an potius triticum petere quod post litem contestatam pluris esse cœperit, Ne in damno moretur, si propter factam à se contestationem prohibeatur petere triticum quod hodie pluris est, Præsertim cum non habeat debitor quod conqueratur si ad præstandum triticum conueniatur, qui etiam hodie triticum debet. Nam cum neque ante litem contestatam, neque ipso litis contestatæ tempore datum sit, saltem hodie dandum est, quod iam olim dari oportuit, vt ratiocinatur Paulus *in l. si sterilis 21. §. cum per venditorem D. de act. empt.* Contrà verò nulla fit iniuria debitori si condemnatur ad præstandum triticum cuius æstimatio à die litis contestatæ creuerit, potius quam ad eam æstimationem quæ contestationis tempore minor fuit, quia licet ex grauiore condemnatione maius damnum sentiat, nullum tamen sentire videtur, quod ex culpa sua sentit, vt habet iuris regula. Et cum vna eademque culpa sit debitoris quod petatum triticum saltem eo tempore quo litis contestatio fiebat non obtulit, quandoquidem illud offerendo liberari potuisset, nec de futuro æstimationis incremento vel decremento curandum quicquam habuisset, Mirum non est vtroque casu pœnam eum culpæ suæ subire siue tritici valor creuerit, siue decreuerit, Data creditori electione vtrum petere malit, an tritici præteritam æstimationem in casu decrementi, an triticum ipsum cuius præsens æstimatio sit maior. Si enim hanc electionem creditori non daremus, eueniret facile vt non minùs debitori mora sua prodesse posset, quam nocere. Sicuti namque noceret imminuta tritici æstimatione si triticum vilius factum offerens non audiretur, Ita prodesset si aucto tritici precio liberaretur eam ipsam æstimationem præstando, quæ iudicij accepti tempore minor fuisset, nec triticum ipsum præstare cogeretur: Aut si vtroque casu ad triticum præstandum condemnandus esset, noceret quidem ei mora sua, aucto post litem contestatam precio, sed eadem prodesset imminuto. Non potuit igitur diuersitas & contrarietas casuum diuersum ius extorquere in ea re quæ ex debitoris culpa omni casu proficisceretur. Porro cum id accidit vt creditori cui triticum debetur, præuidens fore vt tritici valor augeatur, mauult triticum ipsum petere, quàm tritici æstimationem quæ fuit tempore litis contestatæ, quia non pecuniam petit, nec quid certum, sed rem omnino incertam siue quodd in genere consistat non in specie, siue quodd incertam habeat æstimationem, non potest utique petere per conditionem certi, sed petere debet per triticariam, Quam idèd sic dictam putamus, Non tam quodd per eam triticum petatur

petatur[quod etiam per conditionem certi, ut diximus, peti potest, suo tamen eoque certo precio æstimandum]quàm quia triticum ipsum, id est non etiam præteritum aut præsens, aut futurum tritici precium persequatur. Triticum, inquam, nullo certo precio æstimandum, sed in suo genere, & in ea qua convenit bonitate & qualitate præstandum: Nisi quòd pecuniam in condemnationem deduci necesse est, ut iudicati executio fieri aliqua possit. Vnde illud etiam fit ut in conditione triticaria sit res æstimanda inspecto tempore condemnationis l.3. *D. de condict. tritic.* ut in sequentibus tractabitur. Ex quo apparet quod superiore capite præfati sumus, quàm appositè & accommodatè incita sint nomina huiusmodi actionum, Conditionis certi, & Conditionis triticariæ, ad ipsarum actionum diversitatem substantiámque demonstrandam. Hinc namque pendent cætera quæ circa utriusque tractatum postea dicturi sumus.

ERROR TERTIVS.

De certi conditione specialis ex mutuo.

IN uniuerso tractatu De conditione certi præcipua quæstio est inter iuris nostri interpretes præsertim veteres Italos & Ultramontanos magnis contentionibus agitata, Vtrum certi conditio vna sit an plures, & an generalis aliqua quæ plures sub se species contineat, an verò species vna actionis sub qua non nisi individua plura contineantur. Itali defendunt vnã esse generalem, sed plures speciales, inter quas primam ac potissimam nominant conditionem certi ex mutuo. Nostri verò Ultramontani magis probant ut nulla sit certi conditio specialis, ne quidem ex mutuo, Sed sit illud potius exemplum generalis conditionis certi quæ locum habeat, siue ex mutuo, siue ex qua alia causa certum debeatur. Bartolus suorum, ut solet, sententiam secutus, non solum certi conditiones speciales plures agnoscit, sed etiam negat certi conditionem generalem vllam esse quæ possit competere, nisi cum specialis aliqua competit, puta ex mutuo aut ex stipulatu. Vnde cogitur fateri nullo penitus casu necessariam esse certi conditionem generalem, cum possit specialis in suo qualibet casu sufficere. Mihi, qui si cum Bartolo conserar, sum Ultramontanus, longè probabilior Ultramontanorum traditio hac parte semper visa est. Nec meliore alia ratione, quàm quæ ex supradicta Bartoli confessione elicitur. Quis enim possit credere introductam à prudentibus certi conditionem ut competeret ex omni causa, ex qualibet obligatione, & ex omni contractu siue certo, siue incerto, quomodo loquitur Vlpianus in *l. certi conditio 9. in princip. D. de reb. cred.* si eiusmodi actionis inducendæ nulla erat necessitas? Sæpius namque monuimus, quod verissimum est, nullas nisi ex necessitate inductas fuisse à prudentibus actiones, quas sanè frustra comparari & multiplicari non modò inutile, sed etiam perniciosum reipublicæ fuisset, Nisi si quando fortè contingat ut vna actio sit plenior altera ut in *l. qui seruum 34. De obligat. & actiõn.* quod planè hîc non euenit cum conditio hæc certi generalis vel latente ipso Bartolo semper & omni casu stricta sit, idcoque minùs plenas habens præstationes; numquam certè pleniores. Manca potius in eo fuit Iurisprudencia, quod non tot actionum species adinuenire potuit, quot necessariæ fuissent, ne qua deesse

videri posset, quòd longè plura sint negotia quàm vocabula, Propter quam causam generales & subsidiarias Præscriptis verbis & in factum actiones induci necesse fuit, quæ deficientium vicem supplerent, vt scriptum est in l. 1. 2. 3. & 4. *D. de præscr. verb.* Quod si verum est ex Philosophorum scholis, Non esse multiplicanda entia, sine necessitate, Multò veriùs dicere possumus, Multiplicandas non esse actiones si nulla necessitas urgeat, Illa verò multiplicatio ineptissima omnium esset per quam generalis actio aliqua induceretur ad hoc tantum vt cum alia speciali concurreret. Quid enim speciali addere generalis potest? An non verò quæ specialia sunt magis afficere solent, quàm quæ generalia? Aut igitur nullam certi conditionem generalem esse fatendum est, si vnaquæque species in quam certi conditio cadere possit habet suam specialem, Aut specialem certi conditionem nullam esse si vna est generalis quæ speciebus omnibus sufficere, & accommodari possit. Error omnium istorum ille est, quod putant conditionem illam, quam nos certi generalem vocamus tantum esse, quæ generaliter quoque exerceri & in iudicium deduci possit, & quæ vt Bartolus loquitur, hoc habeat medium concludendi diuersum à conditionibus specialibus, quod qui agit generali conditione certi, intendit idè tantum sibi dari oportere, quòd certum debeat, Qui verò speciali puta ex mutuo vel ex stipulatu idè tantum quod res petita mutuo data sit vel per stipulationem promissa. Hoc verò non ita est. Nulla enim actio esse potest quantumlibet generalis & edicto Prætoris generaliter proposita, quam non sit necesse cum exercetur, sicut aduersus personam aliquam, aut rem certam dirigi, Ita & ad specialem aliquam causam restringi, vt ex ipso actionis nomine possit apparere quam causam habeat, & quam rationem. Cuius rei exemplum euidentissimum est in ea certi conditione generali de qua nunc tractamus. Nam qui si ageret vt tantummodò diceret se certum condicere, quomodo certi conditionem generalem proponi debere vult Bartolus, non idè exprimeret qua de causa ageret, nec proinde posset reus scire, an contendere deberet, an cedere et quod vnum maximè prætori propositum est, qui ob eam rem prima edicti perpetui parte edendæ actionis qua quisque volet experiri necessitatem acturo imposuit l. 1. *D. de edend.* Cum enim certi conditionem dicimus, actionis tantum materiam significamus, id est rem quæ petitur, certam esse, sed non formam neque causam, nisi addamus, Certum nos petere quod nobis debetur ex mutuo, vel ex stipulatione, vel ex lege Aquilia, vel ex furtiuo aut qua alia causa. Illud igitur omnimodo addendum est vt actio ritè rectèque instituta videatur. Alioqui non posset ex eiusmodi actione sequi vlla condemnatio, Cum nemo sit ob id solum condemnandus quod ab eo certum petatur, sed ob id tantum quòd certum ipse debeat. Fieri autem non possit vt debeat, quin debiti causam specialem aliquam interuenire necesse sit, Adeò vt nec sufficeret promissam esse rem per stipulationem, si nulla promittendi causa præcessisset proponeretur, quia tunc licet actio ex stipulatione summo iure competeret, elideretur tamen per doli mali exceptionem l. 2. §. circa *D. de doli mal. except.* l. cum enim 7. *D. de nouat.* Causa itaq; illa exprimenda est, aut omnis actio deneganda actori, qui actionis quam sibi dari postulat causam nullam exprimere aut possit, aut velit. Et verò cum solenne olim esset vt actiones non darentur à Prætore nisi post litem contestatam, Quæro à Bartolo an putet fieri potuisse litem contestationem apud Prætorem per solam certi petitionem nulla causa expressa ex qua debitum diceretur certum illud, quod petebatur? Nemo planè iudicio meo negare possit, etiam admissio eo

quod

quod nō puto admitti posse, vt potuerit actor incertum dimittere aduersarium quo tandem speciali actionis genere experturus esset, Numquam tamen passurum fuisse Prætozem vt eadē incertitudo in ipsa quoque litis contestatione duraret, Quandoquidem inde futurum esset, vt neque certam formulam iudici à se dato præscribere potuisset, nec factum ipsum notare de quo ex formula cognoscere iudex debuisset. Quid enim aut quale illud fuisset dicere *si paret Causam Titio centum debere* nulla tamen debiti causa expressa? Vtique iuris fuisset illa quæstio nō facti. Debiti namque nomen ad ius refertur, non ad factū, sicut & nomē obligationis, Nisi cūm de serui debito tractamus, *l. nec seruus 41. D. de pecul.* Sed debiti causa illa est, quæ in factō non in iure consistit, puta si quid deberi idē dicatur, quod vel mutuo datum, vel per stipulationem promissum sit. Atqui non dabantur iudices nisi vt de factō cognoscerent, ac postea de iure non pro arbitrio sed ex formulæ præscripto pronunciarent. Causam ergo debiti apud Prætozem in ipsa litis contestatione exprimi necesse erat, vt posset Prætor ad facti quæstionem accommodare formulam, & iudici præscribere facti quæstionem, de qua cognoscendum haberet, an mutuo data esset pecunia, vel stipulanti promissa, necne. Idque est meo iudicio quod ait Iustinianus *in princ. tit. Quæ. mol. re contr. oblig. ex contractu mutui nasci actionem quæ vocatur condictio*. Non ait nasci ex mutuo condictionem certi generalem, quia generalis non potest nasci ex aliquo contractu speciali, sed generalis dicitur, quia nascitur & competit ex quacunque causa ex qua certum petitur *dist. l. certi*, ac proinde relatione facta generaliter ad omnes causas ex quibus certi condictio specialiter nasci & competere potest. Nec tamen ait Iustinianus ex contractu mutui nasci condictionem certi specialem, sed condictionem, vt intelligamus actionis nomen esse generale, causam verò specialem, quod etiam probari potest *ex l. in duobus 28. §. exceptio D. de iureiur.* Sed & illud obseruari volo quod nemo obseruat, non sic loquit Iustinianum vt dicat ex mutuo nasci condictionem certi, sed condictionem simpliciter, Quia cūm mutuum non tantum consistat in pecunia numerata, sed etiam in cæteris rebus quæ vel pondere vel mensura constant *l. 2. §. mutui. cod. tit.* Consequens est vt non solum certi condictio ex contractu mutui nascatur, sed etiam condictio triticaria si forrè creditor malis, pro tritico, vino, vel oleo quod mutuum dedit, tantundem recipere in suo genere, ac quod sit eiusdem bonitatis & qualitatis quàm in pecunia numerata. Quo casu certi condictio competere nequaquam potest quia neque certa pecunia numerata petitur *d. l. 1. De condict. tritic.* neque aliud quicquam quod per se certū sit, Cūm triticū quod in genere debetur sit sui naturæ incertum nisi ponas actum de tritico Africo & optimo *d. l. ubi autem 75. §. 1. D. de verb. oblig.* Nam & inde fit vt si quis mutuo datū à se triticū stipulatus sit sibi reddi quod cūm euenit vna tantum actio nascitur, eaq; ex stipulatione non ex contractu mutui *d. l. cūm enim 7. D. de nouat.* non possit nasci ex eo contractu certi condictio, quippe quæ non aliter competit ex stipulatione quàm si stipulatio sit certa, vt idē Iustin. scribit initio *Tit. De verb. oblig.* Stipulatio autem certa non est nisi quæ rem certā continet non quæ incertam *l. si quis certum 24. D. de reb. credit. iunct. d. l. stipulationum 74. Et d. l. ubi autem in princ. §. 1.* Ex quo intelligimus quàm parum aptē idē Bart. noster respondeat ad quæstionem quam proponit *in dist. l. certi condictio*. In quo differant Condictio sine causa, Condictio triticaria, & condictio certi, sūm omnes sint generales. Ait enim condictionem sine causa esse generalissimam, quia comprehendit omnes casus quibus nulla dandi causa subest

sive pecunia numerata data sit, siue alia quolibet res certa, siue incerta. Condi-
tionem verò triticariam esse generaliore non si cum generalissima, sed si cum
generali conferatur, quia competit ad res omnes siue certas siue incertas sola
excepta numerata pecunia *di. l. 1. De condit. tritic.* Certi autem conditionem
esse generalem, quia omnes quidem causas complectitur ex quibus cer-
tum petitur, sed non res omnes cum non detur ad incertas. Quæ traditio
ne bona & recta esse possit, illud facit quod non ad istarum actionum for-
mam, sed ad materiam tantum explicandam pertinet, id est circa quas res
versentur, non autem quam vim & potestatem habeant. Unde fieri necesse
est ut quibus casibus circa eandem versantur materiam, non possit sciri in quo
Bartolus differre illas crediderit. Quid enim si per conditionem sine causa pe-
tatur res aliqua incerta, quæ per triticariam perinde peti possit, In quo differet
hoc casu conditio sine causa à conditione triticaria? Quid rursus si petatur
res certa, alia tamen quam pecunia numerata? Unde agnoscam utrum condi-
tione sine causa, vel triticaria agatur, agere oporteat? Quid denique si pecunia
numerata petatur? Quamnam erit hoc casu inter conditionem sine causa & tri-
ticariam differentia, Vel, quod ad rem nostram magis facit si extra pecuniam
numeratam res aliqua certa petatur quæ non minus per conditionem certi quam
per triticariam peti potest, nullane erit inter certi conditionem & triticariam
differentia? Nulla penitus si eas materia sola distinguit. Ergo debuit Bartolus
dicere in hoc potissimum actiones istas differre, quod & diversas causas habent
& diversos fines, Conditio enim sine causa hanc ipsam causam habet, quod res
quæ condicatur sine causa est penes eum cui condicatur: In conditione certi &
triticaria diuersum est, per quas non intenditur id quod condicatur esse penes
aduersarium sine causa, sed esse ex ea causa propter quam æquum sit & oporteat
dari eam auctori. Rursus tunc quoque cum eadem res est quæ per conditionem
certi & triticariam peti potest, in eo tamen conditiones hæc differunt, quod qui
agit conditione certi petit rem quidem certam, sed tamen æstimandam pre-
cio, eoque certo ut tandem condemnatio fiat in pecuniam certam numeratam,
quæ proinde sola effectu ipso per hanc actionem petitur. Qui verò triticariam
proponit rem ipsam sic persequitur ut eam omnimodo habere velit, non eius
æstimationem quamuis eo quoque inuito deducenda sit pecunia in condemna-
tionem & lis æstimanda ut superiore capite diximus, & fiet apertius ex iis, quæ
in sequentibus dicemus.

ERROR QVARTVS.

De conditione certi, quam dant interpretes ad id quod interest.



NIHIL est quod mihi durius & intolerabilius videatur inter ce-
tera quæ circa conditionem certi ab interpretibus nostris tra-
dita mihi non probantur, quam quod Accursio primùm, deinde
Bartolo placuisse video, ut certi conditio etiam ad id quod in-
terest, possit competere. Sic enim uterque ad *l. certi conditio 9.*
D. de reb. cred. & ad l. Sed et si 22. §. cum iter D. de condit. indeb.
Nam quomodo fieri obsecro potest ut conditio certi detur ad rem incertam?
An non repugnat proprietas verborum, & nomen ipsum actionis? *l. si quis cer-
tum 24. D.*

sum 24. D. de reb. credit. d. l. certi 9. in princ. eod. l. 1. De condit. tritic. Quid verò in rebus humanis incertum est, ex earum scilicet numero, & genere quæ in actionem cadere possunt, si tale non est id quod interest? Quippe in facto non in iure consistit, non solum quatenus cuiusque inter sit sed etiam utrum intersit. Et ided plerumque accidit ut quamvis & reuera intersit, & pluris intersit, attamen difficultate ac inopia probationum res ad nullam aut perexiguam summam deducatur, ut scriptum est in *l. vult. D. de prator. stipular.* Porro dici solet, quod & verissimum est, non entium & non apparentium idem esse iudicium *vulg. §. si aduersus Inst. de nupt.* Nec valde refert an quid omnino sit incertum, id est etiam in ipsa rerum natura, An verò certum quidem sit per rerum naturam, sed tamen ita ut certitudo illa sciri non possit, sicuti in specie *l. ventre 84. D. de acquir. hered.* cum decessit filius ventre quidem pleno, sed incerto adhuc eo an plenus esset, an vacuus, ut tractatum à nobis est *lib. 1. Coniect. cap. 10.* Fieri ergo nequit ut vlllo vnquam casu id quod interest per certi conditionem petatur. In eamque rem apertissimæ sunt leges illæ ferè omnes quotquot in libris nostris de incerti conditione loquuntur. Omnes enim eò pertinent ut appareat neque alij conditionem illam dari, quàm ei cuius interest, neque ad aliud quàm ad id quod interest. Ut cum in *l. hoc senatuscōsultum 5. §. 1. D. de usufr. ear. rer. quæ usu consum.* Vlpianus scribit, Vusufructu pecuniæ legato aut alterius rei quæ usu consumatur, si omiſsa sit cautio cuius remedio Senatus quasi vsumfructum eiusmodi rerum constituit, posse omiſsam cautionem condici. Et quidem incerti conditione, Nempe quia interest proprietarij eam cautionem habere, cuius beneficio etiam consumpta re fructuaria possit commodius indemnitati suæ consulere ac proprietatem reposcere. Quomodo etiam accipiendum proculdubio est, quod Papinianus ait in *l. pater 7. §. si ferit D. de dor. releg.* Si fortè per errorem cautio defensionis omiſsa sit, & ex causa fideicommissi filius dotem acceperit, non quidem fore locum repetitioni fideicommissi tanquam indebiti, propterea quòd cautionis præstandæ necessitas solutionem tantum moretur nec indebitum faciat quòd fuit debitum. Sed tamen non esse iniquum heredi subueniri, Scilicet per conditionem incerti, quoniam omiſsa cautio condicenda est quæ certa esse non potest, cum nulla sit, Cumque non aliam ob causam detur hæc incerti conditio, quàm ut cautio quæ omiſsa fuerat, interponatur, Nec alia ratione quàm quòd eam interponi agentis intersit, apparet non ad aliud eam dari in effectu quàm ad id quod actoris interest, quia etsi condemnatus reus cauere recusaret, non tamen ad aliud teneri posset, quàm ad id quod actoris interesset. Sic enim & in *l. scribis 8. eod. tit. de usufr. ear. rer.* incerti agendum esse lex ait contra eum, qui cum satisfacere debuerit, non satisdedit. Nempe quia in ea specie interest legatarij fideiussores non suo periculo querere ut scriptum est in fine legis. Item in specie illa quam Pomponius tractat in *l. sed eſt 12. §. 1. D. de condit. indeb.* Si cum iter excipere deberem, fundum liberum per errorem tradiderim. Nam posse me incerti condicere Pomponius ait ut iter mihi concedatur, Quod & Paulus sentit in *l. tibi liberum 8. D. de action. empt.* Quemadmodum & si heres falsò existimans se damnatum dare, promiserit, non modò agentem summovere doli exceptione potest, sed etiam incerti condicere ut liberetur, ut idem Paulus ex Pomponio tractat in *l. si heres 5. in fin. eod. tit.* Cur verò incerti? Nisi quia datur eà actio ad id quod interest, quod incertum semper est, nec ipso actionis tempore certum esse vnquam potest, cum non nisi per

taxationem certum fieri queat *diſt. l. vii. De praeſcrip. ſipul.* Taxatio autem condemnationis non poſſit non ſequi aut ſaltem concomitari condemnationem *l. ſi traditio 4. in ſin. C. de action. empt.* Sic in *l. qui exceptionem 40. §. ſi pars D. de condiſt. indeb.* Marcianus ſcribit; Si pars domus quae in diem per fideicommiſſum relicta eſt aſſerit ante diem fideicommiſſi cedentem, & eam heres ſua impenſa reſecerit, non equidem dubitari quin deducenda ſit impenſa ex fideicommiſſo, Sed ſi ſine deductione domum heres tradiderit, poſſe eum incerti condicere quaſi plus debito dederit. Quae etiam ſententia eſt *l. heres 21. D. ad SC. Trebell.* de cuius ſententia & emendatione ſcripſimus in praecedentibus. Non enim vel domus hereditaria, vel hereditas ipſa fideicommiſſaria condicatur, quaſi ſimpliciter indebita, cum non neget heres fideicommiſſum deberi, ſed omiſſa deductio condicatur, quemadmodum ſuperioribus caſibus omiſſa cautio, quod utique per ſolam incerti non certi conditionem fieri poſſeſt. *l. quod ſi nulla 60. de legat. 1.* Similiter Ulpianus ex Neratio & Ariſtone reſert in *l. & idem 12. §. Neratius D. de condiſt. furt.* Creditorem cui res pignori data eſt ſi ea ſubrepta ſit, ab alio ſcilicet quam à debitore, incerti conditione agere debere, Nimirum quia ſicuti non alia ratione actio ei competit, quam quia eius intereſt, cum actione pignoratitia debitori teneatur ad reſtitutionem pignoris, Ita neque ad aliud agere poſſeſt, quam ad id quod ſua intereſt. Videtur autem impius intereſſe non credito tenus duntaxat, ſed omnimodo in ſolidum, quia ſuperfluum quod excedit debitum, debitori pignoratitia actione reſtituere poſtea cogitur *l. creditoris 15. l. creditori 87. D. de fura.* Quod etiam explicatum à nobis eſt in ſuperioribus. Addemuſne, quod ex Papiniano ſcriptum eſt in *l. ob eam cauſam 9. D. de praſcript. verb.* Eum qui ob eam cauſam accepto liberatus fuit vt nonien Titij debitoris ſui delegaret ſi fidem contractus non impleat incerti actione teneri, id eſt conditione incerti, nequaquam. Nec enim actio illa incerti ea conditio eſt, de qua nunc agimus, ſed actio Praſcriptis verbis, de qua ſub illo tit. Vt ex eo apparet quod in eadem lege ſequitur, officio iudicis contineri non vt vetus obligatio reſtauretur, ſed vt promiſſa praſtentur, vel cōdēnatio ſequatur, ſcilicet in id quod actoris intererit: ſi reus nō praſtet quod promiſit. Nam quod lex ait *ſed promiſſa praſtabitur*, ſcilicet obligatio ad vim certae actionis referendum eſt, quod & bene ad eum locum putat Bartolus, vt ſequens illa pars diſiunctionis probat *aut condemnatio ſequitur*. Nec ita eſt accipiendum quaſi implementum promiſſorum in praſtatione & electione debitoris ſit non etiam in petitione & condemnatione, licet verum ſit non aliter eſſe cōdēnandū reū in id quod intererit agentis ex natura actionis Praſcriptis verbis *l. ſi tibi decem 7. eod. tit.* quam ſi perſeueret non implere quod promiſit, *l. cum precibus 4. Cod. de rer. permut.* Atque ſic intelligendum eſt quod de praſcriptis verbis ciuili actione incerti danda ad placitum implendum ſcribunt Imperatores in *l. rebus 6. & l. ultim. eod.* vt ea incerti actione cogatur reus implere promiſſa, non coactione praeciſa, ſed cauſatiua, id eſt niſi malit pati condemnationem eius quod intereſt. *diſt. l. ob eam cauſam.* Nec diſſimile eſt quod Pomponius tradit in *l. permiſſi 26. eod. tit.* Si perniſeris mihi cretam eximere de agro tuo ita vt compleam eum locum vnde exemiſſem, & poſtquam exemi non repleam, & quaeratur quam habeas contra me actionem, ſiquidem vendidiſti mihi cretam poſſe te ex vendito agere, Si non vendidiſti certum eſſe ciuilem incerti actionem tibi competere. Ad quid verò? Nempe vt ſi locum

locum illum replere nolum præstem tibi quanti tua interest : Nam ut locum repleam si nolum , cogere me inuitum non potes , cum sit ea res meri facti ad quod præcisè cogi non possum , Ideoque necesse omnino est ut in locum obligationis facti succedat præstatio , ac primum condemnatio eius quod interest *l. si quis ab alio 13. in fin. D. de re iudic. l. stipulationes 72. l. quones 81. De verb. oblig.* Hoc verò non per conditionem incerti , sed per actionem præscriptis verbis quæ & ipsa incerti est , quia effectu ipso datur ad id quod interest , sed tamen conditio non est quia datur ad petitionem non ad repetitionem *l. 5. §. 1. de præscript. verb.* Sed omnium apertissimus textus est in *l. ultim. D. si quis in ius vocat. non ier.* ubi Vlpianus ex Celfo scribit , Cum quis in iudicio fisti promiserit , neque adiecerit poenam si status non esset , incerti cum eo agendum esse in id quod interest . Quid enim aut Vlpianus aut Celsus potuit scribere apertius , ut ostenderet , & incerti actionem dari ad id quod interest , & id quod interest non nisi per incerti actionem peti posse . Ne nunc quidem loquor de conditione sed de actione incerti quomodo & Vlpianus in *dist. l. ultim.* quoniam actio quæ in illa specie competit non incerti conditio est , ut omnes vulgo credunt interpretes , ut nec Præscriptis verbis , sed ex stipulatu , cui cum non aliter locus sit quam si res incerta in stipulatum deducta sit *l. si quis certum 24. D. de reb. credit.* dubitandum non est quin eadem competat , cum id ipsum quod interest in stipulatione siue expresse , siue tacite continetur , ut in *dist. l. quones.* ubi eadem Celsi sententia ab eodem Vlpiano refertur , *l. ultim. D. de præscr. stipulat.* Nec enim opus est ad conditionem incerti generalem recurrere cum specialis actio competit ex stipulatu . Alioqui numquam ex stipulatione siue certa siue incerta posset agi , si quemadmodum conditio certi competit quoties certum in stipulationem deductum fuit , ita & conditio incerti daretur ex stipulatione quæ interposita fuisset de re incerta , Quod & Iustinian. noster aperte docet initio *tit. De verb. obligat.* Denique ne dubites verum esse quod contendimus , Incerti agendum esse non certi , quoties agitur ad id quod interest , audi Papinianum in *l. liber homo 118. §. ultim. De verb. obligat.* ubi eleganter ait , Sic interposita stipulatione *Decem mihi aut Titio , utrum ego velim dare spondes ?* ex eo quod mihi dandum est certi stipulationem esse , Ex eo autem quod Titio soluendum , incerti . Finge , inquit , mea interesse Titio potius quam mihi solui , quoniam fortè poenam promiseram si Titio solutum non fuisset . In quo tamen obseruandum est , quod Bart. non vidit Papinianum eo loco non de conditione incerti tractare , sed de stipulatione incerti , Qualis est omnis stipulatio in quam deducitur res incerta , ut iam diximus ex *l. stipulationum 74. eod. tit.* & consequenter de actione ex stipulatu , Neque enim de conditione incerti tractandum est cum agitur ex stipulatione incerta vel quod idem est incerti , cum eo casu competat propria actio ex stipulatu . *dist. tit. De verb. oblig. in princip. iunct. dist. l. si quis certum 24. De reb. credit.* quæ cum denegat conditiciam actionem ex stipulatione rei incertæ , non minùs incerti quam certi conditionem denegat , quia sicut incerti conditio perinde conditio est , atque certi conditio , Ita & conditicia actio perinde illa per quam incertum petitur , atque illa per quam certum : Siquidem actionem conditiciam cum dicimus , nihil nisi conditionem ipsam significamus . Sed quamvis duo ij loci de quibus proximè locuti sumus , Vlpiani prior in *d. ult. si quis in ius vocat. non ier.* & posterior Papiniani in *dist. l. liber homo §. ultim.* non de incerti conditione loquantur , sed de stipulatione incerti , deque actione ex stipulatu ,

quæ ex ea causa competit, Probant tamen optimè quod volumus, non tantùm circa actionem incerti, sed etiam circa incerti conditionem: quæ ipsa cum sit actio, eaque incerti, planè fieri nequit ut quæcumque de incerti actione in genere verè dicuntur, eadem de incerti quoque conditione dici non debeant. Ne aliter statuentibus fatendum sit, Posse conditionem certi quam Bartolus post Accursium dat in id quod interest, concurrere in eadem facti specie cum actione incerti, siue conditio illa incerti dicenda sit, siue actio ex stipulatu, Quod tamen non magis utique fieri potest, quàm ut eadem res numero sit & certa & incerta, aut eadem siue actio, siue conditio, & certi, & incerti. Idque omnium manifestissimè docet Iustinianus in *d. l. ut. De verb. obligat. in princip.* cum ait Ex stipulatione & verborum obligatione duas nasci actiones Conditionem certi si certa sit stipulatio, & actionem ex stipulatu si incerta: Ut intelligas nihil quidem interesse inter stipulationem certi, ut Papin. loquitur in *d. l. liber homo §. ult.* & conditionem certi, nisi quantum inter actionis materiam & actionem ipsam interest, stipulatio enim certi non actionis nomen est sed contractus, At inter stipulationem incerti, & conditionem incerti multùm distare, quòd incerti conditio nulla ex stipulatione nequidem incerti nasci possit, Sed ita tamen ut ex incerti stipulatione, incerti quoque necessariò agendum sit, nunquam verò conditione certi. Nunquam ergo admitterent lures, consulti quod vult Bartolus agi conditione certi ad id quod interest, quoniam incerti actio, quam illi induxerunt eo casu quo incerti conditionem locum habere noluerunt, id est quo incertum in stipulationem deductum sit, perinde conditionem certi excludit, atque ipsa conditio incerti eam excludere. Quæ enim antithesis & oppositio est inter conditionem certi & conditionem incerti quemadmodum non est in conditionis nomine, in quo conveniunt sed in adiunctis illis qualitatibus *certi & incerti* quæ non tam contrariæ invicem sunt, quàm contradictoriæ, Ita non minor est inter conditionem certi & actionem incerti, quamvis diversitas sit in nomine, quia nec oppositio vlla est inter nomina conditionis & actionis, sed quædam potius convenientia qualis est inter genus & speciem. Actio enim nomen generis est, Conditio autem nomen speciei, si cum actione non cum ipsis speciebus conditionis conferatur. Idem probat etiam quod Ulpianus in *d. l. hoc senatusconsultum §. §. 1. De usufr. ear. ver. qua usu consum.* postquàm scripsit quod suprà iam à nobis explicatum est, Si còstante adhuc usufructu velit quis omniam cautionem condicere quæ pro usufructu pecuniæ dari debuerat, posse illam condici conditione incerti, subiungit, sed finito usufructu, ipsam quantitatem posse condici, Eamque Sabini sententiam, nec inargutam fuisse. Sed qua actione quantitas ipsa condicetur? Haud dubiè conditione certi. Quidni enim? cum ponamus agi de pecunia numerata, eaque certa *d. l. l. De cond. tritic.* At neque Sabinus hoc addidit, neque Celsus qui Sabini sententiam probavit, cum id tam aperti iuris esset, ut non nisi insultare poterit ab iis moneri in ea res, in qua argutos se ostentabant. Satisque visum fuit opponere priorem casum in quo de omnis cautionis conditione agebatur, posteriori de quantitate ipsa condicenda, ut constaret tam aperto iure conditionem certi posteriore casu competere, quàm incerti conditionem priore. Nec tamen tot legibus & rationibus adhuc vinci Bartolus potest, quin contendat & concludat in *d. l. l. sed et si 22. §. 1. de cond. indeb. num. 6. & in d. l. l. certi conditio num. 25.* Posse conditionem certi sic exerceri ut petat actor in libello condemnari reum in id quod interest, quia, inquit, valet & procedit talis

talis libellus, propterea quod licet talis conclusio sit incerta [nec enim hoc negare potest quod vel cæcus videret,] Sufficit tamē ut possit certificari postea & declarari per sententiam & subtilitatem iudicis, ut loquitur Iustin. *in l. vnic. C. de sens. que pro eo quod interest profer.* Et quia videt supradictas leges omnes repugnare, quæ cum tractant de petendo eo quod interest, incerti actionem dant, & conditionem. Respondet subtiliter si Vis placet, sic intelligi eas debere ut de sola certi conditione loquantur, quæ detur ad interesse quod ab initio est incertum, Ita ut adiectio illa *incerti* significatiua sit non iuris & actionis quæ in iure consistit, sed facti & rei quæ in actionē deducitur. Quomodo & illud quod tam aperte scriptū est ab Vlpiano *in l. i. De condic. tritic.* Eum qui certam pecuniam numeratam petit, uti debere illi actione *si certum petetur*, sic ille eludit ad Rubr. *De reb. cred.* ut dicat supradictis Vlpiani verbis non actionis nomen sed factum seu contractum denotari: Nempe quia non vult admittere actionem Si certum petetur esse conditionem certi, contendens esse quid diuersum, & tres esse partes *Tit. De reb. cred. Si cert. pet. & De cert. condic.* In quo euidenter fallitur. Non minùs quàm si diceret actionem De metu diuersam esse ab illa de qua agitur *in Tit. quod met. caus.* Quemadmodum enim actionem Quod metus causa dixerunt Iureconsulti sumpto actionis nomine à primis verbis edicti, pro actione quam dedit Prætor De eo quod metus causa, prout Codicis titulus conceptus est, Ita & actionē Si certum petetur ex primis edicti verbis quo posita certi conditio est, pro ipsa certi conditione dixerunt. Credibile enim est edicti verba sic concepta fuisse, *Si certum petetur ex quacunque causa & ex quacunque obligatione & ex omni contractu siue certo, siue incerto, actionem dabo.* Id enim videtur innuere Vlpianus *in d. l. certi conditio*, Nisi quis malit, quod nec improbabile est paucioribus verbis contentum Prætorum illa solum generalia expressisse *si certum petetur*, cætera verò omnia quæ nos addidimus, reliquisse prudentum interpretationi, quam generalitas verborum edicti admittebat. Quamquam video ipsis etiam prudentibus fuisse familiarius ut dicerent conditionē certi, quàm ut actionem *si certum petetur*, Ideò fortasse quòd & breuius nomen sit, & aptius ad actionem ipsam significandam & exprimendā, quæ supradictis verbis innuitur magis quàm exprimitur. Cæterum siue de actione illa *si certum petetur* siue de incerti conditione tractemus, inepta planè est Bartoli ea interpretatio ut vtroq; casu actionē *si certum petetur* aut conditionē incerti cum dixerunt Iureconsulti factum potius quàm ius & nomen actionis denotare voluerint. Nā nec latini sermonis ratio hoc ferre potest ut qui solum factū & materiam non nomen actionis denotare volet, dicat *codicere certi vel incerti* aut *agere incerti* ut scriptū est *in d. l. ub. D. si quis in ius vocat. non ier. l. 5. §. 1. de usufr. ear. rer. que usu consum. d. l. sed et si §. 1. & d. l. qui except. onem §. si pars D. de condic. indeb.* Dicendū enim esset *codicere certū vel incertum* quia suppleri eo casu non deberet nomen actionis quod supplet quisquis sic loquitur, *codicere certi vel incerti*, quoniam sunt illa nomina actionū: Quid quòd ipsum etiam nomē actionis addunt plerūq; Iureconsulti, ne quis huic dubitationi locus relinqueretur ut *in d. l. tribus 8. de usufr. ear. rer. que usu consum.* in illis verbis *incertique cū eo agendum*, & paullo post, *neq; actione incerti quia coheredi sa is dedit:* Itēque *in d. l. ob eam causam §. l. insulam 6. & in d. l. l. permisi §. 1. 6. D. de præscr. verb. l. iuris gentium 7. §. 1. D. de pæll. l. diem proferre 27. §. ult. D. de recept. qui arbit. recep.* Esti quid referre obsecro potest utrū certi conditionē dicamus, an actionem, Cū conditio nihil nisi actio sit? Quid quod tantum abest ut certū

condictio dari possit ad id quod interest, Vt è contrario accidat aliquando vt incerti actione ciuili agendum sit, hoc est præscriptis verbis etiam si pecunia petatur? Vt in eleganti specie illa quam Papinianus tractat *in l. si dominus 8. De præscr. verb.* Nisi fortè quis putabit retorqueri posse hoc argumentum pro Bartolo, vt contrariorum eadem ratio sit, nec absurdius videri debeat dari condictioem certi ad id quod interest, quamuis incertum vt vult Bart. quàm condictioem incerti ad pecuniam numeratam certam vt in illa specie Papinianus respondisse videtur. At quia vtrumque perinde absurdum & à iuris nostri ratione alienum est, illius verò legis species perelegans, & ratio subobscura textus quoque, ni fallor, corruptus, de ipsius sententia dicamus aliquid, mox inchoatam cum Bartolo pugnam feliciter si Deus volet peracturi.

ERROR. QVINTVS.

De sententia l. si dominus 8. D. de præscr. verb. & l. pen. D. de condict. caus. dat.



VM seruus tuus in suspitionem furti Attio venisset, dedisti eum in quaestioem, id est vt de eo quaestio haberetur, ad veritatem facti eruendam, vtrum ab eo furtum factum esset necne, aut etiam ad socios indicandos, vt *in l. vltim. D. ad exhib.* Dedisti autem sub ea quidem causa, id est ob eam solam causam vt de illo quaestio haberetur, Sed tamen præterea sub ea lege & pacto vt si id in eo repertum non esset, redderetur tibi. Erat enim hæc vulgaris conuentio, & cautio quæ in eiusmodi casu adhiberi solebat, vt constat ex Pomponio qui hanc ipsam speciem tractat *in l. penultim. D. de condict. caus. dat.* Potest autem fieri vt dederis æstimatum, Ne si fortè vi tormentorum aut moretur, aut debilitaretur, de ipsius precio disputandum haberes? & ita fieri olim solebat interposita stipulatione *l. certo precio 13. D. de quaest.* Potest etiam fieri vt dederis non æstimatum, quod eum tibi omnimodo reddi velles, si non reus furti probaretur. De non æstimato tractat Pomponius *in dist. l. penultim.* De æstimato Papinianus *in l. si dominus 8. D. de præscr. verb.* Æstimatio solet quidem facere emptionem & venditionem *l. plerumque 10. §. si ante in fin. & §. seq. l. ignoties 16. D. de iur. dot. l. 1. §. vltim. D. de æstim. att.* Sed non semper. Quid enim si conuenerit, vt res æstimata ex ipse reddantur habitatio augmènti & diminutionis, vt *in l. æstimatis 50. D. solut. matr.* Placet non minùs esse illas reddendas quàm si æstimatio nulla interuenisset *dist. l. æstimatis.* Cùm hoc casu in placitis specierum reddendarum idè preciorum nomen annexum videatur ne si species aliqua deminuta fuisset, aut perditæ, alio precio quàm quo taxata fuerat, repõceretur, vt eleganter Imperatores explicant *in l. si iuter 21. Cod. de iur. dot.* Denique non tam venditio in hac specie contrahitur, quàm summa declaratur, vt loquitur Papinianus *in l. cum post 69. §. cum res in dotem D. eod.* Ergo tùm quoque cùm seruum tuum de furto suspectum quaestiois habendæ gratia tradidisti Attio æstimatum, Distinctio eadem adhiberi potest, & adhibenda est quæ adhiberetur si non æstimatum tradidisses, An scilicet hominem Attij feceris, an tuum remanere volueris, quamuis Accursius noster contrà sentiat, qui Pomponium aliud responsorum fuisse putat, & actionè præscriptis verbis cum Papin. daturum, Si seruus in ea specie fuisset traditus æstimatus.

Briorè

Priore casu si non tibi reddatur secundum formam interpositæ conventionis, poteris cum Attio agere dari cum tibi oportere, adeoque tametsi vel in tormentis mortuus sit, vel præfecto vigilum traditus qui eum quamvis innocentem nec deprehensum furti reum summo supplicio adfecerit, *vt in d. l. penult.* quia & ante mortem dari cum tibi oportuerat, quemadmodum ibidem Pomponius ratiocinatur. Posteriore verò furti cum Attio agere poteris, quia verum est eum re tua ita vsum esse vt sciret se invito domino vti, aut dominum si sciret, prohibiturum esse. Sed & ad exhibendum actio tibi competet, vt exhibitum seruum si adhuc vivit, vindicare possis, quia tuus mansit, Aut vt quanti tua interest consequaris, si servus perierit dolo malo Attij per quem factum sit ne exhiberi nunc possit. Atque ita in seruo non æstimato concludit Pomponius ex Proculi sententia *in d. l. pen.* contra Labeonem, qui eo quoque casu quo condicere seruum posses, & intendere dari tibi oportere, id est quo seruum Attij fecisses, dabat etiam tibi actionem ad exhibendum quoniam fecisset Attius, quominus exhiberet. Quasi actio ad exhibendum quæ vindicationis præparatoria est possit cum conditione concurrere: quod vtiq; non magis fieri potest quàm vt vindictio ipsa cum conditione concurrat nisi contra furem *§. sic itaque Inst. de actio. d. ult. D. vsufr. quem caueat.* Dices fortasse pro ruenda Labeonis opinione, malam esse Proculi reprehensionem, cum vel ipso fatente Proculo Attius in hoc casu fur sit, & furtum fecerit, qui rem tuam te invito contrectauit. Mirum igitur non esse vt & cōdictione, & vindicatione, & actione ad exhibendum tibi teneatur illo etiam casu quo seruum eius feceris. Sed obseruandum est, Proculū & Labeonē cum de danda tibi conditione locuti sunt, id est ea actione per quā intendas dari tibi seruum oportere, non de conditione furtiua sensisse quæ soli domino competit *l. i. D. de condic. furti.* sed de cōdictione ob causam dati, quæ domino numquam cōpetit, sed ei soli qui rem suam dando, id est dominium eius transferendo [est enim hoc demum dare dominium transferre *l. ubi autem 75. §. ult. De verb. oblig.*] hoc ipso dominus esse desit. Idem enim dicebat Proculus ita demum permitendum tibi esse seruum condicere & intendere dari tibi oportere, si hominem Attij fecisses: quo tamen casu non poterat Attius rei suæ furtum facere, nec eo nomine aut actione furti aut conditione furtiua conueniri. Porro quo casu furtiua cōdictio idcirco non competit quod actor dominus non sit, certum est nec vindicationem posse competere, nec actionem ad exhibendum quæ vindicationis præparatoria est & propter vindicationes potissimum introducta *l. i. D. ad exhib.* quoniam eadem hac parte vindicationis & conditionis furtiux causæ atque origo est, Nisi quod vindictio sola dominij probatione contenta est ex parte actoris, & probatione possessionis ex parte illius qui conuenitur: Cōdictio autem furtiua præter dominij probationem ex parte actoris etiam furti probationem ex parte rei exigit, cum nō cōpetat nisi contra furem vel furis heredē *l. ex furtiua §. D. de condic. furti.* à quo autem res furtiua possideatur, non curat *§. ult. Inst. de oblig. que ex malef. nasc.* In proposita igitur specie, cum hominem, qui tuus erat Attij feceris, neque conditionem furtiua aduersus eum habere potes, neq; vindicationem, neq; ad exhibendum actionem: quia neq; tu dominus es, neq; fur ille. Sed si seruū tuū sic Attio tradideris vt tamē tuus manserit, hoc demū casu actiones tibi omnes istæ cōpetent, id est nō minùs cōdictio furtiua quàm ceteræ, vt & *in l. si grauiter 17. §. Papinianus, aliàs l. si vñ tibi De præscr. verb.* Sed non competit cōdictio ob causam dati, quæ cum furtiua conditione nō magis concurrere vnquam potest, quàm cū vindi-

catione. Et ita locus ille Pomponij explicandus est, ac præterea in eo obseruandum quod præfectus vigilum cui lex ponit traditum fuisse seruum ad habendam de eo quaestionem, quamuis imperium merum non haberet neque gladij potestatem, ultimo illius supplicio adfecit, & quidem per iniuriam non quod ad ipsum eius rei cognitio & iurisdictio non pertineret [pertinebat enim ut constat ex *l. interdū 56. §. qui furem D. de furt.*] sed quia nec habita esset quaestio de seruo, nec de illo compertum quicquam, quod vel reus vel conscius furti fuisset. Proinde non valde refert an dicamus fuisse seruum adfectū summo supplicio quasi deprehensum in furto, an quasi in alio facinore, quamuis Græci quos Cuiacius sequitur, ista distinguunt. Ad eodē nimirum serui apud Romanos pro nullis habebantur, ut magistratus quilibet iniuriam iis facere necemque inferre posset, salua domino actione iniuriarum. [Nec enim vlla inipune vnquam à magistratu sit iniuria *l. nec magistratibus 32. D. de iniur.*] Nam & priuato qui idem fecisset non alia poena irrogabatur, quam ut lege Aquilia teneretur, perinde ac si alienā quadrupedem occidisset *l. 2. D. ad leg. Aquil.* Quod ab Accursio nostro aliisque interpretibus non satis obseruatum fuit, qui vltimum supplicium de quo Pomponio loquitur, capitis supplicium interpretatur. Eset enim bona interpretatio in homine libero qui caput in ciuitate habet *l. caput alium 28. §. 1. seq. D. de pæn.* sed non est bona in seruo qui nec caput nec exstimationem habet *l. 3. §. vlt. & seq. D. de capit. minut. l. quod attinet 32. de regul. iur.* Atque hæc quidem in seruo non æstimato ita tractat Pomponius in *d. l. penult.* quasi nulla domino alia competat actio, quam ob causam dati si seruus quem ita tradidit ut tamen accipientem non fecerit dominum, ei non reddatur. At Papinianus in *d. l. si dominus*, eandem tractans speciem, nisi quod ponit seruum traditum fuisse æstimatum, dat civilem præscriptis verbis incerti actionem domino contra eum, qui seruum quem reddere debuerat non reddit. Hoc enim est quod ille sibi vult iis verbis *civiliter agi posse*, ut idem ipse explicat cum ad aliam quaestionem in posteriore legis parte propositam respondens, ita scribit *præscriptis verbis incerti & hic agi posse*. Actio autem præscriptis verbis incerti non condictio est per quam intendat actor rem sibi dari oportere, quæ sit certa, sed alia species actionis, per quam non ad aliud agitur, quam ad id quod interest, ob idque incerti appellatur *l. naturalis 5. §. 1. iis verbis in qua actione id veniet, non ut reddas quod acceperis De præscr. verb.* Etsi autem de condictione ob causam dati vel concedendam, vel deneganda nihil Papinianus addit, hoc ipso tamen, quo dat actionem incerti præscriptis verbis, excludere videri possit condictionem ob causam dati, quæ sicut non nisi certi condictio esse potest, ita cum actione incerti non videtur posse concurrere *l. 1. §. vltim. D. de rer. permut. l. quoniam 5. Cod. eod. l. si tibi 7. l. si gratuitam 17. §. Papinianus aliàs l. si rem tibi De præscr. verb. l. vltim. D. de condict. caus. l. at.* Sed non ita est: Nam imò verò potest eodem casu & actio præscriptis verbis & condictio ob rem dati re non secuta locum habere licet non ad idē sed ad diuersa *d. l. naturalis §. 1. l. cum precibus 4. & seq. l. emptionem 7. C. de rer. permut.* In quo tamen notandum est, Longè esse hæc differētia, Tradi quid certa lege, & Tradi sub certa causa vel quod idem est, ob certam causam. Quicquid traditur ob certam causam, traditur etiam certa lege, sed non è contrario quicquid certa lege traditur, etiam traditur ob certā causam. Rebus certa lege traditis si huic non pareatur, Præscriptis verbis incerti civilem dandam actionem iuris autoritas demonstrat. Inquit *l. rebus 6. C. de rer. permut.* vbi lego incerti non incertā. Nec. n. præscriptis verbis actio quāuis incerti sit, incerta tamē esse potest.

vt nec

ut nec alia vlla actio quæ in iudicium deducatur. Quomodo enim posset dari certa formula & sequi certa cõdemnatio ex incerta actione? Potest quidem incerta esse actionis materia, vt cùm incertam stipulationem dicimus, quæ interposita est de re incerta *l. stipulationum 74. De verb. oblig. & Instit. eod. tit. in princ.* Sed non potest actio esse incerta, ne tùm quidem cùm est incerti, Ob idque necessariò comparanda fuit actio Præscriptis verbis, vt tutius agi posset, nec cogeretur actor incertam actionem proponere, id est quæ an competeret necne, incertum esset *d. l. si gratuitam in princip. & l. Titius 24. & pass. De præscr. verbor.* Actio namque nomen iuris est, lus autem certum semper est & finitum *l. 2. D. de iur. & fact. ignor.* Dicitur verò incerti quoties datur ad id quod interest, qualis est quæ nascitur ex contractu Do vt des, de qua Paulus in *l. naturalis § 5. 1. De præscr. verb.* At rebus ob certam causam traditis quæ secuta non sit, nulla inde obligatio alia nasci potest, quàm ob rem dati re non secuta *d. l. pen. & volum. De condit. caus. dat. l. emptionem 7. in fin. Cod. de rer. permut.* Licet ea obligatio possit parere non tantùm conditionem ob causam dati, sed etiam civilem actionem præscriptis verbis ad id quod interest, vt euenit in contractu Do vt des *d. l. naturalis § 1.* Nempe quia in eo contractu non tantùm ob causam datur, sed etiam certa lege, quæ res & obligationem & actionem civilem inducit. In traditione quæ fit ex permutationis placito præcedente, aliud est. Fit enim illa traditio ob causam tantùm, non etiam certa lege, & idè ex eiusmodi placito permutationis secuta traditione ex vna parte nascitur quidem actio præscriptis verbis, & ipsa bonæ fidei *§. etiam in Instit. de action. quia permutatio proximè accedit ad emptionem & vicem emptionis obtinet l. 2. C. de rer. permut. l. 1. & 2. D. eod.* Sed non quæ incerti dici possit, quia nõ datur ad id quod interest vt illa quæ ex contractu Do vt des, sed ad hoc tantùm vt vel placitis pareatur, vel quod datum fuerit restituatur *d. l. 1. §. ult. l. cum precibus 4. C. eod.* Ex quibus locis apparet, quod diximus Præscriptis verbis incerti civilis actionem posse cum conditione ob causam dati concurrere, Ita esse accipiendum, nisi eo casu, quo præscriptis verbis actio in id datur vt quod ob causam datum est re non secuta restituatur. Tunc enim non admittit cõcursum illius cõditionis ob causam dati: Non tam quòd frustra esset dare conditionem illam ei qui id ipsum consequi possit per actionem Præscriptis verbis, Maximè cùm actio præscriptis verbis datur ex negotio gesto: Condictio autem ex tacita obligatione quæ nascitur plesumque extra id quod expressim agitur, *l. in qui 13. in fin. D. commod.* Quàm quia multàm interfit an quod datū est, condicatur per conditionem ob causam dati, An verò per actionem Præscriptis verbis. Etenim per conditionem nihil nisi præcisa rei restitutio intenditur, nec ad aliud condemnari potest is qui ea actione convenitur, quàm vt reddat quod ob causam accepit, quasi re non secuta. At per actionem præscriptis verbis duo semper intenduntur, Nimirum vt vel placitis pareatur promissæque seruentur, Vel quod ob causam datum fuit causa nõ secuta restituatur, prout reus ipse elegerit si actio præscriptis verbis non sit incerti vt in *d. l. 1. in fin. & l. cum precibus*, Nam si sit incerti, non datur præcisè nisi ad id quod interest, non autem ad repetitionem eius quod datum est, quamuis eo casu admittat cõcursum conditionis si malit actor id quod suum fuit condicere quàm incerti agere, vt in *d. l. quoniam & l. emptionem 7. eod. d. l. naturalis §. 1.* Sic namque leges istæ quæ alioqui pugnantes videntur conciliandæ sunt. Hi enim posteriores loci sunt de actione Præscriptis verbis quæ nascitur ex contractu Do vt des, quæ cùm non sit bonæ fidei reum strictius obligat, vt semel

obligatus ad id quod interest actoris non possit effugere cōdemnationē etiam si placita implere postea velit, nisi actor deferat condicionem, quod Paulus significat in *d. l. naturalis §. 1.* iis verbis *vel si meum recipere velim & Impp. in d. l. quoniam ibi sicut postulat & in d. l. empt. onem*, in illo loco *pro desiderio tuo*, Priores autem duæ leges sunt de actione Præscriptis verbis quæ oritur ex permutatione quæ sicut bonæ fidei est *d. §. actionum*, ita facilius admittit purgationem moræ, & ut liberum sit reo præstare quod promissit, quasi non sit ex bona fide ut agere vel incipiat vel perseveret is, cui paratus sit adversarius præstare quicquid promissit. Vbi etiam observandum est, Omnē quidem incerti civilem actionem [quo nomine nunquam incerti cōdictio significatur, licet ipsa etiam civilis sit] esse præscriptis verbis, Sed non è conuerso omnē præscriptis verbis actionem esse incerti, Et rursum, Actionem præscriptis verbis incerti semper strictā esse, nūquam bonæ fidei, ut nec aliam ullam nisi quæ ex permutatione datur vel ex æstimatione quæ æstimatoria appellatur in *l. a. §. si. De æstim. ad. & de æstimatorio in d. §. actionum. Inst. de action.* Et hæc iungenda sunt iis quæ De contractu Do ut des scripsimus in libris Coniectur. quāquam de tota illa quæstione scribendum aliàs nobis erit pluribus contra eos qui tam pertinaciter defendunt Contractum Do ut des à permutatione non differre.

ERROR SEXTVS.

De conciliatione Pomponij in l. pen. De condit. caus. dat. cum Papiniano in d. l. si dominus §. 8. De præscr. verb.



PRO ut ad Papinianum redeamus, An dicendum erit dissensisse illum à Proculo, Labeone & Pomponio in eo, quod dederunt illi cōditionem ob causam dati causa non secuta in *d. l. penult.* Papinianus autem actionem incerti præscriptis verbis in *d. l. si dominus*. Minimè verò. Alia enim species est quam illi tractant, alia quam Papinianus, Non tātum in eo, quod illi de seruo non æstimato, Papinianus de æstimato [parum enim hoc refert, ut diximus, cū æstimatorio non venditionis animo facta est] sed in eo potissimum, quod ponunt illi seruum traditum habendæ quæstionis causa factum fuisse accipientis, Alioqui non posset actor intendere dari eū sibi oportere quæ conditionū omnium natura est, cū dare nihil aliud sit quàm dominiū transferre §. sic itaque *Inst. de action. l. vbi autem 75. §. vl. De verb. oblig.* Papinianus autē ponit non fuisse factum accipientis, ut ex eo constat quod ait potuisse illum ab accipiente retineri si dominus pro eo pecuniam elegeret. Non enim posset dominus non eligere pecuniā si venditionis contrahendæ gratia, & animo transferendū dominiū seruum æstimatum dedisset *d. l. plerumque 10. §. si ante & seq. d. l. quoties 16. D. de iur. dot.* præsertim cū non poneretur exprellim conuentum ut seruus redderetur, quomodo in specie *d. l. penult.* Quare & tota ea lege Papinianus dominum vocat eum qui tradidit seruum & pecuniam accepit, nec tantum datum seruum fuisse quā traditum significat iis verbis *qui traditum accepit*. Mirum igitur non est, non dari à Papiniano conditionem ob causam dati in ea specie in qua dominium translatum non fuerat, & in qua præterea proponebatur causa secuta ob quam traditus erat seruus. Idè enim traditus fuerat ut de eo quæstio haberetur. Quæstio autē de ipso habita, nec tamen quicquam compertū fuerat ut lex ait: quod apud Pōponiū diuersum est, vbi quāvis traditus esset seruus in quæstionē & sub ea causa, id est, ob vnā illam causam ut quæstionē dedere-

dederetur, Addito insuper eo pacto ut si crimē in eo cōpertū nō fuisset, redde-
 retur, Non tamē quæstioni traditus fuerat, sed Præfecto vigilū, quasi in facino-
 re deprehēsus, & subinde ab eo adfectus summo supplicio, nulla prius de eo ha-
 bita quæstione. Quæ res inducebat proculdubio conditionem ob causam dati
 causa nō secuta, cōcurrente utroq; ut & dominium serui translatum esset in ac-
 cipientem sub ea causa ut quæstioni subiceretur, & causa illa secuta non fuisset:
 Cum tamē in Papiniani specie non tam datus, quā traditus esset servus, causa
 verò propter quam traditus erat, secuta esset, habita de illo quæstione. Cessante
 igitur cōditione ob causam dati propter duplicē hanc rationē, cōsequens erat
 ut vel nullā actionem in hac specie domino competere Papinianus diceret, vel
 incertū actionē præscriptis verbis in eam rē daret. Quid igitur si dominus apud
 Papinianū serui dominiū in accipientem transulisset? An eo magis nō reddito
 seruo aut conditionē dedisset ei qui dominus esse desiderat, aut actionē incerti
 præscriptis verbis ei denegasset? Et quidem conditionē ob causam dati causa
 non secuta, illud semper impediret, quod ponit Papinianus, ut iam diximus se-
 cutā fuisse causam, & habitā de seruo quæstionē. Non enim ea fuerat causa tra-
 dendī serui ut redderetur, sed ut de eo haberetur quæstio. Quod autem siue ex-
 pressē, siue tacitē conuenerat ut redderetur, lex erat traditioni dicta, & quæ nō
 impleta dubitationi locum facit, Quæ demum actione consuli oporteat ei cui
 servus reddi debuit. Atque ita legendus & interpungendus est Pōponius in *d. l. pen.*
pen. ut unico cōtextu scripta sint ea verba *dedisti eum in quæstionem sub ea cau-*
sa: & subiecto commate, sequatur ut si id repertum in eo non esset, redderetur: qui-
 bus verbis non causa dationis sed pactum dationi adiectum significetur. Nihil
 enim commune habet causa cū pacto, Nec nisi stultē possit quis id quod lex ait
sub ea causa sic interpretari, ac si scriptum esset *sub eo pacto*. Porro nomen ipsum
 conditionis quam dicimus ob causam dati causa non secuta, ostendit satis non
 posse illam competere quoties causa propter quam datū aliquid est, secuta fuit.
 Aliam igitur actionem dari necesse est, si lex traditioni dicta non impleatur, ut
 actoris indemnitati satisfiat. Quam verò aliam, nisi Præscriptis verbis? Nam &
 ipsa competeret ex contractu Do ut des, ut diximus ex *dist. l. naturalis §. 1. de*
præs. verb. Nec tamē puto, ut ad posteriorem suprà proposiram dubitationem
 respondeam, idem fuisse responsurum Papinianum & actionē præscriptis ver-
 bis daturum domino serui, ad hoc ut sibi redderetur, si serui dominium in acci-
 pientē translatum fuisset. Et si enim verum est, Ex contractu Do ut des nasci a-
 ctionem præscriptis verbis civilem ad id quod interest, *d. l. naturalis §. 1.* Id ta-
 men in proposita specie non videtur dici posse in qua tractamus de contractu
 non tam Do ut des, quā Do ut reddas, Non quòd hæc contractus species sub
 illo veluti suo genere non comprehendatur, siquidem Reddēdi verbum etiam
 dandi habet significationem *l. verbum reddēdi §. 4. de verb. sign. l. heres meus 100.*
de leg. 3. & rectē intēdimus dari nobis debere quod reddi nobis debeat si domi-
 niū à nobis abscesserit *d. l. pen.* Sed quia actio illa Præscriptis verbis incerti ad id
 quod interest quæ nascitur ex contractu Do ut des duplicē tantum habet intē-
 tionē, Ut vel præstetur id de quo dādo cōvenit, vel id quod interest ob nō datā
 eā rē quæ dari vicissim debuit. Ad hoc verò ut reddatur idipsū quod datū est, nū-
 quā cōpetit, sufficiēte scilicet in eā rē cōditione, si id actor elegerit *d. l. natura-*
lis §. 1. d. l. quoniam §. 5. & l. emptio §. 7. l. ult. C. de rer. perm. Cui porro distinctioni loc^o
 null^o esse pōt, cum agitur ex cōtractu Do ut reddas, quoniam idipsū quod eo casu
 implēdū, & præstādū est, nihil aliud est quā ut res data reddatur, Quod ut fiat,

sufficit conditio ob rem dati re non secuta, neq; vlla civilis alia actio necessaria est. Ideoq; benè Proculus, Labeo & Pöponius dederūt hoc casu conditionē ob causam dati causa nō secuta, nec mentionē vllam addiderūt actionis Præscriptis verbis, quā vtiq; non prætermisissent si eam cōpetere putassent. Ex quo intelligimus, quid respondendū sit si quis quærat, Cur ergo in Papiniani specie detur civilis actio incerti præscriptis verbis ad id quod interest. Nēpe quia conditio eo casu cōpetere nulla potest, nō translatō dominio ab eo qui tradidit in accipientē. Nec æquum tamē est decipi eum qui rē suam certa lege tradidit, nec aliter fuit traditurus: Quomodo deciperetur si nullā eo nomine actionē haberet, Dandāq; potius ei esset actio de dolo aliis omnibus deficientibus vt in specie *d. l. naturalis §. quod si faciam*, Nisi actionē civilē illud induceret quod quoties dominus rē suam tradit certa lege, non nudū pactū est, sed cōtrahitur haud dubiè *ενάλλαγμα*, ex quo fieri nequit vt civilis obligatio & actio non oriatur *d. l. iuris gentium 7. §. 1. D. de pact.* Tantō magis autē in casu proposito, quod cūm serui traditi dominiū non fuit translatū in accipientē, quem casum à Papiniano tractari docuimus, Promissio serui reddendi nihil nisi nudi facti promissio est, Tradendi scilicet & restituendi serui, Quo nō secuto succedit necessariō præstatio eius quod interest, quod ipsum, vt constanter defendimus, civilī actionē incerti semper petendū est, quia semper incertū est: nūquam conditione certi, quia nūquam certū est. At difficilior illa dubitatio est quæ semper manere videtur, Cur non ergo in specie Pöponij cōpetat actio incerti civilis præscriptis verbis, cūm negari non possit quin negotiū ibi gestum sit & quidē illud ipsum quod in specie Papiniani, Nisi quod apud Pöponium hoc amplius est, quod pactū expresse internerat vt si habita de seruo quæstione nihil de eo cōpertū esset, is redderetur. Quæ. n. hucusque attulimus eō tantūm pertinent, vt sciamus cur conditionē ob causam dati non dederit Papinianus quam dabat Pöponius, Aut cur actionē incerti civilē Papinianus dederit, sed non vt sciamus cur non hanc æquē Pöponius. An quia tractat Pöponius de seruo tradito non æstimato? vt Accursius ait. Sed iam ostendimus nihil hīc facere æstimationē nisi cūm animo cōtrahendæ venditionis & transferendi dominij facta est, Quo casu inducere quidē facilius posset conditionē ob causam & rē dari, sed non incerti civilē actionē præscriptis verbis de qua sola nunc disputamus. Verū huic quoque dubitationi iam nos satisfecimus, cūm diximus Ex contractu Do vt reddas nō posse nasci actionē Præscriptis verbis ad implendū placitū, id est ad hoc vt res data reddatur, quia sufficere possit in eam rē conditio, Cūm etiam ex contractu Do vt des nūquam detur actio incerti præscriptis verbis ad hoc vt quod datū est reddatur *d. l. naturalis §. 1.* Quam tamen actionem dari necesse est cūm serui dominium, vt apud Papinianū, in accipientē translatum non est, quia conditio habere locum eo casu non potest. Replicabis hunc quoq; casum à Pomponio & Proculo tractatū fuisse in posteriore parte *d. l. pen.* nec tamē dedisse illos domino, qui māserit dominus, actionem Præscriptis verbis incerti ad id quod interest, sed actionē furti & ad exhibendū. Sēper igitur illud verū manere, dissensisse Papinianū à ceteris. Possem respondere, obiectionē non virgere, quæ facta sit à negatione. Non enim consequens esse vt quia nihil Labeo, Proculus, & Pomponius dixerunt de actione Præscriptis verbis domino danda, dari eam debere non putauerint, Alioqui perinde posses inferre, Nec putasse illos competere in ea specie furtiuam conditionem, de qua tamen dubitare nemo potest, quin competat aduersus furem, qui & furti actione conueniatur, vt & in specie *l. si*

gratuitam 17. §. *Papinianus* aliàs *l. si rem tibi D. de præscr. verb.* Sed malo respondere, Nullam ideò mentionem illos fecisse actionis Præscriptis verbis, quia cōpetere in illa specie non possit, propterea quòd seruus qui reddendus erat, iam tum mortuus & summo supplicio adscētus proponebatur, Vt proinde amplius agi non posset ad implendum placitum, id est vt idē ille seruus redderetur, qui tamen primus ac præcipuus finis est actionis Præscriptis verbis *d. d. cum præscribis, & l. seq. l. ult. C. de rer. permut.* ita vt non aliter possit ex ea sequi condemnatio ad id quod interest quàm si prius ad hoc actum sit, vt placito pareatur, *d. l. ob eam causam* 9. *D. de præscr. verb.* At apud Papinianum, cum adhuc seruus viueret, agi poterat ciuilitè vt redderetur, aut si eum reddere reus nollet, ad id quod agentis intererat, condēnaretur: sicut in *d. l. ob eam causam*. Addamus, quod postremum nec minùs notandum erit, Non potuisse apud Pomponium in posteriore legis specie tractari de actione Præscriptis verbis, cum aliæ actiones competere, furti scilicet, & Ad exhibendum vt lex ait, quibus possit etiam addere conditionem, vt diximus furtiuam. Eadem illa ratione propter quam dabat Proculus actionem furti quod is qui seruum acceperat ita esset vsus re aliena, vt sciret se inuito domino vti aut dominum si sciret prohibiturum esse. Nec enim aliter agi potest præscriptis verbis, quàm si aliæ actiones omnes deficiant, nullaq; vulgaris, vsuata & nominata actio cōpetat *l. 1. 2. 3. & 4. & pass. De præscr. verb.* Et quod ad rem nostram propiùs accedit, Præscriptis verbis agi non posse quoties furti, & conditione furtiua & ad exhibendum agi potest, docet nō obscurè Papinianus quem Ulpianus refert probatque in *d. l. si gratuitam* 17. §. *Papinianus*, aliàs *l. si rem tibi eod. tit.* vbi ait Si rem tibi inspiciendam dedis, & tu dicas te perdidisse ita demùm præscriptis verbis actionem mihi competere si ignorem vbi sit, Nam si mihi liqueat apud te esse, possum, inquit, furti agere vel ad exhibendum vel condicere, conditione scilicet furtiua, quauis actiones illæ omnes non tam ex negotio gesto, quàm ex furto doloque tuo nascantur. Non addit, Non etiam præscriptis verbis quia nec addendum fuit, quod satis apertè ex illo sequebatur. Secundum quam distinctionem vtrique accipiendum est, quod de furti actione hoc casu danda ex eodem Papiniano generalius scriptum est in *l. rem inspiciendam* 78. *D. de furt.* Nisi quòd vt furti actio competat, illud quoque omnino requiritur quod eo loco addit Papinianus vt periculum spectet ad eum, qui rem inspiciendam dedis. Alioqui non potest quicquam videri eius interesse. At in specie *d. l. si dominus*, in qua Papinianus dat de mino ciuilem actionem Præscriptis verbis, nec furti agere poterat dominus nec conditione furtiua, nec ad exhibendum, quia non fuerat vsus re aliena inuito domino cum eum seruum quem habendæ quæstionis gratia à domino ipso acceperat quæstioni tantùm subiecisset, nec in eo aliquid contra domini voluntatem fecisset. Quid? An non saltem hodie furtum facit & re aliena inuito domino vitur, qui seruum quem ex pacto reddere debuerat, non reddit? Verùm facillè fieri potest vt nec si velis, possit tamen reddere, nec eo magis sit in dolo, Non solum eo casu quò seruus vel in tormentis perierit, vel de seipso confessus ab eo retineri impune potuerit qui eum quæstioni subiecit, nec enim hos casus tractat Papinianus cum dat domino ciuilem præscriptis verbis actionem, non magis quàm illum quò dominus pecuniam elegerit, de quibus sequenti capite dicemus. Sed etiam si fortè post habitam quæstionem per magistratus incuriam aliterve sine dolo malo promissoris effugerit. Quo casu sicut dici non potest furti actione aut ad exhibendum aut furtiua conditione teneri reum debere,

Ita nec de illo dubitari, quin conueniri possit ciuili actione Præscriptis verbis, vtaoris indemnitati consulatur.

ERROR SEPTIMVS.

De emendatione d.l. si dominus 8. D. de præscript. verb.

PERGAMVS iam ad reliquam Papinianæ legis nostræ interpretationem & emendationem. Superfunt enim multa satis obscura, & aliter quàm ab interpretibus factum sit, explicanda. Papinianus postquàm ad quæstionem initio legis propositam respondit, Si dominus seruum, cum furi argueretur quæstionis habendæ gratis æstimandum dedisset, neque de eo compertum quicquam fuisset, & is non redderetur, eo nomine ciuili agi posse, id est, vt interpretati sumus ciuili actione incerti præscriptis, Subiungit, Aliquo tamen casu potuisse contingere vt qui traditum seruum acceperat eum retineret, neque ad ipsius restitutionem actione vlla vrgeri posset. Nèpe si vel dominus pro eo pecuniam elegeret, siue in admissio facinore furioque ipso deprehensus seruus fuisset. Tunc enim, inquit, hoc est posteriore casu etiam datæ æstimationem reddi à domino oporteret. Duo igitur sunt casus in quibus hic seruus, etiam de quo reddendo siue expressè siue iaciè conueniret, impunè retineri potest. Et quidem optima in vtroque casu ratio. Nā cum dominus pecuniam pro seruo eligit, hoc ipso satis voluntatem suam declarat, quòd dando seruum æstimatum voluerit æstimationem, quamuis non ab initio factam venditionis causa, ex postfacto tamen euadere in venditionem. Cum alioqui euenire necesse esset vt nullo iure pecuniam eligeret pro seruo, cuius dominium sibi adhuc retinere vellet. Vtrūque enim habere non potest, ne tūm quidem cum æstimatio venditionem ab initio non fecit *l. si inter 21. C. de iur. dot.* Cum verò seruus in admissio deprehensus fuit, nulla ratio est, vt is, qui quæstionis habendæ gratia traditum sibi seruum acceperat, cogatur eum reddere, siue quòd etiam si nihil de eo in tradendo seruo dictum proponatur, id tamen inter contrahentes tacitè actum videri debeat vt in eum casum nō redderetur, Præsertim cum vulgaris conuentio in contrarium casum cōcipi soleret, vt redderetur seruus si nihil in eo compertum esset, quemadmodum in specie *l. penult. D. de condit. caus. dat.* quibus verbis credèdū est cōcipi solitā fuisse stipulationē quam eo casu interponi moris erat, vt Modestinus refert in *l. certo precio 13. D. de quæst.* Siue quòd cum seruus furti reus cōpertus est per habitū de ipso quæstionē, possit dominus eo nomine furti actione noxali cōueniri, per quā cogatur aut litis, damniq; æstimationē præstare aut seruū pro noxa dedere. Cui nō enim videatur æquū dari retentionē ei qui furtū passus est, qui si seruū nō teneret, vltro agere ex ea causa posset? Nimirū si non mallet dominus damnum decidere & seruum recuperare. Nec enim hoc ei denegare quisquam possit, cum nec ipsa noxæ deditio in petitione sit, sed tantū in præstatione *l. miles 6. §. 1. D. de re iudic. q. tot. tit. De noxal. action.* Adeo autē verū est posse seruū, quē furti consciū esse habita de ipso quæstio probauit, ab eo cui traditus fuerit retineri, vt & pecuniā, quam pro eo rogatā dominus accepit cum traderet illū æstimatū, reddere dominus debeat ei qui dedit, Cuius se retinendæ causam nullā iustā habere potest, quia neq; ex parte alterius qui dedit, causa vlla fuit dandæ. Cum per noxalē furti actionē potuerat is qui dedit adigere dominū vt vel integrā plenāq; furti æstimationē præstaret,

vd

vel seruū pro noxa dederet. Tātū abest vt ad pecuniā pro seruo dādā ipse adigi vllō iure potuerit. Cūm verō ita Papinianus scribat, *tunc enim & datam aestimationem reddi à domino oportere*, intelligimus eā speciem à Papiniano tractari in qua is cui seruus traditus fuerat aestimatus, pecuniā aestimationis eo nomine prorogauerat & in antecessum dederat. Alioquin nō posset quari de reddenda per dominū pecunia quæ promissa tātūm ipsi fuisset, nō etiā soluta. Et verō cūm ex sequentibus Papiniani verbis appareat nullam in illa specie interpositam fuisse de reddēdo seruo stipulationē, quæ solebat interponi *d. l. certo precio*, Credibile est nō ad eā incautū fuisse dominū, vt nec pecuniā sibi prorogari vellet, in qua utiq; plus cautionis sperare poterat quā in stipulatione, quæ paritura tantūm esset actionē in personā, *vnig. l. plus cautionis 25. de regul. iur.* Vt sic ea pecunia esset velut pignoris loco si seruus nō redderetur, quæ habere dominus mallet, Aut loco precij si pro seruo pecuniam eligere dominus vellet. Hoc verō ita supposito, nō possum intelligere, quid illud sit, quod subinde Papinianus quærit, Quæ actione pecunia si eam dominus elegerit peti possit. Quid enim quærendum est de petenda pecunia, quæ iam soluta sit & prorogata, Vel de reddenda ea quam is qui seruū accepit, numquam numerauerit? Sed & cūm vtroque isto casu tractetur de pecunia petenda, Priore quidem si dominus elegerit pecuniam quæ nondum soluta sit, Posteriori verō si dominus acceperit pecuniam, quam reddere debeat, Probabile est, sicuti vtrique casus eandem quæstionem admittit, Quanam actione pecunia hæc peti possit siue à domino qui eam pro seruo eligere voluerit, siue ab eo qui seruū accipiens aestimatum pecuniam aestimationis iam tūm pro eo soluerit, Ita & ad vtriusque casus quæstionem Papinianum respondisse neque indecisam eam reliquisse quæ maioris dubitationis plena videbatur. Quemadmodum enim difficilior est, vt pecunia data pro seruo accepto habēat quæstionis gratia repeti possit post habitū de seruo quæstionē, tamen si compertus sit seruus furti reus, quia non eo minùs verum est causam, propter quam pecunia data fuerat secutam fuisse, nec fieri amplius posse vt habeatur pro non secuta, non magis quā vt seruus reuera tortus, numquam tormentis & quæstioni datus fuisse intelligatur: Sic & difficilior illud videtur, quānam in eam rem actio possit competere. Quis ergo credat quæstionem hanc à Papiniano fuisse prætermittam? Præsertim verō in libris Quæstionum in quibus ille nouas sibi pro arbitrio quæstiones fingere solet, & quantum facere potest arduas & subtiles, vt ingenij sui acumen mirabile & facilius prodat, & felicius exerceat. Credam potius vel ad posteriorem hanc solam quæstionem responsurū ab eo fuisse, cūm in specie quam tractabat, nullus priori locus relinqueretur propter acceptam à domino priùs quā electam pro seruo pecuniam, Vel quod sanè conuenientius fuerit, sic propositam fuisse quæstionem vt ad vtrumque casum accommodari possit, ne quid indecisum relinqueretur. Vtrumque autem à Papiniano factum quis dicat, semper delenda sunt meo iudicio verba illa, quæ interpretationem nostram non patiuntur, *si eam dominus elegerit*, cæteraque sola retinenda, *sed qua seruum est qua actione pecunia peti possit*, Nam cūm sint generalia, faciliè possunt in vtrumque casum sic accipi vt quærat Papinianus, non solūm qua actione peti posset pecunia, quam immediatè antea dixerat & datam fuisse domino, & ab ipso reddi oportere illo casu quo de seruo compertum esset, quod furtum admisisset, Sed etiam qua actione posset dominus petere pecuniam & aestimationem serui in eum casum quo nec prorogata pecunia, nec per

habitam quæstionem de seruo compertum quicquam fuisset, ac nihilominus pecuniam dominus pro seruo elegisset. Omnia enim hæc concurrere oportet, ut quæstioni locus fieri possit de petenda per dominum pecunia & æstimatione serui. Duplex igitur dubitatio est. Sed vtræque de pecunia petenda, licet vno casu à domino cui nondum soluta fuerit, Alio casu ab eo per quem fuerat, cum traderetur seruus æstimatus, prorogata. Ad vtramque autem Papinianus vnicā adfert responsum his verbis, *Dixit amens quid inter eos ageretur verbis quoque stipulationis conclusum non fuisset, si tamen lex contractus non lateret, præscriptis verbis incerti & hic agi posse.* Quibus verbis significat non solum his casibus si pecunia petatur, locum esse actioni civili Præscriptis verbis incerti, sed etiam in priore legis specie in qua dixerat si seruus non redderetur, ciuilitè agi posse. Quid enim aliud significare possunt duo illa monosyllaba & *hic* nisi quod significarent si esset additum *sicut & in superiore casu.* Dat ergo Papinianus actionem ciuilem incerti præscriptis verbis ad pecuniam petendam siue dominus eā petat ut sibi solvatur pro seruo de quo innocente habita fuerit quæstio, siue is, qui eam prorogauerat, ut sibi reddatur postquam seruum in admisso deprehensum fuisse apparuit, si stipulatio interposita fuisset, nihil aliud inquireremus, nisi quid in stipulationem deductum, quid promissum esset. Alia enim quæ omissa fuissent, pro omisfis haberentur *l. quicquid adstringenda 99. De verb. obligat.* Et verò moris erat, ut diximus, in huiusmodi specie interponi stipulationem *dist. l. certo precio.* & quidem in conclusione conventionis, ut Papinianus noster innuit cum ita loquitur *verbis quoque stipulationis conclusum non fuisset.* Sicut & in cæteris casibus interponi stipulationes solebant in nouissima parte pactorum, inquit Ulpianus *in l. iuris gentium 7. §. quod ferè D. de pact.* tanquam quæ non nisi firmandarum aliarum conventionum gratia adhiberentur, Ob eam nimirum causam dictæ à *stipulo* quo nomine veteres firmum significabant, ut Iustin. docet initio *Tit. De verb. oblig.* Sed nulla interposita stipulatione id vnum relinquitur ut inspiciamus quid actum sit inter contrahentes. Potest autem quid actum esse duobus modis, aut nudo pacto, aut conventionione contractui inserta quæ contractui ipsi legem dederit. Priore casu nulla ex tali pacto nudo potest nasci actio sed exceptio duntaxat, adeoque nec si bonæ fidei contractus præcessisse probaretur. *l. iuris gentium §. quinimò, l. pacta conuenta 72. D. de contr. empt.* Posteriore autem casu datur actio ex pacto, non quia non sit pactum, sed quia non est nudum. Id enim est quod addit Papinianus *nec videri nudum pactum interuenisse, quoties certa lege dari probaretur* quomodo & ab Impp. rescriptum est *in l. ult. C. de rer. permut.* iis verbis cum huiusmodi conventio non nudi pacti nomine censetur, sed propriis rebus dictæ legis substantia muniaur, quod nec dissimiliter scriptum legimus *in l. legem 10. C. de pact.* & *in l. i. C. de pact. conuenta* *sup. dot.* aliisque locis quàm plurimis. Ex quibus apparet euidentissimè ut hoc obiter moneamus, quàm improbabilius vir doctissimus Iacobus Cuiacius nouam illam opinionem inducere ausus sit, Quod omnia pacta sint nuda, nullum non nudum. Pactum enim quod adicitur contractui, stricto præsertim & innominato, quale illud est de quo nunc tractamus, neque nudum est vel sitente ipso Cuiacio, neque tamen eo minùs pactum manet, Quamuis hoc neget Cuiacius, qui vult his casibus pactum transire in nomen contractus. Omnino malè. Nam siue intelligit de speciali nomine contractus, Quomodo fieri obsecro potest, ut pactum transeat in nomen contractus innominati qui nullam ipse nomen habeat. Sin quod magis credo, sensit ipse de nomine contractus in genere, ut pactum ex

Atum ex nudo fiat contractus ille cui adiicitur, ne hoc quidē dici potest. Si enim
 transiret in contractum, quomodo posset dare legem contractui? Vtique non
 magis quā sibi ipsi, cū pactum ipsum contractus esset. Quoties itaque dici-
 mus pactum tale esse quōd det legem contractui, separamus necessariō pactum
 à contractu tanquam res diuerfas & sensu & nomine, licet de eo pacto nos sem-
 per loqui necesse sit, quod cohzreat contractui, & ipsi insit. Et hoc apparet eui-
 dentius ex eo, quōd si pactum huiusmodi transiret in illum ipsum contractum
 cui adiicitur, siue nominatus esset contractus siue innominatus, consequens ne-
 cessariō fieret, vt non alia ex pacto dari posset actio ad id quod pacto compre-
 hensum esset, quā illa ipsa quæ ex eo contractu competeret. Quod tamen non
 ita est. Id enim ad ea tantū pacta pertinet quæ incontinenti post contractū
 bonæ fidei adiiciuntur, quorum singulare ius illud est vt non solum insint con-
 tractui sed etiam informēt actionem ex contractu competentem *d. l. iuris gen-
 tium §. quimō D. de pact.* At quæ insunt contractui stricto & nominato puta
 mutuo [sive dedisse me tibi mutua mille, eo pacto addito vt pro me Romam
 eas] dant quidem legem contractui hactenus vt non minū impleri oporteat,
 quod pacto quā quod contractu promissum fuit. Sed nō informant actionē
 ex eodem illo contractu, vt eadem certi conditio ex mutuo, quæ mihi com-
 petit, ad mutua mille repetenda profit etiam mihi ad cogendum se vt pro me
 Romam eas, Sed alia in eam rem actione opus est, quæ semper est Præscriptis
 verbis *vt in l. instrumenti 17. C. de usur.* Nisi cū tractamus de pacto adiecto stipu-
 lationi, vt alibi à nobis pluribus disputatum & comprobatum est in Rationali-
 bus. Alioqui quid dicemus si cōtractus talis sit ex quo nulla nascatur actio? Fin-
 ge donationem esse non stipulatione sed traditione perfectam, vt in *d. l. ult. C.
 de rer. permut.* Certum nanque est nullam ex eiusmodi contractu nasci actionē.
 Ad quid enim competeret cū donatio effectum suum iam habuerit per tradi-
 tionem? Dico ampliū Donationem nec cōtractum esse. Vtrumque enim æquē
 facili probabo ex *l. interdictum 14. D. de precar.* quamuis posset mihi sufficere
 quōd donatio etiam si maximē contractus esset, bonæ fidei tamen contractus di-
 ci non posset *l. eum qui 12. D. de donat.* Quomodo igitur aut qua arte possis hoc
 casu assequi pro Cuiacio vt pactum quod ille fatetur non esse nudum trāseat in
 contractum qui nullus sit? Non enim hoc casu vestitur cohzrentia cōtractus, vt
 nostri barbarē quidem sed tamen significanter loqui solent, sed rebus propriis
 dictæ legis substantia munitur, vt loquuntur Imp̃p. in *d. l. ult.* id est cohzrentia
 traditionis. Nam in traditionibus rerum quodcūque pactum sit id valere mani-
 festissimū est *l. in traditionibus 48. D. de pact.* Dic igitur si voles & si poteris, pa-
 ctum hoc transire in traditionem quod certē perabsurdū fuerit cū traditio ne-
 que verbis neq; consensu solo contenta sit, vt pactū sed possessionis translatio-
 nē exigit *l. traditionibus 20. C. eod.* Vel fatēre & conuēdē, quod lex negat, nudū
 pactū esse, cū non possit transire in contractū cui adiicitur qui nullus est. Da-
 tur ergo actio Præscriptis verbis ex pacto quod additum in continenti fuit cō-
 tractui stricto siue nominato non nominato, quia non nudum pactum est, sed
 lex contractus præcedentis, vt in specie *d. l. si dominus*, aut lex traditionis, si tra-
 ditio tantū non contractus vllus præcesserit vt in *d. l. ult. C. de rer. permut.* Ne-
 que hoc apud Papinianum in eo casu quem tractamus aut mirū aut difficile est.
 Sed illud potiū Cur det ille actionem præscriptis verbis ad pecuniam siue pe-
 tendam siue repetendā [nā & qui repetit, petit] cū non de illo pactū inter-
 uenisse proponatur, vt vel daretur pecunia, vel redderetur, sed tantū vt seruus

habenda quæstionis gratia tradit æstimatus, si de eo nihil compertum esset, restitueretur. Quid enim habet commune pactio hæc cum pecunia siue soluenda siue reddenda? Fateor quod ait *d. l. legem 10. C. de pact. & d. l. i. C. de pact. conueni.* cum pecunia datur, & aliquid de reddenda ea conuenit utilem esse non modò pactiōem sed etiam ex pactiōe condiçionem id est personalem actionē, Sed in proposita specie negotiū ita gestum est, vt neque pecunia data sit, at seruus traditus, neque de reddēda pecunia quicquam conuenierit, sed duntaxat de reddendo seruo. Nam quod proponitur seruus æstimatus, non potest facere vt eo magis videri debeat quicquam de pecunia danda conuenisse in eum casum quo dominus pecuniam eligeret, si non etiam illud concurreret, vt per quæstionem deterior seruus factus esset. Cum æstimatio, siue venditionis causa fieri eam cōtingat, siue non venditionis causa, non magis vnius quàm alterius contrahentium gratia fiat. Quin potius in eius gratiam qui accipit nō qui dat æstimatum, vt siue res æstimata pereat siue deterior fiat, non alio tamē precio quàm quo taxata fuerit, reposcatur, vt eleganter & disertè scriptum est in *d. l. si inter 21. C. de iur. dot.* Non ergo sola æstimatio serui ad quæstionem traditi facere potest vt videatur conuenisse de pecunia reddenda post habitam quæstionem si pro seruo pecuniam dominus eligeret. Et ob eam nimirum causam præmisit Papinianus verba illa *si lex contractus non lateret*, Vt significaret dare se quidem præscriptis verbis ciuilem incerti actionem ad pecuniam aut petendam aut repetendam pro casuum varietate, At non tamen omni casu, sed ita demum si appareret quid actum esset, inter contrahentes, & qua lege traditus esset seruus æstimatus vt de eo quæstio haberetur. Exigit itaque Papinianus præter æstimationem, aliud quiddam ex quo possit constare quam legem contractus dicere paciscentes voluerint. Et consequenter aliquam conventionem de hoc ipso de quo quærimus, id est vt pro seruo reddēdo pecuniam domino dari oporteret si pecuniam dominus eligeret. Alioqui non esset cogendus is qui seruum æstimatum accepisset ea lege, vt si de eo nihil compertum esset, cum ipsum redderet, pecuniam dare pro seruo quem paratus esset reddere dum ne factum vlla in re deteriorē. Lisset enim hoc alienius à verbis conventionis. Quæ cum simpliciter facta sit de seruo ipso reddendo vt in *d. l. per vlt. D. de condi. caus. dat.* non facilè interpretationem illam ex solius domini voluntate recipere potest, quasi senserit ille, vt si pecuniam habere quàm seruum mallet, electio ipsi perimitteretur. Cur non enim id ipsum si non stipulatione saltem pacto expressit, si ea fuit voluntas? Maxime cum verissimum sit quod veteribus placuit, semper faciendam interpretationem aduersus eum qui legem potuit apertius dicere *vulg. l. veteribus 39. D. de pact.* Erat namque in potestate domini seruum suum tradētis vt quam vellet legem traditioni diceret *d. l. in traditionibus l. venditor 13. commun. præd. l. vltim. C. de pact. int. empt. & vendit.* Sibi ergo imputet si eligendæ pro seruo pecuniz facultatem cum posset, sibi non exceperit. Quid enim obstabat, quominus tradendo seruum conueniret vt habita de seruo quæstione, vel seruus ipse vel æstimatio ipsius quanta esset taxata, vtrum ipse mallet, sibi redderetur? Adieci *vtrum ipse mallet*. Aliter enim fuisset electio debitoris, non domini eiusdēque creditoris *l. plerumque 10. §. vlt. D. de iur. dot.* Ex quo apparet tantò magis, non posse in hac specie domino competere electionem pecuniz si non expressum ea lex contractui dicta probetur. Nempe si vltro nullaq; cogente necessitate velit ille pecuniam petere ab eo qui seruum ipsum de quo habita quæstio fuit, nec deteriorē vlla ex parte factum velit reddere. Nā si per eum stet qui seruum acceperat æstimatum

matum

matum quominus seruus ipse reddatur parato domino eū recipere, sufficit cōuentio de reddendo seruo iuncta ipsius æstimatione vt pecunia peti possit, at nō præcisè & absolute, sed quasi sub disiunctione & alternatione debita, si non seruus ipse reddatur, ac proinde relicta debitori electione vtrum præstare malit, ad litis vsque contestationē, vt in *l. si Titius 9. l. si insulam 84. D. de verb. oblig.* Quid enim refert an seruus perierit, deteriusve factus sit, an verò non reddatur? Nisi quod cū aduersus conventionem per contumaciam promissoris nō redditur, nō facit æstimatio quominus teneatur promissor vel seruum ipsum reddere, vel quanti dominus in litem iurauerit præstare, siue ad exhibendum agat, siue recta rei vindicatione, quam dubitandum non est ei saluā manere qui quæstionis habendæ gratia sic tradidit seruum æstimatum, vt tamen eius dominium sibi retinuerit *d. l. penult. D. de condit. caus. dat.* Nec enim æstimatio in hunc casum facta est vt ea contentus esse dominus cogereetur, sed in eum duntaxat quo vel deterius factus esset seruus vel amissus *d. l. si inter.* Ne aliqui sit in potestate improbi ac perfidi huius promissoris per rapinam ab inuito domino rem iusto precio cōparare, quod nec si precium iusto maius offeratur permittēdum est *l. nec quasi Publicianam 70. D. de res vindic.* Sanè cū pecunia pro seruo data & prorogata est ipso tempore traditionis, facilius est vt possit dominus pecuniā eligere, etiā de qua eligenda nihil cōuenit, quoniam vt hoc casu pecuniam retineat, quam penes se iam habet nulla indiget actione, sed ille potius qui pecuniam dedit, si eam habere nunc malit, quā seruum retinere. Potestque tentati non improbabiler electionem retinendæ pecuniæ iam exinde domino datam videri ab eo qui traditum sibi seruum æstimatum accepit, ex quo pecuniam numerauit, nulla de reddenda ea in contrarium adhibita stipulatione. Nec enim credibile est de eo cogitatum fuisse vt prorogata pecunia ab inuito vnquam repeteretur. Sed alienus est hic casus à nostra disputatione in qua non de retinēdæ, sed de petendæ pecuniæ electione quatinus cum Papiniano, qui tamen ea nō potius speciem tractare videtur in qua fuerit data domino pecunia æstimationis serui ante habita de seruo ipso quæstionem, vt probauimus in superioribus ex illis sequentibus apud Papinianum verbis *tunc enim q̄ datam æstimationem reddi à domino oportere.* Vnde coniecturam sumpsimus emendandæ legis, Quasi de ea pecunia sentire Papinianus non potuerit quam nondum sibi datam dominus petendam elegerit, sed de illa potius quam domino datam & prorogatam reddi ei qui dedit oporteat. Facilius siquidem est vt petitam pecuniam interpretemur etiam eam, quæ repetatur, quā eam quæ retineatur. At verò vt prorogata pecunia etiam illi qui dedit reddatur, si per habitam de seruo quæstionem furte reus ille compertus sit, vtque in eam rem civilis incerti actio Præscriptis verbis detur, An similiter exigemus vt specialis aliqua conventio in eam rem interuenerit? Minimè. Non enim potest latere contractus, etiam si de eo nihil nominatim dictum sit, si modò conuenit, quod conuenire olim solebar, vt si de seruo nihil per quæstionem compertum esset, is redderetur. Hoc ipso enim illud quoque conuentum videbatur, vt in contrarium casum, id est si de seruo aliquid compertum esset, is non redderetur *l. inter focerum 26. §. cū inter D. de pact. dotal.* Estiautem neque hæc neque illa pactio quicquam continet de reddenda vllo casu pecuniæ, quæ vt traderetur seruus, prorogata fuit domino. Vt tamen ipsa & effectu hoc quoque pactio illa contineri intelligitur, quia nec ad alium finem pecunia prorogatur, quā vt habeat dominus in manu paratam indemnitatē, & quod possit retinere si seruus non reddatur,

eo nimirum casu quo reddi eum oportebit. Cui consequens est, Id igitur etiam tacite actum videri, ut si talis casus contingat, in quo servum reddi non oporteat domino, dominus è contrario pecuniam quam accepit ei reddere debeat à quo accepit, tanquam quæ in hunc casum nec data nec accepta sit. Alioqui non suo iure & impune servum retineret is qui accepisset, si pecuniam quam pro detegendo facinore antequàm compertum esset prorogavit repetere non posset, non magis quàm si eam nondum datam nunc dare cogeretur. Cùm igitur datà pecunià ut quæstio de servo haberetur, & addita pactione ut si de eo nihil compertum esset ipse redderetur, nō lateat lex contractus, sed in aperto sit quid contrahentes fieri vellent si servus furti reus deprehenderetur, Nihil aliud exigendum est ut præscriptis verbis actio etiam ei qui servum retinuit detur ad petendam pecuniam quam dederat, ut in alium casum penes dominum remaneret.

ERROR OCTAVVS.

De actione incerti Præscriptis verbis, ad certam quantitatem pecunia.

SED illud magis mirum est, Cur hæc actio Præscriptis verbis dicatur incerti, cùm detur ad certam pecuniam numeratam siue Papinianum intelligas de pecunia quam petat dominus qui pro servo pecuniam elegerit, Siue de servi æstimatione, quam domino prorogatum reddi oporteat ab ipso domino cuius servus cōpertus fuerit furti reus. Quis enim unquam audiit certā pecuniam numeratam, cuius petendæ gratia certi conditio iure civili nominatim comparata est, etiam incerti actione peti posse? Scio Cuiacium respondere nec insubtiliter, competere hoc casu actionem incerti præscriptis verbis ad consequendā pecuniam, non tanquam pecuniam, sed velut pro eo quod interest: ut solet dari ex contractu Do ut des, quasi & hic contractus sit Do ut des, Do scilicet tibi servum ut mihi des pecuniam, quemadmodum si è contrario dedissem tibi pecuniam ut mihi Stichum dares ut in l. vlt. De condit. caus. dat. Verùm hoc ipsum erat explicandum, Cur hoc casu detur actio incerti ad id quod interest, cùm id quod interest, sit certum, nec possit dictā æstimatione hominis egredi æstimationem, quod & Cuiacius fateitur, quamvis aliàs contrā soleat evenire l. i. in princip. D. de action. empt. l. an interdictio 6. D. unde vi. Neque rursus verum est hunc esse contractum Do ut des, sed Do ut reddas, quemadmodum in superioribus diximus. Actum enim erat expressim de servo reddendo, non de danda pecunia, quam nec aliter peti posse vult Papinianus, quàm si dominus ex post facto, id est post habitum de servo quæstionem, de quo nihil compertum sit, eam elegerit. Ut proinde initio inspecto quod ad cuiuscumque contractus formam dignoscendam semper inspicendum est l. si procuratorem 8. in princip. D. mandat. l. i. §. si servum deposuit 30. D. deposit. non possis dicere contractum hunc esse Do tibi servum, ut mihi des pecuniam. Nam & si talis contractus esset, sequeretur ut te non dante pecuniam, agendum mihi esset præscriptis verbis, nō ad pecuniam quam dare debueras, sed ad id quod mea interesset te dedisse ut scriptum est in l. naturalis 5. §. i. D. de præscr. verb. Hoc verò fieri nō potest, quia ratione pecunie nunquam agitur ad id quod interest nisi utilitas loci vel temporis interve-

niant

niat quæ faciat ne id quod interest excurrere in infinitum possit *l. nummis 3. D. de in lit. iurand.* Difficilis certè nodus est, sed ita iudicio meo dissoluendus, ut dicamus, Cum per habitam de seruo quæstionem; furti reus compertus ille est, exinde quæsitum ius fuisse ei cui furtum factum est agendi in onine id quod sua ob eam causam interesset aduersus dominum serui. Ex natura scilicet actionis furti, siue domini, siue utilitatis solius ratione deferatur *l. si vendidero 80. §. 1. D. de furt.* Neque tamen noxali actione, quia non competit noxalis actio ei qui seruum tenet, ut nec aduersus alium quàm eum apud quem seruus sit *l. noxalis 7. in princip. D. de noxal. action.* Sed non aufferet ea res domino facultatem dedendi seruum noxæ, perinde ac si noxali actione conueniretur: Eadem scilicet æquitatis ratione, quæ noxales actiones introduxit, Ne ex serui facto & maleficio dominus ultra quàm quanti seruus ipse est obligetur *l. 1. eod. §. intro. 1. Inst. eod.* Ceterùm quouique dedat plenissimè, non potest recusare quominus in id quod interest conueniatur, & condemnatur. Nec enim aut melior aut deterior ipsius condicio esse debet quòd seruum alteri traditum neque habeat amplius in sua potestate, neque habere vnquam possit, nisi soluta totius litis æstimatione. Cum non eo minùs possit seruum noxæ dedere si velit, imò tantò citius & commodius, quanto facilius ei est seruum penes actorem derelinquere, quàm tradere, si apud se adhuc seruum haberet. Atqui non potest videri plenam noxæ deditionem fecisse, ex eo solo, quòd seruum quem non nisi habendæ quæstionis gratia tradiderat, post habitam quæstionem penes eundem manere patitur, si non præterea reddat pecuniam, quam ut seruum traderet accepit: Quia neque seruum hunc ex causa deditionis habere dici potest, quandiu abest ei pecuniæ, quam prorogauit, & quam si non dedisset, seruum hodie non haberet. Teneat ergo dominus omnimodo ut pecuniam illà reddat, ad hoc vt seruum pro noxæ dedito relinquere videatur, si non totius damni æstimationem inferre malit: Cùmque actio etiam noxalis, tunc cùm competit, non ad deditionem competat sed ad litis æstimationem, id est ad hoc quod interest agentis *dist. l. miles 6. §. 1. De re iudic.* Consentaneum est ut in proposita specie actio præscriptis verbis quæ velut in locum noxalis actionis substituta est, sit incerti, àquam quæ detur ad id quod interest. In quo dubitandum non est quin pecuniæ pro seruo torquendo data contineatur, quamdiu non redditur, siue damni præstationem eligere dominus velit, siue noxæ deditionem. Proinde verissimè est pecuniam quamuis certā & numeratam peti hoc casu iure eius quod interest, & tanquā partē quandam vel æstimandæ litis, vel deditionis serui pro noxæ. Sæcque propositis omnibus circa hūc casum dubitationib. satisfieri posse arbitramur, Nec cuiquā posthac mirū videri debere quod nos contra Accursium & Bartolū cōtendimus, Conditionē certi numquam posse competere, ad id quod interest. Cùm è contrario necessaria sit actio incerti etiam ad petendam certā pecuniam numeratā, quoties pecuniam illā iure eius quod interest peti oportet. Sed de alio casu quo dominus pecuniā petat, quam elegerit pro seruo de quo nihil cōpertū sit an idem fortasse dicere possumus? Nihil minùs, Nec sanè possum dissimulare nihil habere me quod ad propositā quæstionē respondeam. Cur incerti actionē Præscriptis verbis hoc casu cōpetere Papinianus putauerit ad pecuniā petendā: Cùm & pecuniæ quæ petitur certa sit, & tanquam pecuniā petatur, nō tanquā id quod interest, cuius scilicet petendi nullus hoc casu color subest siue conventionis, siue negotij naturā inspiciamus. Quidni ergo petatur potius cōditione certi? Nā quod petitur ex contractu innominato ad rem non facit: Si-

quidem certi conditionem competere certum est, ut ex qualibet causa, ita ex quolibet contractu etiam incerto, dum ex eo certum petatur *d. l. certi conditio*. Et hæc nimirum præcipua ratio est, quæ inuitū me cogit ut emendationē meam probem, delcāmque in quæstione Papiniani verba illa *si eam dominus elegisset* quæ has nobis difficultates pepererunt. Quid enim clarius, quàm videre Papinianum cui familiare est quæstionē ex quæstione deducere, maxime verò in libris Quæstionum postquàm respondit ad primam dubitationem quæ illa erat: Qua de inuā actione cogi posset seruum reddere is qui habendæ quæstionis gratia æsternatum illum acceperat si nihil de furto compertum esset, Nimirum ciuiler cum eo in eam rem agi posse, statim subiecisse verba illa *licet aliquo casu seruum retenturus esset qui traditum accepisset*. Potest enim retinere seruū siue dominum pro æ pecuniam elegisset, siue in admissio deprehensus fuisset: Tunc enim & datam actionem reddi a domino oportere, Non alio fine quàm ut viam sibi strueret ad aliam quæstionē quam subinde proponit iis verbis *sed quesitum est* mira orationis colligatione cū posterior dubitatio nihil commune haberet cum priore. Atque ita nos quidem totam legem hanc & legendā & intelligendā arbitramur.

ERROR NONVS.

De Bartoli & Cuiacii ad supradictam Papiniani legem interpretationibus.



MULTA verò Bartolus quem posteriores, ut solent, secuti sunt, sed plura Cuiacius ad Papinianum in huius legis interpretatione peccauerunt. Bartolus primum in eo quod Papiniani sententiam illam esse vult, ut ex contractu Do ut facias & des nascatur actio Præscriptis verbis per quam agi possit ad hoc præcisè fiat quod conuenit: Quod tamen neque verum est, neque ad legem nostram accommodatum, in qua non ille contractus initus proponitur Do ut facias & des, adeoque nec quisquam ex duobus illis simplicioribus Do ut facias vel Do ut des, sed ille potius qui diuersam à præcedentibus omnibus habet rationē. *Trado ut reddas*. Oñedimus namque in superioribus eum casum à Papiniano tractari, quo dominium serui habendæ quæstionis causa traditi non fuerit translatum in accipientem: quod utique factum esse oporteret ut hæc contractus species caderet in alterutrum ex iis contractibus *Do ut des* vel *Do ut facias*, Nō quod aliquando verbis istis *dandi* & *tradendi*, promiscuè prudentes non vtantur ut à Papiniano nostro in hac ipsa lege factum est, quod & Cuiacius obseruauit, Sed quia in contractibus designandis & demonstrandis eam verbotū proprietatem omnino sequi debemus quæ nullū dubietati & æquiuoco locū relinquat. Ideoque solemus dicere, Ex contractibus illis Do ut des & Do ut facias nasci non modò ciuilem actionem ad id quod interest, sed etiam conditionem ad repetendum id quod datum fuit *l. naturalis §. 1. & seq. eod. tit.* quæ tamen conditio non aliter competere vnquam potest extra causam conditionis furtiue, quàm si is qui rem suam tradidit dominus eius esse desierit *l. pen. D. de condit. caus. dat.* Est igitur potius hic contractus collocandus sub genere contractuum *Facio ut facias*, quoniam & qui tradit facit, & qui reddere debet, facere debet, Neuter verò dat cum traditio prima non animo transferendi dominij facta fuit. Nescio verò cur addat Bartoli contractum hunc esse *Do ut facias & des*, Nisi forte ita intelli-

intelligit quasi conuenerit inter tradentem & accipientē non tantū vt seruus redderetur, quod factū est, sed etiam vt pecunia daretur, in quo vera datio & dominij translatio versatur. Sed hoc dici non potest. Neque enim de utroque coniunctim potuit conuenire, id est de seruo reddendo, & de danda pro seruo pecunia, sed disiunctim & alternatiuē vt vel seruus redderetur, vel pecunia, si eam dominus eligeret daretur. Itaque debuit prius dicere Bartolus, Esse hunc contractum *Do vt facias vel des*, non quomodo loquitur, *Do vt facias & des*. At neque hoc quidem dicere potuit. Necessariū enim ponendum est iū hac Papiniani specie cū traderetur seruus æstimatus illo ipso tempore datam & prorogatam fuisse æstimationem, non autem de ea danda conuenisse, vt docuimus in præcedentibus. Nec illud rursus videre possum, cur dicat Bartolus, Ex huiusmodi contractu *Do vt facias & des* dari actionem præcisē in id vt fiat quod conuenit, Quæ non daretur ex simplici contractu *Do vt facias*, sed ad id tantū quod agentis interesset *dist. l. naturalis §. at cū do*. Non enim Papinianus ait, Si seruus habendæ quæstionis gratia traditus non reddatur, cū de eo nihil compertum sit, cogi posse præcisē vt seruum reddat: Sed hoc tantū *cuiuslibet cū eo agi posse*, quod nos suprā sic interpretati sumus vt ciuilis actio incerti Præscriptis verbis hoc casu conuerpat, Ex sequentibus illis eiusdem Papiniani verbis ad posteriorem legis quæstionem relatis *præscriptis verbis incerti & hic agi posse*. Ergo ad id quod interest, non ad seruum omnimodo reddendum. Nec enim actio incerti dicenda illa esset, sed conditio certi quæ competit ex omni causa ex qua certum petitur quamuis ex contractu incerto *l. certi conditio §. D. de reb. credit.* Aut si quis actionem præscriptis verbis adhuc eo casu vellet competere, non tamen posset dici ea incerti, quippe quæ non ad rem incertam competeret, id est ad id quod interesset, sed ad rem certam, id est ad seruum ipsum quem omnimodo reddi oporteret. Exemplo actionis Præscriptis verbis quæ oritur ex permutatione, quam nemo vnquam dixit incerti esse, quia nimirum non ad id quod interest competit, sed ad hoc vt vel id quod vicissim dandum est præcisē detur, vel quod acceptum fuit, reddatur, *l. i. §. vltim. D. de rer. permut. l. cū præcisus 4. Cod. eodem.* Quod verò ex hac ipsa lege notat Bartolus, Competere actionem præscriptis verbis ad reperendum id ipsum quod datum est vel eius æstimationem, quando sic actum fuit, Non video qua ratione ex Papiniano inferri possit. Non enim dat ille actionem præscriptis verbis ad reperendum seruum aut ad petendam eius æstimationem, sed ob non redditum seruum ad id quod interest. Cū autem pecuniam pro seruo eligit dominus quæ nondum ei soluta sit, petere illam debet non actione incerti præscriptis verbis, sed vel conditione certi, vel actione ex vendito, cū æstimatio hoc casu licet ab initio non fuerit venditio, euadat tamen postea in venditionem secuta quancumque electione pecuniæ, Vel denique actione illa præscriptis verbis quæ de æstimato proponitur, Ex *l. i. versiculo quoties D. de æstimat. act.* in illis verbis *quoties enim de nomine contractus alicuius ambigetur, conuenires tamen aliquam actionem dari dandam æstimatoriam præscriptis verbis actionem.* Nempe si facta æstimatio proponeretur vt in specie Papiniani. Hoc enim omnino exigitur vt æstimatoria præscriptis verbis actio locū habere possit. In summa non vult Papinianus repeti seruum tanquam datum aut traditum, sed peti tanquam reddendum, & ideo non dat conditionem domino sed incerti actionē præscriptis verbis, vt si seruum reddere nolet is qui accepit, dominus id

omne quod sua eo nomine intererit, cōsequatur. Cur verò non damus actionē æstimatoriam præscriptis verbis ad petendā serui restitutionē, cūm seruus fuerit æstimatus, quem admodū dari eam volumus ad petendam pecuniam? Nimirum quia si per æstimatoriam seruus hic peteretur, esset in potestate habētis seruum, ut vel eum redderet dūmodo incorruptum nec deteriore factū, vel ipsius æstimationē præstaret *d.l.1. §. ult. de æstimat. ad.* Atqui ponimus æstimatum fuisse seruum cōmodo & fauore non accipientis sed tradentis, ut haberet electionem utrū consequi mallet, Siue dicas cū Cuiacio expressim conuenisse ut dominus electionē hanc haberet, Siue ponas, quod nos magis probamus, datam ei fuisse hoc ipso quod prorogata ei fuit pecunia æstimationis. Non ergo æstimatoriæ actioni locus fieri potest eo casu quo agere dominus velit ob nō redditū seruū nulla æstimationis facta mentione, Quod vel nomē ipsum æstimatoriæ actionis demonstrat. Sic enim appellatur & De æstimato ut appareat mentionem æstimationis in ea fieri oportere. At ut per æstimatoriā æstimatio ipsa peti possit præcisē, nihil repugnat, si modō is petat qui eligendi ius habet. Nihil ergo verē Bartolus, aut accōmodatē ad Papiniani sensum, Nisi quod postremo loco notat, Si tradā tibi seruum torquendum pro maleficio, id inter nos actū intelligi debere ut nō reddas si sit repertus in maleficio. Hoc. n. verum sanē est, cūm isto casu tenear tibi ad indēnitatem præstandā, nisi seruum pro noxa dedere malim. Et hæc quidē contra Bartolum disputasse sufficiat. Sed contra Cuiacium, Deus bone, quā lōgē plura tractāda essēt, si singula ipsius errata persequi vellemus. Ac in ipso statim limine offendit, cūm docet actionē præscriptis verbis dici etiā incerti: quasi sint ista synonyma, nec quicquam referat an dicas actionē præscriptis verbis, an verò incerti: quod non ita est. Etsi enim Præscriptis verbis actio dicitur etiā incerti quoties datur ad id quod interest, quod semper incertū est, Nō tamē datur semper ad id quod interest, ut in ea videre est quam dari diximus ex permutatione *d.l.1. §. ult. D. de rer. permut. d.l. cūm precibus 4. C. eod.* quæ proinde incerti nullomodo dici potest, ut neq; æstimatoria quæ similiter ad id quod interest numquam datur, sed ad hoc ut vel ipsa res data & æstimata reddatur, vel æstimatio præstetur *d.l.1. §. ult. De æstim. ad.* Sicut ē contrariō non omnis actio incerti potest vicissim dici Præscriptis verbis, Ut apparet tam ex conditione incerti, quā ex actione ex stipulatu, quarum utraque incerti sanē est, neutra tamen præscriptis verbis, Et ideo bene Papinianus in posteriore huius legis parte utrumq; actionis nomē cōiungit, cūm ait *præscriptis verbis incerti & hic agi posse* ne quis posset intelligere vel de actione præscriptis verbis, quæ non esset incerti, Vel de actione incerti quæ nō esset præscriptis verbis. Sed grauius in eo errat vir doctissimus, quod ponit sic datū fuisse seruum à domino ei qui habendæ quæstionis gratia accepit, ut factus fuerit accipientis. Nam si ita esset, sequeretur factam fuisse æstimationem contrahendæ venditionis gratia, nec in potestate prioris domini amplius fore ut ob seruum non redditum posset agere ad id quod sua interesset, etiamsi seruum habere quā pro seruo pecuniam eligere mallet: quod tamen Papinianus disertē negat, cūm scribit non posse hunc seruum ab eo qui traditum accepit retineri nisi duobus illis casibus, Si vel dominus pecuniam pro seruo elegerit, vel seruus in admissio deprehensus sit. Relinquit igitur domino facultatem eligendi serui quamuis æstimati, nec cogit eum contentum esse precio, si is qui accepit retinere seruum malit, quomodo tamen contentus esse cogeretur si æstimatio venditionem fecisset, aut si qua alia ratione seruum accipientis fecisset. Adice, quod si eum

si eum casum tractaret Papinianus quo seruus factus esset accipientis, daret priori domino conditionem, non præscriptis verbis actionem, ut docuimus in superioribus ex *dil. l. penultim. D. de condit. caus. dat.* Addit olim fuisse visitatum ut seruus alienus quem alius argueret furti soleret tradi facile in quaestione sed æstimationis certo precio & stipulatione interposita de reddendo eo, vel æstimatione eius ex *l. certo precio 13. D. de quaest.* Rectè, Nisi in eo quod addit de æstimatione in stipulationem alternativè deducenda. Ita namque concepta stipulatione fuisset electio illius qui servum accipiebat ut vel servum redderet vel æstimationem, ex regula *l. plerumque 10. §. ultim. D. de iur. dot. & d. l. 1. §. ult.* *De æstim. act.* cum tamen ex contrario id ageretur ut servus omnimodo redderetur, nisi eligere pecuniam dominus mallet, ut in *l. si inter 21. Cod. de iur. dot.* ac proinde ut æstimatio fieret in favorem & commodum domini tradentis bona fide servum suum in quaestione. Quare nec ait Modestinus in *d. l. certo precio*, solitum fuisse ita concipi stipulationem ut ad servi vel æstimationis restitutionem promissor obligaretur. Et Cuiacius ipse qui in huius legis specie ponit me tibi dedisse servum in quaestione nec stipulationem interposuisse sed servum æstimasse & ea lege dedisse ut vel ipsum mihi redderes vel ipsius æstimationem, cogitur ponere hoc quoque additum conventioni *utrum ego mallet, Vtrum eligerem* quod tamen prorsus diuinatorium & commentitium est. Nihil enim fide servum suum in quo possit colligi vel conici facultatem hanc eligendi expressim deductam fuisse in conventionem. Quid? inquires, An non aperte Papinianus tractat de eo domino qui facultatem habeat eligendi? Non nego. Id enim evincunt manifestè illa legis verba *sus dominus pro eo pecuniam elegisset*, Sicut & facile illud admittam quoties hac de re interponebatur stipulatio, sic eam concipi solitam fuisse ut electio domino relinqueretur. Sed nego tractari à Papiniano eum casum, quo specialis aliqua huiusmodi pactio interveniret, Neque enim hoc prætermisisset quod præcipue fuerat exprimendum. Itaque vel fatendum est quod iam diximus habuisse dominum hoc ius eligendi ex tacita voluntate adversarii qui prorogauerat solutionem æstimationis, ut hoc ipso in domini potestate relinqueretur eligere pecuniam, an servum repetere mallet: Vel quod mihi probabilius videtur, non ad ius, sed ad factum referri supradicta verba debere. Id est sic accipi, ut dominus pecuniâ elegerit, non tam quod eligendi ius habuerit, quàm quod adversario volenti servum retinere ipse vitrò consenserit, & pro servo cuius restitutionem virgere poterat incerti actione civili præscriptis verbis, pecuniam habere maluerit. Nec est quod quis dicat Dominum hoc sensu non tam elegisse videri quàm eligenti adversario consensisse. Non enim dicimus adversarium elegisse, aut eligendi ius habuisse, quem è contrario ponimus servum sibi in quaestionem traditum accepisse ea lege ut ipsum redderet si nihil de eo compertum esset, Sed cum servum quamvis nullo iure retinere tamen voluisse, Dominum verò cum posset contradicere, & pro suo iure postulare ut sibi servus redderetur, maluisse consensire adversario pecuniam offerenti qua fuerat servus æstimatus, eamque accipere. Quomodo & in specie *l. si diversa 14. Cod. de transact.* rescribunt Imperatores ei qui transactionis placito nitebatur, si diversa pars contra placitum agere vellet, acquiratis rationem suadere refusa pecunia causam ex integro agi. cum & suinquirunt, hoc desideras quod perinde est ac si dicerent quando & tu hanc conditionem eligis quam improbare posses si velles, Ut & in *l. pupilli 96. §. 1. vers. planè si adolescens D. de solut.* Proinde non eo minùs in specie nostra dicendus est do-

minus eligere pecuniam cum oblatam sibi eam ab aduersario vltro accipit, quia si noller accipere, non cogetur. Ideo autem ponimus oblatam ab aduersario pecuniam, quia nec sit credibile adeo impudentem & inciuilem quemquam fore, qui ab amico seruum aestimatum acceperit in quaestionem, vt post quaestionem habitam velit invito domino seruum retinere, de quo reddendo expressam conuenientiam, quin saltem vltro ipse offerat pro seruo conuenientiam, si nondum ea prorogata sit, serui aestimationem: Cum nimis euidenter iniquum sit & seruum & serui precium ab eo retineri: quod ne quidem per conventionem expressam fieri posset salua bona fide *Lex empto 11. §. vlt. l. bona fides 50. D. de action. empt.* Cui tanto magis consequens sit quod constanter defendimus, non tractari a Papiniano casum illum quo pecunia etiam electa peti possit vel debeat. Nam siue dicas fuisse prorogata, siue oblatam, neutro casu indiget dominus actione ad pecuniam petendam, sed vel retentione tantum si iam apud se eam habeat, vel electione vt oblatam sibi vltro pecuniam consequatur. Quae res mirum in modum emendationem nostram confirmat. Nec enim quaerere potuit, ac debuit Papinianus qua actione pecunia peti posset, cum aut nulla opus esset actione si pecunia vltro offerretur, vel si iam prorogata eligeretur, Aut nulla posset competere, si pecunia neque prorogata, neque oblata proponeretur, siquidem eo casu alterutrum euenire necesse foret, vt nimirum vel de pecunia petenda, retinendaue quaeri non oporteret, sed tantum de proponenda incerti actione praescriptis verbis, vt seruus ipse redderetur aut quod actoris eo nomine interesset praestaretur, Vel electio eius esset qui seruū penes se haberet an seruū ipsum reddere an ipsius aestimationem praestare mallet, non domini vtrum petere vellet, nulla in contrarium interposita conuentione, quae domino eam dederit electionem. Quod si poneres expressam ea de re conuentionem interuenisse, planè non video qua ratione aut quo sensu Papinianus ad quaestionem de pecunia propositam respondisset sub illa condicione *si lex contractus non lateret*. Quomodo enim latere posset, quae expressa conuentione niteretur? Falsum igitur est, quod supponit vir doctissimus, initam expressam conuentionem de restituendo seruo vel eius aestimatione vtrum dominus mallet.

ERROR DECIMVS.

De alijs Cuiacij erroribus ad eandem Papiniani legem.

SED illud multò falsius est, quod addit Cuiacius Papinianum nihil quaerere de seruo qua actione possit repeti, sed tantum quaerere de pecunia, qua actione peti possit. An non enim repugnat euidentissimè tota illa legis prima clausula, in qua de seruo tantum agitur, de pecunia verò ne verbum quidem? *Si dominus*, inquit, *seruum cum furis argueretur quaestioni habenda causa aestimatum dedisset, neque de eo compertum fuisset, & is non redderetur eo nomine ciuiler agi posse.* Ad quid verò nisi ad hoc vt quod interest praestetur, si seruus non reddatur, aut potius quia non reddatur? Aut si hanc quoque clausulam ad quaestionem de pecunia proponendam referre velis, quia id quod interest non nisi in pecunia numerata solui, & praestari possit. Cur ergo subiecit Papinianus aliam illam quaestionem quae nos torquet iis verbis, *sed quaeritur de qua actione pecunia si eam dominus elegerit peti possit*, Nisi fortè respondeas priorem quaestionem esse de pecunia, quae petatur iure

iure eius quod interest : Posteriores verò de pecunia , quæ iure æstimationis. Quod etsi admitterem , Tantò minùs verum esse poterit , quod idem Cuiacius putat , Papiniani sensum in posteriore legis parte illum esse ut incerti actione Præscriptis verbis petatur pecunia tanquam debita pro eo quod interest , non pro æstimatione. Atque ita quoquò te veritas, emendatio nostra probanda erit. Illud sanè verum est quod subiungit Cuiacius , distinctionem hanc ex mente Papiniani adhibendam esse, Vtrum seruus de quo habita quæstio est, furti còpertus fuerit, an non. Si furti còpertus sit, nec ipsum peti posse, nec æstimationem eius, Inò verò si æstimatio fuerit prorogata & in antecellum data reddi eam oportere. Id enim tacitè actû videri ne serui nocentis nomine dominus quicquâ consequeretur. Sed quod addit æstimationem hoc casu repeti condictione sine causa, quia non fuerit causa etus proroganda *l. 1. De condit. sin. caus.* hoc verò euidenter malè nec tantùm contra Papiniani verba sed etiâ aduersus iuris rationem. Et quidem contra Papiniani verba qui de hac sola pecunia proponens quæstionem, statim responderet incerti quoq; actione ciuili præscriptis verbis & hanc pecuniâ peti debere. Contra iuris verò rationem, quia cùm nò fuerit prorogata hæc pecuniâ æstimationis ut seruus retineretur, sed tantùm ut à suo domino in quæstionem traderetur, Nò potest videri prorogata æstimatio sine causa, nec rursus ob causam, quæ nò fuerit secuta, cùm ponat Papinianus habitâ fuisse de seruo quæstionem quæ aliter haberi nò potuisset, ac qua non habita nihil de seruo furti còpertû esset, quod & postea idè Cuiacius fatetur. Dices tractare nos de repetitione pecuniæ, Papinianû verò de petitione, nec proinde posse illû intelligi de pecunia æstimationis quam proximè dixerat , reddi à domino oportere. Verùm præter id quod iâ respòdi in præcedëtibus, Etiâ peti pecuniâ quæ repetitur, Possum etiâ addere Papinianû elegâter suo more de petèda nò de repetèda pecunia quæstionem proposuisse, ut significaret nò repeti hæc pecuniam quasi sine causa datâ, ut malè putat Cuiacius, sed peti quasi debitam, & de qua in hunc casum reddèda si nò apertè salè tacitè, nec obscura còtractus lege conuenerit secundû ea, quæ suprà docuimus. Petitur. n. non quasi æstimatio, sed quasi pars eius quod interest, quod peti posset per actionem furti noxalem, si nò iam apud se seruû haberet is cui furtû factû fuit *l. noxalis 7. D. de noxal. act.* Addit Cuiacius, Si seruus furti còpertus nò fuerit, domino reddi debere seruû còditione sine causa si seruû fecerit accipiētis. Equè malè, & còtra Papinianû qui disertis verbis dat in hanc rē domino ciuile incerti actionem Præscriptis verbis, in id scilicet nò ut præcisè & omnimodo reddatur seruus sed ut ob eum non redditû, & nisi reddatur, præstetur quicquid eo nomine intererit agentis. Nā & eum casum Papinianus tractat quo dominus traditû seruû accipiētis non fecerit , ut suprà ostēdimus, quo tamen casu fatetur Cuiacius còditioni locû esse non posse, sed mala ratione. Ait. n. quia conditio domino rei suæ nò detur, Extra causam scilicet condictionis furtiue *9 sic itaque. Inst. de act. l. ult. D. usufr. quem. caueat.* Nā in cæteris quidè specialibus còditionibus id verû est per quas intēdimus dari nobis oportere. Sed in còditione sine causa, aut, quæ generalior est, nò ex iusta causa, non idem est, quia placuit iure gentium posse condici res ab his qui non ex iusta causa possident, siue ratione dominij si fortè abscesserit illud à condicente, siue ratione possessionis si sola possessio non etiam dominium abscesserit. Nam & idem Cuiacius hoc ipsum docuerat in libr. ii. Quæstionum Papiniani *ad l. 5. D. rer. amot.* de qua & circa quam scripsimus tam multa superioribus Decadibus. Aliud certè est in condictione ob rem dati re nò secuta, de qua

in l. penult. D. de condic. caus. dat. Addit vir doctissimus, Si dominus non fecerit seruum accipientis dandam ei vindicationem serui vel actionem Ad exhibendum. Hoc quoque malè. Nam cum hic casus sit quem Papinianus tractat ut tam sæpe inculcauimus, nec eo minùs tamen det actionem Præscriptis verbis quæ nec cum actione furti, nec cum furtiua conditione, nec denique cum actione ad exhibendum potest concurrere *l. si gratuitam 17. §. Papinianus, alias l. si rem tibi D. de præscr. verb.* intelligimus non in ea fuisse Papinianum sententia ut hoc casu actiones illas competere putaret, quamuis competant in specie *d. l. penult. D. de condic. caus. dat.* Excipienda tamen semper est vindictio quæ cum sit in rem nunquam excluditur quin competat domino licet habenti alias actiones personales, Sicuti nec personales actiones per vindicationem excluduntur, ad eoque nec actio præscriptis verbis non magis quàm per interdictum De precario *l. 2. §. 1. l. duo 19. §. vlt. D. de precar.* In eo namque conueniunt precarium & vindictio, quod possessionem ab aduersario auocant licet alio atque alio iure. Subiicit Cuiacius, si dominus malit pecuniam habere quàm seruum competere illi actionem Præscriptis verbis ad eam consequendam. Hoc verò est quod nos iam toties, ac tam multis refutauimus. Sed addit de suo & extra legis verba irreptitia *veluti pro eo quod interest.* Nimirum quia videt absurdum esse ut certa pecunia numerata petatur actione incerti præscriptis verbis si non petatur tamquam incertum quid, quale semper est id quod interest. Neque tamen videt vir doctissimus non posse hac parte censerì iure eius quod interest pecuniam numeratam quæ habeat certam quantitatem quamuis in locum eius quod interest subrogatam, Scilicet ut periunde incerti actione petatur, cum sit certa & taxata. Cum enim dicimus id quod interest non alia quàm incerti actione peti posse, de eo tantum loquimur quod incertum sit, non quod certum factum sit per taxationem. Alioqui quid dicemus, si stipulatio aliqua prætorica quæ sui natura datur ad id quod interest, subiectam habeat pœnam certæ quantitatis ad eius quod interest taxationem ex consilio Venuleij *in l. vltim. D. de præscr. stipulat.* An dicemus deducta centum in stipulationem peti debere, aut incerti actione Præscriptis verbis ut in hac lege nostra, Aut quod esset conuenientius actione ex stipulatu quæ & ipsa incerti est, quia per eam nihil nisi quod incertum est petitur? Minime verò. Repugnat enim Iustinianus initio *Tit. De verb. obligat.* Repugnat & Vlpianus *in l. si quis certam 24. D. de reb. cred.* ubi scriptum est, Si quis certum stipulatus fuerit, actionem ex stipulatu cum non habere, sed condicitoria illa actione persequi id debere per quam certum petitur. Quod si tum quoque cum stipulatio certæ quantitatæ interposita est, nulla incerti actio in eam rem competit, id est neque præscriptis verbis, neque ex stipulatu quamuis ea quantitas in locum eius quod interest subrogata sit, Quamto facilius admittendum est in ea specie quam tractari à Papiniano nostri putant, id est in qua dominus velit petere æstimationis pecuniam in vicem eius quod interest, nulla licet de ea re interposita stipulatione, non actioni incerti Præscriptis verbis locum esse debere, sed conditioni certi? Quare ad rem non facit quod opinionis suæ confirmandæ gratia subiungit Cuiacius, quod dicta hominis æstimatione non possit id quod interest egredi æstimationem. Illa enim semper differentia manet inter id quod interest non æstimatum & æstimationem dictam, quod illud semper incertum est, hæc semper certa. Necessè igitur est illud actione incerti semper peti, hoc verò conditione certi. Quamquam nec illud verum est quod Cuiacius habet pro vero, facta hominis æstimatione id quod interest

interest eam æstimationem egredi non posse. Id enim verè quidem diceretur si æstimatio facta esset ad taxandum id ipsum quod interest, ut in *d. l. ult. De prætor. stipulat. l. stipulatio ista 38. §. alteri D. de verb. oblig. l. obligationum ferè 44. §. ult. D. de oblig. & action. At in specie nostra ponimus æstimatum fuisse non id quod domini interesset, si servus non redderetur eo casu quo nihil de eo per quæstionem compertum esset, & servum ipsum sibi omnimodo reddi dominus vellet, Sed servum ipsum. Id què non ut eo minùs superiore casu redderetur, sed ut si fortè perire illum vel debilitari in tormentis contingeret, vel qua alia ratione fieri ut reddi non posset, atque ideò ad æstimationis præstationem necessariò decurrendum esset, non alio utique precio quàm quod taxatum esset, peteretur & redderetur *d. l. si inter 21. Cod. de iur. dot. l. æstimatu 50. D. solut. matr.* Nihil igitur verat hoc casu id quod interest domini ob non redditum servum egredi conventam servi æstimationem si pluris intersit, quàm quanti servus est, ut *d. l. 1. D. de action. empt. d. l. in interdicto 6. D. unde vi & De vi armat.* Addit Cuiacius Esse indistinctè actionè Præscriptis verbis siue dominus initio dederit servum cum effectu, siue tradiderit tantùm & postea pecuniam elegerit, quod electa pecunia servum dedisse videatur. Rectè quidem si agatur ad id quod interest ob id quod redditus non sit servus. Sed malè falsòque eo casu quo eligatur pecunia, & petatur. Et quod subiicit, quasi ex negotio Do ut des, Do servum ut des pecuniam, æquè falsum est. Dicendus enim potiùs esset contractus Do ut reddas, ut suprà monuimus, nec Cuiacius ipse in sequentibus diffidetur. Idem quærit, Cur in proposita specie non detur actio ex vendito, & quod effectu idem est, Cur æstimatio non faciat venditionem, Et respondet, Æstimationem eo demùm casu facere venditionem, quo de æstimatione tantùm reddenda convenierit, non de aliter utro, ut hîc, inquit, convenit, Vel servum reddi vel precium, quia id abhorret à conditione & natura venditionis *d. l. plerumque 10. §. ult. D. de iur. dot.* Verè quidem si ad ieram iuris rationem referatur, sed non satis accommodatè ad speciem nostram, in qua non possis nisi diuinatoriè cum Cuiacio dicere còvenit fuisse ut vel servus vel precium servi redderetur, cùm nihil de eo Papin. exprimat, Multò minùs de dâda domino electione, quod ipsum tamen perinde supplendum & diuinandum est, ne habeat electionè reus quam alioquin habere, ut suprà disputauimus. In summa concludit vir doctissimus decurrendum esse necessariò hoc casu ad actionem præscriptis verbis quæ subsidiaria est, quod aliz omnes deficiant, cùm neque ex vendito agi possit quia venditio non est neq; ex stipulatu inquit, quia stipulatio nulla interuenit. Quasi verò extra duas illas actiones nulla sit quæ possit competere ad pecuniam æstimationis petendam. Quidni verò conditio certi, quæ competeret ut diximus non actio ex stipulatu, ut malè putat Cuiacius, etiam si stipulatio interuenisset *d. l. si quis certum.* Nam quod addit dandam hoc casu actionem Præscriptis verbis quasi ex contractu, & negotio ciuili, perinde impertinens est. Est enim non nisi ex ciuili negotio & synallagmate nasci potest ciuilis actio Præscriptis verbis, Non tamen nascitur ex quolibet ciuili negotio, sed ex eo demùm ex quo ciuilis alia nasci actio nulla possit *d. l. 1. 2. 3. §. tota sit. De præscr. verb.* Sequitur apud Cuiacium huiusmodi conventionem quam de suo ille supplet ac comminiscitur interpositam fuisse de seruo ipso vel eius precio reddendo vtrum dominus mallet, contractum esse non pactum. Memor scilicet veteris illius perpetuè sui erroris quo defendit nullum esse pactum, quod non sit nudum, inuito Papiniano nostro qui tam àpertè scribit eum se casum tractare quo non*

tantum contractus interuenerit per traditionem serui æstimati facti à domino quaestioni habendæ gratia sed etiam pactum insertum contractui quod ille & pactum diserte vocat, & nundum esse negat. Quomodo & paullo ante vocat legem contractus in iis verbis *si lex contractus non lateret*. Quis verò dicat legem contractus esse contractum? Quod si ita esset, Vtique ergo non pactum non legem contractus sed contractum contractus dici oporteret, stulta planè & inepta bartologia, Quam & illud refelleret, quòd contractus ex conventionem legem accipere dicuntur, non vt noui contractus fiant, totque si species contractuum, quot pactiones contractui inseruntur, sed vt vnico eodemque contractu subsistente, id tamen quod adiecto pacto conuenit vel actione ex eodem contractu si bonæ fidei sit, vel qua alia puta actione Præscriptis verbis perinde præstetur l. i. §. *si conuenit D. de pos. l. in conuenientibus* 52. *De verb. oblig. l. contractus* 23. *de regul. iur. dist. l. ult. C. de rer. permut.* Atqui, inquit Cuiacius, si esset pactum non daretur actio Præscriptis verbis quæ scilicet non datur ex pactis, sed tantum ex contractibus. Imò verò, inquam datur ex pactis quoque dummodo non sint nuda, qualia non sunt quæ dant legem contractui etque coherent, vt in lege nostra scriptum est *in dist. l. ult. l. petens* 27. *C. de pact. l. finientis* 17. *C. de v. fur.* & aliis sexcentis. Sed qua ratione probat non esse pactum? quia, inquit, datio serui interuenit, & pactum est conuentio quæ nomine vacat, & quæ ex datione vel ex facto non sumplit effectum. Parum hercle subtiliter. Non enim ponimus dationem vel traditionem interuenisse vt daret effectum pacto, sed è contrario dationem vel traditionem serui præcessisse, etque postea subiectum pactum fuisse, Idcoque seruandum esse non quia traditum effectum sumpsit, sed quia decipi non debeat qui rem suam tradidit certa lege non aliter traditurus. Itaque quamuis neque traditio per se contractus sit, neque pactum quod traditioni adiectum est vt traditioni legem daret, non eo minùs tamen ex eo datur actio vt quod pacto promissum fuit impleatur, Non quasi ex contractu qui certè hic nullus est, sed quasi ex pacto non nudo sed munito, & vt notui loquuntur, vestito coherentia non contractus sed traditionis *dist. l. in traditionibus* 48. *D. de pact.* Subinde quaerit etiam Cuiacius, Quid sit dicendum si seruus ea lege in quaestionem datus sit vt ipse seruus redderetur sit innoxius repertus esset, & nihil actum sit de æstimatione, quamuis hunc casum Papinianus non attigerit. Et respondet hic quoque esse conditionem sine causa, Eadem adhibita distinctione si seruus factus sit accipientis, Vel si non sit factus accipientis esse vindicationem & ad exhibendum actionem, Vel esse Præscriptis verbis in id quod interest seruum reddi, quasi negotiò, inquit, ita gesto *De vt reddas*. Sed ita demum esse conditionem sine causa si ipsi seruum velim vt reddas omnino, Id verò quod interest nolim. Hoc autem etiam malè. Non enim potest locus esse conditioni sine causa vbi iusta dandi causa fuit, & causa illa secuta est. In proposito autem iusta fuit causa dandi serui in quaestione, quam ponimus de illo habitam fuisse. Quæ ratione fatetur Cuiacius non posse hic locum esse conditioni ob rem dati re non secuta vt *in dist. l. penult. D. de condit. caus. dat.* Cur ergo demus potius conditionem sine causa? Nisi fortassis idè quòd cum de seruo habita quaestio est, & seruus innoxius repertus, causa quæ ab initio fuit, finita est. Quo casu perinde competit conditio sine causa, atque si nulla ab initio causa dandi fuisset l. i. *D. de condit. fin. caus.* Sed præter id quod non potest dici finita causa quæ secuta tunc est d. l. i. §. *sine ab initio*, vbi æquiparantur ista, Finitam esse causam vel non esse secutam, nò etiam illa, Finitam esse, & Secutam

eutam esse, Illud quoque verissimum est, quod nos docuimus in præcedentibus,
 Ex contractu Do ut reddas nulli vnquam conditioni locum esse posse, cum in-
 terposita in eam rem expressa conuentione ad hoc ipsum possit agi actione ex
 contractu competente vt reddatur quod reddendum est, vel quod interest præ-
 stetur. Nec æquum aut necesse sit saluam esse conditionem ei qui expressim li-
 bi cauerit adhibita conuentione ad hoc ipsum consequendum, quod per con-
 dictionem posset intendere. Quid enim aliud per conditionem peteret nisi vt
 seruus sibi redderetur? Atqui hoc ipsum in conuentionem deduxit. Et actio que
 nascitur ex contractu hoc amplius habet quàm conditio, quòd expressam ha-
 bet contrahentium voluntatem: Conditio autem non nisi tacitam *lis qui 13. in
 fin. D. commod.* Pateat ergo illi via quam elegit, tam etsi agendo præscriptis ver-
 bis non sit præcisè consecuturus seruum, quem nec per conditionem sine cau-
 sa consequeretur si contumax esset debitor in eo reddendo. Nam etsi vindica-
 tione quæ potentior est ad res nostras repetendas, agere vellet dominus, nollet
 autem debitor parere arbitrio iudicis iubentis rem restituere, æstimanda necessa-
 riò lis esset quanti actor in litem iuraret si prudentibus credimus, aut conscri-
 bendus exercitus vt ex Tribonianæ iurisprudentiæ posset ei possessio auferri
 manu militari *Ex l. qui restituere 68. D. de rei vindic.* Sempereque lis æstimanda
 est in pecunia tùm quoque cum agitur conditione triticaria, per quam res ip-
 sa præcisè petitur *l. 3. D. de condic. tritic.* siue dandum habeat reus siue traden-
 dum, quia nec dare potest id est dominium transferre, quin tradat & possessio-
 nem transferat *l. traditionibus 20. C. de pact.* Traditio autem facti est *l. consilio 7.
 §. ult. D. de curat. furios.* ad factum autem nemo vnquam præcisè obligatur, quia
 vi & impressione in eam rem opus esset, qua nulla opus est, vt in executione iu-
 dicati ex venditione bonorum pecunia quæ litem æstimauit, colligatur, vt alibi
 nec vno loco scripsimus. Addit alia quædam Cuiacius circa interpretationem
dist. l. penult. D. de condic. caus. dat. quæ quoniam ex iis quæ suprà diximus iam
 satis superque confutata sunt, non erimus in eo refellendo longiores. Piget e-
 nim pudetque tam multa reprehendisse in scriptis viri doctissimi, quæ multò
 libentius laudarem si possem. Mignam certè tuo nomini, magne Cuiaci, fece-
 runt iniuriam illi qui tuas istas recitationes in Papinianum & Paulum aliæque
 opera posthuma, contrà quàm fieri præceperas, in publicum ediderunt. Quanti-
 quam enim sunt in iis pleraque ingeniosa & erudita, sunt tamen etiam multa,
 ne dicam plura parum diligenter, & incautè scripta, quæ ex docente di-
 canteque præceptore bona mente excipi nec sine fructu aliquo
 ab auditoribus potuerunt, A lectore autem quan-
 tumuis beneuolo & à posteritate pa-
 rem gratiam & auctoritatem
 sperare non debue-
 runt.



ANTONII FABRI

I. C. SEBVSIANI IN SVPREMO

SABAVDIÆ SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DECAS LXXXIIII.

ERROR I.

De certi conditione quam dant interpretes ex obligationibus faciendi.



PERPATI sumus in Error 4. superioris Decadis, nihil intolerabilius nobis videri ex iis omnibus quæ ab Accursio & Bartolo circa conditionem certi malè tradita sunt, quàm quod volunt, Certi conditionem competere non minus ad perendum id quod interest, quàm ad petendam certam pecuniam numeratam. Sed cogit tamen rei veritas ut dicamus, Esse illud multò intolerabilius, quod inde addunt, Etiam ex obligationibus faciendi posse agi conditione certi. Sic enim Bart. *ad l. certi conditio* 9. *D. de reb. credit. num. 10.* vbi ait, Licet in huiusmodi stipulationes faciendi non deducatur id quod interest, sed factum solum, Videri tamen etiam id quod interest tacitè deductum. *Ex l. stipulationes non dividuntur* 72. *v. r. Celsus De verb. oblig.* Cui potuit addere *l. quoties* 81. *ead. tit. l. si quis ab alio* 13. *§. ult. D. de re iudic.* & alias quàm plurimas in quibus videas in obligationibus faciendi semper id quod interest succedere in locum facti. Perpetuus namque in eo est Bartolus ut putet ad inducendam certi conditionem non esse necessariū ut illud quod petitur appareat certum ex ipsa pronuntiatione, sed sufficere quòd sit certum in rerū natura, nec sit variabile ex potestate & voluntate debitoris. Quo præsupposito defendit id quod interest licet incertum sit quod ad nos quousque per sententiam iudicis liquidatum sit, certum tamē esse per rerum naturam, neque ex voluntate debitoris variabile: Atque ita concludit tam id quod interest ob non factum id quod fieri debuit, licet non nisi tacitè in stipulationem deductum intelligatur, quàm id quod expressè in stipulationem deductum fuit, per certi conditionem peti posse, quasi non minus hoc quàm illud per rerum naturam certum sit, quemadmodum æquè apud homines ante iudicis liquidationem vtrumque incertum est. Atque ita errorē ex errore colligit, nec difficilius aut absurdus esse putat ut certi conditio detur ex stipulatione faciendi, quàm ex stipulatione præcisa eius quod interest. Etsi verò ad traditionem hanc referendam

lendam possent illa ipsa sufficere quæ ad priorem errorem refellendum iam attulimus. Lubet tamen diutius luctari cum Bartolo, præsertim quia hucusque nec ad ratiunculas illas quas adfert, neque ad iuris locos quibus moveri se proficetur, quicquam respondimus. Ac priusquam de eius quod interest certitudine vel incertitudine pergam dicere, illud primum occurrit quod moneam, & ad quod non videtur Bartolus attendisse, Obligationes faciendi non ex eo solo incertas dici, & incertum continere, quòd in effectu fiat ex iis condemnatione in id quod interest: Sed ob id etiam quod factum ipsum in stipulationem deductum, per se sit incertum, Ita ut iis quoque casibus si qui sunt ex tam multis quos Bartolus congerit ad *dist. l. stipulationes non dividuntur*, in quibus ad factum faciendum præcisè agi possit, neque debitor obligatione aut præstatione eius quod interest liberetur, non eo minùs fatendum sit & incerti & incertam esse stipulationem *l. ubi autem 75. §. qui id quod eod. tr.* ubi Vlpianus scribit, Eam qui id quod in faciendo vel non faciendo consistit stipulatur incertum stipulari. In faciendo, inquit, Veluti fossam fodiri, Domum ædificari, Vacuam possessionem tradi, In non faciendo, Veluti, Per te non fieri quominùs mihi per fundum tuum ire agere liceat, Per te non fieri quominùs mihi hominem Erotem habere liceat. Ratio est, quia quod vel faciendum vel non faciendum promittitur, non quid præsens sed futurum est, & consequenter hoc ipso incertum, quia nesciri potest an futurum sit necne, siue inscientiam nostram inspicias siue ipsam rerum naturam ex verissima Theologorum nostrorum sententia qui necessitatem fari nullam agnoscetes, negant futura contingentia fieri necessariò, sed contingenter, tanquam quæ Deus Opt. Max. cuius præscientia falli numquam potest, præsciat quidem futura esse sed contingenter tantùm non necessariò. Quamquam autem aliter prudentes nostri sensisse videntur qui Stoicorum dogmatibus inibuti fatum in rebus humanis esse atque omnia posse crediderunt, ideòque nec dubitarunt quin omnia certa essent in rerum natura, & futura utique id est omnimodo, & necessariò fierent ut ex Sabini & Cassij sententia Paulus scribit *in l. sed essi 28. §. ultim. D. de indicat.* Non eo minus tamen existimatur quoties de futuris tractaretur inscientiam nostram attendi oportere, potiùs quàm latentem illam naturæ certitudinem quam nemo sciret nec scire ante eventum vnquam posset, ut supradicto loco ex eorundem Sabini & Cassij sententia Paulus concludit. Nam & ea quæ præsentia sunt, ac proinde certa in ipsa rerum natura, si tamen quod ad homines sic incerta sint, ut nesciri queant, perinde habentur in omni parte iuris ac si non essent, Puta si qua mulier iam prægnans sit, nec tamen, quod quotidie evenit, se prægnantem esse adhuc sciat, ut aliàs scriptissimus in interpretatione *l. ventre 84. D. de acquir. hered.* Quid enim refert an aliquid non sit, an verò sit quidem, sed ita ut esse omnino nesciatur? Multò igitur magis quæcunque futura sunt, pro incertis habenda sunt etiam in ipsa rerum natura, quia non modò nondum sunt, sed nec sciri per rerum naturam potest an futura vnquam sint priusquam fiant, longè minùs verò quando & qualiter futura sint. Ergo cùm dicimus stipulationem faciendi vel non faciendi esse incerti, non tam respicimus ad condemnationem eius quod interest quæ sequi potest ob non factum id quod fieri debuit, quàm ad factum ipsum quod vel faciendum vel non faciendum est, quippe quod per se incertissimum est nulla etiam ad id quod interest facta relatione. Incertum, in-

quam non solum in se, sed etiam in æstimatione si quis forte æstimare illud velit. Nam cum non modo incertum sit, sed etiam nondum in rerum natura sit, quomodo certam æstimationem habere potest? Scilicet nisi à quo tempore desinit fieri amplius posse. Quo demum tempore æstimatio quidem fieri potest & debet, sed non tam ipsius facti quam eius quod interest ob non factum id quod fieri debuit, vel ob factum quod fieri non debuit. Ideoque in *dist. l. stipulationes 72. De verb. oblig.* malo legere *iusta æstimatione facta* quam ut vulgo *iusta æstimatione facti*. Sic dicimus operas liberti etiam quas promiserit in rerum natura non esse, nec alia ratione quam quia in faciendo consistunt *l. opera 9. D. de oper. liberti.* & ob id neque nisi præteritis peti posse, neque nisi earum æstimationem *l. 3. l. si quando 8. l. quoties 24. eod.* Non est igitur bona consecutio etiam supposito errore Bartoli, de danda certi conditione ad id quod interest, ut ob id danda quoque sit certi conditio ex obligatione faciendi. Nisi forte quis respondeat pro Bartolo, Non posse agi ex obligatione faciendi quandiu fieri potest id de quo faciendo convenit *l. si ita stipulatus 14. D. de verbor. obligat.* Sicut & qui operas stipulatus est, ante peractum diem petere operam eius diei non potest *dist. l. 3. de oper. liberti.* Postea verò quam præterit tempus intra quod fieri potuit & debuit opus, iam agendum esse ad id quod interest & ad pecuniam *dist. l. stipulationes vers. Celsus tamen. l. quoties 81. eod.* Rectè igitur Bartolum ex obligationibus faciendi perinde atque ex obligatione eius quod interest certi conditionem dedisse. Verum capriosa responsio est, Nam cum is qui non fecit opus intra tempus quo fieri debuit, purgare moram possit etiam inuito stipulatore in tempus usque litis contestatæ ut desinit scriptum est in *l. si insulam 84. de verb. oblig.* quis non fateatur permissum esse stipulatori ut post tempus illud elapsum agat etiam in hoc ut quod promissum est fiat, dummodò non præcisè in id agat, sed relicta debitori electione præstandi eius quod interest si id malit. An verò æquè permittendum ei erit ut agat conditione certi? Minimè. Non solum quia utrinque actionis alternativæ caput persequitur rem incertam, sed etiam quia tametsi posterius actionis caput certum esset, prius tamen quod ad factum, & consequenter ad rem omnino incertam pertineret, utique certi conditionem non pateretur. Et sanè quantum intersit an de faciendi obligatione loquamur, an de obligatione & præstatione eius quod interest quæ succedit in locum obligationis facti, vel ex eo intelligi evidenter potest, quod faciendi obligatio individua est, adeò ut eius divisio corrumpat stipulationem, nec quicquam profit si duntaxat pro parte factum sit, quod nisi in solidum fieri non potuit *dist. l. stipulationes 72. dist. l. in executione vers. secunda. eod. tit.* At obligatio eius quod interest quæ succedit in locum obligationis faciendi quoniam consistit in pecunia numerata diuidi commodè potest. Id enim est quod Tuberonem existimasse Celsus refert, nec ipse improbat. Vbi quid fieri stipulamur si id factum non fuerit, pecuniam dari oportere, Ideoque etiam in hoc genere diuidi stipulationem. Cui consequenter addebat Celsus, Iusta æstimatione facta dandum & diuidendam esse petitionem. Apparet igitur non esse bonam rationationem Bartoli ab obligatione eius quod interest ad obligationem facti, Nec magis inferri posse quod facti obligatio sit certi ob id quod succedens in facti locum obligatio eius quod interest, certa sit, etiamsi hoc maximè Bartolo largiamur, quam si ex eo quod obligatio eius quod interest

terest diuidua est, inferre quis vellet, Ergo ipsam quoque facti obligationem diuiduam esse. Proinde nec illa consecutio bona esse potest vt ex faciendi obligatione dari debeat certi conditio ad factum, quia & daretur si Bartolo credimus ad id quod stipulatoris interesset. Estque longè certius, & expeditius dicere, Neutro casu posse conditionem certi competere, id est neque ad factum neque ad id quod interest, quia vtrumque omnino incertum est, sed illud magis.

ERROR SECVNDVS.

De incerto quod sit certum per taxationem iudicis.



DICES cum Bartolo, Non quidem ex pronuntiatione ipsa apparere certum id quod interest, sed tamen non eo minùs certum esse per rerum naturam, cum liquidari & taxari possit per iudicem: Hoc verò sufficere vt certum dici possit, & ad inducendam certi conditionem. Atque hæc quidem præcipua Bartoli ratio est, quam vbi diluerimus, confecta res erit. Primum verò respondeo, Nulla iuris parte, nulloque iuris loco probari posse, quod sibi fingit Bartolus, Certum quid esse ob id solum quod certum fieri possit à iudice. Aliud enim est, Certum quid esse, Aliud verò longè, Possè quid fieri certum præsertim si addas à iudice. Non enim certum adhuc est quod certum, fieri potest, nec magis possunt ista confundi quàm duo illa instantia quæ Physici vocant In fieri, & in facto esse. Fateor vt certum quid verè dici possit, non esse necessarium, vt ex pronuntiatione ipsa appareat, quid, quale, quantumque sit, sed sufficere vt de eo constare possit per relationem ad quid aliud certum *l. certum 6. D. de reb. cred.* Sed hoc contentio relationem illam certam esse debere, id est ad eam rem fieri quæ ipsa iam certa sit in rerum natura. Alioquin nemo nisi stultè dixerit possè certum quid vel esse vel fieri per relationem ad aliud quod sit æquè incertum. Quomodo de probatione scripturæ quæ sit per comparisonem literarum scriptum est *in leg. comparationes 20. Cod. de fid. instrum.* Atqui relatio quæ sit eius quod interest ad taxationem faciendam à iudice non est huiusmodi. Est enim omnino incertum etiam in ipsa rerum natura quantum bonus iudex taxaturus sit; non ideo solum quod futurum illud sit, futura autem omnia per se ipsa sunt incerta, vt iam sæpius diximus, Sed etiam quia pendet taxatio illa partim à iudicis arbitrio, cuius est probationum momenta fidemque tanti æstimare quanti esse putauerit, Partim à lubrico fidei testium, quorum est probare an & quanti intersit: Quod ipsum adeò incertum est, vt plerunque per inopiam probationū id quod multò pluris reuera interest, ad longè minorem summam deducatur *d. l. vlt. De prætor. stipulat.* Nec video cur facilius possit admitti quod tamen Bartolus fateri cogitur, Certū dici nō posse quod pro arbitrio debitoris est variabile. *ex d. l. vbi autē 75. §. qui illud aut illud. D. de verb. obl.* quàm quod ego perinde admittendū esse volo, Certū in rerū natura dici nullomodo posse, quod pro arbitrio siue iudicis siue testium variari quandoque possit. Perinde namque incerta sunt omnia quæ ex hominum voluntate pendent, Sed illa maximè quæ ex iudicis sententia quam inter casus fortuitos ponere ac enumerare, nec abs re nostri solēt

tum quoque cum de iure tantum quaestio est, à quo citra iniuriam recedere iudex non possit. *l. eo tempore 50. D. de pecul. l. si per imprudentiam 51. D. de eiusd. l. exceptione 67. D. de fideiuss.* Quamto magis cum facti quaestio est, quae non potest non esse in arbitrio & religione iudicantis. *l. i. §. 1. D. ad Turpill. l. ordine 15. D. ad municip. l. voluntaris 7. Cod. de fideicom.* Vnde est quod vulgo iactatur, Exitum iudiciorum & eventum ipsius quoque executionis iudicati incertum esse. *l. quod debetur 51. D. de pecul.* Porro an & quatenus cuiusque interfit in facto non in iure consistit. *l. quatenus 24. De regul. iur.* Nihil ergo dici absurdius potest quam quod vult Bartolus. Id quod interest posse in ipsa rerum natura idem certum esse quod per iudicem taxari & liquidari queat, nec sit ex voluntate & arbitrio debitoris variabile. Quamquam nec hoc quoque verum est, Cum si creditor cuius revera interest pluri, dicat longè minoris sua interesse, cogatur iudex voluntatem sequi creditoris, ne alioqui fatuus sit si quid ei ultra petita adiudicet, Et è contrario sequi voluntatem debitoris, si cum non interesset creditoris nisi in centum, fateatur debitor siue per errorem, siue donandi animo, interesse ducentorum. Quid enim aliud pronunciare iudex possit, quam quod inter litigatores ipsos convenierit? vulg. *l. si convenieris 26. D. de re iudic.* Bartolum sine dubio illud fefellit, quod aestimationem eius quod interest si nilem putavit aestimationi cæterarum rerum, quæ licet per iudicem ex proborum virorum testimonio & arbitrio facienda sit, non eo minùs tamen certa esse creditur, adeoque per certi conditionem peti posse. Inde namque est quod pro mercibus quoque certi conditio locum habet cum sic petuntur ut earum aestimatio in iudicium deducenda sit, id est nisi si quando per triticariam petantur. *l. vinum 22. D. de reb. cred. l. ultim. D. de condit. triticar.* Sed quam mala perversaque sit hæc Bartoli collectio ex eo intelligimus, quod cæteræ res omnes quæ sui natura certæ sunt, certam quoque in ipsa similiter rerum natura aestimationem habent, non ex iudicis aut alterius cuiusquam hominis arbitrio & voluntate quæ semper incerta est, metiendam, sed ex communi hominum opinione, quæ semper certa est, quia non tempus futurum respicit, sed præteritum, cuius incertitudo nulla esse potest. *l. precia rerum 63. D. ad leg. Falc. l. si serum 33. D. ad leg. Aquil.* Nihil enim aliud est precia rerum ex communi hominum opinione constituere, quam illud inspicere quanti anrea vendi solitæ sint res eiusdem qualitatis & conditionis, In quo nihil est quod possit dici variabile pro arbitrio & voluntate hominum, in quorum scilicet potestate non est, ut quæ iam facta & hoc ipso certa sunt, pro infectis incertisque habeantur. Proinde mirum non est certi conditione peti etiam aestimationem illam mercium quæ per viros probos facienda sit, quia licet hoc ipso incerta videatur, quod facienda necdum facta est, Certa tamen est quoniam fieri debet ex præteriti temporis comparatione, habitaque relatione ad ea, quæ iam facta sunt. Ob eamque causam dicimus fieri non posse ut rei quæ per naturam certa est, incerta sit per rerum naturam aestimatio. Ad id quod interest nihil omnino certi habet, propter quod eius quoque aestimationem certam possis dicere, quia priusquam taxatum sit nullis finibus certis concluditur, cum pendeat totum ex facti circumstantiis, quæ numquam adeo similes aut eadem sunt, ut ex præteritis taxationibus coniectura sumi possit nedum probatio, quanti aestimandum sit id quod interest, de quo hodie quaeritur. Nec quod per sententiam iudicis certificari possit, ut Bart. loquitur, facere potest ut pro certo haberi debeat priusquam certificatum sit. Ideoque nimirum vix est ut propter pecuniam fiat unquam

quam condemnatio eius quod interest, nisi cum certo loco vel tempore fuit debita, quoniam alioqui facile excrefceret in infinitum æstimationis eius quod ratione pecuniæ interesset si nulla vel loci vel temporis circumstantia debitum coarctaretur. *l. nummis 3. de in lit. iur.* ex eoque causa induci necesse fuit ut usura pecuniæ vice eius quod interesset præstaretur & quidem ad certum usque modum, ultra quem nulla maioris lucri quod insuper ex pecunia sperari potuit, ratio habeatur, cuius tamen rationem in æstimando eo quod interest haberi oporteret. *l. si commissæ 13. D. rat. rem hab.* Mouetur autem Bartolus ut tam improbabilem Accursij opinionem tueatur ex eo potissimum quod scriptum est in *d. l. certi conditio*, Etiam ex lege Aquilia certi conditionem competere, Cum legis Aquiliæ actio detur ad interesse. *l. ait lex 21. in fin. & seqq. l. liber homo 37. & pass. D. ad leg. Aquil.* Inde namque inferit, Ergo etiam ad id quod interest, certi conditione agi posse. Nec animaduertit, ex verbis legis Aquiliæ actionem non dari nisi ad æstimationem Quanti plurimi eo anno res fuit, Anno inquam retrorsus computato. Aut in triginta diebus proximis præteritis, Quæ æstimationis cum ad præteritum tempus referatur, semper ut dixi certa est, Fieri verò per interpretationem quam prudentes adhibuerunt ad eam legem ut non solum perempti corporis æstimationis habenda sit, sed etiam si quid præterea damni perempto eo corpore illatum nobis fuerit, ut Iustinianus scribit in *g. illud non ex verbis. Inst. de leg. Aquil.* quod tamen non semper contingit. Rarius enim illud est, id eo quod verbis legis Aquiliæ omissum ut solent aptari verba legum, ad ea quæ sæpius eueniunt, non ad ea quæ rarius. Quod ergo dicimus etiam ex lege Aquilia competere certi conditionem, ad eos casus referendum est quibus agatur ad rei æstimationem & ex ipsis verbis legis Aquiliæ, non ad eos quibus agatur utili actione legis Aquiliæ quæ ex prudentum interpretatione descendit ad id quod interest, ut ex his quæ sequenti capite dicemus clariùs intelligetur. Non enim si verum est ut est Possesse certi conditionem competere ex lege Aquilia scilicet cum certum petitur, statim consequens sit ut quoties agitur ex lege Aquilia etiam ad id quod interest certi conditio locum habere debeat, Cui certum est locum esse numquam posse nisi cum certum petitur, In quo genere id quod interest quia semper incertum est numquam continetur. Concludamus igitur quod & plerique interpretes contra Accursium & Bartolum iam ante nos disputarunt, Siue id quod interest expressim & per se in actionem deducatur, siue tacite & in consequentiam ut euenit in omnibus faciendis obligationibus, Certi conditionem ex ea causa locum habere numquam posse. Nec magis urget quod pro sententiæ suæ confirmatione adducit Bartolus, Ad certi conditionem exercendam non esse necessarium ut certa quantitas exprimat in libello, id est ut illud quod petitur appareat certum ex ipsa pronuntiatione, Quod ille probat ex *d. l. ubi autem 75. g. illud De verb. obligat.* Vbi scriptum est certum in stipulationem deductum intelligi, cum quis stipulatus est triticum, quod est in horreo, aut pecuniam quæ est in arca, cum tamen non ex pronuntiatione ipsa sed tantum per relationem certum sit in rerum natura, quod in stipulationem deductum est. Fateor enim certi conditione peti posse id quoque quod non nisi per relationem ad aliud sit certum, quia nimirum id ipsum quoque certum est, Sed nego quod Bartolus assumit pro vero, In rerum natura certum esse id quod interest, quomodo certum est per rerum naturam quid & quantum sit in arca vel in horreo. Nam aut nihil omnino in rerum natura incertum est, aut certe incertissimum esse fatendum est id quod interest. Quod si etiam is

qui decem vel hominem stipulatur incertum stipulari intelligitur, nisi electionem sibi constituerit quia licet certa sit utraque res, quæ huiusmodi obligatione alternativa designatur, incertum tamen est utram reus electurus sit *d. l. ubi autem §. qui illud aut illud*. Quotò verius est incertum in stipulationem deductum intelligi siue quis expressè, siue tacitè id quod interest, stipuletur. Nam & ex eo Bartolus colligit, nec malè, Incertum esse quod ex voluntate & arbitrio debitoris est variabile, quantumvis alioqui per se certum id esse videatur. Sed in eo statim errat manifestè, quod putat, E contrario certum esse quicquid non est variabile pro arbitrio debitoris, Quod non ita est. Quicquid enim per rerum naturam incertum est, non ex eo solo certum fieri aut dici potest, quòd ex arbitrio debitoris non sit variabile, sed ad ea tantum quæ in rerum natura & per se certa sunt hæc distinctio pertinet. Sola enim variandi facultas facit incertum quod alioqui per se certum est, At non vicissim sola negatio, ut ita dicam, potentiz variandi facit certum id quod iam per se incertum est.

ERROR TERTIVS.

De necessitate vel utilitate certi conditionis generalis.

ITEM negat Bartolus necessitatem ullam fuisse introducendæ certi conditionis generalis, quòd putet numquam actionem illam competere quin specialis aliqua competat, Quod à nobis iam satis superque confutatum est in tertium huius Decadis errorem, Admittit tamen cum Accursio subesse causam utilitatis propter quam induci ea actio debuerit. Utilitatem verò illam, quia in quo consistat non facilè comminisci potest, totam in eo constituit, ut si quis fortè velit contra furem agere ad duplum, vel ad quadruplum sic tamen ut eius famæ & existimationi parcat, certi conditione generali aduersus eum agere debeat ad pœnam dupli, vel quadrupli, non autem actione furti, quæ alioqui in eam rem competeret, quoniam inquit actio furti infamaret, Conditiones verò numquam infamant tametsi maximè ex famosis causis pendeant *l. cessat 36. D. de obligat. & action.* Nec sanè dici potest qua in re alia huius actionis utilitas versetur. Nam si actio illa specialis quam semper subesse vult Bartolus, tanquam præexistentem materiam ex qua oriri possit, hæc certi conditio generalis, ut idem Bartolus loquitur cum defendit actionem hanc nativam esse non dativam, temporalis fortè fuerit non perpetua, fatetur Bartolus temporalem quoque non perpetuam fore certi conditionem illam generalem non perpetuam. Quippe quæ licet civilis actio sit & ob hoc ipsum perpetua ex sui natura *l. 2. Cod. de constit. pecun.* in eius tamen locum quæ temporalis fuit subrogata esse videatur ideòque naturam eius sapere, ut loquuntur, & induere debeat ex *l. si quis eum 10. §. qui iniuriarum D. si quis caution. l. in duobus 28. §. exceptio D. de iniur.* Atque ita etiam Accursius ante Bartolum tractavit: Quamvis uterque parùm subtiliter, ut mihi quidem videtur. Non enim potest dici conditio ista certi subrogata in locum alterius specialis ex eadem causa competentis, cum tam citò competat conditio quàm alia illa specialis, ob idque perinde nativa sit non dativa, ideòque possit etiam prior exerceri si id malit is qui

qui aliam specialem proponere posset si vellet, Quo casu haud dubie alia illa specialis actio per certi conditionem generalem consumeretur, Sicut è contrario certi conditio per aliam specialiolem prius propositam omnino consumitur *dist. §. exceptio in fin.* Ergo quemadmodum actio mandati, negotiorum gestorù, societatis & similes de quibus agitur in *dist. §. exceptio.* non idcirco possunt dici subrogatæ in locum certi conditionis generalis quod propositæ sint antè conditionem quæ prior proponi potuisset, quamvis ita fiat ut aliæ illæ specialiores actiones consumantur, Ita neque subrogatam dicere possumus certi conditionem quam vocant generalem in locum aliarum quæ per ipsius electionem consumuntur, si quandoque prior illa proponatur ab imprudente actore qui malit actione stricta, quàm bonæ fidei iudicio experiri. Subrogata enim propriè dicenda est illa actio, non quæ prior exercetur, posthabita alia quæ perinde ab initio eligi posset, sed quæ posterior nascitur ex alterius quæ prior competiit extinctione, ut in *dist. §. qui iniuriarum*, quod hic non evenit, neq; in specie *d. §. exceptio.* Sed & in eo mihi valde errare nostri videtur, quodd supponunt posse fieri ut certi conditio competat ex aliqua causa ex qua possit alia etiam actio competere quæ sit temporalis. Cùm enim ius totù Pandectarum non alias temporales actiones agnoscat, quàm quæ ex Prætorum vel Edilium iurisdictione proficiunt, quia quæ ex contractibus vel ex legibus, vel ex Senatusconsultis nascuntur omnes sunt ut ciuiles ita perpetuæ *dist. l. 2. C. de consu. pecun.* Nisi quod à posterioribus Imperatoribus factæ sunt temporales ut Iustin. docet in *tu. Inst. de perpet. & temp. act.* Consequens est ut fatendum sit non aliter posse conditionem certi generalem concurrere cum alia actione temporali, quàm si cum prætorica vel ædiliua actione aliqua concurrat: Quod tamen nec evenit nunquam nec evenire potest, quia non nisi deficientibus actionibus & remediis ciuilibus comparatæ sunt actiones prætoricæ, Nunquam autem deficeret actio & auxilium iuris ciuilis eo casu, quo competere posset certi conditio, quæ semper & omni casu ciuilis est, nunquam honoraria. Qua de causa Ulpianus in *l. certi cond. l. 9. D. de reb. credit.* etsi præfatur certi conditionem generalem competere ex omni causa & ex omni obligatione ex qua certum petitur. Subinde tamen hanc rem totam exemplis & ampliore interpretatione explicans, addit siue ex contractu certo vel incerto, siue ex testamento, id est ex lege duodecim tabularum quæ testamentarias voluntates confirmavit, siue ex lege Aquilia, siue denique ex Senatusconsulto certum debeat, Nec adiicit quod alioqui adiiciendum omnino fuerat *siue ex edicto Prætoris*, ut intelligamus numquam conditionem certi competere ex ea causa quæ ex solo Prætoris edicto proficiatur. Vnde illud etiam factum puro, ut non tam generaliter dixerit Ulpianus competere hanc actionem quoties certum quid ex testamento petitur, sed multò specialius *si ex legati causa*, Scilicet ad excludendam causam fideicommissi, quoniam fideicommissa nullo iuris ciuilis vinculo continentur, sed sola tuitione & iurisdictione Prætoris conseruantur *l. 3. D. si ususfruct. pet. q. Inst. Tit. De fideicom. hered. & De co. dicill.* Nisi cùm tractamus de fiduciaria hereditate quæ restituta sit ex senatusconsulto vel Trebelliano, vel Pegasiano, quia eo casu actiones omnes ciuiles, quamvis non nisi utiles transeunt in fideicommissarium, non tam iure fideicommissi quàm potestate senatusconsulti *l. 1. tot. tit. D. ad Senatusconf. Trebell.* Quodd si Senatusconsulti autoritas nulla interueniret, utique nec certi conditionem ex ea causa competere Ulpianus admitteret, Alioqui de

hereditate qualibet ex solo fideicommissio restituta loqui debuisset, non de sola illa, quæ ex Senatusconsulto. Rursum verò cur de hereditate tantum non etiam de fundo ex singularis alicuius fideicommissi causa restituito? Nisi quia senatusconsultum nullum factum est de confirmandis singularibus fideicommissis, ex eaque causa transferendis vtilibus iisdemque civilibus, quæ hereditati competebant, actionibus, sed tantum de fideicommissariis hereditatibus. Sed hoc obiter dictum sit. Nam quod ad propositam disputationem pertinet, Sufficit habere nos ex ipsius Bartoli & Accursij confessione, Nullam esse vtilitatem conditionis certi generalis quantum ad hoc vt actio illa specialis quæ ultra conditionem competit, ex temporali fiat perpetua. Sicut & subinde admittit idem Bartolus post Accursium, In eo plerumque minus vtilem esse conditionem istam certi generalem quam aliam actionem specialem ex eadem causa competentem, Vt puta si detur ex causa legis Aquiliæ. Fatetur enim Bartolus quod & verissimum est, Non quemadmodum principalis actio legis Aquiliæ per inficiationem cresceret ad duplum vsque, ita & posse hanc crescere vt vllò casu ad duplum detur, Non magis quam petitio hereditatis quæ ex causa legis Aquiliæ contra hominis occisorem exercetur *l. item veniunt 20. §. cum prædiximus D. de hered. petit.* Denique etiam si maximè detur certi conditio ex ea causa ex qua posset competere specialis actio bonæ fidei, quomodo dari eam posse certum est *dist. l. in duobus 28. §. exceptio D. de iur. iur.* Non negat tamen Bartolus perinde stricti iuris manere conditionem acti ex certæ rei stipulatione, aliòve quolibet stricti iuris contractu nasceretur, Tamquam quæ semper sit stricti iuris, vt cæteræ conditiones omnes, quarum nulla enumeratur in *§. actionum. Institut. de action.* Nullam ergo vtilitatem hoc casu actori præbere certi conditio potest, cum pleniores semper sint actiones bonæ fidei quam quæ sunt stricti iuris, Non tantum ob præstationes quas ex rei mora longè vberiores habent *l. Adiles 25. §. item sciendum est D. de adilit. edil.* Sed etiam initio ipso actionis inspecto, Siquidem bonæ fidei iudiciis, doli exceptiones insunt quæ iudiciis strictis numquam ipso iure insunt, vt neque arbitrariis, sed ita demum si & oppositæ sint ab adversario & positæ in formula Prætoris *l. sed si deò 21. D. solut. matrim. l. huiusmodi 84. §. qui seruum de leg. 1. l. Scia 42. D. de mors. caus. donat. l. Papinianus 14. De public. in rem act. l. sumptus 40. l. emptor 65. D. de rei vindic. l. ultim. D. de petit. hered.* In quo etiam errat Bartolus, qui non aliam rationem adfert cur in conditionem certi generalem non veniant ea omnia quæ venirent in actionem bonæ fidei, Quam quia non adsumit naturam alierius actionis in cuius locum datur, in iis quæ ex post facto acciderent ex mora, sed in his tantum ad quæ illa actio primordialiter, vt ipse loquitur, competeat, Quasi verò nulla sit inter bonæ fidei, & stricti iuris actiones differentia nisi ratione eorum quæ ex post facto contingunt, & officium iudicis in bonæ fidei actionibus ex rei mora inducunt. Ex his igitur intelligimus Bartolum cum scripsit vtilitatem conditionis certi in eo consistere vt possit quis ea actione duplum vel quadruplum à fure consequi si saluam ei famam & existimationem esse velit, Non exempli tantum gratia ita scripsisse, Sed quia nihil aliud obseruare & adferre potuit in quo aliqua huius conditionis vtilitas videri posset. At videamus ne hoc quoque non modò falsum sit, sed etiam per absurdum ex stimare, Teneri furem ad pœnam dupli vel quadrupli conditione ista generali. Primum quia nusquam ita scriptum legimus. Nam quod ait Vlpianus in *dist. l. certi con-*

ditio,

dictio. Etiam ex causa furtiva certi conditionem generalem competere, non ad furti actionem referendum est quamvis ea ex furti quoque causa competat, sed ad eam solam conditionem quæ speciali nomine furtiva appellatur, de qua *in T. uul. De condit. furt.* Quam dubitandum non est certi conditionem esse, cum per eam certum petatur semper, quia neque alterius rei quam certæ furtum fieri potest, cum non fiat nisi rei mobilis, quæ semper est certa. Itaque non distinguo conditionem furtivam à conditione certi quæ competit ex causa furtiva. Nisi quod conditionis furtivæ nomen puto esse generalius, quam conditionis certi generalis ex furtiva causa competentis, Quia conditio furtiva potest non tantum esse certi, sed etiam triticaria si quis forte corpus ipsum rei furtivæ persequi velit ut illud ipsum consequatur aut illius futuram æstimationem, siue aliqua in eam rem adfectione motus, siue quod rem ipsam furto subtractam pluris fore videat eo tempore quo res iudicabitur, quam fuerit unquam antea *l. 1. §. ultim. De condit. triticar.* Condicio autem certij nunquam potest triticaria esse, nec contra, quoniam tota specie differt à triticaria, nec convenit nisi in nomine quod nomen generis est. Proinde non omnis conditio ex causa furtiva conditio certi est, quamvis omnis certi conditio ex causa furtiva nihil aliud sit quam conditio furtiva, quæ id eo siue certi conditio sit siue triticaria, non alij quam domino rei competit *l. 1. D. de condit. furt. dist. l. 1. §. ultim. De condit. triticar.* Unde apparet tanto evidentiùs, conditionem certi generalem nullam esse quæ in iudicium deduci possit sed specialem esse conditionem ex ea ipsa causa speciali, ex qua nascitur conditio. Alioqui cum rei etiam alienæ furtum fieri possit, quia furtum non dominij sed possessionis alienæ interversio est, nihil certè vetaret conditionem certi generalem ex causa furtiva etiam non domino, siquidem non eo minùs certum est quod subtractum fuit, quamvis non fuerit actoris. Deinde pœna dupli vel quadrupli qua fur tenetur qui vel manifestus, vel nec manifestus est, legitima pœna est *l. si pro fure 7. §. 1. D. de condit. furt.* sic dicta quod contra furem statuta sit per legem duodecim tabularum, Atqui non omnimodo à lege contra furem talis constituta est sed eo demùm casu quo ille furti actione quæ ex eadem lege descendit conveniatur. Non enim si quis vindicatione agat, aut conditione quamvis contra furem pœnam illam idèò consequi potest *dist. l. si pro fure §. 1. §. sic itaque. Institut. de action. l. si pignora 54. §. cum furti D. de furt.* Ergo etiam si admitteremus quod negamus, conditionem certi generalem ex causa furtiva, aliam conditionem esse, quam eam quæ speciali nomine furtiva conditio appellatur, Nihilò magis tamen fatendum esset dari eam posse ad pœnam dupli vel quadrupli consequendam, Cum certi conditio, siue generalem eam, siue specialem velis dicere, nullo casu sit actio legitima descendens ex lege duodecim tabularum, sed civilis tantum & inducta ex mera interpretatione & autoritate prudentum: nec proinde dari ad pœnam legitimam unquam possit. Quid pertinet quod supradictis locis, aliisque non paucis scriptum est neque actionem furti per conditionem extinguì, neque conditionem aut etiam vindicationem per furti actionem consumi, Nec solum si nuda alterutrius actionis electio facta sit Sed nec si electæ actionis commodum & effectum actor sit consecutus *l. qui vas 48. in princip. eodem tit. De furt.* Aut si quis non fateatur absurdum esse dari conditionem certi ad pœnam legitimam furti, quæ dupli est vel quadrupli

Quidni etiam idem fateatur in conditione triticaria proposita contra furem? Præsertim si interpretum sententiam sequamur, qui volunt conditionem triticariam dari etiam ad æstimationem rei debitæ, in eaque non aliter quàm in cæteris conditionibus strictisque iudiciis rem æstimari oportere, inspecto scilicet tempore litis contestatæ, ut in *l. ultim. D. de condit. triticar.* Nam qui ex sententia nostra probant numquam dari conditionem triticariam ad consequendam rei debitæ æstimationem, sed tantùm ad rem ipsam, licet tandem per sententiam litem æstimari necesse sit. Facile respondebunt. Ideò non posse dari triticariam ad pœnam dupli vel quadrupli, quia pœna illa semper pecuniaria est: Sed tamen cùm etiam secundum id quod sentimus, semper evenire necesse sit, ut res quæ per triticariam petita fuit, æstimetur per sententiam, & præstetur in æstimatione, siue ante condemnationem debitor rem ipsam præstare nolit, siue dum in ea præstanda moram facit, res perierit *l. 3. De condit. triticar.* Quæro cur non eo saltem casu, ut tantò magis mora & contumacia debitoris puniatur, danda sit conditio triticaria ad duplum vel ad quadruplum si quo vnquam casu certi conditio generalis ad eam pœnam dari posset? At quis vnquam dixit excepto Cuiacio quem in superioribus Decadibus refutauimus conditionem vllam esse pœnalem? Aut conditionem furtiuam aliãve vllam quamlibet dari ad duplum, vel ad quadruplum? Plus dico, Conditionem illam certi quam ex causa legis Aquiliæ dari suprà diximus ex Vlpiano in *dist. l. certi conditio §. 1.* non solum eo respectu pœnalem non esse, ut inficiatione crescat, deturque in duplum, quomodo datur actio ipsa legis Aquiliæ, Sed neque eo respectu ut detur vnquam supra veram & iustam rei æstimationem, id est Quanti plurimi occisus homo fuit eo anno retrorsum computato. Quæ sola ratio facit ut legis Aquiliæ actio pœnalis existimetur, ideòque nec contra heredem occisoris transeat *§. hic autem verbis Instis. de leg. Aquil.* Idque probo ex *dist. l. 3. De condit. triticar.* vbi tractans Vlpianus de seruo mortiferè vulnerato indeque mortuo post moram in reddendo eo contractam cùm per triticariam petitus esset, Ait æstimari eum debere non quanti plurimi fueris eo anno, sed quanti mortis tempore, nisi quod in *παύλει* & paulò latius id accipiendum esse vult ne ad exiguam summam æstimatio deducatur. Quòd si in certi conditionem veniret serui æstimatio Quanti plurimi, utique eadem illa venire deberet etiam in conditionem triticariam, eo casu quo ex triticaria conditione æstimatio præstanda est, Cùm hac parte non possit reddi ratio differentię cur plenior debeat esse vna quàm altera, vel cur pœnalis conditio certi ut detur ad æstimationem Quanti plurimi potius quàm triticaria. Quis ergo effectus erit illius conditionis certi quam competere ait Vlpianus etiam ex causa legis Aquiliæ? Ille vnus nimirum, ut occisi corporis æstimatio vera petatur quæ fuit vel ipso mortis tempore si occisus homo fuerit antequàm peteretur, Vel tempore litis contestatæ si post litem contestatam occisus proponatur, Vel denique eo tempore, quo dari ex obligatione debuit si in diem concepta obligatio fuit, Ut in aliis omnibus iudiciis stricti iuris obseruari solet *l. ultim. eodem titul. l. vinum 32. D. de reb. credit. l. hominem 37. D. mandat. l. 3. §. in hac D. commodi.* Non autem ut in conditionem certi generalem veniat tanta æstimatio quantum veniret in actionem legis Aquiliæ, id est etiam ex ea parte quæ faceret actionem legis Aquiliæ pœnalem. Ita enim fieret ut sic ut actio legis Aquiliæ

fic & certi conditio generalis hoc casu pœnalis dicenda esset, & consequenter negandum transire illam contra occisoris heredem, quemadmodum nec transit legis Aquiliz actio ne quidem quatenus rei persecutio nem continet. Quod tamen euidenter falsum est. Condiçiones enim omnes cùm sint rei persecutoriz ex utraque parte tam rei quàm actoris dantur omnes in solidum aduersus heredem, ne furtiua quidem excepta quamuis illa ex delicto detur, vt contra Cuiacium disputauimus pro Vlpiano *in l. in condiçione 9. D. de condiç. furt.* Superioribus consequens est, vt cùm certi conditio generalis nullam vtilitatem adferre possit in eo in quo vno eam vtilem esse Bartolus credidit, id est quantum ad hoc vt possit ex ea contra furem agi ad pœnam dupli, vel quadrupli, Fateri nos oporteat non magis vtilem villo casu quàm necessariam videri eam posse. Quod si admittas, planè non video cur cum Bartolo agnoscere illam velis, cùm nulla in toto iure nostro alia sit actio, siue ciuilis, siue prætoria, quæ non aut prorsus necessaria, aut aliquo saltem casu vtilis esse possit. Multa alia peccat Bartolus in hoc tractatu De certi conditio generalis, quæ quoniam ad scholas magis quàm ad praxim pertinent, cùm praxis non magis quàm ratio iuris ciuilis inutilem vllam actionem agnoscat, nos hîc consulto prætermittimus; alio fortassis aptiore loco reliquos hac de re Bartoli errores refutaturi, fortassis in Rationalibus.

ERROR QVARTVS.

De dñfinitione & vsu condiçionis triticaria.

LONGIVS quàm sperabamus ab instituto tractatu De condiçione triticaria recedere nos coegerunt interpositæ quæstiones De condiçione certi: Sed prætermitti non potuerunt vel ob hoc ipsum vt quæ de triticaria dicenda erant, melius intelligerentur. Est autem multò vtilior tractatus nec infubtilior

De condiçione triticaria de qua non sicut de condiçione certi generali dubitat quisquam vtrum necessaria sit vel vtilis, Aded exploratum omnibus est non solum vtilem eam esse, sed etiam necessariam. Nec tamen vllus hodie in praxi eius vsus est, aut vlla ferè mentio, quoniam in quo maxime vsus ille consistat ab interpretibus omnibus hucusque ignoratum est, & consequenter à pragmaticis, qui nihil eorum sciunt, quæ interpretes nostri, quos solos pro antelignanis habent, ignorarunt. Agnoscunt quidem omnes, differre condiçionem certi à condiçione triticaria in eo, quòd per condiçionem certi non petitur nisi id quod certum est, Per triticariam verò etiam res incertæ. Ac proinde per condiçionem certi solæ res corporales, Per triticariam verò etiam iura, & res incorporales, vt discretè scriptum est *in l. 1. D. de condiç. truit.* Sed cùm videant etiam triticum, vinum, oleum, & alias huiusmodi merces quas vel nomen ipsum triticariæ ostendit peti posse per triticariam, non minus in condiçionem certi venire, Non possunt animaduerrere quid inter vtramque actionem intersit, cùm per vnâ petitur quod per alteram quoque peti potest. Neque verò videtur Bartolus hoc casu differentiam vllam agnouisse inter actiones istas nisi ratione materiæ, non etiam ratione potestatis & effectus, cùm ad propositam quæstionem, In quo differant

hæ conditiones, Sine causa, Triticaria, & Certi, nihil aliud respondere potuit, quàm quod iam in præcedentibus refutauimus, Conditionem sine causa esse generalissimam quia competit ad certa & incerta omnia sine vlla exceptione, Triticariam verò generaliore quia competit quidem ad certa & incerta omnia, sed cum exceptione præterquàm ad pecuniam numeratam. Certi denique conditionem esse generalem, quoniam ad certa tantùm competit, non etiam ad incerta. Itaque nullam videtur agnouisse utilitatem nedum necessitatem conditionis triticariæ, propter quam possit & debeat conditio triticaria exerceri potius quàm conditio certi si forte triticum aut quid aliud certum petatur, Vel potius quàm conditio sine causa si quid incertum. At Jacobus Cuiacius, vt fuit ingeniosior & subtilior Bartolo, ita nescio quid noui attulit. Scripsit namque in Paratitlis *ad tit. De condit. triticar.* Conditionem illam triticariam in eo differre à conditione certi, quòd per illam petuntur non tantùm res incertæ & incorporales, sed etiam res immobiles. At per conditionem certi quam cum Vlpian. in *l. 1. eodem tit.* vocat actionem si certum petatur, non aequè. Putat igitur non magis fundum per conditionem certi generalem peti posse, quàm rem aliquam incertam & incorporalem. Quod tamen falsum est. Nam cum fundus Cornelianus aut Libonianus perinde quid certum sit ac Stichus aut Pamphilus, adeoque non minùs quàm certa quantitas pecuniæ numeratæ, ex illa certi diffinitione quam Paulus tradit in *l. certum 6. D. de reb. credit.* vbi ait certum esse non cuius tantùm quantitas, sed cuius etiam species quæ in obligatione versatur aut nomine suo, aut ea demonstratione quæ nominis vice fungitur qualis quantaq; sit ostenditur, Consequens omnino est vt non minùs fundus quàm homo certi conditione peti possit, vt idem Paulus scribit in *l. cum fundus 31. eodem ill. tit.* Quid? quod etiam nummi quos per certi conditionem peti posse nemo dubitat nisi qui Vlpiano apertè refragari velit in *dict. l. 1. de condit. tritic.* sunt tamen incorporales, & tanquam tales opponuntur rebus corporalibus in *l. qui heredis 46. D. de condit. indeb.* Ergo verum non est quod vult Cuiacius, Nullam rem incorporalem per conditionem certi generalem peti posse. Admitto, quod ait vir doctissimus, Iura non posse peti per conditionem certi, sed tantùm per triticariam. At hoc non idè quia sint res incorporales, sed quia sunt incerta omnia: Non enim an in iure quod consistat, an in corpore spectandum est, cum de hoc quærimus, An certi conditio locum habere possit, necne, sed an certum sit an incertum: Iura quidem omnia sunt incorporalia, Sed non incorporalia omnia sunt iura, Nummos, siquidem licet incorporales sint, nemo tamen idcirco benè dixerit esse iura, quia nec idè dicuntur esse quid incorporale quòd in iure consistant, sed quòd in quantitate, id est quod ei cui debentur nummi non corpora debeantur, sed quantitas, vt idem Cuiacius docet optimè ad *Tit. Inst. de reb. corpor. & incorpor. ex l. si is cui 94. §. 1. D. de solut.* Vtrumque ergo falsum est quod Cuiacius tradit pro vero, Neque immobiles res, neque incorporales per certi conditionem peti posse, Et consequenter falsum etiam illud, Res omnes incorporales peti posse per triticariam, cum per eam peti non possint nummi qui tamen rerum incorporalium numero, vt diximus, continentur. Alia igitur inter conditionem certi & triticariam differentia adferenda & excogitanda fuit: Eam verò excogitauit idem vir doctissimus abstrusiorē sanè, minùsque obuiam, sed non veriorē, Quòd, inquit, In actione si certum petatur iudex inseruit con-

tractui

tractui arbitrij inops, In triticaria verò rem petitam æstimat habita ratione loci & temporis. Quod si ita est, Vtique fatendum erit conditionem triticariam esse arbitriariam, in eoque maximè differre à conditione certi quæ semper stricta est. Nec enim alia de causa actio de eo quod certo loco dicitur arbitraria adeoque *υπαρξιακή* & per antonomasiam, quàm quia iudicis arbitrium in ea maximè locum habet ad æstimandam vtilitatem loci *l. 1. §. tot. titul. De eo quod cert. loc.* Et tamen nemo nescit, & fatentur omnes hucusque, Nullam esse conditionem quæ non sit stricta, Nullam ergo esse arbitriariam. Quæ enim actiones arbitrarie sunt ex proprio & speciale genus actionis constituunt, differens ab actionibus bonæ fidei & ab actionibus strictis aut quod idem est, stricti iuris *l. 3. §. in his quoque D. de usur. §. præterea Inst. de action.* Neque rursus video quænam hoc casu futura sit differentia inter conditionem triticariam & actionem arbitriariam De eo quod certo loco, quæ in id potissimum comparata est, ut loci vtilitas habeatur. Non addo & temporis quoniam non sicut loci, ita & temporis adiectio facit actionem arbitriariam ut aduersus eundem Cuiacium disputauimus in libris Coniecturarum, Nempe quia cum longius tempus in breviori contineatur, hætenus scilicet ut quod Calendis Ianuariis dari debuit multò magis dandum sit Martiis sequentibus, nulla fuit in eam rem arbitratio actio necessaria, cum directæ sufficeret competens ex contractu quantumvis stricti iuris contractus strictæque actio proponeretur. In quo alius viri doctissimi error est, quod putat in certi conditione generali non posse datum iudicem habere rationem temporis si certum quod petitur dari certo tempore debuerit. Cum enim tempus sit pars stipulationis *l. 1. §. editione D. de edend.* qui contractus omnium strictissimus est, cogitur iudex de stipulatione datus siue certi stipulatio fuit siue incerti, id est siue conditioni certi, siue actioni ex stipulatu addictus, non minorem habere rationem temporis, quàm cæterarum rerum quæ stipulatione continentur: Vnde sit ut si quis fundum certa die dari stipulatus sit, & fundus ea die non præstetur, consequi debeat stipulator quanti eius interstet moram factam non esse *l. si fundum 114. De verbor. obligat.* quamvis in solis faciendi non etiam dandi stipulationibus id quod interest cum expressè promissum non est peti possit *l. si quis ab alio 15. in fin. D. de re iudic. l. quoties quis alium 81. iunct. l. stipulationes non diuiduntur 72. de verbor. obligat.* Nempe vi & potestate adiectionis diei. Quasi nihil interstet, an quis promittat dari aliquid simpliciter certa die, an verò subiecta pœna eius quod interest nisi id quod conuenit fiat *l. si Calendis 11. D. de re iudic.* Rursus si quis Cuiacij sententiam probet, cum fieri necesse est actionem arbitriariam De eo quod certo loco non posse videri necessariam nisi cum pecunia petitur alio loco quàm quo dari debuit quia per triticariam peti non potest. Res enim cæteræ omnes præter pecuniam numeratam siue certo loco, siue certo tempore dari deberent, per triticariam peterentur. Quæ cum sit civilis actio, nullum arbitrarie actioni De eo quod certo loco, quæ prætoriam est locum relinqueret, si maiorem aliquem effectum arbitrarie non haberet. Quid enim prodesset additam civili actioni prætoriam? *l. 1. De public. in rem act.* Maximè quæ non nisi ex necessitate & vtilitatis causa dicitur à Prætoris comparata, Vnde & vtilis appellatur in *l. 1. D. de eo quod cert. loc.* ad differentiam scilicet puræ ac directæ quæ ex ipso contractu datur *§. præterea & §. loco Inst. de action.* Atqui falsum est arbitriariam De eo quod

certo loco non competere nisi pro pecunia numerata. Competit enim pro re qualibet quæ certo loco dari debuit, si in alio loco petatur, dum ne fundus sit, siue homo sit, siue merx aliqua *l. 2. §. si quis Ephesi. iunct. §. si quis insulam leg. 3. l. si heres §. l. in bona fidei 7. D. ult. tit. De eo quod cert. loc.* Imò verò præcipua eius utilitas in mercibus consistit, propterea quòd per singulas regiones earum præcia variantur *dist. l. 3. & dist. §. loco*, Vbi additur, quod ad pecuniam numeratam pertinet, cuius eadem semper & ubique æstimatio est *dist. l. 3. & l. 3. D. de in lit. sup.* hæcenus utilem esse actionem arbitriariam, quod nummi non in omnibus regionibus sub eisdem vsuris scenerantur, Licet possit alia etiam intervenire utilitas actoris si fortè traiectionem pecuniam dederit, Ephesi recepturus ubi sub pœna debebat pecuniam, vel sub pignoribus, & distracta pignora sunt, vel pœna commissæ propter moram, vel fisco aliquid debebatur & res stipulatoris vilissimo precio distracta est *l. 2. §. ultim. & l. 4. De eo quod cert. loc.* Ergo vel triticariam vel actionem arbitriariam De eo quod certo loco inutilem fore necesse esset pro mercibus & aliis rebus extra pecuniam numeratam omnibus, quæ certo loco dari deberent: Quod utrumque tam improbabile est ut non facile quisquam id admissurus esse videatur. Video tamen, nec sine admiratione placuisse viri doctissimi sententiam doctissimis plerisque ne tantum Cuiacianis, quod minus esset mirandum, qui in tanti magistri verba iurauerunt, sed etiam aliis qui in cæteris ferè omnibus à Cuiacio dissentire ducunt gloriæ, nec temerè, dum ne absque ratione id facere existimentur. Inter quos Magnus est Gallus, cuius perelegans sanè & perornatus nec inargutus libellus in manus nostras peruenit paulò antè quàm hæc scriberemus. Quem etsi laudare facilius mihi & optatius esset quàm reprehendere pro ea quæ tanti viri eruditioni debetur, obseruantia, non possum tamen facere quin pro veritatè & Iurisprudentiæ nostræ dignitate reprehendam in hac quæstione, & si qua in realia vlla contra iuris rationem sensisse ac scripsisse mihi visus est, Sed ita ut nos opinionibus magis quàm animis dissentire quilibet facile animaduertat. Is igitur tractans ex professo & luculenter ut solet cætera, De conditione ista triticaria sic eam diffinit ut sit actio stricta qua petitur res dari habita ratione utilitatis loci vel temporis propter rem ipsam. Quod ait esse actionem strictam, rectè sanè, & melius in eo quàm Cuiacius, qui de ea sic loquitur ut diximus, quasi sit illa arbitriaria. Quod addit *quæ petitur res dari*, hoc quoque rectè. Est enim hoc commune omnibus conditionibus, etiam furtiux ut per eas intendat actor dari sibi oportere *§. sic itaque Institut. de action.* Sed quod subiicit *habita ratione utilitatis loci vel temporis*, hoc verò equidem cum Cuiacio, sed æquè malè. Nam sicuti utilitas temporis haberi potest etiam in actione stricta, nec idcirco arbitriaria actione De eo quod certo loco agi potest, Non magis quàm ad petendum id ipsum quod in stipulationem deductum esset *l. quod si Ephesi 4. D. de eo quod cert. loc.* ubi duo illi casus æquiparantur iis verbis *nisi si quid esset stipulatus vel temporis velut interuenerit*. Ita certum est fieri non posse ut qui certo loco aliquid dare promissit, alio vllò loco aut conueniri possit ad id ipsum soluendum, aut soluere *l. 1. penultim. eod.* Ex consequenter necessaria in eam rem est actio arbitriaria De eo quod certo loco quæ si non specialiter intentetur, Utilitas loci haberi nulla potest, quia non tam malè ageret quàm nihil ageret qui alio in loco rem ipsam peteret, quàm in quo fieri solutiq̃ deberet, Sicque intelligi debent loci

omnes

omnes in quibus scriptum legimus sumendam æstimationem eius loci quo dari res debuit. Scilicet si non eo ipso in loco, sed alibi agatur, Adeoque per arbitrariam De eo quod certo loco quam satendum est, aut nullo penitus casu aut hoc vno prorsus esse necessariam nisi coditio certi ex mutuo proponatur, vt sequenti capite dicemus. Quod verò idem addit in diffinitione conditionis triticariæ *propter rem ipsam* quo sensu aut qua ratione adiectum sit, non video. Nam etsi temporis & loci adiectio facit, vt tam ex tempore quàm ex loco utilitatem actoris æstimari oporteat, Non alia tamen utilitas æstimari potest, quàm quæ circa rem & propter rem ipsam est, non quæ extra rem. Nec si eo iudicio agatur quod sit bonæ fidei & plenissimas eius quod interest, omniumque accessionum præstationes continet. *l. systeris 21. §. cum per venditorem D. de action. empt.* Nam & cum actio arbitraria exercetur De eo quod cert. loc. licet omnis utilitas actoris veniat in æstimationem, Non aliam tamen venire credendum est, quàm quæ ex precij diuersitate nascitur quod ad merces pertinet, non etiam si quid extrinsecus interfit *dist. l. 3. De eo quod certo loco. dist. §. loco Insistunt. de action.* Sicut & cum pecunia certo loco dari debuit, non alia utilitas creditoris æstimatur, quàm quæ ex grauiorum aut leuiorum vsurarum comparatione proficiscitur, Aut si foris pecunia illo loco dari sub pœna debuit, aut sub pignori- bus quæ postea vilissimo precio distracta sint vt diximus *ex l. 2. §. ultim. c. l. 3. D. de eo quod certo loco.* Non possunt igitur verba illa *propter rem ipsam* adiecta in diffinitione conditionis triticariæ facere, vt hac parte id est quod pertinet ad æstimandam utilitatem loci in re quæ certo loco dari debuit, quicquam interesse videri possit inter actionem arbitrariam, & triticariam conditionem. Sed videamus obsecro quis conditionis triticariæ vsus ex hac diffinitione colligatur. Si mihi ex causa mutui vel ex altera causa triticum debeas Calendis Martiis, & Calendæ illæ præterierint, explorabo apud me, inquit vir doctissimus, An mihi expediat conditione triticaria agere an conditione certi: Si hodie pluris est triticum quàm quanti erat tunc cum dari debuit, agam conditione certi & petam triticum quia saltem hodie dandum est quod iam olim dari oportuit, quod & in actione empti obtinere scriptum est *in dist. §. cum per venditorem.* Si verò hodie minoris est triticum, quàm quanti erat tunc cum dari debuit agam conditione triticaria & petam cum adiuncta circumstantia temporis *Triticum Calendis Martiis* siue quanti erat tunc cum dari debuit. Atque ita intelligi vult quod scriptum est *in dist. l. vinum 22. De reb. cred. & in dist. l. ultim. De condit. trit.* Ac quoniam videt vir doctissimus obici posse Triticum solum esse in obligatione ideoque non debere condemnationem fieri in pecuniam cum nemo inuitus aliud pro alio soluere cogi possit *l. ultim. C. de fidei. lib. bert.* Respondet, Si simpliciter triticum deberetur, non aliam actionem competituram quàm conditionem certi, id est [sic enim ille intelligit] ad triticum ipsum, non ad tritici æstimationem. Sed quando debetur cum adiectione temporis *Calendis Martiis* tempus, inquit, partem obligationis facit, & non modò triticum dari debet sed etiam dari Calendis. Quod quia fieri non potest cum Calendæ illæ præterierint nec reuocari possint, necessariò ad æstimationem veniendum est & soluendum Quanti fuit triticum illis Calendis. Idemque in obligatione condicionali iuris esse ait vt spectandum sit tempus conditionis existentis, quando triticaria conditione agatur. Quid ergo si non certo loco nec certa die aut sub conditione triticum debeatur, sed putet? Respondendum est inquit conditione certi nò triticaria. Et tamò si post petitionem

in iudicio diu tractum iudicium est, animaduertendum erit iudici an hodie cum condemnatio sit pluis sit triticum quam quanti erat tunc cum dari debuit, hoc est cum petitum est, Si hodie pluis sit, stricta condemnatio facienda est in triticum quia saltem hodie dandum est quod & olim dari oportuit. Si hodie minoris est quam quanti erat tunc cum petitum est, æstimatio facienda est illius temporis ratione habita quo petitum est, Ne alioqui mora debitoris noceat creditori. Sicque intelligendas vult esse leges, quæ ad hanc quæstionem pertinent, id est *dicitur. l. vinum de reb. cred. d. l. vlt. De condit. tritic. & l. quousq. 59. De verb. oblig.* Quod si ita est, vt hinc confutationem exordiamur, Ergo leges illæ De viraque conditione intelligendæ erunt, De conditione certi, & De triticaria, De illa quidem quatenus loquuntur de merce purè debita, nulloque adiecto loco vel tempore, De hac verò quatenus loquuntur de merce, quæ certo loco, vel tempore dari debuit. Atquin hoc absurdum est dicere, cum in confesso sit huiusmodi actiones non tantum diuerfas esse sed etiam adeò inter se distantes vt in qua specie habet vna locum, alia habere non possit. Neque verò earum legum verba patiuntur vt de duplici illa conditione intelligantur. Præsertim autem Vlpiani in *d. l. vinum*, vbi ponit vinum quod mutuum datum erat, per iudicem petitum esse. Etgo alterutra conditione vel certi vel triticaria, non vtraque. Et tamen distinctionem adhibet Vlpianus an certo die vinum dari debuerit, an sine diei adiectione. Vt priore casu tanti lis æstimetur, quanti vinum fuit cum iudicium acciperetur. Posteriori verò quanti eo die quo dari debuit. Proinde siue de conditione certi, siue de triticaria Vlpianum intelligas, fatendum est vtroque casu æquè locum fore siue huic siue illi actioni, & adiectionem temporis posse quidem facere, vt alia sit ineunda rei æstimatio, sed non vt alia actione eam æstimationem peti oporteat. Idemque de loco tractari potest si conuenerat vt certo loco merx daretur vt eadē lex probat. Nisi quod adiectio loci facit, vt alio loco agi non possit nisi per arbitrariam De eo quod cert. loc. quod temporis adiectio non facit.

ERROR QVINTVS.

De differentia conditionis certi ex mutuo & conditionis certi ex stipulatione cum locus adiectus est, Ad l. vinum 22. De reb. cred. & l. vlt. De condit. tritic. l. aut mutua 6. D. de eo quod cert. loc.



VEROR tamen ne hac etiam in re hucusque erratum sit, Actio enim illa arbitraria nascitur ex stipulatione qua promissum sit ali-quid certo loco dari, siue certum illud sit siue incertum *l. 1. l. 2. §. 1. & pass. D. ill. tit. De eo quod cert. loc. l. vlt. Cod. vbi conuen. qui cert. loc. dar. prom.* Nepe quia ex stipulatione agi nō potest cōtra formā stipulationis, nec proinde alio loco quam in quo solui per stipulationē promissum est, Idque siue verbis ipsis stipulationis locus cōtineatur, siue pacto aliquo quod incontinenti adiectū sit. Nam & pacta incontinenti adiecta stipulationi adeò ei credūtur inesse vt non solū prosint ad agendum sed etiā formēt eā ipsam actionē quæ nascitur ex stipulatione vulg. *l. delicta 40. vers. dicebā D. de reb. cred. l. petens*

l. petens 27. Cod. de pact. Quo exemplo dicimus, Si quis testamento heredem suum damnauerit aliquid dare certo loco, necessariam esse legatario arbitrarium actionem vt alio loco id peti possit *l. si heres 5. D. de eo quod cert. loc.* quia licet actio ex testamento eadem ferè præstationes recipiat, quas cæteræ actiones quæ bonæ fidei appellantur *l. in minorum 3. Cod. in quib. caus. non est necess. in integr. restit.* fieri tamen nequit, vt actio directa ex testamento competat aduersus id quod verbis testamenti expressum est, nec proinde ad hoc vt vno loco detur, quod in alio dari testator voluit. At cum quid mutuum datum est, siue pecunia, siue merx aliqua, & adiectum per pactiōem siue incontinenti, siue ex intervallo adhibitam, vt certo loco reddatur, non interueniente tamen stipulatione, Dico certi conditionem ex mutuo quæ ex illo contractu nascitur posse sufficere vt etiam alio loco res petatur, neque necessariam esse creditori arbitrarium quæ esset necessaria si certi conditione quæ ex stipulatione nascitur, ageretur. Id verò cum euenit, perinde habendam esse rationem loci indèque sumendam rei debitæ æstimationem ac si per arbitrarium peteretur. Eamque esse sententiam *dist. l. vinum* vbi manifestum est agi de conditione certi ex mutuo non de arbitraria, ne quidem ex ea parte quæ sit in re æstimanda rationem habendam loci in quo dari res debuit. Non enim vllam agnoscit Vlpianus eo loco differentiam inter adiectionem loci & temporis. Quæ tamen differentia admittenda necessariò est cum de arbitraria actione tractatur. Quia ratione moueor, vt neque Caij aliam putem esse sententiam in *dist. l. vltim. De condit. triticar.* vbi eadem planè distinctio ponitur ex Cassio, quæ in *dist. l. vinum ex Sabino*, vt fuerunt Sabinus & Cassius eiusdem scholæ authores, & magistri. Sed vnde hæc, inquires, tam noua & ante hunc diem fortasse non obseruata differentia? An quia conditio certi ex mutuo minùs stricta sit quàm conditio certi ex stipulatione certa? Imò potius, quia strictior est, non quidem sui natura, sed quoniam per pactum etiam incontinenti appositum de solutione certo loco facienda dilatarì non potest, quomodo certi conditio ex stipulatione dilatur, non minùs quàm stipulatio ipsa ex qua nascitur ea conditio. Inde namque sit, vt quod triticum credit. Romæ soluendum Capuz possit agere conditione certi ex mutuo etiam Romæ, ac si nihil de loco conuenisset. Quia sicuti mutuum re tantum & numeratione aut ponderatione aut mensuratione contrahitur, Ita certi conditio ex mutuo non vltra id quod reuera numeratum & traditum est porrigi potest *l. rogasti 11. §. si tibi D. de reb. cred. l. cum vltra 9. Cod. de non numer. pecun.* Ergo neque extendi ad id quod pacto comprehensum est, siue de loco, siue de tempore solutionis, siue de qualibet alia re per pactum conuenierit. Non vt idcirco pactum inutile manere necesse sit sine quo non fuerat creditor aut pecuniam aut triticum crediturus, sed vt prodesse tantum debeat vel ad actionem Præscriptis verbis producendam si pactum fuit incontinenti appositum, & vt loquuntur contractus coherentia vestitum, Vel ad exceptionem, si ex intervallo. Itaque si conuenierit vt triticum quod Romæ debebatur solveretur Capuz, siue incontinenti, siue ex intervallo subiecta conuentio sit, & triticum pluris proponatur esse Romæ quàm Capuz, danda vique esset pacti exceptio debitori qui ad soluendum Romæ triticum quod ibi pluris esset conueniretur. Quod ne fiat, debet creditor qui conditione certi ex mutuo petit Romæ triticum æstimandum suo precio, eam æstimationem vrgere quæ fuerit Capuz non quæ Romæ. Sic enim accidit vt nihil tam intersit debitoris an

condictione certi ex mutuo conveniatur Romæ an Capuz, cum utroque casu nihil nisi tritici æstimation ab eo petatur, nec alia æstimation cum Romæ conveniatur quam si Capuz conveniretur. Vi enim effectui ipso nihil interest an quis petat æstimationem tritici an triticum æstimandum, quamvis non æstimatio, sed triticum ipsum quod creditum est peti debeat æstimandum quoties agitur condictione certi ex mutuo, Ne aliud peti videatur, quam quod est in obligatione, Ita nihil interest an tritici æstimation quanti Capuz est, solvatur Capuz an Romæ, cum virobique solvatur in pecunia numerata cuius eadem potestas est, idemque valor utroque loco. Quod si è contrario minoris sit frumentum Romæ quam Capuz, non potest quidem debitor conqueri cur Romæ potius quam Capuz conveniatur, Sed tamen non debet ea res adimere creditori utilitatem pacti, nec facere ut liberetur debitor eam præstando æstimationem quæ sit Romæ, quia licet imputari quodammodo possit creditori cur alio loco egerit quam quo solui triticum debuit. Potest tamen dicere iure id suo se fecisse, cum æstimationem tritici habere mallet quam triticum ipsum, Sciret autem non aliam æstimationem à iudice iniri posse quam quæ fuisset in eo loco in quo fieri solutio ex pacto debuisset. Nec enim pacto renunciare videtur ob id solum quod alio loco petat, cum ea actione utatur, quæ etiam alio loco proposita perinde tamen pacti & loci conveniunt rationem haberi pariat, ac si eo ipso in loco, qui pacto comprehensus est, exerceretur: quia scilicet non ad rem ipsam præcisè datur ut diximus, sed ad rei æstimationem. At cum is qui triticum Romæ credidit stipulatus est illud sibi reddi Capuz, habet quidem perinde conditionem certi ad petendum triticum etiam certo precio æstimandum. At non quasi ex mutuo, sed quasi ex stipulatione quia cum pecuniam aut quam aliam rem mutuatam quis dedit etiam sine stipulatione, & ex continenti fecit stipulationem unus contractus est isque non mutui sed stipulationis, quemadmodum etsi ante stipulationem facta mox pecunia numerata sit. Non enim vlla actio ex numeratione nascitur, quæ aut post stipulationem quoque subsistat aut per stipulationem novata dici possit, sed id agitur ut sola stipulatio teneat, magisque implendæ stipulationis gratia numeratio fieri intelligitur *l. si sua fuero 6. §. 1. & l. seq. D. de novat.* Ergo sicuti pars stipulationis est ut Capuz non alibi triticum reddatur, Ita fatendum est fieri non posse ut conditio certi quæ ex illa stipulatione nascitur alio loco exerceri possit quam Capuz, Nec si paratum se dicat creditor qui petit Romæ, eam accipere tritici æstimationem quæ minor sit Capuz, quoniam ita ageret ex stipulatione contra formulam & verba ipsius stipulationis, quod fieri nunquam potest, Proinde necessaria est hoc casu actio arbitraria ut alio loco agi possit, quam diximus non fore necessariam si condictione certi ex mutuo ageretur. Atque ita meo iudicio intelligendum necessariò est, quod ex Pomponio scriptum extat *in l. ant. mutua 6. D. de eo quod certi. loc.* arbitrariam actionem competere cum mutua pecunia sic data fuit ut certo loco redderetur, Nempe si data sit mutua intercurrente stipulatione ut alia non possit inde nasci actio quam conditio certi ex stipulatione. Alioqui posset sanè certi conditio ex mutuo sufficere ad petendam ubique pecuniam quæ mutua data esset. Non enim sicuti dicimus locum & tempus partem esse stipulationis *d. l. 1. §. editiones D. de edend. l. quoties in diem 59. & seq. De verb. oblig.* Ita possis dicere locum & tempus partem esse mutui quod non consensu aut verbis ut pactum & stipulatio, sed sola numeratione & rei creditæ traditione perficitur. Quod si etiam triticum Romæ creditum ut Capuz redderetur, Romæ nihilominus peti potest per certi conditionem

tionem ex mutuo, æstimandum tamen quanti sit Capuz, vbi solui debuit *d. l. vinum 22. D. de reb. credit. d. l. ult. De condic. tritic.* Quidni etiam pecunia mutua quam Capuz reddi ex pacto oportuit, multò magis Romæ peti poterit, cum eandem vtrique loco potestatem habeat, & æstimationem. Nec quod nulla stipulationis mentio fiat apud Pomponium *in dict. l. aut mutua* mouere nos debet, cum appareat nõ plenam & integram Pomponij sententiam eo loco referri, sed intercisa à Compositoribus vt cum præcedere Pauli lege coniungeretur, Nec quisquam nesciat frequentissimum iam olim fuisse vsum stipulationum & in eâ præcipuè rem comparatum, vt negotia quibus adhibebantur firmarent, & ex negotio gesto penderent *l. 5. De verb. oblig.* vbi hanc ob causam idem Pomponius scribit conuenientium stipulationum totidem penè genera esse quot sunt rerum contrahendarum: Maximè verò in mutuo contrahendo solitam fuisse interponi stipulationem, constat ex *d. l. 5. §. 1. de nouat. & ex l. 6. cod.* quæ est eiusdem Pomponij, & ex eius libris ad Sabinum, licet ex alio eius libro quàm ex quo sumpta sit *d. l. aut mutua*. Denique non fuit necesse id monere quod iuris erat explorati, Cum inter prudentes constaret actionem arbitriariam De eo quod certo loco, non ex quolibet contractu nasci, in quo locus adiectus esset, sed tantum ex stipulatione *d. l. 1. & d. l. 2. §. 1. cod. tit.* Nec inducendam vnquam esse nisi ex necessitate, Ita vt si ex contractu bonæ fidei aliquid certo loco dari promissum sit nõ competat arbitria quæ non nisi utilis est, cum directa quæ ex bonæ fidei contractu nascitur & quæ ipsa etiam bonæ fidei est sufficere possit, vt alio quoq; loco agere liceat habita ratione loci & utilitatis quam ex loco sperare siue actor siue reus potuit: *l. in bonæ fidei 7. cod. tit.* Et hæc quidem in vtraque conditione certi tam quæ ex mutuo quàm quæ ex certa stipulatione competit, sic obtinent. Vtrique enim commune illud est vt petatur res certa, sed certo precio æstimanda, ac proinde non tam res ipsa quàm certa pecunia numerata, ad quam necesse est rem redigi per æstimationem.

ERROR SEXTVS.

Quid in triticaria si triticum quod certo loco dari debuit alibi petatur. Et ad l. si heres 5. D. de eo quod cert. loc.



En quid in conditione triticaria? Nimirum si in ea ipsa specie quam posuimus de tritico Romæ credito vt Capuz redderetur, maluerit creditor triticum ipsum petere, quàm per certi conditionem tritici æstimationem? An æquè distinguendum erit, quomodo in certi conditione distinguimus, vtrum stipulatio aliqua interuenerit necne? vt sciamus an triticaria directa possit competere, An verò necessaria sit arbitria De eo quod certo loco? Et quidem si creditor triticariam proponat Capuz & in eo ipso loco in quo solui debere placuit, dubitationem res nõ habet, quin perinde triticaria hoc casu cõpetat ac si nullus solutioni locus dictus fuisset, Nihil enim facit adiectio loci nisi cum alio loco agitur, nõ aut cum agitur in loco destinato *l. quod si Ephefi 4. in prin. cod. ill. tit.* Nec cõqueri potest debitor qui ad triticum præcisè cõuenitur in eo loco in quo vt triticum, non vt tritici æstimationem solueret, se obligauit. Sed si alio loco velit creditor puta Romæ idem ipsum triticum petere per triticariam, hic verò casus est, de quo dubitari probabilius potest. Mouet ex vna parte quod cum triticaria perinde conditio sit atque conditio certi,

& vtraque stricta, non magis illa quàm hæc videatur impediri posse per adiectionem loci, Præsertim cum vtraque nascatur ex eodem contractu, Nec in alio ferè differant, nisi quod vt iam toties diximus per triticariam petitur triticum ipsum, Per conditionem verò certi triticum æstimandum certo precio. Sed tamen in contrarium vrget fortius ratio illa, Quòd non quemadmodum cum petitur alio loco triticum æstimandum, potest nihilominus in eo æstimando haberi ratio loci in quo solui debuit, Ita & cum petitur per triticariam Romæ quod ex pacto soluendum fuit Capuz, haberi ratio loci vlla potest, siue pluri siue minoris eo tempore triticum Romæ quàm Capuz esse proponatur. Triticum enim ipsum omnimodo præstandum est, nulla precij habita ratione, quod proinde fieri non potest salua conventionione quam ponimus interpositam de tritico illo non Romæ sed Capuz soluendo, Et sicuti fieret iniuria debitori si maiorem æstimationem quæ Romæ esset, soluere cogeretur, ita damnum esset creditoris, si Capuz triticum pluri esset, quàm Romæ. Sed creditoris quidem damnum esset tolerabile, quia posset imputari ei cur triticaria maluisset agere ad triticum præcisè quàm conditione certi ad triticum eo precio quod Capuz esset, æstimandum: At quod ad debitorem pertinet, etiamsi hoc quoque possit ei imputari cur non soluerit per se aut per alium Capuz statim atque præterit tempus intra, quod Capuam perueniri potuit *dist. l. 2. §. qui ita stipulatur De eo quod cert. loc. l. idem erit 60. De verb. oblig.* quasi exinde in mora quodammodo constitutus. Certum tamen est non idèò principalem obligationem augeri posse sed tantum perpetuari, aut accessionum additamentis fieri grauiorem non autem hæcenus vt post moram maior quantitas in obligatione esse intelligatur quàm esset antea. Conuentio autem de soluendo Capuz tritico quod creditum fuit Romæ, licet non sit pars mutui, pars tamen contractus & negotij est, cum certa illa lege pecuniam crediderit, qui non aliàs fuerat crediturus *l. si dominus 8. in fin. D. de præscrip. verb.* de cuius sensu & interpretatione tam multa scripsimus in superioribus. Proinde non potest condemnari ad aliud quàm vt præstet triticum Capuz quod Capuz dare promisit. Alioqui saltem per pacti exceptionem succurrendum esset debitori, qui Romæ vbi triticum pluri esset, conueniretur. Eoque modo fieret inutilis & inefficax triticaria, etiamsi summo iure competeret, quia non daret eam Prætor nisi sub illa exceptione *si non conuenisset triticum alio loco dari.* Non enim triticum quod petitur Romæ functione recipit in suo genere pro tritico, quod solui debet Capuz, cum alia est huius, alia illius æstimatio: Cum tamen triticum quod Romæ petitur habita ratione loci in quo solui debuit id est quanti est Capuz, non aliud triticum videri possit, quàm quod esset si in loco ipso Capuz peteretur, & æstimaretur. Itaque cum agitur triticaria vt triticum quod Capuz solui debuit Romæ solvatur, nihil prorsus interest an mutui contractus solus præcesserit an stipulationis. Sed omni casu fatendum est adiectionem loci facere, vt triticariæ conditioni locus esse nunquam possit, idèòque necessariò sit recurrendum ad arbitriam De eo quod certo loco. De qua fortassis hæc ob causam subiunctus est titulus in Pandectis immediatè post *Tit. De condi. tritice.* non post *Tit. De reb. cred. & de cert. condi.* Vt intelligamus triticariam competere non posse si rem aliquam ex iis quæ per triticariam alioquin peti possunt, certo loco dari conuenierit, quam tamen alio loco petere actor velit. Nec est contrarium quod diximus actionem arbitriam non ex alio contractu nasci quàm ex stipulatione *dist. d. l. l. & l. 2.*

d.l.1. & l.2. §.1. De eo quod certi loco. Id enim ita accipiendum est, vt aliis casibus ea actio non comperat, si modò talis actio sit, in qua loci qui solutioni dictus fuit, ratio haberi possit. Quod euenire ostendimus in conditione certi ex mutuo *ex d.l. vinum 22. de reb. cred. d.l. vlt. De condic. tritic.* in quibus nemo dixerit tractari de actione arbitraria, de qua in iis verbum nec vnum, quamuis tractent de mutuo sic contracto, vt certo loco redderetur, illiusque loci rationem haberi maximè velint in debita merce æstimanda. Alioqui dicendum esset non competere arbitriam pro legato, si quod testator certo loco dari voluit, alio loco petere legatarius velit, Contra quàm à Paulo nostro scriptum sit *in dicit. l. si heres 5. De eo quod certi loco.* nisi sententiam Pauli restringere velles ad eum casum quo esset stipulatio interposita de legato soluendo sua die & suo loco, quæ olim pro legatis omnibus interponi solebat ex edicto Prætoris, nisi quando à testatore remissa esset *l.1. & l.101. tit. D. vt legat. seu fideic. seruand. caus. caneat. l.2. l. 5. & penult. C. vt in poss. legat. l. ania 77. §. vltim. De condic. & demonstr. l. cum filius 76. §. heres meus de legat. 2.* Sed hoc magis durum esset, quàm probabile. Et si non noceret ea interpretatio legatariis aut fideicommissariis, in quorum esset potestate stipulationem ex edicto interponere, aut si promittere heres nollet, in possessionem bonorum mitti ex ea causa, quousque plenissimè & satisfactò cautum esset, si non testator eam cautionem exigi vetuisset. Quo tamen casu, si nollet heres aut non posset vnquam ad eum locum accedere, in quo legatum vel fideicommissum præstare iussus est, consequens fieret vt relictum consequi legatarius vel fideicommissarius numquam posset, ita posito iure, vt quia ex stipulatione non ageret arbitriam ei denegari oporteret, Cum tamen nemo nõ videat, etiã si verba edicti, quæ non habemus ex stipulatione tantum locuta essent, eandem tamen in hoc casu subesse æquitatē quæ mouit Prætorē ad eā actionem comparandam, & quæ à Caio exposita est *in d.l.1. eod. ill. tit. De eo quod certi loco.* Alioqui esset in potestate heredis facere vt testatoris voluntati nunquam pareretur, quod absurdissimum foret *l. cum res 47. de leg. 1. l. quod legatur 38. l. sed etsi suscepit 52. §. 1. D. de iudic.* vbi de hoc plura scripsimus in Rationalibus. Vtut sit, constat vtilitatem actionis De eo quod certo loco quæ pro mercibus potissimum comparata esse creditur, non alio casu locum habere posse quàm quo inerx ipsa debita præcisè petatur: Cum actionis necessitatem hoc casu inducat sola illa ratio quòd pro regionum varietate varia sint mercium precia. Quid enim ea preciorum varietas facere posset, si vno in loco ita res peteretur, vt ex alterius tamen loci ratione æstimationem sumi oporteret? At cum merx ipsa præstanda est, fieri certè nequit, vt non valde intersit alterutrius contrahentium vno potiùs quàm alio loco solui: Siue autem actoris, siue rei interfit, accommodata est actio arbitraria De eo quod certo loco, quæ non propter solius rei, aut solius actoris, sed propter alterutrius vtilitatem comparata fuit, vt scriptum est *in leg. vnic. C. vbi conuen. qui cert. loc. dari promissit.* Melius quàm *in l.2. D. eod. vtriusque,* quæ cum sit vox collectiua, eo tamen loco distributiue accipienda est, vt constat *ex l. centum Capua 8.* in illis verbis *quanti eius vel actoris intersuerit. eodem visul.* Tantum igitur abest vt verum sit, quod viris doctissimis placet, In conditione triticaria esse habendam rationem loci & temporis in re debita æstimanda, Vt è contrario numquam possit triticaria competere pro ea re quæ certo loco dari debuit, nisi cum in eo ipso loco petitur: Quo casu competit quidem triticaria, & res æstimatur quanti eo in

loco est, sed non tam quod ibi dari res debuerit, quam quòd ibi petatur, quoniam idem locus inuenitur, & in quo dari rem oportuit, & in quo res petatur. Alioqui quomodo daret Prætor conditionem triticariam ad petendam rem alio loco, quam in quo ex conuentione dari debuisset? Nisi subiecta saltem, vt diximus, propter pactum exceptione, *si non alio loco rem dari conuenerit*. Sed cur daret sub hac etiam exceptione quam videat omnimodo competere, vel ex ipsa facti narratione & actoris confessione? Tracto enim casum illum in quo constet ex partium allegatione conuentum fuisse, vt certo loco res daretur. Si enim de hoc ipso inter litigatores apud Prætorem in contestatione controuerteretur, hic verò casus esset in quo dari triticaria posset quidem, sed sub exceptione supradicta, quæ esset ytiq; hoc casu necessaria propter incidentem facti quæstionem, quæ coram iudice dato tractanda est non coram Prætore. Temporis alia ratio est. Nam & illa mens quæ certo tempore dari debuit, etiam post tempus illud per triticariam peti potest, siue pluris illa sit eo tempore quo petitur, siue minoris, dum ne fuerit antea creditor in mora accipiendi, quia etiam hodie debetur, saltemque hodie dandum est quod iam olim dari oportuit, vt ratiocinatur Paulus in dicta lege si Sterilis 21. §. cum per venditorem D. de actionib. empt. Nec habet debitor quòd conqueratur, non solum si eo tempore quo agitur res minoris sit, quamquam non est probabile creditorem vllum, nisi fatuum eo casu conditionem triticariam electurum pro conditione certi, per quam posset consequi æstimationem, quæ maior fuisset eo tempore, quod destinatum fuerat solutioni, Sed etiam si tùm res sit pluris, quia debet imputare sibi debitor, cur huius periculi & incommodi metu non soluerit ad dictam diem etiam non interpellatus, cùm ignorare non posset futurum vt quod suo tempore solutum non esset idem ipsum etiam postea deberetur. Itaque licet in eo diuersa sit ratio loci & temporis, quantum ad conditionem triticariam pertinet, quod non sicut loci ita & temporis adiectio impedit, ne triticaria exerceatur. Nempe quia tempus vnum continetur in alio, non vnus locus in alio loco, In eo tamen conueniunt, quòd in triticaria non maior temporis quam loci ratio habetur, in ineunda rei debite æstimatione, id est ne tum quidem cùm post tempus quo fieri solutio debuit, triticaria exerceatur. Siquidem haberi rationem temporis nihil aliud esset quam æstimari rem eo præcisè inspecto tempore. Quemadmodum & haberi rationem loci in quo solui debuit nihil aliud est quam sumi æstimationem quæ sit in eo loco, non quæ vbi petitur. Atquin is, qui agit triticaria, hoc ipso actionis nomine declarat ipsam se rem petere non rei æstimationem: Se igitur sic agere, vt neque temporis neque loci neque alterius utilitatis rationem haberi velit. Sed quid obsecro improbabilius quam quod iisdem viris doctissimis placet, Triticariam non posse competere si neque dies neque locus obligationi adiectus sit, id est pro re quæ purè debeatur? Nam si ita esset, An non valde inaneus aut imperitus fuisset Vlpianus qui in d.l. 1. & 2. De condit. tritic. tam exactè tractans casus omnes in quibus triticaria locum habere potest, nullam tamen adiecit mentionem loci, neque temporis: Quod tamen minimè omnium erat prætermittendum, si vt ipsi volunt tota conditionis triticariæ potestas in eo cluteret, vt vel temporis vel loci ratio haberetur. Sed & in l. 3. eod. titul. quæ de conditione triticaria nominatim tractat primis illis verbis *in hac actione*, adeoque quod ad

dispu-

disputationem nostram propius accedit de hoc ipso de quo nunc quærimus, id est de ineunda rei debita, & per huiusmodi actionem petita æstimatione, Cùm varios casus persequatur, Primum illum quo res adhuc extet post condemnationem, Alterum quo in rebus humanis extare desierit ante sententiam, Tertium quo facta sit deterior post moram, Nihil tamen de tempore quo dari res debuit, non magis quàm de loco. De quibus solis utique tractandum erat, si sola vel loci vel temporis adiectio triticariam conditionem induceret. Nec est quòd quis respondeat casum hunc qui prætermisus fuerat *in d.l. 3. subiectum esse in l. seq.* quæ est ultima eiusdem tituli, ubi non de alia re agitur quàm quæ ex lege obligationis soluenda fuerit certo loco vel certo tempore. Nam præter id quod semper verum erit, quod nos volumus conditioni triticariæ posse locum esse, tametsi neque dies neque locus obligationis insertus sit, neque alioqui nulla earum legum conciliandarum ratio supersit. Illud etiam apud me constat non de conditione triticaria intelligendum esse dictam *l. ult.* sed de conditione certi, de qua etiam *d.l. vinum 22. De reb. cred.* ut iam monuimus, & ex iis quæ pro illarum legum conciliatione sequenti capite dicenda supersunt, clarius intelligetur.

ERROR SEPTIMVS.

De conciliatione l. 3. & l. ultim. D. de condition. tritic.



X iis quæ De conditione triticaria aduersus interpretum & veterum & recentiorum opiniones disputare cœpinus, apparet iam liquidò, quid nos de conditionis huius diffinitione, vsuque sentiamus: Nimirum conditionem triticariam nihil aliud esse quàm strictam actionem per quam intendimus rem ipsam præcisè dari nobis oportere, nulla, siue loci siue temporis habita ratione, & siue res plaris fuerit tempore moræ vel litis contestatæ, siue minoris. Proinde vsus eius totum in eo consistere, ut triticum aut aliud quilibet extra pecuniam numeratam præcisè petatur, si præuideat creditor auctum iri æstimationem præciueque tritici vel alterius rei, futuramque rem plaris eo tempore quo in condemnationem deducetur, quàm sit eo tempore quo petitur, id est quo litis contestatio fit. Quemadmodum si è contrario præuideat fore ut decrescat æstimatio, consultius multò fecerit si omissa triticaria conditionem certi elegerit quæ competat, siue ex mutuo siue ex stipulatione. Per quam actionem petat verbis ipsis actionis, non eandem rem quæ debetur, & quam peteret per triticariam, sed æstimationem eius, scilicet quanti sit res tempore litis contestatæ, si dies solutioni adiectus non fuerat. Aut quanti eo die de quo dari res debuit si in diem obligatio fuit. Rursus quanti in eo loco in quo petitur, si non conuenerat ut alio certo loco redderetur, Aut si de eo pactum siue incontinenti siue ex intervallo intercesserat, quanti fuit in eo ipso loco in quo solui debuit. Et quidem de conditione certi quin ita ius sit nemo dubitat. Cùm hoc ipsum disertè ab Ulpiano scriptum sit ex Sabino *in l. vinum 22. D. de reb. cred.* Si eos excipias quos suprà refutauimus, qui putant quoties aliqua loci vel tempo-

ris ratio habenda est, cessare conditionem certi, ex eaque causa inducendam necessariò esse triticariam. Quis enim non videt Vlpianum eo loco licet plures casus distinguat de vnicâ tamen actionis & conditionis specie tractare, Et cõsequenter de conditione certi, de qua & totus ille titulus est non de triticaria. Sed an in triticaria quoque idem ius & eadem distinctio locum habeat, dubitari probabilius potest. Dubitandi autem causa plerisque eadem illa quæ omnibus fuit errandi. Nempe quod idipsum iisdem serè verbis à Caio scriptum sit ex Cassio *in l. ult. D. de condic. tritic.* Cum enim illa Caij sententia sub eo titulo collocata sit, Dicit autem soleat vnamquamque legem intelligendam esse secundum verba tituli sub quo posita est, ex *l. Imperator. 16. D. de in diem addict.* non minor ratio facere videtur, ut intelligatur Caius de sola conditione triticaria, quàm ut Vlpianus de sola conditione certi, Si quidem neutrius conditionis mentio nominatim fit aut apud Caium, aut apud Vlpianum. Itaque in hoc interpretes serè omnes & veteres & recentiores consentiunt, De conditione triticaria intelligi Caium debere, sed cum hoc tamen inter eos discrimine, quod veteres sic intelligunt de triticaria, ut non minùs accipi velint de certi quoque conditione, quod nihil hac parte inter vtramque conditionem referte arbitrentur. At recentiores de sola conditione triticaria, quod existiment in conditione certi neque temporis neque loci rationem haberi vñquam posse, quâ tamen habendam esse & Vlpianus & Caius volunt. Nos verò ab omnibus dissecimus qui existimamus vtrumque iureconsultum de sola conditione certi locutum esse, Quod qua fronte negare possint recentiores, difficile est dicere, si verum est quod aiunt, Conditionis triticariæ vsum nullum esse nisi cum æstimatione sit vtilitas loci vel temporis. Cum is quoque casus à Caio & Vlpiano tractetur, quo neque dies, neque locus obligationi adiectus proponatur. Æstimationem enim hoc casu eam iniri volunt, quæ sit in loco & tempore accepti iudicij: Quo admissio non habent certè quod adferre possint, ut se ab ea difficultate euoluant quæ interpretes omnes tantopere torsit, nec minùs veteres quàm recentiores. Quomodo conciliari possit Vlpianus in *d. l. 3. D. de condic. tritic.* cum Caio in *d. l. ult.* Nam Vlpianus in *d. l. 3.* scribit apertissimè, In conditione triticaria si queratur res quæ petita est, cuius temporis æstimationem recipiat, condemnationis tempus spectandum esse. Non ergo moræ, neque litis contestatæ, ut sequenti capite ostendemus. At Caius in *d. l. ult.* nullo penitus casu tempus condemnationis spectari vult, sed vel accepti iudicij & litis contestatæ, si neque dies, neque locus adiectus fuerit, vel quo dari res debuit, si diem aut expressam aut tacitam habuit obligatio, Tacitam inquam ex adiectione loci. Sic enim ea lex accipi debet ex *l. quoties in diem 59. & sequ. l. continuus 137. §. cum ita D. de verbor. obligation.* Scio quàm multæ & quàm varix ab interpretibus nostris hucusque allatæ sint conciliationes, Sed illud etiam scio, quàm sint omnes improbables, quàmque bonis rationibus à nobis improbatæ in libris Coniecturarum. Quanquam eo tempore nec nos dicere potuimus id, quod oportebat, cum hæc ipsa quæ nunc docemus, tùm ignoraremus. Iam verò faciliè nos hunc nodum dissoluimus, Vlpianum scilicet in *d. l. leg. terna*, loqui de conditione triticaria sola. De quo non est qui dubitet propter illa verba initio legis posita in hac actione, Caium verò in *d. l. leg. ultim.* non nisi de conditione certi, Adeoque non de conditione certi qualibet, sed de ea quæ ex mutuo tantum, non de ea, quæ ex stipulatione. Sed tamen hoc

hoc ipsum quod de Caio dicimus probandum nobis est, cum & titulus sub quo posita lex fuit, & consentiens vox interpretum omnium interpretationem hanc respuere videatur. Probo autem primum ex eo, quod negari non possit, quin sententia Cassij à Caio relata in *d.l. ult. ea ipsa sit*, quam Vlpianus ex Sabino retulit in *l. vinum 22. D. de reb. credit.* Siue verba vtriusque legis inspicias, quæ eadē pene sunt, sanē eiusdem omnino sensus, siue allatam ab Vlpiano, Sabini: à Caio Cassij auctoritatem. Fuit enim Sabini & Cassij vna eadēque schola & doctrina, iidēque eorum Senatores & Sabiniani & Cassiani dicti, ex quorum numero & Vlpianus & Caius fuerunt, quod nec Cuiacius diffitetur, qui hoc ipso argumento motus eandem vtriusque loci sententiam esse admittit. Atqui nihil est apud Vlpian. in *d.l. vinum*, ex quo possis coniecere loqui eum aut sentire de conditione triticaria, Nec minùs huic interpretationi repugnat ratio *Tu. De reb. credit. Si cert. pet. & De cert. condit.* Sub quo lex illa posita est, quàm vt Caij legem positam sub *Tu. de condit. tritic.* intelligas de conditione certi. Fatendumque est alterutram legem sub alieno titulo collocatam fuisse, Etsi non deest ratio propter quam debuerit ea Caij sententia poni etiam sub titulo de conditione triticaria, Nempe vt ex comparatione eius, quod in lege præcedente Vlpianus scripserat de conditione triticaria, faciliùs dignosci posset in quo ea conditio à certi conditione discreparet, ac quantum referret an hac an illa potius conditione ageretur. Cum tamen ratio nulla reddi possit cur lex Vlpiani *d.l. vinum* debuerit poni sub *titul. De cert. condit.* Si de sola conditione triticaria, vt recentiores volunt, Vlpianus eo loco sensit. Nec enim triticaria vllò vnquam casu potest, cum certi conditione concurrere, cum sint planè contrariæ & incompatibiles *d.l. 1. D. de condit. tritic.* sed probo alia etiam ratione & ex ipsis Caij verbis non loqui eum nisi de conditione certi. Postea probaturus nec de qualibet certi conditione loqui eum, sed de illa tantum quæ competit ex mutuo. Probo autem ex eo quod tractat de ineunda æstimatione rei debitæ etiam cum loci adiectione. Iam enim ostendi in præcedentibus, conditioni triticariæ nullum eo casu locum esse posse. Sicut neque in qualibet conditione certi obtinet, quod scriptum est in *d.l. ult. de ineunda æstimatione rei debitæ certo loco*. Sed in ea tantum quæ nascitur ex mutuo, Scilicet quantum ad hoc quod lex ait, Si certo loco dari merx debuit sumendam esse æstimationem illius loci qui fuerat destinatus solutioni. Nā si poneres agi conditione illa certi, quæ nascitur ex stipulatione de qua in *l. si quis certum 24. D. de reb. credit.* & apud Iustin. initio *Tu. De verb. obligat.* posset quidem ea conditio sufficere ad rem suo loco petendam, cum & triticaria quoque ipsa eo casu sufficeret, sed non ad rem alio loco petendam, quoniam esset in eam rem necessaria actio arbitraria De eo quod certo loco, Propter illam rationem quam capite quarto attulimus, id est quia non sicut mutuum peti potest conditione certi ex mutuo etiam alio in loco quàm vbi ex conuentione reddi debuit, Ita ex stipulatione agi alio loco potest, quàm qui stipulationi adiectus & insertus fuit. Atqui nemo non videt eum casum tractari à Caio in *dist. l. ult.* ab Vlpiano in *d.l. vinum*. quo rem mutuum datam petat creditor alio loco, quàm in quo solui eam oportuit. Cum vtraque lex dicat, Si locus adiectus sit spectandam esse illius loci æstimationem: Si secus, quantum est vbi petitur. Sanè qui *dist. am legem ult. & dist. am l. vinum*, sic conciliant cum *d.l. penult. De condit. tritic.* quasi Vlpianus in *d.l. penult.* loquatur tantum de specie debita, Caius verò in *dist. l. ult. de merce* cuius alia ratio sit, neutrius legis verba perpendunt. Nam in *dist. l. penult.* cum initio legis Vlpianus ait,

In conditione triticaria, si quætur res quæ petita est, cuius temporis æstimationem recipiat, condemnationis tempus spectandum esse, non magis de specie quàm de merce loquitur, sed generaliter de rebus omnibus quæ in triticariam venire possunt, Licet quod sequitur in secunda eiusdem legis parte de homine qui per triticariam petebatur mortuo. Et in postremis verbis legis de re petita quæ post inoram deterior facta sit, metibus aptati nullomodo possit, quæ quoniam in genere non in specie consistunt, ut diximus, neque perire, neque deteriores fieri unquam possunt. E contrario autem Caius in *d. l. ult.* etsi præ incipio legis loquitur tantum de merce quæ mutua data sit, subiungit tamen in fine legis, Idem in aliis rebus iuris esse, Ut omnes seirent non species à mercibus hac parte separandas esse, sed conditionem triticariam à conditione certi, Et rursum conditionem certi ex mutuo à conditione certi ex stipulatione. Alias supradictorum locorum conciliationes quæ ab aliis afferuntur & retulimus, & refutauimus supradicto Coniecturarum loco, tam aperte ac prolixè, ut nihil hic re petendum sit, ne in re non necessaria operam ludere videamur.

ERROR OCTAVVS.

De inuenda æstimatione rei petita per conditionem triticariam.



In toto illo tractatu, quem non solum in libris Coniecturarum, sed etiam in prima huius Chiliadis parte tanta cum diligentia compleuimus, & in quo vix intactum quicquam reliquisse videri possumus, Nihil est quod nos tam male habuerit, quàm interpretatio *l. 3. D. de condit. tritic.* in qua tractat ex professo Vlpianus de inuenda æstimatione rei debitæ quæ per conditionem triticariam petita sit. Cætera enim quæ ad tractatum illum pertinent, sic explicauimus, ut plerique magni viri densissimis iuris nostri tenebris lucem hac parte aliquà ab ingenio nostro allatam esse non diffiteantur: Et quauis non desint qui contra nos scripserint, habemus tamen & ingenij & nominis nostri assertorem validissimum Gasparem Schifordegherum Silesium nobilissimum virum Doctorem Germanum & elegantissimum, cuius scripta luculentissima nuper in publicum edita, opiniones nostras, nec has tantum, sed alias etiam plerasque à reprehensorum obiectionibus, ne dicam vel rationibus, vel iniuriis faciliè, ut spero, vindicabunt, sed quod pertinet ad interpretationem *d. l. 3. De condit. tritic.* satis quidem viro doctissimo fecimus, quantum ille & scriptis suis & familiari mecum colloquio testatus est, cum ex remotissimis Silesii finibus, quæ singularis erga me beneuolentia & propensio eius fuit, visendi tantum mei gratia Necium usque venisset, ibique mecum per aliquot menses suauissimè commoratus frequentes in eum ac penè quotidianos de Iurisprudencia sermones haberet, sed nobis tamen, ut verè fatcamur, non omnino satisfecimus. Neque verò fieri potuit ut ante hunc diem diceremus id quod dicendum fuerat, cum in errorem interpretum secuti, conditionis triticariæ vim & potestatem ignoraremus. Illud autem potissimum nos male habuit quod Vlpianus in *d. l. 3.* scribit apertissimè, In conditione triticaria, si quætur res quæ petita est, cuius temporis æstimationem

reci-

recipiat, condēnationis tempus spectandum esse. Sicut enim nemo dubitat quin conditio triticaria stricti iuris actio sit, vt & ceterę conditiones omnes quarū nulla est quę à Iustiniano inter bonę fidei actiones enumeretur in §. *actionum*. *Instit. de act.* Ita nec dubitari posse arbitramur, quin generale ac perpetuum sit in actionibus strictis omnibus, vt si quando in iis æstinari rem oporteat, spectandum sit præcisè tempus litis contestatę, aut quod idem est, iudicij siue accepti, siue accipiendi. Sic enim scriptum est in *l. ult. cod. tit. & in l. vinum 22. D. de reb. cred. de* quarum sententia proximè scripsimus, Et in *l. 3. §. in hac D. commod. l. hominem 37. D. mandat.* Ratione illa quam ex Papiniano sumpsimus in *l. 2. D. de usur.* quodd quale quid est cūm petitur, tale dari debeat, quoddque tempus illud inspiciendum sit quo nouissimè res dari potest. *l. si Calendis 11. D. de re iudic.* Vt in summa ea sit condicio & actoris & rei quę esset, si litis contestatę tempore data res fuisset. *l. cum fundus 31. D. de reb. credit.* Nouissimum enim tempus quo solui res potest, illud est quo litis contestatio fit, cūm per contestationem fiat nouatio. *l. aliam 29. D. de nouat.* exindēque incipiat pecunia deberi. At condēnationis tempus in actione stricta inspicere oportere, nullo iuris loco scriptum reperias, præterquam in *d. l. 3. de cond. lit. i.* Est enim ius hoc proprium actionū bonę fidei, vt in iis rei iudicandę tempus inspiciendum sit, vt diserte idem Vlp. noscitur ait in *d. l. 3. §. in hac D. commo.* aut saltem vtro tempore pluri res fuit, aut quo mora contracta esset, aut quo res iudicaretur, & in condēnationem deducere- tur, vt Pomponius tractat in *l. 3. §. ult. D. de action. empt.* Cūm igitur conditio triticaria stricti iuris actio sit omni casu, nunquam verò bonę fidei, Rogo, qua ratione, aut quonam demum casu fieri queat, vt condēnationis tempus inspicere oporteat? Interpretes qui monstrum illud æstimationis Quanti plurimi inuenerunt, cuius nulla vsquam in libris nostris mentio, nisi cūm prudentes aut de furtiua condicione, aut de actione legis Aquilię tractauerunt, facili hinc se euoluunt, sic intelligentes Vlpianum in *d. l. 3. in* condicione triticaria inspiciendum sit, non quidem tempus condēnationis præcisè, sed quanti plurimi res fuit à tempore morę ad tempus vsque rei iudicandę. Quidni enim sic de triticaria condicione sentiant, cūm in omnibus strictis iudiciis idem iuris obtinere putent, nec vllam inter bonę fidei actiones & strictas agnoscant hac parte differentiam, nisi cūm tractant de re debita per iusiurandum in litem æstimanda: Secuti nimirum traditionē Bartoli ad *d. §. in hac*, quam cūm video & Hugoni Donello, & aliis quibusdam recentioribus placuisse, planè mihi persuadeo nihil eos habuisse melius, quod dicerent, cūm tamen nec aliud quicquam excogitare potuerint, quod improbabilius dici possit, vt ex iis quę contra Bartolum in Coniecturis disputauimus, constare arbitror. Sed nobis qui extra duos supradictos casus condicionis furtiue, & legis Aquilię, nullam æstimationis Quanti plurimi condēnationem agnoscimus, & in iudiciis strictis quale est iudicium condicionis triticarię tempus litis contestatę & accepti iudicij præcisè spectandum esse contendimus, Multò difficilius est intelligere, & explicare quid sibi Vlpianus velit in dicta lege tertia, cūm ait in condicione triticaria condēnationis tempus spectandum esse. Iam verò, vel tantibus nobis, intelligere quiuis facili potest, ex iis quę hactenus dicta sunt, quam rationem habeat Vlpiani sententia autoritate Serui comprobata. Nimirum, Cūm triticaria actio ea demum sit per quam triticum, aut quid aliud præter pecuniam numeratam sic petitur, vt illud ipsum,

quod petitur, non ipsius æstimatio in iudicium deducatur, quamvis condemnationem in pecunia fieri semper necesse sit. Fieri certe nequit, ut alia æstimatio in condemnationem deduci possit, quam quæ sit tempore condemnationis. Quod enim condemnationis tempore præstari adhuc posset ex natura proposita actionis, si reus mallet satisfacere & absolui quam condemnari, id planè concessum est, ut si in pecunia ex necessitate æstimandum sit, non alio quam condemnationis tempore inspecto debeat æstimari. Nam & ratio propter quam in iudiciis strictis obtinet, ut litis contestatæ tempus spectari præcisè oporteat, nō alia est, quemadmodum diximus, quam quia nouissimum illud tempus sit, quo dari res potest. *d. l. si Calendis 11. De re iudic.* cū quale quid est cū petitur tale dari debeat *d. l. 2. De de usur.* Quæ tamen ratio apertè cessat in triticaria conditione. In qua scilicet ex ipsius actoris voluntate, nō solum potest sed etiam cogitur reus, ipso etiam tempore quo iudicium exercetur, & ante condemnationem rem ipsam quæ petita est præstare, & quidem quancūque precij, cū illa sit, hoc est siue maioris siue minoris æstimationis, cū eam sibi & aduersario lege n. dicat, quisquis triticariam proponere mauult, quam certi conditionem, aut aliam specialem actionem. Nec sanè est quod vel debitor conqueratur, si res pluris sit eo tempore quo in condemnationem deducitur, quia quod antea & litis contestatæ tempore dari debuit, etiam hodie dandum est, ut argumentatur Paulus in *l. si sterlingis 21. §. cū per venditorem D. de action. empt.* Vel creditor si res sit minoris, quoniam ipse sibi hanc legem dixit, suæque imprudentiæ debet imputare cur non egerit conditione certi, potius quam triticaria. Et quod dicimus in bonæ fidei iudiciis ut in actione empti, de qua in *d. §. cū per venditorem* spectari tempus condemnationis, longè aliam rationem habet. Non enim sicut in conditione triticaria, quæ stricti iuris est, ita & in iudiciis bonæ fidei præcisè petitur res ipsa quæ debetur, sed cum adiectione illa quam Prætor nunquam prætermittit in formula *ex bona fide*, cuius ea vis & potestas est, ut neque res ipsa quæ petitur nisi quatenus æquum est, neque in summa quicquam aliud nisi quod melius æquius est in petitionem & condemnationem deducatur. Equum autem non est sola præstatione æstimationis, quæ antea fuerit liberari eum qui rem aliquam siue in specie siue in genere consistentem vendidit, si post moram eius rei æstimatio decreuerit.

ERROR NONVS.

Cur non ipsa merx, aut alia res debita & petita in condemnationem deducatur maxime in iudiciis bonæ fidei.



Sed illud difficilius est dicere cur non ipsa res, quæ debetur & quæ hodie pluris est in condemnationem deducatur, potius quam eius æstimatio cū & ipsa sit quæ debetur, non æstimatio ipsius, & tamen merx quam species æstimationis suæ incrementum in se contineat, cū ipsa præstatur. Qui enim frumentum quod hodie pluris est soluit, aut fundum Cornelianum maioris precij factum, an non eam ipsam æstimationem quæ hodie maior est, soluere intelligitur? Et tamen hoc quoque casu æstimationem etiam mercis & quidem eam quæ sit rei iudicandæ tempore, in condemnationem deduci oportere con-

stat ex d. §. *ultim. l. 3. §. ex d. l. si stersis 21. §. cum per venditorem D. de action. empt.* Ratio vera illa est, quam nos in sequentibus latius tractabimus, quod necesse semper sit & omni casu condemnationem fieri in pecunia ut iudicati executio sequi tandem possit. Sed tamen illud quoque addi potest, ut ego quidem arbitror, quia etiam in bonæ fidei iudiciis ex quo tempore mora facta est, sicut in strictis ex die litis contestatæ, definit res debita præstari amplius posse nisi creditor ipse deferat condicionem, cum petendo rem siue apud Prætozem ex contractu stricto, siue per interpellationem extraiudicalem ex contractu bonæ fidei, satis declarauerit suam voluntatem, quod exinde voluerit rem habere, ac proinde inspecta illius temporis æstimatione. Quæ ratio faceret, ut sicuti in actionibus stricti iuris inspicimus præcisè tempus litis contestatæ, ita & in iudiciis bonæ fidei tempus moræ non solum iudicialis, ut vocant, quæ per contestationem contrahitur, sed etiam extraiudicialis præcisè inspicì oporteret. Nisi diuersitatem iuris illud induceret, quod in formula iudiciorum bonæ fidei addebantur, ut diximus verba illa *ex bona fide* quæ in strictis iudiciis dictandis non addebantur. Est enim generalis & omnibus tam bonæ fidei, quam stricti iuris actionibus conueniens ratio illa Papiniani in *d. l. 2. D. de usur.* quod quale quid est cum petitur, tale dari debeat, ut scilicet non minùs actoris voluntati quam rationi & rigori iuris satisfiat. Ex quamuis petitum regulariter id demum dicatur quod per iudicem petitum est aut potiùs apud Prætozem per litis contestationem, quasi is qui nondum litem contestatus est, non tam petat quam petere velit. *amplius 15. D. rat. rem habet.* Id tamen magis propriè ad arbitrarias, & ad strictas actiones pertinet, in quibus nulla præcedentis moræ extraiudicialis ratio haberi potest ad condemnationis qualitatem immutandam, sed tantùm ad obligationem perpetuandam *l. si ex legati 23. & seq. l. si feruum 91. §. sequitur D. de verb. oblig. litem si verberatum 15. §. ult. D. de rei vindic.* Non autem ad actiones bonæ fidei, cum ex bona fide sit ut mora per simplicem & extraiudicalem interpellationem contracta non minùs profit interpellanti noceatque frustratori, quàm si per iudicem contracta esset. Nec proinde quicquam interfit ad cõcipiendam in iudicio bonæ fidei condemnationem ytrum per iudicem petitum sit, an sine iudice, quod ex iudicio bonæ fidei debebatur, non magis quàm ad constituendum in mora debitorem *l. mora 31. D. de usur.* Vnde petenda mihi nunc videtur ratio, cuius ignoratione in hunc vsque diem errauimus, Cur prudentes nostri nullo iuris loco meminerint litis contestatæ, cum loquantur de incunda æstimatione rei debitæ ex contractu & iudicio bonæ fidei, sed tantùm moræ vel condemnationis, ut in *leg. 3. §. in hac. D. commod. dic. leg. 3. §. ultim. de action. emptiõn.* Quoniam scilicet tantum potest extraiudicialis mora quantum iudicialis, cum ex bonæ fidei contractu agitur. Ideoque cum latius pateat nomè moræ quàm contestationis, quia vix potest contestatio fieri sine mora *l. 3. in prin. ip. de usur.* moræ vciò fieri facilè, & passim sit citra contestationem *d. l. mora.* Fuit in hoc iure constituendo facienda mentio moræ potiùs quàm litis contestatæ, Et quidem ita ut mora aliqua extraiudiciali contestationem præcedente, nullam contestationis rationem haberi oporteat, neque æstimationis quæ maior eo tempore inueniatur: non magis quàm si eo ipso die quo per simplicem interpellationem mora extraiudicialis contracta est lis contestata fuisset. Nec enim media tempora curantur ad augendam æstimationem, Si fortè pluris esse res cõcepit post litem contestatam, quàm vel fuerit tempore litis contestatæ, vel subodie, cum res iudicatur, cum non minùs actoris voluntas,

quàm ratio iuris repugnet, quia eo tempore rem habere actor voluit quò petiit, Ad eò vt nec ipsius condemnationis tempus spectari vnquam oporteret, tametsi longè pluris tùm res esset, nisi hoc faceret adiectio illa formulæ *ex bona fide* quæ ad condemnationis tempus reuera liberam iudici potestatem facit, omnia æstimationi ex bona fide in diem vsque condemnationis. Et si verò bona fides facit, vt non minus rei iudicandæ quàm moræ tempus spectari oporteat, si post moram æstimatione creuerit. Ex ratione illa Pauli *in d. §. cum per venditorem*. Quòd siue data fuisset merx à veditore suo tempore haberet hodie eam emptor, Siue data nò sit saltem hodie dandum est quod iam olim dari oportuit. Hæc ipsa tamen ratio docet nullam penitus rationem mediij temporis haberi debere, quia neq; nũc re venditam haberet emptor, neq; hodie danda illa esset si eam venditor post moram tradidisset eo tempore quo pluris erat, traditãq; emptor alteri vendidisset, Quòd si ponas emptorem acceptam rem sibi fuisse retenturam, nec alij vediturum, tantò magis apparebit nihil interesse emptoris quòd rem sibi venditã non acceperit eo tẽpore quo pluris erat, cùm nò aliter possit ex hac causã ipsius inter esse, quàm si fuerat tunc distracturus *arg. d. l. item si, §. vlt. De rei vmd.* Ac sanè maior ratio est, vt cum Paulo præsumamus, quòd mercedem si tradita fuisset, haberet hodie emptor, quàm vt credamus fuisse illum subinde & eo ipso tempore, quo res pluris erat distracturum. Sunt namque istorum qui merces idè emunt, vt iterum distrahant auara vt plurimum ingenia, & in id propensã, vt crecentem in dies æstimationẽ, aut vix vnquã aut certè non tã citò finè crescendi habiturã esse suspicentur. Atqui si mercedem illam hodie haberet emptor, nihil ei proderet quod antea pluris res fuisset, quæ iam minoris esset. Meritò igitur ius ita receptũ fuit, vt mediij tẽporis quod inter moram aut contestationẽ, & rem iudicatam intercedit, nullam in rei debitæ æstimatione incũda rationẽ haberi oporteat, Sed tãtũ vel moræ vel cõdẽnationis in iudiciis bonæ fidei. Nũquam verò cõtestationis eum aliqua mora cõtestationẽ antecessit. In eoque antehac nos errasse agnoscimus, cùm scripsimus, Etia litis cõtestatẽ tẽpus in iudiciis bonæ fidei spectandum esse, si eo tẽpore res pluris fuerit, quàm tẽpore moræ extraiudicialis vel condemnationis. Quod certè falsum est, nullòque iuris loco probari potest.

ERROR DECIMVS.

Cur in iudiciis bonæ fidei in re æstimanda non inspicitur tempus litis contestatæ.

NEque nunc mouet nos ratio illa qua tunc mouebamur, quòd ita posito iure futurũ sit, vt morosi debitoris condicio melior ob id fiat, quòd ex bonæ fidei iudicio post morã conueniatur, Cũ si stricto conueniretur eam præcisè deberet æstimationẽ, vt diximus, quæ fuisset tẽpore cõtestationis. Nã præter id quod actori potest impulari, cur eo tẽpore debitore interpellaueris, etiq; in mora soluendi cõstitueris, si æstimatione illius tẽporis cõtestatus esse nolebat, Credẽdũq; est fuisse illũ eodẽ tẽpore petiturũ per iudicẽ, nisi tãtã vim moræ extraiudicialis quantam cõtestationis fore sciuisset ad iudicium bonæ fidei exercẽdũ. Est etiã quod eidẽ præterea imputetur, quare maluerit agere bonæ fidei iudicio, quàm cõdictione certi, vel triticaria. Cũ sciret aut scire deberet, sic euenturũ, vt si ageret iudicio bonæ fidei nihil aliud consequi posset, nisi æstimationem quæ alterutro tantũ tẽpore, aut moræ, aut cõdẽnationis maior fuisse inueniretur, non eam quæ aut litis contestatæ aut alio medio illo tempore. Si verò cõdictionem certi proponeret, nihil nisi quanti res fuisset tẽpore cõtestationis, Si deniq; triticariã exerceret, nihil nisi aut re ipsam petita

confe-

cōsequeretur, si mallet cōdēnari reus quàm soluere, aut si sententiā expectaret, quanti foret illa tempore condemnationis. Itaque qui post iam constitutum aduersarium in mora per extraiudicalem interpellationem, & lite contestata ex contractu bonæ fidei, mauult iudicium bonæ fidei exercere quàm certi conditionem proponere, hoc ipso proficitur nolle se ea estimatione contentum esse quæ sit tempore contestationis, licet tū maior illa sit, quàm quæ fuit tempore præcedentis moræ. Non alia vtiq; de causa, quàm quod maiorem eam futurā speret tempore condemnationis. In quo vno maioris utilitatis esse potest iudicium bonæ fidei, quàm cōdictio certi. At imò etiam quàm cōdictio triticaria, In qua, vt diximus, venit quidem æstimatio quæ est tempore condemnationis: Sed illa præcisè & omnimodo, In iudicio autem bonæ fidei non aliter quàm si eo tempore maior æstimatio sit, quàm fuerit tempore moræ. Debetur. n. alterutro tempore inspecto & vtro res pluris fuit, aut moræ etiam extraiudicialis aut rei iudicandæ. Proinde cū fieri possit, vt æstimatio quæ post moram extraiudicalem creuit, maiorque est tempore litis contestatæ, decrescat postea, minorque reperiatur tempore sententiæ, quàm fuerit tempore contestationis, adeoque moræ extraiudicialis, pendeatque id ex dubio euentu, qui tempore litis contestatæ non facili præiudici potest. Apparet semper auctori esse consultius agere iudicio bonæ fidei quàm triticaria. Tametsi possit interdum esse vtilius agere conditione certi, quàm iudicio bonæ fidei. Nēpe quia utilitas conditionis triticariæ cōtinetur in iudicio bonæ fidei, nō etiā utilitas conditionis certi, Nisi cū mora nulla præcessit contestationē. Quo vno casu spectari potest etiā in iudiciis bonæ fidei tempus litis contestatæ ad incūdā rei debitæ æstimationē, sed tanquā tempus moræ, nō tanquā tempus litis contestatæ, quoniam mora quæ ante cōtestationē nulla cōtracta fuit, saltem per cōtestationē contrahitur. Nec mirū videri debet quod dicimus, Eū quoq; qui aduersarium ex bonæ fidei cōtractu obligatū habeat, posse eligere vtrū conditione certi, vel triticaria quæ stricti iuris actiones sunt malit experiri quā iudicio bonæ fidei. Cū enim cōditiones illæ ex omni causa omniq; cōtractu cōpetat. *l. certi cōdictio §. D. de reb. cred.* dubitā nō est quin cōpetant etiā ex bonæ fidei cōtractu, Nō quasi eo casu aut alio vllō sint bonæ fidei, vt imperitiē quidā putant, sed quia nihil causæ sit, cur nō ex cōtractu bonæ fidei, perinde atq; ex stricto licere auctori debeat huiusmodi actionū utilitate gaudere, vt quibus possit modis ius suum exequatur. Et ex hoc rursus inrelinquimus, Cur agenti iudicio bonæ fidei pro merce quæ debetur, si morā passus sit, vel extra iudiciū vel per cōtestationē cōdēnetur aduersarius ad æstimationē *d. l. 3. §. vlt. d. l. §. sterilis 21. §. cū per videret D. de all. emp.* Nimirū quoniā ea volūtas agētis esse creditur, vt pro merce ipsā debita æstimationē ipsius cōsequatur, vtro tempore maior fuisse inuenietur, aut moræ aut condēnationis, Ne alioqui videatur sibi eripere cōmodū quod ex aduersarij mora quæsiuū est. Nullū. n. cōmodū moræ superesset si cogereur veditor mei cē ipsā accipere, quæ condēnationis tempore minoris facta esset, quā moræ tempore fuisset, potiusq; aliud pro alio solui hoc casu videtur. Cū res quæ sūctionē recipit in suo genere recipiat etiā in æstimatione si auctori velit, Quomodo velle se per intelligitur quisquis alia actione quā conditione triticaria mercē petit, quæ per triticariā per se alia vtiq; fuerat, si ea volūtas auctor erat, vt inspecto præcisè cōdēnationis tempore æstimari eū omnimodo vellet. Nec est quid dicam posse huic auctoris incōmodū cōsuli cōdēnato reo in id oē quæ auctoris inter est morā iactā non esse: Nihil. n. ex hac causā inter est auctoris q. morā passus est, si mercē ipsā: huc post morā persēptere nō delinat, cū hoc ipso relictus nō fuisse se mercē veditorū, sed adseruaturū in hoc vsq; tempus si morā passus

non fuisset. Quæ ratio etiam est, ob quam in conditione triticaria, etiam si omni casu res quæ petita est æstimanda sit, numquam tamen habetur ratio eius æstimationis quæ maior fuerit tempore litis contestatæ. Quamvis in cæteris stricti iuris iudiciis, maxime verò in conditione certi aliter observetur: Scilicet quoniam ab eo iure, quod per contestationem quæsitum fuerat, petendæ illius æstimationis, quæ maior tum fuisset, si conditionem certi exercere creditor maluisset, videtur ille resiliisse agendo triticaria, & petendo rem ipsam præcisè. Planè cum ex iudicio bonæ fidei merx ipsa petitur, quia petitio & condemnatio fit *ex fide bona* & bona fides non patitur, ut impunita sit mora, si fortè post moram æstimatio rei decreuerit. Sicut nec ut moræ tempus præcisè spectandum sit, si ex contrario post moram æstimatio creuerit. Consequens est ut ex actoris voluntate in suspensio & incerto maneat in tempus usque condemnationis, quænam æstimatio ventura sit in condemnationem, quia neque sciri prius potest utrius temporis an moræ, an condemnationis maior futura sit æstimatio. Sed non similiter an merx ipsa, an æstimatio deducenda sit in condemnationem, eum dici nequeat eum qui post moram sibi factam petit adhuc mercem non præcisè præstandam, sed cum illa adiectione *ex bona fide* videri hoc ipso discedere ab eo iure quod quæsiuerat petendæ illius æstimationis quæ moræ tempore fuisset, si tandem maior tum fuisse quàm condemnationis tempore inueniretur. Cum verò hæc ratio sit generalis, nec minus in specie quàm in merce debita locum habeat, quia sicut mercium ita & specierum æstimatio, licet non adedò facile aut frequenter, mutatur per tempora, nec vno casu minus quàm alio ex bona fide est, ut mora puniatur. Intelligimus etiam tum cum species debetur & per actionem bonæ fidei petitur, æstimationem rei non rem ipsam in condemnationem deduci: æstimationem, inquam, utro tempore pluris res fuit vel moræ vel condemnationis *d.l. 3 §. in hac. D. commod.* quæ lex sicuti de actione commodati loquitur, ita & de specie debita quæ sola non etiam merx commodari potest. Ne alioqui iniuria fiat actori, si lis æstimetur præcisè quanti res est tempore condemnationis, atque ita æstimationis quæ moræ tempore maior fuit commodum ei eripiat. Cum si speciem ipsam præcisè habere maluisset, utique triticariam proponere potuisset debuissetque. Sed veniamus iam ad explicationem specialio rem *d.l. 3. De condit. tritic.*

ANTONII FABRI

I.C. SEBVSIANI IN SVPREMO

SABAVDIÆ SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DECAS LXXXV.

ERROR I.

De sententia l. 3. D. de condiç. tritic. Et ad l. 4. §. ais Prator.

D. de re iudicat.



ALIO RVM potissimum errores circa conditionem triticariam hucusque exagitauius, Nostros alienis mixtos iam emendare minùs pudebit. Vlpiani verba hæc sunt *In hac actione si queratur res que petita est, cuius temporis estimationem recipiat, versus est quod Seruius ait, condemnationis tempus spectandum.* Quod ait in hac actione nemo dubitat quin debeat accipi de conditione triticaria, Non solum quia lex posita est sub titulo De conditione triticaria, sed ob id etiam quod non posset lex intelligi de conditione certi, quin secum pugnaret Vlpianus, qui in *l. vinum 22. D. de reb. credit.* aperte scribit, in conditione illa spectandum esse præcisè tempus litis contestatæ si nihil de die conuenerit, Quod & in aliis omnibus stricti iuris actionibus obseruandum esse, idem Vlpianus tradit in *l. 3. §. in hac D. commod.* Neque nos hac in re ab interpretibus dissentimus, sed in eo tantum, quod huius tituli legem ultimam, quia sub eodem titulo posita est, æquè de triticaria intelligi volunt, quod & nos aliquando putabamus, cum differentiam quæ à nobis in superioribus tradita & explicata est, conditionis certi & triticariæ ignoraremus. Sequitur *res que petita est.* Nec dissimiliter in *l. ult. eod.* Si merx aliqua qua certo die dari debuit petita sit. Rectè. Est enim hoc commune vtrique actioni & conditioni certi & triticariæ, vt rem ipsam quæ in obligatione est peti oporteat, sed aliter in hac, aliter in illa actione. Nam in conditione certi res ipsa quidem petitur, sed non præstanda præcisè, at quanti fuit tempore litis contestatæ. In triticaria verò res ipsa præcisè præstanda, etiam post litem contestatam, si velit reus effugere condemnationem. Et ideo bene subiungit Vlpianus in *d. l. 3. §. si queratur cuius temporis estimationem recipiat.* quomodo in *d. l. ult. quanti sit estimanda sit.* Semper enim & in qual bet actione lis æstimatur, & pecuniaria fertur condemnatio. Nec minùs in conditione triticaria, siue extra ipsa res quæ petita est, siue ante condemnationem perierit,

Quod postremum sicut in merce debita contingere numquam potest, ita in specie quæ debetur facile ac sæpenuerò contingit, ut sequitur apud Vlp. in versic. *Si verò deferat esse in rebus humanis*: similiter & in certi conditione semper lis æstimatur, id est semper æstimatio rei petite, numquam verò res ipsa petita in condemnationem deducitur, non solum si merx, quæ functionem recipit in suo genere, sed & si species debeatur, ut constat ex *d.l. ult. quæ de conditione tantum certi tractans*, & de mercibus primum locuta, postea in aliis quoque reb. idè iuris esse ait. Sed inspecto præcisè quanti res fuerit tempore litis contestatæ, ne scilicet alioquin eueniat, ut qui fundum vel hominem per eam certi conditionem petiit, si cogatur rem ipsam minoris factam accipere, non sit habiturus omne id quod habiturus esset si litis contestatæ tempore solutus ei fundus vel homo fuisset: quod omne tamen habere debet *l. cum fundus 32. D. de reb. credi.* Nec solum inspectis rationibus æquitatis, quæ in iudiciis strictis parum attenditur, sed inspecta potissimum ratione illa quæ stricti quoque iuris est, quod quale quid est cum petitur, tale dari debeat *d.l. 2. D. de usur.* Neque est, quod cuiquam mirum hoc videri possit, quasi sic eueniat ut de alia re pronunciet iudex quàm de qua datus est, si ad æstimationem condemnet eum à quo res ipsa non æstimatio petitur: quod stulti iudicis esse ait Iustinianus in *l. ult. C. de fidei. liberi.* Nō enim putandum est sic cōcipi solitam olim fuisse formulam iudiciorum stricti iuris, quomodo plerique putant, ut certa re & specie apud Prætores petita iuberetur iudex speciem ipsam in condemnationem deducere, quod certè non aliud esset quàm iudicare ex formula contra formulā, à cuius tamen præscripto ne latū quidem vnguem recedere iudici licebat, sed in hunc potius modum, *si paret Titius debere Sempronio Stichum ex stipulatione, ni Titius soluas tu eum, quanti hodie Stichus est condemnato.* Sicque accipio verba illa Papiniani in *l. fundum 28. D. de nouat. præsens æstimatio fundo petito rectè consideretur*, ut scilicet petito fundo ea cōsideretur æstimatio quæ fit præsens tempore petitionis, Vt qualitas iuncta verbo, sicut in nostrorum brocardo est, intelligatur secundum tempus verbi *ex l. 4. §. si extraneus D. de noxal. act.* Ponit enim Papinianus eo loco differentiam duplicem inter stipulationem illam *fundi Cornelianus* & hanc *quantifundus Cornelianus est.* Vna differentia est quod ex priorē stipulatione non debetur pecunia sed fundus, Ex posteriore verò non fundus sed pecunia, Altera quod quamuis utrique stipulationi commune nihilominus illud sit, ut ex utraque debeat fieri condemnatio pecuniaria, Aliter tamen ex priorē stipulatione, Aliter ex posteriore fundus æstimatur. Ex priorē æstimatur quati est eo tempore quo petitur, id est quo litis contestatio fit, *ut in l. hominem 37. D. mandati.* Ex posteriore verò quanti fuit tempore interpositæ stipulationis, quoniam ad id tempus relata sunt stipulationis verba, & ex eo tempore deberi incipit æstimatio, quæ ex priorē non incipit deberi nisi à die litis contestatæ, Nimirum cum agitur conditione certi, quæ semper nascitur ex stipulatione in quam certum quid deductum fuit, *l. si quis certum 24. D. de reb. credi.* & initio *Tit. Inst. De verb. oblig.* Nā si agatur conditione triticaria quæ perinde nascitur ex stipulatione certa, & hoc amplius etiam ex incerta *d.l. 1. D. de condi. tritic.* non æstimatio rei præsens, sed quæ rei iudicandæ tempore futura est, deducitur in formulam, & consequenter in condemnationem. Itaque semper verum est in conditione triticaria litē æstimari etiam si res extat quæ debetur, licet aliter quàm in conditione certi ut diximus. Semper enim verum est quod ait Vlp. in *d.l. 3. rem quæ per conditionem triticariam petita est recipere æstimationē*, & quidem ut ea lex habet,

bet, inspecto tempore condemnationis. Ratio aperta est quam in superioribus attulimus, sed sæpius inculcanda, quod cum in iudicium deducta sit, & omnimodo de iudenda fuerit res ipsa quoties agitur triticaria, utique non alia ratio vicem rei supplere potest quam ea quæ sit tempore rei iudicandæ. Quandoquidem si eo tempore rem ipsam quamvis minoris factam condemnatus soluisset, nihil ab eo peti amplius potuisset. Proinde neque proderit condemnato, quod post rem iudicatam imminuta sit æstimatio, quominus eam ipsam præstare debeat, quæ maior fuit tempore condemnationis, neque nocebit si è contrario aucta proponatur, ut eam quæ nunc maior est præstare debeat, nec præstatione illius quæ condemnationis tempore minor fuit liberetur, quia præcisè spectandum est tempus condemnationis irrogatæ. In quo tamen illud mirum, necdum satis apertè à nobis explicatum est, Quid necesse sit traxare de iudenda æstimatione rei per triticariam petitz, cum sicuti rem ipsam non rei æstimationem in iudicium deduci prorsus necesse est, ita rationi conveniens videatur ut ipsa quoque res quæ in iudicium deducta est, non eius æstimatio præstetur, Saltem eo casu quo per rerum naturam præstari ipsa potest, quod evenit quoties adhuc extat, nec difficultas eius præstandæ magna est. Quid enim absurdius, & à forma iudiciorum alienius quam ut qui rem ipsam adversario præstare debuit aut sententiam condemnatur ad æstimationem, tamen si condicio ab actore non deseratur? Præsertim cum non possit hoc casu locus esse remedio, ut ad puniendam condemnati contumaciam iuretur adversus eum in litem, quomodo in actionibus arbitrariis aut bonæ fidei iuraretur. Quia conditio triticaria stricti iuris est, In qua actionum specie nunquam iuratur in litem ob dolum & contumaciam adversarii, sed tantum ex necessitate cum index sine delatione iurifurandi non potest æstimare rem quæ non extat. *l. in actionibus 5. c. seq. D. de in lit. sur.* Planè in cæteris actionibus siue bonæ fidei siue arbitrariis, in quibus iuratur in litem, dicimus non esse cogendum cum condemnatus est, ut rem ipsam restituat, quia non ad rem ipsam restituendam condemnatur, sed ad pecuniam. Quanti actor in litem iuraverit, In arbitrariis quidem postquam restituere iussus est, nec arbitrio iudicis paruit, In iis vero quæ sunt bonæ fidei nullo iussu & arbitrio præcedente. Ita fit, ut sit in eius potestate soluto precio non iusto, sed iniusto, & per actorem taxato rem petitam, sed non in condemnationem deductam retinere invito quidem adversario, sed non etiam iudice qui eum ad rei restitutionem non condemnavit: Quamvis manu militari cogendus sit ipsam rem restituere si Triboniano credimus *in l. qui restitueret 68. D. de rei vindic.* Nimirum ante condemnationem & post iussu rei restituendæ, ut illius legis verba probant. Nam post condemnationem factam eius quantitatibus de qua actor in litem iurabit, non posset reus purgare contumaciam restituendo rem ipsam, atque ita liberare se à graviore condemnatione. Sicut in cæteris iudiciis quæ non sunt arbitraria, sed bonæ fidei vel stricta, nihil prodest reo rem ipsam quæ petita est, offerre post litem contestatam, cum semel obstrictus esse coeperit ad præstandam æstimationem, in iudiciis quidem bonæ fidei ex die moræ, in strictis autem ex die litis contestatæ. Hoc verò si ita esse admittamus, illud consequenter admittendum erit, quod & nos antehac putabamus nullum quæstioni locum fore de ineunda æstimatione rei per triticariam petitz, & in condemnationem deductæ, nisi eo casu quo petita fuerit species, quæ per sententiam, aut extare, aut qua alia de causa præstari possit deserit, & quam proinde in æstimatione

ac pecunia præstari necesse sit. Nam merx quæ quoniam semper extat, necesse unquam deterior cum in genere consistat, functionemque recipiat, non minus in bonitate & qualitate quam in suo genere *l. 2. §. mutui datio, l. 3. De rebus cred.* quidui ipsa præstari debeat, quæ ipsa est non tantum in obligatione, sed etiam in petitione, adeoque in iudicium deducta? Aut quid illud est quod dicimus, Inuito creditori aliud pro alio solui non posse *d. l. 2. §. mutui datio. l. cum a quo 10. & seq. Codic. de solution.* si etiam post iudicium de ipsa merce acceptum permittitur reo per iudicem, ut inuito actori eidemque victori pro merce debita præstet mercis æstimationem? An non ea ratione vis quodammodo sit non solum rationi iuris, sed etiam authoritati iudiciorum? Neque tamen ita est. Nam, siue merx siue species siue quid omnino aliud deductum sit in iudicium, quomodo deduci semper necesse est cum agitur triticaria, semper condemnatio in pecunia sit, ut iudicati executio fieri possit. Verba enim prætoris in illa parte edicti quæ est De rebus iudicatis exequendis, hæc fuerunt *Condemnatus, ut pecuniam soluat*, quomodo scriptum est in *l. 4. §. ait prætor D. de re iudic.* Nisi malis quod ego probabilius puto legendum esse *ni pecuniam soluat*. Coniectura sumpta ex his verbis quæ huic edicto deesse addique debuissent Labeo existimabat. *Neque aliter eo nomine satisfaciatur*, quæ cum negatiue concepta sunt, non aliter superioribus aptè coniungi possent, quam si superiora quoque negatiue concepta essent. Quod si integra edicti verba extarent, esset res apertior. Sed verisimile est, si non his ipsis verbis, saltem hoc sensu edictum illud conceptum fuisse *Condemnatus, ni pecuniam soluat capipignora, & ex more distrahi iubebo*. Edicti autem ita concipiendi formandique ratio, aut potius necessitas illa fuit, quod non aliter ne dicam commodius visum est perueniri posse ad rerum iudicarum executionem. Qui enim dare aliquid extra pecuniam, aut facere, aut tradere, aut quoquomodo præstare iussus esset per sententiam, si præcisè iudicato parère cogeretur, utique inuitus & præcisè ad faciendum adigeretur. Siquidem dare nihil aliud est quam dominium transferre *l. ubi autem 75. §. ultim. D. de verb. oblig.* Dominium autem etiam quod quis habeat non aliter transferre in alium regulariter potest inter viuos, quam si rem tradat *l. qua ratione 9. §. ha quoque res l. traditio 20. & pass. D. de acquir. rer. dom.* Perinde igitur ad tradendum cogendus esset is qui dare debet, atque si ad tradendum obligatus esset. Ergo ad faciendum, Traditio enim facti est *l. consilio 7. §. ult. D. de curat. furiosi*. Idque est quod ait *l. 3. §. 1. D. de act. empt.* Eum qui fundum dari stipulatus est vacuum quoque possessionem tradi oportere, stipulatum intelligi. Idem tractari posset de eo qui solvere condemnatus esset. Nam & solutio facti est *d. §. ult. l. 1. C. de probat.* cum realis & naturalis fiat per numerationem, Civilis verò & imaginaria per acceptilationem *l. ultim. D. de solut. §. 1. Inst. quib. mod. tollit. obligat.* Denique licet omnis obligatio in eo consistat, ut obstringatur quis ad dandum aliquid vel faciendum vel præstandum *l. 3. in princip. D. de oblig. & act.* Actiones tamen omnes quamvis ex obligationibus nascantur fatendum est, non nisi ad dandam pecuniam pertinere, non autem ut aliquid extra pecuniam, vel detur, vel fiat, vel præstetur. Et consequenter cum in executione iudicati aliud esse nihil possit, quam quod in iudicato est, condemnationem omnem ita necessariò concipiendam esse, ut qui condemnatur pecuniam tantum, non etiam rem aliam dare, aut quid aliud vel facere vel præstare nisi per triticariam iubeatur, executionem verò iudicati semper in pecunia fieri, quia semper iniuste visum est civili legislatori, ut quis ad factum præcisè cogatur,

gatur, quod vt sæpius monuimus nõ posset id fieri sine vi quam legibus exofam tantopere & priuato cuilibet interdictam, multò inciuilius efferri à magistratu, Ne proficiſcatur inde occasio iniuriæ, vnde iura nascuntur, *l. meminerint 6. C. vnde vi l. nec magistratibus 32. D. de iniur.* Adeò vt nec si quis mihi rē meam petenti eam restituere iussus sit, cogatur tamen eam mihi restituere, sed tantum pati condemnationem quanti ego mea interesse in litē iurauero, vt in eo quod veram rei æstimationem excedit contumacia rei puniatur *l. i. d. l. in actionibus 5. D. de in lit. iur.* quod non sit æquum cogi me vt rem meam inuitus vendam iusto precio *l. non enim 9. D. rer. amot. l. nec quasi 70. D. de rei vind.* Nec quod permittendum non sit vt quis alius inuitis nobis rem nostram retineat inducere potest necessitatem præcisam rei nobis restituendæ, sed tantum causatiuam si volet ille effugere condemnationem æstimationis per iusiurandum in litem taxandæ *l. si filiofamilias 25. §. maritum D. solut. matrim.* Ob eamque causam numquam dubitau quin Triboniano potius quàm Vlpiano adscribendum sit quod legimus in *d. l. qui restituere 68. D. de rei vindic.* Si is qui restituere iussus est iudici non pareat contendens se non posse restituere, cum tamē rem habeat, manu militari officio iudicis auferendam ab eo esse possessionem, vt pluribus à nobis tractatum & comprobatum est *lib. 16. Coniect. cap. 17.* Quamquam in hoc ipso obseruandum est nõ vsque adeò inciuilem esse Tribonianum vt velit manu militari cogendum esse iniustum possessorem vt rem meam mihi restituat. Sed tantummodò manu militari possessionem ab eo auferri. Quæ res non tam factum exigit aut denotat, quàm patientiam possidentis. Quod si tàm quoque cum rem meam peto, quam & meam esse & mihi restituendam pronunciatum est, non idèò tamen præcisè cogitur eam mihi reddere. Quanto minùs videri mirum debet, vt qui per conditionem triticariam conuentus fuit ad rem dandam siue in specie constiterit illa, siue in genere, non idèò tamen ad dandam illam præcisè ac tradendam condemnatur, sed tantum ad æstimationem vt executionem pati cogatur in pecunia? Minus siquidem iuris habet ad rem ipsam præcisè obtinendam, qui alienam rem persequitur vt sibi detur, quàm qui suam petit, cuius iam dominium habet.

ERROR SECVNDVS.

De necessitate concipiendæ condemnationis in pecunia ad executionem iudicati.

Ad l. i. C. si in caus. iudic. pign. capt. sit. l. vli. C. de usur. rei iudic. l. dominus 36. D. de liber. caus.



QUID? inquires, An non perinde facti est pecuniam soluere ac numerare atque rem ipsam tradere? Ita sanè est. Et idcirco sit condemnatio & executio iudicati ad eundem modum siue species, siue merx aliqua, siue denique pecunia debeatur: Nisi quod cum pecuniaria sit petitio, nulla conuersione opus est rei petitæ in pecuniam: quæ tamen conuersio prorsus necessaria est cum aliud quidlibet extra pecuniam in iudicium deductum fuit, Non vt pecuniam, magis, quàm rem aliam soluere cogi possit, qui condemnatus est, cum vtroque casu ad faciendum præcisè cogere. Sed vt victor & ciuilius & expeditius iudicati emolumentum & effectum consequatur nulla vi condemnatio illata, nullæque manu militari adhibita, sed

magistratu qui iudicem dederat & ad quem iudicati executio pertinet, id agere, ut pecunia quæ ex iudicato ipso deberi cõpõ, explicari soluique possit per capionem & distractionem pignorum, nullo in eam rē exquisito factõ cõdemnati, quem sufficit præstare patientiam, ne quid per vim aut frustrationem & tergiversationem ad impediendam iudicati executionem moliri videatur l. 2. 4. & 5. l. si longius 7. & l. ult. C. de execut. rei iud. l. à Dno Pro 15. in princ. & per tot. D. de re iudic. Idq; est quod iactare nostri solent factũ iudicis esse factum partis l. si ob causam 13. C. de eiusd. Et quod elegantius Imp. Antoninus in l. 1. C. si in caus. iud. e. pig. c. p. s. In vicẽ iustæ obligationis succedere autoritatẽ iubentis ex causa. Sic. n. legendũ arbitror, non ut vulgo *ex causa contractus*. Nullus siquidẽ contractus est, qui hanc iubentis autoritatẽ inducat, sed sola autoritas iudicati. Neq; tamẽ illa simpliciter, sed tanquã *ex causa*, id est ni pecunia illa solvatur, quæ ex iudicato debetur, d. l. 4. §. ait prator D. de re iudic. Non. n. prius pervenitur ad capionem pignorum quã tempus præterierit, quod iudicato ante omnia dandum est ad soluendum. Quo elapso, captisq; subinde pignoribus, adhuc duo menses expectandi sunt, priusquã pignora in iudicati executione capta distrahantur l. debitoribus 31. eod. tit. Quod autem dicimus, non ex causa præcedentis contractus, sed ex causa tantũ illa, quodd iudicato paritum non sit, autoritatem iubentis succedere in locum iustæ obligationis, hæcenus scilicet ut bona quæ in iudicati executione capta sunt pignoris vinculo perinde teneri & obstricta esse intelligantur acsi iusta conventionione pignoris obligata essent, & postmodũ si intra duos menses pecunia soluta non sit, distrahantur tanquã iustè obligata, vel ex eo maximè apparet, quod fieri quandoque potest ut ex causa iudicati conveniri possit is qui ex causa præcedentis contractus super quo iudicatum est nullomodo tenebatur, ut in specie l. 3. §. adem scribit D. de pecul. Sed & cũ sit verum quod ait l. ultim. C. de usur. rei iudic. actione rei iudicatæ novari priorem contractum, quĩ obsecro fieri potest, ut post rem iudicatam in vicem iustæ obligationis succedat ex causa prioris contractus autoritas iubentis? Quid itẽ si nullus contractus præcesserit, sed ex qua alia causa quã ex contractu actum sit & iudicatum? Nam ut obligationes ita & actiones non solũ ex contractibus nascuntur, sed etiam ex quasi contractibus, itẽque ex delictis & quasi delictis, adeoque ex aliis præterea variis causarum figuris, ut Iustinianus scribit in Tit. De obligat. Non ergo dubitandum est quin irreptitia sit defendendæ dictio illa *contractus*, tanquã addita ab imperito aliquo interprete qui præcedentia verba *ex causa* si nihil adderetur, nullius sensus esse existimabat, & quem rursus fallere potuerunt priora illa *in vicem iustæ obligationis* quasi Imper. sensisset de iusta obligatione, ex qua & actum fuisset, & secuta condemnatio. Cũ tamen de iusta obligatione pignoris post rem iudicatam contrahendi, lex intelligat. Hoc sensu ut quavis in iudicati executione nulla pignoris conventio secuta sit quæ iustam pignoris obligationem inducere potuerit, perinde tamen acsi conventio præcessisset teneantur iure pignoris bona capta ex autoritate & iussu executoris cui iubendi ius fuit, Facto scilicet magistratus aut executoris ab eo ad exequendum dati, supplente ac repræsentante factum debitoris & condemnati. Quomodo etiam aliis quibusdam casibus factum hominis suppletur & repræsentatur à lege, ut in l. ultim. Cod. si mancip. iur. fuer. alien. Hæc tamen differentia, quodd obligatio quæ ex conventionione pignoris nasceretur esset iusta, id est iure civili cognita & adprobata, quia ius civile agnoscat conventionem pignoris pro iusta, ex eãque nasci vult obligationem & actionem

actionem quæ ipsa quoque civilis est & consequenter iusta. Cùm tamen obligatio illa pignoris quæ inducitur ex capione bonorum in iudicati executione captorum ut distraherentur non sit iusta, id est iuris civilis, sed prætoris, quia totum ius illud sic exequendarum rerum iudicatarum, descendit ex edicto Prætoris *d.l. 4. §. aut Prætor q. l. seq. D. de re iudic.* Qui certè verus & germanus sensus est illorum verborum in *v. cem iuste obligationis*, nescio an ab ullo adhuc interprete observatus. Et huc rursus pertinet quod iam attigimus ex *d.l. ult. Cod. de exec. rei iudic.* actione rei iudicatæ novari priorem contractum. Quid enim hoc aliud est, quàm post latam sententiam non esse amplius laborandum quid fuerit in pristina obligatione, aut in actione quæ in iudicium deducta fuit, Sed illud tantùm inspiciendum, quid deductum sit in condemnationem, quoniam cùm res iudicata pro veritate habeatur, nec aliud deberi potest quàm quod ex iudicato debetur, nec aliunde quàm ex iudicato *l. si fundus 16. §. si plurius D. de pignor.* Pròinde post iudicatum id tantùm curare magistratus debet quæ iudicem dederat, ut quàm commodissimè fieri possit, iudicatio pateat condemnatus victorique satisfaciatur, quod porro non aliter aut meliùs & civilius fieri posse visum est quàm si condemnatio cuiuscunque rei etiam speciei in pecunia fieret: Quandoquidem pecunia ex qualibet re fieri potest, per negotiationem *l. venditor 21. D. de hered. vel ast. vendit.* sicut & res quælibet per pecuniam æstimatur *l. si ita fideiussores 42. D. de fideiuss.* In rōque minorem conquerendi occasionem habet is cui merx quàm cui species debebatur. Cùm is qui pecuniam habet faciliùs ex ea mercem comparare possit quàm speciem quæ sit eiusdem bonitatis & qualitatis. Qua de causa parum abest quin res istæ quæ recipiunt functionem in suo genere, eandem etiam in pecunia recipere videantur: Quamquam non omnino ita est, Alioquin dicendum esset licere illi qui triticum aut vinum debet ut pro tritico vel vino solvat pecuniam creditori etiam invito ante sententiam, quod tamen nemo dixerit. Sed alia ratio est mercis debitor, alia mercis in condemnationem deductæ, quia inter has causas differentia nō inelegans illa est, quòd conuersio mercis in pecuniam ante condemnationem in triticaria fieret invito creditore, cuius tamen voluntas omnino necessaria & exquirenda est ut ei satisfactum dici possit. At conuersio quam dicimus per iudicatum fieri eius rei quæ petitione ac iudicio continetur in pecuniam, fit creditore ita volente cùm fiat ex vi formulæ & ex edicto Prætoris. Nec eò iam aliam aut condemnationis, aut executionis formam vrgere creditor possit quàm quæ iure publico & edicto perpetuum præscripta est. Et quævis fiat invito debitore, causaturo fortè non pecuniam à se deberi, sed vel mercem vel speciem, parum tamen curamus ipsius voluntatem quia sicuti iudiciū redditur in inuitū *l. inter stipulantes 83. §. 1. De verb. obl. ita & inuitò magis cōtra inuitū sit iudicati executio, in qua & iudiciorū & rerum iudicatarum vigor effectusq; totus consistit l. pen. C. de exec. rei iudic.* debetque sibi imputare debitor, cur non rem ipsam debitam solverit, cùm p. sset, eo tempore quo petebatur *d.l. 2. D. de usur. d. l. cum fundus 31. D. de reb. cred.* Quemadmodum è cōtrario recusare non potest creditor pro quo iudicatum est, quominùs in obtinendo & exequendo iudicato suam voluntatē accommodet ad voluntatē magistratus, cuius beneficio sicuti iudicē habuit, ita & condemnationē retulit, & iudicati exequendi facultatē quam neque sibi autoritate propria posset adrogare *l. miles 6. §. qui iudicati D. de re iudic.* neq; propria vlla cōventionē meliùs sibi prospicere, cùm necessariò si res ei non sit cum debitore qui vltro satisfacere sit paratus, deneniendum sit

ad sententiam, semperque commodior sit parta persecutio ex causa iudicati, quàm si res ad initium alterius petitionis redigeretur *l. minor annis 40. in princ. D. de minor.* Nam & ex eo fit ut quamvis nemo cogatur emere *l. nec emere 16. C. de iur. delib.* creditor tamen in executione iudicati ex officio emere debeat vice extranei emptoris si alius emptor nullus existat *l. 2. C. si in caus. iudic. pign. capt. fu.* Hinc est quod in iudicati actione quæ ipsa nihil aliud quàm iudicati executio est non prius ratio haberi debet eius cui priori reus condemnatus fuerit, sed qui prior fuerit in exequendo *l. in iudicati 61. D. de re iudic.* nisi anterior creditor habeat pignus aliquod conuentionale, ut in *l. à Dino Pio 15. §. quod si res eod.* Neque quia neque prioris actionis adeoque nec contestationis ratio vlla haberi potest, sed tamen condemnationis, cum id quod ex iudicato petitur non tantum noua actione petatur, sed etiam plerumque aliud sit, quàm quod in petitionem & iudicium deductum est, Quando nihil vnquam nisi pecunia ex iudicato petatur, etiam si merx vel species antea deberetur, Ideoque non possit recusare victor, etiam cui reus mercem vel speciem aliquam dare vel tradere debuit, quominus pecuniam accipiat. Extra casum *l. dominus 36. D. de liber. caus. vbi* Papinianus scribit, dominum qui in liberali causa obtinuit, si seruum suum abducere velit non esse cogendum pro eo accipere litis æstimationem. Quibus verbis non obscure innuit Papinianus aliter in cæteris causis obseruari solere, ut æstimationem rei pro re ipsa accipere victor cogatur, Nisi malit reus rem illam quæ in iudicium deducta est ante condemnationem præstare: Nec enim dubitandum est, quin hoc ei liceat si velit, & actor consentiat, quomodo consentit qui agit triticaria. Quando nihil aliud intendit Prætor nisi ut actori satisfiat per iudicatum & iudicati executionem, quomodo in specie non valde dissimili ratiocinatur Ulpianus in *l. 1. §. inde queritur D. de oper. noui nunciat.*

ERROR TERTIVS.

De sententia l. ult. C. de usur. rei iudic.



Is quæ diximus de condemnatione semper concipienda in pecunia valde obstat quod scriptum est in *l. ult. C. de usur. rei iud.* illis verbis et liceret victoribus, vel iis propter legem condemnatis perforis, à fideiussores eorum vel mandatoribus statim pecunias vel res in condemnatione positas exigere. Nam siue horum verborum hunc sensum esse velis, ut in executione iudicati neque res ipsa quæ in condemnatione posita est, neque pecunia & æstimatione pro re petatur præcisè sed alternativè & disiunctim vel pecunia in quam conuersa est condemnatio, vel res posita in condemnatione, si eam præstare condemnatus volet, Admittit Iustinianus posse in condemnatione poni rem ipsam, non pecuniam, quod ego probabilius arbitror, significare Iustinianus voluerit alià olim fuisse rationem reorū & principalium debitorum condemnatorum, aliam vero fideiussores & mandatorum non condemnatorum. Ut aduersus reos condemnatos ea obtineret quæ diximus ut neque statim virgeri possent, sed humanitatis gratia spatium haberent, & ut Iustinianus loquitur laxamentum duorum mensium, neque aliud ab iis posset exigi inuitis quàm pecunia quæ in condemnationem deducta vel in quam condemnatio conuersa esset. In fideiussores vero vel mandatoribus condemnati obseruaretur è contrario ut quia ipsi condemnati non essent, neque spatium vllum haberent ad soluendum, neque

recusare

recusare possent quominus rem quæ in condemnatione posita esset soluerent siue pecunia, siue merx aut species in condemnationem deducta proponeretur. Apparet id ipsum semper Iustiniano placere, quod nos negauimus etiam in triticaria, Possesse ita concipi condemnationem ut in ea res ipsa ponatur non pecunia. Nec sane dubito quin ex Triboniana Iurisprudencia hoc quoque Iustinianus sumpserit, ut petita specie vel merce non patiatur litem æstimari quod tota vetus Iurisprudencia senserat, sed rem ipsam petitam in condemnationem deduci velit. Ut aliunde constat satis ex *l. qui restituere 68. De rei vindic.* quam toties diximus & ostendimus esse Triboniani & ex *l. ult. C. de fideicom. libert.* Quod tamen in *d. l. ult. C. de usurarij indic.* Iustinianus constituit in fauorem fideiussorum vel mandatorum qui nondum fuerint condemnati, euidentem habet rationem. Cum enim iudicati actio personalis esset aduersus cõdemnatum, idẽoq; aduersus fideiussores & mandatores non condemnatos porrigi nequireret, multoq; minùs nouare actionem pristinam quæ contra fideiussores & mandatores competeat, Vtiq; fatendum est, nõ alia quàm pristina illa actione cõtra eos agi posse, quia non actionis iudicati sed primæ obligationis fideiussores vel mādatores fuerunt. Et consequenter, quod ad eos pertinet, non tã inspiciedũ esse quid hodie, id est in executione iudicati præstare cõdenatus possit vel debeat, quàm quid fuerit positum in condemnatione rei, quia illud ipsum est quod in pristina fideiussoris vel mandatoris obligatione inuenitur. Ergo merx ipsa vel species, non pecunia pro merce vel pro specie posita in condemnatione, secundum Tribonianæ Iurisprudenciam. Quia fideiussores quoq; vel mandatores condemnari necesse esset ut pro merce vel specie debita inuiti æstimationem exemplo debitoris inferre cogerentur. Nemo autem dixerit, Cõdemnato debitorẽ vtiq; fideiussorẽ ipsius vel mandatorẽ hoc ipso cõdenatos intelligi, cum sit aduersus eos necessarius nouus processus ut pragmatici loquuntur, præterquàm in fideiussore iudicio sisti. Interim tamẽ conueniri possunt, & quidẽ statim si ius vetus inspicias quod Iustinianus ea constitutione correxit, at non tanquàm cõdemnati sed tanquam debitores. Et si autem ius vetus hac parte à Iustiniano emendatũ est hætenus ut cõdenati debitoris fideiussorẽs vel mādatores non possint hodie prius cõueniri quàm præterierit tẽpus quod ipsi cõdenato indulgetur ad soluendũ ne bonorũ suorum capionem interim pati cogatur. Quod si alioqui futurũ ei sit inane beneficium legis si non ad ipsius quoq; fideiussorẽs & mādatores extendatur, Illa tamen ex iure vetere mansit differentia, quod non magis hodie quàm olim potest debitoris cõdemnati fideiussor conueniri ex iudicato, aut eius bona capi pignori, Sed tantũ manet ille obligatus, ut à quo denũ tempore potest iudicati executio peragi aduersus cõdenatum debitorem apud distractissq; pignoribus, possit etiam fideiussor pristina actione cõueniri ex propria obligatione, ut victori præstet id ipsum quod positi fuit in cõdenatione: Alioqui non quidem bonorũ suorum veditiõnem pati cogatur ac si & ipse iam esset cõdenatus, sed condemnandus tamen sit ex obligatione fideiussoria, subinde post cõdenationẽ suorũ quoq; bonorum venditionem ex nouo iudicato passurus, ni satisfaciẽt. Deniq; separanda est exactio quæ fit ex obligatione conuenientiã ab ea quæ fit ex iudicato, & in executione iudicati. Exactio quæ fit ex obligatione non alterius rei fieri potest, quàm eius quæ in obligationem deducta fuit siue contra reum ipsum fiat, siue contra eius fideiussorẽs & mandatores. At quæ fit ex iudicato numquam fit nisi pecuniæ, tametsi merx aut species aliqua posita fuerit in obligatione, nec aliud

quàm pecunia poni potest si Papinianum & prudentes omnes veteres potiùs quàm Tribonianum consulamus, apud quos nulla frequentior mentio quàm g-
 stimationis litis, scilicet quoniam ut toties iam inculcauimus in condemnacione,
 neq; aliud expeditius & promptius remedium habuit Prætor ad exequendas res
 iudicatas, quàm per capionem & distractionem bonorùm condemnati, Neq; rur-
 sus potuit facere ut ex distractione pignorum in iudicati executione captorum
 aliud quid præterquam pecunia redigeretur, Potest enim ex quacumque reco-
 fici pecunia, non merx aut quælibet alia species. Porro solui pecuniam ei cui
 non pecunia sed merx aut species deberetur inconueniens certè fuisset nec mi-
 nus à prætorij quàm iuris ciuilibus ratione alienum, Cùm nullo iure possit libera-
 tio per solutionem contingere nisi soluto demum eo ipso quod debetur, præ-
 terquam cū u satisfactio pro solutione est, id est cū solutio fit ex utriusque
 voluntate. Itaque prius erat ut Prætor iuberet conuerti debitum mercis vel spe-
 ciei in pecuniam inuito etiam debitore, Ne cogeret victorem inuitum pro
 merce vel specie debita postquam ea in condemnationem deducta esset, pecu-
 niam accipere. Et quauis suprà dixerimus excipiendum esse casum illum
 quem Papinianus tractat in d. l. *dominus*, Si tamen verum amamus, non tam
 exceptus aut excipiendus ille casus est, quàm à tractatu nostro seiungendus.
 Nam in liberali causa in qua quæritur, liberne quis sit an seruus, etsi alterutrum
 pronuntiandum est, nulla tamen condemnatio fit, sed tantùm pronuntiatur
 seruus is qui se liberum contendebat aut liber is qui in seruitutem petebatur,
 Indèque fit ut ex eiusmodi pronunciatione quæ nec sententia, nec res iudicata,
 sed præiudicium est, nulla queat nasci actio iudicati inquam possit aut debeat
 venire pecunia, aut pro qua descendendum sit ad capionem & distractionem
 pignorum, Nec proinde quicquam quærendum sit de pecunia aut de conuer-
 tenda re de qua pronunciatum est in pecuniam, Nulla quippe necessitate id
 exigente, Præsertim cū dominus qui obtinuit possit autoritate propria &
 tamquam dominus abducere seruum, neque in eam rem egeat autoritate Præ-
 toris ut non malè à nobis iam explicatum est lib. 16. *Coniectur. cap. 17*. Hoc enim
 consequens est ei maximè quod suprà diximus, idèd necessariam esse ad exe-
 cutionem iudicati conuersionem speciei vel mercis in pecuniam, tū quoque
 cū actum est triticaria, quodd non possit victor propria autoritate iudica-
 tum exequi, neque Prætor ipse aliter quàm per capionem & distractionem pi-
 gnorum, ex qua tamen nihil nisi pecuniam, ut diximus corrogare possit, non e-
 tiam illud ipsum quod positum erat in obligatione. Quis ergo iam miretur,
 ut ad institutam de conditione sola triticaria disputationem redeamus, Etiam
 in actione triticaria æstimari litem & rem quæ deducta fuerat in iudicium,
 tametsi quisquis agit triticaria rem ipsam quæ debetur præcisè petat, indèque
 accadat ut ipsam quoque rem necesse sit æstimari præcisè inspecto tempore
 condemnationis d. l. 13. *De condit. triticar.* Non ergo utilitas triticariæ con-
 dictionis in eo est ut quis rem sibi debitam præcisè ac omnimodo consequatur,
 sed tantùm ut omnimodo sit illa si extet, æstimanda ex tempore condem-
 nationis, ad hoc ut in executione iudicati si condemnatus reus in soluenda est
 matione moram faciat, tandem elapso tempore quod condemnatis datur,
 possit vrgeri capris distractisque pignoribus, ut patiatu satisfieri victori in pec-
 unia, & quidem inspecto tempore, ut dixi, condemnationis, siue merx, siue
 species debebatur. Eaque fuit ratio dubitandi apud Papinianum in d. l. *do-*
minus, propter quam videbatur cogendus dominus pro quo pronunciatum

erat in causa liberali ut pro seruo æstimationem litis accipere cogeretur, quoniam in cæteris causis ita obtinet ut litem æstimari oporteat, nec nisi æstimationem consequi victor possit. Sed decidendi ratio quæ hanc tollit illa est, quod, ut diximus, pronuntiatio quæ fit in causa liberali siue pro libertate, siue contra libertatem, nullam inducat condemnationem, nec proinde ullam iudicati actionem in qua observari possint ea quæ Prætor observari voluit in executione rerum iudicatarum. Sed priusquam progrediamur ulterius ad explicanda cætera quæ sequuntur in *dist. 1. 3. De condit. triticar.* tollendus scrupulus est qui adversus ea quæ nunc docuimus insurgere possit ex eo quod ipsi quoque scripsimus *lib. 6. Coniell. cap. 17.* Posse empti actione præcisè cogi venditoris interest ei præstare paratus sit. Id enim pugnare maxime videtur cum iis quæ nunc constituimus, dignumque tractatum habet, de quo novi aliquid, & quod fortasse melius sit, adferamus.

ERROR QUARTVS.

De venditore convento præcisè ad hoc ut rem tradat emptori.

TS I videtur hæc quæstio valde remota ab eo tractatu quem instituimus De conditione triticaria, maxime tamen pertinet ad ea intelligenda quæ scripsimus de conversione quam per iudicatum, & necesse est fieri in pecuniam, tum quoque cum actum est conditione triticaria, ut iudicati executio aliqua fieri possit. Nam si ita est, ut esse diximus, vel eam maxime ob causam quod non solum is qui obligatus tantum est, sed & is qui iam condemnatus, numquam sit præcisè cogendus ad factum, ne vis ei & impressio fieri videatur. Difficile sanè est dicere, qua ratione verum esse possit quod iam olim Martinus contra Ioannem disputavit, & recentiores serè omnes cum Martino defendunt, Venditorem qui nolit rem tradere malitque emptori præstare, quanti eius interest, cogi tamen posse præcisè ut rem tradat. Quam esse communem nostrorum sententiam testatur Didac. Couarr. *lib. 2. Par. resolut. cap. 19.* Eamque & nos aliquando secuti sumus, ut ex iis constat quæ scripsimus *lib. 6. Coniell. cap. 17.* Decepti auctoritate viri doctissimi Jacobi Cuiacii, qui sic ad Paulum scripsit *lib. 1. Sentent. iust. 13. De iudicat. §. 4.* ubi ad sententiam illam Pauli quæ habet, Si id quod emptum est, neque tradatur, neque mancipetur, venditorem cogi posse ut tradat aut mancipet. Notat ille, Definiri eo loco quæstionem istam à Paulo pro sententia Martini: Quod cum inspecto nudo verborum cortice satis probabile videretur, eo probabilius nobis visum est quod à viro doctissimo persæpè quidem, sed numquam tamen ultra libenterque dissentimus. Nunc verò ut ab eo dissentire liceat facile impetrabimus, qui cum ipso errasse nos agnoscimus, nec Pauli locum illum ad rem quicquam facere arbitramur. Nam si rationem iuris cõsullimus, fatentur omnes quod nemo, nisi stultus negare possit, tradendi obligationem non tam ad ius quàm ad factum pertinere, id est cum qui ad tradendum obligatus est oblatum esse ad factum *l. 4. D. de usuf. l. si rem tradi 28.*

D. de verb. oblig. cum traditio sit facti *l. consilio 7. §. ult. D. de curat. furios.* In obligationibus autem faciendi nemo nescit generale & perpetuum esse ut ex iis non alia nascatur actio quam in id quod iuxerit *l. si quis ab alio 13. in fin. D. de re iudic. l. stipulationes non diuiduntur 72. l. quoties quis alium 81. de verb. obligat.* Quæ ratio funditus euellit contrariam qua mouetur, qui defendunt obligari venditorem ad præcisam rei traditionem. Aiunt enim, Aliud pro alio inuito creditore solui non posse *l. 2. §. 1. D. de reb. credit.* Aliud autem esse rem tradere, Aliud verò præstare quanti interfit rem tradi. Quod si generaliter verum esset, vtrique consequens fieret ut ex omnibus faciendi obligationibus non ad pecuniam sed ad factum præcisè agi oporteret, contra quam scriptum sit supradictis aliisque propè modum innumeris iuris locis. Neque tamen verum est tùm quoque cum ex faciendi obligatione agitur aliud pro alio solui inuito creditore, Siquidem soluitur id ipsum quod petitur, cum pro facto pecunia præstatur, quia ut diximus nihil nisi pecuniam petere potest is cui factum debebatur. Ita constituto iure ne contra leges, & publicam honestatem peccetur, si facti debitor cogatur præcisè ad faciendum, quod sine vi & impresseione fieri nunquam posset. Itaque non tam de ipso debitore conqueri potest creditor qui pecuniam pro facto inuitus accipere cogitur, quam de legibus quarum auctoritate fit, ut aliud pro alio inuitus petere cogatur, quod eidem non solum volenti sed etiam petenti postea soluitur. Petit quidem inuitus, sed accipit volens, qui recusare non potest quominus id ipsum accipiat, quod petit. Nec rursus ad hæc obiectionem responderi potest quod nos aliquando respondebamus factum quod in traditione versatur, non esse ex eorum genere quæ vi quis faciat cogi non possit sine vi & impresseione. Quasi per obligationem tradendi non tam illud agatur ut tradens factum aliquod interueniat, quam ut in eum cui tradi res debet possessio quoquomodo transferatur. Possit autem iudicis auctoritate auocari possessio, & in eum cui tradi debuerat transferri, adeoque manu militum, si exequendæ iudicis sententiæ ratio alia non super sit, ut in *l. qui restitueret 68. D. de re iudic.* Totum enim hoc falsum esse nunc agnoscimus, quia quoddam venditor tenetur ad venditam rem tradendam non eo tantum pertinet ut possessio in emptorem transferatur, sed ut etiam dominium cum possessione si dominus fuerit is qui vendidit *l. ex empto 11. l. si quis 46. D. de action. empt.* Nemo enim videri potest eam rem vendidisse de cuius dominio id agitur ne ad emptorem transeat, sed hoc aut locatio est aut aliud genus contractus *l. penult. §. ultum. D. contr. empt.* Atqui fieri non potest ut dominium in emptorem transferatur aliter quam per traditionem vel mancipationem & quidem ab eo ipso factam, qui sit dominus, quoniam nec alia ratio est propter quam dominium per traditionem transferatur & iure gentium & iure Quiritium, quam quia naturale sit voluntatem domini rem suam in alium transferre volentis ratam haberi *l. quæ ratione 9. §. hæc quoque res D. de acq. rer. dom. l. traditio 20. l. nūquam nuda 39. et ti.* Estq; in eam rem inuile remedium & auxilium manus militaris, quia cum sit quid meri facti non nisi ad possessionem quæ facti quoq; est transferendæ prodesse potest, non ad causam transferendi dominij quod meri iuris est. Quare nec illo exēplo vti possumus quod adduximus ex *d. l. qui restitueret*, quia tametsi locus is nō Tribonianus esset, ut credimus, sed Vlpiani, ad eū tamē casum pertinet quo possessor rei vindicatione cōuētus, & eam rē domino restituere iussus non sit parēre, quo casu cum nō egeat ut magis dominus fiat is qui iā dominus est, nulla traditione opus est sed sola possessionis apprehensione quæ per manū militarem

litaré sine ullo possessoris facto sequi potest. Vsq; ad eū autē fieri nequit vt sine manu militari, siue quo alio modo trāsfertur rei venditæ dominium in emptorem citra ullam traditionem, vt neq; præciso ipsius Prætoris aut alterius magistratus imperio fieri hoc possit, Nec si de bonitario tantum dominio transferēdo agatur, Non solum quod inter modos transferendi iure Quiritium dominij *lex* numeretur ab Ulpiano *in fragment. Tit. 19. De acquisit. rer.* ad exclusionem, Prætoris & aliorum magistratuum ex quibus nemo est qui legem facere possit *§. quos autem Inst. de bon. poss.* Sed etiā quia dominium bonitarium nunquā acquiritur ex edicto Prætoris sine traditione aut alia re quæ sit vice traditionis *l. 2. §. ultim. D. si ex nōxal. caus. agat. l. 3. De ususuf. pet. l. si finita 15. §. Iulianus D. de damn. infest.* Traditio igitur omnino necessaria est, eaq; à venditore ipso faciēda, vt rei venditæ dominium quod penes eum fuit in emptorem trāsfertatur. Et consequenter fatendū est meri facti esse obligationem illā tradendi, nec magis fieri posse sine vi & impressione vt venditor præcisè cogatur rē tradere, quā vt pro te Romam eat, vel tabulam pingat. Quod si omīssa iuris ratione quæ taruen semper curanda & querēda est, legibus agere volumus, Quā melius habemus iuris locus, in quibus scriptū est Vēditorem si rem non tradat teneri ad omne id quod interest emptoris *l. 1. lex emptio 11. §. q̄ in primis & §. idem au. l. si actum retis 13. l. Quintus 40. D. de act. empt. l. si traditio 4. C. cod. l. qui ius 6. C. de hered. vel act. vend.* Sed omnium apertissimus est qui electionem dat venditori *in l. contractus 17. C. de fid. instrum.* in illis verbis *neceſſarius venducrimponatur vel contr. actum venditionis perficere*, quod ipsum nihil aliud est quā rem venditam tradere vel id quod emptoris interest persolvere. Quibus verō legibus obsecro in contrariū nituntur contrariæ sententiæ assertores? His nimirum quibus scriptū est, Obligatorij venditorem ad hoc vt rem tradat, vt *in d. lex emptio in princip. §. precium. Inst. de empt. & vendit. §. persolvuntur Inst. de donat. l. si fultas 78. §. fundum D. de contr. empt. l. magis puto 5. §. si pater D. de reb. eor. qui sub intell.* At hoc quis negat? Aut quāquam alia ratione defendimus venditorem si rem non tradat teneri ad id quod emptoris interest, quā quia iure obligatus sit ad rem tradendam? De illo tantū disputamus, an cogi possit præcisè vt tradat, An verō sub ea tantū distinctione, & alternatione, Nisi quicquid interest emptoris præstare possit. Nullus porrō iuris locus est quo probari possit teneri eū præcisè ad tradendū, repugnantq; ij omnes quos pro nobis citauimus. Nā quod scriptū est *in d. §. precium, tunc omnimodo secundū eius affirmationē & precium persolvatur, & res tradatur*, nō de præcisa rei venditæ traditione intelligi debet vt aduersarij putāt, sed de præcisa necessitate vēditionis adimplendæ & ad effectū perducendæ datis vtrinq; actionibus empti & vēditi, vt verba illa sequētia demōstrant, & vēditio ad effectū perducatur, emptore quidē ex empti actione, vēditore ex vēditio agēte. Perinde autē adimpletur vēditio præstante vēditore quicquid emptoris interest ob rē non traditā atq; si res traderetur. Quid, n. amplius interesse potest eius cui præstatur quicquid interest? Fietq; hoc apertius si iungas Iustiniani constitutionē *in l. vlt. C. de contr. empt.* vnde is Institutionū locus sumptus est. Sic enim habet *omnimodo secundum eius affirmationē & precium persolui, & venditionem ad effectum perducui*, nulla rei tradendæ facta mentione. Nec alius Iustiniani sensus est *in d. §. persolvuntur Inst. de donat.* in illis verbis & *ad exemplū venditionis nostræ constitutio eas etiam habere necessitatem traditionis voluit.* Necessitatem enim traditionis intelligit obligationem tradendi tanquam ex perfecta venditione vel donatione, non etiam obligationem præcisè tradendi. Sola pā. que

obligatio sufficit ad inducendam necessitatem illam, cum nihil aliud obligatio sit quam iuris vinculum quo necessitate adstringimur alicuius rei solvendæ secundum nostræ civitatis iura, ut habet definitio obligationis. Tristitumque est duplicem esse necessitatē, Præcisam vnam, Causatiuam alteram, De qua intelligi sane debent ferè omnes iuris loci quotquot de necessitate faciendi loquuntur *l. si mulier 21. §. si metu D. quod met. caus. l. si patre cogente 22. D. de rit. nupt.* quia necessitas præcisa semper aliquid habet incivile propter admixtam violentiam, Qua de causa etiam metus necessitatis interdum pro necessitate est, sicut & metus coactionis pro coactione ut in *l. nonisimè 7. §. 1. D. quod fals. tutor. author.* Quare nec malè quis dixerit necessitatem habere eundi Romam eum qui tibi promisit se pro te iturum Romam, Neq; tamè idèd quisquam bene negaverit liberari eum posse ne pro te Romam ire cogatur præcisè, si quicquid ex ea causa interest tua, præstare malit. Nam nec flagris & verberibus aut aliis tormentis etiam si maximè id tibi liceret, assequi vnumquodam posses ut Romam inivitus iret si ire nollit, Nimirum tam liberum homini est à natura ut velit aut nolit, quam necesse est ut homo sit, adeoque tametsi servus proponatur. Habet enim dominus potestatem vitæ ac necis in corpus servi, sed in voluntatem ipsius non habet, nec eò usque potest verberum vis, aut metus pertingere *l. qui in aliena 6. §. ultim. alias l. eum qui meum verberum D. de acquir. hered.* Fortior cōtra nos videri possit obiectio illa, quæ nobis aliquando placebat ex *l. si eum fundum 68. §. ultim. D. de contr. empt.* ubi Proculus scribit, Solere plerosque in venditionibus addere verba illa *dolus malus à venditore aberu*, quem tamè abesse semper oportet, etiam si nihil de eo adiectum sit, Non videri autem abesse si per venditorem factum est fictive quominus fundum venditū emptor possideat. Erit ergo, inquit, ex empto actio non ut venditor vacuum possessionem tradat, cum multis modis accidere poterit, ne tradere possit: sed ut si quid dolo malo fecit, aut facit, dolus eius æstimeretur. Quibus verbis videtur Proculus in ea esse sententia ut non dubiet quin cogendus sit venditor vacuam rei venditæ possessionem tradere si quo modo fieri possit ut tradat, nec deueniri debeat ad æstimationem doli, hoc est, ad præstationem eius quod interest, tū quoque: cum dolus venditoris intercessit, nisi cum aliqua de causa impeditur venditor rem tradere possit. Sed respondèri cōmodè potest, quod ex suprà relatis Proculi verbis probatur apertissimè, Ita denum obligari venditorē ad tradendum, si res vendita tradi possit: Si enim qua de causa tradi nō possit, rationem iuris non pati ut obligetur ad eam tradendam. Multo quæ minus ad id quod interest tradi eam, puta si homo venditus mortuus sit ante moram, *l. si homo mortuus 69. De verb. oblig.* aut fundus publicatus & assignatus militibus ut in *l. Lucius 11. D. de euss.* cum ut habet iuris regula inpossibile nulla sit obligatio etiam interposita stipulatione *l. impossibilis 7. De verb. oblig.* Quanto magis si agatur ex contractu bonæ fidei qualis est contractus venditionis. Neque enim bona fides unquā patitur ut cōdemnari quis debeat ob id, quia non faciat quod facere etiam si maximè velit, non possit. Et tamen si dolo malo venditoris factum sit ne rem ipsam venditam tradere possit, æquum est & ex bona fide dolum ipsius non manere impunitum. Præsertim verò si caverit Dolum malum abesse abfuturumque esse. Ideoque dicendum est hoc casu ex sententia Proculi dandam esse actionem ex empto contra venditorem, non ut vacuum possessionem tradat, quæ tradi amplius non potest, neque ad tradendi obligationem æstimandam, quæ interdictit statim atque definit res tradi posse, cum solo bonæ fidei & æquitatis vinculo ea obligatio sustineretur, sed ad hoc solū ut dolus ipse venditoris æsti-

metur. Quod. n. ex prima illa obligatione quę fuit rei tradēdę nulla potest sequi cōdemnatio, neq; ad rem tradēdam, neque ad id quod interest, hoc ob quod res non tradatur, tātō magis facere debet vt dolum æstimari, puniriq; oporteat, per quem hoc ipsum factum est, ne alia sequi cōdemnatio vlla possit: Quę si aliqua sequi posset, puta si dolo malo & per procaciam venditoris res vēdita nō traderetur, quam tamen tradi si vellet ille, nihil prohiberet, nihil esset necesse tradere de dolo æstimando, quia sufficeret æstimari quanti reuera interesset emptoris, Nec augeretur cōdenatio ratione doli, qui interuenisse probaretur: Quando nec si propria actione De dolo, dolus hic vindicaretur, ad aliud tamen dari posset, quam ad id quod emptoris interesset *d. l. si tradido 4. C. de action. empt. iunct. l. arbitrio 18. in princ. D. de dolo.* Illud enim certē verissimū est quod supradicto Coniecturarum loco pluribus probauimus, In actione empti numquam iurari posse in litem quia per eam non petit actor rem quę sit iam sua, sed eam quę adhuc sit aliena licet vendita: Vt verō res æstimetur supra verum precium, aut quod difficilius est, id quod interest supra quam reuera inter sit, non nisi per iusiurandum in litem fieri certē potest *l. i. tutor. 8. D. de in lit. iurand.* In summa quoties id quod actoris interest, siue emptor ille sit siue alius, æstimatur officio vel arbitrio iudicis, citra iusiurandum in litem, nulla doli æstimatio sit, nec quicquam refert an dolus aliquis interuenisse probetur an nullus. Quia condemnationem quę hoc casu etiam nullo dolo interueniente facienda esset, accedens dolus augere numquam potest, qui tamen solus potest condemnationem inducere si talis species proponatur in qua irrogari condemnatio alioqui nulla posset. Atque ita Proculi sententia explicanda est, quę portō sic explicata nihil sententię nostrę aduersatur.

ERROR QVINTVS.

De sententia l. si quis alienam 46. D. de action. empt. & ad Paulum lib. 1. Sentent. Tit. 13. De indicat.

NONGE minūs obstat nostrę sententię quod nos rursū obiciēbimus *ex l. si quis alienam 46. D. de action. empt.* vbi Paulus scribit, Si quis alienam rem vendiderit, & medio tempore, id est, post vēditionē quidem, sed ante traditionem domino rei heres extiterit, cogendum cum esse implere venditionē. Esi enim nihil hoc aliud est, quam rē tradere, & ea facere quę in vēditione desiderantur, vt & Aocursus noster ad eum locū interpretatur, non ille tamen Pauli sensus est vt hoc casu magis quam alio vilo cogi possit vēditor ad præciam rei traditionem. Sed hic potius vt nō possit hic vēditor recusare rei vēditę traditionem eo prætextu, quasi mutatus hodie sit rei status, nec fuerit ille obligatus ex causa vēditionis rei alienę ad tradēdū nisi hætenus vt possessionē rei vēditę in emptorē trāsferret, non etiam vt dominium quod venditionis tēpore non habebat: Et quod tamen simul cum possessione in emptorem transire necesse esset si hodie post acquisitionem venditori dominium res vendita traderetur. Quę tota nec inelēgans dubitandi erat ratio ad eum locum, sed quā fortior illa decidendi ratio continet, quōd vereri non debeat venditor, ne transferendo dominium rei venditę, cuius non fuerat dominus tempore venditionis, plus præstet quam præstare ex vendito debeat, quia licet ex natura venditionis non sit obligatus.

venditor ad dandum id est ad transferendum dominium in emptorem sed tantum ad tradendum, id est, ad præstandam vacuum rei venditæ possessionem, idcircoque placeat etiam rei alienæ perinde ac propriæ venditionem valere *l. rei alienam 28. D. de contr. empt.* Est tamen ex natura venditionis, ut omne ius quod per traditionem transferri potest in emptorem transferatur, ac proinde etiam ius dominij si forte venditor reperiaur dominus tempore traditionis *d. l. ex empto u. g. & in primis D. de action. empt.* Adcò ut nec valeat pactum in venditione ap-
 positum quo conuenierit ne dominium transeat in emptorem *d. l. pen. g. vlt. D. de contr. empt.* Neque verò vllum in eo venditoris damnum est qui si rem alienam traderet quæ postmodum à domino euinceretur, tanti eo nomine condemnari deberet quanti emptoris interesset *l. 1. l. si in venditione 61. & pass. D. de euict.* Quidni ergo perinde rem venditam quæ nunc ipsius est tradere teneatur, quæ si adhuc esset aliena? An fortassis pauperior sit ob id, quod à metu & periculo actionis de euictione libereur? Imò locupletior sit qui amittit creditorem, & ab obligatione liberatur *l. si pupilli 66. in fin. D. de solut. l. spicies 11. D. de acceptil. lat.* Reitat igitur ut Pauli sententia hæc sit, Venditorem hoc quoque casu perinde obligatum esse ad rem tradendam cuius dominium sibi post venditionem acquisiit siue ex hereditaria siue ex alia qualibet causa, ac si dominium illud non haberet. At non ut fortius & magis præcisè obstringatur ad tradendum, quam si res aliena mansisset. Cæterum utroque casu si non tradat, certè condemnandum est non ad factum præcisè ut Martinus putabat, sed ad id quod emptor sua interesse probauerit *d. l. si traditio.* In quo semper verum rei præcium continetur, nec minus cum alienam quam cum propriam rem quis vendidit *dist. l. i. D. eod.* Nisi cum conuenit ut euictio nulla præstetur. Quo casu sufficit reddi à venditore præcium quod accepit *d. l. ex empto g. vlt. eod.* Nam & perinde impletur venditio cum venditor præstat emptori quanti eius interest ex causa venditionis, atque si rem ipsam venditam traderet, Cum utroque casu emptoris si non desidero, certè utilitati satisfiat, præstita ei plenissima indemnitate. Haud secus ac si post rem iudicatam qua condemnatus fuisset venditor ad rem tradendam, præstaret ille emptori quanti eius interesset. Quis enim putet plus iuris habere emptorem ante sententiam, & ob hoc solum quod venditorem habet obligatum ex contractu, quam si haberet eum iam condemnatum? Solet enim res iudicata meliorem facere conditionem illius qui obtinuit non deteriorem *l. 3. in prin. D. de usur. l. euidenter 16. D. de except. rei iudic.* Quamquam inter hos casus hoc interit quod anie sententiam habet venditor ex ipsius contractus natura electionem, Virum præstare emptori malit, An rem venditam tradere ut effugiat condemnationem eius quod interest, An potius id quod emptoris interest persolvere ut se liberet ab obligatione tradendi. Vnde fit ut suo iure possit pro re vendita offerre pecuniam, quia utroque casu id ipsum intelligitur offerre quod debet. At cum per condemnationem fit ut pecunia pro re præstetur, fit illud beneficio magistratus & indicis, qui debitum non pecuniarium cōuertit in pecuniam, ut facilius & expeditior iudicati executio sequi possit. Sed ad obligationes & actiones dandi hoc pertinet, non ad faciendi, ex quibus nulla nisi pecuniaria petitio sequi potest, quia statim atque factum non est quod fieri potuit & debuit, hoc est statim atque mora in faciendo commissa est, succedit in locum facti obligatio & præstatio eius quod interest, ita ut nihil nisi pecunia deduci possit non solum in condemnationem, sed neque in petitionem *l. stipulantes 72. De verb. oblig.* Sed neque ex dandi obligationibus cōdemnatur *l. inquam ad pecuniam*

ad speciem ipsam aut mercē dandā sed semper ad pecuniā, quia & ad pecuniam semper agitur siue agatur condictione certi, vt in superioribus ostendimus *ex l. vinum 22. § l. cum fundum 31. D. de reb. credit. l. 1. l. ultim. D. de condit. tritic.* Siue actione aliqua quæ sit aut bonæ fidei aut arbitraria, siue talis sit in qua iurari possit in litem siue talis in qua non possit. Omnibus enim commune illud & quod pecuniariam habent condemnationem, sed maiorem cū iuratur in litē, quā cū non iuratur, Sola conditio triticaria illa est ex qua deducitur ipsa res debita in petitionem, & in qua proinde ipsa etiam res debita deduceretur in condemnationem si non hoc quoque casu necesse esset litem æstimari, hoc est pecuniam in cōdemnationem deduci, vt iudicati executio tandē fiat. Verū quid nos ad supradictum Pauli locum ex Sententiarum libris desumptum respondebimus? Is enim vnus maximē est, qui & virum doctissimum Iacobum Cuiacium Pauli interpretem, & subinde nos fefellit. Quid verō est in ea Pauli sententia, quod nobis tantopere aduersetur? Nihil sanē. Nam quod Paulus ait, Si id quod emptum est neque tradatur neque mācipetūr, venditorem cogi posse vt tradat aut mancipet, nihil aliud est quā illud ipsum quod aliis plerisque locis scriptū esse iam diximus, & nemo negat obligatum esse venditorem ex natura contractus ad hoc vt rem venditam tradat. Sed non idē consequens est, vt non æquē verum sit, quod alibi scriptum est, Si res vendita non tradatur, condemnandum esse venditorem in omne id quod interest emptoris *d. l. 1. d. l. ex empto 11. §. & ex empto d. l. si iactum 13. D. de action. empt. d. l. si traditio 4. C. eod. d. l. contractus 17. C. de fid. instrum.* Quōd si cui videbitur hoc esse tam apertum & indubitabile vt in libros Sententiarum Pauli conferri non debuerit. Respondeo dignam rem fuisse quam Paulus doceret, Cū dubitari posset, An ex pacto venditionis & emptionis aliqua actio nasceretur per quam cogendus esset venditor ad rem tradendam aut mancipandā: Exemplo scilicet eius quod dici solet, Ex placito permutationis, nulla re secuta nemini actionem competere nisi stipulatio subiecta ex verborum obligatione quæsiuerit partibus actionem *l. ex placito 3. C. de rer. perm. l. 1. D. eod.* Nam cū origo emendi vendendique à permutationibus cœperit, vt ait idem Paulus in *l. 1. D. de contr. empt.* ob eāque causam non defuerint ex antiquis prudentibus qui dicerent etiam rerum & specierum emptionem esse, vt eadem lex refert, consistetque inter omnes simillimam esse permutationi emptionem *l. 2. C. de rer. perm. l. 2. D. eod.* non improbabiliter suspicari quis poterat, Idem de placito emptionis dici posse quod de placito permutationis vt neque re secuta, neque vlla stipulatione interposita nulla ex eiusmodi pacto nasceretur obligatio quæ esset efficax ad agendum, non magis quā ex alio villo pacto nudo. Voluit itaque Paulus monere non ita esse, sed ex eiusmodi conuentione tanquam iusta nasci mutuas obligationes, & ex obligationibus actiones empti & venditi. Empti quidem contra venditorem, vt rem tradat vel mancipet. Offerente scilicet precium emptore vt possit ipse agere ex eo contractu qui vtrō citrōque obligatorius est *l. Iulianus 13. §. offerri D. de action. empt.* Quod cū sit nulla actione indiget venditor contra emptorem qui vt ageret primus contractum impleuit. Ideoque de sola empti actione Paulus supradicto loco tractat quæ competit emptori contra venditorem non de actione venditi quæ venditori contra emptorem datur. Quanquam alia & elegantiore ratione factum id fuisse dici potest, Nempe quōd actio nulla competere possit venditori aduersus emptorem ad precium quin prius venditor ipse contractum ex sua parte impleat & rem tradat. Id verō cū sit dubitandi causa

nulla superesse potest, quin vel ipsius permutationis exemplo dari debeat actio contra emptorem, cum res sit secuta: Nam & in permutatione ideam contingeret. Sed & difficilius est ut venditionem irritam facere velit emptor, qui emendo patrimonium suum auget, quam ut venditor qui suum diminuit, ob idque de venditore potius, quam de emptore cogendo tractandum fuit. Hanc vero nostram interpretationem mirè confirmat quod Iustinianus scribit *in d. l. si quis argentum 35. §. vltim. Cod. de donat.* ut donationes ad exemplum venditionis habeant in se necessitatem traditionis, ut etiam si res non tradantur habeant tamen plenissimum & perfectum robur, & traditionis necessitas incumbat donatori: Id enim perinde est ac si diceret constitutione illa factum esse, ut cum olim ex pacto donationis agi non posset quia donationes omnes aut traditione aut stipulatione interveniente perfici necesse erat *l. Papinianus 23. De donat. int. vir. & vxor.* hodie tamen valeant ex nudo pacto ad producendam actionem, soloque perficiantur consensu similes in eo factæ venditionibus, cum antea magis similes essent pacto permutationis, de quo *in d. l. 3. Cod. de perm.* Ex quo intelligimus quod ait Iustinianus ex donationis pacto nudo traditionis necessitatem incumbere donatori, non de necessitate præcisa intelligi debere, sed de causativa, quæ faciat ut donatore nolente tradere rem quam donavit sit in eum actio ex donato ad id omne quod interest donatarii. Alioqui satendum esset aliud iuris inductum fuisse in donationibus quam quod obtinet in venditionibus, cum tamen ad exemplum venditionis, Iustinianus ita se in donatione constituisse testetur. Illud verò etiam in sententiis Pauli observandum est quod ait, Si id quod emptum est neque tradatur, neque mancipetur eogi posse venditorem, non ut tradat absolute sed ut vel tradat vel mancipet. Cum enim mancipatio nihil nisi sollennis quædam traditio sit, quæ inter alias sollennitates certam verborum formulam exigebat, quis non videt fieri nullomodo potuisse ut venditor cogeretur præcisè ad mancipandum & ad proferenda illa verba sollennia citra manifestam ac intolerabilem vim & impressionem? Aut quis vel adhibita etiam quantacunque manu militari possit cogere venditorem ut mancipationis verba sollennia proferat, quæ proferre nolit? Ergo quemadmodum fatendum est, non posse Pauli locum illum sic accipi ut cogatur præcisè venditor ad mancipationem. Ita & fateamur non id sentire Paulum, ut præcisè cogendus sit venditor ad traditionem, Sed ut seclusa illa siue tradendi siue mancipandi necessitate præcisa, condemnari debeat in id omne quod interest emptoris ob id quod neque tradita res sit, neque mancipata. Illud non possum prætermittere, Malè eundem virum doctissimum in supradicta Pauli sententia interpretanda adnotasse differentiam hanc inter traditionem & mancipationem, quod traditio sit modus acquirendi domini iure gentium, Mancipatio autem modus acquirendi domini iure civili. Etiam enim verum est traditionem esse unum ex modis acquirendi domini iure gentium, Non eo minùs tamen verum est acquiri etiam illo modo dominium ex iure Quiritium non minùs quam per mancipationem, si Vlpiano credimus *in d. l. 19. De acquisit. rer.* Nempe si traditio fiat ex præcedente iusta causa, id est iure civili cognita & adprobata ut *in l. numquam nuda 31. D. de acquis. rer. domin.* Nam cum iusta causa nulla præcedit ut *in leg. 3. D. si ususfr. præter. l. si finita 15. §. Iulianus. De damn. infect.* acquiritur per traditionem dominium

l. c. omnia v. l. 1.
mo v. l. 2. Baile
l. 1. ad Dip. 2. l. 1.
19

niam iure gentium non iure civili, Sed hoc extra rem: Cæteraque ad differentiam traditionis & mancipationis pertinentia noster explicabit pluribus *Faber insitior ad §. per traditionem insitit.*

De rer. diuis.

ERROR SEXTVS.

De eo qui ad dandum obligatus est an præcisè urgeri possit ad dandum.



VAESTIONEM hanc superiori adiungere cogimur, quoniam qui contra nos defendunt Venditorem qui rem venditam tradere potest si velit, cogendum esse præcisè ut tradat etiam si nolit tradere inter cæteras rationes quas proferunt iam à nobis confutatas, hac vna mouentur maximè, quòd is qui vendidit non tantum ad tradendum obligatus sit, sed etiam ad dandum, id est, ad dominium rei venditæ cuius ipse dominus sit transferendum in emptorem *ex l. ex empto 11. §. & ex empto D. de allion. empt. l. si quis alienam 46. eod. l. penultim. §. ultim. D. de contr. empt.* Quisquis autem ad dandum obligatus est, omnimodo & præcisè ad hoc teneatur ut eum cui obligatus est efficiat dominum quoquomodo, ut ab Vlpiano difertis verbis scriptum est *in l. ubi autem 75. §. ultim. D. de verbor. obligat.* Ex eo namque inferunt, cogi ergo posse venditorem ut emptori tradat rem venditam saltem eo casu quo sit ipse dominus, cum aliter fieri nequeat ut rei suæ dominium transferat in emptorem. Quod ubi euicerint, facile assequuntur ut illo etiam casu quo res aliena vendita est fieri cogamur tenei nihilominus venditorem ut præcisè rem tradat, Ut scilicet qui transferre non potest dominium quod non habet, saltem transferat possessionem quam habet, & quæ non magis sine traditione transferri potest quam sine possessione dominium *l. traditio 20. in princip. & §. ultim. D. de acquirend. rer. domin.* Tanti autem momenti hæc obiectio plerisque viris magnis visa est qui nobiscum defendunt liberari venditorem si præstet id omne quod emptor sua interesse probauerit, ut nihil habere videantur quod commodè possint respondere. Admittunt enim ita ius esse, ut qui ad dandum obligatus est teneatur præcisè ad dandum, id est ad dominium transferendum, ac proinde in necessarium antecedens ad tradendum, quamuis non possint negare quin perinde hoc casu tradere sit meri facti ac si duntaxat ad tradendum obligatus esset. Sed negant obligatum esse venditorem ad dandum, Ne tum quidem cum rei venditæ dominus est. Quòd generaliter proditum sit, Eum qui fundum vendidit, necesse non habere fundum emptoris facere, ut cogitur is qui fundum stipulanti spondit *l. si ita distrahatur 25. §. 1. D. de contr. empt. l. seruus quem 30. §. ult. D. de allion. empt.* In quo certè falluntur. Et si enim verum est non esse ex natura venditionis ut omnimodo & omni casu cogatur venditor rem venditam facere emptoris, sed tantum vacuum rei possessionem ei tradere, ideòque valet etiam rei alienæ venditio *l. rem alienam 28. eod. tit.* quæ non valeret si venditor ad dandum, id est ad dominium transferendum obstrictus esset. Sicuti dicimus, Eum qui ex causa permutationis alienam rem dat nullam contrahere.

permutationem *l. 1. vers. ideoque Pedius D. de rer. permut.* Eo tamen casu quo venditor dominus rei venditæ proponatur, satendum utique est teneri eum vt det. dominiumque quod habet transferat in emptorem. Nec minùs vera est hæc propositio, quàm illa etiam vera est, Venditorem qui non sit dominus ad aliud non teneri quam vt rem tradat, tradendoque transferat vacuum eius possessionem. Vtrumque enim sit ex eodem Principio, quòd sit obligatus venditor ad tradendum, Traditio autem fieri non possit quin omne ius siue dominij, siue possessionis quod habet is qui tradit transeat in accipientem *d. l. traditio in princip. & §. ultim. De acquir. rer. domin.* Idque est quod ait Vlpianus in *l. ex empto 11. §. & imprunis ipsam rem D. de æll. empt.* Venditorem oportere rem ipsam præstare, id est tradere. Quæ res, inquit, siquidem dominus fuit venditor, facit & emptorem dominum, Si non fuit, tãtùm cuictionis nomine venditorem obligat. Item quod Paulus in *l. si quis alienam 46. eod. tit.* Si quis alienam rem venderit, & medio tempore, id est priusquàm eam traderet domino rei heres extiterit, cogendum eum esse implere venditionem. Quod ipsum nihil aliud est, quàm vt cogatur non modò rem tradere sed etiam ita tradere, vt per eam traditionem & possessio & dominium in emptorem transferatur: quod utique vel inuito venditore fieri necesse est cùm per possessionem acquiratur dominium, quoties à possessione separari dominium non potest, vt loquuntur Imppp. in *l. per procuratorem 8. C. de acquir. poss.* Atquin, vt iam diximus, Traditio hoc casu non minùs meri facti est, quàm si sola possessio non etiam dominium simul cù possessione transferretur. Ergo qui fatentur non esse obligatum venditorem vt præcisè rem tradat cùm alienam vendidit, eos fateri necesse est, non magis cogi eum posse præcisè vt tradat rem venditam cuius dominus fuit. Et è contrario qui admittunt obligatum esse venditorem ad dandum si dominus fuerit rei venditæ, & consequenter ad tradendum præcisè, exemplo æteriorum omnium qui præcisè ad dandum tenentur, eosdem admittere necesse est, Perinde omni alio casu obstrictum esse venditorem, vt præcisè tradat, Et sanè ita est. Aut utroque casu teneretur venditor præcisè ad tradendũ aut neutro. Cùm ergo iam probauerimus non posse illum præcisè cogi vt tradat cùm dominus non est, Consequens omnino fir vt nec eo casu tradere præcisè cogatur, quo sit dominus. Et in hoc alius longèque grauior nostrorum error est, quòd non dubitant quin is, qui dare tenetur, necesse omnino habeat dominium transferre ex *d. l. si ita 25. §. 1. D. de contr. empt. & d. l. ubi autem 75. §. ultim. De verb. oblig.* Nam si ita esset negare utique non possemus quin etiam ad tradendum præcisè teneretur, Cùm sine traditione cessantibus aliis modis transferendi iure Quiritium dominij fieri nequeat vt dominium transferatur. Ideoque quisquis rem dari stipulatus est eam quoque radi stipulatus intelligatur *l. 3. §. 1. D. de æll. empt.* Porro ad præcisam traditionem fieri nõ potest, vt qui vnquam cogatur citra vim & impressionem quam nullo penitus casu lex permittit. Fateamur ergo quod res est, Neque fieri illud posse vt ad dandum præcisè teneatur is qui fundum aut quid aliud stipulanti dare promissit. Nec sanè ab Vlpiano contrà responsum fuisse credendum est in *d. l. si ita 25. §. 1. D. de contr. empt. & d. l. ubi autem 75. §. ult. De verb. oblig.* Nam quod iis locis scriptum legimus, siue quis fundum dare stipulanti promissit, siue quod effectũ idem est, fundum simpliciter stipulanti spopõderit, omnimodo cogendum esse promissorem vt dominium efficiat stipulatoris quomodo, ad ius obligacionis referendum est non ad effectum & executionem ipsius. Scelus enim est, Promissorem hunc non aliter posse liberari quasi promissioni

inmissioni satisfecerit, quàm si rem promissam faciat stipulatoris, ita ut nihil ei profuturum sit ad consequendam liberationem si fundum fortè alienum tradat, aut qui alia qualibet de causa in stipulatoris dominium transire non possit, putà si alienari prohibitus sit vel à lege, vel à testatore *l. ult. C. de reb. alien. non alienand.* Ceterum siue dare illum nolit quia non vult eum tradere, siue non possit, etiam si tradere maximè paratus sit, quia dominium eius non habet. Nego posse illum cogi præcisè ad dandum, aut ad aliud ipsum teneri quàm ut fundi quem dare debuit præstet æstimationem, & quidem eam quæ fuit tempore petitionis & litis contestatæ *l. fundum 28. D. de nouat. l. hominem 37. D. mandat.* Quæro enim, Si fundum quem promissit paratus sit tradere, nec tamen dominium eius transferre possit quia illud nō habeat, qua tandem arte aut quibus machinis assequi iudex inquam poterit, etiam si fundum ipsum puta per conditionem triticariam petiti in condemnationem deduxerit, ut fundi dominium transferatur in stipulatorem? Aut admissio etiam eo, quod nos negamus ut inuitus quoque promissor qui rem promissam nolit tradere cogi præcisè possit ad tradendum. Quid tamen proderit ea coactio, securaque ex coactione traditio ad transferendum dominium, quod nunquam fuerit penes tradentem? Quod si hoc saltem casu, quo promissor non sit dominus eius rei quam dare promissit, facendum est non posse cogi eum præcisè ad dandum, nec si res ipsa in condemnationem deducta sit, sed necessariò conuertendam esse condemnationem in pecuniam ut iudicati executio fieri possit secundum ea quæ in præcedentibus disputauimus. Quidni idem fateamur cum dominij translatio ex eo quoque impeditur, vel ex eo solo quod promissor nolit rem tradere? ut in *l. Quintus 40. D. de action. empt.* An fortè ob id magis ad dominium transferendum præcisè vgeri promissor potest, quod in eam rem cogendus sit præcisè ad factum aduersus communes iuris regulas? Plus dico, Etiam illo casu quo fundus qui dari debuit petitus sit per conditionem triticariam, ne quidem in condemnationem deduci eum debere sed fundi æstimationem. Adeoque, quod nage quis miretur, nec illam quæ maior sit tempore condemnationis sed eam quæ fuit tempore litis contestatæ si actum sit iudicio stricto, alioquàm conditione triticaria, putà conditione certi ex certa stipulatione. Hoc enim est quod proximè diximus ex *l. l. hominem 37. D. mandat. dist. l. fundum 28. D. de nouat. l. vinum 22. D. de reb. cred. iunct. l. cum fundus 31. eod. l. ult. De condit. tritic. l. 3. §. in hac D. commod.* Dixi iudicio stricto ad differentiam iudiciorum bonæ fidei, Non quod in his magis quàm in illis res ipsa quæ petitur deducenda sit præcisè in condemnationem [nam & in iudiciis bonæ fidei lis æstimatur, & condemnatio fit in quantitatem & ad rei æstimationem] sed quia cum in iudiciis stricti iuris spectandum sit præcisè tempus litis contestatæ extra conditionem triticariam, in iis tamen quæ bonæ fidei sunt spectamus utro tempore res pluri fuit aut moræ aut rei iudicandæ *l. 3. §. ult. l. si sterilius 21. §. cum per venditorem D. de action. empt. d. l. 3. §. in hac D. commod.* Nunquam habita ratione illius temporis quo lis contestata est, Nisi cum idem fuit tempus moræ & litis contestatæ, id est cum nulla extraiudicialis interpellatio litis contestationem præcessit, primaque mora per contestationem solam contracta fuit, ut in *l. 3. D.*

de usur.

ERROR SEPTIMVS.

Etiam in actionibus qua competunt ad dandum litem aestimari per sententiam, Et cur non praestetur aestimatio qua creuit post condemnationem.



N E c est quod quis putet ita fieri vt aliud deducatur in condemnationem, quam quod deductum sit in actionem & petitionem, quod absurdum & stultum esse ait Iustinianus Tribonianeam Iurisprudentiam secutus in l. vltim. Cod. de fideic. liberi. Nam & illud contendo, quod ante me fortassis nemo dixit, Ex dandi quoque obligationibus siue bonae fidei iudicio siue stricto agatur, numquam rem ipsam quae dari debuit, in actionem & iudicium deduci, sed semper eius aestimationem, nisi cum triticaria conditio exercetur. Itaque non aliud ponitur in condemnatione quam quod fuit in actione quod extra casum conditionis triticariae fateor fieri numquam posse, cum ultra id quod in iudicium deductum est excedere potestas iudicis dati nequeat l. vt fundus 18. D. commun. diuid. ne ex formula contra formulam iudicare videatur. Sed aliud deducitur in actionem, quam quod deductum fuerat in obligationem, licet dici soleat quod & verum est ex obligationibus nasci actiones l. licet 42. §. vlt. obligatio D. de procurat. Adeoque quam quod deductum fuerat in litis contestationem. Nempe propter potestatem contestationis, quam intercedere & apud praetorem fieri necesse est medio tempore, id est inter tempus obligationis contractae, & actionis institutae. Nam sicuti certum est litis contestationem ex personali obligatione fieri nullam posse quin personalis illa praecedat obligatio: Ita & illud certissimum apud eos qui veterem ritum iudiciorum non ignorant, Nullam esse actionem nisi quae à Praetore data & dictata sit post litem contestatam, cum ipse de facto neque cognosceret neque pronuntiaret extra certas causas, sed iudicem in eam rem daret toto iure Pandectarum, & ad tempora vsque Imperatorum Diocletiani & Maximiani à quibus hoc ius immutatum est in l. 2. Cod. de pedan. indic. Porro nemo nescit non tantum ex iudicato & per actionem quae ex iudicato nascitur fieri nouationem prioris contractus l. vltim. vers. si enim Cod. de usur. rei indic. sed etiam per litis contestationem l. aliam 29. iun. l. delegare 11. §. 1. D. de nouat. Vnde est quod obligationes, ex iisque competentes actiones quae sui natura temporales orant id est aut morte creditoris aut tempore aliquo periturae, sic perpetuantur per contestationem vt & heredi & in heredem dentur, & ex temporalibus perpetuae fiant l. constitutionibus 33. l. sciendum est 58. D. de obligat. & act. l. si cuius 38. De regul. iur. l. vnic. Cod. ex delict. defuncti. Sed & actiones illae quae vt ciuiles omnes ita olim perpetuae, hodie ex Imperatorum constitutionibus factae sunt temporales ne ultra trigessimum annum possint vivere, si contestatae sint extenduntur etiam hodie in annum vsque quadragesimum l. vltim. Cod. de praescript. 30. vel 40. annor. Hoc verò cur ita? Nisi quia noua quaedam obligatio est quae per contestationem litis contrahitur, diuersam à praecedenti obligatione habens naturam, diuersasque praestationes. Proinde mirum non est, Aliud à Praetore deduci in actionem quae ab eo datur post litem contestatam, quam quod deductum fuerat à litigatoribus in obligationem & in ipsam

vt dixi

vi dixi contestationem. Præsertim cum ita faciat ex ipsorum litigantium saltem ex creditoris cuiusdemque actoris voluntate. Nam de ipsius debitoris consensu parum curamus, cum & in ius rapiatur inuitus & inuitus quoque iudicium accipere cogatur, sibi que debeat imputare si qua in re durius cum eo agatur post litem contestatam quam ex obligationis lege agi debuerit, qui tam diu expectare non debuit sed promissionem suam non expectato Prætoris aut iudicis imperio adimplere. Creditorem verò cui soli videtur iniuria fieri in eo quòd pro re quæ debebatur æstimationem accipere cogitur, non habere tamen de quo alio quam de se conqueratur, ex eo intelligimus, quòd litem contestando iudiciumque dictando eo tempore quo res tanti fuit quæ postea minoris fieri potuit, satis voluntatem suam declarauit, quòd litem æstimari ex eo tempore voluerit, tanti scilicet quanti esset res eo tempore litis contestata, Ne aliqui ex mora & frustratione debitoris damnum sentiret si rei æstimationem quod fieri facile potest, decrescere postea contingeret. Si enim hoc agebat ut alterius temporis peteret æstimationem, debuerat proponere triuicariam, non condictionem certi aut aliam vllam ex bonæ fidei aut stricti iuris actionibus, Cum sciret aut scire deberet talem rem dari oportere qualis quantique est tempore litis contestata, Nisi ab eo iure vellet actor vltro discedere, quomodo discedit qui triticariam exercere mauult: Cuius ratio & æquitas non in eo consistit quod aliud pro alio soluere debitor non cogitur cum possit, ei, ut diximus, imputari, cur secum litem contestari passus sit ac non prius soluerit quam litis contestatio fieret, sed in eo quòd creditor inuitus æstimationem rei debita pro ipsa re debita petere non compellitur, si rem ipsam habere malit, suspicatus fore illam preciosiorem tempore condemnationis quam fuerit tempore litis contestata, In quo & sibi consulit, & nullam tamen facit iniuriam debitori, quem verum est etiam condemnationis tempore dare id debere quod iam olim dari oportuit *dist. 9. cum per venditorem*. Denique nouatio illa quæ fit per contestationem inducit ut res debita solui amplius non possit cum ex die litis contestata æstimatio deberi ceperit propter periculum quod subest ne damno afficiatur creditor si æstimatio postea diminuatur. Quæ res facit quemadmodum in præcedentibus diximus ut in iudiciis strictis inspiciendum necessarium sit tempus litis contestata ad ineundam rei debitæ æstimationem, Tanquam tempus illud quo nouissimè solui res potest ex causa præcedentis obligationis, Cum ex eo tempore quidque æstimari oporteat quo nouissimè solui potest, ut eleganter & generaliter Celsus definit in *l. si Calendis 11. D. de re indic.* In iudiciis verò bonæ fidei tempus moræ, quòd in iis non minor sit ex bona fide potestas moræ extraiudicialis quam contestationis: Non quasi per moram illam extraiudicialem ea fiat nouatio quæ fieret per contestationem, Sed quia cum in bonæ fidei iudiciis ratio moræ habenda sit, ne maneat impunita, non potest debitor eo iudicio conuentus recusare quominus eam æstimationem præstet, quæ moræ tempore fuit, Nec tamen illam præcisè, sed ita demum si maior sit eo tempore quam condemnationis, Quia non esset ex bona fide ut liberaretur debitor aut ipsam rem præstando quæ post moram minoris facta fuisset, aut eam æstimationem, quæ moræ tempore minor fuisset, ac non potius eam, quæ condemnationis tempore maior inueniretur, Ne sua debitori frustratio prodesset aucta æstimatione eius rei quam verum est etiam eo tempore, quo iudicatur dari adhuc oportere. Et quamuis quisquis agit

iudicio bonæ fidei non rem ipsam petat, sed æstimationem sicut & is qui stricto experitur, Non tamen petit absolutè, sed cum adiectione illa *ex fide bona*: quæ adiectio facit ut neque moræ, neque condemnationis tempus præcisè spectari oporteat, sed vtro tempore pluri res fuit: Ne aliter posito iure iniuria fieret actori qui uiuorem æstimationem accipere cogeretur. Conditionis triticariæ diuersa ab omnibus ratio est. Exsienim stricti iuris actio est, nec minùs in ea quàm in cæteris nouatio fit per contestationem. Non tamen verum est tempus litis contestatæ, nouissimum tempus esse in quo solui res ipsa possit, cum quisquis agit triticaria hoc ipso quod petit sibi dari rem ipsam quæ debetur, condicionem reo deferat ut rem ipsam soluat, nec liberari possit quantatuncumque æstimationem præstando, idque ex natura ipsius actionis. Nam & in cæteris stricti iuris actionibus ex quibus diximus, nihil nisi æstimationem deberi & quidem eam præcisè quæ fuerit tempore litis contestatæ, si tamen poneremus conuenisse inter litigatores ut res ipsa præstaretur, non aliter iudicis partes esse possent quàm ut eam ipsam rem quæ debetur deduceret in condemnationem *l. si conuenierit 26. D. de re iudic.* Ideoque cum in tempus vsque rei iudicatæ possit is qui conuenitur triticaria soluere rem petitam. Apparet in æstimanda re per triticariam petita non alterius temporis rationem haberi posse quàm condemnationis, Cum neque moræ ratio vlla habeatur in iudiciis strictis, neque nouatio illa quæ fit per contestationem, afficere possit aut immutare actionem quæ post litem contestatam datur. Illud ergo iam mirari nemo possit, Cur præcisè inspiciamus in triticaria tempus condemnationis, non etiam illud quod sequitur condemnationem si res pluri facta esse proponatur: Quandoquidem ex supradictis apparet tempus condemnationis nouissimum tempus esse quo res per triticariam petita solui possit. Quid enim prodesset litem æstimaram esse per sententiam si alia æstimatio in iudicati executione solui posset & deberet? Nec si res pluri facta esset. Nam si minoris, utique dici posset non debere condicionem eius qui condemnatus est ex ipsius mora fieri meliorem *ex l. 3. D. de usur. l. euidenter 16. De except. rei iudic.* Sed nec deterior fieri potest, quia æstimatio taxata augeri nequit, nec pro æstimatione res ipsa præstari nisi partes vtrò in id consentiant. Vnde fit ut nec in bonæ fidei iudiciis aliud dicendum sit, neque in iis magis quàm in cæteris crescere possit litis æstimatio post condemnationem, sed præcisè inspiciendum sit vtro tempore pluri res fuerit aut moræ aut condemnationis. Quoniam adiectio illa *ex bona fide* poni solita in formulis omnibus iudiciorum bonæ fidei, & ex qua vna pendent omnes differentię quæ sunt inter iudicia bonæ fidei & stricti iuris, non vltra condemnationem extenditur, ut neque formula ipsa quæ dat iudicem, Cum iudex posteaquàm semel sententiam dixit, statim iudex esse desinat *l. iudex posteaquam 55. D. de re iudic.* Aded ut quamuis perperam iudicauerit, iterum tamen iudicare etiam eodem die non possit *l. cum querebatur 62. cod.* Igitur cum generale ac perpetuum illud sit ut siue iudicio bonæ fidei actum sit, siue stricto, adeoque triticaria quæ vna proprium & singulare hoc habet ut rem ipsam debitam deduci in iudicium & actionem oporteat, cogatur creditor idemque victor petere pro re pecuniā ut iudicati executionem urgere possit. Quis iam dicat eum qui obligatus sit ad dandum cogi præcisè ad hoc ut rem quam debet, faciat creditoris in eumque dominium transferat? Proinde & illa distinctio superuacua est in venditore cum querimus an præcisè cogi possit ad venditam rem tradendam, Vtrum eius sit dominus, necne.

Nam

in h. l. & d. de re iudic. l. 1. §. 1. ubi dicitur quod si iudex posteaquam sententiam dixit, iterum iudicare non potest.

Nam sicut utroque casu tenetur ex natura venditionis ad tradendam vacuam rei possessionem, & rursus utroque casu liberatur vacuæ possessionis traditione, cum rem tradere non possit quin hoc ipso dominium transferat quod habet, Ita neutro casu tenetur præcisè ad tradendum, sed si non tradat condemnari ad hoc tantum potest & debet, ut præstet quicquid interest emptoris; in quo venit ipsa rei venditæ æstimatione tum quoque cum aliena res fuit vendita, sed ea quæ maior fuisse inuenietur vel moræ tempore vel condemnationis. Nam agi triticaria ad hoc ut præcisa rei traditio fiat, certè numquam potest, quia licet triticaria non minus ad incertas, quam ad certas res pertineat excepta sola pecunia numerata, numquam tamen datur ad faciendum, non magis quam ad pecuniam quia in omnibus faciendi obligationibus id obtinet, ut qui factum promisit in pecuniam numeratam condemnari debeat *dist. l. si quis ab alio 13. §. 1. D. de re iudic. dist. l. stipulationes non diuiduntur 72. De verbor. obligat.* Qua de causa Ulpianus in *d. l. 1. De condit. tritic.* postquam scripsit competere triticariam pro rebus omnibus siue in pondere, siue in mensura consistant, & siue res mobiles sint, siue soli. Addit idem esse etiam si quis ius stipulatus sit veluti vsum fructum vel seruitutem vrbani, aut rustici. Sed non addit, quod minimè fuerat prætermittendum, si verè dici potuisset, Competere actionem illam etiam si factum stipulatione contineatur.

ERROR OCTAVVS.

De secundo emptore cui priori fuit tradita res quam scilicet venditam alij iam fuisse. Et de renocatoria quam interpretes priori emptori accommodant.



V error à nobis suprà refutatus fuit, de venditore quem vulgo interpretes putant cogendum esse præcisè ad rem tradendam, cuius tradendæ habeat facultatem, huic quem nos refutandum nunc adgredimur, causam dedit. Cum enim certi iuris sit, Eadè re ab eodem qui dominus sit pluribus vèdita potiorum esse in causa & questione dominij eum cui priori tradita fuit ex *l. quoties 15. Cod. de rei vindic.* sicut & in Publiciana potior esset si venditio pluribus facta fuisset separatim ab eodem non domino *l. siue autem 9. §. si duobus D. de publician. in rem act.* adeoque tametsi post primam venditionem dominium venditori acquisitum fuisset *l. si à Titio 72. D. de rei vindic. l. si ea res 31. §. ultim. D. de action. empt.* Putant vulgo interpretes ita demùm præferendum esse secundum emptorem cui priori tradita res fuit, si bonam fidem habeat, id est ut iidem illi interpretantur, si venditionem primam ignorauerit. Nam si mala fide hoc est non ignarus primæ venditionis eandem rem emerit, licet eidem priùs tradita sit, nihilominus volunt, posse rem ab eo per primum emptorem auocari & euinci. Sic enim Didac. Couarr. ex communi opinione *lib. 2. var. resolut. cap. 19. numer. 5.* post gloss. Alber. Salicet. Iaf. & alios ad *dist. l. quoties.* Addens in proposita specie fraudem ex eo tantum præsumi, quod secundus emptor sciuerit rem alteri priùs venditam fuisse: quod multorum quos eo loco recenset autoritate confirmat. Omnium verò istorum ratio & collectio nimirum illa est, quod qui emit rem quam scit ab eodem venditore alij venditam iam fuisse, eamque sibi traditam prior

accipit, utique scit per hanc traditionem impediri veditorem ne possit eandem rem tradere priori emptori, cui præcisè, inquirunt, tenebatur ad tradendum, Tanquam eius rei possessionem habens & ex ea causa facultatem rei tradendæ. Ex quo inferunt, Posteriori ergo illum esse non debere, cum ei possit imputari, cur mala fide & sciens emerit rem quæ alteri & iam vendita fuerit, & tradenda. Aliam rationem quam prohuius opinionis confirmatione adferant, non solum meliorem non habent, sed neque ullam. Legem verò aliquam, multò minus. Rescriptum namque illud Imperatorum quod extat in *d. l. quoties*, generalem iuris sententiam continet, *Quoties duobus in solidum prædium iure distrahitur, cum cui priori traditum est in detinendo dominio esse potiorum.* Nec distinctionem illam adhibet an posterior emerit bona fide an mala: quod tamen credibile est non fuisse illos prætermisissos si ea distinctio adhibenda esset: Præsertim cum de eo iure respondeant quod manifestum esse aiunt. Propositio enim quæ non est vera nisi cum distinctione, ea si simpliciter & absolute proferatur, cerè falsa est. Nec est quod quis distinctionem hanc latere putet sub verbis illis *iure distrahitur*. Nihil enim commune habet ius venditionis & dominij cum bona vel mala fide venditoris, aut emptoris, Nec eo minus verum est iure distrahi prædium quod iterum alij distrahitur, cum iam alij distractum esset siue priore venditione secundum emptor sciuerit siue ignorauerit, Iure distrahitur prædium quoties vel à domino ipso distrahitur quem nihil prohibeat vendere, vel à non domino quidem sed tamen qui habeat ius vendendi, ut puta à tutore vel procuratore. Itaque cum de distractione iure facta loquimur, respicimus ad ius & ad personam veditoris, cuius est distrahere, non ad ius aut personam emptoris, qui non distrahit, sed acquirit. At è contrario cum de bona vel mala fide tractamus, quæ in vendendo interuenerit, de solo emptore disputamus non etiam de venditore, qui licet interdum possit in bona fide esse, puta si fortè vendat rem alienam quam suam esse arbitretur. In proposita tamen quaestione De re ab eodem pluribus vendita non potest ea distinctio bonæ vel malæ fidei cadere in venditorem qui sicut proprii facti probabilem ignorantiam non potest obtendere *inquamquam 7. D. ad SC. Velleian.* ita neque carere mala fide qui rem à se iam alij venditam ignorare non potest. Ex quo apparet verba illa *d. l. quoties iure distrahitur* non sic accipi posse ut *iure* dixerint Imperatores pro eo quod est *bona fide* cum fieri nequeat, ut bona fide ac sine dolo quis vendat rem, quam alij iam vendidit: Ita ut ex hac causa venditor incurrat etiam crimen falsi, potnamque legis Cornelie de falsis *l. qui duobus 21. D. de leg. Cornell. de fals.* cum is quoque qui rem alteri non venditam sed tantum obligatam dissimulata obligatione per calliditatem alij distraxerit vel permutauerit vel in solutum dederit, stellionatus crimine teneatur *l. 3. §. 1. D. de crimin. stellion.* Minus enim est rem vni obligatam dumtaxat alteri vendere quam eandem rem duobus in solidum separatim & diuersis contractibus distrahere, Potestque illud, quod prius diximus fieri sine dolo dum ea cautio adhibeatur, quam ponit Caius in *l. & quæ nondum 15. §. ult. D. de pignor. & hypoib.* Quod si iure distrahitur prædium, tum quoque cum distrahitur mala fide, Quidni etiam iure emi dicatur, quamuis ematur mala fide? Fateor interdum accidere ut idem sit, Non iure quid distrahi. Et distrahi mala fide, Nempe cum venditio non aliter fieri potest quam obseruatis quibusdam sollennitatibus, quæ tamen obseruata non sint; Ut puta si minoris res distrahat quæ distrahi non potest sine decreto, Vel si pignus à creditore non sub hasta nec interuenientibus cæteris sollennibus *l. 1. 2. & 4. C. si vendit.*

vendit. pignor. agat. Malæ enim fidei emptor est quisquis contra legum interdictionem mercatur *l. quemadmodum 7. in fin. Cod. de agricol. & censit. lib. n. tit. 47.* Sed id eò pertinet, ut mala fides inducatur ex defectu sollemnitarum, non etiam ut illo casu bona fides emptoris sit de sollemnitate venditionis. Quamquam plus certè est fieri iure venditionem & emptionem, quàm fieri bona fide, Siquidem non dicitur iure facta nisi is vendiderit cui ius vendendi fuit ut diximus. Ut verò facta dici possit bona fide, sufficit ut qui vendidit putaverit se habere ius vendendi, adeoque ut qui emit crediderit venditorem ius vendendi habuisse *l. bona fidei emptor 109. De verbor. significat.* Sed non idèò minùs verum est, Possè fieri iure venditionem etiam quæ mala fide facta sit, Et retrò, etiam bona fide posse fieri venditionem, quæ tamen non iure facta fuerit. Sed neque video, qua ratione velint interpretes in questione proposita malæ fidei emptorem eum dicere qui emit rem quam scivit alij venditam fuisse, cum ea res non faciat quin emerit ab eo qui & dominus adhuc fuit rei venditæ, & consequenter tanquam dominus vendendi ius habuit. Nam præter id quod vix est, ut malæ fides inducatur aliunde quàm ex scientia rei alienæ *l. qui fundum 7. §. qui bona fide D. pro empr. l. si aliena 10. D. de usufrucap. cum nec semper sola rei alienæ scientia malam fidem inducat, ut benè docuit Iacobus Cuiacius ad Afric. in l. & generaliter 28. per ill. text. D. de noxal. act. & lib. 18. obser. cap. 25. ex dist. l. bona fidei 109. De verbor. significat.* fieri certè nequit ut bonæ fidei emptor non sit is qui emit à vero domino ius vendendi habente, quem scit & verum esse dominum & vendendi ius habere, Et quidem plenum ac liberum. Hoc enim addere placet ut eum casum excludam, quo quis à domino emerit rem quam sciat alteri obligatâ. Quo casu, licet quod ad dominij causam attinet plus quàm bonæ fidei possessor hic sit qui verus dominus est, quoniam à vero domino comparavit, Attamen quod pertinet ad causam pignoris, vix potest bonæ fidei possessor videri ad excludendam pignoris intentionem is qui pignus non ignoravit, Quasi scientia pignoris tantùm profit ad inducendam malam fidem favore pignoratitij creditoris quæ scientia dominij alieni favore veri dominij ne ius suum exequi, & rem suam vindicare prohibeatur *l. qui bona fide 9. in fin. D. qui potior. in pign. hab.* Sic enim nostri vulgò ratiocinantur, nec pragmatici dissentiunt ut ex iis constat quæ scripsimus *Defin. 1. & 4 Cod. Fabrian. Si advers. credit. præscr. oppon.* Quamquam hæc quoque traditio, ut verum fatear, mihi semper suspecta fuit. Quid enim obesse potest ei qui à domino emit, quod sciuerit rem alteri obligatam, ut eò magis in mala fide constitutus videatur? An non perinde potuit credere futurum ut diuturnum silentium creditoris pignoratitij præscriptione longi temporis corroboratum inefficacem ipsius actionem constitueret? *argum. l. sicut 8. §. non videtur D. quib. mod. pign. vel hypoth. solvit.* Aut quis tandem bonæ fidei emptor erit si ad inducendam malam fidem sufficit ut emptor alteri obligatam rem esse sciat. Quis non enim aut scire, aut saltem suspicari debeat, venditoris sui bona esse alicui obligata? Et quotusquisque hodie est tam dives, cuius bona non aliquo vel expressi vel taciti pignoris vinculo teneantur? Ideoque nec Imperatores in *leg. 1 & 2. Cod. ill. tit. Si advers. credit. præscr. oppon.* quicquam loquuntur de bona fide, Propterea quod non aliter pignoris intentio tenere possit ad producendam hypothecariam, quàm si creditor qui agit fateatur probèque dominum fuisse illum qui pignus constituit *dist. l. & quæ nondum 15. §. quod dicitur D. de pignorat. ac preinde*

dominum etiam esse illum qui ab ipso emit, licet pignoratam rem esse non ignorauerit. Non enim facit ius pignoris quominus liceat debitori rem obligatam vendere salva pignoris causa *l. si debitor 12. Cod. de distr. pignor. l. vnic. Cod. rem alien. gerent. non inter d. rer. suar. alien.* Itaque nihil est hoc casu quod de bona fide tractari possit, nisi cum de eo solo queritur, an pignus alij datum rei adhuc alienæ possit conualescere, ut *in dist. l. qui balneum in fin.* Non autem cum de præscriptione longi temporis aduersus creditorem opponenda. De quo tamen alibi ex professo tractandum erit. Ut sit, dubitari meo iudicio non potest, quin omnimodò & absolute bonæ fidei possessor censeri debeat quæ posterior emit sciens rem iam alij venditam ab eodem venditore, cum prior venditio neque dominium transfulerit sine traditione, neque pignoris vinculo eam obstrinxerit priori emptori. Nec enim qui emit, hoc agit ut sibi ius aliquod pignoris acquirat in re vendita, cum è contrario id agere debeat, ut dominium eius nanciscatur, quod scit esse penes venditorem. Alioqui venditio non esset, at potius aliud quod genus contractus *l. penultim. §. ultim. D. de contr. empt.* Nemini autem potest res sua esse obligata, vulg. *l. neque pignus 45. De regul. iur.* Ac præterea cum questio nostra sit de iure dominij & proprietatis, & quis in rei vindicatione præferri debeat, priorne venditor an posterior, Intelligimus non posse emptori posteriori nocere ad constituendum eum in mala fide, quod sciat eandem rem ab eodem venditam fuisse, tamen si specialis quoque obligatio pignoris expressa conuentione in ea ipsa re constituta proponatur. Neque rursus vera est ratio quam interpretes adferunt, ex eo sumpta, quod venditor qui habuit tradendæ rei potestatem obligatus fuerit priori emptori ut ei præcisè rem traderet, quod tamen facere non possit si liceat tradere posteriori. Iam enim probauimus in præcedentibus, inò verò non esse obligatum venditorem præcisè ut rem tradat etiamsi maximè possit, nullòque incommodo, sed ad hoc tantum teneri & condemnari posse ut præstet quanti interest emptoris *l. 1. D. de act. empt. l. si radatio 4. Cod. eodem.* Quæ res afficit tantum personam venditoris ut personali actione empti conueniri possit, non autem ipsam rem venditam ut alij rursus vendi prohibeatur. Quam in rem textus est apertus & elegans in *l. qui tibi 6. Cod. de hered. vend. l. si ancillam 11. Cod. de act.* ubi dicitur eum qui rem iam vni venditam quam ei tradere debebat alij vendidit, teneri quidem actione ex empto, sed non ut impleat contractum fidemque præstet, sed contrà, propter fidem ruptam. Ergo ad id quod interest non ad rem tradendam: Alioqui esset id agere ob fidem ruptam ad hoc ne fides rumperetur, quod esset ridiculum. Quemadmodum è contrario dicimus, Etiam alienæ rei venditionem valere hæcenus nimirum ut venditor personali actione ex empto teneatur emptori, non etiam ut rei dominium in emptorem transferatur *l. rem alienam 28. D. de contr. empt.* Cum igitur non alia ratione moueantur interpretes quam ea quæ falsa sit, Si tamen ratio dici potest, quæ falsa est, quis iam neget falsam quoque necessariò esse sententiam quæ ex falsa ratione inferatur? Sed & quererem libenter ab istis qui prioris emptoris partes contra posteriorem tventur, qua demùm actione priorem velint esse potiore. An fortè directæ, an vtili rei vindicatione? Hoc verò dici planè non potest, quia etsi malam istam fidem secundi emptoris quam interpretes ei obiciunt admitteremus, non tamen idèd consequens esset, ut prior emptor fieri posset citra traditionem dominus rei venditæ, quæ non ipsi sed posteriori emptori tradita fuisset. Neque verò maior effectus malæ fidei

huius

huius esse potest quàm ut impediatur potestatem traditionis, & translationem dominij in personam secundi emptoris, Non autem ut res quæ secundo emptori tradi non debuit eo magis priori tradita esse existimetur. Atqui cùm de rei vindicatione tractamus, certum est de solo petitoris iure querendum esse non de iure possessoris qui etiamsi nullum habeat, hoc ipso tamen debet vincere quod nihil quoque iuris actor habere probetur *l. ultim. Cod. de rei vindicat.* Nemo igitur benè dixerit idcirco dandam esse priori emptori vindicationem tamen si numquam ei tradita res fuerit, quòd posteriori emptori cui verè tradita est, tradi tamen aut non potuerit aut non debuerit. Esto enim quod volunt interpretes, ut venditor qui tradendæ rei venditæ facultatem habet obstringatur præcisè ad rem tradendam emptori, An fortè huic primo errori alium audebis adicere, ut qui tradere debet si non tradat perinde tamen habendus sit ac si iam tradiderit? Non possis ergo priori emptori aded fovere ut de sei tanquam domino rei vindicationem siue directam, siue utilem contra posteriorem in quem translatum fuit dominium per traditionem ex iusta causa præcedente à vero domino eodémque posteriore factam. Superest igitur ut si fovere illi voles, actionem reuocatoriam & Paulianam in auxilium aduoces, per quam assequare ut res secundo emptori tradita per priorem auocetur & euincatur. Atque ita Didacus Couarruu. supra dicto loco loquitur, ut nec ipse, nec cæteri quos ibidem citat aliter sensisse videantur: Secundum quam tamen sententiam fatendum est, Malè ergo interpretes in explicatione *dist. l. quoties 15. Cod. de rei vindic.* hanc adferre limitationem, ut ea lex non procedat si secundus emerit mala fide sciens iam factam alij venditionem. Non enim tractat lex de actione reuocatoria sed de sola vindicatione quam certum est nunquam dari non domino, multò minùs contra eum qui ipse dominus sit. Itaque iam habeo quod volo si admittas, Posteriorem emptorem cui priori res tradita est, præferendum esse anteriori cui traditio nulla facta est si de iure dominij & vindicationis inter eos contendatur. Sed addamus etiam ne magis de verbis quàm de re ipsa tractare videamur, Non minùs insubtiliter eos facere cùm dant priori emptori reuocatoriam contra posteriorem. Reuocatoria enim vsus & effectus in eo tantum est ut rem à debitore alienatam in fraudem creditorum & quæ per talem alienationem in bonis debitoris esse desiit, auocet à possessore eamque reddat bonis debitoris ut in eius possessionem perinde ac cæterorum debitoris bonorum mitti possit creditor, atque ita ex eius distractione pecuniam sibi debitam quam alioquin amitteret extorquere. Fraudem enim illo casu factam esse oportet non tantum consilio, sed etiam re ipsa & euentu ut ei actioni locus esse possit *§. utem si quis in fraudem. Instit. de action.* Atqui proposita quæstio non de eo emptore est qui precij damnum passurus sit si res vendita remaneat in dominio posterioris emptoris. Quid enim si precium adhuc non soluerit venditori? Nam nec cogitur solvere ut contra venditorem possit agere ad tradendum, sed satis est si precium offerat *l. Iulianus 13. §. offerri D. de act. empt.* Non utique potest videri venditor in fraudem primi emptoris alij eandem rem vendidisse, ut precium primus emptor amitteret, quod nondum solutum sit: Nisi fortè ponamus aliunde interesse primi emptoris ultra precium, puta si plures res fuit quàm vendita sit, ut in *l. in interditi 6. D. unde vi*: quo casu id quod interest quatenus egreditur precium conuentum debetur adhuc emptori, quamuis precium non soluerit. Sed nego

huius utilitatis rationem haberi posse in actione reuocatoria, quæ in eorum duntaxat creditorum gratiam comparata est qui alioquin damnum sentirent ex fraude & dolo debitoris. In proposito autem non tam sentiret damnum, quàm lucrum amitteret primus emptor, qui nullo dato precio rem non haberet, quæ pluris esset. Latius verò patent fines eius quod interest, quàm actionis reuocatoria, quia in eo quod interest continetur non tantum quod mihi abest, sed etiam quod lucrari potui *l. si commissæ 13. D. rat. rem habet.* In actione autem reuocatoria solius damni emergentis ratio habetur, non etiam lueri cessantis: quia nec videntur fraudari qui certant duntaxat de lucro captando *l. primo gradu 23. in fin. D. quæ in fraud. credi.* Sic ut nec in tractatu illo succurrimus ei qui à debitore acquisiit ex titulo lucratiuo, quamvis fraudem cum tempore non participauerit *l. quod autem 6. §. si similis modo eodem tit.* Quid rursus si venditor hic qui duobus vendidit, preciumque à priori accepit, alia bona pleraque habeat ex quibus abundè satisfacere possit indemnitati eius cui priori vendidit? An obsecro tractandum erit de reuocatoria, ut quod posteriori venditum est ei auferatur? Minimè verò, quantumvis dolo malo & in fraudem primi emptoris posterior venditio facta proponatur? Non enim dolus quilibet nec fraus omnis ea actione vindicatur, sed is demum dolus qui & consilium habuerit & eventum fraudandorum creditorum, quibus alia ratione prospici non possit ne in damno morentur: quod non potest contingere cum is qui dolo aliquid fecisse dicitur, soluendo est *l. ait prior 10. §. si fraudator l. si quis sum habet et 15. dist. l. primo gradu eod. tit.* Ergo quamvis in fraudem primi emptoris secunda venditio facta sit, & traditio secuta, ne scilicet ex communi interpretum traditione primo emptori rem tradere cogere, non ideo iam reuocatoria actioni locus esse poterit, cum auxilio illo extraordinario non indigeat, qui iure communi prospicere sibi potest *l. Imperatores 30. D. de reb. author. indic. possid.* Actio enim reuocatoria rescindit alienationem, adeoque quod magis est, ipsam traditionem quæ facti est. Faciuntque ut permittatur creditoribus rescissa alienatione rem petere, id est dicere eam rem traditam non esse, & ob id in debitoris bonis mansisse, quæ tamen re vera & tradita fuerit, & alienata *dist. §. item si quis in fraudem.* Ex quo loco intelligimus numquam locum esse reuocatoria nisi iis casibus in quibus iam missi sint creditores in possessionem bonorum debitoris ad ea distrahenda, secutiæque sit distractio ex illa edicti parte qua cautum est, *Quib. ex caus. in poss. eat. e'* *De reb. author. indic. possid.* Quis autem unquam dixit posse bona eius qui duobus eandem rem vendidit ex edicto possideri ex hac causa, & venundari? Præsertim si non is latitet sed se defendat? Verba siquidem edicti non de alio loquuntur quàm de eo, qui neque potestatem sui faciat neque defendatur *l. in princip. D. quib. ex caus. in poss. eat.* Et tres tantum causæ sunt ex quibus in possessionem bonorum debitoris mitti creditor solet. Rei seruandæ causa, item legatorum seruandorum gratia & ventris nomine *l. 1. eod.* Damni enim infecti nomine ut eadem lex ait, non in vniuersorum [sic enim simpliciter legendum est supplendumque *bonorum possessionem* deleta dictione *nomine*, quæ ibi nullius sensus vox est] sit missio, sed rei tantum de qua damnum timetur. Perinde itaque dicendum esset, si qua missio in possessionem fieri deberet aduersus debitorem qui duobus eandem rem vendidit, sic faciendam illam esse, ut in possessionem rei ipsius venditæ primus emptor mitteretur. Quod tamen ne dici possit non illud solum impedit, quod nihil ea de re Prætor edixit, quomodo edixit

edixit De damno infecto, sed etiam quod res vendita quam ponimus emptori posteriori traditam fuisse, non sit amplius in bonis venditoris. Itaque prius esset ut auocari deberet ab emptore posteriore, rescissa secunda venditione, & traditione, quam vt possideri possit à primo emptore, qui nihil in ea iuris habeat. Nec illud quoque dici potest mitti posse hoc casu emptorem primum in possessionem bonorum omnium venditoris ex illa edicti parte qua Prætor iubet mitti seruandæ rei causa. Nihil enim aliud significare Prætor voluit iis verbis *rei seruandæ causa* quam quod supra diximus *d. in vitandæ causa* sumpto specialius *rei* nomine quam vt etiam lucrum comprehendat, Vt ex eo apparet euidenter, quod à missione in possessionem quæ fiat rei seruandæ causa, separauit Prætor missionem faciendam legatorum seruandorum gratia. An quia rem seruare nolit, qui tractat de seruandis legatis? An non verò legata quoque rei appellacione continentur? Imò verò quia non tam rem suam quam alienam seruare vult, nec tam de damno vitando quam de luero captando cogitat qui legatorum duntaxat seruandorum gratia mitti vult in possessionem. Ob eamque causam speciali capite edicti de hoc quoque cauere necesse fuit *l. 1. & tot. tit. l. 1. in poss. legat. D. & Cod. non minus quam De ventre in possessionem mittendo l. 1. & tot. ill. tit. De ventr. in poss. m. i.* At non similiter edictum vllum propositum est De primo emptore mittendo in possessionem vniuersorum bonorum venditoris seruandæ rei venditæ gratia. Concludamus igitur neque actioni reuocatorie locum ex hac causa vllum esse posse.

ERROR NONVS.

Si res vni vendita postmodum alteri donata & tradita sit.



NASCITUR hic quoque error ex præcedentibus, sed simul iungitur, ob idque tantò facilius à nobis refelleretur, quantò esset difficilius eam propositionem confutare quæ ex duabus veris propositionibus recta argumetatione deduceretur. Nam interpretes qui putant non modò ita ius esse, vt qui eam rem vendidit cuius tradendæ potestatem habeat cogi omnimodo & præcisè possit ad eam tradendâ. Verùm etiam si eadem res alteri vendita & tradita proponatur, qui priorem venditionem non ignorauerit permittendum esse priori, vt eam rem auocet à posteriore & euincat saltem per reuocatoriam, lidem existimant, si non vendita ea res fuerit alteri sed donata & tradita dandam esse emptori reuocatoriam contra donatarium indistinctè, id est non solùm si sciuerit venditionem, qui casus nullam penitus apud eos recipit dubitationem, sed etiam si ignorauerit. Sic enim idem Didac. Couarr. loco supra citato *lib. 2. variar. resolut. c. 19. nu. 5.* Ex Baldo, Iafone, Ioanne Lupo, & Francisco Ripa ibidem allegatis, Cuius sententiæ vnica ratio ab iis illa affertur, quod licet in emptione & alia qualibet alienatione facta titulo oneroso verum sit tam venditorem quam emptorem vt alienatio reuocetur participem fraudis esse oportere *l. 1. l. 2. l. 3. l. 4. l. 5. l. 6. l. 7. l. 8. l. 9. l. 10. l. 11. l. 12. l. 13. l. 14. l. 15. l. 16. l. 17. l. 18. l. 19. l. 20. l. 21. l. 22. l. 23. l. 24. l. 25. l. 26. l. 27. l. 28. l. 29. l. 30. l. 31. l. 32. l. 33. l. 34. l. 35. l. 36. l. 37. l. 38. l. 39. l. 40. l. 41. l. 42. l. 43. l. 44. l. 45. l. 46. l. 47. l. 48. l. 49. l. 50. l. 51. l. 52. l. 53. l. 54. l. 55. l. 56. l. 57. l. 58. l. 59. l. 60. l. 61. l. 62. l. 63. l. 64. l. 65. l. 66. l. 67. l. 68. l. 69. l. 70. l. 71. l. 72. l. 73. l. 74. l. 75. l. 76. l. 77. l. 78. l. 79. l. 80. l. 81. l. 82. l. 83. l. 84. l. 85. l. 86. l. 87. l. 88. l. 89. l. 90. l. 91. l. 92. l. 93. l. 94. l. 95. l. 96. l. 97. l. 98. l. 99. l. 100.* Quoties tamen donationis titulo qui lucratius est, res possidetur, nulla fraudis scientia in donatario exigitur *l. penult. C. cod.* Nec enim verendum est ne iniuria afficiatur donatarius qui ignorauit, cum ei lucrum extorquetur, non damnum infligatur,

ut ratiocinatur Vlpianus noster in *l. quod autem 7. §. simili modo D. cod.* Quod etiam pertinet distinctio à Venuleio tradita in *l. ult. §. si à facere vers. at si neuter eod. tit.* Et si autem sufficeret nobis dicere, Vtrumque falsum esse quod interpreteres pro vero assumunt, Et teneri venditorem ad hoc præcisè ut rem tradat, Et dandam ei esse reuocatoriam ad auocandam rem à posteriore emptore, quemadmodum in præcedentibus probauimus, Nec proinde posse bonam & veram esse conclusionem aut conclusionem quæ ex tam falsis propositionibus inferatur, Placet tamen errorem tam absurdum & iniquum pluribus refellere. Scio quod vulgo iactari solet, Meliorem causam esse debere illius qui certat de damno vitando, quàm eius, qui de lucro captando, *l. ultim. §. si verò creditores Cod. de iur. delib.* Quæ sententia esse creditur eius regulæ quam Vlpianus tradit in *l. non debet 41. §. 1. De regul. iur.* In re obscura melius esse fauere repetitioni, aut vt alij legunt, retentioni, quàm aduentitio lucro: Sed id intelligendum est non solum in dubio & in re obscura, vt Vlpianus loquitur, sed etiam cæteris paribus. Nam cum cætera non sunt paria nulla iuris aut æquitatis ratio facit, vt omnimodo debeat esse durior & deterior condicio eius qui titulum habet lucratiuum. Alioqui dicendum erit, Creditori nouo, qui non alia ratione indemnisi seruari possit, permittendum esse vt auocet omnia, quæ longo antè tempore ac citra vllam fraudis suspicionem alij donata inueniantur: quod tamen nemo vnquam dixit, Fraudis enim suspicionem aliquam allegari, & probari necesse est ad infirmandas donationes, quæ factæ sint, antequàm ius vllum alij in re donata esset quæsitum *l. post contractum 15. D. de donat. l. si aliquis 7. D. de mort. caus. donat.* Atqui non sunt cætera paria cum res vni quidem vendita est sed non tradita, quæ aliter subinde & donata & tradita est. Cum enim traditio illa sit per quam solum licet non nudam dominium transfertur à domino in non dominum, quòties à domino ea facta est, Cur non obsecro melior esse debeat condicio donatarij cui à domino res tradita est, quæ alij priùs fuerat vendita, quàm emptoris, qui emerit tantum, aut etiam si voles precium soluerit, sed tamen numquam rem per traditionem acceperit? Tritum enim est, Traditionibus tantum non etiam nudis tamen si iustis conuentionibus rerum dominia transferri *l. traditionibus 20. Cod. de pact.* Quid ergo hic dubij vel obsecro esse potest, cur non potior esse debeat causa donatarij, quàm emptoris? Maximè verò in quæstione dominij, & cum agitur de iure vindicationis. Nam si tractemus de actione reuocatoria, iam ostendimus non posse illi locum esse ad auocandam rem à possessore per emptorem, qui se & creditorem, & fraudatum velit dicere. Et si enim non nego facilius dari posse reuocatoriam contra donatarium qui titulum duntaxat lucratiuum habeat quàm contra secundum emptorem qui habet onerosum, Nego tamen dari eam vnquam posse, quin missus sit creditor in possessionem vniuersorum bonorum debitoris ad ea distrahenda, vt ex eorum distractione possit redigi pecunia quæ debetur, adeoque quin secuta sit venditio, cum annus intra quem agendum est reuocatoria non computetur nisi ex die vèditionis factæ bonorum *d. l. ait Pretor 10. §. annus.* Ideoque positus est in Pandectis Titulus, *Qua in fraud. credit. post titulos Quib. ex causis poss. ant. & De reb. author. iudic. possid.* aliòque ad eum tractatum pertinentes, vt ex ipso edicti prætorij ordine intelligamus eo demum casu reuocatoriz actioni locum esse quo aliis partibus edicti iam fuerit satisfactum. Porro an is cui vendita res aliqua fuit & non tradita mitteri debeat in possessionem vniuersorum bonorum venditoris prætextu fraudis, quam

quam commentus ille fuit alienando subinde & tradendo eandem rem alteri, non ex iure & persona secundi acquisite aestimandum est, sed ex persona prius debitoris, quippe qui bonorum suorum custodiam & venditionem pati cogitur, non tanquam fraudator sed tanquam debitor. Nemo autem dixerit aut debitorem magis eum esse ob id quod rem iam venditam alij postea donauerit, aut immutari ex eo causam debiri quominus eadem maneat, quæ erat priusquam donaretur. Ponimus enim contractum debitum fuisse per venditionem quæ facta sit ante aliam quamlibet eiusdem rei alienationem. Itaque si ea in causa erat hic venditor ut in bonorum eius possessionem mitti emptor deberet ob nondum traditam rem venditam, cuius tamen precium fortè iam solutum esset, aut ut mitti non deberet, non eo magis aut minus erit permitenda missio illa & distractio bonorum vniuersorum, quod res iam vendita postmodum alij vel vendita sit vel donata. Quod enim ex postfacto sit, & ex accidenti, priorem rerum statum iurisque causam immutare nullomodo potest: Nec quoddam fauorabilior est secundus emptor, quam donatarius, facere debet ut durior em causam venditoris esse oporteat ob id quod eandem rem alij postea donauerit, quam si eam vendidisset. Viroque enim casu perinde facit improbe venditor, imò improbius qui eandem rem duobus vendidit, quam qui vni venditam alij donat, cum posterior venditio non tantum mendacij sed etiam avaritiæ infamiam exprobrat venditori, subsecuta autem donatio, prodigalitati potius & infantiæ. Cur ergo permittamus primo emptori ut mittatur in possessionem vniuersorum bonorum sui venditoris, ob id solum quod nondum fuerit tradita res vendita, quæ necdum alij vlli aut iterum vendita fuerit aut donata? Aut si donatio subsecuta sit & in alium collata, cur ob id potius quoddam donata sit quam si alij nondum donata fuisset? Cur rursus ob id potius, quoddam donata sit, quam si alij vendita proponeretur? At neque alia me mouet iuris regula, quæ habet, Cum de lucro duorum queritur meliorem esse causam possidentis *l. nemo prado est* 126. §. *ultim. De regul. iur.* Nam si ex eo inferas à contrario sensu, Non ergo meliorem possidentis causam esse debere illo quoque casu quo non de lucro duorum queratur sed inter eos contendatur, quorum vnus lucratiuam causam habeat, alius onerosam. Admittam equidem consecutionem sed ita demum si cætera sint paria & termini sint habiles, ut nostri loquuntur. Id enim est quod ait alia iuris regula, de qua iam diximus, In re obscura melius esse fauere repetitioni, quam aduentitio lucro, Cum is qui repetit non possideat. Qua de causa nec illud probare possum quod quidam in ea regula emendant tolluntque dictionem illam *repetitioni* ut reponant *retentioni*. Quasi nullo præcipuo fauore dignus sit is qui titulum habet onerosum si non & ipse possideat. Quod certe non ita est. Fauor enim illius præcipue in hoc elucet ut quamuis non possideat idèoque non possit consulere sibi per retentionem, possit tamen uti repetitione aduersus possidentem etiam si nihil sit quod possidenti imputare possis aliud nisi quod causam habet lucratiuam. Eiusque rei exempla sunt in actione Pauliana & reuocatoria quæ datur creditori contra donatarium quamuis ignorantem, nulliusque fraudis conscium *dist. l. quod autem* 7. §. *simili modo & dist. l. ultim. §. si à socero ad fin. D. qua in fraud. credit.* Itemque in creditore aduocante rem datam & traditam legatario per heredem qui beneficium legis & inuentarij agnouerit *dist. l. ultim. §. si verò creditores. Cod. de iur. delib.* At species quam tractamus longè alia, planèque diuersa est. Qui enim ab alio rem

aliquam emit, tametsi precium iam soluerit, & idcirco possit creditorē se dicere ex causa onerosa, nullum tamen idē ius habet in re vendita, nec in rem sed tantummodō actionem personalem aduersus vēditorem, Eāmq; non præcisam ad hoc vt vēditor omnino rē tradat, sed ad hoc tantū vt si nolet, aut nō poterit tradere, tanti condēnetur, quanti emptoris interest. Igitur si contingat rē illam venditā postea donari alteri & tradi, non potest solus fauor tituli onerosi facere, vt eo magis permittendū sit emptori, qui dominus nō est, vindicare rē à donatario qui vere dominus est licet ex causa tantūm lucratiua, aut agere reuocatoria pro credito cuius nomine nondū fuerit missus nec mitti vnquam possit in possessionem vniuersorū bonorū venditoris. Totus enim effectus actionis reuocatoriz, vt suprà diximus, in eo consistit vt rescissa traditione & alienatione per quam fraudatus est creditor qui in possessionem vniuersorum bonorum debitoris missus fuit, etiam in possessionem huius rei per fraudem alienatæ & traditæ missus intelligatur, tanquam quæ in bonis debitoris perpetuò mansisse existimetur, & in qua proinde non minus quàm in cæteris bonis omnibus debitoris pignus prætorium ex auctoritate prætoris constitutum esse videatur: quod porro constat nec aliter nec priùs constitutum intelligi, quàm ventum sit in possessionem *l. non est mirum 26. §. 1. D. de pignorat. act.* Denique ius aliquod pignoris in re ipsa contractum esse oportet, vt possit illa per creditorem auocari ab eo qui dominus eius rei iam factus sit per traditionem; Adeoque necesse esset ius illud pignoris esse antè dominio possessoris vt contra possessorem exerceri posset, nisi fauor iusti creditoris ex vna parte, & odium fraudis à debitore factæ ex altera, æquitatem Prætoris mouisset ad inducendam reuocatoriam etiam contra eum qui dominus factus esset ante constitutionem prætorij pignoris, facta per fraudem alienatione. In quo potentius est ius prætorij pignoris quàm iudicialis quod nunquam constituitur in re quæ sit eo tempore extra bona condemnati *l. à Dino Pio 15. §. si rerum D. de re iudic.* Sed cum illa tamen distinctione, vt si is cui res fuit tradita causam habeat lucratiuam perinde teneatur reuocatoria siue participauerit fraudem siue ignorauerit, quod æquius sit faueri creditori qui certat de damno vitando, quàm donatario qui de lucro captando, Si verò causam possidendi habeat onerosam, non aliter exerceri reuocatoria contra eum possit, quàm si fraudis confcius & particeps probetur: Ne ius quod ab initio æquum fuisset postea iniquum fieri inciperet si secundus emptor in damnum incideret, vt primus indemnis seruaretur. Neque enim beneficium Prætoris aut Principis cuiquam debet esse vnquam iniuriosum *l. ex facto 43. De vulgar. & pupill. substitut. l. Paulus notat 8. De prator. stipulat.* Atqui nullum ius pignoris habet emptor in re sibi vendita neque conuentionale siue expressum, siue tacitum, neque prætorium, neque iudiciale vt quiuis videt. Nihil ergo iuris habere potest ad rem illam à donatario auocandam; Nec si donatarius venditionem alij factam sciuerit, Multò minùs si ignorauerit.

ERROR DECIMVS.

*De eadem re pluribus separatim donata & posteriori donatario tradita.
Ad postremam partem d. l. quoties 15. Cod. de
rei vindic.*



HIC tamen nostræ sententiæ obstare videri possit ac pro in-
terpretum opinione vrgere quod Imperatores in *dist. l. quoties*
15. Cod. de rei vindic. postquam rescripserunt, Eadem re duobus
separatim à domino vendita, potiore esse debere illum
cui priori tradita sit, non qui prior emerit, subiiciunt in hæc
verba *cum es si ex causa donationis utrique dominum rei vindicetis, eum cui priori possessio sibi tradita est, potiore haberi conueniat.* Videntur
enim huiusmodi verbis innuere, Aliud ergo dicendum esse si non ex causa dona-
tionis vterque dominum rei vindicet, sed vnus ex causa donationis, alius
ex causa emptionis. Alioqui non facillè dici poterit cur ita locuti sint Impera-
tores si hoc quoque senserunt vt eum cui posteriori tradita sit res ex causa dona-
tionis præferri oporteat ei qui prior rem emerit, necdum tamen eam per tra-
ditionem acceperit. Nec sanè alius iuris nostri aut locus aut color est quo de-
cipi probabilius interpretes potuerint. Non animaduertentes tractari ab Im-
peratoribus casum illum quo traditio utrique facta sit ab eodem qui vtriusque
contractus tempore fuerit dominus & consequenter tempore prioris traditio-
nis, non etiam posterioris. Nam qui ex iusta aliqua causa præcedente iam tradi-
dit rem cuius dominus erat cum traderet, fieri certè nequit vt non desierit esse
dominus qui per eam traditionem dominum fecit accipientem. Proinde mi-
rum non est in rei vindicatione præferri eum cui priori res tradita est, Non tam-
quasi potiore si subtilius intueare quamuis ita loquatur Imperatores, & quo-
modo loquendum omnino esse si de concursu duorum creditorum hypothe-
cariorum contenderetur, Quàm quasi solum dominum, vt in alia specie loqui-
tur Papinianus in *l. 2. D. qui potior. in pignor. hab.* quia verum est alium cui poste-
riori res tradita est, neque factum esse dominum, neque fieri à non domino po-
tuisse. Quæ ratio eisdenter procedit siue eadem res duobus vendita, siue duobus
donata & singulis tradita proponatur. At nos eum casum tractamus, quo res ea-
dem vni quidem vendita sit, & donata alteri, sed tamen soli donatario tradita,
non etiam emptori. Quo casu stulta sanè & absurda quaestio est, Vter in rei vin-
dicatione præferri debeat, An donatarius qui per traditionem à domino factam
effectus est dominus, An verò emptor qui licet prior coëraxerit & quidem cum
domino numquam tamen dominum nancisci potuit nulla ei facta traditione,
vt in *l. qui tibi 6. C. de hered. vel act. vend.* Quænam enim dubitandi ratio esse po-
test, An dominus ille sit cui neque res tradita est, neque alio vltro ex legitimis
modis transferendi iure Quiritium dominij acquisita? Aut an vindicationem
habere debeat is qui non est dominus nec gentium iure nec ciuili *l. in rem 23. D. de rei vindic. l. vlt. C. cod.* Cum verò vtrique facta traditio est, & quidem ab eo-
quem negari non potest vtriusque contractus tempore dominum fuisse, Posset
vterque non improbabilius contendere se dominum, nisi fortior illa ratio in-
pediret, quòd neque possunt duo eiusdem rei domini esse in solidum, vt *g. l. 5. §. si
duobus vehiculū D. commod.* neque dominus esse is cui res tradita est ab eo qui do-

minus esse iam deficiat. Idque significant verba illa Imperatorum in *dict. l. quoties, manifesti iuris est enim cui prior traditum est, in detinendo dominio esse potiorum*. Non quasi uterque sit dominus nec de alio quæri oporteat quàm vter dominus remanere debeat, sed quòd utroque contentente se esse dominum, & eo qui non possidet volente possidentem expellere, quæstio illa necessario expedienda sit, vter sit potior in detinendo dominio, Sed an non potior esse debeat in dominio detinendo is qui possidet, & quem non tam de dominio obtinendo quàm de eo detinendo laborare oportet cum iam possideat. Quemadmodum in interdicto Vti possidetis utroque dicente se possidere non quærimus, Vter sit potior in detinenda possessione cum vnus tantum detineat, quia nec duo eandem rem possidere in solidum possunt *l. 3. §. ex contrario D. de acquirend. possess. l. duo in solidum 19. D. de præscr.* Sed an non debeat esse potior in interdicto qui probat se possidere. Quamquam exemplum hoc in eo dissimile est, quod non nisi insulse posset ita concipi quæstio, An in detinenda possessione potior esse debeat is qui possidet, cum alius non possit detinere possessionem quàm qui possidet, nec alius possidere, quàm qui possessionem detinet. Illa verò commodè proponi potest, An in detinendo dominio potior esse debeat is, cui priori res tradita est, quia aliud est Dominium detinere, aliud verò Rem per traditionem acceperisse. Sicut & aliud plerumque est Rem per traditionem accipere, Aliud verò rei dominium obtinere, Item aliud Possidere, Aliud rei dominium retinere cum fieri possit vt dominium habeat & retineat etiam is qui non possidet. Detinere tamen dominium is tantum dicitur qui rem ipsam detinet ac possidet. Eo namque verbo factum magis quàm ius significatur *leg. stipulatio ista 38. §. hæc quoque stipulatio versic. plane si tenere. D. de verborum obligation.* At obtinendi & retinendi verba magis ad ius referuntur. Ideoque dominium quod iuris non facti est obtineri per se potest & retineri sed non detineri sine possessione, quæ ex contrario facti magis quàm iuris est *l. denique 19. D. ex quibus caus. maior. l. 1. §. si vir uxori D. de acquirend. possess.* Quid inquires, An non æquè verum est cum res aliqua vni fuit vendita, sed non tradita, alij verò & donata & tradita non modò potiorum esse in detinendo dominio eum qui tradita est licet possideat ex causa lucratiua, sed etiam solum dominum esse acsi tradito ei facta esset ex causa posterioris venditionis? Nōne donationis causa æquè iusta & legitima est ad transferendum per traditionem dominium, ac causa venditionis? Ita planè est *l. nunquam nuda 31. D. de acquirend. rer. dom. §. per traditionem Institut. eodem.* Cum non ergo dicimus, Etiam si non inter duos emptores, aut donatarios contendatur quibus singulis res tradita sit, sed inter emptorem qui prior emerit necdum tamen rem per traditionem acceperit, & donatarium cui soli tradita res fuerit, perinde tamen præferendum esse in dominio, & rei vindicatione donatarium acsi emptor ille esset, aut cum alio donatario nō cum emptore negotium haberet? Aut quid prodesse potest emptori quòd venditorem suum obligatum habet ad tradendum, cum nec si tradito sequeretur proficere tamen quicquam posset emptori ad dominium acquirendum, tanquàm ab eo facta qui per traditionem iam alij facta dominus esse defuisse? *d. l. qui tibi 6. C. de her. vel act. vñd.* Sunt hæc omnia aded vera vt nullus apud me dubitationi locus relinquatur quin donatarius cui soli res tradita est præferendus omnino sit emptori cui res nūquam tradita fuit. Sed an

& ei cui perinde tradita quidem res fuerit, sed posteriori licet prior contraxerit? Sic quoque existimo. Tunc enim praefertur prior venditor, tum quoque cum emit à nondum domino, quando ei tradita res est eodem tempore vt in *l. si à Titio 72. D. de rei vindic.* quia plus potest traditio facta ab eo qui nondum dominus est, & qui postea factus dominus etiam si nōdum rem tradidisset, tamen implere venditionem cogere *l. si quis 46. D. de action. empt.* quā quā fit ab eo qui iam dominus esse desiit. Ius siquidem superueniens confirmare potest traditionem quā ab initio nullum ius tribuere potuit, vt in *l. cum res 5. C. si alien. res pignor. dat. sit.* At traditio quā fit eo tempore quo iam nullum ius tradendi competit, effectum nullum habere potest. Nec repugnant Imperatores in *d. l. quoties*, vbi haec species, vt dixi, non attingitur, Tantū abest vt in contrarium aliquid eo rescripto constituatur. Quod enim subiiciunt de re duobus donata, eō tantū pertinet, vt intelligamus dubitari non posse, quin ex duobus emptoribus is praeferrī debeat cui priori res tradita est, Cum & in duobus donatariis idem obtineat. In quibus tamen potuisset quis non immeritō existimare aliud dicendum esse, ob illam iuris regulam quā habet, Quoties vtriusque causā lucri ratio vertitur cum praeferrendum esse, cuius in lucro causa tempore praecedit *l. quoties vtriusque 98. de reg. iur.* Cum enim facta pluribus donatione eiusdem rei vterque causam lucrativam habeat, & causa lucri sit donatio, consequens videtur, vt qui prior donationem inruit praeferrendus sit, licet non priori ei tradita res probetur, sed intelligi debet illa regula ceteris paribus. Cetera autem non sunt paria, cum donatario posteriori tradita res prius fuit, quia traditio à domino facta dominum facit accipientem, & consequenter impedit ne alius donatarius quantumvis prior tempore in titulo donationis fieri dominus ex ea donatione vnquam possit, Nec si millies eidem res tradatur ab eodem donatore qui iam dominus esse desierit. Quid si inter ipsos quoque donatarios id obtinet, vt posterior cui prius tradita res est praeferratur priori, Quāto magis idē dicendum erit in pluribus emptoribus cum posterior emptor causam habeat onerosam, tantōque minus ferendum sit, vt ei res auferatur cuius dominus esse cepit? Nam etsi secunda venditio in fraudem creditorum facta esset à venditore, non aliter tamen auferenda res esset posteriori emptori per creditores fraudatos agentes reuocatoria post impetratam ex edicto possessionem & distractionem bonorum venditoris, quā si emptor hic posterior fraudem cum venditore participasse probaretur: Cum tamen in eo qui non nisi ex donationis causa rem sibi traditam possideret, indistinctē admittendum esset eo casu auferendam ei rem esse, non quidem per vindicationem, & proposita questione dominij, sed per reuocatoriam, secundum ea quā in superioribus disputauimus ex *d. l. quod autem 7. §. simili modo C. l. ult. §. si a socio ad fin. D. qua in fraud. credit.* Ceterum non probat ea res quin tam fauorabilis causa esse debeat donatarij cui priori res tradita est contra emptorem anteriorem, cui vel nunquam, vel non nisi posteriori tradita fuerit, quā esset contra donatarium qui prior donationē meruisset, nūquā tamen vel non nisi posterior rem per traditionē accepisset. Sed quia tam multa dicere cepimus, De re pluribus vendita vel donata circa interpretationem *d. l. quoties 15. C. de rei vindic.* paulō diffusiū tractanda res est, vt constare possit quid nobis de tota illius legis sententia videatur. Est enim lex satis difficilis & male ab interpretibus tam veteribus quā recentioribus explicata, & quā mihi videtur egere aliqua emendatione.



ANTONII FABRI

I. C. SEBVSIANI IN SVPREMO

SABAVDIÆ SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DECAS LXXXVI.

ERROR I.

De sententia & variis interpretationibus l. quoties 15.

C. de rei vindic.



ONVNT Imperatores in *l. quoties 15. C. de rei vindic.* distractum ab eodem venditore fuisse prædium plurib. emptoribus in solidū: quod idem esse putat Accursius, ac si dicerent distractum fuisse separatim & diuersis temporibus quasi fieri nequeat ut eodē tēpore vēdatur eadem res pluribus, ita vt vendatur singulis in solidū, quia cum plures simul emunt & eodem contractu, necesse est vt emanet coniuncto dominio, id est pro sua quisque & dimidia parte vt in *l. 2. C. pro socio*. Hic verò primus mihi videtur error Accursij & Accursianorum in huius legis explicatione. Sic enim proculdubio intelligi Imperatores debent, vt eodem contractu, & quod idem est, eodem tempore eadem res fuerit vendita duobus in solidum. Adidique postrema hæc verba necesse fuit ad excludendum illum casum, quo duobus simul quidem & eodem tempore fundus esset venditus, sed non in solidum. Eo siquidem casu non singulis in solidum, sed pro virili cuiusque portione venditus intelligeretur *l. reos 11. §. cum tabulis D. de duob. reis. l. fundus sile 64. D. de contr. empt.* Adiecta verò illa verba in *solidum*, cum ita sint accipienda, non vt utrique simul, sed vt singulis & vniciq; in solidum venditio facta sit, faciunt sanè vt duo correi ex causa emptionis constituti esse videantur. Nemo enim dubitat quin verū sit quod Papinianus scribit in *l. eandem 9. D. de duob. reis*, non tantum verbis stipulationis posse fieri duos reos promittendi, sed & cæteris contractibus, Veluti emptione, inquit, venditione, locatione, conductione, deposito, & commodato. Quomodo autē fieri possent duo correi debendi ex causa emptionis nisi fierent eo casu quo venditio eiusdē rei duobus simul facta sit in solidum? Nisi forte poneret omisā quidē adiectionem hæc in *solidum*, sed in eius vicē adiectū fuisse, ita vt duo correi emendi essent, vt in *l. §. cum tabulis*. Quæ verba sunt certè aptiora, sed nō aptiora ad constituendos correat emptionis, quam cum venditio eiusdē rei duob. simul facta est in solidū. Nā & iis verbis casus etiā ille excluditur, quē Accursius solū includi putat, quo facta sit venditio pluribus separatim. Quisquis enim

nim pluribus vedit separatim & diuersis cōtraſtib., is haud dubiè ſemper in ſolidū ſingulis vèdere intelligitur, niſi expreſſim dicar ſeparè vni vèdere, partem alteri *l. q̄ qua nondū 15. §. q̄ res ſuas D. de pign.* Eāq; ob cauſā Paulus in *l. qui duob. 21. D. ad l. Corneli. de falſ. tractās* de eo qui propter veditā duobus in ſolidū eandē rē incidit in legē Corneliā de falſis, addit *diuerſis cōtraſtib.* quoniam is qui eodē cōtraſtu eadē rē duobus in ſolidū vedit, neq; pœna falſi, neq; alia vlla coerçetur, cū eo modo nihil faciat illicitum, ſed duos ſibi acquirat correos ex cauſa emptionis, quod vtique facere licet. Quòd ſi Paulus in *d. l. qui duobus*, non adieciſſet verba illa *in ſolidum*, ſed ſimpliciter locutus fuiſſet de illo, qui duobus eadē rē vendidit, vtq; nec illa adieciſſet *diuerſis cōtraſtib.*, quia cū dicimus aliquē duobus vèdiſſe, nec aliud adiicimus, ſatis hoc ipſo vtrūq; ſignificamus, quòd & ſeparatis cōtraſtibus vèdiderit, & vnicuiq; in ſolidū. Sed ſicut adiectio illa *diuerſis cōtraſtib.* neceſſaria eſt, cū ponimus eandem rē duobus veditā eſſe in ſolidū, ne duo correi debendi ex cauſa emptionis conſtituti exiſtimetur, Ita & remotis verbis illis neceſſaria eſt ea adiectio *in ſolidum*, vt appareat id actum fuiſſe, vt duo correi debendi conſtituerentur, nō autē vt res vendita vnicuiq; ex emptorib. pro virili rātū ipſi^o portione acquireretur. Itaq; ſicuti nō probo quod Accuſius ad hanc legem & Iacob. Cuiacius *lib. 18. obſer. cap. 31.* putant intelligēdū eſſe reſcriptū hoc de re plurib. ſeparatim & diuerſis tēporibus vedita, Sic neq; quod aliis quibuſdā placet de ea venditione intelligi debere, quæ pluribus facta ſit ſimul tantū, id eſt non addito eo & *in ſolidum*, quoniam omiſſa illa adiectione fatendum eſſet, non niſi viriles partes ſingulis venditas videri, Qui caſus non reciperet dubitationem & quæſtionem illā quæ in hac lege proponitur, Vter ex emptorib. potior eſſe debeat in detinendo & vindicādo dominio: Quandoquidē eſſet vterque non tam potior, quàm ſolus dominus in ſua quiſque portione, nec in alterius parte quicquā iuris ex cauſa emptionis habere alter poſſet, qui eā non emiſſet. Neque tamen hoc quod dicimus, Poſſe duobus ſimul eadē rē in ſolidū diſtrahi, & ex ea cauſa emptionis duos debendi correos fieri, ſic accipiēdū eſt, quaſi perinde fieri poſſit vt & dominiū & poſſeſſio rei veditæ vtriq; emptori ſeparatim in ſolidū acquiratur. Nec enim aut dominiū, aut poſſeſſio duorū in ſolidū eſſe poteſt *l. ſi vt certo 5. §. ſi duobus vehiculū D. cōmod.* quia nec traditio per quā & poſſeſſio, & cū poſſeſſione dominiū acquiritur fieri plurib. ſimul in ſolidū poteſt, Licet vel vtrique ſimul fieri ſimpliciter poſſit, vel vni tantū nomine tamē vtriuſq; quod cū ſit, vterq; quidē poſſeſſor ſit & dominus, ſed cōiuncta poſſeſſione & cōiuncto dominio vt loquūtur iidē Imperatores in *d. l. 2. C. pro ſocio*. Nēpe aliud eſt ſic vèdi eadē rē plurib. in ſolidū, vt vnuiſq; ipſorū emptor ſit in ſolidū, ex eaq; cauſa ſolidū preciū debere incipiat, ac ſi ſolus emiſſet. Aliud verò eſt, vt vnuiſq; in ſolidum & poſſeſſor & dominus ſiat: Ex quēadmodū poteſt quid nobis deberi ex pluribus cauſis, licet noſtrū eſſe ex plurib. cauſis non poſſit *l. non vt ex pluribus 159. de regul. iur.* Ita nec quicquā vetat pluribus eandem rem in ſolidum ex cauſa venditionis deberi, & e cōtrario plures in ſolidū debere ſingulos preciū eius rei quā ſimul & in ſolidū emerint, Quæ tamē ſingulis acquiri ſimul in ſolidū non poſſit. Proinde cū dicimus factos eſſe duos plureſve correos emēdi nō ad ius dominiij vel poſſeſſionis reſpicimus, ſed ad ius tantū obligationis & actionis quæ ex eiſmodi cōtraſtu naſcitur, ſicuti & cū dicimus factos duos correos debendi ex cauſa cōmodari non de transferenda in eos omnes & ſingulos in ſolidum poſſeſſione intelligimus, ſed de vſu ſingulis in ſolidum acquirendo, ita vt alter per alterū vti videat.

tur, & alter per alterum agere quoque & conueniri d. f. si duobus, cum legib. seq. D. conmod. Similiter igitur dicendum est, Cum duobus simul & in solidum idē prædium iure distractum est, habere quidem singulos ius agendi contra venditorem, vt prædium quod vendidit tradat in solidum ei qui solus & primus agit, si non iam id alij tradiderit. Sed tamen non ideò fieri posse vt vtrique simul & vnicuique ipsorum iradat in solidum, non magis quam vt vtrumque separatim faciat dominum in solidum aut possessorem. Quod cum ita sit, necesse est, vt si consentiant in traditione hactenus vt vel vtrique res tradatur, vel quod effectus idem est, vni quidem sed vtriusque nomine, coniungantur in possessione & dominio, ac vniutq; isque pro dimidia parte & possessor & dominus factus esse intelligatur d. l. 2. C. pro socio. l. huiusmodi 84. §. vii. de legat. 1. Si verò dissentiant, & petat quisque sibi soli & in solidum rem tradi, quia pluribus sic tradi non potest, locus sit gratificationi & electionē habeat venditor cui tradere malit & g. l. vlt. in prin. D. de relig. & sumpt. fun. & quidem impunē, id est, ita vt cum vni tradiderit etiam inuito altero correo emptionis, ab altero tamen correo liberatus sit, neque conueniri ad tradendum amplius possit, quandoquidem ita fecit ex lege & natura venditionis, quam pluribus simul & in solidum fieri contrahentes voluerunt. Sic verò impleta fide contractus, vt venditor distractum prædium vni tantum ex emptoribus tradiderit, eique accipienti in solidum suo folius nomine, cum nulla possit esse querela alterius emptoris, cui tradita res non est aduersus venditorem, cui nihil obici aut imputari potest, sola inter emptores ipsos quæstio superesse potest, quis in causa dominij & vindicationis potior esse debeat, siue alter ipsorum possideat & conueniatur à correo emptionis, cui nunquam tradita res fuerit, siue neutro possidente ambo agant rei vindicatione contra possessorem tertium, quisquis alius ille sit. Rescribunt itaque Imperatores ad vtrumque caput huius quæstionis, vt puto: Et quidem ad primum, prioribus illis verbis legis *Quoties duobus in solidum prædium iure distrahitur, manifesti iuris est eum cui prior iraditum est in detinendo dominio esse potiorē.* Quæ sententia quanuis aperta videatur, multa tamen continet quæ interpretes vel non obseruant vel malè explicant: Atque imprimis dictionem illam *iure* quam Accursius noster variis donat interpretationibus. *Iure*, inquit, *in præiudicium venditoris cum teneatur vtrique.* Parum subtiliter. Fieri namque potest, vt quis nullo iure rem siue suam siue alienam distrahat, nec eo minus tamen in id tantò magis obligetur ad precij restitutionem vt in l. 2. C. si vendit. pignor. agat. l. si quidem 11. l. vter e 14. l. si prædium 16. C. de præd. minor. l. sua rei 16. l. rem alienam 28. D. de contr. empt. Addit *vel iure, id est non dolo.* Equè malè. Dolus enim non iuris, sed facti est, ideòque probari debet ab eo per quē allegatur l. dolum 6. C. de dolo. l. quoties 18. §. 1. D. de probat. Eadēque ratio facit vt illa quoque interpretatio reiicienda sit, quam subiicit *iure id est bona fide.* Nam & facti non iuris est illa quæstio, An bona fide venditio facta sit necne, cum & bona & mala fides inducatur ex scientia vel ignorantia rei alienæ vt plurimum, Et mala fides quidē ex scientia veritatis, bona fides verò ex aliquo errore probabili l. qui fundum 7. §. qui bona fide D. pro emptor. Subiungit *vel sine dolo secundum quosdam.* Quam interpretationem Cuiacius quoque supradictō loco secutus fuit, quæ tamen omnium improbabilissima est. Qui enim dicit Venditionem iure factam esse, dicit quid affirmatiuum, & vt loquuntur, positiuum: Qui verò dicit *sine dolo malo*, negatum quid & simplex abnutiuum, vt Paulus loquitur in l. inter stipulantes 83. in prin. De verb. oblig. Nec sanè quicquam verat fieri venditionem sine dolo

malo quę tamē nō iure fiat, puta si qua res sit quę iure impediat vēditionē, & quā tamen venditor ignoret. Veluti si putet se verum tutorem aut procuratorem cū non sit. Si enim tanquam talis vēdat, equidē vendit sine dolo malo, sed non iure quia ius vēdēdi non habet, quāvis putet se habere. *l. bona fidei 109. De verb. sign.* Nec iuuare potest hanc interpretationem quod affert Cuiacius *ex l. si ea res 31. §. ult. De action. empt.* in illis verbis cū emptio venditioque sine dolo malo fieret. Perinde namque errare te dicam, si ea verba sic explices, ac si scriptum esset cū emptio venditioque iure fieret nec vnquam patiar, vt ista pro synonymis vsurpes iure & sine dolo malo. Præter id quod supradicta illa verba, quę retulimus *ex d. §. ult.* mihi valde suspecta sunt, nec immeritō vt ex sequentibus apparebit. Postrema interpretatio Accursij est *vel iure quantum ad vendentis præiudicium. Non autem iure, quia iure incidit in legem Corneliam de falsis, vi D. ad leg. Cornel. de fals. l. qui duobus.* Secundum quam interpretationem admittendum esset eādē venditionem dici factam iure & non iure: Quod ferendum non est, ne quidem diuersis respectibus. Ius enim semper & vbique ius est, ac sui simile, nec vnquā secū pugnat. Sed præcipuus error Accursij in hac interpretatione ille est, quod putat Imperatores de ea venditione tractare quę lege Cornelia de falsis coercetur, quod non ita est. Lex enim Cornelia, vt iam diximus, non punit eum qui duobus vendit eandem rem simul & in solidum de quo Imperatores loquuntur, sed eum tantum qui duobus vendit in solidum quidem, at diuersis contractibus, *d. l. qui duobus.* Ex quo moneri tantō magis Accursius debuit, ne legem hanc quę ponit iure factam esse venditionem de eo venditore intelligeret, qui eandem rem diuersis temporibus vendidisset. Quamquam in hoc etiam errat, quod putat eo casu quo idem venditor eandem rem duobus vendiderit diuersis contractibus, non videri iure factam esse venditionem. Cū enim facta sit ab eo qui vendendi ius habuit etiam posteriori emptori nondum tradita re anteriori, quia quandiu non tradidit, verum est perseuerasse illum dominum, consequens est, vt iusta venditio dicenda sit. Alioqui non transferretur ex ea dominium in secundum emptorem *l. numquam nuda 31. D. de acquir. rer. domin.* quod tamen transferri certum est *d. l. qui tibi 6. C. de hered. vel act. vend. l. 3. C. de his qui à non domin. manum. sunt.* Neque verō lex Cornelia de falsis huic venditioni resistit, vt eam fieri prohibeat, quod si esset vtique fieri illa iure non posset, sed factam punit, non tamen irrogata poena venditioni aut secundo emptori nec si eandem rem iam alij venditam esse sciuerit, sed venditori qui certē dolo carere non potest eandem rem duobus vendens in solidum diuersis contractibus *d. l. qui tibi.* Debuit ergo Accursius dicere, quod iam attigimus, Eam demum venditionē iure fieri, quę sit ab eo qui ius vendendi habet, siue dominus ille sit, siue non sit. Interdū nāque cūenit, vt qui dominus est, non possit vēdere, interdum etiam vt qui dominus non est vendendū tamen & alienandi ius habeat, vt pluribus docet Iustinianus *in tit. Quib. alien. licet vel non Iust.* Idcō autem necesse fuit tractare Imperatores de venditione iure facta, quia consulti erant de iure dominij & vindicationis quę soli domino competit, Dominium verō non ex qualibet venditione transfertur per traditionem, sed ex ea tantum quę sit iusta *d. l. numquam nuda.* Iusta portō esse non potest ea quę non sit iure.

ERROR SECVNDVS.

Ad l. qui tibi 6. C. de hered. vel act. vend. l. siue autem 9. §. si duobus De Public. in rem act.



EQVNTVR in lege verba illa *manifesti iuris est*, ex quibus apparet non de obscuro & dubio aliquo iure rescribere in hac lege Imperatores, sed de eo quod certum sit & manifestum, Ac proinde nihil causæ esse cur cum Cuiacio comminisci debeamus tractare illos de specie aliqua, quæ sit abstrusior & difficilior, quàm illa sit de qua iidem Impp. rescripserunt in *d.l. qui ibi* 6. C. de *hered. vel act. vend.* quæ vulgaris interpretum explicatio est. Tractat enim illa lex de eo qui post vniuersam hereditatem vni venditam, alij vendidit postea rem aliquam hereditariam. Et ait, Etiam vendita hereditate, antequàm tamen res hereditarias traderet, perseverasse ipsum dominum, & ideo vendendo eas alijs transferre dominium potuisse, sed quoniam fidem contractus fregit, conuentum illum actione ex empto quanti emptoris interest præstare cogendum esse. Quid verò manifesti iuris esse aiunt Imperatores? Ex duobus emptoribus quibus in solidum idem prædium iure distractum fuit cum cui priori traditum est in detinendo dominio esse potiores. Hoc verò Accursius noster illud ipsum esse putat, quod rescriptum est in *d.l. qui ibi*. Rationem enim adfert quòd venditor remanserit dominus etiam post primam venditionem. Vt proinde posteriorem emptorem cui prius tradidit dominum facere potuerit, Nimirum supponit ille quod nos refutauimus factam esse duplicem venditionem separatis contractibus, nec vtrique tamen traditum fuisse prædium, sed posteriori tantum emptori. Nā si priori prius quoque traditum esset, dubitandi causa penitus nulla fingi posset, cur non potiores esse oporteret eum qui non solum prior emisisset, verum etiam rei venditæ possessionem prior accepisset? At nos qui contra ponimus vnica duntaxat venditione distractum fuisse duobus prædium in solidum, factosque ex ea causa duos correos emptionis, non dicimus traditum fuisse prædium posteriori emptori, sed vni ex emptoribus, quisquis ille sit. Neuter enim aut prior aut posterior dici potest, cum ambo & singuli eodem econtractu in solidum emerint, quatinus necesse sit alterum ex iis priorem nominatum fuisse, alterum posterioriorem. Ordo siquidem scripturæ non impedit causam iuris ac voluntatis quoties constat quid actum sit *l. cum pater* 77. §. *fidei sua de leg. 2. iunct. l. nec enim* 6. *D. de solut.* In eo autem consentimus cum Accursio, quod non ponit vtrique traditum fuisse prædium, nec vni vtriusque nomine, sed vni tantum proprio suo nomine & in solidum accipiendi. Non, n. quod lex ait *cui priori traditum est* facere debet ut credamus vtrique fuisse traditum, priori vni, posteriori alteri. Sed potius ut vni duntaxat ex duobus, sed qui licet solus hac parte fuerit, prior tamen dici possit in comparatione non eius cui posteriori traditio facta sit sed cui etiā priori fieri poterat si venditor voluisset, cum esset ut diximus gratificationis, aut saltem præuentioni locus. Quāquā & in *l. siue autē* 9. §. *si duobus D. de pubic. in rem act.* vbi ea ipsa species tractatur, quam interpretes tractari putant in *d.l. quones* de re duobus separatiim vendita, & quidem qui vtrique bona fide emerint, sed à nō domino, ut proinde nō de vindicatione queri oporteat de qua sola queritur in *d.l. quones*, sed tantum de Publiciana, qui eorū magis Publiciana uti possit, Video Vlpianum in hæc verba scribere *utrum is, cui priori res tradita est, an is qui tantum emit.* Quib. tamen postremis verbis si quis significari putet non fuisse rem traditam vtrique emptori, sed alterum ex emptoribus, emisisset tantum, id est ita contraxisset ut prior quidem emerit, sed tamē rem emptam nunquā per traditionem acceperit, is certe meo iudicio errauerit. Omnino enim recipienda est hac parte, ut ego quidem arbitror licet ex supradictis Vlpiani verbis aliquatulum aliena videatur interpretatio Cuiacii.

iacij qui ea verba sic accipit, ac si scriptum esset *an is qui: tantum emi prior*, id est qui prior fuit in emendo tantum non etiam adprehendenda possessione. Agitur. n. eo loco de actione Publiciana quae certum est nunquam competere emptori qui tantum emerit quantum muis bona fide si non etiam possessionem rei acceperit per traditionem & qui de bona fide *l. l. 3. §. 1. sed et si 7. alias l. eum quis 5. vlt. alias l. traditionem eod.* Et Ulpianus ipse ponit eum cui priori res tradita non fuerat, sed qui tantum emerat possidere tamen rem venditam, cum sic distinguit ut dicat, siquidem ambo emerint ab eodem non domino potius esse illum cui priori res tradita est, Quod si à diuersis non dominis meliorem causam esse possidentis quam petitis: Sensus. n. est, Etiam si ei qui prior tantum emerat posteriori tradita possessio sit, vincere tamen illum debere si possideat eo tempore quo actione Publiciana utitur is cui priori tradita res fuit. Eo scilicet iure quo ceteris paribus, vincit possessor quilibet hoc ipso quod possidet *l. 2. D. uti possi.* Contra quoque si anterior emptor agat Publiciana aduersus posteriorem, quae tamen ponimus priorem adprehendisse possessionem [quod facile potest euenire si quo casu possessionem illam sibi quaesitam amiserit, cum quilibet agit Publiciana cum necesse sit & possedisse aliquando, & possessionem suam subinde sine ullo facto suo amisisse] Jaque vincere eum debere cui priori tradita res est, si possessionem quam medio tempore amiserat nunc recuperauerit, & hodie possessor sit. Vincet. n. non quia possessio ei priori tradita sit, sed quia hodie possidet: Qua ratione vinceret, etiam si in possessione adprehendenda prior non fuisset. De quo plura in sequentibus dicemus. Neque tamen valde repugnabo si quis pertinacius volet contendere Imperatores *in d. l. quoniam*, eum quoque casum tractare quo praedium duobus iure venditum utriusque traditum sit, Dummodò ponamus post traditionem factam ei qui posteriore loco traditum fuit, possessionem ad eum cui priori traditio facta fuerat rediisse. Ponunt namque Imperatores esse illum possessorem cum sic loquuntur *in detinendo dominio esse potius rem.* Nec admitti potest quod Accursius notat in verb. *potius*, siue agat siue cõueniatur. Et si. n. nõ nego quod Accursius dicere voluit, Eum cui priori res à domino tradita est potius rem esse debere in causa & questione dominij siue agat, siue cõueniatur. Nego tamen hanc interpretationem cõuenire verbis rescripti, quae dicunt potius rem illam esse in dominio detinendam. Nec. n. dominium dici potest detineri nisi ab eo qui rem ipsam possideat, quia sicut per possessionem ut plurimum acquiritur, ita non nisi per possessionem detinetur, cum sit iuris, possessio autem & detentio ipsa facti. Quauis etiam sine possessione, & amissa quoque ea retineatur, ut alio loco supra disputauimus. Quod & Accursius ipse praesentis cogitur interpretari de possessione quod lex ait de dominio. Valde improbabiler. Dominij siquidem & possessionis sicut nomina, ita & iura sunt omnino separata *vulg. l. naturaliter 12. §. nihil commune D. de acq. poss.* Attamen si minus nouum sit ut verbo possessionis proprietatis significetur *l. inter dñ 78. de verb. sign.* repugnante licet sermonis puritate ut constat *ex l. quae sitio est 115. eo. tit.* Inaudietum tamen est ut dominium dixerint nunquam prudenter vel Imperatores pro possessione. Nec melior Placētini interpretatio est supradicta verba accipientis de dominio praesumpto, quae haud dubie accipienda sunt de vero. Quidni. n. verus dominus ille sit, cui ex causa iustae emptionis traditio est à vero domino? Atqui verus dominus fuit venditor eo tempore quo rem tradidit vni ex emptoribus. nõdum alteri tradita, licet utriusque venditam. Quadiu. n. nulli tradidit, utique dominus ipse perseuerauit, tamen si eam rem separato contractu alij antea vendidisset. Admittendum igitur necessarium est, in detinendo vero dominio potius rem illum esse cui priori res tradita est, siue soli ei tradita sit, siue alij etiam postea. Nam quod adiecit Accursius vice nouae interpretationis *vel constabat vendenti in dominio esse prorsus*

ineptum est. Neque enim de dominio aut detinendo aut vindicando tractari oporteret si venditio à non domino facta proponeretur, sed tantum de possessione, vel de quasi dominio, Nec de directa & civili rei vindicatione, sed de pretoria quæ Publiciana appellatur, de qua in *d.l. siue autem 9. §. si duob. De publician. in rem act.* Tractari autem ab Imperatoribus in hac prima rescripti parte casum illum quo is cui siue soli siue priori tradita res est, idem possessor inueniatur, ut non de vindicando dominio laborandum habeat, sed tantum de eo detinendo & aduersus vindicantem defendendo, Ex eo intelligimus quod in altera & posteriore rescripti parte ita scribunt *eum etsi ex causa emptoris* [sic enim legendum esse non *donationis* in sequentibus ostendimus] *utrique dominium res vindicatis, eum cui priori possessio soli tradita est haberi potiorē conueniat.* Sic enim argumentantur Imperatores, ut cum cui priori possessio rei venditæ tradita est multo magis in detinendo dominio potiorē esse oporteat, cum etiā si de vindicando eius rei dominio ageretur, eundem tamē præferri oporteret. Qui enim potior est etiā ad agendum, cur non multo potior sit ad defendendum? Nempe consulti erant Imperatores ab eo ex emptoribus, cui priori tradita res fuerat, quique cum ex ea causa rem possideret, conueniebatur à correo emptionis directa rei vindicatione, Non tamen in solidum. Quo enim colore id faceret? Sed pro parte, Eo scilicet prætextu, quasi traditio vni facta eius rei quæ duobus vendita esset in solidum utrique emptori prodesse deberet, ad transferendum coniunctim dominium in utrumque, quod in singulos in solidum transferri nō potuit. Ac sanè ita esset si traditio vni quidem, sed vtriusque nomine facta probaretur. Nec enim quicquam vetat traditionem vni fieri nomine alterius, ita ut etiā per liberam personam possit acquiri possessio & per possessionem dominium etiā ignoranti *l. si procurator 13. l. traditio 20. §. vltim. D. de acquir. rer. domini. l. per procuratorem 8. C. de acquir. poss.* Sed præsumendus quisque est nomine suo fecisse potius quā alieno id quod utroque facere potuit, *l. & magis 4. D. de solut. nisi cum tenetur facere etiā alieno ut in l. vlt. D. quando ex fact. tutor.* Et is qui consulebat Imperatores in specie *d.l. quoties* proponebat non modò priori sibi traditam fuisse possessionem, sed etiā soli. Hic enim videtur sensus esse eorum verborum *cui priori possessio soli tradita est* in cōfirmationem eius quod initio posuimus. Non utrique emptori, sed alteri tantum fuisse in ea specie traditā re venditā, Nec enim soli tradita dici posset, quæ vni esset tradita vtriusque nomine, fatendum esset acquisitam eo casu esse rem utrique cōiuncto dominio ut in *d. l. 2. C. pro socio*, quia cum de rei dominio quæritur, non tã cui vendita res sit quàm cui & cuius nomine tradita inspiciendum est *l. si pater 8. d. l. si ancillam 21. C. de action. empt.* Etsi non ignoro posse dici Imperatores supradictis verbis *possessionem* soli dixisse pro possessione prædij. Soli enim res dicuntur omnes, quæ sunt immobiles. Sed tamen videtur aptior esse superior interpretatio, præsertim cum in præcedentibus dixerint *dominium rei non dominium prædij vel soli.* Expeditius namque fuisset scribere *possessio eius.* Quamuis parum referat an ponamus ei soli traditum fuisse prædij cui priori traditū est, an alteri quoq; sed posteriori. Sæpè enim verum erit potiorē fore in dominio, siue detinendo siue vindicando eum, cui res tradita fuerit, siue soli, siue non soli, dummodo priori.

ERROR TERTIVS.

De interpretatione Cuiacij ad d.l. quoties, & ad l. si à Titio 72. D. de rei vindic.

Non



ON tamen feram vt probes cum Cuiacio vtrique emptori fuisse rem traditam, sed vni priori, alteri posteriori ex eo quòd lex eum quoque casum tractat, quo res vtrique donata sit quasi donatio ineludat traditionem, nec possit vtrique donata esse eadem res, quin vtrique facta sit traditio. Etenim præter id quod iam monuimus subesse mendum in verbo *donationis* & repouendum *emprionis*, vt postea probabimus, falsum etiam est quod ille supponit donationis nomine traditionem quoque significari, cum sit notissimum non tantum traditione perfici olim potuisse donationem, sed etiam stipulatione. *l. Papi- nianus 23. D. de donat. int. vir. & vxor.* sicut hodie nudo etiam pacto, post *l. si quis argenium 35. §. ult. C. de donat.* Sed parcendum est viro doctissimo, qui vt no- uam suam interpretationem tueretur, necesse habuit minutias istas verborum sectari, & vndeque argumenta corrogare. Nova autem eius interpretatio hæc est, vt rescriptum illud accommodetur ad eam ipsam speciem quæ tractatur dilucidius in *l. si à Titio 72. D. eod. tit. De rei vindic. l. 2. De except. rei vendit. l. 4. §. si à Titio 32. De dol. mal. except.* De eo qui eandem rem duobus separatim non solum vendiderit, sed etiam tradiderit, Et quidem priori emptori prius, Posteriori verò posteriùs, sed priori eo tempore quo nondum erat dominus is, qui vendebat, Posteriori autem post adeptum eius rei dominium. In qua specie placet prudentibus eum cui priori res tradita est, quamuis à non domino potio- rem esse illo cui posteriori & vendita, & tradita sit à domino. Cur verò hanc speciem conquirat Cuiacius, ex eaque interpretatur rescriptum, cum in rescri- ptis verbis nihil sit ex quo possit colligi, Fuisse priori traditam rem à non do- mino, postea verò dominium obuenisse venditori, subindeque post acquisitum ex nouo iure dominium alteri venditam rem & traditam fuisse? Nimirum inquit, vt difficilius aliquid, Addamus, & à communi hominum sensu remotius, rescri- pisse Imperatores videantur. Probo sanè consilio nec improbando, si non lon- giùs petita esset interpretatio, ac nisi verba repugnaret: Primum illa *prædiū iure distrahiuntur*. Non enim iure distrahitur prædiū quod distrahitur à non do- mino qui vendendi ius nullum habet, siue bona siue mala fide distrahatur. Nul- lo enim iure vt vendat necesse est, quisquis distrahendi ius non habet. *l. 1. §. 2. C. si vendit. pignor. agat. l. si priusquam 8. l. qui à creditore 18. C. de distrah. pigno.* Item illa *in desinendo dominio*. Nam cum fieri nequeat vt dominium transferatur per traditionem factam à non domino, quia est in vulgari iuris regula, nemo in alium plus iuris transferre potest quam ipse habeat. Illud quoque consequens est, vt nec in detinendo dominio potior dici possit is, qui dominium numquam habuit. Fateor æquius esse, vt eum Prætor tueatur, vt scriptum est in *d. §. si à Ti- tio*. Sed quo iure? An data ei directa & ciuili rei vindicatione? Minimè, quia nū- quā datur illa non domino. Et cum competit, non tuitione prætoria competit, sed ipso iure, neque ex æquitare, sed ex meri iuris rigore: sed datā illi Publicianā in rem actione quæ vt diximus, Prætoria & utilis rei vindicatio est, Nimirum si non ipse possideat, sed alius, siue cui posteriori eadē res & vendita sit & tradita, siue possessor quilibet. Nā si ipse possideat, quāuis exceptione dominij se defendere nō possit, neque cōtra veltorē suū, aduersus quē utilis ei futura est exceptio rei venditæ & traditæ *d. l. 2. §. l. 1. De except. rei vend. & trad.* Neque cōtra tertium quā ab eodē veditore ita facto domino ius habere coeperit, quia verū est dominū eū nō esse, Iuuādu tamen est exceptione in factū de qua in *d. §. si à Titio*. Ex eadē scili- cet æquitare quæ induxit Publicianā, vt cui Prætor actionē dat multò magis deo

exceptionē l. i. §. is autem D. de superfic. Sic enim argumentatur Vlpianus in d. l. si à Titio & d. §. si quis à Titio post Pomponium in d. l. 2. de except. rei vendit. ut si prior emeris à Titio fundū, cuius tūc nō erat ille dominus, cumq. tibi Titius tradiderit, postea verò factus dominus eundē fundum vendiderit & tradiderit Mævio, Turi te Prætor debeat contra Mævium, idē quia etsi ipse Titius fundū hunc à te peteret, exceptione in factū cōparata, vel doli mali summoeretur. Et, si ipse cum possideret, & Publiciana peteres aduersus excipiētē de dominio si suus non esset, replicatione vtereris. In factū scilicet cōparata vel doli mali, ut per hoc intelligeret Titius, cum fundum se rursū vendidisse, quē in bonis amplius nō haberet. Cū Publiciana detur eo colore quasi iā vsucapta sit ea res, quæ vendita tantū & tradita necdū tamen vsucapta est, §. namque Inst. de act. Vnde apparet in d. l. si à Titio, quæ eiusdē Vlpiani est, & in qua eadem ratiocinatio cōtinetur, malè posita esse virgulā post verbum *exceptionem*, quæ poni debuit post dictionem *dominij* hoc modo, *Sed etsi ipse possideret & tu peteres, aduersus exceptionem dominij, replicatione vtereris.* Exceptio enim illa dominij, quā non potest Prætor ei denegare qui à vero domino emit remque sibi veditā ab eodem per traditionē accepit, nō alia est quā cuius formula in d. §. si à Titio, sic cōcipitur *si suus non esset* quæ dominij exceptio solet obiici Publicianæ l. pen. D. de publ. in rem act. si non aliqua æquitas vigeat dandæ aduersus eam exceptionē replicatione. Hinc verò sumimus fortissimū argumentū contra interpretationem Cuiacij, qui eam Imperatorum sententiam esse vult, utroque emptore fundum vindicante à venditore, tam eo qui prior emit & possessionem accepit à nō domino quā eo qui posterior à domino emit, ab eoque sibi traditam rem accepit, Prior rem esse potiorē, qui & ipse si fundum possideret obtentu, inquit, nō datorum instrumentorum, vel quo alio colore vindicātem venditorem excluderet, Quasi sensus ille sit eorum verborum *obtentu non datorū instrumentorū exceptio non patietur.* Parum acutē. Nam neque obtētu non datorum instrumentorum, neq. alio colore vllō indiget venditor qui rei veditæ dominus reperitur eo tempore quo agit & eā dominij iure vindicat, Cū ei mero & stricto iure cōpetat vindicatio, quā idē necesse est, ut diximus, elidi per exceptionē rei veditæ & traditæ d. l. i. & tot. ill. tit. *De except. rei vendit. & tradit.* Idquædē verū est, ut si venditor eā rem, cuius nondū dominus erat, vendiderit tantū non etiam tradiderit, posteaque dominus factus sit, liberum ius habeat rei vindicādæ, id est sine metu vllius exceptionis, quia neq. exceptio vlla est Rei veditæ, nisi addas, & traditæ: Ut vel ex eo intelligere liceat, quā falsum sit quod volunt interpretes, Possē cogi venditorem præcisē ad hoc ut tradat, cum rei tradendæ facultatē habet, quando nec repellitur à rei quā emptor possidet vindicatione, si modò rem quā vendidit, nondum tradiderit. Tamen si verū sit eo casu teneri ipsum ad id omne quod interest emptoris ob ruptam fidem arg. d. l. quā tibi 6. C. de hered. vendit. l. si ancillam 11. C. de act. empt. quia ex fide bona est, ut cogatur implere veditiōnē, id est dominū quod acquisit transferre in emptorē l. si quis alienā 46. D. eod. Itaq. vel maxime ex supradictis illis verbis *obtentu non datorū instrumentorū* intelligimus cōmētitiā esse interpretationē Cuiacij, nec de hoc casu Imperatores cogitasse: nec de venditore qui rē à seipso venditā & traditā vindicat, sed de emptore q. vel simul cū alio vel prior emerit possessionē; tamen rei emptæ vel nūquā vel saltē posterior acceperit. Quē si obiicias, Nullo iure posse vindicare eā rem cuius nec sit, nec fuerit vnquā dominus, Fatebor sanē, sed dicam fieri per sepe ut etiā de facto ut aiunt quis vindicet eā rem, cuius vindicādæ ius nullū habeat

beat: Quæ res facit ut sumoueri debeat, & reus absolui etiãsi nullã proferat reus iustã causã possidendi *l. ult. C. de rei vind.* quomodo & aliàs euenit quoties de facto magis quàm de iure actio aliqua exercetur *l. nuda §. C. de contr. & commis. stipulat.* Denique tractant Imperatores non an emptores defendendi sint aduersus venditorem vindicantem, aut an sint audiendi, si re iis venditam & traditã vindicare velint ab ipso venditore, Sed vter emptor, un præferri debeat & potior esse siue in detinendo dominio si alter ipsorum possideat, siue in vindicando si ambo concurrant in vindicatione aduersus tertium aliquem instituenda. Et vtroque casu rescribunt pro eo cui priori soli tradita res sit, ut ostendimus. Quod vero addit Cuiacius, Traditionẽ factã priori emptori à non domino postea quẽ sito quancocũque domino, perinde haberi ac si à domino facta esset *ex l. cum res §. C. si alien. res pignor. dat. sit.* falsum etiam est. Ira enim fieret, ut ei qui sic emisset danda esset vindicatio ciuili & directã, cum tamen ex hac causã cõpetat tantum Publiciana *d. §. si à Titio & d. l. 2. de except. res vend.* de qua proinde secundum interpretationem Cuiacij essent intelligendi Imperatores, quos tamẽ nemo nõ videt tractare de ciuili & directã vindicatione. Nec magis eidẽ interpretationi conuenit quod idẽ vir doctissimus in hoc rescripto, prædũ iure distra-
ctũ illud intelligit quod distractũ sit sine dolo malo. Ab eo scilicet, qui neq; tradendo posteriori emptori dissimulauerit se priori alij iam vèdidisse & tradidisse, neq; falsò affirmauerit se alij nulli vendidisse, sed ingenuẽ professus sit se hereditate fortassis aut quo alio iure dominũ effectũ vèdere posteriori fundũ, quẽ cum se falsò eius dominiũ opinaretur alij iã vèdiderat, & tradiderat. Illa. n. professio ingenua quã interuenisse fingit Cuiacius, etsi venditorẽ excusare potest à dolo erga secundum emptorem, ne decepisse illũ videatur, facere tamen nequit ut eum excuset à dolo erga primũ emptorẽ cui fuit iure obligatus ut fundũ traderet etiãsi nõdũ tradidisset ut in *d. l. si quis alienam.* Multò magis ut facta iã traditione, iterumq; nactus rei iã traditæ possessionẽ, rursũ eã traderet ad trãsfere-
dũ in emptorẽ dominiũ, quod superuenisset. Quamquam nõ nego quod vult Cuiacius Vẽditorem in hoc casu neque stellionatus neque legis Cornelie de falsis pœnam incurrere, cum posteriore in emptorem non decipiat, cuius solius fauore, ac ne decipiat, comparatæ sunt actiones illæ criminales per quas ei decepto subueniatur. Non etiam fauore primi emptoris, qui siue à vero domino emerit cum per traditionem dominus factus sit, non potest dici deceptus qui contra secundum emptorem habiturus est vindicationem directã, siue à non domino emerit bona fide, cum eo casu habeat Publicianam, quæ tantundem utilitatis ei allatura est, quantum adferret ciuili & directã rei vindicatio, siue de-
nque à domino vendita quidem ei res sit, sed nondum tradita, quo casu neque directã vindicationem neque Publicianam habere potest, satis tamen ei esse debet, quod pro consequenda indemnitate habeat actionem ex empto in omne id quod sua interest ob fidem ruptam *d. l. qui tibi & d. l. si ancillam.* Cæterum quomodo fieri obsecro potest, ut non sit in dolo qui ob fidem ruptam conuenitur? An fortẽ fidem frangere quis potest sine dolo malo? Sunt etiam qui aliam huius rescripti adferunt interpretationem, putantque tractari casum illum quo vënditor qui duobus prædium iure distraxit, vni quidem instrumenta quæ fortassis ab authore suo habuerat, tradiderit. Alium verò in vancuam prædij possessionem nullis ei traditis instrumentis induxerit, in qua specie volunt ab Imperatoribus rescriptum esse, Potiorem haberi debere illum ex emptoribus cui priori tradita possessio est, non eum cui instrumenta.

Sed neque explicatio hæc defendi potest. Cum certissimi iuris sit traditionem instrumentorum ad rem venditam pertinentium æquipollere traditioni rei ipsius venditæ, saltem eo casu quo res vendita sit præsens. *Ex la. C. de donat. ubi hoc ipsum Baldus notat, Addens intellectum ut ipse loquitur traditionem tantum posse ad transferendum etiam dominium quantum corporalem, sicut ex traditione cautionis & chiographi etiam exactio debiti concessa mandatque intelligitur.* Id enim est quod etiam vulgo nostri iactitant, Eum qui habet instrumentum censi habere mandatum *d. l. l. Manus 49. in princ. D. solut. matrim. l. ult. C. de pact. convent. tam sup. dot.* Ergo si ponamus ex duobus emptoribus quibus simul & in solidum idem prædium iure distractum sit vni fuisse prius tradita rei instrumenta, alteri verò rem ipsam venditam fatendum est, tam in detinendo quam in vindicando dominio potius esse debere illum, cui priori tradita sunt instrumenta, cum per eam traditionem dominium non modo instrumentorum, sed etiam ipsius rei venditæ sit consecutus. Verèorque ne non sit satis probabilis ea Baldi distinctio & restrictio, quæ fuit primò Accursij, sed in qua Accursius non conquiescit, si res vendita ad quam instrumenta pertinent, sit præsens. Quod tamen pluribus tractabit & docebit *Faber institutor ad §. inter dum Inst. de ver. diuis.* Iam enim hic fuimus longiores, necdum tamen legis huius inchoatam explicationem, tractatumque absolvimus, Sanè si traditio instrumentorum nulla præcesserit, non eò ininus potior erit is cui tradita probabitur possessio absq. instrumentis, etsi instrumenta postmodum alij tradita proponatur. Nam instrumentorum traditio sufficit quidem etiam sola ad translationem dominij, sed necessaria tamen non est. Et hic haud dubie verborum illorum sensus est *obsentu non datorum instrumentorum.*

ERROR QVARTVS.

De emendatione d. l. quoties.



VIDENT omnes quotquot ad hanc legem scribunt interpretes, sententiam Imperatorum quæ in prima rescripti parte proponitur, eam esse quam & verba ipsa sonant, ut quoties duobus eadē res in solidum vendita est à domino præferri debeat in dominij causa, & quæstione is cui priori res tradita est. Nemo tamen obseruat, cum hac sententia pugnare manifestissimè quod statim sequitur in hac ipsa lego, *Si igitur antecedente tempore se possessionem emisse ac pecuniam exsoluisse apud Præsidentem provincie probaueris, obsentu non datorum instrumentorum expelli te à possessione non sinet.* Quis enim alius verborum istorum sensus esse potest, quàm hic, ut non aliter potior esse debeat in detinendo dominio is, qui prior accepit rem per traditionem, quàm si probet se in emendo quoq. anteriore fuisse? Quid verò aliud hoc est quàm dicere, Non eū cui priori res tradita sit, sed qui prior emerit, potiorē esse? Accursij^o ut fuit sagax certè, ac perspicax, absurditatem hanc subodoratus est. Sed quasi verba nō valde repugnaret, attulit ille remediū adhibita interpretatione, ac verba illa *possessionem emisse* sic explicat quasi scriptum sit, *rem possessionem emptam per traditionem accepisse.* Sic enim ille in verbo *possessionem.* Et subinde in verbo *emisse* id est, inquit, quasi possessionem rei emptæ accepisse. Quæ tamen interpretatio certè improbabilior est, quàm ut ferri vllomodo possit. Primum quia possessionem pro

pro re possessa dicere, neque prudentes, neque Imperatores vnquam solent. Scio interdum proprietatem quoque possessionis verbo significari, vt supra notauimus ex *l. inter dum* 78. *De verb. signif.* vbi ait Paulus ita responsum esse in eo, qui possessiones suas legauerat, Sed ex vsu imperitorum id fieri contendo, vt in *l. 3. §. vlt. De suppl. legat.* non ex vsu prudentum aut Imperatorum, vt malè ne dicam imperitè Accursius noster legit in *d. §. vlt. pro imperitorum*. Propriè siquidem possessio ab agro vel à prædio iuris proprietate distat, & quicquid apprehendimus cuius proprietas ad nos non pertinet hoc possessionem appellamus, lauoleno teste in *l. quæstio est* 115. *De verb. signif.* Quis ergo credat, tam impropiè loqui Imperatores voluisse, vt tractantes de dominio & rei vindicatione possessionem dixerint pro re ipsa possessa? Quamquam video sic locutum Imp. Antoninum in *l. 2. C. de seruit. & aqua*. Nam rem aliquam cum dicimus proprietatem potissimum intelligimus vel solam, vel saltem cum possessione. Deinde quoniam verbum *emisse* quod statim sequitur, multò minus explicationem illam recipere potest, vt significet corporalem rei venditæ & traditæ acceptionem. Sicut enim longè aliud est rem vendere, aliud tradere, ita & longè aliud Rem emere, & Rem accipere. Cumq; emptio & veditio non traditione, sed solo consensu perficiatur, Non possit quicquam ineptius loqui, quàm si dicat te *emisse*, vt significet rem quam emeris traditam tibi fuisse. Etsi tunc multò sanè tolerabilius traditam rem dicere, vt antecedens emptio tãquam causa traditionis eo nomine significaretur, quàm dicere rem emptam ad significandam traditionem quæ scilicet vt potest sequi emptionem, ita potest etiam non sequi. Sed cum semper iam absurda improprietas vitanda sit, tùm verò maxime cum ea species tractatur in qua & dominium à possessione, & emptionem à traditione separari oporteat: vt in ea lege quam nunc enarramus: In qua consulti Imperatores, Vter ex duobus emptoribus eiusdem rei vtrique venditæ potior censendus esset in causa domini, An is cui priori fuisset res vedita, an verò ille cui priori tradita, Non potuerunt certè domini & possessionis, itèque emptionis & traditionis nomina confundere, sine manifesta planèque reprehensibili iuris perturbatione. Proinde si verum est, vt proculdubio est, quod initio legis rescribitur, Ex duobus emptoribus potiorum illum esse cui prius res tradita sit, non qui prior emerit. Consequens erat vt subiicerent Imperatores, *Si igitur anteriore tempore te possessionem tenuisse, [vt in l. nemo 11. C. de acquir. poss. possessio- nē corpore teneat,] ac precium exsoluisse apud Presidem provincie probaueris.* Quo modo eos rescripsisse nec dubitandum est, eum in confesso sit ita rescribere illos debuisse: faciliq; & lubricus error fuerit, vt per imperitiam librarij pro verbo tenuisse, constatum sit *emisse*, quod non solum nullius sensus eo loco est, sed etiam legis iurisque sententiam totam peruertit. Sensus enim alioqui ille erit, Quoties de iure domini inter duos emptores contendetur, Non solum potiorè nõ fore illi cui priori res tradita fuerit, nisi etiã probetur eidẽ priori venditæ, quod euidentè falsũ est, sed, quod adhuc absurdius est, ad translationẽ & prælationem domini duo illa sufficere, vt probet quis anteriorem se & emisse & precium exsoluisse, quamvis de secuta rei traditione nihil probetur. Nec enim alia condicionẽ adscribunt Imperatores, quàm duplicem illam quæ supradictis verbis continetur, in quibus nullum penitus verbum est quod de traditione dictum vel intellectum videri possit. Cum tamen nemo non fateatur, nec emptionem nec secutam precij solutionem sufficere ad dominium transferendum, si non traditio quoque interuenisse probetur. Id enim est quod dicimus, Tradi-

tionibus tantum & usucapionibus, non nudis pactis, id est non conventionibus traditione destitutis rerum dominia transferri. *Traditionibus* 20. *C. de pact. Prec.* autem solutio quæ ex parte emptoris etiam exigitur, non id eo exigitur, ut vicem & necessitatem traditionis suppleat, sed quia lege duodecim tabularum sic cautum nominatim fuerat, ut ad transferendum ex causa venditionis dominium non sufficeret emptionem præcessisse adeoque secutam traditionem esse, si non etiam illud concurreret, ut precium solutum esset, vel aliter eo nomine satisfactum. *l. quod vendidi* 19. *l. vi res* 53. *D. de contr. empt. l. Paulus respondit* 38. *§. quæsitum D. de lib. caus. §. venditæ. In* 1. *de rer. diuis.* Itaque quoties ponimus soluto precio translatum fuisse dominium in emptorem, toties ponendum est quod nec iure consulti nunquam prætermittunt, intervenisse traditionem, ut ex supra dictis locis appareret. Neque aliud Imperatores aut rescriptisse aut sensisse credendum est. Quamvis Cuiacius ut commentitiam illam suam interpretationem quam supra refutauimus, teneatur, verba illa *ac precium exsoluisse* sic intelligit, ut si quo casu possessio rei à non domino venditæ & traditæ redierit ad venditorem laetum postea dominum, non aliter emptor, cui priori tradita res fuerat ante acquisitum venditori dominium, potior esse debeat in dominio aduersus venditorem ipsum vindicando, quam si ei precium soluerit, vel qua alia ratione satisfecerit. Alioqui rei venditæ retentionem habeat venditor, veluti pignoris loco *ex l. Iulianus* 13. *§. offerri D. de action. empt.* Omnino malè. Nam præter ea quæ in superioribus contra interpretationem istam disputauimus, Apparet ex prioribus & immediate præcedentibus verbis legis consultos fuisse Imperatores ab illo ex emptoribus qui potior se contendebat in dominio non vindicando, sed detinendo, Nec contra venditorem ipsum, sed contra alium emptorem cui priori vendita res fuerat, verum tamen vel posteriore tempore vel numquam tradita. Nam de potiore iure ciuilem emptoris, à quo consulentur, in vindicando dominio incipiunt dicere Imperatores in vers. *cum etsi ex causa.* Non tam quod de eo quoque consulti essent, quam ut rescripti sui ad alium casum pertinentis rationem redderent, Optima argumentandi ratione, quod quisque potior esse debet, etiam in vindicando dominio cum non possidet, idem si possideat multò magis præferri debeat in eo detinendo. Melius itaque ceteri omnes, vno excepto Cuiacio, supradicta verba sic interpretantur, ut sufficere non possit emptori qui se potior dicit in dominio etiam detinendo tantum, ut probet sibi priori traditam fuisse possessionem, nisi probet etiam priorem se precium venditori exsoluisse, aut aliter eo nomine satisfecisse. In quo bene Accursius notat differre vindicationem à Publiciana, quæ ut competit, necesse non est cum qui emit bona fide à non domino soluisse precium venditori. *l. de precio* 8. *D. de Public. in rem act.* vbi Caius scribit nihil de soluto precio in edicto Prætoris expressum fuisse, indèque posse coniecturam capi quasi nec Prætoris sententia ea sit, ut queri oporteat an solutu sit precium necne. Nulla namè allata ratione cur Prætoris sèntentia ea esse debuerit. Nostri vulgo illam adferunt post Iasonem ad hanc legem *numer. 43.* quod facilius sit ut quasi dominium quod est ius minus plenum transeat in emptorem sine solutione precij, quam ipsum dominium quod est ius plenum. Sed parum subtiliter. Nec enim aut quasi dominium, aut quicquam aliud transit à venditore non domino in emptorem præter solam possessionem quæ venditor habuit. Pèdetq; non à venditore qui fortè dolo malo rem alienam sciens vendidit, sed ex bona emptoris fide quæ ad Publicianam omnino necessaria est, ut per eiusmodi emptionem quasi domi-

nus fiat, propter causam vsucapiendi quam ei præstat, non venditor qui ipse vsucapere nullo tempore potuisset, si erat in mala fide, sed emptio ab eo facta bona fide. Proinde habet emptor non à venditore, sed à lege duodecim tabularum quæ ius vsucapionis induxit, & à propria sua bona fide, ut Publicianam exercere possit, non iure quasi dominij, ut Iason, vulgaresque interpretes passim malè loquuntur [nullum enim verum dominium veteres prudentes agnouerunt, nisi quod esset quiritarianum, Nullum quasi dominium, nisi quod esset bonitarium, quorum neutrum habere potest is qui emit à non domino siue bona fide emerit siue mala] sed quod longè diuersum est quasi iam verè dominus per cōpletā vsucapionem constitutus, Cū Publiciana detur eo colore quasi iam verè vsuceperit is, qui tamen reuera nondum vsucepit *S. namque Inst. de action. Certissimum autem sit per vsucapionem, acquiri verum dominium non quasi dominij haud secus ac per traditionem à domino factam d. l. traditionibus.* Fuit enim vsucapio vnus ex modis sex transferendi iure Quiritiū dominij, nō minùs quàm traditio, Apud Vlp. in fragmenti. tit. 19. De acquisit. rer. Quare nec sic loqui prudentes nostri solēt vt dicāt eū qui Publicianā habet esse quasi dominū, sed sic agere quasi iā vsuceperit, Ergo iure veri dominij nō ficti, quāuis per fictionē à prætorē inductā acquisiti. Exēplo eius quod dicere solemus, Clausulā constituti fictitium quidē modum esse transferendæ & acquirendæ possessionis, sed tamē possessionem quæ per eā acquiritur, non fictam esse, sed verā, realem, naturalem, adeoque actualein, vt nostri loquuntur ad l. quod mox 18. D. de acquir. possess.

ERROR QVINTVS.

De differentia vindicationis & Publicianæ circa præcij solutionem.



TQVE hinc sanè petenda est vera differentiz ratio inter Publicianam & directam ciuilemque rei vindicationem circa solutionem præcij ab emptore faciendam. Cur enim requiramus in Publiciana, vt solutum sit præcium venditori à quo nihil penitus iuris, si possessionem excipias, transierit in emptorem? in quem transiet vtique dominium, si venditio traditiōque à domino facta esset? Quamquā posset illa ratio sufficere, quod nō tam mera aliqua iuris ratione sit, quàm autoritate legis 12. tabul. vt per traditionem ex causa venditionis factam non aliter transferatur dominium in emptorem quàm si is præcium soluerit venditori aut aliter eo nomine satisfecerit d. g. vendita c. l. 5. §. pe. D. de tribut. act. Si enim meram iuris rationem inspicias, nihil causæ est cur non debeat sufficere traditio, quæ à domino facta sit ex iusta causa l. numquam nuda 31. De acq. rer. dom. cū & iure gentiū sola traditio sufficiat à domino facta quāuis nulla interveniente iusta causa l. qua ratione 99. h. quoque res cod. tit. l. 3. D. si vsusf. pet. §. per traditionem Inst. de rer. diuis. At in Publiciana quam Prætor induxit, nihil tale Prætor expressit. Non debet igitur in Publiciana distinctio illa adhiberi quæ adhibetur in directa rei vindicatione circa solutionē præcij, Quāuis introducta sit ad exēplū vindicationis, quæ vnica dubitandi ratio est ad d. l. de præcio, Quia nec in directa vindicatione adhiberetur, si nō expressim id causū cōf. l. 12. tab. quæ tamē de vindicatione tātū locuta, nō siuuliter ad Publicianā trahi potuit. Quia. verè dominus est, cū rē suā vendit dignus sanè esse cui succedatur, vt quamuis eam tradiderit, non idēo tamen dominus esse prius desinat, quāuis solutionem aut satisfactionem acceperit, tanquam qui id egerit, vt

*namque hinc
Bachelier
lib. 3. tit. 19*

rei suæ dominium cum pecunia, non cum actione permutaret: At qui rem alienam vendit, siue bona siue mala si le, cum neque dominium, neque quasi dominium vllum habeat, quod in emptorem transigere possit, nō habet quod cōqueratur, etiā si emptori bonæ fidei Publicianā denique nullo soluto precio, licet possessionem transfulerit per traditionem, quia neque fieri potest vt non transferatur possessio per traditionem, quæ ipsa nihil nisi possessionis translatio est, neque vt ad possessionem acquirendā necessaria sit solutio precij, quoniam precium non possessionis est, sed dominij, de quo transferendo semper agi & cogitari oportet, cum venditio contrahitur, tametsi venditor necesse non habeat rē vēditā emptoris facere nisi cum ipse dominus est *l. si ita dētrabatur 25. §. 1. l. pen. §. vlt. D. de constr. empt. l. ex empto 11. §. & imprimis D. de act. empt.* Ex qua ratione illud etiam intelligimus verba illa rescripti nostri *se possessionem emisse*, nō sic posse accipi quasi traditionem ac translationem & acquisitionem possessionis includant, Non solum quod aliud sit rem aliquam emere, Aliud verò rei possessionē accipere, vt iā diximus, sed etiā quia nō idē est, Rē emere & emere possessionem, cum aliud sit precium rei, aliud possessionis *l. 3. §. vlt. iunct. l. 1. §. est igitur. D. vt poss. d.* Cum igitur nullus satis commodus eorum verborum sensus excogitari possit, non video cur non admittenda potius sit nōstra emendatio, Cuius & coniectura illud præbet, quod in quibusdam editionibus deest dictio *se qua tamen sublatam, necessariò in sequentibus legendum esset probaveris non probaveris*: etsi parum refert vtro modo legas, dum aliquid sit ex quo possit colligi traditam rem fuisse. Alioqui eundem tibi erit in sententiam Pauli Castrensis, qui hoc ipsum supplendum esse ait, Quod tamen multò improbabilius fuerit. Ita enim facies Imperatores duplicis amētiz eos, Vnius, in eo quod omiserint id exprimere, quod maximè exprimendum erat, & in facti qualitione positum, Alterius autem in eo quod non solum contrā expresserint rem prorsus necessariam circa prioritatem, vt ita dixerim tituli emptionis, sed etiā expresserint per modum conditionis in hæc verba *si igitur antecedente tempore se possessionē emisse, ac precium exsoluisse apud Præsidentem provincie probaveris, Quæ loquendi formula negari non potest, quin hoc significetur, etiam admissa Pauli Castrensis suppletionē, vt is quoque cui res tradita est priori ex causa emptionis, nō aliter tamē potior esse debeat in detinēdo dominio, quàm si probet se & anteriore tēpore emisse, & anteriore tēpore precij exsoluisse, Quæ tamē interpretatio nō modò ineptā facit legis sententiā, verum etiā falsā. Nemo. n. vnquam dixit, Ei qui prior fuerit in traditione, necessariū esse ad obtinendum detinēdūve iure prælationis dominium, vt in titulo quoque emptionis præueniret. Tantum abest, vt necessariū ei sit in precij quoque solutione præuenisse. Solutio enim precij nihil confert ad translationem dominij, nisi tanquam condicio sine qua dominij non transferretur. Traditio illa est quæ totum facit, dummodo iustam habeat causam. *d. l. numquam nuda 31. l. traditio 20. in princ. §. vlt. D. de acquir. rer. domin.* Non ergo suppletionē tantum opus est, vt quod ab Imperatoribus exprimi necessariò debuit pro expresso habeatur, sed etiam deletionē, vt quod ab iisdem perperam & contra iuris rationem expressum est, reficiatur. Nam vbi tertium illud de traditione prius facta supplueris, de qua nullum in eo versiculo verbum, nondum tamen Imperatores ab iniuria & nimiz imperitiz nota vindicaueris, nisi tollas vel imminues præcedentia, quibus exigitur necessitas probandi, quod is qui potior esse vult in detinendo dominio fuerit prior, non solum in accipienda possessione, sed etiam in emenda re soluen-*

soluendūq; precio. Quæ tamen duo sicuti nō sufficiunt quomodo Castrens lo-
quitur nisi cōcurrat anterioritas quoq; traditionis. Ita nec sunt necessaria ei quæ
ponimus rem sibi traditā priorē accepisse. Multo min⁹ autem ferre illud pos-
sum quod Iason Castrensem reprehendens vt subtilior fuisse videatur, legē cō-
modē sic intelligi posse, vult, vt nihil de probandā traditionis anterioritate sup-
plendū sit. Admittit quidē supplendū aliquid esse de anterioritate traditionis,
tacetūq; ex iis solis verbis *possessionē emisse* nō posse probari, factā esse traditio-
nē, nisi iuncta suppletionē glossæ. Sed admissa ea suppletionē concludit nihil al-
liud supplendū esse circa probandā traditionis anterioritatē, Quasi sufficiat eā
allegari ab emptore qui probat se priorē & emisse & precium exsoluisse, vt ex
duobus illis probatis, etiā terciū præsumatur. Quo certē improbabilius dici ni-
hil potest. Quoniam, obsecro siue theoria, siue praxis ista est, vt qui ad obtinen-
dā hui⁹ victoriani nihil aliud habet, probandū nisi quod priorē ei res à domino
tradita sit, quodq; precium siue prior, siue posterior soluerit, & cui nihil prodesse
debeat etiā per mille testes probet se priorē emisse, cōtrā iubeatur probare se
priorē emisse, preciumq; exsoluisse, vt quod vnū necessariū ac concludenter de
traditione & anterioritate traditionis probandū fuit, per iuris præsumptionem
probasse existimetur? Eorū posse interdū cōtingere, vt bene probata traditio-
ne quæ vtriq; emptori eādē die adeoq; si vobis, eādē hora facta sit, min⁹ ta-
men plenē probatū sit cui priori, siue quod min⁹ diligenter de eo interrogati
testes fuerint, siue quod interrogati subobscurius de eo testificati sint, siue de-
niq; quod pari numero pariq; fide, quod interdū euenit, pugnatia hac de re te-
stimonia proferantur. Eoq; casu non negabo quod Didacus Couarr. concludit
lib. 2. var. resolut. c. 19. præsumendum esse pro eo qui prior & emerit & soluerit,
Aut si alius prior emisse, alius prior soluisse probetur, pro eo qui precium prior
soluerit, vt ex eo quod iure fieri debuit, facti cōiectura sumatur. Sed hoc cōtē-
do numquam præsumendā esse traditionem sed semper probandā quia semper
est facti *l. consilio 7. §. ult. D. de curat. furios.* Alioqui paulatim eō descendimus
vt solam precij solutionē probari sufficiat, cū facilius sit ex solutione precij
præsumatur, venditio in necessariū antecedens, quia nec precium sine emptione
esse potest nec emptio sine precio *l. pacta conuenientia 72. iunct. l. 1. D. de contr. empt.*
l. 1. D. de rer. permut. quā vt ex probatione & factæ venditionis & solui precij
præsumamus securā esse traditionem, quā sequi ad constituendā & perficiendā
emptionem necesse nō est, sed tantū ad dominij acquisitionem. Posito siquidem
cōsequenti ponitur necessariū antecedens. Sed nō similiter posito, antecedenti
ponitur cōsequens quod nō est necessariū, id est quod non necessariō sequitur
ex positione sui antecedentis. Etsi autem traditio semper probanda est vt dixi-
mus, tūc verō maxime cū vtrq; emptor dicit traditā sibi rem fuisse ab eodē
venditore, vt in specie legis nostræ, quia traditio quæ probatur alij quoque em-
ptori facta, præsumptionem omnem excludit, quod alteri facta sit, nec si alter il-
le qui sibi facta nō esse præsumi vult, in possessione inueniatur, quia nec fieri po-
test, vt qui rem aliquam vni iam tradidit, eam iterū alij tradat nisi ponas reuer-
sam ad eum fuisse possessionem quod sicut facile contingere non potest, ita nec
facile præsumi. Alioqui si sufficit esse in possessione emptorem, vt præsumatur
ei res tradita, nil esset necesse cum Iul. ne suppletionem illā glossæ requirere in
verbis illis *possessionem emisse* cūq; sequentia *expelli te à possessione non patietur.*
multo apertius probent possessorem fuisse illum, qui Imperatores consolebat.
Quomodo enim à possessione expelli posset is, qui nō possideret? At neque su-

prædicta verba *si igitur antecedente tempore te possessionem emissem*, conveniunt ei quod superiore capite diximus & probauimus, tractari ab Imperatoribus eam speciem, in qua idem prædium simul & in solidum duobus distractum fuerit. Quo casu cum facti sint veluti duo correi emendi, non potest alter alterum præuenisse in titulo emptionis, sed tantum in traditione, & in precij solutione: quorum alterum sicut ad acquisitionem dominij necessarium est, ita posterius, nec exigitur nec quicquam prodest. Non enim curandum est ut prior precium soluerit dummodo is cui priori res tradita est precium soluerit antequam alij res traderetur, Ne dici possit traditionem posteriorem ab eo factam esse, qui tunc adhuc dominus fuerit. Et in hoc rursus alius interpretum nostrorum error est quod verba illa *si igitur antecedente tempore* non ad id coarctant quod statim sequitur *possessionem emissem* aut potius ut legendum contendimus *possessionem tenuisse*, sed ad id quoque extendunt quod postea subiicitur *ac precium exsoluisse* quasi non minus probandum habeat is qui in detinendo dominio dicit se potiorē, quod prior precium exsoluerit quam quod prior emerit, Quod planè ridiculum est. Neutram enim anterioritatem probari oportet. neque emptionis, neque solutionis, sed tantum traditionis, Nisi quod nihil tibi prodesset accepisse rem priore loco, si tamdiu cessasses in solutione precij ut interim alij quoque traditio eiusdem rei facta esset. Is enim cui posteriori tradita res probabitur in dominio potior erit, si prior precium soluerit, quia ut præferatur nihil aliud exigimus, nisi ut posterioris traditionis tempore dominus adhuc fuerit is qui tradidit, ideoque dominium transferre in alium potuerit & transfulerit, Quod evenit quoties prior soluit precium is cui posteriori tradita res fuit. Caterum si ponas priorem emptorem prius soluisse precium, & tamen ei posteriori fuisse rem traditam, non eo minus vincet is cui priori tradita res fuerit, quod posterior soluerit precium si modò soluerit ante traditionem priori emptori factam. Itaque verba illa *ac precium exsoluisse* non ad anterioritatem facti referenda sunt, sed tantum ad factum ipsum, Ut intelligamus nil profuturam traditionis anterioritatem si non precij quoque solutio secuta sit, sed nihil referre quo tempore solutio facta sit, id est utrum ante solutionem, ab alio emptore factam, dummodo prius quam alteri emptori traditio facta proponatur. Fefellerunt autem Accursium proculdubio hæc ipsa verba quæ nos emendamus *si igitur antecedente tempore te possessionem emissem*, ut dixerit consultos fuisse Imperatores de eadem re pluribus vendita separatim & diuersis contractibus. Cum tamen ostenderimus fuisse in hac specie venditum duobus prædium simul & eodem contractu, ideoque addita esse verba illa *in solidum* quæ & non sine misterio addita fatetur Iason, & nos probauimus addi non debuisse, si de eiusdem rei venditione pluribus separatim facta.

Imperatores sensissent.

ERROR SEXTVS.

Alia emendatio in postremis verbis d. l. quoties, Et ad versic. Eris antè.

SED



Eo nondum absoluta legis emendatio est. Vericulus enim ille qui sequitur *eris sanè in arbitrio tuo, precium, quod dedisti cum usuris recipere, ita tamen ut perceptorum fructuum & sumptuum ratio habeatur*, totus parenthesi concludendus ut quæ sequuntur *cum etsi ex causa* usque ad finem legis cum secunda rescripti clausula coniungi possint. Continent enim rationem qua probant Imperatores, Eum cui priori traditio facta est rei venditæ potiore esse in detinendo dominio si possessor inueniatur eo tempore quo cõuenitur rei vindicatione ab alio emptore, Quia etiam si ex causa eius emptionis ambo rem vindicarent siue à venditore ipso, siue ab extraneo quolibet possessore, cum cui priori possessio soli tradita esset, potiore haberi oporteret. Supponit autem hæc ratio id de quo nullus dubitat, Eum qui etiam si nõ possideret potior esse deberet, multò magis futurũ si possideat potiore. Monui autem in præcedentibus subesse aliud mendum in iis verbis *cum etsi ex causa donationis utrique dominium rei vindicetis* & pro donationis legendum esse *emptionis*, aut quomodo librarius Florëtinus scribere solet detracta litera *p* *emptionis*. Quod enim lex ait *utrique dominium rei vindicetis*, ostendit non variari speciem ab Imperatoribus, sed eam ipsam retineri, de qua in priore rescripti parte responderant de duobus emptoribus, qui simul & in solidum emerant, & quorum tamen alteri soli tradita prius fuerat possessio, ac proinde in solidum, quæ utrique simul tradi nisi pro parte non potuisset. Porro non poterant vindicare rem ex causa donationis ij quibus non donata sed vendita res proponebatur, Nec illud rursus fieri, ut donationis causa cū causa emptionis ad rei vindicationem concurreret. Cũ id quod ex vna causa iam meum est, ex altera magis meum fieri non possit *l. non ut ex pluribus §. de reg. iur. §. sic utaque inst. de actiõ.* Nihil ergo est, quod de causa donationis in proposito casu tractare possis, nisi speciem prorsus mutes, mutatis quoque legis verbis quæ iuxta hanc hypothesim sic concipi debuerant *cum etsi ex causa donationis duo rei dominium vindicarent*, ut appareret transire Imperatores à specie proposta de pluribus eiusdem rei emptoribus, ad aliam speciem de pluribus eiusdem rei donatariis. Aut saltem ita *cum etsi ex causa donationis utrique dominium rei vindicetis* nõ quomodo scriptum est *vindicetis*, quo verbo eandem speciem retineri manifestius est, easdem personas, eandemque non modò actionem sed etiam actionis causam. Hac sola differentia quoddam priore rescripti parte de eo agitur qui rem sibi priori traditã possidebat, In posteriore verò is tractatur casus quo neuter possideat sed uterque vindicet aduersus tertium possessorem: Quod non satis observatum ab eo qui pro *emptionis* primus reposuit *donationis* errori causam præbere facillè potuit, cum is puraret hunc ipsum posteriorem casum priore legis parte contineri, & de donatione tractandum potiùs fuisse in secunda rescripti parte ut nouum aliquid & à præcedente sententia diuersum rescriberetur. Melius illud etiã præcipue mouet, quod non bene hac parte comparatur venditioni donatio. Non quia verum non sit ex pluribus donatariis quibus singulis eadem res donata diuerso tempore tradita sit, is præferri in dominio siue detinendo, siue vindicando nõ debeat, cui prius tradita est, quemadmodum in pluribus emptoribus qui separatim contraxissent, contingeret, quod vnum interpretes nostri intuentur, sed quia quod initium legis ponit idem prædium duobus simul & in solidum iure distractum fuisse, non posset poni similiter in re duob. simul & in solidũ donata si de ea donatione intelligas, quæ per traditionem sit perfectã, quoniã fieri nequit ut eadẽ manu eadẽ res duobus simul & in solidũ tradatur, Non magis quàm ut duo fiant eiusdem rei in solidum possessores

l. 3. §. ex contrario D. de acquir. poss. l. duo in solidum 19. D. de precar. Proinde fatendum esset vel fultum esse quod Imperatores de donatione rescribunt, vel ad eam donationis speciem restringi debere, quæ fieret per stipulationem, Quæ ipsa tamen minùs propriè donatio est, dicique potius debet stipulatio donationis causa, quàm donatio *l. si ita fuero stipulatus 6. §. 1. & l. seq. D. de donat.* Postremo, ne quid quod ad legis sententiã plenè explicandã omisisse videamur, illud adnotandũ superest, male nostros eosdem interpretes sic intelligere versic. illũ *erit scilicet* quem parenthesi concludendũ esse monuimus, quasi sensus sit, Emptorem cui prius fuit res tradita quamvis possit alium emptorẽ agentem repellere, atq; ita se ab euictione tueri, si tamen se non tũetur, remq; euinci patiatur, nihilominus habere regressum euictionis nomine aduersus venditorem. Nã imò verò sensus versiculi huius est, Esse in arbitrio illius ex emptorib. cui prior res tradita est, si ab alio emptore per directam rei vindicationem conueniatur, qui prior quidem emerit sed vel numquam vel non nisi posteriore loco possessionem rei emptæ acceperit, Vtrum velit agentem illum non exceptione quàm iure dominij repellere, cùm vindicationẽ non alius exercere iure possit quàm qui sit dominus vel gentium iure vel ciuili *l. ult. Cod. eod. l. in rem 23. D. eod.* An potius recipere ab eo precium cum vsuris, perceptorum tamen fructuũ & sumptuum habita ratione, Nempe quia permittitur ei de iore suo remittere, si velit, fortè si emptionis eum pœniteat, malitque precium à se solutum cum vsuris recuperare. De iure verò actionis de euictione nihil tota hac lege tractant Imperatores, Nec sanè de ea tractandi materia subest, cùm aliã certiore ac expeditiore via possit is cui prius tradita res est, idẽmque possessor sibi consulere per retentionem. Quia si fortè omittat prudens & sciens eò proposito vt postea contra venditorem suum agat de euictione quod alij emptori magis quàm venditori gratificari velit, non puto audiri eum debere, cùm nulla cogente necessitate id fecerit, quomodo argumentatur Paulus in *l. si dolum 16. §. si compromisso D. de euict.* Sibiq; debeat imputare cur vindicantem emptorem non summouerit, quem summouere iure potuit nulla etiã exceptione opposita, & per non ius actoris, vt pragmatici loquuntur. Agit enim nullo iure adeoque sine actione quisquis eam rem vindicat cuius non est dominus. Nam & idẽm obtinet in emptore qui vindicantem dominum potuit summouere præscriptione longi temporis, vt nullum habere possit regressum contra venditorem si eam exceptionem omiserit *l. si obligata 19. C. de euict. l. qui alienam 54. in princ. D. eod. l. 2. C. de reb. alien. non alienand.* Nec est quod cū interpretibus replices nõ posse culpã hanc emptori obici à veditore, qui ipse facti causam præbuit cùm ab eo quoque alius emptor causam habuerit. Et si enim facti causam præbuit qui duobus separatim vendidit, non tamen præbuit causam culpæ, quæ proinde tota emptoris est, nec vnicã & simplex sed duplex, quod cùm vel summouere vindicantem posset, vel si hoc maluisset precium à se solutum cum vsuris recipere, tẽtũ tamen iure vt voluit sed potius rem amittere vt venditorẽ sibi de euictione obligaret. Quid quod nec culpa vlla venditoris est, qui duobus eandẽ rem vendidit si modò duobus simul & in solidum vendiderit. Qui casus tamẽ ille est quem vnum hac lege tractari ex primis ipsius legis verbis probauimus. Si ergo eam rem duobus ita venditam non vtrique tradiderit, sed alteri tantum qui tamen sibi à cõtreo emptionis sufferri eam postea & euinci patiatur, quid est obsecro quod venditori huic possis imputare, vt actionem de euictione suscipere compellatur? Atquit, inquires, Is qui duobus eandẽ

eundem rem in solidum vendidit, effugere non potest quominus alterutri de
 euictione teneatur. Et consequenter nihil ipsius interest an huic potius quam
 illi. Verum præter id quod facile fieri potest vt ex personarum & locorum va-
 rietate plurius interlit vnus quam alterius, Nego venditorem omnimodo tene-
 ri alterutri de euictione: Nam ei tantum teneri potest cui res tradita est, aut cui
 habetur pro tradita *l. si rem 62. in princip. D. de euict.* Obligationem enim de o-
 uictione non venditio parit sed euictio, quæ porro nulla sequi vnquam pos-
 set, nisi præcedente traditione. Atqui tractatum de eo venditore, qui duobus
 quidem simul & in solidum eandem rem venderet, sed qui tamen vni tantum
 rem tradiderit, eique soli vt ex huius legis sine apparet. Nulla igitur ratio est vt
 ei teneatur de euictione cui tradiderat *l. rem sibi traditam vltro ille passus sit*
euinci ab altero emptore qui etiam si fuccebuisset, nullum tamen de euictione
 aggressum aduersus eum habiturus fuisset. Quæ de causa obseruandum est, veru-
 solum illum quem nunc interpretamur adhibitum esse, ad primam rescripti
 partem, quæ de emptore erat rem duobus venditam, eique soli traditam possi-
 dentem. Non ad possessionem quæ ad eum exum pertinet quæ neuter ex empto-
 ribus possideat ne is quidem cui res tradita fuerat à venditore. Cum tamen nec
 is casus fuerit prætermittendus si de actione ex empto & de euictione Impera-
 tores sensissent, ac non potius de recipiendo precio à correo emptionis, à quo
 sanè nihil est quod recipere possitis cui priori tradita res fuit, si non possideat,
 sed tertius quidam à quo vterque emptor rem vindicat. *Qui casus est quem*
tractari diximus in posteriore rescripti parte, & cui tamen nō possis sperare ver-
ba illa ita vt percepturum fructuum ac sumptuum ratio habeatur. Quos enim fru-
 ctus percipere aut sumptus facere potest is, qui non possidet? Scrupulus ille v-
 nus tollendus superest quem nemo attingit, & qui oculatiore tantum torque-
 re potest in illis verbis *apud Præsidem provincie probaueris.* Cum non solerent
 olim Præsides provinciarum de facto cognoscere, aut pronunciare sed iudicem
 in eam rem dare *l. 2. C. de ordin. iudic.* quod à nobis pluribus explicatum est in e-
 mendatione *l. 1. eodem tit. lib. Coniectum.* Sed facile tollitur scrupulus si quis at-
 tendat & obseruet legem hanc esse Imperatorum Diocletiani & Maximiani à
 quibus ius illud vetus iam immutatum fuerat & constitutum, vt de quibus cau-
 sis ante Præsides, Prætores ceterique magistratus dare iudices solebant de iis
 in posterum ipsi per se cognoscere ac pronunciare cogentur *l. 2. C. de pedan-*
iudic. quam idcirco fatendum est anteriorem fuisse hoc rescripto quod nunc in-
 terpretati sumus, Nec infeliciter vt nobis videtur.

ERROR SEPTIMVS.

*Si eadem res pluribus vendita & tradita sit, siue ab eodem non domino, siue à diuer-
sis non dominis, Et de emendatio. l. si ea res 31. §. ult.
D. de action. empt.*

UM, ad exemplum civilis, directæque vindicationis Publiciana introducta sit à Prætorè, mirum non est in tractatu de Publiciana in rem actione eandem questionem occurrere quæ à nobis tractata est superiore Decade in directâ rei vindicatione. Ex pluribus emptoribus qui aut ab eodem non domino, aut à diuersis non dominis eandem rem

emerunt, eiusque possessionem per traditionem acceperunt, Vt præferri debeat, An qui prior emit, An qui prior possessionem accepit. Sed illud magis mirum est quod prudentibus placuit aliter in Publiciana, aliter verò in rei vindicatione directa observari, quòdque nec prudentes ipsi satis in eo consensisse videantur. Nam in directa & civili quidem vindicatione id obtinet quod diximus ex *l. quoties 15. Cod. de rei vindic.* vt etiam qui posterior emit siue soli ei siue priori possessio à domino tradita sit, potior omnimodo esse debeat in dominio siue detinendo, siue vindicando si modò precium soluerit, quamvis posterior, dum antè quàm priori emptori res traderetur, vt præcedètib. explicauimus. At in Publiciana, Vlpianus noster eandem quæstionem tractans in *l. siue autem 9. §. si duobus D. de public. in rem act.* Si duobus quis separatim vendiderit bona fide rem alienam eumentibus, quis magis Publiciana vti possit, Vtrum is cui priori res tradita est, an is qui prior tantum emit, Distinctionem adhibet ex Iuliano, Vt siquidem ab eodem nò domino emerint, potior sit is cui priori res tradita est, Sed si à diuersis nò dominis melior causa sit possidentis, quàm petètis. Eamque sententiam veram esse ait. Ac sanè prior pars distinctionis non-obscuram habet rationem. Cùm enim vterque emit ab eodem non domino, neuter potest dicere plus iuris se habere quàm si à domino vterque emisset, imò verò contendit quisque hoc casu tantundem se iuris habere, quantum haberet si à domino facta venditio esset. Atqui eo casu potior esset haud dubiè non is qui prior à domino emisset, sed qui prior traditam ab eo rei possessionem accepisset. Ergo & in hoc casu quem tractamus cùm ambo ab eodem non domino emerunt, potiozem illum esse conuenit qui probet priori sibi traditam rem fuisse. Sed quod ad posteriorem distinctionis partem difficilius videtur rationem reddere cur non æquè potior esse debeat ille cui priori res tradita est à suo venditore, cùm hoc etiam casu cætera omnia sint paria, cæterisque paribus videatur præferendus ille qui prior possessionem nactus est. Siquidem ex eo die licet dominus per traditionem factus non sit, cepit tamen ius habere vtendi Publiciana quæ non tam ex emptionis titulo, quàm ex traditione secuta æstimator *l. 1. 2. §. pass. eod. tit.* Tanquam quæ non nisi eo colore datur quasi iam vfuceperit is qui nondum tamen re vera vfucepit *§. namque Insti. de action.* Vfuceptio enim sine possessione procedere non potest, & quidem quæ à venditore ipso tradita sit vel pro tradita saltem haberi debeat *l. sine possessione 29. D. de usufructu iun. & l. si rem 62. in princip. D. de eiusd.* Atque ita sensisse videtur Neratius in *l. si ea res 31. §. vltim. D. de action. empt.* vbi tractat ille hanc ipsam quæstionem de duobus qui eandem rem emerint à non domino bona fide & quibus vtrisque tradita sit: Ex ait. Siue ab eodem emerint, siue ab alio atque alio, Eum tuendum esse qui prior ius eius adprehendit, hoc est, inquit cui primùm res tradita est. Ergo non eum qui possideat, quandoquidem fieri potest, & verò fit plerumque vt is possideat non cui priori, sed cui posteriori res tradita est, cùm necesse sit possessionem priori traditam subinde ab eo amissam fuisse & ad venditorem siue eundem siue alium reuersam esse vt iterum tradi alij potuerit. Interpretes nostri dissensionem hanc quæ tam aperta, & obuia est satis vident. Sed eius conciliandæ rationē hanc inueniunt, vt dicant, Multū referre an qui à diuersis non dominis emerunt, remque singuli per traditionem acceperunt, Publiciana vtatur contra extraneum, an inter se. Vt priore casu Neratii sententia obtineat, potiorque sit is cui priori res tradita est, licet posterior emerit, Posteriore verò sequenda sit Iuliani & Vlpiani distinctio, quæ hoc casu meliorem indistinctè facit causam

Causam possidentis quam petentis. Vereor tamen ne cōciliatio hæc neq; verbis Iureconsultorū satis conveniat, neque iuris rationi. Et si. n. Ulpianus ex Iuliano eum casum aperit tractat, quo emptores Publicianā inuicē exercent, cū ait meliorē esse causam possidentis quam petentis. Neratius tamē generalius loquitur, & omni casu præferri vult eum, cui priori res tradita est, nulla possessionis præsentis habita ratione. Si verò rationē iuris cōsulimus, difficile est dicere cur non in concursu duorū emptorū vñcere aduersariū debeat is, qui tertiū & extraneū superaret, aliq; emptori in mouenda cōtra extraneū Publiciana præferretur. Nā & in specie *d. l. quoties*, sic Imperatores argumētātur vt qui ex duobus emptoribus possidet rē sibi priori traditā potior sit correo emptionis in detinēdo dominio, si ab eo vindicatione conueniatur, quia & potior esset, si neutro possidēte vtriq; rē ab extraneo vindicarent. Sed & in eo Neratij respōso multa video satis obscura, quæ tamen quomodo accipienda sint, nemo explicat: Illud imprimis, quod ita scribit *cū emptio venditiōq; sine dolo malo fieret*. Cū enim illū quoq; casum tractet Neratius quo plures eandē rem emerint ab eodē non domino, qui fieri obsecro potest, vt sine dolo malo vēditoris facta sit duobus eiusdē rei vēditio? Fateor posse faciliē contingere vt vtraq; emptio fiat bona fide, ac sine dolo malo, vtroq; emptore putāte se à domino emere, & posteriore vēditionē priori factam ignorante. Sed vt idem venditor eandē rē bona fide vendat duobus separatim, nego fieri vllomodo posse. Et idē rectē Ulpianus in *d. l. si duobus*, non sic loquitur *si duobus quis separatim vendiderit bona fide*, sed addidit *bona fide ementibus*, vt significet emptionē à pluribus fieri eiusdē rei posse bona fide: at venditionē ab eodē non posse. Neq; illā Cuiacij interpretationem probare possum quæ suprà iam à nobis cōfutata est, vt posterior quoq; venditio bona fide facta dici possit, si venditor ingenuē admoneat posteriorem emptorem de priore vēditione, cū non possit deceptū se dicere qui certioratus fuit. Nam præter id quod vix est vt reperiri possit quisquam venditor iā perfractæ frontis quem non pudeat tantæ ingenuitatis, cū etiā si prioris venditionis tēpore non habuisset dominium quod postea sibi acquisitū esse contendat [falsò tamē siue per imprudentiā & errorē facti, siue per mendacium & impudentiam,] priorem tamen venditionem implere ex bona fide deberet *l. si quis alienam* 46. *D. de action. empt.* Potest quidem ea professio ingenua purgare venditorem de dolo malo erga posteriorem emptorem sed non facere quin sit in dolo malo venditor qui si dem priori emptori datam frangit *l. qui tibi* 6. *C. de hered. vel act. vendit. l. si ancillam* 11. *Cod. de action. empt.* Deinde difficilis explanationis illud est, quod ait Neratius, Eādem re siue ab eodem non domino, siue ab alio atque alio vendita pluribus & tradita ex emptoribus tuendum esse *qui prior ius eius adprehendit*. Nec enim fieri potest vt ius vllum rei adprehendat emptor si nullum ius in ea re venditor habuit, quamuis in huius ipsius loci interpretatione contra sentisse videatur Didac. *libr. 2. var. resolut. cap. 18. numer. 8.* Solāque possessionem quam habet venditor transferre in emptorem potest. Quam tamen possessionem nemo possit rectē ius dicere, Non ob id solū quod facti magis illa sit, quam iuris *l. de n. quib. 19. D. ex quib. caus. maior. l. 1. §. si vir uxori D. de acquirend. poss.* Sed etiam, quod faciliē fieri queat, vt non sit iusta, forē si is qui bona fide rem emerat quē eo tempore putabat esse venditoris, postea rescierit esse alienam tempore seditionis. Quam ob causam solemus dicere non posse ex causa emptionis sequi vñcationem nisi emptor habeat bonā fidem vtroq; tēpore & contractus & traditionis *l. si aliena* 10. *l. si existimās* 48.

D. de vſucap. Cui ſententiæ conſequens eſt, vt nec Publiciana cōpetere alij poſſit, quam ei qui vtrique illi tempore bonam fidem habuit cū illa ſolo prætextu & colore vſucapionis cōpetere, nec proinde alio caſu, quā quo poſſet ſequi vſucapio d. l. ſine autem g. huc alio *D. de publ. in rem act.* Debit ergo Neratius ſcribere, Ex pluribus emptoribus tuendū eum eſſe, non qui prior ius rei adprehenderit, ſed qui prior iuſtus adprehenderit, ſcilicet rei poſſeſſionem. Adprehendendi enim verbum cū factū non iuris ſit, non ad ius aptari pot eſt ſed ad factū omnino referendum eſt, hoc eſt ad poſſeſſionem, vt & in l. ſi debitor 101. *D. de pign.* ſed etſi 7. 5. vlt. aliis h. aduſionem *D. de public. in rem act.* quæ vt diximus tota factū eſt, non iuris, Nam quod dici ſolet poſſeſſionem eſſe etiam iuris & plurimū ex iure mutuari l. poſſeſſio 49. in princ. & ſi. *D. de acqu. poſſ.* non ad quālibet poſſeſſionē pertinet ſed ad eam tantū quæ ſit iuſta, puta quæ poſſit ad vſucapionem prodeſſe, aut ad interdicta, alioſq; huiuſmodi effectus qui ſint ex iure vel ciuili, vel pratorio. Diſtinctionē igitur à Neratio, itēq; à Iuliano & Vlpiano adhiberi oportuit. Vter ex emptoribus non modò prior ſed etiam iuſtus adprehenderit poſſeſſionem rei pluribus venditæ ſiue ab eodem non domino, ſiue à diuerſis non dominis, vt iſ demū præferatur. Et ſane mouent me ſupradictæ rationes, moueruntq; iam pridem vt errarū eſſe putem apud Neratium in illis verbis qui prior ius eius adprehendit & pro ius eius legēdum eſſe iuſtum qui faciliſ vt nemo non videt, ac lubricus error fuit. Quo admiſſo non poteſt defendi ea quæ ſequitur interpretatio hæc eſt cui primum tradita eſt. Non enim vtique iuſtus adprehendit poſſeſſionem iſ qui eam prior adprehendit, ſed iſ demum qui adprehendit bona fide. Cū fieri poſſit vt iſ qui prior adprehendit etiam per traditionem ſibi à venditore factam mala tamen fide adprehenderit, iam reſciens eſſe rem alienam. Quod eū euenire, ea ipſa æquitas quæ Publicianam induxit, certè facit vt ſiue contra extraneum, ſiue inuicem agant, poſterioris eſſe debeat non qui prior ſed qui iuſtus quamuis poſterior poſſeſſionem adprehendit; Multò magis ille qui & prior & iuſte ſi vterque æque iuſte. Sed quid ſi vterque quidem bona fide, ſed alter tamen iuſtus altero? fortè quod alter poſſeſſionem adprehenderit aut vi aut clam, aut etiam præſcripto. Etſi enim præſcriptæ quoq; poſſeſſiones iuſtæ ſunt, tamen ad inducendā publicianam inuiles ſunt l. quacumque 13. in princip. *D. de public. in rem act.* Hòc quòque caſu dicam cum Neratio præferendum eum qui iuſtus adprehenderit, & ſine vicio. Vicio enim iſta ſunt poſſeſſionis ſi quis vi aut clam poſſideat, quamuis poſſint etiam in poſſeſſione rei propriæ interuenire ac citra ſcientiam rei alienæ. Nec eo minùs tamen ſunt iniuſtæ, quòd bonam fidem non excluſant, Idèque nec prodeſſe quicquam poſſunt ad Publicianam. Neque contrarium eſt, quod dici ſolet, Vicio ſam quoque poſſeſſionem aduerſus extraneos prodeſſe, vtr. *D. de acqu. poſſ.* Extraneos enim debemus intelligere non eos omnes quoniam non ſine domini, ſed eos demum qui nullum ius habeant agendi. Quomodo habet quiſquis à non domino emit, rēque per traditionem accepit bona fide, perinde ac ſi à domino emiſſet poſſeſſionē, & accepit, niſi quòd pro directæ rei vindicatione cogitur eſſe contentus Publiciani. De vltimo igitur vult ſequi habere poterit ſententia illa Iulianæ, quam veram etiam Vlpianus; Vt ſi duo à diuerſis non dominis emerint, melior cauſa ſit poſſidentis quā petentis? Nullo penitus, vt ego quidem exiſtimo, niſi eo ſolo quo iſ qui poſſidet videtur prior iuſtus quoq; adprehenderit poſſeſſionē. Quo caſu iſtior ſane cauſa ipſius erit, ac non tam obid quod poſſideat, quā quia & prior & iuſtus poſſeſſionem adprehendit.

prehendit: Nam etsi non possideret, Publicianam tamen ex ea causa aduersus alium emptorem quamuis possidentem habere deberet. Itaque in Cuiacij nostri sententiam libenter eo, qui prudentes veteres in hac quaestione dissensisse putat: Sed cum ille ceterisque interpretes magis probent id quod Iuliano & Vlpiano visum est, ego contra illud magis, quod placuit Neratio: Nec tantum in ea specie in qua Cuiacius admittit diffusionem cum emptores à diuersis non dominis emerunt, sed etiam, quod nemo obsevat, in alia, cum ab eodem non domino. Iulianus enim & Vlpianus voluerunt praferri omnimodo eum cui priori res tradita sit, Ego autem cum Neratio cum qui prior iustus rem adprehenderit, id est & bona fide & sine vicio: Cum si aliter ut traditionis tempore alienam rem esse reseuerit, licet priori ei res tradita sit, non magis Publicianam habere possit quantumvis emerit bona fide quam si mala fide emisisset: quod & Vlpianus ipse ex eodem Iuliano facit in l. sed etsi 7. alias l. cum qui §. ultim. alias l. traditionem eod. tit. De public. in rem act. Ex quo tamen cuncti facile potest de iis emptoribus Iulianum & Vlpianum sensisse in dict. §. si duobus, qui bona fide non tantum emerint sed etiam possessionem adprehenderint. In qua specie dubitatio nulla est quin praferri omnimodo debeat is cui priori res tradita est, cum idem ille non solum prior sed etiam iuste possessionem adprehenderit: Nec aliter Neratium sensisse suspicandum est.

ERROR OCTAVVS.

De re duobus vendita & tradita à diuersis non dominis contra Iulianum & Vlpianum pro Neratio in d. l. si ea res 31. §. ultim. De al. empt.

ILLUD solum difficile est dicere, Cur non idem quoque Iulianus & Vlpianus admiserint eo casu quo emptores duo à diuersis non dominis emerint, remque per traditionem acceperint, Cum negari non possit quin is qui prior iuste possessionem adprehendit, ex eo tempore nactus sit ius exercenda Publicianæ si quando possessionem illam iuste adprehensam iniuste ab eo admissi contingeret. d. l. quacunque. Nisi forte ad id respexerunt, quod cum à diuersis non dominis duo emerunt bona fide, resque possessionem æque bona fide acceperunt, par & æquale ius utriusque esse videatur, cum perinde utriusque Publiciana competat, dicique soleat, Ceteris paribus meliorem esse debere conditionem possidentis tãquam qui plus iuris habeat hoc ipso quod possidet quàm is qui non possidet l. 1. §. ultim. & l. 2. D. ut possid. §. commodum h. p. de interdict. Idque est quod Bartolus & post eum ceteri notant ad l. §. si duobus, Potiorem esse causam eius qui & titulum habet & possessionem quàm illius qui solum titulum sine possessione. Quod tamen etsi verè diceretur, non adeò generaliter verum esse posset restringi que ad eum casum deberet quo à diuersis non dominis plures emisissent, Siquidem alio casu quo idem non dominus eandem rem pluribus vendiderit, nec Iulianus ipse negare praferendum eum cui priori tradita res est, licet habeat litigandum cum possidente, qui & titulum habeat, & possessionem. Sed neque video quomodo pro tunc Iuliani & Vlpiani sententia possit quis dicere cetera esse paria cum ambo emerunt à diuersis non dominis quamuis uterque & fide bona emerit & æque bona fide adprehenderit possessionem. Qui enim & prior & iuste adprehendit, an non plus iuris exinde habet ad Publicianam exercendam quàm is cui poste-

giori à suo venditore tradita res sit, licet bona fide: Cur verò seramus ius illud quod ipse exinde habuit auferri ei per traditionem posteriorem ab alio æque non domino alij emptori factam? Aut si eum emptorem, qui prior iuste possessionem adprehendit pro extraneo haberi volumus, quod ad eum pertinet qui ab alio domino emit & possidet, propterea quod licet habeat ius agendi, possessor tamen neque ab ipso causam ullam habet, neque ab ipsius auctore. Consequenter fateendum erit, Omnimodo igitur præferendum hunc possessorem id est tamen si viciosam habeat possessionem, Ex supradicta regula *d. l. vlt. D. de acquir. poss.* quæ vult aduersus extraneos viciosam quoque possessionem prodesse. Et verò ita Iulianum & Vlpianum sensisse facile mihi persuadeo, Quia sicuti de illo quæri non potest an Publicianam habere debeat is qui possidet, cum actio in rem possessori competere nequeat, quæ ex contrario non datur nisi contra possidentem, Ita nec de illo inquirendum est an bona fide possessionem inactus sit is qui possidet, cum vincere debeat, non quidem tanquam possessor nudus, quia si non haberet titulum vique vinceretur in Publiciana, sed quis cum iusto titulo habet possessionem quamvis iniustam. Atque ob hoc nimirum æquior est & verior puto sententia Neratij, existimantis omni casu potiorum illum esse debere, non qui prior emerit, adeoque cui res primum tradita sit etiam in possessione repetatur, sed qui prior iuste possessionem adprehenderit, nec qui iuste tantum, sed qui iustius si uterque iuste. Non enim ad possessionem iuste adprehendam sufficit ut bona fide sit adprehensa, quæquam hoc quoque necessarium est sed illud præterea requiritur ut neque vi neque clam adprehensa sit. Quod si precario, erit quidem adprehensa iuste ut diximus, sed minus iuste quam si animo domini. Obseruandum autem est ita respondere Neratium potuisse & debuisse quia in concipienda quæstione tantum præposuerat vtramque venditionem factam esse sine dolo malo: De traditione autem an bona vel mala fide facta esset, nihil dixerat. Distinguendum igitur fuit an possessio iuste adprehensa esset necne. Similiter etiam Vlpianus ex Iuliano *in d. §. si duobus*, ponit quidem fuisse eandem rem venditam duobus bona fide eumentibus, sed non potuit æque fuisse traditam vtrisque bona fide accipientibus, quia licet ita supponendum sit ut locus fieri possit quæstioni quæ prior in eo §. proponitur, vtri ex emptoribus Publiciana uti magis liceat neutro scilicet possidente, quandoquidem Publicianam non alius exercere potest quam qui rei possessionem bona fide per traditionem acceperit, Nil tamen necesse est eandem suppositionem retineri quod ad posteriorem quæstionem pertinet cum alteruter emptorum possidet, quoniam is sicuti non indiget actione Publiciana, ita neque bona fide quæ in traditione interuenerit, & quæ esset necessaria ut Publiciana uti posset. Quamquam ut dixi fieri potest, ut is quoque bona fide possessionem adprehenderit, nec tamen iuste quia plus est iuste quam bona fide possidere. Quid ergo est quod sequitur apud Neratium si ex duobus istis emptoribus vnus emerit à domino, eum omnimodo tuendum esse? Nempe id sibi vult Neratius non esse hoc casu distinguendum an is qui emit à vero domino possessionem iuste inactus sit an iniuste, quia per quamlibet possessionem etiam iniustam dummodo à vero domino ex iusta causa traditam dominium acquiri necesse est, cum proprietatis à possessione separari non potest *l. traditio 20. §. vltim. D. de acq. rer. domini. l. per procuratorem 8. Cod. de acquir. poss.* Ex quo magis apparet Neratium in cæteris non fuisse contentum bona fide, nec iustitiam possessionis totam ex bona fide sola æstimasse: Alioqui non posset is qui à vero domino emisset non iuste possessionem adprehendisse, si malam fidem æstimans potissimum ex scientia rei

tiarei alienæ, quandoquidem scire alienam non potest eam quæ verè fuerit vèditoris: Sed tamen potest iniuste quoque possidere si fortè non per iustà traditionem nec per manus venditoris possessionem adprehenderit, sed propria auctoritate ac ignorante venditore vt in *l. si ex stipulatione* §. *D. de acquir. poss.* aut prohibitus à possessore vero quantumvis iniusto, vel celato eo à quo timuit aut timere debuit controuersiam. Ex quibus causis solet vi aut clam possideri *l. i. §. quid sit vi l. 3. §. clam facere D. quod vi aut clam*. Quod verò suprà diximus, difficilem esse explicationem illorum verborum *cum emptio venditioque sine dolo malo fieret*, quasi fieri nequeat vt non mala fide & dolo malo fiat venditio quæ sit pluribus in solidum eiusdem rei & separatis contractibus ab eodem venditore siue domino siue nō domino ita diluendum est vt dicamus Neratium Priscū prisco veterum prudentum more duo illa verba *emptio venditioque* promiscuè sumptisse pro contractu emptionis. Veteres enim his appellationibus promiscuè utebantur. Itemque in locatione & cōductione *l. veteres 19. §. seq. D. de allion. empr.* Non vt vèditionem dicerent locationem, Et emptionem cōductionē, vt malè Cuiacius locum illum infelici emendatione interpretatus est *lib. 9. Obser. cap. 15.* sed vt pro venditione dicerent plerūque emptionem, pro emptione venditionem. Et similiter locationē pro cōductione, & cōductionē pro locatione. Relatione scilicet facta non ad personas contrahentium nec ad materiam contractus sed ad contractum ipsum, quia nō potest esse venditio quin emptio sit, nec emptio quin sit etiam venditio: Vt bene Alciat. explicauit *lib. 3. cap. 22. §. 1.* Licet non putē eò improprietatis vnquā venisse veteres vt vèditorem dixerint pro emptore, aut emptorē pro vèditore. Vt neque locatorē pro cōductore aut cōductorē pro locatore. Facilius enim fuit vt ex vtraque parte cōtractus qui vnus esset eodē nomine vocaretur, quàm vt personarū quæ diuersæ essent nomina iuræque confunderetur. Est enim alia persona venditoris & alia emptoris, sed non alius contractus vèditionis, alius emptionis, nisi quòd ex personis cōtrahētium alias atque alias habet præstationes: quarū facilius discernendarū gratia commodius tādē visum est vnū licet eūdēque contractū diuersis nominibus appellare. Venditionē sc. ex parte venditoris, & emptionē ex parte emptoris. Ergo verba illa *cum emptio venditioque sine dolo malo fieret* non alium sensum habēt quàm si scriptū esset venditiā fuisse eandem rem pluribus emētiibus bona fide, quomodo locutus est Ulpianus in *dist. 5. si duobus*. Cum enim quaeritur vter ex emptoribus per Publicianā tuendus sit non mala fides aut dolus venditoris inspicī debet sed tantūm bona fides emptoris. Sequitur verò *traditioque est*, nec additur *bona fide & sine vicio* vt relinqueretur distinctioni locus quem Neratius adhibēdā existimauit: Probabilissimā sanē & æquissimā si ex nostra emēdatione lucē accipiat, & interpretationē. Omnes enim casus illos qui emergere possunt cōplectitur, nec tantūm si aduersus extraneū Publicianam emptores ambo exerceāt neutro possidente, vt Accursius post Azonē intelligit vt hāc conciliationis rationē cōminiscatur, sed etiā si agant inuicem, alterutro possidēte. At Iuliani distinctio perit manca est cūm eum casum non complectatur, quo emptores ambo qui à diuersis non dominis emerunt bona fide non inuicem agere velint sed contrariorum possidentem. Nec enim possis dicere meliorem esse hūc quoque casus debere causam possidentis, quàm petentis cūm neuter possideat, vterque petat. Nisi quis fortè velit dicere neutrum hoc casu vincere debere ex Iuliani sententia. Cur enim neuter vincat, si vel vterque vel alteruter saltem & emerit & possessionem acceperit bona fide? Aut: cur faueamus possessori

nullum titulum habenti potius quam ei qui Publicianam iure suo, exerceat. Illud sane non improbo, quod Doctores nostri volunt, ducere semper Bartolo *ad d. si duobus*, Non esse permittendum ei qui tanquam possessor convenitur actione Publiciana, ut titulum aliquem sibi acquirat, eamque rem emat à nō domino, Hoc proposito ut possit vincere qui alioqui vinceretur. Nam præter id quod vix est ut ea acquisitio fiat bona fide ac non potius in fraudem litis iam institutæ: ut ex Odofredo & Baldo tractat Castrensis ad hanc legem, Illud etiam constat per Publicianam fieri rem litigiosam, æquæ ac per directam & civilem rei vindicationem. Quoniam licet Publiciano exerceatur à non domino contra non dominum exercetur tamē dominij iure, & quasi constituto iam eo qui agit domino per completam usucapionem quamvis verum sit coeptam dūtaxat, necdum completam usucapionem fuisse. Porro ut ei qui Publiciana convenitur sua prosit possessio, necesse est ut saltem bona fide titulum acquisiverit, etiam secundum Juliani & Ulpiani sententiam, ut constat ex supradictis illis verbis *bona fide ementibus*. Si non hoc quoque velis addere ex Neratio ut iuste adeoque iustius possessionem adprehenderit. Planè si ponas eandem rem duobus quidem fuisse venditam siue eodem contractu in solidum siue separatis contractibus, sed neutri tamen fuisse traditam, Eo demum casu admittam meliorem fore causam possidentis, cum neuter habeat ius agendi siue directa rei vindicatione siue utili & Publiciana: quod sufficit possidenti quantumvis iniusto & vicioso possessori ut omnimodo & perpetuò vincat *d. l. ult. D. de acquir. poss. si non dominus q. D. qui potior in pign. hab.* Vtraque enim illa actio non modò titulum requirit sed etiam traditionem, Vindicatio quidem quamlibet, Publiciana verò eam quæ accipientem fecerit bonæ fidei possessorem. Nec possum videre quam rationem habeat quod contra defendit Iason *ad d. l. quoties num. 34.* præterendum enim esse cui prius fuit res vendita, Cum nec Iason ipse diffiteatur, Per venditionem anteriorem nullum ius emptori quæsitum esse nec si fuerit illa iurata. Quod enim adducit *ex l. in operis 26. D. locat.* in operis duobus simul locatis priori cōductori antè satisfieri oportere ad rem certè non pertinet, Non ob id tantum, quòd ea lex de personali actione loquitur quæ competit ex conducto, non de actione in rem quæ nullo casu siue priori siue posteriori conductori accommodari potest, Sed etiam quia operarum locatarum exhibitio ex earum rerum genere est quæ pluribus ex ordine præstari possunt, adeoque interdum eodem tempore ut in specie *l. duorum 49. D. de oper. libert.* At rei pluribus venditæ traditio nūquam sic fieri singulis ex ordine potest ut utrique tandem satisfiat, quia statim atque dominus rem à se veditam vni tradiderit siue priori siue posteriori emptori atque ita fecerit eum dominum, soluto scilicet precio, aut eo nomine aliter satisfacto nullū amplius dominium habet quod in alium transferre possit etiam si maxime velit, Siquidem posteriorem traditionem à non domino factam esse necesse esset, si prior facta esset à domino, Nisi ponerēs dominium quod à venditore per priorē traditionem abscesserat postea simul cum possessione ad eundem ex aliqua causa reiiisse. Itaque etiam si tractarem de concursu duorum emptorum non in directa rei vindicatione aut in Publiciana in qua certè concurrere non possunt cum neutra illis competat sed in actione illa personali ex empto quæ utriusque emptori competit aduersus venditorem ad rem tradendam, Nihil tamen prodesset priori emptori deberet quòd prior emisisset, semperque locus esset gratificationi ut posset venditor ei qui posterior emisisset priori tamen rem tradere si mallet condemnari alteri in omne id quod ipsius interesset. Nec enim effugere potest

potest is qui duobus eandem rem vendidit quominus alterutri condemnatur in id quod interest si alteri rem tradat, aut condemnatur utrique si neutri velit tradere. Sed quia pro communi tuenda interpretum sententia adduci solet quod Paulus scribit in *d. l. si non dominus* 4. *D. qui potior. in pign. hab.* de illius quoque legis sententia dicendum nobis aliquid est.

ERROR NONVS.

Si idem dominus vel non dominus eandem rem duobus pignora uerit & alteri qui posterior contraxerat priori tradiderit.

IDEM domino rem suam duobus creditoribus in solidū pignorante siue simul & eodem contractu ut in *l. si debitor* 10. *D. de pign. siue separatim & diuersis contractibus*, ut in *l. l. si fundum* 4. & *pass. C. qui potior. in pign. hab.* certum est potiorē eū esse qui prior contraxerit: Idque in vero pignore indubitatus est quā in hypotheca. Nā cū pignus verē ac propriē illud sit quod traditur creditori, & cuius possessio transfertur in creditori, hypotheca verō quæ sola conventionione pignoris constituitur, manēte nō modō proprietate sed etiā possessione penes debitore *l. si rem alienā* 9. §. *propiē l. eius* & *fortis* 35. §. 1. *D. de pign. act.* Apparet nō posse in vero pignore locum esse quaestioni, Vt ex pluribus creditoribus pignoratius praeferendus sit in pignore an is qui prior contraxit, an cui prius traditū pignus est. Traditione sc. ex contractu necessitate obligationē pignoris cōmitante. At in hypotheca potest locū habere quaestio, Si ponas debitore postquā de pignore cōuenit cum solo Titio, nulla traditione secuta, subinde cōuenisse de eiūsdē rei possessione cū Scpronio, eiq; possessionem pignoris tradidisse. In qua tamē quaestione nō aliud iuris erit quā si de pignoratius nō de hereditariis creditoribus tractaretur. Quia quod ad vim & potestātē attinet formulæ & actionis hypothecariæ inter pignus & hypothecā nominis tantū sonus differt *l. 4. §. inter pignus* *D. de pign. nec minūs acquiritur creditori hypothecario ius pignoris in re per solā cōventionē obligata ex die ipso cōuentionis, quā si cōuentionem traditio statim secuta esset* *l. & quā nōdū* 15. in *prin.* & §. 1. & *ult. & pass. D. de pign. l. l. qui balneum* 9. & *pass. D. qui potior. in pign. hab.* Nā & in eiūsdē rei vēditione pluribus facta cū quaerimus quis ex iis potior esse debeat, idē dīcimus praeferēdum eū cui priori res tradita est: quia certū est per solū titulū & contractū emptionis nullū ius siue domini siue aliud reale acquiri emptori ante secutā traditionē *§. vendita Inst. de rer. diuis.* Eāq; ratio ab omnibus adfertur & rectē ad *l. quoties* 15. *C. de res vindic.* quā apertū est in re duobus per solā cōuentionē obligata locū nō habere. Illa tantū dubitatio potest emergere, Si duo pariter de hypotheca paciscantur, Inquantū quisq; obligatā hypothecā habeat, Vtrum pro quantitate debiti, an pro parte dimidia. Itemq; si cōtra extraneū possessore agendū sit, Vtrū pro parte quisq; an de toto, quasi utrique in solidum res obligata sit. Ad quas dubitationes respōdens Marcianus in *l. si fundus* 16. §. *si duo* *D. de pign.* Ait magis esse ut pro solida quantitate debiti habeant singuli pignus obligatum non pro parte dimidia, & consequenter nō de parte quisque pignoris sed de toto pignore agere possit contra possessorem quasi eadem re utrique in solidum obligata. Nec solum si diuersis diebus proponantur conuenisse de pignore, sed & si eodem die pignus utrique datum sit dummodo separatim. Sic enim haud dubie apud Marcianum legendū est

quod dicendum erit *et si eodem die pignus utrique datum est separatim* nō vt vulgō
si eodem die quod Accursius noster benē sensit, qui tamē nihil de recepta lectio-
 ne emēdare ausus, hoc tātū notat dixisse Marcianū *si pro quamvis* quod pror-
 sus improbable est, Multō tamē tolerabilius quā quod Bartolus ad eum ver-
 sic. notat dici quid simul fieri quod fit eodem die licet diuersis momentis. Nam
 cū dictio *simul* nota sit temporis, fieri certē nequit vt simul facta dicantur quæ
 diuersis momentis facta sunt licet eodem die adeoque eādē hora. Idq; expres-
 sim voluit inonere Marcianus ne quis fortē putaret, de iis creditoribus accipiē-
 dum versiculū illum esse qui de pignore simul conuenissent, De quibus tractare
 incipit in posteriore tantū respōsi parte, verbis illis sequentibus *sed si simul illi*
et illi vbi concludit eo casu distinguendum esse an id actum sit expressim vt ea-
 dem res utrique in solidū esset obligata vt in *l. si debitor* 10. *D. eod.* de cuius sen-
 tentia & ratione scripsimus in *Error. 7. Decad. 58.* an verō id expresse actum nō
 sit, Vt priore quidem casu agat rectē vterque, id est vnusquisque in solidū [su-
 mi enim debet eo loco dictio *utrumque* non collectiue sed distributiue] si minū,
 vnusquisque pro parte. Ergo tamet si eodem die, adeoque vt diximus eādē
 hora idem pignus duobus obligatum sit separatim & diuersis momentis, singu-
 li quidem contra extraneū agere in solidū poterunt, si duntaxat ab extraneo
 illo controuersiam patiantur. Sed si concurrant siue agendo inuicem siue pro-
 posita contra extraneū possessorem ab vtroque hypothecaria, præferetur sine
 dubio is qui prior contraxerit, vt post Accursium bene Bartolus cōcludit. Quōd
 si de prioritare vel posterioritate non appareat, Idem Bartolus rectē notat po-
 tiorē fore causam occupantis, nec cogendum eum cautionem illam præstare
 quæ præstari solet possessori conuento à duobus rei vindicatione ac iusto fun-
 dum interim alteri reddere, de qua in *l. is à quo* 57. *D. de rei vindicat.* quia non si-
 cuti dominium eiusdem rei duorum simul in solidū esse non potest, ita possit
 quis dicere eandem rem pluribus in solidū obligatam esse non posse *d. l. si de-*
bitor, Sed occupantem hoc casu intelligo non eum qui prior ad sententiam per-
 uenerit, vt malē sensisse videtur Bartolus citans in hanc rem quod de noxali
 actione scriptum est ab Vlpiano in *l. si quis à multis* 14. *D. de noxal. action.* Sed eum
 qui prior ad Prætorē & ad iudicē venerit vt ius suū ex contractu quæsitum
 exequatur. Quasi per contestationem nouata & propria facta actione quæ an-
 teā fuerat communis vt dicere solemus in duobus correis stipulādi *l. 2. l. ex duo-*
bus 16. *D. de duob. reis.* & in *l. si Titius* 9. *D. de verbor. obligat.* in cuius fine sic le-
 gendum est vt alibi monuimus *finem dandi alteri fore quando iudicium accipere-*
tur. Nam sicut inter ciuilem rei vindicationem & hypothecariam hoc interest,
 quod iam diximus, Ita & inter hypothecariam & noxalem, quod noxæ dedu-
 ctionis iudiciū per se nullum est, sed in executione demum rei in alia actione
 iudicatæ electionem habet ex lege 12. tab. is qui condemnatus est vt seruū de-
 dere possit si id malit, quā litis æstimationem præstare *l. miles* 6. §. 1. *D. de rei vin-*
dicat. At in iudiciū actionis hypothecariæ per se aliquod est, nec eget autori-
 tate vlla rei iudicatæ vt exerceri possit aut cui innitatur, Sufficitq; vt rectē ac suo
 iure illum egisse priorem appareat, licet non prior ad sententiam peruenerit.
 Habebit autem non beneficium possessionis de quo in *dist. l. si debitor*, vt ma-
 lē subiungit idem Bartolus, [nemo enim possessor fit ex eo solo quod agat
 contra possessorem] sed ius illud nouū & propriū quod acquiritur per
 contestationem, per quam certum est nouari contractum præcedentem haud
 secus ac per delegationem *l. delegare* 11. §. 1. *l. aliam* 29. *D. de nouat. & delegat.*
 iunct. *l. 30.*

ion& l. 3. §. *idem scribit D. de pecul.* Et hæc quidem ita se habet cum dominus fuit is qui conuenit de pignore. Sed si dominus non sit, difficilius est dicere quid iuris constituendum esse videatur. Paulus hanc questionem tractat in *l. si non dominus 14. D. qui potior. in pign. hab.* adhibita distinctione in hæc verba *si non dominus eadem rem diuersis temporibus pignorauerit, prior potior est, Quamuis si à diuersis non dominis pignus accipiamus, possessor melior sit.* Cuius distinctionis prima pars obscurior illam habet dubitandi rationem, quod cum pignus à non domino constituitur, siue per traditionem, siue per nudam conuentionem nulla prorsus obligatio contrahi possit, quia nec pignus valet alienæ rei *l. 1. & tot. tit. Cod. si à non domin. pignor. dat. sit.* Inde namque fieri videtur, ut non melior condicio esse debeat eius qui prior à non domino pignus accepit, nec potior dici possit iure is qui prior est tempore, licet ambo pignus acceperint ab eodem non domino qui nullum ipse ius habuit. Cum ex vulgata iuris regula nemo plus iuris in alium transferre possit, quam ipse habeat. Cur non ergo in hac specie id ipsum admittimus quod in alia specie de pignore accepto à diuersis non dominis Paulus admittit, ut melior sit causa possidentis? Bartolus respondet, nec male intelligi Paulum debere de pignore constituto ab eo qui dominus quidem non erat, sed tamen Publicianam habere poterat tanquam bonæ fidei possessor factus per traditionem ex iusto aliquo titulo secutam, *Ex l. si ab eo 18. D. de pignor.* ubi idem Paulus scribit, Si ab eo qui Publiciana vii potuit, quia dominium non habuit, pignus accepi, sic Prætor em tueri me per Seruianam, quemadmodum debitorem per Publicianam. Nempe quia Prætor ex cuius edicto non minus Seruiana quam Publiciana profiscisciur habet hunc possessorem domini loco, Et consequenter pignus ab eo constitutum pro bene constituto, haud secus ac si à vero domino constitutum esset. Nisi forte ponas rem ei esse cum vero domino. Nam sicuti exceptio iusti dominij obstat Publicianæ *l. penultim. D. de public. in rem act.* ita & Seruianz ab eo proposita qui pignus accepit à non domino Publicianam habente. Sed illud difficilius est, Cur ergo melior sit condicio possessoris si à diuersis non dominis pignus acceptum sit, ac non potior omnimodo habeatur is qui prior conuenit de pignore, cum ab eo causam habeat qui Publiciana uti potuisset. Nisi dicamus questionem hanc ex alia illa pendere quam inter prudentes veteres Proculianos scilicet & Sabinianos controuersiam fuisse diximus, nec negat Cuiacius, Ex pluribus emptoribus qui à diuersis non dominis emerunt, viæ Publicianam magis habere debeat. In qua diximus placuisse Sabinianis, ex quorum numero fuit Paulus perinde ac Iulianus & Ulpianus, præferendum eum esse qui sit in possessione *l. sine autem 9. §. si duobus D. eod. tit. De publician. in rem actiõ.* Cum tamen Proculiani inter quos Neratius fuit, potior eum habuerint, qui prior iustus possessionem adprehendisset *l. si ex res 31. §. ultim. D. de actiõ. empt.* Proinde mirum non est Paulum eandem adhibuisse distinctionem in pluribus pignoratitiis creditoribus, aut hypothecariis, Ut si ab eodem non domino pignus acceperint potior sit qui prior accepit, Si verò à diuersis non dominis *possessor* [sic enim legendum puto, non ut vulgò *possessor*] *melior sit.* Cur namque per Seruianam tueatur, Prætor eum cuius authorem si non idem possessor quoque esset, minime per Publicianam tueretur? Nam & facilius est Prætor ad dandam Publicianam quam ad indulgendam Seruianam in consequentiam Publicianæ, Ut ex eo apparet, quod Publicianam habet etiam is qui emit non quidem à iure vel raptores, cum res furtiua aut vi possessa sicut non

possunt vsucapi, ita nec venire possint in Publicianam *l. si sine autem §. hac actio De public. in rem act.* Sed ab alio quolibet etiam malæ fidei possessore. Quamvis contra senserit Baldus *ad l. 2. C. de furt.* cumque secutus Iason *ad l. quoties num. 35.* Nec enim bonam fidem exigit Prætor nisi in eo qui Publicianam ipse exercet, non etiam in eo qui titulum & causam Publicianæ præbuerit. At Seruianam non dat Prætor ei qui à non domino pignus etiam prior accepit, nisi duo hæc concurrant ut & bona fide acceperit, & ab eo qui bona fide possidebat. Cum non det Seruianam nisi in consequentiam Publicianæ quam porrò numquam daret malæ fidei possessori. Aliud ergo existimaret Neratius, qui ex schola Proculianorum fuit & ex pluribus hypothecariis creditoribus qui à non dominis diuersis pignus acceperant, cum præferret haud dubiè non qui possessor esse, sed qui possessionem pignoris prior iustius adprehendisse inueniretur. Secundum ei quæ in superioribus disputauimus. Et ego sine ut in alta quæstione, ita & in hac libentiùs cum Neratio sentirem. Cur non enim melior omni casu debeat esse condicio eius qui prior iustius possessionem adprehendit, & cui exinde ius competiit proponendæ uiliter & efficaciter aut Publicianæ aut Seruianæ contra quemcumque alium, quàm dominum, licet eam possessionem nullo suo facto habere postea desierit? Illud planè mirum videri non debet, potiorè omnimodo non esse illum, qui prior conuenit de pignore, cum per eiusmodi conuentionem à non domino factā nullum ius acquisitum sit, sed tantum defensor conuentio per Prætorem in consequentiam ut dixi tuitionis quam Prætor facit per Publicianam. Quod uero si neuter ex his creditoribus, qui ab eodem non domino pignus acceperunt, possessionem rei acceperit, sed tantum conuenit uterque de pignore? Iam diximus nihil interesse apud Prætorem, an de vero pignore tractemus an de hypotheca. In quo etiam obseruandū est diuersum esse ius Publicianæ & Seruianæ ob Publicianā competentis. Publiciana enim nõ competit nisi ei qui aliquando possederit, Seruiana uero competit etiam ei qui de pignore ita conuenit cum non domino, ut tamen pignoris possessionem numquam habuerit, si modò cū eo cōuenit qui aliquando possedit iusto titulo, & bona fide, Ex eaq; causa Publicianā exercere potuit, Nimirū quia sine possessione vsucapietis nulla procedere potest vsucapio *l. sine possessione 25. D. de usucap.* At sine possessione rei obligatæ ius & vinculū pignoris cōtrahi potest. Quid deniq; si non innicē agant creditores isti sed cōtra tertium & extraneum possessore? Placeat Azoni & Accursio cæterisq; interpretibus præferendū eū cui prior res tradita fuerit etiam si diuersis non dominis pignus acceperint. Ex *l. si debitor 10. D. de pign.* quæ tamen non ad hunc casum pertinet, sed de eo pignore loquitur quod vnus & idē uerus dominus duobus in solidū dederit. Quo casu dubitari nõ potest quin omnimodo permittendū sit eis singulis agere in solidum aduersus extraneū ut melior sit condicio occupantis, quia uerū est unicuique ipso rōm fuisse rē in solidum iure obligatā: Quod si exemplū hoc sequi possemus in proposita quæstione de iis creditoribus qui à diuersis non dominis eandē rem pignori acceperunt, & quæ dicendū esset præferendū eum non cui priori tradita res probaretur, nec qui prior cōuenisset de pignore sed qui prior Seruianā exerceret, quia & author eius in Publiciana præferretur, si prior occuparet. Quibus enim casibus prior esset causa possidentis si alteruter possideret, iisdē necesse est ne uiro possidētē meliorē esse condicionem occupantis, siue quod nihil melius dici possit, siue quod qui actionē occupat, hoc ipso possessor fieri videatur si nõ rei quæ in actionem euenit, saltē ipsius actionis *arg. l. si quis à mul-*

ita iā. D. de nex. al. obli. inter eos 19. D. de re iudic. l. vii. §. et si prefatam Cod. de iur. delib. Nisi cum actio correlative est ut illa Pro socio *l. verum est 63. §. si cum res D. pro socio.* Et si ratio illa me semper valde mouet ut pro eo respondere malim qui prior iustius possessionē adprehendit secundum Neratij sententiam, Et consequenter non qui prior egerit, sed qui prior Publicianam habuerit, quia & hic prior domini loco apud prætorem esse cœpit, Et cum Publiciana detur eo solo colore quasi iam completa sit vsucapio quæ tamen re vera inchoata tantum est. Quidni cum potius & indistincte per Publicianam tueamur, qui prior vsucapionem completurus est, Quemadmodum si iam completa esset vsucapio esset ille haud dubie & indistincte præferendus in directa rei vindicatione tantum quam qui per vsucapionem factus esset verè dominus iure Quiritium, siue ipse ageret contra alium emptorem Publicianam habentem, quia Publicianæ exceptionē nō timet is qui vindicat iure dominij, nisi in casu *l. si à Titio 72. D. de rei vindic.* Siue per Publicianam conueniretur, quia Publicianæ semper obstat exceptio iusti dominij *d. l. penult. D. de public. in rem act.* Idque sanè est quod sensit Neratius in *d. l. si ea res 31. §. ult. D. de action. empt.* Ex pluribus bonæ fidei emptoribus siue ab eodem nō domino, siue à diuersis non dominis emerint, tuendum eum esse non qui prior emerit, nec cui priori res tradita sit, sed qui prior iustius rem adprehenderit, Quandoquidē is citius quoque vsucapionem completurus, & dominus ex ea causa futurus est. Cui consequens est, ut si de iure pignoris inter duos controuertatur, qui à diuersis non dominis eandem rem pignori acceperint, quique Seruianam eodem tempore singuli in solidum aduersus extraneum exercere velint, præferri eum oporteat non cui priori res tradita sit (nihil enim facit traditio cum de pignoris obligatione contrahenda tractatur, ut toties diximus), sed qui pignus acceperit ab eo qui prior vsucapionem completurus erat, ac proinde qui in Publiciana omnimodo præferri debuisset: Quo tamen admissio intelligimus idem dicendum esse, tametsi non aduersus extraneum sed inuicem agant, qui pignus à diuersis non dominis acceperunt, nec villo casu verum esse posse quod Paulus voluit, meliorem esse causam possidentis non magis cum de Seruiana quàm cum de Publiciana actione tractatur, si iuris rationi quæ Neratium & Proculianos mouit plus tribuas quàm Sabinianorum authoritati. Sed de his hæcenus.

ERROR DECIMVS.

De re quam plures ab eodem locatore in solidum conduxerint separatim. Ad l. in operis 26. D. locat. & ad l. ne cui 32. C. cod.



RACTEMVS iam de duobus qui ab eodem locatore rem eandem cōductionis titulo acceperint. Nam & hic casus apud nostros dubius est, nec habent pro expedito, Vter potior esse debeat, an qui prior cōduxit, nec tamen nisi posterior possessionem rei cōductæ accepit, An verò iā cui priori tradita res est licet posterior conduxerit. Iason *ad d. l. quoties num. 32. & sequ. C. de rei vindic.* prioris conductoris partes tuetur, sed satis leuibus fundamentis. Mouetur enim primum ex eo quod *d. l. quoties* posita est sub Tit. *De rei vindic.* nec nisi de emptione & donatione tantum loquitur, non

etiâ de locatione: Quasi verò ex solo titulo aut ex collocazione legis sub aliquo titulo, ac non potius ex iuris ratione metiendum sit an quod in *dich. l. quoties. de venditione duntaxat* scriptum est, non etiâ de donatione, nisi nos nostra sefellit emendatio, habeat locum etiam in locatione. Mouetur secundo ratione illa, quæ ad causam iuris accedere propius videtur quæ per traditionem ex causa locationis factam nullum ius reale transeat in conductorem, non solum dominij sed neque possessionis *l. non solet 39. D. locat. l. si quis ante conduxit 10. D. de acquir. poss.* Hoc enim est quod aliis verbis ait Iason in locatione cessare rationem fundamentalem *d. l. quoties*, quæ tota in eo sanè consistit, quod per traditionem à vero domino factam ex causa venditionis transferitur dominium in primum accipietem. Ex quo fieri necesse est, ut secunda traditio alteri emptori quamvis priori facta nullius momenti esse possit, tanquam tradita re ab eo qui dominus esse iam desierit. Quæ rationem utique; fatendum est in locatione & cōductione cessare. Addit tertiam rationem paullo longius quidem petiam, sed in qua tamen dilatanda sibi placet, sumptam ex eo quod docet Bart. *ad d. l. quoties*, quasi pro regula, Quod quando duo requiruntur ad consummationem alicuius actus ille præferendus est in quo prius duo illa reperiuntur. Vt est inquit, in specie *d. l. quoties*, id est in trāslatione dominij ad quæ duo requiruntur, scilicet titulus & possessio, Secus si vnū sufficeret. Atqui in locatione simplici nō potest venire translatio dominij. Ergo, inquit traditio rei quæ nullā traditionem iuris importat non potest eum excludere, qui habet priorē locationem. Adfert idē Iason responsum illud Vlpiani de quodam aliquid suprà scripsimus in *l. in operis 26. D. locat.* vbi ait Vlpianus, In operis duobus simul locatis priori cōductori antè satisfieri oportere. Quod ipsum nihil aliud esse videtur quam quod Iason mordicus defendit, potiorē primi quam secundi cōductoris causam esse debere. Mouetur postremo ex Imperatoris Zenonis constitutione in *l. ne cui liceat 32. C. de locat.* vbi districte prohibet Zenone cui liceat qui aliquā domum alienam vel locum vel ergastulū nomine cōductionis acceperit, alteri qui post eum domini voluntate ad eandē cōductionem accessit, litem inferre quasi rem illicitam aut agentis dānosam tentauerit, sed parēre facultatem domino domus suas vel ergastula vel loca cui voluerint locandi, Ipsis nihilominus qui conduxerint ab omni super hoc molestia liberis conseruandis, Nisi fortē pacta per scripturam inita cum dominis, vel cum his qui postea conduxerunt, legibus videlicet cognita, agentis intentionibus suffragentur. Non desunt tamen qui contra Iasonem pro secundo conductore sentiant, sed cum distinctione, si secundus conductor cui priori res à locatore tradita est in rei conductæ possessione reperiatur. Sic enim Roi. *decis. 1. De locat. in antiquioribus v. decis. 879. in antiquis.* Bartholoni. Socin. *conf. 29. lib. 4. Alex. conf. 122. col. 2. lib. 5.* Quam sententiā & distinctionem defendit Didac. Couar. *lib. 2. var. resolut. cap. 18. num. 8.* Vnica hac sed fortiori ratione, quod licet in conductorem non sit translatum per traditionem dominium, nec ius vllum reale, Is tamen habeat ius potentius, cum habeat saltem rei detentionem, à qua si expelleretur, ante omnia iudicis officio restituendus esset ad similitudinem eius qui cum possideret spoliatus probaretur. Ex *l. Aquilius Regulus 27. vbi Bart. & Castren.* notant *D. de donat.* Itaque qui ex secunda locatione deinet potest iure retentionis se defendere à priore conductore qui tantum habet personalem actionem non realem: Actio verò personalis non datur contra secundum conductorem, sed contra locatorem: Et ego sanè cum istis contra Iasonem sentio. Cum aperte Iason tractet cum casum quo secundus conductor

epi priores tradita est in possessione reperitur. Qui casus nullam penitus du-
 bitationem habere potest, quin posterioris conductoris eiusdemque possessio-
 nis causa potior esse debeat, quam prioris. Nullum enim ius tribuit locatio priori
 conductori nullamque actionem nisi personalem contra locatorem, de qua et-
 iam sola agit Vlp. in *d. in operis*. Per quam actionem licet cogi possit locator,
 id est condemnari ut priori conductori prius satisfaciat, quomodo scriptum est
 in *d. in operis*. Nihil tamen ea res potest efficere secundum conductorem, qui
 iam sit in possessione rei conductæ, ob idque nulla egeat actione sed tantum re-
 tentione ad summouendum priorem conductorem, eo ipso iure quo locato-
 rem quoque ipsum summoueret. Illa enim ratio qua præcipue nititur Iason ad-
 uersus secundum conductorem, quod traditio ei facta nullum ius reale in eum
 transferre potuerit, multo magis obstat primo conductori quem nemo dixerit
 plus iuris habere ob id debere quod traditio ei nulla facta sit. Nam si traditioni
 iuncta locatio nullum ius transferre in conductorem potest, quanto minus ea
 quæ nullam traditionem comitem habeat? Hoc autem admissio ut nullum ius
 reale translatum sit in conductorem primum. Consequens omnino est, ut nulla
 possit ei competere actio nisi personalis, ac proinde contra locatorem ipsum
 exercenda, cum quo contraxit, non contra secundum conductorem cum quo
 non contraxit. Sed & illud falsum est quod pro vero supponit Iason, Per tradi-
 tionem quam locator ex causa secundæ locationis fecerit, nullum ius reale
 transferri in secundum conductorem. Ius enim illud retentionis quod per e-
 iusmodi traditionem secundo conductori acquisitum est ne possit eum locator
 propria autoritate expellere adeoque nec per iudicem etiam si offerat locator
 quicquid interest conductoris, Præterquam ex certis causis de quibus in *l. ad
 3. Cod. de locat.* An non satis reale ius est, licet nulla eo nomine contracta sit hy-
 potheca? Neque verò in contrarium quicquam facit supradicta constitutio
 Zenonis, quæ licet de pluribus eiusdem rei conductoribus loquatur, ponit ta-
 men non pro eodem tempore factas plures locationes, sed secundam, in id de-
 mum tempus quo prior iam finita esset: quæ species nihil prorsus cum quæstio-
 ne nostra commune habet. Sed tamen videntur mihi etiam isti quos Didacus
 sequitur, in eo errare, quod traditioni quæ secundo conductori à locatore fa-
 cta sit, vim aliquam tribuunt, quasi eius potestate fiat ut secundi conductoris
 potior causa esse debeat, quam prioris cui numquam tradita res fuerit. Quod
 certè non ita est. Vincit enim priorem conductorem posterior, iùm quoque
 cum res ei à locatore tradita est. Nō quia sit ei tradita, sed quia rem detinet. Cu-
 ius rei euentissimo argumento illud est, quod etiam si nulla ei traditio à lo-
 catore facta fuisset, idem tamen iuris esset, si modò quilibet alia ratione deten-
 tionem rei haberet. Nam neque locator ad hoc tenetur conductori, ut ei rem
 tradat quomodo tenetur venditor emptori, quod nemo interpretum in hac
 quæstione obseruat, sed tantum ut patientiam ei præstet, quod non in faciendo
 consistit ut traditio *l. consilio 7. §. ult. in D. de curat. furios.* sed in patièdo. Suffi-
 cisque locatori ut per eum non stet quominus conductori frui liceat *l. ex con-
 ducto 15. in princip. D. locat.* In quo licet videatur conductor minus iuris habere
 quam emptor qui obligatum venditorem habet ad tradendum: Re vera tamen
 si proprius inspicias plus iuris habet quam emptor, quoniā propria autoritate
 possessionem & detentionem rei conductæ occupare potest, etiā non exquirit
 locatoris alia & noua voluntate, Quod in emptore diuersum est *l. si ex stipula-*

lione 5. D. de acquir. poss. Nimirum quia emptor non venditori possidet sed sibi. Conductor verò non sibi sed locatori *l. 2. C. de praeser. 30. vel 40. annor. l. 1. et 6. §. is qui rogauit D. de preear.* Nihil ergo in conductoribus facit traditio, sed tantum detentio, Et consequenter fatendum est agentibus inuicem conductoribus quibus singulis eadem res in solidum diuersis temporibus locata sit, meliorem esse causam non primi conductoris ut Iason voluit, nec eius cui priori res tradita sit à locatore ut alij volunt, sed possidentis. Nam si neuter possideat, sed tertius quidam extraneus, quamuis nullo penitus iure, nulla tamen siue priori, siue posteriori conductori actio competere potest aduersus possessorem, sed personalis tantum contra locatorem, Nisi ponas contractam esse locationem & conductionem, ut hodie fieri adsolet adiecta pignoris conuentione. Tunc enim non modò Seruianam exercere contra extraneum possessorem, vterque conductor poterit, sed etiam ita ut praeratur is, non qui prior conduxerit, nec cui priori res tradita sit, sed qui prior conuenerit de pignore, Atque ita non tanquam conductor sed quasi pignoratitius creditor, aut hypothecarius. Planè in personali actione quæ extra hunc casum contra locatorem ipsum instituenda est, potior primi conductoris causa esse debet, Hactenus ut ei priori locatorem satisfacere ac ni satisfaciatur condemnari oporteat *d. l. in operis.* Sed is casus ut iam dixi ad quæstionem nostram non pertinet, nec argumentum quod ex illo textu pro errore suo tuendo Iason sumit.



ANTONII FABRI

I. C. SEBVSIANI IN SVPREMO

SABAVDIÆ SENATV. PRÆSIDIS

PRIMARIJ,

DE ERROR. PRAGMAT. ET

INTERPR. IVR.

DECAS LXXXVII.

ERROR I.

Si venditor promittat eam rem alteri non vendere, ex eâque causa obliget bona sua, generaliter, vel ipsam rem venditam specialiter, quam postea vendat & tradat alteri.



GLORIATUR Iason ad *l. quoties 15. num. 28. Cod. de rei vindic.* hanc se limitationem ex sua inuentione afferre ad eam legem, ut non procedat quando venditor rem suam vni vendidit, eidemque per sollemnem stipulationem promissit alteri non vendere, & pro obseruatione promissorum obligauit illi bona sua omnia, Praesertim verò hanc ipsam rem venditam. Eo namque casu si postea idem vendi-

tor

ut eandem rem vendat & tradat alteri, Non dubitat Iason quin prior primi emptoris causa esse debeat, etiam cui tradita res fuerit à veditore. Quia, inquit, tunc cessat ratio d. l. quoties. Quandoquidem per tale pactum cum hypotheca impeditur translatio domini in secundum emptorē, & primus censetur habere ius in re Per textum quem interpretes nostri omnes dicunt, nec immerito, valde singularē in l. si creditor 7. §. ult. D. de distract. pign. Idq; esse putat Iason quod significant Imperatores in d. l. quoties, cum de prædii iure distracto loquuntur, Ut scilicet intelligamus à contrario sensu non posse secundum emptorem iure potiorē esse tamen prædium ei priori traditum sit, si non iure facta sit secunda venditio, In proposito autem non videri iure factam posteriorem venditionem propter pactū in priore appositum cum hypotheca. Addit hoc se cōprobare ex pulchra, inquit, cautela, quam in multis locis tradit Imol. ad l. emptorem 9. C. de locat. Vbi cum Imp. scribat emptorem non habere necesse ut stet colono venditoris sicut nec alius quilibet successor singularis stare teneretur. Notat tamen Imola bonam in contrarium cautelam esse quādo locatur domus, quod dominus promittat illam non videri alij sub obligatione omnium bonorū suorum & præsertim illius domus, Quia si postea vendit, venditio erit nulla, & propter ius hypothecæ non poterit expelli. Sic enim Imol. in l. si suis familias 114. §. Diu. 2. de leg. 1. & in l. absenti §. i. ad fin. D. de donat. Paul. Castrenf. ad l. si merces 25. §. 1. D. locat. Eāque sententiam tanquam indubitatam sequitur Dida. Couart. lib. 2. var. resolut. c. 19. nu. 7. post Andr. Tiraq. qui alios citat lib. 2. De retract. §. 3. gloss. unic. nu. 4. Nec est ut puto ex tot interpretibus qui dissentiat. Ad eō tenebras omnibus offudit responsum illud Marciani quod extat in d. l. si creditor 7. §. ult. de cuius sententia & lectione Baldus contra Bartolum tam magnis iam olim cōtentionibus ad rixam usque & partū feliciter decertauit. Mihi iam pridem quidem tota hæc traditio suspecta visa est. Sed cum de Marciani responso nondum bene liqueret ante hunc diem, non poterat mihi compertum esse, quid de tota hac questione sentiendum arbitraret. Ac de illius quidem responsi sententia & emendatione dicemus latius capite sequenti. Nunc verò errorem istum quem interpretes ex eo responso inuexerunt apertissimis rationibus refellemus. Primum omnium illud statim occurrit in hac opinione reprehendendū, quod supponunt interpretes posse quem sibi eam legem pacto dicere ne rem suam inuito vicino alienare possit, Quod euidenter falsum est & à Pomponio discretè negatum in l. penult. D. de pacti. Quam legem etsi vulgo sic ab interpretibus accipio, nisi res illa curus alienandæ facultatem sibi dominus præripuit in eum finē pignoriata sit, & nos quoq; in Rationalibus eam interpretationem secuti sumus, ut Pomponium cū Martiano conciliaremus, Nihil tamen est meo iudicio quod aut Pomponij verbis, aut iuris rationi minùs cōueniat. Nam cū Pomponius generaliter scribat neminem paciscendo efficere posse ne sibi liceat inuito vicino prædii suum alienare, non magis quā ne locū suum dedicare, aut in suo mortuum sepelire. Quis exceptionem illam ferre possit, Nisi prædium ad hoc sit obligatum? An non enim per pactum fit, quod sit per conventionem de pignore? Aut quod vna via fieri prohibitum est cur alia fieri permittimus? l. scire oportet 21. §. 1. D. de leg. tutor. Quod si ut hanc obiectionem effugeret Iason, putauit necessariam stipulationem sollemnem de non vendendo alicui quasi plus hac parte possit stipulatio quā nudum pactum de quo Pomponius loqui videtur, Ne is parum subtilis fuit. Sunt enim generalia illa verba Pomponij nemo paciscendo facere potest, nec minùs stipulationē quā pactum nudū com-

prehendunt. Nā & qui stipulatur paciscitur, & cōventionis pactiq; nomina generalia sunt vt etiam contractus quoslibet complectantur *l. 1. l. cōventionū §. 1. seqq. c. pass. D. de pact.* Sed quid apertius, quā illud videre, Pomponium *in d. l. pen.* cū ait neminem paciscendo posse efficere ne locum suum dedicare sibi liceat, aut in suo mortuū sepelire, aut ne fundum suum alienare, Nō tam ad infirmitatē nudi pacti respicere cuius non tanta vis esse possit quanta stipulationis ad obligandū, quā ad defectum potestatis in persona paciscentis, cui non magis licet vt per stipulationē quā vt per nudū pactum id faciat quod quoquomodo fieri iure prohibetur. Iuris enim ratio quæ resistit ne per pactū nudū fieri ista possint resistit etiam stipulationi: Nempe quod quisquis verē dominus est ex iure Quiritium is sicuti dominium suum etiam volens & vltro amittere nō potest, nisi aliquo ex iis modis quibus rerum dominia iure Quiritium & amitti & acquiri placuit *l. si quis vi 17. §. differentia D. de acquir. p. ss.* Ita neq; facere potest vt manens dominus non retineat etiam inuitis liberam rerū suarum alienandarum, & pro arbitrio administrandarum facultatem, quam ciuibz, & ingenuis omnibus lex dedit. Implicat enim contradictionem, vt quis dominus sit eius rei quam alienare prohibeatur, Nisi cū dominium ad eum peruenit hac lege ne alienari possit. Iis scilicet casibus quibus alienatio vel per legem ipsam vel per hominē lege permittente interdicta est *l. vlt. C. de reb. alien. non alienād.* Est igitur cōtra leges pactio, siue per stipulationē fiat siue citra stipulationem, per quam prohibetur quis ne rem suam licitis quoque & legitimis modis alienet. Quōd si promissio ipsa non alienandi quamvis vallata stipulatione nullius omnino momenti est, quid obsecro prodesse pactum potest, quo conueniat de pignore ad eam ipsam rem obligandā? An non obligationem aliquam aut ciuilem, aut naturalem præcedere necesse est, vt pignoris obligatio quæ non nisi accessoria est, possit subsistere? Cū ergo principalis causa non subsistat nec ea quoq; consistere possunt quæ accedunt & sequuntur, vt habet iuris regula. Sed & cū hypothecaria tacitam illam condicionem semper habeat si pecunia nō soluetur, vt scriptū est *in l. lege 13. §. etiam D. de pign.* fatendum est, etiam si huiusmodi pignoris vinculū aliquod subesset, non aliā tamen huius conuentionis utilitatem fore quā vt primus emptor qui rem haberet obligatam non prius à iure illo suo reali discedere cogeretur, quā ei præstitum esset quanti ipsius interesset. Quid enim aliud petere aut consequi à venditore potest emptor cui res non traditur? Ergo saltem eo casu quo paratus sit venditor qui alienandi facultatē sollenni stipulatione sibi præripuit, præstare emptori plenissimam indemnitatē, eiq; quanti eius interest soluere, Non potest conuentio pignoris facere quin ius omne primi emptoris euanescat, quia & vinculū ipsum pignoris euanesceat (solutō omni debito: Nec tātū id obtinet si vēditor qui debitor est, quique pignus cōstituit, ipse satisfaciat, sed etiā si secūsus emptor cui dominus eandē rē vendere, eiq; tradere maluerit: Cū possessor quilibet quantūvis iniustus habeat ius offerēdi. Nec. n. querendū est de iure possessoris cū sublatū est ius creditoris soluto pignore *l. Paulus 12. §. 1. D. quibus mod. pign. vel hypoth. soluit.* Proinde si secundū Iasonis & aliorum ratiocinationē nihil est, quod impedire possit ne ex secunda venditione transferatur dominium in secundum emptorē, nisi ius illud reale quod primo emptori per conuentionem pignoris quæ situm est in re ipsa vendita. Consequens est vt per plenissimam indemnitatis præstationem dissoluto iure omni ac vinculo pignoris potestas traditionis quæ per ius solum pignoris impediabatur, reuiscat, & vires suas exerat in dominio transfe-

transferendo. Sublata enim causa pignoris sola superest, promissio non alienandi quam fatentur omnes non posse sufficere, ad impediendam dominij translationem, quia etiamsi mille stipulationibus eam munias, nunquam tamen facies ut eiusmodi promissio ius vllum tribuat in re aut ad rem, sed tantum in personam promissoris eiusdemque venditoris, qui porro actione illa personalis non ad aliud teneri potest quam ut vel contractum impleat, vel præster quanti interest emptoris & stipulatoris. Nam nec hypotheca etiam specialis rei venditæ absque pactione de non alienando hanc vim habere posset ut impediretur alienatio. Cum si in locatione appositæ esset, non faceret ut eò magis emptor colono stare teneretur, ut ex communi nostrorum sententia concludit Didac. lib. 2. *var. resolut. cap. 15. num. 3. vers. Secundum hinc deducitur*. Vbi agnoscit ipse hanc ipsam rationem qua mouemur ne possimus admittere vllam hac parte vim esse hypothecæ quantumlibet specialis, quod dissoluatur hypotheca hoc ipso quod à possessore vel secundo successore præstetur primò quicquid interest eius ex *dist. 1. Paulus §. 1.* Quo magis mirandum est omnes interpretes in eo consentire ut putent, Pactionem de non alienanda re vendita coniunctam cum speciali hypotheca potestatem eam habere ut alienationem impediat. Si enim conuentio pignoris ex qua sola ius reale inducitur, nihil tamen facere sola potest, quid addere queat promissio de non alienando facta per stipulationem, nisi personalem actionem? Nam quod vulgo iactitant, quæ non profunt singula easi multa & coniuncta sint inuare posse, ad ea demum pertinet quæ æstimanda sunt ex coniectura aliqua voluntatis aut æquitatis, sed non ad illa etiam quæ pendent ex mera iuris siue constituti, siue recepti ratione *l. spadonem §. 9. qui multa iura D. de excusat. tutor.* ubi est textus in hanc rem elegans valde, & accommodatus. Vnde & illud quoque miror quod iidem interpretes magis communiter putant necessariam esse ad hunc effectum specialem hypothecæ conuentionem nec generalem sufficere. Ut ex Bartolo, Baldo, Imola & aliis frequentiori calculo receptum esse testatur idem Didac. *dist. num. 3. vers. ultimò est ad hæc considerandum.* An non enim generalis hypotheca perinde ius in re tribuit atque specialis? Rursum è contrario, Nonne specialis quoque hypotheca perinde dissoluitur soluto omni debito atque generalis? Quid igitur aut specialis facere amplius potest, aut generalis minus? Sed grauior interpretum nostrorum in proposita questione error ille est, quod etiamsi maxime verum est quod nos maxime falsum esse contendimus, ut sollennis promissio de non alienando iuncta cum hypotheca speciali possit impedire translationem dominij, Non tamen ex eo possis inferre quod Iason & cæteri inferunt. Potiorem igitur prioris emptoris cui res non est tradita, quam posterioris cui tradita sit, causam esse oportere. Quod enim dominium rei venditæ non sit translatum in secundum emptorem tametsi traditio ei facta sit, an facere eo magis debet, ut in priorem cui numquam res tradita est, dominium translatum intelligatur? Aut quænam collectio ista est. Secundus emptor non est factus dominus per traditionem nec fieri potuit propter iunctam cum prohibitione alienandi specialis hypothecæ potestatem. Ergo primus emptor dominus est, etiamsi res ei non tradatur? Quid enim vetat neutrum esse dominum, Nec priorem emptorem quia res ei tradita non sit, nec posteriorem, quia traditio effectum suum habere non potuerit? Ideoque si secundus emptor ex traditione illa

nullo iure facta possessor inueniatur, quidni præferendus erit priori nullum dominij ius habenti? Eo scilicet iure quo vincit reus quilibet per non ius actoris, præsertim verò in rei vindicatione *lult. C. de rei vind.* & quo etiam viciosa possessio aduersus extraneos prodest *lult. D. de acquir. poss.* Quamquam probabiliter dicere nemo possit, viciosa esse possessionem eius cui venditor ipse ex causa venditionis rem tradiderit cum habeat illam non solum ex titulo per se iusto & habili ad dominium quoque acquirendum, sed etiam bona fide, & plus quam bona fide scilicet à vero domino, Nil obstante illa prohibitione alienationis, etiam quæ comitem habeat specialem hypothecam, Quippe quæ ius ipsum dominij afficere quidem potest si interpretibus nostris credimus, sed possessionem inficere nullomodo potest, Præsertim verò si ponas ignorari à posteriori emptore conventiones illas cum priore factas. Quid enim commune habet ius tituli & dominij cum iure possessionis *l. i. § si uxori l. naturaliter 12. §. nihil commune eod. tit.* Aut quid ius ipsum possessionis cum bona fide, quominus is qui nullo etiam iure possidet, bona tamen fide possidere existimetur? Sed etsi poneres secundum emptorem cui soli res tradita sit à venditore postmodum amissa sine ullo facto suo possessione velle eandem rem vindicare non à primo emptore quem ponimus nunquam possedisse, sed ab extraneo quolibet detentore. Dubitandum tamen non putarem quin rectè ageret tanquam dominus per traditionem effectus in præiudicium saltem eius qui nullum à primo emptore ius haberet, & cui nullum ex pactionibus inter venditorem & primum emptorem factis ius quæri potuisset. Tritum enim est ex doctrina ipsius quoque Bartoli *ad l. 2. D. de except. rei iudic.* Non esse admittendam exceptionem de iure tertij etiam quæ sit exclusiua iuris agentis, quoties non aliter exclusiua est, quam si tertius ille velit: Qualem hanc esse ambigi non potest cum in potestate sit primi emptoris an ius illud suum siue personale, siue reale velit exequi, necne. Quis enim iure suo præsertim tam dubio & incerto uti cogitur? Sed & si agente in secundo emptore & vindicante rem venditam ab extraneo possessore primus emptor liti interueniret, ad prohibendam quantum in se esset vindicationem, nulla tamè ratio esset summouendi secundi emptoris propter primum, qui ipse eius rei vindicandæ ius nullum haberet. Quo enim iure vindicationem alterius prohibere potest is qui nequeat ipse vindicare? Nam ut primus emptor vindicandi ius habeat, non sufficit ut impediatur ne translatio dominij in secundum emptorem fieri possit, sed necesse est ut probetur dominium in se translatum esse, quod probare numquam poterit is, cui traditio nulla facta fuerit. Quòd si ponas secundum emptorem vtroque illò tempore quo & emit, & rei possessionem per traditionem accepit conventiones illas inter venditorem & primum emptorem factas ignorasse, ac proinde tam contractus, quam traditionis tempore bonam fidem habuisse. Quidni demus ei saltem Publicianam, quam haberet vtrique etiam si à non domino dummodo bona fide comparasse? An fortè minus iuris habet ad exercendam saltem vtilem vindicationem is qui emit à vero domino, quamuis vendendi ius non habente ob aliquam occultam causam quam emptor ignorare probabiliter potuerit, nec diuinare debuerit, quam is qui emit à non domino quem dominum esse existimauit? Aut quid interest ad inducendam bonam fidem an quis alienam rem esse nesciat, an verò inalienabilem duntaxat eam quam verè sciat propriam esse & in dominio venditoris? *l. bona fides 109. De verb. signifi.* Tæceo, quòd etiam si probaretur secundus emptor sciuisse pactiones factas inter venditorem & primum emptorem,

emptorem,

emptorem, non idè tamen posset dici malæ fidei emptor quominus Publicianam habere deberet: Cùm si non verè, tamen probabili saltem errore credere potuerit, nō èd minùs venditorem qui non obstantibus eiusmodi conventionibus, rei suæ dominus manserit, eiusdem alienandæ, tradendæque potestatem sibi retinuisse, salua primo emptori aduersus venditorem ob ruptam fidem contractus personali ad consequendam indemnitate actione. Quæ nostra sententia est, aut vera planè, aut si fortè erronea, saltem probabilis. Quam cùsi erroneam esse conuinceret, me quidem imperitiæ argueres, sed non idè emptorem secundum in mala fide constitueres, quamuis in iure errantem, quia neque prædo, neque malæ fidei possessor est is qui in iure errat *l. sed etsi 25. §. si re D. de pet. hered.* Maximè verò si error sit iuris valde dubij & perplexi ut tradit Didac. in 2. part. relectionis cap. alma mater de sentent. excommunic. §. 7. nu. 9. ex cap. cùm dilectus de consuet. Nam imò verò ex iuris errore induci bonam fidem quæ sufficiens sit ad præscribendum etiam vbi titulus requiritur placet eisdem Didaco ex communi nostrorum opinione *lib. 1. Var. resolut. cap. 8.* vbi refellit etiam distinctionem illorum qui putant referre an per errorem iuris putauerit aliquis valere alienationem quæ absolute ac simpliciter prohibita sit ut rerum ecclesiasticarum, An verò valere alienationem quæ non absolute prohibita sit sed in defectum sollemnitatum quas adhiberi lex velit nec tamen cōtrahentes adhibuerint ut contingit in alienatione rerum minoris, Quasi hæc posteriore casu excusabilior sit error, quàm priore. Quod tamen non ita est. Nihil enim refert siue effectum rei siue rationem iuris inspicias, ut bene Didacus argumentatur, an alienatio simpliciter prohibita sit, an verò permissa quidem sed adhibitis certis sollemnitatibus quæ non interuenerint, Cùm utroque casu verum sit venditionem non valere tanquam perinde contra leges factam *l. lex qua tutores 22. Cod. de admin. tutor. l. non solum 4. l. si quidem 11. & tot. j. Cod. de præd. minor.* Denique malæ fidei possessor est quisquis contra legum interdicta mercatur ut scriptum est in *l. quem admodum 7. C. de agric. & censu. lib. 11.* Sunt enim leges & constitutiones iuris publici cuius ignoratio nemini permissa est *l. penult. Cod. de iur. & fact. ignor.* At non similiter possit quis dicere, Malæ fidei possessorem censeri eum debere, qui emerit contra pactiōnes inter priuatum emptorem & venditorem factas, cùm priuatorum conventiones & cautiones legum auctoritate minimè censeantur *l. ultim. D. de si is & legis.* Nec aliud erit tamen si promissio illa de non alienando non tantum stipulatione vallata sit, sed etiam iureiurando. Quænam enim iurisiurandi potestas esse potest aduersus eum qui neque iurauit, neque iurantis heres est, sed singularis tantum successor? Si quid enim vsquam personale est, vinculum sanè iurisiurandi tale est. Quæ autem personalia sunt ea constat in singularem successorem non transire vulg. *l. ult. §. 1. D. de contr. empt. l. 1. §. si heres D. ad SC. Treb. l. 1.* Quod verò ad sententiam suam fortius comprobandam adfert Iason ex eo quòd dici solet, Emptorem cogi stare colono si locator in contractu locationis promiserit alij rem locatam non vendere idque sub obligatione bonorum suorum omnium & præsertim ipsius rei locatæ, iisdem rationibus & argumentis refelli potest. Pendet enim ex eodem errore qui causam dedit perversa interpretatio, mendo sàque le-

Cito *d. l. si creditor 7. §. vltim. D. de distr. pignor. de qua ten-*
pus iam est ut coniecturam nostram

aperiamus.

ERROR SECVNDVS.

De sententia & emendatione l. si creditor 7. §. ultim. D. de distract. pignor.

NON fuisset quisquam ex interpretibus tam audax & subtilis qui dicere vnquam ausus fuisset quod tam constanter omnes ore vno adfirmant, Possē fieri per pactum de non alienando si coniuncta sit specialis hypotheca vt rei alienatio impediatur, si non eos omnes vnū hoc Marciani responsum fessellisset. Fatentur enim quotquot sunt qui hanc questionem tractant, Esse textum illum singularem, id est nullum extare alium quo tale quid probari possit. Quasi verò aut ratio aliqua, aut alia autoritas iuris deesse posset, si cui vnquam ex antiquis prudentibus tam absurda ne dicam planè stulta opinio probabilis visa esset. Sed neque persuadere mihi possum cuiquam ipso in mentem venisse vt hoc ipsum poneret in questione, & dubitatione, Cùm certissima iuris ratio prorsus repugnet, tamque euidenter vt nec dubitationi locum relinquere vllum videatur. Nam vt in præcedentibus tractare cepimus, Nemo paciscendo efficere potest ne sibi liceat rem suam manentem suam inuito vicino aut alio quolibet alienare *l. penultim. D. de pact. non magis quam vt ne dominus maneat rei suæ quamdiu eam non alienauit aliquo ex iis modis legitimis quibus alienari & transferri dominium posse placuit l. si quis vi 17. §. differentia D. de acquir. poss.* In eo siquidem elucet maxime vis & potestas domini, vt eam rem cuius quis dominus est alienare pro arbitrio possit, & de ea quo velit alio modo disponere *l. 2. D. si à parent. qui manum. su. l. in re mandata 21. Cod. mandat.* Ita suadente ac faciente ipsa naturali ratione, cui nihil tam conueniens est, quam voluntatem domini rem suam in alium transferre volentis ratam haberi *l. quæ ratione 9. §. ba quoque res D. de acquir. rer. domin.* Nec enim similiter possis dicere, & ex infinita illa voluntatis libertate inferre, Aequè pernitendum esse domino eam si velit legem sibi dicere ne rem suam alienare postea vnquam possit. Ne alioqui cogamur fateri quod negamus, Non esse liberum domino, quam velit legem rei suæ dicere. Esset namque ista libertatis amissio potius quam retentio, longèque aliud est Dominum legem dicere rei suæ, aliud sibi. Rei suæ quam vult legem dicere dominus potest, sibi non item, Sicuti solemus dicere de supræ testatoris voluntate, Esse illam planè liberam & ex libero testatoris arbitrio pendentem vt scriptum est *in l. 1. Cod. de sacros. eccles.* Sed tamen fieri nullomodo posse vt eam sibi testator legem dicat ne à priore sua voluntate possit recedere *l. si quis in princip. l. 22. de legat. 3.* Nimirum esset hoc libertatem testandi non exercere, sed contringere quod fieri nulla arte potest *l. cum duobus 52. aliàs l. si fratres §. idem respondit societatem D. pro socio. l. patrum quod dotali 15. Cod. de pact.* Neque rursus simile est quòd omnes admittunt & verissimum est, posse inhiberi alienationem à testatore. Eoque casu non modò impediri alienationem sed etiam vsusfructus constitutionem, & pignoris obligationem *l. ultim. Cod. de reb. alien. non alienand.* Id enim rationem illam diuersitatis habet, quia testator qui rerum suarum alienationem testamento prohibet non sibi legem dicit sed rebus suis & heredi suo, ad quem alioqui res illæ peruenturæ essent cum libera alienandi potestate, Eiusque rei argumento illud est quod idem testator non eò minus res suas alienare postea quando cun-

que po-

que potest *l. Lucius 40. §. 1. D. de fideic. libert.* Sed & obseruandum est valde interesse inter voluntatem testantis, & voluntatem contrahentis. Voluntas testantis lex est *vulg. §. disponas. Nouell. 22. De nupt. l. verbis legu 120. De verb. sign.* Voluntas contrahentis non item *l. pen. D. de suis & legiti.* Lex autem cum sit rerum omnium & personarum quæ in republica sunt domina & regina *l. 1. & 2. D. de legib.* dubitandum non est, quin sicuti sola dominium transferre potest itaquam vnus, isque præcipuus modus transferendi iure Quiritium dominij, vt ait Vlpianus in fragmentis *tit. 19. De acquir. rer. ita* & dominij alienationem prohibere ac impedire possit, quod voluntas & pactio contrahentium facere nullo modo potest, [nisi cum quis rem suam tradit sub pacto De non alienando vt dicemus in *Error. 6.*] *d. l. pen. D. de pact.* Ad quam, etsi video interpretes omnes exceptionē illam adnotare, quam & nos in Rationalibus ad illum locum secuti sumus, Nisi res de qua non alienanda conuenit pignoratā sit, in eāque creditor ius reale habere cœperit, Agnosco tamen neque verbis legis neque iuris rationi conuenire exceptionem. Cui nec aliud sanē causam dedit, nisi quod existimantes interpretes sic à Marciano scriptum esse in *d. l. si creditor 7. §. vltim. D. de distract. pignor.* non aliter aut melius quàm ea exceptione adhibita Pomponium cum Marciano conciliari posse crediderunt. Nemo certē est vel ex ipsis quoque interpretibus qui non fateatur contendatque solam pactiōnem De non alienando ex quacūque causa factam etiam in rei propriæ traditione, tantæ potestatis esse nūquam posse vt alienationem impediāt, si non coniuncta sit potestas hypothecæ vel pignoris. Quamquam in eam rem abutantur passim eo quod scriptū est in *l. ea lege 3. C. de condit. ob caus. dat. & l. si in qua 135. §. ea lege D. de verb. obligat.* qui tamen loci ad rem non pertinent, quia loquuntur de pacto in rei propriæ traditione adhibito, nec probant quod volunt interpretes vt in sequentibus ostendemus. Sanē extra casum illum fateor veram esse propositionem interpretum ex *d. l. l. penult. de pact.* Nascitur enim ex eiusmodi pactiōne tantum actio personalis contra eum qui aduersus conventionem fecerit, si modò ex iusta & honesta causa interfit agentis vt in *d. §. ea lege & d. l. 3.* Puta si conuenerit inter nos pacto incontinenti post alium contractum adhibito ne tu alij quàm mihi rem tuam venderes vel locares vt in *l. qui fundum 75. D. de contr. empt. l. si sterilis 21. §. si tibi fundum & §. 9. D. de action. empt.* Nam si nihil interfit [interesse autem non videtur nisi honesta causa interueniente *l. 3. §. si mecum D. ad exhib. l. tum is 11. D. de furt.*], ne quidem personalis actio vlla ex tali conventionē nasci potest, cum obligationes & actiones omnes ad hoc comparatæ sint vt vnusquisque acquirat quod sua interest. *l. stipulatio ista 38. §. alteri D. de verbor. obligat.* In eoque conuenit mihi cum Bartolo cæterisque interpretibus omnibus *ad d. l. §. ea lege* qui hunc admittunt esse sensum *d. l. l. penultim. de pact.* vbi Pomponius huiusmodi pactiōnem vsque adeò improbat, vt neque personalem actionem aut exceptionem ex ea concedere videatur. Nec abs re, cum prohibitio ipsa testatoris, quam longè maioris potestatis esse diximus, nullas tamen vires habeat si sit nuda, id est nisi admixta habeat aliquam causam *l. filiusfamilias 114. §. Dimi 2. De legat. 1. l. pater filium 38. §. Iulius Agrippa de legat. 3.* Et quidem talem ex qua appareat interesse alterius quàm heredis prohibiti, ne alienetur ea res quam testator alienari prohibuit, vt nos pluribus explicauimus lib. de cimoquinto Cōiecturaru. Quāquā illud quoque obseruatione dignū est, quod nos, ni fallimur, alibi docuimus alienationis prohibitionē etiā à testatore factā nō vsq; adeò rem ipsam

afficere, ne iura quidem cum iusta & honesta prohibendi causa intèrcedit ut impediat alienationem, id est translationem dominij in emptorem, sed tantum ut inducat petitionem fideicommissi, quod eo casu relictum videtur sub conditione in casum contraventionis & alienationis *dist. 6. Dni & l. unum ex familia 67. §. si duos & sequent. l. peto 69. §. fratre l. cum pater 77. §. liberum cum l. seq. §. pradium De legat. 2. l. quoniam 15. Cod. de fideic.* Ceterum rei alienatæ dominium ad emptorem haud dubie pertinebit. Nam & pertineret, tametsi res illa alienari prohibita per fideicommissum expressum & absolutum nominatim relictæ esset, Inspecti scilicet ratione iuris illius veteris quod obtinuit ad constitutionem usque Iustitiani *in l. ultim. §. ultim. Cod. commun. de legat. & fideic.* quæ primùm constitutione factum est ut res siue in diem siue etiam sub conditione legata, vel per fideicommissum relictæ, & pendente die vel conditione fideicommissi alienata reuocari postea quodcumque possit per legatarium aut fideicommissarium & euinci emptori tanquam nullo iure, ac contra prohibitionem non tam testatoris quàm imperatoris legis alienata, Cùm antea diuersum obtineret, quia & ante Iulianum erat inaudum, ut fideicommissario daretur vindictio rerum fideicommissi ab herede alienatarum, nec si in fraudem fideicommissi quod magis est alienatio facta probaretur, ut *in l. Imperator 50. leg. Titius 54. D. ad SC. Trebellian.* ut ostendimus *in Error. 7. Decad. 70.* solūque illud remedium supererat fideicommissario, ut quæ perperam heres alienasset imputarentur ei in quartam *l. 3. §. res quæ eod. reliquum* autem de suo heres fideicommissario sarciret, aut fideiussor quem ex hac causa ab herede dari necesse erat ex edicto prætoris, ut legatariis vel fideicommissariis rectè & vtiliter cautum esset. *Tot. iur. Vt legat. seu fideic. seru. and. caus. cauent. & Vt in post. legat. vel fideic. seru. and. caus. est. lre. D. & Cod.* Et verò qui fieri poterat ut rerum fideicommissi alienatarum vindicationem aduersus emptorem haberet fideicommissarius tanquam dominus vel gentium iure, vel civili, cū nec dominus olim fieret iure Quiritium non solum per restitutionem fideicommissi, sed neque per traditionem ipsam singularum rerum fideicommissio subiectarum tanquam non ex iusta causa factam, quod fideicommissa legibus duodecim tabularum & aliis quæ secutæ sunt, incognita non nisi iurisdictione prætoris subsisterent? *l. 3. D. si usufr. pet. iunct. l. numquam nuda 31. De acquir. rer. domin. & Institut. iur. De fideicom. hered.* Planè non nego iam olim potuisse fideicommissarium post restitutionem sibi vel solo verbo hereditatem vindicare res hereditarias, sed tanquam dominum bonitarium, propterea quod in bonis eius fierent res omnes hereditariæ per restitutionem *l. facta 63. D. ad SC. Trebell.* Hoc ergo admissio, quis non fateatur multò minùs potuisse impediri alienationem per solam licet non nudam alienationis prohibitionem, quippe ex qua fideicommissum nullum nisi per interpretationem adeoque conditionale induci possit? Neque superioribus contrarium est, quod idem Iustinianus *in d. l. ult. C. de reb. alien. non alienand.* ita coniunctim tractat de prohibitione alienationis facta siue per legem siue per testatorem siue per conventionem inter viuos, ut omnes hos casus exquare videatur. Cùm tamen nemo dubitet quin alienatio impediatur, quoties facta venditio est contra ipsius legis prohibitionem, ut puta si rem immobilem minor vendiderit sine decreto, Vel prodigus cui bonis interdictum est *l. 1. l. Iulianus 10. D. de curat. furios. l. 1. D. de reb. eor. l. si quidem 11. & post. Cod. de præd. minor.* Respondendum enim est intelli-

intelligendam eam legē de prohibitionē hominis quæ sit valida, qualis illa non est, Ne dominus rem suam possit alienare *dist. l. pen. de pact.* Nisi cum dominus ipse talem legem dixit traditioni rei suæ. Sic enim respondere malo quāmodo Bart. post Accorsium in eo exaquari omnes alienationis prohibitiones, siue per legem factę sint, siue per testatorem, siue per pactionem, quod omni casu non tantum alienatio prohibita intelligitur, sed etiam datio vñsfructus, constitutio pignoris, vel seruitutis, contractus emphyteuticus, alia denique omnia per quæ ad alienationem peruenitur, scilicet vt quisquis alienare prohibitus est teneatur si quid horum fecerit perinde ac si vendidisset tanquam qui fecerit contra prohibitionem, at non vt par sit & æqualis potestas prohibitionis ad impedendam alienationem ipsam. Quasi semper potentior sit prohibitio legis, quæ hominis nullo indiget adminiculo, quā hominis, quæ si legis auxilio & auctoritate destituatur, nullius omnino momenti est siue in vltima voluntate fiat, siue inter viuos. Nam imò verò potentior est prohibitio hominis quā legis si fiat à domino rem suam tradente. Vt probabimus in sequentibus, & constat ex *lea quidem 5. C. si mancip. ita fuer. alien.* quæ ad hunc casum propriè pertinet, & ad quam nec Bartol. ipse si vinceret respondere vnquam posset. Quòd si alienationis prohibitio siue in contractu, siue etiā à testatore facta tantam vim habere nō potest, vt alienationē ipsam impediat, si adiuncta non sit cōuētio pignoris vel hypothecæ, vt Doctores volūt, Rogo quid asserre præterea potest adiunctio hypothecæ? Respōdebūt statim omnes vno ore interpretes, hoc asserre cōuētionē pignoris, quòd ex eo tēpore is qui stipulatus est ne res alienetur quæ specialiter ei obligata est, cœpit exinde habere in ea re ius aliquod reale, cuius maiore potestatem esse conueniens est quā iuris cuiuslibet personalis ad rem ipsam afficiendā. Ego verò non inficior ita esse, sed hoc cōtendo, Nō posse iuris illius realis tantam vim esse vt impediat alienationem, quoniā ius pignoris siue hypothecæ temporale tantum est, alienatio verò perpetua. Nihil enim est quod alienari propriè & absolute ad tēpus possit. Qui ergo fieri potest vt tale ius pignoris vel hypothecæ alienationem impediat? Aut vt effectus huius conuentionis longius porrigatur quā ius ipsum pignoris? Atqui ius ipsum & vinculum pignoris dissolui facile potest, oblato quocunq; debito, aut aliter creditori satisfacto. Sicut enim de natura pignoris est vt possit distrahi à creditore, adeò vt non sit vile pignus quod distrahi nullo casu nulloque tempore potest *l. 4. D. de pignor. act.* Ita & de pignoris natura quoq; est vt possit dissolui, nec nisi tēporalem præbeat vtilitatem *l. si rem 9. §. omnis pecunia eod. tit. l. grege 13. §. etiam D. de pign. l. pen. D. de except. rei iudic.* Debuerunt ergo interpretes dicere, si tantā vim conuentioni pignoris tribuere voluerunt, Posse conuentionē de non alienādo cū hypotheca iunctam facere vt non teneat alienatio donec indemnitati stipulatoris plenissimè satisfactum sit, præstato ei quanti omnino interest ipsius, Non autem quod tam pertinaciter defendunt, Facere hypothecam cum pactione de non alienando coniunctam vt rei obligatæ alienatio in perpetuum & absolute impediat. Nam & iidem fatentur solam pignoris conuentionem non interueniente stipulatione de non alienando, tantam vim habere non posse vt alienationem impediat, Licet non eo minùs verum sit hoc quoque casu ius reale contrahi per conuentionem pignoris in fauorem creditoris. Restat igitur vt ad Marciani textum illum quo vno interpretēs omnes mouentur, respondamus. Mirum sanè est à tam multis seculis vidisse neminē quomodo Marcianus scripserit in ea re in qua dubitare nemo possit quid scribere debuerit. Adeò infelicitè & frustra omnis

opera impenditur explicandis iis locis, qui indigent emendatione. Esi verò plerumque accidit, vt emendandi ratio difficilior sit, quàm vt occurrere statim possit vel ei qui emendandi licentiam & auctoritatem sibi adroget, quàm ex necessitate sibi adrogandam esse recentiores ferè omnes interpretes. Tandè ex recentioribus Gallis doctissimi quique crediderunt, Tantò mirabilius tamen est non fuisse obseruatum mendum, quod non linea integra, non dictione aliqua, at nec syllaba vlla, sed literula vna adiecta seruari commodissimè possit: Præsertim cum nec defuerint qui hoc quodammodo præsentientes ausi sunt detrachere literam in dictione *nullam* & legere *vllam* vt affirmatiuam facerent sententiam quæ haud dubiè à Marciano concepta est negatiuè. Istorum error fuit quòd quæsierunt mendum in respõsione, quod suberat in quæstione. Nec enim putandum est eam fuisse quæstionem propositam à Marciano, An valeat conuentio facta inter debitorem & creditorem ne liceat debitori vendere pignus vel hypothecam, quæ quæstio prorsus absurda inanis & inutilis est, vt mox dicemus, Sed illam potius, An valeat pactum à creditore factum ne liceat ei debitoris hypothecam vendere vel pignus, Quam ita propositam esse apertissimè intelliges si iisdem omnino verbis retētis eodémque verborum ordine hoc solum immutes vt pro *debitori* legas *debitoris*, Nam & verisimile & præcos illos, librarios & exscriptores quibus solenne erat omnia quàm paucioribus fieri posset literis perscribere, his literis contentos fuisse *debt*, aut *debitor*, ex quibus perinde posses legere *debitoris* atque *debitori* & contrà: indèque mendum hoc fluxisse.

ERROR TERTIVS.

De conuentione Ne liceat debitori vel creditori pignus aut hypothecam vendere.

Dixi absurdam, inanem & inutilem esse quæstionem De validitate cõuentionis inter debitorem & creditorem interpositæ, Ne liceat debitori vendere pignus & hypothecam, quia & cõuentio eiusmodi prorsus absurda, & inutilis est. Nec enim quicquā interest creditoris, præsertim si ius vetus inspicias, quod Marciani temporibus obtinebat, An debitor pignus vel hypothecam alteri vendat, an sibi retineat, Cum omni casu æquè saluam paratamque habeat creditor pignoris aut hypothecæ persecutionem aduersus tertium quemlibet siue bonæ siue malæ fidei possessorem, quia sit semper alienatio cum sua causa, nec mutatione dominij ius pignoris vel hypothecæ aut mutatur, aut extinguitur. *l. si debitor 12. C. de distract. pignori. l. vnic. C. id. rem alien. gerent. non interd. rer. suar. alien. l. 1. §. cum prædium D. de pignori. l. usufructu 7. Cod. eod.* Hodie sanè multum interest creditoris non alienari pignus vel hypothecam, postquàm placuit Iustiniano inuita iurisprudencia vt liceat debitori res suas obligatas alienanti etiam inscio adeoque inuito creditore, hæctenus detergiorem facere creditoris conditionem ne possit creditor ius suum exequi contra tertium bonæ fidei possessorem nisi exclusis prius cæteris bonis debitoris, itémque fideiussorum aliorumve intercessorum si qui accessisse proponatur. *Novell. 4. De fideiuss.* vnde sumpta est *Aut hoc si debitor C. de pign.* Sed cum olim esset incognita exceptio illa non facta excussionis, nisi in specie *l. Moschis 47. D. de iur. fisc.*

de iur. fisc. de qua alibi scriptum, iusque ita obtineret, ut distractis à debitore pignoribus creditores potestatem eligendi haberent utrumne personali actione obligatos sibi, an pignora possidentes actione in re conuenire vellent *l. distractis 14. Cod. de pignor. l. est in arbitrio 14. Cod. de obligat. & action. l. creditoris 8. D. de distract. pignor.* Apparet nihil interfuisse creditoris hypothecarij multoque minus pignoratitij an debitor obligatam rem venderet, necne, ob idque non nisi inutilem conuentionem illam de non vendendo per debitorem pignore, & consequenter inutilem questionem de conuentionis illius validitate esse potuisse. Idque nec Bartolus ipse dissimulare potest qui ut aliquem casum vtilem comminiscatur quò possit interesse creditoris, Ne pignus vel hypotheca per debitorem alienetur, Vnum illum conquirat, & reperit, Si forte inquit, debitor velit alienare in potentiorum, contra quem durior & difficilius creditor futura sit pignoris persecutio, quam aduersus debitorem ipsum futura esset. Sed præter id quòd generalis questio est quam proponit Marcianus, non ad hunc casum planè commentitium restricta, nec proinde restringenda, Illud etiam apertum est, quod ad iuris rationem pertinet, nihil referre an facta sit alienatio in potentiorum, an in personam eiusdem conditionis, Cum utroque casu æque ius suum exequi possit si velit, & agendi difficultas valde distet ab impedimento aut iuris aut naturæ *l. continuum 137. §. illud De verbor. obligat.* Maxime verò cū paratum sit ei cuius interest remedium aduersus potentiorum in quoniam facta alienatio est, Aut ex illa edicti parte qua cautum est de alienatione iudicij mutandi causa facta *l. 1. in fin. & l. 3. in princip. D. de iur. iur.* Aut ex Imperatorum constitutionibus quæ extant in *in. Codic. ne lic. potest. patro. iur. præst.* Quare nec prætoris edictum quo cauit de reuocandis per actionem Paulianam iis quæ in creditorum fraudem alienata sunt ad creditores pignoratitios aut hypothecarios pertinet, sed tantum ad chirographarios, ut aliàs docuimus quia soli chirographarij fraudari possunt qui nullam nisi in personam debitoris & in bona eiusdem condemnati actionem habent, Non etiam pignoratitij & hypothecarij quibus actio in rem competit non minus contra possessorem alium quemlibet, quam contra debitorem ipsum. Cum igitur nihil penitus intersit creditoris an debitor pignus vel hypothecam alienet an non, Illud quoque consequens est dicere, Nec iustam nec vtilem esse posse conuentionem per quam alienatio debitori prohibeatur, Non solum si personam ipsius debitoris inspicias qui cum sit dominus, ut iam toties diximus facultatem sibi præripere rei suæ alienandæ non potest, *dist. l. penultim. De pact.* Sed et si personam creditoris, cuius nihil interest, cum actio numquam detur ei cuius nihil interest *l. 3. §. 1. dist. l. stipulatio ista 38. §. alteri De verbor. obligat.* Sed & tractatus ipse & titulus sub quo posita est lex quam emendamus coniecturam emendationis nostræ non parum iuuat. Titulus enim est de distractione pignorum, De distractione, inquam, illa quæ fiat non per debitorem, de qua nunc disputamus, nec ut sit hodie per substationes postulante quidem creditore, sed nomine debitoris maxime in executione iudicati, de qua in *l. subre causam 13. Cod. de euicton. l. 1. & 2. Cod. si in caus. indic. pignor. capt. sit.* Sed per creditorem ipsum vendentem proprio nomine & iure creditoris, De qua venditionis specie intelligi debent leges omnes quæ in libris nostris extant, quotquot de pignorum distractione loquuntur. Nam de venditione pignoris quæ per debitorem ipsum fiat separatus tractatus, in iure nostro nullus est, quia nec separandi eius causa vlla fuit, cum per

missa sit debitori venditio rei propriæ non iure aliquo singulari, quomodo creditori rem obligatam distrahenti iure creditoris, sed eo iure communi, quo liberum est cuilibet homini ingenuo de rebus suis pro arbitrio disponere *d. l. 2. D. si à parent. quis manum. sit.* Nec sanè alius in toto eo titulo textus est quem possis interpretari de venditione pignoris vel hypothecæ facta per debitorem. Ut proinde sit omnino improbabile de tali venditione Marcianum interpretari, Præsertim cum & initium eiusdem legis, & quæ in ea sequuntur quæstiones ad eam venditionis speciem pertineant, quæ facta sit à creditore. Addo, quod quæstio Marciani concepta est non tantum de hypotheca, sed etiâ de pignore quatenus ab hypotheca non nudo sono, sed verbi proprietate ac significatione distinguitur, ut & in quæstione proposita initio legis. Nec tamen fieri potest ut sit locus quæstioni in pignore propriè sumpto. Nâ cum pignus propriè illud sit cuius possessio translata est in creditorem *l. si rem 9. §. propriè l. cum & fortis 35. in fin. D. de pign. act.* Apparet nò posse quæstionem incidere, An liceat debitori alienare rem obligatam cuius ipse possessionem non habeat. Quomodo enim fiet alienatio, id est translatio domini à debitore vendente si traditio non intercedat? *l. traditionibus 20. C. de pact. l. 1. C. de fund. dot. l. traditio 20. & l. numquam nuda 31. D. de acqu. rer. dom.* Quomodo autem fieri potest ut debitor tradat rem quam non ipse sed creditor possideat, cum traditio nihil aliud sit quam datio possessionis *l. 3. in princ. D. de act. empt.* Sed & quid obsecro interesse potest creditoris etiam iure nouo quo hodie utimur, an pignus quod creditor ipse possidet à debitore distractum fuerit, necne, cum sit ipse in possessione pignoris tamdiu eam retenturus quâdiu non fuerit sibi plenissimè satisfactum, nec antè dimissurus *l. 1. in princ. D. de pign. l. à Dino Pro 15. §. quòd si res D. de re indic.* Exceptio namque illa non factæ excussionis quam à Iustiniano inductam fuisse diximus ut possit obiici creditori, sicut alij prodesse non potest quam ei qui sit possessor & quidem bona fide, ita non potest obiici creditori qui ipse possideat, ideoque non actione aliqua indigeat ad pignus persequendum, sed tantum retentione ad suum mouendum quemlibet agere volentem, siue debitor ille sit, siue is qui emerit à debitore, Et siue pactionem illam De non alienando per debitorem pignore valere dicas siue non valere. Nam etiam si maximè valeret, facere tamen non posset, ut emptori pignus tradere creditor cogeretur ante debiti solutionem. Potuit igitur & debuit Marcianus quæstionem concipere de hypotheca tantum non de pignore si de rei obligatæ venditione per debitorem facienda sensisset. Nam in hypotheca cuius possessio penes debitorem ipsum remanet, facilè locum habere quæstio potest si debitor hypothecam alicui vendiderit & tradiderit, quam auocare postea creditor velit. Etsi enim hoc quoque casu nihil intererat olim creditoris, ut suprà ostendimus, hodie tamen interesset post inductam à Iustiniano in fauorem tertij possessoris, non excussi debitoris exceptio-nem. Atqui de pignore non minus quam de hypotheca quærit Marcianus. Ergo vel ex hoc solo intelligimus non de illa pactione enim tractare per quam conuenerit, Ne liceat debitori pignus vel hypothecam vendere. Sed de illa potius, Ne creditori liceat vendere pignus vel hypothecam debitoris. Cum enim distractio & pignoris & hypothecæ creditori æquè ac indistinctè permixta sit ut sibi debitam pecuniam consequatur, nemo non videt perinde posse quæstionem hanc posteriorem concipi in pignore, atque in hypotheca, Tantoque maiorem esse rationem dubitandi in pignore quanto durius est, ut non possit creditor rem à se possessam distrahere quam ut non possit hypothe-

cam

et videretur, quæ non ab ipso, sed à debitore possideatur. Scripsit itaque; Marcius *ne liceat* supple creditori *debitoris hypothecam vendere vel pignus*. Nā & pign⁹ & hypotheca debitoris est, & in bonis ipsius non in bonis creditoris *l. pignus 9. C. de pig. act. d. l. cum & fortis 35. §. 1. D. eod.* id est res ipsa pignoratā, & vt ita loquar hypothecata. Sumpto scilicet pignoris, & hypothecæ nomine in concreto pro re ipsa obligata, non in abstracto pro iure ac vinculo pignoris vel hypothecæ. Ius enim illud, creditoris sanè est non debitoris. Sed cum de venditione pignoris vel hypothecæ loquimur, quæ siue per debitorem siue per creditorem fiat, non de illius iuris venditione intelligimus, sed de distractione ipsius rei obligatæ. Interpretem qui literam S. primus sustulit, fallere illud etiam potuit, quod priora illa Marciani verba *si pactum sit à creditore* putauit accipienda de pacto adhibito in utilitatem creditoris. Cum tamen ipsa verbi proprietas contrariam potius interpretationem suadeat. Pacisci enim dicitur magis propriè is qui promittit, quàm is cui promittitur, in eoque maxime differunt ista *pacisci* & *stipulari* *l. si vnus 27. §. pactus ne peteret & pass. D. de pass. l. qui cum tutoribus 9. §. qui per fallaciam D. de transact.* Ita verò Marciani contextu emendato, nihil aliud ex toto illo responso inferri poterit, nisi quod omnes admittunt, Valere pactionem, Ne liceat creditori vendere pignus vel hypothecam debitoris. In quo tamen ratio illa dubitandi suberat, quod talis conuentio, vt in Marciani textu est contra ius posita videatur: Quandoquidem hoc iure vtimur, vt creditori liceat pignus distrahere, adeoque distrahendo etiam proprietatem, quam non habet in alium transferre *T. i. quib. alien. licet vel non. Instit.* ita vt qui à creditore pignori obligatum prædium emit de proprietate vinci non possit *l. qui à creditore 18. C. de distr. pignor.* Nec tantum licet creditori pignus vel hypothecam distrahere cum de eo expressim conuenit, sed etiam si nihil conuenierit, si modò non conuenit ne liceat, inquit Vlpianus in *l. si conuenit 4. D. de pign. act.* Quibus verbis ostendit apertissimè talem pactionem valere, neque refragari iuris ratione, Quia quod dicimus posse creditorem iure suo pignus, vel hypothecam distrahere sic accipiendum est, si non lex contractus relictetur. Quidni enim Prætor hanc tueatur conuentionem, quæ nec contra leges sit, nec contra bonos mores? Certum igitur est quod Marcius ait, si creditor contra legem sibi dictam pignus vel hypothecam vendiderit, nullam esse venditionem vt pactioni stetur, nec eo minus vindicationem rei suæ habiturum debitorem, quasi nullomodo alienatæ, si eam vindicare velit ab emptore.

ERROR QUARTVS.

Ad l. si conuenit 4. D. de pignor. act. Tribonianismus obseruatus in d. l. si creditor 7. §. ult. de distr. pignor.



Lvs dicit Vlpianus in *d. l. 4.* Creditorem qui aduersus pactionem distraxerit furti obligari, tanquam qui re alienā inuito hac parte domino cōtrectauerit, & in aliū vsum quàm in quē pignus acceperat. Tractat nāq; Vlpianus de eo qui non hypothecā sed pignus distraxerit, ac proinde qui re obligatā cuius possessor erat cōtrectauerit. Nam si creditor millies venderet hypothecam quam non ipse, sed

debitor possideret, furtū tamen nō faceret quia sola vēditio sine traditione non facit contractationem, furtum autem sine cōtractatione fieri nequit. Eodē inq; modo accipi debet quod ex lauoleno scriptum legimus *in l. si quis pignori 73. D. de furt.* Idem enim vtriusque loci sensus est, nisi quod lauolenus ad obligandum furti creditorem, hoc solum requirere videtur vt nihil conuenierit de vendendo pignore, Cū tamen Vlpianus exigere videatur vt expressim conuenierit de pignore non distrahendo. Sed responderi commodē potest verba illa lauoleni *cū de vendendo pignore nihil conuenisse* ita esse accipienda ac si scriptum esset, si neque expresse neque tacite de pignore conuenisset, quod ipsum nihil aliud est quā dicere cū Vlpiano *si conuenisset expressim de non vendendo pignore*; alioqui tacite de eo conuenisse videtur, cū etiam tacito consensu conuenire possit vt *aut 12. & 4. D. de pact.* Cū itaq; non alia sententia sit Marciani *in d. l. si creditor. §. vis.* quā quā Vlpiani *in d. l. 4. D. de pignor. act.* De creditore pacifcente expressim de non distrahendo pignore vel hypotheca debitoris, Intelligimus eandem exceptionem ad Marcianum addendam esse, quā Vlpianus *in d. l. 4.* addidit *nister fuerit denunciatum debitori vt soluat & cessauerit.* Trina enim illa denunciatione præcedente certum est posse nihilominus distrahi pignus, vel hypothecam, tū quoque cū inter debitorem & creditorem conuenit ne distrahere liceat, vt discretē Paulus noster scribit tractans de fiducia, quę pignoris species erat iis temporib. potissimū vltima *h. 2. sent. tit. 13. De leg. comm. §. si inter.* Vbi rationē reddit quod ex tali cōuēctione actio fiducię nasci nō possit. Cuius tamē rationis sensus quis esse possit nō video si hic non est vt eiusmodi cōuēctio non valeat. Nec enim dubitandum est quin ex omni cōuēctione in fiducię contractu adhibita vtiliter actio fiducię nascatur, si quid aduersus eam cōuēctionem fiat. Exemplo eius quod *in l. v. seq. 14. De usur.* idem Paulus scribit, si pactum nudum de vsuris præstandis interpositum sit, nullius id esse momenti: Ex nudo enim pacto, inquit, inter ciues rothanos actio non nascitur. Et verō non possis dicere huiusmodi cōuēctionem valere ex eo, quod faciat vt non aliter vendi pignus possit etiam cessante debitore, quā si trina illa denunciatio eāque sollennis, id est testatō facta præcesserit. Nam & nulla cōuēctione interposita si creditor pignus sibi simpliciter datum distrahere velit, certum est ter ante denunciare eum debere suo debitori vt pignus luat, ne à se distrahat, vt idem Paulus docet *eod. lib. 2. sentent. tit. 5. De pignor. in princip.* Ex quo loco apparet eo solo casu remissam ei editori sollenni denunciationis necessitatem, quo inter eum & debitorem conuenierit de pignore distrahendo. Ex h. n. nulla quęq; facta cōuēctione hoc ipsū tacite conuenisse intelligitur vt diximus, dubitatio tamē nō est quin hac parte, vt & sepe aliās, fortior sit & fauorabilior expressa cōuēctio quā tacita. De pignore autē nō distrahēdo tacita cōuēctio nulla est, quia nec expressa valet, Sed siue expressa, siue nulla internenerit, toti sc̄ denunciationes id est tres sollēnes exigūt, nec plures nec pauciores. Ad quid ergo prodest expressa cōuēctio, aut quid addit iuri cōmuni? In quo miror ingeniosi viri doctissimi Iacobi Cuiacij qui ad supradictā Pauli sententiā quę extat sub *tu. De pignor.* postquā notauit, furti teneri creditorem si simpliciter obligatū pignus ante trinā denūciationem distraxerit *ex d. l. si quis pignori 73. De furt.* subiungit in hæc verba, *Sed & cū nominatim conueni de non distrahendo pignore triplex illa denunciatio exigitur, ut distrahi nihilominus possit.* Debuerat enim potius scribere, Possē nihilominus hoc casu pignus distrahi, tātōq; magis tripli-

triplicē illā denūciationē ex gi, Eiusque iuris eā rationē adferre ex alio illo Pauli loco *De leg. commif.* quod conuentio talis non valeat. Atqui, inquires, certū est venditionē non valere. Fateor, cūm præterea fatendū quoque illud sit creditore furti hoc casu obligari, & rem obligatā, quæ distrahitur cōsequēter fieri furtiua, & nec vfucapi postea vnquā possit. Hoc. n. omnino cōsequēs est; ideōq; supplendū licet additum non sit in d. l. 4. *De pignor. act.* Sed nego posse ex eo inferri Cōuentionem igitur valere. Nō. n. idē nulla est venditio, quod valeat conuentio, sed quia etiam nulla interposita conuentione, non esset tamen permittendū creditori, vt tam facili rem alienam distraheret nulla denūciatione debitorē eidēque domino facta ad impediendā distractionē, Adēd vt perinde furti obligetur is quoque qui non cōuenit de non distrahendo pignore, si ante trinam denūciationem pignus vendiderit, dū ne conuenerit de eo distrahēdo d. l. si is qui pignori. 73. *De furt.* Et ratio quam nostrā adferūt, Cur etiā cūm conuenit de non distrahēdo pignore, si tamē trina solēnis denūciatio præcesserit, nihilominus distrahi pignus possit, quoniā, inquiunt, Inutile esset pignus quod distrahi nūquā posset, Hæc ipsa probat, Conuentionis igitur de non distrahēdo pignore nō valere. Quid enim aliud huiusmodi cōuentione agimur, nisi, vt nullo vnquam tēpore pignus distrahatur, nec si mille denūciationes procedant. Nam vt trinā denūciationem præcedere necesse sit, nulla cōuentione opus est, Aut si qua vis esse posset huius conuentionis, illud saltem induci oporteret vt tali cōuentione intercedēte quatuor aut quinque pluresve non tres tantum, quomodo nulla conuentione facta, denūciationes præcedere necesse esset, vt aliquid conuentionis adderet iuri communi. Interpretēs scellit vt hoc videre non pauerint, quod conuentio hæc si quando interponatur, quamuis nulla sit, suum tamen effectum habere videtur, eūm cūeniat vt pignoris vel hypothecæ distractio impediatur. Nec obseruant effectum hunc accepto ferendū esse non conuentioni, sed iuri communi vt diximus, Siquidem nulla etiam adhibita conuentione tantundem esset, vt & aliās accidit quōties nulla est, & nullius momenti conuentio, per quam id agitur, vt aliquid addatur iuri communi, quod tamen addi non potest. Quare nec illud probare possum, quod in dict. *si creditor g. vltim.* additum video nullam esse venditionem, vt pactioni fieri. Non enim alius sensus additionis huius esse potest, quam vim eam esse huius pactionis, vt impediatur venditionem, quod falsum esse probauimus. Videturque mihi, vt tandem libere dicam quod sentio, totus ille g. Tribonianus esse magis quam Marciani. Nullo enim alio iuris loco, apud prudētes quæsitum reperias, An valeat huiusmodi conuentio, Ne liceat creditori pignus vel hypothecam debitoris vendere, Nec dubitatum vnquam fuit non valere, cūm id ipsum tam apertē scriptum extet in Pauli sententiis, vt intelligamus fuisse hanc sententiam iuris nō controuersam, sed indubitatam. Est enim talis conuentio contra ius posita, quandoquidem ex iuris ratione est, vt pignus omne possit distrahi, ne aliqui futurum sit inutile creditori. Et ideo certum est nil obstante tali conuentione posse distrahi pignus vel hypothecam, dummodò trina denūciatione præcedente, acsi conuentio nulla interuenisset: quo etiam casu perinde necessaria esset trina denūciatio. Vnde factum puto, vt respondens Tribonianus ad propositam quæstionem non sit ausus dicere, quod dicendum erat, vt accommodata esset responsio, Conuentionem valere, sed tantum Venditionem non valere, quod verum quidem est, si ponas trinam denūciationem non præcessisse, at nō absolute, id est etiam si trina denūciatio præcesserit, quod tamen a mittendum

omnino esset si conuentio valeret, Cùm non similiter è contrario dici possit, valere conuentionē ob id solum quòd venditio nulla sit. Non enim ideo nulla est, quòd facta sit aduersus conuentionem, aut vt loquitur Tribonianus vt pactioni stetur, sed vt non tam facilè iniuria fiat debitori permissa pignoris distractione & ipsius quoque proprietatis alienatione citra vllam interpellationem. Nec defuerunt, vt puto ex antiquis interpretibus qui hoc ipsum viderint, quod nos nunc docemus. Illi saltem qui in illis verbis *certum est nullam esse venditionem* maluerunt pro *venditionem* legere *conuentionem*, vt refert Accursius. Quatamen lectioe admissa, nō possent explicari verba illa sequentia *ut pactioni stetur*. Repugnarent enim præcedentibus, & implicarent contradictionem, quod ipsum esset absurdius, quàm quod à Triboniano factū volumus, vt malè addita sint, & nullo nisi planè falso sensu. Melius ergo est, vt Triboniano adscribantur, cui solemne est inutiles & superuacuas quaestiones prudentum responsis interfecere, & ad eas malè ac per ambages & circuitus respondere. Hoc verò facilius credent ij, quibus persuasum erit, eiusdem Triboniani manu & inscitia corruptum esse aliud Marciani responsum, quod extat in eiusdem *legis §. præcedente*, De quo alibi scripsimus.

ERROR QVINTVS.

*De pacto de non alienando, quod quis adhibuerit in traditione rei suæ.
Ad l. si ita quis 135. §. ea lege De verb. oblig.*



SCIT errant interpretes omnes in eo, quòd putant Pactum de non alienando quod annexam habeat conuentionem pignoris, vel hypothecæ, tantam vim habere, vt impediat alienationem, translationēque dominij, Ita & contrario errore labuntur in eo quòd volunt, Nulla interveniente conuentione pignoris vel hypothecæ inutilem esse pactionē de non alienando siue per stipulationem fiat, siue per pactum, etiamsi quis illam adhibuerit in traditione rei suæ. Sic enim Castrensis ad *l. si ita quis 135. §. ea lege D. de verb. oblig.* vbi & cæteri idem notant, Moti ex eo potissimum Scauolæ responso, In cuius specie proponebatur ea lege donatum esse Titio à Seia seruum & traditum, vt ne ad fratrem eius, aut filium, aut uxorem, aut socrum perueniret, Dēque ea re stipulante Seia Titium spondisse. Post biennium verò Titium heredes reliquisse Seiam ex parte, & ex alia parte fratrem suum, cui ne seruiret expressum erat stipulatione: Querebatur an Seia cū fratre eodēque coherede ex stipulatu agere posset. Respondit Scauola, posse in id quod eius interesset. Nimirū, inquit, quali facta aduersus conuentionē alienatione per institutionē, per quā effectū est vt serui donati & traditi dominium ad fratrem pro parte perueniret, ad quē noluerat Seia vllomodo peruenire. Non ergo potuit ea prohibitio facere vt serui alienatio, dominijque translatio impediretur. Sic enim Castrensis supradictō loco ratio-cinatur, Ad idem id quod interest in illa specie nihil aliud esse quā ipsi serui estimationem. Ex *not. in l. ea quidem §. C. si mancip. ita fuer. alien.* Et posse tamen etiā isto casu Seiam agere conditione ob causam ad ipsam dimidiam serui, & eam consequi cū frater coheres habeat eius restituendæ facultatem *l. ea lege 3. Codic. de condit. ob caus. dat.* Quòd si non haberet restituendi facultatem, adhuc

adhuc tamen futurum vt posset agere dicta conditione, sed ita vt ad id quod in-
teresset, condemnari reum oporteret. In quibus autem vix quicquam est, quod
probare possim. Illud enim primum falsum est, quod vult Castrensis, Non esse
maiorē vim pacti adhibiti in traditione rei propriæ ad impediendā alienationē,
quàm si extra eam causam adhibuitum esset. Primum quoniam obstat quod ge-
neraliter à Caio scriptum est in *l. traditionibus* 48. *De pact.* In traditionibus rerū
quodcumque pactum sit manifestissimum esse id valere. Id est non adhibita ca-
distinctione quam adhibet Bart. in *d. l. 3. C. de condi. ex leg.* an per pactum illud
agatur de reseruando in re aliquo iure præsentis, an in futurum: Adeoque nec il-
la quæ tamen longè maiorem rationem habere videretur, An esset vtile pa-
ctum tradendi ipsi an inutile? Cùm ea quæ nobis vtilia non sunt, acquirere qui-
dem non possimus, sed retinere tamen & nobis habere possimus *l. ei fundo pen.*
D. de seru. quam ita conciliare soleo cum *l. quoties 15. eod. tit.* Ratio huius iuris
elegans est, nec obscura, quòd alioqui deciperetur is qui rem suam non aliter
traditurus fuit *l. vlt. C. de pact. int. empt. & vendit.* quam legem proinde malè ex-
plicant qui cum Bartolo restringunt eam ad casum illum quo inter sit pacifcentis.
Etsi enim tùm maximè pactum seruandum est cùm ex aliqua causa quæ &
honesta & iusta sit, interest pacifcentis, vt in *l. venditor 13. D. commun. pr. ed.* hoc
ipso tamen satis interest, quod omni casu potest is qui pactus fuit dicere se non
aliàs rem suam fuisse alienaturum *d. l. vlt. C. de pact. int. emptor. & vendit.* nec ar-
ctandus est, vt dicat quānam alia de causa putet sua interesse: quomodo in spe-
cie licet dissimili ratiocinatur Vlp. in *l. 4. in fin. D. ad SC. Trebel.* Deinde quia
pactum quod quis adhibet in traditione rei suæ, licet nulla stipulatione vesti-
tur, non idèd tamen magis nudum dici potest, cùm vestitum sit, & manitum tra-
ditione, vt loquitur *l. vlt. C. de rer. permu.* quod tamen extra rei traditionem in-
terpositum prorsus nudum esset, ac inefficax etiam ad agendum, nedum ad a-
lienationem quod difficilior est, impediendā. Imò verò potentius est in rei pro-
priæ traditione adhibuitum, quàm si vinculo stipulationis firmitatem proponere-
tur. Nec enim addita stipulatio posset sola impedire alienationem, quam impo-
dit pactio à domino citra stipulationem interposita in traditione rei suæ. Pos-
sitemò, quoniam alienatio cùm nihil aliud sit quàm dominij translatio *l. 1. C. de*
fund. dot. al. l. alienationis 28. D. de verb. signif. nunquam aliter fieri potest, quàm si
eius qui purè & absolute dominus est voluntas concurrat cum voluntate illius
qui rem alienam sibi vult acquirere *l. per seruum 37. §. vlt. D. de acquir. rer. dom.*
Atquin is qui à domino rem emit ea lege ne alienare vnquam eam posset, sicuti
non aliter quàm ex venditoris sui voluntate factus est dominus. Ita nec se a-
liter dominum dicere potest, quàm si voluntatem prioris domini sequatur:
quæ porrò etiam mutato dominio eadem semper manet, nec ob id minùs du-
rat, quòd nouum dominum res acceperit, cùm ab initio prima illa alienatio cer-
tam legem habuerit, quæ facto emptoris citra voluntatem primi alienatoris nō
potuit immutari *d. l. ea quidem 5. C. si mancip. ita fuer. alie. l. vero procuratori 12. §.*
pen. D. de solut. Consequens igitur est, vt primo emptore contra legē sibi dictā
postea rem illam alienante, voluntas prioris domini deficere videatur, quā ta-
men omnino interuenire necesse est, vt dominus fuisse dici possit emptor, qui
posteriori venditioni contra legem prioris domini voluntatem accommodauit.
Dominium enim quodlibet vbi certis legibus acquisitū fuit, iisdē etiam legib.
seruandū est, & ipso quoque inuito domino retinendum. Et verò si domino nō
licet rei suæ dominium abicere tamen maximè id velit, nisi quod suum est

habeat pro derelicto *l. si quis vi 17. §. differentia D. de acquir. poss.* quantò difficilius ei esse debet vt dominium certis legibus à se acquiritum aliis legibus retineat, quàm quibus illud comparauit? Quòd si nec retinere potest, quantò difficilius alienare? Sed & falsum illud est, quod Castrensis putat probari ex supradicto Scæuolæ responso in *d. l. si ita quis 135. §. ea lege De verb. oblig.* alienandi prohibitionem factam à domino etiam in traditione rei suæ, adeoque interueniente stipulatione non impedire alienationem: In illa namque specie nihil aduersus conuentionem fecerat Titius, qui cum Seia donatrice fratrem eiusdem Seiz heredem scripserat, cum verbis stipulationis non esset prohibita heredis institutio, quæ nec prohiberi expressim potuisset, iure scilicet publico resistente, talisque conuentiones improbane *l. cum duobus 53. alius l. si fratres §. idem respondit societas D. pro socio l. possimus 6. §. 1. D. de inoff. testam. l. pactum quod dotalis 15. C. de pact.* Porro, herede instituto fratre Seiz fieri non poterat, vt ne ad eum perueniret seruus cum vniuersitate bonorum, cum qua certum est etià illa transire, quæ alioquin alienari etiam per legem prohibentur *l. quadam 62. D. de acquir. rer. domin. in modicis 24. D. de contr. empt. l. 1. D. de fund. dotal.* Itaque non tam mirum videri debet cur in illa specie permittatur alienatio quæ per stipulationem in traditione appositam generaliter prohibita videbatur, quàm cur per cuiusmodi institutionem quam & licitam esse & impediri non potuisse dicimus stipulatio committatur. Ratio tamen responsi huius hæc est, quòd conditionis & stipulationis verba non tam ad ius quàm ad factum relata proponebantur, cum conuenisset ne fratri Seiz aut alij vlli ex iis qui stipulatione comprehensi erant, seruus ille seruiret quem Titio Seia donauerat, seruire siquidem facti est non iuris, seruum autem esse, iuris non facti, vt aliàs docuimus. Proinde si conuenisset in tradendo seruo, qui donabatur, ne fratris seruus vnquam fieret, difficultius admitteret, vt per institutionem à Titio factam fratri Seiz, commissa dici posset stipulatio, quia iuris ratio seipsam tueretur, ne quid contra ius conuentionis factum dici posset, quæ tamen factum impedire nequit, nec facere vt verum non sit contra stipulationem fecisse donarium, qui instituendo fratrem Seiz, effecerit, vt pro ea saltem parte, quæ ad fratrem ex institutione peruentura esset, donatus seruus ei seruiret: Præsertim cum etiam supposita institutione ac Titianæ hereditatis aditione, possit adhuc pater efficere, aut per fratrem heres Titij ne stipulatio committatur, id est ne seruus à Seia donatus, fratrique Seiz pro parte acquisitus, fratri tamen seruiat, Curando nimirum, vt cum statim frater Seiz vendat, aliòve modo alienet, tradatque, aut sibi ipsi Seiz aut alteri cui libet extra personas stipulatione nominatim comprehensas: Quid enim Seiz posset intei esse, quòd seruus ille in fratris quantumcumque prohibiti dominium peruenisset, cui tamen numquam seruitutem exhibuisset? Neque verò aduersus verba stipulationis quicquam hoc casu factum dici posset, Aliter atque si conuenisset inter Titium & Seiam ne seruus ille Titio donatus, eius seruus vnquam fieret: Quoniam in potestate est fratris quantumlibet heredis Titij ne seruus ei seruiat, Non etiam illud ne sit seruus eius, quia illud facti hoc iuris est, vt diximus. In potestate autem cuiusque est facti licentia, non autem potestas iuris. Cæterum si Titius non per institutionem, sed per venditionem aut quam aliam speciem alienationis, seruum hunc in fratrem Seiz transfuisset, faterer equidem perinde commissam esse stipulationem, At non propter securam alienationem, quæ hoc casu haud dubiè per conuentionem in traditione appositam impediretur, Sed quia conditione ad factum relata

non

non eo minùs verum esset siatri Seiz hunc seruire, quamuis seruus fratris effectus numquam fuisset: atque ita factum esse aduersus stipulationem qua conuenierat, non vti ne hic seruus fieret vnquam seruus fratris Seiz, sed ne vnquam ei seruiret. Quid enim vetat seruire quem etiam ei cuius non sit seruus? Quod autem tertio loco Castrensis adit in specie *d. §. ea lege* id quod interest Seiz nihil aliud esse quàm ipsius serui æstimationem: Ex not. in *d. l. ea quidem*, multò minus defendi potest. Id enim quod interest sicuti egreditur aliquando rei precium *l. in interdito 6. D. unde vi l. 1. D. de action. emp.* ita plerumque minus est iusto precio rei, Cum quatenus cuiusque intersit in facto non in iure consistat *uulg. l. quatenus 24. de regul. iur. l. vlt. De prator. stipul.* Et quamuis non possit negari quin eius intersit, cuius voluntas offenditur, vt idem Cast. ratiocinatur *ad d. l. vlt. C. de pact. int. emp. et vend.* Non ided tamen sequitur tanti eius interesse quanti res est si non aliunde probetur, In quo ille errauit. Neque verò aut in *d. l. ea quidem*, aut alio villo iuris loco quicquam est, quo contrarium probari possit. Sed Castrensem in hunc errorem egit illud præcipientem quod statim subiicit posse illo etiam casu agere Seiam conditione ob causam ad dimidiam partem serui, eamque dimidiam consequi, cum frater coheres habeat, inquit, eius restituendæ facultatem *ex l. ea lege 3. C. de condit. ob caus. dat.* quod tamen æquè falsum ne dicam stultum est, vt ex iis apparebit, quæ sequenti capite de sententia *d. l. 3.* fusius tractaturi sumus. Est enim illa lex clausa, vt loquuntur, totius huius disputationis. Illud tamen hic addere necesse est, ne quid ex iis quæ hac de re Castrelis tradidit prætermittamus, Esse multò improbabilius, quod idẽ subiicit, In ea specie quam tractat Sczuola, si non habuisset frater Seiz facultatem restituendæ pro parte serui, adhuc tamen perinde futurum, vt conditio Seiz danda esset, at ita tamen vt ad id quod ipsius interesset, duntaxat condemnari fratrem eundemque Tirij coheredem oporteret. Quis enim vnquam audiit in conditionibus quæ ad dandum competunt condemnationem fieri ad pecuniam? quod vtique proprium ius est obligationum faciendæ *l. si quis ab alio 13. §. vlt. D. de re iudic.* Non nego id quod interest peti aliquando per conditionem, sed incerti non autem certi, vt docuimus in superioribus, Id est per actionem ex stipulatu, & quæ ex contractu competat, non ex distractu aut ad negotium distrahendum. At imperatores in *d. l. 3. C. de condit. ex leg.* non de incerti conditione loquuntur, sed de conditione certi, & quæ non tã ex contractu quàm ad distrahendum negotium danda sit, quomodo in conditione indebiti loquitur Caius in *l. §. is quoque D. de oblig. et act.* Sunt enim simillimæ conditiones indebiti & ob causam dati causa non secuta, itemque ob turpem vel iniustam causam, & ex eodem propemodum fonte nascuntur.

ERROR SEXTVS.

De sententia & ratione l. ea quidem §. C. mancip. si fuer. alien.



ED dicendū nobis aliquid est latius de sententia & ratione *d. l. ea quidem §. C. si mancip. si fuer. alien.* Probat enim duo quæ valde pugnāt cū sententia Bartoli *ad d. l. 3.* & ex quib. non facili se euoluere Bartolus potest. Primū illud probat, conuentionis & probationis adhibitz

Dd iiij

in traditione serui venditi, De seruo illo numquam manumittendo, vt etiam si manumittatur millies de facto, perducì tamen ad libertatem numquam possit. Alterum quod ea lege probatur illud est, Non eò magis tamen committi pœnam, si qua sit addita conditioni non seruatz, Cùm è contrario Bartoli sententia sit, Non posse per huiusmodi prohibitionem impediri alienationem, & tamen in arbitrio & potestate emptoris esse, an ob non seruata conditionem velit consequi pœnam, aut id quod sua intererit. Ac posteriorè quidem dubitationem ita diluit Bartolus, vt dicat, Committi non posse pœnam in illa specie, quia non tam de facto manumittendi, quàm de effectu manumissionis fuit cogitatum. Cui non dissimiliter notat *ad d.l. ea quidem*, Non sufficere de facto contrà fieri ad pœnam committendam. Sed quod ad posteriorem difficilior se extricat, nec aliud habet quod dicat, quàm quod dicere solet ac facere, cùm laborat in pluribus iuris locis qui pugnare videantur conciliandis, vt legem quæ de libertate loquitur, restringat ad eum præcisè casum, quo prohibita sit datio libertatis, aliudque iuris constitui velit, si non libertatis datio, sed alienatio quælibet alia prohibita inueniatur. Dissimilitudinis tamen huius, ne putes eum loquentem obmutescere, rationem illam adfert, quòd manumissio non sit actus reiterabilis, cùm semel data libertas retractari & reuocari numquàm possit *§. si quis Iust. de eo cui libert. caus. bon. addic. l. 1. §. tot. tit. c. si aduers. libert.* Ideoque, inquit, difficilior permitti potest. At venditio & alia quælibet alienatio serui aut alterius rei cuiuslibet alienari prohibita reiterabilis est, Ergo & facilius, inquit, permittenda. Sed suauiter & eleganter Castrensis *ad d.l. 135. §. ea lege De verb. obli. g.* notat hanc rationem diuersitatis non valere vnani festucam, quia imò maiori ratione deberet valere alienatio in casu contrario fauore libertatis. Et sanè ita est. Absurdumque planè fuerit deterioris conditionis hac parte libertatem esse, ob id quòd debeat esse melioris. Neque tamen habet idem Castrensis notè melius quicquam quod proferat: Vt videre est ex iis quæ tradit ille *ad d.l. vlt. c. de pact. int. empt. & vendit.* vbi concludit illud ipsum quod Bart. *ad d. l. ea lege*, Per pactum posse manumissionem impediri, quia libertas est irretractabilis *ex d.l. ea quidem*. Non etiam cuiuslibet alterius rei alienationem *ex d.l. 3. c. de condit. ob caus. dat.* Indèque etiam insert cum Bart. *ad d.l. 3.* Si conuenerit ne locus qui venditur fieri religiosus vnquam possit, impediri huiusmodi pacto religionem, quia locus semel factus religiosus ad humanos vsus redire postea, & in commercium venire numquam potest. Alioqui si Bartoli traditionem non pluris ille quàm festucam faciebat, rationem aliquam adferre debuerat eundem dationem libertatis facilius admitteret per pactum impediri posse, quàm aliam quamlibet alienationem. Nec sanè tam falsæ & absurdæ diuersitatis ratio vlla reddi potest. Fateamur ergo quod manifestè scriptum rescriptumque est *in d.l. ea quidem*, Per pactum in mancipij venditi traditione appositum etiam citra stipulationem impediri dationem libertatis, neque libertatem à cæteris rebus hæc parte distinguamus, sed quòd in libertate quæ tantopere fauorabilis est rescriptum legimus ad alias res multò minùs fauorabiles vtrò extendamus. Nam et si de libertatis datione lex illa loquitur, ipsa tamen legis verba probant euidentissimè non speciali aliqua ratione libertatis motum fuisse Imperatorem Gordianum, vt ira referiberet, sed generali illa quæ non minùs cæteris rebus quàm libertati conuenit, quod condicio quæ personæ venditæ cohæsit immutari facto eius qui ea lege comparauit, non possit. Immutaretur autem si contra eam legē secuta manumissio libertatem daret, aut alia quælibet alienatio dominium transferret.

ferret. *Nec tamen inquit Gordianus pœna ex alio, si qua addita est conditioni non servata iustam exigendi tribuit causam.* An quia non tam de facto quàm de rei effectu cogitatum fuerit, nec sufficiat contravenisse de facto ad committendam pœnam? ut vult Bartolus. Minime gentium, sed quia, quod nemo observat, licet postremis eiusdem legis verbis expressum sit, non ad factum personæ emptoris relata erat condicio, sed ad ius. Ita scilicet concepta lege & condicione venditionis, Non uti ne servus qui vendebatur manumitteretur, sed uti ne ad libertatem perduceretur. Inter quæ hoc interest, quod manumittere facti est. Ad libertatem verò perducere magis quàm facti, Non quòd ad libertatem perducere quis possit sine manumissione, sed quia manumissio modus est medium quo ad libertatem perducere quis possit sine manumissione, sed quia manumissio modus est & medium quo ad libertatem perducere quis potest, Datio autem ipsa libertatis effectus est manumissionis. Aliud ergo referripisset Gordianus si manumittentis factum verbis legis & conditionis in contractu adhibere demonstratum fuisset, id est, si venditor qui per literas venditionem fecerat, quomodo fieri possunt contractus omnes qui consensu solo perficiuntur, ita in literis scripserit, *Vendo tibi Stabulum meum, sed ea lege ne eum manumittas.* Sic namque concepta lege venditionis, perinde quidem datio libertatis impediretur tanquam contra legem contractus facta manumissione, sed tamen hoc esset disimile quod non æquè pœna conditioni non servatæ dicta non committeretur. Quoniam iurè verò committi eam dicendum esset, quia negari non posset quin per eiusmodi manumissionem quamvis inutilem factum esset adversus conventionem per quam de non manumittendo cautum erat: Quemadmodum nec illud negari potest quin ad committendam pœnam sufficiat contra fieri de facto ut constat *ex l. nuda §. C. de contr. & committ. stipulat.* de cuius sententia fusius aliàs scripsimus, Nimirum quia condiciones omnes sunt facti & in facto non in iure consistunt *l. qui heredi §. 4. l. Manius §. 5. l. in facto §. 60. D. de condic. & demonstr. l. mulier 20. §. 1. D. de condic. insti.* Idque est quod sequitur in rescripto illo Gordiani, *Quia igitur ratione te potuerit renovare ad officium procuratoris is qui eam legem venditioni dedisti perspicere non potest cum nec in privatorum contrahibus fiscus se interponere debeat, & literæ ad se missæ personæ factum, si non ipse manumiseris non continent.* Sensus enim est, Duplicem venditoris errorem in ea specie fuisse qui emptorem in ius vocaverat ad procuratorem Caesaris, ut pœnæ venditionis legi additæ condemnationem extorqueret, Eiusque duplicis erroris duplicem quoque rationem Gordianus adfert, sed cuiusque suam propriam, Prioris quidem illam quòd Procurator Caesaris non cognoscat, nisi interfiscum & privatos *l. 2. C. si advers. fisci. l. 1. & tota l. C. ubi caus. fiscal.* fiscus autem in contrahibus privatorum se interponere non debeat. Posterioris verò hanc ipsam quæ à nobis suprà iam allata est, quòd literæ per quas facta erat venditio missæ à venditore ad emptorem non personæ factum continerent, sed ius ipsum libertatis. Nam ut habent prima legis verba, Non eam legem venditio mancipiorum acceperat ne ab emptore manumitterentur, ut malè putat Bartolus, sed ne ad libertatem perducerentur. Illa enim quæ in lege sequuntur *etiamsi manumittantur* non conventionis verba sunt, sed Imperatoris, monentis ita uti diximus concepta lege venditionis, Ne servi ad libertatem unquam perducerentur, non posse illos libertatem nancisci iuncti millies manumittantur. Potestate scilicet conventionis potestatem manumissionis impediende. Ceterùm si literæ ad emptorem missæ factum personæ continerent, quomodo vique continerent, si

in literis venditoris ita scriptum fuisset *si non ipse manumiseris*, haud dubie dicendum esset pœnæ petitionem & exactionem venditori aduersus emptorem cōpetituram, propterea quod etiam si manumissio inutilis fuisset, nec magis perductus esset seruus ad libertatem quàm si manumissus non fuisset, Emptor tamen contra legem sibi & venditioni dictam fecisset hoc ipso quo seruum hunc de facto manumississet. Itaque verba illa *si non ipse manumiseris* non sic accipienda sunt quasi sint Imperatoris exceptionem aliquam per parenthesis excipientis, sed tanquam verba quæ in literis venditoris addita fuisse oportet et ut per eas factum personæ emptoris demonstratum videri posset. Quod non intelligens Accursius, ut nec serè aliud quicquam ex iis quæ ad hanc legem scripsimus, mirum est quantum se non exerceat modò, sed etiam torqueat in vera legis sententia & lectione assequenda. Idque ex ipsius glossis tam apertum est, ut in eo diutius hærere nos minime oporteat. Præsertim cum nugatur nescio quid de literis à procuratore Cæsaris ad emptorem scriptis. Quod si durior videatur quæ à nobis allata est interpretatio eorum verborum *si non ipse manumiseris*, quia certè donatio facta etiam cum lege non manumittendi, non solet fieri hac formula *dono tibi si nō ipse manumiseris*, sed ea potius *dono tibi ita ut ne manumittas*, aut impersonaliter nulla persona demonstrata, *ita ut non manumittatur*, faciliè consentiemus nos ut ea verba non tantum parenthesis, sed omnino circumscribantur tanquā ab aliquo imperito interprete addita, qui cum existimaret venditionem mancipiorū ita factam ne ad libertatem perducerentur, sic accipiendam esse ac si conuenisset ne manumitterentur, non aliter potuit videre quia ratione verum esse posset quod habebat postrema legis clausula eiusmodi conuentione factum personæ non contineri, quàm si poneret conuenisse, ut nec ab emptore ipso nec ab alio vllō manumitterentur, Quo casu manumissione ab alio facta non posset teneri emptor primus ad pœnam ex facto secundi, si non ipse primus emptor manumississet, quia non tam primi emptoris quàm manumittentis factum supradicta conuentione demonstratum esset. Erit autem coniectura probabilior si ex postremis illis verbis *non continens* demas negationem quam in veteribus plerisque libris defuisse testatur Accursius. Bona enim ratio fuerit, si quis dicat non ex manumissione qualibet, id est etiam ab alio facta committi posse pœnam à primo emptore promissam, si non emptor ipse manumiserit, quandoquidem verba supradicta factum continent eius personæ quæ manumittit non alterius. Vtrumque sit liquet mihi de legis sententia, suspicor quæ facillimè hæc verba *si non ipse manumiseris*, quæ Accursius intacta reliquit cum præcipuè interpretationem aliquam exigent, in Accursij Codice defuisse.

ERROR SEPTIMVS.

De sententia & ratione l. ea lege 3. C. de condiçl.

ob caus. dator.



N C V S in toto iure nostro hic locus est quo mouentur vulgo interpretes omnes, ut putent prohibitionem alienationis inter viuos factam etiam in traditione rei propriæ non impedire dominij translationē. Tractant Imperatores de donatione in duos collata, ut neutri alienandæ suæ portionis facultas vlla cōpeteret.

Id efficit, inquit, ne alteruter dominium prorsus alienet, aut ut donatori vel heredi eius si condicio seruata non fuerit, conditio quærat. Quod interpretes sic accipiunt, quasi alternatiua sit, duasque partes habens legis sententia, Priorem illam ut dominij alienatio prorsus impediatur. Posteriores verò, vel ut ob non seruatam legem donationis conditio danda sit donatori vel eius heredi. Inde nimirum statim quærun, utra pars huius alternatiue sit vera. Supponunt enim fieri non posse ut utraque vera sit, quod ego adnato equidè cum alternatio & disiunctio posita est inter contraria, vel contradictoria. Sed non si inter diuersa tantum, ut in proposito. Quid enim, obsecro, vetat vtrunque verum esse, ut pactum hoc donationi insertum & dominij translationem impediatur, & donatori acquirat conditionem? Hoc autem supposito ut huius alternatiue una tantum pars vera esse possit, sicque concepta quæstione utra illa sit, Non dubitat Accursius nec post eum Bartolus, quin posterior pars vera sit, prior falsa. Itaque concludunt verum non esse, quòd habet prima pars legis hanc cõuentionem efficere ne alteruter donatariorum dominium prorsus alienet. Magis enim probant ut tali cõuentione dominij translatio non impediatur: Sed ex hac causa conditio donatori acquiratur. Mouentur autem ut ita sentiant, duplici ratione: Prima illa quod Imperatores in hac lege dant conditionem donatori, quam tamen certum est nunquam posse dari domino nisi contra furem *l. ult. D. v. usufr. quem. cau. §. sic utaque. Inst. de alien.* Ergo, inquit, vel ex eo solo apparet concludentissimè translatum fuisse in illa specie dominium, & à primo in secundum, & à secundo in tertium. Altera ratio est, quòd si cui nulla vis est pacti nudi ad transferendum dominium nisi traditio interueniat *vulgar. l. traditionibus 20. C. de pact.* Ita & multo magis fatendum sit non posse fieri per pactum ut dominium quod à donatore per traditionem abscellit ad eum recurrat ipsa iure in casum contrauentionis citra nouam traditionem, Nec rursus ut impediatur transire in secundum acquisiteorem cui ex iusto titulo tradita res proponatur. Non desuerunt tamen qui dixerint post Rosfr. & Iacob. de Ratione, quos Accursius & Bait. referunt, Imò verò priorem supradictæ alternatiue partem verà esse, posteriorem falsam, Id est ex cõuentione qua de agimus omni modo impediri alienationem dominij, & idcirco donatori conditionem dari non posse nisi fortasse possessionis, moti in hanc sententiam vivica illa ratione, quòd nihil intersit an alienatio prohibita sit à testatore, an à lege, an à contrahentibus *ex l. l. C. de reb. alien. non alienand.* in qua Iustinianus noster constituit ut omnibus his casibus non tantum dominij translatio quælibet impediatur, sed etiam actus omnis per quem possit ad alienationem siue in totum siue pro parte perueniri, puta constitutio usufructus, aut alterius seruitutis, emphyteusis, datio pignoris aut si quid aliud præterea tale est. Omnium istorum communis error duplex est. Prior in eo quòd putat & consentiunt huius legis sententiã sub disiunctione & alternatione accipere esse. Posterior in eo quòd admittit alterutram rescripti partem falsam esse quòd vtrunque non modò falsum, sed etiam absurdum ineptumque est, siue legis verba inspicias, siue mentem & dignitatem Imperatorum. Nec enim sic Imperatores scribunt *id efficit vel ne alteruter vtrum dominium prorsus alienet, vel ut donatori &c.* Sed absolute, simpliciter, & præcisè hoc modo, *id efficit ne alteruter vtrum dominium prorsus alienet.* Quibus verbis negari non potest, quin dominij translatio præcisè districte ac omnimodo prohibeatur. Nec quòd sequitur, *vel ut donatori &c.* alternatiuam facit, ut malè hucusque interpretes omnes existimauerunt.

Sensus enim idem est ac si apertius nec tamen aptius scriptum esset *alioquin donatori vel eius heredi conditio, si non fuerit condicio seruata, quatur*. Vt intelligamus duplicem huius conuentionis effectum esse, sed posteriorem priori consequentem. Priorem illum vt impediatur omnino alienationem & translationem dominij, Omnino, inquam, & *prorsus* vt lex loquitur, id est ita vt nec de facto alienare liceat, & id facere per quod induceretur translatio dominij si prohibita non esset. Nam *prorsus non alienare* nihil aliud est, quàm *nullo modo alienare*. *Nullo modo* autem *alienare* nihil aliud, quàm *ne quidem de facto*. Posteriorem verò de quo in secunda rescripti parte, vt alioquin, hoc est secuta contra pactiōem alienatione conditio donatori danda sit, vel eius heredi ad auocandam rem malè malàque donatarij fide alienatam. Non quasi factum sit aduersus conuentionem in eo quòd translatum sit iure dominium de quo conuenerat ne transferri vllomodo posset, Sed quia dubitari nequeat quin aduersus conuentionem fecerit donatarius, qui quantum in se fuit portionem suam alienauit & tradidit, aut vendendo eam, aut donando, aut permutando, licet ob prohibitionem non habuerit effectum traditio, nec secuta sit dominij translatio ex qua potissimum æstimatur alienatio *l. i. C. de fund. dotal.* & quæ si nulla interuenisset prohibitio sequi ex traditione omnimodo debuisset. Vtraque igitur pars rescripti verè est. Huiusmodi pactiōe duo fieri, Et vt alienatio, dominijque translatio impediatur, Et vt si contra legem donationis aliquid factum sit, conditio rei donatæ donatori accommodetur. Ille tantum scrupulus superest, quem interpretes nostri vel non viderunt, vel excutere non potuerunt, Quomodo fieri possit vt & alienatio impediatur, & conditio tamen detur, quasi non impleta donationis lege, quæ illa tantum fuerat ne res alienaretur. Sed iam dixi, conuentionem illam ita esse accipiendam, vt non ad ius donatæ, sed etiam ad factum referatur, id est vt non tantum illud inspiciendum sit, an alienatio iure facta sit vt transferri ex ea dominium potuerit, [hoc enim sensu non secuta propter prohibitionem translatione vlla dominij nihil contra prohibitionem factum videri posset, quoniam alienatio effectum non habuisset.] Sed illud potissimum & maxime, An saltem de facto alienata sit res de qua conuenerat, vt prorsus non alienaretur, id est, ne quidem de facto. Puniendus enim est hoc casu non tam effectus quàm affectus donatarij, qui negare non potest quin perfidè egerit fidemque donatori suo datam fregerit in eo quòd fecit quantum potuit, vt rem sibi sub lege & condicione non alienandi donatam, vltro alienaret, plus facturus & perfecturus si potuisset. Quidni ergo pœnam eandem sentiat, quam sentiret si perfidia effectum habuisset? Sufficit igitur vt de facto alienauerit, aut vt melius dicam ad actum factumque alienationis peruenerit, quamuis alienatio id est dominij translatio verè iurèque secuta non sit propter obstaculum prohibitionis. Sed quid, rogo, absurdius, quàm quod nostri volunt interpretes, Tam ineptè rescriptum fuisse ab Imperatoribus, vt in dubio & suspensio reliquerint, vtram ex duabus responsi partibus veram putarent: Et vt partes duas fecerint quarum alterutram falsam esse necessarium esset, cum & aptius & commodius vnica eaque verissima sententia concludere legem potuissent? Restat vt ad Accursij & Bartoli hoc est cæterorum interpretum omnium rationes respondeamus, in quo nihil erit operæ. Nam quòd aiunt conditionem numquam dari domino nisi contra furem, In proposita verò specie dari eam donatori, Hoc tantum probat, Donatorem de quo in hac lege agitur non esse dominum rei à se donatæ, ac postmodum à donatario contra pactum donationis alienatæ. Nā

si do-

si dominus esset, utique conditionem non haberet, sed vindicationem, quam tamen certum est eum non habere. Quis verò vnquam dixit, Conuentione in illam donationi dictam, Ne donatarius rem sibi donatam vllomodo alienet posse facere, vt impediatur translatio dominiij rei donatæ in donatarium? Imò verò dicimus & omnes consentiunt, Ex donatione quæ talem legem habeat, & quam traditio secuta sit perinde transferri dominium à donatore in donatarium, & quidem statim ab ipso instanti traditionis, ac si purè facta esset donatio. Non. n. lex donationi dicta facit donationem condicionalem, vt vim & potestatem eius suspendat, quantum ad hoc ne dominium transferatur in donatarium, Quomodo certè non transferretur interim si donatio pedèret *l. si ego 9. §. si res D. de iur. dot.* Sed tantum afficit personam donatarij, vt contra eam legem donationis facere nihil possit. Alioqui conditio danda sit donatori *l. 2. C. de condit. ob caus. d. iur.* Neque rursus dicimus eam esse vim & potestatem huius conuentionis etià si in re tradenda interueniat, vt ipso iure dominium redeat ad donatorem à quo per traditionem abscesserat: quod tamen supponit secunda ratio Accursij & Baroli quam sunt illi *ex d. l. traditionibus.* Sed hoc tantum contendimus, Nò posse donatarium qui ea lege donationem accepit facto suo condicionem illam immutare, quæ ab initio & acquisitioni dominiij & eius personæ cohererit, vt loquitur *l. ea quidem 5. C. si mancip. ita fuer. alien.* de cuius sententia superiore capite scripsimus, iunct. *l. 2. D. de reb. cor. qui sub ius el.* Quamquam illud etiam faciendum est competere donatori cui fidem rupit donatarius non tantum conditionem, sed etiam vindicationem, nò quidem directam, id est ex iuris ratione, sed utilem, id est ex æquitate ab Imperatoribus inductam, vt constat ex *l. i. C. de don. qua sub mod.* Favore scilicet donatoris quem inhumanum sanè est decipi per eius perfidiam in quem vtrò contulit liberalitatem. Itaque non negamus transisse dominium absolute & in perpetuum in donatarium, quia dominium neque ad tempus neque sub conditione in alium transire vnquam potest, Sed negamus à donatario in alium & tertium acquisiteorem transire vnquam potuisse propter vim & potestatem prohibitionis factæ in ipsa rei traditione. Quare nò est quod miretur quis aut nobis obiiciat quod lex ait, Non seruata conditione donationis, competere donatori cõditionem, nò vindicationem. Quoniam. n. iure posset vindicatio directa dari ei qui per traditionem ex causa donationis factam dominus esse desierit? Sed non similiter possis dicere dandam conditionem primo donatario contra secundum; si fortè primus rem sibi donatam ea lege ne illam prorsus alienaret alteri rursus donauerit. Nā cū dominium quod tibi quæsierat non amiserit per secundam donationem cui restitit ratio iuris ob contrariam primi donatoris voluntatem, consequens omnino est, vt si factum ei suum non noceret, vindicationem utique aduersus donatarium suum habere ei deberet non cõditionem, quæ domino nisi contra furē nūquā datur. Neque tamē perinde cõsequens futurum sit, vt primo donatori deneganda sit conditio cõtra donatariū secundum, quia cū verū sit nò esse illum dominum, qui rem suam ex causa donationis, licet certa lege tradidit, non eo minus conditionem habere debet etiā cõtra secundum donatariū quod à primo donatario dominium per secundam donationem non discesserit. Non enim sicuti verum est conditionem non dari, nisi ei qui dominus non sit, ita verum est non dari eam contra alium quam qui sit dominus. Datur siquidem contra quemlibet possessorem qui reddendæ rei habeat facultatem. Ideoque Imperatores *in d. l. 3.* sic loquuntur vt simpliciter dicant Donatori, vel eius heredi conditionem quæri, si donationis condicio ser-

uata non sit, Non adiecto vel expresso eo an contra primum an contra secundū donarium quia scilicet contra utrūque competit. Quid enim eius interest qui conditionem habet, an hic, an ille possideat, cum ex ipsius persona metiendū sit ius actionis quā habet, non ex persona vel iure possessoris. Conditur tamen non sola possessio, ut malē Rosfredus putabat, sed res ipsa donata, ut legis verba probant.

ERROR OCTAVVS.

Si vnus tantum ex donariis fidem frgerit in specie d. l. 3. Et an potior sit hominis prohibitio in contractu facta, an legis.



RLVs dico, in specie dict. l. 3. Tametsi alteruter tantum donatariorum fidem frgerit & portionem suam alienauerit, cum conuenisset ut neutri portionis sue alienandę facultas vlla competere, etiam esse donatori conditionem non eius tantum portionis, quę contra fidem conuentionis alienata est, sed totius rei donatę, id est pro iua etiam parte, quę nullomodo ac nec de facto quidem alienata fuit. Quoniam licet durum & iniquum videatur ex facto vnus ex donariis qui perfide se gesserit erga donatorem, alterius conditionem fieri deteriorem cui nihil imputari potest, verum tamen est alienante vno factum esse contra legem toti donationi dictam, quę illa erat ut neutri ex donariis alienandę suę portionis facultas vlla competeret. Nō enim potest verū esse contraria propositio, Neutrum alienasse cum alteruter alienauit, quia lex non alterutri, sed utriq; donatio dicta fuerat, & quidem coniunctim, quod sufficit, ut vno alienante dici verē possit etiam in alterius qui non alienauit persona conditionem donationi dictam defecisse arg. l. si is qui ducenta 13. §. utrum vers. animaduertendum c. §. seq. d. de reb. dub. Equius enim est ut damno afficiatur ille ex donariis, cui nihil imputari potest, & quidem ex donatarij alterius facto, quā ut donator decipiat, non seruata per alterum ex donariis donationis lege, sine qua neutri fuerat ille donaturus. l. 2. §. ult. c. l. 3. d. de donat. l. ult. C. de pact. ins. empt. & vendit. Isq; proculdubio Imperatorū sensus est, cum rescribunt generaliter conditionē donatori, vel heredi ei⁹ dādā esse nulla partis facta mentione, quia nec dubitant quin totius rei donatę conditio donatori cōpetat, etiā pro parte nō alienata. An autem primo donatorio contra secundum danda sit conditio vel vindicatio, non tractant Imperatores quia de eo nec consulebantur, nec dubitandi causa vlla suberat, cum certi iuris esset nocere donatorio debere factum suū siue eam rem donasset alteri siue vendidisset. Maximē verō si vendidisset, cum venditor etiā de euictione teneatur, Vulgarūmq; sit doli exceptionē nocere vindicanti eam rem, cuius nomine de euictione conueniri possit vulg. l. vindicantem 17. l. Seia 73. d. de euic. Donator enim nō aliter euictionē prestare cogitur, quā si vel eā promiserit, vel sit in dolo l. 1. C. de iur. dot. Argumētum autē Accursij & Bartoli, supponit pro vero, id sentire Imp. ut primo donatorio æquē competat conditio aduersus eū in quē ipse de facto rem donatā alienauerit, atque donatori contra donarium. Alioqui an non esset stultum probare non impediri translationem dominij à primo donatorio in secundum, ob id solum quod donatori danda sit conditio etiam aduersus secundū: At procederet obiectio si ius

si ius ita esset, ut quemadmodum donatori contra primum donatarium, ita primo donatario contra secundum conditio danda esset, quia precaret ea res in necessariū antecedens abscēssisse dominium à primo donatario, cui alioquin cōdictio dari nullomodo posset contra non furem. Sed hoc sicuti verū non est, ita neque ab Imperatoribus rescriptum. Alia verò illa obiectio, quam sumunt ex *d. l. traditionibus*, quod pactum nudum sicuti est inefficax ad transferendum dominium sine traditione, ita nec possit efficax esse ad impediendā dominij translationem, nihil certē habet probabile. Nam præter id quod pactum nudum dici non potest, quod nos ponimus adhibitum fuisse in tradenda re ipsa quæ donabatur *l. ult. C. de ver. perm. l. si dominus §. D. de præscript. verb.* Nemo etiam non videt quā sit facilius dominij translationem impediri, quā dominium transferri. Nam ad dominij translationē non sufficit nuda voluntas domini, sed illud etiam requiritur, ut & traditio interueniat, & causa traditionis iusta, id est legitima & habilis ad dominium transferendum, *leg. nunquam nuda §. D. de acquir. rerum domin. l. 3. D. si usufruct. petat.* At vero ut dominij translatio impediatur, sufficit aliquid horum deesse, præsertim verò voluntatem dominij quæ prima semper causa est dominij transferendi. Nam nec alia melior aut aptior ratio adferri potest, propter quam inductum sit ex iure gentium, ut per traditionem dominia transferantur, & quā quod nihil sit tam conueniens a quitati & rationi naturali, quā ratam esse voluntatem domini rem suā in alium transferre volentis *l. quæ ratione §. ha quoque res D. de acquir. rer. domin.* Iam autem probauimus deesse primū domini voluntatem cum donationi eam legem dixit & donatario ne donata res alienari inquam possit, si postea contingat à primo donatario eam alienari contra legem donationis inuito vel inscio donatore *d. l. ea quidem §. C. si manci. ita fuer. alien. hunc l. Lucius 40. §. ult. D. de fideic. iuberi.* Quemadmodū ē contrario si quis rem suā tibi donauerit ea lege ut ad aliū perveniret, fuerit voluntas prioris domini, ut ad eā tū eādem acceffisset, danda sit etiam secundo donatario utilis actio et ali neque ipse stipulatus sit, neque donationi adfuerit *l. 3. C. de dona. quæ sub mod.* quamvis non tam ex iuris ratione id fiat, quā si ex illius rescripti auctoritate, quia multis difficilior est, ut ex alterius voluntate & stipulatione quis agat, quā ut dominus legem rei sue dicēdo impediat ne inuito se transferri ea in alium quancūque possit. Quidni verò admitemus per pactum impediri posse alienationē voluntariam, & ordinariam, eū fateri cogatur Bartolus ipse impediri legalem. Ex *Aurb. excipitur C. de bon. qua. liber.* cum tamen lōgē difficilior hoc videatur in legali, quā in ordinaria, cum priuatorū pactioes legum auctoritate non censeantur *l. pen. D. de suis & legit.* Sed tamen facilius patitur legislator ut sibi vis fiat & legibus quā ut voluntati domini rem suam certa lege tradentis illudatur *l. venditor. 13. D. de commun. præd. l. penult. D. de servit.* Tantum abest ut verum sit quod vult Bartolus fortius esse legis quā hominis prohibitionem. Quid quod nec in redemptionē captiuorū alienari possunt res ecclesiæ, si ea lege in ecclesiā collatæ sint, ut nullomodo alienentur, cum tamen res cæteræ omnes ecclesiasticæ quantumvis per solam legem alienari prohibeantur, alienari ex hac causa possint, *§. sanctissimas Nouell. 120. De alien. & emph. cap. 9.* Nam quod Bartolus respondet ea ratione hac fieri, quod pactum consentiat cum conditione personæ cui prohibita est alienatio, & impertinens, & falsum est. Nulla enim lex est, quæ prohibeat ecclesiæ res suas alienare in redemptionem captiuorū. Quin id ipsæ leges omnes nō solum permittunt, sed etiā iubent, maxime verò Iustinianus in *d. §. sanctissimas.* Ad cō-

vt non desint qui putent cum Archidiacono, Etiam res ea lege donatas Ecclesię ne alienentur posse tamen alienari ex hac causā redemptionis captiuorum, si aliz nullę sint quę in tam piam causam vendi & erogari possint. Quod etsi durius mihi videtur, quā vt faciliē admitti possit, Ipsa tamen ratio quā isti adferunt quōd credibile sit casum hunc à donatore præsumum non fuisse, Ostendit satis aliud eos responsuros, si lex donationis hunc casum nominatim comprehendere proponeretur. Suauis verò est Bartolus qui eo Iustinianę constitutionis exēplo motus addit, si quid donatum esset minori ea lege ne id alienaret, pariter sibi placere vt impediatur hoc casu alienatio propter coniunctam cum pacto potestatem legis, quę prohibet minori rerū suarum alienationem. Quasi verò vllus sit effectus prohibitionis, cū ei personę facta est, quę tametsi nulla intercederet prohibitio, tamen sola condicione suę personę impediretur, ne res sibi donatam ex quo sua facta esset, alienare tamen posset. Quid ergo si minor hic postea factus sit maior? Cōsequēs erit Bartoli sententię vt incipiat nō impediri propter cōuentionalē prohibitionē alienatio, cessante iam post maiore aetate legali prohibitionē. Quo tamen quid absurdius dici potest? Ita enim fiet vt iustę conuentionis eiusque perpetuę & in perpetuum tempus futurum conceptę nō nisi tēporalis futura sit vtilitas, Cū tamen quod minori ea lege donatum est, non tanquam minori donatum videri possit, sed tanquam amico donationē ea lege accipientis: quę ratio per superuenientem legitimam & maiorem aetatem, neque tollitur, neque immutatur. Ex his intelligimus distinctionem, quā ad hanc legem adhibet Bartolus in illa quęstione, An per pactū prohiberi alienatio possit & translatio dominij, An scilicet agamus de alienatione extraordinaria, an de ordinaria. Et rursum si de ordinaria, an prohibitio facta sit ei cui lex non permittit vendere an alij. Et iterum hoc posteriore casu, An qui prohibuit ius in re aliquod sibi reseruauerit, aut dominij, aut hypothecę, an nullum, Totam esse futilem & inanem, nec eius partem vllam indicari posse, quę bona aliqua ratione nitatur.

ERROR NONVS.

De alienatione dominij prohibita per legem.



DISPVTAVIMVS de dominij alienatione prohibita per pactum siue in rei proprię traditione, siue extra traditionem adhibitu. Alius nūc tractatus est De alienatione prohibita per legē aut per testatorē. Ac quoniam de ea prohibitionē, quę per testatorē plerūq; fit ne fūdus de familia exeat, siue additum sit, vt in familia relinquantur, siue additum non sit, iam multa scripsimus lib. 15. Coniecturaru, erimus hic libentissimē tātō breuiores. Prohibita per legē alienatione dubitandi causā prorsus nulla est quin dominij translatio impediatur, quia legis auctoritas non solum non patrocinator alienare volenti, sed etiam resistit directō & se obicit voluntati domini vt eam effectum habere non patiatur. Est. n. lex non solum vnus ex modis sex transferendi iure Quiritium dominij, quos toties enumerauimus ex Vlpiano Tit. 19. *De acquis. rer.* sed etiam tale quid sine quo nullus ex aliis modis transferre dominium posset. Quid nimirum prodesset mancipatio, quid cessio in iure, quid adiudicatio, quid vscapio, quid denique traditio ad dominium trans-

transferendum, si talis res sit quàm lex aliqua vel mancipari, vel in iure cedi, vel adjudicari, vel vſucapi, vel denique tradi prohibeat? Tractamus ſiquidem de dominio non quòd ſit iuris gentium ſimpliciter in quo certè legis poteſtatem & authoritatem interuenire nil neceſſe eſſet, cùm ius gentium per ſe ſubſiſtat, nec pendeat à iure ciuili quo eſt antiquius, ſed de dominio quiritiario, id eſt merè ciuili & ex iure Quiritium, cuius potiſſima pars lex eſt: quæ ipſa porro cùm ſit domina & regina rerum omnium adeoque perſonarum quæ ſunt in republica, vt ait *l. 1. D. de legibus*, quis miretur poſſe eam de dominio cuiuſque rei pro arbitrio diſponere? Hoc enim eſt verè dominum eſſe alicuius rei De ea diſponendi & alienandi dominiij vel non alienandi poteſtatem & arbitrium habere *l. qua ratione 9. §. hæc quoque res D. de acquirend. rer. domin. vulg. l. in re mandata 21. Cod. mandat.* Et ſanè difficilior eſt caſum reperire in quo prohibeatur vel cogatur is qui verus dominus eſt transferre dominium, ſi eos excipias in quibus lex ipſa impedimento eſt, quàm caſum in quo poſſit non dominus dominium transferre vt conſtat ex *tit. Inſtit. quib. alien. lic. vel non.* Atqui lex ſola per ſe poteſt dominium transferre, id eſt etiam ſi neque mancipatio interueniat, neque ceſſio in iure, neque adiudicatio, neque vſucapio, neque traditio, vt cernere eſt in hereditatis & legati acquisitione *l. cum pater 77. §. ſurdo l. legatum 80. de legat. 2. l. à Titio 64. D. de ſurt. l. 2. D. de publician.* Non enim ſicut cæteri omnes modi transferendi dominiij indigent legis adminiculo vt ſint efficaces, Ita & lex indiget alieno villo auxilio, vt quod vult efficiat, ſiue imperet, ſiue vetet. Cùm faciat vtrumque verbis imperatiuis, quod ſatis eſt vt habeant effectum, quamuis vt puniat, quod tertium eſt in quo legis virtus conſiſtit *l. legis virtus 6. D. de legib.* egeat ope & facto magiſtratus, quoniam vbi facto opus eſt virtus legis ſufficere nō poteſt, ſed in iis tantum quæ in iure conſiſtunt, quale eſt vt dominus quis fiat, vel fieri prohibeatur. Iuris enim illud eſt non facti. Eadem igitur ratione ac multò maiore dicendum eſt poſſe legis prohibitionem facere vt dominiij tranſlatio impediatur, cùm facilius ſit prohibere ne quid fiat quàm facere, vt apparet ex eo quòd in pari iure melior eſt condicio prohibentis quàm facientis *l. Sabini 28. D. commun. diuid.* Et verò ſi numquam nuda traditio dominium tranſfert, ſed ea tantum quæ cauſam habeat, & quidem iuſtam & legitimam, id eſt iuri ciuili legibùſque cognitam, puta venditionis, donationis, aut quam aliam ſimilem *l. numquam nuda 31. D. de acquirend. rer. domin.* adeò vt nihil proſit traditam eſſe rem ex cauſa fideicommiſſi, quoniam fideicommiſſa legitima non ſunt ſed legibus incognita *l. qui vſumfructum 3. D. ſi vſufruct. pœt.* Quis dicat iuſtam eſſe poſſe traditionem cui ius ipſum lexque aliqua reſiſtat? Exemplum eſto in lege Iulia quæ fundi dotalis alienationem prohibebat, niſi mulier conſentiret, *l. lex Iulia 4. & tot. tit. D. de fund. dotal. l. vnic. §. & cum lex Iulia Cod. de rei vxor. æt.* Item in oratione Diui Seueri & Senatusconſulto ad eam facto De prædijs minorum ſine decreto non alienandis *l. 1. & tot. tit. D. de reb. eor. qui ſub tutel. vel cur. ſunt.* Senatusconſulti enim authoritas retento dominio viam alienandi obſtruxit, vt loquuntur Imperatores in *l. ſiquidem 11. Cod. eodem.* Vnde intelligimus nihil hac parte inter legem & ſenatusconſultum intereſſe, cùm Senatusconſulta vim legum habeant, licet Senatus legem facere non pōuerit ſed ius tantum quod eſſet vice legis *l. non ambigitur 9. D. de legib. §. ſenatusconſultum Inſtitut. de iur. natur. gent. & ciuil. §. quos autem Inſtit. de bonor. poſſ.* Sed hoc quod de lege dicimus non de qualibet lege intel-

ligi debet, at de ea tantum quæ sit perfecta, id est quæ non tantum alienationem fieri prohibeat, sed etiam si quid contra factum sit, id rescindat. Alioqui imperfecta lex est quæ id quod contra legem factum fuit non rescindit, Veluti lex Cincia quæ supra certum modum donari prohibet exceptis quibusdam cognatis, sed si plus donatum sit non rescindit. Aut saltem minus quam perfecta etiam si pœnam iniungat ei qui contra legem fecerit, qualis fuit olim lex Furia testamentaria quæ plus quam mille assium legatum, mortisve causa capere prohibebat præter exceptas personas, & aduersus eum qui plus cepisset quadrupli pœnam constituerebat, ut refert Vlpianus noster in fragmentis *Tit. l. De legib.* Quo loco cum nulla legis Iulie de fundo dotali inentionem faciat, cuius tam frequens olim usus fuit, ex eo satis intelligimus legem Iuliam ex eorum numero fuisse quæ perfectæ essent, id est sic eam latam fuisse ut non tantum prohiberet fieri alienationem fundi dotalis, sed etiam factam rescinderet, atque ita dominij translationem impediret. Cum enim aliquid per legem rescindi dicitur non id significamus quasi id quod contra legem factum est primum teneat, deinde postea rescindatur. Quomodo euenire necesse est cum rescissio sit ab homine siue priuatus ille sit, siue iudex, aut magistratus, ut cum centumuirali iudicio testamentum per infestiosum querelam rescinditur, aut contractus per in integrum restitutionem. Ratio namque diuersitatis illa est, quod natura & homo in tempore operantur, lex autem in instanti, quia nullis indiget dispositionibus præuiis, quibus homo indiget, ipsaque etiam natura ad formam in qualibet materia inducendam. Eodem itaque instanti quo aliquid fit contra legem quæ sit perfecta, lex quæ efficere nequit ut quod fit non fiat, aut ut quod factum est factum non sit, factum tamen rescindit, hoc est facit ut pro infecto habeatur, utque nulla sit potestas facti cui iuris autoritas non solum abest, sed etiam obest. De Senatusconsulto autem quod ad orationem Diui Seueri factum est de rebus minorum sine decreto non alienandis. Certum est ita fuisse illud conceptum ut non modò alienationem prohiberet, sed etiam si qua facta esset eam rescinderet, ut ex verbis orationis apparet, quibus nominatim continetur manere pupillo cuius prædium alienatum est actionem *d. l. i. de reb. cor. &* quidem in rem, id est vindicationem *l. 5. §. penult. eod. tit. ac* proinde dominium *d. l. si quis dem*, in illis verbis *revento dominio*, nec tantum si alienatio prædij sine decreto facta proponatur, sed etiam si cum decreto dummodò probetur obreptum Pretori *d. l. i. & d. §. penultim.* Nec ei quod de Iulia lege diximus contrarium est quod Papinianus noster in *d. l. cum pater 77. §. qui dotale de legat. 2.* tractans de fundo dotali contra legem Iuliam vendito, sic loquitur *si mulier venditionem irritam facere vellet.* Quomodo enim, dicat aliquis, posset mulier irritam facere venditionem, quam potestas legis irritam iam fecisset? Aut quid aliud est rescindi à lege venditionem quam irritam fieri? Nam respondendum est ita Papinianum loqui & potuisse & debuisse, quia lex Iulia non simpliciter & absolute rescindit alienationem fundi dotalis, sed ita demum si mulier non consentiat *d. l. i. §. & cum lex Iulia. l. vni. Cod. de rei ux. act.* Est igitur in arbitrio & potestate mulleris ut ratam faciat venditionem si ei consentire velit etiam ex postfacto. Aut verò ut faciat irritam, non consentiendo, eamque impugnando. Sed hæc distinctio legum perfectarum & imperfectarum quæ vel fieri quid prohibeant: ita ut factum rescindant, vel ita prohibeant ut tamen quod contra factum fuerit non rescindatur, olim quidem obtinuit, & antè tempora Imperatorum Theodosij, & Valentiniani, ut ex supradicto Vlpiani loco clarissimè appareat.

At hodie sublata est per Imperatorum Constitutionem quæ extat *in l. non dubium §. Cod. de legib.* qua primùm sancitum est, vt nullum pactum nulla conuentio, nullus denique contractus subsequutus videatur, si quis contraxerit lege contrahere prohibente, Vt legislatori, inquit, quod fieri non vult, tantum prohibuisse sufficiat, cæteraque quasi expressa ex legis voluntate liceat colligere, hoc est vt ea quæ lege fieri prohibentur si fuerint facta non solum inutiles, sed pro infectis etiam habeantur, licet legislator fieri prohibuerit tantum, nec specialiter dixerit inutile esse debere quod factum est. Aded vt & si quid fuerit subsequutum ex eo vel ob id, quod interdicante lege factum est illud quoque cassum sit & inutile. Quod ius ad omnes etiam legum interpretationes tam veterum, quam nouellarum trahi generaliter constituitur eadem Imperatorum Constitutione, vt proinde etiam Cincia lex & Furia & alia quælibet etiam ex veteribus perfecta dici debeat, nulla verò imperfecta vel minus quam perfecta. Etsi autem hodie ita ius est ex supradicta Imperatorum constitutione, Attamen vel ex hac ipsa constitutione intelligimus, rationem iuris ita ferre, vt sola prohibitio alienationis quantumlibet facta per legem, non possit habere vim tantam quæ impediat translationem dominij, si non etiam illud accedat, vt eadem lex rescindat quicquid contra legem ipsam factum est. Nam hodie quoque illud idem obtineret vt olim nisi noua Theodosij & Valentiniani constitutio ius contrarium induxisset. Quod cum ita sit fatendum est parum peritè parumque subtiliter nostros facere, qui prohibitionem legis fortiozem esse volunt quam prohibitionem hominis in dominij translatione impedienda. Cum è contrario verissimum sit quod superiore capite diximus, fortiozem esse prohibitionem hominis etiam in contraria adeoque nudo pacto positam, dummodò facta prohibitio sit à domino tradente rem suam, eamque legem dicente rei suæ *Lea quidem §. Cod. si municip. ita fuer. alien.* quod per legem ipsam licet dominam fieri non æquè potest si steterit lex in terminis prohibitionis, nec ulterius progressa sit.

ERROR DECIMVS.

De alienationis prohibitioe facta per testatorem, an impedias dominij translationem.

SE D errant etiam in eo nostri & multò grauius, quod supponentes pro vero quod nos falsum esse ostendimus, Vt sola legis prohibitio dominij translationem impedire possit, Eandem vim & potestatem tribuunt prohibitioni factæ per testatorem, De qua *in l. filius familias 114. §. Diui 2. de legat. 1.* Quod, inquit, vltima testatoris voluntas sit lex eodémque proinde iure censenda, ex §. *disponat Nguell. 22. D. De nupt.* Nos autè contrà in hunc modum, sola legis prohibitio quantumcunque iusta dominij translationem impedire nō potest. Multò igitur minus eam impediet prohibitio facta per testatorem quātumuis iusta esse proponatur. Hoc enim addendū est vt eam prohibitionē excludamus quæ est nuda, i. quæ cum nullā aliā causam habeat, quā fauorē personæ prohibita, nudū præceptū videri debet, potiùs quā talis volūtas quæ legis vim habere possit, *d. §. Diui.*

E c ij

Nimirum ad hoc ut valeat prohibitio necesse est sic eam fieri ne impunè ferat prohibitus si eam negligat, sed eo nomine se obliget illi cuius fauore voluit testator prohibitam esse alienationem *l. pater* 38. §. *Iulius Agrippa de legat.* 3. Alioqui si solius prohibiti fauorem respiciat prohibitio, siue heres ille sit siue alius qui prohibitus est contemni utique potest, non quasi villo casu liceat ei qui ex testatoris voluntate aliquid capit, voluntatem illam violare: Sed quia permissum est cuilibet ea negligere quæ pro se à legibus ipsis sunt introducta *l. si iudex* 42. *D. de minor. l. penultim. Cod. de pact.* dum ne quis alius ex eo lædatur. Quidni ergo etiam heredi negligere præceptum testatoris, nudum, id est non aliam habens causam, quam fauorem ipsius heredis prohibiti? Proinde tametsi pones testatorem non substituisse in terminis puræ ac simplicis prohibitionis, sed exemplo boni legislatoris perfectam legem condere volentis hoc addidisse, Ut si contra prohibitionem fieret alienatio, irrita ea esset ac inanis [quo casu admisimus sic facta per legem prohibitionem translationem dominij omnino impediri] adhuc tamen dicendum esset inutilem fore eiusmodi prohibitionem, nec minus contemni eam impunè posse, quam si sola prohibitio nullo alio addito facta esset, quoniam additio illa non facit quominus nudum sit & maneat præceptum testatoris, Cùm perinde verum sit, non alterius quam heredis fauore prohibitam esse alienationem, additumque à testatore ut inutile & nullius momenti foret alienatio si qua fieret contra prohibitionem. Est igitur omni casu longè minor prohibitio testatoris quam legis, quia lex numquam prohibet alienationem in fauorem solius personæ prohibitz, sed semper in fauorem vel alterius ut cùm lex Iulia inhibet marito alienationem fundi dotalis, fauore scilicet mulieris quæ ita fieret indotata, Vel in fauorem reipublicæ ut cùm interdicitur minoribus, furiosis, prodigis aliisque huiusmodi personis rerum suarum alienatione. Sed etsi pones factam à testatore prohibitionem ut liberis suis, ut posteris, ut familiæ consuleret quibus ex causis prohibitionem quasi iustam valere & efficacem esse nemo dubitat, Non idè tamen consequens esset eam vim prohibitionis esse debere, ut dominij translationem impediret, Nisi pones illud etiam additum quod superiore casu ponebamus, ut in casum contraventionis irrita esset ipso iure, & nullius momenti alienatio: Alioqui non posset bona esse comparatio prohibitionis factæ per legem, & eius quæ facta esset per testatorem, aut satendum esset maiorem vim fore prohibitionis factæ à testatore, quam factæ à lege: quod vno me excepto cæteri omnes negant. Atqui nullum in libris nostris tale exemplum extat sic factæ prohibitionis, Solebântque potius testatores disponere ut si prohibitus aliquid contra prohibitionem facere & rem alienari prohibitam alienare vellet ea res aut ad fiscum, aut ad alium pertineret, Ut in specie *dist. l. pater. §. fundum*, ubi testator qui fundum à filio quamdiu viveret, vetuerat alienari, donari, pignori dari, hæc verba adieciisse proponebatur, *Quod si aduersus voluntatem meam facere voluerit, fundum Titianum ad fiscum pertinere volo.* Deinde addidisse, *Ita enim fiet ut fundus Titianus de nomine vestro numquam exeat.* Quæ ex loquendi formula intelligimus, Solitos olim testatores in casum contraventionis, hoc est alienationis contra prohibitionem subsecutæ, eam ipsam rem alienari prohibitam in fideicommissum deducere, non tam ut fideicommissario prodesse, quam ut talis fideicommissi metu,

reuo-

relocaretur persona prohibita ne contra testatoris voluntatem alienaret. Quid enim aliud sibi vult connexio illa *Ita enim fiet*? Aut quo alio sensu dici potest, Ob id quod in casum alienationis fundus Titianus ad fiscum pervenire iussus sit, fieri posse ut fundus Titianus de nomine ac familia testatoris numquam exeat? An verò non exit cum ad fiscum incipit pertinere? Ita sanè est. Sed cogebantur testatores hoc remedio ut ad coercendam heredum aut alterius cuiuslibet prohibiti contumaciam, cum viderent nullis se verbis aut artibus posse assequi ut volente herede aut alio prohibito rem alienare, dominij translatio impediretur. Hoc verò cur ita? Nempe quod quisquis rem aliquam alienare prohibetur eum necesse est prius fieri dominum eius rei, quam ut ea prohibitio effectum aliquem habere queat, cum fieri non possit ut quis rem alienando transferat dominium quod non habet. *l. traditio 20. D. de acquirend. ver. domin. l. nemo plus iuris 54. De regul. iur.* Atqui postquam res quæ fuerat testatoris facta est heredis aut legatarij aut alterius cuiuslibet personæ, non iam de ea testator disponere pro arbitrio aut imperare quicquam potest, sed heredis aut legatarij aut alterius quisquis ille dominus sit voluntas omnino exquirenda est, ut dominium ab eo possit abscedere. *l. si res 9. §. si res D. de iur. dot.* Nam & inde fiebat non solum ut à legatario legari non posset §. 1. *Inst. de singul. reb. per fideicommiss. rel. l. 2. Coa. commun. de legat.* Sed etiam ut legata quæ verbis imperatiis relinquebantur necesse esset tam citò acquiri legatariis quam acquireretur hereditas ipsa heredi, hoc est ita ut heredis numquam facta essent *dist. l. legatum 80. de legat. 2. dist. l. à Titio 64. in fin. D. de fart.* quoniam si vel minimo instanti dominium rei legatæ ad heredem pertinisset, numquam invito herede ad legatarium pervenire potuisset, nec tantum voluntate sed etiam facto heredis ad transferendum dominium opus fuisset. Vnde illa etiam definitio legati in *l. legatum 116. de leg. 1.* ut sit hereditatis delibatio qua velit quis alteri collatum aliquid ex eo non quod heredis sit aut fuerit, sed quod alioqui uniuersum heredis foret. Quid, inquires, An non potest heredi suo imperare testator quilibet ut hoc vel illud faciat? Potest sanè, ut ex legatis per damnationem & pertinendi modum apparet quæ sunt perinde ac cætera verbis imperatiis, & ad heredem ipsum, non ut cætera ad legatarios directis. Sed heredi imperare nihil aliud est quam heredem obligare ut hoc quod imperatum est faciat, non autem ut citra heredis voluntatem factumve id fiat, quod ab herede fieri testator imperavit. Est igitur in hanc rem necessarius planè usus fideicommissi, & consequenter verborum precariorum non imperatiuorum. Idque est quod ait Paulus in *l. Stichus 39. D. de manum. testam.* inutiliter dari libertatem his verbis *Stichus servus meus si cum heres alienaverit, liber esto*, quia, inquit, confertur in id tempus libertas quo alienus erit. Subiungit autem idem iuris esse in legato, Nam inter libertatem & legatum quantum ad hanc causam nihil distare, Id est si legatus sit alicui Stichus hoc modo *Stichum servum meum si cum heres meus alienaverit Titio do lego* perinde inutile est legatum, quia æquè confertur in id tempus quo erit Stichus alienus: Aliena autem res legari non potest scilicet per vindicationem, Ne quidem res heredis, sed tantum per damnationem: quod genus legati proximè accedit ad fideicommissa. Quandoquidem omnibus commune illud est ut per manus heredis accipienda sint non vindicanda, nec dominium eorum transeat rectè & immediatè à testatore in legatarium aut fideicommissarium, sed medio heredis facto sit opus, cuius fidei te-

stator commisit, aut quem dare damnavit. Ex quo intelligimus nihil re-
 re an Stichus legatus sit Titio per vindicationem sub ea condicione, Si eum
 heres alienauerit an sub illa, Si heredis mei factus fuerit, quia neutro casu va-
 lebit legatum quod utroque casu collatum reperitur in id tempus, quo erit a-
 lienus Stichus. Quid ergo est quod sequitur apud Paulum, *Igitur nec si dire-*
cto dabitur libertas si Stichus heredis mei esse desierit, liber esto, quia nullum ca-
sum vtilem habes. Quid enim attinet tale exemplum ponere *si Stichus heredis*
mei esse desierit, si admittamus idem esse sic etiam concepta libertatis condicio-
 ne si Stichus heredis mei esse ceperit? An fortè dicemus esse quid hac parte si-
 mile inter legatum & libertatem, quòd legati Stichi dies statim cedat à mor-
 te testatoris, Libertas verò Sticho data non nisi ab adita hereditate? Cer-
 tum namque est in eo differre libertates à legatis *l. unic. §. libertatibus Cod.*
de caduc. tollend. Propterea quòd aliter posito iure fieret quòd esset absurdis-
 simum ut etiam destituito testamento nemine hereditatem adeunte, liberta-
 tes tamen quarum dies à morte testatoris cessisset, ac quæ exinde compete-
 re cœpissent, non eò magis interciderent, sed durarent cùm libertas quæ se-
 mel competit non magis intercideret quàm reuocari postea vniquam pos-
 sint. Sed tamen non puto ullam esse hac etiam parte inter libertatem & le-
 gatum differentiam, quia quòd dicimus libertates non cedere nisi ab adita
 hereditate non facit ut idcirco seruus cui directà libertas data est villo instanti
 seruus heredis fuisse intelligatur, sed tantùm ut expectanda sit quæ in aliis
 legatis puris per vindicationem relictis non expectatur hereditatis aditio, tan-
 quam condicio quædam sine qua non esset libertas villo vniquam tempore
 competitura. Cæterùm quo instanti heres fit dominus rerum hereditaria-
 rum per aditionem, eo ipso instanti is cui directà libertas testamento data
 est eam nanciscitur & fit liber. Quod esse non posset, si vel minimo instanti
 seruus heredis esse cœpisset. Itaque magis placet, ut sic quoque inutiliter di-
 recta libertas detur Stichus *si seruus heredis mei esse ceperit liber esto*, perinde ac
 illo modo *si heredis mei esse desierit*, quandoquidem utroque casu fit alienus,
 tam qui heredis esse incipit, quàm qui eius esse desinit, ut fiat alterius, nec
 inter heredem & extraneum hac parte, ut dixi, quicquam distat. Sed accom-
 modatius visum est exemplum ita concipi *si heredis mei esse desierit*, ad demon-
 strandum eum casum quo collata sit libertas in id tempus quo seruus alienus
 futurus sit. Cùm non possit desinere esse heredis aut ab eo alienari quin e-
 ius fuerit ipso iure: quæ res impediret libertatem. Non etiam cùm ipsius
 libertas collata est in id tempus quo heredis esse cœperit. Nam quo instanti
 esse incipit, id est primo instanti quo aditur hereditas, [quod cùm sit facti
 non fit in instanti sed in tempore] statim incipit competere libertas, nullo
 scilicet obstante impedimento, qui seruus hic numquam perfectè heredis
 fuit *argum. l. interdum §. D. quibus mod. usufruct. amitt. l. Arescusa 15. versic.*
incipiente igitur parte D. de stat. homin. Nec enim solus heredis interuentus di-
 rectas libertates impedit, quæ licet per testatorem ipsum non per heredem
 dentur, sic tamen accipiuntur ut eas testator det ab herede, Non hoc sensu
 quasi eam ab herede præstari velit, sed illo potiùs quòd heredem tantò pau-
 periorum faciat, qui si libertas directà huic seruo data non esset, in patrimo-
 nio eum haberet. Sic enim dicimus etiam legata per vindicationem dari ab
 herede, quamuis nullam heredis factum exigant. Concludamus ergo quòd
 verissimum est, si testator rem suam quæ aut heredis aut alterius cuiuslibet se-

mel facta sit, ad alium peruenire velit, non aliter posse eum id facere quàm si utatur verbis fideicommissi, hoc est precariis non imperatiuis. Tale autem est verbum *vero* quo uti in huiusmodi specie prohibitz alienationis testatores solebant *dist. l. pater 38. §. 1. & seqq. pass. de legat. 3.* Nisi si quando peterent ne res alienaretur, ut in *dist. l. cum pater §. libertis de legat. 2.* quod erat expressius verbum fideicommissi *§. vltim. Insitut. de singul. reb. per fideicom. relict.* Indèque nimirum est, quod per alienationis prohibitionem non tam dicitur fieri fideicommissum quàm induci per interpretationem, & quidem in casum contrauentionis duntaxat, & ut nostri omnes admittunt condiciale non purum *dist. §. Diui*, vbi omnes notant. Hoc autem supposito quod verissimum est, Prohibitionem alienationis non posse fieri nisi per verba precaria & per viam fideicommissi. Omnino consequens est tantò minùs verum esse posse quod volunt interpretes dispositionem hanc testatoris vim habere legis cùm lex nihil vnquam disponat nisi verbis imperatiuis, quia legis est imperare non rogare. Quare nec lex duodecim tabularum generaliter constituit ut suprema quolibet defuncti hominis voluntas ius esset, vimque legis haberet, sed ut ea tantùm quæ per legis modum facta esset. Id enim est quod significat verbum *legassit* in illis verbis legis 12. tab. *Pater familias vti sua rei legassit, ita iussit.* Ergo si nullam rationem aliam meliorem habeât interpretes propter quam velint nos concedere, quodd illi defendunt per prohibitionem à testatore factam impediri translationem domini, quàm quia testatoris voluntas sit lex, non facil è nobis persuadebunt. Sicut nec illam distinctionem probare possumus quæ n tradit Castrensis *ad d. §. Diui*, an in casum factæ cõtra prohibitionem alienatio nis datum sit fideicommissum his verbis *si alienes*, aut *si alienabû*, an verò illis *si alienauerû*, ut prioribus duobus casibus sufficiat prohibitum incipere vendere ad hoc ut fundus ipse à fideicommissario peti ex fideicommissio possit, quodd ius ei quæsitum sit petendi fideicommissi antè perfectam alienationem. Terrio autem casu non possit, quia nec priùs existat condicio fideicommissi quàm perfecta fuerit alienatio. Qua porrò perfecta fieri nequeat ut ab emptore inuito discedat dominium quod ei semel acquisitum fuit. Ex *d. l. interdictum §. D. si vsusfr. per. cui* potuisset addere textum *dist. l. si ego 9. §. si res D. de iur. dot.* Cur verò hanc Pauli Castrensis distinctionem probare non possint, ratio illa est, quodd quisquis alienare incipit etiamsi nondum perfectè alienauerit, eum tamen iam dominum perfectè esse necesse est ut possit alienare. Ac proinde non iminùs voluntas illius exquirenda est, etiamsi testatoris heres proponatur quàm noui alterius cuiuslibet acquiritoris, cùm non magis heredis sui rem legare per vindicationem aut in alium transferre per fideicommissum transferre testator possit, quàm alterius cuiusvis extranei. Ut constat ex *d. §. si res*. Quãuis dici soleat posse quem in testamento de rebus heredis sui perinde ac de suis pro arbitrio disponere *l. vñ ex familia 67. §. si rem de leg. 2.* Id enim nõ ad ius transferendi domini pertinet neq; ad legata per vindicationem, sed tantùm ad legata per damnationem & ad fideicommissa, In quibus non quæritur de domini translatione quæ facta sit per testatorem, sed de illa tantùm quæ facienda est per heredem, In cuius semper est potestate ut rei legatz vel per fideicommissum relictæ æstimationem præstet si hoc malit quàm rem dare. Atque ita intelligendæ sunt leges omnes quæ loquuntur de fideicommissio relicto in casum prohibitz alienationis, siue expressum illud sit, ut in *d. l. pater 38. §. fundũ de leg. 3.* siue tacitum, quod ex sola prohibitionem alienationis inducatur per interpre-

tationem iuris ut diximus. Non autem ita quomodo passim nostri intelligunt ut res ipsa omnimodo in fideicommissum veniat, & idcirco alienatio eius impediatur. Numquam enim impeditur, ne tum quidem cum in familia fundum relinqui testator verbis fideicommissi iussit, ut in *l. qui solidū* 78. §. *pradium* & *d. l. cum pater* §. *libertis de leg. 2.* Sed petitio tantum fideicommissi ex testamento competit familiarum si quando res alienari prohibita pervenerit ad extraneum *dist. l. vnum ex familia* 67. §. *sed etsi fundum* & *l. peto* 69. §. *fratre eod. sit.* quæ petitio cum sit persecutio non actio in rem quæ soli domino competit, personalis tantum actio est *l. pecunia* 178. §. *actionis De verb. signific. l. si heres* 70. §. 1. *D. ad SC. Trebell.* Et ob eam nimirum causam necesse olim plerumque erat interponi cautiones, De fundo quem in familia relinqui testator iusserat restituendi, si non in familia cum effectu relinqueretur, *d. §. sed etsi fundum, vers. & ideo,* & *d. §. fratre in fin.* quarum cautionum præstandarum nulla utique necessitas esset, aut utilitas, si danda esset fideicommissario vlla actio in rem ipsam alienatam. Idque ex iis quæ sequenti capite dicemus melius intelligetur.



ANTONII FABRI

I. C. SEBVSIANI IN SUPREMO

SABAVDIÆ SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DECAS LXXXVIII.

ERROR I.

De prohibitione legis expressæ & hominis tacitæ in alienatione rerum fideicommissi.
Ad l. ult. §. sed quia C. commun. de legat.



REPREHENDITVR passim ab interpretibus Accursius noster, quod scripserit *ad l. ult. §. sed quia C. commun. de legat.* eam fuisse veteris iuris rationem ut bona siue legata, siue fideicommissa subiecta possent alienari non tantum si in diem vel sub conditione, sed etiam si purè data proponerentur. Ex *l. sed etsi lege* 25. §. *quod autem D. de hered. petiti. l. Titius* 54. §. *si heres* 70. §. *si heres D. ad SC. Trebell.* Contrà namque volunt interpretes author Bartolo *ad dist. §. sed quia*, iam olim id ipsum obtinuisse de non alienandis vel obligandis rebus legatis aut fideicommissis subiectis, quod constitutum est in *d. §. sed quia*, nec aliud noua Iustiniani lege factum esse

esse nisi quod apertius exprefferit illud ipsum quod iure vetere subobscurius continebatur. Huncque sensum esse volunt eorum verborum nouæ constitutionis *secundum veterem dispositionem*, vt scilicet ex veteris iuris dispositione idem iam obtineret. Itaque non dubitant quin & legatum & fideicommissum quod vel in diem certum, vel purè datum esset alienari nullomodo posset per heredem. Id est ne quidem eo modo quo alia res quælibet vendi & alienari poterat à non domino, salua domino vindicatione *l. rem alienam 28. D. de contr. empt.* Sed esset prorsus nulla alienatio, neque ex ea dominium transferretur, ad eoque nec vfucapiendi causa. Nec verò tam mirantur cur ita ius sit, quàm cur necesse fuerit de iure tam aperto legem ferri, quæ dominij translationem impediret. Cùm, inquit, dominium rei purè legatæ aut per fideicommissum relicte recta via transeat à testatore in legatarium ac fideicommissarium idcoque habeat tam hic quàm ille directam rei vindicationem quæ non alij quàm domino dari potest *l. 1. C. cod. tit. commun. d. legat. iunct. l. a Titio 64. D. de furt. l. cum pater 77. §. furdo l. legatum 80. De legat. 2.* Nec enī distinguunt illi legata à fideicommissis singularibus, siue de iure vetere tractent siue de nouo. Sed tantum fideicommissa singularia ac vniuersalibus, quorū dominium fatentur nō transire in fideicommissarium nisi post factam re aut verbo restitutionem fideicommissi *ex l. facta 63. in princip. ad SC. Trebell.* Et in his demum fideicommissis vniuersalibus admittunt posse videri aliquid noui constitutum à Iustiniano, prohibita etiam hoc casu translatione dominij quæ antea nō impediabatur. Sic enim Castrensis *ad d. §. sed quia*, licet dubitanter, non ausus planè adfirmare, quod audacter nos adfirmamus, Valuisse olim alienationem rerū fideicommissis etiam vniuersali subiectarum. Quidni enim ita liceat nobis adfirmare, cū nec in fideicommissis singularibus aliud iuris esse existimemus. Toto siquidem iure vetere constans illa fuit inter legata & fideicommissa quamuis singularia diuersitas, quòd legatorum dominium recta via transibat in legatarium nunquam factū heredis, ac proinde ipso iure nulloque heredis facto interueniente *d. l. legatum & d. l. a Titio*. At fideicommissorum non item *l. qui vsumfructum 3. D. si vsumfr. per.* quia cū fideicommissa & ab initio ex fide heredū penderent, & post Augusti quoque tempora non nisi per manus heredis aut alterius grauati cui sibi ad fideicommissarium peruenire potuerint, Prorsus satendum est rei per fideicommissum relicte dominium in fideicommissarium etiam singularē rectā transire nunquam potuisse. Nam nec legatorum dominium transibat quoties factū heredis aliquo erat opus vt in legatis per damnationem, quibus proximè accedunt fideicommissa, sed ita demum si de legato per vindicationem, aut per præceptionem relicto tractaretur, vt docuimus latius *lib. 6. Coniect. cap. 1. c. ali. bi sepe*. Malè igitur tam Accursius quàm Bartolus cæterique interpretes nullam inter legata & fideicommissa singularia differentiam hac parte agnoscunt, quæ perpetua semper fuit. Sed rectius tamen Accursius quàm Bartolus quòd ad fideicommissa singularia, quorum alienationem non fuisse olim prohibitam ait Accursius, negat Bartolus: Contra verò rectius Bort. quàm Accursius, quòd ad legata per vindicationem data purè, quæ ab herede alienari proculdubio nunquam potuerunt. Quod tamen non sic accipi volumus, quasi eorum alienatio fuerit olim quemadmodum hodie prohibita & ipso iure nulla, sicuti Bartolus, Castrensis, & alij volunt, ita vt neque dominium, neque vfucapiendi condicio in emptorem transferretur, Sed sic potius vt potuerit quidem heres, vt & alius quilibet cum rem, vt & aliam quamlibet alienam vendere *d. l. rem alienam*, Sed

tamen non eo minùs potuerit etiam legatarius rem sibi legatam & ab herede alienatam vindicare quasi suam & à non domino venditam, Nempe si non esset ea res ab emptore vfucapta, aut per longi temporis exceptionem iure si nō dominij saltem exceptionis acquisita. Cū dubitari olim non posset, quin iustum suę possessionis titulum haberet emptor qui rem alteri per vindicationem legatam ab herede comparasset, Maxime verò si rem legatam ignorasset, vt propter ignorantiam adesset etiam bona fides, quę cum iusto titulo coniuncta iustā preberet vfucapiendi causam. Quod & hodie obtineret nisi hoc ipsum nominatim Iustiniani noua constitutio prohibuisset vt sequenti capite dicemus. Sed & fatēdum illud est, multū interfuisse olim an legatum per vindicationem datū esset purē, an in diem certum. Etsi enim verum erat, vtroque casu diem legati statim cedere & à die mortis, non idē tamen consequens erat vt quemadmodum puri legati, sic & eius quod in diem certam relictū esset dominiū rectā in legatarium transferretur, nec vnquam heredis factum videri posset: quia lōgē aliud est legati diem statim cedere, Aliud verò legati dominiū contestim acquiri. Nec prodest diem legati celsisse nisi ad transmissionem legati, non etiam ad acquisitionem dominij. Transmittitur nimirum petitio non dominiū legati, si legatarius postquā dies quidem celsit, decesserit: sed antequā dies venerit, qui à testatore dictus fuit. Absurdum namq; sit prius acquiri dominiū rei, quā res ipsa peti possit, licet iam cōperit deberi. Quod nec Castrensis negat ex *l. Sēpronius Attalus. 26.* vbi est textus elegans *D. de vfu. leg.* Quāuis idē malē putet nasci legatario actionem ex testamento personalem antē quā dies venerit, quod falsum est. Diem enim non tantū celsisse, sed etiam venisse necesse est vt peti possit *l. cedere diem 2 3 De verb. sig. sic.* Planē quin post Iustiniani constitutionem prohibeatur heres alienare tam id quod in diem certum quā quod purē legatum est dubitari non oportet. Sunt namque in hanc rem expresse constitutionis verba. Sed nos de iure vetere disputamus, nō de nouo, de quo hucusque omnes consentimus. Illud non nego quod aduersus Accursium disputat Bartolus, Eos textus quos pro sua sententia confirmanda Accursius adducit ex *l. sed et si 25. §. quod autem D. de hered. petit. & l. Titius 54. D. ad SC. Trebell.* ad rem non pertinere. Tractatur enim iis locis de fideicommissio, non rei alicuius certę, neque totius hereditatis, aut certę partis, sed eius tantū quod ex hereditate vel quod ex bonis superesset. Quo casu non est qui non fateatur liberam fuisse heredi alienationem si ius vetus inspicias, dum ne quid ab herede fieret dolo malo & in fraudem fideicommissi. Quod cū olim in arbitrio iudicis positum videretur, hodie à Iustiniano sic emendatum est vt non nisi quartam fideicommissario relinquere cogatur heres qui sic rogatus est. *Auch. contrā rogatus Cod. ad SC. Trebell.* Sed non possum ferre quod Castrensis respondet *ad dist. l. si heres 70. §. si heres D. eod.* non probari ex eo textu si benē inspiciatur, Valuisse olim alienationem rei fideicommissarię, Cū Pomponius eo loco apertē scribat, si heres antequā fideicommissam hereditatem restitueret, alienauerit quid ex hereditate, vel seruū hereditarium manumiserit, vel ruperit quid, vel frerit, vel vsserit, non competere in eum vllam civilem actionem, ne quidem restituta postea hereditate ex senatusconsulto Trebelliano, sed ex fideicommissi causa esse hoc quod deperierit persequendum. Quid enim hoc aliud est dicere, quā quod volumus, Non solū valuisse olim rei fideicommissarię alienationem, sed etiam ita valuisse vt retractari nec posset nec deberet. Alioquin cū facta restitutione licet nudo verbo, res omnes hereditarię statim fiant in bonis fideicom-

fideicommissarij etiā illę quarum possessionē nōdū nactus fuit *d. l. facta*. quidni daremus vindicationē directā fideicommissario illarū quoq; rerum quas heres antē restitutionē perperā alienasset? Nā quod scriptus diximus fideicommissariū nō fieri dominū iure ciuili ne quidē secuta traditione, quōd fideicommissa siue specialia siue vniuersalia nullo iuris ciuilis vinculo cōtincātur, verū sanē est. Sed nō idēd facere potest quominus ei dāda sit vindicatio, quę sc. datur omnibus qui dominii sunt, licet nō iure ciuili sed iure gentium dominium habere proponātur. *l. in rem 23. in prin. D. de res vindic. l. docet 9. C. eod. iunēt l. quamuis 75. D. de iur. dot. l. rem in bonis 51. D. de acquir. rer. domin.* Atqui vindicationē rerū ex fideicommissaria hereditate alienatarum cōpetere negat apertē Pomponius, non in eo solūm quod ait hoc quod ex alienationis vel manumissionis causa periit, persequendū esse ex causa fideicommissi [nemo enim actionē ex causā fideicommissi cōpetentem pro vindicatione vnquā sumptit] Sed etiā cū disertē scribit nullam fideicommissario cōpetere ciuilem actionem. Non enim dubitatur quin vindicatio ciuilis actio semper sit, id est tū quoq; cū datur ei qui iure duntaxat gentium dominus est, S. quidē nulla prorsus iure gentiū prodita actio est. Neq; rursus prætoria vindicatio vlla est nisi quę tpealiore nomine & elegantione Publiciana nuncupatur. Deniq; nō alia de causa dicitur fideicommissarius post restitutā hereditatem habere res hereditarias in bonis, quān quōd earū nomine si nō possideat agere possit rei vindicatione, si verō possideat tueri se exceptione *d. l. rem in bonis 51. D. de acquir. rer. domin.* Cur nō ergo posset res antē ab herede alienatas vindicare, si alienatio ab herede facta nō teneret? Quod enim alienatum est si alienatio nō tenuit, vtiq; māl sit in hereditate. Nā quod res alienatę nūquam ei restitutę fuissent, ad rē non pertineret: Quādoquidē, vt diximus, hereditatis restitutio etiā quę nudo verbo id est sine vlla corporali traditione facta est, transfert ipso iure dominū bonitariū in fideicommissariū, & quidē rerū omnium quę sunt in hereditate *d. l. facta*, quia licet Prætor nūquam faciat rē in bonis alicuius, quin traditio interueniat, aut quid aliud quod sit vice traditionis ad transferendam possessionē. Restitutio tamē hereditatis nō fit ex auctoritate solius Prætoris fideicommissarij, sed primū ac potissimū ex potestate senatusconsulti Trebelliani, & cōsequēter ex auctoritate iuris ciuilis, cuius partē & speciē nec vltimā cōstituunt Senatusconsulta, Ideōq; mirū non est transferri sine possessione dominū bonitariū, Cū Trebellianū Senatuscōsultū quōd legis vim habuit vt cætera, etiā Quiritariū dominū transferre potuerit, & heredē facere §. *quos autem Inst. de bon. poss. l. 1. & tot. iij. ad SC. Terryll. & Orfic. D. de C.* qualem haud dubiē fecisset fideicommissariū tā facili, quān heredis loco eū constituit, si æquē facere potuisset vt heres grauatus quē adire prius necesse erat vt hereditatē restituere posset, atque ita heredē fieri, per hereditatis restitutionē heres esse desineret, Aut vt vni homini duo in solidū heredes esse possent, quorū neutrū ius permittit quēadmodum alio loco disputauimus. Ex quo intelligimus, quā parum acutē Castrensis distinguat in hac quæstione fideicommissa singularia ab vniuersalibus, vt meliorem faciat singularium quā vniuersalium conditionem: Hactenus nimirum vt rerum singularium quę per singulare fideicommissum relictę sunt, dominū statim & rectā, & ipso iure transeat in fideicommissariū, nō etiā illarum quę per vniuersale. Cū ē contrario dicere debuerit meliorem esse fideicommissi vniuersalis conditionē quā singularis, quod ex fideicommisso vniuersali fiāt res singulę in bonis fideicommissarij statim atq; restituta est solo verbo hereditas, quamuis neq; traditio secuta sit, neq; aliud quicquā quod possit:

esse traditionis loco. Ex fideicommissis autem singulari non aliter potest res fieri in bonis fideicommissarij, quam si eius possessionem nactus sit per traditionem *d. l. 3. D. si usus fr. per.* Nempe quia in fideicommissis singularibus solus Praetor fideicommissarij se interponit, non etiam auctoritas senatusconsulti. Nam de fideicommissis singularibus neque Trebellianum senatusconsultum locutum est, neque Pegasianum, nisi quod Pegasiano cautum est ut ex fideicommissis singularibus perinde atque ex legatis falcidia deduci posset, protracta scilicet potestate legis falcidiae quae de solis legatis locuta fuerat etiam ad fideicommissa *§. ex singulis Inst. de fideic. hered.*

ERROR SECVNDVS.

De iure uti uterque quo valebat alienatio rerum fideicommissis subiectarum ita ut reuocari non possent: ne quidem facta hereditatis restitutione. Ad l. si heres 70 §. si heres D. ad SC. Trebell.

BENE igitur Pomponius probat in d. §. si heres, alienationem rerum fideicommissio subiectarum quæ facta esset ab herede ante restitutionem hereditatem valuisse ipso iure, ita ut non potuerit fideicommissarius etiam post restitutionem hereditatis, eas vindicare. Ad eod autē tenuisse ut neque retractari potuerit, ex eo apertius constat quod rem alienatam ab herede æquiparat Pomponius seruo manumisso, aut ei quod ex hereditate vel ruptum, vel fractum, vel vitium sit. Et ponit hæc omnia periiisse id est nō minūs id quod alienatum quān quod vitium, vel ruptum vel fractum est. Cū post hæc omnes propositas species ait ex causa fideicommissi persequendum esse id quod perierit. Quis epim periiisse diceret id quod siue per vindicationem siue per aliā quamlibet actionē recuperari adhuc posset. Nam si rem amisisse nō videtur qui eius aduersus aliquem persequendæ gratia actionem habet. *Inemo §. D. de integ. restit. l. Libeo 14. in fin. De verb. signif.* ita ut qui actionem habet ad rem aliquam consequendam habere ipsam rem videatur ut est in regula iuris, quis dicat periiisse fideicommissarius eam rem, quam ipse à possessore vindicare adhuc possit? Placet itaque Pomponio res ab herede alienatas perinde periiisse fideicommissario ac si quouis alio modo periissent, solamque ei superesse contra heredem fideicommissi persecutionem personalem, Cuius spe consequatur, ut quicquid heredis factū ante restitutionem periit, id eoque in restitutionem hereditatis venire non potuit, sarcitur ab herede. Non quasi ad hoc solū agere fideicommissarium oporteat ut id duntaxat quod in corpore periit, in æstimatione præstetur, speciali aliqua actione quæ nulla certē in hanc rem comparata est. Sed h. c. sensu ut quamuis restituta sit, hereditas ipsa in vniuersum ex causa fideicommissi, adhuc tamē fideicommissum ipsum totum peti possit, ac si nihil dum ex fideicommissio solutum esset, quia quādiu fideicommissio aliquid deest totū peti potest. *l. debitor 59. vers. nec fideicommissum eod. tit. ad SC. Trebell.* Sicut ē cōtrario cū heres solidum fideicommissum per facti errorem, restituit non deducto vel retento eo quod ex fideicommissio potuerat deducere vel retinere conditionem habet totius fideicommissi ut deductione illa vel retentione vti possit. *l. heres 21. eod. l. si quis cum 39. & l. seq. §. penult. D. de condit. indeb. quemadmodum & soluta legata condicuntur, ut possit interponi cautio & satisfactio illa de qua m. l. §.*

qua in l. 5. §. vlt. q. tot. tit. D. si cui plusquam per leg. falcid. Obseruandum etiam est pro eorum quæ diximus cōfirmatione, Pomponium in d. 9. si heres, nō sine causa loqui de rebus ab herede alienatis ante restitutā hereditatē cūm ponit eas fideicommissario periisse, Scilicet vt intelligamus quātum inter sit utrū eas alienauerit heres ante an post restitutā hereditatē, Nā si quid alienatū esset post factā hereditatis restitutionē, id verò non diceretur periisse fideicommissario, qui utique eius vindicādi ius haberet, Nō quòd minimè teneret hæc quoq; alienatio, tanquā alienæ rei cuiuslibet, sed quia per eam non potuisset lædi ius fideicommissarij in cuius bonis res antea esse cœpisset. Alioqui nihil causæ est si iuris rationē inspicias cur non tenere debeat ipso iure alienatio, etiam quæ facta sit post restitutionē hereditatis, si ea quoq; valet quæ à prorsus nō domino facta est. Cūm heres etiā facta restitutione maneat heres §. restituta Inst. de fideic. hered. id est quiritarij dominus, qui licet vinci soleat & debeat à bonitario quoties in rei vindicatione concurrunt vt Vlp. in fragmentis scribit Tit. 19. De acquisit. rer. & cōstat ex l. doce 9. C. de rei vindic. iunct. l. quamuis 70. D. de iur. dot. negari tanv nō potest quin si nō plus certè tantundem iuris habere debeat ad vendendū quantum si dominus nullomodo esset id est nō magis quiritarius, quā bonitarius. Nec illud quoque ad rem pertinet quod Bartolus ad Pomponij textum respondet, Nihil aliud ex eo probari iussit quòd pro rebus alienatis nullā fideicommissi restitutionem fieri necesse est, quasi sit hic vnus casus ex iis in quibus transeunt actiones ipso iure in fideicommissariū citra vllam fideicommissi restitutionē, de quibus in d. pen. C. ad Trebell. Quod vtrūque certè falsum est. Nam neque tractat eum casum Pomponius quo nulla hereditatis restitutio facta sit, sed tantūm ponit alienatas fuisse quasdam res hereditarias ante restitutionē hereditatis quæ tamen postea restituta fuerit, Nec querit, An nulla vnquā facta restitutione vindicare fideicommissarius possit hoc quod alienatum est. Sed concludit, Nō posse illum vindicare tametsi restituta sit hereditas post alienationem, quia quicquid alienatum est perinde habendum sit ac si periisset, quod ad ipsa rerum alienatarum corpora pertinet, nisi quod totum hoc damnum imminuit per alienationes hereditatis, omnimodo per fideicommissi persecutionem sarciedum est fideicommissario ab herede, qui alienauit. Præterea falsum est quod vult Bartolus, & post eum alij, Non esse necessariam hereditatis restitutionē ad hoc vt possit fideicommissarius res ab herede alienatas rectè vindicare. Etsi enim admitto quod sefellit Bartolum, pro rebus alienatis non esse necessariam realem vllam & corporalem rerum ipsarum quæ alienatæ sunt, traditionem, quia nec tradere eas posset, tametsi maximè vellet cū iam alij traderitis, Contendo tamen necessariam semper esse hereditatis restitutionem non tantūm ad hoc vt transferantur actiones ipso iure in fideicommissarium ex SC. Trebelliano, Extra illos casus qui Iustiniani constitutione expressi sunt in d. l. penultim. sed etiam vt res illæ alienatæ speciali in rem actione peti & vindicari possint. Quia prius est vt sint in bonis fideicommissarij, quā vt eas vindicare possit fideicommissarius d. l. rem in bonis, Non prius autem in eius bonis fieri possunt, quā restituta sit hereditas cūm corporalis earum rerū traditio fieri nulla potest ob præcedentem alienationem d. l. facta. Cūque ea restitutio hereditatis non tantūm re & traditione, sed etiam solo verbo commodè fiat l. restituta 36. eod. tit. nihil causæ est cur eius faciendæ necessitas remitti debeat siue heredi siue fideicommissario prætextu alienationis. Quare nec aliud erit tametsi res omnes hereditariæ si voles alienatæ proponantur. Nam cū non solum hereditas sed etiam restitutio he-

reditatis iuris sit nō facti *l. non enim 37. eo.* nihil vetat sicut hereditas intellectum inris habet etiā sine corpore *l. hereditas 50. D. de hered. pet. ita* & hereditatis restitutionem verbo fieri etiamsi nullum corpus sit quod restituatur, dūmodō nō desit persona, & quæ possit restituere & cui possit restitui verbo. Atque ita accipiendū arbitror, quod Iustiniani constitutio induxit vt pro rebus vniuersalis fideicommissi ab herede alienatis competat fideicommissario contra possessores vindicatio, Scilicet si restituta sit quandoque hereditas siue verbo siue facto per quarundam saltem rerum traditionem, siue ante siue post alienationem earū rerum de quibus vindicandis tractatur. Illa enim distinctio quam Pomponio placuisse diximus, Vtrum alienationes factæ sint ante an post restitutā hereditatē, prudentum quidem tēporibus obrinuit, & ex iuris ratione obrinere debuit. Sed tamen fatendum est sublatam eam esse à Iustiniano qui non maiorē haberi voluit rationem alienationis factæ ante restitutionem & eo tempore quo negari non potest quin heres verē dominus fuerit rei alienatæ, & quidē vnici & pleno iure, id est sine vlla distinctione dominij bonitarij & quiritarij, quā si à domino facta esset. Quasi perinde sit iniquum decipi ab herede spem fideicommissarij, vt loquitur Iulianus, atque si iā haberet fideicommissarius dominij ipsum, non spem dominij. Quin & illud Iustiniani constitutione factum est vt deterioris condicionis sit is, qui etiam bona fide ac ignorans emit ab herede re fideicommissariam, siue pure siue in diem certum siue sub condicione relictam nulladum facta hereditatis restitutione, quā qui olim emisset post restitutam hereditatem. Ille enim iustum titulum habere credebatur ex quo sequi poterat, vsucapio aut longi temporis possessio si modō concurreret etiam bona fides, id est si emptor fideicommissum ignorasset. Hodie verō non magis potest vsucapere aut longē possessionis privilegio se defendere is qui emit etiam ante restitutam hereditatem quā si titulum nullum haberet quia nec vllum habere creditur, quem habet contra leges *l. quemadmodum 7. C. de agric. & censu. l. non dubiū 5. C. de legib.* idque nominatim ea ipsa Iustiniani lege cautū est, vt neq; vsucapio, neque longi temporis præscriptio vlla locū habere hoc casu possit. Cæterum ita semper accipienda est Iustiniani constitutio quod ad fideicommissa vniuersalia pertinet si restituta sit hereditas, quæ ex iuris ratione omnimodo restituenda est. Supponendi enim semper sunt termini habiles, Nec id agit Iustinianus vt totam iuris veteris rationem in omnibus peruertat, sed tantū vt fideicommissario cōsulat contra venditiones & alienationes ab herede factas, non itē contra necessitatem accipiendæ restitutionis. Idque ex eo apparet euidentius, quod illa ipsa cōstitutione Iustinianus vitur nomine restitutionis vt fideicommissum significet in illis verbis *vel substitutione vel restitutione* vt & in Nouell. *De restitut.* quæ tota est de fideicommissis vniuersalibus. Neque hoc vt puto prætermisisset Iustinianus etsi supponendum erat potius quā exprimendum si de fideicommissis vniuersalibus tantū locutus fuisset, non etiam de singularibus, & de legatis quoque in quibus tamen nihil est quod de restitutione tractari possit. Legata enim & fideicommissa singularia præstari dicuntur & solui nō restitui. Sed omnem hanc difficultatem tollunt eiusdem constitutionis verba illa quæ suprā retulimus, *secundum veterem dispositionem* quæ tantū abest vt sic accipi debeant quomodo accipit Bartolus, quasi velit Iustinianus dicere idipsum quod disponit, iam fuisse positum in dispositione iuris veteris, Vt è contrario constituat Iustinianus ne in posterum facere liceat, quod olim licebat, sic enim ille. *Nemo itaque heres ea quæ per legatum vel pure vel sub certo dis vel cōta sunt, vel restitui*

sicut aliis disposita sunt, vel substitutionis supposita secundum veterem dispositionem putet in posterum alienanda, vel pignori vel hypotheca titulo assignanda, vel mancipia manumittenda. Cur enim hoc fieri Iustinianus prohibuisset additis verbis illis in posterum si nec antea unquam id fieri potuisset? At ut quod secundum veterem dispositionem fieri poterat, in posterum fieri non posset, noua lege ac constitutione opus fuit. Et verò cur non valuisset olim alienatio rei fideicommissariæ saltem velut alterius cuiuslibet rei alienæ. Maxime si facta esset ab herede cum esset ille verus dominus siue ante siue post restitutam hereditatem alienaret, sed præsertim si ante restitutam? Quare nec de eo unquam apud veteres dubitatum reperias, sed hoc duntaxat cautum vt quæ ab herede alienata essent imputarentur ei in quartam *l. 3. res quæ D. ad SC. Trebell.* quod verò supra quartam alienatum inueniretur, id verò fideicommissarius persequi ex fideicommissio posset non contra emptores ipsos sed contra heredem alienantem. Cum scilicet eo iure nondum obtineret vt pro fideicommissis siue vniuersalibus siue singularibus haberet fideicommissarius hypothecariam. Multò minùs vindicationem nisi earum rerum quæ post restitutionem hereditatis alienatæ reperirentur, vt docuimus. Nam quod contra scriptum videtur in *l. quidam ita 25. §. si quis filium* in posteris illis verbis *libertate fauore sui seruata D. ad SC. Trebell. & in l. ult. §. ult. ibi vt fundus apud emptorem remaneat de legat. 2.* proculdubio Tribonianus est ad hanc constitutionem respicientis, vt explicauimus in *Error. 7. Decad. 70.* An enim aliqua fortassis olim fuit lex aut ratio iuris quæ rem legatam vel per fideicommissum relictam alienari prohiberet? Nulla penitus. An verò illa prohibitio induci poterat ex tacita voluntate testatoris? Atqui iam probauimus nec prohibitionem testatoris expressam potuisse impedire alienationem quominùs ex ea dominium transferretur? Multò igitur minùs tacita illa potuisset sufficere quam interpretes absque coniectura vlla probabili comminiscuntur. Nouum ergo ius & veteri planè contrarium à Iustiniano hac parte inductum fuisse fatendum est cui nec aliud causam vel colorem dedit aut dare potuit, quàm quod idem Iustinianus iam antea induxerat fauore legatorum & fideicommissorum, vt eorum nomine non solùm vindicatio competere, quæ antea non nisi pro legatis per vindicationem relictis competeat, sed etiam hypothecaria, quam nec vindicationis legatario competiisse certum est. Quamquam enim maioris potestatis videtur esse vindicare quàm hypothecaria, sicuti plus est dominium alicuius rei habere quàm in ea ius pignoris, potentius tamen aliquando & vtilius est ius pignoris & hypothecæ quàm dominij, quoniam hypotheca quæ legatis & fideicommissis omnibus siue vniuersalibus siue singularibus, siue in diem aut sub condicione, siue purè relictis data est, rem ipsam legatam aut fideicommissam afficit statim ex die mortis testatoris, ac proinde priùs etiam quàm potuerit acquiri dominium ad inducendâ vindicationem. Siquidem extra causam legatorum per vindicationem datorum nullo casu transit recta dominium à testatore in legatarium. In fideicommissarium verò nunquam cum implicaret contradictionem, vt fideicommissa vlla per vindicationem darentur. Igitur si quâdo alienata esset ea res cuius dominium ipso alienationis tempore adhuc esset penes heredem alienantem, fieri sanè ex iuris ratione non poterat vt eo nomine posset unquam legatarius vel fideicommissarius habere vindicationem: quoniam superueniens causa dominij non posset parere vindicationem ad auocandam rem ab eo qui per traditionem sibi à domino factam dominus sibi factus fuisset.

ERROR TERTIVS.

*De legatis in diem certum vel sub condicione relicta. Ad d.l. fin. §. penult.
 & ad l. i. cod. tit. C. commun. de legat.*



P RINCIPIO semper legata sub condicione per vindicationem relicta, Et si enim dominium eorum non transit in legatarium priusquam condicio venerit ut supra diximus, transit tamen ipso iure statim atque condicio extirrit, Ne alioqui transire numquam posset si non retrofingeretur heredis numquam fuisse ne vno quidem instanti, per totum illud tempus quod intercessit à die mortis testatoris, in diem usque condicionis evenientis. Et hoc est, quod ait Caius in l. seruo legato 69. §. 1. de legat. 1. Si seruum sub condicione legatum heres alienauerit, deinde condicio extirriterit, posse nihilominus eum à legatario vindicari, nec extingui legatum. Non magis scilicet quam si res ab initio legata fuisset pure: Quo casu si deliberante legatario heres rem legatam alicui tradidisset, ac postea legatarius habere legatum voluisset, traditio nulla esset, quæ tamen valeret si legatum repudiatum fuisset l. quadam sunt 15. D. de reb. dub. ubi ponitur hoc exemplum inter eos casus in quibus ab initio res dubia est, sed ex postfacto retroducitur & apparet quid actum sit. Simile est quod Marcellus scribit in l. à cui via 1. §. 1. D. quem. seruit. amitt. Si heres cum legatus esset fundus sub condicione imposuerit interim ei seruitutes, extingui eas si legati condicio existat. Nimirum quod ex postfacto appareat impositas eas fuisse prædio alieno, & à non domino, quæ tamen ex ratione iuris imponi tantum à domino potuerunt. Ad eodè ut dubitet Marcellus an si quæ seruitutes per heredem acquisitæ sint fundo legato ex sequantur legatarium. Nam quemadmodum seruitutem prædio imponere alius quam dominus non potest ita nec acquirere. Existens autè post acquisitam ab herede seruitutem condicio legati facit ut nullo vnquam tempore heres ille dominus prædij fuisse videatur, ac proinde ut nullo iure possit videri acquisiuisse seruitutem prædio quod ex postfacto retrofitur iam tum fuisse alienum. Sed tamen magis probat Marcellus ut seruitutes ab herede acquisitæ fundo legato, sequantur legatarium. Nempe quod negari non possit quin benè constituta & acquisita sit seruitus initio inspecto, & eo rei statu qui erat tempore constitutionis cum sit verissimum rem quæ sub condicione legata est quamuis per vindicationem interim esse heredis l. & post litem 12. §. res qua D. fam. ercisc. l. non idè 66. D. de rei vindic. l. 1. §. serui D. de SC. Sylan. l. generaliter 29. §. 1. D. qui & à quib. manum. Et si autem ex postfacto appareat fuisse rem illam legatarij non heredis. Ad eodè ut si legatarius eam pendente cōdicionē emisisset non tam ex emptionis quàm ex legati causa illam nunc habere videretur l. cui res 29. D. de action. empt. ubi ob hanc causam pro non legendum esse nunc aliquando monuimus. Non tamen debet hoc facere ut eo minùs teneat constitutio seruitutis, quam tenere interest etiam legatarij, cuius condicio sit hoc modo melior. Cum tamen non idè fiat deterior causa eius, qui rectè iustèque seruitutem imposuit, quique nullam contradicendi causam haberet si legati condicio non extitisset, aut legatarius legatum repudiasset. Alia causa est impositæ per heredem seruitutis, quia non sicuti meliorem, ita & deteriore legatarij condicionem facere heredi licuit. Cæterum apparet de eo legato nos tractare quod

quod per vindicationem relictum sit, non etiam de eo quod per dānationem, cuius diuersa certē in omnibus ratio est, si iuris veteris ratio inspiciatur, quandoquidem dubitare nemo potest, quin possit heres ei fundo quem alteri dare damnatus est, seruitutes pro arbitrio non min⁹ imponere quā acquirere, Nec tantū pendente condicione aut die legati, sed et si purē damnatus sit, quia quousque dederit ipse & tradiderit legatario, verē dominus manet, nec vllō vnquam tempore dominus non fuisse retrofingitur. Est enim illa fictio propria legati per vindicationem. Quod à Bartolo cæterisque interpretibus obseruatum non fuisse mirandum non est qui veteres illas legatorum formulas & differentias quas ex Vlpiani & Caij Institutionib. potissimū didiscimus ignorarunt. In eo sanē grauitur errant, quod duce Bartolo *ad d.l. vlt. §. vlt. C. commun. de legat.* nullam agnoscunt retroficionem aut retroficionis huius potestatem ne quidem in legato vindicationis, neq; quantum ad dominium, neq; quantum ad dominij cōmoda, sed tantū quod ad hoc vt venditio quæ interim facta est ab herede rescindatur quasi ab initio ipso facta nullo iure. Contrā enim constat euidenter ex superioribus alijsq; locis innumeris qui congeri in hanc rem possent, Rei etiā sub cōdicione legatæ dominij quod interim pleno iure est heredis existēte postea cōdicione agnitōq; legato retrofingi ab initio fuisse legatarij, nūquam heredis. Nec moueri in cōtrariam sententiam debuit Bartolus, ex eo quod scripsit Vlp. *in d.l. §. serui de SC. Silan.* quod existens legati condicio facit vt seruus qui sub condicione legatus fuerat destinatus esse heredis, non idcirco facere ne videatur interim eius esse. Sensus. n. illius loci idē est qui Pauli *in d.l. non idē 66. De rei vindic.* id est vt non idē min⁹ rectē quid tanquam nostrū vindicemus, quod abire à nobis dominij speretur si fortē legati aut libertatis condicio postea existat. Itaq; loquitur vterq; locus de eo tēpore quo legati per vindicationē dati condicio nondū existat. Quo tempore verū est rem legatā esse interim h. heredis & quidē pleno iure *d.l. generaliter 29. §. 1. qui & à quib. manum.* licet possit cōtingere vt destinatus heredis esse, Nimirū si & condicio legati existat, & legatū habere velit legatarius. At postquā extiterit condicio legati, faciet proculdubio non solū vt res legata iam non sit heredis, de quo nemo dubitat, sed & vt eius nūquam fuisse videatur, id est ne quidem eo tempore quo adhuc condicio pendebat. Et verō non sic loquitur Vlpian. vt dicat quomodo intelligit Bartolus, Existentem condicionem legati non facere ne res legata nūquam heredis fuisse videatur, sed non facere ne interim videatur eius esse, quod longē diuersum est. Posterior namque locutio hæc, tempus illud significat quo condicio nondum extitit, superior verō illud quo iam extitit. Vtrumque igitur verum est & quod vult Vlpianus, Non facere condicionem legati si quando postea existet vt res legata non sit interim heredis, Et quod nos volumus, Facere tamen condicionem postquā extitit, vt ea res nūquam heredis fuisse videatur. Sanē quemadmodum errat in eo Bartolus quod non patitur retrorahi vim condicionis existentis quod ad dominij legati. Sic in eo bene sentit quod negit retrorahi quantum ad cōmoda rei legatæ puta quod ad fructus: Meliusque hac parte quā Accursius, qui etiam ratione fructuum admittit potestatem retroficionis, vt medij temporis omnes fructus det legatario, qui certē pertinent omnes ad heredem. Est enim planē dissimilis causa dominij & fructuum, Non modò si sub condicione legatum aliquid sit per vindicationē sed et si purē, quia de legatis tantū locuta est lex duodecim tabularū, non de legatorū fructib. nec fuit necessaria legis potestas & retrofictio quod

ad fructus legatorum quæ fuit necessaria in legatis ipsis quia fructus non sunt ipsi in legato, sicuti à nobis pluribus explicatū est *lib. 7. Coniect. c. 3.* ubi diuersitatis huius rationem attulimus nō minùs elegantem, vt nobis quidem videtur, quàm veram: quæ nec à Bartolo aliisve interpretibus percepta est non magis quàm ab Accursio. Volunt enim omnes quotquot sunt interpretes legatorum purè datorum fructus quos heres etiam ante cognitā legatarij voluntatem nullāq; contracta mora perceperit, restituendos esse legatario petenti quandocunque legatum. Quod utique non minùs falsum est quàm si de legato in diem aut sub condicione relicto tractaremus vt ibi docuimus. Nec Bartolo subtilior est Paulus Castrensis, qui ne videatur Iustinianus nihil noui hac in re constituisse quod ad legata condicionalia pertinet, sic Iustiniani constitutionem interpretatur. Non quidem vt rei sub condicione legatæ alienatio pendente condicione facta interim non teneat ipso iure, quomodo constitutum expressum fuit in alienatione rei quæ purè vel in diem certum legata proponatur, sed vt teneat quandiu condicio non exiit, sicuti tenebat olim, Existente tamen condicione resoluator, quemadmodū Iustinianus loquitur, at tanquā ex tunc, id est retroacta resolutione alienationis ad illud ipsum instans quo facta fuit alienatio. Cūm olim resolveretur inquit, vt ex nunc nō vt extunc. Quod ait alienationē rei sub cōdicione legatæ & olim tenuisse & hodie quoq; tenere ipso iure quādiu condicio pēdet verū certè est, adeoq; generalius quàm Castrensis ipse putet. Subiungit. n. ex Accursio probat; exceptionem, Nisi eius rei alienatio prohibita sit à testatore. Ex *l. cum pater 77. §. libertas de legat. 2.* quæ exceptio addenda non fuit. Minùs enim potest prohibitio testatoris quàm legis ad impediendam alienationem, longēque alia Papiniani sententia est in *d. §. libertis*, vt nos in præcedētib; explicauimus. Rursum quod addit, Existente quandocunque condicione legati, alienationem resolui verum quoque est. Aptiusque dictum, quàm si cum Bartolo dicas rescindi hoc casu venditionem. Qui enim dicit alienationem resolui ius tantū significat, & iuris potestatē. Qui verò rescindi, factum hominis potius quàm legis. Atqui sola legis potestate fit vt alienatio rei sub condicione legatæ, post existentē condicionem resoluator, tāquam facta de re penitus aliena & à non domino rei alienandæ potestatē non habente, nec vllō in eam rem hominis facto est opus nisi vt condicio impleatur. Quare nec illud probare satis possum, quod Castrensem adnotasse video in *d. l. seruo legato §. 1.* Ius hoc nasci ex eo quodd resoluto iure datoris resoluator ius acceptoris ex *l. lex vel ligali fundo 31. D. de pignor.* Non enim dici potest resolutū hoc casu ius heredis, qui nullum prorsus habuisse vnquam intelligitur: non magis quàm si purè legata fuisset ea res quam ponimus legatam sub cōdicione. Itaque verum etiam illud est, quod Castrensis subiicit huiusmodi alienationem hodie irritam fieri & resolui post existentem condicionem non quasi ex nūc sed quasi ex tūc, vt scilicet nullo vnquam tempore valuisse videatur, ita vt nec actionem de euictione nec impensarum quæ ad rem meliorandam factæ sunt, repetitionem vllā habere possit emptor si rem legatam fuisse non ignorauit. Sic enim habet constitutio, neque tātū si res legata fuerit per vindicationem, sed et si quolibet alio legati genere, adeoque si per fideicommissum. Sed quod addit, aliter olim obtinuisse, id est non ex tunc, sed ex nunc irritam fuisse talem alienationem, hoc verò est quod ego falsissimū esse contendo, probōque ex *d. l. 15. cui via 12. §. 1. quemadmodum seruit. amitt.* & aliis quæ à nobis suprā in hanc rem disputata sunt. Nihilno igitur Iustinianus hac parte innouauit. Nihil penitus quod pertinet ad legata vin-

dicationis, sed tamē innotauit quod ad cætera legatorum genera, itēmq; quod ad fideicōmissa. In quibus ita ius olim erat, vt si sub condicione data essent, alienari interim possent ab herede, non vt interim tantū teneret alienatio, sed vt semper & in perpetuum valeret, salua legatario vel fideicōmissario actione personalī aduersus heredem qui rē legatam aut fideicōmissam alienasset. Quidni enim hoc admittamus in legatis per dānationem: ac fideicōmissis sub cōdicionē relictis cū iam probauerimus, etiā in iis quæ purē data fuissent, idem olim obtinuisse. An fortē potentius erat ius fideicōmissorum sub condicione quā purē datorū? Cū ergo Iustiniani constitutio non tantū de legatis per vindicationē sed etiam de cæteris omnibus, itēmq; de fideicōmissis loquatur siue purē, siue sub condicione data sint, An non ridiculi sunt interpretes qui quærūt quid in iis noui Iustinianus induxerit? Sed illi magis qui non vident quid sit inductum, iurāq; vetera hac parte incorrecta mansisse contendunt: quæ tamen receprissima interpretum omnium aduersus Accursium nostrum sententia est, Nimirum non obseruauerunt, quod nos ex ipsis Iustinianæ constitutionis verbis ostendimus priorem aliam constitutionem, quæ legatorū & fideicōmissorum nomine vindicationem, & hypothecariam dedit, posteriori causam præbuisse. Consequens enim fuit vt nulla penitus facultas heredi superesset eas res alienandi, ne quidem illas quarum interim dominus esset, fortē per damnationem relictas in diem aut sub cōdicionē. Propter inductum scilicet in iis ipsis rebus ius hypothecæ dominium per legem non acquiratur legatario aut fideicōmissario, adeoque ius dominij si sub condicione non tamen si in diem legatum esset, non minū quā si legatum fuisset per vindicationem, sub condicione: Nimirum, post condicionem impletam. Proinde quod ius olim proprium erat legatorum per vindicationem factum quidem est commune non solum legatorum omnium, sed etiam fideicōmissorum, siue purē legatum esset, siue sub condicione in translatione videlicet dominij. At illa tamen mansit differentia quæ olim erat inter legata pura & ea quæ sub condicione relictæ erant per vindicationem, vt eorum quæ purē relictæ fuissent dominium statim transiret, cæterorum verò quæ sub condicione non nisi post euentū condicionis: Vnde fiebat vt illorum quidem alienatio nulla fieri posset quæ dominium quod erat legatarij transferret in emptorem qui non à legatario ipso, sed ab herede comparasset. Horum verò posset fieri non absolutē sed interim, id est quousque condicione adueniente resolveretur.

ERROR QVARTVS.

De legatis in diem certum relictis, Et ad l. i. C. commun. de legat. & fideic.

LEGATORVM in diem relictorum alia condicio est, & separata. Nam neque olim dominium eorum trāsferri rectā poterat in legatarium, tamen si per vindicationem legatū fuisset, nec post diei euentum, vt iam diximus, nisi heredis voluntas accessisset cuius esse res cœpisset l. si ego 9. §. si res D. de iur. dot. neq; hodie potest, Cū nec maiore potestate Iustinianus dederit legatis per vindicationē quā olim esset, nec meliorem facere hac parte potuerit condicionem legatorū per damnationē aut fideicōmissorū quā esset olim legatorū per vindicationē. Sed hoc tamen hac quoq; parte à Iustiniano immutatum fuisse satendum est, quod legata in diem certū relictæ quæ olim æquiparabantur legatis condicionalibus

Ff ij

quantum pertinebat non ad cessionem diei sed ad translationem dominiij, maluit Iustinianus exequare legatis puris quod ad hoc ut eorum alienatio ante diem facta non magis teneat ipso iure ne quidem interim, quam si dies nulla esset adiecta, Non quasi legatorum in diem certam relictorum dominiij perinde recta via transeat à testatore in legatariū quasi nūquam factum heredis cōtrā quam scriptū sit in *l. Sempronius Attalus* 26. *De usufr. legat.* [hoc enim Iustinianus nec fecit nec facere, ut modò diximus, vlla ratione potuit.] Sed quia ut habet constitutio, non magis permittendum sit heredi alienam spem decipere, quam rem alienam vendere: Legatarius autem in diem licet dominus nondum sit ne tum quidem cum per vindicationem legatum fuit licet dies legati iam vtiliter cesserit si modò nondum venerit *d. l. Sempronius*, quamvis videatur ea lex loqui de usufructu legato per damnationē, ut apparet ex illis verbis *dari iussit*, Nisi cum de proprietate sub condicione deducto usufructu legata tractat ut & Africanus in *l. qui usufructum* 36. §. 1. in fin. *D. de usufr.* Attamen spem habet obtinendi quandoque dominiij & quidem certam cum certum diem qui legato dictus est venturum esse certum sit, In quo differt maximè à legatario cōditionali, qui spem quidem habet sed valde incertam, quia utrum condicio exitura sit nesciri potest. Siquidem de ea loquimur condicione quæ condicio verè sit, id est quæ pendeat ex futuro dubioque euentu, non quæ sit omnimodo exitura, quam nec pro condicione haberi placet *l. quod si* 18. *D. de condit. indeb. l. si pupillus* 9. §. qui sub condicione *D. de nouat.* Idque est quod innuere videtur Paulus in *l. in lege Falcidia* 45. *D. ad leg. Falcid.* In lege Falcidia non haberi pro puro quod in diem relictum est, propterea quòd medij temporis commodum cōputetur. Ad differentiam scilicet eius quæ obtinet cum tractamus de cedente die legati. Tunc enim legatum etiam in diem relictum pro puro habetur, non quòd ad dominiij acquisitionem, sed ut perinde ac si purum esset transmitti ad heredem possit mortuo ante diem legatario. Quòd si nullam vindicationē pro legatis & fideicommissis Iustinianus dedisset, adhuc tamē sufficere poterat, quòd hypothecariā & vtilē Scruianam induxisset ad consequendū hūc effectū ne interim alienari ab herede possent, hactenus saltem ne rata manere deberet eiusmodi alienatio. Cum hypothecæ persecutio nihil habeat cōmune cum quæstione dominiij, nec quicquā vetet per hypothecariā legatariū aut fideicommissariū auocare rē ab eo qui etiā ex iusto titulo, & per traditionē à vero domino factam dominiū sit cōsecutus. Atq; ita primā illā Iustiniani cōstitutionē accipiendā esse arbitror quæ pro legatis & fideicommissis omnibus rā vindicationē, quam hypothecariā induxit, Ut sc. non pro eadē re vtramq; actionē competere Iustinianus voluerit, cum sint prorsus incōpatibiles, nec possit per rerū naturā iurisq; rationē fieri ut cuiquam res sua sit obligata, Nec rursus ita, quomodo pleriq; intelligit, ut eius tantū rei nomine quæ per legatū aut fideicommissū data est vindicatio cōpetat, pro cæteris autē rebus testatoris hypothecaria. Sed ut pro iis rebus quarū dominiū statim trāsire in legatariū aut fideicommissarium Iustinianus voluit, id est quæ purè datæ sunt vindicatio exerceri possit & quidē sola, id est non etiā hypothecaria [nā de personali nō potest dubitari quin semper cōpetat.] Pro cæteris verò rebus, quarū dominiū in legatariū aut fideicommissarium transire prorsus impossibile est, id est quæ nō purè vel sub cōdicione, sed in diē certum datæ sunt, hypotheca tacita locū habeat, & cōsequēter hypothecaria, si sortè legatarius aut fideicommissarius auocare illas velit ab eo q. ante diē existētē emerit ab herede res siue per damnationem legatas, siue per fideicommissum relictas.

Hoc

Hoc. n. addendū puto, vt excludā semper casum illū, quo agatur de re siue per vindicationē legata, siue per dānationē aut purē sub cōdictione, quia cū existēte quādoquē; condicione ita fiat legatarij, vt nūquā videatur fuisse heredis quēadmodū diximus, ob eāq; causā ipso iure resoluator alienatio si quā interim heres tāquā dominus fecerit *d. l. seruo legato 69. §. 1. de leg. 1.* planē nō video cuius vtilitatis esse possit si quis hoc casu hypothecariā legatario dādam esse dixerit, cū omni casu habeat ille vindicationē nec minūs si res apud aliū sit, quā si a, pud heredē, etiā iure vetere inspecto: quæ vindicatio sicut plenior iure cōpetit quā hypothecaria, quia ius dominij plentius est, quā pignoris. Ita vtilior est, nec minūs tamē cōmoda, quādo in vtraq; actione dominiū omnimodo p̄bādū est *l. ante omnia 23. D. de probat. l. 1. & quæ nōdū 15. §. quod dicitur D. de pigno.* Nec quod Iustinianus & legata omnia inter se, & legatis fideicōmissa ex qua uerit, ad rē facit. Exequauit. n. omnia quod ad hoc vt omniū nomine possit legatarij habere vindicationē itēq; fideicōmissarij cōtra heredē ipsū, at nō etiā cōtra possessorē extraneū eo casu quo prior ille dominiū nactus sit ab herede. Et quēadmodū dicimus, Nullo casu posse hypothecariā cōpetere legatario vindicationis siue purē, siue sub cōdictione legatū sit, quia omni casu habet ille vindicationē etiā cōtra extraneū, cui ante cōdicionis euēiū res vēdita proponatur. Ita ē cōtrario nulla ratio est vt extra causā legati vel purē, vel sub cōdicione relicti permittatur vindicatio siue legatario, siue fideicōmissario eius rei quā negari nō pōt factā esse illius qui medio tēpore ab herede adhuc domino cōparauit. Satisq; ipsi cōsultitur data ei cōtra extraneū hūc hypothecaria, per quā perinde rē auocet, atq; per directā in rē actionē auocaret. Licet cū heres ipse possidet aut alius quilibet à quo relicta res fuerit nihil eius qui oneratus est, intersit an dominij an pignoris vindicatione cōueniatur. Ex quo intelligimus tādē magis necessariā fuisse hoc casu hypothecariā quippe quā sola intētio dominij excludere nūquā pōt, ut iā diximus *l. 1. §. eum p̄dictū D. de pigno. l. v. §. capio 7. C. eod. E.* quiparamus aut hac parte legata dānationis & fideicōmissa in diē certū relicta legatis eiusdē generis per vindicationē datis, vt sc. omniū nomine perinde cōpetat hypothecaria, nō etiā vindicatio, si fortē ab herede alienata sint ante diē, quia nec olim p̄ iis vindicatio cōpetebat tametsi per vindicationē data essent. Maximē si ab herede ipso nō possiderētur. Quāuis in eo equiparētur legatis puris, q̄ ex posteriore Iustiniani cōstitutione perinde nulla sit eorū alienatio, atq; si pura essēt quia sp̄e certā habuerunt. Nulla inquā ab initio vt in hoc differāt à legatis cōdicionalib. quorū alienatio etiā hodie tenet ab initio vt olim licet ex postfacto & existēte tādē cōdicione resoluator. Dices, Quid attinebat cōstituerē Iustinianū vt ab initio nulla esset alienatio, quæ etiāsi teneret, hypothecariā tamē impedire nullomodo posset? Hāc nimirū ob causā cogor dicere sic esse accipiendā posteriōrē cōstitutionē vt addiderit aliquid priori, Videlicet vt & legatorū per dānationē & fideicōmissorū in diē certā relictōrū vindicatio possit hodie cōpetere etiā aduersus extraneū quē antea ex priore cōstitutione nō nisi cōtra heredē cōpetebat, si modò eā nialit legatarij aut fideicōmissarij post diē exercere quā hypothecariā quæ nec minūs hodie cōpetit si eā eligere a-ctor velir. Et sanē cū aperte Iustinianus velit dari vindicationem p̄ legatis & fideicōmissis quibuscūlibet etiā per dānationē sub condicione relictis, postquā scilicet cōdicio extitit, nulla ratio est vt deteriorē faciamus cōdicionē legatorū, & fideicōmissorū in diē certā datorū, quæ plus habet sp̄ei & certitudinis quā cōdicionalia quæq; ideò propiūs accedūt ad pura. Sed aliud est loqui de priore

Iustiniani cōstitutione, Aliud de posteriore: Nec fuisset necessaria prior si incēpisset Iustinianus à posteriore quia hæc multò amplior est. Sed si de priore sola tractemus, prorsus intelligenda ea est secundum illam quam adhibuimus distinctionem vt iuris veteris ratio minùs offendatur.

ERROR QVINTVS.

De rerum fideicommisso subiectarum acquisitione per vsucapionem, & longi temporis possessionem.



ONSTITVIT Iustinianus in l. ult. §. pen. & vlt. C. commun. de legat. de cuius sententia Decade superiore scripsimus, vt si heres eam res, quæ legati iure alij dare, aut per fideicommissum restituere iussus est, vendiderit, aut quo alio modo alienauerit, siue purè, siue in diem certâ incertâque, siue sub condicione relicta esset, nō solum venditio & alienatio in irritum deducatur, tanquam nulla ipso iure, sed etiam ita vt neq; vsucapio, neq; longi tēporis præscriptio vlla cōtra legatariū vel fideicommissariū procedat. Hæc. n. verba sunt cōstitutionis, quam fatendū est iuri veteri hac parte multū derogasse. Nā quæadmodū herede alienante res legati, cuius interim dominus esset, transibat dominiū in emptorē, ita vt nec vlla indigeret vsucapione, dū ne sub cōdicione legata res per vindicationē fuisse proponeretur, secundū ea quæ proximè disputauimus. Ita certū est tale ius vetus fuisse, vt si res siue purè, siue sub condicione legata per vindicationē heres alienasset in bonæ fidei emptorē qui legatum ignorasset, vsucapi res ab emptore posset, Non secus ac si aliam rem quamlibet eodem titulo acquisiuisset. Quid enim, obsecro, esse poterat, quod vsucapionem impediret? cū nulla dum lege aut cōstitutione prohibita esset ea vsucapio? Aut quid noui hac parte induxisset Iustiniani cōstitutio si iam olim idem obtinebat? Et verò sicuti res aliena legata poterat vsucapi pro legato, si modò legatarius eam bona fide possedisset l. i. §. ut. si. D. pro legato. Ita nec quicquam vetabat vsucapi contra legatarium rem legatam, si fortè rem illam statuto tempore bona fide quis possedisset. Multòque magis in re per fideicommissum relicta idem iuris erat, Cū minore & infirmiorē iure fideicommissa olim quàm legata acquirerentur leg. qui vsu fructum 3. D. si vsu fr. per. Aded vt nec titulus vllus esset, Pro fideicommisso ad vsucapiendam rem alienam quæ per fideicommissum relicta fuisset, quomodo iustus & legitimus vsucapionis titulus erat Pro legato, quia cū fideicommissa essent iuri ciuili incognita, non poterat titulus fideicommissi præbere iustam vsucapiendi causam, quoniā nec iusta erat causa transferendi dominiij tametsi dominus fuisset heres, qui rem tradidisset. Numquam enim nuda traditio dominiū transfert l. numquam nuda 31. de acquir. rer. domin. Nuda autem est non minus ea, quæ causam aliquam habet non iustam, quàm quæ nullam. Ea porrò traditio vsucapiendi causam demum præbet cū facta est à non domino, quæ si à domino facta esset, dominiū ipsū transferre posset. Nō nego sufficere quodd quis per Prætorem factus sit dominus bonitarius ad hoc vt per vsucapionem possit fieri quiritiarius. Quæadmodum in eleganti specie illa l. si finita 15. §. Iulianus D. de damn. infect. licet titulus prætorius numquam sit legitimus nec iustus, cū potius iusto & legitimo passum opponatur. Sed non potest traditio rei per fidei-

deicommissum relicta facere fideicommissarium dominum bonitarium si res illa fuit aliena, Quam certè necesse est priùs fuisse in bonis defuncti quàm ut in bonis fideicommissarij fieri possit. Nam neque per vniuersalis fideicommissi restitutionem aliz res fiunt in bonis fideicommissarij quàm quæ per additionem factæ priùs sint in bonis heredis, & quæ antea fuerint hereditatis *l. in fideicommissaria 18. versic. quoniam D. ad SC. Trebellian.* quomodo accipi debet quod scriptum est *in l. facta 63. in princip. eodem tit.* facta etiam nudo verbo restitutione fideicommissi res omnes fieri in bonis eius cui restituta est hereditas licet earum possessionem corporaliter nactus non sit. Induxit ergo Iustiniani constitutio ius nouum qua parte fecit ut res siue per legatum, siue per fideicommissum relicta, siue purè, siue in diem, siue sub conditione relicta sit, nullo tempore vsueapi aut longi temporis possessione acquiri possit. Sic enim diserte scriptum est *in dist. l. ultim. §. si autem sub conditione, versic. quod similiter.* Ex quo apparet non eam Iustinianæ constitutionis rationem esse quæ vulgò ab interpretibus adfertur quòd non valenti agere præscriptio currere non possit *leg. 1. §. ultim. Cod. de annal. except. l. 1. in fin. iunct. Aube. Nisi triennale Cod. de bon. matern. l. in rebus 30. §. ultim. Cod. de iur. dot.* An non enim agere statim potest is cui res purè data est siue legati iure, siue fideicommissi? Et tamen non magis vsucapere aut longa possessione sibi acquirere rem potest emptor quàm si in diem aut sub conditione data esset. Ratio igitur constitutionis petenda ex eo est quod tum quoque cum vendita ab herede res est quæ purè legata vel per fideicommissum relicta fuerat, nulla venditio est tanquam facta contra expressam legis prohibitionem, ac multò magis quàm si non nisi in diem vel sub conditione data fuisset. Tantò enim maior iniuria sit legatario vel fideicommissario, quantò certius est eam rem quæ ab herede venditur ad legatarium vel fideicommissarium iam pertinere. Porro ad vsucapionem & longi temporis possessionem non minus requiritur iustus titulus, quàm bona fides, continuæque possessio. Nec potest quis pro emptore vsucapere si emptio nulla intercessit, nec si putet intercessisse, Ad eoque nec si re vera & de facto, ut aiunt, intercesserit, si iure non valuit tamen si errore iuris putauerit emptor eam valere. Quemadmodum & in alijs acquirendi titulis alioquin iustis contingeret *l. si existimans pen. iunct. l. Celsus 27. D. de vsucap. l. 1. in princip. & §. 1. & sequent. D. pro donat. l. 1. & 2. D. pro legat. l. nemo potest 6. D. pro derelict. Excepto casu l. quod vulgo 11. D. pro empt. quia numquam in vsucapionibus iuris error possessori prodest l. numquam 31. in princip. D. de vsucap.* Proinde mirum non est, Eum qui rem purè legatam emerit, aut per fideicommissum purè relictam, vsucapere illam non posse, cum possessionis suæ titulum nullum habeat quamvis legatario possit imputari cur non citius egerit, remque sibi relictam ab alio possideri tanto tempore passus sit. Quæ de causa nec illud improbo quod video Castrensi placuisse *ad dist. l. ultim.* Possit enim qui rem legatam emerit ab herede acquirere illam sibi per longissimi temporis possessionem, id est si eam per triginta annos multò magis si per quadraginta possederit *l. siue 3. Cod. de præscript. 30. vel 40. annor.* Nec enim præscriptio illa longissimi temporis titulum vllum requirit, at ne quidem possessionem, sed tantùm bonam fidem quæ sine titulo ac sine possessione esse & durare plerumque potest. Alioqui si de tricenaria quoque præscriptione submouenda Iustinianus sensisset, quid atinebat obsecro de vsucapione, longique temporis præscriptione dūtaxat loqui? Nisi fortè quæ moueāt verba illa constitutionis *null'o*

et penitus obstaculo à detentatoribus opponendo, quæ satendum certè est si sola inspiciantur adeò esse generalia, ut non minus tricennalein, quàm decennalem & vicennalem præscriptionem comprehendant. Sed nihil vetat posteriora generalia sumere interpretationem strictiorem ex specialibus præcedentibus, ut non de alio obstaculo submouendo Iustinianus senserit, quàm de quo nominatim iam cauerat, ne opponi posset. Non enim addita videri possunt ampliandæ dispositionis gratia, sed potiùs in consequentiam, & clariorem explicationem eius ipsius iuris, quod iam fuerat constitutum. Neque verò nouum est, ut per legem submoueaturs faciliùs præscriptio longi temporis quàm longissimi, ut videre est in alia illa eiusdem Iustiniani constitutione, quæ extat in *l. ult. C. in quibus caus. non est neccss. in integr. restit.* ubi constituit quidem ut nulla præscriptio currat contra minorem ne quidem ea quæ sit decennij inter præsentès, aut vicennij inter absentes: Sed subiungit tamen *videlicet exceptionibus triginta vel quadraginta annorum in suo statu manentibus*. Non quasi exceptio illa sit ad nouam constitutionem, sed quasi nec dubitari oporteret quin constitutio quantumuis generalis quæ de omnibus exceptionibus temporalibus locuta fuerat, & de omnibus casibus in quibus vetera iura exerceri quidem temporales præscriptiones concesserant, per in integrum autem restitutionem eis subueniebant, ad longissimi tamen temporis præscriptionem extendi non deberet. Quamuis eadem ratio æquitatis, idèinque minoris ætatis fauor in ea quoque præscriptione locum habere videretur. Præsertim verò si cum interpretibus nostris velit quis admittere, ita ius fuisse ante eam constitutionem ut aduersus longissimi quoque temporis præscriptionem ut & contra temporales cæteras, restitutio in integrum minoribus indulgeretur. Quod tamen nos iam sæpius negauimus, & contrariam interpretum opinionem vel ex illa potissimum lege, itèinque ex Anastasiana constitutione quæ extat in *dist. l. sicut*, refutauimus. Neque sanè quicquam causæ est, cur Iustiniani constitutio in *dist. l. ultim. C. commun. de legat.* de qua tractamus, cum sit iuris veteris correctoria & ob hoc ipsum odiosa extendatur latiore interpretatione ad alias præscriptionum species, quæ quo longioris sunt temporis, eo sunt viderique debent fauorabiliore. Etsi non ignoro sic interpretes nostros sentire cum tractant de præscriptionibus in genere, ut distinguant tres earum species quarum fauorabiles alias esse volunt, alias odiosas, alias denique mixtas partim fauorabiles partim odiosas. Fauorabiles enim volunt eas esse per quas acquiruntur res mobiles triennio cum titulo & bona fide, Odiosas autem illas quæ sunt triginta vel quadraginta annorum, quia procedunt etiam sine titulo dum ad sit bona fides, nec aliam æquitatis causam habent quàm pœnam & odium negligentis. Mixtas postreò illas & partim odiosas, partim fauorabiles, per quas acquiruntur res immobiles decennio inter præsentès, & vicennio inter absentes. Sic enim ex communi nostrorum sententia Guid. Pap. *quæst. 416.* ubi ex hac distinctione aliam insert, quòd ad præscriptionis interruptionem ut fauorabiles quidem non interrumpantur per solam citationem, at ne quidem per litis contestationem, sed tantum per definitiuam sententiam ex *l. si post acceptum 28. D. de rei vindic. l. 1. §. ultim. D. pro emptor.* Quæ verò prorsus odiosæ sunt per citationem solam interrumpantur dummodò factam adiecta causa per cuius denunciationem poterit citatus constitui in mala fide *dist. l. sicut*. Quoniam sola citatio possit sufficere ne omnino dici possit negligens fuisse is, contra quem præscribitur. Quæ autem partim fauorabiles & partim odiosæ sunt, mediam

diam quandam viam & rationem sequantur vt ad earum interruptionem neque sententia necessaria sit, neque sufficiat citatio, sed litis contestatio exigatur ex *l. mora 26. C. de rei vindicat.* Sed distinctio hæc neque iuris rationi, neque legibus nostris conuenit. Sunt enim proculdubio præscriptiones omnes fauorabiles tanquam bono publico introductæ siue ob eam causam ne dominia rerum semper maneant in incerto vt ait *l. 1. D. de vsucap.* Siue quoddam ingentem litium materiam subtrahant, quarum neque modus, neque finis vllus esset, si post triginta quoque vel quadraginta annos negligenti salua esset iurium suorum persecutio. Ideoque sic à veteribus constitutum & obseruatum fuisse videmus vt vsucapionum & præscriptionum iura ab initio angusta & certis rebus certisque finibus coarctata, postea dilatata sint ad res omnes exceptis perpaucis, omniæque totius terrarum orbis loca, vt Iustinianus refert in *tit. De vsucap. Insist.* quamuis verum sit præscriptiones omnes in eo abhorrere à naturali æquitate, quod efficiunt vt quod vnius est ei auferatur sine eius facto contra regulam *l. id quod nostrum 11. De regul. iur.* Nimirum fauorabilior semper est causa publicæ vtilitatis quàm priuæ *l. ita vulneratus 51. §. vlt. D. ad leg. Aquil. Auth. res qua Cod. commun. de legat.* Nec vnquam probare potui quod Iustinianus quædam in Nouella scripsit præscriptionem esse iniquissimum præsidium, cum in toto iure nostro æquitas non ex alia vlla re melius, quàm ex vtilitate publicæ æstimetur. Neque proinde iniquum possit videri quod præferat publicæ vtilitatis causam.

ERROR SEXTVS.

De differentia quam ponunt interpretes inter mobiliū, & immobiliū rerum vsucapionem. Ad l. mora 26. Cod. de rei vindic. & ad l. vnic. C. de transform. vsucap.



VIS verdè ferre possit quod volunt interpretes fauorabiliorem esse vsucapionem rerum mobilium quàm immobiliū quod ad hunc effectum, vt facilius hæc quàm illa interrumpatur? Vtræque enim est ex lege duodecim tabularum, Vtræque & possessionem continuam requirit & titulum & bonam fidem, Vtræque si ius antiquum inspicias Italico solo concludebatur: Denique quod ad rem nostram maximè pertinet neutram interrompebat superueniens mala fides *l. si aliena 10. & pass. D. de vsucap.* Quod & Iustinianus retinuit cum vsucapionem in longi temporis possessionem transformauit in *l. vnic. C. de vsucap. transform.* In summa, fuit hæc olim differentia inter rerum mobiliū & immobiliū vsucapionem, quod mobiliū anno vno, immobiliū verdè biennio implebatur. Qua ex ratione si quis velit inferre, fuisse igitur fauorabiliorem vsucapionem rerum mobilium, quod minore temporis spatio perficeretur, mala proculdubio futura sit consecutio. Non enim ex maiore vnius quàm alterius vsucapionis fauore proficiscitur ea differentia, sed quod rerum mobiliū iactura sicut facilior, ita & tolerabilior sit *l. si rem 47. D. de acq. poss.* magisque odiosa persecutio earum rerum quæ per pluriū manus ambulare solent, ob eamque causam dominium facilius mutatur. Alioqui si ex solo tēporis spatio fauor præscriptionis colligeretur, consequens fieret vt vsucapio rerū immobiliū fatendū esset fuisse olim fauorabiliorem quàm sit hodie vsucapio mobiliū: cum illa biennio cōtēta esset, hæc autē hodie

triennium exigit *d.l. vñc*. Non igitur alia huius differentiz ratio querenda est, quàm quia difficilior permissi debuerit ut res immobiles acquirerentur tēpore, quòdque tanto minorem diligentiam in iis perquirendis præstare dominus debeat, quanto difficilior est, imò verò impossibile ut ad nobilium similitudinem celentur & occultentur. Sed cùm temporis spatium illud quod primum lex duodecim tabularum definierat anni, vel biennij brevius visum esset Iustiniano, quàm ut sufficere dominis posset ad inquirendas res suas siue mobiles siue immobiles, protulit ille tempus quod erat vnius anni pro rerum mobilium vsucapione in triennium, & quod fuerat biennij in decennium, vel vicennium. Ex quo iure nouo apparet tantò manifestius quàm verum sit quod volumus, Eo fauorabiliores censendas esse vsucapiones quo longioris sunt temporis, cùm isto veluti temperamento iniquitas illa quæ in omnibus vsucapionibus subest, quòd per eas id quod nostrum est, nobis sine facto nostro auferretur, quodammodo emenderetur, & corrigatur. Nulla igitur ratio est, cur existimare debeamus cum interpretibus, interrumpi facilius præscriptionem rerum mobilium, quàm immobilem, quasi fauorabiliorem. Vtrique enim commune illud est ut nec per citationem nec per litis contestationem interrumpatur. *d.l. si post acceptum 28. D. de rei vindic. d.l. 1. §. ult. pro emptor.* quæ de vsucapione generaliter loquitur, nec minùs ad rerum immobilem quàm ad mobilem vsucapiones pertinet. Nempe quoniam litis contestatio alium effectum habere non potest, quàm ut inducat malam fidem *l. sed etsi 25. §. si ante de petit. hered.* Mala fides autem superueniens non interrumpit vsucapionem, ut diximus. Nec debuerunt moueri interpretes ex *d.l. 1. mora*, quæ non de vsucapione rerum immobilem loquitur, sed de longi temporis possessione, & præscriptione, quam cum vsucapione confundunt illi malè. Vno illo prætextu quòd vsucapio in eam transformata sit à Iustiniano in *d.l. vñc. Cod. de transform. vsucap.* Sed cùm ius illud nouum sit à Iustiniano introductum nõ debet ex eo sumi interpretatio ad Pandectarum aut Codicis leges explicandas, quæ cùm ad ius vetus spectent, interpretandæ proculdubio sunt ex iuris veteris ratione. Cur autem possessio longi temporis per litis contestationem interrumpatur olim, ratio non obscura illa erat, quòd interrompebatur per superuenientem malam fidem, quæ per litis contestationem omnimodo inducitur. Quòd si quis pergat huius quoque diuersitatis rationem querere, illa vni afferri potest, quòd & fauorabilius & potentius esset ius vsucapionis quàm possessionis longi temporis, siue quòd ex lege duodecim tabularum inducta esset vsucapio. Possessio autem longi temporis ex posteriorum duntaxat Imperatorum constitutionibus, siue quòd vrbis Romæ soli que Italici fauor privilegium illud ut & alia pleraque mereri videretur. Nam & inde fiebat, ut & brevioribus temporum curriculis vsucapiones cõcluderentur, & maiorem effectum haberent, Per quas scilicet plenum dominium etiam ex iure Quiritium acquirebatur. Cùm tamen per longi temporis possessionem non nisi exceptio & præscriptio quæreretur. Qua de causa passim videas longi temporis præscriptionem in libris nostris dici pro longi temporis possessione præsertim toto *tit. C. de præscript. long. tempor.* Quæ ratio etiam est eius quod rescriptum legimus in *d.l. mora*, Moras litis non instruere causam possessionis ad inducendam longè possessionis præscriptionem, quippe quæ post litem contestatam, ut lex ait in præteritum æstimatur. Nam cùm nulli exceptioni locus sit nisi post propositam actionem, nec rursus dari actio vlla possit, nisi post litē contestatā prorsus consequens est, ut vel eo tēpore quo litis cõtestatio sit cõpleta esse oporteat tēpora, quæ ad longæ possessionis præscriptionem sunt necessaria,

cessaria, vel nullus eiusmodi exceptioni dandæ locus postea relinquatur. In quo differentia elegans olim fuit inter vsucapionem, & præscriptionem: cum vsucapio, ut diximus, non interrumpitur per litis contestationem, Nō illa solum ratione quam attulimus, quod ex mala fide superueniente nō interrumpatur vsucapio, ut nec hodie interruptitur, Sed etiam quia vsucapio neque actio neq; exceptio est, quamvis & actionem & multo magis exceptionē parere possit, Sed adeptio, aut ut alij libri scriptum habent *in l. 3. D. de vsucap.* adiectio, & acquisitio domini ex præcedente titulo, & bona fide per spatium temporis lege definiti: Quod tempus non eo minus continuatur, quod ante completam vsucapionem fiat litis contestatio: Sufficit enim completam inueniri vsucapionem eo tēpore quo arbitrium fertur, quod in qualibet actione arbitraria ante sententiā, & condēnationem ferri necesse est, tametsi non fuerit completa tempore litis contestatæ. Nec enim iudex tanquam iudex pronunciabit rem esse tuam si pronūciationis tempore iam mea reperitur, quamvis fuisset tua tempore litis contestatæ. Prius autem est ut tanquam iudex pronunciet rem tuam esse, quā ut quasi vir bonus arbitretur eam rē restituere me debere. Quod certē Accursius noster assecutus non est, qui *ad d. l. moræ* notat, vsucapionem currere quidem etiam post litem contestatam, sed non cum effectu, itēque in vsucapione duntaxat triennij legem illam locum habere, id est rerum mobilium, non etiam in vsucapione immobilium: Quorum utrumque falsum est. Nam & vsucapio completur etiam cum effectu post acceptum lite contestata iudicium, & nulla prorsus hac parte differentia est inter rerū mobilium & immobilium vsucapionem, sed tantum inter vsucapionem & longæ possessionis præscriptionem: Nec quod hodie vsucapio transformata sit facere potest, ut aliud ius vsucapionis hac parte videri hodie debeat, quā quod olim fuit. Non enim transformata est vsucapio in longi temporis præscriptionem [alioqui ex vsucapione nec dominiū hodie acquireretur, nec actio, sed tantum exceptio] sed longi temporis possessio in vsucapionem transita. Hoc enim solum Iustinianus fecit ut ex diuersis illis iuribus vsucapionis, & possessionis longi temporis vnum ius conflatum sit, quod nomen sūlque retinuit vsucapionis, ex possessione verò longi temporis multa sumpsit quæ vetus vsucapio non habebat, præsertim verò ratione locorum & temporum. Cæterum ex vetere vsucapionis iure illud mansit inter cætera, ut mala fides superueniens eam non interrumpat. Ergo nec ut impediatur quominus currat etiam cum effectu post litem contestatam, cum litis contestatio, ut diximus, non alium maiorem effectum habere possit quā ut inducat malam fidem. Ob idque cogitur possessor qui vsucapionem post litem contestatam compleuit, & rem tradere & eo nomine cauere victori, quorum neutrum esset necessarium si vsucapio non curreret cum effectu *d. l. si post acceptum cum tribus seqq. D. de rei vindic.* quamvis non sit æquum manere lucrum aliquod penes possessorem ob id solum quod rei petitiæ possessionem post litem contestatam retinuerit. Quod certē nec Castrensis intellexit, qui pro eodē accipit ut cogatur possessor vindicatione conuentus & victus rem tradere & rem restituere. Traditio siquidem ad hoc exigitur ut dominium quod à vindicante recessit per vsucapionem completam post litis contestationem, ipsi nunc reddatur. Restitutio autem non fit nisi vt possessio ad eum redeat quam solam amiserat. Itaque etiam si manu militari res victo auferretur ut *in l. qui restituit 68. eod. tit.* non idē tamen dominium rei iam vsucapæ posset redire ad victorem citra nouam traditionem.

Idque obtinet siue de mobilium siue de immobilium rerum vsucapione tractemus: Nulla namque inter vsucapiones differentia est nisi in tempore, non etiam in earum vi, effectū, & potestate: Nisi quod etiam ratione locorū differētia fuit, cū res mobiles vbique anno, Immobiles verò per biennium in solo duntaxat Italico vsucaperētur. Quare nec vlla fuit pro rebus mobilibus præscriptio temporis in prouinciis, Sicuti neque longi temporis possessio dici potuisset, quæ vel vnius tantum anni vel triennij fuisset. Quibus cōsequens est, vt sicuti hodie nulla amplius longi temporis possessio est post transformatam vsucapionem, Ita nullus possit locus esse rescripto Imperatoris, de quo in *d.l. mora*, quam ostēdimus in vsucapione locum habere numquam posse. Sed fefellit Accursium reliquosque interpretes, quod quemadmodum viderunt nullam de rebus mobilibus aut olim fuisse, aut esse hodie longi temporis possessionē, Ita putarunt, quoties de rebus immobilibus tractaretur, ad longi temporis possessionem & præscriptionem referri rem debere, Quasi non etiam vsucapio rerum immobilium iam olim esset, quæ haud dubiè sola hodie est post sublatam Iustiniani constitutione longi temporis possessionem translatamque in vsucapionem. Vnde nec titulus sic conceptus est De vsucapione tollenda, Sed quod longè diuersum planèque contrarium est De vsucapione transformanda.

ERROR SEPTIMVS.

Si res subiecta fideicommisso alienata sit à persona non prohibita, & possessa per longum tempus bona fide ante euentum dies, vel conditionis.

VARIJ occurrunt casus, in quibus etiam post supradictam Iustiniani constitutionem in *d.l. vlt. C. commun. de legat.* dubitari probabiliter potest an res subiecta fideicommisso si alienata sit & ex iusto titulo iradita accipiēti bona fide, vsucapi à possessore & longo tempore, quod hodie idem est, acquiri possit. Primum enim quid si alienatio facta sit à persona non prohibita, id est ab alio quàm ab eo, qui grauatus sit fideicommisso? Ad hunc enim casum non videtur pertinere constitutio Iustiniani, quæ nominatim loquitur de ipso herede alienante contra voluntatem testatoris, illis verbis, *Nemo itaque heres est, quæ per legatum vel purè vel sub certo die relicta sunt, vel restitui aliis disposita sunt, vel substitutioni supposita secundum veterem dispositionem putes in posterum alienanda, vel pignori, vel hypotheca titulo assignanda vel mancipia manumittenda.* Quæ verba sicuti de solo herede loquuntur, ita eum duntaxat casum complecti videntur, quo aduersus legis potius quàm testatoris prohibitionem alienatio fideicommissi ab herede facta proponatur. Adeò vt non desint qui defendant, In alienatione quam non heres fecerit sed fideicommissarius alij & ipse rogatus eandem rem restituere, nouæ constitutioni locū esse non debere, Non ob id solum quod constitutio exorbitans, vt loquuntur, à iure cōmuni & hoc ipso satis odiosa restringēda sit potius quàm adiuuāda interpretatione, licet conferuandæ ultimæ voluntatis fauorem prætexat Iustinianus, sed etiam quod quo femotius fideicommissum est eo minus fauorabile videatur *Novell. 159. Vt restit. fideic. usque ad unum grad. consi.* Sed me in contrariū illud mouet quod & supradicta dictio *heres* parenthesi circumscri-

Cum scripta est tanquam irreptitia, Et apertè proficitur Iustinianus initio *§. sed quia. d. l. ult. C. commun. de legat.* se ad eam constitutionem decurrere in consequentiam eius iuris quod iam ante constituerat in *l. i. eod. ss. data pro legatis & fideicommissis* per multos casus ut lex ait, vindicatione hypothecaria. Inter cæteros autem casus in quibus prior ea constitutio dat legatario & fideicommissario hypothecariam & vindicationem, ille quoque est, Si vel legatarius ipse vel fideicommissarius aliquo fideicommissio sitbneratus. Sic namque Iustinianus in versic. *Et hæc quidem disposuimus non tantum si ab herede legatum fuerit derelictum vel fideicommissum, sed et si à legatario vel fideicommissario, vel alia persona, quam grauare fideicommissio possumus, fideicommissum cuidam relinquatur.* Consequens ergo est, ut posterior constitutio quæ in consequentiam huius noui iuris prohibuit alienationem rerum fideicommissio subiectarum, istum quoque casum complectatur. Ac sanè ita est, Non magis licet priori fideicommissario quàm heredi res fideicommissarias alienare. Et omni casu existente quandocunque fideicommissi siue prioris siue posterioris condicione irrita sit alienatio, ut rem mali & cõtra prohibitionem legis alienatam vindicare fideicommissarius quisquis ille est, possit, nulla obstante longi temporis præscriptione. Sed hoc ita si alienatio facta sit à persona prohibita. Nec enim alioqui posset videri facta contra prohibitionem legis, Cùm lex non in rem concepta sit, prohibita simpliciter & indistinctè rerum fideicommissio subiectarum alienatione, Sed in personam prohibendo alienationem ipsi personæ grauatae, siue persona illa sit heredis siue fideicommissarii. Ergo si extraneus id est quisquis rogatus non est, rem fideicommissariam quasi suam vendiderit, ementi bona fide, quomodo rem alienam quamlibet vendi, emisque posse cerium est, dubitari non oportet, quin valeat venditio, Non ut ex ea dominium transferatur in accipientem per traditionem quæ licet non nuda quidem tamen facta sit à non domino. Verùm ut post existentem fideicommissi condicionem neque vindicatio neque hypothecaria vlla supersit ad rem aufferendam possessori qui eam per longum tempus ex die saltem condicionis impletæ tenuerit cum titulo & bona fide: quod non cõtingeret si titulus nullus præcessisset intelligeretur. Nam nec Iustiniani constitutio ad hunc casum pertinet, nec causa vlla est cur à iure communi quod hac parte fauorabilissimum est, citra constitutionis vllius auctoritatem recedamus, Aut rem subiectam fideicommissio æquiparemus rei furtiue aut vi possessæ, cuius vsucapio impediatur propter vitium reale quod in re ipsa sit, quousque ad fideicommissarii manus peruenierit. Atque ita Castrensis & cæteri quoque interpretes ad *d. l. ult. §. pen. C. commun. de legat.* benè vno ore tradiderunt. At hoc quoque ita accipiendum est, si non per prohibitam personam facta sit prior alienatio. Si enim quod plerunque euenit, vel heres vel prior fideicommissarius rem fideicommissariam alienauerit, quamuis ementi bona fide, ac tale fideicommissum ignoranti, nihil proderit nouo possessori quòd ea res per multorum bonæ fidei emptorum personas ambulauerit. Initio scilicet inspecto, quòd cum viciosa fecerit & prohibitam primam venditionem, fecit etiam ut sequentes omnes cæteræ eodem iure censi debeant. Quemadmodum enim res alienari prohibita si semel licitè alienata sit, manet in perpetuum alienabilis, ut vulgo nostri tractant ad *l. pater 36. §. quindecim de legat. 3.* Ita è contrario dicendum est rem quæ semel malè ac contra legis prohibitionem alienata sit, perpetuò manere inalienabilem ut neque vsucapi, neque per longi temporis possessionem acquiri possit: Quasi credendum sit non fuisse bonæ

fidei emptorem vquam rem illam venditurum, vt neque habiturum, si non prius eam persona prohibita vendidisset. Sicque respondit benè Hieronym. *Grar. conf. 21. num. 37. lib. 2.* Sed illa quæstio maiorem habet dubitationem, Si quis tertius siue bona siue mala fide rem illam vendiderit emptori bonæ fidei [semper enim bonam fidem exigimus in persona ementis vt tractari de vsucapione possit, id est quod crediderit se & à domino emere, & rem fideicommissio non subiectam] nec vlla præcesserit venditio, quæ facta sit à persona prohibita, Vtrum vsucapionis longæque possessionis tempora currant fideicommissario, etiam prius, quàm fideicommissi siue prioris, siue posterioris dies vel condicio venerit. Nec enim desunt qui putent præscriptionem vt vocant nec melius vsucapionem interim currere aduersus fideicommissarium, & quidem cum effectu ita vt eueniente postea die vel condicione fideicommissi nihilomagus possessori qui vsucepit, euinci res possit. Quam sententiam defendit Philipp. Corneus lib. 4. eiusque laudat authorem Paul. Cast. in *dist. l. vltim. §. sed quia C. commun. de legat.* vbi tamen aperte ipse contrà sentit. Duo enim exigit Castrensis, vt contra fideicommissarium currere possit præscriptio, Primum illud vt venditio facta sit à persona non prohibita, Alterum vt agendi ius habuerit is cui præscriptio obicitur. Et hauc Castrensis sententiam certum est ab interpretibus nostris magis probatam esse, Ratione illa quæ statim occurrit & in omnium ore est, quod non valenti agere non currat præscriptio. *Ex l. 1. §. vltim. Cod. de annal. except. l. in rebus 30. §. omnis autem Cod. de iur. dot. l. 1. in fin. iunct. Auth. nisi tricennale Cod. de bon. matern.* Quid enim possis imputare fideicommissario qui non egit ante diem fideicommissi cedentem, cum nec agere potuerit, etiâsi maxime voluisset? Nam & tritum illud est actionem nullam præscribi posse nisi ex quo nata fuit *dist. l. 1. §. ad hoc Cod. de annal. except.* in illis verbis, *Sed ex quo ab initio competat, & semel nata est.* Quod enim nondum incepit, quomodo finiri potest, aut quomodo amitti quod numquam fuit? *l. si in diem 46. l. Titio usufructus 96. D. de condic. & demonstr. l. non potest videri 208. de regul. iur.* Cùm ergo non prius fideicommissi condicionalis petitio nascatur & competat, quàm condicio extiterit, videtur certè fieri non posse vt fideicommissario tempus currat priusquam dies vel condicio fideicommissi venerit. Accedat quod alienationis verbum etiam vsucapionem & præscriptionem continet cùm vix sit vt alienare nō videatur qui vsucapi patitur, & præscribi *vulg. l. alienationis 28. De verb. signific.* Atqui rerum istarum omnium quæ fideicommissio subiectæ sunt, alienatio distinctè prohibita est à Iustiniāno adeoque nominatim vsucapio in *dist. l. vlt. C. commun. de legat.* Igitur dicendum est tū quoque cū alienatio facta non est à persona prohibita, sed à tertio quolibet non magis permittendum esse ei contra quem currit vsucapio puta heredi aut priori fideicommissario, qui agere iam potest & vsucapionem interrompere, vt vsucapi rem patiatur, quàm vt eam ipse alienet, quod facere vtrique non posset. Mihi tamen contraria sententia magis semper placuit visæque probabilior est. Non enim ad hunc casum Iustiniāni constitutio pertinet, sed ad illum solum quo facta sit alienatio per prohibitam personam, id est per eum qui fideicommissi restitutione oneratus est, siue heres ille sit, siue legatarius, siue fideicommissarius. Quod ergo à Iustiniāno innouatum non est cur aliter quàm ex iuris veteris ratione interpretabimur? Id siquidem agere duntaxat Iustiniānus voluit, vt in heredis potestate non esset aut alterius grauati cuiuslibet, quomodo erat antea, spem fideicommissarii decipere, non magis quàm rem per legatum aut fideicommissum purè datam

datam alienare. At rem fideicommisso siue puro, siue in diem aut conditionali obnoxiam facere inalienabilem & quasi reali qualitate illa ne dicam vitio afflicere propositum certè Iustiniano non fuit, ut ex ipso Castrensi iam docuimus: Alioqui nec post diem fideicommissi cedentem posset currere vsucapio, longive temporis præscriptio, nullo scilicet titulo præcedente *l. Celsus 27. D. de vsucap. l. diutina 4. Cod. de præscript. long. temp.* Itaque fatendum est non alio casu prohibitam fuisse à Iustiniano vsucapionem aut præscriptionem rei fideicommissariæ, quàm quo prohibita est eiusdem alienatio, id est ita demum si ille ipse vendiderit, qui fideicommisso grauatus fuit, non si alius tertius, cui non magis prohibitum sit alienare rem fideicommissariam, quàm rem aliam quamlibet. Quare nec ita Iustiniani constitutio loquitur, ut prohibeat grauato ne rem vsucapi aut præscribi patiatur, sed tantum ne ipse alienet: Nec ita rursus ut vsucapionem omnem longique temporis præscriptionem inhibeat, sed eam solam qua velit se iuuare is qui à grauato emerit. Et verò an non esset absurdum prohiberi emptorem qui & bonam fidem & titulum habeat, quominus iure publico utatur, sibi quæ & actionem & dominium quærat facto suo, cum nihil contra leges fecerit, etiamsi nihil sit quod possis fideicommissario imputare, ut in *l. Pomponius 29. D. quib. mod. vsusfr. amitt.* Nec enim odio negligentium præcipue comparata sunt iura vsucapionis & præscriptionis longi temporis, sed fauore potissimum possessionis quæ titulum comitem habeat, & bonam fidem.

ERROR OCTAVVS.

De præscriptione contra fideicommissarium currente antequàm posset ille de fideicommisso agere.

PROINDE non est bona consecutio, si quis dicat, Nihil imputari posse fideicommissario qui non egerit ante diem fideicommissi cedentem. Ergo non currere aduersus eum vsucapionem aut longi temporis præscriptionem: Cum inter cætera quæ ad vsucapionem longive temporis præscriptionem requiruntur, non etiam illud sit ut ei contra quem vsucapitur, aut præscribitur, imputari aliquid possit: Ut ex eo colligi potest quod contra eos qui reipublicæ causæ abfuerunt, perinde currit vsucapio, licet non solum nihil iis imputari queat, sed etiam præcipuo fauore digni sint, propter quem merentur etiam auxilium restitutionis, *Tot. tit. D. & Cod. ex quibus caus. maior. in integr. restitui. poss.* Neque rursus bona illa ratio est quam adferunt interpretes, quòd non valenti agere non currat præscriptio. Non enim de præscribenda actione tractamus quæ nondum nata sit, cum dicimus posse rem fideicommissariam à tertio venditam præscribi in præiudicium eius cui nondum nata sit fideicommissi actio, sed de acquisitione dominij, quam nemo dixerit impediri posse in persona bonæ fidei emptoris, ob id solum quod fideicommissarius agere nondum potuerit. Quid enim commune habet personalis actio fideicommissi nondum nata, cum iure dominij quod in rem alicuius, & quidem alterius esse necessarium est, quòdque nihil

vetat quandiu non est fideicommissarij acquiri bonæ fidei emptori, qui modò nò sit mercatus còtra leges. Nā nec bonæ fidei emptor dici posset si sciens còtra leges mercatus esset tamen si maximè preciū soluisset *l. quemadmodum 7. C. de agric. & censit lib. 11.* Nec ad rē pertinet si quis obiiciat, etiā dominiū transire in fideicommissarium ex noua Iustiniani constitutione, & consequenter vindicandi ius dominiij existente quandocūq; condicione fideicommissi. Nam sicuti quod de dominiij translatione ipso iure faciendā obiicitur, eo demū casu verum est, quòd & fideicommissi dies condiciòve iam venerit, & mediū inhabile nullum sit, quòd translationē illā impediāt. Ita & quod de vindicandi dominiij iure dando fideicommissariis post diei vel condicionis euentū Iustinianus constituit, etiāsi vēditio à domino facta sit ad cōq; emptori bonæ fidei, certū est illo dūtaxat casu obtinere quo venditio facta sit còtra legis prohibitionē, Quæ nimirū semper impedit ne per traditionē quāuis à vero domino factā, dominiū transferri possit, cū nuda traditio numquā dominiū transferat, Nuda autē sit quæcūq; causam vel nullā habet vel non iustā, id est iure legibūsq; non probatā *vulg. l. numquam nuda 31. D. de acq. rer. domin.* Nā cū lex sit vnus ex modis sex transferendi iure Quiritium dominiij, vt tam sæpè retulimus ex Vlpiano *in fragment. Tit. 19. De acquisit. rer.* multò magis faciūsq; modus est amittēdi. Atqui nos eam speciem tractamus in qua non possit dici rem fideicommissariam alienatam esse contra prohibitionem legis. Ergo nec illam in qua locus esse debeat constitutioni, quæ vult irritam esse alienationem, vt neque titulum præbere possit quem diximus esse necessarium ad vsucapionem. Et consequenter nulla ratio est cur hoc casu vindicatio dari debeat fideicommissario qui nec est dominus nec vnquam fuit, contra emptorem qui licet à non domino ius habeat, dominium tamen ipsum habet à lege quæ ius & potestatem vsucapionis induxit. Neque nouum est vt melioris condicionis ille sit qui emit à non domino lege non prohibente dummodò bona fide, quā qui à domino quidem sed contra prohibitionem legis comparauit. Proinde cū nihil sit quod impediāt quominus rei etiā fideicommissariæ dominium per vsucapionem acquiratur emptori, prius quoque quā fideicommissi condicio extiterit, Planè non video quænam actio post existentem condicionem fideicommissario dari possit ad dominium auferendum possessori, Aut cur impediri debeat acquisitio dominiij ex eo solo, quòd fideicommissi actio nondum nata sit. Alioqui si ad ius bonæ fidei possessoris impediendum ratio illa sufficeret quòd persequendi fideicommissi ius nondum natum esset, consequens fieret vt etiā citra illam Iustiniani constitutionem, qua vna mouentur interpretes vt pro fideicommissario sentiant, idem responderi iam olim & iure ipso vetere debuerit. Cū non magis olim fideicommissarius condicionalis ius aliquod haberet ante condicionis euentum quā hodie *l. si cui 42. D. de oblig. & act.* Atqui certum est ita ius fuisse, vt etiā pendente fideicommissi condicione possent res fideicommissariæ alienari ab ipso quoque herede grauato ita vt inquietari emptor nō posset, salua fideicommissario contra heredem fideicommissi persecutione, quemadmodum suprà probauimus *ex l. si heres institutus 70. §. 1. D. ad SC. Trebellian.* Multò magis vsucapi si à non domino vēditæ fuissent accipienti bona fide cū nulladum lege esset prohibita earum vsucapio: Itēque fortiùs eo casu quo acquisitio dominiij confirmata esset per subsecutam longi temporis cum titulo & bona fide possessionem: Non quòd eo casu tractari de vsucapione quicquam possit, cū id quod meum iam factū est, magis meum fieri non possit, Sed quia

non

non debeat deterior esse condicio bonæ fidei emptoris qui acquisiuit à domino nec vsucapione vlla indiget quàm si bona fide acquisiuisset à non domino quominus plenissimè fiat, maneatque dominus transacto tempore quantum vsucapere eam re potuisset, si per emptionem dominus iam tunc factus non fuisset, quomodo eleganter ratiocinatur Tryphoninus in *l. in bello* 12. §. *si quis seruū De capiti. & possim.* Cum igitur necessaria fuerit Iustiniani constitutio, ad hoc ut res fideicommissio subiectæ per heredem grauatū alienatæ vsucapi non possent in præiudicium fideicommissarij condicionalis, qui toto medio tempore agere, sine actione nequiuisset, intelligimus quoties talis casus proponitur, in quo Iustinianæ constitutioni locus non sit, manere incorrectum ius vetus, nec ob id minus posse vsucapionem currere, etiam pendente fideicommissi die, vel condicione, quod nulla adhuc actio nata sit, quæ ad impediendam vsucapionem exerceri potuerit. Sed me omnium maxime illud mouet, quod à Pomponio scriptum video in *d. l. si heres §. vlt.* Si temporalis actio in hereditate relicta fuerit, tempus quo heres experiri ante restitutam hereditatem potuit, imputandum ei esse cui restituta fuerit. An non enim falsum id esset, ac prorsus à iuris ratione alienum, si fideicommissario ea interpretum ratio prodesse deberet, quod nulla possit contra eum præscriptio currere, quandiu non potest agere? Imò quàm esset accommodatior ratio, cum de actionis præscriptione agitur, quàm cum de dominij acquisitione. Nimirum ius omne vsucipientis & præscribentis ex ipsius facto & persona æstimari oportet, non ex agendi facultate quam aduersarius habuerit, vel non habuerit. Quid. n. vsucipientis aut præscribentis interest, an aduersarius agere interim vel nolit, vel non possit, dummodo videat ex parte sua interuenire omnia quæ ad vsucapionem vel præscriptionem inchoandam cõplendamque sunt necessaria? Sic dicimus exceptiones alias plerasque, licet àtori opponantur, ex persona tamen eius qui opponit æstimandas esse, ut Papinianus loquitur in *l. qui ex liberis* 11. in fin. *De bonor. poss. secun. tabul.* Illud quoque sententiâ nostram non parùm adiuuat, quod iis quoque casibus in quibus placuit non valenti agere non currere præscriptionem, fuerunt necessariae constitutiones quo tale ius inducerent, ante quas sanè aliter obseruabatur, & quæ si non essent, etiam hodie aliud obseruandum esset, ut euidenter ex eo constat, quod Iustinianus scribit in *d. l. §. vlt. C. de annal. except.* Ne imperfecta videretur ea sanctio, id se constituere in rebus omnibus quæ patri per filios non acquiruntur, quod in bonis maternis fuerat antea dispositum à Constantino, scilicet in *l. i. in fin. C. de bon. mater.* Ut nimirum filiis familias nulla exceptio temporalis opponatur, nisi ex quo actionem mouere potuerint, id est postquam manu paterna, vel eius in cuius potestate erant, fuerint liberati, quod inquit, non fuerat specialiter constitutum. Ut intelligamus tale id fuisse, quod non ex iuris communis ratione à prudentibus ipsis, nedum ab interpretibus induci potuerit, sed ab Imperatoribus specialiter constitui debuerit, ne imperfecta esset sanctio quæ filiis familias non bene in omnibus prospexisset. Alioqui frustra constitutum fuisset ab Imperatoribus, quod antiquior iuris ratio euincere per se potuisset, cum, & ante Constantinum ita ipsa esset, ut filiis familias sine consensu & autoritate patris in iudicio stare non liceret, quod & Iustinianus fatetur in *l. vltim. §. 1. vers. necessitate C. de bon. quæ liber.* Quia de causa idem Iustinianus constituit etiam in *di. l. in rebus* 35. §. *omnis autem C. de iur. dot.* ut non currat præscriptio aduersus mulierem constante matrimonio, nisi ex quo tempore potuerit illa agere ob inopiam mariti, *mo. x. viro inchoante malè substantia vi,* quomodo idem Iustinianus

loquitur in Nouell 97. *De equalit. dot. cap. 6. §. illud quoque*, quæ constitutiones si non essent haud dubiè, noceret mulieri vfucapio & præscriptio quæ constante quoque matrimonio cucurrisset. Falsum igitur est quod vulgo iactatur brocardicum, quali sit certissimum principium iuris, Non valenti agere non currere præscriptionem, Nisi solis iis casibus quibus ne currat cautum specialiter & nominatim constitutum est, siue factò aliquo, siue iure impeditus quis sit, ne ageret *l. cum sex menses 56. D. de adit. edit. d. l. j. heres 70. §. ult. ad SC. Trebel. A-* quius enim est scientiam aut negligentiam heredis, qui pendente adhuc fideicommissi condicione rem hereditariam vfucapi patitur, nocere fideicommissario, postea eo nomine regressum aduersus heredem habituro, quàm esse capriosa. in bonæ fidei possessori ignorantiam fideicommissarii, agendique, vt ita dicam impossibilitatem, *arg. l. quod autem 7. §. si quid cum pupilo D. quæ in fraud. credit.* Cur enim ob id minus iuris habeat bonæ fidei emptor, etiam aduersus fideicommissarium, quòd fideicommissarius nullum antè habuerit, nec adhuc habeat? Nihil sanè absurdius meo iudicio dici potest. Et quod suprà obiiciebamus non magis heredi, aut aliæ personæ grauiter permittendum esse, vt rem hereditariam vfucapi patiatur, quàm vt eam alienet, obligare duntaxat potest eum qui passus est, vt damnum omne quod ex ea patiètia fideicommissario contigit sarcire compellatur. At bonæ fidei emptoris ius quod non ab eo qui passus fuit, sed à lege habet ledere nullo modo potest. Illud planè inter omnes constat, Vno casu valere omnimodo & indistinctè rerum fideicommissò subiectarum alienatione, scilicet si factam eam esse cõstet pro diuittendis creditorib, defuncti, qui fideicommissum ipse reliquerit, etiam si ille ipse alienauerit qui grauatus fuit. Nam quemadmodum alienationis prohibitio à testatore facta, quantumuis iusta ex causa, Puta vt familiæ vel posteris consulat, nec potest nec debet vnquam fraudi esse creditorib, adeoque nec fisco *l. filius familias 11. 4. §. D. de leg. 1. ita neq; Iustini-* ani constitutio quæ personis grauatis tam districtè alienatione prohibet, sic accipi debet, vt tamen alienationes necessarias comprehendat *l. alienationes 3. fam. l. c. c. §. 1. D. de fund. dot.* cuiusmodi illa est, quæ fit pro exsoluendo testatoris ære alieno. Et ita benè Castr. *ad d. l. vlt. quem ceteri passim sequuntur.* Nam & æris alieni exsoluendi onus totum transit in fideicommissarium, cui tota hereditas restituitur *l. 2. C. ad SC. Trebel. l. in imponenda 6. l. irritum 8. C. ad leg. Falcid.*

ERROR NONVS.

Rursum ad l. 3. D. de condit. tritic. si homo p. titus per triticariam decesserit ante condemnationem.

DIVULSIT nos ab instituto iamdudum tractatu De condicione triticaria, inuestigatio rationis, Cur triticaria actione proposita querendū sit de ineunda rei debitæ æstimatione, cum per triticariam non æstimatio petatur, sed res ipsa, puta triticum, Vnde & triticariam appellatam esse ostendimus. Diximus enim, Triticariam in eo quidem differre à certi condictione, ne quo nomine cæteras omnes actiones intelligimus, quibus certum petitur,] quòd cum in certi condicione non res ipsa debita, & per contestationem petita in condemnationem deducatur, sed æstimatio quæ fuit præcisè tempore litis contestatæ *ex l. vinum 22. D. de reb. credit. l. 3. §. in hac D. commod. l. hominem 37. D. mandat.* In condicione tamen triticaria nihil nisi res ipsa debita & petita deduci potest in iudicium, quamuis non etiam in condemnationem, sed tamen

in con-

in eandem natione faciendā, si rem ipsam debitam interim soluere debitor noluerit, nece sariō deueniendum esse ad æstimationē, vt iudicati executio postea fieri possit, propterea quod ex edicto Prætoris De rei iudicata, & executione sententiarū, lis necessariō æstimāda sit, p sētētiā & cōuertenda in pecuniā, quæ redigi possit ex bonorū vēditiōe, Ne alioqui alterutrū euenire necesse sit, vel vt iudicati executio nulla fiat, vel vt condēnandus sit & cogendus reus ad rem ipsam præcisē solvēdā etiā inuitus: quod cū meri facti sit, certē sine vi & imprefione fieri nullomodo potest, ideoq; nec à Prætorē vnquā permittēdū est. Quā de causa diximus etiā mirū non esse, vt cū in ceteris actionib; strictis, qualis est certi conditiō, siue ex mutuo siue ex stipulatione, siue ex alia causa qualibet cōpetat æstimari rē oporteat inspecto præcisē tēpore litis cōtestatē, Aliud tamen in conditiōe triticaria obseruetur, & speciali quodā iure in ea actione solius cōdemnationis tēpōis præcisē spectetur. Quōdam. n. aliud spectare velles, cū res ipsa non vlla præcedentis tēpōis æstimatio deducta sit in iudiciū, sitq; liberum debitori conuento, si modō ante condemnationem præstare rē velit, ab æstimationis præstandæ necessitate se liberare? Illud si quidem certissimē ac per petuū verū est quod Celsus scribit *in l. si Calendis 11. D. de rei iudic.* Ex eo tempore æstimandum quidque esse quo solui nouissimē potuit, Atqui potuit reus per triticariam conuentus liberari etiam in procinctu ferendæ sententiæ, si rem debitam petitaūque soluisset eo tempore. Ex eodem igitur tempore iniri æstimationem oportere fatendum est. At illud adhuc explicandum superest, quod ex Celso subiungit Vlpianus *in d. l. 3. de condit. tritic.* si res per triticariam petita defierit esse in rebus humanis mortis tempus esse spectandum. Nam & hoc quoque nos malē explicauimus *lib. 16. Coniect. cap. 4.* cū diximus intelligendū esse Vlpianum de re quæ defierit extare post condemnationem: quod certē non ita est, Sed de ea quæ ante condemnationem. Cū enim alia ratio non sit propter quam in triticaria condemnationis tempus spectari oporteat quoties ad ineundam rei debitæ & in condemnationem deductæ ob contumaciam debitoris decurrendum est, quā quæ à nobis allata iam fuit, quod nouissimum illud tempus sit, quo solui res ipsa potuit, Fieri autē nequeat, vt soluatur res ipsa quæ petita fuit, si perierit ante condemnationem, licet post moram & contestationem. Planē consequens est, vt in æstimanda re quæ præstari amplius nequit, nō aliud quā mortis præcisē tempus spectari oporteat, Eādem ipsa quā attulimus ratione, quod nouissimum tempus illud sit, quo solui res potuit. Non enim possis dicere nouissimum tempus illud fuisse quo lis contestata est, quod nouissimum certē fuisset, si per conditiōem certi res petita esset, quia exinde fuisset pecunia debita, & in actionis ac iudicij formulā deducta, non res quæ per contestationem petita erat: Quoties verō petitur res per triticariam, sicuti nihil nisi res ipsa petitur quæ debetur, non eius æstimatio, ita & rei soluendæ facultas durat vsque ad tempus condemnationis, si res tamdiu duret, aut si prius res pereat quā in condemnationē secuta sit, durat saltem ad tempus vsque mortis, duratura diutius si res quoque durasset, quomodo licet in dissimili specie ratiocinetur Papin. *in l. si seruus 31. D. famul. ereise.* Quōdam igitur aliud tempus eo casu spectare possis, quā mortis? Dices fortasse id ipsum quod nos aliquando mouebat, in dō verō deberi hoc casu præsentem rei æstimationem, cū tractemus de re quæ defuit in rebus humanis esse post litem contestatā, & consequenter post moram, quandoquidem vix est, vt non moram semper contrahat qui litem contestatur, *l. 3. vers. siamesi D. de usur.* Constat, n. moræ effectū ferē præcipuum

illum esse vt perpetuet obligationem, ita vt etiam res quæ post morâ perierit extare adhuc videatur, & quali extet peti adhuc possit *l. si seruum 91. §. sequitur & §. ult. D. de verb. oblig.* Vnde illud etiam fit, vt cum ipsa tamen æstimatio sola præstanda sit, quia res quantumcunque debita præstari nullomodo potest, necessarium sit in hoc casu iusiurandum actoris, cum sine delatione iurisiurandi nõ possit iudex aut alius vllus æstimare rē quæ non extat, vt eleganter ratiocinatur Marcianus *in l. in actionibus 5. vers. planè D. de in lit. iur.* Præsentis scilicet temporis habita ratione, vt nos interpretati sumus *hb. 16. Coniect. cap. 13.* Cur ergo, inquires, mortis tempus spectari vult Vlpianus *in d. l. 3.* cum homo per triticariam petitus defuit extare ante condemnationem, si præsens debetur æstimatio, Aut cur voluit Marcianus, re post morâ perēpta præsentem æstimationem deberi, adeoq; taxandam per iusiurandum actoris, si verum est quod nos ab Vlpiano dictū volumus *in d. l. 3.* Re per triticariam petita, si ante cōdemnationem extare defuerit, mortis tēpus spectādū esse? An potius Vlpianū ex Marciano interpreti binivur, vt mortis quidē tēpus spectari oporteat in æstimandare quæ per triticariā petebatur, & quæ in reb. humanis ante cōdemnationē esse defuerit, sed actoris iurisiurando eā æstimationē fieri sit necesse. Ego verò respondeo illā quidē semper in hac quæstione adhibendā esse distinctionē, vtrum cōditione triticaria, an certi cōditione quis experiatur, sed aliam quoque adhiberi oportere an res debita perierit post moram ante litē contestatam, an verò lite iā cōtestata. Nā cum perit post litē contestatā & agitur cōditione certi, nequid obtinet quod ait Marcianus *in d. vers. planè*, neq; quod de triticaria Vlpianus *in d. l. 3.* Id est nec præsens æstimatio debetur, quæ fingatur esse tempore cōdemnationis, nec ea quæ huius reuera tempore mortis, sed illa præcisē quæ fuit tempore litis contestatæ. Litem enim iam contestatam fuisse ponendum est, cum tractamus de cōditione certi, vt & de alia actione qualibet. Siquidem nec actio vlla est, nisi quæ datur à Pretore, nec datur vlla nisi post litem contestatam. Litis autem contestatione ita nouatur debitum, vt præcedens obligatio perimatur, nouaque contrahatur, quæ proinde non ex alio tempore æstimari rem patitur, quàm quo fuit lis contestata. Itaque sicuti non alterius temporis æstimatio ineunda esset, quamuis petita species in tempus vsque duraret condemnationis, Ita nec si perierit illa post contestationem & ante condemnationem: Quia quo casu non esset inspiciendum tempus condemnationis si res extaret, eo casu neque inspiciendum est tempus mortis, si ante condemnationem res perierit. Cum non alia ratio sistat æstimationem tempore mortis, quàm quod post mortem augeri non possit æstimatio eius rei quæ iā nulla est. Cum verò agitur cōditione triticaria, nõ litis cōtestatæ tēpus spectatur, quod præcessit impetrationē actionis per quā res adhuc ipsa petitur quæ extat præstariq; potest, sed vel tēpus cōdemnationis si tū res adhuc extet, vel tēpus mortis, si prius extare res defuerit, *d. l. 3.* Sed cū species debita perierit post morā quidē verū ante litē cōtestatā, neq; cōdemnationis tempus spectari potest, neq; mortis, quia nec triticaria eligi & exerceri amplius potest, pro ea re quæ per rerū naturam præstari amplius nequit. Quod. n. supradiximus. Moræ effectū illū esse nõ solum vt obligationē ipsā perpetuet, sed etiā vt res ipsa perinde ac si extaret, peti adhuc possit. *d. l. si seruum 91. §. sequitur & §. ult. De ver. oblig.* ad ius formamq; agēdi pertinet, ne aliud petere actor videatur, quā quod in obligatione est, nõ etiā ad effectū exigendū, & potestatē soluēdi *l. promissor 21. l. promiss. 23. D. de cōst. pe.* vbi dicitur promissorē Stichū post morā defuncto eo hætenus posse teneri ex cōstituto, vt precii soluat, siue hominē ipsū siue precii eius soluta-

soluturum se constituat. Cumque eligendæ conditionis triticariæ potius quam conditionis certi ratio non ex alio pendeat quam ex agentis voluntate malentis aut rem consequi quam rei æstimationem aut æstimationem futuram, quam præsentem, ridiculus planè is esset, qui re debita iam perempta triticariam eligeret, ut rem ipsam debitam, quæ iam nulla est, non ipsius æstimationem consequeretur. Ac rursus, cum æstimatio non nisi in pecunia numerata possit consistere, prorsus consequens est, ut etiam si res petatur, quæ post moram & ante litem contestatam, impetratamque actionem perempta est, cum tamen non alia mente neque alia spe petatur, quam ut sola æstimatio omnimodo præstetur, non alia vti que actione peti possit aut debeat, quam certi cōditione, in qua dicendum sit consequenter incundam esse rei debitæ æstimationem ex tempore contestationis. Non enim sicut rei debitæ interitus omnem triticariæ quodcumque proponendæ spem & potestatem excludit propter impossibilitatem ipsius rei præstandæ, cuius scilicet solius præstatio petitur per triticariam, Ita & præripit facultatem exercendæ conditionis certi, Cuius necessitatem potius inducit, vel ob id solum quod nihil amplius consequi & sperare actor possit, nisi pecuniam & æstimationem. Proinde magis mirum in hoc casu videri illud posset, Cur litis contestatæ tempus spectemus in æstimanda ea re, quæ eo tempore quo contestatio fit, nulla amplius sit, ac non potius tempus illud quo res extat & defuit, Maximè, si verum illud est quod pro vero posuimus, Rei peremptæ æstimationem augeri numquam posse. Sed ratio petenda est ex eo quod etiam diximus, Rem quæ post debitoris moram perempta fuit peti adhuc posse, non minus quam si adhuc extaret, propterea quod fictione iuris extare adhuc videatur. Quidni ergo eandem æstimationem recipiet, quam reciperet, si extaret, id est eam quæ constituitur inspecto præcisè tempore litis contestatæ? Atqui quænam sit illa æstimatio, neque per viros probos sciri potest, neque alia vlla ratione, quam per actoris iusiurandum: Vera enim æstimatio querenda est eius rei quæ non tamen verè est, sed fictè tantum, at fictione certa iuris quæ sine vero effectu esse neque potest, neque debet. Quomodo ratio illa Marciani explicanda est *in d. l. in actionibus 5. vers. planè De in lit. iur.* Ergo quoties debita res post moram perit ante litem contestatam non aliud ius est quam si res adhuc extaret, siue de actionis competentis iure quæramus, quia utroque casu conditio certi cōpetit, Nisi quod hoc casu prorsus necessaria illa est, cum si res extaret, eligi posset triticaria, siue de incunda rei æstimatione tractemus, quoniam utroque casu æstimanda res est inspecto præcisè tempore litis contestatæ, Ex generali illa iuris regula quæ vult, quale quid est, cum petitur tale dari oportere *l. 2. D. de v. sur.* In eo solo hi casus differunt, quod cum res extat tempore litis contestatæ siue pereat postea siue extet adhuc tempore condemnationis, facile sciri potest quanti tum fuerit, licet non nisi per sententiam incunda sit æstimatio, eiusque ratio iniri commodè potest per viros probos qui meminerint videre rem, qualis, quantique fuerit tempore contestationis. Cum autem iam eo tempore extare res desierat, neque iudicis neque alterius hominis vilius est eam æstimare, nisi oblato actori iureiurando. Ex quo intelligimus id quod suprà diximus, Idèò decurri necessariò in hac specie ad iusiurandum quod rei non extantis præsens æstimatio debeatur, non sic esse accipiendum quasi eius temporis ratio habenda sit quo iuratur, quomodo intelligere videbimur cum ad Marcianum scribebamus supradictò Coniecturarum nostrarum loco, sed eius denuum quo res petitur, scilicet per litis contestationem. Quia omne tempus quod contestationem

sequitur, aliud tempus est quàm petitionis, sicut & quod præcedit, mota iam controuersia *leg. sed etsi 25. §. si ante de petit. heredu.* quandoquidem qui controuersiam iam incuit, necdum litem contestatus est, non tam petit, quàm petere vult, *leg. amplius 15. D. rat. rem habet.* Cur ergo, inquires, litem contestatæ tempus inspicimus, non de quo iuratur, cum res quæ perempta est per actoris iusiurandum æstimatur. Tam enim facile hoc esset quàm illud, parumque referre videtur vtrius temporis ratio habeatur, cum arbitrio & sola religione iurantis sit rei æstinatio. Imò verò, inquam, multum interest, cum immutatis pro temporum varietate rerum precii aliam atque aliam æstimationem vtiq; constituturus sit vir probus, qui sic iurare volet vt nolit peierare. Quòd etsi non esset, adhuc tamen ratio iuris faceret, vt in æstimanda etiam per actoris iusiurandum re perempta litem contestatæ tempus præcisè spectari oporteret. Quoniam cum non alio colore daret petitio rei post moram peremptæ, quàm quòd fictione iuris in pœnam moræ adhuc extare res existimetur, absurdum certè fuerit alio iure censi conditionem certi, quæ post rem peremptam competit, quàm quo censeretur si res adhuc extaret. In qua specie fatendum esset debere inspicere præcisè tempus litem contestatæ, tamen si eo tempore quo adhuc extaret, iuraretur. Quòd si quis cum interpretibus contra nos sentiret, post contractam moram tanti æstimandam rem esse, quanti plurimi vnquam fuisset. Equidem posset ille eodem errore admittere, Etiam iusiurandi tempus inspicendum esse si ex aliarum rerum extantium comparatione possit contici multò plurius rem futuram esse si tunc extaret, quàm fuerit eo tempore quo fiebat litem contestatio. Nec enim vtiq; difficilior est rem quæ desierit extare iam ante litem contestatam ex religione ac iureiurando actoris æstinari inspecto tempore iusiurandi, quàm inspecto tempore litem contestatæ: sicut nec illud absurdius est, vt perempti hominis æstinatio maior minorve sit tempore quo sit æstinatio per iusiurandum, quàm fuerat mortis tempore, si neque hoc absurdum est, vt in diem vsque litem contestatæ crescat decrescatve eiusdem hominis perempti æstinatio. Quare etsi admitterem in conditione certi obseruandum idem esse hac parte quod obseruaretur in iudicio bonæ fidei, vt rei per conditionem certi petitæ incunda esset æstinatio inspecto tempore rei iudicandæ, si tunc plurius rem esse appareret, quomodo volunt illi qui nullam hac in re differentiam inter iudicia bonæ fidei & stricti iuris agnoscunt, nisi cum per iusiurandum in litem res æstimatur, vt iidem subiiciunt, Minimè dubitarem quin res petita etiam quæ ante litem contestatam perempta fuisset, tanti per iusiurandum actoris æstinari deberet, quanti eam esse crederet inspecto præcisè tempore condemnationis.

ERROR DECIMVS.

Cur in conditione iurataria res qua perit ante condemnationem æstimetur ex tempore mortis non condemnationis.

Hac



æ c igitur cū in certi condictione ita se habeant, illud duntaxat querendum superest, Cur si res per triticariam petita, & quæ tempore actionis impetratæ extabat, pendente iudicio perierit, & ante condemnationem, æstimanda sit ex tēpore mortis, non ex tempore condemnationis. Ex quo tamen esset omnimodo æstimanda si extaret: cū non min⁹ extare videatur res quæ post propositam triticariam periit, quā si ante conditionem certi impetratam periisset sola mora præcedente, Nec difficilior sit in triticaria, quā in condictione æstimari actoris iureiurando rem quæ licet reuera non extet, pro extante tamen habeatur. Sicut nec difficilior est vt alia sit æstimatio tempore condemnationis licet res perierit iudicio pendente, & ante condemnationem, quā vt perempta re post moram & ante litem contestatam alia reperiat æstimatio tempore litis contestatæ, quā fuerit antea tempore mortis vel moræ. Hoc enim sanè est quod præcipuam mihi dubitationem facit in explicatione *d. l. 3. De condit. triti.* An fortè fauorabilior est certi conditio, quā in triticaria, vt in condictione certi possit etiam res perempta æstimari per iusiurandum in litem, non etiam in triticaria? Atqui hoc dicere absurdum prorsus fuerit. Est enim actio vtræq; conditio, & consequenter vtræque stricti iuris, nec min⁹ odiosa mora, quæ sit post litem contestatam in triticaria, quā quæ sit ante litem ab eo contestatam, qui condictionem certi proponere destinauerit. Quinimò tantò odiosior, quāto esse solet debetque fauorabilior causa eius qui litem contestatus est, quā qui duntaxat mouit controuersiam *d. 9. si ante & l. 1. §. 1. C. de annal. except.* Sed nec dubitandum est quin si qua sit inter strictas actiones differētia quod ad hoc vt aliz aliis fauorabiliores videri possint, longè fauorabilior censeretur triticaria, quā certi conditio, siquidem per triticariam persequitur actor solutionem & præstationem eius ipsius rei quæ debetur: at per conditionem certi, nō rem ipsam quæ ab initio fuit in obligatione, sed æstimationem quæ fuit tempore litis contestatæ, & quæ non nisi ex eo die cœpit esse in noua obligatione per contestationem ipsam quasi contracta *l. 3. §. idem scribit D. de pecul. l. delegare 11. l. fundum 28. & seq. D. de nouar.* Ratio igitur tam obscura iuris huius certissimi ex eo petenda fortasse videatur, quod homine ante condemnationem mortuo qui per triticariam petebatur, quemadmodum facultas eiusdem ynquam præstandi exinde prorsus intercidit, Ita & potestatem triticariæ actionis, quæ alioqui etiā in posterum tempus ad condemnationem vsque duratura fuerat, statim finiri necesse sit, & litem æstimari per sententiam, cū nihil aliud sit, quod expectari amplius possit, aut quod triticariæ actionis naturam retinere debeat, ad æstimationem rei iā perēptæ vltius extēdēdā. An non. n. satis est, vt propter triticariā actionem propositam potuerit crescere æstimatio ex die litis contestatæ in diē vsque mortis, Cū si proposita fuisset certi conditio, ea æstimatio neq; crescere, neque decrescere ex die contestatæ litis potuisset? Vt enim possit crescere aut decrescere æstimatio rei petitæ per triticariam in id vsq; tēpus quo res iudicanda sit, non ex alio sit quā quod in id vsque tempus petatur res ipsa & solui adhuc possit: Cui omnino consequens est, vt à quo tempore res ipsa neque peti, neq; præstari amplius potest, finiatur priuilegium triticariæ, & ad ceterarū conditionum atque actionum stricti iuris omnium naturam & conditionem

redigatur in quibus generale est vt ex die litis contestata neque crescere vnamquam neque decrefcere possit æstimatione. Quod ergo in aliis conditionibus facit litis contestatio, hoc ipsum in triticaria facit mors hominis petiti & ante sententiam defuncti, quia vt suprà diximus, nouissimum id tempus fuit quo præstari res potuit, cuius præstationem vrgebat actor, fuitque idem finiendo iudicii tempus. Cumque non nisi per absurdum dici possit, liberatum esse reum, quod petita res perierit post litem ab eo improbe ac perfide contestatam, nec rursus videri queat iudex officio suo functus ante sententiam latam quæ vel absolutionem contineat vel condemnationem *l. i. l. quod iussit 14. l. index posteaquam 55. D. de re iudic.* sciendum est condemnari reum debere necessario ad præstaudam præempti hominis æstimationem, & quidem quæ fuerit ipso mortis tempore ex natura conditionis triticariæ, cum si proposita fuisset certi conditio, æstimationem illam ad tempus litis contestatæ, vt toties diximus, referri oporteret, non ad tempus quo actor mortuum hominem iureiurando suo æstimasset. Nil ergo necesse est, vt quis dicat solui hoc casu acceptum triticariæ iudicium, & conuerti triticariam in conditionem certi, nouamque in eam rem formulam, nouamque iudicem peti cum possit sufficere iudicium triticariæ, & durare in tempus vsque latæ sententiæ, licet priuilegium triticariæ quantum ad rem æstimandam durare post ipsius peremptionem non possit. Sicque haud dubiè accipiendum est, quod scribit Vlp. *in d. l. 3.* in conditione triticaria, si quæratur res quæ petita est, cuius temporis æstimationem recipiat condemnationis tempus spectandum esse, si res extet aut mortis si ante sententiam extare desierit, Scilicet vt ea æstimatio in iudicio ipsius triticariæ actionis fiat, & per sententiam in triticaria latam. Quandoquidem etiam si homo mortuus non esset, qui per triticariam petebatur, nihil tamen aliud in sententiam & condemnationem deduci potuisset præter æstimationem. Quid autem interest, quod ad retinendam triticariam pertinet, an huius vel illius temporis ratio habeatur, dum ne ad tempus litis contestatæ, vt in conditione certi, cæterisque actionibus strictis æstimatio referatur? Ergo etiam post mortuum hominem petitum per triticariam durat nihilominus actio, hæcenus vt ex ea sequi possit condemnatio, & in condemnationem deduci non homo ipse mortuus, quamuis etiam post mortem extare adhuc intelligatur, quippe qui etiam si viueret, non idè tamen in condemnationem deduceretur, sed eius æstimatio quæ condemnationis tempore fuisset. In cuius locum succedit æstimatio quæ mortis tempore fuit, cum mortuus est homo ante condemnationem. Cum semper verum sit tempus mortis vltimum illud fuisse quo solui res potuit, quod vnum iam toties diximus esse inspiciendum *d. l. si Calendis 11. De re iudic.* Quid? An non etiam præempti post moram hominis æstimatio crefcere potest? Vtique potest. Alioqui mortuo post moram homine debito antequàm apud Prætozem peteretur, non posset alia ipsius æstimatio peti quàm quæ mortis tempore fuisset. Quid enim attineret aliud tempus posterius spectare pro eadem æstimatione incunda. Atqui falsum est spectari eo casu tempus mortis. Spectatur enim tempus præsens, Non quidem rei iudicandæ, vt male aliàs interpretabamur, sed litis contestatæ. & quo res petitur, *l. hominem 37. D. mand. l. si iudum 28. D. de nouat.* Scilicet per certi conditionem, quandoquidem aliud nihil peti potest quàm pecunia numerata, cum ante impetratam actionem res debita iam perempta est. Et ob id nimirum necessarium est insurandum, vt diximus, actoris, per quod res quamvis ex iudicio stricto debita æstimetur. Quod non magis esset necessarium, quàm in actione

legis Aquiliz si ad tempus mortis referenda esset æstimatio. Sed nego posse hominis ante contestationem & post moram mortui æstimationem crescere, nisi in tempus vsque litis contestatæ. Post litem contestatam non posse, si cōdictione certi aut qua alia quæ stricta sit agatur: Quod si post litem contestatam mortuus sit, frustra est querere an crescat post mortem æstimatio, quæ nec cresceret etiam si extaret homo, quem actor per conditionem certi petiisset. Ad tempus enim litis contestatæ præcisè æstimationem referri oporteret. Sed si per triticariam petitus esset tum ante condemnationem periisset, sanè cresceret quidem æstimatio etiam à die litis contestatæ in tempus vsque mortis ex natura conditionis triticariæ, sed non magis posset crescere æstimatio post mortem in triticaria quàm post litem contestatam in conditione certi, quoniam exinde præstari homo ipse amplius non potest, licet possit sequi condemnatio in pecunia scilicet in qua & sententiam concipi oporteret, etiam si homo viueret. Neque in hoc tantum differentia est hac parte inter conditionem certi & triticariam, sed & in eo quod in conditione certi iuratur ex necessitate in litem, ad æstimandam rem quæ post moram periit ante litem contestatam, quoniam aliter æstimari inspecto præcisè tempore litis contestatæ, non potest res, quæ non extat: At in triticaria numquam iuratur in litem, non magis cum res periit post litem contestatam & ante sententiam quàm si condemnationis tempore extaret, quia non difficilius ut æstimetur res quæ iam periit, cum ad præteritum tempus contestationis quo extabat refertur æstimatio, quàm ut æstimetur res quæ adhuc extat, scilicet per viros probos, ut euenit in actione legis Aquiliz, quemadmodum diximus. Denique in triticaria semper quidem lis æstimatur, quomodo & in certi conditione æstimari eam conuenit, sed aliter quàm in conditione certi, inspecto scilicet præcisè tempore condemnationis, si res adhuc extet eo tempore aut mortis, si ante sententiam res extare desierit, semper verò eitra iusiurandum. At in conditione certi inspecto præcisè tempore litis contestatæ omni casu, Adeoque per actoris iusiurandum, si æstimanda sit res quæ post moram & ante litem contestatam extare desierit. *d. l. 5. vers. plane D. de in lit. iur. d. l. 3. & l. vi. De condit. tritic.* quarum prior de sola condi-

tionem triticaria loquitur, Posterior verò ut suprà
monuimus de sola condi-
tionem certi.



ANTONII FABRI

I. C. SEBVSIANI IN SVPREMO

SABAVDIÆ SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DECAS LXXXIX.

ERROR I.

*De eo quod scriptum est in d. l. 3. de condit. tritic. spectandum tempus mortis
ἐν πλάτει & de re facta deteriorē post moram.*



OGIMVR ex superioribus fateri & agnoscere grauiternos errasse lib. 16. *Condit. tritic. cap. 4. & 5.* cum docuimus, sic accipiendum esse Vlpianum in d. l. 3. *de condit. tritic.* vt mortis tempus spectari voluerit in æstimanda re petita per triticariam, non si res debita perierit ante condemnationē, sed si postea. Sensit enim proculdubio Vlpianus & tractauit ex Celso de perempta re ante condemnationem: Cum solus ille casus sit in quo nō possit esse Seruij sētētīe locus qui cōdēnationis tēpus in æstimatione rei per triticariā petite in eunda spectandum esse adfirmabat. Nā si ponerēs peremptam esse rem post sententiam, quid obsecro impediret quominus inspicī posset condemnationis tempus? An eō pluris minorisve res fuit condemnationis tempore, quod ea postmodum perierit? Aut cur inspiciamus tempus mortis, quoties post condemnationem res perempta est, cum etsi adhuc extaret, ipsum tamen condemnationis tēpus spectari oporteret? Nimirū quia vt in præcedentib. disputauimus per sententiā semper lis æstimatur. Ex sententia verō nascitur & inducitur actio noua iudicati, l. ult. *C. de usur. rei iudic.* per quam sicuti pecunia semper petitur l. 4. §. *Prætor. De rei iudi.* ita nec alia quā quæ in condemnationē deducta fuit, ac proinde inspecto præcisē tēpore cōdēnationis l. si fundus 16. §. si pluri *D. de pign.* Nec quod post condemnationem, nouam & continuam moram facere videatur is qui non satisfacit iudicato, ad rē pertinet: Quia nō potest ea mora augere cōdēnationē, quæ formā suā certam semel & ab initio habuit, arg. l. centum *Caput 8. de eo quod cer. loc. l. vero procuratori 12. §. pñ. De solu.* sed tantū accessiones quas post sententiam non minùs præstari equū est quā si nōdum esset iudicatum, Ne alioqui sententia ei noceat pro quo iudicatum fuit l. 3. in princ. *D. de usufr. l. quid ier 16. D. de exce. rei iud.* Ex quo etiā intelligimus quā futiles & inanes sint

sint illarum nostrorum distinctiones licet à nobis aliquando prebatur, An res debita, & in condemnationem deducta præstari adhuc possit, ita ut pleno iure fiat victoris an non, Ut si pleno iure fieri victoris queat omnimodo danda sit, nec de ipsius æstimatione incūda tractari oporteat, si verò plenè præstari nō possit, tum verò decurrendum sit ad incundam æstimationem præstandamque. Nam præter errorem illum mihi olim cum interpretibus cæteris communem, quod conditionē triticariā à conditione certi hac parte non distinguunt, & de cōditione triticaria sic loquūtur quasi possit illa interdum etiam esse bonæ fidei, cum tamen cōditiones omnes sui natura sint strictæ. Errāt etiā illi in hoc quod putant, etiam ex cōditione certi condemnari quem ad dandā rem ipsam quæ debetur. Cum è contrario in hac actione semper facienda sit cōdemnatio quāti res fuit tempore litis contestatæ. *l. vnum 22. D. de reb. cred. l. ult. De cōditi. tritic.* Sed grauius in eo, quod volunt, etiam post condemnationē cogi præcisè illum qui condemnatus est, ut rem ipsam præstet, si possit eam pleno iure facere accipientis. Quod ne quidem in triticaria verum est ut ostendimus, licet ex ea rem ipsam in iudiciū & actionem deduci necesse sit. Omnimodo enim litē æstimari per sententiam & condemnationem necesse est & actionem conuerti in necessitatē præstandæ pecuniæ, siue præstari res possit siue non possit. Nisi quod in debitoris arbitrio & potestate est satisfaciendo ante acceptum iudiciū in conditione certi, & ante sententiam in triticaria cuitare pecuniariam condemnationem. Nam post acceptum iudiciū factāque nouationem obligationis per contestationem facta est obligatio eius quod debebatur, nisi cūmactum est triticaria. At nequidem in triticaria obligatio admittitur post sententiam, Ne in condemnati volūrate maneat, ut electionē habeat præstandi vtrum velit, an rem ipsam quæ in condemnationem deducta non est an litis æstimationē ad quam fuit condemnatus. Cum è contrario is qui obtinuit nihil nisi pecuniā ex iudicio petere possit, licet etiam rem ipsam possit consequi si eam dare condemnatus malit, & ipse consensiat. Alioqui sola noxalis actio illa est quæ speciali quodam iure etiam post cōdemnationem in pecunia factā admittit in iudicati executione noxæ deditioem ex lege 12. tabul. quæ hoc nominatim induxit *in l. miles 6. §. 1. De re iudic.* Quare nec distinguendum est, an alienus aut obligatus sit seruus qui dari debuit, an proprius debitoris, Nisi quod liberatur ante sententiā debitor dando seruū propriū qui pleno iure fieri possit accipientis: non liberatur autem si alienum dederit, vel obligatum qui postea sit euictus, non magis quā si dedisset ante iudiciū acceptum *l. 2. §. 1. autem 7. §. ult. D. de verb. oblig. iunct. l. cum quo 38. §. qui boni em l. si boni em 59. §. l. si mihi alienum 92. l. quis res 98. §. poss. D. de solut. l. non videntur data 167. iunct. l. quod cuius est 150. De regul. iur.* Ceterum omni casu satisfaciendum est iudicio, & consequenter præstanda necessariò pecunia quæ in condemnatione deducta est. Quæ si non solvatur, tum verò capiuntur pignora, & distrahuntur ad explicandam per eorum distractionem pecuniam. Ergo ut proxima Decade disputauimus, non cōminus ferenda est sententia in triticaria, quod pendente iudicio perierit homo qui petebatur. Imò tantò magis quantò maior necessitas est litis æstimandæ cū homo ipse præstari amplius nequit, perpetua scilicet non tantum obligatio, ne, sed etiam quodammodo re ipsa perempta, si non per moram quæ contestationem præcesserit, saltē per contestationem, quæ semper actionis cuiuslibet impetrationem præcedit. Sed ita tamen litis æstimatio incūda est, ut mortis tempus non condemnationis inspicatur, quod nouissimum tempus

quo præstati homo potuit, tempus illud sit, quo mortuus fuit. Indèque nimirum occasionem sumit Vlp. in d. l. 3. monendi, Esse hoc latius accipiendum, & ἐν πλάτει. Ne alioqui, inquit, ad exiguum precium æstimatio redigatur in seruo fortè mortiferè vulnerato. In quo tamen mirari quis possit, quod exemplum hoc nominatim Iureconsultus adiecit: Quasi verò inspecto præcisè mortis tempore pluri videri possit homo qui moritur sine vulnere, quàm qui mortiferè vulneratus fuit: Vterque siquidem viuus inoritur, cùm instans mortis vitæ adscribatur, l. ult. De condic. in f. l. qui duos 18. D. de manum. testam. & eo instanti quo quis moritur certum iam esse incipit, nullius eum precij & vtilitatis esse, aut vnquam fore. Sed obseruandum est non ita Vlpianum ex Celso scribere, vt dicat instans mortis spectari oportere, sed tempus mortis quod ex pluribus constat instantibus, & quod idèò facile possit recipere interpretationem illam ἐν πλάτει, quã instantis angustia non admitteret. Sensus igitur est inspiciendum esse non instans mortis, sed tempus illud quod præcedit: Quo tempore inspecto si ponas seruum mortiferè vulneratum, certè nullius precij erit ille prius etiam quàm moriatur ex vulnere, quod tamen non perinde dixeris in seruo qui citra vulnus, & quod licèt rariùs aliquando accidit, nullo lethali morbo corrept' moriatur. Nò idem in cæteris casibus seruatur, siue contestatæ litis aut moræ spectari oporteat, siue condemnationis. Tèpus enim illud præcisè spectatur non ἐν πλάτει cùm non sit verendum ne illo casu æstimatio ad exiguum precium reducat, Nisi proponas seruum ipsum, qui alterutro præcisè inspecto tempore æstimandus est, fuisse iam eo tempore vulneratum. Nam & tunc idem sequeretur absurdum & inconueniens, si hoc etiam casu contestationis aut condemnationis tempus præcisè non ἐν πλάτει inspicere ius. Ergo æstimandus erit homo quanti fuit eo instanti præcisè antequam vulneraretur, aut saltem antequàm certum esset tale vulnus esse, ex quo esset ille omnimodo moriturus. Nec enim minor est hominis vulnerati æstimatio, quandiu speratur ex eo vulnere sanari posse, & in pristinum statum restitui. Quid igitur si perierit homo post condemnationem qui condemnationis tempore sanus erat & integer? Non mortis tempus spectabitur, siue præcisè, siue ἐν πλάτει, sed condemnationis præcisè, quauis tùm pluri fuisse probetur cùm mortuus est, quàm cum in condemnationem deductus: Adeòque licèt nihil proponatur, quòd moram excusare possit contractam post sententiam à condemnato: Nempe quia, vt in superioribus diximus, condemnationem nihil augere potest, cùm nihil aliud peti ex iudicato vnquam possit, quàm quòd in condemnationem deductum fuit, d. l. si fundus 16 §. si pluri D. de pignor. Sequitur apud Vlpianum in d. l. 3. De condic. tritic. In utroque autem si post moram deterior res facta sit, Marcellus scribit libro vicesimo, habendam æstimationem, quanto deterior res facta sit. Sensus est, In utroq; casu de quo priùs dictum fuerat, Æstimandam scilicet rem esse inspecto præcisè tempore condemnationis, si tùm adhuc res extet, vel inspecto ἐν πλάτει tempore mortis, si ante condemnationem res in humanis esse desierit, sic æstimationem fieri oportere, vt ratio habeatur deteriorationis quæ contigit post moram in tempus vsque vel condemnationis vel mortis, Id est vt tanti res æstimetur, quã ti æstimanda esset, si deterior antè facta non fuisset. Neque. n. quoniam est in præiudicium actoris minui æstimationem rei, ob id quòd facta sit ea deterior post moram debitoris: Sed quemadmodum res, quæ post moram tota perempta est, adhuc habetur tota pro extante, Ita & cùm deterior facta est, id est cùm ex parte periit, sic tamen habenda est quod ad ineundam æstimationem, ac si esset in-

tegra, nec vllatenus diminuta. Nam neque præstari posset in eo statu deteriorationis, cum id quod deterius redditur, reddi non videtur. *l. 3. §. 1. D. commod. Ni si conuenerit vt eadem quidem species omnimodo reddatur, sed habita ratione augmenti & diminutionis l. affirmatis 30. D. solut. m. rr. l. si inter 21. C. de iur. dor.* Non igitur illa Vlpiani sententia est, vt rem deteriore[m] factam post moram æstimari oporteat inspecto tempore moræ, vt vulgo malè interpretantur. Fieri siquidem facile posset vt seruus quamuis factus deterior post moram, pluris tamen esset tempore condemnationis, quàm fuisset tempore moræ ante deteriorationem, vt proinde facta esset deterior condicio actæris, si ad tempus moræ esset referenda æstimatio. Illud enim semper obseruandum est ne cum interpretibus nomina ista confundamus, Rei vilioris & deterioris, quæ sunt sanè diligenter distinguenda. Non quæcunque res sit vilior, etiam sit deterior, & contra non sufficit fieri deteriore[m] vt vilior fiat. Si quidem euenit plerumque vt res facta deterior, pluris tamen sit hodie quàm fuerit ante deteriorationem. Et è contrario, vt fiat vilior quæ facta est melior, Aucto scilicet vel imminuto precio earum potissimum rerum, quarum precia in singula ferè moneta immutantur, puta mercium, & seruorum *l. precia rerum 63. D. ad leg. Falcid.* Quid enim vetat quominus frumentum vel vinum etiam quod vetustate deterius factum est, carius tamen hodie sit, quàm superiore anno fuisset? Aut cur non pluris erit seruus licet eluscat, quàm esset antea, si proponas adeo auctam esse seruorum æstimationem? Mirumque sanè est hoc videre & agnoscere non potuisse nostros interpretes & ætate nostra magnos alioquin viros, qui aduersus hanc nostram opinionem scripserunt, contra quos tamen Schifordegherus noster tam subtiliter ac copiose disputauit, vt à nobis aut desiderari aut addi nihil possit. Sic ergo intelligi debet, quod ait Vlpianus. *l. 2. §. 3. si post moram res deterior facta sit, habendam æstimationem: quanto deterior facta sit, non vt ea præcisè debeatur æstimatio quæ fuit tempore moræ, si forè fuit res tum vilior, quàm sit hodie post deteriorationem, sed vt siue vilior sit hodie, siue preciosior sic ineunda sit eius æstimatio, quomodo iniretur si deterior factus non fuisset: Quo casu haud dubie pluris esset omnimodo & indistinctè. Nam siue ponas non fuisse auctam rerum eius generis, aut speciei æstimationem, fieri requirit, vt non sit hoc casu facta res vilior, quæ facta est deterior, siue ponas ita auctam fuisse, vt etiam post deteriorationem pluris res sit, quàm fuerit antea. Tamen satendum est minoris eam esse, quàm futura esset si deterior facta non fuisset. Quoties enim diuersorum temporum ratio non habetur, vt quidque deterius sit ita vilius, & cum augentur precia rerum, pluris semper sunt res quæ meliores, vel saltem non deteriores factæ sunt, quàm quæ deteriores. Et quo meliores fiunt, eò quoque preciosiores fieri illas necesse est, quàm futuræ essent si meliores factæ non fuissent. Et consequenter quod subiicit Vlpianus noster in dicta leg. 3. in fine, *Et ideo si quis post moram eluscatum seruum dederit non liberari eum: Quare ad tempus moræ in his erit reducenda æstimatio.* Non alium sensum habere potest, quàm hunc, vt æstimari rem oporteat habita relatione ad tempus illud quo mora contracta fuit, scilicet quantum ad qualitatem & substantiam rei. Id est vt in eo statu æstimetur, in quo erat tempore moræ & ante deteriorationem, & quanti seruus esset condemnationis tempore si eluscat non esset: Sed*

non quanti tùm erat si fortè hodiè pluris sit seruus eluscatus , quàm esset eo tempore quo mora contracta est. Alioqui quod fauore creditoris receptum est , vt moræ tempus inspiciendum sit in eius maximè odium retorqueretur , & in lucrum debitoris morosi cederet, si ea præcisè deberetur æstimatione quæ moræ tempore, & ante rem deterioratam minor fuisset.

ERROR SECVNDVS.

De sententia l. hominem 37. D. mandat. in 2. res.



IN e verò intelligimus quantopere ij errent, qui supradicta verba sic accipiunt, quasi velit Vlpianus æstimationem esse Stichum quanti plurimi fuit à tempore moræ, Cùm de æstimatione illa quanti plurimi nullum sit verbum apud Vlpianum, Et longè aliud sit dicere spectandum esse tempus moræ in re debita æstimanda, Aliud verò spectari debere æstimationem quæ fuerit ab illo tempore moræ. Idemque eorundem error est, cùm id quod ab eodem Vlpiano scriptum est in principio *dist. l. 3.* condemnationis tempus spectandum esse, ita illi intelligunt, Si eo condemnationis tempore Stichus plurimi fuit. Contrà enim sensus est, Condemnationis tempus præcisè spectari oportere, tametsi minoris sit Stichus eo tempore quàm fuerit tempore moræ vel litis contestatæ, quia sibi debet imputare actor quod maluerit eligere triticariam, quàm certi conditionem, cuius beneficio consecutus fuerat, quanti litis contestatæ tempore res fuisset: si bique proculdubio & Prætori, Iudicique legem dixit cùm elegit triticariam, vt ad rem quæ deberetur præstandam æstimationem præcisè reus condemnaretur, inspecto tempore condemnationis, nec vllius æstimationis quæcunque antea fuisset præstatione liberaretur. Magisque miror sic istos sentire, quoties de speciei debita æstimatione ineunda tractatur, cùm aliud existiment, si non de specie, sed de merce æstimanda quærat. Cur enim aliud in merce, aliud in specie debita obseruabimus, cùm nuppiam huius distinctionis mentio fiat, Ac neque æstimationis quanti plurimi, nisi cùm vel de furtiua conditione agitur, vel de actione legis Aquiliæ, vt alibi tam sæpe disputauimus. Nam quod addunt idipsum Africano placuisse in *l. hominem 37. D. mandat.* in secundo responso magis ridiculum est, Cùm eo loco tractet Africanus de homine qui certo die dari debuerat, nec tamen datus fuerat. Quo casu non solum contracta mora fuit per lapsum diei, sed etiam ita contracta vt non alia speciei debita possit iniri æstimatione quàm quæ illo die præcisè fuit, *l. vinum 22. de rebus creditis, dist. l. vltim. De conditione triticar. l. quoties 59. De verborum obligation.* Nimirum quia dies ille nouissimum tempus fuit quo solui res potuit, *l. si Calendis 11. D. de re iudic.* Idque sine dubio Africani sensus est in *dist. l. hominem*, vt speciei in diem certam debita æstimatione sumenda sit non ex tem-

tempore litis contestatæ, vt aliàs in actione ex stipulatu seruari solere eadem lex ait, sed ex illo die præcisè qui stipulationi insertus fuit, & quo dari res debuit, Ratione illa quam idem Africanus subiicit, quòd non debeat frustratori sua prodesse frustratio, quòd sanè contingeret si res debita nec suo tempore soluta æstimaretur ex die litis contestatæ, si fortè minoris tùm res esset, quàm die stipulationis adueniente fuisset contracta per debitorem mora, Aut si fortè pluris, cùm per creditorem factum esset, quominus speciem debitam sua die acciperet. Dices non esse bonam rationem cùm è contrario futurum sit, vt profit debitori sua frustratio, si ponas ex euentu post eius moram creuisse æstimationem rei debitz, Et è contrario vt profit creditori sua, si singas decreuisse. Maior enim erit conditio hoc casu illius qui contraxerit moram, ita posito iure vt inspiciatur ea æstimatio, quæ fuit eo præcisè tempore quo dari res debuit, quàm si ex tempore litis contestatæ ratio æstimationis poneretur. Deinde an non saltem hodie dandum est quòd iam olim dari oportuit, vt Paulus ratiocinatur *in l. frateris* 21. §. *cum per venditorem. D. de action. empt.* Cur non ergo præsentis quoque temporis ratio habebitur, si pluris hodie res sit, quàm fuerit eo die quo mora facta est per debitorem. Nam & sic argumentantur illi contra quos disputamus. Respondeo primùm, Semper & omni casu bonam esse rationem Africani, tùm quoque cùm post moram debitoris, qui certo die rem dare debuit, aucta fuit rei debita æstimatio, vel cùm diminuta post moram creditoris, Quia scilicet imputare sibi vterque contrahentium debet, cur in stipulatione diem adiecerit. Cuius quippe adiectio facit, vt eius præcisè temporis æstimationem omnimodo iniri voluisset videantur, siue æstimationem post diem crescere, siue quod in dubio positum fuit, decrescere contingeret. Quæ res facit vt eo casu nunquam possit esse locus conditioni triticariæ sicuti pluribus à nobis ad Errorem 4. Dec. 84. disputatum est. Si enim triticaria hoc quoque casu competeret, planè stultus esset creditor qui moram passus est, si mallet conditionem certi exercere quàm triticariam. Nec enim alia huius vel illius eligendæ utilitas ex alio pendet quàm ex aucta vel imminuta post contractam moram æstimatione, vel ex spe quam creditor tempore litis contestatæ conceperit augendam in futurum æstimationis vel minuendam. Itaque si videret creditor auctam esse æstimationem ab eo tempore quo dari res debuit ex lege dictæ stipulationi, vel futurum vt augetur adhuc ante condemnationem, posset ille agendo triticaria, non de conditione certi effugere damnum illud quòd incurreret, si ea æstimatione quæ minor antea fuit, contentus esse cogere-tur. Quòd si contra videret imminutam esse æstimationem à tempore moræ per diem lapsum contractæ, aut prospiceret facile futurum, vt à die litis contestario in diem vsque condemnationis auangeret, posset eligere conditionem certi, potiùs quàm triticariam, cuius electione se obstringeret, ne aliam æstimationem consequi posset, quàm quæ condemnationis tempore, quantumuis minima inueniretur. Quomodo observari debere supra diximus cùm in stipulatione dies apposta non est. Sed ne fieri hoc possit illud impedit, quòd triticaria hoc casu non competit. Prius enim est vt competat, quàm vt eligi possit. Et ad hunc certè casum coarctari omnino debet, quòd Africanus ait, si per promissorem mora facta sit aut per creditorem quominus

sua die solueretur, moræ tempus spectandum esse, Neutri enim suam frustrationem prodesse debere, Scilicet ut huic sententiæ ita demum locus sit si mora contracta fuerit à debitore non per interpellationem, ut aliàs solet *l. mora 32. De usur.* sed per lapsum diei certæ, quæ in stipulatione posita fuerit. Cuius diei maior utique vis est, quàm interpellationis ad contrahendâ moram, cum sufficiat dies ad eâ inducendam, tum quoque cum interpellatio fieri nulla potest defectu personæ quæ interpelletur *l. ad diem 77. De verb. oblig. l. vlt. D. de leg. commiss.* Nec abs re, quoniam dies posita in stipulatione pars est stipulationis *l. 1. §. editiones D. de eden.* Vnde est quod licet fructus non aliter ex stipulatione deberi possint, quàm si deducti sint in stipulationem *l. 3. §. 1. D. de action. empt.* peti tamen possint actione ex stipulatu quoties fundus ad certam diem promissus, nec sua die solutus fuit *l. si fundum certo die 114. De verb. oblig.* Quis ergo miretur, Adiecta die in stipulatione, qua homo promissus sit æstimari hominem, quanti fuit eo die præcisè, siue pluris tunc fuerit, siue minoris. Nulla verò die adiecta, quanti sit tempore litis contestatæ, non quanti fuerit tempore moræ per interpellationem contractæ, Nimirum quia in contractibus & iudiciis strictis quale est iudicium, Ex stipulatu nulla interpellationis præcedentis & extraiudicialis ratio haberi potest, Sicuti nec moræ per eam contractæ, In quo maxime differunt actiones strictæ à bonæ fidei actionibus. Hoc igitur solum ad inducendam Africanam sententiam requiritur, ut dies appositæ sit in stipulatione, At non etiam illud, ut æstimatio maior fuerit eo die, quàm tempore litis contestatæ, cum etiam si minor fuerit, ea contentus esse actor debeat, qui talem tantamque stipulatus esse intelligitur. Neque ut conditionem certi elegerit stipulator, potius quàm triticariam, quam scilicet eligere etiam si maxime vellet, tamen non posset tanquam minimè competentem. Quid? An non saltem hodie dandum est, quod iam olim dari oportuit *d. §. cum per venditorem.* Sed aliud est deberi hodiè, Aliud verò deberi secundum hodiernam æstimationem. Debetur quidem adhuc hodie, sed in ea æstimatione quæ fuit eo ipso die quo dari res ex stipulatione debuit. Nec tamen de illo dubitandum est, quin eum casum tractet Africanus, quo rei æstimatio post diem solutioni dictam, & post debitoris moram decreuerit, aut post creditoris moram creuerit, ut ratio illa subiecta ostendit, quod nemini frustratio sua prodesse debeat. Quamvis illo etiam casu, quo in contrarium euenisset auctam fuisse, vel auctum iri æstimationem, non eò minùs eidem Africanæ sententiæ locus esset de inspiciendo tempore stipulationis in æstimanda re debita, & quidem præcisè. Sed non ratione illa quam adfert Africanus, quod nemini frustratio sua debeat prodesse. At ista potius quam attulimus iam *ex d. l. leg. si Calendar.* quod nouissimum tempus illud fuerit quo solui res potuit. Cæterum etiam si admitterem quod aduersarij falsò contendunt, Ex stipulatione quæ diem certam habuerit, etiam æstimationem præsentem peti posse, id est quæ post debitoris moram creuerit, vel post moram creditoris diuinita sit, Eo nimirum casu quo mora per diei lapsum commissa esset, Non tamen fieret consequens quòd illi volunt, ut æstimationem Quanti plurimi induci oporteret, Sed tantum ut spectari deberet utro tempore pluris res fuisset, an moræ an condemnationis. Quomodo in bonæ fidei iudiciis loquitur Pomponius in *l. 3. §. vltim. de action. empt.* Quod ipsum planè nihil aliud est quàm ita spectari alterutrum tempus, ut medij temporis ratio nulla habeatur.

Quam

Quam tamen isti omnes sine lege & sine ratione vlla habendam esse volunt, Non videntes ita fieri vt melior sit condicio actionum stricti iuris, quam earum quæ sunt bonæ fidei, ex quibus numquam præstatur æstimatione Quanti plurimi.

ERROR TERTIVS.

De differentia quam nonnulli ponunt inter speciem & mercem debitam in conditione triticaria.

SE D quod addunt, hoc se affirmare illo tantum casu quo species non etiam quo merx debeatur, Deus bone, quam absurdus & intolerabilius est! Non possunt ferre aut videre, inquit, Quomodo illud Quanti plurimi assigni Iuliano possit tractanti de merce debita in *dist. l. quoties 59. de verborum obligat.* & Vlpiano in *l. vinum 22. de reb. credit.* & Cajo in *dist. l. vltim. De condit. tritic.* quibus locis volunt æstimari vinum *quanti tunc cum pettum esset*, aut quod idem est, *quanti tunc cum iudicium acciperetur*. Et tamen adfirmant quod scriptum est initio *dist. l. 3. condemnationis tempus spectandum esse*, & in fine eiusdem legis *ad tempus moræ reducendum æstimationem*, ita debere accipi vt æstimeretur homo debitus quanti plurimi fuerit à tempore moræ, Aut vt spectetur tempus condemnationis, si eo tempore Stichus plurimi fuit. Quid verò est in *dist. l. 3.* amplius quam in aliis legibus quod huiusmodi interpretationem vel suadere, vel recipere facilius possit? Aut cur prima illa legis verba in hac actione si queratur res qua petita est cuius temporis æstimationem recipiat, *Servus ait condemnationis tempus spectandum esse*, quæ vt nemo non videt sunt generalia ad rem quamlibet quæ per triticariam peti possit, coangustant illi ad speciem aliquam debitam, vt eum casum excludant quo non species sed merx debeatur? Fateor tractari in sequentibus de specie debita, cum lex ait, mortis tempus inspicendum esse *ἐν πλάτῃ*, si fortè servus debitus, inquit lex, mortiferè vulneratus sit, Et ad tempus moræ reducendam æstimationem si servus post moram eluscatu fuerit. Neque enim merx aut aliud quicquam quod in genere consistat, mori & perire potest vt neque deterius fieri nisi cum vilius sit, quæ omnia in specie debita sunt diversa, & ob eam causam specialiter notanda & exprimenda fuerunt. Sed non facit ea res, quominus generaliter accipi debeat prima pars legis, cum in eo quod ad condemnationem pertinet rei per triticariam petita & extantis tempore rei iudicata nulla sit inter speciem & mercem debitam differentia. Et tamen hoc vnum est quod in tota questione ista De inunda rei debita æstimatione dubitationem facit, inexplicabilem sanè illis qui conditionis triticariæ vim & potestatem non intellexerunt, nec animaduertunt, quod primi nos obseruauimus, in cæteris legibus omnibus quæ litis contestatæ tempus præcisè spectari volunt, non agi de conditione triticaria, quæ specialem quandam naturam habet, sed de conditione certii. Nam in conditione triticaria perpetuè & generaliter verum est condemnationis tempus spectandum esse suppositis tamen terminis habitibus, id est dummodò eo tempore res extet, neque aut in totum aut ex parte vlla perie-

rit, id est facta deterior non sit. Nam quæ sit deterior ex parte perit, ut iam dixi, idcirco æstimatur inspecto quidem præcisè tempore condemnationis, sed in ea tamen qualitate quæ fuit tempore moræ, ut supra explicauimus. Et falsum est quod isti comminiscuntur adferri ab Vlpiano eam explicationem *nimirum* *tempore condemnationis Stichus plurimi fuit*. Nihil enim tale video vel audio apud Vlpianum, Nec de Stichio aut alia specie debita, sed generaliter de alia re qualibet per triticariam petita deberet esse explicatio, sicuti fuit generalis propositio. Secundum quod eueniret ut contra quàm isti velint, non minus in merce quàm in specie per triticariam petita quanti plurimi æstimationem induci oporteret. Sunt ergo iidem suaues dum se torquent in quærenda ratione differentiarum inter speciem & mercem debitam inter quas tamen differentia nulla est. Hanc tamen differentiarum huius conuenientiarum rationem adferunt & quidem ut addunt manifestam, Quod in specie debita detrimentum post moram debitoris contingens in re ipsa & in ipso corpore contingat, ut cum eluscatu seruus, cum pars ædium incendio corripitur. Et idcirco, inquiunt, hoc si post moram contigerit, ab ipso qui moram fecit sarciri æquum est, & debet præstari res qualis ante moram fuit, quoniam quale quidque est cum petitur, tale dari debet. Porro qui deteriorem factam rem soluit minus soluit, quando per ipsum factum est sicut qui melius factum soluit, plus soluit *l. qui exceptionem 40. §. 1. D. de condi. indeb.* At in tritico & alia merce detrimentum non tam in re quàm in tempore contingit. Qui enim, triticum debet, & triticum eiusdem bonitatis soluit, quamuis vilius factum soluit totum quod debet. Excipitur, inquiunt, Nisi debitor moram fecerit. Sed hoc casu alterutrum tantum temporis non etiam medij temporis rationem haberi, & actori electionem dari æquum est. Sic illi. Sed in omnibus ut ex præcedentibus apparet, parum probabiliter. Nam detrimentum quod in specie debita contingit post moram, facit quidem ut moræ rationem haberi oporteat, sed non ad hoc ut ea æstimatio sumatur, quæ fuit moræ tempore, at potius ut talis res æstimetur, qualis erat ante moram contractam & ante deteriorationem quæ post moram superuenit, sed quanti tamen est tempore condemnationis, id est quanti esset eo tempore si post moram deterioratio nulla superuenisset. Si enim ponas seruum qui post moram eluscatu fuit, plus esse tempore condemnationis quàm fuerit tempore moræ non liberabitur debitor præstando æstimationem quæ fuit tempore moræ, Ne profit ei & moram fecisse & seruum ipse fortassis eluscatu: Sed condemnandus erit, non solum quanti seruus esset eo tempore quo res iudicatur, sed quanti esset eo ipso die si eluscatu non fuisset. Hoc ipsum autem idcirco, non quia quale quidque est cum petitur tale dari debeat *dist. l. 2. de usur.* [non enim ad eam petitionem id pertinet quæ fit per interpellationem extraiudicalem, sed ad eam demum quæ per litem contestationem *l. amplius 15. D. rat. rem habet.*] Sed quia etiam si ex contractu stricto quid debeatur, moræ tamen effectus perpetuus ille est, ut & obligationem & rem ipsam licet in totum peremptam perpetuet, quasi adhuc extantem, *l. si seruum 91. §. sequitur & §. vltim. De verborum obligat.* Quotò magis rem factam deteriorem, ut ne ex parte quidem periisse videatur? Rursum quod addunt detrimentum in tritico & alia merce qualibet non tam in re quàm in tempore contingere æquè falsum est. Nam quemadmodum merx nunquam perire potest uti nec aliud genus quodlibet cum recipiat functionem in suo genere, Ita nec deterior fieri potest, siquidem quicquid deterius sit, ex parte perit.

perit. Et qui pro bono frumento soluit frumentum minoris bonitatis, idem liberari non potest, non quia minus soluit, sed quoniam aliud soluit. Non enim frumentum recipit functionem in suo genere nisi frumentum quod soluitur sit eiusdem bonitatis & qualitatis. Alioqui ferè est vt nec eiusdem generis esse videatur. Nec quod frumentum debitum factum sit vilius post moram efficere potest vt idcirco deterius factum dici possit cum fieri possit pro temporum varietate vt triticum Africum optimum hodie minoris sit quam fuerit anno superiore, Romanum triticum vilissimum. Quis enim ob id dixerit triticum Africum optimum quod hodie soluitur, deterius solui? Quidni ergo liberabitur debitor, talis tritici solutione, maxime si per triticariam conueniatur? Nam & si conditione certi vrgeretur, non tamen eam deberet æstimationem, quæ fuisset moræ tempore, sed illam demùm & præcisè quæ tempore litis contestatæ nulla temporis præcedentis habita ratione. Cur non igitur idem obtinebit in triticaria? An fortè minus stricta est conditio triticaria quàm conditio certi? vt moræ rationem aliquam ad augendam condemnationem possit admittere? Concludamus ergo in hoc etiam casu tanti æstimandum esse triticum quanti sit tempore condemnationis, non quanti fuerit tempore moræ. Illa namque Vlpiani distinctio quæ sequitur in *dist. l. 3. de cond. tritic.* an res debita perierit ante condemnationem, aut deterior post moram facta sit non ad mercem, sed ad speciem debitam pertinet, quæ sola & perire & deterior fieri potest. Et hoc quoque ad æstimandam rem inspecto tempore condemnationis, scilicet quanti futura erat illo tempore si deterior facta non fuisset, non autem quanti fuerit tempore moræ. Tantum abest vt alterutrius temporis electionem, quomodo isti volunt, auctori dari æquum sit. Sed istorum error ex eo nascitur, quod Rem factam viliorẽ, & factam deteriorem pro synonymis accipiunt, Nec distinguunt an dicamus, Rem talem æstimari qualis fuit tempore moræ ante deteriorationem quod verum est, An verò tanti æstimari quanti fuit tempore moræ vt iidem volunt, quod certè falsissimum est. Æstimari enim illam oportet, qualis quidem fuit moræ tempore, sed quanti tempore condemnationis.

ERROR QVARTVS.

De actionibus arbitrariis.

DIXIMVS quantum satis est de conditione certi, & de triticaria: quibus proxima illa est, quæ De eo quod certo loco appellatur, quam proprio & speciali quodam nomine Iureconsulti arbitrariam vocarunt. Ideoque ratio postulat vt de actionibus omnibus arbitrariis subiiciamus. Est enim tractatus sanè & utilis & perobscurus, in quo non magis recentiores quàm prisca interpretes video sibi satisfecisse. Adèd vt non puduerit Iasonem post multa copiosè magis quàm subtiliter, vt solet, de hoc genere actionum tractata, concludere, Malle se in hac quæstione ab aliis doceri, quàm alios docere. Etsi autem nostris Coniecturarum libris tam multa iam de iis scripsimus, vt non magis posthac dubitari

Hh ij

possit quid de actionibus istis arbitrariis sentiendum sit ab omnibus, quàm quid nos ipsi sentiamus. Cogimur tamen eandem tractationem repetere ut novos errores, qui à recentioribus nonnullis post Coniecturas nostras editas inuecti sunt, refellamus. Sunt enim illi tantò periculosiores quantò subtiliores, & Magni Iureconsulti autoritate comprobati. Putat ille actiones arbitrarías nullas esse nisi Prætorias: Civiles omnes aut bonæ fidei esse aut stricti iuris, nullas penitus arbitrarías. Itaque nec civilem rei vindicationem quam interpretes ceteri omnes hucusque primam nominarunt inter arbitrarías, neque actionem de servitute confessoriam & negatoriam, & alias si quæ sunt eius generis arbitrarías esse patitur, sed strictas esse vult. Quod nos nec admittere possumus, nec ferre. Mihi in eo convenit cum viro doctissimo, quod nobiscum ille sentit, Actiones arbitrarías æstimari ex formula, sicut & eas quæ vel bonæ fidei vel stricti iuris appellantur. Etsi enim aliud est semperque fuit Actionem dicere, Aliud actionis formulam, ut ex eo apparet, quòd cum hodie actionum impetrationes & formulas à posterioribus Imperatoribus sublatas fuisse constet *l. 1. & 2. Cod. de formul. & impetr. act. sublat.* actiones tamen ipsas sublatas esse nemo benè dixerit: Non aliunde tamen veteres illæ tam multæ actionum differentiæ fluxerunt, quàm ex diversitate formularum, ut iam à nobis alio, nec vno loco demonstratum est. Nam in bonæ fidei iudiciis addi solebant verba illa *ex bona fide*, aut ut in actione rei uxoriæ *quanto aequius melius*, quemadmodum refert Cicero *lib. 3. De offic.* & Iavolenus noster innuit *in l. penultim. in fin. D. solut. matrim.* & Proculus *in l. si cum Cornelius 82. in fin. De solut.* aut quod effectù idem est *ex bono & æquo Let. si quis 14. §. hac actio D. de relig. & sumpt. funer.* In strictis nihil tale addebatur, ob idque stricta vocabantur, quòd formulam haberent præcisam, per quam iudex nihil aliud facere iubebatur, nisi ut condemnaret, nulla ei data potestate ut hoc potius quàm illud faceret prætextu æquitatis, Cuius scilicet nulla in huiusmodi iudiciorum genere ratio haberi poterat, sed in iis tantùm quæ erant bonæ fidei, sic dicta non quasi aliqua sint malæ fidei [bonam enim fidem quæ dolo & malæ fidei opponitur in omnibus contractibus desiderari certum est *l. bonam fidem 4. Cod. de obligat. & action.*] sed quòd in cæteris nulla æquitatis ratio condemnationem augere ac dilatare possit, siue stricta illa sint, siue arbitraría. Non enim existimandum est arbitraría sic dicta esse, quòd in iis arbitrio iudicis fiat condemnatio ex bono & æquo, licèt ita videatur sensisse Tribonianus *in §. præterea Instit. de action.* Sed quia pendet ex arbitrio iudicis, ut ibidem Tribonianus fatetur, cum nulla ex illis possit sequi condemnatio nisi arbitrio iudicis præcedente, nec aliter quàm si arbitrio parere noluerit is qui aliquid facere iussus est, per totum illud tempus quod liberum habet ad parendum, id est à die redditi arbitrij ad diem usque sententiæ & condemnationis *l. item si cum 14. §. in hac actione & sequent. D. quod met. caus.* Cæterùm nulla actio arbitraría est in qua liceat iudici dato condemnationem facere pro arbitrio, & ex bono & æquo, siquidem habent omnes suam propriam naturam, certamque condemnationis formam & legem à qua non magis licet iudici recedere, quàm in iudiciis strictis à præscripto formulæ, Ut puta in actione De eo quod metus causa, Si res per metum aut per vim extorta non restituatur arbitrio iudicis, cogetur omnimodo iudex quadrupli condensationē infligere, nec aliam poterit etiamsi maximè velit, quoniam ea pœna edicto Prætoris constituta est *dist. l. item si cum 14. §. 1. In actione* quoque

quoque de dolo arbitrio iudicis restitutio comprehenditur, Et nisi fiat restitutio, sequitur necessariò condemnatio quanti ea res est *l. arbitrio 18. D. de dolo*. In directa rei vindicatione, & in Publiciana quæ nihil nisi iuris, & prætoris vindicatio est, arbitrium quoque præcedit de restituenda re perita, ubi pronunciatum est rem esse petitoris vel fuisse ab eo bona fide possessam: Cui arbitrio si non pareatur, condemnatio faciendi necessariò est quanti actor in litem iuraverit. Nisi quod Tribonianus totum hoc ius peruenit inducta necessitate restituendi rem & parendi arbitrio si restituendæ rei habeat facultatem, in *l. qui restituere 68. D. de rei vindic.* de qua iam scripsimus tam multa & de cæteris ad hunc tractatum pertinentibus *libr. 16. Cornelius*. Ius enim vetus ita fuisse ut etiamsi res petita præsens fuisset eiusque restituendæ facultatem actor habuisset, condemnari tamen reum oporteret quanti actor in litem iurasset, apparet manifestè ex *l. eius rei 46. cum sequent. D. eodem titul. D. de rei vindic.* ubi scriptum est, Eius rei quæ per vindicationem petita tanti æstimata est quanti actor in litem iuraverit dominium statim ad possessorem pertinere, quasi cum domino transgessisset & decidisse videatur eo precio quod ipse constituit, Nimirum si res præsens sit. Quæ tamen non potest esse præsens quin eius restituendæ habeat possessor facultatem, ita ut nec manu militari vlla in id opus sit, sufficiente scilicet sola iudicis autoritate: Nam & inde est quod qui rem mobilem de qua fit controversia vindicari quidem à se passus non est, sed tamen in ius duci vel ferri passus est, is non videtur ius dicenti non obtemperasse quasi non fecerit quod extremum est in iurisdictione, sed is demùm qui rem duci vel ferri passus non est *l. unic. D. si quis iudicent. non obtemp.* Rem enim ubi præsentem habet Prætor, vel iudex à Prætore datus, non indiget utique litigantium voluntate ut de re illa decernat & faciat quicquid velit. Sed & si res petita & per iusiurandum actoris post adiudicationem æstimata absens sit. Scribit tamen Paulus supradictò loco tunc fieri dominum eius rei possessorem, cum possessionem possessor nactus fuerit ex voluntate actoris. Et id eò non est alienum, inquit, non aliter rem æstimari à iudice quàm si cauerit actor per se non fieri possessionem eius rei non traditum iri. Quid enim opus esset ea cautione adeoque iureiurando in litem vllò, si manu militari cogendus esset actor rem restituere? Nam & nihil vetat rem esse absentem & nihilominus restituendæ illius facultatem superesse possessori, Nisi ponas rem non modò absentem sed etiam peremptam esse, quo tamen casu non nisi absurdè & ridiculè interponeretur illa cautio, quam interponi vult Iurisconsultus. Sed etsi ius vetus tale olim fuisset, quale nobis finxit Tribonianus in *dist. l. qui restituere*, ut in rei vindicatione non iureiurando actoris æstimanda lis esset sed manu militari cogendus reus ad restituendam rem cuius restituendæ haberet facultatem, Tantò magis tamen verum esset quod volumus in arbitrariis actionibus non permitti arbitrio iudicis condemnationem, sed certis finibus concludi quos transilire iudex nullo modo possit, Sed quibus ramen aliquid aliud contineri necesse sit quàm rei peritæ adiudicationem, & restitutionem. Alioqui sanè superuacuum, & derisorium esset ante sententiam adiudicari rem à iudice ferrique arbitrium de re restituenda si post tale arbitrium redditum nihil ei tanquam iudici faciendum superesset, nisi quod quasi arbiter iam fecisset. Atqui certum est

in huiusmodi actionibus, quemadmodum necesse erat ferri arbitrium de petita restituenda priusquam ad diffinitivam sententiam & condemnationem perveniretur, Ita & debuisse pronunciari rem esse petitoris priusquam arbitrium vllum de ea restituenda sequi posset. Quoniam enim iure aut iuris colore arbitraretur iudex tanquam vir bonus, Debere me tibi restituere rem petitam, quam nondum pronunciasset tuam esse? Idque aperte Paulus scribit in *l. & ex diverso* 35. §. 1. *D. de rei vindic.* ubi quod ait *& index sententia declaravit meum esse*, non ad sententiam diffinitivam referendum est quæ plenissimam condemnationem irrogasset, quippe postquam nullus arbitrio iudicis locus reliquus esse posset qui semel officio suo siue bene, siue male functus esset *l. index* 55. *De re iudic.* Præter id quod stultus esset iudex, bonique arbitrij inops, qui post plenissimam condemnationem irrogatam adhuc ageret virum bonum, & arbitrio tantum committeret id, quod sententia diffinitiva in exequendi necessitatem transulleset. Neque verò sic fertur arbitrium ut iudex rem petitam & quam petitoris esse iam pronunciauit, iubeat omnimodo restitui actori. Sed ut arbitretur debere restitui, Aut iubeat quidem [nam & arbitrium illud iussum etiam appellatur] sed non præcise ac omnimodo irrogata parendi necessitate. At causam, ut nostri loquuntur, id est si malit condemnationem illam plenior, & absolutam quæ iam iam imminet, evitare. Huiusque iuris ratio illa fuit, quod cum Restituere sit facti, [nihil enim aliud est restituere, quam possessorem facere, fructusque reddere *l. plus est* 22: *de verborum significat.*] nemo autem præcise cogi possit ad factum, ne quidem per Prætozem, quoniam ea res fieri nequeat citra vim & impressionem quæ civis Romani libertatem infringeret. Consequens fuit, ut ea restitutio quam fieri oporteret ei cuius rem esse pronunciatum esset, non per sententiam diffinitivam à iudice tanquam à iudice omnimodo imperaretur, sed per modum arbitrij, id est tanquam de arbitrio & viro bono, ut si per contumaciam arbitrio parere heres nollet, non tam Prætoris maiestas, vel iudicis dati auctoritas neglecta videretur, quam gravius irrogandæ condemnationis data occasio. Alioqui adiudicationem & arbitrium præcessisse sufficeret, nec aliam vllam condemnationem sequi necesse esset, si exequendæ restitutionis necessitas ex adiudicatione & arbitrio inferri posset. Quod nec dissimulare Tribonianus potest in *dist. l. qui restituere*, cum sub nomine Vlpiani ait, Post translatam manu militari possessionem officio iudicis ab eo qui restituere iussus parere noluisset, non nisi fructuum duntaxat omnisque causæ nomine condemnationem faciendam superesse. Ad quid enim aliud condemnari posset is qui iam rem restituisset? Imò nec Tribonianus dicere ausus est, cogendum eum manu militari parere arbitrio, & rem restituere quod sine vi & coactione fieri nullomodo posset, sed hoc tantum, Aufferendam ab eo manu militari possessionem: quæ res patientiam condemnati solam exigit, non etiam factum. Illa igitur Pauli verba in *dist. §. 1. l. & ex diverso, & index sententia sua declaravit meum esse*, non de sententia diffinitiva intelligi debent, sed de interlocutoria duntaxat quæ nec propriè sententiis est cum finem liti non imponat; tanquam quæ nec absolutionem contineat, nec condemnationem *l. 1. l. quod iussit* 14. *& pass. D. de re iudic. & siml. Cod. de sentent. & interloc. omn. iudic.* Declaratio enim illa, si per se sola spectetur, neque absolutio, neque con-

demna-

dematio est, nec aliud quicquam quod simile videri possit. At neque illa adiudicatio est quam Vlpianus recenset inter sex illos veteres modos acquiriti iure Quiritium dominij in *Fragment. Titul. 19. De acquis. rer.* Cuius exemplum idem Vlpianus ponit in adiudicationibus quas officio arbitri fieri necesse est in actionibus Finium regundorum, Familiz erciscundæ & Comuni diuidendo, vt quod antea vel commune, vel proprium vnius fuerat, alterius fiat. Extra quam causam numquam per sententiam siue arbitri, siue iudicis ante iudicati executionem transferri, aut acquiri dominium potest vt alio commodiore loco aduersus communem interpretum nostrorum traditionem hac ipsa Chiliade ostendemus. Hæc namque pronuntiatio quæ sit in iudicio vindicationis tantum abest vt fiat ad transferendum dominium in actorem, vt nec aliud sit quam declaratio quod dominium pertineat ad actorem, *dict. §. 1.* qui si iam est dominus, magis dominus fieri non potest *l. non vt ex pluribus 159. de regul. iur. §. sic itaque. Instit. de actio.* Sed ridiculi fortasse videamur qui de ciuili & directa rei vindicatione sic tractamus quasi sit illa arbitraria. Cum tamen disputationem aduersus eos susceperimus qui hoc ipsum negant nullamque ciuilem actionem arbitrariam esse volunt, Esseque hoc nomen eorum duntaxat actionum quas Prætoris iurisdictio introduxit: Quod ex iis quæ iam hoc capite De actionibus arbitrariis generatim disseruimus, non erit difficile refellere.

ERROR QUINTVS.

De actionum arbitrariarum definitione. Ad §. præterea q. Instit. de action.



ATENTVR illi contra quos disputamus, actionum differentias pendere ex differentiis formularum, quod certè verissimū est. Neq; tamē volunt admittere æstimandas esse arbitrarias ex formula, sed ex sola æquitate Prætoris, cui visum est, inquirunt, hanc clausulam *arbitrio tuo* certis tantum actionibus suis addere & permittere Iudici vt in illa causa arbitretur, de qua est iudex, quod regulariter non licet, Non magis quam vt in qua causa iudex aliquis est, in eadē vel testis, vel Aduocatus esse possit. Itaq; non negant hæc esse propriam & essentialē notam arbitrariarum actionum, vnde nulla sit actio cum hac clausula *arbitrio tuo* quæ non sit arbitraria, Nullam arbitrariam, quæ hanc clausulam non habeat: Sed negant in omnibus actionibus in quibus petitur rei restitutio solitum Prætorē adicere mentionem arbitrij, at in quibusdam duntaxat, iis scilicet quæ essent Prætoriz, nec in iis tamen rursus omnibus, sed in iis solis quæ propositæ sint eo edicto quod arbitrij iudicis fecerit mentionem: vt in edictis De eo quod metus causa, De dolo, De Publiciana, & De eo quod certo loco. Itaque alias actiones etiam Prætorias aut ædilitias in quibus ex edicto Prætoris fides non restituatur, condemnatio fit, negant esse arbitrarias. Qualis illa, quæ in duplum aduersus publicanos ex edicto de quo in *l. 1. De public. & vellig.* Non tamen quæ ab Ædilibus proposita est redhibitoria de qua in *l. redhibere 21. §. idem Pomponius l. redhibitoria 45. & pass. D. de adul. edict.* Hanc enim volunt arbitrariam esse, itēque æstimatoriam. Quāto minoris

ex l. bonem 43. §. penultim. eodem. Rursumque Caluistianam & Fauianam ex l. 1. §. si quis in fraudem & §. si seruo D. si quid in fraud. patron. & Paulianam l. ultim. §. si a socero D. qui in fraud. credit. Denique actionem illam in factum quam dat Prætor ex edicto De alienatione iudicij mutandi causa, Ex l. 4. §. ultim. l. ex hoc edicto 8. D. de alien. iudic. mut. caus. fact. Præter cæteras illas omnes quas Iustinianus expressit in §. præterea Instit. de action. In summa sic isti arbitrarie actiones definiunt aut potius describunt ut sint illæ quarum formulæ ex edicto Prætoris inferitur arbitrium iudicis, & per hoc permittitur iudici ut æstimet quomodo actori satisfieri oporteat, ut si reus ad sententiam usque paruerit arbitrio, condemnationem vitet. Ego verò miror primum eorum ingenium, qui nouam nobis afferunt arbitrariorum actionum definitionem, Non contenti ea quam Tribonianus attulit in d. §. præterea, quæ sanè, si rectè intelligatur, est quàm optima. Actiones si quidem arbitrarie interpretatur, id est inquit, ex arbitrio iudicis pendentes, quod vnum sufficeret ad actionum arbitrariorum vim bene percipiendam. Pendet enim proculdubio ex arbitrio iudicis dati, At non eo sensu qui vulgaribus interpretibus placet. Quasi sit in arbitrio & potestate iudicis, quam & qualem velit infligere condemnationem, quod nos capite superiore refutauimus. Sed quia ut sequitur in eodem §. in potestate & arbitrio iudicis est ut ex bono & æquo secundum cuiusque rei de qua actum est naturam æstimet quemadmodum actori satisfieri oporteat, Scilicet antequàm veniat ad condemnationem vel absolutionem. Si enim arbitrio non pareatur sequetur condemnatio. Si pareatur, sequi absolutionem necesse est. Vnde apparet quàm parùm subtiliter isti verba supradicta sic interpretentur, ut huiusmodi actiones arbitrarie sint in pendenti quasi conditione, quodammodo suspensæ, nec prius actiones dici possint, quàm conditioni in iis appositæ paritum non sit. Sunt, inquit, arbitria primum, etsi arbitrio pareatur non sunt actiones, nec ex iis sequitur infamia l. furri 6. §. qui iussu D. de his qui not. infam. nec dupli nec quadrupli condemnatio dist. l. redhibitoria 45. de adl. edict. dist. l. item si cum 14. §. 1. & §. in hac actione D. quod met. caus. Addunt nec cetera omnia quæ propria sunt actionis cuiusque, Et ita demùm sunt actiones tales si non pareatur arbitrio iudicis. Prorsus improbabilius nec satis verè. Non enim actionis cuiusque proprium est ut ex ea omnimodo sequi debeat condemnatio, sed ut alterutrum vel condemnatio, vel absolutio. Solius quidem condemnationis mentio fit in formula non etiam absolutionis, quia formularum omnium verba sic ad iudicem datum diriguntur, si paret &c. tu cum condemnato. Sed quia nemo potest condemnare qui non possit etiam absolvere, ut scriptum est in l. 3. D. de re iudic. consequens est ut absoluendi facultatem iudex non minùs habeat quàm condemnandi. Eiusque iuris ratio non aliunde, quàm ex ipsius formulæ verbis petendæ est. Non enim per formulam iubetur præcisè iudex reum condemnare, sed ita demùm si paret benè fundatam scilicet actoris intentionem. Quam proinde si non possit actor probare plenissimè, nihil aliud facere iudex potest nisi ut reum absoluat l. qui accusare 4. C. de edend. l. ult. C. de rei vindic. Nam nec petitor condemnari unquam potest: sed quod casu succumbit nec obtinere potest, summoueri dicitur, non condemnari, reus autem absolui. Isque verus & germanus esse videtur sensus eius, quod veteres dicebant, Iudicia omnia esse absolutoria §. ultim. Instit. de perpet. & tempor. act. non qualem eo loco fingit Tribonianus, Ut si ante rem iudicatam is cum quo actum est, actori satisfaciatur, officio iudicis

conue-

conueniat eum absolvere, licet in ea causa fuerit iudicij accipiendi tempore ut damnari deberet. Id enim cum sit, non sit vi formulæ, ut Tribonianus ipse faterur, sed officio tantum iudicis, Nec proinde potestate, & ut loquuntur calore iudicij, cuius ea ratio est ut in iniuriam reddi debeat *inter stipulantes* 83. §. 1. *De verbor. obligat.* Sed potius ex voluntate & consensu litigantium, cum ponamus actori satisfactum esse. Quemadmodum & quoties conuenit inter litigatores quid pronuncietur, non aliam quam huiusmodi sententiam proferre iudex potest *l. si conuenerit* 26. *D. de re iudic.* Quid enim aliud iam petere actor possit, cui satisfactum esse eo modo quo voluit siue per veram solutionem, siue per satisfactionem quæ solutionis loco sit? *l. si rem* 9. §. *cum is* *D. de pignor. act. l. item liberatur* 6. §. 1. *D. quibus mod. pign. vel hypothec. soluit. l. satisfactio* 56. *D. de solut.* Aut quid aliud agebat Prætor cum daret actori formulam, aut iudex datus, cum inciperet de facto cognoscere, quam ut controuersias litigantium dirimeret? A quibus si sponte recesserint, quid ratum id habere & Prætor & iudex debeat? *l. 1. §. inde queritur* *D. de oper. noui nuntiat.* Cæterum etiamsi neque satisfacere, neque quicquam præstare reus velit, non ed minus absolutorium erit iudicium quodlibet si modo intentionem suam actor non impleat. Nec officio tantum iudicis id continetur, sed ex necessitate formulæ, vel inuito ut dicam iudice sic euenire necesse est, Tanquam deficiente condicione sub qua iussus fuerat iudex reum condemnare. Est enim id proprium condicionum omnium, ut suspendant actum cui inferuntur, & deficientes faciant deficere dispositionem. Condicio autem illi *si non paret* quæ inferitur formulis omnium actionum non dationi actionis inferitur, quod maxime obseruandum est, sed condemnationi. Non enim dat Prætor actionem & formulam sub condicione sed purè. Neque rursus præcipit iudici ut condemnatione irroget condicionalem, quod nec fieri potest, siquidem viciū est condemnationis si condicionem aliquam habeat, aut quam aliam incertitudinem *l. 3. & 4. Cod. de sentent. quæ fin. cert. quant. profer.* Sed iubet sub condicione ut pura fiat condemnatio. Et consequenter ut si condicio deficiet sub qua iudex purè condemnare iussus est actore scilicet non probante, reum absoluat, quem iam condemnare nullo modo potest, tamen si nihil ipse præstet *dist. l. qui accusare* 4. *Cod. de edend.* Nulla siquidem esset sententia, quæ nec absolutionem contineret, nec condemnationem *l. 1. D. de re iudic.* Falsum igitur est quod aduersarij affirmant actiones arbitrarías esse ipsas in pendentí propter arbitrium iudicis quasi quodammodo condicione suspensas. Pendent quidem quemadmodum actori satisfieri permittatur iudici ex bono & æquo æstimare quemadmodum actori satisfieri oporteat ad euitandam condemnationem, postquam plenè actor probauit suam intentionem: Sed non idcirco remanent in suspensio, quasi non sint prius actiones quam condicioni in iis appositæ paritum non sit. Sunt enim actiones ex quo primùm instanti data est formula, Nec quod condicio aliqua implenda est antequàm ad condemnationem perueniri possit actionem ipsam suspendit, sed condemnationem tantum. Idè enim formulis omnibus actionum condicionem illam adici necesse est *si paret*, quoniam de facto cognoscere Prætor pro imperij sui dignitate nec potest, nec debet, mandaque eam cognitionem iudici, quem sanè absurdum esset ac inciuile prius de iure litigatorum pronunciare quam de facti fide & veritate cognouisset: Itaque non arbitraríarum actionum proprium hoc est ut condicionem illam habeant *si paret*

sed commune omnibus actionibus siue bonæ fidei illæ sint, siue stricti iuris. Sed hoc in actionibus arbitrariis dissimile, & amplius est, quod earum formula sicut duas habet partes ita & duas condiciones, & quidem diuersis temporibus implendas, Priorem illam communem omnibus actionibus cæteris, *si pars verum esse quod actor intendit*, Posteriori verò hanc, *Neque res arbitrio tuo restituatur*. Prior constituit iudicium absolutorium duntaxat in eum scilicet casum quo actor intentionem suam implere non potuerit: quia eo casu non solum cōdemnatio sequi nulla potest, sed neque arbitrium vllum. Quid enim iudex siue tanquam iudex, siue tanquam vir bonus arbitrari possit restituendum præstandūve ei, qui in suis probationibus, aut nullus aut inæcus fuit? Itaque licet Prætor conceperit actionem in formulam actionis arbitrariæ, quia negotij propositi qualitas & natura id exigebat. Ex euentu tamen apparet non solum actionem arbitrariam non esse, in qua scilicet nullus arbitrio locus esse potest, sed neque actionem vllam datam videri à Prætoribus, qui licet hanc dederit ex suppositione, quasi vera essent omnia quæ actor proponebat, Nunc tamen cum vera non probantur vult haberi actionem quodammodo pro non data, non vt iudex datus sententiam ferre non possit aut non debeat, sed vt reum absolutat, & actorem summoueatur, nec quasi agentem line actione, quod fieri nullomodo potest. *l. si pupilli §. 6. vltim. D. de negot. gest. l. quoties 9. §. si tutor D. de admin. tutor.* Sed tanquam agentem nullo iure, cum ex facto ius oriatui. *l. vi responsum 15. Cod. de transact.* At posterior hæc condicio *neque res arbitrio tuo restituatur* facit & constituit iudicium non absolutorium præcisè & omnimodo, sed arbitrium, & indifferenter dispositum ad condemnationem & absolutionem: Ad condemnationem si arbitrio iudicis res non restituatur, Ad absolutionem verò si restituatur. Prior condicio implenda est ante omnia, vt pronunciari possit rem petitam esse petitoris aut ei extortam per vim vel metum aut dolum aut aliud quid simile, & deinde arbitrium sequi de ipsa restituenda. Quoniam enim colore posset iudex tanquam vir bonus arbitrari rem restitui actori debere, nisi prius discussa tota facti questione cognouisset prius rem esse aut extortam ei per vim vel per metum vel per dolum fuisse? Cum autem de eo cognitum & pronunciatum est, ob eamque causam secutum arbitrium de facienda rei restitutione, tunc incipit secunda condicio impleri quæ locum facere debeat condemnationi si reus arbitrio parere nolet, aut absolutioni si parebit. Non enim aliter condemnare reum iubetur iudex, quam si arbitrato eius res non restituatur, Ex quo non tam per argumentum à contrario sensu quam vi & potestate ipsius formulæ euenit necessariò, vt re arbitrato iudicis restituta, absolutionem sequi oporteat: quomodo scriptum est in iis ferè omnibus locis in quibus agitur de iudiciis arbitrariis *dist. l. item si cum 14. §. aliquando & §. vltim. D. quod met. caus. l. barum a. Eleonum 7. D. si seruus vindic. d. l. redhibitoria 45. De ad. l. edict.* Non enim prius iudex officio suo functus videri potest, quam aut condeuenerit reum aut absoluerit. Quorum cum neutrum fieri possit ante arbitrium, quoniam & formula repugnat, & iudex qui per condemnationem vel absolutionem officio suo iam functus esset, nullam arbitradi aut aliud quicquam faciendi potestatem haberet, adeoque nec iudicatum suum exequendi, cum formula perpetuo illo condemnationis verbo concludatur *dist. l. iudex posteaquam 55. l. à Diuo Pio 15. in princip. D. de re iudicat.* Planè consequens est vt post arbitrium fieri alterutrum oporteat, id est vel absolui reum vel condemnari. Errant igitur isti cum dicunt, Si arbitrio pareatur in actionibus arbitrariis, nihil sequi eorum quæ sunt propria actio-

pria actionis cuiusque. Fateor non sequi ullam condemnationem nec dupli nec tripli nec quadrupli, nec proinde infamiam quæ non nisi ex condemnatione irrogatur l. *furi* 6. §. l. l. *D. de his qui not. infam. l. infamem. 7. D. de public. iudic.* Sed dico sequi necessariò absolutionem, qui finis est actionis cuiuslibet non minus quam condemnatio cum liti finem imponat. *dict. l. 1. De re iudic.* Sunt igitur arbitrarie actiones non ex eo æstimandæ, quòd arbitrio non pareatur, sed ex eo solo quòd pendeant ex arbitrio siue pareatur ei siue nõ pareatur, quia in utrumque casum necessaria est sententia ad reum vel condemnandum si non parbit arbitrio, vel absolvendum si parebit.

ERROR SEXTVS.

De necessitate clausula Arbitrio tuo inferenda in formula actionis arbitraria & componenda formula ex verbis edicti Prætoris.

SED & falsum illud est quod volunt iidem illi contra quos decertamus, Nõ alias censendas esse arbitrarías actiones quam eas quarum formulis inseritur clausula *arbitrio tuo* vel *arbitratu tuo*. Et si enim verissimum est quod proximo capite diximus cum Iustiniano in §. *præterea* De action. pendere illas omnes ex arbitrio iudicis, nec alias posse dici arbitrarías, quàm in quibus arbitrium iudicis præcedere necesse est ut sequi possit vel condemnatio vel absolutio. Nego tamen esse illud necessarium, ut arbitrij præcisè, ac omnimodo mentio fiat. Sed dico sufficere ut in formula sic concipiatur secunda illa condicio, cuius adiectionem necessariam esse diximus *neque res rectè restituatur*. Quid enim aliud est rectè rem restitui, quàm restitutionem eius fieri arbitrio boni viri l. *hæc verba* 73. *De verb. signif.* Imò & sublata dictione illa *rectè* poterat sufficere, ut in formula scriptum esset *neque res restituatur*. Cum enim verba formulæ ad iudicem sint directæ, facile est videre non de alia restitutione, Prætozem sentire potuisse quàm quæ fieret iussu & arbitrio ipsius iudicis, & quidem tanquam viri boni potius quàm quasi iudicis, cum in condicione tantùm ponatur, non etiam in dispositione & condemnatione. Satis igitur Prætor ponit in arbitrio iudicis, non solum ut rem restitui iubeat, sed etiam quemadmodum restitui aut aliter satisfieri auctori velit, cum ei præcipit ut condemnet reum si res petita, quam apparuerit esse petitoris, aut fuisse ab eo possessam bona fide, ad causam usucapionis non restituatur. Quomodo enim posset iudex reum condemnare ob rem non restitutam, quam nec restitui prius iussisset? Aut quomodo iubere ille iniùs quàm arbitrando? Non possunt igitur illa verba formulæ *neque res restituatur* alium sensum habere quàm si esset additum *arbitratu tuo*, cum non possint accipi de restitutione facienda post sententiam & in executione iudicati, quandoquidem non aliam ob causam in huiusmodi actionibus sequi potest condemnatio, quàm quòd restitutio facta non sit. Tantùm abest ut verum esse possit quod iidem isti volunt, Requiri etiam illud ad constituendas & discernendas actiones arbitrarías, ut ex edicto Prætoris totam rem arbitrio iudicis committi oporteat. Quasi non potuerit Prætor in

concipienda formula verba illa addere *arbitrio tuo* nisi quoties id ipsum verbis edicti contineretur. Nimirum id agunt quantum possunt ut nobis persuadeant, non alias esse arbitrarias actiones quam prætoria, quæ & aliam ob causam prætoria appellatur, quod ex Prætoris edicto & iurisdictione descendant. Sed si verum illud esset, ut non aliæ actiones essent arbitrariæ, quam quæ & ex Prætoris edicto comparatæ essent, & ex ipsis edicti verbis sic compositæ, ut clausulam illam haberent *arbitrio tuo*, Non solum illud absurdum sequeretur, ut vindictio directa, itæque confessoria & negatoria, noxalesque actiones ex legibus duodecim tabularum, aut ex lege Aquilia descendentes quæ prorsus civiles actiones sunt, arbitrariæ dici non possent, quod tamen falsissimum esse in sequentibus ostendimus. Sed hoc etiam ut actiones ipsæ Prætoria, quas fatetur isti nec possunt negare esse arbitrarias neque essent arbitrariæ. Exemplum esto in redhibitoria quam voluit illi arbitrariam esse [verè an falsò postea tractabimus] ex d. l. redhibitoria 45. De adul. edict. Debet enim res vendita quæ vitiū aliquod latens habuit, redhiberi venditori, & vicissim à venditore reddi emptori quicquid ex causa venditionis habuit ille ab emptore ut eadem lex ait, Et quidè arbitrio iudicis qui de ædilitia huiusmodi actione cognoscit, ut scriptum est in l. bonem 43. §. si sub condicione eod. tit. Neque tamen reperias in toto edicto ædilitio ex quo inducta est actio illa redhibitoria, & cuius verba omnia extant in l. i. tit. factam esse mentionem ullam arbitrij iudicis, adeoque nec restitutionis faciendæ arbitrio iudicis. Quid erge? Concepta est illius actionis formula ut & aliarum omnium actionum tam civilium quam prætoriarum ex arte & consilio prudentum, quorum præcipua cura ea fuit & industria ut actiones de quaq; re componerent, vnde cum tandem illæ descenderent, accommodatè scilicet ad naturam cuiusque negotij, & prout vel iuris ratio stricta suggerere videbatur, ut in iis actionibus quas ea de causa strictas aut stricti iuris nuncuparunt, Vel etiã æquitas si quando ita exigebat negotium, ut æquitatis potissimum rationem haberi oporteret, quemadmodum in actionibus bonæ fidei & arbitrariis. Sed & in actionibus Fauiana, Caluisiana, & Pauliana quas non magis negare possunt esse arbitrarias. Quomodo probabunt isti si negem edicto Prætoris qui eas introduxit expressum aliquid fuisse arbitrio iudicis, id est de re ipsius arbitrato restituendæ? Possunt quidem illi si velint, comminisci pro arbitrio, & qualia velint verba quæ non habemus Edicti, siquid in fraudem patroni. Sed non immutabunt illa quæ habemus De rebus alienatis in fraudem creditorum in l. i. §. l. i. Prætor 10. & pass. D. que in fraud. credit. ubi de tali arbitrio nihil prorsus. Sicut neque in edicto quo propoita est actio De dolo de qua in l. i. D. de dolo, in qua tamen arbitrio iudicis locū esse ut nō minùs arbitraria sit ea actio quam actio De eo quod vi metusve causâ, nemo dubitat ex l. arbitrio 18. D. ill. eod. tit. Idem tractari esse constat ex d. l. 4. §. ult. §. l. 8. ill. tit. De alien. indic. mut. caus. fact. quia rei persecutionem continet nō per se & sua natura, sed arbitrio & officio iudicis l. quia 7. eod. Si enim per se non autem arbitrio tantum & officio iudicis rei persecutionem contineret, non vnius anni finibus concluderetur, quomodo scriptum est in l. 5. §. 6. eod. sed esset perpetua, ut cæteræ omnes Prætoria quæ rei persecutionem ex se continent. Ex regula l. in honorariis 31. D. de oblig. & action. Et tamen nullo iuris loco probari possit, aut in edicto Prætoris, aut in formula quæ in hoc actionis genere vsitata erat, arbitrij mentionem factam esse: Nempe, quia sufficit rei restitu-

rei restitutionem poni in condicione vt appareat esse actionem arbitriam, & in qua restitutionem fieri oporteat arbitrio iudicis non tantum ad euitandam condemnationem, sed etiam ad promerendam absolutionem. Nec ad rem pertinet, quod isti obiciunt, non esse in potestate iudicis dati, vt omnia iudicis personae induat personam arbitri, sicuti nec Aduocatus in ea causa esse potest, nec testis. *l. sed in seruum 9. §. si quis l. non distinguemus 32. §. quastum D. de recept. qui arbit. recept.* Ne alioqui suae affectionis vel arbitrij inemor incorrupti iudicis nomen perferre non possit *arg. l. vlt. C. de Adfess.* Nam nihil simile aut commune habet arbitrium iudicis quod interuenit in actionibus arbitrariis, cum arbitrio illo quod sibi adrogare iudex datus prohibetur, legibus supradictis. Caeteri arbitri solent idem interuenire, vt experiantur an consilio suo vel autoritate li-tem discuti pariatur litigarores *l. Pomponius 13. §. recepisse ill. tit. De recept. qui arbit. recep.* vt si id fieri possit illos cum bona gratia sine lite dimittant. At iudex datus in actione arbitraria non sic induit personam iudicis, id est non tanquam nudus arbiter, sed tanquam is qui & iam fuerit iudex & adhuc talis sit, & breui eandem iudicis personam gesturus, cum post redditum arbitrium sententiam diffinitiuam omnimodo laturus est, vel reum condemnando si arbitrio non pareat vel absoluendo, si pareat. Itaque non induit personam arbitri nisi in ordine, vt ita dicam, ad condemnationem vel absolutionem. Ergo non nisi tanquam iudex cum iudicis solius sit non etiam arbitri vllius vel absolueri vel condemnare. Et falsum est vt iam in superioribus probauimus, quod aduersarij praesupponunt, iudicem datum in actione arbitraria, si arbitrio pareatur nihil aliud facere posse quam vt eos cum bona gratia sine lite dimittat. Nam imò verò non prius officio suo functus videri potest, aut iudicis partes deposuisse, quam reum absoluerit, qui arbitrio paruit, idque non solum ex natura & aequitate negotij, sed etiam ex praescripto formulae, & ob hoc ipsum, quod Praetor ei preceperat, vt reum condemnaret si arbitrio non pareretur: cum quisquis potest condemnare eo casu quo aliquid factum non sit idem debeat absolueri in contrarium euentum si illud ipsum factum sit *l. 3. D. de re iudic. l. nemo qui condemnare 37. De regul. iur.*

ERROR SEPTIMVS.

De ratione & sententia l. penultim. D. de confess.



EXCIPIENDA est vna illa dūtaxat species quam tractat Africanus in *l. pen. D. de confess.* si tamen exceptio illa dici debet quæ ad hanc iuris regulam sanè si verum amamus nil pertinet. Tractat ea lex de arbitro dato à Prætorē ad restitutionē fideicommissi, quod heres à fideicommissario conuentus fuerat confessus se debere. Et cum quæ- reretur an si arbiter ille comperisset nihil deberi posset heredem absolueri, Respondet Africanus cū distinctione, Posse intercesse qua ex causa nihil debeatur: Nam si ob id quod nullum fideicommissum fuerit non debere arbitrum, cum absolueri. Si verò quia fortè testator soluendo non erat, aut quod heres omne solutum esse apud Prætorem dixerat, & cum controuersia & computatio difficilior esset, arbiter datus fuerit, Saluo officio eū absoluturum. Has enim partes eius esse vt si in cōputatione nihil inueniatur possit absolueri, Sed

& ex superiore casu remittere ad Prætozem debere ut absolatur. Quænam vero distinctionis huius ratio esse potest? Illa scilicet quod arbitrius datus non fuerat à Prætoze ad cognoscendum de iure fideicommissi utrum deberetur, sed ratum ad restituendum fideicommissum, & ad computandum quid & quantum esset in fideicommissio. Proinde quâvis comperisset fideicommissum nullum deberi, non tamen poterat salvo officio heredem absolvere, cum ita faciendo utique mandati fines excessisset, quod salvo officio fieri numquam potest. Idem autem datus non fuerat ut de fideicommissi iure cognosceret, quod heres iam eo nomine cõuentus apud Prætozem confessus fuerat se debere atque ita per suam quodammodo sententiam damnatus fuerat. Id enim est quod dicimus, Confessum pro iudicato esse qui sua quodammodo sententia damnatus *l. i. eod. tit.* Itaque cum esset heres tam condemnatus, fieri non poterat ut magis condemnaretur ab arbitro, aut ut ad eum condemnandum arbitrius à Prætoze daretur. Cui consequens est ut ex ea ipsa iuris regula quam diximus, nec absolvere possit arbitrius hunc heredem quem non potest condemnare. Sed & alia ratione prohibebatur hic arbitrius ne de fideicommissi iure cognosceret, Quia scilicet non solum datus in eam rem non fuerat à Prætoze, sed neque dari poterat cum fideicommissi persecutio iuris ordinarij executionem non haberet *l. pecunie 178. §. actionis De verbor. signific.* id est non per formulam & dationem iudicis, quod in cæteris causis erat iuris ordinarij, sed cognitione Prætoris expediretur *l. mulier 22. §. non est dubitandum & pass. D. ad SC. Trebell. §. 1. Inst. de fideic. hered.* Quo igitur tunc potuisset ille omnimodo heredem absolvere quem nullo penitus casu condemnare potuisset? Planè quoniam fideicommissi etiam confessi aut adiudicati restitutio multas plerumque & magnas habet moras si computatio inenda sit siue patrimonij, quod in restitutionem venit, siue æris alieni quod ante omnia ex fideicommissio detrahendum est *l. in imponenda 6. l. irritum 8. C. ad leg. falcid.* siue aliarum rerum quarum similiter detractio permessa est, & à Prætoris maiestate alienum videtur, ut de his facti quæstionibus cognoscat ipse, & pronunciet, Eo nimirum iure quod olim Africani temporibus obtineat, & obtinuit semper usque ad *l. 2. Cod. de pedan. iudic.* ut extra causam fideicommissi & alias nonnullas quæ favorabiliore videbantur, de quibus in *d. l. 2. & in l. ultim. Cod. ubi & apud quos cognit. in integr. rest. agit. su. & tit. D. de exstraord. cognit.* Prætores cæterique magistratus etiam Fideles de facto ipsi numquam cognoscerent, sed iudices pedaneos & iudicium darent *dist. l. 2. & l. 1. De edilis. edict.* Necessarium erat ita observari, ut posteaquàm cognitum erat de fideicommissio per Prætozem, qui ob eam causam fideicommissarius dicebatur siue pronunciaisset ille fideicommissum deberi siue cõuentus heres nulla expectata pronunciatione fideicommissum se debere confessus esset, ut in specie Africani, daretur arbitrius à Prætoze ad eum duntaxat finem, ut fideicommissum restitueretur, factis scilicet imputationibus illis omnibus, & computationibus quas ante restitutionem fieri oporteret. Ob eamque causam arbitrum eum Africanus vocat non iudicem, quia iudex dici non potest, qui condemnare non iubetur, quique non datur nisi post factam condemnationem. Et quamvis possint hæc nomina Arbitri & Iudicis confundi, ut in iudiciis Familiz eriscundæ, Communi diuidendo, & Finium regundorum, aliisque bonæ fidei iudiciis, itæque in arbitrariis, quod in iis multa iudicis etiam tanquam iudicis arbitrio permittantur *l. quia tantundem 7. D. de negot. gest. l. arbitrum*

43. l. ultim. & pass. D. famil. ercisc. l. 1. D. de usur. l. ultim. D. rem pupil. sal. for.
 Alia tamen est arbitri, alia Iudicis significatio, & quemadmodum potest quis
 esse Iudex qui non sit arbiter, ut evenit in iudiciis strictis. Ita è contrario verum
 est non omnem qui sit arbiter esse iudicem, sed eum duntaxat qui arbiter datus
 sit, non modò ad cognoscendum de facto, verùm etiam ad pronunciandum:
 Nec tantùm ad pronunciandum, sed ad eam ferendam pronunciationem quæ
 vel absolutionem contineat vel condemnationem. Ergo arbiter datus à Præ-
 tore ad restituendum fideicommissum quod heres apud Prætozem & in iure
 confessus fuerat se debere, arbiter quidem dici potest, & verè arbiter est, sed
 iudex, neque est, neque dici potest. Ac multò minùs quàm ille qui ex litigato-
 rum compromisso arbiter factus recepit in se arbitrium. Hic enim fert
 sententiam & potest & debet, non quidem quæ rei iudicatæ vel actionem vel
 exceptionem parere possit, cùm iudex non sit, sed quæ tamen metu pænæ
 possit eundem effectum habere quem res iudicata ut imponat finem liti per
 pronunciationem quæ similiter reum vel condemnet, vel absoluat. Et rur-
 sum longè alius est ille arbiter compromissarius, à quo non placet appellari
 posse, sed standum esse eius sententiæ siue æqua sit, siue iniqua, cùm imputare
 sibi debeat qui compromisit l. diem proferre 27. §. si quis De recept. qui arbit. re-
 cept. Alij verò arbitri illi quos Prætor dare solebat aut ad restitutionem fidei-
 commissi, ut in dist. l. penultim. De confess. aut ad probandos fideiussores, ut in l.
 arbitro 9. D. qui satisd. cogant. ubi scriptum est ab huiusmodi arbitris appellari
 posse perinde atque à iudicibus si arbitrium eorum iniquum videatur: Licet
 hoc commune habeant cum arbitris compromissariis quòd iudices non sunt.
 Ex quo intelligimus Arbitros dictos esse quòd eorum arbitrio & æquitati res à
 Prætoze committeretur, Nec id sine formula, ut solebant omnia expediri
 per formulas. Cùm passim quæri oporteret, An arbiter saluo officio arbi-
 trium tulisset. Quod ipsum nihil aliud erat quàm quærere an salua formula
 arbitratus fuisset, dist. l. penultim. De confess. Totum enim siue iudicis, siue
 arbitri officium in eo versatur, ut omnia ex formulæ præscripto faciat, nec
 ipsius fines vnquam transiliat. Illud magis mirum est cur in specie & quæ-
 stione dist. l. penultim. possit arbiter absolvere cùm non possit condemna-
 re, Eiusque demùm sit absolvere, qui condemnare etiam potest, ut dixi-
 mus. Sed facilis responsio est si benè Africanus intelligatur. Non potest ar-
 biter absolvere heredem à persecutione fideicommissi pronunciando fidei-
 commissum non deberi, quod iam confessus fuit heres se debere, Quia
 nec condemnare potest heredem in eo ut pronunciet fideicommissum de-
 beri. Quia quia iam condemnatus per sententiam suam heres, amplius ad
 id ipsum condemnari non potest, Et quia nec datus in eam rem fuit iudex à
 Prætoze, nec dari potuit, ut explicauimus. Potest tamen heredem absolvere
 hætenus, ut pronunciet nihil eum ex causa fideicommissi debere si ita ferat
 computatio earum rerum quæ ex fideicommissio detrahi potuerunt, & debue-
 runt. Etsi enim totum id in calculo positum est qui sine iudicio, ut pluri-
 mum dirimi solet, quomodo legendum esse in leg. furti 6. §. ultim. De his
 qui nota. infam. alibi docuimus, interdum tamen, id est cùm ad eam com-
 putationem ineundam causæ cognitio necessària est, nihil vetat dari iudi-
 cem. Sicut & in cæteris causis ad exequendum iudicatum dari solebat
 leg. à Dino Pio 15. §. si rerum §. si post additum & sequentibus §. sic quoque

iudices D. de re iudic. & quidem cum formula, & potestate pronunciandi, Non quidem de ea ipsa re de qua iam pronunciatum sit per sententiam quam exequuntur, sed de eo tantum de quo superest cognoscendum & pronunciandum in executione iudicati *§. sed si emptor & §. si rerum d.l. à Dino Pio.* Quemadmodum autem potest hic arbiter ad exequendum datus absolvere heredem si reperiat nihil superesse in fideicommissio quod so lui debeat, Ita & eundem heredem condemnare ut quod facta computatione in fideicommissio superesse compererit, iubeat cum prestare fideicommissario. Sic fit ut absolvere possit eo demum casu quo potest etiam condemnare, Et contra ut quo casu condemnare non potest, nec possit absolvere. At neq; illud mirum est, quod Africanus subiungit, Eo quoque casu quo arbiter ad restituendum fideicommissum datus nullum fideicommissum deberi compererit, debere illum remittere heredem ad Pretorem ut à Pretore ipso absolvatur. Etsi enim iam erat ille propter suam confessionem sua quodammodo sententia damnatus, non tamen habet ea facta condemnatio tantum potestatis & autoritatis, quantum haberet pronuntiatio Prætoris si is de fideicommissio cognovisset ac pronunciasset. Tunc enim Prætoris dignitas faceret rerumque ab eo decretarum autoritas ut fideicommissum restitui omnimodo necesse esset, Tamen si per sordes aut per gratiam, aut per imperitiam pro fideicommissario malè pronunciasse probaretur *l. servum vetante 62. §. cum Prætor D. ad Sc. Trebell.* At cum nihil Prætor pronunciauit, licet dici soleat nullas iudicis partes esse in cõsentem nisi in condemnando, integrum tamen ei est heredem absolvere si comperiat fideicommissum nullum deberi, Siue quòd ad eius curam & cognitionem non minùs pertineat ut fideicommissum nullum contra testatoris voluntatem peti patiatur, quàm ut fideicommissa omnia quæ relictæ sunt conferuet, siue quòd ultimarum voluntatum favor id omnino exigit, ut nihil ex iis peti præstarique possit quod non à defuncto relictum verè fuerit, Ne aliqui contra voluntatem fiat quod ex voluntate proficiscitur *l. ult. C. de reb. credit. & iure iur.*

ERROR OCTAVVS.

De potestate arbitrij in actionibus arbitrariis, Et ex quo arbitrio sint estimanda actiones arbitrariae.



TIAM ex supradictis intelligimus non ubique arbiter à Prætorè datus est, adeoque nec ubique arbitrium iudicis dati intercessit, fieri statim actionem arbitrariam. Sed eo tantum casu quo arbitrium tale intercedit, cui si non pareatur omnimodo sequi debeat condemnatio, si pareatur, facienda sit absolutio. Alioqui admittendum esset actiones omnes bonæ fidei in quibus perinde vetatur arbitrium iudicis *l. 1. in princip. D. de usur. l. ultim. D. rem pupill. salu. fir.* & formulas itidem omnes iudicum in executionem iudicati datorum esse arbitrarias, quod euidenter falsum est. Illud tamen in omnibus actionibus arbitrariis diligenter obseruandum est, non esse in iis locum arbitrio iudicis nisi post aliquam pronuntiationem, quæ primam formulæ condicionem impleuerit, & quam plena causæ factique cognitio, præcedere debuerit. Ut puta, si de ciuili, & directæ rei vindicatione tractemus, non prius poterit datus in ea iudex arbitrari & iubere ut res restitatur, quàm pronun-

pronunciatum sit rem esse petitoris, Nec rursus de eo prius pronunciare, quam de facto, deque toto dominij iure plenissime cognoverit, *l. Pompeius 40. §. sed & i qui D. de procurat.* in illis verbis quid enim si in hoc iudicio rem meam esse pronuncietur & *l. & ex diverso 35. §. 1. ibi, & iudex sententia declaravit meum esse D. de re vindic.* Si agatur actione De eo quod metus causa vel De dolo vel De alien. iudic. mut. caus. fact. prius debet iudex pronunciare rem qua de agitur extortam esse per vim aut per dolum, vel alienationem iudicij mutandi causa factam fuisse. Deinde arbitrari & iubere ut restituatur, Tum si non pareatur arbitrio condemnationem illam irrogare quæ ex edicto prætoris in causas illas singulas constituta est. Idque nimirum est, quod interpretes antiquiores decepit, ut dixerint in iudicijs arbitrarijs duas ferri sententias, Vnam antè arbitrium, alteram postea. Quod verum equidem est si sententiæ appellatione intelligas pronunciationem quæ de petitoris, vel rei iure facta sit quomodo haud dubiè intellexit Paulus *in dist. leg. & ex diverso 35. §. 1. De re vindic.* ubi & sententiæ meminit, & pronunciationis. Non etiam si sententiam magis propriè accipias eam quæ sit verè diffinitiva, id est quæ iustitiam litem vel absolutionem vel condemnationem finiat, ut *in leg. 1. D. de re iudic.* Nam & cùm pronunciatum est meam esse rem quam petebam per vindicationem, Aut mihi per vim aut metum extortam fuisse rem illam quam petebam per restitutionem in integrum ex Edicto quod metus causa, nondum finita lis est, non quia res mihi adhuc restituta non sit [hoc enim non ad litem causam, sed ad rei iudicatæ executionem pertineret, si iam secuta esset condemnatio vel absolutio, atque ita lis finita proponeretur] Sed quoniam verum est nullam adhuc secutam esse absolutionem, vel condemnationem, & consequenter durare adhuc actionem & formulam cuius finis alius non est quàm condemnatio, aut absolutio. Ergo non est verè diffinitiva sententia illa per quam pronunciatum rem meam esse, aut mihi per vim dolumve extortam fuisse. Idèoque grauius errant recentiores, qui volunt arbitrium illud quod in ciuili directâque vindicatione sequitur pronunciationem factam de iure dominij, non aliud arbitrium esse quàm quoddam sententiam diffinitiuam, & rem iudicatam sequi solet, quoties, inquirunt, lis æstimanda est post condemnationem, ut sciatur quomodo iudicati executio fieri possit, & debeat. Nam neque verum est arbitrium iudicis iubentis rem restitui, quam pronunciauit esse petitoris, fieri in executione aut ad executionem iudicati, cùm ea pronunciatio fiat citrà vllam condemnationem, Iudicati autem executio fieri ante condemnationem nulla possit [alioqui ad Prætozem reuocandum esset qui iudicium omnium à se datorum sententias exequi debet ex rescripto illo Diui Pij, de quo *in leg. à Dino Pio 15. De re iudic.* Non autem ad iudicem redire qui per condemnationem officio suo functus fuisset *dist. leg. iudex posteaquam 55. De re iudic.*] Neque rursus defendi potest in alio vilo actionis genere vquam euenire, ut post sententiam & condemnationem lis æstimetur. Quomodo enim posset lis æstimari in executione iudicati, cùm per rem iudicatam lis esse definat? *dist. leg. 1. eodem.* Imò verò lis æstimanda est per sententiam iùm quoque cùm fundus petiitur aut quid aliud extra pecuniam numeratam, siue per triticariam petatur, siue per conditionem certi *leg. vinum 22. D. de reb. credit. leg. ultim. D. de condit. iuric.* Quò fortasse pertinet quod dici solet stipulationem Iudicatum solui quæ in omnibus iudicijs olim interponebatur habere expeditam quantitatem.

In tantum enim committi in quantum iudex pronunciauerit *l. 9. D. iudic. sol. ni.* Quomodo enim verum hoc esset si non semper certa & expedita quantitas in pronunciationem deduceretur? Alioqui constat ea stipulatione sicut & aliis prætoriis ferè omnibus incertam quantitatem ab initio contineri *l. 2. §. incertam D. de prator. stipulat.* Nempe quia incertum est ante sententiam quid & quantum iudex in sententiam & condemnationem sit deduciturus. Illud tamen verum est, pronunciationem illam per quam iudex diffiniuit rem meam esse, aut mihi per vim extortam fuisse, diffinire hac parte quæstionem principalem, quæ inter litigatores de iure dominiij vertebatur, cum exinde disputari amplius non possit, an eius res sit, cuius esse pronunciatum est. Sed non tamen diffinit litem, quoniam adhuc superest lis, non solum propter arbitrium, quod sequi necesse est, verum etiam quoadusque secuta fuerit absolutio vel condemnatio: Reo scilicet parente iudicis arbitrio, vel non parente. Non enim qui rem quasi suam vindicat, aut repetit per in integrum restitutionem quasi dolo aut vi vel metu extortam, id tantum agit ut pronuncietur dominium ad eum pertinere aut metum vel dolum illatum esse, sed id potius ut rem quam petit consequatur, eoque nomine aduersarius condemnatur. Reliqua verò media sunt actionis potius quam finis aut actionis aut litis.

ERROR NONVS.

*De eo quòd quidam putant in actionibus arbitrariis tractari:
omnia minus.*



GRAVIOR autem eorundem recentiorum error ille est quòd putant, In actionibus arbitrariis eam arbitrij potestatem esse, ut omnia initiùs tractari oporteat, Circa impensas, inquit, deducendas, Circa fructus ac causam rei restituendam, Circa iusiurandum in litem quod ex arbitrio iudicis numquam deferretur, Et circa inducias temporis ad restituendum concedendi. Quæ omnia certè falsa sunt, Excepto eo quòd aiunt de iureiurando in litem, numquam per arbitrium deferendo. Cuius iuris illa ratio est, quod numquam deferretur iusiurandum in litem nisi per condemnationem & in pœna illi atque contumaciæ illius, qui ab arbitro rem restituere iussus parere contempsit *l. 1. & tot. tit. D. de in lit. iur. l. qui restituere 68. D. de rei vindicatione.* Cùmque sit illa grauissima condemnatio quæ victori potestatem facit rei æstimandæ pro suo arbitrio *l. 1. D. de in lit. iurand. l. vltim. D. de fideiuss.* Non soleat autem præcedere arbitrium nisi ut licentia reo detur parendi arbitrio, atque ita effugiendi grauio-rem condemnationem, *dist. l. item si cum 14. §. 2. & seqq. De eo quòd met. caus.* Quænam obsecro grauior posset infligi condemnatio ei qui ab arbitro iussus præstare quanti actor in litem iuraret parère adhuc nollit? At in cæteris omnibus, id est circa fructus & accessiones rei restituendæ sumptusque litis aut circa deductionem sumptuum in rem petitam factorum falsum est initiorem arbitrij quàm condemnationis causam esse debere. Quid enim aliud facere potest arbitrium iudicis quàm ut rectè, id est arbitrio viri boni res quæ petitur restituatur.

restituatur? *d. l. hac verba 73. De verborum signific. l. ipsi 19. D. de rei vindic.* Atqui nunquam vir bonus arbitrabitur, Rectè fundum restitui nisi restituatur cum fructibus, & omni causa. Nam & hoc per se nomen ipsum restitutionis sonat, quod idè plenissimam dicitur habere significationem *in l. videamus 38. §. in Favianam & seq. D. de usur. l. restituere 75. iunct. l. plus est 22. l. cum Prætor 81. l. v. s. in fin. De verbor. signific. l. in condemnatione 173. §. 1. De regul. iur.* Ergo in arbitrio iudicis De re restituenda fructuum quoque restitutionem necessariò contineri dicendum est. Idèque adèd verè dicitur, vt si per errorem iudex siue per sordes, siue per gratiam pronunciauerit rem meam esse aut mihi per vim vel metum extortam, eodem errore debeat etiam de fructibus pronunciare, Vt scilicet arbitretur etiam fructus mihi restitui debere, cum re ipsa. Alioquin nec rem ipsam restitui mihi debere arbitraretur, vt eleganter ex Mauriciano Paulus noster ratiocinatur *in d. l. & ex diuerso §. 1. vbi licet vtatur & sententiæ & condemnationis nomine*, vtroque tamen nihil nisi arbitrium significare eum voluisse ostendunt sequentia quæ subiicit ex Mauriciano, Non quasi arbitrium possit absolutè dici aut sententia aut condemnatio, cum in potestate maneat eius qui convenitur vt arbitrio non pareat si parere nolit: Iudicium autem & condemnatio reddatur in inuitum *l. inter stipulantes 83. §. 1. de verb. obligat.* Sed quia cum ex contrario euenit vt reus arbitrio parere malit metu grauioris condemnationis, qui casus est quem Paulus eo loco tractat, Arbitrium pro condemnatione est, cum nullæ ampliùs iudicis partes sint in condemnando, quinimò absoluendi necessitas ei imminet, postquam arbitrio eius obtemperatum fuit. Rursum quod ad litis sumptus pertinet in tempus vsque arbitrij factos, ab actore circa cognitionem facti ad probandam causam don inj, quis credat tale officium arbitri esse debere, vt nihil dicat de sumptibus? Quis enim vir bonus non arbitrabitur reum qui se vindicationis iudicio conveniri passus est, ac per longum fortasse tempus temerè litigauit, omnes sumptus reddere oportere? *l. eum quem temerè 79. D. de iudic. l. vltim. D. de præsuras. vulg. l. proferendum 13. §. siue autem alterutra Cod. de iudic.* Nam & iudex qui libet ad expensas condemnare debet eum qui litem siue per calumniam & tergiversationem, siue temerè frustratus est, non ex præscripto formulæ in qua nihil vnquam de expensis dicitur, sed ex officio suo tametsi actio in qua datus est, stricta esse proponatur *§. 1. Instit. de pæn. temer. litig.* Quod igitur in iudiciis omnibus etiam strictis facere bonus iudex potest & debet, cur non poterit facere per arbitrium is qui datus est in actione arbitraria? Aut quomodo aliter videri debet functus officio viri boni si nihil de sumptibus litis arbitratus sit? Fateor, quòd isti sunt parci sumptibus litis si arbitrio pareatur, Nempe quia statim eo casu sequitur absolutio, vt diximus, idèoque minores sumptus fieri necesse est quàm si ob rei contumaciam diutius litigaretur. Nam quo longior lis est eo pluribus se onerat sumptibus is qui tandem condemnatur *l. 1. D. de inoffic. testam. l. 1. C. de adm. tutor. l. qui solidum 78. §. etiam de legat. 2.* Sed tamen non magna esse potest hæc utilitas, quia nec magni sumptus esse possunt, qui fiunt post arbitrium etiam tùm cum arbitrio non paretur. Siquidem nihil aliud faciendum superest nisi vt qui arbitrio non paruit condemnetur in quo non multò maior impensa fieri solet, quàm si absolueretur post cæteras omnes impensas iam exsolutas: Facti enim cognitio quæ præcedit pronunciationem de iure dominij, illa est, quæ maiorem sicut litis ita & sumptuum materiam præbet,

Non ea pars litis quæ & pronuntiationem & iudicis arbitrium sequitur. Simile est quod iidem addunt, si arbitrio pareatur longitudinem iudiciorum & molestiam vitari, quæ tamen post arbitrium nulla est, aut certè minor quàm si arbitrio pareretur. Arbitrij enim executio sicut & iudicij & iudicati suas moras habet *l. etiam 15. in princip. D. ut legat. seu fideicommissi. seruand. caus. cau.* cum non sit semper expeditum aut rem ipsam restituere, quæ restitui debet, aut explorare quid & quantum veniat in restitutionem fructuum & causæ. Non ininùs quàm si quod deductum est in arbitrium, deductum esset in condemnationem. Quod verò subiiciunt pacem, tranquillitatem & concordiam per arbitrium magis foueri, quod bono Prætori hoc est iuris, ac æquitatis custodi propositum esse debet adhuc leuius est. Quid enim potest interesse illius, qui arbitraria actione conuenitur, an rem de qua controvertitur amittat per arbitrium, an per condemnationem? An non par & æquale damnum sentit, siue hoc, siue illo modo actor suum consequatur? Aut quis non videt litis iacturam à reo factam esse iam eo tempore quo pronuntiatum est rem esse petitoris, aut ei per vim vel metum extortam fuisse? Quicquid enim postea fit siue per arbitrium, siue per condemnationem, totum id fit in consequentiam necessariam illius pronuntiationis, quam idcirco diximus, licet condemnatio non sit, quia nec in personam concipitur nec liti finem imponit, condemnationis tamen cuiusdam vim habere. Nec sanè quæ ex litibus inter ciues nascuntur discordiæ causam vllam præcipuam habent, nisi damnum quod ex iis & timetur, & incurritur. Cui consequenter dicendum est vbi par damnum eadèque damni causa est, parem quoque discordiarum subesse metum, neque huius incommodi euitandi gratia esse aptiorem viam arbitrij quàm condemnationis. Ad arbitria quæ vocant arbitratoria id pertinet, quæ in id maxime comparata sunt, vt siue iam inchoatæ, siue futuræ lites citius expediantur arbitratorum autoritate magis quàm imperio, vt non solùm dispendia & incommoda cætera litium euitentur, sed etiam amicitiz aliquid indulgeatur. Cæterùm etiam in arbitriis compromissariis, quoniam ad instar iudiciorum redacta sunt, perindèque sententiam exigunt quæ finem controuersis omnibus imponat, non aliud iuris est quàm in iudiciis *l. Pomponius 13. §. recepisse D. de recept. qui arbitur. recepti. iunct. l. societatem 76. in fin. & seqq. D. pro socio.* Iam verò quod iidem subiiciunt de sumptibus ab eo qui ex arbitrio rem restituit in rem petitam factis, quasi eorum quoque nomine mitiùs tractetur per formam arbitrij quàm condemnationis, nihilo subtilius aut verius est. Nam & in rei vindicatione directæ, & aliis arbitriis similibus constat sumptus in prædium quod alienum esse apparuit à bonæ fidei possessore factos, neque ab eo qui prædium donauit aut vendidit, neque à domino peti posse, verùm exceptione doli opposita æquitatis ratione seruari, vt disertè & eleganter à Papiniano responsum est in *leg. sumptus 48. D. de rei vindication.* vbi quod additur *per officium iudicis*, aliàs docuimus irreptitiuum esse, nec tantummodò superuacuum, sed etiam falsum, cum nullus officio iudicis locus relinquatur in iis quæ cogitur ille facere vi oppositæ exceptionis doli, & ex necessitate formulæ. Quamquam quod ad rem nostram pertinet, nihil interest an ea verba deleas, an retineas. Quod enim æquitatis ratione seruatur sine doli exceptione opposita, siue per officium iudicis, Cur non etiam seruabitur arbitrio

arbitrio boni viri? Ac proinde cur non veniet etiam in arbitrium iudicis? Falsum igitur est, Circa impensas deducendas meliorem esse conuenti rei conditionem si per arbitrium quàm si per sententiam & condemnationem lis expeditur: Nimisq; euidenter iniquum esset arbitrium illud quo possessor bonæ fidei rem petitam nulla impensarum ab eo factarum habita ratione victori restituere iuberetur: cum non tam ratio iuris hoc ius suadeat, quàm æquitas, quæ ab arbitrio separari numquam potest.

ERROR DECIMVS.

De induciis ad parendum iudicato vel arbitrio dandis. Et quantum inserfit an iudicati executio facienda sit, an arbitrij.

DE M est circa inducias temporis ad restituendum concedendi, Scilicet non esse breuiores illas quæ in executione iudicati dantur, quàm quæ in executione arbitrij, quinimò plerunque longiores. Et si enim qui pro tribunali cognoscit, cogendus non est vt semper iudicati tempus seruet, sed nonnunquam arctat, nonnunquam prorogat pro causæ qualitate & quantitate, vel personarum obsequio, aut contumacia. Perrarò tamen euenit vt ante tempus constitutum iubeat exequi iudicatum, putà si alimenta constituentur, vel minori annis viginti quinque subueniatur l. 2. D. de re iudic. Nam & modicum tempus illud esse dicitur quod condemnatis ex humanitate indulgetur l. si debitori 21. D. de iudic. l. cum miliu 16. in fin. D. de compens. At tempus quod ex arbitrio ad restituendum datur plerunque breuius est, quippe cum eo quoque casu quo res præsens est, restituitur ex arbitrio fieri debeat l. hac si res præsens sit 48. cum l. præced. De rei vindic. quo tamen casu nemo dixerit siue iudicis, siue arbitri & viri boni tale officium esse debere, vt tanti temporis dilationem det, ad restituendam rem, quæ etiam adiudicata sit, & confestim quia præsens est, restitui possit. Quomodo dicimus etiam hodie bona dotalia si immobilia sint statim restituenda esse, scilicet quia eorum restitutio nullos sumptus habet, nullamque difficultatem, cum semper sint præsentia, hæctenus saltem, vt verbo si non re ipsa possint restitui, Quamuis mobilia non nisi post annum restituantur l. vnic. Cod. de rei vxor. act. in quo numero etiam pecuniaria dos continetur. Nec sanè alia ratio fuit indulgendi temporis in executione iudicati, quàm quia si condemnatus nolit satisfacere, necesse sit condemnationem quæ semper pecuniaria esse debet mandari executioni captis distractisque pignoribus. Sic enim habent edicti verba *condemnatum ni pecuniam soluat* l. 4. §. ait Prator De re iudic. Nempe quia pecuniæ numeratio non semper est in expedito l. si dubites 10. in princip. D. de fideiuss. Atqui non similiter de arbitrio dici potest, Si iudex arbitratus fuerit restitui mihi debere rem quam pronunciauerit meam esse aut mihi per vim aut dolum extortam fuisse, Debere æstimari rem & in pecunia arbitrio satisfieri. Nam illud ipsum omnimodo præstandum est, quod arbitratus est iudex. Alioqui condemnatio pecuniaria necessariò sequetur, ob hoc ipsum grauior, quòd per contumaciam actoris fiat, vt rem ipsam quæ petita

& restituenda fuit, consequi actor non possit. In quo maxima & insignis quādam elucet differentia inter executionem iudicati & executionem arbitrij. Iudicati enim executio semper fit in pecuniā: Arbitrij verò vel eo ipso modo quo arbitratus est iudex, id est in re ipsa petita, vel prorsus nulla. Vnde fit vt non possim non mirari valde quod scriptum est in *d. l. item si cum 14. §. quatenus vers. quid si homo D. quod met. caus.* homine qui per vim extortus fuerat defuncto sine vlla rei culpa, dummodo intra tempora iudicati, sic, vt ex arbitrio restitui non possit, liberari tamen reum quodd ad simplicum, nec condemnandum esse nisi vt tripli pœnam præstet. Quænam enim possunt esse illa iudicari tempora, vt incipiant currere, priusquam vlla sit secuta condemnatio? Deinde quantumvis homo petitis moriatur citra culpam possessoris, an non moritur semper post culpam illius qui vim fecit? Cur nõ ego perinde tenebitur etiam post mortem atque alius quilibet debitor hominis post moram precepti? *l. si ex legatu 23. l. si servum 91. §. sequitur & §. vlt. De verb. oblig.* Aut quis nescit in omnibus malæ fidei possessoribus generale illud esse, vt rei petitiæ interim quantumvis naturali numquam liberentur *l. illud 40. D. de hered. pet.* Denique cum in actione illa Quod metus causa condemnatio fiat in quadruplū, in eoque quadruplo simplicum contineatur, Quænam adferri ratio potest ob quam debeat condemnari ad triplum pœnz nomine is qui iam à simplo liberatus est? Nam nec alia pœnz irrogandæ ratio est, quàm quodd res petita non ex iudicis arbitrio restituitur, In quo tamen nulla esset contumacia tantæ pœnz odio digna si reus à simplici præstatione liberatus esset? Verum ista non mirabitur quisquis nobiscum animaduertit quod nos in nostris ad illum locum Rationibus obseruauimus, totum cum §. non tam Vlpiani esse, quàm Tribonianī respicientis ad ius illud quod contra veterem iurisprudentiam inductum ille voluit, immutata arbitrariorum actionum omnium natura, vt quisquis arbitrio iudicis iussus est rem restituere, cogatur omnimodo arbitrio parere, ita vt ad manum militarem decurrendum potius sit si restituendæ rei facultatem reus habeat, quàm permittendum vt possit ille arbitrium eludere prætextu gravioris subeundæ condemnationis *d. l. qui restituere 68. De rei vindic.* Ergo vt redeamus ad rationem iuris veteris de qua disputamus, Nihilne proderit reo quodd paratus sit arbitrio iudicis satisfacere? Nihil penitus quodd ad ea de quibus diximus, id est quantum ad fructus & causam rei restituendæ, ad sumptus litis, & inducias temporis ad restituendum indulgenti. Sed tantum quodd ad hoc vt parendo arbitrio euitet condemnationem grauiorem imminentem, siue sit illa infamiz vt in actione De dolo malo, siue in duplum vt in actione redhibitoria *l. redhibitoria 54. de adul. edit.* Siue in quadruplum, vt in actione Quod metus causa *d. l. item si cum 14. §. hac autem alio D. quod met. caus.* Siue iurifurandi in litem vt in rei vindicatione aliisque similibus *d. l. qui restituere iunct. l. rei 46. cum seq. De rei vindic.* Nihil enim horum tale accidit, cum arbitrio paretur, quia nec vlla sequi potest condemnatio quæ sola & infamiam & supradictas alias pœnas irrogare potest. Sola namque sententia illa est quæ infamem facit non arbitrium *l. l. furti 6. §. si quis alieno & pass. De his qui not. & fam. infamem 7. D. de publi. iudic.* Ex quo tantò magis intelligimus quàm verum sit, quod dicimus neque pronunciationem illam quæ arbitrium præcedit, neque arbitrium ipsum sententiæ diffinitivæ & condemnationis vim habere. Alioqui notaretur infamia reus quem pronunciatum esset dolo malo rem extorsisse. Nec ei esset integrum infamiam euitare, tamen si post illam pronunciationem paratus esset rem ex arbitrio

bitrio reddere, Quod tamen euidenter falsum est, cum is qui iussu iudicis rem restituit non solum dolo nihil faciat §. *qui iussu l. non videntur* 167. *de regul. iur.* sed etiam dolum præteritum purget, tanquam qui ad id sit admissus per arbitrium: Quomodo dicimus infamia non notari eum qui à prætore iussus id fecit, quod si Prætor non iubente factum esset infamiam irrogaret *d. l. furti* 6. §. *qui iussu De his qui not. infam.*



ANTONII FABRI
I. C. SEBVSIANI IN SVPREMO
SABAVDIÆ SENATV PRÆSIDIS
PRIMARI,

DE ERROR. PRAGMAT. ET
INTERPR. IVR.

DECAS XC.
ERROR I.

De arbitrio iudicis in actione De eo quod certo loco.



I vera sunt, ut proculdubio sunt ea quæ de actionibus arbitrariis hucusque scripsimus, non abs re quis miretur, quod tamen æquè certissimum est, Actionem de eo quod certo loco non solum in arbitrariorum numero recenferi, sed etiam, quod magis mirum videri debeat, præcipuo quodâ iure, ac per emphasim arbitrariam dici, Adeo ut cum arbitrarie actionis mentio sit à prudentibus nostris, non alia quàm hæc actio ab iis intelligatur *l. 1. & 2. & pass. D. de eo quod cert. loc.* Constat siquidē in

huiusmodi actione nullum præcedere arbitrium De re restituenda, ideoque nec ullam sequi grauiorem condemnationem, quæ alicuius arbitrij respectu grauior dici possit. Sed ex præscripto formulæ iudex datus id tantum curandum habet, ut quoties alio loco res petitur, quàm quo dari ex stipulatione debuit, condemnet reum habita ratione loci in gratiam & utilitatem eius, per quem factum non est quominus suo loco daretur siue reus ille sit, siue actor. Id enim est quod dicere solemus, eam actionem non solius actoris utilitatem continere, sed etiam rei conueniri, nec alterius litigantium, sed alterutrius, aut si maius, dummodò eundem sensum retineas, vtriusque *d. l. 1. & 2. l. unic. Cod. eod. ubi conuen. qui cert. loc. dar. premiss.* Ratio namque actionis illius inducendæ, non alia fuit, quàm quod alioqui faciliè accideret ut nunquam conueniri & nusquam posset ille qui certo loco dare promississet, si forte nolle ille

ad destinatum locum vnquam venire, siue data opera id faceret, siue aliis districtus & impeditus negotiis *dist. l. 1.* Proinde quamvis per debitorem factum non sit, quominus sua die suoque loco solueret, puta si in eum locum venerit, statim atque veniri potuit, Creditor autem abfuerit, ita vt neque ipsi, neque alij vlli ipsius nomine solutio fieri potuerit, Non ided tamen prohibendus est creditor, ne vbique possit agere, id est in quocumque tandem loco inueniat debitorem. Licet non similiter è contrario possit ille cogi vt alio loco accipiat solutionem *l. 2. §. idem Iulianus, l. penultim. eodem tit.* Nempe quia debitori nulla fit iniuria etiamsi alio loco quàm in quem collata & destinata solutio est, soluere prohibeatur, cum debeat sibi imputare, cur ad faciendam eo loco solutionem se obligauerit, Aded vt etiamsi alibi contraxerit, tamen in eo ipso loco contraxisse videatur in quo vt solueret se obligauit *l. contraxisse 21. D. de obligat. & action. l. omnem 20. D. de iudic.* At fieret iniuria creditori si alio loco quàm in quem contulit solutionem, agere prohiberetur, quia sic facile contingeret vt debiti sui iacturam facere cogeretur, esseque in potestate debitoris numquam soluere, numquam accedendo ad locum destinatum. Cum tamen neque possis ei imputare, cur certum solutioni locum dixerit, quandoquidem poterat ipsius interesse vno loco solui potius quàm alio, Neque cur eo loco non soluat debitor si per contumaciam ipsius tantum fiat ne soluat. Quod si creditor in mora fuisse proponatur quominus suo loco solutionem fortassis oblatam acciperet, quamvis sit quod ei imputetur, moraque ipsi sua nocere debeat. Non vsque aded tamen in pœnam & odium moræ plectendus est, vt debito carere sit cogendus, quod eueniret si propter moram alio loco agendi facultatem non haberet. Dum enim velles reo ius suum conseruare, auferres auctori suam actionem vt ratiocinatur Vlpianus *in l. 2. §. Secuola in fin. De eo quod cert. loc.* Fateor si meram iuris rationem spectes nihil hac parte inter debitorem & creditorem interesse, nec magis creditori permittendum esse vt alio loco experiatur inuito promissore, quàm vt promissor alio loco soluat inuito stipulatore. Ob idque nimirum actio illa arbitraria, per quam petitur vno loco quod alij dari debuit, non directa est, quia ex verbis non datur imò contra verba stipulationis sed utilis *dist. l. 1. de eo quod cert. loc.* At si æquitatem spectes, ex qua omnes utiles actiones æstimantur, melior proculdubio esse debet causa creditoris, quàm debitoris ob eam diuersitatis rationem quam attulimus. Sicque accipiendum est quod *in l. continuus 137. §. cum ita De verborum obligat.* Venuleius scribit, Debitorem qui certo loco dare promisit posse vbique soluere, Scilicet si offerat solutionem alibi priusquàm perueniri possit in locum solutioni destinatum, vt *in l. qui Roma 122. in princip. De verborum obligat.* quemadmodum interpretati sumus *lib. 1. Coniectur. cap. 1.* quia non prius certo loco debetur quàm præterierit totum tempus intra quod perueniri ad eum locum potuit *dist. §. cum ita & l. 2. §. quod si Ephesi de eo quod cert. loc.* quod autem nullo certo loco debetur, cum vbique debeatur, etiam vbique solui potest, Aut potius, quia cum inuito debitore possit creditor vbique agere per vtilem arbitriam, necessario etiam consequens est, vt vbique possit debitor soluere, Non quidem inuito creditore, quod iam negauimus, sed ex ipsius voluntate, quæ alia esse non potest quàm vt ibi solvatur vbi agitur *dist. l. 2. §. idem Iulianus versic. Marcellus De eo quod cert. loc.* Apparet igitur inductam esse hanc actionem arbitrariam De eo quod certo loco, non in pœnam & odium debitoris.

bitoris vt ex arbitrio iudicis aliquid facere iuberetur, aut vt si arbitrio non pareretur, grauior ei condemnatio irrogaretur, sed ex natura & necessitate negotij, Et fauore quidem creditoris, ne cogeretur expectare vt ad locum delinatum veniret debitor, quod fortasse numquam facturus esset: Sed tamen in pœnam damnûmque ipsius etiam creditoris, si per eum fortè factum probaretur, quominus suo loco facta solutio esset. Quamquam enim illo quoque casu condemnatur debitor, vt Romæ soluat, quod Ephesi dare debuerat, hoc tamen casu condemnatur in minorem quantitatem detracta scilicet vtilitate loci, cum ipsius interesset Ephesi soluere ex lege stipulationis, potiùs quàm Romæ per arbitriam. Et consequenter fatendum est longè diuersam rationem esse huius actionis, & aliarum quæ idem nomen habent arbitriarum actionum. Illæ enim idèd arbitriaræ sunt & dicuntur, quòd pendeant ex arbitrio iudicis, cui si pareatur absolutio sequi debeat. Si verò non pareatur, condemnatio, eaque grauior, nec tamen arbitrio iudicis irroganda, sed qualis quantaque ex bono & æquo constituta est, vel edicto Prætoris, vel autoritate prudentum. Hæc autem non quòd ex arbitrio villo pendeat, cum sit mera personalis & in personam non in rem scripta, in qua proinde nihil est quod de restitutione tractari possit, sed quia condemnatio ex ea fit arbitrio iudicis, & quidem omni casu, id est, quod magis mirère, tum quoque cum debitor ante moram suam conuentus alio loco soluere paratus est detracta tamen, vt æquum est vtilitate loci cuius deductioni nolit creditor consentire. Quid enim aliud hîc faciat iudex, nisi vt debitorem quantumuis extra culpam & in bona fide constitutum creditori condemnet? Vel ob hoc ipsum, vt in eo condemnando creditoris moram puniat, detrahendo ex summa debita quanti debitoris interest alio loco soluere quàm in quo conuenitur, quod alioqui non detractum semper in obligatione remaneret. Ergo condemnandus est omnimodo reus, quia non negat se debere, sed tantum allegat alio se loco soluere debere, quod non sufficit ad merendam absolutiorem. Ne si tunc absolueretur, non magis alio vnquam loco possit condemnari dummodo absteineat se ab eo loco in quem collata solutio est. Alioqui tollis actori actionem dum reo vis reseruare optionem *dist. §. Scenola in fin.* Sed tamen in ipsa condemnatione interdum id agere iudex debet, vt grauiorem eam faciat, id est in maiorem quantitatem eum condemnet, quàm quæ sit in obligatione, Nempe si per eum steterit ne suo loco soluat, Interdum verò vt faciat leuiorem, puta si inter sit rei qui nondum fuerit ipse in mora. Idque est quod ait Vlpianus *in dist. l. 2. in princip.* arbitriam actionem vtriusque vtilitatem continere tam actoris quàm rei. Quòd si rei interest, minoris fieri pecuniæ condemnationem, quàm intentatum est, Aut si actoris, fieri maioris.

ERROR SECVNDVS.

*De eo quod Africanus scribit in l. centum §. De eo quod
cert. loc. rationem estimationis arbitrio
iudicis committi.*

ITEMQUE quod Africanus in l. centum Caput 8. codit. in hac arbitraria actione tanti litem estimari quantum vel promissoris vel actoris interfuerit, posseque ex promissoris mora ipsius obligationem adgeri, non etiam fideiussoris. Denique circa executionem obligationis pecuniarum creditur rationem estimationis arbitrio iudicis committi. Sensus est, In ceteris actionibus, non dico arbitrariis, sed ex stipulatione competentibus, quae omnes sui natura strictae sunt, nulla penitus praeter hanc arbitraria, sic obseruari ex iuris ratione ut iudex promissorem condemnare debeat praecise ad eam ipsam quantitatem quae deducta est in stipulationem, ita ut neque addere quicquam possit, neque detrahere vulg. l. quicquid adstringenda 98. De verbor. obligat. Ideo namque dicitur stipulatio contractus strictus & actio quae ex stipulatione nascitur, stricti iuris, quia nullam equitatis, nullam arbitrii rationem admittit. l. quia tantundem 7. De neg. gest. At in actione arbitraria De eo quod certo loco quae potissimum ob stipulationes inducta est. d. l. 1. §. 2. §. 1. de eo quod cer. loc. licet ex testamento quoque locum habeat. l. si heres 5. cod. nulla certa quantitas continetur, quae in condemnationem praecise ac omnimodo deducenda sit. Sed tota iudicis arbitrio relinquitur, ad cuius officium pertinet ut aestimet quanti interfuit actoris ut ea quantitate adiecta obligationi augeat condemnationem si per reum factum sit ne destinato loco soluerit, Aut quanti interfuit rei si alio loco ante moram conveniatur ut eo detracto condempnet quidem reum, sed in minorem quantitatem quam quae ex stipulatione debeat. Proinde si stipulatio fuit centum aureorum, condemnabit reum iudex datus in actione arbitraria nunc ad maiorem, nunc ad minorem quantitatem, Numquam ad centum praecise, quia fieri numquam potest ut non alterutrum interfuit solui suo loco potius quam alio, neque rursum ut ratio haberi non debeat eius utilitatis. Nec rursus fieri potest, ut in hoc iudicio iudex condempnet reum ad quantitatem debitam, ac praeterea in id omne quod intererit actoris si mora per reum facta sit. Nulla enim ratio est rei condemnandi ad soluendum alio loco, quam in quo debet nisi confugas ad rationem aequitatis: quae porro non patitur ut liberari reus debeat condemnatione & praestatione quantitatis debitae, sed exigit potius ut augeatur obligatio per adiectionem eius, quod interest stipulatoris: Quemadmodum ex contrario, si nulla rei mora & culpa fuerit, nulla ratio est condemnandi eius ad totam quantitatem ex stipulatione debitam. Nec si pariter, eademque sententia velit iudex actorem in id omne condemnare quod interfuit rei alio loco conveniri quam in quo solui oportuit. Cur enim condempnetur ad soluendum in eo loco in quo nihil debet solvere, quin utilitatis eius ratio habeatur? Aut quomodo eius utilitatis ratio haberi potest, quin debitor in minorem quam quae debita est quantitatem condempnetur? An non ipsius interest non solvere potius quam solum repetere vulg. l. 3. De compens. leg. si stipulatus 15. D. de fideiuss. Itaque nec ita iudex pronunciare potest ut condempnet reum ad quantitatem debitam, detracto tamen quanti eius interesse postea apparebit. Debet enim ipse per suam sententiam litem aestimare, ac proinde an & quatenus rei interfuit cognoscere & post factam taxationem, illam ipsam quantitatem quae taxata est in condemnationem deducere, ut in l. si traditio, 4. Cod. de action. empt. Non condemnando actorem ad eam quantitatem qua sit aestimatum id quod interest debitoris, sed tantò minus condemnando debitorem, puta ad sexaginta si debebat centum, ipsiusque inter-

fuerit

fuerit in quadraginta. Quòd si nihil interfit iam actoris nisi ratione loci, puta
 quòd adiectio solutionis causa alibi solutum sit ut in eleganti specie, de qua
id. dict. §. Idem Iulianus solum id quod interest petendum erit, & deducendum
 in condemnationem ut eo loco Ulpianus concludit. Quare non ut in cæteris
 arbitrariis iudex quicquam arbitratur ante latam sententiam, sed arbitratur
 tunc cum profert sententiam, nec tam quid actor aut reus faciendum habeat,
 quàm quid ipse pronuncianum, ac postea exequendum. In summa nihil de-
 ducit in condemnationem nisi quòd arbitratur ex æquitate præstari debere dis-
 cussa diligenter facti quæstione, quæ in eo prium versatur. An & per quem
 ex contrahentibus mora facta sit. Deinde an & quatenus interfit eius cui alio-
 quin per actionem arbitriariam iniuria nonnulla fieri videretur. Consistunt e-
 nim omnia hæc in facto magis quàm in iure. *l. mora 32. D. de usur. l. ult. De præ-
 tor. stipulat. l. quatenus 24. De regul. iur.* Et idcirco peruenit ad quæstiones quæ
 sunt De bono & æquo in quibus maior æquitatis quàm iuris ratio haberi de-
 bet ne sub autoritate iuris scientiæ quod sæpe fit perniciosè erretur *l. si ferunum
 st. §. sequitur De verbor. oblig.* Quò respiciens Ulpianus in *l. quòd si Epheci 4. De
 eo quod cert. loc. ait* eleganter, & generaliter, Æquitatem ante oculos habere
 semper debere iudicem qui huic actioni addictus est. Ex quo inferit quòd iis quæ
 hucusque diximus necessariò subiiciendum est. Interdum iudicem qui ex hu-
 iusmodi actione cognoscit, cum sit illa arbitraria absolvere rem debere, Sed
 cautione, inquit, ab eo exacta de pecunia ibi soluenda ubi promissa est. Quid
 enim si ibi vel oblata actori pecunia dicatur, vel deposita, vel ex facili sol-
 uenda? Nónne, inquit, debebit interdum absolvere? Ita sanè est, quoniam
 hoc suadet æquitas: Sed tamen hoc quoque casu non erit tale arbitrium iudi-
 cis quale in cæteris arbitrariis. Nam in cæteris arbitrariis ita quidem obtinet,
 ut si arbitrio parebitur, absolutio sequatur. Sed arbitrium tale esse solet, ac
 debet ut actori plenissimè satisfiat, si fieri possit [quis enim vir bonus non sic
 arbitraretur?] ideoque si reus non satisfaciatur grauius per sententiam condem-
 natur. At in arbitraria De eo quod certo loco, reus à quo nihil nisi solutio
 petitur, prius absoluitur quàm soluerit, quia nec æquitas patitur, ut iudex ar-
 bitrari debeat solutionem ab eo faciendam esse in eo loco in quo convenitur,
 cum eam suo loco obtulerit adeoque deposuerit obsignatam, Aut si facilius in
 loco destinato pecuniam explicare possit aut conquirere. Tantumque abest
 ut his casibus reum condemnari æquum sit, ut si eo loco sententiam & con-
 demnationem accipere paratus esset, utique in minorem quantitatem con-
 demnari deberet, quàm quæ ab eo esset debita, Deducto scilicet, ut diximus,
 quanti eius interesset ob id quòd alio loco quàm destinato conveniretur. Igi-
 tur si paratus sit cauere de pecunia ibi soluenda sine diminutione ubi promiss-
 sa est [nam ut inuitus iubeatur cauere si malit soluere detracta utilitate loci
 certè dici non potest] utique audiri debet, Non quasi ea cautio pro solu-
 tione, vel satisfactione sit, sed quia æquitas non pariat, ut ad aliud con-
 demnetur. Imò nec ad præstandam cautionem, quia quod cauere iubetur
 per arbitrium sit & ad ipsius postulationem non per condemnationem. Alio-
 qui quomodo absolui postea posset qui iam condemnatus fuisset? Quid ergo
 si cauere iussus noluerit parere? Condemnandus erit non absolvendus, sed non
 ob hoc ipsum condemnandus, quòd parere noluerit, ac potius quia debet vilius
 arbitraria conveniri ubique potuit ut solueret, Ideoque non in maiore quàm ab

eo debitam quantitatem condemnatur ut in aliis arbitrariis eveniret, sed in minorem deducto scilicet eo quod ipsius debitoris condemnati per quem mora nulla facta fuisset, interesset. Nihil igitur simile aut commune habet actio hæc cum cæteris arbitrariis, siue pareatur arbitrio iis casibus quibus arbitrio locus esse potest siue non pareatur, & siue sequatur absolutio siue condemnatio. Dixi *iis casibus quibus arbitrio locus esse potest*, quia extra casus illos de quibus in *dist. l. 4.* vix est ut arbitrio quod absolutionem vel condemnationem præcedere debeat, locus esse possit, Quod satis significat Ulpianus, cum ait interdum posse iudicem in hac actione absolvere debitorem. Et rursum his quoque casibus quos enumerat posse absolvere non semper, sed interdum, Nempe si paratus sit debitor cauere de pecunia ibi soluenda ubi promissa est: Cautionem enim his casibus exigit iudex nec fortasse per modum arbitrij præcedentis [nihil enim tale fateri nos cogunt verba illa Ulpiani *cautione ab eo exacta*] sed per officium suum ita iubendo aut ad postulationem & oblationem ipsius debitoris cui sit commodius ibi cauere ubi convenitur, quam solvere, aut ex sola æquitate iudicij, ut evenit in iudicialibus omnibus stipulationibus quæ sic dictæ sunt, quod iudicis officio non arbitrio interponantur *leg. stipulationum 5. De verbor. obligat.* & apud Iustinianum *tit. De diuis. stipul.* & quibus locus est etiam in arbitrariis iudiciis post arbitrium quoque & tunc cum ob id quod arbitrio paritum non sit, cogitur iudex venire ad condemnationem ut in *l. hæc si res 47. l. is à quo 57. & pass. D. de rei vindicat. l. item si cum 14. quid si homo D. quod met. caus.* Ac sanè in toto illo *tit. De eo quod cert. loc.* arbitrij illius præcedentis ex quo cæteræ arbitrarie æstimantur nusquam mentionem fieri video, sed tantum officij iudicis, & arbitrij quod in ipsa condemnatione non ante condemnationem intervenire necesse sit *l. 2. §. nunc de officio l. 3. dist. l. centum Caput 8. ill. tit.* Vtunque sit, etiam si admittas cautionem istam interponi arbitrio illo iudicis, quod debeat præcedere absolutionem, numquam verò condemnationem, non erit arbitrium De soluendo aut aliter satisfaciendo, quale est & esse debet in aliis arbitrariis, sed tantum de cauendo, Cui arbitrio si non pareatur, sequitur quidem condemnatio, sed non gravior quam si arbitrium nullum præcessisset nec proinde ob id quod arbitrio non sit obtemperatum, sed quoniam actionis ipsius natura ita postulet, ut iam diximus. Ex quo apparet tantò clariùs non interponi hanc cautionem per modum arbitrij præcedentis, sed mero iudicis officio æquitatem ante oculos habentis. Nec proinde posse hanc actionem dici arbitriariam eo sensu, quo aliæ arbitrarie dicuntur, quod ex arbitrio pendeat, Sed quod arbitrio iudicis fiat in ea condemnatio, quod in aliis non ita est. Neque verò æstimantur arbitrarie actiones ut nec cæteræ actionum species ex absolutione sed ex condemnatione, quoniam & in omnibus actionum formulis condemnationis tantum mentio fit, non etiam absolutionis. Ideoque Iustinian. in *§. præterea De action. arbitarias actiones ait esse non illas* in quibus si arbitrio iudicis satisfiat sequi debeat absolutio, sed in quibus nisi is cum quo agitur arbitrio iudicis satisfiat, sequi debeat condemnatio.

ERROR TERTIVS.

De formula quam adstruunt actionis arbitraria De eo quod certo loco.



PERGEBAMVS ad ceteras actiones arbitrarias tam ciuiles, quàm Prætorias. Sed vt in hac De eo quod certo loco, quæ specialiori nomine arbitraria dicitur & elegantiorẽ tractatum habet, diutius immorandum nobis fit, faciunt errores nostrorum interpretum & veterum & recentiorum à nobis explodendi vt ex iuris ratione omnia quæ ad actionem istam pertinent bene intelligantur. Primus ille est qui circa huius actionis formulam consistit. Sic enim eam illi adstruunt *Sipares Titium Menio centum aureos Capua dare oportere neque ea pecunia arbitrio tuo solvatur aut eo nomine satisfiat, condemnas eum.* Hoc verò quàm falsum sit intelligitur satis ex iis quæ superiore capite sunt à nobis disputata: Vbi ostendimus in hac specie actionis arbitrariæ nullum præcedere arbitrium iudicis de pecunia vel merce soluenda vt postea sequi possit absolutio si pareatur arbitrio, vel condemnatio, si non pareatur, quemadmodum euenit in aliis actionibus arbitrariis: Sed rectà deveniri ad condemnationem non minùs quàm si actione stricta ageretur, & pura intentione, vt loquitur Iustinian. in §. *plus autem De action.* Nisi quòd in actione stricta & directà ex stipulatione, condemnandus esset omnimodo & præcisè debitor ad eam quantitatem quæ in stipulationem deducta esset nulla adiectione vel detractiõne facta ob vtilitatem siue actoris siue rei si foris alterutrius ipsorum interesset alibi potius quàm Capuæ agi, quia neuter eorum recusare posset quominùs ea lex contractus exercereur quæ ab initio virique placuisset, *dist. §. plus autem l. quòd si Ephefi 4. in princip. D. de eo quod cert. loc.* At cum agitur arbitraria De eo quod certo loco, & consequenter alibi quàm in eo ipso loco in quem collata fuerat solutio, perinde quidem condemnatur debitor, sed arbitrio iudicis, id est in eam quantitatem non quæ in stipulatum deducta fuit, quia neque secundum formam stipulationis agitur, sed quam iudex arbitrabitur ex æquitate in condemnationem deduci oportere, æstimata scilicet vtilitate siue actoris siue rei, Illius videlicet per quem factum non erit quominùs suo & destinato loco solvatur. Id enim est quod Caius docet in *leg. 3. eod. tit.* Idèò in arbitrium iudicis referri conferrique hanc actionem, quòd varia sint & longè diuersa precia rerum per singulas ciuitates & regiones, maximè vini, olei, frumenti, cæterarumque huiusmodi rerum quæ mercis appellatione continentur. Pecuniarum quoque licèt videatur vna & eadem potestas vbiq; esse, tamen aliis locis inquit faciliùs & leuioribus vsuris inueniuntur; aliis difficiliùs & grauioribus vsuris. Quibus verbis apertè profitetur Caius quod nos volumus, arbitrariam dici quidem hanc actionem propter arbitrium, At non quia pendeat ex arbitrio vt cæteræ, sed quia condemnatio quæ ex ea fit tota in arbitrium iudicis conferatur. Ita vt si me interrogares quid in huius actionis condemnationem venire debeat, non aliud respondere possem quàm, quod ex æquitate iudex arbitrabitur. Non igitur ita debuit concipi formula quomodo sibi fingunt interpretes additis illis verbis *neque ea pecunia arbitrio tuo solvatur*, quorum quippe vsus nullus est nisi cum grauior

condemnatio postmodum irroganda est si arbitrio non pareatur: Quod hic non euenit, siquidem eadem semper & omni casu debiorem manet condemnatio post arbitrium illud commentitium, quæ cum maneret, etiam nullo arbitrio præcedente. Imò verò si istis credimus non posset non iniquum esse arbitrium, quod grauius esset ac durius ipsa condemnatione. Effet autem grauius & durius si poneret actore petente Lugduni centum aureos qui Capuæ dari debuerant, tale iudicis arbitrium esse oportere, vt centum illi aut ei soluantur Lugduni nulla ratione habita alterius loci in quo fieri solutio debuit nec detracta vtilitate promissoris cuius interesset Capuæ solui potius quàm Lugduni & per quem nihil factum est quominus Capuæ solueretur. Aut si dicas quod nec isti negaturi videntur, non minùs in arbitrio quàm in condemnatione iudicem ante oculos habere æquitatem debere, perindè que ob vtilitatem loci qui in stipulatione adiectus fuerat, aliquid summx debite addere, vel de illa detrachere. Atque vt eorum verbis utar [coguntur enim hoc fateri] nihil in condemnatione ponere nisi quod fuerit in arbitrio. Quæro quid proderit arbitrium præcessisse, Aut quid nocēbit arbitrio non paruisse, & condemnationem expectare maluisse? An non planè stultum fuerit indignumque iudice ac Præiore per plura facere quod non solùm æquè commodè, sed etiam multò commodiùs fieri potuerit per pauciora? Quidni enim potius admittamus, id quod res est, arbitrio quidem iudicis locum esse in hac actione, sed in ipsa ferenda sententia & condemnatione, & in lite æstimanda, vt loquitur Africanus in *l. centum Capuæ 8. De eo quod cert. loc.* non ante sententiam & condemnationem. Nec enim lis æstimatur ante sententiam, nec per arbitrium illud quod in actionibus arbitrariis debet præcedere, sed tum demùm cum condemnatio fit. Quod verò iidem addunt in formula *aut eo nomine satisfiat* æquè ineptum est. Qui enim certo loco pecuniam aut mercem dare promissit, non magis satisfacere alio loco quàm solvere iubendus est. Imò verò debet actor ei satisfacere propter iniuriam quam aliqui inferret ei auferendo vilitatem loci. Et ob eam nimirum causam arbitrium iudicis ex æquitate necessarium est vt iniquitas illa corrigatur detrahendo ex summa debita quanti promissoris interesset solui potius in loco destinato. Sed illud multò ineptius, quòd actionis formulam concludunt præcisè illis, & absoluis verbis *condemna eum*, ac si de directâ strictâque actione ex stipulatu tractarent. Id enim si ita esset, sequeretur eas iudicis partes fore, vt debitorem omnimodo condemnare deberet in eam ipsam quantitatem quæ promissa fuisset. Ad quid enim aliud referre possis ea verba, nisi ad priora illa *si paret Titium Menio centum aureos Capuæ dare oportere*. Secundum quam relationem quid aliud obsecro facere iudex posset nisi vt Titium ad centum aureos condemnaret? Nam & in bonæ fidei iudiciis idem eueniret, nisi condemnandi iussum præcederent illa *ex bonâ fide* quæ liberum quodammodo condemnationis arbitrium iudici permittunt *l. 1. in princip. D. de vsur. l. quia tantundem 7. D. de negot. gest.* Et è contrario non aliam ob causam strictæ dicuntur actiones, quàm quòd præcisè illo verbo *condemna eum* cogatur iudex reum præcisè condemnare, nulla prorsus siue bonæ fidei siue æquitatis habita ratione. Sic ergo fiet vt iudex qui actioni huic arbitrariæ addictus est, cogendus sit quantitati contractus inservire, neque vel excedere vel minuire quantitatem possit: nec si interfuerit rei Capuæ solvere potius quàm eo loci in quo conueniebatur. Quod tamen euidentissimè falsum est

ſum eſt ſi Labeoni, Iuliano & Vlpiano credimus *in leg. 2. §. vltim. De eo quod cert. loc.*

ERROR QVARTVS.

Quomodo concipienda ſit formula actionis arbitraria De eo quod certo loco. Et cur per emphasiſm dicatur arbitraria.



AT E A M V R ergo non ita potuiſſe concipi formulam huius actionis quomodo iſti concipiunt, ſed ſic potiùs *ſi paret Titum Manio centum aureos Capua dare oportere & alibi ſolutio petetur, in quanti æquum arbitratus fueris condemnare eum.* Ita enim cõcepta formula iudex non iam certæ quantitati quàm actioni arbitrarię addiſtus liberum arbitrium habet condemnãdi rei vel in maiorem, vel in minorem quantitatem prout ex facti circumſtantiis æquum eſſe cõpererit, aded vt omnis utilitatis quam loci adiectio afferre potuit rationem habere debeat, nec tantùm damni emergentis, ſed etiã lucri ceſſantis, vt ex Labcone & Iuliano diſputat Vlpianus *in d. §. vlt. Adieci & alibi ſolutio petetur*, quia vnum illud eſt quod ſicut inducit neceſſitatẽ actionis arbitrarię, ita facit actionem arbitrariam, Cũ ſi petatur ſolutio in eo ipſo loco in quem fuerat deſtinata arbitrarię actioni locus eſſe non poſſit, ſufficiente directã ſtriſtãque actione ex ſtipulatione per quam pura intentione, nulliùſque loci mentione facta poſſit ea quantitas præciſe peti quæ nullo adiecto loco deducta fuit in ſtipulatũ. Subieci *quanti æquum arbitratus fueris*, vt appareat & arbitrium datum eſſe iudici cõdemnationis faciendę, ne quantitati contractus inferuire cogatur, Et arbitrium tamen illud non niſi ex æquitate conſtituendum eſſe, quale ſcilicet à bono quolibet viro cõſtitueretur. Quæ res facit vt nec ſemper & omnimodo teneatur iudex debitorem cõdemnare, ſed interdum abſolvere illum poſſit & debeat, vt in caſu *Quid ſi Ephesi 4. §. 1. De eo quod cert. loc.* de cuius ſententia iam ſcripſimus. Atq; hæc vna certè ratio eſt propter quam hæc actio ſpeciali nomine & per emphasiſm arbitraria vocatur, Nẽpẽ quod in ea fiat ſententia & cõdẽnatio arbitrio iudicis, non etiã in cãteris. In quibus permittitur quidem iudici ex bono & æquo ſecundũ cuiuſq; rei de qua actum eſt naturam æſtimare quẽadmodũ actori ſatiſ fieri oporteat vt Iuſtinianus loquitur *in §. præterea De action.* Sed hoc per arbitrium quod præcedit ſententiam & cõdẽnationẽ at non per cõdemnationem ipſam. Quæ ſc. in cãteris omnibus actionibus arbitrariis certa conſtituta eſt vel à lege vel ex edicto Pratoris, vel ex authoritate prudentum, numquã vero iudicis arbitrio relicta. Eſſet enim id fanẽ nimis periculolum cũ in pccnam neglecti arbitrij condemnatio grauior irroganda ſit, quàm verifimile eſt offenſum iudicem plus æquo grauẽ inſiſtendum eſſe, ſi arbitrio eiùs cõdemnationis quantitas cõmitteretur. At neque in actione arbitraria De eo quod certo loco tale arbitrium iudici permittendum vnquam fuiſſet, niſi actionis neceſſitas & æquitas hoc ius vel ab inuito propemodum Pratore extorſiſſet. Quamquam verendum non fuit, ne ſeuerior eſſet iudex in irroganda pccna ob offenſam neglecti arbitrij, quod in actione iſta nullum, vt diximus, intercedit. Nec rursus aded vagatur arbitrium iudicis in hac actione, cũ reſtringendum ſit ad id quod reus aut etiam interdum actor probat ſua intereſſe ratione

loci. Vnde fit vt quamvis pro pecunia debita non soleat præstari id quod interest ne faciliè res eat in infinitum, aliud tamen fit cùm certo loco dari pecunia debuit, quia coarctatum est hoc casu ad circumstantiam loci *diēt. l. 3. de eo quod cert. loc. & l. nummis 3. D. de in lit. iur.* Sanè quod recentiores volunt defendi non potest, Dictam esse hanc actionem arbitrariam simpliciter & per emphasim quòd in ea plures æquitatis partes iudex sustineat quàm in aliis in quibus remoto, inquirunt, arbitrio ante sententiam quicquid ipsius actionis & iudicij est, strictum est. Quam in sententiam mouentur ex eo errore quòd putant iudicem huic actioni addictum statim & iam ante sententiam æquitatis partes suscipere propter permissum sibi arbitrium. Nec priùs iudicare ex formula, quàm res exitum habere per arbitrij viam non possit. Quæ omnia falsa sunt: Nullæ enim sunt partes iudicis vt quicquam ex æquitate decernat in actione ista ante sententiam, sed tantùm vt de facto cognoscat & inquirat per quem ex contrahentibus fiat ne solutio suo loco petatur, Et deinde an & quatenus intersit eius per quem nihil contra legem stipulationis factum est. Tum ergo incipit partes æquitatis sustinere cùm pronunciat, siue absolueno reum exacta ab eo cautione de soluenda ibi pecunià vbi promissus est si fortè iustam ille causam adferat ob quam non sit æquum cogi eum alibi soluere, vt in *diēt. l. quòd si Ephesi 4. §. 1.* Siue condemnando eum detracta loci in quo solui debuit utilitate. Non ergo plures æquitatis partes in actione ista sustinet quàm in cæteris arbitrariis, sed tardius æquitatem spectat, In ipsa videlicet ferenda sententia, cùm in aliis actionibus arbitrariis spectare illam deberet in ferendo arbitrio quod præcedere debet rem iudicatam. Sed ueque verum est quod aiunt, in aliis arbitrariis remoto arbitrio quod præcedit sententiam quicquid ipsius actionis & iudicij est magis strictum esse quàm in arbitraria De eo quod certo loco. Nam vel ob hoc maximè comparata est actio hæc arbitraria, quòd actio ex stipulatu sua natura esset stricta, nec pati posset vt alio loco reus conueniretur, quàm in quo soluere promississet. Tolle igitur æquitatem & arbitrium iudicis, si fieri potest vt tollas, remanente actione. Nihil supererit quod strictum non sit. Longèque verius quàm in cæteris actionibus arbitrariis, quæ nulla certè sui parte strictæ sunt, vt vulgo malè creditur, sed ab initio & semper arbitrariæ, A quibus non video qua arte vel fictione possis arbitrium separare quin desinant non solùm arbitrariæ, sed etiam actiones esse cùm totæ ex arbitrio pendeant tanquam à propria substantia *diēt. §. præterea De action.* Neque rursus verum est in aliis arbitrariis etiam semoto arbitrio quicquid actionis & iudicij est strictum esse. Quænam enim latior & laxior condemnatio esse potest quàm si condemnatur reus per sententiam post arbitrium latam quanti actor in litem turauerit, & quidem sine vlla taxatione? Atqui iam olim id eueniebat in rei vindicatione *l. eius rei 46. & sequent. D. de rei vindication. l. ultim. D. de fideiuss.* euenitque hodie in omnibus arbitrariis si dolo malo recuset possessor arbitrio parere & rem restituere, Postquàm ita Triboniano visum est sub Vlpiani nomine in *l. qui restituere 68. De rei vindic.* Contrà verò in arbitraria De eo quod certo loco si remoueas arbitrium iudicis, remanebit actio stricta, nec fieri poterit vt iudex quicquam adiciat vel detrahat summæ debitz, non magis quàm si eo ipso in loco in quo fieri solutio debuit, peteretur *diēt. l. quòd si Ephesi in princ.* Sed hæc quoque suppositio de impossibili est, quia non possis arbitrium iudicis

iudicis ex actione ista tollere quin actionem destruas, Et ex arbitraria atque vtili facias directam, cui locus nullus esse poterit ad petendam pecuniam alio loco, quam in quem destinata solutio fuit. Agi enim hic nisi ex stipulatione non potest, neque rursus ex stipulatione nisi ad eum modum qui stipulationis verbis præscriptus est *l. 1. De eo quod cert. loc.*

ERROR QVINTVS.

De causis ex quibus datur arbitraria De eo quod certo loco.



V I C O traditum est, Dari hanc actionem arbitrariam De eo quod certo loco ex strictis causis, stipulationis, testamenti, mutui, & constituti *Ex l. 1. §. 6. D. de eo quod cert. loc. l. si duo 16. §. 1. D. de pecun. const.* Videamus an hoc verum sit. Et quidem quod aiunt competere illam ex causis strictis, si sic intelligunt ut bonæ fidei iudicia excludant, bene sentiunt. Extat enim Pauli sententia in *l. in bona fidei 7. ill. l. 1. D. de eo quod cert. loc.* In bonæ fidei iudiciis etiam si conuenit in contrahendo, ut certo loco quid præstetur, ex empto vel vendito, vel depositi actionem competere non arbitrariam. Eiusque iuris euidentis ratio illa est, quia in bonæ fidei iudiciis permittitur arbitrio iudicis æstimare omnia ex bona fide ob verba illa aurea *ex bona fide*, quæ in formula huiusmodi actionum semper addebantur *§. in bona fidei Inst. de act. l. quæ tantundem 7. D. de neg. gest. l. 1. de usur.* Bona fides autem non patitur, ut quod certo loco dari fieri ve promissum est, ob id minus præstari debeat, quod ad illum locum accedere debitor nunquam velit, siue data opera id faciat in quo insignis quædam mala fides & perfidia elucet, æquitate iudicij haud dubiè vindicanda, siue aliis negotiis districtus impediatur, ne ad locum destinatum venire possit. Planè si certo loco rem venditam traditurum se emptori venditor per stipulationem promiserit, actio arbitraria necessaria erit, ut Paulus subiicit in *d. l. in bona fidei*. Nempe, quoniam eo casu per stipulationem nouatur empti actio, quantum ad id quod in stipulationem venire potest, cum soleret olim eiusmodi stipulatio interponi animo nouandi *l. 3. §. 1. D. de act. empt. l. 4. in princip. D. de usur.* ac proinde sublata actione ex empto, necesse est agi ex stipulatione, quæ actio licet pendeat & proficiatur ex negotio bonæ fidei, semper stricta est. Ideoque nec agi ex ea potest alio loco quam in quem stipulatus emptor fuit nisi arbitraria *l. 1. De eo quod cert. loc.* Isque Pauli sensus est in *d. l. in bona fidei vers. si tamen*, non ille quem quidam notant ut monere Paulus velit nihil hac parte inter dandi & faciendi obligationes interesse. Quod neque verum est si ad eò generaliter intelligatur, Cum is qui certo loco insulam fieri promissit, si eam alibi fecerit, in nihilum liberetur, nisi consentiente stipulatore fecerit, *l. 2. §. idem Iulianus eod. tit. vbi addit Vlpian.* summæ solutionem hac in re multum distare à fabrica insulæ. Neque ad Pauli mentem vllomodo pertinet, qui nihil aliud agit, nisi ut ostendat quantum intersit an agatur ad rem tradendam actione ex empto, an ex stipulatione quam uis interposita ob causam emptionis. Tractat autem de stipulatione *Rem tradi non Rem dari*, quia tradere tantum venditor tenetur, non rem dare, *disla lege 3. in princip. iur. c. leg. 1. l. ex empto 11. §. 6. in primis D. de action. empt.*

cum dandi verbo translatio domini signficetur *l. ubi autem 75. §. vlt. D. de ver. obli.* Sed quod putant omnes interpretes, Dari actionem arbitrariam ex omnibus causis strictis, hoc verò falsum est. Datur enim ex sola stipulatione, vt non obscurè docet Vlpianus *in dist. 1.2. §. 1.* cum ait hanc actionem ex illa stipulatione venire ubi stipulatus sum à te *Ephefi decem dari.* Itemque Caius *in l. 1. eodem,* cum hanc rationem reddit propter quam inducenda fuit necessariò utilis actio arbitraria De eo quod certo loco, Quia, inquit, alio loco quàm in quem sibi dari quæq; stipulatus esset non videbatur agendi facultas competere. Nec quod conditio certi ex mutuo perinde stricta sit, atque conditio certi ex stipulatione aut actio alia qualibet ex stipulatu, facere debet vt perinde fateri necesse sit esse illam arbitrariam. Ratio enim diuersitatis euident illa est quam pluribus explicauimus *in Error. 4. Decad. 84.* quod conditio certi ex mutuo nascitur ex sola numeratione, non etiam ex pacto, quod numerationi additum sit de merce illa numerata certo loco reddenda, Aded vt neque possit extendi conditio certi ex mutuo ad id quod pacto est comprehensum, In quo strictior est, quàm conditio certi ex stipulatione; cum stipulationi, quæ nihil nisi consensum & verba exigit, possint inesse pacta incontinenti apposita etiam ad producendam, formandam, reformandamque actionem ex stipulatione competentem *vulg. l. l. c. 40. De rebus credit.* Ergo sicut non eò minùs verum est numeratam tibi à me fuisse mercem Romæ, quamuis Capuam ire numquam velis, ubi merx reddi ex pacto debet, Ita fatendum est perinde posse me eam mercem Romæ petere, ac si Romæ solui deberet, neque vlla mihi in eam rem opus esse arbitraria, cum sufficiat conditio certi ex mutuo directa, In qua non minùs loci ratio habebitur, quàm si arbitraria ageretur, siue pluri ea merx sit Romæ quàm Capuæ, siue minoris. Nam cum certi conditio qualibet, id est siue ex mutuo sit, siue ex stipulatione, siue ex alia qualibet causa non detur nisi ad certam pecuniam numeratam *leg. 1. D. de condit. iuric.* ob idque in ea actione semper lis æstimanda sit, vt certa quantitas pecuniæ non res ipsa quæ apud Prætoris petita fuit, in condemnationem deducatur. Apparet manifestè loci quoque rationem haberi commodè posse per iudicem, Scilicet æstimando petitam mercem quanti fuit tempore litis contestatæ, non in eo loco in quo petita est, sed in eo ubi reddi debuit. Sic enim æstimationem ineundam esse prudentes omnes consenserunt, vt constat *ex l. vinum 22. D. de reb. cred. l. vltim. De condit. iuric. l. idem erit 60. D. de ver. obli.* Quas leges manifestum est loqui de conditione certi ex mutuo, non de actione arbitraria. Cum tractet etiam casus illos quibus siue purè siue in diem certum reddi merx debuerit. Quibus tamen casibus, nemo dixerit, si vnum Cuiacium & Cuiacianos excipias, posse actionem esse arbitrariam. Ita verò fit vt neque reus neque actor iure conqueri possit, non haberi rationem loci, si alio loco merx petatur, quàm in quo reddi debuit, cum maior loci ratio haberi non possit, quàm si eius loci æstimatio sumatur. Dices, Imò verò posse & rei & interdum ipsius quoque actoris interesse eam mercis æstimationem quæ Capuæ est, Capuæ soluere aut accipere potius quàm Romæ, si fortè reus paratam habuit pecuniam Capuæ quam Romæ non habuit, vt *in l. quod si Ephefi 4. §. 1. D. de eo quod cert. loc.* Aut si actor Capuæ pecuniam debuerit sub pœna, aut sub pignoribus quæ subinde distracta sint vt *in l. 2. §. vlt. eod.* Non posse igitur plenissimè siue actori siue reo satisfieri vt vtrique utilitas loci conseruetur per conditionem certi ex mutuo,

nec aliter quàm per arbitriariam actionem. Respondeo, sanè ita esse, vt in certi conditione qualis qualis illa sit, hoc est, siue ex mutuo, siue ex stipulatione, nulla possit haberi ratio vtilitatis, id est eius quod interest, siue actoris siue rei ob loci adiectionem, extra rei debitæ æstimationem, quam dixi iam ex comparatione illius loci in quo dari debuit, esse incundam. Sed nego mirum hoc aut absurdum videri debere, cum ea conditio semper sit stricti iuris, nunquam bonæ fidei, nunquam arbitraria. In actionibus autem strictis omnibus generale ac perpetuum sit, vt eius quod interest ratio nulla habeatur, si excipias stipulationes prætorias quæ & ex Prætoris mente interpretationem accipiunt, & plerumque *quantitas est*, id est eius quod interest promissionem habent *l. vltim. De prætor. stipulast. quoties quis alium §i. De verb. oblig.* Sed neque excipi huiusmodi stipulationes debuerunt. Tractamus enim de eo quod interest, non quod sit in obligatione vt in stipulationibus prætoriiis, sed quod sit in obligationis accessione, quale illud est quod in actionibus bonæ fidei & ex testamento deberi præstari solet ex mora. Nullæ enim accessiones debentur ex iudicio stricti iuris, præterquam fructus, quos placuit officio iudicis venire in condemnationem post litem contestatam si ea respectatur, quæ fuerit aliquando actoris quia sunt accessiones naturales non ciuiles *l. indebiti 15. De condit. indeb. l. videamus 38. §. si actionem D. de usur.* Sibi ergo imputer actor qui mercem crediturus Romæ reddendam sibi Capuæ noluisset habere debitorem obligatum ex mutuo quàm ex stipulatione. Nam si cogitabat de consequendo eo quod sua in teresset si Capuæ non solueretur, debebat non solum mutuam Romæ mercem dare, sed etiam stipulari reddendam sibi eam Capuæ, vt faceret debitam ex stipulatione, potius quàm ex inutuo vt in *l. cum enim 6. iunct. §. 1. l. præced. D. de nouar.* atque ita induceret necessitatem actionis arbitrarie, per quam haud dubie potuisset consequi quanti sua interfuisset. Id verò cum non fecerit, boni consuleret debet, quod adiecti tamen loci ratio habeatur in æstimanda merce alibi petita, licet nihil præterea in vicem eius quod sua interest consequatur. Ex parte verò debitoris si aliquam ipse quoque loci vtilitatem velit obtendere, causatus fortasse non fuisse se ab eo creditore mutuam accepturum mercem si non conuenisset de ea Capuæ potius quàm Romæ reddenda. Est etiam quod ei respondere possimus, satis magnam cum ex loci adiectione vtilitatem cepisse in eo quod æstimata sit merx, non quanti fuit Romæ ubi petita est, sed quanti fuit Capuæ: Quod si quid aliud præterea sua interesse putaret, Capuæ potius quàm Romæ soluere, imputare sibi cum debere cur iudicio stricto se obligasset potius quàm arbitrario, id est cur non curasset vt per stipulationem potius quàm ex sola numeratione obligaretur, vt haberet actor necessario agendum arbitraria, quæ loci rationem maximè pro rei vtilitate habendam esse suasisset. Cur enim conqueratur & indignetur non præstari ei quod ipsius interest ex actione stricta, ex qua nec actori ob eandem rationem præstaretur?

ERROR SEXTVS.

Que potissima fuerit ratio inducenda actionis arbitraria De eo quod certo loco. Et ad l. heres absens 19. §.

vlt. D. de iudic.



T verò non illa potissimum ratione comparata est actio arbitraria De eo quod certo loco , vt vel actoris vel rei indemnitati plenissime consulereetur, sed ne actor actionis suæ iacturam incurreret , si nullo ei loco alio quam in quem collata solutio esset, agere permitteretur. Quod cum non nisi ex æquitate inductum sit, fateor eadem quoque æquitatis ratione debuisse prospici indemnitati vtriusque contrahentium ac potissimum debitoris, cui grauior sit iniuria si inuito ei nulla ipsius mora culpaque præcedente loci utilitas auferatur, quam actor sibi præripit volens & lubens. Quæ enim cogit eum alio loco experiri? Nisi quoddam ipsi quoque parcendum & succurrendum est, nolenti actionem suam differri et in id vsque tempus quo velit debitor venire in locum solutioni destinatum, quod fortasse nunquam facturum sit. Sed his omnibus æquitatis rationibus tunc locus esse potest & debet cum agitur arbitraria, At non etiam vt inducere debeant necessitatem æquitatemque actionis arbitrarie ob id solum quod alio loco res petatur, quam in quo solui debuit, si nulla sit alia ratio ex parte actoris quæ inducat ex necessitate vtilem arbitriariam, id est si qua competat actori ad suum consequendum actio directa: quomodo sanè competit certi condictionis ex mutuo ad mercem Romæ petendam, quæ Capuæ solui debuerat. Hucque pertinere videtur, quod Vlpianus noster scribit in *le. heres absens* 19. §. vlt. *D. de iudic.* Eum qui ita fuit obligatus vt in Italia solueret, si in prouincia domicilium habuit vtroque conueniri posse & hic & ibi, idque & Iuliano & multis aliis videri. Quid enim hoc aliud est, quam dicere, Nullam hoc casu necessitatem subesse, aut vtilitatem inducendæ actionis arbitrarie. Quippe cui numquam locus est, nisi cum periculum est, ne actionem suam amittat actor si alio quam destinato loco agere prohibeatur. Atqui tale periculum nullum est, quoties in loco domicilij conueniri debitor potest, in quo scilicet fieri nequit vt non inueniatur, cum domicilij locus non alius sit, quam in quo lres quisque fouet, ac fortuna ruinæ rerumque suarum omnium suamnam constituit, vnde rursus non sit discessurus si nihil auocet, vnde cum profectus est peregrinari videatur, & quò si redierit, peregrinari iam destiterit, vt loquuntur Imperatores in *l. ciues* 7. *C. de meol. & ubi quis domicil. hab.* vid. lib. 10. tit. 39. Quod si etiam in loco domicilij debitor latitet, vt plerumque fit, expedita nihilominus creditoris via est ad suum consequendum, petita ex Prætoris edicto missione in possessionem & venditione bonorum debitoris, si latitare perseueret, nec à quoquam defendatur: quæ ordinaria sunt iuris prætorij remedia aduersus latitantes, qui se in ius vocari non patiuntur, ne qua possit sequi litis contestatio, nec proinde vlla post contestationem formulæ & actionis impetratio pot. iul. *D. quib. ex caus. in poss. eat.* & *De reb. author. iudic. possid. seu venund.* Quoties ergo legimus eum qui sic obligatus fuit vt certo loco & alio quam domicilij solueret, etiam in domicilio conueniri posse, vt in *dicta lege heres absens* §. vltim. Toties fatendum est cessare arbitriariam actionem, nec nisi directæ locum esse. Atqui non potest ea Vlpiani sententia locum habere, si is qui domicilium habuit in prouincia promiserit stipulanti soluere in Italia. Tunc enim constat inter prudentes necessariam esse arbitriariam De eo quod certo loco: Quæ si hoc casu non esset necessaria, nec alio esset prorsus vllò. Neque verò aliam Iuliani sententiam fuisse putandum est, cuius authoritate Vlpianus nititur, cum edicti per-

petri compositor fuerit Iulianus, qui inter ceteras edicti partes hanc quoque non omisit, quæ actionem illam arbitrariam proponit De eo quod certo loco, & de qua tam multa idem Vlpianus ex ipso etiam Iuliano *in l. 2. & pass. ill. cit.* Multò minùs dici potest intelligendam esse Vlpiani sententiam de eo qui ex bonæ fidei contractu obligatus in provincia fuit vt in Italia solueret. Is enim non tantùm vtrobique conueniri potest, sed etiam vbique, id est quocunque loco inueniatur, Ex natura iudiciorum omnium bonæ fidei haud aliter quàm si arbitraria actione conueniretur. Sic namque accipio quod Paulus scribit *in dist. leg. in bonæ fidei*, Alioqui fatendum esset commodiorem fore actionem arbitrariam De eo quod certo loco quàm actionem bonæ fidei, si ex hac non nisi vtrobique, id est vel in loco domicilij vel in eo qui solutioni destinatus est solui posse, in arbitraria verò vbique posset. Quod tamen absurdum esset. Cum tantum possit arbitrium iudicis & æquitas actionis in iudicio bonæ fidei quantum in stipulatione nominatim eius rei facta interrogatio *d. l. quis tantumdem 7. D. neg. gest. l. ultim. D. rem pupill. solu. for.* Relinquitur ergo vt supradicta Vlpiani sententia ad eum restringi debeat qui fuerit obligatus ex contractu stricti iuris, aut tamen quàm stipulatione. Nam interposita stipulatione De soluendo in loco certo, frustra esset querere an vtrobique posset conueniri qui posset vbique per arbitrariam. Consequens igitur est vt putauerit Vlpianus, Ex pacto adiecto in quolibet contractu mutui vt soluat certo loco, non fieri actionem arbitrariam. Nisi fortè putamus, Etiam ex actione arbitraria non nisi vtrobique conueniri debitorem posse, id est vel in loco solutioni destinato vel in loco domicilij. Quæ fuit Accursij sententia ab antiquis omnibus excepto Bartolo adprobata *in d. l. 1. de eo quod cert. loc.* Falsa tamen & ob id iamiam à nobis explodenda.

ERROR SEPTIMVS.

De actione arbitraria, an vtrobique, an vbique exercenda.

Et ad l. si quis legationis 8. D. de iudic. l. 5. §. 1.

De constit. pecun.



FECIT ille Vlpiani locus de quo proximè diximus *in l. heres absens 19. §. ultim. D. de iudic.* non solum vt dubitauerint interpretes, An qui certo loco soluere etiam per stipulationem promissit possit vbique locorum conueniri, An verò vtrobique tantum, id est vel in loco domicilij, vel in eo qui solutioni destinatus fuit, sed etiam quod mirabilius est, vt frequentiore calculo crediderint, Quod tam multis locis scriptum est posse quocunque loco conueniri eum qui certo loco dare promissit, ita esse accipiendum & restringendum, vt tamen idoneum locum esse oporteat *arg. l. us gradatim 11. §. et si lege. De mune. & bon.* Idoneum autem locum non alium esse volunt, quàm eum qui sit domicilij, vel in quem destinata & collata solutio fuit, *ex dist. leg. heres absens §. ultim.* quæm textum non aliter cum aliis conciliari

posse crediderunt: Id enim est quod Accursius docet *ad l. 1. De eo quod cert. loc.* cuius sententiam à cæteris glossatoribus magis communiter receptam fuisse testatur Bartolus ibid. licet contrariam Nicolai cuiusdam opinionem secutus, magis esse putet ut permittendum sit agenti arbitraria vbique locorum petere. Mouetur *ex l. cum quis 43. De iudic. vb.* Papinianus scribit, Eum qui insulam Capuæ fieri certo tempore stipulatus est, eo finito posse quocunque loco agere in id quod interest. Item *ex l. qui loco 27. De condict. indeb.* vbi ait Paulus, si quis certo loco debere se existimans indebitum eo loco soluerit, posse illum quolibet loco repetere. Non enim, inquit, existimationem soluentis eadem species repetitionis sequitur. Postremo *ex l. si duo 16 §. 1. De constit. pecun.* vbi scriptum est eum qui se certo loco soluturum se constituit, exemplo arbitrarie actionis conueniri vbi que posse. Et certe hic vnus locus omnium apertissimus est quo probari possit eum qui agit arbitraria, vbique agendi ius habere. Neque video quid hic cauillari aut Accursius, aut pro Accursio quisquam possit. Nam *vbique* accipere pro *utrobique* perinde ridiculum est ac si *semper* pro *his* dictum quis vellet. Nec quòd verba generalia recipere solent interpretationem ab habilitate & idoneitate subiecti ut vulgo iactatur *ex d. §. as si lege, ad rem facit*. Omnis enim locus habilis & idoneus est ad conueniendum eum qui nullo certo loco dare promissit, dummodo ibi inueniatur vbi conuenitur. Nam & hoc necessàriò supponendum est, quoties legimus aliquem alicubi conueniri, esse illum inuentum in eo loco in quo conueniatur. Alioqui non de conueniendis, & in ius vocando eo tractandum est, sed de bonis ipsius distrahèdis, quoties lititat, nec à quocquam defenditur *l. 2. §. 3. De reb. aucthor. iudic. possid.* vbi dicitur venire bona ibi oportere vbi quisque defendi debet, id est vbi domicilium habet, aut vbi contraxerit. Ita tamen ut contraxisse utique intelligatur, non in eo loco in quo negotium est, sed in quo soluenda est pecunia. In quo differentia illa elucet an persona quæ debet, an bona ipsius conueniantur, quòd cum persona quæ nullo certo loco dare debuit, quocunque loco inueniatur, conueniri in eo possit, bona tamen non vbi inueniuntur distrahi possunt, sed vbi defendi debeat is ad quem bona pertinent, Quia scilicet ius & condicionem personæ sequuntur, licet non ex alterius auctoritate distractio bonorum fieri possit, quàm eius ad quem loci cura & iurisdictio pertinet *l. cum vnus 12. §. penul. eod. tit.* Nam quemadmodum quòd dicimus, eum qui purè aliquid debet nullo adiecto loco, posse inuito creditori vbique soluere *l. pen. D. de eo quod cert. loc. l. qui Roma 122. in prin. l. cōtinuus 137. §. cum ita De ver. obli.* sic debet accipi, si modò in eo loco in quo soluere paratus est, inueniat creditorem aut alium qui solutionis pro creditore accipiendæ ius habeat, ut in specie *l. 2. §. idem Iulianus De eo quod cert. loc.* [quomodo enim solueret ei quem non inueniret?] Ita & quod in *d. l. si duo §. 1.* Ulpianus ait ex arbitraria actione vbique agi posse, sic haud dubiè accipiendum est, si is qui conueniendus est in eo loco reperitur, Ut eadem hac parte sit ratio actionis, & solutionis. Nec enim putandum est eum qui arbitraria conuenitur sicut conueniri vbique repertus potest, ita & absentem quoque cogendum vbique se defendere. Quid enim posset iniquius dici? In ea præsertim actione quàm æquitas sola induxerit? Et verò qua fronte possit recusare debitor quominus in quolibet loco vbi repertus est, conueniatur, de ea re quæ vbiq; debet, nec vllò certo loco? Aut quis vnquam ex prudentibus nostris scripsit alium non esse locum idoneum, quàm domicilij vel contractus? Fateor non debere aliis locis defendi debitorem ne bona ipsius distrahantur, nec rursus aliis locis

posse

posse fieri bonorum eius venditionem. Neque addo exceptionem, Nisi alio loco soluturū se promiserit, quia nec alio loco contraxisse quis intelligitur, quā in quo ut solueret se obligauit *d. l. 3. de reb. author. ind. poss. l. contraxisse 21. De oblig. & act.* Sed dico non posse debitorem recusare, si nullo certo loco se soluturum promiserit, quominus ubicunque reperietur, & iudicium accipere & cōsequenter solvere cogatur. Soli ij excipiuntur qui priuilegium habent reuocandi domum, nec alibi etiam si inueniantur, iudicium accipere compelluntur, puta Legatus qui Romæ est legationis causa. Hic enim quādiu legatione fungitur conueniri Romæ non potest, non solum de eo quod promisit dum esset adhuc in provincia, sed neque de eo quod promisit Romæ pro debito in provincia contracto *l. si quis legationis 8. l. non alias 24. §. sed si postulatur cū 4. legib. seq. D. de iudic.* Ex quibus locis ut hoc obiter addamus, mirum videri posset quod quasi ex Iuliano scriptum ab Vlpiano legimus in *l. eum qui 5. §. 1. De constit. pecun.* Legatum Romæ constituentē quod in provincia acceperat conueniri Romæ debere. Repugnare enim videtur iuris ratio sumpta ex priuilegio legationis, Sed & ipsius Iuliani autoritas qui præter cæteros omnes Iureconsultos, etiam contra Cassium, cuius alioqui scholam sequebatur indistinctē semper credidit denegandam Romæ actionem contra legatum, ne ab officio legationis suspecto auocaretur, ut Paulus refert in *d. §. sed si postulatur*. Denique quod apud eundē Vlpianū sequitur in *d. l. §. 1. Sed et si cum non Roma esset legatus, sed adhuc in provincia constitueret se Roma soluturum denegari in eum actionem De constituta*. Innuit enim hæc clausula sicut prioris sententiam ampliat, ita & in priore specie Iulianum eandem actionem aduersus Legatum denegasse. Ideoque in præcedentibus putant quidam legendum esse addita negatione, *putat conueniri non debere* hoc sensu, ut abstinendum sit ab eo conueniendo, Alioquin scribendū fuisse *cōueniri posse nō debere*, quo verbo iuris necessitas quædā, potius quā facultas significatur. Sed tamē probabilius est sic accipiēdos, & cōciliādos locos istos, ut Iulianus & Vlpianus in *d. l. §. 1. de constit. pecun.* de eo legato sentiant qui non tantum constituerit Romæ, quod in provincia acceperat, sed etiam cōstituerit se soluturum id ipsum Romæ, Caius verō in *d. l. si quis legationis*, de eo qui Romæ quidem constituerat se soluturum, sed simpliciter non addito loco Romæ, ut nos in Rationalibus nostris pluribus tractauimus ad illum locū. Nul- lum enim priuilegium habet legatus, si conueniatur Romæ ex contractu quem imierit in ipsa legatione *l. 2. §. omnes autem l. cum furiosus 39. §. 1. eod. tit. De iudic.* Extra hanc causam habet priuilegium, ut quauis inueniatur Romæ, non tamen possit ibi conueniri.

ERROR OCTAVVS.

De sententia l. heres absens 19. in princ. & l. eum qui insulam 43. D. de iudic.



SICQUE accipio quod idem Vlpianus ait in *d. l. heres absens in princ. eod.* heredem absentem ibi defendendum esse ubi defunctus domicilium habuit, si ibi inueniatur, nullōque suo priuilegio excusetur, Ut intelligamus potiore fore hoc casu priuilegij, quā iuris communis rationem, Non quomodo Bartolus intelligit, qui putat heredem vsque adeo sequi forum defuncti,

vt nec vllum proprium priuilegium allegare possit. Quod certè falsum est. Nam etsi legatus adierit hereditatem alienam Romæ ipso etiam legationis tempore, constat tamen nequâ creditorib. nequâ legatariis cōueniri eū posse quādiū durat legatio *l. de eo 26. l. sed etsi 28. cod.* Nequâ de hoc aut Bartolus ipse, aut quisquam alius vnquam dubitasset si legisset *excusetur* pro *excusatur*. Quamquam ne hanc quidem literulam mutare necesse est, si modò artienlum *si* qui præcedit, repetas vt duplex condicio requiratur ad conueniendum heredi in eo loco in quo defunctus domicilium habuit. Prima est, si heres ibi inueniatur, Altera si nullo proprio suo priuilegio excusatur. Extra hunc casum quò quis habeat priuilegiū reuocandi domū, Dico posse conueniri quocūq; loco inueniatur, eum qui pure, id est nullo certo loco soluere se obligauit, Licet absens nō debeat defendi in quocunque loco vbi inueniantur bona ipsius, sed tantum in loco domicilij vel contractus *d. l. 1. 2. & 3. De reb. ausb. iud. pos.* vel in domicilio defuncti si tanquam heres vrgeatur. *d. l. heres absens in princip. & l. si is qui Roma 34. cod. tit. De iudic.* Quare ad rem non pertinet quod in contrarium obicit Paulus Castrensis, & ceteri qui Accursij errorem sequuntur, Absurdum esse vt plurib. locis conueniatur is qui certo loco, quàm qui nullo dare promisit. Etsi enim hoc verum est, non æquè tamen illud quod iidem assumunt, Non posse vbi que conueniri eum qui nullo adiecto loco se obligauit, sed tantum vtrobi que, id est vel in loco destinato, vel in loco domicilij: Nam inuò verò potest conueniri quocunque loco vbi inueniatur, licet non debeat quocunque loco se defendere. Sunt enim ista differentia, & facilius est vt quis conueniri aliquo loco possit, quàm vt in eo defendi debeat. Excepto casu illo *d. l. heres absens in princip.* id est cum tractatur de herede qui licet absit, defendendus tamen ibi est, vbi defunctus domicilium habuit, quamuis non aliter conueniri possit in eo loco, quàm si in eo reperiatur. Quomodo enim conuenire illum possis quem non inuenias? Verum igitur est quod contendimus omnem locum esse idoneum in quo inuenitur is qui nullo certo loco soluere obligatus est. Neque facessit negotium quod Vlpianus scribit in *d. l. heres absens*, vbi disertè loquitur de illo qui sic obligatus fuit in prouincia vt in Italia solueret, quem sanè certum est vtrobi que tantum conueniri debere, id est vel in prouincia vbi domicilium habet, vel in Italia, vbi ex conuentione soluere debuit, non etiam alibi tametsi alio loco inueniatur. Nempe quia certo loco soluere se obligauit, hoc est in Italia. At eum qui nullo certo loco debeat quocunque loco posse conueniri aperte scriptum est in *d. l. eum qui 43. D. de iudic. & in l. qui loco certo 27. D. de condic. iud. b.* Quibus tamen legibus cuiuslibet abutitur Bartolus vt probet, quod maximè est in controuersia, Ex arbitraria actione quocunque loco agi posse. Non n. de actione arbitraria iis locis agitur, sed de pura & directa, cuius nihil prohiberet aliam esse rationem quàm arbitraria. Et quidem quod attinet ad *d. l. qui loco certo*, nes claua est: Loquitur enim ibi Paulus de conditione indebiti, que semper actio stricta est, numquam arbitraria, quia nec propriè descendit ex conuentione, licet aliqua ex parte propè accedat ad conditionem certi ex mutuo, *l. si quis absens § 9. 15 quoque D. de obligat. & action.* Et rationem elegantem Paulus adfert, quod existimatum soluentis eadem species repetitionis non sequatur. Sensus est, Non quemadmodum is qui indebitum soluit, putabat se illud debere certo loco, in eo scilicet in quo soluit, Ita & indebiti restitutionem eodem loco debitam videri posse, Nam quod

nullo

nullo loco debitum fuit, si solum sit quasi certo loco debitum, id omni loco reperi posse necesse est, Haud aliter quam si is qui indebitum soluit, omni loco id se debere existimasset. Directa igitur conditio indebiti in eam rem competit, quæ ubique locorum exerceri poterit, ut cæteræ omnes dummodo ibi inueniatur debitor, ubi conuenietur, non arbitraria. Quod autem pertinet ad Papiniani sententiam, quæ extat in *leg. eum qui insulam* 43. *De iudicat.* Est sanè quoddam facilius ignoscamus Bartolo qui eam legem de arbitraria actione intellexit. Tractat enim ibi Papinianus de eo qui insulam Caput fieri, atque ita certo loco & certo tempore promiserat, atque finito tempore posse stipulatorem quocumque loco agere in id quod sua interest. Et hoc sanè est quod Bartolum fecellit, omnesque interpretes, quod vident promissam fuisse fabricam insulæ certo loco, [nec enim aliter valeret stipulatio *Insulam fieri*, si certus locus adiectus non esset, *leg. 2. §. si quis insulam De eo quod certo loco.*] Nec animaduertunt, Non idcirco posse induci arbitrariam, nec si in mora fuerit promissor fabricandæ insulæ, tantumque tempus præterierit, quanto fabricari insula potuit: Nimirum quia post tempus illud præteritum neque conueniri potest ut ædificet insulam alio loco [esset enim illa alia insula, quam quæ Caput fieri debuisset,] Vnde est quod etiam si debito tempore alibi fecisset insulam promissor, in nihilum liberaretur *dicta leg. 2. §. idem Iulianus eodem titul.*] neque rursus dici potest promissorem obligatum esse ad præstandum id quod interesset actoris, in eo ipso loco, in quo insulam fieri promississet, Quia licet quisquis promittit insulam fieri certo loco, se hoc ipsum obliget ad omne id quod intererit stipulatoris si insula facta non sit, adeò ut nec purgare moram possit, nisi ad tempus litis contestatæ *l. si insulam* 84. *de verborum obligat.* Non tamen consequens est, ut id quod stipulatoris intererit, eodem loco promississe videatur: quandoquidem non sicut faciendæ insulæ, ita & præstandi eius, quod interest obligatio certi loci adiectionem requirit. Nec quemadmodum alia esset insula quæ Ephesi ædificaretur, quam quæ Caput ædificari debuisset, Ita & alia videri posset summa Ephesi soluta, quam si debitor eam Caput soluisset *dict. §. idem Iulianus*, ubi eleganter Ulpianus ob hanc causam ait summæ solutionem multum distare à fabrica insulæ, & ideo si summa quæ Caput solui debuit, soluta sit Ephesi, non ipsi quidem creditori, quo casu contingeret haud dubiè liberatio, sed alteri puta adiecto solutionis causa, non ex voluntate tamen stipulatoris, quippe qui fuerat stipulatus sibi aut Titio Caput dari, solum id petendum esse, quod interfuit actoris Caput solui, non etiam quantitatem solutam Ephesi, cuius obligatio per solutionem Titio factam sublata est. Quod ergo Papinianus ait in *dicta lege eum qui*, posse stipulatorem quocumque loco petere id quod sua interlit ob non fabricatam Caput insulam, non illam rationem habet, quod ab arbitraria De eo quod certo

loco in eam rem competit, sed quia De eo quod interest,
pura hoc casu & directa competit actio, quæ ex ratione

iuris quocumque loco exerceri potest, ita ut

nulla sit opus arbitraria.

ERROR NONVS.

*De nostrorum interpretationibus ad l. heres absens 19. §. vlt. D. de iudic.
l. 1. & vlt. C. de sent. qua fin. cert. quam. profer.*



VID ergo respondebimus ad Vlp. in d. l. heres absens §. vlt. Is enim locus vnus est qui Accursium eiusque sectatores omnes decipit, quoniam non vbique sed vtrouque conueniendum esse ait eum qui sic in provincia obligatus fuerat, vt in Italia solueret. Respondet Bartolus intelligendum esse textum de eo qui velit agere præcisè ad hoc, vt solutio fiat in loco destinato, non etiam in eo loco in quo agitur. Priore casu non putat necessariam esse arbitriam, quæ posteriore haud dubiè necessaria est: Itaque faretur priore casu non nisi vtrouque conueniri posse promissorem, id est vel in loco domicilij, vel in eo qui solutioni dictus est, qui tamen vbique conueniri posset, si in loco iudicij & petitionis, solutionem consequi actor vellet. Verùm probabilis responsio non est: Nam præter id quod parum conuenit verbis Vlpiani, quibus nihil exprimit de mente actoris vtro loco consequi solutionem vellet, Non puto verum esse quod sentit Bartolus, Eum qui Capuz centum dare promisit posse directâ actione conueniri Romæ vt soluat Capuz. Id enim si ita esset, non video quanam potuisset subesse necessitas inducendæ actionis arbitrariz. Non illa certè, quam adiit Caius in l. 1. *De eo quod cert. loco.* quòd alibi quàm vbi dare quis promississet actio in eum dari posse non videbatur. An nõ enim satis supèrque consultum erat creditori quòd posset actione directâ experiri & conuenire debitorem in loco domicilij: In quo si non defenderetur, posset mitti in possessionem bonorum debitoris, eorumque venditionem impetrare. Quid enim aliud egit Prætor cum arbitriam proposuit, nisi vt rationem inueniret, per quam creditori consuleret, non aliter suum consecuturo? Quanam verò melior ratio excogitari potuit prospiciendi creditorib. quàm per venditionem bonorũ debitoris? Proinde nõ potest dici quid intersit an stipulator qui agit alio loco quàm in quæ destinata solutio est, velit ad hoc agere, vt in eo ipso loco in quo agit, solutionem consequatur, An verò ad hoc vt in destinato loco fiat solutio: Cum nulla æquitas sit quæ suadeat succurri creditori ad consequendam solutionem alibi, quàm vbi destinata fuit, si modò arte aliqua fieri possit, vt in eo ipso loco destinato solvatur. Cum igitur arbitrariz actio ex mera necessitate & æquitate in id comparata sit, vt quod certo loco debebatur, etiam alio loco peti possit. Apparet iuris rationem pari non potuisse, vt directâ actio in domicilij loco exerceri posset, ad hoc vt in alio loco qui solutioni destinatus esset, solueretur. Debuit meo iudicio Bartolus distinguere stipulationem à cæteris contractibus, etiam qui sunt stricti iuris, Et in ipsa quoque stipulatione distinguere, quibus verbis concepta proponatur. Sola stipulatio proculdubio illa est, quæ admittit necessitatem & utilitatem arbitrariz actionis, vt iam diximus in præcedentibus, ob hanc ipsam rationem quam attulimus, quòd fieri nequeat, vt qui certo loco dari per stipulationem promisit alio loco vllò conueniatur, ne quidem in loco sui domicilij, adeoque nec ad hoc vt solutio fiat loco destinato. Nempe quia stipulatio tota ex verbis æstinatur, nec vllam nisi verborum obligationem parere potest, cum nihil aliud ipsa sit, quàm verborum obligatio. Inde namque fit vt qui promisit centum

centum Capuz dari non alibi ea debeat quàm Capuz, non solùm si ad soluendi facultatem respicias, sed et si ad ius ipsum obligationis. Vnica enim verborum conceptio est, quæ obligationis substantiæ ad eò locum inferit, ut neque obligationis substantia sine loci adiectione concipi, neque loci adiectio sine obligationis substantia vel intellectu percipi possit. Itaque non magis fieri potest, ut qui Capuz dare promissit, obligatus sit dare Ephesi, aut possit Ephesi conveniri ut soluat Capuz, quàm ut ex stipulatione si nulla interposita esset, aut hic aut ibi conveniretur, Obligationis, quæ ex mutuo nascitur, alia ratio est. Cùm enim nascatur ex numeratione, non ex pacto, siue ante, siue post numerationem convenit, ut merx credita certo loco reddatur, sciendum est obligatum esse illum qui mercedem accepit, ut eam quocunque loco debeat reddere: Nec quod convenit, ut certo loco reddatur, ad causam obligationis pertinet, sed tantùm ad causam solutionis, quæ ab obligatione distingui hac parte non minùs debet, quàm numeratio ex qua mutuum æstimatur, à pacto quod numerationi subiectum est. Quare si me interroges ubi debeat is, qui mercedem mutuam accepit in provincia, soluendam in Italia, Respondebo ubique debere, & id eò conveniri posse quocunque loco inveniatur, non minùs quàm is qui nullo adiecto loco purè se obligavit. Sed si quæras ubi solvere illum oporteat, respondebo in Italia, Obligatio enim ex contractus substantia, id est ex numeratione nascitur, soluendi autem in Italia necessitas ex pacto. Est igitur conveniens ut in hac specie debitor conveniri possit utrobique, id est siue in provincia ubi domicilium habuit, siue in Italia ubi solvere debuit, licet neutri ubi inveniatur, nempe quia utroque illo loco defendi debet. Alibi autem conveniri nusquam possit, si non ibi inveniatur, neque directa actione, quia sic obligatus fuit ut certo loco, & in Italia solveret, neque arbitraria de eo quod certo loco, quia sufficere ei creditori debet, quòd actione directa, id est conditione certi ex mutuo possit suum consequi, & convenire in utrum debitorum aut in loco domicilii, aut in Italia, qui duo loci sùnt, in quibus conveniri potest licet ibi non inveniatur, quia & in iisdem debet, non bonorum suorum venditione pati vellet, fortè si perpetuò abesse malit & latitare. Ceterum eo casu quo in domicilii sui loco, siue præsens siue absens conveniatur, Nego posse illum aut debere ad hoc conveniri ut solvat in Italia, sed omnimòdo condemnandum esse dico, ut solvat in provincia, verùm habita tamen ratione loci, ut æstimeatur merx non quanti sit eo loco in quo petita est, sed quanti eo loco in quo dari debuit. *l. vinum 22. D. de reb. cred. l. ubi. De constit. iuric.* Neque enim pactum de soluendo in Italia adiectum contractui stricto in utroque, potuit formare actionem stricti iuris ex illo contractu stricto descendente. Est enim hoc ius proprium contractuum & iudiciorum bonæ fidei *l. iuris gentium 7. §. quimò D. de pact. ad differentiam scilicet iudiciorum stricti iuris.* Nisi malis cum Paulo contra Ulpianum sentire idem iuris esse in stipulatione, ut pacta incontinenti post stipulationem facta ei insint, formæque & reforment actionem ex stipulatu. *l. l. 40. vers. dicebam D. de reb. cred.* Ad eò ut si post mutuam tibi datam mercedem aut pecuniam incontinenti conveniret ut aliquid facias, puta ut pro me Romanas, danda mihi quidem sit actio ex pacto sine quo non eram crediturus. At non stricta actio conditionis certi ex mutuo, quæ cùm stricta sit, non potest extendi ad id quod pacto comprehensum est, sed præscriptis verbis. *l. leg. 10. C. de pac. rōuen. l. ubi. C. de reb. pa. m. l. si dominus 8. i. l. p. acced. & seq. De præscript. verb. l. frumenti 17. C. de usur.* Et certè frustra reus convenius in provincia condemnaretur ad soluendum in Italia. Quis enim exitus futurus es-

set iudicij & condemnationis, si condemnatus nunquam venire in Italiam vellet? An forte ob id magis cogere eum Prætor venire quòd iam esset condemnatus? Atqui citra vim & impressionem id fieri non posset. Ergo non solum melius, sed etiam prorsus necessarium est, ut ubi quis iure conuenitur ad soluendum, ibi non tantum cõdemnetur, sed etiam soluere compellatur. Quid ergo si quis stipulatus sit decem purè nullo adiecto loco, deinde conuenierit incontinèti ut Capuz solueretur? Non malè hoc casu stipulatio comparabitur contractui mutui, ut promissor possit actione directâ conueniri, non tantum Capuz sed etiam in loco domicilij, ut in *d.l. heres absens §. ult.* quoniam sic concepta stipulatio est, ut ubique cœperit debere, qui nullo adiecto loco se obligauit. Quod verò promisit soluere Capuz factum est per pactum incontinenti appositum, quod licet stipulationi credatur inesse, quantum ad hoc ut locitatio habenda sit, non tamen eam vim habere potest, ut perinde inducat arbitrariam, atque si Capuz dari promissum esset, quia sèper verum est dicere, simpliciter dari promissum fuisse, & consequenter ex ea stipulatione directam actionem natam esse ex qua potuerit agi, non quidem ubique propter subiectum pactum quo conuenit ut Capuz solueretur, sed utrobique, id est vel in loco domicilij, vel in loco solutioni destinato. Interest igitur cum de stipulatione tractamus an promiserit quis dare centum Capuz, an verò simpliciter, subiecto tamen pacto ut Capuz solueretur. Priore casu locus ab initio inest obligationi, atque ita impedit ne alibi quàm Capuz conueniri reus possit, nisi per arbitrariam. Posteriore autem casu obligatio pura est, locus autem subinde pacto adiectus ad solutionem non ad obligationem. Obseruandum autem est Vlpianum in *d.l. heres absens §. ultim.* non loqui de eo qui centum in Italia dari promiserit, sed de eo qui sic obligatus fuit ut in Italia solueret, quibus verbis apertè distinguit ille obligationem à solutione, locumque solutioni dictum esse indicat, non obligationi, ut & in *l. si ut proponitur 61. D. de fideiuss. l. quare 100. D. de solut. Quæ* res excludit arbitrariam, cui scilicet nõ aliter sit locus, quàm si non tam solutio quàm obligatio ipsa in locum certum conferatur. Quantum verò intersit, an obligationis, an solutionis causa quid adiciatur nemo nescit, & constat ex *d.l. 2. §. idem Iulianus De eo quod cer. loc. l. eum qui 56. §. qui sibi. l. si duo rei 128. De verb. oblig. l. Stichum aut Pamphilum 95. §. quæsum de solut.* Nam & in legatis multum refert an adiciatur dies obligationi, an solutioni, ut constat ex *l. pen. C. quando. dies leg. ced.*

ERROR DECIMVS.

De sententia l. ult. C. de senten. que fin. cert. quant. profer. Et de tribus casibus distinguendis cum queritur, ubi solutio fieri debeat.



MOR verò quod addit Bartolus pro distinctionis suæ confirmatione, Probari optimè ex *l. ult. C. de senten. que fin. cert. quant. prof.* sic posse formari libellum, ut in vno loco conueniatur reus ad soluendum alio loco. Cum in ea lege verbum nullum sit, quod ad hanc speciem accommodari possit. Tractat enim Gordianus Imperator eo loco de sententiâ quæ à iudice dato sic prolata fuerat contra maritum à quo dos per mulierem soluto matrimonio repetebatur. *Quæ bona fide accepisti solue.* [Sic enim & veteres legerunt, ut apud Bart. videre est,

est, & legi debet] & ait, sententiā huiusmodi nō niti autoritate rei iudicatæ, tãquam incertam & sine certa quantitate prolatam, quod incertū esset quid maritus accepisset, quantumq; ab eo peteretur. Mox addit *Præsertim cum ipse qui extra ordinem iudicabat interlocutus sit dotem datam qua repeteretur, non liquidam esse.* Intelligit meo iudicio de Prætorē vel de Prælide prouinciæ, qui aditus à litigatorib; ex more, vt lite apud eum cōtestata vel ipse pronūciaret extra ordinē, quod facere poterat & debebat si is nullā habere videbatur implicitā facti quæstionē, vel iudicē daret qui de factō inquireret & cognosceret, si de facti veritate nō satis liquebat; Interlocutus fuerat nō esse liquidā dotē quæ repetebatur, & ob id iudicē dederat, qui de factō cognosceret ac pronūciaret. Isq; nimirū iudex erat, qui supradictā sententiā tulerat iis verbis cōceptā. *Qua bona fide accepisti solue.* Incertam igitur, cūm ex interlocutione illius qui iudicē dederat incertā dotem esse appareret. Cui consentaneum est in sequētibus bene scriptum esse, *Cūm igitur is qui postea iudicabat contra te certam sententiā protuleris, nec vt quidā putant, pro certam legendum esse incertam.* Duplex enim sententia lata proponebatur non ab eodē iudice sed à diuersis, & quidē pedaneis datis ad cognoscendū de factō & pronūciandū de iure ex ritu & ordine iudiciorū, sed ex quib; tamen priore præcesserat interlocutio ius dicētis, qualis præcedere solebat quālibet iudicis pedanei dationem, Vel ob hoc ipsum vt sciretur, quare Prætor aut Præfes prouinciæ iudicem daret, nec ipse pronūciaret, cūm ad ipsius officium pertineret lites quān citō dirimere nec faciliē ad iudicium accipiendum eos cogere, quos autoritate iudicij sui posset dimittere *l. quidam 21. D. de reb. credit.* Itaque quod lex ait de eo iudice qui postea iudicabat, ad aliū referendū est quān ad illū ipsum iudicē qui sententiā incertā tulisse dicebatur. Vt. n. idem iudex qui sententiā incertam protulit, iterum de eodem negotio aliā sententiā siue certam siue incertā ferre possit, certē ratio iuris est impedimento: quandoquidem statim atq; iudex datus tulit sententiā qualem qualem siue benē siue malē officio suo semel fūctus est *l. iudex posteaquam 55. D. de re iud.* Sed tamē nō eo minūs potest alius postea iudicare, quando prior sententia est nulla propter incertitudinem, quia tunc etiani sine appellatione denuō retractari lis potest *l. Præfes prouincia 27. D. de re iudic. l. si expressim 19. in fi. D. de app.* Et verō tractare Gordianum de sententia certa non de incerta quæ nullas ex iure vires habere potuerit, constat satis ex iis verbis quæ in rescripto sequuntur *neque à statutis prouocaueris ipsa tuo facto confirmasti iudicatum.* Non enim potuisset fieri vt valeret ea sententia, vimq; rei iudicatæ haberet, quæ lata esset sine certa quāritate, tamen si ab ea nō fuisset prouocatū *d. l. præfes prouincia.* Cur. n. debuisset, obsecro mulier prouocare ab ea sententia quæ ipso iure non valeret? *d. l. si expressim. l. 1. §. item eum contra D. quæ sent. fin. appel. rescind.* At sibi debebat imputare cur non prouocasset mulier ab ea sententia quæ iure valuisset, si minūs æquā illā esse arbitrabatur. Quod. n. iure valet sententiā, nō facit quominus ab ea prouocari possit, Imò facit vt prouocari debeat si nō eā factō suo cōfirmare quis velit. Satis. n. confirmat qui prouocare non vult cūm possit. Sed quid hæc omnia ad rem nostram & vt probes pro Bartolo, Posse quem conueniri vno loco vt soluat in alio? Mendum sanē est apud Bartolum, qui non legem vltimam sed primam illius tituli voluit allegare. Ad quam idem Bartolus notat valere sententiā de futuro si dependeat à iure quod sit de præsentī, Item quod effectu idem est, Ea quæ sunt de futuro si habeant dependentiam à iure de præsentī ad officium iudicis pertinere, si nihil actori possit imputari. Petebatur enim eo loco fors de-

bita, à qua pēlebāt vsurz que in posterū deberētur. Verū neq; id vllomodo ad rē pertinet. M. ilo. n. facilius est, vt qui pronunciat de forte, de vsuris quoq; pronunciet, quā vt quod in vno loco pronūciat esse debitū, alio loco soluedū esse pronūciat: Cū si locus solutioni tantū, nō etiā obligationi dictus sit, melius sit & expeditius condēnare debitore vt soluat in eo ipso loco in quo fertur sentētia, habita tamē ratione quā si fieri potest alterius loci in quo solui debuit, quā vt alibi solvere cōdēnetur. Quæ cōdēnatio non magis exitū & finē habere possit, quā obligatio qua quis stipulanti promisit *decem Capna dari*, si ad locū illum solutioni destinātū nūquā accedere promissor vellet. Distinguēdi ergo sunt diligenter tres casus. Primus est cū locus non solutionis tantū causa positus est, sed etiā obligationis, quod euenit duntaxat in stipulatione, & quidē sic cōcepta *Capna centum dari*, ex qua demū nascitur arbitraria *d.l.2. §. 1. de eo quod certo. loc.* quæ nō nasceretur si directā posset sufficere ad cōdēnandū debitore vt solueret in loco destinato. Secundus est, si locus non obligationis sed solutionis tantū gratia adiectus sit, quod euenire potest siue ex mutuo siue ex stipulatione debeatur. Tertius est si purē nullōque loco adiecto dare quis sit obligatus. Primo casu agi potest directā actione ex stipulatu in eo tantū loco qui stipulatione comprehēsus fuit, Et ideō necessaria est arbitraria & utilis, per quā possit debitor cōueniri vbiq; id est quocūq; loco inueniatur, quia necesse est vt vel nullibi conueniri possit si nūquā accedat ad eū locū vel vbiq; possit *d.l.1. eod. d.l. si duo 16. §. 1. de const. pecun.* Et ideō fatēdū est verissimū esse, Plurib. locis conueniri posse illū qui per stipulationē promisit *Capna dari*, quā eū qui sic obligatus fuit Romæ vt *Capna* solueret. Hoc. n. casu, qui secundus casus est, conueniri non vbiq; debitor potest, scilicet vt defendi debeat etiā vbi non inueniatur, sed vtrōque tantū, id est vel in loco domicilij, vel in eo vbi solvere debuit *d.l. heras absens §. ult. De iudic. quib. locis defendi etiā debet d.l. 1.2. & 3. De reb. auct. ind. post.* At, tertio casu cū locus nullus adiectus est neque ad obligationem neque ad solutionē, potest agi quocūque loco dū in eo inueniatur debitor, *d.l. eum qui insulā 43. eod. l. qui loco certo 27. D. de cond. indeb.* Ex quo etiam intelligimus quā parū acutē quidā scripserint, huiusmodi stipulationis *Capna centum dari* duas esse partes, vnā cētū dari, alterā *Capna dari*, Exēplo ei quod scribit Vlpian. *l. Celsus 23. §. 1. De recep. qui arbit. rec.* Si arbiter iusserit dari pecuniā intra Calēdas, duo esse arbitri pcepta, Vnum dari pecuniā, Alterum dari intra Calēdas. Sunt. n. ista lōgē dissimilia, & valde dispar hac parte ratio loci & tēporis, etiā in eadē stipulatione. Locus. n. potest inferi stipulationi aut ad solutionē tantū, vt puta si cōcepta stipulatione *centum dari soluenda Capna*, aut etiam ad obligationem, vt in illa de qua tractamus *Centum Capna dari*. At tempus, quocunque modo stipulationem concipias, pars equidē obligationis est *l. 1. §. editiones D. de edend. sed* tamen nunquam obligationis causa adicitur, sed solutionis duntaxat, vt ante tēpus illud non possit debitor conueniri: Totum verō medium tempus liberum habeat ad soluēdū *l. quod certa die 70. D. de solut. l. stipulatio ista 38. §. inter incertam De verb. obl.* Vnde sit vt obligationis & stipulationis in diē conceptæ dies statim cedat, licet non prius veniat, quā tēpus præterierit, & quidem totum *l. qui hoc anno 42. l. liber homo 110. §. 1. eod. tit.* Cū tamen id quod certo loco dari promissum est nullomodo debeat eo loco, priusquā ad eum locum perueniri possit, *d.l. contianus 137. §. cum ita eod. ita* vt non magis possit videri dies interim celsisse, quā si sub condicione promissum fuisset *l. inter dum 73. eod. l. cede-re diem 213. De verb. signif.*



ANTONII FABRI

I.C. SEBVSIANI IN SVPRIMO

SABAVDIÆ SENATV PRÆSIDIS

PRIMARI,

DE ERROR. PRAGMAT. ET
INTERPR. IVR.

DECAS XCI.

ERROR I.

De arbitraria que datur pro pecunia mutua certo loco soluenda. Ad l. ant. mutua §. D. de eo quod certi. loc. & ad l. qui Roma 122. in princi. de verb. obl. g.



I quod diximus in præcedentibus. Arbitrariam actionem De eo quod certo loco nasci ex illa stipulatione *centum Capna dari* quomodo disertè scriptum est in l. 2. §. 1. D. il. 111. De eo quod certi. loc. Non autem similiter nasci ex mutuo si fortè mercedem quis mutuam dederit soluendam & reddendam certo loco, Valde obstat quod scribit Pomponius in l. ant. mutua 6. eod. non minùs arbitrariâ actionem competere si pecunia sic mutua data fuerit vt certo loco reduatur, quàm si heres testamento iussus sit certo

loco quid dare: quo casu arbitrariam competere scriptum est ex Paulo in lege præcedente. Putabam aliquando restringendam esse illam Pomponij sententiâ ad eum casum quo mutua esset data pecunia interveniente stipulatione, Vt nihil differret hic casus ab eo quo stipulatio sola intervenisset ex causa præcedentis mutui. In qua specie diximus non aliam posse actione cõpetere quàm arbitrariâ si alio loco agatur, quàm in quo dari res debuit. Ita. n. obseruari olim solebat cùm pecunia mutua dabatur, vt stipulatio de ea reddenda interponeretur. Quod cùm eueniebat, nō iâ mutui quâ stipulationis cõtractus intervenisse credebatur, Nō quasi facta novatione, tñ allatâq; obligatione mutui in causâ stipulationis, sed quasi vnico stipulationis contractu inito, cui mutuum causâ dedisset. Quomodo idē Põponius ratiocinatur & cū eo Vlpianus in l. cum. n. 7. l. 6. §. 1. l. præd. D. de non. Nimirū quia quo strictior eo fortior esse videbatur cõtractus stipulationis ad obstringendū promissorē quominus aliquādo cõiunctus recusare solutionē posset. Verū mihi postea diligētius & subtilius intuei durior visa est hæc interpretatio, quàm vt in ea persilare velim, Nō ob id solum quòd in diti. l. ant. mutua, nulla prorsus mentio stipulationis fiat, sed tantum pecuniæ creditæ, Verūm etiam quòd in ea pecunia quæ ex illa tantum stipulatione deberetur, Capna centum dari, res esset apertior, competere ex ea causa. arbitrariam,

quàm vt specialiter lege illa notari debere videretur. Adde quòd eà quoq; interpretatione admissa, vt de illo casu sēferit Pōponius, quo ex causā mutui stipulatio interposita esset de mutua pecunia certo loco reddēda, nō tamē ea sublata esset difficultas, quē nūc me remioratur. Nō. n. de ea stipulatione tractaret Pomponius quē sic interpolita fuisset, *Capue cētū dari*, ex qua sola diximus nasci arbitrariā, sed de illa in qua locus fuisset adiectus non obligationis, sed solutionis tātū gratia. Loquitur. n. de mutuo sic dato vt certo loco redderetur. Et cōsequēter [si cōmintersi velis stipulationē interuenisse] de ea stipulatione ex qua promissor qui pecuniā mutuā accepisset, obligatus primū fuisset purē nullo isti obligationi adiecto loco, sed subiecta statim pactione de redditione mutui certo loco faciēda. In qua specie diximus nō magis ex stipulatione nasci arbitrariam per quā cōueniri promissor vbiq; possit, quā ex mutuo aut alio quolibet contractu stricto. Quia cū locus ad solutionē tātū non etiā ad obligationē appositus est, potest debitor cōueniri, nō in eo tātū loco in quē collata solutio est, & in loco domicilij, licet neq; in hoc neq; in illo inueniatur *l. heres absens* 19. §. vlt. *D. de iudic.* cū in defendi utrobique debeat, vt missio in possessionem bonorum ipsius eorūque venditio impediatur *l. 1. 2. & 3. D. de reb. auctor. iudic. possid.* sed etiam quocunque alio loco inueniatur, ac si purē promississet, quamuis vbi non inuenitur, nec se debeat defendere *d. l. heres absens* §. proinde. Cur non enim vbiq; conueniri possit qui vbiq; debet? Itaque ob hoc ipsum cōueniri vbiq; potest, quòd vbiq; est obligatus, sed actione directā non minùs quàm qui nullo certo loco dare promissit, nō arbitraria, vt ille qui certum quidem locum adiecit, sed obligationi ipsi non solutioni: eiūque rei probatio non obscura peti potest ex eleganti illo respōso Sczuolæ quod extat in *l. qui Roma* 122. *in prin. De ver. oblig.* vbi manifestū est tractare Sczuolā de eo qui cū Romæ pecuniā mutuā dedisset soluēdā in lōginqua prouincia post mēses tres, stipulationē de ea re interposuerat, eāmq; pecuniā sua die ibi soluēdā stipulatus fuerat, adiecto proinde loco solutioni tātū, nō etiā obligationi, vt postrema illa respōsi verba probāt *posse stipulatorē sua die ibi vbi soluēdā stipulatus est petere.* Quare nec arbitrariā actionē in ea specie dat Sczuola stipulatori, qui si arbitrariam haberet vt ille qui cētū Capue dari stipulatus est, vbiq; locorū agere nō minùs posset, quàm vbi pecuniā dari stipulatus esset, sed actionē dat directā in eo loco exercēdā, in quē destinata fuit solutio, Non quasi in loco etiā domicilij promissoris exerceri non possit *d. l. heres absens* §. vlt. Sed vt intelligamus nō posse debitore vbiq; cōueniri quomodo possit, si obligationi non solutioni adiectus locus fuisset. Neq; alia videtur mihi esse ratio eius quod Paulus respōdit in *l. quare* 100. *D. de solut. tutorib. vel curatorib.* in prouincia datis qui pecuniā pupillare in prouincia tenerauerāt, sic vt ea Romę solueretur, nō eo minùs rectē solui potuissent, quòd alij essēt rerū Italicarū tutores vel curatores, quib. proinde in Italia solui debere videretur. Quis. n. miretur posse illos Romæ solutionē accipere, quā & ipsi etiam Romę vltro petere ex lege stipulationi dicta, & vrgere potuissent? Aut quænam dubitādi ratio esse potuisset, si ex stipulatione de soluēda certo loco pecunia etiā arbitraria actio nasci posset? Quis. n. nō equū arbitraretur prouincialib. tutorib. aut curatorib. arbitrariā actionē habētib. in eo saltē loco agere in quem collata solutio fuisset. Quidni ergo longē magis in eodem loco solutionē accipere? Etā nō excludit hæc ratio locū domicilij debitoris, vt ibi quoque possit & cōueniri si inueniatur, & vltro soluere si id malit ne conueniatur, graviorib.que sūptib. oneretur. Alia igitur ad Pōponiū interpretatio quæreda est, quàm quæ nobis aliquādo placebat, Noua itaque & certē subtilior, fortassis etiā nisi me fallo, vera.

Attulimus in superioribus differentiam quam nemo ante nos obseruauerat inter contractus illos strictos mutui & stipulationis, quod in mutuo non potest locus adijci ad obligationem quæ non nisi ex re & traditione ipsa nascitur, sed tantum ad solutionem, In stipulatione uero potest locus adijci nunc ad solutionem tantum, ut in *d.l. qui Roma c. d.l. quero*, Nunc etiam ad obligationem, ut in *d.l. 2. §. 1. De eo quod ceri. loc.* Et rursum ostendimus quod non magis ab alio ullo obseruatum est, quantum referat an in stipulatione solutionis tantum, an etiam obligationis gratia locus adiectus sit, Posteriore namque duntaxat casu induci actionem arbitrariam ut debitor quocunque loco conueniri non minus possit, quam si nullo certo loco promississet, non etiam priore. Tertia nunc nec minus noua obseruanda nobis differentia est, inter pecuniam & cæteras merces, quæ in causam & contractam mutui cadere possunt, quod ad hoc de quo nunc disputamus, An loci adiectio in contractu mutui faciat actionem arbitrariam. Iam enim diximus, Si frumentum, aut uinum vel oleum, aut quid aliud simile extra pecuniam numeratam mutuo datum sit, ea lege ut certo loco reddatur, non nasci ex loci adiectione arbitrariam, sed sufficere directam conditionem certi ex mutuo per quam repetatur quod datum est scilicet etiam in loco domicilij si malit creditor ibi rem conuenire, Ita tamen ut in rei debite æstimatione ineunda quæ in condemnatione deduci debet habeatur ratio eius loci in quo solui & reddi merx debuit, id est ut tanti merx æstimetur quæ si fuit tempore litis contestatæ non ubi petitum est, sed in eo loco in quo fieri solutio debuit *d.l. uinum 22. De reb. cred. l. ult. De cond. & strus. l. idem eris 60. D. de uerbor. oblig.* Quid enim vetat uno in loco æstimari rem, quanti est in alio? At si pecunia mutua data sit, eodæ pacto addito, ut certo loco reddatur, Dico non posse conditionem sufficere ut siue actori, siue reo consulatur quod pertinet ad loci adiectionem. Nam cum pecuniæ certa & perpetua sit ubique locorum æstimatio in re publica bene constituta, qualis Romana semper fuit *l. 3. D. de in lit. iur. l. 3. De eo quod ceri. loc. l. 1. D. de contr. empt.* nec proinde æstimari ipsa possit, cum ex contrario cæteræ res omnes per eam æstimentur *l. si ita fideiussor 42. D. de fideiuss.* Non potest fieri ut pecunia, quæ alio loco petitur quam in quo reddi ex conuentione debuit aliam æstimationem recipiat, quam illius in quo petitur, & consequenter inutilis sit adiectio loci, quam tamen cum sit pars contractus inutilem manere non oportet, siue inter sit creditoris, siue debitoris in eo loco potius solui pecuniam, in quo conuenerat ut solueretur. Cur enim locum adiectum uoluerunt cōtrahentes, nisi ut appareret uoluisse illos rationem haberi eius loci, siue actoris, siue rei interesse contingeret? Idque adeo uerum est, ut quamuis ex stipulatione nihil possit peti nisi quod uerbis stipulationis discretè ac nominatim comprehensum est *uulg. l. quicquid adstringenda 99. De uerbor. oblig.* Si tamen vel dies vel locus in stipulatione adiectus sit, non minus debeatur id quod interest quam si in stipulationem deductum esset *l. si Calendis 11. D. de re iudic. l. si fundum certa die 114. De uerbor. oblig.* Nempe quia numquam debet auferri utilitas loci & temporis si qua interuenit *l. quod si Ephefi 4. in princ. De eo quod ceri. loc. l. quoties 59. cum l. seq. De uerbor. oblig.* Hinc igitur fieri contendo, ut cum pecunia mutua data est sic ut certo loco reddatur, etiam nulla interueniente stipulatione, non alio loco peti possit quam in quo solui debuit nisi per arbitrariam. Eamque rationem & sententiam esse *l. aut mutua 6. De eo quod ceri. loc.* quia cum adiectio loci in pecunia credita nullam æstimationis diuersitatem inducere possit, quam in cæteris rebus induceret quæ mercis appellatione continentur, necessario cō-

sequens est ut vel inutilis prorsus sit & inefficax, vel inducat arbitrariam ad inducendam ex alterutra parte prestationem eius, quod interest, ut aliqua loci ratio habeatur, quæ aliter haberi nulla posset. Numquam enim potest in conditionem certi ex mutuo venire id quod interest, quantumcunque proponas adiectum fuisse solutioni tempus vel locum, scilicet propter naturam actionis quæ non solum stricta est [nam & actio ex stipulatu æquè stricta est.] sed etiam tota ex re tradita æstimatur, non ex consensu, non ex verbis, quomodo stipulatio, cui ob eam causam non tantum inesse dicuntur pacta ut pariant exceptionem adeoque actionem si apposita sint incontinenti, sed etiam ut forment actionem ipsam ex stipulatu, ita ut ex stipulatione agi possit etiam ad id quod pacto conuentum fuit, haud aliter quam si per stipulationem conuentum fuisset *d.l. si aliter petens 27. Cod. de pact.* quam qui cum Cuiacio intelligunt de eo duntaxat pacto quod stipulationem præceperit, nescio, quid possint respondere ad verba illa *sen post statim interpositum sit.* In quibus ponderari etiam volo dictionem illam *statim* ut alios refellam qui volunt eam esse naturam stipulationis & pacti ut pactum inutiliter stipulationem subsequatur, id est ut quavis si scripturæ & instrumenti ordinem intueamur pacti narratio & antecedere & subsequi stipulationis narrationem possit, Naturam tamen pactum non possit subsequi stipulationem, quasi stipulatio quidem pacto adiecta obliget, at non è conuerso. Si enim de eo pacto per stipulationem firmando tractarent Imperatores, quod siue in ipso stipulationis contractu, siue antè stipulationem narratum fuisset, quid obsecro referret an statim secutum esset an ex intervallo? Aut potèstne dici pactum post interpositum, etiam adiecta dictione *statim* quod tractatum & narratum fuerit antè stipulationem? Denique quis rectè dicat *pactum post statim interpositum* quomodo loquuntur Imperatores, pro eo quod illi interpretantur narratum? Quomodo narrari potest, quin hoc ipso interponatur cum nihil exigat nisi consensum? Et quid si pactum, quod stipulationem subsequetur, sit contrarium stipulationi? ut in *d.l. si aliter*. Potèstne tractatum videri aut narratum fuisse in stipulatione? Fateamur ergo, id quod res est, stipulationem quantumvis stricta sit, formari posse, & reformari per pactum incontinenti appositum: At conditionem certi ex mutuo non posse.

ERROR SECVNDVS.

Alia differentia inter mutuum & stipulationem pecunia certo loco solue. d.l.



N D E alia etiam nec minùs elegans nascitur differentia inter mutuum & stipulationem tum quoque cum pecunia debetur, quam certo loco solui conuenierit. Mutua namque data pecunia id eo necessaria est arbitraria, quoniam ut diximus loci ratio haberi aliter non potest, neque ad ineundam æstimationem quæ semper & ubique eadem est pecuniarum; Neque ad præstandum id quod interest, quippe quod ex contractu mutui etiam si dies vel locus solutioni adiectus sit, numquam debetur. At si per stipulationem certa pecunia certo loco soluenda promissa sit, potest creditor ex ea stipulatione & actione directa consequi non modò eam ipsam quantitatem quæ promissa fuit, sed etiam id omne quod ipsius interest siue ratione tēporis si sua die solutū nō sit, ut in *d.l. si Calendis* & *d.l. si fundum*, siue ratione loci si alio loco agere cogatur stipulator, quod facere viique potest saltem in loco domicilij promiss-

promissoris ut in superiorib. docuimus ex *l. heres absens 19. §. vl. D. de iudic.* Nec
 vlla in ea re opus est arbitraria, cum possit sufficere directa actio ex stipulatio-
 ne, quippe quā nihil prohibet dari etiā ad id quod stipulatoris interest, non mi-
 nus ratione loci qui solutionis tantum non etiā obligationis causa adiectus sit,
 quā ratione tēporis, quod nisi ad causam solutionis nūquam adiicitur. Dire-
 cta. n. actio ex stipulatione cōpetit etiā cum alio loco agitur, quā in quo fieri
 solutio debuit, siue domicilij locus ille sit, siue alius quilibet dum in eo debitor
 inueniatur, & dum ne obligationi dies adiectus sit, potius quā solutioni, secū-
 dū ea quę suprà diximus. Nihilne igitur intererit, an directa actione agat stipu-
 lator alio loco quā in quem collata solutio fuerat, an arbitraria? Nihil penitus
 quod pertinet ad stipulationē. Tantundē, n. per illam quācumque per hanc conse-
 quetur, id est id omne quod propter loci adiectionē ipsius interest. Sed intere-
 rit tamē quātum ad promissorē, Cui per directā ex stipulatione actionē consuli
 nō potest etiā si maxime illius inter sit designato loco cōueniri, cum tamē per
 arbitriā nō minus ei quā stipulatori cōsultatur, Imō tātō magis quod ex na-
 tura arbitrarie actionis est, ut quēadmodū pro necessitate actoris & cōseruandę
 actionis gratia cōparata fuit, ita potissimum vtilitatē respiciat debitoris, quem
 in quē esset alio loco cōueniri si nō ipsius quoq; indēnitati cōsuleretur. Fatcor
 habendam esse rationem etiam eius quod interest stipulatoris. Sed interdum ut
 loquitur Vlpianus in *l. 2. §. vl. vers. Iulianum De eo quod certi. loc.* Non igitur sem-
 per, neque ex natura actionis, Quid? An non iniustum est eam ex stipulatione
 actionem directam dari in qua eius duntaxat ratio habeatur quod stipulatoris
 inter sit ratione loci non etiam eius quod inter sit promissoris? An non adiicitur
 locus & quē gratia vtriusque, Præsertim verō promissoris quem sanē credendum
 est non tam facili promissurum fuisse si in alium locum solutionem conferre
 stipulator voluisset? Respondeo non habere promissorem quod de hac con-
 queratur. Quia priusquā ad eum locum peruenire potuerit, neque eo loco,
 neque alibi vspiam conueniri potest, cum obligatio licet pura, capiat tamen di-
 lationem ex re ipsa *l. interdum 73. De verb. oblig.* quamvis ubique interim debe-
 ri videatur, quod nullo adhuc certo loco debetur, vnde est quod interim ubi-
 que etiam solui potest *d. l. continuum 137. §. cum ita De verb. obligat.* Postquā ve-
 rō præterit tempus intra quod ad eum locum perueniri potuit, imputare sibi
 promissor debet, cur non eo loco soluerit, si fortē creditor quoque adfuit, aut
 alius, qui eius vice solutionem accipere potuisset. Quod si nemo fuit, cui solui
 potuerit, est tamen adhuc quod imputare sibi promissor debeat, cur non vix
 deposuerit & obsignauerit pecuniam in eo ipso loco solutioni designato, ut ob-
 signatio vim solutionis haberet. Fuisset enim debitor eo modo, non minus
 quā solutione liberatus, Aded ut etiam si arbitraria illo casu conueniretur, ab-
 solui tamen deberet *d. l. quod si Ephefi 4. §. 1. De eo quod certi. loc. iunct. l. obsigna-
 tione 9. C. de solut. l. acceptam 19. C. de usur. l. vl. D. de leg. commiss.* Proinde nihil
 absurdi est actione directa quæ ex stipulatione cōpetit aduersus eum qui certo
 loco soluere debuit haberi rationem loci in fauorē eius qui agit. Non etiam in
 fauorem promissoris. Ob idque nimirum fuit necessarium inducta actione vili
 fauore actoris ut ubique inuentum reum conuenire posset, id est etiam alibi
 quā ubi dare se obligasset, Illud etiam inducere ut ea vilis actio esset arbi-
 traria, id est in qua iudicis arbitrio & ex æquitate condemnationem fieri o-
 porteret, ut quanti eius interesset alio loco soluere, æstimaretur maxime.
 Deinde quanti etiam actoris interesset si nihil ei posset imputari *dist. leg. 4.*

§. 1. & d. l. 2. §. ult. De eo quod cert. loc. Dices, Nullam æquitatem esse quæ faciat pro reo, cum potest ei imputari cur non ea fecerit quæ modò diximus, Quæ si e contrario fecerit, nihil iam tractari posse de arbitraria aduersus eum dāda quæ sit liberatus. Respondeo inultum hac parte differre actionem arbitrariam à directā. Arbitrariam enim non ipso iure competere, sed dari ex æquitate, ob idq; vtilem dici & consequenter facilius æquitatis rationem admittere in rei quoq; persona qui summo iure non alibi quàm vbi dare promississet conueniri posset. Vt qui in vno grauatur in alio releuetur, quod nec Bart. ignorauit. At in actione directā & strictā, prorsus nulla ratio est inducendæ æquitatis, præsertim verò in gratiam rei cui mora possit obici & imputari. Ea denique ratio facit vt contra eum qui pecuniam stipulanti promissit soluendam certo loco non sit necessaria arbitraria vt loci ratio aliqua pro stipulatore habeatur, quæ tamen esset necessaria si ageretur de pecunia credita quam certo loco dari conuenisset. Atque ita totam hanc quæstionem perplexam sanè ac difficilem explicandam esse arbitror.

ERROR TERTIVS.

De actione arbitraria, Ex testamento. Ad l. si heres §. De eo quod cert. loc. & de differentia legatorum vindicationis & damnationis hac parte.



CUM de actionibus arbitrariis nostri tractant interpretes, solent eandem rationem constituere actionis arbitrariæ, quæ nascitur ex mutuo, & eius quæ competit ex testamento, Quasi vtraque sit perinde & æquæ arbitraria, quod tamen falsum esse iam constat ex superioribus. Non enim ex quocunque mutuo nascitur actio arbitraria, licet conuenierit vt certo loco mutuum redderetur, sed eo tantum casu quo mutua pecunia data sit, vt in *l. aut mutua 6. De eo quod cert. loc.* nō etiam si merx, prout vinum, oleum, aut frumentum *l. vinum 22. D. de reb. cred. l. vltim. De condict. 77. c.* At si heres à testatore iussus sit certo loco quid dare, arbitraria actio omnimodo competit *l. si heres §. De eo quod cert. loc.* Et tamen perinde nascitur certi condictio ex causa legati, quoties certa res legata est, atque ex causa mutui *l. certi condictio 9. D. de reb. cred. nec minùs hæc quàm illa stricti iuris est.* Nulla enim certi condictio est, quæ non sit stricti iuris, ex quacunque tandem causa detur, cum nulla vsquam inter bonæ fidei actiones numeretur *§. actionum Inst. de action.* Cur non ergo perinde arbitraria semper est condictio certi ex mutuo, cum mutuū certo loco reddi conuenit, atque actio ex testamento? Augetur dubitatio ex eo, quod actio ex testamento licet non magis quàm condictio certi ex mutuo inter bonæ fidei actiones enumeretur in *d. §. actionum*, Ideoq; legata & fidei commissà à bonæ fidei cōtractib; separētur in *l. in minorū 3. C. in quib. caus. res. in integ. necess. nō est.* In plerisq; tamē ac ferè in omnib; naturā habet actionū bonæ fidei, putā in eo quod pertinet ad præstationes accessionū veluti fructuū, & vsurarum, quas accessiones certū est in actione ex testamento deberi à die mortis *d. l. in minorū l. si quis seruo 84. l. Titia Seio 87. §. vsuræ de leg. 2.* quæ natura est actionū bonæ fidei, non etiā earū quæ sunt stricti iuris *l. mora 32. §. in bona fidei. l. videamus 38. §. si actionē & §. in casibus iuct. l. 3. §. in his quoque nouis D. de vsur.*

Sed

Sed & in eo imitatur actio ex testamento naturam actionum bonæ fidei, vt & Bartolus tradit, quod resoluta non perfectè actio prima durat, Puta si cùm ædes testatoris quibus heredis ædes seruebant legatæ essent Titio, traditæ ei fuerint ab herede non imposita seruitute quæ ipso iure confusa fuerat per aditionem. Placet enim posse adhuc legatarium ex testamento agere acsi legatum non accepisset, quia non plenum acceperit. Queniamdmodum & si seruum legatum acceperit debilitatum ab herede, rectè ex testamentoaget *l. huiusmodi 84. §. ades de leg. 1.* Quod & in fideicommissio iuris est *l. debitor 59.* in illis verbis *neque fideicommissum quasi minus restituerit, rectè petetur, D. ad SC. Trebellian.* Quidni ergo idem dicimus in actione ex testamento, quod in omnibus bonæ fidei actionibus, quæ nullo casu sunt arbitrariæ quamuis in contractu locus adiectus sit, Propterea quòd earum æquitas sufficere possit vt utilitas loci æstimetur, non tantùm in incunda rei debetæ æstimatione, sed etiam, ratione eius quod intererit alterutrius contrahentium *l. in bona fidei 7. De eo quod cert. loc.* Ratio meo iudicio petenda ex eo est, quòd cùm testator aliquid certo loco dandum legauit, aut per fideicommissum reliquit, idipsum euenit quod euenire diximus in stipulatione illa *Capua centum dari* vt locus obligationis causa adiciatur, non solutionis. Et consequenter vt verum sit non alio loco legatum aut fideicommissum deberi, quàm in quo testator illud dari iussit. Cur enim locum testator adiecisset si alio loco rem deberi voluisset? An non credibile est idèd potius adiecisse vt heredi consuleret, ne alibi eum conuenire legatarius vel fideicommissarius posset? At quia non ea mente id fecisse videri potest vt poneret in potestate & arbitrio heredis ne vnquam deberet aut solueret, numquam veniendo ad eum locum quem testator expressisset. Rectissimè placuit inducendam hoc casu arbitratiam per quam & legatario consuleretur suum consecuturo vbicumque heredem inuenerit, & heredi simul æstimata in ipsis fauorem utilitate loci, & habita ratione Quanti heredis interesset solvere potius in eo loco in quo rem dari testator voluisset. Alioquin fieri certè non posset, vt alio loco rectè conueniretur heres & cogeretur solvere, Ne contra voluntatem fieret, quod ex voluntate proficisceretur. Cùm simpliciter res aliqua legata est, nec adiecit testator vbi eam dari voluerit, Certum est præstari eam debere vbi relicta est, non vbi petitur, Petiti tamen posse etiam vbi non est: Alioqui non esset distinguendus locus petitionis à loco præstationis, qui tamen distinguitur aperte in *l. cum res 47. in princip. De legat. 1. & in l. quod legatur 38. l. si fideicommissum 50. D. de iudic.* An igitur vbique peti poterit, vt contingeret & si peteretur per arbitratiam? Minimè, Sed in loco domicilij vbi & defendi heres debet. Semper enim rectè conuenitur heres in suo domicilio, Nisi præscribat & excipiat de alio loco in quo testator solutionem fieri aut expressim aut verisimiliter voluerit *dict. l. cum res.* Quod facere semper heres potest, Nisi cùm vel dolo malo heres rem legatam in alium locum transtulit quàm in quo à testatore relicta fuerat, Vel in eo loco conuenitur in quo est res quæ petitur, licèt maior pars hereditatis alibi sit *dict. l. cum res l. sed etsi suscepit 52. §. si ea res iunct. d. l. si fideicommissum 50. De iudic.* Vel denique cùm legata est vel per fideicommissum relicta res aliqua quæ consistat in pondere, numero & mensura, id est quæ consistat in genere magis quàm in specie, dum illud etiam concurrat vt per modum generis legata sit, non per modum speciei, puta *Centum modios ex illo horreo* aut *vinis amphoræ tot ex illo dolio, dict. l. quod legatur 38. eod. dict. l. cum res 47. vers. sed si id*

petatur, vbi scriptum est genus quod legatum est per modum generis ibi præstandum esse vbi petitur. At cum testator certum locum legato adiecit, nec tantum solutionis sed etiam obligationis causa, Non potest ratio iuris pati vt alio loco conveniatur heres quam in quem testator legatum contulit, vt puta si testator centum Capuz dari iusserit. Nec distinguimus hoc casu qualis res legata sit, An quæ consistat in genere, an quæ in specie, Nec rursus si in genere consistat, an per modum generis legata sit, an per modum speciei. Quia omni casu ibi duntaxat legatum debetur vbi dari testator voluit. Et quemadmodum in stipulatione diximus multum referre an quis stipulatus sit *Centum Capua dari* an verò *centum soluenda Capua*, propterea quòd priore casu locus ad obligationem adiectus sit, posteriore verò ad solutionem, ideòque prior duntaxat casus non etiam posterior arbitrarie actionis necessitatem & utilitatem inducit l. 2. §. 1. *De eo quod cert. loc. l. qui Roma 122. in princip. De verborum obligat.* Ita & diligenter inspicere ac distinguere debemus, quibus testamenti verbis legatum, aut fideicommissum relictum esse proponatur, vt sciri possit an solutionem tantum, an & obligationem legati testator in locum certum contulerit. Hoc enim tantum casu quo locus obligationis causa adiectus sit, puto locum habere quòd Paulus ait, *in dist. l. si heres*, competere arbitriam vt agi ex testamento vbiq; possit, id est etiam extra locum illum in quem testator non tam solutionem legati quam legatum ipsum contulit, Itaque extra locum domicilij, nempe quia testamenti verba ex quibus legatum necessarid petendum est, non patiuntur vt alibi petatur quàm vbi præcisè non minùs peti illud, quàm præstari testator voluit, Id est ne in loco quidem domicilij: Alioqui nulla inducendæ arbitrarie esset necessitas, si heres in domicilij sui loco conveniri posset, Quomodo haud dubiè potest cum locus solutionem tantum respicit non obligationem, vt à nobis in præcedentibus tractatum est circa arbitriam actionem quæ nascitur ex stipulatione.

ERROR QVARTVS.

Quantum intersit quomodo conceptum sit legatum certo loco dandum. Et an per vindicationem an per damnationem legatum sit. Ad l. quod legatur 38.

De iudic. l. cum res 47. in princ. De legat. 1.



MULTVM ergo intererit an testator ita dixerit *Heres meus Titio centum Capua dare damnas esto*, an ita potius, *Heres meus damnas esto dare Titio centum soluenda Capua*: Priore casu certum est locum adiectum esse legato, & obligationi, Posteriore verò nò nisi solutioni. Bona enim hac parte comparatio est stipulationis, & testamenti, Nec alia ratio est propter quam actio ex testamento inter stricti iuris actiones potius quàm inter eas quæ bonæ fidei sunt annumeretur, siue in hoc tractatu De actione arbitraria, siue quærat De in litem iurando l. alia 6. sup. De in litem iur. Nisi quia cum agitur ex testamento non minùs exactè verba testamenti spectanda sunt, quàm stipulationis inspicerentur, si ex stipulatione ageretur. Quæ de causa mirari soleo insecitiam eorum qui actionem ex testamento adeò similem esse volunt actionibus bonæ fidei vt vix sibi temperent quia eam inter cæteras bonæ fidei actiones annumerent.

Nam

Nam cum bonæ fidei actiones ut nomen ipsum sonat, ex bona fide æstimentur, bona fides autem in eo potissimum consistat ut fiat quod dictum adeoque actum est, unde & fidei nomen deductum quidam volunt, Apparet non posse bonæ fidei actionem intelligi, nisi quæ causam habeat à contractu vel saltē quasi contractu aliquo bonæ fidei. Nec rursus contractum bonæ fidei esse posse ubi nullum gestum negotium & fides nulla data sit. Atqui nullū negotium gestum videri potest inter heredem & legatarium, nisi quod heres adeundo hereditariē videtur quasi cōtrahere cū legatariis sicut & cum creditorib. *l. 3. §. ult. & l. seq. Quib. ex caus. in possent. l. si quis absentis §. heres quoq. D. de obl. & act.* Quid ergo est unde bonā fidē inter eos, & bonæ fidei actionē possis inducere? Neq; ad rē pertinet, quod in actione ex testamento perinde atq; in bonæ fidei iudiciis ex mora usuræ & fructus præstantur. Id. n. fit non ratione vlla bonæ fidei sed favore ultimæ voluntatis, quā effectū statim sortiri non tantum legatarij & fideicommissarij interest, sed etiā reipublicæ *l. vel negare 6. D. testam. quem aper. multoq; magis testatoris, cuius volūtatī mora fieri præsertim per heredē nulla debet.* Cæterum sicuti testatoris voluntas quā primū fieri potest, executioni mādanda est, ita nihil cōtra voluntatē fieri debet *vulg. l. verbis civilib. 7. De vulg. & pup. sub. sit. l. si ancillæ 63. de leg. 1.* quod tamē eveniret si rem quam certo loco dari testator voluit, alio loco petere liceret. Cessante igitur vi & potestate actionis ex testamēto, necessariō inducēda fuit arbitraria, Ne alioqui multo magis voluntas testatoris offenderetur, si in potestate esset heredis nūquam ad locū illum accedentis, ut nusquā conveniri posset. Quod si locus à testatore solutioni dictus sit, non obligationi, nulla necessitas subest inducendæ arbitrariæ, quia potest eo casu heres in domicilij loco conveniri. Sic dicimus, Multū interesse an quis legaverit Titio ducenta cum erit annorum quatuordecim, An verò soluenda cum erit annorū quatuordecim. Primo casu legatū est cōditionale nec transmittitur ad heredē si Titius ante decimū quartū annū decesserit, *l. si cui legetur 49. §. hoc autē legatum De legat. 1.* Posteriore autem casu purū est, nec tantū conditione quā mora suspenditur, ut & in *l. heres meus 79. De cond. & demonstr.* quasi dilata in diem solutione duntaxat nō etiā obligatione *lex huius verbis §. C. quando dies leg. ced.* ubi hanc ob causam responderi Imp. transmitti ad heredē legatū, legatario ante diem defuncto. Sed & observandum est loqui Paulū in *d. l. si heres*, de herede qui legatum certo loco dare iussus sit, hoc est de legato per damnationē non per vindicationem relicto. In quo genere legati per damnationem sicuti alia pleraq; diuersa erant à legato vindicationis, ita illud maxime propriū & singulare ut per manus heredis capi illud oporteret, nec propria authoritate legatū à legatario occupari posset, quomodo potuisset si per vindicationem relictum fuisset ut Ulpianus & Caius testantur in Institutionibus. Quomodo autem fieri poterat ut legatum damnationis per manus heredis caperetur si numquam heres ad eum locum accederet in quo legatum præstari testator voluisset? In legato vindicationis, cuius verba numquam ad heredem semper ad legatarium diriguntur, nullus quæstioni propositæ locus esse videtur. Cum enim legatarius habeat ius vindicandæ rei legatæ ubicumque sit etiam non expectato herede *l. quod legatur 38. de iudic.* quid eget arbitraria actione ut legatum consequatur? Quod si personalem exercere malit [habet enim heredem non minus obligatum quā si per damnationem legatum esset *d. l. l. quod legatur.*] ne tunc quidem indiget arbitraria, Non ob id solū quod potest actione saltē ad exhibendum, quæ vindicationis præparatoria est,

& in personam directa licet in re scripta, convenire heredem in loco domicilij d. l. quod legatur, quemadmodum & rem ibi aut alio quocunque loco exhibitam vindicare posset, vt eadem lex ait, Sed etiam quia vix est vt in legato vindicationis locus adiciatur siue obligationis gratia & ad substantiam ipsam legati afficiendam, siue solutionis causa. Non quidem obligationis gratia, quoniam alioqui non posset legatarius vbique legatum præsens vindicare, quod tamen euidenter falsum est, cum sit ille vbique dominus l. legatum 80. de legat. 2. l. à Titio 64. in fin. De furt. & rei vindicatio sit ex præsenti possessione l. non a. l. 24. §. sed si postulat D. de iudic. Nec rursus solutionis causa, cum id fieri non possit quin cum herede testator loquatur, aut saltem in eum dirigat voluntatis suæ intentionem quod in legato vindicationis fieri non solet: Si tamen locus in legato vindicationis adiectus sit, non aliud sanè dici potest quàm vt solutionis tantum gratia adiectus videatur, Vt sciat heres quo loco præstandum habeat, si actione personali conueniatur, d. l. cum res 47. in princip. De leg. 1. Vbi tamen credibile est tractare Vlpianum de damnationis potius quàm vindicationis legato, cum loquatur de rebus tam alienis quàm propriis legatis. Res enim alienæ per damnationem tantum legari poterant, sicut & ex quæ in pòdere, numero & mensura consistunt, vt refert Caius in Institutionibus, de quibus tamen etiam Vlpianus eo loco tractat, Per vindicationem verò ex tantum quarum dominium ad testatorem viroque tempore & testamenti & mortis pertinuisse probabatur. Ergo vt fiat vniformis determinatio debet ea lex de eo legari genere intelligi quo res alienæ perinde ac propriæ testatoris relinqui potuerint, id est de legato damnationis, quod omnium commodissimè sic cõcipitur vt loci adiectionem admittat his verbis, *Heres meus Titio centum Capua daretur*. Dandi enim verbum licet soluendi quoque & præstandi significationem habeat, magis tamen ad obligationis quàm ad solutionis causam pertinet, cum obligationem aliquam præcedere necesse sit priusquàm de solutione queri possit l. eum qui 56. §. qui sibi l. si duo 128. De verbor. obligat. l. Stichum aut Pamphilum 95. §. quaesitum D. de solut. Inde igitur est quod si testator damnauerit, aut iusserit heredem legatum dare certo loco, arbitraria actio necessaria sit, quia cum nullo alio loco peri legatum possit, eueniret vt in potestate heredis esset nusquam soluere si ad locum in legato comprehensum venire nunquam vellet.

ERROR QVINTVS.

De actione arbitraria ex aliis contractibus strictis. Et an stricti iuris actiones ex strictis fiant arbitrariae, Ad l. 1. D. de eo quod certi loc.



QUAM multi sint errores interpretum in hoc tractatu De actionibus arbitrariis nec minùs veterum quàm recentiorum, liquidò iam satis constare arbitror ex præcedentibus: Sed apparebit clarius ex iis quæ subiungere cogimur ne quid ex illo tractatu ignoretur. Addunt illi in numero actionum arbitrariarum, Eam quæ nascitur ex constituto, si fortè quis constituerit certo se loco soluturum. Nemo enim dubitat quin sicut certo tempore ita & certo loco constituere quis possit, id est in locum certum conferre constitutum l. si duo 16. §. 1. De pecun. constit. vbi obseruandum est loqui Vlpianum de eo qui constituit certo loco nulla solutionis mentione facta,

Ne

Ne dubitare possumus, quin de eo constituto intelligat in quo adiectus sit locus obligationis causa nō solutionis, quāvis difficile sit vt constitutū sine solutione cōcipiatur. Quid.n. aliud est constituere, quā nudo pacto promittere te soluturū quod iam vel à te, vel ab alio, vel ciuilitè, vel naturaliter debeatur? *l. 1. & 2. l. eū qui §. & pass. eo. tit.* Ait verò Vlpianus eo casu quo certo loco constitutū sit, nō solum eo loci posse actore petere vbi constitutum est, sed exēplo arbitrarie vbiq; posse. Quod nostri sic accipiunt quasi nō potuerit Vlpianus apertius scribere actionē De cōstituta pecunia quæ sui natura stricta est, fieri ex stricta hoc casu arbitrariā. Indeq; facti audentiores inferūt, Similiter actiones strictas omnes cæteras fieri adiectione loci arbitrias. Sic.n. Bartolus *ad l. si heres §. D. de eo quod cert. loc.* Nulla tamē propria ratione motus, nulliūq; legis autoritate, sed quatuor tantum illis exemplis actionū, Ex stipulatione, Ex mutuo, Ex testamēto, Ex cōstituto. Nisi quod addit Bartolus, rationē quē induxit necessitatē actionis arbitrarie, & quam adfert Caius *in l. 1. eo.* esse generalē, nec minùs ad omnes cæteros cōtractus qui stricti iuris sunt si in iis locus adiectus sit, quā ad stipulationē pertinere, Nēpe quòd si strictā iuris rationē inspicias, quæ in eo contractū genere sola dominatur, fieri non possit vt alio loco quis cōueniatur, quā in quē solutio collata sit. Ita enim haud dubiè Caij rationē Bartolus intelligit, & hoc primū malè: Cū vt iam docuimus non illū casum tractet Caius, quo locus adiectus sit causa solutionis, sed quo gratia obligationis. Idē enim sic loquitur, *Alio loco quā in quem sibi dari quisque stipulatus esset*, non quomodo Bartolus explicat *Alio loco quā in quo solus quisque stipulatus esset.* Priōr locutio substantiā obligationis respicit, Posterior facultatem solutionis. Atqui non est verum in cæteris contractib. strictis extra causam stipulationis adiici solere aut posse locū obligationis potius quā solutionis gratia, cū eorū substantia ex aliqua re alia pendeat, cuius pariem aliquam facere locus non potest, Si excipias legata, nec ea quidē omnia, sed illa tantum quæ damnationis modo relicta sint ita vt obligatio ipsa legati non solutio collata fuerit in certum locū, vt superiore capite docuimus. Cū enim pecunia mutua data est ea lege vt certo loco reddatur, iā nata obligatio est ex ipsa enumeratione priusquā de loco quicquam conueniat. Et consequenter adiectū postea locum necesse est dicere non nisi solutionis causa adiectū fuisse: ac proinde ex ea adiectione arbitriam fieri numquam posse, ne tum quidem cū de stipulatione agitur, Multò minùs si de mutuo *l. heres absens 19. §. vlt. D. de indic. l. qui Roma 122. in princ. De verb. obliga.* Nisi cū agitur de mutua pecunia certo loco reddenda, Ob illam diuersitatis rationem quam in præcedentibus attulimus, *ad l. aut mutua 6. D. de eo quod cert. loc.* In cæteris contractibus strictis res apertior est, Nondum loquor de constituto. Nec enim constitutum contractus est, sed pactum nudū ex quo tamē Prætor singulari quadam ratione & contra regulam iuris Prætorij dat actionem, vt ex pacto pignoris quasi Seruianam. Quibus postea Theodosius addidit pactum adeoque pollicitationem De dote *in l. ad exactionem 6. Cod. de dos. promiss.* & Iustinianus pactum & pollicitationem donationis *in l. si quis argentum 35. §. vltim Cod. de donat.* Loquor iam de contractibus innominatis, qui si non semper, certè vt plurimum & sui natura sunt stricti iuris, Et in quibus adiici locum nihil prohibet, vt putā si dem tibi Stichum vt mihi des Pamphilum Capuz, aut, si dem tibi Pamphilum vt pro me pingas Romæ tabulam. Est enim primus contractus *Do vt des*, Secundus *Do vt facias*. Idēque in aliis duobus tractari potest *Facio vt des*, & *Facio vt facias*: Puta si pro te pingam tabulam vt mihi des

centum Capuz, Aut si eam pro te Romam ut mihi pingas Lugduni tabulā. Quibus omnibus casibus negari certè nō potest quin locus obligationis causa adiectus sit non solutionis. Ea tamen quis dicat ex huiusmodi contractibus posse nasci actionem arbitriariam? Nam siue dicas, Ex contractu Do ut des nullam aliam actionem nasci posse quàm cōditionem ob rem dati re non secuta, ut plerique putant *ex l. ult. D. de cond. caus. dat. l. i. in fin. D. de rer. permus.* Siue potius actionem præscriptis verbis ad id quod interest, si hoc malit is qui dedit quàm rem suam condicere *ex l. naturalis §. i. D. de præscript. verb. l. cum precibus 4. C. de rer. permus.* Nulla certè ratio aut necessitas subest inducendæ arbitrarie, Cum per actiones istas aliud petatur quàm quod certo loco dari debuit. Certumque sit nō magis cōditionem ob rem dati re non secuta posse arbitriariam esse quàm cōditionem indebiti, quæ nunquam talis est *l. qui loco certo 27. iuncta l. in summa 65. D. de cond. indeb.* Neque ob id magis arbitrarie iure censei posse actionem quæ datur ad id quod interest ob hoc quod suo loco datum factumve non sit quod dari fieriue oportuit, quàm si locus in contractu nullus adiectus fuisset, quia non eo minùs verum est, nullum, quantum ad id quod interest, adiectum fuisse, Ideoque posse id peti quocunque loco inveniatur debitor, & quidem directæ actione, Sicut cætera omnia quæ purè, ac citra vilius loci adiectionem debentur *l. eum qui insulam 43. D. de iudic.* Nec aliud in cæteris contractibus innominatis iuris est. Ex quibus scilicet agitur semper præscriptis verbis ad id quod interest *dist. l. naturalis §. at cum do, & §. sed si facio.* Excepto contractu Facio ut des. In quo genere si postquàm feci, cessas dare, nulla est civilis actio sed tantùm De dolo datur *§. quod si faciam ead. leg.* Quæ actio de dolo sanè arbitrarie est, At non quia ex eo contractu nascatur, sed quoniam semper & sui natura est arbitrarie *§. præterea. Institut. de action. l. arbitrio 18. D. de dolo.* Arbitrarie inquam, non tanquam actio De eo quod certo loco, sed tanquam actio De dolo. Nullus igitur contractus innominatus est ex quo possis dicere nasci arbitriariam actionem De eo quod certo loco, tametsi ponas adiectum esse in contractu locum. Et sanè si ius ita esset, debuerant Iureconfulti scribere generaliter, Arbitriariam actionem fieri per adiectionem loci ex quocunque contractu stricto debeat, non se restringere ad casus illos speciales, Si stipulatio illa interposita sit *Centum Ephesi dari l. i. & 2. §. l. D. de eo quod cert. loc.* Si heres à testatore damnatus & iussus sit rem aliquam certo loco dare *dist. l. si heres §. eod.* Aut denique si mutua pecunia sic data sit ut certo loco reddatur *dist. l. an mutua.* Quid enim hoc aliud est, quàm monere non esse aliis casibus arbitriariam actionem quæ ex contractu stricto proficiatur? Nec sumi argumentum pro Bartolo potest ex eo quod subiicitur *in l. in bona fidei 7. eod.* in bonæ fidei iudiciis etiam si conuenerit de aliqua re certo loco præstanda, bonæ fidei actione agendum esse non arbitrarie. Non enim ita Paulus scripsit, quasi ex contrario senserit, In contractibus igitur, qui stricti iuris sunt, semper inducendam esse arbitriariam, Sed quia inter bonæ fidei & stricti iuris contractus differentia illa est, quòd ex strictis potest aliquando nasci arbitrarie, iis scilicet casibus quos proximè retulimus, Ex illis verò numquam. Neque rursus moueri Bartolus debuit ex generalitate Tituli *D. de eo quod certo loco, & Tit. Cod. ubi conuen. qui cert. loc. dar. promif.* Non tam enim ex Rubrica ut vocant argumentum ducendum est, quàm ex legibus, quæ Tituli sententiam explicant apertius & declarant. Alioqui eodem argumentandi genere possis inferre, Non minùs ex bonæ fidei quàm ex stricti iuris contractibus arbitrarie agi posse, si sufficiat ut conuenerit aliquid certo loco dari,

quod

quod tamen falsum esse nec Bart. ipse diffitetur. Probabilius posset quis argumē-
tari pro Bart. ex eo quod valde generaliter scriptum est in *L. unic. C. ubi conuē. qui
err. loc. dar. promiss.* Eum qui certo loco sese soluturum pecuniam obligat, si so-
lutioni satis non fecerit, etiam in alio loco posse conueniri. Quibus verbis vide-
tur etiam Imper. Alexander innuere, contrā quā à nobis disputatum sit in
præcedentibus, Nihil referre an obligationi locus dictus sit an solutioni, cum
negari non possit quin ad solutionem referantur verba illa *sese soluturum pecu-
niam obligat.* Sed tamen dicendum est, Imò verò ad obligationem referri licet
solutionis mentionem faciant, quia nec obligatio ipsa diffiniri, aut intellectu
percipi potest quin ad solutionem tanquam ad effectum suum referatur. Cùm
nihil aliud sit quā iuris vinculū quo necessitate adstringimur alicuius rei sol-
uendæ, vt in Institutionibus Iustinianus diffinit. Tunc igitur solutionis causa
locum adiectum esse intelligimus, non cū quis certo loco soluturum se obli-
gavit, sed cū quis post obligationem sine loci adiectione quoquomodo con-
tractam, locum adiicit expressim solutioni vt euenire diximus in omnibus con-
tractibus strictis in quibus obligatio nascitur ex traditione & numeratione, &
ex quibus potest agi præcisè ad hoc vt quod promissum est præstetur. Item in
stipulatione, si quis stipulatus sit, non simpliciter *centum Capue dari* sed *centum
soluenda Capua* vt in *l. qui Roma* 122. in princ. *De verb. oblig. l. si vt proponitur* 61. *D.
de fideiuss. l. quero* 100. *De solut. l. heres absens* 19. §. *ult. D. de iudic.* Idque appositè
Caius noster videtur expressisse in *d. l. i. D. de eo quod cert. loc. iis* verbis, *Alio loco
quā in quem sibi dari quisque stipulatus esset.* Est enim longè aliud stipulari quē
in locum certum, Aliud verò stipulari quid soluendum certo loco. Prior locu-
tio significat locum obligationis quoque causa adiectum, Posterior verò non
nisi solutionis, vt intelligamus priore tantū casu nasci arbitriariam actionem
De eo quod certo loco, non etiam posteriore. Sed multò minùs ferri illud po-
test quod pro tuenda sua opinione addit Bartolus generalem esse rationem qua
mouetur Caius in *dist. l. 1.* & ad omnes contractus strictos pertinere ex quibus
certo loco solui quid oportet. Nam cū verissimum sit, quod probauimus sic
intelligi debere Caij rationem, vt necesse fuerit inducere arbitriariam vtilem a-
ctionem, quod non posset conueniri promissor alio loco quā qui in stipula-
tione obligationis causa adiectus fuisset, Perinde est ac si diceret Bartolus, In o-
mnibus contractibus etiam strictis locū adiici semper obligationis causa, quod
sanè per quā euidenter falsum est. Error igitur magnus iste est interpretum,
qui Bartoli sententiam secuti putant, ex quolibet contractu stricto posse per lo-
ci adiectionem fieri actionem arbitriariam. Sed grauior ille, quod putant actio-
nem ipsam strictam, id est quæ sui natura stricta sit fieri ex postfacto & per ac-
cidens, arbitriariam. Arbitrariæ nāque actiones cū toto genere differant à stri-
ctis, necesse est vt vel ab initio tales sint, vel numquam. Constituunt enim
tertiam speciem actionum ab iis quæ stricti iuris, non minùs quā ab aliis quæ
bonæ fidei sunt differentem, ita vt non minùs verum sit dicere arbitriaria iudi-
cia non esse stricta, quā è conuerso iudicia stricta non esse arbitrarيا si Papi-
miano credimus in *l. 3. §. in his quoque iudiciis D. de usur.* Stricta nullam prorsus
bonæ fidei rationem admittunt, quā arbitrarيا admittunt. Actiones
strictæ licet possint esse non tantū directæ sed etiam viles; vt cernere est in
illa vtili actione ex stipulato, de qua in *l. mora* 32. in fin. *D. de usur.* semper tamen
strictæ sunt; & ex iure stricto æstimandæ numquam ex æquitate. At arbitrarيا
nulla esse potest quin æqui & boni rationem haberi oporteat d. §. *prætere à inst.*

de action. l. 2. §. ult. l. 4. §. 1. De eo quod cert. loc. Nec quòd actio ex stipulatione De eo quod certo loco dicitur utilis in d. l. 1. eod. eam tantum causam habet quòd directa nò sit, nec esse possit, sed illam potissimum, quod inducta sit ex æquitate: Vnde etiam dicitur & est arbitraria. Denique arbitrariz actiones non tam nascuntur ex contractibus, quomodo nascuntur omnes quæ sunt vel bonæ fidei vel stricti iuris, quàm ex natura & æquitate negotiorum, Et idè non quemadmodum dicimus tres esse species actionum, Vnam earum quæ sunt bonæ fidei, alteram arbitrariorum, quæ ad actiones bonæ fidei propius accedunt, Terciam earum quæ sunt stricti iuris d. §. in his quoque, & §. actionum iunct. dict. §. præterea Inst. de action. Ita & tria dicimus esse contractuum genera, Nulli enim contractus sunt arbitrij, sed omnes vel bonæ fidei, vel stricti iuris. Indèq; fortassis factum est vt Iustinianus in d. §. actionum diuiserit actiones in bonæ fidei & strictas, nulla arbitrariorum mentione facta, De arbitrariis autem separatim tractauerit in d. §. præterea, Nempe quòd actiones omnes quæ ex contractibus nascuntur aut ex quasi contractibus necesse sit vel bonæ fidei esse, vel strictas, nullas arbitrias. Non autem vt quidam autumant, quòd strictarum appellatione possint comprehendere arbitrias, tanquam quæ ex strictis fiant. Id enim si ita esset, utiq; debuisset Iustinianus strictas subdividere in eas quæ semper strictæ manerēt, & alias quæ ex strictis degenerarent, vt ita dicam in arbitrias, Quod tamen ab eo non ita factum est. Separat enim tractatum de actionibus arbitrariis in d. §. præterea, quasi nihil commune habentem cum cæteris.

ERROR SEXTVS.

De actione quam dicunt arbitriariam ex constituto Ad l. si duo 16. §. 1. D. de pecun. constit.



AM verò quòd Bart. & alij volunt actionem quoque de constituta pecunia quæ sui natura stricta est, esse arbitriariā si locus constituto adiectus proponatur ex d. l. si duo 16. §. 1. D. de pecun. constit. æquè falsum est, & apertius ex illo ipso loco quàm ex alio vllò refellitur. Quid enim ibi Vlpianus? Hoc vnum duntaxat, Eū qui certo loco constituerit, non solum eo loci in quem constituerit, posse conveniri, sed etiam vbique exemplo inquit arbitrarie actionis. Non igitur per arbitriariam. Non enim esset actio ad exemplum arbitrariz danda, quæ ipsa esset arbitraria. Cur verò non est arbitris? An quia constituti natura eā patitur interpretationem, vt quod certo loco constitutum est, quocunque loco constitutum videatur? Minimè. Est enim constitutum stricti iuris non minùs quàm stipulatio, ac proinde actio De constituta pecunia nò minùs quàm actio ex stipulatu, Proximè namque accedit constitutum ad stipulationem vt cætera pacta omnia, nec differt ferè nisi animo constituendi & stipulandi *Liuius gentium* 7. §. quinimò D. de pact. Adeò vt dubitatum sit, An is qui inutiliter stipulatus est, cum stipulari voluerit, non cõstitui sibi, possit de constituta experiri l. 1. §. eum qui De const. pecun. vbi tamen Vlpianus negat posse, Et meritò, quia non cõstitutis sed promittentis animo id factum sit. Consequens igitur est vt non magis directa actione De constituta pecunia conveniri possit constitutor alio loco quàm in què constituit, Sicuti nec directa ex stipulatu actione si stipulatio interuenisset, conveniri

conueniri posset. Illa tantum dubitatio remanet ex qua interpretes euoluere se non potuerunt. Cur ergo non sit necessaria actio arbitraria ei, cui constitutum est certo loco ut alio quolibet loco experiri possit. Dicendum est, idem non esse arbitriam necessariam De eo quod certo loco, quoniam actio De constituta pecunia cum sit pretoria licet nascatur ex pacto, potestatem suam totam recipit ex mente & intentione Pretoris, ut de stipulationibus pretoriis, quarum interpretationem dicimus esse Pretoris eiusque mentem aestimandam esse *l. in pretoriis 9. De stipulat. prat. l. in conuentionalibus 52. De verb. oblig.* Est enim ex Pretoris humanitate ut contra ipsas iuris non ciuilis tantum sed etiam pretorij regulas pactum hoc De constituta pecunia pariat actionem, Ut & pactum de pignore, ex quo dat ille Seruianam & quasi Seruianam, quam vocant hypothecariam, Propria quadam ratione in utroque pacto, sed illa potissimum in constituto, quod graue sit fidem fallere *d. l. 1. in princ.* Cum igitur arbitraria quoque actio De eo quod certo loco sit pretoria, nec directa sed utilis, totaque inducta & pendens ex æquitate, Quid vetat quominus Pretor eadem æquitate motus det actionem De constituta pecunia constitutario ad agendum etiam alio in loco quam in quem fuerat constitutum? Nam si nec alia ratio est ut qui ex contractu aliquo bonæ fidei obligatum habet aduersarium ad dandum certo loco, non indigeat arbitraria, sed contentus esse debeat iudicio bonæ fidei *d. l. in bona fidei*, quam quia sufficiat æquitas iudicii ut etiam alio loco peti possit, propter verba illa *ex bona fide* quæ in formulis iudiciorum omnium bonæ fidei addi solebat, ut omnium elegantissimè probat responsum Pauli *in l. quæro 60. D. locat.* Quidni sufficiet æquitas Pretoris ad dandam actionem De constituta pecunia ut alio loco agatur quam in quem constitutum fuit? Præsertim cum ut diximus tota ratio concedendæ & inducendæ illius actionis De constituta pecunia pendeat ex fide bona *d. l. 1. ill. tit.* Non quasi hæc actio sit bonæ fidei, cum neque inter cæteras, quæ bonæ fidei sunt enumeretur *in d. §. actionum*, & constitutor simillimus sit fideiussori, nisi quod citra stipulationem obligatur non etiam fideiussor *leg. blanditus 12. Cod. de fideiuss.* adeo ut nec debeat vsuras *l. Titius 24. De pecun. const.* quia scilicet non debentur sine stipulatione *l. Titius 24. De præscrip. verb. l. 3. Cod. de vsur.* Sed quia ex bona fide est ut dari debeat, quamvis data non habeat bonæ fidei præstationes. Alioqui non esset cur Pretor eam daret exemplo arbitrarie actionis si esset illa bonæ fidei, Sicuti nec ad exemplum arbitrarie competunt bonæ fidei actiones etiam cum alio loco agitur quam in quem collata fuerat obligatio, sed vi & potestate ipsius iudicii quod sua natura bonæ fidei est *dist. l. in bona fidei*. Est igitur valde proprium & speciale ius actionis istius De constituta pecunia quam dat Pretor ut quod certo loco constitutum est ubique peti possit, quod quamvis neque arbitraria sit, neque bonæ fidei, tamen ad exemplum arbitrarie actionis ubique potest exerceri habita tamen loci ratione, & aestimata alterutrius utilitate, Nempe ita faciente eadem æquitate Pretoris, quæ bonæ fidei tuendæ gratia actionem illam induxit.

ERROR SEPTIMVS.

De rei vindicatione directa siue arbitraria.



VLGARES interpretum vulgariū errores refutauimus in iis quæ proximè à nobis disputata sunt circa actionem arbitriariam De eo quod certo loco. Nunc pro iisdem interpretibus aut pro ipsa potius iuris ratione pugnandū nobis erit contra recentiores quosdam, quibus in mentem venit vt dixerint, quod ante tempora nostra nemo dixerat, Directam & ciuilem rei vindicationem non esse arbitriariā. Non offendor quodd ingenij sui acumen in noua opinione excogitanda probādāque exercuerint. Quid enim laudis & dignitatis Iurisprudentiæ nostræ possit vnquam accedere si non ab ingenijs felicioribus nō solum excolatur, sed etiā quotidie, vt Pomponius noster dicebat, in l. 2. *De orig. iur.* in melius producat? Sed miror tamen adeo improbabilem opinionē tam magnis Iureconsultis & in mentem venire, & placere potuisse. Nimirum coegit eos vt in hoc absurdum præcipites laberentur, prius ille error iam in superioribus refutatus, quodd vt nouam actionum arbitriarum naturā inducerent, quā non minus ex edicto Prætoris quā ex actionis formula pendere voluerūt, nō alias admittere possunt arbitrias, quā quæ sint Prætoriz, quasi nūquā licere debeat iudici partes arbitrii sufficere, nisi cum id ipsum ei Prætor nominatim permisit, nec rursus Prætori id concedi debeat vt eam iudici facultatem præstet. Nisi cum edicti verba vt ita fiat patiuntur, & vt fieri debeat præscribunt. Huic enim errori consequens ille fuit, Vt vindicationem ergo arbitriariam esse negarent quam affirmare nō poterant esse prætoriam cum nemo dubitet quin sit ciuilis, tanquam quæ inducta fuerit ex lege duodecim tabularum. Quod aiunt, Nō licere iudici vt arbitri partibus fungatur nisi mandante ei Prætore, verum quidem est quia iudex nullam habet notionem, nisi quam & qualem Prætor ei dederit per formulam actionis, Sed falsum quod addunt non potuisse Prætorē id mandare iudici nisi quibus casibus ex verbis alicuius edicti facere iuberetur. Quis enim Prætorum edicta composuit, nisi Prætores? Quis iudiciorum formulas & actiones, nisi illi ipsi qui iudicia dictabant, Prætores? Fateor Iureconsultorum præcipuè opera & diligentia in eam rem vsos Prætores fuisse, quorū primum ac præcipuum munus illud fuit, vt actionum formulas conciperent, ita ne quid absque illorum consilio & authoritate fieret, Sicuti nec dubitandum est quin Prætores in concipiendis edictis eorum opera & arte vterentur, tandēque ex omnibus illis tot Prætorum edictis vnu edictum illudque perpetuum à Iuliano Iureconsulto iussu Imperatoris Hadriani compositum fuisse constat. Sed quis inde rectè inferat, Non potuisse Prætores formulas actionum pro arbitrio dictare, etiam de iis rebus, de quibus non edicto, sed lege aliqua, vel senatusconsulto cautum esset? Alioqui si Prætorias duntaxat actiones pro arbitrio concipere Prætores poterant, neque tamen has ipsas pro arbitrio, sed eā formā seruatiā, quam edicti verba præscribebant: Quæro, Cuius igitur erat ciuiles actiones dare, puta hanc ipsam de qua disputamus directam rei vindicationem confessoriam, negatoriam De seruitute, Noxales ex lege duodecim tabularum descendentes, & alias huiusmodi si quæ sunt ciuiles ex denique arbitriariz [quod tamen de noxalibus non admittimus.] Leges enim siue duodecim tabularum siue aliz posteriores, actionum quidem ciuiliū iura interdum etiam nomina induxerunt, sed formulas nullas proposuerunt, quibus adstrictos voluerint Prætores aliōsque Magistratus, ad quorum officium pertinet eas quoque actiones petentibus dare quæ ex legibus, & iure ciuili competunt, perinde atque illas quæ ex mera iurisdictione profisciscuntur. Tam ergo potuit Prætor in for-

in formula directæ rei vindicationis addere verba illa *neque arbitrio tuo res restituatur* quàm in formula Publicianæ, de qua nec isti dubitant quin sit arbitraria, cum inter arbitrarias primo loco enumeretur à Iustiniano in §. *præterea* in *l. de action.* Non est igitur bonum argumentum illud, quo isti primum videntur ut probent vindicationem directam non esse arbitrariam, quod inquit, civilis sit non prætoriam. Nam & confessoriam actionem De servitute & negatoriam quæ omnes vindicationes civiles sunt, itémque noxales actiones ex lege 12. tab. introductas, perinde tamen arbitrarias esse ostendemus in sequentibus. Sed nec illud me valde mouet quod aiunt in *d. l. §. præterea*, ubi non multæ ac variz arbitrariarum actionum species enumerantur, nullam fieri mentionem directæ & civilis vindicationis, quam tamen si arbitraria esset primo loco poni oportuerat, tanquam digniorem, præsertim cum non prætermiserit Iustinianus Publicianam, quæ non nisi ad exemplum directæ vindicationis introducta fuit à Prætoribus *l. c. & pass. D. de Public. in rem action.* Nam ut præmittam sufficere quod arbitrariarum actionum definitio generaliter proposita in *d. l. §. præterea* conueniat vindicationi civili, non minùs quàm prætoriz id est Publicianæ cæterisque actionibus in eodem §. enumeratis, ut mox probabimus. Itémque quod vindicatio civilis, quæ prima & potissima est omnium in rem actionum generalibus illis verbis comprehendi possit *tamen in rem quàm in personam*. Dico non id egisse Iustinianum in *d. §. præterea*, ut omnes actiones arbitrarias enumeraret, quomodo enumerauerat omnes actiones bonæ fidei in §. *actionum*, sed ut aliquas, & quidem eas quæ specialiore nom. dignæ videbantur, quod minùs essent cognitæ, Inter quas certè non erat vindicatio civilis, de qua nemo vnquam dubitauerat, nec dubitare potuerat, quin esset arbitraria. Quænam enim esse posset si illa non esset? Idque manifestissimè probo ex eo quod cum initio §. in definiendis actionibus arbitrariis etiam noxaliu actionum meminerit iis verbis *vel ex noxali causa seruum dedat*, noxales tamen actiones in afferendis exemplis prætermisit licet de iis non dubitauerit quin noxales essent, quod tamen nos in sequentibus refellemus. Item ex eo quod post enumerata nonnullarum exempla subiicit generalius, *In his enim actionibus & cæteris similibus*, ut significet, Si de aliqua actione dubitetur an sit arbitraria non tam illud inspiciendum esse an in eo §. enumerata sit, quasi ducto argumento à sufficienti partium enumeratione, quale nostri deducunt ex *d. §. actionum*, cum disputant de actionibus bonæ fidei, quàm utrū ea actio de qua dubitabitur similis sit an dissimilis, Ut si similem esse cōstabit, nec dubitari oporteat quin sit arbitraria. Atqui nulla est Publicianæ similior quàm directæ rei vindicatio, Nisi potius dicendum est, Publicianam simillimam esse directæ vindicationi, cum Ulpianus scribat, in *l. sed et si 7. aliàs l. cum qui §. in Publiciana D. de public. in rem act.* quod etiamsi non scripsisset, negare tamē nemo posset, In Publiciana actione omnia eadem esse, quæ in rei vindicatione directæ & civili. Quomodo igitur fieri potest ut Publiciana actio sit arbitraria, vindicatio non sit? Nam quod isti obiectionem hanc secludunt, ut dicant, Non magis bonam esse consecutionem, quàm si quis inferret, Vtramque igitur actionem esse directam & civilem, quod vna sit directæ & civilis. Aut vtramque vtilem & Prætoriam quod altera & vilis sit & prætoriam, quasi differant genere ipso siue origine & causa: Prestationibus verò & reputationibus, & regula ipsa æquitatis non differant. Hoc inquit totum leue est, ac parum subtile. Directas enim ab vtilibus, itémque civiles à prætoriz solâ origo & causa distinguit, quæ civiles, & directæ ipso iure competunt,

id est ex mera iuris ratione, Prætoriz verò & viles non nisi ex æquitate cùm iuris ratio summa deficeret introductæ sunt à Prætore. Directæ idèd dantur, quia competunt, Vtiles non competunt nisi quia & quatenus dantur. Cæterum effectu & potestate non differunt, eundemque iuris effectum habent *l. actio 47. D. de negot. gest.* At bonæ fidei actiones à strictis, & utraque ab arbitrariis, sola qualitas natura, & æquitas negotiorum distinguit, quòd quædam sint negotia eiusmodi quæ rationem æquitatis nullam possint admittere, ut stricta, Quædam verò, quæ æstimanda sint omnia ex æquitate & bona fide, sed tamen in quibus nullum sit necesse arbitrium præcedere, ad hoc ut vel absolutio sequi possit vel condemnatio, cuiusmodi sunt iudicia omnia bonæ fidei, Alia denique, in quibus ratio quidem æquitatis haberi potest & debet, sed quantum ad arbitrium quod præcedere debeat condemnationem aut absolutionem, non etiam quantum ad ipsam condemnationem, Et ista sunt quæ arbitraria appellantur: Differunt autem hæc omnia iudicia inter se potissimum præstationibus, reputationibus, & regula ipsa æquitatis, magis quàm origine & causa. Nihil enim vetat ex eodem genere actionum siue bonæ fidei sint, siue stricti iuris, siue arbitrariz alias esse civiles, alias arbitrias, ut quæcunque sunt eiusdem potestatis & effectus, eodem quoque iure & genere censeantur. Eiusque rei exemplum illustre est in noxalibus actionibus quæ cùm sint constitutz aliæ ex legibus, ut furti ex lege duodecim tabularum, & damni iniuriæ ex lege Aquilia, Aliæ ex edicto Prætoris veluti iniuriarum, & Vi bonorum raptorum, ut Iustinianus docet in *§. sunt autem Inst. de noxal. action.* omnes tamen perinde noxales sunt, & perinde arbitrariz si Triboniano credimus in *d. §. præterea*, quia & eandem naturam omnes habent ut si ex qualibet istarum causarum servus noxæ non dedatur arbitrio iudicis, tùm demùm sequi condemnationem oporteat: Quidni ergo idem dicemus de vindicatione qualibet, siue sit illa civilis, siue honoraria, ut omnes sint arbitrariz, cùm sint omnes eiusdem effectus & potestatis? Si enim verum est quod coguntur aduersarii fateri, & in quo probando diutius idèd non immorabimur, tam in directa vindicatione, quàm in Publiciana eadem esse rationem æstimationis & restitutionis fructuum, omnisque causæ, Eadem cõstituenda esse de dolo, de culpa, de fortuito casu, de periculo rei post moram, De bonæ & malæ fidei possessore, De impensis factis, De damno dato, Denique de toto arbitrio iudicis, deque litis æstimatione. Quæro quid esse potest tanti momenti in quo differant propter quod Publiciana actio possit & debeat esse arbitraria, civilis autem & directa rei vindicatio nõ possit? Præsertim verò cùm iidem faciantur, quod etiam verissimum est, idèd in utraque actione cætera omnia supradicta esse similia, quia sic eadem in omnibus ratio æquitatis. Quid enim dissimiles facere actiones potest ratione arbitrij quod totum ex æquitate pendet, si eandem penitus æquitatis rationem habeant, easdemque per omnia præstationes? Habeant quantum voles, diuersa nomina, Habeant etiam diuersam originem & causam. Nego tamen posse fieri ut diuersam habeant naturam, si admittas cum aduersariis esse illas eius naturæ, ut & rationem æquitatis recipiant, & paris potestatis æquitatem. Nego etiam posse fieri, ut ex duabus actionibus quæ sint eiusdem æquitatis & potestatis, una sit, altera non sit arbitraria. Quis enim vnquam dixit, actiones bonæ fidei similes esse arbitrariis, aut arbitrias strictis? Possunt quidem habere omnes aliquid simile ut in fructibus à die litis contestatz aut rei iudicandæ præstandis, ut in *l. §. in his quoque l. videamus 38. §. si actionem D. de vsur.* At ut habeant omnia similia, fieri certè nullo modo

modo potest. Alioqui cur eas distingueremus classe & genere, in ea maxime
 distinctione quæ non ex origine pendeat sed ex negotij natura, & qualitate? Aut
 si qua sit actio stricta quæ possit dici eiusdem potestatis & naturæ cuius est ar-
 bitraria, quomodo volunt isti se habere vindicationem directam & civilem in
 comparationem Publicianæ, cur vnam dicimus strictam, alteram arbitrariam,
 ac non potius, vel strictam vtramque, vel vtramque arbitrariam? Cum verò nec
 illud negare possint, Actiones omnes aut strictas esse aut bonæ fidei aut arbi-
 trarias, quærerem ab ijs perlibenter si directa & civilis vindicatio arbitraria
 non est, An ergo strictam velint dicere, an bonæ fidei. Vtique non admittent,
 opinor, esse illam bonæ fidei, cum non ex aliquo contractu nascatur, in quo da-
 ri aliquid vel fieri promissum sit, & in cuius executione bona fidei præstari
 oporteat §. 1. *Inst. de action.* sed ex præsentis possessione *l. non aliàs 24. §. sed si po-*
ssulatur D. de iudic. An igitur strictam esse fatebuntur? Inclinant quidem sub-
 obscure in hanc sententiam sed aperte profiteri, & adfirmare non audent: Nec
 sanè etiam si audeant, ratione tamen vlla probabili possint. Strictas enim actio-
 nes dicimus, non eo modo quo arbitrarias, quæ ex nullis contractibus nascun-
 tur, sed eas de iure quæ ex contractibus stricti iuris, aut saltem ex delictis si quis
 fortè actionem furti aliisque similes strictas dicere velit. Vbi ergo neque con-
 tractus vllus, neque delictum vllum est, ibi neque actio stricta vlla esse potest.
 Non magis ergo potest directa vindicatio dici actio stricta quàm bonæ fidei.
 Et consequenter fatendum est, vt à sufficienti partium enumeratione argumē-
 temur, melius quàm contra nos aduersarij, esse illam arbitrariam, Aut quantum
 alioqui genus constituendum earum actionum, quæ nec bonæ fidei sint, nec
 strictæ, nec arbitrariæ: quod nemo adhuc dixit, aut vnquam nisi absurdè & ridi-
 culè dicit. Tum verò quid est, obsecro, quod mouere istos debeat vt negent
 vindicationem civilem esse arbitrariam? Quia, inquit, nullum in ea iudicis
 arbitrium interuenit de re restituenda, quod sententiam præcedat, quale illud
 esse oportet ex quo arbitrariæ omnes æstimantur. Bene est quod non negant in
 directa rei vindicatione agi de re restituenda: Quia enim fronte negarent, quod
 tam aperte scriptum est tam multis iuris locis *l. officium 9. & seq. l. Iulianus 17. in*
princip. & §. 1. l. qui restituere 63. & pass. tot. tit. D. de rei vindic. §. 1. Inst. de offic. iu-
dic. Sed neque negat fieri debere illam restitutionem rectè, id est arbitratu Iu-
 dicis & boni viri. Nam & id scriptum est *in d. l. qui restituere in fin.* vbi quod de
 vindicatione directa dictum fuerat protrahitur generaliter ad actiones omnes
 ex quibus arbitratu iudicis restitui quid oportet. An non verò id ineptè si non
 esset vindicatio quoque ex earum actionum numero in quibus arbitratu iudi-
 cis restitutio sit? Quod & Iustinianus cuius sanè tota illa lex est confirmat eui-
 dentiùs *in d. l. §. 1. Inst. de offic. iudic.* vbi ait, si in rem actum sit coram iudice, si-
 ue contra petitem iudicauerit absolvere debere possessionem, siue contra
 possessorem iubere ei debere vt rem ipsam restituat cum fructibus. Sed si pos-
 sessor neget se in præsentis restituere posse, & sine frustratione videbitur tẽpus
 restituendi causa petere, indulgendum ei esse, vt tamen de restitutione caueat
 cum fideiussore si intra tempus quod ei datum est non restituerit. Obseruandũ
 enim est quod primũ ait Iustinianus si contra petitem iudex pronunciaue-
 rit, absolvere eum debere possessorem, scilicet eadem illà sententiã qua pro-
 nunciat rem non esse petitoris. Quid enim aliud faciendũ superesse potest, pro-
 pter quod vel impediri, vel differri possit absolutio? Nullus siquidẽ arbitrio lo-
 cus aperiri potest, cum apparuit rem non esse petitoris. At si pro petitore iudex

pronunciauerit Rem scilicet petitam esse petitoris, neque absolutioni locus adhuc ullus esse potest, neque condemnationi. Non absolutioni, quia cum pro petitore iam pronunciatum sit qui proinde summoueri amplius nequit, condemnari certe potius deberet possessor quam absolui, neque tamen condemnationi, quoniam actionis formula quae condemnandi non tantum facultatem praestat iudici, sed etiam necessitatem iniungit duas habet condemnationes quas omnes impletas esse necesse est priusquam ad condemnationem perueniri possit. Prima est si *paret fundum illum quem Publius Mauius possidet Lucio Titio esse*, Altera in iis verbis quae nec aduersarij negant in formula vindicationis civilis addi solita fuisse *neque illum P. Mauius Lucio Titio restituet* [cōsilio enim illa praetermittunt *arbitratu tuo* aut *arbitrio tuo*, quae tamen etiam si omissa sint subintelligi necessariò possunt, & debent.] Prima condicio impletur per pronunciationem illam iudicis, qua declarat, Videri fundum de quo agitur esse Titij petitoris. Nec enim prius ita pronunciat quam de tota illa facti quaestio cognouerit quae prius agitanda fuit, cuius esset fundus. Quo declarato iudicasse quidē iudex dicitur qui sic pronunciauit, cum dominij quaestionem in qua status causae vertebatur definierit, sed nondum tamen officio suo functus esse, cum nondum fecerit quicquid per formulam Praetoris facere iussus est, quandiu non condemnauit, quae extrema est pars formulae. Ergo alteram quoque formulae conditionem impleri oportet ut ad condemnationem perueniatur. Ea verò tunc impletur cum post illam pronunciationem Publius Mauius iam victus in quaestione dominij fundū tamen quem possidebat nondū restituit. An autem videri potest in mora esse restituendi, & ita impleta condicio non restituendi, ob hoc ipsum quod statim atque victus est non restitueris? Minimè verò. Nam post primam illam sententiam iubendus est à iudice ut restituat, idque maximè ad officium iudicis pertinet, ut Iustinianus docet iis verbis *iubere ei debet ut rem ipsam restituat cum fructibus*, & in d. l. *qui restituere in princip. qui restituere iussu iudicis non parei*. Quid enim velles imputare etiam illi qui victus est, cur nondum restituerit eam rem quam nec restituere adhuc iussus est? Prima siquidē pronunciatio nihil aliud continet, nisi quod diximus, Videri rem esse petitoris. An non potius esset stultus petitor qui expectaret ut restitutionē rei victus imperaret sibi ipsi, quam iudex nondū imperasset? At neque statim post imperatam restitutionem cōdicio ista posterior impleta videri potest, sed tum demum cum tempus praeteriit, quod à iudice fuit praestitutum ad faciendam restitutionem. Quo elapso fateor posse iudicem procedere ad condemnationem, quasi iam impleta utraque formulae conditione, Sed tamen illud quoque verum est, Etiam post moram in restituendo factam liberum esse possessori satisfacere, & arbitrio parere si grauiorem condemnationem euitare velit: quod ceteris quoque arbitrariis omnibus commune est l. *item si cum* 14. §. *haec autem actio* D. *quod met. caus.* ubi ait Vlpianus id obtinere in actione Quod metus causa nō speciali quodam iure, sed generali illa ratione *cum arbitraria sit*. Ceterum nec sufficit ut re restituat ante condemnationem nisi *restituat* l. *haec verba* 73. *De verb. sign. l. ipsi quoque* 19. *D. de rei vindic.* Quid verò aliud est *restituere* quam arbitrio boni viri d. l. *haec verba* iunct. l. *restituere* 33. & l. *aliud est* 71. §. *ult. eo*. Nam & generale illud est ut omnis qui defenditur, boni viri arbitratu defendendus sit, nec boni viri arbitratu linē defendere videatur is qui actore frustrando efficit ne ad exitū controuersia deducatur l. *pen. & ult. D. de negot. gest.* Porro is qui vindicatione siue directa & civili, siue vili & praetoria cōuenitur, rem defendere ita debet ut

quam

Etiam defendatur ipse siue à se, siue ab alio, nihil enim interest *libac autem* §. §. *ult. D. quib. ex caus. in poss. eat. iunct. l. generaliter* 10. *D. de admin. ius.* Ergo & cum rem restituere iubetur à iudice non aliter iussum illud intelligi potest quam ut arbitrio boni viri eam restitutionem fieri oporteat: Et cōsequenter ut arbitrio quoq; iudicis fiat siue in formula velis addere verba illa *arbitratu tuo*, siue malis prætmittere. Alioqui quo iure obsecro iubet is qui iudex datus est ut reus restituat, nisi quia sic fieri ex bono & æquo debere arbitratur? Ergo tanquam vir bonus, cum id fieri iubeat quod non nisi boni viri arbitrio fieri oportet. Quodd si diutius repugnēs, quid obsecro refert, an ita iudex arbitretur tanquam iudex, an quasi vir bonus? Sufficit ad probandum Vindicationem esse arbitriariam ut arbitrium iudicis interueniat, de re restituenda. Quod nec ij contra quos disputamus negare possunt.

ERROR OCTAVVS.

De iudiciis absolutoriis. Et de litis æstimatione faciendâ in arbitratu.



Vid igitur est quo moueri queant, ut tā pertinaciter defendāt non esse arbitriari? Vnum illud sanē, quod decepit eos non tam arbitrij nomen, sententiæ & condemnationis. Pronunciationem enim illam per quam pronuntiatur rem esse petitoris quoniam & sententia interdum dicitur, ut in *l. c. ex diverso* 35. §. 1. *De rei vindic.* & iudicatum, ut in *l. si de re* 9. §. 1. *D. de except. rei iudic. d. §. 1. de offic. iudic.* accipiūt non tantum pro sententiā sed etiam pro condemnatione, nec possunt intelligere quomodo possit reus dici victus per illam pronuntiationē *d. l. 35. §. 1.* qui non sit etiam condemnatus. Indēq; nimirum inferūt arbitriū illud quod sequitur eiusmodi pronuntiationē sequi condemnationem, & idē non esse arbitriū illud ex quo æstimatur æctiones arbitrarie quoniā præcedere illud debeat nō sequi ut constat apertissimē ex *d. §. præterea*, nec nos negamus. Ac quia coguntur fateri non solum post illā pronuntiationē sed etiam post arbitrium de re restituenda, sequi necessariō vel absolutionē, vel cōdemnationē *d. l. qui restituere c. l. quod si possessor* 71. *De rei vindic.* absurdū autem videtur eum quem illi iam cōdemnatū ponunt, aut condemnari iterū aut absolui, cum iudex post cōdemnationē, vel absolutionem officio suo functus dicatur ita ut nihil præterea quicquam facere possit *l. l. iudex posteaquam* 55. *D. de re iud.* Hāc obiectionē sic eludunt ut dicant quod ad absolutionē pertinet mirū id nō esse cum iudicia omnia sint absolutoria §. *ult. Inst. de perpet. & temp. act.* Quod autē ad cōdemnationē, neq; id mirū videri debere, quod ea cōdemnatio nihil aliud sit quam æstimatio litis, quæ in iudiciis omnib. quantūlibet strictis fieri solet, inquit, & debet post sententiā & in executione iudicati. Itāne verō? ut sint absolutoria iudicia omnia, etiam ea ex quibus iam irrogata fuit cōdemnatio? Idē igitur iudicium erit & cōdemnatoriū & absolutoriū. Quod tamen quis ridiculum esse non fatebitur? Est sanē quā alienissimum à sensū Iustiniani in *d. §. ult.* ubi ait nō alia de causa vulgo dici solitum iudicia omnia esse absolutoria quā quia si ante rem iudicatam is, cum quo actum est satisfaciāt actori officio iudicis convenit eum absolui, licet in ea causa fuerit iudicij accipiendi tempore ut damnari deberet. Non ait quia debeat absolui etiam is qui condemnatus est si iudicato satisfaciāt. Qui enim iudicatio satisfaciāt, non tam id agit ut condemnationem

euitet, quod ipsum absolui est, quàm vt condénationis executio fiat, ne amplius inquietari possit & grauioris pœnæ etiam corporalis, si contumaciæ grauitas ita postulare videbitur cōminationem, & declarationē effugiat. Alioqui, rogo, quid prodesset absolutio post irrogatam condénationem, iamque executioni mandatam? Quare nec lurreconsulū rem iudicatam definiunt eam quæ & absolutionem & condénationem simul contineat, sed quæ alterutrum, id est vel condénationem vel absolutionem *l. 1. D. de re iudic.* quia vtramq; eādem sententia aut etiam si voles in eodē iudicio contineri non solum impossibile, sed etiam ridiculum est, nec minùs vt iudicium ex quo secuta est condénatio possit vnquam dici absolutorium, quàm vt è contrario iudicium quod absolutorium fuit, manente absolutione fiat condemnatorium. Nec simile est, quod obliuiscunt aduersarij sic eum qui fustibus cæditur, dici postea absolueundum *in l. Dimu 7. in fin. D. de iur. patron.* Absolui enim eo loco Vlpianus dixit pro eo quod est liberari à vinculis, ex quibus causam agere & se defendere libertus debet qui de contumelia & ingratitudine accusatur à patrono. Item liberari à grauiore condénatione quæ liberto plerumq; infligenda est, si cōtumeliæ atrocitas id exigat. Selet enim in pœna liberti etiam verberibus castigati ulterius procedi, ad eoque interdū vsq; ad pœnam metalli, si fortè patronus delatā se à liberto doceat, aut libertum contra eius salutē cum inimicis conspirasse vt Vlpianus tractat *in l. 1. §. cum patronus D. de offic. pref. urb.* Deniq; in omnibus causis criminalibus id obtinet, vt cū quis ad pœnam corporalem condemnatur de cæteris damnis cum eo seueriore sententia transactum decisumque videatur *l. quid ergo 13. §. penult. D. de his qui not. infam. l. 4. C. eod. l. 3. De term. mot.* Vt proinde mirum non sit absolui etiam eum qui condemnatus fuit ad certam pœnam per quam fiat vt absolutus sit à cæteris quæ aduersus eum irrogari potuissent. Quod in ciuilibus actionibus non similiter contingit, in quibus cū lis necessariò æstimanda sit, non vtrique ad aliud reus condemnatur quàm ad illud ipsum quod debetur *l. vlt. C. de fidei. libert.* ac proinde nihil superest, à quo possis dici absolutum, aut absolueundum esse illum, qui condemnatus est, nisi quodd cū is à quo res per vindicationem petebitur præstitit ex condénatione quanti actor in litem iurauerit, dicimus videri quoque possessore cum domino transgisse, ac decidisse eo precio quod dominus ipse cōstituit, vt scriptū est *in l. iura rei 46. D. de rei vind.* Sed ea transactio alterius generis & condicionis est quàm quæ fit in causis criminalibus. Illa enim fit à iudice, & quidē per sententiam ipsam quæ irrogat condénationem, hæc verò à victore ipso in executione iudicati. Prius enim est vt per sententiam quis condemnatus sit ad præstandū quanti actor in litem iurauerit, quàm vt id quod interest, præstet. Ergo nō nisi post condénationē præstatum iusiurandum, sicut nec nisi per iusiurandū præstitū soluitur ea quantitas quæ per iusiurandum taxata est. Proinde non potest dici per sententiam, qua reus fuerit condemnatus, quanti actor in litem iurauerit, absolutionem vllam factam fuisse, aut absolutioni locum vllum relictū esse cū sit pœna illa iusiurandi in litem omnium grauissima *l. vlt. D. de fideiuss.* præsertim si cui permittatur iurare in infinitum sine vlla taxatione, quomodo plerunq; olim iurabatur, & etiam hodie quibusdam in casibus iuratur *d. l. qui reseruire iunct. l. 4. §. iurare De in litem.* Non ergo verū est, aut absolui eum aut absolutū esse, cum quo litis æstimatione deciditur, cū ea decisio non per iudicē fiat sed per litigatores, secuta iam condénatione, & ab eo facta, qui condemnando iam ita deficiit iudex esse vt nullam aut condemnandi iterum, aut absoluendū poterit.

potestatem sibi retinuerit *d. l. iudex posteaquam* 55. *De re iudic.* Et verò quid absurdius, quàm absolutum dici eum, qui aduersario dare condemnatus sit & dederit quicquid dari præstarique potuit vnquam & debuìt? Sed & puto ego quod à veteribus dictum est iudicia omnia esse absolutoria longè alio sensu dictum fuisse quàm Iustinianus docuit *in d. g. vl. De perpet. & tempor. act.* Nam cùm iudiciorum omnium formulæ verbis illis concluderentur *condemna eum*, nec vllum in vlla formula esset verbum de absoluendo reo, videbantur omnia iudicia esse condemnatoria nulla absolutoria. Et tamen non ita erat: Inò verò earundem formularum potestate dici poterant absolutoria iudicia omnia, quia non aliter iubebatur iudex reum condemnare, quàm si appareret benè fundatam probationemq; actoris intentionem, nullique aduersarij exceptione elisam. Sæpè enim ab illa conditione incipiebat formula *si paret*, nec iudicium vllum dictari poterat, in quo si non duplex condicio vt in arbitrariis saltem vnica illa contineretur. Cui consequens erat, vt si deficeret actor in suis probationibus, aut aliqua reo iusta exceptio competeret absolui reum necesse esset, non ob id tantum quod condemnari non poterat ex formula condicionali nisi prius impleta condicione formulæ. Sed etiam quia iudex datus, hoc ipso quo iussus fuerat sub condicione, vt reum condemnaret, si appareret iustam esse benèque probatam actoris intentionem, Videri poterat in contrarium casum iussus eum absoluerè. Quomodo solemus dicere id quod sub vna condicione datum est sub contraria condicione ademptum intelligi *l. aliquando* 107. *De condic. & demonstr. l. flegatum* 10. *l. legata inutiliter* 14. *De adm. legat. l. quod pure* 6. *D. quand. dies leg. erd.* Id enim est quod ait Paulus *in l. 3. De re iudic.* Eum qui damnare potest absoluendi quoque potestatem habere, & Vlpian. *in l. nemo* 37. *De regul. iur.* Neminem qui condemnare potest etiam absolvere non posse. Sufficit enim iudicè nihil facere contra formulam ad hoc vt saluo officio possit absolvere *l. cum si de commissum* 7. *D. de confess.* de cuius sententia in præcedentibus diximus. Cæterum si ponas reum post acceptum iudicium, & eo tamen adhuc pendente actori satisfecisse, quamnam obsecro absolutione indiget reus qui satisfecit, & apocham habet ab actore omnium eorum quæ petebantur? Dicerem potius solui hoc casu iudicium, quàm absolui reum, esseque casum hunc iungendum cæteris in quibus solui iudicium Paulus scripsit *in l. iudicium soluitur* 58. *De iudic.* Quænam enim partes iudicis esse possunt, vbi plenissimè actori satisfactum est? Aut quid alterutrius litigantium potest interesse vt feratur sententia siue absolutoria, siue condemnatoria, cùm mutuo consensu, & plenissima satisfactione præstita discedere à lite maluerunt, quàm sententiam expectare? Potestne iudicium superesse vbi nulla superest actio? Aut aliqua actio superesse post sublatam obligationem? Aut obligatio durare post plenissimam siue solutionem, siue satisfactionem? Satisfactio enim, vt nemo nescit pro solutione est *l. satisfactio* 52. *D. de solut.* Quòd si satisfecisse prodest etiam ad soluendum pignus *l. item liberatur* 6. §. 1. *D. quib. mod. pign. l. si rem alienam* 9. §. omnis *D. de pignor. act.* quidni etiam ad soluendum iudicium? Sicut enim nò potest iudicium esse antequàm aliquid debeatur *l. non quemadmodum* 35. *de iudic.* ita nec postquàm deberi desit, quod accepti iudicij tempore debitum fuit. Itaque deberent hoc sensu dici iudicia satisfactoria potius quàm absolutoria: quamquam ne hoc quidem. Non enim iudicij, sed satisfactionis potestate fit, vt qui satisfieri non tam absoluiatur, quàm non condemnatur. Fateor si conuenerit inter litigatores quid pronuncietur, debere iudicem eiusmodi sententiam proferre *l. si conuenerit* 26. *D. de re*

iudic. Sed quis ex eo inferat, si ergo cōuenit inter litigatores ut à litē & iudicio discedatur, propterea quòd auctori reus satisfecerit debere iudicem absolutam pro reo sententiam ferre? Imò nullam potius debet, quia & videtur id conuenisse inter litigatores quorum voluntatem hac quoque parte iudicem sequi oportet. Quid enim aliud agebat Prætor cum dabat iudicē, aut datus iudex cum litem tractare inciperet, quàm ut controuersias eorum dirimeret? Ergo si ab iis sponte recesserint, debet iudex, adeoque Prætor ratum id habere *l. i. §. inde queritur D. de oper. nouis nunciat.* Sed Prætor maximè, ad cuius officium pertinet lites diminuerē *l. quid im 21. D. de reb. cred.* Denique sicuti iudicium accipi non potest cum eo, qui iam satisfecit, quoniam habet quod obiciat petitori ut Papinianus ait *in l. si pupillus 45. in fin. D. de admin. int.* Ita neque cum eo durare qui satisfacit antè sententiam, Nisi cum arbitrarium iudicium est. Propria enim iudiciorum huius generis natura est illa, ut eo casu quo pareatur arbitrio, adeoque solo illo casu post probatam intentionem agentis, absolutionem sequi oporteat: scilicet cum iudicatum est rem esse petitoris. Nam si ante primā illam pronuntiationem possessor vindicatione conuentus rem auctori restitueret vltro cum fructibus, atque ita in plenum ei satisfaceret, Perinde fore dico ut nullus pronuntiationi de iure dominij, nullus arbitrio, nullus denique absolutioni locus relinqueretur non magis quàm condemnationi. Id quod ita esse ex illo etiam apparet, quòd si per vindicationem petitus homo decesserit post litem contestatam & quidem sine dolo & culpa possessoris, nulla est necessaria sententia siue ad absolutionem, siue ad condemnationem, nisi propter fructus & partus & stipulationem de euictione, ut ait Paulus *in l. vti que 16. D. de rei vindic.* Ita innuēs nec absolutione vlla indigere reum, qui re percipit liberatus est, Nimirum ex illorum sententia qui cum Paulo & cæteris Cassianis putant, non debere bonæ fidei possessorem aut mortalitatem præstare aut propter metum huius periculi temerè ius suū indefensum relinquere *l. illud 40. D. de hered. petit.* Quòd si possessor iam victus in quæstione dominij & restituere iussus noluerit parèrē, ita ut manu militari auferenda fuerit ei possessio, similiter dicimus fructuum duntaxat, omnique causæ nomine condemnationem fieri *d. l. i. qui restituere in princip.* At quod pertinet ad rem ipsam petitam nulla prorsus fertur sententia neque condemnatoria quia nihil est quod eo nomine deduci possit in cōdemnationem translata iam in auctorem possessione, neque absolutoria, cum auctor cui res fuit restituta, nihil iam petat, aut petere vnquam possit ex eo quod habet: Cum tamen perinde dicendum esset necessariam esse absolutionem secundum aduersariorum sententiam qui volunt, Etiam post factam executionem iudicati ferendam esse, & quidem ab eodem iudice, sententiā absolutoriam pro reo qui non tantum condemnatus iam fuit, sed etiam satisfecit. Cùm non enim is quoque absoluedus esset qui licet coactus manu militari rem à se auferri passus fuisset, perinde ac ille quem Præfectus virgis cædi iussisset? *d. l. Diuus 7. in f. De iur. patron.* Falsum igitur est quod isti volunt, Eum qui iam sit condemnatus posse adhuc & debere absolui postquam paruit iudicato. Alloqui nullus erit certè liti finis si non solum post re iudicatā, sed etiam post iudicati executionem factam adhuc necessaria sit absolutio, cum tamen rei iudicatæ proprius ac præcipuus effectus ille sit, ut toti controuersie finem imponat *d. l. i. D. de re iud. l. x. c. eod. l. singulis 6. D. de except. rei iudic.* Sed illud falsius, quod addunt, Etiam arbitriū iudicis De re restituenda postquam de iure dominij cognitū & pronuntiatū est Rem petita esse petitoris, non esse arbitriū illud quod præcedere debet

condem.

condemnationem in iudiciis arbitrariis, sed litis æstimationē illam quā in executione iudicati semper faciendā esse volunt. Quænam enim litis æstimatio facta videri potest ob id, quod iudex arbitratus sit, & iusserit mihi restitui fundū, quē pronunciauerit meum esse? Imò verò non aliā ob causam in arbitrariis iudiciis arbitriū præcedere necesse est, antequam ad condemnationem perueniatur, quàm ut ne litis æstimationē ullā fieri oporteat: Quomodo sit necessariū in reteris actionib. in quibus siue bonæ fidei sint, siue stricti iuris litē æstimari semper oportet, nō post sententiā & in executione iudicati, sed per sententiā ipsam, Ne excepta quidē cōdictione triticaria, nullāq; inter bonæ fidei & stricti iuris actiones differētia hac parte cōstituēda, nisi quod in strictis æstimatur lis quāti res fuit inspecto præcisē tempore litis contestatæ. Sola excepta triticaria, in qua spectatur præcisē tēpus cōdēnationis si res extet, aut mortis si ante sententiam perierit hominē petitus. In iis verò quæ bonæ fidei sunt, utro tempore plures res fuit, vel moræ vel rei iudicatæ *l. 3. §. in hac D. cōmod. l. 3. §. ult. De act. empt. l. vinū 32. D. de reb. ci. ed. l. pen. & ult. De cond. tritic. l. hominē 37. mandat. l. fundū 28. D. de penat.* Cæterum in omnib. pecunia deducitur in cōdēnationē, tum quoq; cūm nō pecunia sed res debita fuit, & per litis cōtestationē petita. Ideo nimirū quia per litis contestationē fit novatio, per quā & vetus obligatio perimitur, & nova cōtrahitur, eōq; pecuniaria ut iudicati executio sit expeditior & ciuilior quæ alioqui citra vim & impressionē inuito cōdēnato fieri nūquā posset. Quid enim prodesset cōdēnari? Tuiū ad præcisam solutionē hominis aut tritici aut dationē fundi debiti ad quam postea cogi non posset, ne manu quidē militari? Arbitrariarum actionum prorsus disparata ratio est. In illis enim lis numquam æstimatur nisi cūm arbitrio quod præcessit parēre reus noluit, Et hoc idcirco quia arbitrarie actiones siue in personam sint, siue in rem, non nascuntur ex vlla obligatione personali, quæ per contestationem nouari possit, nec proinde dantur aduersus obligatum sed contra possessorem, tum quoque cūm actiones sunt in personam. Quales sunt De eo quod metus causa, Et ad exhibendum, quia & hæ omnes ob eam causam in rem scriptæ dicuntur *l. metum 9. §. animaduertendum & §. volenti & seq. D. quod met. caus. l. 1. l. 3. §. est autem personalis D. ad exhibend.* Itaque in his actionibus euenit, ut quia per contestationem nulla sit novatio rem ipsam de qua agitur, aut restitui, aut exhiberi, aut quo alio modo præstari oporteat, Quod tamen quoniam per sententiā & condemnationem fieri non potest, ne perinde accadat, ut nulla sit ratio iudicati nisi per vim, & manu militarem exequendi, rectissimē visum est, ciuilius ita rem expediendam ut arbitrio iudicis reus iubeatur rem de qua vel ob quam agitur, restituere, Tum verò si non pareat, cogatur pati grauiorem condemnationem: cānque litis æstimationem quam ex legibus aut edictis Prætorum irroganda videatur. Nec enim tam facili fuit inducendum ut protinus actori spes auferretur petitz rei consequendæ, siue suam ille diceret, siue sibi obligatam, aut alia de causa restituendam, Ne in potestate esset improbi litigatoris eiusdēque possessoris rem alienam siue iusto, siue iniusto præcio sibi per rapiam comparare *l. nec quasi 70. De rei vindic. l. non enim 9. D. rer. amot.* Nec rursus ut ita citò decurreretur ad grauiorē condemnationē rei infligendā quousq; appareret noluisse illum obtemperare arbitrio, nec ea facere quæ vir bonus quilibet facere debuisset. Non igitur possis dicere arbitrium hoc etiam si interponatur eo tempore quo iam pronunciatum sit de iure petitoris contra possessorem, esse litis æstimationem quæ

fiat in executionem rei iudicatæ. Idque evidentissimè constat ex eo quòd si victus pareat arbitrio, & rem petitam vel restituat, vel exhibeat, absolendus est: Si non exhibeat, vel non restituat, condemnandus ad pecuniam, quæ vera litis æstimatio est, & ad quam necessariò tùm decurritur, cùm aliud nihil est, quod melius ac commodius fieri possit. Tantùmque abest ut verum sit quod aiunt aduersarij, eam litis æstimationem fieri in executione iudicati, ut ea denique condemnatio sententiæ diffinitivæ nomen sola mereatur quæ scilicet toti litis & controuersie finem imponit *dist. l. x. de rei iudic.* Neque verò aut in arbitrariis aut in aliis actionibus vnquam videaseuenire ut nulla litis æstimatio fiat in executione sententiæ, sed omnibus esse illud commune ut per sententiam & condemnationem fieri eam oporteat, nec vlla in executione iudicati superfit facienda. Alioqui duplex fieret æstimatio litis, saltem in arbitrariis, Vna per arbitrium illud quod sequitur iudicatum, ut volunt, Altera in ipsa executione sententiæ, quod esset absurdissimum. Paullatim namque eò tandem deueniendum esset, ut diceremus duplicem in illis fieri condemnationem, quod adhuc esset absurdus. Nam quod scriptum est *in l. redhibitoria 45. De adilit. edit.* Redhibitoriam actionem habere duplicem condemnationem, non cum sensum recipit ut in eodem iudicio redhibitorie actionis duplex condemnatio fiat ex eadem causa contra eundem reum, sed ut pro causarum varietate aliter atque aliter facienda sit condemnatio, modò in simplum, modò in duplum, iuxta distinctionem à Caio traditam eo loco. Nam neque actio illa redhibitoria potest dici arbitraria cùm nascatur ex contractu non minùs quàm actio ex empto Quanto minoris, quæ redhibitionem etiam continet, & ad redhibitoriam prope accedit *l. si is qui heres 25. §. 1. D. de except. rei iudic.* Ut contra eosdem aduersarios disputabimus in sequentibus. Sed quoniam tota vis huius disputationis in eo consistit ut ostendamus pronunciationem illam iudicis qua declarat in iudicio directæ & civilis vindicationis Rem petitam videri esse petitoris non esse condemnationem, Nec rursus arbitrium dici posse illud quod omnem pronunciationem debeat præcedere in aliis arbitrariis ut iidem existimant, de eo nobis iam paullò fusiùs tractandum & differendum est.

ERROR. NONVS.

De pronunciatione iudicis declarantis in directâ vindicationis iudicio rem petitam esse petitoris.

SI probari à nobis poterit, Pronunciationem illam iudicis per quam declaratur in iudicio directæ & civilis vindicationis rem petitam esse petitoris, non esse sententiam quæ aliquam includat condemnationem, Illud statim euicerimus falsum esse quod adserunt ij contra quos disputamus, Arbitrium quod postea sequitur de petita re cum fructibus restituenda nihil aliud esse quàm æstimationem illam litis quæ fit si iis credimus in executione cuiuslibet iudicati. Fatentur enim condemnationem aliquam præcedere debere: In quo ipso tamen falluntur: Cùm sit verissimum quod proximo capite ostendimus, litis æstimationem semper fieri per sententiam & condemnationem ac in ipsa condemnatio-

ne, numquam autem postea in rei iudicatæ executione. Probatio autem facillima est ex quàm plurimis iuris nostri argumentis. Primum ex verbis ipsis pronuntiationis, quæ constat illa fuisse, *Videri fundum de quo agitur Lucy Tuty esse, dist. l. 6. ex diverso 35. §. 1. De rei vindic. l. Pomponius 40. §. sed & is qui De procur.* Nam in tota hac formula, quid quæso est, quod condemnationis alicuius vel minimam imaginem præferat? Condemnandi sanè verbum nullum, neque aliud quod æquipollens videri possit. Imò neque vox vlla iudicis impetantis cui pareri oporteat, Dico amplius nec quicquam quod in consequentiam, ne addam in executionem illius pronuntiationis fieri possit aut debeat si nihil præterea per iudicem addatur. Quid enim dicere illud est *Videri fundum quo de agitur Lucy Tuty esse*, nisi quæstionem facti dirimere, Liti tamen & controuersiz finem imponere? Nam cùm vindicationis iudicium constituitur per assertionem dominij ex parte petitoris, & denegationem ex parte possessoris, apparet in eo solo totam facti quæstionem, & statum causæ versari. An petitor sit dominus rei petitæ, necne, sed non æquè tamen verum illud est, nihil aliud petere actorem, nisi vt pronuncietur rem eius esse. Imò verò ided agit, & vindicat vt restitutionem rei suæ obtineat. Et ob eam nimirum causam dicimus, Eum qui petitorio iudicio vtitur, ne frustra experietur, requirere debere & explorare ante omnia, an is cum quo instituet actionem possessor sit, vel dolo desierit possidere *l. qui petitorio 36. D. de rei vindic.* quoniam officium iudicis in hac actione illud est, vt iudex inspiciat an reus possideat necne, vt cùm actor probauerit rem suam esse, necesse habeat possessor restituere qui non obicit aliquam exceptionem, etiam si aliquam habuerit, quam obicere potuerit, vt in *l. Papinianus 14. D. de Public. in rem act.* Quod fieri non posset si possessor rem non teneret, nec haberet restituendi facultatem *l. officium 9. eodem.* Indèque etiam est, quòd is qui destinauit rem petere, & vindicare, debet animaduertere an aliquo interdicto possit nancisci possessionem quia longè commodius est possidere & aduersarium ad onera petitoris compellere quàm alio possidente petere *l. is qui destinauit 24. eodem.* Itaque pronuntiatio illa de iure dominij, non finis vindicationis est, sed medium necessarium, per quod ad rei restitutionem obtinendam tanquam ad finem actionis peruenitur. Adeò vt possit interdum petitor actionis & intentionis suæ effectum consequi, etiam nullo domino probato, puta si conuentus reus tanquam possessor neget se possidere, & tamen possidere conuincatur *l. ultim. eod. tit.* vbi Iurisconsultus hac de causa scribit pati actionem in rem compelli neminem, quia liceat ei qui conuenitur, dicere se non possidere. Ita vt si possit aduersarius conuincere rem ab aduersario possideri, transferat in se possessionem per iudicem, licèt, inquit, rem suam esse non adprobauerit. Tantùm igitur abest, vt in vindicationis iudicio sententia & condemnatio fiat per pronuntiationem de iure dominij, vt etiam nulla tali pronuntiatione præcedente possit actor rem obtinere, & quidem vi actionis huius, & vindicationis: quod fieri certè non posset, si is, qui agit vindicatione nihil peteret nisi vt dominus esse pronuntiaretur. Nec est quod quis dicat translationem possessionis à reo in actorem in specie *dist. l. ultim.* non tam fieri iure & potestate actionis, quàm quòd reo negante se possidere nullus aduersarius, & consequenter nulla actio superesse videatur. Nam imò verò fieri ex eadem formula, & ipsius iudicij potestate non ex eo solùm apparet quod lex ait fieri eam translationem per iudicem, sed ex illo etià quod Iureconsultus requirit vt possit aduersarius, id est actor convin-

cere re ab aduersario possideri, hoc est à reo qui negauit se possidere, vt eo modo arguatur & conuincatur de mēdacio cuius poenā illū pati eā æquū sit, vt possessionem quam habebat amittat, nulla etiā dominij probatione per actorem allata. Itaq; hoc casu sicuti nēl necesse est pronuntiare, Videri re esse petitoris, ita neq; arbitriū vllū sequi potest de ea re restituēda, neq; vlla rursus litis æstimatione, sed rectā decurrendū est ad rei restitutionem faciendam potiūs auctoritate iudicis, quā imperandā. Quid enim prodesset iubere re restituī ab eo, qui negauerit se possidere? quique hoc ipso possessionē amiserit etiā quā reuera habuisset? *l. si quis vi t. 9. de differentiis D. de acquir. poss.* Facti planē cognitionem præcedere semper necesse est, nisi cū reus intentionem agentis fatetur. Sed aliud est cognoscere & inquirere an actor sit dominus, Aliud verō an re sit possessor. Alterutra cognitio in vindicationis iudicio, semper necessaria est, sed vtraque numquam. Nam vel reus fatetur se possidere, & eo casu non aliter potest actor vincere, quā si dominū probet, Vel negat reus se possidere, Et tūc sola ipsius possessio ab actore probanda est, non dominium actoris. Quoniam autē omnis facti quæstio pendet ex arbitrio & religione iudicis *l. ordine 15. D. ad municip. l. 1. §. sed non visque D. ad SC. Turpill. l. voluntatum 7. c. de fidei. prudenter antiqui* pronuntiationis formulam constituerunt *videri rem esse petitoris* vt apparet iudicem, cū ita pronuntiat, non tam condemnare, quod extremo non primo loco faciendū ei est, quā animi sui sensum & iudicium aperire: modū tamen & verecundē vt par est in facti quæstione, cū facti interpretatio etiā prudentissimos fallat *l. 2. D. de iur. & facti. ignor. vt proinde reuerarum quodāmodo videatur affirmare verum id quod ex facto facti; probationibus plerūque incertis & arbitrariis pendeat l. 3. in princ. & §. 1. D. de testib.* Vnde est quod dubiæ causæ dici solent eæ quæ implicitam habent facti quæstionē *l. admo. endi 31. D. de iureiur.* si non quod perrarum est, concludentissimæ adferantur probationes. Maximē verō hoc obtinet, cū de dominij probatione agitur, vt in rei vindicatione. Semper enim dominij probatio difficillima est, vt ait Iustinian *§. commodum. Inst. de interd.* adeo vt nec desint qui dicant esse omnino impossibilem, saltem eo casu quo probandum sit dominium principaliter non incidenter vt in vindicatione pignoris quæ ideò leuioribus probationibus cōtēta esse creditur. Quibus licet non adsentior, qui video tam multis iuris nostri locis tractari de probando probatōque dominio non solū n si agatur hypothecaria *l. 3. in princ. l. & que nondum 15. §. quod dicitur D. de pignori. l. ante omnia 23. D. de probat.* sed etiā si de directā & ciuili vindicatione dominij, in qua necesse est vt lucumbat qui rem suam probare nequit plenē, suā. neque intentionē implere *l. vlt. & post. C. de res vindic. l. 2. & 4. l. cum res 12. l. ad probationem dominij 21. C. de probat.* Facile tamen concedo perdifficiles esse probationes istas, ideōq; tantō magis debuisse iudicē qui de ea quæstione cognosceret pronuntiare non ita esse sed *videri.* Quod ex ipsa quoque formula Prætoris descendere videbatur, quæ ab iis verbis semper incipiebat *si pareat*, quorū non alius sensus est quā si scriptū esset *si videbitur* quomodo etiamnum Itali qui linguā vulgarem & Latinā potissimū deduxerunt solent dicere *il parere* pro eo quod dicimus *in iudicium* & *mi pare* pro eo quod Latini *mibi videtur*, quamuis non negem *parere* dicere nos pro *apparere*, Eodē semper sensu, quoniā apparere dicuntur ea propriē quæ videntur licet reuera non sint talia qualia videntur: Vnde factum etiā puto, vt Iureconsulti nostri *speciem* dicant id tantū quod philosophi indiuiduum appellant, quoniam sc. indiuidua sola cū corporalia sint, apparent & videntur, nō ea quæ in genere consistunt,

consistunt, ut iura, & ea omnia quæ philosophi non minùs speciei quàm generis appellatione complectuntur. Ergo cum pronúciat iudex, Videri sibi re petitam esse petitoris, quid aliud facit, nisi quòd aperit quid ipse sentiat de tota illa facti quæstione? Nondum tamen officio suo in plenum fungitur, quia non solùm nec absoluit nec condemnat, sed neque de reo quicquam dicit, neque de re quæ petitur, actori restituenda, quo tamen nomine, & ad eum solum finem iudex datus & petitus fuit. Neque tamen eo minùs verum est iudicatum ab eo ià fuisse, quatenus iudicium suum interposuit, & quid sibi videretur de facti controuersia declarauit. Vnde enim iudicati aut iudicis nomen nisi à iudicio per iudicem ipsum interponendo? Sic & sententiam possis bene hanc dicere, quia explicat quid iudex de proposita facti quæstione sentiret, Ex quo etiam sententiæ nomen deductum esse non ambigitur. Sed post decisam facti quæstionem superest adhuc decidenda quæstio iuris, & pronúciandum quid reum facere ac præstare oporteat. Id enim est quod dici solet ex facto ius oriri, Igitur sententia illa definit quidè controuersiam & quæstionem facti, sed non totam litem quæ scilicet ex duabus quæstionibus cõstat, Vna facti, altera iuris, Ideoque interlocutio dici debet potius quàm definitiua sententia, cum non definiat litem & totum negotium absolute sed secundum quid, & ex parte. Alioqui rogo quid in huius iudicati executione fieri possit, cum iudex nondùm declarauerit quid fieri velit? An non prius est, ut condemnatus sit reus, quàm ut aliqua contra eum peti vel fieri possit executio. Fateor, Viquid esse cum pronúciatum est rem petitoris esse, Nempe in quæstione illa facti in qua status causæ versabatur. Sed nego esse illum condemnatum: quandoquidè nec iussus est adhuc restituere, quod tamè iussum præcedere necesse est antequàm perueniri possit ad cõdemnationem. Et verò an nõ possunt multa interuenire quæ facere debeant, ut quauis pronúciatũ sit rem esse petitoris, nullá tamen ei restitutionem fieri oporteat? Quid enim si bonæ fidei possessor sit is qui conuenitur, multasque impensas in eam rem fecerit, quarum nomine danda sit ipsi retentio? *l. sumptus 48. l. emptor 65. D. de rei vindic. l. domum 5. C. eod.* Quid si idem ille qui vindicat eam rem vendiderit & tradiderit, ob idque repelli debeat exceptione rei venditæ & traditæ *l. 1. §. tot. tit. De except. rei vend. & trad. l. bona fides 50. D. de all. empt.* Quid denique, ut alia penè innumera quæ congeri possent prætermittam, si dominus heres extiterit ei qui vendidit, & ob id teneatur ipse de euictione possitque iuuare se vulgari illo nostrorũ brocardo, Quem de euictione tenet actio eundem agentem repellit exceptio *vulg. l. vindicantem 17. l. Seia 72. D. de euic. l. venditrici 3. C. de allion. empt.* Postquàm ergo pronúciavit iudex videri sibi rem qua de agitur esse petitoris, adhuc pronúciandũ habet super exceptionibus possessoris, de quibus nec quæri solet aut debet quousque actor intentionem suam fundauerit, & impleuerit. Tantùmque distat ut prima illa pronúciatio condemnationis nomen mereri possit, ut nec in iudicis potestate sit, etiam si maximè velit antequàm de exceptionibus rei cognouerit venire ad condemnationem. Sed neque post oppositas discussasque exceptiones, semper condemnare possessorem iudex debet, neque litem æstimare quanti actoris interest qui suam intentionem plenè non probauit, & cui possessor etiam iussus restituere non paruerit, puta si neque dolo, neque culpa possessoris quicquam contingerit, quominùs eam rem traderet, ut in specie *l. à quo seruus 58. D. de rei vindic.* Quomodo igitur possumus dicere possessorem hoc ipso quòd victus est in quæstione dominij, habendum esse pro condemnato, cum in eo statu sit, ut vel absolui adhuc debeat, vel numquam fortasse condemnari?

ERROR DECIMVS.

De potestate formula quam Prætor dabat in iudicio directæ vindicationis.



ADDAMVS aliam rationem sumptam ex ipsa Prætoris formula. Nā cum sic Prætor formulam dicit *si paret fundum Capenatem quo de agitur Lucij Titij esse*, quid iubet, quid præcipit, aut præscribit iudici, propter quod habeat iudex potestatem condemnandi Sempiternum possessorem? Vtique enim fatendum est nullum ius esse iudici condemnandi rei nisi quatenus eam potestatem accepit à Prætoris aut alio qui eius dandæ ius habuerit. *l. cum Prætor 12. l. penult. D. de iudic.* Potestatem igitur illam dari necesse est verbis præcis & dispositiuis, quæ sunt ea quæ ob hanc causam in formularum omnium fine addi solebant *condemna eum*. Non autem conditionalibus cuiusmodi illa sunt *si paret fundum quo de agitur esse petitoris*. Iritum enim est, conditionalia nihil disponere, ne quidem in iis, quæ pendent à mera voluntate, & dispositione illius, qui condicionem adscribit. *l. si quis sub condicione 8. D. si quis omisit causam testam. l. 1. D. de pen. legat. l. 1. §. item si uia D. ad leg. falcid.* Igitur cum iudex inquirat, an fundus petitus sit petitoris, & pronunciat eius esse, neque condemnat possessorem de quo nihil adhuc dicit, neque adhuc satisfecit formulæ, sed tantum aliquid ex ordine facit ut Paulus loquitur in *l. cum monui 12. De reb. auctor. iudic. possid.* id est facit id quod in necessarium antecedit facere debuit ad hoc ut possit peruenire ad condemnationem. Facit sanè ex præscripto formulæ, quoniam eum gerendæ rei, tractandique iudicii ordinem præscribit Prætor, ut à questione de iure dominij incipi oporteat, sed non facit, neque quicquid præscriptum est, neque illud quod principaliter imperatum est verbis illis imperatiuis *condemna eum* quousque possessorem condemnauerit, si condemnandus non absolendus fuit. Imò ut intelligas primis illis verbis conditionalibus nullam iudici fieri potestatem condemnandi, obseruare debes non statim post condicionem illam adici imperium condemnandi, sed interiectis aliis illis verbis quæ aduersarij quoque admittunt, *Neque fundum illum Publius Manius Lucio Titio restituet*, quæ si non interponerentur, utique non alius posset sensus esse huius formulæ *si paret fundum quo de agitur Lucij Titij esse, tu eum condemna* quam ut iudex condemnare petitorum iuberetur, cuius fundum esse pronunciasset: Quod tamen esset ridiculum, Non ob id solum, quod condemnari actor nunquam dicitur, sed repelli, excludi, summoueri. Verum etiam quia licet nihil vetet summoueri actorem aliqua exceptione tamen si suam intensionem plenissime probauerit, numquam tamē ob id summoueri debet quod probauerit, Nec igitur sub illa conditione imperari iudici ut eum summoueat, si probauerit fundum suum esse. In summa ut verba illa *condemna eum* de reo & possessore intelligenda sint non de actore, aliquam rei mentionem in formula factam esse necessarium est, quæ porro nulla erit nisi media illa verba intericiat *neque fundum illum Publius Manius Lucio Titio restituet*. Quibus additis euidentissimum sit, non minus requiri ad condemnationem faciendam ut appareat nolle Publium Manium restituere fundum Titio, quam ut eum fundum Titij esse probatum sit ante omnia & pronunciatum. Vtriusque enim ponitur in condicione & consequenter cum duplex condicio sit quam impleri utraque oportet, priusquam potestas vlla iudici data videri possit condemnationis irrogande, Apparet neutrius condicionis implemen-

to

plemento condemnationem induci, sed condemnandi duntaxat ius & potestatem acquiri. Quemadmodum autem posterior condicio implebitur ob non factam Titio restitutionem nisi prius arbitretur iudex rem illam quæ Titij petitoris esse iam pronunciauit restitui ei oportere? Nec enim expectandū est ut possessor victus rem vltro restituat quousque arbitratus sit iudex ita fieri debere, cum vi iam dixi multa possint intervenire quæ facere debeāt, ne æquum sit eum restituere. Quinetiam eo casu, quo nihil sit, quod restitutionem remorari debeat, arbitriū tamen iudicis necessarium esse, ex eo intelligimus quod plura veniunt plerumque in arbitrium, quam in priorem pronunciationem, interdum etiam minus, Plura equidem regulariter quoniam is qui victus est in questione dominij si nullā proferat exceptionem, non tamen rem illam quæ petita est & quam actoris esse pronunciatum fuit restituere arbitrio iudicis debet sed etiam fructus tamen quoque cum per errorem & imperitiam iudicis pronunciauit iudex petitoris re esse quæ reuera fuit aliena *d.l. & ex diverso* 35 §. 1. Idemque de partu & alia omni causa iuris est *l. Iulianus* 17. §. 1. *l. præterea* 20. *eod. tit.* Et tamen verum est nihil in prima illa pronunciatione de fructibus exprimi unquam posse. Non enim bona est cōsecutio, ut si fundus sit Titij, etiam fructus ex eo fundo percepti à Mevio possessore ad Titium pertineant iure dominij: perindeque pronunciarī possit Titij eos esse, atque pronunciarī debet de fundo, eum ad Titium pertinere. Itaque non vindicantur fructus simul cum re ipsa, sed officio tantum iudicis restituuntur, eo quoque casu, quo petitor in vindicatione obtinuit *d. §. 1. De offic. iudic. l. certum est* 12. *C. de rei vindic.* Quamvis enim iure soli non iure seminis percipiatur *l. q. i fecit* 25. §. 1. *D. de usur.* fieri tamen non potest ut ad dominum iure dominij pertineat qui ab eo percepti nunquam fuerunt, Præsertim verò si ponas vindicari fundum aduersus bonæ fidei possessorem qui in percipiendis fructibus tantundem iuris habet, quantum dominus, ita ut hac parte loco domini sit, fructusque suos faciat perceptione sola interim id est quousque illos restituerit petitori *l. bona fidei* 48. *De acq. rer. dom. l. si fructuaris messim* 13. *D. quib. mod. usufr. amitt.* quia scilicet bona fides tantum possidenti præstat, quantum veritas ubi lex impedimento non est *l. bona fides* 136. *De reg. iur.* Et tamen restituuntur, qui exstant, in quo post lietem contestatam percepti sunt vniuer si *d. l. domum*, quia non debent lucro possessoris cedere cum victus sit *d. l. & ex diverso* 35. §. 1. *D. eod.* Cum ergo iudex qui pronunciat fundum esse petitoris nihil omnino pronunciet de fructibus, quos tamen necesse est deduci in condemnationem ut veniant in restitutionem. An non apparet euidenter primam illam pronunciationem, per quam pronunciatum RE esse petitoris, licet sententia sit, non tamen esse condemnationem. Alioqui pariter & simul de fructibus & de re ipsa pronunciamandum esset. Quod non minus aperte quam eleganter Paulus docet in *d. l. & ex diverso* §. 1. illis verbis *Vbi autem alienum fundum petij & iudex sententia declarauit meum esse, debet etiam de fructibus possessorem condemnare, Eodem enim errore & de fructibus condemnaturum.* Videntur ut separet sententiam illam declaratoriam à condemnatione? Declarat primum iudex suam sententiā fundum esse petitoris, & quidem citra ullam condemnationem. Eo facto arbitrat, Debere igitur rem restitui cum fructibus, id si non fiat, condemnat reum non iam ad rei restitutionem sed ad fructus omnimodo, id est siue rem ipsam vltro possessor post arbitriū restituerit, fructus autem restituere nolit, siue manu ablata ei possessio sit, ut nulla amplius pro ipsa re fieri possit condemnatio *d. l. qui restituere in princ.* Non igitur eadem pronunciatione, sed eodem tamen errore id est in cōsequentiā prioris illius erroris quo

pronunciatum est meam rem esse quæ aliena erat. Cæterum debet sententia declaratoria præcedere ut probant verba illa & *iudex sententia sua declaravit me esse*, & quod sequitur debet etiam de fructibus possessorem condemnare. Sed an per arbitrium fit illa condænatio? Minime. Sed ita deinde si arbitrio non pareatur. At cum arbitriū tale esse debeat ut res rectè restituatur, id est arbitrio boni viri, hac verba 73. De verb. signific. sciendum est huiusmodi arbitrio etiam fructuum restitutionem contineri. Et consequenter si arbitrio nõ pareatur etiam fructuum condemnationem in sententia diffinitiva fieri oportere. Non enim potest arbitrium aut esse condemnatio aut condemnationis iure censi, cum in potestate maneat possessoris an arbitrio parere velit necne, & sola contumacia quæ fit in non parendo arbitrio, faciat locum condænationi 9. *præterea Instit. de actum*. Quis enim dixerit in facultate condemnati esse debere an sit condemnatus? *si iudex 41. D. de minor.* Cui convenit quod sub Vlpiani nomine a Triboniano scriptum est in d. *L. qui restituere*, Cum quis restituere iussus iudici non paret, contendens non posse restituere manu militari officio iudicis ab eo possessionem transferendam esse & fructuum duntaxat, omnisque causæ nomine condemnationem fieri. Quod ait possessorem iussum esse restituere, non tantum supponit pronuntiationem illam quam diximus præcedere debere, & qua declaratur fundum esse petitoris, sed etiam arbitrium significat, quod sicuti pronuntiationem illam sequi necessarium debet de re quæ petita fuit, rectè restituenda. Ita & præcedere condensationem, quam ex ratione veteris Iurisprudentiæ fieri oporteret ob id quod arbitrio paritum non esset, secundum eam arbitrariorum actionum definitionem quam Iustinianus tradidit in d. 9. *præterea*. Postquam autem Iustiniano placuit ut arbitrio & iussui iudicis de re restituenda, præcisè parendum sit adeo ut manu militari potius transferenda possessio sit, in victorem, quam permittendum possessori, ut non restituat rem cuius restituendæ facultatem habet, apparet nullam eo nomine condemnationem sequi posse, sed tantum de fructibus omniq; causa. Quid enim possit aut debeat amplius iudex in condemnatione deducere, aut cur licet æstimare, aut quomodo, cum petitor obtinuit restitutionem quæ urgebat rei petitz? Et tamen non eo minus condemnatio facienda est, quia est necessaria fructuum, omnisque causæ nomine, de quibus nulla manu militari executio fieri potest, neque vi & potestate prioris pronuntiationis in qua nihil de fructibus deque reliqua causa dictum est, neque rursus vi & potestate arbitrii, quia licet arbitrium etiam fructuum restitutionem contineat, ut diximus. In eo tamen dispar condicio est fructuum & rei petitz, quod de re petita iam aliquid pronunciatum est, Eam sc. videri esse petitoris, de fructibus verò nihil. Porro si absurdum est, & contra iuris civilis regulas ut ab executione incipiatur l. 1. C. de exec. rei iudic. quanto absurdius & incivilius esset incipi à manu militari nulla pronuntiatione præcedente? Deinde quid posset facere manus militaris ad transferendam in victorem possessionem fructuum à reo perceptorum, ac fortassis iā consumptorum? Tum verò etiam si maxime extarent, cum tamen non veniat in restitutionem iure dominij & vindicationis, sed tantum officio iudicis ut diximus, quomodo aut quo iure fieri posset, ut eos manu militari iudex officio suo auferret quos nunquam adiudicasset? Aut si dicas, quod omnium improbabilissimum est, Arbitriū illud habere vim sententiæ & condemnationis. Fatearis ergo necesse est duplicem fore eorūdem fructuum nomine condensationem, Primam illam quam vis per arbitrium factam esse. Alteram illā, quam vult Iustinianus fieri post arbitriū de re restituenda. Quod si cum adversariis nostris sentias,

Etiam

Etiam pronúciationem illam qua declaratur fundum esse petitoris, habere vim sententiæ & condemnationis, ita vt quicquid postea fit siue per arbitrium, siue per litem æstimationem ob id quòd arbitrio nõ fuerit obtemperatum, in executionem iudicari fieri videatur, Consequens fiet vt tres in vno eodémq; iudicio & pro vna eadémque referatur sententiæ & cõdemnationes, quarum prima illa erit, qua pronúciatur dominium ad petiorem pertinere: Altera per quam iudex arbitrarius fuerit rectè rem restitui debere, & arbitrio boni viri: Tertiam illam ex qua ob rem non restitutam condemnatus fuerit possessor quanti actor in litem sine vlla taxatione iurauerit. Nam si respondeas, tertiæ huic cõdemnationi locum nullum esse posse, cum manu militari auferenda sit possessori sua possessio & in petiorem officio iudicis transferenda. Replicabo primum æquè absurdum fore siue duas, siue tres in eodem iudicio de eadem re fieri condemnationes, cum singulis controuersis sicut singulas actiones, ita vnum iudicari finem sufficere probabili ratione placuerit *l. singulis 6. D. de except. rei iudic.* Præterea non semper impediri condemnationem prætextu restitutionis illius præcisæ quam manu etiam militari debere fieri Iustinianus voluit, sed eo tantum casu quo rei restituendæ facultatē possessor habeat. Quid enim si non possit restituere & dolo fecit, quominus possit? Eadem lex ait, condemnandum illum esse quanti actor in litem sine vlla taxatione iurauerit. Tres igitur eo saltem casu fient condemnationes, sicut & illo quo reus victus restituendæ rei facultatem, sine vllò suo dolo amiserit. Nam & illo casu non pluris quàm quantires est, id est quanti aduersarij interfuit, condemnandum esse possessorē ibidem scriptum est: Sed & cum res præsens est, eiusque restituendæ facultatem habet reus qui iam in causa dominij victus est, si malit petitor litem æstimationem cõsequi, hoc est quanti in litem ipse sine vlla taxatione iurauerit, quàm manus militaris auxilium implorare, quidni obsecro mos ei geratur? An fortè minor est contumacia, maiorque fauor illius qui cum habeat facultatem præsentem restituendæ rei quam restituere iussus est, quàm si dolo fecisset quominus hodie posset restituere? Nam & è contrario si possessor dolo fecerit quominus possit restituere & idèd condemnatus sit quanti actor sua interesse in litem iurauerit, nec tamen actor iurare velit, sed quanti res est, aduersarium condemnari malit, nemo dubitat, quin mos ei gerendus sit, vt disertè Paulus scribit *in l. quòd si possessor 71. eo.* Triplici ergo condemnatione his tribus casibus opus erit, quod tamen quàm absurdum sit dicere, nemo non videt. Concludamus itaque, siue formulam Prætoris inspicias, siue verba sententiæ per quam declaratur re esse petitoris, Non posse sententiam illam dici condemnationem, vt neque arbitrium quod sententiam illam sequitur, sed esse ista duo præparatoria, & necessariò facienda in ordine ad futuram vel condemnationem, vel absolutionem. Quæ tum demum sequitur, cum & iam pronúciatum est, Videri rem esse petitoris, & arbitrium postea secutum De re rectè restituenda cui arbitrio vel paruerit reus, vel non paruerit. Hæc verò ex iis quæ sequenti

Decade tractabimus, longè melius
& apertius intelli-
gentur.



ANTONII FABRI

I. C. SEBVSIANI, IN SVPREMO

SABAVDIÆ SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DECAS XCII.

ERROR I.

Cur in alijs actionibus quàm arbitrariis nulla præcedat pronuntiatio, nullumque arbitrium ante condemnationem.



S A T I S quidem ex superioribus intelligere doctiores possunt, quid causæ sit, cur in alijs actionibus, quàm in arbitrariis nulla præcedat pronuntiatio, nullum arbitrium ante condemnationem. Sed tamen digna res est quæ à nobis & pluribus & apertiùs explicetur. Si contendam debere te mihi centum ex contractu siue bonæ fidei, siue stricti iuris, in eamque rem tecum experiat competenti actione siue stricta, siue bonæ fidei. Constat vnam duntaxat condicionem poni in formula *si paret Titium debere Maudio centum ex causa mutui vel depositi* [addenda enim causæ est vt dignosci possit qualitas & natura negotij actionisque propositæ an bonæ fidei sit an stricti iuris] *in eum condemnato*, ideoque sufficere ad irrogandam condemnationem vt appareat iudici debere Titium ex ea causa Maudio centum, nec aliud præterea quicquam requiri, Id est, neque illud vt iudex pronunciet deberi centum, neque vt tali pronuntiatione facta arbitretur debere centum illa solui, Sed rectè deueniri ad condemnationem statim æque de facti & debiti veritate cognitum est. In quo præcipua certè differentia est actionum illarum ab arbitrariis, in quibus fieri numquam potest, vt vel absolutio, vel condemnatio sequatur, quin & pronuntiatio & arbitrium De re vel restituenda, vel exhibenda præcesserit. In eoque mihi conuenit etiam cum aduersariis, qui licet nouam arbitrariarum naturam induxerint, eam tamen distinctionem quam Iustinianus tradidit in §. *præterea* *Instit. de action.* neque pervertere, neque improbare ausi sunt, nec proinde negare, quin arbitrariæ actiones ex arbitrio præcedente pendeant & sint æstimandæ. In hoc tantum à nobis discrepantes quod arbitrium illud ex alio æstimant, quàm ex quo æstimari ratio iuris patiatur. Vnde verò tanta hæc nasci potuit differentia? Aut cur ambages istæ fuerunt

fuerunt inducendæ in arbitrariis actionibus, quominus in iis sicut in ceteris re-
ctâ perueniatur ad condemnationem? Petenda est, vt ego quidem arbitror, ratio
differentiæ ex eo, quod condemnationes omnes sunt personales. Et quamuis in
plerisque actionibus, puta in realibus, non tam persona quàm res conueniatur
l. denique 19. D. de iur. fife. personam tamen ipsam non rem condemnari neces-
se est, cum non fiat condemnatio, nisi ad dandum aliquid, vel faciendum, vel
patiendum: quorum omnium nihil est quod in rem cadere possit, quodque
a persona ipsa fieri non oporteat: Ideoque is omnium formularum finis fuit
condemna eum, aut vt alii concipiunt *tu eum condemnare*. Atqui non potest fieri
vt siue ex ratione mera iuris, siue ex vlla æquitate condemnari debeat ea per-
sona quæ nunquam fuerit obligata: quemadmodum nec vlla personalis actio
intelligi potest quam nulla personalis obligatio præcedat. Id enim est quod
vulgò iactatur, Obligationem esse matrem actionis, scilicet personalis, *l. licet*
42. §. aa obligatio D. de procurat. Quæ enim sunt in rem cum aduersus eum exer-
ceantur, qui nullo modo est obligatus §. 1. *Inst. de action.* nullam certè obliga-
tionem pro matre requirunt, aut pro causa. Quoties igitur talis actio exerce-
tur, cui obligatio nulla causam dederit, vt euenire dicimus in actionibus in rem
omnibus, siue ciuiles sint, siue prætoriz, & siue de pignoris iure in iis agatur,
siue de iure dominij, id est in directa rei vindicatione, in Publiciana, in Ser-
uiana, & quasi Seruiana quæ nascuntur omnes ex præsentī possessione, vt ait *l.*
non aliàs 24. sed si postulatur D. de iudic. necesse est aliquid interuenire ex quo
nascatur obligatio personalis, ad hoc vt possit sequi personalis condemnatio.
Non enim possis dicere nasci aliquam ex contestatione, cum per contestatio-
nem nulla potuerit fieri nouatio præcedentis obligationis quæ nulla fuit, vt di-
sputauimus in Decade superiore. Et consequenter illud ipsum quod fuit in pe-
titione tempore litis contestatæ, remanet in actione & in præstatione, id est rei
petitæ restitutio. Ergo illa semper quæstio examinanda superest, an petitor ha-
beat in ea re ius dominij vel pignoris, Deque eo ipso ante omnia pronuncian-
dum est, vt si petitor intentionem suâ probare nequeat statim summoueatur, pos-
sessor autem absoluator, nec vterius procedatur, nisi ad hoc solum vt expensarum
taxatio fiat, si actor, ad eas condemnatus sit, quomodo condemnari debet, si te-
merè nullòq; iure litæ instituerit. Quid. n. aliud facere iudex possit? Sed si actor
intentionem suam impleuerit & plenè probauerit, Iudex quidem pro eo pro-
nunciare debet, Videri scilicet rem petitam ipsius esse, At non idè tamen reū
condemnare potest, cuius nimirum factum adhuc nullum interuenit in tota li-
te propter quod aut ratio iuris aut æquitas aliqua facere possit, vt condemnari
debeat. Quid enim fecit reus, nisi quod litigauit de dominio vel de pignore rei
petitæ? Atqui victus est fateor, cum pronunciatum fuit rem esse petitoris. Sed
quid tum? An idè petitori iam satisfactum est? Minimè. Non enim sola fuit il-
la petitoris intentio, vt rem suam esse contenderet, sed vt eius restitutionem ob-
tineret. Porro nihil de eo adhuc pronunciatum est, neque pronuciari potuit,
aut debuit, cum incidere multa possint quæ faciant, vt etiam post eiusmodi pro-
nunciationem absolui tamen possessorem oporteat. Puta si is à quo seruus pe-
tebatur, eiusdem serui nomine noxali iudicio conuentus & victus eum noxæ
dederit vt in *l. a quo 58. D. de rei vindic.* Aliquid igitur præterea fatendum est an
requàm ad possessoris condemnationem deueniatur. Quid verò? Hoc primum
vt arbitretur iudex restitui rem debere, & quidem rectè, id est arbitrio boni vi-
ri cum fructibus & omni causa. Quare non est cur quæras cur hanc restitutio-

nem imperet iudex & iubeat per arbitrium potius quàm per condemnationē. Nam præter id quod ut docuimus in præcedentibus nunquam factum deducitur in condemnationē, quia ratio exequendi iudicati nulla inueniri posset, cum ad factum præcisè cogi nemo possit, iudicatum autem nullomodo mandari executioni, vel non mādari eo modo quo iudicatum est, planè alienū esset à reſi iudicatarum autoritate. Vides in proposita specie condemnādi possessoris qui nihil adhuc promiserit aut fecerit, causam nullam esse, ita verò arbitrandi causā esse, Nec illud tamen in executionē iudicati, cum de eo nihil in iudicato & pronuntiatione comprehensum sit, sed in consequentiam potius primæ illius pronuntiationis. Parum enim aut nihil prodesset petitori quòd victus esset possessor, si non posset rem petitam restituere iuberetur. Secuto igitur arbitrio expectat iudex quid possessor facere velit. Si arbitrio pareat, absoluit eum, quia iam petitori eidemque victori plenissimè satisfactum videt, nulla licet adhuc facta condemnatione, Quandoquidem arbitrium licet neque sententiā sit, neque condemnationis vim & effectum obinet. Non quòd ad hoc ut exemplo sententiæ & condemnationis mandari debeat executioni, etiam inuito eo qui victus fuit, sed quantum ad id quod præcipuum est, ut petitori satisfiat, Adeoque commodius & conuenientius intentioni petitoris, quàm si condemnatio facta esset, nec enim posset condemnatio fieri nisi in pecuniā, cum tamen petitor rem suam præcisè petat, non rei sue quantancunque æstimationem: Arbitrium autem redditur de re ipsa quæ petita fuit cum fructibus restituendis, non de precio ipsius soluendo. Sed si victus possessor arbitrio parere nolit, tum verò incipit ille aliquid facere propter quod iam dignus est qui condemnetur, cum spernat arbitrium iudicis, cui Prætor arbitrandi potestatem fecerit, [nisi spernendi causam aliquam iustam habeat ut in specie *d.l. à quo 58. De rei vend.*] Arbitrium, inquam, non quale boni viri cuiuslibet, quod impune sperni posset, sed quod habuit aduexum iustum & imperium, Cui sicut parere æquum fuit, ita non parere malum, ac penè iniuriosum. Cur ergo, inquires, non hoc saltem tempore condemnatur ut rem restituat, ut faciat inuitis quod neque vltro, neq; arbitrate iudice facere voluit, cum deberet? Iam dixi, quia ad hoc ipsum condemnari nec potest, nec debet. Non potest, quia cum restituere sit facti [restituere siquidem est alium possessorem facere fructus reddere, & aliis pleraque quæ restitutionis verbo continentur *l.p'us est 12. De verb. signifi.*] si restitutio ut & aliud factum quodlibet in condemnationem deduceretur nulla iudicati præcisè exequendi ratio superesset, rursusque æstimari factum oporteret, ut in *l. stipulationes non diuiduntur 72. De verb. obl.* atque ita in iudicati executione fieri de lite lites, & ex primæ litis materia linem alteram confurgere, ut loquitur Imp. in *l. terminato 3. C. de fruct. & lit. expen.* quod tamē ne vnquā fiat districtè prohibet Prætor *l. 4. §. aut Prætor. D. de re iudi.* Ne alioqui detur processus in infinitum, nec vllus vnquam sit litium finis *l. 2. C. de re iudic. l. fratris 10. C. de transa.* Non debet, quia necdum obligatus adhuc est possessor ad restituendum, nec quòd iussus restituere ideò factum est quòd sit obligatus, sed ut si nollet restituere hoc ipso se obligaret ad condemnationem, non quidem faciendi, sed præstandæ æstimationis litis, qualem postea deduci in condemnationem oporteret. Condamnandus ergo est non ut restituat, sed quia non restituit, cum & victus sit, & restituit. At arbitrium, cui parere noluit, interuenit. Qualis autem quantaque debeat esse litis æstimatio, non in arbitrio & religione iudicantis positum est ne cum aduersariis nostris mihi obiciās periculum magnū subesse, ut iudex

fue

sive affectionis suæ, sive arbitrij sui minor, incorrupti iudicis non en perferre non possit *l. ult. C. de adfessor*. Sed totum pendet, vel ex autoritate iuris civilis, vel ex edicto Prætoris, nec aliam pœnam irrogare iudex potest, quàm quæ in cā rein certa constituta est, vel legibus, vel edicto Prætoris, vel autoritate prudentium iura constituentium. Itaque in arbitrio quidem permittitur iudici ex bono & æquo æstimare, quemadmodum actori satisfieri oporteat *d. §. præterea De alt.* sed in condemnatione non item. Inde fit vt qui vindicatione directâ conuentus & victus, réinque restituere iussus parère noluit, aliter cōdēnētur, quàm qui actione quod metus causa, aut actione De dolo. Et rursus in ipsa quoque vindicatione, aliter is qui vel possidet nec vult restituere, vel quod effectu idē est dolo desit possidere, Aliter is qui neque possidet, neque possidere desit dolo malo. Certa namque singulis casib. pœna cōstituta est aduersus eū qui arbitrio parère nolit, & alia atque alia pro casuum ac negotiorum varietate. Aliquādo condemnatur reus in quadruplum, vt in actione Quod metus causa, Aliquando in id quod reuera interest petitoris vt in hypothecaria, nam ea quoque arbitraria est *l. si fundus 16. §. in vindicatione D. de pignor.* Aliquādo quanti petitor in litem sine vlla taxatione iurauerit, vt in *d. l. qui restituere*. Quæ omnium maxima & grauissima condemnatio esse videtur, vt Paulus innuit in *l. ult. De fidei*. in illis verbis *Et cum reus haberet possessionem, noluit eam restituere. Et ideo magno condemnatus est.* Et vt intelligas condemnationem illam fieri non iure obligationis alicuius. sed in pœnam contumaciæ, ob id quod victus non fecerit id quod vt arbitrio parēret facere debuit. Respōdet Paulus eo loco, Fideiussores procuratoris, qui de rato cauerat, & succubuerat, non debere in id amplius cōdēnare, quod stipulator à domino postea victus, magnam quantitatem ex condemnatione præstiterit, Et rationem subiungit *hoc enim non debet imputari fideiussorib. quod ille propter suā pœnam præstiterit.* Pœna enim est & quidem grauissima si quis cōdēnētur, quanti aduersarius in litem, maximè verò sine vlla taxatione iurauerit, cum non fiat res pluris per iusiurandum, sed ob contumaciam possessoris æstimetur vltra suū preciū *l. i. D. de iur. iur.* Sic & in actione Quod metus causa pœna tripli est, quoniam in quadruplo simpliciter continetur *l. item si cum 14. §. quatenus D. quod met. caus.* Scilicet si rein æstimes & condemnationem ex parte actoris, qui cum quadruplum consequitur, in quo & rei persecutio continetur, non nisi triplum habet ex alieno: At si inspicias ius cōdēnationis ex parte possessoris totum quadruplū in pœna est quia nisi pœnā mereretur ille ob id quod rē restituere, & arbitrio iudicis parère noluit, nullā posset pari cōdēnationē, ne in obolo quidē, tamen ei rē retineret, quam pronunciatū esset per metū aut per vim extortā esse. Neq; apud me dubium est quin & Vlpianus & cæteri prudentes ita sēserint, quamuis Tribonianus contrā putauerit, cuius esse totum illum §. ostendimus in Coniecturis. Atque hæc quidem in omnibus iis actionibus quæ verè arbitrarie sunt, sic obtinent, si excipias illam De eo quod certo loco, in qua docuimus esse aliquid diuersum, quod habet multa specialia, propter quæ speciali quodam iure, ac nomine arbitraria nuncupatur. Habent itaque actiones arbitrarie similitudinem magnam cum actionibus bonæ fidei, quod pertinet ad arbitrium in quo iudex omnia æstimat, non quidē ex bona fide, cui nullus in arbitriis locus esse idē potest, quod in iis non agatur de fide data, sed tamen ex bono & æquo *d. §. præterea*, [latius enim patet boni & æqui, quàm bonæ fidei potestas & significatio] sed sunt similes etiam strictis in eo quod licet non strictam, sed largam vt plurimum, certam tamen & præcisam habent condemnationem

nem, cui neque æquitatis neque alio vlllo prætextu addere quicquam iudex possit, aut detrahere. Sed in cæteris omnibus sunt actiones arbitrarie actionibus bonæ fidei & strictis dissimillimæ. Nam in his neque pronuntiationem vllam præcedere, neque arbitriū aliquod interuenire necesse est, sed post discussionem facti quæstionem, si appareat eum debere qui obligatus dicitur, siue ex contractu, vel quasi, siue ex maleficio, vel quasi, nec vlla exceptione iusta reum defendi, Cogitur iudex vel ex ipsius formulæ verbis & pronuntiare Reum cōtra quem agitur id debere de quo agitur, & eum ad tantam pecuniam, quanta est quæ debetur, condemnare. Cur enim bis pronuntiaret, aut condemnationem differret, cum parata sit ex obligatione condemnationis materia? Aut cur in arbitrium deduceret quod recta in condemnationem deducere potest? Nulla certè subest necessitas interponendi arbitrij, Nulla rursus diuidendę pronuntiationis, Nulla denique differendę condemnationis, sed rectā decurrit iudex ad faciendam litis æstimationem per sententiam, quæ quoniam condemnationem habet, sicut & è contrario absolutionem contineret, si actor aut in probanda intentione sua mancus, aut exceptionibus iustis summouendus fuisset, non solum sententię nomen meretur, sed etiam rei iudicatę, cum toti liti & controuersię finem imponat *leg. 1. D. de re iudicat. leg. 3. Cod. de sentent. & interlocut. omn. iudic.* Ideoque post eam sententiam latam nihil superest, nisi vt iudicati executio fiat, Et quidem non ab illo ipso iudice qui iudicauit, quem scilicet constat officio suo ita functum esse, vt nihil amplius agere in ea causa possit, ne quidem eodem die *l. iudex postea quā 55. l. cum quærebatur 62. eodem.* Sed à Prætorē, aut alio Magistratu qui eum dedit, ad quem pertinet exequi sententias iudicum à se datorum, Maxime post rescriptum Diui Pij de quo in *leg. à Diuo Pio 15. in princip. eodem.* Ex quo intelligimus, si verum esset quod illi putant, Sententiam illam qua pronuntiat iudex datus in iudicio vindicationis, Videri rem petitam esse petitoris, pro sententia diffinitiuā, & condemnatione habendam esse, non amplius fore in potestate iudicis vt quicquam arbitrareretur De re restituenda, siue arbitrium illud accipias cum aduersariis pro executione iudicati, siue cum vulgaribus interpretibus pro noua quadam sententia, siue nobiscum pro interlocutione quadam præparatoria condemnationis. Nihil enim istorum facere post rem iudicatam & condemnationem iudex potest, Tantum distat vt priori condemnationi aliam possit addere ex quacunque causa. Nam neque Prætor ipse facere id posset, si sententiam ipse tulisset. Quamuis plus iuris habeat quā iudex datus in eo quod licet rescindere sententiam suam præcedentem non possit, ne quidem eodem die non magis quā iudex pedaneus. Reliqua tamen quæ ad consequentiam quidem iam statutorum pertinent priori tamen sententię defunt, potest & debet supplere eodem die dum ne ad condemnandum reum pertineant, aut ad absoluendum. *l. Paulus respondit rescindere 42. eo.* vbi non dubito quin pro circa legendum sit *citra* in illis verbis *circa condemnandum reum vel absoluendum.* Quomodo enim fieri posset, vt adderetur aliquid condemnationi, vel detraheretur quin sententia saltem ex parte rescinderetur? Cuius scilicet substantia in condemnatione vel absolutione consistit *dicta lege prima, eod. argum. leg. pacta conuenta 72. in fin. De contrah. emptio.* Et ita conciliari debet *dicta lex Paulus, cum dicta lege cum quærebatur.* Non quomodo nostri vulgò conciliant, distinguentes duntaxat principale

principale ab accessoriis, non autem iudicem pedaneum de quo in *d.l. cum qua-*
rebatur, à Prætorè de quo in *d.l. Paulus*.

ERROR SECVNDVS.

*De restitutione & solutione qua fit in iudiciis bonæ fidei & strictis
ante condemnationem.*



SCIPIVS hic à nobis tollendus est, quem aduersariorum subtilitas iniecit, qui ne cogantur fateri directam & civilem vindicationem esse arbitrariam, cum tamen negare non possint in eius actionis formula solitum fuisse Prætorum addere ea verba *neque res restituatur*. Aiunt non esse ex clausula illa æstimandas actiones arbitrarías, probantque ex eo quòd in cæteris quodque actionibus omnibus siue bonæ fidei essent, siue stricti iuris æquè soletet Prætor addere, *nisi ea res præstetur, nisi ea pecunia solvatur, vel eo nomine satisfiat*, ut reo conuento potestas esset vsque ad sententiam soluendi præstandique quod petebatur, atque ita euitandi cõdeinnationem. Idque nimirum esse quod vulgò iactari solebat, Omnia iudicia esse absolutoria *§. vltim. Insti. de perpet. & temp. excepti*. Proinde supradictam clausulam fecisse iudicia absolutoria, non arbitraria. Nos verò præter illa quæ iam docuimus in præcedentibus, Quo sensu quæve ratione ab antiquis prudentibus dictum sit, Absolutoria esse iudicia omnia, ostendamus iam quantum olim interfuerit & hodie quoque interfit inter eam restitutionem quam iure vetere fieri necesse erat in iudicio vindicationis ad euitandam condemnationem, & eam solutionem quæ in cæteris iudiciis fieri poterat, & debebat ante sententiam, ut absolutio sequi posset. Primum omnium, Restitutio quæ fiebat in iudicio vindicationis fiebat proculdubio ex iussu & arbitrio iudicis dati, ut apparet ex *L. qui restituere 68. D. de rei vindic. & aliis locis omnibus* qui de hoc arbitrio loquuntur. Solutio autem, quæ in aliis iudiciis fieri poterat, non iussu aliquo iudicis fiebat, sed sola illius voluntate qui conueniebat. Quoniam enim iure potuisset iudex addictus iudicio, siue bonæ fidei, siue stricti iuris, iubere eum soluere, quem nondum pronunciaisset debere? Aut ubi quæstione facti discussa comperisset ac pronunciaisset eum debere, quidni eadem sententia & pronuntiatione eundem condemnasset? Quid enim erat, quod remorari posset condemnationem, quominus condemnari ita tim deberet is, quem debitore: non esse constitisset? Non igitur debebat vllam pronuntiationem expectare, ut solveret ad euitandam condemnationem. Sed pendente duntaxat facti quæstione liberum erat ei ut solveret: cum præuidere posset & deberet, ut statim atque de facto cognitum esset pronuciari contra eum & pariter condemnationem fieri oporteret. Deinde quod superiori differetia omnino consequens fuit post arbitriū quod in iudicio vindicationis ex necessitate formulæ reddi oportebat, dabatur victo necdum tamen condemnato tempus ad restituendum quantum ex æquitate indulgendum videbatur pro causarum & personarum varietate, dum ne tamen frustrandi causa peteretur *§. & si in rem Inst. de offic. iudic. l. cerium 6. §. sed et si fundum vers. dabitur. D. de confess. Ac in actionibus bonæ fidei & stricti iuris nullum reo dabatur tempus ad soluendum, manebatque duntaxat in ipsius facultate & arbitrio, ut solveret si vellent, &*

Nn ij

quādo vellet, scilicet ante cōdēnationem. Nam post sententiā cōdēmnatoriā, non aliud tempus habebat debitor ad soluendum nisi legitimum quod cōdēnatis omnib. dabatur ad satisfaciendum iudicato. Quod tempus non ex arbitrio iudicis pendeat, sed vt legitimum erat ita certum suisque finibus conclusum, Vnde & legitimum tempus appellatur. Ac quamuis possit interdum tempus illud aut arctari aut prorogari pro causae qualitate, & quantitate vel personarum obsequio vel contumacia vt scribit Vlp. *in l. 2. De re iudic.* tamen neque id nisi perraro fieri debet, vt eadem lex ait, neque à iudice dato & pedaneo, sed ab eo tantum qui pro tribunali cognoscit, hoc est a Pretore, aut alio magistratu qui iudicem dedit, & qui tribunal & iurisdictionem habet, & ad quē solū torā executionis iudicati causa pertinet *l. à Dmo Pio 15 eod.* Quare nec puto verū esse quod aduersarij pro vero supponunt, nec tamen probant, In formulis iudiciorum bonae fidei vel stricti iuris solitam fuisse apponi clausulam illam *ni ea pecunia soluat.* Alioquin non potuisset iudex etiā post discussam facti quæstionē pronunciare contra debitorem, quem debere cognouisset, eū vtque cōdēmnare, nisi facta etiā de illo prius inquisitione, an soluisset aut aliter satisfecisset necne, sicut in iudicio vindicationis euenit, vt non minùs necesse sit constare iudici, quòd possessor arbitrio nō paruerit intra tempus p̄stīutū, quòdque tempus illud præterierit, quān quòd res sit petitoris, vt possessor cōdēnari possit. At neque verū illud est, in arbitrio & potestate esse debitoris vt soluat eam rē de qua iudicium acceptum fuit, aut vt solutionē offerendo, ad eōq; si voles etiam cōsignando declinet cōdēnationem. Quid enim si non pecuniam ex obligatione debuit, sed fundum Tusculanum, aut vinū, aut triticū, aut quid aliud simile quod aliā atq; aliā pro tēporū varietate recipiat æstimationē? Nihil ager reus si post licē contestatā, & accepto iā iudicio illud ipsū præstare velit quod fuit in priore obligatione. Quippe quē sublata & nouata fuerit per cōtestationē, ita vt ex eo tēpore coeperit deberi nō ipsa res amplius quā antea debebatur, sed eius æstimatio & quāti res fuit eo tēpore litis contestatæ *l. vinum 22. De reb. cred. l. vlt. De cond. iur. l. hominem 37. D. mand. l. 3. 9. in hac. D. commod. l. fundum 28. De nouat.* Nimirū extra cōdictionē triticariā, quæ specialē habet rationē vt in ea cōdēnationis rēpus in re æstināda spectari oporteat, & interim liberum sit rē ipsā soluere *l. pen. D. de cond. iur.* Hoc verò cur ita? nisi quia vnaqueq; res æstinanda est ex eo tēpore quo nouissimē solui potuit *l. si Calendis 11. D. de re iudic.* Post litem verò contestatam solui amplius non potest id quod in diem vsq; illū solui potuit & debuit extra causam, vt dixi conditionis triticarię. Ergo lis necessariō æstināda est per iudicē, eaque litis æstinatio deducēda in cōdēnationē, & cōsequēter antequā facta sit ea æstinatio, & in cōdēnationē deducta, non potest certō scire debitor, quid & quantum soluendū habeat, nisi de eo conveniat cum crēditore. Quo casu adhuc tamen necessaria cōdēnnatio est si creditor satisfactum non sit, quāuis non aliam sententiam ferre iudex debeat, quān de qua conuenit inter litigatores *l. si conuenierit 26. De re iudic.* Vel absolutio si creditori à debitore satisfactum proponatur *d. 9. vlt. In f. de perpet. & temp. act.* vbi obseruādum est ita Tribonianum scribere vt dicat si ante rem iudicatā is cum quo actum est satisfaciatur auctori officio iudicis contineri & conuenire vt eum absoluat, licet in ea causa fuisset iudicij accipiendi tempore vt damnari deberet. Non ait *si auctori soluat,* aut *si soluere paratus sit.* Imò neque ita *si offerat satisfactio nem sed si s. satisfaciatur auctori.* Nempe quia hoc casu satisfactio non tantum pro solutione est, vt aliās esse solet *l. satisfactio 56. D. de solut.* Sed etiam plus hac parte potest quān solutio. Ita

dēnum.

demum. n. solutio plenā parit liberationē, si illud ipsum solvatur quod debetur, nec minū sit in soluto quā in debito. Ad eodē ut si quid vel minimū erratum sit in quantitate debiti cū facta est datio in solutū, nulla ex parte tollatur obligatio *l. si non fortem 26. §. si centum D. de cond. indeb.* Porro ante factam litis estimationē à iudice, scire litigatores non possunt quid & quantum debeat. At cū de satisfactione tractamus nihil aliud inquirimus, nisi quid creditor voluerit, & an illud ipsum ei à debitore præstitū sit *l. si rem 9. §. omnis pecunia D. de pign. act.* quod sine iudice ac inter solos litigatores siue in iudicio siue extra iudiciū fieri commodē semper potest. Proinde nihil verat debitorem etiam qui solvere non possit ad se liberandum, liberari tamen per satisfactionem, quia satisfecisse semper prodest, licet nihil prosit satisfactionē offerre petēti solutionē *d. §. omnis & l. seq. i. ius liberatur 6. §. 1. D. quib. mod. pig. vel hypoth. soluit.* Sunt igitur iudicia omnia absolutoria, si ante rē iudicatā re^o satisfaciatur auctori, nō etiā si velit solvere ac recusante creditore obsignare aut rē ipsā quæ petita fuit per litis contestationē, aut iustā eius rei estimationē, antequā lis à iudice æstimata sit: ac proinde nō potuit, nec debuit in formulis poni clausula illa *nisi solvatur*, sed illa potius, *nisi actori satisfiat.* Quæ tamen si apposita fuisset, non prius utiq; iudex ad condēnationē irrogandam descendere potuisset, quā reo dedisset tempus ad satisfaciendum: Quod certē nec unquā factū est, nec fieri ullomodo potuit, non ob id solū quod satisfactio neque in obligatione est, neq; in oblatione, sed tātū in præstatione, si auctoris volūtas & cōsensu accedat, ideoq; ad iudicis officiū nō pertinet, ut de ea quicquā cōstituat, sed etiā quia si ius ita cōparatū esset, non daretur cōdēnatio tēpus quod ei datur post cōdēnationem ad satisfaciendū iudicato: quippe quod iā datū fuisset ante iudicatū: Neq; debuisset Labeo in edicto Prætoris interpretādo De re iudicata monere, post illa verba edicti *condemnatus ni pecuniam solvat* debuisset Prætozem addere *neque eo nomine satisfaciatur*, si iam ante sententiam accepto tempore ad satisfaciendum satisfacere neglexisset. Et tamen sic Labeo ad Edictū annotavit ut Vlp. refert in *l. 4. §. ait Prætor De re iud.* Nec inmerito, nisi Prætozem melior illa ratio movisset, ut solutionis duntaxat mentionem faceret, non satisfactionis, quod noluit ex obligationib. obligationes fieri ne fierent de lite lites ut ibidem Vlp. ait. Sed & observandum illud est, quod Tribonianus ait in *d. §. ult.* Officio iudicis convenire ut absolvat reum, qui ante rem iudicatā satisfecit auctori. Nec enim dicitur officio iudicis fieri, quod sit ex verbis præcis formulæ, sed potius ex necessitate, cū ad eodē sit iudex addictus formulæ, ut nihil omnino prætermittere possit eorū omniū, quæ per formulā præscripta ei sūt, & imperata. Est. n. aliud iudicis potestati aliquid permitti, Aliud subiici iuris necessitati *l. non quicquid 40. D. de iud.* Et absolutionē hāc fieri nō ex verbis formulæ, sed ex solo iudicis officio, cui locus sit etiā in pœnalib. probatū nō ineliganter *l. hoc edicto 5. D. de publ. & vellig.* Sic dicimus ad officiū iudicis pertinere, ut etiā ex iudicio stricto cōdēnet reū ad restitutionē fructuū ex re quæ fuit auctoris, post litē cōtestatā perceptorū *l. videamus 38. §. si actionē De usur.* cū tamē nemo dixerit officio iudicis fieri ut res ipsa quæ cōdicitur in condēnationē deducatur. Fit enim id potestate iudicij & formulæ non officio iudicis, quomodo & in iudiciis bonæ fidei eas demum præstationes dicimus venire & applicari officio iudicis quæ non sunt in obligatione *l. qui per collusionem 49. §. 1. D. de action. empt. l. quarto 54. D. locat.* Sic & in arbitrariis actionibus fit restitutio rei petitæ, non officio sed arbitrio iudicis, quia fit ex formula, & consequenter ex necessitate *l. officium 9. D. de rei vindicat.* vbi Vlpianus monet, officium

iudicis in rei vindicatione versati in eo vt inspiciat an reus possideat necne, nō etiā inspecto illo, Quia ex causa possideat, Quia, inquit, vbi probaui tē meā esse, habebit necesse possessor restituere, qui non obiecit aliquā exceptionē. Necesse, inquam, necessitate non præcisa, sed, vt loquuntur, causatiua, id est nisi malit grauiorem illam pati condemnationem Quanti actor sua interesse in litem iurauerit sine vlla taxatione *l. qui restituere 68. eod.* Sunt & alia pleraque ad officium iudicis in rei vindicatione cæterisque arbitrariis iudiciis pertinentia, vt puta circa cautiones præstandas, de quibus *in l. si post acceptum 18. & seq. l. hac si res 47. l. 1. à quo 57. & seq. & pass. eod. tit. l. 1. & m. si cum 14. §. quatenus & pass. D. quod met. caus.* & alia huiusmodi, quoniam de iis in formula nihil imperatum est, cum tamen ea fieri necesse sit vt iudex & viri boni, & a qui iudicis officio functus videri possit. Alia quoque manifesta differentia est inter eam restitutionem quæ fit in directâ rei vindicatione cæterisque arbitrariis, & eam solutionem aut potius satisfactionem quam sponte facere in aliis iudiciis potest reus ante condemnationem, actore consentiente, quod restitutio in arbitrariis imperatur à iudice, vt si non fiat, locum aperiat condemnationi in pœnam contumaciæ, cuius reum se fecit possessor, qui tam iusto arbitrio iudicis parere noluit. Itaque si non restituat reus condemnatur, non quia rem alienam possideat aut quod victus sit in quæstione dominij, sed ob hoc solum quod arbitrio non paruerit. Et è contrario si paruerit absoluitur, non quia paruit, sed quia condemnari numquam debuit, totamque condemnationis materiam subtrahit iudici patendo arbitrio, & rem restituendo. At in cæteris iudiciis, si debitor ante rem iudicatam non satisfaciat condemnatur, non quia non satisfecerit si quæras condemnationis causam proximam & immediatam, sed quia fuit obligatus. Si verò satisfaciat, absoluitur, non quia condemnati non debuerit, sed quia soluit aut aliter satisfecit. Denique in arbitrariis absoluitur reus, si arbitrio parcat, quia nūquā in eo fuit vt cōdēnari potuerit, aut debuerit, cū neque possit sibi ipsius, quæ conueniendi eius causā dedit, neque quod victus sit in quæstione dominij, neque arbitriū iudicis de re restituenda cōdēnationis materiam vllam præbeat, sed sola contumacia quæ sicuti condemnationem præcedere, ita subsequi arbitrium debet. In cæteris verò iudiciis qui non satisfecit ante sententiam, condemnatur, Non quia illius mora & cessatio locum aperiat condemnationi, sed quoniam fuit iam cōdēmandus eo tempore quo iudicium accepit *d. §. vltim. De perpet. & temp. act.* Possessor condemnatur, quia spernendo arbitrium iudicis tale quid fecit propter quod condemnari debeat. Debitor autem qui non soluit, idē cōdēmandatur, quod nihil fecerit eorum quæ facere debuit, ne condemnaretur. Ex hisigitur apparet, quā dissimilis sit restitutio quæ fit arbitratu iudicis in actionibus arbitrariis, & solutio aut satisfactio, quā in aliis iudiciis fieri oportet, vt absolutio sequatur. Eaque nimirum dissimilitudo est, quæ dissimiles etiam facit absolutiones & condemnationes. Absoluitur enim possessor in arbitrariis dummodo paruerit arbitrio, siue actor velit, siue nolit, Quin & interdum etiam si nō paruerit, dummodo causam aliquam iustam habuerit non parendi, vt *in d. l. à quo 58. De rei vindic.* At in aliis iudiciis debitor qui nullam habet exceptionem absolui numquam potest, inuito actore, quia nec satisfacere potest, nisi volenti cū satisfecisse nil aliud sit quā id fecisse quod creditor voluit *d. l. si rem 9. §. omnis De pignor. act.* dummodo non nolit quod velle debeat, neque rursus absolui vnquam potest si non satisfaciat, quia debet. In arbitrariis, qui absoluitur plerumque cauere cogitur de aliqua re facienda vel non facienda, vt *in l. si à bona fidei*

na fidei 21. d. l. si post 18. & seq. d. l. hac fides 47. d. l. is à quo 57. & pass. De rei vindic. In cæteris qui absoluitur nullis cautionibus oneratur, maxime si iudicio stricti iuris actum proponatur. Similiter quod ad condemnationem pertinet, sit illa longè grauior in arbitrariis quia sit in pœnam neglecti arbitrij *l. vlt. D. de fideiuss. d. l. qui restituere*. In cæteris autem numquam debitor ob id grauius condemnatur, quod non soluerit, Ne quidem ad vsuras, si stricto iudicio conuentus fuit, quia nec aliam ob causam condemnatur, quàm quod debeat, nisi quod in bonæ fidei iudiciis etiam fructuum & vsurarum, cæterarumque accessionum ratio habetur ex die moræ ob æquitatem, & bonam fidem quæ in iis maxime dominatur *d. l. quaro 54. D. locat.* Adde quod in arbitrariis tùm quoque cùm res petita victori cõstitutã est, adhuc tamen necessaria est condemnatio propter fructus & alias præstationes, siue sponte post arbitrium restituerit, siue possessionis translatione manu militari fieri passus sit *d. l. qui restituere*. At in aliis, siue bonæ fidei sint, siue stricti iuris, nulla potest fieri condemnatio propter accessiones quæ non in obligatione, sed officio iudicis tantùm debitz fuerunt, si negotium principale finitum & terminatum sit, siue per sententiam, siue per conuentionem *dict. l. qui per collusionem 49. in fin. de action. empt. l. terminato 3. C. de fructib. & lu. expens.* Iam ad alios quoque scrupulos potius quàm scopulos superandos veniamus.

ERROR TERTIVS.

An arbitrium iudicis aliquod sit, quod primam pronunciationem præcedat in arbitrariis.



QVI negant eiuſdem & directam vindicationem eſſe arbitriariam, ſatentur tamen in ea fieri iſtitutionem arbitrio & arbitratu iudicis. Nec enim audent negare quod tam apertè ſcriptum eſt in *l. qui reſtituere 68. in princip. & in fin. D. de rei vindic.* Sed dicunt non eſſe arbitrium illud ex quo æſtimantur actiones arbitrarie: Quoniam, inquiunt, ſequitur ſententiam & condemnationem, id eſt primam illam pronunciationem qua iudex pronũciat videri fundum eſſe petitoris, quam ipſi accipiunt pro ſententia & condemnatione. Arbitrium autem, ex quo volunt illi arbitrias actiones æſtimari, cùm ex noſtra opinione veræque iuris ratione debeat præcedere condemnationem, dicunt non aliud eſſe poſſe, quàm quod præcedat primam illam pronunciationem. Quod neque nos negare poſſemus ſi talem pronunciationem pro condemnatione habendam eſſe faceremur. Conuenit namque inter nos arbitrium iudicis ex quo pendent actiones arbitrarie reddi dehere ante condemnationem, Itẽmque arbitrium illud quod in iudicio vindicationis interuenit de re reſtituenda, non prius reddi quàm pronũciatum ſit rem eſſe petitoris. Sed negamus, quod illi adfirmant, eſſe aliud arbitrium vllum quod interuenire poſſit aut debeat antequàm de petitoris iure pronũcietur. Quam in ſententiam mouemur primùm ex eo quia commentitij huius arbitrij, quod primam illam pronunciationem debeat præcedere, nulla proſus in libris noſtris mentio reperitur. Cùm tamen arbitrij quod pronunciationem illam ſequitur, toties mentio fiat, quoties de arbitrariis actionibus tractatur. Item ex eo quod ſecundum illam ſententiam ſequeretur, In arbitrariis a-

ctionibus duo reddi arbitria, Vnum ante primam pronunciationem, Alterum postea. Quod certè non minis absurdum & ridiculum fuerit, quàm quod aliis placet, duas in iis fieri condemnationes, Priorem illam qua pronũciatur rē meā esse, Posteriorē alteram, qua in executione prioris iudicati lis æstimatur ob rem non restitutam, quanti ego in litem iurauero. Quamquā istorum error de duplici condemnatione licet non probabilior, aliqua tamen excusatione dignior videtur. Non.n. negare possumus, quin iudex in huiusmodi actionibus arbitrariis bis iudicet. Pri. nũm cũ post examinatam diligentissimē facti quæstionem pronunciat videri rem esse petitoris, aut à petitore quasi vsucaptam, aut petitori obligatam, aut vi vel metu vel dolo extortam: Quam pronunciationē constat & sententiæ & iudicati non tantũ nomen habere, sed etiam vim & potestatem, & iam ex eo tempore victum dici eũ qui conueniebatur, l. ¶ ex dmerfo 35. §. 1. D. de rei vindic. l. Pomponius 40. §. sed & ut qui D. de procur. l. certum 6. §. sed etsi D. de confess. l. ult. D. de fideiuss. Deinde iudicat iterum iudex cũ post redditum arbitrium De re restituenda cui parere possessor noluerit, condemnat reum aut quanti petitor in litem iurauerit, Aut quanti eius reuera interfit, Aut in quadruplum, aut quo alio modo. Hanc. n. veram imò vnicam condemnationem esse apparet ex d. l. qui restituere, & ex l. item si cium 14. §. 1. & pass. D. quod met. caus. l. arbitrio 18. D. de dolo. Quod si condemnatio ista est, qua fronte possis negare sententiam quoque illam esse? Nam & sententia dicitur in d. l. item si §. hac autem actio & §. quatenus quod met. caus. Quidn. verò? Cũ sententia ea demũ dicitur, quæ liti & controuersiz finem imponit, vel absolutione, vel condemnatione d. l. 1. l. quod iussit 14. l. à Dino Pio 15. in princip. ¶ §. 1. & pass. D. de re iudic. Sed tamen non statim consequens est vt in arbitrariis duæ fiant condemnationes, quoniam prima illa pronunciatio quam nos sententiam esse non negamus, condemnatio tamen dici non possit, vt in præcedentibus docuimus, neque ex ea nasci actio vlla iudicati. Ad quid. n. daretur actio illa iudicati? An ad hoc vt qui victus esset in quæstione dominij, si de vindicationis iudicio tractemus, aut in quæstione metus illati, vel violentiæ vt deinceps actio ē Quod metus causa pro exemplo sumamus quam arbitriariam esse omnes fatentur, rē petitam restituere cogeretur? Nec enim de eo quicquā pronunciatum fuit, & prius est vt victus iubeatur restituere, quod per illam primam pronunciationem non fit, quàm vt cogatur. Iussum verò illud non fieri vi & potestate sententiæ, sed arbitrio & arbitratu iudicis etiam in rei vindicatione constat ex d. l. qui restituere in princip. & in fin. At siue in actione Quod metus causa siue in alia vlla arbitraria duplex arbitrium reddi, Vnum quod primam illam pronunciationem præcedat. Alterum quod sequatur, nullibi certè scriptum est. Neque verò illi ipsi qui prius illud arbitrium comminiscuntur, possunt facile dicere quid aut quale sit, quod volunt. Sic tamen diffiniunt vt dicant esse æquitatem ex edicto Prætoris descendente, qua permittit Iudex reo rem restituere vsque ad sententiam vt vitetur condemnatio. Quod aiunt esse æquitatem benè quidem, quoniam in arbitrariis omnibus iudiciis generale est vt iudex arbitretur, & æstimet ex bono, & æquo quemadmodum actori satisfieri oporteat §. præterea. Inst. de action. Sed quod addunt ex edicto Prætoris descendente falsum est. Non tam enim ex edicto descendit illa æquitas quàm ex formula, si causam immediatam respicias, si verò mediatam, ex æquitate & natura negotij potius quàm ex edicto. Tũ quoque cũ edictum ita conceptum est neque arbitratu iudicis

iudicis ea res restituitur, ut edictum Quod inetus causa d. §. *quatenus*. Nec enim ita fert natura negotij quòd edicti verba sic habeant, sed è contrario sic verba edicti concepta sunt, quoniam ipsius negotij natura & æquitas sic ferebat. Idque ita esse vel ex eo maxime apparet, quòd in iis quoque arbitrariis actionibus quæ ex nullo edicto Prætoris descendunt, sed merè sunt ciuiles idem omnino iuris obtinet, ut in directæ rei vindicatione, itémque confessoria & negatoria, atque aliis similibus. Sed cautè & ex proposito voluerunt illi hæc verba in definitione addere ut errorem suum tuerentur, & ciuiles omnes actiones à numero arbitrariorum excluderent. Sed reliquas definitionis partes persequamur. Aiunt *qua permittit iudex*. Hic verò apertè incipiunt labi, ne dicam cæcutire. Arbitrium enim iudicis in actionibus arbitrariis non fit ad permittendum, sed ad iubendum, ut id fiat quod arbitratur iudex fieri ex bono & æquo debere, quo actori satisfiat *diel. §. præterea diel. leg. qui restituitur*. Et quamuis totum tempus quod inter arbitrium & sententiam intercedit, liberum sit reo ad satisfaciendum, ut euitet condemnationem: Id tamen non fit potestate arbitrij, sed ex clemencia Prætoris cùm tractamus de actione arbitraria quæ sit Prætoria *diel. leg. item si cum 14. §. 1. vers. satis elementer D. quod met. caus.* adeoque ex natura ipsius actionis arbitrarie, tùm quoque cùm ciuilis est §. *hæc autem actio eiusdem leg.* quia cùm in arbitrariis non alia sit ratio ferenda contra reum sententiæ & condemnationis, nisi quòd arbitrio parère noluerit, ut diximus, omnino consequens est ut in rei potestate sit & esse debeat satisfaciendo arbitrio quandocunque ante sententiam cuitare condemnationem. Id enim assecutus est iudex quod voluit, cùm arbitrio suo satisfactum esse videt. Ac ne possit reus conqueri e-reptam sibi præmaturiùs satisfaciendi facultatem præcipiti festinatione iudicis, qui ad ferendam sententiam citius profilierit quàm facere deberet, Ob eam causam solet iudex & debet præstituire illi tempus, intra quod possit ille arbitrio satisfacere. Quo elapso si satisfactum non sit, ferri sententia quandocunque potest §. 1. *Institus. de offic. iudic. l. certum 6. §. sed & si fundum D. de confession.* Sed & falsum est, In actionibus arbitrariis reddi arbitrium de satisfaciendo, Imò verò redditur, De ea re quæ petitur præcisè restituenda. Nam satisfacere quandocunque licet reo, cùm nihil sit aliud satisfacere, quàm præstare actori illud ipsum quod vult, siue illud sit quod debetur, siue aliud quolibet *l. si rem 9. §. omnis pecunia D. de pignoratit. l. item liberatur 6. §. 1. D. quibus modis pignus vel hypoth. soluit.* Quod etiam post condemnationem & in iudicati executione fieri nihil vetat *leg. 4. §. ait Prætor. D. de re iudicat.* At rem restituere & arbitrio parère postquam lis æstimata, & in condemnationem deducta est non licet, cùm exinde incipiat pecunia deberi, nec de restitutione facienda amplius quærundum sit *l. si fundus 16. §. si plures D. de pignor.* Deinde verò qui fieri potest ut iudex permittat reo satisfacere arbitrio, quin arbitrium præcedat? Prius enim est ut arbitrium redditum sit, quàm ut sciri possit quid ex arbitrio fieri oporteat, Præsertim cùm in actionibus arbitrariis, quia dantur contra non obligatum, nihil possit actor petere, nisi ut rem quam petit, suam esse pronuncietur. Cætera omnia partim arbitrio partim officio iudicis permittuntur. Totam namque petitoris intentio in contestatione quæ fit apud Prætozem iudicij accipiendū tempore illis verbis concluditur, *Hanc rem ex iure Quiritium tuam esse aio.*

Et in actione Quod metus causa, *Hanc rem mihi per vim aut per metum extortam esse dico.* Ideoque nec aliud pronunciat iudex nisi hoc unum *videri rem esse petitoris aut videri rem extortam per vim suam*, nulla restitutionis facta mentione, nec in petitione nec in prima pronuntiatione : quoniam nec is qui rem alienam possidet, quantumvis mala fide obligatus vllomodo est ad restituendum, ne tum quidem cum arbitrium iudicis intercedit De re restituenda. Denique restitutio rei in præstatione tantum est, siue ante, siue post arbitrium. Numquã verò in obligatione nec proinde in petitione vnquam aut in condemnatione. Quis enim dicat supradicta pronuntiationis formula deduci rem in condemnationem? An non debet semper dirigi in personam non in rem? Fateor interdum rem ipsam conueniri non personam, vt in omnibus in rem actionibus quæ nec aliam ob causam in rem dicuntur *l. ult. & pass. D. de rei vindic.* & aliis nonnullis *l. denique 19. D. de iur. fide.* Sed nego ipsam rem vnquam condemnari, quia nec iudicato satisfacere res vnquam potest, sed tantum persona. Et idcirco solent pragmatici dicere nec malè condemnationes omnes esse personales *l. 1. & 2. C. si plur. vna sent. condemn. fuer.* Et tamen accipiunt aduersarij pronuntiationem hanc pro condemnatione, & volunt arbitrium illud ex quo æstimant actiones arbitrarie prius interuenire debere quàm ad pronuntiationem istam perueniatur. Fateantur ergo necesse est prius arbitrari iudicem de re quæ petitur, & quæ per vim extorta esse dicitur, restituenda petitori, quàm cognouerit & pronunciauerit rem extortam per vim fuisse. Alioquin an non planè stultus sit & iniquus iudex, remque à boni viri arbitrio alienam facturus, si arbitretur debere auctori rem restitui quasi extortam ei per vim aut metum, prius quàm cognouerit an sit extorta, necne? Hinc nimirum est quod coguntur dicere, iudicem datum in huiusmodi actione Quod metus causa, debere arbitrariante illam pronuntiationem quidem *Restitui rem oportere*, sed causa tamen summariam cognita. Sed quid hoc est obsecro? Summaria ergo duntaxat, non plena cause cognitio interueniet vt sciatur an reus rem petitam ab auctore per vim vel per metum extorserit? Imò plenissimam cause cognitionem super hoc adhiberi omnino necesse est, cum in hoc vno vertatur status cause, totusque cardo quæstionis facti, ex qua pendet totum ius actionis arbitrarie. Nam si auctor id probare poterit, haud dubiè obtinebit, non hæc tamen tantum vt pronuntietur extortam ei rem fuisse per vim aut metum, sed etiam vt post illam pronuntiationem arbitretur iudex quasi in consequentiam eius pronuntiationis ei rem restitui debere. Vtque nisi intra tempus arbitrio præstitutum ea restitutio fiat, condemnetur reus in quadruplum. Itaque post illam pronuntiationem dicitur vicisse, quia si nulla possessorum exceptio tuebitur, securus ille est de arbitrio, Securus etiam de condemnatione futura *l. officium 9. D. de rei vindic.* Vbi quod dicitur, *Vbi enim probauit rem meam esse necesse habebit possessor restituere qui non obiecit aliquam exceptionem*, ostendit satis requiri hoc casu ex parte auctoris plenissimas probationes, siue quòd nullis reus indigeat exceptionibus quandiu auctor plenissimè intentionem suam non probauit *l. qui accusare 4. C. de eden.* Siue quod certum sit possessorem non alij quàm intentionem suam implenti restituere rem debere *l. ultim. C. de rei vindicat.* Idem igitur dicendum est in actione quoque Quod metus causa, vt non summariam, sed plenissimè probari debeat metus qui locum facit restitutioni in integrum ex illa edicti parte. Id enim est quod ait Vlpianus in d. l. item si cum fin. in hac actione, in illis verbis & idè ad hoc tantum auctor adstringitur vt doceat metum in causa fuisse, vt alicuius acc-

ptam pecuniam faceret, vel rem traderet, vel quid aliud faceret. Et paulò antè sufficit enim hoc docere metum sibi illatum, vel vim, & ex hac re eum qui conveniunt, & si erumine caret, lucrum tamen sensisse. l. volum. ibi. Sed huiusmodi præsumptiones debet aperissimas violentiæ probationes opponere & §. si fenerator ibi, his probatis co. tit. l. si donationis 7. C. eod. Præsertim cum metum non iactationibus vel contestationibus, sed atrocitate facti probari conveniat l. metum 9. eod. nec sufficient præsumptiones, nisi sit præsumptio iuris & de iure, ut in l. si per impressionem 11. eod. l. unia. C. si reit. pro. l. unia. C. si quacunque pradi. potest. Alioqui præsumptio semper est pro reo ut numquam videatur aut vim aut metum intulisse, nisi probetur, vel ob hoc ipsum ut suspicio delicti euitetur quæ semper euitanda est l. merito 51. D. pro socio. ut & præsumptio doli l. in exceptionibus 19. §. qui dolo D. de probat. l. dolum 6. C. de dolo. In vi autem & metu semper dolus inest ut & in vi metus leg. 1. D. quod metus causa. Et verò si summaria tantum esset illa cognitio quam adhiberi oportet in dirimenda hac questione facti, Vtrum vis aut metus interuenerit, necne. Quæro quonam demum tempore pleniorẽ illam interuenire oportebit, quam necessariam esse vtique negari non potest, ut plena fiat condemnatio. Alioqui dicendum esset quod nemo vnquam dixit priuilegium hoc esse arbitrariorum actionum, ut minus plenas exigant probationes, Cum tamen omnium maximas & grauissimas habeant condemnationes, An fortè postquam arbitratus fuerit iudex datus, Restitui rem debere? Hoc enim arbitrium est quod aduersarij volunt præcedere, & locum facere condemnationi. Atquin dici hoc non potest, quia inauditum est, ut Iudici liceat vnquam arbitrium suum reuocare, non magis quam sententiam suam diffinitiuam, quæ reuocari non posse certissimum est, si quid in iure certum l. iudex 55. l. cum quærebatur 62. iunct. l. quod inest 14. De re iudic. Deinde quia nec potest iudex recusare quominus reũ cõdēnet si arbitrio non pareat, nisi instā causā & excusationē adferat ob quā parere vel non potuerit, vel nō debuerit, ut in d. l. a quo 58. D. de rei vindic. iunct. §. præterea in st. de action. Quid ergo proderit auctori pleniores adferre metus, & violentiæ probationes post arbitrium iam redditum De re restituenda, cum tale arbitrium præsupponat iam victum reum? Aut quid ei nocebit mancas & minus plenas habere probationes, cum is qui iam meruit arbitrium iudicis, vinci amplius in questione facti non possit? Ita ergo fateri necesse est, Si tale arbitrium interueniat, ut aduersarij volunt antequam pronunciatum sit, Extortam esse rem per vim vel metum, haberi reum pro victo antequam victus sit, & quidem ita victum, ut vincere amplius non possit. Sed quid absurdius, quam putare perimitti Iudici ut arbitretur Rem restitui tanquam extortam per vim & metum [alius enim restitutionis iubendæ color nullus esse potest] antequam plenè cognouerit, adeoque pronunciauerit, Per vim aut metum extortam rem fuisse. Plenissimam ergo cognitionem facti, plenissimas probationes metus aut violentiæ, & consequenter sententiam & pronunciationem aliquam pro auctore interuenire oportet, antequam arbitrium sequi possit De re restituenda, sicut diximus & fatentur aduersarij euenire in iudicio vindicationis, quam iidem negant esse arbitriam. Nec audiendi sunt cum adiunt arbitrium hoc quod antè vllam pronunciationem interuenire volunt, in actione Quod metus causa impunè contineri posse, nec eo minus absolui reum quamuis huic arbitrio non paruerit. Pugnat enim hoc cum definitione illa arbitrariorum actionum, quam tradidit Iustinianus in d. l. §. præterea, ubi ait Arbitrarias actiones ex eo assumari quod ex arbitrio iudicis pendeant, ita ut ex illa

nisi arbitrio iudicis is cum quo agitur satisfaciatur auctori, condemnari debeat. Quid enim prodest reddi arbitrium, si etiam contumax qui arbitrio parere noluit, absolutus adhuc possit? Neque simile est quod obiciunt Præsidem provincie suadendo partibus, ut paciscantur & transigant actionem non tollere, nec vocem omnem iudicis vel magistratus continere rei iudicaturæ authoritatem *l. ex stipulatio 10 7. C. de sentent. & interloc. omni iudic.* Est enim longè dispar ratio arbitrij quod reddit Iudex De re restituenda non quasi priuatus aut alius vir bonus quilibet, sed tanquam iudex, nec sponte & tanquam amicus arbitrator, quem pragmatici amicabilem compositorem appellant, sed ex necessitate formæ cui est addictus, & in ordine ad condemnationem, quam ex eadem formula facere iubetur, si reus arbitrio parere nolit, & quam facere nullomodo possit, si arbitrium nullum præcederet. Alioqui quomodo possent dici hæ actiones arbitrarie & ex arbitrio pendentes, si in potestate esset iudicis nihil arbitrari? Sed neque iudici permittitur à Prælore ex verbis formulæ arbitrari quando, & quomodo velit, Sed ita ut iubeat rem restituere, & hoc ipsum ita demum si actor intentionem suam plenè probauerit. Quibus duabus conditionibus impletis, Prima illa si *paret rem de qua agitur extortam esse per vim aut per metum*. Altera illa neque res arbitrariuo restituatur, condemnationem sequi necesse est extra casum singularem dictæ lege à quo §8. *De rei vindicat.* Arbitrium ergo non est quælibet vox iudicis inter litigatores loquentis, unde interlocationes dictæ sunt, aut potius ab *interim* quod pendente iudicio fiant, & ante diffinitiuam sententiam, sed pars quædam iudicij quam necesse est intervenire in executione prioris iudicati ad parandam viam vel absolutioni vel condemnationi. Sed reliqua quæ ad actionem istam Quod metus causa pertinent, ut plura fiant omnia persequamur.

ERROR QUARTVS.

De restitutione per manum militarem facienda in actione quod metus causa.



PERCVNT vrgere aduersarij, ut ostendant Arbitrium quod interuenit in actione Quod metus causa quam omnes fatentur esse arbitriam, longè diuersum esse ab eo arbitrio quod in ciuili & directæ rei vindicatione redditur, De re restituenda. Et obiciunt, Post arbitrium tale redditum in actione Quod metus causa non fieri restitutionem manu militari, nec iusiurandum in litem deferri, sed quadrupli condemnationem irrogari *ex lege item si cum 14. §. 1. & passim. D. quod metus causa.* At in directæ rei vindicatione adhibendas esse eas distinctiones quas ponit Vlpianus in *l. qui restituere 68. D. de rei vindicatione*. Ut si is qui restituere iussus est, iudici non pareat cum possit restituere, transferenda sit ab eo possessio manu militari. Si autem dolo malo fecerit quominus possit restituere, tanti condemnnetur, quanti actor in litem sine vlla taxatione & in infinitum iurauerit. Si verò nec possideat, nec dolo desierit possidere, tunc quanti reuera actoris interest condemnari eum oporteat. Nimirum, inquit, quoniam arbitrium

bitrium, quod interuenit in actione Quod metus causa, præcedit sententiam & pronunciationem illam primam quam accipiunt pro condemnatione, nec proinde mandari debet executioni per manum militarem, quippe cui locus esse nec solet, nec debet, nisi in executione iudicati. At in directa rei vindicatione arbitrium illud de quo *in d. de lege qui restituitur*, vel iudicati executio est, quia sequitur sententiam quam pronunciatum est rem esse petitoris, vel saltem ea lris æstimatorio, quæ si iltis credimus in cuiuslibet iudicati executione fieri solet. Sed quis non videt tantò perplexius se istos inuoluere, quantò diligentius & enixius curare id maxime videntur, vt se expediant? Nam siue rationem ipsam iuris solam inspiciamus quæ in omnibus, sed in his potissimum quæstionibus, De iure & natura actionum inspicienda est, siue ius nouum quod Triboniani audacia non tantum inuexit, sed etiam veterum prudentum responsis insertum voluit, nulla certe differentia est, nullaque differentia ratio inter directam vindicationem & actionem Quod metus causa, non magis quam inter vindicationem illam directam civilémque & Publicianam quæ utilis tantum & prætoria est. Si rationem iuris attendimus, Nullum in his actionibus arbitrium iudicis interuenit, anrequàm pronunciatum sit à iudice Videri rem esse petitoris in directa rei vindicatione, vel Videri rem vscaptam à petitore in Publiciana, vel denique Videri rem extortam esse per vim aut metum in actione Quod metus causa. Quæ pronunciatio, cum sententiæ & iudicati, licet non æquæ condemnationis nomen habear, fieri numquam potest, quin plenissima causæ cognitio in discutienda tota facti quæstione præcesserit. Post eiusmodi pronunciationem sequitur ex necessitate formulæ arbitrium illud quod arbitrariis omnibus commune est, quo victus reus & possessor rem petitam restituere actori iubetur, & quidem eum fructibus, litis sumptibus, aliisque rebus omnibus, sine quibus nemo vir bonus arbitraretur, Rem restitui rectè. In eamque causam, si res que petitur non sit præsens [alioquin statim & in promptu restituenda est] nec frustrationis causa petatur tempus ad restituendum, iudex diem præstitui debet intra quàm fiat restitutus, quæ non facta, si nulla ratio noua necessitatis aut aequitatis reum tueatur, quomodo sanè tueretur, si nullo suo dolo aut facto possessionem amiserit & restituendi facultatem *d. l. à quo 58. D. de rei vindic.* Condemnationem sequi necesse est, sed aliter atque aliter pro actionum quæ institutæ sunt, diuersitate. Nam in vtraque vindicatione tam civilis & directæ quàm utili, & Prætoria quæ tota ad exemplum directæ comparata est, condemnandus est omnimodo reus, siue rem petitam adhuc possideat, siue dolo malo deserit possidere, quantactor in litem sine vlla taxatione iurauerit *l. certum 6. §. sed etsi fundum D. de confess. §. 1. Institut. de officio iudic. in d. d. l. leg. qui restituitur, vers. si verò non possidet.* Quod si non dolo & fraude, sed culpa tantum aliqua possessionem amiserit, adhuc tamen pari quidem debet litis æstimationem, sed quanti reuera res est & citra iusiurandum vllum *d. l. qui restituitur, vers. si verò nec p. test. & l. si culpa 63. eod.* Si autem neque doli neque culpæ vllius conscius est, absoluti omnino debet *d. l. à quo.* At in actione Quod metus causa, sicuti descendit illa ex edicto Prætoris, ita nec aliam pœnam, & cōdemnationem habere potest, quàm: quæ illo ipso edicto cōstituta est, scilicet quadrupli *d. l. nem si cum §. 1. & pas. D. quod met. caus.* Nempe si reus vel possideat arbitrij tempore vel dolo malo deserit possidere. Nam si culpa tantum non etiam dolo & fraude possessionem amiserit, durum est vt tam graui pœna afficiatur, si non ipse vim aut metum intulerit, sed alius.

ex cuius facto conueniatur, licet verba illa edicti sint valde generalia & in rem non in personam concepta *neque a res arbitrio iudicis restituitur* quomodo ratiocinatur Vlpianus aut potius sub Vlpiani nomine Tribonianus *in d. l. item si cum §. quatenus iunct. §. in hac actione in fin. ead. leg.* Condemnatio siquidem illa quadrupli sit in pœnam contumaciæ, neglectique arbitrij, vt sepius diximus, Pœnam autem nullam meretur, qui culpa caret, ac cui nihil imputari potest *d. l. à quo.* Atque ita ex vera iuris ratione omnino existimandum est. At si ius nouum & Tribonianum attendamus longè aliter se habent omnia in omnibus istis actionibus. Primum enim adhibenda distinctio est, an possessor victus facultatem habeat rei post arbitrium restituendæ, necne, Vt si habeat non sit ei permittendum spernere arbitrium iudicis, sed ei omnimodo parere compellatur, adhibita etiam manu militari, Hactenus nimirum, non vt reus cogatur per vim & impressionem restituere quod facti est [ad factum enim præcisè nemo unquam cogitur] sed vt ab eo possessio transferatur in actorem, quod non tam facere est quam pati. Si verò non habeat possessor restituendi facultatem, tunc subdistingui oportet an dolo malo desierit possidere, an sine dolo: si dolo malo, condemnari debeat quanti actor in litem sine vlla taxatione iurauerit, si sine dolo rursus subdistingatur an culpa saltem aliqua possessoris in amittenda possessione interuenierit, an nulla. Si aliqua, cogatur adhuc æstimationem pati, sed quanti reuera res est, non quanti in litem iurare actor velit. Si nulla, debeat absolui *d. l. qui restituere iunct. d. l. si culpa.* Et si enim quod *in d. l. qui restituere* scriptum est, tanquam ab Vlpiano scriptum legimus, Attamen à quo tempore arbitrariorum actionum naturâ subodorari licuit, numquam dubitavi, quin tota illius legis sententia Triboniani esset potius, qui huiusmodi distinctionib. id egit quantum potuit, vt actionibus arbitrariis nouam naturam inderet, Vnde & illud factum est vt alios ita multos iuris nostri locos qui ad actiones arbitraras pertinebant corrumperit, immutauerit, peruerterit. Quod quoniam à nobis iam pluribus comprobatum est in Coniecturarum nostrarum libris, non diutius in eo nunc immorabimur. Sed hoc tantum addemus, siue Vlpiani cum vulgo interpretis, siue Triboniani eam legem totam esse nobiscum velis, Apertum esse legis sententiam vt supradictæ distinctiones locum habere debeant non solù in directa rei vindicatione de qua sola initium legis tractat, sed generaliter in omnib. actionib. arbitrariis, nec tantum in illis sed etiam in interdicitis & aliis si qua sint similia iudicia ex quib. arbitrato iudicis aliquid restitui oporteat. Idem enim est quod habet vltima pars legis his verbis, *Hec sententia generalis est & ad omnia siue interdicta, siue actiones in rem, siue in personam sunt, ex quibus arbitrato iudicis quid restituitur, locum habet.* At quæro, An non actio Quod metus causa ex numero earum actionum est, ex quibus arbitrato iudicis restitutionem fieri oportet? Nemo id, puto, negauerit. Aperta enim sunt verba non tantum se, quæ, sed etiam edicti Prætoris ex quo actio illa descendit *d. litem si cum §. quatenus.* Ergo idem iuris esse fatendum est in actione Quod metus causa, & in directa rei vindicatione, quod ad supradictas omnes distinctiones. Et tamen hic quoque aduersarij effugium adhuc querunt. Aiunt enim restringendam esse supradictam sententiam quantumvis generalem ad eas demum actiones ex quibus arbitrato iudicis quid restituatur post sententiam, & condemnationem, Idque vt excludant actionem istam Quod metus causa & alias arbitraras in quibus defendunt mordicus, Arbi-

Arbitrium aliquod præcedere debere, antequàm vel de vi facta, metuque illato, vel de quo alio principali negotio quicquam pronuncietur. Quod tamen ita esse nullo planè iuris loco, nullàque ratione probare possint, & à nobis in præcedentibus iam satis superque refutatum est, & manifestius confutabitur, ex iis quæ de actione ad exhibendum aliisque arbitrariis in sequentibus separatim dicturi sumus. Illud sanè nunc prætermittere non possumus, ut etiam absurdam istorum interpretationem conuellamus, Non fuisse cur supradicta siue Vlpiani, siue Tribonianii sententia tam generalibus verbis conciperetur, si quæ essent tales aut in rem aut in personam actiones quæ ea generalitate non contineretur, ob id solum quòd in iis restitutionem fieri oporteat arbitrariu quidem iudicis sed ante sententiam. Si enim vnica illa nota est arbitrariarum actionum vt isti volunt, an potuit, obsecro, sine scelere prætermitti. Nisi foris è adagebat legis author vt eos omnes deciperet qui putarent arbitrarias actiones ea generalitate contineri actionum tam in rem quàm in personam omnium, ex quibus arbitrariu iudicis restituenda res esset? Quid enim aliud scripsit Tribonianus in *d. §. præterea*, vbi de solis actionibus arbitrariis tractat, Aut quibus aliis verbis assequi voluit vt arbitrariarum actionum naturam intelligeremus? Fateor quod iam inculcaui toties, In omnibus arbitrariis actionibus arbitrium reddi debere ante condemnationem. Sed nego vlli arbitrio De re restituenda locum esse posse antequàm de facto cognitum & pronunciatum sit. Nego rursum pronuntiationem illam dici posse condemnationem, Ideoque nec illius pronuntiationis mentio vlla fit in *d. §. præterea*, scilicet, quoniam actiones omnes arbitrariæ, cum ex arbitrio pendeant, & ab arbitrio nomen ipsum sumant, eiusmodi pronuntiationem supponunt in necessarium antecedens, Tanquam sine qua non possit tenere actio, non magis quàm sine arbitrio à quo incipit esse & dici arbitraria. Quis enim tam fatuus sit iudex, vt arbitretur restitui rem debere ei qui de iure ac dominio suo, vel de aduersarii sui violentia nihil probauerit? Quod etsi facere maximè vellet, tamen non posset propter necessitatem quam habet parendi formulæ cuius prima illa condicio est priùsque implenda si paret secundum de quo agitur petitoria esse aut si paret per vim extortum esse. Sequitur enim, neque arbitrariu tuo res restituetur. Itaq; si deficiat actor in suis probationibus absolui statim reus debebit, eritque iudicium absolutorium ex vi formulæ non arbitrarium. Estimantur siquidem iudicia omnia siue arbitraria sint, siue bonæ fidei, siue stricti iuris ex condemnatione non ex absolutione, sicut estimantur omnia ex iure & ex persona actoris, non ex iure aut persona rei, Et ob id in omnium iudiciorum formulis, solius condemnationis mentio fit non etiam absolutionis. Est enim id omnibus iudiciis commune vt absolui semper reus debeat etiamsi nihil ex parte sua præstiterit, si actor quisquis ille est intentionem suam non probauit *l. qui accusare 4 Cod. de edend. l. ultim. Cod. de rei vindic. l. actor quod adseuerat 23. Cod. de probat.* neque in eo differentia vlla est inter actiones bonæ fidei, strictas, & arbitrarias: nec proinde vllam hac parte notam habent ex qua dignosci possint: Cum in omnibus summoueri actorem oporteat statim atque intra dilationes sibi datas ad probandum, probare nihil potuit: Quamuis tùm quoque verum sit dicere, Summoueri eum, & absolui reum per iudicem datum in actione vel arbitraria, vel bonæ fidei, vel stricta, Sed hoc sensu vt actio illa aut arbitraria, aut bonæ fidei, aut stricta futura fuisset, si tenuisset, hoc est, si actor intentionem suam probauisset: Qua non probata, utique soluitur actio, absoluitur reus. Verum itaq; est dicere, Omnem

actionē arbitriā pręsupponere quodd actoris intētio probata sit, Nec hoc tantum, ne alioqui actio nō teneat, sed illud etiā vt de eo primū iam pronunciatum sit, vt fieri arbitrio locus possit ad dandum initium actioni arbitrariz. In quo iam diximus primam elucere differentiam inter arbitrarias actiones & cęteras siue bonę fidei sint, siue stricti iuris, quod in cęteris omnibus vnica pronunciatione & facti quęstio definitur, & reus condemnatur. Hac sola differentia, quod quę sunt bonę fidei pleniorē habent condemnationem, Quę stricti iuris strictiorem, propter illa verba *ex bona fide* quę in solis bonę fidei iudiciis addebantur, non item in strictis vt neque in arbitrariis. At in arbitrariis duplici pronunciatione opus est, vt possit locus esse condemnationi. Prior inducit necessitatē arbitrij, & arbitrium, facultatem potiū quā necessitatem parendi. At posterior vera & absolutē diffinitiuā sententia est quę totam litem & controuersiam diffinit per condemnationem. Quomodo diffinire etiam posset per absolutionem si arbitrio reus paruisset, aut non parendi causam istam habuisset. Idē autem non potest iudex prima pronunciatione in arbitrariis vnquam condemnare, quia ante contumaciā factā in parendo arbitrio nulla vnquam subest iusta causa condemnandi, licet possit interdum iusta esse absoluendi, vt diximus. Si actor in suis probationibus deficiat, atque ita prima quoque illa deficiat condicio *si paret* sub qua iudex reum condemnare iussus erat. Rursum vt intelligas id quod scriptum est *in d.l. qui re restituere in fin.* non posse intelligi quomodo aduersarij volunt de arbitrio aliquo, quod pręcedat sententiam illam primā quę nullam aut absolutionem contineat, aut condemnationem. Obserua loqui legem non tantū de actionibus siue in rem sint, siue in personam, sed etiam de interdictis ex quibus arbitratu iudicis restituenda res est. Sunt enim pleraque interdicta restitutoria, multa prohibitoria, nonnulla etiam exhibitoria. Sed cedō aliquod, in quo ante pronunciationem vllam siue Prętor, siue iudex arbitrari possit aut debeat vt res restituatur. Percurre omnia si voles. Pręcipua certē illa sunt, *Vnde vi & Quod vi aut clam.* An non verō ex verbis ipsis vtriusque edicti prius est vt probetur & pronuncietur, Eum qui interdicto *Vnde vi* conuenitur vim fecisse, Aut opus quo de agitur in interdicto *Quod vi aut clam*, factum esse vi aut clam, quā vt reus restituere iubeatur? Iussum ergo restituendi sequitur cognitionem facti & nisi restitutio fiat, lis æstimatur condemnato reo quanti actoris interest. *l. 1. §. non solum 41. l. in interdicto 6. l. si plures 9. §. 1. l. penult. & pass. D. vnde vi l. si alius 7. §. 1. l. semper 15. §. hoc interdicto l. si opus 21. in princip. & in fin. D. quod vi aut clam l. videamus 38. §. in interdicto D. de vsur.* Numquam verō iussum restituendi pręcedit cognitionem facti, & eam quidem quę plenissima sit, non quę summaria. Cū igitur supradicta siue Vlpiani, siue Triboniani sententiā *in d.l. qui restitutor*, sit generalis non tantū ad actiones omnes arbitrarias, sed etiam ad alias actiones quaslibet si quę sint ex quibus restitutionē fieri oporteat, adeoq; ad interdicta, quę tamē nulla sunt arbitraria. Ratio certē nulla est, cur ab eo numero actionē *Quod metus causa*, Publicianā, & alias quas nemo negat esse arbitrarias excludere debeamus, quarū vel pręcipuē faciēda mentio erat, eū generaliter de iis actionibus tractaretur ex quib. arbitratu iudicis restitutio fit, atq; aded de interdictis quę multō tōgius distant à vindicatione, quā actiones arbitrariz. Supposito etiam eo quodd vindicatio nō sit arbitraria. Idquē euidentius apparet ex illo etiam, quodd qui hac parte distinguunt Publicianā quoque à directā rei vindicatione quasi Publiciana sit arbitraria, Eos necesse est perinde negare in Publici-

Publiciana quod negant in actione Quod metus causa, fieri restitutionem vllam manu militari. Quo tamen admissio, quis rogo effectus erit eius sententiae quae à prudentibus ipsis tradita est, In Publiciana actione eadē omnia esse quae in rei vindicatione directā & civili *l. 7. §. in Publiciana D. de Public. in rem act.* Quomodo enim omnia erunt eadem, si quod in vnaquaque actione caput & primum est, aliud sit in Publiciana, aliud in vindicatione, id est si in vindicatione faciendā sit restitutio manu militari, in Publiciana non item. Respondent esse omnia eadem quantum ad rationem æstimationis & restitutionis fructuum, omnisque causae. Sed quid hoc est? An æstimāda est aut hæc, aut illa actio ex restitutione fructuum omnisque causae ac non potius ex ipsius rei petite restitutione? Distingue quantum voles, arbitrium, quod isti accipiunt pro litis æstimatione ab arbitrio, quod fingunt interuenire debere ante primam pronuntiationē. Verum semper erit dicere, in rei vindicatione nullam fieri litis æstimationem si possessor iussus restituere, rem habeat præsentem quam possit nec velit restituere. Quid enim æstimari possit, cum possessio rei petite transita est manu militari in petitorē? Quare nec in *d. l. qui restituere*, scriptum est vllam hoc casu fieri litis æstimationem, sed tantum necessariam esse condemnationē propter fructus: At in Publiciana si non æquē fiat restitutio manu militari, fatendum est necessariam esse litis æstimationem & quidē faciendam per iusiurandum in litem, quomodo ex iuris ratione fiebat etiam in vindicatione, vt constat euidenter ex *l. eius rei 46. & l. quod si possessor 7. D. de rei vindic.* Etsi enim nihil tale scriptum legimus in *tit. de Public. in rem act.* Id tamen idē factum videri debet quia satis fuit Vlpiano monere in *d. §. in Publiciana*, Omnia eadem obtinere in Publiciana quae in rei vindicatione iam dicta fuerant, Alioqui fuerant omnia repetenda quae scripta sunt in titulo precedente. Sed & generaliter Marcianus ait in *l. in actionibus 5. De in lit. iur.* In actionibus in rem & Ad exhibendum, sicut in bonae fidei iudiciis in litem iurari: In quo numero actionum in rem, nemo negauerit vindicationem & Publicianam saltem contineri, si non potius ex solae significatur quia ratione dominij competunt *d. l. 1. 7. §. Publiciana D. de Public. in rem act.* non vt hypothecaria ratione solius possessionis *l. si cum venditor 66. in princip. D. de euic.* Numquam enim iuratur in litem ratione solius possessionis, sed tantum ratione dominij vt fusiū à nobis demonstratum est in Coniecturis. Eodēque pertinet quod Marcellus scribit in *l. tutor 8. D. de in lit. iur.* de in litem iurando contra tutorem possidentem eum pupilli nec volentem eam restituere. Non enim de actione tutelae intelligi ea lex debet, quomodo Bartolus malē intelligit, licet in illa quoque actione vt in plerisque bonae fidei iudiciis in litem iurari solet contra tutorem *l. 1. 2. & tot. tit. Cod. eod.* Sed de directā rei vindicatione instituta per adultum, post consumptā iam actionē tutelae quae primo ipsius exercitio tota cōsumitur, idēq; ne cōsumatur nō prius cōpetit quam tutela ipsa & administratio finita sit *l. si tutor 9. §. ult. De tute. & rat. distr.* Et ob id Marcellus in *d. l. tutor*, nō de actore loquitur sed de petitore quo nomine significatur qui in rē agit nō qui in personā *l. pecunia 178. §. actionis De verb. sig.* Sed & obseruandum illud est, loqui eo loco Marcellū de tutore nō qui rē petita dolo desierit possidere, sed de eo qui possidet, nec de illo qui restituere nō potest, sed qui nō vult vt habet disertē verba legis. Et tamē non ait Marcellus faciendā esse restitutionem præcisē, manūque militari transferendam possessionē in petitorē, sed condemnandum tutore ob suā cōtumaciam, quanti adultus in litem iurauerit. Ex quo manifestissimē apparet, quā veruū

fit quod volumus, Iuris veteris rationem numquam illam fuisse, vt in iudicio vindicationis qui iussus esset restituere cogendus esset manu militari parere arbitrio, aut saltem pati translationem possessionis, sed fuisse id ius nouum à Triboniano inductum sub Vlpiani nomine *in d. l. qui restituere*. Nec tamen Tribonianum quasi immemorem alios omnes iuris locos corruptisse qui similiter corrupendi erant, vt ab eo in plerisque aliis partibus factum est, ne quæ iuris veteris vestigia superessent. Illud sanè non nisi huic Triboniani siue infirmitati, siue audaciæ adscribi potest, quod sub Pauli nomine scriptum est *in l. arbitrio 18. D. de dolo*. Neque in actione De dolo, neq; in actione Quod metus causa certâ quantitatem adici, vt possit per cõtumaciam suam tanti reus condẽnari quanti actor in litem iurauerit. Quid enim falsius dici potest quàm quoddam ait nullam in actione De dolo adici certam quantitatem? An non quadrupli pœna specialiter constituta est in actione Quod metus causa? *litem si cùm §. 1. & pass. D. quod met. caus.* Aut vbi nam quæso gẽrium traditum est, In ea actione iurari in litem? Sed voluit Tribonianus tollere pœnam illam quadrupli, respiciẽs nimirum ad distinctionem illam de qua *in d. l. qui restituere*, vt si is qui conuenitur actione Quod metus causa, & rem restituere iussus est, nolit parere cùm possit, non in quadruplum condemnatur, sed manu militari cogendus sit pati vt transferat possessionem, si verò non possit restituere, quia dolo desierit possidere, nec hoc quidem casu condemnatur in quadruplum sed quanti actor in litem iurauerit, sin absque dolo quanti reuera intererit petitoris. Sed tamen in hoc quoque sui immemor fuit Tribonianus, cùm adiecit, Officio iudicis debere in vtraque actione iusiurandum taxatione refrænari. Nam imò verò iurari in litem in omnibus actionibus arbitrariis in infinitum & sine vlla taxatione scriptum est *in d. l. qui restituere*. Quod etiam scripserat Vlpianus *in l. 4. §. iurare D. de in lit. iur.* vbi tamen æquẽ Tribonianus de suo adiecit, Possẽ tamen id iusiurandum arbitrio iudicis refrænari: quod bona vetusque iurisprudẽtia numquam admisisset, vt alio loco scripsimus.

ERROR QVINTVS.

De actione Ad exhibendum.



ACTIONEM Ad exhibendum nemo dubitat esse arbitrariam quòd & ita scriptum sit *in §. praterea Inst. de action.* & ei conueniant omnia quæ ad actionum arbitrariarum diffinitionem & naturam pertinent. De illo tantum dubitat nonnulli, An sit Prætoriam, an civilis, quibusdam affirmantibus esse civilem: Illa potissimum ratione quòd maxime comparata sit propter vindicationes, vt scriptum est *in l. 1. D. ad exhib.* Aliis contra negantibus & contendentibus esse Prætoriam, Ob id solum quòd à directo iudicio distinguatur *in l. 3. §. ibidẽ subiungit eod.* quasi non sit ipsa ordinarium iudicium & directum sed vtile & extraordinarium, quo nomine civiles actiones numquã significantur. Sic enim ratiocinantur illi præcipuè, qui cùm non possint negare actionem hanc esse arbitrariam, tanquam in qua arbitrium iudici sit commissum, vt *in d. §. ibidẽ*, scriptum est, nolunt tamen admittere vllam esse arbitrariam, quæ sit civilis. Ego nolim negare Prætoriam esse actionem qui video tam multa alia remedia De exhibendo à Prætorio introducta esse, Præsertim verò interdicta *De tab. exhibend. De liber. exhib. De homin. liber. exhib.* in quorum interdictorum etiam subsidium comparata fuit actio ista Ad exhibendum, vt eo demum casu competeret, quo sufficere inter-

interdicta nō possent *d. l. 3. §. si quis extra heredem D. ad exhib.* Quemadmodum
 ē contrario competit hæc actio illi etiam qui interdicturus est *dist. l. 3. §. sed
 & si quis interdicturus*, Quod tamen nemo dixerit alio iure induci potuisse
 quā Prætorio, ex quo interdicta omnia proficiunt. Sed tamen posset quis
 non malè fortassis adhibere in hac quæstione distinctionem eandem quā ad-
 hiberi placet, cū de noxalibus actionibus quæ sint an civiles sint an Prætoris,
 Scilicet utrū ex civili causa competant ut furti & legi Aquiliæ, an ex Præto-
 ria, Ut iniuriarum, & Vi bonorum raptorum: Ut priore casu sint civiles, Poste-
 riore verò Prætoris *§. sunt autem Instit. de noxal. act.* Sic enim & actionem
 Ad exhibendum aliquando civilem esse dici posset aliquando Prætoriam. Ci-
 uilem si ex causa civili descendat, Qualis ea est quæ propter vindicationes fuit
 introducta. Nam cū vindicationes sint civiles, & inducitur ipsa lege duodecim
 tabularum, nec possit fieri ut vindicetur res quæ non sit exhibitā & in iure apud
 Prætorē quod alioquin non possint proferri vindicationis verba illa sollemnia
Hanc rem ex iure Quiritium meam esse aio. Quis credat mancā in eo fuisse le-
 gem 12. tabul. aut saltem prudentum interpretationem ut non induceret actio-
 nem Ad exhibendum quæ esset præparatoria vindicationis, & quā in necessā-
 rium antecedens induci oportuerat, ne rei mobilis occultatæ vindicatio impe-
 diretur *dist. l. 1. ad exhib.* At ex aliis omnibus causis quæ ex Prætoris iurisdic-
 tione descendunt fatendum est actionem Prætoriam esse non civilem, cū iis
 quoque casibus non minùs quā propter vindicationes vsum eius necessarium
 & utilem esse Prætor comperisset. Non possum tamen admittēte quod isti
 volunt esse villo casu actionem Ad exhibendum extraordinariam, aut iudicium
 extraordinarium. Ea namque extraordinaria demum iudicia appellamus quæ
 non more & ritu ordinato iudiciorum, id est, apud datos Iudices & pedaneos
 expediuntur sed apud Prætorē ipsum, nec tam actione data quā cognitione
 Prætoris *l. 2. Cod. de pedan. iudic. quod si minor 24. §. vltim. D. de minor. l. 1. &
 tot. tit. De extraord. cognis.* Iudicium autem Ad exhibendum non per Prætorē
 ipsum sed per iudicē à Prætorē datum expediri solitum fuisse & per viam ac-
 tionis, solito & ordinario iudiciorum more apparet *ex dist. l. 3. §. sciendum &
 dist. §. ibidem l. instrumenta 6. Cod. eod.* aliisque omnibus iuris locis quotquot
 sunt, qui hanc actionem vocant, Quare nec vlla parte tit. Ad exhib. D. & Cod. vi-
 deat mentionem fieri cognitionis Prætoris at ne quidem edicti Prætoris quod
 tamen non fuerat prætermittendum, si ex Prætoris primū edicto comparata
 hæc actio fuisset. Imò nec vtilis vlla actio est Ad exhibendum, sed semper direc-
 ta *l. cum seruus 16. D. eod.* Adeo ut si quo casu competere non possit, & tamen
 æquitas aliqua actionem dari suadeat, recurrendum sit ad actionem in fictum,
 ut in specie *dist. l. 3. §. penultim.* cui tamen locus esse non solet quoties vtilis ac-
 tio locum habere potest *§. vltim. Instit. de leg. Aquil. l. si seruus 33. in fin. l. si
 quis furti 30. l. boues 53. D. eod.* Neque qui contra sentiunt noueri ex eo debue-
 runt quod iudicium Ad exhibendum opponatur directo *in dist. §. ibidem.* Non
 enim id rationem illam habet quasi iudicium Ad exhibendum sit aut vtile, aut
 extraordinarium, licet iudicium vindicationis cui opponitur sit directum &
 ordinariū, Sed quia iudicium actionis Ad exhibendum præparatorium
 est & in ordine ad iudicium vindicationis, quod principale est, ideoque direc-
 tum appellatur. Verū ita sit ut voles. Parum ad institutam disputa-
 tionem nostram pertinet an civilis hæc actio sit an Prætoris. Sufficiat esse
 in confesso, quod sit arbitraria. Iam videamus quis in ea ordo seruandus sit à

iudice dato, Ut scire possimus quid simile habeat, quid dissimile iis actionibus de quibus disputate cogimur an arbitrarie sint, necne. Illud primum ad officium Iudicis, qui huic actioni addictus est, pertinet, vt ante omnia debeat inquirere & cognoscere an intersit eius qui agit Ad exhibendum, vt si eius interesse videat permittat ei agere. Non permittat si videat nihil interesse *dist. l. 3. §. sciendum*, vbi ait. Vlpianus iudicem summam de hoc cognoscere debere. In quo cauendum tibi est, ne decipiaris si cum aduersariis, ex eo loco colligas. Summariam igitur aliquam non plenam cognitionem præcedere in cæteris actionibus arbitrariis, vt arbitrium aliquod sequatur, antequam de iure litigatorum quicquam pronuncietur. Non enim nisi summariam istam cognitionem requirit Vlpianus ad hoc, vt statim sequi possit arbitrium De re exhibenda ante aliam vllam pronunciationem quia nec alia vlla plenior adhibenda est in hac actione in qua de hoc duntaxat queritur, An intersit actoris, ad hoc vt sciatur, An admitti debeat actor ad hanc actionem: Nimirum vt si appareat interesse ex iusta & honesta causa remque cuius exhibitio petitur, à reo possideri, aut dolo malo defuisse illum eam possidere arbitrium sequi possit De re exhibenda, tùm condemnatio si res non exhibeatur. Ideò autem summaria hæc cognitio appellatur, non quòd plenè actor probare non debeat sua interesse, sed quia in hac actione non cogitur plenè probare de iure domini, sui quomodo in iudicio vindicationis. Quoniam iudicium ipsum ad exhibendum sicuti præparatorium est, & in ordine ad aliud iudicium maius, ita in comparatione maioris illius iudicii summarium est, vt pluribus scripsimus in Rationalibus ad illum locum. Igitur quid in facto sit ex parte actoris, id est an eius quoquomodo intersit dummodò ex honesta & iusta causa, itémque ex parte illius qui conuenitur, id est an possideat, necne, cognoscendum prius est & quidem nõ summam, nisi eo sensu quò diximus, ad differentiam pleniorum probationum quæ in iudicio directo requiruntur, sed sufficienti causæ cognitione adhibita, ac idoneis probationibus conquisitis, vt arbitrium De re exhibenda, & postmodum si arbitrio non pareatur, condemnatio sequi possit, Quanti actor in litem iurauerit. Vbi ergo cognitum & pronunciatum fuerit, Rem quam exhiberi actoris interest ab eo qui conuenitur possideri, si nullam possessor exceptionem obiciat, non statim quidem condemnabitur, sed statim arbitrium reddetur per quod iubeatur ille rem exhibere, nec rem tantum sed etiam rei causam omnem, id est, vt eam causam habeat actor quam habiturus esset si cum primùm ad exhibendum egisset, exhibita res fuisset. Adèd vt si inter moras exhibendi vsucapta res sit à possessore, nihilominus debeat condemnari. Sed & fructuum medij temporis, id est eius, quod post acceptum Ad exhibendum iudicium, ante rem iudicatam intercesserit, rationem habere iudex debet. Quòd si neget reus cum quo ad exhibendum actum est, statim & in præsentem exhibere se posse, & tempus exhibendi causa petat, idque sine frustratione postulare videatur, dare ei debet, vt tamen caueat se restitutum. Quòd si neque statim iussu iudicis rem exhibeat, neque postea exhibiturum se caueat, condemnandus est in id omne quòd actoris intererit rem ab initio exhibitam fuisse. Sic enim Iustinianus disertis verbis *in §. si ad exhibendum Inst. de offic. iudic.* Cui sanè nihil possis addere, nisi quòd actori permittendum est, vt suo iureiurando æstimet quanti sua intersit *l. 3. §. præterea D. ad exhibend.* Ita fit vt in actione Ad exhibendum eadem sint omnia

quæ

quæ in rei vindicatione suprâ diximus, si illud excepias quod in *dist. 5. præterea* scriptum est, In actione Ad exhibendum iudicem qui iusiurandum deferri taxare quantitate debere ad quam usque iuretur, Cum tamen in directa rei vindicatione permittatur actori iurare in infinitum sine vlla taxatione saltem illo casu quo is qui conuentus est, dolo malo desit possidere *dist. l. qui restituere*. Sed non dubito quin à Triboniano addita sint verba illa in *dist. 5. præterea, iudice quantitate taxante*. Respiciente ad id nimirum, quod aliis locis idem Tribonianus constituit inuita Iurisprudentiæ veteris ratione, vt in potestate iudicis esse debeat iusiurandum deferentis vel refrænare quantitatem ne in immensum iuretur, vel etiam post iusiurandum præstitum diminuerede quantitate iurata, cum olim iurare in infinitum liceret, id est nulla taxata præscriptâve certa quantitate *dist. l. qui restituere*. Iunct. *l. videamus 4. §. iurare D. de in lit. iur.* Nimirum aliud est iurare in immensum quomodo intellexit Tribonianus, quod certè numquam licuit, Aliud verò iurare in infinitum, quod non solùm semper olim licuit, sed etiam hodie licere deberet, Vel eodem teste Triboniano, qui quod sub Vlpiani nomine scripsit in *dist. l. qui restituere*, Iurari posse in infinitum sine vlla taxatione contra eum qui rem per vindicationem peritam dolo malo desit possidere, voluit generaliter constitutum in omnibus actionibus arbitrariis, Nec in illis tantùm, sed etiam in interdictis omnibus in quibus arbitrato iudicis restitui quid oportet, ac ni restitutio fiat, sequitur condemnatio vt scriptum est in *fin. dist. l. qui restituere*. Vnde proculdubio sumpsum est quod de iureiurando in litem & deferendo & refrænando iraditum legimus in Actionibus De eo quod metus causa & De dolo in *l. arbitrio 18. De dolo in hypothecaria l. si fundus 16. §. in vindicatione D. de pignor.* Et in interdicto Quod vi aut clam *l. semper 15. §. hoc interdicto versic. sed quod interfuit D. quod vi aut clam*. In quibus omnibus antea non iurabatur, propterea quòd non ad dominij sed ad possessionis causam pertineant, Dominij autem ratio sola illa sit quæ iusiurandum inducere potest ne inuitus dominus re sua carere cogatur vi in libris Coniecturarum docuimus ex *l. non enim 9. D. rerum amotar. cum similibus*. Ergo nec dubitandum est quin iusita fuerit olim comparatum in actione Ad exhibendum vt iurare in litem actor posset, & quidem sine vlla taxatione, Scilicet si ea instituta erat actio Ad exhibendum, quæ præparatoria esset vindicationis, vt esse solet *dist. l. 1. D. ad exhibend.* Sic enim accipiendum puto quod scriptum est in *dist. 5. præterea*, non etiam de qualibet actione Ad exhibendum quæ præparatoria sit alterius actionis in qua ipsa iurare non liceret, ne alioquin eueniat vt actionis præparatoriæ maior sit vis & potestas, quàm actionis præparatæ quod absurdum esset. Porro quoties in actione Ad exhibendum iuratur in litem, nego taxari villo casu debere quantitatem iuriurandi. Nam in vindicatione quidem potest adhiberi distinctio illa Triboniana, An qui conuenitur facultatem habeat rei restituendæ. An autem dolo malo fecerit ne haberet, Vt priore casu possessio manu militari transferatur in victorem, Posteriore vero condemnandus omnimodo sit reus quanti actor in litem iurauerit *dist. l. qui restituere*, At in actione Ad exhibendum nullus huic distinctioni locus esse potest: Non quòd fieri nequeat vt is qui conuenitur facultatem exhibendæ rei aliquo casu habeat, aliquo non habeat, Secundum id quod suprâ diximus ex *dist. 5. §. si ad exhibendum Instit. de offic. iud.* Sed quia tùm quoque cùm fa-

cultatem illam rei exhibendæ habet, nullus tamen manus militaris vsus esse potest, cum exhibitam rem & præsentem esse oporteat, ad hoc ut eius possessio manu militari ab eo transferri possit, Ergo cum non alia ratio sit propter quam noluit Tribonianus iurari posse in directa rei vindicatione cum res præsens est, quam quod eo casu possit alio & meliore remedio consuli petitori adhibita scilicet militari manu, Prorsus consequens est ut cum nullo casu possit manus militaris adhiberi in actione Ad exhibendum, id est ne tum quidem cum exhibendæ rei facultatem reus habet, E contrario dicendum sit omni casu in litem iurari oportere siue exhibendi facultatem reus habeat, siue non habeat, quia numquam præsens res esse potest ante exhibitionem. Iurari ergo semper in infinitum, & sine ulla taxatione, quia longè magis dolo facit qui recusat exhibitionem rei quam exhibere posset si vellet, quam qui dolo fecit ne possit hodie illam exhibere. Quando nec aduersus alium datur actio Ad exhibendum quam qui vel possidet, vel dolo desit possidere. Inter quos casus sicuti nihil distat quod ad possessorem attinet quoniam dolo pro possessione est, Ita neque quod ad manum militarem pro actore adhibendam, quia non magis vno casu quam alio militaris manus adhiberi potest ad extorquendam ab inuito rei occultæ & quæ nesciatur ubi sit, exhibitionem. Extra causam hanc adhibendæ manus militaris quam primus Tribonianus implorari & adhiberi posse voluit, Dico esse omnia similia in rei vindicatione directa & in actione Ad exhibendum siue ad naturam actionis respiciamus, siue ad officium iudicis, Licet ex parte rei de qua agitur differentia illa sit, quod non nisi præsentis rei vindicatio fieri potest, Exhibitio verò non nisi absentis aut saltem occultatæ postulari. Ex quo infero cum actio Ad exhibendum semper & omnimodo arbitraria sit, ut scriptum est in *dift. §. præterea Inst. de action. & in dist. l. 3. §. ibidem subiungit D. ad exhib.* Etiam directam & civilem rei vindicationem esse arbitrariam. Nec dissimilitudinis rationem adferri vllam posse, nisi quod actiones quæ directæ sunt in rem, tantò magis necesse est arbitrarias esse, quod cum ex præsentis tantum possessione nascantur, ut loquitur Vlpian. in *dift. l. non aliàs 24. §. sed si postulatur D. de iudic.* non alia condemnationis ex ipsis irrogandæ ratio esse potest, quam si arbitrio iudicis non pareatur. Quod in personarum actionibus diuersum est, quæ ut plurimum obligationem aliquam personalem pro causa habent, Exceptis illis quæ licet sint directæ in personam, tamen sunt scriptæ in rem, Quas soleo dicere, nasci ex variis causarum figuris, §. 1. de action. l. 1. D. eodem tit. Inter quas est actio Ad exhibendum l. 3. §. est autem D. ad exhibend. ut & actio Quod metus causa, *dift. §. præterea*, & Aquæ pluviæ arcendæ l. si tertius 6. §. aquæ pluviæ D. de aqua & aquæ plu. arc. A quibus tamen differt actio ad exhibendum in eo quod nascitur illa ex præsentis possessione, non minùs quam rei vindicatio. Actio verò Quod metus causa ex illato metu, à quocumque tandem illatus sit l. item si cum 14. §. in hac actione & §. aliquando D. quod met. caus. Actio autem aquæ pluviæ arcendæ ex opere facto, ex quo damnum timeatur l. 1. §. 1. l. apud Trebatium 5. §. penultim. l. is cum quo 7. & pass. ill. tit. De aqua & aqua pluviæ arcend. Ergo in actione ad exhibendum ut in cæteris omnibus arbitrariis pronuntiationem aliquam præcedere oportet, Videri scilicet interesse actoris ex honesta & iusta causa exhiberi rem quæ à reo possidetur, aut quam reus dolo malo desit possidere. Quæ tamen pronuntiatio fieri non potest quin facti quæstio

quæstio plenè discussa sit, non quidem de iure actoris [sufficit enim summaria] vt & in l. 2. §. *causa cognita* D. de Carbon. edict. cùm plenior quæstio de iure domini differenda sit vt diximus, in directum iudicium vindicationis dist. l. 3. §. *sciendum* & §. *ibidem subiungit* D. ad exhib.] Sed quòd inter sit actoris, & de possessione vel de dolo malo eius qui conuenitur, Alioqui absolvendus est reus si neque possideat, neque dolo desierit possidere l. si ad exhibendum 8. D. eod. Post illam verò pronuntiationem sequi debet arbitrium De re exhibenda, Tum si non pareatur arbitrio, neque res exhibeatur, condemnatio tandem fit aut quanti actor sua interesse in litem iurauerit si vindicationis gratia exhibitio postuletur, Aut quanti reuera interesse sua probauerit, si non ad domini sed ad alterius iuris causam actio referatur. Et hæc quidem de actione ad exhibendum dixisse sufficiat, vt de aliis arbitrariis actionibus dicere pergamus.

ERROR SEXTVS.

De noxalibus actionibus, Nullas esse arbitrarias. Ad l. miles 6. §. 1. D. de re iudic.

SI quid est in libris nostris quod incitiam Triboniani detegat, illud sanè est quod in §. *prætera*, Instit. de action. scripsit ille noxales actiones esse arbitrarias, Quem errorem etiam nos ante hunc diem secuti sumus, tanti viri auctoritate potius quàm fide, aut iudicio decepti. Sic enim definit eo loco, Arbitrarias actiones esse illas, in quibus nisi arbitrio iudicis reus cum quo agitur satisfaciatur, veluti rem restituatur, vel exhibeat, vel soluat, vel, inquit, *ex noxali causa seruum dedat* condemnari debeat. Et tamen si veram iuris rationem inspiciamus defendi certè nullomodo potest, Eo saltem sensu noxales actiones esse arbitrarias. Cùm enim arbitrarie actiones illæ sint quæ ita pendent ex arbitrio iudicis, vt non aliter condemnatio ex iis sequi possit, quàm si arbitrio non præceatur, Apparet eas tales esse semper debere, vt arbitrium præcedat condemnationem, Vt ex illarum omnium exemplis de quibus hucusque diximus perspicui potest. Et consequenter si noxales essent arbitrarie non aliter condemnari vnquam dominus posset, quàm si noxam dedere nollit, neque alia de causa, quàm quia non dederit, Quomodo haud dubiè Tribonianus noster inrellexit, cùm actiones noxales idè arbitrarias esse vult quòd ex iis conueniunt dominus si seruum noxæ non dedat condènatur: Ita innuens debere arbitrium præcedere De seruo dedendo pro noxa, priusquàm contra dominum sequi possit condemnatio. Atquin hoc falsum est, & quod bona Triboniani pace dictum sit, falsissimum. Noxæ siquidem deditio ex ipsa lege duodecim tabularum quæ hoc ius primùm induxit, numquam in condemnationem deducitur, sed semper pecuniariam condemnationem sequitur, vt eleganter Vlpianus scribit in l. miles 6. §. 1. D. de re iudic. qui locus omnium aptissimus & accommodatissimus est ad naturam actionum noxalium exprimendam. Ait Vlpianus, Eum qui decem aut noxæ dedere condemnatus est, iudicati actione teneri in decem duntaxat non etiam ad noxam dedendam. Facultatem enim noxæ dedendæ, inquit, à lege accipit. Aliter atque si quis ab alio decem aut noxæ dedere stipulatur. Hic enim

non sola decem ex stipulatione petere potest, sed quemadmodum vtrumque in stipulatione alternativè continetur, Ita vtrūque sub disiunctione & alternatione petere debet, Ne alioquit causa plus petere videatur vt Iustinianus scribit *in §. huic autē vers. qua de causa Inst. de act.* Tam enim deducta sunt decem in huiusmodi stipulationem quàm noxx deditio, nec minùs noxx deditio, quàm decē. Singula scilicet per se, ac separatim considerata, licet vtraque simul & alternativè. At iudicium solius noxx deditiois nullum est, subiungit Vlpianus sed pecuniariam condemnationem sequitur, id est nullum iudicium in eam rem comparatum est vt dominus servum noxx dedat, sed tantum, vt pro servo præstet pœnam legitimam siue furti siue legis Aquiliæ aut honorariam si agatur Vi bonorum raptorum, aut iniuriarum. Itaque pecuniariam condemnationem præcedere necesse est, & litem æstimari per sententiam, vt noxx deditio sequi possit. Tantum abest vt verum sit quod Tribonianus voluit, condemnandū esse reū ob id quod servum noxx dedere noluerit. Nec dissimile est quod Caius scribit *in l. 1. De noxal. act.* Noxaliū actionum eam vim & potestatem esse vt si dānati fuerimus, liceat nobis deditioe corporis quod deliquerit evitare litis æstimationem. Vt intelligamus requiri condemnationem in necessarium antecedens, vt noxx deditio sequi possit, Nec ad hoc prodesse deditioem noxx vt evitetur cōdemnatio, quomodo in arbitrariis omnibus actionibus prodest arbitrio iudicis paruisse ad condemnationem evitandam, promerendamq; absolutionem, sed ad hoc tantum ne litis æstimationē quæ per cōdemnationē facta est, præstate cogatur dominus, quamvis cōdemnatus. Sic enim accipiendā sunt verba illa *evitare litis æstimationem* vt non ad faciendū sed ad factā referatur. Æstimatur enim lis per cōdemnationem, Nec aliud est, Cogi quē pati litis æstimationem quàm vt sententiam & condemnationē pari cogatur, *in l. si culpa 63. D. de rei vindic. l. ult. D. de condi. tr. suc.* Dixi igitur Caius *litis æstimationem* pro æstimationis præstatione cui per noxx deditioem non cōdemnatio impediatur, quàm præcessisse necesse est, sed tantum exactio & executio condemnationis. Ideoq; nec habet dominus saluam dedendæ noxx facultatem nisi quousq; iudicati conveniatur, vt ex Iuliano idem Vlpianus tractat *in litem veniunt 20. §. idem reslè ait D. de hered. pest.* Quia cū non possit conveniri ex iudicato nisi ad pecuniam *d. l. miles 6. §. 1. de re iudic.* id est ad litis æstimationem, quæ semper pecuniaria est, & per iudicatum ac iudicati actionem novetur prior actio, quæ fuerat noxalis *l. ultim. C. de usur. rei iudic.* Consequens est vt ipsi iudicati actio quæ non ex noxa sed ex iudicato nascitur noxalis esse non possit *dist. l. 1. in princip. De noxal. act.* Sicuti nec de noxx deditioe tractari vnquam potest, cū post noxalem actionem propositam aliud iudicium quodlibet acceptum est *d. §. idem reslè.* Numquam enim pro vna eadēque noxa duplex iudicium noxale reddi potest, Nimirum quoniam noxx deditio quæ in solutione tantum est, à lege tribuitur nō à iudice *d. l. miles §. 1. in fin.* lex autem semel tantum loquitur, totaq; ipsius potestas prima concessione facultatis dedendæ noxx consumitur. Dixi noxx deditioem in solutione tantum esse non etiam in condemnatione *ex dist. §. 1. in fin.* his verbis *his enim solis condemnatur.* Quia licet in actione qualibet noxali iudex ita sententiam ferre debeat vt condemnet dominum præstare litis æstimationem aut noxx dedere *dist. §. 1. in princip. & §. 1. Institut. de offic. iudicat.* Id tamen non idē fit quod vtrumque sub alternatione, ac pari iure in condemnationem deduci debeat, sed ne si aliter faciat iudex, nec de noxx deditioe quicquam

quicquam exprimat, eam facultatem dedendæ noxæ quam lex 12. tab. condemnato tribuit ei adimere, atque ita contra legem iudicare videatur, vt initio illius tituli. *De officio iudicis.* Iustinianus noster docet. Proinde sic accipiendæa condemnatio est, ac si ad pecuniam duntaxat litisque æstimationem præstendam condemnatus esset dominus, sed sub illa tamen exceptione, Nisi malit ex facultate quæ per legem ei tribuitur, noxæ dedere. Simile quiddam est quod ex Iuliano scriptum legimus in l. cum sine 19. D. quand. dies legat. ced. Si legatum sine præfinitione temporis ita datum fuerit *Vxori meæ penum heres dato, si non dederit centum dato*, vnum duntaxat legatum intelligi pecuniæ scilicet & centum statim peti posse, Penoris autem causam eò tantum pertinere vt ante litem contestatam tradita peno heres liberetur. Sed etsi præfinito certo tempore legatum datum proponatur hoc modo *si penum intra Calendas non dederit centum dato* non eo magis putabat Iulianus effici vt duo essent legata, sed potius vt centum legata sub conditione videantur, Et quidem sola, ita vt si vxor ante Calendas decesserit, heredi suo neque penum relinquat quæ legata non est, neque ea centum quia dies legati non cesserit. Quamquam in ea specie videtur Iulianus à cæteris prudentibus dissensisse, quorum vt frequentior ita versior fortasse fuit illa opinio, Vt duo sint legata. Vnum penoris, Alterum pecuniæ, Sed quorum prius translatum videatur in posterius si noluerit heres penum dare, vt tunc pecuniam heres debere incipiat, cum interpellatus non dederit penum. Et si interim decesserit legatarius, heredi eius, penus tantum non etiam pecunia debeatur. Sic enim Paulus in leg. si penum 24. eod. tit. & in l. si item sita D. ad l. falcid. vbi cum ait *quidam putant omnimodo in legato decem esse, penum autem mortis causa capi, nec in falcidiam imputare id heredem posse*, Iulianum proculdubio intelligit & perstringit, cuius sententia extat in d. l. cum sine. Vtitur tamen Paulus ibidem distinctione, quæ tertiam quandam & mediam opinionem inducere videtur, Vt si incontinenti heres penum soluerit, scilicet statim atq; interpellatus est & ante moram contractam, videatur penus legata effic, & in legem falcidiæ imputari possit, Et quod dixit *incontinenti* sic interpretatur, cum aliquo tēporis spatio. Sed si iam mora facta soluerit heres penum, tunc nec legatum accepisse videri debeat, nec penus in falcidiam imputari. Iam enim transfusum legatum esse & decem deberi, Non aliter quàm si legatum ab initio sic datum sit *si penum non dederit decem dato*, quo casu certum est penum non esse legatam, sed si detur mortis tantum causa capi, id est non aliam ob causam quàm quia deficiat legati condicio, dicit. leg. si penum in fin. Videtur tamen Iuliani sententia indistinctè placuisse non tantum Vlpiano, sed etiam Marcello in notis ipsius ad Iulianum, vt constat ex l. 1. D. de pen. legat. Vbi scribitur in hac ipsa specie, penum esse solummodò in præstatione, neque ex legato peti villo casu posse, sed solam quantitatem. Habere tamen heredem facultatem offerendi & soluendi penum vsque ad litem contestatam, Nisi fortè aliud tempus vel mente, vel verbis testator præstituit. Quæ exceptio cadit in distinctionem illam Iuliani an cum præfinitione temporis, an sine præfinitione testator pecuniam legauerit si penus non daretur. Sed ille alius nec minùs dubius, quàm subtilis tractatus est. Illud verò certius, quod nunc contendimus, Quoties in iudicio noxali Iudex condemnat dominum aut æstimationem litis solvere aut noxæ dedere, noxæ deditionem in solutione & præstatione duntaxat esse, idque ex legis potestate potius quàm

ex sententia iudicis, Nullomodo autem in condemnatione, sed pecuniam tantum, Ideoque nec mirum esse quod in executione iudicati & actione illa in factum quæ nascitur ex iudicio, sola pecunia semper petitur, post illud scilicet tempus quod iudicatis datur ad soluendum, Noxæ verò deditio numquam *d. l. miles §. 1. Dere iudic.* Cui tamen consequens non est, ut qui noxali actione contra dominum agit, præcisè ad pecuniam agere debeat detracta noxæ deditio. Qui enim sic ageret utique malè ageret, & causa caderet, inspecta iuris veteris ratione, quasi non tã causa plus petens, ut ille qui ex duabus rebus alternativè debitis alteram præcisè petit *d. §. huic autem vers. qua de causa Inst. de action.* Quàm agēs actione sibi non competente. Nec enim ex delicto servi actio vlla præcisè & absolute competere potest adversus dominum qui non ipse deliquit, sed noxalis tantum, Nisi eo demum casu quo sciente domino nec prohibente eum posset, servus deliquerit. Tunc enim dominus in solidum obligatur, quasi ex proprio suo potius quàm ex servi sui delicto *l. 2. §. 4. & pass. D. de noxal. act.* Quò pertinet quod *in d. l. 4. §. ult.* scriptum est, Si detracta noxæ deditio quasi cum conscio domino actum sit, qui non erat conscius, non solum absolui dominum debere, sed etiam absolutione secuta & finito iudicio amplius agendo cum noxæ deditioe actorem exceptione rei iudicatæ summoveri debere, quia res, inquit, in superius iudicium deducta & finita est. Donec autem prius iudicium agitur, licentia est agenti ut eadem lex ait si eum de scientia domini arguenda pœniteat, tunc ad noxalem causam transire, Contrà quoque si cum eo qui scit, cum noxæ deditioe actum sit, amplius in dominum, detracta noxæ deditioe, dandam actionem non esse. Ut appareat noxalem actionem detracta noxæ deditioe institui numquam posse, licet ipsa noxæ deditio in petitione numquam sit. Quoniam aliud est contra dominum agere cum noxæ deditioe, id est saluam relinquere domino facultatem dedendi servum pro noxa, quam facultatem habet à legē: Aliud verò agere ad ipsam noxæ deditioem, quod neque separatim, neque alternativè coniuncta pecuniæ petitione fieri unquam potest. Id enim est quod Ulpianus ait *in d. l. miles §. 1. Dere iudic.* iudicium solus noxæ deditiois nullum esse, Nec quædammodum noxæ deditio esset in obligatione alternativè si quis decem aut noxam dedere stipulati promississet, Ita in noxali iudicio deditioem noxæ perinde ac pecuniam alternativè in petitione esse. Nam in petitione numquam est, ac ne quidem in præstatione est quod Caius scribit *in l. non solum 29. De noxal. act.* Neque contrarium est quod Caius scribit *in l. non solum 29. De noxal. act.* non solum eum qui in potestate non habet servum delinquentem recusare posse noxale iudicium, verum etiam habenti in potestate liberum esse iudicium evitare si indefensam eam personam relinquat. Sed huic necesse esse ius suum ad actorem transferre: quod ipsum nihil aliud est quàm servum noxæ dedere. Sequitur enim statim apud Calum *perinde ac si damnatus esset* quasi recusatio illa defendendi servum pro tacita quadam cōdemnatione habenda sit. Sic enim & Paponius *in l. noxali 33 eod.* scribit, Noxali iudicio inuitum neminem cogi aliud defendere, sed carere debere eo quem non defendit, si servus est. Cum igitur condemnationem aliquam siue expressam siue tacitam præcedere necesse sit ut noxæ deditio locum habere possit, An non absurdissimum est dicere cum Triboniano *in dist. §. praterea De action.* In noxalibus actionibus si reus conuentus servum noxæ non dedat condemnari eum debere? Potius enim dicendum erat Possē illum ita demum noxæ dedere si iam fuerit ipse condemnatus, Aut si nolens servum defendere habeat se iam pro condemnato. Neque hoc sanè aliquam

quam videtur habere dubitationem. Difficilius est recentiorum nostrorum distinctiones quasdam refellere, quibus in huiusmodi questione uti solent.

ERROR SEPTIMVS.

De actionibus arbitrariis qua contra dominum ex noxali causa insinuantur.

RECENTIORVM distinctio quam nos hic refellendam suscipimus, illa est, Ut si ex tali causa agatur ex qua arbitraria actio est etiam noxalis actio sit arbitraria, & noxę deditio sit in arbitrio iudicis ante sententiam, At si ex causa tali agatur ex qua arbitraria actio non est, nec ipsa noxalis actio quę eo nomine competit arbitraria sit. Verbi gratia, inquirunt, Si seruus tuus mihi per vim metumque rem aliquam abstulerit, [melius dixissent *extorserit* ad significandũ tradentis quoq; consensum] & illa res ad te non peruenierit [si enim peruenisset tuo nomine tenereris] agam contra te noxaliter ex edicto Prætoris Quod metus causa. Et talis actio noxalis erit arbitraria. Arbitrabitur enim iudex ante sententiam, ut restituas, vel seruum noxę dedas: Quod si alterutrum feceris, vitabis condemnationem, Si non feceris condemnaberis in quadruplum vel noxę dedere. At si seruus tuus mihi furtum fecerit, & res illa ad te non peruenierit, agam contra te furti actione noxaliter, Sed hæc actio arbitraria non erit, quia furti actio sua natura arbitraria non est. Itaque in eiusmodi causa ante sententiam nihil licebit iudici, sed ex stricta formula iudicabit *Videri seruum tuum furtum fecisse*, Et te condemnabit in duplum, Vel noxę dedere. Sicque intelligunt quod scriptum est in *l. quod diximus 16. §. 1. D. de eo quod met. caus.* Et distinctionis huius auctorem laudant Duarenium in *trakt. De in l. i. surand.* Ego vero distinctionem hanc neq; laudare, neq; pati possum. Etsi enim vellet quis admittere, quod tamen postea negabimus, actiones arbitrarias posse noxales fieri si ex dolo & delicto serui originem trahant *ex d. l. quod diximus §. 1.* Nego tamen manere illas noxales post arbitrium si dominus nomine serui conuictus & victus arbitrio parere nolit. Nam si verum est, ut est, quod illi volunt postquam pronunciatum est *Rem qua de agitur, per vim aut metum i. seruo illatum extorta videri* sequi debere arbitrium, ut dominus eam rem restituat, vel noxę dedat. Omnino consequens est, ut si arbitrio parere dominus nolit, id est neque rem restituere, neq; seruum noxę dedere, condemnari postmodum debeat in quadruplum sine vlla noxę dedendę facultate, Tanquam qui ex inde incipiat, non tam ex facto serui, quam ex suo conveniri: hoc est ex sua contumacia, & ob id solum quod arbitrio parere noluerit. Hoc enim est quod tam sæpè diximus in superioribus, Condemnationem illam grauiorem quę in actionibus arbitrariis irrogatur nihil nisi poenam esse contumacię sine qua nec vlla esset ratio condemnationis intelligendę *Ex l. ultim. D. de fideiuss. l. item si cum 14. §. in hac actione D. quod met. caus.* vbi eleganter Vlpianus tractat, Nemiini debere iniquum videri quod in actione Quod metus causa, etiam is qui neque vim, neque metum intulit si tamen ad eum res per vim extorta peruenierit, in quadruplum nihilominus condemnatur, quia, inquit, *non statim quadrupli est condemnatio, sed si res non restituatur.* Quasi dicat non ob vim ab alio illatam condemnari in quadruplum debere illũ

qui conuenitur, sed ob id tantum quod arbitrio iudicis obtemperare recusauerit, remque restituere cuius tamen restituenda cum ad eum peruenerit, habebat facultatem. Nec sane alia ratio vlla est propter quam fieri possit, ut non debeat iniqua videri condemnatio quadrupli in actione. Quod metus causa contra eum qui licet rem per vim aut metum extortam possideat, tamen neque vim intulit, neque metum. Factum enim cuius suum nocere debet non alteri. *l. non debeat 74. l. factum 155. De regul. iur.* nihilque aliud hoc esset, quam ex facto vnius praeiudicari alterum cui nihil imputari posset. Hoc igitur admissio, ut dominus noxali actione. Quod metus causa conuentus in quadruplum condemnatus sit, & meritis, quod rem quam poterat restituere, e noluerit, ut scriptum est *in d. l. item si cum § hac autem alio.* Quis ferat aut æquum putet, saluam ei manere noxæ dedenda facultatem post irrogatam quoque quadrupli condemnationem? Non enim alia noxæ deditiois permittenda ratio fuit, quam quod iniquum esset nequitiam seruorum ultra ipsorum corpora dominis damnosam esse, ut Iustinianus tractat *in §. 1. De noxal. act.* post Vlpianum *l. 2. D. eod.* Quæ ratio & æquitas cessat euidenter quoties aliquid imputari domino potest propter quod debuerit condemnari. Amplius hoc est in proposita specie, quod cum arbitrium iudicis tale fuerit ut dominus eam rem quam seruus per vim aut metum extorserat restitueret, vel seruum noxæ dederet, non potest dominus spernere arbitrium iudicis quin ipsam quoque noxæ dedenda facultatem sibi per arbitrium datam spernat & respuat. Cum enim arbitrium interuenerit de hoc vel illo faciendo, alterutrum factum esse sufficeret, ut arbitrio paritum dici posset. Et consequenter secuta postea condemnatione verum est dicere, non iniuriæ ob id condemnatum eum esse quod noxæ seruum dedere noluerit, quam ob id quod rem per vim extortam non restituerit, cum potuerit æquæ noxam dedendo atque rem ipsam restituendo parere arbitrio & ita condemnationem euitare. Cur ergo permitamus ei redire ad beneficium legis quod semel aspernatus est, ut propemodum legem ipsam ludibrio habere videatur? Sicuti ratiocinatur Iustinus, *in l. l. olim. §. ubi autem Cod. de bon. qua. liber.* nisi forte probabilius quis putet, ut tum quoque cum noxale iudicium. Quod metus causa acceptum esset, arbitrium reddi debeat. De re tantum restituenda, non etiam de seruo noxæ dedendo, Noxæ autem dedenda facultas in condemnationis, & iudicati tempus differatur. Sed hoc dici meo iudicio non potest. Iniquum enim esset arbitrium illud, quo iuberetur dominus eam rem præcisè restituere, quam seruus per vim extorsisset, sine noxæ deditioe, Cum tractemus eum calum, quo res per vim extorta ad dominum non peruenerit, ac proinde cuius restituenda facultatem ipse non habet, & quam ideo nec iubendus esset restituere, si non serui sui nomine conueniretur. Prius enim est ut qui arbitraria actione conuenitur restituenda rei habeat facultatem, siue quod eam possideat, siue quod dolo eam deserit possidere, quam ut restituere iubeatur, ne rei impossibilis præceptum videri possit. Ergo quoties arbitraria actio. Quod metus causa ex facto serui proponitur contra dominum ad quem res per vim extorta non peruenerit. Aut iniquum oportet reddi arbitrium aduersus dominum de re illa restituenda præcisè, aut verba illa addi necesse est *aut noxam dedere.* Siquidem ea demum iusta causa esse potest, propter quam in quadruplum condemnari ipse debeat, si cum posset se liberare per noxæ deditioem, ne id quidem facere voluerit, Cui contrarium tamen est, quod supra diximus *ex l. miles 6, §. 1. D. de re iudicat.* noxæ deditioem semper sequi pecuniariam condemnationem. Quid enim hoc aliud est quam
noxæ

noxæ deditio locum nullum esse nisi cum agitur iudicio stricto. Cuiusmodi sunt ea ferè omnia quæ ex delicto proficiuntur, ex quibus scilicet postquam de facti & delicti veritate cognitum est, unica sit pronuntiatio quæ condemnationem rectè continet litemque tanti æstimat quanti ea pœna est quæ delicto ex legibus debetur. Tritum namque est noxales actiones omnes ex delicto descendere, sicut actiones de peculio ex contractu nascuntur *dist. l. 1. D. de noxal. act. l. 1. §. si filius famulus. D. de his qui effund. vel deiecit.* Delicta verò ferè omnia suas habere pœnas certas, & consequenter actiones quæ ex delictis competunt, non posse strictas non esse, nullumque in iis arbitrium iudicis interuenire, quod præcedere debeat condemnationem. Alia ratio est actionum quæ cum ex delicto non nascantur propriè ac inimediatè, delictum tamen aliquod supponunt, Velut actio Quod metus causa, quæ cum aduersus eum quoque possessorem detur qui metus & violentiæ conscius non fuit non potest videri ex delicto nasci, *dist. l. item si eum 14. §. in hac actione & §. aliquando in fin. quod met. caus.* Et tamen supponit semper delictum aliquod Vim scilicet illatam esse vel metum. Ad hoc enim semper actor adstringitur vt doceat vim aut metum in causa fuisse vt id factum sit, cuius rescissio per eam speciem in integrum restitutionis postulatur *dist. §. in hac actione* : Sed quia non tam pœnæ & vindictæ quàm rei persecutionem continet, daturque contra omnes rei per vim & tortæ possessores quamvis innocentes. Placuit non aliter condemnationem ex ea sequi posse in quadruplum, quàm si arbitrium præcesserit de re restituenda, ei que arbitrio parè reus reculauerit. Cum tamen in actionibus strictis, & pœnalibus quæ rectè dantur ad pœnam nihil profit reo ad pœnam evitandam quòd rem restituere sit paratus Nec enim quisquam ex pœnitentia nocens esse desinit *l. qui ea mente 65. D. de furt.* Nimirum in cæteris actionibus quæ ex delicto nascuntur, obligatur reus ex ipso delicto. Quod vbi semel admissum est, fieri nequit vt admissum non sit. At in actione Quod metus causa quæ datur etiam contra innocentem, ac proinde nullomodo obligatum, nascitur tota condemnationis causa ex sola possessoris contumacia, nec tam delictum illati metus & violentiæ causam condemnationi præbet, quàm condicio illa est sine qua non posset perueniri ad condemnationem. Si enim metus illatus non esset, actio hæc Quod metus causa locum habere numquam posset. Porro nulla possessoris contumacia esse potest si arbitrium iudicis De re restituenda nullum intercedat. Idque apparet euidentius in actione Rerum amotarum, Quæ licet in eo differt ab actione Quod metus causa, quòd nascitur ex furto & delicto *l. si mulier 21. §. penultim. & ultim. D. rer. amot. l. si rerum 52. D. de re indicat.* in eo tamen similis est quòd rei persecutionem perinde continet non pœnæ *dist. §. penultim.* & ob id arbitraria quoque est. Continet enim arbitrium iudicis, De reddendis rebus amotis, & si non reddantur, condemnanda est mulier quæ res amouit quanti vir in litem iurauerit *l. si cum dos 8. §. 1. & l. sequent. D. rer. amot.* Non quia deliquerit & furtum fecerit, sed quia noluerit reddere. Nec aliud est in actione De dolo quæ & ipsa arbitraria est, & in eo tamen dissimilis actioni Quod metus causa, quòd non aduersus alium datur, quàm cum ipsum qui dolum commisit *l. sed & ex dolo 15. §. ultim. & l. sequent. D. de dolo.* Neque tamen nascitur semper ex delicto, cum dolum non tam proprium & speciale aliquod delictum sit, quàm delictorum omnium veluti fons & origo, Et idcirco neq; ad pœnam vllam datur, sed tantum ad rei persecutionem arbitrio iudicis

l. arbitrio 18. D. eod. neque semper noxalis est sed interdum de peculio *l. si quis adfirmavit 9. aliis l. si uoleam §. hanc de dolo actio D. de dolo.* Igitur in his omnib. actionibus si is qui vel dolum, vel vim, vel furtum à seruo tuo passus est contra te velit agere velut ipsius serui tui nomine, noxale iudicium erit *d. l. quod diximus 16. §. 1. quod met. caus. l. si quis adfirmavit 9. §. hanc de dolo actio l. ult. D. de noxal. act. l. si mulier 21. §. at si in dotem D. rer. amot.* Sed an in quadruplū, an in simplū? Est enim aliquando actio etiam noxalis quadrupli aliquando simpli ut si seruus tuus vi bona mea rapuerit, eoque nomine agam contra te vi bonorum raptorum *l. pen. Cod. de noxal. action.* ubi pro simplici lego simpli in illis verbis *simpli noxali iudicio conuenire potes*, ut noxale iudicium simpli opponatur noxali iudicio quadrupli de quo sunt præcedentia. Datur enim actio Vi bonorum raptorum in quadruplum intra annum utilem, Post annum uero in simplū. In quo uidetur illa similis actioni Quod metus causa quæ perinde datur in quadruplum intra annum utilem, in simplū uero post annum *d. l. item si cum 14. §. 1.* Sed cum hæc tamen differentia, quod in quadruplum competit omnimodo actio Vi bonorum raptorum intra annum, Actio uero Quod metus causa, non aliter quam si res non restituatur *§. item actio Inst. de action.* Sicut & post annum non semper competit actio Quod metus causa sed tantum causa cognita, *dist. §. 1. in fin.* id est ut sequens §. explicat, ita demum si alia actio nulla sit, Cum tamen actio Vi bonorum raptorum post annum detur omnimodo in simplū *l. 1. D. vi bonor. rapt. l. 2. §. 4. & 5. Cod. eod. & initio tit. Inst. eod.* Nempe quoniam actio Vi bonorum raptorum est stricta & præcisa. Actio autem Quod metus causa est arbitraria. Idcirco; magis esse puto ut in proposita questione cum seruus tuus te aliquam à me per vim extorsit dari debeat mihi contra te iudicium noxale non Quod metus causa nec in quadruplum sed in simplū, id est ad indemnitatem, ut quanti damnum est quod mihi datum fuit, & quanti mea interest, condemneris, aut noxæ dedere. Cur enim daretur in quadruplum ab initio, cum ex ipsa actione Quod metus causa, non debeatur quadruplum statim & ab initio, sed ex eo tantum tempore quo noluit reus restituere? *dist. l. item si cum §. in hac actione.* Atqui necesse est ut iudicium noxale detur ad aliquid, quod sit extra noxæ deditioem. Iudicium siquidem solius noxæ deditioem nullum est, ut ait Vlpianus in *d. l. miles 6. §. 1. De re iudic.* Ergo cum neque ad solam noxæ deditioem, neque ad quadruplum dari possit necesse est ut ab initio detur ad id quod interest actoris, neque possit actio illa crescere ex postfacto, quomodo cresceret si tandem daretur in quadruplum. Numquam enim crescit ex postfacto præteriti delicti æstimationio, ut est in regula iuris *l. omnis hereditas 138. §. 1. De regul. iur.* Omnes autem actiones noxales ut iam diximus, ex delicto & maleficio nascuntur. Ergo ad eam litis æstimationem dandæ sunt quæ ex ipso instanti delicto fuerit debita, & consequenter non ad quadruplum ob rem per metum extortam, cum ex eiusmodi delicto nec liber homo debeat in quadruplum condemnari. Quam ob causam sic loquitur Vlpianus in *dist. l. quod diximus §. 1. ut videatur* opponere noxalem actionem quæ si serui metum adhibuerint, competit ipsorum nomine aduersus dominum, Actioni Quod metus causa quæ conueniri potest dominus proprio nomine si ad eum res per seruos vi extorta peruenierit. Ut significet eo solo casu posse dominum condemnari in quadruplum, si suo nomine, non etiam si noxali iudicio conueniatur. Ex quo concludendum est Actionem Quod metus causa ex qua non potest alia sequi cōdemnatio quàm in quadruplum, numquam esse noxalem; Nec id alia de causa quàm

quia

quæ semper sit arbitraria. Aded verum est quod contra omnes & veterum & recentiorum opiniones defendimus, Neque noxales vllas esse arbitrarías, neque arbitrarías posse vllò casu esse noxales. Planè si dominus eam rem possideat, quam seruus per vim extorsit, perinde quidem iudicio noxali tenebitur si id eligere actor malit, sed præterea conueniri etiam proprio nomine poterit, & propria actione Quod metus causa per quam consequetur actor vel rem ipsam si reus arbitrio parere voluerit, vel quadruplum *dict. l. quod diximus §. 1.* vbi quod addit Vlpianus, Hanc actionem Quod metus causa durare contra dominum si ad eum res peruenerit, tametsi iudicio noxali iam conuentus fuerit, seruūque noxæ dedere maluerit. Probat apertissimè, Noxalem igitur actionem illam prius institutam, non esse actionem Quod metus causa sed aliam planè diuersam. Alioqui proculdubio per noxale iudicium consumpta fuisset cùm sententia in noxali iudicio reddita pariat exceptionem rei iudicatæ in iudicio puro, quia tota res in prius iudicium deducta & finita est, inquit Paulus in *L. 4. §. vltim. D. de noxal. action.* At quoniam iudicium noxale institutum propter vim à seruo illatam differt toto genere ab actione Quod metus causa, Placet vnā actionem per aliam non consumi, nisi hæcenus vt si dominus per actionem Quod metus causa suo nomine conuentus vel rem præstiterit, vel quadruplum, prodesse ea res debeat seruo, ne quandocumque liber factus possit ex delicto suo conueniri, vt bene Accursius explicat. Improbis enim esset qui ex eadem causa bis idem consequi vellet *l. si quis dolo §. in fin. D. de re iudic.* Igitur si queramus An ob vim à seruo adhibitam in re extorquenda condemnari dominus possit in quadruplum, adhibenda distinctio est An iudicio noxali conueniatur serui sui nomine, An suo proprio per actionem Quod metus causa, Vt priore casu numquam condemnetur in quadruplum nec si seruum noxæ dedere recuset, sed tantum in simplum: Posteriore verò vel arbitrio parere debeat & rem restituere, Vel quadrupli condemnationem omnino pati, nec possit se liberare seruum dedendo pro noxæ cùm suo nomine & actione pura non noxali iudicio conueniatur. Sed si quis pergat querere, An actione Quod metus causa conueniri semper possit, an noxali iudicio. Respondebo, Noxalem quidem actionem omnimodo competere quæ ex delicto serui datur, quia semper verum est seruum deliquisse. Sed quod pertinet ad actionem Quod metus causa, distinctionem aliam adhibendam esse, Vtrum res quam seruus per vim extorsit ad dominum peruenerit, necne, Vt si peruenerit, actione illa conueniri possit, & quidem quod est prorsus consequens suo nomine, si non peruenerit, non possit, solumque iudicium noxale superfit quod contra dominum serui nomine proponere debeat is qui vim passus est.

ERROR OCTAVVS.

De actione rerum amotarum an sit arbitraria.



NE nos fortassis nemo dixit quod nos in præcedentibus iam attigimus, Actionem rerum amotarum esse arbitriariam. Et ne id quisquam dicere potuerit, in causa meo iudicio illud fuit quod scri-

ptum legimus in *l. verum 26. D. il. tit. Rerum amot.* actionem rerum amotarum conditionem esse. Constat enim conditiones omnes strictas esse & stricti iuris, nullas arbitarias: Eamque potissimum ob causam cum in superioribus Decadibus tam de conditionibus cæteris, quam de actione Rerum amotarum tractaremus circa questionem illam, Vtrum conditio furtiua, itemque Rerum amotarum detur in solidum contra heredem. Monuimus actionem rerum amotarum conditionem non esse, sicque addita negatione legendum in *dist. 26.* Et inde petendam rationem differentie illius quæ est inter conditionem furtiua & actionem Rerum amotarum, ut conditio furtiua detur in solidum contra heredem, licet nihil ad eum ex re furtiua peruenerit *in conditione 9. D. de cond. furt.* Actio autem rerum amotarum non detur, nisi in quantum ad eum ex rebus amotis peruenerit *ultim. Cod. rer. amotar.* Nempe quia furtiua conditio cum stricta sit sicut cæteræ conditiones omnes strictam quoque & præcisam habet condemnationem, ad quam rectè decurritur nullo arbitrio interueniente. At actio rerum amotarum cum sit arbitraria, non aliter parere condemnationem potest quam si præcedat arbitrium de rebus amotis restituendis ab eo qui amouit. Cui arbitrio si postea parere nolit is contra quem agitur, condemnari ipse debeat quanti sua interesse actor in litem iurauerit *l. si cum dos 8. §. 1. & seq. D. eodem.* Atqui arbitrariis actionibus omnibus commune illud est, ut arbitrium quod in eis interuenire necesse est æquitatem maximam habeat. Nihil enim aliud arbitrari iudex potest, quam quem admodum ex bono & æquo actori satisfieri oporteat *§. præterea. Inst. de action. l. quod si Ephef. 4. §. 1. D. de eo quod cert. loc.* Nemo autem dixerit æquum esse, ut heres mulieris quæ res amouit, iubeatur ob delictum defunctæ cuius non sit ipse conscius plus reddere, quam ad eum peruenerit, & id restituere quod non habeat, ut in *l. mulier 22. §. sed enim D. ad Sc. Trebellian.* Ita enim fieret ut perinde teneretur, acsi delictum ipse commisisset, quod euidenter iniquum esset. Hactenus enim ex defuncti delicto heredem teneri æquum est, ut turpe lucrum ei auferatur, non etiam ut delicti pœnam aliquam sentiat. Ut in actione Quod metus causa quod perinde arbitraria est tractat Vlpianus in *l. quod diximus 16. §. ultim. D. quod met. caus.* In quo licet idem ius esse videatur aliarum quoque actionum, quæ non sunt arbitrarie, quia semper lucra turpia heredibus extorquenda sunt licet crimina extinguantur *l. in heredem 5. in princip. D. de calumniat. l. unie. C. ex delict. defunct. l. si quis 38. De reg. iur.* excipiende tamen sunt conditiones, quarum nomen ipsum demonstrat esse illas æstimandas non tam ex eo quod si penes reum qui conuenitur, quam ex eo quod actor amisit. Atqui verum est solidum amisisse illum cui fortum factum est. Postquam igitur placuit heredem quoque furis perinde ac furem teneri conditione furtiua quamuis non sit ipse fur ideoque nec furti actione teneatur *l. 2. l. ex furtiua 5. D. de cond. furt.* Prorsus consequens est ut non minus contra furis heredem, quam contra furem ipsum conditio furtiua in solidum detur. Cumque actio rerum amotarum non sit conditio, tamen si contineat rei persecutionem *l. si mulier 21. §. hæc actio D. rer. amot.* nihil certè causæ est cur in solidum dari debeat contra heredem, & supra quam ad eum peruenerit. Nec quod scemur eam esse rei persecutoriam facere debet ut conditio videri debeat aut conditionis iure censeretur. Non enim sicuti conditiones omnes rei persecutionem continent, & ipsa quoque conditio furtiua *l. si pro fure 7. §. 1. & seq. D. de cond. furt.* ita è contrario dicendum est omnes actiones quæ rei persecutionem continent

continet esse conditiones, Alioqui tam ex quæ bonæ fidei sunt, quàm quæ stricti iuris illo nomine continerentur, cum omnes comparatæ sint ad rem persequendam ut vel ex ipsa actionis definitione apparet *l. nihil aliud est 51. D. de obligat. & actio.* Nimirum quædam sunt quæ rei persecutionem ex bona fide continent, quas bonæ fidei appellamus, alias quæ arbitrio iudicis, ut de actione in factum quæ datur ob alienationem iudicij mutandi causâ factam, scribit Vlpian. *in litem si 4. ad l. non solum §. ult. D. de alien. iudic. mut. caus. fact.* & de actione Quod metus causa *in litem si cum 14. §. in causa autem cognitione in fin. D. quod met. caus.* Arbitrium igitur quod in actione rerum amotarum intervenire necesse est, & ex quo pendet actio ipsa tanquam arbitraria, in eo torum versatur, ut iudex in huiusmodi actione datus, iubeat res amotas reddi ei cui amotæ sunt. Nam si reddantur atque ita satisfiat arbitrio nihil nisi absolutio sequi potest: Sin arbitrio non pareatur, condemnatio sequetur quanti actor in litem iuraverit *d. l. si cum dos §. 1.* Scilicet si rerum amotarum actio iure dominij deferatur, ut circa furti actionem loquitur Papinianus *in l. si vendidero 80. §. 1. D. de furt.* Nam cum per actionem Rerum amotarum possit quis eas quoque res persequi quarum dominus non fuit, puta quas pignori acceperat *l. si concubina 17. §. ult. D. rer. amot.* aut bona fide à non domino eimerat *l. si rem 20. eod.* non puto earum rerum nomine in litem iurari posse, sed condemnari debere personam quæ convenitur in id duntaxat quod a gentis reuera interest, ut evenit in hypothecaria, in actione De dolo, in Pauliana, inq; aliis pluribus arbitrariis *l. si inter 21. §. ult. D. de pignor. l. arbitrio 18. in princip. D. de dolo.* Nam neque aliam deferendi in huiusmodi actione iurisiurandi rationem adfert Paulus *in l. non enim 9. D. rer. amot.* quàm quod æquum non sit inuitum quem suo precio res suas vendere. Quæ ratio perpetua est, quoties iusiurandum deferretur, & qua cessante iusiurandum deferri numquam debet *l. tutor 8. D. de in lit. iur. l. eum rei 46. cum seq. l. nec quasi 70. D. de rei vindic. l. si filiofamilias 25. §. maritum D. solut. matr.* Quomodo etiam intelligo quod scriptum est *in l. eum furti 9. D. de in lit. iur.* in furti actione iurari in litem, Sicque iurari oportere, tanti re fuisse cum furtum factum est. Eo videlicet casu quo furti actio iure dominij deferatur, non etiam si ob id quod ex alia causâ inter sit. Quamquam eo quoque casu, quo furti actio deferretur iure dominij, mirum sanè videtur in ea iurari in litē, cum per eam non res ipsa petatur sed pœna tantum legitima: Sed habet hoc ius illā rationem quod in actione illa furti duplatur vel quadruplatur verum rei precium *in furti 30. D. de furt.* Verum autem precium rei furtivæ non ab alio constitui oportet quàm à domino cui furtum factum est *d. l. tutor. & d. l. eum rei.* Odiò præsertim furis propter quod alia permutata recepta legimus contra vulgares regulas iuris *§. sic itaq; Inst. de act.* Nam illud certè constat, in actionibus strictis, qualis est actio furti non solere in litem iurari. Extra casum *in actionibus §. §. planè & l. seq. D. de in lit. iur.* id est, Nisi cum aliter non potest iudex rem æstimare quæ non extat & quæ tamen æstimanda est ex præsentis tempore quo extare iam desit. Ad quam exceptionem utique aptari non potest, quod de furti actione traditum est *in d. l. cum furti*, quoniam in furti actione non iuratur tanti rem esse eo tempore quo iuratur, sed tanti rem fuisse cum furtum factum est, ut ea lex ait. Inspecto igitur tempore præterito, ex quo æstimari rem nihil prohibet, etiam quæ non extat, ut evenit in actione legis Aquiliæ & in conditione furtiva *l. 2. §. quasi in D. de prius. delict.* Quæ de causâ sciendum est nullum fuisse rationem propter quam permitti debuisset iurari in litem in actione furti, nisi furis odium ius illud à iurispruden-

ria propemodum invita extorsisset, Ideoque nec sic loquitur Vlpianus in *dist. l. in furti*, vt dicat quadruplari iustum precium, sed verum, quod aliud est. Iustum enim precium vix esse potest, quod ex actoris iureiurando constituitur *dist. l. nec quasi*. Verum tamen esse potest, cum nemo alius verum constituere melius possit, quam dominus *dist. l. tutor. & dist. l. non enim & dist. l. eius rei*. Quenadmodum & in *dist. g. plane*, verum precium est quod iureiurando agentis taxatur, licet rei peremptæ precium iustum esse nullum possit. Conditionis furtivæ alia ratio est. In ea namque sicuti non iuratur in litem siue res furtiva extet tempore condemnationis, siue perierit, & extare desierit post litem contestatam, quoniam utroque casu condemnandus est fur, vel heres eius quanti plurimi res vnquam fuit à tempore litis contestatæ in diem vsque condemnationis, *dist. g. quasitum l. in re furtiva d. D. de cond. furti*. Ita iurari necesse est si res perierit ante litem contestatam. Non addo *post moram* quia fur à die furti admissi moram semper facere intelligitur *dist. l. in re furtiva in fi. nec proinde necessaria est hæc adiectio quæ ponitur in dist. g. plane*. Sed dico, si res ante litem contestatam perierit. Quandoquidem eo casu debetur præsens æstimatio, quæ est tempore contestationis & quæ tamen sciri sine iureiurando actoris nullomodo potest, non magis quam si alia qualibet stricta actione ageretur. Neque odium furis facere potuit vt extra hunc casum in litem iuraretur in conditione furtiva, quia iam satis superque visum est hætenus domino indulgeri odio furis, vt contra furem detur conditio ad eam ipsam rem persequendam, cuius vindicatio contra eundem competi, solusque ille cui furtum factum est habeat conditionem rei suæ quæ alij cuilibet domino denegatur *l. l. De cond. furti l. vltim. in fin. D. usufruct. quem. causet. dist. g. sic utaque insti. de action.* utque ex hac causa locus sit æstimationi. Quanti plurimi, cui extra hunc casum, & actionem legis Aquilæ locus nullus esse vnquam potest: vt non obscure innuit *l. C. in dist. l. 2. g. quasitum De primat. delict.* & nos alibi probauimus. Ex quo magis intelligimus quam verum sit quod initio diximus. Actionem rerum amotarum non esse conditionem, Cum in actione Rerum amotarum si res amotæ non reddantur æstimari debeant quanti in litem vir iurauerit *dist. l. si cum dos g. 1.* Si qua enim esset conditio in qua permittendum esset iurari in litem contra reum, qui nollet rem reddere, ea maxime esset conditio furtiva, quæ non potest alia vlla esse favorabilior ex parte actoris, nec odiosior ex parte illius qui convenitur, maxime si fur ille sit. Et rursus cum ex nullo contractu aut iudicio stricti iuris in litem iuretur extra casum *dist. l. in actionibus g. g. plane De in lit. iur.* intelligimus actionem rerum amotarum in qua iurari ait Vlpianus si dominij iure deferatur, strictam non esse *dist. l. alias 6. codicis*. & consequenter cum multò minus bonæ fidei dici possit, arbitrariam omnino eam esse. Nam in arbitriis similiter vt in bonæ fidei iudiciis licet non in omnibus, in litem iuratur, *dist. l. in actionibus*. Quoties scilicet rem suam actor petit *dist. l. non enim, & l. si filiusfamilias 25. g. maritum D. solut. matrim.* Neque pugnat quod Tryphoninus scribit in *l. pen. De cond. furti*. Rerum amotarum æstimationem ad tempus quo amotæ sunt referri debere, sed si pluris factæ non restituantur, crescere æstimationem vt in conditione furtivæ rei. Sensus enim est Actionem quidem rerum amotarum similem esse actioni furti in eo quod quemadmodum in illa, ita in hac referenda est æstimatio ad tempus quo furtum factum est: Eoque pertinet quod rationis loco subiungit ibidem Tryphoninus *nam veritate furtum fit, et si lenius coartatum mulier*. Sed in eo

tamen

tamen dissimilem, quod non sicut in actione furti, ita & in actione Rerum amotarum iuratur in litem tanti rem fuisse *dict. l. cum furti*. Nempe quia in actione furti duplandum est, vel quadruplandum precium illud verum quod fuit precisè eo tempore quo furtum factum est *dict. l. in furti 50. D. de furt.* At in actione rerum amotarum non item precisè inspicienda est ea æstimatio, quæ fuit eo tempore quo res amotæ sunt, sed crescit æstimatio si à tempore litis contestatæ in tempus usque condemnationis res illæ pluris fiant, quemadmodum evenit in furtivæ rei conditione, In qua diximus spectari quanti plurimi res furtivæ unquam fuerint dum ne egrediatur æstimatio retrorsum iudicij accipiendi tempus. Cæterum non ea Tryphonini sententia est, ut in cæteris omnibus actio rerum amotarum similis sit conditioni furtivæ, In eo præsertim ut in neutra iuretur in litem. Nam quemadmodum sunt dissimiles in eo, quòd in conditione furtivæ omnimodo fur condemnatur & furis heres quanti plurimi unquam res fuerit à die litis contestatæ usque ad sententiam. Quia ex quo tempore contestata lis est ex stricta actione iam cœpit deberi pecunia, nec liberum est reo etiam rei ipsam præstando quæ petebatur evitare condemnationem, finisque dandi fuit quando iudicium acciperetur, ut in *l. si Titius 9. De verborum obligat. iuv. l. si Calendis 11. D. de re iudic. l. 2. D. de usur.* In actione autem rerum amotarum non aliter æstimanda lis est, quàm si post litem contestatam arbitrio reddito De amotis rebus restituendis non pareator fidem enim est quod Tryphoninus ait *sed si pluris facta non restituantur*] In eo quoque dissimiles illas esse fatendum est, quòd cum in conditione furtivæ numquam in litem iuretur extra eum casum quo res furtivæ perierit ante litem contestatam, In actione tamen Rerum amotarum iuratur, non quidem, ut in actione furti, ad æstimandam rem quanti fuerit eo tempore quo furtum factum est, sed ad æstimandam cum ipsis rebus amotis contumaciam eius qui arbitrio parere, ac res amotas restituere noluit si amotæ res vel propriæ mariti fuerunt vel etiam dotales, quarum scilicet non minus quam propriarum vindicationem habere maritus potest *l. ob res amotas 24. eodem tit. l. dote 9. Cod. de revindic.* Contumacia enim mulieris nolentis res quas amovit restituere arbitratu iudicis, digna est quæ per in litem iusiurandum actoris non minus æstimetur quàm ipsæ res amotæ *l. 1. & dict. l. tutor 8. De in lit. iur.* Sed hoc ut diximus, ita demùm si ea actio iure dominij deferatur, quomodo semper conditio furtivæ deferatur *dict. l. 1. De cond. furti*. Nam si ab uno ex coniugibus aliæ res amotæ sint, quàm quæ alterius coniugis propriæ fuerunt, alia litis æstimatio facienda est, quàm per iusiurandum in litem, Cuius scilicet ratio cessat quoties ea res petitur quæ non est in dominio actoris, ut constat ex *dict. l. non enim dict. l. si filiusfamilias 25. §. 1. & dict. l. tutor*. Æstimabuntur ergo eo casu res amotæ, ut in furtivæ conditione, quanti plurimi ex fuerint à tempore litis contestatæ usque ad condemnationem: Sed ita tamen ut possit æstimatio egredi retrorsum iudicij accipiendi tempus si pluris fuerint res amotæ tempore amotionis, Quod tamen in conditione furtivæ numquam similiter potest contingere. Merito igitur iudicium Rerum amotarum singulare appellatur à Paulo in *la ver. amot.* quia propriam quandam & specialem naturam habet, aliis iudiciis furti & conditionis furtivæ, & vindicationis similem in multis, sed tamen in multis quonque dissimilem. Similis est actioni furti in eo, quòd nascitur ex delicto, & quòd æstimatio refertur ad id tempus quo res amotæ sunt, quemadmodum actio furti ad illud tempus quo furtum fa-

Etum fuit. Sed dissimilis in eo quod non est famosa, & rei non pœnæ perfectu-
 tionem continet, Rursus similis est condictioni furtiæ in eo quod non pœ-
 nam sed rem persequitur, & in viraque crescit æstimatio litis si post litem con-
 testatam crescat æstimatio rerum amotarum: Et condemnatur reus quanti plu-
 rimi fuerint res amotæ à die litis contestatæ si non propriæ actoris fuerint, aut
 si fuerint quidem, sed maluit actor consequi æstimationem Quanti plurimi
 quàm iurate. Mos enim ei gerendus est *l. quod si possessor 71. D. de rei vindic.* At
 dissimilis est in eo quod condictio non est, nec stricti iuris sed arbitraria, & in-
 illa egreditur æstimatio reirorsum iudicij accipiendi tempus si pluris fuerint res
 amotæ tempore amotionis. Item quod in ea hæc æstimatur, & crescit æstimatio,
 non omnimodo, sed ut in cæteris omnibus arbitrariis ita demum si arbitrio
 iudicis non pareatur, neque res amotæ restituantur. Cum tamen in condicio-
 ne furtiva omnimodo hæc æstimetur ut in cæteris iudiciis strictis, Alioqui au-
 ctæ rei furtivæ æstimatione post litem contestatam, numquam condemnaretur
 reus ad æstimationem Quanti plurimi, qui semper mallet rem minoris factam
 reddere, quàm maiorem illam æstimationem præstare. Sed & ea litis æsti-
 matio fit in actione rerum amotarum per iusiurandum in litem eo scilicet casu
 quo eius res sunt cui amotæ fuerunt, siue res extent condemnationis tempore,
 siue post litem quoque contestatam extare desierint, At in furtiva conditio-
 ne numquam, nisi cum res furtiva perierit ante litem contestatam: quo casu
 nihil tractari potest de æstimatione quanti plurimi, quæ scilicet in actione il-
 la numquam egreditur rettorum litis contestatæ tempus. Unde etiam fit ut
 rerum furtivarum quæ per conditionem furtivam peruntur æstimatio num-
 quam referatur ad tempus furti, nec si pluris fuerint res furtivæ eo tempore
 quomodo refertur ad id tempus in hoc casu æstimatio rerum amotarum. Item
 quod condictio furtiva datur soli domino, Actio rerum amotarum etiam non
 domino. Condictio furtiva cum alia condictione, numquam concurrit, non
 magis quàm vindicatio. At rerum amotarum actio concurrit *d. l. ob res amotas
 cum sequent.* Condictio furtiva datur in solidum, contra heredem *l. in condi-
 ctione 9. D. de cond. furt.* Rerum amotarum actio quoniam est arbitraria non
 nisi in id quod pervenit *l. ultim Cod. ver. amot.* Denique similis est vindicatio-
 ni in eo quod viraque ad rem persequendam datur, Viraque est arbitraria, &
 viraque iuratur in litem, & æstimatur lis eo tantum casu quo reus arbitrio pa-
 tere noluerit: At dissimilis tamen in eo quod ex delicto nascitur, licet ad rei
 non ad pœnæ persecutionem detur. Item quod non semper domino datur, sed
 ei quoque qui amotarum rerum dominus non fuit, dummodo eius intersit ex
 iusta & honesta causa. Postremo quod concurrit non tantum cum vindicatio-
 ne sed etiam cum condictione, alia tamen quàm furtiva *d. l. ob res amotas*, quod
 nulli alij convenit actioni. Habet igitur multa singularia actio Rerum amota-
 rum quæ omnia ex eo nascuntur, quod quamvis ea persona quæ coniugis res
 amovet furtum reuera faciat, ideoque res amotæ tanquam furtivæ vfucapi non
 possint *dist. l. pen.* tamen in honorem matrimonij neque famosa actio ut
 furti, neque turpis ut condictio furtiva ex eo furto dari
 potest contra eam personam quæ vxor
 fuit *l. 2. eod. tit.*

ERROR

ERROR NONVS.

De actione hypothecaria. Ad l. si fundus §. in vindicatione D. de pignor.

IN actione hypothecaria quam interpretes omnes fatentur esse arbitratiam ex Iustiniano in §. praterea Instit. de action. apertiora sunt omnia quæ in superioribus tractauimus, circa directam & civilem rei vindicationem, quam proinde arbitratiam similiter esse qui negant, nescio quam diuersitatis rationem adferre aut comminisci possint. Scriptum est ex Marciano in l. si fundus 16. §. in vindicatione D. de pignor. In vindicatione pignoris queri an rem de qua actum est possideat is, cum quo actum est. Nam si non possideat nec dolo fecerit quominus possideat, absolui eum debere. Si verò possideat, & aut pecuniam soluat, aut rem restituat, & quæ absoluendum esse. Si verò neutrum horum faciat, condemnatio, inquit, sequetur. Sed si velit restituere nec possit fortè quòd res abest, & longè est, vel in prouinciis, solet cautionibus res explicari. Nam si caueret se restitutum, absoluitur. Sin verò dolo quidem desit possidere, summa autem ope nifus non possit rem ipsam restituere, tanti condemnabitur, quantus actor in litrem iurauerit, sicut in cæteris in rem actionibus. Nam si tanti condemnatus esset quantum deberetur quid proderat in rem actio? Cum & in persona agendo idem consequeretur? Hæc enim totius §. verba sunt, quæ licet Tribonianus magis, quàm Marciano adscribenda esse iam pridem docuerim, habent tamen multa iuris rationis consentanea. Alia verò quædam aliena non minus à Tribonianæ ipsa, quàm à vetere Iurisprudentiâ, ut facilius sit in eo Triboniani manum quàm scientiam aut prudentiam agnoscere. Illud primùm verum est in pignoris vindicatione, id est in hypothecaria queri an rem de qua agitur possideat is qui conuenitur necne. Cum enim sit actio in rem non minùs, quàm vindicatio dominiij l. pignoris 17. D. de pignor. l. pignoris 15. C. cod. certum est perinde nasci eam ex præsentì possessione l. non aliter 24. §. sed si possidatur D. de iudic. & consequenter contra quemcunque possessionem dari posse, contra alium verò quàm possessorem, numquam l. eum notissimè 7. C. de prescript. 30. vel 40. annor. Sed tamen attendendum est patèr in aptè hoc expressum esse à Triboniano illis verbis an rem de qua actum est possideat is cum quo actum est, pro eo quod scribere debuerat in tempore præsentì an rem de qua agitur possideat is cum quo agitur. Vel enim tunc de eo querendum est cum agitur, vel antequàm agatur, non autem cum iam actum est l. in q. i. destinavit 24. l. qui petitio 36. D. de rei vind. ideòq; interrogatio plerunq; necessitaria est l. qui seruus 20. §. pen. & ult. D. de interres. in iur. sac. Quamuis etiam is qui tempore litis cõd testatè non possidebat, si postea cœperit possidere nõ eo minùs condemnandus sit l. si autè 27. §. 1. D. de rei vind. l. quasi 30. in princ. D. de pecul. Illud ergo etiã verum est, Si reus nec possideat, nec dolo fecerit quominus possideret, absolui eum debere. Quod ita intelligendū est licet actor probet eum fundū de quo agitur sibi esse obligatū. Etsi enim non aliter obtinere potest quàm si hoc probeat, sicut neq; is qui agit directā dominiij vindicatione quàm si probet rē suā esse l. officiu 9. l. & ex diuerso 35. §. 1. D. de rei vind. Nō tamen statim atque hoc probauit obtinere debet, nisi etiam probet possessorem esse illum, qui conuenitur. Quamquam difficile videtur dicere, quomodo possit iudiciū accipi vindicationis contra eum qui non possidet cum in eo iudicio ut in cæteris omnibus in rem actionibus non tam persona quàm res conueniatur, quomodo loquitur Papinianus in leg. denique 19. De iure ffc. nec persona interueniat nisi ut res

defendat, Quod vix est vt eueniat, quin reus vel possessor sit, vel saltem mentiat^{ur} se possessorem: quo casu nemo dubitat quin pro possessore damnandus sit, tanquam qui se vltro liti offerat, cum negare posset se possidere, scilicet si actor ignorauit, aut contra alium acturus fuit, nisi se reus quasi possessor liti obtulisset *l. i. qui se obtulit 25. cum duobus sequentib. & l. vltim. D. de rei vindic.* Sed tamen accidit aliquando, vt actor conueniat vltro eum quem putat possidere qui tamen reuera non possideat, nec dissimulet se non possidere, quia plerique negant se possidere vt effugiant iudicium actionis in rem, cum tamen reuera possideat, Qui sicuti cum arguuntur de mendacio haecenus puniendi sunt vt possessio quam habuerunt, & habere se nihilominus negauerunt, transferatur in actorem, velut in poenam mendacij, *dist. l. vltim. D. de rei vindicat.* ita sunt absoluedi si non arguantur de mendacio, nec probentur possidere. Duo igitur probare actor debet vt obtineat in hypothecaria, Et rem obligatam esse, & eam possideri à teo qui conuenitur, Aut quod effectus idem est, se liti obtulisse illum vel dolo malo cum sciret se non possidere, idque vt deciperet actorem, vel citra dolum malum cum putaret se possidere, ignorante tamen actore, vt in *l. si à te 9. §. 1. D. de except. rei iudic. iunct. dist. l. i. qui se obtulit D. de rei vindicat.* Dolus enim pro possessione est non minus cum quis se mentitus est possessorem, quam si dolo desisset possidere. Nec tantum dolus, sed etiam quod magis est factum eius qui se vltro liti obtulit quasi possessor etiam per imprudentiam, si modò actor eo facto fuerit deceptus *dist. l. i. qui.* Quod si reus possideat, non tamen omnimodo condemnandus est, sed adhuc absoluedus duobus casibus. Vnus est si soluat debitam quantitatem pro qua pignus obligatum est, Alter est si rem obligatam restituat. Sic enim Marcianus supradicto loco. Quod tamen vereor, ne Tribonianus quoque inscitiam sapiat. Nam cum actio hypothecaria sit arbitraria, neque sui natura competere possit aduersus possessorem pignoris ad hoc vt soluat, praesertim cum non sit ille obligatus, necesse est solutionem illam fieri ex sola arbitrij quod in huiusmodi actionibus interuenire debet, potestate. Quasi iudex in hac datus actione arbitrari debeat, vt possessor aut soluat, aut rem obligatam restituat. Atqui non potest hoc dici, quoniam aequitas arbitrij non patitur, vt qui nihil debet iubeatur soluere, Nec magis sub illa alternatione aut restituere quam praecise nulla restitutionis addita mentione. Nam neque debitorem ipsum vrget vnquam Praetor aut iudex ad solutionem antequàm condemnatus sit, nisi in edicto De iureiurando, quod in hac verba conceptum est, *Eum à quo iusiurandum petetur, aut soluere, aut iurare cogam l. iusiurandum & ad pecunias 34. §. ait Praetor D. de iureiur. l. delata 9. Cod. de rebus credit. & iureiur.* Idque speciali quadam ratione, vt qui ad iurandum praecise cogi non potest, etiamsi nec velit soluere, cogatur saltem ad soluendum si neque iurare velit, neque iusiurandum referre. Et si enim solutio facti est *l. consilio 7. §. vltim. D. de curat. furios. l. 1. Cod. de probat.* Dici autem solet neminem cogi praecise ad factum quodd vix fieri id queat citra vim & impressionem *l. si quis ab alio 13. in fin. D. de re iudic.* Potest tamen quis facilius ad solutionem cogi captis pignoribus, per quorum venditionem solutio ipsa extorqueatur, quomodo tandem extorqueri solet in executione iudicati *l. à Dino Pio 15. §. in venditione & pass. eodem tit.* Quod non similiter aut arripollenter fieri potest si quis reum adigere velit ad iurandum. Et sine praeposito est vt soluere quis iubeatur etiam per arbitrium antequàm sit condemna-

eus, cum iudiciorum omnium non initium aut medium, sed finis & exitus ille
 sit ut solui pecuniam oporteat, ob idque pecuniam semper in condemnationem
 deduci *l. 4. §. ait Prator eodem titul.* Quid? An non in rei potestate est,
 & esse debet, ut soluat si id malit, ad evitandam condemnationem? Nam &
 illud est quod veteres dicere solebant si Triboniano credimus *in §. ultim. In-*
stitut. de perpet. et tempor. action. Iudicia omnia esse absolutoria quod absoluti
 semper reus debeat si ante rem iudicatam soluerit, aut aliter satisfecerit actō-
 ri, quamvis tempore litis contestatae accepti que iudicij in ea causa fuerit ut
 damnari deberet. Fateor posse debitorem solvere id quod debet, neque co-
 gendum esse pati, & expectare condemnationem, adeoque nec accipere iu-
 dicialium si in ipsa contestatione & apud Prætorem solvere paratus sit *l. ex iudi-*
caturum 16. D. indic. solui. Sed dico, Solui eo casu iudicium quomodo & aliis
 plerisque casibus soluitur *l. iudicium soluitur 58. D. de iudic.* potius quam ab-
 solui reum. Qua enim absolutione indiget ille qui iam satisfecit actori habet-
 que ab eo iam fortassis apocham? Quis nescit solutione tolli obligationem
 omnem & consequenter actionem quæ ex obligatione nascebatur? Atqui si-
 ne actione non magis sequi potest absolutio, quam condemnatio. Quid enim
 aliud est absolui, quam ab actione proposita liberari? Ergo ubi actio nulla est,
 nec absolutio sequi vlla potest: Et cum absolutionem necessariam esse dici-
 mus, actionem tenere significamus. Absolutio namque ex iure illius qui ab-
 soluitur æstimanda est, non autem ex non iure actoris: Ideoque si nullo iure
 actor agat, non absolvendus est reus, sed actor summouendus. Quod res-
 piciens Paulus in *l. Paulus respondit 12. §. 1. D. quibus mod. pign. vel hypoth. soluit.*
 eleganter ait, Eos qui pignoris iure rem persequuntur, à rei vindicatione re-
 moueri solere, si qualiscunque possessor offerre velit: Et rationem adfert quia
 non debeat quæri de iure possessoris, cum ius petitoris remoueatut soluto pi-
 gnore. Quibus verbis an non significat apertissime, nullam hoc casu vel ne-
 cessariam vel vtilem esse absolutionem? Adde, quod per solutionem illam fa-
 ctam à tertio possessore qui conuenitur hypothecaria, liberatur quidem pi-
 gnus, sed non liberatur debitor. Pignus ipsum liberatur & inhibetur hypothe-
 caria, quia suas condiciones habet hæc actio, si pecunia soluta, vel aliter eo no-
 mine satisfactum non erit *l. si rem §. §. omnis pecunia D. de pign. act. l. §. ege 13. §. a-*
riam D. de pignor. Satisfactum autem est creditori quoties soluta ei fuit pecu-
 nia, licet ab alio quam à vero debitore. Quid enim aliud petere poterat, nisi so-
 lutionem? Et tamen non liberatur debitor, quia non ipsius nomine soluit
 possessor, sed ut pignus liberet *l. si quid possessor 31. D. de hered. petis. l. Papinianus*
28. D. mandat. Qua de causa perinde saluam habet ipso iure suam actionem cre-
 ditor contra debitorem ac si solutio nulla facta esset, quamvis doli mali excep-
 tione sit repellendus qui bis idem velit consequi *l. si quis §. §. ultim. D. quibus*
mod. pign. vel hypoth. soluit. iunct. l. si quis dolo §. in fin. D. de re iudic. Inde igitur
 fieri dico, ut iudicis arbitrium in actione hypothecaria numquam tale esse de-
 beat, ut tertius possessor iubeatur solvere id quod neque ipse debeat, neque
 pro debitore solutum liberationem vllam debitori possit acquirere. Ergo de-
 fendi ex vera iurisprudencia non potest quod legimus in *dist. §. in vindicatione*,
 Si is qui hypothecaria conuenitur rem possideat, esse illum æquè absoluendum
 si aut pecuniam soluat, aut rem ipsam restituat, quasi eiusdem arbitrij æquita-
 te & potestate alterutrum necessariò facere debeat ad consequendam absolu-
 tionem. Sequitur si verò neutrum horum faciat, condemnatio sequetur. Hoc verò

rectè. Nam quemadmodum condemnatio duobus casibus impediri potest, si aut actor summouendus sit, aut reus absoluendus, ita fieri nequit ut non sequatur ex competenti actione, si neque actorem summoueri oporteat, neque reum absolui æquum sit: soluat ergo reus ut actorem summoueat *dict. l. Paulus §. 1. aut.* reum restituat arbitratu iudicis, ut absoluitur. Alioqui condemnatio necessarid sequetur. Sed quænam condemnatio? An illa quam putant Doctores & pragmatici duce Bartolo, Ut possessor rem restituat, eaque iure pignoris à creditore retineatur? Minime verò. Nam neque in hypothecaria, neque in directa domini vindicatione condemnatio vnquam fit ad restitutionem quæ facti est, ut toties monuimus. Sed lis æstimanda est, & facienda condemnatio in pecuniam. Et quidem longè aliter aduersus ipsum debitorem, Aliter verò aduersus quemuis possessorem. Nam aduersus possessorem non plures quàm quantum debet, quia non pluris interest. Aduersus ceteros verò possessores etiam pluris, & quod amplius debito consecutus fuerit creditor restituere debet debitoti pignoratitia actione, ut idem Vlpianus explicat in *l. si inter 21. §. vltim. eod. tit.* Subiicitur in *dict. §. vindicatione sed si velit restituere nec possit, forte quod res abest & longè est, vel in provinciis* [vide quælo elegantiam Triboniani sic loquentis pro eo quod scribere debuit, forte quod res longè absit velut in provincia, nec enim vna & eadem res eodem tempore in pluribus provinciis esse potest.] *solet cautionibus res explicari: nam si caueret se restituendum absoluitur.* Hoc quoque rectè. Nisi quod pro caueret Vlpianus scripsisset potius cauerit. Ideo autem absoluitur hoc casu reus quia licet rem ipsam non restituerit arbitratu iudicis, nihil tamen est quod ei possit imputari. Idemque ob eandem causam seruatur in directa rei vindicatione *l. si à bona fidei 21. l. a quo §. in fin. D. de rei vindicat.* & in actione Quod metus causa *Item si cum 14. §. quatenus D. quod met. caus.* Itemque in omnibus aliis arbitrariis ex quibus arbitratu iudicis restitui rem oportet. Superest membrum postremum distinctionis Tribonianæ conceptum in hæc verba *sin verò dolo quidem deficiit possidere, summa autem ope nifus non possit rem ipsam restituere, tanti condemnabitur quanti actor in litem iurauerit.* Nam si vera est hæc sententia quid attinebat addere verba illa *summa autem ope nifus* cum non possit grauior condemnatio irrogari ei qui dolo malo defuit possidere, nec si nullam restituendæ rei voluntatem præferret, quàm ut condemnetur quanti actor in litem iurauerit: quæ grauissima pœna est eius qui vel restituere iussus, arbitrio iudicis parere noluit, vel dolo malo defuit possidere ob hoc ipsum ut arbitrio parendi viam sibi præcluderet *l. qui restituere 68. D. de rei vindicat. l. vltim. D. de fideiuss.* Aut quid prodesse debet ei qui dolo malo defuit possidere rem obligatam, ne illam restituere iuberetur, quod summa ope nifus sit eam recuperare, ut posset restituere, cum dolus malus ipsius pro possessione sit ex vulgari iuris regula, Sibi que debeat imputare, qui se dolo suo malo in eas coniecit angustias ut rem hodie restituere, licet maximè velit, tamen non possit. Frustrâ igitur adeoque ineptè addita sunt à Triboniano verba illa *summa autem ope nifus non possit rem ipsam restituere.* Sed quod subiicitur condemnari hoc casu debere possessorem quanti actor in litem iurauerit, multò ineptius est, & ad ineptiam manumque Triboniani detegendam accommodatius, Ut non solum ex iis apparet quæ scripsimus *lib. 16. Coniect. cap. 15.* vbi probauimus, Numquam in hypothecaria iurari in litem & explicauimus sigillatim verba *dict. §. in vindicatione*, minùs tamen accuratè quàm à nobis hoc loco factum sit, Sed constabit etiam manifestius ex illis quæ sequenti capite scribemus.

ERROR DECIMVS.

De differentiis actionis hypothecaria & vindicationis domini circa condemnationem & litem estimationem.

DV o præcipue sunt in *dist. 8. in vindicatione l. si fundus 16. D. de pignor.* quæ nunquam potui concoquere. Primum illud quod vult in actione hypothecaria iurari in litem. Contra quam ab eodem Vlpiano scriptum sit in *l. si inter 21. §. ultim. cod. tit. & aduersus meram veritatemque rationem iuris*, De quo quia fusillimè scripsimus *lib. 16. Connect. cap. 15.* plura hic non dicemus. Alterum est quod meliorem facit condicionem possessoris qui cum rem obligatam præsentem habeat, eiusque restituendæ facultatem, recusat tamen parere arbitrio iudicis, Quàm eius qui ne iuberi posset aut cogi restituere, dolo malo desit possidere. Nam hunc si neque pecuniam soluat, neque rem restituat, lex simpliciter ait condemnandum esse, illis verbis *condemnatio sequetur* nulla iurandi in litem facta mentione. Illum verò qui non possit restituere etiam si maximè velit, ob id solum quod antea dolo malo desierit possidere, condemnandum esse quanti actor in litem iurauerit. Et tamen nemo non videt, cum iurandi in litem deferendi, præcipua ratio proficiatur ex contumacia eius qui arbitrio parere, & rem restituere nolit *l. 1. §. 1. iur. 8. D. de in lit. iur. l. ultim. D. de fideiuss.* longè maiorem esse contumaciam illius, qui cum rem præsentem habeat, eiusque restituendæ paratam facultatem, non vult tamè restituere, quàm illius qui licet dolo malo desierit possidere, ob idque pro adhuc possessore habendus sit, restituere tamen hodie non potest etiam si maximè velit, dolumque suum poenitentia purgare. Qualis ille est de quo in *dist. 8. in vindicatione*, Quem textus ponit summa ope nulum esse ut restitueret, nec restituere tamen amplius posse. Fateor non debere hunc melioris esse condicionis ob id quod nequeat re obligatam restituere, cum per eum factum sit ne possit. Sed quis ferat esse durioris ob præteritum dolum, quàm si præsens dolus esset? An nõ grauiorem poenā esse iustum est præsentis contumaciæ quàm præteritæ? Et idè videas aliquando prudentes nostros monere Præteritum dolum venire in actionem, in quam venire dolum præsentem adeò certum esse, ut nulla in eam res opus esset admonitione. Ut de hereditatis petitione scribit Vlp. in *l. sed et si 25. §. quod ait Senatus D. de hered. pet.* Nec sanè video quid ad hanc obiectionem responderi possit: Nisi illud fortasse quod respexit Tribonianus ad ius nouum ab eodè Triboniano inductum in *l. qui restituere 68. D. de rei vindic.* vbi sub eiusdem Vlpiani nomine generaliter constituit nõ solum in actionibus in rem omnibus in quarum numero est hypothecaria sed etiã in cæteris arbitrariis adeoque in omnibus interdictis ex quibus arbitratu iudicis restitutionem fieri oportet, si is qui restituere iussus est iudici non pareat, manu militari auferendâ esse possessionem & transferendam in actorem; Ut proinde nulla sit necessitas iurandi hoc casu in litè sed tantum cum reus dolo malo desit possidere, quod eo casu autoritas manus militaris adhiberi & implorari nulla possit. Sed ne interpretatio hæc capi queat, illud facit quod si actione hypothecariam vindicationem civilis hac parte æquiparamus, cõsequens erit dicere nulli in hypothecaria cõdenatione sequi debere cõtra rem, quãvis nec soluere velit, nec re obligatam restituere. Aperte enim scriptum

est in *dist. l. qui restituere*. Cùm is qui restituere iussus est iudici non parer, fructuum duntaxat nomine condemnationem fieri oportere, nempe quòd ratione ipsius rei quæ petitur, nullus condemnationi faciendæ locus relinquatur, quandoquidem eius rei possessio manu militari auferretur possessori, & transferretur in petito rem: quod cùm sit, nihil iam superest quod adiudicandum sit actori si excipias fructus, in quos non cadit nouum illud & à Triboniano excogitatum manus militaris remedium. Atqui disertè ait textus *dist. §. in vindicatione*, si reus hypothecaria conuentus neque soluat, neque restituat condemnationem sequi debere. Ac ne dubitare possis quin de ipsa re obligata id intelligendum sit, non de fructibus, subiungitur statim in *dist. §. interdum*, Interdum de fructibus quoque arbitrari iudicem debere, vt ex quo lis instituta sit, ex eo tempore etiam in fructus condemnet. Quid enim si minoris sit prædium, inquit, quàm debeat? Nam de antecedentibus fructibus nihil pronunciare potest, nisi extens, & res non sufficit. Hæc enim illius §. verba sunt, nò minùs quidem insulsa quàm præcedentia, ideòque nec minùs Triboniano adscribenda vt mox docebitur, sed quæ tamen probant euidentissimè id quod scriptum est in præcedentibus de condemnatione irroganda possessori, non ad fructuum, sed ad ipsius rei obligatæ de qua principaliter agitur in hypothecaria restitutionem omnino pertinere. In quo tantò magis Tribonianum manum cognosco & instantiam, qui vt mendaces solent, immemor eius sententiæ quam sub Vlpiani nomine generalem proposuerat in *dist. l. qui restituere*. aliud proculdubio iuris constituit in hypothecaria, quàm quod voverat generaliter constitutum in omnibus arbitrariis, Maximè verò in actionibus in rem, quarum tamen similitudine & comparatione sola mouetur vt in hac quoque actione contra omnes iuris regulas iurari velit in litem. Itaque dissentit Tribonianus non tantùm à veteri iurisprudencia, quod minùs esset mirandum, sed etiam à seipso: Ab illa quidem in eo, quòd non vult fieri condemnationem in id quod interest actoris, secundum tamen eam distinctionem quæ ponitur in *d. l. si inter 21. §. 1. eod. tit.* Sed vult iurari in litem, Nec id tamen eo casu quo possessor pignoris facultatem præsentem habeat restituendi statim, nec velit quamuis iussus restituere. At eo duntaxat casu quo is dolo malo deserit rem obligatam possidere, quod est ridiculum, vt probauimus: A seipso autem in eo, quòd possessore non restituente rem obligatam cuius restituendæ potestatem haberet si vellet, non in auxilium aduocat manum militarem per quam cogat eum parere arbitrio iudicis vt in *d. l. qui restituere*, sed vult sequi condemnationem, cui tamen quæcunque tandem illa sit locus nullus relinqueretur si manus militaris admitti posset: Siue condemnationem eam velis intelligere, quæ simpliciter fiat in id quod interest, siue illam quæ fiat per iusiurandum in litem. Neutri enim locum esse quoties manus militaris admouenda est intelligimus ex *d. l. qui restituere* vbi cùm tres ponantur species, Prima quando reus arbitrio parere potest nec vult, Secunda cùm dolo malo desinendo possidere fecit ne arbitrio etià parere posset, Tertia cùm nihil dolo malo fecit, nec tamen restituendi facultatem habet. In secunda quidem vult condemnari reum quanti actor in litem sine vlla taxatione & in infinitum iurauerit, In tertia verò quanti ille reuera interesse sua aliter quàm per iusiurandum probauerit. Sed in prima negat vllam condemnationem irrogandam esse reo nisi pro fructibus. Satis enim actori esse debere quòd manu militari auferretur possessio reo & in actorem ipsum transferatur. Parum itaque laborare debemus in ratione inuestiganda eius sententiæ quam Triboniano imprudenti

prudēti neque ad id quod agebat satis attendenti excidisse videmus cōtra quā-
 & à prudentibus responsum esset, & ab ipso constitutum. Maximè verò cum ra-
 tiones quas adfert in sequentibus adeò futiles, pueriles, & ineptæ sint, ut nihil
 aliud ex iis inferre possis, nisi id egisse Tribonianum ut cum ratione insanire ac
 desipere quodammodo videretur. Quænam enim obsecro illa ratio est, propter
 quam iurari in litem debeat in hypothecaria, quòd in cæteris quoque in rem ac-
 tionibus in litem iuretur? Quasi verò hypothecaria nihil distet à cæteris in
 rem actionibus ob id quòd ipsa quoque in rem sit: Nihilque intersit an iure
 domini quis agat in rem an iure pignoratitij creditoris. Quod si ita est, Non er-
 go maior fiet iniuria ei qui re sua carere, càmque propter aduersarij contuma-
 ciam inuitus vendere cogitur, quàm creditori nihil nisi debitam sibi pecuniam
 prætendenti. Quænam rursus illa ratio est quæ sequitur illis verbis *nam sitan-
 ti condemnatus esset quantum deberetur quod proderat in rem actio, cum & in per-
 sonam agendo idem consequeretur.* An verò inutilis erit hypothecaria nec vl-
 lum habebit commodum & effectum supra personalem actionem, si non in ea
 iuretur in litem? An fortè dicendum erit perinde competere personalem atque
 hypothecariam aduersus tertium possessorem? Quòd si non competit, quomodo
 non competere illam certum est, An non magnus hypothecariæ effectus in
 eo est, quod per hypothecariam cogitur possessor, qui nihil debet, id ipsum sol-
 uere quod ab alio debetur? Nec tantum id quod debetur, sed longè amplius, si
 pluris res sit quàm debeatur, *dist. l. si inter §. 1.* Sed & cum aduersus debitorem
 ipsum hypothecaria exercetur, licet non pluris æstimanda lis sit, quàm quan-
 tum debetur *dist. §. 1.* nemo tamen negauerit hypothecariam adhuc vtiliorem
 esse quàm actionem personalem, quatenus dici solet, & verum est plus cautio-
 nis esse in rem quàm in personam, *vulg. l. plus canonis 25. De regul. iur.* Quam-
 quam dubitationem hac parte non parua illud facere videtur, quòd post litem
 in actione hypothecaria æstimatam, quæ æstimatio numquam nisi pecuniaria
 esse potest, non maior creditoris utilitas esse videatur, quàm si de hypotheca
 nihil pronuntiatum esset, cum iudicati exequendi ad habendam pecuniam ra-
 tio alia nulla sit, quàm ut pignora capiantur, & distrahantur: Quod peræquè fie-
 ret etiam si nulla conuentionalis hypotheca contracta proponeretur *leg. à D. no
 Pio 15. §. in venditione & pass. l. de vioribus 31. De re iudic.* Eoque pertinere vide-
 tur quæstio proposita in *d. l. si fundus §. creditor.* Quemadmodum possit creditor
 habere hypothecam sibi adiudicatam per sententiam. Nam dominium eius vti-
 que vindicare non potest. Quid ergo aliud facere creditor possit, nisi ut agat hy-
 pothecaria iterum & si à possessore obiciatur exceptio rei iudicatæ, replicet il-
 le *si secundum me iudicatum non est.* Atque ita concluditur in *dist. §. creditor.* Sed
 parum subtiliter nisi me fallo. Ita enim dabitur progressus in infinitum si post-
 quàm creditor egit hypothecaria & obtinuit, rursus eandem actionem propo-
 nere cogatur. Eadem enim quæstio recurret, vbi rursus obtinuerit. Nec enim
 secunda victoria plus eiuris tribuet quàm prima si persistet possessor in sua cō-
 tamacia, nec velit aut soluere aut rem restituere. Sempérque eò decurrendum
 erit ut & condemnationem in pecunia fieri, & ad explicandam pecuniam pi-
 gnora capi distrahique oporteat, Nisi dicas iterum agendum hypothecariæ: quo
 admissio eueniet haud dubiè absurdum illud quod prædixi ut progressus detur
 in infinitum, quo absurdus nihil dici aut in philosophia, aut in iurisprudencia
 potest. Melius igitur est dicere sic prospiciendum esse creditori, qui obtinuit in
 hypothecaria, id est cui obligatam rem esse pronuntiatum est & cui cōdenatus

possessor fuit præstare litis æstimationē, nō vt hypothecā vindicet siue dominij siue pignoris iure quorū neutrum facere potest. Sed vt in executione iudicati illa ipsa hypotheca distrahatur, nec alia pignora, vt aliàs fieri solet, capiātur vt distrahātur. Quid enim opus est pignus iudiciale cōstituere ad exequendā sententiā, cū habemus cōuentionale? Nā & cōuentionale semper commodius est, cū de pignoribus quæ in iudicati executione capiūtur, plerūque occurrāt variz quæstiones & cōtrouersiz aut de proprietate, aut de iure anterioris alicuius pignoris, propter quas dimitti oporteat pignus quod captum est, & aliud capi quod sit absq; cōtrouersia *d.l. à Diuo Pio §. si rerum & seq. D. de re iudic.* quod in pignore cōuentionali de quo iā cognitum & pronūciatū est, euenire nō similiter potest. Nō dico quod iam adiudicatum sit quomodo hypothecā adiudicatā ponit Tribonianus in *d. §. creditor*. Inauditus enim est apud prudentes nostros si locū hunc excipias vt de pignorib; vel hypothecæ adiudicatione loquātur, sed tantū de adiudicatione vt in *d.l. à Diuo Pio §. si pignora & §. si post additum & seq. l. ultim. C. si in caus. iudic. pign. capt. sit. l. i. C. de iur. domin. imper.* Aut de dominij impetratione vt in *d. l. i. & ult. eod.* Nec ad hūc tractatū pertinet adiudicationis nomē, sed tantū ad actiones finium regūdorū familiæ erciscūdz, & Cōmuni diuidūdo in quibus mutuas adiudicationes fieri plerumq; necesse est, & ex iis adiudicationibus dominij transferri ex autoritate legis duodecim tabularū, quæ hoc ipsum induxit, vt adiudicatio propter has causas esset vnus ex modis sex acquirēdi dominij iure Quiritiū *§. ult. Inst. de offic. iudic.* & apud Vlp. in *fragment. Tit. 19. De acquis. rer.* Vt proinde fatēdū sit, Si quo casu adiudicatio hypothecæ facta esset, futurū vt vindicari ea posset cū vindicatio competat ei qui dominus est iure Quiritiū & ciuili *l. in rem. 23. D. de rei vind.* Cōtrā quā tamen scriptū sit in *d. §. creditor*, vbi manū Triboniani agnoscere tantū facilius est, qui per magnā insciam dixit adiudicatam esse hypothecam pro eo quod dicere debuit, Pronūciatū fuisse pro creditore Rē de qua quæritur esse illi obligatā, quæ iuris hypothecæ declaratio tantūm, nō etiā rei obligatæ adiudicatio est. Quod ab interpretibus nostris obseruatū nō esse miror, quibus sollenne est dicere, Per sententiā acquiri dominij, Si quo enim casu acquiri posset, maximē acquireretur per eā sententiā quæ rei cōtrouersiz adiudicationem cōtineret, Et tamen negat id apertē Tribonianus cū ait creditore nō posse vindicare dominij hypothecæ, etiam quæ fuerit ei adiudicata. Nec apertior vllus iuris locus cōtrā interpretū errorē adduci posset, si esset ille Vlpiani nō Triboniani. Sufficit autē nobis quod Iustinianus scribit in *d. §. ult. Inst. de offic. iudic.* Speciale esse in tribus illis iudiciis Finiū regūdorū, Familiæ erciscūdz & Cōmuni diuidūdo vt quod in illis alicui adiudicatū fuerit, id statim eius fiat cui adiudicatū est, vt intelligamus in cæteris iudiciis aliud esse. Nam nec in vindicatione dominij res adiudicatur, vt satis imperitē plerique purāt, sed declaratur esse petitoris *l. & ex diuerso 35. §. 1. D. de rei vindic. l. Pomponius 40. §. sed & is qui D. de proenat.* Cæterum ex illo ipso §. creditor apparet euidentissimē nullū in actione hypothecaria manui militari locū esse posse, Si quis enim esse posset, nihil attineret quærere, quomodo hypothecam sibi adiudicatā habere posset creditor. Haberet nāq; facillimē, adhibita sc. manu militari. Nec rursus remedij loco dicēdū esset dādā iterū creditori hypothecariā cū replicatione aduersus exceptionē rei iudicatæ. Esset enim multū expeditius transferri in eū possessionē manu militari vt possessor ipse factus pignoris distrahēdi eius facultatē haberet, si diutius incūbere pignori nollet. Ex quo intelligimus quānā differentiz sint hodie & iā olim fuerint inter vindicationem

tionem dominij siue ciuilem & directam, siue Prætoriam, id est Publicianam, & hypothecariam. In vtraque dominij vindicatione olim iurabatur in litem, & lis æstimabatur quanti actor in litem iurasset siue restituendæ rei facultatem actor haberet post arbitriū, siue dolo malo desisset habere. At in hypothecaria nullo casu iurabatur in litem quāuis perinde & in rem actio esset, & arbitraria, sed lis æstimabatur quanti creditoris interesset. Quæ res faciebat vt aliter æstimanda esset contra debitorem ipsum, aliter verò contra tertium possessorē, quod vno casu pluris intersit creditoris quàm altero. Sed hodie in rei vindicatione siue directa siue vtili non iuratur in litem si possessor restituendæ rei facultatē habeat, quia manu militari transfertur possessio in victorem. Iuratur tamen si possessor dolo malo desierit possidere ne posset restituere *d. l. qui restituere*. In hypothecaria aut nec manus militaris adhibetur, nec per iusiurandum lis æstimatur nisi eo solo casu quo possessor dolo malo desierit possidere *d. §. in vindicatione q. d. §. creditor*. Sed & differunt in fructibus. Nam in rei vindicatione veniūt fructus qui post litem contestatam percepti sunt, vsque adeo vt etiam si per errorē pronunciatum sit actoris rem esse quæ erat aliena, debeat iudex eodē errore de fructibus quoque reum condemnare *d. l. l. & ex diuerso §. 1.* In hypothecaria vero veniunt fructus, nisi certis casibus de quibus *in d. l. si fundus §. interdum*. Qui tamen locus Tribonianus quoque est vt ex sequentibus apparebit.



ANTONII FABRI

I. C. SEBVSIANI IN SVPTIMO

SABAVDIÆ SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DECAS XCIII.

ERROR I.

De fructibus in hypothecaria actione adiudicandis.



PERTINET hic tractatus ad ea quæ proximo superioris Decadis capite scripsimus De actione hypothecaria & de condemnatione quam in ea facere iudex debet etiā circa fructus, aliter quàm faciendā sit in directa rei vindicatione. In illa enim vsq; adeo debet iudex victū reū in fructibus cōdemnare, vt quāuis per errorem pronunciauerit petitoris esse fundum qui reuera sit alienus, eodem tamen errore de fructibus quoque ipsum condemnare debeat. Quo enim iure fructus retinere possit is qui de proprietate victus est vt ex Marciano Paul^o disputat *in l. q. ex diuerso 35. §. 1. D. de rei vindic.* Itē quod magis mirū est, vt

quamuis nulla possit de re ipsa fieri condemnatio, scilicet eo casu quo possessor arbitrio iudicis restituere iussus, si parâre noluerit, coactus sit manu militari facere restitutionem. Fructuum tamen nomine condemnatione sequi oporteat, ut scriptum est in *l. qui restituere 63. eod. tit.* At in actione hypothecaria, regulare est, ut nihil omnino de fructibus pronunciari debeat, ut ex eo apparet quod ait *l. si fundus 16. §. inter dum D. de pignor.* Interdû de fructibus quoque arbitrari debere iudicem in actione hypothecaria ut ex quo lis inchoata est ex eo tempore etiam fructibus condemnet. Quod enim fieri interdû dicimus, regulariter contra fieri solere significamus. Nec sanè difficile est ratione reddere cur fructuum condemnatio nulla fiat in actione hypothecaria, ne quidem eorû qui percepti sunt post litem contestatam. Etenim quod dici solet ac verissimum est, Ex litis contestatione perpetuò induci malam fidem, ut proinde fructus omnes percepti post litis contestationem, nò nisi mala fide percepti dici possint *l. sed et si 25. §. si autem D. de hered. pet.* id tamè alienum est à tractatu actionis hypothecariæ, quæ cum non alij cõpetat quàm creditori pignoratitio, qui semper scit rē alienā se possidere *l. pignori 13. D. de usucap.* distinctionem hanc bonæ fidei & malæ fidei possessoris nò admittit. Siquidè bonæ fidei possessor nò alius est, quàm qui rē alienam detinet non tantum bona fide, sed etiam opinione domini, quique idcirco salte quod ad fructus atinet, penè loco domini esse intelligatur *l. bona fidei 48. D. de acq. rer. domin.* cum bona fides tantundè possidèti præstet quantum veritas ubi lex nò est impedimẽto *l. bona fides 135. de reg. iur.* Malæ autè fidei possessor ille est nò quisquis scit rē esse alienam, licet hoc quoq; requiratur, sed is maxime qui nullā se iustā habere scit causam possidendi *l. & generaliter 28. D. de noxal. act.* Atqui creditor qui pignus accepit, neque putat se esse dominum, cum sciat rē esse alienā *d. l. pignori*, neque possidet animo domini cum id facere non possit quin possessionem debitoris intervertat, quod ipsum citra furtû fieri non potest, *l. si pignora 54. §. seq. D. de furt.* Vnde est quod possidet ad ceteras quidè omnes causas sed nò quod ad usucapionè *l. servi nomine 16. D. de usucap.* Et tamè malæ fidei possessor non est cum possessio ipsius sit iusta, non minus quàm quæ est precaria *l. quacûque 13. §. 1. D. de Public. in rē act.* Imò tâto iustior quod qui precario possidet nò tâ possessor est quàm in possessione *l. certè 6. §. 1. qui rogavit D. de prec. l. si quis ante 10. §. 1. D. de acq. poss.* Nec pergit precaria possessio usque ad iudicij vigore, ut loquitur Vlp. in *l. cõmuni 7. §. inter prædones D. cõmun. diuis.* Creditor aut qui pignus habet cõuentionale verè possidet præterquam ad causam usucapionis, ut dictû est ex *d. l. servi*, ideòq; habet omnia interdicta, Maxime verò interdictû Vei possidetis, quod nò habet ceteri creditores qui in possessione tantum sunt custodix causa *l. officij 9. D. de rei vind. l. 3. §. vlt. D. vti possid.* Cum igitur superueniēs litis cõtestatio nò possit malæ fidei possessorẽ facere creditore, qui bonæ fidei possessor nūquā fuit, quid refert querere de fructib. aut distinguere an percepti sint ante litẽ cõtestatā, an post? Sed & superuacua est questio illa, Vtrû creditori agẽti hypothecaria restituẽdi sint fructus percepti à possessore fundi obligati, Cum etsi à creditore ipso percepti essent, imputari tamè ei deberet in sortẽ ad eius diminutionẽ *l. 1. l. 2. & pass. C. de pign. act.* Inde nãq; fit ut nihil interesse creditoris videatur an veniãt fructus in cõlensationẽ, necne, nisi hætenus quatenus eius interest ut pecuniæ sibi debitæ solutionẽ consequatur. Qui sensus planè alienus est à questione nostra quæ est de fructib. nò in solutû, sed accessionis vice præstādis & qui lucro debeat cedere victoris nò in solutionis causam proficere. Itaq; cum fructus etiā post litem cõtestatam percepti non veniant

veniant in hypothecariam, ratio vt dixi in obscuro posita non est. Sed difficilius illud est intelligere, quam rationem habeat, quod *in d. §. interdictum*, scriptum est, De fructib. quoque interdum arbitrari iudicem debere in hypothecaria, ex quo lis inchoata & contestata est. Et quisi illi casus sit, idē textus explicat cū subiicit, *Quid. n. si minoris sit pradium, quam debetur?* Quib. verbis significat, Eo solo casu quo pradium obligatum sit minoris estimationis, quam sit ea quantitas quę debetur, officium iudicis in actione hypothecaria tale esse debere, vt cōdēnet possessorē etiā in fructus. Quasi hoc casu cesset ratio illa, quę alioqui facere debeat, vt nulla in eo actionis genere fructuum ratio habeatur. Nam cū hypothecaria, siue contra debitorem ipsum, siue contra tertium pignoris possessorē exerceatur, nō ad aliud detur, quā ad id quod interest creditoris, si res arbitrio iudicis nō restituitur, quāvis vno casu pluri aestimetur lis, quā altero *l. si inter 21. §. ult. cod. tit. De pig. latendum* sanē est nihil interesse creditoris, vt fructus in restitutionē veniant quoties pradium pignori obligatum eius precij est, vt sufficere possit toti debito exsoluendo. Quid enim refert an ex precio ipsius pradij, an ex fructib. creditor suum consequatur? Cū etsi fructus ei adiudicati essent, non idē tamen fieret locupletior qui eosdem fructus in sortem sibi imputare cogeretur, vt diximus. At interest sanē cū plus est in debito, quā in rei obligatę estimatione, quia futurum sit, vt iacturā pro parte debiti sentiat, si quod pignoris precio deest ad totius debiti solutionem, ex fructibus non suppleatur, iis saltem qui percepti sint post litem contestatam, Vixque alia certē ratio supradictę exceptionis asserri meo iudicio potest. Videamus tamen ne nō sit satis bona & probabilis: nā tamen si ponas minus esse in precio pignoris quā in debito, an non potest consuli aliunde indemnitati actoris in executione iudicati, capitis, vt fieri solet pignoribus? Nisi forte ponas alia nulla esse bona, nisi illud ipsum pradium quod fuit obligatum. Quo tamen casu quid vetat ipsos etiam fructus post litem contestatam perceptos capi pignori si extant, quid prodest condemnare possessorem ad restitutionem fructuum, quos prę inopia restituere nunquam possit? Verum enim est quod iactari solet, Qui nihil habeat quod perdat aut soluat, eius periculo nihil esse *l. itaque 12. in princip. D. de furt.* Tum vero etiam si res eō recideret, vt debiti iacturam ex parte faceret creditor, ob id quodd pignoris estimatione impar esset quantitati debiti, An non imputare sibi deberet ille, quodd minoris estimationis pradium pignori accepisset? Cū enim pignorum usus non ad aliud comparatus sit, quā vt creditori cautum esse possit [alterutro enim modo cauendum est, aut pignoribus datis, aut fideiussoribus *l. si mandatu 59. §. vltim. D. mandat. l. 4. §. addici 8. D. de fideicom. libert.*] solenne est bene consultis creditoribus ea pignora accipere quę superent debiti quantitatem, Vt si fortassis vsurarium accessione debitum augeatur, eo quoque nomine factis cautum inueniatur. Quid ergo absurdi est, in damno aliquo morari creditorem ex ea causa, quodd minoris sit pignus, quā ea quantitas quę debetur? Aut quis ferat violari ob eam rem iuris regulas, & actionem hypothecariam, contra suam naturam extendi ad fructus, qui tamen ipsi minimē sunt obligati? Nemo siquidem dixerit fructus pignoris idē cēferi debere pignoratos, quodd ex re pignorata percepti sint, sicut neque pecunia quę redacta est ex rei pignoratę venditione pignorata intelligitur, neque res emptā ex pecunia pignorata *l. idē 7ue 7. §. vltim. D. qui potior in pignor. habend.* Quod enim fructus dicuntur percipi iure soli non iure seminis *l. qui scit 25. §. 1. de vsur.* efficit quidem vt fructus etiam quā a creditore percepti sunt ad debitorem tamen potius

quàm ad creditorem pertineant, at non etiam ut pignoris vinculo perinde teneri debeant, nisi de fructibus quoque, aut quod amplius est, etiam de futuris bonis pignori obligandis conuenerit, ut in *l. 1. §. cum pradium D. de pignor.* Quare nec ad creditorem pertinerent, nisi eos creditori acquireret ratio illa, quod à creditore percipiuntur ex debitoris eiusdemque dominij voluntate. Quomodo de fundi locati fructibus à conductore perceptis ratiocinatur Africanus in *l. si seruus 61. §. locatus D. de furt.* Et idcirco nimirum cogitur creditor eos quos percepit imputare in solum *dist. leg. 1. & 2. C. de pignor. alien.* quia scilicet eos suos facit, quos si non faceret, utique nec sibi ex iis soluere posset, cum rem quæ in solum accepta est, necesse sit facta esse accipientis. *l. si alieni 78. & seq. D. de solut.* Porro cum ad creditorem pertineant fructus qui ab eo percipiuntur, Qui verò à debitore, ita sint debitoris, ut nullum in iis habeat creditor ius pignoris, si non de iis quoque nominatim conuenerit. Apparet neutro casu posse fructus venire in hypothecariam, non eos, qui à creditore percepti sunt, quia pignus rei propriæ non consistit *l. neque pignus 45. De regul. iur. l. pen. §. 1. ad fin. D. de except. rei iudi.* Non illos etiam qui ab ipso debitore, quia non sine obligati, quamuis fuerint in dominio debitoris *dist. §. cum pradium.* Quo igitur iure venirent in hypothecariam? nisi fortè tanquam accessiones, & eo iure quo aliis plerisque iudiciis solent venire fructus qui percepti sunt post litem contestatam *l. 4. §. post litem D. fin. regund. l. videamus 38. §. si actionem D. de usur.* Sed quemadmodum ius illud non ad omnes in personam actiones pertinet, sed ad eas tantum quæ speciali nomine non dictiones appellantur, quibus repeto id quod aliquando meum fuit, ut in *d. §. si actionem*, & ad actionem finium regundorum, quia pro vindicatione est *dist. leg. 4. §. post litem iunct. l. 1. D. fin. regund.* Idque ratione illa, quod quale quid est, cum petitur tale dari debeat, ut Papinianus noster ratiocinatur in *l. 2. D. de usur.* Ita neque ad omnes in rem actiones accominari debet, sed ad eas tantum quibus petimus rem nostram qualis est directæ vindicationi, & Publicianæ, In quibus ideo veniunt fructus post litem contestatam percepti, quoniam actori omne id præstari æquum est, quod habuisset actor, si mora ei facta non fuisset, id est si possessor litis contestatæ tempore rem restituisset *l. præterea 20. D. de rei vindic.* At nulla eiusmodi æquitas in hypothecaria locum habet, quia etiam si creditori hypothecariam exercenti restitutum fuisset pignus tempore litis contestatæ, non eo tamen locupletior esset hodie creditor, qui fructus à se perceptos in solum imputare cogeretur, nisi quod tantò tutius integri debiti solutionem consequi posset, Verum ex alia parte tantò incommodius quod solutio per partes, magna ex parte creditoris, habere solet incommoda *l. 3. D. famul. ereisc.* Præter id quod proxima & immediata ratio, propter quam in rei vindicatione etiam directæ fructuum restitutio fit officio iudicis, non ex eo sumenda est, ne alioqui petitor in damno moretur, sed illa potius, ne lucro possessoris qui victus est, fructus cedant *d. l. ex diuerso §. 1.* In quo differunt fructus ab usuris, quæ nec propter lucrum petentium, nec ut lucrum aliquod improbo litigatori extorqueatur, sed propter moram non soluentium infliguntur *l. cum quidam 17. §. si pupillo D. de usur.* id est, ut hoc damnum sentiat pecunia debitor, qui fuit in mora. Atqui nullum possessoris pignorum lucrum est etiam si post litem contestatam fructus percepit, si eos ita consumpserit, ut ex eorum consumptione locupletior factus non sit. Quemadmodum è contrario nullum est damnum creditoris ob fructus à debitore perceptos, ex quibus debitor factus sit locupletior, cum ex ea causa futurum sit, ut tantò plus habeat

habeat debitor, ex quo in executione iudicati satisfacere possit. Nullo igitur casu dici potest interesse creditoris, ut in hypothecaria ad fructuum quoque restitutionem pignoris possessor, qui idem & debitor sit, condemnatur, id est siue soluendo ille sit, siue non. Quod si proponas non debitorem esse, sed extraneum possessorem cum qui convenitur, tantò maior ratio est, ut condemnari debeat de fructibus etiam post litem contestatam perceptis. Non illa solùm generaliori ratione, quam attulimus, quòd non sint ipsi obligati, nisi specialiter id actum sit *d. §. cum pradium*. sed etiam quia pertinet ad possessorem iure dominij, si ponas emisse illum, aut aliter acquisivisse à domino, cum neque pignoris obligatio translationem dominij impediat *l. si dominium §. l. distractus 4. & seq. C. de pignor.* neque litis contestatio malæ fidei possessorem facere possit cum qui plus quàm bonæ fidei possessor est, cum sit & dominus. Cur ergo dicamus condemnari eum debere ad fructus, etiam quos post litem contestatam perceperit? Aut quid refert possessoris an res obligata tanti sit, quantum est in debito, an minoris? cum neque debitor ipse sit, neque obligati sint fructus quos ipse perceperit? Sed etsi non esset ille dominus, at bonæ fidei tantum possessor, adhuc tamen eodem iure censeri deberet, quo dominus, non solùm quòd ad fructus retineret ante litem contestatam perceptos, quos utique suos facit interim sola perceptione. *d. l. bona fidei 48. De acquir. rer. dom.* absolute verò per consumptionem *d. §. post litem l. 4. §. l. ana D. de usucap. l. certum 22. C. de rei vindic. & dist. §. cum pradium*. Sed etiam quòd ad eos qui post litem contestatam percepti essent. Nec enim litis contestatio facta cum creditore inducit malam fidem, sed ea tantum quæ facta est à domino, siquidem mala fides non prius induci potest, quàm cœperit scire possessor rem ad se non pertinere *d. l. sed etsi 25. §. si ante & §. scire D. de hered. peti.* quòd per litis contestationem in actione hypothecaria facta contingere nūquā potest, nō magis quā ut res fiat litigiosa *l. l. iunct. Auth. litigiosa C. de litig.* Ex quib. intelligimus quā stulta sit ratio restituendorum fructuum in hypothecaria, quæ ponitur in *d. §. interdū* supradictis iis verbis, *Quid. n. si minoris sui pradii quā debetur*. Planè de antecedentibus fructibus, id est qui percepti sint ante litē contestatā nihil pronunciare iudicē posse constat, ut subicitur in *d. §. interdum*. Sed quæ mox sequitur exceptio *nisi extant & res non sufficit* æquè inepta & ridicula est. Quid enim iuris habet creditor aut quem iuris colorem pro fructibus antecedentibus, tametsi extant, neque res sufficiat? An fortassis eò magis obligati sunt, si de iis obligandis in ipsa pignoris conventionem nihil specialiter ac nominatim convenerit? Cùm in directā quoque rei vindicatione placeat etiam extantes fructus, non vi actionis venire in restitutionem, siue ante siue post litem contestatam percepti sint, sed tantum officio iudicis *dist. §. 1. Instituit. de officior. iudic.* Quamvis maior ratio sit, ut quia in re soli percipiuntur ad eius dominium pertineant, qui fundi dominus est, quàm ut qui ex re pignori obligata provenerunt, pignori quoque obligati intelligantur. Et sanè si tractes de fructibus obligatis, frustra est querere & distinguere an res ipsa obligata sufficiat necne, cum sint ipsi omnimodo obligati, & ius pignoris individuum sit *leg. quandiu 6. Codic. de distrahend. pignor. l. 2. Codic. de bus. vendit. pign. imped. non poss.* Si verò tractes de fructibus qui non sint obligati, de quibus solis tractari potest, cum nulla specialis eorum obligatio est, quid refert an extant necne, & an res obligata sufficiat, an non? Aut quis officio iudicis locus esse potest pro fructibus perceptis ante litem contestatam, Cùm nec ad eum pertineant futuri temporis tractatus, Inquit Papinianus, aut potius ad

Papinianum Paulus *in l. 1. §. 1. vers. Paulus notat. D. de usur.* Totum siquidem officium iudicis à tempore litis contestatae in tempus usque condemnationis concluditur *l. iudex posteaquam §. 5. D. de re iudic.* Certè cum fructus quoque obligati sunt, distinctio illa necessaria esse creditur, An extent, an verò consumpti sint, quia extantes quidem directa actione quasi Serviana peti possunt, Non solum si à domino eodémque debitore percepti sint, sed et si à bonæ fidei possessore, si nostris credimus, Consumpti verò ne quidem utili. Quæ Papiniani sententia esse videtur *in d. §. cum prædium.* Si modo non est is quoque locus corruptus, De quo dicemus sequenti capite. Itemq; de iis distinctionibus quas adfert Accursus. An fructus consumpti sint mala fide, an bona, & an ex opera & industria possessoris prouenerint necne. Iam enim tempus est vt concludamus, Totum hoc quod scriptum est *in d. §. interdum,* cum à vera rectaque iuris ratione abhorreat Tribonianus esse non Marcianus. Sicut & quod *in §. precedente,* & *in §. creditor,* de quo suprà diximus & *in §. si pleris,* de cuius etiam sententia nos ahi scripsimus.

ERROR SECVNDVS.

*De distinctione fructuum extantium & consumptorum in hypothecaria
Ad l. 1. §. cum prædium D. de pignor.*



QVI supponunt fructus venire in actionem hypothecariam saltè eos qui percepti sunt post litem contestatam, si minoris sit res obligata, quàm quantum est quod debetur. Adeoque illos qui ante contestationem si sortè extent, & res non sufficit *ex l. si fundus 16. §. interdum D. de pignor.* solèt distinguere post Accursium & Bartolum ad eum locum, An extent fructus, an verò consumpti sint, Et rursus de consumptis, an bona fide consumpti sint, an mala fide. Eiusque distinctionis authorem laudant, non modò Marcianum *in d. §. interdum,* sed etiam Papinianum *in l. 1. §. cum prædium D. de pign.* vbi tractat ille speciem elegantem de creditore qui prædium sui debitoris pignori acceperat, & nominatim vt eius prædij fructus quoque pignori essent, conuenerat. Tum vendito prædio emptori bonæ fidei qui ex eo sùdo fructus perceperat, & cõsùperat, idè creditor postulabat vt eos fructus emptor vtili Seruiana restituere cogeretur. Querebatur an iure ageret, & negat Papinianus vtilem Seruianam competere, Ratione illa quòd numquam fuerint in dominio debitoris, vt ex responsi sine apparet. Illa enim verba quæ rationis loco ponuntur *Pignoris etenim causam nec vscupatione perimi placuit, quoniam questio pignoris ab intentione domini separatur,* non decidendi rationem continens, sed dubitandi ex eo sumptam, quòd causa domini cū questione pignoris nulla societate coniungatur, adeò vt secuta vscupatio causam pignoris non perimat *l. vscupatio 7. C. eod. l. iusto errore 44. §. non mutat §. D. de vscup.* Inde nãq; sequi videbatur, vt non esset bona consecutio, si quis ex eo quòd fructus isti acquisiti fuerant bonæ fidei emptori inferre vellet, non esse igitur per vtilem hypothecariam & Seruianam vtilem restituendos. Sed rationem hanc dubitandi sic eludit Papinianus, vt doceat, multum interesse, an tractemus de persecutione pignoris rectè & vtiliter constituti, an de eo persequendo pignore, quod numquam fuerit rectè & vtiliter constitutum.

Priora

Priore casu verè dicitur causam pignoris vsucapione non perimi, quia pignus quod seniel bene constitutum est, tamdiu durat, quandiu verum est solutam nõ esse pecuniam quæ debetur, nec eo nomine aliter satisfactum *l. grege 13. §. etiam eod. tit. l. debitor 59. ad Treb. l. penult. §. 1. De except. res indic.* Atqui nemo dixerit ob id videri satisfactum creditori, quòd debitor rei suæ dominiũ per vsucapionem amiserit, quod non ad creditorem, sed ad vsucapientem peruenit. Posteriori autem casu nec locus quæstioni relinquitur, An vsucapione, aut quo alio modo pignus extinctum sit quod numquam incepit. Prius enim est vt initium quàm vt finem accipiat *l. si in diem 46. l. Titio vsusfructus 96. De condic. & demonstr. l. non potest videri 208. De regul. iur.* Porro certissimum est pignus non ab alio, quàm à vero domino constitui vtiliter posse *l. vlt. & tot. tit. C. si alien. res pignor. dat. sit.* & ad vilem pignoratitiam, id est hypothecariam, & quasi Seruianam inducendam illud saltem requiri, vt postea dominus esse cœperit debitor, qui ab initio constituti pignoris non fuit *l. cum res 5. eod. l. si Titio 22. D. de pign.* Atqui certum quoque illud est, fructus fundi pignorati, quos & ipsos nominatim pignori debitor dederit, numquam fuisse debitoris, id est neque ab initio, neque ex postfacto: Non ab initio, cum eo tempore constituti pignoris nondum essent in rerum natura. Quod enim nondum in rerum natura est, in nullo dominio esse potest. Vnde est, quod nec olim per vindicationem legari poterant fructus futuri, quòd eo genere legari non aliæ res dari possent, quàm quarum dominus iure Quiritium fuisset testator vtroque tempore, & testamenti, & mortis, præterquàm si pondere, vel numero vel mensura contineretur, vt Vlpianus & Caius in fragmentis scribunt in titulis De legatis. Quamuis per damnationem legari commodè possent, vt ibidem Caius ait, Quomodo haud dubiè accipiendum est quod generalius scriptum est ex Pomponio *in l. quod in rerum 24. in princip. de legat. 1.* Et ob eandem causam stipulatio fructuum, quamuis purè concepta nihilominus condicionem tacitam habere intelligitur, si fructus nascentur *l. interdum 73. De verb. oblig.* Rursum nemo dixerit fructus istos à bonæ fidei possessore perceptos fuisse factos debitoris à quo tẽpore percepti sunt, Cum non ab ipso debitore percepti sint, sed à bonæ fidei possessore, qui eos percipiendos suos statim secis, adeoque pleno iure *l. bona fidei 48. De acquir. rer. dom. l. in pecudum 28. D. de vsur.* prius etiam, quàm in horreo sint reconditi, In quo plus iuris habet bonæ fidei possessor, quàm fructuarius *l. si fructuarius messem 13. D. quib. mod. vsusfr. amitt.* Cum ergo fructus de quibus quærimus semper fuerint bonæ fidei possessoris, consequens est vt pignus quod in iis à debitore constitutum fuit, numquam valuerit. Ac proinde vt nulla pro iis Seruiana utilis possit competere, quamuis hypothecaria directæ quæ pro fundo ipso æquè pignorato ex die constituti pignoris nata est, etiam post completam fundi vsucapionem duret. Nam quemadmodum plus iuris habet debitor in fundo, cuius dominus est tempore constituti pignoris, ita plus habet quod amittat, ratione fundi, quem bonæ fidei emptor postea vsucepit, quàm ratione fructuum à bonæ fidei possessore perceptorum, in quibus nihil vnquã iuris debitor habuit. Ideoque cum non plus iuris habere possit in re obligata creditor pignoratitius, quàm is qui obligauit, fatendum est nullum posse illum habere ius pignoris in fructibus, qui debitoris numquam fuerunt, retinere tamen ius quod habuit in fundo etiam post vsucapionem, quia & ante vsucapionem habuit, & vsucapio dominium quidem rei vsuaptæ acquirit possessori, sed pignus quod ab initio benè contractum fuit, vt dixi, non exstinguit: Nec quod vulgò iactari solet, Re-

solutio iure datoris resolui ius acceptoris *ex l. lex uel ligali 31. eod. tit. de pignor. ad rem & quæstionem nostram pertinet*, in qua non resoluitur per vsucapionem ius debitoris, ita ut res vsucapta numquam eius fuisse videatur. Vsucapio siquidem acquirit dominium ex quo duntaxat die completa est, nec retrohincit dominum numquam fuisse eum cuius res vsucapta fuit, quem ex contrario dominum fuisse omnino necesse est, ut dominium amittere potueris, quod alius acquisiuit. Proinde sicuti post completam quoque vsucapionem verum est eum qui re pignori dedit fuisse dominum eo tempore quo dabat, ita & illud verum est, Manere igitur pignus quod ab initio fuit à vero domino constitutum. Fructuum alia ratio est qui cum à possessore ipso fuerint percepti, nec unquam in debitoris possessione ac potestate fuerint, nec in dominio eius unquam esse potuerunt. Nam quemadmodum dominia primum à naturali & corporali possessione ceperunt, ut ait *l. 1. D. de acquir. posses.* Sic ex prima illa dominiorum introductione retentum est, ut vix possit quisquam dominium eius rei acquirere, quam non habeat in sua potestate. Certum autem est nunquam in potestate debitoris fuisse eos fructus, quos bona fide emptor percepit, siue seuerit ipse, siue alius *d. l. bona fidei*. Ergo neque specialiter obligari potuerunt, non magis quam venire in generalem obligationem bonorum omnium etiam futurorum *l. e qua nondum 15. §. quod dicitur D. de pignor.* Facilius enim est ut ea res, quæ contractus tempore aliena est deducatur in generalem obligationem, quam ut in specialem *l. in princip. eod. tit.* Quod cum ita sit, satendum est, nihil causæ fuisse cur Papinianus in *d. §. cum prædium*, de consumptis fructibus loqueretur, Cum generaliter verum sit fructus omnes, qui à bonæ fidei possessore percepti sunt statim & pleno iure acquiri bonæ fidei possessori, nec minus extantes quam consumptos. Consumptio enim non parit acquisitionem, sed lucrum fructuum, id est efficit duntaxat ut quos fructus bonæ fidei possessor sola percepti ne suos fecit, ita lucretur, ne officio iudicis eos restituere unquam teneatur, quomodo tenetur restituere extantes necdum consumptos *l. certum 22 C. de rei vind. & §. 1. Inst. de offi. iud. iunct. l. 4. §. post hanc D. fin. regun.* Neque verò potest in fructus consumptos calere illa quæstio, An possit creditor hypothecarius per quasi Seruianam petere fundi obligati fructus obligatos quoque specialiter, quos bona fide possessor non tantum percepit, sed etiam consumpsit. Prius. n. est ut quid sit in rerum natura, quam ut eius persecutio iure pignoris competere vlla possit, quemadmodum & prius est ut aliquo tempore fuerit debitoris, quam ut vinculo pignoris villo teneatur. Nam cum persecutio pignoris in re sit *l. pignoris 17. D. de pign. l. pignoris 15. C. eod.* apparet non posse illam competere in re quæ non extat, Nec si res illa fuisset aliquando debitoris, Siquidem in hypothecaria quæ ex numero arbitrariorum *§. præterea Inst. de act.* necesse est arbitriū iudicis interuenire, priusquam ad condemnationem perueniri possit Arbitriū, inquam, de re restituenda *l. si fundus 16. §. in vindicatione D. de pign.* Quis verò iudex aut vir bonus unquam arbitrabitur restitui debere re quæ non extat? Fateor si dolo malo possessoris extare defuerit, non solum haberi posse illam pro extate, sed etiam pro ea quæ adhuc possideatur, quia dolo pro possessione est, ut habet iuris regula. Sed Papinianus de his fructibus loquitur qui bona fide & percepti fuerint, & consumpti, ut verba legis ostendunt. Quamquam frustra est quærere, An mala fide consumpti sint, dummodo constet bona fide perceptos fuisse. Cum. n. sola perceptione acquirantur, ita ut exinde fiat bonæ fidei possessoris, & quidè pleno iure, ut diximus, fieri certè nequit, ut quis mala fide consumat fructus, quos bona fide percipiendo iam suos fecerit, Quando is qui dominus

dominus esse incipit, hoc ipso licet non desinat esse possessor, desinit tamen esse possessor bonæ fidei, adiectione scilicet iuris maioris & plenioris quod extinguit minus. Esse namq; bonæ vel malæ fidei possessorem qualitates sunt eius qui possessor tantum sit, non etiam dominus, quia nemo potest mala fide possidere rem cuius dominum habeat. Ideoque dicitur questio illa esse facti potius quàm iuris *d. l. bona fides §. in contrariū, quia & possessio ipsa facti est*. Multo minus eam consumere mala fide, quāvis abutatur ea manifestissimè, cum ad excludendā malā fidē possit sufficere quod putet quis abuti re sua, licet ea sit verè aliena *l. sed eiss 25. §. consuluit & seq. D. de peti. hered.* Quòd si mala fide consumi nō possunt fructus q̄ bona fide percepti fuerūt, consequēs est vt nec bona fide cōsūpti dici possint, cum dominij iure cōsūpti sint, quod extra & supra bonæ fidei causā est. In eòq; dispar ratio est perceptionis & consumptionis fructuum, quòd perceptione acquiritur dominij iure & potestate solius bonæ fidei, quæ hoc casu tantū potest, quātū veritas, quia lex impedimento non est. At fructuū bona fide perceptorū cōsumptio fit iure dominij, quia cōsumptio sicuti sēper sequitur perceptionē, ita & acquisitionē. Quare nec mirū cuiquā videri debet, quòd fructus etiā qui percipiēdo facti sūt bonæ fidei possessoris, restituēdi tamē sunt officio iudicis, si adhuc extēt eo tēpore quo fundus vindicatur, nō itē si cōsūpti probentur. Quoniā perceptio sicuti debiliore causam habet, id est bonam fidem possessoris nō veritatē, ita minùs potest quàm consumptio, quæ fit iure dominij verè acquisiti. Perceptio sola dominij quidē fructuū acquirit statim & pleno iure, sed interim duntaxat, vt Paulus loquitur *in d. l. bona fides*, hoc est quousque bonæ fidei possessor in iudicio vindicationis fundi eos restituere iubeatur. Sed consumptio acquirit eos absolute, quia facit vt eorum restitutio non possit diutius manere in suspensio, cum efficiat vt ex instanti consumptionis certum esse incipiat, nunquā futurum, vt extantes inueniantur tēpore vindicationis, quādocunque fecutura. Quod. n. cōsumitur hoc ipso extinguitur, nec interim, sed absolute. Facit igitur consumptio non vt acquirantur fructus, qui iam per solam perceptionem acquisiti fuerant [quod enim iam meum est magis meum fieri non potest *vulg. §. sic ut aquæ Inst. de alim.*] sed vt acquisitio illa quæ fuerat reuocabilis, si ante consumptionem fructuū vindicatus fundus fuisset, locūque officio iudicis esse potuisset, fiat irrevocabilis, tametsi non extinguat ipsius fundi, quandiu in existat, vindicationem. Ac quamquam nihil vetat post factam bona fide fructuum perceptionem superuenire malam fidem ex scientia rei alienæ ante consumptionē: Non potest tamen ea res facere, vt mala fide cōsūptos eos dici possit, imò nec possessos, cū iure dominij & possessi sint & cōsumpti, si modò bona fide, quod ponimus, percepti fuerunt. Superueniens namque mala fides, impedire quidem fortassis potest acquisitionem fructuum percipiendorum, si cum Pomponio & Paulo *in d. l. bona fidei §. in contrarium*, ita sentire malis, quàm cū Iuliano *in l. qui scis 2. §. ult. D. de usur.* Sed acquisitionem iam factam fructuum perceptorum tollere, ac reuocare nullo modo potest, quia non quemadmodū bona fides modus est acquirendi interim dominij fructuum, Ita ē contrario mala fides modus est amittendi eorum dominij iā acquisiti, vel ob id maximè quòd, vt diximus, numquam in eiusdem persona & ratione eiusdem rei potest mala fides cum iure dominij concurrere, non nego posse ex postfacto fieri malæ fidei possessorē eū, qui ab initio bonæ fidei fuerit, & fructus bona fide perceperit, superueniente nimirū sciētia rei alienæ, vt sententiæ Pōponij locū relinquamus, in fructib. ab eo tempore perceptis, sed hoc cōtēdo, malam illam fidem quæ superuenerit, sicuti

vsucapionem iam inchoatam, necdum tamen completam interrompere nullo modo potest, vel ipso latente Pomponio in *d. 9. in contrarium*, quia ut ibi ratio- cinatur Paulus, vsucapio ad ius refertur, possessio autem vel bonæ vel malæ fidei ad factum, Ita neque posse adimere bonæ fidei possessori dominium fructuum, quod ei perceptio iam acquisiuerit. Est enim ut esse debet difficilior amissio do- minij iam quæsitum quàm acquirendi, Dominium autem fructuum perceptorum iam acquisitum est, fundi verò nondum vsucapti, acquirendum, cuius tamen ac- quisitio non ex eo solo impeditur, quod superuenerit mala fides, nec si per litis contestationem in *l. si post acceptum 18. D. de rei vindic.* quamuis contestatio modus sit omnium efficacissimus ad inducendam malam fidem, cum possesores om- nes faciat prædones, aut saltem quasi prædones *d. l. sed etsi 9. si ante De pet. he- red.* Itaque quod scriptum est in *d. l. bona fidei*, fructus bona fide perceptos fieri interium possessoris, non sic accipi debet, ut fiant eius quandiu duntaxat bona fi- des durat, & in id vsque tempus quo mala fides superuenerit [nec enim domi- nium fructuum sicut & alterius rei vllius ad tempus acquiri potest.] Sed ita ut nancant bonæ fidei possessoris quousque fundus euictus fuerit, quomodo lo- quitur Iulianus in *d. l. qui sci. 9. vlr.* quo tamen casu non recedit ipso iure domi- nium fructuum à bonæ fidei possessore quod fieri posse negamus, sed restituen- tur fructus per officium iudicis, qui de rei vindicatione cognoscit, nec prius a- mitteri eorum dominium possessor bonæ fidei quàm eos restituerit, quod citra traditionem fieri non potest. Proinde fatendum est propositam à Papiniano quæstionem in *d. 9. cum prædium* de quasi Seruiana pro fructibus danda, vel de- neganda, non posse ad eos fructus pertinere, qui à bonæ fidei possessore con- sumpti sint, sed ad extantes duntaxat, de quibus licet id ipsum verè dici possit, quod de consumptis, Numquam fuisse illos debitoris, maior tamen ratio erat dubitandi, propter quam videbatur posse illos vindicari per hypothecariam, quasi sola ratio illa posset sufficere, quod nihil habet commune quæstio pigno- ris cum intentione dominij. Verum non idcirco aliud iuris in fructibus extan- tibus constituendum esse vult Papinianus, Propterea quod omnem actionem hypothecariam excludat potentior illa ratio, quod pignus in iis numquam vti- liter constitutum fuerit, quia numquam debitoris fuerunt.

ERROR TERTIVS.

De emendatione d. 9. cum prædium & l. 4. §. lana D. de vsucap. l. quæstum

40. De acquir. rer. domin. l. 5. D. de damn. infect.



INC nimirum moueor ut putem in Papiniani responso de quo tractamus irreptitiam esse dictionem illam *consumptos* & su- peruacuum, Additam autem ab imperito interpretare existiman- te solos eos fructus esse bonæ fidei possessoris, qui ab eo non tantum percepti, sed etiam consumpti sint. Sic enim plerique ex veteribus interpretibus iam olim existimarunt distinguen- dum esse in difficili quæstione illa De fructibus à bonæ fidei possessore perceptis, An consumpti sint necne, ut sola consumptione fiat ipsius, non etiam sola perceptione. Nam & hinc factum puto, ut apud Paulum in *l. 4. §. lana in fin. D. de vsucap.* addita sint verba illa, *si consumpti sint*, quorum adiectio sanè

sanè nec præcedentibus conuenit, nec iuris rationi. Quærit enim ibi Paulus de lana ouium futiuarum, & ait si apud furem ipsum detonsa sit vfucapi eam non posse, quia scilicet furtiua est, sed si apud bonæ fidei emptorem contrà, id est neque furtiuam eâ esse, neque vfucapionem eius prohiberi, nec tamen vfucapi eâ debere, cum statim emptoris fiat, quoniam in fructu est. Quid verò est statim fieri emptoris, nisi hoc ipsum quod volumus, vt non sit expectanda eorum cõsumptio? At neque expectandum vt in horreum recondantur, quomodo expectandum est cum de vfuctuario tractatur, qui ob eam nimirum causam in percipiendis fructibus minùs iuris habere dicitur, quàm bonæ fidei possessor *d. l. si fructuarius mensem 13. D. quib. mod. vsus fr. amit.* Ergo quod sequitur apud Paulum, Idem in agnis dicendum esse non potest interpretationem & restrictionem illam recipere *si consumpti sint.* Cum sint fructus naturales æquè ac lana, & eo amplius solum naturæ factum exigant, non etiam hominis industriam, vt producantur, quod in lana diuersum est, quam saltem detonsam esse oportet, vt in fructu esse & videri possit. Nec minùs apud Africanum *in l. quæsum 40. D. de acquir. rer. domin.* candem dictionem *consumptos*, quam à Papiniano tollimus, irreptitiam tollendamque esse contendimus in postremis illis verbis legis, *vt quo casu fructus pradiorum consumptos suos facias bona fides possessor.* Et sanè quid absurdius dici potest, quàm bonæ fidei possessorcin facere fructus suos per consumptionem? Quasi verè consumptio sit modus acquitendi dominij, ac non potius amittendi. Quinimò vsque adeò verum est sola perceptione fieri statim fructus bonæ fidei possessoris, vt eos vfucapere non debeat, quemadmodum loquitur Paulus *in d. §. lana.* Quod ego sic accipio, vt non solum non debeat, sed nec etiam possit, tametsi maxime velit, quia siue dicas vfucapionem esse ademptionem dominij, vt scriptum est *in l. 3. D. de vsucap.* siue adiectionem, vt alij legunt, certum est id, quod iam sit bonæ fidei emptoris, eius fieri magis non posse *d. §. sic itaque Inst. de actio. l. in bello 12. §. si quis seruum vers. @ si quorans D. de captiu. & postlim.* Ex quo intelligimus per solam perceptionem acquiri eos bonæ fidei possessori, non quod ad dominium bonitarium duntaxat, sed etiam quod ad quiritarium, alioqui non ob id excluderetur vfucapio fructuum bona fide receptorum, quod iam facti essent in bonis possessoris, Quandoquidè nihil vetat dominio bonitario adijci quiritarium per vfucapionem *l. si fructus 15. §. Iulianus scribit 15. D. de dam. infect. l. et l. Pratoris 5. in prin. eo. tit.* Idque est quod Caius scribit *in l. in pecudum 28. D. de vsur. & agnos. & hædos, & vitulos statim pleno iure fieri bonæ fidei possessoris & fructuarij.* Non enim pleno iure acquirerentur, si in bonis tantum, non etiam iure Quiritium fierent bonæ fidei possessoris, nec priuandus esset bonæ fidei possessor iure & commodo vfucapionis, vt fructus quos per solam perceptionem minùs legitime suos fecisset, saltem per vfucapionem qui legitimus modus est acquirendi dominij suos legitime faceret, sicuti solemus dicere de fideicommissario qui licet post factam ex SC. Trebelliano restitutionem hereditatis incipiat habere in bonis res omnes hereditarias priùs etiam quàm corporalem earum possessionem nactus sit *l. facta 63. in prin. D. ad SC. Treb.* non priùs tamen legitimus, id est quiritarium sit earum dominus, quàm eas vfuceperit, & statuto legibus tempore possederit *l. quæsum 3. D. si vsus fr. petet.* Nempe quoniam fideicommissa legibus & iuri ciuili incognita iustum dominij transferendi titulum præbere non possunt, iustum verò causam præcedere oportet, vt iustum & legitimum dominium etiam per traditionem acquiri possit *l. numquam nuda 31. D. de acquir. rer. domin.*

Sciꝑ; legendũ puto in *d.l. Prætoris, iustum dominium* pro eo quod scriptum est in *summa dominium* & in præcedentib. *rei* pro *eam*. Prætoris. n. officium est in causa damni infecti, vt missus in possessionem ex secundo scilicet directo, nõ tantũ possessionem ipsam habeat quæ faciat vt rē ipsam in bonis habere existimetur, sed etiã rei iustũ dominũ per longi tēporis spatium capere, & acquirere possit. Quæ etiam verba *per longi temporis spatium* dubitandum non est Tribonianĩ esse respicientis ad trãformationē illam vsucapionis in longi tēporis possessionē & Iustiniani constitutione in *l. unic. C. de vsu. transform. vt* & quod scriptum est in *d. s. Iulianus per longum tempus dominium capere*, pro eo quod Paulus vno loco & Ulpianus altero haud dubiẽ scripserant *vsucapere*. Nihilne igitur proderit bonæ fidei possessori, quod fructus à se perceptos longo tempore possederit? Imò proderit, at non in eo vt ipsos vsucepisse videri possit, quorũ dominũ etiã quiritiariũ pleno iure sibi per solã perceptionē iã acquisiuerit, sed vti ne illos teneatur restituere domino rē ipsã quandocunq; vindicanti. Cũ. n. lōgius sit tēpus constitutum ad vsucapiendas res immobiles, quàm ad mobiles, siue vsucapionē illam veterem inspiciamus quam lex duodecim tabularum induxerat, siue nouã à Iustiniano transformatã, apparet euenire faciliẽ posse, vt ante completã fundi vsucapionem, fructuum qui sunt in numero rerum mobilium vsucapio cõpleatur. Quod cũ euenit, dubitari nõ oportet, quin tantũ prodesse debeat ea fructuum possessio per legitimum tempus continuata, quantũ si ex eiusmodi possessione vsucapio aliqua & procedere, & compleri potuisset, Vt non minus fauorabilis sit bonæ fidei possessor ob id, quod vsucapere non potuerit, cũ ea sola ratio impederit vsucapionem, quod iam plus iuris haberet citra vsucapionē, quàm habeant illi quib. vsucapiendi facultas & ius conceditur, quippe qui iam dominus sit, & quidẽ pleno iure, vt diximus. Similis nãq; ratio cinatio est apud Tryphoninum in *d. s. si quis seruum*, vbi elegantem quæstionē tractat de eo qui captiuum ignorans redemit existimans esse vendētis. Et quærit an quasi vsucepisse videatur, scilicet ne post legitimum tempus facultas supersit priori domino pretij offerendi. Occurrit. n. inquit, pro ratione dubitandi, quod constitutio quæ de redemptis lata est, eum redimentis seruum facit, & quod meum iam est vsucapere me intelligi nõ potest. Rursum, quæ ratio decidēdi est, cũ ea cõstitutio nõ deteriore causã redimentiũ, sed si quo, id est si qua via facere potuit, & quãtũ in se fuit, meliore effecerit, Iniquissimũ sanẽ fuerit & cõtra mētē constitutionis perimi ius bonæ fidei emptoris cuiuslibet vetustissimũ, & iã inde ab ipsa duodecim tabularũ lege inductũ. Proinde cõcludit Tryphoninus dicēdũ esse, Tanto tēpore tranfacto, quanto vsucapi redemptus seruus potuisset, nisi eum redimentis proprium constitutio fecisset, nihil iuris dominis superesse ex constitutione. Lego enim *dominis* non *domini* repetita vltima litera ex priore syllaba sequentis dictionis. Similiter igitur, & in proposita quæstione dicamus, Fructus quidẽ bona fide perceptos à possessore statim & pleno iure ipsius fieri per solam perceptionem, indēq; euenire vt illos vsucapere bonæ fidei emptor, neq; debeat, neq; possit, sed tamẽ trãfacto tempore, quãto vsucapere illos potuisset, si perceptio proprios eos emptoris nõ fecisset, nullũ ius pristino domino superesse ad illos nõ dicã iure dominij, & per actionē vindicãdos, quod nec antẽ completũ vsucapionis tēpus facere liceret, sed neque per officium iudicis restituēdos, non magis, quàm si essent vsucapti licet vsucapi non potuerint, Ne quod in fauorẽ bonæ fidei possessoris iure cõmētinito receptũ est, vt quod ad fructus qualescunq; siue naturales, siue industriales percipiendos attinet domini penẽ loco habeat-

habeatur d. l. bona fidei 48. De acqui. rer. domin. in eorum perniciem & odiū re-
torquebatur, quod eveniret si ob id solum quod eos fructus iam factos suos vsu-
capere non potuisset, etiam post completa vsucapionis tempora domino fundū
suū iure vindicanti eos fructus, tūm adhuc extantes officio iudicis restituere co-
geretur. In eodq; nos etiā cū cæteris interpretib. omnib. errauimus, Cū hanc ip-
sā quæstionē in prioribus Cōiecturarū nostrarum libris tractātes scripsimus,
eos solos fructus in restitutionem officio iudicis non venire, qui vel consumpti
fuerint vel vsucapti. Quasi aliqua species dari possit fructuum à bonæ fidei pos-
sessore perceptorum, in quam illud cadere queat, vt ab eo vsucapi vel debeant,
vel possint, quod nō ita est. Debuimus ergo scribere, Fructus illos à bonæ fidei
possessore perceptos in restitutionem solos non venire, qui litis tempore vel iā
consumpti probentur, vel tanto tēpore possessi, quantū sufficere potuisset ad eos
vsucapiēdos, nisi prioris dominij acquisitio iam pleno iure facta omnem vsuca-
piendi causam & facultatem sustulisset. Est igitur eadem potestas cōsūptionis,
& longæ possessionis, ne ampliū dicam vsucapionis, quod ad hoc, vt liceat pos-
sessori fructus quos bona fide percepit retinere, nec officio iudicis eos restituere
sit cogendus: sed diuersa tamen ratione, Quia longa fructuum possessio, licet
fructus non acquirat iam acquisitos, acquisitionis tamen loco est, & paris cum
vsucapione potestatis. Consumptio autem nō acquisitionis loco est, sed potius
alienationis, affertque secum hanc, siue vtilitatis, siue æquitatis rationem, quod
non debeat condemnari possessor, vt eos fructus restituat, quos nec habet, nec
dolo desit habere, licet tales sint qui si exarent, venire deberēt in restitutionē.
Vt enim veniant extantes ratio illa facit, quod sine possessoris incommodo ita
ius constitui posse videatur, Non etiam si consumpti sint, id est ita vt nihil ex iis
in rem & vtilitatem possessoris versum sit: Cū alioqui non possit dici absum-
ptum, quod in corpore patrimonij quodammodo retineatur l. idem seruandum
72. De legat. 2. Nam nec alia ratione tenetur malæ fidei possessor fructus omnes
etiam consumptos restituere l. certum 22. C. de rei vindic. quā quia cū per-
cepti & consumpti sint mala fide pro extantibus habeantur, vt & aliās dici so-
let quoties dolus pro possessione est. Fieri enim nequit vt non mala fide con-
sumpti sint, & exire desierint fructus qui mala fide percepti sunt.

ERROR QVARTVS.

*De vindicatione aut conditione fructuum à mala fidei possessore perceptorum ex
fundo pignorate, & pignoratitiorum. Ad d. 9.
cūm pradium.*



V A de causa non magis mirari quis possit, Cur non com-
petat domino aduersus malæ fidei possessorem vindica-
tio fructuum quoque perinde ac fundi, Non quidem consum-
ptorum, quorum scilicet vindicatio est omnino impossibilis,
vt cæterarum rerum omnium quæ non sint presentes, in quas
non potest cadere vetus illa, & tollennis formula vindicationis

Hanc rem ex iure Quiritium meam esse aio, sed extantium. Illud enim vique
certum est non magis vindicari posse fructus extantes, qui à pignore per-
cepti sunt, quā consumptos, sed officio tantū iudicis æquē omnes.

restituendos esse *d.l.certum 22.C.de rei vindic. §. 1. Infit. de offic. iud.* Et tamen negari non potest, quin generaliter verum sit fructus omnes etiam industriales iure soli potius quam seminis percipi *d.l. qui scit. 25. §. 1. de usur.* Nec in prædione ullam esse bonam fidem quæ facere debeat, ut ab eo iure recedatur in fauorem possessoris. Verum respondendum est ex eo ius hoc proficisci, quod iam supra diximus, quædammodum dominia omnia coeperunt à naturali possessione *l. 1. D. de acquir. possit.* ita vix est ut quis dominus fieri possit eius rei quam ipse numquam possederit, si eos casus excipias, quibus dominium sola legis potestate citra ullam traditionem transfertur *l. 1. in fin. & l. 2. D. de Public. in rem act.* Atqui dominus fundi numquam possedit fructus à possessore fundi, quantumvis mala fide perceptos, Ergo dominus eorum neque fuit vnquam, neque esse potuit. Ideoque nec extantes vindicare potest, nec per se ac separatim condicere, quorum scilicet dominium quod numquam habuit, numquam amisit, [condictio namque ei demum competit, qui dominus aliquando fuit & esse desinit.] Sed tantum vindicandum fundum ipsum id assequi, ut simul cum fundo ipso veniant officio iudicis in restitutionem. Quod cum ita sit, Illud adhuc mirum est, Quamnam ergo ratione fiat ut de fructibus tantum fide perceptis loquatur Papinianus *in d. §. cum prædium*, si in fructibus à malæ quoque fidei possessore perceptis eadem illa iuris ratio locum habeat, quod numquam fuerint debitoris. Quomodo enim fieri potest ut in iis pignus fuerit vtiliter constitutum, Aut si numquam fuit, ut tamen per vtilem Seruianam petere creditor eos possit? Atque hinc sanè intelligimus tantò manifestius verum esse quod contendimus Papinianum de consumptis fructibus loqui non potuisse, Cum in iis distinctio illa malæ & bonæ fidei locum habere nullum possit. At neque questio de hypothecaria, siue directæ, siue vtili, quandoquidem prius est, ut ea res extet, quæ pignori data est, quam ut eius persecutio per hypothecariam, siue directam, siue vtilem competere possit: Cum hypothecaria, siue directæ sit, siue vtilis semper in rem sit, quæ nulla est si extare desierit, licet fuerit aliquando. At extantium fructuum alia ratio est. Quamvis enim commune illud habeant cum iis qui consumpti sunt, quod nunquam debitoris fuerunt, & idcirco non magis in his quam in illis pignus constitutum dici potest, hoc tamen habent dissimile quod sunt illi ipsi fructus, de quibus ut pignori essent conuenit, ac proinde cum adhuc in rerum natura sint, nihil vetat eorum persecutionem dari per hypothecariam non quidem directam, quia non magis ius pignoris in iis constituit, quam si consumpti proponerentur: Sed vtilem propterea quod non debeat melior esse condicio possessoris, ob id quod eos mala fide perceperit, nec deterior creditoris ob eam causam quod debitoris numquam fuerint, qui eos percepturus fuerat, si nihil in iis percipiendis mala fide factum fuisset, & cui etiam post consumptionem restitui adhuc officio iudicis debeant, Ut quandiu ius debitoris, quantum ad eos fructus pertinet, non omnino pereinptum est, tandiu ius quoque creditoris qui conuenit de pignore, durare intelligatur. Quæ ratio cum tota ex equitate sumpta sit, ex qua etiam ceteræ omnes viles actiones æstimantur, non perinde usurpari potest contra bonæ fidei possessorem, qui licet de extantibus fructibus quos bona fide percepit, ipsi domino eidemque debitori restituendis officio iudicis teneatur, quandoquique fundum ab eo vindicari contingat, Cum tamen interim dominus factus sit, & quidem ita ut ab eorum restituendorum periculo immunis fieri possit, siue eos consumendo, siue possidendo tanto tempore quanto vscapturus esset, si legitimus eorum dominus factus non fuisset,

nulla

nulla æquitatis ratio est propter quam permittendum sit creditori, cui mera iuris ratio prorsus obstat, ut cum inquiritur, quia quod habet ius debitor in percipiendis fructibus, ut penè dominij loco sit, non ex persona illius habet qui fundum fundique fructus dedit pignori, sed ex propria, propter suam bonam fidem quæ hoc fauore, & privilegio digna visa est. Cessante igitur hoc fauore qui proculdubio nullus esse potest in malæ fidei possessore, danda utique est hypothecaria creditori, non in fructus consumptos, qui iam nulli sunt, sed in extantes, nec directæ tamen, sed utilis, ex æquitate scilicet, deficiente iure. Quæ admodum & aliis non paucis casibus euenit, ut hypothecaria quæ competere directæ non potest ob rationem aliquam iuris, quæ constitutionem pignoris ab initio impediens, detur tamen utilis, si æquitas aliqua sit, quæ suadeat, ut pignus quod directò non constituitur, ex postfacto conualescat, ut in specie *l. rem alienam* 41. *D. de pignor. act. l. si Titio* 22. *D. de pignor. l. cum res* 5. *C. si alien. res pignor. dat. sit*. Et ob id nimirum in *d. §. cum prædium*, loquitur Papinianus de utili Seruiana, non ut significet quasi Seruianam, quæ ipsa nihil nisi directæ hypothecaria est, sed ut hypothecariâ utilis, cum de directâ dubitari nō oporteret, quia competere nullomodo possit. Ratio autem illa *quis numquam debitoris fuerunt*, non tam eò pertinet, ut intelligamus cur in eos fructus non detur utilis hypothecaria, Quam ne quis putaret directam quoque posse competere, ob id, quòd quæstio pignoris nulla cum iure dominij societate coniungatur. Directæ namque idèò non competit, quia fructus illi quamvis ab eo fuerint primùm obligati, qui dominus fundi fuit, eosque obligandi ius habuit, numquam tamen ipsius fuerunt, quod necesse erat ut pignoris obligatio de iis utiliter constituta suum in iis effectum habere posset. Et hæc iuris ratio communis est omnibus fructibus à quocunque, siue bonæ, siue malæ fidei possessore perceptis, & siue extantibus, siue consumptis, nisi quòd in consumptis hoc amplius est, quòd pignoris persecutionem admittere numquam possunt, nec si debitoris qui eos obligauit, aliquando fuissent. At si quæras cur nec utilis hypothecaria danda sit, alia ratio quærenda est, quæ non ex mero iure sumatur, sed ex æquitate, & quæ proinde bonæ fidei possessori soli fauere debeat, non etiam prædoni, ut in *l. penult. in fin. D. ad SC. Trebel.* Et quam tamen non possis ad fructus consumptos extendere, ne quidem in persona prædonis, aut alterius cuiuslibet malæ fidei possessoris, propterea quòd cum fructus consumpti sunt, per rerum naturam ipsam fiat, ne pignoris iure vindicari possint, tamen si restituendorum ipsorum æquitas non deesset, si natura pateretur. Vnde apparet quàm ineptè post Accursium Bartolus ad Papinianum distinguat, an bona, an mala fide fructus consumpti sint, sic enim ille *ad l. si fundus* 16. *§. in vindicatione num. ultim. D. de pignor.* Quasi vno casu magis quàm alio fieri possit, ut pignoris iure vindicentur. Quod sanè falsum est, non modò si tractes de fructibus, qui à possessore vel bonæ vel malæ fidei consumpti sint, qui casus idèò minorem dubitationem habet, quia debitoris numquam fuerunt, sed etiam si de fructibus perceptis & consumptis ab ipso debitore, quos certum est non solùm vindicari non posse post cōsumptionem, ipsa rerum natura repugnante, sed neque officio iudicis de hypothecaria cognoscentis venire posse in restitutionem: Tamen si velis addere, & perceptos & consumptos fuisse post litem contestatam: quia ut in superioribus ostendimus litem contestatio facta in hypothecaria contra ipsam præsertim debitorem sicut dominium debitori eripere non potest, ita neque malam fidem inducere in persona illius qui dominus manet, ut ad restitutionem fructuum consumptorum

quasi extantibus obligatus dici possit. Non. n. quod dicimus, eos fructus per Seruianam peti non posse qui debitoris nunquam fuerunt, facere debet, vt è contrario argumentari liceat, Peti ergo posse omni casu omnes qui fuerint aliquando debitoris. Illud. n. propterea semper requiritur, vt extent, Alioqui neq; vindicari possunt, siue pignoris, siue dominij iure, neque condici per eum, cuius nūquam fuerunt. Vt autem etiam extantes peti nō possint per directā hypothecariam, illa ratio facit quod nūquā fuerint debitoris. At vt neq; per vtilē illa sola, quod æquitas, quæ contra dominum ipsū, eundēque debitorem fauet bonæ fidei possessori, multo magis fauendum ei suadeat contra creditorem, qui non plus iuris habere quā dominus ipse potest, Dominus autem minus iuris habet quod ad percipiendos fructus, quā bonæ fidei possessor qui hac parte domini loco est, vt interim fructus suos faciat perceptione sola citra consumptionem. Superueniens enim consumptio, neque adfert, neque augeat acquisitionem, sed acquisitioni addit lucrum, vt numquā eos restituere teneatur, quasi exinde non iam interim, vt antea, sed absolute suos factos. Longè namque aliud est fructus acquirere, Aliud lucrari *l. 4. §. post litem D. fin. regund.* in quo totus questionis huius & cardo & exitus versatur. Cæterum sola perceptione fructus omnes etiam naturales acquiri bonæ fidei possessori, & quidem pleno iure, vt scriptum est *in d. l. in pecudum 28. De usur.* id est vt interpretati sumus nulla expectata aut vscapione aut consumptione. Ex eo quoque potest intelligi quod ibidem Caius æquiparat bonæ fidei possessorē fructuario, quem nemo vnquam dixit, nō prius suos fructus facere, quā eos consumpserit, Cum tamen minus iuris habeat, quā bonæ fidei possessor quod ad instans & celeritatem acquisitionis, vt diximus *ex d. l. si fructuarius missus 13. D. quib. mod. usus. amitt.* Nisi quod bonæ fidei possessor ab initio suos quidem facit sola separatione à solo ante perceptionem, & quisquis ille sit qui eos separauerit, adeoque pleno iure, sed interim tantum, fructuarius verò non quidem ante perceptionem, sed exinde & pleno iure & absolute. Illa quoque secunda nostrorum distinctio circa fructus in actione hypothecaria officio iudicis restituendos omnino improbabilis est, An de fructibus naturalib. tractemus, an de industrialib. quos possessor ipse seuerit. Quasi facilius permittendum sit in eo actionis genere, vt fructus naturales in restitutionem veniant, quā industriales. Nam queniadmodum ius bonæ fidei possessoris in omnibus percipiendis fructib. æquale est, omnēsq; pari modo statim atq; à solo separati sunt, acquirantur ei interim pleno iure *d. l. bona fidei 48. De acquir. rer. domin. d. l. in pecudum 28. D. de usur.* Ita & fatendum est non plus iuris habere creditorem agētem hypothecaria ad iudicis officium extorquendū pro fructibus naturalibus, quā pro industrialibus, siue extent, siue consumpti sint, Cum omnes possessoris lucro cedere debeāt, etiam qui post litem contestatam percepti sunt, nec tantum in bonæ fidei possessore id obinet, sed etiam in prædone, dummodò non sint fructus ipsi specialiter obligati, vt *in d. §. cum prædium l. 1. D. de pignor.* Sed huius distinctionis inducendæ causam sumpserunt interpretes ex eo, quod putant, In alia questione illa De fructibus à bonæ fidei possessore perceptis adhibendā esse distinctionem inter fructus industriales & naturales, Vt industriales quidem statim & pleno iure acquirantur omnimodo bonæ fidei possessori, naturales verò non aliter, quā si consumpti sint. Nec enim aliter sibi visi sunt posse conciliare tot iuris locos, qui secum inuicem pugnant videntur. Nos longè aliter *lib. 3. Coniect. ca. 17.* nec nouz nos adhuc pœnitent nostræ sententiæ.

ERROR QUINTVS.

De actione Pauliana.

REDEYNDVM nobis iam est ad institutū tractatum de actionibus arbitrariis. Nec enim absolutus esse potest quouſque de omnibus iis actionibus, quæ in hoc numero sunt aliquid dixerimus. In quarum numero an Pauliana cenſeri debeat quæ aliquando reuocatoria, aliquando iradatoria appellatur, nonnulli dubitant: Ob id potiſſimū quod eam inter arbitrarias non enumerauerit Iuſtinianus in *§. praterea Inſt. de act.* Sed debili argumento, cum eo loci profiteatur Iuſtinianus, non omnes arbitrarias ſe enumeratas eſſe, ſed alias quoque nonnullas inueniri enumeratis ſimiles, perindeque arbitrarias, tam in rem, quàm in perſonam, in quibus omnibus permittitur arbitrio iudicis ex bono & æquo ſecundum cuiuſque rei, de qua actum eſt naturam æſtimare, quemadmodum actori ſatiſfieri oporteat. Siue igitur Pauliana hæc actio in rem ſit, vt ideſm Iuſtinianus credidit in *§. item ſi quis in fraudem eo. tit.* ſiue in perſonam, vt nos defendimus, & ex vera iuris ratione contra Iuſtinianum diſputauimus *lib. 20. Conſecl. cap. 16.* nihil vetat eſſe illam arbitrariam, dum modò arbitrariarum actionum definitio ei conuenire poſſit. Cum igitur arbitrariarum nomen ex eo ſumpſerint, quod ex iudicis arbitrio pendeant, videamus an in actione Pauliana ſit aliquod arbitrium, & quale demum illud ſit. Arbitrium aliquod eſſe negari non poſteſt, indeque factum etiam vt iudex de hac datus actione arbiter dicatur *Lex his 8. D. quam fraud. credit.* Poſt quaſtionem quam Paulus ex Proculo in lege præcedente propoſuerat, ſi debitor in fraudem creditorum minore precio fundum ſcienti emptori vendiderit, deinde hi quib. de eo reuocando actio datur, an precium reſtituere debeat, Cum retuliſſet Paulus exiſtimare Proculum omnimodo reſtituendum eſſe fundum, etiamſi precii nō ſoluatur, ſubiūgit Venuleius, ita hoc accipiendum, vt ne quidem portio vlla emptori reddenda ſit ex precio, Poſſe tamen dici eam rem apud arbitrum ex cauſa animaduertendam, Vt ſi nummi ſoluti in bonis extent, id eſt ſiue extent illi ipſi qui ſoluti ſunt, ſiue aliquid ex iis comparatum ſit, propter quod videri poſſint retenti in corpore patrimonij, vt in *l. idem ſeruandum 72. De legat. 2.* iubeat arbiter eos reddi, vt ea ratione neuter fraudetur. Dixi *apud arbitrum*, quia ſic legēdum puto, non vt vulgò *apud arbitrium*. Sequitur enim *iubeat eos reddi*, quæ verba non niſi ad perſonam arbitri referri poſſunt. Cur verò *arbitrum* dixit Venuleius, niſi vt ſignificet pendere ex iudicis dati arbitrio, ad quem modò ex bono & æquo ſatiſfieri actori oporteat? Sed hoc ipſum apertius expreſſum eſt ab Vlpiano in *l. aut Prætor 10. §. & ſ. nēlus 20. eod. tit.* vbi ait, & fructus non tantum eos qui percepti ſunt, verum etiam qui percipi à fraudatore potuerunt, venire in hanc actionem, ſed cum aliquo modo & temperamento, ſcilicet vt ſumptus facti deducantur, *nam arbitrio iudicis inquit, non prius cogendus eſt reſtituere, quàm ſi impenſas neceſſarias conſequatur.* Adēq; probāciū eſſe etſi quos alios ſumptus, id eſt non neceſſarios, ſed viles tantū aut voluptarios ex voluntate ſideiuſſorū debitoris, creditorūq; fecerit. Sic. n. lego & intelligo quod ſcriptū eſt in fine eiufdē *§.* Ex quo euidentiffimè apparet in huiuſmodi actione fieri reſtitutionē arbitrio iudicis, & cōſequēter nō niſi ex bono & æquo, ſiquidē arbitriū omne iudicis ſemper bonū & æquum eſſe oportet. Nec illud minùs obſervatione

dignum est quod de necessariis duntaxat impensis arbitrio iudicis deducendis Vlpianus ibi loquitur, Contra errorem Cuiacij, Molinij, & aliorum existimantium, In questione illa De impensarum repetitione in rem alienam factarū siue à bonæ siue à malæ fidei possessore, Nullam ex æquitate constituendam esse differentiam inter possessores, sed tantum inspecto iuris rigore, Vt si merum ius inspicias nullas prorsus impensas deducere aut retinere possit malæ fidei possessor, quod sibi debeat imputare, qui sciens in rem alienam impenderit, Ex æquitate tamen omnium deductio ei permittenda sit saltem vtilium, ne contra naturalem æquitatem ex aliena iactura peior locupletetur *l. planè 37. D. de hered. pet.* Nā imò verò ipsa quoque iuris ratio nedum æquitatis facit, vt necessariarum impensarum rationem haberi semper oporteat, etiā in persona prædonis, siue alterius cuiuslibet malæ fidei possessoris, cum impensæ necessariæ ille demum sint, quæ si factæ non essent, res aut omnino peritura, aut futura deterior fuisset *l. impensa necessaria 14. D. de impens. in reb. dot. fact. l. impensa 79. De verb. sign.* ob idque præcipuo quodā fauore, ac privilegio dignæ existimantur, adeo vt dotē quoque ipsā qua nihil fauorabilius est ipso iure minuant, quoties dotis natura patitur eā diminutionem fieri, hoc est, cum dos consistit in pecunia numerata, vel in æstimationis corporibus. Nā & idē esset datis quoque in dote in fundis nō æstimationis, nisi absurdum esset dicere diminutionem corporum fieri propter pecuniam *l. quod dicitur 5. D. de impens. in reb. dot. al. fact. l. cogi 16. §. inde queritur D. ad SC. Trebell.* Indēque etiam est quod si dos tota soluta sit, non habita ratione impensarum, cōdici potest id quod pro impensis necessariis compensari solet *d. l. quod dicitur §. si dos tota.* Vbi addit Vlpianus plerosque quidem hoc negare, sed tamen ex æquitate sententiam Marcelli qui primus ita scripsit, sequendā esse negandi quidem causa, non improbabilis illa fuit, quod expensarum nomine quæcumque tandem illæ sint, & quantumvis bona fide factæ, actio nulla dari solet, sed tantum retentio *l. si in area 33. D. de cond. inde.* quia nec sunt impensæ vnquā eo animo, vt alius obligetur, ne quidem necessariæ, sed ob id potius ne si non fiant, teneatur is qui facere illas debuit *d. l. impensa*, aut si de vtilibus loquamur, vt res fiat fructuosior, vel qua alia ratione preciosior. Numquam autem acquirere sibi actionē quis potest ex eo, quod non eo animo fecerit, vt alium sibi obligaret *l. in hoc iudicium 14. §. 1. D. commun. diuid. iunct. l. non omnis 19. D. de reb. cred.* Sed illa tamen Marcelli sententiæ probandæ minor ratio est, quod cū impensarū necessariarum compensatio, vt cæterarū rerum omnium quæ compensantur, ipso iure fiat, id est statim atque opposita est, pro facta habeatur *l. si ambo 10. l. posteaquam 21. D. de compensat. l. si constat 4. l. ult. & pass. C. eod.* pro indebito haberi oportet quod compensari potuit, quasi iam solutum. Quidni ergo condicatur? Sed hoc ad necessarias duntaxat impensas pertinet, non etiam ad viles, quarum scilicet compensatio nunquā fit, sed tantum deductio, quæ in eo maximè differt à cōpensatione quod facti est non iuris, factūque hominis & iudicis necessariò requirit. Retinenda igitur semper est differentia, quam prudentes constanter tenuerunt inter impensas necessarias & viles, siue de bonæ fidei possessore tractemus, siue de malæ fidei possessore & prædone. Verum hoc obiter dictum sit. Ergo in Pauliana actione tale arbitrium iudicis esse debet, vt non prius cogatur reus, idēque possessor rem restituere, quam impensas necessarias consecutus sit, non adhibita distinctione illa, An ex voluntate fideiusforū debitoris creditorūque eas fecerit, an non, quomodo distinguendū necessariò est in vtilibus, cum ab eo factæ sunt, qui acquisit in fraude in creditorum, & qui

Pauliana conuenitur. Id enim numquam bonæ fidei possessor est licet sit dominus, cum ab initio sciuerit aut scire debuerit futurum ut rem illam restituere quandoque teneretur. Et idem æquum non est ut impensarum deductionem illam habeat quam alius quilibet bonæ fidei possessor habet, nisi cum ex eorum voluntate factæ sunt contra quos deductio postulat, Vt solemus dicere de utilibus impensis in res dotales factis *l. vltim. 8. D. de impens. in res dotal. fact. l. vnic. §. taceat versic. sed nec ob impensas Cod. de res vxor. atl.* Nam & similiter maritus licet plusquam bonæ fidei possessor sit, cum sit & dominus, quia tamen impendit in rem quam scit aliquo casu fore obnoxiam restitutioni, deterioris hac parte conditionis est, quam cæteri bonæ fidei possessores. Denique Paulianam actionem arbitriam esse vel ex eo maxime constat quod arbitrarium actionum natura & definitio ei conuenit, cum in ea sicut in cæteris arbitrariis ita eueniat, ut si reus rem alienatam in fraudem non restituat, condemnandus sit, si restituat absolvendus *dist. §. præterea, lunct. l. vltim. §. 1. D. quæ in fraud. credit. vbi* Venuleius ait, si à socero fraudatore sciens gener acceperit dotem, teneri eum hac actione, & si eam restituerit desinere illum dotem habere, nec quicquam emancipatæ diuortio facto restitutum, quia hæc actio, inquit, rei persequendæ gratia non pænæ nomine datur, id eo quod absoluti solet reus si restituerit. Ergo è contrario condemnari si non restituit, scilicet ad id quod interest actoris, ut solent dari actiones omnes in factum, In quo genere hæc quoque continetur *l. hac in factum 14. eod. tit.* vbi Vlpianus scribit hæc in factum actione non solum dominia reuocari, verum etiam actiones restaurari. Ea propter cõpetere hanc actionem etiam aduersus eos quibus actio cõpetit ut actione cedant, nõ minùs quàm aduersus eos qui res possidēt ut restituant. Sic enim lego detracta negatione quæ abundat in illis verbis *qui res non possident* cum actio ad restituendum numquam dari possit, contra eum qui restituendi facultatem non habet *l. officium 9. in fi. D. de res vindic.* nisi cum per eum factum est ne habeat puta si dolo malo desierit possidere, quo casu pro possessore, & habetur & condēnatur. Idemq; in reuocatoriis omnibus iuris est, per quas scilicet quibus in personā sint, res tamen ipsa potius quàm persona cõueniri intelligitur, ut Papinianus in specie nõ valde dissimili loquitur in *l. denique 19. D. de iur. fisci.* Sed maxime cum agitur de reuocādo dominio, ut in *d. l. h. se in factum*, quod sicut non nisi per traditionem amittitur, *l. traditionibus 20. C. de pact.* ita nec sine traditione restitui potest, nec rursus à non possidente fieri traditio, quæ ipsa nihil nisi translatio possessionis est. Et certè quid absurdius dici potest, quàm dari actionem reuocatoriam contra eos qui non possident ut restituant? Aut quonam obsecro colore posuisset Tribonianus actionem Paulianam inter actiones in re, si pro corporibus posset cõpetere etiam contra non possidentes? Sanè pro actionibus quæ quoniam incorporeales sunt & in iure consistunt possideri nullomodo possunt, & quæ tamen per hanc Paulianam actionem perinde atq; corpora reuocantur, necesse est ius & ut ita dixerim cõpetentiam actionis pro cessione esse, eisdq; cessione pro traditione. Denique generaliter verum est quod idem Vlpianus scribit in *l. ait Prætor 10. §. præterea generaliter eod. tit.* Ex hac actione restitutionem fieri oportere in pristinum statum, siue res sint, id est corpora quæ alienata fuerint, siue obligationes ut perinde omnia reuocentur acsi liberatio facta nõ esset. Propter quod, inquit, etiam mediij temporis cõmodum quod quis liberatione non facta consequeretur, præstandum erit, dum vsuræ non præstentur si in stipulatum deductæ non fuerint, aut si talis contractus fuit in quo

Rr

vsuræ deberi potuerunt etiam non deductæ. Nam & hic quoque vulgata lectio emendanda est quæ sic habet *aut si talis contractus fuit*, nisi malis tollere articulum si ut eum supplere possis, non solum, sed cum sua negatione posita in verbis proximè præcedentibus, quibus expressa est condicio illa negatiua *si non in stipulatum deducta fuerint*. Secundum quam exceptionem duplicem, intelligi necessario debet quod Papinianus tractat in *d. l. denique 19. De iur. fise.* non esse præstandas vsuras pecuniarum quæ reuocatur. Nec si eam fiscus ex suo privilegio reuocet, quoniam inquit, res non persona conuenitur. Et hoc quoque ostendit euidentius Paulianam actionem esse arbitratiam, cum in arbitrariis omnibus iudex arbitrari possit, & debeat ex bono & æquo quemadmodum actori satisfieri oporteat *dist. 9. præterea*. Æquitas enim non patitur ut extra causam iudiciorum bonæ fidei & alias nonnullas vsuræ debeantur citra vinculum stipulationis *l. 3. Cod. de vsur. l. Titius 24. D. de prescript. verb.* Fructuum alia ratio est qui cum sint accessiones naturales facilius interpretationem illam æquitatis admittunt ut veniant in restitutionem, non tantum ex die litis contestatæ, ut in omnibus etiam strictis iudiciis *l. 2. l. videamus 138. §. si actionem D. de vsur.* sed etiam antè litem contestatam ut in conditionibus per quas repetit actor id quod eius aliquando fuit *dist. 9. si actionem, §. l. indebiti 15. D. de condic. indeb.* Veniunt igitur etiam in Paulianam, nec tantum qui percepti sunt, sed etiam qui percipi potuerunt à fraudatore *dist. l. ais Prator 9. & fructus*, quia per hanc actionem restitui res debet cum sua scilicet causa *§. per hanc ibid.* Sed hoc tamē cum aliqua distinctione. Nam ijdem fructus ante litem contestatam percepti veniunt qui alienationis tempore terræ cohererunt, quia in bonis fraudatoris fuerunt. Item illi qui post inchoatum iudicium percepti sunt. Medio autem tempore percepti non veniunt, ut neque partus ancillæ per fraudem alienatæ, & medio tempore editus, quia in bonis non fuerunt *dist. l. vltim. §. non solum & seq. cod. titul.* nempe quia hæc actio sui natura reuocat tantum ea quæ in fraudem alienata fuerunt, in quo numero non possunt esse illa quæ debitor numquam in bonis habuit, quia nec alienari potuerunt, licet non fuerit ea possessor habiturus si alienatio nulla facta fuisset. Cui non est contrarium quod diximus ex *dist. 9. præterea*, generaliter, perinde omnia reuocari ac si liberatio facta non fuisset, idèoque præstandum etiam esse mediij temporis commodum, quod quis liberatione non facta consequeretur. Id enim sicut ad obligationes & actiones pertinet, non ad dominia circa quæ nihil de liberatione tractari potest, ita de fructibus rerum corporalium intelligi non debet, quoniam iam iure soli & dominij percipiuntur *l. qui scit 25. §. 1. de vsur.* non ad alium pertinere possunt quam ad possessorem qui medio tempore dominus fuerit, eoque suo iure perceperit. Neque verò Pauliana datur eo colore quasi res in fraudem alienata numquam acquiritoris fuerit, sed quasi sit adhuc hodie in bonis debitoris, ut scilicet reuocari possit & venire in venditionem bonorum debitoris, quod fieri non posset si alienatio non reuocaretur inducta huiusmodi fictionis potestate. Quæ fictio cum sit mendacium non nisi ex necessitate indocui debet. Necessitas porro eius inducendæ nulla est nisi quantum ad rem ipsam, quæ aliquando fuit debitoris, non etiam quantum ad fructus qui numquam eius fuerunt. Exemplo eius quod alibi docuimus, Circa fructus legatorum. Non eandem iuris fictionem in iis locum habere quæ locum habet in legatis ipsis, quæ ut effectum illam sortiri possint qui necessarius est ad voluntatem testatoris conservandam, ut recta via transire possint à testatore in legatarium, sic

necessa-

necessariò habenda sunt vt numquam videantur facta heredis *l. legatum 80. de leg. 2. l. à Titio 64. De furs. iun. & l. si ego 9. §. si res D. de iur. dot.* At in legatorum fructibus non idem respondemus, quia non sunt ipsi in legato, ideoque nec ad legatarium pertinent nisi ex die litis contestataz *l. i. & tot. iur. C. de usur. & fructib. legat.* Præterquàm si mora aliqua ante & citra litis contestationem facta sit *l. in minorum 3. Cod. in quib. caus. non est necess. in integr. restit. l. Titia Seno 87. §. usuras De legat. 2.* Non enim eadem subest necessitas retrofingendæ acquisitionis propter fructus legatorum quæ propter legata ipsa, quorum acquisitio alioqui impediretur si retrofictio illa cessaret. Idem ergo in Pauliana euenit vt alia rei per fraudem alienatæ ratio habenda sit, alia fructuum ex ea re post alienationem perceptorum. Idque ex æquitate illa quam iudex in arbitrando habere ante oculos debet, cum æquitas suadeat reuocari quidem alienationem à debitore factam in fraudem creditorum, at nō etiam acquisitionem fructuum medio tempore ab emptore perceptorum, qui sicuti numquam debitoris fuerunt, ita nec ab eo in creditorum fraudem alienari potuerunt: Præter id quòd nec bona cōsecutio est vt eos percepturus fuerit debitor si fundum nō alienasset, quandoquidem fieri poterat vt etiam nulla facta alienatione nullos tamen fructus debitor perciperet, si fortè nullam pro iis percipiendis culturam & curam impedere voluisset. Fructus enim tametsi iure soli non seminis percipiuntur, vt diximus, non tamen sine semine, nec sine cultura curæ aliqua percipiuntur *§. si quis à non domino Inst. de rer. diuis.* Ex hoc igitur tanò magis intelligimus Paulianam actionem esse arbitratiam, in qua nisi arbitrio iudicis res in fraudem alienata restituatur, condemnatio fit, ad id scilicet quod interest actoris, Non tamen quanti actor sua interesse in litem iurauerit. Nec enim tale iusiurandum alij vnquam conceditur, quàm ei qui rem suam petit, & ob aduersarij restituere nolentis contumaciam vendere illam cogitur, non etiam ei qui rem alienam persequitur, licet alienatam in fraudem vt supradicto Cōiecturarum loco probauimus. Quamquam in actionibus Fauiana & Caluisiana, quæ ad Paulianam proximè accedunt aliter vtrumque obseruatur, id est, & quod ad fructus attinet, & quod ad iusiurandum in litem, vt sequenti capite dicemus.

ERROR SEXTVS.

De actionibus Fauiana & Caluisiana.

PAULIANÆ actioni de qua proximè diximus simillimæ sunt Fauiana & Caluisiana, de quibus nunc dicendum nobis est. Sunt enim ambæ perinde reuocatoriz, & ad ea reuocanda pertinent, quæ in patroni fraudē alienata proponuntur. Differunt tamē à Pauliana in quibusdā, & ideo videndū est an æquæ sint arbitrariz, & quale in iis arbitriū iudicis esse debeat. Arbitrarias esse fatetur etiam illi qui ex arbitrariorū numero alias tā multas tollūt, quāuis nulla istarū mentio fiat *in §. præterea Inst. de action.* Et sanè iis non minus quàm Paulianæ conuenit arbitrariorum definitio, quia pendent ex arbitrio iudicis, ita vt nulla ex iis possit sequi condemnatio aut absolutio nisi arbitrio iudicis præcedente cui reus par est vel voluerit, vel recusauerit. Quisquis enim siue Fauiana, siue Caluisiana actione conuenitur ob ea quæ libertus, siue testatus postea, siue intestatus in fraudem

patroni alienauerit, iubetur primum restituere quicquid alienatū est in fraude quam ipse participauerit, Tū si restituat & arbitrio iudicis pareat absoluehdus est, si non pareat condemnandus. Et quidem arbitrium iudicis aliquod in his actionibus interuenire[de] vtraque enim simul loquor, quia inter se conueniunt in omnibus, nec in alio differunt, nisi quod facto testamento Fauiana locū habet, Caluissiana autem liberto mortuo intestato *l. i. §. aduersus l. 3. §. patronum & seq. D. si quid in fraud. patr. l. 2. C. eo.* Iuris apertē docet Vlpianus *in d. l. §. si quis in fraudem*, vbi quærit, si quis in fraudem patroni rem aliquam vendiderit, vel locauerit, vel permutauerit, quale debeat esse arbitrium iudicis, Et ad quæstionem respondet, adhibendas esse multas distinctiones, de quibus nunc tractare nihil attinet, sed ex quibus tamen apparet, arbitrium iudicis tale semper esse debere vt res quæ in fraudem alienata fuit restituatur patrono, sed adhibitis pro circumstantiarum veritate plerisque temperamentis æquitatis, cuius præcipua ratio haberi solet in actionibus arbitrariis quod ad arbitrium duntaxat, non etiam quod ad condemnationem vel absolutionem, quæ certa semper est non in arbitrio iudicis posita, vt in præcedentibus explicauimus. Debet enim iudex pro arbitrio suo æstimare ex bono & æquo quemadmodum actori satisfieri oporteat, vt scriptum est *in d. l. §. præterea*, sed si arbitrio non pareatur, tum verò non modò præcisè & distinctè, sed etiam seueriter condemnare illum debet, Ita vt dici quodammodo possit actiones arbitrarias, quæ nec bonæ fidei sunt nec stricti iuris, medium quodammodo locum inter has, & illas tenere, vt ratione arbitrij sint veluti bonæ fidei, quatenus bona fides æquitatem semper adnexam habet, stricti verò iuris ratione condemnationis. Non quasi minùs plena semper in iis fiat condemnatio, quæ religioni & sacramento actoris plerumque permittitur vt in vindicatione, Publiciana, & aliis nonnullis, quæ condemnatione grauior alia vi vlla esse potest, sed quoniam non est in arbitrio iudicis vt ex legibus debita condemnationi addat quicquam vel detrahat, siue talis actio sit in qua iurari in litem oporteat, siue talis quæ condemnatione eius quod interest, aut alia leuiore contenta sit. Eòdem pertinet quod idem Vlpianus scribit *in d. l. §. si seruo eodem iur. si quis in fraud. patron.* Si seruo meo vel filio familias liberto in fraudem patroni quid dederit, competere Fauianum iudicium aduersus me, vel aduersus patrem, & ita quidem competere, vt debeat sufficere, nec præterea necesse sit dari actionem de peculio & de in rem verso, quoniam arbitrio iudicis contineatur tamen id quod in rem versum est condemnandi quàm id quod in peculio, id est quod iudicis arbitrium tale esse debeat, vt iubeat dominum vel patrem actione Fauiana conuentum id omne præstare quod alioquin ordinariis actionibus De peculio, vel De in rem verso præstare teneretur. Quidni enim arbitrio huiusmodi contineatur ex æquitate, quicquid in actiones illas veniret, quæ sicuti sunt prætoriz, ita æquitatem semper pro causa habent? Obseruandum verò est, quod condemnandi verbum Vlpianus vtitur, cum de arbitrio tractat, Non quasi arbitrium iudicis in arbitrariis verè condemnatio sit, quod nos negauimus, sed quia condemnationis vim & effectum obtinet, si ei parere velit reus, cum eo casu nihil nisi absolutio sequi possit, nec actor aliud consequi quàm quod in arbitrio fuit de ductum, Vt proinde condemnationis quodammodo vice sit, Quandoquidē nec alius condemnationis effectus esse potest, nisi vt satisfiat actori. Quod etiam sensu accipi debere videtur, quod Paulus scribit *ind. q. si de iur. so. 35. §. 2. D. de rei vindic.* Vbi sententiā fundatur.

fundum petij & iudex sententia sua declarauit meum esse debere illum etiam de fructibus eodem errore possessorem condemnare, id est sic arbitrium concipere ut iubeat possessorem non modò fundum sed etiam fundi fructus restituere, ut postea vel absolvere eum possit vel condemnare. Sicut & in *l. qui restituit*, Tribonianus sub Vlpiani nomine scribit, si is qui restituere iussus est, arbitrio non paruerit cum posset, & ab eo manu militari possessio translata sit, adhuc tamen fructuum & omnis causæ nomine condemnationem fieri oportere. Sensus enim est debere arbitrari iudicem ut fructus omnes restituantur, & omnis causa, ac ni restituantur, condemnare eum eo nomine, ad fructuum scilicet, atque omnis causæ estimationem, & si quid præterea ex hac causa inter sit. Non autem, ut ad fructuum restitutionem recta, nullòque præcedente arbitrio reus condemnetur. Debet enim id fieri per arbitrium non per condemnationem, nisi quatenus arbitrium, ut dixi, condemnationis loco est. Idem in Fauiana actione contingit ut quoniam arbitraria est arbitrium iudicis contineat de fructibus quoque restituendis, Nec tantum de iis, qui post litem contestatam percepti sunt, de quibus tractat Vlpianus in *d. l. 1. §. vltim.* [nam & in quamlibet actionem quantumvis strictam illi venirent *l. videamus* 38. §. *si actionem D. de usur.* Sed etiam de præteritis, id est qui ante litem contestatam percepti fuerint ut ex Marciano subiicitur in *l. 2. eodem uerbis. si quid in fraud. patron.* quoniam Prætor omnem fraudem libertorum, ut ea lex ait, vult rescindere, quam tamen non in totum rescinderet si maneret illa, quod ad fructus præteritos, impunita. Quod tamen mirum videri possit ex iis quæ diximus superiore capite de Pauliana in quam non alios fructus venire docuimus, quam qui vel post acceptum iudicium percepti sint, vel fundo co hæserint tempore alienationis in fraudem creditorum factæ, & ita in bonis debitoris aliquando fuerint *l. ult. §. nō solum* & *§. fructus autem D. que in fraud. cred.* Nam cum utraque actio tam Fauiana & Caluisiana, quam Pauliana sit reuocatoria eorum, quæ in fraudem alienatæ sunt, nec in aliis differre videantur, quam quod per Paulianam ea tantum reuocantur, quæ in fraudem creditorum alienata probantur, Per Fauianam verò & Caluisianam eæ quæ in fraudem patronorū. Difficile videtur dicere cur plenior sit quantum ad fructus Fauiana & Caluisiana quam Pauliana, Præsertim cum creditorū causa tantò fauorabilior videri debeat quod certant illi de dāno vitando, Patroni verò succedentes liberis de lucro captando. Nā & inde est, quod in ipsa etiā actione Pauliana multum interesse placuit an in fraudē eorum facta sit alienatio qui sint creditoris ex causa onerosa, an in eorū, qui ex causa lucratua, ut puta donationis *l. quod autē* 6. §. *simili modo D. que in fraud. cred.* Iunct. *l. non debet* 41. §. 1. *De reg. iur. l. ult. §. si verò creditores C. de iur. delib.* Adde quod ipsum etiā reuocationis nomen ad ea tantum pertinere videtur quæ alienata sunt, Alienata porro intelligi nequeunt ea quæ debitoris numquam fuerunt *l. 1. C. de fund. dotal. l. alienationis* 28. *de verb. signific.* Augetur dubitatio ex eo quod inter actiones istas Fauianam & Paulianam Paulus noster nullam hac parte videtur agnoscere differentiam in *d. l. videamus* §. *an Fauiana*, ut scribit in Fauiana quoque actione & Pauliana fructus restitui, propterea quod id agat Prætor ut perinde sint omnia atque si nihil alienatū esset: Ideoq; in utraq; actione proponenda verbum *restituendi* usurpauit, quod plenissimam habet significationē vi fructus quoq; restituantur. An ergo quod de fructib. præteritis per Fauianā actionē reuocandis scriptū est in *d. l. 2. si quid in fraud. patr.* sic accipiendū erit, ut ad eos fructus coāgustetur qui fundo co hæserint tempore alienationis? An potius sic Paulū

interpretabimur, ut in utramque quidem actionem veniat restitutio fructuum, sed plenius in Fautiana quàm in Paulianam. Posset enim dici pro hac interpretatione, plenorem esse Fautianam debere, quòd instar vniuersalis actionis habere intelligatur, cum ab eo exerceatur qui liberti sui successionē iure quodam hereditario persequitur. In petitione autem hereditatis constat venire fructus, non tanquam accessiones, sed tanquam portionem aliquā hereditatis, quæ cum in iure consistat, augmentum recipit, & diminutionem. *Item veniunt 20. §. item non solum, iunct. l. hereditas 50. & l. §. 1. D. de petit. hered.* Sed tamen si verum amamus, fatendum est multum distare petitionem hereditatis siue civilem, siue prætoriam & possessoriā quæ datur bonorum possessori à Fautiana & Caluisiana, quæ speciales actiones sunt, non de vniuersitate, & ad reuocanda tantum ea competunt, quæ in fraudem alienata sunt, non etiam ad vindicandā liberti successionem, quamuis neutra competat nisi mortuo deum liberto siue testato, quæ Fautiana est, siue intestato quæ Caluisiana. At neque verum est in petitione hereditatis quilibet venire fructus omnes qui venirent in petitione hereditatis ciuile. Excipienda enim est fideicommissaria, in quam constat non venire fructus nisi ex quo die mora restitutioni facta est, quoniā qui rogatus est hereditatem restituere id tantum videtur rogatus reddere quod fuit hereditatis. Fructus autem non hereditati sed rebus hereditariis accepto feruntur, ut eleganter & subtiliter ratiocinatur Vlp. in l. in fideicommissaria 18. D. ad SC. Treb. Verius igitur est, quod de fructibus quoque præteritis per Fautianā & Caluisianā reuocandis scriptum est à Marciano in l. 2. si quid in fraud. patron. de iis duntaxat fructibus esse accipiendū qui fundo cohererint tempore alienationis in fraudē patroni factæ, ita ut quod ad fructus pertinet, nulla sit differentia inter Fautianā aut Caluisianā & Paulianā. Et sanè dici non posset cur de fructibus post litē contestatā perceptis locus esset Vlp. in d. l. 1. §. ult. si de omnibus præteritis fructibus idē sentiendū existimasset. At quoniā in iis quoque fructibus fraus facta intelligi debet qui tempore alienationis in fraudē patroni factæ, fundo & terra cohererū, fuit subiungendū et Marciano in d. l. 2. præteritos quoque fructus in Fautianā & Caluisianā venire quatenus Prætor omnē libertorū fraudē vult excludere. Quæ ratio satis ostendit non esse adeò generaliter accipiendā Marciani sententiā ut ad fructus omnes præteritos referatur, quasi indefinita semper æquipollere debeat vniuersali, cum ratio sit specialis & ad eos tantum fructus accommodata qui debitoris aliquādo fuerunt in quo numero non alij cēferi possunt, quàm qui alienationis tempore in rerū natura, & veluti pars quædā fundi extiterūt. Qui. n. ab eo tempore percepti sunt usque ad dictatū Fautianæ actionis iudiciū, neque tanquā principale quid in actione & condēnatione venire possunt, cum alienati nūquam fuerint, neque tanquam accessiones cum eos possessor perceperit iure suo, utpote factus dominus per acquisitionē quāvis factā in fraudē patroni. Nec. n. fraus liberti etiā participata ab emptore impedit translationē dominij, alioquin non esset tractandū de reuocatione, si alienatio nulla præcessisset. In eo planè melioris conditionis est patronus agēs Fautiana vel Caluisiana, quàm sit creditor agēs Pauliana, quæ creditori non aliter Pauliana accommodatur, quàm si probet non tantum à debitore captato fraudis consilio factā esse alienationē, sed etiā ab eo emptore participatā esse fraudē, aut factā esse alienationē ex causa aliqua lucratia, ut suprà diximus ex d. l. quod autem 7. §. simili modo D. qua in fraud. cred. At Fautiana, itēque similiter Caluisiana a datore patrono probanti factā à liberto quoquomodo alienationē in fraudē, licet alienatio facta sit titulo qui sit onerosus ex parte acquirentis, nec probeatur acquisi-

tor fraudem participasse. Quicquid. n. dolo malo liberti factum esse dicitur siue testamēto facto, siue intestato libertus decesserit quo minùs quàm pars debita bonorū ad eorū quē perueniat, qui cōtra tabulas bonorum possessionē accipere possūt, cognoscit prator & operā dat ne ea res illi fraudi sit, vt præfatur Vlp. *in d. l. 1. in prin.* Quod ipsum postea sic interpretatur *in §. doli*, vt doli malum accipere nos oporteat eius, qui alienauit, nō eius cui alienatū est. Vnde euenire subiicit, vt qui fraudis vel doli cōscius nō fuit, carere debeat re in fraudem alienata et si putauit ingenuū, aut credidit libertinū eū qui alienauit. Et hoc est quod mirabile videri sanē debet, Melioris esse cōdicionis patronū reuocātē ea quæ in ipsius fraudē alienata sunt à liberto, quàm sit creditor in reuocādis alienatis per debitore, cum certat patronus de lucro captādo, creditor autē de dāno vitādo: Cōtrā quàm in cæteris personis seruari soleat ex supradictā iuris regula. Sed exceptionis huius & diuersitatis ratio petenda ex eo est, quod beneficiū libertatis quàm à patrono libertus accepit incōparabile sit, & cōsequenter multo fauorabilius, quàm pecuniz debitori creditē à creditore, quādoquidē per eā libertatis dationē factū est vt ab eo tēpore capax fuerit acquisitionis libertus qui alioqui māsisset incapax, & omnia quæ sibi acquisiuit, pristino domino nūc patrono acquisiuisset. Nō. n. debet beneficiū patroni esse illi captiosum aut onerosum *l. si. h. 9. d. vt legat. seu fideic. seruād. caus. caueat. l. si manu missi 4. C. de obseq. patron. præf.* Nec vlli permittēdū vnquā est vt obiciat aduersario factū id ex quo ipse lucrū senserit *l. si extraneus 33. l. cum in fundo 78. §. quod si mulier D. de iur. dot.* Est igitur fauorabilior patronus quàm alijs creditor quilibet in reuocādis iis quæ in fraudē alienata sunt, & quia odiosior est libertus fraudator, quàm alijs quilibet debitor, & quoniā nō tā de lucro captādo certat quàm de dāno vitādo, cum etiā postquā debita portionē cōsecutus fuerit ex bonis liberti, minùs tamē sit habiturus, quàm fuisset si libertatē seruo nō dedisset: quomodo in paire manu missore filij emancipati ratiocinatur Vlp. *in l. 1. in prin. D. si à parent. qui manu sit.* Sed & in eo quod melior Fauianæ itēq; Caluisianæ quàm Paulianæ actionis cōdicio est, quod in Fauiana & Caluisiana si res quæ in fraudē alienata est nō restituitur tātū cōdēnatur reus, quāti actor in litē iurauerit *l. tenetur 5. §. 1. D. si quid in fraud. par.* quod de Pauliana nūquam similiter proditū est. Mirabilis verò hoc etiā videri debet, siquidē nō alij quàm domino rē suam petēti siue per arbitriā, siue per bonæ fidei actionē permitti solet vt proprio iure iurādo litē æstimet *l. 1. & 2. l. tutor. 8. D. de in lit. iur. l. si filiofamilias 25. §. 1. D. sol. matr. l. nō enim 9. D. rer. amot. l. eius res 46. l. nec quasi 70. cū l. præced. D. de res vind.* Atqui certū est ea omnia quæ reuocātur per actiones istas reuocatorias nō solum in dominio aut bonis siue patroni, siue creditoris nō esse. sed nec vnquam fuisse. Cur ergo permittamus patrono Fauianā aut Caluisianā exercenti vt iuret in litem, potius quàm creditori Paulianā, pp. nēti? Verūm eū ex quoq; petēda ratio diuersitatis videtur, quod proximē diximus, Patrono, cuius portioni fraudē facere libertus voluit, per istas actiones succurri nō tā quasi creditori quàm quasi domino, aut ei saltem qui bonorum alienatorum dominus esset hodie si seruum non manu mississet: Quod de cæteris creditoribus dici nō similiter potest. Nec. n. si pecuniā tibi nō credidisse, eo magis nūc habere in bonis quod tu in fraudē meā alienasti, nec facit Pauliana, vt res in fraudē alienata fiat in bonis meis etiā post reuocationē, sed tātū vt veniat in vēditionē vniuersorū bonorū debitoris, ac si in eius bonis & dominio māsisset. Et rurū quāuis nulla fuisset à debitore facta alienatio, nibilo magis fructus ex eo fundo percepti ad creditore pertinerēt iure

fructuū, nec si extrātes proponerētur, sed tātū in vniuersitatē bonorū veniēt, tanquā qui in bonis essent, & ex bonis. At bona quæ libertus in fraudē alienauit si alienata non essent reperirentur in bonis & vniuersali successione liberti eo tempore quo patronus vel præteritus vel non habens debitam portionem bonorum possessionem contra tabulas liberti acciperet, atq; ita iure quodam dominij, & vniuersalis successionis ad patronum pertinerent. Nihil enim hac parte est inter petitionem hereditatis civilem & possessoriam, nisi quod per hanc vindicatur dominium bonitarium duntaxat, Per illam verò quiritarium *l. 1. §. 2. D. de poss. hered. petit. iunct. l. 1. D. de bonorum possess.* Cæterū utroque casu successionem sibi vindicat qui petitionem hereditatis instituit. Ergo utroque casu etiam iurari in litem potest *l. sed etsi 25. §. hac verba De hered. pet.* Ac proinde tū quoq; cū agit Faulana vel Caluisiana licet nō petat hereditatem neq; vniuersali iudicio experiatur, perinde tamen ratio iuris facere videtur vtilicere illi debeat iurare, atque si petitione aliqua hereditatis experiretur, quoniam in summa id petit, quod si alienatum non fuisset, veiret hodie in possessoriam hereditatis petitionem, atque ita iure dominij saltem bonitarij per patronum vindicari posset. Vt eadem sit ratio patroni reuocātis alienata in fraudem suam, quæ esset si alienatio nulla in fraudem facta fuisset, Nempe quod ad rem ipsam alienatam pertinet, non quod ad eius tamen fructus ob eam rationem quam in præcedentibus attulimus.

ERROR SEPTIMVS.

De actione aquæ pluuiæ arcendæ.



ALIVID dicendum nobis est de hac quoque actione Aquæ pluuiæ arcendæ, de qua tractatus rarior quidem est, sed tantō fortassis vtilior. Illa verò primū occurrit inspectio, An arbitraria sit actio, necne, Quod ubi discusserimus, etiam quæ natura & condicio eius sit, statim apparebit. Arbitrariam esse nemo fortassis ante nos dixit. Imò nec an arbitraria esset fortasse quisquam quæsit ante illos contra quos disputamus. Illi enim arbitrariam esse audacter negant quod nos contrā adfirmamus, Negandi causam duplicem adferunt. Illam primū, quod non alias actiones arbitrarias volunt agnoscere, quā quæ sint ex iurisdictione Prætoris, Hanc autem fatentur esse civilem, & ex lege duodecim tabularum descendere. Nam nec in tot. tit. *De aqua & aqua pluuiæ arcend.* fit mentio vlla edicti Prætorij, nec alio vllō iuris loco hæc actio inter Prætorias nominatur. Imò verò legitima dicitur in *l. si usufructus 22. in fin. D. ill. tit.* & ex verbis illis legis 12. tab. *si aqua pluuiæ nocet* quæ Pomponius refert in *l. Labeo 21. D. de statutis.* & sic interpretatur, *id est si nocere poterit*, Vt & illa de qua in *l. si per publicum 5. D. ne quid in loc. publ.* Alteram, quod sicuti actiones familiæ erciscundæ & Communi diuidendo licet arbitraria dicantur, non tamen sunt actiones arbitrariæ, sed inter eas quæ bonæ fidei sunt adnumerantur, §. *actionum Inst. De actioni.* Ita & actio Aquæ pluuiæ arcendæ arbitrium quidem dicitur in *l. quod Principis 23. §. vltim. D. de aqua & aqua pluuiæ arcend.* sed nihilo tamen magis est actio arbitraria, at stricta potiùs vt actio, inquiunt, finium regundorum. Nos verò in contrarium dicimus vtramque actionem istam & Aquæ pluuiæ arcendæ, & finium regundorum arbitrariam esse potiùs quā arbitrium nudum, nec inter actiones quæ stricti iuris sunt, aut inter eas quæ bonæ fidei, posse computari.

Moutort

Mouetur ex eo quòd utrique actioni conuenit definitio arbitrariarum, nec fieri potest vt actio vlla & arbitrium sit & stricti iuris. Ac primùm de aquæ pluuiæ arcendæ actione videamus, quæ sicuti arbitrium dicitur, ita & arbitrium habere illum qui de ea cognoscit *l. vicinus 24. in princip. & §. 1. v. 2. eod. tit.* vbi Alfenus iudicem de huiusmodi actione datū ter arbitrum appellat. Quo nomine etsi nō ignoro significari iudicē, etiam qui datus sit in actione bonæ fidei & quæ nō sit arbitraria, vt in *l. 1. in princip. D. de usur. l. ultim. D. rem pupill. salu. for.* Nego tamen vllō iuris loco significari eum, qui sit iudex actionis strictæ. Quoties enim arbitrum dicimus illū intelligimus, qui ex æquitate cognoscat & iudicet. Quemadmodum neque arbitrium vllum esse potest quod non habeat comitem & admixtam æquitatem, vt in actione De eo quod certo loco quæ peculiari quodā nomine ac iure appellatur arbitraria scribit Vlpian. in *l. quod si Ephesi 4. §. 1. De eo quod certi. loc.* Ideoque nec arbitri, nec arbitrij nomen potest usurpari cū de stricti iuris actione tractatur, quia in eo iudiciorum genere nulla æquitatis ratio haberi potest, sed strictè perueniendum est ad cōdemnationem nullo præcedente arbitrio, quod in arbitrariis præcedere necesse est, nullaque iudici relicta potestate condemnandi pro arbitrio suo reum aut grauius, aut leuius, secundū quod negotij æquitas & religio iudicantis suggerere videatur, quod euenit in bonæ fidei iudiciis omnibus *l. quia tantundem 7. D. de negot. gest. l. quaro 54. D. locat. §. in bona fidei Instit. de action.* Implicat ergo contradictionem quòd aduersarij volunt, Aquæ pluuiæ arcendæ & arbitrium esse, & actionem stricti iuris. Atqui arbitrium est vt iidem fatentur, nec tamen bonæ fidei actio, vt ex eo constat quod non recensetur inter alias bonæ fidei actiones in *dist. §. actionum.* Ergo cū neque actio stricta esse possit, consequens est vt sit arbitraria. Stricta enim opponuntur iis quæ sunt arbitraria vel bonæ fidei in *l. 3. §. in his quoque D. de usur.* Arbitrium autem dicitur, non eo sensu quo actiones etiam Familiæ eriscundæ & Communi diuidundo arbitria dicuntur sed propter arbitrium quod interuenire necesse est ac præcedere, vt ob contumaciam rei parēre arbitrio nolentis possit sequi cōdemnatio: quæ natura, & propria nota est arbitrariarum omnium actionum. Idque ita esse ex eo apparet quod scribit Alfenus in *l. vicinus 24. §. ultim.* Si fossas quis fecerit ex quibus aqua pluuia possit nocere, arbitrum si appareat futurum vt aqua pluuia noceat, cogere oportere fossas eum explere, & nisi faceret condemnare. Quid enim hoc aliud est quàm præcedere arbitrium de fossa explenda, & restituendo opere ex quo damnum timeatur, Tum si arbitrio non pateatur, sequi debere cōdemnationem? Aut quid exprimi apertius potuit ad arbitrarie actionis naturam & essentiam demonstrandam? In cæteris enim actionibus quæ arbitria dicuntur, nec tamen sunt actiones arbitrarie non solum arbitrium nullum est, quod præcedere debeat cōdemnationem, sed neque facti quæstio vlla est quæ discuti & per iudicis interlocutionem terminari debeat, prius quàm ad arbitrium perueniatur: Et quamuis in illis iudiciis cōdemnatio quoque interdum sequatur, non tamen id fit propterea quòd arbitrio iudicis non pareatur vt in arbitrariis, sed ex æquitate & necessitate ipsius arbitrij, quod in huiusmodi actionibus vix vnquam æquum esse potest, quin & adiudicationes fieri necesse sit, & cōdemnationes *l. 1. in fin. l. in hoc iudicio 27. l. si pigriori 29. l. cum putarem 36. & pass. D. famul. eriscif. l. si quis putans 6. §. idem Iulianus D. cōmun. diuid.* Itaque arbitrium non tam sequacem quàm comitem habet cōdemnationem, nec id semper sed tunc tantum cū necesse est, Absolutionem verò numquam, quia numquam arbi-

trij necessitas, quæ condemnationem plerumque secum trahit, potest etiam trahere absolutionem. Nec quod in cæteris omnibus paratus sit vnus ex cõheredibus aut sociis parere arbitrio, facere potest vt eo minùs condemnari debeat ab arbitro, qui alioquin æquitatē in arbitrio seruare non posset. At in iudicio aque pluuiæ arcendæ omnia sunt diuersa. Primùm enim præcedit quæstio illa facti, An opus nouum factum sit, & à quo, & an tale, ex quo damnum aliquod per aquam pluuiam timeri possit *l. i. & tor. ill. si. De aqua & aqua plu. arc.* Super quo ante omnia & probationes exquirere & pronunciare iudex debet. Quod Alfenus significat non obscurè illis verbis *si appareat futurum*. Quomodo enim apparebit cõtra negantē si non probetur? Aut quomodo sequi arbitrium poteris, quod æquum videatur De opere restituendo, nisi priùs pronunciatum sit de opere facto, & de damno quod per aquam pluuiam ex illo opere timeri possit? Vbi autem de facto cognitum & pronunciatum est, Sequi debet arbitrium per quod iudex arbitretur, iubeat, & cogat reum opus restituere, & fossas expleri, *l. quamquam 4. in fine princip. eod.* In quo arbitrio numquam potest æquitas facere, vt condemnatio aliqua contineatur, quia cùm hæc actio non detur nisi de opere restituendo, necesse est deduci restitutionem operis in arbitrium, vt si arbitrio reus parere volet actori plenissimè satisfiat citra vllam condemnationē. Quæ cùm semper in pecunia fieri debeat, numquam restitutionem operis continere potest quam constar in facto non in pecunia consistere. Ex idè prius est vt reus arbitrio iudicis parere recusauerit, quàm vt ob eam causam in aliquam pecuniæ quantitatem condemnandus sit. Quod si iussus opus tollere nõ pareat, tùm vero sequitur cõdemnatio in id quod interest actoris, vt Paulus quoque significat in *l. supra iter v. §. quod si is fu. d. u. eod. tit.* in illis verbis *item si opus restitutum non fuerit non amplius quàm quod pro parte eorum interfuert opus restitui, condemnationem fieri oportet*. Fit ergo condemnatio non per arbitrium, sed post arbitrium redditum, & per sententiam diffinitiuam, postquam sicuti nullæ super sunt partes iudicis, ita nec ratio vlla euitandæ condemnationis. Sed hic rursus nugantur aduersarij, & supradicta verba tam Pauli quàm Alfeni referunt ad litis æstimationem, quasi aliud sit litis æstimatio, aliud condemnatio, aut quasi in executione iudicati possit aliquis fieri litis æstimatio, nullo præcedente iudicato. Quæro enim si hæc sententia & condemnatio non est sed potiùs iudicati quædam executio, cùm iudex aquæ pluuiæ arcendæ, condemnat reum ad æstimationem damni futuri quod meruitur ex opere iam facto. Quænam erit obsecro, & vbinam gentium illa sententia quam executioni mandari oporteat? An tùm fortè cùm apparuit & pronunciatum fuit, factū esse opus ex quo timeri possit ne aqua pluuiæ noceat. Atqui nemo dixerit eam pronunciationem licet facti quæstionem decidat, condemnationem tamen esse, cùm eiusmodi pronunciatione nemo condemnatur, nec quod contra reum ita pronunciatum est, facere debeat quominus adhuc absoluendus sit si fortè aut ante secutum arbitriū aut postea paratus sit opus restituere. An igitur tùm condemnationi facta videbitur, cùm opus restituere cogetur reus id est iubebitur? At ne tùm quidem, quoniam arbitrium illud est non condemnatio licet proximè accedat ad condemnationem. Condemnationem non esse ex eo intelligimus, quod nulla talis præcepti sit executio auctoritate iudicis, sed ita demùm si reus parere velit. Quocasu tantum abest vt condemnari postea possit, vel haberi pro iam condemnato, vt è contrario sit absoluendus, quod à condemnatione siue iam facta siue facienda omnino abhorret, cùm fieri nullomodo possit vt eodem iudicio quis

& absol-

& absoluat & condēnetur. Accedit tamen arbitrium illud proximē ad condēnationem, non ob id solum quod inter arbitrium & cōdēnationem nihil intercedat, nec possit intercedere prater contumaciam rei nolentis obtemperare arbitrio. Sed etiam quia tū quoque cū reus post arbitrium absoluitur, arbitrium condēnationis quodammodo vice est, quippe per quod consequatur actor id omne quod actione sua persequatur, perindēque ei satisfiat plenissimē cū reus arbitrio pareat, atq; si rei contumacia in non parendo arbitrio condēnationē extorsisset. Propter quam causam dicuntur arbitrarie actiones dari ad id quod in æquitatem arbitrij deducēdum est potius quā ad id quod in rigorem condēnationis. Dantur enim omnes ad rei de qua agitur restitutio- nem non ad pecuniariam litis æstimationem cui tū demum locus esse incipit, cū ob contumaciam rei non parentis arbitrio deueniendum necessariū est ad condēnationem, quod aliter satisfieri actori non possit. *Litem si q. abas l. non solum §. ultim. & legb. seqq. D. de alien. iudic. mut. caus. fult.* Est igitur Aquæ pluuiæ arcendæ actio arbitraria cum ea omnia habeat quæ actionum arbitrariarum naturam & essentiam constituunt. Nec quod à lege 12. tabul. originem traxerit mouere aduersarios debuit vt eam negarent esse arbitriariam, sed potius vt admitterent, quod volumus, Plerasque arbitrias esse actiones, quæ tamen sunt ex iure ciuili non ex prætorio, quod & ex iis quæ in sequentibus dicturi sumus clariius apparebit. Hæc autem actionem hanc arbitriariam, manifestius constat etiam ex eo quod Vlpianus scribit in l. §. tertius 6. §. officium eod. tit. Officiū iudicis in ea tale esse debere, vt si quidem à vicino cum quo agitur opus factū sit, eum iubeat restituere, damnumq; sarcire si quid post litē contestatam consigit. Quod si ante litem contestatam damnum acciderit, tantum opus restituere debet, damnum aut non sarciet. In quo obseruanda sunt verba illa *eum iubeat restituere*. Iubendi enim verbum arbitrij verbum est non sententiæ & condēnationis. *d. l. quamquam l. qui restituere 68. de rei vindic. l. quod iussu 14. D. de re iudic.* Et quamuis aliis plerisque eiusdem tituli locis scriptum sit arbitrium huius actionis cogere reum debere vt opus restituat, vt in *d. l. vicinus §. 1. & 2. d. l. l. quamquam 4. in princip. & §. idem Iulianus de aqua & aqua pluuiæ arcend.* Nō tamen de præcisa coactione id intelligi debet, qualis illa est quæ fit in executione iudicis, sed de ea quam interpretes causatiuam vocant, id est, Nisi ualuit ob non restitutum opus in eam quantitatem condēnari quam iudex pro litis æstimatione taxauerit, vt Alfenus explicat in d. §. si de eisi fossat. & Paulus in d. §. quod si is fundus. Ex consequenter coactio illa nihil nisi iussus est & præceptum iudicis per modum arbitrij circa vllam aut condēnationem, aut absolutionem. Eodēq; modo accipi debet, quod subiungit Vlpianus in d. l. §. tertius §. Celsus scribit. Si quid ipse feci quo tibi aqua pluuiæ noceat, mea impensa tollere me cogēdū, Si quid alius qui ad me nō pertinet, sufficere vt patiar te tollere. Sed & obseruatione dignū illud est, quod in hac Aquæ pluuiæ arcendæ actione, licet possit arbitriū iudicis tale esse vt nulla dāni ratio habeatur, sc. si damnum ante nō post litem contestatam acciderit, Numquam tamen tale esse potest vt non sit iubēdus reus opus restituere, illaque tantam distinctio superest an impensa sua iubendus sit opus tollere, an pati duntaxat vt ab actore ipso tollatur secūdū supradictam Celsi & Vlpiani sententiam. Semper igitur restituendi necessitas arbitrio continetur, Numquam in cōdēnatione, quia cū restituere sit facti, nemo aut ad factum præcisē cogi possit, stulta esset condēnatio de opere ipso restitūdo: quoniam executioni mandari non posset, e b idq; necessariū decurrēdū est

ad litis æstimationem si arbitrio non pareatur, quandoquidem æstimāda lis est, non condemnatio, tūm ipsa litis æstimatio deducenda in condemnationem, Vt ridiculi sint, qui eam litis æstimationem pro cōdemnationis taxatione accipiūt, non animaduertentes cōdemnationem & sententiam valere non posse quæ sine certa quantitate proferatur *tot. tit. C. de sent. quæ sine cert. quant. profer. l. in sententiis 59. D. de re iudic.* Non posse autem fieri vt certa sit condemnatio quæ condemnationem obstringat ad faciendum cūm facta omnia tanquam futura quatenus facienda sunt, incerta sint, *l. 2. b. i. autem 75. §. quid quod D. de verb. oblig.* Itaq; dicimus in omnibus faciendi obligationibus succedere præstationem eius, quod interest *l. stipulationes non diuiduntur 72. l. quoties quis 81. l. cum stipulatus 113. §. ult. eod. tit. l. si quis ab alio 13. §. ult. D. de re iudic.* sed non in faciendi condemnationibus, quia talis condemnatio nulla est. Hinc pēdet quōd actio Aquæ pluuiæ arcendæ nunquam competit aduersus eum qui restituendi operis facultatem nō habet, puta aduersus eum qui non sit dominus: quia dominus solus restituere opus potest. Inquit Paulus *in l. si colonus 5. D. de aqua & aque pluuiæ arcēd. act. iūct. d. l. quamquam in princip. & §. idem Iulianus.* Ad eō vt si is qui opus fecit, potētiori vēnderit prædium in quo factum opus est, quia desierit esse dominus, agi cū eo amplius Aquæ pluuiæ arcendæ non possit, sed agendum sit cum eo Quod vi aut clam. Quod si annus præterierit de dolo iudicium dandum erit *leg. Anteus 4. eod. vbi quatenus dixit Paulus pro quoniam*, vt rationem redderet eius propositionis quæ habet agendum esse in hac specie Quod vi aut clam. Quæ propositio negatiuam illam continet. Non igitur competere hoc casu actionem Aquæ pluuiæ arcendæ, quæ scilicet cum interdicto Quod vi aut clam nunquam concurrat, quia honorariū remedium frustra desiderat is qui habet civilem actionē *l. 1. D. de public. in rem act. l. in causa. 16. D. de minor. l. 2. §. vltim. D. vi bonor. raptor.* quamuis latius pateat interdictum illud quā hęc actio. Datur namque interdictum de eo damno quod post litem cōtestatā contigit sicut de eo quod ante. Actio autem non nisi de eo quod postea *d. l. Anteus 5. de eo*, quoniā actio hęc futurum duntaxat damnum respicit vi & actio damni infecti cū in reliquis ferē omnibus iudiciis præteritum solummodo præstetur *§. in hoc iudicium ead. lege.* Quæ ratio etiam facit, vt si quis priusquā aquæ pluuiæ arcendæ agat dominiū fundi sui cui opus nocet ad alium transtulerit, desinat habere aquæ pluuiæ arcendæ actionem, eāque ad illum transeat cuius ager esse cōpit. Cū enim damnum futurum contineat, incipiet actio ad eum qui dominus erit pertinere, quāuis cūm alterius dominium esset opus à vicino factum sit. Quomodo ratiocinatur Ulpianus in *d. l. si tertius 6. §. si quis eod. tit.* vbi rectē *§. priusquam aqua pluuiæ arcendæ agat, dominium ad alium transtulerit fundi*, quia si post venditionē & traditionem quid nocitum sit ei fundo de quo iudicium antē acceptum fuerit, nihilominus eo iudicio posse venditorem consequi indemnitate, Nō tam quia venditori quā quia rei venditæ damnum datum sit. Ideo quod erit consecutus emptori restituere debebit *l. post venditionem 16. eod.* vbi subiungit Pomponius si antequā noceatur, is cum quo actum est, vendat, statim id est rectā cum emptore agendum esse, vel intra annum cum eo qui vendiderit si iudicij euitandi causā id fecerit. Planē de eo opere quod post litem cōtestatā factum sit, nouo iudicio agendum est *d. l. Anteus 5. ult.* quia non potest videri in iudicio venisse id quod post iudicium acceptum accidisset *l. non potest 23. D. de iudic.* Sed interdum tamen etiam opus quod post litem cōtestatā factum est tollitur, id est si aliud iam factum erat quod tolli sine eo non possit vt ex eodem

Paulo subiicitur in *l. sequ.* Ratione scilicet connexitatis, propter quam alia ple-
raque in iure nostro aduersus communem iuris rationem constituta sunt ut in *l.*
si tutor 13. D. de tutel. & rat. distr. l. tutor post puberem 11. C. arbur. tutel. l. heredes 25.
§. si unus ex coheredibus D. famil. eresc. cum similib. Sed priusquàm tractatum hūc
absoluamus, pluribus dicendum nobis est de sententia, & emendatione *d. l. An-
tius in princip.* Mihi enim corruptus locus videtur.

ERROR OCTAVVS.

*De sententia & emendatione l. Antius 14. D. de aqua & aqua
pluv. arc.*



BESCURVM certè non immeritò videri possit quod superiore ca-
pite diximus ex Paulo in *l. Antius 14. in princip.* Si is qui opus fe-
cerit, per quod futurū sit vr aqua pluuia fundo vicini noceat, po-
tentiore fundum vendiderit, quatenus defecit dominus esse agē-
dum cum eo Quod vi aut clam, Quod si annus præterierit, de do-
lo iudicium dandum esse. Etsi enim ratio aperta illa est cur hoc
casu actio aquæ pluuiæ arcendæ locum habere non possit, quoniam non nisi cū
operis domino hæc actio exerceri potest *l. quamquam 4. in princ. §. idem Iu-
lianus D. eo. tit.* Mirum tamen videtur quòd non dat Paulus actionem in factum
ex edicto De alienatione iudicij mutandi causa, præsertim cū tractet de ali-
enatione facta in potentiozem, Ex qua causa maximè solet ea actio dari cū hac
ratione fiat semper durior condicio aduersarij quia potentioribus pares esse nō
possumus inquit *l. 3. in princ. D. de alien. iudic. mut. caus. fact.* Præter id quod suffi-
ceret factam esse dolo malo alienationem iudicij murandi, aut euitandi gratia
vt illi edicto locus esse posset *l. post ventionem 16. in fin. D. de aqua & aqua pluv.
arc.* Tractari autem à Paulo eam speciem in qua veditio facta sit dolo malo, ap-
paret ex eo quod subiungit, si annus præterierit, iudicium de dolo dandum esse
contra venditorem. Semper enim actio de dolo supponit dolum, sine quo cō-
petere nūquam potest. Porro fieri nequit vt dolo malo fiat alienatio ab eo qui
iam accepit iudicium, quin fiat mutandi iudicij causa, vel euitandi si ponas nō-
dum accepto iudicio factam esse alienationem: quod postremum sufficit vt illi
edicto locus aperiatur *d. l. post ventionem in fin.* Potest quidē fieri facillè vt etiā
post acceptū iudiciū alienatio secuta sit, citra dolum, nec iudicij aut euitadi aut
mutandi causa, ideòq; doli mali mentio adiecta est in edicto *l. item si res q. aliās*
Non solum §. si quis autem De alien. iudic. mut. caus. fact. Sed è contrario fieri non
potest, vt in eiusmodi alienatione dolo interveniat quin edictum cōmittatur,
licet non in potentiozem alienatio facta proponatur. Sed & difficile illud est vi-
dere quam sententiam aut rationem habeat quod Paulus subiicit in *d. l. Antius*.
Si annus præterierit intra quem interdicto Quod vi aut clam experiri actor po-
tuit, de dolo iudicium ei dandum esse. Certi enim iuris est, actionem de dolo
quæ semper subsidiaria est, numquam competere, non solum quoties alia actio
competit, sed neque cū interdicto aliquo experiri quis potest *l. i. §. aut Prator
vers. usque de d. de dolo.* Nec ed imago dari posse quod rempus actionis aut
interdicti competitus præterierit quoniam imputare sibi debet is qui agere aut
interdicere super sedis, nisi in hoc quoq; dolo malus admissus sit vr actionis vel

interdicti tempus exiret *d.l. 1. §. idem Pomponius refert*, quod tamen raro, nec nisi difficiliter accidit. Visa est doctissimo viro Iacobo Cuiacio utraque obiectio non levis, ut ex eo colligere possumus, quod ex neutra expedire se potuit. Nam quantum ad primam attinet, fatetur venditionem factam potentiori ab eo qui opus fecerit per quod aqua pluvia nocere vicino possit pertinere ad tractatum De alienatione iudicij mutandi causa facta, Non ad interdictum Quod vi aut clam. De quo etiam in venditorem dando, cum lex præcedens monuisset satis, frustra, inquit, idem repeteretur *in d.l. 1. Antæu*. Hisque nimirum rationibus victus concludit deprauatam esse apud Paulum Antæi sententiam & pro illis verbis *Quod vi aut clam* legendum esse *Quod mutandi iudicij causa*. Et quia videt minus probabilem emendationem esse quam ut placere vlli possit, subiungit, Si qui sint qui nolint mutari quicquam *in d.l. Antæu*, satis se habere nos admonuisse ita fieri ut & frustra positum illud verbum *potentiori*, & de interdicto *Quod vi aut clam* idem frustra repetitum videatur. Quod autem ad posteriorem dubitationem spectat, sic ille eam eludit, ut dicat, Post annum præteritum intra quem siue interdicto Quod vi aut clam siue actione in factum ex edicto De alienatione iudicij mutandi causa agi potuit, [nam & ea quoque annalis est *l. vel post annum 6. ill. tit.*] posse adhuc iudicium De dolo competere, in illo casu quo dies actionis præterierit, dolo malo venditoris *ex d.l. 1. §. idem Pomponius refert*, & consequenter ad hunc vnum casum restringi sententiam Pauli oportere. Mihi nihil istorum probari potest. Non emendatio, quia non tractat Paulus vel Antæus casum illum, quo facta sit venditio post acceptum iudicium, sed tantum post opus factum, Itaque si quid emendandum esset pro eo quod scriptum est *quod vi aut clam* reponi oporteret *quod evitandi iudicij causa*, ut *in d.l. post venditionem in fin.* At neque hoc probare possum, quia non potest Paulus vel Antæus de illo esse locutus, qui fundum in quo factum opus sit, vendiderit potentiori. Cum nihil referat an venditio potentiori facta sit, Non solum quod pertinet ad actionem Aquæ pluviæ arcendæ sed etiam quantum ad interdictum Quod vi aut clam, Adeoque quod magis mirære, quod ad Edictum De alienatione iudicij mutandi causa facta. Etenim sicuti actio Aquæ pluviæ arcendæ quam superiore capite ostendimus non dari nisi contra dominum, definit utique aduersus eum competere qui per alienationem desit esse dominus, Tâ autem definit ille qui vendit & tradit fundum emptori cui libet, quam qui potentiori, Ita & è contrario interdictum Quod vi aut clam perinde competit de damno & impensis ab actore factis contra venditorem qui non potentiori vendidit, quam si potentiori vendidisset *l. sed venditor 13. eod. tit.* Actio autem ex edicto De alienatione iudicij mutandi causa facta omni casu danda est contra eum qui post opus factum vendidit dolo malo prædium, etiam si vendiderit non potentiori, quia omni casu facit duriores aduersarij condiciones *d.l. 13. §. item si locum D. de alien. iudic. mut. caus. fact.* ubi Caius tractat, Si locum in quo seceris opus cuius nomine vel interdicto Quod vi aut clam vel actione aquæ pluviæ arcendæ tenebaris, alienaueris, durior mea condicio facta intelligitur, Quia si tecum agerem, tuis impensis id opus tollere deberes. Nunc verò cum incipiat mihi aduersus alium actio esse quam qui fecerit, compellor meis impensis id tollere, Quoniam inquit, is qui ab alio factum opus possidet hætenus istis actionibus tenetur, ut patiat id opus tolli: Quod & scriptum est *in l. competis 16. §. ultim. iunct. l. si alius 7. §. ult. denique 13. §. ultim. D. quod vi aut clam. Quid*

ergo referre potest quod ad illam quoque actionem pertinet, an potentiori facta venditio sit, an alij? Quare non erat cur Cuiacius emendationis suæ inducendæ & adstruendæ gratia verbum illud *potentiori* retineret, quo etiam sublato perinde verum esset dicere, teneri venditorem actione illa in factum ex edicto De alienatione iudicij mutandi causa facta, si modò evitandi iudicij causa id fecisset, ut in *dist. l. post venditionem* vbi nihil de alienatione facta in potentiolem, Neque tamen possum mihi persuadere aut ab Antio Pauloque frustra additam dictionem illam, aut ab imperito aliquo interprete in textum illam, cum eius addendæ color nullus fuerit nisi ad augendam fortè dubitationem. Probabilius fuerit meo iudicio textum ita emendare, ut pro *potentiori* legere *postea alteri*, Natio fortassis errore ex eo quodd librarij Florentini more scriptum erat quasi unico verbo *postea Alteri* ut significaretur repetendam literam A maiusculo characterè scriptam ut utrique dictioni inferuieret. Ita verò si legamus, sublata erit tota hæc dubitatio aperta que manebit Pauli sententia si is qui opus fecerit, postea alteri vendiderit prædium, quatenus desierit dominus esse, agendum cum eo Quod vi aut clam. Nec enim quod in lege præcedente id ipsum ex Caio scriptum esset, facere potest ut absurdum videri debeat idem in *l. seq.* ex alijs Iureconsultis id est ex Antio & Paulo alijs verbis repetitum, Præsertim cum horum sententia sit plenior non in eo solum quod adicit de interdicto Quod vi aut clam intra annum proponendo, sed in etiam quod subiungit de actione de dolo danda post annum De quo nihil dictum fuerat in lege præcedenti. Rectè autem Paulus *quatenus desierit dominus esse*, id est, ita demum si venditor prædij in quo factum opus est desierit esse dominus, quia vult reddere rationem non tam cur interdictum Quod vi aut clam competat hoc casu contra venditorem, quam cur non competat actio Aquæ pluviæ arcendæ. Ratio autem huius iuris non alia est, quam quodd actio hæc numquam detur nisi contra dominum. In quo maxime differt ab interdicto Quod vi aut clam, quod aduersus possessorem operis semper datur *l. semper 15. in princip. ill. tit. Quod vi aut clam*, id est siue dominus ille sit siue non dominus. Sed tamen cum distinctione illa quæ ponitur in *§. ultim. eius. leg.* ut si is qui vi aut clam fecit, possideat opus, patientiam, & impensam tollendi operis præstare debeat, qui fecit, nec possidet impensam tantum ut & in *dist. l. sed venditor*. qui verò possidet nec fecit solummodò patientiam. Atqui non quisquis prædium vendit desinit statim esse dominus sed traditionem subsequi oportet, per quam solum dominium transferretur *vulg. leg. traditionibus 20. Cod. de pact. l. numquam nuda 31. De acquir. rer. domin.* Nec rursum traditionem secutam esse sufficit nisi præcedat titulus habilis ad transferendum dominium puta venditio iusta *dist. l. numquam*, id est iure civili comprobata. De qua accipi debet quod Pomponius scribit in *dist. l. post venditionem*. vbi benè venditionem cum traditione coniungit. Quid enim si minor fortè vendiderit rem immobilem sine decreto? Non erit iusta venditio quæ facta est contra ius & contra leges, Nec proinde venditionis titulus hic habilis ad dominium transferendum. Aut quid si vendita sit res quæ sit per se ac sui natura inalienabilis? Aut denique quid si venditio fuerit simulata, ut in *l. emptor. 12. eodem*. His casibus non desinit esse dominus qui fundum vendidit & ideo tenetur adhuc Aquæ pluviæ arcendæ actione non minus quam si nō vendidisset. Ex eo aut quod ex Antio Paulus ut ratione reddat, cur actio Aquæ pluviæ arcendæ non cōpetat, ait cōpetere interdictum Quod vi aut clām intelligimus, falsū etiā illud esse quod Cuiac. voluit, Possē actionē hāc tū interdicto illō cōcurrere.

Numquam enim Prætor dat actionem honorariam aut interdictum de ea re de qua videt competere civilem, Quæ semper plenior & cōmodior est, vel ob hoc saltem quod perpetua est vt civiles ferè omnes actiones, Interdictum autem Quod vi aut clam est annuum *d. l. semper 15. § hoc interdictum & seq. D. quod vi aut clam*, vbi dicitur annum incipere cedere ex quo factum opus perfectum est aut fieri desit licet perfectum non sit, & *d. l. Anteus*, vbi aperte Paulus scribit, si annus præterierit, interdicto illo amplius agi non posse. Nec moueri vt contrà sentiret Cuiacius debuit ex *l. 1. in fin. & l. 2. § item Varus in fin. D. de aqua & aqua plu. arc.* In quibus locis neque de directa, neque de vtili Aquæ arcendæ actione tractatur vt ille putat, sed de vtili actione in factum subsidaria quæ omnibus aliis deficientibus dari solet quoties æquitas non deficit *l. quoties 21. D. de præscr. verb.* Datur autem à Prætoris qui maximus & perpetuus est custos æquitatis *l. quia actionum 11. eod. tit.* idèoque mirum non est concurrere vtilem actionem cum interdicto, quandoquidem vtrumque auxilium est ex iurisdictione Prætoris, Quod de aquæ pluuiæ arcendæ actione directa & civili non similiter dici potest. Et ita debet accipi quod scribit Caius in *dist. l. 3. § item si locum De alien. iud. mus. caus. fact. cuius nomine vel interdicto Quod vi aut clam vel actione aqua pluuiæ arcendæ utnebaris.* Non vt electionem habeat is cui opus nocere potest vtro remedio experiri malit, sed vt ex eo opere sic facto nō solum aquæ pluuiæ arcendæ actio nascatur, sed etiam interdictum Quod vi aut clam, diuersis tamen non solum rationibus sed etiam casibus, scilicet actio Aquæ pluuiæ arcendæ si dominus prædij ille sit cum quo agitur, Interdictum verò si non dominus sit, sed possessor tantum operis,

ERROR NONVS.

De actione De dolo quam dat Paulus in d. l. Anteus.



VID ergo si non solum dominus esse desiderit is qui opus fecit, sed etiam præterierit annus intra quem proponi interdictum potuit, & debuit? Posterior hæc dubitatio est, An quia certum est neq; actionem aquæ pluuiæ arcendæ posse cōpetere aduersus non dominum, neq; interdictum Quod vi aut clam post annum, competat saltem actio De dolo, quam competere ait Paulus si nos vulgata lectio non fallit, Negat autem ratio iuris quam ego habui habebōq; semper pro lege. Non possum probare interpretationem Cuiacij existimantis, vt dixi, accipiendum ita Paulū, vt competat actio de dolo eo demum casu quo factū sit dolo malo eius qui opus vi aut clam fecit, vt annus præterierit. Est. n. hic casus rarior, & nunquā frequens, quā vt inspecto eo debuerit simpliciter & absolute scribi, iudicium de dolo dandū: Alioqui perinde dicendū erit tot alios iuris locos in quib. scriptum legimus, actiones annuas, aut interdicta annua post annū nō competere, ita esse accipiendos vt tamen post annū præteritum superesse debeat actio De dolo, Nēpe quia possit cōtingere vt annus ille prætereat dolo malo eius qui poterat intra annum conueniri. Quod tamen euidenter falsum esse apparet & ex illo ipso loco, ex quo mouetur Cuiacius, id est ex *dist. l. 1. § idem Pomponius refert*, vbi ex Pomponio & Labeone scribit, Non debere actionem De dolo competere, si alia actio temporalis quæ competeat tempore finita sit, Et rationem adfert, quia sibi imputare debeat is qui agere supersedit. Addit quidem exceptionem

nisi in

nisi in hoc quoque dolo sit admissus, ut tempus exiret, sed quis non videt dari hoc casu actionem de dolo non propter dolum qui in ipso principali negotio interuenit, sed propter eum, qui in hoc ipso admissus sit, ut actionis tempus præterierit? Aut quis ferat ut absoluta & simplex enunciatio ponatur pro exceptione, aut ad casum exceptionis præfertim adeo rarum & insolitum restringatur? Fateor nihil posse vi aut clam fieri quin fiat etiam dolo malo l. i. §. doli mali D. vi bonor. rapti. Et ideo mirum si verum est eum qui opus vi aut clam fecit teneri de dolo post annum præteritum, necessariò id ita intelligi debet ut teneatur ea actione ob ipsum opus dolo malo factum. Quod tamen falsum esse, nec diffitetur Cuiacius, qui non de aliò dolo vult eum teneri quàm qui interuenit in hoc ipso faciendo ut tempus exiret, qui casus nullam prorsus recipit dubitationem, Ne aliter posito iure eueniat, ut dolo hic maneat impunitus, cum neque alia actione vlla, neque interdicto vindicari possit. Dolus autem numquam impunitus manere debet, ne tum quidem cum illi ipsi qui dolum fecerunt non alij damnosus futurus est l. procurator 11. §. 1. D. de doli mal. & met. caus. except. Tum verò contextus ipse verborum apud Paulum in d. l. Anteus, an non manifestè indicat si iudicium de dolo in ea specie dandum existimauit, non alio casu dari voluisse post annum, quàm quo daretur interdictum Quod vi aut clam intra annum: Ut ex qua causa interdicto locus esset intra annum, ex eadem causa locus esse debeat actioni De dolo post annum, sic enim Paulus scribit si is qui opus fecerit, postea alicui vendiderit prædium, quatenus deseruit dominus esse agendum cum eo Quod vi aut clam, Quod si annus præterierit, de dolo iudicium dandum. Nec addit, quod pro inducenda Cuiacii sententia necessariò addendum erat, Quod si annus præterierit dolo malo venditoris. Quid enim si dolo quidem interuenierit etiam in hoc ipso ut annus præteriret, sed dolo emptoris non venditoris? Quis dicat ex eo emptoris dolo venditorem conueniri posse præfertim actione De dolo, quæ adeò personalis est, ex parte potissimum illius contra quem agitur, ut etiam doli exceptio quæ ex parte obiectantis est in rem tamen ex parte illius cui obicitur semper sit in personam l. sed & ex dolo 15. §. ult. D. de dolo l. 2. §. 1. D. de doli mal. except. Deberet sanè dari eo casu contra emptorè, cuius doli credibile est interuenturum esse potius quàm venditoris, cum post factà venditionè ipsius maxime interfit actionis tēpus exire ne interdicto ipse tãquàm possessor operis cōueniatur. Semper. n. possessor operis tenetur saltē ad præstandā patientiā, licet etiā is qui possessor nō est teneri possit & ad impensam & de damno dato d. l. semper in princ. & §. ult. & d. l. sed venditor. Sed & in eo casu quem Paulus tractat, id est cum quis ante venditionē opus fecit, deinde post opus perfectū vendidit prædium intra annū quo interdictū proponi potuit, difficile est ut venditoris dolo malo annus prætereat, quin saltem dolo emptoris quoque intercedat. Et consequenter dicendū esset hanc actionē De dolo de qua Paulus secundū Cuiacii interpretationem loqueretur, de ea actione intelligendam quæ non minùs contra emptorem quàm contra venditorem dari deberet. Quod tamen à Pauli verbis & mente prorsus alienū esset. De solo enim venditore cōueniendo tractat Paulus, deq; triplici actione aduersus eum cōpetere. Quarū prima est Actio aquæ pluuiæ arcendæ qua tenetur is qui opus vi aut clam fecit, sed antequàm prædium in quo factum opus est, vendiderit. Secunda ex interdicto Quod vi aut clam, sed eo demum casu & tēpore quo & venditio iam facta sit post perfectū opus, & antè tamen quàm annus exierit. Tertia igitur De dolo post annū præteritum, & quidem numerandū non ex die venditionis ne quidē

cōtra emptorē, sed ex die perfecti operis. Nec. n. aliter cōtra vēditorē, aliter vē-
rō cōtra possessorē numerari debet, sed semper eodē modo & eodē tēpore, nisi
cū. n. iustā causam actor habuit ignorandi quando fuerit perfectū opus, vt *in d. l.*
semper §. annus autē & seq. quia nimirū annus utilis est nō cōtinuus, vt & Cui-
cius bene sentit. Sic autē euenit quoties de tēpore utili incidit tractatus *Leum sex*
56. D. de adul. edict. Ergo quēadmodū & actio aquę pluuię arcēdę & interdictū
Quod vi aut clā datur cōtra venditorē, non aliā ratione quā quod vi aut clam
opus fecerit per quod aqua pluuia nocere possit: Ita & iudicium De dolo quod
aduersus eundē vēditorē dari post annū debere Paulus ait, ob eādē rationē dā-
dū est in subsidiū quidē quod annus præterierit, sed nō ubi id quod præterierit
dolo malo vēditoris. Quo casu nō esset subsidiaria, quoniā ex eā causā, quod ac-
tionis dies exierit dolo malo aduersarij, neq; actio aquę pluuię arcēdę vnquā
datur, neq; interdictū Quod vi aut clā. Et tan. ē nec illud dici pōt actionē de do-
lo esse subsidiariā hoc sensu, vt dari debeat in locū actionis quę aliquādo cōpe-
tuerit actēpore finita sit, *d. §. idē Pomponius refert.* Sed vt eo tantū casu quo alia
actio nulla cōpetierit. Sed & vereor ne nō satis rectē dici possit, quod Cuiacius
noster habet pro explorato, si dolo malo eius qui conueniri poterat interdictū
Quod vi aut clā intra annū præterierit annus, dādū esse in eū ex hac causa iudi-
ciū De dolo. Nā neq; *in d. l. idē Pōponius* loquitur Vlpianus de interdicto, sed
tantū de actione quę finita sit tēpore, & non obscura dissimilitudinis ratio in-
ter actionē tēporalē, & interdictū adferri illa potest, q̃ actiones tēporales suum
tēpus certū habēt, vltra quod nō possunt viuere, ideōq; dicūtur finiri tēpore nō
elidi per exceptionē vllā aut præscriptionem tēporis *l. in contradi. 14. & pass. C.*
de nō numer. pecu. d. l. cum sex 56. De adul. edict. l. si quis 3. & seq. C. de præscr. 30. vel
40. annor. Nepe quoniā ab initio sic inductę sunt, eāmq; legē & naturā habue-
runt. At interdictū Quod vi aut clā, non tam sui natura est annuum vt vltra an-
nū viuere nō possit, quā summovendū per annuā exceptionē si fortē post an-
nū exerceatur. Et idcirco cū exceptiones omnes sint ex æquitate cuius præci-
puā rationem Prætor semper habet, in iis præsertim quę ex ipsius iurisdictione
pendent vt interdicta est in arbitrio Prætoris, vt quoties equitas ita suadere vi-
detur exceptionē illā annuam vel cōcedat, vel remittat, vt disertē Vlp. docet *in*
d. l. semper §. sed si u. su. locus, vbi ait, Etia post annū causa cognita cōpetere inter-
dictum De eo quod vi aut clā factum est, Et addit *nā causa cognita annuā exce-*
ptionē remittendā. Et quamvis subiiciat, *hoc est magna & iusta causa ignorantia in-*
seruiente, id tamen exempli duntaxat loco adiectum videri debet, nō vt causę
cognitio ad eum solum casum restringatur. An nō enim maior æquitas suadet,
vt remittatur exceptio annua propter dolum eius qui fecit vt annus exiret, quā
vt propter iustā actoris ignorantiam? Aut quānam expeditio induci potest ra-
tio puniendi huius doli quā si Prætor ex eo moueatur, vt etiā post annum det
interdictum? Non enim sicut interdictum hoc, ita & temporales actiones pos-
sunt dici temporales causa cognita sed simpliciter & absolute, nec vllō exce-
ptionis auxilio reus indiget vt post tempus non conueniatur, sed restitutione
potius actor, vt finita actio restituatur *l. 2. & vltim. C. in quib. caus. non est necess. in*
integr. restit. Non igitur dandum est iudicium De dolo contra eum cuius dolo
malo factum est vt præterierit annus intra quem potuit conueniri interdicto
Quod vi aut clam cū possit sufficere interdictum ipsum iuncta causę cogni-
tione quam adhibere debet Prætor in annua exceptione denegāda. Sēper enim
verū est interdictum cōpetere, sufficitque amoueri obstaculum exceptio-

nis vt:

nis ut interdictum sit cum effectu. Adde quod nescio an adhuc quisquam obseruauerit, Actionem de dolo quæ contra eum datur cuius dolo malo factum est, ut actionis tempus exierit, alterius esse naturæ & condicionis, quam sint aliæ omnes actiones De dolo. Illæ enim sunt omnes arbitrarie quia arbitrio iudicis restitutionem continent, & nisi fiat restitutio tum de iure sequitur condemnatio *l. arbitrio 18. D. de dolo. §. praterit. a. In lit. de action.* At cum alicuius dolo effectum est ut lis vel actio legitimis temporibus transactis perierit, non ad hoc datur iudiciū De dolo ut a bitrio iudicis restituatur, sed ut tantum actor consequatur quanti eius interfuerit factū id nō esse, ne aliter obseruantibus lis circumscribatur, inquit Paulus in *d. l. arbitrio §. dolo cum.* Atque Paulus idem in *d. l. Anteus*, cum ita scribit quod si annus praterierit, de dolo iudicium dandū aperte sentit de ea actione De dolo danda per quā in defectum actionis Aquæ pluuiæ arcendæ & interdictū Quod vi aut clā, actor tantundem cōsequatur, quāuin aut illa actione, aut isto interdicto cōsequeretur. Nō ergo de illa actione De dolo per quā nō restitutionē rei sed tantum eius quod interest præstationē cōsequatur, qualis illa est, quæ datur ob eam duntaxat causam, quod annus præterierit dolo malo eius, qui intra annum poterat interdicto Quod vi aut clā cōueniri. Itaque ut concludā, hūc quoque mendum subesse puto, & legēdum addita negatione quod si annus præterierit, nec de dolo iudiciū dandū. Sensus. n. est, Post annum præteritum non solum cessare actionem in Aquæ pluuiæ arcendæ contra eum qui opus fecerit, propter anisum ab eo dominium per venditionem postea secutā, Et interdictum Quod vi aut clam propter exceptionem annuam, sed etiā actionem de dolo. Denique nullam superesse actionem ne quidem de dolo, ut in *l. §. denique eo. tit.* nihil posse agi nec de dolo actione, quāuis nō potuerit dolo non facere is qui vi aut clam fecit, soleatque subsidiaria esse actio De dolo aliis omnibus deficientibus contra dolosum, Nempe quia sibi debet imputare quæ cum posset interdicto expectari supersedit. Nec tamen recuso ut addas exceptionē nisi dolo malo aduersarij factum sit ut annus præterierit, non quia hoc casu dāda vnquam sit actio De dolo, ut male putat Cuiacius, sed quoniam saluum esse interdictum debeat etiam post annum, Remissa scilicet exceptione annua quæ alioqui solet obsistere interdicto, idque per æquitatem prætoriam, quæ facit ut interdictis omnibus non minùs quàm iudiciis bonæ fidei insint ipsi iure exceptiones & replicationes doli, illis nimirum saltem quæ non per formulam & iudicem datum sed per cognitionem prætoriam expediuntur. Cuiusmodi est interdictum hoc Quod vi aut clam, de quo disputamus, in quo Prætor non pollicetur se iudicium daturum, ut in interdicto Vnde vis, sed rem restituere iubet, quædammodum ex edicti verbis apparet. Nec. n. Prætor cum ipse cognoscit formulā sibi vllā præscribit, in qua exceptionis doli mentionem vllā fieri sit necessesse, sed adhibet ipse cognitionem suā perpenſis & exactè circumſpectis omnibus quæ ipsius æquitatem mouere debent, ut hoc vel illud decernat. Inter quæ potissimum est dolus, quem nunquā Prætor vult manere impunitū. Potuit autē negatio quā uos restituimus tolli per incitiā interpretis alicuius existimātis eam abundare, quodd alia nulla sequeretur quæ solet sequi cum præcedens negatio concepta est per articulum *nec aut neque*. Sed nemo non videt quā eleganter ita scribere Paulus potuerit & debuerit quod si annus præterierit, nec de dolo iudicium standum sicuti in *dist. §. denique l. eodem*. ut significaret quod nos volumus, Post annum præteritum nullam penitus actionem, nullum interdictum, nullum denique auxilium ei superesse qui ex opere facto dānum timet, Ne

quidem iudicium De dolo, quod aliàs deficientibus omnino cæteris omnibus deficere numquam solet. Nec felicius Accursius noster, licet eius sententiam & Castrensis & alij vulgo probent, dandam putat actionem in factum ex edicto De alienatione iudicij mutandi causa. Nam sicuti non potest dari illa post annum cum sit annalis ut supra diximus ex *l. vel post annum 6. D. ill. tit. De alien. iudic. mut. caus. fact.* ita neque intra annum, nisi eo solo casu quo alienatio proponatur facta dolo malo, & iudicij si non mutandi saltem evitandi gratia, ut in *dist. l. post venditionem*. Quod in proposita specie Paulus non ponit, sed alienationem factam simpliciter, id est neque post acceptum iudicium, neque dolo malo, Quo casu non potest illi edicto locus esse *l. item si res 4. §. 1. D. de alien. iudic. mut. caus. fact.* Neque rursus actio in factum quæ subsidiaria est actionis De dolo, habere locum hoc casu potest, sed in iis tantum in quibus competeret actio ipsa De dolo si nihil impediret puta si agendum sit contra eas personas quibus reuerentia debetur & contra quas idcirco famosa actio non datur *l. non debet 11. §. 1. D. de dolo l. si superflite 5. C. eod.* aut si post annum agendum sit contra eum ad quem ex dolo aliquid perueniret, ut in *l. itaque 28. D. eo.* aut deniq; si factum tale interueniret in quo nullus quidem adfuerit dolus, sed culpa tamē aliqua propter quam æquum sit actori indemnitate præstari, ut in *l. rei quam venalem 33. eod. tit.* Cæterum quæ iuris & æquitatis ratio facit apud Paulum in *d. l. Antaus*, ut actioni de dolo non possit esse locus post annū præteritum etiam si dolo aduersarij annus præterierit, eadem actionem quoque in factum excludit.

ERROR DECIMVS.

De lectione & emendatione l. quamquam 4. §. 1. & l. supra iter 11. §. Cassius D. de aqua & aqua pluuiæ arcend.



ON piget immorari aliquanto diutius circa hanc Aquæ pluuiæ arcendæ actionē, quoniam de ea nihil adhuc in libris nostris, aut idinodum pauca scripsimus: cum tamē habeat elegantē tractatū ut ex iis quæ iam diximus intelligi potest. Præcipuus autē labor à nobis adhibendus in eo est ut menda si qua sunt in hoc tit. expurgemus, quod in explicatione *l. Antaus*, non infelicius fecisse nos arbitramur. Superfunt in codē tit. duo hi loci de quorū etiā sententia & emendatione dubitari nō improbabilius potest. In *l. quamquam 4. §. 1.* Vlpianus ex Iuliano scribit, si post iudicium Aquæ pluuiæ arcendæ susceptū alienauerit fundū is cum quo actū esset de præterito damno & de opere restituēdo, id statuere iudicē debere, quod iudicaret si alienatio nulla facta esset. Vbi quod ait de dāno præterito, non de eo dāno accipi debet quod cōtigerit anteliter cōtestatā, sed de eo quod post acceptū iudicium & ante alienationē ut omnes cōsentiūt, quia in hoc iudiciū sicut in damni infecti, futurū duntaxat damnū venit, cum in reliquis ferē omnibus iudiciis præteritū præstetur, *d. l. Antaus §. in hoc iudiciū*. Differtq; hæc actio ab illa quā Prætor dat ex causa dāni infecti, quod in hanc venit damnum illud quod futurum est & timetur ex opere iam factō, In stipulationem verō & cautionem damni infecti, damnum quod timetur potiūs ex non factō opere quod fieri debuit *l. 1. §. 1. eod. tit.* Cæterum de damno quod contigit post acceptum Aquæ pluuiæ arcendæ iudicium, & quidem usque ad sententiā competit

competit daturque hæc actio *diel. l. quamquam §. 1. l. post venditionem 16. v. l. super praeter 11. §. officium cod. tit.* Opus sanè factum esse oportet ante litem contestatam ut de eo huiusmodi actione agi possit. Nam de eo opere quod post litem contestatam factum esset, nouo iudicio agi oporteret, nisi opus quod antecessit, id est quod ante contestationem factum est tale sit ut sine eo quod factum est post iudicium acceptum tolli non possit *diel. l. Anteus §. vltim. & l. seq. ord.* Ratio enim connexitatis hoc facit quemadmodum & alia pleraque, ut opus etiam quod factum est post litem contestatam tolli per hanc actionem possit & debeat cum eo quod ante. At si ex opere iam facto damnum aliquod datum sit, ante litem contestatam, de eo agendum est interdicto Quod vi aut clam, cessante nimirum Aquæ pluuiæ arcendæ actione: De eo autem quod post sententiam iudicis futurum est, damni infecti cauere oportet, vel arbitrio & iussu iudicis ita opus restituendum ut nullum periculum damni supersit *diel. l. Anteus §. de eo.* Nempe quia nil ad iudicem pertinet futuri temporis tractatus, id est eius quod post condemnationem futurum est, ut idem Paulus noster ad Papinianum notat in *l. 1. §. 1. D. de usur.* Et hæc omnia tam apertè vera sunt, ut nullam dubitationem admittant. Sed quod sequitur apud Vlpianum in *diel. l. quamquam §. 1.* difficilior videtur. Ait enim nam & fundo alienato nihilominus iudicium manere, & damni rationem venire etiam eius quod alienationem contingit. Quæ postrema verba nullum certè sensum habent. Quoddam enim damnum illud esse potest quod alienationem contingat? Quare nec dubitat Cuiacius quin locus corruptus sit, & ita restituendus ut de eo damno intelligatur quod vel ante, vel post alienationem contigerit. Sed mauult de illo intelligere quod contigerit ante, ideòque sic emendat *etiam eius quod ante alienationem contigit.* Ego vero malo intelligere de eo quod post alienationem, Nō solum quia de eo quod ante, minor erat ratio dubitandi, sed etiam quod verba præcedentia id suadeant quæ sunt de fundo iam alienato, Ergo & de illo damno quod facta iam alienatione acciderit. Idque adiecta etiā ratio demonstrat, quæ illa est quod fundo alienato nihilominus iudiciū maneat. Idem scilicet quod acceptum fuerat ante alienationem, & ex cuius natura certum est venire in hanc actionem damnum omne quodcumque lite pendente & ad sententiam usque contigisse proponatur. Cum igitur idipsum statuere iudex debeat quod indicaret si alienatio nulla facta esset ut scriptum est in præcedentibus, Consequens sit ut eius quoque damni quod post alienationem dummodò ante sententiam contigerit, rationem habere debeat, quam haberet haud dubiè si alienatio nulla facta fuisset. Quod cum nec Cuiacius dissiteatur, miror cur non malit legere *post alienationem* quomodo nos legendum arbitramur, quàm *ante alienationem.* Nam & sic antiqui legisse videntur, præsertim Castrensis qui ad eum locum notat, Alienationem non facere quominus teneatur venditor qui post acceptum iudicium alienauit, de omni damno, quod contigerit lite pendente. Quæ generali propositione nemo non videt damnum etiam illud contineri quod contigit post alienationem. Dico *contigit* non ut scriptum est Florentinæ *contingit* quia ut bene monet Cuiacius ad Paulum in *diel. l. Anteus*, Florentini librarij misiste est ut plerunque retineat litteram *n* in præteriti temporis verbis contra Grammaticorum leges ut passim *dereliqueris & delinqueris* pro *dereliqueris & deliqueris*, & *nanctus* pro *nahtus* aliisque permulta his similia. Illud planè nullomodo probare possum quod Castrensis tradit ad *l. l. quamquam §. 1.* intelligendum esse Vlpianum de villi actione Aquæ pluuiæ arcendæ non de directâ, Quasi fieri

nequeat ut directa actione teneatur is qui etiam pendente lite ac dolo malo deliit possidere. Ex *l. celsio 26. §. si is D. de noxal. action.* Repugnat enim apertissimè quod Ulpianus scribit, Alienato post acceptum iudicium fundo nihilominus iudicium manere, id est ut supra iam interpretati sumus idem ipsum iudicium quod acceptum fuerat, Directum igitur non vtile. Nō enim manere dici possent, quod mutaretur, & conuerteretur in aliud *l. proponatur 76. D. de iudic.* Certum autē est directum iudicium in qualibet actione aliud esse ab utili, nec tantum numero differre, sed etiam specie & genere, ita ut concurrere nūquam possint, nec cui vna competeat, alia competere: tametsi eiusdem potestatis sint, eundemque habeant effectum *l. celsio 47. D. de negot. gest. l. in hoc iudicium 14. §. 1. D. commun. diuid. l. 1. C. de oblig. & action.* Et verò qua ratione fieri obsecro posset, ut iudex in iudicio directo datus, pronunciaret in utili? Cū ea esset veterum iudiciorum ratio, ut iudex datus ne latum quidem vnguem à præscripta sibi formula recedere vnquam posset? Neque simile est, quod Castrensis obiicit ex Paulo in *d. §. si is*, vbi tractat de noxali actione contra eum dando cuius dolo malo factum est ut in potestate sua desierit habere seruum qui noxiam fecit. Et ait esse actionem hanc utilem non directam, sed in directæ locum succedere, & idē liberari eum qui dolo desierit seruū possidere si seruus ille decesserit prius quàm actione illa utili conueniretur, Nempe quoniam si seruum non alienasset, etiam à directa actione quæ aduersus eum competiisset, liberaretur. Tractat igitur de seruo alienato ante acceptum iudicium, & eo tempore quo directa quidem actio competebat, sed directum iudicium adhuc nullum erat, de quo posset dubitari an in iudicium utile conuersum esset. Nos verò eum casum tractamus, quo fundus vbi factum opus est fuerit alienatus post acceptum iudicium directum, & eo tempore quo de utili dando tractari non poterat. Fateor contra eum qui dolo malo deliit possidere seruum antequàm noxali actione directa eius nomine conueniretur, utilem duntaxat noxalem dari posse eamque in directæ locum succedere. Sed nego aut hoc aut vllō alio casu fieri posse, ut iudicium directum semel acceptum transeat in iudicium utile propter secutam pendente lite alienationem. Quale enim iudicium semel acceptum fuit, tale manere necesse est quousque vel finiatur per sententiam, vel solvatur vō ex iis modis de quibus in *l. iudicium soluitur 58. D. de iudic.* Quòd si aliquo ex iis modis solutum sit, nouo postea iudicio siue directo, siue utili opus est, manca videlicet ac deficiente priorē formula. Cæterum si ponerēs conuentum fuisse dominum actione noxali directa cū adhuc in potestate sua seruum haberet, deinde dolo malo de iis habere siue per alienationem, siue quo alio facto suo pendente lite, non diceret Paulus, quod Castrensis adfirmat, mutari iudicium, & ex directo fieri utile, quoniam iudicia omnia formam suam accipiunt ex eo tempore quo constituuntur, id est ex die litis contestatæ. Qua ratione solemus dicere quale quid est cū petitur tale dari debere *l. 2. D. de usur.* & in omnibus serè partibus iuris spectandum esse tempus litis contestatæ, quia per litis contestationem, id est tū cū accipitur iudicium quasi per stipulationem contrahitur *vulg. l. 3. §. idem scribis D. de pecul. l. delegare 11. §. 1. D. de nouat. & delig.* Ac proinde sicuti cū stipulatio certas suas leges ab initio habuit, non possunt illæ ex stipulatoris aut promissoris arbitrio immutari *l. vtro procuratori 12. §. alia causa est D. de solut.* ita neque ex litigatorum arbitrio & potestate pendere potest natura iudicij, quod constitutum semel fuit voluntate & auctoritate Prætoris siue directum illud fuerit, siue utile, nec magis fieri potest ex directo utile pro-

le propter aliquod factum alterutrius litigatorum, quàm ex vili directum. Nec aliud iuris est in specie *l. si post acceptum* 18. *D. de rei vindic.* in qua iudicium directum vindicationis institutum contra bonæ fidei possessorem qui post litem contestatam vsucapionem complevit, & dominium acquisiit, non idè definit esse directum, vt malè Castrèsis existimat, nec mutatur in vile, sed remanet directum, quia in iudicio illo directo ciuilis vindicationis non quæritur, an actor sit dominus in toto tractu iudicij, sed an verè dominus fuerit tempore litis contestatæ, vt iure tùm vsurpare potuerit sollennem illam vindicationis formulam *Hanc rem ex iure Quiritium meam esse aio.* Atqui non eo minùs verum est fuisse actore dominum eo tempore quo litem contestabatur, quamuis postea desierit esse dominus completa per possessorem vsucapione, quæ scilicet non interruptur per malà fidem superuenientem cuius probatione inducere solet litis contestatio *l. sed etsi* 25. §. *si ante D. de hered. petit.* Perinde igitur arbitrari iudex debet vt bonæ fidei possessor rē petitam & à se vsucapitā tradat petitori atque si nulla vsucapio cōpleta esset, quia cōplementū illud accidit facto possessoris qui vindicatione directā conuentus maluit litē contestari quàm rē restituere. Non debuit autē factū illud possessoris lucrū ei adferre, & petitori nocere qui iudicium directū iure meritōq; impetrauerat, ne per continuationē malæ fidei melior eius condicio facta videretur, quod esset absurdissimū *l. inferiando* 67. §. *in fana D. de furt.* Illa duntaxat differētia est an iubeatur rē tradere is qui possessor tantū est nō dominus, an verò is qui cū in ipsa litis contestatione possessor solū esset, per vsucapionē postea cœpit esse dominus, quod priore casu traditio solā possessionē transferre potest non etiam dominū quod à possessione separātū inuenitur, Posteriorē autē transfert cū possessione dominium quia coniunctū, vt *in l. per procuratorem* 8. *C. de acq. poss.* Nec nouum est vt eadē traditionis faciendæ necessitas eandē causam habens diuersos tamen effectus sortiatur pro diuerso iure tradentis. Idem enim accidit in venditore tradente rē venditā vt quamuis non nisi tradere, id est possessionē vacuam transferre obligatus sit, transferat tamen etiā dominium cū possessione, si fortè non possessor tantū sed etiam dominus inueniatur *l. i. §. i. vers. & imprimis D. de action. empt. l. tr. aditio* 20. *D. de acq. rer. domin.* Similiter in iudicio vindicationis directo euenire dicendū est, vt siue post litē contestatā possessor vsuceperit rē petitam, siue nō vsuceperit arbitriū iudicis nō aliud esse debeat, quàm vt possessor iubeat rē tradere nō inspecto eo an per eiusmodi traditionem futurum sit vt possessio siue dominio transferatur, an dominium cum possessione. Planè cū vsucapio secuta est, ad iudicem iudex arbitrio suo debet vt serui possessor victus caueat de dolo, propter periculū quod subest ne seruum illum vel pignerauerit, vel manuiferit, vt eleganter Caius scribit *in d. l. si post acceptum.* Castrensem fecelisse illud viderur, quod cū is qui directo aquæ pluuiæ arcēdæ iudicio conuētus fuit, fundum in quo factū opus est, alienat, iam nō potest iuberi opus tollere & restituere, cuius nimirū restituendi cū dominus esse desierit nullā habet amplius facultatem *l. si colonus* 5. *D. de aqua, & aqua plu. arc.* Quasi ob id quod incipiat minus tenere quàm antea directo iudicio tenebatur, desinat iudicium illud directum esse. Quod certè nō ita est. Cū n. arbitriū iudicis in hoc iudicio duas habeat partes, Vnā de opere restituēdo, quod à solo domino fieri pōt, alterā de dāno præstando aut de dāno & impensis simul, vt *in d. l. si colonus* & *l. sed venditor* 13. *eo.* interueniens alienatio, priorem quidem arbitrij partem tollit, at non etiā posteriorem & idè remanet idem iudicium licet minùs plenū pro eo scilicet

quod adhuc deducendum superest in arbitrium & condemnationem, Exemplo eius quod non abfimiliter Vlpianus scribit *in l. si constante 24. §. ult. D. soluti. matrim.* Nō modō si bona mulieris pro parte publicata sint, superesse mulieri reliquę partis dotis exactionē, sed etiam si post litem contestatā, acceptūmq; iam de tota dote iudicium publicata sit dos pro parte, sufficere arbitrium iudicis ad partis condemnationem, id est nulla opus esse noua formula nec nouo aliquo iudicio, sed eiudē arbitrij & iudicij potestate perueniri posse & debere ad condemnationē partis. Quamuis si tota dos, vt *in eo §. ult.* sequitur, publicata esset, iudicium expiraret. Expirat igitur pro parte, cum pars dotis publicatur, vt eadē sit ratio partis quę totius, sed non facit ea res quominus idem arbitrium & iudicium maneat, quamuis minorem condemnationem habiturū. Remanet igitur dotis iudicium directum quale antea erat. Et sicuti nemo bene dixerit in ea specie iudicium dotis ex directo fieri vtile, ob id quōd ex eo iudicio pars dotis per publicationem quę post litem contestatam superuenit, subtrahatur, quamuis pro ea parte quę publicata est iudicium expiret. Ita & in eo casu quem tractamus dicendū est, Alienato fundo post acceptum Aquę pluuię arcendę iudicium, minui quidē arbitrium, & iudicium illud directum, in quod scilicet venire operis restitutio amplius non potest, sed tamē superesse pro damno & expensis, & pro ea parte neq; expirare, neque vtile fieri ex directo, sed æquē directū manere ac antea, & sufficere ita vt nullo alio iudicio sit opus. Alioqui paulatim dicemus nec directū esse iudicium Aquę pluuię arcendę in quo agatur tantūm ad restitutionem operis, non etiam vt damnum sarciantur, vt *in l. si tertius 6. §. officium eod.* aut ad præstandam solam patientiæ tollendi operis, vt *in §. Celsus ead. leg. & in d. l. quamquam §. idem Iulianus eod.* quod tamen euidenter falsum est, vt ex supradictis locis apparet. Sed hæc ad Vlpianum sufficiant. Alius locus *in eod. tit.* est quem emendatione indigere putat Cuiacius *in l. supra uer. 12. §. Cassius*, ubi Paulus ex Cassio scribit, siue ex fundo plurium cōmuni aqua pluuiā noceat vicino, siue ex fundo vnius noceat fundo cōmuni plurium posse vel vnum cum vno agere, vel vnum separatim cum singulis, vel separatim singules cum vno, vel singulos cum singulis. Si vnus egerit & restitutio operis siue æstimatio facta sit [sic enim legendum est non vt vulgō *istisq;* cum in arbitrariis non possit litis æstimatio fieri per condemnationē nisi eo demū casu quo non fuerit paritum arbitrio] ceterorū actionem euanescere. Item si cum vno actum sit, & sic, id est post acceptum iudicium præstiterit & satisfecerit, quo casu omnia iudicia sunt absolutoria *§. ult. Inst. de perpet. & tempor. act.* ceteros liberari [legendum enim est & sic non vt scriptum est *et si præstiterit*,] Addit, Idq; quod lociorū nomine datum sit, per arbitrum Communi diuidendo recuperari posse. Quę omnia per se satis plana sunt. Sed quod sequitur difficilior est & *ex sociis non utique cum eo agendum qui opus fecerit. Nec minis eum quoque damnum restituere debere qui author operis fuerit.* Sunt enim qui prima illa verba & *ex sociis* conuectant præcedentibus, & ita legant vno contextu *recuperari posse & à sociis* reponendo à pro ex. Quę lectio apertē viciosa est vt & Cuiacius bene obseruauit, nouāque sententiā omnimodo ab illis verbis & *ex sociis* inchoanda est. Secundum quod tamen difficile est dicere quam rationem habeat quod Paulus ait, *non utique cum eo agendum qui opus fecerit.* Quis enim dubitat, inquit Cuiacius, quin is qui opus fecit teneatur omnimodo & indistinctē Aquę pluuię arcendę? Et idē putat ille tollendam negationē, quę & in Pand. Florent. notylla circumscripta est, vt suspectam eam esse quiuīs intelligat. Mihi nihil vide-

tur aut apertius, aut facilius quàm ut retenta negatione Paulus intelligatur hoc sensu, ut cum eo quidem agendum sit qui opus fecerit, adeoque indistinctè, sed non omnino cum eo, id est non cum eo solo, quia etiam author operis conveniri potest & debet, is equidem qui opus fecit, ut patientiam & impensam præstet, restituenti operis. Is verò qui opus nō fecit, ut vel patientiam præstet non etiam impensam. Quam sententiam non negat Cuiacius esse verissimam, sed negat supradictis verbis expressam esse si negatio retineatur. In quo tamen fallitur. *Vtique* enim dixit Paulus non tantum pro *indistinctè* quomodo sumi plerumque solet, sed potius pro *omnino*. Quid verò aliud est dicere *non omnino cum eo agendum esse* quàm quod volo *non cum eo solo agendum esse*. Et quemadmodum aliud est si quis dicat *non omnino* aliud si *omnino non*, quia hæc posterior locutionem negat quantum si dictum esset *nullomodo*, Ita non debuit Cuiacius locutionem illam *non utique* sic accipere quasi Paulus scripsisset nullomodo agendum esse cum eo qui opus fecerit. Quod quemadmodum falsum est, ita nec à Paulo dictum nec cogitatum fuit. Itaque explicatione tantum hic locus indiget, nec ea obscura non suppletionem aliqua, aut ut Cuiacius loquitur, ferruminationem. Possem hinc totum hunc De aquæ pluviz arcendæ actione tractatū absolute, nisi placeret addere pro coronide, ut huic actioni locus esse possit, Decem esse necessaria quæ Castrensis diligenter & aperte ut solet expressit *ad l. i. docet*. Primò ut aqua quæ nocet, sit aqua pluvia vel sola, vel mixta *l. 3. §. 1. eodem*. Secundò ut aqua illa pluvia noceat, Non enim sufficit ut per eam commodum aliquod auferatur *dist. l. 1. §. sicut autem*. Tertiò ut noceat ex opere manufacto, non autem naturaliter, *d. l. 1. §. 1. §. item sciendum & §. in summa*. Quartò ut non sit factum opus culturæ & querendorum fructuum gratia *dist. l. 1. §. de eo opere*. Quintò ut noceat prædio rustico, siue ex alio itidem rustico veniat, siue ex urbano non etiam si urbano noceat *d. l. 1. §. item sciendum 2. in quo maxime differt ab actione & cautione De damno infecto*, quæ potissimum propter ædes & prædia urbana comparata est *l. in stipulatione 23. & pass. D. de damno infecto*, quamvis etiam ad prædia & opera rustica pertineat *l. fluminum 24. in princip. §. idem Servius & seq. §. item apud Viniarum & pass. eod. d. l. Anteus 14. §. pen. De aqua & aqua pluv. arc.* Sextò requiritur ut opus sit factum in privato, non in publico *d. l. 3. §. aqua pluvia eod.* Septimò ut non publica auctoritate *l. quod Principis 23. eod.* Octavò ut extet memoria quando factum fuerit opus *l. 2. §. Cassius autem eo*. Nondè ut sit factum contra naturalem vel quasi naturalem servitutem, vel imposititiam *l. 1. §. sed si vicinus & §. ult. eod.* Decimò & vltimò ut is cui nocet opus non debeat servitutem recipiendi aquam *l. 2. §. ult. eod.* Hæc omnia qui sciet, cætera omnia quæ ad hanc actionem pertinent faciliè intelliget, dummodò arbitrariam eam esse meminerit, Quod nos fortasse primi docuimus.

ANTONII FABRI
I.C. SEBVSIANI IN SVPREMO
SABAVDIÆ SENATV PRÆSIDIS

PRIMARI,

DE ERROR. PRAGMAT. ET
INTERPR. IVR.
DECAS XCIIII.
ERROR I.

De actione Finium regendorum, quòd sit arbitraria.



E hac quoque actione vel nihil vel pauca admodum lucusque scripsimus in libris nostris, Esse illā personale nemo dubitat, licet pro rei vindicatione sit, ut disertè scriptum est in *l. i. D. fin. regund.* Non ait Paulus inductam eam esse propter vindicationes, quomodo Vlpian. de actione Ad exhibendum in *l. i. D. ad exhib.* sed esse pro rei vindicatione, id est loco vindicationis, quia nō alij competit, quā ei qui sit dominus, & quem aduersarius quoq; dominū esse fateatur.

Non enim de adiudicando dominio in ea tractatur, sed tantū de adiudicandis finibus si aliter dirimi controversia non possit *l. 2. §. i. l. 3. & 4. fin. regund.* De illo igitur tantū dubitari potest, An bonæ fidei actio sit, an stricta, an arbitraria. Bonæ fidei eam esse, illud videtur suadere, quod pleraque habet communia cum actionibus Familix eriscundæ, & Comuni diuidundo, quas tamen bonæ fidei esse nemo ambigit *§. actionum Inst. de action.* Sunt enim tria hæc iudicia mixta & duplicia, sic appellata quòd in iis vterque actor sit, & vterque reus *l. in tribus 13. D. de iudic. l. iudicium 10. D. fin. regund. l. actionis 37. D. de obligat. & action.* Proindeque omnia arbitria appellantur, Non quòd sint arbitraria, quod de iudiciis Familix eriscundæ & Comuni diuidundo nemo vnquam dixit, nec dicere potuit, sed quòd plus in iis arbitradū iudici cōmittatur, quā in iudicādum. Sed tamē non esse hanc actionem bonæ fidei vel ex hoc ipso maxime apparet, quod cū cæteris bonæ fidei actionibus enumerata nō est in *d. §. actionum*, vbi omnes enumeratas esse quotquot sunt bonæ fidei excepta rei vxoriz & dotis actione de quā statim subiicitur in *§. fuerat*, interpretes consentiūt, qui ex eo potissimū *§. colligere solēt*, Valere argumētū à sufficienti partiū enumeratione. Quod esset ridiculū si quā putaret deesse ex iis quæ enumerari potuissent & debuissent. Atq; hoc potissimū argumēto permoti nostri omnes vno ore defendunt esse hanc actionē stricti iuris. Arbitrariā enim esse ante nos, nemo dixit, nō magis quā esse bonæ fidei: Pro qua sentētia illud facit, quod fructuū incrementū recipit

recipit ex die litis cōtestatæ, l. 4. §. post litem D. fin. regūd. quæ natura est iudicio-
rum stricti iuris l. 2. l. 3. §. in his quoque l. videamus 38. §. si actionem D. de vsur. Ego
contrà esse arbitrariâ adfirmo. Neq; prius possum admitttere, aut hanc aut aliam
esse stricti iuris quàm probatū fuerit neq; bonæ fidei esse illâ neq; arbitrariam.
Sic enim Papinianum nostrū loqui video in d. §. in his quoque, in his iudiciis quæ
nec bonæ fidei sunt nec arbitrariæ, vt significet stricta. Nō quemodo nostri loquū-
tur, qui summā illam iudiciorū diuisionē esse volunt, vt omnia sint vel bonæ fi-
dei, vel stricta, Non quasi arbitraria nulla agnoscant, sed quoniā nō nisi ex stri-
ctis, tanquam ex fonte & origine arbitraria fluxisse putant, Contrà quàm à Iusti-
niano scriptum sit in d. tit. De action. vbi postquàm præfatus est actionū omniū
alias esse bonæ fidei, alias stricti iuris in d. §. actionum. Subiecit tamen in §. præte-
rea, esse præterea quasdā actiones arbitrarias, ne quis posset suspicari diuisionē
illā actionē in eas quæ sunt bonæ fidei & strictas fuisse sufficientē, neve dubita-
re quin actiones arbitrariæ tertiā speciē constituant à duabus reliquis differen-
tem. Adeo vt labore Iustinianus dūtaxat in actionibus bonæ fidei & arbitrariis
explicandis, earūque exēplis adferendis, nullo ferē de strictis habito tractatu, Nē-
pe vt significet naturā actionum stricti iuris perspicui satis posse cognita natura
actionum bonæ fidei & arbitrariarum, sed non contrà. Nec quod in actione Fi-
nium regundorum fructus veniant ex die litis contestatæ probat strictam esse a-
ctionem. Nam & in rei vindicatione idem obtinet l. Iulianus 17. §. 1. l. præterea
20. l. 6. ex diuerso 35. §. 1. & post. D. de rei vindic. & in Publiciana l. sed et si 7. alia
l. eum qui §. in Publiciana D. de Public. in rem act. & in aliis plerisque earū de quib-
us hucusque diximus, & quas arbitrarias esse probauimus. Cū enim arbitra-
riæ omnes ex eo dicantur, vt tam sæpe inculcauimus, quod in iis arbitrium ali-
quod interuenire necesse sit vt sequi possit vel absolutio vel condemnatio, arbit-
rium autem illud ex æquitate semper æstimandum sit, æquitas autē ipsa ex qua-
litate & natura negotij. Mirum non est pro varietate negotiorum aliter atque
aliter arbitrium concipi etiā quod ad fructus restituendos, vt aliquando de fru-
ctibus omnibus restituendis arbitrari iudex debeat, vt in actione Quod metus
causa vt qui vim vel metum passus est, nullum penitus damnum ex eo sentiat l.
item si eum 14. §. 1. d. si mulier 21. §. qui possessionem D. quod met. caus. d. l. videamus §.
item si vi De vsur. Itemque in Fauiana, Caluisiana & Pauliana d. l. videamus §. in
Fauiana. Aliquando autem de iis tantū qui percepti sint ex die litis contesta-
tæ, vt in vindicatione tam ciuili & directā, quàm vtili & prætoria & in aliis ple-
risque. Inter quas actionem hanc qua de agimus Finium regundorum recense-
ri quid prohibet? Præsertim cū, vt initio diximus, sit illa pro rei vindicatione.
An non enim facere hoc debet, vt in omnibus ferē eodē iure censetur quo di-
recta & ciuilis rei vindicatio? An non hoc cōsequens etiā est vulgari nostrorum
brocardico, Actionem subrogatā sapere naturā eius in cuius locū subrogata est?
vulg. l. si eum 10. §. qui iniuriarum D. si quis cautionem. Quod si in cæteris omnibus,
cūr non etiam in hoc vt sit arbitraria, quemadmodum vindicatio? Cur enim di-
uerfam naturam habeat in eo quod maximè ad ipsius essentiam pertinet, cū
pro vindicatione sit? Nam ad rem non pertinet si quis differentie ratione ex
eo velit petere, quod vindicatio sit in rem, actio autem finium regūdorū in per-
sonam: Cū actiones arbitrariæ sint tā in rem quàm in personam d. §. præterea
Inst. de action. Atqui, inquires, nullū in actione Finiū regūdorū præcedit arbitriū
iudicis, vt si ei non pareatur possit sequi cōdenatio, cū nulla iuris parte id scri-
ptū inueniatur, ex quo tamē potissimū arbitriaræ actiones æstimantur. Iam in quā

præcedit tale arbitrium si quando sit necesse. Et ita esse scriptum est à Paulo in *d.l.4. §. sed & si quis D. fin. regund.* ubi ait, si quis iudici non pareat in succidenda arbore vel in ædificio quod in fine positum fuerit, deponendo partem eius, condemnari eum debere. Quid enim hoc aliud est, quam præcedere arbitrium iudicis debere de arbore succidenda, vel de ædificio deponendo, ut si parebit is qui iussus est, absolui debeat, si non parebit, condemnari? Hoc ipsum autem, quid aliud obsecro quam quod volo, Esse hæc actionem arbitrariam? Non enim semper in hoc iudicio necesse est fieri mutuas adiudicationes, quomodo prorsus necesse est in iudiciis Familiz erciscundæ & Comuni diuidendo. Siquid hæc posteriora duo in id duntaxat cõpõtut vt res cõmunes vel ex hereditaria vel ex alia causa diuidantur, ita vt quod antea erat cõmune, fiat proprium singulorum, quod non aliter fieri potest quàm si pars illa quæ in ea re socius habebat, adiudicetur alteri, cum in re cõmuni nihil tam sit vnus ex sociis quin sit etiã alterius *l. illud 46. D. de res. nupt. l. 5. §. 1. & 2. De legat. l. l. recte dicimus 25. de verb. signific.* Ob eamque causam fiunt illæ adiudicationes personis non rebus quia per eas sit vt persona totum habeat quæ antea non habebat nisi partem. At in actione Finium regudorum omnia sunt dissimilia. Officiũ namque iudicis in eo primum versatur vt inquirat & dispiciat an necessaria sit adiudicatio, quæ vno tantum casu necessaria est, Si euidentioribus finibus agros distinguere oporteat, quàm alias fuissent distincti. Nam tunc necesse est ex alterius agro partem aliquam alterius agri domino adiudicari, vt bene Iustin. docet in *§. ult. Inst. de offic. iudic.* Et generalius, quoties non aliter iudex potest fines dirigere permittitur ei adiudicatione cõtrouersiam dirimere, vt loquitur *Vlp. in l. 2. §. 1. D. finium regund.* ubi obseruandum est quod ait permitti hoc iudici, vt significet non tam committi ei hoc quàm permitti ex necessitate sc. magis quàm ex vi & natura actionis. Ad hoc enim tantum datur iudex finium regudorum vi fines regat & dirigat, non vt ex vnus fundo quicquid alteri adiudicet. At verò ubi non potest fines dirigere [sic. namque Vlp. legendum est, non vt vulgò *dirimere* vt paulò post ibidem] necessario permittendum ei est vt adiudicatione rem terminet, Ne alioqui nulla supersit ratio cõtrouersiz finiedæ & dirimendæ. Sed & cum hoc accidit vt adiudicatione cõtrouersiam dirimi oporteat, singulari quodam iure euenit in hac actione quod non similiter in aliis, vt magis fundo quàm personis fines adiudicari intelligatur, quemadmodum Paulus tractat in *d.l.4. §. si alter*, Vbi ex hoc inferit, Si alter fundus duorum, alter trium sit, posse iudicem adiudicare vni parti locum de quo queritur, licet plures dominos habeat, Vt in hac specie cum sit adiudicatio pluribus vnusquisque portionem eam habeat in loco adiudicato, quàm in fundo habet, & pro indiuiso. Itaque si actio Finium regudorum ad hoc tantum aut principaliter daretur, vt fieret adiudicatio aliqua, sicut accidit in iudiciis Familiz erciscundæ & Comuni diuidendo, vix esset vt in personam dari videretur, at non potius in rem, cum adiudicatio fiat rei, non personæ. Sed dicitur esse & est in personam, quia ex sui natura plerumque habet præstationes personales, cum in ea sit habenda ratio etiam eius quod interest: puta si vnus ex litigatoribus aliquam utilitatem perceperit ex eo loco, quæ alterius esse appareat. Hoc enim casu & eo nomine cõdenatio fiet. Sed et si mensor ab altero solo conductus sit, cõdenatio erit facienda eius qui non conductus, in partem mercedis *d.l.4. §. 1.* Ad officium namque iudicis de finibus cognoscentis pertinet mentores mittere & per eos dirimere ipsam finium questionem vt æquum est, Et subiecto suis oculis, si ita res exigit, loco *l. si interruptione 8. §. 1. eod. tit.* Hoc verò cum accidit vt per mentores siue præsentem siue absentem iudice questio finium dirimatur, nullus sanè cõdenationi faciendæ locus relinquitur, nisi

si quid

si quid extrinsecus interfit, nō magis quā ad iudicationē. Cū autē ad iudicationē ex necessitate faciendā est tūm quoq; cōdēnationē interuenire necesse est. Cū sit cōueniens ut is cui ex alicuius agro pars aliqua adiudicatur, vicissim ei in pecuniā quantitatē certā debeat condemnari, quomodo ratiocinatur Iustinian. in d. s. ult. de offic. iudic. Vbi addit eo quoque nomine condemnandū quemq; esse hoc iudicio, quōd fortē circa fines aliquid inlicitosē commiserit, verbi gratia quia lapides finales furatus sit, vel arbores finales exciderit. Subiungit *Contumacia quoque nomine quisque eo iudicio condemnatur veluti si quis iubente iudice metiri agros passus non fuerit*. Et hic potissimum locus est qui me mouet ut de defendam actionem finium regundorum esse arbitrariam. Cū enim nō nisi per adhibitos mensores finium questio dirimi possit, omnino antecedens est ut arbitriū semper interuenire & praece dere deat de mēsoribus adhibēdis & admit tendis: Cui arbitrio si pareatur, & per mēsores finium questio terminetur, bene est, nec vlla sequitur, aut condemnatio, aut absolutio. Non cōdēnatio quia arbitrio paritum est, nisi extrinseca aliqua condemnationis causa concurrat ex iis quas proximē attulimus: Non absolutio ut euenit in ceteris arbitrariis, quia si cuti actio hęc duplex est, ita & arbitrium duplex quod de adhibendis & cōdu cendis ab viroq; litigatore mēsoribus redditur. Ut proinde si vterque pareat, neuter possit absolui, quia neuter potest summoueri, nisi fortē quis dicat virū que litigatorū & absolui quatenus reus esse intelligitur & summoueri quatenus actor est. Sed hoc dici nullomodo potest, cū ē cōtrariō vterq; potius obineat, quod intendit. Quid enim aliud vterq; petit, nisi ut fines regantur, & dirigantur? Hoc verō consequuntur ambo, cū finū questio per mēsores terminatur, aut quod efficitur idem est, per iudicem ip sum adhibitis mēsoribus. Indēq; nimirū est quod iudiciū hoc duplex appellatur, ut & iudicia Familiz exēscundā & Cō muni diuidundo, in iisq; est vterque actor & reus, quia sc. vtriusque intentio & petitio eadem est, neq; recusare aut negare potest alteruter, quin illud ipsū prae stare aut pati debeat quod aduersariū prae stare, aut pati debere contendit. Itaq; absolutio, ut dixi ex neutra parte sequi potest. Cōdēnatio tamen potest, cōtra eū videlicet qui arbitrio parē ē, ac mēsores cōducere noluit. Et ratio diuersi tatis inter absolutionē, & cōdēnationem hoc casu illa est, quod non quem ad modū fieri potest, & si plerūq; ut vterq; pareat, ita fieri etiā queat ut neuter pareat, cū saltem eū parēre necesse sit, qui prior ad iudiciū prouocauit, qui & idcirco actoris partibus fungitur d. l. in trib. u. 13. d. de iudic. Nā si neuter obtem perare vellet, non magis cōdēnatio aduersus hunc aut illum, quā absolutio sequi posset. Vtraq; verō obtemperantē, licet non possit sequi cōdēnatio ex ea causa quod arbitrio paritū non sit, quā formalis & proxima condemnationis causa est in omnibus actionibus arbitrariis. Sequi tamē potest ob alias illas extrinsecas causas quas attulimus. Nec eo minus verum est actionem esse, & ma nere arbitrariā, quia ut sit talis sufficit arbitriū ab initio aliquod praece dere debuisse, & quidem eiusmodi ut si ei obtemperatum nō fuisset, sequi posuisset cōdēnatio, licet postea neque secuta vlla sit, neq; sequi potuerit, ut Tryphonini verbis utar in l. quod vulgo 19. de bonor. poss. contr. tabul. Enimverō inter cā cōdēnationem, quā sequitur ob id quod arbitrio paritum non sit, & illā quā propter alias extrinsecas causas irrogatur, hoc referi, q̄ posteriore casu leuior sit cōdēnatio, in id sc. quod reuera interest, quia nihil nisi illud ipsum quod inter est dūtaxat aestimatur d. l. 4. §. 1. At priore casu cōdēnatio sit grauior in penam contumaciae, quomodo loquitur Iustin. in d. s. ult. de offic. iudic. ut non tantum

incipiatur quanti reuera interfit actoris, sed ipsa quoq; contumacia puniatur & aestimetur ultra id quod verè interest vt in *l. i. D. de in lit. iur.*

ERROR SECVNDVS.

De in litem iurando in actione Finium regundorum, & quid in ea sit immutatum per l. 3. & 4. Cod. de lit. Et quamvis h. de sit natura arbitrariorum actionum.



VA ratione si quis dixerit, Etiam in actione Finium regundorū hoc casu iurati in litem exemplo vindicationis aduersus cōtumacem in meo iudicio non valde aberrauerit, Non ob id solū, quod hāc actio pro rei vindicatione sit vt toties diximus, quodq; eadem sit ratio iurisiurandi in vtrāq; actione deferendi ne aliqui cogatur dominus inuitus re sua carere eā, neque iusto precio vendere contra *l. nec quasi 70. D. de rei vindic. l. si fil. of. analias 25. §. maiorium D. solut. inatr. l. non enim 9. D. ver. amot. cū n. quæstio de finibus controuersie proprietatis cohercat l. 3. C. fin. regūd.* Sed etiam quia vix aliter dici possit quomodo punienda sit cōtumacia eius qui a bitrio iudicis Finium regundorum parēre recusat, Quandoquidem per eā recusatōnem & contumaciam sit ne possit arbiter vlteriū progredi. Quod non obsecū ē significat lex Cōstātini in *d. l. 3.* in illis verbis, *Quod si altera pars, ne huiusmodi quæstio terminetur, se subtraxerit*, id est neque sui præsentiā facere, neq; arbitrio parēre noluerit. Arbitriū enim præcedere debet de agrimenfore cōducendo & ad locum de quo cōtenditur, ducendo, eadem lex probat cū ait in præcedentibus, *& tunc agrimenfor ire præcipiatur ad loca vt patet facta veritate huiusmodi litigium terminetur.* Ob eā, neque causam bene Constantinus eā sem lege induxit vt etiam recusante altero litigantium debeat licere iudici mittere agrimenforem vt absente contumace faciat quicquid esset facturus vtroq; præsentē. Quod sanē ita constitui superuacū fuisse, si iam olim illud ipsum obtinuisset. Nec dubitari potest quin ea lex ius nouū præ se ferat, siue inscriptionem attendamus, siue corticem verborum, siue rationem iuris. Inscriptio est Imperatoris Constantini ad Tertullian. Comitem diceceseos Asianæ, vt intelligamus non esse illud rescriptū Imperatoris ad priuati cuiusquā libellū, sed cōstitutionē generalem ad nouum & ante illam diem inauditum ius inducendum. Verba sunt imperantis non respondentis prius inquit, *possessionis quæstio finisat, & tunc agrimenfor ire præcipiatur.* Non quasi ante legem illam mitti non posset agrimenfor ad loca vt patet facta veritate quæstio de finibus terminaretur, in quo præcipuū iudicis Finiū regundorum officium consistebat, vt apparet *ex d. l. si interruptione §. 1.* Sed quia sic obtinebat vt quæstio De possessione quæ proprietatis quæstionē solet semper præcedere, nō ramen præcederet quæstionē De finibus, Siue quod iudiciū Finium regundorum latius pateat quā vindicationis, cū etiam inter vñfructuarios cōperat, & inter eos qui pignoris iure possident *d. l. 4. §. pen. D. fin. reg.* Siue potiū quod sit hāc actio in personā *d. l. i. cod.* Inde namq; est quod I npp. Theodosius Arcadius & Honorius in *l. ult. C. eod.* decreuerunt vt finalis quæstio non longi vt antea, sed longissimi duntaxat temporis præscriptionē patitur quæ ab illis ipsis Imperatoribus fuit primū introducta in *l. 3. C. de præscript. 30. vel 40. amor.* cū olim esset incognita. Vult ergo Constantinus & imperat nō vt iudex Finiū regundorū agrimenforem mittere possit aut debeat quod iam olim facere poterat & debebat, sed vt non prius quā terminata sit quæ-

fit De

stio De possessione. Id enim significat articulus ille *tunc* denotās tēporis extremitatem l. *Gallus* 29. in princ. De liber. & posthum. l. 4. in fin. De condic. & demōstr. Vnde & suspicor facile in eiusdem constitutionis fine legendum esse *peruenias non peruenias* ut eadem vis & forma retineatur verborū imperatui modi. Postquam constitutionem fateor nihil causæ esse tur in hac Finitum regundorum actione hodie iurari in licem oporteat, cum neutrius litigatoris contumacia possit facere quominus tota de finibus quæstio per agrimenforem à iudice missum commodissimè terminetur, Exemplo eius quod in ipsa quoque rei vindicatione eadem immutatū est, ut quamuis semper competat ratioe dominij, hodie tamen nūquam in ea iuratur in licem si conuentus possessor habeat restituendæ rei facultatem, Postquam Iustiniano placuit sub Vlpiani non in *l. qui restituere* 68. D. de rei vind. ut eo casu trāsferri ab illo possit & debeat possessio manu militari. Sola enim necessitas induxit æquitatem, & sola æquitas necessitatei deferendi in licem iurisjurandi. Quod si quis iuraret nullo iuris loco scriptum esse quod dicimus, In actione Finitum regundorū iurari in licem olim potuisse. Respondendo prius quod Logici solent, Nullus momenti esse argumentū à negatione, Maxime ad rationem iuris quæ in contrarium pugnet, profligandam. Deinde posse id accidisse ex eo quod nūquam iuratur in licem ne quidem cōtra furē nisi cum furti actio deferatur iure dominij, quemadmodum in superioribus ostendimus ex l. cum furti 9. D. de in lit. iur. iunct. l. si vendidero 80. §. 1. D. de furti. Actio autem Finitum regundorū non semper deferatur iure dominij, ut dixi, sed plerumque iure pignoris & ususfructus d. l. 4. §. pen. D. fin. regund. Postremo dicā fieri potuisse ut Tribonianus locos omnes illos corruerit & sustulerit qui de huiusmodi iure iurando in actione ista deferendo loquebantur, sicuti corruit Vlpiani sententiā in d. l. qui restituere, quod videret sublatam hodie supra dicta Constantini lege iurandi in hoc iudicio necessitatem. Vt cumque sit, parū enim refert, Dico grauiorem esse condemnationem in actione Finitum regundorū si quis ideò cōdemnetur quod arbitrio nō paruerit, quā si ex alia causa qualibet, Eaque veram & germanā esse notā actionis arbitrariz, ut quāuis non in omnibus iuratur in licē, in omnibus tamē grauius puniatur is qui arbitrio nō paruit, & quidē ob hoc iprū quia nō paruit, quoniā cōdēnatio illa nihil nisi pœna contumaciæ est d. §. ult. Inst. de offic. iudic. l. ult. D. de fideius. d. l. 1. D. de in lit. iur. Cum verò ex aliis causis extrinsecis cōdēnatur quis in actione Finitū regundorū, puta quod ex ea fundi parte quā nūc vicini esse appareat, aliquam villitatem perceperit, aut agrimenfōrē ab aduersario solo conduci voluerit, ipse tamen sui copiam fecerit nec agros metiri prohibuerit, vel si lapides aut terminos finales exciderit vel furatus sit ut in d. §. ult. De offic. iudic. & d. l. 4. §. 1. fin. regund. cōdēnatio sit in eam præcisē quantitatem ad quam vsque actor sua interesse probauerit. Fit enim hæc cōdēnatio non ob pœnam neglecti arbitrij, sed ob factum ipsum ex quo læsus est actor, quem indemnem præstari non tantūm æquitatis sed etiam rationis est. Proinde si præter factum ponas etiam arbitrium interuenisse de aliqua re faciēda, Ut puta de succidēda arbore aut de ædificio deponēdo partē eius quod in fine agri alieni posuit sit, nō solum cōdemnabitur is qui non paruit, ut scriptū est in d. l. 4. §. sed & si quis, Sed etiam grauius cōdemnabitur, ut contumaciæ quoque suæ, quæ impunita nūquam manere debet, pœnā aliquam sentiat. Et ita esse accipiendum puto quod scriptum est in d. §. sed & si quis. Ex quo etiam loco negari non potest, quin probetur euidentissime actionem hanc esse arbitriariam, cum in ea cōdēnationi locum faciat arbitrium, &

contumacia secuta in non preendo. Quod in actionibus strictis planè diuersum est in quibus condemnatio fit ex natura actionis, & rectè, nullo arbitrio præcedente. Qua ex differentia, etiam illa nascitur, quod cæteræ condemnationes euitari nullomodo possunt, nisi reus ante rem iudicatam actori vltro satisfaciat *§. vltim. Institut. de perpet. & tempor. action.* quia scilicet non pro pœna sed propter rem ipsam infliguntur. Ea verò condemnatio, quæ in pœnam contumaciæ neglectique arbitrii irrogatur euitari potest vsque ad sententiam quia pœnalis est *dist. 6. præterea & dist. litem si citu 14. §. hac actio. D. quod mori caus.* Idem enim accidit in cæteris quoque pœnalibus si modò tales sint vt restituentæ rei facultatem admittant ad euitandam pœnam, quemadmodum scriptum est de actione in duplum, quæ datur ex edicto De publicanis *lib. e. dicto 5. D. de public. & veling.* Hæc enim restrictio addenda est ad excludendæ pœnalis illas actiones in quibus nihil ad pœnam euitandam prodest quod paratus sit reus rem restituere ante acceptum quoque iudicium, vt euenit in actione furti *l. qui ea mente 65. D. de furt.* Et Vi bonorum raptorum *l. pen. D. de bonor. raptor.* & aliz similes quæ pœnam irrogant ex delicto, quod quoniam in facto consistit, non magis per pœnitentiam tolli potest, quàm vt quod factum est pro infecto habeatur *§. nem actio 27 Institut. de action.* Actiones arbitrariz medix quodammodo sunt inter has & illas pœnales, quia iudicis arbitrio solum rei persecutionem continent, pœnam autem nullam ne tùm quidem cùm ex delicto dantur vt cernere est in actione Rerum amotarum *l. si mulier 22. §. hac actio D. rer. amot.* & in actione in factum quæ datur ex edicto Prætoris De alienatione iudicij mutandi causa facta *l. quia pertinet 7. D. illat. De alien. ind. mut. caus. fact.* Sed si arbitrio non pareatur, pœnalem semper habent condemnationem, id est grauiorem in pœnam contumaciæ *dist. l. vltim. D. de fideiuss. d. §. vltim. Institut. de offic. iudic.* Est tamen casus vnus in quo actio Finium regundorum ab initio pœnalis est ita vt nulla oblatione euitari pœna possit ne quidem ante iudicium acceptum. Is est in *l. si conuenerit 4. Cod. fin. regund.* vbi Imperator idem Constantinus sanxit vt si is qui finalem detulit quæstionem, priusquàm aliquid sententia determinetur rem sibi alienam vsurpare voluerit, non solum id quod malè petebat, amittat, sed etiam quo magis vnusquisque suo contentus non expetat rem iuris alieni, qui irreptor agrorum fuerit in lite superatus, tantum agri modum quantum adimere tentauit, amittat. Post quas duas Constantini leges fatendum est valde fuisse derogatum iuri veteri, quod pertinet ad hanc actionem Finium regundorum, & adeo immutatam eius naturam, vt desisse videatur esse arbitraria, Non quasi nullum hodie sit arbitrium in ea necessarium, aut quod arbitrium iudicis contemni possit, sed quia è contrario parentum arbitrio est omnimodo, nec proinde potest vlla sequi condemnatio, vt olim, ob id solum quod arbitrio non sit obtemperatum. Nec eo tantum casu quo de agrimenforibus conducendis & mittendis arbitrium iudicis interuenerit. Sed illo etiam quo de succidendis arboribus aut deponendis ædificiis in fine positis, vt in *d. l. 4. §. sed e si quis fin. regund.* Nam si tùm quoque eam possessor vindicationis iudicio conuentus & restituere iussus non paruit, condemnatio nulla eo nomine sequi potest quia manu militari transferenda possessio est in actore, nec nisi fructuum & omnis causæ nomine cõdemnatio fit vt difere scriptum est in *d. l. qui restituere.* An non multò facilius est vt is qui arbores succidere, aut ædificiũ deponere iussus fuit si nõ pareat cogatur pati adhuc etiam si opus sit, manu militari vt succidantur arbores, aut ædificium deponatur.

Vtrumque

Utrumq; enim eo nō solum absente sed etiam præsente ac inuito fieri per alios potest. Nulla igitur condemnatio fiet, quæ olim erat necessaria *d. 9. sed etsi quis*, nisi pro eo quod aliunde intererit si quid extrinsecus interfit, ut *in d. l. 4. §. 1.* Hoc enim est quod Tribonianus generaliter constitutū voluit *in d. l. qui restituere in fin.* ubi ait sententiā illius legis esse generalē, nec ad vindicationis iudicium restringendā, sed ad omnes actiones protrahendā ex quibus arbitratu iudicis restitui quid & præstari oporteat, quod manu militari fieri possit, nec præcisē factū litigatoris requirat, Cuiusmodi sunt omnia, quæ patientiam solam exigunt, quā scilicet præstare quis cogi potest citra vim & impressionē. In hoc tamen etiā hodie separata est vindicatio ab actione Finium regundorū, quod in vindicatione locus est iis distinctionibus de quibus *in d. l. qui restituere*, Ut si fortē reus dolo malo defierit possidere rē de qua conveniebatur, dānandus sit quanti actor sua interesse sine vlla taxatione in litem iuraverit. Si autem citra dolum malum quanti actor reuera interesse sua probaverit. At in actione Finium regundorum nullus his distinctionib. locus relinquitur, quia nō sicuti rerū etiam mobilium vindicatio est, quæ faciliē occultari possunt, & quarū nomine ideō actionem Ad exhibendū cōparari necesse fuit *l. 1. D. ad exhib.* Ita & actio Finium regundorum pro rebus mobilibus vlla inducā est. Pertinet. n. duntaxat ad prædia, eaq; rustica nō ad vrbana. Nec. n. cōfines hi sed magis vicini dicuntur, & ea prædia communibus parietibus plerunq; disternuntur, ut monet Paulus *in d. l. 4. §. penult.* Itaq; nihil potest accidere ne quidē per cōiuniciam vnus ex litigatorib. quominus iudex datus in actione Finium regundorū officio suo fungatur, mittēdo agrimēsores qui etiā absente aduersario fines dirigant ceteraq; omnia faciant, quæ præsente illo fieri possent *d. l. 3. C. eo.* Nec si vnus ex litigatoribus dolo malo defierit post acceptū iudicium & pendente lite possidere: Nā hoc casu tale iudicis officium esse debet, ut idipsum statuat, quod statuat si alienatio nulla facta esset, ut *in l. 4. §. 1. D. de aqua et aqua pluui. arcend.* Ne alioqui dolus litigatoris pēdente lite alienantis deteriorē faciat condicionē aduersarij, quod Prætor nūquam permittit *l. 1. in princ. D. de alien. iudic. mut. caus. fact.* An igitur dicemus Actionē Finium regundorū hodie strictam esse non arbitrariā? Minimē verō. Nec. n. actiones arbitrarias fustulit Iustinianus *in d. l. qui restituere*, sed tantū earū vim naturā & potestatē immutauit, augēdo potius quā minuendo. Induxit enim necessitatē præcisam parendi arbitrio iudicis per coactionē non quidem faciendi sed patiendi, Cū n. posset olim reus non parēre quāvis nō impurē sed ita tamē si in pecuniariā licet grauiorem pecuniæ quātitatem cōdēnari mallet. Ideoq; omnimodo necessaria erat condēnatio, si arbitrio non pateretur. Hodie condēnatio nulla necessaria est, sed tantō magis arbitrium, quod vim condēnationis obtinet. Quare si arbit. ariarū actionum dissinitionem à me ex nouo iure nunc exigas, Dicā arbitrarias eas esse nō ex quibus si arbitrio iudicis non paretur sequi debeat condēnatio, ut olim *d. 9. prætere.* *Inst. de act.* sed in quibus non modō arbitriū intervenire necesse est ut antea, & quale antea, sed etiā arbitrio pareri, & arbitrij tanquam sententiæ executionē fieri, etiam manu militari si aliter nō possit. Est igitur etiam hodie actio Finium regundorū arbitraria, ita ut nec aliud arbitrari iudex debeat quā quod olim, sed nō ut olim condemnare: præterquā iis casibus in quibus olim condemnatio fiebat nō propter contumaciam & in pœnā neglecti arbitrij, sed ex alia causa qualibet, ut in exēplis *d. l. 4. §. 1. D. si regund.* & in priorib. positis *in d. 9. ult. Inst. de offic. iud.* Quārū aut interfit an ideō quis cōdemnetur q̃ arbitrio parere noluerit an ex qua alia causa,

etiam in actione arbitraria, ex eo intelligimus quod prior cōdemnatio cuitari potest si arbitrio pareatur. Posterior nec olim poterat, nec hodie potest etiam maxime pareatur. In ceteris verò actionibus quæ nō sunt arbitrariz sed strictæ, apertius id intelligitur. In quibus etiam post rem restitutam vel cōdemnationi locus adhuc relinquitur perinde ac si nulla restitutio facta esset ut in actionibus Furti & Vi bonorum raptorū probauimus ex *l. qui ea mente 65. D. de furt. l. pen. D. vi bonor. rapt.* aut saltem dubitationi an adhuc cōdemnandus sit reus qui post acceptū iudicium rem restituit, ut in *d. l. hoc edicto 5. De public. & velig.* quæ dubitatio non nisi stulta esse posset si ob id duntaxat cōdemnandus esset reus, quod iussu & arbitrio iudicis rem nondum restituisset. Libere enim semper potestas est satisfaciendi arbitrio in diem vsque rei iudicatæ *d. l. item si cum 14. §. 1. & §. hac alio D. quod met. caus.* nec distinguitur, ut in *d. l. hoc edicto*, an restitutio fiat ante iudicium acceptum, an post, cum non prius arbitrium reddi possit, quam & lis contestata fuerit, & facti quæstio nō solum discussa, sed etiam definita, ut superioribus Decadibus explicauimus. In quo euidenter detegitur error illorum contra quos tota hæc De arbitrariis actionibus disputatio à nobis instituta fuit, & qui defendunt primam illam pronuntiationem, quam ferri in arbitrariis iudiciis necesse est, ut reddendo arbitrio locus fiat, sententiam esse & cōdemnationem. Inde enim cogimur fateri, quod miror, post eam pronuntiationem non licere iam absolvere reum qui vim aut metum aut dolum secisse dicitur, quāuis restituat, sed itidem ut in aliis quæ arbitrariz actiones non sunt, & arbitrium iudicis & litis æstimationem sequi, & specialiter in actione Quod metus causa officio iudicis quadruplari omne id quod restitui oportet. Hæc enim illorum verba sunt, Apertè contrā quā scriptum sit in *d. l. 14. §. 1. & §. hac alio*. In illa actione cum sit arbitraria habere reum licentiam faciendi restitutionem vsque ad sententiam ab arbitro datam. Quod si non fecerit, id est si antè sententiam & cōdemnationem quadrupli rem non restituerit, tunc iure meriti quæ quadrupli cōdemnationē, inquit, patietur. Cōdemnationē ergo intelligit quadrupli non eam per quam pronuntietur vim illatam fuisse, aut metum. Eandem quæ vocat sententiam ab arbitro datam, quia sequitur hæc arbitrium, quod prior illa pronuntiatio necessariò præcedit. Falsum igitur est, non licere iudici absolvere reum à cōdemnatione quadrupli quamuis restituat, cum non statim ea actio sit quadrupli, sed ita demum si res non restituatur *d. l. 14. §. in hac alio in fin.* Nec ob vim illatam aut metum sed ob rem non restitutam. Sicut & falsum illud est quod addunt officio iudicis quadruplari omne id quod restituendum est. Fit enim ea & cōdemnatio & quadruplatio non officio & arbitrio iudicis, sed ex vi & potestate verborum edicti *d. l. 14. §. 1. & §. quatenus & pass. ill. ut.*

ERROR TERTIVS.

De mixtis actionibus quæ in rem & in personam simul esse creduntur.



VANDO de actione Finium regundorum tam multa dicere iam cepimus lubet hic addere aliquid aduersus eos qui actionem hæc mixtam esse defendunt eo sensu quod sit in rem simul & in personam. Quæ sententia est non quorundam interpretum sed omnium

nium tam veterum quàm recentiorum. Omnes enim decepit, quod à Iustini-
 niano scriptum creditur in §. *quedam actiones* 20. *Institu. de action.* cuius verba
 nimirum hæc sunt, *Quedam actiones mixtam causam habere creduntur tam in rem*
quàm in personam qualis est familia erciscunda actio, qua competit coheredibus de di-
uidenda hereditate. Item Communi diuidendo qua inter eos redditur inter quos ali-
quid commune est ut id diuidatur. Item Finium regundorum actio, qua inter eos agitur
qui confines agros habent. Quibus verbis nihil sanè scribi potuit apertius. Sed ta-
 men nō est ex interpretibus qui explicet quo sensu aut qua ratione possit verū
 esse ut hæ tres actiones dicantur esse tam in rem quàm in personam. Esse enim
 illas omnes personales constat, Nec vlla tamen est de qua id clariùs expressum
 sit quàm de actione Finium regundorum in l. 1. *D. fin. regund.* vbi quod additur
licet pro vindicatione res est ostendit manifestè nō eo minus censerī debere actio-
 nem hanc personalem, quod comparata sit quasi loco vindicationis; quodque
 proprietatis controversiæ cohæreat, ut loquitur Constantinus in l. 3. *C. eo. neque*
ob eam causam posse aut realē dici aut mixtā. Alioqui nihil sanè causæ erat cur
 eam Paulus aut realē, aut mixtam non diceret æque ac purè & simpliciter per-
 sonalē. Ex tamen hoc vnum est quod adserunt illi, qui mixtam esse volunt, nec
 minùs in rem quàm in personam, quod, inquirunt, admixtā habeat causam pro-
 prietatis. Magisq; laborat in aliis duabus actionibus, Familix erciscundæ, & Cō-
 muni diuidendo in quibus nihil videre possunt, quod cum quæstione De pro-
 prietate & dominio quicquam habeat commune. Siquidem non inter alios iu-
 dicium Familix erciscundæ exerceri potest, quàm quos constet esse heredes, &
 pro qua parte, nec aliter quàm si neq; hereditatis, neq; partis controversia vlla
 fiat l. 1. in fin. l. cum putarem 36. *D. famil. ercisc.* Sicuti nec iudicium Communi di-
 uidendo nisi inter eos qui fatentur rem esse inter se cōmunē l. 3. *C. pass. D. cōmu.*
diuid. Auget iis dubitationem quod cum pleræq; aliæ actiones directæ quidem
 sunt in personam, sed scriptæ tamen in rem, qualis est actio Ad exhibendum l. 3.
 §. *est autem personalis* iunct. §. *ultim. l. 4. l. Celsus §. §. ultim. D. ad exhib.* Itēque
 actio Quod metus causa l. metum 9. §. *animaduertendum D. quod met. caus.* Mixtas
 tamen esse hæc actiones nullibi scriptum est, quod certè non fuerat prætermitt-
 endum in dist. §. *quedam*, vbi de mixtis actionibus nominatim & ex professo
 tractabatur. Quod si mixtæ illæ non sunt sed merè personales tamen in rem
 scriptæ sint, ut de actione Ad exhibendum disertè scriptum est in dist. §. *est au-*
tem, & de actione Quod metus causa in §. *præterea, Instit. de action.* quis ferat A-
 ctiones Familix erciscundæ, Communi diuidendo, & Finium regundorum
 mixtas appellari, quæ in rem neque directæ sunt, neque scriptæ? Addamus, Si
 qua actio mixta est eo sensu quod sit in rem simul & in personam, eam maxi-
 mè esse petitionem hereditatis. Hanc enim licet in rem sit, tamen habere mix-
 tam personalem actionem, scribunt Imperatores in l. *hereditatis* 7. *Cod. de pe-*
riis. hered. ob eamque causam rescribunt non submoueri illam præscriptione
 longi temporis qua submoueri solēt actiones in re speciales, sed esse perpetuā,
 quales erant olim civiles omnes personales quæ triginta annis hodie conclu-
 duntur post l. sicut 3. *Cod. de præsc. ipi. 30. vel 40. annor.* Et tamen non enumerat
 eam Iustinianus inter mixtas in dist. §. *quedam*, His nimirum rationibus victus
 defendi iam olim lib. 20. *Coniect. cap. 10.* tres istas actiones Familix erciscundæ
 Communi diuidendo & Finium regundorum quæ dicuntur mixtæ in d. §. *qua-*
dam, nō posse eo sensu mixtas appellari, quod sint tã in rem, quàm in personam:
 sed ob id potius quod in iis vterq; ex litigatoribus duplicem personam gerat &

actoris & rei, ut apertis verbis expressum est in *l. in tribus* 13. *D. de iud. l. iudicium* 10. *D. fin. regund. l. inter coheredes* 44. §. *quis familie* *D. fam. ex cise. l. 2. §. 1. D. cōm. diuid. l. actionis* 37. §. *mixta* *D. de oblig. & al.* Nec me hue usq; sententiæ mex pœnitet, & emendationis ut verba illa *d. §. quædã, tam in rē quam in personã* imperito interpreti potiùs adscribenda sint, quàm Triboniano. Nã & ratio quæ sequitur in eodẽ §. propter quam tria illa iudicia mixtã causam habere dicantur, probat euidenter non quod volût interpretes esse illa tam in rē quam in personã, sed ideo dicta duplicia quòd in iis vterq; & actor sit, & reus. In his. n. tribus iudiciis permittitur iudici rē alicui ex litigatoribus ex bono & æquo adiudicare, & si vnus pars pregruari videbitur, eum inuicẽ certa pecunia alteri cõdennare. Nã quatenus ei adiudicatio sit, actor est, reus aut quatenus condemnatur. Idq; à nobis supradicto loco bene tractatũ est. Sed illud malè quòd mixtas nullas tũ agnoscebamus quæ mixtæ dici possint eo sensu interpretũ quòd in rem sint, siuul & in personã. Fateri. n. nũc cogimur, Petitionẽ hereditatis esse mixtã non quòd scripta sit in rē & directã in personam, ut tũ quoq; scripsimus, Sed quod è cõtrario licet sit directã nõ minùs quàm scripta in rē, ut constat ex *l. sed etsi* 25. §. *ante p. D. de her. pet.* mixtã tamẽ habet personalẽ actionẽ, vt ait *d. l. hereditatis*, nẽpe quoniã habet quædã, imò plurimas præstationes personales, quæ in actionẽ merè realẽ venire nũquã possent, ut puta corũ quæ à debitorib. sũt exactæ, itẽq; preciorũ, inquit *Vlp. in d. §. ante p.* Et hoc nascitur ex eo quòd iudiciũ petitionis hereditatis est vniuersale, ideoq; licet sui natura sit in rē, non minùs quàm vindictio specialis *l. t. D. de rei vind.* quoniã quisquis petitionẽ hereditatis instituit, hereditatẽ suã esse dicit, & nihil aliud principaliter intẽdit, facillè tamẽ mixturam illam personalis actionis admittit, quam specialis in rem actio admittere nullomodo põt. Possunt. n. facillè specialia inesse vniuersalib. at specialibus nõ magis quàm vt corpus vnũ in sit alteri, quod citra penetrationẽ dimẽsionũ fieri numquam possit. Atq; huc pertinent rationes illæ omnes quas in Coniecturis attulimus, vt mixtas actiones nullas esse probaremus. Quòd actiones omnes dentur aut cõtra eum qui aliquomodo sit obligatus, quæ personales sunt actiones, aut aduersus eum qui nullomodo, quæ reales. Item quod quisquis agit vel intendat aduersarium dare aliquid vel facere oportere, quæ actionum personaliũ natura & potestas est, vel nihil tale intendat quod contingit in rebus. Cũ enim duo hæc dilemmata constant ex contradicitoriis inter quæ nec medium, nec tertiũ quicquã esse possit, bona certè consecutio est vt actionẽ omnem specialem vel realem tantũ vel personalem tantũ esse necesse sit, nullam mixtam, Non magis quàm vt idem aliquid sit vel non sit. Sed non conuenit hæc ratio cinatio vniuersalibus actionibus quæ licet in rem sint absolutè, possunt tamen aliquid constituere, quod aliquo respectu sit personale. Quare quod de hereditatis petitione ciuili scriptum est in *d. l. §. ante p. v. in d. l. l. hereditatis*, mixtam eam esse ex personali licet potissimũ & maximè sit realis. Idem de qualibet alia hereditatis petitione dici potest siue possessoria & prætorialia illa siu, siue fideicõmissaria. Omnes. n. petitioni hereditatis ciuili per similes sunt, Omnes æquẽ vniuersales, & quẽ in rē sui natura, æquẽ mixtã habentes personalẽ. Tot. tu. *De poss. her. pet.* Et *De fideic. her. pet.* At extra has causas quemadmodũ vniuersalis actio in rē nulla est, ita nec vlla mixta. Sũt quidem aliæ nõ nullæ vniuersales qualis est persecutio fideicommissi per quã petitur restitutio hereditatis ex Trebelliano, itẽq; actio inoficiosi testamẽti, & si quæ sunt similes. Sed sũt illæ personales tantũ & directæ scriptæq; in personã heredis *l. si mu-*
liar.

lter 59. §. ex asse D. de iur. dot. l. Papinianus 8. §. si condicenti D. de inoff. test. nec vlla potest vnquam subesse ratio, aut necessitas faciendi, vt habeant quid mixtum ex reali, aut vt habeant vllas præstationes reales. Cum per se possint sufficere tanquam pleniores & efficaciores, quàm reales hoc ipso, quod condemnationem quamlibet extorquere possunt, & ex ordine actionem quoque in rem, si qua necessaria videatur. Vt euenit in fideicommissario, qui post factam sibi restitutionem hereditatis, vbi cepit habere in bonis res omnes hereditarias, etiã prius quàm corporalem earum possessionem nactus fuerit, vindicationem suo iure postea exercere potest l. si cila 63. in princ. D. ad SC. Trebell. iunct. l. in rem 23. D. de rei vind. l. rem in bonis 52. D. de acquir. rer. domin. Actiones verò in rem speciales numquam per se sufficiunt ad extorquendam condemnationem, nisi arbitrio iudicis interueniente. Propter quam causam sunt omnes arbitrarię, nec possunt per se habere vllas præstationes personales. Contrà verò hereditatis petitio idèd non est arbitraria, quoniam licet sit in rem, tamen vniuersalis est, & tãquam vniuersalis habet præstationes personales, quarum respectu habet mixtam naturam personalis actionis, vt nullo etiam intercedente arbitrio possit extorquere condemnationem, adeoque plenissimam, id est etiam fructuum & usurarium accessione auctam, quæ natura esse solet earum duntaxat actionum personalium quæ bonæ fidei sunt, Vnde est quodd cum olim dubitaretur an bonæ fidei esset, an stricta, quodd contra eum detur, qui nec expressè nec tacitè fidem vllam dedisse intelligi possit, Iustinianus tandem inter bonæ fidei actiones enumerari eam voluit in l. ultim. in fin. C. de petit. hered. & §. actionum. Inst. de action.

ERROR QVARTVS.

De actionibus familia erciscunda & communi diuidundo, Non esse illas in rem vllomodo, & cur ex quasi contractu nosci discantur.



S V A V I S verò est Cuiacius qui cum videret Petitionem hereditatis mixtam esse, neque tamen cum cæteris mixtis enumeratam in d. §. quadam actiones. Scripsit in paratitlis ad tit. C. fin. reg. Esse hanc quadrigam mixtarum actionum Petitionem hereditatis, Familix erciscunda, Communi diuidundo, & Finium regundorum, Putauit nimirum adiungendam tribus quartam vt quadrigam efficeret, nec vidit ex his quatuor vnã tantum esse quæ mixta dici possit quodd in rem sit simul & in personam, Alias mixtas quidem esse, sed alio longè sensu, ac proinde non posse ex his quatuor quadrigam effici, nõ magis quàm ex tribus equis si quartus desit, aut ex vno, si tres. Sed suauior est mehercule, cum addit has omnes mixtas actiones ex quibus infelicem ipse quadrigam illã constituit, plerumque magis in rem esse quàm in personam. Quodd licet de hereditatis petitione dicatur verè, vt probauimus, de actione verò finium regundorum minùs euidenter falsum sit, quoniam illa pro rei vindicatione est. Attamen quodd ad actiones Familix erciscunda & Communi diuidundo, euidentissimè falsissimum est, cum in his aut circa eas nihil possis comminisci propter quodd videri debeant esse irreem. Nec enim qui agit Familix erciscunda, aut Communi diuidundo intendit rem suam esse, imò neque communem, quodd in

necessarium antecedens vtraque actio supponit, non solum pro vero, sed etiam
 pro confesso. Quid ergo? Esse obligatum locum ad hoc ut patiatu diuisionem
 rei hereditarie aut communis, & ut ea præstet, quæ in huiusmodi iudicia veniūt
 ex bona fide. fateor nasci actiones istas ex re, ut scriptum est in *l. si quis cum 29.
 D. commun. diuid. l. furiosus 46. D. de obli. & act.* Sed nego quod valde improba-
 biliter Cuiacius infert, Esse igitur illas in rem. Quid. n. habent ista simile? Nasci
 actionem ex re, & Actionem in rem esse? Alioqui paulatim eò deuenimus, ut
 dicamus conditionē certi ex mutuo conditionē indebiti: Actiones depositi,
 Commodati & pignoratitiam, quas omnes constat esse personales. habēdas ta-
 men pro act. on. b. in rem, idēō quod obligationes ex quib. nascuntur, re contra-
 hantur *Tot. iur. Inst. quib. mod. re contr. obligat.* Replicabis pro Cuiacio, quod non
 negabo, Aliud esse obligationem re contrahi, Aliud verò nasci actionem ex
 re ipsa Quas. n. suprà diximus re contrahi obligationes, ex pariunt actiones quæ
 omnes ex contractu nascuntur, vel saltem ex quasi contractu ut includam con-
 ditionem indebiti. Sed tamen non eo minus verum est, Bonā non esse conse-
 cutionē, si quis cū Cuiacio, actionem aliquā ob id quod ex re nascatur in re esse
 contendat, Cūm. n. de actione aliqua querimus an in rem sit, an in personā, non
 illud inspiciendū est vnde trahat originē, sed in quē & ad quid detur, id est que-
 nam sit actoris intentio, an directā in rem, an in personā. Multo autem absur-
 dior est illa Cuiacij collectio, ut actiones istæ Familiæ ereiseundæ & Comuni
 diuidundo idcirco in rem sint, quia non sunt ex contractu. Quasi vero non pos-
 sit sufficere, ut sint ex quasi contractu. An non enim actiones personales ex di-
 cuntur, quæ nascuntur ex cōtractu vel quasi aut ex maleficio, vel quasi, adeoq; ex
 variis causarum figuris *l. 1. D. de oblig. & act.* Atqui actiones has de quib. tracta-
 mus Familiæ ereiseundæ & Comuni diuidundo ex quasi contractu nasci aperte
 scribit Iustinianus in *§. item si inter aliquos Inst. de oblig. qua ex quasi contr. nasc.*
 Qua igitur fronte potest dici esse illas aut in rem aut mixtas? Difficilius illud est
 dicere quomodo possint hæ actiones nasci ex quasi contractu, eūm nascatur ex
 ipsa rei communionē, quæ interdum accidit etiam inter ignorantes & extra ad-
 sectionem vllam contrahendæ societatis. Ut eueni in re duob. legata. Item si à
 duob. simul emptā res sit, aut si hereditas vel donatio cōmuniter plur. b. obue-
 nit, & in aliis casib. quos exempli loco adfert Vlpianus in *l. ut sit 31. & seqq. D. pro
 socio.* Nam quod Iustinianus supradicto loco adfert pro ratione ut socij videan-
 tur idēō teneri ex quasi contractu, quod ex maleficio non teneantur, nullam pe-
 nitius habere rationem videtur. Licet simili ratione inactione utatur Caius in *l. si
 quis absens §. D. de oblig. & act. §. tutelæ.* vbi ait, Eos qui tutelæ iudicio tenentur,
 non propriē ex contractu obligatos intelligi, quoniam nullū negotiū inter tu-
 torē & pupillū cōtrahitur, sed quia ex maleficio non tenentur, quasi ex contra-
 ctu obligatos videri. Si enim bona hæc ratio est, Perinde inferas ex quasi cōtra-
 ctu nasci omnes, quæ etiam ex quasi maleficio nascuntur, quia illę non ex male-
 ficio verē ac propriē nascuntur *d. l. §. pen. & ult.* Multo magis illas quæ ex va-
 riis causarum figuris originem trahunt, quas tamen nemo dixerit idēō nasci ex
 quasi contractu, quod ex maleficio non nascuntur. Puto ego sic intelligi rationē
 hanc posse & debere, non ut quisquis actione aliqua tenetur, sed ut quisquis ob-
 ligatus est, cum necesse sit obligatū esse, aut ex contractu vel quasi, aut ex male-
 ficio vel quasi. Nam actiones illę quæ directæ quidē sunt in personā, sed scriptæ
 in re, ut Ad exhibendū, Quod metus causa, & si quæ sūt similes quæ nascuntur ex
 præseti possessione, perinde atq; actiones in re, ut loquitur Paulus in *l. non alia*

24. §. sed si postulat. D. de iudi. dantur contra eum qui nullo modo nulloq; iure obligatus est, nec ideo dicitur in personam esse quod ex personali aliqua obligatione nascatur, ut ceteris de quib. dicere solemus habere illas obligationem pro matre l. licet 42. §. ea obligatio D. de procur. Sed quia directæ sunt in personam & per eas intendit actor aduersariū dare aliquid, aut facere oportere, quæ perpetua omnium personaliū actionū natura & nota est §. appellamus Inst. de act. At actiones Familiæ circūcūde & Cōmuni diuidūdo nō sunt ex hoc genere. Dātur. n. nō solum in personā, sed etiā ex obligatione aliqua præcedēte, quæ non potest nō esse personalis. Bona igitur cōsecutio est, ut cum nō nascatur ea obligatio ex cōtractu, neq; rursus ex maleficio, quo nomine etiā quālī maleficiū significatur hoc loco, fatēdū sit nasci eā ex quali cōtractu: A sufficiēte scilicet partiū enumeratione: Verūm hoc ipsū obscurū est quēnā sit obligatio illa personalis quæ actiones istas Familiæ circūcūde & Cōmuni diuidūdo parere potest. Quis n. ferat ignoratē quēpiā obligari? R. cōpōdēdū est, In his duab. actionib. duplicē esse obligationē, vnā, eāmq; priorē, ad hoc ut socius postulāte socio & cōdiuisore cogatur pati diuisionē rei cōmuni. Posteriore alterā ad præstationes illas personales, quæ iudicio vtriq; cōueniūt, puta si quid vnus ex heredibus aut sociis in rē communem impenderit, aut ex re communi fructus aliquos vel vtilitatem aliam perceperit, & posterior quidem hæc obligationis species pro causa potest habere, non tantum gestionem ipsam, id est hoc quod communiter gestū appellat Vlp. in l. vi in conductionib. 33. D. pro socio Sed ipsam quoque siue coherentem, siue sociorum, si non expressam saltem tacitam voluntatem. Quotus enim quisque est qui nesciat non posse se ex re communi quicquā percipere, quod pro socij parte non debeat ei restituere? Aut qui æquum non putet restitui socio quod ille de suo in rē communē aut conseruandā, aut meliorandā impēderit supra partem suam? Proinde cū ea quodammodo lege ac cōdicione videatur socius accedere ad rei communis administrationem, quā non derelinqui sanē interest cōdiuisorū omnium, potest nō malē dici obligatiōē hanc nasci ex quasi contractū, cū nascatur ex tacita singulorū cōdiuisorum voluntate, quauis reuera contractus nullus intercedat. Alioquin eueniret necessariō ut alter locupletaretur ex alterius iactura, quod quemadmodum ab omni ratione naturali alienum est, ita & à tacita cōdiuisorum voluntate abhorrire credendum est. Nam & similiter dicimus, Heredem cū ad hereditatem videri hoc ipso quali contrahere cum legatariis & creditoribus etiam ignoratibus, quoniam ea veluti lege & cōdicione adire intelligitur d. l. §. heres quoque D. de obligat. & act. l. §. vlt. & l. 4. D. quib. ex causis in poss. eas. l. si duo 38. D. de acquir. hered. Sed quod ad priorē obligationē pertinet, non ita facile dici potest, cur personalis dici debeat, cū ex nullo facto nascatur, sed ex ipsa tantum rei cōmunionē, quæ licet nō cōtingat inter heredes ignorātes extra causā suorū, & necessariorū, qui etiā ignorantes, adeoq; inuiti heredes sunt, inter alios tamen si nō inuitos certē ignorantes cōtingere, ut diximus, facile potest, nisi dicamus, quod necessariō dicendū est, Hoc ipso quo quis rē cōmunē habet cum alio, esse illum obligatum ut diuisioni consentire cogatur, quia sicuti nemo inuitus ad communionē compellendus est l. si non sortem 26. §. si centum D. de condit. indeb. ita nec in communionē remanere l. vi. C. cōmun. diui. propter discordias scilicet, quas materia cōmunionis excitare solet l. cū pater 77. §. dulcissimis De leg. 2. Quid vetō aliud est, Rē cōmunē inter se ac sociū tuū diuidi, quam dicere eā partē quā sociustuus habeat in qualibet, vel minima gleba rei communis tibi adiudicari ut tua fiat, &

vicissim adiudicari socio quicquid tum fuit in ea portione quæ ad ipsum ex diuisione peruenit. Vt ergo hoc pati cogatur quilibet ex sociis, id est dominij sui amissionem in parte socij, necesse fuit cõparari actiones has personales Familix erciscundæ & Communi diuidundo. Non sufficiente actione Pro socio ne quidem inter eos qui tractatu habito societatem coierunt quoniam ea actio magis ad personales inuicem præstationes, quàm ad corporum diuisionem pertinet, vt Paulus ait in *l. 1. De commun. diuid. iunct. l. 2. eod.* Ergo concludamus Actiones Familix erciscundæ, & Communi diuidundo, non solùm in rem non esse, quod primus Cuiacius dicere malè ausus est, sed neque mixtam dici posse eo sensu quem putant interpretes quali sint in rem simul & in personam. Et ex quadriga illa Cuiaciana, solam superesse Petitionem hereditatis, quæ hoc sensu mixta dici possit. Idque apparet euidentius ex eo, quòd iudicia hæc, & Familix erciscundæ, & Communi diuidundo bonæ fidei esse nemo ambigit. Nam & ita expressim traditum est à Iustiniانو in *d. g. actionum De action. &* ab Vlpiano in *l. 4. §. hoc iudicium De commun. diuid.* Quis enim vnquam audiit Actiones in rem in numero actionum bonæ fidei recenserit? Cur namque actiones bonæ fidei eas appellari credimus, nisi quia in iis fiunt cõdemnationes & præstationes ex bona fide? Quam verò bonam fidem possis ab eo exigere, qui nullomodo sit obligatus, nec nisi actione in rem conueniatur? Nec obstat quod hereditatis petitio, quam sui natura in rem esse diximus, mixtam autem ex personali per accidens, ob personales quas habet actiones, bonæ fidei tamen est *d. l. ult. in fin. C. de pet. hered.* Nam præter id quod ius illud nouum est, & à Iustiniانو constitutum in *d. l. ult.* cum antea videretur propius accedere ad arbitrarías exemplo cæterarum in re actionum specialium, vt Iustinianus ipse testatur in *d. g. actionum*, facili est videre Petitionem hereditatis adnumerari inter actiones bonæ fidei, non quatenus est in rem, sed propter præstationes illas personales, quas ex bona fide fieri in illa actione æquum est, siue contra prædonem, siue contra bonæ fidei possessorem instituatur. At iudicia Familix erciscundæ, & Communi diuidundo bonæ fidei sunt, non tantùm ob personales illas præstationes, sed etiam quatenus dantur ad faciendam diuisionem, vt constat ex *d. §. hoc iudicium*: quasi ad hoc quod obligatis sociis & condij foribus omnibus, vt diuisionem ex bona fide fieri patiantur, cum serè omnis communio etiam nullo tractatu habito contracta includat in se ius quoddam fraternitatis, quantumvis societatis contractui maximè id conueniat *l. 2. §. 63. D. pro socio*, cuius fraternitatis & proinde bonæ fidei, ratio semper habenda est, tum quoque cum à communione disceditur. Tantòque magis bonam fidem socium socio præstare æquum est, quod non plus à socio petere locum potest, quàm ipse vicissim socio præstare debeat. Cum habeat vnusquisque partem suam in re communi distinctam quidem iuris intellectu & reuera, ita vt verum sit dicere partem vnus non esse partem alterius, At non diuisione corporum, cum nulla sit pars corporis ita exigua, in qua non habeat quisque suam portionem *l. 1. §. 66. §. 2. D. de legat. 2.* Quidni ergo alter alteri bonam fidem præstare debeat in omnibus quæ pertinent ad causam dissolvendæ communionis? Et cur non vnusquisque condijforum se obligatum agnoscat, vt præstet socio tantumdem, quantum velit ipse sibi à socio præstari? Ex generali æquitate Tit. Quod quisque iur. in alium stat. ips. eod. vcat. Obligantur ergo ex eadem cõtractu, quoniam obligantur ex ratione naturali quæ sicuti aliquando pro legibus condijforum in *l. 1. §. 66. D. de condijfor. si reus & solutus* v. c. si. v. D. de iur. in. i. l. 1. §. 66. D. de condijfor. si reus & solutus. Quod etiam inter-

ferre soleo quod dicimus, Obligari ex quasi contractu cum qui accipit indebitum *d. l. 5. §. 1. quoque De oblig. & act.* Et si enim scribit eo loco Caius obligari eum quasi ex mutui datione, quia pecunia fit accipientis, ut in mutuo. Subtilius tamen & probabilius est ut dicamus quasi contractum in eo consistere, quod cum ex naturali ratione nemo debeat ex aliena iactura locupletari, quæ potissimum res inducit conditionem iudebiti *l. nam hoc natura 14. D. de condic. indeb.* quis soluit indebitum, sicut id agit ut liberetur si debeat, ita & ut obliget accipientem si quod soluitur, indebitum reperiatur, quasi tacita quadam pactio, quæ etiam ipsa sit, & tacito consensu non minus quam expressis verbis, aut per epistolam *l. 1. & 3. D. de pass.* Ex eodem enim fonte nascitur, ac proinde ex contrahentium voluntate, ut numeratio quæ liberationem parere non potest, pariatur conditionem *l. cum quis 3. de peculio & pass. D. de solut. extra casum l. Nera 63. De condic. indeb.* De quo alibi scripsimus. Alioquin si is qui indebitum accipit, non id tacite pacisci videretur, ut acceptam pecuniam redderet, si quando indebitam appareret, fatendum esset. Id igitur e contrario illum agere ut in illum saltem casum ex aliena iactura locupletaretur: Quod non nisi valde improbe, ac impudenter quisquam dixerit. Indèque nimium est quod qui sciens indebitum soluit, non repetit, nec si soluat ea mente ut repetat *l. quod quis sciens 50. D. de condic. indeb.* Non quod hoc casu locus sit regulæ iuris quæ habet, Cuius per errorem soluti repetitio est eius consulto dati donationem esse *l. eius 53. de regul. iur.* ut vulgo creditur, cum ponamus contrariam esse in solvente voluntatem, sed quoniam hoc casu non potest videri ex quasi contractu obligatus is, qui indebitum accepit, Cessante scilicet ratione illa naturali quam solam facere diximus, ut is cui indebitum soluitur ex quasi contractu obligetur. Nec enim ratio vlla iuris naturalis aut æquitatis civilis fauet ei qui seipsum decipit *l. nam si se 26. D. de rei vindicat.* nec iacturam vllam sentire videtur is qui ex culpa sua sentit vulg. *l. quod quis 50. De regul. iur.* Nec stultis succurrere ius solet, sed errantibus *l. regula 9. §. pen. D. de iur. & fact. ignor.*

ERROR QUINTVS.

De differentiis quas sunt inter actionem Finium regundorum, & actiones Familie erciscunde & Communi diuidendo.



HABENT quidem hæ tres actiones similia quam plurima, Et illud maxime quod mixtæ & duplices dicuntur, quod in iis uterque litigatorum & actoris & rei partibus fungatur Quo nemine ferè coniunguntur, ut in *l. in tribus 13. D. de iudic. l. iudicium 10. D. fin. regund. l. inter cohæredes 44. §. quis familie D. fin. ercisc. l. 2. §. 1. D. commun. diuid. l. alio 37. §. mixta D. de oblig. & action.*

Item quod omnes sunt in personam, ut probauimus. Sed tamen habent etiam multa dissimilia, ut ex iis quæ proximè diximus, intelligi satis potest. Illud verò primum, quod actiones Familie erciscunde & Communi diuidendo sunt bonæ fidei §. *actionum Instit. de action.* Finium verò regundorum, neque bonæ fidei, neque strictæ, sed arbitraria. Item quod actio hæc Finium regundorum licet in personam sit, amen pro rei vindicatione est *l. 1. D. fin. regund.* At Familie erciscunde & Communi diuidendo actiones sicuti vindicantes adhiberi solent,

ita neque pro vindicatione. Nam vel non constat rem non esse communem & tunc agendum est petitione hereditatis, si res sit hereditaria, vel rei vindicatione, si hereditaria non sit *l. t. §. 1. D. famil. ercisc.* vel constat rem esse communem & pro quibus partibus, & eo casu nullus vindicationi locus esse potest, quia rei cōmunis nulla pars vel minima tam est vnius, vt non sit etiam alterius. Quæ ratio vindicationē excludere solet, ac tantō magis inducere actionem, vel Familie erciscundæ, si res sit cōmunis ex causa hereditaria, vel Cōmuni diuidundo, si ex alia qualibet *Idem Pomponius §. in princip. & §. 1. l. Pomponius 8. D. de rei vindic.* Nemo enim potest aut rem aut rei partem vllam vindicare, nisi quam possit in totum suam dicere *d. l. Pomponius 8. l. in rem 23. q. pass. eod. l. Quinius Mucius 27. §. argento D. de aur. & argent. leg.* Ob idque nimirum dicuntur fuisse necessarie actiones Familie erciscundæ; & Cōmuni diuidundo *in d. l. 1. D. famil. ercisc.* quod vtique dici non potest eo casu quo competere vindicatio possit. Quid enim expeditius quàm agere directā rei vindicatione quoties competit? Tertia differentia est, quod iudicia Familie erciscundæ, & cōmuni diuidundo sunt diuisoria, & arbitri diuisorij dicuntur, qui aut Familiam aut rem aliquam ex quacūq; alia causa, communem diuidunt. At iudiciū Finium regundorum nullo modo diuisorium est. Ideoquē non potest competere inter eos qui communem fundum habent *l. 4. §. qui communem D. fin. regund.* Quinimō quod magis est, si cōmunem fundum ego & tu habeamus, & vicinum fundum ego solus, Placet non posse nos accipere iudiciū Finium regundorum *d. l. 4. §. si communem vbi Paulus* rationem adfert, quia ego & socius meus in hac actione aduersarij esse non possumus, sed vnius loco habemur. Ibidem addit ex Pomponio, Ne vtile quiddē iudiciū Finium regundorum in hac specie dandum esse, cūm possit is qui proprium habeat, alienare fundum proprium vel communem, & sic deinde experiri. Ex quo loco euidenter apparet, non inter alios capi posse iudiciū Finium regundorum quàm qui nihil commune habeant in iis fundis quorum nomine iudiciū accipiatur. Quo admisso quid absurdius obsecro, dici poterit, quàm hoc iudiciū esse diuisorium? Siquidem diuisio quælibet supponit in necessarium antecederē communionem aliquam, quæ vbi nulla est, ibi nec diuisio vlla sequi, nec proinde iudiciū vllum diuisorium accipi potest. Vnde fieri etiam illud videtur, quod apud Paulum sequitur *in d. l. 4. §. hoc iudiciū vt iudiciū Finium regundorum* habeat locum duntaxat in confinio prædiorum rusticorum, non etiam vibanorum: nec enim confines dicuntur fundi urbani, sed magis vicini, & cōmunib. parietib. plerūq; discriminantur. Et idcō, inquit, etsi in agris edificia iuncta sint, quāvis nō tam urbana quàm rustica prædia esse videantur secundum eorum sententiam, qui urbana à rusticis, non tam materia vel qualitate, & vñ quā loco distinguunt, vt Neratius *in l. eo iure 4. §. 1. D. in quib. caus. pig. vel hypoth. sacri. contr.* aliter quàm Ulpianus *in l. urbana prædia 198. de verbor. signif.* & Pomponius *in l. urbana familia 266. iunct. l. fundo 211. eod. l. commun. præd.* locus tamen huic actioni non erit, & contrā potest etiam in vrbe latitudo talis hortorum contingere, vt etiam finium regundorum agi possit. Determinatio igitur illa prædiorū vrbanoꝝ, quæ vt diximus, sit per cōmunē parietē, impedit iudiciū Finiū regundorū, tāquā mediū quoddā inhabile, quoniā vbi aliquid vel minimū intercedit cōmune, nihil de finibus regendis tractari potest: sed tunc tantū cūm fundi sunt confines, id est alter in alterius confinio sic constitutus, vt nihil sit diuidendum, quia nihil sit commune. Non dico, vt nihil mediū sit. Erat enim necessariō relinquendum olim spatiū quinque pedū, vt eo spatio ire

agere

agere uterque dominus posset, & circumuerti aratrum facto eatenus sulco, ut post Alciatū Cuiacius & alij recentiores ferè omnes benè adnotarunt *ad l. quinque pedum §. C. fin. regun.* Obseruantes fuisse demùm illud finale iurgium de quo in *d. l. quinque pedum*, & eius spatij prohibitam fuisse primùm vsucapionem per legem duodecim tabularum, deinde præscriptionem quoque submotam ea Imperatorum constitutione, cuius initium extat in *d. l. quinque pedum*. Præscriptionem, inquam, longi temporis, quæ ut plurimum erat subsidia ad vsucapionis rationem, & locorum & rerum, ut constat ex Iustiniano in *Tit. de vsucap. Inst. & De transform. vsucap.* Nam per longissimi temporis præscriptionem totam De finibus quæstionem perinui & extingui constat ex *l. ult. C. fin. regund.* ubi iidem Imperatores qui hoc ius nouum induxerant præscriptionis longissimi temporis in *l. sicut 3. C. de præscr. ip. 30. vel 40. annor.* disertè constituunt, ut in finali quæstione locum habeat præscriptio, non quidem longi temporis, sed longissimi, hoc est annorum triginta, non alia utique ratione quàm quòd is sit finis vitæ actionum omnium personalium, inter quas est actio Finium regundorū, quæuis ex qua parte pro rei vindicatione est, actionū realiū iure cēsenda potiùs videbatur, quæ per longi temporis præscriptionem excluduntur *d. l. sicut 1. hereditatis 7. C. de hered. pet.* Cùm igitur verū sit quod præuincimus Iudiciū finiu regundorū, nō solūm nūquā dari pro fundo cōmuni, sed neq; pro fundis cōfinib. & vicinis, si quid commune intercedat. Quis ferat quod scribit Cuiacius in paratitlis *C. ad iu. Finiu regundorū*. Esse hoc quoq; iudiciū diuisoriū, sicut illa Familiæ erciscūdx & Cōmuni diuidūdo? Neq; sanè per hanc actionē id agitur, ut quicquā diuidatur, sed ut sudorū singulorū quos iā diuisos esse constat, certi fines & termini cōstituātur, nō ut ne quid cōmune dicatur, aut cōmune remaneat, sed ne dum suo quisq; iure uti se putat, ius alieni dominij innadat, præbeatq; ea cōtētio maiore materiā nō modò litiū, sed etiā rixarū, quas parere plerūq; s. let, nō minùs vicinitas sine cōmunionē, quā ipsa cōmuniō *l. cū patet 77. §. an. cissimus de leg. 2.* Fefellit ut puto Cuiaciū quòd tractat de actione Finiu regundorū tā in Digestis quā in Codice cōiūgitur tractatui De iudiciis illis diuisoriis Familiæ erciscūdx & Cōmuni diuidūdo, hac sola differentia quòd in Digestis præcedit, in Codice sequitur. Verū nō sit hoc ex eo qd tria illa iudicia sint omnia diuisoria, sed propter aliā similitudinē illā quā inter se habēt quòd omnia sūt eodē modo, eodēq; sēsu duplicia. Ideoq; nimirū in Codice, quod obseruatione dignū est post duos illos titulos qd præcedūt Familiæ erciscūdx & Cōmuni diuidūdo sequitur immediate titulus *Comunia ut vsq; iudiciū tā familie erciscūdx quā Cōmuni diuidendo* qui distinguit tractatū illū à tractatū sequētī *Finiu regundorū*, quē tamē præcedere debuerat, si iudiciū quoq; Finiu regundorū esset diuisoriū, ut quid omnib. iudiciis diuisoriis cōmune esset, vnico titulo, eodq; cōmuni explicaretur. Quēadmodū si quis esset titulus *Cōmunia dupliciū iudiciorū*, is haud dubiè collocatus esset in Codice post tractatū & Tit. finiu regundorū. Iudicia eiūq; diuisoria duo rātū sūt, Duplicia verò tria. Perinde tamē arbitri dicūtur ij qui fines regūt & inter vicinos de finib. regēdis & dirigēdis cognoscūt, atq; illi qui de erciscūda familia & pro aliarū rerū cōmuniū diuisione à Prætorē dātur, sicut & iudices eēs appellātur. Nē ē quia eorū arbitrio multa permitti necesse est pro locorū & psonarū varietate, quæ tamē sine iudicio dirimi nullomodo possūt. Iudiciū. Finiu regundorū licet hoc ipsū nominatim mādēt & præscribat ut fines dirigat, si tamē dirigere nō possit, permittit & adiudicationē cōtrouersiā dirimere, Et si sortē amouēdx veteris obsecritatis gratia per aliā regionē fines dirigere iudex velint, pōt hoc facere p adiudicationē & cōdénationē. Quo casu op' est ut ex alterutri' p'dio alij

a iudicetur: Quo nomine is cui adiudicatur, inuicem pro eo quod ei adiudicatur, certa pecunia condemnandus est *l. 2. §. 1. §. 1.3. D. fin. reg.* Sic enim lego in *d. l. 2. §. 1.* in illis verbis *ut ubi non possit dirigere fines non ut vulgò dirimere.* Diriguntur enim fines & reguntur non dirimuntur. Quæstio autem & controversia de finibus illa est quæ dirimitur, non quæ dirigitur *l. si irruptione 8. §. 1. eod.* Cum vero arbitrio parere non vult alteruter litigantium, tunc arbitrariam actionem esse apparet, quia propter contumaciam grauior sit condemnatio, ut in superioribus ostendimus, ex *l. 4. §. sed si quis iudex eod. tit.* Et ab hoc nimirum arbitrio dicitur arbitraria, non ab illo quod interponit iudex tanquam arbiter in finibus dirigendis. Alioqui etiam familiaris erciscundæ & Comuni diuidendo iudicia essent arbitraria sicuti sunt arbitraria, quod falsum est. Neque verò necesse est, ut ob eam causam constituentur arbitraria, cum sint bonæ fidei, quod per se sufficit ad extorquendam condemnationem, siue arbitrio pareatur, siue non *l. in bona fidei 7. D. de eo quod cert. loc.* Sicque accipio quod scriptum est in *l. inter coheredes 4. §. 1. D. fam. erciscund.* Si familiaris erciscundæ vel Comuni diuidendo actum sit adiudicationes Prætorum tueri exceptiones aut actiones dando, Ad differentiam scilicet actionis Finium regum locum in qualicet fiant similiter adiudicationes, non tamen eas tuetur iudex data aut actione aut exceptione, sed irrogata in pecuniam contumaciæ grauiori condemnatione *d. l. 4. §. sed & si quis iudex & d. l. si irruptione 8. in princ.* ubi quod Vlp. ait de præfide præuincitæ perinde locum habet in iudicio dato à Præfide de finibus regendis, ut postquam domino suum restitui iussit, si arbitrio & iussui non pareatur condemnari contumax possit, & debeat quanti iudex estimauerit. Alia etiam differentia est inter actionem Finium regundorum, & actiones Familiaris erciscundæ & Comuni diuidendo, quod pertinet ad fructus, licet in hoc videantur æquiparari in *l. pen. D. fam. ercisc.* Nam in iudicio Finium regundorum, non alij fructus veniunt in restitutionem & condemnationem, quam qui percepti sunt post litem contestatam, *d. l. 4. §. post litem fin. regund.* ubi Paulus addit fructus ante iudicium perceptos, non omnimodo in hoc iudicium venire. Aut enim bona fide, inquit, eos possessor percepit & lucrari eum oportet, si eos consumpsit. Aut mala fide & condici oportet. Quæ ratio demonstrat Paulum eo loco, non nisi de consumptis fructibus tractare. Extantes enim utique veniunt in restitutionem officio iudicis, quemadmodum cōtingeret in directa rei vindicatione *l. certum est 22. C. de rei vindic. §. 1. Inst. de offic. iudic.* Quidni enim idem accidat in actione Finium regundorum, quæ licet in personam sit, tamen pro rei vindicatione est, *d. l. 1. D. fin. regund.* Quæ inquam & in actionibus in personam idem obtinet, ut post litem contestatam causa præstetur, quoniam quale quid est cum petitur tale dari debet, ut subtiliter ratiocinatur Papinianus in *l. 2. D. de usur.* qui tamen locus non de omnibus in personam actionibus intelligi debet, sed de strictis tantum, Quoniam ceteræ quæ vel bonæ fidei sunt, vel arbitrarie, non referuntur ad tempus litis contestatæ, nec quod ad fructus, nec quod ad incundam rei estimationem tinet, sed vel ad tempus more *l. mora 32. §. in bona fidei iunct. l. usura 2. §. 1. videamus 38. §. in ceteris eod. tit.* vel ad aliud tempus quod præcedat litis contestationem. Et ob eam nimirum causam nihil tale vllibi scriptum est de iudiciis Familiaris erciscundæ & Comuni diuidendo, quod de iudicio finium regundorum *d. §. post litem*, ut in illis iudiciis non omnimodo veniant fructus qui ante litem contestatam percepti sunt. Veniunt enim omnes, quia ex bona fide illud est, cum non possint videri bona fide percepti & consumpti ab vno & conditoris

in solidum

in solidum ex re quam sciuit hereditariam aut alio iure communem. Si enim ignorauerit, aliud est, & fructus omnes percipiendo suos facit interim, & consumendo lucratur, ut alius bonæ fidei possessor quilibet *l. inter coheredes 44. §. fructus D. famil. ercisc. iunct. d. §. post litem & l. bona fidei 48. De acquir. rer. domin. non est ambiguum 9. l. coheredibus 17. C. famil. ercisc.* Sed & iudicium hoc Finium regundorum nō esse diuisorium ex eo intelligimus, quod scriptum est in *l. 9. D. fin. regund.* Manere hoc iudicium quamuis socij cōmuni diuidundo egerint, vel alienauerint fundū. Nec enim possent de eodē fundo plura iudicia diuisoria cōpetere. Et idcirco postquā actum est Familiz erciscundæ non potest amplius agi Cōmuni diuidundo, nisi si quæ res hereditariæ per arbitrum familiz erciscundæ indiuisæ relicte sunt, quod tamē ne eueniat cauere bonus arbiter familiz erciscundæ quantum potest debet, quia semel acceptum familiz erciscundæ iudicium iterum accipi nō potest *l. heredes 25. §. index antep. l. si filia 20. §. familie D. famil. ercisc.* Iudicium autem Cōmuni diuidūdo licet accipi sæpius possit, quia non sicut vna tantum vnus hominis familia & hereditas est *l. si certarum 17. §. 1. D. de testam. mul.* Ita in vna hereditate, vna tantum res est quæ diuidi possit, Numquam tamen de eadem re sæpius accipitur *d. l. inter coheredes 44. in princ. famil. ercisc. l. 4. §. hoc iudicium D. commun. diuid.* Postrema denique differtētia est, ne leuiiores omnes quæ ex his pendent recenscam, quod & Familiz erciscundæ, & Cōmuni diuidūdo rectē agitur siue neuter possideat siue alter sociorū fundum non possideat *l. penult. D. commun. diuid.* vbi Scauola licet nō nisi de actione Cōmuni diuidūdo loquatur, non aliud tamen de actione Familiz erciscundæ sensisse videri potest. Vtræque enim ad causam dominij tantum pertinet nō item ad causam possessionis. At finium regundorum quæstio licet ipsa quoque proprietatis controuersie cohæreat non prius tamen tractāda est quā possessionis quæstio finita sit. Nec prius agrimensor præcipiendus est ire ad loca ut patet facta veritate ipsum de finibus litigium terminetur, inquit Constantinus in *l. si quis 3. C. fin. regund.* Cū enim actio Finium regundorum pro vindicatione sit *d. l. 1. D. eod.* consequens est ut non nisi contra possessorem exerceri possit, sicuti neque rei vindictio *l. officium 9. l. is qui destinatus 24. l. qui petitorio 36. D. de rei vindic.* Et cū in ea Finium regundorum actione uterq; & actor sit & reus, necesse est utrūq; litigatorem possessorem esse eius fundi pro quo de finibus disputatur, vnumquemque scilicet fundi sui cuius fines ampliare contendit. Neq; tamen de hac singulorum fundorum possessione Constantinus loquitur, sed de ea quam sibi quisque litigantium adserit finium ampliorū, id est eius spatij quo ipsa de finibus quæstio concluditur. Planē vbi semel acceptum est iudicium Finium regundorum inter vicinos eosdēque propriorum fundorum possessores non eo min⁹ manet & durat quod socij qui ex vna parte aduersus alterum nō socium litigabant, egerint inuicem Cōmuni diuidundo, vel fundum alienauerint: qui proculdubio sensus est Iuliani in *dict. l. iudicium 9. fin. regund.* Et ratio est, quia semel constitutum iudicium quodlibet immutari postea ex iis quæ superueniunt non potest, cū in iudiciis quasi contrahatur vulg. *l. 3. §. idem scribit D. de pecul.* Ne alioqui esset in potestate vnus ex collitigatoribus fundum alienādo iudicium bene constitutum euertere atque ita duriorem facere aduersarij conditionem. Quod fieri numquam potest *l. quamquam 4. §. Iulianus D. de aqua & aquæ pluuiar. arcend.* vbi ex eodem Iuliano idipsum proponitur in actione Aquæ pluuiar arcendæ, quod in *dict. l. iudicium* de actione Finium regundorum. Longēque alia sententiā est edicti Prætoris *De alien. iudic. mul. caus. subl.* Pertinet

enim ad iudicium futurum, non ad illud quod iam constitutum & acceptum sit *lex hoc edicto* §. 1. *ill. tit.* Nempe quia ad retinendum iudicium iam constitutum nil obstante alienatione deinde secuta, nullo fuit opus edicto, cum ratio iuris communis sufficeret: Nec enim potest quisquam suo facto se exuere ea obligatione quam contrahit iudicium accipiendo, ut neque ab alia *l. si seruum* §. 1. *videamus De verb. oblig.*

ERROR SEXTVS.

De actionibus adilitis Redhibitoria & Aestimatoria, siue Quanto minoris an sint arbitrariae.



L I ipsi qui ex arbitrariorum actionum numero multas tollunt quæ verè sunt arbitrariæ, Còtrario errore quasdam faciunt arbitrarias quæ tales esse aut dici nullo modo possunt. Inter cæteras sunt duæ illæ adilitiæ de quibus nunc dicendū nobis est, Redhibitoria & aestimatoria, siue Quanto minoris. De quibus ut nò dubitent quin arbitrariæ sint, illud facit quod scriptū vident in *libonem* 43. §. *si sub condicione penult. D. de adilit. edict.* Si sub condicione homo emptus sit qui in ea causa est ut redhiberi possit redhibitoria actione inutiliter agi ante condicionem existentem, quia, inquit Paulus, nondum perfecta emptio arbitrio iudicis imperfecta fieri nò potest. Quasi verò sola arbitrij mēcio sufficiat ut non videatur Paulus dubitasse quin redhibitoria actio sit arbitraria. Sed aliud & ut videtur fortius argumentum iidem sumunt ex *l. redhibitoria* 45. *ead. tit.* ubi disertè Caius scribit redhibitoriam actionem habere duplicem cōdemnationē. Videtur enim hoc esse proprium earū actionū quæ dicuntur arbitrariæ, in quibus ex vulgari errore interpretum duæ feruntur sententiæ, vna quæ arbitrij loco sit, altera quæ condemnationis. De aestimatoria verò actione, siue Quanto minoris etsi supradictis legibus nihil dicitur, nò aliud tamen iudicium esse potest siue quòd vtraque adilitia sit *l. cum autem* 23. §. *si seruus & seq. l. si quid* 18. *l. 28. l. 4. diles* 38. *l. si tamen* 48. §. *in adilitis & seq. iunct. l. preced. eod. tit. l. 2. Cod. de adilit. action.* siue quòd tanta se vicinitate contingant ut aliquando aestimatoria etiam redhibitoriam contineat, Nam si adeò nullius precij sit seruus, ut ne quidem expediat domino tale mācipium habere, veluti si furiosum aut lunaticum sit, licet aestimatoria actum fuerit, officio iudicis continebitur, ut reddito mancipio precium recipiatur. *d. l. l. bonem §. aliquando & l. si is qui* 25. §. 1. *D. de except. res iudicat.* Nec contrà defendimus, aestimatoriam actionē non esse arbitrariam, cum ei non conueniat diffinitio arbitrariorum actionum. Quodnam enim iudicis arbitrium interuenire potest, cui si non pareatur grauior ob eam causam sequi debeat condemnatio? Nimirum ad id tantum competit aestimatoria ut tanti cōdemnetur emptori venditor quantum minoris fuit res vendita cum venderetur *d. l. l. Ediles* 38. Quæ condemnatio cum tota sit ad pecuniam numeratam, non potest augeri ex contumacia. Idèò namque fuit necesse induci usum arbitrariorum actionum quemadmodum suo loco disputauimus, ut reus si arbitrio iudicis nollet rem restituere, aut quid aliud facere quod facere iussus esset, tantò grauiore condemnatione pecuniaria in contumaciæ suæ poenam multaretur *l. ultim. D. de fideius. l. item si cum* 14. §. 1. & §. *hac actio & pass. D. quod met. caus. cum similib.*

similib. Nempe quod nemo ad factum præcisè cogi debeat, ideoque nec condemnari, sed litem in pecunia æstimari oporteat ut iudicati ex eorum facili exitum habere possit. *l. 4. §. ait Prator. D. de re iudic.* Ergo cum id quod per actionem propositam primò & per se ac principaliter petitur, nihil nisi pecunia numerata est. Consequens fit ut neque arbitrium ullum præcedere necesse sit, nec proinde actionem ullam induci arbitrariam. Excipio sen. per actionem De eo quod certo loco, quæ licet non solum sit arbitraria, sed etiam per eam hasim speciale nomen suum fecerit, quod alioqui generale est, nullum tamen arbitrium præcedens exigit, de faciendo, quia scilicet per eam nihil nisi merx aut pecunia petitur, nunquam fundus ut suo loco docuimus. Planè si quis etiam traditurum se aliquo certo loco stipulanti promiserit, erit illa actio arbitraria eodem sensu quo exteræ, eademque ratione *l. in bona fides 7. §. 1. D. de eo quod cert. loc.* quia traditio facti est *l. consilio 7. §. ultim. D. de curat. furis.* Actio igitur æstimatoria sine Quanto minoris arbitraria esse nullomodo potest, Aut lecus aliquis iuris querendus erit, qui probet Arbitrari ante omnia iudicem debere ut præstet venditor emptori quando minoris res fuerit tempore venditionis, ac ni pareat, in maiorem quantitatem aliquam ex ea causa & eo nomine condemnatur, quod certè nullibi scriptum est. Neque sanè leges supradictæ quæ de arbitrio iudicis loquuntur, pertinent ad actionem æstimatorem, sed tantum ad redhibitoriam. Aut si ad æstimatorem quoque, non ad aliam quam quæ redhibitoriam continet *dist. 5. aliquando l. bouem 43. de adul. et dist. 1. §. si qui 25. §. 1. De except. rei iudicat.* Hæc enim quatenus redhibitoriam continet, nihil nisi redhibitoria est. Redhibitoria porro actionis diuersam rationem esse eamque arbitrariam dici debere vique non inficior. Id enim planè est quod Caius scribit *in dist. 1. redhibitoria 45. De adul. et dist. 1.* actionem redhibitoriam habere duplicem condemnationem, Non quasi in vno eodémque redhibitoria actionis iudicio duplex condemnatio interueniat cui satisfieri utrique oporteat, sed eo penitus sensu quo dicunt nostri licet minus propriè duplicem in arbitrariis iudiciis sententiam interuenire. Sicuti ea quæ apud Caium sequuntur, benè explicant. *Modò enim, inquit, in simplum, modò in duplum condemnatur venditor. Et adiicit, Nam si neque precium neque accessionem soluat, neque eum qui eo nomine obligatus erit, liberet, Dupli precij & accessionis condemnari iubetur. Si verò reddat precium & accessionem vel eum qui eo nomine obligatus est, liberet, simpli videtur condemnari.* Eleganter omnino si quid vnquam elegans ab elegantissimo Iureconsulto Caio scriptum est. Sensus enim est, In actione redhibitoria, ut in ceteris omnibus arbitariis versari primùm quæstionem facti, quæ tota in eo consistit, ut inspicatur an res vendita & de cuius redhibitione agitur in ea causa sit ut redhiberi debeat neene, id est an quid vitiosum habeat, quod ex Adilium edicto redhibitoriam possit inducere. In quo differt redhibitoria ab actione illa in factum de qua Vlpianus *in l. quod si nolis 31. §. in factum actio eod. tit.* quæ competit ad recuperandum precium quoties mancipium iam redhibitum fuerit. In qua actione, ut ibi Vlpian. ait, non hoc queritur an mancipium fuerit in causa redhibitionis, sed hoc tantum an redhibitum fuerit. Nec immerito, inquit: Iniquum est enim postquam venditor agnouit, recipiendo mancipium, esse id in causa redhibitionis, quæ adhuc virum debuerit redhiberi, an non debuerit. Illud planè actio illa exigit ut seruus sit redhibitus. Cæterum nisi redhibitus fuerit cessat actio & deficit, etiamsi nudo consensu placuerit ut redhibeatur. Non enim conuentio de redhibendo facit locum illi actioni, sed

ipsa redhibitio, vt ibidem subiicit Vlpianus. Verum tam hæc in factum actio quam redhibitoria, arbitraria est: Nec illa in alio ab hac dissimilis, nisi quod in redhibitoria præcedens interlocutio quæ totam facti quæstionem finis, pronunciat, Seruum quo de agitur esse in causa redhibitionis, In hac autem in factum actione pronunciat, Redhibitum iam esse, quia nec de alio in ea querebatur, nisi an esset redhibitus. Vbi verò ita pronunciatum est, siue redhibendum, siue iam redhibitum esse seruum, tum verò sequitur arbitrium iudicis qui de his actionibus cognoscit, sed pro actionum varietate diuersum. Nā in actione redhibitoria duplex iudicis arbitrium, esse debet, Vnum quod pertinet ad personam emptoris vt seruum venditori redhibere, ac reddere iubeatur, aut saltem cauere de restituitio mancipio si pecunia sibi soluta eris, ne aliqui emergat iniquitas si compellatur emptor corpus dimittere & miti ad actionem iudicari aduersus inopem fortassis venditorem, vt Vlpianus & Caius ratiocinantur in l. *Ediles etiam* 25. §. *vlrim. & legib. seq. eod. tit.* Alterum quod pertinet ad personam venditoris vt precium emptori reddat cum accessionibus omnibus, vt eadem sit causa vtriusque, & venditoris & emptoris quæ esset si venditio facta non fuisset *l. cum autem* 23. §. 1. & *vlrim. eod. tit.* Id enim est quod Iulianus dicebat ab Vlp. relatus in §. *Iulianus eiusd. leg.* Iudicium redhibitorie actionis vtrumque, id est venditorem & emptorem quodammodo in integrum restituere debere: Et quod Paulus in l. *facta* 60. *eod.* facta redhibitione omnia in integrum restitui, perinde ac si neque emptio, neque venditio intercessisset, ita autem reddis arbitrio, si emptor pareat, & seruum redhibeat, alterutrum euenire necesse est vt vel venditor quoque pareat vel non pareat. Si parebit satisfactum erit iudici qui nihil aliud egit iubendo, nisi vt quod iubeat fieret. Idipsum enim emptor petebat, nec iudici satisfieri in his iudiciis aliter potest quam si actori satisfiat. In id namque potissimum comparata sunt vt reus arbitrio iudicis actori satisfiat §. *præterea, Instit. de action.* Et consequenter nulla hoc casu potest sequi condemnatio, sed absolutio duntaxat, cum iudicia omnia absolutoria sint posteaquam actori satisfactum est §. *vlrim. Instit. de perpet. & tempor. act.* Videtur tamen condemnari, vt Caius loquitur in dist. l. *redhibitoria*, quoniam in summa idipsum præstat quod actor voluit, & quod iudex iussit ita vt nihil amplius super sit quod aut emptor petere aut venditor præstare possit. Et verò non ad hoc comparata sunt actiones arbitrarie vt sequatur ex iis aliqua condemnatio, qui finis & terminus est cæterarum actionum omnium, sed vt iudicis arbitrio reus actori satisfiat, expectato tantum arbitrio & iussu iudicis, non etiam expectata condemnatione. Cui cum nec aliter locus sit quam si contumax sit reus in parendo, mali quodammodo est ominis sperare contumaciam ad sperandam condemnationem, quamvis Prætor in concipienda formula condemnandi mentionem facere cogatur, sed sub conditione illa *si arbitrio iudicis actori reus satisfiat*, ne alioqui contumacia rei maneat impunita, quæ prænam sanè meretur. Ergo non condemnatur hoc casu venditor sed condemnari videtur, quia tantum ei abest, quantum si quod in arbitrium iudicis deductum est, in condemnationem deductum esset. Ex quo aperiùs intelligimus quantum à veritate aberrant illi, qui cum nolint admittere duas in arbitriis iudicis ferri sententias sed vnam tantum, non aliam tamen sententiam agnoscunt quam interlocutionem & pronunciationem illam quæ arbitrium præcedit & per quam pronunciat super quæstione facti in ea causa rem esse, vt pro actore arbitrium reddi æquum sit. Nam si iia esset, non duplicem, vt Caius ait sed triplicem

condem-

condemnatione in vnaquaq; actione arbitraria intervenire necesse esset. Primā in pronuntiatione illa interlocutoria, quæ solam facti quæstionem definit, citra illā tamen cōdemnationem. Secundā in arbitrio per quod iubetur reus actori vel hoc, vel illo modo satisfacere, quæ tamen nec ipsa cōdemnatio est quāvis effectū & potestatem cōdemnationis obtineat. Tertiā & postremā in ea adiudicatione quæ fit actori in pecunia ob id quod arbitrio paritum & obtemperatum non sit. Et hæc sanē vnica verē cōdemnatio est, quæ cū fiat in duplū eius quantitatis quæ arbitrio continebatur pœnam in eo quod simplū excedit, proculdubio continet. Pœna. n. illa est neglecti arbitrij, quemadmodū & in directa rei vindicatione si arbitrio iudicis res non restituatur, magno condemnandus est reus in pœnā suæ contumaciæ, quomodo loquitur *d. l. ult. D. de fideiuss.* id est in tantā quantitatem quantā actor in litem iurauerit *l. quæ res iurare 68. De rei vind.* Et hoc nimirum sensu dicuntur hæ actiones ædilitiæ quodammodo pœnales in *d. l. cum autem §. si seruus*, Non quod sui natura sint pœnales cū ē cōtratio non nisi meram rei persecutionem & quidē arbitrio iudicis contineant, quomodo scriptum est de actione illa in factum quæ datur ex edicto De alienatione iudicij morandi causa facta in *l. quia perinet 7. D. de alien. iudic. mul. caus. fall.* Sed quoniam grauiorem in pœnam contumaciæ irrogant reo condemnationem. Qua etiā ratione si quis directam quoque ipsam rei vindicationē pœnam actor nihil nisi suam petit, quodammodo pœnale esse dixerit is meo iudicio non errauerit. Idēq; de cæteris omnibus arbitrariis excepta illa De eo quod certo loco. Cæterū quemadmodū nemo absolute dixerit vindicationē vitæ siue ciuilem, siue honorariam esse pœnalem [sunt enim omnes rei persecutoriæ] ita neq; redhibitoriam aut actionem illam in factum quæ emptori post redhibitionem datur ad recipiendum precium pœnales esse potest dici: Et idē nimirum competunt etiam aduersus heredes omnes, contra quos tamen non competunt ex quæ sui natura sunt pœnales *d. l. cum autem §. hæ actiones d. l. si tamen 48. §. adilitia eod. tit.* Ac præterea si seruus sit qui vēdidit vel filiusfamilias, etiam in dominum aut patrem de peculio ædilitia actio, quoniam veniunt hæ actiones ex contractu non ex delicto *d. §. si seruus*, tū quoque cū dantur in duplum, quia licet contumacia eius qui arbitrio iudicis non vult parere, proximē ad delictum accedat, idē tamen delictum non est, quod non iubet præcisē iudex vt arbitrio suo pareatur, quod nec iubere potest quia nec cogere, sed necessitate, vt loquuntur, causatiua, nisi malit grauiorem cōdemnationem pati ob hoc ipsum quod arbitrio parere recusauerit. Et cū pœna inuitis infligatur, hæc tamen cōdemnatio non nisi volēti venditori infligitur quia hoc maluisse videtur, vt in *l. si patre cogente 22. D. de vn. nupt.* Hinc illa tam frequens arbitrij mentio in tractatu De redhibitoria actione vt in *l. illud sciendum 29. §. ult. De adilit. edict.* vbi Vlpianus ait, si quid dāni senserit emptor ex seruo redhibito, aut si quid pro eo impenderit, hoc illum consequi debere arbitrio iudicis. Non vt ei horum nomine venditor cōdemnetur, sed ne aliās compellatur hominem venditori restituere, quā si eum indeninem præstet. Et in *l. quod si nolis 31. §. Pomponius eod.* Si vitus ex heredibus vel familia emptoris vel procurator culpa vel dolo fecerit rem deteriolem, æquum esse in solidum eum teneri arbitrio iudicis. Et in *§. culpam 12. & seq. culpam* hic nos omnem accipere non tantū latam. Propter quod dicendum esse quāmcunq; occasionem mortis emptor præstiterit, debere eum præstare, etiam si non adhibuerit medicum, vt sanari possit, vel malum adhibuit sed culpa sua. Sed hoc dicemus, inquit Vlpia-

nus, si ante acceptum iudicium decessit. Ceterum si post acceptum iudicium decessisse proponatur, tunc in arbitrium iudicis veniet qualiter mortuus sit. Ea enim quæcunque post lris cōtestationē contingunt, arbitriū iudicis desiderat. Sic denique in *d.l. bonem §. pen. eo. tit.* Si sub condicione homo emptus sit, qui redhibendus est, negat Paulus redhibitoria viliter agi posse ante condicionē existētē. Quia, inquit, nondum perfecta emptio, arbitrio iudicis imperfecta fieri non potest. Fit. n. emptio imperfecta iudicis arbitrio cum per tale arbitrium omnia in eum statū restituuntur in quo essent si veditio nulla facta fuisset. Prius autem est vt perfecta sit emptio quàm vt eo modo imperfecta fieri possit. Quæ admodum enim solemus dicere testamentum aut testamenti gradum aliquem iam ruptum non magis rumpi posse *l. nã est in princ. D. de in iust. rupt.* Ita nec imperfecta emptio magis imperfecta fieri potest. At cum de æstimatoria tractat idem Paulus in *§. aliquando eiusd. leg.* non de arbitrio iudicis loquitur sed de officio, cum ait aliquando accidere vt redhiberi mancipium oporteat officio iudicis licet æstimatoria, id est, Quotò minoris agamus. Nèpe quoniã æstimatoria non sicuti redhibitoria arbitraria est, neque ob id solum quod redhibitionē contineat sit redhibitoria, licet eundē habeat effectum *d.l. si in qui 25. §. 1. de except. rei iud.* Nã & empti quoque iudicio redhibitio continetur *l. ex empto 11. §. redhibitionem D. de æst. empt. neque tamē quisquã idē dixerit actionem ex empto redhibitoriam esse aut cōtrā. Cum toto genere differant & vna sit civilis, altera ædilitia, illa perpetua, hæc tēporalis & semestris l. sciendū 19. §. vlt. l. Ediles 38. in princ. l. cum sex 55. D. ad l. edict.* Illa ad duplū cōpetat non pro re qualibet vedita sed tantum pro rebus preciosioribus, *l. l. quod si no'it 31. §. quia assidua D. ad l. edict. iun. c. l. emptori 37. in princ. & §. 1. D. de eiusd.* Denique actio ex empto semper bonæ fidei est, nūquam arbitraria. At redhibitoria semper arbitraria, nūquam bonæ fidei. Æstimatoria propius accedit ad naturā actionū bonæ fidei quoniam ex bona fide est, Arbitraria verò esse nō potest, nisi eo saltē casu quo redhibitionē cōtinet officio iudicis. Quo casu propius accedit ad redhibitoriam, adeo vt si emptor alterutra earum egerit & altera postea agat summouendus sit exceptione rei iudicatæ *d.l. si in qui 25. §. 1. de except. rei iud.* In summa nullibi scriptum videas, In æstimatoria actione duplicē fieri condēnationē: quomodo de redhibitoria scriptum est in *d.l. redhibitoria*. Nimirum quia nullū in æstimatoria iudicis arbitriū est, quod condēnationis instar habere possit, vt explicauimus: Et explicationē nostram illud etiam probat quod Vlp. scribit in *d.l. illud 29. §. condemnatio*. In redhibitoria condēnationem fieri *quanti ea res erit*, Et contineri condēnatione precium, & accessiones, adeoque vsuras precij, & si quid præterea emptoris inter sit, quemadmodum & ipse inuicem fructus venditori præstat. Omnia enim ista veniunt in arbitrium iudicis, de quo statim mox in *§. sequent.* Cui arbitrio si pareatur, condēnationis vicem arbitrium obtinet, nec alia vlla grauior aut leuior condēnatio expectatur. Si verò arbitrio non pareatur, tunc grauior & posterior condēnatio infligitur dupli. Quæ dupli condēnatio non aliter in æstimatoria locum habere posset, quàm si nouam induceremus quæ esset dupli Quotò minoris, cuius prudentes nostri nūspiam meminerunt.

ERROR SEPTIMVS.

De actionibus Confessoria & Negatoria quod sint arbitraria. Et ad l. Diuus 7. in fin. D. de iur. patron.

Com.



CONFESSORIAM actionem, itémque negatoriam arbitriariam esse fatentur omnes qui sciunt vindicationem directam & civilem pariter esse arbitriariam. Cum enim hæ actiones Confessoria & Negatoria nihil aliud sint, quàm vindicationes seruitutum. Illa quidem competens fundi domino qui seruitutem sibi, id est fundo suo deberi contendit. Hæc autem domino qui negat *l. 2. in princip. v. §. 1. v. tot. tit. D. si seruit. vindic.* omnino consequens est, ut hac parte & quod ad ipsius actionis naturam atque essentiam pertinet, non alio vtiq; iure quàm cæterarum rerum corporalium vindicationes censeantur. Proinde qui ex recentioribus novam illam opinionem induxerunt, à nobis iam toties tamque magnis rationibus confutata, Vt directæ rei vindicatio arbitriaria non sit sed stricta potius ea potissimum ratione moti quod sit illa civilis, nullam autem velint illi arbitriariam agnoscere ex earum omnium numero, quæ sunt civiles: Coguntur iidem illi defendere neque confessoriam, neque negatoriam arbitrias esse, quippe quas negare non possint esse civiles, & ex lege ipsa duodecim tabularum sicuti cæteras vindicationes comparatas. Nos verò proflus contraria ratiocinatione sicuti defendimus civilem vindicationem non solum arbitriariam esse, sed primam arbitriarum omnium & tantò antiquiorem prætoriiis omnibus, quanto est ius civile antiquius prætorio. Ita nec dubitamus quin & confessoria & negatoria sint arbitriaræ, tanquam quæ sint civiles vindicationes. Nam & in illis agitur de restituendo eo quod contra debitam seruitutem, aut pro indebita seruitute factum sit *l. loc. corpus 4. §. sed si duorum eodem titul.* Itaque restitutio illa imperatur arbitrio & officio iudicis, cui vel parere reum necesse est, vel non parere: Si pareat, sequitur absolutio. Quid enim aliud iam intendere amplius actor possit? Eaq; restitutio hoc casu pro condemnatione est vti superiore capite dicebamus ex *l. reddibitoria 45. De edict. edict.* quia per eam satisfit plenissimè actori, Qui finis est non tantum actionum omnium extorta per eas condemnatione, sed etiam executionis iudicis. Nihil enim aliud agit Prætor dando actionem & iudicem, nisi ut actori reus satisfaciat, totamque litem & controversiam dirimat *§. vltim. Inst. de perpet. v. tempor. act. l. 1. §. inde queritur D. de oper. noui nunciat.* Quod vtrumque consequitur per arbitrium iudicis cui obtemperatum sit, perinde ac per condemnationem. Nec quod hoc casu reus omnino absoluendus est, facere potest, ut eo minus videri debeat arbitrium esse quodammodo vice condemnationis. Nam & sic Modestinus in *l. Diuus 7. in fi. D. de iur. patr. Interdum*, inquit, *illa pœna à liberti ingratis exigitur vel pars honorum eius auferitur & patrono datur, vel fustibus cædunt, & ita absoluntur*, scilicet à grauiori condénatione quam alioqui mereretur, & quam incurreret si propter ingratitudinē omnimodo in seruitutē reuocaretur, quomodo reuocari eos debere tandē Imperatoribus placuit *l. 2. v. C. de libert. & eor. liber.* Nisi malis eum locū sic intelligere quomodo supra explicauimus vti à vinculis libertus ingratus absoluitur postquam fustibus cæsus aut aliter castigatus est, & postea dicemus. Similiter & in arbitriariis actionib. omnib. si arbitrio iudicis pareatur, sequitur absolutio, ut appareat euasisse reum condénationē grauiorem, quæ irroganda erat si arbitrio non paruisset. Nec tamen eodem modo possis dicere, quod aduersarij tentant, Equè absolui aut absoluendum esse reum, qui ad litis estimationem condénatur. Implicat enim contradictionē, ut eodem respectu absoluitur quis, & condemnatur, & alterutrum facere duntaxat iudex debet aut absolvere aut condemnare *l. 1. l. index posteaquam §. 5. & pass. D. de re*

iudic. Neque verò post condemnationem in litis æstimatione interrogari si bene, siue malè, grauior vlla condemnatio sequi potest, cuius metu & intuitu possis dicere absolvendum adhuc esse reum, qui sic iam cõdēnatus fuerit. Ergo postea quàm litis æstimatio in condemnationem deducta est, nihil superest quod de absolutione tractari possit. Absolutionem enim fieri necesse esset à iudice cuius tamen partes nullæ sunt ad absolvendum post condemnationem, ut neque ad condemnandum post absolutionem *d. l. index posteaquam*. In quo elegantem obseruo differentiam inter absolutionē & condemnationem. Absolutio enim nūquam ab alio quàm à iudice ipso fieri potest. Quis enim reorum non seipsum absolueret, si eam se absolvendi potestatem haberet aut à lege, aut à Prætorē, aut à iudice? At condemnare seipsum quilibet reus potest & ex fide bona debet, ut evitet severiorem iudicis condemnationē quam si expectet, evitare iustè non possit. Hoc enim est quod solemus dicere, Possē quem agere cõtra seipsum etiam sine actione *l. quoties 9. §. & generaliter D. de admin. & peric. tutor*. Nam qua ratione & quo sensu dicimus posse quē etiam sine actione cõtrā seipsum agere, Eādem prorsus ratione, eodēmq; sensu dicimus Possē quem & debere seipsum condemnare, id est aduersario vltro solvere id quod ei se debere sciat, non expectato iudice, aut si tam inconsultus fuerit reus ut litē quoque contestatus sit, & iudicem, ac formulam expectauerit, non expectata saltem condemnatione. Adcō. ut nec aliud in tutoris persona probandū sit si quid fortè ab eo petatur quod pupillus debeat, & quod à pupillo deberi non ignoret. Sibi enim ipsi denunciare verum debet, seque ipsum pupilli nomine, id est si effectū respicias, pupillum ipsum condemnare nō expectata sententia iudicis, quia bonam fidem agnoscere non prohibetur, ut subiungit Ulpianus in *§. nec vtrique ius d. legis*. Hoc verò cū reus facit, ut seipsum condemnēt, illud præterea facere debet ut condemnationem illam ipse exequatur, satisfaciendo actori, plenimque ei præstando indemnitatē. Quò facto quid obsecro amplius faciendū superest nisi ut absolvatur? An non verò absolui dignus est qui actori plenissimè satisfecit? Nam nec actoris amplius quicquam interesse potest, ubi plenissimam indemnitatē sibi consecutus. Nemo autem siue agendo, siue excipiendo audiri debet nisi cuius interest *l. 3. §. 1. stipulatio ista 38. §. alteri De verb. oblig. l. ult. de quo 13. §. si de testamento D. ad SC. Treb. l. 1. De appell. recip.* Et si autem satisfactio illa pro cōdēnatione est, in eo tamen minoris potestatis est quàm cōdēnatio facta per iudicē, quod iudicis officiū & potestatem non extinguit, quam extingueret iudicialis cōdēnnatio, quominus absolvere adhuc possit, quia cum non ipse cōdēnauerit, nondū officio suo functus videri potest *d. l. index posteaquam 55. De re iud.* Porro quāvis reus seipsum cōdēnauerit, & aduersario vltro satisfecerit post litē cōtestatā, iamq; acceptū iudicē, Adhuc tamē absolutio ei necessaria est, ne qui iam seipsum cōdēnnauit ob hoc maxime ut à iudice non condemnaretur, iterum condemnetur à iudice, quod esset iniquissimum. Itēque ut obligatio tollatur quæ iudicium accipiendo quasi per stipulationem contrahitur *l. 3. §. idem scribis D. de pecul. l. delegare 11. §. 1. D. de novat. & delegat.* Ex hoc sensu iudicia omnia esse absolutoria dicimus quamvis eorum formulæ nullam absolutionis, sed tantū condemnationis mentionem faciant *d. l. §. vltim. Institut. de perpet. & tempor. action.* Igitur condemnatio quam quis contra seipsum fecerit, sicuti per condemnationem iudicis excludit, ita necessitatem absolutionis inducit, ut iudicium finiarur, quod nisi per condemnationem aut absolutionem finire non potest, tamdiūq; durat quādiu nec absolutio nec

condemnatio secuta est. Et cōsequēter nulla implicatio est, vt in arbitratīs iudiciis condēnetur reus à seipso, & absoluat̃ à iudice, cū ipsa personarum & temporū diuersitas ostēdat eandē non esse absolutionem hic & condemnationē, sed cōdēnationē pręcedere, & absolutionē sequi, vt & in *d.l. Diuus*, vbi quod scriptū est *& ita absoluitur* nō aliū sensum habere videtur, quā hūc vt post absolutā liberto partē bonorū eius, aut postquā fustibus cēsus est absoluat̃ à grauiore scilicet vt explicauimus, cōdēnatione, ac si scriptū esset *& deinde absoluitur*. Sic. n. prudētes nostri dictionē illā *ita* accipere passim solēt. Quāquā illud quoq; obseruatione dignū est quod aduersarij non obseruant, qui lege illa Modestini cōtra nos abutūt̃, non de iudice tractari eo loco sed de Prętorē vel de Pręsidi. Fuit. n. Prętorū duntaxat in vrbe & Pręsidū in provinciis quędas patronorū aduersus liberos audire ac libertorū ingratitudinē cōercere *l. ex. tit.* Nisi quodd cū pœna corporalis esse debet ac grauior quā vt ad Prętoris iurisdictionē pertinere possit, solet ea res remitti ad Pręfectū vrbi *l. i. §. cū patronus D. de offic. pręf. urb.* Vnde dicitur illa cognitio extra ordinē in *l. i. C. de lib. & er. lib.* Nō tā q̃ actio ingrati prodita nulla esset vt quidā putant, quā quodd digna videretur ea res quę maiores iudices habere, vt cęterę quęstiones omnes De libertate, ingenuitate, & statu *l. non distinguemus 32. §. de liber. ali. D. de recept. Qui arbitr. receper.* Cū igitur tractet Modestinus de cognitione extraordinaria Pręsidis cuius officium non sicut iudicis, vllis formulę finibus circūscribitur, Mirū non est quod scribitur in *d.l. Diuus* absolui à Pręsidi libertum castigatū, vel ob hoc ipsum quod necesse est solui eum à vinculis, ex quibus nemo dubitat quin de ingrati crimine respondere cogatur, vt possit si ita Pręsidi videbitur vel fustibus cędi vel quā aliā corporalē grauiorē cōdēnationem pati, puta in exiliū tēporale aut in metallū dari, vt in *d.l. i. eod.* vbi Vlpianus non valde dissimiliter à Modestino & eodē planē sensu ait dimitti libertū oportere, qui in officio patrono patronęve liberisve eorum fuerit, postquā fuerit tantūmodo castigatus sub cōminatione aliqua seuerioris pœnæ nō defuturę si rursus causā querelę prębuerit. Quid. n. aliud est dimitti libertum quā absolui, & cōtrā quid aliud absolui quā dimitti? Nō ergo de ea absolutione Modestinus loquitur quę fiat per sententiā, qualis illa est quę fit in actionibus arbitariis cū arbitrio paruit reus, sed de liberatione facti, cui tunc locus est cū sententię & cōdēnationi satisfactū fuit. Et hæc mihi sanē aptior & magis genuina illius loci videtur esse interpretatio: Ex qua nihil possis inferre pro eorū opinione quī cōtra nos defendūt, absolutionē quę sit à iudice in iudiciis arbitariis & quidē per sententiā posteriorē esse condemnationē quā volunt illi pręcessisse cū pronūciatū est, in actione, puta Quod metus causa Rē per vim aut metū extortam videri, Aut dolo malo in actione De dolo aliisq; similibus. Quod planē falsum est, nec magis fieri potest quā vt post plenā absolutionem factā à iudice, aliqua possit sequi cōdēnatio, quod vtiq; sani iudicij nemo dixerit. Nā etsi Prętori aut Pręsidi plus hac parte concessum est quā pedaneo iudici vt diximus, adēd vt possit Prętor nō quidem suā pręcedentē sententiā corrigere, sed tamen reliqua quę ad consequentiā iam statutorum pertinent & priori sententię defunt supplere dummodo eodem die, id tamen fieri debet citra condemnationem vel absolutionem, vt in *l. Paulus 42. D. de re iudic.* legendum esse docuimus in *Err. 1. Decad. 92. in fin.* Quod ergo Prętori non licet, quomodo iudici pedaneo licebit vt absolvere possit eum quem prius ille ipse condemnauit? Contra *d.l. iudex posteaquā & l. cum quarebatur 62. eo. tit.* Sanē

cum iudex arbitratus duntaxat fuit, quid actori reum ex bono & æquo præstare oporteat, potest quidem reus ut se longioribus ac dispendiosioribus litium anfractibus ac sumptibus liberet, arbitrium illud accipere pro condemnatione, ac seipsum potius quodammodo condemnare satisfaciendo arbitrio, ne alioqui grauiorem iudicis condemnationem expectare, ac pati cogatur. Sed tamen non facit ea res quominus absolendi potestate in sibi iudex retineat, quippe qui nondum officio suo functus sit, cum nondum reum condemnauerit. Quia in id cum præcipuum postremumque dati iudicis officium in eo consistat ut vel absoluat reum vel condemnet, An non protus consequens est ut qui condemnare amplius non potest reum, iam satis propria sua voluntate condemnatum, absolendi eius præcisam habeat necessitatem? Et hæc quidem ita de plano procedunt in actionibus confessoria, & negatoria cæterisque arbitrariis quoties arbitrio reus paruit, & actori satisfecit, id est aut rem præstitit aut cautionem. Arbitrium enim iudicis in his actionibus non aliud esse debet, quam ut vel res, vel cautio præstetur, ut tractat Paulus in *dist. l. harum 7. D. si seruis vindic.* ubi addit Rem ipsam hanc esse ut iubeat aduersarium iudex. emendare viciū parietis & idoneum præstare, scilicet cum agitur de seruitute oneris ferendi de qua in lege præcedente. Cautionem verò hanc ut iubeat de reficiendo pariete cauere, neque se, neque successores suos prohibuituros aliud tollere sublatumque habere. Proinde alterutrum factum esse oportet, id est aut rem præstitam aut saltem cautionem ut reus absolatur. Sed si arbitrio reus victus parere nolit, id est si neque rem præstat, neque cautionem, tunc verò tanti condemnandus erit reus, quanti actor in litem iurauerit. Ut sequitur in *d. l. harum*. Vbi licet de officio iudicis non de arbitrio Paulus loquatur, officij tamen appellatione arbitrium intellexit, ut & Lauolentus in *l. epi 12. eodem tit.* Sicut è contrario plerumque prudentes nostri cum de bonæ fidei iudicijs tractant quæ toto genere differunt ab arbitrariis, arbitrium iudicis pro officio dicunt, ut in *l. 1. in princip. iunct. §. 1. D. de usur.* Idque apparet euidenter ex illis verbis *dist. l. harum, ut iubeat aduersarium iudex*. Constat namque inter omnes nihil differre iussum ab arbitrio iudicis cum agitur de actionibus arbitrariis *l. qui restitueret 68. iunct. l. 1. & ex diuerso 35. §. 1. & l. in quo 57. & pass. D. de rei vindic.* Igitur verum est quod volumus in actionibus Confessoria & negatoria, de quibus disputamus id ipsum euenire quod in aliis omnibus arbitrariis ut non aliter nec prius possit ex iis sequi condemnatio, quam reus fuerit contumax, nec arbitrio iudicis parere vulerit: quam semper diximus veram esse ac germanam notam actionum omnium arbitrariarum. Sunt igitur hæc quoque actiones arbitrarie, Et tamen ciuiles ut aduersarij quoque fatentur, & Iustinianus disertè scribit in *§. æquæ, iunct. §. sequent. Inst. de action.* Falsum ergo est quod illi tam generaliter & audacter defendunt. Actiones ciuiles nullas esse arbitrarias.

ERROR OCTAVVS.

De formula sententiæ ferendæ in actione confessoria. Ad l. harum, 7. D. si seruis vindic.

QVA



QUAE cum ita sint, videamus specialius in quo manca sit aduersariorum contra nos disputatio. Hæc, inquiunt, formula est actionis confessorie de seruitute oneris ferendi. Ius mihi esse cogere te prestare idoneum parietem ad onera mea sustinenda, hoc rectè. Addunt, Scribitur formula si paret Titio ius esse cogere Manium reficere parietem et prestare idoneum ad onera illius sustinenda. Hoc quoq; bene sed minus astute faciunt qui reliquam totam formulam tacent, vt qualis sententia ferri debeat non possimus dignoscere. Addant itaque vt perfectè sit formula nec arbitrio tuo aut rem prestare aut cauere Manius volet, tunc quanti Titius sua interesse in litem intraverit, tu Manium tanti condemnato. Sic enim solitam fuisse concipi formulam actionis huius tam clarè constat ex Paulo in d.l.hærum, vt nihil potuerit exprimi apertius. Sequitur, inquiunt, sententia iudicis. Non nego, sed quibus verbis concepta? His nimirum subiiciunt Videtur Titio ius esse cogere Manium reficere parietem quo de agitur ad onera ipsius sustinenda. Et hoc quoque non malè. Per hanc enim pronuntiationem diffinitur status causæ qui totus in eo consistebat, An Titio ius esset ita intendendi contra Mæuium. Ad eò vt à quo tẽpore sic pronuntiatũ est dici verè possis victũ esse Mæuiũ nec sententiam suam mutare aut corrigere iudex queat. Nã & in hoc quoq; aduersariis assentior qui victorem interpretantur eum non qui vincere debeat, sed qui iam vicerit & obtinuerit, hoc est nõ cui sententiã ius aliquod nouũ dederit, sed cuius iam verũ ius per sententiã fuerit declaratũ, vt in l.sicut 8. §. & si quidẽ D. si seruus vind. l. vti frui 5. §. fructuario Q. si vsufr. pet. d. l. & ex diuerso 5. §. 1. D. de rei vindic. Et hic verus est finis actionis confessorie sed nõ vltimus. Ille enim propriè & verè vltimus finis est qui aliter & exitus & euentus actionis dicitur in d.l.hærum in l.ais Prator 10. §. si cum mulier in si. D. quæ in fraud. cred. Quis ergo euentus est, & exitus huius actionis? Ille vnicus vt vel res, vel cautio prestetur d.l.hærum. Vt & in Pauliana quã nos in præcedẽtibus arbitrariã esse docuimus exitus actionis est in specie d. §. si cum mulier, vt stipulatio quæ in fraudẽ creditorũ accepto lata fuerat, ex integro interponatur. Hoc verò nõ per sententiã fit, sed arbitrio, & officio iudicis quod sequi debet sententiã & præcedere cõdẽnationẽ. Sic enim Paulus in d.l.hærum, vt victori officio iudicis aut res prestetur aut cautio. Nam quis vnquã dixit officio iudicis id fieri quod fiat per sententiã? I' q; probatur manifestè ex eo quod sequitur apud Paulũ res ipsa hæc est vt inheat aduersariũ iudex emẽdare vitiũ parietis. Iussus. n. ille vt iam explicauim' nihil nisi arbitriũ est, & arbitriũ in arbitrariis actionib. nihil nisi officium iudicis. Quomodo lauolennus in l.egi 12. eo. tit. Iudicis officio cõtineri ait, vt de futuro quoq; dãno cauere debeat, & Vlp. in d. l. 5. aliàs l. fructuario 7. §. vlt. D. si vsufr. pet. vbi tractat de actione cõfessoria quæ pro vsufructu cõpetit, & in qua pronuntiandũ est ius esse Titio vti de fruendi fundo Mæuij officij iudicis esse ait postquã pro Titio pronũciauit, vt securus ille cõsequatur in quã fructuarius fruendi licentiã, sicut in negatoria, ne dominus proprietatis inquietetur: Scilicet, inquit, cum ille agit qui possidet. Siquidẽ etiã possessori actiones hæc competũt, nec hoc casu pòt heri vt fructũ nomine quicquã cõsequi debeat is qui fructus ipse percepit, Qui tamen si ab aduersario percepti essent, vtiq; in arbitriũ & officij iudicis venirẽt, nõ in sententiã neq; in cõdẽnationẽ, vt & in directũ rei corporalis vindicatione, in qua veniũt quidẽ fructus sed in restitutionẽ l. Iulianus. 17. §. 1. & seq. D. de rei vindic. quæ restitutio semper fit arbitratu iudicis d. l. qui restituere 68. eo. vbi quod dicitur in directã rei vindicatione interdũ fructũ duntaxat, omnisq; causæ nomine

condemnationē fieri, non hunc sensum habet vt ipsa fructuum restitutio in cō-
 demnationem deducenda sit, sed illum potius vt tum quoq; cū manu militari
 ablata ei possessio est qui fundū petitiū restituere cum fructibus iussus erat, li-
 cet nulla sit amplius necessaria cōdēnatio pro fundo qui iam in victoris pote-
 state peruenit, adhuc tamen necessaria sit propter fructus omnēq; causam,
 id est vt tanti reus cōdēnetur, quanti fructuum & omnis causę nomine actoris
 intererit, ob id quod nec circa fructuū & totius causę restitutionē imperatū ar-
 bitrio iudicis parēre reus noluerit. Manco nimirum quod ad fructus & omnem
 causam pertinet, remedio & auxilio manus militaris. Quod igitur aduersarij cō-
 miniscuntur, In actione confessoria sic concipi sententiam debuisse, vt post su-
 pradicta verba illa *Visetur Titio ius esse cogere Manium reficere parietem quo de
 agitur ad onera Titij sustinenda* debuerit iudex addere, *Ideoque te Mani Titio
 condemnio vt parietem reficias & idoneum prestes*, prorsus absurdū nedum impro-
 babile est. Restitutio enim illa parietis extra causam sententię est, & relinquen-
 da iussui, hoc est arbitrio iudicis cui locus esse incipit post sententiā, & ante cō-
 demnationē. Alioqui malē Paulus in *d.l. harum*, ita scripsisset *vt inbeat aduersa-
 rium iudex visum parietis emendare* si hoc ipsum in condemnationē deducendū
 esset. Condemnationi. n. vt sæpius inculcauimus omnimodo & præcisē pareri
 necesse est. Arbitrio autē non nisi causatiuē, vt loquūtur, id est vt grauior cōdem-
 natio euitetur quam ex cōtūmacia sua reus incurreret si arbitrio iudicis nō ob-
 tēperaret. Malē item Paulus adderet in fine legis *si verò neque rem prestat, neque
 cautionem tanti condemnet quanti actor in litem inuauerit*, si cōdemnatio esset de
 pariete ipso reficiendo. Sicut enim aliud longē est parietē reficere, Aliud verò
 præstare quanti actor in litē iurauerit sua interesse ob id quod reffectus non sit,
 quemadmodū & aliud est rē præstare, aliud rei æstimationē. Ita & fatendum est
 multū interesse an cōdemnetur reus ad reficiendū parietem, quod aduersarij
 volunt, & nos negamus, An verò in id omne quod actor sua interesse iurauerit
 ob non reffectū parietem nec præstitam eo nomine cautionē, quomodo tantū
 posse & debere concipi cōdemnationē nos cum Paulo nostro contendimus.
 Tantūq; abest vt reffectio parietis in cōdemnatione sit, vt non aliā causam
 habere possit cōdēnatio in hac confessoria actione quā quia reffectus paries
 non fuerit. Dicā amplius, Vt nec in rei potestate sit post cōdemnationē effu-
 gere pænā illam grauiorem, quæ irrogata est in pænā contumacię tamen si pa-
 rietē reficere maximē velit. Licentia. n. parendi arbitrio & faciendę restitutio-
 nis quam iudex post sententiā imperauit, à die arbitrij vsq; ad diē duntaxat cō-
 dēnationis exclusiue, salua & libera est. At post cōdemnationē nulla superest,
 vt de actione Quod metus causa, deq; cæteris arbitrariis omnibus generaliter
 Vlpianus tradit in *Litem si cum* l. 4. §. *hac autem actio D. quod met. cau.* Inepta igitur
 est formula quam aduersarij adstruunt vt faciant sententiā iudicis cum cō-
 demnatione. Sed separanda omnino est sententia iudicis à cōdemnatione, &
 inter vtramq; ponendum est arbitrium iudicis quod sicuti sententiam sequitur
 ita & præcedit cōdemnationem. Sententia nihil nisi pronunciationem illam
 continet, quæ primis suprascriptę formulę verbis concluditur. Et cōsequenter
 sine vlla cōdemnatione Vt & in iudicio directę vindicationis, postquā iu-
 dex per sententiā suā declarauit fundum esse petitoris, vt in *d.l. & ex diuerso*
 §. 1. his verbis *Visetur fundus quo de agitur Titij esse* non adiciit, *Ideoque te Mani
 condemnio vt eum fundum cum fructibus restituas*, sed cōtētus prima illa pro-
 nunciatione quod ad sententię cōceptionem attinet differt cōdemnationē in
 aliqd.

aliud tempus quia nec adhuc iusta vlla causa est possessoris condemnandi quousque restituere iussus arbitrio iudicis noluerit parere. Arbitriū igitur inter sententiam & condemnationem intercedere oportet quo arbitrio rei fructuumque restitutio contineatur, tanquam quæ nec priore sententia comprehendi potuerit nec in condemnationē venire unquam possit. Quod si ut aduersarii volunt ita concipienda esset sententia in actione confessoria ut postquam pronūciasset iudex *Videri ius Titio esse cogere Maniū reficere parietē*, addere deberet verba illa *Idēque te Mani condēno Titio ut parietē reficiat*. Quæro quisnam erit iussus ille iudicis quæ post eiusmodi condemnationē sequi dēdere fatentur? Quodnam officium illud iudicis de quo dubitare nō possunt quin Paulus tractet in *d.l. harū*, tanquam adhibendo post sententiā? Et cui si non pareatur, litis æstimatio siue condēnatio in pecuniā fieri debeat, ut iidē fatentur. An foris idipsum arbitrari iudex debebit quod iam nō modō in sententiā, sed etiam in condemnationē deduxerit? An sue auctoritati eam fieri iniuriam patietur ut in condemnati potestate relinquat vtrum iudicato parere velit, necne? Quid verō indignius dici potest, quam ut ea negligēdi iudicati licentia condēnatio detur? Et ob eam nimirū causam diximus toties, Numquā debere iudicem cōdemnare reum ut aliquid faciat, sed semper litē æstimare in pecunia numerata, Ne aliqui exequendę inuito condēnatio rei iudicatę ratio nulla super sit. Expectandū igitur est ad irrogandā condemnationem, ut litis æstimatio fieri possit, quæ porro fieri nō potest nisi post arbitrium redditum à iudice, & à reo neglectum. Neq; hoc negare aduersarii possunt cum aiunt postquam actor vicit in confessoria, sequi arbitriū iudicis post sententiā. Et arbitrari iudicē quid fieri oporteat, tēpus modūq; præstiuere, & cautiones exigere *d.l. harū & l. ggi 12. eod. tit.* Hoc n. ipsum est quod nos adfirmamus, licet quod subiiciunt, si fiat quod iudex arbitratus est fieri debere, absolui reum oportere. Sed si non fiat, iudicē debere litem æstimare, Nisi quod malle vfos eos verbis Pauli & pro æstimatione litis dixisse condemnationē Quam actor in litē iurauerit. Et si enim hæc condēnatio nihil nisi litis æstimatio est, nec litis æstimatio quicquā aliud quam condēnatio, ut proinde parū interesse videatur vtro modo loquamur. Interest certē apud aduersarios, qui hanc volunt vocare cum Paulo condemnationem sed potius condemnationis executionem, Cum tamen vnica hæc sit verē & propriē condēnatio. Prima autem pronūciatio, nullo modo, Arbitrium verō quod primā illam pronūciationem sequitur non tã condēnatio verē sit, quam quasi cōdēnatio quæ tamē vires sumit nō tã ex auctoritate arbitrij cui etiā post sententiā non parere liberū est reo si grauiorē cōdēnationē non curet, quam ex volūtate rei scipsum, ut iā dixi quodāmodo cōdēnantis, ne à iudicē condemnari possit *d.l. redhibitoria 45. D. de adul. edict.*

ERROR NONVS.

De formula civilis vindicationis apud Ciceronem Orat. 4. in Verrem 2. de vera illius loci interpretatione.



ERTIOR haberi fides non potest eorum quæ ad iuris veteris præxim, & ritū pertinent, quam si quis ex veterū formularum monumentis veritatē eruat, nec rursus certior vlla formularū indagatib, quam si ex Cicerone aliisq; bonæ latinitatis authoribus eam petat.

Nam quemadmodum ab initio præcipua prædicta opera in eo collocata fuit, ut ferè de vnaqua; re & actione & nõ tantum actionum, sed etiã actuum penè omnium formulas conscriberent *l. 2. §. deinde ex his legibus De orig. iur.* Ita ex iis formulis quæ certè sollemnèsq; erant, adedò pendebat omnia, ut qui vel à syllaba vna caderet, ut vulgo iactari solet, caderet etiã à causa. Mansitq; ius in ea ferè tēpora quibus actionum formulæ & impetrationes sublatæ sunt à Cōstantino, & posterioribus Imperatorib. *in l. 1. §. 2. C. de formul. & impetr. act. sublat.* Post quas constitutiones cœpit formularum usus ita inutilis esse & neglectus ut Tribonianum piguerit in Pandectis cōponendis ullam ferè memoriam earum retinere, nisi quæ ex ipsis prudentum responsis induci & quasi per coniecturas colligi potius quàm ex apertis verbis probari possint. Vnde fieri necesse fuit ut doctissimi quiq; viri, quibus vnũ illud propositũ extitit restituendæ veteris Iurisprudentiæ & ad prima sua principia reuocandæ, non alia in re magis sibi laborandũ esse crediderit, quàm in formularum istarum cōceptionibus excogitandis ac diuinandis, Ita ut plerumque non tam restauratores earum quàm primi inuentores fuisse videantur. Inter quos omnium felicissimè nec minùs ingeniosè quàm laboriosè hanc tibi operam præcipuè sumpsit Barnabas Brissonius, cuius præclarũ nomen quoties lego vel audio toties miserã temporum nostrorum sortem & cōdicionem desleo, quæ tantum virũ tãq; politũ scriptorem ac penè incōparabilem, quæ post tot secula vix vnũ natura tulerat, diutius ferre nõ potuit, nobisq; ac toti Iurisprudentiæ longiorem eius vitã & scripta quæ in dies plura & luculentiora sperabatur inuidi. De quo verissimè quisquis ille fuit qui insignem ipsius imaginẽ hoc versic. illustrauit.

Non poterat iuris gloria iure mori.

Maximè verò inter omnes veteres scriptores qui de formulis multa prodidisse comperiuntur, vnus fuit Marcus Tullius, cui solenne extitit magnam cum Iureconsultis sui temporis familiaritatem habere, sed eorum tamen formulas tanquam nugis & ineptias ridere, quamuis non pauca ille ex eorũ siue scriptis siue sermonibus haulisset, ex quibus facillè appareat non fuisse illum iuris omnino ignatum. Qualem nec decebat eum esse qui siue per iocum, siue seriò iactiabat & proficebatur posse se quoties luberet primo triduo euadere in Iureconsultũ, Ito præsertim tempore quo Aulus Trebatius & Seruius Sulpitius florebat, nostramque Iurisprudentiam illustrabant. Is in Orat. 4. in Verrem vbi multa ille congerit ut Verris, cùm in Sicilia Præturam exerceret iniquitatem & insaniam cōmucat, ponit eum sic formulam vindicationis dictasse *Lucio Octauius index esto, si paret fundum Capenatem quo de agitur ex iure Quiritium P. Seruilius esse neque is fundus Q. Catulo restituetur.* Et addit nõne necesse erit Lucio Octauio iudici cogere P. Seruilium Q. Catulo fundũ restituere aut condemnare eum quem non oporteat? Cuius formulæ iniquitas tota in eo est, quod cùm ita sit concepta eius condicio *si paret fundum Capenatem quo de agitur, ex iure Quiritium P. Seruilius esse* additur tamẽ neque *is fundus Q. Catulo restituetur* pro eo quod scribi debuerat, *si paret fundum Capenatem quo de agitur Q. Catuli esse, neque is fundus Q. Catulo restituetur.* Erat enim Seruilius possessor huius fundi, Catulus verò petitor quẽ proinde oportebat probare se dominum priusquàm cogi posset Seruilius ut ei restitueret. Cuiusmodi fundũ restitui æquũ est nisi ei cuius fundũ esse apparuerit. Aut quid prodest Publio Seruilio fundũ Capenatẽ possidẽri quod suũ eum esse probauerit, si arbitriũ iudicis tale sequi debeat ut is fundus nõ P. Seruilio relinquẽdus sit cuius esse, sed Q. Catulo cuius nõ est, omnimodo restituẽdus? Ex tamẽ ita ut diximus cōcepta formula cùm Lucius Octauius Balbus iudex datus, quãtũ

libet

libet iuris & officij peritissimus non aliter iudicare possit quàm ad eū modum quem Prætoris formula præscripsit. Omnino cōsequens fit, vt ei necesse sit, vel Publium Seruiliū fundi possessorē eundēque dominū cogere vt Catulo eū fundū restituat: Vel cōdemnare illū quem non oportet. Quæ postrema verba perperā sanē iidem aduersarij nostri sic explicant quasi sentiat Cicero de Q. Catulo cōdemnādō. Nā cū fateantur in ea specie Catulū fuisse petitorē, Seruiliū verō possessorē, quis nescit cōdemnationis verbū ad actorem referri nūquā posse. Sūmouētur nimirū actores à petitione sua & repellūtur, nō condemnantur. Et reorū duntaxat est vt dicantur sicut absolui, ita & cōdemnari: quem admodum sæpius diximus. Qua de causa nec defuerunt qui locū hunc Ciceronis corruptū esse crediderint, & praua emendatione obscuriorem fecerint. Nos verò nihil emendādū esse censuimus & postrema illa verba de quorū sensu cōēditur *aut enim condemnare quem non oportet* ad Seruiliū possessorē & reū nō ad Q. Catulum actorem esse referenda. Nec enim illa mens Ciceronis est quā aduersarij comminiscuntur, vt exprimere velit in eas angustias cōiunctū iudicem per iniquitatem Verrinæ formulæ vt vel iniquissimē iudicare cogatur si formulam sequi velit, Vel eum cōdemnare pro quo iudicare potius debuerat si negotij æquitatem sectari malit, quàm rigorem formulæ. Supponeret siquidem hæc ratiocinatio esse in iudicis dati potestate vt vel secūdum formulam iudicet, vel contra formulā ex animi sui sententia. Quod quàm falsum sit apparet vel ex illo ipso Ciceronis loco cū ait ille, Ne quidem Balbum iudicem hominem & iuris & officij peritissimū aliter iudicare posse quàm in quæ verba iudiciū à Prætorē datū proponatur. Hoc igitur potius sibi vult Cicero, iniquitatē maxīm à Verrinæ formulæ in eo elucēre, quod quēadmodū facere non pōt iudex datus quin præscriptū formulæ in omnib' ac per omnia præcisē sequi cogatur. Ita neq; efugere quominus in sequēdo formulā vel cogat Seruiliū reū & possessorē qui fundū suū esse probauerit eum fundum restituere Q. Catulo petitori quāvis victo in quæstione & probatione dominij quod esset absurdissimū. Vel cōdēnet eū quem non oportet, id est illū ipsum Seruiliū, quem ponimus probasse dominium fundi ad se pertinere. Nā utiq; condemnaretur is quē nō oporteret cōdēnari si Seruilius hic cōdēnaretur. Quid? inquires, An nō duo hæc vnū & idem sunt Cogi Seruiliū vt fundū Catulo petitori restituat, Et Seruiliū cōdemnari? Hoc enim est quod aduersarios decepit vt loci huius elegātiā verā interpretationem percipere nō potuerint. Sed hoc ipsum erit quod nostrū De arbitrariis actionibus sententiā, & omnia quæ hucusque circa hunc tractatū scripsimus, mirificē confirmabit. Docuimus. n. coactionem illam restituendā rei de cuius dominio & vindicatione actum sit condemnationem non esse, sed fieri iussu & arbitrio iudicis, nec præcisā & absoluta coactione cū ea restitutio sit facti ad quod nemo potius præcisē cogitur, sed causatiua. Id est si grauiorem condemnationem evitare reus velit, quæ imminet in pœnam contumaciæ, ob id quòd arbitrio iudicis parēre noluerit. Reus enim idēque possessor qui in iudicio vindicationis victus est alterutrum facere omnimodo compellitur, aut obtemperare arbitrio si velit, aut si non obtemperauerit pati condemnationem etiam si nolit. Et si enim arbitrio & condemnationi commune illud est, vt reddatur in inuitum sicut & totum ipsum iudicium ipsæque iudicij formula, differentiā tamen in eo est quòd condemnationi omnimodo parendum est, serendāque: executio iudicati, Arbitrio nō item. Et ob eam nimirum causam diximus in superioribus arbitrium nō esse condemnationē, sed tantū cōdēnationis loco, vt in *l. crediditoria 45. D. de adl. edil.* quia eundem effectum habet quem con-

demnatio mandata executioni, quòd eo modo plenissimè actori satisfiat. Maxime verò id locum habet, cùm arbitrium consistit in danda vel reddenda pecunia, vt in specie *d.l. redhibitoria*, quia cùm condemnatio semper facienda sit in pecunia numerata, propius accedit ad condemnationem tale arbitrium quàm quod in faciendo & restituendo cōsistit. Est igitur ex eadem causa, & ex eodem fonte iniquitatis vt cogatur per arbitrium iudicis fundum Capenatem reddere P. Seruilus cuius fundum illum esse apparuerit, & vt ob id quòd arbitrio nō paruierit, nec fundum restituere Q. Catulo uoluerit, condemnnetur eidem Catulo quanti ille sua interesse in litem iurauerit. Quamquam enim proxima & immediata condemnationis causa in his actionibus sola contumacia est illius qui arbitrio parere noluit, Contumaciæ tamen causam præcedens iudicis arbitrium præbet, quòd si nullum esset, nec contumacia sequi vlla posset. Neq; tamen consequens fit vt si arbitrium iudicis iniquum fuit, impunita eo magis debeat esse contumacia non parentis, quem verum semper est dicere imperanti iudici nō obtemperasse, sed eodem errore, & eadem iniquitate debet iudex eum ipsum quem iniquè iusserat rem suam non domino restituere, iniquè etiam ob nō factam restitutionem condemnare vt in *l. & ex diverso 35. §. 1. D. de rei vindic.* Ita fit vt verum sit quod ait Cicero, Sic concepta vt diximus formula, nō aliud officium iudicis esse posse quàm vt vel per arbitrium suum cogat Seruilium fundi petiti dominum & possessorem restituere fundum illum Q. Catulo non domino, atque ita arbitretur aliter quàm oportet, Vel condemnnet eum quem non oportet, id est illum ipsum Seruilium si arbitrio quamuis iniquo & iniusto parere nolit. Condemnaretur enim proculdubio is quem non oporteret, si possessor idemque dominus ob id solum condemnaretur petitori non domino quòd ei fundum arbitrio iudicis restituere noluisse, Et tamen condemnari eum ex formula necesse esset, quia nec aliter concipi potest formula in actionibus arbitrariis quàm vt is demum condemnari debeat, qui arbitrio iudicis obtemperare noluerit. Oporteret itaque Seruilium condemnari, & non oporteret, sed diuersis respectibus. Oporteret vtique ex necessitate formulæ, Non oporteret ex ratione iuris & æquitate negotij. Proinde iniquissima est formula Prætoris quæ iudici dato iniquissimè iudicandi non solum potestatem facit sed etiam necessitatem imponit. Et hoc nimirum est quod agit Cicero vt Verris iniquitatem in iure dicundo detegat & probet. Ideoque ponit Balbum iuris & officij peritissimam vt ostendat in quas angustias eum iniquitas formulæ coniecisset. Nā quatenus erat iuris peritissimus videbat non aliud boni iudicis arbitrium esse posse quàm vt ei ipsi fundum restitui iuberet, quem priùs dominum esse pronunciasset. Quatenus autem erat idem ille officij peritissimus, intelligebat officio iudicis dati ex necessitate incumbere vt sententiam diceret ex præscripto formulæ, & consequenter iniunctam sibi videbat necessariam iubendi & abitrandi vt fundum Capenatem Publius Seruilius dominus Quinto Catulo non domino restitueret, itaque vt si restituere nollet eum condemnaret, Quanti scilicet Quintus Catulus in litem iurasset. Ita namque intelligendus & supplendus est ille Ciceronis locus, quamuis de condemnationis forma & quantitate nihil exprimat. Nimirum quoniam ad id quod agebat Cicero, nihil ea res attinebat, id est ad iniquitatem formulæ detegendam, Cùm non minùs iniqua videri debeat sententia per quam dominus in iudicio vindicationis erga non dominum vel vno nūmo condemnnetur. Quamquam illud quoque verum est tantò iniquiorem fore condemnationem quantò grauior futura sit. Eam autem omnium grauissimam esse,

esse, quæ victori iurandi in infinitum & sine vlla taxatione faciat potestatem. Quomodo in iudicio vindicationis observari olim solitū fuisse toties diximus & probauimus, *ex Leiu rei 46. v. Lqui restituere 68. De rei vindic.* Sed iniquitas magis est in arbitrio, quàm in condénatione, Vt solet in rebus ferè omnibus id maximum esse quod primum. Iniquitas enim cōdénationis pendet ex iniquitate arbitrij: quæ ipsa non aliunde pendet quàm ex iniquitate formulæ; Iniquitas autē formulæ ex iniquitate non iudicis qui eam accepit sed Prætoris qui dictauit. Et quemadmodum *in l. & ex diuerso 35. §. 1. eod. tit.* Paulus scribit Iudicem qui per errorem pronunciauit fundum esse Tuij petitoris cū esset Sempronij possessoris, debere de fructibus quoque eodem errore pronunciare, Ita & Prætor qui formulam iudicij vindicationis aded iniquè cōcipit vt iudicij necessitatem imponat iubendi & arbitrandi vt possessor idēque dominus fundum petitiū restituat petitori non domino. Eādē prorsus iniquitate per eādē formulam iubere cogitur vt si possessor idēque dominus fundum nolit restituere, condēnnetur. Alioquin iniquitati adderet ineptiam si aliuu vellet iuberi restituere, alium verò propter non factam arbitrio iudicis restitutionem cōdēnari. Verū hīc rursus insurgunt aduersarij, & ex hoc ipso Ciceronis locō contra nos probant vindicationem ciuilem nō esse arbitriarum, propter eā quòd Cicero sic formulam concipiat, vt tamen nullam arbitrij faciat mentionem. Sic enim concipit simpliciter *neque is fundus Q. Catulo restituetur* non additis verbis illis *arbitrio tuo* aut *arbitratu tuo*, quam vnam arbitrariorum actionum omnium notam esse volunt. Quasi numquam licere debeat iudici arbitrium suum interponere & iudicis partes abiicere vt adsumat arbitri nisi cū id ipsum & à Prætorē per formulam non tam permissum, quàm mandatum est, nec rursus Prætor vnquam id mandare iudici debeat in formula nisi quādo Prætoris edicto id cōprehensum est. At nos multò probabilius hunc ipsū locum aduersus istorum errorem in auxilium nostrum aduocamus, Vt appareat nō ex adiectione supradictorum verborum in formula, sed ex natura negotiorum pendere totam vim & potestatem actionum arbitrariorum. Nam neque restitutio illa cuius mentio fit in formula, fieri aliter potest quàm iussu & arbitrio iudicis. An enim Prætorē credibile est de ea restitutione sensisse, quam reus vltro facere potuerit, nullo iudicis arbitrio & iussu præcedente? Siquidem fatendum est posse cuiusmodi restitutionem fieri sola possessoris voluntate si malit cedere quàm contēdere, siue vt litis sumptibus & incommodis se exoneret, siue quòd rem quæ petitur sciat petitoris esse, non suam. Atqui ea ratione fieret vt nulla esset inter arbitrias & alias actiones differentia: Nam & in aliis iudiciis quæ non sunt arbitrarie siue bonæ fidei sint, siue strictæ, perinde licet reo quando cūque ante sententiam satisfacere actori, vt absolutoriam sententiam ferat: Quo sensu omnia iudicia dici absolutoria scripsit Tribonianus *in §. ultim. Inst. de perpei. & tempor. act.* Tota ergo differentia in eo est, quod in cæteris satisfactio fit à reo sola ipsius voluntate nec ponitur in formulā vt neque in arbitrio iudicis: In arbitriis autem restitutio quam fieri necesse est vt euitetur condēnatio, fit arbitrio & iussu iudicis, quæ si non fiat sequitur condēnatio, non aliam ob causam, quàm quia factum non sit, quod arbitrio iudicis fieri debuit. In cæteris condénationi causam præbet non eius qui convenitur contumacia quæ ante sententiā vix vlla esse potest licet mora esse possit, sed obligatio quæ causam dat actioni. Nascuntur enim ex obligatione aliqua præcedente actiones omnes & bonæ fidei & stricti iuris: At in arbitriis, quæ pro causā obligationem præceden-

tem nullam habent, sola rei contumacia nolentis arbitrio iudicis parere, locum aperit condemnationi, quæ alioquin sequi nulla posset. Nihil igitur intererat olim an in formula actionis arbitrarie adiecta essent verba illa *arbitrio* aut *arbitratu tuo* an prætermissa, quia & cum prætermisita erant pro adiectis haberi debebant, Siue quoddam arbitrium iudicis de re restituenda præcedere necesse esset ad extorquendam condemnationem, siue quoddam non ob id solum condemnari ex arbitraria actione reus debeat, quia rem non restituerit, sed ob id potissimum, quoddam fuerit contumax, nec arbitrio obtemperare voluerit iudicis imperantis & iubentis. Namquam enim arbitrium est sine iussu *diel. l. qui restituere*. Arbitrium ergo iudicis omnimodo præcedere necesse est ut ex causa non factæ restitutionis sequi possit cō.lemnatio. In cæteris iudiciis & bonæ fidei, & stricti iuris condemnatur reus qui non satisfecit, non quia non satisfecerit; sed quia est obligatus, quamvis non condemnaretur si satisfecisset. Ut ipsa non satisfactio, si sic loqui liceat, non tam efficiens causa sit condemnationis, quàm condicio sine qua non posset sequi condemnatio. Bene igitur Ulpianus, aut potius sub Ulpiani nomine Tribonianus in *diel. l. qui restituere in fin. ex qui bus arbitratu iudicis quid restituitur*, Ut intelligamus in directa & civili vindicatione de qua potissimum eo loco agitur, perinde atque in cæteris omnibus arbitrariis imperari restitutionem arbitrio iudicis, nec tam faciendam esse restitutionem ut evitetur condemnatio, quemadmodum evenit in cæteris iudiciis, quàm non faciendam, ut ex non facto illo possit induci contumacia, & ex ea contumacia sequi condemnatio. Sed iam ad Ciceronem satis.

ERROR DECIMVS.

De differentia arbitrii compromissarii & eius quod constituit actionem arbitriariam.



PRECIPVVS hic lapsus fuit eorum contra quos per tot Dolcades disputauimus, quoddam arbitrium illud ex quo æstimantur actiones arbitrarie, simile volunt esse illi, cuius interponendi necessitatem habent arbitri compromissarii: ex Prætoris edicto *De recept. Qui arbit. recep. ut sentent. dic.* Sic enim scribunt Iudicem datum in actione arbitraria debere arbitrari causa cognita, quomodo actori satisfieri possit, & hæcenus interuenire ut experiatur an consilio suo vel autoritate litem dispositi patientur litigatores *Ex l. Pomponius 13. §. recepisse D. ill. iur.* ubi tamen Ulpianus ex Pedio scribit, Eum qui non vterius se interponat nec arbitrum dici posse nec videri arbitrium recepisse: sed eum duntaxat qui iudicis partes suscipit, & quæ sua sententia finem controuersie impositurum pollicetur. Quibus verbis significat, Plus esse & difficilius ut quis iudex sit, quàm ut sit arbiter. Nec enim is, qui arbiter est, verè ac propriè iudex est, sed tantum iudicis partes suscipit, ut Pedius loquebatur. Hoc verò cur in? Nempe quia boni iudicis officium est lites dirimere, quod ipsum non aliter facere potest, quàm imponendo finem controuersie *l. l. D. de re iudic.* Vnde est quod officio suo tunc iudex functus dicitur cum iudicauit condemnando reum vel

vel absoluendo siue bene siue male *l. index posteaquam 55. eod.* Arbitratur autem, id est qui & arbitrium recepit & iudicis partes suscepit, id ipsum se facturum pollicetur. Ideoque nec prius officio suo functus videri potest quam finem controuersie imposuerit *d. §. receperit*. Proinde ueritudo placuit non committi penam compromissi ob id quod non pareatur arbitro iubenti vi ad alium arbitrum eatur, Ne finis non sit, inquit Paulus *in l. non distinguemus 32. §. quæsumus eod. tit. De recept.* Vbi addit, si arbitrator sic pronunciauerit, ut fundus arbitrio Publij Mæcij tradatur, aut satisfactio detur, Iulianum quiddam existimasse omnino pendendum sententiae ut pena non committatur, sed Pedium melius probasse, Ne propagentur arbitria, aut in alios interdum inimicos agentium transferantur: Oportere arbitrum sua sententia finem controuersie imponere. Non autem finiri controuersiam si aut differatur arbitrium, aut in alium transferatur, Partemque sententiae esse quemadmodum satisfactio, & quibus fideiussoribus, idque delegari consequenter non posse nisi ad hoc expressim compromissum sit, vi arbitrator statueret, cuius arbitratu satisfactio daretur. Quod si non alius arbiter esse aut dici potest, quam qui iudicis partes suscepit, ac finem controuersie imposuerit, Quis ferat, arbitrium iudicis in arbitrariis actionibus non in alio versari, quam vi interueniat iudex & experietur an suo consilio vel autoritate litem discuti litigatores patiantur, priusquam iudicis partes interponat, & formulæ præscriptum exequatur? Imò verò arbitrium iudicis totum consistit in eo ut iubeat iudex rem qua de agitur restituere auctori, Nec hoc tantum, sed etiam quomodo restituere debeat, ut recte præstetur ac restituatur. Parum enim esset restituere, si non recte restitueretur: Unde est quod in cautionibus omnibus de restituendo vulgaris illa clausula inferebatur *his rebus recte præstari l. ipsi quoque 19. D. de rei vindic. l. redhibere 21. §. idem Pomponius D. de adul. edict. l. aliud est capere 71. §. 1. De verbor. signific.* Nec rursus res aliter recte restituere poterat, quam si arbitrio iudicis restitueretur, ne qua litigandi materia superesset, an recte facta restitutio esset. Porro neutrum facere iudex poterat, id est neque iubere rem restituere neque recte restituere, quin prius cognouisset de iure litigatorum non tantum ex eorum allegationibus, sed etiam ex probationibus utrimque allatis, Adeoque secuta pronuntiatione super illa facti questione, An petitoris res esset, quæ ab eo petebatur, an possessoris. Quæ tamen pronuntiatione nisi causa plenissime cognita sequi non poterat cum in eo præcipuus questionis & totius litis cardo verteretur. Et verò prius erat ut iudex recte iuberet rem restituere, quam ut eam recte restituere præciperet. Qui verò fieri poterat ut id ipsum iuberet recte, si non prius de auctoris iure vel iniuria plenissime cognouisset? Nam & inde fiebat ut ab iis verbis formulæ inciperet *si paret fundum Capenæ rem quo de agitur esse Sempronij petitoris*, quibus verbis tota facti questio continebatur. Tum illa sequebantur *neque is fundus Sempronio restituatur* arbitrio scilicet iudicis siue additum esset *arbitrio tuo* siue prætermisum, ut superiore capite disputauimus. Quem enim alium sensum habere hæc verba poterant, nisi ut recte, ac proinde arbitratu iudicis restitutionem fieri oporteret? Non enim satis erat Prætori qui dictabat formulam ut quoquomodo fieret restitutio, sed ad iuram & sollicitudinem ipsius maxime illud pertinebat, ut quo casu facienda esset restitutio, ea recte fieret ac probe, Quod ipsum cum pro variis personarum, rerum, & locorum circumstantiis aliter, atque aliter faciendum sit, tanquam quod facti sit magis quam iuris, necessario iudicis arbitrio committendum erat, Neque ob id solum ut recte fieret restitutio,

Sed etiam vt condemnationi locus fieri posset, si eiusmodi arbitrio iudicis parere reus nollat. Cum in arbitrariis actionibus & iudiciis nihil sit, aut præcedat ex quo possit sequi condemnatio si demas contumaciam quæ in eo interuenierit quod arbitrio iudicis non sit obtemperatum. Quare nec negant aduersarij, Iudicem datum in actione arbitraria debere de causa cognoscere vt arbitrari rectè possit quomodo actori satisfieri oporteat. Sed tamen cognitionem illam volunt esse summariam nec interuenire nisi hæcenus, vt experietur an consilio suo vel autoritate litem discuti litigatores patiantur. Quod certè non modò ridiculum sed etiam præposterum est. Quid enim opus esset vlla causæ cognitione iudiciali siue plena, siue summaria, vt ob euitandas litis impensas & molestias inuitarentur litigatores ad pacem & concordiam? Solent nimirum remedia ista conquiri ante motam litem & vt sumptibus & vexationibus litis occurratur non eo tẽpore quo post instructas iam & allatas probationes longè utilius sit litem proseguere, quàm ab ea resiliere, nec si reus cedere sit paratus, si non offerat etiam omnes sumptus litis. Quid verò absurdius dici potest, quàm quod nec aduersarij ipsi audent dicere, Iudicem qui semel iudicis partes susceperit & de causa non tantùm cognoscere cœperit sed etiam cognouerit siue summarie vt illi volunt, siue plenarie vt nos contendimus, postea iudicis partes deponere vt arbitrum agat, & rursus iudicem agere si litigatores à lite discedere noluerint, vt reum condemnet? Debuerat ergo Prætor secundum istam sententiam inchoare formulam ab arbitrio non à facti cognitione ac disceptatione. Sed nec quicquam agas etiam si concedam tibi præcessisse arbitrium illud amicabile, vt pragmatici vocant & summariam illam quam isti comminiscuntur causæ cognitionem. Nisi addas, Reo negligente arbitrium illud iudicis tanquam arbitri, adhibendam esse postea pleniorẽ & plenissimam causæ cognitionem, vt sequi possit condemnatio: Neq; rursus possis dicere qua ratione aut quo iure condemnatio sequi possit, nisi addas, Post adhibitam plenissimam illam causæ cognitionem & secutam super facti quæstione pronuntiationem. Aliud necessarium esse arbitrium quod in inuitum reddatur De re petitorij restituenda, cui si non pareatur, tùm demùm sequi debeat condemnatio, & lis estimari. Quo admissio planè non video cuius utilitatis aut commodi esse possit arbitrium illud amicabile quod isti comminiscuntur, & cuius tam multas voluit esse utilitates. Onerosum potius videri debet, per quod fiat vt in longiora tẽpora lis protrahatur, quàm instituere actor coactus sit ex necessitate aduersus in probum possessorem qui & litem apud Prætorem contestari maluerit, quàm ab initio cedere, & iudicium accipere quod non nisi in inuitum datur, sicut neque actiones iure ciuili comparatæ sunt nisi aduersus improbos & perfidos homines, vt Theophilus dicebat. Item vt grauioribus sumptibus onerentur litigatores, iisque inanibus & frustratorijs. Cùm eueniat plerunq; vt effectum nullum habeant arbitria ista privata præsertim quæ non sunt compromissaria, & pœnalicia. Quæ tamen non sine molestiis & sumptibus, interdum maximis, expediuntur. Sed sinus nos etiam nobis ipsi onere si si non hæc saltem toti huic tractatui De arbitrariis actionibus sinem imponamus.

ANTONII FABRI

I. C. SEBVSIANI IN SVPRMO

SABAVDIE SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DE GAS. XCV.

ERROR I.

*De laudimio ex contractu nullo positum, & ex subscriptione facta nulliter. Ac de
varia causis quas adferunt interpretes ob quas lau-
dimia debeantur.*



N confessio est apud omnes qui de laudimiis, & de iure
emphyteutico scripserunt, Ex contractu nullo nulla de-
beri posse laudimio, & generalius vt interpretes nostrā
loqui solent, nullam esse soluendam gabellam. Sic enim
ex comuni omnium sententia Iul. Clar. in §. feudum
quest. 3. in princip. Ex l. 2. C. de annuo. l. ea quidem §. C. si
mancip. na fuer. alien. Post Bart. in l. vi. §. sed quia nostra
circ. fin. & §. vi. C. commun. de legat. & alios quā plures
quos refert & sequitur Amed. à Ponte in questionibus

laudimialibus quest. 39. Et ratio euidens est, quoniam laudimia non debentur
directo domino, vt illi quidē existimāt, nisi propter alienationē vtilis dominiij
rei feudalis vel emphyteuticę, & vt alij loquuntur, propter nouam inuestituram
per quam dominus directus adprobat alienationē, ita vt noua illa inuestitura sit
vice subscriptionis, pro qua voluit Iustinianus solui laudimia in l. vi. vbi om-
nes ita notant. C. de iur. emphyt. Amed. à Pont. quest. 1. post Iul. Clar. in §. emphy-
teusis quest. 23. Nam quod quidā putarunt deberi laudimio domino propter la-
borem, inquit, quem capit dominus imittendo nouum emphyteutā in pos-
sessionem ridiculū est, & benē ab alijs confutatum, siue quōd Iustiniani consti-
tutio supradicta deberi ea velit pro subscriptione, in qua non magnus est do-
mini labor, cū actus ille momēto ferē temporis expediri possit, siue quōd nō
sit necessariū factū domini directi ad hoc vt nouus emphyteuta possessionē oc-
cupare possit, quam ingredi & adprehendere pōtest propria auctoritate, dum-
modo directus dominus aut per subscriptionem suam aut quo alio modo con-
senserit. Debentur ergo ea causa siue occasione alienationis dominiij vtilis rei
feudalis vel emphyteuticę vt diximus. Nam nec nouus emphyteuta dici potest
nisi is in quē translātū est ius omne quod fuerat veteris & prioris emphyteutę.
Ne alioqui duos eiusdem rei in solidū emphyteutas inducamus, quod non ma-
gis fieri iure potest quā vt eiusdē rei duo sint dominiij in solidū, siue directi,
siue viles vulg. l. si ut certo §. si duobus vtilitulum D. de modat. l. de hereditate 19.

X x

§. pater D. de cast. pecul. Siquidē emphyteuta si nostris interpretibus credimus, dominus utilis est, & quidē in solidū, licet solus dominus nō sit. Nā & directus dominus æquē dominus est, adeōq; in solidū, cum alius directus dominus nullus sit. Sed nō le multū impediūt hæc dominia, quoniam sunt diuersi generis. Quod n. dicimus, Nō posse duos eiusdē rei dominos esse in solidū de iis intelligi debet qui idē dominū eiusdē generis sibi adserant, & vindicent, non de iis qui singuli se dicāt dominos in solidū quidē, sed diuersis respectib. Quēadmodū & iam olim eueniebāt, passim ut eiusdē rei dominus quis esset iure Quiritiū, qui & Quiritiarius dicebatur. Alius, verō rē haberet in bonis, qui & bonitarius appellabatur, ut Vlpianus in fragmētis docet *T. l. 19. De acquisit. rer. l. si finita 15. §. ad l. Iulianum D. de dñ. infest. l. 3. D. si usufr. pet. l. 2. §. vlt. D. si ex noxal. caus. agat.* Etsi verō nos istā duplicis dominij distinctionē nō agnoscimus, quæ pluribus à nobis cōfuta est *lib. 20. Cōsuet. c. 11.* cognimur tamē in his quæstionib. quæ de feudis emphyteusibus & laudimiis occurrūt, & in quibus interpretū errores refellimus, uti verbis interpretū, ut rationes nostras æquioribus & oculis, & auribus accipiāt. Cum ergo nouus emphyteuta ille sit qui nouus est dominus utilis, nec possit quisquam talis esse nisi qui eiusmodi dominū acquisierit ab alio iā antē domino utili, Cōsequens omnino videtur, ut fateamur non alia ex causa perfectici obligationē laudimiorū quàm ex illa dominij utilitis translatione quæ fiat à priore & vetere emphyteuta in nouū, & ab alienatē in accipientē & acquirentē. Atqui ex contractu nullo licet possessio quæ corporalis est, & plus facti quàm iuris habet transferatur *l. l. §. si vir uxori D. de acq. poss. dominij tamē trāsferrī nō posse certū est*, quia iuris ratio quæ cōtractū infirmat, alienationē quoque impedit & dominij translationē ex qua potissimū alienatio vera æstimator *l. 1. C. de fund. dot. al. l. alienationis 28. D. de verb. sign.* Quod enim nullū est de iure, nullū quoq; iuris effectū habere potest ut habet regula iuris pontificij *l. non dubium 5. C. de legib. l. vlt. C. de reb. alien. non alienand.* Est autē hic vnus ex iuris effectibus ut dominia per traditionē transferantur *l. traditionibus 20. Cod. de pact. l. traditio 20. D. de acquir. rer. domin.* Cum & traditio sit vnus ex modis sex acquirendi dominij quos Vlpianus supradicto loco recenset: Porro non quælibet traditio transfert dominium, ut sæpius docuimus, sed ea tantū quæ non sit nuda, id est quæ iustam aliquam causam habeat iure ciuili cognitā & approbatā aut quod effectū ipso idē est titulum aliquem iuris autoritate munitū, Quales sunt tituli venditionis, donationis, permutationis & si qui sunt similes *l. numquam nuda 30. Cod. tit.* Sed ita demū si valeat venditio, donatio, permutatio, & aliud quodlibet eiusmodi genus contractus: Alioquin dominū transferri nullo modo potest, si autoritas legis aut senatusconsulti aut alterius iuris viam alienationi obstruxerit, quomodo loquuntur Imperatores *in l. si quidē 11. C. de prad. minor.* puta si minor annis viginti quinque fundum aut quid aliud alienari prohibitum contra senatusconsultum vendiderit *l. 2. l. prætia 8. e. pass. eod. tit.* aut pupillus sine tutoris autoritate contraxerit *l. contra 28. D. de pact.* aut res furtiua etiā per bonæ fidei possessorem vendita sit & tradita bonæ fidei emptori contra legem Atiliam, aut res immobilis vi possessa contra legem Iuliam Plautiam *§. furtiua quoque res Inst. de usufr. l. quam rem 38. D. eod.* Consentaneum igitur est ut ex contractu nullo quemadmodum trāsferrī dominium non potest, ita neque laudimia vlla debeantur. Quod quia nullā apud interpretes nostros dubitationem recipit, hinc nimirū pleriq; omnes pragmaticorum inferunt, Ex nullis igitur substationibus, id est quæ nulliter ut loquūtur factæ

sint & contra formā & statuto præscriptam, nulla laudimia deberi posse. Quid enim aliud subhastatio est, quàm venditio sed publica & facta sub hasta, ob idque tantò potentior quàm priuata? Quid nisi titulus ex quo res sic vendita non tantum licitè sed etiam iustè possideri queat. *l. si quis 29. C. de res. vend. iunct. l. insuper posside 11. D. de acqu. poss.* Titulus inquam tantæ potestatis, ut quod ex pragmaticis pauci obseruant, nulla indigeat traditione ad transferendum in emptorem dominium, quomodo priuata venditio indigeret *d. l. traditionibus. Lex emptio 11. §. 1. & pass. D. de act. empt.* Ita enim esse ex eo apparet, quod à die additionis, seu ut statutum loquitur, expeditionis fructus fundi sub hasta venditi pertinent ad emptorē nulla expectata vel traditione, vel missione in possessionem, quæ traditionis vice esse possit. Quāvis verū sit nullam emptori possessionē acquiri priusquàm ex subhastationis titulo missus sit in possessionē. Illa nāq; calamitatio, quæ vulgari Castellanoꝝ & Apparitorū stylo fieri solet, non eā vim habere potest ut possessionē vllā transferat ne quidē ciuilem, aut fictitiā, licet imperiti pleriq; ita sentiant, quos nec alij pragmatici peritiores ferre possunt. Inter quos Guid. Pap. Ob idq; nec audiretur is qđ peteret se retineri in possessione bonorū quæ sub hasta emisset, aut experiretur interdicto retinendæ possessionis ante petitiā & impetratā missionem in possessionē: quorum tamē neutrum esset ei denegandū si per calamitatiois possessionē possessor factus intelligeretur. Nec tamē negari potest quin sit dominus ex die ut dixi additionis & expeditionis: Alioqui quo iure fructus bonorū veditorū sibi exinde acquireret adeoque irrevocabiliter. Fructus siquidē non seminis aut industria sed domini & soli iure acquiruntur *l. qui se 25. §. 1. D. de usur.* Ideoq; nec ad alium vnquā pertinet quàm ad eū qui vel sit dominus, vel ex domini voluntate eos percipiat *l. & ex diuerso 35. §. 1. D. de rei vind. l. si seruus 61. §. locum D. de furt.* Solum bonæ fidei possessorē excipio, qui quāvis nec dominus sit, nec ex domini voluntate fructus rei alienæ percipiat, suos tamē eos facit, sed interim, ut loquitur Paulus *in l. bone fidei 48. De acqu. rer. domin.* id est quousq; fundus euincatur si eo tēpore, neq; cōsumpti, neq; vsucepti reperiantur, qđ eāmodum pleriq; operū nostrorū locis interpretati sumus. Interim autem ob hoc ipsum quod bonæ fidei possessor quantum ad fructus percipiendos attinet penē domini locū est dominiq; iure cēsetur ut ibidē Paulus addit, quia ex iuris regula tantūdem præstat possidenti bona fides quantū veritas ubi lex impedimēto nō est *l. bona fides 136. De reg. iur.* Fructuū igitur acquisitio, quæ ex ipsis statuti nostri verbis in persona eius qui sub hasta emit, locum habet, prius etiam quàm ei possessio tradita sit, certissimū argumentū est præcedentis acquisitionis domini. Neq; id mirum videri debet ut dominiū hoc casu sine possessione acquiratur. Idē enim accidit, quoties legis aut alterius iuris potestate quod legis vim habeat dominiū acquiratur, ut in hereditatibus & legatis *l. 2. D. de Publician. in v. & ad l. legatum 80. de legat. 2. l. à Titio 64. D. de furt.* Quandoquidem etiam lex vnus est ex modis sex acquirendi domini, non minūs quàm traditio. Cuius legis tantò maiorem in dominio transferendo potestatem esse oportet, quod & alij omnes modi transferendi iure Quiritium domini aded pendent à lege ut non aliam vim & potestatem habeant, quàm quæ ipsis à lege tribuatur. Quid enim posset vsuceptio, quid mancipatio, quid cēssio in iure, quid adiudicatio, quid ipsa etiam, ut docuimus, traditio, si non legis auxilio & auctoritate adiuuarentur? Atqui, quod à Principe statutum est qui legis condendæ potestatem habet nemo dubitat vim legis habere *vulg. l. l. D. de constitut. Princip.* Mirum itaque

non est. Per statutum quod de rebus sub hasta venditis factū fuit, acquiri dominium emptori statim & ipso iure ab instanti expeditionis, quāvis non prorsus irrevocabiliter, quia ius redimēdi superest misero debitori, quod ei humanitatis gratia indulgetur intra sex menses proximos ab eo die expeditionis si statutū inspiciamus. Sin ius novum ex Stylo Senatus nostri cōprobatur, ex die missio- nis in possessionem numerandos: Sed ita tamen ut quāvis redimantur bona vendita & quidem eo tēpore quo adhuc extent fructus ex iis percepti, nihilo- minus fructuum omnium cōmodum remaneat penes emptorem, ne dubitare possis, quān verē dominium fuerit ei acquisitū. Igitur subhastatio titulus est, & quidem potentissimus propter admixtam statuti auctoritatem ad dominium et- iam sine possessione transferendum. Enimverō de subhastatione valida intel- ligi hoc debet, id est quā secundum statuti formam facta sit, in qua si quid vel minimū peccatum fuerit totam subhastationem ininvalidam esse & corrumpere cer- tum est: ut evenire solet in ceteris omnibus quā certam formam habent à lege aut à statuto pręscriptam. Ut ad vnguem observari eam necesse sit, alioqui to- tus actus infirmetur. *l. cum hi 8. §. si Prator aditus D. de transact.* Et sane, cū sta- tuti auctoritas illa sit, per quam fiat ut ex solo titulo subhastationis transferatur dominium, quid absurdum dici potest, quān dari eam potestatem subhastatio- ni, quā contra ipsius statuti formam facta sit? Cur enim faueat statutum ei qui statuti pręceptum contempserit? *arg. l. auxilium 37. in fin. D. de minor.*

ERROR SECUNDVS.

*Vera ratio pręstandorum laudimiorum, & de effectu subhastationum nullius
faciarum, ut ex iis laudimia debeantur, etiam citra in-
terpositionem decreti.*



QUOD si hoc admittimus, quod necessariō admittendū est, ut ex sub- hastatione nulla non transferatur dominium. Illud quoque prorsus cōsequens videtur, ut ex eiusmodi subhastatione laudimia nulla de- beantur. Atque ita pragmatici plerique sentiunt. Ego contrā puto. Primum quia nec illis ip totum assentior qui existimant ex sola dominiū vtilis translatione obligationē pręstandorū laudimiorum proficisci. Quin potius ex domini subscriptione & approbatione suscipientis novum emphyteutā in pos- sessionem, ut loquitur Iustinianus in *d. l. vlt. C. de iur. emphyt.* Quibus verbis non obscurē significat possessionis habendam hac parte rationē magis quān domi- nij, & proprietatis, dūmodō possessor is sit in quem totum ius emphyteuticum transferre prior emphyteutā voluerit, & quantum in eo fuit transfulerit. Hoc dico, Sufficere ut titulus sit per se habilis ad alienandum & transferendum ius omne quod fuerit penes eum qui alienandi voluntatem habuit, licet aliquod interveniat impedimentum per quod eiusmodi alienatio & translatio inhi- beatur. Quid enim domini interest an contractus teneat, necne? aut quid ei possis imputare si modō acquisiteorem venientem in possessionem admi- serit, petitamque subscriptionem concesserit? Imputet sibi emptor po- tius, qui malē comparavit, nec eo minūs tamen domini directi subscri- ptionem & approbationem petiit ac impetrauit. Pręsertim cū multa pos- sint accidere, & accendant quotidie quā faciant, ut venditio aut alia species quolibet

quolibet alienationis etiā nulla, interim tamē teneat, adeoq; interdū conuale-
 ſcat, nemine exiſtente qui poſſit aut velit euincere, vt in ſpecie *l. habere licere* 57.
D. de nuſc. Aut ſaltē oppoſita doli vel lōgiſſimi tēporis, vel qua alia exceptione
 defendatur, vt in *l. ſi fundus* 13. §. 1. *D. de reb. eor. qui ſub tut. l. vter* 14. *C. de p. ad.*
monr. Cōſtat namq; inter omnes iuris noſtri interpretes, Etiā ius allegādæ nul-
 litatis vt cætera iura omnia perimi per longiſſimi tēporis præſcriptionē ex *l. ſi-*
cus 3. & ſeq. *C. de præſcr.* 30. vel 40. *annor.* Sufficit autē vel vno caſu poſſe ſubha-
 ſtationē tenere vt omnino laudimiu ex ea debeatur, Et id demū verē nullum
 dicendū eſt quod nullū vtilem caſum habet *l. Stichus* 39. in fin. *D. de manum. teſt.*
l. beres 21. §. pen. *D. de fidejuſſ.* Cū itaq; nō facilē vlla venditio ſit tam nulla quæ
 non hodie poſſit aliquo caſu vel tēpore conualeſcere [aliud enim erat iure ve-
 tere ex regula *l. quod in ius* 29. *D. de reg. iur.*] Cur iniuriā illā inferamus domino
 directo, per quē non ſteterit quominus emptor aliūſve acquiſitor in poſſeſſio-
 ne retineretur, vt propter contractus nullitatē ius ſuum exequi & laudimia vel
 non ſoluta petere, vel ſoluta retinere poſſit? Hoc enim poſterior addendū eſt vt
 erroris cōmunis iniquitatem maiorem detegamus, quæ nō tantū in petitionem
 laudimiorū nō ſolutorū ex contractu nullo denegat domino directo, ſed etiam
 ſolutorū retentionē, Vt ex omnium ſententia concludit Amed. à Ponte *quaſt.*
laudim. 39. Vbi addit idem eſſe non ſolū ſi contractus ab initio nullus ſit, ſed
 etiā ſi ex poſtfacto in irritum & ad non cauſam reducat. Vt putā ſi ex cauſa
 minoris ætatis reſcindatur, vel ex cauſa læſionis, vel aliter. Dummodō ea cauſa
 ſit neceſſaria & ab initio cōtractus exiſtēs ex qua ſubinde cōtractus reſoluatur.
 Ex Ioanne Paponio *lib.* 13. *Synagm.* ti. 2. p. u. 28. Steph. Bertr. *conſ.* 114. vol. 7. Marco
Decif. 606. & aliis ibi citatis De quo tamen poſteā latiūs tractandū nobis erit.
 Eſt enim hoc multò abſurdū vt oſtēdemus. Ne autē de aliis contractibus nūc
 agamus res apertior eſt in ſubhaſtationibus de quibus nūc contendimus, vt
 quamvis nulliter factæ ſint, & contra formam ſtatuti, laudimia tamen ex iis de-
 beantur, quia ſcilicet non eo minūſ tenent & effectū ſuū fortiuntur, ſive quod
 nolit aut neſciat debitor excipere de nullitate & defectu ſolemnitātū, ſive quod
 non offerat debitum pro quo ſubhaſtationes factæ proponuntur. Ita enim ſy-
 lo Senatus noſtri diſertē conſtitutum eſt, vt de ſubhaſtationum nullitatione non
 poſſit obſistere debitor ſi non antea debitum ſolidū offerat cū legitimis acceſ-
 ſionibus, & recuſante emptore obſignet. Neq; à iuris communis ratione ea res
 abhorret: Vt conſtat & probare ſoleo ex *l. ſi non ſortem* 26. §. *ſi centum* *D. de con-*
dict. in deb. vbi Vlp. ſcribit, Si centum debens quaſi ducenta deberem fundum
 ducentorum ſoluerim, dationem quidem in ſolutum non valere, & idē cō di-
 ctionē integræ rei manere, & obligationem incorruptam, ſed tamen agrū reti-
 neri poſſe donēc pecunia debita ſoluatur. Quidni enim retentio detur pro ea
 pecunia quæ non tantū naturaliter, quod ſufficeret, ſed etiam ciuilit̃er debea-
 tur? *l. naturales* 10. *D. de oblig. q. act.* l. 1. *D. de pignor.* Non tantū autem tenet ſub-
 haſtatio interim, id eſt quoadſque ſit ſolutū creditori, aut aliter eo nomine ſa-
 tisfactum, ſed ita vt quantumlibet ab initio nulliter facta ſit, & contra formam
 ſtatuti, poſſit tamen euadere in titulū, & in ſubhaſtationem perinde validam
 atq; ſi nullū viciū interuiſſet. Nā ſive nolit debitor offerre pecuniam quæ
 deberetur, quod ex variis cauſis poteſt contingere, aut quia non habet eam in nu-
 merato, aut quia putet ſibi eſſe commodius in fundo quā in pecunia ſolvere,
 ſive per ſuam aut imperitiā aut contumaciā patiatur confirmari decreto
 iudicis ſubhaſtationes, & vt pragmatiſci loquuntur, decretū ſuper iis interponi

aded confirmantur subhaftationes vt de earum nullitate amplius disputari non possit, nec consequenter dubitari quin dominium ex iis translatum fuerit cum res iudicata hac in re vt & in aliis omnibus pro veritate habeatur. Idq; est quod pragmatici iactitant, Interpositionem decreti titulum esse emptoris, Non male si sic intelligant vt is demum titulus sit absolutus & indubitatus, & irreuocabilis, quia post id tempus nullum ius redimendi superest, quod in eum vsque diem superfuerat si subhaftationes vicio aliquo laborabāt. At minùs rectè minùsque propriè si subhaftationes ipsas non habent pro vero iustoque titulo ante decreti interpositionem. Si enim ponas ritè factas eas esse, tutus est emptor ex die additionis & expeditionis quod pertinet ad acquisitionem dominij & lucrum fructuum nec in eam rem vlla indiget decreti interpositione, quamuis in hoc quoque imperitiores plerique pragmatici labantur: Vt verò dominium illud quod à die additionis emptori acquisitum est, fiat irreuocabile, sicut & ipsa fructuum exinde perceptorum acquisitio irreuocabilis est, non alio indiget adminiculo quàm vt lapsum sit semestre intra quod potuerunt redimi bona vendita. Non item vt lapsò semestri decretum vllum interpositum sit, Cuius nec alia utilitas vlla est, quàm vt ne post interpositionem disputari possit de nullitate & defectu subhaftationum, de qua nullitate disputari alioquin posset ad triginta vsq; annos. In quo certè nihil interest emptoris qui sibi adprimè cōscius sit nullo prorsus vicio subhaftationes laborare: Ob eamq; causam pleriq; emptorum negligentiores sunt in peianda decreti interpositione meum nimirū aut litis quæ quantulacunque sit, magna semper trahit secum incommoda, Aut eius tributi quod vulgo nostri emolumentum vocant, quod pro iudicato pendendi solet, & ad ratam vt aiunt iudicari. Quamquam avaritiæ consiliū istud est nec laudabile satis, nec tutum, Si quidem subhaftationum validitas numquam tantāq; certa esse potest ante interpositionem decreti, quàm postea. Nec paruum commodum est interpositionis quæ facit vt nulla in posterum de viribus subhaftationum quæstio, nullus litis metus superesse possit. Quid si in subhaftationum forma peccatum aliquid sit, tum verò necessaria quidem est interpositio decreti vt ex iis subhaftationibus dominium tuū & irreuocabiliter sibi acquisitum possit dicere, sed tamen non idè fiet vt si ab eo quæras quem titulum habeat sui dominij & suæ possessionis, possit illè dicere *interpositionem decreti* sed ipsas potiùs subhaftationes dummodò addat, quod addendum necessariò est *decreto iudicis confirmatas*. Semper igitur & omni casu titulus ab ipsis subhaftationibus peiendus est, numquam ab interpositione decreti. Et idcirco in hoc quoque casu quo subhaftationes nulliter ac perperam factæ sint, nemo dixerit fructus bonorum venditorum non nisi ex die interpositi decreti ad emptorem pertinere. Pertinent enim ex die additionis, & expeditionis, Haud aliter quàm si ab initio valuissent, quia confirmatæ quodcumque subhaftationes iam inde ab ipso principio valuisse intelliguntur, & in omnibus eodem penitus iure censentur. Ex quo illud etiam sit, quod ad hunc nostrum De laudimiis tractatum propiùs accedit, vt si expeditionis tempore alius fuerat directus dominus aut à domino directo ius habens, quàm qui sit eo tempore quo decretum interponitur, non posteriori debeantur laudimia sed anteriori, Vt ex iis quæ in sequentibus dicemus apparebit. Quod vtiq; falsum esset si ex decreti interpositione potiùs quàm ex additione ipsa ius emptoris in proposito casu æstimari oporteret. Idem igitur admittendum est tum quoque cum nulla decreti interpositio secuta proponitur, tamen non careant vicio subhaftationes.

stationes. Sufficit enim ad inducendum tuendumque ius domini directi vt aliquo casu possit valere ac tenere subhastatio licet postea nec valeat, nec valere vnquam possit, Exemplo eius quod non valde dissimiliter licet in diuerso prorvs tractatu scribit Tryphoninus in l. quod vulgo 19. D. de bonor. poss. contr. tab. Vt bonorum possessio contra tabulas dari possit. Sufficere tales esse tabulas ex quibus vel hereditas adiri vel bonorum possessio peti aliquo casu potuerit, licet neutrum eorum postea secutum sit, neque sequi potuerit. Alioqui erit in potestate emptoris etiam qui subscriptionem & consensum domini directi post elapsum semestre per laudimiorum promissionem aut solutionem extorserit, eum decipere, ac laudimiorum obligationem vel solutionem condicere, nulla vnquam postulata decreti interpositione: quod non modò absurdum esset, ac ridiculum sed etiam iniuriosum. Cur enim directum dominum fraudare velis, qui desiderio emptoris quātū in ipso fuit omnino satisfecerit, & per quē nō stet quominus etiam decretum hodie si emptor velit interponatur. Et quemadmodum dicimus, Neminē posse ab agenda repellī per exceptionē quā sit de iure tertij quāvis exclusiua iuris agentis quoties nō aliter exclusiua est quā si tertius ille velit ex l. 2. vbi Barr. & omnes notant D. de except. rei ind. Ita dicendū est, Nō posse dominū directū à petitione laudimiorum submoueri eo prætenu solo q̃ subhastationes nullæ & viciosz sint, Cū nec prius nec aliter tales dici & pronūciari possint, quā si de earū vicio ac nullitate debitor opponat: quod plerūque vt iam diximus, nec facere potest eiā si maximē velis, puta si nō habeat pecuniā in numerato, nec si possit, velit tamē, puta si malit in fundo soluere quā in pecunia, vt d. §. si centum l. eum à quo 16. iun. & Auth. hoc nisi debitor & l. seq. C. de solut. l. si quis aliam 46. §. 1. D. eo d. Habet igitur dominus directus semper fundatam inrenitionem vt laudimia petere possit ex subhastationibus perfectis, tū quoq; cū ab initio non valuerūt, licet necdū iudicis decreto confirmatz sint. Ex verò cuiā alij magis quā sibi imputare possint emptor quodd ex talib. subhastationib. ad laudimiorum solutionē vrgeatur? Aut cur ei permittamus vt cōueniē ipse excipiat de nullitate subhastationū, cū eo tēpore quo accessit ad emptionē & bonorū additionē obtinuit, vicia omnia subhastationū videre potuerit & debuierit, ac proinde ab emēdi propositio animū reuocare si laudimiorū præstationi tāquā emptor se obstringere nolebat? Nullū quippe subhastationū viciū esse pōt quod nō præcedat additionē & expeditionē, & de quo proinde in ipso additionis instāti emptor certus esse nō potuerit, Cū additio extremū sit in subhastationib. vt ab eo tēpore perfectē & absolute dici possint. Nā quæ subsequi necessariō debet missio in possessionē, subhastationū pars nō est, sed tale quid quod in subhastationū cōsequētiā venire necesse est. Sicut in priuatis vēditionib. traditio ad quā tenetur vēditōr nō ad vēditionis substantiā pertinet vt eiūs partē aliquā cōstituat siue essentialē siue integralē, sed ad præstationes tantū quæ veniunt ex natura contractus l. 1. l. ex empto 11. De pass. D. de alien. empt. Contractus enim ipse emptionis solo consensu perficitur, etiam citra traditionem §. cum autem Institut. de empt. & vend. l. 1. §. vltim. l. 2. §. 1. & pass. D. de contr. empt. Nec quicquam vetat viciolam esse missionem in possessionem ex aliqua causa, nec ipsas tamē subhastationes vicio vllō laborare. Indēq; nimis est, quod quāvis subhastationes sūt postulante creditore, cui proinde potest imputari si quid in earū forma peccatū sit, cū ad ei⁹ curā maximē pertinere debuerit, ne quid malē ac cōtra statuti sollemnitatē fieret, nulla tamē eo nomine actio emptori cōtra creditorē cōpetit. Cōdictio autē solutz pecuniæ multo minus non solum quia repetitio nulla sit ab eo qui suū recepit, licet alius soluerit,

quàm qui debuit *l. repetitio 44. D. de condic. indeb.* Sed etiam quòd imputare sibi debet emptor, qui ex subhastationibus quas nullas esse sciuit, aut scire debuit, emere maluit quàm non emere, Quasi à seipso potius, quàm ab alio deceptus videatur, vt Paulus loquitur in *l. nam si alior 26. D. de rei vindic.* Illud namque præstare duntaxat debet creditor quò postulante subhastationes factæ sunt se verum esse creditorem, non etiam potiore. Id enim tum obinet cum vedit ipse iure creditoris, vt in *l. 1. & tot. tit. C. credit. euict. pignor. non deber.* Non autem cum eo postulante pignus venditur vt passim hodie fit, non modò cum pignus in iudicati executione capitur & distrahitur. Ex *tit. si in caus. iudic. pign. capt. fit.* Sed etiam cum ex instrumento guarentigato vt loquuntur quòd sententiæ ac iudicati vim obinet executio fit, vt in *l. si ob causam 13. C. de euict.* vbi dicitur, Euicto pignore quod ita distractum fuerit actionem de euictione dandam esse emptori non contra creditorem, qui suum recepit, sed aduersus debitorem cui solutio profuit, cum per eam fuerit à creditore suo liberatus. Hoc enim casu venditio non tam à creditore facta videri potest, qui ipse in vicē extranei emptoris si nullus sit debet emere, quàm à debitore ipso cuius factum & voluntas per factum & voluntatem iudicis suppletur ac repræsentatur. Sed tamen quoniā fit inuito debitore, vt & alia qualibet iudicati executio fieri solet, nihil est quòd imputemus ei si quid in subhastationum forma peccatum sit. Et idè permittendum illi est vt venditionem sub hasta factam licet ipsius nomine, impugnet, ac nullitates si quæ interuenerunt, obiiiciat. Dummodo quòd debet offerat, Ne possit ei obiiici dolus quandiu debitor manet. Cum magis imputandum ei sit cur debitum non soluerit, qui si soluisset, non iam de subhastationū nullitate querendum esset, quia nec subhastationes vllæ factæ fuissent. Cæterum soluenti debitori succurrimus, vt subhastationum nullitatem obiiicere possit, hætenus ne dominij sui iacturam sentiat, nève fructuum quos sanè lucro emptoris hoc casu cedere æquum non esset, si modò accessiones precij cum precio simul offerantur, quandiu scilicet neque decreti interpositio secuta est, neque tempus elapsum intra quòd de nullitate queri potest. Solius itaque debitoris fauore ita ius comparatum est, vt subhastationes quæ contra statuti formam factæ sunt, nullius sint roboris, & momenti. Non item fauore emptoris, cui proinde non debet ea res prodesse, quominus laudimia domino directo præstare teneatur, ac si subhastationes valuissent. Nam & incumbit ei vt eas ritè rectèq; factas esse probet, quantum facere potest, vt rem quam euenit sibi reiinere possit iure dominij, eamq; si fortè possessione ceciderit, vindicare. Qua igitur fronte possit ille contra dominum directum se veri nullitate subhastationum, ne qua ex iis laudimia soluere condemnetur cum ad eius commodum & sollicitudinem illud maxime pertineat, vti ne earum fides & validitas allegatione vlla conuella-tur. In illo placè non minùs emptori quàm debitori benè consultum est, quòd antequàm redimendi tempus præterierit, nulla ex subhastationibus quantumlibet ritè factis laudimia debeantur, ita vt dominij translatio quæ per additionem & expeditionem facta est, licet commodum & emolumentum fructuum acquirat emptori, laudimiorum tamen damnum & incommodum neque emptori adferat, neque debitori. Nò emptori, cui inuito eripitur dominium quòd rei ex subhastationibus ritè factis quæsitum fuerat, & quidem ipso iure ac sine vlla reuenditione, at ne quidem reuenditione. Vt quemadmodum sola potestate statuti dominium rei sub hasta venditæ transit à debitore in emptorè, ita eiusdem statuti auctoritate recurrat ab emptore ad debitorem non quasi nūquam

quam factum emptoris, cui alioquin eodem modo lucrū omnē fructuum quos percepisset auferendum esset, sed quasi restitutum. Non debitori, cui humanitatis intuitu semestre indulgetur ad soluendum. Non alia de causa quā ut si intra id temporis satisfaciatur, immunis sit ab onere praelatorum laudimiorum, nec nisi fructuum iactura & amissione mora eius coercetur. Ita sit, ut de laudimiorum restitutione vix vlla possit nasci questio inter emptorem & debitorem, Nisi si quo casu contingat ut post elapsum illud semestre bona vendita quę pleno iure ad emptorem pertinere videbantur, redeant ad debitorem. Quod etsi perarad, euenit tamen aliquando, non solum si quid desit formę ac sollemnitati subhastationum, & tamen secuta sit missio in possessionem. Quo casu laudimia utique post sex menses à die missionis debentur, nec eo minus tamen saluum debitori ius est excipiendi de nullitate subhastationum, quandiu decretum interpositum nullum est, ex eaque causa impediendi ne interponatur, sed etiam si omnia ritę ac sollemniter peracta sint, nec tamen deficiat æquitas quę suadeat ut laxiora tempora dentur debitori ad redimendum, quod ipsum ex variis causis potest contingere, ut dicemus in sequentibus. His casibus debentur omnimodo laudimia domino directo, licet in irritum subhastationes recidant. Sed ea multo æquius est pertinere ad onus debitoris cui saltem hoc imputari potest quod non soluerit cuius ne laudimia vlla deberentur, & cur faciendis subhastationibus petendisquę laudimiis causam dederit, quā ad onus emptoris, cui nihil est quod imputare possit debitor, & cui dominium auferretur quod ex subhastationibus quæsitum ipsi fuerat.

ERROR TERTIVS.

De laudimiis ex simplici alienationis contractu etiam valido petitis.



AVENDVM tamen est ne quem decipiat quod proximē diximus, Ex subhastationibus etiam nulliter factis laudimia deberi. Erunt enim fortasse qui statim ex hoc inferant, in ea nos esse sententia, ut putemus Contractum quemlibet etiam invalidum sufficere ad inducendam laudimiorum obligationem. Quod tantum abest ut probare possimus, ut nec illud admittamus quod ceteris omnibus placere video, Ex simplici contractu siue venditionis, siue alio qui sit habilis ad alienandum deberi laudimia priusquā vetum sit in possessionem. Quam conclusionem velut ex communi Doctorum sententia verissimam asserit & pluribus autoritatibus confirmat Amed. à Pöte *quæst. laudim.* 38. Ego falsissimam esse arbitror. Semper enim illud exigo, ut emptor aut alius cuiuscuq; tituli sit novus acquiritor, possessionē rei emphyteuticę acceperit, aut per traditionē quę ab alienatore facta sit, aut quo alio ex iis modis per quos transferri possessionē placuit, ut putā per clausulā constituti, aut retentionem ususfructus. Non quod ex sola possessionis translatione laudimia deberi possint, sed quia translatio possessionis condicio quædā est sine qua non possunt deberi laudimia: tamen si contractus talis sit, qui per se idoneus sit & habilis ad transferendum secuta traditione dominium. Idq; supradictę constitutionis Iustinianę verba tam aperte sonant ut nihil potuerit scribi apertius in *l. ult. Cod. de iur. emphyt.* Primum in illo loco *vel si ius emphyteuticū ad personam non prohibitas sed*

concessas & idoneas ad soluendum emphyteuticum canonem transponere emphyteuta maluerit, non contradicere sed nouum emphyteutam in possessionem suscipere. Ex rursum paullo post non amplius eis liceat pro subscriptione sua vel depositione quam quinquag. sinam partem vel estimationis loci qui ad aliam personam transferatur accipere. Quibus verbis an non apertissime Iustinianus exprimit, non prius laudimia deberi domino directo quam is nouum emphyteutam in possessionem susceperit, suamque voluntatem propria subscriptione vel depositione testatus sit? Consequens igitur est ut antequam emptor aut alius acquiritor de adprehendendo possessione cogitauerit adeoque ad ipsum actum adprehendenda possessionis deueniret, nihil ab eo petere dominus directus laudimiorum iure possit, Imò nec antequam subscripserit aut suam voluntatem aliter deposuerit. Si enim pro subscriptione aut depositione illa debetur laudimia, ut apertissime habet constitutio, illud utique necessarium est ut subscriptio illa vel depositio præcedat. Nec sanè iudicio meo, negari potest, quin supradictis Iustiniani verba merum factum respiciant, cum & nouum emphyteutam in possessionem suscipere, & alienationi subscribere facti sit non iuris. Factum igitur reuera intervenire necesse est, ut laudimia debeantur. Neque ad rem facit si quis ad tuendum errorem interpretum obiiciat, Pro facto habendum id esse quod per dominum directum non stet quominus fiat, Ex regula iuris quæ in ipsis etiam condicionibus maxime locum habet quamuis facti sint *l. iure civili 24. De condic. & demonst. l. in iure civili 161. De regul. iur.* Et consequenter sufficere domino directo ad habendum ius petendi laudimij, ut per eum non stet quominus inducat nouum emphyteutam in possessionem & alienationi subscribat. Nam & hoc modo nostri ratiocinantur, Addentes ex Aret. *conf. 41.* Consensum domini ante inductionem noui emphyteutæ in possessionem exigunt inter alia ut dominus directus facilius laudimium consequatur: Debere igitur ei laudimium solui antequam inducatur nouus emphyteuta in possessionem, Vel eo saltem tempore quo paratus est dominus ipsum effectualiter inducere, Ne alioqui sit in potestate noui emphyteutæ numquam adprehendendo possessionem, neque petendo subscriptionem & approbationem, domini directi ius tollere, cui quæsitum ius sit ex eo die quo contractus perfectus est, qui plerumque, ut emptio, consensu solo perficitur. Respondeo enim, prius esse, ut nouus emphyteuta velit possessionem adprehendere, quam ut eum in possessionem suscipere dominus debeat, aut velit. Suscipiendi namque verbum præsupponit acceptionem possessionis ex parte noui emphyteutæ, qui si nolit eam accipere, neque ut accipiat cogendus est, neque inuitus possessor fieri potest sola domini directi voluntate, Cum possessio nulla possit acquiri sine animo, nec quemadmodum corpore ita & animo alieno possit quis incipere possidere *l. quemadmodum 8. & pass. D. de acquir. poss.* Dominiū quidē acquiritur aliquando ignoranti ut ex causis legati *l. cum pater 77. §. furdo de leg. 2.* adeoque interdum etiam inuito, puta per seruū quem in potestate habeamus *l. etiam inuito 32. D. de acquir. rer. domin.* itemque suis & necessariis heredibus aut necessariis tantum *l. in suis 11. D. de liber. & post. l. necessariis 57. D. de acquir. hered.* sed possessio nunquam nisi volenti *l. ei qui 12. cod. l. 1. §. ult. D. de separat. l. facta 63. D. ad SC. Trebell.* Adeo ut etiā acquisita possessio amittatur solo animo statim atque possessor constituit nolle possidere: quod in dominio diuersum est si nō sit habita res pro directo *l. si quis vi 17. §. differentia D. de acquir. poss.* Ergo quauis contractus emptio- nis solo consensu perficiatur, eum tamē neque dominus neque possessor fiat is qui emittit antequam sit secuta traditio aut quid aliud quod æquipolleat traditioni, Nō potest

pōt bona esse cōsecutio vt ob eā causā quasi iā dominus & possessor factus laudimiam præstare teneatur: Satisque domino directo esse debet, quod laudimij petendi ius habitus, sit statim atq; emptor in possessionē induci volet, quodq; certus sit emptorē nūquam sine onere soluendi laudimij possessorem fore. Planē si venditor irrequisito domino directo emptorē suum in possessionem induxerit, non etiā illud exigemus ad inducendam laudimij præstandi obligationem, vt secuta sit subscriptio aut depositio domini directi. Quid enim si eam nolit petere emptor iam possessor factus? Quid si emptionis instrumentū cui subscribendum esset, proferre nolit? Quis dicat laudimij eo minùs deberi domino directo per quē non stet, vt subscribat? Placet mihi hæc parte ratiocinatio interpretū vt pro domini directi subscriptione, si per emptorem ipsum stet, sufficiat voluntas subscribēdi: quia sc. subscriptionis non minùs petendæ quàm concedendæ necessitas imminet ex quo instanti apprehensa possessio est per nouum emphyteutam. Quinimō si contra vtrumque emphyteutam summo iure ageretur, dicēdū esset ex eadem Iustiniani constitutione cadere rem veditam in cōmissum, Cū etiā à venditore exigat cōstitutio, vt requirat an dominus directus nouū emphyteutam suscipere velit, necne, Vt si nolit, & requisitus hoc facere intra duos menses superederit, possit venditor etiā non consentiente domino, ad alios quoslibet suum ius vel emphyteumata transferre. Sequitur namque in fine Constitutionis *fin autē alter fuerit versatus quàm nostra constitutio disposuit iure emphyteutico cadat*. Verū ab hoc summo iure paullatim recessum est per consuetudinem contrariam vbique ferē gentium & locorum introductam, vt nō tam exactē & accuratē requirēdus sit dominus directus, sed possit eo irrequisito & vendi res emphyteutica & emptor in possessionem induci, dum nequa vel præstando laudimio vel si quod aliud ius ipse est, mora ei fiat. Et cū ex ratione iuris scripti & à Iustiniano constituti in *dist. l. vltim.* duplex consensus domini necessarius sit, Prius vt possit emphyteuta rem emphyteuticā alij vendere, aut ius suum in alium transferre, si non in alit ea dominus pro iure suo retinere, quod nos vulgō ius prælationis appellamus, Alter vt postquam licitē ac domino permittente alij facta venditio est, possit emptor nancisci, & ingredi possessionem, vt his ita peractis nulla super sit causa dubitandi, quin & nouus emphyteuta in possessione sua tuendus sit, & laudimium domino debeatur. Nos vtrumque consensum istum negligimus, & ius domini hæcenus tuemur, vt facta venditione aut alia qualibet alienatione laudimium ei præstari oporteat, aut si qua in eo vel fraus vel contumacia emptoris alteriusve acquiritoris interuenierit, commissio locus aperiatur, & res ad dominum reuertatur: quam pragmatici vocant consolidationem dominij vtilis cum directo. Idque nimirum est quod iactari solet, Non tantū emphyteuses de quibus solum nunc agimus, sed etiam feuda redacta esse ad instar patrimoniorum, vt de iis possit emphyteuta disponere pro arbitrio perinde ac de aliis quibuscumque bonis propriis, & vt vocant, allodialibus. Quod ius consuetudinarium ex magna & duplici æquitate, & vtilitate inductum fuit, quarum altera est, quod ita postulare videretur vsus ac necessitas commerciorum vt & facilius domini directi emphyteutas inuenerent & emphyteutz reperirent emptores tantō citius, quantō liberius ac emptam aliis possent vendere: Altera quod iuri communi derogatū fuerit primū per dominos directos qui non contenti quinquagesima parte precij quā Iustinianus præscripserat, longē maiore portionē præstari sibi voluerunt, & vt plurimū sextā partem, apud alios quintam, aut quartā, apud nonnullos etiam tertiā

imò & dimidiâ: Adhibitis scilicet privatis in eam rē pactionibus, quæ iuri scripto derogarent. Nam & ipsa Iustiniani constitutio excipit conventiones, quæ in contrarium factæ sint in contractu ipso emphyteutico, quarum causam semper vult esse potiorē, ut evenit in cæteris quoque contractibus, sed in hoc maxime, cuius natura non alia esse creditur, quàm quæ per cōventiones in scriptis habitas inducatur *l. 1. C. eod. tit.* Quemadmodum itaque iuri communi derogatum est in favorem domini directi ut longè maiora ei laudimia debeantur quàm Iustinianus præscripserit, Ita & in favorem possessoris & emphyteutæ eidem iuri communi derogari oportuit, ut non adeò esset obstrictus in requirendo duplici cōsensu domini, Transiitque tandem ius hoc conventionale in consuetudinariū. Ut aliàs solent quæ frequenter adiiciuntur in contractibus, etiam si expressa nō sint, haberi pro expressis aut ex constitutione aliqua, aut ex consuetudine, in quâ frequentia cōventionum degeneraverit, ut in *l. vl. C. quæ res pign. obli. possit. vl. C. de fid. ius. l. quod si nolui 31. §. quia assidua D. de adul. edict.* Vnde etiā rationē petere soleo, Cur vix vllus hodie sit vsus iuris prælationis quod omnib. dominis directis Iustinianus concesserat, nisi apud quos vel ex longa consuetudine retentum fuit, quod de plerisque Galliarū populis & provinciis pragmatice Gallitæstantur, aut ex edicto Principis, ut apud nos ab aliquot duntaxat annis restitutum, Nempe quia nō est hodie in arbitrio domini directi ut alienationi per emphyteutam faciendæ factæve consentiat, sed omnimodo cōsentire cogitur, nec nisi vel laudimij, vel si per fraudem laudimium denegetur, commissi petendi ius habet, Prælationem enim dederat Iustinianus eo tempore, quo nondum venditio facta esset nō post perfectam vēditionem. Sed & quibus in locis hodie ius hoc prælationis saluū est domino directo, non prohibetur tamen possessor emphyteuta vendere irrequisito domino. Nec si ita fecerit, viam commissio aperit, sed post factam irrequisito domino vēditionem perinde saluum domino ius est rei pro eodem precio habendæ & retinendæ, dum intra tres menses aut aliud præscriptum tempus voluntatem suam declararet, ac si nulladum vēditio nec traditio facta esset. Nullus igitur hodie domini consensus exigitur nō solum ut emphyteuta possit rem vendere, sed neque ut emptorem possit in rei vēditæ possessionem inducere, Vnūque hoc ius domino superest, ut vel rem sibi pro eodem precio retineat si prælationis iure uti possit & velit, Vel laudimium soluat quale quantumque vel pactione aliqua conventum, vel longa & recepta consuetudine definitum est. Quo admissio, defendi certè multominus potest hodie quod nostri volunt, ut statim atque perfecta venditio est, ius sit acquisitū domino petendi laudimij, etiam prius, quàm emptor inductus sit in possessionem. Nā siue ad Iustiniani constitutionem respicimus, Dat illa ius commissi & caducitatis non laudimij domino directo, si eo irrequisito alterutrum factum sit, aut venditio, aut translatio possessionis. Nemo autem dixerit posse laudimium deberi quamdiu in eo res est ut commissio & caducitati locus fieri queat, siue ad consuetudinem quam diximus obtinere, antiquata ex maiori parte Iustiniani cōstitutione, nō plus iuris habet dominus directus cū irrequisito eo novus emphyteuta in possessionem missus est, quàm si consensum suum ante missionem accommodasset, ac utroque casu sola laudimij petitio competit, non etiam commissi ut antea. Cæterum sicut ex Iustiniani lege tū quoque cū duplex ille domini cōsensus exquisitus est, non idē tamē laudimium deberi omnimodo incipit sed ex quo tantum die induxerit dominus novum emphyteutam in possessionē, aut saltem ipsius possessioni consenserit, Adeo ut si per duos menses hoc facere

super;

Superfederit liceat emphyteutæ ius suum in quemcunq; voluerit transferre, neglecto domino, id est absq; metu vlllo vel commissi vel præstandi laudimij, ita & ex consuetudine qua vtimur dicendum est, nullum posse deberi laudimium prius quam nouus emphyteuta possessor factus sit, cum multa incidere possint per quæ fiat vt possessionem ille numquam accipiat, Aut quia rebus omnibus integris malint contrahentes à contractu discedere, Aut quodd ab alio ea res cuiuscat si non dominij saltem pignoris iure, Aut ne singulos casus alios conquiramus, quodd dominus directus venditionem laudare & adprobare nolit, Quo saltem casu non est qui negare possit permitiendum emptori vt ab emptione recedat impune, si modò venditor quoque consentiat. Cur ergo possessionem habeamus pro adprehensa per nouum emphyteutam ob hoc solum quod parauit sit dominus consentire vt emphyteuta eam adprehendat? Nam nec vtilis dominij, vt vocant, vtilitas vlla est sine possessione, quam idèd à proprietate seiunxit hominum cæca cupiditas, vt Seneca conquereretur. Ergo quod superiore capite diximus & probauimus, Ex subhastationibus etiam nulliter factis deberi laudimium, non ita intelligi volumus vt omnimodo debeatur, etiam prius quam emptor in possessionem inductus sit, aut quod esset absurdus, etiam si possessionem adprehendere numquam velit, sed vt debeatur si secuta sit missio in possessionem, & semestre illud intra quod reditui bona debuerunt, effluerit. Neque enim prius deberetur etiam si subhastationes valuissent. Et id quidem indubitatè procedit eo iure quo vtimur, vt non prius semestre illud incipiat currere quam auctoritate iudicis missus fuerit emptor in possessionem: Nam cum nò antè incipiat deberi laudimium, quam semestre præterierit, necessarium antecedens est vt missio in possessionem præcesserit. Sed inspecto iure vetere quod ex Statuto nostro obtinebat, vt sex illi menses inciperent currere à die expeditionis non expectata missione in possessionem difficilius videtur, vt dicamus obligationem præstandi laudimij, nasci hoc casu potuisse ex apprehensione possessionis. Enimuerò dicendum potius est, ita obtinuisse propterea quod cum statuti potestate dominium in emptorem transeat citrà vllam traditionem, parùm interesse videretur an missus esset emptor in possessionem, necne, dùm modo esset ei ius dominij vtilis irrevocabiliter quæsitum, vt exinde saltem laudimium debere inciperet. Neque rursus existimandum est missionem in possessionem vsque adeò necessariam esse vt emptor non prius possessor fieri possit, quam auctoritate iudicis in possessionem inductus sit. Nā traditio calami, de qua in præcedentibus aliquid diximus, licèt non sit modus transferendæ possessionis, Emptori tamen facit potestatem adprehendendi possessionem propria auctoritate, vt etiam fructus ex re vendita possit percipere, in quibus præcipuum possessionis commodum & emolumentum cõsistit. Neque esset necessaria missio in possessionem quæ ex iudicis auctoritate per apparitorem fieri solet, si non congruentius & cõuenientius videretur, vt quemadmodum subhastationes omnes fiunt ex mandato iudicis, ita per iudicem ex postfacto confirmetur: quod sit primum sed summarie & causa nò cognita, per missionem in possessionem. Deinde adhibita causæ cognitione plenissima, per decreti interpositionem. Hodie autem ad hoc vtilis & necessaria est missio in possessionem, non vt emptor magis possessor fiat si rei venditæ fructus iam perceperit, sed vt iustius & auctore Prætoris, itémque quod præcipuum est, vt semestre currat quod alioqui currere numquam inciperet: Vnde fieret vt neque laudimia vnquam deberentur, Quæ licet non ita facile nec tam cito deberi æquum est ne hoc in cõmodo miser de-

bitor oneretur, si quandoque bona vendita volet redimere cum iam debito soluendo impar sit. Attamen aliquando tandem deberi necesse est, ne dum conquire debitori volumus, domini ius extinguamus, Eo nimirum tempore quo emptori dominium irrevocabiliter acquisitum fuerit aut acquiri potuerit, quod contingit post elapsam semestre, siue subhastationes valuerint siue non valuerint, & siue decreti interpositio aliqua probetur secuta siue nulla, secundum ea quae diximus in precedentibus. At in privatis venditionibus, quia dominium sine traditione non transfertur necessaria semper est aut inductio aliqua in possessionem, aut saltem adprehensio alia possessionis ut laudimium deberi incipiat & peti possit.

ERROR QVARTVS.

Si venditor ex cuius contractu laudimium petitur, nolit rem tradere.



PAREBIT evidentiùs quàm gravis sit error ille interpretum quem refellimus existimantium, Ex contractu simplici dum ne inualido & nullo laudimia deberi, si rationes quibus mouetur, & limitationes quas adferunt, subtilius expendamus. Mouetur autem maximè ex eo quod putant & supponunt pro vero, quod & nos aliquando credebamus, Venditorem eius rei cuius tradendae potestatem habeat, teneri praecise emptori, ut eam tradat, nec liberari praestatione eius quod interest. Quae communis nostrorum sententia est post Bart. & alios ad l. 1. D. de alim. empr. Inde namque inferunt, Etiam priùs quàm rei venditae traditio vlla secuta sit, habendam tamen eam pro tradita & consequenter, eodem iure censendum emptorem dominumque directum, quo esset uterque si res tradita proponeretur. Quo secuto, dubitandi causa nulla esset quin ab emptore laudimia domino deberentur. Nam & dici solet, Eum qui actionem habet in rem aliquam, eam ipsam habere videri l. 1. qui actionem 11. De reg. iur. quod eo saltem casu indubitate procedit, quo quis habet actionem in rem aliquam, ad eam rem praecise consequendam. Itaque si quando contingat ut venditor non sit praecise obligatus ad tradendum, sed liberari possit praestando id quod interest emptoris. Ut puta inquit si feudum vel emphyteusim vendiderit sine consensu domini, fatentur nulla eo casu laudimia deberi, Quasi cessante ratione quae facere posset ut deberentur, Ex Baldo in §. si facta Tit. si de feud. fuer. contr. int. domin. & agnat. in v. lib. feud. Nihil enim domini videtur interesse cum facta venditio est, quam non debeat subsequi absolutam necessitatem traditionis, Cum sola mutatio emphyteutae illa sit quae efficit ut domini interesse videatur. Sed tota ratio haec, si propius inspicias neque vera est, neque accommodata. Non vera, quoniam falsum est quod illi pro vero habent, Venditorem teneri praecise ad hoc ut emptori rem tradat, quoties eius tradendae facultatem habet, Ut nos iam saepius & pluribus probauimus in precedentibus, tam ex dist. l. 1. De alim. empr. quae generaliter ait, si res vendita non tradatur agendum esse ad id quod interest, non adhibita distinctione illa quam interpretes de suo ingenio comminiscuntur, An facultatem habeat rei tradendae, an non. Quàm ex l. si traditio 4. C. eod. sit. ubi tractant Imperatores de venditore qui per procaciam suam nolit rem tradere, id est qui dolo malo recuset traditionem

ditionem quam facere posset si vellet, Alioqui nulla esset procacia venditoris qui rem tradere tamen si maximè vellet, non posset, quòd eius rei tradendæ potestatem non haberet. Et tamen eo quoque casu rescribunt, Non quod volunt interpretes, condemnandum esse præcisè venditorem ad tradendum, sed quod nos defendimus, Quanti interesse compleri emptionem arbitratus fuerit Præses provincie tantum in condemnationis taxationem deducere illum debere. Nec dissimiliter iidem Imperatores in *l. cum venditorum* 10. *cod. ii.* rescripserunt, Venditorem qui fide conventionis rupta carnem quam vendiderat placito tempore non exhibuit, proposita actione ex empto quanti emptoris interest si tunc præstita fuisset, conveniendum eum esse. In quo duo sunt observanda, Primum illud quod lex ait *fide conventionis rupta*. Nec enim de rupta conventionis fide argui potest venditor qui rem venditam idè non tradit quòd eius tradendæ potestatem non habeat, sed is denum qui cum tradere possit si velit, non vult tamen. Alterum quod non de condemnatione aut condemnationis taxatione loquuntur Imperatores, *vi in dist. l. si traditio*, sed de actione ipsa cum aiunt conveniendum esse venditorem hoc casu ad id quod interest emptoris, Vt significant nullam competere actionem ad rem præcisè tradendam, sed ad pecuniam dumtaxat & ad id quod interest quod semper in quantitate consistit, Vt rei traditio sit in præstatione potius quam in obligatione. Rem enim ipsam tradere quidem venditor debet ex natura contractus, ut fidem suam liberet nec de ea rupta argui possit, quomodo accipi debet quod scriptum est *in leg. ex empto* 11. §. 1. *D. eod. tit.* Sed si non tradat, conveniendus est eo nomine ad tradendum quidem, *vt in l. si pater* 10. *in fin. Cod. eod.* at non præcisè sed disiunctivè & alternativè vel ad tradendum, vel ad præstandum id quod interest, quod disertis verbis Iustinianus exprimit in *l. contra actum* 17. *versic. adeò ut nec in huiusmodi venditionibus Cod. de fid. instrum.* Essetque ineptus libellus emptoris, qui venditorem vrgeret præcisè ad rem tradendam. Quoniam qualis libellus est talis quoque sententia esse debet *l. vi fundus* 19. *D. commun. diuid.* ubi ratio redditur quia ultra id quod in iudicium deductum est, excedere potestas iudicis non potest. Et stultus dicitur Index qui speciem aliquam petenti adiudicat æstimationem *l. ultim. Cod. de fideic. libert.* Atqui non posset in condemnationem deduci ut cogeretur præcisè venditor rem tradere, Cum traditio sit facti *l. consilio* 7. §. *ultim. D. de curat. furios.* nemo autem præcisè cogendus sit ad factum, quod citra vim & impressionem fieri non posset: Ideoque nimirum in omnibus faciendi obligationibus necesse est in vicem facti succedere obligationem, & præstationem eius quod interest *l. si quis ab alio* 13. *in fin. D. de re iudic. l. stipulationes non diuiduntur* 72. *l. quoties quis alium* 81. *l. cum stipulatus* 113. §. *ultim. D. de verbor. obligat.* Neque remedium aliud superesset exequendi iudicari si condemnatus venditor ad rem præcisè tradendam recusaret satisfacere iudicato, quàm ut mara militari res ei auferretur & in emptorem transferretur. Sed esset hoc remedium incivile, & alienum à ratione iuris quæ sicuti vim omnem execratur & coarctat, ita & ab omnibus iis abstineri vult, quantum fieri potest, quæ violentiæ speciem aliquam præferant. In quorum numero sine dubio sunt ea quæ per manum militarem expediuntur. Et quamvis eo iure utamur hodie in actionibus arbitrariis si iustus reus arbitrio iudicis rem aliquam restituere, parere nolit, postquam ita Triboniano placuit inuita verere iurisprudencia *in l. qui restituere* 68. *D. de rei vindic. et.* Non tamen facile debet ius tam novum & durum trahi ad consequentias,

vt in actionibus quoque personalibus quæ non arbitrarie sint sed bonæ fidei, idem obseruetur, & quæ ad dandum competunt non ad restituendum. De illis enim solis actionibus siue in rem siue in personam sint, & de interdictis illa lex loquitur, ex quibus arbitrato iudicis restitui quid oportet. In quo grauiter Cassianensis errauit ad *d. l. si traditio* & ad *d. l. contractus* 17. *C. de fid. instr. n. 12.* vt dicemus in *Error. 6. Decad. seq.* Imò id potius sequendum est, quod Impp. Arcadius & Honorius præcipiunt executoribus ipsis & exactoribus tributorum, ne cui per terrorem militarem inferant formidinem in *l. t. C. de execut. & exactor. lib. 12. tit. 61.* Sed & si hoc admitteremus, vt cogendus esset venditor præcisè ad tradendum, vt veram faceremus rationē quæ affertur ab interpretibus, non tamen esset accommodata. Finge enim quantum voles cogendum esse venditorem vt tradat: numquam tamen facies vt tradat inuitus, nec si adhibeas manum militarem, quia potest quidem manus militaris facere vt res ab eo auferatur, & in emptorem transferatur, vt in *d. l. qui restituere*. Sed non vt dominium aliquod à venditore transferatur in emptorem. Quia quoties de dominio transferendo agitur, concurrat oportet affectus ex utraque parte contrahentium, & nisi animus vtriusque consentiat, perducere ad effectum id quod inchoatur, non potest *l. in omnibus rebus* 15. *De obl. & action. l. si ego* 18. & *seq. D. de reb. cred.* Manus autem militaris quæ in inuitum exerceatur, numquam faciet vt concurrat animus transferendi dominij in persona illius qui vim patitur, cuius non tantum voluntatem & consensum intervenire oportet vt transferat dominium, sed etiam factum aliquod, non nudam patientiam. Est enim duntaxat in iuribus receptum, vt in iis patientia sit loco traditionis quia tradi verè ac propriè nō possunt *l. 3. in prin. De usufr. l. vlt. D. de seruit.* non etiam in rebus corporalibus quæ tradi commodè possunt *l. 1. §. vlt. D. de rer. diuis.* & de quibus in *l. traditionibus* 20. *C. de pact. l. tradito* 20. iunct. *l. numquam* 31. *D. de acqu. rer. domin.* In iis enim quæ ex animo & voluntate cuiusque pendet, nullum præcisè imperium est. Vnde illud Imperatoris, neque amorem, neque religionem imperari posse, Itémq; quod Vlp. in *l. qui in aliena* 6. §. vlt. aliàs *l. eum qui D. de acqu. hered.* Eum qui metu verberum [sic enim legendum esse constat, non vt vulgo *verborum*] vel aliquo timore coactus hereditatem adierit, fallens, id est fingens se habere animum ad eundem quem non habeat, neque heredem ipsum fieri, si liber sit, neq; heredem facere dominum si sit seruus, quoniam ad acquirendam hereditatē animo acquirendi opus est qui ex voluntate & imperio solius domini non pendet. Hoc verò si ita est, vt venditor etiam eo admissio vt cogi possit ad tradendum, non idcirco tamen cogi possit vt inuitus dominium rei venditæ trāsferat in emptorem. Planè dici non potest cur ob hoc solum ab emptore laudimium debeatur, quod obligatum habeat ille venditorem suum ad traditionem præcisè faciendam. Cum præcisa illa necessitas tradendi non possit inducere præcisam necessitatem transferendi dominij, ne quidem secuta traditione. Siquidem nec aliud intuendum volunt interpretes, nisi an dominij & personæ mutatio aliqua facta sit: qua cessante nec nouus emphyteuta vllus est, nec noua inuestitura, nec proinde causa vlla præstandi laudimij. Amplius dico, Etiam si laudimium ex hac causa deberetur, quod emptor venditorem obligatum haberet præcisè ad rem tradendam, adeoque licet solum proponeretur, Nihilomagus tamen fore illum dominum rei venditæ quæ nec à venditore ipso, nec ab eius herede tradita vnuquam fuisset. Idque probo ex *l. si pater suus* 8. *C. de alien. empt.* cuius verba hæc sunt *si pater suus venundedis portionem suam, nec induxit emptorem in vacuam possessio-*

possessionem prædij, in omnia pones se cum retinuisse certum est, neque enim velut traditionis facta vel ligal excludunt si simulatio factum intercessit, veritatem immutare potuit. Quid enim scribi potuit apertius ad sententiam nostram confirmandam? Nisi fortasse quod velles etiã laudimij factã mentionem. At quid aliud sibi volunt verba illa *traditionis facta vel ligal*. An non. n. laudimium vel ligal quoddam est & tributũ traditionis factæ. Recte verò *traditionis non venditionis*, ut intelligamus nihil causę esse cur propter venditione aliquod vel ligal pendatur, si non secuta sit traditio in qua totus effectus, & complementũ venditionis consistit. Hoc enim est quod sequitur in eadem lege *Quapropter adisus Praeses pronuncia si animaduertit in vacuum possessionem neque patrem tuum, neque successores eius emptorem vel heredes ipsius quocunque loco factos induxisse, non dubitabit nihil esse translatum pronuntiare*. Quid si nihil transfertur in emptorem ne quidem soluto ex venditione laudimio nisi traditio interuenerit? Quis ferat deberi laudimium ex sola venditione, nulla translatione facta dominij vilis, nec mutato emphyteuta? Aut cur inducamus præstandi laudimij obligatione quãdiu in eo res est, ut venditio quauis consensu perfecta possit tamen nullũ habere vnquam effectũ, nec vllã siue dominij, siue possessionis translatione inducere? Quo casu an non ex postfacto apparebit nullã fuisse causam vel promittendi vel soluendi laudimij? Aut si causa illa sufficit quomodo putant interpretes quod non stet per dominũ quominus traditio sequatur. Dicamus igitur cãdẽ ratione aut potius eodẽ errore, Deberi laudimium etiã ex venditione quæ nõquam facta fuerit, quia non magis stat per dominũ directum quominus venditio aliqua fiat. Ac ne forte respondeas, Laudimium hoc casu idcirco deberi non posse quod nulla venditione facta nesciri possit quis emptor futurus sit à quo laudimium petatur. Finge pactum & promissionẽ de vendendo inter Titium & Sempronium interuenisse, neque tamen vllam venditionem secutam esse. Quidni dicas perinde hoc casu debirum iri laudimia, cum per dominum non steterit quominus venditio secuta sit, sed per solos contrahentes. Quid si per Sempronium solum, qui promiserat se empturum? An forte veremur adhuc, ne maior fiat iniuria emptori si laudimium præstare teneatur ex venditione quam facere, ut promiserat, siue causa recussauerit, quàm si perfecta venditione & ante adeptam ex contumacia venditoris possessionem obligemus eum ad laudimij præstationem? Imò longẽ maior iniquitas est in persona eius emptoris cui nihil imputari potest si cum propter venditoris perfidiam habere rem non possit, oneretur tamen laudimij præstatione, quàm in persona illius cui potest imputari, cur venditionem quam promiserat, non fecerit. Et tamen certum est, & interpretes pragmaticique omnes in eo consentiunt, Ex promissione de vendendo vel alienando nullo casu deberi laudimia, ut post alios tractat Andr. Tiraq. *De retract. conuent. §. si. num. 44.* Non solum quoniam aliud est venditio, aliud pactum de vendendo, ut pluribus docet Bart. *ad l. vlt. num. 8. De condict. caus. dat. Bald. ad l. i. C. de pact. pignor.* & alij quos refert Amed. à Pont. *quæst. 35.* Sed etiam quia ex sola promissione de vendendo neque dominium vile transferri potest, neque possessio, nec proinde nouus vllus fieri emphyteuta qui laudimia debere possit. Quæ posterior ratio non minùs cõuenit venditioni iam factæ quàm promissioni de vendendo, Cum non magis ex nuda licet perfecta venditione quàm ex pacto De vendendo aut dominium, aut possessio transferri possit. Benè igitur Guid. Pap. *quæst. 101.* scripsit laudimium non deberi antequàm emptor inductus sit in possessionem rei venditæ, sed malè cum rationem addit, Propterea quod debeat pro labore

inuestitura & inductionis in possessionem. Debuerat enim dicere pro susceptione in possessionem & pro approbatione non tam noui contractus, quam noui possessoris, in quo non tam labor quam beneficium & beneuolentia versatur. Et quamuis recentiores pragmatici negent hoc ius hodie seruari in Gallia, quomodo temporibus Guidonis Papij seruabatur, apud nos tamen semper obtinuit, nec vnquam Senatus noster pronunciauit deberi laudimia ex vilo contractu quamuis iusto & valido, nisi secuta & probata noua aliqua possessionis adprehensione. Quæ fuit veterum seie omnium opinio, quibus sollenne erat dicere, Laudimium non deberi nec peti posse nisi facta fuerit inuestitura, vt apud Stephan. Bertrandi *conf. 3. num. 33. vol. 3.* Nec enim aliud est inuestire emptorem quam suscipere eum in possessionem quæ susceptio præsupponit & includit in se possessionis ademptionem. Neque possum audire propitiis auribus recentiorum interpretationem qui subintelligunt aliam exceptionem, vel nisi per dominum non steterit. Fateor si per dominum steterit laudimia non deberi. Sed non idè bona consecutio est, vt ad inducendam laudimiorum obligationem sufficiat per dominum non stare, si non etiam illud concurrat, vt contractus non solum perfectus sit sed etiam completus, suumque effectum habuerit, quod sine acquisitione possessionis esse numquam potest.

ERROR QVINTVS.

De differentia commissi & laudimij ex simplici venditione.

ILLI ipsi interpretes & pragmatici qui defendunt, Ex simplici venditione deberi laudimium ab emptore prius etiam quam rei venditæ possessionem adprehenderit. Fatentur tamen, Per solum contractum absque domini consensu initum non secuta rei traditione aut domini translatione, non cadere rem in commissum. Ita ex communi omnium opinione Andr. Tiraq. *De retract. gentilis. §. 1. gl. 2. num. 42.* & post eum Amed. à Pont. qui plures refert *quæst. laudim. 38.* Ex cap. *imperiale* §. *callidis*, vbi HERN. BALD. & alij notant *De prohib. feud. alien.* per FRIDER. vbi scriptum est in hæc verba: *Callidis insuper machinationibus quorundam obuiantes, qui precio accepto quasi sub colore inuestitura quam sibi licere dicunt, feudum vendunt, & in alios transferunt, ne tale figmentum vel aliud vltius in fraudem huius nostra constitutionis excogiretur, modis omnibus prohibemus, Pœna auctoritate nostra imminente ut venditor & emptor qui tam illicitas pactiones reperierint contraxisse, feudum amittant, & ad dominum liberè reuertatur.* Ponderant nimirum verba illa *feudum vendunt & in alios transferunt*, & ex iis inferunt non aliter illi constitutioni quæ pœnalis est locum esse posse, quam si vtrumque concurrat, vt & venditio facta sit, & rei translatio ab vno in alium. Atqui certum est, Ex contractu simplici nullam fieri translationem nisi secuta demùm traditione. Traditionem igitur secutam esse necessarium est, vt commissio, quod in pœnam indictum est, locus aperiatur. Rationem verò diuersitatis hac parte inter Commissum & Laudimium illam adferunt, quòd cum de Commissio tractamus agitur de pœna euitanda. Et quia condicio domini deterior non fit traditione non secuta: Quæ vnica ratio est, inquit, propter quam res cadere debet:

beat in commissum. At respectu laudimij non debet auferri ius domino acquisitum ex contractu quem dominus potest adprobare etiam ante traditionem ex qua approbatione debetur domino laudimium. In eamque rem citare solent *l. in insulam 42. §. ultim. D. solut. matr. l. ultim. D. de pall.* Verba sunt Amed. à Pont. *dist. quest. 38.* Quod aiunt Commissum esse quid pœnale & consequenter odiosum, sanè verissimum est, ut non facile extendenda sit pœnalis constitutio extra suos limites, sed restringi potius quantum fieri potest ut cætera solent omnia quæ sunt eius generis, id est pœnalia & odiosa. Ex *reg. l. penultim. D. de pan. & l. cum quidam 19. De liber. & posthum.* Laudimium verò æquè certum est non in pœnam possessoris deberi, sed in præmium & remunerationem beneficij à domino directo collati, in nouo possessore ac emphyteuta suscipiendo. Ideoque fauorabiliorem esse laudimij, quàm commissi ad iudicationem. Sed non possis ex eo inferre quod illi inferunt, Deberi ergo laudimium ex simplici contractu venditionis etiam traditione non secuta, Commissum non deberi. Nec enim solus laudimij fauor facere potest ut debeatur, si non etiam causa concurrat propter quam debeatur. Causa verò non alia est quàm beneficium illud domini directi ut diximus susipientis nouum emphyteutam in possessionem. Possessionem igitur aut apprehendi aut saltem peti necesse est, ut beneficio locus esse possit. Nam nec beneficium inuito datur ut habet regula iuris. Et quamuis Seneca quodam loco scribat, Imò verò duplex beneficium dare illum qui dat inuito, & inuitum cogit accipere, Non tamen de tali beneficio loquitur quale illud est de quo tractamus, domini directi in emphyteutam nouum, quod non fit nisi spe præmij & remunerationis laudimiorum. Quin potius diceret Seneca quod alio loco eleganter, Dignum esse decipi cum, qui beneficium ideò dat ut recipiat, si beneficium hoc esset ex eorum genere, quæ nullum nisi officij & gratitudinis onus adnexum habent. Importunum ergo est, & intempestiuum, ut dominus directus beneficium illud emptori offerat, antequàm sit ille ab emptore requisitus, ob hoc duntaxat ut laudimium consequatur in præmium beneficij, quod necdum dederit, nec de eo dando adhuc rogatus sit. Sed & quod admittimus laudimium esse fauorabile non ita accipiendum est quasi sit adeò fauorabile, ut proclues esse debeamus ad inducendam laudimij obligationem: Sed sic potius, ut non sit tam odiosum, quàm est commissum. Cæterùm negari non potest quin odiosum sit, quia onus est, & prouiores semper esse debemus ad liberandum quàm ad obligandum *vulg. l. Arriani 41. D. de obligation. & action.* Quod verò addunt interpretes ut rationem diuersitatis quam adferunt magis illustrent, quòd conditio domini deterior non fiat traditione non secuta, verum quidem est, itémque quòd ex eo inferunt, Non posse in commissum cadere rem quæ vendita tantùm sit & non tradita. Sed tam efficax ea ratio est, ut probe laudimium non deberi, quàm ut ostendat, Commissum locum non esse. Cur enim debeatur domino, cuius nihil inter sit? Interest sanè cum in nouum emphyteutam, & possessorem suscipit aliùm quàm eum, cui emphyteusim concesserat. Ita enim fit ut inuitus quodammodo rem suam in alium transferri patiatur, Nò quidem inuitus absoluet si respicias rationem iuris cõmunis ex quo habet ille ius prælationis. Sed tamen secundum quid, cum si nolit re retinere rogatur pati ut emphyteuta eam rem etiam inuito ipso vendat alteri. Et ob eam causam æquum est ut pro hoc incõmodo lucrũ & commodum laudimiorum sentiat. Sed priusquàm emptor possessor factus sit aut fieri velit, nihil prorsus interest domini directi

quauis venditio iam contracta sit, quoniam idem emphyteuta & possessor manet, qui prius: nec proinde causa vlla subest præstandi laudimij, siue ex dominij translatione causam illam æstimes cum interpretibus, siue vt nos volumus, ex mutatione possessionis facta per speciem alienationis habilem per se ad dominium vtile transferendum. Ergo si vera illa ratio est quæ ab interpretibus affertur propter quam non secuta traditione non possit res vendita in commissum cadere, quia nihil interest domini directi. Est pariter vera & bona propter quam debeamus concludere, nec laudimia debent domino ante traditionem cum nihil eius intersit. Imò si verum amamus, multò maior vrgetur ratio, vt domino cuius nihil penitus interesset commissum adiudicaretur quàm laudimium, vel ob hoc ipsum quo mouentur in contrarium interpretes, quod commissum adiudicaretur in pœnâ. Est enim id commune pœnis omnibus quatenus pœnæ sunt, vt locum habeant etiam si nihil intersit actoris, siue conventionales sint, quia licet obligationes omnes ad hoc comparatæ sint vt vnusquisque acquirat quod sua interest. Cum tamen pœna in stipulationem deducta est non querimus an aut quatenus intersit stipulatoris, sed tantum quænam sit quantitas & condicio stipulationis *l. stipulatio ista 38. §. alteri De verb. obligat.* Siue legales, quia cum lex pœnam aliquam constituit, non tam id agit vt alicui consulat, quàm vt factum eius puniat cui pœna irrogatur. Idque Prætor etiam in Edicto secutus est, cum actiones pœnales proposuit in utilitatem eorum etiam quorum nihil interesset, adeoque qui essent calumniatores, vt in *edicto, Ne quis eum qui in ius vocab. vi eximat l. si per alium 5. §. 1. D. ill. tit.* Ex in *l. unit. §. ult. si quis ius dicent. non obtemp.* meram pœnam continere dicitur edictum illud quia non ad id quod interest, sed quanti ea res est, concluditur, id est ad æstimationem rei petitæ, licet nihil actoris intersit, puta quod sit calumniator. Plures quidem sunt actiones Prætoris, quæ dicuntur pœnales quia puniunt factum eius qui contra edictum fecerit. Sed non sunt istæ merè & absolute pœnales, sed tantum ex parte rei cum nō alij dētur quàm cuius interest, & ex parte actoris rei non pœnæ persecutionem cōtineant *l. nouissime 7. §. quod ait. l. huius 9. §. 1. D. quod fals. iuror. auth. l. 2. §. ult. D. qui satisd. cogant. l. 4. §. in eum D. de damn. infest. l. 1. §. hac verba D. ne vis fiat ei l. 3. §. pen. D. de tabul. exhib. l. 3. §. ult. D. vii poss.* De quo plura & fusissimè scripsimus in præcedentibus, cum tractauimus De actionibus tam civilibus quàm prætoris quæ ex delicto nascuntur, heredique & in heredem aut dantur, aut nō dantur. Quod ad propositum nostrum attinet, satis est probasse, Pœnam in libris nostris opponi passim utilitati & ei quod interest, Ne dubitari possit quin pœnæ petitio competat etiam ei cuius nihil intersit. Non est igitur ratio accommodata quam adferunt interpretes, vt cum de pœna commissi agitur necesse sit secutam esse traditionem quod aliqui nihil intersit domini directi. Et in hac ipsa quæstione De commissi pœna, non deest exemplum in quo detur actio ad commissum etiam illi qui probare nullomodo possit sua interesse. Ex edicto nimirum Serenisi. Ducis Emanuelis Philiberti quo constitutum est ad obuiandum fraudibus, quas emphyteutæ aduersus dominos quotidie comminiscuntur vt quisquis rem aliquam emerit aut alio titulo ad transferendum dominium habili acquisiuerit, inferbere intra menses duos titulum acquisitionis suæ teneatur, in ea Castellania in qua situs est fundus acquisitus. Nec tantum si fundus sit emphyteuticus, vel feudalis, sed & si sit liber ab omni canone & onere, ac vt nostri loquuntur, *allodial.*

allodialis. Addita etiam pœna commissi aduersus acquirentem si cōtrā fecerit. Et quidem in fauorem & commodum domini directi si fundus sit feudalis vel emphyteuticarius quia eo casu solius eius interest qui dominus directus inuenitur, si verò fundus sit allodialis, in vtilitatem & cōmodum illius qui iurisdictionem habet in eo territorio vbi fundus est, Ne scilicet qui contra edictum fecerit causari possit, habuisse se fundum pro allodiali. Et tamē quid obsecro eius interest qui dominus tantum est iurisdictionis, quodd non sit inscriptus titulus acquisitionis? Illa namque inscribendi necessitas non aliam causam habet, quàm vt sciat dominus directus an & quando & cui & quo precio fundus feudalis vel emphyteuticarius venditus sit vt ex eo possit dignoscere an ius aliquod nactus sit aut commissi aut laudimij petendi, ab eo, quem videt nouum possessorem factum. Idque ita constitui iustissimum sanē ac æquissimū fuit, postquam bonis feudalibus, & emphyteuticariis iam redactis ad instar patrimoniorum deficerat in vsu esse ius commune vt emphyteuta ante venditionē consensum domini per denūciationem ei faciendam exquirere cogeretur, Vt de iure suo certior fieri dominus directus posset. Verū quid hoc ad dominum solius iurisdictionis, qui nullum ius feudi vel directi domini habet in fundo vēditæ? Quid videri potest ipsius ininteresse, vtrum facta sit contractus inscriptio, necne? Nihil penitus. Nec tamen eo minùs commissi pœnā petere potest si fortē res allodialis vendita sit, nec emptor edicto satisfecerit. Quoniam ita lex scripta est, & idcirco seruanda quantumvis dura, vt in *l. prospexit* 12. *D. qui de à quib. manum.* Quāquam nec valde dura si duritiam & contumaciam ætates eius qui fraudem directo domino facere velit, & qui fraudis suæ prætextum illum semper obtēderet, quodd fundum allodialē credidisset, nisi prætextū hūc rigor edicti sustulisset. Nihil ergo cōmune habet pœna cōmissi cū eo quod interest, nec proinde boni ratio illa est interpretū vt ex vēditione quam traditio nulla subsecuta est idcirco difficilius cōmissum peti possit quàm laudimij, quodd nihil inter sit domini. Iam verò quod ex Friderici constitutione adserunt in *d. §. callidus*, nihil minùs quàm pro iis facit. Nam si fateri coguntur, quod verissimum est, in specie dictæ cōstitutionis idē non fieri, Commissio locum ex simplici vēditione, quod eius legis verba non tantum exigant vt feudi venditio facta sit, sed etiam vt feudum in quem aliam translatū sit, quæ translatio non fit sine traditione. Quidni etiam de laudimio idem admittunt cū iisdem propemodū verbis lex Iustiniani cōcepta sit. An non enim de transferendo iure emphyteutæ Iustinianus loquitur sæpius in *d. l. ult. C. de iur. emphyt.* Primū cū ait, *non licere emphyteutæ sine consensu domini meliorationes suas vendere, vel ius emphyteuticum transferre.* Quæ verba licet disiunctiue apposita esse videantur, Nemo tamen non videt sic accipienda esse vt de ea venditione Iustinianus intelligat quæ iuris emphyteutici contineat translationem, Aut de ea iuris emphyteutici translatione quæ fiat alio titulo, quàm venditionis. Nam & interpretum brocardicum illud est, *Propositionis alternatiue partem vnam esse interpretandam ex altera, Per l. i. D. de condic. inst.* Quod igitur de venditione lex ait non de alia debet accipi quàm quæ ius emphyteutæ in alium transferat, & consequenter quam traditio aliqua, aut saltem alia possessionis acquisitio sequatur. Nam & sequitur in eadem lege *vel si ius emphyteuticum ad personas non prohibitas sed concessas in idoneas ad soluendum emphyteuticum canonem transponere emphyteuta maluerit.* Quid enim aliud est transponere quàm transferre, vt & paullo ante finem legis *licere emphyteutæ etiam non consentientibus dominis ad alios suum ius vel emphyteumatæ transferre.*

Quomodo autē sola conuentione trāsferri ius emphyteuticū potest? At omniū apertissima sunt verba illa *sed nouum emphyteutam in possessionem suscipere*, quæ ostendunt nō tā propter contractū ab emphyteuta iniū deberi laudimiam, quā propter factū ipsius domini ob id quod nouum emphyteutā in possessore ad-miserit. Atq; vt intelligas non esse probabilē explicationem quam adiiciunt in-terpretes, aut nisi per dominū non steterit quominus nouum emphyteutā admitteret exigat eadē lex factum personale domini, & vt nouum emphyteutam suscipiat, non per conductore vel per procuratore, sed per se vel per literas suas vel deniq; si hoc non potuerit, aut noluerit per depositionē suam presentibus tabula-riis vel apud magistrū censuum in alma ciuitate vel in prouinciis apud Præsides prouinciarum celebrandam. Quo nō facto, lex nulla domino laudimia vult de-beri: Cū tamen negari non possit quin multò minùs stet per dominū quomi-nus nouum emphyteutam suscipiat, cū ab eo requisitus vult per cōductorem aut procuratorem suum aut apud alium magistratum quā magistrū censuum vel præsidem prouinciarū aut deniq; coram testibus aliis quā tabulariis, illum suscipere. Quā cū facta duntaxat per emphyteutā venditio est, nec vlla pos-sessio adhuc per nouum emphyteutā vel adprehēsa, vel petita. Nihil igitur pro-deste directo domino potest quod per eum non stet si nihil fecerit, adeoq; nec fecisse iuuat si non ritē ac sollenniter fecerit seruata ad vnguē forma Iustinia-næ constitutionis. Planē si non requisito consensu domini directi nouus em-phyteuta possessionem acceperit, quomodo accipere hodie potest citra pœnam commissi, fateor sufficere domino ad laudimium consequendū vt per eum non stet, quominus noui emphyteutæ possessionē laudet, & adprobet, nec illud etiā exigī vt à nouo emphyteuta fuerit requisitus: quia licet feuda & bona omnia emphyteutica redacta sint ad instar patrimoniorum, Id tamen non eum sensum habet, quasi nulla domini directi ratio habenda sit, sed vt sit ille habendus pro requisito, adeoq; pro consentiente missioni in possessionem, aut adprehensionem possessionis, quam nec si velit, impedire hodie possit. Atquin si requisitus fuisset & consensisset, non posset dubitari quin laudimium ei deberetur. Ergo & debe-bitur nullo etiā vero consensu interueniente si modò non stet per eum. Sed si nulla possessio accepta sit, quamuis emphyteuta ad perfectū venditionis actum deuenit, non sufficit tamen ad inducendam laudimij obligationē vt non stet per dominū directum quominus emphyteuta nouus possessionē accipiat, si non saltem illud etiā concurrat, vt nouus emphyteuta denunciauerit domino, & cō-sensum eius requisierit ad possessionem occupandam: Quod quamuis rarò fiat, cū tamen sit, non est permittendum emptori vt ab interpellatione & denun-ciatione illa resiliat, ad fraudandum dominū per quem non stet quominus cō-sensum suū accōmodet sollēniter & ex scripto. Iam enim desiit esse res integra domino interpellato nec contradicente, sed quandiu tacet emptor nec posses-sionē & inuestiturā aut petit, aut adprehēdit, dico nō esse permittendū domino vt consensum vtrò suū offerat inducēdi laudimij causa, cū nihil sit ex quo ap-pareat aut requisitū eum fuisse, aut habendū pro requisito, siue Iustiniani legē, siue ius quo vtimur incipiamus. Quod si constitutione Iustiniani hodie vtere-mur, esset multò probabilius dicere, Ex sola & simplici venditione commissum deberi laudimium, Quia laudimio præstādo locū facit sola domini adprobatio, quæ supponit præcedentē aut veditoris, aut emptoris interpellationē. At com-missi petitionē inducit sola venditoris culpa quæ negligens fuit in duplici illo consensu domini exigendo, Vno qui vditionē præcedere debuerit, Altero qui posset

possessionis adprehensionē. Cūq; alterutrum neglectum esse sufficiat ne incidat venditor in pœnam quam præscripsit Iustinianus ultimis illis verbis legis *si autem aliter fuerit versatus, quam nostra constitutio disposuit, iure emphyteutico cadat*. Nō poterit nō esse Cōmisso locus si probetur vēditor non exquisito domini consensu ad venditionē profiliisse quāvis steterit in finibus conventionis, nec tranſierit ad trāſlationem vllā siue domini, siue possessionis. Verum igitur est quod volumus, Esse facilius vt commissum peti possit quā vt laudimium debeat, Inspecta scilicet lege Iustiniani. Nam eo iure quo vtimur, contrā obtinet, Quandoquidem vix vnquam adiudicatur commissum & culpa vlla nisi dolus etiam & fraudis consilium interuenisse probetur. Quo tamen casu illud etiam interuenire oportet, vt laudimij solutionem nouus emphyteuta recuset, quz quoties offertur etiam post litem super commissio contestatam, numquam Senatus noster commissi pœnam irrogat. Sed laudimij potiùs duplicis præstationem, dum ne oblatio laudimij in tempus vsque rei iudicandę differatur: *Qua in sola specie vidi aliquādo cōmisſum à Senatu nostro ex tēpore adiudicari*. Sēpius autē ad laudimij solutionē cōdemnari possessorē qui de cōmisso vrgebatur.

ERROR SEXTVS.

De laudimij petitis ex simplici venditione à qua contrahentes re integrati recesserunt.



Ic alius casus est à nobis allatus in præcedentibus in quo euidentius apparet, quā iniquum sit quod volunt interpretes, Ex simplici contractu vēditionis laudimia deberi nulla etiam traditione secuta. Nam si vera eſſet ea propositio, sequeretur vt post contractam vtiliter venditionem non liceret contrahentibus ab ea recedere nuda conuentione, quin laudimij præſtādi obligatio quz directo domino quæſita ſemel fuiſſet, in ipsius commodum & vtilitatem ſalua remaneret. Bonā enim eſſe cōſecutionem probat illa ipſa iuris regula, quam interpretes adferunt, pro tuenda ſua ſententia, quod ius domino quæſitum auferri ei ſine ſacto eius non poſſit *vulg. l. id quod noſtrum 11. De reg. iur.* Itēque leges omnes quarum authoritate in hāc partem moueri ſolent. Inter quas eſt *l. vl. D. de pact.* vbi Furius Anthianus ſcribit ſi reus poſtquā pactus eſt à ſe non peti pecuniam, idēque cœpit pactum fideiuſſori quoque prodeſſe, pactus ſit vt à ſe peti liceat, ſemel acquiſitam fideiuſſori exceptionem pacti vltcrius ei inuito extorqueri non poſſe. Itēque *l. in ſulam 42. §. vl. in. D. ſolut. matrim.* vbi Papinianus ait, Si poſt diuortium vxor ad virum reuerſa ſit, iudicium acceptum ex ſtipulatione quam extraneus interpoſuerit qui dotem dederat, non diſſolui, nec officio iudicis abſolutionem contineri. Nēpe quia ius repetendę dotis extraneo quæſitum per diuortium, ob ſecutam poſtea redintegrationem matrimonij auferri ei non debet. Nec deſunt ſexcenta alia huius generis exempla quibus ſimile quid probari poſſit. Sed fruſtra pluribus inmoremur in probando eo, in quo nobiſcum interpretes conſentiunt. Atqui perabſurdum eſt dicere, Laudimium deberi ex ſimplici venditione à qua contrahentes vtrō & rebus omnibus integris recedere maluerint. Ergo & abſurdū illud eſt ex quo hoc ſequitur, vt dicamus, Ex ſimplici venditione qualibet ante ſecutam traditionem laudimia deberi. Tota vis huius ratiocinationis in minore propoſitione probanda conſiſtit. Nam quod nos perabſurdū dicimus, Inter-

prætes contrà iustum & æquum esse defendunt. Videamus autem quibus illi rationibus aut textibus opinionem suam cōfirmant. Nam si nulla ratione nullōq; textu assequi id possint, minùs necesse habebimus nostrā probare, aut erit saltē id nobis facilius. Rationē non aliam adferunt, quā quæ iam satis sup̄erq; à nobis confutata est; quòd venditio consensu solo perficiatur, nec rei traditionem exigat *§. cum autem Inst. de empt. & vend.* Quod sanē ad rem omnino non pertinet. Ostendimus. n. non tam ex contractu nasci obligationē præstandi laudimij, quā ex possessionis adprehensione quæ contractum subsecuta sit. Non est igitur bona ista collectio, Contractus vēditionis consensu solo perficitur. Ergo ex diē cōsensus præstiti laudimij domino debetur. Probandū. n. esset quod enthymema supponit, Deberi laudimij propter contractū potiùs quā propter iuris translationē quæ ex cōtractu fiat, quod sicuti falsum est, ita nullo iuris loco probari vnquam poterit. Est. n. laudimium vectigal velut quoddam non venditionis sed traditionis factū, vt sup̄a loquebamur ex *l. si pater tuus 8. C. de act. empt.* Sunt etiā qui addant, Teneri venditorē præcisē ad rem tradendam, vt inferant nihil ergo interesse an traditio secuta sit necne, Quasi pro facto contra te habendū sit, quicquid vt facias cogi possis: Sed hoc quoq; nos sup̄a refutauimus, & probauimus. Imò verò non posse cogi venditorē præcisē ad tradendū, adeoque nec conueniri aut condēnari, sed officio iudicis cōrineri vt eum absoluat si paratus sit præstare quanti interest emptoris ex *l. 1. D. de act. empt. l. si traditio 4. l. cum venditor 10. C. eo.* Hæc. n. natura est actionis ex empto, inquit Iauolenus in *l. si in venditione 60. D. de eiusl.* Quamquā etsi admitteremus posse cogi venditorē præcisē ad tradendum, parum id esset, si non etiam illud à nobis extorquere quis vellet vt admitteremus cogi posse emptorē quoq; vt venditorē cogat præcisē ad tradendum. Quis verò emptorem coget ita agere si putet cōmodius sibi esse vt quanti sua interest cōsequatur. Proinde si vēditor & emptor cōsentiant vt pro re vēdita quæ tradi præcisē deberet, id quod emptoris interest, præstetur, quis negauerit morem eis gerendum esse, vt Paulus loquitur in *l. quod si possessor 71. D. de rei vindic.* Quid porò in hac specie interest domini, vt laudimium consequi debeat ex ea venditione ex qua nec secuta traditio sit, nec sequi eam contrahentes voluerint. Excipere itaq; debuerunt interpretes, saltem casum illum quo nolit emptor cogere venditorē præcisē ad traditionem, sed malit agere in id quod interest. Verū non hic casus est de quo nunc tractamus, quia cum venditor & emptor in eo consentiunt vt pro re vendita id quod interest præstetur, non idē discendunt à contractu, sed vim potiùs & naturā contractus exequentur. Nos eum casum tractamus, quo contrahentes rebus omnibus integris à perfectō contractū emptionis & venditionis recedant. Pro quo casu solent interpretes adferre textum *c. l. quid iur. si post alien. feud. vassall. id recuper. in vssib. feudor. lib. 2. tit. 44.* vbi scriptum est, si vassallus hodie feudum illicitē alienauerit, licet postea illud recuperauerit, penes eum tamen non remanere, Vtpote domino, ad quemcūque pervenerit, apertum. Sed nemo non statim videt ad rem nostram hoc non pertinere. Est enim locus ille de feudo nō solum vēdito sed etiam tradito, vt ex eo apparet quod ponit esse postea recuperatum. Nec enim recuperari posset, quod translatum numquam fuisset, quòd q; à bonis vassalli prioris numquam abscessisset. Nos quærimus de venditione simplici, per quam nihil translatum fuerit ob non secutā traditionem. Deinde si textus ille ad propositum nostrum faceret, illud tamen probari ex eo tantum posset. Ex simplici ergo venditione rei emphyteuticæ si qua illicitē ac contra Iustiniani legē facta esset,

esset, id est irrequisito domino, aut eo quidem requisito & invito, sed in minùs idoneam ac prohibita personam [hæc. n. supradicta Iustiniani cōstitutione nominatim excipitur], locum fore cōmisso, & caducitati. Quod. n. est in feudis Apertura feudi de qua *in d. iis*, id in emphyteusi est caducitas, & commissum. Sed quid inde ad quæstionem nostram de laudimio, an debeatui? Inferre potius debeas, Verum esse quod proximo capite probauimus, Esse multò facilius ut ex simplici vēditione res cadat in cōmissum, quàm ut laudimium debeatui. Ac sane ita est, quoniam caducitati locum facit sola negligentia emphyteutz, & culpa quæ in omittendo contracta sit, id est non factum quòd domini consensum non requisierit. At laudimio præstando locum facit factum domini directi in laudando & adprobando nouo possessore in quem vetus emphyteuta ius suum transtulerit. Iam verò nos eas rationes quæ pro sententia nostra faciant adferamus: Legibus enim agi non potest in eo tractatu qui ex vnica illa Iustiniani cōstitutione ferè totus pendeat, nec tam ad ius scriptum pertineat, quàm ad consuetudinarium. Prima ratio quæ occurrit illa est, quòd ea sit natura contractuum omnium qui nudo consensu perficiuntur ut contrario consensu ipso iure resoluantur, id est ita ut perinde sit ac si numquam initi fuissent, neque ex prioris contractus vestigiis quicquam superfit *l. 1. & 2. Cod. quand. lic. ab empt. disced. l. prout 80. de solut. iunct. l. nihil tam naturale 35. De reg. iur. l. iuris gentium 7. §. adeò autem & l. ab emptione 58. D. de pall.* & quæ adeò verum est ut si inter emptorem & venditorem conuenerit priusquam aliquid ex alterutra parte solueretur, ut ab emptione discedatur fideiussor eo nomine acceptus soluto contractu liberetur *l. Stichum aut Pamphilum 95. §. ultim. D. de solut.* Nec enim res cōminùs integra est quòd aut venditor fideiussorem de cuiusctione dederit aut emptor de precio soluendo, ut optimè responsum illud Papiniani probat, Sed tūc denum definit esse res integra cū aut traditio rei venditæ facta est ex parte venditoris, aut solutio precij vel in totum, vel pro parte ex latere emptoris. Quod cū accidit, fatentur omnes, non aliter à priore contractu discedi posse quàm si actus quoque priori similis retroagens venditionem intercesserit, ut loquitur Gordianus *in d. l. 1. C. quand. lic. ab empt. disced.* Et hoc casu sanè procedit quòd volunt interpretes non posse contrahentes à contractu discedere In præiudicium domini directi si ei acquisitum est ius petendi laudimij ex adeptione possessionis. Hoc enim semper addo ut ostendā non valde referre an res desierit esse integra ex parte emptoris ob solum ab eo precium, dummodò sit integra ex parte venditoris nulladum facta per eum traditione ac iurium suorum translatione, ut dicemus latius capite sequenti. Cæterum si à contractu recessum est rebus omnibus integris, omnes consentiunt contractū ipso iure resolutū, quòd ipsum nihil aliud est quàm haberi eum pro nō facto: Imò verò venditionem infectam fieri, ut loquitur Pomp. *in l. 2. De rescind. vendit.* Quid ergo fieri potest ut ex eiusmodi cōtractu resolutō & infecto laudimia debeantur? Potestas scilicet resolutionis tollit vim & intellectum prioris cōuentionis, quæ admodum de potestate cuiusctionis scribit Papinianus *in l. si patroni 55. §. ult. D. ad SC. Treb.* tollere illam intellectum restitutionis, Implicatq; contradiccionē ut nullus & infectus contractus sit, id est nōquam factus, nedum habendus pro nōquam facto, Et ut ex eo laudimia debeantur. Neq; est quòd cū interpretibus respondeas, Haberi quidē pro nō facto cōtractū, quantum ad eos pertinet qui contraxerunt: at non quantum ad ius domini directi qui ex ea resolutione lauderetur. Sic enim illi post Paul. Castr. ad *d. l. 1. nu. 8. C. quand. lic. ab empt. disced.*

Nam hæc responsio præsupponit quod iā toties negavi, acquiri domino ius petendi laudimij ex simplici contractu. Hoc verò probandum esset, nec tamē vniquam probabitur. Et abutuntur valde interpretes supradicta Pauli Castrensis traditione cū n eā in partes suas trahunt. Nō enim de laudimio Castrensis eo loco tractat, sed de gabellā, vt vocat, quæ sit debita ex Statuto, quod ille ponit ita conceptum esse, vt ex quolibet contractu gabella solvatur. Et ait ex simplici contractu gabellam istam deberi licet contraria voluntate contrahentium & rebus omnibus integris resoluta venditio proponatur. Et rectè quia nō potest ea resolutio tollere ius quod fisco quaesitum fuit ex die initæ perfectæque venditionis. Sed quæro, Vbi nam gentiū lex illa est quæ de laudimio idem statuat, id est quæ velit ex quocunque contractu laudimium deberi? Proferatur lex aliqua vel consuetudo quæ hoc ius induxerit, Et statim consentiam non tam cum Paulo Castrensi cuius sententia n hac in re prob., quā cum interpretibus cæteris omnibus Statutum de quo Castrensis loquitur de gabella ex quocunque contractu solvenda fisco, nullum fisci factum requirit, sed eorum duntaxat qui contraxerunt, & vt contractus aliquis quandoque interuenerit. At constitutio Iustiniani in d. l. *de C. de iur. emphyt.* non aliter laudimium deberi vult, quā si factum aliquod domini directi concurrat in adprobando & suscipiendo nouo possessore, nec solo contrahentium facto contenta est vt laudimium debeatur quāuis solo eorundem non facto contenta sit vt commissio locus aperiatur. Iūque & ipsa laudimij dictio & etymologia demonstrat. Nam cū a laudando dictum sit id est ab adprobando, & ea adprobatio non a contrahentibus fieri debeat sed a domino directo & quidem vel requisito, vel habendo saltem pro requisito, vt ostendimus in præcedentibus, consequens omnino est vt quoties nullus contractus est qui laudari possit, nulla quoque laudimia debeantur. Porro nullus cōtractus est, nullus possessor nouus, quē laudare & adprobare possit dominus directus, cū is contractus qui aliquando fuit, inuenitur iam resolutus & ad non contractū reductus. Nullū ergo ius domino quaesitum adhuc videri potest petendi laudimij, at ne materia quidem vlla, cui formam iuris superaddere possis. Prius eā est non solum vt contractus aliquis sit qui hoc ius nullus est, sed etiā vt possessor nouus aliquis se offerat quem dominus laudare & adprobare possit, quā de laudimio quaeri utrū debeat necne, & disputari oporteat. Nisi fortè tā stultus quis sit vt putet, Possē dominum & debere adprobare cōtractum qui aliquādo fuerit licet hodie non sit, quod certē ridiculū est. Adprobari. n. debet cōtractus qui est adprobationis tempore, nō qui fuit & esse desiit ante adprobationē. In eoq; casus hic de quo tractamus lōgē minorē dubitationē habet quā is de quo superiore capite dicebamus. Nam cū simplex venditio facta est licet ad traditionis aut adprehensæ possessionis actum processum nō fuerit, quādiu tamen venditio subsistit, nescio quis color æquitatis pro domino facere videtur vt ex ea venditione possit laudimia petere, quod per eū nō stet quominus cōtractū qui adhuc subsistit laudet & adprobet sed per contrahentes solos qui eā adprobationē petere possent si vellēt. At cū vēditio resoluta inuenitur eo tempore quo de laudimijs quaeritur, necne adprobationis materia ipsa deficiat, frustra est quaerere an stet per dominū necne vt cōtractus vel possessor nouus qui nullus est adprobetur, cū per ipsam rerū naturā stet ne id fieri possit, nec si cōtrahentes velint vt in *Iustinianum 24. an princ. vers. quis enim dubitat D. de damn. infect.* Nisi rursum hoc ipsum eis imputare volumus cur nō iterū contrahant, & nouā incant vēditionē cāq; impleant secuta traditione ex vna parte & numeratione precij ex altera: denique

denique omnia illa faciant quæ laudimij præstandi obligationē & necessitatē inducere queant: Quod tamē sine mētis nemo vtiq; dixerit. Nemo. n. sibi prodesset prohibetur, dum ne alij noceat, nec quisquam eo nomine alij teneri; *Idem* *l. 1. §. idem sunt D. de aqua & aquæ pluvi. ar. end.* Nocere autē intelligitur nō quā occasione lucri auferret, sed quā damnum adfert *d. l. 1. §. sicut autem in fin. & l. 2. §. item V. ar. cod. ist.* Porro neque damnum neque iniuriā inferit is qui iure suo & cōmuni utitur *l. si duorum 42. D. de action. empt.* Id enim est quod dici solet executionē iuris non habere iniuriā *l. iniuriarum 13. §. 1. D. de iniur.* Cur ergo prohibeantur contrahentes si eos venditionis factæ pœniteat à venditione omnib; integris rebus discedere? Aut quis æquū putet inuitos eos retineri in obligatione, ob hoc solum ne domino directo speratum laudimij lucrum eripiat? Sed & cum laudimij sit quinquagesima pars precij *ex l. vlt. C. de iur. emptor.* aut pro varia locorū consuetudine alia atque alia pars quota precij, quis possit dicere quale quantumque laudimium debeat, si precium nullum sit? Atqui precij nullū est cum nullā est venditio, cuius scilicet substantia ex precio consistit *l. pacta cōuentia 72. D. de contr. empt.* Et quemadmodum sine precio nulla venditio est, Ita nec precium esse potest sine venditione. Fuisse autē aliquando precium aliquod nihil est si non sit eo tempore quo de laudimio disputatur. Argumento est quod idem interpretes fatentur; Si venditio facta sit certo precio, & subinde rebus omnibus integris cōueniat inter eosdem contrahentes de alio siue maiore siue minore precio, non duas esse venditiones sed vnicā. Transfusa scilicet ac irāsformata priore venditione in posteriorem ideōque non nisi vnicum laudimium deberi. Sed cuius quantitas æstimanda sit non ex priore sed ex posteriore precij conventionione, Vt concludit Amed. à Pont. *d. quæst. 38. post Bart. & Alex. ad l. iurgentium 7. §. ad eō autem D. de pact. & ad d. l. pacta cōuenta* Quod igitur aucto postea vel diminuto precio admittunt interpretes vt eius precij quod aliquando fuit ratio nō habeatur, nec magis quod ad dominum directum attinet quā quod ad cōtrahentes, sed eius tantum quod nunc sit, quidni etiam idem admittamus cum à toto precio contrahentes in tuo consensu recefferunt, discedētes à tota venditione? Similis enim licet aliter cōcepta ratiocinatio est apud Vlp. *in d. §. ad eō autem vers. si igitur in totum potest, cur nō & pars eius pactione mutari possit?* & paullo post *nam si potest tota res tolli, cur non & reformari?* Nā & vulgare nostrorū dictū est, Valere argumētū à toto ad partē, & à parte ad totū *l. quæ de tota 76. D. de rei vindic. l. si ex toto 8. in princ. de leg. 1. l. 1. §. 1. D. si pars hered. pet.* Igitur sicuti prioris venditionis ratio nulla habetur ne quidē in utilitatē domini directi, si prior transfusa sit in posteriorem quamvis imminuto precio, Cur maior habebitur si ab emptione in totum recedere cōtrahentes voluerint. Nā si bona & vera esset ratio illa perpetua interpretū quod nō sit permittendū cōtrahentibus pœnitere post cōtractū ex quo dominus laudimij & emolumentū cōsecutus erat per adprobationē, Cur ergo eis permittimus vt post cōventionē factam de maiore precio cōueniāt de minore, cum perinde hoc casu fiat vt minus emolumentū cōsequatur dominus quā percepturus fuerat si de precio conuento nihil fuisset imminutū? Aut cur non potius duplex laudimij quasi ex duplici venditione deberi dicimus? An fortē veremur ne iniuriā faciamus emptori cui potest imputari cur de precio conuenerit ac non potius aut in priore cōventionione perstitit, aut à posteriore inceptit? Aut deniq; cur non distinguimus an cōventionione posteriore prius precium auctum sit, an imminutum, Vt si auctū sit vnicū daturat laudimium debeat ex posteriore emptione æstimandum, quia sine dispendio & incommodo directi domini hoc dici possit, si verò imminutum

fuerit, vel duplex laudimium debeat, vel saltem prioris precij ratio habenda sit, non posterioris. Ne fuerit in potestate contrahentium deteriorem facere conditionem domini, & quantitatem minuere laudimij quod ex simplici venditione perfecta deberi cepisset, minuendo precium. Si enim perfectæ venditionis intellectum retinemus quod ad dominum directum ne in laudimio præiudiciū ei fiat, Vt scilicet quamuis ea venditio pro non facta habeatur quantum ad contrahentes ex quo instanti mutuo eorum consensu resoluta est, remaneat tamen pro facta ratione laudimij. Cur non æquè facillè retinemus vestigium primæ conuentionis maioris precij, cum subinde ac rebus omnibus integris de minore precio conuenit, vt quamuis ex contrahentium voluntate transfusa sit prima conuentio in secundam, nec nisi secundæ ratio habenda sit quod ad contrahentes ipsos pertinet, prima tamen repreneat quod ad dominum directum, vt tãd maius ei laudimium debeat. Facilius siquidem est vt effectus aliquis supersit eius venditionis quæ non prorsus sublata sed in aliam transfusa sit, quàm eius quæ omnino sublata sit & extincta. Non enim penitus absumptum & extinctum videri potest quod aliquo saltem modo licet diuerso retinetur *l. idem seruandum. 72. de legat. 2. l. obligationum ferè 44. §. vlt. De oblig. & action. l. 1. de penlegat.* Atqui fateatur interpretes nullum domino deberi laudimium ex simplici venditione quæ in aliam transfusa sit, etiam si per posteriorem precij imminutum proponatur. Ergo fateantur necesse est nullum deberi ex venditione quæ mutuo partium consensu non in aliam transfusa sed omnino extincta sit. Et hoc fateantur vtrique si resolutio venditionis facta sit incontinenti, id est antequàm partes diuerterint ad extraneos actus, Sed non si postea & ex intervallo. Quæ tamè distinctio quia cum iuris ratione pugnat etiam à nobis confutanda est.

ERROR SEPTIMVS.

De venditionis resolutione facta rebus integris ex intervallo aut in continenti cum de laudimio disputatur.

DISTINGVERE quidem prudētes nostri solent, An pactum quod post initam & perfectam venditionem à contrahentibus adhibitum est etiam rebus omnibus integris, adiectum sit incontinenti an verò postea & ex intervallo. Sed ea distinctio vtrūtur maximè, cum tractat, Vtrum insit pactum illud contractui, & fornet actionē necne, & an ex parte rei tantum, an verò etiā ex parte actoris, id est an ad producendam duntaxat exceptionem, an ad dādam quoque actionem. Quæ quæstio eleganter tractatur ab Vlpiano *in l. iuris gentium 7. §. quimodò D. de pact.* Sed generalius de omnibus bonæ fidei iudiciis. At enim primum, nudam pactiōnem interdum formare ipsam actionem vt in iudiciis bonæ fidei. Solemus enim dicere, inquit, pacta conuenta inesse bonæ fidei iudiciis. Sed hoc deinde monet sic accipiendum esse, vt siquidem ex continenti pacta subsecuta sint, etiam ex parte actoris insint, Ex intervallo autē non insint, nec valeant ad agendum, ne ex pacto actio nascatur. Exemplū adfert circa actionem de dote quæ fuit semper bonæ fidei §. fuerat *Inst. de action.* si nō constitutæ dotis tempore, sed post diuortium atque ita ex intervallo conuenerit, ne tempore dilationis statuto id est annua bima trima die dos reddatur sed vel longiore vel breuior.

breuiore, itémque circa actionem tutelæ, si post finitam tutelam conueneris vt maiores quàm quæ statutz sunt vsurz præstentur. Non valebunt, inquit, hæc pacta scilicet ad agendum, Ne ex pacto nascatur actio. In quo est obseruandum, quod nos in nostris ad eum locum Rationalibus non satis apertè exposuimus, Consensisse quidem omnes prudentes in eo vi pacta ex intervallo apposita nūquam prosint ad agendum sed tantum ad excipiendum siue bonæ fidei cōtractus fuerit siue stricti iuris, sed quod ad pacta pertinet quæ incōtinenti facta sint dissensisse Paulum ab Vlpiano fortassis etiam à Papiniano. Nam in *l. l. l. 40. D. de reb. cred.* vbi tractat de pacto incontinenti appposito pōst stipulationem. Scribit ille disertis verbis, Tale pactum inesse stipulationi, nec tantum ad excipiendum vt putabat Vlpianus quem ille proculdubio intelligit & perstringit illis verbis quidam putabant, vi apertius significant quæ sequuntur *si velle putabat ad exceptionem tantum prodesse pactum.* Constat enim fuisse Vlpianum & Paulum præcipuos Papiniani Adfessores in ipsius auditorio, & plerumque faciles ad dissentiendum inter se. Vlpianus verò cum ait Pacta incontinenti facta inesse bonæ fidei iudiciis etiam ex parte actoris & ad agendum, quid aliud sibi vult, quàm in stricti iuris cōtractibus & consequenter etiam in stipulatione aliud obseruari: quasi horum cōtractuum natura quæ strictior est, huiusmodi extensionem minimè patiatur. Quia potissimum ratione credibile est Vlpianum in specie *d. l. l. l. 40. aduersus Paulum* constituisse, cuius tamen sententiam in celeberrimo illo *Aemilij Papiniani auditorio* tãdem obtinuisse testatur ipse, cum ait *quamvis diuersa sententia obtinuerit.* A Papiniano autem videtur idem Paulus dissensisse nō in illa quidem quæstione, sed in alia quam Papinianus tractat in *l. pacta conuenta 72. D. de contr. empt.* Circa pactum, per quod post perfectam venditionem & ex intervallo augmentum sit, vel diminutum precium emptionis. Est enim tota lex illa de pactis postea factis, id est, ex intervallo, & ait Papinianus non immeritò quæsitum fuisse & dubitarum à prudentibus, An eiusmodi pactum non valeat ad agendum, quomodo iam dixerat non valere pacta cætera quæ ex postfacto adiuncta aliquid vel detrahunt circa adimnicula venditionis. Nec tamen aperit Papinianus quid in hac quæstione sentiat, sed tantum rationem quasi dubitandi adfert illà quod substantia emptionis consistat ex precio. Vnde capta occasione notandi Papiniani, quasi eam rationem Papinianus pro dubitandi potius quàm decidendi ratione habuisset, statim subiungit *si omnibus integris manentibus de augendo vel diminuendo precio rursus conuenit, recessum à priore contractu & noua emptio intercessisse videtur.* Cuius tamen sententiæ cum nō alia melior ratio adferri possit quàm quæ à Papiniano ipso allata & probata est q̃ emptionis substantia consistat ex precio, Vt proinde mutata substantia cōtractum quoque ipsum immutatum esse necesse sit, non debuerat certè Paulus notare Papinianum quasi aut contrā sensisset aut id ipsum quidem sed non satis apertè nisi studium nimium contradicendi præcipitem eum egisset. Debuerat potius sic Papinianum interpretari vt id ipsum sensisset quod sentiendum erat, & quidem satis apertè eum etiam rationem propter quam ita sentiendum sit attulisset. Quomodo eadem Papiniani sententiam & magis ex bona fide interpretatus videtur Vlpianus in *d. l. quinimo in versic.* Idem responsum Scio à Papiniano, si post emptionem ex intervallo aliquid extra naturam cōtractus conueniat, ob hanc causam agi ex emptio nō posse. Cui enim addidisset *extra naturam cōtractus*, nisi vt significaret in pactis quæ ad naturam & substantiam cōtractus pertinent, aliud existimasse Papinianum, vt scilicet valeant ea pacta etiam ad agendum, non quidem ex priore

contractu sed ex posteriore quasi alia & noua emptione facta. Quod à nobis in Rationalibus satis diffusè nec infelicitè explicatum est. Nunc, quod ad institutum nostrum pertinet, admodum superest supradictam distinctionem de pactis post bonæ fidei contractum interpositis aut incontinenti an ex intervallo, numquam à prudentibus probatam fuisse, quouies tractarunt de pactis adhibitis circa substantialia contractuum bonæ fidei, quale illud est per quod augetur vel diminuitur precium emptionis, Sed illam tantum, Vtrum rebus omnibus integris ex precij immutatio & siue auctio siue imminutio facta sit, an verò postquam res integra esse desiit ex alterutra parte. Papinianus enim ut ià diximus in *d. l. pacta conuenta* non tractat nisi de pactis postea, id est ex intervallo post emptionem appositis siue ad emptionis adinidicula pertinent, siue ad ipsius substantiam. Quæ ita sunt incontinenti cum in sint contractui licet ordine temporis & naturæ post contractum fiant in ipso tamen contractui, & simul non postea fieri intelliguntur: Cum in coniunctis ordo nullus sit, nihil prius, nihil posterius, licet priorè loco vnum dicatur aut scribatur, posteriore alterum *l. quidam t. 4. D. de penul. legat.* Sic verò Papinian. loquitur initio *d. l. pacta conuenta*, *pacta conuenta quæ postea facta*, & deinde, *An idè dici possit aucto postea vel deminuo pæcio.* Et quod ad Papinian. Paulus notat *si omnibus integris manentibus de augendo vel diminuendo preciorum conuenit.* An non satis indicat eum se casum tractare quo auctum sit vel diminutum precium ex intervallo? Habent. n. v. ba illa euidentem tractum temporis. Quid. n. dubitandum esset an integra mansissent omnia si incontinenti post factam emptionem pactum interpositum fuisset? Et dictio illa *rursum* cum interpretationem recipere sanè non potest ut de pacto incontinenti facto Paulus senserit. Non. n. rursum sit quod incontinenti sit cum simul & semel fieri videatur. Sicq; Papinianum interpretatus est Vlpianus in *d. §. quinimo* cum ipsius sententia n sic refert quasi scripsisset ille, si post emptionem ex intervallo aliquid extra naturam contractus conueniat, agi ob hanc causam ex empto non posse. Et tamen non dixerat Papinianus *Pacta conuenta quæ ex intervallo facta*, sed ut retulimus, *quæ postea facta* quomodo item Vlpianus in sequentibus cum sentit pacta omnia quæ etiam ex intervallo fiunt, inesse ex parte rei & prodesse ad excipiendum, ita scribit *quia solent & ea pacta quæ postea interponuntur parere exceptiones.* Et in *§. ad eod. seg.* *Ad eod. autem bonæ fidei iudiciis & pactiones* [sic enim legendum esse docuimus non ut vulgo ineptissime *exceptiones* aut ut Cuiacius *de pactiones*] *postea facta quæ ex eodem sunt contractui insunt.* Nam & hoc loco dixit Vlpianus *postea* pro eo quod paulò antè ex intervallo. Et ne secum pugnare videatur cum paulò antè scripsisset pacta ex intervallo apposita non inesse, ne quidem bonæ fidei iudiciis, addit ille *quæ ex eodem sunt contractui*, id est, quæ ad naturæ & substantiam contractus pertinent, sicut è contrario scripserat in præcedentibus *aliquid extra naturam contractus.* Ut intelligamus has duas propositiones, quarum una affirmatiua, altera negatiua est sic esse conciliandas, ut pacta quæ ex intervallo facta sunt si extra contractus naturam sint & ad eius substantiam non pertinent numquam insunt, nequidem iudiciis bonæ fidei, si verò ex eodem contractu sint, hoc est contractus substantiam recipiunt, insunt quamvis ex intervallo apposita sint, dummodò rebus omnibus integris, ita ut per eiusmodi pacta possit abiri etiam à tota emptione, aut in aliam emptionem nouam prior contractus reformari. Nec valde dissimiliter Pomponius cuius sententiam refert & probat Vlpianus in *d. §. ad eod.* licet desumptam ex alio Pomponij libro ad edictum, in *l. 2. D. de rescind. vendit. si quam rem inquit à te emi, eadem rursum à te plurius minorisve*

emero;

emere, discessimus à priore emptione. Potest enim dum res integra est conventionem nostram infecta fieri emptio atque ita consistit posterior emptio quasi nulla præcesserit. Et Paulus noster in l. 3. eod. Emptio, inquit, & venditio sicut consensu contrahitur, ita contrariò consensu resolvitur antequàm fuerit res secuta. Non igitur illud inspiciedum est an venditionis resolutio fiat incontinenti an ex intervallo, sed an rebus omnibus integra an verò rei iam secuta. Quid autem vetat manere rem integrā per longū tempus, & toto illo medio tempore contrahentes ad alia quàm plurima negotia divertere? Hoc verò si ita est ut est, non possum ferre quod interpretes nostri volūt, ut cum de laudimiiis quaeritur distinguendum sit an venditio simplex quæ nudo consensu perfecta fuerat resoluta sit incontinenti an ex intervallo. Ut si incontinenti nullum laudimium debeat sin ex intervallo debeat. Quasi venditio quæ utroque casu pro infecta est quantum ad contrahentes ipsos, facta nihilominus maneat, quod ad dominum directum ne præiudicium ei fiat, sed posteriore tantum casu non etiam priore. Sic enim Amed. à Ponie ex aliorum non minus quàm ex sua sententiā d. *quæst. laudim.* 38. Nam si maiorem auctoritatem apud nos habeat ratio iuris, quàm utilitas domini, dicendum utique est, nullo casu laudimium deberi, quoniam utroque casu venditio perinde ipso iure & solius conventionis potestate resolvitur: si autem propter utilitatem domini directi rationem iuris insuper habere volumus, quid opus est distinctione, ac non potius admittimas generaliter & indistinctè laudimium deberi? Cum utroque casu inter sit domini ne quod ad ipsum attinet venditio sit infecta ut laudimium petere possit. Est namque hoc generale & perpetuum, ut quoties quaerimus an ex aliquo actu iuristici quaesitum sit quod ei auferri non oporteat, satis sit vel vno instanti quaesitum fuisse, ne vnumquam sine consensu ipsius tolli ei, & adimi queat. Ideo nimirum dicimus, Hereditatem quandocūque aditam post mortem testatoris retrofingi aditam ex instanti mortis l. *heres quandoque* 49. D. de acquir. hered. ut continuari possit ius heredis cum iure defuncti l. *omnia hereditas* 58. de reg. iur. quæ continuatio fieri non posset si vel vno minimo instanti res hereditariæ aut nullius fuisse aut ad quem alium pertinuisse intelligerentur. Item legatum transire rectè vià à testatore in legatarium quoties per vindicationem datum est, numquam factum heredis, ut ait l. *legatum* 80. de legat. 2. leg. à Titio 64. D. de furt. quia si vel minimo instanti fieret heredis, non posset invito herede ab eo discendere sed consensus illius omnino exquirendus esset, ac traditio per eum facienda ut dominium quod eius semel fuisset pervenire posset ad legatarium l. *si ego* 9. §. *si res* D. de iur. dos. Sic denique ne alia quàm plurima conquiramus quæ in omnibus ferè iuris nostri partibus momento unico expediuntur lex Cornelia de captivis apud hostes defunctis coniungit instans mortis cum instanti captivitatibus, & fictio postluminij instans captivitatis cum instanti reditus, quoniam si inter hæc duo instantia tertium aliquod retineretur, tota retrospectio impediretur propter medium inhabile *Liusto errore* 44. §. *ult.* D. de usufruct. §. *si ab hostibus* Inst. quib. mod. ius par. potest solvi. Proinde in quaestione proposita si admittas ex quo instanti perfecta nudo consensu venditio est ius quaesitum esse domino directo petendi laudimij. Illud quoque te admittere necesse est, quod nec interpretes ipsi audent dicere, Nihil ergo profuturum contrahentibus quominus laudimium debeat, quod statim & incontinenti venditionem resolvant contraria voluntate: Cum nequeat ea resolutio fieri tam statim & incontinenti ut non necesse sit aliquo instanti mansisse perfectam venditionem, quæ nec alioquin resolvi posset. Aut si huius absurdi evitandi gratia fatendum est nullum eo instanti perfectam

venditionis adhuc fuisse acquisitum ius petendi laudimij domino directo, aut saltem non fuisse ius illud tantæ potestatis vt non potuerint contrahentes ei derogare. Admittamus igitur, quod iidem interpretes negant, Etiam si ex intervallo resoluta sit prior venditio non eo magis fore vt domino directo nullum debeatur laudimium, non magis quàm si in continenti facta resolutio fuisset. Vnum illud pro sententia communi adferre quis fortasse possit quod scriptum est in *l. ab emptione §. D. de pact. Nihil interesse vtrum integris omnibus in quæ obligati erant contrahentes inter eos convenerit vt ab eo negotio discedatur, an verò in integrum restitutis iis quæ alter alteri præstitit, consentiant ne quid alter alteri eo nomine præstare teneatur. Nec enim negari potest quin ea Nerarii sententia sic accipi debeat, vt nihil intersit quantum ad contrahentes de quibus solis eo loco tractatur, non etiam quod ad dominum directum, cui scilicet laudimia deberi nemo dubitat eo casu quo contrahentes à venditione recesserint re iam secuta, & facta per venditorem traditione, cum & nos fateamur ab eo saltem die quo emptor possessionem nactus sit, aut eius adprehendendæ facultatem à domino directo petierit, ius petendi laudimij quæsitum esse irrevocabiliter domino, cui postea præiudicium à contrahentibus fieri non potuerit. Nihil ergo verat, inquit, quominus venditio habeatur pro infecta quàm ad ipsos contrahentes, nec tamen pro facta haberi desinat ratione domini directi propter laudimium. Nos verò id quoque fateamur: Sed tamen largiter interesse dicimus, An à perfecta venditione discedatur rebus omnibus integris contrario eoque nudo partium consensu, An verò retrotraditis & in integrum restitutis omnibus quæ iam vicissim tradita & præstita fuissent, scilicet quod ad dominum directum pertinet. Priore namque casu nihil interuenit, propter quod laudimium vllum deberi possit, cum possessio nulla translata sit in emptorem. Posteriore autem cum traditio ex parte venditoris secuta est, iam causa subest quæ laudimij præstandi obligationem & necessitatem possit inducere, quod ius statim atque domino directo quæsitum est, vel vno instanti, certum est ei vel invito vel ignoranti adimi numquam posse. Et hoc demùm casu procedit optimè quod interpretes adserunt ex *d. l. id quod nostrum u. De regul. iur. l. ult. D. de pact. l. in insulam 42. §. ult. D. solut. matrim.* Itaque cum dicimus, ex perfecta simplici venditione, quæ omnibus integris resoluta sit, nullum laudimium deberi, Non tam ex eo mouemur, quod venditio ex partium consensu resoluta sit [esset enim manca, minùsque sufficiens ratio si quis in ea conquisceret] quàm quod ea resolutio facta sit priusquàm domini cæperit interesse. Quod vnum in tota quæstione ista, vt in cæteris serè omnibus inspiciendum est.*

ERROR OCTAVVS.

Quando integra dicantur omnia in emptione & venditione cum tractatur de laudimio.



AT quia diximus eo demùm casu nullum deberi ex simplici venditione resoluta laudimium, quo facta resolutio sit rebus omnibus integris, alia nunc inspectio occurrit quando dicantur omnia esse integra. Quæ inspectio non tantum necessaria est vt sciatur quibusnam casibus secundum nostram sententiam ex resoluta venditione

tionem laudimium debeatur, sed etiam præsupposito errore interpretum ut sciamus quando post resolutionem venditionis vel vnicum vel duplex laudimium deberi putent. Nam cum in ea sint hæresi ut ex simplici qualibet venditione dummodò valida laudimium deberi velint, consequens est ut duplex solvendum esse existiment quoties prioris venditionis resolutio facta est re non integra, ut multiplicatio contractuum inducat multiplicationem laudimiorum, ut concludit Amed. à Ponte *dist. quest. laudim.* 38. post Alber. Bald. & Castr. *ad l. ab emptione* 58. *D. de pail.* Necessaria igitur questio est etiam apud interpretes, Quando res dicatur vel non. Etsi video in hac eadem questione aliam adhiberi ab iisdem interpretibus distinctionem post Bartol. *ad d. l. ab emptione*, An verba posterioris conventionis concepta sint per modum novæ obligationis, ut tunc dicatur novus contractus, & nova solui debeat gabella. An vero per modum resolutionis, aut ut alij loquuntur resolutorium, ut hoc casu non dicatur novus contractus nec debeat solui nova gabella, nec novum laudimium siue contractus sit adimpletus pro parte tantum, siue ex utroque latere, quia Doctores in hoc vim non faciunt, inquit Amed. post Bald. Jacob. las. & alios in *d. l. ab emptione*, qui perstant in hac distinctione. Nec malè, si admittas quod illi volunt, non deberi laudimium nisi ex contractu. Nam sicuti defendunt ex quo cumque contractu deberi dummodò iusto & habili ad transferendum dominium, Ita nec patiuntur deberi nisi ex contractu aliquo præcedente. Nemo autem dixerit resolutionem contractus esse contractum cum sit distractus *l. 5. §. si quoque D. de oblig. & action. & d. l. ab emptione in fin.* ubi opponuntur ista quasi ex diametro pugnantia. Id agi inter contrahentes ut à pristino negotio discedatur. Et id agi ut novæ quædam obligationes inter eos contrahantur. Nos verò qui prioris propositionem falsam esse iam ostendimus, etsi posterioriorem veram esse nō negamus, quia nuda traditio numquam transfert dominium sed iustam eam esse oportet, id est habere titulum aliquem præcedentem cumque validum & à iure adprobatum *l. numquam nuda* 31. *De acquir. ver. domin.* 13. *D. si usus fr. per.* Non possumus tamen admittere quod aiunt interpretes, Resolutionem contractus fieri posse citra novum contractum quoties prior contractus effectum habuit resecuta. Repugnat enim iuris ratio, Repugnant omnes iuris loci qui hac de re tractant. Ipsa primùm ratio iuris, quia cum nihil iam naturale sit, quàm vnumquidque dissolutum modo quo colligatum est, ut habet regula. Non potest fieri vilius conventionis potestate, ut resoluatur venditio quæ per traditionem rei venditæ, aut per solutionem precij suum effectum habuit, quin actum contrarium & retrosimilem sequi necesse sit, ut scriptum est in *l. 1. C. quando li. ab empt.* Ergo & aliquam retrovenditionem. Nam si retrotraditio tantum fiat rei venditæ & restitutio precij nulla intercedente retrovenditione, Erit illa retrotraditio utrimque nuda, & consequenter non erit habilis nec sufficiens ad transferendū dominium, quod neque prima traditio transtulisset si venditio nulla iniercessisset. Ac proinde non erit actus retrosimilis priori, qualem esse oportet ut à prioris contractu post rem secutam discedatur. Repugnat etiam Neratius in *d. l. ab emptione in fin.* ubi ait, Illud planè conventionem quæ ad resoluendum id quod actum est pertineat perfici non posse, ut tu quod iam ego tibi præstiti contra præstare mihi cogaris, quia eo modo non tam hoc agitur, ut à pristino negotio discedamus, quàm ut novæ quædam obligationes inter nos constituantur. Retrovenditio igitur hoc casu necessaria est, nec sufficit prioris contractus resolutio. Ac similiter Ulpianus ex Pomponio in *l. iuris gentium* 7. *§. ad id eod. tit.* cum ait

in emptione cæterisq; bonæ fidei iudiciis posse abiri ab emptione in totû. Itēq; partem etiam contractus pactione mutari posse, vt per eiusmodi reformationē quasi renouatus cōtractus videatur, putā si conuenerit vt res vendita decē aureis sit vendita quinq; vel quindecim, cur bis addidit ea verba *re nondū secuta*, nisi vt doceat, Re vtriusque secuta nihil esse quod de contractus resolutione tractari iam possit, sed necessariam esse nouam obligationem nouūque contractum vt à priore discédatur. Sed apertius Pomponius *in l. 2. D. de reserūd. vendit.* postquam dixit, Si rem quam à te emi eandem rursus à te pluris minorisve enero discessisse nos à priore emptione. Posse enim dum res integra est conuentione nostra infectam fieri emptionem, atque ita consistere posteriorem emptionem quasi nulla præcesserit. Subiungit *sed non poterimus eādem ratione vti post precium solutum emptione repetita, cum post precium solutum infectam emptionem facere non possumus.* Quid enim aliud est non posse infectam fieri venditionem, quàm quod dicimus & contendimus, Non posse resolui? Quoties autem contractus sola conuentionis potestate resolui non potest, necessaria est noua conuentio nouūque contractus per quem cogantur contrahentes omnia in integrum restituere. Nec aliud est quod *in dcl. l. 1.* Gordianus rescribit, Post traditionem interpositam, nudam voluntatem non soluere emptionem si non actus quoque priori similis retroagens venditionem intercesserit. Vbi malè Castrensis nudam voluntatem interpretatur eam in qua stipulatio non interuenit. Finge enim quantum voles interuenisse stipulationem in posteriore conuentione per quam id actum sit vt ab emptione perfecta post traditionem secutam solutumque precium recedatur. Numquam assequeris vt ob eam causam resoluta emptio dici possit, non magis quàm si stipulatio nulla interuenisset, Cū alia stipulationis potestas esse non possit nisi vt pariat actionem quam nuda pactio parere non posset. Aliud enim est parere actionem, aliud verò emptionem contractam soluere. Et stipulatio potest quidem efficere vt cogendus sit promissor contractum soluere per contrariam conuentionem, id est per retrovenditionem, sed non vt citra retrovenditionem prior venditio resoluatur. Neque verò in id comparatę sunt stipulationes vt contractum qui nudo consensu perficitur possint aut perficere aut soluere, sed vt verborum obligationem vel nouam inducant vel inductam dissoluant *l. prout 80. D. de solut. vulg. l. nihil tam naturale 35. De regul. iur.* At nec illud verum est vt interposita stipulatione possit absolute ac præcisè cogi alteruter contrahentium vt venditionem resolui patiatur. Nam ex ea stipulatione qua idipsum alter alteri promiserit, certum est non posse condemnationem fieri, litēmve æstimari nisi in id quod interest *l. cum stipulatus 113. §. vltim. De verbor. oblig.* Nempe quia resolutio contractus sicut & contractus ipse facti magis quàm iuris est post rem secutam cū opus sit retrotraditione, vt omnes fatentur quæ ipsa facti est *l. consilio 7. §. vltim. D. de cura furios.* Nemo autem siue ex bonæ fidei, siue ex stricti iuris contractu ad factum præcisè condemnari vnquam potest, sed ob non factum id quod fieri debuit ad id quod interest, vt toties inculcauimus ex *l. si quis ab alio 13. in fi. D. de re iudic. l. stipulationes non diuiduntur 72. l. quoties quis alium 81. De verbor. obligat.* Nudam ergo conuentionem Gordianus intelligit, eam quæ nuda sit à traditione, siue aliqua stipulatio interuenierit, siue nulla. Quomodo Imperatores Dioclet. & Maximian. *in l. traditionibus 20. Cod. de pactis* dicunt traditionibus & vsucapionibus non nudis pactis dominia rerum transferri. Nuda pacta intelligunt ea non quæ steterint in puris sinibus conuentionis.

is, sed quæ destituta sint traditione, ut interpretes omnes consentiant. Cum non magis per contractum emptionis aut stipulationis quam per simplex pactum sine traditione transferri dominium possit: quia inter modos transferendi dominij traditio quidem est & usucapio, at non etiam stipulatio, aut alius contractus vllus qui consensu solo perficiatur siue bonæ fidei sit, siue stricti iuris. Ex verò si per solam stipulationem ad resolvendum contractum interpositam resolveri contractus posset, sequeretur, nullum fore locum actioni ex stipulatu in id quod actoris interesset, quandoquidem non posset actor dicere sua interesse quòd resolutus contractus non fuisset, qui è contrario sola stipulationis potestate resolutus inueniretur. Exemplo eius quod scriptum est in *l. ubi. c. si mancip. ita fuer. alien.* Non posse pecuniam peti quam promiserat emptor si servum ea lege venditum non manumitteret, quantumvis manumittere noluerit, atque ita datam fidem rupisse videatur, cum potestate conventionis posse manumittentis factum representari optima ratione placuerit, quemadmodum in *dist. l. vltim.* legendum esse alibi docuimus. Quid enim potest venditoris interesse quod servus manumissus non sit, cum citra manumissionem ad libertatem pervenerit? Quid similiter interesse emptoris; aut venditoris, quòd alteruter contrahentium resolvere contractum nolit, si contractus sit ipso iure resolutus? Ut ergo resolvatur venditio per posteriorem conventionem etiam quæ munita sit stipulatione, cum iam secuta fuit traditio ex parte venditoris, & solutio precij ex parte emptoris non tantum necessaria est retrotraditio, & precij accepti restitutio, sed ante omnia retrovenditio, quam postmodum cætera sequantur, ut actus contrarius sit in omnibus & per omnia retrofimilis priori. Nec enim fieri potest ut contractus qui non modò perfectus sit sed etiam impletus per mutuas præstationes hinc inde factas aut solo consensu contrario, aut per solas præstationes contrarias resolvatur, sed retroagi omnia necesse est. Dominium enim rei venditæ quod per traditionem fuit acquisitum emptori non nisi certis & legitimis modis potest ab eo discedere & recurrere ad venditorem, ut neq; ad emptorem dominium precij quod solutum fuit venditori: Inter quos modos neque nuda voluntas est, neque nuda traditio. Itaque si post eiusmodi retrotraditionem quam nulla retrovenditio præcessisset, aut post retrovenditionem, quam nulla retrotraditio subsecuta esset, emptor vellet rem à se emptam quasi suam vindicare, posset utique summo iure id facere, tanquam qui nihilominus mansisset dominus, Et necessaria esset venditori priore casu doli exceptio, quoniam in dolo esset emptor qui post acceptam precij restitutionem pergeret adhuc rem vindicare. Posteriore autem exceptio rei venditæ & traditæ, Nisi novant, & iustam causam vindicandi possessor habeat, ut in *l. i. §. vltim. De except. rei vendit.* Quorum tamen exceptionum usus neque necessarius, neque utilis esse posset si resoluta prior venditio fuisset, ac dominium ab emptore recessisset. Omnis namque exceptio præsupponit actionem competentem. Actio autem in rem & vindicatio competere nulla posset emptori qui dominus esse desisset, præsertim contra venditorem, qui dominus mansisset. Idque ita esse ex eo apparet evidentiùs, quod ab Alexandro rescriptum est in *l. 3. Cod. de pact. int. emps. & vendit.* Si quis certa lege prædium vendiderit puta ut nisi reliquum precium intra certum tempus solutum esset, prædium ad se reverteretur, non habere illum rei vindicationem, sed actionem ex vendito, si non precariam

possessionē tradiderit, id est nisi sic tradiderit possessionē vt ea precario iurā esset penes emptorem. Nam si pactum hoc, etiam in ipso contractu & in eius ingressu appositum, quamuis per verba, vt apparet, resolutiua conceptū non potest eam vim habere vt ipso iure resoluat venditionem, & reddat venditori dominium quod ab eo per traditionē abscesserat. Quāto min⁹ poterit ea rescribi per conventionē nudā posteriorē tametiſ vallatā stipulatione si retrotraditio nullā sequatur? Nec, n. minor est vis pacti in ipso cōtractu adhibiti, maximē verò in cōtractu bonæ fidei, quā si stipulatio interuenisset *d. l. iuris gentium 7. §. quinsimò D. de pact.* Addi etiam potest quod Imperatores Carus, Carinus, & Numerianus rescripserūt in *l. emte 6. cod. tit.* Si quis fundū suum certæ rei cōtemplatione habita exiguo precio in aliū transulerit qui postea promissi fidē implere recuset, nō debere eam rē fraudi esse vēditori, sed cōuenire vt dominij ius quod habuit in suā causam reuertatur. Quod ita accipiendū est non vt ea dominij reuersio fiat ipso iure quasi resoluta traditione per solā pacti potestatē, sed vt ad reuersionem illam dominij & ad resolutionē traditionis, contrariam traditionem sequi necesse sit. Ideoq; non ait lex, dominium rei venditæ hoc casu reuerti ad venditorē ipso iure sed cōueniens esse vt reuertatur, ne emptor impunē fidem fregerit. Nēpe per retrotraditionem, Condemnato emptore vt sine vlla iudificatione rem cum fructibus suis restituat, reddito vicissim precio venditori si non malit emptor per suam procaciam & contumaciam præstare quā interest venditoris, quemadmodum contingeret si venditor nollet rem traderet, quam vendidisset *l. si traditio 4. C. de act. empt.* Atqui nullam, inquires, retrovenditionem hoc casu Imperatores exigunt, sed tantū rei venditæ restitutionem. Fateor, Nimirum quia competeat in illa specie actio ex vendito propter pactum in venditione adhibutum, Ex qua actione poterat sequi condemnatio non min⁹, quā ex ea quæ competere posset ex retrovenditione si qua intercessisset. Et quamuis neque per eam actionem, neque per condemnationē exinde securam possit transferri dominium, quia neque actio modus est dominij transferendi, neque condemnatio quam in pecunia numerata, litisq; æstimatione fieri semper oportet, Causatiuē tamen vt loquuntur & occasionaliter potest ea actio ante condemnationē inducere translationem dominij, Parato scilicet emptore fundū retrotradere cum fructibus ad euitādam condemnationē, quam alioqui euitare nullomodo possit. Quare nec sic loquuntur Imperatores, vt dicant debere aditum iudicem præcipere ac iubere vt fundus restituatur cum fructibus [id enim non obtinet nisi in arbitrariis iudiciis] sed debere sua auctoritate perficere, vt fundus cum fructibus restituatur sine vlla iudificatione, id est statim & citra frustrationem ac moram vllam, Comminata scilicet & imminente condemnatione, si ea per spontaneam rei restitutionem non impediat: quo casu absoluetur quidem emptor sed postquā satisfecerit venditori & ob hoc ipsum quod ei satisfecerit. Sunt enim iudicia omnia hoc modo absolutoria *§. ult. Inst. de perpet. & tempor. act.* etiam pœnalia *l. hoc edito §. D. de public. & veltg.* Nec superioribus contrarium est quod hoc casu per solam retrotraditionē transfertur dominium, nulla quoq; præcedente retrovenditione. Id enim fit quoniam hoc casu traditio non est nuda, sed causam habet eāq; iustā, & retrovenditioni æquipollentem, id est actionem venditi, & metum condēnationis imminētis. Actionē verò illam venditi propter pactū in ipsa venditione interpositum quod parit actionem. At nos diuersam omnino speciem tractamus, in qua venditor rem tradiderit & precium emptor soluerit, postea verò inter

eos convenit ut emptor rem retrotraderet, venditor precium restitueret. Quia in specie dicimus etiam si conventio interueniat de retrotradenda re, ac reddendo precio, non posse resolui venditionem, nec dominium rei venditæ ad venditorem recurrere etiam secuta retrotraditione & restitutione precij, quin retrovenditionis intercedat. Separamus enim retrovenditionem à pacto de retrotradendo, adeoque quod magis est à pacto de retrovendendo, quemadmodum nec Bartolus negat ad l. ult. D. de cond. & caus. dat. multum distare pactum de vendendo à venditione licet utrumque fiat nudo consensu, quia venditio habet consensum non modò præsentem, sed etiam in materia præsentis. Pactum autem de vendendo habet quidem consensum præsentem, sed circa materiam futuram, & quæ nondum est, idcirco nouo consensu est opus ut venditio contrahatur. Igitur quemadmodum traditio quæ facta esset in consequentiam pacti de vendendo, non eo minus esset nuda & inhabilis ad transferendum dominium, quia pactum de vendendo non est iusta causa, cum ius ciuile nulla pacta agnoscat, exceptis iis quæ ad nudorum differentiam legitimæ vocantur, ita & retrotraditio facta ex causa pacti de retrotradendo, adeoque de retrovendendo perinde nuda est, & consequenter transferre dominium nullo modo potest l. numquam nuda 31. De acqu. rer. domini. Proinde necessaria est retrovenditio quæ sicuti consensu nudo perficitur ut venditio, ita & contractus est quia lex eum consensum habet & adprobat pro contractu non etiam illum qui interuenit in pacto de retrovendendo, in eo scilicet quod secutum sit venditionis ex intervallo. Nam in contractu ipso venditionis, aut incontinenti adhibuitur sit, cum sit illud pars contractus & pariat actionem, potest iustè præbere causam secutæ traditioni ut ex ea retrotraditione dominium transferatur, & ad venditorem reuertatur, ut in d. l. cum te, & apertius in l. 2. eod. tit. ubi non proponebatur initium pactum de retrovendendo quod plerique interpretum putant, sed duntaxat pactum de retrotradendo. Inter quæ pacta vel hoc maxime interesse arbitror, quod si traditio sequatur ex pacto de retrotradendo transferet dominium, etiam nulla intercedente retrovenditione. Non item si ex pacto De retrovendendo quamuis incontinenti appositum, quia vel ipsa pacti conceptio satis ostendit eam fuisse paciscentium & cõsistentium voluntatem ut traditioni causam daret non pactum solum, sed contractus retrovenditionis. Concludendum igitur est, tunc posse locum esse distinctioni interpretum, An posterior venditio facta sit per verba resolutoria, necne, cum prior venditio consensu nudo perfecta est, nec fuit res secuta: Re autem secuta, præsertim verò si ex utraque parte, nullum resolutioni contractus locum superesse, sed necessarium esse nouum contractum ut etiam facta retrotraditione, precioque restituto possit redire dominium ad venditorem. Nisi si quando retrotraditio fiat potestate pacti de retrotradendo adposita in priori venditione aut saltem incontinenti, ut in d. l. 2. & 3. l. cum te 6. C. de pactis. empt. & vend. Quid ergo si ex vna tantum parte secutum sit implementum prioris contractus? Habet hic casus paulò maiorem & separatam dubitationem, de qua separatim differendum est.

ERROR NONVS.

Si ex vna tantum parte secutum sit implementum prioris contractus.

Ad l. ab emptione 58. D. de pass.



OTERAT in hac quaestione dubitari an res dicenda esset integra eo solo casu, quo neutra ex parte secutum esset implementum, qui casus nullam omnino recipere dubitationem potest. An verò ium quoque cum ex alterutra parte secutum esset dum ne ex utraque, licet postremum hoc Accursius noster ueget *ad l. 1. C. quando lit. ab empt. disced.* Sed quis unquam credidisset, ex omnibus interpretibus fore aliquem vel unum qui diceret quod interpretes nostri ferè omnes tam constanter adseuerant, illo etiam casu quo implementum ex utraque contrahentium parte secutum sit, esse adhuc adeò integra omnia ut nuda cōuentione posteriore prior contractus resolui ipso iure possit, dummodò posterior illa cōuentio sit concepta per verba in eam rem apta & idonea, & ut loquuntur resolutiua. Hoc enim est quod interpretibus nostris placet si Amedeo à Ponte credimus *d. quest. laudim.* 38. quam sententiam ex eorundem interpretum opinione sic intelligere debemus si tamen retroraditio rei venditæ secuta sit ex parte emptoris, & precij restitutio ex latere venditoris. Quid verò fuit obsecro quod eos in errorem hunc tam absurdum inducere potuerit. Vnum illud quantum ex Bartoli & aliorum Commentariis possum coniecere quod ita responsum à Neratio fuisse putant in *l. ab emptione* 58. *D. de pact.* vbi postquam præfatus est, Nemini dubiū esse quin ab emptione, venditione, locatione, conductione cæterisque similibus obligationibus, & contractibus qui consensu nudo perficiuntur, recedi possit integris omnibus consensu eorū, qui inter se obligati sunt. Subiungit Aristonem grauissimo inter ætatis suæ prudentes Iureconsulto, hoc amplius visum fuisse, si ea quæ me ex empto præstare tibi oporteret, præstitissem, & cum tu mihi precium deberes, conuenisset mihi tecum ut rursus præstitis mihi à te in re vendita omnibus quæ ego tibi præstitissem precium mihi non dares, tūq; mihi ea præstitissem, precium te debere desinere, quia, inquit, bonæ fidei ad quam hæc omnia rediguntur, interpretatio hanc quoque cōuentionem admittat. Et addit, Nec quicquam interesse, utrum integris omnibus in quæ obligati essemus cōueneret ut ab eo negotio discederetur, an in integrū restitutis his quæ ego tibi præstitissem consentiremus ne quid tu mihi eo nomine præstares. Quibus verbis testatur apertissime cum de bonæ fidei contractu, resoluendo quaeritur sola cōuentionis potestate non tam illud inspiciendum esse an res sit integra, quam utrum conuenerit ut restitutis in integrum omnibus à priore cōtractu discedatur. Et ita interpretes ferè omnes intelligunt. At ego longè aliter qui video interpretationem aut illationem hanc non magis Neratij verbis, quam rationi iuris conuenire. Non enim casum illum tractat Neratius, quo pactū interuenerit ex postfacto & re secuta, de omnibus in integrum restituendis, ut nostri putant, sed quo pactum ita conceptum sit, ut emptor precium non solueret posteaquam venditori rem venditam iamque traditam restituisset. Quo casu certè verum est rem non esse integram cum traditio ex parte venditoris facta sit licet precium ex parte emptoris nondum fuerit solutum *l. 1. Cod. quando lit. ab empt. disced.* quemadmodum si è contrario solutum sit precium, licet non fuerit res tradita *l. 2. D. de resens. vendit.* Sed tamen illud quoque verum est, Aliquid esse adhuc integrum ex parte illius qui contractum non impleuit. Indèque fit, ut is qui ex parte sua impleuit, hoc ipso incipiat posse agere aduersus eum qui nondum impleuit, si venditor est qui impleuerit, actione ex vendito contra emptorem, si emptor, actione ex empto contra venditorem *l. ex empto* 1. *l. Iulianus* 136. *offerri & pass. D. de action. empt.* Quaestio igitur, quam tractat Neratius ad illum duntaxat:

TAXAT:

taxat casum pertinet, quò post implementum ex alterutra tantùm parte secutum conuenerit, ut retroactio eo quod actum fuerat, desinat esse obligatus is qui non impleuit, & qui per actionem bonæ fidei poterat cogi ut ex sua quoque parte impleret. Non enim sic Neratius loquitur *si nos ea quæ ex empto & venditio præstare utrimque oporteret, præstissemus, & cum tibi amplius ex uicem deberemus conuenissemus inter nos ut retroactis & in integrum restitutis omnibus quæ mutuo præstissemus à prioræ emptione in totum recederemus*, qui casus est de quo disputamus, sed longè aliis verbis & in hunc modum *si ea quæ me ex empto præstare tibi oporteret præstissem, & cum tu mihi precium deberes conuenissem mihi tecum ut rursus præstare mihi à te in re vendita omnibus quæ ego tibi præstissem precium mihi non deberet*. Et in sequentibus non ait Neratius nihil interesse utrum integris omnibus in quæ obligari essemus, conueniret ut ab eo negotio discederetur, an verò post secutum ex utraque parte implementum conueniret ut restitutis in integrum omnibus prior venditio pro intacta haberetur: quæ propositio planè falsæ esset, & Neratio nostro indigna. Sed ait nihil interesse an omnia sint integra ex utraque parte eo tempore quo de resoluenda venditione conuenit. An verò ex vna tantùm parte si conuenerit de liberando eo qui ex prioræ contractu maneat adhuc obligatus. Differentiæ autem ratio inter hos casus, quam interpretes non perceperunt, ex eo pendet, quod cum ex altera tantùm parte implementum secutum est, superest actio ei qui impleuit aduersus alium qui non impleuit: quæ actio cum sit bonæ fidei quandoquidem ex bonæ fidei contractu proficiscitur, haud dubie interpretationem recipere debet ex fide bona. Id enim est quod ait Neratius omnia hæc ad bonam fidem redigenda esse. Bons fides autem facile hanc conventionem admittit, ut emptor qui rem venditam accepit ubi eam venditori reddiderit desinat precium debere, Non solum quòd in eo nihil fiat contra bonam fidem, sed etiam quòd bona fides non patiatur ut venditor cui res vendita quam tradiderat fuerit reddita precium adhuc petere possit: Ne alioquin eueniat ut & rem habeat & precium, Quod neque in venditoris, neque in emptoris persona vnquam ferendum est *de l. ex empto 12. §. qui autem l. bona fides 50. D. de action. empt.* Proinde si permitteremus venditori ut hoc casu ageret, nihilominus contra emptorem ad precium eo prætextu quòd & venditio iam perfecta ab initio & implementum ex vna saltem parte iam secutum fuisset, nemo utique tam iniquus esset contra emptorem ut non ei exceptionem vel pacti vel doli commodaret. Nam & dolo malo & contra pactum faceret venditor qui precium petere etiam post rem suam receptam pergeret. Quo admissio illud quoque statim consequens sit ut nec ei actio dari vlla debeat, quasi nulla ei amplius competente, propterea quòd iudicis bonæ fidei qualis est ex vendito, exceptiones omnes insint non tantùm doli sed etiam pacti *l. 3. D. de re. vend. l. sed esse 21. D. solut. matr. l. huiusmodi 84. §. qui seruum de legat. 1.* Prodest igitur hoc casu nuda conuentio ad resoluendum contractum bonæ fidei quia prodesse potest ad inducendam exceptionem talem quæ bonæ fidei iudicio inesse possit, Quod sufficit ut contractus haberi possit pro resolutò, cum sufficiat ut actio venditori competens ei sit deneganda. Quid enim aliud est resolui contractum, quàm in eum statum reduci in quo res erat priusquam contractum esset, ac si contractus ille prior numquam præcessisset, ita ut nihil iuris ex eo vel emptori super sit vel venditori. Sic sit ut per traditionem illam quam emptor vendi-

tori sponte fecerit ut conventionis commodo posset ipse frui & precium debere definire, satendum sit transferri dominium & recurrere ad venditorem. Alioquin non esset contractus resolutus ex quo venditor dominium rei sue amisisset & emptor retineret; Illaque iniquitas emergeret in persona emptoris, quæ ne in venditoris persona emerget, conventionem hanc ex bona fide admittimus, ut & rei & precij dominium emptor haberet: Quamvis autem ratione hoc fiat difficilius videtur dicere cum hæc retrotranslatio non solum non fiat ex causa ullius retroranditionis præcedentis, sed ne quidem ex causa alicuius conventionis. In quo videtur hic casus differre ab omnibus præcedentibus, de quibus superiore capite diximus. Non enim ponit Neratius sic initam conventionem ut emptor cogatur venditori rem reddere, ut precium quod adhuc debet sibi retinere possit. [Hoc enim per pactum quod ad resolutionem contractus pertineat fieri nullomodo posse monet Neratius, sed necessariam esse novam obligationem.] At ut præstita & retrotranslata re vendita nihil precij nomine ab emptore debeatur: In quibus verbis nihil est quod emptorem obliget, ne quidem naturaliter ad rem reddendam si nolit, & consequenter si reddat, spontanea retrotranslatio est. Si spontanea inquires, Ergo & nuda, cum aliam causam nullam habeat præter nudam emptoris voluntatem. Sed neganda consecutio est. Licet enim non fiat ex necessitate pacti sit tamen in consequentiam & executionem pacti, adeo ut etiam quodammodo ex necessitate fieri videatur tam ex parte venditoris quam ex parte emptoris: Ex parte quidem venditoris, quia non potest recusare quominus retrotranslacionem ab emptore oblatam accipiat, Ne aliter sit in eius etiam potestate, ut prius emptorem commodo & emolumento pacti ex quo scilicet precij liberationem consequi non prius possit, quam rem ultro retradiderit, Ex parte vero emptoris, quia licet ei liberum sit rem non reddere, si precium debere malit, si tamen liberationem sibi ex pacto velit quærere, cogitur ante omnia rem retrotransdere, & quidem ex pacto, quia sic ferunt verba pacti: Et consequenter, non est nuda illa retrotranslatio, quæ pro causa habet pactum quod licet non in se contractui ex parte agentis & ad agendum tanquam interpositum ex intervallo, inest tamen, ut ita dixerim, actioni non ad eam formandam, sed quod magis mirum est, ad illam extinguendam, sicuti aliquando accidit ut actio ex empto detur etiam ad distrahendam emptionem, ut Iulianus dicebat in specie *d. l. ex empto §. si qui vina D. de action. empt.* quoniam parit exceptionem quæ inest iudicio bonæ fidei, & quæ idcirco facit, ut contra emptorem non magis supersit venditori actio ex vendito ad precium, quam si ab initio & ineontinenti, aut ex postfacto quidem, sed rebus omnibus integris contractus fuisset resolutus. Ut quemadmodum si contractus ab initio aut saltem rebus omnibus integris resolutus fuisset, nulla penitus ex eo competeret actio, cum post resolutionem contractus ipso iure factam perinde sit atque si nulla emptio præcessisset *d. l. 2. D. de rescind. vendit.* Ita & cum resolvitur post rem ex alterutra parte secutam, ipso iure liberetur is, qui in eum usque diem fuerat debitor, dummodo prior ille pactum ex parte sua impleverit. Verique enim casui commune illud est ut post resolutionem nulla supersit actio, nec ulla proinde necessaria sit exceptio. Sufficit enim ad resoluendum contractum bonæ fidei ut ad eum statum reductus sit restitutis iis quæ iam præstita fuerant, ut si qua actio ex eo contractu superesset posset illa elidi per exceptionem pacti vel quæ ei subsidaria est per exceptionem doli. At cum ex utraque parte res secuta est, & mutue præstationes factæ,

nulla

nullam iam superest actio ex contractu quæ scilicet neutri contrahentium potest competere nisi ad hoc ut fiat quod ex natura contractus hinc inde fieri debet. Ac quamvis post impletum in omnibus contractum non eo minus contractus maneat, tamen neque obligatio neque actio vlla superest, non solum quod iam desierit interesse vtriusque, sed etiam quod obligationis vinculum ipso iure dissolutum sit solutione ac præstatione eius quod debebatur. Cum solutio sit modus naturalis tollendarum obligationum omnium *l. pen. D. de solut.* Vel ex ipsa definitione obligationis, quæ nihil aliud esse dicitur à Iustiniano, quam iuris vinculum quo necessitate adstringimur alicuius rei soluendæ causa. Cum itaque per solutionem & mutuas præstationes vtrimque factas tota obligatio empti & venditi sublata sit nihil iam superest quod de obligationis illius resolutione tractari possit, estque necessarium descendendum ad novas obligationes novumque contractum si id agere contrahentes velint ut à toto negotio quod non modo perfectum sed etiam vtrimque impletum fuit, recedatur. Nec aliter sensisse videtur Paulus Castrensis. *ad d. l. i. C. quando. l. c. ab empt. disced.* cum ponit emptorem sponte tradidisse rem venditori, & e converso venditorem sponte restituisse precium emptori. Tunc enim, inquit, conventio resolutiva bene operaretur in his quæ restabant agenda, quia tollit hinc inde obligationem & actionem ipso iure, aliis pro non facta haberetur. Ita significans nullam posse vni esse conventionis resolutionis nisi quod ad ea pertinet quæ restabant agenda conventionis tempore: Ut proinde fatendum sit ex ipsius sententia si iam tunc nihil restabat agendum, nullam quoque futuram potestatem eiusmodi conventionis. Sed in eo tamen labitur magnus ille vir, cum cæteris interpretibus, quod ponit contractum venditionis impletum fuisse ex utraque parte. Nam cum id accidit, quid obsecro agendum superesse potest? Nihil planè. Nec enim actio ex empto aliam præstationem vllam habet nisi ut venditor rem tradat, nec rursus actio ex vendito nisi ut emptor precium solvat. Ergo si & res tradita sit à venditore, & precium solutum ab emptore cum nihil agendum restet, consequens omnino est ut nulla supersit obligatio quæ resoluti possit, utque ad retroagenda omnia per actum contrarium retrosimilem, necesse sit intervenire retrovenditionem cuius potestate sequatur retrotraditio ex parte emptoris, & precij restitutio ex parte venditoris. Et in hoc quoque erravit Castrensis quod credidit, si post impletam ex utraque parte venditionem emptor sponte rem reddiderit venditori, & venditor precium emptori, ante interpositam conventionem resolutionivam, posse dominium rei venditæ recurrere ad venditorem, & dominium precij soluti ad emptorem: quod nos negamus, quia in hoc casu traditio & rei & pecuniæ nuda est & inhabilis ad transferendum dominium, quod tamen transferri & reddi necesse est, ut dominium rei venditæ quod à venditore abscesserat, ad eum redeat, itemque ad emptorem dominium pecuniæ pro precio solutæ. Quis enim credat solam illam vtriusque contrahentium voluntatem spontaneam posse iustam esse causam dominij transferendi? Non magis vtrique quam si ab initio vellem ego transferre in te dominium fundi mei Corneliani, & tu in me dominium centum aureorum nulla præcedente venditione *dis. l. numquam nulla 31. D. de acquirend. rer. domin.* Sed fecellit Castrensem ut & ceteros interpretes responsum illud Neratii in *dis. l. ab emptione*, ubi tractatur quidem de retrotraditione quæ sponte facta sit, sed ab altera tantum parte non ab utraque ut ostendimus. Adferunt etiam interpretes post Bartolum quod scriptum est in *dis. l. iuris gentium 7. §. adeo autem eodem tit.* ubi va-

men nihil tale reperias. Admittit enim Ulpianus posse etiam ex intervallo sic pactum fieri ut ab emptione perfecta discedatur siue in totum siue ita ut pars eius reformetur, & quodammodo quasi renouatus contractus videatur. Sed utrumque ita demum si res nondum secuta sit, tantum abest, ut velit Ulpianus sententiam suam obtinere eo casu quo res iam secuta fuerit, & contractus impletus ex utraque parte. Primus Aristo fuisse videtur qui opinionem illam induxit quæ à Neratio refertur & probatur in *d. l. ab emptione*, ut non tantum rebus omnibus integris, de quo non erat qui dubitaret, sed etiam post implementum ex alterutra parte secutum, possit nihilominus conuentione fieri ut restituta prius venditori ea re quæ iam fuerat ab eo tradita possit resolui obligatio empti & venditi ut liberetur emptor & precium debere desinat: quod ante Aristonem dixerat nemo. Amplius putabat Aristo ut solent viri magna auctoritate præditi ab ea sententia quam ipsi induxerint ac feliciter receptam viderint, in aliam faciliè progredi audaciorem, Posse per pactum etiam ex intervallo adpositum fieri ut in emptione & venditione qui contractus est vtrò citròque obligatorius, vnus duntaxat contrahentium maneat obligatus, quemadmodum refert Pomponius in *l. 1. d. de rescind. vendit.* quo tamen loco docet non esse veram hanc Aristonis sententiam, quia pro vna tantum parte contrahentium abiri pacto ab emptione non possit, Et ideo si ab vna duntaxat parte contractus renouatus sit, dicendum esse non valere huiusmodi pactiōem: quoniam cum hic contractus virimque obligatorius sit, mutuasque præstationes habeat, necesse est ut vel ex utraque parte constet, vel ex utraque resoluiatur, Nisi cum ea ratio iuris per aliam rationem potentioiorem non per solam contrahentium voluntatem impeditur, ut cum pupillus sine tutoris auctoritate paciscitur. Nam ipse quidem liberatur, non etiam is qui cum eo pactus est *d. l. 1. t.* Nempe quoniam iuris ciuilibus regula & constitutum est; Pupillum sine tutoris auctoritate obligari non posse *l. contra 28. d. de pact.* ideo quæ si pupillus ab initio emisisset aut vendidisset absque auctoritate tutoris, claudicaret contractus, nec esset pupillus obligatus, & nihilominus haberet alium obligatum *l. l. l. ann. 13. §. si quis à pupillo d. de action. empt.* Nec Pomponio contradicit aut falsum Aristonis sententiam adiuvat quod Iulianus respondit in *l. si conuenerit 56. d. de pact.* si conuenerit ne dominus à colono quid peteret ac iusta causa conuentionis fuerit, nihilominus colonum à domino petere posse. Nam præter id quod non de pacto resolutorio tractat Iulianus de quo & Aristo & Pomponius, sed de pacto de non petendo, cuius ea tantum potestas est ut exceptionem præbere queat non etiam contractum soluere, Requirit Iulianus ut iusta fuerit causa talis conuentionis, sicut & Papinianus in *l. Stichum aut Pamphilum 91. §. naturalis d. de solut.* ut iustum sit pactum, id est ut sequentia explicant æquitatis vinculo sustentatum, quod cum accidit mirum non est pactum suas vires exerere, ut exceptionem parere possit, Ei scilicet qui pactus est, non etiam alij contra quem pactum interpositum fuit. Nihil enim vetat etiam in contractu qui sit vtriusque obligatorius vni ex contrahentibus acquiri exceptionem aliquam siue pacti siue aliam, non etiam alteri, ut fusiùs à nobis explicatum est in Rationalibus ad illam legem. Aristonis exemplum secuti sunt interpretes nostri sed ad inducendū errorem nouum, & quem Aristo numquam probasset. Nam cum Aristo & post eū Neratius hoc tantum scripsisset in *d. l. ab emptione*, Posse abiri ab emptione etiam re secuta ex alterutra parte, ut qui ex contrahentibus adhuc manet obligatus ex altera parte ipso iure liberetur, dummodo concepta pactio sit ad eum modum qui expressus

expressus est in *d. l. ab emptione*, Nostri sic extendere voluerūt vt idem admittē-
dum sit etiam eo casu quo vtrunque contractus impletus iam fuerit, Quasi ea-
dem sit ratio vtriusque casus, quia diuersis atis rationem quā attulimus, non per-
ceperunt. Ergo vt pactum resolutorium re iam secuta interpositum, vires ali-
quas habere possit, illud primū exigiur, vt res non sit secuta ex vtraque parte
sed tantū ex alterutra, vt supersit aliqua obligatio quæ resolui possit ex illius
parte qui adhuc mansit obligatus. Deinde pactum interponi oportet antē quā
retrotraditio sequatur. Postea traditionem vtrō fieri necesse est ab eo qui pacto
iuvare velit & consequi liberationem. Tum verō facta retrotraditione sequitur
liberatio, vt & potestate solius pacti resolutorij, & desinit emptor precium de-
bere, quod debuerat, non in diem vsque pacti, sed in vltimum vsque instās factæ
retrotraditionis: Quo demū instanti contingit liberatio ipso iure, & pactum
vires suas exerit, non autem eo instanti quo interponitur. In quo vno differt à
pacto resolutorio quod interpositum sit rebus omnibus integris, quoniam eo
casu idem est instans pacti resolutorij & factæ resolutionis, cū nihil obset
quominus eo ipso instanti resolutio fiat: quæ tamen ne perinde fieri possit in
ipso instanti pactionis adhibitæ ex intervallo re iam secuta ex altera parte hoc
ipsius impedimento est quod iam res secuta fuit, nec amplius est integra. Quē-
admodum ergo secutum ex vna parte implemētum facit ne statim resolui con-
tractus possit, & impedit resolutionem quousque secutus sit actus contrarius
implemento, Et eo quoque tempore non aliter potest inducere resolutionem,
quā si pactio præcesserit actum illum contrarium & aliqua obligatio supersit
adhuc ex parte altera, Ita fatendum necessariō est, si implementum ex vtraque
parte secutum sit ante pactionem interpositam, nō posse fieri locum resolutio-
ni. Non solum quod nulla supersit obligatio, quæ resolui queat, sed etiam quia
fieri non possit, vt hoc casu pactio procedat, quam scilicet conferri necesse esset
in id tempus, quo secuta esset vtrinq; retrotraditio, ac proinde quo effectu ipso
iam essent omnia in integrum restituta, citra vllam contractus resolutionem.
Hoc etiam admissio quod volunt interpretes vt ex illa retrotraditione domi-
nium transferri vtrunque posset: quod tamen nos negamus. Itaque quod ex A-
ristone scribit Neratius in *d. l. ab emptione*, Nihil interesse vtrum integris om-
nibus in quæ obligati ambo essemus conveniret vt ab eo negotio discederetur,
an in integrum restitutis his non quæ nos inuicem præstitissemus, sed quæ ego
ubi præstitissem, consentiremus ne quid tu mihi eo nomine præstares, nō aded
generaliter & absolutē accipiendum est, quasi nihil penitus intersit, Sed ita vt
nihil intersit quantum ad effectum sed intersit tamen quantum ad tempus & in-
stans factæ resolutionis.

ERROR DECIMVS.

*Quid intersit an res secuta sit ex parte venditoris tantum, an ex parte emptoris,
cū de laudimio disputatur.*



SI vera sunt, vt esse credimus, ea quæ superiore capite disputauimus,
facile est intelligere quid ex iis inferamus. Nam cū interpretes om-
nes velint ex contractu resolutio nulla deberi laudimia non solum si re-
bus omnibus integris contractus fuerit resolutus siue in cōiuncti siue ex

interuallo, sed etiam si resolutus sit ex postfacto & re iam secuta quous ex utraque parte, dummodo facta sit pactio per verba apta & idonea ac merè resolutoria vt concludit Amedeus à Ponite *dist. quæst. laudim.* 38. Nos contrà defendimus laudimium deberi quoties implementum vèditionis secutum est ex utraque parte, propter translationem dominij quæ hoc casu sic facta inuenitur, vt non sit amplius liberum contrahentibus nisi nouis obligationibus constitutis adeoque per retrouenditionem à contractu resilire. Id enim consequens est ei quod rã sãpe diximus, & rursus tories inculcandum erit, Deberi laudimium ex omni cõtractu ex quo dominium translatum sit per adprehensionem possessionis secutam. In eoque nostri faciunt certè iniuriam domino directo cùm in arbitrio contrahentium ponunt vt quæsitum ei ius petendi laudimij auferant per pactione cuius potestate resoluti contractum velint, etiam ex postfacto, etiam re secuta, sicut è contrariò fauent ei suprã modum, cùm defendunt, Ex contractu simplici qui non sit resolutus deberi laudimium, etiam traditione non secuta. Quid ergo si neque resolutus sit contractus, neque res adhuc secuta sit ex utraque parte, sed ex altera tantum siue emptoris siue vèditoris. Medius hic casus est, qui proinde nouam recipit dubitationem, Ex qua tamen facilè nostri se expediunt. Nam qua ratione aut potius qua fronte putant, Ex simplici quoque venditione dũ ne resoluta laudimium deberi, quodd in contrahentium potestate esse nõ debeat vt à contractu perfecto resiliant in præiudicium domini directi, per quem nõ sit quominus adprehensio possessionis sequatur, quæ laudimij præstandi necessitatem inducèret: Eadem quoque vi mouentur vt idem sentiant etiam si ex alterutra tantum parte secutum sit implementum. Nec abs re. Multò enim maior ratio facit pro domino cùm ex alterutra parte contractus impletus est, quàm cùm ex nulla. Neque verò solent prudentes nostri distinguere an ex parte emptoris an ex parte venditoris res secuta sit, cùm utroque casu admittant non esse amplius rem integram, nec magis si emptor precium soluerit, *l. 2. D. de rescind. vend. quàm si venditor venditam rem tradiderit l. 1. Cod. quãd. h. ab empt. disced. l. ab emptione § 8. D. de pact.* Nos verò in cæteris quidè iuris partibus idipsum de hoc sentimus quod prudentes senserunt: Sed in tractatu de laudimiis qui fuit illis incognitus, nouam distinctionem inducere cogimur, quæ iudicio nostro nõ esset noua si quæstio ipsa fuisset à prudentibus tractata. Dicimus itaque multũ referre, cùm de laudimiis quæritur, an emptor contractum impleuerit, an venditor, id est an precium solutum sit per emptorem, an res tradita per venditorem. Implet siquidem contractum venditor ex parte sua, cùm rem tradit, emptor cùm precium soluit aut eo nomine aliter satisfacit venditori *lex empto 11. § p. s. D. de action. empt. l. quod vendidi 19. l. vt res 53. D. de contr. empt.* Si venditor rã tradiderit, necdum tamen emptor precium soluerit non dubito quin laudimium ea venditione directo domino debeat. Sin emptor precium soluerit nec tamẽ venditor adhuc rem tradiderit, nego laudimiũ ullum deberi. Et diuersitatis huius quæ nemini hactenus, quod sciam, in mentem venit, rationem illam adfero, quòd licet utroque casu perinde verũ sit non esse amplius rem integram: priore tamen casu translatum fuit dominium per traditionem quamuis nondum soluto precio si quodd fides de eo habita sit *d. l. quod vendidi § d. l. vt res.* Aut si translatum non est dominium quia nihil horum factum sit, translata saltem est possessio per verum dominum, & quidem ex ea causa quæ per se habilis sit & idonea ad dominium transferendum. Proinde negari nõ potest quin laudimiũ domino deberi cõperit, Vbi autem cõperit ad eum pertinere nulla ratio est propter quam

aut de-

aut deneganda ei sit petitio, aut differenda in id usque tempus quo precium ab emptore solvatur. Cum etiam si numquam vellet emptor solvere nihil tamen ea res domino posset nocere quia non eo magis fieret, ut vel dominium vel possessio quam venditor per traditionem amiserat ad eum aut ipso iure aut actionis potestate recurreret. Denique laudimij præstandi causa iam nata ad non causam redire numquam potest. Quidni ergo statim laudimium & debeatur, & peti possit? Posteriore autem casu non potest solutio precij facere ut ob id solum quod res integra esse eo modo desierit, laudimium deberi dicendum sit cum ex precij solutione nihil inferri possit ad necessitatem traditionis faciendæ, nec proinde ad translationem ullani siue dominij siue possessionis. Inducit enim ea solutio actionem duntaxat ex empto, quam exinde proponere & exercere emptor potest contra venditorem *l. lulianus 13. §. offerri D. de action. empt. &* quidem ad hoc ut res tradatur, sed per quam tamen non possit ab invito venditore traditione extorquere, si per procaciam & contumaciam suam malit venditor præstare quâti emptoris ob eam causam interest quàm rem tradere, ut disputavimus in præcedentibus ex *l. si traditio 4. & l. cum venditorem 10. Cod. eod.* Itaque etiam post solutum precium nihil causæ est cur laudimium debeatur, cum neque ulladum facta sit translatio siue dominij siue possessionis, neque certum sit unquam factum eam iri. Et quamvis facile possit accidere, quod & plerumque accidit, ut malit venditor rem tradere quàm pati condemnationem eius quod interest, cuius æstimatio precium egredi ut plurimum solet *l. 1. D. eod.* non potest tamen ea res sufficere ut laudimij obligatio & præstatio repræsentari debeat, sed satis domino directo esse debet, quod quoties dominij vel possessionis translatio ex emptionis contractu facta erit, certam laudimij petitionem habiturus sit. Atque in hoc minoris potestatis est ex parte emptoris actio empti, quàm sit ex parte venditoris actio venditi. Nam venditor qui rem tradidit consequi potest per actionem ex vendito ut emptor præcisè condemnatur ad soluendum precium. Etsi enim solutio precij non minùs quàm rei venditæ traditio est facta *l. consilio 7. §. ult. D. de curat. furios. l. 1. Cod. de probat.* ad factum autem nemo unquam præcisè condemnandus est. Excipitur tamen causa solutionis faciendæ in pecunia numerata, quia cum pecunia numerata non solum ex earum rerum numero sit quæ functionem recipiunt in suo genere, quod non sufficeret, sed etiam hoc amplius habeat, quod ex re qualibet confici per venditionem potest *l. 4. §. ait prator l. à Diano Pio 15. §. in venditione & seqq. D. de re iudic.* nihil facilius est quàm ut per actionem ex vendito precij solutio ab invito emptore extorqueatur, non in qua factum ipsius aliquid versetur, quasi pecuniam ipsam manibus suis numerare cogendus sit, sed imperata venditione bonorum emptoris, cuius factum eo casu per factum iudicis commodè repræsentatur, & in vicem iustæ obligationis succedit ex causa autoritas iubentis *l. si ob causam 13. C. de eiusd. l. 1. Cod. si in caus. iudic. pigm. capt. sit.* Facilius ergo est ut contractus venditionis iam impletus ex parte venditoris habendus sit pro impleto etiam ex parte emptoris antequàm precium ab eo solutum sit, quàm ut è contrario impleta emptio ex parte solius emptoris habenda sit pro impleta etiam ex parte venditoris ante rem traditam. Res enim nondum tradita ut numquam tradatur fieri facile potest. At precium nondum solutum ut numquam solvatur fieri nequit, licet emptor id solvere numquam velit. Inde igitur est quod post rem traditam, licet precio nondum soluto, laudimium domino deberi admitto. At soluto tantum precio, necdum re tradita laudimium nullum deberi contendo. Sed obijcies fortasse si subtilis es [scribo

enim ista subtilibus, sed veras non fucatas & inanes subtilitates amantibus] tum quoque cum traditio per venditorem facta est non esse certum fore ut laudimium debeat, cum in eo adhuc res sit, ut abiri possit ab emptione ac totus resolui contractus. Fortè si inter contrahentes cõueniat ut retroradita re per emptorem, desinat emptor debere precium venditori. Hoc. n. est quod proximo capite dicebamus ex *l. ab emptione* § 8. *D. de pact.* Nihil interesse utrũ integris omnibus in quæ obligati essemus cõueniret, ut à toto negotio discederetur, an ut retroradita traditione quam ego tibi fecissem cõsentiremus, ne quid tu mihi eo nomine præstares. Atqui fatentur omnes & nos non negamus, si contractus ab initio & integris omnibus resolutus fuisset, fore ut nullum ex eo deberetur laudimium, quoniam resoluta venditio perinde habenda sit ac si nulla vnquã præcessisset *d. l. 2. D. de rescind. vendit.* Quin & sententiæ interpretum nos aliquid hac parte addimus, quia ex iis non desunt qui putent, Etiam cum integris omnibus cõtractus resolutus est si quærat an laudimium debeat distinguendum esse an incõtinenti ea resolutio facta sit an ex intervallo, quasi difficilior sit ut ex intervallo facta resolutione desinat laudimium deberi, quod illi debitum esse putant ex simplici quoque venditione, ut videre est apud Amed. à Pont. *d. quæst.* 38. *circ. prim.* Nos contrà generaliter & indistinctè admittimus nullum penitus deberi ex contractu qui resolutus sit omnibus integris, quantumlibet ex intervallo. Cur non ergo æquè concedimus nullũ deberi ex contractu qui perinde resolutus sit ipso iure per pactum ex intervallo adpositum, quamvis traditione iã secuta? Fiet aut obiectio fortior, si addas, quod nos nō negabimus, supradictā Neratii sententiā quæ Aristonis primum fuit non eo tantum casu locum habere quo res secuta sit ex parte venditoris tantum, facta sc. per eum rei venditæ traditione, Sed illo etiã quo implementum è cõtrario secutum sit ex parte solius emptoris precio per eum soluto. An non. n. utroq; casu eadem iuris ratio est, & eadem potestas pacti? Aut cur facilius sit ut emptor desinat ipso iure debere precium post rem à venditore traditam & eidem postea restitutam, quàm ut venditor desinat obligatus esse ad rem tradendam post solutum ab emptore premium, quod ei subinde restitutum sit à venditore? Igitur cum admittamus nullum deberi posteriore hoc casu laudimium, quidni etiam idem cõcedimus priore? Nō insubrilis certè obiectio est, Sed quæ tamen ex iis quæ iam diximus dilui facile potest. Nec enim cum de laudimiis quæritur illud inspiciendum aut curandum est an contractus sit resolutus necne. Sed illud solum an ius aliquod vnquã fuerit quæsitum domino directo ut si quæsitum sit vel vno instanti nulla contrahentium pactione tolli & adimi ipsi debeat, si verò nullum quæsitum sit, libera maneat contrahentibus & impunita contractus resolutio, quamdiu in eo statu res est ut ex iuris ratione cõtractus resolui & infectus fieri possit, Siue integra transferint omnia, ut in *d. l. 1. C. quand. sic. ab empt. disced.* l. 2. & 3. *l. cum emptor* § 5. § 1. *D. de rescind. vendit.* siue res iam secuta quidem sit sed ex vna tantum parte ut in *d. l. ab emptione.* Itaque cum dicimus, quod interpretes volunt, Ex contractu qui rebus omnibus integris resolutus sit nulla laudimia deberi. Nō illa potissimum ratione movemur qua moventur interpretes, quòd contractus ipso iure sit resolutus, & pro infecto habendus, sed quia resolutus sit eo tempore quo nullum domino ius petendi laudimij competeat. Similiter cum dicimus, Ex contractu emptionis etiam re secuta sed ex parte emptoris tantum id est soluto per emptorem precio, nondum autem traditione per venditorem facta laudimium quoque nullum deberi siue manente siue resoluta contractu, ad id duntaxat respicimus.

spicimus, quod nihil habeat commune solutio precij cum iure domini directi, cum laudimia non propter solutionem precij sed propter traditionem & inuestituram debeantur, Vt proinde verum æquè sit hoc casu dicere nullum adhuc petendi laudimij ius domino acquisitum fuisse, neque certum esse acquisitum unquam iri. At cum defendimus quod interpretes negant deberi laudimium ex emptione quoties secuta res est non solum si ex utraque parte sed & si ex parte venditoris tantum, traditione per eum facta, licet precio nondum per emptorem soluto, adeoque tametsi post eam traditionem resoluta sit emptio per pactionem conceptam secundum Aristonis & Neratij sententiam in *diel. l. ab emptione*. Mouemur ratione illa certissima & inconcussibili quod negari non possit quin per traditionem à venditore factam ius quæsitum sit domino petendi ac consequendi laudimij cum exinde emptor factus sit dominus & possessor aut saltem possessor ex ea causa quæ per se iusta sit & habilis ad dominium transferendum. Quod vnum inspicendum est ut sciamus an laudimium debeat. Porro vbi semel coepit deberi, nulla ratio est cur domino ius suum auferatur ex sola contrahentium poenitentia & voluntate, *l. ult. D. de pact. l. in insulam 42. §. ultim. D. solut. matr.* Quod tamen contingeret si esset in eorum arbitrio ut quia nondum solutum esset precium, possent liberè ac impunè emptionem resolvere in præiudicium domini. Hoc enim addendum est, ne quis fortè putet nos existimare ut propter interpositum ius domini directi prohibeantur contrahentes rescire à contractu iis casibus quibus permixta sit ex iuris ratione contractus resolutio. Etenim quod ad contrahentes pertinet, quidni liceat eis uti iure communi etiam si de re feudali aut emphyteuticaria contraxerint, ac si de re libera & allodiali contraxissent? Præsertim cum hodie bona feudalia & emphyteutica ex generali consuetudine redacta sint ad instar patrimoniorum, Vt in huius tractatus initio præfati sumus. Perinde igitur possunt hodie contrahentes sic pacisci ut emptionem resoluant, iis omnino casibus in quibus olim id ipsum obtinebat, Satisque est domino ius suum conservari ut in eius dispendium non vergat, quod à contrahentibus etiam bona fide & permittente iure factum fuerit. Nec enim laudimia in poenam debentur, ut monuimus, sed in præmium inuestituræ & admissi in possessionem noui emphyteutæ. At rursus hæc eadem ratio facit ut non vsque adeò fauendum sit contrahentibus, ut domini ius, quod omnium antiquissimum est lædatur, Dummodo tale ius sit non quod possit competere sed quod iam competat, Ne alioquin dici paulatim incipiat quod vix adhuc quisquam dicere ausus est, Ex contractu condicionali etiam prius quam condicio extiterit, laudimia peti posse, ob id solum quod condicio possit existere, cum tamen possit etiam non existere, Aliter nec condicio esset. Quo exemplo dicendum etiam est, siue simplex venditio facta sit quam neutra ex parte implementum secutum fuerit, siue secutum quidem sit implementum sed ex parte emptoris tantum soluto per eum precio, nulla posse adhuc deberi laudimia quandiu traditio & adprehensio possessionis secuta non est, quamvis sequi possit, quia potest & non sequi, aut propter contumaciam venditoris nolentis rem tradere, aut quod mutuo partium consensu re adhuc integra vel ex utraque, vel ex altera tantum parte possit in totum abiri ab emptione. Sed si neque simplex venditio facta sit ob secutum iam implementum aliquid, neque ex parte emptoris in precij solutione implementum secutum sit, sed ex parte venditoris tantum qui rem tradiderit. Dicimus laudimium domino deberi, & quidè ita ut citra domini voluntatem non possit desinere deberi, quoniam ex tempore traditionis

factæ ita quæsitum ius est domino ut non magis possit desinere quæsitum esse, quam illud fieri ut facta traditio pro infecta fiat. Imò, inquires, licet traditio sit facta etiam ipsa tamen pro infecta haberi potest, & haberi eâ necesse est quousque possit traditione contractus resoluitur, ut in specie *d. l. ab emptione*. Quidni ergo dicemus in eadem specie laudimium quoque quod semel deberi cœperat desinere deberi? Sed aperta dissimilitudinis ratio est, quia nihil absurdi est infectam fieri traditionem quantum ad contrahentes qui eam infectam haberi volunt. Non item quantum ad dominum cuius voluntas nulla & factum nullum in pactione contrahentium intercedit. Atque ita Castrensis quoque sentit in *d. l. l. 1. Cod. quand. lit. ab empr. disced.* nisi quod ibi non loquitur de laudimio ut supra iam obseruauimus, sed de gabella quam statutum aliquod quale est Bononiæ, deberi velit ex quocumque contractu. Quamquam & quod dicimus, Etiam traditionem licet sit facta pro infecta haberi posse quod attinet ad contrahentes, non sic accipi volumus ut factum ipsum tradendi pro infecto habeatur, quod utique nulla iuris aut hominis arte fieri potest, sed tantum quod ad iuris effectum, ut dominium quod à venditore abscesserat, ad eum reuertatur, nec tamen sola pacti potestate sed potissimum retroraditionis quam diximus necessario debere interuenire ut ex pacto ante retroraditionem facto, resolutio sequi possit. Itaque si verum amamus non tam effectus prioris traditionis tollitur, quam nouus retroraditionis effectus inducitur, dominio venditori restituito per emptorem quod fuerat illi prius acquisitum. Proinde non abs re dubitari magis possit an hoc casu duplex laudimium debeatur quam ut quis cum interpretibus putet ne vnum quidem deberi. Si enim duplex sit traditio duplex, que dominij & possessionis translatio, quidni multiplicatio traditionum inducet multiplicationem laudimiorum? Sed digna certè quæstio est quæ tractetur diligentius, & in sequentem Decadem ne hic longiores sumus, differatur.

ANTO:



ANTONII FABRI

I. C. SEBVSIANI IN SVPREMO

SABAVDIÆ SENATV PRÆSIDIS

PRIMARI,

DE ERROR PRAGMAT. ET

INTERPR. IVR.

DECAS XCVI.

ERROR I.

*An ex resolutio contractu laudimium debeat, & an simplex
an duplex.*



ISPVTA RI solet à nostris hæc quæstio quoties aut de gabella tractant, aut de laudimio, An ex resolutio contractu aliquod debeat, & an simplex, an duplex laudimium, an simplex aut duplex gabella. Ac primum in eo omnes consentiunt ut debeat, siue re non amplius integra, siue re quidem adhuc integra, sed ex intervallo contractus resolutio facta proponatur. Nam si in continenti facta sit non negant quod nos volumus, Ex simplici venditione laudimium nullum de-

beri. Sic Amed. à Ponte *quæst. laudim. 38.* post Ang. Castrenf. Alex. & alios *ad l. iuris gentium 7. §. adeo auserit D. de publ. iacob. Georg. in tract. De reyd. nu. 29, & 33.* Item in eo, ut ex ipsa contractus resolutione laudimium nullum debeat, Ne tum quidem cum ita conceptum esset statutum ut ex quolibet contractu laudimium deberetur. Contractus enim cuiuslibet resolutio non contractus est sed distractus *lex emptio 11. §. si qui vima D. de action. empt. dist. 1. §. ad v. autem.* Ita Castrenf. *ad l. 1. num. 8. Cod. quando lib. ab empt. disced.* Aliud autem longe est contrahere, Aliud distrahere *l. 5. §. ut neque D. de oblig. & actio.* Habent enim se ut contradictorie opposita. Postremo in eo, ut gabella vel laudimium debeat ex contractu resolutio tantum, & consequenter ut vnica duntaxat gabella debeat, & vnicum laudimium non duplex. Idque omnes indistincte sentiunt. Nobis contra videtur indigere rem aliqua distinctione. Quamquam enim non negamus Resolutionem contractus non esse contractum, ideoque admittimus libenter quod illi volunt. Ex contractus resolutione quatenus resolutio est nullum deberi laudimium, ne quid amplius de gabella dicamus, cuius diversa in plerisque ratio est: Contendimus tamen fieri aliquando posse, ut ex vno eodemque contractu resolutio duplex laudimium debeat: nec nisi quibusdam casibus interpretum sententia locum esse. Nam si quidem contractus resolu-

A a a

tio facta sit rebus omnibus integris, non dubitamus quin laudimium nullum debeatur, nec magis si ex intervallo quàm si incontinenti facta sit resolutio, ut superiore Decade & proximo capite disputauius, quia neutro casu dici potest ius aliquod petendi laudimij acquisitum fuisse domino directo ante resolutionem, cum non nisi ex translatione dominij utilis aut saltem possessionis, ut toties diximus, obligatio laudimij nascatur. Si verò res defierit esse integra, non quidem ex utraque parte, quo casu de resolutione contractus nihil tractari posset ut in præcedentibus ostendimus, sed ex alterutra duntaxat, dicimus multum interesse an ex emptoris tantum, an verò ex venditoris solius parte implementum secutum fuerit. Nam si ex parte emptoris tantum qui precium iam soluerit se nondum tradita per venditorem, Admittimus non inuiti, quod placet interpretibus duplex laudimium hoc casu deberi non posse, At non ratione illa quam ipsi adferunt, quod resolutus sit prior contractus, ex ipsa autem resolutione laudimium nullum debeatur, sed potius quòd nihil dum factum sit eorù, quæ fieri debuerant ut domino laudimium deberetur, non magis quàm si neutra ex parte secutum esset implementum, quia solutio precij nullam inducit rei emphyteuticariz translationem, neque quod ad dominium, neque quod ad possessionem, adeoque nec ullam eius translationis faciendæ necessitatem: Et idè ab interpretibus in hoc ipso dissentio, quòd cum illi simplex laudimium deberi velint, quippe quod debitum esse putent etiam ex simplici venditione nullo ex utraque parte secuto implemento, nos nullum deberi patimur, ne dum favere domino volumus, iniuriam emptori faciamus, aut etiam venditori aduersus quem habiturus esset regressum emptor si laudimium solvere coactus fuisset. Quòd si ex parte venditoris tantum res integra esse defierit ob rem ab eo traditam emptori qui nòdum precium soluerit & emptio resoluta sit per pactum eo modo conceptum quo concipi Aristò & Neratius voluerunt in *lab. emptione* 58. *D. de pact.* hic verò casus est, in quo defendimus, quòd ante nos nemo dixit, quamvis vnica tantum venditio sit, eaque penitus & ipso iure resoluta, duplex tamè laudimium deberi, sed quod magis mirèrè, neutrum ex venditione, neutrum ex resolutione, sed utrumque ex traditione, quàm cum hoc casu duplicem intervenire oporteat, duplex quoque laudimium ob eam causam deberi necesse est. Illud enim semper supponendum est ex quo ræquam ex Principio certissimo decidèdæ sunt omnes istæ De laudimiis quæstiones, Laudimium deberi ex sola translatione dominij utilis, aut saltem coniuncta translatione possessionis. Vbi autè eiusmodi translatio nulla facta est, nulla quoque laudimia deberi. In quo probàdo, quia totà ferè superiorè Decadem consumpsimus, nò est hic nobis diutius immorandù. Atqui cum vèditòr rē tradidit & convenit ut retrò traditione eidè facta liberetur emptor ab obligatione soluendi precij, nec quicquam eo nomine præstare teneatur qui casus est Aristonis & Neratij in *d. lab. emptione*, Nò potest negari quin duplex traditio intercedat, Prima quæ à vèditore facta sit emptori, & propter quâ defierit res esse integra. Altera quæ ab emptorè vèditòri per quæ res tota in integrum restituitur. Nec illud rursum negari potest, quin per utraq; istâ traditionè dominij transferatur simul cū possessione. Per primâ quidem à vèditore in emptorè, Per alteram autè retrò ab emptore in venditorem. Ac de prima nemo dubitat, si quod in proposita quæstione ponendù necessariò est, vèditòr fuerit dominus. Traditio enim quam ab eo fieri necesse est ut transferatur in emptorè possessio, transfert utique hoc casu cum possessione dominium *Lex empti* 11. §. 1. *D. de act. empti. d. traditio* 20. *D. de acq. rer. domin.* quia dominium hoc

casu à possessione separari non potest *l. per procuratorem 8. Cod. de acquir. possess.* Idque adeò verum est, vt si quis alienam rem venderit, & medio tempore hoc est ante traditionem heres domino rei extiterit, cogendus sit implere venditionem, vt loquitur Paulus in *l. si quis alienam 46. D. de act. empt.* id est non tantum possessionem transferre quam solam vendidisse videbatur, cum alienæ rei dominium transferre in alium nemo possit, sed etiam dominium idque per traditionem perinde ac si ab initio & ipso venditionis tempore dominus iam fuisset: Nec enim recusare potest venditor quominus hodie rem tradat, eo prætextu quod non possit hodie tradere, quin transferat dominium, quod tamen non transtulisset si cum vendebat rem tradidisset, quasi plus hoc casu perire emptor videatur, quam fuerit venditum, & quam præstare venditor debuerit initio contractus inspecto. Essentia non tenetur venditor actione ex empto ad hoc vt dominium transferat in emptorem, sed tantum vt rem tradat ex qua traditione sequatur translatio possessionis *l. 3. in princip. c. §. 1. & pass. cod. si.* Non tamen consequens est vt qui rem aliquam etiam alienam vendit, solam eius possessionem vendere intelligatur. Vendit enim rem ipsam quæ ex proprietate & possessione constat tanquam ex duabus partibus integralibus, longèque alia rei, alia solius possessionis æstimatio est licet præcipuum ac penè totum rei emolumentum in possessione consistat *l. 3. §. 1. D. uti possid.* Vnde fit, vt qui rem alienam vendidit & tradidit obligatus sit de euictione *d. l. ex empto §. 1. in venditione 60. D. de em. n. l.* quod dici non posset si non ad aliud quàm ad possessionis translationem teneretur. Nec iam assentiendum est qui supradictum Pauli locum de eo venditore intelligit, qui factus sit dominus, & heres domino extiterit post factam traditionem. Repugnant enim illa legis verba & medio tempore heres ei extiterit. Duo enim duntaxat tempora prudentes nostri hac in re agnoscunt, Venditionis & traditionis *l. si aliena 10. in princip. & l. pen. D. de usucap. aliàs l. pen. D. pro solut.* Proinde medium tempus nõ aliud esse potest quàm quod sequitur venditionem & præcedit traditionem. Deinde illa *cogendus est implere venditionem.* Nihil enim aliud est impleri venditionem ex parte venditoris nisi rem tradere siue ex ea traditione sequatur translatio etiam domini, siue possessionis tantum. Vt namque per traditionem possessio transferatur, id verò principaliter primò & per se agitur. Vt verò etiam dominium transferatur, etsi hoc quoque agitur, non tamen fit neque agitur, nisi per consequentias. Itaque si poneres factam fuisse à venditore rei alienæ traditionem, antequàm is domino heres extitisset, deinde hereditatem domini ad hunc ipsum venditorem peruenisse, non idèò tamen actio vlla superesset emptori contra venditorem ad implendam venditionem per translationem domini, quia iam semel tradendo eam impleuisset, nec fieri posset vt rem iam semel traditam iterum traderet emptori, nec rursus vt dominium post traditionem acquisitum transferret sola voluntate ac citra traditionem in emptorem, & idcirco nec prohiberetur venditor eam ipsam rem quam vendidisset ac tradidisset, suo iure vindicare si non aduersus eum danda esset hoc casu exceptio rei venditæ & traditæ. Quo solo remedio emptori aduersus venditoris, iurisq; iniuriâ succurri potest *l. 1. & pass. D. de except. rei vend. & trad. l. si à Titio 72. D. de rei vind.* Sed hæc ad Paulum obiter dicta sint, vt inferam, quod ad institutâ disputationem pertinet, Cum ponimus implemētū venditionis securū esse ex parte venditoris, sic intelligere nos debere vt & traditio facta sit, & ex ea traditione translātū dominiū quod fuerat venditoris. Quo admissio, illud etiā admittendū necessariū est, Per retrotraditionē quā emptor venditori fecerit ad resoluendā vendi-

tionē, æquē dominii translatū esse ab emptore in venditorē oportere, Alioquin nō essent omnia in integrū restituta si non redderetur venditori dominii quod antē habuisset: quomodo tamē omnia in integrū restitui oportet vt perinde resolui possit contractus etiā re secuta, ac si integra ināssissent omnia *d. l. ab emptione § 8. de pact.* Nec est quod quis dicat, Nō posse per hanc retrotraditionē transferri dominii, quasi nuda esse videatur nullo intercedēte cōtractu retrovenditionis *l. numquam nuda § 1. D. de acq. rer. domin.* Non. n. nuda dici potest quæ pro causa iusta habet pactū bona fide appositū circa contractum bonæ fidei ad contractū quoq; ipsum ex bona fide resoluendū; vt proximo capite Decadis superioris docuimus. Et cū iā probauerimus nō aliter posse ea pacto illo in integrū omnia restitui, quā si dominii, quod per traditionē à venditore abscesserat, per retrotraditionē ad eundē reuertatur, vel ex hoc intelligimus per demonstrationē saltem à posteriori, Retrotraditionē illam nudā esse nullomodo posse, Non magis quā si fieret ex potestate & necessitate præcedētis alicuius retrovenditionis. Ergo quēadmodū si aliqua retrovenditio interuenisset, nemo esset vel ex ipsis interpretibus qui dubitaret, quin laudimii duplex deberetur, vnū ex vditione vt loquuntur, alterū ex retrovenditione, Ita & in proposita specie dicendum est ex Principiis iuris, quæ nō ex contractu aliquo sed ex traditione tantū quæ secuta sit deberi laudimii volūt, duplex in hoc casu deberi laudimii domino directo, Vnū propter priorem traditionem quæ ex vditione secuta sit, Alterum propter subsequētā retrotraditionē, nulla etiā interposita retrovenditione. Si enim tantam potestatem habet illa retrotranslatio ad reddendū venditori dominii, quantā habuerat prima translatio ad dominii illius rei in emptorē transferendū, Quidni eandem habebit potestatem etiā in eo de quo quærimus, vt ex ea quoq; perinde atque ex priore laudimium domino debeat? Aut quid amplius est in priore quā in posteriore cū per vtramque non possessio sola transferatur sed etiā dominium? Nam si differentiam ex eo velis petere, quod prior translatio habeat venditionem pro causa, posterior verò nullam habeat retrovenditionem, Iam diximus non esse contractum inspiciendum sed traditionem, nec rursum an translatio ex aliquo contractu præcedente facta sit, sed sātū an sit nuda necne, Et ob id tantū solere nos ponere contractum aliquem præcessisse vt appareat traditionem eo casu non esse nudam & velut exempli loco, vt in *d. l. numquam nuda*. Cæterū si circa cōtractum aliqua causa subsit eaque iusta traditionis faciendæ, non minorem traditionis fore potestatem ad transferendum dominium quā si contractus aliquis præcessisset. In proposito autē tamē si retrovenditio nulla interuenierit, dicimus tamen iustam esse causam retrotraditionis iusto pacto intercedente, vt loquitur Papin. in *l. Stichum § 5. § naturalis De solut.* Iustum autē esse pactum quodecūque adiicitur contractui bonæ fidei etiā ex intervallo quandiu implementum ex alterutra parte nondum secutum est, vt liberetur is qui adhuc obligatus manet, dummodò reddat omnia quæ ex eo contractu acceperat. Id enim ex bona fide est, ad quam hæc omnia redigenda sunt quæ circa bonæ fidei obligationes occurrunt *dict. l. ab emptione*. Non igitur eo minùs debetur ex hac retrotraditione laudimium, quod retrovenditio nulla præcesserit. Nam neque retrovenditio effectum alium habere posset, quā vt traditionem faceret non nudam *dict. l. numquam*. Cū ergo aliunde habeat retrotranslatio vt nuda nō sit, id est à iusta illa pactione licet ex postfacto & non omnibus integris adposita, Cur non eundem habeat effectum, & quod ad dominium transferendum, & consequenter quod ad laudi-

mium præstandum? Itaque non est bona consecutio, si quis cum interpretibus dicat, Vnicum esse in hac specie contractum, Vnius scilicet venditionis, quod nos admittimus, Ergo non nisi vnum laudimium deberi. Quinimò tutius mecum sic argumentari liceat, Duplex hoc casu traditio intercessit, vtraque vera, & iusta, neutra verò nuda, ita vt duplex & possessionis & dominij translatio secuta sit, Ergo duplex laudimium debetur. Quamquam non nego esse hunc valde singularem casum in quo duplex traditio fiat ex vno eodémque contractu, quarum vna sit contraria alteri, & tamen vtraque ex eiusdem contractus potestate accipiat vt non sit nuda. Sed illud mirabilius est, quòd ex hac traditione duplici duplex laudimium debeatur quamvis contractus non solum vnicus sit, sed etiam resolutus. Esset enim multo facilius & proclivius in eam ire sententiam vt ex contractu qui esset ipso iure resolutus laudimium nullum, quàm vt duplex deberetur: Et tamen aut nihil in toto iure nostro est quod verum affirmari possit, aut nihil verius, quàm quod volumus. In specie illa quam tractamus post Aristonem & Neratium *in dict. l. ab emptione*, duplex laudimium domino directo deberi.

ERROR SECVNDVS.

Si venditor nolit recipere rem venditam oblatam ab emptore ex pacto resolutum.

PRÆDICTA locum habent si res à venditore tradita emptori, eidem sit retrotradita ab emptore in consequentiam & executionem pacti resolutivi, vt in *l. ab emptione §8. D. de pact.* circa cuius speciem & interpretationē adhuc versamur. Sed quid si post eiusmodi pactum adhibitum offerat emptor venditori retrotraditionem ad hoc vt ex pacto resoluatur venditio, & ex ea resolutione liberetur ipse à necessitate soluendi precij nondum soluti. Venditor autem nolit rem recipere, quòd cum fortè pacti resolutivi pœniteat, malitque rem habere? An permittemus venditori hoc casu vt contra emptorem agat ex vendito ad precium efficaciter, ita vt nulla exceptione repellatur? An potius cōuento emptori exceptionem pacti accommodabimus, ne contra fidem conuentionis ab emptore virgeatur? Nec aliena quæstio est ab instituto tractatu de laudimiis. Cùm si dicamus, posse cogi venditorem vt inuito retrotraditionem accipiat non eo minus futurum sit vt laudimium domino præstare teneatur, tanquam habenda retrotraditione illa profacta in præiudicium venditoris per quem solum stat ne fiat offerente illam emptore: Quod non æquè dicendum esset si venditori liceret pro arbitrio suo pactionem eam resolutoriam inuito emptore irritam facere, quia tunc traditio illa secunda neque sequeretur vnquam, neque haberetur pro secuta in præiudicium venditoris qui eam iure suo recusasset. Fuit autem hæc quæstio, ne illam vel penitus otiosam vel otio tantum nostro adferendam putēs, tam olim apud interpretes tractata, vt refert Accursius noster *ad d. l. ab emptione in fin. & ad l. i. & 2. Cod. quand. lic. ab empt. disced.* vbi ait putasse quosdam iuuandum esse emptorem exceptione pacti si à venditore conueniatur ad precium, nec ei posse denegari exceptionem ex pacto quantumvis nudo,

Ex vulgari & generali regula iuris Prætorij de qua in *l. iuris gentiū 7. §. igitur nuda D. de pact.* Ipse tamen cōtrā sentit, & ipsius sententiam pleriq; omnes magis probāt, vt Castrenſis inter cæteros *ad d. l. i. nu. 7.* Rationē adferū, q̃ sicut vēditori qui rē tradidit nō posset ea pactio resolutoria prodesse ad dandam ei actionem contra emptorē vt rē traderet, quam tradere fortassis nollet, ita ē cōuerso cūm vult emptior rem retrotradere, non vult autē venditor accipere, quod precium habere & in cōtractu vēditionis præstare malit, non sit dāda emptiori exceptio, vt inter contrahentes seruetur æqualitas. Sunt. n. hæc ipsa serē verba Pauli Castrenſis supradictō loco. Ac quoniam valde obitare vidēt regulam illā iuris prætorij quæ ex nudo quolibet pacto dat exceptionē. Respondet Accursius in *d. l. i.* Esse sanē hoc inirabile, sed vt mirū hoc magis quā falsum videatur, An ex ea ratione id fieri quod pactum huiusmodi resolutorium non in eam causam interponatur vt paria. ceptionē, sed tātūm vt venditionē resoluat: Vnde, inquit Castrenſis si non operatur resolutionē nec operabitur exceptionē & liberationē quam operaretur si esset interpositū principaliter ad liberandū. Et ita subtiliter, inquit, intellige istam glossam: Subiit sanē si modō verē. Quid. n. subtilius, quā quod tam absconditā habet rationem vt nec indagando eam diligenter & inuestigando assequi vnquam possis? Ego neque cūm Accursio sentire possum qui in hac specie dat venditori actionem efficacem contra emptorē ad precium, neque cūm aliis qui emptori exceptionem accommodant, sed emptore offerente retrotraditionem & venditore recusante. Dico, Esse nihilominus venditionem resolutam ipso iure, & emptorem vsque ad eodē preciū debere desinere vt nulla indigeat exceptione, nec vllam timere debeat venditoris actionē quæ nec amplius vlla competat, nec proinde dari possit. Verūm hæc ita tamen si aduersus fraudem & malam fidem venditoris se subtrahentis fortasse ac improbē aduersus placita venientis emptor sibi prospiciat denunciationis & obſignationis depositionisq̃ remedio, Vt scriptum est in *l. si a te 7. Cod. de pact. int. empt. & vendit.* quæ lex diuersam quidem habet speciem sed non dissimilem, ni fallor, rationem. Proponebatur quidam fundum alij certo precio vendidisse, & in ipso contractu, aut quod idem est, incontinenti conuenisse vt si inira cerium tempus soluta & restituta esset à venditore quantitas precij quæ data fuisset per emptorem, fundus fieret inemptus. Emptor precium siue totum, siue pro parte [nihil enim hīc referi] soluera venditori. Postea cūm venditor irrim venditionem ex pacto facere vellet, recusabat emptor, & vnterim laberentur tempora intra quæ precij restitutionem fieri oportebat, ne solui ei posset se subtrahere sui que copiam denegabat: Misere & anxius venditor ne rei suæ iacturam incurreret consulebat Imperatores, petebatque vt quoniam emptor in ea re dolo male versabatur, & contra bonam fidem quæ in venditionibus maximē obseruanda est, ea pactio ex imperiali rescripto remitteretur, Non quasi totius pacti rationem penitus nullam haberi vellet [fuisse enim ea res ipsi damnosior quā emptori, qui si tale pactum nullum esset vtique rem à se emptam retinere in perpetuum iure dominij, & bona fide posset] at quia tolli volebat ex pacto adiectionem illam temporis intra quod restituendum erat precium, vt sublato temporis incommodo libet ei esset quandoque restituendo precium rem suam recipere, vt in *l. eodem tit.* Rescribunt autem Imperatores, Nō esse iustam petitionem vt rescripto imperiali remittatur iusta conuentio appositā in contractu bonæ fidei, & quæ legem ei deſideris, fortassis etiam causam cūm credibile sit non aliter fuisse emptorē contra-

Acturum

aturum, ut in *l. ultim. eod. tit.* Sed aduersus fraudem emptoris qui se subtrahebat ne intra tempus præstitutum solui ei posset, posse venditorem sibi consulere remedium denunciationis, & obsignationis ac depositionis. Vt & in *l. 2. in fin. C. de iur. emphyt. l. acceptam 19. Cod. de usur. l. ultim. D. de leg. commiss.* Nempe quia legitime facta obsignatio, id est post denunciationem testatò factam ac congruo loco & tempore vim solutionis obtinet *l. obsignatione 9. Cod. de solut.* Vt proinde videatur venditor satisfecisse pacto per æquipollens si modò intra præscriptum tempus pecuniam præcij absente per fraudem emptore deposuerit & obsignauerit. Quod igitur in persona venditoris rescriptum est ab Imperatoribus. Quidni in proposita specie admitteremus etiam in persona emptoris si fortè venditor cui redditis ex pacto debuit aut lairret, aut quo alio modo per fraudem & sine causa recuset rem à se venditam recipere. Vt nimirum post factam denunciationem legitimam si res sit mobilis eam deponat emptor, si immobilis, declaret constituere se eam rem non sibi, sed ipsius venditoris nomine possidere, nec recusare quominus eius possessionem autoritate propria ingredi & occupare venditor possit. Quid enim aliud facere emptor queat in eare quæ obsignationis & depositionis remedium non patiat? Quidni ergo in hac specie habeamus rem tradendam pro tradita in præiudicium inuolui venditoris? & consequenter emptorem qui adhuc precium debeat, pro liberato? Nec enim verendum est ut hoc casu quisquam obiciat emptori non debere illum & rē habere & precium, cum possessionem rei non solum amiserit quæ amittitur statim atque constituit quis nolle possidere *l. si quis vs 17. §. differentia D. de acquir. possess.* Sed etiam transtulerit eam quantum transferre potuit in venditorem per constitutum, cui si consentire venditor velit exinde possessor factus videri debeat, si nolit, imputandum habeat suæ fraudi & malæ fidei, quod noluerit, ut præcij ab emptore inuito & contra pactum exigendi colorem hanc sibi quæreret. Alioquin an non fuerit iniquissimum in arbitrio venditoris ponere, ut priuaret emptorem commodo sui pacti, & impediat vel auferat ei partem ex pacti causa liberationem? Fateor non posse per pactum fieri, ut cogatur emptor venditori rem retroradere quoniam ea res ad nouam obligationem constituendam pertinet, ut scriptum est in *dist. l. ab emptione in fin.* Saltémque necessaria esset stipulatio non ad resoluendam venditionem quod per stipulationem non magis quàm per nudum pactum fieri potest, ut superiore Decade contra Castrensem disputauimus. Sed pacto ita concepto ut Aristoni & Neratio placuit, id est ut re vendita quæ iam tradita fuit, retroradita venditori, non cogatur emptor precium præstare. Dico non posse quidem cogi emptorem ut retroradat si nolit, sed posse venditorem cogere ut rem accipiat, Neque ob id iniquum pactum videri debere, quod hoc modo non seruetur inter paciscentes æqualitas *arg. l. si s. cius 81. D. pro socio.* Nam imò verò si respicias effectum pacti, seruatur æqualitas in hac specie, cum non aliter possit emptor ex hoc pacto cōsequi liberationē quàm si prius rem quam accepit, reddiderit venditori; quo facto cum sint omnia in eo statu in quo erant priusquàm facta venditio fuisset, quid obsecro superest in quo vel minima inæqualitas obseruari possit? Si verò media omnia intucare per quæ ad hunc effectum perueniri possit, non nego inæqualitatē illam esse quòd in potestate venditoris non sit emptorem cogere ut vel precium soluat præcisè, vel rem venditam & traditam præcisè reddat, quomodo in potestate emptoris est, ut venditorem cogat præcisè rē accipere. Sed dico nihil in eo esse absurdi aut iniqui,

cum huiusmodi pactum non tam venditoris quam emptoris gratia interpositum sit, quod vnum maximè inspiciedum est vt sciatur cui prodesse pactum debeat, aut cui nocere. *Lin ratione 30. §. tamen si in fin. D. ad l. Falcid. l. Lucius 40. in fin. D. de fideic. libert.* Interpositum autem fuit emptoris gratia ad liberandum eum à solutione precij, quia nec indigebat vëditor vt liberaretur, cum iam rem tradidisset. Ad quod vnum actione ex empto tenebatur. Et quamvis admitteremus quod ex veteribus quidam voluerunt, dandam emptori ex huiusmodi pacto exceptionem si à venditore conueniatur ad precium non etiam actionem venditori ad precium consequendum, nulla tamen in eo esset ingqualitas. Cum exceptionis natura non patiatur, vt aëtori accommodari possit nisi ad vsum replicationis. Imò esset inæqualitas maxima si ex eo pacto daremus venditori actionem quemadmodum emptori exceptionē, cum multò minùs sit exceptionem habere quàm actionem. Quamquam nec ratio iuris hoc ferre potest vt ex eodem pacto & venditori detur actio, & emptori exceptio, perinde atque vt ex eodem ore possis eodem instanti & flere & sorbere. Deniq; id actum est huiusmodi pacto inter paciscētes, vt à tota venditione recedatur ex vtraque parte tam venditoris quàm emptoris. Ex parte quidem venditoris reddendo ei rem venditam & iam traditam. Ex parte autem emptoris liberando eum à precio, vt ealiberatio sit pro precij restitutione quam fieri oporteret si iam solutum esset vt omnia in integrum vrimque restituerentur. Cæterum quænam iniuria venditori facta videri potest in eo quod dicimus cogi eum rem quam vendiderat recipere, cum ita voluerit & per pactum conuenierit? Aut cur ei permitamus vt mutet voluntatem in emptoris dampnum & iniuriam? Quænam rursus in eo quod nec illi permittimus, vt possit agere contra emptorem ad precium, si emptor malit, paratùsque sit rem reddere. Cum id fieri nequeat saluo pacto & salua bona fide, ex qua sunt æstimanda hæc omnia *di. l. ab emptione*. Nihil facit contra pactum emptor, si nolit rem reddere, malitque precium debere, quia cum in eius fauorem pactum sit interpositum, vt diximus, non est cogendus vt iure suo inuitus vtatur *di. l. §. tamen si l. penult. Cod. de pact.* Itaque retrotraditio quam facere debet non tam in obligatione est aut in petitione, quàm in præstatione, quemadmodum dicimus in penu legata hoc modo *Heres meus Tuio penum dato si non dederit centum dato l. i. D. de pen. lega. l. i. §. item si ita D. ad leg. Falcid. l. cum sine 19. l. si penum 24. D. quand. dies legat. ced.* Estque in ipsius arbitrio vt rem retrotradat, si velit, etiam inuito venditore, non retrotradat si nolit, etiam si maximè venditor malit rem suam habere. Debuerat enim venditor sibi cauere aut per stipulationem aut saltem per pactum incontinenti appositum, vt in *d. l. 2. & l. si à te 7. C. de int. empt. & vendit.* Si id agebat vt de re vendita sibi retrotradenda emptorem obligaret. Nec tamen est in arbitrio & potestate emptoris vt & rem & precium retineat, nec proinde vt non cogatur rem reddere si à precio liberari malit. Vnde fit vt tantundem consequatur venditor inuito emptore, quod ad hoc vt res ei retrotradatur, quantum posset consequi si de ea re actionē haberet siue ex vëdito, siue ex stipulatu. Quid. n. aliud consequi posset nisi vt res retrotraderetur? Nisi quodd retrotraditionem illam præcisè vrgere non potest; quemadmodum nec posset si nullū de resoluenda venditione ac de emptore liberando pactum intercessisset. Quare nec emptori ipsi pactū hoc ad aliud prodest quàm vt ne cogatur precij soluere, si malit rē restituere. Sed hoc ipsum ita tamē, vt non idēd venditori actio ex vendito ad precij auferatur. Remanet. n. illa salua, & quidē cum effectu adēd vt nullam exceptionem pati possit

si tam negligens sit emptor in retrotradendo vt de precio secū litem contestari patiatur. Nam cū pacti resolutiui nulla sit potestas ad resoluendū contractū venditionis quousq; impleta sit condicio sub qua venditionem resolui paciscētes voluerunt. In proposito autem ablatiui illi absoluti quibus Aristo & Neratius vtuntur in concipienda huius pacti formula *rursum prastitum mihi à te in re vendita omnium quae ego prastitissim faciant* condicionem licet nō exprimant figuram conditionis *l. a testatore 109. De condic. q. demonstr. d. g. samet si*, omnino consequens est vt ante factam ab emptore retrotraditionem non possit resoluta dici venditio nec proinde liberatus debitor à solutione precij quod actione ex vendito prastare debeat venditori. Nam quandiu venditio superest, tamdiu actionem quoque ex vendito superesse satendum est, quz tū demū perit cū venditio resoluitur. Proinde si nullum pactio insit tempus intra quod retrotraditio illa fieri debeat [totum enim illud tempus emptori liberū esse deberet vt non prius conueniri posset] nihil verat venditorem quandiu retrotraditio neq; facta, neq; oblata est, conuenire statim emptorē, ducere illū ad album Praetoris, & ostendere quā actione contra eū sit acturus, Actione scilicet ex vendito si malet emptor contendere quā cedere, Tū vocare illū in ius, Postremò litē cum eo contestari. Quae omnia dū fiunt, habent verò sua spatia & intervalia, liberū adhuc est emptori retrotradere, etiā inuito venditore. Sed post litē contestatā liberum amplius non est propter nouam obligationem quz per litis contestationē contrahitur *l. 3. §. adem scribis D. de pecul. d. l. a. D. de pen. legat. d. l. cum sine 19. D. quand. dies leg. ced. Id. n. est quod dici solet, Per contestationē nō solum nouationē fieri, sed & quandam veluti delegationē l. delegare 11. §. a. l. aliā 29. D. de nouat. q. deleg. si Titum 9. D. de verb. obl. in illis verbis finē dandi alteri fore quando* [sic enim lego nō quoad] *iudicium accipitur*. Quz cū ita sint, apparet nullā in hac specie venditori iniuriā fieri ex eo quod tale pactū volumus emptori prodesse, cū nihilomāgis tollat venditori actionē ex vendito, quz licet non soleat cōpetere nisi ad precij, hic tamen hoc amplius habet quod etiā retrotraditionē extorquere potest, non quidē principaliter primò & per se, sed per accidens & necessitate vt loquuntur, causatiua, id est metu condemnationis ad precij solutionem verò precij potest quidē ex sua natura extorquere, sed nō praeisē quomodo si pactum nullum resolutorium intercessisset vt eo demū casu quo nolit emptor ante contestationem rem retrotradere. Apparet etiā ex superioribus quā parum subtiliter fecerint veteres illi contra quos Accursius disputat qui in quzstione ista dabant emptori exceptionem pacti cōtra venditorem praeisē agentem ad precium. Etenim cū nō detur exceptio nisi à Praetore in dictanda actionis formula & eo tēpore quo datur actio ac proinde post litē contestatā, litē verò contestata de precio, iam non sit liberū emptori pactū implere, ac rem venditam retrotradere. Cōsentaneū est vt nulla emptori exceptio accommodari possit, aut debeat: Itēmq; vt ante cōtestationē, quo tempore pacti commodū habere debet, nulla indigeat exceptione, nō ob id solum quod nulladū actione cōueniatur, sed etiā quia ex pacto ius habeat & facultatem retrotradendi ad litē vsq; contestatam. Quod si faciat erit ipso iure liberatus potestate pacti resolutoriij, nec proinde vllam timebit actionem contra quam implorare debeat auxilium alicuius exceptionis, Nec tātū si retrotradiderit, sed etiam si recusante venditore ea fecerit, quz suprà diximus quia cū pro eo non pro venditore pactū hoc interponatur, per eū stare debet non per venditorem quominus fiat retrotraditio vt liberatio eius impediatur. Quemadmodum nec

vlla indiget venditor actione ex pacto ad consequendum precium cum ei sufficere debeat actio venditi quā habet ex contractu. Verū igitur est utrumque quod contra interpretes omnes defendimus, Neque audiendum esse venditorē si in hac specie precium exigere ab emptore omnino velit contra fidem pacti, neque tamē dandam emptori aduersus eum exceptionem qua se tueatur, cum dignus non sit cui æquitare vlla exceptionis succurramus si tā negligens fuerit in retroradendo ut litem de precio secū contestari passus sit. E contrario aut falsum est quod Accursius, Castrensis & alij supponunt pactū hoc nō interponi principaliter ad liberandum emptorem, sed tantū ad venditionem resoluendam. Nā imō verō cum interponatur eo tempore, quo iam re per venditorem tradita solus emptor sit obligatus ad precium soluendum non aliud per hoc pactum agi potest quā ut emptor liberetur. At quia non est ex bona fide ut precium debere desinat quādiu rem retinet, necesse est ad inducendam ipso iure liberationem fieri pactum resolutorium & consequenter in pactum deduci retroraditionē, non quasi tale aliquid, quod principaliter agatur, sed tanquam necessarium antecedens, & cōditione sine qua resolui venditio non posset. In summa pactum resolutorium nullū esse potest quod non sit liberatoriū, quia si neuter ex contrahentibus maneat obligatus quod iam ex utraque parte implementum secutum sit, & tamen contrahentes velint & consentiant ut à toto contractu discedatur, inutilis est in eam rem usus pacti resolutorij, & ad nouum contractum nouasque obligationes necessario descendendum est, nisi ponas tale pactum resolutorium adhibitum fuisse in ipso contractu venditionis, aut quod idem est incontinenti post cōtractum, ut in *d.l.2. & d.l.si à te 7. C. de pact. int. empr. & vendit.* In eoque videtur mihi errasse Accursius, ad *d.l. C. quando liceat ab empr. disced.* vbi notat pactum resolutorium interpositum re secuta non parere actionem ut quod datum est retroradatur etiam si tale pactum fiat incontinēti. Nam si intellexit de pacto incontinēti post cōtractum factum, malē sensit & contra leges supradictas aliāque sexcentas quæ ex pacto incontinēti addito post contractum dant actionē. Ex quidem ex ipso contractu si sit bonæ fidei *l. si vult gentium 7. §. quinimo D. de pact. l. legem 10. l. in bona fide 13. C. eod.* aut præscriptis verbis si ex contractu stricto *l. rebus 6. l. vlt. C. de rer. permut. l. legem 9. Cod. de donat. l. frumenti 17. C. de usur.* vel ex stipulatu ut in *l. lecta. 40. D. de reb. cred.* si verō intellexit de pacto appposito incontinēti post traditionem, ridicula adnotatio est, quia & stultum esset pactū quod traditionis tempore fieret aut incontinēti post traditionē de eādē re retroradēda, adeoque dominij translationem impediret, quemadmodū dicimus non alienari nummos qui sic traduntur, ut statim recipiantur *l. qui sic soluit 55. D. de solut.* Nec posset vnuquā eiusmodi pactū sumere vires, ex præcedente contractu, quia nō potest nō ex interuallo appositū esse cum traditio inter contractū, & pactū intercessit.

ERROR TERTIVS.

De interpretatione l. C. quando liceat ab empr. disced.



De superiore tractatū pertinet interpretatio *l. 1. & 2. C. quando liceat ab empr. disced.* in quibus explicandis primus ille & communis omnium interpretū error est, quem nos iam refutauimus quod putat iis legibus locum esse siue ex utraque parte siue ex alterutra tantum venditio impleta sit, ut perinde utroque casu per pactū resolutorium venditio

venditio resolui possit si modò emptor sponte rem retrotradat, & preciù emptor restituat, licet retrovenditio nulla intercedat. Nos verò probauimus nullā penitus esse vim pacti resolutorij quoties vtrunque res secuta est, sed eo iāiū casu quo alteruter contrahentium maneat obligatus aut venditor ad rem tradendā, aut emptor ad soluendum precium. Neq; hac restrictione cōtenti sumus, sed illam addimus, vt pactum resolutoriū eō modo cōceptum esse oporteat, quo Aristoteli concipiebat, cuius sententiā refert & probat Neratius in *d. l. ab emptione* 58. *D. de pact.* id est ita vt retropræstitis his quæ aut venditor emptori aut emptor venditori præstiterit, nihil aliter contrahentium qui ex parte sua contractum nō impleuerat, præstare teneatur. Quod etsi nemo ex interpresibus obseruauit, idē tamen & prudentibus nostris & Imperatoribus placuisse, argumēto maximo sunt duæ illæ leges 1. & 2. *quand. sic ab empt. disced.* In vtraq; præstantur Imperatores diuersis verbis sed eodem sensu quod expressius ait 1. 2. Perfectam emptionē ac venditionem re tantū integra pacto & consensu dissolui posse, Propter rationem quæ additur in 1. 1. quia quod consensu contractum est contrariæ voluntatis adminiculo dissoluitur. Sed addunt quod ex hac propositione sequitur necessariò, Ergo si res secuta sit nudam voluntatem, non resoluerē emptionem si non actus quoque priori similis retroagens venditionē intercesserit. Quod Accursius noster sic intelligit siue res tantū tradita sit à venditore nec preciù solutum ab emptore, siue precium duntaxat ab emptore solutum sit, nec res tradita à venditore, siue vtrinq; secutum sit implementum per traditionem rei & numerationem precij, Sed malè siue rationem siue earum legum verba inspicias. Nam quod ad rationem attinet iam probauimus nullomodo per pactum ex interuallo adpositum fieri posse vt post rem vtrunque secutam, & sublatam extinctāque empti & venditi obligationem venditio resoluitur ipso iure, Sed eo tantū casu quo super sit obligatio ex alterutra parte, quod non aliter euenire potest quàm si implementum ex vna tantū parte secutum sit vt in *dist. l. ab emptione*. si verò vtriusque legis verba inspicimus, Imperator Gordianus cuius prima lex est, ponit duntaxat interpositam fuisse traditionem quod haud dubiè intelligendum est de traditione rei venditiæ factæ per venditorem, non etiam quomodo idem Accursius interpretatur de traditione precij. Solus enim venditor ille est qui obligatur ad tradendum, quia traditione rei venditiæ liberatur iū quoque cū alienam rem vendidit, Nisi quod hoc casu manet obligatus de euictione, Emptor autem non ad tradendum obligatur sed ad dandum, quia preciù cogitur facere emptor venditoris, & eius pecuniæ quā pro precio soluit, transferre dominium in venditorem 1. *ex empto* 11. §. 1. *D. de alion. empti. iun. & l. ubi autem* 75. §. *vltim. De verb. oblig.* Siue quod pro pecunia non possit agi ad id quod interest nisi ratione loci & temporis 1. 3. *D. de m. lit. iur.* 1. 3. *De eo quod cert. loc.* Siue quia pecuniæ nullus sit vsus quin consumatur, consumi autem nequeat quin dominium eius in accipientem transferatur, quod fieri non posset, per venditorem, si emptor qui precium soluisset dominus pecuniæ nō fuisset. Nam & pecuniarum vsus à primis temporibus introductus fuit vt subueniret difficultatibus permutationum, ex quibus dominium vtrunque transferri oportebat, & etiamnum oportet leg. 1. *D. de contr. empti.* & leg. 1. *D. de rer. permun.* Cū igitur Gordianus non tractet nisi de traditione post venditionem interposita satis intelligimus non alium ab eo casum tractari quàm quo res secuta sit ex parte venditoris tantū non etiam ex parte emptoris. Qui casus illē ipse est quē Aristoteli & Neratius proponūt in *d. l. ab emptione*. Ex cōtrario aut Imperato-

res Diocletianus & Maximianus quorū est lex 2. duos alios casus tractāt: quorū primus est, si arrē nomine aliquid datum sit. Alter verò si pars precij soluta fuerit ab emptore; res autem tradita non sit à venditore. Aiunt enim ex pacto resolutorio quod post eam solutionem factum sit, nullam actionem emptori competere ad repetendam quantitatem quam dederit, sed tantum actionem ex empto contra venditorem ad ea præstanda quæ illum ex venditione præstare oportet, quod ipsum nihil aliud est quam ad rem tradendam. Traditio igitur in ea specie de qua consulti erant Imperatores nondum facta fuerat. Proinde si quis cum interpretibus sentire velit, Pacti resolutorij ex intervallo adhibiti eam vim esse posse, ut etiam post rem verinque secutam resoluat contractum emptionis, alios necesse est ut nobis textus adferat quàm quibus interpretes mouentur. Sed hic primum ille scrupulus occurrit secundum ea quæ suprà diximus. Cūr non ergo in supradictis Imperatorum rescriptis non resoluator venditio ipso iure perinde atque in specie *d. l. ab emptione*, in qua proponebatur secuta traditio ex parte venditoris nec eo minus tamē ipso iure emptionem vsque adeo resolui placeret, ut emptor pretium quod nondum dederat, ipso iure desinat debere. Respondēdo non aliam aut diuersitatem facti, aut diuersitatis rationem adferri posse, quàm quæ à nobis iam allata est in præcedentibus, quod apud Imperatores non proponeretur conceptum pactum eo modo quo conceptum esse oportebat ut resolutoria venditionis potestatem haberet. Conuenerat enim simpliciter post rem à venditore traditam in casu legis primæ, & post solum ab emptore pretium in casu legis secundæ, ut venditio irrita fieret, & ab ea utrinque discederetur. Quod certè post rem quoquomodo secutam fieri nullomodo potest, quia ut emptor cogatur rem venditam & acceptam retroradere, aut venditor solutū sibi precium restituere, fieri nequit, quin obligationes nouæ contrahantur, & non tam prioris contractus resolutio, quàm nouus contractus fiat, ut Neratius ipse disputat in *d. l. l. ab emptione in fin.* In eo itaque peccatum fuerat, quod sic concipi pactum debuerat quomodo apud Aristonem & Neratiū, Ut retroradita re vendita nihil emptor precij nomine præstare teneretur; Aut contra ut pretio per emptorem restituto venditor rem tradere non deberet, In qua formula retroraditio facienda per emptorem, aut restitutio precij facienda per venditorem cum in obligatione non ponatur, sed tantum in præstatione, nullum contractum nouum exigit, nullum inducit. Ut proinde nullo contractu nouo intercedente necesse sit priorem subsistere quandiu resolutus non est; & interim capace esse resolutionis quandiu aliqua superest obligatio siue ex parte tantum venditoris, siue ex parte tantum emptoris, quæ resolui, & ipso iure extinguī possit. Igitur si ex parte emptoris retroraditio post pactum hoc modo conceptum facta sit liberatur emptor ipso iure à solutione precij. Ad eodē ut actio ex vendito desinat competere emptori ad precij solutionem; nec vlla exceptione indigeat emptor aduersus venditorem qui amplius nullam habet actionem; Et e contrario similiter si ex parte venditoris facta sit restitutio precij, erit ipso iure liberatus venditor à re tradenda, nec vlla ei opus erit exceptione cum nullam habiturus sit emptor actionem, quasi resoluta venditione ipso iure. Non per retroraditionem factam ab emptore nec per precij restitutionem factam à venditore [nec enim retroraditio rei venditæ modus est tollendæ obligationis precij, nec pariter restitutio precij ab emptore facta modus est tollendæ obligationis tradendæ rei ex parte venditoris] sed per potestatem pacti resolutorij adhibiti rebus adhuc integris ex vna parte quauis necessarius sit actus ille contrarius retroraditionis rei aut

rei aut restitutionis precij, Non tanquam causa efficiens aut concurrans, sed tanquam condicio sine qua non ut iam diximus. Ex quo fit ut quamdiu retroactus ille non intervenit, contractus maneat qualis fuit ante pactum, & salva obligatio eius qui nondum ex parte sua contractum impleverit. Interveniente autem actu, tunc demum fiat resolutio contractus ipso iure, & liberetur omnino is qui fuerat obligatus, Non tamen per actum sed per pactum. Et in hoc quoque noster erravit Accursius. Nam cum Gordianus rescribat, Post traditionem interpositam non posse nuda voluntate resolveri emptionem si non actus quoque priori similis retroagens venditionem intercesserit, Non pudet Accursium adnotare, non esse bonam exceptionem, quia tunc, inquit, non voluntas nuda sed actus resolvit. Nos vero cum Imperatore dicimus, Imò verò bonam & necessariam esse exceptionem, quia tunc quoque cum sequitur actus ille retroagens venditionem, verum tamen est nuda voluntate venditionem resolveri, siquidem resolutio illa fit non retroactus illius sed solius pacti potestate: Nec ad aliud prodest retroactus, nisi ut pacti condicio impleatur, & fiant media & extrema habilia, ut resolutionem possint admittere: Ideoque bene Gordianus *si non alius quoque priori similis retroagens venditionem*, ut significet actum illum priori similem non habere potestatem illam ut resolvat venditionem sed tantum ut eam retroagat, id est reducat ad eum statum in quo esse oportet, ut nuda voluntate resolveri possit. Atqui poterat sine dubio resolveri venditio nuda voluntate si res mansisset integra, nec hodie quicquam aliud impedit, quominus resolveri possit ipso iure nuda voluntate quam quod res integra non sit. Fac ergo esse omnia integra si potes, potes autem si omnia restituas in integrum retroradendo rem traditam, aut restituendo precium iam solutum: Facile assequeris, ut cum in eum statum redacta res fuerit, venditio resolvatur. Ob eam causam retroagenda prius venditio est, deinde resoluenda. Sumique ista prorsus diversa *Resolvi venditionem* & *Retroagi*, quæ tamen Accursius accepit pro Synonymis. Retroagitur per actum similem priori sed contrarium tamen. Resolvitur autem per pactum adhibitum quidem & adhibendum ante retroraditionem ut retroraditio fiat in consequentiam & executionem pacti, ne alioqui non possit transferre dominium tanquam nuda, nullatenus habens obligationem pro causa. Sed cuius tamen potestas adhuc nulla esse possit, ad resoluendum ipso iure venditionem quousque actus ille similis retrosecutus sit, tanquam ex quo pacti condicio pendeat. In eoque rursus alius Accursij error detegitur, qui retroagi venditionem sic interpretatur, ut sit in contrarium duci eam id est ab esse inquit ad non esse: quod ipsum nihil certe aliud esset quam venditionem resolveri. Debuerat dicere Venditionem retroagi nihil aliud esse quam reduci venditionem ab esse impletam ex parte unius ex contrahentibus ad non esse impletam ex parte illius, ut cum coeperit in eo statu esse venditio, in quo erat antequam ullum esset secutum impletum resolveretur potestate nudi pacti antecedentis, quomodo resolveretur ex regulis iuris communis, si neutra ex parte unquam secuta res fuisset. Illud sane non improbo quod Accursius notat, Mò quosdam existimare actum illum priori similem quem Gordianus requirit ad retroagenda venditionem intelligi debere de retrovenditione quam facere emptor debeat eodem precio, Quasi retroraditio quæ fieret nulla præcedente retrovenditione non posset dici similis priori traditioni quæ facta esset ex causa venditionis antecedentis. Nam ut bene Accursius disputat, duo tunc essent contractus, & non diceretur secunda emptio resolvere primam, sed essent duo, quia licet idem precium maneret, ex quo solet

venditionis quoque identitas induci *l. pauli conuenta 72. versic. Paulus notat D. de contr. emps.* mutaretur tamen condicio personarum, & fieret vnus ex venditore emptor, alius ex emptore venditor, quod sine venditionum multiplicatione fieri nequit, cum ex vna eadēque emptione non possit idem esse emptor & venditor *dist. l. 1. De rer. permut. l. si es 41. D. de emul.* Sed pessimè idem Accursius subiungit, Esse actum retrosimilem si venditor retradat rem & emptor precium, id est retraditio rei & retraditio precij, Quo facto inquit ipso iure resoluitur, licet quidam dicant, quoad effectum tantum. Ego verò neque ipso iure, neque quod ad effectum. Non ipso iure quoniam vtraque retraditio, vt ille loquitur, facti est nō iuris. Ergo resolutio hæc si qua esset fieret ipso facto potius quam ipso iure. Quid enim est quod iuris potestas possit hoc casu efficere, cum facto ipso per inuicem retrotraditionem vtrique recessum est à contractu? Et quamuis nullum pactum intercessisset de resoluenda venditione, An non tamē perinde resolveretur per mutuas istas & contrarias præstationes? Et cum nihil agendum superesset ad quid prodelle hæc resolutio vnquam posset? Verum neque effectu ipso in huiusmodi specie venditionem resoluti arbitror, quandoquidem nulla intercedente retrovenditione fieri nequit vt dominium rei venditi & traditi recurrat ab emptore ad venditorem, nec dominium precij à venditore ad emptorem, cum vtraque hæc retrotraditio non possit esse nisi nuda quæ nullam habeat aliam causam quam nudam voluntatem paciscentium. Itaq; cum effectus potissimus traditionis sit translatio dominij, & resoluta venditione necesse sit omnia in eum statū reponi in quo erāt ante contractā emptionē, fatendum est vel non posse per huiusmodi retrotraditiones resoluti venditionē quod nos volumus, vel transferri posse hoc casu dominium per traditionem nudam: quod iuris ratio non admittit. Proinde retrovenditionis casus in hac specie omnino necessarius est, qua tamen interveniente nū iam resoluti dicitur prior venditio, sed noua fieri manente seū per adeoque impleta priorē. At nos cum Gordiano eum casum quærimus & tractamus in quo vnica tantum sit venditio, quæ non solo facto sed iuris potissimum operatione ac potestate resoluitur, nō per factum licet aliquo facto intercedente sed per pactum, quem casum nec Accursius nec alij interpretes inuenerunt, nec alius quisquam inuenire possit, qui alium quæsierit quam quem Aristō & Neratij docuerunt *in dist. l. ab emptione*. Quare nec distinctionem illam Bartoli probare possum *ad d. 9. ab emptione nu. 12.* vbi scribit, si contrahentes re non integra recesserint nudo consensu à venditione & tempore illo contrarij consensus conuenerit de re retrotradenda, deinde ex intervallo facta sit retrotraditio, hoc sufficere vt contractus resoluitur *arg. dist. l. ab emptione & l. Modestinus 76. D. de solut.* si verò non fuerit hoc actum eo tempore, tunc inuita parte altera non posse confirmari distractum illum ex regula *l. quod ab initio 29. de reg. iur.* Sed si pars consentiat tunc valiturum pactum quasi ex præsentis consensu cum retraditione rei. Nam licet in ipso instanti contrarij consensus conuenerit de re retrotradenda, nego posse resoluti venditionem ipso iure, Non solum si res secuta fuerat ex vtraque parte, de quo tractauimus, sed & si ex alterutra tantum, vt in casu Aristonis & Neratij quia pactum hoc casu esset obligatorium ad rem tradendam quod esse nō potest, sed debet esse liberatorium ad liberandum eum qui ex parte sua nondum satisfecit. Et retrotraditionem poni oportet in conditione tantum saltem per ablatiuos absolutos vt *in d. l. ab emptione*, vt sit in potestate illius qui per tale pactum liberari velit retrotradere id quod acceperit, Non autē in obligatione vt ad id cogi possit:

possit: Vt proinde nō sit recedendū à formula quam Neratius ex Aristone præscripsit. Quod si Bartolus de eo casu intellexit quo conuenerit de resoluēda venditione post implementū vtriusq; secutum, amplius dico. Nec si eo ipso inslāi cōtrarij consensus retrotraditio ex vtraq; parte facta sit, vllū tamen effectū fore siue conuentionis siue retrotraditionis, non conuentionis, quia post rem secutā etiam ex altera tantū parte nō possit resolui venditio nuda volūate, licet dici soleat resolutionem & distractū esse eiusdem naturæ cuius est contractus, & perinde bonæ fidei vt Castrenf. disputat *ad d. l. i. C. quand. lic. ab empt. disced.* Nec enim debet resolutio quā facere contrahentes voluerint, nudo cōsensu cōferri cū venditione perfectā quidem nudo cōsensu sed impleta postea per traditionē rei aut precij solutionem, Et hoc demū casu verum est quod ibidem Castrenf. *nu. 4.* notat. Ex consensu resolutiuo nō similiter nasci obligationē & actionē, vt ex primo. Non retrotraditionis, quia vt iam diximus esset illa nuda quæ aliā causam non haberet quā nudum consensum. Posset quidem ea retrotraditio iūcta pacto parere accipienti ius retentionis. Est. n. ille vnus ex effectibus obligationis naturalis, quæ nascitur ex pacto etiam inutili ad agēdū *l. i. D. deignor. l. frater à fratre 38. q. pass. D. de cond. indeb. l. naturales 11. De oblig. & act.* Non. n. potest videri nactus possessionem cū vicio is qui eam per manus domini accepit, licet non eā. Iam manu dominium quoq; acquisiuerit *l. de eo 63. D. de donat. int. vir. & vxor.* Sed longē aliud est, Flabete exceptionem pacti ad alienam rem retinendā. Aliud verō, Ipsū rei dominū acquisiuisse, quod tamen per vēditionis resolutionē retroacquiri necesse est eo casu quo ex ipsa venditione fuerat translatum. Nec ad hūc tractatū pertinet *l. Modestinus 76. de solut.* quæ loquitur de cessione facta ex intervallo quæ fieri debuerat incōtinenti nō de pacto resolutiuo, aut de dominio acquirendo. Quod verō addit Bart. si altera pars cōsentiat retrotraditioni quæ fiat ex intervallo posse valere pactū, quasi ex præsenti cōsensu cū retrotraditione nō magis verum est. Præsens. n. ille cōsensus post rē secutam licet cū retrotraditione cōiunctus sit, nō maiore habet potestātē, quā primus ad resoluēdā vēditionē, cūm vterq; adhibitus sit post rē secutā. Imō iātō minorem habet posterior, non quod longiore tēporis intervallo distet à cōtractu [nihil. n. hoc ad rē facit] sed quia retrotraditionē illam vt suū effectū habeat, & nō sit nuda, necesse est fieri in cōsequentiā pacti antecedentis & quidem iusti, hoc est quod ita factū sit vt à iure potestatem illā habere possit resoluendi contractum ipso iure, Nō aut pactū tacitū & consensum illū induci ex retrotraditione, Pacto siquidē expresso opus est, eōq; nō quomodolibet sed secūdū Aristonis & Neratij sententiā cōcepto. Alioqui si bonus esset sensus Bartoli, dicendum esset ex traditione qualibet quantumuis nuda posse trāsferrī dominū, quia ex sola traditione sponte & eo animo facta semper tacitus ille cōsensus induceretur. Debuerat ergo Bartolus eā duntaxat distinctionem adferre quā nos in præcedentibus attulimus, An in ipso contractu vel incōtinenti post cōtractum vēditionis adhiberū sit pactū de resoluēda venditione etiam postquā res secuta esset, An verō ex intervallo, Vt priore casu valeat pactum non tantū ad resoluendam ipso iure venditionem, sed etiā ad dādā in id actionem *l. 2. l. si à te 7. C. de pass. int. empt. & vend.* Posteriore verō casu nūquā profit ad agendū sed tantū ad resoluendum contractum si eo modo cōceptum sit quo Neratius & Aristot. voluerūt: Extra illū casum ne quidem profit ad liberandum ipso iure, adeōq; nec ad excipiendū vt sequenti capite docebimus, siue in eodem instanti siue ex post facto fiat retrotraditio, siue ex vtraque parte, siue ex altera tantūm.

ERROR QVARTVS.

*De arrharum repetitione & quam actionem repetantur. Ad l. 2. cod. tit. C. quando
lic. ab empt. disced. & ad l. ex empto 11. §. si qui vina
D. de action. empt.*

NON fuit felicius Accursius in explicatione l. 2. cod. tit. de qua etiam nos fufius tractare neceffe est, vt pleraque ex iis quæ iam diximus intelligantur melius, & alia nonnulla ad hunc tractatum pertinentia quæ nondum attigimus. Ac primum de priorẽ parte distinctionis quæ adfertur ab Imperatoribus. Distingunt enim Imperatores an arrhæ nomine aurum datum fit, vel quid aliud, an verò pars precij soluta fit ab emptore antequàm conueniret, vt ab emptione perfecta recederetur. Vt primo casu res adhuc sit integra, & consequenter venditio resolui possit, & resoluator ipso iure per pactum nudum. Altero autem casu res deserit esse integra ac proinde nulla pacti potestas sit ad venditionem resoluendam. Ex quo Imperatores inferunt, Possẽ quidem arrham secundum pacti fidem recuperari, sed ad precij partem quæ soluta sit repetendã, emptori actionem nullam competere, aduersus venditorem qui precium acceperit, necdum rem tradiderit, verùm ad id duntaxat vt ea præstet quæ ex venditione præstari oportet, id est vt rem tradat. Quod aiunt de arrha secundum placiti fidem recuperanda, non obscuram habet rationem, quam & Accursius benè vidit, quòd arrha non sit pars precij nec arrhæ datio pars vlla venditionis sed contractus quidam proprius & separatus qui venditioni solet accedere non tam vt venditionem perficiat quæ iam solo consensu perfecta sit quàm vt eam perfectam esse probet ac ostendat. Nihil enim aliud est arrhæ datio si iuris communis rationem inspicimus, quàm venditionis perfectæ necdum impletæ argumentum vt Iustinianus scribit initio Tit. De empt. & vendit. Insti. post Caium in l. quod sepe 35. in princip. D. de contr. empt. Sed de hoc genere contractus dicendum nobis erit latius & ex professo in Error. seq. Nunc sufficiat dixisse quod Accursius ex hac ipsa lege rectè infert, Non eò minùs esse rem integram quòd post emptionem & venditionem nudo consensu perfectam arrharũ datio subsequuta sit, & idèò perinde faciliẽ posse nuda voluntate resolui venditionem ac si arrha nulla esset data. Sed quam actionem possit hæc arrha secundum placiti fidem recuperari, quoniam Imperatores non exprimunt, controuersum est aut saltem dubium apud interpretes. Sunt enim qui putent actionem ex empto in id competere, Alij cõditionem ob causam dati quasi causa vel non secuta, vel finita. Accursius noster dat vtramque vt possit emptor eligere qua vti malit. Ex l. ex empto 11. §. si qui vina D. de act. empt. vbi hoc ipsum ab Vlpiano partim ex Iuliano, partim ex ipsius Vlpiani sententia scriptum videtur. Tractans enim ille de eo qui vina emerat, & arrhæ nomine certam summam dederat, postea verò conuenerat vt emptio irrita fieret, ait Iulianum in ea fuisse opinione vt ex empto agi posse diceret ad arrham restituendam, vtilẽque esse actionem ex empto etiam ad distrahendam, inquit, emptionem. Neq; habet hoc dubitationem. Noh enim cùm de arrha solummodò agitur, sed generalius dici potest actionẽ ex empto aut vendito superesse plerunque etiam inempto fundo factò, vt in specie §. præced. si qui virginem, Et Pomponius docet in l. sed Celsus 6. §. 1. D. de contr.

contr. empt. Ex quo loco apparet actionem hanc ex empto non dici vtilem quasi non sit directa cum post resolutum contractum competit, ut vulgo putant interpretes, sed quia non tantum directa est verum etiam efficax, & quæ actori utilitatem & commodum adferat actionis. Cæterum directam eam esse apparet ex eo quod competit ex contractu, qui cum resolvitur id quidem agitur ut neutra ex parte contractus impleatur, sed non etiam ut omnis obligatio empti & venditi utriusque contrahentium solvatur, quemadmodum scriptum est in d. §. 1. An autem conditio quoque hoc casu competat, difficilius est dicere. Nec enim lex dicit. Accursum tamē & cum eo plerique omnes adfirmant. Ego non puto, quia licet non sit novum ut ex eodem negotio duplex actio competat, & actio ex contractu & conditio, ut in l. 4. & §. C. de rer. permis. Id tamen tunc accidit, cum actio ex contractu datur ad rem unam, conditio autē ad aliam: Sed ut conditio debeat ad illud ipsum consequendum quod per aliam actionem peti possit inauditum est, Præsertim si actio illa sit bonæ fidei qualis est actio ex emptio. Sunt enim conditiones omnes veluti subsidariæ & quamvis ex bono & æquo introducantur, sunt tamē omnes stricti iuris, quarum neque utilitas neque æquitas vlla esse potest ei qui de eadem re possit bonæ fidei actionem instituere. Sed & ne conditio dari hoc casu possit, illi iuris ratio impedit, quod nemo potest rem suam condicere nisi à fure l. ult. D. usufr. quem. caveat. §. si itaque Inst. de action. Atqui per dationem arrarum non transfertur dominium ut sequenti capite probabimus. Ergo earum conditio dari & competere nullo casu potest. Sed apud Vlpianum sequitur alius casus dubitabilior, & qui ad tractatum nostrum De resoluenda post rem secutam venditione magis pertinet, Si annulus datus sit arræ nomine, & secuta emptione præcioque numerato & tradita re conuenerit ut emptio irrita fieret [hoc enim apud Vlpianum necessarium supplendum est ut quæstioni locus fieri possit]. Deinde annulus non reddatur, qua actione agendum sit, Vtrum condicatur quod ob causam datum sit, quasi causa sit finita, An verò ex empto agendum sit, Et Iulianus inquit, diceret ex empto agi posse. Certe, inquit, etiam condici poteris quia sine causa apud venditorem est annulus. Hoc verò est, quod difficilius videtur, & nostra indiget interpretatione. Primum quia ineptè videtur concepta quæstio in hunc modum si annulus datus sit arræ nomine & secuta emptione. Emptionem enim perfectam sequi debet arræ datio, non autem arræ dationem emptio dicitur l. quod sæpè, & apud Iustin. initio Tit. Inst. De empt. & vendit. Deinde quia videtur hic posterior casus omnino diuersus ab eo quem Vlpianus primum ex Iuliano tractauerat. Iulianus enim posuerat contractam primum emptionem, tunc eo nomine arram datam: postremò conuenium fuisse ut venditio irrita fieret, Ideoque dabat emptori actionem ex empto ad arram repetendam, quasi ad distrahendam emptionem. At in hoc posteriore casu ponit Vlpianus contractum emptionis cœpisse à datione arrarum, deinde secutam fuisse emptionem quæ nudo consensu perfecta postea per traditionem rei & præcij numerationem impleta sit, Nec addit pactum vllum aut ante, aut post rem secutam interuenisse de resoluenda venditione: quod neque utiliter interuenire potuit, secundum id quod in præcedentibus diximus, & probauimus. Post rem ex utraque parte secutam non valere pactum quo conuenerit, ut venditio irrita fieret nec si actus priori similis ex utraque parte intercedat ut & rei venditæ dominium possit recurrere ad venditorem & dominium præcij ad emptorem, sed necessariam esse hoc casu reuenditionem. Quis ergo color esse potest trahendæ ad hunc quoque casum Iuliani sententiæ? Sed quod me ma-

gis torquet, illud est quod conditionem dat Vlpianus in hoc secundo casu quam nec Iulianus in primo dedit, neque in hoc posteriore quisquam ex iuris ratione dare possit: Eadem illa de causa quam nos attulimus, quod nemo possit nisi à fure rem suam condicere, *d. §. sic itaque Iust. de off. nec* rursus ad conditionem dandam sufficit eum qui agit non esse dominum, sed illud præterea requiratur ut contra eum agat qui sit dominus. Siquidem conditiones ex demum verè sunt per quas intendimus aduersariū dare oportere, ut ibidē Iustin. ratiocinatur. Dare autē nihil aliud est quam dominium transferre *d. l. ubi autē 75. §. ult. de verb. oblig.* fieri autem nequi, ut qui dominus non est, dominium in alium transferat *l. traditio 20. De acquir. rer. domin. iun. c. l. nemo plus iuris 54. de reg. iur.* Atqui certum est neque emptorem qui arrā dedit trāstulisse dominium arræ in venditorem, nec proinde venditorem posse dominum esse rei pro arrā datæ. Ergo neque conditione agere potest emptor, neque venditor cōueniri. Et quamuis duplicem suæ sententiæ rationem Vlpianus adferat, Primam quòd causa finita sit ob quam datus fuerat annulus, Alteram quod iam incipiat annulus esse sine causa apud venditorem, Neutra tamen est bona. Fateor quod ad cōditionis dandæ causam pertinet nihil interesse an quid ab initio datū vel promissum sit sine causa, an verò datum sit vel promissum ob causam quæ vel finita vel non secuta fuerit *l. §. siue ab initio D. de cond. sin. caus.* Sed dico illud semper necessariò exigi ut dominium nō modò amissum fuerit ab eo qui dedit, verum etiam translatum in eum qui accepit. In proposito autem arræ dominium neque amissum, neque translatum fuit. Nec proinde illud etiam sufficit ad dandam conditionem sine causa, ut rei quæ condicetur possessio penes alium sine causa sit, sed illud potissimum & maxime ut res ipsa, id est rei dominium & proprietas. Quod hic nō cōtingit, Imò verò cum possit emptor qui arrā dedit eam vindicare omni casu quo arrā restituenda est ut fatentur omnes *in d. l. 3. C. de action. empt.* apparet non posse nos hoc casu cum Vlpiano dare emptori conditionem, quin contra iuris rationem inducamus ut concurrat conditio cum vindicatione. Neque aut Bartolus aut alius quisquam ex interpretibus aliter se hinc potest euoluere, quàm ut dicat condici hoc casu possessionem annuli non ipsum annulum: quod ridiculum est, non solum quia de annulo ipso condicendo non de annuli possessione Vlpianus loquitur, tum quia non magis possessio quàm dominium arræ transfertur ab emptore ad venditorem, ut postea ostendemus. Addunt quidem interpretes, Possit etiam dici dominium rei pro arrā datæ in ea specie quam Vlpianus tractat, fuisse translatum in venditorem ut condici ei possit. Sed totum id commentitium est, adeoque absurdum quia implicat contradictionem ut quid detur arræ nomine ab emptore, & ut eius rei dominium in accipientem transferatur, quemadmodum probabimus. Quid ergo superest, nisi ut totam hanc sententiam quæ Vlpiano adscribitur Tribonianus esse fateamur? Nam & imudicum illud est ut ex contractu nominato detur conditio *l. ultim. D. de cond. ob. caus. dat.* nec Bartolus ipse negat sed respondet æquè malè dari hoc casu conditionem pro arrā, Arram autē esse contractum nominatum, Quasi verò aliquis hic sit contractus arralis differens & diuersus à contractu emptionis, ita ut sit vnus contractus nominatus alius innominatus: quod certè multominus dici potest. Accedit enim pactum arrarum contractui emptionis, nec sine eo potest subsistere nec cum eo propriam vllam habere naturam nisi cum proprias & insolitas aliquas habet conditiones, Licet Bartolus dicat stare, de per se, ut loquitur, contractum arræ. Sic

essim legendum est apud Bartolum *non tamen quin* non quod *flaret de perse contractus arra*. Melius Castrensis ad *d.l.3. Cod. de alien. empti*. Esse quidem contractum arrarum per se separatim à venditione sed accessorium ad eam. Quodd si accessorius tantum est, non ergo potest subsistere sine suo principali. Ideoque nimirum venit in actionem ex empto quasi pars quædam emptionis. Nec est quod dicas cum Bartolo, Venire pactum arrale in actionem ex empto sicuti pacta cætera incontinenti apposita. Nam pactum arrale licet in continenti apponi soleat, perinde tamen valet suumque effectum habet tum quoque cum interpositum est ex intervallo quia dationem admixtam habet. Cum igitur actio ex empto detur etiam ad hoc vt arra restituatur, apparet ariâ quæ ex contractu nominato petitur, non posse peti per conditionem quin detur conditio ex contractu nominato: quod nec interpretes ipsi admittunt. Proinde cogunt me hæc omnia, vt ab illis verbis *dist. 9. in qui vna. Ego illud quero* putem esse omnia Tribonianî abutentis nomine & autoritate Vlpiani, vt falsam & à iuris ratione alienam opinionem nobis insinuaret. Quid enim attinebat querere an impleta venditione ex vtraque parte repeti arra posset, & quam actionem? Quis vnquam, scilicet de eo dubitauerat quin & repeti posset arra & per actionem ex empto repeti deberet? Quo admissio quid ociosius, quàm querere vtrum etiam conditio ex hac causa dari deberet? Quid ineptius quàm dare conditionem domino contra non dominum, idque ex contractu etiam nominato? Quid stultius quàm ei qui habeat actionem bonæ fidei accommodare strictam, quæ & minùs vberes habeat præstationes, & difficiliore faci probaciones exigat? Quis enim tam stupidus futurus sit vt pro actione bonæ fidei malit strictam eligere? Quænam denique aut utilitas, aut necessitas strictæ actionis aduersus communes iuris regulas inducendæ, cum actio bonæ fidei competit. Nihil ergo in tota illa sententia veri aut æqui est, nisi quodd dicitur Iulianum in proposita specie daturum actionem ex empto ad arram repetendam. Si enim fuit Iulianus in ea sententia vt actionem illam ex empto daret ad arræ repetitionem, illo etiam casu quo per pactum resoluta fuisset venditio rebus omnibus integris, Quidni daret multò magis eo casu quo venditio non resoluta fuerit sed impleta ex vtraque parte? Nam nec aliam ob causam arra datur, quàm vt penes venditorem remaneat in signum & argumentum contractus venditionis quousque impleta venditio sit: Non quodd perinde non sit restituenda arra quoties contractus siue re integra, siue post rem secutam resolutus, sed quia datur semper arra eo voto vt contractus impleatur non vt resoluator. Itaque quandiu non est impletus aut resolutus tenet datio arræ quia potest adhuc contractus impleri, licet possit etiam resolui, non quia possit resolui, Tamen si resolutio eundem effectum habeat quem implementum, quoniam efficit ne implementum sperari & expectari ampliùs possit. Id ergo agitur inter emptorem & venditorem cum arra datur vt restituatur cum impletus contractus erit, quia nullo est opus indicio & argumento contractus venditionis cum effectus iam ex vtraque parte secutus est, licet cum arra daretur nihil dictum sit de ea vel hoc, vel illo casu restituenda. In emptis autem & venditis potius id quod actum quàm quodd dictum est, sequendum est, vt ratiocinatur Pomponius in *dist. 1. sed Celsus 6. §. 1. D. de contr. empti*. Proinde quis miretur dari hoc casu actionem ex empto ad hoc vt arra restituatur? Datur enim ad id omne quodd vel emptorem venditori, vel venditorem emptori ex bona fide præstare oportet, sed maximè ad id

quod actū est ut fieri deberet. Ex quo intelligimus, quā improbabilius illud sit quod de suo ingenio addit Accursius in *d. l. 2.* posse hoc casu cōpetere emptori actionem Præscriptis verbis. Cū enim non competat ex eo quod dictum, sed ex eo tantū quod actum est, quī fieri potest ut actionem Præscriptis verbis hoc casu inducamus? cuius vel nomen ipsum ostendit dari eam ex verbis conventionis in ipsa Prætoris formula præscribendis, nec proinde dari posse de ea re de qua nihil dictum nihil verbis expressum sit. Non nego, posse actionē præscriptis verbis cum actione ex empto concurrere, sed eo demum casu quo agatur ex pacto incontinenti appposito post venditionē, ut in *l. 2. C. de pact. int. empt. & vendit.* Ne aliqui peior sit condicio contractuum bonæ fidei, quā stricti iuris ex quibus certū est nasci actionem Præscriptis verbis ad id quod comprehensum est pacto incontinenti appposito, quoniam actio stricta quæ ex contractu ipso nascitur informari per pactū non potest *l. ult. C. de rer. permut. l. legem 9. C. de donat. l. frumenti 17. C. de usur.* quomodo possunt informari actiones bonæ fidei *l. iuris gentiū 7. §. quinimo D. de pact.* Atqui pactum arrale potest interponi etiam ex intervallo post venditionem perfectam, quo tamen casu nemo dixerit actionem præscriptis verbis ex pacto dari posse. Actio igitur ex empto sicut in eam rem sola necessaria est, ita & sola competit. Multò minùs ferre possum quod Accursius & post eum cæteri dant etiam conditionem ob causam ut arra restituatur. Conditioni enim ob causam tū demum locus est cū datum aliquid fuit ob causam quæ postea secuta non sit, ideòq; cessat ea cōdictio quoties secuta fuit causa *Tit. ult. D. & C. de condit. ob caus. dat. caus. nō secut.* Atqui cū arra data est ob eam causam ut venditio impleteretur, negari nō potest quin postmodum impleta venditione causa sit secuta. Nō igitur fieri potest ut repetatur arra per conditionem ob causam. Eadēq; ratio facit, ut intelligamus nō aliud de cōditione sine causa dici oportere. Nam nec ea competit quoties datum aliquid fuit ob causam, quæ quandoque secuta fuerit *d. l. 1. §. siue ab initio D. de condit. sin. caus.* Nec rursus video, qua ratione possim dicere cum Triboniano in *d. §. si qui vina*, finitam esse causam ob quam data arra fuerat, cū venditio ex utraque parte fuit impleta. Non enim datur arra ne liceat ab emptione discedere, quod amplius non licet post secutum implementum, & quæ causa sine finita esset per implementum si causa esset. Sed ē contrariū potius ut signum sit & argumentum venditionis contractæ: quæ tamen cū impleta est non solum non definit esse contracta sed etiam in eum statum deducitur ut resolvi amplius nunquam possit. Manet igitur causa dandæ arræ nec finitur vnquam quandiu venditio manet impleta, nec proinde cōdictio vlla vel ob causam vel sine causa emptori competere potest ad arræ repetitionem. Quæ omnia cū ita sint, satendum est solam actionem ex empto competere emptori ad arram repetendam, si de personali actione queramus. Nam & actio in rem competere potest, id est vindicatio si emptor fuerit dominus eius rei, quam dedit arræ nomine, & res extet atque appareat. Alioqui siue desierit extare, siue nō appareat actio ad exhibendum necessaria est quam porro competere ita dicendum est si modò emptor dominus fuerit. Nam si non fuerit, sola competit actio ex empto. Nisi etiam intersit ex iusta causa eius qui arram dedit quamvis dominus non fuerit *l. 3. §. sciendum & §. si mecum D. ad exhib.*

ERROR QUINTVS.

De pacto arrali. Ad l. 3. C. de arr. empt.

SED priusquam ad reliqua pergamus quæ peccauit Accursius circa interpretationem d. l. 2. C. quando lic. ab empt. disced. dicendum aliquid est & interuiciendum de pacto arrali ut vocant Imp. in l. 3. C. de arr. empt. & de contractu dationis arrarum, ut loquitur Iustinianus in l. contractus 17. C. de fid. instr. ubi transiens de contractibus omnibus quos in scriptis fieri cōuenerit, etiam ineminit dationis arrarū. Extra hos duos iuris locos vix vllam in libris nostris aut pacti, aut contractus arralis mentionem reperiās. Arrarum sanē quæ in venditionibus iam olim sæpe dari solebāt sicut frequentissimus erat vsus, ita non infrequens mēto sit, ut in l. quod sæpe 35. in princ. D. de contr. empt. l. ult. D. de leg. commiss. l. cuiusque 5. §. si in institor D. de insti. act. l. ex empto 11. §. si qui vna D. de arr. empt. l. 2. Cod. quando lic. ab empt. disced. Itēque arrarum quæ dari solebant sponſaliorum nomine in l. 3. C. de sponsal. Sed nullibi tot locorum videas dici pactum arrale, Idcō fortasse quod cum arra simpliciter dabatur nullo alio pacto interueniente, non tam per pactū id fiebat, quā per dationem ipsam aut potius traditionē eius rei quæ pro arra dabatur: neque rursus ob eā causā ut pactio illa obligationem aliquam vel naturalem induceret, quæ postea exceptionem aut retentionem paritura esset, quamuis pro causa haberet iam perfectam venditionem, sed tantum ut esset iudicium & argumentum venditionis iam contractæ, Ne scilicet in potestate esset eorum qui contraxerant, negare contractam esse emptionem d. l. quod sæpe & apud Iustinianum in Insti. Tit. de empt. & vend. Est enim venditio facti l. consilio 7. §. ult. D. de curat. furios. facti autem probatio non semper facilis, at plerunque difficilis est. Non ergo paruum momentum est in arræ datione, per quam probatur emptio, licet neque obligatio, neque actio vlla ex ea inducatur, at neq; exceptio, Venditoris siquidem esset excipere de arra data, si fortē emptor qui arram dedisset, soluere precium & emptionem implere recusaret, ac nihilominus venditorē vtgere vellet ad traditionē. Atquin hoc fieri non potest, cum offerre debeat emptor precium priusquam possit agere ex empto ad rem tradendam l. Iulianus 13. §. offerri D. de arr. empt. Nulla ergo indiget exceptione venditor, ut effugiat actionē ex empto si non prius emptor ex parte sua satisfecerit. Vbi vero satisfecit, debet arræ datio nocere iam, non prodesse venditori, ut ex sua quoque parte venditionē implere teneatur, aut saltem arram reddere si mutuo consensu venditio resoluiatur secundū ea, quæ in præcedentibus disputauius ex l. ab emptione 58. D. de pact. Et hoc esse mihi videtur quod scriptū est in d. l. 3. C. de arr. empt. Ex arrali pacto personale duntaxat actionem paciscentibus præparari. Non ait lex quod ad eam notat Bald. ex arrali cōtractu nasci personale actionem non in rem. Primum quia non loquitur de contractu, sed de pacto tantum ex quo numquam datur actio nisi sit legitimum, aut in rei alicuius traditione appositum, aut incontinenti post aliquem contractum. Deinde quia non dicit actionem personalem ex huiusmodi pacto dari, sed præparari. Nec ad differentiam actionis in rem. Quis enim daret actionem in rem ei qui non esset factus dominus? Sed ob hoc ipsum ut intelligamus ne quidem personalem vllam obligationem oriri ex hoc pacto, sed tantum præparari: Adeoq; nec si tale pactū

ut plerumque sit adhibitum sit incontinenti post contractum bonæ fidei, quia non idè adhibetur ut legem aliquam & formam det contractui, neque ut ei addat aliquid vel detrahat siue circa substantialia, siue circa accidentalia aut naturalia contractus quæ Papinianus adinacula vocat in *l. pacta conuenta* 72. *D. de contr. empt.* [ad nullum enim horum referri arra potest] sed ob id tantum ut probationem inducat perfectæ contractæque venditionis: quæ res nihil cõmune habet cum causa producendæ actionis. Quare nec Imperatores ita loquuntur in *d. l. 3.* ut dicant ex arrali pacto preparari actionem emptori aut venditori, sed paciscentibus quod summe notandum est ut intelligamus non posse legem intelligi de ea actione quæ ex pacto ipso arrali nascatur. Si qua enim nasceretur, ea utique competere soli emptori qui arram dedisset, non venditori, qui accepisset. Aut si cum prima interpretatione Accursij sic legem intelligere quis velit, ut si fortè venditor cui data fuit res aliqua arræ nomine, ab eius rei possessione ceciderit, nullam ex ea causa possit habere actionem in rem contra possessorem, sed tantum criticariam, Non debuerant Imperatores loqui de paciscentibus aut contrahentibus, sed tantum de venditore, cum dubitari non posset in emptore an talem actionem habere deberet ex datione arræ quam ille ipse dedisset. Nemo enim dando vel tradendo rem suam acquirit sibi ex eo facto actionem sed tantum ex pacto si quod adhibeat in traditione rei suæ *l. in traditionibus* 44. *D. de pact.* At quamvis ex pacto arrali nulla actio nascatur neque venditori, neque emptori, preparatur tamen utriusque. Quoniam cum sit argumentum contractæ non minus venditionis quam emptionis, siquidem nec venditio esse potest sine emptione, nec emptio sine venditione. Ad id ut veteres his nominibus emptionis & venditionis promiscuè uterentur *l. veteris* 19. *D. de action. empt.* Non minus interest emptoris quam venditoris, nec minus venditoris quam emptoris ut appareat & in probato sit contractum mutuo consensu perfectum esse, ut ex eo possit agere ad implementum postquam ipse impleuerit. Et quamvis arra detur venditori ab emptore, in viuisque tamen utilitatem datur nec magis ut profit venditori quam emptori aut contra, sicut nec nisi mutuo utriusque consensu venditio perficitur. Preparat itaque actionem ex vendito venditori & actionem ex empto emptori. Preparat inquam non parit. Contractus namque emptionis & venditionis ille est qui ambas istas actiones parit, sed quia non aliter competunt, quam si contractus emptionis, & venditionis præcesserit, quæ facti quæstio preparatoria est ad condemnationem vi actionis extorquendam, Non ineleganter dicit lex preparari actiones istas per arrale pactum, hoc ipso quod per huiusmodi pactum emptio & venditio probatur in fauorem viuisque. Licet enim non prepararet natiuitatem actionis iam ex ipso emptionis contractu natæ, preparat tamen ipsius vim & potestatem quæ tota in eo est ut tandem eliciat condemnationem, cui tamen nunquam locus esse potest nisi actione bene preparata, id est necessariis omnibus facti probationibus instructa. Accursius autem non ster etsi bene vidit, Aliud esse nasci aut oriri actionem personalem ex arrali pacto, Aliud verò preparari, hunc tamen sensum assecutus non est. Cum hanc differentiam sic explicat, quæ secūda ipsius interpretatio est, ut emptor qui arram dedit non idè fiat rei emptæ dominus, sed personalem duntaxat habeat actionem ex empto ad rem tradendam, quia dominium rei venditæ non possit transire in emptorem sine traditione, sicut nec per solam precij solutionem. Etsi enim totum hoc verum est ad legis tamen verba non est accommodatum.

datum, Non solum quoddam sit ta n imperitus qui rescripto aliquo Imperatorum egeat vt credat, Ex sola datione arrarum non posse transferri dominium in emptorem, nec posse illi ob hoc solum aliquam actionem in rem, & vindicationem preparari, sed etiam quia hæc ipsa actio personalis quæ competit emptori contra venditorem, non ex datione arrarum nascitur, sed ex contractu ipso emptionis. Lex autem loquitur de actione quæ ex ipso arrali pacto prepararetur. Non igitur de actione ex empto, nisi actionis preparationem eo quo diximus sensu intelligas, Vt mirer interpretationem hanc Paulo Castrensi placere potuisse, & magis, quod ille addit, Eâ Doctorib. cõmuniter placere. Neq; subtilius est, quod post Salicetum alij putant, esse illam legis sententiam vt datum arrarum nomine personali actione repeti possit. Nam & illa personalis actio ex empto est, non cõdictio aut prescriptis verbis, vt superiore capite probauimus, neque ex pacto arrali nascitur sed ex ipso contractu emptionis & venditionis, nullo quoque pacto arrali interueniente. Ac præterea non posset actio illa cõpetere, nisi emptori qui arram dedit, & in cuius solius persona potest locus esse quæstioni De arrarum repetitione, non etiam in persona venditoris qui eam accepit. Solius enim est emptoris dare, venditoris accipere. Atqui lex ait ex arrali pacto personalem actionem preparari paciscen tibus. Non ergo soli emptori sed etiam venditori. Alioqui non de paciscen tibus in genere loquendum erat, sed tantum de emptoribus. Alia quoque Accursij interpretatio displiceret, quæ ponit conuenisse inter emptorem & venditorem in ipsa datione arrarum, vt soluto per emptorẽ precio arrarum ei restituerentur. An non enim prorsus inutile ac superuacuum fuerit huiusmodi pactum, quando etiam nulla pactione interueniente perinde sint restituendæ emptori arrarum per actionem ex empto, vt diximus ex *d. l. ex empto* 11. §. *is qui vina* *D. de all. empt.* Nam quod addit Accursius de cõditione sine causa & de actione Prescriptis verbis iam refutauimus. At omnium improbabilissima est Placentini explicatio quæ apud Accursium postrema est, vt quod Imperatores tractant de arrali pacto, debeat intelligi de pacto illo tacito quod inquit semper intelligitur super arris scilicet vt si emptorem peniteat perdat arras, si venditorem duplum reddat ex *l. contractus* 17. *Cod. de fid. instrum.* Est enim illa lex constitutio noua Iustiniani, & inducens ius nouum, de quo non potuerunt cogitare Imperatores Diocletianus & Maximianus, qui longo temporum intervallo Iustinianum antecesserunt: Et ex ipsis verbis nouæ constitutionis apparet non ita ius olim fuisse, vt vel emptor arras perderet, si emptionem implere recusaret, aut si venditor venditionem duplum redderet, quemadmodum sequenti capite latius dicemus. Quamquam autem ea quæ suprà est à nobis allata interpretatio non solum improbabilis non est, sed etiam probabilior cæteris omnibus quas alij attulerunt. Vereor tamen ne quid elegantius lateat sub cortice verborum *dist. l. 3. Cod. de all. empt.* quod neque ab alio vlllo interprete, neque à nobis ante hunc diem fuerit animaduersum. Nempe distinguendam esse dationem arrarum à pacto arrali. Dationem arrarum non esse pactum, quia incipit à datione non à conventionẽ. Pactum autem arrale illud dici quod in ipsa datione arrarum interuenit, non tacitè vt Placentinus dicebat sed expressa conventionẽ. Qualis olim erat illa vt emptor arram perderet, de qua in *dist. l. vltim. D. de leg. commiss.* Et illa rursus vt venditor duplum redderet. Nec enim credibile est Iustinianum hanc dedisse naturam dationi arrarum in *dist. l. contractus* 17. *Cod. de fid. instrum.* nisi quia frequens erat vsus eiusmodi pactio-

num quoties arra dabatur. Quemadmodum & aliis plerisque casibus ex frequentia pactorum quæ in contractibus addi solebant, induxit ille ius nouum, vt quæuis non addita, pro additis tamen habeantur, vt in *l. ult. Cod. quæ res pignori oblig. possiunt* & *l. 1. & quæ nondum* 15. §. quod dicitur *D. de pignori* *l. ult. C. de remiss. pignori* *l. ult. C. de fideiuss.* Possunt & alia eiusmodi pacta plerique excogitari quæ ad dationem arrarum pertineant, dum ne illud sit quod vnum Accursius attulit & nos improbauimus, de reddenda arra soluto precio. Esset enim hoc pactum inutile vt diximus, quia tacite inesset. Verèque hoc casu locum haberet quod iactari solet vulgari nostrorum brocardico, Expressionem eorum, quæ tacite insunt nihil operati. Quandoquidem non minus competit actio ex empto aut vendito ad id quod actum est licet dictum non sit quàm ad id quod dictum & expressum est *l. sed Celsus* 6. §. 1. *D. de contr. empti.* Porro habent omnia huiusmodi pacta arralia hoc proprium, & speciale, quod interponuntur semper aut incontinenti post contractum, quo maximè tempore dari arræ solent, aut si ex interuallo, saltem re integra præsertim ex parte emptoris, id est precio nondum perçu soluto. Et consequenter eo tempore quo resoluti adhuc contractus potest & res emptæ inempta fieri siue ex altera parte fuerat res secuta, vt in *dist. lab. emptoris*, siue ex neutra, vt in *l. 2. & 3. §. 1. D. de rescind. vendit.* Ob eamque causam solebat in huiusmodi pactis plerumque illud adici, vt venditio irrita & res inempta fieret, vt in *d. l. ult. D. de leg. commiss.* Ne alioqui in potestate vnus ex contrahentibus positum videretur vt inuito altero irritam faceret venditionem, quod esse nunquam debet *l. hac venditio* 7. *D. de contrah. empti.* Sed & proprium illud erat huiusmodi pactorum vt essent condicionalia, & eam conditionem haberent. Si ex alterutra parte contractus non impleteretur *dist. l. ult. de leg. commiss.* Proinde nulla poterat ex iis pactis nasci actio eo tempore quo interponebantur quamuis incontinenti post venditionem facta essent, Vt neque vlla nascitur ex contractu condicionali priusquàm condicio impleta sit *l. sedere diem* 213. *De verb. significat.* Quid ergo? Præparatur tantùm actio paciscentibus vt scilicet ex eo pacto possit ille agere in cuius gratiam pactum fuit interpositum quando pacti condicio existit, Sed quænam actio? Ex empto si emptor sit qui agere volet, Ex vendito si venditor. Finge pactum fuisse emptorem cum arras dabat vt si venditor non traderet rem venditam intra certum tempus res inempta fieret & venditor duplum arrarum redderet. Præparatur emptori ex hoc pacto actio ex empto per quam duplum arrarum consequi possit & debeat à venditore si commiserit venditor aduersus legem venditionis. Quænam enim alia possit actio competere quàm ex contractu, licet sit illeresolutus? Nempe quia quod ad hoc resolutum non est, de quo præstanto conuenit in casum ipsum resolutionis, neque id actum videri potest vt omnis obligatio empti & venditi utrique contrahentium solueretur *dist. l. sed Celsus* §. 1. *in fin.* Alioqui noceret pactum emptori pro quo tamen esset adhibendum, vt ibidem Pomponius ratiocinatur, & Mæcianus in alia specie in *l. m. variane* 30. §. tamen si *D. ad leg. Falcid.* Imò nec aliter inemptus est hoc casu fundus quàm si inemptum eum velit is qui pro se ita pactus fuit, vt de pacto commissorio scriptum est in *l. 2. & 3. D. de leg. commiss.* Ex contrario autem finge pactum fuisse venditorem vt si emptor intra certum tempus pecuniam precij non solueret, non tantùm arras datas emptor perderet [ex illo namque pacto sola retentio posset competere non etiam vlla actio nasci aut præparari] sed præterea præstare teneretur quanti venditoris interesset, Et vt quanto minoris ca-

dem res alij postmodum venisset, id emptor venditori præstaret, quod in venditionibus sepe convenire solet, ut in *d. l. sed Celsus* §. 1. quod Galli dicunt *au perril de la selle enchever*. Præparabitur hoc casu actio venditori, eaque ex vendito contra emptorē ad id quod intererit venditoris *d. §. 1.* in cuius specie licet nullæ arræ datæ proponerentur, quis tamen dicat ob id minùs competere ex huiusmodi pacto actionem ex vendito, quod tale pactum in ipsa datione arrarum interuenerit? Nam & arræ ut plurimum dantur incontinenti post contractam venditionem, & tùm quoque cùm dantur postea, & ex interuallo, quia tamen dantur semper re integra, consequens est ut pacta omnia quæ & in ipsa arrarum datione, & circa arras fiunt non minùs insint contractui ad formandam ex eo actionem, quàm si incontinenti essent apposita cùm pertineant semper ad substantialia contractus, ob conditionem illam quam habent perpetuam. Si contractus ab eo non impleatur contra quem pactum interponitur. Idque ex regula quam tradit Ulpianus in *l. iuris gentium* 7. §. *ad id autem De pact.* Ad eò bonæ fidei iudiciis & pactiones postea factas inesse si modò sint ex eodem contractu, id est tales quæ ad substantiam contractus pertineant, ut quandiu res secuta non est possit etiam abiri ab emptione. Neque tamen nego posse hoc casu etiam actionem præscriptis verbis ex huiusmodi pacto arrali præparari, quàm certum est posse concurrere cum actione ex vendito etiam ex pactis incontinenti apposis, ut in *l. 2. Cod. de pact. int. empt. & vendit.* Nam quod in præcedentibus negauimus; dandam esse actionem præscriptis verbis ad arrarum repetitionem, eo casu procedit, quo nullum de arris restituendis pactum intercesserit, ut in *Lex empto* 11. §. *is qui vina* *D. de action. empt. l. 2. C. quando lic. ab empt. disced.* Quemadmodum autem per arrale pactum actio personalis paciscen- tibus præparatur, ita & multò magis exceptio ex *reg. l. 1. §. 1. ut autem D. de superfic.* Itaque si arram à se datam vindicare emptor velit aduersus venditorem, quod pro suo iure facere potest, utique pacti arralis exceptione repellatur. Eritque hoc casu necessaria exceptio. Non etiam si velis emptor agere ex empto ad arram repetendam. Etenim præter id quod exceptiones pacti sicut & doli insunt ipso iure iudiciis bonæ fidei *l. 3. D. de rescind. vendit.* absurdum sanè est dicere dandam esse actionem ex empto ei qui contra pactum circa substantialia contractus appositum venire velit.

ERROR SEXTVS.

De contractu dationis arrarum. Ad constitutionem Iustiniani in l. contractus 17. C. de fid. instrum.



ATYE hæc quidem ita, uti diximus, iure vetere obtinebant. Iu- stinianus autem ut in aliis ferè omnibus iuris partibus, ita & quod ad pactum arrale pertinet multa innouauit, in ea celebri constitu- tione quæ extat in *l. contractus 17. Cod. de fid. instrum.* quæ omni ex parte ius nouum continet. Ac primùm in eo, quod constituit de venditionibus, emptionibus, cæterisque contractibus habitis in scriptis, ut pro- priam ac specialem quandam naturam habeant à cæteris eiusdem generis con- tractibus differentem. Et si enim iam antea sic comparatū erat ut possent omnes

contractus in scripturam redigi quoties ita placeret contrahentibus, siue ut p^o. prior & certior esset rei gestæ probatio, siue ut lōgior & ad futuram memoriā, quæ duplex ratio esse solet interponendæ scripturæ *l. 4. D. de pign. l. 4. D. de fid. instrum. l. pecunia 14. C. de solut.* Inauditum tamen erat ut propter iunctā necessitatem adhibendæ scripturæ, natura contractus immutaretur: quæ tamen hodie sic immutatur, ut quisquis contractus ille sit qui aut nudo cōsensu ut emptio & venditio, aut rei traditione ut permutatio, aut etiam verbis, ut stipulatio perficiatur, non prius hodie perfectus dici possit, licet cōsensus, vel traditio, vel stipulatio interuenerit, nec aliter vires ullas habeat, quàm si instrumentum in mundum receptum, subscriptionibusque partium confirmatum, & si per tabel- lionem conscribatur, etiam ab ipso completum & postrenis partibus [sic enim mallem legere quàm ut vulgò *postremo a partibus*] id est omnibus suis partibus, quibus nec postrema desit absolutum: ut nulli liceat priusquàm hæc ita proce- serint & præcesserint, vel à scheda cōscripta, licet literas vnus partis vel amba- rum habeat, vel ab ipso mundo quod necdum est completum vel absolutum, ali- quod ius sibi ex eodem contractu vindicare, Aded, inquit Iustinianus, ut nec in huiusmodi venditionibus liceat dicere quod pro precio statuto necessitas vē ditori imponatur, vel contractum venditionis perficere, vel id quod emptoris interest ei persolvere. Quibus verbis ostendit apertissime ita ius olim fuisse ut quamuis de venditione in scriptis facienda conuenisset, attamen statim atque precium solutum fuerat, liceret emptori actione ex empto cogere venditorem vel ad rem tradendam, vel quam ei eo nomine interesset emptoris, quamuis non dum de eo contractu instrumentum vllum scriptum esset & redactum in mun- dum, quippe quod solo consensu solæque precii conventionione perficeretur ven- ditio, etiam quæ in scriptis fieri deberet. Quare & vix alio iuris loco inuenis factā mentionem distinctionis huius in venditionibus adhibendæ. An in scri- ptis factæ essent, aut sine scriptis. Nam quod scriptum legimus in *l. cum inter 4. C. de peric. & commod. rei vendit.* adiectio sine dubio est interpretis cuiusdam re- spicientis ad supradictam Iustiniani constitutionem, cuius certè magnus & pre- cipuus effectus ad eum maximè tractatum pertinet, De periculo & commodo rei venditæ, in quo nec aliud inspicere solet, quàm utrum perfecta vēditio sit nec- ne, ut sciatur an periculum rei venditæ ad emptorem spectare debeat, an ad ven- ditorem *l. 1. 2. & pass. eod. tit. l. 1. l. si quis vina 4. l. necessario 8. in princip. & pass. D. eod. l. quod sapi 35. §. in his D. de contr. empt.* quibus tamen in locis omnibus cum nulla distinctionis huius mentio fiat, quæ nullomodo prætermitti potuisset, vel ex eo maximè intelligimus non fuisse illam prudentibus cognitam, nec magis Imperatori Gordiano, cuius ea lex est, & qui multis seculis Iustinianū antecessit. Ideoque & in quibusdam editionibus desunt apud Gordianum verba illa quæ nos interpreti adscribenda dicimus tanquam desumpta ex *d. l. contractus*, & ut id coniecere liceat, sunt lineis interclusa, ut solent cætera quæ sunt suspecta. Vellem ego ad eundem modum notata esse postrema illa verba quæ lego apud Vlpianum in *Litem queritur 13. §. ult. D. locat. nisi in scriptis certum tempus condu- ctione comprehensum est*, nisi quod probabilius videtur ut ea Triboniano adscri- bamus, volenti ex noua lege Iustiniani addere exceptionē ad ea omnia quæ Vlpianus in eo §. ult. scripserat de tacita reconductione ob solam patientiam in du- cenda, quasi non debeat ea reconductio tacita induci cum locatio in scriptis fa- cta est, id est, ut Bartolus explicat, cum ab initio conuenit ut scriptura esset dē-
substantia

Substantia locationis secundum formam *d. l. contractus*. Quod eo casu non aliud tempus videatur deductum in locationem, quam quod scriptura comprehensum est, licet alioqui certum sit locationem perinde ac venditionem perfici solo consensu, nec scripturæ ullius adminiculo indigere, quemadmodum ex eodem Vlpiano scriptum est in *l. seq.* & ab Imperatoribus in *l. emptorem 9. l. contractus 24. C. eod.* in quibus mirum esset non fuisse perinde additam illam exceptionem *nisi cum in scriptis locatio fit* si eo tempore aliquis eius distinctionis & exceptionis usus fuisset. Quamquam non facile video quem rationis colorē habeat ista exceptio, etiā supposito iure nouo, quod Iustinianus induxit. Etsi enim fecit ille ut cum conuenit de contrahendo in scriptis, contractus qui alioquin nudo consensu perficeretur, non prius sit perfectus, quam scriptura interuenerit eaq; cōpleta & absoluta sit; Non tamen fecit ut contractus ab initio perfectus in scriptis, nō possit ex tacita voluntate partium continuari ultra id tempus quod in scriptura fuerat comprehensum. Nouaque in eam rem opus esset constitutione Iustiniani, quæ faceret ut contractus ab initio in scriptis habitus non nisi per scripturam continuari posset quod esset multo durius, ne dicam absurdius. Reconductio enim noua conductio est, magis quam continuatio prioris conductionis, & idcirco nouam habet naturam ex communibus iuris regulis non ex prima conuentione æstimanda. Vnde nec illud improbo quod vulgō interpretibus placet ad *d. l. contractus* & ad *l. testium 18. C. de testib.* quæ eiusdem Iustiniani est & velut pars eiusdem constitutionis ut ex inscriptione & subscriptione apparet. Tum quoque cum de contractu scribendo conuenit, censendum tamē esse contractū sine scriptis, potius quam in scriptis nisi expressim conuenerit, ut ad substantiam contractus scriptura interponatur. Ut scilicet à iure communi quam minimum fieri potest recedatur, nec ius nouum & exorbitans facile ultra verba constitutionis extendatur. Consequenter fecit Iustinianus ius nouum in eo quod constituit, ut quauis consenserint cōtrahentes in precio emptionis non sit tamen in potestate emptoris quantumlibet precium offerentis [hoc enim addendum est ad verba constitutionis *l. Iulianus 13. §. offerri D. de act. empt.*] necessitatem imponere venditori ut vel contractum venditionis perficiat, id est in scripturam completam & absolutā redigat, & deinde rem tradat, vel id quod emptoris interest, ei persoluat. Sed caput hoc constitutionis pendet à priore. Nā quo casu emptio & venditio solo consensu perfecta nō est, eo casu nec vlla ex empto aut ex vendito actio nasci potest. Nulla enim aut in venditionibus aut in alio contractuum genere actio est comparata ad perficiendum contractum qui adhuc sit imperfectus, quia prius est ut contractus perfectus sit, quam ut ex eo nasci actio possit. Potest quidem agi ut impleatur contractus qui nondum impletus est, sed ita demum si iam perfectus sit, ut in *l. si quis aliam 46. D. de action. empt.* quoniam aliud est perfici contractum, aliud impleri. Cæterum probat evidentissimè clausula ista legis Iustinianæ quam verum sit, quod nos toties diximus & probauimus in præcedentibus, Venditorem post perfectam nudo consensu venditionem non teneri ad id præcisè ut rem tradat, sed alternatiuè ut vel tradat rem, vel præstet id quod interest iuxta *l. eod. tit. l. si trad. v. 4. C. eod.* Nec video quemquā ex interpretibus qui contrariam sententiā defendūt, cui in mentē veniat aliquid ad hūc textū respondere. Nā si ea tantum ratio probāda est quam adfert Castrensis, Cur venditor qui ad factum obligatus est, cum sit obligatus ad tradendū *l. si rem trad. 28. De verb. oblig.* non liberetur præstatione eius quod interest, Quia inquit, traditio hæc ordinatur ad translationē domini

& idem non merum factum continet, sed etiam dationem, cum ex ea traditione quam venditor facere debet, consecutiue transferatur dominium si erat penes tradentem *d. l. ex empto §. 1.* Ergo quod in *d. l. contractus* ait Iustinianus de danda venditori electione ut vel rem tradat vel præstet id quod interest emptoris, ad eum casum erit restringendum, quo aliena res vendita sit cuius dominium in emptorem transferri non possit: Quod tamen absurdum planè sit dicere. Quid enim attineret laborare tantoperè in perficienda venditione, totque numeris & circumstantiis absolunda si de rei alienæ tantum venditione facienda Iustinianus sentiret? Et hoc quoque admissio, ut ea lex etiam in illo casu alienæ rei venditæ locum habere debeat, Quis tamen dicat restringendam esse ad eum casum, ut non etiam illum comprehendere Iustinianus voluerit, quo venditio facta sit à domino? Cum itaque Iustinianus disertè scribat, In huiusmodi venditionibus quas in scriptis fieri conuenerit, non licere emptori dicere quod precio statuto necessitas imponatur venditori vel contractum venditionis perficere, vel id quod emptoris interest ei persolvere. An non docet apertissime, In aliis venditionibus sine scriptura factis iustam fore illam emptoris allegationem, & olim fuisse in iis quoque venditionibus quas in scriptis fieri placeret, tanquam quæ nudo consensu ac sola precij conventionie iam perfectæ essent, Nisi quod olim nò de perficiendo contractu qui iam perfectus esset agere debebat emptor contra venditorem, sed de eo implendo. *d. l. si quis alienam.* Sed quis ferat quod pro remedio adfert Castreñsis cum cæteris interpretibus ut manu militari auferatur possessio venditori qui rei tradendæ facultatem habeat? Quasi ea sit generalis sententia *l. qui restituere 68. D. de rei vindic.* qua vna omnes in hanc sententiam mouentur. Et si enim postrema illius legis clausula quæ ut reliqua tota lex Tribonianus est non Ulpiani generalem esse monet sententiam & distinctionem in ea lege positam ad omnia siue interdicta siue actiones in rem siue in personam sint, addit tamè statim *ex quibus arbitrato iudicis quid restituatur* ut intelligamus ad actiones tantum arbitrarías quarum aliz in rem aliz in personam sunt *§. præterea Institut. de action.* eam sententiam pertinere, non etiam ad personales illas quæ ex contractu competunt, etiam ad certam speciem dandam siue principaliter siue consecutiue ut Castrensis loquitur. Alioqui perinde esset ea lex ad eas quoque actiones extendenda quæ competere ad rem tradendam & ad merum factum, quod tamen nec Castrensis dicere ausus est, Aut cum ad has extendi non possit quæ ad merum tradendi factum competunt, Cur potius ad illas quæ ad dandum? Cum datio omnis id est dominij translatio includat etiam traditionem in necessariu antecedens, quia ex priuatorum conventionibus, ut potestatem legis excipiam dominium sine possessione transferri non potest, nec rursum possessio nisi per traditionem *l. traditionibus 20. C. de pact. l. per procuratorem 8. C. de acquir. poss. l. 1. §. 2. D. de public. in rem act.* Sed de his omnibus iam satis in Err. 4. Decad. præcedentis. Sequitur in constitutione Iustiniani aliud ius nouum circa contractum dationis arrarum, cuius nec ipsum nomen fuerat antiquæ iurisprudentiæ cognitum: Sed tantum arralis pacti de quo in superiore capite disputauimus. Quid verò hic quoque noui Iustinianus? Hoc vnum quod scriptum est in *§. ult. d. l. contractus, Vt in posterum* inquit si quæ arræ super faciendâ emptione cuiuscunque rei datæ sunt siue in scriptis siue sine scriptis, licet nò sit specialiter adiectum quid super iisdem arris non procedente contractu fieri oporteat, tamè & qui vendere pollicitus est, venditionem recusans in duplum eas reddere cogatur, & qui emere pactus est ab emptione recedens datæ se arris cadat, repetitione earum deneganda.

deneganda. Hæc enim legis verba sunt, ex quibus primùm apparet non idem iuris olim fuisse, cum id ius valere Iustinianus velit *in posterum*. Deinde non de pacto arrali eam legem intelligi debere, sed de contractu dationis arrarum, de quo in principio eiusdem legis in iis verbis *dationis etiam arrarum*. Quam contractus speciem novam & antea inauditam videtur induxisse sola necessitas illius iuris quod ea constitutione inducere Iustinianus cogitabat. Nam cum antea illam constitutionem ita ius esset ut venditio quælibet etiam de qua in scriptis habenda convenisset, solo consensu perficeretur, nec tam ad perfectionem quam ad implementum contractus scripturam sequi oporteret. Illud etiam obtinere necesse erat ut nunquam arra daretur, nisi post consensum illum utrimque præstitum & post perfectam venditionem, cum in id solum daretur ut esset argumentum perfectæ contractæque venditionis ne aliis in eam rem probationibus, aut emptor aut venditor indigeret, quemadmodum supra diximus ex Caio in *d. l. quod sapè 35. in princ. De contr. empt. & ex Iustinianio tit. Inst. De empt. & vend. du*. Nunc autem cum è contrario Iustinianus constituerit ut venditio quam in scriptis fieri placuit, non prius sit perfecta quam de contractu scriptura perfecta sit & absoluta. Illud etiam in necessarium consequens induxit, ut si quæ arræ in eiusmodi venditione dentur postquam consensum est in precio, & ante confectam scripturam, eas necesse sit dicere datas esse ante perfectam venditionem, & idèd non ut antea datas videri ut essent argumentum perfectæ venditionis, sed ut potius perficiendæ, & ut Iustinianus loquitur *super faciendâ emptione*, id est, ut probarent potius initum pactum de vendendo quam venditionem. Qui enim consensus olim relatus ad tempus præsens poterat sufficere ad constituendam & perficiendam venditionem, hodie non inducit nisi pactum de vendendo & emendo, quod faciendam non factam venditionem demonstrat. Idque est quod apertius postea Iustinianus exprimit iis verbis *& qui vendere pollicitus est, & paullo post & qui emere pactus est*. Quo tamen casu cum arrarum datio non possit dici pactum arrale, quippe quod non nisi post perfectam venditionem interponeretur, nec èd minùs tamen suum habeat effectum ex eadem Iustiniani constitutione, quæ & emptorem condemnat ut arras perdat, & venditorem ut duplum earum reddat, necesse est dicere conventionem istam arrarum hodie transire in contractum qui à datione incipit, & proprias suas habet præstationes, propriumque nomen dationis, scilicet arrarum, propriam denique actionem, non ex empto, cui soli locus erat olim si nullo pacto adhibito arræ simpliciter datæ fuissent, & quæ similiter competeat ex pacto arrali, cum actione præscriptis verbis, sicuti supra diximus. Sed, ut puto, conditione ex lege illa Iustiniani quæ novam hanc contractus speciem induxit data ex eo actione: Cui tamen actioni, sicut & contractui locus hodie est, non solum si arræ simpliciter datæ sint, nulla addita conventionione quid contrahentes fieri velissent si venditio non perficeretur: sed etiam si in dandis arris pactum aliquod arrale interuenerit. Nam quod Iustiniani lex habet, *licet non sit specialiter adiectum quid super istis arris non procedente contractu fieri oporteat*. èd tamen pertinet, ut intelligamus nullum esse hodie necessarium arrale pactum ad hoc, ut emptor arras perdat, & duplum venditor reddat, quod tamè olim erat necessarium *l. ult. D. de leg. commiss.* Cæterùm si in ipsa datione arrarum aliquid amplius convenierit, puta ut emptor si emptionem perficere nolet, præstet quanti emptoris intererit, aut quantum minoris res postea venierit, ut in *l. sed Celsus 6. §. 1. D. de contr. empt. Aut venditor si nolet venditionem perficere, ut vice eius quod*

quam innouauit, sed in eo tantum ut ex traditione arrarum ciuilis nascatur obligatio quæ olim nulla nascebatur inter emptorem & venditorem. Pro emptore quidem ut duplum arrarum exigere possit à venditore qui venditionem perficere recusat, Pro venditore autem ut si per emptorem steterit quominus emptio perficiatur arras ille perdat, id est ut earum dominium hoc ipso ad venditorem pertinere incipiat, Nec tantum actionem ex emptio ad eas repetendas emptori denegemus, quæ competere certè non potest ex emptione numquam perfecta. Sed etiam vindicationem, quæ ei tãquam adhuc manenti domino salua esse deberet si non obstaret constitutio Iustiniani: quæ tamen cum iubet emptorem qui emptionem perficere recusat arras perdere, satis ostendit ne quidem hodie transferri dominium per dationem arrarum. Non enim posset dici emptor per suam contumaciam arras amittere quarum dominium iam inde ab initio in accipientem venditorem transtulisset. Cum verò amittit hodie ex sola vi & potestate constitutionis Iustinianæ adeò acquiritur dominium venditori ut si forte rerum pro arris datarum possessione ceciderit, non minùs danda illi sit vindicatio, quàm pro alia re qualibet ad eum iure dominij pertinente. Quod olim nullo casu obtinebat, Nec tum quidem cum pacto arrali conuenerat ut emptor arras perderet. Ex illo namque pacto ut & ex alio quolibet sola personalis actio non in rem parabatur, ut superiore capite dicebamus *ex l. 3. Cod. de action. empt.* Neque verò nouum aut mirum videri debet ut priuatorum pactiones legum autoritate non censeantur *l. ultim. D. de suis & legit.* præsertim quod attinet ad dominium transferendum. Est enim lex vnus ex modis transferendi dominij non etiã priuata pactio nisi quæ & iusta sit & comitem habeat traditionem factam animo transferendi dominij *l. traditionibus 20. Cod. de pact. l. 1. & 2. D. de public. in rem act.* Nisi poneret ea mente factam ab initio arrarum traditionem ut earum dominium venditori acquireretur in eum casum quo nollet ille contractum perficere. Nihil enim vetat dominium sub conditione transferri *l. si ego 9. §. si res D. de iur. dot.* adeoque possessionem quod tamen propter admixtam facti causam difficilius videbatur *l. qui absenti 38. §. 1. D. de acqu. poss.* Et dominia rerum esse in pendenti *l. de hereditate 19. §. ultim. D. de castr. pecul. leg. quadam 15. D. de reb. dub.* Sed aliud est sic fieri traditionem ut in casum aliquem & veluti sub conditione dominium transferatur, Aliud verò post factam traditionem pacisci de perdendo alicuius rei dominio, de quo per traditionem transferendo non fuerat cogitatum, Priore casu potestate traditionis transfertur dominium ab eo qui fuit dominus, & quidem iusta causa concurrente quod fit secundum regulas iuris communis, Posteriori verò casu si dominium transferretur, utique sola pacti potestate transferretur, quod fieri numquam potest.

ERROR SEPTIMVS.

Si emptio sine scriptis facta sit; & arra data sint sine ante sine post perfectam venditionem. Ad eandem l. contractus 17. Cod. de fid. instrument.



NONDUM absoluius quæ tractanda sunt circa hoc ius nouum quod Iustinianus induxit in d.l. *contractus* 12. *C. de fid. instrum.* de arris in emptione datis. Nam illud me aliquando malè habuit, quod cum Iustinianus ipse testetur initio *l. i. Instit. de emption. & vendit.* nihil se innouasse in emptionibus & venditionibus quæ sine scriptura consistunt. Scribit tamen & constituit in d.l. *contractus* §. *ult.* Ut in posterum si quæ arræ super faciendâ emptione cuiuscunque rei datæ sint, licet non sit specialiter adiectum quid super iisdem arris non procedente contractu fieri oporteat, tamen & qui vendere pollicitus est venditionem recusans, in duplum eas reddere cogatur, & qui emere pactus est ab emptione recedens datis à se arris cadat, repetitione earum deneganda, & addit *siue in scriptis, siue sine scriptis facta venditio sit*, quod & repeti supradictò institutionum loco. Atqui constat non ita olim ius fuisse in venditionibus quæ sine scriptis fierent imò ne quidem in cæteris quæ in scriptis, ut ostendunt verba illa in posterum quæ iuris noui constitutionem præferunt. Ergo vel falsum est quod ait Iustinianus nihil se innouasse circa venditiones in scriptis factas, vel supradicta verba fatendum est explicari commodè nō posse, Quæ tamen ne imperito interpreti adscribere possimus, ut illa legis 4. *Cod. de pers. & commod. rei vendit. sonit. & l. siue in scriptis initio* illud impedit quod duobus diuersis locis eadē Iustiniani verba reperiuntur. Denique inauditum fuit toto iure vetere, ut arræ darentur super emptione siue in scriptis, siue sine scriptis faciendâ, cum non aliam ob causam darentur, quàm ut essent argumentum perfectæ iam & contractæ venditionis, quemadmodum idem Iustin. præfatur initio *dist. 1. tit. de empt. & vendit.* post Caium in l. *quod sape* 35. in princip. *D. de contr. empt.* Puto ego Iustinianum hanc fuisse sententiam ut multum inieresse voluerit, an arræ darentur super emptione siue in scriptis, siue sine scriptis faciendâ, an verò super ea quæ iam facta & perfectæ esset. Ut si super faciendâ, obtineant ea omnia quæ ille in d. §. *ult.* constituit, nec adhibenda sit distinctio an sine scriptis, an verò in scriptis venditionem fieri contrahentes voluerint. Si verò super factâ iam venditione & perfectâ, nihil noui Iustinianus induxerit, sed ius vetus hac parte intactum reliquerit. Nam si verba constitutionis respicimus, apparet non nisi ad perficiendam emptionem ea pertinere, ut euidentissimè probant illa *super faciendâ emptione*. Item quæ sequuntur *& qui vendere pollicitus est*, & rursum paulò post *& qui emere pactus est*. Item *ab emptione recedens*. Nemo enim ab emptione iam perfectâ recedere potest inuito eo cum quo contraxit *l. 1. & 2. Cod. quand. loc. ab empt. disc.* Si autem iuris rationem intuemur, nihil causæ erat cur Iustinianus quicquam innouaret circa emptiones, & venditiones iam perfectas cum & emptori & venditori optimè consultum esset propositis actionibus *Ex empto*, & *Ex vendito* si fortè alter contrahentium alteri frangere fidem vellet, & à perfectâ emptione sine iusta causa recedere. At circa venditiones imperfectas vel innouandum nihil erat, vel multa constituenda quæ innouationē facerent æquiores. Innouauit autem Iustinianus primum circa venditiones in scriptis faciendas, ut quamuis olim perinde ac alix nudo consensu perficeretur, nec scripturam pro perfectione sed pro implemento requirerent, hodie tamē pro imperfectis habeantur nisi scriptura interueniat, & ea omnia quæ Iustiniani constitutio requirit. Quo facto & verbis ipsis constitutionis protracto nouo iure ad eas quoque venditiones in scriptis faciendas de quibus iam scripta essent instrumenta uondum tamen absoluta. Illud quoque consequi necesse fuit,

vt arræ quæ pro talibus emptionibus in posterum darentur, non iam eo animo datæ videri possent quo antea, vt argumentum & probationem inducerent perfectæ iam venditionis, sed potius vt argumentum essent imperfectæ quidem adhuc venditionis, sed tamen iam promissæ, & quæ nihilominus ex Iustiniani lege pœnitentiæ iam admitteret. Ea igitur mente vt quamuis libera, non tamen impunita esset pœnitentia, quæ aliqui fuisset impunita, quia quod sit lege per-mittente pœnam non meretur, *vulg. l. Gracchus §. C. ad leg. Iul. de adult.* Voluit enim Iustinianus hoc sequi temperamentum vt liberum quidem esset contrahentibus qui in scriptis contrahere voluissent resilire à contractu, sed non tamen imponi si de eo perficiendo arras dedissent, tanquam qui non eò minus essent perfidi, licet minus efficax, minusque promptum ad inducendam obligationem genus contrahendi elegissent. Et ob eam nimirum causam necesse fuit constituere vt eo casu datio arrarum esset species quædã contractus per se subsistens, nec ab emptione dependens, & vt Castræsis loquitur accessorius ad emptionem, vt antea. Quoniam fieri nequit vt pendeat à venditione imperfecta, cum sit ipse perfectus suâq; vires exerat & paratas habeat præstationes in cuius casum non quo perficietur emptio, sed quo non perficietur, Nempe vt eo metu incurrendæ pœnæ quam Iustinianus præscripsit, inuitaretur vterque contrahenti ad perficiendum contractum. Emptor quidem ne arras perderet, Vendidtor autem ne duplum arrarum redderet, Nullo etiam arrali pacto de iis rebus interposito. Sicuti solemus dicere, Metu pœnæ in cõpromisso additæ pareri sententiæ arbitri compromissarii quæ alioquin vires nullas haberet *l. 2. & pass. D. de recept. Qui arbit. recept. vident. dic.* Postquam verò ita ius constitutum à Iustiniano fuit, & constituendû circa arras pro emptione in scriptis perficienda datas, Visum est eidem Iustiniano nihil planè hodie referre an emptio & venditio pura inter contrahentes facta sit, hoc tamen addito vt in scriptis fiat, an verò pactû duntaxat intercesserit de vendendo & emendo, addita certi & conuerti præcij quantitate. Vtroq; enim casu perinde imperfecta hodie est venditio, nec vlla aut hinc, aut inde actio cõpetit ad perficiendam venditionem, quamuis diuersa ratione. Nã cum in scriptis venditionem fieri placuit licet de precio iam conuenerit, idè nulla actio competit, quia inchoata tantum nec adhuc perfecta venditio est. Ex contractu autè, vt & ex instrumento imperfecto nulla potest actio competere *d. l. quod sape 35. §. in his D. de contr. empte. l. vl. C. eo. l. ex ea scriptura 29. D. qui testam. facer. poss.* At cum interuenit duntaxat pactû de vendendo & emendo licet iam conuenerit de precio, nulladû tamen venditio inchoata est, Tantùm abiit vt sit perfecta, Idèq; ratio alia nulla quærenda est propter quam nulla empti aut venditi obligatio vel actio, adhuc nata sit, quàm quia ex pacto nudo neq; obligatio ciuili nasci potest, nec quæ ex obligatione ciuili, actio *l. iuris gentium 7. §. sed cum nulla v. seqq. D. de pact. l. legem 10. C. eod.* Cum tamen idè sit effectus utroq; casu, aut potius idem defectus & imperfectæ venditionis, & pacti de vendendo ad producendâ actionem ex empto aut ex vendito, Putauit Iustinianus perinde inducendû esse vsum contractus dationis arrarum pro pacto de vendendo atq; pro venditione imperfecta quod utroq; casu subsit eadè ratio necessitatis & utilitatis huiusmodi contractus, ad obstringendos paciscentes vt promissa impleant, & venditionem aut totâ faciant si duntaxat pactû de vendendo interuenerat, aut perficiant si iam fuerat inchoata: Quasi venditio ipsa de qua in scriptis facienda conuenit, effectu ipso nihil aliud sit quàm pactû de vendendo, licet consensum præsentem, & certum precium habeat. Propter

suspensionem quam inducit conventio & necessitas adhibendæ scripturæ, Vt & in cæteris rebus omnibus parum aut nihil prodest inchoasse, quod non perfeceris. Inde nimirum factum est vt quod de arris vel ab emptore perdendis, vel à venditore in duplum reddendis constitutum Iustinianus voluit si convenisset de emptione in scriptis faciendâ, idem protractum voluerit ad arras datas post pactum de vendendo & emendo, vt neque hoc casu impunita sit perfidia eius qui contra placiti fidem recusat adimplere venditionem aut emptionem. Nam cum per pactum contrahatur naturalis obligatio *l. Stichum aut Pamphilum 95. §. naturalis de solut.* Is autem naturâ debere dicatur quem iure gentium dare oportet cuius fidem secuti sumus *l. cum amplius 84. §. is natura debet De reg. iur.* apparet non minùs perfidum, & iuris gentium violatorem illum esse, qui quod pacto nudo promisit non præstat quàm qui iam inchoatâ venditionem implere recusat. Ergo & puniri æquum est, saltem arrarum iactura, tùm quoque cum arrale pactum nullum intercessit, id est de perdendis vel reddendis arris nihil convenit. Sed quanam vel actione, vel exceptione, nisi remediû Iustiniani constitutio attulisset? Et sanè non habet quod conqueratur emptor aut vëditor, cui pœnam hanc Iustinianus irrogavit eo casu quo de venditione in scriptis faciendâ cõvenit, cum æqui boniq; cõsulare debeat quod non cogatur præcisè aut vëditionem implere aut id quod interest, vel precij vfuras præstare, quorum alterutrum tamen etiam hodie facere teneretur si nova Iustiniani constitutio non faceret imperfectam & inefficacem venditionem, Commutata potestate vëditionis & emptionis in potestatem dationis arrarum, ad arras aut perdendas, aut reddendas, veluti pœnæ nomine, quam tamen evitare vterque contrahentium possit, si fidem implere ac venditionem aut emptionem perficere malit. In quo fecit vtiq; Iustinianus meliorem ipsorum condicionem, quàm futura esset ex ratione iuris communis. Is autem qui pactus tantùm est de vendendo vel emendo iustam querelæ occasionem habere videtur de Iustiniani lege, quæ cum arræ datæ sunt, duriorem ipsius condicionem fecerit quàm esset antea cum ex forma iuris veteris neque arras perdere emptor deberet, neque venditor duplas reddere, tametsi fidem frangere maxime voluisset. Verùm ad id respexisse Iustinianus videtur, quod cum post initum pactum de vendendo vel emendo arræ datæ sunt, longè insignior ac quodammodo duplex sit perfidia illius qui postea venditionem facere recusat, quia & duplex pactû hic est. Vnum de vendendo & emendo. Alterû in ipsa datione arrarum, per quam geminatur prior cõsensus ex vtraque parte & dantis & accipientis. Nâ & Prætor ipse cuius multò minor fuit auctoritas quàm Imperatoris, quædâ pacta suo edicto excepta voluit, ex quibus cõtrâ iuris sui communes regulas actionem daret, Pactum scilicet de constituta pecunia & pactum de pignore *l. 1. D. de constit. pecun. l. 4. D. de pigno.* Nimirum quia vtrumque pactum secundum est, & vt alteri obligationi priori saltem naturali accedat, necesse est. Grauius enim fidem fallit qui bis fallit quàm qui semel. At qui datio arrarum similiter accedit semper ad obligationem aliquam præcedentem, quæ saltem sit naturalis. Si enim non fiat post vëditionem iam inchoatam, necesse est vt fiat post pactum de vendendo aut emendo, adeoque quod magis est post factam conventionem de certo precio. Alioqui esset inanis & illusoria datio arrarum, cum potissima difficultas venditionis contrahendæ versetur circa conventionem precij, dum emptor viliori comparandi, venditor autem cariore distrahendi votum gerentes ad hunc contractum accedant, vixque post multas contentiones paulatim venditore de eo quod petierat detrahente, emptore

ptore autem hūc quod obtulerat, addente ad certum consentiant precium, ut eleganter scripsum est *in l. si voluntate 8. Cod. de rescind. vendit.* Quis enim aut emptori, aut venditori posset imputare si in precio consentire nunquam vellet? At cum in precio seniel consensum est non per contractum emptionis & venditionis, sed per pactum duntaxat de emendo & vendendo nulla tam difficultas superest, quæ emptionem & venditionem remorari possit, nisi si qua ex emptoris aut venditoris non tam poenitentia, quàm perfidia proficiatur, cui favere iniuriosum, quàm punire honestum ac iustum sit. Nihil ergo iniqui hac parte habet constitutio Iustiniani, quin potiùs hoc commodi, ut datio arrarum iuncta pacto de vendendo possit penè ab invito emptore aut venditore elicere perfectionem contractus, metu pœnæ & conditionis ex lege Iustiniani, perinde atque si coniuncta esset vend. tioni tam inchoatæ. Quoddam enim aliud volunt est paciscendum, nisi ut quicquid in pactum deducitur, effectum suum plenissimū sortiatur, licet nulla pœnæ stipulatione sit vallatum? Porro his duobus casibus, id est, siue conuenerit ut emptio in scriptis fieret, siue pactum duntaxat de vendendo & emendo præcesserit, necesse fuit Iustiniano inducere ut datio arrarum per se subsistens nullòque alterius contractus adminiculo suffulta propriam constitueret speciem contractus quam olim nullo casu constituerebat, cum accederet semper ad perfectam emptionem; Non quia nimis nouum videri potuisset dari actionem ex pacto nudo, quam & Theodosius iam olim dedit favore dotum nientiam ex nuda dotis pollicitatione *had ex actionem 6. C. de dot. promiss.* & Iustinianus ipse ex pacto donationis *in l. si quis argentum 35. §. ult. C. de donat.* Sed quoniam datio arrarum per se ne quidem pactum est, nec quid apertū & habibile ad obligationem inducendam, adeoque nec ad confirmandam eam quæ iam inducta sit, sed tantum ad demonstrandam illam & probandam. Fecit Iustinianus obligatoriam, cum poenam indixit ei per quem fiat quominus perficiatur contractus cuius faciendi vel perficiendi intuitu arræ datæ sunt: & cum ob eam causam dedit conditionem ex lege, Confirmatis etiam pactis omnibus quæ in datione ipsa interuenerint. Ut ex his nimirum deiat non tantum conditio ex lege, verum etiam Præscriptis verbis tanquam ex aliis pactis quibuscumque adhibitis in contractu stricto. Qualis haud dubiè est quisquis est innominatus, In quo numero ponendus hic est, dationis arrarum, cum incipiat à datione. Nam quicquid præcedit dationem aliud est à contractu, licet datio ipsa non fiat nisi ex pacto, ut & in Permutatione, & contractibus Do ut des, & Do ut facias, Sicut & factum in contractibus Facio ut des, & Facio ut facias, Nempe quia datio arrarum, non autem pactum de dandis arris initium obligationi, & contractui præbet.

ERROR OCTAVVS

De arris datis post perfectam emptionem. Et quid si conuenerit ut si emptorem penitent siue venditoris.



Videtur ergo si nō super facienda aut perficienda vditione arræ datæ proponatur, sed, ut fiebat olim, post perfectā nudo consensu ac sine scriptis vditione. Idemque tractari potest circa emptionē factam in scriptis si ponas scripturam quoque completam esse & absolutam.

Ccc ij

Erit enim hoc casu perfecta venditio etiam de qua conuenerat ut fieret in scriptis, necdū tamen erit impleta, quod longè diuersum est ut docuimus. Impletur enim traditione rei venditæ ex parte venditoris & numeratione precij ex parte emptoris *l. si quis alienam 46. iunct. l. ex empto 11. §. 1. v. pass. D. de act. empt.* Anque dicemus ex eadem Iustiniani constitutione futurum ut emptor si precium numerare nolet, arras perdat: Venditor autem si rem tradere aut id quod emptoris interest persolvere recusabit duplas restituat? Ita vulgo nostri putant *ad d. l. contractus*, ubi Castrensis *num. 11.* ne quidem de hoc dubitat, sed de illo tantum de quo antiqui glossatores magnis inter se contentionebus disceptarunt. An emptor qui arras dederat venditori audiendus sit si malit cogere venditorem ad rem tradendam aut ad præstandum id quod interest quàm arras duplicatas repetere, An verò sit repellendus, tanquam qui per dationem arrarum sibi præiudicauerit, & à prouisione legali recessisse videatur. Ac quoniam frequentiore calculo in illam eunt sententiam, ut non sit iuris communis beneficio priuandus emptor qui arras dedit, solent illi subinde quærere, An si emptor duplicatas arras petierit & consecutus sit à venditore, adhuc permittendum ei sit ut agat, ad id quod interest, si intersit suprā quàm sit precium arrarum duplicatarum. In qua quæstione magis probant ut non possit, sed debeat esse contentus via extraordinaria quam elegit, ut idem Cast. concludit *num. 11. & 13. ad fin.* Ego verò quæstiones istas omnes prorsus ociosas esse arbitror & ex falsa suppositione constatas. Supponunt enim quod nos negamus, nouam Iustiniani constitutionem ad has quoque emptiones & venditiones quæ iam perfectæ fuerint pertinere. Et consequenter ad eum casum quo arras datæ sint super emptione perfecta cum tamen legis verba quæ suprā retulimus non loquantur nisi de emptione facienda, nec de alio venditore quàm qui pollicitus tantum sit vendere, nec de alio emptore quàm qui duntaxat pactus sit emere. Quorum omnium nihil est quoad casum perfectæ venditionis accommodare possis. Cur ergo legem nouam poenalem, & ob hoc ipsam odiosam, velis extendere ad eum casum de quo nullomodo loquatur? An fortassis ex identitate, adeoque ut loquuntur, maiori parte rationis, quod absurdum sit meliorem esse conditionem eius qui perfectæ venditionis fidem fregerit, quàm illius qui vel imperfectæ, vel pacti tantum de vendendo? Inò inquam diuersissima horum casuum ratio est. Semper enim melioris conditionis erit emptor post perfectam emptionem licet ei denegemus arrarum duplicatarum repetitionem, Cùm eo casu sit habiturus suo iure ac citra vllam constitutionem Iustiniani actionem ex empto ad extorquendam ab inuito venditore traditionem rei venditæ, aut præstationem eius quod interest, cuius quantitas vix est ut non excedat semper arras duplicatas. Nec enim arrarum nomine dari solet, nisi quid minus precio, ut in precium conuerti & imputari possit, ut in *dist. 1. 2. Cod. quand. lic. ab empt. disced. l. vltim. D. de leg. commiss.* Id autem quod interest non solum æquat sed etiam egreditur plerumque precium *l. 1. D. de action. empt. l. in interdito 6. D. unde vi.* Etsi hoc tantum ad eas arras pertinet quæ consistunt in pecunia numerata, in qua & precium consistere semper debet *§. precium Institut. de empt. & vendit.* Quo tamen casu noli dicere cum Accursio *ad dist. 1. 2. Cod. quand. lic. ab emption. disced.* videri id actum inter contrahentes ut arras conuerterentur in precium, & darentur in partem precij. Licet enim per pactum id fieri possit, ut in *dist. 1. vltim. D. de leg. commiss.* Attamen nullo interueniente pacto

pactum falsum est videri illo casu datas arras pro parte precij, Cum implicet contradictionem vt eadem pecunia detur pro arra & pro precio, siquidem pecunie pro arra datas quatenus arra est dominium numquam transfertur in accipientem. Quomodo transferri necesse est dominium pecunie quæ pro precio datur *dist. l. x. emptio 11. §. 1. D. de act. empt.* Proinde quamvis solutio precij siue totius siue pro parte faciat vt res desinat esse integra quominus nudo consensu contrahentium resolui adhuc possit venditio, arræ tamen datio numquam facit, vt eo minus sint omnia integra, nec magis cum in pecunia consistit, quam cum in auro, vel in annulo, vt in *dist. l. 2. Cod. quando lic. ab empt. dist. l. 1. ex emptio §. is qui vna D. de act. empt. l. cuiusque §. 9. item si institor D. de inst. act.* Nihil enim commune habet arræ datio cum subitantiis contractibus, neque venditionem aut imperfectam perficit, aut perfectam implet, siue in totum, siue pro parte: Licet ad hoc potissimum tendat, vt venditio vel perficiatur si imperfecta sit, vel impleatur, si perfecta. Sed nec illud probare possum quod eidem Accursio placere video *ad dist. l. 2.* Si is qui arram dedit pactus sit in ea danda, vt si eum factæ venditionis poeniteret, arra fieret venditoris, acquiri venditori dominium ita vt rein pro arra datam possit vindicare si forte eius possessione ceciderit. Et si enim hoc casu non solum pactum interuenit, sed etiam traditio à domino facta per quam dominium transferri possit vt rationatur Accursius. Nego tamen posse transferri dominium per traditionem quamvis factam à domino, si aliam nullam causam habeat quam pactum nudum, quoniam hoc casu traditio nulla est, nec vestiri potest per pactum cohærens quod ipsum sit nudum, quodque per traditionem vestiri debeat, vt nudum esse desinat, & actionem parere possit *in traditionibus 44. D. de pact. l. vltim. Cod. de rer. permut. l. legem 9. Cod. de donat.* Nuda autem traditio nunquam transfert dominium sed ea sola que iustum aliquem titulum habet pro causa, vt tories diximus *ex l. numquam nuda 31. D. de acquir. rer. domin.* Quamquam verò in proposita specie in qua ponimus datam esse arram post perfectam emptionem videtur precedere titulus emptionis qui iustissimus est *dist. l. numquam*, dici tamen non potest traditionem hanc habere titulum emptionis pro causa, cum è contrario non habeat locum huiusmodi pactum arrale nisi in eum casum quo ab emptione discedatur, & emptio irrita fiat: Vt non tam emptio, quam non emptio huius pacti causa esse videatur. In eoque errat frequenter Accursius qui in questione illa quoties occurrit, De translatione dominij, nihil aliud inspiciendum putat, nisi an traditio à domino facta sit, nec requirit præterea vt traditio sit non nuda, quod tamen Iurisprudentia tota exigat *dist. l. numquam 1. 3. D. si vsu fr. pet. l. si finitas 15. §. Iulianus D. de damni. infect.* Nempe quia differentiam illam duplicis dominij bonitarij & Quiritarij non intellexit, quam totam Vlpiani Fragmentis debemus *Tit. 19. De acquir. rer.* & de qua tam multa iam sæpe scripsimus. Cum igitur arrarum traditio nullam iustam causam habeat transferendi dominij, nec aliam vllam quam voluntatem nudam contrahentium, Propterea consequens est vt non magis transferri ex ea possit dominium quam si à non domino facta esset. Quare nec ita concipiunt hoc pactum prudentes nostri vt res quæ arræ nomine data est ab emptore, fiat venditoris, quomodo concipitur ab Accursio, sed vt arram emptor perdat, vt in *dist. l. vltim. D. de leg. commiss.* Quomodo etiam loquitur Iustinianus in *dist. l. contractus 17. in fin. Cod. de fid. instrum.* An verò possit emptor dici arram perdere tunc cum ab emptione vellet recedere, si eius dominium iam transfuisset per traditionem? Amittitur enim dominium tunc

cum transferretur, cum penes duos in solidum eodem tempore esse non possit
vulg. l. 5. §. si duobus D. commod. l. de hereditate 19. §. pater D. de cast. pec. Scio
 quod iam supra monui posse dominium esse in pendenti, & sub conditione
 quoque transferri *dist. l. de hereditate §. ultim. l. quadam sunt 35. D. de reb. dub. l. si
 ego 9. §. si res D. de iur. dot. licet & possessionem l. qui absenti 38. D. de acquir. poss.*
 Sed dico non aliter id evenire posse, quam si traditio facta sit ex iusta causa ut
 in legibus supradictis. Fateor non esse iniquum pactum ut emptor arras perdat
 si eam pignorem irritam facere velit. Sed alia causa est pacti, alia traditionis, id
 est alia perdendarum arrarum, alia tradendarum. Nec tantum pacti sed potius
 siuam traditionis iustam causam esse oportet ut dominium transferatur. Quod
 autem iustum sit pactum, nihil aliud inducere potest nisi ut si incontinenti post
 perfectam venditionem vel rebus integris etiam ex intervallo adhibitum sit,
 actionem ex empto quæ personalis est parere possit, non etiam prodesse ad
 translationem dominij, ex eaque causa inducendam civilem vindicationem.
 Præter id quod implicat contradictionem, ut cum aliquid arrarum nomine
 datur ab emptore, dominium eius transferatur in venditorem, quia nec dan-
 tis animus ille est nec accipientis, cum non soleant arras dari post venditio-
 nem perfectam, de quibus solis nunc loquimur nisi ut sint argumentum per-
 fectæ venditionis *dist. l. quod sepe 35. De contr. empt. & apud Iustinianum in
 Tit. De empr. & vendit.* Quamquam nec animus ille sufficeret, secuto et-
 iam pacto & secuta traditione, ut dixi, si non præcederet iusta causa raden-
 di. At neque potest ita concipi pactum ut emptor arras perdat ob non imple-
 tam emptionem, quin addas convenisse præterea ut res inempta fieret sicut in
dist. l. ultim. de leg. commiss. Alioqui manente ac subsistente venditione, alte-
 rorum evenire necesse esset. Ut vel venditor quoque à venditione discedere
 vellet, vel non vellet. Si vellet, utique pactum inciperet esse iniquum, ex quo
 emptor arras perderet ob non impletam venditionem à qua discessisset con-
 sentiente venditore, qui eam ut venditioni stare cogere actione ex vendito
 potuisset. Nec ea sanè videtur fuisse mens paciscentium, sed illa potius ut
 arras emptor perderet si inuito venditore venditionem irritam, & fundum in-
 emptum facere vellet. At rursus si nollet venditor à venditione discedere,
 non esset in potestate emptoris arras perdendo resolvere perfectam venditio-
 nem: quippe quæ non nisi mutuo & contratio consensu resolveri potest siue
 arras aliquæ datæ sint, siue nullæ *dist. l. 2. Cod. quand. lic. ab empr. disced.* Quia
 imò etiam rato manente pacto, & arris perditis, venditio nihilominus sub-
 sisteret, quæ non esset resoluta. Quod ipsum tamen etiam iniquum pactum
 faceret cum perditio arrarum nihil nisi poena sit resolutæ venditionis, quam
 poenam pati non debet emptor, qui licet id maximè agat quantum potest ut
 venditionem irritam faciat, eam tamen irritam facere non potuit, neque a-
 ctionem venditori ex ea competentem auferre *l. penult. vers. nec tamen Cod. si
 mancip. ita fuer. alien.* Atqui tractat Accursius eum casum, quo venditio per-
 fecta fuerit, nec ponit convenisse pacto ut per solam emptoris poenitentiam
 irrita fieret. Quæ conventio nec scio an defendi iure posset. Nam quemad-
 modum in alterutrius contrahentium meram voluntatem conferri venditio
 non potest *l. hac venditio 7. D. de contr. empr. l. in venditio 13. Cod. eodem.* ita nec
 resolutio venditionis, quam perinde ex mutuo utriusque consensu fieri opor-
 tet *dist. l. 2. Cod. quand. lic. ab empr. disced.* Eadem enim iuris ratio utroque casu
 locum habet quam adfert Vlpianus in *dist. l. hac venditio*, quod non debeat esse

In arbitrio eius qui obligatur an sit obstrictus, Multò minùs an maneat obstrictus; qui semel fuit, Vt eadem sit in omnibus ratio distractus quæ contractus; quod & nostri fatentur ita esse debere *ex l. de tutela 7. Cod. de in integr. restit. minor. l. sub preteritis 19. Cod. de transact.* Et quamvis tùm quoque cùm pactum ita conceptum est, vt in *dist. l. ultim. D. de leg. commissi.* id est vt si emptor intra certum tempus precium non solueret arras perderet, ac res inempta fieret, videatur collata in arbitrium emptoris resolutio venditionis cùm in arbitrio & potestate ipsius futurum sit vt precium non soluat atque ita venditionem irritam faciat. Multum tamen interest an in nudam eius voluntatem collata sit resolutio emptionis, vt in casu Accursij, an verò in eum euentum qui pendeat ex ipsius voluntate, vt in *dist. l. ultim.* Habétque locum hîc quod iactari solet, Expressa nocent, non expressa non nocent, vt & in specie *l. nonnumquam 52. De condic. & demonstr. l. si ita legatum 65. §. 1. De legat. 1. l. fidei commissi 11. §. quamquam de leg. 3.* Non potest igitur verum esse quod vult Accursius, Ex eiusmodi pacto de arras perdendis & venditori acquirendis si emptorem pœniteat perfecta venditionis, transferri dominium arrarum in venditorem, vt à quocunque possessore vindicate postea eas possit, cùm neque pactum hoc valeat. Fefellit Accursium constituto Iustiniani in *dist. l. contractus*, vbi perdit arras emptor si ab emptione recedat, nec quicquam amplius ab eo exigere venditor potest: Nec videt Accursius quod nos docuimus in præcedentibus, tractari à Iustiniano casum illum quo emptor arras dederit pro imperfecta emptione perficienda. Quo casu nihil est quod tractari possit de venditione resoluenda quæ nunquam perfecta fuerit. Nos autem de venditione iam perfecta & ex qua nate sint verinque obligationes empti, & venditi & actiones, Ex empto & Ex vendito, quæ etiam rebus omnibus integris resolui non possunt nuda voluntate, sed mutuo tantùm consensu vtriusque. Præter id quod iam diximus, Aliud esse pacisci de arras perdendis, aliud verò de dominio earum in venditorem transferendo. Nam ex pacto de arras perdendis nascitur tantùm personalis actio ex vendito aut ex emptio, non etiam vindicatio, quæ nasceretur utique ex translatione dominij. Vt etiam hoc casu verum sit quod ait *l. 3. C. de action. empt.* Ex arrali pacto personalem duntaxat actionem paciscentibus præparari, Ad exclusionem scilicet vindicationis quæ ex pacto illo etiam si traditionem iunctam habeat nasci potest. An ergo si earum rerum quæ pro arras datæ sunt possessione venditor ceciderit, nullam pro his repetendis actionem in rem habeat? Imò verò habebit Publicianam quæ utilis & prætoria in rem actio est, & subsidiaria civilis vindicationis, Vt eo plerumque casu competat cui directa & civilis competere non potest. Etenim quo casu traditio dominij transferre nequit, aut quia facta sit à non domino, aut quod iusta causa transferendi dominij nulla præcedat, solet illa transferre causam vsucapiendi *dist. l. 3. D. si vsusfruct. præ. dist. l. si sumus 15. §. Iulianum D. de damn. infect.* & consequenter inducit Publicianam quæ datur eo colore quasi possessoriam vsucaperit eam rem quam possidet, tamen si vsucapionem eius nondum compleuerit *§. namque Instit. de act.* Amplius puto, addendum esse hunc casum quibusdam aliis in quibus datur Publiciana etiam contra dominum aduersus communes prætorij iuris regulas, *l. permitt. & ultim. D. de Publican. rem act. lunct. l. si à Titio 72. D. de rei vind. l. 4. §. si à Titio D. de doli mal. except. l. 2. D. de except. rei vend.* Nā cùm is qui dominus nō est ius habeat ab ipso domino, & ex ipsius voluntate plus iuris habere debet quàm alius quilibet bonæ fidei possessor, tamquam qui

plus quàm bonæ fidei possessor esse videatur. Quæ enim fronte Publicianæ actioni posset ille obicere exceptionem dominij, cum ipse arras tradiderit, & quidem ex iusto pacto? Cur ei permitteremus contra proprium factum, propriamque conventionem venire? Aut si exceptionem dominij ab eo patiamur obici, saltem replicatio doli aduersus eum danda esset, vt & in *dist. l. 72. De rei vindic. dist. l. 2. De except. rei vendit. dist. l. 4. §. si à Titio De doli mal. except.* atque ita semper utilis & efficax erit Publiciana etiam contra emptorem ipsum qui manserit dominus. Cæterùm quæ ratio facit vt venditor non possit eas res, quæ pro arras datæ sunt, vindicare si ab alio possideantur, quia dominus non est, eadem efficit vt earum vindicatio danda sit emptori, quia mansit dominus. Et quidem sine exceptione si eas vindicet ab alio, quàm à venditore, quia ex pacto arrali nihil iuris habere contra emptorem alius quàm venditor potest, sed si contra venditorem ipsum agere vellet repellendus esset doli exceptione. Nam quæ ratio æquitatis daret venditori vindicanti replicationem doli aduersus exceptionem dominij, eadem suadet vt ei aduersus emptorem vindicantem accommodanda sit doli exceptio, non minùs quàm si vindicare vellet rem à se venditam & traditam, cuius ipse dominium in alium non transfuisset *l. 1. & tot. tit. De except. rei vendit. l. vindicantem l. 7. l. Scia 73. D. de eiusd.* Ex his intelligimus verum esse quod Iustinianus proficitur initio *dist. Tit. l. 1. de empt. & vendit.* nihil se innouasse in *dist. l. contra alium*, circa venditiones & emptiones sine scriptis factas, nec circa arras super iis datas, dummodò de iis emptionibus intelligas, quæ iam sint perfectæ, Innouasse tamen circa emptiones sine scriptis faciendas & adhuc imperfectas, quæ nihil aliud sunt nec esse possunt, quàm pacta de vendendo & emendo, ac circa arras super iis datas, siue pactum arrale aliquod interuenerit, siue nullum. Nam ita ius erat ante illam constitutionem vt pacta arralia facta in datione arrarum priusquàm perfectæ esset venditio non valerent si non essent vallata per stipulationem, cum datis arrarum nondum eo tempore contractus esset, cuius coherentia eiusmodi pacta vestiri possent.

ERROR NONVS.

De replicatione doli quam emptori datur Accursius in posteriore specie l. 2. C. quando lic. ab empt. disced.

DISTINGVUNT Imperatores in *l. 2. C. quando lic. ab empt. disced.* an post perfectam nudo consensu emptionem & ante rem secutam arras datæ sint, deinde nudo consensu inter contrahentes placuerit vt ab emptione in totum recederetur, an verò post solutionem precij aut partis precij tale pactum interpositum sit ad resoluendam venditionem. Prior casu referunt vulere pactionem, & resoluta venditione ipso iure competere actionem ex empto ad arras recuperandas, de quo iam diximus. Posteriore verò si partem precij inquit perfoluisti, ad ea quæ venditor ex venditione prestare oportet, magis actionem, quàm ad precij quantitatem quam te dedisse significasti, habes, Vbi noster Accursius notat sensum legis esse, vt in hac posteriore legis specie actio ex empto competat emptori aduersus venditorem ad rem tradendam nil obstante pacto quopost

post perfectam emptionem, solutamque partem precij conuenerat ut ab emptione discederetur, sed opposita, inquit, replicatione doli si venditor de pacto excipiat. Hoc verò primum est quod probare non possum. Nam præter id quod de replicatione ista doli nullum apud Imperatores verbum est, Non video quoniam hic necessitas aut utilitas possit esse huiusmodi replicationis, Quia cum actio ex empto sit bonæ fidei certum est inesse illi exceptiones pacti & doli ipso iure *l. sed si fides 21. D. solut. matrim. l. 3. D. de rescind. vendit. l. huiusmodi 84. §. qui seruum de legat. 1.* Ergo & replicationes, quæ nihil aliud sunt, quam exceptiones licet ex actoris parte veniant *l. 2. D. de except.* Vbi quod additur idem necessitas esse replicationes ut exceptiones excludant & oppugnent, ostendit satis. Non esse igitur illas necessarias quoties nec ullam exceptionem obici necesse est, ut in bonæ fidei iudiciis. Idemque de duplicationibus, & triplicationibus iuris est. At neque probare possum quod Accursius putat dandam ex eiusmodi pacto resolutorio exceptionem ullam venditori. Primum quia pactum hoc resolutorium interpositum re non amplius integra nullius plane momenti est ad resoluendam venditionem, non tantum ipso iure sed & ope exceptionis, Alioquin effectu ipso resolveretur venditio, si ope saltem exceptionis pacti huius resolui posset, Nec valde interesset quod ad effectum rei pertineret, an ipso iure an exceptionis tantum ope resolveretur. Sicuti solemus dicere, Nihil interesse an ipso iure quis actionem non habeat, an ea per exceptionem infirmetur *l. nihil interest 12. D. de reg. iur.* Adcoque nullam videri actionem ei competere qui eam habet quam debitoris excludit inopia *l. nam is nullam 6. D. de dolo.* Deinde quia cum huiusmodi pactum nullius omnino sit momenti, ut diximus, non potest eam vim habere ut pariat exceptionem. Ex namque demum pacta exceptionem pariunt quæ Prætor edicto suo seruaturum se pollicetur *l. iuris gentium 7. §. ait Prætor de pact.* Non enim seruat nisi data ex his exceptione. In pactis autem quæ Prætor se seruaturum pollicetur, ea nominatim excipiuntur quæ contra leges facta sunt. In quo numero hoc sanè est per quod id agitur ut à perfecta venditione post rem ex alterutra parte secutam iurdo pacto recedatur, quod iuris ciuilis regulæ non admittunt *d. l. iuris gentium §. adeo dist. l. 2. & 1. Cod. quando lic. ab empt. disced. l. prout 80. de solut. l. nihil tam naturale 35. de reg. iur.* Nihil ergo est quod tantopere exclamet Accursius *ad dist. l. 2.* esse mirabile ut hoc casu nulla ex huiusmodi pacto detur exceptio. Nam & idem euenit in alio quolibet pacto, quod contra iuris ciuilis regulas interpositum probetur. Puta si quid pupillus sine tutoris auctoritate pactus sit. Nec enim etiam si stipulanti promississet, teneretur *l. contra 28. D. de pact.* Prius itaque est, ut pactum valeat quam ut quæri possit, an ex eo dari debeat exceptio. Quæ ut in proposita specie dari nullo modo possit, illud etiam impedit, quod cum solius æquitatis intuitu Prætor pacta tueatur dando ex iis exceptiones, in hoc tamen casu euidentis iniquitas occurrit si pactum hoc tueri Prætor velit & exceptionem accommodare venditori ne cogatur rem tradere emptori à quo iam partis precij solutionem acceperit. Sic enim fieret ut & rem totam retineret quam vendidisset, & præterea partem illam precij quam, ab emptore accepisset, quod omnino alienum esset à bonâ fide *l. ex empto 11. §. ult. l. bona fides 50. D. de action. empt. & consequenter ab æquitate naturali, cuius tamen solius vinculo pacta nuda sustineri necesse est ut iusta dici possint, & ad producendam naturalem obligationem idonea l. Stichum aut Pamphilum 95. §. naturalis D. de solut.* Quæ igitur fronte ausit venditor exceptionem istam pacti

oblicere emptori ut rem venditam non cogatur tradere, cum pars precij quam accepit, retineat? Sed etsi totum id quod solutum est precij nomine vellet restituere, non aliud tamen dicendum putarem, quia oblata precij restitutio tolleret quidem illam iniquitatem quam alioqui futuram diximus si venditor & rem, & precium retineret. At non facit validum pactum quod ab initio fuit inutile, quodque non tantum ut potestatem haberet resoluendæ venditionis, quod inter pacificantes agebatur, sed etiam ut valeret ad producendam exceptionem, nec contra iuris regulas interpositum videtur, debuerat concipi ad eum modum quæ Aristoteli & Neratius præscripserunt in *l. ab emptione* §8. *D. de pact.* Vt scilicet retro præstato per venditorem precio quod ab emptore acceptum, nihil ille emptori præstare cogeretur. Quo casu sicuti pactum valuisset tanquam iuri consentaneum ita eam vim habuisset quam pacificantes volebant, ut venditio ipso iure resolveretur, nec proinde necessaria esset venditori exceptio pacti ad rem retinendam: quippe qui traditionem rei debere ipso iure desuisset, ut in *dist. l. ab emptione*. Omnis enim exceptio cum ideò comparata sit ut actionem excludat, quemadmodum diximus ex *l. 2. D. de except.* necessario præsupponit actionem, ut & actio quælibet personalis obligationem *l. licet* 43. §. *ea obligatio. D. de procurat.* ac proinde sublata ipso iure per pacti potestatem omni obligatione venditi, nihil superest quod vel de actione ex empto, vel de exceptione pacti contra eam actionem accommodanda tractari possit. Quod si pactum hoc sui natura tale est ut ne tunc quidem cum valet producere exceptionem possit, quâvis eam potestatem habeat, ut resoluat ipso iure venditionem, quia scilicet in eam rem duntaxat interponitur, ut contractum resoluat non ut exceptionem pariat. Quanto minus proderit ad exceptionem eo casu quo non valet, ac iam inde ab initio inutile est & contra leges? Proinde cum nulla venditori possit exceptio competere adversus emptorem agentem ex empto ad rem tradendam, nulla quoque emptori aut necessaria aut utilis potest esse replicatio doli. Ut verò hunc Accursij errorem magis demirer, illud facit quod eundem Accursium video in *dist. l. 2.* subinde querere si parte precij per emptorem soluta & re per venditorem tradita actum sit ut recedatur à contractu, numquid in eo quod solutum non est habeat emptor exceptionem. Et ait primum, Videri dandam quia pactum nudum pariat exceptionem. Sed tamen concludit in contrarium, Non esse emptorem iuvandum exceptione, quia, inquit, iam haberet rem sibi traditam & precium quod esset iniquum. Et statim addit, *Vnde remanet mirabile ut nudum pactum non pariat exceptionem.* Sed ratio est, inquit quia non ad hoc interponitur, sed ut contractus rescindatur. Ego verò, Quid, inquam, est in hac specie quod non sit in priore? Nisi quod in hac posteriore venditor in totum satisfecerat, emptor autem non nisi pro parte precij ante interpositum pactum de resoluenda venditione. In priore verò, emptor quidem similiter pro parte precij satisfecerat. Venditor autem nullomodo, quia rem venditam nondum tradiderat. An non verò perinde iniquum est pactum de resoluenda venditione interpositum, cum venditor partem precij iam habens, retinet adhuc rem venditam, atque cum emptor accepta re vendita, precij tamen partem vult adhuc retinere? Nonne utroque casu ratio eadem est iniquitatis siue emptor siue venditor ille sit qui & rem & precium retineat *dist. l. ex empto* 11. *alias l. emptorem* §. *ultim.* *l. Iulianus* 13. §. *peccatum: dist. l. bona fides* 50. *De action. empti. l. curabit* 5. *Cod. eod.* Cur ergo in superiore facti specie dat Accursius venditori exceptionem pacti, quam in posteriore denegat emptori? Aut cur non perinde facit necessariam venditori replicationem

tionem doli, atq; in priore specie voluerat esse illam necessariam emptori? Aut si ratio illa bona est propter quam in posteriore non debeat nasci exceptio ex pacto, quod non in id fuerat interpositum ut pareret exceptionem, sed tantum ut rescinderet venditionem quomodo ipse loquitur. Quidni ergo idein adiungit in priore specie ab Imperatoribus tractata, ut exceptio nulla ex pacto nasci possit cum eadem mente resoluendę venditionis pactum utrobique adhibuit proponatur, & iisdem verbis conceptum? Bene igitur Acursius hoc tantum quod denegat emptori exceptionem ex huiusmodi pacto. Item quod iniquum esse ait ut emptor habeat & rem sibi traditam & partem precij, quod nondum soluerit, Sed nuda tamen ratio huius iuris illa est quam ipse adfert, cur ex hoc pacto nulla nascatur exceptio. Debuerat enim ille eam potius adferre, quā ad prioris speciei quætionem accommodauimus, quod pactum hoc utroque casu sit contra leges, & consequenter ex eorum numero quæ Prætor edicto suo excepit, cum ea pacta seruaturum se pollicitus est quæ nec contra leges essent, nec contra senatusconsulta, nec aduersus bonos mores *d.l. 7. §. ait prætor de pactis*. Ideo autem contra leges est quia est contra bonam fidem ad quam redigenda sunt ex legibus nostris ea omnia quæ circa pactiones in bonę fidei contractu interpositas tractantur *dell. l. ab emptione §. 8. rod.* Quid igitur est quod miremur nullam ex eo pacto exceptionem dari? Nec enim verum est quod generaliter pro vero supponit Acursius, Ex quolibet pacto nudo exceptionem dandam esse. Excipienda enim sunt pacta omnia quæ Prætor edicto suo excepit, & ut generalius dixerim ea omnia quæ aliquid habent admixtę iniquitatis, Cum ea sit assidua cura Prætoris cum in cæteris omnibus edicti partibus, tum maxime in Edicto De pactis ut æquitatem cuius ille perpetuus custos & arbiter est, tueatur. Et hæc ratio adeo vera & germana est ut etiam si poneret inter paciscentes conuenisse disertis verbis in pacto ipso interponendo, ut ad producendam exceptionem interponeretur, quo casu cessaret euidenter ratio Acursii, non eo magis tamen dicendum esset exceptionem aliquam emptori acquiriturum iri quia non pendet ea res ex mente ac voluntate paciscentium, sed ex iuris prætorij authoritate, Et quauis sit in eorum arbitrio & potestate, ut pactum faciant vel æquum vel iniquum, efficere tamen non possunt ut ex pacto iniquo quod fecerint, aliqua exceptio competat. Quemadmodum de iudiciis ipsis Papinianus scribit in *l. ordine 15. D. ad municip. facti* quidem quætionē in eorum potestate esse, iuris authoritatem non esse. Cur vero iniquum est pactum? Hoc enim Acursius nō explicat, qui nec videt iniquum esse pactum, Iniquitatem nimirum totam constituit in emptore, qui & rem venditam & partem precij retinere velit, non in pacto, quæ tamen in pacto quoque est. Nam prius etiam quā emptor dixerit velle se & rem sibi traditam & precij partem nondum solutam retinere, pactum ex se ab initio iniquum est, ac proinde inefficax ad producendam exceptionem. Aliquando accidit, ut iniquitas superueniat, nec nisi ex postfacto emergat. Quod cum evenit, etiam id quod ab initio fuit æquum & utile, statim atque fit iniquum, etiam fit inutile. Ut in *l. ex facto 43. versicula tenim iniquum incipit fieri beneficium Principis si adhuc id valere dicamus D. de vulg. & pupill. substitis*. Aliquando autem ab initio ipso apparet iniquitas & quicquid eo modo iniquum est, ab initio quoque inutile ac nullius momenti est, ut in pacto illo evenit de quo tractamus. Cuius iniquitas tota sanē in eo est, quod cum inter paciscentes id agitur ut si venditione recedatur, quæ non solum ista perfecta sit quæuo consensu partium, sed etiam ex alterutra tantum parte imple-

metum acceperit, fieri nequit ut non sit necesse aut emptorem aut venditorem & rem venditam & precium simul vel in totum, vel pro parte saltem retinere, Nec aliud impediendæ & ab initio corrigendæ huius iniquitatis remedium est, nisi quod ab Aristone iam olim adhibitum est in concipiendâ pacti formula *is dist. l. ab emptione*, ut in pacto adhibeantur verba illa *retropræstium is qua iam præstata fuerunt*, per quæ appareat id actum esse ut non prius venditio resolveretur, quàm essent omnia retroacta & in integrum restituta. Ita enim fit ut nullo casu possit alteruter contrahentium habere quicquam ab altero, sed ut omnia in eum statum reponantur, in quo erant priusquàm res vlla secuta esset. Quare nec sequentia pacti sic concipienda sunt ut venditio tota, resoluat post retroacta iam cætera [esset enim id superuacuum, præposterum & ineptum] sed ut is qui nondum ex parte sua impleuerat, nihil eius venditionis nomine præstare teneatur, ut in *dist. l. ab emptione*. Tanto enim pacti huius ita concepti potestas est, ut qui in eum usque diem obligatus fuerat ad rem tradendam vel ad dandum precium, ipso iure desinat debere ac liberatus inueniatur *dist. l. ab emptione*. Ut proinde post pactum ita interpositum neque actio vlla competat, neque exceptio necessaria sit. Quod si pactum aliter sit conceptum, erit proculdubio statim & ab initio inutile, & inefficax etiam ad producendam exceptionem. Nec fiet vtile tamen si emptor qui rem accepit à venditore nec nisi partem precij ei persoluit rei restitutionem offerat, ut se à precij vel totius vel reliqui præstatione liberet. Adcoque nec si venditor sit vicissim paratus reddere partem precij quam accepit, quoniam debet ea mutua restitutio fieri ex pacto non ex nuda siue alterutrius siue etiam utriusque paciscentium voluntate, ut retrotraditio illa non sit nuda sed habilis ad dominium hinc inde transferendum, ut probauimus in præcedentibus, quoniam ea restitutio voluntaria iniquitatem pacti corrigere potest sed nouam formam pacto indere, ac validitatem ei addere nullomodo potest. In pactis enim perinde ac in cæteris locum habet iuris regula quæ non patitur id quod ab initio viciosum est, ex postfacto conualescere. Sed & in eo malè loquitur Accursius, quod ait pactum hoc fuisse interpositum non ut exceptionem pareret, sed ut venditionem rescinderet. Confundens ista Resolui & Rescindi venditionem: quæ tamen omnino diuersa sunt, ut ex his intelligitur, quæ in sequentibus tractabimus De laudimii debitis ex contractu qui postea fuerit rescissus. Nam ex contractu rescisso semper debetur laudimium secuta traditione, sed vnicum duntaxat, Ex resoluta autem vel nullum penitus si resolutio facta sit rebus omnibus integris aut saltem ante secutam traditionem. Vel etiam duplex si fiat post traditionem quam retrotraditio subsequuta sit, ut in *dist. l. ab emptione*. Resolutus fit semper ipso iure, Rescissio nunquam sed factum hominis semper requirit Iudicis nimirum, aut contrahentium.

ERROR DECIMVS.

De resoluenda venditione ex qua sit secuta traditio vel retrotraditio facta per clausulam constituta.

PRÆDICTA vera, inquit Castrensis ad *l. Cod. quando, l. l. ab empt. dist. l. si* vera traditio interuenit. Sed quid si facta interuenerit? Ut quia venditor sicuti moris est constituerit se rem venditam precario nomine emptoris possidere per quod constitutum transulerit in emptorem dominium

minium & possessionem civilem & naturalem & apud ipsum remanserit detentatio vt *l. quod meo D. de acquir. poss.* Postea conueniunt vt venditio haberetur pro non facta. An ista conuentio operetur resolutionem contractus, vt si dominium in emptorem sit translatum cum possessione [sic enim legendum est apud Castrensem] reuertatur ad venditorem. Et videtur, inquit quod sic, quia sicut per verba iam fictione iuris fuerunt translata, dominium scilicet, ac possessio in emptorem, ita è conuerso per sola verba videntur reuerti ad venditorem. Ex *reg. dist. l. i. vers. etenim quod consensu C. quando lic. ab empt. disced. l. prout 80. D. de solut. l. nihil tam naturale 35. De reg. iur.* Sed ait tamen finaliter tam glot. in *d. l. ab emptione 58. de pact.* vbi hanc quæstionem proponit & examinat subtiliter, quàm Doctores videri concludere quod neque dominium neque possessio reuertatur ad venditorem ex solo pacto resolutorio, Nisi etiam vltra hoc fuerit actum expressè inter eos quod res vendita debeat remanere penes venditorem eo modo quo prius erat, & sic quod precarium vel constitutum resoluarur. Hactenus Castren. in *d. l. i.* Quæstio sanè subtilis est, ideoque subtiliter, ac subtilius quàm ab eo factum sit, examinanda. Illud primum in confesso est tam ex iuris ratione quàm ex interpretum opinionibus, Ex ficta illa traditione quæ fit per clausulam constituti, transferri veram, realem, & naturalem possessionem, quia licet modus hic transferendæ possessionis sit ficticius, possessio tamen quæ transfertur est vera, vt Bart. disputat ad *dist. l. ab emptione in fin. & ad l. si is qui pro emptore D. de usucap.* Et consequenter cum illa possessione transferri dominium in accipientem quotiescunque habilis titulus præcedit ad translationem dominij, Adde vt in quæstione *l. quoties 15. Cod. de rei vindic.* id est cum eadem res duobus separatim vendita vel donata est si quæratur vter in dominij causa præferri debeat, is præferendus sit cui priori res tradita est per clausulam constituti, quantum alius prior possessionem corporalem acceperit, vt nos ad illius legis interpretatio nem adnotauimus ex receptissima interpretum omnium sententia, cui & nos adfensimus. Nam hac parte vt & in cæteris omnibus tantum potest ficta traditio, quantum vera. Ergo illud quoque pro constituto & vero habendum est quod ad propositam quæstionem attinet, Non minus desinere rem esse integram, cum post perfectam nudo consensu venditionem res vendita tradita est per solam clausulam constituti, quàm si vera traditio intercessisset, Ita vi nec exinde teneatur venditor ad rem tradendam, ad quod antea ex empto actione tenebatur, Sed si corporalem & asininam detentationem, quam solam habet, recuset, liceat emptori eam rem vindicare quasi factam iam suam. Et similiter si conuenius emptor ad solutionem precij excipere vellet de re nondum tradita, & veluti pignoris loco precium retinere, vt in *l. Iulianus 13. §. offerri D. de action. empt.* statim condemnandus esset quasi iam impleta venditione ex parte venditoris. Hoc verò cum ita sit, illud statim cõsequens fit ex iis quæ diximus in præcedentibus, vt venditio quæ non tantum perfecta fuerit nudo consensu sed etiã impleta per eiusmodi fictam traditionem, resoluta postea non possit nuda contrahentium voluntate, *l. i. Cod. quando lic. ab empt. disced. l. 1. & 3. D. de rescind. vendit.* nisi pacto resolutorio concepto ad eum modum, quem præscripsit Aristot. & post eum Neratius in *dist. l. ab emptione*, Vt scilicet retrotradita re venditori nihil emptor precij nomine præstare teneatur. Neque hoc magnam hucusque habet dubitationem. Sed tota in eo est quæstio, An cum ficta tantum traditio præcessit, & simpliciter conuenit vt emptio sit pro non facta, quemadmodum Castrensis loquitur, habenda sint hæc verba pro ficta retrotraditione

cuius potestate venditio iure ipso resoluta dici possit. Dubitandi autem causa ex eo nascitur quod constat possessionem quamlibet siue per veram siue per fictam traditionem acquisita sit amitti statim atque possessor apud se constituit nolle amplius possidere *l. si quis v. 17. §. differentia. D. de acquir. poss.* An non autem satis constituit emptor nolle possidere cum paciscitur ut venditio sit pro non facta? Quemadmodum enim dici solet, & verum est, Videri quemlibet possidere ex titulo præcedente *l. quaedam mulier. 77. D. de rei vindicatio* & qui ex titulo illo præcedente possessionem nactus est, non quidem corporalem, & animam, ut loquuntur, sed veram tamen & realem tam naturalem, quam civilem, si consentit ut titulus redeat ad non titulum, ea quoque omnia reiicere videtur, quæ illi titulo consequentia sunt, ac proinde etiam possessionem cuius amissio nullum corporis fictam requirit, ut diximus, sed solam animi destinationem. Præsertim cum illud quoque dici soleat, Ex actu etiam nullo declarari voluntatem *l. vltim. D. de reb. eor. qui sub tutel. sunt l. licet transferam 21. D. de adm. legat.* Ut proinde frustra videatur querere an pactum valeat, necne, Cum etiam non valeret, perinde tamen possessionem ex eo amissam esse dicendum esset. At in contrarium illud valde vrget, quod ut retrogantur omnia, quomodo retroagi necesse est ad resoluendam venditionem *dict. l. 1. Cod. quando lic. ab empt. disc.* non tantum possessionem quæ emptori quæsitæ fuerat, ab eo amitti necesse est, sed etiam venditori restitui, nec tantum possessionem, sed etiam dominium. Quod tamen certum est non æquè ac possessionem solo animo amitti posse, qui non nisi certis & legitimis modis dominium sicuti acquiritur, ita & amittitur. Inter quos non est nuda voluntas *dict. §. differentia*, ubi hæc inter dominium & possessionem differentia disertè constituitur. Sed neque possessio tamen si solo animo amittatur, similiter tamen solo animo restitui alteri potest. Habet enim etiam possessio modos suos, alios naturales, alios civiles, non per quos amittatur, quod nuda voluntate fieri posse diximus, sed per quos acquiratur. Naturaliter acquiratur maxime per naturalem & veram traditionem unde & nomen accepit *l. in princ. p. D. de acquir. poss.* nec tantum tactu sed etiam oculis *dict. l. 1. §. si iusserim*, Civiliter verò, maxime per clausulas constituti & precarij. Ut autem possessio quæ per fictam illam traditionem à venditore translata fuerat in emptorem, redeat iterum ad venditorem necesse est ut non solum amittat eam emptor, sed ut præterea acquirat eam venditor, quod nemo dixerit fieri posse sola vel emptoris, vel etiam venditoris ipsius, aut utriusque voluntate. Facto igitur aliquo est opus, id est vel vera vel saltem alia ficta traditione ut clausula constituti per contrarium constitutum tollatur, & emptor constituat se venditoris nomine possidere, quod venditor ipsius emptoris nomine possidere antea voluerat & constituerat. Nam quod Castrensis requirit duntaxat ut emptor consentiat rem quæ adhuc corporaliter penes venditorem est, apud eum remanere eodem iure quo erat antea, non potest sufficere, siquidem eiusmodi consensus neque naturalis, neque civilis modus est transferendæ possessionis, multò minùs transferendi dominij. Et tamen constat ex *dict. l. 1. Cod. quando lic. ab empt. disc.* ad resoluendam venditionem quæ perfecta iam fuerit & impleta ex alterutra parte requiri actum similem priori saltem æquipollenter, ut Bartolus explicat *ad dict. l. ab emptione. num. penultim.* ut possit venditio retroagi & in eum statum reduci, in quo erat eo tempore quo res solui nudo consensu potuisset. Aut si cum Castrensi habeas nudum hunc consensum pro actu qui æquipollere possit traditioni fictæ quæ præcesserat, Planè non

non video cur non æquè sufficere debeat quod contrahentes generaliter & simpliciter pacti sint de resoluenda venditione. An non enim voluntas evidens est ita paciscentium ut res vendita cuius corporalem possessionem venditor retinuit penes eum remaneat, eodem penitus iure quo erat ante factam, perfectamque venditionem? Proinde si nihil nisi nudam eorum voluntatem exigimus parum interest utro modo pactum concipiatur, & quibus verbis, dummodò iis quæ apta sint ad voluntatem illam declarandam: Cum sit verissimum quod supradicto loco Bartolus tractat, Nihil referre quid ex æquipollentibus fiat *Ex l. ultim. in fin. D. mandat. l. si mater 3. Cod. de instit. & subst. l. mulier 22. l. restituta 37. D. ad SC. Trebell.* Mihi videntur interpretes nostri omnes in eo errare, quod supponunt, Ad resoluendam nudo pacto venditionem etiam post rem securam sufficere nudam voluntatem & quælibet verba pacti, dummodò contrarius actus aliquis interveniat traditionis vel veræ vel fictæ: Quod tamen non ita est. Requiritur enim ut ea retrotraditio fiat ex verbis pacti, & præterea ut pacti verba sic concipiantur, ut retrotraditio illa siue vera siue ficta non in obligatione aliqua ponatur, quæ species esset novæ obligationis, novique contractus *dist. l. ab emptione in fin.* sed tantum in præstatione per ablativos absolutos ut in cæcæ lege, aut licem per formulam æquipollentem quæ tamen nullâ constituat obligationem. Itaque si sic pactum conciperetur simpliciter ut venditio resolveretur, aut etiam addito eo ut res vendita retrotraderetur venditori ab emptore, aut ut emptor constitueret se eam rem venditoris nomine possidere, aut denique ut remaneret in posterum penes venditorem eodem iure dominij & possessionis quo erat antea, non putarem valere pactum tanquam quod esset obligatorium, cum tamen debeat esse duntaxat liberatorium, ut in *dist. l. ab emptione.* Quibus ergo verbis concipiendum erit, ut valeat, & venditionem resoluat? His nimirum ut arbitror, Ut emptore rectoconstituente se rem venditam possidere nomine venditoris, emptor nihil ex causa precij præstare teneatur. Nam quin constituti potestas sufficere debeat non puto equidem dubitandum, nec solùm si traditio prior ficta tantum fuerat, & per constitutum facta qui casus est quem nos tractamus, sed etiam si vera & realis traditio præcesserat. In eoque sententiam Bartoli ad *dist. l. ab emptione num. penultim.* libenter sequor, cum ficta hæc traditio æquipolleat veræ quod ad veram quoque possessionem transferendam ut ille disputat. An ergo clausulâ constituti hæc parte necessariam esse arbitramur, nulla saltem interveniente vera traditione? Minimè verò. Æquè, n. dicam valere pactum si modò ita conceptum sit ut venditore possessionem corporalem quam adhuc habeat, retinente, aut simplicius si males ut vendita re penes venditorē remanente [non additis verbis illis quæ Castrensis exigit *eodem iure quo erat antea*] emptor nihil precij nomine venditori præstare teneatur: ut differetia nō ita in verbis, quàm in verborū formula collocetur. Sic. n. conceptis pacti verbis, licet nihil de retrotraditione aut vera aut ficta dictū videri possit, dico tamē perinde resolui posse venditionē nudo isto pacto, & quidē ipso iure necesse siquidē ut pactū vel resoluat ipso iure venditionē, vel tanquā invalidum & inefficax nihil penitus operetur, id est ne quidem exceptionem Jacsi de interponenda constituti clausula dictū aliquid fuisset, quamvis de nullo actu retro similis verba pacti loquantur: in quo vno dubitandi ratio tota cōsistit. Atq; huius sententiæ rationē illam adfero, quod venditor qui corporalem tantum possessionem & a finem, ut aiunt, detractionē penes se retinuit, ex quo instanti cœpit eam rem emptoris nomine possidere, nulla indigeat traditione, neque vera, neque ficta,

vt possessor iterum aut magis fiat, sed tātū vt mutet sibi causam possessionis, hoc est, vt qui non possidet nisi secundum quid & nomine alieno, incipiat iam suo nomine ac simpliciter possidere. Atquin vt possit ille sibi mutare causam possessionis, pendet ex sola ipsius voluntate, cū etiam si causam nullam haberet nouam mutandæ possessionis, vtique mutare sibi eam posset, ac sibi aut alij incipere possidere interuertendo possessionem emptoris cuius nomine antea constituisset se possidere. Id enim facere possunt omnes qui alieno tantū nomine possident, si mala fide in ea possessione in qua sunt, versari velint *l. si quis rem 20. l. si colonus 31. & l. seq. §. 1. l. si de eo 40. §. 1. & pass. D. de acquir. poss.* Neq; est contrarium quod veteribus iam olim vulgo placuit, Neminem causam possessionis mutare sibi posse *l. 3. §. illud quoque l. qui bona fide 19. §. 1. eod. l. cū nemo §. C. eod. l. nō solum 33. §. 1. D. de vsucap. l. 2. §. quod vulgo D. pro hered.* Id enim quamquam ita est accipiendum vt non solum ciuili sed etiam naturalis possessio intelligatur, De ea tamen possessione intelligi debet, ex qua velit quis vsu capere & alienam rem sine vllo iusto titulo sibi acquirere, quod certè fieri non potest vt benè Iulianus explicat in *d. §. quod vulgo. & in d. l. 33. §. 1. de vsucap.* vbi idem Iulianus ait, Toties hoc verum esse quoties quis sciret se bona fide non possidere, & lucri faciendi causa inciperet possidere. Quid enim est *lucri faciendi causa* nisi quod dicimus *Vsu capiendi gratia*. Vsu capio namq; lucrum est & adeptio dominij ex causa lucratiua, cū huiusmodi adeptio & acquisitio fiat sola legis potestate. Cæterū si quis alieno possidens nomine causam possessionis mutare sibi velit ob id duntaxat vt alienam possessionem interuertat, dubium non est quin ea mutatio hunc effectum habeat vt hic ex non possessore fiat possessor sed malæ fidei & eo possessionis genere quod ad vsucapionem prodesse nunquam possit, Possessori autem suam auferat possessionem non quidem quandiu ignorat, sed cū reuersus aut repellitur aut suspicatur se posse repelli *l. si id quod 25. §. quod autem D. de acquir. poss. l. bona fidei 48. vers. in contrarium D. de acqu. rer. domin.* Cū enim possessio sit facti perinde potest esse vera possessio cum mala fide & sine titulo atque cum bona fide & titulo iusto *l. 1. §. si vir uxori tod. tit.* Ideoque fuit necessaria Iustiniani constitutio in *l. ultim. Cod. de acquir. poss.* vt per eiusmodi interuersionem possessio non amitteretur, quæ olim amittebatur, aut vt amissa recuperaretur, siue cum pragmaticis nostris sentias esse illud remedium retinendæ possessionis, siue cum plerisque interpretibus quorum sententiam semper probauimus, recuperandæ. In proposito autem cū venditor qui se constituerat emptoris nomine possidere mutat sibi causam possessionis post pactum ita interpositum vt diximus, & incipit suo nomine possidere, interuertit possessionem emptoris solo animo, sed bona fide, quoniam interuertit ex ipsius emptoris voluntate, adeoque ex noua causa, quæ licet non sit titulus, quia pactum nudum quod non incontinenti post emptionem perfectam interpositum est, sed re iam secuta, titulus dici non potest, habet tamen hac parte vim tituli propter adnexam potestatem contractus bonæ fidei, qui per eiusmodi pactum resoluitur. Ita vt retrotransmissio quæ ex eius pacti causa fieret non posset dici nuda, tanquam quæ facta esset ex iusta causa, adeoque habilis esset ad reddendum venditori dominium, quod ab eo per primam traditionem abscesseratque modum disputauimus in præced. libus. Quod si in traditione siue vera, siue ficta id procedit, quidni hoc ipsum admittamus cū retrotransmissio nulla secuta est, sed nuda conuentio quæ potestatem fecerit venditori mutandi sibi causam possessionis. Hoc enim casu negat Iulianus supradictæ veteris sententia

sententia

sententia locū esse cū superuenit noua etiā iusta causa mutandæ possessionis *d. l. non solum 33. §. 1. De usufructu*; pluribus exemplis confirmatū quoque cū ea mutatio vergit in alterius etiam ignorantis vel inuiti dispendium. Quāto magis in propōita specie in qua emptori nulla sanē sit iniuria, cū mutationi huic ipse consentiat *uulg. l. in diem 9. §. 1. D. de aqua & aqua plu. ar. et d.* At neque nouum est, ut possessio licet sit facti acquiratur tamē breui manu & nuda possessoris voluntate, adeoque quod mirabilius est, uolūtate illius qui possessor nunquam fuerit, ut in specie *l. interdum 21. D. de acq. poss.* Sed & dominiū, quod regulariter non nisi per mediam possessionē acquiri solet, interdum nuda uoluntate domini acquiritur, Veluti si rem quam tibi dominus cōmodauerat, aut locauerat, apud te deposuerat, postea uel uendiderit tibi uel donauerit, uel dōi edetis. Quamuis enim ex ea causa tibi rem illam non tradiderit, eo tamen ipso quo patitur, quam esse statim acquiritur tibi proprietatem perinde ac si eo nomine tibi tradita fuisset, inquit Iustinianus in *§. interdum 44. l. si de rei. d. uis.* Quia textus pro sententia nostra confirmatione omnium accommodatissimus est. Illis enim casibus omnino similis ille est, quem tractamus de re uenditā, & fictē dūtaxat tradita rursus acquirenda uenditori qui in corporali eius possessione remanserit. Non enim magis possidet commodatarius aut conductor, aut depositarius, quā uenditor qui se cōstituit emptoris nomine possidere, sed sunt hi omnes tantū in possessione *l. si quis ante 10. D. de acq. poss. l. officium 9. D. de rei uind. l. certe 6. §. in qui rogant D. de p̄secr.* nec possessionem ullam habent neque uiuo, neque mortuo domino, ut de colono ait Iulianus in *d. d. l. non solum 33. §. 1. De usufructu*. Sed sunt in corporali & alinā detentatione. Quæ res sufficit ut sola patientia domini qui alioquin rem tradere deberet ad transferendum dominiū pro traditione habeatur, *d. §. interdum*. Quāto igitur magis si non de transferendo simpliciter dominio agatur, sed de reddēdo per emptorem eo quod iam fuerat uenditoris? Est enim hoc semper facilius ut ad pristinum dominiū res reuertatur, longēque fauorabilius *arg. l. si unus 27. §. p̄ctus ne peteret in fin. D. de pact. l. filio 23. De liber. & posthum.* Sicut & circuitus quilibet, ut plurimū est odiosus *uulg. l. dominus testamento 55. De condit. indeb.* Alioqui si uellet emptor per ueram traditionem reddere uenditori dominiū, quod ab eo per clausulam constituti cū possessione accepisset, eum rei gerendæ ordinem miri necesse esset, ut cogeretur uenditor etiā post pactum de resoluenda uenditione interpositum, possessionem illam corporalem quā solam retinuerat, tradere emptori, confestim eam postmodum ab emptore recepturus, ut in *d. §. interdum*. Quod esset perquā ridiculum. Et quemadmodū aliis plerisque casibus celeritate coniungendorum actionū uia occultatur, ut in *l. singularia 15. D. de reb. cred. l. 3. §. si debitorē D. de donat. int. vir. & uxor.* Ita & in hac specie duplicem traditionem occultari nihil prohibet ut tantō citiūs satisfiat contrahentiū uoluntati: quæ illa est ut dominiū recta uia & nuda utriusque uolūtate recurrat ad uenditorem. Nam & idem euenit in specie *d. §. interdum*, ut duplex traditio occultetur. Prior illa quā à commodatario uel conductore, uel depositario fieri necesse esset domino, ut eandē rem posset dominus postea tradere eiūque dominiū in eundem qui prior tradidisset, trāsferre. Alterā quā à domino eodēque possessore fieri necesse esset, ut in eum quī antea dominus non erat, dominiū transferretur: Quid si addam, Emptorem quī non nisi per clausulam constituti possessor factus sit, non posse cōstituere se aut uenditoris aut cuiusquam alterius nomine possidere? Nam in possessione oportet eum esse

qui per clausulam constituit alium possessorem facere velit, ut nō obscure probat d. l. quod meo 18. De acquir. poss. ubi quod dicitur quod meo nomine possides, sic accipiendum est ac si scriptum esset. Quod meo & corpore, & animo mihi possides. Sed erit hoc aliquando discutiendum exactius, fuitque iam a nobis alio loco tractatum. Nunc hoc ipsum hic indicasse, vel inculcasse sufficit.



ANTONII FABRI

I. C. SEBVSIANI IN SVPRIMO

SABAVDIE SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DECAS. XC VII

ERROR I.

De contractu renouato, & an ex eo laudimium debeatur.



E cōtractu resolutio satis multa scripsimus tota Deca de superiore. Iam dicendum aliquid est de contractu renouato, ut postea tractemus de rescisso, & commo-datē ad institutam De laudimii disputationem. Omnes enim hæ quæstiones licet ad alia quoque sint utiles, ad hoc tamen maximè sunt necessarie, ut sciamus, An ex huiusmodi contractibus laudimium debeat, & an duplex quasi ex duobus contractibus, an simplex, quasi ex vno, Et rursus si simplex, an quasi ex primo contractu, an quasi ex renouato. Sic enim nostri appellant. secundum quem rectius & verius deberent dicere Renouantem. Primus siquidem ille est qui renouatur: secundus qui renouat. Est autem hæc quæstio agitata primum ab Accursio in l. iuris gentium 7. §. ad eod. D. de pass. ubi querit, An per pactum circa substantialia contractus appositum prior contractus renouatus videatur. Et distinguit an fiat pactum ex intervallo, an in continenti, ut si ex intervallo, dicendum sit videri renouatum, Secus si in continenti arguitur non ad ea 87. De condic. & demonstrat. ex qua vulgò inferre nostri solent non esse quemquam præsumendum velle incontinenti se corrigere. etiam in actibus inter viros, ut ibidem Castrensis notat. Sed traditio hæc iam olim à Guiljelmo de Cuneo reprobata est. Quasi distinctio illa, l. non ad ea, locum habeat.

habeat in testatore tantum, ex cuius solius voluntate pendet tota dispositio. Non etiam in contractibus, qui pendent ex consensu duorum. Bartolus Guilielmi sententiam magis probat, sed alia & meliore, ut videtur, ratione quod super vna eademque re plures emptiones valide concurrere non possint, sed si prior valida sit, posteriorem licet alterius speciei prorsus inualem & inutilem esse necessarium est, puta si prior fuerit pura, & posterior condicionalis. *Id quod 7. D. de rescind. vendit.* Aliter itaque Bartolus ipse distinguit & in hunc modum, Aut pactum, inquit, secundum apponitur cum vno exploribus siue venditoribus, siue emptoribus, aut cum eodem. Primo casu pro parte tantum receditur a contractu, neque in totum contractus renouatur, ex *dist. 9. ad 2. vers. sed cum duo*, ubi ex Iuliano scribit Vlpianus, si cum duo heredes emptori extiterint, venditor cum altero eorum pactus sit ut ab emptione recedatur, valere pactionem & dissolui pro parte emptionem, quoniam & ex alio contractu paciscendo alter ex heredibus acquirere sibi potuit exceptionem. Secundo casu, subiungit Bartolus, Aut verba non sunt apta ad renouationem contractus. Verbi gratia, inquit, Rem quam tibi vendidi pro viginti, volo quod emptam habebas prima emptione, & remitto tibi decem, vel prima emptioni addo decem, Et non videtur renouatus contractus. Aut verba sunt apta ad renouationem contractus vel sunt ambigua, quia possunt trahi ad vtrumque, & videtur contractus renouatus, *dist. 9. ad 2. l. pacta conuenia 72. vers. Paulus notat D. de contr. empt. l. si unus 27. §. pactus ne peteret, vers. quod si non ut totum D. de pact.* Hancque Bartoli distinctionem à Doctoribus communiter probatam esse testatur Amed. à Pont. *quæst. laudim. 38.* post Castrensem ad l. 1. *Cod. quando lic. ab empr. dist. 3. numer. 3.* ubi addit ex sententia & illatione quæ fuit primum eiusdem Bartol. ad *dist. 9. ad 2.* Non deberi hoc casu duplicem gabellam, sed vnicam duntaxat, eamque ex contractu reformato & renouato, qui licet nouus, ideam tamen sit cum primo. Quod autem de gabella ex omni contractu soluenda scripserunt Bartolus, Castrensis & alij, trahunt nostri post Amed. à Ponte ad laudinium ut perinde hoc casu non nisi vnicum laudimium debeat: Quando, inquit, inter easdem partes sit renouatio, cum sit quodammodo primus contractus in secundum translatus, secus si mutetur persona quamuis re integra, ut quia vendatur alteri de consensu primi. Ex Bald. in *l. cum per eos Cod. si quis alter. vel sibi.* Et Bertach. in *tract. De gabell. part. 5. quæst. 5.* Ego totam quæstionem istam De contractu renouato quantum ad laudinia pertinet, prorsus ociosam esse arbitror. Nam si verum est, quod nos in precedentibus tam sæpe inculcauimus, laudimia non deberi ex contractu etiam qui sit habilis ad transferendum per mediam traditionem dominium, sed tantum propter traditionem quæ ex eo contractu secuta sit, Quid stultius est, quam quærere an vnicus contractus sit, an duplex, ut sciatur, an laudinium vnicum quoque, an duplex debeat, & an ex primo an ex nouo, cum ponamus vnicam duntaxat traditionem interuenisse, eamque non ex primo contractu sed ex nouo. Nā si inter priorem contractum & posteriorem secuta esset traditio, arque ita res integra esse desisset, nemo dubitaret, quin laudimium ex priore quoque contractu deberetur, Ut concludit Amed. à Pont. *d. quæst. 38.* ubi addit deberi duplex laudimium ex dissolutione contractus per viam pacti quando res non esset integra, puta inquit, quia iam ad traditionem processum esset. Propter quod eo casu magis sit multiplicatio contractus, quam dissolutio. Ex Alber. ad *l. hab. emptione col. pen. vers. item quæritur quid sit*, Ex Bald. *col. fin. vers. si vero ibid.* & Castren. *num. 3. q. 10.*

Quæ ratio tamen licet in se vera sit, non est bona & ad propositum accommodata. Non enim sola contractuum multiplicatio inducit multiplicationem laudimiorum sed sola multiplicatio traditionum, quemadmodum idem A Ponte notat *quæst. 43. ex l. quicumque Cod. de serv. fugit. & Angel. in d. l. ab emptione*. Nec est, quod cum modernis quos idem Amed. à Ponte refert, exigas ut implementum contractus hinc inde secutum fuerit, quasi non sufficiat ut ab altera tantum parte. Nam imò verò sufficit ut ab una parte tantum sit impletus contractus, dummodò ex parte venditoris qui rem tradere debet non etiam si ex parte emptoris, cuius est precium solvere. Nihil enim commune habet solutio precij cum obligatione laudimiorum, quæ non nisi per traditionem inducitur. In quo ipso etiam errat Amed. post cum ait post gloss. in l. i. *C. quando lic. ab empt. disced.* non esse rem integram post traditionem rei & precij, vel alterutrius tantum [id enim verissimum est *l. 2. C. eod. l. 2. D. de reseru. vend.*] Sed cum ait quod quando contractus est executioni mandatus non solum ab utraq; parte, qui casus nullam habet dubitationem sed ex altera tantum, id est ut præcedentia explicant ex parte solius emptoris, si recedatur à primo contractu & procedatur ad retrouenditionem, ex illa dissolutione tanquam ex nouo contractu debet solui laudimium. Ex Angel. in d. l. i. *Cod. quando lic. ab empt. disced.* Et si nouus contractus est, saluum tamen est ex eo vllum deberi laudimium. Cum huiusmodi retrouenditionem quam nulla, ut ponimus præcessit traditio, nec vlla quoque retrotraditio subsequi possit, propter quã dici queat laudimia deberi. Sed perpetuus Amedei à Ponte & pragmaticorum nostrorum error in eo est quod putant, Ex solo & simplici contractu dummodo qui sit habilis ad transferendum dominium, etiam nulla traditione secuta laudimium deberi, quod falsissimum esse probauimus in superioribus. Et nimis euidenter abutuntur isti traditionibus Bartoli, Castrensis & aliorum interpretum qui non de laudimio loquuntur sed de gabella debita ex statuto ita concepto, ut ex quolibet contractu soluenda sit, quale est Bononiense quod Castrensis refert in d. l. i. *C. quando lic. ab empt. disced.* Tractemus tamen quia elegans & utilis quæstio est, etiam de contractu renouato, & Accursij Bartoliq; distinctiones examinemus. Illud primum supponendum est in quo interpretes omnes consentiunt, De renouatione contractus tunc tantum quæri posse cum pactum interpositum est circa substantialia contractus, & rebus omnibus adhuc integris. Nam pacta quæ fiunt de accidentalibus contractus quæ Papinianus eleganter *admiracula* vocat in l. *pacta conuenta* 71. *D. de contr. empt.* cum ad substantiam contractus minime pertineant, eam vim habere non possunt ut contractum nouent aut renouent, sed tantum ut contractus præstationes augeant si sint adiicientia, vel minuant, si detrahentia. Rursum secuto implemento siue ex utraq; siue ex altera tantum parte, fieri certe nequit, ut contractus renouetur, qui iam implementum acceperit, Et si quid ex eo contractu reformari contractantes velint, aliud in eã rem contractum fieri necesse est. Porro emptionis substantia ne de cæteris contractibus quicquã dicamus, consistit tota ex precio, ut idẽ Papinianus ibidẽ docet, Ideoque dicimus perfectã esse emptionem & venditionem, non eum vnus ex contrahentibus dixit se vendere, alius se emere, sed cum in certa precij quantitate consenserunt *§. cum autem Instit. de empt. & vendit.* Igitur ea demum pacta de substantialibus emptionis facta dici possunt quæ facta sunt de precio, siue augendo, siue minuendo, puta, si conveniat ut res vendita decem aureis sit vendita viginti aut contrã. Quæstio igitur in eo est, An per huiusmodi pactum prior contractus sit renouatus, De quo nunquam quæritur

queritur eum pactum sit de adminiculis. Renouatio dicit & includit nouationem. Nouatio autem prioris obligationis peremptionem, eiusque transfusionem in sequentem *l. 1. D. de nouat.* Proinde questionis effectus ille est, An duo sint contractus an vnicus, & an pactum faciat contractum, an quid potius adiectum contractui. Ob eam nimirum causam distinguebat Accursius an incontinenti appositum esset, an ex intervallo. Vt si ex intervallo appositum sit vnus tantum contractus sit sed renouatus: Si autem incontinenti duo sint contractus quod non sit presumendum voluisse contrahentes incontinenti se corrigere ex *dist. l. non ad ea*. Mihi distinctio non displicet, sed distinctionis applicatio non placet. Dicerem enim potius si pactum hoc incontinenti adhibitum sit, hoc est si postquam inter ementem & vendentem consensus est in precio decem aureorum, conuenierit incontinenti de viginti, Vnicum duntaxat contractum interuenisse videri iam inde ab initio, & perinde esse ac si numquam de decem sed ab initio de viginti conuenisset. Hoc enim est quod dici solet & perpetuo verum est, ea quæ ex continenti sunt inesse videri *dist. l. iuris gentium 7. §. quummo D. de pact. l. lecta 40. D. de reb. credit.* Non quasi possint inesse viginti in decem, quomodo maiori summa minor inesset *l. 1. §. si stipulanti D. de verb. obligat.* Sed ut conuentio de viginti in sit contractui in quo primum conuenerat de decem, id est ut in illo ipso contractu non nisi de viginti conuenisse videatur. Nam cum aliud sit dicere decem, aliud viginti, quoniam numeri omnes formam & determinationem suam formalem ab vltima unitate accipiunt, ut aiunt Mathematici, non magis fieri potest ut vna eademque emptio duplex precium habeat, quam ut alia res quilibet duplicem substantiam, cum substantia emptionis consistat ex precio *dist. l. pacta*. Si ergo pactum de viginti quando incontinenti appositum est inest contractui in quo de decem tantum conuenerat, necesse est ut posterior numerus excludat omnino priorem, ut in contractu includi possit. Neque distinguo an posterior numerus maior sit priore, an minor. Vtroque siquidem casu verum est alium esse numerum, nec magis dici potest numerum decem esse numerum viginti, quamuis decem sint in viginti, quam numerum viginti esse numerum decem, quod esset multo stultius, cum viginti non possint esse in decem. Cui consequens est, ut secunda conuentio hæc nihil aliud sit, quam correctio prioris: Quæ correctio etiam in vltimis voluntatibus neque noua, neque absurda est. Quid enim prohibet priorem scripturam posteriore corrigere, commutare, rescindere? *l. nihil prohibet 17. D. de adm. legat.* Nam si ita scriptum fuerit, *Titius imò Seius heres esto*, Africanus respondit Seium solum heredein fore. Idemque dicendum esse & si ita *Titius heres esto, Imò Seius heres esto l. si ita scriptum 47. D. de hered. insti.* Nec dissimiliter idem Africanus in *l. Stichus 21. D. de manum. testam.* cum testator ita scripssisset, *Stichus imò Pamphilus liber esto*, solum Pamphilum liberum fore respondit. Quodammodo enim, inquit, errorem suum emendasse testatorem. Idemque iuris fore etiam si ita scriptum fuerit *Stichus liber esto, Imò Pamphilus liber esto*.

ERROR SECVNDVS.

*De sententia & ratione l. non ad ea 89. D. de condi&.
& demonstr.*

Ddd iij



CONTRARIUM non est quod in *l. non ad ea* 89. *De condi. & demonstrat.* scriptum legimus, si purè legatum heres ex contingenti sub condicione damnatus aut rogatus est dare, non esse habendum legatum pro condicionali duntaxat, sed perinde esse ac si iuncta inferiore scriptura idem legatum esset vel ut præsens vindicari si hoc voluerit legatarius, vel cum condicio extiterit ab herede peti possit. Habet enim ille casus specialem rationem, quia nihil vetat eandem rem & purè & sub condicione eidem legari purè per vindicationem & sub condicione per damnationem aut per fideicommissum ut electionem habeat legatarius vel vindicandi legari statim si velit, vel petendi eius impleta demùm condicione, an quia non ideo futurum sit ut superuacua fiat condicio, quæ hoc saltem efficiet ut si legatarius non declarata voluntate, & antè condicionem impletam licet post diem puri legati cedentem decesserit, nihil transmittere debeat ad heredem, id est non magis ex legato puro, quàm ex condicionali, Non quasi purum factum sit condicionale, quod lex disertè negat nisi sub commemoratione prioris legati posterius scriptum fuerit, veluti *Stichum quem illi legavi heres meus si illud factum erit, ei dato*, sed quia suam voluntatem legatarius viuum non declarauerit, nec dixerit malle se Stichum ex legato puro consequi, quàm ex condicionali. Poterat enim quidem habere ex puro atque ita condicionale legatum inutile reddere si voluisset, sed hoc ipso quod nūquam petiit ex puro videtur maluisse quandoque postea impleta condicione posset agnoscere ex condicionali, Quod non similiter dici posset si legatum condicionale nullum factum esset. Verùm neque cum legatum condicionale factum est dici hoc potest: Sola enim expressa condicio impedit transmissione legati, non ea quæ tacitè tantum inest *l. si uia legatum* 65. §. 1. *De leg. 1.* Itaque legatum quod in viuo legatario præsens vindicari potuit, cur non ad heredem ipsius etiam transmittetur? An ergo dicendum erit cum interpretibus legati huius condicionalis utilitatem in eo elucere quòd possint interdum iustæ causæ interuenire, propter quas non sit inutile aut superuacuum legatum condicionale post purum. Putà si ei legatum proponatur qui mortis tempore quo cedit dies legatorum purè relictorum, incapax reperiatur, deportationis fortasse aut aliam capitalem sententiam passus, Capax verò tempore condicionis existentis. Certum enim est in quolibet legati & fideicommissi genere si de ipsius viribus quæzatur, non aliud tempus inspicendum esse quàm quo dies cedit. Ergo tempus mortis in legatis puris, Tempus condicionis existentis in condicionalibus *l. interdictum* 59. *l. cum quis ita* 104. *De condi. & demonstrat.* Sic ergo proderit legatum condicionale legatario, qui alioquin ex puro nihil consequeretur. Rursum finge iam ipso testamenti tempore incapacem fuisse legatarium, qui tamen tempore mortis capax inueniatur. Non poterit etiam si maximè velit, purum legatum petere, tanquam quod inutile sit per regulam Catonianam, quæ nõ patitur inspicere tempus mortis in legatis puris quæ non valuissent si testator ipso testamenti tempore decessisset: Peteret tamen si legatum esset condicionale, quoniam regula Catoniana ad legata condicionalia non pertinet *l. cetera* 41. §. *translati* *De legat. 1.* ut neque ad ea legata quorum dies non cedit nisi ab adita hereditate *l. 3. Di. de reg. Caton.* id est usufructus & liberatum *l. omni. De quand. dies usufr. leg. ced. l. 2. Di. de quand. dies legat. ced. l. vnic. §. liberatis* *l. 6. de caduc. tollend.* Denique ne singula conquiramus, Pone legatum fuisse relictum filiofamilias qui mortis tempore adhuc in sacris & potestate patris constitutus inueniatur. Si legatū si purū acquir-

Requeretur patri, quia & ad heredem filij si sui iuris esset transmitteretur, At si esset condicionalis non acquireretur si existente conditione filius sui iuris reperiretur, quia nec transmitti posset ad heredem, Ex *reg. l. que legata 18. de reg. sur.* Nisi poneretur condicione legati eam fuisse, si in patris potestate mansisset. Faceret namque illa condicio, ut patri magis quam filio legatum videretur, possetque pater legatum suo nomine petere *l. filiofamilias 42. De cond. & demonstr.* Neque quia non posset filius capax fieri legati sibi acquirendi non patri, quin de viui patris potestate exiret, neque rursus exire de viui patris potestate quin condicio hoc ipso deficeret, nec denique legati condicio deficere quin legatum ipsum corrueret. Sed neque probabile est Iureconsultum ob istas causas in *d. l. non ad ea*, scripsisse, valere legatum condicionalis post purum. Sic enim lex habet, valere utrumque, & in arbitrio esse legatarij an ex puro vindicare rem velit, an ex condicionali rem petere ab herede. Proinde supponit lex utriusque legati diem vtiliter celsisse, & ex utroque legato agi posse. Illud sane constat, Possesse non idem sed eiusdem rei legatum interdum non valere tanquam purum & valere tanquam condicionalis quod aliter & alio tempore cedat dies legati puri, aliter & alio tempore dies legati condicionalis. Verum enimvero cum lex eum casum tractet, ut diximus, quo utrumque legatum valeat, dicendum est potius, Iureconsultum ad id respicere quod tractat de duplici legato quod sit duplicis generis, id est quorum unum sit per vindicationem alterum per damnationem, ut in sequentibus dicemus. Et consequenter nihil cause est cur dicamus, Testatorem qui quod pure legauerat, statim & ex continenti legatum sub conditione videri se ipsum corrigere voluisse, cum utraque voluntas & utraque scriptura effectum sortiri commodè possit, si non semper [agnitio enim legati puri faceret sine dubio condicionalis inutilem id quod legatarij iam factum esset magis eius fieri non posset. Vnde est quod dicimus, Non posse duas lucrativas causas in eandem rem, eandemque personam concurrere *l. omnes 17. l. ex promissione 19. D. de obli. & ad. l. Manius 66. §. duorum & §. eum qui De leg. 2.*] Sane aliquo casu, quod sufficit ut ea voluntas utilis dici possit, *l. Stichus 39. in fin. D. de manum. testam. l. heres a debuitore 21. §. pen. D. de fideiuss.* Atqui, dicat aliquis, si quod prius legatum fuit pure, legetur ex intervallo sub conditione, tollitur legatum purum, & remanet solum condicionalis *d. l. non ad ea*. Cur ergo tam varie cum legatum condicionalis factum est ex intervallo, aut ex continenti. Nisi quod vno casu presumitur testatorem corrigere se ipsum voluisse, alio non ite. Et ita interpretes nostri passim ratiocinantur. Sed perperam sane ut ego quidem existimo. Quod, n. tollitur legatum purum per condicionalis factum ex intervallo, non ex eo proficiscitur, quod per legatum posterius correctio quæ dâ prioris inducitur, ut illi putant, sed potius quia in legatis nouissima scriptura spectanda sit *l. quod traditum est 87. eo De cond. & demonstr.* tanquam quæ superiorem & ultimam contineat voluntatem quæ sola semper spectanda est *l. q. D. de adim. legat. l. cum hic status 32. §. pœntentia D. de donat. int. vir. & vxor.* Est autem posterior voluntas illa quæ posteriore scriptura continetur, Nisi cum testator per priorem scripturam posteriori derogavit, ut in *l. si mihi & tibi 12. §. an legatus De legat. 1. l. si quis in principio 22. de leg. 3.* Itaque si ponas posteriorem scripturam factam esse post obliuionem prioris, ut in *l. Sex 20. D. de instrum. & instrum. legat. ut puta post decennium*, ex cuius temporis lapsu præsumi solet obliuio *l. incimus 27. C. de testam.* quo tamen casu nemo dixerit habuisse testatorem animum corrigendæ voluntatis, cuius non meminerit, & de qua proinde non cogitauerit. Certum tamen est solam posteriorem attendi non tanquam correctoriam sed quasi nouissimam,

d. l. Seia in princip. Non potest autem non posse nouissima scriptura illa, quæ ex intervallo facta sit, quia eam demum ex intervallo factam, intelligere debemus, quæ alio tempore facta sit, & consequenter in alio actu ultimæ voluntatis siue eiusdem, siue diuersæ speciei, non eam quæ facta sit in posteriore ac remotiore parte eiusdem scripturæ ut sentire videtur interpretes. Intervallum namque dicitur temporis, non scripturæ, nec video qua ratione dici possit factum esse ex intervallo quod in eadem scriptura factum sit. Maxime verò si de testamento tractemus, Cuius inter sollemnitates præcipuas, una illa est ut unico contextu fieri debeat, *l. heredes palam 21. §. ult. D. qui testam. facer. poss. l. cum antiquitas 28. Cod. de testam.* Quid autem est quod tam incontinenti fieri possit quam quod sit vno contextu, licet in alia clausula & separata? Id enim est ut videtur quod dici solet in coniunctionibus, id est in iis quæ coniunctim & vno contextu aut fiunt, aut scribuntur, nullum esse ordinem, nihil aut prius, aut posterius, nec interesse utrum eorum primum diceretur, aut scriberetur *l. quidam in testamento 14. D. de pecul. legat.* quia ordo scripturæ non possit mutare rationem iuris aut voluntatis *l. cum pater 77. §. fidei tua de leg. 2.* quamvis si de ordine adfectionis queratur inter plures ad idem legatum vocatos, ille dilectior testatori fuisse credendus sit, qui prior nominatus fuit *l. quoties 34. in princip. D. de usufr. l. quæ aliter 24. §. quid ergo 17. De fideicom. lib. 1.* Quid enim est quod melius dici possit in ea re quæ ad vnum duntaxat ex pluribus nominatis pertinere possit & debeat? Quod igitur scriptum est in *d. l. non ad ea*, de legato condicionali ex continenti facto eiusdem rei quæ fuerit legata purè, intelligendum necessariò est de legato quod condicionaliter factum sit non in eadem scriptura, sed in alia quæ tamen fiat incontinenti post priorem, & priusquam testator ad alium actum diuerterit. Quo casu cum utrumque legatum & purum & condicionali non quidem in eadem scriptura relictum sit, sed in ea saltem, quæ pro vna eademque haberi debeat [nam & in scripturis ut in obligationibus verborum, videntur inesse ea quæ sunt incontinenti, ut omnium optimè hic locus probat] fatendum est utramque censi debere nouissimam ac proinde utramque valere, cum utraque effectum sortiri, ut diximus commodè possit. Illaque sola dubitatio superest, Cur non ergo idem lex admittat in casu contrariò cum præcessit legatum condicionali, & secutum est purum. Nec enim lex distinguit an purum postea datum sit ex intervallo, an ex continenti, sed omnimodo vult legatum præsens deberi quasi purè duntaxat datum. Verùm non ita intelligi lex debet, sed sic potius ut in hoc quoque casu eadem seruetur distinctio, & tunc demum præsens omnimodo legatum debeat, cum ex intervallo datum fuit. Pendet enim id ex eo quod paulò prius & immediatè dictum fuerat *posterius valet.* Ac quamvis in *versic. quod si purè*, cum de posteriore legato incontinenti facto agitur, solus ille casus exprimitur, quo rem purè legatam heres dare sub conditione iussus, aut rogatus sit, quæ tamen sequuntur *perinde est ac si iuncta subiecta scripturæ idem legatum esset*, ostendunt satis nihil interesse utrum prius factum sit, an purè an sub conditione.

legatum, sicuti nec quicquam interesset si subiecta scripturæ priori iuncta esset: quoniam in conjunctionis nullus ordo est, ut

docuimus.

ERROR TERTIVS.

*De differentiis institutionis & legati in specie d.l. non ad ea, Et l. si
se solum 27. D. de hered. instit.*

In hoc diuersa ratio esse creditur institutionis & legatorum. Nam si te heredem instituero purè ex toto asse, deinde eundem te sub conditione instituam, placet nihil valere sequentem institutionem quia satis plena prior fuisse, inquit Pomponius in *l. si se solum 27. D. de hered. instit.* Ita innuens ex pluribus institutionibus debere illam prævalere, quæ sit plenior siue priores, siue posteriore loco scripta sit. An quia sint fauorabiliores institutiones, vt Castrensis putat? Minimè verò. Deberet namq; fauor earum efficere potius vt vtraque institutio defenderetur, vt esset in heredis potestate ex vtra mallet adire, si fortè tempore mortis testatoris reperiretur incapax acquirendi purè & statim hereditatem, cuius capax esse posset tẽpore cõditionis existens, quemadmodũ de legatis diximus: Nã & similiter dicimus si idem institutus & alij substitutus sit, posse illũ eligere an ex institutione heres esse malit an ex substitutione *l. si tu ex parte 76. D. de acq. her.* quamvis substitutio omnis conditionalis institutio sit, vt Accursius diffinit licet minùs plenè in *d. l. i. D. de vulg. & pup. substit.* Dicendũ potius est rationẽ differentia ex eo petendam esse, quòd cũ institutiones iam inde ab eo tẽpore quo fiunt confirmari per legem debeant tanquã ex quibus pendent testamenta *l. quod per manus 10. D. de iur. codicill.* lex autẽ nihil vnquã faciat frustra, sicuti nec natura ipsa, quam lex in omnibus quantum potest imitatur, fieri certè nequit, vt qui iam heres purè institutus est, eodẽ testamento scribatur heres sub conditione vtiliter, quoniã frustra lex confirmaret conditionale institutionem post confirmatam puram quæ & plenior & certior est. Ided. n. cõfirmatio ista fit tẽpore testamenti, vt alia sequi possit eo instanti quo testator morietur. Quo demũ tẽpore certũ esse incipier, mutari testamentum amplius non posse. Ob eãq; causam primo instanti post mortẽ testatoris lex hereditatẽ in testamento purè delatam defert statim, quam ex prima testamenti confirmatione deferre nondũ potuerat, vbi verò detulit purè, An non frustra esset si eandẽ hereditatem eidẽ personæ deferret sub conditione? Ad quid enim prodesset illa delatio? An ad id fortasse vt qui non posset heres esse statim, esset heres conditione existens? Atquin id fieri nõ potest, cũ institutio conditionalis quæ testamenti tempore confirmari non potuit, nec existente quandoq; conditione possit confirmari: quia in conditionalibus institutionibus non minùs quàm in puris verum est capacitatem heredis requiri tempore testamenti vt constiterit institutio. Nam vt in tempus capacitatis possit differri institutio, contra iuris rationem est & ex mera benevolentia *l. in tempus 61. D. de hered. instit.* id est ex Principis indulgentia quæ in hanc rem specialiter imploranda & impetranda est. Sic enim legem illam accipio ex *l. cum heres 42. D. de acq. her.* Nec alia inter huiusmodi institutiones puras & conditionales differentia est nisi quòd in puris spectamus præterea tempus mortis, in conditionalibus verò tempus existentis conditionis. Nã in omnibus postremo loco spectatur tempus aditionis *l. si alie num 49. §. in extraneis D. de hered. instit.* Cũ ergo non possit lex confirmare institutionem conditionalem vbi cõfirmat puram, neq; ex condicionali deferre hereditatem quam detulerit ex pura, Consequens est vt neq; testatori licere debeat instituere sub conditione illum ipsum quẽ instituit purè. Nam neq; testatori permittendũ est vt quicquam

faciat frustra, cum testando faciat legem, ut toties monuimus, ex leg. *verbi legi* 120. *De verb. signific.* proinde quamvis non tantum in eodem testamento, sed etiam in eadem testamenti parte, eademque clausula per coniunctam scripturam utraque institutio contineatur, & pura & condicionalis sola pura valet, condicionalis autem pro non facta habetur, siue priore loco facta sit, siue posteriore. Sic enim accipio quod scriptum est in *dict. l. si te solum*. At in legatis aliud est. Licet enim dentur in testamento, neque extra testamentum dari possint, præterquam in codicillis testamento confirmatis *l. siud 13. §. tractari l. ult. D. de iur. codicill.* non tamen faciunt testamentum, neque ad substantiam testamenti pertinent, §. *ante heredis Inst. de legat.* ideoque siue purè, siue sub conditione data sint, nihil causæ est cur ipso testamenti tempore confirmari iam debeant à lege, sed sufficit ut confirmari possint eo demum tempore, quo dies eorum cedit, id est tempore mortis quod ad pura legata pertinet, & tempore conditionis existentis, quod ad condicionalia, dummodo testamentum ipsum ab initio constiterit, id est suis sollemnitatibus constitutum & confirmatum fuerit. Alioqui sicut confirmari postea per legem mortis tempore non posset, ita neque legatorum in eo relictorum dies vnquam vtiliter cedere. Inde nimirum factum est, ut necessaria fuerit regula Catoniana ad hoc vt iunctilia fierent legata, quæ non valuissent si testator tempore testamenti decessisset, quamvis olim valerent si modo eorum dies vtiliter cecisset *l. l. De reg. Caton.* Nempè quantum ad pura, quorum dies ex lege vetere duodecim tabularum cedebat à die mortis, Non etiam, ut iam diximus, quantum ad condicionalia, quorum diem nunquam cedere placuit nisi ex die conditionis existentis, nec quantum ad ea quæ ab adita tantum hereditate cedunt, siue ex iure vetere siue ex nouis legibus Iulia & Papia. *l. vltim. cod. tit. l. Iulianus 86. De condic. & demonstr.* Quod non quemadmodum testator eo instanti decessisse videri potest, quo testamentum perfecit, ita & eodem instanti aditam eius hereditatem fingere possumus. Ita fit, ut si eadem res in diuersis speciebus vltimæ voluntatis puta in testamento, & in codicillis testamento confirmatis, aut in variis codicillis testamentariis eadem legata sit purè & sub conditione vtrumque legatum valeat, nec minus condicionaliale quàm purum, dummodo condicionalis perinde atque puri legati dies vtiliter cedat, nec ob id quòd puri legati dies prius vtiliter cesserit, prohiberi diem cedere legati etiam condicionalis, in alia siue priore siue posteriore scriptura relictæ. Non enim prohibetur quis decedere cum pluribus speciebus vltimæ voluntatis siue eiusdem siue diuersæ speciei dummodo compatibilibus quales illæ sunt quas modò memorauimus: Nemo enim nescit testamentum non tolli per codicillos testamentarios, qui è contrario vim & robur ab eo accipiunt *dict. l. quod per manus*, neque vicissim codicillos testamentarios per testamentum, ex quo confirmantur. Multominus codicillos testamentarios priores per posteriores dummodo inuicem non repugnent. Potest enim quis decedere cum pluribus codicillis testamentariis sicut & cum pluribus ab intestato factis, de quibus tamen ideo non loquimur quoniam ab intestato legari olim non poterat, sed tantum fideicomitti *l. 3. §. 4. Cod. de codicill.* At cum duobus testamentis decedere paganus non potest, solus miles potest *l. queritur 19. D. de testam. milit.* Ergo neque cum duabus institutionibus, quarum vna sit pura, altera condicionalis si in diuersis scripturis factæ sint, quoniam vnaqueque

quæque scriptura quæ institutionem contineret etiam condicionalem, testamentum esset non minus quàm ea quæ puram, *Lexon codicillum* 14. C. de testam. iunct. tit. De condic. instm. & sic duo essent eiusdem hominis pagani testamenta, quod fieri nullomodo possit. Quid ergo si in eodem testamento aut in iisdem codicillis testamentariis eidem personæ legata sit eadem res primò purè, deinde sub condicione? Valebit quidem ab initio utrumque legatum hæctenus ut tam unius quàm alterius dies utiliter cedere suo tempore possit si aliud nihil impediat. In eoque alia ratio est institutionis, alia legati, propter eam differentiam rationem quam suprà attulimus, sed non ita ut cum puri legati dies utiliter cesserit, possit etiam cedere dies legati condicionalis. Id est, non ita ut moriente testatore utrumque legatum simul confirmari per legem possit, sed vel alterutrum, vel neutrum. Si enim tempore mortis testatoris reperiatur legatarius incapax, ut proinde puri legati dies utiliter cedere non possit, cedit utiliter dies legati condicionalis, si eo tempore capacitas superuenerit. Alioqui neutrum valebit. At ut confirmetur utrumque per legem, id est ut possit villo casu esse in potestate legatarij ut rem legatam vindicet vel ex puro legato, vel ex condicionali si malit, quomodo in specie *dist. l. non ad ea* fieri certè nequit. Quia eadem ratio locum haberet hoc casu in legato quam diximus habere in institutione, quod confirmato legato puro eius dies utiliter cesserit, inutilis & superuacua esset confirmatio legati condicionalis, ex quo nihil amplius consequi legatarius posset, quàm ex puro. Lex autem, ut diximus, nihil unquam facit frustra. Neque ad hunc casum pertinere puto quod scriptum est in *dist. l. non ad ea*. Si rem purè legatam ex continentem heres sub condicione damnatus aut rogatus est dare, perinde esse ac si iuncta scriptura idem legatum esset, ut vel præsens vindicari si hoc voluerit legatarius, vel cùm condicio existerit ab herede periri possit. Obseruandum enim est, quod nemo obseruat, non de ea retractare iureconsultum quæ eodem legati genere & purè legata sit, & sub condicione, quo casu inutilis proculdubio esset confirmatio legati condicionalis post purum confirmatum: Sed de re legata primùm putæ per vindicationem, deinde relicta eidem legatario sub condicione, vel per legatum damnationis, vel per fideicommissum. Quibus casibus is relicti effectus est, non ut vindicari legatum possit, quod per vindicationem relictum non est, sed ut legatarius illud petere ab herede debeat si ex testamento aliquid consequi velit. Ex legato vindicationis nulla olim nascebatur actio personalis, sed tantum in rem ut id quod legatum erat vindicare suo iure posset legatarius non expectato herede, ut Caius loquitur in *Instm. Tit. De legat.* id est, nullo ad transferendum dominium necessario facto heredis, dummodò esset adita hereditas. Quoniam legatum per vindicationem tam citò faciebat legatarij rem legatam quàm hereditas heredis res singulas *leg. legatum* 80. de leg. 2. Nec poterat competere legatario personalis actio contra heredem ut eam rem daret quæ iam esset legatarij, Cùm dare nihil aliud sit quàm dominium transferre. Id autem quod iam est legatarij non magis fieri eius possit quemadmodum ratiocinatur Iustinianus in *§. sic itaque Instit. de action.* At in contrarium ex legato damnationis nulla in rem actio nasci poterat ad rem vindicandam, sed tantum in personam heredis, ut eam rem daret quam dare damnatus esset. Quemadmodum & ex fideicommissum, quod ad legatum damnationis proximè accedit. Nihil ergo vetat non tantum in diuersis scriptu-

ris siue ex continenti, siue ex intervallo factis, sed etiam in eadem scriptura eadem rem eidem personæ & legari purè scilicet per vindicationem, de quo legati genere semper Iureconsulti intelligunt, cum de legato simpliciter loquuntur, & sub cōdicionē relinqui per damnationem aut per fideicommissum. Cum huiusmodi dispositionum & diuersæ formæ sint, & diuersi effectus. Nam nec quicquam prohiberet in eodem testamento eandem rem legari & per vindicationē & per damnationem, Non ut sæpius cōsequi legatum posset legatarius, id est ex vno legato rem ipsam, ex altero rei æstimationem, sed ut eligēdi facultatem haberet ex quo legati genere, & qua actione consequi legatum mallet. *l. M. in 66. §. cum quis legum filius 76. §. variis de leg. 2.* Non igitur debuerunt interpretes in hac quæstione institutiones à legatis distinguere, sed institutiones in diuersis testamentis factas à legatis factis in pluribus testamentis, quod singulæ institutiones siue puræ siue condicionales separatim, & in alia scriptura factæ, singula faciant testamenta quorum vnum impedi ne subsistere aliud possit, singula verò legata dummodo diuersis legati generibus relicta non se mutuò impediant. Item institutiones in eodem quoque testamento de eadem persona factas vnā puram aliam condicionalem, à legatis siue in eodem testamento siue in alia scriptura eidem personæ factis, siue vtrumque purum sit, siue vnum purum, alterum conditionale, quia institutio condicionalis hoc casu non valet cum pura plenior sit, Legatum autem conditionale valet, non tantum eo casu quo legati puri dies inutiliter cesserit siue ex ratione iuris veteris, siue propter regulam Cætonianam, Sed illo etiam casu quo cesserit vtiliter, dummodo diuersæ sint species legati, ut in *d. l. non ad ea*. Nam si eodem legati genere eadem res siue in eadem vltima voluntate siue in separatis eidem relicta sit, non potest valere legatum conditionale puro subsistens, nec differentia hac parte vlla est inter institutiones & legata, Nisi quod non sunt diuersa genera institutionum, ut sunt legatorum, Esse enim puram institutionem, vel condicionalem qualitates sunt non genera institutionum. Cum itaque legatorum omnium vna & eadem hodie sit natura ex Iustiniani constitutione in *l. 1. C. commun. de legat.* ita ut ex quolibet legati genere triplex actio competat, personalis, vindicatio & hypothecaria. Est omnino consequens superioribus, ut nec vllus hodie supersit locus distinctioni traditæ à Iureconsulto in *d. l. non ad ea*, Nec tantum si duplex legatum sit, Vnum purum, alterum conditionale. Sed etiam si prior voluntas legatum purum contineat, posterior verò fideicommissum conditionale. Quandoquidem si cui legata omnia inter se, ita & legatis fideicommissa exæquavit Iustinianus in *d. l. 1.* & ex his quoque non minus vindicationem dominij & hypothecariā, quam personalem actionem dedit. Ex his intelligimus malè Accursium, Bartolæ, Castrensem & alios, cum quærunť ad quid proſit electio legatario cui eadem res legata est purè per vindicationem, & sub conditione per damnationem, Respondere, Prodesse si vno tempore legatarius capax sit, alio non item. Nam cum hoc casu non nisi alterutrum legatum valere possit, consequens est ut electionē non possit habere legatarius ex vtro agere malit. Electio siquidem supponeret vtrumque legatum valere, ut in *d. l. cum filius 76. §. variis de legat. 2. leg. quod in herede 9. §. eligere D. de tribut. act.* Non potest autem valere legatum siue purum siue cōdicionale, cuius incapax est legatarius eo tempore quo legati dies cedit. Nec melius, cum addit alium casum si legatarij bona sint publicata quasi in publicationem bonorum omnium non veniant legata condicionalia, etiam quorum dies postea vtiliter cesserit, & quæ fuerint acceptata, ut Castrensis addit, sed tantum

tantum

tantum puta quorum dies iam cesserat, licet acceptata nondum essent si modò postea acceptentur, quia acceptatio retrotrahatur licet & repudiatio *ex l. legata-rius 38. §. 1. de legat. 1.* Quam enim posset legatarius electionem habere agendi ex legato puro, quod in publicationem venisset? Et quamvis condicionalis non perinde in publicationem veniret, faceret tamen duntaxat ea res, ut prodesset ei quod non tantum pure sed etiam sub condicione legatum ei fuisset, At non etiam ut ei prodesse posset electio quam nullam haberet. Fefellit interpretes omnes, quòd veterem illam legatorum per vindicationem & per damnationem, itemque fideicommissorum differentiam ignorarunt, quam nos docuimus, & quæ in eo præcipue elucebat quòd ex legato vindicationis vindicari tantum res poterat non etiam ab herede peti, Ex legato autem damnationis vel ex fideicommissio peti tantum ab herede non etiam vindicari. Sed & falsum est quod putant interpretes, Eo quoque casu quo puri legati dies utiliter cesserit, posse adhuc cedere diem legati condicionalis, eodem genere relictæ, quod certe falsum est. Illud bene Bartolus, Multum referre an res vni legata legetur alteri, an eidem, primum pure deinde sub condicione, ut si res vni legata legetur alteri etiam sub commemoratione primi, concurrant in legato, & sit inter eos ius adcrefcendi *ex l. Iulianus 15. D. de hered. instit. l. triplici 142. De verb. signific. Si verò eidem & ex continenti videatur prius legatum transfusum in posterius. Quòd in eadem persona facilius præsumatur novatio quàm in diuersis ex l. 1. §. ultum. D. de stipul. seruo.* Sed alius ille tractatus est De iure adcrefcendi & de sententia *d. l. triplici*, neque huic nostro intendus. Dicemus aliquid fortasse ad finem Chiliadis.

ERROR QVARTVS.

De Bartoli distinctione circa contractum renouatum Ad l. iuris gentium 7. §. aded autem D. de pact.

ERRAVIT sanè Accursius circa quæstionem hanc De contractu renouato cum scripsit distinguendum esse an pactum de substantialibus emptionis factum sit incontinenti post contractum emptionis an ex intervallo, Ut si incontinenti, nihil operetur quòd non minùs in contractibus quàm in vltimis voluntatibus nemo sit præsumendus velle se incontinenti corrigere *ex l. non ad ea 89. De condic. et demonstr. fin ex intervallo, renouata emptio videatur.* Debuerat enim potiùs dicere, si in continenti pactum adhibitum sit, vnicum duntaxat videri contractum qui à posteriore conventionione formam suam acceperit, si autem ex intervallo tùm demùm duos quidem esse contractus pro temporum pluralitate, Sed priorem tamen per posteriorem renovari ut exinde prioris ratio haberi nulla possit, quemadmodum in primo huius Decadis capite probauimus. At erravit quoque Guilielm. de Cugneo, & cum secutus Bartolus reprehendens Accursium, Quasi supradicta distinctio in vltimis quidem voluntatibus vera sit, sed in contractibus falsa. Nam neque in vltimis voluntatibus vera est, nisi eo casu, quo posterior voluntas possit stare cum priore, ut in specie *dist. l. non ad ea*, id est cum res alicui legata pure per vindicationem eidem legatur per damnationem aut per fideicommissum relinquitur, sub condicione, Quo casu potest utrumque legatum subsistere ac suo tempore effectum suum habere, ut ex legato puro possit legatarius rem vindicare. Ex cõ-

dicionali autem postquam cōdicio extiterit, eam petere ab herede si malit agere personali actione quam vindicatione, *vt in l. cum filius 76. §. v. iur. de legat. 2.* Et cū nō id accidit non minor ratio facit in cōtractibus vt idem in iis, quōd in vltimis voluntatibus admittere debeamus. Sed grauior eiusdē Bartoli error in eo est, quōd quasi aliam & meliorem rationem adiecit, Ait nō posse duas emptiones validas de eādē re concurrere *ex l. si id quod 7. in princ. D. de rescind. vendit.* Innuens non obscurē in eo diff. re emptionem à legato, quōd eiusdē rei plura esse possunt legata, eiusdē personæ facta, emptiones plures esse nō possunt, ne quidem pura vnā, conditionalis altera, quoniam si pura præcesserit, cōditionalis nullus sit momentū. Et tamē si vera sunt, vt sunt, quæ proximo capite disputauimus non magis fieri pōt vt viuis rei duo sint legata eiusdē generis & in eādē personā collata, quamuis vnum purū aliud conditionale, quā vt duæ sint eiusdē rei emptiones ab eodē factæ, quarum vna pura sit altera conditionalis. Quæ nāmadmodum enim verum est duas eiusdē rei emptiones in eādē personam non posse concurrere vnā purā, alterā conditionalem quōd pura tanquam plenior absorbeat conditionalem. Ita & si eidem personæ eadem res legata sit purē per vindicationem, & sub conditione æquē per vindicationem, fatendum est nullius momenti esse legatum cōdicionale si modō puri dies viuiter cesserit, tanquam quod absorbeatur per purum, Est. n. purum plenius. Et generale est vt plenior scriptura semper spectāda sit, *l. si te solum 27. D. de hered. instit.* quæ ex licet de institutionibus tantū loquatur, tamen ad legata nō minus pertinet, vltimāque omnes voluntates, quæ semper ita sunt interpretandæ, vt pleniorē, quoad eius fieri potest, effectum sortiantur. *l. in testamento 12. De regul. iur.* Quod non aliter fieri potest, quā si ex variis duabus scripturis ea præualeat quæ plenior est, sicuti solemus dicere ex pluribus obligationibus eam, quæ minus plena sit tolli per pleniorē *l. de viro 50. D. de fideius. l. si duo 93. l. Siscinnus 95. §. quod vulgo D. de solut.* Et sane inutilis esset confirmatio legati conditionalis postquā purum cuius dies viuiter cesserit, iam confirmatum esset per legem. Nam dominium quod ex puro vindicationis legato confirmato iam esset acquisitum legatario, quomodo posset aut iterum aut magis acquiri ex cōditionali? Imō si verum animamus longē potentior est causā legati puri quā puræ venditionis: quoniam purum legatum si modō per vindicationem datum sit transiit dominium rei legatæ rectā viā à testatore in legatarium *l. legatum 80. de leg. 2. l. à Titio 64. in fin. D. de furt.* Emptio autem quantumuis pura numquam transiit dominium sed tantū in titulus quidam habilis est ad inducendam dominij transitionem si traditio sequatur *l. traditionibus 20. C. de pact. l. quoties 15. Cod. de rei vindic. numquam nuda 31. D. de acquir. rer. domin. l. ex empto 11. §. 1. l. si quis alieni 46. D. de act. empt.* Nec tamē minus habilis est titulus emptionis cōditionalis, cuius tandem cōdicio extiterit *l. 3. l. hac venditio 7. §. pass. D. de cōrr. empt.* Cur ergo valeret potius legatum conditionale per vindicationem datum eius rei quæ iam purē ac perinde per vindicationem legata esset, potius quā conditionalis emptio rei iam purē venditæ? Ergo si quæ inter emptionem & legatum hac parte differentia est, tota in eo est quod legatum conditionale post purum non aliter non valet, quā si eodem legati genere vtrumque relictum sit. Vel si sub primæ commemoratione factum sit, vt scriptum est *in d. l. non ad ea.* Emptionem verō conditionalem eius rei quæ iam fuerit purē vendita dicimus absolutē non valere, quia non sicuti legatorum ita emptionum diuersa sunt genera, vt neque institutionum, quemadmodum in præcedentibus docuimus.

Nec

Nec alterius generis est cōditionalis emptio, alterius pura, quamuis sint diuersæ qualitatis. Planè si posterior venditio post puram sic facta sit, vt eadem res quam tibi purè vendideram precio decem aureorum vendita tibi sit sub conditione *si nauis ex Asist veneris*, vix est vt non in emptione quoque idipsum obtinere debeat, quod in legato, id est vt dici non debeat per posteriorem venditionem condicionalem recessum videri à pura, quasi renouato contractu & trāsusso puro in condicionalem. Quemadmodum & condicio quæ initio contractus dicta fuit postea per aliam pactionem immutari potest *l. sed Celsus 6. §. ult. D. de contr. empt.* vbi ratio redditur, quòd abiri etiam à tota emptione potest, si nondū impleta sint quæ vtriusque præstari debuerant. Non enim difficilius est vt condicio vna mutetur in alteram, quàm vt condicio in totum tollatur. Neque rursus vt pura emptio conuertatur in cōditionalem, quàm vt cōditionalis in purā. Eaque notabilis certè limitatio est ad id quod Paulus scribit *in d. l. si id quod 7. in princ. D. de rescind. vendit.* Si id quod purè emi, rursus sub conditione emā nihil agi posteriore emptione. Id enim falsum est si posterior fiat sub commemoratione prioris. Exemplo eius quod scriptum est *in d. l. non ad ea*. Licet Bartolus aliam in his omnibus constituere rationem videatur emptionis, aliā legati. Sed & notandum illud est, quod probauimus *ex d. l. sed Celsus 6. §. ult.* per mutationem conditionis nō minùs reformari & renouari contractum emptionis quàm per mutationem precij. An quòd substantia venditionis consistat ex conditione quemadmodum consistit ex precio *l. p. acta conuenta 72. D. de contr. empt.* Minimè verò, quia sequeretur alioqui puram venditionem non esse venditionē, tāmquam quæ conditionem nullam haberet, haud secus atque si facta esset sine precio, quod tamen ita esse nemo dixerit. Sunt enim puræ venditiones, absolutè ac simpliciter venditiones, Conditionales autem non nisi secundum quid, & cum illa adiectione. Sed tamen negari non potest quin substantia emptionis conditionalis quatenus conditionalis est, ex conditione pendeat. Et consequenter quin pactum factum circa emptionis conditionem siue ea penitus sublata sit siue in aliam conditionem commutata, dicendum sit factum circa substantialia contractus. Quod si ita est illud quoque consequens fit vt huiusmodi pactum quamuis non incontinenti sed ex intervallo adhibitum renouare contractum debeat, perinde ac si de precio vel augendo vel minuendo factum esset, Nec minùs si puræ emptioni cōdicio aliqua adiciatur, quàm si emptionis ab initio cōditionalis prima condicio immutetur. Et si enim condicio, vt diximus, non pertinet ad substantiā emptionis puræ, ipsius tamen substantiam afficit cū ex pura facit cōditionalem, haud aliter quàm si quantitas precij immutaretur. Renouat igitur, & reformat contractum si modò rebus omnibus integris adhibeatur siue ex continenti, siue ex intervallo, dummodò sub commemoratione prioris venditionis posterior facta sit. Videamus iam de distinctione Bartoli post refutatam distinctionem Accursij. Distinguit ille an pactum circa substantialia contractus apponatur cum vno ex pluribus siue venditoribus siue emptoribus aut eodem, Vt si cum vno ex pluribus pro parte tantum recedatur à contractu neque in totum contractus renouetur *ex dist. l. iuris gentium 9. ad eod. vers. sed cum duo D. de pact.* Secundo autem casu aliis subdistinctionibus opus sit de quibus postea dicemus. Prima pars distinctionis neque vera est, neque probatur *ex dist. vers. sed cum duo*. Vera non est, quia cū plures sunt aut venditores, aut emptores qui vno eodēque precio aut vendiderint aut emerint [alioqui non esset locus questioni sed tot essent venditiones quot personæ

& precia, quemadmodum dicere solent cum plures res diuersis precii fuerint venditæ *l. quod dicitur 72. D. de emil.* Si, quod plerumque accidit, facti sint correi emendi aut vendendi, ut in *l. eandē 9. D. de duob. reis.* nō potest augeri vel minui precium per conuentionem cum vno ex eis factā, quin tota venditio perinde renouetur ac si cum utroque facta conuentio esset, scilicet quod ad eum pertinet qui pactus est, quoniam vna tantum venditio aut emptio est, vnāque obligatio quæ tota in singulorum persona cōsistit *l. 2. & 3. §. i. cod. tit.* Et consequenter cum vnus venditionis & emptionis vnum sit precium, ex quo tota emptionis substantia consistit, fieri ceriē nequit vt precium immutetur cum vno ex correis aut emendi, aut vendendi, quin alia & noua emptio sit, ita vt non ad aliud precium agi possit, quàm quod in posteriorem conuentionem deductum fuerit *d. l. pacta conuenta.* Sanè quod ad illum pertinet ex correis qui pactus non est, fateor non posse inuito vel infcio eo venditionem renouari, vt ex correi sui conuentione vel plus, vel minus debere incipiat, quia licet dici soleat ex duobus correis eiusdem rei factum vnus alteri quoque nocere *d. l. 2. & l. 3. §. 1. l. pm. D. de duob. reis.* Id tamen non eò perinet vt correeorum obligatio quæ suam ab initio statum eūque certum habuit factō alterius immutari possit *arg. l. vero procuratori 12. §. penult. D. de solus.* Hoc enim est quod Papinianus ait in *d. l. eandē §. 1.* posteriorem conuentionem quæ in alterius correeorum persona intercessit, non posse mutare statum & naturam obligationis quæ duos reos ab initio fecit, Et in *§. ult. eiusd. legis,* Tamen si maximè parem causam suscipiant correi debendi, nihilominus in cuiusque persona propriam singulorū obligationem consistere. Adeo vt nec mora vnus ex correis alteri noceat quòd ad vsuras *l. mora 32. §. penult. D. de vsur.* Tota igitur venditio per mutationem precij hoc casu renouatur, contra quàm Bartolus voluerit, sed non quod ad virumque venditorem aut emptorem ad quantum ad eum duntaxat qui pactus fuit: Denique renouatur tota sed non totaliter. Et idè liberabitur correat emendi, qui totum precium priore venditione conuentum soluerit, nec tantum liberabitur, sed etiam correat liberabitur, at pro ea duntaxat quantitate precij non etiam pro ea quam maiorem alter ille correat posteriore conuentione promiserit. E contrario correat vendendi, qui semel tantum de precio conuenit, non nisi quantitatem illam petere ab emptore poterit, quam si fuerit actione ex vendito cōsecutus, nihil amplius petere alius poterit, nisi quod amplius in posteriore precij conuentionem deduxit. Ceterum sicut falsa est supradicta Bartoli traditio, Ita neque probatur ex *d. §. adeo autem vers. sed si duo.* quia Vlpianus eo loco nō de duobus venditoribus loquitur, sed de duobus heredibus eiusdem venditoris. Inter quos defuncti obligatio per legem duodecim tabularum ipso iure diuiditur *l. 1. C. si cert. per. d. 1. & 2. C. si vnus ex plurib. hered. debitor vel creditor.* quod nō ita est in duobus correis, nisi diuisio ab ipso creditore fiat per acceptam aut petitam solutionem partis, vt in *l. si creditores 18. C. de pass.* Planè si proponas plures venditores fuisse qui vno precio vendiderint aut plures emptores qui simul & vno precio emerint, sed ita tamen vt correi facti non sint. Erit quidem vna tantum venditio & emptio, sed ex qua tamen singuli non nisi in viriles reneantur *l. reos 11. §. cum tabulis D. de duob. reis.* Ac proinde si cum altero tantum augetur, vel minuat precium emptionis, non nisi pro eius parte renouatur intelligitur emptio, non etiam pro parte alterius qui pactus non fuerit. Et hoc tantum casu Bartoli distinctio procedit. Pergit Bartolus in sua distinctione si vnus tantum fuerit emptor, & vnus venditor, & ait *Aut verba non sunt apta ad renoua-*

renoua-

renouationem contractus, Verbi gratia, Rem quam tibi vñdidi pro viginti volo quod emptam habeas ex prima emptione & remitto tibi decem, Es non videtur renouatus contractus. Hæc quoque pars distinctionis aut falsa, aut ad propositam questionem De contractus renouatione impertinēs, & inepta est. Aliud enim est mutari precium emptionis, quod nos negamus fieri vllō casu posse quin contractus renouetur: Aliud verò remitti partem precij. Quod aptius est ad inducendū pactum de non petendo quàm ad renouandū contractū. Itaq; in hac specie quam ponit Bartolus, Non liberabitur emptor per huiusmodi pactū etiam rebus omnibus integris adhibitur quominus ipso iure debeat viginti quia contractus idem manet, sed tamen habebit exceptionem pacti de non petēdo pro decem, si viginti petantur. Sed si ponerēs ita conceptam pactionem vi res vendita viginti esset vendita pro decem ex prima emptione, vi loquitur Bartolus, Esset pactum impossibile & consequenter improbatum [sunt enim ista in pacto synonyma *non impossibile* 30. D. de pact.] propterea quòd diuersitas precij necessariò inducat diuersitatem emptionis, nec fieri queat vt ex prima emptione aliud precium debeatur quàm quod per eam conuentum fuit. Verum cerè illud est quod addit Bartolus pro vltimo distinctionis suæ membro, Si verba sint apta ad renouationem contractus, dicendum esse factam renouationem, sed addere tamen debuit hoc ipsum ita esse si omnia sint habilia, id est si in eo statu sit negotium, vt adhuc renouari contractus possit. Quid enim si res non sit amplius integra, quia iam sit secutum implementum contractus vel ex vtraque parte, vel ex alterutra? Non potest contractus renouari *dist. 9. ad eò autem*, vbi requirit Vlpianus vt res non sit secuta. Implementum enim sicut impedit resolutionem contractus *l. i. Cod. quando lic. ab empt. disced.* Ita & multò magis renouationem *dist. 9. ad eò autem*. Quid item si ab vna tantum parte contrahentium renouetur contractus? Non valet renouatio, vt aduersus Aristonem disputat Pomponius in *l. i. D. de rescind. vendit.* Sed quod subiungit Bartolus, Cum verba sunt ambigua & possunt trahi ad vtrumque sensum, videri contractum renouatum, ego cerè qualem sit non intelligo. Nec enim fieri potest vt eadem verba vtrumq; sensum admittant renouationis & resolutionis contractus, & multò minùs renouationis, & noui contractus, quia renouatus contractus idem est non alius, vt & ininterpretes omnes fatemur, & ex iis quæ hucusque disputaui- mus, satis intelligitur. Sunt enim duæ quidem conuentiones, sed vnus tantum contractus. Cætera quæ de renouatione contractus dici possunt fusè explicauimus in Rationalibus ad *d. 9. ad eò*.

ERROR QUINTVS.

De amico per emptorem electo, & an ex eiusmodi electione laudimium debeatur.



REQUENTISSIMVS apud nos vsus est eius electionis quam facere emptores solent qui pro se vel pro amico eligendo emerunt. Ita enim plerique emunt, & emptiones eiusmodi, ac quæ inde sequuntur electiones apud nos valent. Ex consuetudine inueterata magis quàm ex iuris ratione: quæ proculdubio non patitur vt quisquam alij emat quàm sibi *leg. quacumque* 11. D. de

Ecc

oblig. & actio. Et rursus sapius cum pragmaticos nonnullos audiui probare hanc consuetudinem ex *Tit. C. si quis alter. vel sibi.* quasi ex eo titulo probetur, quod verba præferunt, Posse quem alteri emere non minus quam sibi, Cum tamen nulla in eo titulo lex sit quæ non dicat, sibi quemlibet emere debere non alteri, & factam alteri emptionem non valere. Huiusque iuris sicut generale & commune est ita & generalis ratio illa certissima est, quod obligationes omnes ad hoc comparatæ sunt, ut unusquisque sibi acquirat, quod sua interest *l. stipulatio ista 38. §. alteri D. de verbor. obligat.* Ut autem alteri acquiratur aliquid siue ex emptione, siue ex qua alia causa nihil interest mea. Totum igitur hoc ius pendet ex consuetudine, sicut & quod in tota ferè Sabaudia nostra obtinet, ut electiones huiusmodi intra quadragesimum diem ab emptionis die numerandum fieri oporteat, Alioquin non valeant, sed nouæ emptionis titulus necessarius sit ut quod vni ex emptione quaesitum est, in alium transferatur. Dixi in tota ferè Sabaudia, quoniam apud Focignienfes nostros alia consuetudo obtinet, ut intra annum & diem fieri electionem sufficiat, perindeque sit, ac si intra diem quadragesimum facta esset. Huic porro consuetudini causam dedit haud dubie ius laudimiorum præstatorum, Ut inuenta esset ratio per quam fieret ne tam facile laudimia multiplicarentur, quamuis multiplicatis non modò contractibus, sed etiam traditionibus ipsis dominique translationibus, propter quas tamen deberi laudimia iam toties diximus, & verissimum est. Nec enim negari potest quin dominium rei venditæ transferatur à venditore in primum emptorem cum persona quæ eligenda est incognita sit venditori qui non nisi cum primo emptore negotium gerit, eumque solum sibi obligat ad conueni præcij solutionem: Cui consequens est ut eiusdem rei dominium per secutâ postea electionem necesse sit transire à primo emptore in eum qui postmodum ut amicus electus est, ac proinde quasi ex noua emptione ad eum ex noua traditione, quam utique in persona electi necessariam esse nemo dubitat. Et tamen facit potestas consuetudinis, ut cum ritè ac intra constitutū tempus electio facta est, vnica tantum emptio intercessisse videatur, ob idque non nisi vnicum laudimium peti possit. Verum ne hoc prætextu, ac veluti commento facile fraud fiat dominis directis, quorum sanè interesse est tot habere laudimia quot essent alienationes, & quot personæ acquirentium, bene inductum & prospectum est eadem consuetudine, ut electionem non tantum intra diem quadragesimum fieri necesse sit, sed etiam eodem precio, ita ut nec plus, nec minus emptori electus præstet quam emptor venditori suo præstiterit, aut promiserit. Nec tantum idem precium electionis esse oportet, quod fuit emptionis, sed easdem quoque viuisque contractus leges & condiciones, ne si qua in re vel melior, vel durior fiat condicio electi quam emptoris, noua potius emptio contracta, quam electio facta esse intelligatur, & consequenter nouum laudimium debeatur. Nec immerito, cum pacta quæ in emptionibus adhibentur partem quādam precij constituent, nihilque intersit, an in precio aliqua diuersitas sit, an in iis pactionibus quæ precij vice esse possint, ut in *l. fundo partem 75. D. de contr. empt. l. si venditor 6. §. 1. D. de fern. exp. l. si sterili 21. §. si ubi D. de act. empt.* Ergo quemadmodum diuersitas precij nouam planèque diuersam emptionem constituit, *d. l. pacta conuenta.* Sic & diuersitas huiusmodi pactionum sine quibus non fuerit quis ita contracturus, ut ait *l. vlt. Cod. de pact. int. empt. & vendit.* & consequenter perinde utroque casu fatendum est duplex laudimium deberi, tanquam ex duplici venditione, Quia & duplicem traditionem hoc casu subsequi necesse est cum:

est tūm traditio facta per venditorem in consequentiam venditionis factæ certo precio, non possit ei prodesse qui alio precio rem habere voluit. Quod non ita est cū electio facta fuit eodem precio, iisdemque condicionibus quibus venditio, quia hoc casu sufficit vna traditio quæ per venditorem facta sit emptori, ut etiam electio prodesse possit: Ideoque nec mirum est non nisi vnicum laudimium dari, cū vnica tamē traditio interueniat: Quamquam nec si traditio noua fieret ab emptore posset ea res multiplicare præstationem laudimiorum, siue quoddā vna tantum esset emptio, siue quoddā superuacua esset posterior traditio, priore sufficiente, & vnico similiter domini directi consensu. Sciet si posterior conuentio sonet in electionem simplicem, non in nouam venditionem. Alioquin non eo minùs laudimia plura domino directo deberentur, quoddā prior emptor non tantum pro se, sed etiam pro amico eligendo comparasset, tametsi intra diē quadagesimum posterior emptio facta proponeretur. Nec enim pactio illa per consuetudinem approbata, ut possit quis sibi & amico emere, impedit ne emptor possit alteri vendere, sed tantum facit, ut citra nouam venditionem ius suum in alium transferre possit, neque vendere habeat peccasse. Hoc autem idē duntaxat ut quamuis duplex conuentio sit, vnicum tamen laudimium debeat, haud secus ac si vna tantum esset conuentio, quia nec nisi vna venditio est. Dixi duplicem esse conuentiōem quia negari non potest, quin noua sit conuēctio quæ sit interuentu nouæ personæ, venditori ipsi fortassis incognitæ, aut saltem de qua certē ille non cogitauit. In quo mira planē vis apparēt huius pactionis, aut eius potius consuetudinis quæ pactionem hanc adprobauit. Quid enim à iuris ratione alienius, quàm ut pro emptore habeatur is qui de precio non conuenit, & qui ut sæpè accidit, venditorem nec de facie nouit? Itē neque ut per traditionem à venditore factam dominium transeat in eum qui nec emerit, nec possessionem ab ipso venditore sed ab emptore acceperit? Est enim hic casus ex eorum numero in quibus euenit, quod interdum euenire testatur Iustinianus in *§. hoc amplius Instunt. de rer. diuis.* ut in personam incertam collata voluntas dominij transferat rei proprietatem. Ut contingit cū Praetores & Consules iactant missilia in vulgus, ignorantes quis eorum quid sit excepturus, Aut cū quis rem habet pro derelicto ut fieri possit priui occupantis *l. si id quod §. §. 1. D. de derelict. l. nec emptio §. 8. in fin. D. de contr. empr.* Nam & similiter, cū quis vendit Titio euenti pro se & pro amico eligendo, licet nesciat quisnam ille sit qui eligetur, hanc tamen habet voluntatem ut quisquis ille futurus sit, dominus fiat non tam per electionem, quàm per traditionem ab ipso venditore factam Titio, Ut electio postea secuta non tam modus sit & causa immediata transferendi in electum dominij, quàm condicio sine qua in electum alioqui non transferretur. Vnde est, quoddā quamuis venditor nihil cū electo contraxerit, perinde tamen agere contra eum potest actione ex vendito ad precium, ac si illi ipsi vendidisset: quia & emptoris loco is habetur, Et ē contrario qui electus est, si nondum sit res transacta, periode habet actionem ex empto ad rem tradendam, aut ad id quod interest ob rem non traditam ac si ille ipse emisset, Adeoque si secuta sit euictio eandem ex empto actionem habere debet de euictione, quæ non nisi emptoribus & eorum successoribus contra venditores aut eorum successores accommodatur. Neque verò vlla in eam rem aut actionis cessione, aut hypothecca opus est, quæ in cæteris casibus esset necessaria, ut in *l. si res §. 9. D. de euict.* Nec eo minùs tamen remanet obligatus emptor etiam post factam electionem,

Ecc ij

ad solutionem precij si eum potius quàm electum convenire vëditor velit, Ne alioqui sit in eius potestate alium eligendo qui fortasse minùs idoneus sit & nō soluendo, seipsum liberare & obligationem quam emendo contraxit exuere? Quod certè iniquum esset, cū nemo possit facto suo præterquàm solutione obligationem suam tollere *l. si servum 91. §. nunc videamus D. de verb. oblig.* Nec quodd liceat emptori amicum eligere qui si non emptor saltem in emptoris locum substitutus dici possit, facere potest quominùs verum sit dicere venditorē solius emptoris cum quo contraxit personam & fidem secutum esse, non etiam eius qui postea eligeretur, cuius neque persona certa est, neque proinde certæ & cognitæ facultates. Itaque emptor eligendo amicum adiicit venditori suo eidemq; creditori novum debitorem, sed nō idèd se liberat, quominùs maneat obligatus, acsi electio nulla secuta esset: quia per electionem potest emptor meliorem facere venditoris condicionem, sed deteriorem non potest, Et hæc sunt quæ de electione ista consuetudinaria & moribus nostris recepta dici possunt. Ex quibus apparet quàm diuersus hic casus sit ab eo quem tractant interpretes nostri cū distinguunt an renonatio cōtractus fiat inter easdem personas vt eo casu procedant illa quæ in superioribus De contractu renouato disputauimus, An verò mutetur persona quamuis re integra, Putà, inquit, quia res vendatur alteri de consensu primi, Quo casu volunt duplex laudimium deberi. Sic enim Amedeus à Ponte *in quest. laudim. 38. ex Bertach. in tract. De gabell. part. 5. quest. 5.* argumento eorum quæ Baldus notat *in l. cum per eos Cod. si quis alter. vel sibi.* Hoc enim posteriore casu duo sunt emptores, quorum posterior non tam in ius quàm in locum prioris subintrare intelligitur, nec tam ex alieno contractu, vt electus quàm ex suo proprio convenitur. Sed tamen in hoc ipso errat Amedeus quòd vult hoc casu duplex deberi laudimium quemadmodum ex supradicta Bertachini sententia duplex gabella deberetur. Illa enim perpetua inter gabellam de qua tractant interpretes, & laudimium de quo disputamus differentia est, quòd gabella debetur ex quolibet contractu, sic ferentibus verbis statutorum quæ passim obtinent in Italia, quale est Bononiense illud de quo Paulus Castrensis *in l. 1. Cod. quand. lic. ab empti. disced.* Verum autem est, cū quis eam ipsam rem quam vendidit Titio postea vendit Mzuiolice rebus omnibus integris & eodem precio iisdemque condicionibus, duos esse contractus, quamuis vnus & idem sit venditor, cū duo sint emptores. Et consequenter duplicem gabellam deberi necesse est, vt quot sunt contractus, tot sint gabellæ ex statuto debitz. Laudimium verò non ex quolibet contractu deberi potest, nec si sit ille sui natura habilis ad transferendam dominium, sed ex eo tantūm ex quo translatus re vera fuerit dominium per subsecutam traditionem aut petitam saltem missionem in possessionem. Quorum nihil ponimus interuenisse, sed rebus omnibus integris vni venditam esse eam rem quæ iam alteri vendita fuerat: Quæ res facit vt proinde non nisi vnicum laudimium directo domino deberi possit, Nisi poneres statuto aliquo quòd cautum fuisse vt quot fuerent contractus tot ex iis laudimia deberentur. Quale tamen nullum aut in Italia,

aut alibi vspiam
est.

ERROR SEXTVS.

Si alienatio facta sit durante conductione et posita inuestitura post tempus conductionis, cui laudimium debeatur.



ST hęc questio consequens præcedentibus, Eamque tractat Amedeus à Ponte *dist. quasi. laudem. 38.* Quidam, inquit, conduxerat emolumenta feudi per triennium, Ultimo anno fuerunt factę alienationes per vassallos. Petita fuit inuestitura post tempus conductionis. Queritur ad quem spectet laudimium, an ad dominum directum, an potius ad conductorem. Et respondet videri quidem dicendum quod pertineant ad dominum potius quàm ad conductorem, *Ex notat. per Guid. Pap. quasi. 535.* vbi ait pœnam condemnationis ei ex conductoribus deberi qui eo condemnationis tempore in conductione reperitur, non illi qui conductor fuit tempore admissi delicti, Itémque ex *l. susceptores 3. C. de suscept. lib. 10. tit. 70.* vbi constitutum est vt susceptores noui non tantum præsentis anni debita suscipiant, sed etiam species quas ex reliquis inferunt, quia nouę sunt ac recentes suscipiant. Concludit tamen in cōtrarium pro conductore, Illa potissimum ratione quod statim post contractum incipiat laudimium deberi licet peti non possit nisi præstito demum consensu, Vt proinde laudimij dies cessisse iam antea videatur, licet nondum venisse quod longè diuersum est *l. cedere diem 213. De verbor. signific.* Addit quod vulgò iactari solet, in quolibet contractu initium esse attendendum *l. si id quod 58. §. si fili. v. fam. D. pro socio l. si procuratorem 8. in princip. D. mandat. l. 1. §. si seruus deposuit D. de pos. l. si filium famulatur 78. De verbor. obligat.* Itémque quod quando finis habet necessariam consequentiam à principio retrahi debet ad suum principium. Ex Socino *conf. 70. in fin. vol. 4.* Ad contrariam verò sententiam Guid. Pap. *dist. quasi. 535.* responder, eam procedere in commissis ex maleficio quia ex delicto pendente processu ante sententiam non potest dici aliqua pœna debita, & consequenter, inquit, neque cessit, neque venit dies. Ex Bald. *in l. fin. num. 6. Cod. de fructib. & lu. expens.* Exemplo eius quod tractat Bartol. *ad l. 2. in 1. quasi. per illum textum Cod. de iur. emphyt.* & post eum Crauet. *conf. 212.* quod commissio rei emphyteuticę vel feudalis dependet à voluntate domini numquid velit esse commissum vel non, Nec antè dicitur commissum quàm dominus voluntatem suam declarauerit. Ideoque tempus declarationis non delicti attendendum esse concludit Craueta supradicto loco. Vbi tamen *num. 8.* distinguit casum caducitatis à casu commissi propter maleficiū. Quasi in commissis propter maleficiū maior sit ratio inspiciendi tempus declarationis. Et tamen subiungit Amedeus, In commissis ex maleficio stare contra Guidonem Papę apertam decisionem Baldi *in fin. De iurisd. omn. indic.* vbi dicit quod commissis tempore vltimę diei qua finitur dactum, sic enim loquitur, debentur primo daciario, licet processus fiat tempore secundi, quia de tempore primi inchoata est obligatio. Quam sententiam communem esse testatur idem Amed. à Ponte post Alexand. *ad l. fructus 7. §. Papi. manius aliàs l. d. mortio D. solut. matrim. in §. si vir in fundo & conf. 7. versic. quarto volum. 3.* Socin. *dist. conf. 70. volum. 4.* Boer. *de eis. §. num. 20.* Quamuis idem Amedeus subiiciat, Posse distinguī an pœna committatur ipso iure, vt tunc tempus

Ecc iij

declarationis & sententiæ retrotrahatur ad tempus commissi delicti, An verò non committatur ipso iure vt eo casu attendendum sit tempus sententiæ. Verùm in casu laudimij, inquit, diuersi sunt termini, propterea quodd ius acquisitum sit conductori ex alienatione tempore suo facta, Et subiungit posse hic adaptari potius aliam distinctionem eiusdem Alex. in *dist. 9. si vir in fundo*, & Aret. in *l. si quid possessor 31. §. 1. D. de heredit. petit.* An id quod petitur debitum sit propter laborem seu operam & diligentiam, vt ei debeat qui illam præstiterit, An simpliciter, & per se, vt in delictis quia eo ipso quod delictum commissum est dicitur quasi debitum, vt tunc debeat ei ad quem pertinebant cætera emolumenta de tempore commissi delicti. Atqui non est debitum, inquit, pro labore laudimium, sed pro consensu, statim atque per dominum vel conductorem non stetit, quin apponeretur. Itaque concludit pro conductore, cuius durante conductione venditio facta sit. Atque ita vir doctissimus ratiocinatur, vt facile sit intelligere in hac esse illum sententia, vt putet ex die contractæ venditionis laudimium deberi, licet alio loco scribat *ex die alienationis* pro eodem accipiens contractum venditionis & alienationem. In quo tamen primum fallitur. Aliud enim est alienationem dicere, aliud venditionem, Cùm alienatio sit actus omnis per quem transfertur dominium *l. 1. Cod. de fund. dotal. l. alienationis 28. De verbor. signific.* venditio autem non tam sit modus transferendi dominij, quàm titulus habilis quidem ad transferendum dominium, sed secuta demùm traditione vel usucapione *vulg. l. traditionibus 20. Cod. de pact. l. numquam nuda 31. De acquir. rer. domin.* Debit ergo dicere, vt hinc exordiamur, Ex die alienationis in proposita facti specie laudimium deberi, Ex die contractæ venditionis non deberi. Sicque mihi omnino videtur. Distingendum scilicet esse an pendente tempore conductionis translatum fuerit ex venditione dominium per traditionem factam emptori, an verò nuda tantùm, & simplex venditio facta sit, Vt priore casu laudimium debeat conductori, licet non sit petita inuestitura nisi post finitum tempus conductionis, Posteriori verò casu nō debeat. Est enim hoc cōsequens ei quod diximus in superioribus, Laudimium deberi propter adprehensionem aut saltem petitionem possessionis, ex titulo habili ad transferendum dominium, & ex quo facta sit ea translatio: Numquam autem ex titulo simplici quamvis per se habilis ad dominij translationem inducendam. Proinde si quod plerumque hodie fit, contractus venditionis adnexam habeat clausulam constituti, aut retentionem ususfructus aut quam allam similem quæ apta sit ad transferendum dominium, nihil sanè causæ est, cur non dici debeat exinde laudimium deberi, quamvis non nisi post tempus finitæ conductionis petita sit inuestitura, quam nec peti necesse est vt laudimium debeat, cùm sufficiat quod peti possit per emptorem, & petita denegari non possit à domino directo, quin amittat illè petendæ laudimij facultatem, & persecutionem. Cæterum si simplex venditio facta sit pendente conductione, traditio autem non nisi post finitam conductionem secuta fuerit, nulla ratio est vt laudimium conductori debeat, à quo numquam emptor petiit inuestituram, neque petere potuit: Cuius scilicet petendæ neque necessitas, neque facultas vllà est ante acquisitionem dominij, quæ porro ex contractu solo numquam sequitur, adeoque nec per usucapionem nisi secuta demùm traditione. Alienatio igitur tunc facta dici debet, non cùm venditio, sed cùm dominij translatio facta est. Nec proinde inspicendum magis est tempus inuestituræ petitiæ, quàm contractæ venditionis, sed solum

alienat.

alienationis, & translationis domini à quo demùm tempore licet petita non sit inuestitura, attamen, vt ita dixerim, petibilis est, & consequenter concessibilis, Quod satis est vt illi qui eo tempore conductor fuit laudimium debeatur. Verèque vsurpari hoc casu potest regula illa iuris quæ habet, Eum qui facere potest vt possit iam videri posse *l. qui potest 174. De regul. iur.* Quod non similiter benè quis dixerit ante translatum dominium in emptorem, In cuius scilicet potestate non est, vt fiat ea translatio si sortè prociæ & peruciæ venditor malit præstare quanti emptoris interest, quàm rem tradere, vt disputauimus in superioribus *ex l. si traditio 4. Cod. de act. empt. l. contra actum 17. Cod. de fid. instrum.* Nec ad rem pertinet quod Amedeus post alios interpretes obiicit, Vniuersiulque contractus initium inspiciendum esse. Id enim hunc sensum habet, vt si de natura contractus quærat, & quisnam ille sit, propter eam quod negotium tale sit vt pluribus diuersi generis contractibus aptari possit initium debeat inspicere, vt in *dist. l. si procuratorem 8. in princip. D. mand. & aliis suprà in hanc rem citatis.* At cum non de natura & qualitate contractus quæritur, sed tantùm de aliquo iure quod consequens sit contractui, & ex eo pendeat, non semper initium contractus inspiciendum est sed potius traditionis, Vt puta si quærat de dominio siue per vsucapionem, siue citra vsucapionem acquirendo, quia traditio quæ ex venditione sequitur illa est, quæ dominium transfert non venditio *dist. l. traditionibus & dist. l. numquam nuda.* Item si disputetur viro tempore bonam fidem habere debeat emptor rei alienæ ad vsucapiendum, an initio emptionis, an tempore traditionis, Initium enim hoc casu inspicimus, non emptionis sed traditionis *l. si aliena 10. in princip. D. de vsucap.* Itemque in quæstione *l. qui bona 23. §. 1. D. de acquir. rer. domin.* & aliis perquam multis. Quare nec illud aduersatur, quod iidem interpretes obiiciunt, Retrotrahi debere finem ad suum principium quoties habet necessariam ab eo dependentiam & consequentiam. In proposita enim quæstione neque acquisitio domini, neque præstandi laudimij obligatio necessariam habet dependentiam & consequentiam à venditione, sed potius à traditione venditionem subsequente. Licet venditionem aut quem alium contractum finalem, id est per se habitum ad dominium transferendum precedere necesse sit, vt & traditio subsequi, & laudimium deberi possit, Cum non sit necessaria consecutio, vt quia venditio præcesserit, domini translationem omnimodo sequi oporteat, quæ non potest sequi nisi ex interueniente traditione, quàm porrò vt faciat venditor si malit condemnari ad id quod emptoris intererit, cogi præcisè vt diximus non potest. Ergo si contractus talis sit, non solum qui sui natura sit habilis ad transferendum dominium, sed quem prætereà necesse sit incipere à traditione, adeoque à translatione domini, quales sunt contractus permutationis, donationis, Do vt des, Do vt facias [nam ex his omnibus contractuum generibus laudimia deberi postea ostendimus] aliud dicendum erit, vt ex ipso contractus die laudimium debeat, ac proinde illi qui eo tempore ius habuerit percipiendorum laudimiorum siue conductor is sit, siue alius. Nèpe quod in hoc contractuum genere idem sit tempus & initi contractus, & translati domini. Permutatio enim ex re tradita initium obligationi præbet, nec prius inchoata nedùm perfecta dici potest quàm vnus ex permutantibus re tradiderit, quam nec sufficit tradita esse si non per eam traditionem domini quoque translatum sit. Ideoque bene Pedius dicebat, alienam rem dante nullam contrahere permutationem *l. 1. D. de rer. permu.* At in eo rursum Amedeus noster fallitur, quod putat

cedere diem laudimij, hoc est incipere laudimium deberi ex die venditionis, licet fateatur non nisi praestito demum consensu venisse. Verumque enim falsum est, Et cessisse diem ex die venditionis, Et non venisse nisi ex die consensus praestiti. Nempe quia sicuti non cedit ante traditionem factam siue verè, siue fictè, ut probauimus, Ita ex die traditionis & cessit & venit, etiam si consensus neque praestitus, neque adhuc petitus sit cum ex eo tempore & peti potuerit, & concedi à domino etiam invito debuerit: quod postremum sufficit ut inuitus quoque emptor ad laudimij solutionem urgeri possit, quamuis inuestituram petere adhuc nolit. Diuersum esset si hodie vteremur iure vetere, quo etiam in potestate domini directi ut non laudaret venditionem si, fortè inscio & irrequisito eo facta fuisset: Quo casu res emphyteutica committebatur si id malebat dominus, quàm laudimium petere *ducl. l. ult. in fin. Cod. de iur. emphyt.* Nec enim posset videri cessisse dies laudimij eo tempore quo incertum adhuc erat, an laudimium aliquod deberetur: At cum iam eo iure utamur ut ad rerum emphyteutarum non minùs quàm allodialium venditionem non requisito domini consensu procedi possit, laudimium exinde domino deberi certum est, ex quo in emptorem dominium per traditionem translatum fuit, quandoquidem nec in domini, nec in emptoris potestate est ut villo casu non translatum videri possit dominium quod iam translatum est in emptorem. Quamquam potest ea res aliquam apud nos hodie habere dubitationem, Posteaquàm Serenissimi Ducis nostri Edicto cautum est, ut liceat dominis directis pro eo precio quod alius emptor obtulerit sibi retinere dummodo intra tres menses à die notitiae voluntatem suam declaret. Videtur enim factum hoc edicto, ut non priùs possit videri acquisita res emptori in eumque translatum rei dominium, quàm directus dominus voluntatem suam declarauerit, an rem venditam sibi retinere velit necne, Ut proinde nec laudimium vllum antè deberi videatur. Nec dicamus interim dominium acquiri emptori, noua traditio necessaria sit quæ ab ipso emptore fiat domino directo eam rem sibi retinere volenti. Verius tamen est non eò minùs statim deberi laudimium ob translationem dominij factam in emptorem. Dum ne tamen dominus directus eam rem postea retinere velit. Secuta enim eiusmodi declaratione quod retinere illam nolit, aut præterito tempore intra quod fieri debuit, remanet dominium emptori acquisitum irrevocabiliter, sed acquisitum per traditionem non per declarationem illam voluntatis, nec per lapsum temporis. Irrevocabiliter verò propter declarationem aut lapsum temporis non propter traditionem solam: Laudimium verò deberi constat propter acquisitionem dominij quamlibet etiam quæ sit reuocabilis, Non ob ipsam ut ita dixerim acquisitionis irrevocabilitatem: Alioqui nec ex venditione facta sub pacto de retrouendendo deberetur, cum sit illa reuocabilis. Nec enim id eò minùs quid nostrum verè est, quod eius dominium à nobis abscedere aliquo casu possit, ut sæpius inculcauimus ex *l. non id eò 61. De rei vindic.* Neque rursus verendum est ut noua sit opus traditione facienda directo domino, si retinere rem malit: cum satis ei sit quod iam penes se habeat dominium directum ut nulla dominij utilis acquisitione indigeat, quod neque simul cum directo posset in vna eadèque persona consistere. Planè quamuis verum sit quod dicimus, Etiam priùs quàm dominus directus voluntatem suam declarauerit dominium in emptorem per traditionem ei fictam translatum intelligi, & ex qualibet dominij acquisitione etiam quæ sit reuocabilis laudimium deberi, Facere non potest ut domino directo rem retineat.

retinere aliquod laudimium debeat, Cum hoc casu per dominum ipsum fieri ne suum effectum plenissimum venditio fortietur, quam ad consequendum laudimium ratam habere potius deberet. Totus ergo hic tractatus eo perijnet, ut si eo tempore quo facta venditio & traditio est laudimiorum condactor fuerit Titius, Eo autem tempore quo voluntatem suam declarat dominus directus quod rem sibi retinere nolit, aut declarare posse desierit, vel alius laudimiorum condactor sit vel nullus, laudimia priori conductori Titio; non posteriori aut domino directo debeantur. Licet inuestitura non nisi post prioris conductionis tempus emensum petita & prestita sit.

ERROR SEPTIMVS.

De pœna irrogata ex delicto cui ex diuersorum temporum conductoribus aut dominus debeat. An ei quis tempore delicti fuerit, an qui tempore condemnationis.

OCCT nos huc diuertere quod proximo capite disputauimus De laudimiis inter eos controuersis quorum vnus conductor laudimiorum fuerit tempore factæ alienationis, Alius verò tempore inuestituræ petiit. Nam qui contra nos defendunt pro primo conductore, non alterius temporis rationem habendam esse quam quo facta & perfecta venditio sit, licet necdum traditio secuta fuerit, eo potissimum argumento vtuntur, quod cum quis ex delicto suo ad certam pœnam multatusve condemnatus est, non ad eum pœna pertinet qui condemnationis tempore fiscalium pœnarum conductor fuit, sed ad illum potius qui tempore admissi delicti, quod condemnationi causam dedit, & à quo negari non potest quin originem & causam suam trahat condemnationem. Sic enim Amadeus noster à Ponte dist. quest. laudim. 38. Afferens effigiam communiorum nostrorum interpretum sententiam, ex Boer. quest. 5. num. 20. & aliis quos in hanc rem superiore capite citauimus. Reluctante licet Guid. Pap. qui contrà scripsit quest. 335. Sententiæ scilicet ac condemnationis tempus spectari semper oportere. Et si verò Senatus noster hanc Guidonis Papij sententiam probauit sæpius, quæ & mihi verior semper visa est, digna tamen questio videtur, quam hic tractemus paulò diffusius quod sicuti grauissimorum virorum autoritates pugnantes habet, ita & multa quæ in utramque partem agitari probabiliter posse videantur. Pro priore sententia quam communiorum esse adfirmat Boerius illud maxime facit, quod quandocumque secuta ex delicto condemnation non aliam causam habeat quam ipsius delicti, quod si nullum admissum esset utique nec vlla sequi condemnatio, ac nec de pœna tractari quicquam posset: Ab eo igitur tempore commissi delicti ius aliquod videtur questum fisco, & consequenter ei qui fisci loco est ut ex eo delicto agere pœnamque competentem persequi possit. Non quasi ex delicto solo vlla nascatur hypotheca in bonis delinquentis ante sententiam, at neque ante capta pignora in executione iudicati quod certè nemo vnquam dixit, nec probabiliter posthac quisquam dixerit. Sed quia delictum illud est quod condemnationi quandooumque postea secuta causam præbet. Ex quo inferunt referri

ergo debere condemnationem ad tempus delicti tanquam ad causam suam & originem, ac proinde condemnationis commodum & emolumentum non ad alium pertinere posse quam ad eum ad quem pertinisset si eo ipso die quo delictum admissum est secuta condemnatio fuisset. Videreturque pro hac sententia vrgere maxime quod scriptum est in *l. post contractum 15. D. de donat.* siue Florentinam siue vulgatam lectionem sequamur. Nam siue scripserit Iureconsultus, Post contractum capitale crimen donationes factas valere nisi condemnatio secuta sit, vel quod effectus idem esse videtur, non valere si condemnatio sit secuta, Apparet Marcianum aut potius Imperatorem Antoninum cuius constitutionem eo loco Marcianus refert, maiorem delicti quam condemnationis rationem habuisse. Alioqui eas demum donationes non valere constitueret Antoninus non quæ post contractum capitale crimen factæ fuissent, sed quæ post securam ex causa contracti capitalis criminis condemnationem. Addi etiam pro hac sententia potest quod Amedeus noster post alios disputat, Cuiusq; rei causam & originem spectandam esse non finem *leg. 3. §. scio D. de minor. 25. annis l. si pro uiratem 8. in princip. D. mandai. 1. 1. §. si seruus deposuit 30. D. de pos.* quoniam ut vulgari nostrorum iactatur brocardico, Semper à primordio tituli posterior formatur euentus *l. 1. Cod. de impon. lucrat. descript. leg. quædam mulier 77. D. de rei vindicat.* Vt tamen contrariam sententiam veridicam esse puiem illud maxime facit, quod quamuis delictum aliquod admissum esse dicatur, Attamen perinde fere incertum est an ex eo secuta sit villa condemnatio, atque si admissum non fuisset. Quam enim sæpe accidit ut delicti probationes deliciant quæ luce, ut aiunt, meridiana clariore esse debent, quoties agitur criminaliter? *l. vltim. Cod. de prob. 1.* Quod cum euenit licet ius non deliciat, quia in rerum natura verum est admissum delictum fuisse, sed tantum probatio, ut in *l. duo sunt Titij 30. D. de testam. iur.* e. perinde tamen impunitum manere delictum necesse est, atque si admissum non esset. Id enim est quod nostri quoque iurant, Non entium & non apparentium idem esse iudicium *§. si aduersus Inst. de nupt.* Quam sæpè rursus habent delicta suas excusationes aut veras, aut fictas & commentitias, sed quæ tamen per falsos testes probentur, aut etiam, quod interdum fit, iustis præsumptionibus adiuuentur. Denique quam sæpè iudices ob probationum aut inopiam aut perplexitatem in eas se coniectos vident angustias ut nocentem absolueri cogantur, ne innocentis condemnandi suspectum periculum incurrant? Quid rursus si per sordes aut gratiam aut imperitiam iudicis absoluator reus de cuius tamen delicto constat, & qui omnimodo condemnari debuerit? Quid è contrario si quis tanquam delicti reus & vel per testes vel propria confessione quam fortassis tormenta expresserint conuictus ad magnam pœnam pecuniariam condemnatus sit, quæ tamen ex postfacto appareat fuisse innocentem? Quis dicat ei pœnam deberi qui vel dominus vel conductor fuerit non tempore sententiæ sed tempore delicti, quod nullum fuerit? Itaque licet quisquis ex delicto condemnatur idèò condemnatur quia deliquerit, aut saltem quasi deliquerit, Numquam tamen ob id præcisè pœnam debet quod deliquerit, sed quod ad eam pœnam condemnatus sit, quoniam pœna ante condemnationem nulla debetur etiam si delictum verè præcesserit. Secuta verò condemnatione debetur pœna ex sola condemnatione non ex delicto, quia fieri poterat ut vel nulla vel minoris pœnæ condemnatio sequeretur. *leg. si fundus 16. §. si pluri,* in illis verbis,

Semel enim causa transire videtur ad condemnationem & exinde pecunia deberi D. de pignor. Nam si in ea quoque condemnatione quæ ex contractu obligatorio nascitur condemnationi plus quàm contractui tribuimus, quia & contractus per litis contestationem quasi per nouum contractum & per delegationem nouatur *l. 3. §. idem scribu. D. de pecul. l. delegare 11. §. 1. D. de nouat.* itémque ipsa litis contestatio & quæ post litem contestatam datur actio per condemnationem *l. ultim. Cod. de usur. rei indicat. & dist. §. si pluris.* Quantò magis idem admittendum est in obligationibus quæ ex delicto nascuntur, quæ sunt longè incertiores, quia non sicut de contractibus, vt plurimum, ita etiam de criminibus & delictis sunt instrumenta quæ tantæ fidei sint ad rei gestæ probationem. Proinde quemadmodum si fera bestia sic vulnerata sit vt capi possit, non idèò statim eius sit qui vulnerauit, tamen si eam persequi non destinat sed tunc demum cum eam cœperit, propterea quòd multa possint accidere vt eam non capiat, sicut contra Trebatium ex aliorum prudentum sententia Caius disputat *in l. naturalem 7. §. 1. De acquir. rer. domin.* Ita & in proposita quæstione dicendum est, licet quis sic deliquerit, vt ob delictum condemnari debeat, Non priùs tamen de pœna tractandum esse cainam debeat, quàm condemnatio secuta sit cum fieri queat vt condemnatio nulla sequatur. Placuisseque mihi semper quod Guido Papius eo textu & argumento ad huius sententiæ confirmationem vsus fuit. Est enim quæstio nostra illi simillima quæ olim ipsos etiam prudentes dissentientes habuit, & digna quæ ipsos interpretes multò magis habeat inuicem contententes. Proinde non pugnat, quod contra nos obicitur, Pœnam hanc ob delictum deberi. Non enim consequens est vt non ex condemnatione magis quàm ex delicto debeat, Nec debiti causa & origo inspicienda est, nisi in iis quæ ab ea causa & origine consequentiam necessariam trahunt, in quo numero non est hoc de quo tractamus, cum vt iam diximus, & possit nulla sequi condemnatio vbi delictum præcessit, & contra nullo quoque præcedente delicto, sequi tamen ex falsa accusatione condemnatio quæ pœnam irroget. Secuta enim quancumque & omni casu condemnatione non iam de delicto amplius quærendum est an admissum sit, sed tantùm de iudicato an iudicatum sit, quia res iudicata sola illa est quæ pro veritate habetur *l. ingenuum 25. D. de stat. homin. l. res iudicata 206. De regul. iur.* Neque rursus nobis aduersatur, quod diximus *ex l. post contractum 15. D. de donat.* quæ primùm non de omni crimine loquitur nec de condemnatione ex quocumque crimine irrogata, sed tantùm de capitali, Propterea quòd ex capitalibus serè omnibus criminibus iam olim irrogabatur pœna publicationis bonorum aut totorum aut saltem pro parte, Vt proinde nõ nisi valde suspecta esse posset donatio post contractum capitale crimen quasi in fraudem fidei facta: quod non similiter dici potest de aliis criminibus, quæ non nisi certæ quantitatæ pœnam irrogant, ad quæ tamen etiam quæstio nostra pertinet. Deinde probat potiùs ea lex nostram sententiam, si vulgatam lectionem quæ certè emendatior est sequamur, & sic legamus *Post contractum capitale crimen donationes factæ valent ex constitutione Diocletiani & Antonini, 21. si condemnatio secuta sit.* Nam sicuti nulla opus erat constitutio Imperatorum vt non valerent donationes inter vivos quæ post contractum capitale crimen factæ essent tanquam non sine pœnæ suspicionem factæ *leg. si quis 7. D. de mort. caus. donat.* Ita nec alia ratio adferri potest propter quam Imperatores constituerint valere, Nisi condemnatio secuta sit, si

non illa est, quod multa possint accidere propter quæ fiat ut condemnatio nulla sequatur. Quo tamen casu irritas fieri donationes ob solam pœnæ suspensionem minus durum sanè, ac inhumanum videbatur. Nec tamen eò magis consequens est quod ad eam legem interpretes nostri vulgò notant, Secutam postea quodcumque condemnationem retrahere ad tempus delicti. Non enim ratio illa fuit quæ irritas fecit huiusmodi donationes, Sed hæc potius quod secuta quodcumque condemnatione tàm demùm appareat non sine suspitione pœnæ factam fuisse donationem: quod sufficit ut non valeat *dist. l. si quis mortuus*. Nec illud præterea requiritur ut quasi à iam condemnato facta videatur, quod tamen dicendum esset si condemnatio ad tempus delicti retraheretur. Sanè Florentina lectio quæ habet, Post contractum capitale crimen donationes factas non valere ex Diocetiani Severi, & Antonini constitutione nisi condemnatio secuta sit; defendi, nullo modo potest ut in libris Coniecturarum pluribus à nobis demonstratum est. Condemnatio enim quodcumque secuta quominus nõ quò magis valere possit donatio facere debet, cum & bonorum ademptio quædam sit, ut de legati ademptione scriptum est *in l. legata inutiliter l. 4. De adim. legat.* & demonstret satis, Pœnæ suspensionem iam ipso donationis tempore præcessisse. Sed errori causam dedit, quod omissa per errorem librarij repetitione ultima syllabæ dicti nominis *Antonini* scriptum esset *si pro nisi*. Cum tamen non posset ea sententia defendi ut valerent donationes post contractum capitale crimen factæ si cõdènatio secuta esset, Necesse visum fuit peritiori siue librario siue interpreti addere negationem in præcedentibus, & legere *non valerent* quæ tamen lectio post restitutam dictionem *nisi* quæ viciosa & falsi sensus plena fuit. Sûnt qui pro Baldi opinione adducant præterea quod scriptum est *in l. u. qui in putentur. §. si posteaquam D. quod vi aut clam*, si posteaquam aliquid vi aut clam factum est fundus venierit, nihilominus venditorẽ hoc interdicto experiri posse nec finiti interdictum venditione, sed parum accommodatè. Id enim rationem illam habet quia venditori facta iniuria est non emptori, in quem nec translatum videri potest ius quod habuit venditor experiendi interdicto, cum satis emptori esse debeat quod tantò minoris emerit, ut lex ait. In ea verò specie quam tractamus, nihil tale est, quia non de iure actionis, quarimus cui competat sed de commodo & emolumento condemnationis cui acquiratur, Nec ob id minoris locat prædium suum dominus, quod prioris conductionis tempore crimen aliquod admissum sit, Imò tantò pluris quod ex eo delicto sperare, posterior conductor potest securam condemnationem quæ nõdum secuta fuerit. Tractamus enim de omnium generaliter & indistinctè condemnationum & pœnarum per eas irrogatarum conductore. Neque rursus quemadmodum ex eo quod vi aut clã factum est nascitur statim & ipso facto interdictum ei in cõis fundo vi aut clã factum fuit, Ita ex delicto nascitur statim pœnæ persecutio sed tantùm ius instituendæ accusationis, Quia non nisi peracta sequi potest condemnatio, nec rursus nasci pœnæ persecutio nisi ex condemnatione. Quæ porrò cùm sit tempore posterioris conductoris, non idèd tamen mutatur persona eius cui per delictum facta est iniuria, id est domini iurisdictionis, sed tantùm persona conductoris, Ut perinde non possit queri, ut *in dist. §. si posteaquam*, Vtrum ad priorem dominum condemnatio pertinere debeat, an ad posteriorem. Idem. n. dominus est, cuius vicem & personam repræsentat conductor posterior, nõ minùs quàm prior, Quod si ponas dominij quoque causam mutatam esse, priorẽque dominum eam iurisdictionem omniãq; emolumenta inde dependẽtia alij vèdidisse post

post admissum delictum, & ante secutam ex eo condemnationē, Perinde dicam
nō dubitari oportere quin posteriori domino cōdemnationis pœna debeat,
cū sit hic fructus iurisdictionis venditæ, quem proinde necessum est dominij
iure ad emptorem pertinere. Nec enim potest prior dominus dicere se tātō mi-
noris vendidisse iurisdictionem, quā imō verō pluris vendidit, ob id quod in
ea delictum ante admissum fuisset, nulladum ex eo secuta condemnatione, Vt
solent avariores & avidiores domini iurisdictionum suam quisque iurisdictione-
nem ob id meliorem existimare quod pluribus abundet pessimis & sceleratis
hominibus, vt ex delictorum frequentia & atrocitate tantō plures & grauiore
condemnationes ferant, in quibus scilicet totum iurisdictionis criminalis fru-
ctum pecuniarium consistere arbitrantur. Quare nec ad rem pertinet quod si-
militer obicitur *ex l. vlt. §. non solum D. de his que in fraud. credur.* Venditis bo-
nis venditos intelligi atque ita in restitutionem venire fructus qui terræ cohæ-
rent tempore alienationis, non etiam illos qui medio tempore, id est post alie-
nationem & ante iudicium acceptum percepti sunt, quia in bonis non fuerunt
alienantis. Nec enim sicut fructus qui terræ cohærent partem fundi efficiunt *l.*
fructus 45. De rei vindic. Ita & condemnationes quæ sequi possunt ex delicto iam
admisso tempore alienationis possunt dici pars vlla iurisdictionis, aut fructus
aliquis & emolumentum iurisdictionis antequā reuera secuta sit, propterea
quod vt diximus multa possunt incidere quæ faciant ne vnquam sequatur. Co-
hæret quidem iurisdictioni coercitio delictorum quocunque tempore admi-
ssorum, Ideoque nimirum dicimus vendita aut aliter alienata iurisdictione ius
hoc coercitionis & irrogandæ condemnationis transire in emptorem in quem
transit & iurdictio, Sed condemnatio ipsa non cohæret quandiu secuta non
est, tanquam res quæ nondum in rerum natura est, & quæ potest numquam esse.
Expectandum igitur necessariō est vt sit priusquā de illo queratur, An sit in
fructu, aut ad quem pertinere debeat tanquam fructus iurisdictionis.

ERROR OCTAVVS.

*De illa distinctione interpretum An pœna irrogetur ex delicto ipso iure,
An tantum per sententiam, & de differentia multa & pœna.
Ad l. aliud fraus est 131. & l. antep. De verb. signif.*

PŒNÆ quæ ex delicto irrogantur & de quibus proximè disputau-
mus in duplici sunt differentia. Quædam enim sunt quæ ipso iure id
est ex ipsis legibus siue publicorum siue privatorum iudiciorū cer-
tæ constituntur, & irrogantur, Qualis est pœna dupli ex causa fur-
ti nec manifesti, Quadrupli ex causa furti manifesti, Tripli ex Edi-
cto Vi bonorum raptorum, Dupli etiam ex variis causis edicti perpetui vt De
seruo corrupto, De deposito tumultus vel incendij vel naufragij vel ruinæ cau-
sa factæ & aliz pleræque. Publicatio bonorum aut totorum aut pro parte certæ
Relegatio, Pœna pecuniaria viginti aureorū ex lege Iulia de annonæ *l. an si. De
leg. Iul. de annon.* Et centum aureorum ex lege Iulia ambitus *l. vnic. in fin. D. ad
leg. Iul. ambit.* & quæ olim erat ex lege Fabia de plagiaris, & quæ tamen hodie
in vſu esse desin *l. vltim. De leg. fal. de plagiar.* & si quæ sunt similes. Et hæc sunt

pœnæ in quibus obtinet quod Papinianus noster dicere solebat *in l. ordinis 15. D. ad municip. & in l. 1. §. 3. vers. quorum alter utrum D. ad SC. Turpil.* facti quidem quæstionem in arbitrio & religione esse iudicantis, Pœnæ verò persecutionem non eius voluntati mādari, sed legis auctoritati referuari. Alię verò sunt pœnæ, quæ cū in legibus nullæ sint certæ constituuntur, ex arbitrio & religione iudicantis pendent, quas magis propriè ac specialiori nomine multas appellamus, ut Paulus noster disputat *in l. antepen. De verb. signific.* contra Labeonem qui scripserat, si qua pœna est eam multam esse, Ei contrà si qua multa est eam pœnam esse. Vtrumque enim falsum est, inquit Paulus, & duplicem adfert dissimilitudinem, Primam illam quā in modò diximus, quòd pœnæ certæ singulorum peccatorum sunt, Multæ contrà quia eius iudicis cuius est multæ dicendæ potestas etiam est quantam dicat, Nec placeat exceptio quæ ponitur in fine dictæ legis *nisi cum lege constitutum est quā tam dicat*, de qua nec dubito quin sit Tribonianus respiciens ad constitutionem Imperatorum Arcadij & Honorij quæ erat *in l. ultim. Cod. de mod. multar.* vbi certus multæ dicendæ modus ab Imperatoribus præstitutus est quem transilire & prætergredi iudices non possunt, sed ita tamen ut non tam constitutum sit ea lege quantam multam dicere Iudices debeant, quā ut ne maiorem dicant ea quæ permissa est. Itaque etiam hodie post illam legem perinde verum est quod Paulus dicebat in iudicis multam dicentis potestate esse quantam vellet dicere, sed cum hac tamen restrictione, Dum ne præstitutum modum excedat, qui vel ob hoc ipsum præstituendus fuit, quod ea tam lata arbitrij potestate iudices ut plurimum abuterentur. Alteram dissimilitudinem inter pœnam & multam adfert Paulus *in dist. l. antepen.* quòd de pœna, inquit, provocatio non est. Simul atque enim victus quis est & convictus eius maleficij cuius pœna statuta est, ea statim debetur. At multæ provocatio est nec ea debetur autè quāvis aut non sit provocatum aut provocator victus sit. Tertia non differentiam insinuat Paulus iis verbis *nec aliter quā si is dixerit eis dicere licet*, Quam apertius explicat Ulpianus *in l. aliud frans est 131. §. 1. Cod. ti. vbi ait*, Multam dicere non posse eum cui iudicatio data est. Sic enim legendum arbitror a iura negatione *dicere non potest*, cū statim sequatur *Magistratus solus & Præfides provinciarum posse multam dicere mandatis permissum est* ad differentiam scilicet eius cui iudicatio data est, id est iudicis pedanei & à magistratu dati, quippe qui iurisdictionem non habeat, sed tantum iudicationem, & notionem *l. ant. Prator §. D. de re iud. c.* Nec causa vlla est cur pro iudicatio legamus cum l. loloando *adiudicatio*. Nam neq; possis cum eodem Haloandro eum cui adiudicatio data sit intelligere cui publicum iudicium est *ex l. 2. in fin. D. de iudic.* Inauditum enim est ut *adiudicare* dicant Iureconsulti pro eo quod est *Publicum iudicium exercere*. Fit siquidem adiudicatio in tribus duntaxat illis iudiciis Familix etc. secundæ, Communi diuidendo & Finium regundorum *§. ultim. Inst. de offic. iudic.* Estque adiudicatio illa vnus ex modis sex acquirendi dominiij iure Quiritium, de quibus idem Ulpian. tractat *in Fragment. Tit. 19. De acquisit. rer.* Quare nec idem Ulp. *in dist. l. 2. §. ultim. De iudic.* sic loquitur, ut dicat, Multæ dicendæ ius his datum esse qui publicum iudicium exercent, aut ut Papinianus dicebat *in l. 1. D. de offic. eius cui mandat. est iuris d.* qui publici iudicij exercitio nem habent. Sed atq; duntaxat, His dari multæ dicendæ ius quibus publicè iudicium est, id est ut ego interpretor qui publicè ius dicunt, & publica auctoritate quales sunt magistratus, quos & maiores iudices appellamus *l. non dissimulamus 32. §. de liberali D. de recept.* Qui arbut. receper. In quo tamen numero

nemo

nemo dixerit esse iudices pedaneos, qui scilicet non nisi iudicationem habent eāque non publicam, id est à populo, [publicum enim dictum esse constat quasi populum] quomodo habent magistratus, Sed à Prætorē vel alio magistratu, qui eos dedit *l.2. Cod. de pedan. iudic.* Et de his solis iudicibus datis & pedaneis, accipiendus est totus ille *Tit. De iudic.* Non tamen quod sequitur apud Vlpianum *in dist. 5. ultim. & non alijs.* Eo namque verbo alij omnes significantur etiam qui non habent iudicationem si modò neque publicè iudicium habeant, id est si non sint magistratus. In quo numero est etiam procurator Cæsaris *l.2. Cod. de mod. mult.* Nempe quia magistratus non est, nec Præfēs provincie suamque potestatem habet non tam publicè quàm privati à Cæsare cuius procurator est *l.1. & 101. ut. De offic. procur. Cæsar. l.1. Cod. de iurisd. omn. iudic.* Ita ut ne quidem de causis Cæsaris posset ius dicere nisi unā cum Præfide provincie ut scriptum est *in l.2. Cod. si advers. fisc.* Item curator Reipublice multò minùs dicere multam potest *l.3. Cod. de mod. mult.* quia multò minùs potest ille dici magistratus, cum nec habeat iudicationem, nec ei specialiter ius hoc multæ dicendæ datum sit. Nam & hi quoque excipiuntur *in dist. l.2. 5. ultim. De iudic.* Fortassis propter Iuridicum Alexandrini cui alia pleraque singulatia speciali iure cōcessa sunt *leg. 1. & 2. D. de offic. iurid.* quamvis nec Magistratus ille esset, nec Præfēs provincie, ut constat *ex l. vnic. C. eod.* Sed & Præfides ipsi provinciarum ea exceptione continentur, quia videlicet non sunt Magistratus licet habeant vtramque iurisdictionem Voluntariam & Contentiosam, cum Magistratus non alij dicantur, quàm qui sunt Populi Romani. Vnde & à Magistratibus Præfides provincie separantur *in d. l. aliud fraus est.* Illud igitur firmum maneat quod scriptum volumus ab Vlp. *in d. l. aliud. §. 1. Multam cum dicere nō posse cui iudicatio data est, sed Magistratus solos, & Præfides provinciarum.* Idque mādatis permittum eis esse, Sicut & Præfētis ipsis Prætorio, quorum prima post Principem potestas & auctoritas erat *l. vnic. D. de offic. præs. præs.* permittendum fuit ut multam possent dicere ad quinquaginta vique libras auri *l. illustres 4. C. de mod. multar.* At pœnā unusquisque irrogare potest cui criminis sue delicti executio cōpetit ut sequitur apud Vlpianum *in d. l. aliud in fin. vbi* eleganter ac partiē separat crimē à delicto. Crimina enim magis propriē ea intelligimus quæ publica sunt, Delicta verò quæ privata *l. quid sit fugitivus 17. §. noxæ antepen. De edil. edict. & 101. tit. De priva. delict. & de extraord. criminib.* Adicit idem Vlpianus alias quoque differentias inter multam & pœnam. Quarum una illa est, quod pœna generale sit nomen Omnium delictorum coercitio. Multa verò specialis delicti cuius animadversio non nisi pecuniaria est. Sic enim lego, non ut vulgò *cuius animadversio hodie pecuniaria est.* Quasi verò aliquod tēpus vnquā fucrit quo multa potuerit esse capitis, aut exilimationis, quod certè non nisi falsò & ridiculè dici potest. Pœna autem non tantum pecuniaria verum etiam capitis & exilimationis irrogari solet: Sunt enim pœnarum veluti gradus quidam *l. capitalium 28. D. de pan.* At multarum gradus nulli sunt, sed quidam tantum modus hodie post *d. l. 4. & ult. C. de mod. multar.* olim nullus, cum multa ex arbitrio eius veniret, qui multam diceret, ut subiungit Vlp. *in dist. l. aliud.* Pœna autem non irrogatur nisi quæ quaque lege vel quo alio iure specialiter huic delicto imposita est. Quinimò, inquit, multa ibi dicitur vbi specialis pœna non est imposita. Nec enim multa potest vnquam cum pœna concurrere, sed velut in subsidium vbi pœna certa nulla est, insiguitur. Ex quo tantò clariùs apparet quàm verum sit quod diximus Tribonianē illam exceptionem positam *in fin. d. l. antepen. De*

verbor. signific. nisi cum lege est constitutum quantum dicat, defendi nullomodo pos-
 se. Multa enim cuius certa quantitas lege constituta esset, poena iam esset non
 multa: cum sit de essentia multae ut sit incerta, & ex multantis arbitrio solo pen-
 deat. Nisi quod hodie ut dixi certus modus multarum est ut ultra certam quan-
 titatem multa dici non possit, Sed non ideo tamen certa quantitas multae est,
 cum intra praestitutam quantitatem etiam hodie in arbitrio maneat multam di-
 centis, ut vel maiorem, vel minorem dicat. Itaque debuerat Tribonianus scri-
 bere *nisi cum lege est constitutum ad quam usque quantitatem multa dicat*, si Pauli
 sententiam ad posteriorum Imperatorum constitutiones accommodare vole-
 bat, non quomodo scripsit *quantam dicat*. Paulus certe neutro modo scribere
 potuit. Hoc vero nec pragmaticis nostris incognitum est, Multas omnes etiam
 hodie esse arbitrarias. Sed pauci observant quod nos addimus, Poenas pecunia-
 rias hodie nullas esse, Cum etiam vel lege, vel statuto, vel Edicto Principis, certa
 poena pecuniaria irrogata sit, in arbitrio tamen magistratum & iudicantium
 maneat, ut minorem si velint multam possint dicere, licet maiorem vix unquam
 possint. Nisi si quando remittendae severioris poenae facultas edicto ipso, ut ali-
 quando sit prohibita & interdicta sit. Alioqui comminationes poenarum sunt
 potius quam poenae, ideoque vim legis aut poenae legalis non habent *ex in. Cod.
 comminas. epist. program. vim rei iudic. non habet*. Et consequenter multae non
 poenae istae dicendae sunt. Quod si qua lege aut edicto, aut statuto municipali cer-
 ta poena pecuniaria sic constituta est, ut neque augendae, neque minuendae eius
 facultas vlla Iudici super sit, tanquam quae ipso iure ac sola legis aut edicti pote-
 state irrogetur, Poena quidem erit non multa, Sed quae tamen factum & senten-
 tiam iudicis perinde exiget ac si non ipso iure irrogata esset, scilicet ut de facto
 pronuncietur, id est an delictum cui talis poena imposita est admissum sit necne,
 simulque declaratur poenam commissam esse. Quam ideo declaratoriam senten-
 tiam nostri vocant. Cuius necessitatem illud semper inducit quod ex facto ius
 oritur, nec prius dici certo potest admissum fuisse delictum quam de eo pro-
 nunciatum sit, nec de pronuntiatione tali provocatum, ut res iudicata pro veri-
 tate haberi possit, quae alioqui iure & quaestione facti, haberi pro veritate nul-
 lomodo posset, Cum facti quaestio semper sit incerta, tanquam quae ex arbitrio &
 religione iudicantis pendeat, ut Papinianus ipse dicebat in *dict. l. ordine 15. D. ad
 municip. dict. l. 1. §. 3. D. ad Sc. Turpill.* facti autem quaestio etiam prudentissimos
 plerumque fallat *l. 2. D. de iur. & fact. ignor.* Idque est quod Paulus scribit in *d. l.
 antep. De verb. sign.* De poena quidem provocationem non esse, Sed tamen non
 aliter nec prius poenam deberi quam victus quis sit & convictus eius maleficii
 cuius poena constituta est. Quia ratione cum apud nos Univerfitas quaedam hoc
 se habere privilegium contenderet, ut locales criminum leviorum condemna-
 tiones summariae, vulgo Affisias vocant, pati non cogeretur, quas ex vetere sta-
 tuto Sabaudiae Iudices omnes per annos singulos indicare & pronuntiare iu-
 bentur, Ne aut delicta vlla etiam leviora omnino impunita remaneant, aut gra-
 vioribus litis ordinariae sumptibus coerceantur, Eumque huius suae contradi-
 ctionis colore adferret, quod in singulas criminum omnium causas certae poe-
 nae iam inde a multis seculis constitutae essent, & ipso iure irrogatae [vulgo *bā-
 na* nostri vocant] ut proinde nulla iudicis sessione aut pronuntiatione ad eas ir-
 rogandas opus esset, Visum est non esse admittendum nec ferendum eiusmodi
 privilegium, Non solum tamquam quod statuto repugnaret, Verum etiam quod
 fieri non posset ut sciretur, an poenae illae deberentur, quousque de crimine ipso

cognitum

cognitum & pronunciatum esset *d. l. amep. De verb. signific.* Nec illa igitur recipienda distinctio est quam adhibet Amedeus à Ponte *d. d. l. quest. laudim. 38.* in superiore disputatione De pœnis aut priori, aut posteriori pœnarum conductori adiudicandis. An ipso iure pœna committatur, necne. Nam & cùm ipso iure committitur, illa tamen ratio pro conductore semper facit qua mouemur pro Guidone Papio contra Boerium, quod incertum semper sit quid iudex de facti quæstione pronuntiaturus sit, Imò & an aliquid vnquam pronuntiaturus, cùm possint multa incidere quæ faciant ne vlla vnquam pronuntiatio sequatur.

ERROR NONVS.

De alia distinctione interpretum. An pœna irrogetur ex delicto, An ex causa iuris feudalis vel emphyteutici.



DFERVNT etiam interpretes aliam distinctionem circa pœnas irrogandas, An ex delicto irrogentur, an ex causa iuris feudalis vel emphyteutici, Vt in iis quæ ex delicto irrogantur, delicti & maleficii tempus spectari oporteat non condemnationis quasi exinde iam nata obligatione, aut saltem causa obligationis. In iis verò quæ ex causa iuris feudalis vel emphyteutici, hoc est in commissis & caducitatibus, vt loquantur, ob nō petitam suo tempore inuestituram, aut ob non solum canonem spectari debeat tempus declarationis non culpæ admittit. Sic enim vulgò pragmatici nostri post Aymonem Crauet. *conf. 212. num. 8. in fin. vbi diuersitatis rationem illam adfert*, quòd commissio rei emphyteuticæ vel feudalis dependeat à voluntate domini directi numquid velit esse commissum vel non. Nec enim iure suo cogendus est vti dominus inuitus si fortè malit laudimium petere quàm commissum. Exemplo nimirum eius quod de lege commissoria scriptum est in *l. 2. D. de leg. commiss.* legem commissoria exercere posse venditorem si velit non etiam inuitum, quia pro venditore lex illa adiciit nō pro emptore. Mihi verò hæc distinctio quamuis ab Amedeo nostro probata videatur, *d. quest. 38.* non modò improbabilis semper visa est, sed etiā multò improbabilior, quàm quæ à nobis superiore capite confutata fuit. Est enim pœna commissi & caducitatis similior cæteris, quæ ipso iure irrogantur de quibus proximè diximus credi probabilius posse, vt ei qui tempore delicti ius habuit pœnæ persequendæ potius, quàm vel domino, vel conductori posteriori debeantur. Siquidem certissimum est, commissum fieri iure ipso ac citra vllam declarationē voluntatis *l. commissi 14. D. de public. & vectigal.* Vbi dicitur commissi vectigalium nomine etiam ad heredē transmitti. Nam quod commissum est, inquit Vlpianus statim definit eius esse qui crimen contraxit, dominiūq; rei vectigali acquiritur. Indèque præterea insert commissi persecutionem sicut aduersus quemlibet possessorem, ita & aduersus heredem cōpetere. Quamuis autem eo loco Vlpianus de iis commissis tantum loquatur quæ ex causa fraudari vectigalis contrahuntur, non etiam de cæteris, de quibus nostra disputatio est, quæ ex causa iuris feudalis vel emphyteutici, cuius eo tempore nullus adhuc vfus erat, Non aliam tamen cæterorū rationem esse intelligimus ex ea ipsa Iustiani constitutione quæ hoc ius nouum induxit, in *l. ult. C. de iur. emphyt.* cuius

postrema illa verba: *Sin autem aliter fuerit versatus quam nostra constitutio disposuit, iure emphyteutico cadat*, non alium certè habent sensum, quàm vt ob non impletam ab emphyteuta legis sollemnitatem res cadat ipso iure in cõmissum. Neque enim verbum *cadat* factum vllum hominis significat, sed tantum meram iuris potestatem: Vt in antiquis illis caducis eueniebat, quæ per legem Iuliam Papiam introducta tandem à Iustiniano sublata sunt in *l. vnica. C. de caduc. tollend.* Itaque falsissimũ est quod Crauea & pragmatici supponũt pro vero, Rẽ siue feudale, siue emphyteuticam non prius cõmitti quàm dominus volũtatem suam declarauerit, quod committi rei velit. Nã imò verò cõmittitur ipso iure neque exquisita, neq; expectata voluntate domini, & sola potestate constitutionis, de qua nemo dubitat quin facere id possit, cùm etiã dominium transferre queat non minùs quàm lex *l. in bello 12. §. si quis seruũ D. de captiu. & possim.* hic autẽ non de transferendo dominio agatur, sed tantũ de auferendo iure emphyteuticæ ne ius vllũ amplius habeat rei retinendę inuito domino directo qui solus dominus est, licet à nostris non simpliciter dominus vocetur, sed cũ adiectione illa, vt directus dicatur *l. 1. D. si ager vestig. vel emphy. off. dec.* Nec contrarium est quod obiicitur, Non posse rẽ cõmitti domino inuito cuius solius fauore ita ius cõparatum est, vt ob emphyteuticæ vel feudatarij culpam res committatur. Aliud enim est de iure cõmissi tractare, aliud verò de acquisitione. Res ipso iure cõmittitur etiã ex causã feudalisi iuris vel emphyteutici nõ secus quàm ex alia quãlibet. Sed non acquiritur inuito, quia nemo inuitus iure suo vti cogitur, sed potest quilibet abiciere ac continere & quæ pro se introducta sunt *vulg. l. pen. C. de pact. l. si index 41. D. de minor.* Aut vt dicã subtilius, Duplex acquisitio in cõmisso de quo agimus consideranda est, vt in legato vindicationis, Reuocabilis vna, & irrevocabilis altera. Prima fit sola iuris potestate, etiam dormiente ac ignorante legatario *l. cumpater 77. §. furdo de leg. 2.* atq; hoc sensu dicimus dominũ rei legatæ transire rectã viã à testatore in legatariũ *l. à Titio 64. in fin. d. de furt. nũquam factũ heredis. l. legatum 80. de legat. 2.* Altera verò legati acquisitio fit accedente legatarij voluntate cùm agnoscit legatũ *l. si tibi homo 86. §. cùm seruus de leg. 1. l. quedam 15. D. de reb. dub. l. ei qui 13 D. de condi. inst.* Illa enim prima legati acquisitio quæ sola legis potestate inducitur nõ est irrevocabilis cùm nõ obliget legatariũ inuitum quominus repudiare legatum possit si id habere nolit. Nũquam enim lex acquirit inuito, licet deferat inuito. At posterior acquisitio quæ fit per agnitionẽ legati, nullum repudiationi locum relinquit, quia post acquisitionẽ sera esset repudiatio, cùm id quod ita seipel acquisitum est repudiari postea amplius non possit *l. 1. §. decretalis D. de success. adu. l. Titia cùm testamento 34. §. Titia Titia de legat. 2.* Sic & in cõmisso, ex quacunque causã fiat dicendũ est acquiri illud statim & ipso iure cùm statim & ipso iure res destinat eius esse qui vel crimen vel culpã admisit *d. l. commissã.* Sed ita tamen vt nõ eo minùs ipsi sit integrũ repudiare rem cõmissam si iure suo vti nolit, quoniam acquisitio illa prior quàm ipso iure fieri diximus semper reuocabilis est, & vt ita dicam repudiabilis quousq; acquirendi voluntas accesserit. Nec. n. ideò fiunt commissã vt acquirantur inuitis, sed tantũ vt volentibus. Sic Labeo dicebat bona etiam quæ soluendo non essent ad fiscũ pertinere ipso iure ex variis illis causis quæ reeententur in *l. 1. in princip. D. de iur. fise.* neque tamen dubitabam quin fisco esset integrum ea bona repudiare, quæ sine manifesto damno & incommodo non posset agnoscere. Cur enim esset fiscus in eo deterioris conditionis quàm ceteri qui numquam ignorantes multò minùs inuiti ari alieno obligantur *l. qui in aliena*

in aliena 6. in princip. D. de acq. hered. l. seruo 65. in princ. D. ad SC. Trebell. cum in ceteris fere omnibus sit melioris ob priuilegia quæ habet tam multa *Tu. C. de priuileg. fisco.* Quamquam prior illa pars sententiæ Labeonis vera non est, ut ea quoque bona quæ soluendo non sunt acquirantur fisco ipso iure. Cum aduersus eam sententiam edictum perpetuum scriptum sit, ex quo ita demum bona veneunt si ex iis fisco acquiri nihil possit ut contra Labeonem Callistratus disputat *in d. l. 1. §. an bona D. de iur. fisco.* Non enim possunt bona vlla ad fiscum pertinere nisi quæ creditoribus superfutura sunt, cum id bonorum cuiusque esse intelligatur, quod æri alieno superest *l. non possunt 11. eod. iis.* Ceterum ne à proposita quæstione aberremus, si verum est, ut est, Ex culpa feudatarij vel emphyteutæ committi rem & acquiri ipso iure domino directo vel eo qui ab ipso ius habeat, Planè cõsequens est ut non alterius voluntas in commissio repudiando interuenire debeat quàm eius ipsius cui fuerat ipso iure acquisitum. Ergo prioris conductoris, non posterioris aut domini, Ne alioqui sit in potestate istorum lædere ac tollere ius prioris conductori quæsitum, quod neque ciuilis ratio patitur, neque naturalis *l. id quod nostrum 11. l. non debet alteri 74. De regul. iur. l. vlt. D. de pact.* Quis enim alius repudiare aliquid ius potest, quàm is ipse cui acquisitum ius est, vel agnoscendi, vel repudiandi, & qui ex eiusmodi agnitione vel lucrum vel damnum aliquid cõsequi posset *l. legatum 7. De legat. 1.* Vnde est quod nec filius sine patre nec pater sine filio hereditatem filio delatam repudiare potest, sed ita demum valet repudiatio si ab utroque facta sit *l. ius quæ heres 13. §. vlt. D. de acq. hered.* Nempe quia iam tum erat filiusfamilias acquisitionis capax, hætenus scilicet ut posset ei acquiri hereditas si eam pater sibi acquiri noller *l. cum heres 52. eod. l. 1. C. qui admitt. ad bon. poss. l. Imperator 50. D. ad SC. Treb.* Cum igitur eum casum tractemus, in quo ex culpa sua feudatarius vel emphyteuta iure suo ceciderit. Cui obsecro acquiri commissum illud potest præterquam illi qui eo tempore aut dominus directus fuerit, aut à domino directo siue conductionis, siue alio titulo causam habuerit? Quod, n. sit ipso iure, semper sit in instanti, nec proinde aliud instans inspicere potest ut sciamus cui debeat acquiri quàm illud ipsum quo acquiritur. Atqui possumus eo tempore conductorem aliquem fuisse ad quem & laudemina & commissi, & cætera omnia directi domini commoda & emolumenta pertinere potuerint ac debuerint. Non alij ergo quàm priori huic conductori ius commissi vindicandi acquiri potest, Et consequenter nec repudiandi. Nam & perpetuum hoc ius est ut is demum repudiare possit, qui potest etiam acquirere, & cui delatum fuit ius acquirendi *l. 4. l. is potest 18. D. de acquir. hered.* Proinde fatendum est in eius solius arbitrio esse debere an commissi iure sibi quæsito uti velit, necne. Ut si velit, nil ei nocere debeat quod contrariam voluntatem aut dominus directus, aut posterior conductor declarauerit, cum eorum nihil intersit sed prioris tantum conductoris ad quem rei dominium semel pertinere cæpit, ut *in l. si ego 9. §. si res D. de iur. dot.* Si verò nolit, siue quòd uelit laudimium quàm commissum petere, siue quòd nec laudimium petere uelit, malitque & culpæ & laudimij gratiam emptori facere, nihilomagus acquireretur ius aliquod aut domino, aut posteriori conductori: Non equidem, si laudimium pro commissi petatur, quia nec utriusque locus esse potest laudimio & commissi, nec prohiberi debet is qui commissum vindicare potuit quoniam possit laudimium petere, ne cui quod plus est licet, denegetur quod minus est contra iuris regulam *l. non debet cui 21. De regul. iur. l. cuius pacti 5. D. de seru. export.* Neque rursus si nec laudimium petere uelit ut foueat emptori,

quia prohibendus non est acquirere sibi beneficii debitorem, quæ omnium optima species est acquisitionis, dummodò ex suo acquirat, non ex alieno. *l. si pigmore 54. §. 1. D. de furt.* Nisi fortè liberalitatem suam ad dominum directum aut ad posteriorem conductorem potius quàm ad emptorem pertinere voluerit, Vt in specie quavis dissimili loquitur Vlpianus *in l. 1. §. unde Neratius D. ad Sc. Trebell.* Quo vno casu dubitandum non esset, quin siue commissi, siue laudimij petendi ius totum ad eum pertinere deberet, in quem beneficium conferre conductor primus voluisset. Quid enim æquius, & rationi naturali convenientius, quàm voluntatem domini rem suam aut quod ferè idem est, ius suum trāsferre in alium volentis ratam haberet? *l. quæ ratione 9. §. hoc quoque res D. de acq. rer. domini.* Sed extra hunc casum nego fieri posse vti de re quæ commissæ sit durante tempore prioris conductionis alius possit agere quàm primus conductor, licet per totum illud tempus voluntatem suam nunquam declarauerit: quàm aliqui declarare postea quodcumque potest: Cum finito tempore conductionis non idè prohibeatur conductor de suis iuribus experiri quæ conductione durante acquisiisset. Alioqui dicendum esset, si quid ei iuris ultimo conductionis die obuenerit, nullam eo nomine ipsi actionem competituram, quòd eam durante conductione non exercuisset, quam certè etiam si maximè voluisset exercere eo ipso die non posset: Quod tamen neque ex pragmaticis quisquam dicturus sit. Non enim quando actio exerceatur spectandum est, sed cui acquisita & nata sit, vt ab eo ipso demùm non ab alio nisi ex ipsius voluntate exerceri possit. Ex longè aliud est actionem habere, aliud exercere. Sed etsi declaratio voluntatis aliqua esset necessaria ad commissi acquisitionem, quod nos negamus, cum ipso iure fiat eiusmodi acquisitio. Non idè tamen cōsequens fieret vt declarationis potius quàm culpæ tempus spectari oporteret. Cum secuta declaratio quodcumq; necessariò retrotrahenda sit ad id tempus quo fieri potuit, quia nec aliud facit declaratio nisi vt non iam confirmetur acquisitio quæ ipso iure facta est, nec proinde vlla indigeat confirmatione, quàm vt appareat acquisitionem præcessisse, vt in specie dict. *l. si tibi homo 86. §. cum seruus de leg. 1. & dict. l. quædam 15. D. de reb. dub.* Quemadmodum euenire supra diximus in his pœnis quæ ipso iure quidem irrogantur. Sed ita tamen vt pronuntiatione iudicis declaratoria indigeant. Nam & hoc casu quodcumque secuta declaratio facit vt pœna ei debeat qui ius fuit eius persequendæ quo tempore delictum committebatur, non quo facta declaratio est. Ne aliter posmo iure dici non possit, quid proficiat dicere pœnam in his casibus ipso iure irrogari.

ERROR DECIMVS.

De sententia declaratoria quam exigunt pragmatici in pœna caducitatis iam commissæ.



MULTA sunt alia in quibus peccat idem vir doctissimus Aymo Craueria *d. cons. 212.* de quo supra diximus. In eo primum, quòd vult pœnam caducitatis & commissi ob culpam aut delictum feudatarij vel emphyteutæ non cōmitti ipso iure sed ita demum si dominus directus velit, & quasi condicionaliter, vt ipse loquitur

loquitur *num. 9. in fin.* quod nos iam refutauimus. Ostendimus enim, Imò verò ipso iure committi, nec requiri declarationem vllam voluntatis. Quæ tamen etiam si esset necessaria, non eò magis faceret ius cõditionale. Esset enim hæc tacita condicio & legalis potius quàm conuentionalis, quæ proinde non facit ius ipsum cõditionale, sed iuris tantum executionem. Exemplo eius quod solemus dicere, Compensationem fieri ipso iure, nec tamen aliter fieri quàm si opponatur *l. si ambo 10. in princip. & l. seq. iunct. l. 2. & pass. D. de compe. s. l. vltim.* vbi omnes notant *C. eod. & apertius in §. penult. Institut. de action.* Vnde etiam est quòd compensationes ponuntur in numero exceptionum, quia nimirum perinde opponendæ sunt atque exceptiones, Neque tamen idèò quis dixerit compensationes omnes esse cõditionales, aut ob id minùs fieri ipso iure quòd non aliter fiant quàm si opponatur. Quidni enim relinquatur in arbitrio eius qui compensandi ius habet an velit sibi per compensationem consulere, an propria, & separata actione persequi id quod sibi debetur, si putet ex aliqua causa sibi magis expedire? Nam & qui compensat agere quodammodo dicitur, & petere *l. amplius 15. D. rat. rem habet.* Ergo quemadmodum is qui obicit compensationem, non facit quominus iam antè facta fuerit ipso iure, sed tantum suam declarat voluntatem quòd eo iure quasi iam sibi quæsito uti velit: quod utique facere non posset si iam ipso iure facta compensatio non esset. Ita & in proposito, cum dominus voluntatem suam declarat quòd rem commissam vindicare velit, non idèò facit ut tùm res committatur, quam certè iam esse cõmissam necesse est priusquàm quasi commissam vindicari possit, sed ostendit tantum iure se suo uti velle, quod abicere si vellet, posset, quo tamen uti non posset, etiam si maxime vellet, nisi iam commissi ius apertum esset. Est igitur ea domini declaratio non causa rei committendæ, sed effectus & executio commissi iam ipso iure facti, & consequenter præsupponit commissi ius, non suspendit. Errat etiam Crauet. *diel. conf. 212. num. vlt.* vbi ait sententiam illam Guid. Pap. procedere de iure communi. Secus, inquit, si pacto aliud cautum sit in ipsa conductione, Vel, quod effectus idem est, nisi cõductionis verba tam generalia sint, & prægnantia ut ad talia quoque iura pertineant. Cum verò tale quid factum est, Quæro an non domini loco habendus sit conductor, ut eius sit non domini directi declarare an commissum persequi velit? Quis enim permittat domino ut delectet nolle se iure suo uti, ut lædat & perimat ius conductoris? Aut quodnam hac parte potest in effectu esse ius domini cùm is ius omne suum quod habebat commissorum omnium si quæ obuenerent persequendorum, in conductorem transtulerit? atque ita procuratorem illum velut in rem suam constituerit? Certum siquidem est eum qui semel procurator in rem suam constitutus sit, reuocari postea non posse nec quicquam in eius præiudicium fieri à constituyente *l. illam subtilem 33. Cod. de donat.* Maxime verò cùm quis procurator in

rem suam constitutus est per contractum locationis, aut alium eiusmodi contractum nominatum, In quo genere contractuum constat non esse locum prenitentiae, neque alterutrum contrahentium vel ignorante, vel invito altero ab obligatione contracta discedere posse, Ne tum quidem cum alter ex parte sua contractum non implet. *Lea condicione 14. C. de rescind. vendit.* Quanto minus si nihil aduersario imputare possitis, qui tamen vult ei nocere? Non ergo ferendus est dominus directus si post translatum in conductorem certa mercede ius omne commissi persequendi, nolle se dicat vi iure suo, ut conductorem suo proprio uti prohibeat. Sed tertius & precipuus Crauetæ error in eo est, quod secutus Decium *cons. 160. ad fin. & cons. 185.* ait requiri sententiam declaratoriam in commissio ex causa iuris feudalis vel emphyteutici. Post Iason. *in l. 2. Cod. de iur. emphyt.* & ad *l. si quis maior notab. 13. Cod. de transact.* vbi ait generalius, Quoties aliquid inducitur ipso iure licet non requiratur sententia dispositiua, requiri tamen declaratoriam in his omnibus quæ non trahunt secum executionem, Per *lex. in cap. cum secundum de heret. in 6.* Nam si verum est, ut est, quod hi omnes fatentur, non requiri declaratoriam in iis quæ secum trahunt executionem, fateri eos necesse est, non esse igitur illam in proposito casu necessariam. Quandoquidem negari non potest, cessante emphyteuta soluere aut cetera præstare ob quæ non præstata commissio locus fiat: Statim sequi executionem nullo etiam hominis facto interueniente, cum statim & ipso iure emphyteuta vel feudatarius à toto iure suo cadat ut superiore capite disputauimus & probauimus ex *l. commissi 14. D. de public. & vellic. & l. ultim. in fin. Cod. de iur. emphyt.* Nec alia commissi executio fieri potest. Nam quod Craueta disputat non aliter executionem commissi factam videri posse, quam si effectu ipso bona transferantur in dominum in hoc quoque errat. Nec enim dominus directus indiget, ut in eum transferantur bona quorum iam ipse sit dominus, & quorum pro arbitrio vindicandorum utique ius habet tanquam dominus, nisi quatenus iure emphyteutico prohibetur *l. 1. & 2. D. si ager vellic. vel emphyt. ess. dicat.* Atqui iam non potest prohiberi iure vilo emphyteutico, cum emphyteuta ob non factum id quod facere debuit, suo penitus cecidit iure. Quam enim exceptionem possit dare Prætor ei qui nullum omnino ius habet? Trahit ergo ius commissi secum suam executionem nec alia vlla executio necessaria est si dominus iure suo uti velit. Siue namque dicas cum interpretibus ius illud emphyteutæ esse ius vtilis, ut vocant, dominij, certum est ipso iure ac sine vilo hominis facto consolidationem fieri vtilis dominij cum directo, perinde atque ipso iure consolidatio fit cum usufructus extinguitur *g. vltim. Institut. de usufruct.* Siue nobiscum sentias ineptam esse totam hanc distinctionem vtilis & directi dominij, nec nisi vnicum esse dominium quod neque directum, neque vtile dicendum sit, sed dominium simpliciter, quod totum sit penes eum qui feudum vel emphyteusim concessit. Penes feudatarium verò vel emphyteutam, nihil nisi ius quod habet, rei retinendæ invito etiam domino quandiu paratus erit facere ac præstare quicquid ex natura contractus facere & præstare debeat. Consequens est ut domino sufficere debeat quod emphyteuta vel feudatarius omni iure suo ceciderit, nec alia vlla commissi executione indigeat ad habendam rem & retinendam. Exemplo eius quod scriptum est de herede rogato restituere hereditatem ei qui & ipse post certum tempus eandem hereditatem eidem heredi restituere iussus sit, Sufficere ipsi actiones directas quas tanquam heredi habet nec exigi ut actiones vllæ viles in eam

tamquam fideicommissarium transferantur quæ in cæteros fideicommissarios facta ex Trebelliano Senatusconsulto restitutione transferuntur *l. si heres institutus* 70. iunct. *l. 1. & pass. D. ad SC. Trebellian.* Nam neque fieri posset etiam si maximè heres vellet ut actiones utiles haberet aut acquireret qui iam haberet directas, cum in eandem personam directæ & utiles concurrere numquam possint, quia nimirum directæ tanquam pleniores tollunt ipso iure utiles tanquam minùs plenæ, ut in cæteris omnibus obligationibus evenit, quarum una maior est, alia minor *l. debitori* 50. *D. de fideiuss. l. si duo* 93. *D. de solui. l. si reus* 13. *D. de arbit. reu.* Similiter & in proposito dicimus fieri non posse, ut per commissum quicquam iuris novi acquisit dominus, qui iam dominus est, & quidem vnicus, Nec alio lucro vel commodo indiget nisi ut emphyteuta, vel feudatarius omne suum ius amittat: quod certè sit per commissum ipso iure. Nulla igitur declaratoria sententia opus est ad commissum inducendam, sed tantum ad pronuncian dum de questione facti, Emphyteutam scilicet, aut feudatarium non fecisse quod facere debuit. Quæ pronuntiatione, quando cumque secuta exinde apparet iam à die culpæ contractæ fuisse rem commissam ipso iure, & acquisitam domino directo, si is in alium neminem ius hoc transtulerit, aut conductori, si lex conductionis ita ferat, quamvis dominus directus non eo minùs maneat dominus, neque locatio soleat transferre dominium *l. non solet* 39. *D. locat.* quia etiam commissi fructuum & obventionum iure censentur cum ita placuit contrahentibus, quoniam contractus omnes præsertim qui bonæ fidei sunt ex conventionione legem accipiunt, nec decipiendus est qui non aliter fuit contracturus *l. si tunc tibi* 6. *D. de pos. l. vltim. Cod. de pail. int. empt. & vendit.* Nec obstat quod pro sententiæ suæ confirmatione Cræueta obijcit, Tum quoque cum dominus voluntatem suam declarauit, & emphy. eam expulsi, Posse tamen adhuc eum petere pensionem totius præteriti temporis. Ex Bart. in *l. 2. Cod. de iur. emphy. per Aub.* qui rem *Cod. de sacrosan. eccles.* ex quo inferre ille: Ergo ante eiusmodi declarationem & executionem, adhuc manere emphyteutam, nec bona possidere commissi, quia tunc, inquit, peteremur omnes fructus percepti, non pensio. Nam respondemus, Non esse bonam consecutionem, quia licet commissum fiat ipso iure, ut diximus, & emphyteuta vel feudatarius per solam culpam toto iure suo cadat prius etiam quam dominus voluntatem suam declarauerit. Non tamen facit ea res ut totius præteriti temporis fructus domino debeantur: Quippe cui etiam post extintum ius omne feudatarij vel emphyteutæ non aliud ius competit, quam ut rem commissam quasi suam vindicare possit sine ulla exceptionis, In iudicio autem vindicationis constat non venire fructus præteriti temporis, sed eos tantum qui ex die litis contestatæ percepti sunt, Nisi proponas aut extare adhuc, aut mala fide consumptos esse *leg. certum* 22. *Cod. de rei vindic.* Pensionem igitur saltem vice fructuum peti posse æquum est, & non alioqui ex sua culpa & improbitate possessor lucrum consequatur. Qui licet per commissum toto iure suo ceciderit, & emphyteuta esse defuerit, vel feudatarius, habet tamen colorem aliquem rei retinende cuius possessionem sen. el. ex domini voluntate iustòq; titulo nactus est, quouly dominus contrariâ voluntatē suam declarauerit, Cum futurum esse possit ut iure suo uiuoluit, malitq; de possessoris culpa transigere, & modico aliquo accepto ut plerumq; sit, eundē vasallū aut emphyteutam sub eiusdē pensionis onere retinere *a. g. l. de eo* 63. *D. de dop. in. vir.*

& vxor. Statuere enim apud se dominus statim debet, an commissoriam vellet exercere, quod si non faciat & prudens sciensque patiatur vasallum aut emphyteutam in possessione manere fructusque percipere, videtur iure suo vti noluisse, nec variare postea potest *l. 4. §. eleganter l. pen. D. de leg. commiss.* Quamquam si quis contra Bartolum vellet defendere, cogendum esse vasallum vel emphyteutam omnium fructuum rationem reddere quos ex die commissi percepisset absente fortassis & ignorante domino, is meo iudicio non valde aberraret. Quod enim scriptum est *in d. Auth. qui rem*, de soluenda pensione præteriti temporis ad tempus illud referendū est quo cessatum fuit in solutione canonis, & ambigunt pensionis antequam res committeretur, Non ad tempus quod secutum sit culpam quæ commissio causam dederit. Nec enim supponit Iustiniani constitutio tam negligentem fuisse rectorem ecclesiæ, ut passus sit ex die commissi fructus vtillos percipi ab iniusto possessore. Idque similiter in venditionibus quæ sub lege commissoria fiunt, euenire videmus, ut emptor qui pacto non paruit, & fidem fefellerit, fructus quoque omnes quos interim percepit restituere debeat *d. l. 4. in princ. D. de leg. commiss.* quia nihil penes eum remanere oporteat ex ea re in qua fidem fefellerit, inquit Neratius *in l. 5. eod. tit.* Nisi tūc emptor precium perdidit, quo vno casu æquū est, ut fructus lucretur *d. l. 4. §. 1.* Tantūque magis hæc nostra interpretatio sequenda est quod Iustiniani constitutio vnde sumpta est *d. Auth. qui rem*, loquitur de emphyteusi ecclesiastica, quam ipsi etiam interpretes fatentur omnes hoc gaudere privilegio, ut in fauorem ecclesiæ committatur ipso iure, nec declaratoriam vllam sententiam requirat. Sic enim Decius post alios *conf. 146.* quæ refert nec improbat Crauetæ loco supradicto. Ille verò alius eiusdem Crauetæ error intolerabilior est, quod addit, Etiam posito quod commissum acciderit tempore prioris conductionis, non edo magis futurum ut priori conductori debeat, propterea quod, inquit, ad conductorem non pertineant fructus qui pendentes fuerunt tempore finitæ conductionis, sed ij tantum quos ipse durante conductione perceperit. Ex not. *in l. de functo 38. D. de vsufr. & in l. fructus 7. §. Papinianus*, aliàs *l. diuortio D. solut. matr.* Quasi pœnæ omnes priuilegium sint exactæ habendæ sint in fructibus pendentibus non in numero perceptorum. Ex Baldo *in l. fin. C. de fructib. & lit. expens.* Socin. *conf. 100. in ep. in causa Baptiste lib. 1.* Primum enim negamus verè id dici posse de pœnis quæ ipso iure irrogantur quæ licet nondū sint exactæ cum tamē iam sint debitæ non ad alium pertinere possunt quàm ad eum qui exigendi ius habuit eo tempore quo fuerūt irrogatæ. Esset namque præposterum, ut ius agendi æstimeretur ex ipsa exactiōne, cum sit natura & ordine iuris prius, ut quis actionem habeat ad agendum, quàm ut possit exigere. Deinde quod in persona cuiuslibet bonæ fidei possessoris etiam qui à vero domino causam non habeat, receptum est ut fructus percepisse videatur ad faciendos eos suos statim atque à solo separati sunt *l. si fructuarium 13. D. quib. mod. & vsufr. amitt.* quidni etiā in persona conductoris multò magis recipietur, ut commissi ista possit petere quæ iam ipso iure ceciderunt? Cum & à vero domino ius habeat, & præterea illud ipsum ius quod haberet dominus si ius feudale aut emphyteuticum non locasset. Atqui haberet ius petendi commissi, & quidem tamquam qui dominus fuisset eo tempore quo res committeretur. Ergo & ad conductorem pertinet, tamquam fructus qui iam perceptus sit ex dominij voluntate, ut *in l. si seruus 61. §. locati D. de furt.* Quis enim pro fructibus pendentibus ac non potius pro perceptis habere debeat hæc iura quæ non modò iam à solo separata sint, tamquam in iure non in corpore cōsistentia, sed

quæ sunt ipso etiam iure acquisita? Nimirum acquisitio hæc pro perceptione est, & sicuti fit acquisitio hæc ipso iure, ita pro perceptione haberi debet, non quæ faciendæ sed quæ iam facta sit, Tanquã quæ sit perceptio iuris non facti. Quæ enim acquiruntur ipso iure, etiã ignorantibus acquiruntur, *l. cum pater 77. §. surdo de leg. 2. l. filiusfamilias 16. §. 1. D. qui testam. facer. poss.* ubi quamvis pro personales legendum sit personis tales, ut alibi docuimus. Illud tamẽ multò magis verum est in personarum actionibus ut ignorantibus quoque acquirantur, quia facilius est ut sic acquirantur, quàm vindicationes in quibus præsupponenda est acquisitio domini quæ persæpe difficilior est, & ut plurimum, licet non semper, factum hominis exigit & traditionem *l. 1. & 2. D. de Public. in rem act.* Quod si nostro conductori pro quo disputamus sola personalis actio ignoranti quæ sita esset ob id quoddam durante conductionis suæ tempore commissum evenisset. Quæro qua fronte, aut quo iuris colore possit dominus ei auferre commodum huiusmodi actionis personalis? An ideo fortasse quoddam ante finitam conductionem nec egerit, nec exegerit? Atqui ius habuit agendi, quod sufficit ut ei semel quæ sita actio ignoranti vel invito auferri non possit: Alioqui si non tam illud inspicendum est quo tempore commissum euenerit, quàm quo tempore actum sit. Eodem errore dicendum esset, si commissum ante finitam conductionem accidisset, necdum tamen dominus eo nomine egisset, futurum ut conductori ea actio danda esset, quemadmodum & fructus omnes pendentes ad eum pertinerent. Quod tamen absurdum sanè esset dicere, nec quisquam est directus dominus tam stultus, qui conductori suo tale quid petenti vellet id concedere. Quid enim iuris habere potest conductor in ea re, quæ ante conductionem fuit commissæ, si ceteram nullam ex ea causa dominus actionem proposuerit. Porro quæ domino iniuria fieri non debet si commissum locationem præcesserit, ea neque conductori faciendæ est, si durante conductione res in commissum ceciderit. Neque verò hic casus vnus ex iis est in quibus ut Crauetz putat, præferendus ille sit qui laborem aliquem ut ipse loquitur, ad iuris acquisitionem impenderit. Nec enim labor vllus versatur in acquirendo commissum quod statim & ipso iure ut diximus acquiritur, nec tam factum aliquo domini aut conductoris quàm ob non factum à feudatario vel emphyteuta id quod facere debuit. Qui verò in agendo labor collocatur actionem acquirere nullam potest, cum prius acquisitam esse actionem oporteat, quàm ut de ea exercenda laborandum habeat is qui agere vult. Fuit igitur consilium illud Aymo-

nis Crauetz pro amico ut aiunt potius
quàm pro veri-
tate.

ANTONII FABRI
I. C. SEBVSIANI IN SVPREMO
SABAVDIÆ SENATV PRÆSIDIS
PRIMARIJ,
DE ERROR. PRAGMAT. ET
INTERPR. IVR.
DECAS XCIII.
ERROR I.

*De actione quæ competat domino ad petenda laudimnia & commissæ etiam quæ
durante conductiōe obuenerunt.*



HTSI verum est quod ad finē superioris Decadis disputa-
uimus, Potiorem esse cōductoris quàm directi, vt vo-
cant, domini causam in petendis laudimniis vel commiss-
is quæ durante cōductionis tempore obuenerunt, quā-
uis ante finitam cōductionem eo nomine non egerit,
Non idē tamen pragmaticorum sententiam probare
possumus, qui putant, Eo casu quo aliqua conductori ac-
tio competat, nullam penitus directo domino dari de-
bere. Essēque illum summuendū si obuēctiones istas
velit petere, quasi sine iure & sine actione experiatur, quod facere certē nemo
potest *l. si pupilli 6. §. vlt. De negot. gest. l. quoties 9. §. & generaliter D. de adm. intur.*
Nos. n. contrā existimamus, Non eo minūs actionem competere domino, quod
conductor quoque competat, si aliud nihil sit quod obstat. At vno tantum illo
casu exceptione repellendum esse dominum quo conductor quoq; agit. Idque
non quasi actio conductoris impedire possit, ne domino ius agēdi competat, vt
pragmatici nostri existimant, sed quia in vtrinque concursu æquū est præferri
conductorem qui à domino ipso ius habet, Non dominū qui cum conductore
certa mercede contraxit, eiq; agendi ius & exigēdi facultatem concessit. Moue-
mur, quod siue de petendo laudimnio, siue de commissio persequendo agatur, nō
ex alio fonte ius agēdi nascitur, quàm ex causa dominij directi cui accepto se-
rēdum est, quicquid ex causa vel commissi vel laudimij debetur. Atque in com-
misso quidem expeditior res est iuxta eorundem pragmaticorum opinionem, ex-
istimātium nihil aliud esse commissum rei feudalis, vel emphyteuticæ quàm cō-
solidationem dominij vtilis cū directo. Sic. n. perpetuò loquūtur eo errore du-
cti quod putant esse aliquod dominium vtile, cuius consolidatio cū directo fieri
possit. Quem errorem nos iam sæpius refutauimus, improbatā illa duplicis do-
minij directi & vtilis distinctione. Porro si ita est vt dominium vtile cū directo
cōsolidetur, quoties aliqua res cadit in commissum. Apertissimū est nō in alterius
commodum

commodum & utilitatem posse fieri eam consolidationem quam illius qui dominium directum habeat, cum fiat consolidatio in re uo in persona: sicuti solentius dicere in iure ad crescendi extra causam ususfructus & alias si quæ sunt similes portionem deficientem velut alluvionem ad crescere portioni non personæ *l. si Trio 33. §. 1. in fin. D. de usufr.* Is enim qui à domino conduxit non idcirco fit dominus cum non soleat locatio vlla dominium transferre *l. non solet 39. D. locat.* Et quavis à domino causam habeat non tamen habet totum ius quod habuit dominus, sed tantum quatenus necesse est ad causam & facultatē fruendi re cōducta, ut fructus & obventiones omnes possit percipere de quibus inter contrahentes actum est. Ergo iū quoq; cum id expressim actum fuit, ut ad cōductionem omnia commissa pertinerent, quod in dubio ac citra specialem conventionem dicendum non est, ut supra monuimus ex Guid. Pap. *quasi. 477.* fatendū est domino saluum ius esse persequendi commissi & vindicandi iure, sc. dominij directi quod sibi retinuit, nec in conductorem transferre unquam voluit. Cum. n. solum post factam consolidationem unicum dominium sit quod totū residet in persona illius qui antea directus dominus dicebatur, [nec. n. pragmatici negar. In vnam eandemque personam duplex illud dominij directum & vtile concurrere numquam posse] omnino consequens est ut domino cōpetat actio ad commissum vindicandum; Præsertim cum vindicatio soli domino competere possit *l. in rem 23. in princip. & pass. D. de rei vindic.* qualis proculdubio non est conductor, nec magis postquam ante consolidationem. Quinimò defendi verè potest, Conductorem vindicare commissum numquam posse, nec si dominus ipse consentiat, cum ex domini voluntate non pendeat, ut vel conductor fiat dominus rei quæ in commissum cecidit, aut ut is qui dominus non est habere vindicationem possit. Sed pendet utrumque ex potestate iuris, quod non habet dominium in eorum rerum genere quæ nuda voluntate aut amittantur, aut transferantur. Non. n. aut amittitur aut trāsferitur nisi certis vel legitimis modis inter quos nuda domini voluntas non est *l. si quis 2117. §. differentia D. de acquir. poss.* Proinde actio personalis conductori necessaria est si commissi aliquam cōtroversiam à possessore patitur, Eaque non aduersus possessorem cum quo non contraxit, sed aduersus dominum eundemque locatorem, qui per locationis contractum consensit, ut conductor percipiēdorum commissorum ius haberet. Quamquam nec illud negamus, Possē conductorem rectè & sine vlla cessione actionis contra possessorem experiri suo iure, id est tanquam conductorem. At non ex propria persona, sed ex persona domini eiusdemque locatoris, tanquam procuratorem ipsius in percipiendis omnibus iis quæ in cōductionem veniūt, quo modo de creditore pignoratitio scribit Paulus in *l. si pignori 29. in fin. D. familiæ res.* & ex eadem illa locatoris voluntate ex qua ceteros quoq; fructus rei cōducte percipit suosque facit *l. si serui 61. §. locari. D. de furt.* Estque hic casus proculdubio vnus ex illis in quibus aliquādo permittitur vni ius alterius in iudiciū deducere si alter ille patitur. Aded ut sententiā contra eum lata qui ius alienum in iudiciū deduxit domino quoque nocere debeat non minus quàm si iudicio adfuisse *l. sepe 63. D. de re iudic.* Cur enim alia locatoris voluntate indigeret conductor qui pro se habet profertque titulum cōductionis? Sed si fortè dominus prohibere velit ne conductor agat ad commissum, malitque ipse agere, nō aliud auxilium superesse conductori potest, quàm ut agat ex cōductio aduersus locatorem ad hoc ut vel cedat ei sua actione & vindicatione dominij quam habet aduersus rei commissæ possessorem, Vel saltem patiatur eum agere ex

persona & iure ipsius locatoris cū agendi facultas illa pro fructione sit *l. ex 1002. ducto 15. in princip. D. locat.* Quo casu condemnandus utique conductori locator erit, ut vel alterutrum impleat, vel præstet quanti eo nomine intererit cōducto-
 ris. Sed hoc ita, Nisi, quod plerunque sit, in ipso conductionis instrumentis vel
 cessa iam sit actio, vel mandata conductori. Est enim ea cessio irreuocabilis, &
 mandatum quoque irreuocabile tanquam factum procuratori in rem suam, ut
 superiore capite dicebamus *ex l. nullam 33. C. de donat.* Itaque agere hoc casu con-
 ductor poterit aduersus possessorem. Nec ut cōtra suum locatorem agat remit-
 tendus erit, sed de hoc tantū admonendus ut agat non ex persona sua, sed ex
 persona & iure locatoris, ad propriam tamen suam vtilitatem quemadmodum
 euenit in personis cæterorum omnium procuratorum in rem suam constituto-
 rum *l. qui stipendia 9. Cod. de procurat.* Extra hunc casum, non potest conductor
 inuito locatore agere aduersus commissi possessorem absque cessione aut man-
 dato exercendæ vindicationis quæ sola potest competere aduersus possessorem.
 Ignorante tamen ac multò magis sciente & non contradicente locatore potest,
 tanquam ipsius saltem procurator, & ex tacita locatoris voluntate per ipsum lo-
 cationis instrumentum satis declarata. Exemplo eius quod dicimus Pairé posse
 communem sibi & filix actionem de dote exercere, quasi ex tacita voluntate fi-
 liæ dummodò filia sciat, neque contradicat, nec contradicendi causam vllam ius-
 tam habeat *l. 2. §. vltim. l. dote 37. D. solut. matr.* Nec sanè probè reculare domi-
 nus potest, quin conductorem suum de commissio agere pariat, adeoq; si con-
 ductor vehemenius urgeat, ut ei vindicationem præstet cū ex bona fide id
 facere debeat, Sed quod ad laudimium pertinet facilius quidem est ut petere id
 conductori liceat, cū laudimium sit in fructu feudi vel emphyteusis quæ loca-
 ta fuit, & personali etiam aut hypothecaria actione peti possit, quod in commissio
 secus est. Verū enim uerò non facit ea res quominus actio petēdi laudimij cō-
 perat locatori, Eodem scilicet dominij directi iure, cuius fructus & emolument-
 um in laudimiis cæterisque huiusmodi obuectionibus quæ renasci possunt mag-
 na ex parte consistit *l. fructus 7. §. si vtr D. solut. matr.* Adeò ut nec nisi ex do-
 mini persona laudimium petere possit, & tanquam ipsius procurator, eo nomi-
 ne in rem suam constitutus, ac proinde irreuocabiliter si actio per instrumentum
 vel cessa sit vel mandata ut de commissio diximus, Reuocabiliter verò si con-
 ductor nihil aliud iuris habeat, nisi quod conductor est, Non enim posset titulus
 solus conductionis actionem ei dare contra laudimij debitorem qui cum eo nō
 contraxit, quique de laudimio præstando nō alij obligatus esse potest quàm do-
 mino directo, ad quē solum & personalis & hypothecaria actio pertinet. Ergo
 hoc etiam casu id ipsum obseruandum erit, quod de commissio proximè diximus,
 ut contra locatorem agere conductor debeat ad præstandam vel actionem, vel
 saltem procuratorio nomine agendi patientiam. Tantum igitur abest ut verum
 sit, quod volunt pragmatici, Solum conductorem de laudimiis & commissis a-
 gere posse non dominum, Ut ex contrario dominus solus ille sit qui suo iure ac
 inuito etiam conductore, laudimium commissumque persequi potest. Condu-
 ctor verò nullomodo nisi ex voluntate aut expressa aut saltem tacita locatoris,
 in cuius arbitrio & potestate manet ut tacite præsumptionem extinguat aperta
 contradictione, atque ita conductoris actionem impediat, quamvis expressam
 voluntatem siue cassis siue mandatis actionibus declarata sit, reuocare non pos-
 sit, sicuti nec tacitam reuocare posset, si tam certa esset, quàm præsumptio, Et quā-
 uis improbè faciat locator qui conductorem de laudimio vel commissio agere
 prohibet.

prohibet, ea tamen ratio facere duntaxat debet vt locator conductori damnari debeat non etiam vt possessor. Nec simile est quod si de domino contendatur inter duos dominos quorum vnus sit bonitarius alter quiritarianus, præfertur bonitarius, vt constat ex Vlpiano *in fragment. Tit. 19. De acquir. rer. & ex l. doce 9. C. de rei vindic. iunct. l. quamuis 75. D. de iur. dot.* Nō enim comparari domino bonitatio conductor potest, qui licet à domino causam habeat, non ideo tamē dominus est, nec agendi nisi procuratorio locatoris nomine ius vllum habere intelligitur. Sed & quā falsā sit hæc pragmaticorum nostrorum sententia ex illo etiam intelligimus, quod etiam si permittendum esset conductori agere de laudimio vel commissio aduersus possessorem, inuito locatore, quandiu tamen nec egisset, nec aliter voluntatē agendi suam declarasset, non esset prohibendus dominus de iure suo experiri, vt dici solet de eo qui citra delegationem mandauit alicui in alterum actiones *l. 3. C. de nouat.* Esset enim ista exceptio ex earum genere quæ dicuntur exclusiue iuris agentis non absolutē & simpliciter, sed conditionaliter si tertius velit In quo exceptionum genere placet nostris omnibus post Bart. *ad l. 2. De exceptis iudic.* non prius opponi eas posse quā tertius ille voluntatem suam declarauerit. Summa igitur totius tractationis huius hæc est, Ius agendi pro cō. misso vel laudimio ad solum dominum pertinere non ad conductorem nisi tanquam procuratorem & ex persona domini eiusdemque locatoris, Sed actionis & exactionis vtilitatem per actionem ex conducto ad conductorem spectare debere.

ERROR SECVNDVS.

Si suus heres post abstentionem bona paterna vendiderit, An laudimia debeantur.

IX facto quæsitum scio, Cū suus heres bonis paternis se abstinuisset, deinde ex iis fundum emphyteuticum vendidisset an ex eo cō. tractu laudimium aliquod deberetur. In qua quæstione non erat ex pragmaticis qui non diceret nullum debere. Mouebantur autem omnes hac vna ratione, quod vt sæpius in hoc tractatu diximus laudimium debere, non possit nisi ex translatione dominij, Translatio autem dominij nulla fieri possit ex venditione à non domino facta, licet traditio secuta sit *l. traditio 20. D. de acquir. rer. domin.* Porro alienam rem venditam esse negari non possit, quam suus heres post abstentionem vendidit, cū is qui se abstinuit, nō habeatur pro herede apud Prætores *l. si filius 12. D. de interrog. in iur. fac. l. necessarius 57. D. de acquir. hered.* Ego contrā putabam, Ex huiusmodi venditione & dominium transferri & consequenter eo ipso argumento, quo pragmatici mouentur, laudimium debere. Mouebat me, quod suus heres etiam post abstentionem remaneat heres. Cū non sit sine herede qui suum heredem habet quamuis se abstinentem, vt Vlpianus scribit *in l. cū quasi 30. §. sed etsi suus D. de fideic. libers.* Heredis autem nomine certum est nihil nisi dominum significari *§. vltim. Inst. de hered. qualis. & differ. in suis 11. D. de liber. & posthum. l. de hereditate 19. §. paterfamilias vers. non tamen D. de castrens. pecul. l. 3. §. Pōponius aducit infr. de minor.* Illa igitur ratio translationem dominij impedire non potest, quod traditio in hac specie facta sit à non domino cū facta sit ab herede, nec possit non ma-

nere dominus qui heres manet. Atqui non nisi nudo nomine inquit pragmatici, heres est filius qui paterna hereditate se abstinuit *l. si ex modica 6. §. si filius D. de bon. libert. l. 2. §. si si sint sui heredes D. ad SC. Terryil.* id est non effectū ipso & apud Prætoiem *di. l. si filius.* Ex cuius tamen opinione æstimanda sunt hæc omnia, cum solius Prætoris sit actiones dare vel denegare *di. l. necessarius 57. De aquir. hered.* Et hic certè totius huius difficultatis modus est, quem explicare ac dissolvere difficile esset adeo, quæ impossibile iis, qui nescirent, quod nosiam alio loco primi docuimus, Quod dicitur suum heredem qui se abstinuit, non haberi à Prætoie heredis loco, non vsquequaque & generaliter verum esse. Sed hætenus duntaxat ut nullum ex iure sui heredis siue commodum, siue incommodum penes filium remanere debeat. Ita ut neque danda ei sit actio vlla contra debitores hereditarios, neque similiter contra eum vlla creditoribus hereditariis, quomodo aperte scriptum est *in di. l. necessarius.* Ceterum extra hanc causam non solum remanet filius heres iure civili etiam post abstentionem, sed etiam habetur pro herede apud Prætoiem, & in effectū, quod ad reliqua omnia. Ergo etiam quod ad hoc ut maneat dominus, & tradendo rem aliquam ex bonis paternis transferat dominium, Scilicet si alius nemo sit ad quem bona paterna per sui heredis abstentionem pervenerint. Possent enim pervenire ad coheredem, vel ad substitutum si quis esset, ut *in l. ex contractu 45. D. de re iudic. l. si duo 38. l. cum hereduat 55. De acquir. hered.* Et quidem ad coheredem etiam invitum nisi in casu *d. l. cum hereduat & l. si minor 61. et d.* Ad substitutum verò ita demum si velit hereditatem ex substitutione acquirere, ut *in l. paterfamilias 28. De reb. anthor. indic. possid. aliis l. 13. De prim. credi.* Nec enim verendum est ut eiusdem rei dominium hoc casu sit penes duos in solidum contra iuris communis regulas *l. si ut certo 5. §. si duobus vbi eulum D. commo. d. de hereditate 19. §. paterfamilias D. de cust. spec. l. quod contra 141. §. vbi duo De regul. iur.* Nempe penes suum heredem quem dicimus etiam post abstentionem manere & heredem & dominum, licetque penes coheredem aut substitutum ad quem ponimus bona paterna per abstentionem filij pervenisse. Nam erunt equidem duo domini, at non eodem dominij genere, Nimirum erit suus heres qui se abstinuit dominus iure Quiritium, & ut veteres loquebantur dominus quiritarius, Coheres verò aut substitutus erunt domini bonitarij, quoniam bona paterna in bonis suis habebunt. Quod non esse novum docet Vlpianus noster in Fragmentis Tit. 19. *De acquisit. rer.* & constat factis *ex l. quammis 75. D. de iur. dot. l. 3. D. si usufr. petet. l. 2. §. ultum. si ex novat. caus. agat l. si sint a 15. §. Julianus scribit D. de damn. infel. l. si l. 63. in princip. D. ad SC. Trebell.* Non ideo tamen erunt duo heredes in solidum quod fieri certè nunquam potest *di. l. quod contra §. vbi duo De regul. iur.* Nec enim sicuti dominus ita heres bonitarius quisquam est, & heredem qui dicit, semper dominum quiritarium intelligit, numquam bonitarium. Ex quo fit ut post restitutionem ex causa fideicommissi ab herede rogato hereditatem, heres tamen solus maneat ille qui restituit hereditatem *§. restituta Insti. de fideic. hered.* Is verò cui restituta est, dominus sit duntaxat bonitarius, quia post restitutionem statim res omnes in bonis suis habere incipit, prius etiam quam corporalem earum possessionem nactus sit *di. l. si l. 63.* Quod si neque coheres neque substitutus quisquam datus sit suo heredi, qui se abstinuit, aut si datus quidem sit aliquis, sed qui invitus onera paternæ hereditatis suscipere non cogatur, ut in specie *di. l. cum hereduat 55. & di. l. si minor 61. De acquir. hered.* solent quidem

bona

bona patris venire ut satisfiat creditoribus, ut in *dist. l. paterfamilias*, aut etiam à creditoribus ipsis possideri, & fieri sub creditoribus, ut loquitur Iulianus in *l. quous. 44. De acquir. hered.* Sed tamen aliquando accidit ut nec ad creditores defuncti patris bona perveniant, Ut puta si quod plerumque accidit filius is se qui se abstinuit creditor sit anterior cæteris omnibus aut ex causa fideicommissi alicuius auiti aut quod est frequentius pro dote materna quæ semper hypothecam habet anteriorem, tùm saltem cùm dotalis cōtractus est antiquior aut cùm cæteri creditores chirographarij tantùm sunt vel non nisi tacitam hypothecam habent, secundum eam interpretationem quam nostri adserunt *ad leg. asiduum 12. Cod. qui potior. in pignor. hab.* Quo casu frustra & stulte creditores vengerent bonorum paternorum venditionem ex qua nullum sperare commodum possent, multorum verò sumptuum iacturam damnumque incurrere. Melius itaque faciunt si se sumptibus non vexent inanibus cùm obtinendi quicquam & consequendi spem non habeant, Ex consilio Vlpiani in *la. D. de inoff. testam.* Nam neque fisco bona vacantia hoc casu deferuntur si ex iis fisco nihil acquiri possit *l. 1. §. an bona iunct. l. non possunt 11. D. de iur. fise.* Cùm igitur neque ad sui heredis coheredem siue suum siue extraneum, neque ad substitutum, neque ad creditores paternos bona defuncti patris pervenerunt, Quid vetat, oblerero, quominus ex venditione & traditione fundi paterni quam suus heres etiam post abstentionem fecerit, dominium in emptorem transferatur? Nec tantùm illud quod quiritiarium diximus & quod vnicum penes suum heredem remanet, alio domino bonitario existente, Sed quod plenum sit non nudum. Tones enī dominium quiritiarium nudum est, quoties separatū est à bonitario, quod penes alium quempiam reperiat, quia omnes dominij utilitates & effectus penes eum resident qui bonitarius est, & rem in bonis habet, Cùm rem in bonis habere is demum dicatur, qui si possideat exceptionem habere possit ad rem retinendam, si amiserit, etiam actionem ad rem recuperandam *l. rem in bonis 52. D. de acquir. rer. domin.* Diciturque hoc casu nudum ius dominij quiritiarij esse penes dominum quiritiarium *l. omis. Cod. de nud. iur. Quiritiar. tollend.* At cùm nullus est dominus bonitarius, fieri nequit ut quisquis dominus est quiritarius, non sit dominus pleno iure & in effectū cū ius ipsius nullius personæ alterius iure aut participatione debilitetur. Et quemadmodum dicimus, Vsumfructum quem nostri formale vulgò vocant constitui per separationem, & abstractionem à proprietate, ita ut si separatio nulla fiat proprietatem plenam esse ac manere necesse sit. Ita & de dominio bonitario dicendum est non posse illud constitui nisi per abstractionem & separationem à quiritario, quod ex Quiritium iure verum & vnicum dominium est, Ac proinde si separatio hæc facta non sit. Consequens est nō ut dominus quiritarius sit etiam bonitarius, [nec enim magis fieri potest ut in vnam eandemque personam utrumque ius duplicis huius dominij concurrat bonitarij & quiritarij, quàm ut idem sit proprietarius & usufructuarius *l. usus 15. D. si usufr. pet. l. quod nostrum 63. D. de usufr.*] sed ut quisquis est dominus quiritarius sit dominus vnicus, & pleno iure. Atqui suus heres qui se abstinoit, cū remaneat verè heres & quidem solus, remanet etiam dominus saltem quiritarius. Ergo & solus & pleno iure, & consequenter cum effectū, nullo alio domino bonitario existente. Quidni ergo si fundum paternum vendiderit & tradiderit, dicetur verè transulisse dominium quod ille solus habuit,

& pleno iure, adeoque cuius controuersiam ab alio pati nullam potuerit? Plañ si bona per abstentionem sui heredis aut ad coheredes, aut ad substitutum, aut ad creditores peruenissent, defendi posset non fuisse translatum dominium nisi quiritarianum in emptorem cum nō plus iuris trāsferre dominus quiritarianus in alium potuerit quā ipse habuerit. *d. l. traditio* ¶ *l. nemo plus iuris* 54. *De regul. iur.* Hoc autem casu suus heres qui post abstentionem fundum patrum vendidisset ac tradidisset non nisi nudum ius dominij quiritarianij habuisset, inanente bonitario penes eos ad quos bona peruenissent. Et consequenter laudimia deberi ex eiusmodi venditione ac traditione nulla possent, cum non debeantur, nisi ob translationem dominij quod omnes habeat secūmque adferat dominij utilitates: quodque ob eam causam ab interpretibus nostris nouo licet ac prudentibus nostris inusitato nomine, dominium vile appellatur. Totā autem bonorum quibus abstinuit suus heres utilitas ad eos pertinet ad quos per abstentionem bona perueniunt, licet hereditas ipsa ad eos non peruenierit. *d. l. ex contractu* 44. *De re iudic.* quæ appositè & eleganter bona separat ab hereditate iis verbis & ita bona defuncti ad substitutos vel coheredes perueniunt. Porro ubi semel dominium bonitarium ad alios pertinere cœpit, fieri nulla ratione potest ut filius tanquam heres & dominus tantum Quiritarianus eorum ius possit lædere vel diminuire. *l. si ego* 9. §. si res. *D. de iur. dot. iun. Et. l. id quod nostrum* 11. *l. non debet alteri* 74. *de regul. iur.* Sed nullo dato domino bonitario, qui casus est quem nō tractamus, nihil planè est quod impediāt quominus ex venditione & traditione rei paternæ facta per filium qui se abstinuit, dominium transferatur cum facta sit per eum qui solus heres fuit, nec tantum nudo nomine sed pleno iure, cum nemo alius sit qui rem illam hoc casu possit vel vindicare, vel euincere. Quomodo dicimus videri licere emptori rem habere si is qui emptorem in euictione rei iam vicerat, ante ablatam, vel abductam rem sine herede decesserit, & sine successore, ita ut neque ad fiscum bona perueniant, neque priuati ad creditoribus possint distrahi. Aded ut nulla emptori competat hoc casu actio ex stipulatu, quamuis iam condemnatus, quia rem habere eilicet. *l. habere* 57. *in princip. D. de euic.* Et verò ad quid bonum esset dicere, impediri hoc casu translationem dominij cum nemo sit qui dominium illud velit vindicare? arg. *l. si post mortem* 10. §. liberi. *De bonor. poss. contr. tab.* Quam verum autem sit quod dicimus, suum heredem qui se abstinuit heredis loco haberi etiam apud Prætorem, quod ad cætera omnia nisi quod ad hoc ut ex paterna hereditate quam onisit neque commodum, neque incommodum vllum sentire possit, iam nos alio loco comprobauimus, duabus potissimum iisque efficacissimis rationibus. Quarum vna illa est quod per nudam sui heredis existentiam ut interpretes loquuntur pupillares tabulæ confirmantur. *d. l. paterfamilias* 27. *de reb. auct. iudic. possid. aliis* 113. *De privileg. credit.* quod vique non ita esset, nec daret Prætor substituto pupillari aut in eum actiones si non haberet testamentum patris pro confirmato, etiam post sui heredis abstentionem. Cum necesse sit pupillares tabulas corrumpere si nemo sit qui paternum testamentum sustineat. *l. 2. §. quisquis* 1. *sed si plures* 10. §. si ex affe. *De vulg. ex pupill. substit.* Altera ratio est quod si suus heres rogatus sit de restituenda alteri hereditate, & inspectum dicat hereditatem, malitque abstinere se, quā immiscere, nō cogitur per Prætorem ut se immisceat, & sic deinde restituat quomodo cæteri heredes etiam necessarii coguntur qui non sunt sui. *l. 4. l. recursare* 6. §. hoc Senatusconsultum [inde namque inchoandus est §.] *D. ad SC. Trebell.* Sed iubet Prætor

reciā

recta eum hereditatem restituere, nulla precedente immisione. Nec eò minùs transferuntur in fideicommissarium actiones ex Trebelliano quæ filio se immiscenti competiissent, vt disertè scriptum est in *l. si a tamen* 27. §. si pater 3. *cod. de iur. Quod* certè falsum esset, nullumque iuris colorem haberet, si suus heres etiam qui se abstinet, non haberetur à Prætorè loco heredis in effectù, quantum ad transferendas actiones in fideicommissarium. Quia nimirum nullum in eo versatur commodum aut incommodum filij qui translatis actionibus non eò magis aut conuenire debitores hereditarios aut à creditoribus hereditariis conueniri possit, sed tantò iustius exceptione restitutæ hereditatis, & adiuuari debeat si conueniatur, vel summoueri si ipse agat. Exemplo cæterorum heredum qui post aditam restitutamque hereditatem vel agunt, vel conueniuntur *d. l. si a tamen* §. qui ex Trebelliano.

ERROR TERTIVS.

De laudimio ex alienatione necessaria petito.



VM de laudimiis quæritur quæ numquam nisi propter alienationem debentur, solent nostri passim distinguere alienationem voluntariam à necessaria, vt ex ea demùm debeantur quæ voluntaria sit nõ ex ea quæ necessaria. Sic enim Amedeus à Ponte *quæst.* 26. post *lalon. ad l. p. nu. 48. C. de iur. emphyt. & Andr. Tiraq. De retrad. gentili. §. 29. glos. l. nu. 4. & glos. 2. in princ. & §. 1. glos. 14. nu. 18. & seq. & nu. 109. Crauet. conf. 215. & in conf. pro genero Num. 290. Ex l. Cæsar 15. D. de public. & velliga. & Auth. nauigia C. de furt. & seru. corrupti.* Necessariam verò alienationem eam esse interpretatur, quæ fiat autoritate iudiciaria & cum decreto iudicis. Idem Amed. *quæst.* 27. post eundem *lalon. ad d. l. ult. nu. 113. Alex. conf. 52. vol. 1.* Et rationem huius conclusionis illam adferunt quodd quòties sit alienatio necessaria non sit requirendus consensus domini, cum necessitas semper faciat licitum quod alioquin esset illicitum. Nec enim necessitati lex dicitur, sed voluntati & potestati. Et consequenter, inquirunt, nullum ex eiusmodi alienatione debetur laudimium, quod nõ nisi propter consensum in alienatione præstitum deberi domino solet. At verò iam nos in superioribus docuimus, Non tam propter huiusmodi consensum deberi laudimium quàm propter inuestituram & dominij translationem quæ sit in nouum possessorem: Consensum autem etiam olim non alia de causa exigì solitum quàm ne res in commissum caderet, si domino irrequisito alienata esset *d. l. ult. C. de iur. emphyt.* non autem vt eò magis minùsve laudimium debeatur. Alioqui dicendum esset si emphyteuta consensum hunc ad alienandum exegisset à domino, eumque dominus præstitisset, statim locum fore petitioni laudimij, nulla etiam postmodum secuta alienatione: quod tamen absurdum esset dicere. Sed & cum hodie apud nos ius hoc abrogatum sit de consensu domini requirendo, redactis hac parte feudis & emphyteusibus omnibus ad instar alodiorum, Sequeretur nulla hodie laudimia deberi dominis si duntaxat ratione præstiti consensus deberentur: quæ tamen constat non minùs quàm olim deberi secuta quandocunque etiam ignorante domino translatione dominij. Nihil ergo interest ad laudimiorum obligationem & præstationem inducendam vtrum voluntariæ sint alienationes an necessariæ, cum alienandi necessitas non solum

non impediatur translatio in dominij, sed tantò fortius eam prouocet & inducat. Scio esse distinctionem istam in plerisque alijs partibus iuris necessariam ut puta si quærat, An is contra quem instituta est petitio hereditatis possit in rem alienare res hereditarias *l. Diuus 5. D. de hered. petit.* aut ille ex coheredibus cum quo acceptum est iudicium familiz eriscundæ *l. alienationes 13. D. fam. erisc.* aut is qui à Prætorè impetrauit tempus ad deliberandum *l. aut Prætor 7. §. ult. D. de iur. delib.* aut qui prohibitus est à testatore quicquam alienare extra familiam, ut in *l. filiæfamilias 14. §. Diuus 2. D. de legat. 1.* Sed cùm de laudimio disputatur, nego quicquam interesse, an voluntaria sit alienatio, an necessaria. Quid enim refert domini an vasallus, aut emphyteuta vltro alienet rem feudalem vel emphyteuticam, an verò ex necessitate? Poterat olim ea distinctio esse necessaria cùm de commissio quærebatur ob factam alienationem irrequisito domino, at non etiam cùm de laudimio tractabatur, Cuius scilicet causa nihil habet commune cum causa commissi, à qua distat vsque ad eò ut incompatibile sit eodem casu & commissio locum esse & laudimio, Nisi quod & commissum & laudimium ab eadem causa & ratione dependet, iuris scilicet feudalis vel emphyteutici. Rursum quid obsecro interest, an emphyteuta ipse rem suam vltro alienet, An verò iudex in executione iudicati vt satisfiat victori cui emphyteuta fuerit condemnatus? Tritum enim est quod sæpius monuimus factum iudicis esse factum partis, & ab ipso emphyteuta videri venditum quod in eius odium & inuito eo venditum est à iudice iudicatum exequente. Ex *l. i. C. fin. caus. iudic. pign. capt. sit.* Vnde est quòd si res illa in executione iudicati vendita postmodum euincatur, actio de euictione non contra iudicem qui vendidit, danda est, neque contra creditorem cui soluta fuit pecunia, sed contra debitorem condemnatum cui ea solutio proficit, quique ex ea solutione liberatus est *l. si ob causam 13. Cod. de euict.* Et verò si alienandi necessitas excusaret acquiritor em à laudimij præstatione, Consequens esset numquam futurum apud nos vt ex rei feudalis venditione laudimium vllum deberetur, Cùm vt benè Amedeus quoque obseruauit, ex antiquis Principum nostrorum decretis & statutis prohibita districtè sit omnis feudorum alienatio nisi quæ facta sit non modò ex subsistente causa necessaria, sed etiam non extantibus bonis allodialibus ex quorum alienatione satisfieri potuerit necessitati. Quod non tantum habere locum debet si res feudalis à vasallo ipso vendita sit, sed etiam à iudice iudicatum exequente vt creditori satisfiat. Alioqui facilè inuenta erit ratio fraudandi statuti, & feudi quoque alienandi etiam extantibus bonis allodialibus si sufficiat iudicis autoritate fieri alienationem. Quomodo fit ceter in specie dissimili argumentatur Vlpianus in *l. magis puto §. 9. si pupillus D. de reb. eor. qui sub tutel.* Semper enim patietur vasallus se condemnari vt in bona etiam feudalìa iudicati executio fieri possit. Nec sanè inter hos casus quicquam interest nisi quòd interueniente iudicis autoritate vendit vasallus feudum inuitus quod aliqui fortassis non venderet volens. Iudicium namque in inuitum redditur *l. inter stipulantem 83. §. 1. D. de verbor. obligat.* Quis verò ferat vt in iudicis potius quàm in emphyteutæ, aut vasalli potestate sit ius domini ledere, aut diminuere, siue quod ad feudi alienationem pertinet, siue quod ad impediendam laudimiorum obligationem. Quid enim aliud hoc esset, quàm inde nasci occasionem iniuriæ vnde iura proficisci debeant? Contra & meminerint 6. *Cod. vnde vi.* Aut quid verius, quàm quod vulgò iactari solet,

Iuria

Juris executionem iniuriam habere non debere *l. iniuriarum 13. §. 1. D. de iniur.* Quod & ante nos bene observavit Baldus *consil. 306. in ep. verba inuestitura volum. 1.* & post eum Andr. Tiraquell. *De restr. gentili. ad §. 1. gloss. 14. numer. 14.* Vbi addit ille aliam rationem, quod tùm quoque cùm ex causa & necessitate vrgentis æris alieni sit venditio necessaria, contrahendi tamen æris alieni causa vt plurimum est voluntaria cùm nemo nisi volens æri alieno se obstringat *l. qui in aliena 6. in princip. D. de acquirend. hered.* Vnde fiebat olim ex lege 12. tabul. vt qui ingens æs alienum contraxerat cui ex soluendo par non esset, creditoribus suis manciparetur in partes & frusta discerpendus, quod posset ei imputari eum se vltro in eam necessitate coniecisset, quamvis testetur A. Gellius ad terrorem potius quàm ad vsum eam legem fuisse conscriptam, nec vnquam observatam. Neque lex distinguebat, an ex causa necessaria contractum esset æs alienum, an ex voluntaria, quoniam tùm quoque cùm eius contrahendi necessitas subest, ex voluntate tamen contrahitur: quia hoc maluisse videtur, vt in *l. si pâtre cogento 22. D. de rit. nupt. l. si mulier 21. §. olim. D. que d. met. caus.* nec vnquam parcendum est ei qui se vltro in necessitate in coniecit, quam præuidendo & providendo antevertere ac impedire potuerit *l. 2. §. si quis tamen D. si quis caution.* Vniuscuiusque enim rei causa & origo semper spectanda est, tanquam à qua totius negotij effectus, & euentus pendeat *l. si procurato. em 8. in princip. D. mandat. l. si filius familia 18. D. ad Senatuse. Maced. l. 1. §. si servus depositum D. de pos.* Vix itaque alienatio vlla inueniri poterit tam necessaria cui non aliquod voluntarium alienantis factum causam dederit. Qua ratione dicimus, Prohibita generaliter alienatione, siue legis, siue testatoris prohibitio sit, siue etiam per contractum facta prohibitam censeri pignoris quoque dationem *l. vltim. Cod. de reb. alien. non alienand.* quia licet certum sit per traditionem pignoris nullam fieri alienationem, Cùm alienatio non sit nisi eum transfertur dominium *l. 1. Cod. de fund. dotal.* quod porro numquam transfertur ex causa pignoris *l. pignori 13. D. de vfu cap. l. 1. §. cum pradium & pass. D. de pignor.* tamen per mediam causam pignoris tandem ad alienationem peruenitur, cùm sit pignus inutile, quod vendi non potest vt ex eius precio satisfiat creditori *l. 4. D. de pignor. act. l. mulier 17. & tot. tit. Cod. de distract. pignor.* Sed etsi poneret aliquam ab initio fuisse causam necessariam contrahendi æris alieni, vt facias alienationem omnino necessariam initio quoque inspecto, Numquam tamen facies vt non sit voluntaria acquisitio ex parte emptoris cùm nec emere, nec alio titulo acquirere quisquam cogatur *l. nec emere 16. Cod. de iur. delib.* Contractus enim omnes licet ex postfacto sint necessitatis, ab initio tamen sunt voluntatis, maxime verò ex parte acquiritoris *l. sicut 5. Cod. de obligat. & action.* Nam neque lex vnquam acquirit inuito, licet acquitendi ius & facultatem, plerumque inuito deferat, vt in hereditatibus & legatis cernere est *leg. si quis 13. D. de condic. institut. l. 4. & pass. D. de acquir. hered.* Et duo ferè tantum casus sunt in quibus acquiritur inuito, Scilicet ex stipulatione serui etiam vetante domino stipulantis *l. serui vetante 62. De verbor. obligat. l. autem inuitus 32. De acquir. rer. domin.* Et per solutionem ab alio factam nostro nomine aut quod effectum idem est si alius pro nobis etiam inuitis iudicium accipiat *l. soluendo 39. D. de negos. gest. leg. soluere 23. D. de solut.* Atqui laudimum quod ex alienatione debetur domino, non debetur à venditore, quem fingimus omnino necessariam vendendi causam habuisse, sed ab emptore qui semper voluntarius

est, cum quoque cum affectio vel opportunitatis, vel vicinitatis, vel cœli, vel quod illic educatus sit, vel parentes sepulti, aut quid aliud simile pellicit emptorem ad emendum, ut in l. 1. §. 6. alias videamus D. si quid infrand. patron. Inuitant enim ista & alliciunt, non cogunt. Nulla igitur ratio est propter quam dicendum sit, Ex venditione quantumvis necessaria laudimium domino non deberi ab emptore cuius est non venditoris laudimium soluerè, & qui nullam acquirendi necessitatem potest obtendere.

ERROR QVARTVS.

Si laudimium ex diuisione inter coheredes vel alios condimiferes facta petatur.

DISTINCTIO illa interpretum quæ superiore capite à nobis relata & refutata est circa feudales & emphyteuticarias alienationes, an voluntariæ sint, an necessariæ, sicuti & erroneæ & communiter adprobata est, ita plerisque & quæstionibus & erroribus causam dedit. Ac primum in quæstione illa quam plerique proponunt, Vtrum ex diuisionis contractu laudimium aliquod debeat. Nec enim desunt qui putent deberi, Ex ratione illa quod diuisio quælibet speciem quandam alienationis in se contineat cum faciat ut vnusquisque ex diuisoribus partis suæ fiat dominus in solidum cuius non erat antea nisi pro parte, Vnde fit ut si duorum pupillorum communia sint aliqua prædia neuter eorum possit alterum ad diuisionem prouocare, adeoque nec eorum tutores, Non alia de causa quàm quod omnis alienatio sit iis interdicta l. si pupillorum 7. D. de reb. eor. qui sub tutel. Nam & diuisionem prædiorum vicem emptionis obtinere dicimus l. C. commun. vir. iudic. Cur non ergo, inquiunt ex diuisione perinde atque ex venditione, & alia qualibet alienatione laudimia debebuntur? Esti verò receptissima in contrarium sententia est interpretum eaque verissima, Ex diuisione laudimia nulla deberi, ut testatur Amedeus à Ponte quæst. laudim. 25. post Bart. Bald. Castr. & alios in l. 6. idem D. de condit. furt. Illi tamen ipsi qui verè sentiunt falsis rationibus mouentur, nec ad contrariæ opinionis rationem benè respondent. Mouetur enim quod & emphyteusis & feudum possit diuidi sine consensu domini & eo irrequisito. Ex not. in cap. 1. §. præsere à Ducatus De prohib. feud. alien. per Feder. & per Alex. cons. 180. num. 3. vol. 2. Brun. cons. 173. col. 4. ubi addit non tantum ignorante & irrequisito domino posse hanc diuisionem fieri sed eo quoque inuito l. fin. num. 48. C. de iur. emphyt. Item quod diuisio non sit propriè alienatio ex Nou. 112. De litigios. in prin. Aut si alienatio est, portio tamen vnus succedat loco alterius. Denique quod ut maxime alienatio sit, necessaria tamen est, cum nemo inuitus in comunione remanere cogatur l. ult. C. commun. diuid. nō magis quàm incidere in comunione l. si non forte 26. §. si centum D. de cond. indeb. propter discordias quas materia comunionis excitare solet l. cum pater 77. §. dulcissimus De leg. 2. l. in re comunione 26. D. verba. præd. Atqui iā suprà ostēdimus, Quoties quæritur an ex alienatione aliqua laudimium debeat, non illud inspiciendum esse, an fieri possit sine cōsensu domini, quæ inspectio eò tantum pertinet ne possit videri res in commissum cecidisse ob id solum quod vasallus vel emphyteuta irrequisito domino rem alienauit.

alienauerit. Sed hoc duntaxat, Virum dominium rei feudalis vel emphyteuticæ translatum sit in nouum possessorem, quod certè per diuisionem quamlibet contingit. Ideoque nec negari potest, quod aduersarij obiciunt, Diuisionem esse alienationem, cum alienatio sit omnis actus per quem dominium transfertur *l. 1. Cod. de fund. dotal. l. alienationis 28. De verbor. signific.* Neque verò contra scriptum est in *dist. Nouell. 112. De iugios. cap. 1.* Sed hoc tantum quod nemo negauerit, Cum res litigiosæ ad plures eiusdem possessoris heredes perueniunt, non esse prohibitam inter eos ipsarum diuisionem, Quasi inter eos rei litigiosæ alienatio facta dici possit. In quo tamen ratio dubitandi alis non erat, quàm quòd diuisio sine alienatione fieri non possit: Sed decidendi hæc fuit, quòd diuisio rei litigiosæ non possit videri alienatio rei litigiosæ cum per eam non mutantur personæ possessorum. Idèd namque duntaxat prohibita est rei litigiosæ alienatio ne factò & dolo possessoris nouus actori obiciatur aduersarius, quæ res non sit sine damno & incommodo magno actoris, tum quoque cum nec in potentio rem facta est alienatio, nec iudicij mutandi causa, vt in *Tit. Cod. ne l. s. potens. & Tit. De alien. iudic. mut. caus. fall.* Cæterum inter coheredes ipsos diuisio fieri non potest quin fiat alienatio, id est quin alter in alterum partem suam alienet, quam in re communi habebat. Neque bona nostrorum responsio illa est quam adferunt ex Paulo Castrensi in *l. cum l. 8. §. si vis D. de transact.* quòd in diuisione portio vnus succedat in locum alterius. Non enim idèd minus verum est partem quæ erat vnus factam esse partè alterius, quod sufficit vt alienatio verè facta dici possit. Alioqui nulla ratio est prohibendæ diuisionis inter pupillos eorundemve tutores cum non sit pauperior pupillus qui partè suam diuisam habet quæ antèa erat indiuisa. Quod verò iidem nostri addunt, Diuisionè esse alienationem necessariam, minùs ad rē pertinet, Cum sicut nemo inuitus manere in cōmuniōe cogitur, vt dixim⁹, Ita neq; ad diuisionè sociū prouocare quisquam cogatur. Nulla igitur necessitas subest faciendæ diuisionis saltè ex parte prouocantis. Qua de causa sunt qui distinguant inter prouocantē & prouocatū, Vt prouocans ad diuisionem debeat laudimium quia ex eius parte non sit alienatio necessaria, prouocatus verò nō debeat, q̃ ex eius parte alienatio necessaria sit. Quod tamē ridiculū est. Cum enim par & æqualis fiat inter diuidentes translatio dominij, dicendū est aut vtrumq; ad laudimij præstationem obligatum esse, aut neutrum: Nec refert vnquam vter prouocauerit nisi cum de hoc ipso quæritur an prouocandi ius habuerit is qui prouocauit, putà an pupillus aut minor annis vintiquinq; fuerit, an maior *d. l. si pupillorū.* Quenam igitur afferri ratio poterit ob quam dicendū sit, Ex diuisione laudimium nullum deberi? Illa ipsa, ni fallor, propter quā diximus, rei litigiosæ diuisionè non esse interdictam, quamuis verè sit alienatio. Nempe quòd per eiusmodi alienationè licet mutetur causa dominij, attamen neq; mutantur personæ possessorum, neq; pristinū dominium noui accessione vlla ex parte augeatur, sed tantum partes quæ antèa non nisi iuris intellectu consistebant, diuisione corporis consistere incipiunt, vt Papinianus loquitur in *l. Manui 66. §. duorum de legat. 2.* Porro mutatio possessoris sola illa est quæ laudimij obligationè inducit, vt hoc eōmodum habeat dominus pro eo incōmodo quod sentit, hoc ipso quo alium possessorem ac emphyteutā admittere cogitur, & quidem etiam inuitus, hodie. Cur ergo ex diuisione siue inter coheredes, siue condiuisores facta laudimium debeat, cum iidem prorsus sint domini & possessores qui erāt antèa, adeoque pro iisdem dominij partibus? Differentia enim tantum illa est,

quoddam ante diuisionem possidebant singuli re totam & quidē iure dominij, sed pro sua quisque parte indiuisa: Post diuisionem verò regionibus factam, cepit vnusquisque habere partem suam & dominij & possessionis ab altera diuisam ac separatam. Denique facit diuisio vt vnusquisque condiuisorum, licet non minorem tamen minus latē patentem habeat portionē in re communi quā quæ ad eum antea pertinebat. Cum igitur nihil noui acquirat, causa nulla est cur ad laudimij præstationem obligetur. Quandoquidem in nullo facit conditionem suam meliorem nisi quoddam socium ampliùs nullum habet ac proinde liberiorem de sua parte disponendi potestatem nactus est, cum antea prohiberi posset per socium ne quid eo inuito faceret in re communi *l. Sabini 28. D. commun. diuid.* Illa etiam ratio mihi accommodatissima videtur, nec minùs vera & germana, quam tamen ex interpretibus nemo adducit, quoddam quæ dominij translatio fit per diuisionem non tam fit potestate traditionis aut aliquo facto condiuisorum, quā auctoritate legis 12. tab. id est per adiudicationem ab arbitro factam qui vnus est ex modis sex acquirendi iure Quiritium dominij à traditione distinctus & separatus. Nec minùs efficax quā sit traditio facta ex iusta causa precedente, aut sæpius iam à nobis suprà dictum est ex Vlpiano *Tut. 19. De acquisit. rer.* & Iustiniano in *5. ult. Inst. de offic. iudic.* Atqui non debetur laudimium ex qualibet translatione dominij, sed ex ea tantum, quæ fiat per traditionē, & facto ac voluntate alienantis, atque ita debet accipi quod scriptum est in *d. l. ult. C. de iur. emphyt.* Alioqui dicendum esset, Etiam ex acquisitione hereditaris aut legati per quam dominium acquiritur heredi aut legatario laudimium soluendum esse: quod tamen nemo verè vnquam dixit, quia licet in ea acquisitione factum aliquod legatarij vel heredis interuenire necesse sit, ac declarandam voluntatem extra causam suorum vel necessariorum heredum, lex tamen illa est quæ dominium quod fuit defuncti transfert recta via in heredem & legatarium nulla interposita persona, nullaque possessionis adprehensione *l. 2. D. de publician. in rem actio. l. cum heredes 23. D. de acquir. possess. leg. cum pater 77. §. furdo l. legatum 80. de legat. 2. l. à Titio 64. ad fin. D. de furt.* Nec ad rem pertinet si quis subtilior obiiciat, Legem non minùs esse proprium modum transferendi iure Quiritium dominij à traditione distinctum ac separatum quā sit adiudicatio, ac proinde non esse potestati legis tribuendum quod fiat vi & potestate adiudicationis, non magis quā quod fiat vi & potestate traditionis. Cum in cæteris omnibus modis per quos dominium ex iure Quiritium transfertur, legis quoque auxilium necessarium sit, itāquam quæ ipsa existat domina & regina omnium rerum quæ sunt in republica *l. 2. D. de legib.* Nā illud quidē verum est, tūm dici dominium transferri per legem, cum persona nulla interuenit ad illud transferendum, vt accidit in hereditate & legato. Interuenit enim voluntas heredis aut legatarij non ad transferendū dominium sed ad acquirendum, Ne scilicet acquiratur hereditas aut legatum inuito: At in adiudicatione præter potestatem legis interuenit etiam factū iudicis adiudicationem facientis, ideòque nimirum constituit adiudicatio distinctum & separatum à lege modum transferendi dominij, sed qui tamen legis potiùs quā hominis factum & potestatem habet pro causa. Iudex enim & arbiter diuisorius siue in iudicio Familiz eriscundæ, siue in iudicio Communi diuidundo datus sit, non hominis factum supplet, id est condiuisor sed legis duodecim tabularū quæ duo illa iudicia induxit, ne quis inuitus in cōmuniōne manere cogeretur, quoddam ea res maximè ad publicā utilitatem pertinere videretur, cuius potissimum interest, nul-

tam si fieri posset, inter ciues relinqui materiam litium & discordiarum, quæ tamen ex communionem non infrequentes nascuntur. Supplet aliquando lex & repræsentat factum hominis, ut cum seruum qui intra certum tempus manumitti debuit si non sit inanimissus habet pro manumisso, ut in l. 2. l. vlt. C. si mancip. ita fuer. alsen. l. 3. D. qui sine manum. ad libert. peruen. l. sed si 10. D. de in iur. voc. aut cõsensum qui præstari debuit, pro præstato, ut in l. si ego 9. §. si res D. de iur. dot. si tamẽ is locus Triboniani nõ est potiùs quàm Vlpiani, ut alio loco monuimus. Aut deniq; traditionem pro facta, ut in l. eius rei 46. cum seq. D. de rei vindic. Sed interdum etiam accidit ut homo suppleat factum, ut ita dicam & potestatem legis. Ut euenit in adiudicatione quæ fit per arbitrum Familiz erciscundæ & Comuni diuidundo, quia cum adiudicatio nulla fieri possit aut debeat, nisi præcedente & interueniente arbitrio, [quod quoniam ex facti circumstantiis pendet semper incertum est, ideo quæ per legem fieri nunquam potest,] cogitur lex ob eam causam factum arbitri requirere & implorare, ut quod lex ipsa facere non potest, faceret tamen si posset, arbiter faciat, autoritate tamen legis quoq; interueniente sine qua nullum certè ius habere posset arbiter transferendi in vnũ ex condiuisoribus dominium quod esset alterius, & quod ipse non haberet. Vnde fit ut extra hunc casum adiudicationis faciendæ per iudicem in tribus illis iudiciis Familiz erciscundæ, Comuni diuidundo, & Finium regundorum de quibus solis agitur in d. §. vlt. l. iust. d. offic. iud. numquam verum esse possit, quod volunt interpretes, Ex sententia iudicis, dominium ipso iure transferri, ut hac ipsa Decade ostendemus.

ERROR. QVINTVS.

De diuisione per licitationem facta.



Væ proximo capite diximus ostendunt quàm imperitè faciant interpretes nostri, cum in illa quæstione, An ex diuisione laudimiam debeantur distinguunt diuisionem ab adiudicatione. Sic enim ratiocinantur, ut ex diuisione laudimium minimè debeatur, At ex adiudicatione debeatur. Ideò, inquirunt, quod diuisio sit alienatio necessaria, At non sit necessaria adiudicatio. Ita Gabriel. *conf. 84. numer. 4. §. 16.* quem refert & sequitur Amedeus à Ponte *quæst. 25.* ubi ex hoc infert, si adiudicatio non sit voluntaria sed necessaria, ut puta in re quæ commodam diuisionem non patitur, laudimium ex ea adiudicatione nullum deberi ab eo cui adiudicata sit res indiuidua, & qui ex licitatione partem condiuisoris emerit, ut in l. ad officium 3. Cod. commun. diuid. quod hoc casu necessaria adiudicatio sit. Quomodo à Senatu Parisiensi iudicatum fuisse idem refert *quæst. 26. in fin.* post Ioannem Paponium in syntagmate Arrestorum lib. 13. Tit. 2. §. 22. ex Paul. Castr. *conf. 144. in tip. Dubium videtur facere vol. 1.* Ego verò neq; sententiam hanc, neque sententiæ rationem probare possum. Et si enim cum diuisio per licitationem sit, necesse est fuisse necessitatem aliquam quæ impediat ne aliter diuidi commodè res possit, quoniam licitationis remedium extraordinarium est & habet in se aliquid iniqui l. nam ad licitationem 6. D. famil. erciscund. Vel ob id

maximè quod per hoc remedium is qui præ inopia fortassis non potest licitatione vincere, partem suam inuitus quodammodo vendere, qui verò vincit, partem socij emere cogitur, contra iuris communis regulas *l. nec emere 16. Cod. de iur. delib. l. siens 5. Cod. de obli. v. action.* Non est tamen bona ratio, ut eò minùs laudimium debeat, quod necessaria sit alienatio, quemadmodum superiore capite probauimus. At neque verum est magis necessariam esse hanc alienationem quàm quæ in qualibet diuisione fit per adiudicationem sine licitatione: Est enim necessaria ex parte tantùm iudicis, qui aliter facere non potest quàm quod eum facere lex iubet, id est ad diuisionem procedere, Sed non ex parte licitantium, cùm in licitatione nec vincat, nec vincatur, nisi qui aut vinci velit, aut vincere. Quod enim licitari coguntur, parum est, cùm possit licitatio vel ab vno nummo incipere *l. si vsu fructus 66. De iur. dot.* nec sicut licitati ita & vincere quisquam ex condiuisoribus cogatur. Atque ita esse ut diuisio quæ fit per licitationem non eò magis sit alienatio necessaria, ex eo manifestè apparet, quod cùm ad licitationem peruenitur, etiam extraneus ad licitandum admittitur *dist. l. ad officium 3. Cod. commun. diuid.* in postremis illis verbis *nonnumquam ad licitationem etiam extraneo emptore admisso maximè si se non sufficere adiuta precia alter ex socijs sua pecunia vincere velint licitantem profiteatur.* Cui simile est quod in *l. 1. eod. tit.* scribitur in hæc verba *& ea actione aut vniuersum prædium si licitatione viceris, ex soluta socio parte precij obtinebis, aut precij portionem si meliorem aliam conditionem obtuleris consequeris.* Non enim dixit, si meliorem socius conditionem obtuleris, sed si alius, ut intelligamus precij quidem partem non nisi socio qui licitatione victus est præstari posse. Sed eum qui licitatione vicerit, quamuis extraneus sit, totum precium iis debere quibus res communis fuit. Atqui nemo dixerit, admisso ad licitationem extraneo qui vicerit, necessariam esse acquisitionem. Quis enim cogebar eum ad licitationem accedere, tantùmque precium offerre. Nec igitur negari potest obligatum eum esse ad præstandum laudimium: neque, ut puto, hoc quisquam negat, cùm nouus emphyteuta sit is, qui hodie rem feudalem, vel emphyteuticam possidet, nec possit videri ex diuisione rem possidere extraneus qui non fuit ex condiuisoribus, quisque ex sola licitatione rem habet, quamuis diuisio licitationi causam dederit. Porro si admittas ex huiusmodi licitatione deberi laudimium ab extraneo. Quæro cur non debeat etiam ab vno ex condiuisoribus, qui in licitatione victor fuerit, siue is condiuisorem solum, siue etiam extraneum vicerit? Quid enim refert domini vter vincat, an vnus ex condiuisoribus, an extraneus aliquis? An ob id fortasse minus iuris habet ad petendū laudimiū, quod condiuisor non extraneus licitatus sit & vicerit? Quasi verò persona emptoris locū facere debeat laudimio, ac non potius ipsa alienatio. Hoc verò si ita esset, dicendū foret permittendū non esse licitationē rei communis inter condiuisores solos ignoratē domino, multoque minùs eo inuito, ut esset in ipsius arbitrio quærere & inuenire emptorē extraneū qui posset licitatione vincere, ne laudimij consequēdi spes ei auferretur. Quis enim illi concederemus id quod sine condiuisorum dispendio, imò vtriusque cōpendio futurum esset? *a. g. l. in creditore 38. D. de emph.* At falsum est exigendū esse consensum domini ad licitationē rei communis: Non enim magis exigitur, quàm ad diuisionē sine licitatione faciendā: Neque verò extraneus hoc casu omnimodo ad licitationē admittendus est etiā si maximè dominus velit, sed tunc tantū cū alter ex condiuisoribus profiteretur se non sufficere adiutam precium offerendum, ut scriptum est in *dist. l. 3. Cod.*

commun. diuid. Qua de causa non improbabiler meo iudicio quis dixerit, Postquam extraneus postulante vno ex condiuisoribus ad licitationem admissus est, non esse serendum eum qui extraneum admitti petiit, si rursus licitari velit ut vincat extraneum, sed relinquenda licitationis æmulatio est inter alterum condiuisorem, & extraneum, Nisi quoddam cessante victorūque extraneo nō est prohibendus condiuisor qui extraneo admittendo causam dedit, quominus licite- tur adhuc, & condiuisorem vincat, si possit: Cū vtriusq; condiuisoris intersit crescere precium rei per licitationem, ut tantū plus eorum quisq; pro sua parte ferat. Vt cumque sit, certum est extraneum qui ad rei communis diuidendæ licitationem admissus sit si vicerit laudimium præstare domino debere. Idem igitur & in condiuisore qui per licitationem vicerit, dicendum est, cū vtroque casu eadem ratio locum habeat, pro domino, quod is qui per licitationem vici- cit, verē emptor sit, neque ex diuisionis, sed ex emptionis causa rem possideat. Quod si ad laudimium impediendum ratio illa esset bona, quam interpretes, adserunt, quod licitatio, & adiudicatio quæ ex licitatione sit, ex necessitate fiat, eaque alienatio necessaria sit magis quā voluntaria, Dicendum esset eādem penitus ratione, Nec laudimium vllum peti posse ex venditione quæ facta sit in executione iudicati per iudicem postulante actore qui vicit. Cū hæc quo- que venditio ex vtraque parte tam eius qui vicit quā qui victus est perinde necessaria videri possit, Non volente eo qui victus est victori satisfacere ac parēre iudicato, Et vicissim non valente eo qui in lite superior fuit, exe- qui iudicatum nisi captis distractisque pignoribus. Attamen hoc etiam casu laudimia deberi iam suprà diximus & probauimus, eoque iure nos vii nemo est ex pragmaticis nostris qui nesciat. Neque tantū si extraneus ille sit qui emit, qui casus nullam penitus habet dubitationem cū ex eius parte em- ptio sit merē voluntaria, sed etiam si creditor ipse quo postulante sit executio iudicati. Hoc enim sapius euenit, ut pro quantitate debiti quæ iusti precij vice oblata sit, victori res addicatur, nullo alio existente emptore qui aut tan- tundem, aut plus offerat *l. 2. Cod. si in caus. iudic. pign. capt. sit iunct. l. cum bona 16. De reb. auctor. iudic. possid. alibi l. 1. De privileg. credit.* Et tamen multo magis necessaria videri deberet hæc alienatio, Cū victor idēque creditor qui iu- dicati executionem vrget, alio nullo emptore existente aut existente quidem, sed minus precium offerente, non solum ad licitationem admitti possit, sed etiam alterius cuiuslibet emptoris vice & ex officio pignus in causa iudicati cap- tum emere debeat, Ut habent verba *dist. l. 2. Cod. si in caus. iudic. pign. capt. sit.* Ex quibus inferri posse videtur, esse hanc non modō alienationem, sed etiam acquisitionem necessariam, quod non possit victor recusare quominus hanc ipsam viam sequatur quam elegit ad debiti sui solutionem consequendam, ut *in l. si mulier 21. §. vltim. D. quod met. caus.* Præsertim ne alioqui maneat inani- tis & elusoria sententia cuius vigor totus in iudicati executione consistit *l. pen. Cod. de execut. rei iudic.* Aut ne fiant de lite lites, si non in executione iudi- cati capta pignora omnimodo distrahantur *l. 4. §. ais Prater l. à Dino Pio 15. §. si pignora @ pass. D. de re iudic.* Neque tamen quod hæc & alienatio & acquisitio necessaria sit, facere potest ut eo min⁹ laudimium debeat, siue extraneus emerit, siue ipse creditor, quia emit, ex officio quidem, id est ut ego inter- pretor ex necessitate, sed vice tamen extranei emptoris. Ergo & laudimium debet quisquis rem communem quæ diuidi commodè non poterat per licita- tionem emit, non magis si sit ille vnus ex condiuisoribus, quā si extraneus.

Nulla namque inter hos casus differentia est, Nisi quòd cùm rei communis licitatione pro diuisione sit extraneus non nisi ex necessitate ad licitationem admittendus est, & ita demùm si vnus ex condiiuisoribus diffidens suis facultatibus extranei auxilium implorare cogatur, ne alioqui aduersarius vincat viliori quàm par sit precio *dist. l. ad officium 3. Cod. commun. diuid.* In distractione verò pignoris quod in causa iudicati captum sit, extraneus prior ad licitationem admittitur. Victor verò non aliter quàm si vel nullus se offerat extraneus ad licitandũ, vel se quidem aliquis offerat, sed qui iustum precium offerre nolit *dist. l. 2. Cod. si in caus. iudic. pign. capt. sit.* Sed hæc differentia diuersitatem iuris inducere non potest quominus æquè vno casu atque altero laudimium debeat domino, cuius fuit res feudalis vel emphyteuticaria, quæ per licitationem distracta est. Maior quæ ratio subesse videtur vt dicamus deberi ab eo ex condiiuisoribus qui licitando vicit, quàm vt à creditore, qui in iudicati executione comparauit, nullo se offerente extraneo emptore aut offerente se quidem sed viliori-precio rem ambiente: Debetur sanè certius & efficacius priore illo nostro casu quàm posteriore. Qui enim ex condiiuisoribus in licitatione vicit is rem communem acquirit sibi non modo in solidum sed etiam irreuocabiliter: Qui verò in executione iudicati, habet quidem rei dominium statim & ex i: statim ipso addictionis quâ pragmatici nostri expeditionem vocant, illique autoritate Statuti quod ex ea causa lucrum fructuum à die illo expeditionis emptori tribuit, sed tamen reuocabiliter, cùm siue luendi pignoris siue redimendæ rei vendi & ius super sit debitori restituito emptori quisquis ille sit precio subhastationis & venditionis publicæ intra sex menses. Et quidem ob hoc ipsam ne laudimia prius debeantur quàm semestre illud præterierit, ne miser debitor eorum præstatione ac restitutione oneretur si paratus sit precium reddere intra tempus constitutum cum legitimis accessionibus. Quòd si qua esset ratio, propter quam dici oporteret nullum ex diuisione per licitationem facta laudimium deberi, petenda illa esset non ex necessitate licitationis, sed ex eo, quòd licitatione facta, sit adiudicanda res ei qui licitatione vicerit vt constat *ex l. item Labeo 22. §. 1. c. l. 55. D. sum. ar. is.* Sæpe enim adiudicatio necessaria est cùm agitur inter cōdiiuisores solos. Ex adiudicatione autè vt diximus, quoniam legis potestate dominium trāsferret nulla laudimia debeantur: Sed neque ratio hæc satis bona esse videtur, quia cùm ad licitationem deuenitur etsi sit adiudicatio tamen ex emptionis potius quàm ex diuisionis causa rem totam sibi possidet qui vicit licitatione, quisquis ille sit, hoc est siue condiiuisor, siue extraneus, Maximè verò si extraneus. Quis enim dicat extraneo qui ad licitationem admissus fuerit & vicerit faciendam esse aliquam adiudicationem ab arbitro qui neq; ab eo petitus, neque pro eo datus sit sed inter solos condiiuisores? Neque verò negari potest, quin factum aliquod interueniat hominis quoties per licitationem res expeditur, Nec sola legis potestas transfert hoc casu dominium, sed traditio, quæ post licitationem necessariò fieri & sequi debet, vt in qualibet alia emptione. Quid enim aliud licitatio quàm vera emptio est? Nimirum si agatur de extraneo. Nam in condiiuisore aliud est, & in eum transferri potest dominium sine traditione per adiudicationem, quæ ad hoc non solum utilis, sed etiam necessaria est. Sed non impedit adiudicatio quominus licitatio faciat emptionem etiam in persona cōdiiuisoris, in qua mutatur certè causa possessionis, licet de titulo dubitari magis possit, quasi diuisionis titulus etiam post licitationem duret initio scilicet inspecto, vt in l. 3. §. scio in fi. De minor. l. si procuratorem 8. in princ. D. mandat. l. 1. §. si seruum D. de pos. l. si tamen

Litaniū 12. D. de SC. Maced. Laudimium igitur omni casu debetur ab eo qui licitatione vicit siue extraneus sit siue vnus ex condiuisoribus, Sed cum hac tamen differētia quod ab extraneo debetur solidum quia solidam rem acquisiuit, nouusque pro re solida possessor est. A condiuisore verò non debetur nisi pro parte quæ fuerat alterius condiuisoris. quoniam non nisi eam partem per licitationis victoriam sibi acquisiuisse intelligitur, nec mutatur causa dominij & possessionis nisi pro illa parte, cum antea iam esset idem dominus & possessor suæ portionis. Non potest autem deberi laudimium nisi à nouo possessore & quatenus possessor nouus est.

ERROR SEXTVS.

Si diuisio sic facta sit vt vnus totam rem feudalem vel emphyteuticam habeat, alius verò totam allodalem.



LIQVANDO accidit vt arbiter Familiz eriscundæ aut Communi diuidendo, nequeat sine licitatione diuisionem peragere, Nō modò si vna tantum res aliqua sit quæ in diuisionē veniat, & quæ tamen diuidi commodè nō possit, quod euenit per sæpe in bonis mobilibus quæ nō nisi numero diuisionem recipiūt, nonnūquā tamen etiā in immobilibus. vt in specie *l. 1. C. commun. diuid.* [qui casus est à nobis superiore capite tractatus.] sed etiam cum plura sunt prædia, quæ singula sint per se indiuisibilia vt in *l. ad officium 3. cod.* Hoc verò cum accidit facillimè fit vt singula prædia singulos habeant dominos directos, qui laudimium velint cōsequi, si vni ex coheredibus alijsve condiuisoribus vtraque prædia adiudicentur, facta vt oportet æstimatione cuius partem is cui adiudicatio fit soluat alteri. Quāquam & in eodem fundo quantumvis indiuisibili facillè pōt cōtingere vt totus sit feudalis vel emphyteuticarius sed duorū dominorum: Quemadmodū pōt etiam euenire, vt pars vna sit feudalis vel emphyteuticaria, & allodialis altera: Quod & in duobus fundis qui alioquin diuidi commodè nō possunt, licet per se nō modò diuisibiles sed etiam diuisi iam sint, facilius frequētiusq; vsuuenit. Hæc verò quæstio est: quā nunc tractandam suscipimus, si res feudalis vel emphyteutica tota vni adiudicata sit, allodialis autem alteri, An domino laudimium debeat is cui res feudalis, vel emphyteuticaria adiudicata est. Locus autem fit huic quæstioni, non solum si eiusmodi adiudicatio fiat per licitationem, vt in *d. l. 3. Cod. commun. diuid.* sed etiam si sine licitatione siue fundi per se singuli commodè diuidi possint, siue non possint, Cum arbiter ad diuidendum datus illud potissimum ante oculos habere debeat, quod vtrique condiuisorum magis expedit, vt omnibus æquè consulat *l. item Labeo 22. §. 1. l. si familia 55. D. famil. erisc.* Frequens autem nostrorum sententia est, Quoties in diuisione tota emphyteusis vel totum feudum vni ceditur & assignatur [sic enim loqui solent pro eo quod prudentes nostri dicerent *adiudicatur*] pro dimidia parte soluendum esse laudimium si modò emphyteusis sit noua, vel feudum nouum. Ita Ferrariens. in *form. libell. pro hered. vel re singuli diuid.* in verb. *domum vnam.* Aufser. ad *Decis. Tholof. 75.* Steph. Bertr. *cof. 38. incip. ex casu vol. 1. part. 2.* Tiraq. *De retrast. gentili. §. 1. glof. 14. nu. 77.* Guid. Pap. *quæstio. 46.* quos refert ac sequitur Amedeus noster *d. l. 1. quæstio. 25.* vbi rationem huius sententiæ adfert, quod sicuti noua emphyteusis est, quæ à fratribus ipsis acquisita fuit, ita quod ad portionem fratris noua est

acquisitio. In qua proinde licet prior consensus domini non sit necessarius ad eiusmodi faciendam diuisionem, cum neque praelationis ius hoc casu locum habere possit, ne alioqui cogatur fratres aut in comunione perpetua manere, aut rem comunione domino inuiti vendere quod utrumque absurdum & iniquum esset *l. vltim. Cod. commun. diuid. l. non enim 9. D. rer. amos. l. si filiofamilias 25. § maritum D. solut. matr.* Posterior tamen consensus necessarius est & approbatio domini in nouo emphyteuta retinendo. Quemadmodum, inquit Amedeus, solemus dicere in donatione & permutatione, in quibus tamen si de consensu domini ante contractum exquirendo, & de offerendi iure tractari nihil possit, non eo minus tamen necessaria est domini adprobatio ut nouus possessor retineatur: deo quæ etiam ex donatione ac permutatione laudimium deberi placet, ut in sequentibus dicemus. Loquuntur autem supradicti Doctores de noua emphyteusi, quia in paterna aliud iuris esse volunt, quod ex alienatione in emphyteutam vel vasallum facta laudimium nullum debeatur. De quo postea fortasse latius dicendum nobis erit. Iidem addunt si totum feudum vel tota emphyteusis vni adjudicaretur mediante precio, Etiam priorem consensum domini requirendum fore ex Francis. Rip. ad *l. qui Roma §. duo fratres num. 86. De verb. oblig. Steph. Bertr. cons. 112. vol. 1. Gabriel: consil. 84. num. 4. & 16.* Huiusque differentie rationem illam adferunt, quod licet diuisio sit alienatio necessaria, non est tamen necessaria adjudicatio. Quod aiunt his omnibus casibus deberi laudimium, cum emphyteusis noua est, & feudum nouum, certè verissimum est, & iis maximè consentaneum quæ superiore capite tractauimus. Nam si eo quoque casu quo adjudicatio est necessaria, ut in re quæ commodam diuisionem non patitur, laudimium deberi tamen defendimus, quanto magis illud deberi dicendum est in ea adjudicatione quam interpretes habent pro voluntaria? Nimirum his omnibus casibus pro parte socij quam acquirat conuisor, qui totam rem sibi habere incipit cuius non nisi partem habebat antea, fatendum est esse illum nouum dominum nouumque possessorem nouæ portionis, Quod vnum maximè inspiciendum esse docuimus quoties de laudimio an debitum sit disputatur. Sed ratio quæ adferunt quod huiusmodi adjudicatio sit voluntaria, non necessaria, facit ut appareat cõgisse iis in hac quæstione, quod in alijs plerisque ut casu magis quàm certa ratione verum dixerint. Sic enim sentire debuerunt, In omni diuisione quæ ab arbitro fiat siue familiz erciscundæ arbiter datus sit, siue Comuni diuidundo necessariam esse adjudicationem, siue per licitationem fiat adjudicatio, siue absque licitatione *d. l. item Labeo 22. §. 1. & seq. & d. l. si familia 55. D. famil. ercisc. l. communi 7. in princip. & §. 1. & pass. D. commun. diuid. l. 1. & 3. Cod. eod.* Non ob id solum quod credendum sit bonum & æquum arbitrum nihil melius aut commodius facere potuisse, Verum etiam quia fieri aliter non potest ut dominium acquiratur ei cui fit adjudicatio, Quomodo enim acquireretur si adjudicatio nulla fieret? An fortè per traditionem? Vnicum siquidem & ordinarium illud remedium est ad transferendum dominium, quoties neque mancipatio, neque cessio in iure, neque vsucapio, neque adjudicatio, neque lex sola dominium transferre potest. Atqui verum quidem est, partem certam pro indiuiso sicut possideri ita & tradi & vsucapi posse *l. locus 26. D. de acquir. poss.* Sed illud tamen prius esse oportet ut possideatur, quàm ut tradatur vel vsucapiatur. At verò iudicium Familiz erciscundæ, itémque Comuni diuidundo non expectat ut coheredes vel cõtuitores possideant. Nihil enim refert an possideant necne *l. 1. §. 1. l. heredes 25. §. quantum verò D. famil. ercisc.* Est igitur adjudicatio semper necessaria ut ex-

peccata

peccata possessione, aut traditione partis indiuisæ dominium transferri statim possit quod alioqui non posset. Non enim arbitro Familiz esciscundæ vel Comuni diuidendo lex 12. tabul. dedit potestatem aut tradendi res communes aut imperandæ traditionem, sed tantum adiudicationes & condemnationes faciendæ. Nihil ergo est quod in his iudiciis de traditione faciendâ tractari possit, cum actiones istæ descendant ex lege 12. tabul. quæ de adiudicatione tantum non etiâ de traditione locuta est. Tum verò quid si alter ex coheredibus qui rem communem aut in solidum aut saltem pro sua parte possideret, tradere illam nollit? Vtique præcisè cogi ad tradendum non posset, cum traditio sit facti ut toties disputauimus *ex l. consilio 7. §. ult. D. de curat. furios.* ad factum autem præcisè cogi nemo possit *l. si quis ab alio 13. in fin. D. de re iudic.* Proinde eò tandem deueniendum esset ut eum qui tradere iussus esset, nec obtemperare vellet, condemnari oporteret in id omne quod interesset aduersarij, ut sit in cæteris omnibus tradendi & faciendi obligationibus *l. 1. D. de act. empt. l. si traditio 4. Cod. cod. l. quosies quis di. iun. & l. stipulationes non diuiduntur 72. vers. Celsus l. cum stipulatus 113. §. ult. De verb. oblig.* Atque ita fieret ut contra voluntatem arbitri rem communem haberet ac retineret is quem arbiter tradere iussisset, is verò habere non posset cui arbiter tradi darique eam voluisset. Et consequenter ut ille ex conduisoribus qui totam rem habere deberet ex arbitrio & officio iudicis è contrario partem suam vel iniurius certo precio vendere cogeretur, quod iniquissimum esset *l. non enim 9. D. de rer. amor. d. l. 25. §. maritum D. solut. mar.* Præsertim cum etiam ante ullam diuisionem rerum communium, unusquisque suorum iam sit dominus suæ portionis, nec sit necessaria adiudicatio nisi ad transferendum dominium alterius partis quæ pertinet ad conduisorem. Quæ translatio nullo conduisoris facto impediri potest cum sit per adiudicationem ab arbitrio potestatem legis exequente. Falsissimum igitur est quod interpretes sentiunt, Non esse in his iudiciis necessariam adiudicationem. Nec ad rem pertinet si quis obiciat, Etiam facta adiudicatione perinde futurum ut is cui adiudicatio rei communis facta est cogatur re sibi adiudicata carere, eamque vendere si conduisor qui eam possidet pertinacior & peruiacior esse velit in recusanda traditione. Multum namque inuere est, an agat conduisor aut coheres factus iam dominus per adiudicationem, an verò priusquam dominus effectus sit: quia si agat post acquisitum dominium directæ rei vindicatione quæ hoc casu sola cõpetit, nec ei res sua restituatur, poterit ex iuris ratione admitti ad iurandum in litem quod non sit cogendus rem suam iusto precio vendere *dist. l. non enim & dist. §. maritum.* Adcoque ex eo iure quod sub Vlpiani nomine Tribonianus inuexit *in l. qui restituere 68. D. de rei vindic.* impetrare ut manu militari possessio conduisori auferatur quod non similiter facere possit si agat antequam factus sit dominus quia neque iusiurandum in litem neque auxilium illud extraordinarium manus militaris vnquam datur ei qui alienam rem petit aut repetit, sed ei tantum qui suam, Excepto, quod ad iusiurandum atinet, casu *l. in actionibus 5. §. plan. De in lit. iur.* ut alibi sæpe docuimus. Denique providendum fuit per legem 12. tab. ut coheredes cæterique conduisores qui iam erant pro sua quisque parte domini rei communis, possent nasci per diuisionem & per officium arbitri dominium alterius partis etiam invito conduisore, si quando ita arbitro videretur, Quod utique non alio remedio fieri potuit quam introducto usu & iure adiudicationis, ut idem Vlpianus noster testatur *in Instit. Tu. 19. De acquisit. rer.* Imò verò tum quoque cum regionibus fundum aliquem diuidere vult & potest arbiter, ne-

cellaria perinde est adiudicatio ut suz quisque portionis pro diuisa fieri possit dominus, quamuis esset iam antea pro indiuiso cum in parte qualibet vel minima singuli habeant suam portionem iuris intellectu quamuis non diuisione corporum, ut loquitur Papinianus in *l. Manus 66. §. duorum de legat. 2.* Sed tamen inter hos casus differentia illa est, quod in hoc posteriore nulla debentur laudimia quia non mutantur personae possessorum, quae tamen mutantur quoties tota res feudalis vel emphyteuticaria quae antea fuerat communis fit propria vnius in solidum, Licet alia vicissim detur coheredi aut condiuisorii non tantum si sit illa libera & allodialis, in quo mihi conuenit cum interpretibus, sed etiam si sit ex eodem feudo vel ex eadem emphyteusi. Hoc enim addo interpretum sententia, qui non putant in hac specie laudimium deberi. Et moueor quoniam in hoc casu permutatio quaedam, tametsi per speciem & occasionem diuisionis contrahi videtur inter condiuisores, ut in *l. sed & si lege 25. §. consuluit D. de petit. hered.* & apertius in *l. si filia 20. §. si pater verfic. quasi certa lege permutationem fecerint D. famul. excise.* Ex permutatione autem laudimium debetur, ut infra tractabimus. Tanto igitur verius est quod volunt interpretes, esse hoc casu necessarium posteriorem consensum, & ad probationem domini ad nouum emphyteutam in solida rei possessione restituendum qui antea non erat emphyteuta nisi portionis in vnaquaque re communis. Quae portio licet quae certa & eadem sit cum adhuc indiuisa est, quae cum diuisa *dist. l. locum 26. D. de acquir. poss.* alia tamen fit cum vnus ex heredibus aut condiuisoribus pro sua parte totam rem aliquam consequitur, & alius aliam similiter totam, quia singulorum corporum causa & dominium inspicere debet. Ne alioqui paulatim dicamus si fundus vnus sit de feudo vel emphyteusi Titij, alius vero de feudo vel emphyteusi Sempronij nulla fore debita laudimia neque Titio neque Sempronio: quod euidenter iniquum esset, cum eorum quilibet amittat hoc casu veterem suum emphyteutam pro parte quam habebat condiuisor in re illa communis, & acquirat nouum, quod sine laudimij praestatione fieri vix vnquam potest. Nec sane credendum est aut legis duodecim tabularum si de praestandis laudimiis cogitare iam tum potuisset, aut arbitratorum qui adiudicationes tales fecerint, voluntatem illam fuisse ut directi domini ius laderent, & laudimiorum praestationem impedirent eo casu quo ex regulis iuris feudalis vel emphyteutici laudimium deberetur. Aliud enim est de condiuisorum, aliud de domini directi iure aliquid constituere. Illud plane verum est quod interpretes volunt non esse hoc casu exigendum priorem consensum domini an diuisione in inter coheredes aliove condiuisores fieri velir & an vel hoc vel illo modo. Cum lex duodecim tabularum vel vno ex condiuisoribus postulante iubeat fieri omnimodo diuisionem, in eamque causam arbitrum constitui, cuius arbitrio & acquiritur totum negotium committatur: Ne scilicet cogatur quispiam iniunctum manere in communione, ut diximus, & rixarum materiam pati quam tolli penitus in interest reipublicae cuius utilitas semper spectanda est & praefenda priuata, Tum quoque cum citra alterius aliquam iniuriam fieri id non potest, ut in *l. iura vulneratus 51. §. vltim. D. ad leg. Aquil. Authen. res qua Cod. commun. de legat.* Diuisionis & arbitrij quod ad diuidendum interponitur causa publica est. Domini directi, priuata. Quae ratio me mouet ut non aequè illud etiam probare possim, quod addunt iidem interpretes, si diuisio per officium arbitri sic fiat

vt vnus

vt vnus totam rem communem, sibi propriam habeat per adiudicationem, certo tamen precio, ad cuius præstationem sit ille vicissim condemnatus, [quod fieri necesse est cum ad licitationem devenitur, sit tamen interdum etiam nulla interveniente licitatione *dist. l. item Labro 22. §. 1. & l. si familia 55. D. famul. ex cise.* Non modò laudimium debet, sed etiam priorem consensum domini requiri. Quid enim si nollet dominus consentire vt diuisio sic fieret ac oblato eodem precio rem sibi retinere vellet? An non rectè impediret potestatem legis duodecim tabularum, quæ vtrumque præcipit, Vt & diuisio fiat rerum communium si alter ex condiuisoribus in communiione perstare nolit, & vt fiat eo modo quem arbiter commodiorem existimauerit, non vt ex domini directi si quis esset, vel ex alterius arbitrio res pendeat. Atqui certum est nihil posse fieri contra leges, nec priuatorum utilitates & cautiones legum autoritate censi *l. vltim. D. de suis & legit. l. iuris gentium 7. §. ait Prator leg. contra 30. D. de pact.* Non igitur consensus domini directi exquirendus est ea in re quæ potest fieri ipso quoque inuito *Ex reg. l. qui potest 26. D. de regul. iur.* Neque verò, quod in huiusmodi adiudicatione precium interueniat facere debet, vt vel condiiiores vel arbitri ad diuidendum dati, animum vendendi & alienandi habuisse videantur: Non equidem condiiiores, quia non ex eorum voluntate id pendet, sed ex solius arbitri officio & arbitrio, quod etiam in inuitis pronunciat, vt in aliis omnibus iudiciis euenit quæ in inuitos redduntur. *l. inter stipulantem 83. §. 1. De verbor. oblig.* Non etiam arbiter diuisorius quia non ad vendendum datus est, aut ad imperandam venditionem, sed ad diuidendum, & ad faciendam quantum commodè fieri possit diuisionem. Nec existimandum est statim atque pecunia pro re datur, emptionem esse & venditionem, sed illud priuim ac ante omnia exigi vt animus adit & voluntas contrahendæ venditionis ex vna parte, & emptionis ex altera, & vt venditor rem venalem habuerit. Sic enim omnino accipit debet quod scriptum est in *l. naturalis 5. §. 1. D. de præscript. verb.* vt constat *ex leg. §. voluntate 8. Cod. de rescind. vendit. l. 1. Cod. de rer. permut.* Pecunia enim datur hoc casu non pro precio, sed tanquam alia res quælibet, quoniam pecunia cuiuslibet alterius rei vice fungi potest *l. 1. D. cod. l. 1. D. de contr. empt.* Omne precium consistere necessario debet in pecunia numerata, sed non omnis pecunia numerata precium est, ne tùm quoque cum pro alia re datur *leg. vltim. D. de condict. caus. dat.* In summa nunquam diuisio emptio est licet semper verum sit eam obtinere vicem emptionis *dist. leg. 1. Cod. commun. vtrius. iudic.* Emptio enim contrahitur nudo consensu, Diuisio verò non nisi per adiudicationem si fiat per arbitrum aut per traditionem. Nudum siquidem placitum diuisionis nullius momenti est ad agendum, nisi vel traditione vel stipulatione munitum sit *leg. diuisionis 45. D. de pact.* Vendit etiam aliena res potest, *leg. rem alienam 28. De contr. empt.* Diuidi nisi res quæ communis est & inter eos inter quos communis est non potest, venditio non transfert dominium nisi secuta demùm traditione quæ à domino facta sit, Diuisio autem transfert si adiudicatio facta sit, nulla licet traditione secuta *§. vltim. Institut. de offic. iudic.* Planè quoties saluo iure diuisionis ius quoque domini directi saluum & integrum conseruari potest, dubitari non oportet quin vtriusque ratio sit habenda, Vt euenit cum de posteriore tantum domini consensu & diuisionis approbatione, hoc est de solo lau;

dimio præstando tractatur. Nihil enim verat & diuisionem stare inuito domino directo ad eum modum quem arbiter constituerit, Et nihilominus laudimium deberi domino si is ex diuisione nouum emphyteutam vel vasallum aut in solidum, aut pro parte accipere coactus sit, Vt si in solidū etiam laudimium solidum petere possit, si verò pro parte, partem, quamuis verum sit neutrum ex condiuisoribus factum esse ex diuisione locupletiozem. Non enim quis aut in quantum fiat locupletior inspiciendum est cū de laudimiis queritur, sed tantū an nouus solidæ rei vel partis emphyteuta accesserit, necne.

ERROR SEPTIMVS.

De dominio per sententiam solam transferendo.

PRÆBIT nostris magni erroris materiam quod scriptum est in §. vlt. *Inst. de offic. iudic.* & à nobis vsurpatum sæpius est in præcedentibus, Id quod in tribus istis iudiciis Familiz erciscundæ, Communi diuidendo, & Finium regundorum alicui adiudicatum est statim eius fieri cui adiudicatum fuit. Inde namque inferre ac probare vulgo solent, Ex sententia iudicis dominium transferri. Quo falsius dici nihil in iure nostro potest: Nec scio an apertior vlla huius erroris probatio offerri possit quàm ex eo ipso §. vlt. vbi cū Iustinianus scribit, In tribus istis iudiciis quod adiudicatum fuerit statim eius fieri cui adiudicatum est, an non ostendit manifestè quod volumus, In aliis ergo iudiciis omnibus aliud esse, nec tantam posse vim esse & autoritatem sententiæ vt dominium rei in iudicium deductæ in alium transferre queat. Quid enim haberet speciale hac parte tria ista iudicia, si ius idem esset in omnibus cæteris? At neq; existimandum est in his tribus iudiciis vi & potestate sententiæ fieri vt dominium in vnum ex colligantibus transferatur. Totū enim id non sententiæ iudicis accepto ferendum est, sed potestati adiudicationis, quam voluit lex duodecim tabularum esse vnum ex modis sex acquirendi iure Quiritium domini, Vt sæpe retulimus ex Vlpiano in *Instit. Tit. 19. De acquisit. rer.* Atqui non est locus adiudicationi præterquàm in tribus istis iudiciis. Et in cæteris omnibus dicitur iudex tantū iudicare non etiam adiudicare. Fieri ergo nequit, vt in aliis iudiciis dominium per sententiam transferatur. Error primus ac præcipuus interpretum in hoc tractatu ille est quod pronuntiationem quamlibet iudicis quæ pro actore fiat habent pro adiudicatione, puta si quid iudex declarauerit aut meum esse, aut mihi debitum. Eamque loquendi rationem praxis nostra passim retinet vt quoties pronuntiatum est & declaratum per sententiam, aut meum, aut mihi debitum esse quod petij, toties id mihi adiudicatum dicatur. Quasi inter iudicationem & adiudicationem nihil distet, si modò iudicetur pro actore & petitore. Quod tamen non ita est, Numquam enim videas prudentes nostros eo adiudicationis verbo vsos fuisse, nisi cū de tribus istis iudiciis tractant Familiz erciscundæ, Communi diuidendo, & Finium regundorum: Extra quæ si quando posset pronuntiatio facta pro actore dici adiudicatio. Maxime id locum haberet in iudicio vindicationis in quo non de alio queritur, quàm cuius res sit, Et tamen longè aliter Paulus in *l. & ex diuerso 35. §. 1. D. de rei vindic.* Vbi autem inquit, *alienum fundum petij, & iudex sententia sua declarauit meū esse.*

Et in l.

Et in l. si inter me 15. D. de except. res iudic. in illis verbis interest utrum meam esse hereditatem pronunciatum sit, an contra. Et paullo post, quia eo ipso quo meam esse pronunciatum est. Et alibi passim eo. tit. ubi frequentissima talium pronunciationum mentio fit, & rei iudicatz, Numquam verò adiudicationis aut rei adiudicatz. Et verò si adiudicatio nihil aliud est quàm modus quidam transferendi dominij quomodo fieri potest ut cum in iudicio vindicationis iudex super facti quæstione, & ante redditum arbitrium pronunciat, Videri rem esse petitoris, videatur hoc ipso rem petitori adiudicare? An non hoc esset agere ut res quæ iam esset petitoris fieret eius magis ac magis? quod ipsum tamen fieri certè nullo modo potest *§. sic itaque Inst. de alien. l. non ut ex pluribus 159. De regul. iur.* Nisi fortè ut hunc errorem interpretum tueamur, in alium incidamus, & adiudicationis nomen vsùmque ad eum casum coangustemus quo iudex pronunciauerit petitoris esse fundum, qui re vera erat alienus, ut in dist. l. 35. §. 1. De rei vindic. Hoc verò nunquam fieri potest nisi per errorem ut constat ex dist. §. 1. ubi dicitur debere iudicem in hac specie eodem errore de fructibus quoque pronunciare, Et in l. si per errorem 17. D. de usucap. tractat Marcellus de eo, qui per errorem de alienis rebus ut de communibus iudicium Communi diuidundo acceperat, & ex adiudicatione fundum possidere cœperat. Nempe quia, ut superiore capite disputauimus, cum adiudicatio sit modus transferendi dominij non de alia re fieri potest, quàm de ea cuius dominium transferri in alium possit: quod de re aliena inuito vel ignorante domino numquam potest contingere. Quis autem admittat, tantam esse debere vim ac potestatem sententiæ per errorem redditæ, ut dominium transferre possit, quod neque per traditionem à vero domino factam si modò per errorem facta esset, transferretur, *l. si ego pecuniam 18. D. de reb. credit. l. 3. §. subtilius D. de condit. caus. dat.* Errantis enim voluntas nulla est, nec quicquam consensui tam contrarium quàm error qui imperitiam detegit *l. si per errorem 15. D. de iurisdi. l. sed hoc ita 20. D. de aqua & aqua plu. arcend.* Non sum nescius tantam esse auctoritatem rerum iudicarum ut etiam si non modò per errorem & imprudentiam sed etiam quod indignius & intolerabilius est per sordes, aut per gratiam malè ac perperam iudicatum sit, executioni tamen mandanda sit sententia ne nullus sit litium finis si à rebus quoquomodo dum ritè iudicatis sub eo erroris aut iniquitatis prætextu recedere liceat *l. seruo 65. §. cum Prætor D. ad SC. Trebell. l. si per imprudentiam 51. D. de iust. l. 2. & tot. tit. Cod. de re iudic.* Sed longè aliud est tractare de iudicato exequendo quod per errorem iudicatum sit, Aliud verò eam sententiæ erroneæ vim tribuere ut dominium statim & ipso iure transferre possit, quod neque iudex habeat, neque is contra quem iudex pronunciat. Idque ita esse apparet euidenter ex dist. l. si per errorem 17. De usucap. ubi tractans Marcellus de facta per errorem adiudicatione rei alienæ quæ communis esse credebatur in iudicio Communi diuidundo, negat translatum esse dominium, quamuis adiudicatio esset non tam titulus quàm modus habilis ad dominium transferendum, sed per eiusmodi adiudicationem erroneam vult translatam esse duntaxat vsucapiendi causam & condicionem. Ut adiudicatio ex modo transferendi dominij sit titulus ad vsucapiendum, Ne vsucapio sine titulo procedere videatur *l. Celsus 27. l. penult. D. de usucap. aliàs l. 3. pro solut.* Quodd si sententia quæ adiudicationem erroneam continet & hanc vim non habet ut dominium transferre possit, Quantò minùs habebit sententia quælibet alia quæ nullam faciat adiudicationem? Ac statim replicabunt interpretes,

H h h

Ex quibus causis vsucapiendi tantum condicio per sententiam acquiritur si res sit aliena, ex iisdem transferri dominium per sententiam si contra dominum pronunciatum sit. Quomodo cum de traditione tractamus, solemus dicere, Ex quibus causis res à non domino tradita vsucapiendi condicio queritur ex iisdem si res à vero domino tradatur, dominium acquiri *l. et in libris 64. D. de contr. empt. l. traditio 20. D. de acquir. rer. domin.* Atqui vsucapiendi condicio per sententiam acquiritur si aliena res per errorem adiudicetur *d. l. si per errorem 17. De vsucap. iunct. l. Pomponius 13. §. si iussu D. de acquir. poss.* Ergo, inquit, si res adiudicetur eius qui sit dominus transfertur dominium. Nos verò totam rationem admittimus dummodò adiudicationis nomen retineatur. Certissimum enim est, eo casu quo facta sit & fieri potuerit adiudicatio dominium ex ea transferri statim & ipso iure si dominus rei fuerit is contra quem facta est adiudicatio, solam verò vsucapiendi condicionem si dominus non fuerit. Sed negamus posse tractari de adiudicatione nisi in supradictis tribus iudiciis, in quibus sunt & alia pleraque singularia *l. in tribus 13. D. de iudic.* Negamus in aliis iudiciis sententiam quæ adiudicationem nullam continere posse transferre dominium si res eius sit contra quem fertur sententia, quia non potest hoc casu sententia non esse erronea, Nec proinde vsucapiendi condicionem si res non sit condemnati, nisi alius anterior & iustior præcedat titulus ex quo sequi vsucapio possit. Finge possedisse quem bona fide fundum Titij quasi suum ex causa emptionis vel aliterius tituli: quem tu siue iustè, siue iniustè cæperis possidere. Nemo dubitat quin potuerit eum vsucapere, & eo nomine Publicianam habere debeat, contra te, si cum esset in cursu vsucapiendi tu eius possessionem interpellaueris *§. namque Institut. De actio. l. 1. & tot. ii. D. de Public. in rem act.* Quid ergo si iudex datus in actione illa Publiciana, quæ est ex arbitrariis, iusserit te rem illam actori restituere? Arbitrium enim tale præcedere necesse est antè quàm ad condemnationem vel absolutionem perveniri possit. Si arbitrio parveris & rem restitueris non quæ adiudicata sit [nec enim magis in Publiciana quàm in civili & directa vindicatione potest adiudicatio vlla fieri] sed quæ restitui iussa est, victor vsucapionem cæptam proculdubio complebit, proderitque illi possessio tua, ut computetur ei temporis tue possessionis ac si semper ille possedisset. Verùm hoc ita non propter potestatem iussus & arbitrij, de quo textus loquitur *in dict. §. si iussu l. Pomponius 13. D. de acquir. possess.* Multò minùs propter sententiam & pronunciationem illam quæ in arbitrariis iudiciis debet semper arbitrium præcedere, de qua nulum ibi verbum, sed propter titulum illum præcedentem cum bona fide coniunctum ex quo cæperat currere vsucapio ante motà Publicianam reddendumque arbitrium de re restituenda. Itaque non sic loquitur Ulpianus *in dict. §. si iussu*, ut dicat *si per sententiam iudicis res aliena quam per eam mihi adiudicata sit*. Sed ita *si iussu iudicis res mihi restituta sit*. Quis verò nescit, Aliud esse rem restitui, aliud verò adiudicari? Nihil ergo is locus contra nos probat. Neque verò idèò fertur sententia ut ius aliquod novum victori tribuat, aut ut rem alienam eius faciat, sed tantum ut ius quod habebat actor aut reus declaret, siue iustè id faciat, siue per errorem, ut *in dict. l. ex diuerso 35. §. 1. De rei vindic. l. Pomponius 40. §. sed & is qui D. de procurat.* Idèòque nec ex sententia nascitur unquam rei vindicatio quomodo nasceretur sicut ex alio quouis titulo habili ad transferendum dominium si per sententiam transferretur, sed ex sententia & re iudicata nulla unquam alia nascitur actio quàm in factum quæ personalis est.

est *l. actori 8. Cod. de reb. credit. & iur. iur.* aut rei iudicatæ exceptio. Cuius non posset esse usus necessarius, præsertim cōtra eum qui vindicatione egisset ac victus esset agentem iterum eadem actione si per priorem sententiam dominium translatum fuisset in victorē. Exceptio namque omnis præsupponit actionem præcedentem eamq; competentem, cum nihil aliud sit quàm actionis exclusio *l. 1. & pass. D. de except. rei iud.* Nemo autē agat sine actione *l. si papilli 6. §. ult. D. de negot. gest. l. quæties 9. §. & generaliter D. de admin. & peric. iur.* Atquin actio vindicationis cōpetere non posset domino qui in priore iudicio victus fuisset, Inō cōpetere desuisset ipso iure ei qui per sententiā dominus esse desuisset, translato nimirum in victorem dominio quod penes duos in solidū esse non posset *vulg. l. 5. §. ult. D. de mod. l. de hereditate 19. §. pater D. de castren. pecul.* Et tanē verissimū est, Eum qui vindicatione egit & succubuit nihilominus iterum agere posse de eadem re eamq; vindicare, nec alio modo prospici posse reo quā per exceptionē rei iudicatæ *l. 3. §. 5. l. si quis 7. per tot. l. si a 10 9. §. l. si mater 11. in prin. & pass. D. de except. rei iudic.* Exceptio. n. iusti dominij de qua in *l. pen. D. de publ. in rem act.* potest quidē opponi contra Publicianam in qua actor non intēdit se habere iustum dominium sed tantūmodo. quasi dominium. At contra directam & ciuilem vindicationē opponi non potest, cum directā vindicatio non alij possit cōpetere quā ei qui se probet dominū aut iure gentium, aut ciuili *l. in rem 23. in prin. D. de rei vindic.* quiq; intentionē sōā impleat *l. ult. C. cod.* Alioquin actor non plene probante absolui reus debet etiam si nihil presterit *vulg. l. qui accusat 4. C. de edend. nec de exceptione* quæritū est priusquā fundata sit actio & intentio actoris. Neq; rursus in exceptionē illud ipsum deduci vnquam potest quod deducitur in petitionē cum in eā rē sufficiat reo negare ad elidēdā intētionē actoris quousq; probata illa sit *l. ult. C. quib. ad libert. proclam. non licet.* Cum ergo in directā rei vindicatione non alia sit intētio actoris quā intentio dominij *l. 1. §. cum prædict. D. de pign.* nō potest reo etiam iam vicerit eadē intētio iusti dominij cōpetere, & iustā in exceptione ei præbere quin duo in solidum eiusdem rei domini admittantur à Prætorē cuius est & actionem dare, & exceptionem. B. contrariōis qui in iudicio vindicationis obicit per iniuriam iudicis tanquā dominus cum dominus non esset, nō idē potest fieri dominus, & tanquam dominus agere postea vindicatione, ne quidem contra condemnatum, aut vt melius dicam contra eum qui in priore vindicationis iudicio victus est, nullāque ex ea sententia propriam actionem habere potest, vt eleganter ac diserte Papinianus scribit in *l. 3. §. 1. cod. tit. De pignor.* Vbi quod magis est ait, Eum qui per iniuriam iudicis victus est in directā rei vindicatione non eō minūs posse rem illam quasi suam dare pignori, quamvis res aliena pignori dari non possit, sed ea tantūm quā creditor probare possit in dominio bonisve debitoris fuisse eo tempore quo datur pignori *dict. l. 3. in princip. l. & que nondum 15. §. quod dicitur eadem tit.* Idēque non posse Prætorē huic creditori tanquam pignoratitio denegare quasi Seruianam actionem, sed tamen futurum vt si agat contra victorem qui per restitutionem factam ex arbitrio iudicis post pronuntiationem reddito possessor factus sit, summoneri debeat exceptione rei iudicatæ, quemadmodum & debitor ipse iam victus si rem vindicare pergeret cā. l. in exceptione summoneretur. Nec enim creditor pignoratitius plus iuris habere potest quā h. bet debitor qui pignus dedit vt bene Papin. ratiocinatur. Debitor autem posset quidē adhuc vindicationē exercere ipso iure, tanquam qui reuera dominus manserit etiam post iniuriōsam sententiam

iudicis, sed tamen exceptione rei iudicatæ si ageret summouendus esset, cum in eo iudicio fuerit superatus. Similiter igitur & creditor qui ab eo post sententiam pignus accepit, habet quidem ipso iure quasi Seruianam eamque monere potest, Tanquam cui pignus rectè & à vero domino constitutum fuerit. Sed si agat summouendus est exceptione rei iudicatæ, quippe quæ ab authoris persona transire soleat contra successorem etiam singularem *d. l. si à te §. vl. De except. rei iudic.* Cum negari non possit quin successerit in ius victi qui post sententiam pignus accepit. Diuersum enim esset si ante sententiam pignus accepisset ab eo qui postea in quæstione dominij victus fuisset *l. iudicata 29. §. vl. ad. quamvis non per iniuriam iudicis sed ob non plenè probatam intentionem dominij, vt in d. l. 3. in princip. De pignor.* Nam tamen si maxime, inquit Papinianus, nullam propriam actionem qui vicit, exercere possit, Non tamen quid ille non habuit, sed quid in ea re quæ pignori data est debitor habuerit considerandum est. Debitor autè habuit quidè ius dominij, sed tamè tale quod ei prodesse non poterat propter exceptionem rei iudicatæ partam possessori ex autoritate sententiæ quantumvis iniurius. Ergo nec in persona creditoris potest esse vilis & cum effectu intentio pignoris, quæ ius & intentionem dominij præsupponit, cum eandem rei iudicatæ exceptionem pati debeat is qui in ius victi successit. Vincet igitur hoc casu creditorem iustè, idem ille possessor qui dominum iam vicerat per iniuriam, Sed non tam ob proprium aliquod ius quod in ea re habeat, Aut quòd post sententiam nullū victo ius super fuerit quàm quòd ius agentis infirmum factum sit & inefficax per sententiam contra debitorem latam. Quæ omnia falsa essent tam in creditoris, quàm in possessoris persona si per sententiam dominium transferretur, aut aliquod ius victori acquireretur præter exceptionem rei iudicatæ.

ERROR OCTAVVS.

De distinctionibus variis quas adferunt interpretes cum tractant de dominio per sententiam transferendo. Et ad l. vl. C. de fideic. liberj.

SOLLENNE est Bartolo vt de omnibus ferè dubitare, ita in omnibus ferè dubitationibus & quæstionibus distinguere maxime cum Accursius quoque dubium & nutantem videt, vt euenit in proposita quæstione De domino per solam sententiam transferendo. Idem enim ille Accursius qui ad §. vl. *Instr. de offic. iudic.* scripserat per sententiam dominium transferri. Contra sensit *ad l. exceptione D. de except. rei iudic.* Imò verò non transferri. Bartolus autem *ad lex hoc iure §. D. de inst. q. iur.* vbi tractari solet hæc quæstio ab interpretibus, distinguit subtiliter si Diis placeat actionē personalem à reali. In actione personali, inquit, dominium transfertur per sententiā si ad hoc tendat sententia vnā cū actione instituta. In reali verò subdistinguit, vt non transferatur dominium per sententiam si secundum reum pronuncietur. Transferatur verò si pro auctore qui dominus non sit. Alij verò vt Bartolo subtiliores videantur nō actionē personalem à reali distinguunt, sed vniuersalia iudicia à particularib. [sic enim vocāt ea quæ potiùs specialia, vel singularia dicere deberent] Vt in vniuersalib. dominium per sententiā transferatur, in particularibus verò non item. Ita Hostiens. & Io. Andr. *ad cap.*

cap. proposuit. Extr. De concess. prob. Quibus omnibus distinctionibus error ille perpetuus causam dedit, ut in præcedentibus diximus, quod sententiam pro actore latam adiudicationem esse crediderunt, nec in quo adiudicatio à sententia differat, intellexerunt. Certis enim casibus dominium per sententiam transferri viderunt. In iis scilicet in quibus adiudicatio fit. In aliis verò aliud observari, Proinde distinctionibus hanc difficultatem expediendam esse existimarunt. Ego sicuti per adiudicationem dominium transferri affirmo, Ita si adiudicatio nulla fiat, nego constantissimè transferri posse dominium per sententiam indistinctè, hoc est siue realis, siue personalis actio sit, & siue universale iudicium sit, siue singulare. Nam quod putat Bartolus in actione personali facilius admitti posse ut dominium per sententiam transferatur, quàm in actione reali prorsus absurdum & improbabile est, cum in actionibus personalibus non de dominio quæzatur, ut in realibus, sed tantum de iure obligationis quæ dicitur causa esse & mater institutæ actionis *l. licet 42. §. ea obligatio D. de proenrat.* Est enim illa propria & germana diffinitio actionis personalis quæ à Iustiniano traditur initio *Tit. Instit. de action.* post Celsum in *l. nihil aliud 51. De obligat. & action.* ut sit ius persequendi in iudicio id quod sibi debetur. Qua ratione moti nonnulli putarunt addendum suumque est, ut ea diffinitione reales quoque actiones comprehenderentur, quæ alioqui non comprehenduntur cum nemo possit intendere rem suam sibi deberi non magis quàm illud fieri ut quod iam meum est magis fiat meum *§. sic itaque Instit. de action. l. non ut ex pluribus 359. De regul. iur.* Ideoque nec faciliè possum intelligere quid sibi velit Bartolus, cum requirit ut sententia una cum actione instituta tendat ad translationem dominij ad hoc ut per sententiam dominium transferatur. Nec enim possit vlla esse actio personalis quæ magis tendat ad translationem dominij quàm ea per cuius formulam intendit actor sibi dari rem oportere, ut puta ex stipulatione *fundum dari* quæ alium sensum non habet quàm ut dominium omnimodo transferatur *l. ubi autem 75. §. vltim. D. de verbor. obligat.* Aut si agatur conditione certi ex mutuo ut merx credita reddatur, quandoquidem in mutuo & contrahendo & dissolvendo transferri dominium necesse est *l. 2. §. appellata & pass. D. de reb. credit.* Aut denique si agatur conditione triticaria per quam res ipsa petitur, quæ debetur, quæcunque tandem illa sit extra pecuniam numeratam non eius æstimatio *l. 1. D. de condict. tritic.* Atqui nullo istorum casuum fieri potest, ut sententia vlla profecturatur quæ ad dominij translationem tendat, Nempe quia siue agat quis conditione certi ex stipulatu aut ex mutuo, siue conditione triticaria, etiamsi pro actore pronuncietur. Nunquam tamen iudex condemnatum reum ut det fundum, quæ dare promisit, aut ut reddat vinum vel triticum, quod ipse mutuum acceperit, sed necessariò æstimare litem debet, eamque litis æstimationem in sententiam deducere, ut cum ex iudicato nihil nisi pecunia debebitur, faciliè possit fieri executio per capionem & distractionem pignorum, quæ alioqui si de re aliqua danda, ac proinde in necessarium antecedens tradenda pronunciatum esset, fieri condemnato invito numquam posset. Ut in superioribus Decadibus demonstravimus pluribus cum de differentiis conditionis certi & conditionis triticaria tractavimus *Ex l. vinum 22. D. de reb. credit. l. penultim. & vltim. D. de condict. tritic. l. quoties in diem 59. & sequent. De verbor. obligat. l. fundum 28. D. de nonat. l. 4. §. ait Prator l. si Calendus 11. D. de re iudic.* Numquam igitur fieri potest ut sententia iudicis concurrat cum actione personali

Hhh iij

instituta ad hoc ut utraque tendat ad translationem dominij. Nam ut eò maxime tendat actio, sententia tamen tendere non potest, cum id semper agat iudex & agere debeat ut actori in pecunia satisfiat. Quod nec Tribonianus ipse sciuit ut constat ex ea constitutione quam sub Iustiniani nomine edidit in l. ult. Cod. de fideicom. libert. ubi ait mirari se stultitiam iudicis qui cum legatarius ab herede peteret servum sibi legatum ut eum manumitteret, condemnauerat heredem ad præstandam legatario æstimationem servi. Nec tamen miratur stultitiam prudentum veterum, ex quibus nemo fuit, qui dubitauerit quin ita pronunciare iudex & posset & deberet. Alioqui cur quærerent an eo casu talis pronuntiatio libertati obstare deberet, licetque an in eiusmodi specie libertatem fideicommissariam præstare cogendus esset heres. Denique an ea præstata permittendum ei esset ut pecuniam condiceret quam legatario ex condemnatione soluisset. Fuerunt enim istæ veterum prudentum dubitationes & altercationes quas Iustinianus voluit dirimere. Quibus tamen nullus relictus fuisset locus si prudentes id ipsum existimassent quod Tribonianus credidit, futurum esse iudicem, qui petito servo ex causa legati condemnet heredem ad præstandam servi æstimationem. Quid enim aliud facere possit iudex datus in conditione certi ex causa legati, nisi ut heredem ad rei legatæ æstimationem condemnet. Siquidem utrumque certum est, & conditionem certi locum habere etiam ex causa legati l. certi conditio 9. §. 1. De reb. credit. & non dari eam nisi ad pecuniam, id est ad litis æstimationem qualis quævis fieri debeat per iudicem ex præscripto dist. l. vinum 22. eod. tit. l. 3. §. vltum. De condit. tritic. Neque id tam à iuris ratione alienum Tribonianus credidisset, si iuris rationem adprimè calluisset, quæ ut sæpius diximus litem æstimari semper vult à iudice etiam in conditione triticaria ut iudicati executio fieri commodissimè possit inuito condemnato qui non facere aliquid cogatur, sed tantum pati: Solæque illa quæstio supererat, eaque ex diuersitate iudiciorum decidenda. Cuius ratione haberi oportere in ineunda rei debitz litisq. æstimatione. Cui quæstioni nullum hodie locum relinqueret constitutio ista Iustiniani, si id ipsum quod in actione deductum est in condemnationem deduceretur, Eo prætextu quem adferunt interpretes, quod sententia debeat esse conformis libello Ex d. l. ult. §. l. ut fundus 19. D. comm. diuid. Non enim ob id minus libello cōformis est quod iudex condēnet reum non ad rem petitam sed ad rei petitæ iustā æstimationē, quia si de conditionibus agas quæ omnes stricti iuris sunt decq. cæteris strictis iudiciis quale quid est cum petitur tale dari debet l. 2. D. de usur. & eius tēporis æstimatio faciendā est quo nouissimè solui res potuit d. l. si Calendus 11. D. de re iudic. In bonæ fidei verò iudiciis facit bona fides & æquitas ut inspiciendum sit non quanti plurimi sed utro tēpore pluri res fuerit. Moræ scilicet siue iudicialis, siue extraiudicialis aut rei iudicandæ l. 3. §. in hac D. commod. l. 3. §. si per venditorem De action. empt. Ex quibus locis omnibus apparet mirandam magis stultitiam & inscitiam Triboniani, qui iudicem illum accusans non videt totam se accusare veterem Iurisprudentiam, quæ ipsa si in ea facti specie pronunciaisset, non aliter utique fuerat pronunciatura. Sed illud magis mirandum hodie legendumque est, quod quemadmodum idem Tribonianus arbitrariorum omnium actionum vim & naturam sustulit, cum sub Vlpiani nomine novam illud ius & veteribus omnibus incognitum introduxit in l. qui restituere 68. D. de rei vindic. ut qui restituere rem iussus est si iudici non pareat & restituendæ rei facultatem habeat manu militari possessio ei auferri possit, ita & cæterarum actionum

ictionum omnium ius totum peruertit constituendo in dict. l. ultim. Cod. de fideicommiss. libert. ut res quæ petita est etiam per conditionem certi, ac multo magis si per triticariam, deducenda ipsa sit in sententiam & condemnationem non ipsius æstimatio. Nisi forte ad excusandum Tribonianum, verbis licet constitutionis aperte, ut videtur, repugnantibus, velit quis dicere specialem eam esse non generalem, favore scilicet libertatis latam ne ea intercederet, quam intercedere necesse esset si legatarius seruum sibi legatum iussus manumittere æstimatorem serui pro seruo ipso accipere cogretur. Quamquam poterat salua iuris ratione constituere, ad indeuotionem, ut ipse loquitur, heredis coercendam, ut nihilominus seruus ipso iure liber fieret, nec æstimatorem quam vltro soluisset legatario repetendæ ab eo ius vllum haberet. Cæterum inspecta mera iuris ratione, neque hoc, neque aliud quicquam tale constitui poterat aut contra heredem, aut contra legatarium cum vterque iure suo usus esset, nec vlli eorum quicquam imputari posset. Et atque potius imputandum testatori si omnimodo seruum hunc ad libertatem peruenire volebat cur eum legasset ac fideicommissariam libertatem ei à legatario dedisset, ac non potius directam ipse aut si fideicommissariam ab herede suo illam non à legatario. Debuerat enim testator prospicere futurum ut si heres seruum legatum præstare nollet, nullæque sententiam expectare, non ad aliud posset per iudicem condemnari quàm ad præstandam æstimatorem. Ex eaq; causa fore, ut libertas intercederet, quam nec legatarius præstare posset qui serui dominiū non haberet, nec heres ipse qui præstita litis æstimatorem non iā quasi heres sed ex alia noua causa, id est ex litis æstimatorem ac veluti noua emptione seruū habere cœpisset l. si seruus 21. §. 1. vers. & ideo D. de emul. iūct. l. 2. D. pro emp. Nā & ex hac causa fundus pupillaris, qui omnium minimè alienabilis est, fit tamè alienabilis quia hæc alienatio prorsus necessaria est, & ex mera iuris ratione proficiscitur l. 3. §. itē quari potest D. de reb. eor. qui sub tut. In summa nihil mirū aut absurdū videri debet quod cum iuris ratione cōsentiat, maximè quod à prouido testatore prævideri potuerit & debuerit arg. l. si quis domū 9. §. 1. D. loca. in illis verbis quia hoc enenire posse prospicere debuit. Neq; habet iuris executio in iurā l. iniuriarū 13. §. 1. D. de iniur. l. vlt. C. de in integr. rest. minor. Potuit tamē huic posteriori audaciæ Triboniani prior causam dare. Nam cum pro seruo legato cōpetat vindicatio quæ arbitraria est actio ex qua posset heres cogi etiam manu militari ut seruum quē haberet in sua potestate traderet legatario iuxta d. l. qui restituere. Tolerabilius est supposito primo errore illo aliū inducere, ut in quoque cum seruus legitus per actionē personalem ex testamento petitur, nec essariū debeat ipse non ipsius æstinatio deduci in condēnationem. Quasi parum interest debeat quod ad implendā voluntatem testatoris, qua actione res legata petatur. Quod ipsum quoq; tamen à iuris ratione alienū est, quia eligere legatarius debet qua potius actione experiri velit, & quæ elegerit viam sequi l. cum filiū 76. §. variis de leg. 2. iunct. l. quod in heredē 9. §. eligere D. de tribut. act. l. si mulier 21. §. vlt. D. quod met. caus. Et sanè quid absurdius est dicere quàm nihil referre an personali actione legatū petatur, an directæ rei vindicatione? aut vtriusque actionis cuius tā diuersa sint iura, tāq; discrepantes causæ easdē esse præstationes? Esset tamē tolerabilius ut dixi, hoc admittere in legato, quàm in alia re qualibet, quæ per solā actionē strictā peti posset, nō per arbitrariā. Sed nō tā facit hoc mihi stomachū, quàm quod video stomachari Tribonianū in miserū iudicē, qui tā benè peritēq; & ex arte pñciauerat. Verū hęc cōtra Tribonianū

disputasse sufficiat, vt redeamus ad interpretes, Et concludamus fieri non posse quod vult Bartolus, vi & actio & sententia eò tendat vt dominium in actorem transferatur. Nam et si supradictam Iustiniani constitutionem in *dist. l. ult. C. de fideicom. libert.* tam generaliter quis velit accipere, vt numquam hodie lis aestimanda sit per sententiam, sed omnimodo condemnari reus debeat ad rem ipsam dandam quam intendit actor dari sibi oportere, Non idè tamen statim fiet vt per eiusmodi sententiam dominium transferri possit in actorem, sed rariùm vt in executione iudicati cogendus sit reus qui victus & condemnatus est vt rem ipsam det, id est rei dominium transferat. Nec enim aliud in iudicati executionem venire potest quàm quod in sententiam deductum est. Quomodo autem dabit & dominium transferet, si non tradat? At verò præcisè cogi ad tradendum non potest cùm sit hoc meri facti. Nisi fortè hic quoque nouam pro Triboniano iurisprudentiam volumus inducere quæ debitorem facti etiam ad faciendum præcisè cogat contra omnes omnino iuris regulas. Illud enim militaris manus auxilium quod implorauit Tribonianus in *d. l. qui restituere*, vt omnium arbitrariarum actionum naturam destrueret ad possessionem à possessore victo in dominum transferendam, inutile & inefficax est hoc casu in quo non sufficeret cogi possessorem vt pateretur à se transferri possessionem, nisi etiam cogereur aliquid facere, id est rem tradere ad dominium quoque transferendum quod multò difficilior est quia sine vi & impensione id fieri non posset: Longèque odiosior esset manus militaris aduocatio vt dominus etiam qui victus esset dominium rei suæ in alium transferre, remque suam inuitus tradere cogereur, quàm vt vero domino qui iam vicisset, rei suæ possessio restitueretur. Sicut è contrario fauorabilior ille est qui iam est dominus, quàm qui dominus fieri vult, minúsque odiosa vis quæ inferitur, vt quis pati tantùm cogatur, quàm quæ inuitum aliquem ad faciendum compellit. Denique noua lege opus esset vt is qui fundum, aut quid aliud dare cõdemnatus esset cogereur in executione iudicati rem tradere. Nihil enim tale adhuc constitutum est, neque in *d. l. ult. C. de fideicom. libert.* neque alio vllò iuris loco. Quod etsi maximè verum esset, inde tamen tantò clariùs appareret falsum esse quod vult Bartolus in huiusmodi actionibus personalibus quæ tendunt ad dandum & dominium transferendum si sententia eòdem tendat, transferri dominium ipso iure per sententiam. Quid enim esset opus traditione, si iam per sententiam dominium translatum esset? Imò si verum amamus cùm iudicis sententia sic concipitur, vt reus condemnatur ad rem ipsam dandam & eius dominium in actorem transferendum, an non apertissimè declarat iudex non id se agere vt dominium per sententiam suam transferat. Sed vt per reum ipsum transferri curet, Qui vique non nisi frustrà & ineptè condemnaretur ad dandum & ad transferendum dominium quod per solam sententiam ipso iure iam translatum esset.

ERROR NONVS.

De iisdem distinctionibus Bartoli & aliorum interpretum. Et ad l. 3. §. item quari potest D. de reb. cor. qui sub iuscl.

ALTERA



ALTERA pars distinctionis Bartoli est de actionibus realibus in quibus subdistinguit quemadmodum superiore capite diximus, ut si pro actore pronuncietur sententia transferat ipso iure dominium, si pro reo non transferat. Cuius subdistinctionis sicuti pars posterior vera est, quia cum in actione in rem pro reo pronuncietur, actor tantum summouetur, nec ideo tamen res adiudicatur reo, adeoque nec pronunciat rem esse rei sed tantum non esse petitoris. *l. si inter 15. in fin. De except. rei iudic.* Ita prior pars euidenter falsa est & ex iis quæ in *Error. 7.* disputauimus satis superque confutata. Nam quoties pro actore pronuncietur, nulla tamen ipsi adiudicatio fit, sed tantum declaratur rem ipsius esse. *l. ex diuerso 35. §. 1. D. de rei vindic. l. Pomponius 40. §. sed & is qui D. de procurat.* Quod si verè iusteq; pronunciatum est non potest sententia magis facere dominum eum qui iam sit dominus. *§. sic itaque Inst. De action. Sin male ac per errorem, ut in d. l. 35. §. 1.* non potest quod per errorem factum est effectum illum habere, ut profit ad dominium transferendum cum errantis voluntas nulla sit. *l. si per errorem 15. D. de iuris. l. sed hoc it 120. De aqua & aqua plu. arc.* quamuis non eo minus vim suam & auctoritatem habeat res iudicata, hætenus scilicet ut pariat exceptionem rei iudicatæ. *l. seruo 65. §. cum Prator D. ad SC. Trebelian.* adeoque iudicem obliget ut eodem errore de fructibus quoque pronunciet. *dist. l. 35. §. 1. De rei vindic.* Adde autem verum est per huiusmodi sententiam erroream non transferri dominium, ut neque vsucapiendi condicio transferatur si non etiam adiudicatio facta sit & quidem in vno ex tribus illis iudiciis in quibus voluit lex 12. tab. fieri posse adiudicationem, & per eam dominium transferri, id est in iudiciis Familix eriscundæ, Communi diuidendo, & Finium regundorum, ut constat ex *l. si per errorem 17. D. de vsucap.* Confutata itaque distinctione Bartoli, iam ad aliam veniamus, illorum qui in quaestione ista distinguunt vniuersalia iudicia à singularibus quæ vocant particularia, Ut in vniuersalibus quidem dominium per sententiam transferatur, In singularibus verò non item. Cui distinctioni causam illud dedisse videtur quod in aliis plerisque iuris partibus alia vniuersalium alia singularium iudiciorum ratio est. In vniuersalibus non putabat Proculus iustum esse ut fatum rerum quæ post litem contestatam perierunt possessor præstare teneatur, quod tamē in specialib. iustum esse admittebat, licet Cassio reluctante & bene quod ad personam bonæ fidei possessoris, quæ æquum non est propter metum huius periculi temerè ius suum indefensum relinquere. *l. illud 40. D. de hered. petis.* In vniuersalibus dicitur pretium succedere loco rei & contrà, non etià in singularib. *l. si et rē 22. & l. seq. eo. tit. iunct. l. idemq; 7. in fi. D. qui potior. in pign. hab. qui vas 48. §. ult. De furt.* In vniuersalib. potest actio habere mixtā naturā ut sit & in re simul, & in personam licet diuersis respectibus. *l. sed et si 25. §. pen. D. de hered. petis. l. hereditatis 7. C. eo.* quod in iudiciis singularibus impossibile est, ut docuimus in Cōiecturis cum emēdauius & interpretati sumus. *§. quadam actiones 20. Inst. de act. & in Err. 3. Decad. 94. sup.* Sed tamē quod ad propositā quaestionē pertinet, non est hæc distinctio probabilis. Nā in petitione hereditatis cuius maximè iudiciū est vniuersale adeoque centuitalē. *l. ult. eo. tit.* nihil aliud pronūciatur nisi hereditatem meam esse aut non esse, quæ pronūciatio si iusta est non facit me heredem cum iam sim, si iniusta parit quidem exceptionem rei iudicatæ, at Non quia fecerit me heredem sed quia me declarauit talem esse, & res iudicata pro veritate habetur, ex vulgata iuris regula. Heres namque nemo fieri potest nisi cui lex vel Senatusconsult-

tā, vel constitutio aliqua Principis hereditatē defert *l. 1.2. § 3. D. eo. tit.* Sententia autem iudicis inter modos deferendæ hereditatis non est. Et verò, quomodo posset iudex heredem facere, cum nec Prætor ipse possit? *§. quos autem Instit. de bonor. poss.* qui tamen magistratus est, & ad cuius iurisdictionem pertinet iudices dare *l. 1. & 3. D. de iurisd. l. cum Prætor 12. & pass. D. de iudic.* Sed & qui hanc distinctionem induxerant, debuerāt saltem cum Bartolo subdistinguerē an pro actore pronuntiatiū sit an pro reo. Nam si pro reo pronuntiatiū sit, Non quidem hereditatem ipsius esse sed quomodo pronuntiari solet, Hereditatem non esse petitoris, certum est non idēō posse videri translātum dominiū in possessorem hereditatis. Cū fieri possit vt hereditas de qua controuertitur neque petitoris sit, neque rei, quemadmodū Caius disputat in *d. l. si uer 15. in fin. De except. res indic.* Denique cū heres nihil aliud significet quā dominum prius Romanorum lingua, vt toties diximus ex *§. ultim. Insi. de hered. qualis. & d. l. si. l. de hereditate 19. §. pater D. de castr. pecul. l. 3. §. Pomponius adiciit. D. de minor. non magis fieri potest vt iudex à Prætoze datus faciat dominum per sententiam quā vt faciat heredē quod nec Prætor ipse, vt modō diximus, facere potuit *dist. §. quos autem Insi. de bonor. poss. l. qui vsumfructum 3. D. si vsumfr. pet.* Potuit quidem Prætor facere dominum bonitarium, id est vt res in bonis alicuius fieret in quibus antea non erat *l. si fin ita 15. §. Iulianus D. de damn. infest. leg. 2. §. ultim. D. si ex noxal. caus. ag. ut. l. c. l. 26. §. ultim. D. de noxal. action.* Sed minus propriē dominiū illud appellatur, digniusque est quod possessionis tantū nomine donetur, vt in *d. l. qui vsumfructum* quia numquam aut sine possessione, aut aliter quā per acquisitionem possessionis acquiritur, nisi cū senatusconsulti potestas cōcurrit vt in restitutione hereditatis ex Trebelliano *l. si f. l. 63. ad SC. Trebell.* In quo maximē differt à quiritiario & verō dominiū quod plerunque acquiritur citra traditionem & possessionis apprehensionem *l. 1. & 2. D. de public. in rem act. l. cum pater 77. §. furdo l. legatum 80. de leg. 2. l. cum heredes 23. D. de acquir. poss. l. à Titio 64. D. de furt.* At cū in heredem dicimus dominum, quiritiarium & verum intelligimus, non bonitarium, qui tū quoque cū vniuersalis successor est, heredis tantū loco est non heres *l. 2. D. de bonor. posses.* Rursum nemo dixerit iudicia Comuni diuidendo & Finium regundorum esse vniuersalia cū n pro vno etiam fundo dentur. Sunt ergo iudicia singularia, & ex eorum numero quæ nostri barbarē particularia vocant, Et tamen certissimum est ex iis transferri dominiū per sententiam quia in iis sententia continet ad iudicationem *dist. §. ultim. Insi. de offic. iudic. dist. l. si per errorem 17. D. de vsum. cap.* Falsa igitur & nullius planē ponderis hæc distinctio est, quæ nec legis vilius nec rationis autoritate aliqua confirmatur. Nam qui loci ab interpretibus adferuntur vt probent dominiū transferri per sententiam ad iudicia singularia pertinent non ad vniuersalia. De quibus iam dicendum est vt iis qui sententiam hanc nostram probare volent, omni ex parte satisfaciamus. Vnus locus est, isque vt videtur omnium apertissimus in *l. 3. §. item quærit potest. D. de reb. eor. quæ sub iurel.* vbi quærit primū Vlpianus, si fundus à tutore petitus sit pupillaris, nec restituatur an oblata litis æstimatio alienationē pariat. Et magis est, inquit, vt pariat, Hæc enim alienatio non sponte tutorem fit. Quæ ratio summo opere notanda est pro eorum confirmatione quæ superiore capite contra Tribonianum disputauimus circa *l. ultim. Cod. de fideic. libert.* Nam si quo casu fieri olim potuisset, vt petito fundo lis æstimari non deberet, sed fundus ipse in condemnationem deduci ac deinde tradi & restitui, maximē id obtinuisset eo casu quo pupillaris*

pupillaris fundus petitus esset, cum sit ille omnium maximè inalienabilis, ex oratione Diui Seueri, nec cum per tutores petitur ob eum finè petitur, vt eum alienent, sed vt is pupillo restituatur. Et rursum si quo casu admisisset Vlpianus, quod sub eius nomine à Triboniano scriptum est *in l. qui restituere* 68. *De rei vindic.* auferendam manu militari possessionem ei, qui in iudicio vindicationis rem petitam restituere iussus à iudice cum restituendi potestatem haberet, parère noluisse, pro pupillo maximè & in fundo pupillari petito locum id habere debuisset. Cur enim deterioris condicionis esset pupillus, quàm cæteri, qui ferè in aliis omnibus est uelioris? Et tamen vtrumque negat Vlpianus, & adhibendam manum militarem ad auferendam possessori victo possessionem fundi pupillaris, & prohibendam huiusmodi alienationem quæ sit oblata fundi æstimatione. Cum ait oblationem hanc & præstationem æstimationis parère alienationem: Allata etiam hac ratione, quòd non sponte tutorum fiat. Nam imò verò sponte tutorum fieret, essetque alienatio merè voluntaria, non autem necessaria si fuisset in potestate iudicis qui fundum pupillarem esse pronunciaisset, fundum ipsum in condemnationem deducere ex Triboniani sententia & ratiocinatione *in dist. l. ultim. Cod. de fideic. libers.* Itémque in potestate tutorum implorare auxilium manus militaris ad cogendum possessorem iam victum parère arbitrio iudicis & restituere. Iuxta *dist. l. qui restituere* 68. *De rei vindic.* Adicit deinde Vlpianus, *Idémque erit dicendum & si fundus petitus sit qui pupilli fuit, & contra pupillum pronunciatum tutoris quo restituerunt. Nam & hic valebit alienatio propter res iudicata auctoritatem.* Ergo, inquit interpretes, transfertur hoc casu dominium, vt probat nomen alienationis quo non alius actus significatur, quàm per quem dominium transferatur *l. 1. Cod. de fund. dotal.* Et quidem per sententiam solam, vt ostendunt verba illa *propter res iudicata auctoritatem.* Sed obseruandum primùm est quod interpretes fingunt se non videre, Etiam si verum esset, quod mox negabimus, transferri dominium fundi pupillaris in actorem qui per errorem aut per iniuriam iudicis pupillum viciisset. Non tamen id fieri potestate sententiæ, sed potius vi & potestate restitutionis quam à tutoribus factam esse Vlpianus ponit. Restitutio enim illa est quæ sicuti possessionem semper transfert, ita & cum possessione dominium transferre potest & solet cum à possessione separari proprietas non potest, vt scriptum est *in leg. per procuratorem* 8. *Cod. de acquir. poss.* Quia de causa factam fuisse fundi pupillaris restitutionem Vlpianus ait, Et similiter *in l. Pomponius* 13. §. *si iussu D. eod. tit.* ponit idem Vlpianus non tantùm præcessisse iussu iudicis, sed etiam secutam fuisse restitutionem, vt locum facere possit quæstioni De accessione possessionis, & de vlucapione. Quamquam nec bona consecutio est, vt per restitutionem quæ possessionem transtulit, translatum etiam sit dominium cum nihil veret proprietatem esse penes vnum. Possessionem verò penes alterum quia nihil commune habet proprietas cum possessione. Vulgat *l. naturaliter* 12. §. *nihil commune leg. penultim. eod. tit.* Vt in proposita specie post restitutionem fundi pupillaris à tutoribus factam possessio eius penes victorem reperitur, Dominium autem penes pupillum, qui neque per sententiam, neque per restitutionem quamvis ex iudicato à tutoribus factam dominium suum amittere potuit, quemadmodum in præcedentibus probauimus ex Papiniano *in l. 3. §. 1. D. de pignor.* cum qui per iniuriam iudicis vicit in iudicio vindicationis, tametsi res ei restituta sit nullam tamen pro illa re habere propriam actionem, qui tamen haberet vtiq; vindica-

tionem tanquam alius quilibet dominus, si per eam restitutionem dominum
 riatus esset. Tãtò magis autem in proposita specie id obtinet, quod fieri nequit
 vt non sit erronea sententia quæ fundum pupillarem declarauit esse alterius *d.l.*
& ex diuerso 35. §. 1. De rei vindic. Illi autem ipsi interpretes qui dominium per
 sententiam transferri volunt, excipiunt sententiam quæ per errorem lata sit vt
 videre est apud Andr. Fachin. *lib. 1. Controuerf. cap. 62. in fin.* Quod si vt hunc obi-
 cem declines, malis ponere victum fuisse pupillum per iniuriam iudicis, Quæ-
 ro cur plus valere debeat iniuria, quàm error iudicis, Aut cur deterioris condi-
 tionis debeat esse pupillus, qui per iniuriam quàm qui per errorem iudicis vi-
 ctus est, vt facilius vno casu quàm alio dominium amittat rei suæ? An non dignior
 est pupillus cui succurratur aduersus iniuriam, quàm aduersus errorem iudicis?
 Denique non fuisse apud Vlpianum rei pupillaris trãslatum dominium per sen-
 tentiam vt interpretes volunt, ex eo quoque apparet, quod licet Vlpianus dicat
 pronunciatum fuisse cõtra pupillum, & factam pupillaris fundi restitutionem,
 Attamen non ponit neque ponere potuit, factam esse restitutionem authorita-
 te sententiæ & in executione iudicati, quia prius iudicatum in iudicio vindica-
 tionis nihil aliud continet nisi hoc vnum *Videri fundum esse petitoris.* De resti-
 tuendo autem fundo nihil eiusmodi pronuntiatione continetur. Sed post eam
 sequitur arbitrium iudicis de re restituenda habetque semper arbitrium illud
 pro comite iursum & imperium restituendi, cuius arbitrij & iussus potestate re-
 stitutionem postea fieri necesse est si non malit is qui victus est offerre æstima-
 tionem & præstare quanti actor sua interesse in litem iurauerit, quasi pœne no-
 mine ob id quod iussui & arbitrio iudicis paritum non sit *d.l. qui restituere l. si*
cum dos 8. §. 1. & l. seq. D. ver. amat. l. ultim. D. de fideius. Ergo etsi tam verum esset
 quàm falsum est dominium rei petiti in iudicio vindicationis transferri in pe-
 titorem, Adhuc tamen falsum esset translationem eam fieri per sententiam. Fie-
 ret enim potius per restitutionem. Restitutio autem non tam in executione iu-
 dicati per quod nihil de facienda restitutione dictum fuerat, quàm vi & potesta-
 te arbitrij quod subsequi necesse est vt tandem possit iudex aut absoluerè reum
 si arbitrio pareat, aut, si non pareat, cõdemnare *d.l. Pomponius 9. §. si iussu De ac-*
quis. post. In eo namque iudicio vindicationis vt in cæteris omnibus arbitrariis,
 titia hæc diligenter distinguenda sunt quoties pro actore pronunciat, iudica-
 tum *Videri rem petitoris esse* Arbitrium & iussus de re restituenda, Postremò ab-
 solutio aut condemnatio quæ litem terminat. Quid ergo sibi vult Vlpianus cum
 ait in *d. vers. idemque erit dicendum, nam & hic valebit alienatio propter rei iudica-*
te authoritatem. Hæc enim verba sunt quæ interpretes omnes fecerunt, quasi
 Vlpianus senserit fieri hoc casu alienationem & consequenter translatione do-
 minij per solam sententiam & rem iudicatam. Respondeo nihil hîc Vlpianu di-
 cere aut sentire de translatione dominij quamuis de alienatione loquatur & se-
 paranda hæc esse si propriè ac partitè loqui velimus. Translatio quælibet domi-
 nij alienatio est, quomodo accipi debet quod scriptum est in *d. l. 1. C. de fund. do-*
tal. Sed non omnis alienatio etiam translatio dominij est. Fateor solam omisso-
 nem adeoque translationem possessionis non esse alienatione *l. non alienat 119.*
De reg. iur. Sed tamen fieri potest vt quis transferat in alium non modò posses-
 sionem, sed præterea etiam ius aliquod & quidem aliud quàm dominij. Vt puta
 si quis rem aliquam pignori dederit aut in feudum vel emphyteusim concesserit.
 Hæc enim omnia placet etiam alienationis appellatione contineri quamuis
 per huiusmodi contractus dominium nullomodo transferatur, ne bonitarium
 quidem

quidem *l. ultim. C. de reb. alien. non alienand. iun. & l. pignori 13. D. de usufructu. l. 1. D. si ager vestig.* Népe quia his casibus definit dominus polle de re sua pro arbitrio disporre quandiu durat ius possessoris, *d. l. l. l. debitorum 15. C. de pignori.* in quo tamen domini præcipua utilitas consistit vulg. *l. in re mandata 21. C. mandat. leg. qua ratione 9. 9. ha quoque rei De acquir. rer. domin.* Sed & aliquando dicitur alienare is quoque qui id facit per quod ad alienationem perueniri possit & quidem in hoc ipso tractatu *De reb. eor. qui sub iust. vel cur. sunt sine decret. non alien. aut suppon.* Tam enim contra orationem Seueri facit tutor qui fundum pupillarem obligat quàm qui vendit, Cum eadem oratione Seueri utrumque prohibitum sit. Sed pignus ob hanc tantum rationem quod per mediam causam pignoris tandem ad distractionem perueniatur, siue de cõventionali pignore agatur *Tu. De distract. pignori. D. & C. sine de prætorio Tu. De reb. author. iudic. possid. ser. venund. aut de iudiciali l. 2. C. si in caus. iudic. pign. capt. sit. l. à Dino Pio 15. §. in venditione & pass. l. debitoribus 31. D. de re iudic.* In proposita aut quæstione, multò maior ratio est vt restitutionem fundi pupillaris à tutoribus factam qui in iudicio vindicationis succubuerint, pro alienatione accipiamus. Quoniam licet domini translatum non sit in victorem [vt ex eo constat quod adhuc vindicatio eiusdem fundi superest pupillo ipso iure, etiam contra victorem, quamuis si vindicet summo-ueri possit exceptione rei iudicatæ. Contra alium verò qui à victore ius nõ habet sine metu vllius exceptionis] inutile tamen remanet in persona pupilli qui eius rei nomine quandiu penes victorem erit neque actionem efficacem neque exceptionem vllam habere potest: Non actionem propter exceptionem rei iudicatæ quæ victori competit, & elidit actionem, Non item exceptionem quia post restitutionem non possidet: Exceptiones autem dentur possidenti tantum, sicut actiones non possidenti. Proinde negari non potest, quin pupillus hoc casu licet rei suæ dominium quiritarium retineat, definat tamen habere rem illam in bonis suis, ex regula *l. re in bonis 52. De acquir. rer. dom.* Vnde fit vt incipiat res esse in bonis victoris, qui scilicet si eius nomine conueniatur etiam à vero domino, exceptionem vtilem & efficacem contra eum habiturus sit quauis si possidere desineret nullam propriam actionem habere posset *dist. l. 3. §. 1. De pignori.* Quid verò refert an pupillus post restitutionem iussu iudicis factam actionem nullam ipso iure habeat, an talem habeat quæ per exceptionem elidatur? *l. nihil interest 112. De reg. iur.* Non abs re igitur alienatus haberi debet fundus pupillaris qui à pupilli vici tutoribus fuit restitutus victori, cum præter iacturam possessionis & commodorum omnium quæ possessionem sequuntur, nulla ei spes super sit rei recuperandæ nullaque penitus efficax in eam rem actio. In eoque tota vis & autoritas rei iudicatæ consistit, non vt transferat dominium quemadmodum putant interpretes, sed vt præbeat victori ius fundi in perpetuum retinendi, quia parit exceptionem quæ perpetua est. Parit autem tum quoque cum per errorem aut per iniuriam iudicis contra verum dominum malè pronunciatum est *dist. l. 3. §. 1. De pignori. dist. l. seruo 65. §. cum Prater D. ad SC. Trebell.* Et consequenter stulta quoque nostrorum in hac quæstione distinctio illa est, An iudex rem actoris esse pronunciauerit per errorem an non. Neutro enim casu transfertur dominium, Vtroque autem nascitur exceptio rei iudicatæ. Sicut & illa quam supradicto loco adfert Fachineus an traditio aliqua sententiam secuta sit necne. Nam neque traditio nuda hunc effectum habere potest vt transferat dominium nullo præcedente titulo habili ad domini translationem, cum inter titulos habiles non sit sententia iudicis *l. numquam nuda 31. De acquir. rer.*

domin. neque vera esset interpretum opinio quam nos impugnamus, si traditio necessaria esset in executionem sententiæ. Traditioni enim accepto ferenda esset dominij translatio non sententiæ, Vt suprà de restitutione diximus, quæ nihil aliud est quàm hæc ipsa traditio quam Fachineus requirit. Denique si sententia verum debitorem liberare non potest à naturali obligatione *l. Iulianus verum debitorem 60. D. De condic. indeb.* quæ nihil nisi iuris gentium obligatio est *l. cum amplius 84. §. is natura d. her. De regul. iur.* Quomodo fieri obsecro potest vt per sententiam adimatur, & transferatur dominium quod æquè est iuris gentium *l. ex hoc iure 5. De iust. & iur.* quòdque non faciliùs tollitur quàm obligatio iuris gentium. Nam neque dominia neque obligationes acquiruntur aut amittuntur, aut transferuntur nisi certis & legitimis modis, inter quos nemo vnquam ex prudentibus numerauit sententiam iudicis. At neque Tribonianus ipse *in l. si fundus 16. §. si plurius D. de pignor.* vbi concludit debitorem sub pignore condemnatum in maiorem quantitatem, quàm quæ debebatur, liberare nihilominus hypothecam si soluat id omne quod reuera debet quamvis non omne id, in quod fuit condemnatus. Totum enim illum §. Triboniani esse non Iureconsulti alio loco probauimus.

ERROR DECIMVS.

De sententia & lictione l. statulib. à ceteris 29. §. Quintus D. de statulib.



ALTER hic, & serè præcipuus locus est quo mouentur interpretes, vt putent ex sola sententia transferri dominium. Textus alioquin difficilis est & dignus de cuius lictione ac sententia separatim dicamus. Tractat ibi Pomponius ex Quinto Mucio questionem huiusmodi, Paterfamilias in testamento ita scripserat *si Andronicus seruus meus heredis meo dederit viginti* [sic enim legendum esse, non, vt vulgo decem bene Cuiacius ex sequentibus obseruauit, nec si euentior in libris nostris quàm ex numerorum notis error occurrit.] Deinde de his bonis cœperat controuersia esse inter heredem testamentarium & eum qui se dicebat legitimum. Qui se lege heredem aiebat esse, is eam hereditatem ad se pertinere contendebat. Alter qui hereditatem possidebat aiebat se testamento heredem esse. Benè omnia hucusque. Sequitur apud Pomponium *secundum eum sententia dicta erat, qui testamento aiebat se heredem esse.* Hic verò prima occurrit difficultas, quoniam sequentia ostendunt, imò verò in eo centumuirali iudicio victum fuisse heredem testamentarium, eundemque possessorem. Indèque dubitandi causa nascebatur, cùm Andronicus ea viginti millia quæ heredi dare iussus erat putaret se non nisi testamentario dare debere tanquam possessori & ei de quo solo poterat videri sensisse testator cùm in testamento condicionem adscripserat. Et pro herede legitimo non pro scripto dictam fuisse sententiam, aperitè Pomponius exprimit, cùm ait *Labeo hoc quod Quintus Mucius scribit ita putat verum esse si reuera lege ab intestato heres fuit is qui vicit.* Et cùm statim post subiicit, *Nam si iniuria iudicis vitiosus esset scriptus heres ex testamento.* Et rursum in illis

illis sequentibus sed verissimum est quod & Aulio Gellio rescriptum, Pesse dari pecuniam heredi ab intestato secundum quem sententia dicta est. Non potest igitur verum esse quod in præcedentibus legitur secundum eum dictam fuisse sententiam qui testamento aiebat se heredem esse. Et idcirco Iacob. Cuiac. lib. 2. Obser. cap. 7. emendandum ait esse hunc locum, & pro ea dictione *testamento* reponendum *lege*, ut appareat secundum eum dictam fuisse sententiam, qui se aiebat lege heredem esse, Testamentarium verò heredem victum fuisse. Verè quidem ut facendum necessarium est sed non satis probabiliter. Quis enim sibi fingat tam imperitum librarium ut pro *lege* scripserit *testamento*. Librario enim error hic omnino imputandus est, non interpreti, cum neque color aliquis iuris, neque reliquus contextus verborum huic errori suffragetur. Conuenientius ergo est ut pro *testamento* legamus *intestato*. Idem enim sensus est utriusque dictionis, & utraque coniungitur in dict. versic. *Labeo*. Procliuor tamen librario errandi occasio fuit, ut pro *intestato* legeret aut scriberet *testamento*, ut passim solet scribentibus in antithesis error facillè occurrere. Quamquam & librario & imperito etiam interpreti nonnullam erroris causam præbere illud potuit quod scriptum vidit in versic. *quapropter si viginti heredi scripto dedisset & res contra possessorem iudicata esset illum in seruute fore*. Nam cum in præcedentibus dixisset Pomponius Andronicum voluisse pecuniam ei dare secundum quem dicta fuisset sententia, hic verò ponitur data pecunia heredi scripto. Videbatur consequens ut ponendum esset vicisse illum qui testamento scriptus heres fuisset. Verùm animaduerrere debuit, quisquis ille fuit qui textum corrupit, mutari speciem in versic. *quapropter*. Ut ex noua hypothese & contraria quid in proposita respondendum esset clariùs intelligeretur. Idque ita esse apparet ex eo quòd in hac secunda hypothese ponebat Quintus Mucius datam fuisse pecuniam heredi testamentario, Cum tamen ab Andronico consultus fuisset cuiusnam potius dare pecuniam deberet quam adhuc neutri dederat an heredi scripto de quo solo sensisse testator videbatur, quomodo in iudicio centumuirali victus fuisset, An potius heredi legitimo & ab intestato, qui pro se sententiam obtinuisset: Quæ res me mouet, ut putem mutilum esse Quinti Mucij responsum, cum sequentia ostendant, non reliquisse Mucium indecisam quæstionem, sed ad eam apertè in fauorem legitimi heredis, secundum quem sententia dicta fuerat, respondisse, acpto responsi sui confirmatione, ut doceret quantum in hac quæstione pararet tribuendum authoritati rei iudicæ, subiunxisse in versic. *quapropter*, Aded verum esse quod dixerat, soluendam esse pecuniam heredi legitimo secundum quem sententia dicta erat, ut si forte festinantius eam soluisset Andronicus heredi scripto eidemque possessori hereditatis, contra quem postea pronunciatum esset, dici oporteret manere nihilominus eum in seruitude tanquam qui conditioni non paruisset. Et tamen si nihil addas aut suppleas, videntur præcedentia indicare quod negant sequentia, Quintum Mucium in id magis inclinasse, ut crederet nihil hac in re valere sententiam per quam legitimus hæres vicerit. Sic enim Andronici quæstio concepta erat. *Deinde Andronicus quærebat, si ipsi viginti dedisset* [hoc est legitimo heredi quæ posuerat vicisse] *quoniam secundum eum sententia dicta est futurus fore esset liber an nihil videtur sententia qua vicit in eam esse valere*. Quæ loquendi formula solent prudentes uti quoties in posterioris quæstionis parte magis inclinât, quam

in priorem, si aliud nihil respondeant. Quomodo hic nihil aliud à Q. Mucio responsum legimus, cum immediate subiiciatur *verf. quapropter*, quo vel solo articulo demonstratur illationem eam esse ex eo quod proximè dictum & responsum fuerat. Quid enim possis verbo inferre ex eo quod non dixeris, quamvis cogitaueris? Et verò manifestum est in eo *verf. quapropter* mutari & inuerti ex parte casum propositum. Tantùm abest vt ad quæstionem Andronici respondeatur. Certè quod sequitur apud Pomponium de nota Labeonis ad Q. Mucium his verbis *Labeo hoc quod Q. Mucius scribit, ita putas verum esse, si verum lege ab intestato heres fuit is, qui viciu.* non ad responsum Q. Mucij super Andronici quæbatione referendum est, sed ad illationem de qua proximius in d. *verf. quapropter*, quod & denotat articulus *hoc* semper ad proximiorum clausulam referendus. Sequitur enim *nam si iniuria iud. eis victus esset scriptus heres ex testamento, nihilominus eum paruisse conditioni ei dando & liberum fore.* Quæ verba, cum præsupponant datam fuisse à statulibero pecuniam heredi scripto, quod in Andronici persona non contigerat qui de hoc solo dubitabat vtri potius dare deberet, impugnant aut saltem limitant euidenter illationem illam Q. Mucij, per quam probare volebat, Non aliter conditioni parère posse Andronicum quam si pecuniam heredi legitimo daret secundum quem sententia dicta esset; Nempe, quia etiam si pecuniam dedisset heredi scripto antequàm fuisset ille cõdemnatus, quo casu videbatur statuliber magis excusandus quasi bona fide & ex testamento ei soluere interim debuisset quem testator heredem scripserat, quis possessor hereditatis erat, Attamen non idèò conditioni paruisset, idèòque in seruitute nihilominus maneret. Quasi sit hic casus vnus ex iis in quibus ex postfacto apparet, quid antè fuerit, vt in *leg. quadam 15. D. de reb. dub. l. quarta 98. §. 1. verf. rem autem D. de solut.* Cùm per sententiam postea contra scriptum heredem redditam constet numquam fuisse illum heredem, ne tùm quidem cùm pecuniam accipiebat. Quanto magis igitur, inquietabat Mucius, dicendum est non posse Andronicum parère conditioni si det pecuniam heredi scripto iam victo? Sic enim Mucius ratiocinabatur. Quid verò contra Mucium, Labeo? Impugnat non tam illationem ipsam, id est ratiocinationem & modum inferendi, quàm illationis substantiam, id est quod in illatione continetur, Negat quod Q. Mucius dicebat, Non paruisset conditioni statuliberum qui scripto heredi pecuniam soluerit antequàm victus esset, si modò non nisi per iniuriam iudicis victum postea eum fuisse constet. Idèòque contendit, nihilominus liberum fore, Nimirum quia soluit bona fide possessori hereditatis, & heredi scripto qui non modò hereditatis possessor erat sed etiam verè heres, Qui licet postea per iniuriam iudicis victus fuerit, non tamen debet ea iniuria statulibero nocere, cui nihil potest imputari *l. si seruus plurium 50. §. 1. de legat. 1.* vbi pessimè Cuiacius tollit negationem quæ omnimodo retinenda est, vt vel ex hoc maxime loco constat. Nam quod contrà scriptum videtur in *dict. l. 3. in princip. De pignor.* sententiam contra heredem latam nocere legatariis & libertatis quamuis non noceat creditoribus, ad eum casum pertinet quo iuste nec per iniuriam iudicis victus heres sit, vt ratio illa Papinianii probat *cum legata quidem aliter valere non possunt quàm si testamentum ratum esse constaret*, quomodo haud dubiè testamentum ratum est quod ipso iure valet. Valere autem necessariò ponendū est quoties ponimus heredem qui in eo scriptus fuerat victum per iniuriam iudicis fuisse. Benè igitur Labeo Mucium notauit, quod indistinctè dixisset, Nihilominus liberum fore illum qui heredi scripto postea condemnato pecuniam dedisset.

set: Cùm adhibere distinctionem illam debuisset, An iustè, an per iniuriam iudicis victus heres fuisset. Sed an idèd totam Mucij sententiam Labeo improbauit? hoc est, id quod ad propositam ab Andronico dubitationem respondisse Mucium credendum est; & in textu necessario supplendum, Non alij quàm heredi legitimo qui vicit, dari pecuniam debere? Minimè verò. Manet enim certa veràque illa Mucij responsio in fauorem heredis legitimi secundum quem pronunciatum est: Adeò vt neque adhibenda sit hac parte distinctio illa Labeonis, an iustè, an per iudicis iniurià scriptus heres victus proponatur. Semper enim posset imputari statulibero qui pecunià heredi scripto iam victo soluisset quātumuis per iniuriam pronunciatum fuisset: Solàque illa quæstio superesse posset, An qui heredi testamentario dare iussus fuerat possit soluere legitimo. Quod significare videtur Pomponius cùm ad Labeonis notam subiungit *sed est verissimum quod & Aristo Celsus respondit, posse dari pecuniam heredi ab intestato secundum quem sententia dicta est.* Sed tamen vt liberè fatear quidnam & quale hoc sit, non possum intelligere. Nā cùm dicimus posse statuliberum dare pecuniam heredi legitimo, supponendum necessariò est ratam manere ac validam dationem libertatis, quam tamen cerium est non aliter valere posse quàm si testamentum quo libertas data est ratum sit *d. l. 3. in pr. De pignor.* Quod porrò ratum nec esse, nec videri potest si heres scriptus iustè nec per iniuriam victus sit. Quid ergo superest obsecro, quod de libertate tractari possit, & de danda per statuliberum pecunia ad consequendam ex testamento irrito libertatem? Erit igitur illa distinctio hęc quoque adhibenda, Vtrum scriptus heres per iudicis iniuriam victus fuerit, an iustè, vt si iustè, non sit dubitandum quin debeat sententia nocere libertati *d. l. 3. in princ. De pignor. d. l. si seruus plurium 50. §. 1. de legat. 1.* Nisi per heredis scripti contrarietatem & quia se non defendit, fuerit ille condemnatus *l. si perlusorio 14. §. 1. De appellat.* aut nisi colluserit cū herede legitimo qui vicit, Quo casu nocet quidè libertatibus & legatis sententia si transeat in rē iudicatā, sed tamen permittitur illis appellare si velint *d. l. si perlusorio in princ. l. à sententia 5. §. 1. cod. tit.* Nā & liti adesse possent si mallerent quòd heredis fidem aut diligentiam suspectam haberent *d. l. si perlusorio l. si suspecta 29. D. de inoff. testam.* Extra quos casus nulla superesse potest quæstio de pecunia per statuliberū danda cui dari possit aut debeat, cū libertas nulla amplius sit quā ex pecuniæ datione consecqi statuliber possit. Si verò per iniuriam iudicis heres testamentarius victus sit, quoniam non nocet talis sententia libertatibus neque legatis, vt diximus. Eo demùm casu quærendū superest, An statulibero permittendum sit, vt pecuniæ dandæ conditionē, quam testator in persona scripti heredis impleri voverat, implere possit in persona legitimi heredis qui in hereditatis petitione vicit, An potius dicendum sit irritam esse libertatē, non tam vi & auctoritate sententiæ contra heredē scriptum latæ, quàm quod implendæ conditionis ratio nulla superesse videatur, cū in persona victi iam heredis testamentarij impleri amplius non possit. Et hoc certè verius est. Condiciones enim omnes etiam quæ in dando consistunt a ied personales sunt, vt impleri non possint in alterius persona, quàm eius cui dandum est, licèt proponas esse personā seruī, aut eius qui omnino sit incapax nec testamenti factionem passiuam habeat. Id enim est quod solemus dicere, Implendas esse condiciones in forma specifica *l. qui heredi 44. De condic. & demonstr.* vbi dicitur, Eum qui heredi dare iussus est seruo alieno instituto, non domino dare debere, sed ipsi seruo, quoniam ea quæ facti sunt non transeunt ad dominum. Sicut è contrario qui do-

mino dare iussus est, seruo dare nō potest, nisi dominus consentiat. Et in *l. Manius* 57. *ead. tit.* ubi ponit Iauolenus, Mazuo fundum legatum esse si Callimacho cum quo testamenti factionem non habebat testator, ducenta dedisset. Et sic conditioni parēre illum debere & ducenta dare, vt ad eum legatus fundus pertineat licet nummos non faciat accipientis. Quid enim inter est, inquit, vtrum tali conditioni parēre iubeatur an aliquo loco ponere, vel in mare deiceret? Neque enim illud quod ad talem personam peruenturum est, testamenti iure capitur, sed mortis causa. Imò quod magis est, nec heredi permittitur implere conditionem, nec in persona heredis illius, de quo in conditione actum fuerat *l. a testatore* 109. *ead. tit. l. qui Roma* 122. §. *Agerius De verbor. obligat.* nisi id expressim actum sit, vt heredi quoque liceat implere conditionem, vt in *l. 2. C. de pact. int. empt. q. vendit.* Denique qui vni dare iussus est, numquam alteri dare potest. Ob eamque nimirum causam necesse fuit lege 12. tab. fauore conseruandarum libertatum nominatim constitui, vt statuliber qui pecuniam aliquam domino dare iussus esset si à domino alienaretur, etiā emptori dare posset, eique dando ad libertatem peruenire, quemadmodum Vlp. noster in Fragmentis testator *Tit. 2. De statulib.* quod & hic locus de cuius interpretatione tractamus significat, cum ait *quoniam lex 12. tab. emptionis verbo omnem alienationem complexa videretur, nec interesset quo genere quisque dominus eius fieret.* Est enim hic locus ex illo Vlpiani textu necessariò explicandus, Quod à vulgaribus interpretibus ignoratum, à viro doctissimo quàm optimè explicatum est. Ergo si is qui seruo alieno dare iussus est, domino dare non potest, adeòq; nec si heredi dare iussus sit, quamuis seruus heres ipse numquam esse possit, sed dominus per seruum *dist. l. qui heredi.* Irémque si in persona quoque illius cum quo testamenti factio non est dandi condicio impleri debet *dist. l. Manius.* Quis credat eum qui heredi scripto dare iussus est posse implere conditionem dando heredi legitimo de quo dici non potest cogitasse vnquam testatorem? Nisi fortè proponas in eo testamento adiectam esse clausulam codicillarem ad tuendam etiam ab intestato testatoris voluntatem, vt in *l. 1. D. de iur. codic. l. ult. C. eod. l. Lucius pen. §. ult. de legat. 2.* De quo tamen verbum nullum apud Pomponium. Atqui, replicat Cuiacius, heres quoque legitimus verè heres est non minùs quàm testamentarius *l. lege obuenire* 130. *De verb. signif. l. 1. & 2. D. de hered. petis.* Andronicus autem iussus fuerat dare heredi. Verùm facilis responsio est, conditiones omnes testamentarias semper ex voluntate testatoris interpretandas esse *l. in condicionibus* 19. *l. pater Senerianam* 101. *De condic. q. demonstr.* Testatorem verò qui alium heredem scripsit, quàm quem legitimū habiturus fuisset, & conditionem adscripsit libertati Andronici *si heredi viginti daret,* non de herede legitimo sed de testamentario solò & sensisse & sentire potuisse, In cuius tamen persona inutilis sit condicio cum per sententiam victus est, quia heredi pecuniam dari testator voluit. Hic autem heres non est cum res iudicata pro veritate habeatur, Nisi ponas per iniuriam iudicis victum eum fuisse. Quo casu cum sententia non debeat nocere libertati, vt diximus, quid impedit quominùs pecunia ei dari possit etiam postea quàm victus est, si modò verè heres esse probetur? An ob id fortè deterioris conditionis esse debet, quòd victus sit quàm si factionem testamenti nullam habuisset? vt in *l. 1. Manius.* Non igitur verum esse potest, quod hī: ex Pomponio concluditur, & ideo hunc quoque ea lege conteneri *secundū quā sententia dicta est, & liberum futurū eum qui ei dedisset pecuniam.* Neq; enim lex duodecim tabularum emptoris nomine hunc heredem

heredē legitimū completi potuit, licet emptionis verbo alienationē omnē cōplexa sit. Alienationē namq; intellexit, quā ab herede ipso facta esset, Ne alioqui in eius potestate maneret facere alienando statuliberū, vt libertas intercederet ablata ei potestate implendæ condicionis. Et in persona emptoris qui heres non esset ac de quo testator non cogitasset, & in persona heredis qui dominus non mīssisset. Quare nō ad iuris recepti rationē, sed ad ius illud per duodecim tabulā si legem constitutum referri debet quod scriptum est *in l. si statuliber 6. §. statuliber. D. de statulib.* Statuliberū decem dare & liberū esse iussim si quinq; datis distractus sit, residua quinq; emptori dare debere. Itēq; quod *in §. seq.* si seruus totus statuliberū emerit tibi debere dari quod heredibus dare iussus est, Népe cūm emit ab omnibus heredibus quomodo emisse illū necesse est, vt totū emerit & acquisierit. Nā si duobus heredib. institutis seruus liber esse iussus sit *si decem heredibus de deru.* & ab altero ex heredib. venierit & traditus fuerit, pro parte tantūm alteri ex heredib. a quo nō venierit, dādo pecuniā liber erit *l. si duobus 32. cod. de iur. vbi* nil necesse est addi quod pleriq; addūt & alia parte emptori. Nā cūm super sit persona coheredis qui nec vēdidit, nec vēditioni consensit cui possit dari pecunia condicionis implendæ causa, licet non debeat ei dari nisi pro parte, quia pro parte tantūm heres est, & dandæ pecuniæ condicio inter coheredes ipso iure scinditur per legem 12. tabul. nil necesse est vt det emptori, quia sufficit vt per eum non stet quominus totam pecuniam iis det quibus à testatore iussus fuerat dare: Et quamvis non dederit nisi partem pecuniæ, plenam tamen & integram libertatem consequitur, quā pro parte acquiri ei non potest. Vt intelligamus ne quidem per legem 12. tabul. factum esse vt emptori omnimodo pecuniam dare statuliber debeat, Sed eo tantūm casu quo non aliter condicionem implere & ad libertatem peruenire statuliber possit. Non enim id egit lex 12. tabul. vt emptori consulere sed vt statulibero, & libertati. At verò in ea specie quam Pomponius ex Mucio & Labeone tractat, omnia sunt dissimilia. An enim potest videri heres scriptus alienasse seruum & hereditatem totam ob id solūm, quod de hereditate victus sit per iniuriam iudicis? An vicissim pro emptore habendus est heres legitimus qui vicit iouium & reluctantem heredem institutum? An foris ius aliquod & causam aliquam habere potest ab herede scripto, quem pronunciatum sit nullum ius in hereditate habere, aut vnquam habuisse? An non potius à lege si iussu vicerit, & quia legitimus heres ab intestato reuera fuit, aut quodammodo à iudice si per iniuriam iudicis victus fuerit, aut per errorem? Fareor legem 12. tab. emptionis appellatione omnem alienationem cōplexam fuisse, Sed nego alienationem vllam fieri cūm à legitimo herede scriptus vincitur. Nego legitimū heredē succedere in ius & in locū instituti siue iure, siue iniuria vicerit. Nego in ipso ergo persona impleri posse dandæ pecuniæ condicionē, quā in persona scripti heredis ex testatoris voluntate impleri debuerat. Neque verò possum mihi persuadere aut Q. Mucium, aut Labeonem, aut denique Pomponium contra sensisse. Nam quod ad Q. Mucium pertinet, nihil est apud Pomponium quod facere debeat, vt putemus heredi legitimo pecuniā dari cū voluisse. Imò potius, vt iam attigi, cūm posteriorem quæstionis propositæ partem ita conceperit *an nihil videatur sententia, qua vicit, in eam rem valere*, ostēdit satis in id se procliuorem esse, vt putet hac in re, id est quod ad causam spectat implendæ condicionis nihil ei prodesse debere quod vicerit, siue iussu, siue per iniuriam iudicis. Et cūm addit *quapropter si viginti heredi scripto dedisset & res contra pos-*

sefforem indicata esset illum in servitute fore. Non id sibi vult quod vulgè creditur, Potiorem legitimi heredis qui vicit, quàm instituti qui victus est condicionem esse debere. Sed ut tantò magis probet statuliberum hunc libertatem consequi nullomodo posse, Ait nihilominus liberum fore illum, etiamsi heredi scripto pecuniam dedisset quamvis ante sententiam: Non quasi pecunia heredi legitimo dari potuerit aut debuerit ad condicionem implendam [quod si esset, facillimè Andronicus libertatem consequeretur, saltem solvendo herum legitimo heredi] sed ut clariùs appareat intercidere libertatem cum neutri pecuniam dare Andronicus possit, Non heredi legitimo, quia in eius persona condicio adscripta non est, sed in persona heredis scripti. Non etiam heredi scripto quia licet per sententiam heres esse non desinat, nisi si fortè in querela inofficiosi victus esset *lex factio 43. §. ultim. D. de hered. insti. l. in substitutione 31. De vulg. & pupill. substit. l. circa 19. De inoff. testam.* cum tamen iustè victus est, apparet eum neque heredem, neque dominum vnquam fuisse ac proinde in eius persona condicionem impleri numquam potuisse. Nec dubitandum est, quin idem senserit Mucius, quod Labeo, Ita hoc accipiendum si reuera legitimus & ab intestato heres fuerit is qui vicit. Nam si per iniuriam iudicis, nulla ratio est cur ei non possit dari pecunia, qui reuera heres fuit, quique etiam post sententiam heres manet: I. quæ siue pecunia data sit ante sententiam, siue post, cum sententia hoc casu non noceat libertati, adeò ut nec statulibero necesse sit appellare. Tunc enim appellatio necessaria est, cum alioqui sententia paritura esset exceptionem rei iudicatæ, ut in *dist. l. à sententia 5. §. 1. si per iuriso 14. in princ. D. de appellat.* Sed tamen probare debet heredem scriptum per iniuriam iudicis victum fuisse. Quod in dubio præsumendum non est. Ideòque nec valde succensendum arbitror Mucio qui hanc Labeonis distinctionem prætermiserit quam nec Papinianus adiecit in *dist. l. 3. in princ. D. de pignor.* quasi sufficiat dixisse, Victum esse heredem scriptum, ut præsupponatur iustè victum fuisse. Videturque Papinianus hanc ipsam Mucij sententiam insinuare cum scribit, *Atqui aliud in legatis, & in libertatibus dictum est.* Scilicet à veteribus, inter quos fuit nobilissimus Q. Mucius Scaevola, ex cuius vnus scriptis fragmenta nobis aliqua supersunt, eaque per pauca. Quominùs videri mirum debet, quod suprà diximus intelligendum Papinianum de eo casu, quo scriptus heres victus sit iure, non iniuria. Cur non enim liceat nobis ad Papinianum notare illud ipsum quod Labeo ad Q. Mucium? Sed & quod per aduersariam scriptum est in vers. *Sed verissimum est quod et Aristoteli Celso rescriptis posse dari pecuniam heredi ab intestato secundum quem sententia dicta est.* non obscurè inquit aliud existimasse Quintum Mucium, itémque Labeonem, scilicet non posse dari pecuniam heredi legitimo, nec si iure vicerit. An ergo dicemus in iure tam aperto dissentisse Pomponium à cæteris? At si ita est, Existimavit igitur Pomponius, Et valere posse libertatem ex testamento nullo vel irritò, Et præsupposita libertatis validitate, In alterius persona dandi condicionem impleri posse quàm de quo testator dixerit & senserit. Quod vtrumque falsissimum est, & à iuris ratione alienum. Dicam igitur, quod res est, ab illo versic. *sed verissimum est,* ad finem vsque legis, omnia esse Triboniani, suam in iure nostro infirmitatem si quo alio vnquam loco, manifestissimè hic prodeuntis, & argumèto legis 12. tab. solidissimè abutentis, ut heredè legitimū in cōparationē victi testamentarij, haberet pro eo qui à vero heredē cnuisset!

omisset; Quasi alienata videri possit hereditas quam pronunciatum est ad legitimum heredem pertinere non ad testamentarium qui antea ipsam possederat. Eandemque Triboniani infantiam illud etiam detegit, quod in fine legis subiicit, *hunc autem, id est possessorem hereditatis, cui data esset summa, si vellet esset hereditario petitione, cum ceteris eam quoque pecuniam victori restituere debere.* Nam neque hoc ex ratione iuris defendi potest, ut heres scriptus teneatur heredi legitimo qui vicerit restituere, quod à statulibero accepit implendæ conditionis causa, cum non tam iure testamenti & ex iudicio testatoris, quam mortis causa id cepisse dicatur *dist. l. Manius 55. D. de cond. & demonst. l. si quis sub condicione 8. in fin. D. si quis omni. caus. testam. l. qui precio 8. D. de mort. caus. dona. & capian. l. nec vllam 13. §. sed si retenta D. de hered. petiti.* Et quamvis accepisset & iudicio testatoris, Non tamen necessaria esset consecutio, ut ided cogereetur eam pecuniam reddere legitimo heredi. Quia enim aliud cogendus sit heres scriptus, idemque victus restituere legitimo, nisi quoddam habiturus fuisset legitimus si testamentum nullum conditum fuisset, aut ex eo testamento heres nemo? Atqui si testator nullum testamentum fecisset, aut si scriptus heres non adisset, nihilominus pecunia statulibero ad legitimum heredem pervenisset, quia non potuisset, ut diximus, in eius persona statuliber implere conditionem, imò nec testamentariam vllam sperare & directam libertatem *dist. l. 3. in princip. De pignor. l. 2. §. 1. D. de inr. codicill. l. finem 9. D. de testam. autel.* Nulla ergo iniuria fiet legitimo heredi, quamvis non cogatur heres institutus, idemque victus pecuniam ei reddere quam à statulibero accepit. E contrario fiet iniuria heredi scripto si cogatur id reddere quod habuit implendæ conditionis causa & mortis causa potius quam iure testamenti. Nec tam iure hereditatis, quam occasione hereditatis, & quidem non quatenus hereditas esset, sed quatenus testamentaria. Adeoque si verum amamus non tam occasione hereditatis, quam per errorem & imperitiam cum valere testamentum crederetur, ut in *l. debitor 59. §. ultim. D. ad SC. Trebellian.* qui textus in hanc rem accommodatissimus est. Nam licet non quicquid venit in petitionem hereditatis veniat etiam in restitutionem fideicommissi, ut in fructibus cernere est *l. item veniens 20. & pass. D. de hered. petiti. iun& l. in fideicommissariam 18. ad SC. Trebellian.* Difficilius tamen est ut legitimo heredi restituere debeat testamentarius id quod occasione testamenti acceperit, quam ut heres grauatus restituat fideicommissario. Tamen enim grauatus heres quam fideicommissarius succedunt ex eodem iure, id est ex eodem testamento & ex eiusdem testatoris voluntate. Heres vero legitimus & testamentarius diuerso penitus iure, & ita diuerso ut nec simul possint vnquam succedere, nec vnus post alium cum causa testati semper impediatur causam intestati & contrà, Excepto singulari casu *l. si quis ita 82. De hered. instir.* Quamvis si statuliber implendæ conditionis causa soluerit pecuniam hereditariam, possit ea res inducere petitionem hereditatis, quia pecunia hereditaria est, ut contra Papinianum pro Sabino disputat Vipianus in *dist. §. sed si retenta.* Hæc cum ita sint, non est quod ij qui contra nos defendunt, Ex sententia transferri dominium ipso iure, locum hunc Pomponij nobis obiciant, in illis verbis *nec interesses quo genere quisque dominus eius fieret,* quasi sensus sit nihil interesse, an dominus quis fiat per hereditatem, an per sententiam, & quasi eadem sit potestas sententiæ quæ hereditatis ad faciendum heredem & dominum. Nam præter id quod ostendimus, totam hanc sententiam Triboniani esse non Pomponij, Etiam si maxime Pomponij esset,

nihil tamen autoritas eius nobis noceret. Sensus enim esset, Nihil interesse non an per hereditatem, an per sententiam quis fiat heres, quem certum est nisi per hereditatem fieri non posse *l. filiusfamilias* 18. *D. ad leg. Falcid. l. 1. & 2. D. de castro. s. pecul.* Sed an ex testamento, an ab intestato quis heres sit, quia tam hic quàm ille heres est: sed tamen neuter per viam alienationis, qui casus est quem lex duodecim tabularum de emptione locuta demonstrauerat: Denique cùm Pomponius ex *Q. Mucio & Labeone* tractet casum illum quo scriptus heres iure victus sit à legitimo, Non potest fieri, vt in legitimum heredem per sententiam dominium aliquod transferatur à scripto herede, qui nullum vnquam habuit. Sed habet legitimus heres totum ius suum à lege quæ cùm detulcrit ei hereditatem, quam ipse adeundo sibi acquisiuit. Vtique tam fuit heres & dominus ante sententiam quàm post victoriam, nec adiicere quicquam potuit sententia etiam quæ transierit in rem iudicatam, nisi vt hereditatis controuersiam pati amplius non possit à scripto herede. Quamuis libertatibus & legatariis integrum sit probare si possint scriptum heredem per iniuriam iudicis victum fuisse, vt non noceat eis res iudicata. *Ex d. l. 1. si seruum plurimum* 50. §. 1. *De legat. 1.* Longiores equidem in huius loci interpretatione sumus, ne partem interpretationis in Decadem sequent. reiiicere cogemur. Sed non potui tam obscura & elegans quæstio, tam matè à veteribus & recentioribus interpretibus tractata, & quæ tanta luce indigebat, paucioribus explicari, ne quis dubitandi scrupulus superesset.

ANTO:





ANTONII FABRI

IC. SEBVSIANI IN SVPREMO

SABAVDIÆ SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DECAS XCIX.

ERROR I.

De laudimio ex datione in dotem debit.



VARIÆ sunt nostrorum distinctiones & sententiæ in quaestione illa sæpius in foro & scholis agitata, Vtrum pro ea re quæ in dotem siue à paire, siue ab alio data sit, laudimium aliquod debeatur. Etsi enim stricti iuris ratio repugnare videtur quominus feudum vel emphyteusis in dotem dari possit domino præsertim in requisito vel non consentiente *Cap. 1. §. donare Qualis. olim poter. feud. alien. in 2. sib. fe. dor. lib. 2.* tam tamen obtinuit fauore dotium, ut p. sit, Non solum apud nos qui ex generali

cōsuetudine bona omnia feudalit & emphyteuticaria pro allodialib. habemus sed etiam apud ceteros qui iuris feudalis & emphyteutici naturā & regulas retinuerunt. Eo saltem casu quo alia bona allodialia nulla sint, quæ in dotem dari possint: Quo casu etiam statutum apud nos extat, De feudalibus quoque bonis ex hac causa obligandis & alienandis. Sed etsi consensus domini, ut vocant directi exigendus esset, ac ante omnia requirendus ex Iustiniani constitutione in *l. ultim. Cod. de iur. emphyt.* adhuc tamen fieri posset locus propositæ quaestioni de laudimio. Solet enim domini salvis iuribus suis cæteris consentire, ut in *l. 4. §. 1. quib. mod. pign. vel hyp. soluit.* nec consensum domini interuenisse ad aliud proficit, nisi vii ne commissio locus esse possit. Prima opinio est distinguendum, An feudum detur æstimatum & quidem tali æstimatione quæ faciat emptionem, an verò inæstimatum, Vt hoc posteriore casu & requirendus sit consensus domini & solui debeat laudimium, Priore verò contrā, neque requiri consensum domini, neque laudimium ei solui oporteat. Ita Specul. ex quorundam veterum quos refert sententiā, in *Titul. de locat. §. nunc aliqua vers. 110.* Hostien. in summa eiusd. *Titul. De locat. §. quā sit de natura. vers. numquid ergo.* Guid. Pap. *quæst. 40.* Aufser. *ad Decis. Capell. Tholos. 278.* Eamque communiorē esse interpretum opinionem testatur Amed. à Pont. *quæst. 29.* post Stephan. Betr. *consil. 380.* incip. *Duo sunt volum. 2.* & Andr. Tiraquell.

De verall. gentiliæ. §. 1. gl. 14. num. 95. & 108. Alij magis probant ut indistincte dicendum sit, Pro re in dotem data laudimium nullum deberi. Quam sententiam mordicus defendit Iason *ad dist. l. fin. num. 49. Cod. de iur. emphyt. & rationem* adfert quod alienatio hæc sit necessaria, Cum necesse sit dotes dari, ut possint mulieres nubere ad propagandam & replendam liberis hominibus civitatem. In quo præcipuus quidam reipublicæ favor elucet *l. 2. D. de iur. dot. l. 3. D. solus. matr. l. interest 18. D. de reb. auctor. iudic. possid. aliis l. 3. De priuilegiis ordinis.* Sunt & qui aliam rationem adferant. Quod dos succedat loco legitima, quam potest filia capere in corporibus hereditariis *l. scimus 36. §. repletionem Cod. de inoffic. testam.* Sicque ratiocinatur Io. Paponius in *synagm. lib. 13. Titul. 2. §. 24. & 33.* Addunt alij distinguendum esse an bona alia sint allodialia, quæ in dotem dari potuerint, ut si nulla sint, procedat eo casu sententia Iasonis, si uero sita aliqua, secus dicendum sit quod necessaria videri non possit alienatio bonorum feudalium vel emphyteuticorum quoties alia supersunt, in quibus constitui dos possit. Ita Crauet. *conf. 215. num. 6. & segg. Ex not. per DD. in cap. potius. Extr. de locat. Per text. in §. emphyteusim Nou. 7. De non alien. & perm. reb. eccles.* Exemplo eius quod alias dici solet de bonis fideicommissis subiectis non posse dotem constitui, si ex aliis possit, ut tractat Corneus *conf. 3. lib. 3. post nostros ad Auth. res que Cod. commun. de legat. ex l. mulier 22. §. cum proponeretur D. ad Sc. Trebell.* Addit ibidem Crauet. *num. 8.* Interdum tamen etiam si alia bona sita allodialia, permittendum esse patri, ut de bonis feudalibus vel emphyteuticis filiam dotet, Nimirum quoties filia est ex personis in inuestitura comprehensis, & ad quam post mortem vasalli vel emphyteutæ res erat peruentura. *Ex tradit. per Ias. in d. l. fin. col. 12. vers. Secundò iuxta proximam questionem quaro, & Rip. in l. qui Roma §. duo fratres De verb. obl.* Adde ut nec aliud hoc casu dicendum existimet, etiam si alienatio sit voluntaria. Sunt denique qui distinguant, Vtrum dos detur ab eo qui dotare tenebatur an ab alio, ut priore tantum casu procedat eorum sententia qui pro re in dotem data laudimium deberi negant, non etiam posteriore, quia non tantum favore dotis nitatur communis sententia, sed illa etiam potissimum ratione quam diximus, quod ex causa omnino necessaria fieri videatur, cum neque frater, neque alius quilibet extraneus dotem dare prohibeatur si velit, quamuis ut det inuitus cogi non possit. Fuitque olim hæc vna ex differentiis dictæ & promissæ vel datæ dotis. Dotem enim dicere, certis tantum personis concessum erat, Promittere vero vel dare dotem cuilibet licebat, eaque dos aduentitia dicebatur, & speciali nomine receptitia si eam extraneus sibi reddi stipulatus esset, ut Vlpianus in Fragmentis testatur *Tit. De dotib. ciu. l. 1. q. veteris iuris vestigium extat in l. promittendo 41. D. de iur. dot.* Nec desunt rursus qui in ea quoque dote quam pater dederit, distinguendum existimant, an dederit eam filiz, an genero, ut si filiz laudimium nullum debeatur, secus si genero, quia tunc supradicta distinctio adhibenda sit, An res in dotem data fuerit æstimata, an inæstimata. Et ita sentit Amedeus à Ponte *d. quest. 29. quamvis Crauet. supradicto conf. 215. num. 2.* hanc distinctionem nolit admittere. Quasi ex causa dotis omnimodo transferatur dominium, siue dotem pater det filiz *ex l. Pomponius Philadelphus 35. D. famul. vtriusq.* siue genero, ut in *l. does 9. C. de rei vindic.* Miror ego nec satis mirari possum in tanta opinionum & Doctorum varietate, neminem dixisse quod meo equidem iudicio dicere oportuit, Ex omni contractu dotali si modò res dotales traditæ sint, translaturumq; earum dominium, perinde atq; ex alia qualibet dominij translatione, laudimium deberi.

Mouet

Mouet me perpetua illa ratio quæ in superioribus Decadibus tam sæpe à nobis repetita, & inculcata est, quòd ex omni translatione dominij per quam nouus vasallus aut emphyteuta constituitur, laudimium deberi certum est, Non inspecto eo, An consensus domini ad transferendum dominium requirendus fuerit, necne: Aut an alienatio necessaria fuerit, an voluntaria, Quòd huiusmodi distinctiones ad commissi potius, quàm ad laudimij causam pertineant. Atqui certum est ex causa dotis quæ bene constituta sit traditione rei dotalis secuta dominium transferri in maritum qui dotem accipit, vt habeat vnde ferat onera matrimonij *d.l. doce iunct. l. pro oneribus 20. C. de iur. dot. & Tit. quib. alien. licet vel non infit. in princip.* Et si enim soluto matrimonio dos data & tradita ad eum qui dedit plerumque reuertitur, puta ad patrem si dos profectitia sit *l. iure sacrorum 6. D. de iur. dot. l. dos à patre 4. C. eod.* aut etiam ad extraneum si sit receptitia, aut denique extra hos casus ad mulierem ipsam, siue ex stipulatione expressa, siue ex tacita quam ei Iustinianus dedit *in l. vnic. C. de rei vxor. act.* dotis tamen causa perpetua est, quia datur eo animo & voto, vt penes maritum perpetuò remaneat, inquit Paulus *in l. 1. D. de iur. dot.* quod non alià ob causam monitū Paulus voluit, quàm ne dubitari posset quin dominium rei dotalis in maritum transferretur, quod transferri non solet ex causa temporali, vt ex illo Pauli loco bene Iacob. Cuiacius notauit. Ac quamuis plerisque iuris locis scriptū sit dotem esse mulieris non mariti *l. quamuis 75. eod. tit. l. si constante 24. §. si maritus D. solur. matr.* Id tamen ita accipiendum esse constat, vt dominium rei dotalis si quod est mulieris, sit nudum Quiritiarium, Bonitarium verò ad maritum solum pertineat, ita vt si quando in vindicatione cum eo mulier velit concurrere, sit ille mulieri præferendus *d.l. quamuis & d.l. doce,* quemadmodum alio loco explicauimus, aut vt rem dotalem à dote distinguì oporteat, & res quidem dotalis in dominio sit mariti, Dos tamen ipsa sit mulieris, quæ sola dotata dici potest, non maritus. Est enim dos ius quoddam vniuersale, quod penes mulierem residere nihil vetat ne alioqui dicendum esset mulierem quæ dotem marito daret hoc ipso indotatam fore, quod esset ridiculum *l. apud Celsum 4. §. sed etsi 21. D. de doli mal. except.* Nā quod sequitur in *§. apud Iulianum 22. ead. lege,* repelli posse maritum exceptione doli ex persona mulieris. Propterea quòd dos quam ab herede foci peti, intelligatur quæri filiz quæ per hoc dotem sit habitura, quasi nullū mariti ius sit in dote, sed mulieris duntaxat, ad eum casum omnino restringendum est quo maritus agat de dote post diuortiū, aut aliter solutum matrimonium, vt in *l. pure 5. §. si eum eod. tit.* Ne alioqui obftet quod scriptum est in *d.l. sed etsi & d. §. si eum,* Nulla exceptione repelli posse maritum ex persona mulieris, cum is petendo dotem nō tam mulieris, quàm suum negotiū gerat, qui non fuerat indotatam vxorē ducturus. Quod & satis apertè Iulianus expressisse mihi videtur, cum duobus locis tractās de muliere subiunxit *cui pecunia quæretur.* Non enim mulieri sed marito acquireretur pecunia quam ex causa dotis maritus peteret constante matrimonio, ideoque nec doli exceptione repelli posset ex persona mulieris. Quamuis tūm quoque cum agit post diuortium proprii doli exceptione repellendus sit *dist. §. apud Iulianum in fin.* vbi quod additur *licet videatur nulla dos filia vt ait quæri,* euidenter mendosum est legendūque illa pro nulla, vt constat ex præcedentibus in quibus eadem Iuliani sententia relata fuerat, illo loco intelligitur inquiri filia acquiri. Quo verbo intelligitur & sequenti illo *videatur,* satis innuit Vlpianus, acquiri reuera pecuniam marito, mulieri verò minùs propriè ac non nisi velut in consequentiam,

& ex causa quadam lucratiua, cùm tamen ad maritum pertineat ex causa onerosa *l. ult. §. si à fecero D. que in fraud. credul. ex promissione 19. D. de oblig. & ass.* Vnde fit vt in omnibus de dote quæstionibus magis spectanda sit persona mariti quàm mulieris *d. l. doce l. Titia 62. D. de iur. dot.* Planèque peritèrta est Tribonianus iuris prudentia in *l. in reb. u. 30. C. eod. tit.* cùm ait dominium rerum dotalium, mera quidem iuris subtilitate transire in maritum, sed tamen reuera esse mulieris. Cùm enim è contrario debuisset potius dicere, Earum dominium esse reuera solius mariti, iuris verò subtilitate esse mulieris quæ habet nudum quiritariu, tenere marito bonitarium, Aded vt etiam post solutum matrimonium esset olim necessaria mulieri actio de dote ad repetendam dotè, nec posset auctoritate propria nancisci possessionem rerum dotalium inuito marito si matrimonium diuorti solutū fuisset, aut inuitis vel ignorantibus mariti heredibus si morte mariti, Multò minùs heredes mulieris si ea marito prædecessisset *l. dote actio 9. §. pass. C. solut. matrim.* Tantùm aberat vt posset mulier res dotes vindicare tanquàm suas priusquàm fuissent ei restitutæ, & per retrotraditionem à marito vel mariti heredibus factam acquirere. Vt proinde dubitati non possit, quin à iuris ratione omnino alienum sit quod sub Iustiniani nomine Tribonianus induxit in *l. in reb. u.* vt rerum dotalium vindicationem habeat mulier quasi suarum proprietatū soluto matrimonio citra vllam dotis restitutionem: sicut & illud quod cùm directæ dominiū vindicatione vult concurrere posse hypothecariam. Vt si quis velit admittere dominium esse mulieris, det ei vindicationem, si negare, saltè hypothecariam ei concedat. Id enim est quod lex ait *vt sine ex naturalis iure eiusdē mulieris res esse intelligantur, sine secundum legum subtilitatem ad mariti substantiam peruenisse videatur.* Quibus verbis ostendit planè se nescire vtrum potius dicendum sit, & tamen quasi vtrumque simul dici possit, Et mulieris esse & non esse, quæ sunt contradictoria. Vtramque dat ei actionem & vindicationem dominiū & hypothecariam, sed tanquam optimo ad contradictionem euitandā temperamento, diuersis respectibus. Vindicationem scilicet tanquàm dominiæ & hypothecariam tanquàm non dominiæ cùm uenire res sua possit esse obligata *l. neque pignus 45. De regul. iur.* Nec videt contradictionem in eo semper manere quod hoc ipso vult, Eam rerum dotalium dominam & manere, & non manere. Nam si manet, quomodo potest habere hypothecariam, si non manet, quomodo vindicationem? Denique quomodo manere, & non manere? Hic nimirū applicanda esset diuersorum respectuum distinctio, ne videri possent ista contradictoria, qualia certè sunt. Nec debuit Tribonianus hac parte opponere ius naturale rationi iuris ciuilibus, quam ille subtilitatem legum vocat, Cùm si ius naturale ille intellexit, quod distinctum sit à iure gentium, defendi ea propositio nō possit quia iure naturali erant omnia communia, nec nisi à iure gentium cœpit distinctio dominiorum *l. ex hoc iure §. De iustit. & iur.* si verò ius naturale dixit pro iure gentiū, æquè falsum est, iure naturali manere res vxoris quæ siue à muliere ipsa, siue ab alio pro muliere traditæ sint marito. Quid enim tam rationi naturali conueniens est ex qua vni ius gentium æstimatur, quàm voluntatē domini rem suam in alium transferre volentis ratam haberi *l. qua ratione 9. §. ha quoque res De acquir. rer. domin.* Rursum qui fieri obsecro potest vt rerum dotalium dominium habeat mulier quas aut pater aut alius extraneus quilibet rectè tradiderit marito, non interposita mulieris persona. Nam & ita plerumque fit, & quod magis est, ita fieri omnino necesse est cùm dos à patre datur, quippe qui si dotem tradat ipsi filiz ac non potius genero nomine filiz nihil agit, propterea

pterea quòd ius patrie potestatis impediatur ne aut obligatio aliqua intra patrem, & filiam contrahi possit *l. imperator 50. D. ad SC. Trebell.* aut dominium à patre in filiam transire *l. 2. Cod. de inoffic. donat. l. siue emancipatus 17. Cod. de dot. ad l. donationes 31. §. pater D. eod.* Idque omnium optimè probat Papiniani responsum illud elegans quod extat *in dist. l. Pomponius 35. faul. ercisc.* licet eo passim nostri abutantur, ut defendant donationem & traditionem inter patrem & filiam ex causa dotis valere, quod nos in secunda Chiliadis huius parte ex præfesso confutauimus pluribus, & verum Papiniani sensum aperuimus. Debuerat igitur Tribonianus ad eum saltem casum restringere constitutionem, quo res dotales aliquando & ab initio, ut ipse loquitur, mulieris fuissent, id est cum mulier ipsa dotem dedisset ac res suas dotis nomine marito tradidisset. Numquam enim mulieris fuisse dici possunt ea res quas aut pater aut alius marito primùm tradiderit, non per mediam filiae personam, Nisi fortè hoc quoque privilegium mulieribus ac dotibus dare volumus, ut dominium quod ex causa dotis per traditionem marito factam marito acquisitum est ipsi etiam mulieri acquisitum intelligatur: Quod etiam si maximè quis sine lege ac ratione facere velit, numquam tamen persuadebit posse hoc admitti cum pater nomine filiae dotem genero dedit & tradidit, ut *in dist. l. Pomponius*, Ne alioqui traditio marito facta quam fingeremus factam mulieri plus posset ficta, quàm posset vera quæ si à patre facta esset filiae, nullum ut diximus in eam dominium transferret. Ex quo etiam intelligimus quàm verum sit quod suprà dicebamus, separandam esse in hac dominij quaestione causam dotis à rebus dotalibus. Nam cum pater nomine filiae dotem genero dedit & tradidit, filia quidem ipsa est quæ habet dotem [quis enim hoc casu eam indotatam dicat?] & tamen dotalium rerum dominium ad solum maritum pertinet, quod in mulierem à patre etiam volente transire nullo modo potest. Vnde petenda videtur elegans dubitandi ratio ad *l. etiam si 8. Cod. de iur. dot.* ubi mater quæ dotem pro filia dederat, pacta erat, Moriente in matrimonio filia, non dotem sibi reddi, quomodo stipulari debuerat, sed ut ea quæ in dotem dederat matrem sequerentur & ad eam pertinerent. Quæ stipulatio inutilis videbatur cum de dote ipsa restituenda non de rebus dotalibus interponi debuisset. Itaque non nisi ex æquitate stipulationem hanc Gordianus valere rescribit. His igitur ita constitutis, concludimus, Ex dotis constitutione ac traditione marito facta per eum qui dominus fuerit, sicuti dominium transfertur in maritum, ita & laudimium à marito deberi domino directo. Sed si fundus dotalis à patre traditus esset ipsi filiae, non genero, aliud probarem quia cum nulla hoc casu fiat translatio dominij neque in filiam obstante iuris potestate, neque in maritum quia traditio ei facta non sit à patre, licet maritus etiam ex voluntate & mandato soceri eius fundi fructus & redditus exegerit, ut *in dist. l. Pomponius*, Nullum quoque laudimium deberi consequens est. Et in hoc solo casu cum interpretibus sentio, sed alia quàm ipsi moueantur, ratione.

ERROR SECVNDVS.

De fundo dotali affimato vel inaffimato.



PRIMA illa est distinctio interpretum, ut diximus, cum quaerunt de laudimio quod pro re in dotem constituta & tradita petatur; An res dotalis tradita fuerit aestimata, an inaeestimata, ut si quid aestimata sit dummodò tali aestimatione quae faciat emptionem, laudimium omnimodo debeatur, Non etiam si inaeestimata. Quam distinctionem qui non probant, defendunt indistinctè laudimium pro fundo in dotem dato numquam deberi, ne tunc quidem cum fundus fuit aestimatus, etiam ad contrahendam emptionem dotis causa. Omnes, meo iudicio aequè malè. Sic enim sentio, semper pro dotali fundo cuius dominium ex ea causa siue in maritum, siue in mulierem translatum sit, laudimium deberi, tunc quoque cum aestimatus non fuit. Sed grauius errant posteriores quam priores, quoniam longe maior ratio est, ut pro fundo aestimato, quam ut pro inaeestimato laudimium debeatur. Vtroque quidem casu fundus dotalis sit mariti nec minùs is qui aestimatus non fuit, quam qui fuit, adeò ut quod magis est, fundus dotalis propriè is dicatur qui aestimatus non est, ut Iustinianus scribit in *l. vnc. §. cingens ex stipulatu C. de rei ux. act.* Verumtamen in fundo aestimato duplex ratio perempto vel deteriore aut meliore facto quid & quantum reddi oporteret, ut in *l. finier 21. C. de iur. dot.* Ideòque bene interpretes, cum de fundo dotali aestimato loquuntur, adiciunt *tali aestimatione qua faciat emptionem*, quia non omnis aestimatio facit emptionem, sed ea tantum quae sit eo animo contrahendae emptionis *l. 1. D. de aestimat. act. l. cum post 69. §. cum res D. de iur. dot.* Et si autem aestimatio fundi dotalis non facit emptionem simplicem sed secundum quid, id est dotis causa, cuius lègè diuersa ratio est ab emptione simplici, ut constat *ex l. quoties 16. cod. sit. eandem* tamen vim & potestatem habet quam simplex emptio, ad acquirendum irreuocabiliter marito dominium fundi dotalis. Et idcirco nulla ratio est, cur pro eiusmodi fundo laudimium deberi quis neget, quod alia qualibet facta venditione deberetur. Quid enim refert an dotalem rem vel emphyteuticam maritus emit, an alius quilibet? Aut quis dicat necessariam esse hanc alienationem quae per viam venditionis & emptionis fiat? Et si enim maximè concederem, quod nego constitutionem dotis esse alienationem necessariam, cum & matrimonium possit esse sine dote *l. 3. D. de iur. dot.* & quantula cumque summa dotis nomine data possit dotem facere, nec alius quam pater dotem filiae dare teneatur *l. capite 19. D. de iur. nups. l. vltim. Cod. de dot. promiss. l. cum plures 12. §. vltim. D. de admin. tutor. ita ut dicatur mulier habere dotem ex causa lucrativa l. vlt. §. 1. D. qua in fraud. credit.* Numquam tamen patiar, ut alienatio quae sit per constitutionem dotis aestimata dicatur necessaria, cum mera emptio & venditio sit sine qua constitutionem dotis inaeestimata fieri nò modò nihil prohibebat, sed etiam naturae dotalis contractus magis conueniebat. Nec me mouet quod Amedeus respondet *dict. quæst. 29.* Posse etiam in dote constituenda aestimationem esse necessariam propter modum constitutionis, cum non liceat a fallo totum feudum in dotem dare,

dare, vt neque grauato heredi, totum fideicommissum ſi de parte dotari congruè ſilia poſſit. Ex *Parif.conf. 16. num. 32. vol. 1. Purpur.conf. 343.* Nam hæc ratio concludit duntaxat æſtimationem totius feudi eſſe faciendam, non autem rei ſolius dotalis quæ ex feudo in dotem datur. Alioqui ſi ex tribus aut quatuor fundis feudalibus, vnus tantum in dotem datus ſit, quid proderit æſtimatum eſſe dotalem, vt ſciatur an dos tanta dari potuerit, ſi non cæteri quoque æſtimantur, ex quorum ſcilicet comparatione congruæ dotis proportio ſumenda ſit? Sed & cum totum feudum ſimul, & confuſe vno precio æſtimatum eſt, ſi vnus fundus ex tribus aut quatuor in dotem detur, quid neceſſe eſt eum æſtimari ſepatim, cum nihilominus ſciri facile poſſit non fore conſtitutionem ſupra modum congruæ doti? Finge quatuor eſſe fundos æquè bonos & fertiles, nec tamen æſtimatos. Quis non videat nulla etiam factâ, ſiue omnium, ſiue ſingulorum æſtimatione poſſe vnum ex iis in dotem dari, nec idcirco immodicam dotem fore? Denique talem æſtimationem ſatis eſſet fieri quandocunque poſtulante domino directo qui dotis conſtitutionem immodicam vellet dicere, idque ſumptibus domini qui eam conſtitutionem immodicam eſſe contenderet. At æſtimatio illa de qua nunc tractamus, planè alterius condicionis eſt. Fit enim inter ſolos coniuges ac pro ipſorum arbitrio, & ob id nec domino directo nocere poteſt tanquam res inter alios acta & eo inaudito. Alioqui vocandus eſſet ad ineundam æſtimationem ſi ad eos fines heret vt ſciretur quatenus diminutio feudi fieri deberet per dotis conſtitutionem. *l. de vnoquoque 47. D. de reſuſc. l. nam ita 39. D. de adopt.* Ergo tamen neceſſitas alienationis ad hanc rem aliquid pertineret, quod nos in præcedenti Decade falſum eſſe oſtendimus, nõ eſſet tamen hæc bona ratio propter quam dici deberet, Pro dotali fundo æſtimato laudimium non deberi. Cum hæc non ſolùm dotis conſtitutio ſit, ſed etiam venditio ac emptio & conſequenter voluntaria. Nec enim aut emere aut vendere quiſquam cogitur *l. non enim 9. D. rer. amot. l. nec emere 16. C. de iur. delib.* Neque illorum etiam diſtinctio recipi poteſt qui exiſtimant pro dote quidẽ æſtimata deberi laudimium, ſed non ſtatim cum facta emptio eſt, at eo demum tempore quo fundus remaneat penes maritum ex illa emptione. Accidit enim aliquando vt reſtituatur mulieri ſi maritus id eligat tanquam debitor, aut etiam mulier ipſa ſi mulieris fuit electio *l. plerumque 10. §. vlt. D. de iur. dot.* Et ſi namq; facultas eligendi ſemper differtur in tempus vſque ſolui matrimonij, tamẽ dominij tranſlatio non idcirco dilata videri poteſt, Cum per traditionem ex dotis ſimul & emptionis cauſa factam dominium ſtatim tranſferatur in mariu, Cuius & periculum eſt tanquam domini ſi ante factâ electionem ſiue cõſtante ſiue ſoluto matrimonio res perierit, aut deterior facta ſit *d. §. vlt. iunct. l. ſeq. iuxta eã electionem & emendationem* quam nos docuimus *lib. 7. Conſell. cap. 5.* Nã facultas electionis in fundo reſtituendo non tollit intellectum traditionis, vt verbis vtar Papiniani in *l. ſi patroni 55. §. vlt. D. ad Sc. Trebell.* quippe quam potiùs præſupponit, quandoquidem non alia de cauſa fundus reſtituendus eſt, quàm quia traditus marito fuit. Statim ergo laudimium debetur, nec tam inſpiciendum eſt, quid in reſtitutionem venire poſſit quod in dubio euentu poſitum eſt, quàm quid tranſlatum fuerit & alienatum, quod ab initio certum eſt: Non enim idẽd minus quid noſtrum eſt, quod eius dominium à nobis abire aliquo caſu ſperetur *l. non idẽd 66. D. de rei vindic.* Illa tantum dubitatio poteſt incurrere, An ſi mulieri fundus reſtituatur ex electione ſiue mariti, ſiue mulieris, laudimium ab ea reſtituendum ſit quod maritus ſoluerit. Et quidem ſi mariti electio fuit, non puto

laudimij restitutione onerandā mulierem, ne in mariti potestate sit facere conditionem eius deteriore, cūm debeat ille sibi potiùs imputare cur fundi restitutionem elegerit, Quandoquidem si precium restituere maluisset, de laudimij restitutione querendum hodie nihil esset. At si mulieris electio fuit, eadem ratio facere videtur vt condemnari debeat ad laudimij restitutionem quasi imputandum ei sit, cur fundum habere maluerit, quàm precium. Verùm cūm eligendo fundum vtatur iure suo nec quicquam in cōuentione dictum sit de laudimio in eum casum vicissim reddendo, Non puto faciliè permittendum vt huius laudimij restitutione mulier oneretur eiùsq; dos minuatur, nō magis quàm si dotem æstimatam maritus simpliciter accepisset: Quo casu sicuti nihil nisi præciū soluto matrimonio reddere debuisset, Ita nemo dubitat quin totum laudimionū onus sibi retinere deberet, perinde ac si rem aliam quālibet extra dotis causam emisisset. Nam & cūm inæstimatum fundum vir accepit in dotem, idem dicendū arbitror, Et laudimium deberi domino à marito, & ad onus mariti sic spectare, vt cūm dotem restituet, nihil possit ex dote pro laudimij indemnitate retinere. Nec simile est quod cūm venditio facta est sub pacto de retrouendendo, emptor cūm vëditori retrouendit, & precium totū, & simul cum precio laudimiū consequitur quod soluit, adeoque tamen si nondū soluerit, cūm sufficiat quod ad soluendum sit obligatus, hætenus saltem vt à venditore indēnitas ei repromittatur, si quando fortè à domino directo pro laudimio conuenietur, Vt solent pragmatici nostri dicere, & ruitiorum petitionem esse in rem laudimiorū in personam. Nā cūm intercessit pactū de retrouendendo, secuta quocūque retrouenditio fit ex cōtractus præcedentis necessitate, ideoque mirū nō est venditori laudimiū restituere emptori cui rem auferret pro qua laudimiū solutum est: Quasi id actum sit vt neque lucri neque damni quicquā ex ea venditione penes emptorem remaneat, quemadmodum solemus dicere cūm resoluitur venditio quæ facta fuerat sub lege cōmissoria vel sub pacto additionis in diem, Licet ex his causis quādiā resoluti ipso iure venditio pōt & fundus inemptus fieri laudimium nō debeatur, vt in sequentibus fortasse dicemus. At dotis causa perpetua est vt superiore capite docuimus, quoniam datur eo animo & voto vt sit perpetuū penes maritum. *d. l. 1. D. de iur. dot.* Et quod postea contingit aliquando vt eā restitui oporteat fit ex accidenti & non tantū præter sed etiam contra votum contrahentiū, ideoque attendi non debet. *l. nam etsi 15. in princ. D. de inoff. testam. l. scripto 7. §. 1. D. und. liber. l. Iulianus 26. vers. denique D. si quis omis. caus. testam. l. cum tale 72. in princip. De condic. & demonstr.* Sed & dici pōt, Facta retrouenditione restitui à venditore laudimiū emptori non tam ex iuris ratione quàm ex cōuentione quæ ea de re passim solet interponi, & quæ si nulla interveniret, aliud fortasse probandū foret, Quandoquidem nihil nisi venditionis præciū quod ab emptore accepit vëditor, ei reddere cogitur retrouendēti, vt in *l. 2. C. de pñt. int. empt. & vendit.* Constat aut laudimium quod pro re empta debetur, præcij partem nullam facere, nec precio imputari vllomodo posse, cūm licet ex causa venditionis proficiatur debitum laudimij, sit tamen extra causam ipsam vëditionis, & tale quid quod extrinsecus accidit, in consequentiam perfectæ iū emptionis, vt & sumptus qui ab emptore fiunt ad confectionem instrumenti, quos nemo diceret venditori redimentem cogendū emptori reddere si de eo nulla pactio intervenisset. Imputare namque sibi deberet emptor qui legem apertius non dixisset *ex reg. l. veteribus 39. D. de pact.* sibi que meliùs non prospexisset, quod hodie passim facere prouidi emptores solent, Et benè vel ob hoc maxime ne

ximè ne quia dubitationi locus relinquatur. Argumento est, quòd facta venditione certo vt fieri necesse est precio, si postea venditor velit eam rescindere ex causa læsionis immodicæ beneficio *l. 2. C. de rescind. vendit.* nò potest emptor ad excludendam læsionem intendere laudimij quod soluerit ac sumptuum in venditionem & instrumentũ venditionis factorum rationem haberi oportere, Nò alia vtique de causa quàm quòd nihil ista ad precium pertinent & extranea sunt venditioni, licet iis venditio causam dederit, Vt in Codice nostro docuimus.

ERROR TERTIVS.

Si dos sine per patrem siue per extraneum constituta sit, & tradita marito, siue æstimateda, siue inæstimateda. Et ad l. vnic. C. de inoffic. dotib.

NON valere dotis constitutionem & traditionem à patre factam ipsi filiz iam diximus ex ea ipsa lege quæ mouentur interpretes vt contrà sentiã, id est ex *l. Porponius Philadelphus 35. D. fam. l. c. sc. de eoq;* nec vllum ex ea laudimium deberi posse siue æstimateda siue inæstimateda dos proponatur. Nul^l ergo supradictæ distinctioni locus relinquitur, nisi cùm dos à patre data & tradita est marito, filiz nomine. Quo casu valere constitutionem & traditionem nemo dubitat, quamuis per eam fiat vt filiafamilias dotem à patre habere incipiat, & quidem veluti ex causa quadam donationis, vt scriptũ est in *l. ult. §. 1. D. que in fraud. credit.* Fit enim hoc per consequentiam nec repugnante iuris ratione quæ non solet impedire id quod fit per consequentias *l. 1. D. de auctor. & consens. tutor.* & ex quodam iuris ordine *l. cum vnus 12. in princip. D. de reb. auctor. indic. possid.* Sed si dos ab extraneo non à patre constituta sit, non distinguimus an mulieri ipsi data sit an marito, nec an mulier sit filiafamilias & in potestate, an sui iuris, cùm hodie filia quoque familias sit capax acquisitionis etiam inuito patre, ex *l. cum oportet 6. & l. ult. C. de bon. que liber.* Solo vsufructu ad patrem spectante, sed ita demùm hoc ipsum, Nisi ea lege datum sit ab extraneo filiz, ne ad patrem vsufructus perueniret. Hoc enim Iustinianus tandem ad priores suas leges addidit *Novell. 117. cap. 1.* vnde sumpta est *Auib. excipitur Cod. eod. tit. De bon. que liber.* Satis autem voluntatem suam declarat is qui dotem dat filizfamilias quòd nolit ad patrem vsufructũ pertinere, cùm dat ei vt habeat ipsa in dotem, siquidem dotis fructus ad maritum spectare convenit pro ferendis oneribus matrimonij *l. pro oneribus 20. Cod. de iur. dot.* nec vnquam capienda est ea interpretatio quæ fructus dotis ab oneribus matrimonij separet *l. cum pater 11. D. de pact. dotal.* Olim sanè aliud iuris erat : Nam si extraneus dotem dedisset ac tradidisset filizfamilias non marito, dominium per filiam acquirebatur patri, cùm iure vetere essent filijfamilias acquisitionis incapaces patre volente sibi acquiri, adeò vt ne momento quidem temporis acquisitio consisteret in persona filij aut filiz *l. placet 79. D. de acquir. hered. leg. 1. D. si à parent. quis maritum sit.* Acquisitum autem patri dominium non potuisset ignorante ac multò minùs inuito patre transire in maritum *l. si ego 9. §. si res D. de iur. dot.* fuissetque necessaria noua traditio quam pater ipse marito facere debuisset. Ob eamque causam passim videas prudètes nostros cùm de dote cõstitutæ & tradita tractant, semper ita loqui vt dicant dotem marito traditam fuisse non filizfamilias, aut promissam si de promissa dote disputent. Idè inque obseruant etiam cùm de alia

mulierē loquūtur quæ sit sui iuris, quia licet mulier quælibet sit capax dotis habendæ etiam filiafamilias *d. l. Pomponius*, non tamen capax est acquirendi domini ex causa dotis, sed necesse est transferri dominium rei dotalis in maritum, ut mulier dotem habere existimetur. Et quemadmodum non potest dos esse sine matrimonio, quamvis matrimonium possit esse sine dote *l. 3. D. de iur. dot.* adeo ut stipulatio dotis tacitam illam conditionē habere intelligatur, si nuptiæ sequantur *l. stipulationē 21. eod. l. cum multa 20. C. de donat. ant. nup.* ita neque potest esse dos sine marito, id est iam citò verū esse debet maritū factū fuisse dominum fundi dotalis, quā citò verum est mulierem habere dotem. Quinimō debet ius mariti ordine naturæ & intellectus præcedere, quia prius est ut maritus sit dominus rei dotalis quā ut dotem mulier habeat. Sicuti dicimus, legatum quidem tam citò facere rem legatam legatarij quā hereditas facit heredis res singulas, *l. legatum 80. de leg. 2.* sed tamen prius esse ordine intellectus, ut heres aliquis factus sit per aditionem, quā de legato legarij; dominio & acquisitione tractari oporteat *l. si nemo 9. D. de testam. tutel. l. si tibi homo 86. §. cum servus de legat. 1. l. ea quam 14. C. de fideic.* Proinde quamvis titulus dotis sit iustus & habilis ad transferendum dominium, vel ob hoc ipsum, quod causam habet perpetuam *d. l. 1. De iur. dot. iunct. l. doce 9. C. de rei vindic.* Si tamen ex causa dotis tradat quis rem mulieri, nuda traditio esse intelligitur, & cōsequenter inefficax ad dominium transferendum *l. numquam nuda 31. De acqu. rer. domin.* quia siue ante matrimonium traditio facta est, dos esse nondum potest, siue post cōtractas nuptias, penes maritum debet esse dominium dotis, nō penes mulierem, *dist. l. 1. d. l. si ego §. si res De iur. dot.* Penes maritum autem non aliter esse potest, quā si traditio illi ipsi facta sit *l. traditio 20. De acqu. rer. domin.* Vnde fit, ut quemadmodum querela inofficiosi testamenti non exerceatur nisi contra heredem & adita demū hereditate *l. Papinianus 8. §. unde si quis D. de inoff. testam.* [in quo differt à bonorum possessione contra tabulas quæ idē dicitur esse cōtra lignum *l. quod vulgo 19. De bon. poss. contr. tabul.*] nec querela inofficiosæ donationis nisi contra donatarium *l. 1. §. tot. tit. C. de inoffic. donat.* Ita nec querela inofficiosæ dotis nisi contra maritum, tanquam qui dotis remaneat dominus perpetuus, etiam soluto matrimonio cū morte mulieris quæ dotem dederat, solutum fuit *l. vnic. C. de inoffic. dotib.* in cuius specie mater proponebatur bona sua omnia dedisse posteriori viro in dotem, deque eo conquestos filios prioris thori quod eo modo fraus iis facta fuisset in legitima, de qua nullus querendi aut cōquerēdi locus viua matre esse potuisset *l. 1. §. si impubere D. de collat. bonor.* Rescribit verò Constantinus, audiendos esse filios, & admiittendos ad querelam inofficiosæ dotis, non ut tota dotis constitutio infirmetur, quemadmodum in alijs querelis inofficiosi testamenti & inofficiosæ donationis eveniret, ut alibi disputauimus, sed ad portionem vsque legitimam: quod aperte significat verba illa, & filijs concurrentibus emolumenta debita conferantur. Nam & ratio diuersitatis evidens est, quod hereditatis & donationis tituli sint lucretiui, quorū utilitatem & fructum heredibus ac legatariis eripi minùs iniquum sit. Dotis autem titulus onerosus quantum ad maritum propter onera matrimonij, *dist. l. vlt. §. 1. D. qua in fraud. credi. l. ex promissione 19. D. de oblig. & actiō.* quomodo veteres dotis dationem etiam inter donationes annumerarent, ut Iustin. refert in *l. cum multa 20. C. de don. ant. nupt.* scilicet ex parte dantis, non ex parte mariti accipientis, idcōque minùs ex dote quā possit marito auferendum est, qui non aliter uxorem ducturus fuit *l. Titia 62. in fin. D. de iur. dot.* Nisi cū dos à tutore

ritore constituta est ex liberalitate, quæ arbitrio pupilli sapè seruanda est. *l. cum plures 12. in fin. D. de admin. tutor.* Idque est, quod ait Constantinus leges legibus concordare promptum esse. Leges enim volunt ex viua parte non auferri dotem marito qui ea lege vxorem duxit non aliter ducturus. *l. pure 5. §. penult. D. de doli mal. except. l. si donaturus 9. §. 1. De cond. caus. dat.* Ex alia verò parte volunt etiam leges, vt certa portio quæ ob eam causam legitima dicitur, ex bonis parentum liberis reliquatur. *l. vlt. D. de bon. damn. at.* Sic ergo leges legibus concordandæ sunt, vt dotis constitutio quæ vniuersorum bonorum fuit [nulla enim lege prohibitum est mulieri bona sua omnia in dotem marito dare. *l. nulla 4. C. de iur. dot. l. mulier 62. D. eod.*] non quidem tota infirmeretur, sed hæc tamen vt saluam legitimam liberi habeant. Vt aliàs euenit, cùm parens ipse qui donationem inofficiosam fecit, vult liberis suis prospicere ne debita successione fraudentur, vt præueniat potestatem querelæ inofficiolæ donationis quæ donationem totam rescindere. *l. si tota 5. Cod. de inoffic. donat.* In quo tamen obseruandum est, quod nemo obseruat vix hodie locum esse viliū posse huic querelæ inofficiolæ dotis, & legi Constantinianæ, cùm ex Iustiniani constitutione in *l. vnic. Cod. de res vxor. action.* siue mulier ipsa dotem det, siue pro ea extraneus quilibet, intelligatur stipulatio tacita interuenisse de dote mulieri eiusve heredibus etiam extraneis soluto quodcumque matrimonio reddenda. Quæ res facit vt nō sit liberis prioris matrimonij necessaria querela inofficiolæ dotis, quia nec mariti lucro dos vnquā cedit siue ex matrimonio suo liberos aliquos habeat, siue nullos, nisi ponas expressum pactū intercessisse de lucranda tota dote. Cuiusmodi pactum valere certum est etiam in dote profectitia, quæ aliōqui ratione miserationis semper ad patrem reuerteretur. *l. si pater 12. in princip. D. de pact. dotal. iun. §. 1. 5. & 6. D. de iur. dot.* Nullum enim hoc casu liberis auxilium superesset nisi in querela inofficiolæ dotis, in qua illud ipsum temperamentum sequendum esset quod supradicta Constantini lex probauit, ac fortasse induxit, Vt liberi saluā legitimā habeant, & præterea nihil, si non alia Iustiniani cōstitutione prohibitu esset matri liberos ex alio matrimonio habenti plus in dote secūdo viro dare quàm ei dederit ex liberis cui minùs reliquit. *l. hæc edictalis 6. C. de secū. nupt.* Post quam legem concludendum est Constantini legem non solum superuacua esse hodie, vt Cuiac. loquitur in *Parat. ad Cod.* sed etiam abrogatam. Nec minùs quantum ad liberos naturales quorum scilicet ratio nulla haberi potest viuo marito, vt nec superstite coniuge, nisi hæc tamen vt boni viri arbitrio pasci eos oporteat. *Auth. licet C. de natur. liber.* Scilicet ex bonis quæ in hereditate matris defunctæ reperiuntur, si quæ sint non etiam vt querelam inofficiolæ dotis contra maritum habere debeant. Quidni enim mulieri liceat etiam naturales liberos habenti dare omnia bona in dotem marito ex quo sperare possit legitimos? Quare ad rē nō pertinet quod habēt etiam tales liberi querelā inofficiosi testamēti. *l. si suspecta 29. §. 1. D. de inoffic. testa.* Est enim fauorabilior querela inofficiosi testamenti quàm inofficiolæ dotis, vt ex eo constat quod rescindit testamentum in totū, hæc verò non nisi vsque ad legitimam, In proposito autem etiam si locum habere deberet pro naturalibus liberis, non posset tamen rescindere nisi vsque ad alimenta dicta. *Auth. licet.* Cur enim deterior condicio sit mariti superstitis quàm vxoris, nam nec Auth. illa loquitur de matre sed tantum de patre. Noua igitur lege opus esset vt ad hunc casum pro alimentis lex Constantini produceretur. Et hæc quidem de illius legis sententia & praxi dicta sunt quæ nos dicere oportuit, non solum vt il-

lius Titulū vim & potestatem nondum satis benè cognitam aperiremus, sed ob id maxime ut ostenderemus quā verum sit quod volumus dotis titulum habilem esse ad transferendum dominium in maritum non etiam in mulierē, quæ licet quandiu vivit, dotem habere dicatur, si tamen bona sua in dotem omnia marito dederit, & marito superstite moriatur licet superstitis quoque liberis ex alio matrimonio, nulla tamē bona reliquisse intelligitur, ex quibus citra quærelā inofficiosa dotis legitima liberorum possit detrahi. Ergo ut ad institutū de laudimio quæstionem redeamus, siue à patre qui filiam in potestate habeat, siue ab extraneo dos detur, tradi eam non mulieri oportet sed marito, ut dominium in eum transferatur: Et consequenter omni casu laudimium à marito deberi fatendū est tanquam qui dominium nactus sit, & quidem ex causa non necessaria sed merè voluntaria, siue personam mariti inspicias, in cuius arbitrio fuit aut nullā uxorem ducere, aut indotatam penitus, aut saltē minūs dotatam *h. si patre eogente 22. D. de rus. nupt.* Siue personā extranei qui dotem dederit, cū veteres etiam dotem hac ratione inter donationes annumerarent, ut suprà diximus ex Iustiniano in *d. l. cum multa 20. C. de donat. ant. nupt.* Siue denique mulieris quæ dotem habere dicitur ex causa lucrativa & quodammodo donationis, tū quoque cū à patre illam habet *d. l. ult. §. 1. D. quæ in fraud. credit.* Nec ad rem pertinet quod patri ex officij necessitate incumbit, ut filiam dotē *d. l. ult. C. de dot. promiss. d. l. capite 19. D. de rus. nupt.* Neque enim dotis negotium inter patrē & filiam geritur, sed inter patrē nomine filiz & maritum cui traditio ut diximus facienda est: quo respectu ex utrāque parte sunt omnia voluntaria, Illa verò Paponij ratio minūs obstat, licet ab aliis probata, quod dos succedat loco legitimæ, cuius tamen debitum voluntarium esse nemo dixerit cū sit necessarium. Est enim hic alius error vulgaris interpretum quem nos in priore huius Chiliadis parte confutauimus, & ostendimus, dotē quidem quæ à patre vel alio parente data sit imputari debere in legitimā *ex l. quoniam Non. 29. C. de inoff. testam.* sed nō idē videri posse in locū legitimæ succedere, quæ nulladum debetur, eo tēpore quo dos à patre constituitur. Quare illud quoque impertinens est, quod idē Paponius adducit, Possē filiam accipere legitimā portionem in corporibus bonorum, Quo casu nullum utiq; pro legitima laudimium deberetur. Legitimam enim haberet filia in vicē portionis hereditariæ quam in hereditate patris sperare poterat, idēq; laudimium nullum deberet, sicuti nec si patri ex parte aliqua heres extitisset. At dotis dominium non acquiritur filiz cuius nomine dos datur, sed marito cui soli dos traditur & tradenda est ut probauimus, & cui tamen in bonis soceri nulla debetur legitima. Quidni ergo laudimium maritus debebit perinde ac si fundum dotalē ex alia quā ex dotis causa adquisiuisset? Nā etsi mulier quæ iam in bonis de functi patris legitimā cōsecuta fuisset, eam subinde nubens in dotē marito dedisset perinde dicerē hoc quoque casu debitum iri laudimium à marito, eādē penitus ratione. Neque ea res mulieris damno aut dotis diminutioni cedit, cū debeatur laudimium non à muliere sed à marito numquam illud ab vxore aut ab ipsius heredibus reperituro, ut superiore capite docuimus. Cū igitur placeat interpretibus nostris magis communiter laudimium deberi à marito cui fundus dotalis inestimatus traditus ab extraneo fuerit, ut Armedeus à Pontet testatur *diſt. quæſt. 29. post Steph. Bertr. cons. 315. volu. 31. part. 2. & consil. 57. volum. 7. Brun. consil. 44. in fin.* Nulla prorsus ratio est cur illud sentire debuerint in dote siue per patrem, siue per mulierem ipsam traditam marito. Quominus omni casu debeat laudimium sicut omni casu sit ille domi-

mus, nouusque emphyteuta per traditionem. Ex quo etiam responderi potest ad rationem illam quam in contrarium adducit Crauet. *consil. 215. num. ult. ex Angel. ad l. in suis 11. De liber. & posthum. & Dec. consil. 226. colum. 3.* quod dominium à patre in filiam continuetur, ita ut per mortem patris non tam nouum dominium acquiri filiz videatur, quam illud ipsum continuari quod iam habuerat uiuo patre *d. l. in suis l. 1. §. largius D. de success. edict.* Nihil enim hic de illa domini continuatione tractari potest, cum interrupta fuerit per traditionem à patre factam marito, in quem dominium fundi dotalis ita translatum est, ut moriente patre nec in patris, nec in filiz bonis esse dici possit.

ERROR. QVARTVS.

*Si aliqua bona sint allodialia, ex quibus constitui dos poterit
qua constituta fuit ex feudalibus aut fideicommissis.*

UT defendunt pro bonis feudalibus & emphyteuticis in dotem datis nullum deberi laudimium siue æstimata tradita sint, siue non æstimata, siue mulieri, siue marito, dum à patre nō ab extraneo, quam sententiam inordicus tuetur Crauet. *consil. 215.* ut suprā retulimus, iidem addunt exceptionem hanc & limitationem vnicam, si modò pater non habebat alia bona allodialia ex quibus dotare filiam posset. Nā si pater, inquit idē Crauet. *num. 7.* haberet alia bona, non posset filiam dotare de bonis feudalibus aut emphyteuticis sine consensu domini, quod hæc alienatio non posset necessaria dici aliis bonis existentibus, quemadmodū dici solet de bonis fideicommissis subiectis. *Ex notat. in Authent. res que C. commun. de legat.* Sed huiusmodi exceptio neq; accommodata est, neque bonam habet rationem: Dico non esse accommodatam, quia si verum est quod isti volunt, si bona nulla sint allodialia, laudimium nullū pro feudalibus & emphyteuticis in dotē datis deberi, Multò magis dicendum esset nulla deberi si essent aliqua bona allodialia, Et illa præsuppositio, quod existentibus aliquibus bonis allodialibus, non possit pater ex reliquis dotem cōstituere, facit potiùs ut nullus huic quæstioni locus fieri possit. Stulta enim quæstio est. An ex dotis constitutione quæ ipso iure non tenuerit laudimium aliquod debeatur: Aut si ponas dominum directum ex tali quoque constitutione laudimium petere, Stultior erit ratio quam adfert Crauet in contrarium, quod hoc casu bona feudalialia in dotem dari nequeant, Cum alienationi & dationi in dorem satis hoc ipso consentiat dominus directus cum ex ea laudimium petit, quæ expressa contractus adprobatio est *l. cum pater 77. §. qui dotale De legat. 2. l. cum vir 42. D. de usurp. & usucap. l. seruum Titij 49. D. mandat.* Nam & fatetur Crauet valere hanc constitutionem accedente consensu domini directi. Quidni verò, cum liceat cuilibet iuri suo & pro se introducere renunciare? *l. si index circumuento 28. D. de minor. l. pen. C. de pact.* Quid porrò interest an præcedat cōsensus domini, an sequatur? Nā & in eo iuris interpretes omnes cōsentiūt, sufficere etiā ad euitandā præiudicacitatis, ut dominus cōsentiat alienationi quādocūq; & eā sciens prudēsq; approbet, ut omnes notat *ad l. ult. C. de iur. em. hyt.* Imò & quātū ad petitionē laudimij interdū, & iuxta eas distinctiones quas in hanc rem adfert Amed. à Ponte *quæst. laudim. 15.*

quibus tamen nullus potest esse locus, cum approbatio contractus ex ipsa laudimij petitione inducitur. At neque verum esse puto quod vulgò creditur, si aliqua sint bona allodialia quæ ad congruam dotem constituendam sint sufficientia, ex aliis bonis aut feudalibus, aut emphyteuticis factam constitutionem ipso iure non valere: Cum enim hæc res habeat implicitam questionem facti, An alia sint bona allodialia necne, de qua necessariò ante omnia cognoscendum & pronuntiandum est, nec tam iuris sit quàm iurisdictionis, ut Papinianus loquitur in *l. inter tutores* 36. *D. de admin. tutor.* fieri nequit, ut talis constitutio ipso iure nulla esse videatur: quomodo elegàter ac subtiliter Claudius Tryphoninus ratiocinatur in sua ad Scauolam nota in *l. filia* 88. *D. de solut.* Maximè verò hoc apud nos obrinet ex veteribus statutis Sabaudia, quæ feuda etiam in dotem dari posse volunt & pro dotibus obligari, & alienari quoties bona alia nulla sunt, tum quoque cum etiam fideicommissi subiecta inveniuntur, quamvis eo casu duplex prohibitio legis concurrat quæ solet efficacior esse ad impediendam alienationem aut obligationem *l. ult.* ubi omnes norant *C. de reb. alien. non alienand.* Et ad *l. filiusfamilias* 114. §. *Diui. 2. de leg. 1.* & ad *l. ult. §. penul. C. commun. de legat.* Cur enim aut maritus in futurum, aut nupturam mulierem in eas velimus conicere angustias ut non priùs matrimonium contrahere, & de dote danda còuenire possint, quàm explorauerint, an bona aliqua sint allodialia, quæ in dotem dari possint, an nulla. Quamquam neque sufficeret id benè explorasse, nisi post alia bona reperta illud etiam exploraretur, an essent illa idonea ad dotem congruam constituendam: Quod ipsum vix aliter sciri potest quàm si omnium bonorum & feudalium & allodialium iusta æstimatio inearat, quæ porro nisi scientibus & vocatis omnibus quorum in interest, ac proinde ipso etiam domino directo iniri non potest Ex regula *l. de vnoquoque* 47. *D. de re iudic.* Quod si ita est, quis non videt, quantas hæc sententia moras & perplexitates obiciat contrahendo matrimonio, ad quod inuitari potius contrahentes deberent, & matrimonij quodammodo libertatem, quod magis est restringat? *l. cum in* 63. *l. Titio centum* 71. §. 1. *De condic. & demonst.* Quotus enim quique est qui iam duris & incòmodis legibus uxorem ambire & expectare velit? ac litium priùs quàm matrimonij fastidia experiri? Verius igitur est huiusmodi constitutiones ex bonis feudalibus & emphyteuticis factas valere ipso iure, tum quoque cum alia bona sunt allodialia, etiam quæ congruæ doti constituendæ forent idonea. Sed tamen postea reuocandas esse dummodò ex allodialibus satisfieri commodè marito possit *arg. l. Titia* 62. *D. de iur. dor.* Et reuocandas quidem, tanquam in fraudem domini directi factas. Quemadmodum solemus dicere de dote constituta ex bonis fideicommissariis, reuocari eam debere quasi factam in fraudem fideicommissi, nisi cum species talis occurrit qualis in *l. mulier* 22. §. *cum proponeretur ad Sc. Trebell.* in qua possis dicere cum Vlpiano, Non posse videri in euerfionem fideicommissi factum quod & mulieris pudicitia & parvis voto congruebat. Porro cum in alicuius fraudem alienatio facta est, constat non eò minùs valere ipso iure alienationem, ex eaque transferri dominium, Propter quam causam comparatum est iure Prætorio interdictum fraudatorium, & actio fraudatoria, quæ alio & elegantiore nomine dicitur reuocatoria, & ab inuẽtore Pauliana, de qua in *inst. Quæ in fraud. credn. D. & C.* Neque tamen ea actione aliud còsequitur actor nisi ut rescindatur per Prætorè traditio quæ in fraudem facta fuerat, & per quã translatum erat dominium, non ut dominiū Quiritiariū quod per traditionem alienatum fuerat in acquirentem, licet fraudis participè ei auferatur, & ad pristinum

pristinum dominum recurrat. [Prætor enim sicuti nō potuit facere legem neq; legi similem constitutionem, ita nec dominium quiritiarium aut dare, aut adimere §. quos autem *Inst. de bonor. poss.*] sed vt rescissa traditione ac pro eo habita quasi numquam facta esset, res alienata perinde habeatur ac si in bonis debitoris mansisset, vt possit venire in venditionem vniuersalem bonorum debitoris, à quibus per alienationem discesserat, quemadmodum explicat Iustinianus in §. *item si in fraudem Inst. de action.* Deniq; per hanc actionē fit debitor inuitus dominus bonitarius eius rei cuius antea erat quiritiarius: idq; in fauorem actoris duntaxat, de fraude sibi facta conuerentis: Quinimò nonnumquam euenit vt fraus alienantis impunita sit, puta si emptor aut alius acquireret fraudē nō participauerit *L. & tot. ill. ut. D. que in fraud. credit.* Aut si pater in fraudē fideicommissi quod post mortē suam filio suo restituere rogatus est, multa ex bonis fideicommissis alienauerit, vt in *L. Imperator 50. D. ad SC. Treb.* vbi dicitur patrem hoc casu eam suæ fraudis pœnā pati ex rescripto Diui Hadriani, vt dampnū conditionis ei infligatur, id est vt fideicommissum quod fuit in diem incertū atq; ita conditionale, habendū sit pro puro, statimq; restituendū filio, non quasi emancipato, sed potius quasi militi, ita vt quandiu filius viuat, nihil in iis bonis pater iuris habeat. Nec aliud est si heres rogatus de restituendo eo quod ex hereditate supererit, alienet omnia aut maiorem hereditatis partē in fraudem fideicommissarii. Nā & hoc casu alienationes valere constat adeò vt nec rescindi possint, quia ad hunc casum neq; interdictum fraudatorium, neq; actio Pauliana pertinet. Solā q; superest eo nomine personalis actio fideicommissario contra heredē qui alienauit si dolo malo in ea re versatus probetur, quia supradictis fideicommissi verbis, De restituendo eo tantum quod supererit, bonam fidē inesse constat, vt Papinianus ait in *L. Titius 54. D. ad SC. Treb.* quod quia olim minus vagum & incertum erat tanquam quod totum in arbitrio boni viri positum esset, sic tandem à Iustiniano restrictum & temperatum est, vt heres ita grauatus nihil supra dodrantem alienare possit, quoniam autem fideicommissario seruare teneatur nisi ex certis causis *Novell. 108. De restit. cap. 1.* vnde sumpta est *Auth. contra rogatus C. ad Treb.* Aliā tanē ratio est hodie bonorum quæ ex fideicommissis restituit debuerunt si interim alienata sint per heredem. Etsi enim quandiu pender dies aut condicio fideicommissi valet interim & tenet ipso iure alienatio non minus quàm olim *ex l. si heres 70. §. 1. D. eod.* Attamen eueniente quocumque die vel condicione, alienatio incipit ipso iure non valere propter auctoritatem constitutionis Iustinianæ quæ fideicommissi alienationem fieri hoc casu prohibuit, & alienationes omnes irritas fecit in *d. l. ult. §. pen. Cod. commun. de legat.* Alienationis enim prohibitio præsertim facta per legem, quæ rerum omnium domina & regina est, omnem impedit translationem dominij *l. ult. C. de reb. alien. non alienand.* Sed cùm Iustiniani *Novell. 39. De restit. & ea qua patitur mens.* vnde sumpta est *Auth. res quæ C. commun. de legat.* sic ab interpretibus ferè omnibus accepta sit, vt pro dote ac donatione propter nuptias, siue constituenda, siue restituenda possint bona fideicommissis subiecta & alienari & obligari, eo saltem casu, quo alia bona nulla sint, quæ iucere queant, quod vetere statuto Sabaudicæ apertius expressum est, iūm quoque cū eadem bona quæ fideicommissis sunt obnoxia etiam feudalibus reperiuntur [id enim plerumq; in nobilioribus familiis accidit] Apparet hūc euenire necessariò quod supra diximus, vt propter implicitam facti quæstionem, quæ non iuris sed iurisdictionis est, Aut alia bona sint, extra causam fideicommissi quæ doti congruæ sufficiant

necne, Non possit dici, Nullam esse ipso iure alienationem quæ aliquo casu potest esse valida *arg. dist. l. filia 88. De solus.* Sufficit enim ut aliquem casum utilem habere possit *l. Stichus 39. in fin. D. de testam. manum. l. heres a debitore 21. §. cum tu & Titius D. de fideiuss.* Quod si non ipso iure nulla est, fateri statim oportet, Ex ea igitur transferri dominium, cum alienatio nihil aliud sit, quam dominij translatio *l. 1. Cod. de fund. dosal. l. alienatio 28. l. alienatum 67. De verbor. significat.* Porro quoties dominium transfertur, & per consequens nouus aliquis emphyteuta constituitur, laudimium domino directo debetur, qui nouum hunc emphyteutā admittit. Ergo ex dotis quoque constitutione, quæ ex bonis aut feudalibus, aut emphyteuticis, aut fideicommissariis facta sit, laudimij petitio omnimodo competet, etiam si proponas alia esse bona, ex quibus æquæ congrua dos constitui potuerit, quia etiam si maxime id verum probaretur, nihil tamen aliud ex eo inferri posset, nisi quod reuocanda esset dotis constitutio tamquam facta in fraudem domini directi aut fideicommissarij, & ex aliis bonis supplenda ne maritus damno adficiatur, ut in *l. Titia 62. D. de iur. dot.* Sed non faceret ea res quominus verum maneret translatum semel fuisse dominium, quod sufficit ut laudimium debeatur. Alioqui dicendum esset, Nullum quoque laudimium deberi posse ex alienationibus quæ per Paulianam postea reuocari sint, aut reuocari quandoque possint, quod tamen esset ridiculum. Quid enim domini directi interest, an alienatio in fraudem facta sit, an non, aut an reuocata sit, necne. Nam neque de fraude tractandum est, nisi cum tenet alienatio, neque de reuocatione si alienatio non teneat ipso iure. Aut si quis contra sentire velit, fateri eum oportebit. In omnibus huiusmodi actionibus reuocatoriis ita obseruandum, ut nihil inaudito domino directo constituatur, Ne ipsius inauditum & ignorantis ius lædatur, & quod iam ei quæsitum est auferatur contra *l. ultim. D. de pact. iunct. l. de unoquoque 47. D. de re iudic. l. nam ita 39. D. de adopt.* Multum tamen interest, an de his bonis tractemus, quæ in fideicommissi fraudem alienata sint, an de iis quæ in fraudem domini directi cum essent feudalialia vel emphyteuticaria. Nam in iis quæ fideicommissi sunt obnoxia, utrumque procedit quod diximus, Ut & laudimium domino directo debeatur, & nihilominus alienatio in fraudem fideicommissi facta reuocetur si appareat ex aliis bonis alio dialibus æquæ congruam dotem constitui marito potuisse, quia scilicet nihil commune habet ius domini directi laudimium ex dotis constitutione petentis, cum iure fideicommissarij nihil nisi fideicommissum, & alienationis reuocationem persequentis. At in bonis feudalibus aut emphyteuticis, non possunt hæc simul stare, ut & dominium quod per dotis constitutionem translatum fuerat in maritum dominus directus reuocet tamquam in fraudem suam alienatum, & nihilominus laudimium petat, Quandoquidem laudimij petitio manifestam approbationem inducit, quæ reuocandi ius & facultatem omnino extinguit. Est igitur hæc quæstio & Craueæ traditio *dist. conf. 215. num. 7.* inutilis & ociosa propterea in bonis feudalibus & emphyteuticis. Utiles tamen & digna quæ à nobis tractata sit in bonis fideicommissariis dotis causa traditis, si dotis constitutio & traditio in fraudem fideicommissarij facta probeatur. Nec enim dotis fauore Paulianæ & reuocatoriæ actionis potestatem tollit si maritus quoque fraudem participauerit *dist.*

l. ult. §. 1. D. que in fraudem

credul.

ERROR QUINTVS.

Si domino ignorante maritus pactus sit de lucranda dote qua fueris constituta ex bonis feudalibus vel emphyteuticis. Et de augmento dotis consuetudinario.

STATUTA pleraque sunt in Italia de lucranda per maritum in multis casibus vel tota dote vel saltem parte dotis, Præsertim verò in casum, quo mulierem præcedere contingat nullis ex matrimonio superstitibus liberis. Nec quisquam dubitat quin eiusmodi statuta valeant, quia & per pactum id fieri posset etiã in dote profectitia quæ alioquin ad patrem ratione miserationis reuertetur, nullis maxime liberis interuenientibus *l. si pater 12. D. de pact. dot. al.* quauis in eum casum, quo maritus præcederet, tale pactum seruari non oporteret *l. 2. eod. tit.* Ne scilicet mulier aut indotata penitus eo pacto, aut minus dotata efficeretur. Vulgare aut nostrorum brocardicum est, Ea omnia quæ per pactum fieri possunt, etiam per statutum fieri posse, & contrã, Ex Bart. & alijs *ad l. ult. §. 1. D. ad SC. Terryll.* quod an verè dicatur in secunda huius Chitiadis parte disputauimus, neque huius est loci. Sed hæc quidè statuta & pacta indubitatè valent, cum dos in bonis allodialibus constituta est, de quibus liberè ac pro arbitrio disponere contrahentes potuerint: At cum de bonis feudalibus, vel emphyteuticis agitur in quibus dos fuerit constituta, Dubitari sæpe solet an ex iis bonis lucrum dotis cõsequi maritus possit, si dominus directus dationi dotis cõsenserit non etiam pacto de lucranda dote, siue lucrum hoc sibi maritus vindicet ex pacto, siue ex statuto. In qua dubitatione statim occurrit interpretibus vulgaris illa distinctio, An dos constituta sit ex necessitate, id est à patre vel ab alio ex ascendentibus qui dotare tenentur, an ab extraneo, & ex mera voluntate. Nam priore casu volunt nullum deberi laudimium non magis pro lucro dotis, eueniente casu lucri, quàm pro ipsa constitutione dotis, Posteriore verò admittunt laudimium deberi. Sed exigunt tamen utroque casu vt in tali pacto de lucranda dote consensus domini directi interueniat. Ex *not. in §. donare Tit. qual. olim poter. feud. alien.* Aded, inquirunt, vt etiamsi dominus consentiret quod feudum daretur in dotem, si tamen expressim non consentiret pacto de lucro dotis, non posset maritus lucrari dotem ex pacto, Ne quidem stante statuto quòd maritus dotem lucrari debeat aut partem dotis. Sic enim Bart. *conf. 346. incip. puncta volum. 2.* & Brun. *consil. 286. in fin. volum. 3.* quos refert & sequitur Amedeus à Ponte *dist. quæst. 29.* Nisi quòd in casu statuti dubitat, Propterea quòd is qui vult antecedens, velit etiam omne id quod est consequens ab eo. Ex Crauet. *consil. 79. numer. 4.* præsertim si dominus statuta non ignorabat. Ego nihil horum omnium probare possum. Non illud primùm, quod aiunt, Alienationem quæ fit per pactum de lucranda dote eueniente casu lucri esse necessariam quoties apponitur in ea dote quæ ex necessitate constituta fuerit, hoc est ab eo qui dotare tenebatur. Nam vt maxime verum esset quod nos in præcedentibus negauimus, necessariam esse alienationem quæ fit ex causa dotis per patrem constitutæ, quia dos non in filiam alienatur, quæ dotanda est, sed in maritum cuius respectu sunt omnia voluntaria, Non esset tamen bona consecutio vt ea quoque alienatio quæ pactum de lucranda dote casu lucri eueniente cõsequeretur, æquè dici deberet necessaria,

cum nil necesse sit tale pactum adiici, nihilque prohibeat & filiam nubere, & ei dotem congruam dari, nec tamen de dote dotisve parte lucranda quicquam pacisci. Est enim hoc pactum ex utraque parte tam mulieris quam mariti plane voluntarium longèque illi dissimile, quod apud nos frequentatur de augmento dotis mulieri constituendo, Cuius interponendi necessitatem ex eo intelligimus, quod tunc quoque cum interpositum non est siue per incuriam, siue per imperitiam contrahentium, aut notarij, pro interposito tamen habetur. Ad eoque si expressa conuentione dictum sit, ut vel nullum mulieri augmentum debeat, vel ut minus præstandum sit quam faciat dimidia pars dotis pecuniariz, aut tertia pars dotis in fundis & bonis immobilibus constitutæ. Dicimus tale pactum non valere, tanquam quod augmenti dotalis condicionem faciat deteriore. Perinde ac si dotem ipsam imminueret *ex l. Attulicinus 17. D. de pact. dot. al. ne à dote separaretur ea pars dotis quæ additamenti causa datur l. inter socerum 26. §. cum inter eod. tit. l. etiam si 8. Cod. de iur. dot. ut ex Senatus nostri sententia disputauimus in Codice De pact. conuent. tam sup. dot.* At pactum de lucranda dote in fauorem mariti, neque interponendum necessarium est, neque verò apud nos interponi ferè vnquam solet, utpote quod odiosum sit, & mulierum commodis atque vtilitatibus contrarium. Quonam igitur colore posset, obsecro, dici necessarium? Nisi ob id fortasse quod maritus non aliter fuerat matrimonium contrahiturus. Sed hoc ad necessitatem pacti nil pertinet, Alioqui dicendum erit nec pacti necessarij commodo priuandum esse maritum, qui in accipienda dote pactus sit de lucranda ea in casum, quo ipse prior, & saltem superstitibus liberis moreretur, quod tamen falsum est. Constat enim tale pactum seruandum non esse per quod mulier indotata, vel minus dotata constitueretur, ut in initio huius capituli diximus *ex dist. l. 2. D. de pact. dot. al.* Et tamen æquè posset maritus dicere non alia lege contrahiturum se fuisse, neque pacti sui commodo se defraudandum esse *l. vltim. Cod. de pact. int. empt. & vendit. l. 5. §. penult. De doli except.* Non igitur pacti necessitas ex eo sumi potest quod maritus non aliter contrahiturus fuerit, sed ex eo solo æstimanda est quod aliter contrahi matrimonium non potuerit. Quod certe pacto de lucranda dote nullo modo conuenit, quod numquam nisi ex contrahentium mera voluntate interponitur, Etiam iis in locis in quibus vigent statuta quæ citra vllam conuentionem lucrum dotis addicant marito. Nec enim statutorum huiusmodi mens illa est, ut omnimodo inuitis quoque contrahentibus maritus dotem lucraret, sed ita demùm si aliud nihil in contrarium actum sit. Semper enim sequi nos oportet id quod inter contrahentes actum dictumque est, nisi vel contra leges sit, vel contra edictum Prætoris, vel contra bonos mores *l. semper in stipulationibus 34. De regul. iur. l. iuris gentium 7. §. ait Prætor D. de pact.* Qua ratione suspectum mihi semper visum est ius illud quo tamen uti nos modò dixi, De improbandis pactis dotalibus, per quæ augmenti dotalis consuetudinarij quantitas apud nos minuatur. Nam & consuetudo, statuti exemplo, sic interpretanda est, si non aliud conuenerit, Nisi verbis consuetudinis quæ forè scripta esset, ut sunt apud nos consuetudines Augustanorum, talis conuentio esset prohibita. Quo casu dubitandum non esset, quin valere non posset pactum aduersus consuetudinem interpositum, quæ vim legis habet, non magis quam si contra leges interpositum proponeretur: Largaque videtur esse differentia inter pacta quæ dotis conditionem deteriore faciant quæ nos adinuitimus non valere, *ex d. l. Aulicinus 17. De pact. dot. al.* Et illa quæ dotalis augmenti quantitatem minuant, eam huiusmodi

huiusmodi augmentum non sit pars dotis à muliere vel pro muliere marito cōstitutz, sed ex mera mariti donatione ac liberalitate proficiatur, ideòq; potius sponsalitz largitati æquiparari debeat. De qua Iustin. *Nou. 119. vt sponsal. larg.* aut veteri illi donationi propter nuptias, de qua in *l. cum multa 20. & tot. st. Cod. de donat. ant. nupt.* cui certum est nullum certæ quantitatis modum præscriptum fuisse, in id vsque tempus, quo Iustinianus constituit, vt æqualitas esse debeat inter dotem & donationem propter nuptias *Nouell. 97. De equalit. dot. & propt. nupt. donat. & augment. dot. cap. 1.* Vnde sumpta est *Aurb. equalit. as C. de pact. convent. tam sup. dot.* quæ tamen constitutio vsu contrario abiit in desuetudinem, fiuntque quotidie pacta in contrarium, de quibus tamen longè probabilius dici posset ea non valere, tanquàm facta contra Iustiniani legem cuius authoritate priuatorum cautiones censi non debeant *l. ult. D. de suis & legit.* quàm de illo de quo nunc tractamus, cuius nulla in libris nostris mentio fit. Quod enim de additamento dotis scriptum est in *d. §. cum inter & d. letiam si & dist. Nou. 97.* ad eam pecuniam pertinet quæ ex parte mulieris datur marito, siue à muliere, siue ab alio qui pro muliere dotem dedit, aut promittitur ad augendam dotem prius datam vel promissam. Postquàm placuit etiam constante matrimonio augeri dotem posse *dist. l. cum mulie,* quamvis eo tempore interdictæ sint omnes inter virum & vxorem donationes. Neque inirum est quicquid iuris est in dote, id etiam obtinere in ea parte dotis quæ constante matrimonio augendæ dotis animo data fuit vel promissa, quoniam & ipsa quoque dos est. Non etiam pecunia illa quæ ex parte mariti datur mulieri, quamvis eodem dotalis augmenti nomine apud nos censeatur. Idque ita esse ex eo quoque apparet quod pragmatici etiam nostri admittunt, Mulierem quæ à priore marito augmentum hoc dotalē habuit, si nubat iterum non videri hoc augmentum secundo viro in dotem cōstituisse, quamvis totam primam dotem ei dedisse existimetur. *Ex l. dotem 30. D. de iur. dot.* qua tamen vt hoc quoque obiter adnotemus valde meo iudicio abutitur nostri, licet Duce Bartolo in *quæst. incip. Mulier amplum habens patrimonium,* Cùm Paulus in *dist. l. dotem,* de eo matrimonio secundo loquatur quod cum eadem persona contractum sit, quod sæpissimè olim accidebat in tanta licentia & frequentia diuortiorum, non quod inter alios. Diuersitas enim personarum eam interpretationem recipere non potest, vt eadem dos continuata videri debeat, aut eadem dotis conventiones, Non magis quàm vt nouus conductor, ab eodem quamvis locatore iisdem legibus & conditionibus quibus prior reconduxisse intelligatur. Id enim tunc solum obtinet cùm idem conductor est qui antè fuit *litem quaritur 13. §. qui impleto D. locat.* Ergo si verum amamus, Ne quidem pactum hoc de augmento dotali præstando necessarium videri potest, sed potius voluntarium, Nec quod propter deflorationem debetur ad rem facit. Cùm non ex comparatione virginittatis constituatur quæ nullo certo precio æstimari potest, vt de hominis salute ratiocinatur Paulus in *l. pen. §. 1. D. de donat.* Sed ex comparatione dotis, quæ tantò minor esse deberet, quantò certior esset virginittas. Neque verò pragmatici negant, Bonis immobilibus in dotem datis, quæ fortassis maximæ sint æstimationis, eam solam quantitatem pro dotis augmento deberi, de qua conuenierit. Nam quod diximus ad tertiam vsque æstimationis partem deberi ex consuetudine apud nos inueterata, nūc obinet, cùm specialis de ea re pactio nulla intercessit, Ne alioqui ab egregia dote accipiendæ, & consequenter à contrahendo matrimonio deterreatur maritus, eo metu ne immensæ dotalis augmenti

onere prægrauetur, ut in *l. Julianus 42. De acquir. hered.* Quamto minus igitur dici potest necessarium esse pactum de lucranda dote, & necessariam alienationem ex eo pacto secutam si casus lucri euenierit? Admitto tamen quod volunt interpretes, Pro dotis lucro laudimium nullum deberi. At non ratione illa quam adferunt quod sit hæc alienatio necessaria, sed alia longè diuersa, quod ex hoc pacto quantumvis valido nulla fiat alienatio, Ex eo autem solo actu laudimium debeat, ex quo dominium transfertur. Quid enim aliud est Pacifici maritum de lucranda dote, quam conuenire ut soluto matrimonio dos penes maritum remaneat *dist. 1. 2. §. dist. 1 si pater 12. an princip. De pact. dotal.* Nimirum non alia lucris acquisitione maritus indiget, cui dos ipsa tota iam acquisita est ex ipsa constitutione quam traditio secuta sit, ut in præcedentibus probauimus, laudiget tantum ne soluto matrimonio dos ab eo aut ab eius heredibus restitueretur quod nos lucrum dotis appellamus. Neque sanè ex solo pacto lucranda dotis transferri dominium ullum posset in maritum, sed necessaria esset traditio *l. traditionibus 20. Cod. de pact.* Porro noua traditio fieri non potest marito cui iam ex causa dotis res omnes dotales sint traditæ, ut neque magis fieri posset dominus ex posteriore causa is, qui iam esset ex priore *leg. non ut ex pluribus 159. De regul. iur. §. sic itaque Inst. de allion.* Neque verendum est ut hæc nostra sententia iniuriam faciat domino directo, cui laudimium deberi volumus ex ipsa dotis constitutione propter dominium ex dotalium rerum traditione translatum in maritum, Qui proinde duplicis laudimij præstatione oneraretur si pro dotis quoque lucro nouum laudimium præstare cogeretur, cum una tantum sit acquisitio licet duæ sint conuentiones in duplicem casum conceptæ. Quod si quis pactum huiusmodi De lucranda dote idèd necessarium esse contenderet quod non aliter fuerit maritus contracturus, Sequeretur nec aliud dicendum fore tamen si ab extraneo & ex mera voluntate non ex necessitate dos data proponeretur. Mariti enim accedentis ad matrimonium contrahendum certis legibus, quid interest à quo dotem accipiat, aut cum quo paciscatur? Et tamen non est ex interpretibus qui non fateatur laudimium deberi pro lucro dotis, si ex voluntate non ex necessitate dos constituta sit. In quo ipso nihilominus errant. Nos enim eo quoque casu deberi vllum negamus, Eadem ipsa ratione quam modò attulimus, quod eueniens casus lucris nullam secum nouam acquisitionem trahat, neque nouam vllam traditionem sed priore illa contentus sit, quæ ex dotis constitutione secuta fuit, & propter quam ius habuit dominus directus perendi laudimij, ut ipsi quoque interpretes fatentur etiam cum inæstimatus fundus in dotem datus est. Distinctionem enim illam, utrum æstimatus fuerit fundus dotalis, necne ad eum casum restringunt quo dos à patre vel ab alio qui dotare tenebatur data sit, non ab extraneo. Cur ergo duplici laudimio maritum onerari patiuntur pro eadem eiusdem dominij acquisitione? Respondebunt haud dubiè, quia ad validitatem pacti De lucranda dote consensus domini directi requiritur. Hoc verò est quod nego, Et illud magis quod addunt, Non sufficere ut dominus consenserit dationi dotis, nisi etiam pacto De lucro dotis expressim consentiat, Nam siue talis casus proponatur in quo dos constitui potuerit ex bonis feudalibus vel emphyteuticis etiam invito nedum ignorante domino directo aut ex ratione iuris communis, puta si alia bona non fuerint ex quibus congrua dos dari potuerit, siue ex generali illa consuetudine quæ apud Gallos & apud nos non modò emphyteutes verum etiam feuda reduxit ad instar patrimoniorum, Nego consensum esse

esse necessarium in pacto De lucro dotis, cum sit accessorium ad dotem, & inutile quantum ad translationem dominij quod per dotis constitutionem & traditionem translatum iam fuit. Et quantumuis esset necessarius, non ideo tamen consequens statim esset laudimium deberi, quippe quod non propter consensum debetur sed propter translationem dominij, & approbationem noui emphyteutæ, qui hoc casu nullus est. Quamquam nec illud ferre possum, ut dominus qui semel consenserit dari in dotem bona feudalialia vel emphyteutica constitutionem de lucro dotis faciat marito, siue lucrum illud maritus sibi vindicet ex pacto, siue ex statuto. Maximè verò si ex statuto, quod dominus non ignorauerit, Non ratione illa quam adfert Amedeus, quòd quisquis vult antecedens velit etiam consequens. Id enim non nisi de necessario consequenti intelligi potest, quale hoc esse iam negauimus, quod & Craueta fateatur *d.conf 79. nu. 4.* Sed quia pactum de lucro dotis cum sit non modò accessorium ad constitutionem dotis, sed etiam ex more & consuetudine apponi solitum apud eos maximè apud quos eiusmodi statuta vigent, satis adprobatur ipsum quoque videtur per contractus dotalis adprobationem. Debetque sibi imputare dominus quòd consentiendo dari in dotem bona feudalialia vel emphyteutica non dixerit legem apertius *l. veteribus 39. D. de pact.* nec prohibuerit huiusmodi pacta dotalia quæ prospicere debuit futurum vt interponeretur, adeoque vt etiam si expressa non essent pro expressis tamen & interpositis haberentur autoritate statuti quod conventionis vicem & autoritatem supplet. Præsumendi enim sunt contrahentes velle contrahere, vt secundum leges, ita & secundum statuta loci in quo contrahunt *l. si fundus 6. D. de emul.* Nam & solemus dicere, Ea quæ sunt moris & consuetudinis venire in bonæ fidei iudiciis *l. quid si nolui 31. §. quia assidua D. de adilit. edit.* Quid ergo consentit, vt bona feudalialia vel emphyteutica dentur in dotem illo etiam casu quo alicui dari non possent, hoc ipso consentit vt dentur adiectis pactioibus quibuslibet dummodò solitis licitis & honestis in quarum numero hanc esse nemo ambigit, etiam vbi statutum hac de re nullum est. Quare nec valde interesse arbiro an statutum dominus sciverit an ignorauerit. Quòd si ponas talem casum esse, in quo dos constitui potuerit ex bonis feudalibus vel emphyteuticis etiam inuito domino, quòd alia bona nulla sint, & à patre aut ab alio qui dotare tenebatur, dos constituta fuerit, Sicuti consensus domini non est necessarius ad constitutionem dotis, etiam interpretibus ipsis fatentibus: Ita neque ad validandum pactum de lucro dotis. Enimverò quamuis consensus ille esset necessarius nihilomagus laudimium deberetur ex eo pacto, Ex quo scilicet numquam transfertur dominium siue nobiscum sentias fuisse iam translatum per constitutionem dotis, siue quòd nullam ex eo pacto traditionem sequi vnquam necesse sit, aut possibile. Alioquin maritus iam lucratus dotem cogendus esset heredibus mulieris dotem reddere aut illam ipsam dotis partem quam lucratus esset, vt posset ab iis postmodum accipiendo nancisci dominium, quod esset absurdissimum. Pro illo autem dotis augmento consuetudinario quod apud nos obtinet, ac de quo diximus, licet necessarium esse existimetur, non tamen dubito quin laudimium debeat domino directo si in bonis feudalibus & emphyteuticis constitutum proponatur, licet vt plurimum constitui soleat in pecunia numerata, Isdem nimirum rationibus quas attulimus vt probaremus, Pro fundis quoque dotalibus laudimium deberi etiam si dos à patre constituta sit.

ERROR SEXTVS.

De laudimio ex permutatione debito Ad l.vlt.C.de iur.emphys.



ON defuerūt ex interpretibus qui dixerint Ex permutatione laudimium nullum deberi. Inter quos ita sensūt Io. Montanus in v. sus Feudor. lib. 6. cap. 4. Ratione illa moti possimū vī videtur quōd Iustiniani constitutio quæ hoc ius induxit in l.vlt. Cod. de iur. emphys. disertè constituit vī pro laudimio quinquagesima pars precij præstetur. Precium autem nullū esse potest nisi cū emptio & venditio est l. naturalis 5. §. 1. D. de præscript. verb. iunct. §. precium Inst. de empt. & vendit. l. 1. D. de contr. empt. Atqui permutatio differt toto genere ab emptione licet origo eīcendi vendendique à permutationibus cœperit d. l. 1. cū in permutatione pecunia nulla interueniat, in qua consistere precium necessario debet, idēdē que necsiri possit vtra res sit merx, vtra precij, vter emptor, vter venditor l. 1. D. de rer. permus. Deinde emptio contrahitur & perficitur nudo consensu d. l. 1. D. de contr. empt. Permutatio autem re ac traditione, & vt scriptum est in d. l. 1. D. de rer. permus. in permutatione res tradita initium obligationi præbet, Emptio nō transfert dominium nisi secuta demū traditione, adeoque nec secuta quoque traditione nisi etiam precium solutum sit aut fides habita de precio l. quod vendidit 19. D. de contr. empt. §. vendit. Inst. de rer. disins. At permutatio transfert dominium cū incipiat à traditione nec quicquam aliud exigit quod traditionem sequatur. Vnde illud etiam sit vt alienæ rei venditio valeat quantū ad contrahendas inter emptorem ac venditorem empti & venditi obligationes quamuis res emptori auferri possit l. rem alienam 28. D. de contr. empt. At rei alienæ permutatio fieri non potest. Id enim est quod aiebat Pedius, Alienam rem danē nullam contrahere permutationem d. l. 1. D. de rer. permus. quod & nomen ipsum permutationis sonat, vt alibi docuimus, significat enim mutationem non possessionis tantū, sed etiam dominij, eāque efficacem, vt aliquid addat syllaba per quæ cū additur augere semper solet. Cū ergo tam multæ sint inter emptionem & permutationem differentiæ vt cæteras iaceamus quæ sunt nō pauca, difficilē videtur vt Iustiniani legem de emptione duntaxat locutam ad permutationem protrahere debeamus. Sed tamen ab omnibus ferè interpretibus hæc sententia merito explosa est, tanquam quæ & legis verbis repugnet, & multo magis menti Iustiniani. Nam vt prætermittam quod scriptum est in l. statuliberi à ceteris 29. §. 1. D. de statulib. legem ipsam duodecim tabularum cū de statuliberis locuta est & de implenda per statuliberum conditione, emptionis appellatione omnem alienationem complexam esse. Ex ipsis etiam verbis Iustinianæ constitutionis apparet generalem eam esse, nec tantū ad emptionem & venditionem, sed ad cæteras quoq; alienationes pertinere. Quæstio enim quæ in ipsius legis initio pponitur, de omni alienatione est & de qualibet iuris emphiteutici in alium translatione, vt apparet ex illis verbis alienare vel ius emphiteuticum in alium transferre. Deinde in ipsa legis dispositione ita scribit Iustinianus vel si ius emphiteuticum ad personas non prohibitas, sed concessas & idoneas ad soluendum emphiteuticum canonem transponere emphiteuta malueris. Tum verò cū laudimij modum & quantitatem præscribit ne possit dominus plus quàm quinquagesimam precij partem exigere, subiungit statim ne quis fortè ad solam emptionis

emptionis causam restringi legem velit *vel æstimationis loci qui ad aliam personam transfertur*. Et paulò pòt *si autem nouum emphyteutam vel emptorem meliorationum* [sic enim legèdum est *non meliorationes*] *suscipere dominus noluerit*. Et postremò ad finem legis *licere emphyteutæ etiam non consentientibus dominis ad alium suum sui vel emphyteumata transferre*. Loquitur ergo constitutio non de emptore tantùm sed de quolibet nouo emphyteuta & acquiretore qui per quâlibet speciem alienationis in prioris emphyteutæ ius successerit. Nec sanè ratio vlla est cur domini directi ius aliud sit & deterius permutata re feudali vel emphyteutica aut aliter alienata, quàm si fuisset vendita. Quid enim ipsius refert, quoniam titulo dominium nactus sit is qui nouus possessor & nouus emphyteuta inuenitur? Quocùque igitur titulo facta sit alienatio, laudimium domino deberi dicendum est. Et vt sciatur ad quam vsque pecuniæ quantitatè ascèdat laudimium inèda est rei feudalis vel emphyteuticæ æstimatio ad cuius ratam laudimij quoque æstimatio sumatur, vt tractat Amed. *quest. 28. post Capell. Tholof. quest. 27. Chassan. in Consuet. Burgund. Tit. Des cens. §. 7. num. 1. & alios ibi allegatos*. Nec enim omnis æstimatio facit emptionem sed ea tantùm quæ fiat animo contrahendæ emptionis, vt in supetioribus diximus sæpius *ex l. æstimatis 50. D. solut. matr. l. si inier 21. C. de iur. dot. l. cum post 69. §. cum res D. eod.* Nec istorum errorem adiuuat quòd denūciatio illa quam Iustinianus præcipit fieri ante alienationem vt declarèt dominus an velit eodem precio quod ab alio emptore offertur, rem feudalem vel emphyteuticariam retinere, permutationi conuenire non potest, in qua pretium nullum versatur. Vulgo autem creditū est post Bartolum *ad l. & idè in princip. D. de condit. furs.* quòd cùm quæritur an soluèdum sit laudimium prius inquirendum est, an in alienatione sit necessarius cōsensus domini. Vt si res absque eius consensu alienari possit, nullum laudimium debeat. Quasi consensus domini sit causa quæ effectū laudimij præcedere debeat, & cessante causa cesset effectus. Nam respondemus quòd nec interpretes ignorarunt de duplici consensu loqui Iustinianum, quorum vnus interponitur ante contractam emptionem, si dominus pro eodem precio retinere rem nolit, eamque in alium transferri patiatur. Alter post cōtractam, vt nouus emphyteuta in possessionem mittatur aut in possessione retineatur. Prior consensus nō inducit obligationem præstandi laudimij, sed tantùm interponitur ad effectū illum. Ne dominus possit iure illo prælationis uti quod ei Iustinianus dedit. Néve ob non factam denunciationem causari aliquando possit rem in commissum cecidisse. Posterior verò consensus ille solus est, pro quo laudimium debetur. Prior consensus ad emptionem duntaxat pertinet, in qua sola ius prælationis locū habet pro eodem precio si dominus rem retinere malit, & si quis alius contractus est, adèd emptioni similis vt si non habeat precium, habeat saltem aliquid quod sit loco precij, qualis est datio in solutum, quæ in vicem precij habet eam ipsam pecuniam quæ debetur, & pro qua res in solutum datur *l. à Diuo Pio 15. §. si pignora D. de re iudic. l. si quis aliam 46. D. de solut. l. si non fortem 26. §. si centum D. de condit. indeb.* Itaque de hoc consensu nihil tractari potest, cū res aut permutatur, aut donatur, aut legatur, quia neque his casibus ius prælationis locum habet. At posterior consensus omni casu necessarius est ad nouum emphyteutam in possessionem mittendum, aut in possessione retinendum: Ergo in his omnibus etiam casibus laudimium debetur. Atque ita supradictam Bartoli conclusionem Amedeus intelligi & restringit *quest. laudim. 13.* scilicet vt procedat vbi consensus simpliciter & absolutè nullus requiritur, id est neque antè, neque

post contractum. Quod tamen vereor ne non satis conveniat menti Bartoli qui hac in re ut & in aliis plerisque nimis generaliter & indistinctè locutus videtur ac de primo illo consensu solo sensisse quem Iustinianus exigit ante contractam emptionem. In quo sanè deceptus fuit, sicut & decipiuntur meo iudicio ceteri interpretes qui tum quoque cum emptio contrahitur duplicem consensum requirunt, unum qui ante contractam emptionem interponatur, Alterum qui post contractam. Cum enim prior consensus à domino præstitus est declarante nolle se rem feudalem aut emphyteuticam pro eo precio retinere quod Titius offerat[emptoris enim persona nominanda & designanda est] quid obsecro necesse est alium eiusdem domini consensum intervenire ut emptor qui volente domino comparavit, postmodum in possessionem mittatur. An enim veremur ne qua domino fiat iniuria, qui semel voluit? *l. in diem 9. §. 1. D. de aqua & aqua pluvi. ar. end.* Aut cur ista superuacua sollemnitate emptorem onerare volumus, cum id quod semel placuit, postea displicere amplius non possit? *vulg. iur. Pontificy regula, l. unct. l. hac stipulatio 14. in fin. D. ut legat. seu fideic. servand. caus. caveat.* Neque ad hunc casum ut arbitror illa Iustinianæ constitutionis pars pertinet, qua constitui, ut secuta alienatione non possit dominus contradicere sed novum emphyteutam per se suæ litteras, aut saltem per suam depositionem suscipere compellatur, sed ad illum potius de quo in precedentibus verbis legis, id est quo dominus accepta denunciatione noluerit voluntatem suam intra duos menses declarare, ita ut emptorem alium vetus emphyteuta quæsieris, Alium in quam ab eo, quem prius nominaverat. Nec enim illa nominatio impedit ne alius emptor quæri possit dummodo sit idoneus ad soluendum canonem & ex iis personis in quas alienatio prohibita non est ut ip[s]a quoque habet constitutio. Ceterum si & ille ipse erat qui domino fuit nominatus, & expressus domini consensus interveniat, nihil certe impedit quominus post factam à venditore traditionem, quæ omnimodo necessaria est, & ad transferendum in emptorem dominium, & ne emptor potius prædo videatur *l. si ex stipulatione 5. De acquir. poss.* liceat emptori propria autoritate & irrequisito domino ingredi possessionem eamque pro arbitrio nascisci & occupare. Gravissq; hic interpretum nostrorum error est, quod existimant hoc casu rem cadere in commissum, si novus consensus domini ante adprehensam possessionem non fuerit requisitus *ex d. l. ult. C. de iur. emphyt.* quæ de hoc sanè casu non loquitur. Nec tamen eo minus debetur à novo emphyteuta laudimium propter dominij translationem quæ in eum facta est per traditionem, licet irrequisito domino secutam, cum fuerit dominus ante emptionem requisitus, & emptioni consenserit. Planè si alium emptorem venditor quæsierit, quam quem domino directo nominaverat, novum domini consensum merito lex exigit, non ut liceat emphyteutæ rem suam alij vendere sed ne ignorari aut invito domino directo novus emphyteuta acquiratur de quo nihil adhuc audivit. Ex quo intelligimus, quam verum sit, quod toties inculcauimus, Laudimium non magis propter hunc posteriorem consensum deberi quam propter priorem, sed propter solam dominij translationem, & emphyteutæ ac possessoris mutationem. Alioqui nullum hodie laudimium deberetur cum moribus nostris possit quilibet rem feudalem vel emphyteuticam vendere & emptorem in possessionem inducere, licet nec à venditore dominus requisitus sit ante contractam venditionem, nec ab emptore post perfectam emptionem. Sunt enim duæ istæ requisitiones quas constitutio exigit in eo differentes, quod prior à venditore facienda est emptorem nominante, Posterior ab emptore venditorè designante,

signante, quia & laudimium ab emptore debetur, non à venditore. Ad obligandum vero emptorem ut laudimium præstet sufficit quoddam novus sit & dominus & possessor rei emphyteuticæ, vel feudalis. Quemadmodum & quod prioris requisitionis necessitas hodie sublata est non efficit quominus saluum sit domino ius prælationis, si pro precio quod alius iam non solum obtulerit, sed etiam soluerit, re retinere malit. Quam in rem spatium trium mensium præstitutum est eo Serenissimi Ducis nostri edicto, quo prælationis ius illud quod præcis moribus nostris antiquatum fuerat, restitutum tandem fuit, ut in Codice nostro scriptum est. Idque siue de feudo agatur siue de emphyteusi. Nam & in feudis habet locum ius prælationis *Cap. 1. §. porro, ubi glos. et alij Quæst. olim feud. alen. poter.* Eamque communem esse sententiam testatur Amed. à Ponte *dist. quæst. 13. ubi multos citat.* Denique licentia vendendi hodie nulla impetranda est, quæ olim erat impetranda, non tamquam necessaria ad inducendum ius prælationis, sed tantum ut sciri posset an dominus directus iure suo uti vellet, præteritque emptori. Sed non eo minus etiam post perfectam emptionem iure suo uti potest si velit, similiter & sublata necessitas est impetrandæ licentiæ ad possessionem adprehendendam, sed perinde tamen laudimium debetur ac si ea de re dominus requisitus fuisset, & consensisset. Consensus igitur omni casu sufficiens vnus tamen quoque cum duplex olim requirebatur, Eumque consensum satis est ex postfacto interuenire, qui olim præcedere debebat, vnus quidem venditionem, alius vero possessionis adprehensionem. Nam si dominus directus post perfectam emptionem adprobet novum emphyteutam, quod facere intelligitur, siue inuestituram ei concedat, siue ab eo laudimium petat, satis iuri prælationis renunciare intelligitur, & suam voluntatem declarasse, quod eo iure uti nolit: hæcque contractuum distinctio, quam supra diximus, solo illo casu retinenda est quo erat olim denunciatio necessaria, id est quo etiam hodie ius prælationis habere locum potest. Ut differat emptio, utrinque datio in solutum à cæteris contractibus, in quibus nec premium ullum est, nec quicquam loco precij non in laudimio, sed in iure tantum prælationis. Differat autem in duobus, Primum in eo quod modò diximus ut in emptione & datione in solutum prælatio locum habeat, non in cæteris. Deinde in eo si ius scriptum inspicias, non quo utimur hodie, ut denunciatione præcedere oporteat in emptione ac datione in solutum, non item in cæteris. Rursum in emptione quoque distinguere olim oportebat, An emptor ille esset, qui non inatus erat in denunciatione facta domino, an alius. Ut si idem ille sufficeret vnus & primus consensus, nec secundus requireretur: si vero alius emptor esset, novum consensum in adprehendendo possessione interuenire necesse olim erat ne res committeretur. Hodie non est hæc distinctio necessaria siue prælationis iure uti dominus velit, siue laudimium petere. Vtroque. n. casu suppletur consensus factus & voluntate domini præsupponētis venditionem valere, quæ nec posset impugnare tametsi maxime vellet, cum nostris moribus nunquam ex hac causa res hodie in commissum cadat. Cæterum variaz posuit occurrere species circa permutationem de quibus dubitari queat, An ex permutatione laudimium debeatur. Aut enim permutatio fit rerum ex utraque parte feudalium, vel emphyteuticarum, vel rei feudalis & emphyteuticæ ad rem liberam & allodiale. Illud enim casum quo res allodialis cum allodiali permutetur, etsi frequenter potest contingere, consilio tamen prætermittimus quia nullum huic quæstioni locum relinquit. Sed & interdum contingit ut res feudalis cum emphyteutica permutetur: qui casus novam etiam habere quæstionem potest, apud eos qui rectis & propriis vivunt in feudis, quæ permulta habent à iure emphyteutico separata, si permutatio fiat

rei feudalis ad feudalem, vel emphyteuticariz ad emphyteuticariam, magis cõmuniter probatum est, laudimium nullum deberi, siue quod sine consensu domini possit fieri huiusmodi permutatio, vt tractat Baldus *ad l. si domus* 71. §. *ult. de legat. 1. Rip. ad l. qui Roma* 122. §. *duo fratres De verb. oblig. & ad l. 2. in princip. nu. 38. D. de reb. credit.* Siue quod reperitur persona iam adprobata vt ratiocinatur Amedeus à Ponte *quest. laudim. 28.* Vbi tamen addit exceptionem, Dummodò bona fide facta sit permutatio. Nam si in fraudem facta esset, id est, vt explicat Iul. Clar. *in §. emphyteusis quest. 17.* si effectu ipso emphyteuta rem venderet, sed verbis contractus assereret se permutare vel donare vt priuaret dominum iure prælationis, nihilominus posset dominus directus fraude probata, vt suo iure prælationis, vt ex Baldo & Ripa concludit Clarus: Addens fortè etiam de iuris rigore dici posse, quod hoc casu emphyteuta propter huiusmodi alienationem cadat à iure emphyteutico. Atque ita multos sensisse atq; licèt non audeat ipse affirmare sententiam eorum veram esse. Ego verò sicuti cùm fraus in permutatione admissa est defendo intrepidè, Emphyteutam omni iure priuandũ esse, adeoque ipso iure rem sic permutatam in commissum cadere, perinde ac si in quauis alia parte circa ea quæ ad alienationem rei feudalis vel emphyteuticæ pro forma præscripta sum, peccatum esset, Ita cessante fraude contendo ex permutatione huiusmodi laudimium deberi. Atque vt ab eo casu exordiamur, quo fraudem admissam esse coniet, quis ferat impunitam esse fraudem vasalli aut emphyteutæ id agentis, vt dominum directum cuius beneficium rem habet, iure suo priuet ac spoliaret? Nam si ratione agendum est, an non aperta ingratitude est eius, qui aduersus dominum à quo beneficium accepit [nam & emphyteusim dare beneficij species quædam est] iniuriam machinetur? & cõsequenter digna quæ commissi, & vt vocant, caducitatis pœna coercatur? Præclare Seneca, Nullam iure nostro ingrati actionem comparatam esse, quod tanto scelere nulla par satis & congrua pœna irrogari posse videretur. Quid verò iustius, adeoque humanius quàm vt in eo saltem in quo peccauerit, puniatur, vt in specie *l. rescripti* 6. *D. de his qua vt indign. l. Paulus 24. in princip. D. ad leg. Falcid.* Etsi verò fraus omnis punienda est, nec dolus malus debet vnquam inane impunitus, ne tàm quidem cùm alij nulli nocet *l. procuratoris. §. 1. D. de dol. mal. except.* odiosior tamen illa fraus est quæ fit clam & per euntulos quàm quæ aperto dolo. Ideoque grauius puniti solet, qui clam peccat quàm qui palàm, Propterea quod palàm delinquentes vt errantes maiore pœna excusantur, Clam verò committentes vt contumaces plectuntur, inquit Paulus *in l. ult. in fin. D. de rit. nupt. iun. & l. pupillus 5. §. sed si per interpositam D. de author. tutor.* Et grauius quoque peccate intelligitur, qui in fraudem legis aliquid facit, quàm qui directè contra legem, quia contra legem facit is demùm qui id facit quod lex fieri prohibet. In fraudem verò legis ille, qui saluis verbis legis sententiam eius circumuenit *l. contra legem 29. D. de leg. b.* Ergo & in proposito similiter fatendum est Vasallum aut emphyteutam qui rem feudalem vel emphyteuticariam permutat & se dicte quæ reuera vendit, neque id alia mente, quàm vt domino directo ius offerendi præripiat, peccare grauius quàm si contrà legem apertè venderet extraneo, nulla priùs facta domino denunciatione. Et idèò quamuis suprà dixerimus, sublatam esse nostris moribus necessitatẽ illam quàm Iustinianus indoxerat denunciationis faciendæ domino, & requirendi an velit ipse præferri necne, nec proinde rem hodie cadere in commissum etiam si non sit seruata forma quam constitutio illa præscripsit, Non idcirco tamen consequens est, vt eo quoq; casu quo

fraus

fraus admissa sit poenam commissi & caducitatis pariter sublatam dicere oporteat, cum longè maior sit ratio eius retinendæ, quando tanta fraus admissa est, quàm si per imperitiam aut iniuriam duntaxat emphyteutæ, ac sine dolo malo legis sollemnitas omissa fuisset, præsertim cum ea omissio non auferat domino ius prælationis propter quod volebat lex fieri denunciationem. Nec quòd hodie feudalia bona & emphyteuticaria redacta sint ad instar patrimoniorum, facere debet ut vasallo vel emphyteutæ permissum videatur impunè fraudem domino facere in bonis feudalibus & emphyteuticis, quæ nulla fieri potest in allodialibus. Alioqui sequeretur, nec vlla domino directo laudimia hodie deberi ex feudalium vel emphyteuticorum bonorum alienatione, quia neque ex allodialium vlla deberentur, quod tamen falsum est. Nihil enim aliud facit hæc consuetudo nisi ut tam vasallus quàm emphyteuta liberam habeat de bonis etiam feudalibus & emphyteuticis etiam irrequisito domino disponendi facultatem, neque verendum habeat ne ex hac causa res in commissum cadat. Sed ita tamen ut salva maneant iura cætera omnia domini directi, maxime verò quantum ad laudimium, & ius prælationis. Cæterum non inducit hæc consuetudo fraudandè licentiam, nec proinde tollit poenam quæ fraudi debetur. Alioqui corruptela dicenda esset non consuetudo, nec valere posset quæ vasallum & emphyteutam ad delinquendum inuitaret *l. iurp gentium 7. §. illud nulla D. de pact. l. vltim. Cod. eod.* Poena igitur commissi & caducitatis quam Iustiniana lex induxit, sublata videri hoc casu non potest, adeoque si nulla adhuc lex hac de re lata esset, novam utique ferri oporteret, ne dolus maneret impunitus. Neque enim punitus videri debet, ob hoc solum, quod perinde ad solutionem laudimij emptor condemnatur qui emit sub specie permutationis ac si palam emisser, itemque ut perinde directus dominus habeat ius prælationis. Hoc namque inodo nihil aliud consequimur nisi ut nullum fraudis suæ fructum contrahentes sentiant, at non etiam ut eorum dolus coerceatur: Aliud siquidem est lucrum quod ex fraude sperabant ipsis auferre, aliud verò damnum iis aliquod infligere *l. quod autem 6. §. simili modo dicimus D. qua in fraud. credul. 3. De vi & vi armat.* Damnum autem aliquod propter fraudem semper infligendum est *dist. l. procurator 11. §. 1. De doli mal. except. l. Imperator 50. D. ad SC. Trebellian.* Deinde hac ratione puniretur emptor solus non etiam venditor si res in qua fraus facta est, non caderet in commissum. Ius enim prælationis emptori tantum rem auferret, non etiam precium venditori, qui iam in alium rem transfudit, & similiter laudimij solutio ad emptorem spectat non ad venditorem. At poena commissi & caducitatis venditorem potissimum afficit, qui pro re quam amittit, nullum precium aut à domino directo, aut ab emptore consequitur. Quamquam si iam emptor precium venditori ultro solvisset, difficile esset dicere dandam ei aduersus venditorem vllam repetitionem si particeps ipse fraudis fuisset, cum in pari causa & turpitudine melior debeat esse conditio possidentis, & eius qui conuenitur *l. 2. §. vltim. l. 3. 4. & penultim. D. de condi. ob turp. caus. iunct. l. sua rei 16. l. si in emptione 34. §. 1. ibi nisi ultro quod conuenieris præstet. D. de contr. empt.* Nam qui scit ne fraudem participat non ab alio decipitur, sed à seipso *l. nam si scit 26. De rei vind. l. 1. & tot. tit. Qua in fraud. credul. nec quicquam æquius est, quàm ut consilium malum consulti ipsi sit pessimum l. consilij 47. De regul. iur.* Sed si fraus nulla in permutatione interuenerit, dico adhuc tamen ex permutatione laudimium deberi, tamen si recum utrimque feudalium & emphyteuticarum permutatio facta sit,

Cùm ex vtraque parte dominium transferatur & laudimium ex quacumque dominij translatione, ac vasalli aut emphyteutiz mutatione debeatur, Aestimatio scilicet facta rerum permutatarum, vt ad ratam aestimationis quantitas laudimij certa constitui possit. *Ex dist. l. ultim. Cod. de iur. emphyt.* Nec me mouet quod nostri obiiciunt, Non esse hoc casu necessarium consensum domini. Nam si de eo consensu intelligunt qui præcedere debet acquisitionem, iam diximus toties in præcedentibus, nihil commune habere consensum illum cum iure laudimij, cui causam dat sola dominij translatio, non etiam domini consensus ante contractum præstitus, Maximè in eo genere contractuum in quo nihil de iure offerendi tractari potest neque de iure prælationis, in quo genere ac numero permutatio est. Si verò de illo consensu loquuntur, quem Iustiniani lex vult interponi post contractum, & ante adprehensam possessionem, & quem hodie sufficit etiam post adprehensionem possessionis inuenire, fallum est non esse hunc consensum necessarium, Cùm vel ab initio, id est ante possessionis adprehensionem adhiberi debeat vel saltem ex postfacto, id est intra tempus, intra quod petenda & concedenda est inuestitura; Ne aliqui nouum vasallum aut emphyteutam dominus directus inuitus habeat, licet consentire cogendus sit si non habeat iustā contradicendi causam, hoc est dum ne facta sit alienatio in personam prohibitam, vel minùs idoneam *dist. l. ultim. Cod. de iur. emphyt.* Neque contrarium est quod habet iuris regula, Ea quæ alio inuito fieri possunt, fieri etiam posse illo ignorante. *l. qui potest 26. de regul. iur.* Id enim tùm verè dicitur cùm ea de re agitur quæ potest fieri alio inuito simpliciter & absolutè. Hoc verò non est eiusmodi, cùm aliquo casu possit euenire vt non sit cogendus dominus consentire, Nimirum si iustam aliquam contradicendi causam habeat. Scire igitur debet vt videatur nō contradicere, quem admodum in *l. 2. §. ultim. D. solus. matr.* Sed & eo casu quo contradicere non potest, nihilominùs æquum est adprobari ab eo nouum vasallum aut emphyteutam, ob eamque approbationem laudimium ei præstari tamquam vero eius rei domino *dist. l. ultim. Cod. de iur. emphyt.* cùm translatio quæ ex causa permutationis facta est non impediat quominùs maneat ille dominus directus, Cùm habuerint permutantes dominium duntaxat iuris illius feudalìs vel emphyteuticarij quod inuicem transfulerunt, non etiam proprietatis rerum permutatarum *dist. l. si domus 71. §. ultim. de legat. 1. l. 1. §. 2. D. si ager vel ellig. vel emphyt. eff. dicat.* Minùs me altera illa ratio mouet, quòd persona vtriusque emphyteutiz iam sit à domino adprobata: Non enim facit vetus adprobatio quin sit opus noua, quoties noua dominij translatio sit. Nec quicquam vetat esse quem idoneum ad solutionem canonis pro vna re debiti, qui tamen non æquè esset idoneus ad soluendum canonem pro alia re, quæ onerata esset vt quotidie accidit, grauiore pensione: Et vt maximè sit idoneus, & eum admittere cogendus dominus, Perinde tamen laudimium deberi dicendum est, quia verum est nouum hunc esse vasallum, nouumque emphyteutam & possessorem huius rei, quam ex permutatione acquisiuit, & cuius nomine numquam fuit adprobatus. Neque verò inspiciendum est an causa aliqua sit propter quam aut adprobari debuerit, aut potuerit non adprobari, sed tantum an approbauerit, Inò verò an paratus sit adprobare. Hoc enim sufficit, vt ius habeat laudimij petendi, quòd per eum non stet quominùs adprobet & suscipiat nouum possessorem. Nam etsi vellet dominus directus contradicere qui tamen nullam satis iustam contradicendi causam haberet, non idcirco petendi laudimij ius amitteret, sed si-

ue de

ue de prælationis iure, siue de caducitatis pœna iniuste contenderet, non alia contra eum sententia ferri posset, quàm vt laudimio contentus esse cogere-
 tur. Quoinodo Senatus noster pœsum pronunciat. Tùmque demùm incipe-
 ret ei competere ius agendi ad pœnam commissi & caducitatis, cùm nouus
 emphyteuta laudimij solutionem iniuste denegaret. Semper enini iustum est
 desiderium domini directi ad commissi pœnam agentis, cùm nouus emphy-
 teuta per contumaciam & dolo malo recusat vel laudimium soluere, vel quid
 aliud facere, quod vel ex lege inuestituræ vel ex iuris siue feudalis, siue em-
 phyteuticarij ratione facere & præstare teneatur. Cùm ex sola ipsa debiti &
 officij negatione appareat quanti referat & inter sit directi domini, talem
 vasallum aut emphyteutam non habere. Solet tamen Senatus noster summo
 æquitatis temperamento quoties talis casus emergit, locum relinquere pœni-
 tentiæ, nec priùs pœnam commissi vel caducitatis irrogare quàm præterie-
 rit tempus quod ei præstituit Senatus ad soluendum laudimium, aut ad fa-
 ciendum id de quo faciendum iuste vrgetur, Non quidem quasi concepta con-
 demnatione sub conditione quod fieri numquam debet, sed quomodo con-
 cipi pronunciationes solent, vulgaribus his verbis à *sainte de payement des lods,*
& autres choses demandées dans le mois. Quibus verbis laudimiorum solutio
 non in condemnatione est, sed tantùm in præstatione, vt in l. 1. *De pen. legat.*
l. 1. §. item si ita D. ad legem Falcidiam l. cum sine præstatione 19. l. si penum 14. D.
quand. dies legat. ced. l. nuda 5. Cod. de contr. & commut. stipulat. Nihil igitur
 causæ est cur hoc casu ad inducendam laudimij præstationem exigamus cum
 Amedeo à Ponte *diff. quæst. 28.* vt in recognitionibus hoc ipsum expressum sit
 vt ex permutatione quoque rei feudalis vel emphyteuticariæ etiam cum alia
 re feudali vel emphyteuticaria laudimium debeatur. Frustra namque in pa-
 ctum deducitur, quod iure communi conceditur l. *si quis duas 6. aliàs l. si in*
uenditione in fin. D. commun. prad. Debuerat potiùs Amedeus casum illum ex-
 cipere quo res permutatæ ambæ quidem feudales essent aut emphyteuticariæ,
 at non respectu eiusdem domini directi, sed, quod plerumque accidit, res-
 pectu diuerforum. Hoc enim casu cessant duæ rationes illæ quibus nostros mo-
 ueri diximus vt nullum ex permutatione laudimium deberi putent. Quidni e-
 nim hoc casu consensus vtriusque domini sit ne cessarius? non quidem ad per-
 mittendam permutationem quam & irrequisito & inuito vtroque domino fie-
 ri posse admittimus, sed ad nouum vasallum aut emphyteutam adproban-
 dum, qui utique nondum potest videri adprobatus, cùm fiat non modò
 nouus emphyteuta, sed etiam noui domini, in re illa quam ex permutatio-
 ne acquisiuit. Nec sanè puto quemquam esse tam imperitum rerum æstima-
 torem qui non hoc saltem casu admittere debeat, Ex permutatione laudimium
 deberi.

ERROR SEPTIMVS.

*Si res feudalis vel emphyteuticaria permutata sit cum
 allodiali vel feudalis cum emphyten-
 ticaria.*



E VNT plerunque permutationes rei alicuius feudalis vel emphyteuticariz cum re allodiali, Nec tamen sine fraudis suspicionē apud eas gentes quz rectis & propriis feudis vtuntur: Quorum natura & condicio illa est vt moriente vasallo sine masculis, ea ad dominum reuertantur, etiam filiabus ex vasallo superstitibus *Tu. 8. De success. feud. in v. lib. feudor. lib. 1.* Solent enim qui prouident fore, vt breui absque prole moriantur, eiusmodi res feudales cum allodialibus permutare, quarum commodum sine vllō metu ad heredes quantumlibet extraneos sint transmissuri. Et quamuis in emphyteusi aliud sit, quz sui natura ad quoscunque heredes si non sit ecclesiastica transmitti potest. Evenit tamen aliquando vt hac parte idem iuris sit in emphyteusi, quod in feudo, siue quod ab initio lex talis emphyteusi dicta sit, quz semper haud dubiè seruanda est *l. 1. Cod. de iur. emphyt.* Siue quoddam ita ferat loci consuetudo, quz in his potissimum questionibus maximè attenditur, dummodò neque legibus, neque bonis moribus repugnet, vt interpretes omnes consentiunt. Suntque apud nos huiusmodi emphyteuses non paucæ, quas nos vulgò talliabiles appellamus, & quas sub nomine vel homagio talliabilitatis recognitas esse satis est, vt appareat reuerti eas debere ad dominum si contingat possessorem sine liberis mori, quoniam qui apud nos sunt fundi talliabiles recti feudi naturam quodammodo retinent, quantum ad onus reversionis, nisi quoddam in feudis rectis & propriis fœminæ non succedunt, sed in iis tantum quz non habent propriam naturam feudi, de quibus *in v. lib. Feudor. Tit. De feud. non habent. propr. natur. feud. lib. 2.* In feudis verò talliabilibus apud nos etiam fœminæ succedunt plerisque in locis, quamuis non in omnibus pro variis locorum & prouinciarum moribus, vt in Codice nostro clariùs à nobis explicatum est. Vnde fit vt notarij nostri, qui censualium recognitionum instrumenta stipulantur, nomina ista feudi & emphyteuseos confundant, & passim pro synonymis accipiant, scribantque talem possessorem recognouisse talem rem in feudum & emphyteusim à tali domino directo. Cùm iam non possit eadem res, & feudalis esse & emphyteutica. Feudum enim merum infeudantis beneficium continet licet vix sit vt non aliquod habeat onus admixtum. Emphyteusis verò emphyteutam onerat ab initio vt rem alioqui sterilem, aut minùs vberem impensa sua faciat meliorem & vberiore, propter quam causam contractus hic emphyteuticus etiam contractus meliorationis appellatur, Et meliorationes cum iuribus emphyteuticis confunduntur *in d. l. vltim. c. tot. ut. Cod. de iur. emphyt.* Neque rursus dare feudum omnes possunt, vt constat ex *Tu. feudor. Qui feud. dar. poss.* At emphyteusim constituere quilibet potest *§. adeo Instit. de locat.* sicut & vendere & locare. Ex quibus differentiis aliz pleræque nascuntur de quibus nunc dicere nihil attinet, quia nec de iis inter nostros dubitatur. Licet dici soleat, In iis omnibus in quibus aliud expressim constitutum non est in feudo, quàm in emphyteusi, regulis iisdem regi emphyteusim quibus & feudum regitur. Quomodo de venditione & locatione solemus dicere, de quibus tamen nemo dubitat quin diversi sint, & separati contractus *l. 2. l. item si precio 22. §. vltim. locat.* Sed & sunt apud nos pleræque emphyteuses sic ab initio contractæ vt moriente quandocunque sine liberis emphyteuta fundus ad concedentem reuertatur, adiecta nonnumquam in condicione qualitate masculorum, vt non impediatur reversionem

tionem quodd dominus filias reliquerit. Nonnumquam etiam prætermiffa, vt ad excludendum dominum fufficiat emphyteutæ fuperftitem vel vnam filiam reliquiffe. Quas etiam emphyteufes pragmatici noſtri appellare talliabiles ſolent, minùs honeſto ſanè ac apud nos propemodum infami licèt frequenti vocabulo. Parùmque verè, cùm ſola condicio reuerſionis non faciat rem talliabilem. Alioqui feuda omnia recta & propria quantumuis nobilia, poſſent dici talliabilia, quod ſtultum eſſet. Siue igitur feudalis res eſſe proponatur, ſiue emphyteuticaria quæ ex conventione reuerſi ad dominum debeat moriente quodocunque emphyteuta ſine liberis, Quæritur ſæpiſſimè, Vtrum ſi talis res permutata ſit cum allodiali, valeat permutatio, quali hoc ipſo fraudis ſuſpicio non levis incurrat. Quid enim ſi præterea illud concurret vt ab infirmo facta ſit? Quid ſi etiam illud, vt ex ea infirmitate poſt breue tempus, vt puta poſt vnum aut alterum menſem deceſſerit is, qui rem iſtam permutauit cuius reuerſionem verebatur? His ſanè concurrentibus putant plerique non modò ſuſpectam, ſed etiam euidenter fraudulentam eſſe permutationem, ideòque faciendam irritam, vt ea non obſtante perinde res permutata reuertatur ad dominum ac ſi in permutantis bonis manſiſſet. Atque ita in Camera Pedemontana iudicatum fuiſſe in perſona illius qui iam in infirmitate conſtitutus & ſine prole rem feudalem cum allodiali permutauerat & ex ea infirmitate poſt duos menſes deceſſerat, Amedeus ſupradicto loco teſtatur. Ego verò, quod ſalua tantorum Iudicum dignitate tantique viri authoritate dictum ſit, aliter iudicatum vellem. Ita enim eſto, vt qui rem aliquam poſſidet ſiue feudalem, ſiue emphyteuticariam, quam ſcit ſe moriente abſque liberis ad dominum reuerſuram, ſi cùm ſe & infirmum & ſpe habendæ prolis deſtitutum videret, eam rem cum allodiali permutauerit, ea mente id fecerit, vt ius domini excluderet ac ſpem reuerſionis extingueret. Nego tamen inde fieri vt in fraudem domini quicquam feciſſe videatur. Cùm ſibi potiùs proſpexerit ne rei ſuæ iacturam faceret & vt heredibus quos habiturus eſſet ſiue teſtamentariis, ſiue legitimis opulentiorem hereditatem relinqueret: quod certè nullo iure prohibitum eſt. Sicut enim dicimus non videri dolo facere illum qui fraudem excludit *l. cum pater 77. §. Tu ſuo fratri antep. De legat. 2.* Sic neque dolo facere videtur, qui agit quantum poteſt ne cum vita bonorum quoque ſuorum iacturam incurrat, licet eo modo futurum ſit vt lucri ſpem alteri adimat. Non enim damnum vllum intelligitur in iactura lucri quod ſperabatur *l. quod autem 6. §. ſimilis modo dicimus D. que in fraud. credi. l. 3. in princip. D. de vi & vi arnat.* Et quamvis verum ſit quod ait Vlpianus ita licere cuilibet facere conditionem ſuam meliorem dum ne vicini deteriore faciat *l. 1. §. ſed & ſi ſus D. de aqua & aqua plu. arceud. l. quidam Hiberni 13. D. urban. præd. l. ſicut 8. §. Aristo. §. D. ſi ſeruit. vendic.* Attamen illud quoque verum eſt, aliud eſſe nocere, aliud non prodeſſe *dict. l. 1. §. ſicut autem D. de aqua & aqua plu. arceud.* Prodeſſet ſanè domino directo mori hunc emphyteutam & ſine liberis & poſſeſſorem rei feudalſis, vel emphyteuticariæ. vt ea res ad dominum reuertetetur. Sed cùm emphyteuta rem permutat ob hoc ipſum ne ad dominum reuerſi poſſit, non tam nocet domino directo quàm non prodeſt, impediendo ne lucrum ei deferatur: quod cùm ſit, non ided tamen dominus ſit pauperior cui lucrum eripitur, quemadmodum nemo dicitur ob id factus locupletior quod alieno beneficio conſecutus ſit ne expenderit pecuniam quam alioqui fuerat expenſurus *l. §. conceſſa §. ſi maritus §. cum igitur, & ſequens. De donat. inſ. vir. & vxor.* Denique nulli interdictum

est lucri occasione alteri præcipere ne damnum ipse sentiat, nec in eo fraus ulla versatur *l. quia autem 6. §. si patronus in fi. D. si quis ommissus testa.* Ad eò ut nec suos creditores fraudare dicatur is qui delatam sibi hereditatē aut legatum repudiat, licet ex eo futurum sit ut creditores morentur in damno quibus ex hereditate si adita fuisset, aut ex legato si nō fuisset repudiatum satisfieri cōmodè potuisset *l. quod autem 6. in princ. & §. 1. D. quæ in fraud. cred.* Quod ego sic intelligo, Etiam si fecerit eo animo ut creditoribus suis noceret. Non enim iis nocet nisi hætenus quòd eis proesse non vult, cum posset si velet. Nec cogendus est alieni compendij causa hereditatem autē extra causam hereditatis fideicommissariæ, ex Trebelliano restituendæ *l. nam quod 14. §. non omnis l. non est cogendus 53. D. ad Sc. Trebell.* nec similiter prohibendus id facere per quod sibi prospiciat, ne damnum incurrat, etiam si ex eo futurum sit ut alius lucri spe fraudeatur. Est enim sic à natura comparatum, ut omnes sibi malint bene esse quàm alteri, nec attendenda sunt etiam damna, quæ non accidunt nisi per consequentias *d. l. quod autem iunct. l. 1. & l. quod dicitur 7. D. de auctor. tutor.* Alioqui paulatim eò absurdū decurrendū erit in proposito, ut neque huic emphyteutæ nullus habenti liberis permittamus uxorem ducere ex qua liberos sperare possit. Ne dum liberorum spem sibi parat, domini directi spem diminuatur, & hoc ipso eum fraudare velle existimur. Quid enim refert viro modo sibi consulat, aut uxore ducta, aut re permutata? Nam quod in ea specie quam Amedeus tractat, proponitur emphyteuta infirmus iam fuisse tempore permutationis, & ex ea infirmitate decessisse, fraudem inducere non potest sed necessitatem potiùs capiendi prudentis consilij, & providendi, ne quid ex præuisa morte damni hereditas patiat. Itaque vel dolus hic nullus est, vel si quis sit bonus est, quem civilis legislator laudat potiùs quàm improbat *l. 1. D. de dolo malo.* Et verò quid absurdum esse potest, quàm huic emphyteutæ imputare cur eam rem feudalem vel emphyteuticariam quam sciebat se mortuo ad dominum reuersuram non retinuerit diutiùs ob hoc solùm ut ad dominum reuerti posset? An nō tale hoc esset, quale si velles alicui testato imputare, quod intestatus non decessisset? ut argumentatur *L. C. in l. posthumus 6. in princ. D. de inoff. testam.* Nam quemadmodum ait ille non posse hoc dici, quia cuius interdictum fàctione testamenti, ita & in proposito possum dicere, Non posse emphyteutæ imputari consilium fraudis ob id solùm quòd in firmus, & cœlebs si voles rē feudalem vel emphyteuticariam venderit aut permutauerit, Nec enim cuiquam interdictum permutandi vendendive potestate. Sed & me illud valde mouet, quod negari non potest, quin per eiusmodi permutationem etiam si maximè in fraudem facta esset dominium in eum, cui permutatio fit, transferatur, neque tantùm si emphyteuta solus consilium fraudis inierit, sed etiam si acqvisitor quoq; fraudem participauerit *l. si sciens 26. in fin. D. de contr. empt.* ubi hæc differentia perelegans ponitur inter eum qui emit à prodigo aut ab alio quem Prætor ex alia causa prohibuerit alienare, Et eum qui emerit à debitore fraudante suos creditores. Ob eamque nimirum causam necessaria est actio reuocatoria, quæ alienationem hanc rescindat ut res in fraudem vendita reuerti possit ad bona debitoris *§. item si quis Instituit. De action. & tot. Tit. Quæ in fraud. credit. D. & Cod.* quæ porrò non datur, nisi contra scientem acqvisitorem, qui fraudem participauerit *l. 1. in Princ. D. de contr. empt. & pass. D. de iur. Finge igitur in ea specie quam tractamus, Eum qui rem allodiam putauit, non fuisse conscium fraudis quam emphyteuta meditabatur, quod faciliè potest contingere siue*

quòd.

quod putet æquè allodiali illam esse, siue quod reuersionis condicionem igno-
 ret, Vt est alieni facti ignorantia semper non modò tolerabilis sed etiam
 præsumenda *l. vltim. D. pro suo l. doli 19. §. diuersum D. de reuoc. Quæro, qua-*
 nam ratione vel actione possit dominus directus huic ius auferre qui nactus
 est ex rei feudalis vel emphyteuticæ permutatione? Nam vique reuocatoria
 hoc casu non competit quæ nec in casu edicti prætorij daretur contra eum qui
 particeps fraudis non fuisset. Et tamen si verum est quod interpretes omnes
 adhiñant dominium quod illi vocant vtile transferri in accipientem, fieri
 certè nequit vt postquàm ei acquisitum fuit qui rem allodiam permutauit, ei
 postmodum inuito auferatur *l. si ego 9. §. si res D. de iur. dot.* cum alieni facti &
 doli puenam pati non debeat. Ergo debuerat Amedeus hunc saltem casum
 excipere quo rei allodialis permutator fraudem vasalli vel emphyteuticæ non
 participaret. Atnequè video quònam fraus ex parte huius acquirentis ex-
 cogitari possit, cum dat rem allodiam pro emphyteuticaria vel feudali: Nec
 rursus, quodnam adeò magnum damnum pati videatur dominus directus ex
 permutatione huiusmodi, cum æquè spem reuersionis habiturus sit, etiam
 rata manente permutatione. Quid enim vetat etiam hunc allodialis rei per-
 mutatorem quamuis tempore permutationis & infirmus sit & liberos habeat,
 priorem tamen mori sine liberis, ita vt per eius obitum ea res ad dominum
 reuertatur? An non ea rerum humanarum vicissitudo & inconstantia est, vt
 quotidie tale quid accidat? Quod et si non tam citò eueniret quoniam aliud
 est, Possè eum quoque qui iuuenis & sanus sit citò mori, Aliud verò, Non
 possè infirmum aut senem diutius viuere, An idèò tamen sit vt spes do-
 mini quæ differtur tantùm, etiam auferatur ei, & inrecedat? Minime verò.
 Postquàm eo iure vti nunc ex consuetudine plerisque Senatus nostri consultis
 adprobata, vt condicio illa *si sine liberis emphyteuta decesserit*, non adeò sit per-
 sonalis quin transferatur in nouum possessorem, Ita vt moriente eo quando-
 cunque sine liberis res ad dominum reuertatur, licet ille ipse qui recogno-
 uit aut adhuc viuat, aut moriens liberos reliquerit, quasi condicio sit rea-
 lis potius quàm personalis, & afficiat possessionem personamque cuiuslibet
 possessoris. Quod tamen sit ex consuetudine apud nos inueterata potius quàm
 ex iuris ratione quæ condiciones omnes pro personalibus habet, nec pariter
 vt eius cui adscriptæ sunt personæ egrediantur *l. qui heredi 44. l. Manius 55. l. hæsitatore 109. De condition. & demonstrat. l. cum pater 77. §. ab ins. vnto De*
legat. 2. Sed neque video qua ratione possit dominus directus ob huiusmodi
 spem dici creditor vt in eius fraudem facta permutatio dici possit, & vt aliquo
 modo pertineat ad *Tu. Quæ in fraud. credit.* Nihil enim vasallus aut emphy-
 teuta ei debet hoc nomine, & quod moriente vasallo vel emphyteuta sine libe-
 ris, res ad dominum reuersura est, onus & qualitatem rei respicit non personæ.
 Itaq; non facit hæc ratio dominum creditorem, Cui sufficit quod eueniente cō-
 ditione rem vindicare possit quasi suam, & iure directi dominij, quod impedit
 potius ne id quod iam suum potest dicere, adhuc sibi deberi possit dicere *l. non*
vt ex pluribus 159. De regul. iur. cum magis eius fieri non possit *§. sic itaque*
Institue. de action. Nihil enim aliud addit euentus condicionis, nisi quòd pos-
 sessoria ius extinguit, quo durante dominus rem licet suam vindicare non po-
 tuisset *l. n. & tot. tit. D. si ager velly. vel emphyt. eff. dicat l. lex vellygalis 31. D. de*
pignor. Caterùm extincto iure dominij vtilis, vt vocant, solum directum ma-

net, quod liberam domino & directam dat vindicationem, impeditque ne quid sibi debitum possit dicere: Exemplo eius quod scriptum est in *l. si heres 70. in princip. D. ad SC. Treb.* Si heres institutus rogatus sit de restituenda hereditate Titio, & rursum Titius de eadem hereditate post aliquod tempus eidem heredi reddenda, tempore adueniente sufficere heredi actiones directas, nec vlla eum restitutione indigere. Atqui creditorem esse dominum directum oporteret, ut posset conqueri fraudatum se ex permutatione. Nec enim qui dominum habet fraudari in re sua potest, adeoque nec qui creditor est pignoratitius, cuius quippe ius per nullam alienationem deterius fieri potest, licet dominium rei obligatz in alium transferatur *l. debitorem 15. C. de pign. l. 1. §. 1. D. de.* Idque est quod sæpe monuimus *Tu. qua in fraud. credit.* non ad pignoratitios, sed ad chirographarios tantum creditores pertinere. Porro non aliter potest existere condicio reversionis quam si is qui moritur sine liberis possessor inueniatur, & dominus vtilis tempore mortis suæ quoniam ea condicio ad tempus mortis relata est. Ergo quandiu vasallus vivit aut emphyteuta liberum ei est permutare citra suspensionem fraudis, & vendere, adeoque donare dummodo bene merentibus personis, & inter viuos, ut dicemus in sequentibus, Solumque ei est interdictum ne quid per legatum aut aliam speciem ultimarum voluntatis relinquat, ut de liberto, cui non male hic comparatur de quo agimus, scribit Iulianus in *l. vium 9. D. si quid in fraud. patron.* qui textus ad hanc nostram sententiam confirmandam omnium accommodatissimus est. Nam & qui ipsi sunt taliabiles, & dedititæ apud nos condicionis, quandiu tamen viuunt liberâ de bonis suis inter viuos disponendi facultatem habent, solâque testamenti factio iis interdicta est quia viuunt liberi quamvis moriantur quodammodo servi ut in nostro Codice scripsimus sub *Tit. De dedit. libert. tollend.* Quantomagis eadem alienandi libertas illi relinquenda est, qui plenam & romanam libertatem habet, licet rem possideat quæ moriente eo absque liberis ad dominum sit reuersura? In summa non fraudat qui impedit ne condicio aliqua existat ex cuius eventu alius lucrum sentire potuisset *d. l. quod autem 6. §. 1. D. qua in fraud. credit.* nec prohibetur quisquam heredibus suis perinde ac sibi ipsi providere *l. si pactum 9. D. de probat. l. sale pactum 40. §. ultim. D. de pact.* Obstant tamen huic nostræ sententiæ quidam iuris loci de quorum sententia dicendum nobis est, ut tota hæc quæstio quæ in foro satis frequenter occurrit melius tota discutatur.

ERROR OCTAVVS.

Si permutatio rei feudalis vel emphyteutica fuerit simulata, Ad l. si filia 5. D. de divor. & ad l. filia mea 59. D. solus. matrim.



Is quæ proximo capite disputauimus pro permutatione ab ægro & cœlibe facta rei feudalis aut emphyteuticariæ, quæ ad dominum directum reuersura sperabatur, cum re allodiali, & quidem ea mente ut ius reversionis impeditur, Valde obstarè videntur quidam iuris loci

loci, quorum autoritate mouentur qui contra nos sentiunt vt permutationem hanc irritandam putent, quasi in fraudem domini directi factam. Primus locus est in *l. si filia 5. D. de diuort.* vbi Vlpianus scribit, si filia emancipata idcirco diuerterit vt maritum lucro dotis adficiat, eam fraudare patrem qui profectitiam dotem potuisset petere si constante matrimonio filia decessisset. Et ideo patri succurrendum est, inquit, ne dotem perdat. Non enim patri minus quam marito succurrere Prætorum oportet. Danda igitur ei est dotis exactio, ait Vlpianus, atque si constante matrimonio filia decessisset. Alter locus est in *l. filia mea 59. D. solut. matrim.* vbi Iulianus, Filix meæ, inquit, emancipatæ & ægræ vir in hoc repudium niisit, vt mortua ea dotem potius heredibus eius, quam mihi redderet, Sabinus dicebat vtile mihi eius dotis recuperandæ iudicium dandum esse: Non alia vtique ratione quam quod non nisi in fraudem meam diuortium hoc factum esse videtur. A quibus non est valde alienum, quod Paulus tractat in *l. pater 71. D. de euict.* Si pater nomine filix in dotem dederit fundum, qui postea sit euictus, patri permittendum esse vt contra venditorem suum agat vel ex empto, vel ex duplæ stipulatione, quasi danum ipse quoque patiat. Et si enim nõ sicut mulieris dos est, ita & patris esse dici potest, vt ex eo colligere licet quod pater hic dotem à se profectam non cogitur fratribus suis conferre constante matrimonio, Ipsius tamen interest, inquit Paulus, filiam habere dotatam, & spem quandoque recipiendæ dotis, omni casu quæ filiam eo vivo mori contingeret siue in matrimonio, siue post diuortium. Vtique si filia fuit in potestate quæ sine patre repudium nec mittere potest, nec admittere. Sed si emancipata proponatur, Vix poterit defendi statim committi stipulationem, Cum minus inter sit patris habere hanc filiam dotatam, quandoquidem non nisi vno casu ad eum regredi dos possit, id est si contingat eam in matrimonio mori, Vt proinde non prius videatur ei permittendum agere quam mortua in matrimonio filia poterit dotem repetere si euictus fundus nõ esset. Sed tamen concludit Paulus hoc quoque casu interesse patris dotatam habere filiam ita vt promissorem euictionis statim conuenire possit, quod magis, inquit, paterna affectio inducit. Ex quo Pauli loco probatur, Videri damnum pati etiam eum qui spem habet alicuius rei quandoque recipiendæ si eam spem amittat, Nec aliud probandum esse, tametsi de ea re agatur, quæ vno tantum casu reuersura esse speretur. Ergo vt hæc omnia ad propositam questionem accommodemus, Cur nõ dicamus damnum pati dominum directum cui per factum à vasallo vel emphyteuta alienationem spes eripitur habendæ rei, quæ si permutatio nulla facta esset, ad eum fuerat reuersura? Quidni etiam videri in eius fraudem & dolo malo factam permutationem, quam ponimus ea mente factam fuisse vt reversionis ius illud impediretur, & quam alioqui vasallus aut emphyteuta facturus nõ fuisset? Speciosa sanè obiectio est, & quæ non parum difficultatis habere videatur: Sed quam tamen facile diluamus si distinguamus quod interpretes, & pragmatici nostri distinguere nesciuerunt, An simulatè facta sit permutatio à vasallo vel emphyteuta. An verò tantum eo animo & consilio vt ius reversionis impediatur. Quicquid simulatè sit, semper in fraudem fit: Quorsum enim simulandi consiliu caperetur, si nulla fraudis cogitatio interueniret? Sed tantum deterioris conditionis est simulatio quam fraus in eo quod simulata nullius omnino sunt momenti, & pro infectis habenda sunt, *l. si ex precio 8. C. si cert. pet.* in illis verbis *simulatio pro infectis habetur.* Et tot. *is. C. plus valet quod agit, quam quod simul concip.* Quæ autem in fraudem geruntur, etiam participante fraudem eo cum quo contrahitur, ipso iure

tenent quousque irrita facta sint per actionem reuocatoriam *l. si sciens 26. in fin. D. de contr. empt. l. quoties 44. D. de acquir. hered. l. 1. §. totant. D. qua in fraud. cre-*
dit. Et rursum non quicquid in fraudem fit, etiā simulatē hinc ut plurimum eo
 animo ut suum effectum habeat. Vtriusque propositionis exemplum apertū est in
 ea permutatione de qua tractamus. Potest enim talis permutatio rei feudalis vel
 emphyteuticæ cum allodiali simulatē fieri si forte non ea sit mente vasallus aut
 emphyteuta ut rei suæ dominium in alium transferre velit, sed fingere duntaxat
 trāssuionem, hac actō priuata cautione inter contrahentes, ut si ex ea infirmi-
 tate saluus euaserit, res ei restituatur: siu mori cum cōtigerit, heredibus eius re-
 cepta ab eis re allodiali quam in vicem suæ permutator hęc acceperit. Potest etiā
 fieri eo animo ut omnino & cum effectu ex utraque parte dominium trans-
 feratur, tēnque acceptā sibi quisque ex contrahentibus retineat, sed tamen nō
 alia de causa nec alio fine, nisi ut impediatur ne mortuē vasallo vel emphyteuta
 sine liberis res ad directum dominum reuertatur. Priore casu admittitur per-
 mutationem & simulatē & in fraudem factam esse, idēque nec valere posse, nec
 domini directi ius extinguere. At nō tam quod in fraudem facta sit quān quod
 simulatē. Nam si nihil ei noceret nisi quod in fraudem facta esset, utique teneret
 ipso iure quousque relicta esset, ac reuocata. Cū autem simulata est aded in-
 anis & irrita est ipso etiam iure ut nulla opus sit reuocatione, sed tantū simulat-
 ionis probatione. Neque enim rem edium vllum iure nostro contra simulatio-
 nes comparatum est quia nec fuit necesse. Sed hic casus, & ea species permuta-
 tionis ad quæstionem nostram nil pertinet. Ponimus enim factam esse permuta-
 tionem veram, & animo permutandi, transferendique dominij, nulla restitu-
 tionis faciendæ exacta cautione, sed tamen hoc consilio, ut reuersio quę per va-
 alli aut emphyteutæ mortem sperabatur, impediretur. Tractamus itaq; de po-
 steriore specie permutationis, quam sicut nemo dixerit esse simulatam, ita in
 fraudem domini factam dici posse negamus. Dic si voles factā eam esse in dā-
 num & dispendium domini, ad quem si ea facta non fuisset, res feudalis vel em-
 phyteuticaria hodie per mortem vasalli vel emphyteutæ sine liberis reuertetur.
 Hoc ego admittam facili, sed negabo semper, in fraudem domini factam eā
 videri. Ex rationibus superiore capite disputatis. Et illa potissimū, q. od nec
 læditi nec fraudat quemquam is qui iure suo & comunum vitur *l. si duorum 42. D. de action. empt. licui nec lēsus* dici potest qui iure comuni vltus est *l. inter eos*
51. §. penultim. D. de fideiuss. l. vltim. Cod. de in integr. restit. minor. Negabo rursum,
 quod pragmatici supponere videntur, Videri tātam huiusmodi permutationē
 nocendi animo duntaxat: quod si ita esset, utique rata ea nunquam haberi de-
 bere, cū malitiis non sit indulgendum *l. in fundo 37. D. de rei vindicat.* Idē-
 um primū agit quisquis hoc animo reuersioni obnoxiam rem permutat, ut
 sibi priuāum consulat, deinde ut suis heredibus, quibus tantū locupletiorē he-
 reditatem relicturus est, si res illa ad dominum non reuertatur. Quod autem e-
 iusmodi permutatio nocet domino directo, & ius reuersionis ei competens si
 non extinguit prorsus, saltem minuit, & remoratur, non fit nisi per consequen-
 tiam quandam, quæ non potest non esse licita, cū antecedens sit licitum *leg.*
cum eo 9. l. inter seruantes 15. D. urban. præd. l. ex quo 12. §. 1. C. de adific. priuat. His
 ita constitutis, facili est ad supradictos Vlpiani & Iuliani locos respondere. Nā
 utroque loco agit de diuortio, quod non alio consilio siue à filio siue à ma-
 rito factum erat, quān ut patri noceretur, adeoque quod non verum erat, sed si-
 mulatum, ac proinde fraudulentum. Diuortium enim non est nisi verum, quod
 animo

animo perpetuam constituendi diffensionem fit ut Paulus scribit *in l. 3. D. de diuort.* Atqui apud Vlpianum *in dict. l. si filia 6. eod. tit.* filia proponebatur & emancipata fuisse, & idcirco tantum diuertisse ut maritum lucro dotis afficeret, Cum fortè conuenisset, quæ olim frequens, & iusta erat conuentio, ut dotem lucraretur maritus, à quo vxor temerè ac sine causa diuertisset, aut quæ culpa sua iustam diuortij causam præbuisset? An verò potest videri animum habuisse constituendi perpetuam diffensionem inter se ac maritum, quæ id vnum egit, ut maritum dotis lucro afficeret? Quid verò maius præstare illa marito potuisset? aut quam enixiorem præbere lux erga maritum & benevolentix & obseruantix significationem? Finit ergo duntaxat & simulauit se diuertere cum nihil minùs quàm de perpetua diffensione inter se ac maritum cõstituenda cogitaret: Neque id verò ut sibi suisque heredibus prodesset, ad quos nihil vnquam per occasionem illius diuortij peruenire poterat, sed tantum ut prodesset marito, noceret patri, eique profectitix dotis recuperandæ spem omnem eriperet. Ideoque bene Vlpianus dignum putat esse patrem cui succurrat Prætor data ei dotis actione, viua quoque adhuc filia perinde acti iam illa in matrimonio decessisset. Nec enim expectandum est ut in matrimonio decedat filia quæ dicit se verè diuertisse. Nam si ad maritum postea rediisset, dummodò breui tantum interiecto temporis spatio, nec diuertisse videretur, si fortè per calorem iracundiæ repudium misisset *dict. l. 3.* vbi exemplum hoc proponitur diuortij, non veri quidem, sed tamen nec simulati. Non enim simulatum dici potest, cum à muliere missum esset repudium animo perpetuam constituendi diffensionem, Nisi euentus docuisset per calorem iracundiæ potiùs quàm certo iudicio id factum fuisse. Quia quicquid in calore iracundiæ vel fit vel dicitur, non priùs ratum esse debet quàm si ex perseverantia apparuit iudicium animi fuisse, ut lex ait, Non omne diuortium non verum, simulatum etiam est, licet omne simulatum sit non verum. Cuius exemplum non aliunde peti clarius potest quàm ex specie *dict. l. si filia.* In qua vix sanè est ut fraudis consilium maritus non participasset cuius lucro & commodo hæc tota cedebat simulatio. Quæ res tantò iustior faceret, ac fauorabiliorem causam patris, cui succurrere Prætorem debere ait Vlpianus non minùs quàm marito. Sed tamen etiam si poneret fraudis huius conscium maritum non fuisse, perinde tamen cum Vlpiano dicerem non fuisse permittendum filix ut fraudaret patrem, qui eo solo casu reuersionem dotis sperare poterat si filia emancipata in matrimonio moreretur, Ne scilicet & filix præmortuæ & amissæ dotis iacturam sentiret *l. iure succursum 6. D. de iur. dot.* Qui locus ostendit, cur *in dict. l. si filia,* sic loquatur Vlpianus, ut dicat, Prætorem patri succurrere oportere. Nam si verum est ut est quod diximus simulata pro infectis habenda esse, Vtrumque mirum videtur & succurri patri, & egere patrem ut ei succurratur: si enim diuortium nullum factum esset, non priùs haberet maritus dotis profectitix repetitionem quàm filia in matrimonio decessisset. Et tamen placet Vlpiano, Dandam esse patri statim dotis exactionem non expectata morte filix. Rursum si perinde habenda est filia quæ per simulationem diuertit acti eo ipso simulati diuortij die in matrimonio decessisset, quid necesse est ut patri succurratur qui vno illo casu sine dubio repetere dotem potuisset? Verum respondendum est, Filiam quæ diuertit in fraudem patris, habendam esse pro mortua, quia per eam factum est ne postea mori in matrimonio vnquam possit, atque ita ne possit vnquam existere condicio quæ proinde cum.

amplius non pendeat habenda est pro impleta potius quàm pro defecta, quamvis secus esset si post simulatum diuortium pendere adhuc posset vt *in l. hoc conditio 10. in princip.* secundum veram & rectam Cuiacij emendationem *D. de condit. & demonstr.* Eget autem pater, vt ei à Pratore succurratur, quia etiam si filia in matrimonio decessisset, adhuc tamen succurri ei oporteret, cum non tã ex iuris potestate dos ad eum redeat, quàm marito per constitutionem & traditionem semel acquisita fuit, quàm ratione illa miserationis, ne & amittat filię & dotis iacturam sentiat *d. l. iure succursum*. Sed cum morte quidem filię solum est matrimonium succurritur patri à iure ipso vt ea lex ait, cum autem non nisi per simulatum & fraudulentum diuortium solutę sunt nuptię, patri non potest iure succursum esse, quia in hunc casum nihil à iure prouisum est. Ideo que necessariò succurrendum ei est à Pratore vt quod à iure omissum est, non omnittatur religione Pratoris, vt loquitur Papinianus *in l. quasitum 13. D. de testib.* ad quem scilicet pertinet vt non minus patris quàm iuris rationem habeat, vt *in l. pater 10. §. 1. D. de captiis & possum*. Tantò enim dignior pater est commiseratione, quāto durius est, vt pater à filia sua fraudem patiat, maxime illò in dote quę à patre ipso profecta sit. Ex parte verò mariti mirum quoque verò est quod tractat Vlpianus an ei succurrendum sit, sed illud magis quod negat ei succurrendum esse. Nam cum rei dotalis dominum nactus sit per ipsam dotis constitutionē & traditionē, vt diximus, quid eget ille vt ipsi succurratur, cum sit dominus ipso iure ac iusti dominij exceptione tueri se possit? Aut si indiget vt ei succurratur, quidni potius ipsi succurrimus, quàm patri, cum suę vxoris fraudem non participauerit? Hunc enim casum ab Vlpiano tractari ex hoc ipso constat quod disputat an ei succurrendum sit. Quis enim succurrendum ei putaret, qui fraudis participes & conscius ipse fuisse? Verum respōderi potest, Pręsupposita illa quæstione, an succurrendum sit patri aduersus fraudem filię, illam quoque quæstionem statim emergere, An non marito etiam succurrendum sit contra patrem eo scilicet casu quo maritus fraudem vxoris ignorauerit, nō vt fiat dominus dotis, sed vii ne patri ratione miserationis dotem restituere teneatur. Nam & ipse commiseratione dignus est, ne factum vxoris ei nescio & ignoranti noceat, vt dotē citius patri restituat, quā potuisset fortassis numquam restituere, Nimirum si filiam aut post diuortium verum, cui causam ipsa dedisset, aut constante quidem matrimonio sed post inortem patris decedere contigisset. Denique si patri succurrat Prator in hac specie potius quàm marito, faciet sanē vt marito dos auferatur cui tamen nihil imputari possit, quod à communis iuris regulis alienum est *l. Titia 62. in fin. D. de iur. dot. l. 2. D. quod vi aut clam*. Sed tamen concludit Vlpianus patri potius succurrendum esse, quàm marito, quia licet in eo par vtriusque causa sit quod neutri potest imputari, nec cuiquam eorum fraus filię nocere debet, In hoc tamē fauorabilior est pater, quod ab eo dos profecta fuit, & minus fauorabilis maritus quod nulla fert amplius onera matrimonij. Ponimus. n. diuortium durare quamuis simulatē factum & non verē, nec rediisse mulierē ad virum ne simulatio detegatur. Quid ergo si redire quādoque velle? Nō putō ei permittendum post ius quæsitum patri, Ne alioqui nouę fraudis excogitandę materiam ea res filię præbeat, vt iterum patri noceat. Nec distinguendum arbitror an breui post reuerti velit, an interiecto longiore temporis spatio. Ea namque distinctio tunc locum habet cum calore tantum iracundię non certo iudicio repudium missum est, vt *in d. l. 3. De diuort.* At diuortium de quo *in d. l. §. filia*, non eo minus certo animi iudicio factum videri debet quod simulatē factū sit.

fit, habetque effectum licet non causam diuortij. Quāquam si redintegrare matrimonium filia vellet, paternæ pietati & adfectioni lanè cōueniret, vt maiorem honoris filiz quā sui commodi rationem haberet, sicuti non faciliè permittendum ei est vt bene concordans matrimonium turbet, tū quoque cūm habet filiam in potestate l. i. §. vlt. D. de liber. exhib. Atque hoc casu si Vlpiano fuisset propositus, fortassis putasset ille, Marito potius quā patri succurrere Prætorē oportere, scilicet si prius vellet filia redintegrare matrimonium, quā de dote recuperanda pater egisset. Accepto enim iudicio nullus planè locus pœnitentiz relinqueretur. arg. l. si Titius 9. l. si insulam 84. De verb. oblig. cūm per litis contestationem quasi contrahatur l. 3. §. idem scribu D. de pecul. hācque species quēdam delegationis l. delegare 11. §. 3. l. niam 29. D. de nouat. Eadē omnino tractari possunt, circa speciem illam de qua Iulianus in d. l. filia mea 39. D. solut. matrim. Nam & ibi diuortium fuit simulatum nec tam animo constituendæ dissensionis perpetuæ factū quā in fraudem patris, vt ei noceretur nullo commodo fraudatoris. Hac sola differentia quod maritus ille erat, qui fraudem fecerat, neque rursum vt vxorem suam quam perditē amaret lucro aliquo afficeret, quod minū indignum videri potuisset, sed vt heredibus mulieris fortasse adhuc incertis, vel incognitis dotem restitueret potius quā socero à quo eam acceperat. Quo casu cūm maritus nullo penitus fauore dignus sit quod hanc fraudem ipse commentus sit, minor erat dubitandi ratio quin aduersus eum patri succurrere Prætorē oporteret. Restabat vt ad Paulum in d. l. pater 71. De emul. qui contra nos quoque vrgere videretur aliquid responderemus, sed quia longiores hic iam fuimus & de illius loci sententia ac emendatione pluribus tractandum est, totā rem & quod dicendum superest de laudimiis ex permutatione præstandis in sequens caput reiiciamus.

ERROR NONVS.

De Triboniani manu & inscitia obseruata in l. pater 71. D. de emul.

TEST de huius loci sententia iam aliquid scripsimus in libris Cōiecturarum, cūm quæstionem illam tractauimus, An dos à patre data filiz emancipatæ reuerteretur olim ad patrem mortua in matrimonio filia, Nondum tamen satis plenè omnia diximus, quæ hodie circa illius legis interpretationem, & emendationem occurrunt. Habet lex duas partes, Vtraque est de fundo in dotem dato à patre nomine filiz, & postea euicto, sed prior pars de dote nomine filiz familias, Posterior verò de ea quæ data sit nomine filiz emancipatæ. Prior pars argumentum suppeditat aduersariis, vt probent contra nos, Videri permutationem factam in fraudem domini directi si vasallus vel emphyteuta iam ægrotus & sine prole rē feudalem vel emphyteuticariam permutauerit cum allodiali ea mente ne defuncto ipso sine liberis res ad dominum reuerteretur. Vident enim Paulum in d. l. pater, aperte scribere, Patrem damnū pati aliquod videri si fundus dotalis euincatur, & pes recipiendæ quandoq; dotis ei auferatur. Sed fortius argumentum præbet pars posterior, quæ idem ius tribuit patri, vt statim possit agere ex empto aut ex duplæ stipulatione, iū quoque cūm dos data fuit pro filia emancipata, quamuis in illa specie vno tantū casu dos reuerti poterit ad patrem, Nimirum si filia emancipata in matrimonio

decessisset viuo patre quâvis casus ille mali omnis plenus esse videatur, & contra votum patris *l. cum tale 72. in princ. De condic. & demonstr. l. nam etsi 15. in princip. D. de inoff. testam. l. lulianus 26. in fin. D. si quis omni. caus. testam.* Quidni enim similiter dicemus in proposito, Non eò minùs videri damnum pati dominũ ex fraude vasalli vel emphyteutę quod vno tantũ casu. res ad ipsum reuerti potuisset, scilicet si res illa in tempus vsque mortis in bonis vasalli vel emphyteutę mansisset. Nos, vt hoc primũ expediamus, ad vtramque obiectionem respondemus, In priore illius legis specie duplicem rationem adferri, propter quã videatur damnum pati pater ex fundi dotalis euictione, quatum neutra quæstioni nostrę conuenit. Vna est, quòd intersit patris dotatam habere filiam, quę su in eius potestate, Altera, quòd spem habeat recipiendę quandoque dotis: Aut potius vna tantũ ratio est ex his duabus conflata, Quòd patris intersit dotatã habere filiam in potestate propter spem quam habet recipiendę dotis quãdoque, id est quandocunque, vt *in l. heres quandoque 54. D. de acquir. hered. l. verbi tribu. 7. De vulg. & pupn. subst.* hoc est, omni casu siue soluatur matrimonium diuortio siue morte aut ipsius filię aut mariti. His enim omnibus casibus dos ad patrem reuertitur, aut si adhuc filia viuít communis est dos & actio de dote patri & filię, sed ita vt solus pater agere possit & debeat dummodò ex filię cõsensu & voluntate *l. 2. §. 1. & ultim. D. solut. matrim.* ita tamen vt eam seruet si quando postea iterum nubere filia velit *Auth. sed quamvis Col. de res. ux. ad.* In posteriore verò specie, quod pro sententia nostra maxime facit, lex fatetur nõ idẽdõ posse patrem agere de euictione, quòd spem habeat recipiendę dotis, quia, inquit, hanc spem nõ habet, nisi vno illo casu quo filia emancipata in matrimonio moriatur. Qui casus præterquã quòd vnicus est, etiam abdominalis est patri, cuius votum est, quale parentum omniũ vt præmoriatur ipse filię non vt ei supercuiuat *d. l. cum tale.* Idcõque vix est vt conueniat bono patri dicere, & credere, sua quicquam interesse, quòd mortua in matrimonio eo viuõ filia, dos ad eũ reuersura sit, vt argumentatur Papinianus *in l. seruus 7. iunct. l. praced. §. 1. De seru. export. & d. l. cum tale.* Non enim videtur interesse nisi ex honesta probabili & optabili causa intersit *l. 3. §. sciendũ D. ad exhib. l. cum 15. tit. D. de furt.* Ergo similiter & in propõsita specie dicere possumus, Nihil interesse domini directi quòd vendita sit à vasallo vel emphyteuta res feudalís aut emphyteuticaria, quę ad ipsum reuersura erat, vt vasallus vel emphyteuta sine liberis decessisset. Nam & mortem liberi hominis, si & aduersum alium quemlibet casum expectari perinde nefas est, & vt Paulus loquitur *in l. inter stipulantem 85. §. sacram De verb. oblig.* neque ciuile, neque naturale *l. si in emptione 34. §. si liberum hominem D. de contr. empt.* At qui, inquires, non dubitat Paulus *in d. l. l. pater,* quẽ patri qui filię emancipatę fundum in dotem dederat, postea euictũ danda sit actio de euictione, iũm saltem cũ casus euenerit, vt filia in matrimonio moriatur. Quidni igitur perinde dabimur actionem domino directo nõ quidem quãdiã vasallus aut emphyteuta viuít, sed eo tandem sine liberis defuncto vt rem alienatã reuocet, quam si alienata non esset, nunc haberet? Verũ respondeo esse ista longẽ dissimilia. Hic, n. danda esset actio ad reuocandum id quod iure licito factũ fuisset, idque ob casum superueniẽtem qui cũ negotij gesti tempore sperari minimẽ deberet, fraudis materiam vel occasionem præbere non potuit. Fraudem namque præsentem esse oportet, inspecto eo tempore quo negotium geriur, neque ex eo quod postea contigit æstimari potest *l. quoties 44. D. de acquir. hered. §. item si quis in fraudem Inst. de action.* At in specie *d. l. pater,* datur actio patri non ad

reuoan-

reuocandum ex superueniente casu aliquid ante gestum, Sed actio iam ante nata & competens ex contractu emptionis, & quam secuta euictione iam inde ab initio exercere pater potuisset si non ei ratio illa obstitisset quod nihil dum eius intererat, quamuis spem iam haberet dotis profectivæ unico illo casu, quæ diximus, recipiendæ. Actio autem quam pragmatice nostri dant domino directo ad reuocandam alienationem rei feudalis vel emphyteuticæ, non incipit competere, ut illi ipsi fatentur nisi à casu, id est à quo tempore vasallus vel emphyteuta sine liberis decesserit. Nec enim ex inueltitura eam competere quisquam dixerit. Vt neque ex contractu alienationis, Adeoque nec ex ea fraude, quam fingit ipsa in alienatione interuenisse, Quoniam actio fraudatoria & reuocatoria exigit fraudem quæ interuenerit non tantum consilio, sed etiam re & eventu. Nihil igitur ex supradicto Pauli responsò ad propositam questionem inferri potest. Sed indiget responsum illud maiore luce ac interpretatione ut à Tribonianis iniuria Paulus vindicetur. Neque enim verum esse puto, nec proinde à Paulo scriptum esse, quod habet posterior pars legis, si pater fundum pro filia emancipata in dotem dederit qui postea euictus sit, permittendum esse patri, ut statim & constante licet adhuc matrimonio agat de euictione, quod eius inter sit hoc quoque casu dotatam habere filiam quamuis emancipatam. Nam & hæc ratio falsa est, cum patris qui semel dotem dedit pro filia emancipata, nihil penitus inter sit, an maneat illa dotata, necne sine respectu ipsius filiæ, sine respectu etiam mariti. Namque si mariti ius & personam inspicias, certum est, quauis & fundus dotalis eum euictus sit, maximèque ipsius inter sit habere uxorem non indotatam, nullam tamen eum habere posse de euictione, nec contra illum qui patri fundum vendiderat, quandoquidem cum eo non contraxit, nisi ponas ei cessas fuisse à patre actiones *l. si res 59. D. eod. tit.* neque contra patrem qui dotem dedit si modò bona fide dederit, quod in dubio præsumendum est, nec de euictione saltè nuda pollicitatione se obstrinxerit *l. 1. C. de iur. dot.* quæ addit, Nec si mulier ipsa dotem dederit aliud probandum esse, Nisi dolo malo fundus alienus in dotem datus sit, quo casu si extraneus fuit qui dotem dedit, de dolo actio marito danda est *l. cum post 69. §. cum res D. eod.* aut in factum si mulier ipsa vel mulieris pater *d. l. 1. in fin.* Satis enim marito esse debet quod in casum quemlibet restituendæ dotis nullam ipse restitutus sit, quod ostendunt verba illa Pauli in *d. l. pater, potuit dotem repetere si euictum fundum non esset*, ut intelligamus euictio dotali fundo sicuti nulla marito de euictione actio competit, ita neque actionem de dote contra maritum ullam superesse. Ne aliqui cogatur restituere id quod non habet, Potestate sc. euictionis tollente intellectum traditionis ut in alia specie loquitur Papinianus in *l. si patris 55. §. ult. D. ad Sc. Trebell.* lunct. *l. mulier 22. §. sed enim eod.* Quamuis possit dici imputare eum sibi debere, quod promissionem euictionis non exegerit ab ea persona quæ dotem dedit. Sed nemo iudex propitiis auribus mulierem audiat hoc obiecientem si ea ipsa sit quæ dederit, aut si eius pater *arg. l. si extraneus 33. D. de iur. dot.* Nā si extraneus fuit, nullius inter est præterquam mariti apud quem remanere omnimodo dos olim debebat nisi extraneus eam sibi reddi fuisset stipulatus, quod tamē hodie immutatum est, *l. unic. §. accedit C. de rei ux. act.* Si verò in patre qui fundum alienum postea euictum in dotem dedit, nihil nisi ipsius patris personæ & ius intueamur, Dico nihil eius planè interesse an filia emancipata dotem aliquam habeat, necne. Primum enim verèdum non est ne iterum dotare illam teneatur, cum semel habuerit dotem, & pater bona fide [hoc enim sæpè requirimus] officio suo functus sit. Nec eo minus cogebatur eo iure quod Pauli temporibus obtinebat, totam dotem quam maritus accepisset cōferre

fratribus si ab intestato cum iis volebat succedere *Tot. tit. De collat. dos.* Etiam si nihil à marito consequi & repetere potuisset, ut Iustinianus testatur in *Novell. 97. de aequal. dos. cap. 6. §. illud quoque.* Vnde sumpta est *Auib. quod locum C. de collat.* ubi nullum ille dat auxilium filiz emancipatz aduersus hoc incommodum. Et verò quæ in potestate retenta sit, non aliud nisi ut actione quamvis inanem fratribus conferens, liberetur. Neq; hoc semper, sed ita demùm si patri aliquid possit imputari potius quàm filiz quod in proposita specie nō contingit. Quid enim possis patri imputare qui fundū in dotem dedit alienum quidē sed tamen bona fide quēmq; suū esse & venditoris sui fuisse arbitrabatur. Nec enim quod in casum euctōis duplū stipulatus sit, facit eum malæ fidei emptorem, cum ita facere potuerit iure communi, & debuerit ut indemnitati suæ benè prouideret. Cū ergo filiam emancipatam iterum dotare pater nullo casu teneatur, Dici non potest quicquam eius hoc respectu interesse ut dotatā habeat filiam emancipatam. Vtrum verò utrisq; ob id quod spem habeat recipiendæ quandoque dotis quæ ab ipso patre sit profecta? [nam in aduentitia nihil omnino iuris sperare vquam potest.] At ne hoc quidem: Cū hanc spem recipiendæ dotis non possit habere pater nisi vno illo casu quo prior filia in matrimonio moriatur. Quem tamen casum iam diximus esse abominale, & ut loquitur Papin. *in d. l. cum tale*, ominosum, & consequenter talem ut eius contemplatione non possit pater dicere probabiliter & honestè sua quicquam interesse. Nec est cōtrarium quod prima pars legis habet, ac nos admittimus, Interesse patris habere dotatam filiam quæ sit in potestate ob spem recipiendæ dotis. Nam præter id quod non sic loquitur Paulus, sed ita ut dicat interesse patris habere dotatam filiam & spem recipiendæ quandoque dotis, [nam certè interesse patris habere dotatam filiam familias etiam si nullam recipiendæ dotis spem retineret, vel ob hoc saltem ne iterum eam dotare cogeretur, vel heredem eam habere ex testamento aut ab intestato, aut saltem exheredem eam facere. Quorū omnium nihil dici potest de filia emancipata, quæ post emancipationem omnino extranea intelligitur *l. quinetiam 55. in fin. D. de rei. nupt.*] Dico totam vim ratiocinationis Pauli cū loquitur de spe dotis recipiendæ consistere in verbo illo *quandoque*, id est ut interpretati sumus *quandocunque*. Cuius sensus est, Omni casu dotem à patre datam filiz familias ad patrem reuerti. Non vno illo solo, quo per mortē filiz emancipatz esset reditura. Nā siue moriatur filia familias in matrimonio, siue extra matrimonium post diuortium, siue etiam morte viri matrimonii solutū sit, semper dos profectitia redit ad patrem, Nec abominabilis est spes hæc reuersuræ dotis ad patrē omni casu, licet inter cæteros casus ille quoque sit quo filiam in matrimonio mori patre viuo contingat, quia quod omni casu euenturū est, utique omnimodo exiturū est & perinde habendū ac si iam extitisset *l. quod si ea condicione 18. l. Iulianus 60. De condit. in deb. l. si quis ita scripserit 33. D. de hered. inst. l. si pupillus 9. §. qui sub condicione D. de nouat.* Nec quicquam absurdū est in vniuersalitate casuum aliquem contineri qui per se sit abominabilis, sicut dici solet, multa per vniuersitatem transire quæ alioqui per se singula non possent alienari *l. 1. §. 1. D. de fund. dos. l. quadam 62. De acquir. rer. domin.* Non est autem abominabilis patri casus soluti matrimonij per mortem viri, cū ex humanæ naturæ condicione necesse sit vtrumque coniugē mori, & alterutrum præmori. Casus autem diuortij est quidem etiam abominabilis, cū dos detur eo animo, & voto ut penes maritum perpetuò remaneat *l. 1. D. de iur. dot.* quod interueniente diuortio fieri non potest. Abominabilior autem ille quo

fiat

fiat diuortium in ipsius patris fraudem à marito, vt in *l. filia mea* 59. *D. solu. matr.* Maximè verò si ab ipsa filia, vt in *l. si filia* 5. *De diuort.* de quarum legum sententia & ratione proximo capite scripsimus, Sed tamen cum cæteris iunctus hic casus non censetur abominabilis, quia cõsideratur sub formalitate, vt loquuntur generica, id est tanquam casus soluendi matrimonij, non tanquam talis casus. Itaque licet essent omnes casus abominabiles singuli & per se, tamen simul iuncti non essent abominabiles quia sunt necessarii, non quasi sit necesse vt præmoriatur filia, vel vt fiat diuortium, sed quia necesse omnino est solui tandem & quoquomodo matrimonium, aut morte alterutrius coniugum, aut diuortio. Si morte, aut mariti, aut vxoris, si diuortio, vel vero, vel simulato & in fraudem factò licet perpetuo. Quòd si in fraudem patris, vel à filia ipsa, vel à marito. Atqui omnibus his casibus habet spem pater recipiendæ dotis profectitiæ quam pro filiafamilias dedit. Verum igitur est interesse patris dotatam habere talem filiam, licet quandiu matrimonium durat dicatur hæc quoq; dos abcessisse bonis patris, & æris alieni loco esse si tantum promissa sit *l. vlt. D. de dot. collat.* Dices, posse dari casum, in quo dos etiam profectitia data filiafamilias nomine ad patrem non reuertatur, Nempe si pater ipse præmoriatur manente filia matrimonio. Nam nec ad patrem qui iam defunctus sit reuerti potest, neque ad ipsius heredes siue extranei sint, siue sui, in quibus scilicet non habet locum eadem ratio inuersionis quæ in patre *d. l. iure succursum* 6. *D. de iur. dot.* Sed respondeo, Imò verò reuerti hæc casu dotem, non quidem ad patrem iam mortuum sed ad hereditatem, cum ab intestato cogatur filia dotem cõferre minùs accipiendæ ex hereditate & bonis patris *tot. iur. D. de dot. collat.* Factò autem testamẽto siue filia exheredata sit, siue ex minore quàm ex legitima portione instituta, imputare sibi dotem in legitimam *ex l. quoniam nouella* 29. *C. de inoffic. testam.* Vt proinde hoc quoque casu quo pater sit præmortuus, opulentiorem tamen hereditatem propter hanc dotem reliquisse videatur: quod nõ esset si per euictionem fundi dotalis amitti dotem pateretur. Quidni ergo permittamus ei statim agere ex stipulatione duplæ si qua intercesserit, aut ex empto si nulla aduersus venditorem qui rem alienam vendidit, & euictionis nomine se obligauit: At in filia emancipata sunt omnia dissimilia, vt ostendimus, quia siue mariti morte, siue diuortio soluat matrimonium, dos ad patrẽ nõ reuertitur, sed filia emancipatæ soli & dos, & dotis actio acquiritur *d. l. 2. in princ. l. Titia* 34. *D. solu. matr.* nisi cum simulatè & in fraudẽ patris factũ diuortium est, vt in *d. l. si filia* & *d. l. filia mea*. Quo casu redit dos equidẽ ad patrẽ, at non tãquã in casum diuortij, sed tanquã si morte mulieris solutũ esset matrimoniũ, cum per fraudẽ alterutrius cõiugũ factũ est, ne ampliùs in matrimonio mori filia possit. In quo egregiè falluntur, qui vnum illũ casum, de quo Paulus loquitur in *d. l. pater*, sumendũ putant *ex d. l. si filia* & *d. l. filia*. Quasi pater eo casu succedat alia ratione, quàm illa ipsa qua succederet, si in matrimonio filia decessisset. Quod tamẽ falsum est. Quantã enim fraus patri à filia fieri posset aut socero à genero, si quod isti existimant, ita ius olim fuisset vt mortua in matrimonio filia emancipata dos ad patrẽ reuerteretur? Imò verò tota fraus in eo est quod per tale diuortiũ sit vt casus alter mortis filia in matrimonio euenire nõquã possit. De quo plura scripsimus *lib. 13. Coniect.* Nõ igitur de hoc casu fraudulenti diuortij qui lógè abominabilior est, sensit Paulus in *d. l. pater*, sed de illo quo morte filia emancipatæ matrimoniũ soluat, Nec idèd tamẽ duo sunt casus sed vnus, quia casus fraudulenti diuortij pro casu mortis habetur. Quẽadmodũ casum seruitutis casui mortali-

tatis comparamus *l. seruus 209. De regul. iur.* quia seruus iam pro mortuo habetur, nec proinde expectandum est ut amplius moriatur cum bis mori nemo possit *l. quod attinet 32. eod.* Illud tantum in filiafamilias & in emancipata simile est quod utraque si ab intestato velit succedere dotē cōfert *Tot. tit. de collat. dot.* Sed factō testamento sicuti de collatione nullus olim quāstioni locus erat, ita neq; de imputatione in legitimā si ius illud inspicias quod Pauli tēporibus obtinebat ante Leonis & Iustiniani cōstitutiones in *l. quoniam 29. v. seq. C. de inoff. testam.* siue instituta esset filia emancipata, siue exheredata, siue prāterita, quod nā dos data à patre pro filia emancipata omnino abscēssit à bonis patris. Multo magis quā quā data est pro filiafamilias, de qua in *l. ult. D. de dos. collat.* Nimirum quia nō nisi vno illo casu quē diximus ad patrem reuertitur. Ergo bene Paulus noster in *d. l. pater*, sententiā suā restrinxerat ad eam speciē qua fundus in dotē datus esset pro filia in potestate, iis videlicet verbis *vixque si in potestate sit. Quod si emancipata est, vix poteris defendi, statim cōmuti stipulationē: cum vno casu ad eū dos regredi possit.* Nec poterat apertius aut elegātius quid in filia emancipata sentiret, exprimere. Solent, n. prudētes nostri cum aliquid modestius negant, ita scribere *vix pōt dici, vix pōt, vix defendi potest*, aut aliud quid simile: Aut quomodo Papinianus in *l. iun. prin. D. de pign.* Fateor verū esse quod vulgō iactatur, Id quod vix fit tamē fieri. Sed quod prudētes nostri dicūt se vix putare id nullo modo putāt, & modestē quidē, sed apertē negant. Et tamen Tribonianus quasi morē hūc loquendi prudētibus iā opere frequentē ignoraret, existimauit indecisam à Paulo quāstionē relinqui, ut locū aperiret dubitationi & per dubitationē opinionī quā cōtra iuris rationē Pauliq; sensum obtrudere volebat, & quāstionē latius ita cōcepit, *Numquid ergo cum demū agere possit cum mortua in matrimonio filia potuit dotē repetere, si enī illi fundus non esset? An & hoc casu inter est patris dotatā filiā habere ut statim cōuenire promissorē possit?* Quibus verbis rationes vt apparet in vtramq; partē adfert quibus moueri quis posset, vt & pro patre & contra patrē responderet, Concluditq; tandē pro patre contra Paulum iis verbis *quod magis paterna affectio inducit.* Sed ita tamē vt faciliē intelligas non moueri eū ratione illa quam attulerat, quasi ex iure sumptā, q; hoc etiā casu inter sit patris dotatā habere filiam, licet emancipatā, sed ratione sola adfectionis: Quasi verō patris adfectio aliquid possit in iis quā pēdent non ab ipsius voluntate sed à mera iuris ratione. Fuitq; perpetuus error Triboniani in eo quod adfectioni personarū indulgēda esse multa credidit cōtra manifestā iuris rationē. Quale illud est, vt ex vnius stipulatione alteri actio acquiratur qui neq; in potestate stipulatoris fuerit neq; habuerit eū in potestate, vt in *l. Caius 45. D. solut. matr.* de cuius sententiā & emēdatione scripsimus lib. 13. *Comet. c. 5. & Iulius lib. 29. c. 19.* Sed quis obsecro color hic fuit paternē adfectionis ad ius violātū? Cum etiāsi fauere velles patri inuita iurisprudētia vt statim conuenire venditorē suū posset, non tamē cōmodo filia ea res cederet, sed ipsius patris, qui non idcirco quod per actionē ex empto aut ex stipulatione duplā cōsecutus esset, filia dare cogere, sed sibi retineret, cum impunita sit patri euictio tam quod ad filiam quā quod ad maritū quoties bona fide fundū quamuis alienū in dotem dedit: Nec æquum videri potest, cogi patrē vt quod per alterutrā illarum actionū cōsequetur pręstet marito pro dote filię vt hoc salē habeat filia ex bonis paternis, vt in *l. dotem 6. D. de collat. bon.* Non, n. habet actionē de euictione pater ob dotē sed propter suā emptionē, nec in dote danda quicquā aut de euictione, aut de actione, quā in casum euictionis haberet cauit. Tū verō si duplę stipulationē prę-

flaret, maiorē dotē ex ea causā haberet filia quā quā ipſius nomine fuiſſet ab initio conſtituta. Deniq; multō eſſet iniquius eam fieri iniuriā vēditori, vt quia intereſſet mulieris cum qua nihil cōtraxiſſet citius conueniri poſſet à patre eodēq; emptore, cuius nihil adhuc reuera intereſſet, & cuius nūquā fortaſſe intererit putā ſi extra matrimoniū filiam emancipatā mori contingat. Idq; apertius erit ſi de actione non ex ſtipulatione duplę tractemus, ſed ex empto, quę ſui natura non datur niſi ad id quod intereſt, nec proinde alij quā ei qui ſua probet intereſſe. *ſi in venditione 60. D. de euſſ. iunct. l. vlt. De pra. or. ſtipul.* Maniſteſſimū igitur eſt, totam illam additionē ab iis verbis *numquid ergo* Tribonianī eſſe non Pauli cum & à iuris ratione, & à Pauli ſenſu omnino aliena ſit, quē tam apertē præcedentia declarant. Redeamus iam ad tractatum noſtrum vnde digreſſi ſumus, De laudimio ex permutatione petito, & cōcludamus, Ex ea quoque permutatione quā ab infirmo paucis ante obitū menſibus aut diebus facta ſit, laudimium deberi quidem vt ex alia qualibet permutatione rei feudalī vel emphyteuticarię cū allodialī, aut quod interpretes addere debuerunt [eadem enim ratio eſt] cum alia feudalī æquē vel emphyteuticaria, ſed cuius dominium directum ad alium pertineat, ſed dominiū vtile quod in compermutantē tranſlatum eſt, nullomodo quaſi in fraudem alienatum reuocari poſſe à domino directo. Eſi autem de permutatione rātūm tractauimus, Eadem tamen in venditione quoq; locum obtinent, & in donatione, de qua in ſequentibus dicemus. Nec enim minūs integrā laudimia debentur ex aliis cōtractibus ex quibus dominium per traditionem trāſfertur quā ex permutatione; nec rursū ex permutatione minūs quā ex aliis cōtractibus. Quamvis pleriq; apud nos locis vt & apud Sebuſianos meos non niſi dimidiata præſtentur ex inueterata quadā conſuetudine potiūs quā quod vera ſit ſentētia Guid. Pap. hoc temperamentum inducentis *quaſt. 92.* Nam aliis locis quamplurimis, præſertim verō in ea prouincia quam ſpecialiore nomine Sabaudiam appellamus, integra debentur, vñ nobis in Codice noſtro traditum eſt ſub *Tit. De ſur. emphyt.*

ERROR DECIMVS.

*De tertia venditione ex permutatione in qua vel pecunia interuenit, vel donatio,
& quid ſi fundus permutatus ſit cum ſpeciebus recipientibus
functionem in ſuo genere.*



ON D V M abſoluimus omnia quæ de laudimio circa permutationem tractari poſſunt. Nam ſicuti variis modis permutatio ſit, ita aliis atque aliis diſtinctionibus opus eſt, & alij caſus alij ſunt dubitabiliores. Aliquando ita ſit permutatio vt cum re interueniat pecunia ex vna tantū parte & quidem principaliter non accēſſoriē, ſcilicet quando precium illius rei quæ permutatur maius eſt quā ſit valor alterius rei cum qua ſit permutatio, ſecus ſi eſſet minus. Cum enim precium eſt maius, venditio potiūs quā permutatio contrahi videtur, Vt tractat Amedeus à Ponte *quaſt. laudim. 28.* ex Iacob. de Sanct. Georg. in *tract. De roydū numer. 33.* & Guido Pap. *quaſt. 92.* Vbi verō precium minus eſt quā ſit valor rei, credibile eſt videri appoſitum

M m m ij

precium additamenti causa & ad supplendum rei valorem iustum potius quàm animo contrahendæ emptionis, neque mutare debet ea res substantiam actus, nisi de contraria voluntate contrahentiū appareat, vt de venditione ac emptione potius, quàm de permutatione contrahenda cogitarint, Ex Canonistarū traditione *ad c. ad quæstiones. Extr. de ver. permut. Andr. Tiraq. De retract. gentili. §. 30. glo. 1. in princ. & nu. 11. & seq.* Placet autem videri satis constare de voluntate illa contrahentium, non modò si maius sit precium quàm sit valor rei cū qua sit permutatio, sed etiā si sit æquale aut parūm distet ab æquali. Hoc enim casu licet verbo permutationis contrahentes vsi sint, verius tamen creditur, præsumendam esse in dubio emptionem, Vt supradictò loco concludit Amedeus ex Afflict. post Bald. in *prælud. feudor. nu. 87. & Alciat. lib. 3. De verb. signific. & in l. 2. nu. 19. De verb. oblig.* vbi etiam dicit, Non nisi pro dimidia soluendum esse eo casu laudimium propter mixturā contractus, Cū in cæteris permutationibus, de consuetudine inquit, nullum præstetur. Mihi videtur tota hæc inspectio non tam ad quæstionē De laudimio, quàm de tertia, vt vocant, venditione pertinere. Nam quod ad laudimium pertinet, iam diximus ex ratione iuris, quod nec Alciatus negat, integrū deberi, Adeoque ex consuetudine apud nos plerisque in locis licet in aliis non nisi dimidiatum. Et cū in ea specie quam Alciatus tractat fatendum sit fraudem factam esse ab eo qui permutationis colorem quæsit vt veram faceret emptionem, Illud quoque fateri nos oportet, Iis etiam in locis in quibus consuetudo inualuit, vt vel nulla penitus vel dimidiata duntaxat laudimia ex cæteris permutationibus debeantur, hoc tamē casu deberi integra, Ne alioqui fraudis suæ fructum quem totum sperauerat, saltē pro parte emptor sentiat, quem sentire improbus fraudator numquam debet *l. ne ex dolo 12. D. de dolo mal. l. procurator 11. §. 1. D. de doli mal. except.* Nec mixtura illa contractus quæ tantò magis coniecturam fraudis inducit, fauere debet emptoriaræ nocere potius vt plus valeat quod actum est reuera, quàm quod simulatè conceptum. Tot. tit. Cod. plus valer. quod agit. quàm quod simul concip. Idque apud nos passim obtinet, vt quoties in permutatione pecunia interuenit, etiam additamenti duntaxat, & supplementi gratia, quod pragmatici nostri & notarij appellant vulgari vocabulo *les tornes*, laudimia integra pro rata saltem pecuniæ debeantur, Tū quoque cū alia nulla ex permutatione peti possunt ratione fundi permutati. Quasi pro ea parte non tam permutatio quàm emptio inita videatur. Sed quod ad aliud emolumentum dominij directi, quas vulgò & barbarè *vendas* vocant, Gallicè *les vends*, alij elegantius, vt sibi videntur *tertiā venditionem*, Necessaria inspectio & distinctio illa est, An contractus qui permutationis dictus est à contrahentibus, dicendus sit potius contractus emptionis. Nam siue *vendas*, siue *tertiā venditionem* appelles nomen ipsum sonat non deberi laudimium hoc nisi ex venditione. Ergo non ex permutatione, vt neque ex alio villo contractu, quamuis ex eo dominium transferatur, si modò venditionis appellatione contineri non possit *cap. 1. vbi Panor. mit. De iis quæ sunt à Prælat. & l. fin. C. de prad. decur. lib. 10.* Maxime verò in statutis quæ semper sunt odiosa hoc ipso quo derogant iuri communi, multò magis si sint pœnalia, licet non desint qui putent in fauorabilibus permutationem contineri appellatione venditionis quantum ad mentem licet non quantum ad verba. Post Baldum in *l. fin. vers. extra hoc nota D. de condict. ob caus.* quem Amedeus loco supradictò refert. Alia tamen, meo iudicio, ratio est dationis in solutum. Et si enim is quoque

contra

contractus reuera distinctus sit à cōtractu vēditionis, & in eo maximè diuersus quodd veditio sit nudo cōsensu, nec inducit translationē dominiij, si vēditor non sit dominus *l. ex empto 11. D. de act. empt. iñt. l. 1. §. ult. D. de contr. empt.* Datio autē in solutū à datione incipit, id est à dominiij trāslatione quæ sit per traditionē *l. si quis aliā 46. l. qui res 98. in princ. De solut. l. si nō sortē 26. §. si centū D. de condi. in- deb.* Attamē accedit tā proximè ad venditionē quæ à domino facta sit si effectū inspicias potius quàm originē & causam cōtrahendi, vt parū ab ea distare videri possit. Nihilq; esset facilius quàm fraudē domino directo facere si nō venditionis iure datio in solutū hac parte censeretur. Cūm in datione in solutū pecuniæ quoq; interuenire necesse sit, iā qdē debitiā, sed quæ tamē iusti precij loco esse possit *l. à Dino Pio 15. §. si pignora D. de res. iud. l. 2. C. de exec. rei in caus. iudic. pign. c. sit l. si pradium 4. C. de enūl.* Quid. n. refert an is cui res acquiritur soluat precium vēditori tanquā emptor, mox aut illud ipsum numero aut tantundē recepturus tanquā creditor à debitore eodēmq; vēditore, An verò in solutū eius pecuniæ quæ debetur accipiat rē debitoris. Verēq; hoc casu obtinet quod dici solet æstimationē facere emptionē *l. 1. §. 2. D. pro empt. aut saltē contractū simillimum emptioni, & qui emptionis appellatione cōtineri debeat, etiā in statutis, vt puto, quantūlibet odiosis, quibus non magis fraus fieri debet quàm si essent fauorabilia.* Cūm id quod directē fieri prohibi- ū est nec indirectē permittēdū sit *l. magis puto 5. §. si supillus D. de reb. eor. qui sub iur. l. l. scire oportet 21. §. 1. D. de legi. iuror.* Quāquā non video, cur odiosum videri debeat ius, quod habet dominus directus perendi vel laudimii, vel tertiā venditionē, aut aliud quodlibet sui directi dominiij emolumentū, Cūm percipiat tanquā rei suæ proprię fructū & cōmodū, & ex lege quā ab initio rei suæ dixit nō aliter eā aut vasallo, aut emphyteutæ traditurus *l. ult. C. de pact. ant. empt. & vend. l. 1. C. de iur. emph.* In traditionibus. n. rerū quodcūq; pactū appositū sit, id valere certū est *l. in traditionibus 44. D. de pact. iūm quoq; cūm tale est quod alioqui nō valeret l. vñduor 13. D. cōm. prad. l. ei fundo 19. D. de seruit. urban. prad.* At ex permutatione admitto faciliē quod pragmatici volūt, licet laudimii omnimodo debeat si cōsuetudinē cōtrariā excludas. Tertiā tamen venditionē non deberi, quia permutatio verē nec veditio est, nec hac parte similis vēditioni cūm pecunia nulla intercedit, in qua precii cōsistere necesse est *§. precii Inst. de empt. & vendit.* Vt & substantiā emptionis ex precio *l. pacta conuenta 71. D. de contr. empt.* Ideoq; excipienda est ea species permutationis quæ sit pecunia interueniēte, si modō prætēr pecuniam fraus quoq; interuenisse probetur. Nec. n. sufficit interuenisse pecuniā si additamenti tantū causa id factū sit & ad supplendū ex vna parte valorē rei qui in permutatione ex utraq; parte par & æqualis esse debet. Cūm inter permutantes nō id agatur quod in emptione & vēditione naturaliter contrahentibus licere dicitur vt se inuicē decipiant *l. in cause 16. §. idē Pōponius D. de minor. l. vñ quæritur 13. §. ult. D. locat. l. si voluntate 8. C. de rescind. vend.* sed vt æqualiter quantū fieri potest vna res cum altera permutetur, dū mauult quisq; alienā rem habere quàm suam. Quod si cōmodē fieri non possit nisi pecunia aliqua supplēdi causa data, nihil vetat quantitatē aliquam eo nomine dari salua permutationis substantia, vt non idcirco degeneret permutatio in emptionē. Sed tunc iātūm cūm pecunia quæ vna ex parte datur æquiualeat valorē rei ab alia parte datæ, aut parum abest quin æquiualeat. Qua de causa etiam ex permutatione hoc casu tertiā vēditio debetur, tanquā ex venditione ob fraudem in permutando factā. Sed extra hunc casum debetur quidem laudimium vt ex alia qualibet permutatio-

ne, sed tertia venditio nulla debebitur. Neque mirum id videri debet, cum aliter venditiones fiant, aliter permutationes: quomodo argumentatur Vlpian. in l. sciendum est 63. De adili. edict. Illa sanè distinctio necessaria est quam interpretes adferunt, An permutatio rei alicuius fiat cum re quæ ab initio detur æstimata, necne, Vt priore casu non tam permutatio quam venditio facta videatur. Sic enim Gordianus Imperator in l. 1. Cod. de rer. permut. Si cum patrum tuum, inquit, venalem possessionem haberet, pater tuus precij nomine licet non taxata quantitate aliam possessionem dedisset, idque quod comparauit, non iniuria iudicis nec patrum tui cult. pa. euictum est, ad exemplum ex emptio actionis non immerito id quod tua interest, si in patrum iura successisset, consequi desideras. Ex quibus tamē verbis apparer non illud exigi quod interpretes exigunt vt res quæ permutata est fuerit æstimata, sed sufficere vt ex vna parte res fuerit venalis. Ex alia verò tradita sit res nomine precij, licet non taxata quantitate. Nam si taxata quantitas esset, duplex contractus foret: Primus venditionis, quæ contracta esset per taxati precij conventionem. Secundus dationis in solutum, quæ & ipsa venditioni similis esse dicitur in d. l. si pradium 4. C. de euict. Vtroque autem casu secuta euictione datur actio ad id quod interest, quemadmodum si ex empto ageretur l. si in venditione 60. D. de euict. Quod ita videtur accipiendum, Non vt æquè agi non possit ad id quod interest euictæ re permutata quæ non fuerat venalis [nā & eo casu euictæ re cōpetit actio in factum ad id quod interest l. 5. 1. D. eod. l. si permutationis 29. Cod. de euict.] Sed vt priore casu cum ex vna parte res fuit venalis, non possit dari conditio quæ scilicet ex causa venditionis numquam datur, sed omnimodo & præcisè agendum sit ad id quod interest. Altero autem casu electionem habeat is qui euictionem passus est, an agere malit ad id quod interest, an condicere rem quam dedit. Id enim significant verba illa si hoc elegeris posita in secunda parte dicte l. 1. C. de rer. permut. vt alibi fusiùs à nobis explicatum est. Ergo non tantum si vna res ex permutatis fuerit æstimata, sed etiam si venalis tantum fuerit non modò laudimium debebitur sed etiam tertia venditio, tanquam ex emptione & venditione, neque hoc casu obici poterit quod Paulus scribit in l. naturalis 5. §. 1. D. de præscript. verb. Addit Amedeus supradicta quæst. 28. Idem esse dicendum etiam si effectus & executio pendeat æstimationis ab initio factæ. Vt pura si dictum sit in permutatione quòd possit quis recuperare rem permutatam pro centum aureis. Hoc enim casu & laudimium debebitur ex permutatione statim, & tertia venditio ex posteriore contractus parte. Non quidem statim sed tunc cum oblato eo precio rem recuperare alter ex contrahentibus volet. Hoc verò etiam rectè. Apertum enim est, in hac specie æstimationem facere emptionem sed non statim, at eo demum tempore quo executio pacti fiet. Nam neque ex solo pacto transferri potest dominium quod tamen trāslatum esse necesse est priùs quam vel de laudimio vel de tertia venditione tractari possit. Nec ad rem pertinet quòd isdem interpretibus vulgò placet, Ex noua translatione dominij quæ in præcedentis contractus executionem facta sit nouum laudimium aut aliud directi dominij emolumentum nullum deberi, vt plurib. tractat Amedeus quæst. 37. ex Angel. Betr. & aliis ibi citatis. Id enim si quando verum est, de quo alibi scripsimus, tunc procedit, cum ex priore contractu illud ipsam emolumentum quod petitur iam solutum est, vt idem Amedeus benè explicat quæst. 26. Alioquin, inquit, si præcessisset promissio de vendendo, & secuta esset venditio, dicendum esset laudimium nullum deberi, quia si reualis venditio in executionem pacti de vendendo: quod tamen absurdum esset.

esset dicere, Nempe quia ex promissione vendendi sicut non fuit translatum dominium, Ita nec laudimium ullum vel debitum existit vel solutum. In hoc autem toto tractatu semper meminisse oportet, In omnibus contractibus ex quibus neque laudimium, neque tertia venditio deberi solet diligenter & subtiliter inquirendum est quid acti sit propter fraudes quas vasalli vel emphyteutae quotidie aduersus dominos directos comminiscuntur, aduersus quas digni sane sunt domini directi quibus succurratur, benigna semper dummodo iusta interpretatione, Ut semper plus valeat quod actum est, quam quod simulatè conceptum. Nec bona est ratio Andr. Tiraquell. in locis suprà relatis, cum ait, Non versari nos in dubio sed in casu claro, cum permutationis verbo contrahentes vsi sunt. Cum in iis, quae suspecta sunt, nihil periculosius sit aut stultius quam si partium assertioni stetur, ut bene contra Tiraquellum disputat Amedeus d. *l. quest. 28. ex Bartolo in l. si sibi de D. de castrens. specul. c. notat in l. si donatione Ced. de collat. l. qui testamentum de probat. l. Titia testamento 34. §. codicillis De leg. 2.* Textus est omnium optimus in *l. ex conducto 15. §. Papium aliàs l. si uno D. locat.* ubi ex Papiiano scribitur, pro transactione accipiendum esse in illa specie contractum, quem contrahentes dixerant esse donationem. Gvid. Pap. *quest. 186. in fin. Dec. cons. 164. numer. 3.* Fit etiam interdum permutatio ita ut merces permutentur ex vna parte non cum aliis mercibus, sed cum fundo. Quod cum accidit, quari solet apud interpretes, qui nullum ferè casum intactum reliquerunt, An ex eiusmodi permutatione laudimium aliquod debeat, & anius praelationis eo casu competat domino directo si tantundem frumenti vel olei dare paratus sit fundo permutato. Et plerique putant, Etiam ius praelationis in hac specie locum habere ex *l. ult. Cod. de iur. emphyt.* propter identitatem ut inquit rationis, Quamvis in statuto difficilius id obtinere possent propter strictam in statutis vocabulorum interpretationem, ut post Petr. Jac. b. ratiocinatur Amedeus *d. l. quest. 28. ad fin.* ubi tamen concludit, Etiam si ex statuto agatur laudimium hoc casu deberi, Nimirum ut ego quidem interpretor, supposita etiam consuetudine, quod ex cæteris permutationibus laudimium nullum debeat, ut illa facti circumstantia quod permutatio facta sit speciei quæ functionem recipiat in suo genere, aliquid addat iuri communi. Huius verò suæ sententiæ rationem illam adfert quod pecuniæ appellatione veniant omnia quæ pondere, numero, mensuræve continentur, & in genere suo functionem recipiunt. Ex *l. pecuniæ 178. in princ. De verb. sign.* ubi scriptum est, Pecuniæ verbum non solum numeratam pecuniam complecti, verum omne omnino pecuniæ, id est omnia corpora. Nā pecuniæ appellatione corpora quoque contineri neminem esse qui ambigat. In quo tamē nemo non videt, quantopere vir doctissimus fallatur. Quod n. Ulpianus scribit in *l. l. pecunia*, apertum est non ad verbum illud *pecuniæ* referri quo videtur cum de emptione tractamus, & cum dicimus pretium in pecunia consistere debere, esseque emptionem si quis det pecuniā ut rem accipiat. In *l. naturalis 5. §. 1. D. de praes. verb.* nā id non nisi de numerata pecunia intelligi debet §. *pretium Inst. de empt. & vendit. l. 1. D. de contr. empt. l. 1. D. de rer. permut.* Sed ad verbum *pecuniæ* quo vsa est lex duodecim tabularum cum dixit *Uti pater familias super pecunia tutelæve rei sua legasset ita ius esto. l. §. 1. iuncta l. verbis legis 120. De verb. signific.* Eo namque pecuniæ nomine cum totum civis Romani patrimonium lex comprehendere voluerit quod non tantum in pecunia numerata, sed etiam in omni genere corporum potest consistere. Nec dubitandum est quin omnia corpora contineantur. Quo exemplo illud etiam non ma-

lè receptum est, vt si quis heredem à se institutum rogauerit, de tota pecunia restituenda perinde accipiendum sit acsi de tota hereditate restituenda rogasset, Ita vt & transeant actiones ex Trebelliano si heres vltro adierit & totam hereditatem restituerit, & cogi possit ex Pegasiano adire si suspectam dicat. *l. nam quod 14. §. vlt. D. ad SC. Treb.* Tritum siquidem est priscis illis temporibus præcipuam vim patrimonij cuiusque in pecoribus & pecudibus consistisse, indeque nomen pecuniz deriuatum fuisse, quo patrimonium vniuersum significaretur. Nam & similiter in alia lege duodecim tabularum ita scriptum erat si furiosus quis exisset, agnatorum gentiliūque in eum pecuniāque eius potestas esset, vt testatur author ad Herennium. Itaque æquiuocum est nomen pecuniz, sed quod semper accipiendum est, aut pro pecunia numerata, secundū communem vsum loquēdi, Aut pro omni eo quod est & esse potest in patrimonio, si quis priscam illam significationem retinere velit, Numquam verò pro mercibus in pondere, numero, vel mensura consistentibus. Quid enim magis commune aut simile habet pecunia numerata cum hoc genere mercium quàm cum cæteris rebus siue mobilibus, siue immobilibus? An non & merces istæ per numeratam pecuniam æstimandæ sunt, vt res cæteræ, non pecunia per res istas? *l. si ita fideiussorem 42. D. de fideiuss.* Alioqui paullatim dicendū erit, Emptionem ita quoque fieri posse vt pro fundo merx aliqua detur quæ pondere vel mensura constet, perinde acsi pecunia daretur, quod euidenter falsum & ridiculū est *d. l. 1. D. de contr. empt. q. d. l. 1. D. de rer. permut.* Falsum igitur est, quod vult Amedeus, si permutatio fundi facta sit cum frumento aut vino, vel oleo, deberi ex ea permutatione laudimium vel tertiam venditionem, quasi facta venditione potius quàm permutatione, perinde acsi permutatus esset fundus cū pecunia, nisi nobiscum sentias, Ex permutatione qualibet etiam fundorū & rerū immobilium, nulla licet interueniente pecunia laudimium deberi. Nā quod de fundis dicimus, etiam in permutatione vini vel frumenti, vel olei perinde dici verè potest. Neque verò harū rerum tractatus sciungi vix vnquā solet, nisi cū agitur de mutuo contrahendo, quod sicuti in pecunia numerata consistit, ita etiā in iis rebus, quæ pondere ac mensura constant: at in rebus immobilibus constitui non potest *l. 2. §. mutui D. de reb. cred.* Et idēd certi conditio ex mutuo cōpetit, nō minùs si frumentū creditū sit, quàm si pecunia: *l. vinum 22. eo. tit.* licet latius pateat cōditio certi quàm mutuū, cū ex omni alio contractu cōpetat etiā ex quo fundus peratur, si modò agatur ad pecuniā numeratā, Alioqui triticaria cōpetit & quidē sola *l. 1. D. de condit. tritic. vt in præcedentibus Decadibus explicauimus.* Fateor quod Amedeus subiungit, Nō adēd restringendā esse hanc materiā vt dominis pereant directā eorū iura, directique dominij commoda, deturque subditis ansa fraudandi: Nec quicquā est in quod magis incūbere bonos iudices vellē, quàm vt prouiderēt, ne qua fraudibus via parēret, & vt si quando fraus aliqua admissa probaretur, ea non tantūm laudimij præstatione exactissima, sed etiā ipsius rei, dominijque vtilis amissione vindicaretur. Sed nego futurū vt periculū sit, ne qua fraudis materia cōquiratur si non ita ius constituetur, vt etiam ex permutatione quæ in vino, vel frumēto, aliisque huiusmodi speciebus facta sit laudimium debeatur. Aliter. n. emptiones & venditiones, aliter verò permutationes cōtrahuntur, vt superiore capite dicebamus *ex l. sciendū 63. D. de adil. edic.* Planē si poneret quod ab vsurariis plerisque factitatū esse scio, in vicē certæ quantitatis pecuniz, de qua cōuenerit, permutatas fuisse eiusmodi merces ea mēte, vt ex earū vēditione præciū redigeretur, quod cōuentæ quantitati respōderet, Non negarē manifestā directō

directo domino fraudē factā videri, ne quid laudimij vel tertiz vēditionis nomine ex eo cōtractu petere possit: Ac quāvis solē hac parte distinguere laudimij à tertia venditione vt ex permutatione laudimij semper debeat, Tertia venditio nūquam, quippe quæ vt nomen ipsū sonat ex sola vēditione deberi possit, In proposita tamē facti specie nullū huic distinctioni locū relinquo, quia fraus facit vt quam contrahentes permutationem dixerūt, ea verē dici emptio potius ac venditio debeat: Vt quemadmodū fraus sine dolo malo esse nūquam potest, ita neq; impunita vnquā remaneat, sicuti nec cuiusquā dolus manere impunitus debet, Ne tūm quoq; cūm alteri quā ei qui dolū fecisset, profuturus esset *l. procurator 11. §. 1. D. de doli mal. except.* Extra hunc casum admittere non possum vt ex permutatione vini aut frumētī laudimij aliquod debeat ex speciali aliquo iure, vt Amedeus noster existimat, sed ex generali potius illa iuris ratione quā in præcedentibus probauimus, q̃ ex permutatione qualibet si neq; consuetudo vlla neq; statutū vigeat in cōtrariū, laudimij præstari oporteat, Nimirū suppositis, vt solemus dicere, terminis habilibus, id est quātū ad fundos qui aut feudales, aut emphyteuticarij esse proponūtur. Neq; enim vina, frumēta & aliæ res eiusmodi quæ siue pondere, siue numero, siue mēsurā constāt laudimij obligationē aut præstationē admittere possunt, Non magis quā vt vel feudalialia vel emphyteuticaria existimētur, tametsi ex fundo feudali vel emphyteutico percepta sint: quia non quod ex feudali re vel emphyteutica perceptum est, contri nūd feudale vel emphyteuticariū dici debet, quando nec nisi prædia in feudū vel emphyteusim dari solēt: quippe quorū fructus aliquis esse possit salua corū substantia, non etiam earū rerū quæ & seruando seruari nequeunt, & non vtendo consumuntur. Est autē hæc nostra sententia quod ad tertiam venditionē pertinet tantò clarior, quantò tertia ista venditio creditur esse odiosior laudimio, quod nec Amedeus diffidetur: Sine quod grauior sit laudimio, in quātitate pecuniæ, quæ hoc nomine præstanda est, ad tertiam semper vsq; partē precij [qua de causa mallē dicere *tertia vēditionis* quā *tertiam venditionē*] siue quod onus hoc soleat accedere oneri laudimiorū, Durūmq; sit duplici onere quem prægruari *l. iure succursu 6. D. de iur. dot. l. Titia 34. §. qui inuira De legat. 2.* Proinde strictiūs accipi debent verba contractus, cūm de tertia vēditione agitur quā cūm de laudimio, nec tā facilē capiēda illa interpretatio, vt qui se permutare dixit, vendere potius voluisse intelligatur. Et quāvis placeat quod idem Amedeus subiicit, Verba contractū quantūvis strictē accipiantur, non esse tamē iudaicē accipiēda. Nihil tamē est quod verēdū sit ne iudaicē fiat si permutationē pro permutatione accipiamus, venditionē verò pro venditione: Essētq; potius dicenda ista rerū & verborū fœda confusio si his diuersorū cōtractuum nominibus promiscuē vteremur: Vt in specie nō dissimili loquitur Iustinianus *in l. ult. C. de legis. iutel.* Nec simile est quod veteres legimus vfos fuisse promiscuē nominibus emptionis & venditionis, hēmq; locationis & cōductionis *l. veteres 19. cum l. seg. D. de a. l. empt.* Nec enim alia emptionis, alia venditionis contrahendæ ratio est cūm vnus sit contractus, licet pro diuersitate personarū quas in eo contractu interuenire necesse est, diuersa fortiantur nomina, Quod & in locatione & cōductione tractari similiter potest vt ad earū legum interpretationē alijs docuimus contra Cuiaciū, quem non puduit scribere, Veteres aded malē ac improprie locutos fuisse vt venditionē aliquando dicerēt pro locatione, & emptionē pro cōductione, Cuius tamen improprietas tantæ ne quidē vestigia vlla in libris nostris possum agnoscere, quoniam ita ius semper fuit, vt aliter vēditiones, aliter locationes cōtraherēt *d. l. sciendū.* Quāvis dici

foleat & verissimum sit venditiones & locationes iisdem ferè iuris regulis consistere *l. a. §. 2. l. item si precio 22. §. ult. D. locat.* Sed quando distinctius venditiones, & permutationes cōtrahi certum est! Vt proinde nulla potius ratio sit cur villo casu venditionem pro permutatione accipiamus, aut contrā; Nisi cū in fraudem domini directi permutationis color quæsitus est ad subdolā venditionem faciendam. Perpetua. n. est & sine exceptione illa iuris propositio, Plus valere quod agitur, quā quod simulatè concipitur *l. i. §. tot. ill. ut. Plus valer. quod agit.* De iure prælationis minor dubitatio est quin competat domino directo in re feudali vel emphyteuticaria quæ cum vino vel frumento aliisque huiusmodi mercibus permutata sit, Cū habere locum debeat in qualibet alienatione etiā ex qua nullum alioqui laudimium debeat, propter ius antiquius dominij directi quod in ea re dominus habet, vt cæteris omnibus non modò tanquam posterioribus iure pignoris si eo vti malit, sed etiam iure dominij præferatur *arg. l. in liberto 77. D. de solut. l. ex facto 52. D. de pecul.* Nam quid interest domini, an res feudalis vel emphyteuticaria cum fundo permutetur, an cum vino vel frumento cū vtroq; casu perinde fiat vt res illa feudalis vel emphyteuticaria verè alienetur, aliūque dominum & possessorem forniatur? Quod vtrique sufficit, vt iuri prælationis locus esse & possit & debeat. Hoc verò quia nec interpretes ipsi negant, pluribus non confirmabimus.



ANTONII FABRI

I. C. SEBVSIANI IN SVPREMO

SABAVDIÆ SENATV PRÆSIDIS

PRIMARI,

DE ERROR. PRAGMAT. ET

INTERPR. IVR.

DE CAS. C.

ERROR. I.

De laudimio petito ex donatione.



X pura donatione laudimia nulla deberi pleriq; interpretum crediderunt, secuti Speculat. in *Tit. De locat. §. nonne verò aliqua vers. 107.* & Petr. Iacobi. in *Tu. De action. in rem pro re emphyt. vers. item excepta donatione.* Mori ea potissimum ratione, quòd in donatione precii nullum interueniat, nec iuri prælationis locus esse possit. Quotus enim quisque est qui non sibi potius quàm alij donatum vellet? siquidem sic à natura comparatum est vt omnes sibi bene esse malint quàm alteri. Videtur autem Iustinianus in *l. ultim. C. de iur. emphyt. præstandi laudimij necessitatem*

non

non aliis casibus induxisse, quàm in quibus etiam ius prælationis locum habere possit, Non quasi in eundem casum eandemque personam duo hæc iura cōcurrere debeant, Sed ut quemadmodum nulla de laudimio superesse potest quæstio, cum directus dominus prælationis iure uti mauuli, ita dicendum sit eo demum casu de laudimio tractandum esse, quo potuisset dominus uti iure prælationis si maluisset. Et consequenter ut quo casu nihil de iure prælationis tractari potest, nec de laudimio tractandum quicquam super sit. Hinc verò fit, ut idem interpretes qui ex pura donatione laudimia nulla deberi volunt, aliud iuris conueniant in donatione quæ certa lege & sub modo facta sit. Ut puta si conuenierit de alimentis donatori præstandis & ut eius creditoribus satisfacere donatarius teneatur. Nimirum quasi precij cuiusdam aut saltem permutacionis vice iungi debeat onus, quod donatario iniungitur, ex cuius oneris comparacione quinquagesima precij constitui possit. Sic enim Capell. Tholos. *quæst.* 278. Sed neque desunt qui putent rem emphyteuticariâ donari non posse irrequisito domino directo quin continuo & ipso iure cadat in commissum. Quam sententiâ & refert & probat Guid. Pap. *quæst.* 46. ubi rationem illam adfert, quod alioqui nullo remedio nullâque actione prouisum esset domino directo aduersus donatarium, cum personalis obligatio eum sequi non possit. *L. ar. alieni 15. Cod. de donat.* ut nec alium quemlibet singularem successorem. *l. 1. §. si heres D. ad Sc. Trebell. l. ultim. §. 1. De contr. empt.* Neque rursus posset dominus directus commissi pœnam perire ob factam donationem non requisito ipsius consensu qui ex iuris ratione requiri nullomodo debuisset. Qua de causa sunt qui remedij loco inducendam putauerunt mediam quandam sententiam ut possit quidem emphyteuta rem emphyteuticam donare etiam irrequisito domino, quod sanè frequenter Doctores schola sentis, sed tamen debeat consensum domini requirere ad possessionem accipiendam ut non nisi per manus domini rem accipiat, idè quæ laudimium offerre cogendus sit, ne alioqui res in commissum cadat. Quæ Salyceti primùm sententia fuit ad *d. l. ult. C. de iur. emphyt.* & aliorum quos supradicto loco idem Guido Papius cōmemorat, Vbi addit se credere quod ista sit veritas, quia inquit sic subueniunt domino directo circa conseruationem iuris sui emphyteuticarij. Quoniam donatarius recipiendo inuestituram à domino directo, & ei soluendo laudimia [sic enim scribere debuit non *sibi*] obligatur eidem domino ad solutionem cautionis in futurum, & ad præstationem aliorum iurium emphyteuticorum. Ex quo infert quod emphyteuta vendendo vel donando rō emphyteuticariam non transfert dominium in donatarium nec in emptorē donec per dominum directum fuerit retentus & inuestitus. Etiam posito quodd in venditione aut donatione interueniat precarium vel retentio vusfructus per quam transferri aliàs solet possessio & cum possessione dominium *ex l. quod meo 18. D. de acquir. poss. l. quisquis 28. Cod. de donat.* Quia, inquit, hoc est verum quod donans vel vendens transfert possessionem per precarium aut retentionē vusfructus in donante vel vendente rem francam seu allodiale, sed in re emphyteuticaria secus. Verba sunt Guidonis Papij hanc Salyceti mediam sententiam probantis. Alij tamen sunt qui Christophorum Porc. secuti ad Tit. *l. iust. De locat.* existimant posse totam hanc controuersiam æquiore temperamento sic dirimi ut qui rem emphyteuticariâ donare vult, denunciet domino directo priusquàm donet, sub hac forma, *Ego volo donare Titio melioramētā, Vnde tibi notifico ut scias per quē possideas.* Eamq; sententiâ apostillator ad Guid. Pap. præstationē esse putat, quasi per eā prouideatur melius & donatori ne res in commissum cadat, &

donatario ne laudimium vllum eo nomine soluere teneatur , & deniq; domino directo vt ex eo tempore possit à donatario tàquam à nouo possessore canqñem annum accipere, quem si donatarius vlrò non offerat, cogi possit ad eius præstationem aut per actionem negatoriam, aut per directam rei vindicationē. Mihi longè alia de his omnibus sententia est, nimirum, Possē quidem donari rem emphyteuticam irrequisito domino hæcenus vt non sit denunciandum domino directo an velit rem retinere, Ne sit in potestate domini directi alienam liberalitatem donatario eripere, & in se transferre inuito donatore, qui non domino directo, sed amico donatum voluit, quod esset absurdissimum & iniquissimum. Sed non ita vt alienatio per donationem fieri possit infcio domino directo. Cuius certè interest scire, quem habiturus sit rei suæ emphyteuticæ dominum, vt vocant vilem, & possessorem. Non solùm vt ab eo possit exigere canonem annuum quem alius præstare non debet, quàm qui possidet, sed etiam quod fieri possit vt in eum collata sit donatio, quem in emphyteutam nouū admittere directus dominus cogendus non sit. Quid enim si is homo sit qui capitales cum domino directo inimicitias gerat? Aut tam infamis vitæ vt dedecori futurum sit directo domino habere emphyteutam adeò ignominiosum vt in l. 3. §. si emancipatus D. de honor. poss. contr. tabul. Quid si donatum sit Ecclesiæ quæ rem semel factam ecclesiasticam alienare postea numquam possit? ita vt exinde nulla consequendorum vnquam laudimiorum spes domino directo sit super futura? An non ipsius interest eiusmodi donationem non admitti? Nam & inde cōparatum est vt si quando tales donationes fieri contingat, indemnitate domino directo præstari oporteat, quam pragmatici nostri *amortisationem* vocāt. Denique tam ex supradictis caulis quàm ex aliis plurimis, quæ conquiri & congeri possent, negari non potest quin domini directi intersit nō minùs scire donationem quæ facta sit rei emphyteuticæ quàm speciem aliam quālibet alienationis: nec bona consecutio est, vt quoniam scientia, & denunciatio illa quam requirimus nihil profutura sit ad ius prælationis, adeò contentini debeat dominus directus vt infcio eo & ignorante donatio fieri impunē possit. Exquirenda igitur semper est directi domini voluntas, vel ob hoc ipsum, vt sciatur an donationi consentire velit, quamuis verum sit cogendum eum consentire, si nullam habeat satis iustam contradicendi causam. Neque rursus bona est alia illa cōsecutio quæ fit à plerisque Doctoribus, vt quia non potest dominus directus habere ius prælationis in re donata, laudimiorum quoque iacturam pati debeat, Cū tantò magis laudimia deberi æquum sit pro eo incommodo quod sentit dominus directus, vt in hac specie nullū ius prælationis possit obtendere: Itēque quod laudimiorum præstandorum obligatio à Iustiniano inducta sit non in consequentiam iuris prælationis, sed in eum potius casum quo iure prælationis vti dominus noluerit. Quid enim refert an uti nolit, an non possit etiam si maximè velle? An non esset quod magis imputaretur domino, qui iure isto prælationis uti noluisse cum potuisset, quàm ei qui non potuisset, quamuis voluisset. Verūm neque audiendus est nouus emphyteuta si ad recusandam laudimiorum præstationem velit imputare domino cur suo iure prælationis vfus nō sit. Cū ex eo facto commodum ipse sentiat qui alioquin rem emphyteuticam hodie non haberet *arg. l. si extraneus 33. l. cū in fundo 78. §. quod si mulier D. de iur. dot.* In summa sunt hæc iura prælationis, & laudimiorum distincta omnino & separata, vt proinde ab vno ad alterum inferri nihil possit. Sufficitque ad inducendā laudimiorum obligationem mutatio emphyteutæ, quæ cōtigerit per quamcūq; speciem

speciem alienationis, & quod nouum emphyteutam in possessionem inducere vel admittere dominus paratus sit, vt in præcedentibus à nobis sæpius disputatum est. Proinde nec illam distinctionem probare possum Capellæ Tholosanæ *quæst.* 278. An donatio purè facta sit, an sub modo & certa lege: Neutro enim casu potest dominus in re donata ius vllum habere prælationis. Vtroque autem sicut perinde verum est alienationem ex causa donationis factam esse, Ita & laudimia deberi satendum est. Nec quod in donatione facta certis legibus aliquid sit quod precij loco esse queat, non item in pura donatione ad rem facit, Cum non propter conuentionem precij laudimia debeantur, sed propter emphyteutæ & possessoris mutationem, licet laudimij præstandi quantitas ex cõparatione precij sumatur, scilicet cum precium aliquod conuentum est. Quod si factum nõ fuerit ad incudam rei alienatæ æstimationem recurrimus, ex cuius similiter cõparatione laudimij quãtitas æquè sumi possit. Quid enim potest interesse an res emphyteuticaria quæ alienata fuit æstimata sit à contrahentibus, an per probos viros officio iudicis æstimari possit? Nisi quod cum à contrahentibus ipsis æstimata est, standum est conuentioni precij nec alia vel maior vel melior æstimatio facienda est. *l. 1. §. 1.* verba etiam ipsa Iustinianæ constitutionis euincunt. Miror verò magis quid in mentem illis venerit qui scripserunt, Ideò non posse fieri donationem irrequisito domino, quod alioqui nullo remedio posset domino esse cõsultum qui neque ad commissi pœnam agere, neque personalem obligationem contra emphyteutam exequi posset. Nam quid attinet de personali obligatione tractare, aut in perquirenda ea laborare, cum dubitari nõ possit quin dominus directus vindicationem directam habeat contra quemlibet possessorem nulla exceptione repellendus ne quidem ab ipso emphyteuta cum quo cõtraxit si non offeratur ei pensio de qua in emphyteusi ipsa constituenda conuenit *l. t. §. ult. D. si ager vel lig. vel emphyt. petat.* Quantò minùs ergo licebit extraneo vindicantem sumamouere, prætextu illo solo quòd personalis obligatio nõ sequatur singularem successorem? Sanè quod alij volunt posse hoc casu agi negatoria aduersus donatarium, prorsus ridiculum est. Neque enim comparatæ sunt actiones negatoriz, nisi seruitutũ petendarum gratia, non autem pro rebus corporalibus, licet & ipsæ sint vindicationes *l. t. loci 4. §. competit & pass. D. si seruis. vindic.* Nec quod exemplo seruitutum etiam pro aliis iuribus huiusmodi actiones dantur, fauere huic errori potest. Nam cum dominus directus nõ tantum verè dominus sit, sed etiam solus dominus, consequens est vt nullum planè aliud ius quàm dominij aut in re sua, aut in rem suam habere possit, cum nemini res sua seruiat *l. vti frui §. D. si vssus. petet. l. in re communis 26. D. urban. præd.* Adedò nimirum potens & magnum est ius dominij, vt cætera omnia aut complectatur aut absorbeat. Ius verò ipsum emphyteuticum totum penes emphyteutam est, Vt scilicet ius habeat retinendi rem etiam inuito domino, dum ne cesset in soluenda pensione, præstandisque cæteris de quibus ab initio conuenit *dist. l. vlt.* Cum enim dominium emphyteuta non habeat, nihil nisi ius illud in re habere potest. Qua de causa nec illud probare possum, quod pragmaticis nostris passim video placere, Dandam domino directo etiam actionem hypothecariam in re ipsam emphyteuticam ad auocandam possessionem, si fortè emphyteuta cesset in canonis annui aliorumque iurium emphyteuticorum præstatione. Quin. fieri potest vt concurrat ius dominij cum iure pignoris in vnam eandemque rem & personam? *vulg. l. neque pignus 45. De reg. iur. l. penult. §. 1. in fin. D. de except. rei iudic.* Scio responsuros pragmaticos distinguendũ esse hac parte duplex dominij

directum & utile, nec absurdum esse ut dominus directus qui non nisi directum dominium habet, etiam utile obligatum habeat, etiam quod est penes emphyteutam. Sed præter id quod ridicula & tota commentitia est hæc distinctio duplicis dominij, ut toties inculcauimus, Inauditum etiam est ut qui dominium habet directum, etiam utile obligatum habeat, aut obligatione vlla dominij vtilis indigeat, ad suum consequendum. Quemadmodum enim solemus dicere, Nō indigere vili actione illum qui directam habeat, ut neq; honoraria indiget is, qui habet civilem l. 1. *D. de publican rem ael. l. 2. §. item Varus D. de aqua & aqua pluui. a. cend. ael. l. si heres 70. in princip. D. ad SC. Trebell.* Ita neque dominij vtilis aliqua utilitas contingere potest ei, qui directum habeat, Cum neq; dominium illud utile impetrare vnquam possit tanquam quod per consolidationem ipso iure extinguitur, Neque vtilis dominij distractionem vnquam vrgere quod nec emere ipse vnquam possit, nullo etiam se offerente extraneo emptore: cum non magis emptio quam pignus rei propterea consilietur l. sue res 16. *D. de contr. empt. & d. l. neque pignus.* Quænam autem potest esse utilitas pignoris quod neque distrahi vnquam possit neque emi à creditore, nec deniq; dominium eius impetrari l. si conuenient 4. *D. de pignor. ael. l. mulier 17. c. de distract. pign. l. 2. C. si in causis iudic. pign. capt. sit.* Nec simile est quod obiciunt pragmatici, Pro legato nō solum vindicationem competere cum actione personali, sed etiam hypothecariam ex l. 1. *C. commun. de legat.* Nam ut alibi docuimus, debet ea constitutio sic accipi ut hypothecariam habeat legatarius pro re legata nō in rem ipsam legatam, sed in ceteras quæ nō sunt in legato, Ne contra iuris rationem manifestissimam vindicatio cum hypothecaria concurrat: quod fieri nullo casu potest. Sed & illud scio, Placere vulgo interpretibus, Feudum, itemq; emphyteusim speciem quādam esse seruitutis, quæ ratione potissimum moueri deberent qui pro iuribus emphyteuticis dant negatorium. Sed si ita est, utiq; fieri nos oportet seruitutem esse emphyteutæ debitam, non quam emphyteuta domino debere possit, cui res sua, ut iam diximus, seruire nequit. Cogitur namque dominus pati ut emphyteuta rem restituat. Et quod vicissim emphyteuta canonem annuum præstare cogitur & laudemia, & si quid aliud est in horum numero iurium quæ emphyteutica appellantur, nō tamen sunt ista iura domini directi, quàm fructus & emolumenta quæ à directi dominij, Non alio planè iure ad dominum directum pertinentia, quàm quia dominus est, Eodem prorsus modo quo ususfructus quæ iidem interpretes causales vocant, ad ipsum rei dominum pertinet, Nempe non tam ususfructus quàm plenæ proprietatis iure d. l. 5. *D. si ususfr. petat. l. si alij 19. D. de ususfr. legat. l. qui ususfructu. 58. De verb. oblig.* Ergo si quis volet defendere, Nō posse rem emphyteuticariam donari irrequisito domino, Non ratione illa moueri debet quæ moueri se testatur Guido Papius, quod alioquin nullo remedio succurri domino posset aduersus donarium, sed illa potius, quod non sit cogendus dominus emphyteutam nouum admittere quæ vel nolit, vel nesciat. E contrario nec bona illorum ratio est, qui rem emphyteuticariam irrequisito domino posse donari ideo volunt quod non possit directus dominus prælationis ius vllum in re donata prætere. Nihil. n. vetat cessante propter ius prælationis denunciandi necessitate aliam causam superesse propter quam fieri denunciationem oporteat, sc. ut sciat dominus, quem possessorem, & emphyteutam sit habiturus, & à quo sui dominij commoda & emolumenta petiturus. Quoties. n. duæ sunt eiusdem effectus causæ sublata vna sufficit altera superesse ut idem effectus aut maneat, aut sequatur l. cum sit 32. §. mulier *D. de cond. indeb. l. quoties duplici 91. De regul. iur.* Sed grauior Guidonis Papij error in eo est

eo est quod putat, Nouum emphyteutam cogédum accipere nouā inuestituram
 vt eam accipiēdo & laudimium soluendo, se obliget in futurum ad præstationē
 canonis annui, & cæterorum iurium emphyteuticorum. Quasi verò nō sit obli-
 gatus, nisi soluat laudimium. Quid, n. si nolit laudimium soluere? at neque inue-
 stituram recipere? An non erit obligatus vt ei laudimium præstet, & in futurum
 ea faciat omnia, quæ prior emphyteuta facere & præstare tenebatur? In ò erit,
 Non quidem præcisè vt ille qui ex suo ac proprio cōtractu conuenitur, sed ne-
 cessitate, vt vocant causatiua, id est si rem emphyteuticariam retinere sibi velit,
 nec malit eam amittere. Cū nihil habiturus sit, quod obicere possit domino
 rem suam vindicanti si non pareat legibus contractus, quamuis inter alios ce-
 lebrati: Neque verò necesse est, vt de commissi pœna quicquam quærat, quia
 & priusquā res committatur, perinde competit vindicatio domino, ac si iam
 commissæ esset, Nec aliud adiicit commissi pœna, nisi vt possessor vindicātē do-
 minum submouere nequeat nec si paratus sit leges contractus implere, quomo-
 do posset si adhuc commissæ res nō esset. *d. l. vlt. D. si aper. vel lig. iunct. d. commissæ*
14. D. de publig. vel lig. & commissis. Et si lex illa de commissis est earum rerum qua-
 rum dominium ante commissi pœnam ad alium pertinebat. Nos autem de eo
 commissio tractamus quod nullum domino directo nouum acquirat dominium,
 sed tantum noui possessoris & emphyteutæ ius totum extinguat.

ERROR SECVNDVS.

*De pluribus qui eandem rem emphyteuticariam diuersis temporibus emerunt,
 quorum posterior inuestituram prior accepit.*



QUESTIÖNEM hanc cogimur interferere, nō vt ea retractemus quæ
 à nobis in superioribus Decadibus iam satis supérque disputata sunt
 circa interpretationem *l. quoties 15. C. de rei vindic.* Sed vt Guidonis
 Papij sententiam confutemus, qui supradicta *quest. 46.* existimat, Id
 quod scriptum est in *d. l. quoties*, & verum esse fatentur omnes, Ex
 pluribus emptoribus in causa & quæstione dominij præferendum eum esse non
 qui prior emerit, sed qui prior ex traditione rem accepit, non nisi ad res fran-
 cas, vt ipse loquitur, & liberas pertinere non etiam ad emphyteuticarias. Quod
 si verum esset, vtique sequeretur parum abfore, quin eam legem pro abrogata
 haberi oporteret cū res ferè omnes immobiles, præsertim apud nos, sint em-
 phyteuticariæ, Pauca admodum libera & allodialia. Mouetur autem ex eo po-
 sitissimū, quod scriptum est in *l. vltim. Cod. de iur. emphyt.* Emphyteutam si aliter
 versetur in re emphyteuticaria, quā secundum eam formam quæ ibidem à Iu-
 stiniano præscripta est, cadere à iure suo. Quod nihil aliud est, inquit, quā a-
 mittere illum & dominium & possessionem: quo admissio fit consequens vt nec
 dominium nec possessionem transferre in emptorem possit, Ne alioqui contra
 iuris regulas plus in alium transferat, quā habeat ipse. Atque secundum hanc
 sententiam bis à Senatu Gratianopolitano indicatum fuisse ibidem testatur.
 Fortassis quòd eo tempore nondum inualuisset generalis illa consuetudo quæ
 postea inualuit vt non tantum emphyteutes sed etiam feuda redacta sint ad in-
 star patrimoniorum & bonorum allodialium, nisi quantum ad ius succedendi,
 vt idē Papius loquitur *Decis. 59. nu. 2.* quæ tamen cōsuetudo postea latius accepta
 est etiā quòd ad ius alienandi, vt apud eundē Guid. Pap. notat Ranchinus *d. qm. 59.*

& pragmatici omnes Galli recentiores. Nam admissa eiusmodi consuetudine generali dici certè non potest, Cur in quæstione *d.l. quoties*, potius quàm in ceteris admittenda sit distinctio an res vendita pluribus libera sit, & allodialis, an emphyteuticaria. Neque verò Senatus noster eam distinctionem vnquam secutus est, tametsi sæpiùs ac sæpiùs inter plures emptores de dominio rei venditæ inter se contendentes iuxta sententiam *d.l. quoties pronuncianeris*. Cùm enim iam exoleuerit quod Iustiniani constitutio in *d.l. ult.* induxerat vt nò priùs fieri posset alienatio rei emphyteuticariæ, quàm alienaturus emphyteuta consensum domini exquisiuisset, eique ex hac causa denunciasset nec aliud hodie ius sit hac parte domini directi nisi vt venditionem etiam se infcio factam adprobare & laudare teneatur, emptorémq; in ea possessione tueri in quam venditor eum induxerit, apparet neque domini, neque possessionis translationem à persona venditoris in personam emptoris impediri hodie ex eo solo posse, quod nondum venditioni dominus consenserit. Ideoque eandem iuris rationem, quæ olim faciebat pro emptore cui priori tradita res esset, vt priori emptori tardius possessori facto anteponi deberet, etiam hodie durare, neque ex iuris emphyteutici quo nunc utimur, ratione immutatam esse. Maximè verò apud eos populos qui dominum directum iure prælationis vti minimè patiuntur, quomodo apud nos obinebat non ita dudum, vt nullum dominis esset ius prælationis, quemadmodum in nostro Codice scripsimus. Quod etsi postea restitutum fuit speciali edicto ante octo circiter annos condito, Non idèd tamen correctum fuisse putandum est ius quo antea utebamur, quantum ad translationem domini & possessionis rei emphyteuticariæ, nullo etiam requisito domini consensu. Quia etiam hodie non nisi post perfectam venditionem securamque traditionem utitur dominus hoc iure prælationis, nec uti prohibetur ob id, quòd iam translatum sit dominium, itèque possessio in emptorem, cùm in re emphyteuticaria semper sit anterior ius domini quandiu nondum laudauit alienationem, nec possessorem nouum, aut in possessionem induxit, aut in possessione retinuit, *arg. l. ex facto 52. D. de pecul. l. in liberto 77. D. de solut.* Sed etsi hodie uteremur eo iure, quod à Iustiniano certas leges & regulas accepit, inter quas est ius illud prælationis, Non tamen statim esset consequens, quod vult Guido Papius, vt ob eam causam præferri deberet is qui prior inuestitus à domino fuisset, ei qui prior à vèditore possessionem rei emphyteuticæ accepisset. Imò si bona esset ratio quæ moueret Papius, nullus quæstioni huic locus fieri vnquam posset. Ait enim idèd præferri non posse illum cui priori res tradita est à domino vtili, quòd venditor non denunciando directo domino venditionem aut aliam, quam facere velit alienationem, statim & ipso iure ipsòque facto cadat à iure suo, vt proinde neque dominium vllum, neque possessionem vllam habeat, quam transferre in emptorem possit. Atquin si ita est prima statim venditione ius omne suum amisit, & consequenter nihil ei superfuit, quod alij posset vendere, nisi eo sensu quo dicimus, Etiam rem alienam vendi posse *l. rem alienam 28. D. de conser. empt.* Sed quæstio nostra in rei alienæ venditionem non cadit, quia certissimum est, Re aliena vendita quantumlibet tradita neutrum ex emptoribus potuisse dominum sibi acquirere ab eo qui dominus non fuit, Et quamuis per eiusmodi traditionem vera possessio transferatur, dominium tamen transferri nullum posse *l. traditio 20. D. de acquir. rer. domin. & d.l. rem alienam*. Et vt quæstioni nostræ fieri locus possit, necessariò ponendum est venditorem fuisse dominum & traditionem ab eo factam fuisse posteriori tantum emptori, non priori.

priori. Nam si prior facta esset à domino, & cætera concurrerent, quæ ad transferendum ex causa venditionis dominiū requiruntur, id est vt vel solum esse precium, vel habita fides de precio, quis dubitaret quin potior eius causa esse deberet, qui & prior emisset, & possessor factus prior fuisset? Itaque potuit Guido Papius, & debuit ea potius moueri ratione, vt pro priore inuestito responderet; quod solus habeat causam à domino: Cùm verissimum sit quod in hoc tractatu toties inculcauimus, solum rei emphyteuticaræ dominum esse illum quem directum appellant, Emphyteutam verò nihil nisi ius illud in re emphyteuticaria habere, vt quandiu pensionem soluet auferri res ab eo non possit *l. 1. vltim. D. si ager vestig. vel emphyt. petat.* Qui ergo prior à domino directo inuestitus est, ille est qui à vero domino emit: qui verò ab emphyteuta, ille est qui à non domino. Et consequenter dubitari non potest quin præferendus ille sit qui à domino inuestitus est, quemadmodum contingit quoties ex duobus vnus emit à domino, alius à non domino *l. si ea res 31. in fin. D. de act. empt.* Quod si ambo inuestiti sint à domino directo, is vtique præferetur, qui prior inuestitus fuerit, vt & alius quilibet qui prior à domino possessionem acceperit. Cùm inuestitura propriè nihil aliud sit quàm possessio, licet abusu dicitur inuestitura quando hasta vel quid aliud corporeum porrigitur à domino feudi dicente se facere inuestituram *Tit. 2. quid sit inuestit. In v. lib. feudor. lib. 2.* Quidni verò præferetur is qui prior fuit inuestitus à domino, Cùm & ex pluribus qui ab eodem non domino emerunt, præferendus ille sit, cui priori restituta est *l. siue autem 9. § si duobus D. de public. in rem act.* Sed & admissa illa duplicis dominij directi & vtilis distinctione, non faciliè possum probare quod vult Guido Papius translationem possessionis impediri si res emphyteuticaria à domino, vt vocant, vtili alienata sit nulla præcedente denunciatione, & contra Iustiniani constitutionem. Etsi enim venditio & alienatio quælibet districtè à Iustiniano prohibita est, quousque domini voluntas exquisita sit. Quis tamen nescit, Etiam ex contractu inutili & prohibito transferri possessionem *l. 1. § si vir uxori D. de acquir. possess.* quippe quæ facti sit magis quàm iuris, vt ibidem scriptum est, & in *l. domique 19. D. ex quib. caus. maior. l. 1. §. Senola D. si is qui testam. lib. ess. iuss. su.* De dominio autem vtili, quamvis difficilior sit vt contra legis prohibitionem transferatur *l. vltim. Cod. de reb. alien. non alienand.* Si tamen venditio incipiat à traditione quod fieri faciliè potest, puta si tractatus & pactum de vendendo certo precio præcesserit [nec enim pactum de vendendo venditio est] & venditor postmodum tradat eam rem illo precio, Non puto dubitandum quin idem dici debeat, vt hoc casu dominium quoque vtile in emptorem transferatur. Quandoquidem supradicta Iustiniani constitutio factum ipsum notat venditionis antea vel alienationis perfectæ non solam, nudamque faciendi voluntatem. Nemo enim dixerit, Ob id solum quod emphyteuta rem emphyteuticariam vendere aut ius suum emphyteuticarium alienare, & in alium transferre voluerit, cadere illum à iure suo: Neque verò Iustiniani constitutio hoc habet. Sed postquam prohibuit Iustinianus initio legis ne liceat emphyteutæ sine consensu domini meliorationes suas aliis vendere, vel ius emphyteuticum transferre, subiicit in fine legis *sin autem aliter fuerit versatus, quàm nostra constitutio disposuit iure emphyteutico cadat.* Quod ipsum nihil aliud est, quàm si diceret, *si emphyteuta meliorationes suas vendiderit aly, aut ius suum emphyteuticum in alium translulerit.* Non igitur impedit lex venditionem, aut iuris emphyteutici translationem fa-

ciendam, sed factam punit, & irritam facit quantum ad utilitatem dominij directi. Qui si iure suo, ac beneficio Iustinianæ constitutionis uti nolit, siue expressa, siue tacita voluntatis declaratione, quis dubitat quin valitura sit venditio, dominiūque, utilis translatio inter venditorē & emptorem? Vt si forte velit venditor eam rem quasi non venditam nec alienatam vindicare, perinde sit repellendus exceptione rei venditæ & traditæ ac alius venditor quilibet *l. 1. & totis. De except. rei venditæ & traditæ*. Quemadmodum dicimus, pactum inter debitorē & creditorē initum ut creditor onus tribuni prædij pignoratū non agnosceret, sed eius solvendi necessitas debito: em spectaret, quantum ad rationem quidem fisci seruandum non esse *l. in: er debitorē 42. D. de pact.* sed inter ipsos pacificetis iustum, ideōq; seruandum esse *l. epistola 52. §. pactum eod.* Nec enim Iustinianus supradicta constitutione id egit ut emphyteutæ noceret, sed potius ut domino consulere, ac prospiceret ne quid ei factum emphyteutæ nocere posset. Itaque nolente domino directo ius suum exequi, adeōq; quandiu pendet an iure suo sit usus, remanent omnia in dispositione iuris cōmunis, & in eo statu in quo essent si cōstitutio illa nō interuenisset. In eōq; interpretes omnes cōsentiant, nō vsq; adeō rigide ac iudaicē, ut loquuntur, eam constitutionē accipiendam esse vobis non sit opus declaratoria sententia, id est per quā pronuncietur emphyteutam contra legem fecisse, & caducitatis pœnam incurrisse. Superest enim adhuc illa ex facto & iurisdictione pendens quæstio, An factum sit aliquid cōtra legem, & quidem ita ut nullam excusationē mereatur, quomodo in dissimili quāvis specie, Claudius Tryphoninus ad Sczuolā notat *in l. filia 88. D. de solut.* Aded ut si emptorem ab extraneo possessore vindicantem eam rē emphyteuticā quam non requisito domini directi, consensu emisisset summovere vellet eo prætextu quasi nullo iure ageret tanquam qui per eam emptionē etiam secuta traditione, dominus fieri non potuisset, utique non esset audiendus. Propterea quod esset exceptio illa de iure tertij, Exclusiva quidem iuris agentis sed non aliter quā si tertius velit. In quo exceptionū genere ut receptissima, ita verissima est Bartoli traditio ad *l. 2. D. de except. rei iudic.* uō esse illas admittendas. Neq; rursus in iure nostro novū est ut ex aliqua iusta causa dominiū interim trāsferatur, quod tamen postea pro numquam translato haberi debeat, Ut evenit in re sub condicione legata, quæ interim pleno iure est heredis, sitq; emptoris si eam heres suspensa adhuc cōdicionē alij vendiderit. Et tamen si quandoque postea exiistat condicio legati, neq; heredis, neq; illius qui ab ipso emit, vñquam fuisse intelligitur, sed à testatore ad legatarium rectā peruenisse *l. & post litē 12. §. rei quæ. D. fam. et eise iunct. l. si cui via 11. §. 1. D. quemadm. servus amitt. l. quædam 15. D. de reb. dub. l. generaliter 29. §. 1. D. qui & à quib. manum. l. de hereditate 19. §. pater D. de castrens. pecul.* quod & in donatione inter vivos per traditionem sub condicione facta iuris est *l. 2. §. si pecuniam D. de donat.* & aliis plerisque casibus alibi per nos adnotatis. Quod si dominus directus adprobet venditionem, etiam quæ posteriori emptori facta sit, eūmq; inuestiat, an non manifestē declarat nolle se uti iure suo? Alioqui non posset adprobare & confirmare venditionē quæ nulla esset, Nec sufficeret ad translationem dominij quod venditionem adprobaret si non etiam ipse venderet: Cū aliud longē sit vendere, aliud vendenti consentire: ut habet iuris regulatio *De regul. iur.* Proinde cū iure suo non utatur, remanent omnia in iuris communis dispositione, ut qui prior fuit in possessione acquirenda, potior sit in resinenda. Nec quod posterior tantum emptoris gratia qui inuestitus fuit, credendum sit dominum directū ius suum remisisse, potest anterior

Anterioris emptoris ius ledere. Non enim acquirit ius suum ex investitura, quæ scilicet alij non ipsi facta est, sed ex suo contractu sibi; facta traditione. Exemplum non ineleganti eius quod scriptum est in *l. eod. de omnibus 3. D. de condic. & de monstr.* Pupillum etiam sine tutoris auctoritate cōdicionibus parere posse. Nec in contrarium moveri quemquam ex eo debere quod ita futurum sit aliquo casu ut sine tutoris auctoritate necessarius heres fiat. Id enim iure potestatis fieri non vi expletæ conditionis. Proxima siquidem & immediata causa inspicienda est, tanquam quæ magis insit, non quæ remota. Est autem remota causa illa & extrinseca, quod directus dominus iure suo usus non sit: Hæc verò proxima & immediata, quod hic emptor, & emerit, & prior per traditionē rem acceperit. Sed neque causari potest alius emptor, qui prior quidem fuit investitus, sed posterior accepit possessionem, quod non aliter voluerit dominus directus suum ius remittere quam si posterior emptor priori præferretur. Nā præter id quod cuiusmodi interpretatio tum denū habere locū potest, cum domini interest qui non aliter ius suum remissurus fuerat ut de creditore pignoratitio scriptū est in *l. voluntate 8. D. quib. mod. pign. vel hypoth. solv.* Hic autem nihil interest domini directi, qui laudimia quæ à posteriore possessore non possit petere, à priore habiturus sit, atque ita plenam indemnitate consecuturus. Illud etiam apertum est posterioris emptoris qui prior investitus fuit non esse allegationem hanc, sed domini directi, qui ius suum remisit. Quamquam nec domino directo esset permittendum ut turis sui remissionem à se factam revocaret eo prætextu quasi contractus quem adprobare voluisset, effectum non habuisset. Satis enim effectum habuit, cum effecit ut ob fecutam euictionem regressum habere possit hic prior investitus contra suū venditorem, Non habiturus si dominus iure suo uti, ac venditionem irritam facere voluisset, quasi factam contra legis prohibitionem. Venditionem enim aliquam præcedere necesse est ut actio de euictione nasci possit quæ nihil aliud est quam actio ex empto *l. ex empto 11. & pass. D. de action. empt. l. si in venditione 60. D. de euic.* Venditio autem alienæ quidem rei valet *d. l. rem aliena n.* sed eius quæ alienari prohibita & interdicta sit non valet, ne quidem ad actionem de euictione producendam *d. l. vlt. C. de reb. alien. non alienand. l. si creditor 7. in fin. D. de distr. pignor.* Nullus igitur dari casus potest, in quo melior ac potior causa esse debeat eius qui prior à domino directo investitus fuit, quam illius, qui prior à venditore, eodēque domino utili possessionem acceperit: Etiam inspecto eo iure quod circa emphyteuses Iustinianus induxit. Multo minus si inspiciatur ius quo utimur hodie redactis feudis, & emphyteu sibus ad instar patrimoniorum & allodialium, Post restitutum quoque dominis directis ius prælationis, quod contraria consuetudo eis abstulerat.

ERROR TERTIVS.

De laudimii petitis ex legato vel ex heredis institutione.



VI ex donatione laudimium deberi putant, iidē existimant deberi perinde ex legato & ex heredis institutione, vi ex cōmuni Doctorū sententia tractat Amedeus à Pôre 9. 31. post Beru. c. 78. incip. *ex casu vol. 1. part. 2. l. 1. in l. vlt. nu. 50. C. de iur. emph. c. 141.* An quādo is cui, siue quod legatū quoque donatio sit *l. legati 36. De leg. 2. & apud Iusti. §. 1. De*

Naa ij

legat. Hereditates verò per institutionis titulum pleniorè liberalitatis honore deferantur *l. filium 5. §. sed est portio D. de lega. præst.* Siue etiam, quod laudimia propter alienationem dominiq; mutationem potissimum debeatur, ut sapius docuimus ex *dist. l. ultim. Cod. de iur. emphyt.* quæ alienatio & mutatio non minus per legatum inducitur & per heredis institutionem additione secuta quàm per donationem *l. à Titio 64. D. de fure. l. cum heredes 23. D. de acquir. poss.* Addunt tamen exceptionem, præterquàm in herede suo, vel qui ab intestato in emphyteusi vel in feudo esset alioquin successurus quod alienatio ista hoc casu sit necessaria. Ex *Aret. in l. 1. potest 18. in fin. D. de acquir. hered.* siquæ in successurum qui ex tenore primæ inuestituræ reperitur vocatus, ut supradictò loco Amedeus scribit, Addens ob hanc ipsam rationem idem dicendum esse in legatario qui sub prima inuestitura sit comprehensus. Puta si inuestituram quis acceperit pro se & heredibus, & successoribus, multò magis, si addita sit dictio, quæ ut plurimum addi solet *quibuscunque*. Sic enim Salycet. etiam seclusa dictione *quibuscunque* ad *dist. l. ultim. colum. 4. vers. quare an res.* Quod tamen alij sic intelligunt, ut successorum appellatione ita demùm legatarij contineantur si exiis sint qui alioquin absque dispositione testatoris essent de vocatis puta ex descendantibus à primo inuestito ex Socino *iunior. consil. 70. volum. 3.* Apud nos quæstio hæc planè ociosa est. Habemus enim Statutum Ducale quo expressim cautum est, ne qua laudimia de bonis hereditariis debeantur, nec de legatis vel fideicommissis, nec de bonorum diuisione. Nec tamen defunt qui putent etiam citra statutum idem dici ex iuris ratione debuisse quantum ad heredis institutionem, inter quos fuit Ioannes quidam Raynaud. *in suo comprehens. feudor. §. habito numer. 19.* quem Amedeus supradictò loco refert, & cuius sententiam in tertis quidem venditionibus omnino procedere admittit, sed in laudimiis non item, non dubitans quin de iure communi debeantur tam ex heredis institutione, quàm ex legato. Mihi nihil improbabilius dici posse videtur. Nam siue illorum sententiam sequamur, qui putant obligationem præstandi laudimij ex eo descendere quod ante omnia consensus domini sit exquirendus ut rei emphyteuticariz alienatio licitè fieri possit, siue aliorum, qui totam causam ad alienationem referunt, nulla certè ratio est propter quam laudimia ex heredis institutione vel ex legato vlla peti posse, fateri debeamus. Non illa quidem prior, quoniam absurdum esset dicere, Non aliter in bonis emphyteuticariis valere posse institutionem aut legatum quàm si priùs sit exquisitus & præstius directi domini consensus. Cum iuris ciuilis regula certissima sit à priscis illis temporibus iam olim constituta, Testamentorum iura per se firma esse ipsa oportere, non ex alieno arbitrio pendere *l. illa institutio 32. princip. D. de hered. institut. iunct. l. captauriæ 70. eodem tit.* Itaque vel negandum est absolutè bona emphyteuticaria legari posse, quomodo de bonis feudaliibus scriptum est in *Tituli. 9. qualis olim feud. alien. poter. §. donare.* Et *Tit. 55. de prohib. feud. alien. per Frider. vers. habito lib. 2. in v. sub. feudor.* [quod etsi Doctorum plerique crediderunt, minùs tamen communiter probatum est si Iulio Claro credimus in *§. emphyteusis, quæst. 15.*] Vel fatendum est posse legari etiam irrequisito domino. Alia verò illa ratio quam plerique adferunt propter quam laudimia debeantur, ad alienationem relata, multò minùs ad casum nostrum pertinet. Quæ enim à testatore in heredem sit alienatio, non tam ab homine sit quàm à lege, nec tam voluntatis quàm iuris potestate, Nisi quod in extraneis heredibus necessaria est

est aditio, ut quis heres, id est dominus fiat *l. cum heredes 23. D. de acquir. poss.* Ceterum lex illa est quæ & hereditatem & heredem facit siue ex testamento, siue ab intestato *l. filiusfamilias 18. D. ad leg. Falcid. l. 12. § 3. D. de hered. petiti. l. lege abuenire 130. D. de verbor. signific.* Et consequenter cum alienatio fiat ab ipsa lege, quamvis subsequente voluntatem testatoris cum testamentum factum est, de lege potius quam de testatore conqueri debet dominus directus, si quam iustam querelæ causam habeat, quod ipsius consensus non fuerit ex-quisitus. Nec sanè verius dici quicquam potest quam quod scio etiam veteribus placuisse, inter quos Petr. Jacob. quem citat Amedeus à Ponte, Ex nulla domini translatione quæ ipso iure fiat posse deberi laudimium: Sicut neque ius prælationis domino directo aduersus heredem institutum competere vllum potest. Quid enim absurdius esset, quam ut ob institutionem collatam in alium directus dominus inuaderet bona testatoris, atque ita supremum defuncti iudicium euerteret, qui heredem alium instituendo nihil minùs quam de directo domino cogitauit? Nec quod remedij loco adferunt quidam interpretes, præsertim Iulius Clarus *dict. quest. 15. in fin.* ut bona defuncti per viros probos æstimari oporteat, eamque æstimationem à directo domino præstari, ne infructuosa sit heredi hereditas, aut legatario inutile legatum, huius iniuriæ potius quam iuris iniquitatem potest corrigere. Ita enim semper fiet, ut ad extraneum bona defuncti perueniant contra ipsius voluntatem fortassis expressam, si quod plerunque fit, bonorum suorum alienationem heredi prohibuerit, ut ea perpetuò in familia remanerent. Deinde quis æquum putet, ut pro corporibus bonorum quæ ad heredem peruenire testator voluit, cogatur heres contentus esse æstimatione? An non hoc esset inuitum eum cogere ut res suas venderet, quod tamen iniustum semper esse lex ait, siue iustum, siue iniustum etiam & immodicum precium offeratur? *l. nec quasi 70. D. de rei vindic. l. non enim 9. D. de rer. amot.* Rursum an non etiam hoc esset supremi iudicii libertatem constingere, quæ semper amplianda potius est, restringenda numquam *l. cum duobus 52. aliàs l. si fratres § idem respondit societatem D. pro socio.* Fieret enim plerunque ut eo metu reuocaretur quis & deterreretur à consilio testandi, ne dum id ageret ut testamentarium aliquem haberet heredem hoc ipso directum dominum ad bona sua inuitaret, quem exosum fortassis iustissimè habuisset. Impugnat igitur hæc sententia publicam utilitatem, quemadmodum de quadam Iuliani sententia Marcellus dicebat in *l. Iulianus 42. D. de acquir. hered.* Nec vnquam imputandum est testatori cur non potius intestatus decesserit *l. posthumus 6. §. 1. D. de inoff. testam.* Quamquam si interpretibus credimus, nec prodesset quicquam defuncto, quod intestatus decessisset. Et si enim admittunt, nulla per heredem ab intestato succedentem laudimia deberi, quod alienatio illa sit necessaria, intelligunt tamen de eo herede qui ab intestato possit in emphyteusi vel in feudo idè succedere quod ex tenore primæ inuestituræ vocatus reperiatur, ut Amedeus tractat *dict. quest. 31.* Atqui facili fieri potest, ut successor intestati non sit agnatus proximus, nec de comprehensis in inuestitura. Quid enim si mater sit aut alius proximior ex linea materna, qui cognatus tantum sit, non etiam agnatus? Nulla siquidem hodie quantum ad successionem intestati differentia est inter agnatos & cognatos *Novell. 118. De hered. ab intest. venient.* An fortè adhuc imputabimus patrisfamilias, cur matrem legitimam heredem habere voluerit aut alium quemlibet proximioris cognatum? Id sanè consequens omnino est huic interpretum traditioni, Aut fa-

teri eos necesse est. Numquam successorem intestati debiturum laudimia, nec si ex iis sit, qui in priore inuestitura comprehensi non fuerunt. Cùmque necessarium omnino sit aut testatorem, aut intestatum decedere quemlibet, & ita, siue per testati, siue per intestati successionem bona sua in heredem aliquem alienare, Quis non videt omnimodo necessariam esse alienationem illam quæ per viam hereditatis à defuncto fit in heredem, ac proinde nullo casu posse deberi ab heredem si verum est quod iidem interpretes volunt, & nos admittimus, numquam deberi ex necessaria? Etsi nec illud faciliè possum admittere, ut alienatio quæ fit per viam successionis intestati necessaria videri debeat: Cùm in potestate sit cuiuslibet habentis testamenti factionem actiuam, ut testando intestati successores eludat, qui nec alio iure succedunt quoties nullum testamentum factum est, quàm quasi scripti, tacitoque defuncti iudicio ad hereditatem vocati *l. 3. l. conficiuntur 8. §. 1. D. de iur. codicill. l. ab exheredati 126. De legat. 1.* Ad eò ut si quis fundum non tantum prohibitus sit alienare extra familiam, sed etiam in familia relinquere iussus fuerit, videatur fecisse contra voluntatem si se intestatum mori passus sit ut ab intestato heredem haberet eum qui non esset ex familia *l. penult. §. penult. De legat. 2.* Sed quænam, obsecro, ista ratio est ut ex institutione heredis debeantur laudimia, quòd alienatio illa sit voluntaria, non debeantur autem ex successione intestati, quòd hæc sit necessaria? An non enim æquè necessarium est, ut quis testetur si nolit intestatus decedere, quàm ut intestatus decedat, si testari nolit? Deinde verò in persona heredis legitimi etiam si sit ex agnatis, quænam alienationis necessitas est, cùm possit hereditatem, si velit, prætermittere? Nec enim quisquam inuitus sit heres extra causam necessarii heredes, licet inuito deferatur hereditas. Quod verò ad necessarios suosque heredes pertinet, æquè mihi absurdum esse videtur, ut ob id solum à præstandis laudimiis sint immunes, quòd in eorum persona sit hæc alienatio necessaria. Etsi enim ipso iure existunt, apparentque heredes, ita ut nec aditio in iis vlla requiratur *l. in suis 14. D. de suis & legitimis. nec hereditas vlla esse videatur l. in suis 11. D. de liber. & posthum.* cùm tamen habeant beneficium abstentionis per quod in effectu tantum consequuntur, quantum si heredes non essent, sitque in eorum arbitrio ut vel abstineant vel non abstineant *l. ei qui 12. l. necessarii 57. & post. D. de acquir. hered. l. etsi 6. §. si filius de bon. liber. l. ex contractu 44. D. de rei iudic.* quis non admittat etiam in personis suorum heredum esse hanc alienationem planè voluntariam? Nam & cæteris heredibus, qui tantum necessarii sunt non etiam sui ferè idem obtinet, cùm licet beneficium non habeant abstentionis, habeant tamen separationis si modò nihil attigerint hereditarium *l. 1. §. ultim. D. de separat.* quamvis non eò minùs sint & maneant effectu ipso heredes quantum ad bona quæ à defuncto ad eos peruenerunt. Quo solo respectu admitto posse hanc alienationem dici necessariam, sed aliam prætereà nullam quæ fiat per viam successionis. At neque potest dici necessaria, nisi ex parte heredum necessariorum. Non etiam ex parte testatoris quia nemo inuitus necessarium heredem habere cogitur *l. potest 36. D. de vulg. & pupill. substit.* Ne quidem suum, siue quòd etiam sui heredes possint exheredari *d. l. in suis 11. D. de lib. & post.* Siue quod tùm quoque cùm non exheredantur nulla subsistente satis iusta exheredationis causa, possint institui sub conditione potestatiua dummodò in defectum conditionis exheredentur *l. suis quoque 4. D. de hered. instit.* Quo casu fiunt virg; ex necessariis heredibus voluntarij, quæ admodum si opterius filium quis suum sub hac conditione *si voles* heredem instituisse *l. verba hæc 12. D. de condic.*

condic. in f. u. Nulla igitur est ex omnibus istis alienationibus quæ absolutè dici possit necessaria. Proinde vel nullo penitus vel omni prorsus casu dicendum est ex hereditaria siue testati, siue intestati successione laudimia deberi. In legatis verd, res multò apertior est, cum alienatio quæ sit ex causa legati per vindicationem relictæ aded solam legis potestatem pro causa proxima & immediata habeat, vt dominium rei legatæ transeat recta via à testatore in legatarium, numquam factum heredis *l. legatum 80. De legat. 2. & acquiritur legatario etiam dormienti & ignoranti l. cum pater 77. §. furdo eod. quamvis non inuito l. si tibi homo 86. §. cum seruis De legat. 1. l. quædam 15. D. de reb. dub.* Vt intelligamus non magis esse necessariam hanc quoque alienationem, quàm cæteras, de quibus diximus quæ sunt per speciem vltimæ voluntatis. Idè autem loquor de legatis per vindicationem relictis, quia iuris veteris ratio ita faciebat, vt id legatorum genus in eo, quemadmodum in aliis multis differret à cæteris. Teste Caio, itémque Vlpiano *in Insit.* Hodie tamen in omnibus idem iuris est, postquam Iustiniano placuit vt omnium legatorum vna, eadèque natura sit, & ex omnibus vindicatio competat *l. 1. Cod. commun. de legat.* quæ res translationem & acquisitionem domini præsupponit in necessarium antecedens, cum non alij possit vindicatio competere quàm domino *l. in rem 23. c. pass. D. de rei vindic. l. Quintus 27. §. argenteo D. de aur. & argent. legat.* Scio plerisque Sabaudig nostræ locis, vt apud Maurianenses in vsu esse vt dominis directis ad mutationem cuiuslibet domini vtiles aliquid præsteretur quod illi *placitum* vocant, Gallicè *le placis*, siue mutatio illa contingat per mortem, siue per aliam speciem alienationis quæ facta sit inter viuos. Adedque interdum erit vni solius directi domini persona mutetur. Sed id fit, aut ex conuentione aliqua, aut ex consuetudine, quæ nihil commune habet cum iuris ratione, de qua disputamus.

ERROR QUARTVS.

An ex pignore laudimium debeat.



ABSVRDVM à bonis Iureconsultis videri possit hæc quæstio, Cum sit iuris certissimi ex causa pignoris nullam fieri alienationem, cum per eam non transferatur dominium, sed sola possessio si pignus proprium contractum sit, non hypotheca *l. c. m. c. foris 35. §. 1. D. de pignor. act. l. pignori 13. D. de vsucap.* quamvis per causam pignoris aut potius per occasionem perueniatur interdum ad alienationem pro eo iure quod habet creditor pignoris distrahendi *l. quis à creditore 18. c. pass. Cod. de distr. act. pignor.* Vnde factum videtur quod Iustinianus constituit in l. vltim. C. de reb. alien. non alienand. vt prohibita siue per legem, siue per hominem alienatione pignoris quoque datio prohibita esse intelligatur. Quomodo iam olim ex oratione Diui Marci, & Senatuscòsulto ad eam factò oppigneratio suburbanorum vel rusticorum prædiorum minoris petinde interdicta erat, atq; alienatio *l. l. si papillorū 7. §. c. segg. De reb. eor. qui sub iur.* Sed aliud est alienare, aliud verd alienandi viam & rationem querere aduersus prohibitionem alienationis. Prohibita namq; alienatione censentur prohibita quoq; omnia, per

Nnn iiij

quæ alienandi ratio aliqua inueniretur. *l. magis puto 5. §. si pupillus eo. tit. quia prohibito aliquo finē, censentur prohibita etiam omnia ad illum finem tendentia ne quod directè fieri prohibitum est, per indirectum permittatur l. si reus portet 21. §. 1. D. de legit. iuror.* At non idē consequens est, ut cū de alienatione permissa tractatur, ut putā cū de laudimiis agitur, alienationis appellatione comprehendantur omnia quæ prohibita alienatione etiam prohibita censerentur: Quia nihil est quod in casu permissæ alienationis facere debeat, ut alienare videatur is qui dat pignori, quomodo ē contrario alienatione prohibita pignoris quoque datio prohibita intelligitur, Non quia sit alienatio, ut dixi, sed ne inuenta sit alienandi ratio contra prohibitionem, cū per constitutionem pignoris etiam ad alienationem tandem perueniatur, ut dixi. Certum igitur est etiam apud interpretes, Laudimia quæ ex præcedentis alienationis causa debentur, ex pignoris datione deberi nulla posse. Cū per toties in hoc tractatu diximus, ea demū alienatio dicenda sit per quam proprietates, & dominium transfertur *l. 1. Cod. de fund. dotal. l. alienationis 28. l. alienatum 67. De verbor. signific.* Hancque conclusionem probari video ab interpretibus non minū in feudo, quā in emphyteuti, licet inter feudum & emphyteusim hac parte differentia illa sit quod feudum pignori dari non potest interquisito domino: At emphyteusis potest, ut ex communi nostrorum sententia concludit Amedeus *quæst. 33. post glos. & DD. in cap. 1. De alien. feud. & las. in l. ultim. numer. 78. Cod. de iur. emphyt.* Sed tamen dubitandi & aliter atque aliter distinguendi causam plerisque interpretibus dedit, quod sæpè ac sæpius huiusmodi contractus pignorum contrahuntur in fraudem domini directi ab iis qui potius id agunt, ut venditio emptioque contrahatur. Cuius fraudis materia & occasio inde proficiscitur, quod contractus pignoris eo saltem casu quo antichresim permixtam habeat, quod plerumque fit, proximè accedat ad contractum venditionis factæ sub pacto de retrouendendo: Quandoquidem utroque casu & possessor fit, fructusque lucratur is qui rem accipit, & redhibendi ac recuperandi spem retinet is, qui tradit, restituta scilicet ea pecunia quæ siue pro venditionis precio, siue debiti nomine accepta fuit: Ut proinde si rei effectum inspicias potius quā modum contrahendi, parum referre videatur an vendas mihi fundum certo precio sub pacto de retrouendendo, an mihi des in antichresim pro eadem quantitate. Indēque primum distinguendi occasionem sumunt interpretes, mox errandi. Prima autem quæ ab iis adhibetur distinctio illa est, An res feudalis vel emphyteuticaria pignoratā sit pro æquivalenti precio rei, ut verisimiliter nulla sit spes luitationis, an pro minore. Ut priore casu non sit permittenda oppigneratione sine consensu domini, & idē laudimium ex huiusmodi contractu pignoris, quasi in fraudem laudimiorum factū debeat. Ex Baldo *in dist. 1. fin. Cod. de reb. alien. non alienand. c. in cap. 1. in princip. No. ab. 1. De prohib. feud. alien.* per Federic. & Alex. *consil. 169. in fin. volum. 6.* Per text. in *l. qui habebat 101. De leg. 3.* Alia distinctio est, An oppignerationem secuta sit actualis traditio necne. Ut si secuta sit, venditio magis contracta esse videatur quā pignus. Ita enim Afflictus *ad dist. cap. 1. numer. 42. c. 46. & distinctionem hanc rationabilem videri ait Amedeus dist. quæst. 33. & à Senatu Pedemontano comprobam.* Per text. in *Tit. 5. Quib. mod. feud. amitt. lib. 1. vers. au. si libellario*, Et per Alex. *in l. 1. §. per seruum corporaliter circ. fin. De acquir. possess.* Tertia distinctio & quæ omnium probabilissima videri possit, An is cui pignus datum est fructus percipiat

cipiat quos alioquin suos non faceret, inquit Amedeus, nisi ex translatione dominij. Quasi hoc casu dubitandum proinde non sit quin id actum sit inter contrahentes vt dominium transferretur, velut in necessarium antecedens: quo præsupposito, consequens necessariò est vt laudimium debeat. Ego, quod pace tantorum virorum dixerim, omnes istas distinctiones inanes ac nugatorias esse arbitror. Et generaliter concludo, Numquam ex contractu pignoris laudimium deberi, nisi fraudis consilium probetur, simulatione contractus probata, & quod id egerint contrahentes vt sub pignoris nomine venditio contraheretur. Hæc enim necessariò subiicienda est exceptio quia numquam fraus impunita esse debet in ea re præsertim quæ tam multis fraudibus obnoxia est. Cum nemo nesciat id passim agere feudatarios & emphyteutas quantum possunt vt vndeque coloribus quæsit dominos directos fraudent suis iuribus, præsertim quantum ad laudimiorum præstationem. Sed non ideo fit consequens vt quisquis fraudem comminisci potuit, statim voluisse ac fecisse credendus sit, quandoquidem à posse ad esse non valet argumentum, vt aiunt philosophi: Quod Doctores nostri sic exprimunt vt dicant, Probationes non debere à possibili concludere, sed à necessario *l. vltim. Cod. vnd. legit. l. neque natales 10. & leg. non epistolis Cod. de probat.* Atqui constat contractum pignoris licitum esse nec prohibitum in emphyteusi etiam irreversibilem domino, vt præfati sumus, & aliter pignora contrahi, aliter venditiones, vt Vlpianus ratiocinatur *in l. sciendum 63. D. de adul. edict.* quemadmodum & aliter venditiones quæ sunt sub pacto de retrouendendo. Aliter verò antichreses, quæ nihil aliud sunt quàm pignora eo pacto data, vt liceat creditori sui pignore in vicem legitimarum vsurarum *l. si qui 11. §. 1. D. de pignor. l. si pecuniam 33. D. de pignor. assign.* Non ergo statim atque contracta est antichresis, dicendum est contractam eam esse in fraudem domini directi, & in vicem pacti de retrouendendo, sicuti nec in dubio præsumenda est facta esse in fraudem legitimarum vsurarum, quamvis natura contractus ad hoc longè sit proclivior *l. si ea pactione 14. Cod. de vsur.* Sed fraus omnimodo probanda est, & quidem aliter quàm ex fructuum perceptione sola. Nam probanda est fructuum quantitas inmodica, vt probari possit facta antichresis in fraudem legitimarum vsurarum *dist. l. si ea pactione.* Et similiter probanda est intentio contrahentium, quòd voluerint vendere & emere sub pacto de retrouendendo, vt antichresis possit dici facta in fraudem laudimiorum. Alioquin statim inducetur fœda & nominum & rerum confusio si contractum pignoris & antichresim pro ea venditione accipiamus, quæ facta sit sub pacto de retrouendendo. Præsertim cum è contrario, Pactum de retrouendendo adeò sit suspectum apud interpretes, vt venditionem quæ sub eo pacto facta est plerique interpretum habeant pro contractu simulato & pignoratitio antichrestico si qua læsio dum ne modica interuenerit. Quamvis Senatus noster aliorum sententiam magis probare soleat qui exigunt præterea fœnerandi consuetudinem in emptorè, vt in Codice nostro scripsimus. Ita fiet circulus & circuitus perpetuus si & venditionem factam sub pacto de retrouendendo habeamus pro antichresi, & vicissim ipsam antichresim pro venditione facta sub pacto de retrouendendo. Sed & ratio illa falsa est, qua mouentur nostri vt antichresim habeant pro contractu suspecto & in laudimiorum fraudem facta, quod non possit creditor fructus suos facere quos ex pignore percipit, nisi per mediam translationem dominij. Etsi enim verum est regulariter fructus non

percipi nec acquiri nisi iure soli *d. l. qui fecit 25. §. 1. D. de usur.* Non est tamen id perpetuum. Alioqui nec bonæ fidei possessor fructus suos vnquam faceret cum non sit dominus soli, nec usufructuarius, nec conductor. Quæ tamen omnia falsa sunt *l. si fructuarius 13. D. iur. mod. usufr. amitt. leg. bona fides 48. De acquir. rer. dom. l. si seruus 61. §. locum de furt.* Nimirum ad fructuum acquisitionem sufficit, quod percepti sint ex domini voluntate, ut scriptum est *in dict. §. locum.* Percipit autem ex domini voluntate non minùs creditor cui pignus traditum est, quàm fructuarius & conductor cum rem obligatam ab ipso creditore ac per ipsius manus acceperit. Id eo, quæ facit suos fructus creditor pignoratitius tunc quoque cum nulla antichresis contracta est nec de fructibus percipiendis quicquam conuenit, sed hæc tamen differentia, quod ita suos eos facit, ut tamen ipsos non lucretur, sed perceptos cogatur in sortem imputare, ut ait *l. 2. §. alia pass. Cod. de pignorat. alt.* quod antichresi contracta diuersum est, quippe quæ facit ut fructus lucretur creditor nec eos in sortem imputet, quoniam licita est. Inde namque nomen suum, sumptis antichresis quod sit quædam veluti contrafructio. Ut dum fitur debitor pecunia creditoris vicissim ac vsuatum loco fruatur creditur pignore, & re debitoris. Quemadmodum alio loco scriptimus, Bonæ fidei possessor, em percipiendo facit fructus suos & quidem statim atque à solo separati sunt *dict. l. bona fides & dict. l. si fructuarius.* Sed tamen non prius eos lucrari quàm vel consumpserit, vel vluxerit *l. 4. §. post litem D. fin. regund. iunct. l. 4. §. lana D. de usufr. l. certum 22. Cod. de rei vindic.* Proinde illa quoque distinctio superuacua est, An rei pignoratæ traditio actualis facta sit, necne, Quia pignoris natura illa est, ut æquatur actuali rei obligatæ traditionem, aut eam saltem, quæ fit per clausulam constituti. Cum sit ex eorum contractuum genere qui re contrahuntur *§. 1. de iur. in lit. quib. mod. re contr. oblig. iunct. l. si creditor quoque D. de oblig. & act. l. si reus 9. §. propriè & dict. l. cum & fortis 35. §. 1. De pignorat. alt.* in eo quæ maximè differt pignus ab hypotheca *dict. §. propriè,* licet quantum ad formulam hypothecariam non differant *l. 5. §. 1. D. de pignor.* Sed neque distinctio illa placere potest an pignus datum sit pro debito, quod æquipolleat iusto rei precio, an non. Esi enim ita ferè obseruari solet ut pignus sit maioris æstimationis, quo magis cautum sit creditor, quæ præcipua vel potius unica pignoris dandi causa est *l. si maius datum 59. §. vltim. D. mandat. l. 4. §. adduci D. de fidei. libert.]* nihil tamen vetat dari pignori rem æquivalentem, adeoque etiam quæ sit minoris æstimationis si quando ita conuenerit. Neque enim tam alienum illud est à natura pignoris, ut non faciliè hæc patiatur conventionem. Nec verum est eo casu videri pignus venditum aut datum in solutum, quasi nulla spe reliqua luitionis. An enim pignus eo minùs lui potest, quod pro æquivalenti precio sit obligatum? An non illa saltem luendi utilitas superest debitori quod luendo rem suam recuperaturus sit sit fortè malitiam habere quàm pecuniam, Puta quod aliquam iustam habeat causam & affectionem ad rem retinendam, quam nec iusto nec iniusto precio venditâ vellet, ut *in l. si in emptionem 35. D. de minor. l. 1. §. & aliâs videamus D. si quid in fraud. pat. on. l. ex qua iur. res 22. Cod. de admin. tutor.* Denique nemo dixerit rem pignori datam pro æquivalenti summa eo magis alienatam videri, quàm si nulla luitionis utilitas sperari posset, Quia certi sunt, & legitimi modi transferendi domini. Inter quos hic non est, ut pignus pro summa æquivalenti detur, Sempèr quæ remanet pignus in dominio debitoris, quandiu ius domini impetratum non est à creditore secundum formam à Iustiniano præscriptâ *in l. vlt. C. de iur. dom. impetr.* Generaliter igitur ve-

tur verum est quod defendimus, Nūquam ex causa pignoris deberi laudimium quòd ex ea nullo penitus casu dominium transferatur, Cū non sit titulus habilis ad inducendam dominij translationem nec si millies actualis traditio secuta proponatur *l. numquam 31. D. de acquir. rer. dom. iunct. d. l. pignori 13. D. de usu cap. d. §. propriè & d. l. cum & fortis §. 1.* Si modò venditioni factæ sub pacto de retrouendendo color pignoris quæstus sit. Tunc enim venditio potius contracta videri debet, vt plus valeat quod verè actum, quàm quod simulare conceptum fuit: Cū tamen apud nos directi domini pleriq; omnes conquererentur quod per emphyteutarum fraudem passim contractus pignorum per antichresim fierent, venditiones verò iam ferè nullæ, Placuit edicto Serenissimi Ducis nostrè nouum ius induci, vt etiam ex eiusmodi contractibus si antichresis per decennium durauerit, laudimia ex decennij præteriti die debeantur. Quod tamē ipsis edicti verbis ad futuras antichreses restrictum est ne quis fortè ius nouum & à legibus nostris alienum ad præteritas quoque vellet extendere, nec si per decennium ab edicti publicari die durasse proponerentur. Idque nonnullis etiam Senatus nostri decretis ita interpretatum est.

ERROR QVINTVS.

De locatione ad longum tempus, & an laudimium ex ea debeatur.



ERINDE absurda videri possit hæc quæstio atque illa de qua proxime diximus apud eos qui omnia æstimant ex mera, verà que iuris ratione. Tam enim certum est ex locatione dominij transferri non posse quàm ex pignore cū neuter titulus habilis sit ad trāsferēdum dominium *l. non solet 39. D. locat.* vbi quod dicitur non solere locationem dominium mutare, non ita accipiendum est qu. si aliquo casu mutet, sed sic potius vt nullo casu possit mutare: Cū ne quidem possessionem transferat, quia conductor non sibi sed domino possidet *l. 2. Cod. de præscript. 30. vel 40. annor.* quamuis in possessione illum esse necesse sit, vt re conducta frui possit. Sed aliud nimirum est possidere, aliud esse in possessione *l. si quis ante 10. D. de acquir. poss.* In eòq; melior condicio est creditoris pignoratitij quàm conductoris. Creditor enim etsi què scit rem alienā se possidere *l. pignori 13. D. de vfu cap.* sibi tamē non debitori possidet quod ad omnia, præterquàm quod ad causam vfucapionis *l. serui nomine 16. eod. tit.* Conductor verò in possessione tantum est, fruendi dūtaxat gratia, eoque nomine præstat pensionem domino, qui per eam pensionis perceptionē non tantum rei suæ possessionem retinere, sed etiā re ipsa frui intelligitur *l. non vtiur 38. eum seq. D. de vfu.* Vnde illud etiam est quod creditores pignoratitij tanquam verè possidentes habent interdictum Vti possidetis, quod non habent conductores & ætiori qui tantum sunt in possessione *l. 3. §. creditores D. vti possid. iunct. l. officium 9. D. de rei vindic.* Ergo si ex causa pignoris laudimium numquam debetur vt superiore capite disputauimus, multo magis dicendum est ex conductione nullū deberi: Adeo vt nec fortassis in locatione adhibenda sit illa exceptio, quam in pignore antichrestico adhibuimus, Nisi in fraudem domini directi ac laudimiorum facta locatio proponatur. Non enim video qua ratione vel arte possit per locationem fraus fieri laudimio, vel quonam demum casu possit locatio

cuadere in alienationem, cum nullum ius cōductor habeat percipiendorū fructuum, nisi beneficio pensionis quam locatori annuatim soluit, ut ex pensionis solutione appareat locationem durare, quæ porro cū acquisitione dominij non potest consistere *l. neque pignus 45. De reg. iur.* Vnde est, quod nec si per triginta vel quadraginta annos durauerit, vlla tamen conductori potest competere præscriptio, nec magis triginta vel quadraginta quàm decem annorum *d. l. 2. Cod. de præscrip. 30. vel 40. annor.* Atque ita interpretes quoque omnes sentiunt in locatione quæ facta sit ad breue tempus, id est quod sit breuius decennio, tametsi sæpius renouata fuerit, atque ita per plures annos durauerit. Et eo sensu admittunt procedere omnia, quæ inodò diximus. Sed in locatione facta ad longum tempus non minùs decennio, aliud esse volunt magis communiter, ut eiusmodi locatio species quædam sit alienationis, ex qua proinde laudimium debeatur. Sic enim ex communi nostrorum sententia cōcludit Amedeus noster *Quaest. laudim. 34.* ne auctores hic omnes congeram, quos ille refert contra Boer. *quaest. 234. & alios ibid. citatos.* Ratio vnica, quæ omnes adferunt, illa est quod per huiusmodi locationem transferatur ius in re, & vtilis in rem actio conductori acquiratur, *Ex l. ult. D. si ager vectig. vel emphyt. petat. & l. 1. §. quod ait D. de superfic.* Quibus tamen locis non simpliciter de conductione agitur, quæ facta sit ad longum tempus, de qua nunc loquimur, sed de fundo vectigali, vel emphyteuticario, vel superficiario qui locatus sit vel in perpetuum, vel saltem ad nō modicum tempus non solū constituta certa pensione annua, sed illa etiam lege adiecta ut quandiu vectigal aut pensio soluetur non possit dominus rem auferre cōductori, ut scriptum est *in l. 1. D. si ager vectig.* Hæc enim pactio illa est, quæ ius in re & in re præbet conductori, propter ius retentionis quod ei tribuit, ut inuito etiam domino possit rem sibi retinere: quod in cæteris vulgaribus & ordinariis conductionibus diuersum est. Ex qua *l. 1.* supplendum est quod scribit Paulus *in l. id est 74. D. de rei vindic.* Superficiarium eum esse qui in alieno solo superficiem ita habet ut certam pensionem præstet, nimirum eo præterea concurrente, ut quādiu pensio præstabitur, auferri ei res à domino non possit, Alioqui simplex erit conductor superficiem, non etiam superficiarius. Accedit enim proximè ius superficiem ad ius vectigale aut emphyteuticum, Sicut & vtrumque ius hoc vectigale & emphyteuticarium proximè accedit ad locationem, Ita ut dubitatum olim fuerit apud ipsos etiam prudentes an emphyteusis esset locatio, ut Iustinianus refert *in §. adeo Inst. de locat. & conducl.* Nempe propter magnam similitudinem quam habet id genus contractus cum locatione. Sed tamē quoniam habet etiam pleraque differentia, nec minùs proximè accedit ad venditionem, vel ob id maxime quod alienationis speciem quandam continet, cum faciat ut ab iniuncto possessore dominus auocare rem non possit. Ideoq; bene placuit nouum hoc esse & tertium genus contractus à locatione ac venditione distinctum: A quo proinde nihil inferri potest ad locationem quādoquidem, ut est in vulgari notitorum. *rocardico* non bene à separatis infertur *vulg. l. Papinianum 20. D. ex quib. caus. maior.* Nam si poneres locationem non modò ad longum tempus factam esse, sed hoc etiam addito ut quandiu soluetur pensio nō possit locator rem suam à conductore auocare, iam erit emphyteusis non locatio, & hoc demum casu admittam & habiturum conductorem ius in re, & per consequens laudimium debiturum quæ ex emptione aut alia qualibet alienatione debuisset. Nā & emphyteusis species proculdubio quædam est alienationis *l. ult. C. de reb. alien. non alienand.* Non eo sensu quo in eadem lege dicitur etiam pignoris dationem alienatio-

nationis nomine contineri, quippe quod per eam ad alienationem perveniat ut superiore capite explicavimus, sed per se & absolute, quia quisquis rem accipit in emphyteusim iam inde ab initio totum ius suum nanciscitur rei in perpetuum etiam invito domino retinenda, nec si per mille annos rem retineat plus iuris sibi acquirere unquam potest, quamvis ex variis causis & pluribus calibus amittere rem possit *l. ult. C. de iur. emphyt.* Neque tamen hoc volo sic accipi, ut potius cum interpretibus in conductorem & possessorem fundi vectigalis aut emphyteuticarij dominium vtile transferri. Semper enim negavi & nego, ali-quod esse dominium vtile quod separari à directo possit, sed quia vix est ut nō alienatum quodammodo videri debeat id quod neque dominus vindicare unquam possit neque possessor inuitus cogi ut domino restituat propter ius illud quod habet, ut diximus, retentionis. Qua de causa videtur Tribonianus, licet propriè loquendi parum studiosus in *d. l. ult. C. de iur. emphyt.* cum de venditione per emphyteutam facta loquitur, nō ita loqui ut dicat emphyteutam rem ipsam vendere aut in alium trāsferre sed emphyteusim tantum, id est meliorationes in rem alienam factas, & ius suum emphyteuticum, Ut doceat rem ipsam emphyteuticariam, quia non est emphyteutē nec alienari ab eo nec transferri posse, sed tantum à domino directo, tanquam qui solus sit dominus rei: Habet tamen vtilem actionem in rem. Fateor, quam scilicet dat Prætor ex æquitate non ex legibus: neque ex iuris civilis ratione, Ob idque appellatur utilis, & dicitur à Paulo in *L. tutor 16. §. 1. De pignor. act.* ubi quod scriptum est, superficiario dari vtilēs actiones hodie, satis ostendit neque olim dari fuisse, neque dari hodie ex natura & vi ac potestate contractus, sed ex mera æquitate, & indulgentia Prætoris. Nēpe quia rem illam habet in bonis suis, ob idque habet eum Prætor pro domino bonitario, quod sufficit ut det illi vtilem actionem in rem, ut cernere etiam est in Publiciana quam idem Prætor dat ei qui in cursu tātum vscupiendo est, necdum vscupit tanquam habenti rem in bonis licet iure civili nullomodo sit eius dominus *l. 1. & pass. D. de Public. in rem act. c. §. namque Inst. de action.* Non est igitur bona illa interpretum collectio, ut quia cōductor ad longum tempus habet aliquid ius in re, & ob id actionem in rem habendus tamen sit pro domino saltem utilis: quia non omne ius in re aut in rem parit dominium, Alioqui etiam creditor pignoratitius dicendus esset dominus saltem utilis, cum negari nō possit, quin habeat ius in re quandoquidem certissimum est vinculo pignoris rem ipsam affici, non personam *l. pignoris 17. D. de pignor. l. pignoris 15. C. cod.* Sed neq; verum est cuilibet conductori ad longum tempus competere ius in re, aut iam generaliter interpretandum esse quod ait *d. l. vltim. si ager vel lig.* ut de quolibet conductore ad longum tempus intelligatur. De illo enim solo intelligi debet, qui præterea ex conventionione ius illud habet ut quandiu pensionem solvet, non possit ei res auferri. Qua pactione interveniente vereor ne idem sit dicendum, etiamsi conductio non ad longum tempus facta proponatur. Cum in *d. l. fin.* nō adhibeatur hæc distinctio, quam desumunt, & suppleunt interpretes ex *d. l. l. §. quod ait D. de superfic.* quo tamen loco non de conductore fundi agitur, de quo in *d. l. vlt.* sed tantum de conductore superficiei, quem tantò minùs iuris habere æquū est quantò minùs est habere ius in superficie, quàm in fundo ipso. Ut difficultior sit Prætor in dando actione aliqua utili, superficiario, quàm ei qui fundū habet vectigalem, vel emphyteuticarium: Nam in his non distinguit, an conduxerint fundum vectigalem vel emphyteuticarium in longum tempus, an in brevius; quomodo distinguit in superficiario *d. §. quod ait.* Et superficiarium minus

iuris hac parte habere quàm ceteros, ex eo quoque apparet, quod Prætor edicto suo speciale interdictum superficiario proposuit. De quo in *Tur. de superfic. c. 1. Aquilini 27. D. de donat.* secundum eam loci illius emendationem, quàm in præcedentibus attulimus, cum docuimus pro *fructuario* legendum ibi esse *superficiario*. Quo interdicto utilem quoque actionem De superficie causa cognita daturum se Prætor pollicitus est, qui tamen de cæteris suis aliquid in re habentibus nihil nominatim edixit, nec interdictum aliquod speciale proposuit, contentus sola rei æquitate, & suæ iurisdictionis potestate. Multa enim facit Prætor pro sua iurisdictione citra edictum: Sicut & multa sunt quæ auctoritatem edicti exigunt, ut ea Prætor facere possit. Ergo non illud tantum inspiciendum est, quod unum inspiciunt interpretes, an locatio facta sit ad longum tempus, sed hoc potissimum, an facta sit eo pacto adiecto, ut quandiu pensio solvetur possit conditor rem retinere. Quod si neque pactio hæc sufficit in superficiario, nisi etiam illud concurrat ut superficiem ad longum tempus conduxerit. Quanto magis dicendum est in cæteris conductuibus qui minus iuris habent, quàm superficiarius in eo quod eiusmodi conventionione non niuntur, nihil eis prodesse debere quod ad longum tempus conduxerint: siquidem plus potest illa pactio ad rem efficiendam, quàm longi temporis ratio. Nam si tempus per se non est modus tollendæ aut inducendæ obligationis personalis *l. obligationum ferè 44. §. placet De verb. oblig. it.* ita ut ne quidem possessio longi temporis coniuncta cum titulo & bonæ fidei dominium ullum posset tribuere, sed tantum præscriptionem & exceptionem *Tor. tit. Cod. de præscript. long. temp. l. præscriptio 45. in princip. D. de usucap.* Quanto minùs poterit esse modus per se acquiritendi, vel amittendi domini? Quod si ponas ita factam esse locationem, ut quandiu pensio solvetur, non possit res auferri conductori siue ad longum siue ad breve tempus facta sit, iam non erit simplex locatio, sed in alium degenerabit contractum, siquæ ex locatione emphyteusis, quoniam & ad tempus cõstitutæ emphyteusis potest, licet in fundis vectigalibus aliud sit quos necesse est in perpetuum fruendos dari *d. l. in princip. frager vellig.* Emphyteusis enim omnes formas & conventiones admittit quæ contrahentibus placeant, nec aliam habet naturam, quàm quæ certis conventionibus constituta est *l. 1. C. de iur. emphyt.* Ceterum citra emphyteusim non potest in locatione communi valere conventio ut nō liceat domino eodémque locatori rem suam à conductore auocare *l. cum precario 12. D. de prec. in egrediturq;* ea res notissimos locationis terminos, ut loquitur *l. Lucius 24. D. de positi.* Ex quo intelligimus, contractum locationis minus capacem esse fraudis comminiscendæ aduersus dominum directum, quàm sit contractus pignoris, Quoniam in antichresi valde suspecta est illa pactio, si conueniat inter debitorem & creditorem, ut ante certum tempus lui pignus nō possit: Debet enim libera esse debitori luitio pignoris non solum ne antichresis in fraudem legitimarum usurarum facta esse videatur, in quo Theologi quoque cum interpretibus nostris consentiunt, sed etiam ne quid in fraudem domini directi, & laudimiorum excogitatum dici possit. Et ad has demum antichreses, id est sic factas ut non liceat debitori pignus luere ante certum tempus, putabam ego restringendum ius illud novum quod edicto Principis nostri inducū diximus. De laudimiis ex contractu antichresico post decennium soluendis quoddam solæ illæ sint suspectæ, & ad venditiones propius accedant. Pluribus tamen placuit, tandémque obtinuit contraria sententia, ut in qualibet antichresi etiam quæ liberè lui posset idem iuris constitueretur.

ERROR SEXTVS.

De moderatione laudimij ex locatione ad longum tempus facta debiti. Et de venditione fructuum & de constitutione ususfructus.



VI defendunt ex locatione ad decennium facta laudimij deberi tāquam ex alienatione, in eo maximè laborāt, & laborandū habēr. Ad quam vsque quātitatem laudimium aestimari hoc casu debeat. Et sciteri tādē cogūt ratam esse moderandā arbitrio iudicis vt concludit Amedeus à Ponte *quest. 34*. Nā quod Iustinianus constituit in *l. ult. C. de iur. emphy.* vt sit quinquagesima precij, certum est ad hunc casum aptari non posse. Cum neq; precij vllū sit in locatione, neque integri decennij pensiones possint æquivalere vero rei precio, vt manifestissimum est. At neque rursus potest, in hoc casu remedium illud induci, quod in aliis contractibus alienationum quæ precium nullū habent inducere solemus, vt in permutationibus, donationibus, & dotibus. Vt scilicet res alienata aestimetur, & pro laudimio quinquagesima pars aestimationis præstetur, aut alia portio quanta laudimiorum nomine ex loci consuetudine præstāda est, iuri siquidem scripto hac parte derogatum est generalis locorum fore omnium consuetudine, nec vsipiam gentium, quod sciam quinquagesimæ vltus amplius vsus est. Quis enim æquum putet, vt locata res aestimetur, & ex aestimationis comparatione quinquagesima sumatur: Cū is qui rem suam locat certis pensionibus non id agat vt rem suam aut ipse aestimet, aut ab aliis aestimari velit, sed tantū vt rei suæ fructus annuos tantū faciat quantū pensio est in singulos annos constituta. Qua ratione fatendum sanè est locationem accedere propiūs ad fructuum venditionem, licet ab ea in plerisque differat vt alio loco docuimus: Sed ex hoc ipso intelligimus tantū magis distare locationem à venditione rei, quantū distat longius res ipsa à fructibus, & precium rei à precio fructuum. Idque nec diffidentur ij ipsi interpretes, qui contra nos sentiunt, fatentur enim, quod & verissimum est, ex venditione fructuum, quantumque temporis illa sit laudimia nulla deberi, quod ex ea, inquirunt, nullum ius in re, nec in rem transferatur, vt ex Aluaroti & veterum omnium sententia scribit Amedeus *dist. quest. 34*. Licet subiticiat aliter pronunciatum fuisse à Senatu Pedemontano, vt etiam ex fructuum venditione vltra nouennium facta laudimium debeat. Quod tamen mihi prorsus improbabile videtur nec minus ab interpretum traditionibus, quā à iuris ratione alienum. Et tamen apertissimum est propiūs accedere venditionem fructuum ad ipsius rei venditionem quā accedat locatio, Quoniam licet locatio sit rei nō fructuum, nihil tamen in conductorem transfert nisi commodum & emolumentum percipiendorū fructuum, Vt proinde duplici extensione aut potius cōuersione opus sit ad trāsmutandam locationem quantumuis longi temporis in alienationem. Vna est vt ex locatione fiat venditio. Altera vt venditio fructū fiat venditio rei, quæ tamen posterior multò faciliior est, quā prior. Cū nō fiat de vna specie ad aliā speciem contractus, sed tantū de vna cōtractus materia ad aliā eiusdem contractus materiam. Aliter namque venditiones cōtrahūtur, aliter locationes. *Isidorus 63. D. de adhib. edict.* Nō etiam aliter venditio rei, aliter venditio fructū, quāuis alie atque alie sint cōuentiones. *lin. adhib. 7. §. 1. D. de donat.* Vnde et erit sic vt multò facilius sit fraudes cōminisci per venditionem fructuum quā nō

per locationem fundi ad longū tempus, in necem domini directi ne laudimia ei vlla deberi vnquā possint. Quę sola ratio errādi causam tribuit illis qui ex vēditione quoq; fructuū laudimium deberi volūt. Igitur cū in neq; in locatione ad longum tempus, neque in fructuum venditione precium vllū sit, neq; ratio vlla inveniēdę æstimationis rei, quę ipsa vēdita nō est, sed tantū locata, aut cuius tantū fructus sunt vēditi, Apparet nihil esse ex cuius cōparatione laudimij quātitas & cōputatio iniri possit. Nihil siquidem cōmune habet æstimatio rei cum æstimatione fructuum, vt circa legis Cinciz interpretationē quę certum modum donationibus imposuerat, Pomponius tractat in *distictis adibus* 9. §. 1. *D. de donat.* Nec illud quoque possum prætermittere quod nondū dixi, Non posse fieri venditionem fundi ad tempus, quoniam iuris ratio nō patitur vt dominia vnquam ad certum tempus transferantur, Idcōque nec ex causa temporale transferuntur sed ex perpetua tantū *l. 1. D. de iur. dot.* quia vbi semel acquisitū est dominium non potest amitti nisi certis modis, inter quos non est tempus. Fac ergo siue locationem fundi, siue venditionem fructuum, in quā longum tempus voles. Numquam assequeris vt dominium vllum translatum intelligatur, quia non nisi ad tempus illud translatum esse posset, quod ratio iuris non admittit. Sed etsi ponerēs venditionem fructuum factam esse in perpetuum, etsi maxima subesset suspicio fraudis excogitatz. Vix tamen adhuc crederem laudimia deberi, quoniam ad vitam emptoris ea conuentio referri potius deberet, vt de societate in perpetuum inita scriptum est in *l. 1. D. pro socio.* Ne alioqui semper abscedente commodo fructuum inutilis maneret proprietas penes venditorem. Quomodo dicimus fore vt inutiles essent proprietates constituto vsufructu nisi ita comparatum esset vt certis modis vsufructus amitteretur *l. 3. D. de vsufr.* Quid si adderes, Etiam de herede locutam conuentionem vt ad eum quoque perpetua illa fructuum venditio pertineret [nemo enim dubitat quin conuentione id fieri possit, cū ex cæteris ferē causis omnibus quisquis sibi stipulatur etiam heredibus suis prospicere velle censeatur, tametsi de iis nihil prorsus exprimat *vulg. l. si pactum 9. D. de probat.*] adhuc tamen dicerem, Ita interpretandam conuentionem vt primi heredis personam non egrederetur, quemadmodum de vsufructu à Iustiniano constitutum est in *l. antiquitas 14. Cod. de vsufr.* Quid ergo, si venditio fructuum sic concepta est vt omnes heredum gradus etiam remotissimos complectatur? Non ed magis tamen admittam deberi laudimium ex eiusmodi venditione, nisi addas constitutum ea venditione vnicum precium pro fructibus omnibus in perpetuum percipiendis. Quo certē casu si cuti non posset dubitari, quin precium illud esset ipsius rei potius quā fructuū tam propter abdicatam spem omnem rei vnquam recuperandę, quā quia vel viginti duntaxat annorum fructus computati ad ratam vsurarum quincuncium iusto rei precio æquipollere credantur, quemadmodum vsurę quicunces anno denūm viciesimo æquant sortem: Ita certē satendum esset, si aliud nihil obstaret, laudimium deberi ex cōparatione precij, quod perpetuz fructuum venditioni vnicum esset constitutum. Nihil enim ex eo absurdi sequeretur. Sed si ponerēs venditos in perpetuum fructus annuos certo precio in singulos annos constitutū, dicerem nullum deberi posse laudimium, quia neque precium vllū esset, neq; aliud quicquam vice precij ex quo posset sumi cōparatio ad ineundam, & computandam laudimij quantitatem, nisi fortē vellet quis dicere tot esse soluenda laudimia, quot essent precia in singulos annos constituta, quod esset absurdissimum. Quis enim dicat tot esse hoc casu venditiones quot sunt annis?

anni? Cum etiam si in annos plures annum quid stipularis aliquis proponatur, non tot stipulationes esse placeat quot sunt anni, sed vnicam duntaxat stipulationem, quamvis in legato annuo diversum sit *l. si Stichum 16. §. 1. De verb. oblig.* Porro si plures non sunt venditiones, nec illud sanè fieri potest ut plura laudimia debeantur. Enimvero ut ne vnum quidem laudimium deberi existimem, illud etiam me non parùm mouet, quod post factam quoque perpetuam fructuum venditionem, nihil verat dominum ipsam rem alicui vendere ac tradere, atque ita eius dominium in alium transferre: Verissimum enim est, quod pragmatici nostri iactant, Locationem dissolui per venditionem fructuum, Ipsam vero fructuum venditionem, per subsequentem venditionem fundi. Nec videri potest hoc casu eadè res duobus vendita, ut & emptor fructuum potior haberi debeat, tãquam cui priori res tradita sit *ex l. quoniam 15. C. de rei vindic.* & in crimen falsi aut stellionatus incidat venditor, quomodo incidit is qui eandem rem duobus vendidit aut pignoraui *l. qui duobus 18. D. ad leg. Cornel. de falsi. l. si is qui 11. §. 1. D. de pignor. l. 3. §. 1. De crim. stellion.* Cum aliud sit rem vendere, Aliud vero rei fructus, ut iam diximus *ex d. l. in adibus 9. §. 1. D. de donat.* Nec certè ininiis alieno nomine possidet emptor fructuum quàm conductor, licet fructus cogat suo nomine tanquam emptor *l. Pomponius 29. D. quib. mod. vsusfr. amitt.* Quis vero æquum putet, ut is, cui in perpetuum fructus sunt venditi perinde teneatur laudimia soluere atque si alienatio rei in eum facta esset, & ei tamen res auferatur ab illo qui postea fundum emit? Quinimò si verum amamus, quomodo fieri potest ut venditio illa fructuum quantumvis perpetua, venditionis fundi & alienationis vim habeat, cum impedire non possit, quominus alteri fundus vendi possit? Alioquin duæ erunt eiusdem fundi venditiones in solidum, & duo eiusdem rei domini utiles in solidum: quod planè iuris ratio non admittit. Ex quo intelligimus, tùm quoque, cum facta esset perpetua venditio fructuum vno precio, adhuc tamen posse defendi nullam intelligi factam alienationem, nullaque laudimia deberi, si non præterea illud concurrat, ut conuenierit, ne res illa vendi possit constituto emptori iure in rem ipsam per obligationem pignoris specialem, aut generalem quidem, sed cum clausula constituti, quæ impediatur ne alienatio sequi possit, iuxta *l. si creditor 7. §. vltim. D. de distract. pignor.* de cuius tamen sententia & emendatione videri volumus, quæ alibi scripsimus. Denique aliquod ius in re acquiritum esse oportet emptori fructuum, ut ex doctrina quoque interpretum venditio fructuum venditionem & alienationem ipsius fundi includat. Quomodo euenire diximus in fundo vectigali, vel emphyteuticario. Quis quando fundus auferri possessori & alienari potest, nullo modo alienatus videri debet, tametsi competitura sit emptori fructuum aut conductori actio personalis ad indemnitatem, id est ut quicquid eo nomine ipsius intererit præstetur. Nihil enim commune habet actio personalis cum iure dominij, adeoque nec cum iure vllò quod rei cohereat. Potest autem venditioni fructuum siue temporali, siue perpetuæ, quæ non vno precio facta sit, sed constituto precio in singulos annos, melius conuenire pactio illa ut quandoque precium venditionis fructuum soluatur non possit res auferri emptori. Nam cum vno precio facta venditio est, solutumque semel precium, nihil faciendum superest ex parte emptoris, quod facere possit, ut ad venditorem eundemque dominum res redeat vllò casu, ideoque difficilius est, ut id genus contractus in emphyteusim transeat, aut quid simile habeat cum emphyteusi. Ut proinde tanto etiam alienius sit, ut ex eiusmodi contractu laudimium debeatur. Quid ergo si

vñ usufructus venditus fuerit, aut aliter constitutus ab eo, qui constituendi ius habuerit? Est enim longè aliud Fructus vendere, Aliud verò, vñ usufructum constituitur: cum usufructus sit quid distinctum à perceptione fructuum, quia usufructus in iure consistit, fructuum autem perceptio in facto l. si usufructum 66. D. de iur. dor. Nec rursus negari potest, quin usufructuarius habeat ius in re l. 2. D. de usufr. prohibitaque alienatione etiam usufructus constitutio prohibita intelligatur l. ult. Cod. de reb. alien. non alienand. An ergo erit consequens ut ex usufructus constitutione laudimium debeatur? Ita plerique putant, distinguentes constitutiones usufructus à venditione fructuum, vi refert Amedeus à Pöt. dist. quæst. 34. post apostill. ad Bald. in cap. 1. in verb. alienationes De his qui feud. dar. poss. Ita ut feudatarius vel emphyteuta fructus quidem possit vendere, sed alium usufructuarium facere non possit Gloss. in cap. 1. §. præterea De capis. Conrad. Peir. Iacob. in verb. ita etiam quod num. 14. Alex. cons. 18. num. 6. volum. 5. Cremon. sing. 85. Hippol. de Marfil. ad l. 1. §. cum quidam De quæst. Ego tamen adhuc contrà puto. Sunt enim omnino separata iura usufructus, possessionis, & proprietatis, neque permisceri debent, ut ait l. penultim. D. de acquir. possiss. iunct. l. naturaliter 12. §. nihil commune eodem. Et quâvis prohibita siue per legem, siue per hominem alienatione, usufructus quoque constitutio prohibita intelligatur dist. l. ultim. C. de reb. alien. non alienand. Non idèò tamen bona consecutio est, ut qui vñ usufructum alicuius rei constituit, rem ipsam idèò alienare censetur, non magis quàm qui dat pignori, de quo diximus in præcedentibus, & cuius tamen æquè mentio fit in dist. l. ultim. Imò contradictionem implicat ut qui in re aliqua vel pignus vel vñ usufructum constituit, licèt transferat ius in re, ipsam tamen rem alienare existimeatur, cum fieri nequeat ut eiusdem rei idem & dominus sit & fructuarius, aut pignoratitius l. uti frui 5. D. si usufr. pet. Lneque pignus 45. De regul. iur. Quis enim dubitat quin ille ipse qui vñ usufructum alicui constituit, possit adhuc eiusdem rei proprietatem alteri vendere? Idque in usufructu tantò certius est, quod sui natura finitur ille certis & pluribus modis, nec vnquam patitur illam conuentionem ut sit perpetuus, & æternus, Ne vi iam dixi maneat inutilis proprietas semper abscedente usufructu d. l. 3. §. 1. D. de usufr. Nec quod usufructuarius habeat ius in re ad vtendum fruendum inuito quoque proprietario, & ius retentionis eiusmodi ut inuito ei quandiu usufructus durabit, auferri res non possit, facere potest, ut usufructus constitutio alienationi, aut emphyteusi similis videri debeat, Cum neque directum, neq; vile dominium habeat fructuarius, quemadmodum nec olim habebat bonitarium, non magis quàm quiritariū, adeoque nec veram & civilem possessionem, sed naturale in tantum quæ in detentatione mera consistit dist. l. naturaliter 12. in princip. D. de acquir. poss. quia scilicet non sibi possidet sed domino quamuis sibi & suo nomine fructus percipiat ut & conductor l. corie 6. §. 1. qui rogauit D. de precar. Qui ergo fieri potest, ut ob constitutionem usufructus laudimia vlla debeantur, cum nullo casu ne per fraudem quidem possit usufructus constitutio in alienationem aut emphyteusim degenerare? Fateamur: igitur quod res est, neque ex locatione, neque ex venditione fructuum, neque ex constitutione usufructus laudimia deberi vlla posse. Poteram addere varias quæstiones alias ad hunc tractatum De laudimiis pertinentes nec insubtiles, & in quotidiano vñ forensi positas. Sed quoniam Chiliadis mex portum hîc iam video, & ex iis quæ hucusquè disputauimus, quid de aliis sentiendum sit intelligi facîle potest, Tam multa de laudimialibus quæstionibus dixisse sufficiat.

ficiat. Reliquam huius postremæ Decadis partem alijs difficultatibus & utilioribus & subtilioribus concludemus, Memores id etiam à nobis in præcedentibus promissum fuisse quod nunc præstamus.

ERROR SEPTIMVS.

Si data sit in solutum res quæ postea fuerit euicta, An contingat liberatio ut prima actione amplius agi non possit, An sola supersit v. alia ex empto.

TILIS & in praxi non infrequens quæstio est, si debitor creditori in solutum dederit rem quæ postmodum euicta fuerit, An resuscitetur obligatio quæ per dationem in solutum extincta fuerat, & cum obligatione illa primæua fideiussores quoque & pignora quæ primæ obligationi accesserant. Sunt enim hac de re varij iuris nostri loci qui ab interpretibus sic accepti sunt quasi pugnare inter se videantur. Et si autem de quæstione ista iam multa scripsimus in Codice *ad Defin. 20. De euict.* nondum tamen satis multa ut tota hæc quæstio, & quid ex iuris ratione ad eam respondendum sit benè intelligatur. Illud primùm constat, Aliud quidem pro alio solui inuito creditori non posse *l. 2. §. muni D. de reb. credis.* Attamen rem pro pecunia solutam volenti creditori parere liberationem *l. si non forem 26. §. si centum D. de cond. et. indeb. l. manifesti 17. Cod. de solut.* Sed de hoc tantùm dubitari potest, an ita demum id obtineat si res quæ in solutum datur, fiat accipientis pleno iure & aded irreuocabiler ut auferri ei nunquam possit? Mihi cerè ita semper visum est & videtur. Si enim postea rem illam euinci contingat siue dominij, siue pignoris iure quod ea res aut aliena fuerit, aut alij obligata, non possum ferre ut liberatus debitor videri debeat, cum creditori satisfactum dici non possit. Sic namque Pomponius *in l. si rem meam 20. D. de solut.* Si rem, inquit, meam quæ iure pignoris alij esset obligata, debitam tibi solvero, non liberabor, quia auocari tibi res possit ab eo qui pignori accepisset. Et *in l. si creditor 26. eodem tit.* Si seruus pignoratus à creditore venierit quamdiu redhiberi potest non liberari debitorem sicut in quolibet pignore vendito quamdiu res inempta fieri possit. Sed apertius Marcianus *in l. si quis aliam 46. eodem tit.* Si quis aliam rem pro alia volenti soluerit & euicta fuerit, remanet pristina obligatio, Adeoque si pro parte fuerit euicta, Tamen pro solido durat obligatio. Nam non accepisset re integra creditor nisi pro solido eius fieret. Sed et si duos inquit, fundos pro debito dederit, euicto altero fundo remanet integra obligatio. Tunc ergo, inquit, res pro re soluta parit liberationem cum pro solido eius facta fuerit. At omnium apertissimè Paulus *in l. qui res 98. in princip. eodem tit.* tractant de eo qui cum res suas pignori obligasset, tam ex iis aliquas pro filia in dotem dederat euictas postmodum à creditore, Non dubitat quin maritus ex dotis promissione agere possit, Ac si stat liberum, inquit, aut rem sub condicione legatam pater pro dote soluit, fct, Mox rationem hanc adfert, Quod harum rerum solutio non possit, nisi ex euentu liberare, scilicet, inquit, quo casu certum sit eas penes maritum rema-

nere. At in contrarium illud mouet quod contractus dationis in solutum simillimus sit emptioni & venditioni, ob idq; si res quæ in solutū data fuit euicta sit, competere ex hac causa soleat ex empto actio saltē utilis, ad exemplum directæ quæ cōpeteret euicta re vēdita, vt disertē scriptū est in *l. si pradium 4. C. de euict.* & in *l. eleganter 24. D. de pign. act.* Quam vilem ex empto actionem constat esse nouam actionem cum ex euictione nascatur, non veterem illam quæ ante dationem in solutum ex primo contractu competebat. Videtur namq; recessum à primo contractu vt ait Vlp. in *d. l. eleganter*. Nec solū si quid in solutū sit datum pro debita quantitate, sed etiam si creditor impetrauerit à Principe vt pignus possideret iure dominij. Qui tamē casus multo minū ad emptionē accedit quā si res ipsa obligata in solutum à creditore data proponeretur. Ne quis autem putet ociosam esse hanc quæstionē quasi parū intersit, an debitor ex prima obligatione teneatur post euictionē an utili actione ex empto, Rectē notāt interpretes. Imò verò multum interesse vtra actione debitor conueniatur, Nimirum propter fideiussores & pignora si qua accesserint priori obligationi. Nemo enim nescit si prima illa principalis obligatio extincta sit siue solutione, siue quo alio genere satisfactionis, Non posse fideiussorū & pignorum obligationes quæ non nisi accessorizæ sunt subsistere, Neque rursus in actionem ex empto transire quæ alia nec nisi personalis actio est nullū habens priuilegiū taciti pignoris si non expressum conuenierit de pignore. His nimirū & legibus & rationibus in vtrāq; partē agitati interpretes duce semper & antesignano post Accursiū Bartolo, vt se hinc euoluant & explicent coguntur distinguere, An in solutū data sit res pro re, vt in *d. l. si quis alia 46. D. de solut.* an verò res pro pecunia, vt in *d. l. si pradium 4. C. de euict.* & *d. l. eleganter*. Primo casu admittunt non aliter tolli posse obligationem primā per dationem in solutū, quā si res quæ soluitur ita fiat accipientis vt ei acquiratur irrevocabiliter nec auferri vnquā ab eo possit. Ideoq; secuta tandem euictione primā obligationem nō tam resuscitari [quod esset contra iuris regulam quæ obligationem semel extinctam reuiuiscere nunquam patitur *d. l. quæ res 98. §. aream De solut.*] quā extinctam numquam fuisse ac proinde agi ex ea posse, non minū contra fideiussores & in pignora quā aduersus ipsum debitorem. Tanquam qui ex postfacto appareat numquam fuisse liberatus. Altero autem casu negant aut superesse, aut reuiuiscere primam actionem nec magis hypothecariam aut fideiussoriam quā principalem, sed solam ex empto actionē competere eāmq; vilem ad exemplū actionis directæ ex empto *d. l. si pradium 4. C. de euict.* & *d. l. eleganter*. Notus autē dissimilitudinis rationē illam adferunt, quod cum res pro pecunia soluitur cōtractus sit emptioni simillimus, in quo scilicet ex vna parte species, ex altera interuenit pecunia *l. 1. De cōtr. emp. l. ult. De condiel. caus. dat. l. naturalis 5. §. 1. De præscript. verb.* Cum verò species pro specie in solutum datur, contractus sit inominatus Do vt des. In quo genere contractuum placet necessariam esse ad implementum translationem dominij nec prius contractū videri perfectum, quā dominū pleno iure in accipientem translatum sit, vt & in permutatione evenit *d. l. ult. De condiel. caus. dat.* Cum tamē in venditione aliud obtineat, & cōsequenter in contractu simillimo emptioni vt rem venditam tradidit venditore sufficiat nec dari sit necesse *l. 1. l. ex empto 11. §. 1. C. pass. D. de action. empt.* Solent enim contractus inominati naturam assumere nominatorum quibus sunt similes *l. naturalis 5. §. ultim. l. Titium 34. De præscr. verb.* Atque ita nostri passim post Accursiū & Bartolum ratio-

ratio-

ratioe inantur. Nec tantum quod ad obligationem personalem, sed etiam quantum ad fideiussores & pignora, ut nimirum si ex contractu innominato translatum non sit plene dominium quod transferendum fuit, neque fideiussores liberati possint dici, neque extincta pignora. Si verò nihil nisi traditionem fieri oportuit quæ facta sit licet secuta evictio proponatur, non magis eum fideiussoribus aut in pignora agi possit ex primo contractu quam aduersus ipsum debitorem. Quod omnium apertissime post Petrum & Cynum contra Butrigarium defendit Baldus ad *l. libera* 8. *Cod. de sentent. & interloc. omn. iud.* Mihi verò ista distinctio semper visa est ex interpretum nostrorum ingenio ad conciliandos textus qui alioquin conciliari non posse videbantur, excogitata quam ad rationem iuris accommodata. Primum quia video Paulum in *dist. l. qui res* 98. *in princip. De solut.* eum casum manifestè tractare, quo species quæ pro pecuniaria dote fuerat obligata, eadem in solutum data fuerit, Nec tamen dubitat quin eadem evicta ex promissione dotis agi oporteat, id est ex prima obligatione. Scio respondere Bartolum esse hoc speciale in dote fauore quodam ac privilegio dotis, Vt solet ille in suis distinctionibus tot membra & partes ferè constituere quot habet leges ad propositam questionem pertinentes ne quid superesse videatur quod contra ipsius distinctionem obici possit, Nimirum rationem iuris quam plerumque non satis benè perspectam habet ad verba legum accommodat, non vt fieri decet obscuriorem legum sententiam ex ratione iuris metitur ac perpendit: quod in proposito ei visuenisse tam apertum est, vt nihil possit esse apertius. Paulus enim sententiae suæ rationem non ex dotis fauore aliquo desumit, sed ex natura ipsa dationis in solutum & rerum quæ in solutum dantur. *Harum enim*, inquit, *rerum* scilicet quæ aut alij obligatae sunt, aut sub condicione legatae, aut etiam statuliberi qui habet implicitum casum libertatis, *solutio non potest nisi ex euentu liberare, id est quo casu certum sit remanere eas penes accipientem*, nec ab eo auocari posse: Itaque non distinguit quænam sit causa debiti, sed qualis sit res quæ soluitur, An talis quæ pleno iure fieri possit accipientis & perfectæ, vt loquitur Africanus in *l. cum quis* 38. *§. qui hominem De solut.* an quæ non possit, Vt priore casu solutio pariat liberationem, Posteriore non pariat, quod ipsum etiam apertissime scriptum est in *l. libera* 8. *Cod. de sentent. & interloc. omn. iudic.* in postremis illis verbis *vel ob debitum reddendum si in solutum data est repetere non prohiberis*. Nec enim tibi de dote agitur, sed de pecuniario debito pro quo fuerat mulier libera data in solutum cum ancilla crederetur. Eaque sententia naturalem sanè intellectum habet. Quoties enim quisque est qui pro pecunia sibi debita velit in solutum accipere eam rem quam putet apud se non remansuram? Aut qui in solutum accipiendo speciem aliquam pro pecunia id agat vt debitorem suum ipso iure liberet priusquam ex euentu compertum habeat, an res apud se sit remansura? Id enim est quod Marcianus ait in *dist. l. si quis aliam*, *nam non accepisset reintegra creditor nisi pro solido eius fieret*. Quod sicuti generaliter à Marciano scriptum est, ita & generaliter accipi debet in quocumque creditore cui aliquid in solutum datur, siue speciei alicuius fuerit creditor, siue pecuniæ. Qui enim aliquid in solutum accipit, non cogitat quid antea sibi debitum fuerit [quid enim ipsius iam interest cum liberare debitorem velit?] sed tantum quid in solutum accipiat pro debito vt non frustra, & pro nihilo amittat debitorem. Sed & in secunda specie *dist. l. si quis aliam*, cum ponit Marcianus duos fundos in solutum datos *pro debito*, Cur nomen debiti coangustabimus ad debitam spe-

ciem ad exclusionem debiti pecuniarii, quod tamen nemo nescit potissimum ac præcipuo quodam iure debiti appellatione significari solere? Neque verò ad hanc tam improbabilem interpretationem comminiscendam moveri ex eo Bartolus debuit, quod in præcedentibus & sequentibus verbis eiusdem legis ponit Marcianus rem pro re solutam esse. Id enim nihil aliud est quam dicere *aliquid pro alio solutum*, qua locutione non minus speciem pro pecunia quam pro specie solutam significamus. Et verò quoniam aliud pro alio inuito creditori solvi non potest, ut supra diximus ex *dist. l. 2. §. mutui D. de reb. cred.* non magis posset solvi res pro pecunia quam res pro re, si non id à prudentibus utilitatis causa tandem receptum esset, Accedente scilicet voluntate creditoris. Sic namque intelligi debet quod scriptum est in *dist. l. si non sortem 26. §. si centum De condit. indeb.* licet enim placuit rem pro pecunia solutam parere liberationem. Ut constat ex *dist. l. manifesti 17. Cod. de solut.* Qua porro creditoris voluntate accedente nemo dubitat quin perinde solvi possit species pro specie atque pro pecunia: Siue solutionem hanc velis dicere, cum solutionis verbum ad omnem liberationem quoquomodo factam pertineat magisque ad substantiam obligationis quam ad nummorum solutionem *l. solutio nis 54. D. de solut.* siue potius satisfactionem quæ semper pro solutione est *l. satisfactio 52. eodem*. Siquidem satisfecisse semper prodest, licet satisfactionem offerre nihil profit si eam creditor recuset *litem liberatur 6. §. 1. D. quib. mod. pign. vel hypoth. soluit*. Sed & cum pro pecunia species aliqua in solutum datur, finge non nisi partem euinci eius rei quæ in solutum data est. Si dicas com interpretationibus sublatam esse primam obligationem nec nisi actionem ex empto utilem propter euictionem accommodari posse creditori: Euenire necesse erit ut qui rem illam in solutum accepit inuitus incidat in communionem cum eo qui euicit. Quod tamè absurdum sanè fuerit & iniquum. Nam quemadmodum inuitus nemo in communiione manere compellitur *l. ult. Cod. commun. diuid.* ita nec in cõmunione incidere quisquam cogendus est: Ob cãmque nimirum causam in eo ipso contractu de quo disputamus dationis in solutū ita ius constitutū est ut si ex falsa debiti quantitate maioris precij res soluta sit nō fiat cõfusio partis cum pecunia, sed & conditio integra remaneat & obligatio incorrupta, quemadmodū ratiocinatur Vlp. in *d. l. si non sortem 26. §. si centum De condit. & indeb.* Quidni ergo idē admitteremus, si dationem in solutum illud inuile faciat quod res quæ in solidum data fuerat, pro parte euicta sit? Quod si partis euictio tūm quoque cum species data est in solutū pro pecunia totā dationē irritā facit, Cui aliud iuris cōstituemus data in solutū ea re quæ tota sit euicta? An fortè melior esse debet condicio debitoris aut durior creditoris ob id quod euictio partis tantū facta sit quā si tota res euicta esset? Atqui nemo dixerit euicta duntaxat parte rei venditæ dandā utilem ex empto actionem in solidū aduersus venditorem: Competit enim duntaxat pro parte euicta *l. 1. De act. empt.* Ergo si datio in solutū similis est venditioni, ut est, fatendum erit ne quidem tilē ex empto actionē competituram creditori ad exemplum directæ, nisi pro parte quæ euicta fuerit, atque ita remansuram validam dationem in solutū pro alia parte quæ non fuit euicta, & cōsequenter in communionē casurum eum qui in solutū accepit quod maxime in datione in solutū esset absurdum si Vlpiano credimus in *d. §. si centum*, quia semper verū est quod generaliter scribit Marcianus in *dist. l. si quis aliam*, Creditorē non fuisse reintegratum in solutum si non credidisset futurā rem suam in solidū. Quod in emptione dissimile est, quia is qui accedit

ad em-

ad emptionē non id agit omnimodo vt rē suam totam faciat, sed tādum pro qua parte erit venditoris. Cū non ignoret etiam rem alienā vendi vtiliter posse ac sufficere vt venditor obligetur de euictione *l. ex empto 11. §. 1. De act. empt. l. rem alienā 28. D. de contr. empt.* Cū ē contrario nonien ipsum dationis in solutum nihil nisi dominij transferendi necessitas significet. Quid enim aliud est dare quā dominij transferre? *l. ubi autem 75. §. ult. De verb. oblig. d. l. ult. De condict. caus. dat. §. si ci aque Inst. de action.* In eo 3; præcipuus & insignis est error interpretū nostrorū qui cū admittant, In iis contractibus qui dandi obligationē continent, cuiusmodi sunt omnes innominati excepto illo vno *Facio vs facias*, non prius debitori posse liberationē contingere quā dominium translulerit & quidē pleno iure ac irrevocabiliter & cū effectu, q; videant, neq; ad tēpus rerū dominia transferri posse *l. 1. D. de iur. dot.* neque meum absolūtē dici posse quod in plēnū factum non sit meum *l. Neratius 63. D. de condict. indeb.* Negant tamen in datione in solutū idē obtinere, nec animaduertunt quod vel ex ipsa nominis nota debuerunt animaduertere, Non minis in hoc contractus genere quā in omnibus innominatis in quibus dādi mentio fit, transferendi dominij necessitatē incumbere debitori, vt obligationi suæ satis fecisse, & ita liberationē consecutus esse videatur. Non. n. traditio in solutū appellatur sed datio, Igitur dominij non possessionis. Neq; verō in contrarium moueri ex eo debuerūt quod hic contractus magnā cū emptione ac vditione habeat similitudinē. *Habet. n. equidē in eo quod ex vna parte res interuenit ex alio pecunia, vt dixim⁹,* sed non in omnibus: Minimē autē in eo de quo disputamus quod in venditione non ad aliā obligatur venditor ex natura contractus, quā vt rem venditam tradat, Qui verō dat in solutum ad hoc præcisē tenetur vt dominij transferat, ne alioqui dedisse non videatur, etiamsi tradiderit millies. Nam nec illud negari potest quin datio in solutum sit similior solutioni quā venditioni; cū eo animo & proposito fiat vt debitor liberetur, Creditor autem non tam acquirat sibi aliquid quā vt consequatur debitum & amittat debitorem: Est enim hæc acquisitionis species, non tam ex parte illius qui accipit in solutum, quā ex eius parte qui dat, quippe cū ab obligatione liberetur & hoc ipso locupletior factus intelligatur *l. si pupilli 66. in fin. D. solut. l. species 11. D. de acceptilat.* Atqui generaliter proditum & verum est, Eum quoque qui cū minimos deberet nummos soluit, non aliter liberari posse quā si faciat eos accipientis *l. qui sit soluit 55. & l. si alieni 78. D. de solut.* Cur ergo aliud recipismus in solutione facta corporis pro pecunia, cū nec aliud sit in soluto eo ipso corpore, quod debebatur *l. Iulianus 47. §. 1. D. mandat. dist. l. si rem 20. D. de solut.* Neque rursum à natura venditionis tam aliena est translatio dominij in emptorem, vt ob id minis videri debeat datio in solutum similis venditioni, quod dantem obliget ad dominium transferendum. Nam & venditor si dominus sit rei venditæ dominium eius in accipientem transferre cogitur *dist. l. ex empto §. 1.* Ad eodē quod magis est, si quis alienam rem venderit, & medio tempore, id est ante traditionem domino rei heres exiteris, cogitur implere venditionem, vt Paulus loquitur *in l. si quis alienā 46. De act. empt.* id est dominium rei quod nūc habet transferre, licet vditionis tēpore nō habueris. Tā ūn ergo absit vt vditionis cōtractui repugnet translatio dominij, vt ē contrario tū demū inuoluta possit dici venditio, cū dominij translatū est in emptorē nō antea. Nā nec actio de euictione post rē euictā alio colore datur contra vditorem quā quia vditōr ex natura cōtractus emptori præstare debeat quāti eius interest rē

venditoris fuisse *l. venditor 8. & pass. D. de euict.* Quis enim tam sit imprudens vt vltro vellent accedere ad rei alienæ emptionem? Quâquam cum hoc accedit, certum est, Etiam secuta euictione nullâ tamen actionem posse emptori cōpetere. Nō magis quàm si cōuenisset vt vëditor nullo casu de euictione teneretur, Tâquam qui à seipso non ab alio deceptus esset *l. si sciens 26. & seq. l. qui officij 62. §. qui nesciens D. de contr. empt. iunct. l. nam si sci 26. D. de rei vind. l. si fundus sciens 27. C. de euict. l. si fratres 7. in fin. C. commun. vir. iudic.* Vbi additur idē esse etiam si quis eum fundū emerit quē sciebat venditoris quidē esse, sed alij obligatū. Nam quod ad causam euictionis pertinet nihil interest an res aliena fuerit an alij obligata, cum hoc etiâ casu euici possit per hypothecariâ, nec magis vno, quàm alio casu rē habere emptori liceat si nō satisfiat creditori *l. si quis mancipius 34. §. ult. cū l. seq. D. de euict.* Qua ratione etiâ cum de datione in solutū tractamus, solemus dicere non magis liberari debitore qui rē suam sed alij obligatam in solutū dedit, quàm si rem ipsam debitā dedisset suâ quidē sed quæ alij fuisset obligata *l. qui res 98. iunct. d. l. si rē meam 20. D. de solut.* Cæterum nihil vetat, Eo quoq; casu quo data sit in solutū species pro pecunia, si postmodū species euicta sit, manere quidē pristinā obligationem incorruptâ, sed nihilominus teneri debitore actione vtili ex empto: Potest. n. creditoris interesse vt euictione secuta vtramq; habeat actionē. Primam quidē propter fideiussores & pignora si quæ ei fortē acceperant; Alterâ verò ad consequendū si quid præter quantitatem debitâ interesset. Venit. n. hoc in actionē ex empto de euictione cum in primâ nihil nisi simpliciter venire possit *l. si in venditione 60. D. de euict.* Deniq; stultum est dicere ob id solum quod euicta re quæ in solutū data fuerat, vtilis actio ex empto creditori accommodata sit, vt scriptum est in *d. l. eleganter 23. D. de pignor. act. l. si pradium 4. C. de euict.* ademptam ei veterem actionem quam potius retineri expediat. Non enim adimit primam qui nouam tribuit *l. ult. C. de nouat. nec quicquam iniquius dici potest quàm vt quod in fauorem creditoris constitutum est in eius odium retorqueatur l. quod fauore 6. C. de legib. l. nulla 25. D. de l. pen. C. ad 57. Trebell.* Non nescio eam esse venditionis naturam, quemadmodum iam diximus, vt venditor non cogatur rem facere emptoris, sed nuda rei traditione liberetur *l. si ita distrahat 25. §. 1. D. de contr. empt.* Sed nō idē iuris loco vllo scriptum reperias, Prohibitam esse in venditione conventionem illam, vt venditor dominium emptoris facere cogendus sit nec prius satisfecisse videri possit quàm id perferat. Emptio namque & venditio recipit facili huiusmodi pacta omnia siue adiicientia sint, siue detrahentia dum ne ad substantiam contractus pertineant. Puta si conuenerit, ne cautio duplex præstetur quod pactum detrahens est. Aut contrâ vt cum fideiussore præstetur quod est adiiciens *l. pacta conuenta 72. D. de contr. empt.* Erit autem pactum hoc adiiciens si conuenerit, vt venditor cogatur dominium transferre in emptorem quia auget præstationem quæ alioqui leuior fieri ex venditione debuisset. Pertinet enim hoc non ad substantiam contractus, sed ad præstationes quæ ex contrahentium voluntate & conventionem legem accipiunt *d. l. ex empto §. 1. D. de allion. empt. l. 2. §. si conuenit D. de deposit. l. venditor 13. D. commun. prad.* Dic ergo quantum voles, Dationem in solutū similem esse emptioni & venditioni quoties datur in solutum species pro pecunia. Id ego non negabo, sed addam similem esse emptioni in qua pactum intercesserit vt venditor rem facere emptoris cogatur: nec tradendo sed dando tantum liberaretur. Quænam enim apertior ad hanc voluntatem exprimendam & conuentio esse potest quàm si contrahentes non de venditione faciendâ tractatū

inigiort

inierint, sed de datione in solutū. Sic dicimus permutationem quæ non nisi rebus sit similem esse emptioni *l. 1. D. de rer. permut. l. 2. C. eod.* adeoque interdū ex permutatione quoque competere actionem in id quod interest ad exemplū actionis ex empto si permutata res euiſta sit *l. 1. eo. l. si permutationis 29. C. de euſil.* quamvis emptiōnem rebus fieri non posse certum sit *l. pen. C. de rer. permut.* Et tamen nemo utiq; negauerit quod dicebat Pedius, Alienam rem dantē nullam contrahere permutationem *l. 1. D. eod.* Nempe quia ipsum permutationis nomē non possessionis sed dominiij commutationem significat, ut adiecta dictio *per* augeat significationem & ad potētius significatum dictionis sensum restringat. Ea namque vera demū mutatio est quæ dominiij alienationem habet comitem *l. 1. C. de fund. dotal.* Cū nec alienare dicatur is qui duntaxat omittit possessionem *l. 4. §. 1. D. de alien. iudic. mut. caus. fact. l. non alienas 119. De regul. iur.* Similiter diuisio quoq; vicem venditionis obtinet *l. 1. C. commun. viriſque iudic.* quoniam qui diuidit alienat *l. 1. l. si pupillorum 7. D. de reb. rer. qui sub tutel.* Nec idēd tamen alienz rei diuisio valere potest non magis quā permutatio *l. familia 9. C. commun. viriſque iudic.* Nam & permutationi similis diuisio est *l. si filia 20. §. si pater D. famul. ercise.* Ideoque euiſta iure pignoris ea re quæ per diuisionem translata fuerat, Præscriptis verbis actio datur ad id quod interest *l. si fratres 7. Cod. commun. viriſque iudic.* non aliter quā ex permutatione *diſt. l. si permutationis 29. C. de euſil.* Deniq; datio in solutum non tam contractus est, si causam & originem eius inspiciamus, quā distractus, cū non alia mente fiat quā ut distraſtatur & tollatur obligatio, sicuti alterius cuiuslibet solutionis potestate, Vnde illud quoque sit, ut ex datione in solutum nulla propria nascatur actio, neque ex parte illius qui dat, nec ex parte eius qui accipit: Non magis quā si pecunia ipsa debita soluta eſſet, nempe quia cū contractus à datione incipiat ex parte dantis, Ex parte verō accipientis nihil interuenire debeat nisi ut accipiendo liberet debitorem, quod ipso iure contingit quoties valet datio. Apparet nihil superesse quod alter alteri præstare debeat, & cuius præstandi gratia utrimque comparari oportuerit actiones, quomodo ex emptiōne & venditione nascuntur mutuz obligationes & actiones empti ac venditi *diſt. l. ex empto 11. §. 1. D. de alien. empt.* Initium enim obligationi præbet ipsa datio & traditio rei quæ in solutum datur, ut de permutatione Paulus scribit in *diſt. l. 1. D. de rer. permut.* Ut verē dici possit eum qui dat in solutum non obligari ad dandum, ut neque accipientem sibi ad aliquid obligat, Cū non id agat ut vel alterum sibi vel se alteri obliget, sed tantū ut se liberet *arg. l. in hoc iudicium 14. §. 1. D. commun. diuid. l. Papinianus 28. D. mādāt.* Hoc verō sit sola, ut diximus, iuris potestate, Tantū abest ut, quod interpretes supponunt pro vero, sit ille obligatus ad tradendum exemplo venditoris. Planē si alienam rem aut alij obligatam in solutum dederit quæ euiſta sit, incipit obligari is qui in solutum dedit, Non quia dederit, sed potius quia non dedit, cū aut dominium non tranſtulerit si res aliena fuit, aut si alieri tantū fuit obligata, sic tranſtulerit ut non possit remanere res penes emptorem. Sed ea obligatio cū aduersus eum solum qui soluit inducatur ne is creditorem suum eam rem accipientem in solutum impunitē deceperit, quod contingeret si non id omne quod ipsius interest præstare teneretur, non potest eundem liberare. Quis enim vnquam audiit ob id solum liberari quem debere, quōd obligetur? An non ita fieret ut contrā nostrorum vulgare brocardicum, inducta ad vnum finem, operarentur contrarium? *l. legata inutiliter 14. D. de adim. legat.* quamvis possit fieri ut eadem numeratione &

liberetur aliquis & alium sibi obliget *l. in numerationibus 44. in fin. De solut.* Imò verò quemadmodum secuta euicōio parit vilem actionem ex empto contra eum qui dedit in solutum aut potius qui non dedit quod dare debuit quia in plenum rem accipientis non fecit, Ita & ostendit ex euentu non fuisse liberatum debitorem qui per dationem in solutum liberatus credebatur, vt eleganter Paulus loquitur *in dict. l. qui res in fine principij D. de solut.* & Tryphonius in *l. rescriptum 12. in postremis illis verbis quia apparuit non esse liberatum D. de distract. pignor.* Interim igitur in suspensio est liberatio, vt ibidem loquitur Tryphonius, quia pendet ex euentu vait Paulus *in dict. l. qui res.* Pendere etiam necesse est quoniam alioquin si extincta esset ipso iure, postea resuscitari numquam posset. *dict. l. qui res §. aream De solut. l. ob eam causam §. De prescrip. verb.* Et verò si debitor soluendo eam ipsam rem quam debet, adeoque cuius sit dominus, non dum tamen liberatur si ea res alij prius fuerat obligata, quia scilicet adhuc res auelli creditori potest *dict. l. si rem meam 20. eod.* Quanto magis idem admittere oportet cum is qui non rem illam debebat sed nummos, pro nummis tamen rem soluit sed quæ euinci aliquo casu possit, An non satis debitori esse debet quod aliud pro alio soluens debitori volenti liberationem consequatur, quam summo iure non aliter consequi deberet quàm si illud ipsum quod debitum esset solueret? Nam etsi placuit non nisi volente creditore posse huiusmodi liberationem contingere, Certum tamen est non creditoris fauore id comparatum esse cuius interesset potius id ipsum consequi quod debetur ex diffinitione obligationis & actionis, sed solius fauore debitoris vt tantò expeditius liberationem assequatur. Cur ergo in eo præterea debitori fauere velimus vt alienam rem aut alij obligatam pro pecunia dando liberetur, qui si nummos ipsos solueret quos debet, numquam tamen aut alienos aut alij obligatos dando liberaretur, quia euinci nimirum possent. Cùm & in pecunia numerata sicut & in alia re qualibet constitui pignus possit *l. idemque 7. in fin. D. qui prior. in pignor. hab.* Nam neque contracta venditione liberaretur emptor si precium solueret ex pecunia vel aliena vel alij obligata, quoniam precium venditoris facere cogitur *dict. l. ex empto §. 1.* hoc est pecunie dominium ita in eum transferre, vt nulla penitus de causa euinci possit. Nec tamen similiter possis in venditione dicere fieri eam gratia venditoris. Fit enim potius gratia emptoris, quippe qui emendo acquirit non etiam venditor vendendo licet pro re vendita precium accipiat. At è contrario, qui dat in solutum acquirit liberationem, qui verò accipit nihil acquirit, sed quod sibi debetur duntaxat consequitur, Nisi quòd pro pecunia rem habet, non tam quasi acquisitam, quàm quasi solutam. Sed & cum res pro re soluitur volenti creditori, potest nico iudicio defendi non malè, etiam genus hoc contractus vicem venditionis obtinere non secus ac si res pro pecunia daretur, Non solum quia generalis est sententia *dict. l. si pradium. de pradio dato in solutum.* Non addito eo an pro alia re, an pro pecunia, sed etiam quali facta inter debitorem & creditorem permutatione rerum quæ & ipsa, vt diximus, venditionis vicem obtinet *dict. l. 2. De ver. permut. D. & C. l. Tuia 62.* ibi *quasi emptio inter se facta. D. de iur. dot.* Quamquam inter hos casus differentia illa est quòd actio propria quæ nascitur ex permutatione non ex empto sed præscriptis verbis est nisi cum res quæ fuerat venalis permutatur cum re non venali. Quo casu ad exemplum actionis ex empto agi potest ad id quod interest *l. 1. Cod. eod.* Cæterum non est dubitandum quin si data sit in solutum res pro

pro re, eaque postea fuerit euicta, permittendum sit creditori agere de euictione in id quod sua interest *dist. l. permutationis 29. Cod. de euict.* Cur enim melioris sit condicionis ille qui rem alienam aut alij obligatam fortasse sciens soluit pro alia re ut non teneatur ad id quod interest creditoris, quam si rem pro pecunia in solutum dedisset? An non æquè decipitur is, cui pro re datur in solutum ea res quæ postmodum euincatur? Et tamen non eò minùs verum est, vel ipso faciente Bartolo minimè liberari debitorem qui rem vnam pro alia dat in solutum si datam postea cõtingat euinci, quia inquit tenebatur ad dominium efficaciter & irrevocabiliter transferendum. Non igitur bona consecutio est, ut quia ei qui rem accepit in solutum pro pecunia utilis actio ex empto accommodatur creditori aduersus debitorem ad id quod interest, Statim dicendum sit liberatum esse debitorem à prima obligatione. Nam imò verò tantò dignior est qui pluribus actionibus teneatur, cum creditorem deceperit. Proinde siue æquitatem siue ieram iuris rationem intueamur, satendum est non posse illum liberari, Non ex æquitate cum creditorem si non dolo ex proposito saltem re ipsa deceperit. Non etiam ex iuris ratione, cum dario in solutum nihil aliud sit quam solutio ad cuius substantiam omnino pertinet ut quod soluitur fiat in plenum perfectè & in perpetuum accipientis, Nec quod traditio tantum facta sit pro datione quæ fieri debuerat liberare debitorem potest, Cum potestas euictionis tollat intellectum traditionis, ut loquitur Papin. *in l. si patroni §. ult. D. ad SC. Trebell. l. pen. §. 1. De except. rei indic.* Nam nec aliam ob causam credendum est secuta euictione superesse actionem ex empto contra venditorem ad id quod interest quæ ab initio non competebat nisi ad tradendum, quam quia vendita res & tradita quidem, sed postmodum euicta perinde haberi incipiat, ac si tradita per contumaciam & procaciam venditoris numquam fuisset. Quo casu perinde utique teneretur venditor ad id omne quod emptoris interest *leg. 1. in princip. D. de act. empt. l. traditio 4. Cod. eod.* licet non possit nasci actio de euictione priusquam res sit tradita, *si quod à tuo 6. & l. seq. in princip. D. de euict.* quia venditoris prima obligatio in eo consistit ut ad rem tradendam non ad aliud teneatur *dist. l. ex empto §. 1. De act. empt. dist. l. si ita 25. §. 1. De contr. empt.* Nam nec nouum est ut res vendita & tradita pro eo habeatur ac si non solum tradita numquam fuisset, sed neque vendita, ut in *l. bona fides 30. D. de act. empt.* Quod si verum est ut est rem datam in solutum pro pecunia si euicta sit perinde haberi oportere ac si numquam fuisset tradita, Quis iam dicat eiusmodi traditionem prodesse ad liberationem potuisse? Cum datio in solutum non à conuentione incipiat ut venditio, sed à traditione adcoque ab ea traditione quæ dationem, id est dominij translationem implicitam habeat. In quo differt rursum ab ea traditione, quam ex contractu venditionis à venditore fieri necesse est, Quæ nihil commune habet cum datione nisi cum venditor dominus est. Atque hæc quidem de personali obligatione de qua per dationem in solutum extinguenda cogitatum fuerat dixisse sufficiat. Nā quod ad pignorum obligationem pertinet alius tractatus est, Cum etiā sublata personali obligatione vinculum pignoris durare possit *l. 2. C. de iur. pignor.* quia nimirum actio hypothecaria suas illas perpetuas condiciones habet si solutum sit debitum vel aliter eo nomine satisfactum. Quibus cessantibus tenet *l. grege 13. §. etiam si D. de pign. l. si rem 9. §. omnis pecunia D. de pignorat. act. l. debitor 39. D. ad SC. Trebell. l. pen. §. 1. De except. rei indic.* Quod in fideiussoribus diuersum est quorum obligatio sine principali subsistere ac durare nunquam potest. Sed de pignorum obligatione postea dicemus. *Am*

tempus est vt ad eas leges quibus potissimum in hunc quem refutauimus erro-
rem impulsu sunt interpretes, respondeamus.

ERROR OCTAVVS.

*De sententia l. si pradium 4. Cod. de euict. & l. eleganter 24. D. de
pignor. act.*



ON habent interpretes alios quàm duos istos iuris nostri locos
quibus probare possint, Quoties data est in solutum species ali-
qua pro pecunia, eique species postmodum euicta est, adeo ta-
men liberatū intelligi debitorem vt ex priorē obligatione ne-
que contra eum neq; in pignora quæ priori obligationi acces-
serunt agi amplius possit. Mouetur autem primum ex eo quod
scriptum est in *d. l. si pradium 4. C. de euict.* si pradium tibi pro soluto datum est
quod aliis creditoribus fuerat obligatum causam quidem pignoris mutatam nō
esse, sed si ab anteriore creditore fuerit euictum, vtilem tibi actionem cōtra de-
bitorem competere quod huiusmodi contractus vicem venditionis obtineat.
Sic enim rescriptū hoc Imperatoris Antonini ab interpretib. acceptū est quasi
hoc ipso quo dat creditor contra debitorem actionem vtilem ex empto, scilicet
vt sequens ratio demonstrat, & Vlp. disertē scribit in *d. l. eleganter*. Priorem
quæ ex pristina obligatione cōpetebat quasi extinctam denegare videatur, siue
quod vtilis solius actionis meminerit, cui non solet locus esse competente di-
recta, cum non nisi directis deficientibus vtilis comparata sint. *l. si heres 70. in
prin. ip. D. ad SC. Trebell.* siue etiam quod contractum hunc dationis in solutum
similem esse dicat venditioni. Ex qua tamē nemo dixerit aliam quàm ex empto
actionem emptori dari posse. Verū iam ostendimus superiore capite neutra
rationem bonam esse. Nō enim ex eo quod creditori post euictionem rei in so-
lutum data vtilem ex empto actionem lex accommodat inferri vllomodo pōt.
Esse igitur debitorem liberatum à prima obligatione, Cum nihil prohibeat v-
trumque verum esse, & primam obligationem durare tanquam quæ per alienæ
rei aut alij obligatæ traditionem neque extincta sit, neque extinguī potuerit. Et
nihilominus vtilem ex empto actionem creditori accedere ad consequendū nō
modò id ipsum quod antea debebatur, sed etiam quicquid præter à ipsius inter-
est alienum aut alij obligatum pradium nō fuisse. Neque enim videri pōt inuti-
lis adiectio posterioris actionis cum aliquid amplius cōtinet quàm quod prio-
re continebatur. In proposito autem continet vtilis actio id quod plus est in eo
quod interest quàm in summa quæ fuerat antea debita. Ne scilicet impunē debi-
tor creditorem suum deceperit dando ei in solutum rē alienam aut alij obliga-
tam quod tamen eueniet, si non alia ei pœna irrogetur quàm vt in prima obli-
gatione retineatur. Ceterū cum datio in solutum non valeat quoniam alienæ
rei aut pignoratæ datio valere non potest, fatendum necessariò est manere pri-
stinam obligationem, quæ non nisi solutione extinguī potuit cum nec rursum
solutio fieri potuerit nisi interueniente irrevocabili dominij translatione. Nam
& in permutatione similiter vtrumque verum esse admittimus, Vt neq; valeat,
si de aliena re facta sit *l. 1. D. de rer. permus.* nec eò minùs teneatur de euictione
is qui alienam rē permutauit quæ postea sit euicta, in id scilicet omne quod ad-
uersarij

aduersarij interest *l. si permutatio* 29. *Cod. de eniſt.* Sed in specie quam tractamus de aliena re vel alij obligata quæ in solutum data & subinde euicta fuerit, illud amplius est quod prior illa obligatio, quam omnis datio in solutum præsupponit, in suo statu remanere necesse est quoties datio in solutum non valet. Nō itē in rei alienæ permutatione quam nulla obligatio alia antecedit, Nisi cū permutatione mixta est dationi in solutum, quod contingere suprà diximus quoties in solutum datur species pro specie: Quo casu & datio in solutum fit & rerū veluti quædam permutatio, quæ ad emptionem quoque accedit licet minùs, quàm si pro pecunia in solutum res data esset. Itaque hoc casu & liberatio nulla continget quia permutatio non valet & consequenter manebit debitor vt antea obligatus cū liberatus nōdum fuerit, & tamen actio de euictione competet ad id quod interest: quemadmodum si simplex permutatio non ex causa dationis in solutum facta esset. Taceo quod in *dist. l. si prædium*, non ponit Antoninus datum fuisse prædium in solutum pro pecunia, sed tantūm fuisse datum pro soluto, quod cū generaliter scriptum sit, quidni etiam generaliter intelligetur de qualibet datione in solutum siue species pro pecunia, siue res pro re data sit? Nā & cū res pro re in solutum datur, vix est vt non habeat illā debitor pro venali cū malit illa carere, vt si ab alterius soluendæ necessitate redimat, perinde ac si premium pro re accipere creditor paratus esset. Sufficit autem venalem rē fuisse etiam in simplici permutatione, vt ad exemplum actionis ex empto is qui permutauit in id omne quod aduersarij interest ob euictionem teneatur *l. i. Cod. de ver. permut.* Denique in *d. l. si prædium* verbum nullum est quo probari possit, Per dationem in solutum rei pro pecunia partem esse debitori liberationem tamen si euictio secuta sit. Hoc verò est de quo disputamus; Non autem an noua actione vtili ex empto conueniri possit debitor ad id quod interest creditoris: quæ res nihil commune habet cum iure liberationis & primæ obligationis, vt diximus. Difficilior responsio est ad aliam obiectionem, quæ fit ab interpretibus ex *d. l. elegit inter* 24. *D. de pignorat. act.* in qua etſi tractat Vlpianus de pignore quod creditor impetrauerit à Cæsare vt sibi liceat possidere, scilicet iure dominij vt fiebat olim ante Iustiniani constitutionem quæ extat in *l. vlt. C. de iur. domini. impetr.* subiungit tamen esse hanc speciem non dissimilem illi in qua datū esset à debitore pignus in solutum debitor quantitatatis. Quærit autem, An si post concessum à Cæsare ius dominij si pignus euictum sit creditori, habeat contrariam pignoratitiam aduersus debitorem. Nam sicuti pignoratitia directa competit debitori qui pignus liberauit, ita & contraria pignoratitia creditori, ne commodum ei & vtilitas pignoris eripiat, & vt plenissimam indemnitate à debitore consequatur, siue aliena re pignori data sit, siue quid malitiosè in pignore à debitore factum sit, idēque tamen si res alij obligata in pignus data sit etiam ab ignorante debitore *l. si rem alienam* 9. in princip. *l. tutor* 16. §. 1. *De pign. act.* Et respondet Vlpianus ad propositam quæstionem in hæc verba, *Et videtur finita esse pignoris obligatio & à contractu recessum. Imò vtilis ex empto accommodata est quemadmodum si pro soluto ei data res fuerit vt in quantitate debiti ei satisfiat, vel in quantum eius intersit. Et compensationem habere potest creditor si forte pignoratitia vel ex alia causa cum eo agatur.* Quæ verba sic ab Accursio, Bartolo cæterisque interpretibus accepta sunt quasi concludat Vlpianus, siue creditor pignoris dominium impetrauerit à Principe siue pignus in solutum à debitore acceperit, extingui primam obligationem neque peti subsecutam pignoris euictionem resuscitari, sed in vicem & locum primæ obligationis pro qua pignus

datum fuerat substitui vilem actionem ex empto per quam creditor consequatur quanti sua interest euctum pignus non esse. Ego verò non possum ista cōcoquere nec tam facile mihi perloquere ita Vlpianum aut sensisse aut scripsisse: Cū ratio iuris in his ferè omnibus repugnet. Qua de causa non dubitavi affirmare cū hanc ip̄am quæstionem cōpl tractare in Codice *ad Defin. 20. num. ultum. De euct.* Tribonianus potiùs esse quicquid sub Vlpiani nomine hac de re scriptum est *in d. l. eleganter*: siue verba inspicio quæ sunt dubitantis & hæsitantis magis quàm respondētis, siue vim & sententiam verborum ab aliis omnibus legibus quæ hac de re loquūtur dissidentem. Nam posteaquàm sic cōcepta quæstio est si impetrauerit creditor à Cæfare vt pignus possideat iure scilicet dominij quod benè addit Paulus *in l. debitor 59. ad SC. Trebell.* & postea pignus euctū sit, An habeat pignoratitiam contrariam. Respondetur ambigvè & *videtur finita esse pignoris obligatio, & à contractu recessum.* Cur non enim dixit Vlpianus *finitam esse* non autem *videtur* si verè finita fuit? Aut cur de pignoris tantū obligatione loquitur non de substantia & obligatione ipsius debiti, si sensit ille à priore contractu omnino recessum fuisse. An quia potuerit finiri pignoris obligatio salua manēte principali obligatione, cui pignus accessit? Imò verò facilis est, vt principalis obligatio pereat quàm vt obligatio pignoris, quippe quæ suas illas perpetuas habet condiciones quas suprà diximus, si solum non sit vel aliter eo nomine satisfactum *d. l. grege 13. §. etiam si D. de pign. l. si rem 9. §. annui pecunia De pignor. ad d. l. debitor 59. ad SC. Trebell. d. l. pen. §. 1. De except. rei iudic. l. cum quis 38. §. ult. D. de solut.* Quæ ratio & sententia est *l. 2. C. de luit pign. à Iacob.* Cuiacio malè explicata *lib. 15. Obseru. cap. 23.* Quāquam & illud fieri interdū pōt vt pignoris obligatio finiatur antequàm personalis actio sublata sit, Nō solum si creditor vtrò discedat à pignore, qui sequentiōr modus est liberandi pignoris siue voluntas illa expressa sit siue tacita *l. 4. §. 1. l. 5. l. sicut 8. §. sed si permiserit & §. non videtur l. voluntate 10. & pass. D. quib. mod. pign. vel hypoth. soluit.* Sed etiam si fortè rei pignoratæ dominium sibi acquisierit creditor. Nā cū nemini res sua possit esse obligata *l. neque pignus 45. De regul. iur.* apparet non posse pignus perseuerare creditore domino constituto, vt ait Paulus *in d. l. pen. §. 1. De except. rei iudic.* vbi tamen additur si acquisitio illa dominij non fuerit irreuocabilis, sed per subsequutam postea euctiōnem reuocata sit, non eò minùs durare hypothecariam quæ tamen cū resuscitatur hypothecā quoque restitui necesse est quæ per confusionem, & vt loquuntur, cōsolidationem finita videbatur. Proinde nō potest verum esse quod scriptum est *in d. l. eleganter, finitum videri ius pignori,* potiùsque scribi debuit finitū quidem fuisse per acquisitionem dominij sed secuta postmodū euctiōne finium numquam fuisse videri, quod verum sit neque solutam pecuniam neq; aliter eo nomine satisfactum fuisse, quemadmodū ratiocinatur Paulus *in d. l. pen. §. 1.* Nam si replices pro Bartolo & Baldo *ad l. libera 8. C. de sent. & interloc. omn. iudic.* non tantū per confusionem extinctū fuisse pignus, sed etiam per interpretationem dominij quæ dationis in solutum vim habeat. Dicam, Secuta euctiōne nullam posse vim esse huiusmodi impetrationis quæ in irritum recidit, nec vllam creditori vilitatem eucti pignoris relinquit, Cū potestas euctiōnis tollat intellectum impetrationis adeoque dationis in solutum *d. l. l. si patroni 55. §. ult. D. ad SC. Treb.* Quid enim prodest impetrasse dominium pignoris aut in solutū accepisse pignus quod hodie sit euctū? Nisi fortè quis respondeat cum Baldo, Non definire esse satisfactum licet res sit eucta, quod actio de euctiōne competat loco veteris actionis. Sed hoc ridiculum

culum videtur. Neque enim ob id videri satisfactum potest creditori quod habeat actionem nec si iudicati actio illa sit ut disertè scribit Marcius in *d.l. grege 13. §. etiamsi in fin. D. de minor.* Quamò minùs si eam actionem habeat quæ totam rem redigat ad initium nouæ petitionis? *l. minor 40. in princip. D. de minor.* Maximè verò si ponas priori obligationi accessisse fideiussores & pignora quæ non accesserint posteriori. Ut negari non possit quin plenior fuerit obligatio prior cum actio de euictione nullam habeat hypothecam, nulloque fideiussores nisi cum id expressè actum est *l. emptori 37. in princip. D. de euict. l. pacta conuentia 72. D. de contr. empt.* Nam & cum quis pignus liberare consentiendo venditioni pignoris non aliter tamen pignus liberare intelligitur, quàm si venditio valeat suumque effectum sortiatur *d.l. voluntate 10. quib. mod. pign. vel hypoth. soluit.* quemadmodum & solemus dicere, Cum quis posterius testamentum facit non aliter videri eum à primo velle recedere quàm si posterius valeat *l. si iure 28. D. de legat. 3.* similiter & cum dicimus videri satisfactum creditori qui contentus fuit pignora possidere iure dominij & in creditum quasi cum eo de credito translatum intelligatur *l. à Diuo Pio 15. §. si pignora D. de re indic.* ita quidem est sed tùm demum cum ea pignora creditori retinere liceat non si alius ei postea euincat. Et rursus quemadmodum fatetur Baldus in specie *dist. l. libera*, non fuisse sublatam priorem obligationem per dationem in solutum mulieris liberæ, non tantùm quòd esset libera & extra commercium, sed etiam quòd nihil omnino iuris in ea debitor habuisset, ut proinde ipso iure nihil solutum dici posset, ita & in proposito quidni dicere liceat impetrato iure dominij in re pignorata quæ fuerat aliena aut dato in solutum pignore rei alienæ nec satisfactionem nec dationem in solutum vllam factam intelligi; cum in illa re nihil omnino iuris inquam habuerit debitor, non magis quàm si de libera muliere in solutum data tractaretur? Et si enim hoc interest inter mulierem liberam & rem alienam datam in solutum quòd mulier libera extra commercium est, Res autem aliena non item, cum etiam vendi possit *l. rem alienam 28. D. de contr. empt.* Quid tamen simile aut commune habet quòd res sit in commercio, cum satisfactione quæ debetur creditori? Aut quid creditori prodest habuisse in solutum rem quæ sit in commercio quidem, sed quæ sit ei euicta, & cuius nulla utilitas penes eum remanserit? Aut denique in quo dici obsecro potest plus iuris habere debitorem in re penitus aliena quàm in muliere libera in solutum data? Atqui tractat Vlpianus generaliter in *dist. l. eleganter*, de re pignorata cuius dominium impetrauerit creditor à Cæsare, vel quam in solutum acceperit à debitore: Nec aperit an dominij an potius pignoris iure euicta sit. Ex quibus potissimum duabus causis euictio sequi solet *l. si quis mancipium 34. §. ult. & l. seq. D. de euict.* Ergo procedit Vlp. sententia illo etiam casu quo pignus euictum sit iure dominij, ac proinde quo nihil omnino iuris habuerit debitor in re pignorata, Ne quis forte ut obiectionem nostram diluat comminisci velit restringendâ Vlpiani sententiam ad eum casum, quo debitor aliquid iuris in ea re habuerit puta dominij vel pignoris: quæ species difficilior admittit euictionem. Neq; verò actio ipsa ex empto quæ ob euictionem cõpetit alia ex empto actio est quàm quæ competebar ad re tradendâ priusquàm traderetur, sed eadẽ illa rãquã ex vno eodẽq; emptionis cõtractu descendens, licet detur ad aliũ finẽ, sc. ad id quod interest nõ retradatur iterũ quod iã semel traditũ est nec amplius post secutã euictionem tradi põt. Nã eum nõ possit res euinci nec pinde nasci actio de euictione antequàm sit res tradita *l. si quod à re 62. & seq. D. de euict.* Necesse est eandem ex empto

actionem quæ ex contractu emptionis oritur, dari primum ad hoc ut res tradatur, deinde ubi tradita & euicta est, ad hoc ut præstetur quanti emptoris interest venditorem eius rei dominum fuisse *l. venditor 8. eod. tit.* Cæterum nemo dixerit ob id videri recessum à contractu venditionis quod euictione secuta sit agendum ad id quod interest. Quinimò non alia de causa datur ex empto actio ad id quod interest aduersus venditorem, quam quod venditor rem tradendo obligationi quidem tradendi satisfecerit, sed non idèò tamen contractum impleverit, nec emptori satisfecisse absolute diei possit; Adèò distat ut actio de euictione pro satisfactione, quod Baldus credidit, haberi debeat. Similiter igitur dicamus, Euictio pignore cuius dominum fuerat impetratum à Cæfare aut quod datum fuerat in solutum à debitore, pignoratitia actionem contrariam eandem durare, quæ competebat antequàm impetratum esset dominium, aut facta datio in solutum, ob id solum quod aliena res pignori data esset, ut discretè scriptum est in *l. si rem 9. in p. incip. v. d. tutor 16. §. 1. D. de pignor. act.* Nam & in actione pignoratitia hoc amplius est quàm in actione ex empto quod etiàs vendita sit & tradita res aliena aut alij obligata, non idèò tamen agi ex empto potest ante secutam euictionem *l. 3. C. de euict.* Imò nec si mora sit iam rei controversia, nisi ad hoc ut res deiciatur *l. antep. §. mora questione D. eod.* At pignoratitia actio contraria nascitur creditori statim atque aliena res pignori data est, licèt nondum fuerit euicta, quoniam exinde certum esse incipit pignus in ea re contrahi non potuisse *tot. tit. C. si alien. res pignor. dat. si l. 1. D. de pignor.* Nisi sub conditione si debitoris facta res fuerit *l. si fundus 16. §. aliena res eod.* aut voluntate domini obligata sit *l. aliena res 20. D. de pignor. act.* cum tamen valeat interim venditio rei alienæ *d. l. rem alienam.* Nimirum quia nec ad alium finem pignus datur, quàm ut ius aliquod in ipsa re acquiratur creditori quo magis ei cautum sit, ius autem constitui nullum potest ab eo qui in ipsa re nihil planè iuris habeat. Ergo si in actione quoque ex empto ita comparatum est, ut quæ per traditionem à venditore factam extincta & finita videbatur, duret tamen secuta euictione ad hoc ut venditor in omne id quod emptoris interest condemnetur *l. si in venditione 60. D. de euict.* Multò magis dicendum est pignoratitiam contrariam quæ per traditionem pignoris rei alienæ non tam extinguitur, quàm nascitur, eandem durare post euictionem, etiam si impetratio dominij intercesserit aut datio in solutum. Quid enim noui iuris adferre potuit impetratio dominij aduersus eum facta qui dominus non fuerit aut datio in solutum à non domino celebrata? An illud torè quod nō potuerit perseverare pignus domino constituto creditore *d. l. pen. §. 1. De except. rei iudic.* Atqui hoc tùm verè dicitur cum creditor verè factus est dominus quod non potest contingere cum debitor aduersus quem impetratio facta est aut qui pignus in solutum dedit dominus non fuit, quo casu non pignus tenet rei alienæ, sed eo tantùm casu quo pignori data est res propria debitoris quæ tamen alij creditori fuerat ante obligata. Nam euictio quæ fit per quasi Seruianam non impedit, quominus pignus ab initio constiterit, Nec proinde facit quominus per confusionem extingui potuerit. Sed facit etiam ut sublata confusione per euictionem resuscietur pignus, quod non tam extinctum fuerat, quàm cessauerat durante impedimento. Quod si Vlpianum velis intelligere de hoc pignore quod debitor dederit rei quidem propriæ sed alij obligatæ, quæ postmodum euicta sit ab anteriore creditore. Erit quidem hæc interpretatio licet restrictior, tamè conuenientior illis verbis legis & videtur finita esse pignoris obligatio, cum non possit finita videri

deri quæ nunquam initium habuit *l. Titio vsu fructus* 96. *De condi. & demonst.* Sed tantò minùs verum erit quod sequitur in textu videri recessum à primo cōtractu. Numquam enim recessum intelligitur à primo per secundum nisi cū secundus tenet *di. l. voluntate d. l. si iure*. Nec si nouandi animus adfuisse proponatur *l. i. §. 1. D. de nouat.* Non autem tenet impetratio dominij nec datio in solutum eius rei quæ per hypothecariam euinci adhuc possit *di. l. si rem* 20. *l. si creditor* 26. *l. si quis aliam* 46. *d. l. qui res* 98. *De solut.* Prius enim est vt aliquo tēpore debitor rem in solutum datam perfectè fecerit accipientis, id est irrevocabiliter quàm vt ex eo contractu liberationem consecutus dici possit, quem admodum Africanus ratiocinatur in *d. l. cum quis* 38. *§. qui hominem eod. tit.* Porro cū restandem euincitur, siue dominij, siue pignoris iure apparet ex postfacto nullo eam tempore perfectè factam fuisse accipientis. Apparet igitur ex eueniū numquam fuisse liberatum debitorem, nec à priore contractu creditorem vnquam recessisse, vt in *di. l. qui res & di. l. rescriptum* 10. *§. in fin. D. de distract. pignor.* Meratio quoque illa mouet, quòd etiam admissio eo, vt finita sit pignoris obligatio per impetrationem dominij aut dationem in solutum, non esset tamen bona consecutio, vt ob id minùs danda esset creditori pignoratitia contraria. Cū neque directæ pignoratitia priùs nascatur, quàm pignus finitum sit & solutum per debiti solutionem aliamve satisfactionem *di. l. si rem* 9. *§. omnis pecunia D. de pignor. actiō.* Cur ergo pignoratitia contraria eo minùs competet, quòd finita sit pignoris obligatio, cū ad eam inducendam non solum non requiratur, vt pignoris obligatio finita non sit, sed neque vt aliquando inceperit, Putà si res aliena pignori data sit, sed sufficit, vt de pignore conuenierit, & agatur de indemnitate creditori præstanda *di. l. si rem in princ. & di. l. tutor* 18. *§. 1. eod. tit. D. de pignor. actiō.* Imò requiritur vt pignus amplius nullum sit, quia quādiu durat pignus, neque directæ pignoratitia locum habere potest, neque contraria, nisi cū debitor dedit pignori rem suam quidem, sed aliij obligatam, siue sciens obligatam, siue ignorans, quia non excusat eum ignorantia nisi quantū ad crimē stellionatus *d. l. tutor* 18. *§. 1. l. & quæ nondum* 15. *§. qui res suas D. de pignor.* quāuis nō eò minùs pignoris secundi datio valeat & duret, cū possit secundus creditor confirmare pignus suum offerendo priori quicquid ei debetur *l. 1. & pass. C. qui potior. in pignor. hab. l. 1. Cod. si antiq. credit. pign. vendid.* Sequitur apud Vlpianum aut potius apud Tribonianum, Imò visis ex empto accomodata est. Hoc verò rursum quoque falsum est. Nullam enim legem proferre possis quæ creditori vtilem actionem ex empto accomodet post secutam euictionem rei, cuius dominium fuerat impetratum à Cæsare si hanc vnā tollas. Nam neq; emptioni aut venditioni simile quicquam habet impetratio dominij cū non alio casu dominium pignoris impetrari possit quàm quo pignoris venditio publicè proscripta sit, nec inuentus quisquam fuerit qui emere voverit. Potest enim creditor quilibet pignus vendere iure creditoris, sed emere non potest nisi debitor vendat, vel alius nomine debitoris, puta iudex qui exequitur iudicatum. Nullo siquidem existente extraneo emptore aut minùs iustum precium offerente, creditor quidem inuitus ad licitationem accedere non cogitur sed si accedat vice extranei cuiuslibet emere ex officio debet vt scriptum est in *l. 2. C. si in caus. iudic. pign. capt. sit.* quia nimirum eo casu nō creditor qui vicit, sed iudex ipse pro debitore intelligitur vendere, & factum iudicis censetur factum non creditoris, quo postulante fit venditio, sed debitoris, cui solutio proficit *l. 1. eod. l. si ob causam* 13. *C. de euict. l. si plus vel minus* 74.

§. 1. D. de censu. Alioquin non posset fieri ut quis eiusdem rei eodemque respectu & emptor esset & venditor *l. 1. D. de rer. permu. l. 5. §. siem ipse D. de author. tutor.* Nemo igitur verè dixerit actionem ex empto aliquam siue directam, siue utilem accommodatam esse aut accommodandam ei creditori, qui ex cessione Cæsaris ius dominij pignoris impetraverit. Quoniam enim esse potest ex empto actio siue directa, siue utilis, ubi nulla neque emptio, neque quasi emptio intercessit? Quare nec ullibi scriptum reperias creditorem qui ius dominij in repignoratam impetrauit, videri pignus possidere in solutum, sed potius in creditum, id est vice crediti, ut loquitur idem *Vlp. in l. à Dno Pto 15. §. si pignora De re iudic.* licet ibi loquatur de creditore non qui ius dominij impetraverit à Principe sed cui pignus additum sit in executione iudicati quem lex ait veluti pacto transigisse de credito, ideoque superfluum petere non posse, ita ut si petat, repellendus sit exceptione taciti pacti. Nam si additio illa pignoris in creditum haberet vim dationis in solutum, utique tolleretur ipso iure obligatio, neque vlla pacti exceptio opus esset ad summovendum creditorem superfluum petentem. In eo autem qui ius dominij à Principe impetravit, res apertior est, possideri eo quoque casu pignus in creditum non in solutum. Cum ex Iustiniani constitutione *in d. l. ult. C. ill. tit. De iur. domin. impetr.* super sit creditori petitio debiti si plus sit in debito quam in æstimatione pignoris, sicut & debitori repetitio superflui si plus sit in æstimatione pignoris quam in credito. Quorum neutrum verè diceretur si impetratio illa dominij censeretur iure dationis in solutum. Tunc enim liberatus esset debitor ipso iure, nec inspicere oporteret, an plus esset in debito quam in pignore, an minus, quia pignus veluti pro toto debito veditum videretur, ut à nobis disputatum est pluribus Decade 56. Ex quo etiam apparet quàm alienum sit, quod sequitur *in l. eleganter, quemadmodum si pro soluto ei res data fuerit.* Quasi verò possidere pignora iure dominij ex cessione Cæsaris, Et ea in solutum accepisse sint paria. Quod perinde sanè est ac si diceres permitti creditori à Principe ut sibi ipsi det ille pignus in solutum, aut quod effectu serè idem est ut creditor sibi ipsi pignus vendat. Ergo quamvis *l. imp. Antoninus in d. l. si pradium 4. C. de censu.* utilem actionem ex empto accommodaverit creditori tamquam emptori ad omne id quod ipsius interest evincto pignore quod datum fuerat in solutum [nec enim aliud rescriptum est de quo sentire Tribonianus potuerit cum dixit accommodatam esse creditori utilem actionem ex empto. Non debuit tamè Tribonianus ex eo sumere argumentum ut diceret eandem actionem accommodatam esse ad hunc quoque casum quo creditor impetraverit à Cæsare ut pignus iure dominij possideret. Cum sint casus omnino diversi non solum circa facti speciem, sed etiam quod præcipuum est diversam habentes iuris rationem. Ut proinde quod in vno casu constitutum est ab Antonino, non possit dici constituendum in alio. Tantum abest ut iam in alio quoque constitutum dici possit: Satisque Triboniano esse debuerat scribere, *Imo utilis ex empto accommodanda est*, non quomodo scripsit *accommodata* pro facto habes, quod nec factum nec faciendum fuit. More scilicet ei familiari ut Imperatorum rescripta ad certos casus accommodata protrahat ad alios casus tamquam similes qui tamè omnino sint dissimiles, ut ab eo factum esse in *l. Papinianus 86. D. de acqu. herad. & in l. mulier. 22. ad Sc. reb. & aliis* plerisque locis docuimus in Coniecturis. Addit Tribonianus *ut in quantitate debiti ei satisfiat, vel in quantitate eius intersit.* Et hoc quoque malè. Nam si per impetrationem dominij à Cæsare adeoque per dationem in solutum à cōtractu recessum est ita ut sublata sit prima obligatio nec supersit nisi actio

Actio

Actio utilis ex empto, ut interpretes omnes intelligūt, nō iam de quātitate debiti tractandū amplius est cūm tota causa debiti quasi solutionis potestate sit extincta, sed tantūm de eo quod interest prāstādo, in quo & cōtinebitur quantū aliquādo debitū fuit, sicuti cūm ex empto agitur de euictione *l. si in venditione 80. D. de euict. l. in interdito 6. unde vi d. l. i. D. de act. empt.* Nec rursus debuit Tribonianus inter hāc duo disiuctionem ponere, quasi in creditoris electione & arbitrio sit an velit ex empto agere ut in debiti quantitatē ei satisfiat, an potius ut quod ipsius interest prāstetur. Cūm ei utrūq; debeat, & summae quae fuit debita restitutio & prāterea quāti interest ipsius euictū pignus nō esse. At hīc rursus Triboniani inficitia & imprudētia illud detegit, quod obligat debitore ut creditori prāstet, quāti eius interest. Cōstat, n. id quidē obtinere cūm debitor pignus in solutū dedit, quod postea euictū sit, sed non similiter, cūm euictū pignus est quod iussu iudicis iudicatū exequētis venditū fuit in executione iudicis. Et si. n. hoc casu tenetur debitor de euictione peninde ac si ipse vendidisset quoniam precij solutio ei proficit ut suprà diximus *ex l. si ob causam 13. C. de euict.* Nō tamē vsq; adeo habetur debitor pro veditore ut obligetur de euictione ad id omne quod emptoris interest sed tātū ut teneatur ad restitutionē precij cōmī vsuris, ut disertē scriptū est *in d. l. si plus 74. §. 1. D. de euict.* Nepe quia verū est eū non vendidisse, nec nisi inuitū pro eo haberi qui veditur quoniam & iudicium redditur & sententia fertur & iudicati executio fit in inuitū, quae res facit ut iudicium cum eo agi oporteat quā si pignus veditur aut in solutū dedisset. Neq; hoc Bartolus negat, sed hinc potat subtiliter si Dñs placet factū iudicis nō esse factū partis in omnibus & per omnia, sed factū Principis cēsendū esse omnino factū partis quod beneficiis Principū, inquit, latissimē sint interpretāta. Itaque multū hac parte referre arbitrat, an pignus veditū sit à iudice, an verō ius dominiij pignoris impetrauerit creditor à Cæsare, ut hoc posteriore casu teneatur debitor, nō tātūm ad restitutionē precij cū vsuris, sed etiā ad id omne quod potest interesse prāterea creditoris. Valde insubtiliter meo iudicio, ne dicam imperitē. Nam & cūm in executione iudicati pignus venditur, quod iudicialē appellāmus, potest auctoritas Principis interuenire, adeoque esse necessaria ad hoc ut pignoris dominium non in iudicium bonitarium sed etiam quiritiarium addicatur creditori si forte per calliditatem debitoris emptor nullus inueniatur *l. ultim. C. si in caus. iudic. pignor. capr. sit l. ord. 3. C. de exec. rei iudic.* Et tamen secuta euictione non magis eo casu danda erit actio creditori contra debitorem in id quod interest suprà precium vsurā quae precij, quā si Principis auctoritas non interuenisset. Nec enim vnquam beneficium Principum tam latē interpretanda sunt ut in alterius vergant iniuriam *l. nec auus 4. Cod. de emancip. liber. l. ultim. D. rem pupill. salu. for. l. ex facto 45. De vulg. & pupill. subtit.* An verō durior fieri debitoris condicio debet ob id quod in iudicati executione Princeps auctoritatem suam interposuerit? An eo magis verum erit venditorem vltro pignus vendidisse aut in solutū dedisse, ut extranei cuiuslibet veditoris iure cēseri debeat, cūm nihil ipse fecerit nisi quod iudicati executionē vel tenuit passus est, quā impedire nullomodo potuit? Sed & in eo errat Bartolus quod pignus cōuentionale cū iudiciali cōfundit, & impetrationē dominiij à Cæsare cū additione dominiij quae in executione iudicati fiat à iudice ex auctoritate Cæsar. De additione illa dominiij loquūtur Impp. *in d. l. vi. C. si in caus. iud. pign. capr. sit, & d. l. 3. C. de exec. rei iud.* De impetrationē verō dominiij pignoris

conventionalis tot. tit. C. de iur. domin. impetr. & Tribonianus in dist. l. eleganter. Cuius certe impetrationis factæ in pignore conventionali longè alia ratio est, quàm si additionis factæ per iudicem in pignore iudiciali. Nam si tùm quoque cùm factum iudicis interveniente Cæsaris autoritate est factum partis, non tamen tenetur debitor vili actione ex empto ad id omne quod interest creditoris cui additum pignus est, non magis quàm ad id quod interesset extranei emptoris cui in executione iudicari venditum pignus fuisset, quid causæ est obsecro, cur durior esse debeat condicio debitoris impetrato à Cæsare dominio pignoris conventionalis postmodum evicti, cùm hoc casu nullum penitus debitoris factum intercedat, neque verum, neq; fictum, nec possit videri creditor emisse pignus quod ille solus potuit & debuit vendere iure creditoris non etiam iudex, non Cæsar ipse ante debitoris condemnationem. Denique impetratio hæc dominij pignoris conventionalis, numquam locum habet nisi ex necessitate & in subsidium venditionis quam facere creditor potuerat iure creditoris, si emptorem inuenisset. Quo nullo existente, non potest creditor loco extranei emere, ne à seipso emere videretur. Quod dissimile est cùm in iudicari executione pignus venditur quia tunc licet postulante creditore fiat venditio, non tamen ab ipso creditore fit sed à debitore per mediam personam iudicis repræsentantis factum debitoris inuiti quidem, sed iam condemnati. Itaque horum omnium casuum is ordo & ea distinctio esse debet, ut debitor qui vel extraneo pignus conventionale vendidit vel in solum dedit creditori, si postea secuta sit evictio, durius teneatur de evictione quàm qui pignus iudiciale extraneo vendi à iudice aut creditori addici passus fuit, etiam interveniente Cæsaris autoritate. Ille enim qui vendit ipse, aut dat in solum tenetur vili actione ex empto non tantùm ad reddendam quantitatem debitam sed etiam in omne id quod præterea interest creditoris dist. l. 4. Cod. de evict. Hic verò non quanti creditoris interest sed ad precium duntaxat, & precij vsuras dist. l. si pignus 74. §. 1. D. eod. Qui autem neque vendidit ipse neque in solum dedit, neque aut extraneo vendi à iudice iudicatum exequente aut creditori ipso in creditum addici passus est, sed solùmmodò in solutione cessavit per tatum temporis ut creditor ius dominij à Cæsare impetrauerit. Hic certe evictio quâdocumque pignore nullomodo renetur ex empto de evictione ne quidem ad precium vsuræque precij quod nullum est, sed recidit in obligationem primam, & pignoratitia actione contraria potest perinde conveniri ob id quod rem alienam aut alij obligatam in pignus dederit, atque si creditor ius dominij in eo pignore numquam impetrasset dist. l. si rem. Quid enim est quod debitor hoc casu vendidisse videri possit cùm nihil sit quod creditor emere potuerit, quippe qui non emendi ius vllum habuerit, sed tantùm vendendi, quique ius impetrandi dominij non alia de causa habuerit quàm quia pignoris emptorem nullum inuenerit. Non enim bona consecutio est in pignore conventionali, ut quia emptor alius non reperitur, possit creditor sibi ipsi pignus vendere aut in solum dare, cùm nulla id ratione fieri possit. Sed in pignore tantùm iudiciali id obtinet, quia licet postulante creditore eodémque victore vendatur, non tamen creditoris nomine venditur, ut diximus, sed debitoris, ideòq; à creditore eni potest, ac proinde eodem iure censerì quo si pignus illud venditum à debitore fuisset creditori.

ERROR

ERROR NONVS.

An euictio pignori quod datum fuerat in solutum resuscitentur pignora. Et quid si per transactionem dati in solutum facta sit.



EXPLICATIONIS difficiliora est quod apud Vlpianum in *dist. l. eleganter 24.* in fine responsi scriptum est, & compensationem habere potest creditor si forte pignoratitia vel ex alia causa cum eo agatur. Nam si verum est quod sub Vlpiani nomine in præcedentibus scriptum legimus, Videri recessum à priore contractu per im-

petrationem dominij à Cæsare, Quomodo fieri potest vt creditor ab eo tempore conueniatur pignoratitia actione? Etli enim non prius pignoratitia competere debitori aduersus creditorem potest, quam finita sit pignoris obligatio solutione aut alia satisfactione *l. si rem 9. §. omnia pecunia D. de pignor. act.* Attamen cum pignoratitia non aliunde nascatur quam ex contractu pignoris *l. 1. §. creditor D. de oblig. & act.* Vnde & à Papiniano dicitur dari de pignore in *l. pen. de pignor. act.* neri certe nequit, vt competat ex eo contractu pignoris à quo fuerit recessum. Auget verò dubitationem, quod ponimus hoc pignus cuius dominium creditor impetrauerat à Cæsare postea euictum fuisse, siue quod res pignorata esset alie, siue quod alteri esset obligata. Quam enim actio pignoratitia superesse potest debitori contra creditorem cui pignus euictum fuit, quæque eo nomine pignoratitiam contrariam habere aduersus debitorem possit, tanquam deceptus *d. l. si rem in princip. & l. 3. §. d. l. tutor 16. §. 1. cod. tit.* Aut quæ forte possit debitor vrge re restitutionem pignoris quod euictum fuisse nec in creditoris potestate amplius esse appareat? Quis denique iudex propitiis auribus debitorem audiat agentem pignoratitia de ea re quæ non tantum euicta sit sed etiam cuius nomine ipse de euictione teneatur *vulg. l. vindicantem 17. l. Seia 73. D. de euict.* Bartolus post Accursium sic intelligit vt quamvis debitor pignus dederit creditori in solutum, non tamen amittat actionem pignoratitiam aut si quam habeat aliam purâ legis Aquiliz contra creditorem ob aliquod damnum quod creditor dedit in pignore. Sed hæc interpretatio nimis iudicio meo improbabilis est. Quomodo enim potest legis Aquiliz actio ei competere qui dominus non fuit, quique rem alienam pignori dedit quam postea dominus euicerit? *l. liber homo 13. in prin. & §. si seruus & pass. ad leg. Aquil.* Aut quis credat eum qui pignus dedit in solutum creditori aliquam actionem sibi saluam relinquere voluisse de dâno quod in eo pignore antea creditor dederat? Ita enim fieret vt ex ea causa posset ille ipse pignus euincere quod in solutum dedisset: Quod certe ferendum non est, ne tunc quidem cum is qui pignus vendidit aut in solutum dedit non teneatur de euictione, vt in *l. si sutor 10. D. de distr. act. pignor.* Multo minus si teneatur vt hic debitor de quo tractamus, Nam qui dat pignus in solutum suo creditori, transegisse de omni eo videtur, quod ob illius pignoris causam vel petere potuit vel præstare debuit *arg. l. à Dino Pio 15. §. si pignora D. de re iudic.* Sed & cum non alij dentur actiones quam ei cuius interest *l. 3. §. 1. l. stipulatio 18. §. alteri De verbor. obligat.* planè non video quid interesse possit debitoris post euictionem dati pignoris, siue ideo euictum sit quod aliena res pignori data fuerat: qui casus nullam penitus habet dubitationem, siue quod antea alij creditori iam fuerat à domino antea obligatus. Nā & cum damnum

aliquid in pignore datum est siue à debitore ipso, siue etiam ab alio, creditoris solius actio est cuius potissimum interest ne pignoris deterior condicio fiat, unde est quod etiam si pignus furto subtractum est, soli tamen creditori actio furti cōpetit & quidem in solidum, id est non credito tenus, sed in totam affirmationē rei subreptæ. Licet omne id quod excoit debitu cogatur ille subinde restituere debitori pignoratitia actione *l. creditoris 15. D. de furs.* Ergo & de deterioratione quæ à posteriore creditore facta sit in pignore, actio competet anteriori non debitori qui rem iam vni obligatam alij obligauit. Nam quidni cōpetat creditori euicenti potius quàm debitori cuius potius damno cedit euictio? Nec tēperare sibi potest Castrēsis quin exclamet esse hanc Accursij opinionē valde notabilem & quæ alio nullo iuris loco probari possit, & de qua magnā manum facere [sic enim loquitur] quilibet debeat, vi si dedisses danum in re tibi pignolata sicuti incepisti mihi teneri pignoratitia, licet illā rem dem tibi postea in solutum, remaneas tamē obligatus ad illud interesse adeoq; etiā illa res à te euincatur. Nam non propterea, inquit, reputatur aliena quantum ad hoc vt mihi non competat actio pro deterioratione. Ita Castrēsis omnino sic legendus & emendandus, cum quo dicerem libenter esse hoc non modò mēti tenendum sed etiam habendum pro mirabili si esset verum. Sed quam obsecro ratione possit quis id verum credere? Neque verò ipse vt puto Accursius aut Bartolus, & Castrēsis aliique interpretes vnquam credidissent, si quam aliam probabiliorem legis sententiam excogitare potuissent. Ego verò qui totū hunc locum Vlpiani à Triboniano corruptum fuisse arbitror, facilitē conicio, quid Vlp. senserit, & huius vltimæ clausulæ optimū sensum esse video, si cum eo quod Vlpianus scripserat, non cum Triboniani sensu conferatur. Nam cum Vlpianus ad propositam quæstionem respondisset haud dubiè, Contrariam actionem pignoratitiam competere creditori cui euictū est pignus cuius dominium impetrauerat ille à Cæsare, siue dominij, siue anterioris pignoris iure secuta euictio fuisset, *ex l. si rem alienam 9. in princ. & d. l. tutor 16. §. 1. eod. tit.* Monuit & subiicit non tantum posse creditorem vtrò eiusmodi actione experiri sed etiam si primus conueniatur pignoratitia vel quæ alia de causa, posse illum compensare, atque ita per oppositam compensationis exceptionem retinere id ipsum omne quod per pignoratitiam contrariam petere & consequi potuisset. Cui enim damus actionē multò magis damus exceptionē eā vulgari iuris regula. Admittit ergo Vlpianus, Etiam post euictionē pignoris durare pignoratitiam nec tantum contrariā sed etiam directā. Quod ait de contraria neq; nouum, neque mirū est. Nam quemadmodū actio ex emptio quæ ante traditionē rei venditæ cōpetebat emptori ad hoc vt restraderetur, eadē post factā quoq; traditionē si modò sit secuta euictio durat adhuc in id quod interest, vt suprà diximus *ex l. emptio 11. §. 1. D. de act. empt. l. si in venditione 60. D. de euict.* Ita & contraria pignoratitia quæ competit creditori cui res aliena vel alij obligata pignori data est, etiam prius quàm res euincatur, in id scilicet quod interest creditoris *d. l. si rem 9. in princ. & in fin. d. l. tutor 16. §. 1. D. de pignor. act.* Quidni durabit ac multò magis competet secuta euictione? Sed quod addit Vlpianus de pignoratitia directā debitori data contra creditorem cui pignus euictum est, difficilior sanè videtur, & cum non possit eō sensu accipi quem post Accursium interpretes sibi finxerunt necessariò ita accipiendum est, vt hic creditor habuerit pignori à debitore alias res præter eam cuius dominium impetrauerat à Cæsare & quam ponimus euictam fuisse. Itemque vt debitor qui sciebat impetrationem illam domi-

dominii fuisse irritam ob secutam euictionem, totam debiti quantitatem suo creditori obtulerit, atque ita pignoratitia agere cœperit, ad restitutionem non fundi euicti sed aliorum pignorum siue bona debitoris omnia generaliter ut sit essent obligata & quædam ex iis tradita, siue plura specialiter, sed quorum dominium impetratum à Cæsare non fuisset. Quamquam enim bona debitoris vniuersa obligari poterant, Vniuersorum tamen neque possessio, neque dominium peti poterat aut impetrari *l. i. Cod. de iur. domin. impetr.* Nimirum sciebat hic debitor per impetrationem dominij viuius ex pignoribus quæ propter euictionem nullum effectum habuisset, nō fuisse liberata cætera pignora cum creditori neque solum quicquam, neq; satisfactum vnquam fuisset. Proinde noua solutione opus sibi esse ad repetenda cætera pignora per actionem pignoratitiam directam. De qua multò minùs dubitari poterat cum competere debitori parato soluere omnem eam quantitatem pro qua pignorum obligatio cōtracta fuisset. Hoc igitur casu placet Vlpiano pignoratitiam quidem directam competere debitori totum scilicet debitum offerenti. Sed tamen si ea actione creditor conueniatur, dandam ei compensationem & exceptionem, id est aliorum pignorum retentionem non pro debito quod ponimus offerri à debitoribus, & quod oblatum esse necesse est prius quam pignoratitia vlla possit competere, sed pro eo quod præterea interest creditoris euictum pignus non fuisse. Contraria enim pignoratitia sicut & directa nec ad quantitatem certam competit, sed ad id quod interest *d. l. si rem §. vltim.* Negari autem non potest quin creditoris inter sit supra quantitatem debiti cum maluisset fundum pignorum cuius dominium impetrauerat, iure domitij possidere quam sibi debitam pecuniam habere si forte plurius erit pignus illud quam debitum. Neque enim Vlpiani temporibus adhuc obtinebat quod Iulius constituit in *l. vltim. cod. tit. De iur. domin. impetr.* ut si plurius esset pignus cuius dominium creditor impetrauerat, deberet ille creditori reddere pignoratitia actione quod amplius esset in precio iusti pignoris, quam in debito: Aut si iam olim id obtinuisset quis credat nec enim ex legibus quas in Pandectis & Codice habemus certò id cogitari potest,] tantò facilius interpretatio nostra admittenda erit, ut de ea pignoratitia directa Vlpianus senserit, non quæ pro dānis præteritis danda sit post euictionem, ut volunt interpretes, sed neque pro superfluo æstimationis pignoris quod ponimus euictum fuisse, sed pro aliis pignoribus datis nec euictis. Nam si pignoratitia directa cōpetere etiā pro superfluo pignoris cuius dominium impetratum fuisset à Cæsare si dominium illud euictum postea nō fuisset, Multò magis cōpetet pro aliis pignoribus nō euictis si modò esset oblatum debitum pro quo ea pignora data essent. Illud certè dici, aut tētari nullo modo pōt, ut debitor exercere possit directā pignoratitiā pro eo ipso pignore quod euictum fuit. Eisi. n. nō ignoro eū quoq; qui rem alienā pignori dedit posse soluta pecuniā experiri pignoratitia ut diserte idē Vlp. scribit in *d. l. si rem §. si in quosq; De pign. act.* Absurdū tamē fuerit dicere hāc actionē debitori qui alienā id pignoraui cōpetere post euictionē ad eam ipsam rē restituendā quæ euicta sit, & cuius nomine teneatur potius ipse debitor creditori pignoratitia cōtraria *d. l. si rem in prin. & d. l. iunior §. 1. et.* Nā si alia causa nulla est propter quā cōtraria illa pignoratitia dāda sit creditori cui res aliena aut alij obligata pignori data est etiam ante euictionem, Nisi quia in eo res est ut euinci quandoque possit *d. l. si rem & d. l. iunior 16. §. 1. eodē.* An non multò maior ratio est ut eadem competat post euictionem secutā? Quis verò patiatur directam & contrariam pignoratitiam eodē respectu

competere, id est ob hoc ipsum quod pignus euictum fuerit? Itemque ut cogatur creditor id reddere quod non habet, quodque sine villo dolo suo malo & sine culpa habere desierit *arg. l. mulier 22. §. sed enim D. ad SC. Trebell.* Ergo vel tantò magis fatendum est quod probauimus in præcedentibus, totum hunc Vlpiani locum à Triboniano corruptum esse nullamque posse admittere probabilem interpretationem, vel si postrema hæc verba retinere quis velit, necessarium recipienda est nostra interpretatio, ut de ea pignoratitia siue Vlpianus, siue Tribonianus senserit quæ cõpetat debitori soluta pecunia pro aliis pignoribus recuperandis non pro eo quod euictum fuit. Quæ porro interpretatione admissa, intelligimus falsum etiam esse quod volunt interpretes, probantque potissimum ex hac ipsa *l. eleganter*, Tam per interpretationem dominij rei pignoratitæ quàm per dationem in solutum, usque adeò finiri ius pignoris & à priore contractu recedi, ut pignora quoque omnia quæ contractui priori accesserant liberentur, nec euicto pignore resuscitentur. Nam si in personali quoque actione ea sententia falsa est, ut probauimus in præcedentibus maximè *ex d. l. libera 8. C. de sentent. & interloc. omn. iudic. & d. l. qui res 98. in princ. De solut.* Quàdò falsior est in hypothecaria quæ ut toties diximus perpetuas illas habet suas condiciones, si solutum sit vel aliter eo nomine satisfactum, quibus cessantibus tenet *d. l. grege 13. §. etiamsi D. de pignor. d. l. debitor 59. ad SC. Treb. d. l. pen. §. 1. De except. res iudic.* Quis enim solutum aut satisfactum esse dicat propter datam in solutum eam rem quæ postmodum euicta proponatur? Adeò ut nec aliud probandum sit tamen si non aliena res pignori data fuerit, sed propria debitoris ac proinde cuius dominium translatum fuerit in creditorem: Eius enim hoc casu duplex ratio subesse videtur extinguendæ hypothecariæ, Vna, quòd aliquomodo satisfactum videri possit creditori, qui eam rem in solutum accepit, saltè quadiu & euicta non est. Altera, quòd non possit pignus perseuerare post acquisitum creditori dominium pignoris, Attamen euicto quodocunque pignore cessat vtraque ratio, Et ideo quamuis expectanda sit euictio ut appareat debitorem qui pignus in solutum dedit nec liberatum fuisse nec liberari eiusmodi datione potuisse. Interim tamè in suspensio est liberatio, quia verum est euinci rem posse quod sufficit licet nõdum euicta sit *d. l. rescriptum 10. §. 1. ad fin. De distr. pignor. d. l. si rem 20. l. quires 98. in princ. D. de solut.* Cum vetò ex pluribus pignoribus datis vnum duntaxat vel iure dominij possessum fuit vel datum in solutum, Vna tantum ratio est quæ videatur suadere cæteta quoque liberata esse, solutionis scilicet aut saltem satisfactionis potestate. Nam consolidatio hîc & confusio dominij nulla est quantum ad cætera pignora quæ in debitoris aut alterius quàm creditoris dominio remanserunt, Et tamen nec illud quidem pignus quod iure dominij possessum fuit vel datum in solutum, adeò extinguitur ut non reuiuifcat si aliqua sequatur euictio per hypothecariam ab aliquo posteriore creditore institutam, ut constat *ex l. 1. C. si antiq. cred. pign. vendid.* Non enim potest aut debet fieri durior & deterior condicio creditoris ob id quod pignoris dominium postea sibi acquisiverit, ut eleganter ratiocinatur Castrensis *ad dict. l. pen. §. 1. De except. res iudic. c. l. in bello 12. §. si quis seruum vers. rursus D. de cap. & postum.* Atqui si creditor anterior pignus non accepisset in solutum, non potuisset inquietari à posteriore nisi per ius offerendi. Ergo nec si pignus illud accepit in solutum, quemadmodum nec pignus antèius tollitur cum prior creditor dimittitur ex pecunia posterioris, si modò conuenerit ut posterior succedat in ius & locum anterioris *l. 1. C. de his qui in prior. cred. loc. succed.* Sunt qui in hanc rem ibi

Iud etiam adferant, quod scriptum est in *l. eum qui* 17. aliàs *l. qui à debitore D. qui potior in pignor. hab.* Eum qui à debitore suo prædium obligatum comparauit, eatenus tuendum quatenus ad priorem creditorem ex precio pecunia peruenit. Nec malè si in ea lege retineas dictionem *suo*, quæ tamen tanquam irreperita & suspecta asterisco notata est, Et meliùs, meo iudicio, quia probabilius est loqui eam legem de extraneo, qui à debitore alieno prædium quod alij non ipsi emptori fuerat obligatum, comparauerit. Alioquin non de comparato, sed de in solutum dato fundo lex loqueretur, neque de tuendo emptore in eam quantitatem quæ ad creditorem anteriorem peruenisset, sed potiùs in eam quæ ipsi emptori, eidemq; anteriori creditori debita fuisset. Suaues verò sunt mercuriale illi qui cum negare non possint & vinculû & ordinè pignoris durare, tametsi pignus datum sit in solutum creditori anteriori si fortè posterior aliquis creditor hypothecarius velit illud euincere. Solent distinguere an de pignore disputet creditor anterior aduersus debitorem ipsum, an cõtra posteriorem creditorem, Vt primo casu totum pignus reuera extinctû sit nec resuscitetur aduersus debitorem, siue hypothecariam exercere velit creditor in eam ipsam rem pignoratam quæ data in solutum fuit, siue in alias res pro eodem debito pignoras & à debitore ipso possessas, quod per eiusmodi dationem in solutum à priore contractu recessum sit quantum ad ipsum debitorem. Altero vcrò casu non sit extinctum pignus fauore posterioris creditoris, cui scilicet contractus inter alios initus nõ debeat prodesse sicuti nec posset nocere. Sic enim ratiocinatur Io. Petrus Surdus *Decis. Mant.* 266. vbi defendit mordicus hanc distinctionem, Nec dissimulans ita fore vt secundum hanc sententiam idem pignus habeatur pro extincto & non extincto, sed negat id absurdum esse propterea quod diuersis respectibus id fiat. Nimirum vt sit extinctum ius pignoris quantum ad debitorem, non sit autem quantum ad posteriores creditores. Quod tamen ridiculum cerè est. Indiuisa namque pignoris causa non patitur, quod nec in aliis ferè causis licet vt vna eadẽque res diuerso iure cõfetur *l. rem hereditariam* 66. *D. de euict.* iunct. *l. eum qui ades* 23. *D. de usucap.* Neque verò diuersitas sola personarû potest inducere diuersitatẽ respectuũ, cum quæritur de iure pignoris quod vinculum & ius rei est, non personæ. Vnde fit vt si ex pluribus debitoris pignoratitij heredibus, vnus partem suam debiti hereditarij soluerit, nulla tamẽ ex parte pignus liberetur *l. i. & 2. C. si ex plurib. hered. debui. vel credi.* Cum tamen si posset pignus hanc diuisionẽ admittere diuersis respectibus dicendû esset, extinctû esse pignus pro eius heredis parte qui soluisset, Non esse autem extinctû pro parte illius qui non soluisset. In illo fanè sed grauiùs & periculosius errât pleriq; pragmatici, quod sibi persuadent, si pignus datum sit in solutum creditori ac postea per hypothecariam euictum fuerit à posteriore creditore, deinde redierit in dominium & potestatem debitoris, aut nouæ probationes superuenerint anterioris pignoris quod in eadem re in solutum data is habuerit cui euictum fuit, vt in specie *d. l. pen. §. 1. De except. rei indic.* Non tamen licere creditori rursus in eundem fundum hypothecaria agere, quasi soluto omni pignore per dationem in solutum & acquisitionem dominij. Maxime verò inquirunt si datio in solutum facta sit animo nouandi, vt puta per transactionem cuius singulare ius esse creditur, vt semper nouet præcedentem obligationem. Ex *Dec. consil.* 400. & ex iis quæ nos tradidimus in nostro Codice *Defin. 2. De transact.* Hoc enim casu nec patiuntur, vt creditor cui per transactionem datum est pignus in solutum, taceatur se iure pignoris anterioris aduersus

posteriorem creditorem. Apertè contrà quàm scriptum sit in *d.l. pen. §. 1. De exa-
cept. res iudic.* vbi licet non tractetur de re quæ data sit in solutum debiti, tracta-
tur tamen de re tradita transactionis titulo, & cuius dominium fuerit trāslatum
in creditorem & postea euictum. Nec eo minus tamen respondet Paulus, dura-
re pignus & pignoratitiam id est hypothecariam actionem, etiam contra credi-
torem qui euicerat, propterea quòd verum sit neque solum fuisse debitum ne-
que aliter satisfactum. Quid enim possit addere datio in solutum ad acquisitio-
nem dominij vt tantò magis pignus extinguatur? Aut quis satisfactum dicere pos-
sit creditori qui pignoris in solutum dati euictionem passus est? Quid denique pòt
facere nouatio ad extinguendum ius pignoris in ea ipsa re quæ data sit in solutum?
Etsi enim còstat nouatione facta liberari fideiussores & pignora *l. nouatione 18.
D. de nouat.* Certi tamen iuris est, si eadem pignora in secundam obligationem
translata sint, videri creditorem in suum ipsius locum succedere & anterioris pi-
gnoris ordinem retinere *l. 3. l. creditor 12. §. Papinianus aliàs l. si prior l. ult. D. qui
poter. in pign. hab.* Quanto magis dicendum est retineri eundem ordinem pi-
gnoris còtra quoscùq; creditores ab eo qui accepto in solutum pignore id agit
vt eius quoque dominij sibi acquireret? Nisi fortè quis putet minus esse domi-
nium sibi acquirere quàm nudum ius pignoris retinere, quod absurdum sanè est.
Nam vt suprà diximus non debet fieri deterior condicio creditoris hypotheca-
rij ob id solum quòd pignoris sui dominium acquisierit cùm in eo quod plus
est etiam id quod minus est contineatur *d. l. 1. C. si antiq. cred. pign. vendi.* vbi tex-
tus est apertissimus quem effugere pragmatici nūquam possunt. Neque verò id
negat Surdus *di. c. de s. 266.* sed inliorem facit condicionem creditoris cui da-
tum est pignus in solutum contra posteriores creditores quàm còtra ipsum de-
bitorem. In quo certè manifesto errore labitur. Quidni. n. dicamus potiùs dura-
re hypothecariam còtra debitorem, quàm còtra quemlibet ex debitoris credi-
toribus posterioribus? Siquidè maior ratio semper suadet vt succurratur credi-
tori qui & de damno vitando certat & ex contractu alieno conuenitur, quàm
debito: i qui ex suo facto proprio & à proprio creditore. Nec planè video qua
fronte possit recusare debitor quominus hypothecariam suscipere cogatur si ea
ipsa res quam in solutum dederat euicta creditori rursus in eiusdem debitoris
dominium redierit. Nam quod Iustinianus constituit in *l. ultim. Cod. de remiss.
pignor.* vt pignus quod ex voluntate creditoris finitum semel & extinctum fue-
rit, numquam ex eo solo resuscitetur quod eadem res in debitoris potestate
peruenerit, quamuis bona debitoris omnia & præsens & futura obligata pro-
ponantur, ad hunc casum non pertinet in quo non potest imputari creditori cur
pignus remiserit quod non aliter remissum voluit, quàm si pro pignore ius do-
minij in ea re sibi acquireret. Potiùsque imputandum est debitori cur alienam
rem aut alij obligatam & in pignus & in solutum dedit, quæ idè postmodum
sit euicta. Cùm eo nomine potuisset creditor agere contraria pignoratitia etià
nulladum euictione subsecuta *d. l. si rem 9. in princip. & d. l. tutor 16. §. 1. De pign.
act.* Neque pro pragmaticis facit quod afferunt ex Baldo ad *d. l. libera. in fin. C.
de sent. & interloc. omn. iudic.* vbi sententiam Butrigarij improbat, qui putabat et-
iam illo casu quo vilis actio ex empto accommodanda sit ei cui euictum est pi-
gnus quod in solutum datum fuerat, priores hypothecas durare, Magisque pro-
bat vt id tùm demùm obtineat cùm data est in solutum res pro re per speciem cò-
tractus innominati, non etiam si res pro pecunia, quòd eiusmodi datio in solu-
tum sit similis contractui nominato emptionis & venditionis. Nam apertissi-

ratum est Baldum eo loco non de ea re loqui quæ ipsa in solutum data sit, sed de aliis pignoribus pro eodem debito datis, Vt constat ex ratione illa quam adfert, quod si creditor ipse ea pignora possideret utique pignoratitia conueniri posset tanquam cui satisfactum esset per dationem in solutum. Quis enim datet debitori pignoratitiam in eam rem quam ipse in solutum dedisset? Ergo de aliis pignoribus sensit Baldus non de ipso pignore in solutum dato. Quæquam nō minus ille labitur in eo quod habet pro satisfactione dationem in solutum pignoris postea eucti, quando data est res pro pecunia. Cum tamen fateatur non posse haberi pro satisfactione si res pro re data sit, & secuta fuerit euctio, quasi vno casu potius quàm alio satisfecisse videri possit debitor qui rem alienam vel alij obligatam in solutum dedit, quique ab initio eam rem siue alienam siue alij obligatam dando pignori pignoratitia actione contraria ob hanc causam conueniri potuisset. Quæ sanè per dationem in solutum subsecutam æquè improbā extingui nullo modo potuit, Aut quasi traditio quælibet facta siue dationis in solutum siue alio quocunque titulo etiam transactionis, vt in *d. l. pen. §. 1. De except. rei iudic.* nō perinde habenda sit ac si facta numquam fuisset euctioe quādo cunque secuta; Potest tamen scilicet euctiois, vt sæpius diximus, tollente intellectum traditionis arg. *l. si patroni §. 5. §. vit. ad SC. Trebell.* Vt proinde frustra sit distinguere cum interpretibus an datio facta sit an traditio, Cum datio sine traditione fieri nulla possit, nec inter dationem & traditionem quantum ad factum quicquam interlit, sed duntaxat quantum ad iuris effectum, quod per traditionem non transferatur ex necessitate nisi possessio, Dominium verò per consequentias si cum possessione fieri coniunctum quo casu traditio euadit in dationem *l. traditio 20. D. de acquir. rer. domini. di. l. ex empto 11. §. 1. D. de alien. empt. l. per procuratorem 8. C. de acquir. poss.* Obiicitur etiam à pragmaticis quod scriptum est *in l. si pro fundo 32. Cod. de transact.* si per transactionem conuenierit vt pro fundo quem actor petebat prædium certis finibus liberum reus daret, & dederit, licet id prædium obligatum postea vel alienum fuerit probatum, restaurari tamen decisam litem non posse, sed ex stipulatione si qua interuenerit, aut si non sit interposita actione ciuili præscriptis verbis 3gi oportere: Sed nemo non videt tractari eo loco de prædio non in solutum dato sed ex transactionis causa præstito: qui casus longè diuersus est. Etsi enim nemo dubitat, quin etiam per transactionem datio in solutum fieri possit, aliud tamen est dare quid per transactionem in solutum, Aliud verò pro eo quod petebatur aliquid tradere vt quis se à lite & molestia liberet. Priore casu si datio in solutum per transactionem facta sit pro debito liquido & confesso, & res quæ in solutum data est eucta sit, instaurari quidem lis non potest, sed id quod debitum fuisse constat perinde prima actione petetur ac si nulla datio in solutum facta esset. Omnis namque in solutum datio confessionem certam debiti antecedentem præsupponit, siue ex contractu debeatur antea, siue ex iudicato quod plerumque accidit cum transigitur in executione iudicati si fortè vel de eo dubitetur an iudicatum sit, vel iudicati autoritas per appellationem infringi aut quo alio iuris remedio attentari possit, vt loquitur Vlpianus in *l. & post rem 7. §. 1. D. de transact. §. l. eleganter 23. §. si post D. de condit. indeb.* Neque necesse est hoc casu instaurari litem ad petendum id quod iam aliunde & ex alia quàm transactionis causa debeatur. Sufficit enim prima causa debiti quæ nō magis per transactionem extincta videri potest cum transactio ipsa continet agnitionem & ad probationem debiti pro quo aliquid in solutum datum fuit, quàm per dationem in solutum, quæ propter

secutam euictionem effectum iuris habere nullum potuit. Posteriore verò casu: cum per transactionem datum aliquid est non in solutum, sed in vicem eius quod petebatur, & quod non erat sine controuersia, & ob id solum ut à lite discederetur, ut in specie *d. l. si pro fundo*, secuta euictio rei per transactionem datæ si- cuti litem restaurare non debet, odio scilicet litium quæ nihil nisi discordiarum inter ciues & rixarum materiam præbent, ita neque primam actionem resuscitare quæ nulla fuit certa & indubitata, neque pro ea ipsa re data ex causa transactionis, de qua ne quidem controuertebatur, neque pro debito aliquo quod soluendum fuerit aut pro quo debuerit res illa dari in solutum, cum tale debitum nullum præcesserit, sed duntaxat tanti habuerit reus carere prædio quod per transactionem dedit pro fundo qui petebatur, ne diutius pro eo fundo litigaret, ut in *l. 4. §. 1. De alien. iudic. mnt. caus. sac.* Nam & obseruandum est in *d. l. si pro fundo*, proponit factam transactionem, datumque prædium non pro fundo debito, sed pro fundo qui petebatur, scilicet iure dominij & per vindicationem aut saltem per hypothecariam: Vindicationes enim siue dominij siue pignoris nullâ obligationem præsupponunt, cum aduersus eam solam dentur, qui nullo iure obligatus est *§. 1. Instit. de action.* Quænam igitur obsecro fingi posset obligatio, quæ resuscitari deberet per euictionem prædij quod alienum fuerit vel alij obligatum, Cum obligatio nulla præcessisset? Atque ita sanè intelligi lex illa debet. Quod autem in eadem lege sequitur *si tamen res ipsas apud te constitutas ob quarum quaestionem litis intercessit decisio, fiscus vel alius à se vindicauit nihil petere potes*, non melius ab iis acceptum est qui eam illius verficuli sententiam esse putant. Ut si pro fundo quem petebas fundus tibi traditus sit & restitutus à possessore, ac postea euictus nullum habeas regressum aduersus eum qui restituit. Etsi enim hæc quoque sententia vera est, quia non se obligat de euictione is qui rem quam actor petit ei restituit, Verbis tamen legis conuenientius videtur quod & Bartolus & alij veteres voluerunt, ut hic verficulus ad euictionem earum rerum pertineat non quæ in transactionis implementum restitutz fuerint, sed quæ per transactionem manserint penes possessorem apud quem iam ipso transactionis tempore constitutz erant. Nam cum transactio non nisi aliquo dato vel retento fieri possit *l. transactio §. 8. eod. tit.* Alterutrum ferè fieri necesse est ut vel reus eas res quas possidet ac de quibus litigatum & transactum est sibi retineat aliquo vicissim dato, Vel ut easdem res actori restituat, aut denique aliquid earum vice, si res ipsas quæ petebantur restituerit reus, & ex postmodum euictæ sint, nihil ipse præstat eo nomine, sin aliz res in earum quæ petebantur vicem datæ, Tum verò secuta euictione aut ex stipulatu agendum est si de ea re stipulatio interposita sit aut ciuili actione præscriptis verbis si nulla stipulatio interuenit, sed si res, quæ petebantur ab actore, penes reum eundemque possessorem remanserint, nihil causæ est cur earum euictionem præstare actor debeat, quam non promiserit, etiam si aliquid vicissim à reo ex illa causa acceperit, Cum non possit videri reus eas res ideo amisisse quod actor per transactionem eas penes reum manere passus sit, sed ob id potius quod alienas ipse aut alij obligatas possideret. De quo tamen dubitandi ratio illa subesse videbatur, quod quemadmodum in priore legis parie descriperant Imperatores, Dandam actionem ex stipulatu aut præscriptis verbis contra reum actori cui euictum est prædium quod reus dederat pro fundo qui petebatur, Ita è contrario, idem dici deberet si fundus qui petebatur penes reum mansisset ac postea ei euictus esset ut non aliud in rebus constituitur, quam in actore. Sed euidentis diuersitatis ratio illa est, quod æquum sit euictione

secuta

secuta eius rei quam dedit is à quo alia petebatur, teneri reum qui alienam dedit, aut alij obligatam. Iniquum autem fuerit teneri similiter reo actorem ob euictionem illius rei quam actor non ipse dederit, sed tantum penes reum manere per transactionem passus sit, quam volebat ei antea per litem euincere. Atque ex his totus iste tractatus explicitus sit difficilis sanè ac perplexus, De aliena re vel alij obligata in solutum data creditori & euicta. Hanc ipsam quæstionem inter Gratianopolitanæ Curix noua Placita nuper edita tractauit perelegantè ac subtiliter ut solet omnia clarissimus D. Claudius d'Expylli in amplissima illa Curia Consiliarius & Aduocatus Regius eloquentissimus, Vir mira & maiore nescias an eruditione an sacundia inter tot tantosque Regios in Galliis Aduocatos celeberrimos præstantissimus. Nec tantum in iis, quæ ad Iurisprudentiam nostram pertinent, quam tamen vnâ præcipuo quodam ut decet ac singulati studio colit. Sed in cæteris quoque omnibus politioris literaturæ partibus ita versatus, Ut tantò felicior se magna illa Curia iactare hodie possit, quæ aded illustrem Placitorum suorum enarratorem nacta est, quantò infelicia fuerunt præterita secula, quæ veterem illum Guidonem Papiû, magnum sanè alioquin, nec vnquam satis laudatum Iureconsultum eidem Curix & in easdem prope modum curas olim pepererunt.

ERROR DECIMVS.

Retractata quæstio De ratione iuris adcrefcendi. Ad l. qui patri 59. D. de acquir. hered. Et de conciliatione l. triplici 142. De verb. signific. cum litem quod Sabinus 17. §. unde idem tractat. D. de hered. instit.



VAS in obscurissimum ac difficillimum tractatum illud De iure adcrefcendi Decades 49. & 50. integras consumpsimus ut ne quid à nobis quod ad exactissimam totius tractatus cognitionem pertineret, prætermisum existimaretur. Sed tamen super sunt duo, explicanda paulò clariùs, ut doctissimis plerisque iuris nostri studiosis, qui hac de re nobiscum ab eo tempore per literas contulerunt, plenius satisfaciamus: Primum est, circa rationem quæ ius adcrefcendi in hereditatibus induxit. Alterum verò circa interpretationem *l. triplici 142. de verb. signific.* Pauli; cuius illa lex est conciliationem cum Vlpiano in *Litem quod Sabinus 17. §. unde idem tractat. D. de hered. instit.* Docuimus non aliam esse rationem quæ inter heredes etiã inuitos ius adcrefcendi inducere potuerit, Quàm quia sicuti hereditas, ita & heredes personam defuncti repræsentent, quæ porro cum individua sit, repræsentari pro parte non potest. Vulgaris enim illa, quæ ab interpretibus offertur, ratio, quod alioqui pro parte quis testatus & pro parte intestatus decessisse intelligeretur, nimis euidenter falsa est. Cum ab intestato habere locum nequeat, & inter legitimos heredes, inter quos tamen etiani inuitos perinde atque inter testamentarios iuri adcrefcendi locum esse constat, *l. si ex pluribus 9. D. de suis & legit.* Nec sanè video, quid obiici possit huic nostræ sententiæ præter scrupulum illum, quem iniicit responsum Neratii in *l. qui patri 59. D. de acquir. hered.* ubi ait ille, Eum qui patri heres extitit si idem filio impuberi substitutus est, non posse filij hereditatem prætermittere, Aded ut etiamsi viuo pu-

pillo mortuus erit, deinde pupillus impubes decesseritis, qui heres exstitit patri, pupillo quoque sit heres necessariò. Eiusque sententiæ rationem illam statim subiungit in hæc verba, *Nam si ipsum inuentum obligat heredem* sc. patris ne possit filij hereditatem prætermittere, *Coniungit eam* nimirum hereditatem filij *paterne hereditatis, & ad crescendi iure cuiusque patris heredi exstiti mandum est*, id est siue substitutus ipse sit, siue exiterit heres substituto. Etiam qui viuo pupillo sit defunctus. I. que *ad crescendi iure* ut lex ait. Cum tamen nemo possit negare duas esse hereditates patris & pupilli, Quamuis non desuerint qui dicerent, & quorundam sententia obtinuit, Patris & filij vnum esse testamentum *l. paterfamilias 23. De reb. author. iudic. possid. aliàs l. 13. De privileg. credit.* aut saltem vnius loco habendum *l. patris 20. De vulgar. & pupill. substit.* tanquam secundæ tabulæ principium duntaxat partem obtineant *l. pen. D. testam. quem aper.* Sicuti nec quicumque dixit Patrisfamilias & filij impuberis post patrem defuncti vnam duntaxat esse personam, licet quâdiu filius in patris potestate est, non nisi vnius quodammodo personæ iure pater & filius censentur, propter ius & vinculum patris potestatis *hæc cum filiofamilias 18. D. de furi. imperator 50. D. ad SC. Trebell. l. fin. emancipatus 17. C. de donat.* Non ergo, inquit, ex hereditatis, ut ita dicâ, indiuiduitate, neque ex vnius personæ indiuiduæ repræsentatione nascitur ius ad crescendi in hereditatibus, Maxime si verum est ut est, quod in secundâ huius Chiliadis parte docuimus, Tractari à Neratio casum illum quo pupillus fuerit à patre exhereditatus. Quid, n. eo casu commune habet hereditas pupillaris cū pater? Scrupulus certe non levis est, nec ita facilis aut cuique obuia nodi huius explicatio. Sed tamen illud statim occurrit quod respondeam, Ius ad crescendi de quo Neratius loquitur, nō illud esse cuius rationem totam ex hereditatis indiuiduitate desumimus. Hereditatis namque ista indiuiduitas, nec est nec intellectu ipso concipi potest, nisi cū vna hereditas est. At in specie quam Neratius tractat duæ omnimodo sunt, ut diximus hereditates, Et quidem eiusmodi quæ numquam iunctæ fuerunt, In quo differt casus ille Neratii ab eo, de quo Vlpianus *in l. sed si plures 10. §. filio impuberis De vulgar. & pupill. substit.* vbi agitur de substituto, dato impuberi qui ipse patri heres exiterit, & post acquisitam hereditatem patris decesserit, ut & *in d. l. paterfamilias 28. De reb. author. iudic. possid.* Alia igitur ratio querenda est quæ ad Neratii responsum accommodari possit, Sed non alia responsio, quæ nostram rationem De iure ad crescendi in cuiusque hereditate inducendo ab huiusmodi obiectione tueatur. Ratio autem si quid mei iudicij est, tota ex eo pendet, quod licet patris & impuberis filij duæ semper & omni casu sint hereditates quouq; per sui heredis existentiam, ut vocant, iunctæ esse ceperint, & hereditates esse desierint per additionem hereditatis pupillaris, siue testatus utque decesserit siue uterque intestatus. Cum tamen pater non tantum sibi sed etiam filio impuberi testatus fuit, vnum duntaxat iudicium est inuentum, folius patris, quandoquidem filius in ea ætate iudicio carere intelligitur. Ex quo iam olim fieri Papinianus voluit, ut de inofficioso filij testamento dicere mater non possit, quia tamen si testamentum sit filij, attamen iudicium est patris, quemadmodum ex Papiniano Vlpianus disputat *in l. Papinianum 8. §. sed nec impuberis D. de inoff. testam.* Nec alia ratio querenda est quæ illud quoque tandem euicerit, ut patris & filij quamuis duæ sint hereditates, vnum tamen testamentum esse censetur, Ad id vetum est ex arbitrio & iudicio solo testantis æstimari testamentum oportere. Hoc verò ita constituto succedit statim iuris regula quæ supremi iudicij diuisionem fieri numquam patitur *l. 4. & l. 5. §. 1. De leg. 2.*

legat. 2. l. eum qui 18. in fin. D. de his qua vi indign. Proinde consequens necessario fit, quod vult Neratius. Eum qui patri heres extitit, si idem filio impuberi exheredato substitutus sit, Non solum hereditatem pupilli quæ postea obuenerit, prætermittere non posse, sed et si viuo filio decesserit, transmissuram hereditatem ad heredem etiam inipitum, Tanquam quæ ad crescendi quodam iure paternæ coniungatur, propter iudicii paterni ex quo utraque hereditas defertur, unitatem. Idque est quod insinuare voluimus cum scripsimus in *Error. 7. De ead. 31.* institutionem pupillarem ad crescere institutioni paternæ, Non quasi senserimus dixisse Neratium hereditatem pro institutione heredis, Sed ut explicaremus commodius quo iure in hac specie pupillaris hereditas paternæ ad crescat, Nempe quia factio testamento pendet hereditas testamentaria ut & testamentum ipsum ex institutione. Quæ licet sit duplex non minus quam hereditas, cum pater sibi & filio testatus sit etiam eodem instituto herede, Coalescit tamen in vnum, idemque iudicium patris, quod sicut vnum ita indiuiduum est: Ut proinde semper verum sit nasci ius ad crescendi ex indiuiduitate aliqua sed non ex eadem semper, At ex indiuiduitate hereditatis si de vnica hereditate agamus, Ex indiuiduitate vero iudicii si de pluribus hereditatibus, ut in casu Neratij, Replicabis fortasse, Vnum quidem esse idemque iudicium patris sibi & filio impuberti testantis, sed negari tamen non posse quin quæ sint dispositiones, quas proinde separari nihil prohiberet, si non alia quædam ratio ius hoc ad crescendi induceret. Ut scilicet pupilli hereditatem prætermittere possent, etiam is, qui paternam agnouisset, aut contra: Quemadmodum circa legata solemus dicere, quæ licet in eodem testamento, & ab eodem testatore data sint. Vtique adeo tamen diuersarum dispositionum iure censentur ut vnum agnosci possit repudiatio altero si non sint connexa *di. l. 5. de legat. 2.* Quomodo & hereditas repudiari potest & legatum vni ex heredibus factum, etiam totum retineri *l. qui filiabus 17. §. vltim. & l. seq. De legat. 1. l. miles ad sororem 75. §. 1. de legat. 2.* Quod igitur in diuersis legatis recipitur, tuncque in hereditate & legato, quidni etiam ac multo magis in diuersis diuersorum hominum hereditatibus recipietur? Sed facilis responsio est, Aliam esse rationem plurium legatorum eodem licet testamento relictorum, Aliam vero plurium institutionum à patre qui sibi & filio testatus sit in eandem instituti personam collatarum. Nam cum patris & filij testamentum vnum sit ex receptiore prudentum veterum sententia, ut diximus *ex di. l. paterfamilias 28. De reb. author. iudic. poss. et di. l. patris 20. De vulg. & pupill. subst.* Testamentum autem quodlibet ex sola institutione æstimandum sit, ut resque accipiat *l. quod per manus 10. & l. vltim. Di. de iur. iudicil.* Omnino consequens est ut utraque institutio paternæ & pupillaris pro vna haberi debeat, utque ea ratio non minus institutionem quam testamentum in indiuiduitate, ut ita loqui pergam, inducat. Quod in legatis prorsus dissimile est, ex quibus testamenti substantiam æstimari nemo vnquam dixit. Longè similis est, quod prudentibus placuit, Si miles Titium heredem scripserit in bonis patanticis, Sempronium vero in castrensibus, duas quidem videri hereditates, adeoque quod magis mirum est, duorum quodammodo hominū, ita ut in totum æs alieni, quod in castris contractū fuit, solus Sempronius teneatur, solus aut Titius de omni ære alieno extra causam castrorū contracto, Sed tamen si alteruter delatam sibi hereditatem metu æris alieni aut alia qualibet de causa repudauerit, alteri inuito eam ad crescere, ut totam hereditatem vel defendere vel creditoribus relinquere cogendus sit *l. si certarum 7. §. 1. D. de testam. milit.*

Nempe quia non nisi vnum testamentum est, & consequenter vnum idemque iudicium circa institutiones. Quâd magis si Sempronius esset institutus in castrēnsibus vsque ad decem annos, Titius verò post id temporis in iisdem bonis castrēnsibus militariter substitutus, [nam & ita testari miles potest *l. miles in q. eod. tit.*] Dicendum esset non debere Titio permitti qui agnouisset bona pagana, vt repudiaret castrēnsis, quamvis duz essent, exque prorsus diuersę dispositiones. Nimirum quoniam in vnam, eandemque indiuiduam coalescunt propter vnitatem & indiuiduitatem testamenti. Atque hæc mea quidem sententia est, quæ vt tantò magis mihi doctisque omnibus probari debeat, facit auctoritas viri & Iureconsulti clarissimi Clementis Vivaldi hodie in Pedemontano Senatu primarij Præsidis excellentissimi, & inter primos totius Italiæ Iureconsultos nominis & eruditionis fama præstantissimæ, quem sicut habui aliquândo in Academia Taurinensi Doctorem subtilissimum, ita perpetuo amicitiz, nunc etiam honoris vinculo, & quadam veluti dignitatis societate coniunctissimum: Cui hoc ipsum quod nos sentimus placuisse memini, cùm de quæstione ista & aliis nonnullis ad hunc tractatum De iure adcrescendi pertinentibus familiari colloquio conferremus. Subtilius ac difficilius est, quod subiicere nos oportet circa interpretationem *l. triplici 142. De verb. signifi. & litem quod Sabinus 17. §. vnde idem tractat D. de her. instu.* vt Paulum cum Vlpiano si fieri poterit conciliemus. Ait Vlpianus quantum ad ius adcrescendi pertinet, id est vt iam aliàs benè explicauimus, quantum ad ius prælationis inter coheredes, quoties pluribus quàm duobus institutis & vno ex iis repudiatis quæritur inter eos qui adierunt viri repudiantis portio adcreseat, non esse coniunctos illos qui sine parte instituuntur: Paulus verò, Imò coniunctos esse adeoque re & verbis eos qui sic instituuntur *Titius Maniusque heredes sunt.* Itémq; si detractò articulo *que* sic testator scripserit, *Publius Manius, Lucius Titius heredes sunt.* Quod ipsum quoque haud dubiè ita accipiendum est, vt quod ad ius prælationis attinet coniuncti esse intelligantur. Nec enim de iure adcrescendi vnquã inter heredes cõtendi & disceptari potest, nisi propter ius prælationis, cùm alioqui deficientem portionem omnino necesse sit etiam inuiis adcrescere quantũlibet re & verbo disiunctis. Ex tamen fatendum est, supradicta formula siue copulam addas, siue detrahas, non esse Mæuium & Titium vltra ex parte institutos. Hoc enim vnum est, quod efficit vt Paulus ab Vlpiano dissentire videatur. Ego sic statuo, In tribus illis exemplis quæ primo loco Paulus ponit adiectis articulis coniunctis, *et, que, cum,* in hunc modum *Titius & Manius ex parte dimidia heredes sunt,* vel ita *Titius Maniusque heredes sunt,* vel *Titius cum Mauio ex parte dimidia heredes sunt,* supplendam esse necessariò separatam tertij alterius coheredis institutionem vt fieri possit locus quæstioni De iure prælationis. Cui enim præferretur Titius in portione Mæuij coheredis, si alius coheres nullus esset? Ideoque nimirum in primo exẽplo, itémque in tertio adiecta sunt verba illa *ex parte dimidia* ne dubitare possimus quin ponendum sit in alia parte dimidia Tertium quempiam fuisse institutum. Et si verò in secundo exemplo de quo solo disputamus eadem verba *pro parte dimidia* aut *ex parte dimidia* adiecta nõ sunt, id tamen non alia de causa factum videri potest, quàm quòd parum, aut nihil interfit, an addita sint necne, dummodo tertij coheredis institutionem quam necessariò subintelligendam esse dicimus, vt termini habiles supponantur, ita conceptam esse singamus, vt in ea mentio alterius partis dimidiæ fiat hoc modo *Sempronius ex parte dimidia heres est.* Quam suppletionem expressit aperte Paulus

Paulus in aliis exemplis quæ subiicit in secunda legis parte nulla adiecta copula
verſe, videamus, in illis verbis, Veluti, inquit, Lucius Titius Publius Manius ex
parte dimidia heredes ſunt, vel ita Publius Manius Lucius Titius heredes ſunt.
Sempronius ex parte dimidia heres eſto. Nec enim exiſtivādum eſt Paulum inter
 hæc exempla repetita diſſimilitudinem aliam conſtituere voluiſſe quàm quæ ex
 alicuius copulæ vel adiectione vel detractiōe cōſtituatur. Porro cū tertij co-
 heredis inſtitutio expreſſa eſt his verbis *Sempronius ex parte dimidia heres eſto,*
 nullus dubitationi locus relinquitur quin priores duo Publius Mævius & Lu-
 cius Titius, quamvis ſine parte ſcripti ſi verborum nudam figuram & corticem
 inſpicias, ex parte tamen dimidia effectū ipſo ſcripti ſint, & idcirco in partē di-
 midia veniant, ac proinde non tantūm verbis ſed etiam re coniuncti eſſe intel-
 ligantur. Quæ res facere debet ut ſi fortē Titij portio hereditaria deficiat, ſoli
 Mævio eam adcreſcere dicendum ſit, tanquam ſoli cōiuncto, quod pertinet ad
 ius prælationis, Non etiam Sempronio, qui neque re neque verbis coniunctus
 eſt, quippe non niſi ad aliam partem dimidiam vocatus. Nā & ſi poneremus Ti-
 tium & Mævium verbis diſiunctos fuiſſe, quæ diſiunctio caſum dubitabiliorem
 facere videri poſſet, re tamen coniunctos, & in eādē portione inſtitutos, puta
 hoc modo *Lucius Titius ex parte dimidia heres eſto, Mævius ex parte qua Lucius*
Titius heredem inſtitutus heres eſto, Sempronius ex parte dimidia heres eſto: quo ca-
 ſu dubitari probabilius poſſet an tres ſemiſſes facti eſſent, an verò in eundem ſe-
 miſſem Titius cum Mævio veniret. Idem tamen dicendum eſſet ut in eūdē ſe-
 miſſem duo coacti & cōiuncti re heredes ſcripti viderentur propter ſubſecū-
 tam Sempronij ex parte dimidia inſtitutionem. Sic enim Paulus ad finem legis
 ratiocinatur ita apertè, ut non poterit apertius: Quod ſi etiā inter verbis diſiū-
 ctos adiectione tertij coheredis ex dimidia parte inſtituti facit ut inter priores
 quos ſit locus iuri adcreſcendi & prælationis, Quandò magis idē faciet inter eos
 qui & re & verbis coniuncti ſunt? Quamquam, nullo in ultimo exemplo priores
 duo heredes non ſine parte ſed ex parte inſtituti proponebantur, id eſt ſinguli
 ex parte dimidia, Manebat tamen illa dubitatio, quod ex alia dimidia inſtitutos
 videbatur Mævius, quàm ex qua Titius, Ut verba illa *Ex qua parte Lucius Ti-*
tium heredem inſtitui, quotam partem id eſt ſimilem dimidiam, non eandē, ſi-
 gnificarent ac ſi ſcriptum eſſet *Ex quota parte.* Atque ita certè Paulus reſpōdiſ-
 ſet, ſi non ex dimidia parte nominatim ſcriptus fuiſſet Sempronius. Expreſſio, n.
 iſta dimidia ſola eſt quæ facit ut ad vnam eandēque dimidiam Titius, & Mæ-
 vius vocati in eāque coniuncti re eſſe intelligantur, qui alioquin ſinguli ad pro-
 prium & ſeparatū trientem vocarentur, Quasi ex dimidiis tribus inſtituti reuo-
 cati ſcilicet ſemiſſibus ad trientes. Idem igitur longè facilius probandum eſt,
 cū priores duo etiam verbis coniuncti ſunt, quāvis ſine parte ſcripti, Tanquā
 qui propter inſtitutionem ſequētem Sempronij qui ad aliam dimidiam partem
 vocatus ſuit, non modò ex certa parte, ſed etiā ex eādē, id eſt ex vno eodēmq;
 ſemiſſe ſcripti exiſtimentur. Hic verò caſus longè diverſus eſt ab eo quem Vi-
 pianus tractat in diſt. item quod Sabinus 17. §. unde idem *De hered. inſtit.* in quo
 ponendum eſt fuiſſe Sempronium ſine parte inſtitutum, hoc modo, *Titius &*
Mævius heredes ſunt, Sempronius heres eſto. In qua ſpecie verbis quidem cōiū-
 cti ſunt Titius & Mævius, ſed non etiam re quia ſine parte inſtituti ſunt: Nec
 quod adiectus ſit coheres Sépronius facere poteſt ut Titius & Mævius ex parte
 aliqua nedum ex dimidia inſtituti videantur, cū nec Sempronius vlla ex parte
 ſit inſtitutus. Atque ita bene omnia cōveniunt, neque Paulus ab Vlpiano

disfentit, vt nec difsētiēdi caufa vlla fuit, apud tā magnos viros in ea re quę certiffimam habebat iuris rationem, & à iuris noſtri Principiis dependentem. Accurſius verò, & Bartolus cæteriꝑ; vulgares interpretes lōgē aliter, qui quaſi nec dubitationem hanc viderint, Paulum ſic intelligunt vt de ſimplici iure adcreſcēdi tractauerit & ſenſerit, non de iure prælationis, nec minùs de legatis quàm de hereditariis, Vt ex eo loco inferant etiam inter verbis tantum coniunctos locum eſſe iuri adcreſcendi. Quod vtiq; tam falſum eſt in legatis quàm verum eſt in hereditariis, in quibus ne quidem verbalis coniunctio neceſſaria eſt, non magis quàm realis ad inducendum ius adcreſcendi etiam inter inuitos, ſed tantum ad inducendum ius prælationis, quàm in rem vtilis eſt ſola realis, verbalis verò non neceſſaria, vt ſuo loco monuimus, Decade 49. & 50. Vbi etiam oſtendimus quàm falſum ſit quod iidem interpretes putant, Inter coniunctos verbis tantum legatarios eſſe locum iuri adcreſcendi, cum partes ab initio habeant ab ipſo teſtatore factas, vt ait *l. re coniuncti* 89. *De legat. 3.* & conſequenter fieri nequeat, vt cui teſtator partem dumtaxat dedit, nos demus totum, quin ſimus liberaliores teſtatore, quod tamen ſemper abſurdum eſt, niſi cum iuris neceſſitas cogit nos à voluntate teſtatoris recedere *l. debitor* 59. *in fine principij l. facta* 63. *ſ. ſi ſub condicione D. ad SC. Trebell.* Vt mirer virū doctiſſimum Iacobum Cuiacium in eodem Errorē perſiſtiſſe *lib. 24. Obſeruat. c. 34.* quo loco tractans etiam de interpretatione *d. l. tripli*, ſequitur errorentiorum interpretum, nec minùs ad legatarios quàm ad heredes Pauli ſententiam vult pertinere, quāuis omnia quę Paulus adfert exempla ſint de heredibus, nullum de legatariis. Placuit hæc noſtra interpretatio clariffimis in ciuitate Taurinenſi Iureconſultis D. Paulo Conterio & Georgio Fabro, quorū ille magni & præcipui Doctōris mei Ioannis Antonij Manutij quondā gener videtur mihi cum filia dotis nomine præter cætera etiam ipſam Iuriſprudentiam accepiſſe, Adeo & ingenij acumine, & rationum ſubtilitate, & legum obſcuriorum feliciter explicandarum peritia excellit, ex eaq; cauſa Iuridicus maior ciuitatis iam pridem factus, prius inter ineliore cauſarum patronos nominis famam & poſtulando, & conſulendo non tantum apud ſuos, ſed & apud externos quoq; cōparauit. Hic verò mihi vt nomine, ita vetere amicitia, & familiaritate coniunctiſſimus, etſi mea omnia faciliùs & audiùs probare ſolet, quàm fortaiſſis par eſſet, pro ea tamen qua præſtat iuris ſcientia, & authoritate eo planè digna, qui partes in tam illuſtri Academia inter Canonici iuris Lectores primas obtineat, facilè mihi perſuadet, Poſſe à doctiſſimis quibuſq; probari, noſtra illa omnia quę ipſe iudicij ſui dignitate probabilia eſſe arbitratur. Placuit etiam hæc eadem noſtra interpretatio nobiliſſimo & ſubtiliſſimo Doctōri Hiſpano Ioanni Melchiori de Valentia Petri de Valentia potentiſſimi Regis Hiſpaniarū generalis historiographi celeberrimi, digniſſimo filio, qui aſſidua librorum meorū lectione ſtudia ſua recreare, ac iuuare ſolitus eam de me ſcriptiſque meis tā præclaram opinionem concepit, vt pleriſq; ſuis ad me literis elegantiz, eruditionis, vrbaniſſimis & iudicij pleniffimis teſtatum mihi fecerit, ſi quando diſſentiam à Bartolo cæteriſq; interpretibus quòd neq; lubens, neq; valde inuitus perſæpe facio, non minus ſe rationibus & interpretationibus meis tribuere, quàm nūdx aliorū cōtra ſentientium authoritati, quę vel nullis vel non niſi malis falſiſque rationibus ſulciatur. Hic pro ea, qua in me totus quantus eſt voluntate ſapius mecum per literas egit de variis & ſubtiliſſimis iuris quæſtionibus, vt eſt ille miro ingenij acumine ſupra ætatē præditus. Nec ſolū amoris erga me ſui propemodum



dū singularis testandi gratia, quod per se magnum esset mihi & honorificum, Verū et tūc ut si quid in opinionibus nostris occurrat quod vel obscurius dictū, vel minū fortiter cōprobatum esse videatur, maiores à nobis rationes aut meliores interdū sententias extorqueat: In quo sicuti rē facit nobis periucūdā, Ita dignā sanē quæ nos moueat ut tā honesto ipsius voto ac desiderio quātū in nobis est satisficiamus. Cū verò inter cætera dubitare se diceret de iis, quæ circa rationē iuris adcrendi scripseramus, propter respōsum illud Neratij *in d.l. qui patri 59. De acqu. hered. &* miraretur non fuisse à nobis explicatā ex professo Pauli sententiā *in d.l. triplici 142. De verb. sig.* Nos ad utramq; ipsius dubitationē respondimus iisdem serē verbis quæ nos in postremū hoc caput retulimus. Neq; nos spes fefellit quam cōceperamus fore, ut ei utraq; tandem nostra sententia probaretur. Aded sibi placet ac blanditur ille in nostris legendis, laudandis, cōprobādis. Dignus autē mihi visus est hic tractatus, quo Chilis nostra concluderetur: Non q̃ alia deessent aut difficiliora, aut subtiliora, quæ fortassis in nouos Coniecturarū libros si quos addere prioribus iuuabit aliquando cōferemus, sed ut hanc capteremus testificādx nostræ erga nobilissimū & amicissimū Iureconsultum voluntatis, De quo facilē & ex animo libet augurari: Si Iurisprudentiam nostrā perget eo quo cœpit studio colere, [Quidni verò perget cū in Academia Salamanticæ prælegendo iuri ciuili in ætate ista iam electus sit, & ṽ audio, designatus, Juon minū illū inter Hispanos omnes Iurecōsultos laudis consecuturū, quā inter Lusitanos suos consecutus est Antonius meus Goueanus, quē soleo dicere propius quā alium vllum ætatis nostræ Doctorem ad Papiniani ingenium accessisse. Contigit autē mihi felicius quā sperārā, quod hanc meam Chiliadē non solū à Gallis & Germanis, qui primi Cōiecturas meas legerunt, laudarūntq; sed etiam ab Italis, Hispanis, Anglis, Polonis aliisq; remotioribus orbis partibus, ad quas Iurisprudentiæ nomē & dignitas peruēnit, hanc meam Chiliadē probatam audio, priusquā absolutam: Sed illud omnium felicissimē, quod supremarū quoque Curiarū idem iudiciū esse intelligo, ut pro Erroribus iam habeant quā plurimos ex iis ipsi quos in superiores huius Chiliadis partes congeffimus. Aded ut explosis iis sentēciis nostras tanquam veriores, & iuris rationi conuenientiores plerasq; amplectantur, suorūmq; Placitorum autoritate tueantur. Quid enim potuit nobis accidere gloriosius, quā ut tantos Papinianos totius velut orbis terrarū arbitros opinionum nostrarum & lucubrationum non solū æstimatores habeamus, sed etiam adprobatores beneuolos, & fautores? Non dissimulamus tantū nos honorem iam inde ab initio sperasse, sed à posteris quibus aut nulla, aut minor inuidiæ causa. Denique agnoscamus, & fateamur ingenuē, hanc nos laudem cineribus nostris inuidisse, quibus tantō certiozem & longiorem illam augurabamur quantō tardiozem. Cū laboribus nostris, quod in cæteris rebus nouis omnibus euenire solet, nec tam facilē, nec tam citō delatum iri tantum gloriæ crederemus.

Gloria tota Deo, qui hac nobis oĩa fecit.

Honestauit me Deus in laboribus,

Labores meos compleas Dominus.

FINIS.







